



The New Testament the Kusaal language (Ghana)

## ପୁସ୍ତକ ଖୋଲା

# The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଖୋଲା,

କୁସାଲ ପୁସ୍ତକ ଖୋଲା, 2020

The New Testament in Kuvi Language

The Word for the World International

All rights reserved.

2025-05-08

---

PDF generated using Haiola and XeLaTeX on 8 May 2025 from source files dated 8 May 2025

c688c8bf-38ac-5c00-90bd-6e4eaa165a20

## Contents

ମାତିୟୁ . . . . .	1
ମାର୍କ . . . . .	70
ଲୁକ . . . . .	113
ଜହନ . . . . .	184
କାମା . . . . .	238
ରମାୟ . . . . .	305
େକରକ୍ତି . . . . .	335
୨କରକ୍ତି . . . . .	364
ଗାଲାତିୟ . . . . .	383
ଏଫିସି . . . . .	394
ପଲିପି . . . . .	404
କଲସୀୟ . . . . .	411
େତେସଲମନିକି . . . . .	418
୨େତେସଲମନିକି . . . . .	425
େତିମତି . . . . .	429
୨ତିମତି . . . . .	437
ତିତସ . . . . .	443
ପଲିମନ . . . . .	447
ଏବି . . . . .	449
ଜାକୁବ . . . . .	471
େଫିତର . . . . .	479
୨ଫିତର . . . . .	488
େଜହନ . . . . .	494
୨ଜହନ . . . . .	503
୩ଜହନ . . . . .	505
ଜୀହୁଦା . . . . .	507
େଝକ୍‌ହି ବଲୁ . . . . .	510

# ମାଥୁତ ଲିଖିତ ସୁସମାଚାର ମାତିୟୁ ରାଚାମାନି ନେହଁ କାବୁ ମୂଲୁ ହାଡ଼ା

ପୁଃନି ମୋରାତି ସାରିଗଟା ନେହଁ କାବୁ ପତିୟାଁ ବିତ୍ରାଟି ମାତିୟୁ ରାଚାମାନି ନେହଁ କାବୁ ଜୀସୁ କ୍ରୀସୁ ଜୀସୁତି କାତା ରାସ୍କି ଆହାମାନେ □ ଇ ସାରିଗଟା ପତିୟାଁକଁ ନେହଁ କାବୁ ଇନେରି □ ଏ ପତିୟାଁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ମାତିୟୁ ରାଚିତି ନେହଁ କାବୁ ଏଚେଲା ରାସ୍କି ଆହାମାନେ ଇଞ୍ଜି ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସୁ ଜାର୍ନାଆଡ଼ି ୬୦ ବାର୍ସା ତାୟୁ ରାସ୍କି ଆହାମାଚେ, ଅଡ଼େ ଆମିନି ଟାୟୁତା ରାସ୍କି ଆହାମାଚେ, ଆମ୍ବାଆରି ପୁଞ୍ଜାହିଲଅରି, ଇ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍କି ଆହାମାଚେ □

ଜୀସୁ ମାତିୟୁକଁ ତାନି ସୀସୁ ଆହାଲି ହାଚିତି ନଚେଏ ମାତିୟୁ ର ସିସୁ ରାହନାସି ମାଚେସି, ଇଞ୍ଜା ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାଟି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାବୁ ରାଚାମାଚେସି □ ଜୀହୁଦିୟାଁ ଜୀସୁକଁ, ଇ ରାକ୍ତିତା ସାଲୁଞ୍ଜି କିନି ରାଜା ଇଞ୍ଜି ଅଣପିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାରତିତି ରାକ୍ତି ଆଏ, ସାମା ଲାକପୁରୁ ଜୀସୁତି ରାକ୍ତି କାତା ଖେସିହଁ ଜାଗ୍ରାତା କିହାଁ ଖେସାମାନେସି, ମାହାପୁରୁ ଆଚିତି ଗେଲପକିନି ରାଜା, ଆମିନି

ଗାଟାଣି ତାକି ପୁଃଈ ମୋରାତି ଦାମ୍ବି ପତିତା ମାହାପୁରୁ ବଲୁ ଖେହନାରି ଖେସାମାଚେରି, ଇଞ୍ଜିହଁ ପୁଣ୍ଡି କିହାଲି ଅଣପିମାଚେସି, ଇ ଆକୁତା ମାହାପୁରୁ ରାକ୍ତି କାତା ହାଚେକା ଖେସିମାନେସି □

ମାତିୟୁ ରାଚିତି ନେହଁ କାବୁ ପୁଃନି ମୋରାତି ମୂଲୁ ପତି ଇଞ୍ଜି ତଞ୍ଜା ଆହାମାନେ, ଇତିହଁ ପୁଃଈ ମୋରାତି ମାହାପୁରୁ ବଲୁ ହାଚେକା ରାସ୍କି ଆହାମାନେ, ଇ ପତି ପୁଃଈ ମୋରା ପୁଃନି ମୋରା ତଲେ ଆଣ୍ଡାମାନେ, ଖେଡ଼ା ହପୁଞ୍ଜାକିତି ସଗୁପୁନାରି ଖେସିମାନେରି, ମାତିୟୁ ତାନି ଆକୁତା ମସାତି ମୋରା ପାରିନାୟି □ ହରୁଲେକ ଜୀସୁ ଜାପନାୟି ମାତି ୫:୭, ମାହାପୁରୁ ମସାକି ହରୁଲେକ ମୋରା ହୀନାୟି ଖେ ମୋରା ୧୯:୩; ୨୩-୩୩ □

### ପତିତା ମାନାୟି

- ୧ ଜୀସୁ କ୍ରୀସୁତି ଜାର୍ନା ଅଡ଼େ ତାନି ସେବା କାମା □ ୧:୧-୪:୨୫
- ୨ ଜୀସୁ କ୍ରୀସୁତି ସେବା ଅଡ଼େ ତାନି ଜାପନାୟି □ ୫:୧-୨୫:୪୬
- ୩ ଜୀସୁ କ୍ରୀସୁ ହାନାୟି ଅଡ଼େ ଖେଣ୍ଡେ ନିଜିନାୟି □ ୨୬:୧-୨୮:୨୦

ଜୀସୁ କ୍ରୀସୁତି ଆକୁ ଆବାୟାଁ (ଲୁକ ୩:୨୩-୩୮)

୧ ଅବ୍ରାହାମ ମୀରୁଏସି ଅଡ଼େ ଦାବୁଦତି ମୀରୁଏସି ଜୀସୁ କ୍ରୀସୁତି କୃତା □

୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜା ତାନି ତାୟିୟାଁ,

୩ ଜୀହୁଦା ଅଡ଼େ ତାମାର ମୀରୁଏସି ପେରସ ଅଡ଼େ ଜେରହ, ପେରସ ମୀରୁଏସି ହେସ୍ରାଣ, ହେସ୍ରାଣ ମୀରୁଏସି ଅରାମ,

୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ,

୫ ସଲମନ ଅଡ଼େ ରାହାବ୍ ମୀରୁଏସି  
ବୟାଜ, ବୟାଜ ଅଡ଼େ ରୁତ ମୀରୁଏସି  
ଅବେଦ, ଅବେଦ ମୀରୁଏସି ଜିସି □

୬ ଜିସି ମୀରୁଏସି ଦାଝୁଦ ରାଜା,  
ଦାଝୁଦ ଅଡ଼େ ଉରିୟ ଡକ୍ତନି ତାଣାଟି  
ସଲମନ ଜାର୍ନା ଆଡ଼େସି,

୭ ସଲମନ ମୀରୁଏସି ରିହବୟାମ,  
ରିହବୟାମ ମୀରୁଏସି ଅବିୟ, ଅବିୟ  
ମୀରୁଏସି ଅସା,

୮ ଅସା ମୀରୁଏସି ଜିହସାପାଟ୍,  
ଜିହସାପାଟ୍ ମୀରୁଏସି ଜରାମ, ଜରାମ  
ମୀରୁଏସି ଉଜିୟ,

୯ ଉଜିୟ ମୀରୁଏସି ଜତମ, ଜତମ  
ମୀରୁଏସି ଆହାଜ, ଆହାଜ ମୀରୁଏସି  
ହିଜକିୟ,

୧୦ ହିଜକିୟ ମୀରୁଏସି ମନସି, ମନସି  
ମୀରୁଏସି ଆମନ, ଆମନ ମୀରୁଏସି  
ଜସିୟ,

୧୧ ଇସ୍ରାୟେଲଇଁ ବାବିଲନ ଦେସାତା  
ଦସାନା ଅନି ବେଲତା ଜସିୟ ମୀରୁକା  
ଜିକନିୟ ଇଞ୍ଜା ତାନି ତାୟିୟା ଜାର୍ନା  
ଆଡ଼େରି □

୧୨ ବାବିଲନତା ଅଢ଼ିଆଡ଼ି କେଚ  
ଜିକନିୟ ସଲଟିୟେଲଇଁ ଜାନି  
କିଡେସି, ସଲଟିୟେଲ ମୀରୁଏସି  
ଜିରୁବାବେଲ,

୧୩ ଜିରୁବାବେଲ ମୀରୁଏସି ଅବିହୁଦ,  
ଅବିହୁଦ ମୀରୁଏସି ଏଲିୟାକିମ,  
ଏଲିୟାକିମ ମୀରୁଏସି ଅସର,

୧୪ ଅସର, ମୀରୁଏସି ସାଦକ, ସାଦକ  
ମୀରୁଏସି ଆକିମ, ଆକିମ ମୀରୁଏସି  
ଏଲିହୁଦ,

୧୫ ଏଲିହୁଦ ମୀରୁଏସି ଏଲିୟାଜର,  
ଏଲିୟାଜର ମୀରୁଏସି ମତାନ, ମତାନ  
ମୀରୁଏସି ଜାକୁବ,

୧୬ ଜାକୁବ ମୀରୁଏସି ମରିୟମନି  
ଡକ୍ତା ଜସେପ, ଇ ମରିୟମନି ବାଣ୍ଡିଟି  
ଜୀସୁ ଜାର୍ନା ଆଡ଼େସି, ଏଞ୍ଜାଣାଇଁ କ୍ରୀସୁ  
ଇଣ୍ଡି ଆହିମାନେ □

୧୭ ଇଲେଆହୁଁ ଅବ୍ରାହାମ ତାଣାଟିଏ  
ଦାଝୁଦ ପାଡେକା ସଦ ଜାଣା ଆକୁୟା,

ଅଡ଼େ ଦାଝୁଦ ତାଣାଟିଏ ବାବିଲନ  
ଅଢ଼ିଆଡ଼ି ପାଡେକା ସଦ ମାଣ୍ଡି, ଇଞ୍ଜା  
ବାବିଲନ ଅଢ଼ିଆଡ଼ି ତାଣାଟିଏ ଜୀସୁ  
କ୍ରୀସୁଟି ଜାର୍ନା ପାଡେକା ସଦ ମାଣ୍ଡି □

ଜୀସୁ କ୍ରୀସୁଟି ଜାର୍ନା ଆନାୟି  
(ଲୁକ ୧:୨୬-୩୮; ୨:୧-୭)

୧୮ \*ଜୀସୁ କ୍ରୀସୁଟି ଜାର୍ନା ଇଲେକ  
ଆଡ଼େ □ ତାନି ଇୟା ମରିୟମ  
ଅଡ଼େ ଜସେପ ତଲେ ବାହା ଆହାଲି  
ରୀସପି ଆହାମାଟି କେଚ, ଏଢ଼ି କାଲୁଢ଼ି  
ଆଆ ନକେଏ, ଏଦି ସୁଦୁଜୀଝୁ ତଲେ  
ପୁରାମାସା ଆହାମାନେ ଇଞ୍ଜା ପୁଣ୍ଡି  
ଆଡ଼େ □

୧୯ ଏଡେଟିଏ ତାନି ଡକ୍ତା ଜସେପ  
ର ଦାର୍ମୁ ଲକୁ ମାଚାକି, ଇଞ୍ଜା ଏଦାଣି  
ଲକୁ ନକିତା ଦହ ଗାଟାୟି ଇଞ୍ଜା  
ଡହୁଆପେଏଁ ଇଞ୍ଜା ଏଦାନି ଡକୁହାନା  
ପିସାଲି ତାରି କିଡେସି □

୨୦ ସାମା ଏଞ୍ଜାସି ଏଲେଇଞ୍ଜି  
ତାରିକିତି ତାୟୁ, ମେହୁଦୁ, ମାହାପୁରୁତି  
ର ଦୁଦୁ ଏଞ୍ଜାଣାଇଁ ହାପାନାତା  
ଏଲେଇଡେସି, “ଆଡ଼େ ଦାଝୁଦ କୁଡାଟି  
ଜସେପ, ମରିୟମନି ଡକ୍ତା କିହାଲିତାକି  
ଆଜାଆନି, ଏନାଆଁତାକି ଇଚିହୁଁ  
ମାହାପୁରୁତି ସୁଦୁଜୀଝୁ ତଲେ ପୁରାମାସା  
ଆହାମାନେ □

୨୧ \*ଏଦି ର କକାଣାଇଁ ଜାନି  
କିନେ, ଅଡ଼େ ମୀରୁ ଏଞ୍ଜାଣି ଦରୁ  
ଜୀସୁ ଇଞ୍ଜା ଇଟାଦୁ, ଇଚିହୁଁ ଏଞ୍ଜାସି  
ତାନି ଲକୁଇଁ ତାନି ବାରେ ପାପୁଟି  
ଗେଲପିନେସି □”

୨୨ ମାହାପୁରୁ ଅଣ୍ଡପୁଟି ବଲୁ  
ଝେହନାରି ତାଣାଟି ପ୍ରୁଟି ଇ କାତା  
ଏନିକ ପୁରା ଆନେ, ଇଦାଆଁତାକି ଇ  
ବାରେ ଆଡ଼େ,

୨୩ “ମେହୁଦୁ ର ଡାଆ ମାକ୍ତା  
ପୁରାମାସା ଆହାନା ର କକାଣାଇଁ  
ଜାନି କିନେ, ଅଡ଼େ ଲକୁ ଏଞ୍ଜାଣି  
ଦରୁ ‘ଇମାନୁୟେଲ’ ଇଚିନେରି □”

\* ୧:୧୮ ୧:୧୮ ଲୁକ ୧:୨୭ \* ୧:୨୧ ୧:୨୧ ଲୁକ ୧:୩୧

ଇ ଦରୁତି ଅର୍ତ୍ତ “ମାହାପୁରୁ ମା ତଲେ  
ମାନେସି □”

୨୪ ଏମ୍ବାଟିଏ ଜସେପ ଇଦାଟି ନିଜିତି  
ତାୟୁ ପ୍ରବୁତି ଦୁହୁ ଏନିକ୍ ହୁକୁମି  
ହୀହାମାରେସି, ଏଲେକିହି ଏ କିତେସି,  
ଏଞ୍ଜାସି ମରିୟମାଇଁ ବୀହା ଆଡେସି;

୨୫ \*ସାମା ଏଡି କକାଣାଇଁ ଜାନ  
କିଆ ପାଡେକା ଏଦାଣି ତଲେ  
କୃତାଆଡେସି, ଅଡେ ଏ କକାଣି ଦରୁ  
ଜୀସୁ ଇଟିଡେରି □

## ୨

ଝେଡା ହପୁଞ୍ଜାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା  
ଦେସାତି ବେତଲିହିମ ଗାଡାତା ଜୀସୁ  
ଜାର୍ନାଆଡି ତାୟୁ, ମେହଦୁ, ଝେଡା  
ହପୁ ଞ୍ଜାକିତି ଏଚରଜାଣା ସଗୁପୁନାରି  
ଜିରୁସାଲମତା ଖାହାନା ଝେଚେରି,

୨ “ଆମିନି କକାସି ଜୀହୁଦିଙ୍ଗା ରାଜା  
ଆହାଲି ଜାର୍ନା ଆହାମାନସି, ଏଞ୍ଜାସି  
ଆମ୍ବିୟା ? ମାମ୍ବୁ ଝେଡା ହପୁ ଞ୍ଜାକିତି  
ତାନି ହୁକା ମେସାନା ଏଞ୍ଜାଣାଇଁ ଜହରା  
କିହାଲି ଖାହାମାନମି □”

୩ ଇ କାତା ଝେଞ୍ଜାନା ହେରଦ ରାଜା  
ଅଡେ ତାନିତଲେ ଜିରୁସାଲମତି ବାରେ  
ଲକୁ କାବାଆହାନା ଆଜିଡେରି □

୪ ଅଡେ ଏଞ୍ଜାସି ଲକୁତି କାଜା  
ପୂଜେରାଙ୍ଗା ଇଞ୍ଜା ମେରା ପୁନାରାଇଁ  
କୃତି କିହାନା, କ୍ରୀସୁ ଏମ୍ବିୟା ଜାର୍ନା  
ଆନେସି, ଏଦାଆଁ ଏଞ୍ଜାରି ତାଣାଟି  
ପୁଞ୍ଜାଲି ଅଣପିଡେସି □

୫ ଏଞ୍ଜାରି ଏଞ୍ଜାଣାଇଁ ଏଲେଇଚେରି,  
ଜୀହୁଦା ଦେସାତି ବେତଲିହିମ  
ଗାଡାତା ମାହାପୁରୁ ଅଣପୁତି ବଲୁ  
ଝେହନାରି ତାଣାଟି ଇଲେଇଞ୍ଜ  
ରାସ୍‌କି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ,  
ଜୀହୁଦାଟି କାଜା ନାସ୍‌କା ବିତ୍ରାଟି  
ନୀନୁ ଉଣା ଆଏ;  
ଇତିହିଁ ଆମ୍ବାଆସି ନା ଇସ୍ରାୟେଲ  
ଲକୁଣି ପହି କିନେସି,

ଏଲେତି ର ସାଲୁଞ୍ଜି କିନାସି ନୀ  
ତାଣାଟି ଖାନେସି □”

୭ ତାୟୁ ହେରଦ ସଗୁ ପୁନାରାଇଁ  
ମେଣେଏ ହାଡାନା, ଏ ହୁକା ଏଚେଲା  
ତଞ୍ଜାଆଡେ ଏ କାତା ଏଞ୍ଜାରି ତାଣାଟି  
ନେହିଁ କ ଝେଚେସି □

୮ ଇଞ୍ଜା ଏଞ୍ଜାସି ଏଞ୍ଜାରାଇଁ  
ବେତଲିହିମତା ପାଣ୍ଡାନା ଏଲେଇଚେସି,  
“ମୀରୁ ହାଜାନା ଏ କକାଣି କାତା  
ନେହିଁ କ ସିନିକିହାନା ନାଜେ  
ଜିକେଏ ଝେସ୍ତାଦୁ, ଇତିହିଁ ନାନୁ  
ଜିକେଏ ହାଜାନା ଜହରା କିକାଇଁ □”

୯ ଏଚେଟିଏ ଏଞ୍ଜାରି ରାଜା କାତା  
ଝେଞ୍ଜାନା ହାଚେରି; ଅଡେ ମେହଦୁ,  
ଏଞ୍ଜାରି ଝେଡା ହପୁଞ୍ଜାକି ଆମିନି ହୁକା  
ମେସାମାଚେରି, ଏଡି ଏଞ୍ଜାରି ନକି  
ନକିତା ହାଜାନା, ଏମ୍ବିୟା କକାସି  
ମାଚେସି ଏ ଲାକ ହାଜାନା ନିଡେ □

୧୦ ଏ ହୁକା ମେସାନା ଏଞ୍ଜାରି  
ହାଡେରକା ରାହାତଲେ ରାହା ଆଡେରି  
□

୧୧ ଏଞ୍ଜାରି ଇଲୁ ବିତ୍ରା ହଡାନା ତାମି  
ଇୟା ମରିୟମ ଇଞ୍ଜା କକାଣି ତାଲୁଇଁ  
ମେସାନା, ଏଞ୍ଜାଣାଇଁ ମେଣ୍ଡାକୁତାନା  
ଜହରା କିଡେରି, ଇଞ୍ଜା ତାମ୍ବୁଡାଚାମାଟି  
ପେଡାୟାଟି ବାଂଗାରା, ଦୁପା ଦୁପଣି  
ଅଡେ ଗାନ୍ଦା ନିୟୁଁ ବେଚୁ ହାଚେରି □

୧୨ ତାୟୁ ହେରଦ ରାଜା ତାଣା ଝେଣ୍ଡା  
ହାଲାଆପେରିଖା ଇଞ୍ଜା ମାହାପୁରୁ  
ଏଞ୍ଜାରାଇଁ ହାପାନାତା ହୁକୁମି ହୀହାଲିଏ,  
ଏଞ୍ଜାରି ଅରୁ ଜିରୁଟି ତାମି ଦେସାତା  
ଝେଣ୍ଡାହାଚେରି □

ମିସର ଦେସାତା ହାନାୟି

୧୩ ଏଞ୍ଜାରି ହାଟି ତାୟୁ, ମେହଦୁ,  
ମାହାପୁରୁତି ଦୁହୁ ଜସେପଇଁ ହାପାନାତା  
ଏଲେଇଚେସି, “ନିଙ୍ଗାମୁ କକାଣି  
ତାଲୁଇଁ ଅଡେ ତାମି ଇୟାନି ଅହିଁ  
ମିସରତା ହାଲାମୁ, ନାନୁ ମିଜେ  
ଝେସ୍ତାଆ ପାଡେକା ଏମ୍ବାଆଁ ମାଞ୍ଜୁ,  
ଇତିହିଁ କକାଣି ତାଲୁଇଁ ପାୟାଲି  
ହେରଦ ଅଣପିମାନେସି □”

୧୪ ଜସେପ ନିଜ୍ଞାନା କକାଣି ତାକୁ  
ଇଞ୍ଜା ତାନି ଇୟାନି ଆସାନା ଲାଆଁ  
ଲାଆଁୟାଁ ମିସର ଦେସାତା ଅହଁ  
ହାଚେସି,

୧୫ ହେରଦ ହାନ୍ତି ପାତେକା ଏମ୍ବାଆଁ  
ଏଞ୍ଜାରି ଡ଼ୟିତେରି, ଈ ବାରେ ଗଟଞ୍ଜି  
ଆନାଣି ମାହାପୁରୁ ଅଣ୍ଟପୁତି ବଲୁ  
ଝେହ୍ନାରି ତାଣାଟି ଈ ମାହାପୁରୁ  
ଅଣ୍ଟପୁତି ବଲୁ ପୁରା ଆନେ, “ନା  
ମୀରଏଶାଈଁ ନାନୁ ମିସର ଦେସାଟି ହାଟା  
ତାତେଏଁ”

କକାରି ତାଲୁକାଣି ପାୟିନାୟି

୧୬ ଝେଡ଼ା ହପୁ ଦେସାଟି ଖାହାମାଟି  
ସଗୁପୁନାରି ଏଞ୍ଜାଶାଈଁ ନାଡ଼ିକିହାନା  
ହାଜାମାନେରି ଇଞ୍ଜାଁ ପୁଞ୍ଜାନା,  
ହେରଦ ହାରେକା କପା ଆଡ଼େସି,  
ହୁକାତି ଉଜେଡ଼ି ଆମିନି ବେଲାତା  
ତଞ୍ଜାଆହାମାଚେ ସଗୁପୁନାରି ତାଣାଟି  
ନେହଁକଁ ପୁଞ୍ଜାମାଚେସି, ଏଦାଆଁ  
ପୁଞ୍ଜାନା ବେତଲିହିମ ଅଡ଼େ ତାନି  
ତାଗେ ମାଟି ନାସକାତି ରା ବାର୍ଯ୍ୟାଟିଏ  
ଊଣା କକାରାଈଁ ପାୟାଲି ତାକି ହୁକୁମି  
ହୀତେସି

୧୭ ଏଟିବେଲା ମାହାପୁରୁ ଅଣ୍ଟପୁତି  
ବଲୁ ଝେହ୍ନି ଜିରିମିୟ ଝେସ୍ତି ଈ ବଲୁ  
ସାତା ଆଡ଼େ,

୧୮ “ରମାତା ହାଡ଼ା ଝେଜ୍ଞିମାନେ,  
ତାକି ଅଡ଼େ ହାରେକା ଦୁକୁତି  
ଗିୟାଁ  
ରାହେଲ ତାନି ମୀରକା ତାକି  
ଡ଼ାହିମାଚେ;  
ଅଡ଼େ ଏଞ୍ଜାରି ବାରେ  
ହାହାହାଚେରି ଇଞ୍ଜାଁ,  
ଏଦି ଦୁକୁ ତୁକହାଲି ମନ କିହି  
ହିଲାଆତେ”

ମିସରଟି ଝେଣ୍ଡାଞ୍ଜାନାୟି

୧୯ ହେରଦ ହାଡ଼ି ତାୟୁ, ମେହ୍ଦୁ,  
ପ୍ରବୁତି ର ଦୂତୁ ମିସରତା ଜସେପଇଁ  
ହାପାନାତା ତଞ୍ଜାଆହାନା ଏଲେଇଚେସି,

୨୦ “ନିଜ୍ଞାମୁ, କକାଶାଈଁ ଅଡ଼େ ତାନି  
ଇୟାନି ତଲେ ଇସ୍ରାୟେଲ ଦେସାତା  
ହାଲାମୁ, ଇତିହଁ ଆମ୍ବାଆରି କକାଣି  
ଜୀଞ୍ଜୁ ଅହାଲି ତାକି ଅଣ୍ଟପିମାଚେରି  
ଏଞ୍ଜାରି ହାହାମାନେରି”

୨୧ ଏଚେଟିଏ ଜସେପ ନିଜ୍ଞାନା  
କକାଶାଈଁ ଇଞ୍ଜା ତାନି ଇୟାନି ଆସାନା  
ଇସ୍ରାୟେଲ ଦେସାତା ଖାଡ଼େସି

୨୨ ସାମା ହେରଦ ଟାୟୁତା ତାନି  
ମୀରଏସି ଆକଁ ଲାୟ ଜୀହୁଦାତି ରାଜା  
ଆହାମାନେସି ଇଞ୍ଜାଁ ଝେଞ୍ଜାନା ଏଞ୍ଜାସି  
ଏମ୍ବାଆଁ ହାଜାଲି ଆଜିତେସି; ସାମା  
ହାପାନାତା ହୁକୁମି ବେଟାଆହାନା ଏଞ୍ଜାସି  
ଗାଲିଲି ରାଜି ଖାକି ହାଚେସି,

୨୩ \*ଇଞ୍ଜା ନାଜ୍ଞରିତତି ଗାଡ଼ାତା  
ହାଜାନା ଡ଼ୟିତେରି, ଏନିକିହଁ  
ମାହାପୁରୁ ଅଣ୍ଟପୁତି ବଲୁ ଝେହ୍ନାରି  
ରାଟିତି କାତା ସାତା ଆନେ, “ଏଞ୍ଜାସି  
ନାଜ୍ଞରିତତାସି ଇଞ୍ଜାଁ ଝେଜ୍ଞିନେସି”

### ୩

ବାପ୍ତିସ୍ତା\* ହାନି ଜହନତି ଝେକ୍ନାୟି  
(ମାତି ୧:୧-୮; ଲୁକ ୩:୧-୧୮; ଜହ  
୧:୧୯-୨୮)

୧ ଏ ବେଲାତା ବାପ୍ତିସ୍ତା† ହାନି ଜହନ  
ଜୀହୁଦା ଦେସାଟି ବାଃଲି ବାଟାଟି  
ଖାହାନା ବଲୁ ଝେକ୍ନାଲି ମାଟ୍‌ହେସି  
□

୨ \*“ପାପୁ ପିସାନା ମନ ଝେଟ୍‌ହା  
କଡ଼ାଦୁ, ଇତିହଁ ଲାକପୁରୁ ରାଜି  
ଏଗାଞ୍ଜାହିମାନେ”

୩ ମାହାପୁରୁ ଅଣ୍ଟପୁତି ବଲୁ ଝେହ୍ନି  
ଜିସାୟ ତାଣାଟି ଈ ହାଡ଼ା ଝେସ୍‌ପି  
ଆହାମାଚେ,  
ଏଞ୍ଜାସିଏ ଈଞ୍ଜାସି; “ରଅଣି ହାଡ଼ା ଲକୁ  
ହିଲାଆ ଟାୟୁତା ଝେଜ୍ଞିମାନେ,  
ପ୍ରବୁ ତାକି ଜିରୁ ତିୟି କିଦୁ”

୪ ଜହନ ଉରୁ ବାଣାୟାଁ ତଲେ  
କେପିତି ହିମ୍ବରିକା ତୁରହିମାଚେସି,  
ଇଞ୍ଜା ତାନି ଟେଡେଲିତା ର ତଲୁତି  
ରୁଡ଼ପା ମାଡ଼ା ଦସା କଡ଼ଞ୍ଜିତେସି,

\* ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫  
\* ୩:୨ ୩:୨ ମାତି ୪:୧୭; ମାର୍କ ୧:୧୫

\* ୩: ୩:୧ ମୁଞ୍ଜନାୟି † ୩:୧ ୩:୧ ମୁଞ୍ଜନାୟି

ଗପ୍‌ଏରିକା ଅଡେ ଜାଡାତି କ୍ରିୟା ଏଞ୍ଜାଣି କାଦି ମାତେ □

୫ ଏତିବେଲାତା ଜିରୁସାଲମ ଗାଡା ଇଞ୍ଜା ବାରେ ଜୀହୁଦା ଦେସା ଅଡେ ଜର୍ଦନ ଦାରିତି ନାସ୍କାତି ବାରେ ଲକୁ ତାନି ତାଣା ଖାହାଲି ମାଟ୍‌ହେରି,

୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ରିସ୍ତା ଅଡେରି □

୭ ଯାମା ହାରେକା ପାରୁସିୟା ଅଡେ ସାଦୁକିୟା ବାପ୍ରିସ୍ତା ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇରେସି, “ଅଡେ ରାସ୍କା କୃତାତାତେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକତାଲି ଆମ୍ବାଆସି ମିଙ୍ଗେ ସେଡନା ହିୟାତେସି

୮ ଇଦାଆଁତାକି ମନ ଖେଟ୍‌ହାମାନାଣି ନେହଁ କାମାତା ତହ୍‌ଦୁ,

୯ ଅଡେ ଅବ୍ରାହାମ ମା ଆବା ଇଞ୍ଜା ମୀ ମନ ବିତ୍ରା ଅଣ୍‌ପାଆଦୁ, ଏନାଆଁତାକି ଇଚିହଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବ୍ରାହାମତି ମୀରକାଣି ଗାଡି କିହାଲି ଆଡିମାନେସି □

୧୦ ଅଡେ ନାଏଁ ଜିକେଏ ମାରୁନୁ ତାକିତା କାଃଆଲି ଆଟାମାନେ, ଆମିନି ମାରୁନୁ ନେହଁ ପାଡେୟି ଆରେଏ, ଏଦାନି ଚୁଣ୍‌ହାନା ହିରୁତା ମେଡ୍‌ପି ଆନେ □

୧୧ ନାନୁସାଁ ମିଙ୍ଗେ ପାପୁଟି ପିସ୍‌ପି କିହାଲି ଇଞ୍ଜା ମନ ଖେଟ୍‌ପି କିହାଲି ଏମୁତଲେ ବାପ୍ରିସ୍ତା ହାହିମାଞ୍ଜାଇଁ, ସାମା ନା ତାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାରେକା ବାଡୁୟୁ ଗାଟାସି, ଏଞ୍ଜାଣି ସେପୁୟା ହୁକହାଲି ଜିକେଏ ନାନୁ ପାଡାଆଆଁ; ଏଞ୍ଜାସି ମିଙ୍ଗେ ସୁଦୁଜୀଝୁ ଇଞ୍ଜା ହିରୁତଲେ ବାପ୍ରିସ୍ତା ହିୟାନେସି □

୧୨ ଏଞ୍ଜାସି ତାନି କ୍ଳାନୁତି ନେହଁ କଁ ତାସାହାଁ, ତାନି ଆନାତି କ୍ଳସାହାଁ ଗାଡେୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ସାମା ଚାଟା ପଡୁଡୁ ଏତେଲା ତୁମ୍ବାଆଗାଟି ହିରୁତା ହୃତା ତୁହ୍‌ନେସି □”

ଜୀସୁ ଏୟୁତା ବାପ୍ରିସ୍ତା ଅନାୟି (ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏତିବେଲା ଜୀସୁ ଗାଲିଲିଟି ଖାହାନା ବାପ୍ରିସ୍ତା ଅହାଲି ତାକି ଜର୍ଦନ କାତାତା ଜହନ ତାଣା ଖାଡେତସି □

୧୪ ସାମା ଜହନ ଜୀସୁଙ୍କ କାହି କିହାଲି ଅଣ୍‌ପାନା ଏଲେଇରେସି, “ନୀ ତାଣାଟି ନାନୁ ବାପ୍ରିସ୍ତା ଅନାୟି ନା ଲଡାମାନେ, ଇଞ୍ଜା ନାନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଞ୍ଜାଣାଇଁ ଏଲେଇରେସି, “ନା ହାଡା ଆହ୍‌ମୁ, ଏନାଆଁତାକି ଇଚିହଁ ଇଲେ ତଲେ ମାହାପୁରୁ ଦାମ୍‌ପୁତି କାମା କିନାୟିମାନେ □” ଏଚେଟିଏ ଜହନ ମାନୁଞ୍ଜି ଆଡେସି □

୧୬ ଜୀସୁ ବାପ୍ରିସ୍ତା ଅଡି ଦେବୁଣିଏ ଏୟୁଟି ନିଙ୍ଗା ଖାଡେସି □ ଏଚେଟିଏ ହାଗୁ ଦେପିଆଡେ, ଇଞ୍ଜା ମାହାପୁରୁଟି ସୁଦୁଜୀଝୁ ପାରୁଖା ପଟାଲେହେଁ ଜୀସୁ ଲାକ ରେଟା ଖାହିମାଟାଣି ଜହନ ମେସେସି □

୧୭ ଅଡେ ମେହ୍‌ଦୁ, ହାଗୁଟି ଇ ହାଡା ଆଡେ, “ଇଞ୍ଜାସି ନା ଜୀଝୁଟି ମୀରଏସି ଇଞ୍ଜାଣି ତାଣା ନା ହାରେକା ରାହାଁ ମାନେ □”

### ୪

ଜୀସୁଙ୍କ ତାୟିପାରି କିନାୟି (ମାର୍କ ୧:୧୨-୧୩; ଲୁକ ୪:୧-୧୩)

୧ ଏତିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି

‡ ୩:୨ ୩:୨ ମୁଞ୍ଜିନାୟି ☆ ୩:୨ ୩:୨ ମାତି ୧୨:୩୪; ୨୩:୩୩ § ୩:୨ ୩:୨ ମୁଞ୍ଜିନାୟି ☆ ୩:୯ ୩:୯ କହ ୮:୩୩ ☆ ୩:୧୦ ୩:୧୦ ମାତି ୭:୧୯ \* ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି \* ୩:୧୪ ୩:୧୪ ମୁଞ୍ଜିନାୟି † ୩:୧୬ ୩:୧୭ ମୁଞ୍ଜିନାୟି ☆ ୩:୧୭ ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ☆ ୪:୧ ୪:୧ ଏବି ୨:୧୮; ୪:୧୫



ସୁଦୁର୍ଜୀବୁ ଲକ୍ଷ୍ମୀ ହିଲୀଆ ଚାୟୁତା ଅଡେ  
□

୨ ଜୀସୁ ରୀ କଡ଼ି ଦିନା ଲାଆଁୟା  
ମାଦେନା ଏନାଆଁ ତିନାଆନା ଉପାସା  
କିହାଁ ହାକି ଆଡେସି □

୩ ଏରିବେଲା ସୟତାନ ତାନି ଦାରିତା  
ଝାହାନା ଏଲେଇଚେ, “ନୀନୁ ମାହାପୁରୁ  
ମୀରଏଣାତି ଇଚିସାରେ ଇ ଝାଲକାଣି  
ରୁଚି ଆହାଲି ହୁକୁମି ହୀମୁ □”

୪ ସାମା ଜୀସୁ ଏଲେଇଚେସି, “ଦାର୍ମୁ  
ସାଢ୍ଵେରିତା ରାସ୍‌କି ଆହାମାନେ ମାଣ୍‌ସି  
ଝାଉଇ ରୁଚି ତିଞ୍ଜାନା ନୀତଅସି, ସାମା  
ମାହାପୁରୁ ଗୁଚିଚି ହୁଚିମାନି ବଲୁ ତଲେ  
ନୀଡିନେସି □”

୫ ତାୟୁ ସୟତାନ ଜୀସୁଇଁ ସୁଦୁ ଗାଡ଼ା  
ଜିରୁସାଲମତା ଅହାନା, ମାହାପୁରୁ ଇଲୁ  
ତୁଡ଼ିୟା ଲାକ ନିପହାନା,

୬ ଏଲେଇଚେ, “ନୀନୁ ମାହାପୁରୁ  
ମୀରଏଣାତି ଇଚିହୁଁ ଇମ୍ପାଟି ଡ଼କକା  
ଗେମ୍‌ମା, ” ଦାର୍ମୁ ସାଢ୍ଵେରିତା ରାସ୍‌କି  
ଆହାମାନେ,

ନିଙ୍ଗ ଜାଡନୁ କିହାଲିତାକି ମାହାପୁରୁ  
ତାନି ଦୂତୁୟାଇଁ ହୁକୁମି  
ହୀନେସି;

“ନୀ କତାୟାଁ ଏନିକିଁ ଝାଲକାଣା  
ଆଡାଉ ଇଞ୍ଜାଁ

ଦୂତୁୟାଁ ନିଙ୍ଗ କେସ୍‌ତଲେ  
ପେରହା ଆସ୍‌ମାନ୍ତୁ □”

୭ ଜୀସୁ ଏଦାନି ଏଲେଇଚେସି, “ଦାର୍ମୁ  
ସାଢ୍ଵେରିତା ରାସ୍‌କି ଆହାମାନେ, ନୀନୁ  
ପ୍ରବୁ ନୀ ମାହାପୁରୁଇଁ ତାୟିପାରି କିଆନି  
□”

୮ ଅଡେ ଝେଣ୍ଡେ ସୟତାନ ଜୀସୁଇଁ  
କାଜା ହରୁ ଲାକ ଅହାନା ଦାରତିତି  
ବାରେ ରାଜି ଅଡେ ଏମ୍ପାଟି ବାରେ ଅଜୁ  
ଅଡେ ଜୁପକା ତସାନା ଏଲେଇଚେ,

୯ “ନୀନୁ ନାଙ୍ଗେ ମେଣ୍ଡାକୁତାନା  
ଜହରା କିୟାଦି ଇଚିହୁଁ ନୀନୁ ଇ  
ବାରେ ନିଙ୍ଗ ହିୟାଇଁ □”

୧୦ ଏମ୍ପାଟିଏ ଜୀସୁ ଏଲେଇଚେସି,  
“ଏ ସୟତାନ ନା ତାଣାଟି ହେକ

ହାଲାମ୍! ଦାର୍ମୁ ସାଢ୍ଵେରିତା ରାସ୍‌କି  
ଆହାମାନେ, “ଝାଉଇ ନୀ ପ୍ରବୁ  
ମାହାପୁରୁଇଁ ଜହରା କିଦି ଅଡେ ଝାଉଇ  
ତାଙ୍ଗେଏ ସେବା କିଦି □”

୧୧ ଏ ଦେବୁଣିଏ ସୟତାନ ଜୀସୁଇଁ  
ପିସାନା ହାଜାଡୁସ୍ତେ; ଅଡେ ଦୂତୁୟାଁ  
ଝାହାନା ଏଝାଣି ସେବା କିଡୁ □

ଜୀସୁ ଗାଲିଲିତା ତାନି କାମା  
ମାଟ୍‌ନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ \*ଜହନଇଁ କାୟିଦି ଇଲୁତା  
ଇଚିତେରି ଇଞ୍ଜାଁ ଝେଞ୍ଜାନା ଜୀସୁ  
ଏମ୍ପାଟିଏ ଗୁତା ଆହାନା ଗାଲିଲିତା  
ଝାଡେସି;

୧୩ \*ଏଝାସି ନାକ୍‌ରିତତା  
ଡ଼ୟାଆଡେସି, ସାମା କପରନାହୁମତା  
ଡ଼ୟାଲି, ସୁବୁଲୁନ୍ ଅଡେ ନପ୍ରାଲିତା  
ମାନି ର ଗାଲିଲି ସାମ୍‌ଦୁରି ଗାଡୁତା ମାନି  
ଗାଡାତା ହାଚେସି □

୧୪ ଏନିକିହୁଁ ମାହାପୁରୁ ଅଣପୁତି  
ବଲୁ ଝେହ୍‌ନି ଜିସାୟତି ହାଡା ସାତା  
ଆନେ, ଏଝାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡେ ନପ୍ରାଲି  
ଦେସା

ସାମ୍‌ଦୁରି ତାଗେ ଇଞ୍ଜାଁ ଜର୍ଦନ  
କାତା ଆତାଲାଝାକିତି,  
ଜୀହୁଦିଆଆତି ଗାଲିଲି!

୧୬ ଆନ୍ଦେରିତା ବାସା କିହିମାନି ଲକ୍ଷ୍ମୀ  
କାଜା ଉଜେଡ଼ି ମେସ୍ତେରି  
ହାକିତି ନାସ୍‌କା ଅଡେ ସାହ୍‌ଡାତା  
ମାନି ଲକ୍ଷ୍ମୀତାକି

ଉଜେଡ଼ି ତଞ୍ଜାଆନେ □”

୧୭ \*ଏ ବେଲାଟିଏ ଜୀସୁ ତାନି  
କାତା ଝେକହାଲି ମାଟ୍‌ହେସି, “ମୀ  
ପାପୁ ପିସାନା ମନ ଝେଟ୍‌ହା କତାଦୁ,  
ଏନାଆଁତାକି ଇଚିହୁଁ ଲାକପୁରୁ ରାଜି  
ଏଗାଝାହିମାନେ □”

ସାରି ଜାଣା ମୀଣ୍‌କା ଆହ୍‌ନାରାଇଁ  
ଜୀସୁ ହାଡ଼ିନାୟି

(ମାର୍କ ୧:୧୬-୨୦; ଲୁକ ୫:୧-୧୧)

\* ୪:୧୨ ୪:୧୨ ମାତି ୧୪:୩; ମାର୍କ ୭:୧୭; ଲୁକ ୩:୧୯, ୨୦ \* ୪:୧୩ ୪:୧୩ ଜହ ୨:୧୨ \* ୪:୧୭  
୪:୧୭ ମାତି ୩:୨

୧୮ ଜୀସୁ ଗାଲିଲି ସାମୁଦ୍ରି ଗାରୁଟି ହାଜିମାଚାଟି ସିମନ ଇନି ପିତର ଅଡ଼େ ତାନି ତାୟି ଆନ୍ଦ୍ରିୟ, ଇ ତାୟି ରିଆରି ସାମୁଦ୍ରିତା ଜାଲା ମେଡ଼ହି ମାଚାଣି ମେସ୍ତେସି, ଏନାଆଁତାକି ଇଚିହି ଏଞ୍ଜାରି ମୀଶକା ଆହନାରି ମାଚେରି □

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ନା ଜେଚ ଖାଦୁ, ନାନୁ ମିଙ୍ଗ ଲକୁଣି ଆହନାଣି ଜାପୁହାଇଁ □”

୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି □

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଚାସି ଇଞ୍ଜା ଅଡ଼େ ରିଆରି ତାୟିୟାଁ ତାନି ଆବା ଜେବଦି ତଲେ ଡଂଗତା ଜାଲା ମୁଦା କିହିମାଚାଣି ମେସାନା ଏଞ୍ଜାରାଇଁ ଜିକେଏ ହାଟିତେସି □

୨୨ ଏଚେଟିଏ ଏଞ୍ଜାରି ଏ ଦେବୁଣିଏ ଡଂଗ ଅଡ଼େ ତାନି ଆବାଇଁ ପିସାନା ଜୀସୁ ଜେଚ ହାଚେରି □

ଜୀସୁ ସେବା କାମା ମାଟ୍ନାୟି (ଲୁକ ୬:୧୭-୧୯)

୨୩ \*ତାୟୁ ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକୁଡି କୁଟମି ଇଲକାଣା ଜାପୁହିହିଁ, ମାହାପୁରୁ ରାଜିତି ନେହିଁ କାରୁ ଖେସିହିଁ ରଗଗାଟି ଲକୁଣି ନେହିଁ କିହାଲି ମାଟ୍ନେସି,

୨୪ ଅଡ଼େ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ, ଇଞ୍ଜା ଲକୁ ବୁଡୁୟାଁ ଆଲଗା ମାଚାରାଇଁ, କାଟିଖେତାରାଇଁ, ଇଞ୍ଜା ଟଟ ଖାୟିତାରାଇଁ; ଇଲେତି ହାଚେରକା ରଗଟି କସ୍ତୁ ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହିଁ କିତେସି □

୨୫ ଅଡ଼େ ଗାଲିଲି, ଦସଗଟା ନାସକା, \* ଜିରୁସାଲମ, ଜୀହୁଦା ଅଡ଼େ

ଜର୍ଦନତି ଏ ଗାରୁତା ମାନି ନାସକାଟି ହାଚେରକା ଲକୁ ଜୀସୁ ଜେଚ ହାଚେରି □



ହରୁ ଲାକ ଜାପୁନାୟି

୯ ଜୀସୁ ହାଚେରକା ଲକୁଇଁ ମେସାନା ର ହରୁ ଲାକ ହାଜାନା କୁଗିତେସି, ଇଞ୍ଜା ସୀସୁୟାଁ ଏଞ୍ଜାଣି ତାଗେ ଖାଚେରି □

୧୦ ଏମ୍ବାଟିଏ ଏଞ୍ଜାସି ଗୁତି ଏକ୍ହାନା ଜାପୁହାଲି ମାଟ୍ନେସି □

ଆମ୍ବାଆରି ନେହାଁରି (ଲୁକ ୬:୨୦-୨୩)

୧୧ ଆମ୍ବାଆରି ଜୀସୁତା ଏନାଆଁ ହିଲାଆ ଗାଗାରାକି ନେହେଁ, ଏନିଇଚିହିଁ ଲାକପୁରୁ ରାଜି ଏଞ୍ଜାରି ଖାଇଁ □

୧୨ ଆମ୍ବାଆରି ଦୁକୁତା ଡ଼ାହିମାନି ଲକୁତାକି ନେହେଁ, ଏନାଆଁତାକି ଇଚିହିଁ ମାହାପୁରୁ ଏଞ୍ଜାରି ଦୁକୁ ତୁକନେସି □

୧୩ କପା ହିଲାଆ ଗାଗାରି ନେହେଁ, ଏନାଆଁତାକି ଇଚିହିଁ ଦାରତିତା ଏଞ୍ଜାରି ଅଦିକାରା ଆନେରି □

୧୪ ମାହାପୁରୁ ଦାମୁତି କାମା କିହାଲି ହାକି ଏସକି ଗାଗାରି ଏଞ୍ଜାରାକି ନେହେଁ, ଏନାଆଁତାକି ଇଚିହିଁ ମାହାପୁରୁ ଏଞ୍ଜାରାକି ଲଡ଼ାମାନାଣି ବାରେ ହାନେସି □

୧୫ ଏଟକା ଲକୁଣି କାର୍ମା ମେହନେରି, ଏଞ୍ଜାରାକି ନେହେଁ, ଏନିଇଚିହିଁ ମାହାପୁରୁ ଏଞ୍ଜାରାଇଁ କାର୍ମା ମେହନେସି,

୧୬ ଆମ୍ବାଆରି ସୁବୁ ହିୟାଁ ଗାଗାରି ଏଞ୍ଜାରାକି ନେହେଁ, ଏନିଇଚିହିଁ ଏଞ୍ଜାରି ମାହାପୁରୁଇଁ ମେହନେରି □

୧୭ ହିଡ଼ଡ଼ି ଗାଟି ଲକୁ ନେହେଁ, ଏନିଇଚିହିଁ ଏଞ୍ଜାରି ମାହାପୁରୁଟି ମୀରକା ଇଞ୍ଜାଁ ଖେଙ୍ଗିନେରି □

\* ୪:୨୩ ୪:୨୩ ମାତ୍ରି ୯:୩୫; ମାର୍କ ୧:୩୯ \* ୪:୨୫ ୪:୨୫ ଦେକାପଲି

୧୦ \*ମାହାପୁରୁ ଦୀର୍ଘ କାତାତାକି  
 ଦୁକୁ ବେଟାଆନାରି ଏଞ୍ଜରାକି  
 ନେହେଁ,  
 ଏନିଇଚିହଁ ଲାକପୁରୁ ରାଜି  
 ଏଞ୍ଜାରିଞ୍ଜାୟି □

୧୧ \*ଏଚିବେଲା ଲକୁ ମିଙ୍ଗ ନା ତାକି  
 ନିନ୍ଦା କି ଲାଜା କିୟାନେରି, ଅଡ଼େ ନା  
 ତାକି ଉଜେ ଉଜେଏ ମୀ କପାଟି ମିଟି  
 କାତା ଜଲାନେରି, ଆତିହଁ ମିଙ୍ଗେ  
 ତାକି ନେହେଁ □

୧୨ \*ରାହା ଆହାନା ଏନ୍ଦାଦୁ,  
 ଏନାଆଁତାକି ଇଚିହଁ ଲାକପୁରୁତା  
 ମୀ ତାକି ହାରେକା ଦାନା ମାନେ;  
 ଏଲେକିହଁଏ, ମୀ ନକିତି ମାହାପୁରୁ  
 ଅଣ୍ଡପୁତି ବଲୁ ଝେହ୍ନନାରାଇଁ ଜିକେଏ  
 ଇଲେକିହଁ ନିନ୍ଦା କିହାମାଚେରି □

ହାରୁ ଅଡ଼େ ଉଜେଡ଼ି  
 (ମାର୍କ ୯:୫୦; ଲୁକ ୧:୩୪-୩୫)

୧୩ \*ମୀରୁ ବାରେ ଦାରତିତି ହାରୁ  
 ଲେହେଁ, ସାମା ହାରୁ ମୁଆତିହଁ, ଅଡ଼େ  
 ଏଦାଆଁ ଏମ୍ବିୟା ଜିକେଏ ଲେମ୍ବାଲି ଆଏ,  
 ଇଞ୍ଜା ଏଦି ଏନି କାମାତା ପାଡ଼ା ଆଏ,  
 ଲକୁ ଏଦାଆଁ କଡ଼ା ଡ଼ଇ ଝିସା ହାନେରି  
 □

୧୪ \*ମୀରୁ ଦାରତିତି ଉଜେଡ଼ି ଡେରି,  
 ଆମିନି ଗାଡ଼ା ହରୁ ଲାକ କେପି  
 ଆହାମାନେ, ଏଦି ଏଚେଲା ଡ଼ଗୁାନା  
 ଡ଼ୟାଲି ଆଡେଏ □

୧୫ \*ଅଡ଼େ ଦୀର୍ଘ ଡ଼ୀସାନା ଆମ୍ବାଆରି  
 ମାଣ୍ଡା ପୁକ୍‌ହାନା ଇଟ'ଅରି, ସାମା ଏଦାନି  
 ଦୀର୍ଘ ସଡ଼ାତା ଇଚିନେରି, ଆତିହଁ  
 ଇଲୁତା ଝାନ୍ଦି ବାରେ ଲକୁ ଉଜେଡ଼ି  
 ମେହ୍‌ନେରି □

୧୬ \*ଏଲେକିହଁଏ ମୀ ଉଜେଡ଼ି  
 ଲକୁ ନକିତା ନେହଁକଁ ତଞ୍ଜାଆପେ,  
 ଏନିକଁ ଏଞ୍ଜାରି ମୀ ନେହଁ କାମା  
 ମେସାନା ଲାକପୁରୁତି ଆବାତି ଗାଞ୍ଜୁରମି  
 କିନେରି □

ମେରାତି କାତା ଜାପୁନାୟି  
 ୧୭ ନାଙ୍ଗେ ମସାତି ମେରା ଅଡ଼େ  
 ମାହାପୁରୁ ଅଣ୍ଡପୁତି ବଲୁ ଝେହ୍ନନାରି  
 ମେରାତି ମ୍ବେକ୍‌ହାଲି ଝାହାମାନେସି  
 ଇଞ୍ଜା ଅଣ୍ଡପାଆଦୁ; ନାନୁ ମ୍ବେକ୍‌ହାଲି  
 ଝାହାହିଲଅଁ ସାମା ଇ ବାରେ ପୁରା  
 କିହାଲି ଝାହାମାଇଁ □

୧୮ \*ଏନାଆଁତାକି ଇଚିହଁ ନାନୁ  
 ମିଙ୍ଗେ ସାତା ଝେସିମାଞ୍ଜାଇଁ, ହାଗୁପାକା  
 ଅଡ଼େ ଦାରତି ମେଣ୍‌ଙ୍ଗାଆ ପାଡେକା  
 ଇଞ୍ଜା ଇ ବାରେ ଆଆପାଡେକା ମସା  
 ମେରାତି ଇଚାୟି ସିନା ଜିକେଏ  
 ମେଣ୍‌ଙ୍ଗେଏ □

୧୯ ଏନାଆଁତାକି ଇଚିହଁ ଆମ୍ବାଆସି  
 ଇ ହୁକୁମିଟି ର ଉଣା ହୁକୁମି ମାନୁଝି  
 ଆଅସି ଅଡ଼େ ଲକୁଇଁ ଏଲେକିହଁଏ  
 ଜାପୁନେସି, ଏଞ୍ଜାସି ଲାକପୁରୁ ରାଜିତା  
 ଉଣା ଇଞ୍ଜା ଝେଙ୍ଗିନେସି; ସାମା  
 ଆମ୍ବାଆସି ମାନୁଝି ଆନେସି ଅଡ଼େ  
 ଜାପୁନେସି ଏଞ୍ଜାସି ଲାକପୁରୁ କାଜାସି  
 ଇଞ୍ଜା ଝେଙ୍ଗିନେସି □

୨୦ ଏନାଆଁତାକି ଇଚିହଁ ନାନୁ  
 ମିଙ୍ଗେ ଝେସିମାଞ୍ଜାଇଁ, ମୀ ଦୀର୍ଘ ମେରା  
 ପୁନାରି ଅଡ଼େ ପାରୁସିୟା ଦୀର୍ଘ କିହାଁ  
 ମୀ ନାମୁ ହାରେକା ଆଆତିହଁ, ମୀରୁ  
 ଜିକେଏ ଲାକପୁରୁ ରାଜିତା ହଡ଼ାଲି  
 ଆଡ଼ଅଡେରି □

କପା ଗାଟାଣି ଜାପୁନାୟି  
 ୨୧ "ମୀରୁ ଝେଞ୍ଜାମାଞ୍ଜେରି,  
 ତଲିକାଲାତି ଲକୁଇଁ ଝେସପିଆହାମାଚେ,  
 'ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ  
 ପାୟିନେରି, ଏଞ୍ଜାରି ନୀହାୟି ପାଙ୍ଗାତା  
 ଡ଼ଣ୍ଡ ବେଟା ଆନେରି □' "

୨୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ,  
 ଆମ୍ବାଆସି ତାମି ତାୟି ଲାକ  
 କପାଆନେସି, ଏଞ୍ଜାସି ନୀହାୟି ପିଣ୍ଡାତା  
 ଡ଼ଣ୍ଡ ବେଟା ଆନେସି, ଇଞ୍ଜା ଆମ୍ବାଆସି  
 ତାମି ତାୟିଇଁ କାରୁବିଗାଟାତି ଇଞ୍ଜା  
 ଇନେସି, ଏଞ୍ଜାସି ବେରଣିମାଣ୍ଡାତା ଡ଼ଣ୍ଡ

\* ୫:୧୦ ୫:୧୦ ପ୍ରିତିତ ୩:୧୪ \* ୫:୧୧ ୫:୧୧ ପ୍ରିତିତ ୪:୧୪ \* ୫:୧୨ ୫:୧୨ କାମା ୭:୫୨ \* ୫:୧୩  
 ୫:୧୩ ମାର୍କ ୯:୫୦; ଲୁକ ୧୪:୩୪,୩୫ \* ୫:୧୪ ୫:୧୪ ଜହ ୮:୧୨; ୯:୫ \* ୫:୧୫ ୫:୧୫ ମାର୍କ ୪:୨୧;  
 ଲୁକ ୮:୧୭; ୧୧:୩୩ \* ୫:୧୬ ୫:୧୬ ପ୍ରିତିତ ୨:୧୨ \* ୫:୧୮ ୫:୧୮ ଲୁକ ୧୭:୧୭

ବେଟା ଆନେସି; ଅଡ଼େ ଆମ୍ବାଆସି ପଲ୍ଲଆଗାଟାତି ଇଞ୍ଜିଁ ଇନେସି, ଏଝାସି ହିରୁ ଗାଡ଼ୁୟୁତା ମେଡ଼ପି ଆନେସି □

୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାରିମାନାଟି ମୀ ତାୟି କପାଟି ଏନ୍ନି ହାଡ଼ା ମାନେ ଇଞ୍ଜିଁ ଏମ୍ବାଆଁ ଅଣ୍ପୁ ଝାନେ,

୨୪ ଆତିହୁଁ ଏଦିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜାଁ ମୀ ତାୟିତଲେ ଆଣ୍ଡିତି ଜେଟ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା ହେରପାଦୁ □

୨୫ ନାନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା ହାନିବେଲାତା ଜିରୁତେଏ କାଲୁଝି ଆୟାଲି ଅଣ୍ପାମ୍ବା, ଆଆତୁଁ ଏଝାସି ନିଙ୍ଗେ ନୀହାଁୟି କିନାଣି ତାଣା ହେରପାନେସି, ଅଡ଼େ ନୀହାଁୟି କିନାସି ନିଙ୍ଗେ ଜାମାନାଙ୍ଗା କେୟୁତା ହେରପାନେସି, ଅଡ଼େ ଏଝାରି କାୟିବି ଇଲୁତା ସୁଣ୍ଡାନେରି □

୨୬ ନାନୁ ମିଙ୍ଗେ ସାତା ଝେସିମାଞ୍ଜାଲ୍ ମୀ ତାକି କିଝିଆହାମାନି ର କାନି ଜିକେଏ ହାଆ ପାତେକା ଏମ୍ବାଟି ଏନ୍ନିଜିକେଏ ହଡ଼ାଝାହାଲି ଆଡ଼ଅତେରି □

ଦାରିକାମା କିଆଦୁ ଇଞ୍ଜିଁ ଜାପୁନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜିଁ ରାସ୍ତକି ଆହାମାନେ, ଦାରିକାମା କିଆଦୁ □

୨୮ ସାମା ନାନୁ ମିଙ୍ଗେ ଝେସିମାଞ୍ଜାଲ୍, ଆମ୍ବାଆସି ର ଇୟାନି ଲାଗେଏତି ଅଣ୍ପୁ ତଲେ ସିନିକିନେସି, ଇଞ୍ଜାଁ ଏଝାସି ଏଦାନିତଲେ ମନ ମନତା ଦାରିକାମା କିତେସିଏ □

୨୯ ଅଡ଼େ ମୀ ଚିଃନି କାନୁ ମିଙ୍ଗେ ପାପୁ କିଝିକିୟାନେ ଇତିହୁଁ ଏ କାନୁ ଡ଼େଝା କୁତାଦୁ, ଇତିହୁଁ ମୀ ବାରେ ଆଙ୍ଗା ନକିତା ରାନି କିହାଁ, ଆଙ୍ଗାତି ର ବାଗା ହିଲାଆଗାଟାଇ ନେହେଁ □

୩୦ ଅଇଞ୍ଜାଁ ମୀ ଚିଃନି କେୟୁ ମିଙ୍ଗେ ପାପୁ କିଝିକିୟାନେ ଇତିହୁଁ ଏଦାଆଁ ଜାଟାନା କୁତାଦୁ, ଇତିହୁଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ □

ତକ୍ତିନି ପିହୁନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ଅଡ଼େ ରାସ୍ତକି ଆହାମାନେ, ଆମ୍ବାଆସି ତାନି ତକ୍ତିନି ପିହୁନେସି, ଇତିହୁଁ ଏଝାସି ଏଦାନାକି ପିହୁନି ଆକୁ ରାଟାନା ହାପେସି □

୩୨ ସାମା ନାନୁ ମିଙ୍ଗେ ଝେସିମାଞ୍ଜାଲ୍, ଆମ୍ବାଆସି ତାନି ତକ୍ତିନି ଦାରି କାମାତି ଦହୁ ହିଲାଆନା ତକ୍ତିନି ପିହୁନେସି, ଏଝାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିସ୍ତି ଇୟାନି ବୀହା ଆନେସି, ଏଝାସି ଜିକେଏ ଦାରେଲା ଆନେସି □

ପାର୍ମାଣା

୩୩ ଅଡ଼େ ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଣି ଝେସ୍ପି ଆହିମାଟେ, ମୀରୁ ମିତି ପାର୍ମାଣା କିଆଦୁ, ସାମା ପାର୍ମାଣା କିହାମାନାଣି ଡିକିଆଦୁ, ମାହାପୁରୁ ନକିତା ପୂରା କିଦୁ □

୩୪ ସାମା ନାନୁ ମିଙ୍ଗେ ଝେସିମାଞ୍ଜାଲ୍ ପାର୍ମାଣା କିଝୁଏ କିଆଦୁ; ପାର୍ମାଣା କିନି ବେଲା ଲାକପୁରୁତି ଦରୁତଲେ ପାର୍ମାଣା କିଆଦୁ, ଏନାଆଁତାକି ଇତିହୁଁ ଏଦି ମାହାପୁରୁତି ସିଂଗାସାଣି;

୩୫ ଅଡ଼େ ଦାରିତିତି ଦରୁତଲେ ପାର୍ମାଣା କିଆଦୁ, ଏନାଆଁତାକି ଇତିହୁଁ ଏଦି ମାହାପୁରୁତି କତାୟି ଇତିନି ଚାୟୁ; ଜିରୁସାଲମ ଦରୁତଲେ ପାର୍ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା;

୩୬ ଇଞ୍ଜାଁ ମୀ ତାୟିଁ ତୁ ପାର୍ମାଣା କିଆଦୁ, ଇତିହୁଁ ମୀ ତାୟିଁ ତୁ ର

☆ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ☆ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ☆ ୫:୩୧ ୫:୩୧ ମାତି ୧୯:୭; ମାର୍କ ୧୦:୪ ☆ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧କର ୭:୧୦, ୧୧ ☆ ୫:୩୪ ୫:୩୪ ଜାକୁବ ୫:୧୨; ମାତି ୨୩:୨୨

ବାଣୀ କାଢ଼ିଯା ଆଆତଂ ଦବ୍‌ଲୀ  
କିହାଲିତାକି ମୀ ବାଡ଼ୟୁ ହିଲେଏ,

୩୭ ସାମା ମୀଦି ହାଅ ଇନି କାତା ହାଅ  
ଆଠେ, ଇଞ୍ଜା ଆଏ ଇନି କାତା ଆଏ  
ଆଠେ; ଇଦାଆଁ ପିସ୍‌ପେ ଏନାଆଁ ଇଚାଣି  
ଆଗାଡ଼ା କାଲ୍‌ହିହ୍ ଏଦି ଲାଗେଏ  
ତାଣାଟି ଖାନ୍ନେ □

ରୀକି ଆହ୍‌ନାୟି  
(ଲୁକ ୬:୨୯-୩୦)

୩୮ ମୀରୁ ଇ କାତା ଖେଞ୍ଜାମାଞ୍ଜେରି,  
ରାସ୍‌କି ଆହ୍‌ମାନେ, କାନୁତି ବାଦୁଲି  
କାନୁ, ପାଲୁତି ବାଦୁଲି ପାଲୁ □

୩୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ,  
ମିଙ୍ଗେ ଲାଗେଏ କିୟାନାଣାଇଁ ବାଦୁଲି  
ଅଆଦୁ, ସାମା ଆମ୍ବାଆସି ନୀ ଚିଃନି  
ଗେଏଲୀତା ସାପ୍‌ଡ଼ା ଖେଡ଼ାନେସି,  
ଏଞ୍ଜାଣାକି ଅର୍ ଗେଏଲୀ ଜିକେଏ ତହ୍‌ଦୁ  
□

୪୦ ଇଞ୍ଜା ଆମ୍ବାଆସି ନୀହାୟି ପାଙ୍ଗାତା  
ମୀ ସକା ଅହାଲି ମନ କିତିହ୍  
ଏଞ୍ଜାଣାକି ମୀ ହିମ୍ବରି ଜିକେଏ ହୀଦୁ □

୪୧ ଆମିନି ଦେସା ସାଲ୍‌ଝି  
କିନାସି ମିଙ୍ଗେ ବନ୍ତୁ ଡେକାନା  
ତାନିତଲେ ର କିଲମିଟର ହାଜାଲିତାକି  
ଏଲେଇଞ୍ଜାନେସି, ଏଞ୍ଜାଣିତଲେ ରୀ  
କିଲମିଟର ହାଜୁ □

୪୨ ଆମ୍ବାଆସି ମିଙ୍ଗେ ରୀସ୍ତାନେସି,  
ଏଞ୍ଜାଣାକି ହୀଦୁ, ଅଡେ ଆମ୍ବାଆସି ମୀ  
ତାଣାଟି ରୀଣା ଅହାଲି ମନ କିନେସି  
ଏଞ୍ଜାଣାଇଁ ଆଏ ଇନାଆଦୁ □

ସାଡୁୟାଁଇଁ ଜୀଝୁନଦୁ  
(ଲୁକ ୬:୨୭-୩୨)

୪୩ ମୀରୁ ଖେଞ୍ଜାମାଞ୍ଜେରି, ରାସ୍‌କି  
ଆହ୍‌ମାନେ, ମୀ ପାଡ଼ିତାଣାଇଁ ଜୀଝୁନଦୁ  
ଇଞ୍ଜା ସାଡୁୟାଁଣି ଅପାଆଦୁ □

୪୪ ସାମା ନାନୁ ମିଙ୍ଗେ ଖେସିମାଞ୍ଜାଇଁ,  
ମୀ ସାଡୁୟାଁଇଁ ଜୀଝୁନଦୁ, ଇଞ୍ଜା  
ଆମ୍ବାଆସି ମିଙ୍ଗେ ନିନ୍ଦା କିୟାନେରି,  
ଏଞ୍ଜାରି ତାକି ପ୍ରାତାନା କିଦୁ □

୪୫ ଏନିକଂ ମୀରୁ ମୀ ଲାକପୁରୁ  
ଆବାତି ମୀରକା ଆଠେଦରି; ସାମା  
ମାହାପୁରୁ ନେହାଁରି ଅଡେ ଲାଗେଏ  
ପଲେଏତି ବାରେ ଲକୁତାକି ଖେଡ଼ା  
ଉଜେଡ଼ି ହୀନାସି ଅଡେ ଦାମ୍‌ଗାଚାରି  
ଅଡେ ଦାମ୍‌ ହିଲୀଆ ଗାଟାରାକି ଜିକେଏ  
ପିୟୁ ହୀନେସି □

୪୬ ଇଞ୍ଜା ଆମ୍ବାଆସି ମିଙ୍ଗେ ଜୀଝୁ  
ନୟାଁନେରି ଏ ଲକୁଇଁଦେଁ ଜୀଝୁ  
ନଡ଼ିହ୍ ଏନାୟି ମେଡ଼ାଆୟାନେ  
? ସିସ୍ତୁ ରୀହ୍‌ନାରି ଜିକେଏ ଏଦାଆଁ  
କିଅରିକି ?

୪୭ ଅଡେ ମୀରୁ ମୀ ତାୟିୟାଁଇଁ  
ଜହରା କିଦେରି, ଏମ୍ବାଟିଏ ଅଡେ ଏନି  
କାମା କିଦେରି ? ଜୀଝୁଦିଆଆତାରି  
ଜିକେଏ ଏଦାଆଁ କିଅରିକି ?

୪୮ ଏଦାଆଁତାକି ମୀ ଲାକପୁରୁତି  
ଆବା ଏନିକଂ ବାରେକିହାଁ ନେହାଁସି  
ମୀରୁ ଜିକେଏ ଏଲେକଂ ନେହ୍‌ ଆଦୁ  
□



ଦାନା ହୀନାଣି ଜାପ୍‌ନାୟି

୧ ଲକୁ ମେସ୍ତାପେରିଞ୍ଜା ଇଞ୍ଜା  
ଲକୁ ନକିତା ଦାମ୍‌ତି କାମା କିଆଦୁ,  
ଏଦାଆଁତାକି ମୀରୁ ଜାଗ୍ରାତା ଆଦୁ,  
ଆଆତିହ୍ ମୀ ଲାକପୁରୁତି ଆବା  
ନକିତା ମିଙ୍ଗେ ଦାନା ହିଲେଏ □

୨ ଏଦାଆଁତାକି ଦାନା ହୀନାଟି କୁରୁ  
ଗାଟାରିଲେହେଁ ଜାହାରା ନକିତା ତୀଡ଼ି  
ଊକାଆଦୁ; ଏଞ୍ଜାରି ଲକୁ ତାଣାଟି ମାନି  
ବେଟାଆହାଲି ଜୀଝୁଦି ଲକୁତି କୁଟମି  
ଇଲୁତା\* ଅଡେ ମାଦି ଆଂଗେଣିତା  
ଏଲେକିନେରି, ନାନୁ ମିଙ୍ଗେ ସାତା  
ଖେସିମାଞ୍ଜାଇଁ ଏଞ୍ଜାରି ତାନି ଦାନା  
ବେଟାଆହାମାନେରି □

୩ ସାମା ମୀରୁ ଦାନା ହୀନାଟି ମୀ  
ଚିଃନି କେୟୁ ଏନାଆଁ କିହିମାନେ ମୀ  
ଚେବ୍ରି କେୟୁ ପୁନାଆପେ,

୪ ଏନିକଂ ମୀ ଦାନା ହୀତାୟି  
ପୁନାଆରେଟୁ ଆନେ, ମୀ ଲାକପୁରୁତି

☆ ୬:୧ ୬:୧ ମାତୃ ୨୩:୫ \* ୬:୨ ୬:୨ ସିନଗଗ

ଆବା ଜିକେଏ ପୁନାଆରେଚୁ ମେହନାସି,  
ଏଞ୍ଜାସି ମିଙ୍ଗେ ଦାନା ହିୟାନେସି □

ପ୍ରାତାନା  
(ଲୁକ ୧୧:୨-୪)

୫ \*ପ୍ରାତାନା କିନାଟି କୁଚୁ  
ଗାଟାରିଲେହେଁ ଆଆଦୁ, ଏନାଆଁତାକି  
ଇଚିହଁ ଏଞ୍ଜାରି ଲକୁଣି ତସାଲି ତାକି,  
ଜୀହୁଦି ଲକୁତି କୁଟମି ଇଲୁତା† ଅଡେ  
ଡେଡା ଜିରୁତି କନତା ନିଗାନା ପ୍ରାତାନା  
କିହାଲି ରାହାଁ ଆନେରି; ନାନୁ ମିଙ୍ଗେ  
ସାତା ଖେସିମାଞ୍ଜାଇଁ, ଏଞ୍ଜାରି ତାମି ଦାନା  
ବେଟାଆହାମାନେରି □

୬ ସାମା ମୀରୁ ପ୍ରାତାନା କିନାଟି  
ମୀ ଇଲୁ ବିଡ୍ରା ହାଜୁ, ଇଞ୍ଜା ଦାରା  
ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି  
ମୀ ଆବା ମାହାପୁରୁ ତାଣା ପ୍ରାତାନା  
କିଦୁ; ଅଡେ ମୀ ଆବା ଆମ୍ବାଆସି  
ଡଗୁନା ମେସ୍ତାନେସି ଏଞ୍ଜାସି ମିଙ୍ଗେ  
ଦାନା ହିୟାନେସି □

୭ ମୀରୁ ପ୍ରାତାନା କିନାଟି  
ଜୀହୁଦିଆଆତାରି ଲେହେଁ ଉଜେ  
ଉଜେଏ ପେଟେପେଟେ ଜଲ୍ଲାଆଦୁ,  
ଏନାଆଁତାକି ଇଚିହଁ ଏଞ୍ଜାରି  
ଅଣ୍ଡପିନେରି, ହାରେକା ପ୍ରାତାନା  
କିତିସାରେ ମା ପ୍ରାତାନା ମାହାପୁରୁ  
ଖେଞ୍ଜାନେସି □

୮ ଏନାଆଁତାକି ଏଞ୍ଜାରିଲେହେଁ  
ଆଆଦୁ, ଏନାଆଁତାକି ଇଚିହଁ ମିଙ୍ଗେ  
ଏନାୟି ଲଡାମାନେ, ରାହୁଆ ନକେଏ  
ଏନାଆଁ ମୀ ଆବା ମାହାପୁରୁ ବାରେ  
ପୁଞ୍ଜାମାନେସି □

୯ ଅଡେ ମୀରୁ ଇଲେକିହଁ ପ୍ରାତାନା  
କିଦୁ;

ଏ ମା ଲାକପୁରୁତି ଆବା,

ନୀ ଦରୁ ନେହାୟି ଇଞ୍ଜାଁ ମାନଞ୍ଜି  
ଆଡେ;

୧୦ ନୀ ରାଜି ଖାଡେ;

ଲାକପୁରୁତି ଲେହେଁ ଦାରୁତିତା  
ଜିକେଏ ନୀ କାତେଏ ଆଡେ,

୧୧ ନୀଞ୍ଜୁ ମାଙ୍ଗେ ଲଡା ଆନି ରାନ୍ଦା  
ହିୟାମ୍,

୧୨ ମା କପାତଲେ ଦହ କିହାମାନି  
ଲକୁଣି ମାମ୍ବୁ ଏନିକିହଁ ଦହ  
ଆହୁଅମି,

ଏଲେକିହଁ ମା ଦହ ବାରେ  
ମ୍ଲେକ୍‌ହାମ୍ □

୧୩ ମାଙ୍ଗେ ପାନ୍ଦାତା ମେଡ଼ହାଆନି  
ଲାଗେଏ ପଲେଏ ତାଣାଟି  
ପିସ୍‌ପି କିୟାମ୍,

ଏନିଇଚିହଁ ରାଜି ବାଡ଼ୁ  
କାଜାପାଣା କାଲା କାଲାତାକି  
ନୀଦିଏ ଆଡେ □ ଆମେନ୍ □

୧୪ \*ଇଚିହଁ ମୀରୁ ଏଡ଼କା ଲକୁତି  
ପାପୁ ବାରେ ମ୍ଲେକ୍‌ହିସାରେ, ମୀ  
ଲାକପୁରୁତି ଆବା ମାହାପୁରୁ ଜିକେଏ  
ମୀ ପାପୁ ମ୍ଲେକ୍‌ହାନେସି;

୧୫ ସାମା ମୀରୁ ଲକୁତି ପାପୁ  
ମ୍ଲେକ୍‌ଆସାରେ, ମୀ ଆବା ଜିକେଏ ମୀ  
ପାପୁ ମ୍ଲେକ୍‌ହଅସି □

ଉପାସା କିନାଣି ଜାପ୍‌ନାୟି

୧୬ ଉପାସା କିନାଟି କୁଚୁ  
ଗାଟାରିଲେହେଁ ମୀ ମୁମ୍‌ତୁ ଖାଡ଼ି କିଆଦୁ,  
ଏନାଆଁତାକି ଇଚିହଁ ଏଞ୍ଜାରି ଉପାସା  
କିହିମାନେରି ଇଞ୍ଜାଁ ଲକୁଣି ତସାଲି  
ତାମି ମୁମ୍‌ଖାଡ଼ି କିନେରି; ନାନୁ ମିଙ୍ଗେ  
ସାତା ଖେସିମାଞ୍ଜାଇଁ ଏଞ୍ଜାରି ତାମି ଦାନା  
ବେଟାଆହାମାନେରି □

୧୭ ସାମା ମୀରୁ ଉପାସା କିନାଟି, ମୀ  
ତାୟିଁ ତୁ ନିୟୁଁ ଉହଦୁ ଅଡେ ମୁମ୍  
ନରହା କତାଦୁ □

୧୮ ଏନିକିଁ ମୀରୁ ଉପାସା  
କିହିମାଞ୍ଜେରି ଇଞ୍ଜାଁ ଲକୁ ନକିତା  
ତଞ୍ଜା ଆଆନା, ପୁନାଆରେଚୁ ମାନି  
ମୀ ଲାକପୁରୁତି ଆବା ନକିତା ତଞ୍ଜା  
ଆଡେରି; ଅଡେ ମୀ ଆବା ପୁନାଆରେଚୁ  
ମେସାନା ମିଙ୍ଗେ ଦାନା ହିୟାନେସି □

ଲାକପୁରୁତି ଦନ୍  
(ଲୁକ ୧୨:୩୩-୩୪)

୧୯ “ଏନିୟା ସୀରନେ ଇଞ୍ଜାଁ ଲୀମ୍  
ତିନେ ଅଡେ ସରକା କାତି ତୁଡ଼ହାନା

ସରୁ କିହା ଅନେରି, ଇଲେତି ଦାର୍ତତିତା  
ମିଙ୍ଗେତାକି ଦନ କୃତିକିହାଁ ଇଟାଆଦୁ □

୨୦ ସାମା ଆମ୍ବିୟା ସୀରୁଏ ଇଞ୍ଜା ଲୀମ୍ବୁ  
ତିନେଏ ଅଡେ ସରକା କାତି ତୁଡ଼ହାନା  
ମାଣ୍ଡରା ଅଅରି ଇଲେତି ଲାକପୁରୁ  
ମିଙ୍ଗେତାକି ଦନ କୃତି କିଦୁ,

୨୧ ଇଚିହଁ ଆମ୍ବିୟା ମୀ ଦନ  
ଏମ୍ବେଏ ମୀ ମନ ଜିକେଏ ମାନେ □”

ଆଙ୍ଗାତି ଉଜେଡ଼ି  
(ଲୁକ ୧୧:୩୪-୩୭)

୨୨ କାନୁ ଆଙ୍ଗାତି ଦୀଞ୍ଜି ଲେହେଁ,  
ଇଚିହଁ ମୀ କାନୁ ନେହଁ ମାନେ,  
ଆତିହଁ ମୀ ବାରେ ଆଙ୍ଗା ଉଜେଡ଼ି  
ଆନେ □

୨୩ ସାମା ମୀ କାନୁ ଲାଗେଏ ମାନେ,  
ଆତିହଁ ମୀ ବାରେ ଆଙ୍ଗା ଜିକେଏ  
ଆନେରି ଆନେ □ ଏନାଆଁତାକି  
ଇଚିହଁ ମୀ ଆଙ୍ଗାତି ଉଜେଡ଼ି ଆନେରି  
ଆତିହଁ ଏ ଆନେରି ଏଚେକା  
ଆଜିନାୟି ଆନେ □

ମାହାପୁରୁ ଅଡେ ଦନ  
(ଲୁକ ୧୭:୧୩; ୧୭:୨୨-୩୧)

୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି  
ତାଣା ହୁଲେଏସି ଆହାଲି ଆଡ଼ଅସି;  
ଏନାଆଁତାକି ଇଚିହଁ ଏଞ୍ଜାସି ରଅଣାଲ୍  
ଜୀଞ୍ଜୁ ନନେସି, ଅଡେ ରଅଣାଲ୍  
ଅପଅସି, ରଅଣାଲ୍ ମାନି କିନେସି  
ଅଡେ ରଅଣାଲ୍ ମାନଞ୍ଜି ଆଅସି, ମୀରୁ  
ମାହାପୁରୁ ଅଡେ ଦନତି ହଲିୟାଙ୍ଗା  
ଆହାଲି ଆଡ଼ଅଚେରି □

୨୫ ଏନାଆଁତାକି ନାନୁ ମିଙ୍ଗେ  
ଝେସିମାଞ୍ଜାଲ୍, ଏନାଆଁ ତିନାୟି ଏନାଆଁ  
ଗହନାୟି, ଏଲେକଁ ମୀ ଜୀଞ୍ଜୁତାକି,  
ଏନାଆଁ ତୁରନାୟି ଇଲେକଁ ମୀ ଆଙ୍ଗା  
ତାକି ଅଣପାଆଦୁ, ରାନ୍ଦାକିହା ଜୀଞ୍ଜୁ,  
ହିମ୍ବୁରିକା କିହାଁ ଆଙ୍ଗା କାଜାୟି ଆଏକି  
?

୨୬ ପଗାୟାଣି ସିନିକିଦୁ, ଏଞ୍ଜି  
ମାଗାଉ କି ଦାଡ଼ କି ଗାଡ଼େୟିତା  
କୃତିକିହାଁ ଇଟାଉ, ଏଲେଆଡ଼ିଞ୍ଜା  
ଲାକପୁରୁତି ଆବା ଏଞ୍ଜାସିକାକି ତାମି

ରାନ୍ଦା ହୀହିମାନେସି, ଏଞ୍ଜାସିକା କିହାଁ  
ମୀରୁ କାଜାଚେରି ଆଏକି ?

୨୭ ଅଡେ ମୀ ବିତ୍ରାତି ଆମ୍ବାଆସି  
ତାନି ଗାତି ଅଣପୁ ତଲେ ତାନି ଜୀଞ୍ଜୁତି  
ଆଗାଡ଼ା ପାତିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି  
ଅଣପିମାଞ୍ଜେରି ? ଜାଡ଼ାତି ପୂଙ୍ଗାଣି  
ସିନିକିହାଁ ଅଣପାନା ଜାପାଦୁ, ଏଞ୍ଜି  
ଏନିକଁ ପାତାଆନୁ; ଏଞ୍ଜି କସ୍ତ କିଉ  
କି ଲୁଲୁ ଦାଡ଼,

୨୯ ଆଡ଼ିଜିକେଏ ନାନୁ ମିଙ୍ଗେ  
ଝେସିମାଞ୍ଜାଲ୍, ରାଜା ସଲମାନ ଗାତି  
ଦାରାତି ହିମ୍ବୁରିକା ହୁଚିମାତିହଁ  
ଜିକେଏ ଏ ପୂଙ୍ଗା ବିତ୍ରାତି ର ପୁରୁ  
ଲେହେଁ ଅଜା ହିଲାଆଚେସି □

୩୦ ସାମା ଗୁଡ଼ିୟାତା ତୟିନି ଗାକଁ  
ଜାଡ଼ା ନୀଞ୍ଜୁ ମାନେ ଝିଏ ହଲୁତା  
ହୁଡ଼କିଆନେ, ଏଦାନାକି ମାହାପୁରୁ  
ଇଚେକା ନେହଁ ଅଜୁ ହୀତିହଁ,  
ଏ ନାମୁ ହିଲାଆଗାଟାଚେରି ମିଙ୍ଗେ  
ହାଡ଼େକା ଗାତି ହିମ୍ବୁରିକା ହିୟଅସିକି  
?

୩୧ ଏନାଆଁତାକି ଏନାଆଁ ତିନମି,  
ଏନାଆଁ ଗହନମି, ଏନାଆଁ ପରନମି  
ଏଲେକିହଁ ଅଣପାଆଦୁ □

୩୨ ଇଚିହଁ ଜୀଞ୍ଜୁଦିଆଆତି ଲକୁ  
ଇ ବାରେ ପାରିନେରି, ଅଡେ ଇ  
ବାରେ ମିଙ୍ଗେ ଲଡ଼ାମାନେ ଇଞ୍ଜାଁ ମୀ  
ଲାକପୁରୁତି ଆବା ପୁଞ୍ଜାମାନେସି □

୩୩ ସାମା ମୀରୁ ନକେଏ ମାହାପୁରୁତି  
ରାଜି ଅଡେ ଦୀମ୍ବୁତି ପାରାଦୁ, ଆତିହଁ  
ମୀ ଲଡ଼ାମାନି ବାରେ ହୀପକିଆନେ □

୩୪ ଇଚିହଁ ଝିଏତାକି ଅଣପାଆଦୁ,  
ଏନାଆଁତାକି ଇଚିହଁ ଝିଏତି ଅଣପୁ  
ଝିଏ ମୀରୁ ମିଙ୍ଗେତାକି ଅଣପିଦେରି,  
ଇଚିହଁ ନୀଞ୍ଜୁତି କସ୍ତ ନୀଞ୍ଜୁତାକି ସାରି  
□



ଏଟକା ତାରାଲ୍ ନୀହାୟି କିନାୟି  
(ଲୁକ ୭:୩୭-୩୮; ୪:୧-୪୨)

୧ ମୀରୁ ଏନିକ୍ ନାହାଁୟି କିଞ୍ଚି ଆଅତେରି, ଏଦାଆଁତାକି ମୀରୁ ଆମ୍ବାଆରାଇଁ ନାହାଁୟି କିଆଦୁ □

୨ \*ଇଚିହ୍ ମୀରୁ ଏନିକ୍ ଲକୁଣି ନାହାଁୟି କିଦେରି, ଏଲେକିହ୍ ଏ ମୀରୁ ଜିକେଏ ନାହାଁୟି କିଞ୍ଚିଆଦେରି; ଅଡ଼େ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଙ୍ଗେ ଲାଟା ହିୟାନେରି □

୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ପି ହିଲଅତି କି ?

୪ ଅଡ଼େ ନୀନୁ ଏନିକ୍ ମୀ ତାୟିଇଁ ଏଲେଇଞ୍ଜି ଖାମ୍ବୁ, ନୀ କାନୁତି ଲାଟା ଡେଝାଇଁ, ଅଡ଼େ ମେହମୁ ନୀ କାନୁତେଏ କାଜା ଲାଟା ମାନେ!

୫ ଆଡ଼େ କୁଟୁ ଗାଟାତି ତଲିଏ ନୀ କାନୁତି ଲାଟା ଡେଝା କଡାମ୍ବୁ, ଆତିହ୍ ମୀ ତାୟି କାନୁତି ଲାଟା ଡେଝାଲି ନେହ୍ କ୍ ମେସାଲି ଆଡ଼ିଦି □

୬ “ନେହ୍ ଆସ୍ତିତି ନେସକାକି ହାଆଦୁ, ଏଞ୍ଜି ଝେଣ୍ଡେ ତିରଝାହାଁ କାଟାନୁ ଇଞ୍ଜା ବାଂଗାରା କିହାଁ ଆଗାଡ଼ା ଦାରାଗାଟି ହାଙ୍ଗା ପାଜିୟାଁ ନକିତା ମେଡ଼ଆଦୁ, ଏଞ୍ଜି ଏଦାନି କାଦତା ତୁଡ଼ବିନୁ □”

ରାହଦୁ, ପାରାଦୁ ଅଡ଼େ ଦୁଝେରିତା ଝେଦୁ

(ଲୁକ ୧୧:୯-୧୩)

୭ “ରାହଦୁ ଆତିହ୍ ମିଙ୍ଗେ ହାପକିଆନେ; ପାରାଦୁ ଆତିହ୍ ମିଙ୍ଗେ ମୋଡ଼ାଆୟାନେ; ଦୁଝେରିତା ଝେଦୁ, ଏଚେଟିଏ ମିଙ୍ଗେତାକି ଦୁଝେରି ଦେପିଆନେ □

୮ ଇଚିହ୍ ଆମ୍ବାଆସି ରାହନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମୋଡ଼ିକନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଞ୍ଜାଣାକି ଦାରା ଦେପିଆନେ □

୯ ଇଚିହ୍ ମୀ ବିତ୍ତା ଆମ୍ବାଆସି ଇଲେତି ମାଣସି ମାନେସି, ତାନି

ମୀରୁଏସି ରୁଟି ରାସ୍ତିସାରେ ଏଞ୍ଜାଣାକି ଖାଲୁକା ହାନେସି,

୧୦ ଅଡ଼େ ମୀନୁ ରାସ୍ତିସାରେ ଏଞ୍ଜାଣାକି ରାବୁ ହାନେସି ?

୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସକାକି ନେହାଁଣି ହାହିମାଞ୍ଜେରି, ଆତିହ୍ ମୀ ଲାକପୁରୁତି ଆବା ନକିତା ରାହନି ଲକୁକି ଏଚେକା ନେହା ନେହାଁଣି ହାଅସି!”

୧୨ \* “ଏଦାଆଁତାକି ଲକୁ ମିଙ୍ଗେ ତାକି ଏନିକ୍ ଲେମ୍ବାପେରି ଇଞ୍ଜ୍ ମୀରୁ ଅଣ୍ପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହ୍ କିଦୁ, ଏନାଆଁତାକି ଇଚିହ୍ ଇଦିଏ ମସାତି ମୋରା ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନି ଦାମ୍ବୁ ପତିତି କାତା □”

ଜାକଣି ଦୁଝେରି  
(ଲୁକ ୧୩:୨)

୧୩ ଜାକଣି ଦୁଝେରିତି ହାଲୁ, ଏନାଆଁତାକି ଇଚିହ୍ ନକିତା ହାନି ଜିରୁ ଅସାରା ଅଡ଼େ ଡସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି □

୧୪ ଅଡ଼େ ଜୀଝୁତା ଅନି ଦୁଝେରି ଜାକଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତାଗାଟାୟି ଏ ଜିରୁଟି ହାନି ଲକୁ ହାରେକା ଡଣା □

ମୀରୁନୁ ଅଡ଼େ ତାନି ପାଡ଼େୟି  
(ଲୁକ ୭:୪୩-୪୪)

୧୫ “ମାହାପୁରୁ ବଲୁ ଝେହ୍ନାତମି ଇଞ୍ଜ୍ ଝେସାନା ମିତି କାତା ଝେହ୍ନାରି ତାଣାଟି ଜାଗାତା; ଏଞ୍ଜାରି ମୋଣ୍ଡାୟାଁ ଖାଣା ଆସାନା ମୀ ତାଣା ଖାନ୍ନେରି, ସାମା ଏଞ୍ଜାରି ହିୟାତା କାର୍ବି ଆଡ଼ି କ୍ଳାଝନି!

୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପକା ମୀରୁନୁତା ଅଞ୍ଜୁରି ପାଡ଼େୟି



ଆଆଡ଼ିହୁଁ ଅଣଙ୍ଗ ମାରୁନୁତା ତୟା ପାଡ଼େୟି ଏହୁନେରି ?

୧୭ ଏଲେକିହୁଁ ଏ ନେହୁଁ ମାରୁନୁତା ବାରେ ନେହୁଁ ପାଡ଼େୟି ଅଡ଼େ ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ ।

୧୮ ନେହୁଁ ମାରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାରୁନୁ ନେହୁଁ ପାଡ଼େୟି ଆୟାଲି ଆଡ଼େଏ ।

୧୯ \*ଆମିନି ମାରୁନୁ ନେହୁଁ ପାଡ଼େୟି ଆୟେଏ, ଏଦାନି ଚୁଣ୍ଡି ଆହାନା ହିରୁତା ମେଡ଼ପି ଆନେ ।

୨୦ \*ଏଲେକିହୁଁ ଏ ମିତି ମାହାପୁରୁ ବଲୁ ଖେହୁନାରାଇଁ ତାମା କାମା ତଲେ ପୁଞ୍ଜାଲି ଆଡ଼ିନାୟି ।

ନାନୁ ମିଙ୍ଗେ ଏଚେଲାଝା ପୁଞ୍ଜାମାଞ୍ଜଅଁ  
(ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରବୁ, ପ୍ରବୁ’ ଇଞ୍ଜୁଁ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଖେସ୍ତି କାତା ମାନୁଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି ।

୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରବୁ ଏ ପ୍ରବୁ ମାମ୍ବୁ ନୀ ଦରୁତଲେ ମାହାପୁରୁ ଅଣ୍ଡପୁତି ବଲୁ ଖେହୁଆତମି କି ? ଅଡ଼େ ନୀ ଦରୁତଲେ ବୁରୁୟାଁଇଁ ପସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନ୍ତି କାମା କିଆତମି କି ?

୨୩ ଏତିବେଲା ନାନୁ ଏଞ୍ଜରାଇଁ ତୀରେତଲେ ଏଲେଇଇଁ ‘ଏ ଲାଗେଏ ପଲେଏ ଗାଟାତେରି, ନା ତାଣାଟି ହେକ ଆବୁ, ନାନୁ ମିଙ୍ଗେ ଏଚେଲାଝା ପୁଞ୍ଜାମାଞ୍ଜଅଁ ।”

ରୀ ଇଲକା କେପିନାରି  
(ଲୁକ ୬:୪୭-୪୯)

୨୪ “ଇଞ୍ଜାଁ ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନୁଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି ।

୨୫ ଗାଡ଼ି ପିୟୁ ରୀତେ ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ, ସାମା ଏ ଇଲୁ ରିଆଡ଼େ, ଇତିହୁଁ ଏଦି ପାକାତା କାନ୍ଦା କାରୁହାନା ପୁନାଦି ଦସାମାଚାୟି ।

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ବାଃଲି ଲାକ ଇଲୁ କେପା ତୟିନି ବୁଦି ହିଲାଆଗାଟି ଲକୁ ଲେହେଁତାସି ।

୨୭ ଗାଡ଼ି ପିୟୁ ରୀତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଗାହାଜା ବୁମିତା ଆଣ୍ଡିତେ ।

ଜୀସୁତି କାଜାପାଣା

୨୮ \*ଜୀସୁ ଇ ବାରେ କାତା ରାପୁହି ଜେତ ତାନି କାତା ଖେଚାରି କାବା ଆଡ଼େରି ।

୨୯ ଇତିହୁଁ ଏଞ୍ଜାସି ତାନି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜାପୁହି ମାଚେସି ।

୮

ଜୀସୁ କାଜା ରଗ ଗାଟାଣାଇଁ ନେହୁଁ କିନାୟି

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଟା ଖାଡ଼ି ତାୟୁ ମାନ୍ଦା ଲକୁ ତାନି ଜେତ ହାଚେରି ।

୨ ଏତିବେଲା ର କାଜା ରଗ ଗାଟାସି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିତିହୁଁ ନାଙ୍ଗେ ନେହୁଁ କିହାଲି ଆଡ଼ାଦି ।”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନାନୁ

\* ୭:୧୯ ୭:୧୯ ମାତୃ ୩:୧୦; ଲୁକ ୩:୯ \* ୭:୨୦ ୭:୨୦ ମାତୃ ୧୨:୩୩ \* ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨

ମନ କିହିମାଇଁ ନାନୁ ନେହୁଁ ଆମୁ □”  
ଏ ଦେବୁଣିଏ କାଜା ରଗା ଗାଟାସି  
ନେହୁଁ ଆଡେସି □

୪ ଏଚେଟିଏ ଜୀସୁ ଏଞ୍ଜାଣାଇଁ  
ଏଲେଇଚେସି, “ଜାଗ୍ରାତା ଆମ୍ବାଆରାଇଁ  
ଝେହୁଆନି, ସାମା ନାନୁ କାଜା ପୂଜେରା  
ତାଣା ହାଜାନା ନିଙ୍ଗା ତସାକତାମୁ, ଅଡେ  
ମସା ଆମିନି ମେରା ହାହାମାନେସି  
ଏଦାଆଁ ଲକୁ ନକିତା ସାକି ହାନିଲେହେଁ  
ହେରପାମୁ □”

ଜୀସୁ ର ରମିୟ କସକା  
ହଲେଏଣାଇଁ ନେହୁଁ କିନାୟି  
(ଲୁକ ୭:୧-୧୦)

୫ ଜୀସୁ କପରନାହୁମ ଗାଡାତା  
ହାଜାଲିଏ ର ରମିୟ ପାସାକଡ଼ି କସକା  
ମୁହେଁ କାଜାସି ଏଞ୍ଜାଣି ତାଣା ଝାହାନା  
ବାଡ଼ିମାଲିହୁଁ ଏଲେଇଚେସି,

୬ “ଏ ପ୍ରବୁ, ନା ହଲେଏସି  
ଚଟଞ୍ଜାୟାନା ହାରେକା କସୁ ଆହୁଁ  
ଇଜ କାଟେଲିତା ତୁରାମାନେସି □”

୭ ଜୀସୁ ଏଞ୍ଜାଣାଇଁ ଏଲେଇଚେସି,  
“ନାନୁ ଝାହାନା ଏଞ୍ଜାଣାଇଁ ନେହୁଁ କିଲ୍  
□”

୮ ସାମା ପାସାକଡ଼ି କସକା ମୁହେଁ  
କାଜାସି ଏଲେଇଚେସି, “ଆଏ, ପ୍ରବୁ  
ନାନୁ ନା ଇଜ ପାଞ୍ଜୁଲି ଇଚିଦି, ଏଲେତି  
ଜଟେ ଆଏ; ସାମା ନାନୁ ର ପଦୁ  
ଝେସା ପାଣ୍ଡାମୁ, ନା ହଲେଏସି ନେହୁଁ  
ଆନେସି □

୯ ଇଚିହୁଁ ନାନୁ ରଅଣି ତାଣା କାମା  
କିନି ମାଣସି ଆଡ଼ିହୁଁ ଜିକେଏ ନା  
ଅଦିକାରାତା ଅଡେ କସକା ମାନେରି;  
ନାନୁ ରଅଣାଇଁ ହାଲାମୁ ଇଚିହୁଁ  
ଏଞ୍ଜାସି ହାନେସି; ଅଡେ ରଅଣାଇଁ  
ଝାମୁ ଇଚିହୁଁ ଝାନେସି; ଅଡେ ନା  
ହଲେଏଣାଇଁ ଇଦାଆଁ କିମୁ ଇଚିହୁଁ  
ଏଦାଆଁ କିନେସି □”

୧୦ ଜୀସୁ ଇ ବାରେ କାତା ଝେଞ୍ଜାନା  
କାବା ଆଡେସି, ଅଡେ ତାନି ଜେଟ  
ଝାହିମାଟି ଲକୁଣି ଏଲେଇଚେସି, ନାନୁ  
ମିଙ୍ଗେ ସାତା ଝେସିମାଞ୍ଜାଇଁ, ଇସାୟେଲ

ବିତା ଆମ୍ବାଆରି ତାଣା ଇଚେକା କାଜା  
ନାମୁ ମେସାହିଲଅଁ □

୧୧ \*ସାମା ନାନୁ ମିଙ୍ଗା ଝେସିମାଞ୍ଜାଇଁ,  
ହାରେକା ଲକୁ ଝେଡ଼ା ହପୁ ଝାକିଟି  
ଅଡେ ଝେଡ଼ା କୁଡ଼ନି ଝାକିଟି ଝାହାନା  
ଅସାହାମ, ଇସାହାକ ଅଡେ ଜାକୁବ  
ତଲେ ଲାକପୁରୁ ରାଜିତା ତିଞ୍ଜାଲି  
କୁଗିନେରି □

୧୨ \*ସାମା ରାଜିତି ମୀରକାଣି  
ପାଙ୍ଗାତି ଆନ୍ଦେରିତା ମେଡ଼ପି ଆନେ  
ଏମ୍ବାଆଁ ଏଞ୍ଜାରି ପାଲକା ଟୀଟି କିହୁଁ  
ଡ଼ାନେରି □

୧୩ ଅଡେ ଜୀସୁ ଏ କସକା ମୁହେଁ  
କାଜାଣାଇଁ ଏଲେଇଚେସି, ଇଜ  
ହାଲାମୁ, ଏନିକିହୁଁ ନାମାମାଞ୍ଜି  
ନିଙ୍ଗେତାକି ଏଲେକିହୁଁ ଆଡେ  
□ ଏ ଦେବୁଣିଏ ଏ ହଲେଏସି  
ନେହୁଁ ଆଡେସି □

ଜୀସୁ ହାରେକା ଲକୁଣି  
ନେହୁଁ କିନାୟି  
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ  
ଝାହାନା ପିତରତି ପୟା ନଟେରି ତାକି  
କାଟେଲିତା ତୁରାମାନାଣି ମେସେସି □

୧୫ ଏଚେଟିଏ ଜୀସୁ ତାନି କେୟୁ  
ତୀଗାଲିଏ ନଟେରି ପିସେ, ଅଡେ  
ନିଙ୍ଗାନା ଏଞ୍ଜାଣି ସେବା କିହାଲି ମାଟୁହେ  
□

୧୬ ମିଡ଼ଅଲ୍ଲା ଆହାଲିଏ ଲକୁ  
ହାରେକା ବୁଡୁ ଆଲ୍ଗାମାଟି ଲକୁଣି  
ଜୀସୁ ତାଣା ତାଚେରି, ଏଚେଟିଏ ଜୀସୁତି  
ର ବଲୁ ତାକି ବୁଡୁୟାଁ ଏଞ୍ଜାରି ତାଣାଟି  
ହଡ଼ାହାରୁ, ଅଡେ ହାରେକା ନଟେରି  
ଗାଟାରାଇଁ ନେହୁଁ କିଡେସି □

୧୭ ଏନିକିହୁଁ ମାହାପୁରୁ ଅଣ୍ଡପୁତି  
ବଲୁ ଝେହୁନି ଜିସାୟତି କାତା ସାତା  
ଆନେ, “ଏଞ୍ଜାସି ତାନୁଏ ମା ନଟେରି  
ଦୁକା ଅଡେସି ଅଡେ ମା ରଗତି  
ଡେକିଡେସି □”

\* ୮:୧୧ ୮:୧୧ ଲୁକ ୧୩:୨୯ \* ୮:୧୨ ୮:୧୨ ମାତ୍ରି ୨୨:୧୩; ୨୫:୩୦; ଲୁକ ୧୩:୨୮

ଜୀସୁ ସୀସୁୟା ଆହାଲି ମନ କିନାୟି  
(ଲୁକ ୯:୫୭-୬୨)

୧୮ ଜୀସୁ ତାନି ସାରିଖାକି ଲକୁଣି  
ମେସାନା, ସୀସୁୟାଙ୍କ ସାମଦୁରି ଆତାଲା  
ହାଜାଲି ହୁକୁମି ହୀତେସି □

୧୯ ର. ମେରା ଜାପନାସି ଖାହାନା  
ଜୀସୁଙ୍କ ଏଲେଇଚେସି, “ଗୁରୁ, ନୀନୁ  
ଆମ୍ବିୟା ହାଜି, ନୀନୁ ଜିକେଏ ନୀ ତଲେ  
ଖାଙ୍କ □”

୨୦ ଏଚେଟିଏ ଜୀସୁ ଏଞ୍ଜାଣାଙ୍କ  
ଏଲେଇଚେସି, “ନାକାୟାକି ତୁୟିନି  
ପାଞ୍ଜୁୟା ମାନୁ, ହାଗୁ ଲାକ ଉୟିନି  
ପଚାୟାକି ବାସାଟାୟା ମାନେ, ସାମା  
ମାଣସି ମୀରଏଣାକି ତାୟା ଚୁନଟହାଲି  
ବାସାଟାୟା ହିଲେଏ □”

୨୧ ଇଞ୍ଜା ସୀସୁୟା ବିତ୍ରାଟି ଅଡ଼େ  
ରଅସି ଜୀସୁଙ୍କ ଏଲେଇଚେସି “ପ୍ରବୁ,  
ନକେଏ ହାଜାନା ନା ଆବାଙ୍କ ମାହଣିଣା  
ମୁସାଲି ହେଲ ହିୟାମୁ □”

୨୨ ସାମା ଜୀସୁ ଏଞ୍ଜାଣାଙ୍କ  
ଏଲେଇଚେସି, “ନା ଜେଚ ଖାମୁ,  
ହାଡ଼ାରାଙ୍କ ତାମି ହାଡ଼ି ଲକୁଣି ମୁସାଲି  
ପିହମୁ □”

ଜୀସୁ ଗାଲି ପିୟୁ ସାପି କିନାୟି  
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ଡ଼ାଗତା ହଟାଲିଏ ସୀସୁୟା  
ତାନି ଜେଚ ହାଚେରି □

୨୪ ଅଡ଼େ ମେହଦୁ ଦେବୁଣିଏ  
ସାମଦୁରିତା କାଜା ଗାଲି ଆଡେ, ଇଞ୍ଜା  
ଡ଼ାଗ ଏୟୁତା ମୁଞ୍ଜାଲି ମାଟହେ, ସାମା  
ଜୀସୁ ଡ଼ାଗତା ତୁରାମାଚେସି □

୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ  
ନିକହାନା ଏଲେଇଚେରି, “ପ୍ରବୁ,  
ମାଙ୍ଗ ଗେଲପାମୁ, ଆଆତ ମାମୁ  
ହାହିମାନମି □”

୨୬ ଜୀସୁ ଏଞ୍ଜାରାଙ୍କ ଏଲେଇଚେସି,  
“ଏ ଡ଼ାଣା ନାମୁ ଗାଟାଚେରି,  
ଏନାଆଁତାକି ଇଚେକା ଆଜିମାଞ୍ଜେରି?”  
ଏମ୍ବାଟିଏ ଜୀସୁ ନିଙ୍ଗାନା ଗାଲି ଅଡ଼େ  
ଞ୍ଜାଡ଼ିମାଟି ସାମଦୁରିତି ଦାକା ହୀତେସି,  
ଇଞ୍ଜା ଦେବୁଣିଏ ସାପିଆଡେ □

୨୭ ଏମ୍ବାଟିଏ ଏଞ୍ଜାରି କାବା ଆହାଁ  
ଏଲେଇଚେରି, “ଇଞ୍ଜାସି ଏନିଲେହେଟି  
ମାଣସି ? ଗାଲି ଅଡ଼େ ସାମଦୁରି  
ଜିକେଏ ଇଞ୍ଜାଣି ହାଡ଼ା ମାନୁଞ୍ଜି  
ଆହିମାନେ □”

ବୁତୁ ଆଲଗାମାଟି ରିଆରାଙ୍କ ଜୀସୁ  
ନେହ କିନାୟି  
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟା ଜୀସୁ ସାମଦୁରି  
ଆତାଲାଞ୍ଜାକିଟି ଗଦରିୟ ନାୟକାଣା  
ଏଗାହାଜାଲିଏ ରୀ ବୁତୁୟା ଆଲଗା  
ମାଚାରି ମାଡ଼ହା ମୁହନି ଟାୟୁଟି  
ଞ୍ଜାହାନା ଜୀସୁଙ୍କ ବେଟାଆଡେରି,  
ଏଞ୍ଜାରି ଇଲେଟି ଆଜିହପେଟି ଲକୁ  
ମାଚେରି, ଏ ଜିରୁଟି ଲକୁ ରେଜାଲି  
ଆଡ଼ିହିଲାଆଡେରି □

୨୯ ଇଞ୍ଜା ମେହଦୁ ଏଞ୍ଜାରି କିରଡ଼ିହ  
ଏଲେଇଚେରି, “ଏ ମାହାପୁରୁ  
ମୀରଏଣାଟି! ନୀ ତଲେ ନାଙ୍ଗେ ଏନାୟି  
ମାନେ ? ମା ବେଲା ଖାଆନେଏ ମାଙ୍ଗେ  
କସ୍ତୁ ହିୟାଲି ଇମ୍ବାଆଁ ଞ୍ଜାଡ଼ିକ ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର.  
ମାନ୍ଦା ପାଜିୟା ମେୟ ମାଚୁ □

୩୧ ଏ ଲକୁ ବିତ୍ରାଟି ବୁତୁୟା ଜୀସୁଙ୍କ  
ବାଡ଼ିମାଲିହ ଏଲେଇଚୁ, “ମାଙ୍ଗେ  
ପେଡ଼ହାଦି ଇଚିହ, ଏ ପାଜିୟା ମାନ୍ଦା  
ବିତ୍ରା ପାଣ୍ଡାମୁ □”

୩୨ ଜୀସୁ ଏଞ୍ଜାସିକାଣି ଏଲେଇଚେସି,  
“ହାଡ଼ୁ □” ବୁତୁୟା ଏ ଦେବୁଣିଏ ଲକୁଙ୍କ  
ପିସାନା ପାଜିୟା ମାନ୍ଦା ବିତ୍ରା ହୁଟୁ;  
ଏ ପାଜିୟା ହରୁ କାଡ଼ିଟି ଦାବଡ଼ି  
ହଟାନା ଦାରିତି ସାମଦୁରିତା ମେଦାନା  
ହାହାହାଚୁ □

୩୩ ପାଜିୟା ମେଟିମାଟି ଗଡ଼କା  
ହଚିହ ହାଜାନା ଗାଡ଼ାତା ବାରେ କାଚୁ  
ଇଞ୍ଜା ବୁତୁୟା ଆଲଗା ମାଚାରି ଏନି  
ଆଡେରି ଏ ବାରେ ହାଡ଼ା ଖେସ୍ତେରି □

୩୪ ଅଡ଼େ ନାୟକାଟି ବାରେ ଲକୁ  
ଜୀସୁଙ୍କ ମେସାଲି ଖାଡେରି, ଇଞ୍ଜା  
ଜୀସୁଙ୍କ ମେସାନା ତାମି ହାହିଟି ହାଜାଲି  
ବାଡ଼ିମାଲିଚେରି □

୯

ଜୀସୁ ର ଚଟଞ୍ଜାୟିତି ଲକ୍ଷୁଇଁ ନେହୁଁ କିନାୟି

(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ଡଂଗତା ହଟାନା ସାମ୍ବୁରି ଗାଣ୍ଟାହାଁ ତାନୁ ବାସାଆହାମାନି ଗାଡ଼ାତା ଖାଡେସି □

୨ ଅଡେ ମେହ୍‌ଦୁ କାଟେଲିତା ତୁରାମାତି ର ଚଟଞ୍ଜାୟିତି ଲକ୍ଷୁଇଁ ଡେକାନା ତାନି ତାଣା ତାତେରି, ଇଞ୍ଜା ଏଞ୍ଜାରି ନାମ୍ବୁ ମେସାନା ଜୀସୁ ଏ ଚଟଞ୍ଜାୟିତାଣାଇଁ ଏଲେଇଚେସି, “ଏ ମୀରଏଣା, ସାସା ଆହମ୍ବୁ ନୀ ପାପୁ ବାରେ ମେଶଞ୍ଜାହାଚେ □”

୩ ଏଚେକା ମୋରା ଜାପ୍‌ନାରି ଈ ହାଡ଼ା ଖେଞ୍ଜାନା ଏଞ୍ଜାରି ଖେସ୍‌ପି ଆଡେଚି, “ଇ ମାଣସି ମାହାପୁରୁଇଁ ନିନ୍ଦା କିହିମାନେସି □”

୪ ଜୀସୁ ଏଞ୍ଜାରି ମନତି ହାଡ଼ା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଶ୍‌ପୁ ଅଶ୍‌ପିମାଞ୍ଜେରି ?

୫ ଇତିହୁଁ ଏନାଆଁ ଇନାୟି ଉସାସା, ନୀ ପାପୁ ମେଶଞ୍ଜାହାଚେ, ଆଆଡ଼ି ନିଜ୍ଞାନା ତାକାମ୍ବୁ ?

୬ ସାମା ଦାରତିତି ପାପୁ ମ୍ବେକ୍‌ହାଲି ତାକି ମାଣସି ମୀରଏଣାକି ଅଦିକାରା ମାନେ, ଇଦାଆଁ ଏନିକ୍‌ ପୁଞ୍ଜାଲି ଆଡିନେରି,” ଏଦାଆଁତାକି ଜୀସୁ ଚଟଞ୍ଜାୟିତାଣାଇଁ ଏଲେଇଚେସି, “ନିଜ୍ଞାମ୍ବୁ ନୀ କାଟେଲି ଡେକାନା ଇଜ ହାଲାମ୍ବୁ □”

୭ ଏମ୍ବାଟିଏ ଏଞ୍ଜାସି ନିଜ୍ଞାନା ତାନି ଇଜ ହାଚେସି □

୮ ଇଦାଆଁ ମେସାନା ଲକ୍ଷୁ ଆଜିତେଚି, ଅଡେ ଆମିନି ମାହାପୁରୁ ମାଣସିୟାକି ଇଲେତି ଅଦିକାରା ହାହାମାନେସି ଇଞ୍ଜିହୁଁ ଏ ମାହାପୁରୁତି ଗାଞ୍ଜୁରିମି କିତେରି □

ଜୀସୁ ମାତିତ୍ତୁଇଁ ହାଟିନାୟି (ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହୁଁ ମାତିତ୍ତୁ ଦରୁଗାଟି ର ସିସ୍ତୁରାହ୍‌ନାସି ତାନି ସିସ୍ତୁରାହ୍‌ନି ଚାୟୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଡେଟ ଖାମ୍ବୁ □”

ଏମ୍ବାଟିଏ ମାତିତ୍ତୁ ନିଜ୍ଞାନା ତାନି ଡେଟ ହାଚେସି □

୧୦ ଇଞ୍ଜା ଜୀସୁ ମାତିତ୍ତୁ ଇଜ ତାନି ବେଲା ଏଚେକା ସିସ୍ତୁରାହ୍‌ନାରି ଅଡେ ପାପୁଗାଟି ଲକ୍ଷୁ ତାନି ସୀସୁୟାଁ ତଲେ ତିଞ୍ଜାଲି କୁରିତେରି □

୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେଚି, “ମୀ ଗୁରୁ ଏନାଆଁତାକି ସିସ୍ତୁରାହ୍‌ନାରି ଅଡେ ପାପୁ ଗାଟାରି ତଲେ ତିଞ୍ଜି ମାନେସି □”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହୁଁ ଲକ୍ଷୁତାକି ଅସଗୁରୁ ଲଡ଼ା ହିଲେଏ, ସାମା ରଗ୍‌ ଗାଟାରାକି ଲଡ଼ାମାନେ □

୧୩ ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକ୍ଷୁଣି କାର୍ମାମେହ୍‌ନାୟି ନେହେଁ; ଇତିହୁଁ ନାନୁ ଦାମ୍ବୁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ □”

ଉପାସା କିନାଣି ଖେନାୟି (ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ\* ହୀନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେଚି, “ମାମ୍ବୁ ଅଡେ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ତୁୟିନି ପାତେକା ବୀହା ଲକ୍ଷୁ ଦୁକ୍ଷୁ ଆଅରି, ସାମା ଦିନା ଖାନ୍ଦେ, ଏଚିବେଲା ବୀହା ହନେଣାଇଁ ଅନ୍ଦେରି, ଏଚିବେଲା ଏଞ୍ଜାରି ଉପାସା କିନେରି □”

୧୬ “ଆମ୍ବାଆସି ପ୍ଲାଃଇଁ ହିମ୍ବୁରିତା ପୁଃନି ପାସ୍‌କି ତାଚଅସି, ଏନାଆଁତାକି ଇତିହୁଁ

\* ୯:୧୦ ୯:୧୦ ଲୁକ ୧୫:୧,୨ \* ୯:୧୩ ୯:୧୩ ମାତି ୧୨:୭ \* ୯:୧୪ ୯:୧୪ ମୁଞ୍ଜିନାୟି

ଏ ପାସକ ପୁଃଇ ହିମ୍ବରତି ଗେସାଅନ୍ଦେ,  
ଇଞ୍ଜା ଏଦି ହାଡ଼େକା କାଜାୟି ଆହୁ  
ଗେଞ୍ଜିନେ □

୧୭ ଅଡ଼େ ଲକୁ ପୁଃନି ଅଙ୍ଗୁରି ରାସା  
ପୁଃଇ ତ:କାତା† ଇଟଅରି; ଇଟିହୁ  
ଏ ତ:କା ଡାୟାହାନେ ଅଙ୍ଗୁରି ରାସା  
ବହାହାନେ, ସାମା ପୁଃନି ଅଙ୍ଗୁରି ରାସା  
ପୁଃନି ତ:କାତା ଇଟିନେରି, ଆଡ଼ିହୁ  
ଅଙ୍ଗୁରି ରାସା ଅଡ଼େ ତ:କା ନେହୁ  
ଡ଼ୟିନେ □”

ର କାଜାଣି ମାଙ୍ଗା ଅଡ଼େ ର ଇୟା  
ଜୀସୁ ହିମ୍ବରି କୁଙ୍ଗୁ ଡାଗାନା ନେହୁ  
ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଟିବେଲା ଇ ବାରେ କାତା  
ଜୀସୁ ଏଞ୍ଜାରାଇଁ ଖେସିମାଟି ବେଲାତା  
ର ଜୀହୁଦି କାଜାପାଣା ଗାଟାସି ତାଗେ  
ଞ୍ଜାହାନା ମେଣ୍ଡାକୁତାନା ଜହରା କିହା  
ଏଲେଇଚେସି, “ନା ମାଙ୍ଗା ନୀଏ  
ହାହାହାଚେ, ସାମା ନୀନୁ ଞ୍ଜାହାନା ତାନି  
ଲାକ କେୟୁ ଇଟିତିହୁ ଏଦି ନୀତିନେ  
□”

୧୯ ଏମ୍ବାଟିଏ ଜୀସୁ ନିଙ୍ଗାନା ତାନି  
ସୀସୁୟା ତଲେ ଏଞ୍ଜାଣି ଜେତ ହାଚେରି  
□

୨୦ ଅଡ଼େ ମେହୁଦୁ ବାର ବାର୍ସା  
ପାତେକା ନେତେରି ଞ୍ଜାଙ୍ଗିନି ରଟାଗାଟି  
ର ଇୟା ତାୟୁଞ୍ଜାକିଟି ଞ୍ଜାହାନା ଜୀସୁତି  
ହିମ୍ବରି କୁଙ୍ଗୁ ଡାଗିତେ □

୨୧ ଇଟିହୁ ଏ ଇୟା ମନତା  
ଅଣ୍ଡିମାଚେ, “ଞ୍ଜାରଇ ତାନି ହିମ୍ବରି  
ଡାଗିତିହୁ ନାନୁ ନେହୁ ଆଇଁ □”

୨୨ ସାମା ଜୀସୁ ଖେଣ୍ଡେ ତାୟୁଞ୍ଜାକି  
ସିନିକିହାନା ଏଲେଇଚେସି, “ମାଙ୍ଗା  
ସାସା ଆହୁମ୍, ନୀ ନାମୁ ନିଙ୍ଗେ ନେହୁ  
କିହାମାଞ୍ଜାନେ” ଏ ଦେବୁଣିଏ ଏ ଇୟା  
ନେହୁ ଆଡ଼େ □

୨୩ ତାୟୁ ଜୀସୁ ଏ କାଜାପାଣା  
ଗାଟାରି ଇଜ ହାଚେସି, ଏମ୍ବାଆଁ  
ପୀରୁଡ଼ି ଡକିନାରାଇଁ ଅଡ଼େ ଡାହୁ

କାଲୁଞ୍ଜି ଆହିମାଟି ଲକୁଣି ମେସାନା  
ଏଲେଇଚେସି,

୨୪ ବାରେ ଇମ୍ବାଟି ପାଙ୍ଗାତା ହାଜୁ,  
ପଦା ହାହାହିଲେଏ, ସାମା ତୁରାମାନେ,  
ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି  
କାକହେରି □

୨୫ ସାମା ବାରେ ଲକୁ ପାଙ୍ଗାତା  
ହାଜାଲିଏ, ଜୀସୁ ଇଜ ବିତ୍ରା ହାଜାନା  
ପଦାନି କେୟୁ ଆସାନା ନିକହେସି ଅଡ଼େ  
ଏ ଦେବୁଣିଏ ନିଙ୍ଗିତେ □

୨୬ ଇଞ୍ଜା ଇ କାବୁ ଏ ଦେସାଟି  
ସାରିଞ୍ଜାକି ଖେଙ୍ଗିତେ □

ଜୀସୁ ରିଆରି କାଣାୟାଁଇଁ  
ନେହୁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲାତା  
ରିଆରି କାଣାୟାଁ କାଜା ଗିୟାତଲେ  
ହାଡ଼ିହୁ ଏଲେଇଚେରି, “ଏ ଦାସୁଦ  
ମୀରଏଣାଟି ମାଙ୍ଗ କାର୍ମା ମେସ୍ତାମୁ □”

୨୮ ଇଞ୍ଜା ଜୀସୁ ଇଲୁ ବିତ୍ରା ହଡାଲିଏ  
ଏ କାଣାୟାଁ ଜିକେଏ ଏଞ୍ଜାଣି ତାଗେ  
ଞ୍ଜାଚେରି, ଇଞ୍ଜା ଜୀସୁ ଏଞ୍ଜାରାଇଁ  
ଏଲେଇଚେସି, ମାଙ୍ଗେ ନେହୁ କିହାଲି  
ଆଡ଼ାନେସି ଇଞ୍ଜା ମୀରୁ ନାମିମାଞ୍ଜେରି  
?

ଏଞ୍ଜାରି ଏଲେଇଚେରି “ହାଅ ପ୍ରବୁ  
□”

୨୯ ଏଚେଟିଏ ଜୀସୁ ଏଞ୍ଜାରି କାଣ୍ଡକା  
ଡାଗାନା ଏଲେଇଚେସି, “ମୀ ନାମିନି  
ଲେହେଁ ମିଙ୍ଗେତାକି ଆପେ □”

୩୦ ଏଚେଟିଏ ଏଞ୍ଜାରି ମେସାଲି  
ଆଡ଼ିତେରି, ଅଡ଼େ ଜୀସୁ ଏଞ୍ଜାରାଇଁ  
ଜାଣ୍ଡେ ହୁକୁମି ହାହାନା ଏଲେଇଚେସି,  
“ହେଣୁ ଇ ହାଡ଼ା ଆମ୍ବାଆରି ଜିକେଏ  
ପୁନଅରି □”

୩୧ ସାମା ଏଞ୍ଜାରି ପାଙ୍ଗାତା ହାଜାନା  
ଜୀସୁତି ହାଡ଼ା ଦେସାଟି ସାରିଞ୍ଜାକି  
ଖେସ୍ତେରି □

ଜୀସୁ ର ଗୁଲାଇଁ ଜଲି କିତେସି

୩୨ ଏଞ୍ଜାରି ହଡା ହାଜିମାଟାଟି ଲକୁ  
ର ଜଲାଲି ଆଡାଆଗାଟି ବୁଡୁ ଆଲ୍‌ଗା  
ମାଚାଣାଇଁ ଜୀସୁ ନକିତା ତାଚେରି □

† ୯:୧୭ ୯:୧୭ ତଲୁ ତଲେ କେପିତି ଅଙ୍ଗୁରି ରାସା ଇଟିନି ବାସା ବୁପୁ

୩୩ ଜୀସୁ ବୃତ୍ତୁଙ୍କ ପେରହା ପାଣ୍ଡିତି ଦେବୁଣିଏ ଏଞ୍ଜାସି ଜଲଲି ଆଡ଼ିତେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ରାୟେଲ ଦେସାତା ମାମ୍ନୁ ଇଲେତି କାବାଆନ୍ତି କାମା ଏଚେଲ୍ଲା ମେସାହିଲ୍ଲାଆତମି []”

୩୪ ☆ଏଚିବେଲ୍ଲା ପାରୁସିୟାଁ ଖେଚେରି, ଏଞ୍ଜାରି ଏଲେଇଚେରି, “ଇଞ୍ଜାସି ବୃତ୍ତୁୟାଁ ପିସ୍ପି କିହିମାନେସି” ଏନାଆଁତାକି ଇଚିହଁ ଏଞ୍ଜାସିକାଣି ସାଲୁଞ୍ଜି କିହିମାନି ବାଲ୍ଲପେନୁ ଏଞ୍ଜାଣାକି ବାଡ଼ୁଲୁ ହାହିମାନେ ଲାକା ଆଡ଼ିମାନେସି []

୩୫ ☆ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକୁତି କୁଟମି ଇଲ୍ଲକାଣାଃ ଜାପ୍ତୁହିହଁ ମାହାପୁରୁ ରାଜିତି ନେହଁ କାରୁ ଖେସିହଁ ବାରେଲେହେଁତି ରଗ ନମେରି ଦୁକାଟି ନେହଁ କିହିହଁ, ବାରେ ଗାଡ଼ାୟାଁ ଇଞ୍ଜା ନାସ୍‌କାଣାଁ ରେଜାଲି ମାଟ୍‌ହେସି []

ଲକୁତାକି ଜୀସୁତି କାର୍ମା

୩୬ ☆ଅଡେ ବାରେ ଲକୁଣି ମେସାନା ଏଞ୍ଜାସି କାର୍ମା ଆତେସି, ଇଚିହଁ ଏଞ୍ଜାରି ଗଡ଼ୁ ହିଲ୍ଲାଆ ମେଣ୍ଡାୟାଁ ଲେହେଁ କାକୁଲିଟି ଇତାଲା ଆତାଲା ଆହିମାଚେରି []

୩୭ ☆ଏଚିବେଲ୍ଲା ଜୀସୁ ତାମି ସୀସୁୟାଁଙ୍କ ଏଲେଇଚେସି, “ପାଡ଼ି ହାଚେକା ସାମା ଦାଃଆନାରି ଉଣା ଜାଣା []

୩୮ ଏଦାଆଁତାକି ପାଡ଼ି ଜାଚାଲି, ଲକୁଣି ପାଣ୍ଡାଲିତାକି ଗୁଡ଼ିୟାତି ସାଞ୍ଜୁକାରିଙ୍କ ବାଡ଼ିମାଲ୍ଲାଦୁ []”

### ୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୭:୧୨-୧୭)

୧ ଏମ୍ବାଟିଏ ଜୀସୁ ତାମି ବାରଜାଣା ସୀସୁୟାଁଙ୍କ ତାଗେ ହାଚାନା ବୃତ୍ତୁୟାଁ ପିସ୍ପି କିହାଲି, ଇଞ୍ଜା ବାରେ ରଗ

କସ୍ତୁଟି ନେହଁ କିହାଲି ଏଞ୍ଜାରାକି ଅଦିକାରା ହାତେସି []

୨ ଏ ବାରଜାଣା ପାଣ୍ଡୁଞ୍ଜିଆଡ଼ି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଙ୍କ ପିତର ଇନେରି, ଅଡେ ତାମି ତାୟି ଆହିୟ, ଜେବଦି ମୀରଏସି ଜାକୁବ ଅଡେ ତାମି ତାୟି ଜହନ,

୩ ପିଲିପ ଅଡେ ବାର୍ତଲମି, ତମା ଅଡେ ସିସୁରାହନି ମାତ୍ରିକ, ଆଲେପି ମୀରଏସି ଜାକୁବ ଅଡେ ତଦିୟ,

୪ ଦେସାତି ଜୀସୁ ନନ୍ତି ସିମନ ଅଡେ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଙ୍କ ସାଡୁ କେୟୁତା ହେରପିତେସି []

ବାରଜାଣା ସୀସୁୟାଁଙ୍କ ପାଣ୍ଡିନାୟି

(ମାର୍କ ୭:୨-୧୩; ଲୁକ ୯:୧-୭)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହାହାଁ ଏଲେଇଚେସି, ମୀରୁ ଜୀହୁଦିଆଆତି ଲକୁତାଣା ହାଲାଆଡୁ, ଅଡେ ଆମିନି ସମିରଣି ନାସ୍‌କାଣାଁ ହଡ଼ୁଆଡୁ,

୬ ସାମା ଜାଜ୍ଜାମାନି ମେଣ୍ଡାୟାଁ ଇଚିହଁ ଇସ୍ରାୟେଲ ଲକୁତାଣା ହାଜୁ []

୭ ଏଞ୍ଜାରିତାଣା ହାଜୁ ଅଡେ ଖେକ୍‌ଦୁ ଲାକପୁରୁ ରାଜି ଏଗାଞ୍ଜାହିମାନେ []

୮ ଅଡେ ନମେରି ଗାଟାରାଙ୍କ ନେହଁ କିଦୁ, ହାଡାରାଙ୍କ ନିକ୍‌ଦୁ, କାଜା ରଗ ଗାଟାରାଙ୍କ ନେହଁ କିଦୁ, ବୃତ୍ତୁୟାଁଙ୍କ ପେରଦୁ [] ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ []

୯ ମୀ ତଲେ ବାଂଗାରା ଖେଣ୍ଡି କି ଅଟଡ଼ିତା ଟାକାୟାଁ ଅଥାଦୁ,

୧୦ ☆ଅଡେ ହାନାଟି ଲେଟା କଡିନି ମଣା, ରୀ ଜଡ଼ୁସକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଡୁ, କାମାକିନାସି ତାନି ରାଦା ବେଟା ଆନେସି []

୧୧ ଅଡେ ମୀରୁ ଆମିନି ନାୟୁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଙ୍କ

☆ ୯:୩୪ ୯:୩୪ ମାତ୍ରି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ୯:୩୫ ମାତ୍ରି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ୯:୩୫ ସିନଗର୍ ☆ ୯:୩୬ ୯:୩୬ ମାର୍କ ୭:୩୪ ☆ ୯:୩୭ ୯:୩୭ ଲୁକ ୧୦:୨ ☆ ୧୦:୧୦ ୧୦:୧୦ ଶକର ୯:୧୪; ୧ଡିମ ୫:୧୮

ପାରାଦୁ, ଅଚ୍ଚେ ଏମ୍ବାଟି ଖେଣ୍ଡାହାନି ପାତେକା ଏଞ୍ଜାଣି ଇଜ ଡୟାଦୁ □

୧୨ ଅଚ୍ଚେ ଇଜ ହତନାଟି ଏଞ୍ଜାରାଇଁ ହିଡ଼ଡ଼ି ଜୀଝୁ ମିଙ୍ଗେ ଆୟାପେ ଇଞ୍ଜୁ;

୧୩ ଏଞ୍ଜାରି ଇଜତାରି ନେହ୍ନାରି ଇତିହ୍ ଏଞ୍ଜାରିତଲେ ମୀ ହିଡ଼ଡ଼ି ଡୟାପେ, ସାମା ଏଞ୍ଜାରି ନେହ୍ନାରି ଆଆତ୍ ମୀ ହିଡ଼ଡ଼ି ମିଙ୍ଗେ ଖେଣ୍ଡା ଖାପେ □

୧୪ ଅଚ୍ଚେ ଆମିନି ଇଲୁତାକି ନାୟ୍କାଣା ମିଙ୍ଗେ ଲକୁ ଅପଅରି, ମୀ କାତାତି ଖେନଅରି, ଏ ଇଲୁଟି କି ଏ ଗାଡ଼ାଟି ହଡ଼ାଞ୍ଜାନାଟି ମୀ କତାତି ଦୁଡ଼ି ହାଣହା କତାନା ଏ ଗାୟୁ ପିହ୍ଦୁ □

୧୫ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁତି ନୀହ୍ନାୟି ଦିନାତା ଏ ଗାଡ଼ାଟି ଡଣ୍ଡ କିହ୍ନା ସଦମ ଅଚ୍ଚେ ଗମରା ଦେସାତି ଡଣ୍ଡ ଡଣା କିଞ୍ଜିଆନେ □

ଖାହିମାନି କସ୍ତ ଅଚ୍ଚେ ନିନ୍ଦା  
(ମାର୍କ ୧୩:୯-୧୩; ଲୁକ ୨୧:୧୨-୧୨)

୧୬ ହେଣ୍ଡୁ ମେଣ୍ଡାୟାଣି କ୍ଳାନ୍ତିୟା ବିତ୍ତା ପାଣ୍ଡିନିଲେହେଁ ନାନୁ ମିଙ୍ଗେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାଚୁ ଲେହେଁ ବୁଦି ଗାଟାତେରି, ଅଚ୍ଚେ ପାର୍ଞା ପଟାଲେହେଁ କପା ହିଲୀଆ ଗାଟାତେରି ଆଦୁ □

୧୭ ସାମା ମାଣସିୟା ତାଣାଟି ଜାଗ୍ରାତା ଆହାନା ଡୟାଦୁ, ଏନାଆଁତାକି ଇତିହ୍ ଏଞ୍ଜାରି ମିଙ୍ଗେ ଆସାନା ନୀହ୍ନାୟି କିନି ତାଣା ହେର୍ପାନେରି, ଇଞ୍ଜା ଜୀହୁଦି ଲକୁତି କୁଟମି ଇଲ୍‌କାଣା\* ଏଞ୍ଜାରି ମିଙ୍ଗେ ସାଟ୍‌ଣି ତଲେ ଖେତାନେରି,

୧୮ ଅଚ୍ଚେ ମୀରୁ ନା ତାକି ରାଜା ଅଚ୍ଚେ ସାଲ୍‌ଖି କିନି ଲକୁତାଣା ଅହାନା ନୀହ୍ନାୟି

କିଞ୍ଜିଆଦେରି; ଏଦି ଏଞ୍ଜାରାକି ଅଚ୍ଚେ ଜୀହୁଦିଆଆତି ଲକୁକି ମାହାପୁରୁତି ନେହ୍ କାରୁ ଖେସାଲି ସାକି ଆନେ □

୧୯ ସାମା ଏଚିବେଲା ଏଞ୍ଜାରି ମିଙ୍ଗେ ହେର୍ପାନେରି, ମୀରୁ ନୀହ୍ନାୟି ଆନିବେଲା ଏନାଆଁ ଜଲିଦେରି ଅଚ୍ଚେ ଏନିକ୍ ଜଲିଦେରି, ଏ କାତା ଅଣ୍ପାଆଦୁ, ଇତିହ୍ ମୀରୁ ଏନାଆଁ ଜଲିଦେରି ଏ ବେଲାତେଏ ମିଙ୍ଗେ ଖେସ୍ତାନେସି □

୨୦ ଇତିହ୍ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଝୁ ମୀ ଗୁଡ଼ି ହାହାନା ହାଡ଼ା ଜଲିନେ, ଏଦି ଜଲିନାୟି □

୨୧ ତାୟି ତାୟିକ୍ ଆବା ମୀର୍‌ଏଣାଇଁ ପାୟାଲି ହେର୍ପିନେସି, ମାୟ୍କା, ମୀର୍‌କା ଏଞ୍ଜାରି ତାମି ଇୟା ଆବା କପାଟି ହଡ଼ାନା, ଏଞ୍ଜାରାଇଁ ପାୟିନେରି □

୨୨ ଅଚ୍ଚେ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନ୍ତି ପାତେକା ସାସା ତଲେ ମାନେସି ଏଞ୍ଜାସି ଗେଲ୍‌ପି ଆନେସି □

୨୩ ସାମା ଏଞ୍ଜାରି ଏଚିବେଲା ର ଗାଡ଼ାତା ମିଙ୍ଗେ ନିନ୍ଦା କିୟାନେରି, ଏଚିବେଲା ଏଟ୍‌କା ଗାଡ଼ାତା ହାଲୁ, ଇତିହ୍ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଇସାୟେଲତି ବାରେ ଗାଡ଼ାୟାତା କାମା ରାପ୍‌ଆ ନକେଏ ମାଣ୍‌ସି ମୀର୍‌ଏସି ଖାନେସି □

୨୪ ସୀସୁ ତାନି ଗୁରୁ କିହ୍ନା ହଲେଏସି ସାଝୁକାରି କିହ୍ନା କାଜାସି ଆଏ □

୨୫ ସୀସୁ ତାନି ଗୁରୁ ଅଚ୍ଚେ ହଲେଏସି ତାନି ସାଝୁକାରି ଲେହେଁ ଆଡିହ୍ ଏଞ୍ଜାରାକି ସମାନା ଆନେ, ଏଞ୍ଜାରି

\* ୧୦:୧୪ ୧୦:୧୪ କାମା ୧୩:୫୧ \* ୧୦:୧୫ ୧୦:୧୫ ମାତ୍ରି ୧୧:୨୪ \* ୧୦:୧୫ ୧୦:୧୫ ଲୁକ ୧୦:୪-୧୨ \* ୧୦:୧୬ ୧୦:୧୬ ଲୁକ ୧୦:୩ \* ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ \* ୧୦:୧୭ ୧୦:୧୭ ସିନଗଗ \* ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ \* ୧୦:୨୨ ୧୦:୨୨ ମାତ୍ରି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତ୍ରି ୨୪:୧୩; ମାର୍କ ୧୩:୧୩ \* ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୬; ୧୫:୨୦ \* ୧୦:୨୫ ୧୦:୨୫ ମାତ୍ରି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫

ଇଲୁତି ସାଧୁକାରିକ୍ ବାଲ୍ଲଜିବୁଲ୍  
ଇନେରି ଇତିହ ଏଞ୍ଜାଣି ଇଲୁତି  
ଲକୁବାକାଆଁ ହାରେକା ପଲ୍ଲଆ କାତା  
ଜଲିନେରି □”

ଆମ୍ବାଆରାଇଁ ଆଜିନାୟି ?  
(ଲୁକ ୧୨:୨-୭)

୨୭ \* “ଏଦାଆଁତାକି ଲକୁଇଁ  
ଆଜାଆଦୁ; ଇତିହ ଡଗ୍ଗାମାନାୟି  
ଏନାୟିଞ୍ଜା ର ଦିନା ତଞ୍ଜାଆନେ,  
ଏଲେକ୍ ତଞ୍ଜାଆଆନା ଡଗ୍ଗାମାନାୟି  
ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି  
କିଞ୍ଜିଆଆଗାଗାୟି ଇଲେକ୍ ଏନାୟି  
ଡଗ୍ଗା ହିଲେଏ □

୨୮ ନାନୁ ମିଙ୍ଗ ଏନାଆଁ ଆନେରିତା  
ଞ୍ଜେସ୍ତାଇଁ ଏଦାଆଁ ଉଜେଡିତା ଞ୍ଜେହ୍ଦୁ,  
ଅଡେ ଏନାଆଁ ଡଗ୍ଗାନା ଞ୍ଜେଞ୍ଜେରି  
ଏଦାଆଁ ଇଲୁ ତୁଡିୟା ଲାକ ହଡାନା  
ଞ୍ଜେହ୍ଦୁ □

୨୯ ଅଡେ ଆମ୍ବାଆରି ଖାରଇ ଆଙ୍ଗାତି  
ପାୟିନେରି, ସାମା ଜୀଞ୍ଜୁତି ପାୟାଲି  
ଆଡ଼ଅରି, ଏଞ୍ଜାରାଇଁ ଆଜାଆଦୁ;  
ସାମା ଆମ୍ବାଆସି ମୀ ଜୀଞ୍ଜୁ ଅଡେ  
ଆଙ୍ଗା ବାରେତି ନକିତା ନାସା କିହାଲି  
ଆଡିନେସି ଏଞ୍ଜାଣାଇଁ ଆଜାଦୁ □

୩୦ ରୀ ଜେତା ପଗାୟାଁ ର କାନ୍ତି  
ତାକି ପାରପି ଆଡ଼ କି ? ଅଡେ  
ମୀ ଲାକପୁରୁତି ଆବା ହେଲ ହୀଆତି  
ଏଞ୍ଜାସିକା ବିତ୍ରାତି ରଣ୍ଡି ଜିକେଏ ଡଇ  
ତରରେଏ □

୩୧ ସାମା ମୀ ତାୟାଁ ତୁଁ ବାରେ  
ବାଣାୟାଁ ଜିକେଏ ଏଜିକିଞ୍ଜି ଆହାମାନୁ □

୩୨ ଏଦାଆଁତାକି ଆଜାଆଦୁ, ମୀରୁ  
ହାରେକା ଜେତା ପଗାୟାଁ ତାଣାଟି ମୀ  
ଦାରା ହାରେକା □”

ଲକୁ ନକିତା ଜୀସୁଇଁ ଞ୍ଜେକ୍ନାୟି  
(ଲୁକ ୧୨:୪୧-୫୩; ୧୪:୨୭-୨୭)

୩୨ “ଅଡେ ଆମ୍ବାଆସି ଲକୁ ନକିତା  
ନାଙ୍ଗେ ଆବାନେସି, ଇଞ୍ଜା ନାନୁ ଜିକେଏ  
ନା ଲାକପୁରୁତି ଆବା ନକିତା ଆବିଇଁ □

୩୩ \*ସାମା ଆମ୍ବାଆସି ଲକୁ ନକିତା  
ନାଙ୍ଗେ ଆବଅସି, ନାନୁ ଜିକେଏ ନା  
ଲାକପୁରୁତି ଆବା ନକିତା ଆବଅଁ □”

ହିଡଡି ପିସପେ କାଣ୍ଡା  
(ଲୁକ ୧୨:୫୧-୫୩; ୧୪:୨୭-୨୭)

୩୪ “ନାନୁ ଦାରୁଡିତା ହିଡଡି ହୀହାଲି  
ଞ୍ଜାହାମାଇଁ ଇଞ୍ଜା ମନ କିଆଦୁ; ହିଡଡି  
ହୀହାଲି ଖାଆନା, କାଣ୍ଡା ହୀହାଲି  
ଞ୍ଜାହାମାଇଁ □

୩୫ ଇତିହ ନାନୁ ଆବା କପାଟି  
ମୀରଏଣାଇଁ, ଅଡେ ଇୟାନି କପାଟି  
ମାଙ୍ଗା ଇଞ୍ଜା ପୟାନି କପାଟି କୁଡିୟାନି  
ଗଡ଼ହା କିହାଲି ଞ୍ଜାହାମାଇଁ □

୩୬ ଅଡେ ମାଣ୍ଡିତି ତାମି ଇଲୁତି  
ଲକୁଏ ବାରେଜାଣା ତାନି ସାତୁ ଆନେରି  
□”

୩୭ “ଆମ୍ବାଆସି ଆବା କି ଇୟାନି  
ନା କିହାଁ ହାରେକା ଜୀଞ୍ଜୁ ନନେସି,  
ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି,  
ଅଡେ ଆମ୍ବାଆସି ନିଜେତି ମାଙ୍ଗା କି  
ମୀରଏଣାଇଁ ହାରେକା ଜୀଞ୍ଜୁ ନନେସି  
ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି  
□

୩୮ \*ଆମ୍ବାଆସି ନିଜେତି କୁସ  
ଡେକାନା ନା ଜେଚ ଞ୍ଜାଅସି, ଏଞ୍ଜାସି ନା  
ସୀସୁ ଆୟାଲି ପାଡ଼ାଆଅସି □

୩୯ \*ଆମ୍ବାଆସି ନିଜେତି ଜୀଞ୍ଜୁ ନୀଚହା  
କଡିନେସି ଏଞ୍ଜାସି ହାରେସି, ଅଡେ  
ଆମ୍ବାଆସି ନା ତାକି ନିଜେତି ଜୀଞ୍ଜୁ  
ହୀନେସି, ଏଞ୍ଜାସି ନୀଡିନେସି □”

ଦାନା ପାଣ୍ଡନାୟି  
(ମାର୍କ ୯:୪୧)

୪୦ \* “ଆମ୍ବାଆସି ମିଙ୍ଗେ ଆବାନେସି,  
ଏଞ୍ଜାସି ନାଙ୍ଗେ ଆବାନେସି; ଆମ୍ବାଆସି

\* ୧୦:୨୭ ୧୦:୨୭ ମାର୍କ ୪:୨୨; ଲୁକ ୮:୧୭ \* ୧୦:୩୩ ୧୦:୩୩ ୨ତିମ ୨:୧୨ \* ୧୦:୩୮ ୧୦:୩୮  
ମାତି ୧୨:୨୪; ମାର୍କ ୮:୩୪; ଲୁକ ୯:୨୩ \* ୧୦:୩୯ ୧୦:୩୯ ମାତି ୧୨:୨୫; ମାର୍କ ୮:୩୫; ଲୁକ ୯:୨୪;  
୧୭:୩୩; ଜହ ୧୨:୨୫ \* ୧୦:୪୦ ୧୦:୪୦ ଲୁକ ୧୦:୧୭; ଜହ ୧୩:୨୦; ମାର୍କ ୯:୩୭; ଲୁକ ୯:୪୮



ନାଲେ ଆବାନେସି, ଏଝାସି ନାଲେ ପାଣ୍ଡାତାଣାଇ ଆବିନେସି □

୪୧ ଆମ୍ବାଆସି ମାହାପୁରୁ ଅଣ୍ଟପୁତି ବଲୁ ଖେହନାରାଇଁ, ମାହାପୁରୁ ବଲୁ ଖେହନାରି ଇଞ୍ଜି ଆବିନେସି, ଏଝାସି ଏ. ବଲୁ ଖେହନାରି ଦାନା ବେଟା ଆନେସି, ଅଡେ ଆମ୍ବାଆସି କି ତାରିଗାଟାରାଇଁ, ତାରିଗାଟାସି ଇଞ୍ଜି ଆବିନେସି ଏଝାସି ତାରିଗାଟାରି ଦାନା ବେଟା ଆନେସି □

୪୨ ଅଡେ ଆମ୍ବାଆସି ନା ସୀସୁୟାଁ ବିତ୍ତାଟି ରଅଣାଇଁ ନା ସୀସୁ ଇଞ୍ଜି ଗିନାତା ଏୟୁ ଗସାଲି ହାନେସି, ନାନୁ ମିଲେ ସାତା ଖେସିମାଞ୍ଜାଇଁ, ଏଝାସି ତାନି ଦାନାତି ଜାକ୍‌ଅସି □”

### ୧୧

ଜହନତି କାରୁ ହାନାରି  
(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଇଁ ଇ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାସକାଣାଁ ହାଜାନା ମାହାପୁରୁତି ହାଡା ଜାପ୍‌ହିହଁ ଖେସିହଁ ଏ ଟାୟୁଟି ହାଚେସି □

୨ ଏତିବେଲା ବାପ୍ତିସ୍ମା\* ହାନି ଜହନ କାୟିଦିତା ମାଞ୍ଜାନା କ୍ରୀସ୍ତୁତି କାମା କିହିମାନାଣି ଖେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିତେସି □

୩ ଏଝାରି ହାଜାନା ଜୀସୁଇଁ ଖେଚେରି, “ଆମିନି ଲକୁ ଖାନେସି ଇଞ୍ଜି ଜହନ ଖେସାମାଚେସି, ନାନୁ କି ଏଝାତି ? କି ଅଡେ, ଆମ୍ବାଆରି ତାକି କାଚାନା ତ୍ୱୟିନମି ?”

୪ ଜୀସୁ ଏଝାରାଇଁ ଏଲେଇଚେସି, “ମୀରୁ ଖେଣ୍ଡା ହାଜାନା ଏନାଆଁ ଖେଞ୍ଜାମାଞ୍ଜେରି ଅଡେ ମେସିମାଞ୍ଜେରି, ଜହନଇଁ ଖେହଦୁ □

୫ କାଣାୟାଁ ମେସିମାନେରି, ସପାୟାଁ ତାକି ମାନେରି, କାଜା ରଗ ଗାଟାରି ନେହଁ ଆହିମାନେରି, ବେରାୟାଁ

ଖେଞ୍ଜିମାନେରି, ହାଡାରି ନିଙ୍ଗିମାନେରି ଅଡେ କାଙ୍ଗାଲା ଗାଟାରି ନେହଁ କାରୁ ଖେଞ୍ଜିମାନେରି;

୬ ନା ତାଣା ଆମ୍ବାଆରି ଆନାମାନା ଆଅରି ଏଝାରି ନେହେଁ □”

୭ ଜହନତି ସୀସୁୟାଁ ଖେଣ୍ଡାହାଜିମାତି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଙ୍ଗିନି ତାଣ୍ଡି ଆକୁ ?

୮ ଏଦାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିତି ପାଡାଡା ହିମ୍ବୁରି ହୁଚାମାନି ର ଲକୁଇଁ ? ମେହଦୁ ଅଜିତି ହିମ୍ବୁରି ହୁଚିତି ଲକୁ ରାଜା ଗାଡାତା ତ୍ୱୟିନେରି □

୯ ଏଦାଆଁ ଆଆତ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଟପୁତି ବଲୁ ଖେହନାଣାଇଁ ? ନାନୁ ମିଲେ ସାତା ଖେସିମାଞ୍ଜାଇଁ, ମାହାପୁରୁ ଅଣ୍ଟପୁତି ବଲୁ ଖେହନାରି କିହାଁ ହାଚେରକା କାଜାଣାଇଁ;

୧୦ ଇତିହଁ ଏ ଜହନତି କାତା ରାସକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୂତୁଇଁ ପାଣ୍ଡାଇଁ, ଏଝାସିଏ ଇ ମାଣସି □

୧୧ ନାନୁ ମିଲେ ସାତା ଖେସିମାଞ୍ଜାଇଁ, ନୀଞ୍ଜୁ ପାଚେକା ଇ ଦାରିତିତା ଏଚେକା ଜାନା ଆହାମାନେରି, ଏ ବାରେଜାଣା କିହାଁ ବାପ୍ତିସ୍ମା\* ହାନି ଜହନ କାଜାସି; ଆଡିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଡାଣା, ଏଝାସି ଜହନ କିହାଁ କାଜାସି □

୧୨ ବାପ୍ତିସ୍ମା\* ହାନି ଜହନତି କାତା ଖେହନି ଦିନାଟିଏ ନୀଞ୍ଜୁପାଚେକା ଲାକପୁରୁ ରାଜି ବାଡୁୟୁ ତଲେ ପାଡାଆହିମାନେ; ଇଞ୍ଜା ବାଡୁୟୁଟି ଆସାମାନାରି ଏଦାଆଁ ବେଟାଆହାଲି ଅଣ୍ଟପିମାନେରି □

୧୩ ଇତିହଁ ବାରେ ମସାତି ମେରାତା

\* ୧୧:୨ ୧୧:୨ ମୁଞ୍ଜିନାୟି † ୧୧:୧୧ ୧୧:୧୧ ମୁଞ୍ଜିନାୟି \* ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି

ଅଡ଼େ ମାହାପୁରୁ ଅଣ୍ଟପୁତି ବଲୁ  
 ଖେଦନାରି ତାଣା ଜହନତି ଖାନି ଦିନା  
 ପାତେକା ଖେସପି ଆହାମାତେ □

୧୪ \*ଅଡ଼େ ମୀରୁ ଏଞ୍ଜାରି କାତା  
 ଆସାଲି ମୀ ମନ ମାଚିହି ଆମିନି  
 ଏଲିୟ ଖାନାୟି ମାତେ ଜହନଏ ଏଞ୍ଜାସି  
 □

୧୫ ଆମ୍ବାଆରି କାର୍କା ମାନୁ ଏଞ୍ଜାସି  
 ଖେଣ୍ଟାସି □”

୧୬ “ସାମା ନାନୁ ଆମ୍ବାରିତଲେ ଇ  
 ଜୁଗୁତି ଲକୁଣି ତୁକ୍‌ଇଁ, ଆମିନି ହାଟା  
 ମାଦି କୁଗାନା କାହି ତୁୟିନି କକାରି  
 ଲେହେଁ, ର ଗଚିତି କକାରି ଅର ଗଚିତି  
 ଏଲେଇନେରି,

୧୭ ମାମ୍ବୁ ମୀ ନକିତା ପୀରୁଡ଼ି  
 ଉକିତମି, ସାମା ମୀରୁ ଏନ୍ଦାଆତେରି;  
 ମାମ୍ବୁ ଦୁକୁତି ପାରୁ ପାଡ଼ିତମି ସାମା ମୀରୁ  
 ଡ଼ାଆତେରି, ନୀର୍ବତି ଲକୁ ଏଲେତାରି  
 □

୧୮ ଇଚିହିଁ ଜହନ ଖାହାନା ରାନ୍ଦା  
 ତିନାଆତେସି ଅଡ଼େ ଲକୁ ଏଞ୍ଜାଣାଇଁ  
 ଏଲେଇତେରି ବୃତୁ ଆଲଗାମାନାସି □

୧୯ ସାମା ମାଣ୍ଡସି ମୀର୍‌ଏସି ଖାହାନା  
 ରାନ୍ଦା ତିରେସି ଉଚେସି, ଇଞ୍ଜା ଲକୁ  
 ବାରେଜାଣା ଏଲେଇତେରି, ଇଞ୍ଜାସି  
 ଚିଣ୍ଡିକାସୁ, କାଡ଼ବୁଡ଼ୁ, ଏଞ୍ଜାସି ସିସୁ  
 ରାହନାରି ଅଡ଼େ ପାପୁ ଗାଗାରି  
 ତଣେଏସି; ସାମା ମାହାପୁରୁତି ବୁଦି  
 ଏଞ୍ଜାଣି କାମାଟି ସାତା ଇଞ୍ଜାଁ ଖେଇନେ  
 □”

ନାମାଆଗାଟି ଗାଡ଼ାୟି  
 (ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା  
 ହାରେକା କାବାଆନି କାମା କିଞ୍ଜି  
 ଆହାମାତେ, ଏ ଗାଡ଼ାତି ଲକୁ,  
 ତାମି ପାପୁଟି ତାମା ମନ ଖେଟ୍‌ହା  
 ହିଲାଆତେରି, ଇଞ୍ଜା ଜୀସୁ ଏ  
 ଗାଡ଼ାୟିତି ଲକୁଇଁ ଦାକା ହୀହାନା  
 ଏଲେଇତେସି,

୨୧ ଆୟତା ତଣ୍ଡ ପାଣ୍ଡି କରାଜିନ୍  
 ଅଡ଼େ ବେଡ଼ସାୟିଦା, ଏନାଆଁତାକି  
 ଇଚିହିଁ ମୀ ତାଣା ଆମିନି ବାଡ଼ୁୟୁତି  
 କାମା କିଞ୍ଜିଆହାମାନେ, ଏ ବାରେ ସର୍  
 ଅଡ଼େ ସିଦନତା କିଞ୍ଜି ଆହାମାଚିହିଁ ମା;  
 ଏମ୍ବାତି ଲକୁ ଆଜ୍ଞାତା ବାସ୍ତାୟି  
 ପରହାନା ଦାରମ୍ବୁତା କୁଗାନା ମନ  
 ଖେଟ୍‌ହାଲି ଅଣ୍ଟପିତେରିମା

୨୨ ଆଡ଼ିଜିକେଏ ନାନୁ ମିଙ୍ଗେ  
 ଖେସିମାଞ୍ଜାଇଁ, ମାହାପୁରୁତି ନୀହାୟି  
 ଦିନାତା ମୀ ତଣ୍ଡ କିହାଁ ସର୍ ଅଡ଼େ  
 ସିଦନତି ତଣ୍ଡ ଅରହିନାୟି ଆନେ □

୨୩ ଏ କପରନାହୁମ, ନୀନୁ ଏନାଆଁ  
 ଲାକପୁରୁ ପାତେକା ପାତାଆଦି  
 ? ନୀନୁ ହାଡ଼ାରି ମାନି ରାଜିତା  
 ଅଞ୍ଜିଆଦି, ନୀ ତାଣା ଆମିନି ବାଡ଼ୁୟୁତି  
 କାମା କିଞ୍ଜିଆହାମାନେ, ଏଦାଆଁ  
 ସଦମତା କିଞ୍ଜିଆଡ଼ିହିଁ ମା, ଏ ଗାଡ଼ା  
 ନୀଞ୍ଜୁପାତେକା ତୁୟିତେମା □

୨୪ \*ଆଡ଼ିଜିକେଏ ନାନୁ ମିଙ୍ଗେ  
 ଖେସିମାଞ୍ଜାଇଁ “ମାହାପୁରୁତି ନୀହାୟି  
 ଦିନାତା ମୀ ତଣ୍ଡ କିହାଁ ସଦମ ଦେସାତି  
 ତଣ୍ଡ ଅରହିନାୟି ଆନେ □”

ନା ତାଣା ଖାହାନା ଜମାଦୁ  
 (ଲୁକ ୧୦:୨୧-୨୨)

୨୫ ଏ ବେଲାତା ଜୀସୁ ପ୍ରାତାନା କିହିଁ  
 ଏଲେଇତେସି; “ଏ ଆବା, ଲାକପୁରୁ  
 ଅଡ଼େ ଦାରତିତି ପ୍ରବୁ, ଇ ବାରେ ହାଡ଼ା  
 ନୀନୁ ବୁଦି ଅଡ଼େ ପୁନି ଲକୁତାଣାଟି  
 ଡ଼କୁହା ଇଗାନା, ଇ ବାରେ କାତା  
 ପୁନାଆଗାଟି ଲକୁତାଣା ତସିମାନାକି  
 ନାନୁ ନିଙ୍ଗ ଜହରା କିହିମାଞ୍ଜାଇଁ □

୨୬ ହାଅ ଆବା, ଇଦି ନୀ ନକିତା  
 ରାହାଁତି କାତା ଆହିମାନେ □”

୨୭ \*ନା ଆବା ନାଙ୍ଗେ ବାରେ  
 ହୀହାମାଞ୍ଜାନେସି, ଆବା ପିସପେ  
 ଆମ୍ବାଆରି ମୀର୍‌ଏଣାଇଁ ପୁନଅରି ଅଡ଼େ  
 ମୀର୍‌ଏଣା ପିସପେ ଆମ୍ବାଆରି ଆବାଇଁ  
 ପୁନଅରି, ମୀର୍‌ଏସି ଆମ୍ବାଆରି ତାଣା  
 ତହ୍‌ନେସି ଏଞ୍ଜାସି ପୁନେସି □”

\* ୧୧:୧୪ ୧୧:୧୪ ମାତ୍ରି ୧୭:୧୦-୧୩; ମାର୍କ ୯:୧୧-୧୩

\* ୧୧:୨୪ ୧୧:୨୪ ମାତ୍ରି ୧୦:୧୫; ଲୁକ ୧୦:୧୨

\* ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫

୨୮ “ଏ ଖାହୁ ରାତା ଗାଟି ଲକୁ, ବାରେ ନା ତାଣା ଖାହୁ, ନାନୁ ମିଙ୍ଗେ ଜମିକିୟାଈଁ ।”

୨୯ ନା ଜୁଝେଡ଼ି ମୀ ବମିତା ଡେକାନା ନା ତାଣାଟି ଜାପାଦୁ, ଇଚିହୁଁ ନାନୁ କପା କାରୁବି ହିଲାଆନା ସୁଦୁ ହିୟା ଗାଟାଦେଏଁ, ଇଞ୍ଜା ମୀରୁ ନା ତାଣାଟି ମୀ ଜୀଝୁତା ଜମିଦେରି;

୩୦ ଇଚିହୁଁ ନା ଜୁଝେଡ଼ି ଉସାସା ଅଡ଼େ ବଜୁ ଉଣା ମାନେ ।”

## ୧୨

ଜମିନି ଦିନାତି ମାନି

(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡ଼ିୟାଟି ହାଜିମାଚେସି, ଇଞ୍ଜା ତାନି ସୀସୁୟାଁ ହାକି ଆହାମାତାକି ଗହଁ ଜେକା ତାପହାନା ତିଞ୍ଜାଲି ମାଟ୍‌ହେରି ।

୨ ସାମା ପାରୁସିୟାଁ ଏଦାଆଁ ମେସାନା ଜୀସୁଇଁ ଏଲେଇଚେରି, “ମେହମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ର ଦିନା ଦାଝୁଦ ଅଡ଼େ ତାନି ତଡ଼େସିଙ୍ଗା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାଢ଼େସିରତା ପଡ଼଼ି ଆହାହିଲଅଡେରି ?”

୪ ଏଞ୍ଜାସି ଏନିକିଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପାନାନ୍ତି ରୁଟି ପୂଜେରାଙ୍ଗା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଝୁଦ ଅଡ଼େ ତାନି ତଡ଼େସିଙ୍ଗା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି ତିଚେରି ।

୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିତ୍ରା ପୂଜେରାଙ୍ଗା ମେରା ଉରିତି ଜିକେଏ ଦହଗାଟାରି ଆଅରି, ମୀରୁ ଏନି ଏଦାଆଁ ପଡ଼଼ି ଆହାହିଲଅଡେରି କି ?

୬ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ ଟାୟୁତା ମାହାପୁରୁ ଇଲୁ କିହାଁ ହାଡ଼େକା କାଜାୟି ଇମ୍ବାଆଁ ମାନେ ।

୭ \* “ସାଢ଼େସିରି ଝେସିମାନେ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହୁଁ ମା ଇ ଦହ ହିଲାଆ ଗାଟାଣାଇଁ ଦହ କିଆଡେରିମା;

୮ ଇଚିହୁଁ ମାଣ୍‌ସି ମୀରୁଏସି ଜମିନି ଦିନାତି ପ୍ରବୁ ଆଚେସି ।”

ଝାୟିତି କେୟୁଗାଟାସି ନେହୁଁ ଆନାୟି

(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁତି କୁଟମି ଇଲୁତା\* ହାଚେସି ।

୧୦ ଅଡ଼େ ମେହମୁ ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଝାୟାହାଜାମାଚେ, ଜୀସୁଇଁ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁଇଁ ଝେଚେରି, “ଜମିନି ଦିନାତା ନେହୁଁ କିନାୟି ମେରା ମାନେକି ?”

୧୧ \*ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀ ବିତ୍ରା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୁୟୁତା ତଡ଼େନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକୁ ଆମ୍ବାଆସି ମୀ ବିତ୍ରା ମାନେସି ?

୧୨ ଆତିହୁଁ ର ମେଣ୍ଡାଟି ଦାରା କିହାଁ ମାଣ୍‌ସିତି ଦାରା ହାଡ଼େକା । ଏଦାଆଁତାକି ଜମିନି ଦିନାତା ନେହୁଁ କାମା କିନାୟି ମେରାତି କାମା ।”

୧୩ ଏତିଚେଲା ଏଞ୍ଜାସି କେୟୁ ଝାୟିତାଣାଇଁ ଏଲେଇଚେସି, “କେୟୁ ଦାହମୁ ।”

ଇଞ୍ଜା ଏଞ୍ଜାସି ଏ କେୟୁ ଦାଢ଼େସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହୁଁ ଆଡ଼େ ।

\* ୧୨:୬ ୧୨:୭ ମାତ୍ରିକ ୯:୧୩

\* ୧୨:୯ ୧୨:୯ ସିନଗର

\* ୧୨:୧୧ ୧୨:୧୧ ଲୁକ ୧୪:୫

୧୪ ସାମା ପାରୁସିୟା ପାଳାତା ହାଜାନା ଜାସୁକ୍ ପାୟାଲି ଏଞ୍ଜାଣି କପାଟି ପାରୁ ପାରିତେରି □

ମାହାପୁରୁ ଆଚାମାନି ହଲେଏସି

୧୫ ଜାସୁ ଏଦାଆଁ ପୁଞ୍ଜାନା ଏମ୍ବାଟି ଏଟ୍‌କା ଆହାନା ହଚାହାଚେସି, ଇଞ୍ଜା ହାରେକା ଲକୁ ତାନି ଜେଟ ହାଚେରି, ଅଡ଼େ ଏଞ୍ଜାସି ବାରେଜାଣାଟି ରଗଟି ନେହୁଁ କିତେସି □

୧୬ ଇଞ୍ଜା ତାଙ୍ଗେ ଲକୁକ୍ ଝେକ୍‌ଆଦୁ ଇଞ୍ଜୁ ହୁକୁମି ହାତେସି □

୧୭ ଏନିକିହୁଁ ମାହାପୁରୁ ଅଣ୍ଡପୁତି ବଲୁ ଝେହୁନି ଜିସାୟତି କାତା ସାତା ଆନେ,

୧୮ “ମେହୁଦୁ ନା ହଲେଏସି, ଆମ୍ବାଆରାକ୍ ନାନୁ ଆଚାମାକ୍; ଏଞ୍ଜାସି ନା ଜାସୁତି ମାରଏସି, ଆମ୍ବାଆରିତାଣା ନା ହାରେକା ରାହାଁ ମାନେ; ନାନୁ ଏଞ୍ଜାଣିଲାକ ନା ସୁଦୁଜୀସୁ ହାକ୍,

ଅଡ଼େ ଏଞ୍ଜାସି ଜାହୁଦିଆଆତି ଲକୁତାଣା ନୀହାୟିତି କାତା ଝେକନେସି □

୧୯ ଏଞ୍ଜାସି ଗଡ଼ହା କିଅସିକି କାଲଞ୍ଜି ଆଅସି,

ଇଞ୍ଜା ଆଂଗେଣିତା ଏଞ୍ଜାଣି ହାଡ଼ା ଆମ୍ବାଆରି ଝେନଅରି □

୨୦ ନୀହାୟିତା ଜାଣା ଆଆପାତେକା, ଏଞ୍ଜାସି ଝାୟିତି ତାଣ୍ଡିତି ତିକ୍‌ଅସି

ବୟୁଁ ଆହୁଁ ଡ଼ାଞ୍ଜିମାନି ଦୀଞ୍ଜିତି ତୁପଅସି □

୨୧ ଅଡ଼େ ଏଞ୍ଜାଣି ଦରୁତା ଜାହୁଦିଆଆତି ଲକୁ ବାସୁଁ ଇଟିନେରି □”

ଜାସୁ ଅଡ଼େ ବାଲ୍‌ଜିବୁଲ୍ ବୁତୁ

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁତୁ ଆଲ୍‌ଗାମାଟି ର କାଣାକ୍ ତାତେରି ଏଞ୍ଜାଣାକ୍ ବୁତୁ ଆଲ୍‌ଗା ମାଚାକି ଗୁଲା ଆହାମାଚେସି

□ ଜାସୁ ଏଞ୍ଜାଣାକ୍ ନେହୁଁ କିତେସି; ଇଞ୍ଜା ଏଞ୍ଜାସି ମେସାଲି ଅଡ଼େ ଜଲ୍‌ଲି ଆଡ଼ିତେସି □

୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି, “ଇଞ୍ଜାସି ଏନାଆଁ ଏ ଦାସୁଦ କୁଡ଼ାତାସି ଆଏକି ?”

୨୪ \*ପାରୁସିୟା ଇ କାତା ଝେଞ୍ଜାନା ଏଲେଇଚେରି, ଇ ମାଣସି ବୁତୁୟା କିହାଁ କାଜା ବାଲ୍‌ଜିବୁଲ୍ ବୁତୁ ହିଲାଆନା ବୁତୁୟା ପେରଅସି □

୨୫ ସାମା ଜାସୁ ପାରୁସିୟା ମନତି ଅଣ୍ଡପୁ ପୁଞ୍ଜାନା ଏଞ୍ଜାରାକ୍ ଏଲେଇଚେସି, “ର ରାଜି ତାନୁ ତାନୁଏ ଆସପି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତୀରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଲକୁ କୁଟମି ତାମ୍‌ତାମ୍‌ସୁ ଆସପି ଆହାନା ବାଗା ଆଡ଼ିସାରେ ତୀରିତଲେ ମାଞ୍ଜାଲି ଆଡ଼େଏ □

୨୬ ଇଞ୍ଜା ସୟତାନୁ ସୟତାନକ୍ ପିସପି କିନେ ଆତିହୁଁ ଏଦି ବାଗା ଆହାନା ତାନି କପାଟି ନିଜିତେୟିଏ, ଆତିହୁଁ ଏଦାନି ରାଜି ଏନିକ୍ ତୀରିଆହାଁ ତୟିନେ ?

୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲ୍‌ଆ ବୁତୁୟା ବାଲ୍‌ଜିବୁଲ୍ ତଲେ ବୁତୁୟା ପିସପି କିହିମାକ୍, ଆତିହୁଁ ମୀ ମୀରକା ଆମ୍ବାଆରି ବାଡ଼ୟୁ ତଲେ ବୁତୁୟା ପେରନେରି □ ଇଦାଆଁତାକି ଏଞ୍ଜାରିଏ ମୀ ନୀହାୟି କିୟାନାରି ଆନେରି □

୨୮ ସାମା ନାନୁ ମାହାପୁରୁ ଜାସୁତି ବାଡ଼ୟୁ ତଲେ ବୁତୁୟା ପେରହି ମାକ୍, ଆତିହୁଁ ମାହାପୁରୁତି ରାଜି ମୀ ତାଣା ଏଦାତେୟିଏ □”

୨୯ “ଇଞ୍ଜା ଆମ୍ବାଆସି ର ବାଡ଼ୟୁଗାଟି ଲକୁକ୍ ତଲିଏ ଦହୁଆନା, ଏନିକିହୁଁ ଏଞ୍ଜାଣି ଇଜ ହଡ଼ାନା ତାନି ଲକୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଞ୍ଜାଣାକ୍ ତଲିଏ ଦସିହୁଁ ଦେ ଏଞ୍ଜାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି □”

୩୦ ☆“ଆତ୍ମାଆସି ନା ଖାକିଟି ଆତ୍ମାଗାଟାସି, ଏଝାସି ନା ସାତୁ, ଇଞ୍ଜା ଆତ୍ମାଆସି ନା ତଲେ କୁଡ଼ି କିଅସି ଏଝାସି ଆଲାରା କିନେସି □

୩୧ ଇଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାଣସି ଲକୁଡ଼ି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି ନିନ୍ଦା କାତା ଜଲମାନାଣି ମ୍ଲେକହା ତୁସପିଆଡ଼େନ, ସାମା ମାହାପୁରୁତି ସୁଦୁଜୀଝୁ ଦରୁତଲେ ଜଲିନାଣା ପାପୁ ମେଣ୍ଟି କିଞ୍ଚିଆଏ □

୩୨ ☆ଅଡ଼େ ଆତ୍ମାଆସି ମାଣସି ମୀରୁଏଣା କପାଟି ଜଲିନେସି, ଏଝାଣି ପାପୁ ମେଣ୍ଟି କିଞ୍ଚିଆଡ଼େନ, ସାମା ଆତ୍ମାଆସି ମାହାପୁରୁତି ସୁଦୁଜୀଝୁତି କପାଟି ଜଲିନେସି, ଇ କାଲାତା କି ତାମ୍ଲୁ କାଲାତା ଜିକେଏ ଏଝାଣି ପାପୁ ମେଣ୍ଟି କିଞ୍ଚିଆଏ □”

ମାରୁନୁ ଅଡ଼େ ତାନି ପାଡ଼େୟି (ଲୁକ ୬:୪୩-୪୫)

୩୩ ☆“ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇଚିହ ପାଡ଼େୟି ତଲେ ମାରୁନୁତି ପୁଣି ଆଡ଼େନ □

୩୪ ☆ଆଡ଼େ ରାସ୍‌କା କୁଡ଼ାତେରି, ମୀରୁ ପଲୁଆ ଗାଟାତେରି ଆହାଁ ଏନିକ ମୀରୁ ନେହଁ ହାଡ଼ା ଝେସାଲି ଆଡ଼ିଦେରି ? ଇଚିହଁ ହିୟାତା ମାନି କାତା ଗୁଡ଼ି ଜଲିମାନେ □

୩୫ ନେହଁ ଲକୁ ନେହଁ ମନ ବିତ୍ରାଟି ନେହଁ କାତା ହପ୍‌ନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପ୍‌ନେସି □”

୩୬ “ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେଜାଣା ତାମ୍ଲୁ ଝେସାମାନି ଉଜେଏତି କାତାତାକି

ବିଚାରା କିନି ଦିନାତା ଏମ୍ବାତି କାତା ଜଲିନେରି;

୩୭ ଇଦାଆଁତାକି ମୀ ଗୁଡ଼ିତି ହାଡ଼ାତଲେ ନୀହାଁୟି ଦିନାତା ମୀରୁ ଦହ ଗାଟାତେରି ଅଡ଼େ ଦହ ହିଲାଆଗାଟାତେରି ଆଡ଼େରି □”

ସିନା ପାରିନାୟି

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ଏଚିବେଲା ମେରା ପୁନାରି ଅଡ଼େ ପାରୁସିୟାଁ ବିତ୍ରାଟି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମାମ୍ଲୁ ନୀ ତାଣାଟି ର କାବାଆନି ସିନା ମେସାଲି ଅଣ୍ଡପିମାନମି □”

୩୯ ☆ସାମା ଜୀସୁ ଏଝାରାଇଁ ଏଲେଇଚେସି, “ପଲୁଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଡପୁଡ଼ି ବଲୁ ଝେହ୍‌ନି ଜୁନସତି ସିନା ପିସପେ ଏଝାରାକି ଏନି ସିନା ହାପ୍‌କି ଆଏ □

୪୦ ଇଚିହଁ ଜୁନସ ଏନିକଁ ତାନିଦିନା ତାନି ଲାଆଁୟାଁ କାଜା ମୀରୁ ବାଣ୍ଡି ବିତ୍ରା ମାଚେସି, ଏଲେକଁ ମାଣସି ମୀରୁଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟାଁ ଡ଼ୟିନେସି □

୪୧ ନୀହାଁୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଚାନା ଏଝାରାଇଁ ଦହ କିନେରି, ଇଚିହଁ ଏଝାରି ଜୁନସ ଝେସ୍ତ୍ର କାତା ଆସାନା ପାପୁଟି ମନ ଝେଟହା ମାଚେରି, ଅଡ଼େ ମେହ୍‌ଦୁ ଜୁନସକିହାଁ କାଜାସି ଇମ୍ବାଆଁ ମାନେସି □

୪୨ ନୀହାଁୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଝାରାଇଁ ଦହ କିନେ, ଇଚିହଁ ସଲମନତି ବୁଦିତିକାତା ଝେଞ୍ଜାଲି ଦାରୁତିତି ହେକ ଦେସାଟି ଖାହାମାଚେ, ଇଞ୍ଜା ମେହ୍‌ଦୁ ସଲମନକିହାଁ କାଜା କାତା ଇମ୍ବାଆଁ ମାନେ □”

☆ ୧୨:୩୨ ୧୨:୩୨ ଲୁକ ୧୨:୧୦ ☆ ୧୨:୩୩ ୧୨:୩୩ ମାତ୍ରି ୭:୨୦; ଲୁକ ୬:୪୪ ☆ ୧୨:୩୪ ୧୨:୩୪ ମାତ୍ରି ୩:୭; ୩୩:୩୩; ଲୁକ ୩:୭; ମାତ୍ରି ୧୫:୧୮; ଲୁକ ୬:୪୫ ☆ ୧୨:୩୮ ୧୨:୩୮ ମାତ୍ରି ୧୭:୧; ମାର୍କ ୮:୧୧; ଲୁକ ୧୧:୧୭ ☆ ୧୨:୩୯ ୧୨:୩୯ ମାତ୍ରି ୧୭:୪; ମାର୍କ ୮:୧୨

ଲାଗେଏ ପଲେଏତି ବୃତ୍ତ  
ଝେଣ୍ଡାଝାନାୟି  
(ଲୁକ ୧୧:୨୪-୨୬)

୪୩ “ର ପଲ୍ଲଆ ବୃତ୍ତ ର ମାଣ୍ଡସି  
ତାଣାଟି ହଡ଼ା ହାଜାନା ଏୟୁ ହିଲାଆ  
ଚାୟୁ ବାରେ ରେଜିହ୍ ଜମାଲି ଚାୟୁ  
ପାରିତେ, ଇଞ୍ଜା ଏଦାଆଁ ପୁଃଆତେ,

୪୪ ଏଚେଟିଏ ଏଦି ଏଲେଇନେ, ନାନ୍ତୁ  
ଆମିନି ଇଲୁଟି ହଡ଼ା ଝାହାମାଲ୍, ନା ଏ  
ଇଲୁତା ଝେଣ୍ଡେ ହାଲ୍; ଇଞ୍ଜା ଝେଣ୍ଡା  
ଝାହାନା ଝାଚାଆଣି ଇଞ୍ଜା ଅଜିତାଣି  
ମେହ୍ନେ ।

୪୫ ଏଚିବେଲା ଏଦି ହାଜାନା  
ତାନିକିହ୍ନା ଆଗାଡ଼ା ପଲ୍ଲଆଗାଟି  
ସାଡ଼ାଗଟା ଜୀଝୁୟାଁ ଆସାନା ଝାଚେନ,  
ଇଞ୍ଜା ଏଝି ବାରେ ଏମ୍ବାଆଁ ହଡ଼ାନା ବାସା  
କିନ୍ତୁ, ଅଡ଼େ ଏ ଲକ୍ଷୁତି ତଲିତି କସ୍ତ  
କିହ୍ନା ତାୟୁତି କସ୍ତ ହାଚେରକା ଆଚେନ,  
ଇ କାଲାତି ପଲ୍ଲଆ ଗାଚାରାକି ଜିକେଏ  
ଏଲେଆହ୍ ଏ ଆଚେନ ।”

ଜୀସୁତି ଇୟା ଅଡ଼େ ତାୟିୟାଁ  
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକ୍ଷୁଲ୍ ହାଡ଼ା  
ଆହିମାଚାଟି ତାମି ଇୟା ଅଡ଼େ ତାୟିୟାଁ  
ପାଙ୍ଗାତା ନିଚାନା ହାଡ଼ା ଆହାଲି ମନ୍  
କିହିମାଚୁ ।

୪୭ ଏଚେଟିଏ ରଅସି ଝାହାନା ଜୀସୁଲ୍  
ଏଲେଇଚେସି, “ମେହ୍ନୁ, ମୀ ଇୟା  
ଅଡ଼େ ନୀ ତାୟିୟାଁ ପାଙ୍ଗାତା ନିଚାନା  
ହାଡ଼ା ଆହାଲି ମନ୍ କିହିମାଚେନି ।”

୪୮ ସାମା ଇ କାତା ଝେସ୍ତାଣାଲ୍ ଜୀସୁ  
ଏଲେଇଚେସି, “ଆମ୍ବାଆୟି ନା ଇୟା  
ଇଞ୍ଜା ଆମ୍ବାଆରି ନା ତାୟିୟାଁ ?”

୪୯ ଅଡ଼େ ସୀସୁୟାଁ ଝାକି କେୟୁ  
ଦାସାନା ଏଲେଇଚେସି, “ମେହ୍ନୁ  
ମାୟା ଇଞ୍ଜା ମା ତାୟିୟାଁ,

୫୦ ଇଚିହ୍ ଆମ୍ବାଆୟି ଜିକେଏ ନା  
ଲାକପୁରୁତି ଆବା କାତା ଆହ୍ନେସି  
ଏଝାସି ନା ତାୟି ଏଦି ନା ତାଙ୍ଗି ଅଡ଼େ  
ମା ଇୟା ।”

### ୧୩

ବିଚା ମାଟିନାଣି ପୁଣ୍ଡିକିନି କାତା  
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଡ଼ା ହାଜାନା  
ସାମ୍ବୁରି ତାକିତା ଲକ୍ଷୁଲ୍ ଜାପୁହାଲି  
କୁଗିତେସି ।

୨ ଏଚେଟିଏ ହାଚେରକା ଲକ୍ଷୁ କୃଡ଼ା  
ଆହାଲିଏ, ଏଝାସି ହାଜାନା ର ତଂଗତା  
କୁଗିତେସି, ଇଞ୍ଜା ଲକ୍ଷୁ ବାରେ ସାମ୍ବୁରି  
ଗାଚୁତା ନିଚାମାଚେରି ।

୩ ଅଡ଼େ ଜୀସୁ ପୁଣ୍ଡିକିନି  
କାତା ହାଚେରକା ଝେସ୍ତେସି, ଏଝାସି  
ଏଲେଇଚେସି । “ମେହ୍ନୁ ର ବିଚା  
ମାଟିନାସି ମାଟାଲି ହଡ଼େସି ।

୪ ଏଝାସି ବିଚା ମାଟିନି ବେଲା  
କଚେକା ବିଚା ଜିରୁତା ରୀତେ ଇଞ୍ଜା  
ପଚାୟାଁ ଝାହାନା ଏ ପାଡ଼େୟି ପେରୁହା  
ଡିରୁ ।

୫ ଅଡ଼େ କଚେକା ବିଚା ଝାଲ୍ଲକାତି  
ପାଡ଼ାଡ଼ା ବୁଫିତା ରୀତେ, ଇଞ୍ଜା ଇଚ୍ଚା  
ଗାଡ଼ି ହିଲାଆତାକି ପାଡ଼େୟି ତବେ ଗଜା  
ଆଡ଼େ ।

୬ ସାମା ଝେଡ଼ା ହଡ଼ାଲିଏ, ଗଜା  
ଆହାମାଚାୟି ଝେହା ହାଚେ, ଇଞ୍ଜା  
ତାନି ହୀରୁ ଗାଡ଼ି ଡ଼ଇକା ହାଲାଆତାକି  
ଝାୟାହାଚେ ।

୭ ଅଡ଼େ କଚେକା ବିଚା ହାପୁକା ବୃଟା  
ଡ଼ଇ ରୀତେ, ଇଞ୍ଜା ହାପୁକା ବୃଟାୟାଁ  
ବାରେ ପାଡ଼ାଆହାନା ଆନାଁ ତାକିତି  
ପୁକ୍ତହାତୁସେ ।

୮ ଅଡ଼େ କଚେକା ବିଚା ନେହ୍  
ବୁଫିତା ରୀତେ, ଇଞ୍ଜା କାମ୍ବାନା ର  
ପାଡ଼େୟିଟିଏ ପାସାକଡ଼ି, ତାନିକଡ଼ି  
ଇଞ୍ଜା କଡ଼େଦସ ପାଡ଼େୟିକା କାମ୍ବିତୁ  
।”

୯ “ଆମ୍ବାଆରାକି କାର୍କା ମାନୁ ଏଝାସି  
ଝେଣ୍ଡାମାସି ।”

ପୁସ୍ତପନି ପୁଣ୍ଡିକିନାୟି  
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା  
ଝାହାନା ଝେଚେରି, “ଲକ୍ଷୁଣି ଜାପୁନାଟି

☆ ୧୩:୨ ୧୩:୨ ଲୁକ ୫:୧-୩

ନାନୁ ଏନାଆଁତାକି ପୁଣ୍ଠିକିନି କାତାୟଁ  
 ଝେସିହଁ ଜାପୁହିମାଞ୍ଜି ?”

୧୧ ଜୀସୁ ଏଲେଇରେସି,  
 “ଏନାଆଁତାକି ଇଚିହଁ ଲାକପୁରୁ  
 ରାଜିତି ବାରେ ଡଗୁମାନି ହାଡ଼ା ପୁଞ୍ଜାଲି  
 ମିଙ୍ଗେ ବାଡ଼ୁୟୁ ହୀପକି ଆହାମାଞ୍ଜାନେ,  
 ସାମା ଏଞ୍ଜାରାକି ହୀପକି ଆହା ହିଲେଏ  
 □

୧୨ \*ଇଞ୍ଜା ଏମ୍ବାଆରାକି ମାନେ,  
 ଏଞ୍ଜାରାକି ହୀପକିଆନେ ଅଡ଼େ  
 ଏଞ୍ଜାଣାକି ଗାଡ଼ିଆନେ; ସାମା  
 ଆମ୍ବାଆରାକି ହିଲେଏ ତାନିତାଣା  
 ଏନାୟି ମାନେ, ଏଦାଆଁ ଜିକେଏ  
 ଅଢ଼ିଆନେ □”

୧୩ ଏଞ୍ଜାରି ମେସି ମେସିହଁ ମେସାଲି  
 ଆଡ଼ଅରି, ଅଡ଼େ ଝେଞ୍ଜିଝେଞ୍ଜି ଝେନଅରି  
 କି ପୁନଅରି; ଏଦାଆଁତାକି ନାନୁ  
 ଏଞ୍ଜାରାକି ପୁଣ୍ଠିକିନି କାତାତଲେ  
 ଝେସିମାକି □

୧୪ ଅଡ଼େ ମାହାପୁରୁ ବଲୁ ଝେହନି  
 ଜିସାୟତି ଇ କାତା ଏଞ୍ଜାରାକି ସାତା  
 ଆନେ □

ଇ ଲକୁ ଝେଞ୍ଜିଝେଞ୍ଜିହଁ ଝେନେରି,  
 ଏନାଆଁ ତେଲହଅରି,  
 ମେସି ମେସିହଁ ମେହନେରି  
 ସାମା ଏନାଆଁ ପୁନଅରି;

୧୫ ଇଚିହଁ ଇ ଲକୁତି ହିୟାଁ ଅଣ୍ଠାପାଲି  
 ଆଡ଼ାଆ ଗାଟାୟି,  
 ଏଞ୍ଜାରି କସ୍ତୁଟି କୀର୍କା ତଲେ  
 ଝେରେରି,  
 ଇଞ୍ଜା ତାମି କାଣ୍ଠାକା ପଟିତେରି,  
 ଏନିକଁ ଏଞ୍ଜାରି କାଣ୍ଠାକା ତଲେ  
 ମେହଅରି,

ଅଡ଼େ କୀର୍କା ତଲେ ଝେନଅରି,  
 ଅଡ଼େ ହିୟାଁ ତଲେ ତେଲହଅରି  
 ଇଞ୍ଜା ଏଞ୍ଜାରି ନା ତାଣା ଝେଣ୍ଡା ଝାଅରି,  
 ଅଡ଼େ ନାନୁ ଏଞ୍ଜାରାକି ନେହଁ  
 କିଅଁ □

୧୬ \*“ସାମା ନେହେଁ ମୀ କାଣ୍ଠାକା  
 ଇଚିହଁ ଏଢ଼ି ମେସି ମାନୁ, ନେହେଁ ମୀ  
 କୀର୍କା ଇଚିହଁ ଏଢ଼ି ଝେଞ୍ଜିମାନୁ □

୧୭ ଇଚିହଁ ନାନୁ ମିଙ୍ଗେ  
 ସାତା ଝେସିମାଞ୍ଜାକି, ମୀରୁ ଏନା  
 ଏନାଆଁ ମେସିମାଞ୍ଜେରି, ଏ ବାରେ  
 ହାଡ଼େକା ମାହାପୁରୁ ଅଣ୍ଠପୁଟି ବଲୁ  
 ଝେହନାରି ଇଞ୍ଜା ତୀରିଗାଟାରି ମେସାଲି  
 ମନ କିତେରି, ସାମା ମେସାଲି  
 ଆଡ଼ାଆତେରି; ଅଡ଼େ ମୀରୁ ଏନା  
 ଏନାଆଁ ଝେଞ୍ଜିମାଞ୍ଜେରି, ଏ ବାରେ  
 ଏଞ୍ଜାରି ଝେଞ୍ଜାଲି ମନ କିତେରି, ସାମା  
 ଝେଞ୍ଜାଲି ଆଡ଼ାଆତେରି □”

ଜୀସୁ ବିଚା ମାଟିନି କାତା  
 ପୁଣ୍ଠିକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆଚିହଁ ମୀରୁ ବିଚା ମାଟିନି  
 ପୁଣ୍ଠିକିନି କାତା ଝେଞ୍ଜୁ □

୧୯ ଆମ୍ବାଆସି ମାହାପୁରୁ ରାଜିତି  
 କାତା ଝେଞ୍ଜାନା ପୁନାଆ ଗାଟାସି, ଏଞ୍ଜାଣି  
 ହିୟାଁତା ଝେସାମାନି ମାହାପୁରୁ ବଲୁ  
 ସୟତାନ ଝାହାନା ମୀଞ୍ଜା ଅନେସି,  
 ଏଞ୍ଜାସି ଜିରୁ ଦାରି ମାଟାମାନି ବିଚା  
 ଲେହେଁତାସି □

୨୦ ଅଡ଼େ ଆମ୍ବାଆସି ଝାଲକା ବୁମିତା  
 ମାଟିତି ବିଚା ଏଞ୍ଜାସି ଇଲେତାସି,  
 ଆମ୍ବାଆସି ମାହାପୁରୁତି କାତା ଝେଞ୍ଜାନା  
 ରାହାତଲେ ନାମିନେସି,

୨୧ ସାମା ଏଞ୍ଜାଣି ତାଣା ହୀରୁ  
 ଜୀଆତାକି ଗାଡ଼େକେଏ ତୀରିଆହାନା  
 ମାନେସି, ତାୟୁ ମାହାପୁରୁ କାତାତାକି  
 ବାଦା ଅଡ଼େ ନିନା ବେଟାଆଡ଼ିସାରେ ଏ  
 ବାରେ ପିସାଡୁହନେସି, ଏଞ୍ଜାସି ଝାଲକା  
 ବୁମିତା ରିତି ବିଚା ଲେହେଁତାସି □

୨୨ ଆମ୍ବାଆସି ମାହାପୁରୁତି କାତା  
 ଝେନେସି, ଇଞ୍ଜା ଦାରତିତି ଅଣ୍ଠପୁ  
 ଦନତି ଜୁପକା ଏଞ୍ଜାସି ଝେଞ୍ଜାମାନି  
 କାତାତି ପୁକହା ହୁସାଲିଏ, ତାନି ଜୀଝୁତା  
 ପାଡ଼େୟି କାମ୍ବାଆତେ, ଏଞ୍ଜାସି ହାପକା  
 ବୁଟା ଡ଼ଇ ରିତି ବିଚା ଲେହେଁତାସି □

୨୩ ସାମା ଆମିନିଗ୍ରାଟାସି କାତାତି  
 ଝେନେସି ଇଞ୍ଜା ନେହଁ କି ପୁନେସି,  
 ଅଡ଼େ ନେହଁ ପାଡ଼େୟି କାମ୍ବିନେସି,

ଆତ୍ମାଆସି ପାସାକଡ଼ି, ଆତ୍ମାଆସି  
ତାନିକଡ଼ି, ଆତ୍ମାଆସି କଡ଼େଦସ  
ପାଡ଼େୟିକା, ଏଝାସି ନେହଁ ବୁମିତା  
ରିତି ବିଚା ଲେହେଁତାସି □

ଚଲି ଜାଡ଼ାତି ପୁଣ୍ଠିକିନି କାତା

୨୪ ଜୀସୁ ଏଝାରାଇଁ ଅଡ଼େ ର  
ପୁଣ୍ଠିକିନି କାତା ଝେସେସି, ଲାକପୁରୁ  
ରାଜି ରଅସି ତାନି ଗୁଡ଼ିୟାତା ନେହଁ  
ବିଚା ମାଟାମାନି ମାଣସିଲେହେଁ;

୨୫ ସାମା ଲକୁ ତୁରାମାନାଟି ତାନି  
ସାତୁ ଝାହାନା ଏ ଗହଁୟାଁ ବିତ୍ରା ଚଲି  
ଜାଡ଼ାତି ବିଚା ମାଟାମାନା ହାଚେସି □

୨୬ ଏଚିବେଲା ଗହଁୟାଁ ପାତାଆହାନା  
ଜେକା ଆନିବେଲା ଚଲି ଜାଡ଼ା ଜିକେଏ  
ତଞ୍ଜାଆଡ଼େ □

୨୭ ଏଚେଟିଏ ସାଝୁକାରିତି ହଲିୟାଜା  
ତାନି ତାଣା ଝାହାନା ଏଲେଇଚେରି,  
ବାବୁ, ନୀନୁ ଏନାଆଁ ନୀ ଗୁଡ଼ିୟାତା  
ନେହଁ ବିଚା ମାଟା ହିଲାଆତି ? ସାମା  
ଇ ଚଲି ଜାଡ଼ା ବାରେ ଏମ୍ପିଟି ଝାଡ଼େ ?

୨୮ ଏଝାସି ଏଝାରାଇଁ ଏଲେଇଚେସି,  
ର ସାତୁ ଇଦାଆଁ କିହାମାନେସି □ ଅଡ଼େ  
ହଲିୟାଜା ଏଝାଣାଇଁ ଏଲେଇଚେରି,  
ନୀ ମନ ଏନାୟି, ମାମୁହାଜାନା ଚଲି  
ରେଜାନା କୁଡ଼ି କିନମି,

୨୯ ସାମା ଏଝାସି ଏଲେଇଚେସି, ଆଏ  
ଏଚେତା ମୀରୁ ଚଲି ଜାଡ଼ା ରେଜି  
ରେଜିହଁ ଗହଁୟାଁ ଜିକେଏ ରେଜେରି □

୩୦ ଗହଁ ଦାଃନି ପାତେକା ଗହଁ ଅଡ଼େ  
ଚଲି ଜାଡ଼ା ରହେଁଏ ପାତାଆପୁ, ଅଡ଼େ  
ଆନାଁ ଦାଃନି ଚେଲାତା ଦାଃଆନାରାଇଁ  
ନାନୁ ଏଲେଇଇ, ତଲିଏ ଚଲି ଜାଡ଼ା  
ଦାଟାନା ହୁଡ଼ାଲିତାକି ପେଣ୍ଡାୟାଁ ଏଟକା  
କିଦୁ, ସାମା ଗହଁୟାଁ କୁଡ଼ି କିହାନା ନା  
ଗାଡ଼େୟିତା ଇଗାତୁ □

ହାସୁଁ ପାଡ଼େୟିତି ପୁଣ୍ଠିକିନାୟି

(ମାର୍କ ୪:୩୦-୩୨; ଲୁକ ୧୩:୧୮-  
୧୯)

୩୧ ଜୀସୁ ଏଝାରାଇଁ ଅଡ଼େ ର  
ପୁଣ୍ଠିକିନି କାତା ଝେସେସି, ଲାକପୁରୁ  
ରାଜି ର ହାସୁଁ ପାଡ଼େୟି ଲେହେଁତାୟି,

ଏଦାଆଁ ଅହାନା ରଅସି ତାନି ବାଡ଼ାତା  
ମାଟିଚେସି □

୩୨ ଏ ପାଡ଼େୟି ବାରେ ପାଡ଼େୟିକା  
କିହାଁ ଉଣା, ସାମା ଏଡ଼ି ପାତା  
ଆଡ଼ିସାରେ ବାରେ କୁଟା କିହାଁ କାଜାୟି  
ଆହାଁ ଇଲେତି ମାରୁନୁ ଆନେ, ଇଞ୍ଜା  
ହାଗୁଡ଼ା ଉମ୍ପିମାନି ପଟାୟାଁ ଝାହାନା  
ଏଦାନି କମାତା ବଣ କିହାନା ବାସା କିନୁ  
□

ପୁଲା ଏମୁତି ପୁଣ୍ଠିକିନାୟି

(ମାର୍କ ୧୩:୨୦-୨୧)

୩୩ ଜୀସୁ ଏଝାରାଇଁ ଅଡ଼େ ର  
ପୁଣ୍ଠିକିନି କାତା ଝେସେସି, ଲାକପୁରୁ  
ରାଜି ର ପୁଲା ଏମୁଲେହେଁତାୟି;  
ର ଇୟା ଗହଁୟାଁ ଗୁଣ୍ଡାତା ପୁଲାଏମୁ  
କାଲହାନା ଇଚିତେ, ଏଚେଟିଏ ଏ ଗୁଣ୍ଡା  
ପଙ୍ଗାମାନା ବାରେ ପୁଲା ଆଡ଼େ □

ଜୀସୁ ପୁଣ୍ଠିକିନି କାତାତି ଅର୍ତ  
ଝେହ୍ନାୟି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଠିକିନି କାତାତଲେ  
ଜୀସୁ ଲକୁଣି ଝେସେସି, ଇଞ୍ଜା  
ପୁଣ୍ଠିକିନି କାତା ଆଟ୍‌ଆନା ଏନାଆଁଝା  
ଲକୁଣି ଝେସି ହିଲାଆଡେସି,

୩୫ ଏନିକଁ ମାହାପୁରୁ ଅଣ୍‌ପୁତି ବଲୁ  
ଝେହ୍ନାଣି ତାଣାଟି ଇ କାତା ସାତା  
ଆଡ଼େ,

“ନାନୁ ନା ଗୁଡ଼ି ଏକ୍‌ହାନା ପୁଣ୍ଠିକିନି  
କାତାତଲେ ଝେହ୍ନଇଁ;  
ଦାରତି ଗାଡ଼ି ଆଡ଼ି ଦିନାଟିଏ  
ଡ଼ଗୁାମାନି କାତା ବାରେ  
ଝେହ୍ନଇଁ □”

ଜୀସୁ ଚଲି ଜାଡ଼ାତି ପୁଣ୍ଠିକିନି  
କାତାତି ଅର୍ତ ଝେହ୍ନାୟି

୩୬ ତାୟୁ ଜୀସୁ ମାନ୍ଦା ଲକୁଣି ପିସାନା  
ଇଲୁ ବିତ୍ରା ହାଚେସି, ଇଞ୍ଜା ତାନି  
ସୀସୁୟାଁ ତାଗେ ଝାହାନା ଏଲେଇଚେରି,  
“ଗୁଡ଼ିୟାତି ଚଲି ଜାଡ଼ାତି ପୁଣ୍ଠି କିନି  
କାତା ମାଜେ ନେହଁକଁ ଝେସ୍ତାମୁ □”



୩୭ ଜୀସୁ ଏଲେଇଚେସି, “ନେହଁ ବିଚା ମାଟିନାସି ଏଞ୍ଜାସି ମାଣ୍ଡସି ମୀରୁଏସି;

୩୮ ଈ ଦାରୁତି ଆହିମାନେ ଗୁଡିୟା, ନେହଁ ବିଚା ମାହାପୁରୁ ରାଜିତି ମୀରୁକା ମାସ୍କା; ଟଲି ଜାଡ଼ା ସୟତାନତି ମୀରୁକା ମାସ୍କା;

୩୯ ଆମିନି ସାତୁ ଏଦାଆଁ ମାଟିତେସି ଏଞ୍ଜାସି ସୟତାନ; ଆର୍ନା ଦାଃନି ଦିନା ଇଚିହଁ ଜୁଗୁ ରାନି ଦିନା, ଇଞ୍ଜା ଆର୍ନା ଦାଃଆନାରି ମାହାପୁରୁତି ଦୂତୁୟାଁ ।

୪୦ ଇଚିହଁ ଟଲି ଜାଡ଼ାତି ଏନିକଁ ର ତାଣା କୁଡ଼ି କିହାନା ହିରୁତା ହୁଡିନାୟି, ଜୁଗୁ ରାନି ଦିନାତା ଜିକେଏ ଏଲେକିହଁ ଆନେ ।

୪୧ ମାଣ୍ଡସି ମୀରୁଏସି ତାନି ଦୂତୁୟାଁସି ପାଣ୍ଡିନେସି, ଇଞ୍ଜା ଏଞ୍ଜାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡେ ପାପୁ ଗାଟାରାଇଁ ରୁଣ୍ଡା କିନେରି ।

୪୨ ଅଡେ ଏଞ୍ଜାରାଇଁ ହିରୁ ଗାଡ଼ୁୟୁତା ମେଡନେରି, ଏମ୍ବାଆଁ ଏଞ୍ଜାରି ଡ଼ାହଁ ପାଲୁକା ଟୀଟି କିନେରି ।

୪୩ ଏଚିବେଲ୍ଲା ତୀରିଗାଟାରି ତାମି ଆବା ରାଜିତା ଝେଡ଼ାଲେହେଁ ଡ଼ାଞ୍ଜିହଁ ତଞ୍ଜାଆନେରି । ଆମ୍ବାଆରାକି କୀର୍କା ମାନୁ ଏଞ୍ଜାରି ଝେଣ୍ଡାରି ।

ଡ଼ଗୁାମାନି ଦନ ପୁଣ୍ଡିକିନି କାତା

୪୪ “ଲାକପୁରୁ ରାଜି ଗୁଡିୟାତା ଡ଼ଗୁାମାନି ଦନ ଲେହେଁତାୟି, ରଅସି ଏଦାଆଁ ମେସାନା ଡ଼କୁହା ଇଚିତେସି, ଅଡେ ରାହଁଟି ହାଜାନା ତାନି ଇସିତାସି ଆସ୍ତି ପାରୁତାନା ଝେଣ୍ଡେ ହାଜାନା ଏ ଗୁଡିୟାତି କଡିତେସି ।”

ଦାରାଗାଟି ଅପ୍ନି ଝାଲିତି ପୁଣ୍ଡିକିନି କାତା

୪୫ “ଅଡେ ଲାକପୁରୁ ରାଜି ନେହଁ ଅପ୍ନି ଝାଲି ପାରିମାନି ର ବେବାରା କିନାଣିଲେହେଁ ।

୪୬ ର ଦାରାଗାଟି ଅପ୍ନି ଝାଲି ମେସାନା ଏଞ୍ଜାସି ହାଜାନା ତାନି

ଇସିତାସି ଆସ୍ତି ପାରୁତାନା ଏ ଅପ୍ନି ଝାଲିତି କଡିତେସି ।”

ମୀଣ୍ଡକା ଆହ୍ନି ଜାଲାତି ପୁଣ୍ଡିକିନି କାତା

୪୭ “ଅଡେ ଜିକେଏ ଲାକପୁରୁ ରାଜି ସାମ୍ପୁରିତା ବାରେ କୁଡ଼ାତି ମୀଣ୍ଡକା ଆସାଲି ମେଡନି ଜାଲା ଲେହେଁତାୟି ।

୪୮ ଏ ଜାଲା ନେଞ୍ଜାଲିଏ ମୀଣ୍ଡକା ଆହ୍ନାରି ଏଦାଆଁ ସାମ୍ପୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହଁଆଁ ବାରେ ରୁଣ୍ଡା କିହାନା ତିରିତା ଇଚିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହନେରି ।

୪୯ ଜୁଗୁ ରାନି ଦିନାତା ଏଲେକିହଁ ଆନେ; ଦୂତୁୟାଁ ହଚାଞ୍ଜାହାନା ତୀରିଗାଟାରି ତାଣାଟିଏ ଲାଗେଏ ପଲେଏତାରାଇଁ ଏଟକା କିନେରି ।

୫୦ ଅଡେ ଏଞ୍ଜାରାଇଁ ହିରୁ ଗାଡ଼ୁୟୁତା ମେଡହା ତୁହନେରି, ଏମ୍ବାଆଁ ଡ଼ାନାୟି ଅଡେ ପାଲୁକା ଟୀଟି କିନାୟି ଆନେ ।”

ପୁଞ୍ଜାଆଣି ଅଡେ ପୁଞ୍ଜାଣି ଜାପ୍ନାୟି

୫୧ ଜୀସୁ ସୀସୁୟାଁଇଁ ଝେଚେସି, “ମୀରୁ ଈ ବାରେ କାତା ପୁଚେରି ?”

ଏଞ୍ଜାରି ଏଲେଇଚେରି, “ହାଅ ପ୍ରବୁ ।”

୫୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ଆମିନି ଇଲୁଗାଟାସି ତାନି ଇଲୁଟି ପୁଞ୍ଜାଣି ପୁଞ୍ଜାଆଣି ହପ୍ନେସି, ଲାକପୁରୁ ରାଜିତି ସୀସୁ ଆହାମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।”

ଜୀସୁଇଁ ନାଜ୍ଜରିତତା ଅପାଆଗାଟାୟି (ମାର୍କ ୭:୧-୭; ଲୁକ ୪:୧୬-୩୦)

୫୩ ଜୀସୁ ଈ ବାରେ ପୁଣ୍ଡିକିନି କାତା ଝେସାଲି ଆଡ଼ାଲିଏ, ତାୟୁ ଏମ୍ବାଟିଏ ହାଚେସି ।

୫୪ ଇଞ୍ଜା ଏଞ୍ଜାସି ତାନୁ ପାତାଆତି ନାୟୁତା ଝାହାନା ଲକୁଣି ତାମି ଜୀହୁଦି ଲକୁଡି କୁଟମି ଇଲୁତା\* ଇଲେକିହଁ ଜାପ୍ହେସି, ଇଞ୍ଜା ଏଞ୍ଜାରି କାବାଆହାନା

\* ୧୩:୫୪ ୧୩:୫୪ ସିନଗଗ୍

ଏଲେକ୍ଟରେଟି, “ଇଝାଣାକି ଇଲେକ୍ଟି ବୁଦି ଇଞ୍ଜା ଇଲେକ୍ଟି କାବାଆନ୍ତି କାମା କିହାଲି ଆମ୍ବିଟି ବାଡ଼ୁୟୁ ବେଟାଆଡେସି ?

୫୫ ଇଝାସି ଏ ବାଡ଼ିୟାତି ମୀରଏସି ଆଏକି ? ଇଝାଣି ଇୟା ମରିୟମ ଆଏ ? ଅଡେ ଇଝାଣି ତାୟିୟା ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ?

୫୬ ଅଡେ ଇଝାଣି ତାଙ୍ଗିୟା ମା ତଲେ ହିଲାତ ? ଇଞ୍ଜାହାଁ ଇଝାସି ଏ ବାରେ ଆମ୍ବିଟି ମେଡାଆଡେସି ?”

୫୭ \*ଇଞ୍ଜା ଏଝାରି ଜୀସୁଇଁ ଅପାଆଡେରି □ ସାମା ଜୀସୁ ଏଝାରାଇଁ ଏଲେକ୍ଟରେସି, “ମାହାପୁରୁ ଅଣ୍ଟପୁତି ବଲୁ ଝେହ୍ନାରି ନିଜେତି ନାୟୁଁତା ଇଞ୍ଜା ନିଜେତି ଇଲୁ କୁଟମିତା ମାନ୍ତି ପ୍ଲୁଃଅରି □”

୫୮ ଅଡେ ଏଝାରି ନାମାଆତାକି ଏଝାସି ଏମ୍ପାଆଁ ହାରେକା କାବାଆନ୍ତି କାମା କିଆଡେସି □

### ୧୪

ବାପ୍ତିସ୍ମ\* ହାନି ଜହନ ହାନାୟି

(ମାର୍କ ୬:୧୪-୨୯; ଲୁକ ୯:୭-୯)

୧ ଏଟିବେଲ୍ଲାତା ଗାଲିଲିତି ସାଲଫି କିନି ରାଜା ହେରଦ ଜୀସୁତି କାବୁ ଝେରେସି,

୨ ଅଡେ ତାନି ହଲିୟାଙ୍ଗାଣି ଏଲେକ୍ଟରେସି, “ଇଝାସି ବାପ୍ତିସ୍ମ† ହାନି ଜହନ ଏଝାସି ହାଡାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ ବାଡ଼ୁୟୁ ଏଝାଣି ତାଣା କାମା କିହିମାନେ □”

୩ \*ଇଟିହ୍ ତଲି ହେରଦ ତାନି ତାୟି ପିଲିପ ତକ୍ତି ହେରଦିୟାନି ତାକି ଜହନଇଁ ଦସପା ତାଚାନା କାୟିଦି ଇଲୁତା ଇଟାମାରେସି □

୪ ଇଟିହ୍ ଜହନ ତାଙ୍ଗି ଏଲେକ୍ଟିମାରେସି, ହେରଦିୟାନି ଇଟିନାୟି ନୀ ମେରା ହିଲେଏ □

୫ ଅଡେ ହେରଦ ଏଝାଣାଇଁ ପାୟାଲି ମନ କିତି ଜିକେଏ ଲକୁଣି ଆଜିମାରେସି,

ଏଦାଆଁତାକି ଇଟିହ୍ ଏଝାଣାଇଁ ର ମାହାପୁରୁ ଅଣ୍ଟପୁତି ବଲୁ ଝେହ୍ନାସି ଇଞ୍ଜା ମାନ୍ତି କିହିମାରେରି □

୬ ସାମା ହେରଦତି ଜାନା ଦିନା ଝାହାଲିଏ, ହେରଦିୟାତି ମାଙ୍ଗା ରୁଣ୍ଡା ଆହାମାଟି ଲକୁ ନକିତା ଏଦାନା ହେରଦଇଁ ରାହାଁ କିଝିକିଡେ □

୭ ଏରେଟିଏ ଏଝାସି ପାରମାଣା କିହାନା ଆଞ୍ଜିଡେସି, ନୀନୁ ନାଙ୍ଗେ ଏଦାଆଁ ରାସ୍ତାଟିହ୍ ଏଡି ନିଙ୍ଗ ହୀପକିଆନେ □

୮ ଇଞ୍ଜା ଏଡି ତାନି ଇୟାନି କାତା ଆସାହାଁ ଏଲେକ୍ଟରେ, “ବାପ୍ତିସ୍ମ‡ ହାନି ଜହନତି ତାୟି ନୀଏଁ ଇମ୍ପାଆଁ ର ସାଡ଼ଝାତା ନାଙ୍ଗେ ହିୟାମୁ □”

୯ ଇଦାଆଁ ଝେଞ୍ଜାନା ରାଜା ଦୁକୁ ଆଡିହ୍ ଜିକେଏ ତାନୁ ପାରମାଣା କିହାଁ ଆଞ୍ଜାମାତାକି ଅଡେ ତାନିତଲେ ବଜିତା କୁଗାମାତାରି ନକିତା ଆଞ୍ଜାମାତାକି ଏଦାନି ମନଲେହେଁ ହାହାଲି ହୁକୁମି ହୀଡେସି □

୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟି ଦାପିକିଡେସି,

୧୧ ଅଡେ ଏଝାଣି ତାୟି ର ସାଡ଼ଝାତା ତାଚାନା ଏ ପଦାକି ହୀଡେରି, ଇଞ୍ଜା ଏଡି ଅହାନା ତାନି ଇୟାନି ତାଣା ଅଡେ □

୧୨ ଏରେଟିଏ ଜହନତି ସୀସୁୟାଁ ଝାହାନା ମାଡ଼ହା ଅହାନା ମୁସ୍ତେରି, ଅଡେ ହାଜାନା ଜୀସୁଇଁ ଝେସ୍ତେରି □

ଜୀସୁ ପାସାମାଣା ଲକୁକି ତିଞ୍ଜାଲି ହୀନାୟି

(ମାର୍କ ୬:୩୦-୪୪; ଲୁକ ୯:୧୦-୧୭)

୧୩ ଜହନ ହାଡି କାବୁ ଝେଞ୍ଜାନା, ଜୀସୁ ର ତଂଗତା କୁଗାନା ଲକୁ ହିଲାଆ ଚାୟୁତା ହାଡେସି, ଲକୁ ଇ କାତା ଝେଞ୍ଜାନା ଗାଡ଼ାୟିଟି ଝାହାନା ତାକି ତାକିହ୍ ଏଝାଣି ଜ୍ଞେତ ହାରେରି;

୧୪ ଅଡେ ଏଝାସି ତଂଗତି ରେଚାନା ମାନ୍ଦା ଲକୁଣି ମେସାନା କାର୍ମା ଆହାନା

\* ୧୩:୫୭ ୧୩:୫୭ ଜହ ୪:୪୪ \* ୧୪: ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି ☆ ୧୪:୩ ୧୪:୩ ଲୁକ ୩:୧୯,୨୦ ‡ ୧୪:୮ ୧୪:୮ ମୁଞ୍ଜିନାୟି

ଏଞ୍ଜେଲ୍ ରାଜା ଗାଟାରାଇଁ ନେହଁ କିତେସି □

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇରେରି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକଁ ନାସକାଣାଁ ହାଜାନା ତାମ୍ବେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜେରାଇଁ ହାଜାଲି ହେଲ ହୀମୁ □”

୧୬ ସାମା ଜୀସୁ ଏଞ୍ଜେରାଇଁ ଏଲେଇରେସି, “ଏଞ୍ଜେରି ହାନି ଲଡ଼ା ଆଏ, ମୀରୁ ଏଞ୍ଜେରାକି ତିଞ୍ଜାଲି ହୀଦୁ □”

୧୭ ଏଞ୍ଜେରି ଏଞ୍ଜେରାଇଁ ଏଲେଇରେରି, “ମାଙ୍ଗେ ଇମ୍ପାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମୀନୁ □”

୧୮ ଜୀସୁ ଏଞ୍ଜେରାଇଁ ଏଲେଇରେସି, “ଏଞ୍ଜେଆଁ ଇମ୍ପାଆଁ ନା ତାଣା ତାଦୁ □”

୧୯ ଅଡ଼େ ଏଞ୍ଜେସି ଲକୁଣି ଗାକଁ ଜାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣକାଣି ଅହାନା ଲାକପୁରୁ ଖାକି ସିନିକହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡ଼ିକହାନା ତାନି ସୀସୁୟାଁକି ହୀତେସି, ଏରେଟିଏ ସୀସୁୟାଁ ବାରେ ଲକୁକି ହୀତେରି □

୨୦ ଏରେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସୀସୁୟାଁ ହୀରାମାତି ରୁଟି ଗାଣୁୟାଁ କୁଡ଼ି କିହାନା ବାରେଗଟା ତାଲିତା ନେଞ୍ଜିକିତେରି □

୨୧ ରାନ୍ଦା ତିଟି ଲକୁ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାରେରି □

ଜୀସୁ ଏୟୁ ଲାକ ତାକିନାୟି (ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ତଂଗତା ଏକହାନା ସାମ୍ବୁରି ଆତାଲାଖାକି ତାନି ନକିତା ହାଜାଲି ଏଲେଇରେସି, ଏରେଟିଏ ବାରେ ଲକୁଣି ହାଜାଲି ହେଲ ହୀତେସି □

୨୩ ଜୀସୁ ଲକୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାତେସି, ଇଞ୍ଜା ମିଡ଼ଅଲା ଆହାଲିଏ ଏଞ୍ଜେସି ଏମ୍ପାଆଁ ରଅସିଏ ମାରେସି □

୨୪ ସାମା ଏଟିବେଲା ତଂଗ ସାମ୍ବୁରି ଗାଟୁଟିଏ ହାରେକା ହେକ ମାରେ, ଇଞ୍ଜା ସାମ୍ବୁରିତା ଗାଲି ଖେଟାଲିଏ ଏ ତଂଗ ଖୀଡ଼ିମାରେ □

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହଁ ସୀସୁୟାଁ ତାଗେ ହାତେସି □

୨୬ ଅଡ଼େ ସୀସୁୟାଁ ଏଞ୍ଜେରାଇଁ ଏୟୁ ଲାକ ତାକି ମାନାଣି ମେସାନା ଆଜାହାରେରି, ଇଞ୍ଜା ଏଲେଇରେରି, “ଇଦି ର ବୁଡୁ!” ଇଞ୍ଜା ଆଜିତାକି କିରଡ଼ିତେରି □

୨୭ ସାମା ଜୀସୁ ଦେବୁଣିଏ ଏଞ୍ଜେରାଇଁ ଏଲେଇରେସି, “ସାସା ଆହୁଦୁ ଆଜାଆଦୁ ନୀନୁ ଜୀସୁତେଏଁ □”

୨୮ ଏରେଟିଏ ପିତର ଏଲେଇରେସି, “ଏ ପ୍ରବୁ ସାତେଏ ନୀନୁ ଇତିହଁ ଏୟୁଲାକଟି ତାକିହଁ ନୀପ ଖାହାଲି ହୁକୁମି ହିୟାମୁ □”

୨୯ ଜୀସୁ ଏଲେଇରେସି “ଖାମୁ!” ଏରେଟିଏ ପିତର ତଂଗଟି ରେତାନା ଜୀସୁ ତାଣା ଏୟୁଲାକଟି ତାକିହଁ ହାତେସି □

୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣାଁ ମୁଞ୍ଜିହଁ ଏଲେଇରେସି, “ଏ ପ୍ରବୁ ନାଙ୍ଗେ ଗେଲ୍ପାମୁ □”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇରେସି, “ଏ ଉଣା ନାମୁ ଗାଟାତି! ଏନାଆଁ ତାକି ଆନାମାନା ଆଡ଼ି ?”

୩୨ ଅଡ଼େ ଏଞ୍ଜେରି ତଂଗତା ହଡ଼ାଲିଏ ଗାଲି ତୁଞ୍ଜିତେ □

୩୩ ଏରେଟିଏ ତଂଗତା ମାତି ସୀସୁୟାଁ ଜୀସୁଇଁ ଜହରା କିହାନା ଏଲେଇରେରି, “ନୀନୁ ସାତେଏ ମାହାପୁରୁ ମୀରୁଏଣାତି □”

ଗେନେସର ରାଜିତା ଜୀସୁ ରଗ  
ଗାଟାରାଇଁ ନେହଁ କିନାୟି  
(ମାର୍କ ୭:୫୩-୫୬)

୩୪ ଏଞ୍ଜାରି ସାମ୍ବୁରି ଗାଣ୍ଡଗାନା  
ଗେନେସର ରାଜିତା ଏତେରି □

୩୫ ଅଡ଼େ ଏମ୍ବାତି ଲକୁ ଜୀସୁଇଁ  
ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା  
କାରୁ ପାଣ୍ଡିତେରି, ଇଞ୍ଜା ଲକୁ ବାରେ  
ରଗ ଗାଟାରାଇଁ ଜୀସୁ ତାଣା ତାତେରି;

୩୬ ଅଡ଼େ ରଗ ଗାଟାରି ଜୀସୁତି ହିମ୍ବୁରି  
କୁଞ୍ଜା ତାରିନେରି, ଏଦାଆଁତାକି ଜୀସୁଇଁ  
ବାତିମାଲିତେରି, ଇଞ୍ଜା ଏତେକା ଲକୁ  
ତାରିତେରି ବାରେ ନେହଁ ଆଡ଼େରି □

**୧୫**

ଆକୁ ଆବାୟାଁ ମେରା ଜାପୁନାୟି  
(ମାର୍କ ୭:୧-୧୩)

୧ ଏରିବେଲାତା ଜିରୁସାଲମଟି  
ପାରୁସିୟାଁ ଇଞ୍ଜା ମେରାପୁନାରି ଜୀସୁ  
ତାଣା ଖାହାନା ଏଲେଇଚେରି,

୨ “ନୀ ସୀସୁୟାଁ ଏନାଆଁତାକି ତଲିତି  
ଆକୁ ଆବାୟାଁ ଜାପୁହି ମେରା ମାନି  
କିହିଲଅରି ? ଇତିହଁ ରାନ୍ଦା ତିନାଟି  
କେସ୍ତା ନରଅରି □”

୩ ଜୀସୁ ଏଞ୍ଜାରାଇଁ ଏଲେଇଚେସି,  
“ଏନାଆଁତାକି ମୀରୁ ଜିକେଏ ମୀ  
ପାଣାପାରୁ ମେରାତାକି ମାହାପୁରୁତି  
ହୁକୁମି ମାନଡ଼ି ଆହି ହିଲଅତେରି ?”

୪ ମାହାପୁରୁ ଏଲେଇଞ୍ଜା ମାନେସି  
ଇୟା ଆବାଇଁ ମାନି କିପୁ, ଇଞ୍ଜା  
ଆମ୍ବାଆସି ଇୟା କି ଆବାଇଁ ବାକା  
ଇତିନେସି ଏଞ୍ଜାସି ହାନି ତଣ୍ଡ ବେଟା  
ଆନେସି □

୫ ସାମା ମୀରୁ ଏଲେଇଞ୍ଜିମାଞ୍ଜେରି,  
ଆମ୍ବାଆସି ଆପେସି ତାମି ଇୟା କି  
ଆବାଇଁ ଏଲେଇନେସି, ନା ତାଣାଟି  
ମିଙ୍ଗେ ଏନାଆଁ ହିୟାତିହଁ ନେହେଁ  
ଆଡ଼େମା, ଏ ବାରେ ମାହାପୁରୁକି  
ହେରପି ଆହାମାନେ,

୬ ଏଞ୍ଜାସି ସାତେଏ ତାମି ଇୟା  
ଆବାଇଁ ମାନି କିଅସି □ ଇଲେକିହଁ

ମୀରୁ ମୀ ପାଣାପାରୁ ମେରା ତଲେ  
ମାହାପୁରୁ କାତା ଉଜେଏ କିହିମାଞ୍ଜେରି  
□

୭ ଆଡ଼େ କୁରୁ ଗାଟାତେରି, ମାହାପୁରୁ  
ଅଣ୍ଡପୁତି ବଲୁ ଝେହୁନି ଜିସାୟ  
ମିଙ୍ଗେତାକି ନେହଁ କି ଇ କାତା  
ଝେସାମାନେସି □

୮ ଇ କୃତାତାରି ଖାରଇ ଗୁତି ତଲେ  
ସେବା କିୟାନେରି,  
ସାମା ଏଞ୍ଜାରି ହିୟାଁ ନା ତାଣାଟି  
ହେକ ଡ଼ୟିନେ □

୯ ଏଞ୍ଜାରି ମାଣ୍ଡସି କେପିତି ପାଣା ପାରୁତି  
ଦାମ୍ପୁତି ନେହଁ କାତା ଇଞ୍ଜା  
ଜାପୁହାନା,  
ଉଜେଏ ନାଙ୍ଗେ ସେବା  
କିହିମାଞ୍ଜାନେରି □

ମାଣ୍ଡସିଇଁ ଲାଗେଏ କିନାୟି  
(ମାର୍କ ୭:୧୪-୨୩)

୧୦ ଅଡ଼େ ଜୀସୁ ଲକୁଣି ତାଗେ  
ହାଟାନା ଏଞ୍ଜାରାଇଁ ଏଲେଇଚେସି,  
“ଝେଞ୍ଜୁ ଇଞ୍ଜା ପୁଞ୍ଜୁ □”

୧୧ ମାଣ୍ଡସି ଗୁତି ବିତ୍ରା ଏନାୟି ହଡ଼ନେ  
ଏଦି ଏଞ୍ଜାଣାଇଁ ଲାଗେଏ କିଏ, ସାମା  
ଗୁତି ବିତ୍ରାଟି ଏନାୟି ହଡ଼ନେ ଏଦି  
ମାଣ୍ଡସିଇଁ ଲାଗେଏ କିନେ □

୧୨ ଏରିବେଲା ସୀସୁୟାଁ ଜୀସୁ ତାଣା  
ଖାହାନା ଏଲେଇଚେରି, ପାରୁସିୟାଁ  
ଇ କାତା ଝେଞ୍ଜାନା କସ୍ତ ବେଟାଆହି  
ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା  
ଲକପୁରୁତି ଆବା ଆମିନି ମାରୁନୁ ଉହା  
ହିଲଅସି ଏ ବାରେ ରେଞ୍ଜି ଆନୁ □”

୧୪ \*ପାରୁସିୟାଁ କାତା ଝେନାଆନୁ,  
ଏଞ୍ଜାରି କାଣାୟାଁ ଆହାନା କାଣାୟାଁଇଁ  
ଜିରୁ ତହୁନେରି, ଇଞ୍ଜା କାଣା ଅର  
କାଣାଇଁ ଜିରୁ ତସ୍ତ୍ରହଁ ରିଆରି ଜିକେଏ  
ଗାଡ଼ୟୁତା ତରରିନେରି □

୧୫ ପିତର ଏଲେଇଚେସି, “ଏ  
ପୁଣ୍ଡିକିନି କାତା ମାଙ୍ଗେ ଝେସ୍ତାମୁ □”

\* ୧୫:୧୪ ୧୫:୧୪ ଲୁକ ୭:୩୯

୧୭ ଜୀସୁ ଏଲେଇରେସି, “ମୀରୁ ଜିକେଏ ନାଏଁ ପାତେକା ପୁନାଆ ଗାଟାତେରି?”

୧୭ ଏନାୟି ଗୁଡିଟି ହଡ଼୍‌ନେ ଏଡ଼ି ବାଣ୍ଡିତା ହାଜାନା ଏଡ଼ି ବାଣ୍ଡିହାନିଲେହେଁ ହଡ଼ା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ \*ସାମା ଗୁଡିଟି ଏନାୟି ହଡ଼ିମାନେ ଏଡ଼ି ହିୟାଟି ହଡ଼ିମାନେ ଏଡ଼ିଏ ମାଣ୍ଡସିଲ୍ଲ ଲାଗେଏ କିହିମାନେ □

୧୯ ଇଚିହଁ ହିୟାଟି ଲାଗେଏଡି ଅଣ୍ଡୁ ହଡ଼େ, ଇଚିହଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଟି ସାକି ହାହାଲି ଇଞ୍ଜା ନିନ୍ଦା କାତା ଜଲ୍ଲାଲି;

୨୦ ଇ ବାରେ କାମା ମାଣ୍ଡସିଲ୍ଲ ଲାଗେଏ କିନେ, ସାମା କେୟୁ ନରୁଆନା ତିନାୟି ମାଣ୍ଡସିଲ୍ଲ ଲାଗେଏ କିଏ □

ର.ଇୟାନି ନାମୁ  
(ମାର୍କ ୭:୨୪-୩୦)

୨୧ ଜୀସୁ ଏ ଗାୟୁ ପିସାନା ସର ଅଡ଼େ ସିଦନ ରାଜିତା ହାଚେସି □

୨୨ ଅଡ଼େ ମେହ୍‌ଦୁ ଏ ହାନ୍ତିଟି କିଣାନ ଦେସାତି ର.ଇୟା ଖାହାନା କାଜା ଗିୟାତଲେ ଏଲେଇରେ, “ଏ ପ୍ରବୁ ଦାଞ୍ଜୁଦ ମୀରୁଏଣାତି ନାଙ୍ଗେ କାର୍ମା ମେସ୍ତାମୁ ଇଚିହଁ ନା ମାଙ୍ଗାନି ହାରେକା ଆଜିହଡ଼ପତି ବୁଡୁ ଆସାନା କସ୍ତୁ ଆହିମାନେ □”

୨୩ ସାମା ଜୀସୁ ଏଦାନି ର.ପଦୁ ଜିକେଏ ଜଲ୍ଲାଆତେସି □ ଇଞ୍ଜା ତାନି ସୀସୁୟାଁ ଖାହାନା ଏଞ୍ଜାଣାଲ୍ ଏଲେଇରେରି, “ଇଦାନି ହେଲ ହାହାନା ପାଣ୍ଡାଡୁହ୍‌ମୁ, ଏନାଆଁତାକି ଇଚିହଁ ଇଦି ମା.କ୍ରେଟ କାଲ୍‌ଞ୍ଜି ଆହିମାନେ □”

୨୪ ସାମା ଜୀସୁ ଏଲେଇରେସି, “ନାନୁ ଇସ୍ତାୟେଲ କୁଡ଼ାତା ଜାଙ୍ଗାମାନି ମେଣ୍ଡାୟାଁ ପିସପେ ଅଡ଼େ ଆମ୍ବାଆରି ତାଣା ପାଣ୍ଡୁଞ୍ଜି ଆହାହିଲଅଁ □”

୨୫ ଏ.ଇୟା ଖାହାନା ଜହରା କିହାନା ଏଲେଇରେ, “ଏ ପ୍ରବୁ ନାଙ୍ଗେ କାର୍ମା ମେସ୍ତାମୁ □”

୨୬ ସାମା ଜୀସୁ ଏଲେଇରେସି, “ମୀରୁକା ମାସ୍‌କା କାଦି ଅହାନା ନେସ୍‌କା ତାଗେ ମେଡ଼ନାୟି ନେହେଁ ଆଏ □”

୨୭ ଏ.ଇୟା ଏଲେଇରେ, “ହାଅ ପ୍ରବୁ ଇଚିହଁ ନେସ୍‌କା ତାନି ସାଞ୍ଜୁକାରିୟା ତାଣାଟି ତରଗାମାନି ଜୁଟା ରାନ୍ଦା ପେରହା ତିନୁ □”

୨୮ ଏଚେଟିଏ ଜୀସୁ ଏ.ଇୟାନି ଏଲେଇରେସି, “ଏ.ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଙ୍ଗ ଆୟାପେ □” ଏ ଦେବୁଣିଏ ତାନି ମାଙ୍ଗା ନେହେଁ ଆଡ଼େ □

ଜୀସୁ ହାରେକା ଲକୁଣି ନେହଁକିନାୟି

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମାଦୁରି ତାଗେ ଖାଚେସି, ଅଡ଼େ ହରୁ ଲାକ ହାଜାନା କୁଗିତେସି □

୩୦ ଅଡ଼େ ହାରେକା ଲକୁ ସଗାୟାଁ, ବୁଡୁଞ୍ଜାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକୁଲ୍ ତାନିତଲେ ତାତାନା ଜୀସୁ କଡ଼ା ଡ଼କ ଇଚିତେରି, ଅଡ଼େ ଏଞ୍ଜାସି ଏଞ୍ଜାରାଲ୍ ନେହଁ କିତେସି □

୩୧ ଇଲେକିହଁ ଦେବ୍‌ଡ଼ାୟାଁ ଜଲ୍ଲିମାନେରି, ବୁଡୁଞ୍ଜାୟାଁ ନେହଁ ଆହିମାନେରି, ସଗାୟାଁ ତାକି ମାନେରି ଅଡ଼େ କାଣାୟାଁ ମେସିମାନେରି; ଇ ବାରେ ମେସାନା ଲକୁ କାବା ଆଡ଼େରି, ଇଞ୍ଜା ଇସ୍ତାୟେଲତି ମାହାପୁରୁଲ୍ ଜହରା କିତେରି □

ଜୀସୁ ସାରି ମାଣା ଲକୁଣି ତୀସ୍ତେସି  
(ମାର୍କ ୮:୧-୧୦)

୩୨ ଅଡ଼େ ଜୀସୁ ତାନି ସୀସୁୟାଁଲ୍ ତାଗେ ହାଟାନା ଏଲେଇରେସି, “ଇ ବାରେ ଲକୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଏନାଆଁତାକି ଇଚିହଁ ଇଞ୍ଜାରି ତାନିଦିନା ଆଡ଼େରିଏ ନା ତଲେ

ମାଞ୍ଜାମାନେରି, ଅଡ଼େ ଇଝାରି ତାଣା ଏନାୟିଝା ତିଞ୍ଜାଲି ହିଲେଏ; ଇଝାରି ହାନାଟି ଜୀଝୁ ହଡ଼ା ହାଡ଼ିଲେହେଁ ଜିରୁତା ତରଗିନେରି, ଏନାଆଁତାକି ହାକିଟି ପାଣ୍ଡାଲି ନା ମନ ହିଲେଏ □

୩୩ ସୀସୁୟାଁ ଏଝାରାଇଁ ଏଲେଇଚେରି, “ଇଚେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲଆ ଚାୟୁତା ଏମ୍ବିଟି ରୁଟି ପାଣ୍ଡନାୟି □”

୩୪ ଜୀସୁ ଏଝାରାଇଁ ଝେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଝାରି ଏଲେଇଚେରି, “ସାଡ଼ାଗଟା ଇଞ୍ଜା ଏଚରଗଟା ଉଣା ମୀଣକା ମାନୁ □”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି,

୩୬ ଅଡ଼େ ଜୀସୁ ଏ ସାଡ଼ାଗଟା ରୁଟି ଇଞ୍ଜା ମୀଣକାଣି ମାହାପୁରୁ ତାଣା ଜହରା କିହାନା ସୀସୁୟାଁକି ହୀତେସି; ଏଝାରି ଲକୁତାକି ହୀତେରି □

୩୭ ଅଡ଼େ ଲକୁ ତିଞ୍ଜାନା ପାଞ୍ଜିତି ତାୟୁ, ତୀଗିତି ରୁଟି ସାଡ଼ା ତାଲି ହାରିତାଣି କୃଡ଼ି କିଚେରି □

୩୮ ରୁଟି ଡିଟି ଲକୁ ଇୟାସିକା ଅଡ଼େ ଉଣା କକାରି ପଡ଼ାଣି ପିସାନା ସାରି ମାଣା ଆବାୟାଁ ମାଚେରି □

୩୯ ଏଚେଟିଏ ଏଝାସି ଲକୁଣି ହେଲ ହୀହାନା ତଂଗତା ହଡ଼ାନା ମଗଦାନ ହାଦିତା ଝାଡ଼େସି □

## ୧୭

କାବାଆନ୍ତି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ \*ଏଚେକା ପାରୁସି ଅଡ଼େ ସାଦୁକିୟାଁ ଜୀସୁ ତାଣା ଝାହାନା ତାୟିପାରି କିହାଲି, ମାଞ୍ଜେ ହାଗୁ ଲାକଟି ର ସିନା ତସାମୁ ଇଞ୍ଜାଁ ବାଡ଼ମାଲିଚେରି □

୨ ସାମା ଜୀସୁ ଏଝାରାଇଁ ଏଲେଇଚେସି, “ମିଡ଼ଅଲ୍ଲା ବେଲ୍ଲା ଏଲେଇଞ୍ଜେରି, ଝିଏ କାରା ଆନେ, ଇଚିହଁ ହାଗୁ ଗାଦ୍‌ଗା ଆହାମାନେ □”

୩ ଅଡ଼େ ଲାଲ୍ ବେଲ୍ଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହଁ ହାଗୁ ଗାଦ୍‌ଗା ଅଡ଼େ ଦୂନ୍ଦା ମୁଚାମାନେ □ ମୀରୁ ହାଗୁଡ଼ି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀର୍ବିତ କାତା ଅଡ଼େ ସିନାୟାଁ ପୁଞ୍ଜି ହିଲଅଚେରି □

୪ \*ପଲ୍ଲଆ ଗାଟାରି ଇଞ୍ଜା ମାହାପୁରୁଇଁ ଅଣ୍‌ପାଆଗାଟି କୁଡ଼ାତାରି ସିନାୟାଁ ପାରିନେରି, ସାମା ଜୁନସତି ସିନା ପିସ୍‌ପେ ଅଡ଼େ ଏଟକାତି ସିନା ଏଝାରାକି ହୀପକି ଆଏ, ଇଞ୍ଜା ଏଝାସି ଏଝାରାଇଁ ପିସାନା ହାଚେସି □

ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା

(ମାର୍କ ୮:୧୪-୨୧)

୫ ସୀସୁୟାଁ ସାମ୍‌ଦୁରି ଆତାଲ୍ଲା ହାଜାନା ସିନିକିଚେରି, ଏଝାରି ରୁଟି ଅହାଲି ବାଣା ଆହା ହାଜାମାନେରି □

୬ \*ଜୀସୁ ଏଝାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ସାଦୁକିୟାଁ ପୁଲ୍ଲା ଏୟୁଟି ଜାଗ୍ରାତା ଆହାଁ ମାଞ୍ଜୁ □”

୭ ଏମ୍ବାଟିଏ ଏଝାରି ତାମ୍ନୁ ତାମ୍ନୁ ଜଲ୍ଲକି ଆହାଲି ମାଟ୍‌ହେରି, “ମାରୁ ରୁଟି ତାଟା ହିଲ୍ଲାଆୟି ଇଞ୍ଜାଁ ଏଝାସି ଏଲେଇଞ୍ଜିମାଞ୍ଜାନେସି □”

୮ ସାମା ଜୀସୁ ଏନାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଟାଚେରି, ମୀ ବିଡ଼ା ରୁଟି ହିଲେଏ ଇଞ୍ଜାଁ ଏନାଆଁତାକି ଝେସ୍‌ପି ଆହାମାଞ୍ଜେରି ?

୯ \*ମୀରୁ ନୀର୍ବି ପାଚେକା ପୁଞ୍ଜି ହିଲଅଚେରି ? ଏ ପାସାମାଣା ଲକୁଡ଼ି ପାସାଗଟା ରୁଟି ଡ଼ିକ୍‌ହାନା ହାହା

ମାତେଏଁ, ଇଞ୍ଜା ମୀରୁ ଏତର ତାଲି  
ହାରିତାଣି କୃତି କିତେରି,

୧୦ \*ଇଞ୍ଜା ଏ ସାରି ମାଣା ଲକ୍ଷୁତି  
ସାତା ଗଟା ରୁଟି, ଇଞ୍ଜା ଏତର ତାଲି  
ହାରିତାଣି କୃତି କିତେରି, ଏ ବାରେ  
ମିଙ୍ଗେ ଅଣ୍ଟୁ ହିଲେଏ ?

୧୧ ନାନୁ ମିଙ୍ଗେ ରୁଟି କାତା  
ଝେସାମାଞ୍ଜାଆତେଏଁ, ଇଦାଆଁ ଏନିକ  
ପୁଞ୍ଜି ହିଲଅତେରି ? ସାମା ପାରୁସିୟାଁ  
ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା  
ଆହାନା ମାଞ୍ଜୁ □”

୧୨ ଏଝାସି ରୁଟି ତାକି ଲଡ଼ାମାନି ପୁଲା  
ଏୟୁତାକି ଜାଗ୍ରାତା ଆହାନା ମାଞ୍ଜାଲି  
ଝେହୁଆନା, ପାରୁସିୟାଁ ଅଡ଼େ ସାଦୁକିୟାଁ  
ଜାପୁନି ତାଣାଟି ଜାଗ୍ରାତା ଆହାଁ ମାଞ୍ଜାଲି  
ଏଝାରାଇଁ ଝେସାମାତେସି, ଏଦାଆଁ  
ଏଝାରି ଏଚିବେଲା ପୁତେରି □

ଜୀସୁଇଁ ପିତର ସାତା ଇଞ୍ଜୁ  
ଝେହୁନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀସୁ କାୟିସରିୟା ପିଲିପି  
ରାଜିତା ଝାହାନା ତାନି ସୀସୁୟାଁଇଁ  
ଝେରେସି, “ମାଣସି ମୀରୁଏସି ଆମ୍ବାଆସି  
ଇଞ୍ଜୁ ଲକ୍ଷୁ ଝେସିମାନେରି ?”

୧୪ \*ଏଚେଟିଏ ଏଝାରି ଏଲେଇଚେରି,  
“ଆମ୍ବା ଆମ୍ବାଆରି ବାପ୍ତିସ୍ତୁ\* ହାନି  
ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ  
ଆମ୍ବା ଆମ୍ବାଆରି ଜିରିମିୟ ଆଆତ  
ମାହାପୁରୁ ଅଣ୍ଟୁତି ବଲ୍ଲୁ ଝେହୁନାରି  
ତାଣାଟି ରଅସି □”

୧୫ ଜୀସୁ ଏଝାରାଇଁ ଝେରେସି, “ସାମା  
ନାନୁ ଆମ୍ବାଆତେଏଁ ଇଞ୍ଜୁ ମୀରୁ  
ଝେସିମାଞ୍ଜେରି ?”

୧୬ \*ସିମନ ପିତର ଏଲେଇଚେସି,  
“ନାନୁ କ୍ରୀସ୍ତ, ଜୀଝୁଗାଟି ମାହାପୁରୁ  
ମୀରୁଏଶାତି □”

୧୭ ଏଚେଟିଏ ଜୀସୁ ଏଝାଶାଇଁ  
ଏଲେଇଚେସି, “ଏ ଜୁନସ ମୀରୁଏଶାତି  
ସିମନ, ନାନୁ ନେହେ, ଇଚିହୁଁ ମାଣସି

ନୀ ତାଣାଟି ଇଦାଆଁ ଝେକହାମାଞ୍ଜଅସି,  
ସାମା ନା ଲାକପୁରୁଟି ଆବା  
ଝେକହାମାଞ୍ଜାନେସି □

୧୮ ଅଡ଼େ ନାନୁ ଜିକେଏ ନିଙ୍ଗେ  
ଝେସିମାଞ୍ଜାଇଁ, ନାନୁ ପିତରତି†, ଇଞ୍ଜା  
ଇ ଝାଲି ଲାକ ନାନୁ ନା କୁଲମିତି  
କେପିଇଁ, ଅଡ଼େ ହାକିତି ବାଡ଼ୁୟୁ ଏଦାଆଁ  
ମ୍ଲେକହାଲି ଆତେଏ □

୧୯ \*ନାନୁ ନିଙ୍ଗ ଲାକପୁରୁଟି କୁଟିକାଡ଼ି  
ହିୟାଇଁ, ଅଡ଼େ ନାନୁ ଦାରୁତିତା ଏନାଆଁ  
ସୁଣ୍ଡିଦି, ଏଡ଼ି ଲାକପୁରୁ ରାଜି ଜିକେଏ  
ସୁଣ୍ଡୁକି ଆନେ, ଅଡ଼େ ଦାରୁତିତା ଏନାଆଁ  
ଦେଏଦି ଏଡ଼ି ଲାକପୁରୁ ଜିକେଏ ଦେପି  
ଆନେ □”

୨୦ ଏଚିବେଲା ଏଝାସିଏ କ୍ରୀସ୍ତ ଇଞ୍ଜୁ  
ଆମ୍ବାଆରାଇଁ ଝେହୁଆଦୁ ଇଞ୍ଜୁ ଏଝାସି  
ତାନି ସୀସୁୟାଁଣି ଜାଣେ କିହୁଁ ହୁକୁମି  
ହୀତେସି □

ଜୀସୁ ତାନି ଦୁକୁ ବେଟାଆନାଣି  
ଅଡ଼େ ହାନାଣି ଝେହୁନାୟି

(ମାର୍କ ୮:୩୧; ୯:୧; ଲୁକ ୯:୨୨-  
୨୭)

୨୧ ଏଚିବେଲାଟିଏ ଜୀସୁ ତାନି  
ସୀସୁୟାଁଣି ଝେସାଲି ମାଟୁହେସି, ନାନୁ  
ଜିରୁସାଲମତା ହାନାୟିମାନେ, ଇଞ୍ଜା  
ପ୍ରାଟିନାଙ୍ଗା, କାଜା ପୁଜେରାଙ୍ଗା ଅଡ଼େ  
ମେରାପୁନାରି ତାଣାଟି ହାରେକା ଦୁକୁ  
ବେଟାଆହାନା ହାନାୟି ମାନେ, ଇଞ୍ଜା  
ତାନି ଦିନାଟିଏ ଝେଣ୍ଡେ ନିଙ୍ଗିନାୟି  
ମାନେ □

୨୨ ଏଚେଟିଏ ପିତର ଏଝାଶାଇଁ  
ଅରଝାକି ଅହାନା ଲାଗାନା  
ଏଲେଇଚେସି, “ଏ ପ୍ରବୁ, ମାହାପୁରୁ  
ନିଙ୍ଗ କାର୍ମା ଆୟାପେସି, ଇଲେତାୟି  
ନିଙ୍ଗେ ଏଚେଲାଝା ଆୟାଆପେ □”

୨୩ ସାମା ଜୀସୁ ତାୟୁଝାକି ସିନିକିହାନା  
ପିତରଇଁ ଏଲେଇଚେସି, “ଏ ସୟତାନ  
ନା ତାଣାଟି ହେକ ଆମ୍ବୁ, ନାନୁ ନା  
ସାତୁ ଲେହେଁ, ଇଚିହୁଁ ନାନୁ ମାହାପୁରୁ

\* ୧୭:୧୪ ୧୭:୧୪ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ \* ୧୭:୧୪ ୧୭:୧୪ ମୁଞ୍ଜନାୟି  
\* ୧୭:୧୭ ୧୭:୧୭ ଜହ ୬:୬୮,୭୯ † ୧୭:୧୮ ୧୭:୧୮ ପିତର ଇଚିହୁଁ ଝାଲି \* ୧୭:୧୯ ୧୭:୧୯  
ମାତି ୧୮:୧୮; ଜହ ୨୦:୨୩

କାତା ଅଣ୍ଠପାଆନା ମାଣ୍ଠସିତି କାତା ଅଣ୍ଠପିମାଞ୍ଜି □

୨୪ ☆ଏତିବେଳା ଜୀସୁ ତାନି ସୀସୁୟାଣି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ କିତିହୁ”, ଏଞ୍ଜାସି ତାନୁଏ ତାଙ୍ଗେ ଅପାକତାଆନା ତାନି କ୍ରସ ଡେକାନାହାଁ ନା ଜେଚ ତାକାପେସି □

୨୫ ☆ଇତିହୁ ଆମ୍ବାଆସି ତାନି ଜୀସୁ ନୀଟହା କତାଲି ମନ କିନେସି, ଏଞ୍ଜାସି ହାଞ୍ଜି କିନେସି; ସାମା ଆମ୍ବାଆସି ନା ତାକି ତାନି ଜୀସୁ ହୀନେସି ଏଞ୍ଜାସି ନୀଟହା କଡିନେସି □

୨୬ ଅଡେ ମାଣ୍ଠସି ଇ ଦାରତିତା ମାନାଣି ବାରେ ମେଡି କିହାନା ତାନି ଜୀସୁତି ହାଞ୍ଜି କିନେସି, ଆତିହୁ ଏଞ୍ଜାଣାକି ଏନି ଲାବା, ଇଞ୍ଜା ମାଣ୍ଠସି ତାନି ଜୀସୁତି ବାଦୁଲି ଏନାଆଁ ହୀନେସି ?

୨୭ ☆ଇଞ୍ଜା ମାଣ୍ଠସି ମୀରଏସି ତାନି ଆବାତି ଗାଞ୍ଜୁରମିତି ତାନି ଦୁଡୁୟା ତଲେ ଖାନେସି, ଏତିବେଳା ଏଞ୍ଜାସି ବାରେ ଲକ୍ଷୁକି ତାନି କାମାତି ଲେକା ତଲେ ପାଡେୟି ହୀନେସି □

୨୮ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାଣ୍ଠସି ମୀରଏସି ତାନି ରାଜିତା ରାଜାଆହାଁ ଖାନାଣି ମେହୁଆ ପାତେକା ଇମ୍ବାଆଁ ମାନି ଲକ୍ଷୁ ବିତ୍ରାତି ଏଚରଜାଣା ହାଅରି □”

### ୧୭

ଜୀସୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୭)

୧ ଜୀସୁ ସ ଦିନା ତାୟ ପିତର, ଜାକୁବ, ଅଡେ ତାନି ତାୟି ଜହନଇଁ ଏଟକା କିହାନା ଏଞ୍ଜାରାଇଁ ର ପାତାଆଡି ହରୁ ଲାକ ଅଡେସି □

୨ ଅଡେ ଏଞ୍ଜାସି ଏଞ୍ଜାରି ନକିତା ତାନି ଖାଣା ବାଦୁଲିଞ୍ଜି ଆହାନା ତାନି ମୁମ୍ବୁ ଖେଡାଲେହେଁ ଉଜେଡି ଇଞ୍ଜା ତାନି

ହିମ୍ବୁରି ଉଜେଡି ଲେହେଁ ଦବଲା ଆଡେ □

୩ ଇଞ୍ଜା ମେହୁଦୁ ମସା ଅଡେ ଏଲିୟ ଜୀସୁତଲେ କାତା ଆହିମାତାଣି ମେସ୍ତେରି □

୪ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମାର ଇ ଚାୟୁତା ମାନାୟି ନେହେ; ନୀ ମନ ଆତିହୁ ନାନୁ ଇମ୍ବାଆଁ ତାନିଗଟା ଗୁଡାୟା କେପିଇଁ, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ □”

୫ ☆☆ଇ କାତା ଖେସପନିଏ ମେହୁଦୁ ଇଗାୟି ହାଗୁ ଖାହାନା ଏଞ୍ଜାରାଇଁ ପ୍ରିକ୍ତହେ, ଇଞ୍ଜା ଏ ହାଗୁଟି ଇ ହାଡା ଖେଜିତେ, “ଇଞ୍ଜାସି ନା ଜୀସୁତି ମୀରଏସି ଇଞ୍ଜାଣି ତାଣେଏ ନା ରାହାଁ ମାନେ, ଇଞ୍ଜାଣି ବଲୁ ଖେଞ୍ଜୁ □”

୬ ଇ ହାଡା ଖେଞ୍ଜାହାଁ ସୀସୁୟା ମୁନୁ କୁଡିହୁଁ ରିଚେରି ଇଞ୍ଜା ହାରେକା ଆଜିଚେରି □

୭ ଏମ୍ବାଟିଏ ଜୀସୁ ଖାହାନା ଏଞ୍ଜାରାଇଁ ତୀଗାନା ଏଲେଇଚେସି, “ନିଙ୍ଗାଦୁ ମୀରୁ ଆଜାଆଦୁ □”

୮ ଇଞ୍ଜା ଏଞ୍ଜାରି ଲାକ ସିନିକିହାଲିଏ ଜୀସୁ ପିସପେ ଆମ୍ବାଆରାଇଁ ମେହୁଆଡେରି □

୯ ଏଞ୍ଜାରି ହରୁ ଲାକଟି ରେଚା ଖାହିମାତାଟି ଜୀସୁ ଏଞ୍ଜାରାଇଁ ହୁକୁମି ହୀହାନା ଏଲେଇଚେସି, “ମାଣ୍ଠସି ମୀରଏସି ହାଡାରି ତାଣାଟି ନିଙ୍ଗାଆ ପାତେକା ଇ ମେସାମାନି କାତା ଆମ୍ବାଆରାଇଁ ଖେହୁଅଡେରି □”

୧୦ ଏଦାଆଁତାକି ସୀସୁୟା ଏଞ୍ଜାଣାଇଁ ଖେଚେରି, “ଆତିହୁଁ ନଟେଏ ଏଲିୟ ଖାନାୟି ମାନେ ଇଞ୍ଜା ମେରାପୁନାରି ଏନାଆଁତାକି ଖେସିମାନେରି ?”

୧୧ ଏଞ୍ଜାସି ଏଲେଇଚେସି, “ଏଲିୟ ଖାହାନା ବାରେ ଅଡେ ଖେଣ୍ଡେ ଇଚିନାୟି ସାତା”

☆ ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ ☆ ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୭:୨୫ ☆ ୧୭:୨୭ ୧୭:୨୭ ମାତି ୨୫:୩୧; ରମି ୨:୬ ☆ ୧୭:୫ ୧୭:୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ☆ ୧୭:୫ ୧୭:୫ ୨ପିତ ୧:୧୭,୧୮



୧୨ \*ସାମା ନାନୁ ମିଙ୍ଗେ  
 ଖେସିମାଞ୍ଜାଇଁ, “ଏଲିୟ ଖାହା  
 ରାଡେସିଏ, ସାମା ଲକୁ ଏଞ୍ଜାଣାଇଁ  
 ପୁନାଆନା ଏନିକିହାଲି ମନ  
 ଏଲେକିତେରି □ ଏଲେକିହୁଁ ଏ ମାଣସି  
 ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ  
 ବେଟାଆହାଲି ହାଜିମାନେସି □”

୧୩ ଏଚିବେଲା ଏଞ୍ଜାରାଇଁ ବାପ୍ତିସ୍ତ\*  
 ହାନି ଜହନତି କାତା ଖେସିମାନେସି,  
 ଏଚିବେଲା ସାସୁୟା ପୁତେରି □

ଜୀସୁ ବୃତୁ ଆଲଗାମାଟି କକାଣାଇଁ  
 ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ଲକୁତାଣା  
 ଖାହାଲିଏ, ରଥସି ଜୀସୁ ତାଣା ଖାହାଁ  
 ମେଣ୍ଡାକୁତାନା ଏଲେଇଚେସି,

୧୫ “ପ୍ରବୁ ନା କକାଣାଇଁ କାର୍ମା  
 ମେହ୍ମୁ, ଇଚିହୁଁ ଏଞ୍ଜାସି କାଟିଖେନି  
 ନମେରି ତାକି ହାରେକା କସୁ  
 ଆହିମାନେସି, ଏଞ୍ଜାସି ଏଚର ପାଲି  
 ହିରୁତା ଅଡେ ଏୟୁଣାଁ ତରଗା  
 ହାଜିମାନେସି □

୧୬ ନାନୁ ମୀ ସାସୁୟାଁ ତାଣା ଏଞ୍ଜାଣାଇଁ  
 ତାମାମାଚେସି, ସାମା ଏଞ୍ଜାରି ଏଞ୍ଜାଣାଇଁ  
 ନେହୁଁ କିହାଲି ଆଡାଆତେରି □”

୧୭ ଜୀସୁ ଏଲେଇଚେସି, “ଆଡେ  
 ନାମାଆଗାଟି ଲାଗେଏ ପଲେଏ କାମା  
 କିନି କୃତାତାତେରି, ଏଚର କାଲା  
 ପାତେକା ନାନୁ ମୀ ତଲେ ଡୟିଇଁ ?  
 ଏଚର କାଲା ମୀ ଲେମାନାଣି ଅରୁହିଇଁ ?  
 କକାଣାଇଁ ଇମ୍ପାଆଁ ନା ତାଣା ତାଦୁ  
 □”

୧୮ ଅଡେ ଜୀସୁ ବୃତୁଇଁ ଦାକା  
 ହୀହାଲିଏ, ବୃତୁ ଏଞ୍ଜାଣାଇଁ ପିସା  
 ହାତୁସ୍ତେ, ଏ ଦେବୁଣିଏ କକାସି  
 ନେହୁଁ ଆଡେସି □

୧୯ ଏଚେଟିଏ ସାସୁୟାଁ ମେଣେଏ  
 ଜୀସୁ ତାଣା ଖାହାନା ଏଲେଇଚେରି,  
 “ମାମ୍ପୁ ଏନାଆଁତାକି ଏ ବୃତୁ ପିସ୍ପି  
 କିହାଲି ଆଡାଆତମି ?”

୨୦ \*ଏଞ୍ଜାସି ଏଞ୍ଜାରାଇଁ ଏଲେଇଚେସି,  
 “ମୀ ଉଣା ନାମୁ ତାକି, ଇଚିହୁଁ ନାନୁ  
 ମିଙ୍ଗେ ସାତା ଖେସିମାଞ୍ଜାଇଁ, ର ହାସୁଁ  
 ପାଡେୟି ସମାନା ମୀ ନାମୁ ମାଟିହୁଁ,  
 ଇ ହରୁତି ଇମ୍ପାଟି ଏମ୍ପାଆଁ ଗୁଚାଆମୁ  
 ଇଚିହୁଁ, ଏଡି ଗୁଚାଆନେ, ଅଡେ  
 ଏନାୟି ଜିକେଏ ଆଆଗାଚାୟି ହିଲେଏ  
 □

୨୧ ସାମା ପ୍ରାତାନା ଅଡେ ଉପାସା  
 ପିସ୍ପିଏ ଅଡେ ଏନି ଉପେୟିଟି ଇଲେଟି  
 ବୃତୁ ହଡା ହାଲେଏ □”

ଜୀସୁ ତାନି ହାନି କାତାଟି ଅଡେ  
 ଖେଣ୍ଡେ ଖେହ୍ନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡେ ଏଞ୍ଜାରି ଗାଲିଲିତା ରୁଣ୍ଡା  
 ଆଡି ବେଲାତା ଜୀସୁ ଏଞ୍ଜାରାଇଁ  
 ଖେସ୍ତେସି, “ମାଣସି ମୀରୁଏସି  
 ମାଣସିୟାଁ କେୟୁତା ହେରପି ଆହାଲି  
 ହାଜିମାନେସି,

୨୩ ଇଞ୍ଜା ଏଞ୍ଜାରି ଏଞ୍ଜାଣାଇଁ  
 ପାୟିନେରି; ଅଡେ ତାନି ଦିନାଟିଏ  
 ଏଞ୍ଜାସି ଖେଣ୍ଡେ ନିଜିନେସି □”

ଏଚେଟିଏ ଏଞ୍ଜାରି ହାରେକା ଦୁକୁ  
 ଆଡେଟି □

ମାହାପୁରୁ ଇଲୁତାକି ସିସୁ ହାନାୟି

୨୪ ଏମ୍ପାଟିଏ ଏଞ୍ଜାରି କପରନାହୁମତା  
 ଖାହାଲିଏ ମାହାପୁରୁ ଇଲୁତି ସିସୁ  
 ରାହ୍ନାରି ପିତରଇଁ ଖାହାନା ଖେଚେରି,  
 “ମୀ ଗୁରୁ ମାହାପୁରୁ ଇଲୁତାକି ସିସୁ  
 ହୀଅସିକି ?”

୨୫ ପିତର ଏଲେଇଚେସି, “ହୀଅ  
 ହୀନେସି □”

ଅଡେ ଏଞ୍ଜାସି ଇଜ ଖାହାଲିଏ ଜୀସୁ  
 ନକେଏ ଏଞ୍ଜାଣାଇଁ ଏଲେଇଚେସି,  
 “ସିମନ ନୀ ଅଣ୍ପୁ ଏନାୟି, ଦାର୍ତତି  
 ରାଜାୟାଁ ଆମ୍ପାଆରି ତାଣାଟି ସିସୁ  
 ରାହ୍ନେରି, ଏଞ୍ଜାରି ମୀରୁକା ତାଣାଟି  
 କି ଏଟକା ଦେସାତି ଲକୁ ତାଣାଟି ?”

୨୬ ଏଞ୍ଜାସି ଏଟକା ଦେସାତି ଲକୁ  
 ତାଣାଟି ଏଲେଇଞ୍ଜାଲିଏ, ଜୀସୁ

\* ୧୭:୧୨ ୧୭:୧୨ ମାଟି ୧୧:୧୪ \* ୧୭:୧୩ ୧୭:୧୩ ମୁଞ୍ଜିନାୟି \* ୧୭:୨୦ ୧୭:୨୦ ମାଟି ୨୧:୨୧;  
 ମାର୍କ ୧୧:୨୩; ୧କର ୧୩:୨

ଏଞ୍ଜେଲ୍ ଏଲେଇରେସି, “ଆତିହ”  
ମୀରକା ହିୟାଲି ଲଡ଼ାଆଏ □”

୨୭ ସାମା ମାର ଏନିକ୍ ଏଞ୍ଜେରାକି  
ବାଦା ହାନାତାୟି ଆଆୟି, ଏଦାଆଁତାକି  
ସାମ୍ବୁରିତା ହାଜାନା କାଟା ମେଡ଼ମ୍,  
ଇଞ୍ଜା ତଲିଏ ଆମିନି ମୀନୁ ଆହ୍‌ଦି,  
ଏଦାଣି ଆସାନା ତାନି ଗୂତି ଏକ୍‌ହିସାରେ  
ର ଖେଣ୍ଡି ଟାକା ବେଟାଆଡ଼ି; ଏଦାଆଁ  
ଅହାନା ନାଞ୍ଜେ ଅଡ଼େ ନିଞ୍ଜେତାକି  
ଏଞ୍ଜେରାକି ହୀମୁ □

### ୧୮

ଲୀକପୁର ରାଜିତା ଆମ୍ବାଆସି  
କାଜାସି

(ମାର୍କ ୯:୩୩-୩୭; ଲୁକ ୯:୪୬-୪୮)

୯ \*ଏତିବେଲା ସୀସୁୟାଁ ଜୀସୁ  
ତାଣା ଖାହାନା ଖେଚେରି, “ଆତିହ”  
ଲୀକପୁର ରାଜି ଆମ୍ବାଆସି କାଜାସି ?”

୧୦ ଏଞ୍ଜସି ର ଉଣା କକାଣାକ୍ ତାଗେ  
ହାଟାହାଁ ନିପହାନା ଏଲେଇରେସି,

୧୧ \*ନାନୁ ମିଞ୍ଜେ ସାତା  
ଖେସିମାଞ୍ଜାକ୍, ମୀରୁ ଖେଣ୍ଡେ ର  
ଉଣା କକାଣି ଲେହେଁ ଆଆତିହ,  
ଏନିକିକେଏ ଲୀକପୁର ରାଜିତା ହଡ଼ାଲି  
ଆଡ଼ଅଡେରି □

୧୨ ଇଦାଆଁତାକି ଆମ୍ବାଆସି ଇ ଉଣା  
କକାଣି ଲେହେଁ ତାଞ୍ଜେତାକି ଉଣା  
କିହାକଡିନେସି, ଏଞ୍ଜସି ଲୀକପୁର  
ରାଜିତା କାଜାସି □

୧୩ ଅଡ଼େ ଆମ୍ବାଆସି ଜିକେଏ ନା ଦରୁତି  
ଇ ଉଣା କକାଣାକ୍ ଆବିନେସି, ଏଞ୍ଜସି  
ନାଞ୍ଜେ ଆବାନେସି □”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୨-୪୮; ଲୁକ ୧୭:୧-୨)

୨୪ “ସାମା ଆମ୍ବାଆସି ଜିକେଏ ନା  
ତାଣା ନାମାମାନି ଇ ଉଣାୟାଁ ବିତ୍ରାଟି  
ରଅଣାକ୍ ତାୟିପାରି କିହାଲି ପାପୁ କିଞ୍ଜି  
କିନେସି, ଏଞ୍ଜାଣି ହେରକିତା ର କାଜା  
ଜେତାଞ୍ଜାଲି ଦସାନା ସାମ୍ବୁରିତି କୁଡ଼ନି

ଏମୁଣାଁ ମେଡ଼ହ” ଏଞ୍ଜାଣାକି ନେହେଁ  
ଆଡେତମା □

୨୫ ଆୟତା, ଦାରତିତି ଲାଗେଏ  
କିନାକି ତଣ୍ଡ ବେଟା ଆନାତେରି;  
ଲାଗେଏ ଆନାୟି ସାତେଏ ଆନେ,  
ଆୟତା ଆମିନି ଲକୁ ତାଣାଟି ଲାଗେଏ  
ଆନେ ଏଞ୍ଜସି ତଣ୍ଡ ବେଟା ଆନେସି □”

୨୬ \*ମୀ କେୟୁ କି କଡ଼ା ମିଞ୍ଜେ  
ପାପୁ କିଞ୍ଜିକିୟାନେ, ଇତିହ” ଏଦାଆଁ  
ରାଡ଼ହାନା କୁତାପୁ, ରୀ କେୟା ଅଡ଼େ  
ରୀ କଡ଼ାୟାଁ ଆସାନା କାଲ୍‌କାଲ୍‌  
ଡ଼ାଞ୍ଜିମାନି ହିରୁତା ହଡ଼ନି କିହାଁ କଲ୍‌  
ଅଡ଼େ ସଗା ଆହାନା କାଲ୍‌ଲଏତି ଜୀଞ୍ଜୁ  
ବେଟାଆହାନା ମାହାପୁରୁ ରାଜିତା  
ହାନାୟି ମିଞ୍ଜେତାକି ନେହେଁ □

୨୭ \*ଅଡ଼େ ମୀ କାନୁ ମିଞ୍ଜେ ଲାଗେଏ  
କିଞ୍ଜିକିୟାତିହ, ଏଦାଆଁ ଡେଞ୍ଜା  
କୁତାପୁ; ରୀ କାଣିକା ଆସାନା କାଲ୍‌ଲଏ  
ଡ଼ାଞ୍ଜିମାନି ହିରୁ ଗାଡ଼ୟୁତା ମେଦିନି  
କିହାଁ ର କାନୁ ତଲେ କାଲ୍‌ଲଏତି  
ଜୀଞ୍ଜୁ ବେଟାଆହାନା ମାହାପୁରୁ ରାଜିତା  
ହାନାୟି ମିଞ୍ଜେତାକି ନେହେଁ □”

ଜାଞ୍ଜିତି ମେଣ୍ଡାତି ପୁଣ୍ଡିକିନାୟି  
(ଲୁକ ୧୫:୩-୭)

୨୮ \*ହେଣ୍ଡୁ ଇ ଉଣା କକାରି  
ବିତ୍ରାଟି ରଅଣାକ୍ ଜିକେଏ ହୀଣି  
ମେହ୍‌ଆପୁ, ଇତିହ” ନାନୁ ମିଞ୍ଜେ ସାତା  
ଖେସିମାଞ୍ଜାକ୍, ଲୀକପୁରୁ ମାନି ଏଞ୍ଜାରି  
ଦୂଡ଼ୟାଁ ବାରେଦିନା ଲୀକପୁରୁତି ମା  
ଆବାତି ମୁମ୍‌ହେସେ ମାନୁ □

୨୯ ଇତିହ” ଏନାୟି ଜାଞ୍ଜାମାନେ  
ଏଦାଆଁ ପାରାନା ଗେଲ୍‌ପାଲି ମାଣ୍‌ସି  
ମୀରଏସି ଖାହାମାନେସି □”

୩୦ “ମୀରୁ ଏନାଆଁ ଅଣ୍‌ପିମାଞ୍ଜେରି  
? ରଅଣାକି ପାସାକଡ଼ି ମେଣ୍ଡାୟାଁ  
ମାଟିହ, ଏଞ୍ଜସିକା ବିତ୍ରାଟି ରଣ୍ଡି  
ଜାଞ୍ଜାହାନେ, ଇଞ୍ଜା ରଣ୍ଡି ଉଣା  
ପାସାକଡ଼ି ମେଣ୍ଡାୟାଁ ହରୁତା ପିସାନା  
ଏଞ୍ଜସି ହାଜାନା ଏ ଜାଞ୍ଜାମାନି ମେଣ୍ଡାତି  
ପାରଅସି ?

\* ୧୮:୧ ୧୮:୧ ଲୁକ ୨୨:୨୪ \* ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ \* ୧୮:୮ ୧୮:୮ ମାତି  
୫:୩୦ \* ୧୮:୯ ୧୮:୯ ମାତି ୫:୨୯ \* ୧୮:୧୦ ୧୮:୧୦ ଲୁକ ୧୯:୧୦

୧୩ ଅଡ଼େ ଏଝାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଜାଙ୍ଗା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଙ୍ଗାମାଟି ର ମେଣ୍ଡା ତାକି ହାଡ଼େକା ରାହାଁ କିନେସି □

୧୪ ଏଲେକିହୁଁ ଏ ଇ ଉଣାୟାଁ ବିତ୍ରାଟି ରଣ୍ଡି ଜିକେଏ ନସ୍ତୁ ଆଆପେ ଇଞ୍ଜୁଁ ମୀ ଲାକପୁରୁତି ଆବାଟି ମନ □”

ପାପୁ କିତି ର ତାୟି

୧୫ \*“ନୀ ତାୟି ପାପୁ କିତିହୁଁ, ନୀନୁ ଏଝାଣାଇଁ ମେଣେଏ ଏଲେକିଆନି ଇଞ୍ଜୁଁ ଝେସାନା ତାନି ପାପୁ ତହୁମ୍; ଏଝାସି ନୀ କାତା ଆସ୍ତିହୁଁ ନୀନୁ ଏଝାଣାଇଁ ନୀ ତାୟିଲେହେଁ ଝେଣ୍ଡେ ବେଟାଆଦି □

୧୬ ସାମା ଏଝାସି ନୀ କାତା ଝେନାଆତିହୁଁ, ନୀ ତଲେ ରଅଣାଇଁ କି ରିଆରାଇଁ ଅହିହୁଁ ହାଲାମ୍, ଏନିକିହୁଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତୀରି ଆନେ □

୧୭ ଏଝାସି ଏଝାରି କାତା ଜିକେଏ ଆହୁଆତିହୁଁ କୁଲମିତି ଝେହୁମ୍, ଅଡ଼େ ଜିକେଏ କୁଲମି କାତା ଝେନଅସି, ଆତିହୁଁ ଏଝାସି ମୀ କାନୁତା ଜାହୁଦିଆଆତାରି କି ସିସ୍ତୁ ରାହନାରି ଲେହେଁ ଆପେସି □”

ଅଦିକାରା ହାନାୟି

୧୮ \*“ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଦାରତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡ଼େ ଦାରତିତା ଏନାଆଁ ହେଲ ହାଦେରି, ଲାକପୁରୁ ଜିକେଏ ହେଲ ହାପୁକି ଆନେ □”

୧୯ “ଅଡ଼େ ମିଙ୍ଗେ ସାତା ଝେସିମାଞ୍ଜାଇଁ, ଦାରତିତା ମୀ ବିତ୍ରାଟି ରିଆରି ରଣ୍ଡିଏ ମନୁ ଆହାନା ଏନାଆଁ ଜିକେଏ ରାସ୍ତିହୁଁ ଏଦି ଲାକପୁରୁତି

ଆବା ତାଣାଟି ଏଝାରାକି ହାପୁକିଆନେ □

୨୦ ଇତିହୁଁ ଏମ୍ପିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ପାଆଁ ନାନୁ ଏଝାରିତଲେ ମାଇଁ □”

କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି

୨୧ \*ଏଟିବେଲା ପିତର ଜୀସୁ ତାଗେ ଝାହାନା ଝେରେସି, “ଏ ପୁବୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଝାଣି ପାପୁ ମ୍ପେକ୍‌ଇ ?”

୨୨ ସାତା ଦେବା ପାତେକା କି ? ଜୀସୁ ଏଝାଣାଇଁ ଏଲେଇଚେସି, ଝାରଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ପେକ୍‌ନାୟି ମାନେ □

୨୩ ଇତିହୁଁ ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି □

୨୪ ଏଝାସି ଲେକା କିହାଲି ମାଟୁହାଲିଏ, ତାନି ଗାରହା ଦସ ମାଣା ଟାକାୟାଁ ରୀଣା ଆହାମାନି ର ହଲେଏଣାଇଁ ଏଝାଣି ତାଣା ତାତେରି □

୨୫ ସାମା ଏ ବାରେ ଡିକ୍‌ହାଲି ଏଝାଣି ତାଣା ଏନାୟି ହିଲାଆତାକି ଏ ସାଝୁକାରି ଏଝାଣାଇଁ ଅଡ଼େ ତାନି ତକ୍ତିନି ଇଞ୍ଜା ତାନି କକାରି ପଦାଣି ଇଞ୍ଜା ତାନି ଇଲୁତି ଆସ୍ତି ପାରଗାନା ରୀଣା ଡିକ୍‌ହାଲି ହୁକୁମି ହୀତେସି □

୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାତାମ୍, ନାନୁ ନିଙ୍ଗେ ବାରେ ଡିକ୍‌ହା ତୁସ୍ତାଇଁ □

୨୭ ଏଚେଟିଏ ସାଝୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସ୍‌ପି କିଝିଆତେ ଇଞ୍ଜା ତାନି ରୀଣା ମେଣ୍ଡାଙ୍ଗାହାତେ □

୨୮ ସାମା ଏ ହଲେଏସି ଏମ୍ପାଟି ପାଙ୍ଗାତା ହାଜାନା ତାନିତାଣାଟି ରୀ

\* ୧୮:୧୫ ୧୮:୧୫ ଲୁକ ୧୭:୩      \* ୧୮:୧୮ ୧୮:୧୮ ମାତି ୧୭:୧୯; ଜହ ୨୦:୨୩      \* ୧୮:୨୧ ୧୮:୨୧ ଲୁକ ୧୭:୩,୪

କଡ଼ି ଦସତାକା ରୀଣା ଅହାମାନି ତାନି ତଲେତି ର. ହଲେଏଣାଇଁ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକହା ତୁସ୍ତାମୁ ।

୨୯ ଏଚେଟିଏ ତାନି ତଲେତି ହଲେଏସି ମେଶ୍ଟାକୁତାନା ଜହରା କିହୁ ଏଲେଇଚେସି, ନୀନୁ ନାଙ୍ଗେ କାର୍ମାମେସାନା କାଡ଼ାମୁ ନାନୁ ନିଙ୍ଗେ ବାରେ ଡିକହାଇଁ ।

୩୦ ସାମା ଏଞ୍ଜାସି ରାଜି ଆଆତେସି, ଇଞ୍ଜା ରୀଣା ଡିକଆ ପାତେକା ଏଞ୍ଜାଣାଇଁ କାୟିଦି ଇଲୁତା ସୁଣ୍ଡିଚେସି ।

୩୧ ଇଞ୍ଜା ତାନି ତଲେତି ହଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିଚେରି ଅଡ଼େ ହାଜାନା ସାଞ୍ଜୁକାରିଇଁ ବାରେ କାତା ଝେସ୍ତେରି ।

୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାଇଁ ତାଗେ ହାଡ଼ାନା ଏଲେଇଚେସି, ଆଡ଼େ କାମାତା ଝାଆଗାଟି ହଲେଏଣାଟି ନୀନୁ ନାଙ୍ଗେ ବାଡ଼ିମାଲୁଲିଏ ନାନୁ ନୀ ବାରେ ରୀଣା ପିସ୍ତାତେସି;

୩୩ ନାନୁ ଏନିକି ନିଙ୍ଗେ କାର୍ମା ଆୟାତେସି, ଏଲେକିହୁଏ ନୀନୁ ଜିକେଏ ନୀ ତଲେତି ହଲେଏଣାଇଁ କାର୍ମାମେହନାୟି ମାଚେ ।

୩୪ ଅଡ଼େ ତାନି ପ୍ରୁ ହାରେକା କପା ଆହାନା ବାରେ ରୀଣା ଡିକଆ ପାତେକା ଏ. ହଲେଏଣାଇଁ କସ୍ତୁ ହାନି ଲକୁ କେୟୁତା ହେରପିଚେସି ।

୩୫ ମୀରୁ ବାରେଚେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମ୍ବେକଆତିହୁଁ ଲାକପୁରୁତି ମୀ ଆଡ଼ା ଜିକେଏ ମିଙ୍ଗେ ଏଲେ କିୟାନେସି ।

## ୧୯

ଜୀସୁ ତକ୍ତିନି ପିହନାଣି ଜାପୁନାୟି  
(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଝେସାଲି ରାପୁହି ଡାୟୁ ଗାଲିଲି ରାଜି ପିସାନା

ଜର୍ଦନ କାତା ଆତାଲାତି ଜୀହୁଦା ରାଜିତି ହାୟିତା ଏଚେସି ।

୨ ଇଞ୍ଜା ହାରେକା ଲକୁ ତାନି କ୍ବେଚ ହାଚେରି, ଅଡ଼େ ଏଞ୍ଜାସି ଏମ୍ବାଆଁ ଏଞ୍ଜାରି ରଗଟି ନେହୁଁ କିଚେସି ।

୩ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଝାହାନା ଏଞ୍ଜାଣାଇଁ ତାୟିପାରିକିହୁଁ ଝେଚେରି, “ରଅସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମୀରୁ ପଡ଼଼ି ଆହାହିଲଅଚେରି ? ଗାଡ଼ି କିନାସି ନବେଏଟିଏ ଏଞ୍ଜାରାଇଁ ଆୟା ଅଡ଼େ ଆଡ଼ା କିହୁଁ ଗାଡ଼ିକିଚେସି,

୫ ଅଡ଼େ ଏଦାଆଁତାକି ତକ୍ତା ତାଲି ତାଞ୍ଜିଇଁ ପିସାନା ତାନି ତକ୍ତି ତଲେ ଆଣ୍ଡିନେସି, ଅଡ଼େ ଏଞ୍ଜାରି ରଣ୍ଡିଏ ଆଙ୍ଗା ଆନେରି,

୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି । ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏବକା କିଆପେସି ।”

୭ \*ପାରୁସିୟାଁ ଏଞ୍ଜାଣାଇଁ ଝେଚେରି, “ଆତିହୁଁ ମସା ଏନାଆଁତାକି ପିହନି ଆକୁ ରାଡ଼ାନା ତକ୍ତିନି ପିସାଲି ହେଲ ହାହାମାନେସି ?”

୮ ଜୀସୁ ଏଞ୍ଜାରାଇଁ ଏଲେଇଚେସି, “ଇଚିହୁଁ ମୀ ଆଟ୍ଠା ହିୟାଟି ମେସାନା ମସା ମିଙ୍ଗେ ମୀ ତକ୍ତିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହୁଁ ହିଲାଆତେ ।

୯ \*ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାନି ତକ୍ତିନି ଦାରି ଦହୁ ହିଲାଆନା ଏନି କାତାତାକି ପିସାନା ଅଡ଼ ତକ୍ତିନି ତାତିହୁଁ, ଏଞ୍ଜାସି ଦାରିକାମା କିନେସି ।”

୧୦ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ତକ୍ତିନି ତଲେ ମାଣ୍ଡିକି ଇଲେତାୟି ମାଚିହୁଁ, ଏଞ୍ଜାସି ବୀହା ଆଆତିହୁଁ ନେହେଁ ଆଡେମା ।”

୧୧ ଜୀସୁ ଏଞ୍ଜାରାଇଁ ଏଲେଇଚେସି, “ବାରେଜାଣା ଇ କାତାତି ଆସାଲି

ଆଡ଼ଅରି, ଇତିହାସ ଆତ୍ମାଆରାଜି  
ମାହାପୁରୁ ବାଡ଼ୁୟ ହାହାମାନେସି,  
ଝାରଇ ଏଞ୍ଜାରିଦେହେଁ ଆସାଲି  
ଆଡ଼ିନେରି □

୧୭ ଇତିହାସ ଆତ୍ମା ଆତ୍ମାଆରି ଇୟାନି  
ବାଣ୍ଟିଏ ବାହା ଆହାଲି ଆଡ଼ାଆରେଟୁ  
ଜାର୍ନା ଆହାମାନେରି; ଇଞ୍ଜା ଆତ୍ମା  
ଆତ୍ମାଆରି ଲକୁ ତାଣାଟି ଏଲେକିଞ୍ଜି  
ଆହାମାନେରି, ଅଡ଼େ ଆତ୍ମା ଆତ୍ମାଆରି  
ଲାକପୁରୁ ରାଜିତାକି ତାମ୍ନୁତାମ୍ନୁଏ ଏଲେ  
ଆହାମାନେରି, ଆତ୍ମାଆସି ଏ କାତାତି  
ଆସାଲି ଆଡ଼ିନାସି ଆସପାସି □”

ଜୀସୁ କକାରି ପଦାକି ବର ହାନାୟି  
(ମାର୍କ ୧୦:୧୩-୧୬; ଲୁକ ୧୮:୧୫-  
୧୬)

୧୩ ଏଚିବେଲା ଜୀସୁ କକାରି ପଦାୟା  
ମୁହେଁ କେୟୁ ଇଟାନା ପ୍ରାତାନା କିନେସି,  
ଏଦାଆଁତାକି ଲକୁ ଏଞ୍ଜାରାଇଁ ତାନି ତାଣା  
ତାତେରି, ସାମା ସୀସୁୟାଁ ତାତିମାତି  
ଲକୁଣି ଦାକା ହାତେରି □

୧୪ ସାମା ଜୀସୁ ଏଲେଇଚେସି,  
“କକାରି ପଦାଣି ନା ତାଣା ଝାହାଲି  
ହୀଦୁ, ଏଞ୍ଜାରାଇଁ ଆଗାଆଦୁ,  
ଏଦାଆଁତାକି ଇତିହାସ ଲାକପୁରୁ ରାଜି  
ଏଲେତାରାଞ୍ଜାୟି □”

୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ  
ଇଟାନା ଏମ୍ପାଟି ହାଚେସି □

ର ଦନଗାଟି ଦାଂଗ୍‌ଶେଏସି  
(ମାର୍କ ୧୦:୧୭-୩୧; ଲୁକ ୧୮:୧୮-  
୩୦)

୧୭ ଅଡ଼େ ମେହଦୁ ରଥସି ଜୀସୁ  
ତାଣା ଝାହାନା ଝେଚେସି, “ଏ ଗୁରୁ  
କାଲାକାଲାତି ଜୀସୁ ବେଟାଆହାଲି ନାନୁ  
ଆମିନି ନେହାଁ କାମା କିଇଁ ?”

୧୭ ଜୀସୁ ଏଞ୍ଜାଣାଇଁ ଏଲେଇଚେସି,  
“ନେହାୟି ଇନି କାତାତି ନାଞ୍ଜେ  
ଏଦାଆଁତାକି ଝେଞ୍ଜିମାଞ୍ଜାଦି ? ଝାରଇ  
ରଥସିଏ ନେହାଁସି; ସାମା ନାନୁ ଜୀସୁ  
ବେଟାଆହାଲି ମନ କିତିହାଁ, ବାରେ  
ହୁକୁମି ମାନୁଞ୍ଜି ଆମ୍ନୁ □”

୧୮ ଏଞ୍ଜାସି ଜୀସୁଇଁ ଏଲେଇଚେସି,  
“ଏନିଲେହେଁଟି ହୁକୁମି ?”

ଜୀସୁ ଏଲେଇଚେସି, “ଲକୁଣି  
ପାୟାଆନି, ଦାରିକାମା କିଆନି, ସରୁ  
କିଆନି, ମିତି ସାକି ହୀଆନି,

୧୯ ତାଲି ତାଞ୍ଜି କାତା ଆହମ୍ନୁ, ନୀ  
ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ  
ନମ୍ନୁ □”

୨୦ ଏ ଦାଂଗ୍‌ଶେଏସି ଜୀସୁଇଁ  
ଏଲେଇଚେସି, “ନାନୁ ଇ ବାରେ ମାନୁଞ୍ଜି  
ଆହାମାଇଁ, ନାଞ୍ଜେ ଅଡ଼େ ଏନଞ୍ଜା ଉଣା  
ମାନେ ?”

୨୧ ଜୀସୁ ଏଞ୍ଜାଣାଇଁ ଏଲେଇଚେସି,  
“ନାନୁ ନେହାଁତି ଆହାଲି ମନ କିତିହାଁ,  
ହାଜାନାହାଁ ନୀ ବାରେ ଦନ ପାରତାନାହାଁ  
ହିଲାଆ ଗାଟାରାକି ଦାନା ହୀମ୍ନୁ, ଇଞ୍ଜା  
ନା ଜେଚ ଝାମ୍ନୁ, ଏଚେଟିଏ ଲାକପୁରୁ  
ନାନୁ ଦନ ବେଟାଆଦି □”

୨୨ ଇ କାତା ଝେଞ୍ଜାନା ଦାଂଗ୍‌ଶେଏସି  
ଦୁକୁ ଆହାନା ହାଚେସି, ଇତିହାସ  
ଏଞ୍ଜାଣାକି ହାରେକା ଦନ ମାଚେ □

୨୩ ଏଚେଟିଏ ଜୀସୁ ତାନି ସୀସୁୟାଁଇଁ  
ଏଲେଇଚେସି, “ନାନୁ ମିଞ୍ଜେ ସାତା  
ଝେସିମାଞ୍ଜାଇଁ, ଦନ ଗାଟାରି ଲାକପୁରୁ  
ରାଜିତା ହଡ଼ାଲି ହାରେକା କସ୍ତ ଆନେ  
□

୨୪ ଅଡ଼େ ଝେଣ୍ଡେ ନାନୁ ମିଞ୍ଜେ  
ଝେସିମାଞ୍ଜାଇଁ, ମାହାପୁରୁତି ରାଜିତା  
ଦନଗାଟାରି ହାନି କିହାଁ ଉଟୁ ସୂଜା  
କାଣିଟି ହଡ଼ା ହାନାୟି ଉସାସା ଆନେ □”

୨୫ ସୀସୁୟାଁ ଇ କାତା ଝେଞ୍ଜାନା  
କାବାଆହାନା ଏଲେଇଚେରି,  
“ଆଡ଼ିହାଁ ଆତ୍ମାଆସି ଗେଲୁପି ଆହାଲି  
ଆଡ଼ିନେସି ?”

୨୬ ଜୀସୁ ଏଞ୍ଜାରାଇଁ ସିନିକିହାନା  
ଏଲେଇଚେସି, “ଇଦି ମାଣସିତାକି  
ଆଆଗାଟାୟି, ସାମା ମାହାପୁରୁ ତାକି  
ବାରେ ଆନେ □”

୨୭ ଏଚେଟିଏ ପିତର ଏଲେଇଚେସି,  
“ମେହମ୍ନୁ ମାମ୍ନୁ ବାରେ ପିସାନା ନୀ

ଦେବ ଖାହାମାନମି; ଆତିହ ମାମ୍ନୁ  
ଏନାଆଁ ବେଟାଆନମି ?”

୨୮ \*ଜୀମ୍ବୁ ଏଝାରାଇଁ ଏଲେଇରେସି,  
ନାନୁ ମିଙ୍ଗେ ସାତା ଝେସିମାଞ୍ଜାଇଁ, ପୁଃନି  
ଜୁଗୁ ଆନାଟି ଏଚେତା ମାଣସି ମୀରସି  
ତାନି ଗାଝୁରମିତି କାଜାପାଣା ତଲେ  
ସିଂଗାସାଣିତା କୁଗିନି ଦିନା ନା ଦେବ  
ଖାହାମାନାତେରି ମୀରୁ, ମୀରୁ ଜିକେଏ  
ବାର ଗଟା ସିଂଗାସାଣିତା କୁଗାନା,  
ଇସାୟେଲତି ବାର କୁଡାତି ସାଲଝି  
କିଦେରି □

୨୯ ଇଞ୍ଜା ଆମ୍ବାଆସି ନା ଦରୁ ତାକି  
ଇଲୁ କାଣ୍ଡା, କି ତାୟି ତାଜିସ୍ତା,  
ତାଲି ତାଞ୍ଜି, କକାରି ପଦାୟାଁ, ଇଞ୍ଜା  
ବୁମି ବାଡା ପିସାମାନେସି, ଏଝାସି ଏ  
ବାରେକିହାଁ ହାରେକା ଗାଡି ବେଟା  
ଆନେସି, ଇଞ୍ଜା କାଲକାଲତି ଜୀଝୁତି  
ବେଟା ଆନେସି □

୩୦ \*ସାମା ନକିତା ମାନି ହାରେକା  
ଲକୁ ତାୟୁ ଆନେରି, ଇଞ୍ଜା ତାୟୁତା  
ମାନି ହାରେକା ଲକୁ ନକିତା ଆନେରି □

### ୨୦

ଅଛୁରି ବାଡାତା କାମାକିନାରି

୧ ଇତିହ ଲାକପୁରୁ ରାଜି ଇଲେତି  
ର ସାଝୁକାରି ଲେହେଁତାୟି, ଲାଲୁ  
ଝେୟାଲିଏ ତାନି ଅଛୁରି ବାଡାତା କୂଲି  
କାମା କିଝିକିହାଲି ହାଚେସି □

୨ ଅଡେ ଏଝାସି କୂଲି ଗାଟାରାଇଁ  
ଦିନାତାକି ର ଝେଣ୍ଡି ଟାକା ହିୟାଇଁ  
ଇଞ୍ଜା ଏଝାରାଇଁ ତାନି ଅଛୁରି ବାଡାତା  
ପାଣ୍ଡିତେସି □

୩ ଅଡେ ନ ଗଟା ବେଲାତା  
ଏଝାସି ପାଞ୍ଜାତା ହାଜାନା ଏଟକାତାରି  
କାମା ପୁଃଆନା ନିଟାମାଟାଣି ମେସାନା  
ଏଝାରାଇଁ ଜିକେଏ ଏଲେଇରେସି,

୪ ମୀରୁ ଜିକେଏ ଅଛୁରି ବାଡାତା  
ହାଜାନା କାମା କିଦୁ, ଇଞ୍ଜା ଏନିକ  
ତୀରି ଆହାମାନେ, ଏଲେକିହ ମିଙ୍ଗେ  
ହିୟାଇଁ; ଇଞ୍ଜା ଏଝାରି ହାଚେରି □

୫ ଅଡେ ମାଦେନା ବାର ଗଟା ଇଞ୍ଜା  
ତାନି ଗଟା ବେଲାତା ପାଞ୍ଜାତା ହାଜାନା  
ଏଲେକିତେସି □

୬ ଇଞ୍ଜା ମିଡ଼ଅଲା ପାସା ଗଟା  
ବେଲାତା ପାଞ୍ଜାତା ହାଜାନା  
ଏଚରଜାଣା ନିଟାମାନାଣି ମେସାନା  
ଝେଚେସି, ମୀରୁ ଏନାଆଁତାକି ମାଦେନା  
ଝେଡାଡୁମ୍ବେ କାମା କିଆନା ଉଜେଏ  
ନିଟାମାଞ୍ଜେରି ?

୭ ଏଝାରି ଏଝାଣାଇଁ ଏଲେଇରେରି,  
ଆମ୍ବାଆରି ମାଙ୍ଗେ କାମା ହେର୍ପା  
ମାଞ୍ଜଅରି □ ଏଝାସି ଏଝାରାଇଁ  
ଏଲେଇରେସି ମୀରୁ ଜିକେଏ ଅଛୁରି  
ବାଡାତା ହାଜୁ □

୮ ତାୟୁ ମିଡ଼ଅଲା ଆହାଲିଏ, ଅଛୁରି  
ବାଡାତି ସାଝୁକାରି ତାନି ଗୁମୁସାଇଁ  
ଏଲେଇରେସି, କୂଲି ଗାଟାରାଇଁ ହାଟାନା  
ତାୟୁ ଝାଡି ଲକୁ ତାଣାଟିଏ ମାଟହାନା  
ନକିତା ଝାଡି ଲକୁ ପାତେକା କୂଲି ହୀମୁ  
□

୯ ଏଚେଟିଏ ଆମିନି ଗାଟାରି ପାସା  
ଗଟା ବେଲାତା କାମାତା ପାଣ୍ଡୁଝି  
ଆହାମାଚେରି, ଏଝାରି ଖାହାନା ର ଝେଣ୍ଡି  
ଟାକା ଲାକା ବେଟାଆଡେରି □

୧୦ ଇଞ୍ଜା ନକେଏ କାମାତା  
ପାଣ୍ଡୁଝି ଆହାମାନାରି ଖାହାନା ଗାଡି  
ବେଟାଆନେରି ଇଞ୍ଜା ଅଣପିତେରି;  
ସାମା ଏଝାରି ଜିକେଏ ଏ ର ଝେଣ୍ଡି ଟାକା  
ଲାକା ବେଟାଆଡେରି □

୧୧ ସାମା ଏଲେକ ବେଟାଆହାନା  
ଏଝାରି ସାଝୁକାରିଇଁ କପା ଆହାନା  
ଲାଗିତେରି □

୧୨ ଇ ତାୟୁତି ଲକୁ ଝାରଇ ର ଗଟା  
କାମା କିତେରି, ଇଞ୍ଜା ମାମ୍ନୁ ଝୁଝୁଡା ତୁମ୍ବେ  
ଝାହୁ ଆହୁ କାରା ଝେହ କାମା  
କିତିହ ଜିକେଏ ନୀନୁ ଏଝାରାକି ମା  
ସମାନା କିତି □

୧୩ ଏଝାରି ବିଡାଟି ରଅଣାଇଁ  
ସାଝୁକାରି ଏଲେଇରେସି ଏ ତଣେ,  
ଝେନାମ୍ନୁ ନାନୁ ନିଙ୍ଗେ ନାଡି  
କିହିମାଞ୍ଜଅଁ; ନୀନୁ ନା ତଲେ ର ଝେଣ୍ଡି  
ଟାକା ତାକି ରାଜି ଆହାହିଲାଆତି କି ?

\* ୧୯:୩୦ ୧୯:୩୦ ମାତୃ ୨୦:୧୭; ଲୁକ ୧୩:୩୦

୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାତୁହମୁ, ସାମା ଇ ତାୟୁତି ଲକ୍ଷୁକି ଜିକେଏ ନୀ ଲେହେକି ହିୟାଲି ନା ମନ □

୧୫ ନା ଦନତି ନା ମନ ଲେହେକି ଲେୟାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି □

୧୬ ☆ଏଲେକିହ ଏ ତାୟୁ ମାନି ଲକ୍ଷୁ ନକିତା ଆନେରି, ଇଞ୍ଜା ନକିତା ମାନି ଲକ୍ଷୁ ତାୟୁ ଆନେରି □

ତାନି ହାକିତି କାତା ଜୀସୁ ତାନି ପାଲି ଖେହନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଚାଟି ବାରଜାଣାଟି ସାୟୁୟାଁଇଁ ଏଚକା କିହାନା, ଜିରୁତା ଏଞ୍ଜାରାଇଁ ଏଲେଇଚେସି,

୧୮ ମେହଦୁ ମାର ଜିରୁସାଲମତା ହାଜିମାନାୟି, ମାଣସି ମୀରଏସି କାଜା ପୂଜେରାଜା ଅଡେ ମେରାପୁନାରି କେୟୁତା ହେରପିଆନେସି,

୧୯ ଅଡେ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡ ହାହାନା ଏଚକା କୃତାତାରି କେୟୁତା ହେରପିନେରି, ଏଚେଟିଏ ଏଞ୍ଜାରି ଏଞ୍ଜାଣାଇଁ କିଜଞ୍ଜି କିନେରି, ସାଟୁଣି ତ:ରିତଲେ ଖେନେରି, ଅଡେ ପାସି ମୁଣ୍ଡାତା ଏକହାନା ପାୟିନେରି, ଇଞ୍ଜା ତାନି ଦିନାଟିଏ ହାକିତି ଖେଣ୍ଡେ ନିଜାନେସି □

ର ଇୟାନି ବାତିମାଲିନାୟି

(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରକା ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି ତାଣା ବାତିମାଲିହ ଏଲେଇଚେ □

୨୧ ଏଚେଟିଏ ଜୀସୁ ଏଦାନି ଖେଚେସି, “ନୀନୁ ଏନାଆଁ ମନ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରକା ବିତ୍ରାଟି ରଅସି ନୀ ଚିଃନିଞ୍ଜାକି ଅଡେ ରଅସି ନୀ ଚେବୁଞ୍ଜାକି କୁଗିନେରି ଇଞ୍ଜା ହୁକୁମି ହୀମୁ □”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅଚେରି □ ନାନୁ ଆମିନି ସଲତା ଗସାଲି ହାଜିମାଲି, ଏଦାଆଁ ମୀରୁ ଗସାଲି ଆଡିଦେରି ?”

ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଆଡିନମି □”

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନା ସଲତା ଗହଦେରି ସାତା, ସାମା ନା ଚିଃନି କି ଚେବୁଞ୍ଜାକି କୁଗାଲି ହାନି ନା ଅଦିକାରାଟି କାତା ଆଏ, ଇଚିହ ଆମିନି ଗାଟାରାକି ନା ଆବା ତାଣାଟି ଚାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି □”

୨୪ ଏଚକାଟି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଇଁ କପା ଆଡେଚି □

୨୫ ☆ସାମା ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଏଚକା କୃତାତାରି ସାଲଞ୍ଜି କିନାରି କାଜା ବାଡୁନ୍ତୁ ତଲେ ତାମି କାଜାପାଣା ତହନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୬ ☆ମୀ ବିତ୍ରା ଏଲେକିହ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣପିନେସି, ଏଞ୍ଜାସି ମୀ ସେବା କିନାସି ଆପେସି;

୨୭ ଅଡେ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆପେସି,

୨୮ ଏନିକି ମାଣ୍ଡସି ମୀରଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡେ ହାଚେରକା ଲକ୍ଷୁଣି ଗେଲପାଲି ଜୀସୁ ହାହାଲି ଖାହାମାନେସି □”

☆ ୨୦:୧୭ ୨୦:୧୭ ମାତ୍ରି ୧୯:୩୦; ମାର୍କ ୧୦:୩୧; ଲୁକ ୧୩:୩୦ ☆ ୨୦:୨୫ ୨୦:୨୫ ଲୁକ ୨୨:୨୫,୨୬ ☆ ୨୦:୨୬ ୨୦:୨୬ ମାତ୍ରି ୨୩:୧୧; ମାର୍କ ୯:୩୫; ଲୁକ ୨୨:୨୬

ରୀ କାଣ୍ଡାୟାଣି ମେସାଲି ହୀନାୟି  
(ମାର୍କ ୧୦:୪୭-୫୨; ଲୁକ ୧୮:୩୫-  
୪୩)

୨୯ ଜୀସୁ ଅଡ଼େ ତାନି ସୀସୁୟା  
ଜିରିହଟି ହାଜିମାଚାଟି ହାରେକା ମାନ୍ଦା  
ଲକୁ ତାନି ଜେଟ ହାଚେରି □

୩୦ ଅଡ଼େ ଜିରୁ ଦାରିତା ରିଆରି  
କାଣ୍ଡାୟା ଜୀସୁ ଏ ଜିରୁଟି ହାଜିମାନେସି  
ଇଞ୍ଜି ଖେଞ୍ଜାନା, କାଜା ଗିୟାତଲେ  
ଏଲେଇଚେରି, “ଏ ପ୍ରବୁ ଦାଞ୍ଜୁଦ  
ମୀରଏଶାତି! ମାଞେ କାର୍ନା ମେସ୍ତାମୁ  
□”

୩୧ ସାମା ଲକୁ ଏଞ୍ଜାରାଇଁ ପାଲେଏ  
ଆହାଲି ଦାକା ହୀଚେରି, ସାମା ଏଞ୍ଜାରି  
ଅଡ଼େ କାଜା ଗିୟାତଲେ ଏଲେଇଚେରି,  
“ଏ ପ୍ରବୁ ଦାଞ୍ଜୁଦ ମୀରଏଶାତି! ମାଞେ  
କାର୍ନା ମେସ୍ତାମୁ □”

୩୨ ଏମ୍ବାଟିଏ ଜୀସୁ ନିଗାନା  
ଏଞ୍ଜାରାଇଁ ହାଟାନା ଖେଚେସି, “ନାନ୍ତୁ  
ମିଞେତାକି ଏନାଆଁ କିଇଁ ଇଞ୍ଜି ମୀରୁ  
ଅଶ୍ପିମାଞେରି ?”

୩୩ ଏଞ୍ଜାରି ଏଞ୍ଜାଶାଇଁ ଏଲେଇଚେରି,  
“ଏ ପ୍ରବୁ ଏନିକି ମା କାଶକା ଦେପି  
ଆନ୍ତୁ □”

୩୪ ଅଡ଼େ ଜୀସୁ କାର୍ନା ଆହାନା ଏଞ୍ଜାରି  
କାଶକା ଡାଗିତେସି, ଇଞ୍ଜା ଏ ଦେବୁଣିଏ  
ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି ଜେଟ  
ହାଚେରି □

### ୨୧

ଜିରୁସାଲମତା ଜୀସୁ ରାହାଟି  
ହଡ଼ନାୟି

(ମାର୍କ ୧୧:୧-୧୧; ଲୁକ ୧୯:୨୮-  
୪୦)

୧ ଏଟିବେଲା ଜୀସୁ ଅଡ଼େ ତାନି  
ସୀସୁୟା ଜିରୁସାଲମ ତାଗେ ଆହାନା  
ଜୀତ ଇନି ହରୁ ଦାରିତି ବେଡ଼ପାଗି  
ଏଜାଲିଏ ଏଟିବେଲା ଜୀସୁ ତାନି ରୀ  
ସୀସୁୟାଣି ଏଲେଇଞ୍ଜା ପାଣ୍ଡିତେସି □

୨ “ମୀରୁ ନକିତା ମାନି ନାୟୁତା  
ହାଜୁ, ଇଞ୍ଜା ହାଲ୍‌ଖନିଏ ଦସାମାନି

ର ଗାଡ଼ଦେ ଇଞ୍ଜା ତାଲୁ ମେହଦେରି;  
ଏଞ୍ଜାଆଁ ହୁକ୍‌ହାନା ନା ତାଣା ତାଦୁ □

୩ ଅଡ଼େ ଆମ୍ବାଆରି ଏନାଆଁ  
ଇଞ୍ଜାତିହ, ଖେହଦୁ, ଇଞ୍ଜାସିକା ତାଣା  
ମା ପ୍ରବୁକି ଲଡ଼ାମାନେ, ଏ ଦେବୁଣିଏ  
ଏଞ୍ଜାସିକାଣି ପାଣ୍ଡାନେସି □”

୪ ମାହାପୁରୁ ଅଶ୍ପୁତି ବଲୁ ଖେହନାରି  
କାତା ଏନିକି ସାତା ଆନେ,  
ଏନାଆଁତାକି ଇ ବାରେ ଆଡ଼େ;

୫ “ସିୟନତି ଗାଡ଼ାଇଁ ଖେହଦୁ  
ମେହମୁ ନୀ ରାଜା ନୀ ତାଣା  
ଞ୍ଜାହିମାନେସି,

ଏଞ୍ଜାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ  
କୁଗାମାନେସି

ଇଟିହ ଗାଡ଼ଦେ ତାଲୁ ଲାକ  
କୁଗାମାନେସି □”

୬ ଏମ୍ବାଟିଏ ସୀସୁୟା ହାଜାନା ଜୀସୁ  
ଖେସ୍ତଲେହେଁ କାମା କିଚେରି,

୭ ଅଡ଼େ ଗାଡ଼ଦେ ଇଞ୍ଜା ତାଲୁତି  
ତାତାନା ଏଞ୍ଜାସିକା ଲାକ ହିମ୍ବୁରିକା  
ପାସ୍ତେରି, ଇଞ୍ଜା ଜୀସୁଇଁ କୁଗିକିଚେରି □

୮ ଅଡ଼େ ହାରେକା ଲକୁ ତାନି  
ହିମ୍ବୁରିକା ଜିରୁତା ପାସ୍ତେରି, ଅଡ଼େ  
ଏଚେକା ଲକୁ ମାରକାତି ଗରାୟା  
ତାତାନା ଜିରୁତା ପାସ୍ତେରି □

୯ ଅଡ଼େ ଜୀସୁତି ତାନ୍ତୁତା ନକିତା  
ହାଜିମାଟି ଲକୁ ବାରେ କାଜା  
ଗିୟାତଲେ ଏଲେଇଚେରି, “ହସାନା  
ଦାଞ୍ଜୁଦ ମୀରଏସି! ମାହାପୁରୁ ଦରୁଟି  
ଞ୍ଜାହିମାନେସି ନେହାସି! ମାହାପୁରୁ  
ଏଞ୍ଜାଶାଇଁ ବର ହାପାସି, ଲାକପୁରୁ  
ହସାନା □”

୧୦ ଅଡ଼େ ଏଞ୍ଜାସି ଜିରୁସାଲମତା  
ହଡ଼ାଲିଏ, ଗାଡ଼ାତାରି ବାରେଜାଣା  
“ଇଞ୍ଜାସି ଆମ୍ବାଆସି ?” ଇଞ୍ଜି  
କାବାଆହାନା ଏଲେଇଚେରି □

୧୧ ଏଚେଟିଏ ବାରେ ଲକୁ  
ଏଲେଇଚେରି, “ଇଞ୍ଜାସି ଗାଲିଲି  
ଦେସାତା ମାନି ନାଜିରିତତି ମାହାପୁରୁ  
ଅଶ୍ପୁତି ବଲୁ ଖେହନି ଜୀସୁ □”



ମାହାପୁରୁ ଇଲୁତା ଜୀସୁ ହାନାୟି  
(ମାର୍କ ୧୧:୧୫-୧୯; ଲୁକ ୧୯:୪୫-  
୪୮; ଜହ ୨:୧୩-୨୨)

୧୭ ତାୟୁ ଜୀସୁ ମାହାପୁରୁ ଇଲୁତା  
ହତାନା ଏ ଟାୟୁତା ଏମ୍ବାଆଁ ଆସ୍ତି  
ମାସ୍କି ମାତାରାଇଁ ବାରେତି ପାଙ୍ଗାତା  
ପେରହା ପାଣ୍ଡିତେସି, ଇଞ୍ଜା ଟାକାୟାଁ  
ବେବାରା ଗାଟାରି କୁଟୟାଁ ଅଡେ  
ପାରୁଝା ପଟାୟାଁ ବେବାରା ଗାଟାରି  
ଜମ୍ବାୟାଁ ତିରିମ୍ବୁପହେସି,

୧୮ ଅଡେ ଏଞ୍ଜାସି ଏଞ୍ଜାରାଇଁ  
ଏଲେଇଚେସି, ମାହାପୁରୁ ଦାମ୍ବୁପତିତା  
ରାସ୍କି ଆହାମାନେ, “ନା ଇଲୁ ପ୍ରାତାନା  
ଇଲୁ ଇଞ୍ଜାଁ ଖେଜିନେ, ସାମା ମୀରୁ  
ଏଦାଆଁ ତଂଗାୟାଁ ପାଝୁ ମ୍ବୁପହା ମାଞ୍ଜେରି  
□”

୧୯ ଇଞ୍ଜା ମାହାପୁରୁ ଇଲୁତା କାଣାୟାଁ,  
ସଟାୟାଁ ତାନି ତାଣା ଖାତେରି ଇଞ୍ଜା  
ଏଞ୍ଜାରାଇଁ ନେହଁ କିତେସି □

୨୦ ସାମା କାଜା ପୁଜେରାଙ୍ଗା ଅଡେ  
ମେରାପୁନାରି ତାନୁ କିହିମାନି କାବାଆନି  
କାମା ମେସାନା ଅଡେ “ମାହାପୁରୁ  
ଇଲୁତା ହସାନା ଦାଝୁଦ ମୀରୁଏସି”  
ଇଞ୍ଜାଁ କାଜା ଗିୟାତଲେ କକାରି  
ଜଲିମାନାଣି ଖେଞ୍ଜାନା କପା ଆଡେରି  
□

୨୧ ଏଞ୍ଜାରି ଜୀସୁଇଁ ଖେଚେରି,  
“ଇଞ୍ଜାରି ଏନାଆଁ ଇଞ୍ଜାଁ ମାନେରି,  
ନାନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଞ୍ଜାରାଇଁ ଏଲେଇଚେସି,  
“ହାଅ, ଖେଞ୍ଜିମାଞ୍ଜି, ମୀରୁ କକାରି ଇଞ୍ଜା  
ପାଲୁ ଗହନରାଇଁ ନିଙ୍ଗ ଜହରା ପାରୁ  
ପାଟାଲି ଜାପହାମାଞ୍ଜି, ଦାମ୍ବୁ ପତିତି  
ଇ କାତାତି ମୀରୁ ଏଚେଲା ପଡ଼ଞ୍ଜି  
ଆହାହିଲଅଚେରି ?”

୨୨ ଅଡେ ଏଞ୍ଜାସି ଏଞ୍ଜାରାଇଁ ପିସାନା  
ଗାଡ଼ାଟି ହତାନା ବେତନିୟାତା ହାଜାନା  
ଏମ୍ବାଆଁ ଲାଆଁୟାଁ ତୟିତେସି □

ଜୀସୁ ତୟା ମାରୁନୁଇଁ ବାକା  
ଇଟିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି  
ହାକି ଆଡେସି,

୧୯ ଅଡେ ଜିରୁ ଦାରିତା ର ତୟା  
ମାରୁନୁ ମେସାନା ଦାରିତା ହାଚେସି,  
ଇଞ୍ଜା ଖାରଇ ଆକା ପିସପେ ଏମ୍ବାଆଁ  
ଏନାଆଁ ମେହୁଆତେସି ଇଞ୍ଜା ଏଦାନି  
ବାକା ଇଟାନା ଏଲେଇଚେସି, “ନୀ  
ତାଣା ଏଚେଲା ପାଡ଼େୟି ଆୟାଆପେ”  
ଇଞ୍ଜା ଏ ଦେବୁଣିଏ ଏ ତୟା ମାରୁନୁ  
ଖାୟାହାଚେ □

୨୦ ସାସୁୟାଁ ଏଦାଆଁ ମେସାନା  
କାବାଆହାନା ଏଲେଇଚେରି, “ତୟା  
ମାରୁନୁ ଏନିକଁ ଏ ଦେବୁଣିଏ ଖାୟା  
ହାଚେ □”

୨୧ ଜୀସୁ ଏଞ୍ଜାରାଇଁ ଏଲେଇଚେସି,  
“ନାନୁ ମିଙ୍ଗେ ସାତା ଖେସିମାଞ୍ଜାଇଁ,  
ମୀ ନାମୁ ମାତିହଁ, ଅଡେ ମୀରୁ  
ଆନାମାନା ଆଆନା, ଇ ତୟା ମାରୁନୁତି  
ଏନି କିଞ୍ଜିଆହାମାନେ, ଏଲେକିହଁ ଏ  
କିଦେରି ଏଦି ଆଏ, ‘ସାମା ଇ ହରୁତି  
ଜିକେଏ ନୀନୁ ନିଙ୍ଗାନା ସାମ୍ବୁରିତା  
ତରଗାମୁ’ ଇଞ୍ଜେରି, ଆତିହଁ ଏଦି  
ଆନେ □

୨୨ ଇଞ୍ଜା ନାମୁତଲେ ପ୍ରାତାନାତା  
ଏନାଆଁ ରାହୁଦେରି ଏ ବାରେ ମିଙ୍ଗେ  
ମେଡ଼ାଆୟାନେ □”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା  
ହତାନା ଜାପହ ମାଟାଟି, କାଜା  
ପୁଜେରାଙ୍ଗା ଅଡେ ଲକ୍ଷୁତି କାଜାରି  
ଏଞ୍ଜାଣି ତାଣା ଖାହାନା ଖେଚେରି, “ନୀନୁ  
ଆମିନି ଅଦିକାରା ତଲେ ଇ ବାରେ  
କାମା କିହିମାଞ୍ଜି ? ନିଙ୍ଗେ ଏ ଅଦିକାରା  
ଆମ୍ବାଆସି ହିୟାତେସି ?”

୨୪ ଜୀସୁ ଏଞ୍ଜାରାଇଁ ଏଲେଇଚେସି,  
“ନାନୁ ଜିକେଏ ମିଙ୍ଗେ ର କାତା  
ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ  
ଖେସ୍ତାତିହଁ, ନାନୁ ଆମିନି ଅଦିକାରା  
ତଲେ ଇ ବାରେ କାମା କିହିମାଞ୍ଜି, ନାନୁ  
ଜିକେଏ ମିଙ୍ଗେ ଖେସ୍ତାଇଁ □

\* ୨୧:୨୧ ୨୧:୨୧ ମାତି ୧୭:୨୦; ୧କର ୧୩:୨

୨୫ ଜହନ ବାପୁସ୍ତ\* ହୀହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

ଏଚେଟିଏ ଏଝାରି ତାମ୍ବୁ ତାମ୍ବୁ ଜଲ୍ଲକି ଆଚେଟି, “ମାହାପୁରୁ ତାଣାଟି ଇଞ୍ଜି ଖେସ୍ତିହୁ, ଏଝାସି ମାଜେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଝାଣାଇଁ ନାମାଆଚେଟି ?’

୨୬ ସାମା ମାଣ୍ଡସିୟାଁ ତାଣାଟି ଇନାୟି, ଲକୁତାକି ଆଜି, ଇଚିହୁ ବାରେ ଲକୁ ଜହନଇଁ ମାହାପୁରୁ ଅଣ୍ଡପୁତି ବଲୁ ଖେହନାସି ଇଞ୍ଜିହୁ ମାନୁଝି ଆହିମାନେରି □”

୨୭ ଏଦାଆଁତାକି ଏଝାରି ଜୀସୁଇଁ ଏଲେଇଚେଟି, “ମାମ୍ବୁ ପୁଞ୍ଜାହିଲଅମି □”

ଏଝାସି ଜିକେଏ ଏଝାରାଇଁ ଏଲେଇଚେସି, “ଆତିହୁ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଜେ ଖେସ୍ତିଅଁ □”

ରୀ ମୀରକାତି ପୁଣ୍ଡିକିନି କାତା

୨୮ ମୀରୁ ଏନାଆଁ ଅଣ୍ଡପିମାଞ୍ଜେରି ? ରଅଣାକି ରୀ ମୀରକା ମାଚେରି, ଏଝାସି କାଜା ମୀରଏଣି ତାଣା ଝାହାନା ଏଲେଇଚେସି, “ମୀରଏଣା ନୀଞ୍ଜୁ ଅଞ୍ଜୁରି ବାଡ଼ାତା ହାଜାନା କାମା କିମୁ □”

୨୯ ଏଝାସି ଏଲେଇଚେସି, “ନାଜେ କାମା କିହାଲି ମନ ହିଲେଏ” ସାମା ତାୟୁ ଏଝାସି ଅଣ୍ଡପାନା କାମା କିହାଲି ହାଚେସି □

୩୦ ଇଞ୍ଜା ଉଣା ମୀରଏଣା ତାଣା ଝାହାନା ଏଲେଇଞ୍ଜି ଖେସ୍ତିସି, ଏଝାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଝାସି ହାଲାଆଚେସି □

୩୧ ଇ ରିଆରି ବିଡ଼ାଟି ଆମ୍ବାଆସି ଆବା ମନ ଲେହେଁ କିଚେସି ?”

ଏଝାରି ଏଲେଇଚେଟି “କାଜାସି □”

ଜୀସୁ ଏଝାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ସିସୁ ରୀହନାରି ଇଞ୍ଜା ଦାରେଣିସିକା ମୀ ନକେଏ ମାହାପୁରୁ ରାଜିତା ହଡ଼ନୁ □

୩୨ \*ବାପୁସ୍ତ† ହାନି ଜହନ ଝାହାନା ମୀ ତାଣା ଦାମ୍ବୁତି ଜିରୁ ତସ୍ତାଚେସି, ଅଡ଼େ ମୀରୁ ଏଝାଣାଇଁ ନାମାଆଚେଟି, ସାମା ସିସୁ ରୀହନାରି ଇଞ୍ଜା ଦାରେଣିସିକା ଏଝାଣାଇଁ ନାମିତୁ, ସାମା ମୀରୁ ଏନିକ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦଲି କିଆଚେଟି □

ଅଞ୍ଜୁରି ବାଡ଼ାତା କାମାକିନାରି ପୁଣ୍ଡିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣ୍ଡିକିନି କାତା ଖେଞ୍ଜୁ, ର ବୁମି ଗାଟାସି ମାଚେସି, ଏଝାସି ର ଅଞ୍ଜୁରି ବାଡ଼ା କିହାନା ସାରିଝାକି ବେୟଁ ଗୁରଚେସି, ଇଞ୍ଜା ଅଞ୍ଜୁରି ପାଡ଼େୟି ପୀଗାଲି ର ଗାଡ଼ୁୟୁ କାରୁହାନା ର ଗାଣା ହଲୁଲେହେଁ କିଚେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଟା ହୀହାନା ହେକ ଦେସାତା ହାଚେସି □

୩୪ ତାୟୁ ପାଡ଼େୟି କାମିନି ବେଲା ଆୟାଲିଏ, ଏଝାସି ତାନି ପାଡ଼େୟି ବାଟା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିଚେସି □

୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାଇଁ ଖେଚେଟି ଇଞ୍ଜା ଅର ରଅଣାଇଁ ପାୟିଚେଟି, ଅଡ଼େ ରଅଣାଇଁ ଝାଲ୍ଲକା ଖେଚାନା ପାୟାଁ କୁତାତୁସ୍ତେରି □

୩୬ ଅଡ଼େ ଏଝାସି ତଲିତି କିହାଁ ହାଚେଟା ଜାଣା ହଲିୟାଙ୍ଗାଣି ପାଣ୍ଡିଚେସି, ଅଡ଼େ ଏଝାରି ଏଝାରାଇଁ ଜିକେଏ ଏଲେକିଚେଟି □

୩୭ ସାମା ନା ମୀରଏଣାଇଁ ଏଝାରି ମାନି କିନେରି ଇଞ୍ଜି ଅଣ୍ଡପାନା, ଏଝାସି

\* ୨୧:୨୫ ୨୧:୨୫ ମୁଞ୍ଜିନାୟି ☆ ୨୧:୩୨ ୨୧:୩୨ ଲୁକ ୩:୧୨; ୭:୨୯, ୩୦ † ୨୧:୩୨ ୨୧:୩୨ ମୁଞ୍ଜିନାୟି

ତାହୁଁ ତାନି ମୀରୁଏଣାଇଁ ଏଞ୍ଜାରିତାଣା  
ପାଣ୍ଡିତେସି □

୩୮ ସାମା ଏ କାମାକିନାରି  
ମୀରୁଏଣାଇଁ ମେସାନା ତାମ୍ନୁ ତାମ୍ନୁ  
ଝେସ୍‌ସି ଆଡେରି, ଇଞ୍ଜାସିତ ବାଡ଼ାତି  
ଅଦିକାରା ଗାଟାସି; ଝାଦୁ ଇଞ୍ଜାଣାଇଁ  
ପାୟାନା ଅଞ୍ଜୁରି ବାଡ଼ାତି ଅଦିକାରା  
କିହାକଡିନ □

୩୯ ଇଞ୍ଜା ଏଞ୍ଜାରି ଏଞ୍ଜାଣାଇଁ ଅଞ୍ଜୁରି  
ବାଡ଼ା ଆତାଲା ମେଡ଼ହାନା ପାୟିତେରି  
□

୪୦ ଜୀସୁ ଏଞ୍ଜାରାଇଁ ଝେରେସି,  
“ଇଚିହ୍ଁ ଏଚିବେଲା ଏ ଅଞ୍ଜୁରି  
ବାଡ଼ାତି ସାଞ୍ଜୁକାରି ଝାନେସି, ଏଚିବେଲା  
ଏ କାମା କିନାରାଇଁ ଏନାଆଁ କିନେସି □”

୪୧ ଏଞ୍ଜାରି ଏଞ୍ଜାଣାଇଁ ଏଲେଇରେରି,  
“ଏ ଲାଗେଏ ପଲେଏତି କାମା  
କିନାରାଇଁ କସ୍ତ ହୀହ୍ଁ ପାୟିନେସି,  
ଇଞ୍ଜା ଏଞ୍ଜାଣାକି କାମ୍ପିନିସାରି ବାଟା  
ହାନି ଏଟ୍‌କାତି କାମା କିନାରାକି ଅଞ୍ଜୁରି  
ବାଡ଼ାତି ହେରପିନେସି □”

୪୨ ଜୀସୁ ଏଞ୍ଜାରାଇଁ ଏଲେଇରେସି,  
“ମୀରୁ ଦାମ୍ପୁ ପତିତି ଇ କାତା  
ଏରେଲାଝା ପଡ଼ଝି ଆହାହିଲଅତେରି  
କି ?”

ଇଲୁ ଦହନାରି ଆମିନି ଝାଲିତି ମିଶ୍‌ଏ  
ଇଞ୍ଜୁ କୁତେରି,

ଏଦିଏ ଇଲୁ କନତି ମୁଲୁ ଝାଲି  
ଆଡେ;

ମାହାପୁରୁ ତାଣାଟି ଇଦି ଆଡେ,

ଇଞ୍ଜା ଏଦି ମା କାନୁତାକି କାବା  
ଆନାୟି □

୪୩ “ଏଦାଆଁତାକି ନାନୁ ମିଜେ  
ଝେସିମାଞ୍ଜାଇଁ, ମାହାପୁରୁତି ରାଜି ମୀ  
ତାଣାଟି ମୀଞ୍ଜା ଅଞ୍ଜିଆନେ, ଇଞ୍ଜା ଆମିନି  
ଜାଡ଼ିତି ଲକୁ ନେହ୍ଁ ପାଡ଼େୟି କାମ୍ପି  
କିନେରି ଏଞ୍ଜାରାକି ହୀନେସି □

୪୪ ଅଡ଼େ ଆମ୍ବାଆସି ଇ ଝାଲି ଲାକ  
ରିନେସି ଏଞ୍ଜାସି କାଣ୍ଡାମୁକା ଆନେସି,  
ଇଞ୍ଜା ଇ ଝାଲି ଆମ୍ବାଆରି ଲାକ ରିନେ  
ଏଦି ଏଞ୍ଜାଣାଇଁ ନାସାକିନେ □”

୪୫ କାଜା ପୂଜେରାଞ୍ଜା ଅଡ଼େ  
ପାରୁସିୟା ଇଞ୍ଜାଣି ଇ ବାରେ ପୁଣ୍ଡିକିନି

କାତା ଝେଞ୍ଜାନା, ଏଞ୍ଜାସି ଏଞ୍ଜାରି କାତା  
ଝେସିମାନେସି ଇଞ୍ଜୁ ପୁରେରି,

୪୬ ଇଞ୍ଜା ଏଞ୍ଜାରି ଏଞ୍ଜାଣାଇଁ  
ଆସାଲି ଅଣ୍ଡିମାରେରି, ସାମା ଲକୁଇଁ  
ଆଜିତେରି, ଏନାଆଁତାକି ଇଚିହ୍ଁ  
ଏଞ୍ଜାଣାଇଁ ର ମାହାପୁରୁ ଅଣ୍ଡିପୁତି ବଲୁ  
ଝେହ୍‌ନାସି ଇଞ୍ଜୁ ମାନ୍ କିହିମାରେରି □

## ୨୨

ବୀହା ବଜ୍ଜିତି ପୁଣ୍ଡିକିନି କାତା

(ଲୁକ ୧୪:୧୫-୨୪)

୧ ଅଡ଼େ ଝେଣ୍ଡେ ଜୀସୁ ପୁଣ୍ଡିକିନି  
କାତାତଲେ ଏଲେଇରେସି,

୨ ଲାକପୁରୁତି ରାଜି ଇଲେତାୟି, ର  
ରାଜା ଲେହେଁ, ଏଞ୍ଜାସି ତାନି ମୀରୁଏଣା  
ବୀହା ବଜ୍ଜି କିତେସି,

୩ ଇଞ୍ଜା ଏ ବୀହା ବଜ୍ଜିତା ହାଟାମାନି  
ଲକୁଣି ବଜ୍ଜିତା ଝାପେରିଝା ଇଞ୍ଜୁ ତାନି  
ହଲିୟାଞ୍ଜାଣି ପାଣ୍ଡିତେସି, ସାମା ଏଞ୍ଜାରି  
ଝାହାଲି ମନ କିଆତେରି □

୪ ଅଡ଼େ ଝେଣ୍ଡେ ଏଟ୍‌କାତି  
ହଲିୟାଞ୍ଜାଣି ପାଣ୍ଡାନା ଏଲେଇରେସି,  
ହାଟି କିହାମାନି ଲକୁଣି ଝେହ୍‌ଦୁ,  
ମେହ୍‌ଦୁ ନାନୁ ନା ବଜ୍ଜି ଝାଜା ମାଲ,  
ଆଞ୍ଜା ଆଡ଼ି କଡ଼ିୟା ପାୟୁଝି ଆହାମାନୁ,  
ବାରେ ରାନ୍ଦା ଆଡେୟିଏ, ମୀରୁ ବୀହା  
ବଜ୍ଜିତା ଝାଦୁ □

୫ ସାମା ଏଞ୍ଜାରି ଏଦାଆଁ ଅଣ୍ଡିପାଆନା  
ଆମ୍ବାଆରି ତାନି ତାସା କାମାତା  
ହାରେରି, ଇଞ୍ଜା ଆମ୍ବା ଆମ୍ବାଆରି ତାନି  
ବେବାରା କିୟାଲି ହାରେରି,

୬ ଅଡ଼େ ଏତରଜାଣା ଲକୁ ତାନି  
ହଲିୟାଞ୍ଜାଣି ଆସାନା ପାୟିତେରି □

୭ ସାମା ରାଜା କପା ଆହାନା ତାନି  
କସ୍‌କାଣି ପାଣ୍ଡାନା ଏ ପାୟିତାରାଇଁ  
ପାୟି କିତେସି ଇଞ୍ଜା ଏଞ୍ଜାରି ନାସ୍‌କା  
ମ୍ଲେକ୍‌ହା ତୁସ୍‌ସେରି □

୮ ଏମ୍ବାଟିଏ ଏଞ୍ଜାସି ତାନି ହଲିୟାଞ୍ଜାଣି  
ଏଲେଇରେସି, ବୀହା ବଜ୍ଜି ଆହାମାନେ,  
ସାମା ହାଟ୍‌କି ଆହାମାନି ଲକୁ ପାଡ଼ା  
ଆଆତାରି,

୯ ଏଦାଆଁତାକି ନୀର୍ବ ମୀରୁ ଗାଡ଼ାତି  
କାଜା ତାଣ୍ଡେଣା ହାଜାନା, ଏତରଜାଣାତି

ମେହଦେରି, ଏଞ୍ଜରାଉଁ ବୀହା ବଜିତା ହାଡ଼ା ତାଦୁ □

୧୦ ଏମ୍ବାଟିଏ ଏ ହଲିୟାଙ୍ଗା କାଜା ତାଣ୍ଡେଣାଁ ହାଜାନା ଲାଗେଏ ପଲେଏତାରାଇଁ ଇଞ୍ଜା ଏଚେକା ନେହାରାଇଁ ମେସ୍ତେରି, ଏ ବାରେଡି ରୁଣ୍ଡି କିହାନା ବୀହା ଇଲୁତା ତାଡେରି, ଇଞ୍ଜା ଖାହାମାନି ଲକୁ ବୀହା ଇଲୁତା ନେଞ୍ଜିତେରି □

୧୧ ସାମା ରାଜା ବୀହା ବଜିତା ଖାହାମାନି ଲକୁଣି ସିନିକିହାଲି ବିତ୍ରା ଖାହାନା ଏମ୍ବାଆଁ ବୀହା ହିମ୍ବରି ହୁଚାଆନା କୁଗାମାନି ରଥଣାଇଁ ମେସାନା ଏଞ୍ଜାଣାଇଁ ଏଲେଇଚେସି,

୧୨ ଏ ତରେଣ, ନୀନୁ ବୀହା ହିମ୍ବରି ହୁଚାଆନା ଏନିକିଁ ଇମ୍ବାଆଁ ଖାଡ଼ି ? ସାମା ଏଞ୍ଜାସି ଏନି ହାଡ଼ା ଆଆନା ତ୍ରିୟିତେସି □

୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଇଁ ଏଲେଇଚେସି, ଇଞ୍ଜାଣି କେସ୍ତା କଡାୟାଁ ଦସାନା ପାଙ୍ଗାତି ଆନ୍ଦେରିତା ମେଡ଼ହା ତୁହ୍ତୁ, ଏମ୍ବାଆଁ ଡାହଁ ପାଲକା ଟାଟି କିନେସି □

୧୪ ଇଚିହଁ ହାଡ଼କି ଆଡ଼ି ଲକୁ ହାଡ଼େକା ଜାଣା ସାମା ଆଡ଼ିତି ଲକୁ ହାଡ଼େକା ଡଣା ଜାଣା □

ସିସୁ ହୁନାଣି ଖେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଚିଚେଲା ପାରୁସିୟାଁ ହାଜାନା ଜୀସୁଇଁ ତାନି ଖେସ୍ତ୍ର କାତାଟି ଦହ୍ ଦସାଲି ପାରୁ ପାରିତେରି □

୧୬ ଇଞ୍ଜା ଏଞ୍ଜାରି ହେରଦ ଗଟି ବିତ୍ରାଟି ଏଚେକା ଲକୁତଲେ ତାନି ସୀସୁୟାଁଇଁ ଜୀସୁ ତାଣା ଖେସା ପାଣ୍ଡିତେରି, “ଏ ଗୁରୁ ମାୟୁ ପୁଞ୍ଜାମାନି ନୀନୁ ସାତା ଖେହ୍ନାତି ଇଞ୍ଜା ସାତା କିହଁ ମାହାପୁରୁତି ଜିରୁ ଜାପନାତି, ଇଞ୍ଜା ଆମ୍ବାଆରାଇଁ ଆଜଅତି ଅଡେ ଆମ୍ବାଆରି ପାରଡ଼ା ବାଟିକିହଁ ଜଲିନାତି ଆଏ □

୧୭ ଇଦାଆଁତାକି ନୀନୁ ମାଙ୍ଗେ ଖେସ୍ତ୍ରାମ୍ବୁ, ନୀ ଅଣ୍ପୁତା ଏନାୟି ମାନେ ? କାୟିସରକି ସିସୁ ହୁନାୟି ମେରା କି ଆଏ ?”

୧୮ ସାମା ଜୀସୁ ଏଞ୍ଜାରି କାର୍ବି ପୁଞ୍ଜାନା ଏଲେଇଚେସି, “ଆଡେ କୁରୁ ଗାଟାତେରି ନାଙ୍ଗେ ଏନାଆଁତାକି ତାୟିପାରି କିହମାଞ୍ଜାଦେରି ?

୧୯ ଏ ସିସୁ ହୁନି ଟାକା ନାଙ୍ଗେ ହିୟାଦୁ □” ଏମ୍ବାଟିଏ ଏଞ୍ଜାଣି ତାଣା ର ଟାକା ଆଦଲି ହାତେରି □

୨୦ ଜୀସୁ ଏଞ୍ଜରାଉଁ ଖେଚେସି, “ଇ ଆଦଲି ଲାକ ଆମ୍ବାଆରି ଦରୁ ଅଡେ ତାୟିଁ ରୁମା ମାନେ ?”

୨୧ ଏଞ୍ଜାରି ଏଲେଇଚେରି, “କାୟିସରଖାୟି □”

ଜୀସୁ ଏଞ୍ଜରାଉଁ ଏଲେଇଚେସି, “ଆଡିହଁ ଆମିନାୟି କାୟିସରଖାୟି ଏଦାଆଁ କାୟିସରକି ହୀଦୁ, ଅଡେ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହୀଦୁ □”

୨୨ ଏଞ୍ଜାରି ଏଦାଆଁ ଖେଞ୍ଜାନା କାବାଆହାନା ଏଞ୍ଜାଣାଇଁ ପିସାଁ ହାଜାତୁସ୍ତେରି □

ହାକିଟି ଖେଣ୍ଡେ ନିଙ୍ଗିନି କାତା

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ଏହାକିଟି ଖେଣ୍ଡେ ନିଙ୍ଗିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ଖାହାନା ଖେଚେରି □

୨୪ “ଏ ଗୁରୁ ମସା ଖେସାମାଞ୍ଜାନେସି, ରଥସି ପଦି ପଦା ଆଆନା ହାଡ଼ିହଁ ତାନି ତାୟି ତାନି ତକ୍ତିନି ଇଟାନା ଏ ହାଡ଼ାଣି କୁଡ଼ା ଏପାକିନେସି □

୨୫ ମେହ୍ମୁ ମା ତାଣା ସାତା ଜାଣା ତାୟିୟାଁ ମାଚେରି; ତଲି ମୁଲୁ ତସି ବୀହା ଆହାନା ହାହାହାଚେସି, ଇଞ୍ଜା କକାରି ପଦାୟାଁ ହିଲଆତାକି ଏଞ୍ଜାସି ତାନି ତକ୍ତିନି ତାନି ତାୟିକି ପିସାହାଚେସି;

୨୭ ଏଞ୍ଜାଣି ଜେଚତାସି ଅଡ଼େ ଏଞ୍ଜାଣି ଜେଚତାସି ଏଲେକିହିଁ ସାତା ଜାଣା ଜିକେଏ ହାଡ଼େତି ।

୨୮ ବାରେତି ତାୟୁ ଏ ଇୟାତି ଜିକେଏ ହାଡ଼େ ।

୨୯ ଆତିହିଁ ଖେଣ୍ଡେ ନିଜିନାତି ଏ ସାତା ଜାଣା ବିତ୍ତା ଆମ୍ବାଆରି ତକ୍ତି ଆନେ ? ଇତିହିଁ ବାରେଜାଣା ଏଦାନି ବାହା ଆହାମାଚେରି ।”

୩୦ ଜାସୁ ଏଞ୍ଜାରାଇଁ ଏଲେଇଚେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୟୁ ପୁନାଆନା ନାଡ଼ି ଆହିମାଞ୍ଜେରି ।

୩୧ ଇତିହିଁ ହାହାନା ଖେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହାଅରି, ସାମା ଲାକପୁରୁତି ଦୂତୁୟାଲେହେଁ ଆନେରି ।

୩୨ ସାମା ହାଡ଼ାରି ଖେଣ୍ଡେ ନିଜିନି କାତା ମାହାପୁରୁ ମିଲେ ଏନାଆଁ ଖେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅଚେରି ?

୩୩ ନାନୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଚେଏଁ, ଏଞ୍ଜାସି ହାଡ଼ି ଲକୁତି ମାହାପୁରୁ ଆଏ ସାମା ଜାସୁଗାଟାରି ମାହାପୁରୁ ।”

୩୪ ଲକୁ ବାରେ ଏଞ୍ଜାଣି ଜାପ୍ନାଣି ଖେଞ୍ଜାନା କାବା ଆହାହାଚେରି ।

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୫ ଜାସୁଇଁ ସାଦୁକିୟାଁ ଖେଣ୍ଡେ ଖେସାଲି ଆଡ଼ି ହିଲଅରି ଇଞ୍ଜୁ ପୁଞ୍ଜାନା ପାରୁସିୟାଁ ବିତ୍ତାଟି ରୁଣ୍ଡା ଆଡ଼େତି,

୩୬ ଅଡ଼େ ଏଞ୍ଜାରି ବିତ୍ତାଟି ମେରା ପୁନାସି ରଅସି ଜାସୁଇଁ ତାୟିପାରିକିହିଁ ଖେଚେସି,

୩୭ “ଗୁରୁ ବାରେ ହୁକୁମିକା ବିତ୍ତାଟି ଆମିନି ହୁକୁମି କାଜାୟି ?”

୩୮ ଜାସୁ ଏଞ୍ଜାଣାଇଁ ଏଲେଇଚେସି, ନାନୁ ନୀ ବାରେ ହିୟାଁ, ନୀ ବାରେ

ଜାସୁ ବାରେ ଅଣ୍ଡୁ ତଲେ ପ୍ରବୁ ନୀ ମାହାପୁରୁଇଁ ଜାସୁ ନମ୍ବୁ ।

୩୯ ଇତିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି ।

୪୦ ଏଦାଣି ଜେଚତି ହୁକୁମି ଜିକେଏ ଏଲେକିହିଁଏ, ନାନୁ ନୀ ପାଡ଼ିତି ଲକୁଣି ନୀ ଜାସୁତି ଜାସୁ ନହାଁ କତିନି ଲେହେଁ ଜାସୁ ନମ୍ବୁ ।

୪୧ ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ଡୁତି ବଲୁ ଖେହନାରି କାତା ମାଞ୍ଜାମାନେ ।

କ୍ରୀସ୍ତ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୨ ପାରୁସିୟାଁ ରୁଣ୍ଡା ଆହାମାଚାତି ଜାସୁ ଏଞ୍ଜାରାଇଁ ଖେଚେସି,

୪୩ “କ୍ରୀସ୍ତଇଁ ମୀରୁ ଆମ୍ବାଆସି ଇଞ୍ଜୁ ମୀରୁ ଅଣ୍ଡିମାଞ୍ଜେରି ? ଏଞ୍ଜାସି ଆମ୍ବାଆରି ମୀରୁଏସି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି “ଦାସୁଦ ମୀରୁଏସି ।”

୪୪ ଜାସୁ ଏଞ୍ଜାରାଇଁ ଏଲେଇଚେସି, “ଆତିହିଁ ଦାସୁଦ ଏନିକିଁ ସୁଦୁଜାସୁ ତଲେ ଏଞ୍ଜାଣାଇଁ ପ୍ରବୁ ଇଞ୍ଜୁ ମାଚେସି ?” ଦାସୁଦ ଏଲେଇଚେସି,

୪୫ “ପ୍ରବୁ ନା ପ୍ରବୁଇଁ ଖେସେସି,

ନାନୁ ନୀ ସାଡ଼ୁୟାଣି ନୀ କଡ଼ାୟାଁ ତିଲ ଇଟାଆ ପାଡ଼େକା

ନା ଚିଃନି ଚଟତା କୁଗାମାନାମ୍ବୁ ।

୪୬ ଇତିହିଁ ଦାସୁଦ ତାନୁଏ ଏଞ୍ଜାଣାଇଁ ପ୍ରବୁ ଇତିହିଁ, କ୍ରୀସ୍ତ ଏନିକିଁ ଦାସୁଦ ମୀରୁଏସି ଆନେସି ?”

୪୭ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଇଁ ଖେଣ୍ଡେ ଖେସାଲି ଆଡ଼ାଆଚେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜାସୁଇଁ ଏନି କାତା ଖେଞ୍ଜାଲି ସାସା କିଆଚେରି ।

# ୨୩

ମେରାପୁନାରି ଇଞ୍ଜା ପାରୁସିୟା  
ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-  
୪୬; ୨୦:୪୫-୪୬)

୧ ଏଟିବେଲାତା ଜୀସୁ ବାରେ ଲକ୍ଷ୍ମ  
ଇଞ୍ଜା ତାନି ସୀସୁୟାଙ୍କ ଏଲେଇତେସି,

୨ ମେରାପୁନାରି ଅଡେ ପାରୁସିୟା  
ମସାତି ମେରା ଜାପୁହାଲି ପାଣା  
ବେଟାଆହାମାନେରି □

୩ ଏଦାଆଁତାକି ଏଞ୍ଜାରି ମିଜେ ଏନାଆଁ  
ଝେସ୍ତାତିହ୍ ଏଦାଆଁ ମାନୁଡି ଆଦୁ,  
ଅଡେ ଏଞ୍ଜାରି ଝେସ୍ତଲେହେଁ କିଦୁ,  
ସାମା ଏଞ୍ଜାରି କାମା କିନିଲେହେଁ କାମା  
କିଆଦୁ, ଇଟିହ୍ ଏଞ୍ଜାରି ଏନାଆଁ  
କିନାୟିମାନେ ଇଞ୍ଜା ଝେହ୍ନେରି ସାମା  
ଏଞ୍ଜାରି କିଅରି □

୪ ଏଞ୍ଜାରି ବଜୁଗାଟି କାସକା ଦସାନା  
ଲକ୍ଷ୍ମ ବମିତା ଏକନେରି ସାମା ତାମ୍ବୁଡ୍ରାମି  
ର ଝାଞ୍ଜୁ ତଲେ ଜିକେଏ ପେରହାଲି ମନ  
କିଅରି □

\* ଏଞ୍ଜାରି ଲକ୍ଷ୍ମଣି ତସାଲି ତାମି କିନି  
କାମା ବାରେ କିନେରି, ଇଟିହ୍ ଏଞ୍ଜାରି  
ପାଟାୟାଣା ଦାମ୍ବୁ ପତିତି କାତା ରାତାନା  
ମପା ଅଡେ ମୁଞ୍ଜୁତା ଦସା କତିନେରି,  
ଇଞ୍ଜା ତାମି ହିମ୍ବୁରିକାତି ପୁରଡେୟା  
କାଜା କାଜାଆଁ କିନେରି,

୨ ଅଡେ ବଜିତା ନେହ୍ ଟାୟୁ  
ଇଞ୍ଜା ଜୀହୁଦି ଲକ୍ଷ୍ମଣି କୁଟମି ଇଲୁତା\*  
ନେହ୍ କାଜା ଟାୟୁ ପାରିନେରି,

୩ ଇଞ୍ଜା ହାଟା ବାଜାରାତା ଜହରା  
ବେଟାଆହାଲି ଅଡେ ଲକ୍ଷ୍ମ ତାଣାଟି ଗୁରୁ  
ଇଞ୍ଜା ମାନି ବେଟାଆହାଲି ନେହାୟି  
ଇଞ୍ଜା ଅଣ୍ଡପନେରି □

୮ ସାମା ମୀରୁ ଗୁରୁ ଇଞ୍ଜା ମାନି  
ବେଟାଆହାଲି ଅଣ୍ଡପାଆଦୁ, ଇଟିହ୍  
ମୀ ଗୁରୁ ରଅସି ମାନେସି, ଇଞ୍ଜା ମୀରୁ  
ବାରେତାୟି ତାୟିୟାତେରି □

୯ ଅଡେ ଦାରୁତିତା ଆମ୍ବାଆରାଙ୍କ  
ଜିକେଏ ଆବା ଇଞ୍ଜା ମାନି କିଆଦୁ,  
ଇଟିହ୍ ମୀ ଆବା ରଅସିଏ ଲାକପୁରୁ  
ମାନେସି □

୧୦ ଅଡେ ମୀରୁ ସାଲୁଡି କିନାତମି  
ଇଞ୍ଜା ମାନି ପୁଃଆଦୁ, ଇଟିହ୍ ମିଜେ  
ସାଲୁଡି କିୟାନାସି ରଅସିଏ ଏଞ୍ଜାସି କ୍ରୀସୁ  
□

୧୧ \*ସାମା ମୀ ବିତ୍ରା ଆମ୍ବାଆସି  
କାଜାସି ଏଞ୍ଜାସି ମୀ ସେବା କିନାସି  
ଆନେସି □

୧୨ \*ଅଡେ ଆମ୍ବାଆସି ତାଜେ  
କାଜାତେଏଁ ଇଞ୍ଜା ଇଞ୍ଜା କତିନେସି,  
ଏଞ୍ଜାଣାଙ୍କ ଉଣା କିଞ୍ଜିଆନେ, ଇଞ୍ଜା  
ଆମ୍ବାଆସି ତାଜେ ଉଣା କିହାକତିନେସି,  
ଏଞ୍ଜାଣାଙ୍କ କାଜାସି କିଞ୍ଜିଆନେ □

ପାରୁସିୟା ଅଡେ ମେରା ପୁନାରାଙ୍କ  
ଦହ୍ ଦହ୍ନାୟି

(ମାର୍କ ୧୨:୪୦; ଲୁକ ୧୧:୩୯-  
୪୨,୪୪,୫୨; ୨୦:୪୬)

୧୩ ଆୟତା ତଣ୍ଡ ପାଣ୍ଡି କୁଟୁଗାଟି  
ପାରୁସିୟା ଅଡେ ମେରା ପୁନାତେରି,  
ଇଟିହ୍ ମୀରୁ ଲକ୍ଷ୍ମଣାକି ଲାକପୁରୁ  
ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ  
ଏମ୍ବାଆଁ ହଡ଼ି ହିଲଅତେରି, ଇଞ୍ଜା ହଡ଼ାଲି  
ମନ ଗାଟି ଲକ୍ଷ୍ମଣି ଜିକେଏ ହଡ଼ାଲି ହୀହି  
ହିଲଅତେରି □

୧୪ ଆୟତା ତଣ୍ଡ ପାଣ୍ଡି  
କୁଟୁଗାଟି ମେରା ପୁନାତେରି ଅଡେ  
ପାରୁସିୟାତେରି, ଇଟିହ୍ ମୀରୁ  
ଉଜେ ଉଜେଏ ଲାମ୍ବା ପ୍ରାତାନା କିହାନା  
ରାଣ୍ଡେଣ୍ଡିସିକା ଇଲକା ସେଦିନାତେରି;  
ଏଦାଆଁତାକି ମୀରୁ ହାରେକା ତଣ୍ଡ  
ବେଟାଆଦେରି □

୧୫ ଆୟତା ତଣ୍ଡ ପାଣ୍ଡି କୁଟୁଗାଟି  
ପାରୁସିୟା ଅଡେ ମେରା ପୁନାତେରି,  
ଇଟିହ୍ ମୀରୁ ରଅଣାଙ୍କ ଜୀହୁଦି  
ଦାମ୍ବୁତା ଆବହାଲି ସାମ୍ବୁରି ଆତାଲା  
ଗାଣ୍ଡତାନା ଦେସା ରେଜେରି, ଇଞ୍ଜା  
ଏଟିବେଲା ଏଞ୍ଜାସି ଆଣ୍ଡାନେସି,

\* ୨୩:୫ ୨୩:୫ ମାତ୍ରି ୬:୧ \* ୨୩:୬ ୨୩:୬ ସିନଗର \* ୨୩:୧୧ ୨୩:୧୧ ମାତ୍ରି ୨୦:୨୬,୨୭; ମାର୍କ  
୯:୩୫; ୧୦:୪୩,୪୪; ଲୁକ ୨୨:୨୬ \* ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪

ଏତିବେଳାତା ମୀରୁ ଏଞ୍ଜାଣାଇଁ ମୀ କିହାଁ ହାରେକା ଆଗାଡ଼ା ନକର୍ତା ମେଡ଼ପି ଆନାସି କିହାନା ଲାଗେଏ କିଦେରି □

୧୭ ଆୟତା ତଣ୍ଡ ବେଟା ଆନାତେରି କାଣାୟାଁଇଁ ଜିରୁ ତହ୍ନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାର୍ମାଣା କିତିହ୍ ଶନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାର୍ମାଣା କିତିହ୍ ଏଞ୍ଜାସି ପାର୍ମାଣା କିତିଲେହେଁ ତାପାଆନା କାମା କିନାୟିମାନେ □

୧୭ ଆଡେ କାଣାୟାଁ ଅଡେ ବୁଦି ହିଲାଆଗାଟାତେରି ବାଂଗାରା କି ଏ ବାଂଗାରାତି ସୁଦୁ କିହାମାନି ଦେଝୁଡ଼ି, ଇ ରୀ ବିତ୍ରାତି ଆମିନାୟି କାଜାୟି ?

୧୮ ଅଡେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍ମାଣା କିତିହ୍ ଶନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାର୍ମାଣା କିତିହ୍, ପାର୍ମାଣା କିତିଲେହେଁ ତାପାଆନା କାମା କିନାୟିମାନେ □

୧୯ ଆଡେ କାଣାୟାଁତେରି, ଦାନା କି ଏ ଦାନାତି ସୁଦୁ କିହିମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ ବିତ୍ରାତି ଆମିନାୟି କାଜାୟି ?

୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାର୍ମାଣା କିନେସି, ଏଞ୍ଜାସି ଏ ପିଣ୍ଡା ଅଡେ ପିଣ୍ଡାତା ମାନି ଦାନାତି ପାର୍ମାଣା କିହିମାନେସି;

୨୧ ଅଡେ ଆମ୍ବାଆସି ମାହାପୁରୁ ଇଲୁତି ପାର୍ମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି ମାହାପୁରୁଇଁ ପାର୍ମାଣା କିନେସି;

୨୨ ଅଡେ ଆମ୍ବାଆସି ଲାକପୁରୁତି ପାର୍ମାଣା କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁଇଁ ପାର୍ମାଣା କିନେସି □

୨୩ ଆୟତା ତଣ୍ଡ ପାଣ୍ଡି କୁଚୁଗାତି ମେରା ପୁନାତେରି ଇଞ୍ଜା ପାରୁସିୟାଁ,

ଇତିହ୍ ମୀରୁ କୁମ୍ବୁରି କୁଚା, ରାୟି, ଜିରା ଇନି ଉଣା ତାସା ବିତ୍ରାତି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡେ ମସା ମେରାତି କାଜା କାତାୟାଁ ଇତିହ୍ ସାତା ନୀହାୟି କିନାୟି, କାର୍ମା ତହ୍ନାୟି, ଇଞ୍ଜା ନାମ୍, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଞ୍ଜି ଆହାନା ଅଡେ ଏ ବାରେ ପିହ୍ଆୟି ମାନେ □

୨୪ ଆଡେ କାଣାୟାଁ ଜିରୁ ତହ୍ନାତେରି, ମୀରୁ ଖାହାଁତି ହାଣି କିଦେରି ସାମା ଉଚୁଇଁ ଗୁହ୍ଦେରି □

୨୫ “ଆୟତା ତଣ୍ଡ ପାଣ୍ଡି କୁଚୁଗାତି ମେରା ପୁନାତେରି ଇଞ୍ଜା ପାରୁସିୟାଁତେରି, ଇତିହ୍ ମୀରୁ ଗିନା ଅଡେ ସାଡ଼ଞ୍ଜାତି ପାଞ୍ଜାତା ନରୁହି ମାଞ୍ଜେରି, ସାମା ଏ ବିତ୍ରା ଜୁପକା ଆହାଁ ସରୁ କିତି ଆସ୍ତି ବାରେ ନେଞ୍ଜି କିହାମାଞ୍ଜେରି □

୨୬ ଆଡେ କାଣ୍ଡକା ମେହ୍ଆଗାତି ପାରୁସିୟାଁ, ନକେଏ ଗିନାତି ବିତ୍ରାତାଣି ନରୁଦୁ, ଏନିକ୍ ପାଞ୍ଜାତା ଜିକେଏ ନରୁଞ୍ଜି ଆନେ □”

୨୭ ଆୟତା ତଣ୍ଡ ପାଣ୍ଡି କୁଚୁଗାତି ମେରା ପୁନାତେରି ଇଞ୍ଜା ପାରୁସିୟାଁ, ଏନାଆଁତାକି ଇତିହ୍ ମୀରୁ ହୁନୁ ଉସ୍ପିତି ମାଡ଼ହା ମୁହ୍ନି ଟାୟୁଲେହେଁ ତାତେରି □ ଏଦି ପାଞ୍ଜାତା ଅଜିକ୍ ତଞ୍ଜାଆନେ, ସାମା ବିତ୍ରା ହାଡ଼ାରି ପେଣ୍ଡକା ଇଞ୍ଜା ସୀରୁତାୟି ନେଞ୍ଜାମାନେ;

୨୮ ଏଲେକିହ୍ ଏ ମୀରୁ ଜିକେଏ ପାଞ୍ଜାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟାଁ ବିତ୍ରା କୁଚୁ ଅଡେ ପାପୁ ନେଞ୍ଜାମାନେ □

ଜୀସୁ ଏଞ୍ଜାରାଇଁ ତଣ୍ଡ ପାଣ୍ଡି କାତା ୱେହ୍ନାୟି

(ଲୁକ ୧୧:୪୭-୫୧)

୨୯ ଆୟତା ତଣ୍ଡ ପାଣ୍ଡି କୁଚୁଗାତି ମେରା ପୁନାତେରି ଇଞ୍ଜା ପାରୁସିୟାଁ, ଇତିହ୍ ମୀରୁ ମାହାପୁରୁ ଅଣ୍ଡପୁତି

ବଲୁ ଝେହନାରି ମାଡ଼ହା ମୁହନି  
ଚାୟୁ କେପାନା, ଦାର୍ମୁଗାଟାରି ମାଡ଼ହା  
ମୁହନି ଚାୟୁତି ମୁଣ୍ଡା ଅଜିକ~ କିହାନା  
ଏଲେଇଞ୍ଜିମାଞ୍ଜେରି;

୩୦ ମାମ୍ବୁ ମା ଆକୁ ଆବାୟାଁ ବେଲୀତା  
ମାତିହ~ମା, ମାହାପୁରୁ ଅଣ୍ପୁତି ବଲୁ  
ଝେହନାରାଇଁ ପାୟାଲି ଆଣ୍ଡାଆତମିମା  
□

୩୧ ଏଦାଆଁତାକି ମୀରୁଏ ମାହାପୁରୁ  
ଅଣ୍ପୁତି ବଲୁ ଝେହନାରାଇଁ ପାୟାମାନି  
ଲକୁତି ମୀରକାତେରି, ଏ କାତାତାକି  
ମୀରୁଏ ମିଙ୍ଗେ ସାକି ହାହା କଡ଼ିମାଞ୍ଜେରି  
□

୩୨ ମୀରୁ ହାଜାନା ମୀ ଆକୁ ଆବାୟାଁ  
କିତି କାମା ରାପ୍ତୁ □

୩୩ ✨ଆଡ଼େ ରାସ୍ତକାତେରି, ଇଞ୍ଜା  
ବୀସା ଗାଟି ରାସ୍ତକା କୁଡ଼ାତି  
ମୀରକାତେରି, ମୀରୁ ବିଚାରା ଦିନାତା  
ଏନିକ~ ହିରୁ ଗୁଦ୍‌ଝାତି ଡଣ୍ଡି ପିସ୍‌ପି  
ଆଦେରି ?

୩୪ ଏଦାଆଁତାକି ମେହ୍‌ମୁ ନାନ୍ତୁ  
ମୀ ତାଣା ମାହାପୁରୁ ଅଣ୍ପୁତି ବଲୁ  
ଝେହନାରାଇଁ, ବୁଦି ଗାଟାରାଇଁ, ଇଞ୍ଜା  
ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଝାରି  
ବିଡ଼ାଟି ଆମ୍ବା ଆମ୍ବାଆରାଇଁ ପାୟିଦେରି,  
ପାସି ମୁଣ୍ଡାତା ଏକ୍‌ହାନା ପାୟିଦେରି,  
ଅଡ଼େ ଆମ୍ବା ଆମ୍ବାଆରାଇଁ ଜୀହୁଦି  
ଲକୁତି କୁଟମି ଇଲୁତା† ସାଟ୍‌ଣି  
ଡଃରିତଲେ ଝେଦେରି, ଇଞ୍ଜା ଗାଡ଼ାତାକି  
ଗାଡ଼ା ଗଡ଼ହା ନିନ୍ଦା କିଦେରି □

୩୫ ଏନିକ~ ଦାର୍ମୁଗାଟି ହେବଲଇଁ  
ପାୟିତି ଦିନାଟିଏ, ମାହାପୁରୁ ଇଲୁ  
ପିଣ୍ଡା ଦାରିତା ବେରିକିୟ ମୀରଏସି  
ଜିକରିୟଇଁ ପାୟିତି ପାତେକା,  
ଦାରତିତା ଏତେକା ନେହାଁରାଇଁ  
ପାୟାମାଞ୍ଜେରି, ଏ ବାରେ କାମାତି ଡଣ୍ଡ  
ମୀ ମୁହେଁ ଝାଡେନ □

୩୬ ନାନ୍ତୁ ମିଙ୍ଗେ ସାତା ଝେସିମାଞ୍ଜାଇଁ,  
ଇ କାଲୀତି ଲକୁ ମୁହେଁ ଇ ବାରେ ଡଣ୍ଡ  
ରିନେ □

ଜିରୁସାଲମତି ଜୀସୁ ଜୀଝୁନନାୟି  
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ!  
ମାହାପୁରୁ ଅଣ୍ପୁତି ବଲୁ ଝେହନାରାଇଁ  
ପାୟିନାତି ନୀ ତାଣା ପାଣ୍ଡି ଆଡାରାଇଁ  
ଝାଲକାତଲେ ଝେନାତି, କୟୁ ଏନିକ~  
ତାନି ହୀପାୟାଣି କୁଡ଼ି କିହାନା ମାରାୟାଁ  
ଡ଼ଇ ପୁକ୍‌ହାନା ଜିଙ୍ଗିନେ, ନାନ୍ତୁ ନୀ  
ଲକୁଇଁ ଏତର ପାଲି ଏଲେକ~  
କୁଡ଼ିକିହାଲି ମନ କିତେଏଁ, ସାମା ଏଝାରି  
ମନ ହୀଆତେରି □

୩୮ ଅଡ଼େ ମେହ୍‌ଦୁ ମୀ ମାହାପୁରୁ ଇଲୁ  
ମୀ କେୟୁତା ହୀପୁକି ଆହାମାଞ୍ଜାନେ □

୩୯ ଇତିହ~ ନାନ୍ତୁ ମିଙ୍ଗେ  
ଝେସିମାଞ୍ଜାଇଁ, ମାହାପୁରୁ ଦରୁଟି  
ଆମ୍ବାଆସି ଝାହିମାନେସି, ଏଝାସି  
ନେହାଁସି, ମୀରୁ ଏ କାତା ଜଲ୍‌ମାଆ  
ପାତେକା ନୀଞ୍ଜୁଟିଏ ନାଙ୍ଗେ ଅଡ଼େ  
ମେସୁଅତେରି □

### ୨୪

ମାହାପୁରୁ ଇଲୁ ନସ୍ତ ଆନି କାତା  
(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହତା  
ହାଜିମାଟାଟି ତାନି ସୀସୁୟାଁ ମାହାପୁରୁ  
ଇଲୁତି ବାରେ ଇଲକାଣି ତସାଲି ତାନି  
ତାଣା ଝାଡ଼େରି,

୨ ସାମା ଜୀସୁ ଏଝାରାଇଁ  
ଏଲେଇତେସି, “ମୀରୁ ଇ ବାରେ ମେସି  
ହିଲଅତେରି ? ନାନ୍ତୁ ମିଙ୍ଗେ ସାତା  
ଝେସିମାଞ୍ଜାଇଁ, ଇମ୍ବାଆଁ ମାନି ର ଝାଲି  
ଅର ଝାଲି ଲାକ ଡ଼ୟେଏ, ଇ ବାରେଏ  
ମେଣ୍‌ଜୀହାନ୍ତୁ □”

କସ୍ତ ଅଡ଼େ ନିନ୍ଦା ଝାନି କାତା  
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ  
କୁଗାଲିଏ, ତାନି ସୀସୁୟାଁ ମେଣେଏ  
ଝାହାନା ଝେତେରି, “ଇ ବାରେ ଏତେଲ୍‌  
ଆନେ, ଅଡ଼େ ନୀନ୍ତୁ ଝାନାୟି ଇଞ୍ଜା

\* ୨୩:୩୩ ୨୩:୩୩ ମାଡ଼ି ୩:୭; ୧୨:୩୪; ଲୁକ ୩:୭

† ୨୩:୩୪ ୨୩:୩୪ ସିନଗଗ



ଦୁଗୁ ରାଜି ଦିନାତି ସିନା ଏନାୟି ଏଦାଆଁ  
ମାଙ୍ଗେ ୱେସ୍ତାମୁ □”

୪ ଏମାଟିଏ ଜାସୁ ଏଞ୍ଜରାଈ  
ଏଲେଇଚେସି, “ଜାଗ୍ରାତା ଏନିକ  
ଆମ୍ବାଆରି ମିଙ୍ଗେ ନାଡ଼ି କିୟଅରି □

୫ ଇଚିହ୍ଁ ହାରେକା ନା ଦରୁତି  
ଝାହାନା ନାନୁ କ୍ରାସ୍ତେବ୍ଁ ଇଞ୍ଜି  
ଝେସାନା ହାରେକା ଲକୁଇଁ ନାଡ଼ି  
କିନେରି □

୬ ଅଡେ ମୀରୁ ଦୁଜୁତି କାତା ଇଞ୍ଜା  
ଦୁଜୁତା କାଲଝି ଆହିମାନି ଲକୁତି ହାଡ଼ା  
ଝେଞ୍ଜେରି; ଜାଗ୍ରାତା କିଲିବିଲି ଆଆଦୁ  
□ ଏନାଆଁତାକି ଇଚିହ୍ଁ ଇ ବାରେ  
ଆନାୟି ମାନେ, ସାମା ଏ କାଲା ଦୁଗୁ  
ରାନାୟି ଆଏ □

୭ ଇଚିହ୍ଁ ଦେସା କପାଟି ଦେସା,  
ଅଡେ ରାଜି କପାଟି ରାଜି ଗଡ଼ହା  
ନିଙ୍ଗନେ, ଇଞ୍ଜା ଆମ୍ବି ଆମ୍ବିୟା କାର୍ଝୁ  
ଆନେ, ଅଡେ ବୁମି ଝୀତିନେ □

୮ ସାମା ଇ ବାରେ କକାରି  
ପଦାୟା ବେଗାଆନାଟି ତଲିଏ ଲୁଞ୍ଜିନି  
ବୀସାଲେହେତାୟି □”

୯ \* “ଏଚିବେଲାତା ଲକୁ ମିଙ୍ଗେ କସ୍ତ  
ହିୟାଲି ହେରପାନେରି, ଇଞ୍ଜା ମିଙ୍ଗେ  
ପାୟାନେରି, ଇଞ୍ଜା ନା ଦରୁ ତାକି ମୀରୁ  
ବାରେ କୁଡ଼ାତି ଲକୁ ତାଣା ଅପାଆ  
ଗାଟାତେରି ଆଦେରି □

୧୦ ଏଚିବେଲା ହାରେକା ଲକୁ ତାନି  
ନାମୁତି ପିହ୍ନେରି, ଅଡେ ରଅସି  
ରଅଶାଈ ଆସ୍ତ୍ର କିଝି କିନେରି, ଅଡେ  
ରଅସି ରଅଶାଈ ଅପ୍ଝି ଆଅରି,

୧୧ ଅଡେ ହାରେକା ମାହାପୁରୁତି ମିତି  
ବଲୁ ଝେହ୍ନାରି ନିଙ୍ଗାନା ହାରେକା  
ଲକୁଇଁ ନାଡ଼ି କିନେରି,

୧୨ ଅଡେ ଲାଗେଏ ପଲେଏ କାମା  
ଗାଡ଼ି ଆଡ଼ିସାରେ, ହାରେକା ଲକୁତି  
ତାନି ଜୀଝୁନନାୟି ଉଶା ଆନେ □

୧୩ \*ସାମା ଆମ୍ବାଆସି ରାଜି ପାତେକା  
ସାସା ଆସାନା ତ୍ଝିନେସି ଏଞ୍ଜାସି  
ଗେଲ୍ପି ଆନେସି □

୧୪ ଅଡେ ବାରେ ଲକୁ ନକିତା  
ସାକି ଆହାଲିତାକି, ମାହାପୁରୁ ରାଜିତି  
ଇ ନେହ୍ଁ କାରୁ ବାରେ ଦାରତିତା  
ଝେପକିଆନେ, ତାୟୁ ଦୁଗୁ ରାନେ □”

ନାସାକିନି ଅପାଆଗାଟି କାତା  
(ମାର୍କ ୧୩:୧୪-୨୩; ଲୁକ ୨୧:୨୦-  
୨୪)

୧୫ “ଏଦାଆଁତାକି ମୀରୁ ଏଚିବେଲା  
ମାହାପୁରୁ ଅଣପୁତି ବଲୁ ଝେହ୍ନି  
ଦାନିୟେଲ ଝେସ୍ତ୍ର କାତାଲେହେଁ  
ନାସାକିନି ଅପାଆଗାଟି ଆସ୍ତ୍ର ସୁଦୁ  
ଟାୟୁତା ଇଟାମାନାଣି ମେହ୍ଦେରି”  
ପଡ଼ଝି ଆନାସି ଜାଗ୍ରାତା ଆହାନା  
ପୁଣ୍ଠେସି

୧୬ ଏଚିବେଲା ଆମ୍ବାଆରି ଜୀହୁଦା  
ରାଜିତା ମାନେରି, ଏଞ୍ଜାରି ହରକା ଲାକ  
ହଣ୍ଠାରି;

୧୭ \*ଆମ୍ବାଆସି ଇଲୁ ଲାକ ମାନେସି,  
ଏଞ୍ଜାସି ତାନି ଇଲୁ ବିତ୍ରା ଆସ୍ତ୍ର  
ତାକାହାଜାଲି ରେଟା ଝାଆପେସି;

୧୮ ଅଡେ ଆମ୍ବାଆସି ଗୁଡ଼ିୟାତା  
ମାନେସି, ଏଞ୍ଜାସି ତାନି ହିମ୍ପରି ଅହାଲି  
ଝେଣ୍ଠେ ହାଲାଆପେସି □

୧୯ ଏଚିବେଲାତା ପୁରାମାସା  
ଆହାମାନାଇ ଇଞ୍ଜା ପାଲୁ ଉବହିମାନାଇ  
ଆୟତା ଏଝି ଉଶେଏ କସ୍ତ ପାଣ୍ଠୁ,

୨୦ ସାମା ମୀ ହଣନାୟି ପେନି  
ବେଲାତା କି ଜମିନି ଦିନାତା ଆଆପେ,  
ଏଦାଆଁତାକି ପ୍ରାଡାନା କିଦୁ □

୨୧ \*ଇଚିହ୍ଁ ଏଚିବେଲାତା ଇଲେତି  
କସ୍ତ ଆନେ, ମାହାପୁରୁ ଦାରତିତି  
ଗାଡ଼ିକିତି ଦିନାଟିଏ ନୀଞ୍ଜୁପାତେକା  
ଏଲେକ୍ଁ ଆହା ହିଲେଏ, ଇଞ୍ଜା  
ଏଲେକ୍ଁ ଏଚେଲାଝା ଆଏ □

୨୨ ଅଡେ ମାହାପୁରୁ ଏ ବେଲାତି  
ଉଶା କିହା ହିଲାଆତିହ୍ଁ ମା;  
ଦାରତିତା ଆମ୍ବାଆସି ଜିକେଏ ଗେଲ୍ପି  
ଆଆତେସିମା, ସାମା ତାନି ଆଡ଼ିତି  
ଲକୁତାକି ଏ କସ୍ତ ଉଶା କିନେସି □

☆ ୨୪:୯ ୨୪:୯ ମାତି ୧୦:୨୨

☆ ୨୪:୧୩ ୨୪:୧୩ ମାତି ୧୦:୨୨

☆ ୨୪:୧୭ ୨୪:୧୭ ଲୁକ ୧୭:୩୧

☆ ୨୪:୨୧ ୨୪:୨୧ ଝେ ବଲୁ ୭:୧୪

୨୩ “ଏତିବେଳା, ‘ମେହଦୁ କ୍ରୀସ୍ତ ଇମ୍ବ୍ରାଆଁ ମାନେସି ଆଥାତ୍ ଏମ୍ବ୍ରାଆଁ ମାନେସି’ ଇଞ୍ଜିଆମ୍ବ୍ରାଆସି ମିଙ୍ଗେ ଏଲେକିହ୍ ଖେସ୍ତାନେସି ଇଚିହ୍ ଏଦାଆଁ ନାମାଆଦୁ □

୨୪ ଇଚିହ୍ ନାଡ଼ିକିନି କ୍ରୀସ୍ତୟାଁ ଅଡ଼େ ମାହାପୁରୁ ବଲ୍ଲୁ ମିଚି ଖେହ୍ନାରି ନିଙ୍ଗାନା ହାଡ଼େକା କାଜା ସିନା ଅଡ଼େ କାବାଆନ୍ତି କାମାୟାଁ ତହ୍ନେରି, ଆଡ଼ିତିହ୍ ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି □

୨୫ ମେହଦୁ ନାନୁ ମିଙ୍ଗେ ତଲିଏ ଖେସାମାଞ୍ଜାଇ □”

୨୬ \* “ଇଦାଆଁତାକି ‘ମେହଦୁ ଏଞ୍ଜାସି ବାଟାତା ମାନେସି’ ଇଞ୍ଜି ଲକୁ ଖେସ୍ତାତିହ୍ ହାଲାଆଦୁ; ‘ମେହଦୁ ବିତ୍ତା ବାକ୍ରାତା ମାନେସି’ ଇଞ୍ଜି ଖେସ୍ତାତିହ୍ ଏଦାଆଁ ନାମାଆଦୁ □

୨୭ ଇଚିହ୍ ହାଗୁ ମିହ୍ନି ବେଲାତି ଉଜେଡ଼ି ଏନିକ୍ ଖେଡ଼ା ହପୁ ଖାକିଚି ହଚାନା ଖେଡ଼ା କୁଡ଼ିନି ପାଡେକା ତଞ୍ଜାଆନେ, ଏଲେଆହ୍ ଏ ମାଣ୍ଡସି ମୀରଏସି ଖାନେସି □”

୨୮ \*ଏମ୍ବିୟା ମାଡ଼ହା ରିହାମାନେ ଏମ୍ବ୍ରାଆଁ ରାମ୍ବୋୟା ରୁଣ୍ଡା ଆନୁ □

ମାଣ୍ଡସି ମୀରଏସି ଖାନାୟି

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ \* “ସାମା ଏତିବେଲାତି କସ୍ତ ତାୟୁ ଦେବୁଣିଏ ଖେଡ଼ା ଆନ୍ଦେରି ଆନେ, ଅଡ଼େ ଲେଞ୍ଜୁ ଉଜେଡ଼ି ହୀଏ, ଅଡ଼େ ହାଗୁଚି ହୁକାୟାଁ ତରରିନୁ, ଇଞ୍ଜାଁ ହାଗୁ ଲାକତି ବାଡ଼ୟୁ ବାରେ ଖୀତିନେ □

୩୦ \*ଏତିବେଲା ହାଗୁ ଲାକତି ମାଣ୍ଡସି ମୀରଏଣି ସିନା ତଞ୍ଜାଆନେ, ଇଞ୍ଜାଁ ମାଣ୍ଡସି ମୀରଏଣାଇଁ କାଜା ବାଡ଼ୟୁ ଅଡ଼େ ଗାଞ୍ଜୁରମିଗାଚି ଉଜେଡ଼ି ତଲେ ହାଗୁଚି ଦୁନ୍ଦାଚି ଖାନାଣି ମେସାନା

ଦାରତିତି ବାରେ କୁଡ଼ାତି ଲକୁ ହାଡ଼େକା ଦୁକୁତଲେ ଡ଼ାନେରି □

୩୧ ଅଡ଼େ ଏଞ୍ଜାସି ତାଡ଼ି ମହ୍ନି ହାଡ଼ାତଲେ ତାନି ଦୁଡୁୟାଁଣି ପାଣ୍ଡିନେସି ଇଞ୍ଜାଁ ଏଞ୍ଜାରି ଦାରତି ମୁର୍ପେତି ହାନ୍ଦିଟିଏ ହାଗୁଲାକତି ମୁର୍ପେ ହାନ୍ଦି ପାଡେକା ସାରିଖାକିଚି ତାନି ଆବାମାନି ଲକୁଣି ରୁଣ୍ଡା କିନେରି □”

ତୟା ମାରନ୍ତୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାରନ୍ତୁ ପୁଣ୍ଡସି କିନି କାତାଚି ଜାପାଦୁ; ଏତିବେଲା କମାତା ଆକା ଗାଲ୍ଲନାଣି ମେସିହ୍ କାରାୟାଁ ଖେଡ଼ା ଖାଡେ ଇଞ୍ଜି ପୁଞ୍ଜେରି □

୩୩ ଏଲେକିହ୍ ଏ ମୀରୁ ଜିକେଏ ଇ ବାରେ ମେସିସାରେ ଏଞ୍ଜାସି ଦୁଖେରି ତାଗେ ମାନେସି ଇଞ୍ଜି ପୁଞ୍ଜେରି □

୩୪ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇ ବାରେ ଗଡ଼ି ଆଆପାଡେକା ଇ କାଲାତି ଲକୁ ଏନିଜିକେଏ ମେଣ୍ଡାଅରି □

୩୫ ହାଗୁପାକା ଦାରତି ବାରେ ମେଣ୍ଡାଜିନେ, ସାମା ନା ବଲ୍ଲୁ ଏଚେଲାଖା ମେଣ୍ଡାଜିଏ □”

ଖାନି ଦିନା ଅଡ଼େ ତଣ୍ଡୁତି ଆମ୍ବ୍ରାଆସି ପୁନଅସି

(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡୁତି କାତା ଆମ୍ବ୍ରାଆସି ପୁନଅସି, ଲାକପୁରୁତି ଦୁଡୁୟାଁ କି ମୀରଏସି ଜିକେଏ ପୁନଅସି, ଖାରଇ ଆବାଦେ ପୁନେସି □

୩୭ ଅଡ଼େ ନହ୍ ବେଲାତା ଏନିକ୍ ଆହାମାଚେ, ମାଣ୍ଡସି ମୀରଏସି ଖାନି ବେଲାତା ଏଲେକ୍ ଆନେ □

୩୮ ଇଚିହ୍ ଖାରୁ କୁପୁନି ନଡ଼େଏ, ନହ୍ ତଂଗତା ହଡ଼ିନି ଦିନା ପାଡେକା

\* ୨୪:୨୭ ୨୪:୨୭ ଲୁକ ୧୭:୨୩, ୨୪ \* ୨୪:୨୮ ୨୪:୨୮ ଲୁକ ୧୭:୩୭ \* ୨୪:୨୯ ୨୪:୨୯ ଖେ ବଲ୍ଲୁ ୭:୧୨; ଖେ ବଲ୍ଲୁ ୭:୧୩ \* ୨୪:୩୦ ୨୪:୩୦ ଖେ ବଲ୍ଲୁ ୧:୭

ଲକ୍ଷ୍ମୀ ଏନିକଂ ତିଞ୍ଜି ଉତ୍ତ୍ରିହଂ, ବୀହା  
 କିୟାଲି ବୀହା ହିୟାଲି ହେରାମାତେରି,  
 ୩୯ ଇଞ୍ଜା କାଜା ପିୟୁତଲେ ଖାରୁ  
 ଖାହାନା କୁପହା ଅନି ପାତେକା  
 ଏନିକଂ ଏଞ୍ଜାରି ପୁଞ୍ଜାହିଲାଆତେରି,  
 ମାଣ୍ଡସି ମୀରୁଏଣା ଖାନାୟି ଜିକେଏ  
 ଏଲେଆହଂ ଏ ଆନେ ।

୪୦ ଏତିବେଲାତା ରିଆରି ଗୁଡିୟାତା  
 ମାନେରି, ରଅସି ଅଞ୍ଜିଆନେସି ରଅସି  
 ଏମ୍ବାଆଁ ଡୟିନେସି ।

୪୧ ରୀ ଇୟାସିକା ଜେତାତା  
 ନୁୟଂ ମାନୁ ରଣ୍ଡି ଅଞ୍ଜିଆନେ ଅଡେ ରଣ୍ଡି  
 ଏମ୍ବାଆଁ ଡୟିନେ ।

୪୨ ଇଦାଆଁତାକି ଜାଗ୍ରାତା ଆହାନା  
 ମାଞ୍ଜୁ, ଏନାଆଁତାକି ଇଚିହଂ ମୀ ପ୍ରବୁ  
 ଆମିନି ଦିନା ଖାନେସି, ଏଦାଆଁ ମୀରୁ  
 ପୁଞ୍ଜାହିଲଅତେରି ।

୪୩ ଯାମା ଇଦାଆଁ ପୁଞ୍ଜାମାଞ୍ଜୁ,  
 ଆମିନି ନେକେରିତା ସରୁ ଖାନେସି,  
 ଏଦାଆଁ ସାଞ୍ଜୁକାରି ପୁଞ୍ଜାମାଚିହଂ ମା,  
 ଜାଗ୍ରାତା ଆହାନା ତାନି ଇଲୁତି କାତି  
 ତୁଡ଼ହାଲି ହାଆତେସିମା ।

୪୪ ଏଦାଆଁତାକି ମୀରୁ ଜିକେଏ  
 କାଚାନା ମାଞ୍ଜୁ, ଇଚିହଂ ଆମିନି  
 ବେଲାତା ମୀରୁ ଅଣ୍ଡପା ହିଲଅତେରି,  
 ଏ ବେଲାତା ମାଣ୍ଡସି ମୀରୁଏସି ଖାନେସି  
 ।

ତିକାଣା ଗାଟାସି ଅଡେ ତିକାଣା  
 ହିଲାଆଗାଟି ହଲେଏସି  
 (ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି  
 ଲକ୍ଷ୍ମୀତାକି, ରାନ୍ଦା କାରୁତା ରାନ୍ଦା  
 ହାହାଲି, ତାନି ଗୁମୁସ୍ତା ପାଣା  
 ଆମ୍ବାଆରାକି ହାହାମାନେସି, ଇଲେତି  
 ନାମୁ ଅଡେ ବୁଦିଗାଟି ଗୁମୁସ୍ତା  
 ଆମ୍ବାଆସି,

୪୬ ପ୍ରବୁ ଖାହାନା ତାନି ଆମିନି  
 ହଲେଏଣାଇଁ ଏଲେକିହଂ ମାନାଣାଇଁ  
 ମେହ୍ନେସି, ଏଞ୍ଜାସି ନେହାସି ।

୪୭ ନାନୁ ମିଜେ ସାତା ଖେସିମାଞ୍ଜାଇଁ,  
 ଏଞ୍ଜାସି ଏଞ୍ଜାଣାଇଁ ତାନି ବାରେ ଦନତି  
 ମୁହେଁ ଗୁମୁସ୍ତା କିନେସି ।

୪୮ ସାମା ଏ ହଲେଏସି ଲାଗେଏ  
 ପଲେଏତାସି ଆହାନା, ନା ସାଞ୍ଜୁକାରି  
 ଖାନାୟି ମାନେୟିଏ ଇଞ୍ଜା ତାନି ମନତା  
 ଅଣ୍ଡପାମା,

୪୯ ଏଞ୍ଜାସି ତାନି ତଲେତି  
 ହଲିୟାଙ୍ଗାଣି ଖେଚିହଂ, କାଡୁ  
 ଗହନାରି ତଲେ ତିଞ୍ଜିହଂ ଗସିହଂ  
 ମାନେସି,

୫୦ ଆତିହଂ ଆମିନି ନେରୁ ହଲେଏସି  
 କାଚାହିଲଅସି ଅଡେ ଏମିନି ବେଲା  
 ପୁଞ୍ଜାହିଲଅସି ଏ ଦିନା ଏ ବେଲାତା ତାନି  
 ପ୍ରବୁ ଖାନେସି ।

୫୧ ଇଞ୍ଜା ଏଞ୍ଜାଣାଇଁ ରୀ ବାଗା କିହଂ  
 ଦାଚାନା କୁଟୁ ଗାଟାରି ତଲେ ତାନି  
 ବାଗା କିନେସି; ଏମ୍ବାଆଁ ଡାନାୟି ଅଡେ  
 ପାଲ୍‌କା ଟୀଟି କିନାୟିମାନେ ।

## ୨୫

ଦସ ଜାଣା ଡାଆ ପଦାୟାତି  
 ପୁଣ୍ଡିକିନି କାତା

୧ ଏତିବେଲା ଲାକପୁରୁତି ରାଜି ଦସ  
 ଜାଣା ଡାଆ ପଦାୟା ଲେହେଁ ଆନେ;  
 ଏଞ୍ଜି ତାନି ଦୀଞ୍ଜିୟା ଆସାନା ବୀହା  
 ହନେଏଣାଇଁ ବେଟାଆହାଲି ହାରୁ ।

୨ ଏଞ୍ଜାସିକା ବିତ୍ତା ପାସା ଜାଣା ବୁଦି  
 ହିଲାଆଗାଟାଇଁ ଇଞ୍ଜା ପାସା ଜାଣା ବୁଦି  
 ଗାଟାଇଁ ମାରୁ ।

୩ ବୁଦି ହିଲାଆଗାଟାଇଁ ତାନି ଦୀଞ୍ଜିୟା  
 ଅଡୁ ସାମା ଏଟ୍‌କା ନିୟୁଁ ଅଆଡୁ,

୪ ସାମା ବୁଦି ଗାଟାଇଁ ତାନି ଦୀଞ୍ଜିୟା  
 ତଲେ ଗାଜୁତା ନିୟୁଁ ଅହଂ ହାରୁ ।

୫ ବୀହା ହନେଏସି ଖାନାୟି ଖେଡା  
 ଆୟାଲିଏ, ବାରେଜାଣା କଟଣି  
 ହଚିହଂ ତୁରାତୁସ୍ତୁ ।

୬ ସାମା ମାଦି ଲାଆୟା ମେହ୍ନୁ  
 ବୀହା ଦୀଞ୍ଜିୟାଏସି ଖାହିମାନେସି,  
 ବେଟାଆହାଲି ଖାଦୁ ଇଞ୍ଜା ର କାଜା  
 ହାଡା ଆଡେ ।

୭ ଏମ୍ବାଟିଏ ଡାଆସିକା ନିଜ୍ଞାନା ତାନି  
ଦୀର୍ଘୟା ପ୍ରତ୍ତୁ □

୮ ସାମା ବୁଦି ହିଲୀଆଗାଟାଇ  
ବୁଦିଗାଟି ଡାଆସିକାଣି ଏଲେଇରୁ, ମୀ  
ନିୟୁଁ ଇଗାଣି ଲାକା ମାଜେ ହିୟାଦୁ,  
ଇଚିହିଁ ମା ଦୀର୍ଘୟା ତୁମ୍ବାହାଜିମାନୁ □

୯ ସାମା ବୁଦିଗାଟାଇ ଏଲେଇରୁ, ଆଏ  
ମିଜେ ଅଡେ ମାଜେତାକି ନିୟୁଁ ଏବେଏ,  
ବାଜାରାତା ହାଜାନା ମିଜେତାକି ନିୟୁଁ  
କତା ତାଦୁ □

୧୦ ସାମା ଏଡ୍ରି ନିୟୁଁ କଡାଲି  
ହାଜିମାଗାଟି ହନେଏସି ଖାଡେସି; ଇଞ୍ଜା  
ଆମିନି ଗାଟାଇ ତିୟାରା ଆହାନା  
କାଟାମାରୁ, ଏଡ୍ରି ହନେଏଣା ତଲେ  
ବୀହା ବକ୍ତି ଇଲୁତା ହଟୁ, ଅଡେ ଦାରା  
ସୁଣ୍ଡିତେରି □

୧୧ ଏରେଟିଏ ତାୟୁ ଅର ଡାଆ  
ପଦାୟା ଜିକେଏ ଖାହାନା ଏଲେଇରୁ, ଏ  
ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ  
ଇଞ୍ଜା ହାଟିତୁ □

୧୨ ଏରେଟିଏ ବୀହା ହନେଏସି  
ଏଲେଇରେସି, “ନାନୁ ମିଜେ ସାତା  
ଖେସିମାଞ୍ଜାଇଁ, ନାନୁ ମିଜ ପୁଞ୍ଜାମାଞ୍ଜଅଁ  
□”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ  
ଦିନା କି ଏ ତଣ୍ଡ ଆମ୍ବାଆରି ପୁନଅରି □

ତାନି ଜାଣା ହଲିୟାଜାତି  
ପୁଣ୍ଡିକିନି କାତା

(ଲୁକ ୧୯:୧୧-୨୭)

୧୪ ଲାକପୁରୁ ରାଜି ଇଲେତାୟି,  
ଇଚିହିଁ ହେକ ରାଜି ହାଜିମାନି ର  
ମାଣସି, ଏଞ୍ଜାସି ତାନି ହଲିୟାଜାଣି  
ହାଟାନା ତାନି ଦନଡି ହେରପିଡେସି □

୧୫ ଏଞ୍ଜାସି ରଅଣାକି ପାସାମାଣା,  
ଅଡେ ରଅଣାକି ରୀ ମାଣା, ଇଞ୍ଜା  
ଅଡେ ରଅଣାକି ର ମାଣା ଇଲେକିହିଁ  
ବାରେତାକି ତାନି ଆଡିନି ବାଡୁୟୁ ତଲେ  
ହୀହାନା ହେକ ରାଜିତା ହାଡେସି □

୧୬ ଆମିନିଗାଟାସି ପାସାମାଣା ବେଟା  
ଆହାମାରେସି, ଏଞ୍ଜାସି ଏଞ୍ଜାଆଁ ଅହାନା

ବେବାରା କିହାନା ଅଡେ ପାସାମାଣା  
ଲାବା କିଡେସି □

୧୭ ଏଲେକିହିଁ ଏ ଆମିନିଗାଟାସି ରୀ  
ମାଣା ବେଟା ଆହାମାଟାସି ଏଞ୍ଜାସି  
ଜିକେଏ, ଅଡେ ରୀ ମାଣା ଲାବା  
କିଡେସି □

୧୮ ସାମା ଆମିନିଗାଟାସି ର ମାଣା  
ବେଟା ଆହାମାରେସି, ଏଞ୍ଜାସି ହାଜାନା  
ବୁଦି କାରୁହାନା ତାନି ସାଞ୍ଜୁକାରି  
ଟାକାୟାଣି ମୁସାନା ଡକୁହା ଇଚିଡେସି  
□

୧୯ ହାରେକା ଦିନା ହାଟି ତାୟୁ  
ଏ ହଲିୟାଜାତି ସାଞ୍ଜୁକାରି ଖାହାନା,  
ଏଞ୍ଜାରିତଲେ ଲେକା କିଡେସି □

୨୦ ଅଡେ ଆମିନିଗାଟାସି ପାସାମାଣା  
ବେଟା ଆହାମାରେସି, ଏଞ୍ଜାସି ଅଡେ  
ପାସାମାଣା ତାଟାନା ଏଲେଇରେସି,  
ପ୍ରବୁ ନୀନୁ ନାଜେ ପାସାମାଣା  
ହୀହାମାଞ୍ଜାତି; ମେହମୁ ନାନୁ ଅଡେ  
ପାସାମାଣା ଲାବା କିହାମାଇଁ □

୨୧ ତାନି ସାଞ୍ଜୁକାରି ତାଜେ  
ଏଲେଇରେସି, ଆୟାଲେତା ନେହିଁ  
ଟିକାଣାଗାଟି ହଲେଏଣାତି, ନୀନୁ ଉଣା  
କାମାତା ନାମୁ ଗାଟାଟି ଆହାମାଞ୍ଜି,  
ନାନୁ ନିଜ୍ଞ ହାରେକା କାଜା କାମାତା  
ହେରପାଇଁ, ନୀନୁ ନା ତଲେ ରାହାଁ  
କିହାଲି ଖାମୁ □

୨୨ ଅଡେ ଆମିନିଗାଟାସି ରୀ ମାଣା  
ବେଟା ଆହାମାରେସି, ଏଞ୍ଜାସି ଜିକେଏ  
ଖାହାନା ଏଲେଇରେସି, ଏ ପ୍ରବୁ ନୀନୁ  
ନାଜେ ରୀ ମାଣା ହୀହାମାଞ୍ଜାତି;  
ମେହମୁ ନାନୁ ଅଡେ ରୀ ମାଣା ଲାବା  
କିହାମାଇଁ □

୨୩ ତାନି ସାଞ୍ଜୁକାରି ଏଞ୍ଜାଣାଇଁ ଜିକେଏ  
ଏଲେଇରେସି, ଆୟାଲେତା ନେହିଁ  
ଇଞ୍ଜା ଟିକାଣାଗାଟି ହଲେଏଣାତି, ନୀନୁ  
ଉଣା କାମାତା ନାମୁ ଗାଟାଟି ଆହାମାଞ୍ଜି,  
ନାନୁ ନିଜ୍ଞ ହାରେକା କାଜା କାମାତା  
ହେରପାଇଁ, ନୀନୁ ନା ତଲେ ରାହାଁ  
କିହାଲି ଖାମୁ □

୨୪ ତାୟୁ ର ମାଣା ଟାକାୟାଁ ଅହାମାଟି  
ହଲେଏସି ଏଲେଇରେସି, ସାଞ୍ଜୁକାରି,

ନାନୁ ପୁଞ୍ଜାମାଈଁ, ନାନୁ ର ଆବୁଝା ହିୟାଁ  
ଗାଟାତି □ ମାଟାଆତି ବୁମିତା ନାନୁ  
ଦାଃଆନାତି □ ବିଚା ମାଟାଆନା ଆନାଁ  
କୃତି କିନାତି □

୨୫ ଏଦାଆଁତାକି ଆଜାହାଁ ନାନୁ ନା  
ଟାକାୟାଁଣି ବୁମିତା ମୁସାନା ତୁକୁହା  
ଇଚିତେଏଁ; ମେହୁମୁ ନୀ ଦନ ନାନୁ  
ବେଟାଆତି □

୨୬ ସାମା ତାନି ସାଝୁକାରି ଏଝାଣାଈଁ  
ଏଲେଇଚେସି, ଆଡେ ଲାଗେଏ ଅଡେ  
ନିସୁଗାଟି ହଲେଏଣାତି, ନାନୁ ଆମ୍ବିୟା  
ମାଟା ହିଲଅଁ ଏମ୍ବାଆଁ ଦାଃଆନାତେଏଁ,  
ଇଞ୍ଜା ଆମ୍ବିୟା ଆନାଁ ଉପହା ହିଲଅଁ  
ଏମ୍ବାଆଁ କୃତି କିନାତେଏଁ, ଇଦାଆଁ ନାନୁ  
ପୁଞ୍ଜାମାଟି ?

୨୭ ଆତିହୁଁ ବେବାରା କିନାରି ତାଣା  
ନା ଟାକାୟାଁ ନାନୁ ଇଚିନାୟି ମାଟେ;  
ଆତିହୁଁ ନାନୁ ଝାହାନା ଅତିତଲେ ନା  
ଦନ ନାନୁ ବେଟାଆଡେଏଁମା □

୨୮ ଇଦାଆଁତାକି ଇଝାଣି ତାଣାଟି ଇ  
ଟାକାୟାଁ ଅହାନା ଆନିନି ଗାଟାଣାକି ଦସ  
ମାଣା ମାନୁ ଏଝାଣାକି ହୀଦୁ □

୨୯ ଇଚିହୁଁ ଆମ୍ବାଆରାକି ମାନୁ,  
ଏଝାଣାକି ହୀପକିଆନେ, ଇଞ୍ଜା  
ଏଝାଣିଝାୟି ହାରେକା ଗାତିଆନେ;  
ସାମା ଆମ୍ବାଆରି ତାଣା ହିଲେଏ, ଏଝାଣି  
ତାଣା ଏନାୟି ମାନେ, ଏଦାଆଁ ଜିକେଏ  
ଏଝାଣି ତାଣାଟି ଅଝିଆନେ □

୩୦ \*ଅଡେ ମାରୁ ଇ କାମା କିଆଗାଟି  
ହଲେଏଣାଈଁ ପାଞ୍ଜାତି ଆନେରିତା  
ମେଡହା ତୁହୁଦୁ, ଏମ୍ବାଆଁ ଡାହୁଁ  
ପାଲ୍‌କା ଟାଟି କିନେସି □

ରାନି ବେଲାତି ନୀହାଁୟି

୩୧ \*ମାଣସି ମାରଏସି ଏଚିବେଲା  
ବାରେ ଦୁତୁୟାଁ ତଲେ ତାନି  
କାଜାପାଣାଟି ଝାନେସି, ଏଚିବେଲା  
ଏଝାସି ତାନି ଗାଝୁରମିଗାଟି  
ସିଂଗାସାଣିତା କୁଗିନେସି,

୩୨ ଇଞ୍ଜା ତାନି ନକିତା ବାରେ  
କୃତାତି ଲକୁଣି କୃତି କିଝିଆନେ, ଇଞ୍ଜା

ମେଣ୍ଡାୟାଁ ଗଡୁ ଏନିକଁ ଗରିୟାଁ  
ତାଣାଟି ମେଣ୍ଡାୟାଁଣି ଏଟକା କିନେସି,  
ଏଲେକିହୁଁ ଏଝାସି ଏଝାରାଈଁ ଏଟକା  
କିହାନା,

୩୩ ମେଣ୍ଡାୟାଁଣି ତାନି ଚିଃନି ଚଟତା  
ଇଞ୍ଜା ଗରିୟାଁଣି ତାନି ଚେବୁ ଚଟତା  
ଇଚିନେସି □

୩୪ ଏଚିବେଲା ରାଜା ତାନି ଚିଃନି  
ଚଟତି ଲକୁଣି ଏଲେଇନେସି, ଝାଦୁ  
ନା ଆବାତି ବର ବେଟା ଆନାତେରି,  
ମିଙ୍ଗେତାକି ଦାରତି ଗାଡ଼ି ଆଡ଼ି ଦିନାଟିଏ  
ଆନିନି ରାଜି ଗାଡ଼ି କିଝିଆହାମାନେ  
ଏମ୍ବାତି ଅଦିକାରା ଆଦୁ □

୩୫ ଇଚିହୁଁ ନାନୁ ହାକିଟି ମାଟେଏଁ,  
ମାରୁ ନାଙ୍ଗେ ତିଞ୍ଜାଲି ହିୟାତେରି;  
ଏସୁକିଟି ମାଟେଏଁ, ନାଙ୍ଗେ ଗସାଲି ଏୟୁ  
ହିୟାତେରି; ଏଟକା ମାଟେଏଁ ନାଙ୍ଗେ  
ଆଟହାତେରି;

୩୬ ନାରୁଡାଟି ମାଟେଏଁ ନାଙ୍ଗେ ହିମ୍ବୁରି  
ହୁଟି କିୟାତେରି; ନମେରି ମାଟେଏଁ  
ନାଙ୍ଗେ କେରହାତେରି; କାୟିଦିତା  
ମାଟେଏଁ ନାଙ୍ଗେ ବେଟି ଝାଡେରି □

୩୭ ଏମ୍ବାଟିଏ ଦାର୍ମୁଗାଟାରି ଏଝାଣାଈଁ  
ଏଲେଇନେରି, ଏ ପ୍ରଦୁ ଏଚେଲା ହାକିଟି  
ମାନାଣି ମେସାନା ନିଙ୍ଗେ ତିଞ୍ଜାଲି  
ହିୟାତମି ? ଏଚେଲା ଏସୁକି ଆଡାଣି  
ମେସାନା ଏୟୁ ହିୟାତମି ?

୩୮ ଅଡେ ଏଚେଲା ଏଟକା ମାଟାଣି  
ମେସାନା ଆଟହାତମି ? ଏଚେଲା  
ନାରୁଡା ମେସାନା ହିମ୍ବୁରି ହୁଟି କିୟାତମି  
?

୩୯ ଅଡେ ଏଚେଲା ନମେରିତା ଇଞ୍ଜା  
କାୟିଦି ମାନାଣି ମେସାନା ନୀ ତାଣା  
ଝାଡମି ?

୪୦ ଇଞ୍ଜା ରାଜା ଏଝାରାଈଁ  
ଏଲେଇନେସି, ନାନୁ ମିଙ୍ଗେ ସାତା  
ଝେସିମାଞ୍ଜାଈଁ, ମାରୁ ନା ଇ  
ଉଣା ତାୟିୟାଁଈଁ ରଅଣାଈଁ ଏନାଆଁ  
କିହାମାଞ୍ଜେରି ଏ ବାରେ ନାଙ୍ଗେତାକି  
କିହାମାଞ୍ଜାଦେରି □

୪୧ ଏମ୍ବାଟିଏ ତାନି ଚେବୁ ଦାରିତି

\* ୨୫:୩୦ ୨୫:୩୦ ମାତ୍ରି ୮:୧୨; ୨୨:୧୩; ଲୁକ ୧୩:୨୮ \* ୨୫:୩୧ ୨୫:୩୧ ମାତ୍ରି ୧୭:୨୭; ମାତ୍ରି ୧୯:୨୮

ଲକ୍ଷ୍ମୀ ଜିକେଏ ଏଲେଇନେସି, ଆଡେ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୁତୁୟାକି କିହାମାନି କାଲାକାଲା ଡ଼ାଞ୍ଜିମାନି ହିରୁ ଗାଡୁୟୁତା ହାକୁ □

୪୨ ଇତିହାସ ନାନୁ ହାକିଟି ମାଚେଏ ନାଜେ ତିଞ୍ଜାଲି ହିୟାଆତେରି; ଏସକିଟି ମାଚେଏ ନାଜେ ଗସାଲି ଏୟୁ ହିୟାଆତେରି;

୪୩ ଏଟକା ମାଚାଟି ନାଜେ ଆଟହାଆତେରି; ନାଗୁଡ଼ା ମାଚାଟି ନାଜେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାଚାଟି ନାଜେ କେରହାଆତେରି □

୪୪ ଏମାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାମୁ ନିଜେ ହାକି କି ଏସକି, ଏଟକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଜେ ସେବା କିୟାଆତମି ?

୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇନେସି, “ନାନୁ ମିଜେ ସାତା ଝେସିମାଞ୍ଜାଇଁ, ନା ଇ ଉଣା ଲକ୍ଷ୍ମୀ ବିତ୍ରାଟି ରଥଣାଇଁ କିହାହିଲାଆକି ନାଜେ କିହାମାଞ୍ଜଅତେରି □

୪୬ ଅଡେ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତୀରିଗାଟାରି କାଲାକାଲାତି ଜୀଞ୍ଜୁ ବେଟାଆନେରି □”

### ୨୨

ଜୀସୁ କପାଟି ପାରୁ ପାରିନାୟି  
(ମାର୍କ ୧୪:୧-୨; ଲୁକ ୨୨:୧-୨;  
ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପ୍‌ହାନା ତାନି ସୀସୁୟାଁଇଁ ଏଲେଇଚେସି,

୨ “ରାଇନି ଜେଟ ପିସ୍‌ପିଆନ୍ତି ପାରୁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣ୍‌ସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି □”

୩ ଏଟିବେଲାତା କାଜା ପୂଜେରାଞ୍ଜା ଅଡେ ଲକ୍ଷ୍ମୀ କାଜାରି କିୟାପା ଦରୁଗାଟି

କାଜା ପୂଜେରା ଆଂଗେଣିତା ରୁଣ୍ଡା ଆଡେରି,

୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରିଚେରି;

୫ ସାମା ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଇଚିହାଁ ଏଚେତା ଲକ୍ଷ୍ମୀ ଗଡ଼ହା କିନେରି □”

ବେତନିୟାତା ଜୀସୁ ତାୟିଁ ତୁ ନିୟୁଁ  
ଞ୍ଜାକ୍‌ନାୟି  
(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଚାଟି,

୭ ଯେ ଇୟା ର ଗାଡୁତା ହାଡେକା ଦାରାଗାଟି ଗାନ୍ଦା ନିୟୁଁ ତାଚାନା ଜୀସୁ ତାୟିଁ ତୁ ଞ୍ଜାକ୍‌ହେ □

୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁ ?

୯ ଇଦାଆଁ ହାଡେକା ଟାକାୟାତାକି ପାରପି ଆହାନା କାକୁଲି ଗାଟାରାକି ହିୟାଲି ଆଡେମା □”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସ୍ତ ହାହିମାଞ୍ଜେରି ? ଏଦି ନାଜେତାକି ହାଡେକା ନେହାଁ କାମା କିହାମାନେ □

୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ □

୧୨ ଇଞ୍ଜା ଏଦି ନା ଆଞ୍ଜାତା ନକେଏ ନିୟୁଁ ଞ୍ଜାକ୍‌ହାନା ମୁସାଲି ତାକି ନକେଏ ତିୟାରା କିହାମାନେ □

୧୩ ନାନୁ ମିଜେ ସାତା ଝେସିମାଞ୍ଜାଇଁ, ବାରେ ଦାରତିତା ଆମିନି ଟାୟୁତା ଇ ନେହାଁ କାରୁ ଝେପ୍‌କି ଆନେ, ଏମାଆଁ ଏ ଇୟାନି ଅଣ୍‌ପାଲି ଏଦାନି ଇ କାମା ଜିକେଏ ଝେସ୍‌ପି ଆନେ □”

☆ ୨୨:୨ ୨୨:୨ ଲୁକ ୭:୩୭,୩୮

ଜୀହ୍ୱଦା ଜୀହ୍ୱୁକ୍ ଆସ୍ପି କିହାଲି  
ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିଦ୍ରାଟି  
ଇସ୍ପାରିୟତ ଜୀହ୍ୱଦା ଦରୁଗାଟାସି  
କାଜା ପୂଜେରାଜା ତାଣା ହାଜାନା  
ଏଲେଇଚେସି,

୧୫ “ନାଜେ ଏନାଆଁ ହିୟାଦେରି  
ଝେସ୍ତାଦୁ ? ନାନୁ ଜୀହ୍ୱୁକ୍ ଆସ୍ପି  
କିୟାକ୍ □” ଏମ୍ବାଟିଏ ଏଝାରି ଏଝାଣାକି  
କଡେଦସ ଗଟା ଝେଣ୍ଡି ଟାକାୟା  
ଏଜିକିହାନା ହାତେରି □

୧୬ ଅଡେ ଏ ଦିନାଟିଏ ଏଝାସି ଜୀହ୍ୱୁକ୍  
ଏଝାରିତାଣା ହେର୍ପାଲି ତାକି ପାରୁ  
ପାରାଲି ମାଟ୍‌ହେସି □

ଜୀହ୍ୱୁ ଅଡେ ସୀସୁୟା ପିସ୍ପିଆନି  
ପାରୁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି  
ତିନି ପାରୁଟି ତଲିତି ଦିନାତା ସୀସୁୟା  
ଜୀହ୍ୱୁ ତାଣା ଝାହାନା ଝେଚେରି, “ମାୟୁ  
ଆମିନି ଗାୟୁତା ନିଜେତାକି ପିସ୍ପିଆନି  
ପାରୁଟି ବଜି କିନି ଇଞ୍ଜି ନାନୁ  
ଅଣ୍ଡିପାଞ୍ଜି ?”

୧୮ ଜୀହ୍ୱୁ ଏଲେଇଚେସି, “ମୀରୁ  
ଗାଡାତା ପାଲାଣା ଗାଟାଣି ତାଣା  
ହାଜାନା ଏଲେଇଞ୍ଜି, ମା ଗୁରୁ  
ଏଲେଇଞ୍ଜି ଝେସା ପାଣ୍ଡାଚେସି, ନା କାଟୁ  
ଏଦାଚେୟିଏ, ନାନୁ ନା ସୀସୁୟା ତଲେ  
ମୀ ଇଜ ପିସ୍ପିଆନି ପାରୁଟି ବଜି କିନି  
□”

୧୯ ଏମ୍ବାଟିଏ ସୀସୁୟା ଜୀହ୍ୱୁତି ହୁକୁମି  
ତଲେ କାମା କିହାନା ପିସ୍ପିଆନି ପାରୁଟି  
ବଜି କିଚେରି □

୨୦ ତାୟୁ ମିଡ଼ଅଲା ଆୟାଲିଏ ଜୀହ୍ୱୁ  
ବାରଜାଣା ସୀସୁୟା ତଲେ ବଜିତା  
କୁରିଚେସି □

୨୧ ଏଝାରି ତିଞ୍ଜିମାଟି ବେଲାତା ଜୀହ୍ୱୁ  
ଏଲେଇଚେସି, “ନାନୁ ମିଜେ ସାତା  
ଝେସିମାଞ୍ଜାକ୍, ମୀ ବିଦ୍ରାଟି ରଅସି  
ନାଜେ ସାତୁୟା କେୟୁତା ହେର୍ପାଚେସି  
□”

୨୨ ଏମ୍ବାଟିଏ ଏଝାରି ହାଚେରକା ଦୁକୁ  
ଆହାନା ରଅ ରଅସି ଜୀହ୍ୱୁକ୍ ଝେଚେରି,  
“ଏ ପ୍ରବୁ ଏଝାଚେଏଁ ନାନୁ କି ?”

୨୩ ଜୀହ୍ୱୁ ଏଲେଇଚେସି, “ନା ତଲେ  
ଆମ୍ବାଆସି ସାଡ଼ଝାତା କେୟୁ ପାରୁକି  
ମାନେସି, ଏଝାସି ନାଜେ ସାତୁୟା  
କେୟୁତା ହେର୍ପାଚେସି □

୨୪ ମାଣ୍ଡି ମୀରୁଏଣି କାତା ଏନିକ୍  
ରାସ୍‌କି ଆହାମାନେ ଏଲେକ୍  
କିହିମାନେସି ସାତା; ସାମା ଆମିନି  
ଲକୁ ତାଣାଟି ସାତୁ କେୟୁତା ହେର୍ପି  
ଆହିମାନେସି, ଆୟତା ଏଚେକା  
ଡଣ୍ଡ ବେଟା ଆନେସି; ଏଝାସି ଜାନା  
ଆହାହିଲାଆତିହ ଏଝାଣାକି ନେହେ  
ଆଡେମା □”

୨୫ ଏଚେଟିଏ ଆମିନି ଜୀହ୍ୱୁଦା,  
ସାତୁୟା କେୟୁତା ହେର୍ପିଚେସି,  
ଏଝାସି ଏଲେଇଞ୍ଜି ଇଚେସି, “ଏ ଗୁରୁ  
ଏଝାଚେଏଁ ନାନୁ କି ?”

ଜୀହ୍ୱୁ ଏଝାଣାକ୍ ଏଲେଇଚେସି,  
“ନାନୁତ ଏଲେ ଇଞ୍ଜିମାଞ୍ଜି □”

ପ୍ରବୁଟି ବଜି

(ମାର୍କ ୧୪:୨୨-୨୬; ଲୁକ ୨୨:୧୪-  
୨୦; ୧କର ୧୧:୨୩-୨୫)

୨୬ ଅଡେ ଏଝାରି ତିଞ୍ଜିମାଟି ବେଲାତା,  
ଜୀହ୍ୱୁ ରୁଟି ଅହାନା ମାହାପୁରୁକ୍  
ଜହରା କିଚେସି, ଇଞ୍ଜା ରୁଟି ଡିକ୍‌ହାନା  
ସୀସୁୟାକି ହାହାନା ଏଲେଇଚେସି,  
“ଇଦାଆଁ ଅଦୁ ଇଞ୍ଜା ତିଞ୍ଜୁ ଇଦି ନା  
ଆଜା □”

୨୭ ଅଡେ ଏଝାସି ଗହ୍‌ନି ସଲା  
ଆସାନା ମାହାପୁରୁକ୍ ଜହରା  
କିଚେସି ଇଞ୍ଜା ସୀସୁୟାକି ହାହାନା  
ଏଲେଇଚେସି; “ଇଦାଆଁ ବାରେଚେରି  
ଗହ୍‌ଦୁ”

୨୮ “ଇଚିହ୍ ଆମିନି ନେଚେରିତି  
ରାଜିମାନା ହାଚେରକା ଲକୁତାକି ପାପୁତି  
ମ୍ବେକ୍‌ହାଲି ଝାକ୍‌ହାମାନି ଇଦି ଏ ନା  
ନେଚେରି □

୨୯ ସାମା ନାନୁ ମିଜେ ଝେସିମାଞ୍ଜାକ୍,  
ଆମିନି ଦିନା ନା ଆଡାତି ରାଜିତା ମୀ  
ତଲେ ପୁଃନି ଅଜୁରି ରାସା ଗହ୍‌ଆ

ପାତେକା ନୀଞ୍ଜୁଟିଏ ଏଚେଲାଝା ଅଞ୍ଜୁରି  
ରାସା ଗହଅଁ □

୩୦ ଅଡ଼େ ଏଝାରି ଜହରା ପାରୁ ପାଟିତି  
ତାୟୁ ଜୀତ ହରୁତା ହଡ଼ା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି  
କାତା ତଲିଏ ଝେହନାୟି

(ମାର୍କ ୧୪:୨୭-୩୧; ଲୁକ ୨୨:୩୧-  
୩୪; ଜହ ୧୩:୩୭-୩୮)

୩୧ ଏଚିବେଲା ଜୀସୁ ଏଝାରାଇଁ  
ଏଲେଇଚେସି, “ନୀଞ୍ଜୁ ଲାଆଁୟାଁ  
ମୀରୁ ବାରେତେରି ନାଞ୍ଜେ ପିସାନା  
ହାଜାଦେରି, ଇଚିହଁ ରାସକି  
ଆହାମାନେ, ନାନୁ ମେଣ୍ଡାୟାଁ ଗଡ଼ୁ  
ଝେଇଁ ଅଡ଼େ ମାନ୍ଦାତି ମେଣ୍ଡାୟାଁ ଆଲାରା  
ଆହାହାନୁ □

୩୨ ସାମା ନାନୁ ହାହାନା ନିଜିତି  
ତାୟୁ ମୀ ନକିତା ଗାଲିଲିତା ହାଇଁ □

୩୩ ସାମା ପିତର ଜୀସୁଇଁ  
ଏଲେଇଚେସି, “ବାରେଜାଣା ନିଜେ  
ପିସାତିହଁ ଜିକେଏ, ନାନୁ କଡ଼େ  
ନିଜେ ଏଚେଲାଝା ପିସୁଅଁ □

୩୪ ଜୀସୁ ପିତରଇଁ ଏଲେଇଚେସି,  
“ନାନୁ ନିଜେ ସାତା ଝେସିମାଞ୍ଜାଇଁ,  
ନୀଞ୍ଜୁ ଲାଆଁୟାଁ କୟୁ କେଶିଆ  
ନକେଏ ନାନୁ ନାଞ୍ଜେ ତାନିପାଲି ନାନୁ  
ପୁଞ୍ଜାହିଲଅଁ ଇଞ୍ଜିଁ ଝେହଦି □

୩୫ ପିତର ଏଝାଣାଇଁ ଏଲେଇଚେସି,  
“ନାନୁ ନୀ ତଲେ ହାହାଲି ଆଡ଼ି ଜିକେଏ  
ନାନୁ ନିଜେ ଏଚେଲା ପୁଞ୍ଜାହିଲଅଁ  
ଇଞ୍ଜିଁ ଇନଅଁ!” ଇଞ୍ଜା ବାରେ ସୀସୁୟାଁ  
ଜିକେଏ ଏଲେଇଚେରି □

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-  
୪୭)

୩୬ ଏଚେଟିଏ ଜୀସୁ ତାନି ସୀସୁୟାଁ  
ତଲେ ଗେଡ଼ସିମନି ଇନି ର ଟାୟୁତା  
ହାଜାନା ଏଝାରାଇଁ ଏଲେଇଚେସି,  
“ନାନୁ ଏମ୍ପାଆଁ ହାଜାନା ପ୍ରାତାନା କିନି  
ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ □”

୩୭ ଅଡ଼େ ଏଝାସି ପିତର ଇଞ୍ଜା  
ଜେବଦିତି ରୀ ମୀରକାଣି ଅହାନା  
ହିୟାଁତା କିଲିବିଲି ଆଡ଼େସି,

୩୮ ଇଞ୍ଜା ଏଚିବେଲା ଏଝାରାଇଁ  
ଏଲେଇଚେସି, “ନୀ ଜୀସୁ ହାନିଲେହେଁ  
ହାଚେକା କିଲିବିଲି ହଡ଼ି ମାଞ୍ଜାନେ,  
ମୀରୁ ଇମ୍ପାଆଁ ଡ଼ୟାନା ନା ତଲେ  
କାଡ଼ିହଁ ମାଞ୍ଜୁ □”

୩୯ ଇଞ୍ଜା ଏଝାସି ହିରେ ହେକ  
ହାଜାନା ମୁନୁ କୁତାନା ପ୍ରାତାନା କିହିହଁ  
ଏଲେଇଚେସି, “ଏ ନା ଆଡ଼ା ଆତିହଁ  
ଇ ନା ଦୁକୁ କସ୍ତଗାଟି ସଲ୍ଲାତି ହେକ  
କିମ୍ପୁ; ସାମା ନା ମନ କଡ଼େ ଆଏ ନୀ  
କାଡ଼େଏ ଆପେ □”

୪୦ ଅଡ଼େ ଏଝାସି ସୀସୁୟାଁତାଣା  
ଝାହାନା ଏଝାରାଇଁ ଇଦା କିତାଣି  
ମେସ୍ତେସି ଇଞ୍ଜା ପିତରଇଁ ଏଲେଇଚେସି,  
“ମୀରୁ ନା ତଲେ ଗାଡ଼େକା ଜିକେଏ  
କାଟାଲି ଆଡ଼ାଆଡ଼େରି ?

୪୧ ପାନ୍ଦାତା ଏନିକଁ ହେର୍ଅଡ଼େରି,  
ଏଦାଆଁତାକି କାଟାହାଁ ପ୍ରାତାନା କିହି  
ମାଞ୍ଜୁ; ଇଚିହଁ ମନ ମାନେ ସାମା  
ଆଙ୍ଗାତା ବାଡ଼ୟୁ ହିଲେଏ □”

୪୨ ଅଡ଼େ ର ପାଲି ହାଜାନା ପ୍ରାତାନା  
କିହିହଁ ଏଲେଇଚେସି, “ଏ ନା ଆଡ଼ା  
ଇ ନା ଦୁକୁ କସ୍ତଗାଟି ସଲ୍ଲା ନା ତାଣାଟି  
ହେକ ଆହାଲି ଆଡ଼ାଆଡ଼ି, ନାନୁ ଏଦାଆଁ  
ଗହଇଁ ନା ମନ କଡ଼େ ଆଏ ନୀ କାଡ଼େଏ  
ଆପେ □”

୪୩ ଅଡ଼େ ଏଝାସି ଝାହାନା ଏଝାରାଇଁ  
ଇଦା କିହାମାନାଣି ମେସ୍ତେସି; ଇଚିହଁ  
ଏଝାରି କଟଣି ହଡ଼ି ମାଚେରି □

୪୪ ଏମ୍ପାଟିଏ ଏଝାସି ଏଝାରାଇଁ  
ପିସାନା ଅଡ଼େ ଝେଣ୍ଡେ ହାଜାନା ଅଡ଼େ  
ଏ ପ୍ରାତାନା ତାନିପାଲି ତାକି କିଡ଼େସି □

୪୫ ତାୟୁ ସୀସୁୟାଁ ତାଣା ଝାହାନା  
ଏଲେଇଚେସି, “ଗାଡ଼େକା ତୁରାନା  
ଜମାଦୁ, ଇଚିହଁ ମାଣସି ମୀରଏସି  
ପାପୁ ଗାଟାରି ତାଣା ହେର୍ପି ଆନିବେଲା  
ଏଦାଡ଼େୟିଏ □

୪୬ ନିଜାଦୁ ମାର ହାନ, ଇଞ୍ଜା  
ମେହଦୁ ଆମ୍ପାଆସି ନାଞ୍ଜେ ସାଡ଼ୁୟାଁ



କେମୁତା ହେଉପାରେସି, ଏଞ୍ଜେଲ୍ ତାଗେ  
ଝାଡ଼େସିଏ □”

ଜୀସୁଙ୍କ ସାତୁୟାଁ କେମୁତା  
ହେଉପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-  
୫୩; ଜହ ୧୮:୩-୧୨)

୪୭ ଜୀସୁ ଇ କାତା ଝେସିମାଟି  
ବେଲାତା, ମେହ୍‌ଦୁ, ବାରଜାଣା  
ସୀସୁୟାଁ ବିତ୍ତାଟି ଜୀହୁଦା ଦରୁଗାଟାସି  
ରଥସି ଇଞ୍ଜା ଏଞ୍ଜେଲ୍‌ତଲେ କାଜା  
ପୂଜେରାଜା ଅଡ଼େ ଲକ୍ଷୁଟି କାଜାରି  
ତାଣାଟି ପାଣ୍ଡୁଆହାମାନି ହାରେକା  
ଲକ୍ଷୁ କାଣ୍ଡାୟାଁ ଅଡ଼େ ବାଡ଼ଗାୟାଁ ଆସାନା  
ଝାଡ଼େତରି □

୪୮ ଜୀସୁଙ୍କ ସାତୁୟାଁ କେମୁତା  
ହେଉପିନାସି ଏଞ୍ଜେରାଙ୍କ ଇ ସିନା  
ଝେସାମାଚେସି, “ନାନୁ ଆମ୍ବାଆରାଙ୍କ  
ନଶ୍ଚିଙ୍କ ଏଞ୍ଜେସିଏ ଏଞ୍ଜେସି, ଏଞ୍ଜେଶାଙ୍କ  
ଆହ୍‌ଦେରି □”

୪୯ ଇଞ୍ଜା ଏଞ୍ଜେସି ଏ ଦେବୁଣିଏ ଜୀସୁ  
ତାଣା ଝାହାନା, “ଏ ଗୁରୁ ଜହରା  
ଇଚେସି” ଅଡ଼େ ଏଞ୍ଜେଶାଙ୍କ ହାରେକା  
ନଶ୍ଚିଚେସି □

୫୦ ସାମା ଜୀସୁ ଏଞ୍ଜେଶାଙ୍କ  
ଏଲେଇଚେସି, “ଏ ତଣେ ଏନାଆଁ  
କିହାଲି ଝାହାମାଞ୍ଜି ଏଦାଆଁ କିମ୍ପୁ □”

ଏମ୍ବାଟିଏ ଏଞ୍ଜେସି ତାଗେ ଝାହାନା  
ଜୀସୁଙ୍କ ଆସ୍ତେରି □

୫୧ ଅଡ଼େ ମେହ୍‌ଦୁ, ଜୀସୁତଲେ  
ମାଗାରି ବିତ୍ତାଟି ରଥସି କାଣ୍ଡା ହପ୍‌ହେସି  
ଇଞ୍ଜା କାଜା ପୂଜେରା ହଲେଏଶାଙ୍କ  
କିମ୍ପୁ ରାଡ଼ହେସି □

୫୨ ଏମ୍ବାଟିଏ ଜୀସୁ ଏଞ୍ଜେଶାଙ୍କ  
ଏଲେଇଚେସି, “ନୀ କାଣ୍ଡା ଝେଣ୍ଡେ ନୀ  
ପାଡ଼କାତା ଇଗାମ୍ପୁ, ଇଚିହ୍‌ ଆମ୍ବାଆରି  
କାଣ୍ଡା ଆହ୍‌ନେରି ଏଞ୍ଜେରି କାଣ୍ଡା ତଲେଏ  
ହାନ୍‌ନେରି □

୫୩ ନାନୁ ଏନାଆଁ ଅଣ୍‌ପିମାଞ୍ଜି,  
ନାନୁ ନା ଆବାଙ୍କ ବାଟିମାଲିତିହ୍‌ ଇ  
ଦେବୁଣିଏ ବାର ଗଟି ରିଜାରି କମ୍‌କା  
କିହାଁ ହାରେକା ଦୁତୁୟାଁଙ୍କ ପାଣ୍ଡୁଅସି ?”

୫୪ ଇଚିହ୍‌ ଇଲେକ୍‌ ସାଚେଏ  
ଆନ୍‌ନେ ଇଞ୍ଜାମାନି ଦାମ୍‌ପୁ ପତିତି କାତା  
ଏନିକ୍‌ ସାତା ଆନ୍‌ନେ ?

୫୫ ଏଚେଟିଏ ଜୀସୁ ମାନ୍‌ଦା ଲକ୍ଷୁଣି  
ଏଲେଇଚେସି, ତଂଗା ଗାଟାରାଙ୍କ  
ଆହ୍‌ନିଲେହେଁ କାଣ୍ଡାୟାଁ ଅଡ଼େ  
ଚେକାୟାଁ ଆସାନା ମୀରୁ ନାକ୍‌କେ  
ଆସାଲି ଝାହାମାଞ୍ଜେରି ? ନାନୁ  
ବାରେଦିନା ମାହାପୁରୁ ଇଲୁତା କୁଗାନା  
ଜାପ୍‌ହି ମାଚେଏଁ, ସାମା ମୀରୁ ନାକ୍‌କେ  
ଆସ୍ତାଆଚେରି □

୫୬ ସାମା ମାହାପୁରୁ ଅଣ୍‌ପୁଟି ବଲୁ  
ଝେହ୍‌ନାରି ରାଟିତି ସାସ୍ତେରି କାତା  
ଏନିକ୍‌ ସାତା ଆନ୍‌ନେ, ଏଦାଆଁତାକି  
ଇ ବାରେ ଆହିମାନ୍‌ନେ □ ଏଟିବେଲା  
ବାରେଜାଣା ସୀସୁୟାଁ ଏଞ୍ଜେଶାଙ୍କ ପିସାନା  
ହଟାଡ଼ୁସ୍ତେରି □

ବେରଣିମାଣ୍ଡାତା ଜୀସୁଟି ନାହାଁୟି

(ମାର୍କ ୧୪:୫୩-୬୫; ଲୁକ  
୨୨:୫୪,୫୫,୬୩-୭୧; ଜହ ୧୮:୧୩-  
୧୪,୧୯-୨୪)

୫୭ ତାୟୁ ଏନିନିଗାଟାରି ଜୀସୁଙ୍କ  
ଆସାମାଚେରି, ଏଞ୍ଜେରି ଜୀସୁଙ୍କ କମ୍‌ପା  
ଇନି କାଜା ପୂଜେରା ନକିତା ଅଡ଼େତରି;  
ଏ ଚାୟୁତା ମୋରାପୁନାରି ଅଡ଼େ ଲକ୍ଷୁଟି  
କାଜାରି ରୁଣ୍ଡା ଆହାମାଚେରି □

୫୮ ସାମା ପିତର ହେକ ତୁୟାନା  
କାଜା ପୂଜେରା ଆଂଗେଣି ପାଚେକା  
ଏଞ୍ଜେରି ଜେଟ ହାଚେସି, ଇଞ୍ଜା ତାୟୁ  
ଏନି ଆନ୍‌ନେ, ଏଦାଆଁ ସିନିକିହାଲି ଏଞ୍ଜେସି  
ବିତ୍ତା ହାଜାନା ଜାମାନାକା ତଲେ  
କୁଗାମାଚେସି □

୫୯ ଏମ୍ବାଟିଏ କାଜା ପୂଜେରାକା ଅଡ଼େ  
ବାରେ ବେରଣି ମାଣ୍ଡାତାରି ଜୀସୁଙ୍କ  
ପାୟାଲି ଏଞ୍ଜେଣି କପାଟି ମିଟି ସାକିୟାଁ  
ପାରିଚେରି,

୬୦ ଇଞ୍ଜା ହାରେକା ସାକିୟାଁ ଝେସି  
ଜିକେଏ, ଏଞ୍ଜେଣି ଏନି ଦହ ପୁଞ୍ଜାଆଚେରି  
□ ଇଞ୍ଜା ତାୟୁ ରିଆରି ନିଗାନା  
ଝେସ୍ତେରି,

୭୧ \*ଇଝାସି ଏଲେଇଞ୍ଜାମାରେସି,  
“ନାନୁ ମାହାପୁରୁତି ଇଲୁ ତିକହାନା  
ତାନି ଦିନାଟିଏ କେପାଲି ଆଡିଇଁ”

୭୨ ଏମ୍ବାଟିଏ କାଜା ପୂଜେରା  
ନିଙ୍ଗାନା ଏଲେଇରେସି, “ନୀ କପାଟି  
ଜଲିମାନାରାକି ଖେଣ୍ଡେ ଖେସାଲି ନୀ  
ଏନି କାତା ହିଲେଏ କି?”

୭୩ ସାମା ଜୀସୁ ପାଲେଏ ଆହାନା  
ଡ଼ୟିତେସି □ ଏମ୍ବାଟିଏ କାଜା ପୂଜେରା  
ଜୀସୁଇଁ ଏଲେଇରେସି, “ନାନୁ ଜୀସୁତି  
ମାହାପୁରୁ ଦରୁତଲେ ପାରମାଣା  
କିଝି କିହାନା ଖେଞ୍ଜିମାଞ୍ଜାଇଁ, ନାଙ୍ଗେ  
ଖେସ୍ତାମ୍ବୁ, ନାନୁ ସାତେଏ ମାହାପୁରୁ  
ମାରଏଣାତି କ୍ରୀସୁତିକି?”

୭୪ ଜୀସୁ ଏଝାଣାଇଁ ଏଲେଇରେସି,  
“ନାନୁତ ଖେସିମାଞ୍ଜି; ଅଡେ ନାନୁ ନିଙ୍ଗେ  
ଖେସିମାଞ୍ଜାଇଁ, ନୀଞ୍ଜୁଟିଏ ମାରୁ ମାଣ୍ଡି  
ମାରଏଣାଇଁ ବାଡ଼ୟୁଗାଟି ମାହାପୁରୁ  
ଟିଝନିଝାକି ନିରାମାନାଣି ଅଡେ ହାରୁ  
ଦୁନ୍ଦ୍ରୀଟି ଖାନାଣି ମେହଦେରି □”

୭୫ ଏମ୍ବାଟିଏ କାଜା ପୂଜେରା ତାନି  
ହିମ୍ବୁରି ଗେସାନା ଏଲେଇରେସି,  
“ଇଝାସି ମାହାପୁରୁ ନିନ୍ଦା କିହିମାନେସି,  
ଇଞ୍ଜା ମାଙ୍ଗେ ଅଡେ ଏନି ସାକିୟାଁ  
ଲଡ଼ାମାନେ ? ମେହଦୁ ନୀଏଁ ଜିକେଏ  
ମାହାପୁରୁ ନିନ୍ଦା କିତାଣି ଖେରେରି,

୭୬ ମୀ ଅଣ୍ପୁତା ଏନାୟି ମାନେ ?”  
ଏମ୍ବାଟିଏ ଏଝାରି ଏଲେଇରେରି ଏଝାସି  
ହାନି ତଣ୍ଡ ପାଣାନାୟି ମାନେ □

୭୭ ଏରିବେଲା ଏଝାରି ଏଝାଣି ମୁମ୍ବୁଡ଼ା  
ହୁପିତେରି, ବିଦା ଖେତେରି; ଇଞ୍ଜା  
ଆମ୍ବା ଆମ୍ବାଆରି ସାପ୍ଡା ଖେଚାନା  
ଏଲେଇରେରି,

୭୮ “ଏ କ୍ରୀସୁ ନାନୁସାଁ ମାହାପୁରୁ  
ଅଣ୍ପୁତି ବଲୁ ଖେହନାତି, ମାଙ୍ଗେ  
ଖେସ୍ତାମ୍ବୁ ନିଙ୍ଗ ଆମ୍ବାଆସି ଖେତାତେସି  
□”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜୁ  
ଇନାୟି

(ମାର୍କ ୧୪:୨୭-୨୭; ଲୁକ ୨୨:୫୭-  
୨୭; ଜହ ୧୮:୧୫-୧୮, ୨୫-୨୭)

୭୯ ଏମ୍ବାଟିଏ ପିତର ପାଙ୍ଗାତି  
ଆଂଗେଣିତା କୁଗାମାରେସି, ଇଞ୍ଜା  
ର ହଲେଣି ପିତର ତାଗେ ଝାହାନା  
ଏଲେଇରେ, “ନାନୁ ଜିକେଏ ଗାଲିଲିତି  
ଜୀସୁତଲେ ମାତି □”

୮୦ ସାମା ଏଝାସି ବାରେତି ନକିତା  
“ନାନୁ ଏଝାଣାଇଁ ପୁଞ୍ଜାହିଲଅଁ ନାନୁ  
ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ  
□”

୮୧ ଅଡେ ପିତର ଆଂଗେଣି  
ଦୁଝେରିତା ହାଜାଲିଏ ଅଡେ ର ହଲେଣି  
ଏଝାଣାଇଁ ମେସାନା ଏ ଟାୟୁତି ଲକୁଣି  
ଏଲେଇରେ, “ଇଝାସି ନାଜରିତ  
ଜୀସୁତଲେ ମାରେସି □”

୮୨ ପିତର ପାରମାଣା କିହାନା  
ଅଡେ ଏଲେଇରେସି, “ନାନୁ ଏଝାଣାଇଁ  
ପୁଞ୍ଜାହିଲଅଁ □”

୮୩ ଅଡେ ର ଗାଡ଼େକା ହାଜାଲିଏ  
ଦାରିତା ନିରାମାଗାରି ପିତର ତାଗେ  
ଝାହାନା ଏଝାଣାଇଁ ଏଲେଇରେରି,  
“ନାନୁ ଜିକେଏ ସାତେଏ ଏଝାରି ବିତ୍ରାଟି  
ରଅତି, ଇଚିହଁ ନୀ ହାଡ଼ାଟି ପୁଣ୍ଡି  
ଆହିମାନେ □”

୮୪ ଏମ୍ବାଟିଏ ପିତର ପାରମାଣା ଅଡେ  
ବାକା ଇଚିହଁ ଏଲେଇରେସି, “ନାନୁ  
ଏଝାଣାଇଁ ପୁଞ୍ଜାହିଲଅଁ □”

ଏ ଦେବୁଣିଏ କୟୁ କେଶତେ □

୮୫ ଏରେଟିଏ “କୟୁ କେଶଆ  
ନକେଏ ନାଙ୍ଗେ ତାନି ପାଲି ପୁଞ୍ଜାହିଲଅଁ  
ଇଞ୍ଜାଦି” ଇଞ୍ଜୁ ଜୀସୁ ଖେସ୍ତ୍ର ଇ କାତା  
ପିତର ଅଣ୍ପୁତା ଝାଡେ, ଇଞ୍ଜା ଏଝାସି  
ପାଙ୍ଗାତା ହାଜାନା ହାରେକା କିଲିବିଲି  
ଦୁକୁଆହଁ ତୀତେସି □

# ୨୭

ପିଲାତ ନକିତା ଜୀସୁ  
(ମାର୍କ ୧୫:୧; ଲୁକ ୨୩:୧-୨; ଜହ  
୧୮:୨୮-୩୨)

୧ ଲାଇ ଖେୟାଲିଏ ବାରେ କାଜା  
ପୂଜେରାଙ୍ଗା, ଇଞ୍ଜା ଲକୁତି କାଜାରି

\* ୨୭:୭୧ ୨୭:୭୧ ଜହ ୧:୧୯

ଜୀସୁଙ୍କ ପାୟାଲି ଏଞ୍ଜାଣି କପାଟି କାତା  
ଆଡେତରି,

୨ ଇଞ୍ଜା ଏଞ୍ଜାରି ଏଞ୍ଜାଣାଇଁ ଦସା  
ଅହାନା ପିଲାତ ଇନି ସାଲଞ୍ଜି କିନାଣି  
ତାଣା ହେରପିତେରି □

ଇସ୍ପାରିୟତ ଜୀହୁଦା ହାନାୟି  
(କାମା ୧:୧୮-୧୯)

୩ \*ଏଚିବେଲା ଜୀସୁଙ୍କ ସାତୁ କେୟୁତା  
ହେରପିତି ଜୀହୁଦା, ଜୀସୁ ହାନି ତଣ୍ଡ  
ବେଟା ଆହାମାନେସି ଇଞ୍ଜା ପୁଞ୍ଜାନା,  
ଜୀହୁତା ଅଣ୍ଡପାନା କାଜା ପୂଜେରାଜା  
ଅଡେ ଲକ୍ଷୁତି କାଜାରି ତାଣା ଏ  
କଡେଦସ ଟାକା ଖେଣ୍ଡେ ତାଗାନା  
ଏଲେଇଚେସି,

୪ “ନାନୁ ଦହ ହିଲାଆଗାଟାଣି  
ନେତେରି ହେରପାନା ପାପୁ କିହାମାଇଁ  
□”

ସାମା ଏଞ୍ଜାରି ଏଲେଇଚେରି, “ମାଦି  
ଏମ୍ବାଆଁ ଏନାୟି ମାନେ ? ଏଦାଆଁ ନାନୁ  
ଅଣ୍ଡପାପୁ □”

୫ ଏମ୍ବାଟିଏ ଏଞ୍ଜାସି ଟାକାୟାଣି  
ମାହାପୁରୁ ଇଲୁ ବିତ୍ରା କୁତାତୁସାନା  
ହାଚେସି, ଇଞ୍ଜା ହାଜାନା ହେରକି ଲେଜା  
ହାଡେସି □

୬ ସାମା କାଜା ପୂଜେରାଜା ଏ  
ଟାକାୟାଁ ଅହାନା ଏଲେଇଚେରି,  
“ଇଞ୍ଜାଆଁ ମାହାପୁରୁ ଇଲୁତି ଦନ ତଲେ  
ଇଟିନାୟି ମେରା ହିଲେଏ, ଇଟିହ  
ଇଞ୍ଜି ନେତେରିଟି ଟାକାୟାଁ □”

୭ ଇଞ୍ଜା ଏଞ୍ଜାରି କାତା ଆହାନା  
ଏଟକା ଦେସାତି ଲକ୍ଷୁତି ମାଡହା ମୁହନି  
ଟାୟୁ ତାକି ଏ ଟାକାୟାଁ ହାହାନା ର  
କୁମ୍ବେ\_ଏଣା ବୁମି କଡିତେରି □

୮ ଏଦାଆଁତାକି ନୀଞ୍ଜୁପାତେକା ଏଦାନି  
“ନେତେରି ବୁମି” ଇଞ୍ଜା ଇନେରି □

୯ ଏମ୍ବାଟିଏ ମାହାପୁରୁ ଅଣ୍ଡପୁତି ବଲୁ  
ଖେହନି ଜିରିମିୟ ତାଣାଟି ରାଟିତି  
ଇ କାତା ସାତା ଆଡେ, ଇସ୍ପାୟେଲ  
ମୀରକା ଆମ୍ବାଆରି ତାକି ଏଚେକା  
ଲେକା ହାନାୟି ମାନେ, ଏଞ୍ଜାଣି  
ଲେକାତଲେ ଏ କଡେଦସ ଟାକା  
ଅହାନା,

୧୦ ନା. ତାକି ମାହାପୁରୁତି ହୁକୁମି  
ଲେହେଁ କୁମ୍ବେ\_ଏଣା ବୁମି ତାକି  
ହୀତେରି □

ପିଲାତ ଜୀସୁଙ୍କ ଖେନାୟି  
(ମାର୍କ ୧୫:୨-୫; ଲୁକ ୨୩:୩-୫;  
ଜହ ୧୮:୩୩-୩୮)

୧୧ ଏମ୍ବାଟିଏ ସାଲଞ୍ଜି କିନାଣି ନକିତା  
ଜୀସୁଙ୍କ ନିପ୍ତହେରି, ଇଞ୍ଜା ସାଲଞ୍ଜି  
କିନାସି ଏଞ୍ଜାଣାଇଁ ଖେଚେସି, “ନାନୁ  
ଜୀହୁଦି ଲକ୍ଷୁତି ରାଜାତି ?”

ଜୀସୁ ଏଲେଇଚେସି, “ନାନୁତ ଏଲେ  
ଇଞ୍ଜିମାଞ୍ଜି □”

୧୨ ସାମା କାଜା ପୂଜେରାଜା ଇଞ୍ଜା  
ଲକ୍ଷୁତି କାଜାରି ଏଞ୍ଜାଣି କପାଟି  
ଖେସାଲିଏ, ଜୀସୁ ଏନାଆଁ ଇନାଆଡେସି  
□

୧୩ ଏଚେଟିଏ ପିଲାତ ଏଞ୍ଜାଣାଇଁ  
ଏଲେଇଚେସି, “ଇଞ୍ଜାରି ନୀ କପାଟି  
ହାଡେରକା କାତା ଖେସିମାନେରି, ଏଦାଆଁ  
ଖେଞ୍ଜି ହିଲଅତି କି ?”

୧୪ ସାମା ଏଞ୍ଜାସି ର କାତା ଜିକେଏ  
ଏଞ୍ଜାଣାଇଁ ଜଲ୍ଲାଆଡେସି, ଏମ୍ବାଟିଏ  
ସାଲଞ୍ଜି କିନାସି ହାଡେରକା କାବା ଆଡେସି  
□

ଜୀସୁତି ହାନି ତଣ୍ଡ  
(ମାର୍କ ୧୫:୬-୧୫; ଲୁକ ୨୩:୧୩-  
୨୫; ଜହ ୧୮:୩୯; ୧୯:୧୭)

୧୫ ପିସ୍ପିଆନି ପାର୍ବୁ ବେଲାତା ଲକ୍ଷୁ,  
ଆମିନି କାୟିଦିତା ଇଟାମାନାରାଇଁ  
ରାସିମାଚେରି ଏଞ୍ଜାଣାଇଁ ପିସାଲି ସାଲଞ୍ଜି  
କିନାଣି ମେରା ମାଚେ □

୧୬ ଏଚିବେଲା ଏଞ୍ଜାରି ବାରବା  
ଦରୁଗାଟି ର କାଜା ଖେଞ୍ଜିଟି କାୟିଦି  
ଗାଟାସି ମାଚେସି □

୧୭ ଏଦାଆଁତାକି ଏଞ୍ଜାରି ରୁଣ୍ଡା  
ଆହାମାନି ବେଲାତା ପିଲାତ  
ଏଞ୍ଜାରାଇଁ ଖେଚେସି, ନାନୁ ମିଙ୍ଗେତାକି  
ଆମ୍ବାଆରାଇଁ ପିସାହିୟାଇଁ ଇଞ୍ଜା ମୀରୁ  
ମନ କିହିମାଞ୍ଜେରି ? ବାରବାଇଁ କି  
ଆମ୍ବାଆରାଇଁ କ୍ରୀସ୍ତ ଇଞ୍ଜା ମାଞ୍ଜେରି  
ଏ ଜୀସୁଙ୍କ ?

\* ୨୭:୩ ୨୭:୩ କାମା ୧:୧୮, ୧୯

୧୮ ଇତିହାସ ଏଞ୍ଜାରି ଏଞ୍ଜାଣାଇଁ କପାଟି ହେରପା ମାନେରି ଇଞ୍ଜା ପିଲାତ ପୁଞ୍ଜାମାତେସି □

୧୯ ଇଞ୍ଜା ପିଲାତ ନାହାଁୟି କିନି ଚାନ୍ଦୁତା କୁଟାମାଚାଟି ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ଭୁଗାଟି ମାଣସିଇଁ ଏନାଆଁ କିଆନି, ଇତିହାସ ଏଞ୍ଜାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସ୍ତ ଆହାମାଇଁ □”

୨୦ ସାମା କାଜା ପୂଜେରାଜା ଅଡ଼େ ଲକ୍ଷ୍ମି କାଜାରି, ବାରବାଇଁ ରୀସାଲି ଇଞ୍ଜା ଜୀସୁଇଁ ନାସା କିହାଲି ଲକ୍ଷ୍ମି ଜୀସୁହେରି □

୨୧ ସାମା ପିଲାତ ଏଞ୍ଜାରାଇଁ ଏଲେଇଚେସି, “ନାନୁ ଇ ରିଆରି ବିଦ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜା ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇଚେରି, “ବାରବାଇଁ □”

୨୨ ପିଲାତ ଏଞ୍ଜାରାଇଁ ଖେଚେସି, ଆତିହାସ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇ ?

ଏଞ୍ଜାରି ବାରେଜାଣା ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକଦୁ □”

୨୩ ସାମା ପିଲାତ ଖେଚେସି, “ଏନାଆଁତାକି, ଏଞ୍ଜାସି ଏନି ଦହ କିହାମାନେସି ?”

ସାମା ଏଞ୍ଜାରି ହାରେକା କାଲଞ୍ଜି ଆହା ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକଦୁ □”

୨୪ ଏଚିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏଚିବେଲା ଲକ୍ଷ୍ମି ନକିତା ଏୟୁ ଅହାନା କେସ୍ତା ନରହାଁ ଏଲେଇଚେସି, “ଇଞ୍ଜାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜୁ □”

୨୫ ଏମ୍ବାଟିଏ ବାରେ ଲକ୍ଷ୍ମି ଏଲେଇଚେରି, “ଏଞ୍ଜାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଖାପେ □”

୨୬ ଏମ୍ବାଟିଏ ପିଲାତ ଏଞ୍ଜାରାକି ବାରବାଇଁ ପିସା ହାତେସି, ଇଞ୍ଜା ଜୀସୁଇଁ

ସାଟୁଣି ଖେଚାନା ପାସି ମୁଣ୍ଡାତା ଏକହାଲି ହେରପିତେସି □

କସ୍ତା ଜୀସୁଇଁ ନିନ୍ଦାକିହାଁ କାକନାୟି

(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲଞ୍ଜି କିନାଣି କସ୍ତା ଜୀସୁଇଁ ମେଡା ଇଲୁ ବିଦ୍ରା ଅହାନା ବାରେ କସ୍ତା ଏଞ୍ଜାଣି ନକିତା କୁଡା ଆଡେତରି □

୨୮ ଇଞ୍ଜା ଏଞ୍ଜାରି ଏଞ୍ଜାଣି ହିମ୍ବୁରି ହୁକହାନ୍ଦା ଏଞ୍ଜାଣାଇଁ ହେୟାଁ ଖାଣାଗାଟି ହିମ୍ବୁରି ହୁଚିକିତେରି,

୨୯ ଇଞ୍ଜା ହାପୁକା ଟପେରି ଆଲାନା ଏଞ୍ଜାଣି ତାୟୁଁ ତୁ ଇଚିତେରି ଅଡ଼େ ଏଞ୍ଜାଣି ଚିଃନି କେନ୍ଦୁତା ର ବାଡ଼ଗା ଆସପି କିତେରି, ଇଞ୍ଜା ଏଞ୍ଜାଣି ନକିତା ମେଣ୍ଡା କୁତିହାଁ “ଏ ଜୀସୁଦି ଲକ୍ଷ୍ମି ରାଜା ଜହରା” ଇଞ୍ଜା ଲାଜାକିହାଁ କାକହେରି □

୩୦ ଅଡ଼େ ଏଞ୍ଜାଣିଲାକ ହୁପିତେରି, ଅଡ଼େ ଏ ବାଡ଼ଗା ଆସାନା ଏଞ୍ଜାଣି ତାୟୁଁ ତୁ ଖେଚେରି □

୩୧ ଅଡ଼େ ଏଞ୍ଜାରି ଏଞ୍ଜାଣାଇଁ ଲାଜାକିହାଁ କାକହି ତାୟୁ, ଏ ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଚିକିତେରି, ଇଞ୍ଜା ଏଞ୍ଜାଣାଇଁ ପାସି ମୁଣ୍ଡାତା ଏକହାଲି ଅଡେତରି □

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହ ୧୯:୧୭-୨୭)

୩୨ ଏଞ୍ଜାରି ହାଜିମାଚାଟି ସିମନ ଦରୁଗାଟି ର କୁରିଣି ଦେସାତି ଲକ୍ଷ୍ମି ମେସାନା ଜୀସୁତି ପାସିମୁଣ୍ଡା ଡେକାଲି ଏଞ୍ଜାଣାଇଁ ବାଲାମାତମି କିତେରି □

୩୩ ଇଞ୍ଜା ଏଞ୍ଜାରି ଗଲ୍ଗତା ଇନି ଚାନ୍ଦୁତା ଇତିହାସ ଏମିନାଣି ତାୟୁଁ ଗୁର୍ପା ଇନେରି ଏମ୍ବାଆଁ ଅଡେତରି □

୩୪ ଏମ୍ବାଆଁ ଏଞ୍ଜାରି ଏଞ୍ଜାଣାକି କାମ୍ବେଲି ଏୟୁ ଆଡ଼ିହି ଅଞ୍ଜୁରି ରାସା

ଗସାଲି ହୀତେରି, ସାମା ଏଞ୍ଜାସି ଏଞ୍ଜାଆଁ  
ଝାଣ୍ଡାନା ଗସାଲି ମନ କିଆତେସି □

୩୫ ତାୟୁ ଏଞ୍ଜାରି ଏଞ୍ଜାଣାଇଁ ପାସି  
ମୁଣ୍ଡାତା ଏକ୍‌ହାନା ତାନି ହିମ୍ବୁରିକା ପାଦି  
କିହାନା ତାନି ବିତ୍ରା ବାଟି କିହା ଅଡେରି,

୩୬ ଇଞ୍ଜା ଏମ୍‌ଆଁ କୁଗାନା ଏଞ୍ଜାଣାଇଁ  
କାଟିମାତେରି □

୩୭ ଇଞ୍ଜା ଏଞ୍ଜାରି ଏଞ୍ଜାଣି ତାୟୁ  
ଲକଟି ଇଲେଇଞ୍ଜା ରାଟାନା  
ଲେତେରି, “ଇଞ୍ଜାସି ଜୀହୁଦି ଲକ୍ଷୁତି  
ରାଜା ଜୀସୁ □”

୩୮ ଏରିବେଲା ତାନି ଚିଝନିଝାକି  
ରଥସି ଇଞ୍ଜା ତାନି ଚେରୁଝାକି ରଥସି  
ଇଲେକିହ ରୀ ସରକାଣି ତାନିତଲେ  
ପାସି ମୁଣ୍ଡାତା ଏକ୍‌ହେରି □

୩୯ ଇଞ୍ଜା ଏ ଜିରୁଟି ହାଜିମାନି ଲକ୍ଷୁ  
ତାନି ତାର୍‌କା ଗୁରକିକିହ ଏଞ୍ଜାଣାଇଁ  
ନିନ୍ଦାକିହ ଏଲେଇତେରି,

୪୦ “ଆଡେ ମାହାପୁରୁ ଇଲ୍ଲୁ  
ତିକ୍‌ନାତି ଇଞ୍ଜା ତାନି ଦିନାଟିଏ ଏଦାଆଁ  
ଝେଣ୍ଡେ କେପିନାତି, ନୀନୁ ମାହାପୁରୁ  
ମୀରଏଣାତି ଇଟିହ, ନୀନୁ ନିଙ୍ଗେ  
ଗେଲ୍‌ପା କତାନା ପାସି ମୁଣ୍ଡାଟି ରେଚା  
ଝାମ୍ବୁ □”

୪୧ କାଜା ପୂଜେରାଜା ଜିକେଏ  
ଏଲେକିହ ଏ ମେରାପୁନାରି ଇଞ୍ଜା  
ଲକ୍ଷୁତି କାଜାରି ତଲେ କିଜଝିକିହ  
କାକ୍‌ହିହ ଏଲେଇତେରି,

୪୨ “ଏଞ୍ଜାସି ଏବକା ଲକ୍ଷୁଣି  
ପିସ୍‌ପି କିତେସି ତାଙ୍ଗେ ଗେଲ୍‌ପାଲି  
ଆଡ଼ିହିଲଅସି □ ଏଞ୍ଜାସିତ ଇସ୍ତାୟେଲତି  
ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି  
ରେଚା ଝାପେସି, ଆଡ଼ିହ ମାର ଏଞ୍ଜାଣି  
ତାଣା ନାମିନ □

୪୩ ଏଞ୍ଜାସି ମାହାପୁରୁ ତାଣା ନାମା  
ମାନେସି; ମାହାପୁରୁ ଏଞ୍ଜାଣାଇଁ  
ଜୀଝୁ ନହାଁ ମାନେସି, ଆଡ଼ିହ ଏ  
ଦେବୁଣିଏ ଏଞ୍ଜାଣାଇଁ ଗେଲ୍‌ପାପେସି,  
ଏଞ୍ଜାସି ଝେସାମାତେସି ନୀନୁ ମାହାପୁରୁ  
ମୀରଏଣାତେଏଁ □”

୪୪ ଇଞ୍ଜା ଆମିନି ସରକା ତାନିତଲେ  
ପାସି ମୁଣ୍ଡାତା ଏକ୍‌ହା ମାତେରି, ଏଞ୍ଜାରି  
ଜିକେଏ ଏଲେକ୍ ନିନ୍ଦା କିହାଲି  
ମାଟ୍‌ହେରି □

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-  
୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଟାଟିଏ ତାନି  
ଗଂଟା ପାତେକା ଦେସା ବାରେ ଆନ୍ଦେରି  
ଆହାହାତେ □

୪୬ ମିଡ଼ଅଲା ତାନି ଗଂଟା ବେଲାତା  
ଜୀସୁ କାଜା ଗିୟାତଲେ ହାଟାନା  
ଏଲେଇତେସି, “ଏଲି, ଏଲି, ଲାମା  
ସାବକତାନି ?” ଇଟିହ “ଏ ନା  
ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ  
ଏନାଆଁତାକି ପିସ୍ତାତି ?”

୪୭ ଇ ହାଡ଼ା ଝେଞ୍ଜାନା ଦାରିତା  
ନିଗାମାଟି ଲକ୍ଷୁ ଏଲେଇତେରି, “ଇଞ୍ଜାସି  
ଏଲିୟଇଁ ହାଟି ମାନେସି □”

୪୮ ଅଡେ ଏ ଦେବୁଣିଏ ରଥସି ଏଞ୍ଜାରି  
ବିତ୍ରାଟି ହଟିହ ହାଜାନା ର ଡ୍ରାଃଆଲି  
ପୁଲା ଅଜୁରି ରାସାତା ମୁସାନା ଏଦାଆଁ  
ର ବାଡ଼ଗାତା ଦସାନା ଜୀସୁକି ଗସାଲି  
ହୀତେସି □

୪୯ ସାମା ଏଚେକା ଲକ୍ଷୁ  
ଏଲେଇତେରି, “ହେଣ୍ଡୁ, ଏଲିୟ  
ଇଞ୍ଜାଣାଇଁ ଗେଲ୍‌ପାଲି ଝାହିମାନେସି କି  
ଆଏ ସିନିକିନ □”

୫୦ ସାମା ଜୀସୁ ଅଡେ ଝେଣ୍ଡେ କାଜା  
ଗିୟାତଲେ ହାଟାନା ହାଡେସି □

୫୧ ଇଞ୍ଜା ମେହ୍‌ଦୁ ମାହାପୁରୁ ଇଲ୍ଲୁତା  
ଲେଟାମାନି ହିମ୍ବୁରି ଲାକଟିଏ ତୁଇ  
ପାତେକା ଗେଞ୍ଜାନା ରୀ ବାଗା ଆଡେ,  
ଇଞ୍ଜା ବୁମି ବାରେ ଝୀତିତେ ଅଡେ  
ଝାଲ୍‌କା ଅୟାହାରୁ,

୫୨ ଇଞ୍ଜା ମାଡ଼ହା ମୁହ୍‌ନି ଟାୟା ବାରେ  
ଦେପିଆଡୁ, ଅଡେ ହାହାମାଟି ହାରେକା  
ସୁଦୁ ଲକ୍ଷୁତି ଆଜା ମାଡ଼ହା ମୁହ୍‌ନି  
ଟାୟୁଟି ନିଙ୍ଗାନା ଝାଡେରି,

୫୩ ଇଞ୍ଜା ଜୀସୁ ଝେଣ୍ଡେ ନିଜିତି ତାୟୁ  
ଏଞ୍ଜାରି ମାଡ଼ହା ମୁହ୍‌ନି ଟାୟୁଟି ହଟାନା

ସୁଦୁ ଗାଡ଼ାତା ହାଜାନା ହାରେକା ଜାଣାତି  
ତଞ୍ଜାଆଡେସି □

୫୪ ପାସାକଡ଼ି କସକା ମୁହେଁ କାଜାସି  
ଇଞ୍ଜା ତାନିତଲେ ଜୀସୁଇଁ କାଟାମାଚାରି,  
ଏଞ୍ଜାରି ବୁମି ଖୀତିତାଣି ଅଡ଼େ ଏମ୍ବାଆଁ  
ଗଟଞ୍ଜି ଆଡ଼ାଣି ମେସାନା ହାରେକା  
ଆଜାନା ଏଲେଇଚେରି, “ସାତେଏ  
ଇଞ୍ଜାସି ମାହାପୁରୁ ମୀର୍ଏସି ମାଚେସି  
□”

୫୫ ଅଡ଼େ ହାରେକା ଇୟାସିକା  
ଜିକେଏ ଏମ୍ବାଆଁ ମାଞ୍ଜାନା ହେକଟି  
ସିନିକହିମାତୁ; ଏଞ୍ଜି ଜୀସୁତି ସେବା  
କିହୁଁ ଗାଲିଲିଟି ଏଞ୍ଜାଣିତଲେ  
ଝାହାମାତୁ;

୫୬ ଏଞ୍ଜାସିକା ବିତ୍ରାଟି ମଗ୍ଦଲିନି  
ମରିୟମ, ଜାକୁବ ଅଡ଼େ ଜସେପ ତାନି  
ଇୟା ମରିୟମ, ଅଡ଼େ ଜେବଦି ତାନି  
ଇୟା ମାତୁ □

ଜୀସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-  
୫୬; ଜହ ୧୯:୨୮-୪୨)

୫୭ ଝେଡ଼ା ହାଜିମାଚାଟି ହାରାମାତିୟା  
ଜସେପ ଦରୁଗାଟି ହାରାମାତିୟାତି ର  
ଦନ ଗାଟାସି ଝାଡେସି, ଏଞ୍ଜାସି ଜିକେଏ  
ଜୀସୁତି ର ସୀସୁ ଆହାମାଚେସି □

୫୮ ଏଞ୍ଜାସି ପିଲାତ ତାଣା ହାଜାନା  
ଜୀସୁତି ଆଜ୍ଞା ରୀସ୍ତେସି, ପିଲାତ  
ଜୀସୁତି ମାଡ଼ହା ଏଞ୍ଜାଣାକି ହେରପାଲି  
ହୁକୁମି ହୀଡେସି □

୫୯ ଜସେପ ମାଡ଼ହା ଆଜ୍ଞାତି ଅହାନା  
ନେହୁଁ ପୁଃନି ପାଡ଼ାଡ଼ା ଦବ୍‌ଲା ହିମ୍ବରି  
ରୁପିଡେସି,

୬୦ ଇଞ୍ଜା ତାନୁ ତାଙ୍ଗେତାକି ହରୁତା  
କାର୍ଝି କିହାମାନି ମାଡ଼ହା ମୁହନି ପୁଃନି  
ଚାୟୁତା ମାଡ଼ହାତି ଇଟିଡେସି, ଇଞ୍ଜା  
ମାଡ଼ହାତି ମୁହନି ଚାୟୁତି ଦୁଝେରିତା ର  
କାଜା ଝାଲି ପ୍ଲୁକହାନା ହାଜାତୁସ୍ତେସି □

୬୧ ମଗ୍ଦଲିନି ମରିୟମ ଅଡ଼େ  
ଏଟକାତି ମରିୟମ ଏ ମାଡ଼ହା ମୁହନି  
ଚାୟୁତା କୁଗା ତୟିତୁ □

ମାହଣି ମାଣ୍ଡାତା କସକା

୬୨ ତାନି ଅର ଦିନା, ଇତିହୁଁ  
ତିୟାରା ଆନି ଦିନାତି ତାୟୁତି  
ଦିନା କାଜା ପୂଜେରାଜ୍ଞା ଅଡ଼େ  
ପାରୁସିୟାଁ ପିଲାତ ତାଣା ରୁଣ୍ଡା ଆହାନା  
ଏଲେଇଚେରି,

୬୩ \* “ବାବୁ, ଏ ନାଡ଼ି କିନାସି ଜୀସୁତା  
ମାଚାଟି, ‘ନାନୁ ତାନି ଦିନାଟିଏ ଝେଣ୍ଡେ  
ନିଜ୍ଞାଇଁ’ ଇଞ୍ଜୁଁ ଝେସାମାଚାଣି ନୀଏଁ  
ମାମ୍ନୁ ଅଣ୍ଡପମାନମି □

୬୪ ଏଦାଆଁତାକି ତାନିଦିନା ପାଡେକା  
ଏ ମାଡ଼ହା ମୁହନି ଚାୟୁତା କାଟାଲି  
ତାକି ହୁକୁମି ହୀମ୍ନୁ, ଆଆତୁଁ ତାନି  
ସୀସୁୟାଁ ଝାହାନା ମାଡ଼ହାତି ତଂଗା ଆହୁଁ  
ଏଞ୍ଜାସି ହାକିଟି ନିଜ୍ଞାମାନେସି ଇଞ୍ଜୁଁ  
ଲକୁଣି ଝେହନେରି; ଆତିହୁଁ ତଲି  
ନାଡ଼ି କିତାଣି କିହୁଁ ତାୟୁତି ନାଡ଼ିକିନାୟି  
ହାରେକା ଆଗାଡ଼ା ଆନେ □”

୬୫ ପିଲାତ ଏଞ୍ଜାରାଇଁ ଏଲେଇଚେସି,  
“ମୀ କାଃଆନାରି ମାନେରି, ମୀରୁ  
ହାଜାନା ମୀ ଆଡ଼ିନି ପାଡେକା କାଃଆତୁ  
□”

୬୬ ଏଦାଆଁତାକି ଏଞ୍ଜାରି ହାଜାନା  
କାଃଆନାରି ତଲେ ଏ ଝାଲି ଗୁରା  
ଆଆପେଝା ଇଞ୍ଜୁଁ ଝାଲିତି ଜାଣି କିହୁଁ  
ସୀଲି ଝେଚାନା ମାଡ଼ହା ମୁହନି ଚାୟୁତା  
କାଃନାରାଇଁ କାପି କିଡେରି □

## ୨୮

ଜୀସୁ ଝେଣ୍ଡେ ନିଜ୍ଞନାୟି

(ମାର୍କ ୧୬:୧-୧୦; ଲୁକ ୨୪:୧-୧୨;  
ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଝାଚାତି  
ତଲିତି ଦିନାତା ଲାଇଁ ଲାଇସିଏ  
ମଗ୍ଦଲିନି ମରିୟମ ଅଡ଼େ ଏଟକାତି  
ମରିୟମ ମାଡ଼ହା ମୁହନି ଚାୟୁତି  
ସିନିକହାଲି ହାତୁ □

୨ ଅଡ଼େ ମେହଦୁ ଏ ଦେବୁଣିଏ ବୁମି  
ଝୀତିଡେ, ଇତିହୁଁ ମାହାପୁରୁତି ର ଦୁତୁ  
ଲାକପୁରୁଟି ରେଟାଝାହାନା ଏ ଝାଲିତି  
ଗୁଟି କିହାନା ଏଡ଼ାଣି ଲାକ କୁଗିଡେସି □

\* ୨୭:୨୩ ୨୭:୨୩ ମାତି ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨;  
୧୮:୩୧-୩୩

୩ ତାନି ଖାଣା ମିଶ୍ୱିମାନି ହାଗୁଲେହେଁ ମାତେ ଅଡ଼େ ତାନି ହିମ୍ବରି ପେଣ୍ଡିଲେହେଁ ଦବଲା ମାତେ □

୪ ଇଞ୍ଜା କାଞ୍ଚିଆନାରି ଆଜିତାକି ତୀରଗିହଁ ହାଡ଼ିଲେହେଁ ଆଡେତରି □

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇଚିହଁ ମୀରୁ ପାସି ମୁଣ୍ଡାତା ହାଡ଼ି ଜୀମୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ □”

୬ ଏଝାସି ଇମ୍ବାଆଁ ହିଲଅସି; ଇଚିହଁ ଏଝାସି ଏନିକଁ ଖେସାମାଚେସି, ଏଲେକିହଁ ଏ ନିଙ୍ଗାମାନେସି, ଝାଦୁ ଏଝାସି ଆମିନି ଚାୟୁତା ତୁରାମାଚେସି ଏ ଚାୟୁତି ସିନିକିଦୁ □

୭ ଅଡ଼େ ମୀରୁ ତବେ ହାଜାନା ତାନି ସୀୟୁୟାଁଣି ଖେହ୍ଦୁ, ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଅଡ଼େ ମେହ୍ଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଝାଣାଇଁ ମେହ୍ଦେଚେରି; ନାନୁ ଖେସ୍ତାତାଣି ଅଣ୍ପାଦୁ □

୮ ଏମ୍ବାଟିଏ ଆଜି ଅଡ଼େ ରାହଁଟି ମାହ୍ଣି ମାଣ୍ଡାଟି ତବେ ହାଜାନା ତାନି ସୀୟୁୟାଁଣି ଖେସାଲି ଦାବଡ଼ି ହତୁ □

୯ ଅଡ଼େ ମେହ୍ଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ” ଏମ୍ବାଟିଏ ଏଝି ତାଗେ ଝାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିତୁ □

୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟିୟାଁଇଁ ଖେହ୍ଦୁ, ଏଝାରି ଗାଲିଲିତା ହାଲାପେଚି; ଏମ୍ବାଆଁ ଏଝାରି ନାଙ୍ଗେ ମେସ୍ତାନେଚି □”

ମାହ୍ଣି ମାଣ୍ଡା କାଞ୍ଚିଆନାରି

୧୧ ଆୟାସିକା ହାଜିମାଚାଟି, କାପୁ କାଚାମାଟି କସ୍ତକା ବିତ୍ରାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଚଞ୍ଜି

ଆଡ଼ାଣି କାଜା ପୂଜେରାଙ୍ଗାଣି ଖେସ୍ତେରି □

୧୨ ଏଝାରି ଲକୁଡ଼ି କାଜାରି ତଲେ ରୁଣ୍ଡା ଆହାନା ଅଣ୍ପିହଁ କାତା ତୀରିକିତି ତାୟୁ, ଏ କସ୍ତକାକି ହାରେକା ଚାକାୟାଁ ହୀହାନା ଏଲେଇଚେଚି, ୧୩ “ମୀରୁ ଏଲେଇଞ୍ଜୁ, ମାମ୍ବୁ ତୁରାମାଟି ବେଲାତା ତାନି ସୀୟୁୟାଁ ଲାଆଁୟାଁ ଝାହାନା ଏଝାଣାଇଁ ସରୁ ଆହାନା ଅଡେଚି □

୧୪ ଅଡ଼େ ଇ କାତା ସାଲଞ୍ଜି କିନାଣି କିୟୁଁ ତୁା ହାଚିହଁ, ମାମ୍ବୁ ଏଝାଣାଇଁ ନେହଁ କଁ ଖେସାନା ମୀ ଅଣ୍ପୁଚି ପିସ୍ପି କିୟାନମି □”

୧୫ ଏଝାରି ଚାକାୟାଁ ଅହାନା ଏନିକଁ ହୁକୁମି ବେଟାଆହା ମାଚେଚି, ଏଲେକିହଁ କିଚେଚି □ ଏଦାଆଁତାକି ଇ କାତା ଜୀହୁଦି ଲକୁଡ଼ାଣା ଝେଙ୍ଗା ହାଜାନା ନୀଏଁ ପାତେକା ମାନେ □

ଜୀସୁ ତାନି ସୀୟୁୟାଁଇଁ ତଞ୍ଜା ଆନାୟି (ମାର୍କ ୧୪:୩-୯; ଜହ ୧୨:୧-୮)

୧୬ ଯାମା ଏଗାର ଜାଣା ସୀୟୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଝାରାଇଁ ଖେସାମାଚେସି, ଏ ହରୁତା ହାଚେଚି □

୧୭ ଅଡ଼େ ଏଝାରି ଏଝାଣାଇଁ ମେସାନା ଜହରା କିଚେଚି, ସାମା ଆମ୍ବା ଆମ୍ବାଆରି ନାମାଆଚେଚି □

୧୮ ଇଞ୍ଜା ଜୀସୁ ଏଝାରି ତାଗେ ଝାହାନା ଏଲେଇଚେସି, “ଲାକପୁରୁ ଅଡ଼େ ଦାରଡ଼ିତି ଅଦିକାରା ନାଙ୍ଗେ ମୋଡ଼ା ଆହାମାଞ୍ଜାନେ □

୧୯ ଏଦାଆଁତାକି ମୀରୁ ହାଜାନା ବାରେ କୃତାଟି ଲକୁଣି ଆବା, ମୀରୁଏସି ଅଡ଼େ ସୁଦୁଜୀଞ୍ଜୁ ଦରୁଚି ବାପ୍ତିସ୍ମ\* ହୀହାନା,

୨୦ ନାନୁ ମିଙ୍ଗେ ହୀହାମାଞ୍ଜାନି ହୁକୁମି ବାରେ ମାନଞ୍ଜି ଆହାଲି ଜାପୁହାନା ଏଝାରାଇଁ ନା ସୀୟୁୟାଁ କିଦୁ; ମେହ୍ଦୁ

☆ ୨୮:୧୬ ୨୮:୧୭ ମାଟି ୨୭:୩୨; ମାର୍କ ୧୪:୨୮ ☆ ୨୮:୧୯ ୨୮:୧୯ କାମା ୧:୮ \* ୨୮:୧୯ ୨୮:୧୯ ମୁଞ୍ଜିନାୟି

ଦୁଗୁ ରାନ୍ଧି ପାତେକା ନାନୁ ବାରେବେଲା  
ମୀ ତଲେ ମାଞ୍ଜେ ମାଞ୍ଜାଇଁ ।”



# ମାର୍କ ଲିଖିତ ସୁସମାଚାର ମାର୍କ ରାଡ଼ାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାରତିତା ମାତି ତାନି କାତା ମାର୍କ ରାଡ଼ାମାନି ନେହଁ କାରୁ; ପୁଃନି ମେରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ଆହିମାନେ ର ପତି □ ଏ ବାରେ ନେହଁ କାରୁ ଇନେରି □ ଏ ପତିୟା ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଡ଼ାମାରେରି □ ମାର୍କ ରାଡ଼ାମାନି ନେହଁ କାରୁ ସାରିଗଟା ନେହଁ କାରୁ ବିତ୍ରାଟି ବାରେତି କିହାଁ ସଚୁ କାରୁ □ ଇ ନେହଁ କାରୁ ବାରେ କିହାଁ ନକେଏ ଇଚିହଁ ଜୀସୁ ଜାର୍ନାଆଡ଼ି ତାୟୁ ୬୫-୭୦ ବାର୍ସା ବିତ୍ରା ରାସ୍କି ଆହାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି □ ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଡ଼ାମାରେସି □

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାସ୍କଲ ଅଡ଼େ ବର୍ନବା ତଡ଼େ ମାରେସି □ ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାରେ କାମା ୧୩:୧୩ □ ମାର୍କ ଅଡ଼େ ଖେଣ୍ଡେ ବର୍ନବା ତଲେ ସେବା କାମାତା ହାରେସି କାମା ୧୫:୩୭-୩୯ □ ମାର୍କ ପିତରତି ନେହଁ ଜାରୁ ମାରେସି ୧ପିତ ୫:୧୩ □ ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆତେସି, ବୁଦିଗାଟାରି ନାମିମାନେରି ମାର୍କ ରାଡ଼ାମାନି ନେହଁ କାରୁତା ପିତରତି କାତା ହାରେକା

ରାଡ଼ାମାନେସି □ ମାର୍କ ସୀସୁୟାତି କାମା ଇଞ୍ଜା ଜୀସୁ ରାନ୍ତି ଦିନାତି କାତା ଜାପନାଣି ରାଡ଼ାମାନେସି □

## ପତିତା ମାନାୟି

- ୧ ମାର୍କ ପତିତି ମୂଲୁ ହାଡ଼ା □ ୧:୧-୧୩
- ୨ ଗାଲିଲିତା ଜୀସୁ କ୍ରୀସ୍ତତି ସେବା କାମା □ ୧:୧୪-୮:୨୧
- ୩ ଜୀସୁ କ୍ରୀସ୍ତ ଜିରୁସାଲମତା ହାନାୟି □ ୮:୨୨-୧୦:୫୨
- ୪ ଜିରୁସାଲମତି କାତା, ଜୀସୁ କ୍ରୀସ୍ତ ହାନ୍ତି କାତା ଅଡ଼େ ଖେଣ୍ଡେ ନିଜିନି କାତା ରାଡ଼ାନା ରାପନାୟି □ ୧୧:୧-୧୬:୨୦

ବାପ୍ତିସ୍ମ\* ହାନି ଜହନ ଖେକ୍ନାୟି (ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀରଏସି ଜୀସୁ କ୍ରୀସ୍ତତି ନେହଁ କାରୁ ଇଲେକ୍ ଆଡ଼େ,

୨ ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ସାସ୍ତେରିତା ଏନିକ୍ ରାସ୍କି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି, ମେହ୍ମୁ ନାନ୍ତୁ ନା କାରୁ ଖେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନିଜେତାକି ଜିରୁ ତିୟାରା କିନେସି;

୩ ଲକୁ ହିଲାଆ ଟାୟୁତା ରଅଣି ହାଡ଼ା ଖେଜିମାନେ, ପ୍ରବୁତି ଜିରୁ ତିୟାରା କିପୁ, ଏଞ୍ଜାସି ତାକାଲି ତାକି ଜିରୁ ତିୟି କିପୁ □”

୪ ଏମ୍ବାଟିଏ ବାପ୍ତିସ୍ମ† ହାନି ଜହନ ଲକୁ ହିଲାଆ ଟାୟୁତା ଖାହାନା ବଲୁ ଖେକ୍ହେସି, ଅଡ଼େ ବାପ୍ତିସ୍ମ‡ ହାହାନା ଏଲେଇରେସି, “ଜାହାରା ପାପୁତି ପିସ୍ପି ଆୟାଲିତାକି ମନ ଖେହ୍ନାନ୍ନା ବାପ୍ତିସ୍ମ§ ଅପୁ, ଆତିହଁ ମାହାପୁରୁ ମୀ ପାପୁ ମ୍ଲେକ୍ହାନେସି □”

\* ୧: ୧:୧ ମୁଞ୍ଜନାୟି † ୧:୪ ୧:୪ ମୁଞ୍ଜନାୟି ‡ ୧:୪ ୧:୪ ମୁଞ୍ଜନାୟି § ୧:୪ ୧:୪ ମୁଞ୍ଜନାୟି

୫ ଏମ୍ବାଟିଏ ଜୀହ୍ୱଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଖାହାଲି ମାଟ୍‌ହେରି, ଇଞ୍ଜା ତାମ୍ନୁ ତାନି କିତି ପାପୁତି ଖେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମ\* ଅଡେରି □

୬ ଜହନ ଉତୁ ବାଣାୟା ତଲେ କେପିତି ହିମ୍ବରକା ତୁରହିମାଚେସି, ଅଡେ ଟେଡେଲିତା ର ତଲୁତି ବୁଡ଼ପା ମାଡ଼ା କିହା ଦସା କଡ଼଼ିତେସି, ଗପ୍‌ଏରିକା ଅଡେ ଜାଡ଼ାତି କ୍ରିୟା ଏଞ୍ଜାଣି କାଦି ମାଚେ □

୭ ଜହନ ଏଲେଇଞ୍ଜି ଖେକହାଲି ମାଟ୍‌ହେସି, “ଆମ୍ବାଆସି ନା କିହା ହାରେକା ବାଡ଼ୟୁ ଗାଟାସି ଏଞ୍ଜାସି ନା ତାୟୁ ଖାହିମାନେସି; ନାନୁ ମେଣ୍ଡାକୁତାନା ଏଞ୍ଜାଣି ସେପୁୟାତି ତ:ରକା ଜିକେଏ ହୁକହାଲି ପାଡ଼ାଆଅଁ □

୮ ନାନୁ ମିଙ୍ଗେ ଏୟୁତଲେ ବାପ୍ତିସ୍ମ† ହାହିମାଞ୍ଜାଇଁ, ସାମା ଏଞ୍ଜାସି ମିଙ୍ଗେ ସୁବୁଜୀଞ୍ଜୁ ତଲେ ବାପ୍ତିସ୍ମ‡ ହିୟାନେସି □”

ଜୀସୁ ବାପ୍ତିସ୍ମୂ ଅନାୟି ଇଞ୍ଜା ତାୟିପାରି କିଞ୍ଜି ଆନାୟି

(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏରିବେଲାତା ଜୀସୁ ଗାଲିଲିତି ନାଜ୍‌ରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମ\* ଅଡେସି □

୧୦ ଜୀସୁ ଏୟୁତି ନିଙ୍ଗା ଖାହିମାଚାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜା ସୁବୁଜୀଞ୍ଜୁ ପାର୍‌ଖା ପଟାଲେହେଁ ତାନି ଲାକ ରେଟା ଖାହିମାଚାଣି ମେସ୍‌ସେସି □

୧୧ \*ଅଡେ ଲାକପୁରୁଟି ଇ ହାଡ଼ା ଆଡେ, “ନାନୁ ନା ଜୀଞ୍ଜୁତି ମାର୍‌ଏଣାତି, ନୀ ତାଣେଏ ନା ହାରେକା ରାହାଁ ମାନେ □”

୧୨ ଏ ଦେବୁଣିଏ ସୁବୁଜୀଞ୍ଜୁ ଏଞ୍ଜାଣାଇଁ ଲକୁ ହିଲାଆ ଟାୟୁତା ଅଡେ,

୧୩ ଜୀସୁ ଲକୁ ହିଲାଆ ଟାୟୁତା ରୀ କଡ଼ି ଦିନା ପାଚେକା ତୟାନା ସୟତାନ ତାଣାଟି ତାୟିପାରି କିଞ୍ଜିଆଡେସି; ଏଞ୍ଜାସି ଜାଡ଼ାତି ଜନ୍ତ ତଲେ ତୟିତେସି, ଇଞ୍ଜା ଲାକପୁରୁଟି ଦୁତୁୟା ଖାହାନା ଏଞ୍ଜାଣି ସେବା କିହିମାଚୁ □

ଜୀସୁ ସାରି ଜାଣା ମୀଣକା ଆହନାରାଇଁ ହାଟିନାୟି

(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଗାଲିଏ ଜୀସୁ ଗାଲିଲିତା ଖାଡେସି ଇଞ୍ଜା ମାହାପୁରୁଟି ନେହଁ କାବୁ ଖେକହେସି □

୧୫ \*କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଞ୍ଜିମାନେ, ପାପୁତି ପିସାନା ମନ ଖେଟ୍‌ଦୁ ଇଞ୍ଜା ମାହାପୁରୁଟି ନେହଁ କାବୁତି ନାମାଦୁ □”

୧୬ ଜୀସୁ ଗାଲିଲି ସାମ୍‌ଦୁରି ଗାଟୁଟି ହାଜିମାଚାଟି ସିମନ ଅଡେ ତାନି ତାୟି ଆୟିୟଇଁ ସାମ୍‌ଦୁରିତା ମୀଣକା ଜାଲା ମେଡ଼ହି ମାଚାଣି ମେସ୍‌ସେସି, ଇତିହଁ ଏଞ୍ଜାରି ମୀଣକା ଆହନାରି ମାଚେରି □

୧୭ ଜୀସୁ ଏଞ୍ଜାରାଇଁ ହାଟାନା ଏଲେଇଚେସି, “ନା ଜେଟ ଖାଦୁ ନାନୁ ମିଙ୍ଗେ ଲକୁଣି ଆହନାଣି ଜାପ୍‌ହାଇଁ □”

୧୮ ଏଞ୍ଜାରି ଦେବୁଣିଏ ଜାଲାୟା ପିସାନା ଜୀସୁତି ଜେଟ ହାଚେରି □

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାନି ତାୟି ଜହନଇଁ ତଂଗତା ଜାଲା ମୁଦା କିହିମାଚାଣି ମେସ୍‌ସେସି □

୨୦ ମେସ୍‌ପନିଏ ଜୀସୁ ଏଞ୍ଜାରାଇଁ ହାଟିଚେସି, ଇଞ୍ଜା ଏଞ୍ଜାରି ତାନି ଆବା ଜେବଦିଇଁ ହଲିୟାଙ୍ଗା ତଲେ ତଂଗତା ପିସାନା ଜୀସୁ ଜେଟ ହାଚେରି □

ବୁବୁ ଆଲ୍‌ଗା ମାଚାସି (ଲୁକ ୪:୩୧-୩୭)

\* ୧:୫ ୧:୫ ମୁଞ୍ଜନାୟି † ୧:୮ ୧:୮ ମୁଞ୍ଜନାୟି ‡ ୧:୮ ୧:୮ ମୁଞ୍ଜନାୟି S ୧:୮ ୧:୯ ମୁଞ୍ଜନାୟି \* ୧:୯ ୧:୯ ମୁଞ୍ଜନାୟି ☆ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨ ☆ ୧:୧୫ ୧:୧୫ ମାତି ୩:୨

୨୧ ଜୀସୁ ଅଡ଼େ ତାନି ସୀସୁୟାଁ କପରନାହୁମ ଗାଡ଼ାତା ଖାଡ଼େରି, ଇଞ୍ଜା ଅର ନେରୁ ଜମିନ ଦିନା ମାଚାକି ଜୀସୁ ଜୀହୁଦି ଲକୁଚି କୁଟମି ଇଲୁତାଁ ହାଜାନା ଜାପୁହାଲି ମାଟୁହେସି □

୨୨ \*ଲକୁ ତାନି ଜାପୁନାଣି ଖେଞ୍ଜାନା କାବା ଆହାହାଚେରି; ଇଚିହୁଁ ଏଝାସି ସାସ୍ତେରି ଖେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଚେସି □

୨୩ ଜୀସୁ ଜାପୁହି ମାଚିବେଲ୍ଲାତା ଜୀହୁଦି ଲକୁଚି କୁଟମି ଇଲୁଚିଃ ର ବୁଡୁ ଆଲଗା ମାଚାସି କାଲଖି ଆହୁଁ ଏଲେଇଚେସି,

୨୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନି କାମା ମାନେ, ନୀନୁ କି ମାଙ୍ଗେ ନାସା କିହାଲି ଇମ୍ବାଆଁ ଖାହାମାଞ୍ଜି ? ନୀନୁ ଆମ୍ବାଆତି ନୀନୁ ପୁଞ୍ଜାମାଇଁ; ନୀନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି □”

୨୫ ଜୀସୁ ଏଦାନି ଦାକା ହୀହାନା ଏଲେଇଚେସି, “ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହଚାହାଲାମ୍ବୁ □”

୨୬ ଏଚେଟିଏ ଏ ପଲୁଆ ବୁଡୁ ଏଝାଣାଇଁ ମୁଡ଼ମୁଡ଼ା କିହାନା, କାଜା ଗିୟାତଲେ କିରଡ଼ିହୁଁ ଏଝାଣି ତାଣାଟି ହଚାହାଚେ □

୨୭ ଏମ୍ବାଟିଏ ବାରେଜାଣା ହାଡ଼େକା କାବା ଆଡ଼େରି, ଇଞ୍ଜା ଇଲେକଁ ଜଲୁକି ଆଡ଼େରି, “ଇଦି ଏନିଲେହେଁତାୟି ? ଇଦି ଅଦିକାରା ବେଟାଆହାମାନି ଲେହେଁତି ପୁଞ୍ଜନି ଜାପୁନାୟି, ଏଝାସି ପଲୁଆ ବୁଡୁୟାଁଇଁ ଜିକେଏ ହୁକୁମି ହୀହିମାନେସି, ଅଡ଼େ ଏଝି ଏଝାଣି କାତା ଆସିମାନୁ □”

୨୮ ଏମ୍ବାଟିଏ ଏଝାସି କିତି କାମାତି କାବୁ ଏ ରେରୁଏ ଗାଲିଲି ରାଜିତି ସାରିଝାକିତି ନାସ୍କାଣାଁ ଖେଙ୍ଗାହାଚେ □

ଜୀସୁ ହାଡ଼େକା ଲକୁଣି ନେହୁଁ କିନାୟି

(ମାଚି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବାଟିଏ ଏଝାରି ଜୀହୁଦି ଲକୁଚି କୁଟମି ଇଲୁଚିଃ ହଚାନା ଜାକୁବ ଅଡ଼େ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆହିୟ ଇଜ ହାଚେରି □

୩୦ ସିମନ ପୟା ନମେରି ତାକି ତୁରାମାଚେ, ଅଡ଼େ ଏଝାରି ଏଦାଣି କାତା ରେରୁଏ ଜୀସୁଇଁ ଖେସ୍ତେରି □

୩୧ ଏମ୍ବାଟିଏ ଏଝାସି ତାଗେ ହାଜାନା ତାନି କେମ୍ବୁ ଆସାନା ଏଦାନି ନିକହେସି, ଅଡ଼େ ଏଦାନି ନମେରି ପିସ୍ତେ, ଇଞ୍ଜା ଏଦି ଏଝାରି ସେବା କିତେ □

୩୨ ମିଡ଼ଅଲ୍ଲା ବେଲା ଖେଡ଼ା କୁଡ଼ହାଲିଏ ଲକୁ ରଚା ଗାଟାରାଇଁ ଇଞ୍ଜା ବୁଡୁୟାଁ ଆଲଗା ମାଚାରାଇଁ ଜୀସୁ ତାଣା ତାଡ଼େରି,

୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାଚି ଇଲୁ ଦୁଝେରିତା ରୁଣ୍ଡା ଆଡ଼େରି □

୩୪ ଏମ୍ବାଟିଏ ଜୀସୁ ବାରେଲେହେଁତି ରଚା ଗାଟାରାଇଁ ନେହୁଁ କିତେସି, ଇଞ୍ଜା ହାଡ଼େକା ବୁଡୁଣି ପିସପି କିତେସି, ଇଞ୍ଜା ଏଝାସି ବୁଡୁୟାଁଣି ଜଲାଲି ହୀଆଡେସି, ଇଚିହୁଁ ଏଝି ଏଝାଣାଇଁ ପୁଞ୍ଜିମାବୁ □

ଜୀସୁ ଗାଲିଲିତା ମାହାପୁରୁ କାତା ଖେକନାୟି

(ଲୁକ ୪:୪୨-୪୪)

୩୫ ଖେୟାଆ ମାଚାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଝାସି ନିଙ୍ଗା ହଚା ହାଜାନା ର ଲକୁ ହିଲାଆ ଟାୟୁତା ହାଜାନା ପ୍ରାଡ଼ାନା କିହିମାଚେସି □

୩୬ ସିମନ ଇଞ୍ଜା ତାନି ଆଟୁହିତାରି ଏଝାଣାଇଁ ପାରାଲି ମାଟୁହେରି,

୩୭ ଏଝାଣାଇଁ ବେଟାଆହାମାନା ଏଲେଇଚେରି, “ବାରେଜାଣା ନିଙ୍ଗେ ପାରିମାଞ୍ଜାନେରି □”

୩୮ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଝାଦୁ ମାଟୁ ଏଟକା ଗାଡ଼ାତା, ଇଚିହୁଁ ଦାରିମାରି

† ୧:୨୧ ୧:୨୧ ସିନଗରୁ    \* ୧:୨୨ ୧:୨୨ ମାଚି ୭:୨୮,୨୯    ‡ ୧:୨୩ ୧:୨୩ ସିନଗରୁ    § ୧:୨୯ ୧:୨୯ ସିନଗରୁ    ☆ ୧:୩୯ ୧:୩୯ ମାଚି ୪:୨୩; ୯:୩୫

ନାମ୍‌କାଣୀଁ ହାନ; ଏମ୍‌ଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌ଇଁ, ଇତିହ ଏଦାଆଁତାକି ନାନୁ ଖାହାମାଇଁ ।”

୩୯ ✱ଇଞ୍ଜା ଜୀସୁ ବାରେ ଗାଲିଲି ନାମ୍‌କାଣୀଁ ରେଜି ରେଜିହ ଏଝାରି ବାରେ ଜୀହୁଦି ଲକୁତି କୁଟମି ଇଲ୍‌କାଣା\* ମାହାପୁରୁ ବଲୁ ଝେକ୍‌ହେସି ଇଞ୍ଜା ବୃତୁୟାଣି ପିସପି କିତେସି ।

କାଜା ରଗ ଗାଟାଣାଇଁ ଜୀସୁ ନେହଁକିନାୟି  
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍‌ଗାଟିଏ ର କାଜା ରଗ ଗାଟାସି ଜୀସୁ ତାଣା ଖାହାନା ମେଣ୍ଟାକୁତାନା ବାତିମାଲିହଁ ଜୀସୁଇଁ ଏଲେଇଚେସି, “ନାନୁ ମନ କିତିହଁ ନାଙ୍ଗେ ନେହଁ କିହାଲି ଆଡାଦି ।”

୪୧ ଏମ୍‌ଗାଟିଏ ଜୀସୁ ଏଝାଣାଇଁ କାର୍ମା ମେସେସି, ଇଞ୍ଜା କେୟୁ ଦାସାନା ଏଝାଣାଇଁ ତାଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହଁଆମୁ ।”

୪୨ ଏ ଦେବୁଣିଏ ଏଝାଣି ତାଣାଟି କାଜା ରଗ ଗୁଟାଆଡେ, ଇଞ୍ଜା ଏଝାସି ନେହଁଆଡେସି ।

୪୩ ଇଞ୍ଜା ଏଝାସି ଏଝାଣାଇଁ ଜାଣ୍ଡେ ହୁକୁମି ହାହାନା ଝେସା ପାଣ୍ଡିତେସି,

୪୪ “ଜାଗ୍ରାତା ଆମ୍‌ଆରାଇଁ ଏନାଆଁ ଝେହ୍‌ଆନି, ସାମା ହାଲାମୁ ଇଞ୍ଜା ପୂଜେରା ତାଣା ହାଜାନା ନିଙ୍ଗ ତସାକତାମୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହଁ ଆଡାକି ସାକି ହାନିଲେହେଁ ହେରପାମୁ ।”

୪୫ ସାମା ଏଝାସି ପାଙ୍ଗାତା ହାଜାନା ତାନୁ ନେହଁ ଆଡି କାତାତି ସାରିଝାକି ଝେକ୍‌ହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡାତା ପୁଣ୍ଡମେ ହଡାଲି ଆଡାଆଡେସି, ସାମା ପାଙ୍ଗାତା ଲକୁ ହିଲାଆ ଟାସ୍‌ଣା ଡୟିତେସି; ଅଡେ

ସାରି ଝାକିଟି ଲକୁ ଜୀସୁ ତାଣା ଖାହାଲି ମାଟ୍‌ହେସି ।

୨

ଜୀସୁ ଟଟ ଝାୟିତାଣାଇଁ ନେହଁକିନାୟି  
(ମାତି ୯:୧-୮; ଲୁକ ୫:୧୭-୨୬)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଝାସି ଇଜ ମାନେସି ଇଞ୍ଜା ସାରିଝାକି ଝେଙ୍ଗାହାଚେ ।

୨ ଏମ୍‌ଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲାଆଡେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ଝେକ୍‌ହେସି ।

୩ ଏମ୍‌ଗାଟିଏ ସାରି ଜାଣା ର ଟଟ ଝାୟିତାଣାଇଁ କାଚେଲିତା ଜୀସୁ ତାଣା ଡେକା ତାଡେରି ।

୪ ସାମା ହାରେକା ଲକୁ ମାଟାକି ଏଝାଣି ତାଣା ତାଚାଲି ଆଡାଆଡେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍‌ଆଁ ଇଲୁତି ଡେପରି ରିକ୍‌ହେରି, ଇଞ୍ଜା ଏ ଟଟ ଝାୟିତାଣାଇଁ କାଚେଲି ଝେଣ୍ଡେଏ ଲକୁ ବିତ୍ରା ରେପ୍‌ହେରି ।

୫ ଜୀସୁ ଏଝାରି ନାମୁ ମେସାନା, ଏ ଟଟ ଝାୟିତାଣାଇଁ ଏଲେଇଚେସି, “ଏ ମାର୍‌ଏଣା ନୀ ପାପୁ ବାରେ ମେଣ୍ଡାହାଚେ ।”

୬ ସାମା ଏମ୍‌ଆଁ ମାତି ଏଚେକା ମେରା ଜାପ୍‌ନାରି କୁଗାନା ତାମି ମନତା ଅଣ୍‌ପିହଁ କାତାବାର୍ଡା ଆହିମାଚେରି,

୭ “ଇଝାସି ଏନାଆଁତାକି ଏଲେଇଞ୍ଜି ମାନେସି ? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍‌ଆସି ପାପୁ ମ୍ଲେକ୍‌ହାଲି ଆଡିନେସି ?”

୮ ଏଝାରି ମନତା ଇଲେକ୍‌ ଅଣ୍‌ପିମାନାଣି ଜୀସୁ ଦେବୁଣିଏ ଜୀସୁତା ପୁଞ୍ଜାନା ଏଝାରାଇଁ ଏଲେଇଚେସି, “ମାରୁ ମୀ ମନ ବିତ୍ରା ଏନାଆଁତାକି ଇଲେକ୍‌ ଅଣ୍‌ପିମାଞ୍ଜେରି ?

\* ୧:୩୯ ୧:୩୯ ସିନଗର

୯ ଏନାଆଁ ଇନାୟି ଉସାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଟିତେ ଇନାୟି କି ନିଙ୍ଗାମୁ ନୀ କାଟେଲି ଡେକାନା ତାକାମୁ ଇନାୟି ଉସାସା ?’

୧୦ ସାମା ଦାଋତିତା ପାପୁ ମ୍ଲେକହାଲି ମାଣ୍ଠିସି ମୀରୁଏଣା ଅଦିକାରା ମାନେ, ଏଦାଆଁ ନୀର୍ବ ମୀରୁ ପୁଞ୍ଜାଲି ଆଡ଼ିଦେରି □” ଏଦାଆଁତାକି ଏ ଗଟ ଖାୟିତାଣାଇଁ ଏଲେଇରେସି,

୧୧ “ନାନୁ ନିଙ୍ଗେ ୱେସିମାଞ୍ଜାଇଁ ନିଙ୍ଗାନା ନୀ କାଟେଲି ଡେକାନା ନୀ ଇଜ ହାଲାମୁ □”

୧୨ ଏଚେଟିଏ ଏଞ୍ଜାସି ଦେବୁଣିଏ ନିଙ୍ଗାନା କାଟେଲି ଡେକାନା ବାରେଜାଣା ନକିଟି ହଟାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହୁଁ ଏଲେଇଚେରି, “ମାମୁ ଇଲେତି କାବାଆନି କାମା ଏଚେଲା ଜିକେଏ ମେସାହିଲଆଡ଼ିମି □”

ଜୀସୁ ଲେବିଇଁ (ମାତିୟୁ) ହାଟିନାୟି (ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ୱେଣ୍ଡେ ସାମଦୁରି ଗାରୁତା ହାଚେସି, ଇଞ୍ଜା ଲକୁ ଏଞ୍ଜାଣି ତାଣା ୱାହାଲିଏ, ଏଞ୍ଜାରାଇଁ ଜାପୁହାଲି ମାଟୁହେସି □

୧୪ ଅଡେ ଜିରୁଟି ହାଜି ହାଜିହୁଁ ଜୀସୁ ଆଲେପି ମୀରୁଏସି ଲେବିଇଁ\* ସିସୁ ରାହୁନି ତାଣା କୁଗାମାନାଣି ମେସ୍ତେସି, ଇଞ୍ଜା ଏଞ୍ଜାଣାଇଁ ଏଲେଇଚେସି, “ନା ଜେତ ୱାମୁ” ଏଚେଟିଏ ଲେବି ନିଙ୍ଗାନା ଏଞ୍ଜାଣି ଜେତ ହାଚେସି □

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଟାଟି ହାଠେକା ସିସୁ ରାହୁନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁରିଚେରି; ଇଟିହୁଁ ଏଞ୍ଜାରି ହାଠେକା ମାଚେରି ଇଞ୍ଜା ଏଞ୍ଜାଣି ଜେତ ହାଜିମାଚେରି □

୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରାହୁନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଚିତି

ମେରାପୁନାରି ତାନି ସୀସୁୟାଁଣି ଏଲେଇଚେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡେ ସିସୁ ରାହୁନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ୱେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରିକି ଲଡ଼ାମାନେ; ନାନୁ ଦାମୁଁ ଲକୁତାକି ୱାହାହିଲଅଁ ସାମା ପାପୁ ଗାଟାରିକି ୱାହାମାଇଁ □”

ଉପାସା କିନାଣି ୱେହୁନାୟି (ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଟାଟି, ଏଚେକା ଲକୁ ଜୀସୁ ତାଣା ୱାହାନା ଏଲେଇଚେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ ବୀହା ହନେଏସି ମାନି ପାଚେକା ବୀହା ଲକୁ ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ ମାନି ପାଚେକା ଏଞ୍ଜାରି ଉପାସା କିଅରି □

୨୦ ସାମା ଦିନା ୱାଠେନ ଏଚିବେଲା ଏଞ୍ଜାରି ତାଣାଟି ବୀହା ହନେଏଣାଇଁ ହପୁହା ଅଡ଼ିସାରେ ଏଚିବେଲା ଏଞ୍ଜାରି ଉପାସା କିନେରି □”

୨୧ “ଆମ୍ବାଆସି ପୁଞ୍ଜଇ ହିମ୍ବୁରିତା ପୁଞ୍ଜି ପାସକି ତାଟଅସି; ତାଟିସାରେ ପୁଞ୍ଜଇ ହିମ୍ବୁରିତି ପୁଞ୍ଜି ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ □

୨୨ ଆମ୍ବାଆସି ପୁଞ୍ଜି ଅଞ୍ଜୁରି ରାସା ପୁଞ୍ଜଇ ତ:କାତା† ଇଟଅସି; ଇଟିସାରେ ତ:କା ତାୟାହାନେ, ଇଞ୍ଜା ଅଞ୍ଜୁରି ରାସା ଅଡେ ତ:କା ରିଣ୍ଡିଞ୍ଜା ନସୁ ଆନୁ, ଏଦାଆଁତାକି ପୁଞ୍ଜି ଅଞ୍ଜୁରି ରାସା ପୁଞ୍ଜି ତ:କାତା ଇଟିନାୟି ମାନେ □”

ଜମିନି ଦିନାତି କାତା ୱେହୁନାୟି (ମାତି ୧୨:୧-୮; ଲୁକ ୬:୧-୫)

\* ୨:୧୪ ୨:୧୪ ମାତିୟୁ † ୨:୨୨ ୨:୨୨ ତଲୁ ତଲେ କେପିତି ଅଞ୍ଜୁରି ରାସା ଇଟିନି ବାସ୍ତା ଚୁପୁ

୨୩ ର ପାଲି ଜୀସୁ ଜଫିନି ଦିନା ତାନି ସୀସୁୟାଁ ତଲେ ଗହଁ ଗୁଡିୟାଟି ହାଜିମାରେସି, ତାନି ସୀସୁୟାଁ ହାଜି ହାଜିହଁ ଗହଁୟାଁ ଜେକା ତାପହାଲି ମାଟ୍‌ହେରି ।

୨୪ ଏମ୍ବାଟିଏ ପାରୁସିୟାଁ ଜୀସୁଇଁ ଏଲେଇରେରି, “ମେହ୍‌ମୁ ଜଫିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଝାରାଇଁ ଏଲେଇରେସି, “ଦାଝୁଦ ଅଡେ ତାନି ତଣେସିଜ୍ଞା ହାକି ଆହାମାଚାଟି ଏଝାରି ଏନାଆଁ କିହାମାରେରି, ଏଦାଆଁ ମୀରୁ ଏଚେଲା ପଡ଼ଝି ଆହାହିଲଅତେରି,

୨୬ ଅବିୟତର କାଜା ପୂଜେରା ମାଟିବେଲାତା ଏଝାସି ଏନିକଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାଜ୍ଞା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଝୁଦ ତିଞ୍ଜା ମାଚେସି ଇଞ୍ଜା ତାନି ଆଟ୍‌ହି ତାରାକି ଜିକେଏ ତିଞ୍ଜାଲି ହାହାମାରେସି ।”

୨୭ ତାୟୁ ଜୀସୁ ଏଝାରାଇଁ ଏଲେଇରେସି, “ଜଫିନି ଦିନା ମାଣସିତାକି ଆହାମାନେ; ସାମା ମାଣସି ଜଫିନି ଦିନାତାକି ଆହାହିଲଅସି ।”

୨୮ ଏଦାଆଁତାକି ମାଣସି ମୀର୍‌ଏସି ଜଫିନି ଦିନାତି ପ୍ରବୁ ଆନେସି ।

### ୩

ଝାୟିତି କେୟୁଗାଟାସି ନେହଁ ଆନାୟି

(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡେ ଝେଣ୍ଡେ ଜୀହୁଦି ଲକୁଡି କୁଟମି ଇଲୁତା\* ହାଚେସି, ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟାହାଜାମାଚେ ।

୨ ଜୀସୁ ଏଝାଣାଇଁ ଜଫିନି ଦିନାତା ନେହଁ କିନେସିକି ଆଏ, ଏଝାଣି

କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି ।

୩ ଏମ୍ବାଟିଏ ଜୀସୁ ଆମିନି ଲକୁଡି କେୟୁ ଝାୟାହାଜାମାଚେ, ଏଝାଣାଇଁ ଜୀସୁ ଏଲେଇରେସି, “ଝାୟୁ ମାଦି ନିମୁ ।”

୪ ଇଞ୍ଜା ଜୀସୁ ଏଝାରାଇଁ ଏଲେଇରେସି, “ଜଫିନି ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି କି ଲାଗେଏ କିନାୟି ? ଜୀଝୁତି ଗେଲ୍‌ପିନାୟି କି ନାସା କିନାୟି ?” ସାମା ଏଝାରି ଝେଣ୍ଡେ ହାଡା ଆୟାଲି ଆଡାଆତେରି ।

୫ ଏମ୍ବାଟିଏ ଜୀସୁ ଏଝାରି ଆଟ୍‌ଝା ହିୟାଁତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଝାକି ଏଝାରାଇଁ ସିନିକିହାନା ଏଲେଇରେସି, “କେୟୁ ଲାକ ଦାହ୍‌ମୁ” ଏଝାସି ତାନି କେୟୁ ଦାସ୍‌ପନିଏ ଏଡି ନେହଁ ଆହାହାଚେ ।

୬ ଏଚେଟିଏ ପାରୁସିୟାଁ ହଚା ହାଜାନା ଜୀସୁଇଁ ପାୟାଲି ତାକି ହେରଦ ଗଟିତି ଲକୁଡଲେ କାଲ୍‌ହାନା କାତା ଆଡେରି ।

ସାମ୍‌ଦୁରି ଗାଟୁତା ମାନ୍ଦା ଲକୁ

(ମାତି ୪:୨୫; ମାର୍ଚ୍ଚ ୪:୧; ଲୁକ ୫:୧-୩)

୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମ୍‌ଦୁରି ଗାଟୁତା ହାଚେରି, ଇଞ୍ଜା ହାରେକା ଲକୁ ଏଝାଣି ଜେଟ ହାଚେରି; ଏଝାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଝାକି, ସର ଅଡେ ସିଦନ ଗାଡ଼ା ଝାକିତ ଲକୁ ତାନି ବାରେ କିଡି କାମାତି କାତା ଝେଞ୍ଜାନା ତାନି ତାଣା ଝାଡେରି ।

୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେରି ଏ ମାନ୍ଦା ଏନିକଁ ଏଝାଣିଲାକ ଝିହ୍‌ଅରି, ଏଦାଆଁତାକି ଏଝାସି ତାନି ସୀସୁୟାଁଣି ତାଙ୍ଗେତାକି ର ଉଣା ତଂଗ ପାରା ଇଟାଲି ଝେସୁସି;

୧୦ ଏଝାସି ହାରେକା ଲକୁଣି ନେହଁ କିହାମାଚାକି ରଚା ଗାଟାରି ବାରେ

\* ୩:୧ ୩:୧ ସିନଗଗ    ☆ ୩:୯ ୩:୯ ମାର୍ଚ୍ଚ ୪:୧; ଲୁକ ୫:୧-୩

ଏଞ୍ଜେଲ୍ ତୀଗାଳି ଏଞ୍ଜେଲି ମୁହେଁ ମୁହେଁ  
ଆହିମାତେରି □

୧୧ ଇଞ୍ଜା ପଲୁଆ ବୃତୁୟା  
ଆସାମାନାରି ଏଞ୍ଜେଲ୍ ମେସପନିଏ,  
ଏଞ୍ଜେଲି ନକିତା ରିହାନା କାଲଞ୍ଜି  
ଆହି ଏଲେଇଞ୍ଜି ମାତେରି, “ନାନୁଏ  
ମାହାପୁରୁ ମୀରଏଣାତି □”

୧୨ ଏଞ୍ଜେସି ଆମ୍ବାଆସି ଇ କାତା  
ଆମ୍ବାଆରାଲ୍ ଖେହୁଆଦୁ ଇଞ୍ଜି ଜୀସୁ  
ପଲୁଆ ବୃତୁୟାଲ୍ ଦାକା ହାହାନା ହୁକୁମି  
ହୀତେସି □

ଜୀସୁ ବାରଜାଣା ସୀସୁୟାଣି  
ଆଡିନାୟି

(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି  
ଗାଟାରାଲ୍ ମନ କିତେସି ଏଞ୍ଜେରାଲ୍  
ତାଗେ ହାଡିତେସି, ଇଞ୍ଜା ଏଞ୍ଜେରି ତାଗେ  
ଞ୍ଜେତେରି □

୧୪ ଇଞ୍ଜା ଏଞ୍ଜେସି ବାରଜାଣାତି  
ଆଟାନା ପାଣ୍ଡୁଞ୍ଜି ଆଡାରି ଇଞ୍ଜାନା,  
ଏଞ୍ଜେରାଲ୍ ଏଲେଇତେସି, “ନା ତଲେ  
ଡୟାଲି ନାନୁ ମିଙ୍ଗେ ଆଟାମାଞ୍ଜାଲ୍,  
ଇଞ୍ଜା ଖେକ୍‌ହାଲି ପାଣ୍ଡୁଲ୍ □

୧୫ ଇଞ୍ଜା ମୀରୁ ବୃତୁୟା ପେର୍‌ହାଲି  
ଜିକେଏ ଅଦିକାରା ବେଟାଆଦେରି □”

୧୬ ଜୀସୁ ଇ ବାରଜାଣାତି ଆଡିତେସି,  
ଏଞ୍ଜେରି ଆଡେତେରି ସିମନ ଆମ୍ବାଆରାଲ୍  
ଜୀସୁ ପିତର ଇଞ୍ଜି ଇଡିତେସି;

୧୭ ଜେବଦି ରୀ ମୀରକା ଜାକୁବ  
ଅଡେ ତାନି ତାୟି ଜହନ ଆମ୍ବାଆରାଲ୍  
ବିନେରିଗସ୍ ଇଡିହୁଁ ଗୁଣ୍ଡିହିମାନି  
ହାଗୁଡି ମୀରକା ଇଞ୍ଜିହୁଁ ଦରୁ  
ଇଡିତେସି;

୧୮ ଆନ୍ଦ୍ରିୟ, ପିଲିପ, ବାର୍ତ୍ତଲମି,  
ମାତିୟୁ, ତମା, ଆଲେପି ମୀରଏସି  
ଜାକୁବ, ତଦୟ, ଦେସାତି ଜୀସୁ ନନ୍ତି  
ସିମନ,

୧୯ ଅଡେ ଇସ୍ତାରିୟତ ଜୀହୁଦା,  
ଆମ୍ବାଆସି ଜୀସୁଲ୍ ସାତୁୟା କେୟୁତା  
ହେର୍‌ପିତେସି □

ଜୀସୁ ଅଡେ ବାଲ୍‌ଜିବୁଲ୍  
(ମାତି ୧୨:୨୨-୩୨; ଲୁକ ୧୧:୧୪-  
୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡେସି; ଅଡେ  
ଖେଣ୍ଡେ ଇଚେକା ଲକୁ ରୁଣ୍ଡା ଆଡେତେରି  
ଜୀସୁ ଇଞ୍ଜା ତାନି ସୀସୁୟାକି ତିଞ୍ଜାଲି  
ଜିକେଏ ଆଆଡେ □

୨୧ “ଜୀସୁ ବାୟା ଆଡେସି” ଇଞ୍ଜି  
ଲକୁ ଏଲେଇନାଣି ଖେଞ୍ଜାନା ତାନି  
କୁଟମି ଜୀସୁଲ୍ ଅହାଲି ଖାଡେତେରି □

୨୨ ଅଡେ ଜିରୁସାଲମଟି ଖାହାମାନି  
ମେରାପୁନାରି ଏଲେଇଚେରି,  
“ଇଞ୍ଜେରାଲ୍ ବାଲ୍‌ଜିବୁଲ୍ ବୃତୁ  
ଆଲ୍‌ଗାମାନେ, ଲାକା ଇଞ୍ଜେସି ବୃତୁୟାଣି  
ପିସ୍‌ପି କିହିମାନେସି □”

୨୩ ଏମ୍ବାଟିଏ ଜୀସୁ ଏଞ୍ଜେରାଲ୍  
ତାଗେ ହାଟାନା ପୁଣ୍ଡିକିନି କାତାତଲେ  
ଖେସ୍‌ସେସି, “ସୟତାନ ଏନିକ୍  
ସୟତାନଲ୍ ପେର୍‌ହାଲି ଆଡିନେ ?

୨୪ ର ରାକ୍ତି ବାଗା ଆହାନା ତାନି  
କପାଟି ନିଙ୍ଗିନେ, ଇଡିହୁଁ ଏ ରାକ୍ତି  
ଅଡେ ତାରିତଲେ ଡୟାଲି ଆଡେତଏ □

୨୫ ଇଞ୍ଜା ର ଇଲ୍‌କୁ କୁଟମିତାରି ବାଗା  
ଆହାନା ତାମ୍‌ତାମି କପାଟି ନିଙ୍ଗିନେରି  
ଇଡିହୁଁ ଏ ଇଲ୍‌କୁତାରି ତାରିତଲେ  
ଡୟାଲି ଆଡଅରି □

୨୬ ଏଲେକିହୁଁଏ ସୟତାନ ବାଗା  
ଆହାନା ତାନି କପାଟି ନିଙ୍ଗାମାନେ,  
ଆଡିହୁଁ ଏଡି ଅଡେ ତାରିତଲେ  
ଡୟାଲି ଆଡେତଏ, ସାମା ଏଦାନି ବାରେ  
ନାସା ଆହିମାନେ □”

୨୭ “ସାମା ଆମ୍ବାଆସି ନକେଏ ବାଡୁୟୁ  
ଗାଟାଣାଲ୍ ଦହୁଆଡିହୁଁ ତାନି ଇଜ  
ହଡାନା ତାନି ଇଜଡି ଆସ୍ତି ସରୁ  
କିହାଲି ଆଡଅସି; ଏଞ୍ଜେରାଲ୍ ତଲିଏ  
ଦସ୍ତିହୁଁଦେ ଏଞ୍ଜେସି ଏଞ୍ଜେଣି ଇଜତାଣି  
ସରୁ କିନେସି □”

୨୮ “ନାନୁ ମିଙ୍ଗ ସାତା ଖେସିମାଞ୍ଜାଲ୍,  
ଲକୁଡି ବାରେ ପାପୁ ଇଞ୍ଜା ଏଞ୍ଜେରି  
ଏଚେକା ନିନ୍ଦା କାତାତଲେ ମାହାପୁରୁ  
ନିନ୍ଦା କିନେରି ଏ ବାରେ ପାପୁ  
ମେଣ୍‌ଜିନେ □

୨୯ \*ସାମା ଆମ୍ବାଆସି ସୁଦୁଜୀଝୁ କପାଟି ନିୟା କାତା ଜଲିନେସି, ଏଝାଣି ଆମିନି କାଲାତା ଜିକେଏ ଦହ୍ ମେଣ୍ଡଜେଏ, ସାମା ଏଝାସି କାଲାକାଲାତି ପାପୁତି ଦହ୍ଗାଟାସି ଆନେସି □

୩୦ ଜୀସୁଇଁ ବୃତୁ ଆଲଗାମାନେ ଇଞ୍ଜି ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ୱେସ୍ତେସି □

ଜୀସୁତି ଇୟା ଅଡେ ତାୟିୟା  
(ମାତି ୧୨:୪୭-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡେ ତାୟିୟା ୱାହାନା ଇଲୁ ପାଙ୍ଗାତା ନିଚାନା ଜୀସୁଇଁ ହାଟି କିତେରି □

୩୨ ଏମ୍ବାଟିଏ ସାରିଝାକି କୁଗାମାଟି ଲକୁ ଏଲେଇଚେରି, “ମେହ୍ମୁ ମୀ ଇୟା, ତାୟିୟା ଅଡେ ତାଙ୍ଗିସ୍ତା ପାଙ୍ଗାତା ନିଚାନା ନିଜେ ପାରିମାଞ୍ଜାନେରି □”

୩୩ ଜୀସୁ ଏଝାରାଇଁ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଙ୍ଗିସ୍ତା ଆମ୍ବାଆୟି ?”

୩୪ ଇଞ୍ଜା ଏଝାସି ତାନି ସାରିଝାକି କୁଗାମାନି ଲକୁଣି ସିନକିହାନା ଏଲେଇଚେସି, “ମେହ୍ମୁ ନା ଇୟା ଅଡେ ନା ତାୟି ତାଙ୍ଗିସ୍ତା □

୩୫ ଆମ୍ବାଆସି ମାହାପୁରୁତି କାତା ଆହ୍ନେସି ଏଝାସିଦେଁ ନା ତାୟି, ତାଙ୍ଗି ଅଡେ ନା ଇୟା □”

୪

ବିଚା ମାଟିନାଣି ପୁଣ୍ଡିକିନି କାତା  
(ମାତି ୧୩:୧-୯; ଲୁକ ୮:୪-୮)

୧ \*ଜୀସୁ ଗାଲିଲି ସାମ୍ବୁରି ଗାଟୁତା ଅଡେ ୱେଣ୍ଡେ ଜାପୁହାଲି ମାଟୁହେସି, ଅଡେ ହାଚେକା ଲକୁ ଏଝାଣି ତାଣା ରୁଣ୍ଡା ଆଡେରି ଇଞ୍ଜା ଜୀସୁ ସାମ୍ବୁରିତା ମାନି ର ତଂଗତା ହାଜାନା କୁଟିଚେସି ଇଞ୍ଜା ଲକୁ ସାମ୍ବୁରି ଗାଟୁତା ନିଚାମାଚେରି □

୨ ଏମ୍ବାଟିଏ ଜୀସୁ ଏଝାରାଇଁ ହାଚେକା ପୁଣ୍ଡିକିନି କାତା ଜାପୁହିହିଁ ଏଲେଇଚେସି □

୩ “ଝେଞ୍ଜୁ, ମେହ୍ମୁ ର ବିଚା ମାଟିନାସି ବିଚା ମାଟାଲି ହଡେସି □

୪ ଇଞ୍ଜା ଏଝାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଟାୟା ୱାହାନା ଏ ପାଡେୟି ପେରହା ତିରୁ □

୫ ଅଡେ କଚେକା ବିଚା ଇଚାୟି ଇରଥା ମାନି ୱାଲକା ଲାକ ରୀତେ, ଇଞ୍ଜା ଓଣା ଇରଥା ମାଟାକି ଗାଡେକେଏ ନେୟିଁତେ,

୬ ସାମା ୱେଡା ଆଡାଲିଏ ନେୟା ମାଟାୟି ୱେହା ହାଚେ ଇଞ୍ଜା ହୀରୁ ଜୀଆତାକି ୱାୟାନା ହାହାହାଚେ □

୭ ଅଡେ କଚେକା ବିଚା ହାପୁକା ବୃଟାତା ରୀତେ, ଇଞ୍ଜା ହାପୁକା ବୃଟା ପାତାଆହାନା ଆନା ତାକିତି ପୁକହାତୁସ୍ତେ ଇଞ୍ଜା ପାଡେୟି ଆୟାଆତେ □

୮ ଅଡେ କଚେକା ବିଚା ନେହ୍ମୁ ବୃମିତା ରୀତେ, ଏଡି ନେୟାହାଁ ପାତାଆହାନା, କଡେଦସ, ତାନିକଡି, ପାସାକଡି ପାଡେୟି କାମ୍ବିତେ □”

୯ ଅଡେ ଏଝାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀର୍କା ମାନ୍ତୁ ଏଝାସି ୱେଣ୍ଡାସି □”

ପୁଣ୍ଡିକିନି କାତାଟି ୱେହ୍ନାୟି  
(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀସୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସୀସୁୟା ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜିଁ ୱେଚେରି □

୧୧ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାଜିତି ଡୁମାମାନାଣି ପୁଞ୍ଜାଲି ମିଜେ ବାଡୁୟୁ ହାପକି ଆହାମାନେ, ସାମା ପାଙ୍ଗାତି ବାରେ ଲକୁତାକି ଇ ପୁଣ୍ଡିକିନି କାତାତଲେ ୱେସ୍ପି ଆହିମାନେ,

୧୨ ଏନିକିଁ,  
“ଏଝାରି ମେସି ମେସିହିଁ ,

\* ୩:୨୯ ୩:୨୯ ଲୁକ ୧୨:୧୦ \* ୪:୧ ୪:୧ ଲୁକ ୫:୧-୩



ମେହୁଅରି;  
 ଇଞ୍ଜା ଖେଞ୍ଜିଖେଞ୍ଜିହୁଁ,  
 ତେଲହୁଅରି,  
 ଏଞ୍ଜାରି ମାହାପୁରୁ ତାଣା ଖେଣ୍ଡା  
 ଖାଡ଼ିହୁଁମା,  
 ପାପୁଟି ପିସ୍‌ପି ଆଡେରିମା ।”

ବିଚା ମାଟିନି କାତା ପୁଣ୍ଡିକିନାୟି  
 (ମାତି ୧୩:୧୮-୨୩; ଲୁକ ୮:୧୧-  
 ୧୫)

୧୩ ଜୀସୁ ଅଡେ ଖେଣ୍ଡେ ଏଞ୍ଜାରାଇଁ  
 ଏଲେଇଚେସି, “ମୀରୁ ଇ ପୁଣ୍ଡି କିନାଣି  
 ପୁଞ୍ଜି ହିଲଅଚେରି ? ଆଡିହୁଁ ନା  
 ପୁଣ୍ଡିକିନି କାତା ଏନିକିଁ ପୁଞ୍ଜେରି ?

୧୪ ଆମ୍ବାଆସି ମାହାପୁରୁ ବଲୁ  
 ଖେହୁନାସି ଏଞ୍ଜାସି ବିଚା ମାଟିନାସି ।”

୧୫ ଆମିନି ଗାଗାରି ଖେନେରି, ଇଞ୍ଜା  
 ଖେଟି ଦେବୁଣିଏ ସୟତାନ ଖାହାନା  
 ଏଞ୍ଜାରିତାଣା ଖେଣ୍ଡି ଆହାମାନି ବଲୁ  
 ମୀଞ୍ଜାଅଡେନ, ଏଞ୍ଜାରି ଜିରୁ ଦାରିତା ରିତି  
 ବିଚାଲେହେଡାରି ।”

୧୬ ଏଲେକିହୁଁ ଏ ଖାଲି ଲାକ  
 ରିହାମାନି ବିଚାଲେହେଡାରି, ଏ ବଲୁ  
 ଖେଣ୍ଡିନିଏ ରାହୁଟି ନାମିନେରି,

୧୭ ସାମା ଏଞ୍ଜାରିତାଣା ହୀରୁ  
 ଜୀଆତାକି ଗାଡେକା ତାକି ତାରି  
 ମାନେରି, ତାୟୁ ମାହାପୁରୁ ବଲୁ ତାକି  
 କସ୍ତ ବାଦା ଖାଡ଼ିସାରେ ଦେବୁଣିଏ  
 ପିହୁନେରି, ଏଞ୍ଜାରି ଉଣା ଇରୁଆ ମାନି  
 ଖାଲୁକା ଲାକତି ବିଚାଲେହେଡାରି ।”

୧୮ ହାପୁକା ବୁଟାତା ମାଟିତି ବିଚା  
 ଏଞ୍ଜାରି, ଆମ୍ବାଆରି ବଲୁତି ଖେନେରି,

୧୯ ଦାରଡିତି ଅଣପୁ ଦନଡି  
 ବାରେ ଜୁପୁକା ହତାନା ଏଞ୍ଜାରାଇଁ  
 ପୁକହାତୁହୁନେ, ଇଞ୍ଜା ଏଡି ପାଡେୟି  
 ଆୟାଲି ଆଡେଏ ।”

୨୦ ଅଡେ ଆମିନି ଗାଗାରି କାତା  
 ଖେନେରି, ଇଞ୍ଜା ନାମିନେରି, ଅଡେ  
 କଡେଦସ, ତାନିକଡି, ଇଞ୍ଜା ପାସାକଡି  
 ପାଡେୟି କାମ୍ବିନେରି, ଏଞ୍ଜାରି ନେହୁଁ  
 ବୁମିତା ମାଟିତି ବିଚାଲେହେଡାରି ।”

ମାଣା ପୁକହି ଦୀଞ୍  
 (ଲୁକ ୮:୧୬-୧୮)

୨୧ \*ଜୀସୁ ଅଡେ ଖେଣ୍ଡେ ଏଞ୍ଜାରାଇଁ  
 ଏଲେଇଚେସି, “ଆମ୍ବାଆସି ଦୀଞ୍  
 ତୀସାନା ମାଣା ପୁକହାନା କି କାଚେଲି  
 ତୁଇ ଇଚିନେସି ? ଏଦାଆଁ ଏନାଆଁ ଦୀଞ୍  
 ସତାତା ଇଚଅସି ?

୨୨ \*ଇଚିହୁଁ ତଞ୍ଜା ଆଆଗାଗାୟି  
 ଏନାୟି ଜିକେଏ ତୁଗୁନା ତୟେଏ;  
 ଏନାୟି ତୁଗୁନା ଆହାମାନେ, ଏଡି  
 ତଞ୍ଜାଆହାଲି ତୁଗୁମାନେ ।”

୨୩ ଇଚିହୁଁ ଆମ୍ବାଆରାକି ଖେଞ୍ଜାଲି  
 କୀକା ମାନୁ ଏଞ୍ଜାସି ଖେଣ୍ଡାସି ।”

୨୪ \*ଜୀସୁ ଅଡେ ଏଲେଇଚେସି,  
 “ଏନାଆଁ ଖେଞ୍ଜି ମାଞ୍ଜେରି ଏ କାତାତା  
 ଜାଗାତା, ଆମିନି ମାଣା ତଲେ  
 ଲାଡିଦେରି, ଏ ମାଣା ତଲେ ମିଙ୍ଗେ  
 ଲାଡା ହିୟାନେରି, ଅଡେ ମୀରୁ  
 ହାଡେକା ବେଟାଆଦେରି ।”

୨୫ \*ଇଚିହୁଁ ଆମ୍ବାଆରାକି ମାନେ  
 ଏଞ୍ଜାଣାକି ହୀପୁକି ଆନେ; ଅଡେ  
 ଆମ୍ବାଆରାକି ହିଲେଏ, ଏଞ୍ଜାଣି ତାଣା  
 ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି  
 ତାଣାଟି ଅଡିଆନେ ।”

ପାତାଆନି ବିଚାତି ପୁଣ୍ଡିକିନାୟି

୨୬ ଜୀସୁ ଅଡେ ଏଲେଇଚେସି,  
 “ମାହାପୁରୁ ରାଜି ଇଲେତାୟି, ଏନିକିଁ  
 ର ମାଣସି ବୁମିତା ବିଚା ମାଟିନେସି;

୨୭ ଇଞ୍ଜା ଲାଆଁୟାଁ ଇଦା କିନେସି  
 ଅଡେ ମାଦେନା ତେଃଏଲିନେସି,  
 ଅଡେ ବିଚା ଏନିଆହୁଁ ଗଜା ଆହାଁ  
 ପାତାଆନେ ଏଦାଆଁ ଏଞ୍ଜାସି ପୁନଅସି  
 ।”

୨୮ ଗହୁଁ ବୁମିତି ତାୟୁଏ ନେୟିନେ,  
 ତଲିଏ ଆକୁ ଆନେ ତାୟୁ ଜେକୁ ଅଡେ  
 ତାୟୁ ଜେକୁତି ପାଡେୟି ଆନେ ।”

୨୯ ସାମା ଆନାଁ କାମ୍ବିସାରେ ମାଟିତାସି  
 ଏ ଆନାଁତି କଡାତଖେଲି ତଲେ  
 ଦାଃଆନେସି ।”

\* ୪:୨୧ ୪:୨୧ ମାତି ୫:୧୫; ଲୁକ ୧୧:୩୩      \* ୪:୨୨ ୪:୨୨ ମାତି ୧୦:୨୬; ଲୁକ ୧୨:୨      \* ୪:୨୪  
 ୪:୨୪ ମାତି ୭:୨; ଲୁକ ୭:୩୮      \* ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭

ରାୟି ପାଡ଼େୟି କାତା  
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି,  
“ମାର ମାହାପୁରୁ ରାଜି ଏନାଆଁତଲେ  
ତୁକନାୟି ? ଇଞ୍ଜା ଏନିଲେହେଟି  
ପୁଣ୍ଠିକିନି କାତାତଲେ ଝେହନାୟି ?

୩୧ ଏଦି ର ହାର୍ସୁ ପାଡ଼େୟି ଲେହେ;  
ବୁମିତା ମାଟିନି ବେଲାତା ଏଦି ଦାରତିତି  
ବାରେ ପାଡ଼େୟି କିହାଁ ଉଣା,

୩୨ ସାମା ମାଟିତି ଜେଚ ପାତାଆହାନା  
ବାରେ କୁଚା କିହାଁ କାଜାୟି ଆନେ, ଇଞ୍ଜା  
ଏଦାନି କମାୟାଁ ଇଲେକିଁ କାଜାଇ  
ଆନୁ, ଇଞ୍ଜା ହାଗୁ ଲାକ ଉମ୍ବିନି ପଗାୟାଁ  
ଝାହାନା ଏଦାନି କମାଣାଁ ବଣ ଦସାଁ  
ବାସାଆନୁ □”

୩୩ ଜୀସୁ ଇଲେକିହଁ ହାରେକା  
ପୁଣ୍ଠିକିନି କାତା ଝେସିହଁ ଏଝାରି  
ପୁନିଲେହେକିଁ ମାହାପୁରୁ କାତା  
ଝେସିମାଚେସି,

୩୪ ଅଡ଼େ ପୁଣ୍ଠିକିନି କାତା ଆଟ୍‌ଆନା  
ଜୀସୁ ଏନାଆଁଝା ଝେସି ହିଲାଆଚେସି,  
ସାମା ଲକୁ ହିଲାଆ ବେଲାତା ତାନି  
ସୀସୁୟାଁଣି ବାରେ ପୁଣ୍ଠିକିହିମାଚେସି □

ଜୀସୁ କାଜା ଗାଲିତି ସାପି କିନାୟି  
(ମାତି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲା ବେଲା ଜୀସୁ  
ତାନି ସୀସୁୟାଁଇଁ ଏଲେଇଚେସି, “ଝାଦୁ  
ମାର ସାମ୍‌ଦୁରି ଆତାଲା ହାନ □”

୩୬ ଏମ୍ବାଟିଏ ଏଝାରି ଲକୁଣି ପିସାନା  
ଏଝାସି ଏନିକିଁ ତଂଗତା ମାଚେସି  
ଏଲେକିହଁ ଏ ଅଡ଼େରି, ଇଞ୍ଜା ଏମ୍ବାଆଁ  
ଏଚରଗଟା ତଂଗାୟାଁ ଜିକେଏ ମାରୁ □

୩୭ ଇଞ୍ଜା ଦେବୁଣିଏ ହାରେକା କାଜା  
ଗାଲି ଆଡ଼େ, ଇଞ୍ଜା ତଂଗ ସାମ୍‌ଦୁରିତି  
ଗାଲିତାକି ମୁଞ୍ଜାଲି ମାଟ୍‌ହେ □

୩୮ ଏଚିବେଲା ଜୀସୁ ତଂଗତି  
ତାୟୁଝାକି ର ମୁଲାତା ତାରପୁ ଆଂଗାନା  
ଇଦା କିହାମାଚେସି; ଇଞ୍ଜା ସୀସୁୟାଁ  
ଏଝାଣାଇଁ ନିକହାନା ଏଲେଇଚେରି, “ଏ

ଗୁରୁ ମାର ହାନାୟିଦେଁ ନିଜେ ଅଣ୍‌ପୁ  
ହିଲେଏ କି ?”

୩୯ ଏମ୍ବାଟିଏ ଜୀସୁ ନିଜ୍ଞାନା  
ଗାଲିତି ଦାକା ହୀହାନା ଏଲେଇଚେସି,  
“ତୁଙ୍ଗାମୁ” ଇଞ୍ଜା ସାମ୍‌ଦୁରିତି  
ଏଲେଇଚେସି, “ସାପି ଆମୁ” ଏମ୍ବାଟିଏ  
ଗାଲି ପାଲେଏ ଆଡ଼େ ଇଞ୍ଜା ବାରେ ସୁସି  
ଆଡ଼େ □

୪୦ ଇଞ୍ଜା ଜୀସୁ ଏଝାରିଇଁ  
ଏଲେଇଚେସି, “ମୀରୁ ଏନାଆଁତାକି  
ଇଚେକା ଆଜିମାଞ୍ଜେରି ? ମୀ ନାମୁ  
ହିଲେଏ କି ?”

୪୧ ଏମ୍ବାଟିଏ ଏଝାରି ହାରେକା  
ଆଜାନା ତାମ୍‌ତାମ୍‌ସୁ କାତା ଆଡ଼େରି,  
“ଇଝାସି ଆମ୍ବାଆସି ? ଗାଲି ଅଡ଼େ  
ସାମ୍‌ଦୁରି ଜିକେଏ ଇଝାଣି ହାଡ଼ା ମାନୁଝି  
ଆହିମାନୁ □”

**୫**

ଜୀସୁ ବୁଡ଼ୁୟାଁ ଆଲ୍‌ଗିତାଣାଇଁ  
ନେହଁକିନାୟି

(ମାତି ୮:୨୮-୩୪; ଲୁକ ୮:୨୬-୩୯)

୧ ତାୟୁ ଜୀସୁ ଅଡ଼େ ସୀସୁୟାଁ  
ଗାଲିଲି ଆତାଲାତି ଗରାସିୟ\* ରାଜିତା  
ଏଗାହାଚେରି □

୨ ଜୀସୁ ତଂଗତି ରେପନିଏ ର ବୁଡ଼ୁ  
ଆଲ୍‌ଗା ମାଚାସି ମାଡ଼ୁହା ମୁହନି ଚାୟୁତି  
ହଡ଼ାଝାହାନା ଜୀସୁଇଁ ବେଟାଆଡ଼େସି □

୩ ଏଝାସି ମାଡ଼ୁହା ମୁହନି ଚାୟୁତା  
ବାସା କିହିମାଚେସି, ଇଞ୍ଜା ଆମ୍ବାଆସି  
ଜିକେଏ ଏଝାଣାଇଁ ହିକ୍‌ଣିୟାଁ ତଲେ  
ଦସାଲି ଆଡ଼ିହିଲାଆଚେରି;

୪ ଇଚିହଁ ଏଝାଣାଇଁ ହାରେକା  
ଦେବା ହିକ୍‌ଣିୟାଁ ତଲେ ଦସାମାଚେରି,  
ସାମା ଏ ହିକ୍‌ଣିୟାଁ ତାପହାନା କୁଚୁକୁଟା  
କିଚେସି, ଇଞ୍ଜା ଏଝାଣାଇଁ ଦସା  
ଇଗାଲି ଆମ୍ବାଆରାକି ଜିକେଏ ବାଡ଼ୁୟୁ  
ହିଲାଆଚେ □

୫ ଏଝାସି ଲାଆଁୟାଁ ମାଦେନା  
ବାରେବେଲା ମାଡ଼ୁହା ମୁହନି ଚାୟୁତା  
ଅଡ଼େ ହରୁତା ତୟାନା କିଚ୍‌ତି ମାଚେସି,

\* ୫:୧ ୫:୧ କଚେକା ସାଫ୍‌ସ୍‌ପରିତା ଗଦରିୟ ରାସ୍‌କି ଆହାମାନେ

ଇଞ୍ଜି ଖାଲକାତଲେ କଡ଼ହା କଡ଼ିହ  
ରାଣାରାକା କିହା କଡ଼ିମାତେସି □

୨ ଏଝାସି ହେକଟିଏ ଜୀସୁଇଁ ମେସାନା  
ହଟି ହଟିହୁଁ ଖାହାନା ଏଝାଣି କଡ଼ାଣା  
ରିହାଁ ଜହରା କିତେସି,

୩ ଅଡ଼େ କାଜା ଗିୟାତଲେ  
କିରଡ଼ିହୁଁ ଏଲେଇତେସି, “ଏ  
ବାଡ଼ୟୁଗାଟି ମାହାପୁରୁ ମୀରଏଣାତି  
ଜୀସୁ, ନୀ ତଲେ ନାଙ୍ଗେ ଏନାୟି  
ମାତେ ? ନିଙ୍ଗେ ମାହାପୁରୁ ଦରୁତଲେ  
ପାରମାଣା କିହିମାଞ୍ଜାଇଁ, ନାଙ୍ଗେ କସ୍ତ  
ହିୟାଆନି □”

୪ ଏନାଆଁତାକି ଇଚିହୁଁ ଜୀସୁ  
ଏଝାଣାଇଁ ଏନାଆଁ ଇଞ୍ଜାଲି  
ହାଜିମାତେସି, “ଏ ପଲୁଆ ବୁଡୁତି  
ଇଝାଣି ତାଣାଟି ହଡ଼ାହାଲାନୁ □”

୫ ଜୀସୁ ଏଝାଣାଇଁ ଝେତେସି, “ନୀ  
ଦରୁ ଏନାୟି ?” ଏଝାସି ଏଲେଇତେସି,  
“ନା ଦରୁ ‘ମାନ୍ଦା’ ଇଚିହୁଁ ମାନୁ  
ହାରେକା ଜାଣାତମି □”

୬ ଇଞ୍ଜା ଜୀସୁ ଏନିକ୍ ଏ ପଲୁଆ  
ବୁଡୁୟାଣି ଏ ରାଜିଟି ଅର ରାଜିତା  
ପାଣ୍ଡୁଅସି, ଏଦାଆଁତାକି ଏଝି ଜୀସୁଇଁ  
ହାରେକା ବାତିମାଲିତୁ □

୭ ଏମ୍ବାଆଁ ହରୁ ଦାରିତା ର ମାନ୍ଦା  
ପାଜିୟାଁ ମେୟିମାରୁ □

୮ ଅଡ଼େ ଏ ବୁଡୁୟାଁ ବାତିମାଲିହୁଁ  
ଏଲେଇରୁ, “ମାଙ୍ଗେ ଏ ପାଜିୟାଁ  
ମାନ୍ଦାତା ହଡ଼ାଲି ପାଣ୍ଡାନୁ □”

୯ ଏଝାସି ଏଝାରାଇଁ ହୁକୁମି  
ହୀହାଲିଏ, ଏ ପଲୁଆ ବୁଡୁୟାଁ ଏଝାଣି  
ତାଣାଟି ହଟାନା ପାଜିୟାଁ ମାନ୍ଦା ବିତ୍ତା  
ହଟୁ; ଏମ୍ବାଟିଏ ମାନ୍ଦା ପାଜିୟାଁ ତବେ  
ହଟାନା ତାଗେ ମାଟି ସାମଦୁରିତା  
ମେଦାନା ହାହାହାଟୁ, ବାରେ ରୀ ମାଣା  
ପାଜିୟାଁ ମାରୁ □

୧୦ ଏ ପାଜିୟାଁ ମେଟିମାଟି ଗଡ଼କା  
ଗାଡ଼ାତା ଅଡ଼େ ନାୟକାଣାଁ ଏ କାତା  
ଝେସକା ହାତେରି; ଏମ୍ବାଟିଏ ଲକୁ  
ଏନାଆଁ ଆହାମାନେ ଇଞ୍ଜୁଁ ସିନିକିହାଲି  
ଝାଡ଼େରି □

୧୧ ଅଡ଼େ ଏଝାରି ଜୀସୁ ତାଗେ  
ଝାହାନା, ଏ ବୁଡୁ ଆଲଗା ମାତାଣାଇଁ  
ଇଚିହୁଁ ଆମ୍ବାଆରାକି ନକେଏ  
ମାନ୍ଦା ବୁଡୁୟାଁ ଆସାମାରୁ, ଏଝାଣାଇଁ  
ହିମ୍ବୁରି ହୁଟାନା ନେହୁଁ ମନତଲେ  
କୁଗାମାତାଣି ମେସାନା ଆଜିତେରି □

୧୨ ଆମ୍ବାଆରି ମେସାମାତେରି,  
ବୁଡୁ ଆଲଗା ମାତାସି ଏନିକ୍  
ନେହୁଁ ଆଡେସି, ଅଡ଼େ ପାଜିୟାଁ  
ଏନିକ୍ ନାସା ଆତୁ ଏ ବାରେ ଝେସ୍ତେରି  
□

୧୩ ଏମ୍ବାଟିଏ ଏଝାରି ଜୀସୁଇଁ ତାମି  
ହାନ୍ଦିଟି ହାଜାଲି ବାତିମାଲିତେରି □

୧୪ ତାୟୁ ଜୀସୁ ତଂଗତା ହଟିମାତାଟି  
ଆମିନି ଗାଟାଣାକି ବୁଡୁ ଆଲଗାମାତେ,  
ଏଝାସି ତାମିତଲେ ଡୟାଲି ତାକି  
ବାତିମାଲିତେସି □

୧୫ ସାମା ଜୀସୁ ହେଲ ହୀଆନା  
ଏଝାଣାଇଁ ଏଲେଇତେସି, “ନୀ  
ଇଜ ନୀ ଲକୁତାଣା ହାଲାନୁ,  
ଇଞ୍ଜା ପ୍ରବୁ ନିଙ୍ଗେତାକି ଏନି କାମା  
ଅଡ଼େ ନିଙ୍ଗେତାକି ଏମିନି କାର୍ମା  
କିହାମାଞ୍ଜାନେସି, ଏ ବାରେ ଏଝାରାଇଁ  
ଝେହମ୍ବୁ □”

୧୬ ଏମ୍ବାଟିଏ ଏଝାସି ହାଜାନା, ଜୀସୁ  
ଏଝାଣାକି ଏନି କାମା କିହାମାତେସି,  
ଏଝାସି ଦେକାପଲିତାଃ ଝେକହାଲି  
ମାଟୁହେସି; ଏମ୍ବାଟିଏ ବାରେଜାଣା କାବା  
ଆଡେରି □

ଜାୟିରସ ମାଙ୍ଗାନି ଜୀସୁ ଇଞ୍ଜା  
ନେତେରି ଝାଙ୍ଗିମାଟି ଇୟା ନେହୁଁ  
ଆନାୟି

(ମାଟି ୯:୧୮-୨୭; ଲୁକ ୮:୪୦-୫୭)

୧୭ ଜୀସୁ ତଂଗଟି ଗାଣାତାନା ଅରଝାକି  
ଝେଣ୍ଡେ ଝାଡେସି, ମାନ୍ଦା ଲକୁ ଏଝାଣି  
ତାଣା ରୁଣ୍ଡା ଆଡେରି; ଇଞ୍ଜା ଏଝାସି  
ସାମଦୁରି ଗାଟୁତା ଡୟିତେସି □

୧୮ ଏଚିବେଲା ଜୀହୁଦି ଲକୁତି କୁଟମି  
ଇଲୁତିଃ କାଜାରି ବିତ୍ତାଟି ଜାୟିରସ  
ଦରୁଗାଟାସି ରଅସି ଜୀସୁଇଁ ମେସାନା  
ଏଝାଣି କଡ଼ାଣା ରୀତେସି,

୨୩ ଇଞ୍ଜା ହାରେକା ବାତିମାଲିହ ଏଲେଇରେସି, “ନା ମାଢ଼ା ହାନିହରେ ଆହାମାନେ; ଏଦି ଏନିକ୍ ନେହ ଆହାନା ନୀତିନେ, ଏଦାଆଁତାକି ନୀନୁ ଖାହାନା ଏଦାନି ଲାକ କେୟୁ ଇଚାମୁ □”

୨୪ ଏମ୍ବାଟିଏ ଜୀସୁ ଏଞ୍ଜାଣିତଲେ ହାରେସି, ଇଞ୍ଜା ହାରେକା ଲକୁ ଏଞ୍ଜାଣିତଲେ ହାଜାଲି ମାଟ୍‌ହେରି, ଇଞ୍ଜା ଏଞ୍ଜାଣି ମୁହେଁ ମୁହେଁ ଡ୍ରିସ୍‌ପି ଆହିମାରେରି □

୨୫ ଏରିବେଲାତା ର ଇୟା ବାର ବାର୍ଯା ପାତେକା ନେତେରି ଖାଢ଼ିନି ରଗତା ନେତେରି ତୁଙ୍ଗାଆନା ନେହ ଆହି ହିଲାଆତେ,

୨୬ ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟା କାର୍ତୁ କିହାମାରେ, ଅଡ଼େ ଜିକେଏ ନେହ ଆହିହିଲାଆତେ, ସାମା ହାରେକା କସୁ ବେଟାଆହି ମାରେ □

୨୭ ଏଦି ଜୀସୁତି କାତା ଖେଞ୍ଜାନା ଲକୁ ମାନ୍ଦାତା ଖାହାନା ତାୟୁ ଖାକିଟି ଏଞ୍ଜାଣି ହିମ୍ବରି ତୀଗିତେ;

୨୮ ଇଚିହ ଏଦି ଏଲେ ଇଞ୍ଜିମାରେ, “ଏଞ୍ଜାଣି ହିମ୍ବରି ତୀଗିତିହ ନେହ ଆଇଁ □”

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଙ୍ଗିତେ, ଇଞ୍ଜା ଏଦି ରଗତି ନେହ ଆହାମାନେ ଏଦାଆଁ ତାନି ଆଙ୍ଗାତା ପୁଞ୍ଜା କଡିତେ □

୩୦ ଦେବୁଣିଏ ଜୀସୁ ତାନି ଆଙ୍ଗାଟି ବାଡ଼ୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନକିହାନା ଏଲେଇରେସି, “ଏମ୍ବାଆୟି ନା ହିମ୍ବରି ତୀଗାତେ?”

୩୧ ଏମ୍ବାଟିଏ ତାନି ସୀସୁୟା ଏଲେଇରେରି, “ନୀନୁତ ମେସିମାଞ୍ଜି ଲକୁ ଏନିକ୍ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଙ୍ଗେ ତୀଗାତେ?”

୩୨ ସାମା ଏମ୍ବାଆୟି ତାଙ୍ଗେ ତୀଗିତେ ଏଦାଆଁ ମେସାଲି ଜୀସୁ ସାରିସୁଟୁ ସିନକିତେସି □

୩୩ ଏମ୍ବାଟିଏ ଏ ଇୟା ଖାହାନା ତାଙ୍ଗେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରଗିହ ଖାହାଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଖେସ୍ତେ □

୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇରେସି, “ଆଲ ମାଢ଼ା ନୀ ନାମୁ ନିଙ୍ଗେ ନେହ କିହାମାଞ୍ଜାନେ; ହିଡ଼ଡି ତଲେ ହାଲାମୁ ଇଞ୍ଜା ନୀ ରଗତି ନେହ ଆମୁ □”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକୁତି କୁଟମି ଇଲୁତି କାଜାଣା ଇଜଟି ରଅସି ଖାହାନା ଏଲେଇରେସି, “ନୀ ମାଢ଼ା ହାଡ଼େୟିଏ ଗୁରୁଇଁ ଅଡ଼େ ଏନାଆଁତାକି କସୁ ହାହିମାଞ୍ଜି ?”

୩୬ ସାମା ଜୀସୁ ଏ କାତା ଖେଞ୍ଜାନା ଖେନାଆଡିଲେହେ ଆହାନା ଜାୟିରସଇଁ ଏଲେଇରେସି, “ଆଜାଆନି ସାମା ନାମାମୁ □”

୩୭ ଅଡ଼େ ଏଞ୍ଜାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସ୍‌ପେ ଆମ୍ବାଆରାଇଁ ତାନିତଲେ ଅଆତେସି □

୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା କାଲୁଝି ଆହି ତୀହିମାନାଣି ମେସ୍ତେସି,

୩୯ ଇଞ୍ଜା ବିତ୍ରା ହାଜାନା ଏଞ୍ଜାସିକାଣି ଏଲେଇରେସି, “ଏନାଆଁତାକି କାଲୁଝି ଆହି ତୀହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ କାକହେରି □

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକହେରି, ସାମା ଏଞ୍ଜାସି ବାରେଡି ପାଙ୍ଗାତା ପାଣ୍ଡାନା ପଦାନି ଇୟା ଆବା ଅଡ଼େ ତାନି ତାନି ଜାଣା ସୀସୁୟା ତଲେ ଏ ପଦା ମାଟି ତାଣା ହାରେରି,

୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇରେସି, “ଟଲିତା କୁମ୍” ଇଚିହ “ଆଲ ମାଢ଼ା ନୀନୁ ନିଙ୍ଗେ ଖେସିମାଞ୍ଜାଇଁ ନିଙ୍ଗାମୁ □”

୪୨ ଏ ଦେବୁଣିଏ ପଦା ନିଙ୍ଗାନା ତାକିତେ (ଇଚିହ ଏଦି ବାର ବାର୍ଯା

ଆହାମାତେ) ଏମ୍ବାଟିଏ ଏଞ୍ଜରି ହାରେକା କାବା ଆଡେତରି □

୪୩ ଇଞ୍ଜା ଇ କାତା ଏନିକି ଆମ୍ବାଆରି ପୁନଅରି, ଏଦାଆଁତାକି ଏଞ୍ଜସି ଏଞ୍ଜରାଇଁ ଜାଣ୍ଡେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇତେସି □



ଜୀସୁଇଁ ନାଜରିତତା ଅପାଆଗାଗାୟି (ମାତି ୧୩:୫୩-୫୮; ଲୁକ ୪:୧୬-୩୦)

୧ ଜୀସୁ ଏ ଚାୟୁ ପିସାନା ତାନୁ ପାଡାଆଡି ନାୟୁଁତା ହାଚେସି ଇଞ୍ଜା ତାନି ସୀସୁୟାଁ ତାନି ଜେଚ ହାଚେରି □

୨ ଜମିନି ଦିନା ଖାହାଲିଏ, ଏଞ୍ଜସି ଜୀହୁଦି ଲକୁତି କୁଟମି ଇଲୁତା\* ଜାପୁହାଲି ମାଟୁହେସି; ଇଞ୍ଜା ହାରେକା ତାନି କାତା ଖେଞ୍ଜାନା କାବା ଆହାଁ ଏଲେଇଚେରି, “ଇଞ୍ଜାଣାକି ଇ ବାରେ ଏମ୍ବିଟି ଆଡେ ? ଇଞ୍ଜସି ଇଲେତି ବୁଦି ଏନିକି ପୁଚେସି ? ଇଞ୍ଜା ଇଲେତି କାବାଆନି କାମା ଏନି ବାଡ଼ୟୁ ତଲେ କିହିମାନେସି ?”

୩ ଇଞ୍ଜସି ଏ ବାଡ଼ିୟାଡି ମୀରୁଏସି ଆଏକି ? ଇଞ୍ଜସି ମରିୟମନି ମୀରୁଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଜିସ୍ତା ଇମ୍ବାଆଁ ମା ତଲେ ହିଲାର କି ? ଅଡେ ଏଞ୍ଜରି ଏଞ୍ଜାଣାଇଁ ଅପାଆତେରି □

୪ \*ଏମ୍ବାଟିଏ ଜୀସୁ ଏଞ୍ଜରାଇଁ ଏଲେଇଚେସି, “ମାହାପୁରୁ ଅଣପୁତି ବଲୁ ଖେହନାରି ଏଟକା ଲକୁ ତାଣାଟି ମାନି ବେଟାଆନେରି ସାମା ତାନି ନାୟୁଁତି ଲକୁ ଇଞ୍ଜା ତାନି ଇଲୁ କୁଟମିତି ଲକୁ ଏଞ୍ଜାଣାଇଁ ମାନି କିଅରି □”

୫ ଇଞ୍ଜା ଏଚରଜାଣା ରଗ ଗାଟାରାଇଁ କେୟୁ ଇଗାନା ନେହଁ କିନାଣି ପିସପେ

ଏ ଚାୟୁତା ଏନି ବାଡ଼ୟୁତି କାମା କିହାଲି ଆଡାଆତେସି □

୬ ଇଞ୍ଜା ଏଞ୍ଜରି ନାମାଆତାକି ଜୀସୁ ହାରେକା କାବା ଆଡେସି ଏମ୍ବାଟି ବାରେ ନାୟୁକାଣାଁ ହାଜାନା ଜାପୁହେସି □

ଜୀସୁ ବାରଜାଣା ସୀସୁୟାଁ ପାଣ୍ଡିନାୟି (ମାତି ୧୦:୫-୧୫; ଲୁକ ୯:୧-୬)

୭ ତାୟୁ ଏଞ୍ଜସି ନାୟୁକା ନାୟୁକାଣାଁ ରେଜି ରେଜିହଁ ଜାପୁହାଲି ମାଟୁହେସି, ଏମ୍ବାଟିଏ ବାରଜାଣାଟି ତାଗେ ହାଟାନା ଏଞ୍ଜରାଇଁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜା ଲାଗେଏ ପଲେଏତି ଜୀସୁୟାଁ ଲାକ ଏଞ୍ଜରାକି ଅଦିକାରା ହୀତେସି,

୮ ଅଡେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଟଡ଼ିତା ଟାକାୟାଁ ଅଥାଦୁ ଇଞ୍ଜା ହୁକୁମି ହୀତେସି;

୯ ସାମା ଏଞ୍ଜରାଇଁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜା ରୀ ସକାୟାଁ ତୁରହାଲି କାହି କିତେସି □

୧୦ ଇଞ୍ଜା ଜୀସୁ ଏଞ୍ଜରାଇଁ ଏଲେଇଚେସି, “ମିଙ୍ଗ ଆମିନି ଇଲୁତା ହାଟାନେରି, ଏମ୍ବାଟି ଖେଣ୍ଡା ଖାଆ ପାତେକା ଏମ୍ବାଆଁ ଡୟାଦୁ □

୧୧ \*\*ସାମା ଆମିନି ଚାୟୁତି ଲକୁ ମିଙ୍ଗ ଆବଅରି, କି ମୀ କାତା ଖେନଅରି, ଏମ୍ବାଟି ଖେଣ୍ଡା ଖାନାଟି ଏଞ୍ଜରି ନକିତା ସାକି ହାହାଲି ତାକି ମୀ କତାତି ଦୂଡ଼ି ହାଣ୍ଡୁ □”

୧୨ ଏମ୍ବାଟିଏ ଏଞ୍ଜରି ରେଜି ରେଜିହଁ ପାପୁ ପିସାନା ମନ ଖେଟ୍ଟନି କାତା ଖେକହେରି,

୧୩ \*ଇଞ୍ଜା ହାରେକା ବୁଡୁଣି ପିସପି କିତେରି, ଇଞ୍ଜା ହାରେକା ରଗ ଗାଟାରାଇଁ ନିୟୁଁ ରୁବାନା ନେହଁ କିତେରି □

\* ୬:୨ ୬:୨ ସିନଗର    ☆ ୬:୪ ୬:୪ ଜହ ୪:୪୪    ☆ ୬:୧୧ ୬:୧୧ କାମା ୧୩:୫୧    ☆ ୬:୧୧ ୬:୧୧ ଲୁକ ୧୦:୪-୧୧    ☆ ୬:୧୩ ୬:୧୩ ଜାକୁବ ୫:୧୪    † ୬:୧୩ ୬:୧୪ ମୁଞ୍ଜିନାୟି    ☆ ୬:୧୪ ୬:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯

ବାପ୍ତିସ୍ମା<sup>†</sup> ହାନି ଜହନତି ହାନାୟି  
(ମାତି ୧୪:୧-୧୨; ଲୁକ ୯:୭-୯)

୧୪ \*ଏମ୍ବାଟିଏ ଜୀସୁ ଦରୁ ସାରି  
ଝାକି ଝେଙ୍ଗା ହାଜାଲିଏ ହେରଦ ରାଜା  
ଏଝାଣି କାତା ଝେରେସି, ଇଞ୍ଜା ଲକୁ  
ଏଲେଇଞ୍ଜିମାରେରି, “ବାପ୍ତିସ୍ମା<sup>‡</sup> ହାନି  
ଜହନ ହାତାରି ତାଣାଟି ନିଙ୍ଗାମାନେସି,  
ଏଦାଆଁତାକି ଇ ବାରେ କାବାଆନ୍ତି  
ବାଡ଼୍‌ମୁତି କାମା ଏଝାଣି ତାଣା  
ଆହିମାନେ □”

୧୫ ସାମା ଏଟକାତାରି ଏଲେଇଞ୍ଜିମାରେରି,  
“ଇଝାସି ଏଲିୟ □”

ଇଞ୍ଜା ଅଡେ ଏଚରଜାଣା  
ଏଲେଇଞ୍ଜିମାରେରି, “ମାହାପୁରୁ  
ଅଣପୁତି ବଲୁ ଝେହନାରି ଲେହେ  
ଇଝାସି ଜିକେଏ ମାହାପୁରୁ ଅଣପୁତି  
ବଲୁ ଝେହନାସି □”

୧୬ ସାମା ହେରଦ ଇଦାଆଁ ଝେଞ୍ଜାନା  
ଏଲେଇରେସି, “ଆମିନି ଜହନତି  
ତାୟି<sup>~</sup> ନାନୁ ଦାପି କିହାମାଈ, ଏଝାସି  
ନିଙ୍ଗାମାନେସି □”

୧୭ \*ଇଚିହ<sup>~</sup> ହେରଦ ତାନି ତାୟି  
ପିଲିପ ତକ୍ତି ହେରଦିୟାନି ବାହା  
ଆହାମାଚାକି, ଏଦାନି ତାକି ତାନୁ ଲକୁଣି  
ପାଣ୍ଡାନା ଜହନଇଁ ଦସପା ତାତାନା  
କାୟିଦିତା ଇଟାମାରେସି □

୧୮ ଇଚିହ<sup>~</sup> ଜହନ ହେରଦଇଁ  
ଏଲେଇଞ୍ଜିମାରେସି, “ନୀ ତାୟି ତକ୍ତିନି  
ଇଚିନାୟି ନୀ ମେରା ହିଲାଆତେ □”

୧୯ ଏମ୍ବାଟିଏ ହେରଦିୟା କାର୍‌ବି  
ଆହାନା ଜହନଇଁ ପାୟାଲି ମନ  
କିହିମାରେ ସାମା ଏଦି ଏନାଆଁ କିହାଲି  
ଆଡ଼ିହିଲାଆତେ □

୨୦ ଇଚିହ<sup>~</sup> ହେରଦ ଜହନଇଁ  
ର ଦାମ୍‌ଗାଟାସି ଅଡେ ସୁଦୁଗାଟାସି  
ଇଞ୍ଜା ଆଜିମାରେସି, ଇଞ୍ଜା ଏଝାଣାଇଁ  
ଗେଲପାଲି ଅଣପିମାରେସି, ଏଝାଣି  
କାତା ଝେଞ୍ଜାନା ଆଜିତିହ<sup>~</sup> ଜିକେଏ  
ଏଝାଣି କାତା ଝେଞ୍ଜାଲି ମନ  
କିହିମାରେସି □

୨୧ ତାୟି ହେରଦିୟାକି ର ପାରୁ  
ମେଡ଼ାଆଡେ, ହେରଦ ତାନି ଜାନା

ଦିନାତା କାଜା କାଜା ମନ୍ତିୟାଣି ଇଞ୍ଜା  
ଗାଲିଲିତି କାଜା କାଜାରାଇଁ ଲାଆଁ  
ବେଲାତା ର ବଜିତା ହାଟିତେସି;

୨୨ ଇଞ୍ଜା ହେରଦିୟାନି ମାଙ୍ଗା  
ବିତ୍ତା ହାଜାନା ଏନାହାଁ ହେରଦ ଇଞ୍ଜା  
ତାନିତଲେ ବଜିତା କୁଗାମାଟି ଲକୁଣି  
ରାହାଁ କିଝିକିତେ, ଏମ୍ବାଟିଏ ରାଜା ଏ  
ପଦାନି ଏଲେଇରେସି, “ଏନାଆଁ ମନ  
କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଙ୍ଗେ  
ହିୟାଇଁ □”

୨୩ ଇଞ୍ଜା ଏଝାସି ପଦା ନକିତା  
ପାରମାଣା କିତେସି, “ନୀନୁ ନାଙ୍ଗେ  
ଏନାଆଁ ରାସ୍ତାଦି, ରାଜିତି ଆଦା ଜିକେଏ  
ନାନୁ ନିଙ୍ଗେ ହିୟାଇଁ □”

୨୪ ଏମ୍ବାଟିଏ ଏ ପଦା ହାଜାନା ତାନି  
ଇୟାନି ଝେରେ, “ନାନୁ ଏନାଆଁ ରାହଇଁ  
?”

ଏମ୍ବାଟିଏ ଏଦି ଏଲେଇରେ,  
“ବାପ୍ତିସ୍ମା<sup>‡</sup> ହାନି ଜହନତି ତାୟି<sup>~</sup> □”

୨୫ ଏ ଦେବୁଣିଏ ରାଜା ତାଣା ତବେ  
ଝାହାନା ଏଲେଇଞ୍ଜି ରାସ୍ତେ, “ନାଙ୍ଗେ  
ନୀନୁ ବାପ୍ତିସ୍ମା<sup>\*</sup> ହାନି ଜହନତି ତାୟି<sup>~</sup>  
ର ସାଡ଼ଝାତା ନୀଏଁ ନାଙ୍ଗେ ହିୟାମୁ □”

୨୬ ଏମ୍ବାଟିଏ ରାଜା ହାରେକା  
ଦୁକୁ ଆଡ଼ିହ<sup>~</sup> ଜିକେଏ, ତାନୁ କିତି  
ପାରମାଣା ଅଡେ ବଜିତା କୁଗାମାଟାରି  
ତାକି ଆଏ ଇଞ୍ଜାଲି ଆଡ଼ାଆତେସି □

୨୭ ଏଦାଆଁତାକି ରାଜା ଦେବୁଣିଏ  
ର କହୁଏଣାଇଁ ପାଣ୍ଡାନା ତାନି ତାୟି<sup>~</sup>  
ତାତାଲି ହୁକୁମି ହାତେସି, ଏମ୍ବାଟିଏ  
ଏଝାସି ହାଜାନା କାୟିଦି ଇଲୁତା ତାନି  
ତାୟି<sup>~</sup> ଦାଡେସି;

୨୮ ଅଡେ ଏଦାଆଁ ର ସାଡ଼ଝାତା  
ତାତାନା ପଦାନାକି ହାତେସି, ଇଞ୍ଜା  
ପଦା ଏଦାଆଁ ଅହାନା ତାନି ଇୟାନାକି  
ହାତେ □

୨୯ ଇଞ୍ଜା ଜହନତି ସୀସୁୟା ଏ  
କାତା ଝେଞ୍ଜାନା ଝାଡେରି, ଇଞ୍ଜା ତାନି  
ମାଡ଼ହାତି ଅହାନା ମାଡ଼ହା ଇଚିନି  
ଗାୟୁତା ଇଚିତେରି □

† ୭:୧୪ ୭:୧୫ ମୁଞ୍ଜିନାୟି    \* ୭:୧୭ ୭:୧୭ ଲୁକ ୩:୧୯,୨୦    ‡ ୭:୨୪ ୭:୨୪ ମୁଞ୍ଜିନାୟି    \* ୭:୨୫  
୭:୨୫ ମୁଞ୍ଜିନାୟି

ଜୀସୁ ପାସାମାଣା ଲକୁତାକି ତାହୁନାୟି

(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟୁ ପାଣ୍ଡୁଓ ଆହାମାଗରି ଜୀସୁ ତାଣା ଝାଡେରି, ଇଞ୍ଜା ଏଝାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଝାଣାଇଁ ଝେସ୍ତେରି □

୩୧ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଚାୟୁତା ହାନ, ଏମ୍ବାଆଁ ମୀରୁ ଗାଡେକା ଜମାପୁ □” ଇଟିହୁଁ ହାଡେରକା ଲକୁ ହାଜି ଝାହି ଆହିମାଚାକି ଏଝାରାକି ତିଞ୍ଜାଲି ଜିକେଏ ମୁଆତେ □

୩୨ ଏମ୍ବାଟିଏ ଏଝାରି ଏଚକା ଆହାନା ର ତଂଗତା ହଚାନା ଲକୁ ହିଲାଆ ଚାୟୁତା ହାଚେରି □

୩୩ ସାମା ହାଡେରକା ଲକୁ ଏଝାରି ହଚା ହାଚାଣି ମେସ୍ତେରି ଅଡେ ପୁଚେରି, ଇଞ୍ଜା ଲକୁ ବାରେ ଗାଡାୟାଟି ତାକିହୁଁ ହାଜାନା ଏଝାରି ନକିତା ଏଗାହାଚେରି □

୩୪ ଏଝାସି ତଂଗଟି ରେଚାନା ହାଡେରକା ଲକୁଣି ମେସାନା ଏଝାରାଇଁ କାର୍ମା ଆଡେସି, ଇଟିହୁଁ ଏଝାରି ଗଡୁ ହିଲାଆ ମେଣ୍ଡାୟା ଲେହେଁ ମାଚେରି; ଇଞ୍ଜା ଏଝାସି ଏଝାରାଇଁ ହାଡେରକା କାତା ଜାପୁହେସି □

୩୫ ଗାଡି ଝେଡାଆୟାଲିଏ ତାନି ସୀସୁୟାଁ ତାନି ତାଣା ଝାହାନା ଏଲେଇଚେରି, “ଇ ଚାୟୁ ଲକୁ ହିଲାଆ ଚାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ;

୩୬ ଲକୁ ଏନିକୁଁ ସାରିଝାକି ମାନି ଝାଲୁହାଝାଡି ଅଡେ ଗାଡାତା ହାଜାନା ତାମ୍ବେ ତାକି ତିଞ୍ଜାଲି ରାନ୍ଦା କତାପେରିଝା, ଏଦାଆଁତାକି ଏଝାରାଇଁ ହେଲ ହାହାନା ପାଣ୍ଡୁମୁ □”

୩୭ ସାମା ଜୀସୁ ତାନି ସୀସୁୟାଁଇଁ ଏଲେଇଚେସି, “ମୀରୁ ଏଝାରାକି ତିଞ୍ଜାଲି ହୀପୁ □”

ଏଝାରି ଏଲେଇଚେରି, “ମାର ରୀ ଝାଞ୍ଜା ଝେଣ୍ଡି ଚାକାୟାଁତିଂ ରୁଟି ତାଚାନା ଇଝାରାକି ତିଞ୍ଜାଲି ହୀନାୟି କି ?”

୩୮ ଜୀସୁ ଏଝାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଟି ମାନୁ ? ହାଜାନା ସିନିକିପୁ □”

ଏଝାରି ଝେଞ୍ଜା ଝାହାନା ଜୀସୁଇଁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣକା ମାନୁ □”

୩୯ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, ବାରେ ଲକୁଇଁ ଗଟି ଗଟି କିହୁଁ କୁଗି ଜାଡା ଲାକ କୁଗିକିହାଲି ଝେସ୍ତେସି □

୪୦ ଏଚେଟିଏ ଏଝାରି ପାସାକଡି ଜାଣା ରୀ କଡି ଦସ ଜାଣା ଲାକା ମାନ୍ଦା ମାନ୍ଦା ଆହୁଁ କୁଗିଚେରି □

୪୧ ତାୟୁ ଜୀସୁ ଏ ପାସାଗଟା ରୁଟି ଇଞ୍ଜା ରୀ ମୀଣକା ଅହାନା ଲାକପୁରୁ ଝାକି ସିନିକିହାଁ ମାହାପୁରୁଇଁ ଜହରା କିଚେସି, ଅଡେ ରୁଟି ଡିକ୍‌ହାନା ଲକୁତାକି ବାଟି କିହା ହାହାଲି ତାନି ସୀସୁୟାଁକି ହୀଚେସି, ଇଞ୍ଜା ରୀ ମୀଣକା ଜିକେଏ ଏଲେକିହୁଁ ଏ ବାଗା କିହାନା ହୀଚେସି □

୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିଚେରି,

୪୩ ଇଞ୍ଜା ଏଝାରି ହାଚାମାଟି ରୁଟି ଅଡେ ମୀଣକା କୁଡି କିହାନା ବାଚରଗଟା ତାଲିତା ନେଞ୍ଜିକିଚେରି □

୪୪ ରୁଟି ତିଟି ଲକୁ ପାସାମାଣା ଝାରଇ ଆବାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି (ମାତି ୧୪:୨୨-୩୩; ଜହ ୬:୧୫-୨୧)

୪୫ ଏ ଦେବୁଣିଏ ଏଝାସି ତାନି ସୀସୁୟାଁଣି ତଂଗତା ହଚାନା ଆତାଲାଝାକି ମାନି ବେଡସାୟିଦା ଗାଡାତା ହାଜାଲି ତାନି ନକେଏ ପାଣ୍ଡୁଚେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହାହାନା ପାଣ୍ଡୁଚେସି □

\* ୭:୩୪ ୭:୩୪ ମାତି ୯:୩୭ † ୭:୩୭ ୭:୩୭ ର ଦିନାତି ବୁଡି ର ଝେଣ୍ଡି ଚାକା

୪୭ ଏଝାରି ତାଣାଟି ହେଲ ଅତି ତାମ୍ଭୁ ଏଝାସି ପ୍ରାତାନା କିହାଲି ହରୁତା ହାଚେସି  
□

୪୭ ମିଡ଼ଅଲ୍ଲା ଆହାଲିଏ ଡଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀସୁ ସାମ୍ବୁରି ଗାରୁତା ରଅସିଏ ମାଚେସି □

୪୮ ଏମ୍ବାଟିଏ ହାରେକା ଗାଲି ଏଝାରି ଝାକି ଝେଟିମାଚାକି ଡଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଝାସି ଝେୟା ନେକେରି ସାମ୍ବୁରି ଏୟୁ ଲାକ ତାକିହୁଁ ଏଝାରି ତାଗେ ଝାଚେସି, ଇଞ୍ଜା ଏଝାରି ତାଗେଟି ଆଗାଡ଼ା ହାଜାଲି ଅଣ୍ଟାପାଚେସି,

୪୯ ସାମା ଏଝାରି ଏଝାଣାଇଁ ସାମ୍ବୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜୁ ଅଣ୍ଟାପାନା କାଲୁଝି ଆଚେରି □

୫୦ ଇଚିହୁଁ ବାରେଜାଣା ଏଝାଣାଇଁ ମେସାନା ଆଜାହାଜା ମାଚେରି □

ସାମା ଜୀସୁ ଦେବୁଣିଏ ଏଝାରିତଲେ କାତା ଆହାନା ଏଝାରାଇଁ ଏଲେଇଚେସି, “ସାସା ଆହୁଦୁ ନାନୁଏ ଏଝାଚେର୍ସ, ଆଜାଆଦୁ □”

୫୧ ଇଞ୍ଜା ଏଝାସି ଏଝାରିତାଣା ହାଜାନା ଡଂଗତା କୁଗିଚେସି, ଇଞ୍ଜା ଗାଲି ତୁଞ୍ଜିଚେ, ଏମ୍ବାଟିଏ ଏଝାରି ମନ ମନତା ହାରେକା କାବା ଆଚେରି □

୫୨ ଇଚିହୁଁ ଏଝାରି ରୁଟିୟା କାତା ପୁଣ୍ଡୁସୁ ପୁଞ୍ଜାହିଲାଆଚେରି, ଏନାଆଁତାକି ଇଚିହୁଁ ଏଝାରି ହିୟା ଆଟ୍ଟା ଆହାମାଚେ □

ଗେନେସର ରଗ ଗାଟାରାଇଁ ନେହୁଁ କିନାୟି

(ମାତି ୧୪:୩୪-୩୬)

୫୩ ଏଝାରି ସାମ୍ବୁରି ଗାଣ୍ଟାନା ଗେନେସର ରାଜିତା ଏଜାନା କାତା ଗାରୁତା ଡଂଗତି ଦସ୍ତେରି □

୫୪ ଅଡ଼େ ଏଝାରି ଡଂଗତି ରେଚାଲିଏ, ଦେବୁଣିଏ ଲକୁ ଏଝାଣାଇଁ ପୁଞ୍ଜାନା,

୫୫ ଏ ରାଜିତି ସାରିଝାକି ହାଚେରି, ଏଝାରି ଆମିନି ଗାୟୁତା ମାନେରି ଇଞ୍ଜୁ ଝେଚେରି, ଅଡ଼େ ଜୀସୁ ମାନି ଗାୟୁତା ରଗ ଗାଟାରାଇଁ କାଚେଲିତା ଡ଼େକା ତାଗାଲି ମାଟ୍ଟହେରି □

୫୬ ଇଞ୍ଜା ଏଝାସି ଆମିନି ନାୟ୍କା, ଅଡ଼େ ଗାଡ଼ାତା ହାଚେସି, ଲକୁ ଏ ବାରେ ଗାୟୁତି ହାଟା ବାଜାରାଟି ରଗ ଗାଟାରାଇଁ ଏଝାଣି ନକିତା ଏଝାରାଇଁ ଇଚିଚେରି, ଏଝାରି ଏନିକ୍ ଏଝାଣି ହିମ୍ବୁରି କୁକୁ ତାଗିନେରି, ଏନାଆଁତାକି ଏଝାଣାଇଁ ବାତିମାଲିଚେରି; ଇଞ୍ଜା ଏଚେକା ଲକୁ ଏଝାଣାଇଁ ତାଗିଚେରି ଏଝାରି ବାରେ ନେହୁଁ ଆଚେରି □



ଆକୁ ଆବାୟାତି ପାଣାପାଟୁ  
(ମାତି ୧୫:୧-୯)

୧ ତାୟୁ ପାରୁସିୟା ଅଡ଼େ ଜିରୁସାଲମଟି ଝାହାମାନି ଏଚରଜାଣା ମେରାପୁନାରି ଜୀସୁ ତାଣା ରୁଣ୍ଡା ଆଚେରି □

୨ ଏଝାରି ସୀସୁୟା ବିତାଟି ଏଚରଜାଣାଟି କେସ୍ତା ନରୁଆନା ତିଞ୍ଜି ମାଚାଣି ମେସ୍ତେରି □

୩ ପାରୁସିୟା ଅଡ଼େ ବାରେ ଜୀହୁଦି ଲକୁ ଆକୁ ଆବାୟା ଇଟାମାନି ମେରାଟି ମାନୁଝି ଆହାନା ନେହୁଁ କେୟୁ ନରୁଆସାରେ ତିଞ୍ଜି ହିଲାଆଚେରି,

୪ ଇଞ୍ଜା ହାଟା ବାଜାରାଟି ଝାହାନା ତାମି ଲାକ ଏୟୁ ତାଞ୍ଜା କତାଆନା ତିଞ୍ଜି ହିଲାଆଚେରି; ଅଡ଼େ ଗିନା ମୁତା ଇଞ୍ଜା ପିତାଡ଼ା ତ:କାୟା, ପାୟପିନି ନରୁନାୟି, ଇଲେତି ହାରେକା ମେରା ମାନୁଝି ଆହାଲି ହୁକୁମି ବେଟା ଆହାମାନେରି □

୫ ଏନାଆଁତାକି ପାରୁସିୟା ଅଡ଼େ ମେରାପୁନାରି ଜୀସୁଇଁ ଝେଚେରି, “ନୀ ସୀସୁୟା ତଲିତି ଆକୁ ଆବାୟା ମେରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି ?”

୬ ଜୀସୁ ଏଝାରାଇଁ ଏଲେଇଚେସି, “ଆଡ଼େ କୁଟୁ ଗାଟାଚେରି, ମାହାପୁରୁ ଅଣ୍ଟପୁଡ଼ି ବଲୁ ଝେହୁନି ଜିସାୟ ନେହୁଁ କି କାତା ଝେସାମାନେସି, ଏନିକ୍ ରାୟକି ଆହାମାନେ;



ଇ କୃତାତାରି ଖାରଇ ଗୁଡ଼ି ତଲେ ନାଙ୍ଗେ  
 ସେବା କିୟାନେରି,  
 ସାମା ଏଞ୍ଜାରି ହିୟାଁ ନା ତାଣାଟିଏ  
 ହାରେକା ହେକ ଡ଼ୟନେ □

୭ ଏଞ୍ଜାରି ମାଣସିୟାଁ କେପିତି ମେରାତି  
 ଦାମ୍ଭୁତି ନେହଁ କାତା ଇଞ୍ଜୁ  
 ଜାମ୍ଭୁହାନା, ଉଜେଏ ନା ସେବା  
 କିୟାନେରି □

୮ ମୀରୁ ମାହାପୁରୁତି ହୁକୁମି ପିସାନା  
 ମାଣସିୟାଁ ମେରାତି ଆସାମାଞ୍ଜେରି □”

୯ ଅଡ଼େ ଜୀସୁ ଏଞ୍ଜାରାଈ  
 ଏଲେଇଚେସି, “ମାହାପୁରୁତି ହୁକୁମି  
 ପିସାନା ମୀ ଜାମ୍ଭୁହାମାଞ୍ଜନାଣି  
 ଆସାଲି ତାକି ମୀରୁ ହୁକୁମି ମାନି  
 କିହିଲିଲଅତେରି □

୧୦ ଇତିହଁ ମସା ଏଲେଇଞ୍ଜା  
 ମାନେସି, ‘ତାଲି ତାଞ୍ଜିଈ ଜୀଞ୍ଜୁନଦୁ,  
 ଇଞ୍ଜା ଆମ୍ବାଆସି ତାଲି କି ତାଞ୍ଜିଈ ବାକା  
 ଇଟିନେସି, ଏଞ୍ଜାସି ହାନ୍ତି ଡ଼ଣ୍ଡ ବେଟା  
 ଆନେସି □’

୧୧ ମୀରୁ ଜାମ୍ଭୁହି ମାଞ୍ଜେରି,  
 ‘ଆମ୍ବାଆସି ତାଲି କି ତାଞ୍ଜିଈ  
 ଏଲେଇନେସି, ନା ତାଣାଟି ଏନାଆଁ  
 ହିୟାତିହଁ ନିଙ୍ଗେ ନେହେଁ ଆଡ଼େମା,  
 ଏଡ଼ି କର୍ବାନ ଇତିହଁ ମାହାପୁରୁ ତାକି  
 ହେରପି ଆହାମାନାୟି □

୧୨ ଇଞ୍ଜା ମୀରୁ ଏଲେକିହଁ ତାମି  
 ଇୟା କି ଆବାଈ ଏଡ଼ି ସାଢ଼ୟମି କିହାଲି  
 ହାହି ହିଲଅତେରି;

୧୩ ଏଲେକିହଁଏ ମୀରୁ ମୀ ତାଣା  
 ମାନି ମେରା ତଲେ ମାହାପୁରୁତି  
 ବଲୁ ଉଜେଏ କିହିମାଞ୍ଜେରି, ଇଞ୍ଜା  
 ଏଲେକିହଁ ହାରେକା କାମା  
 କିହିମାଞ୍ଜେରି □”

ମାଣସିଈ ଲାଗେଏ କିନାୟି  
 (ମାତି ୧୫:୧୦-୨୦)

୧୪ ଜୀସୁ ଅଡ଼େ ଖେଣ୍ଡେ ଲକୁଣି ତାଗେ  
 ହାଟାନା ଏଞ୍ଜାରାଈ ଏଲେଇଚେସି,  
 “ମୀରୁ ବାରେ ନା କାତା ଖେଞ୍ଜୁ ଅଡ଼େ  
 ତେଲହାଦୁ □

୧୫ ମାଣସିତି ପାଙ୍ଗାତା ଇଲେତି  
 ଏନାୟି ହିଲେଏ, ଏଡ଼ି ମାଣସି ବିତ୍ରା  
 ହଡାନା ଏଞ୍ଜାଣାଈ ଲାଗେଏ କିହାଲି  
 ଆଡ଼ିନେ, ସାମା ଏନା ଏନାୟି ମାଣସି  
 ତାଣାଟି ହଡ଼ିମାନେ, ଏ ବାରେ ଏଞ୍ଜାଣାଈ  
 ଲାଗେଏ କିହିମାନେ □”\*

୧୬ ଖେଞ୍ଜାଲି କୀକା ମାନାସି  
 ଖେଣ୍ଡାସି □

୧୭ ଅଡ଼େ ଏଞ୍ଜାସି ଲକୁ ତାଣାଟି ଇଲୁ  
 ବିତ୍ରା ଖାହାଲିଏ ତାନି ସୀସୁୟାଁ ଏଞ୍ଜାଣାଈ  
 ପୁଣ୍ଡିକିନି କାତାତି ଅର୍ତ ଖେଚେରି □

୧୮ ଏମ୍ବାଟିଏ ଜୀସୁ ଏଞ୍ଜାରାଈ  
 ଏଲେଇଚେସି, “ମୀରୁ ଜିକେଏ  
 ଏଲେକିହଁଏ ପୁନାଆ ଗାଟାତେରି  
 ? ଏନାୟି ପାଙ୍ଗାଟି ମାଣସି ବିତ୍ରା  
 ହଡ଼ିହଁ ଏଡ଼ି ଏଞ୍ଜାଣାଈ ଲାଗେଏ  
 କିହାଲି ଆଡ଼େଏ,

୧୯ ଇତିହଁ ଏଡ଼ି ଏଞ୍ଜାଣି  
 ହିୟାତା ହଡ଼ିଆନା ବାଣ୍ଡିତା ହଡ଼ିନେ  
 ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ  
 ଇଲେଆହଁ ବାରେ ରାନ୍ଦା ଅଡ଼ିହି  
 ଆହିମାନେ, ଇଦାଆଁ ପୁଞ୍ଜି ହିଲଅତେରି  
 ?”

୨୦ ଅଡ଼େ ଏଞ୍ଜାସି ଏଲେଇଚେସି,  
 “ଏନାୟି ମାଣସି ତାଣାଟି ହଡ଼ିମାନେ  
 ଏଡ଼ି ଏଞ୍ଜାଣାଈ ଲାଗେଏ କିହିମାନେ □

୨୧ ଇତିହଁ ମାଣସି ହିୟାଁ ବିତ୍ରାଟି  
 ଲାଗେଏତି ଅଣ୍ଡୁ ହନେ, ଦାରି  
 କିୟାଲି, ସରୁ କିୟାଲି, ଲକୁଣି  
 ପାୟିନାୟି,

୨୨ ଜୁପକା, ଲାଗେଏ ପଲେଏ କାମା,  
 ନାଡ଼ିକିନାୟି, ତାହାରା, ନିନ୍ଦା କିନାୟି,  
 ତାହାରା ଆନାୟି, କାର୍ବି ଆନାୟି;

୨୩ ଏଲେତି ଲାଗେଏତାୟି ବିତ୍ରାଟି  
 ହଡ଼ାଞ୍ଜାହାନା ମାଣସିଈ ଲାଗେଏ  
 କିହିମାନେ □”

ର ଇୟାନି ନାମୁ  
 (ମାତି ୧୫:୨୧-୨୮)

୨୪ ଏମ୍ବାଟିଏ ଜୀସୁ ଏ ଟାୟୁ ପିସାନା  
 ସରତି ହାନ୍ତି ଖାକି ହାଚେସି, ଇଞ୍ଜା ର  
 ଇଲୁତା ହଡାନା ଏଡ଼ିକଁ ଆମ୍ବାଆରି

\* ୭:୧୫ ୭:୧୫ ଏବେକା ସାଢ଼ସ୍ତରିତା ୧୫ ପଦ କେତ ଡ଼ଇକା ମାନି ବଲୁଡ଼ି ୧୭ ପଦୁତା ରାସ୍ତିକ ଆହାମାନେ;

ପୁନଃ ଅରି ଇଞ୍ଜି ଅଣପିମାରେସି, ସାମା ଏଞ୍ଜାସି ତୁଚ୍ଚାନା ତୁୟାଲି ଆଡ଼ାଆତେସି □

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଙ୍ଗାନି ବୁତୁ ଆଲୁଗାମାରେ, ଏଦି ଜୀସୁ କାତା ଖେଞ୍ଜାନା ଖାହାଁ ଏଞ୍ଜାଣି କତାଣା ରୀତେ □

୨୬ ଏ ଇୟା ସୁରପୟନିକି ଜାଡ଼ିତି ର ଗ୍ରିକ୍ ଇୟା ମାରେ, ତାନି ମାଙ୍ଗାନି ତାଣାଟି ବୁତୁ ପିସ୍ପି କିହାଲି ଏଦି ଜୀସୁଇଁ ବାଡ଼ିମାଲିତେ □

୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହୁଁ କକାରି ପଦାୟା ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ □”

୨୮ ସାମା ଏଦି ଏଞ୍ଜାଣାଇଁ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟା ତ୍ରକହାମାନି ଲିତାଡି ପେରହା ତିନୁ □”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଙ୍ଗାନି ତାଣାଟି ବୁତୁ ହଚା ହାରେୟିଏ, ହାଲାମୁ □”

୩୦ ଇଞ୍ଜା ଏଦି ଇଜ ହାଜାନା ତାନି ମାଙ୍ଗା ପାସ୍ପପନିତା ହୁଞ୍ଜାମାନାଣି ଇଞ୍ଜା ବୁତୁ ହଚା ହାଜା ମାନାଣି ମେସ୍ତେ □

ର ବେରା ଅଡ଼େ ଗୁଲାଇଁ ଜୀସୁ ନେହୁଁ କିନାୟି

୩୧ ଅଡ଼େ ଖେଣ୍ଡେ ଏଞ୍ଜାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସ୍କା† ହାନ୍ଦି ହାହାନା ଗାଲିଲି ସାମ୍ପଦୁରି ତାଗେ ଖାଡ଼େସି □

୩୨ ଇଞ୍ଜା ଲକୁ ର ବେରା ଅଡ଼େ ଗୁଲାଇଁ ଏଞ୍ଜାଣି ନକିତା ତାଗାନା ଏଞ୍ଜାଣିଲାକ କେୟୁ ଇଟାଲି ବାଡ଼ିମାଲିତେରି □

୩୩ ଜୀସୁ ଲକୁ ତାଣାଟି ରଅଣାଇଁଏ ଏଟକା କିହା ଅହାନା ଏଞ୍ଜାଣି ରୀ କୀର୍କାଣା ତାନି ଖାସ୍କା ଇଚିତେସି ଅଡ଼େ ହୁପାନା ଏଞ୍ଜାଣି ଖେନ୍ଦରି ତାଗିତେସି,

୩୪ ଅଡ଼େ ଲାକପୁରୁ ଖାକି ସିନିକିହାନା ଗାଡ଼ିକିହୁଁ ନେଞ୍ଜାନା ଏଞ୍ଜାଣାଇଁ

ଏଲେଇରେସି, “ଇପ୍ପତ” ଇଚିହୁଁ “ଦେପି ଆମୁ □”

୩୫ ଏମ୍ବାଟିଏ ଏଞ୍ଜାଣି କୀର୍କା ଦେପିଆତୁ, ଇଞ୍ଜା ଖେନ୍ଦରିତି ଜାଲା ଏ ଦେବୁଣିଏ ଗୁଚାଆତେ, ଇଞ୍ଜା ଏଞ୍ଜାସି ନେହୁଁ କୁଁ ଜଲାଲି ଆଡ଼ିତେସି □

୩୬ ଇଞ୍ଜା ଏ କାତା ଆମ୍ବାଆରାଇଁ ଖେହୁଆଦୁ ଇଞ୍ଜି ଏଞ୍ଜାରାଇଁ ଗାଡ଼ିକିହୁଁ ହୁକୁମି ହୀତେସି; ସାମା ଏଞ୍ଜାସି ଏଞ୍ଜାରାଇଁ ଏଚେକା କାହି କିତେସି, ଏଞ୍ଜାରି ଏଚେକା ଗାଡ଼ି ଖେକହେରି □

୩୭ ଅଡ଼େ ଲକୁ କାବାଆହାନା ଏଲେଇରେରି, “ଏଞ୍ଜାସି ବାରେ କାମା ନେହୁଁ କୁଁ କିହିମାନେସି; ଏଞ୍ଜାସି ବେରାୟାଈଁ ଖେଞ୍ଜାଲି ଗୁଲାୟାଈଁ ଜଲିନି ବାଡ଼ୁୟୁ ଜିକେଏ ହାହିମାନେସି □”

୮

ଜୀସୁ ସାରି ମାଣା ଲକୁକି ତିଞ୍ଜାଲି ହୀନାୟି

(ମାଡି ୧୫:୩୨-୩୯)

୧ ଏଚିବେଲା ହାରେକା ମାନ୍ଦା ଲକୁ ରୁଣ୍ଡା ଆଡ଼େରି, ଅଡ଼େ ଏଞ୍ଜାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସୀସୁୟାଣି ତାଗେ ହାଟାନା ଏଞ୍ଜାରାଇଁ ଏଲେଇରେସି,

୨ “ଲକୁତାକି ନାଙ୍ଗେ କାର୍ମା ହରିମାଞ୍ଜାନେ, ଇଚିହୁଁ ଇଞ୍ଜାରି ତାନିଦିନା ଆଡ଼େରିଏ ନା ତଲେ ମାଞ୍ଜାମାନେରି, ଅଡ଼େ ଇଞ୍ଜାରି ତାଣା ଏନାୟି ତିନାୟି ହିଲେଏ □

୩ ଏଞ୍ଜାରାଇଁ ତାହୁଆନା ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନେରି □ ଏଞ୍ଜାରି ବିତ୍ରାଟି ଏଚରଜାଣା ହେକଟି ଖାହାମାନେରି □”

୪ ସୀସୁୟାଁ ଏଞ୍ଜାଣାଇଁ ଏଲେଇରେରି, “ଇମ୍ବାଆଁ ଇ ଲକୁ ହିଲାଆ ଟାୟୁତା ଆମ୍ବାଆସି ଆମ୍ବିଟି ରୁଟି ତାଗାନା ଇଞ୍ଜାରାଇଁ ପାଞ୍ଜି କିନ୍ତେସି ?”

୫ ଜୀସୁ ଏଞ୍ଜାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

† ୭:୩୧ ୭:୩୧ ଦେକାପଲି

ଏଞ୍ଜାରି ଏଲେଇଚେରି, “ସାଡାଗଟା  
□”

୨ ଏମ୍ବାଟିଏ ଜୀସୁ ଲକ୍ଷ୍ମଣ ବୁମିତା  
କୁଗାଲି ହୁକୁମି ହୀତେସି; ଅଡ଼େ ଏଞ୍ଜାସି  
ସାଡାଗାଟା ରୁଟି ଅହାନା ଜହରା କିହାନା  
ଏ ବାରେ ଡିକହାନା ବାଟି କିହାଲି ତାନି  
ସୀସୁୟାକି ହୀତେସି, ଅଡ଼େ ଏଞ୍ଜାରି  
ଲକ୍ଷ୍ମଣକି ବାଟି କିହା ହୀତେରି □

୩ ଇଞ୍ଜା ଏଞ୍ଜାରିତାଣା ଏଚରଗଟା  
ଢାଣା ମୀଶକା ମାରୁ; ଏ ବାରେତି  
ଜିକେଏ ଜୀସୁ ମାହାପୁରୁ ତାଣା ଜହରା  
କିହାନା ବାଟି କିହା ହୀହାଲି ସୀସୁୟାକି  
ଏଲେଇଚେସି □

୪ ଏମ୍ବାଟିଏ ଏଞ୍ଜାରି ତିଞ୍ଜାନା  
ପାଞ୍ଜିଚେରି ଇଞ୍ଜା ହାରିତାଣି ସାଡା ତାଲି  
କୃତି କିଚେରି □

୫ ଏଞ୍ଜାରି ବାରେ ସାରି ମାଣା ଲକ୍ଷ୍ମଣ  
ମାଚେରି □ ଏଚେଟିଏ ତାୟୁ ଏଞ୍ଜାରାଇ  
ହେଲ ହୀତେସି,

୬ ଇଞ୍ଜା ଦେବୁଣିଏ ତାନି ସୀସୁୟା  
ତଲେ ତଂଗତା ହତାନା ଦଲ୍ଲମନୁ  
ଗାଡାତା ହାଚେରି □

ପାରୁସିୟା ସିନା ରୀହନାୟି  
(ମାତି ୧୬:୧-୪)

୭ \*ତାୟୁ ପାରୁସିୟା ଖାହାନା  
ଜୀସୁତଲେ ବାଦିବାଦା କିହାଲି  
ମାଟହେରି ଇଞ୍ଜା ଏଞ୍ଜାଣାଇଁ ତାୟିପାରି  
କିହାଲିତାକି ହାଗୁ ଲାକଟି ର ସିନା  
ରୀସ୍ତେରି □

୮ \*ଜୀସୁ ଜୀସୁତା କିଲିବିଲି ଆହାନା  
ଗାତି ନେଞ୍ଜାନା ଖେସ୍ତେସି, “ଇ ଜୁଗୁତି  
ଲକ୍ଷ୍ମଣ ଏନାଆଁତାକି ସିନା ପାରିମାନେରି  
? ନାନୁ ମିଙ୍ଗେ ସାତା ଖେସିମାଞ୍ଜାଇଁ,  
ନୀର୍ବତି ମାଣ୍ଡିକି ଏନି ସିନା ହୀପକି  
ଆଏ □”

୯ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା  
ଅଡ଼େ ଖେଣ୍ଡେ ତଂଗତା ହତାନା  
ଆତାଲାଞ୍ଜାକି ହାଚେସି □

ହେରଦ ଅଡ଼େ ପାରୁସିୟା  
ପୁଲାଗୁଣ୍ଡା

(ମାତି ୧୬:୫-୧୭)

୧୦ ଏଚିବେଲାତା ସୀସୁୟା ରୁଟି  
ଅହାଲି ବାଣାଆଡେରି; ତଂଗତା  
ଏଞ୍ଜାରିତାଣା ରଣ୍ଡିଏ ରୁଟି ମାଚେ □

୧୧ \*ତାୟୁ ଜୀସୁ ଏଞ୍ଜାରାଇଁ  
ଜାଣ୍ଡେ ହୁକୁମି ହୀତେସି, “ଜାଗ୍ରାତା  
ଆଦୁ, ପାରୁସିୟା ଅଡ଼େ ହେରଦତି  
ପୁଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ □”

୧୨ ଏଚେଟିଏ ଏଞ୍ଜାରି ତାୟୁ  
ତାୟୁ ଖେସ୍ତିଆହୁଁ ଏଲେଇଞ୍ଜାଲି  
ମାଟହେରି, “ମା ତାଣା ରୁଟି  
ହିଲେଏ ଇଞ୍ଜା ଏଞ୍ଜାସି ମାଙ୍ଗେ  
ଏଲେଇଞ୍ଜିମାଞ୍ଜାନେସି □”

୧୩ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ  
ଏଲେଇଚେସି, “ମୀ ତାଣା ରୁଟି ହିଲେଏ  
ଇଞ୍ଜା ଏନାଆଁତାକି ମୀରୁ ମୀରୁ  
ଖେସ୍ତି ଆହିମାଞ୍ଜେରି ? ମୀରୁ ନୀର୍ବ  
ପାଚେକା ପୁଞ୍ଜି ହିଲଅଚେରି କି ତେଲ୍‌ହି  
ହିଲଅଚେରି ?

୧୪ \*କାଣ୍ଡକା ମାଞ୍ଜାନା ମେସି  
ହିଲଅଚେରି ? ଅଡ଼େ, କୀର୍କା ମାଞ୍ଜାନା  
ଖେଞ୍ଜି ହିଲଅଚେରି ? ମୀରୁ ଇଦାଣି  
ଅଣ୍ଡିପି ହିଲଅଚେରି ?

୧୫ ଏ ପାସାମାଣା ଲକ୍ଷ୍ମଣ ବିତ୍ରା ନାନୁ  
ଏଚିବେଲା ପାସାଗଟା ରୁଟି ଡିକହା  
ମାଚେସୁଁ, ଏଚିବେଲା ମୀରୁ ଏଚର ତାଲି  
ହାରିତାଣି କୃତି କିଚେରି, ଏଦି ମୀ  
ଅଣ୍ଡପୁତା ହିଲେଏ କି ?” ଏଞ୍ଜାରି  
ଏଞ୍ଜାଣାଇଁ ଏଲେଇଚେରି, “ବାର ତାଲି  
□”

୧୬ “ଅଡ଼େ ଏ ସାରି ମାଣା ଲକ୍ଷ୍ମଣ  
ବିତ୍ରା ନାନୁ ଏଚିବେଲା ସାଡାଗଟା ରୁଟି  
ଡିକହା ମାଚେସୁଁ, ଏଚିବେଲା ମୀରୁ  
ଏଚର ତାଲି କୃତି କିହାମାଚେରି ?”  
ଏଞ୍ଜାରି ଏଲେଇଚେରି, “ସାଡା ତାଲି □”

୧୭ ଏଚିବେଲା ଜୀସୁ ଏଞ୍ଜାରାଇଁ  
ଏଲେଇଚେସି, “ମୀରୁ ଏନାଆଁ ନୀର୍ବ

☆ ୮:୧୧ ୮:୧୧ ମାତି ୧୭:୩୮; ଲୁକ ୧୧:୧୭ ☆ ୮:୧୭ ୮:୧୭ ମାତି ୧୭:୩୯; ଲୁକ ୧୧:୨୯ ☆ ୮:୧୫  
୮:୧୫ ଲୁକ ୧୨:୧ ☆ ୮:୧୮ ୮:୧୮ ମାର୍କ ୪:୧୨

ପାତେକା ତେଲହାଲି ଆଡ଼ିହିଲଅତେରି ?”

ବେତସାୟିଦାତା ର. କାଣାଙ୍କ ମେସପିକିନାୟି

୨୨ ତାୟୁ ଏଞ୍ଜାରି ବେତସାୟିଦାତା ଝାଡ଼େରି, ଅଡ଼େ, ଲକୁ ର. କାଣାଙ୍କ ଏଞ୍ଜାଣି ତାଣା ତାଚାନା ଏଞ୍ଜାଣାଙ୍କ ତୀଗାଲି ତାକି ଜୀସୁଙ୍କ ବାତିମାଲିତେରି □

୨୩ ଏଦାଆଁତାକି ଜୀସୁ କାଣାତି କେୟୁ ଆସାନା ଏଞ୍ଜାଣାଙ୍କ ନାୟୁ ପାଙ୍ଗାତା ଅଡ଼େସି, ଇଞ୍ଜା ଏଞ୍ଜାଣି କାଣକାଣା ହୁପକା ରୁବାନା ଅଡ଼େ ଏଞ୍ଜାଣିଲାକ କେୟୁ ଇଚାନା ଏଞ୍ଜାଣାଙ୍କ ଝେରେସି, “ନୀନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଞ୍ଜାସି ସିନିକିହାନା ଏଲେଇରେସି, “ନୀନୁ ମାଣସିୟାଙ୍କ ମେସିମାଙ୍କ, ଇଚିହୁଁ ନୀନୁ ମାରକା ଲେହେଁ ଏନାଈ ତାକି ମାନାଣି ମେସିମାଙ୍କ □”

୨୫ ତାୟୁ ଜୀସୁ ଅଡ଼େ ଝେଣ୍ଡେ ଏଞ୍ଜାଣି କାଣକାଣା କେୟୁ ଇଚିତେସି; ଏମ୍ବାଟିଏ ଏଞ୍ଜାସି ନେହୁଁକ ମେସାଲି ଆଡ଼ିତେସି, ନେହୁଁ ଆହାନା ବାରେ ତୀରିତଲେ ସିନିକିହାଲି ମାଟୁହେସି □

୨୬ ତାୟୁ ଜୀସୁ ଏଞ୍ଜାଣାଙ୍କ ତାନି ଇଜ ପାଣ୍ଡାନା ଏଲେଇରେସି, “ଏ ନାୟୁ ବିତ୍ରା ଜିକେଏ ଝେଣ୍ଡେ ହାଲାଆନି □”

ପିତର ଜୀସୁଙ୍କ କ୍ରୀସୁ ଇଞ୍ଜା ଝେକ୍ନାୟି

(ମାତି ୧୬:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀସୁ ଅଡ଼େ ତାନି ସୀସୁୟା କାୟିସରିୟା ପିଲିପି ରାକ୍ତିତି ନାମ୍‌କାଞ୍ଜାକି ହାଚେରି, ଅଡ଼େ ଜିରୁତା ଏଞ୍ଜାସି ତାନି ସୀସୁୟାଙ୍କ ଝେରେସି, “ନୀନୁ ଆମ୍ବାଆତେସଁ ଇଞ୍ଜା ଲକୁ ଏଲେଇଞ୍ଜି ମାଞ୍ଜାନେରି ?”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଙ୍କ ଏଲେଇରେରି, “ବାପ୍ତିସ୍ତା\* ହାନି ଜହନ,

ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ବିତ୍ରାଟି ରଅସି □”

୨୯ ଏଞ୍ଜାସି ଏଞ୍ଜାରାଙ୍କ ଝେରେସି, “ସାମା ନୀନୁ ଆମ୍ବାଆତେସଁ ଇଞ୍ଜା ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଞ୍ଜାଣାଙ୍କ ଏଲେଇରେସି, “ନୀନୁ କ୍ରୀସୁତି □”

୩୦ ଏମ୍ବାଟିଏ ଜୀସୁ ଏଞ୍ଜାରାଙ୍କ ତାନି କାତାତି ଆମ୍ବାଆରାଙ୍କ ଏନାଆଁ ଝେହ୍‌ଆନୁ ଇଞ୍ଜା ଜାଣ୍ଡେ କିହୁଁ ହୁକୁମି ହୀତେସି □

ଜୀସୁ ତାନି ଦୁକୁ ଇଞ୍ଜା ତଣ୍ଡ ପାଣ୍ଡିନି କାତା ଝେହ୍‌ନାୟି

(ମାତି ୧୬:୨୧-୨୮; ଲୁକ ୯:୨୨-୨୭)

୩୧ ଅଡ଼େ, ଜୀସୁ ଏଞ୍ଜାରାଙ୍କ ଜାପୁହାଲି ମାଟୁହେସି, “ଇଚିହୁଁ ମାଣସି ମୀରଏସି ହାରେକା ଦୁକୁ କସୁ ବେଟାଆନାୟି ମାନେ ଇଞ୍ଜା ପ୍ରାତିନାଙ୍ଗା, କାଜା ପୂଜେରାଙ୍ଗା, ଇଞ୍ଜା ମେରାପୁନାରି ତାଣାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡ଼େ ତାନିଦିନା ଜେଟ ଝେଣ୍ଡେ ନିଜିନାୟି ମାନେ □”

୩୨ ଇ କାତା ଏଞ୍ଜାସି ତୀରପୁତଲେ ଝେସ୍ତେସି □ ଏମ୍ବାଟିଏ ପିତର ଏଞ୍ଜାଣାଙ୍କ ଅରଞ୍ଜାକି ଅହାନା ଦାକା ହୀହାନା ଲାଗାଲି ମାଟୁହେସି □

୩୩ ସାମା ଏଞ୍ଜାସି ତାୟୁଞ୍ଜାକି ତିରଞ୍ଜାହାଁ ତାନି ସୀସୁୟାଣି ସିନିକିହାନା ପିତରଙ୍କ ଦାକା ହୀହାନା ଏଲେଇରେସି, “ସୟତାନ, ନା ନକିଟି ହେକ ହାଲାମ୍, ଇଚିହୁଁ ନୀନୁ ମାହାପୁରୁ କାତା ଅଣ୍‌ପାଆନା ମାଣସିୟା କାତା ଅଣ୍‌ପିମାଞ୍ଜି □”

୩୪ ଏମ୍ବାଟିଏ ଜୀସୁ ତାନି ସୀସୁୟା ତଲେ ଲକୁଣି ହାଟାନା ଏଲେଇରେସି, “ଆମ୍ବାଆସି ନା ଜେଟ ଞ୍ଜାହାଲି ମନ୍ କିନେସି, ଆଡ଼ିହୁଁ ଏଞ୍ଜାସି ଜାହାରାଙ୍କ

\* ୮:୨୮ ୮:୨୮ ମାର୍କ ୬:୧୪,୧୫; ଲୁକ ୯:୭,୮ \* ୮:୨୮ ୮:୨୮ ମୁଞ୍ଜିନାୟି \* ୮:୨୯ ୮:୨୯ ଜହ ୬:୬୮,୬୯ \* ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭

ପିୟସେସି, ଇଞ୍ଜା ଏଞ୍ଜାସି ତାନି କୁସ  
ଡେକାନା ନା ଡେଟ ଖାପେସି □

୩୫ \*ଇତିହି ଆମ୍ବାଆସି ତାନି ଜୀଞ୍ଜୁ  
ଗେଲପାଲି ମନ କିନେସି, ଏଞ୍ଜାସି  
ଏଦାଆଁ ହାଞ୍ଜି କିନେସି; ସାମା ଆମ୍ବାଆସି  
ନା ତାକି ଇଞ୍ଜା ନେହି କାବୁତାକି  
ତାନି ଜୀଞ୍ଜୁ ହାନେସି, ଏଞ୍ଜାସି ଏଦାଆଁ  
ନୀଟନେସି □

୩୬ ଅଡେ, ମାଣସି ଇ ଦାରତିତା  
ମାନାଣି ବାରେ ମେଡି କିହାନା ତାନି  
ଜୀଞ୍ଜୁତି ହାଞ୍ଜି କିନେସି, ଆତିହି  
ଏଞ୍ଜାଣାକି ଏନି ଲାବା ?

୩୭ ଅଡେ, ମାଣସି ତାନି ଜୀଞ୍ଜୁତି  
ବାଦୁଲି ଏନାଆଁ ହାହାଲି ଆଡିନେସି ?

୩୮ ଏଦାଆଁତାକି ଆମ୍ବାଆସି ଇ  
କାଲାତି ଦାରି କିନାରି ଅଡେ ପାପୁଗାତି  
ଲକୁ ବିତ୍ରା ନାଞେ ଅଡେ ନା ବଲୁ  
ତାକି ଲାଜା ଆନେସି, ମାଣସି ମୀରଏସି  
ଏଚିବେଲା ସୁବୁ ଦୁଡୁୟାଁ ତଲେ ତାନି  
ଆବାତି ଗାଞ୍ଜୁରମି ତଲେ ଖାନେସି,  
ଏଚିବେଲା ଏଞ୍ଜାସି ଜିକେଏ ଏଞ୍ଜାଣି  
କାତାତାକି ଲାଜା ଆନେସି □”

୯

୧ ଅଡେ ଜୀସୁ ତାନି ସୀସୁଣି  
ଏଲେଇଚେସି, “ନାନୁ ମିଞେ ସାତା  
ଝେସିମାଞ୍ଜାଲ୍, ଇମ୍ବାଆଁ ଏଚରଜାଣା  
ମାନେରି ମାହାପୁରୁତି ରାଜି ବାଡ଼ୁୟୁ  
ତଲେ ଖାନାଣି ମେହୁଆ ପାତେକା  
ହାଅରି □”

ଜୀସୁ ଅର ଖାଣା ଆନାୟି  
(ମାତି ୧୭:୧-୧୩; ଲୁକ ୯:୨୮-୩୬)

୨ \*ସ ଦିନା ତାୟୁ ଜୀସୁ ଖାରଇ  
ପିତର, ଜାକୁବ ଅଡେ ଜହନଇଁ  
ତାନିତଲେ ଏଟକା କିହାନା ଏଞ୍ଜାରାଇଁ  
ର ପାତାଆଡି ହରୁତା ଅଡେସି □ □

୩ ଅଡେ ଏଞ୍ଜାସି ଏଞ୍ଜାରି ନକିତା  
ଅର ଖାଣା ଆଡେସି, ଏଞ୍ଜାଣି ହିମ୍ବୁରି  
ଇଲେକ ଉଜେଡି ଆହାନା ହାଡେକା

ଦବଲା ଆଡେ, ଇ ଦାରତିତା ଆମ୍ବାଆସି  
ଏଲେଡି ଦବଲା କିହାଲି ଆଡଅସି □

୪ ମସା ଅଡେ ଏଲିୟ ଜୀସୁତଲେ  
ହାଡାକାତା ଆହିମାଚାଣି ତାନି ଜାଣା  
ସୀସୁୟାଁ ମେସ୍ତେରି □

୫ ଏମ୍ବାଟିଏ ପିତର ଜୀସୁଇଁ  
ଏଲେଇଚେସି, “ଏ ଗୁରୁ ମାର ଇ  
ଗାୟୁତା ମାନାୟି ହାଡେକା ନେହାୟି;  
ମାର ତାନିଗଟା ଗୁଡାୟାଁ କେପିନ,  
ନିଞେତାକି ରଣ୍ଡାଆଁ, ମସାକି ରଣ୍ଡାଆଁ  
ଅଡେ ଏଲିୟକି ରଣ୍ଡାଆଁ □”

୬ ପିତର ଏନାଆଁ ଜଲାଲି  
ଆନେ ଇଞ୍ଜୁ ପୁଞ୍ଜା ହିଲାଆଡେସି,  
ଏନାଆଁତାକି ଇତିହି ଏଞ୍ଜାରି ହାଡେକା  
ଆଜାମାଚେରି □

୭ \*ଇଞ୍ଜା, ଇଚାୟି ଦୁନ୍ଦା ଖାହାନା  
ଏଞ୍ଜାରାଇଁ ପିକହେ, ଅଡେ ଏ ଦୁନ୍ଦାଟି  
ଇ ହାଡା ଖାଡେ, “ଇଞ୍ଜାସି ନା ଜୀଞ୍ଜୁତି  
ମୀରଏସି, ଇଞ୍ଜାଣି ବଲୁ ଖେଞ୍ଜୁ □”

୮ ଦେବୁଣିଏ ଏଞ୍ଜାରି ସାରିଞ୍ଜାକି  
ସିନିକିତେରି, ତାନିତଲେ ଜୀସୁଇଁ  
ପିୟସେ ଆମ୍ବାଆରାଇଁ ମେହୁଆଡେରି  
□

୯ ଏଞ୍ଜାରି ହରୁତି ରେଟା ଖାହି  
ମାଚାଟି ଜୀସୁ ଏଞ୍ଜାରାଇଁ ଜାଣେ  
ହୁକୁମି ହାହାନା ଏଲେଇଚେସି, “ମୀରୁ  
ଏନାଆଁ ମେସାମାଞ୍ଜେରି, ଏ ବାରେ  
ହାଡାରି ବିତ୍ରାଟି ମାଣସି ମୀରଏସି  
ଝେଣେ ନିଜାଆ ପାତେକା ଆମ୍ବାଆରାଇଁ  
ଝେହୁଆଦୁ □”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା  
“ହାଡାରି ବିତ୍ରାଟି ଝେଣେ ନିଜିନାୟି  
ଏନାୟି ?” ଏ କାତାତି ତାନି ବିତ୍ରା  
ଝେସିପି ଆଡେରି □

୧୧ \*ଅଡେ ଏଞ୍ଜାରି ଜୀସୁଇଁ ଝେଚେରି,  
“ନକେଏ ଏଲିୟ ଖାନାୟି ଆନେ,  
ମୋରାପୁନାରି ଏନିକ ଇ କାତା  
ଝେହୁନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ  
ଏଲେଇଚେସି, “ଏଲିୟ ନକେଏ  
ଖାହାନା ବାରେ ମୋରା ଅଡେ ଝେଣେ

\* ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ \* ୯:୨ ୯:୨ ପିତ ୧:୧୭,୧୮ \* ୯:୨  
୯:୨ ମାତି ୩:୧୭; ମାର୍କ ୧:୧୧; ଲୁକ ୩:୨୨ \* ୯:୧୧ ୯:୧୧ ମାତି ୧୧:୧୪

ଇଚିନାୟି ସାତା, ସାମା ମାଣ୍ଡସି ମୀରୁଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକ୍ ଏଞ୍ଜାଣି କାତା ରାସ୍‌କି ଆହାମାନେ ?

୧୩ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଏଲିୟ ଝାଡେସିଏ, ଅଡେ ଏଞ୍ଜାଣି କାତା ଏନିକ୍ ରାସ୍‌କି ଆହାମାନେ, ଏଲେକିହ୍ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏନାଆଁ କିହାମାନେରି ।”

ବୃତ୍ତୁ ଆଲ୍‌ଗାମାଟି କକାଣାଇଁ ନେହ୍ କିନାୟି

(ମାଟି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟାଁ ତାଣା ଝାହାନା ମେସ୍ତେରି, ଏଞ୍ଜାରି ସାରିଝାକି ହାରେକା ମାନ୍ଦା ଲକୁ ଅଡେ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି ।

୧୫ ଲକୁ ବାରେ ଏଞ୍ଜାଣାଇଁ ମେସ୍‌ପନିଏ ହାରେକା କାବାଆହାନା ଅଡେ ଦାବ୍‌ଡି ଝାହାନା ଜହରା କିତେରି ।

୧୬ ଏମ୍ବାଟିଏ ଜୀସୁ ଏଞ୍ଜାଣାଇଁ ଝେରେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇରେସି, “ଏ ଗୁରୁ, ନାନୁ ନା ମୀରୁଏଣାଇଁ ନୀ ତାଣା ତାଟାମାଟେଏ; ଏଞ୍ଜାଣାଇଁ ର ଗୁଲ୍ଲା ବୃତ୍ତୁ ଆଲ୍‌ଗାମାନେ ।

୧୮ ଏମିନି ଟାୟୁତା ଏଦି ଏଞ୍ଜାଣାଇଁ ଆହ୍‌ନେ, ଏଞ୍ଜାଣାଇଁ ଡଇ ଡ୍ରକ୍‌ନେ, ଇଞ୍ଜା ଏଞ୍ଜାଣି ଗୁଡିଟି ପମ୍‌ଲି ହନେ, ଅଡେ ଏଦି ପାଲ୍‌କା ଟୀଟି କିନେ, ଇଞ୍ଜା ଏଞ୍ଜାସି ଝାୟାହାଜି ମାନେସି; ଏଞ୍ଜାଣାଇଁ ପିସ୍‌ପି କିହାଲି ନାନୁ ନୀ ସୀସୁୟାଁ ଏଲେଇରେଏ, ସାମା ଏଞ୍ଜାରି ଆଡାଆତେରି ।”

୧୯ ଜୀସୁ ଏଞ୍ଜାଣାଇଁ ଏଲେଇରେସି, “ଆଡେ ନାମାଆଗାଟି କୁଡାତାତେରି, ଏଚରଦିନା ନାନୁ ମୀ ତଲେ ଡୟିଇଁ ?

ଏଚରଦିନା ମୀ ଲେମ୍‌ନାଣି ଅରୁହିଇଁ ? କକାଣାଇଁ ନା ତାଣା ତାଦୁ ।”

୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାତେରି । ଅଡେ, ଜୀସୁଇଁ ମେସ୍‌ପନିଏ ଏ ବୃତ୍ତୁ ଏଞ୍ଜାଣାଇଁ ହାରେକା ତିରୁଝି କିତେ ଇଞ୍ଜା ବୁମିତା ତରଗାନା ଗୁଡିଟି ପମ୍‌ଲି ହପ୍‌ହାନା ଉସାଲି ମାଟ୍‌ହେସି ।

୨୧ ଏଚିରେଲ୍ଲା ଜୀସୁ ତାନି ଆବାଇଁ ଝେରେସି, “ଏଚରଦିନା ଆଡେ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇରେସି, “ଉଣା ଝେଡାଟିଏ

୨୨ ଏଦି ଏଞ୍ଜାଣାଇଁ ହାଝି କିହାଲି ଏଚେ ଏଚେତା ହିଚୁତା ଅଡେ ଏୟୁଣାଁ ମେଡହାମାନେ; ସାମା ନାନୁ ଏନାଆଁ କିହାଲି ଆଡିତ୍, ମାଙ୍ଗେ କାର୍ମା ଆହାନା ମା ସାୟେମି ଆୟାମ୍ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ଏନାଆଁ ଇଚି ? କିହାଲି ଆଡିତ୍, ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ ।”

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାଁତଲେ ଏଲେଇରେସି, “ନାନୁ ନାମିମାଇଁ ନା ନାମାଆଗାଟାଣି ଗୁଚି କିହାଲି ସାୟେମି କିୟାମ୍ ।”

୨୫ ତାୟୁ ମାନ୍ଦା ଲକୁ ରହେଁଏ ହଚିହ୍ ଝାହି ମାଟାଣି ମେସାନା, ଜୀସୁ ଏ ପଲ୍‌ଆ ବୃତ୍ତୁତି ଦାକା ହୀହାନା ଏଲେଇରେସି, “ଆଡେ ଗୁଲ୍ଲା ଅଡେ ବେରା ବୃତ୍ତୁତି, ନାନୁ ନିଙ୍ଗେ ହୁକୁମି ହୀହିମାଞ୍ଜାଇଁ, ଇଞ୍ଜାଣି ତାଣାଟି ହଚାହାଲାମ୍, ଇଞ୍ଜା ଏଚେଲ୍ଲା ଜିକେଏ ଇଞ୍ଜାଣି ତାଣା ହଡ୍‌ଆନି ।”

୨୬ ଏମ୍ବାଟିଏ ଏଦି ହାରେକା କିରୁଡିହ୍ କକାଣାଇଁ ତିରୁଝି କିହାନା ବୁମିତା ଡ୍ରକ୍‌ହାନା ହଚାହାଚେ, ଅଡେ କକାସି ହାଡିଲେହେଁ ଆଡେସି, ଇଲେକିହ୍ ହାରେକା ଲକୁ ଏଲେଇଞ୍ଜିମାଚେରି, “କକାସି ହାଡେସି ।”

୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକ୍‌ହେସି, ଇଞ୍ଜା ଏଞ୍ଜାସି ନିତେସି ।

୨୮ ଇଞ୍ଜା ଜୀସୁ ଇଜ ଖାହାଲିଏ ତାନି ସୀସୁୟାଁ ମେଣେଏ ଖେଚେରି, “ମାମୁ ଏନାଆଁତାକି ଏଝାଣାକ୍ ପିସ୍ପି କିହାଲି ଆଡାଆତମି ?”

୨୯ ଜୀସୁ ଏଝାରାକ୍ ଏଲେଇଚେସି, “ପ୍ରାତାନା\* କିଆନା ଅଡ଼େ ଏନିକ୍ ଜିକେଏ ଇଲେତି ବୁଡୁ ପେର୍ହାଲି ଆଡାଆୟି □”

ତାନି ହାକିତି କାରୁ ଅଡ଼େ ଖେଣ୍ଡେ ଖେହନାୟି

(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଝାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜା ଏଝାଣି ମନ ହିଲାଆତେ;

୩୧ ଇଚିହ୍ ଜୀସୁ ତାନି ସୀସୁୟାଁଣି ଇ କାତା ଖେସିହ୍ ଜାପୁହି ମାଚେସି, “ମାଣସି ମୀରଏସି ମାଣସିୟାଁ କେୟୁତା ହେରପିଆନେସି, ଅଡ଼େ ଏଝାରି ଏଝାଣାକ୍ ପାୟିନେରି, ଇଞ୍ଜା ଏଝାସି ହାଡ଼ି ତାୟୁ ତାନିଦିନା ଜେଚ ଖେଣ୍ଡେ ନିଜ୍ଜନେସି □”

୩୨ ସାମା ଏଝାରି ଏ କାତାତି ତେଲହାଆଚେରି, ସାମା ଏଝାଣାକ୍ ଖେଞ୍ଜାଲି ଆଜିମାଚେରି □

ଆମ୍ବାଆସି କାଜାସି

(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଝାରି କପର୍ନାହୁମତା ଖାଡ଼େଚରି □ ଜୀସୁ ଇଜ ଏଜାନା ସୀସୁୟାଁଣି ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ☆ସାମା ଏଝାରି ହାଡ଼ା ଆଆନା ପାଲେଏ ଡ଼ୟିଚେରି, ଇଚିହ୍ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି □

୩୫ ☆ଏମ୍ବାଟିଏ ଜୀସୁ କୁଗାନା ବାରୁ ଜାଣାକ୍ ହାଡ଼ିଚେସି ଇଞ୍ଜା ଏଝାରାକ୍

ଏଲେଇଚେସି, “ଇଚିହ୍ ଆମ୍ବାଆସି କାଜାସି ଆହାଲି ମନ କିନେସି, ଆତିହ୍ ଏଝାସି ବାଚେତି କିହାଁ ଉଣା ଅଡ଼େ ବାଚେତି ସେବା କିନାସି ଆପେସି □”

୩୬ ଅଡ଼େ ଏଝାସି ର ଉଣା କକାଣାକ୍ ଅହାନା ଏଝାରି ମାଦି ନିପୁହେସି ଇଞ୍ଜା ଏଝାଣାକ୍ ପମାନା ଏଝାରାକ୍ ଏଲେଇଚେସି,

୩୭ ☆“ଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଅଣାକ୍ ଆବିନେସି, ଏଝାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଝାସି ଖାରୁଇ ନାଜେ ଆବଅସି, ସାମା ନାଜେ ପାଣ୍ଡାତାଣାକ୍ ଜିକେଏ ଆବିନେସି □”

ମା କପାଟି ନିଜ୍ଜାଆ ଗାଟାସି ମା ତଲେତାସି (ଲୁକ ୯:୪୯-୫୦)

୩୮ ଜହନ ଏଝାଣାକ୍ ଏଲେଇଚେସି, “ଏ ଗୁରୁ ମା ଗଚିତା ହିଲାଆଗାଟାସି ରଅସି ନୀ ଦରୁତଲେ ବୁଡୁଣି ପେର୍ହି ମାଟାଣି ମେସୁମି, ଇଞ୍ଜା ଏଝାସି ମା ଗଚିତା ହିଲାଆତାକି ଏଝାଣାକ୍ କାହିକିତମି □”

୩୯ ସାମା ଜୀସୁ ଏଲେଇଚେସି, “ଏଝାଣାକ୍ କାହିକିଆଦୁ; ଇଚିହ୍ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଜେ ନିନ୍ଦା କିୟାନେସି, ଇଲେତି ଲକୁ ଆମ୍ବାଆସି ହିଲଅସି;

୪୦ ☆ଇଚିହ୍ ଆମ୍ବାଆସି ମା କପାଟି ନିଜ୍ଜାଆ ଗାଟାସି ଏଝାସି ମା ତଲେତାସି □

୪୧ ☆ନାନୁ ମିଜେ ସାତା ଖେସିମାଞ୍ଜାକ୍, ମୀରୁ କ୍ରୀସୁତି ଲକୁ ଇଞ୍ଜା ଆମ୍ବାଆସି ଜିକେଏ ମିଜେ ଜାଡ଼େକା ଏୟୁ ଗସାଲି ହିୟାନେସି, ଏଝାସି ଏନିଜିକେଏ ତାନି ଦାନାତି ଜାକ୍ଅସି □”

\* ୯:୨୯ ୯:୨୯ ଏଚେକା ସାସ୍ପେରିତା ପ୍ରାତାନା ଇଞ୍ଜା ଉପାସା ରାକ୍ ଅହାମାନେ □ ☆ ୯:୩୪ ୯:୩୪ ଲୁକ ୨୨:୨୪ ☆ ୯:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭ ☆ ୯:୩୭ ୯:୩୭ ମାତି ୧୦:୪୦; ଲୁକ ୧୦:୧୬; ଜହ ୧୩:୨୦ ☆ ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩ ☆ ୯:୪୧ ୯:୪୧ ମାତି ୧୦:୪୨

ନାମୁତା ପାପୁ କିଞ୍ଚି କିନାଣି ଡଣ୍ଠ  
(ମାତି ୧୮:୬-୯; ଲୁକ ୧୭:୧-୨)

୪୨ ଅଡ଼େ ଆମ୍ବାଆସି ନାମାମାନି  
ଇ ଡଣ୍ଠାୟା ବିତ୍ରାଟି ରଅଣାକ୍ ପାପୁ  
କିଞ୍ଚି କିନେସି, ଏଞ୍ଜାଣି ହେରକିତା  
କାଜା ଜେତାଞ୍ଜାଲି ଦସାନା ଏଞ୍ଜାଣାକ୍  
ସାମଦୁରିତା ମେଡ଼ହିହ ନେହେ  
ଆଡ଼େମା □

୪୩ \*ମୀ କେୟୁ ମିଙ୍ଗେ ପାପୁ  
କିଞ୍ଚିକିୟାନେ, ଇଚିହ ଏଦାଆଁ  
ଜାଚାନା କୁତାଦୁ; ରୀ କେସ୍ମା ମାଞ୍ଜାନା  
ନର୍କ ଇଚିହ ତୁମ୍ବାଆଗାଟି ହିରୁ  
ଗାଡ଼ୟୁତା ମେଡ଼ପି ଆନି ବାଟା କଲ୍ଲା  
ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି  
ନେହେ □

୪୪ ଇଚିହ ନର୍କତା ଏମ୍ବାତି ପିଡ଼କା  
ଏଚେଲ୍ଲା ହାଡ଼, ଅଡ଼େ ହିରୁ ଏଚେଲ୍ଲା  
ଡୁମ୍ବେଏ □†

୪୫ ଅଡ଼େ ମୀ କତା ମିଙ୍ଗେ ପାପୁ  
କିଞ୍ଚିକିୟାନେ, ଏଦାଣି ରାଡ଼ହା କୁତାଦୁ,  
ରୀ କତାୟା ନେହେ ମାଞ୍ଜାନା ନର୍କତା  
ମେଡ଼ପି ଆନି ବାଟା ସଟା ଆହାନା  
ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେ  
□

୪୬ ଇଚିହ ନର୍କତା ଏମ୍ବାତି ପିଡ଼କା  
ଏଚେଲ୍ଲା ହାଡ଼, ଅଡ଼େ ହିରୁ ଏଚେଲ୍ଲା  
ଡୁମ୍ବେଏ □‡

୪୭ \*ଇଞ୍ଜାଁ ମୀ କାନୁ ମିଙ୍ଗେ ପାପୁ  
କିଞ୍ଚିକିୟାନେ ଇଚିହ ଏଦାନି ଡେଞ୍ଜା  
କୁତାଦୁ, ରୀ କାଣକା ନେହେ ମାଞ୍ଜାନା  
ନର୍କତା ମେଡ଼ପି ଆନି କିହାଁ ର କାନୁ  
ତଲେ ମାହାପୁରୁ ରାଜିତା ହଡ଼ନାୟି  
ମିଙ୍ଗେ ତାକି ନେହେ □

୪୮ ଇଚିହ ନର୍କତା ଏମ୍ବାତି ପିଡ଼କା  
ଏଚେଲ୍ଲା ହାଡ଼, ଅଡ଼େ ହିରୁ ଏଚେଲ୍ଲା  
ଡୁମ୍ବେଏ □

୪୯ “ହାରୁ ତଲେ ଏନିକ୍ ପୁଜା  
ହୀନାୟି ସୁଦୁ ଆନେ, ଏଲେକିହ ଏ  
ହିରୁତଲେ ବାରେ ସୁଦୁ କିଞ୍ଚିଆନେ □”

୫୦ \* “ହାରୁ ନେହାୟି, ସାମା ହାରୁ  
ମୁଆସାରେ ଆତିହ ଏନିକ୍ ମୁପି  
କିନାୟି ଆନେ ? ମୀରୁ ମୀ ତାଣା  
ହାରୁ ଲେହେ ଆଦୁ, ଅଡ଼େ ରଅଚେରି  
ରଅଣାକି ହିଡ଼ଡ଼ି ଜୀଞ୍ଜୁତଲେ ନେହ  
ଆହୁ ଡ଼ୟାଦୁ □”

## ୧୦

ଡକ୍ରି ଡକ୍ତା ପିସପିଆନି କାତା ଜୀସୁ  
ଜାପୁନାୟି

(ମାତି ୧୯:୧-୧୨; ଲୁକ ୧୭:୧୮)

୧ ଏ ଗାୟୁଟି ଜୀସୁ ହାଜାନା ଜୀହୁଦା  
ରାଜିତି ହାୟି ଅଡ଼େ ଜର୍ଦନ କାତା  
ଆତାଲାଞ୍ଜାକି ଖାଡ଼େସି; ଇଞ୍ଜାଁ ଲକୁ  
ଅଡ଼େ ଖେଣ୍ଡେ ଏଞ୍ଜାଣି ତାଣା ରୁଣ୍ଡା  
ଆହାଲିଏ, ଏଞ୍ଜାସି ତାନି ମେରା ଲେହେ  
ଏଞ୍ଜାରାକ୍ ଅଡ଼େ ଜାପୁହାଲି ମାଟ୍‌ହେସି  
□

୨ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା  
ଖାହାନା ଏଞ୍ଜାଣାକ୍ ତାୟିପାରିକିହ  
ଖେଚେରି, “ଜାହାରା ଡକ୍ରିନି ପିସାଲି  
ଆବାୟାକି ମେରା କି ?”

୩ ଜୀସୁ ଏଞ୍ଜାରାକ୍ ଏଲେଇଚେସି,  
“ମସା ମିଙ୍ଗେ ଏନି ହୁକୁମି  
ହୀହାମାଞ୍ଜାନେସି ?”

୪ \*ଏଞ୍ଜାରି ଏଲେଇଚେରି, “ପିହ୍ନି  
ଆକୁ ରାଚାନା ଡକ୍ରିନି ପିସାଲି ମସା  
ହେଲ ହୀହାମାଞ୍ଜାନେସି □”

୫ ଏମ୍ବାଟିଏ ଜୀସୁ ଏଞ୍ଜାରାକ୍  
ଏଲେଇଚେସି, “ମୀ ଆଟ୍‌ଞ୍ଜା ହିୟାତି  
ମେସାନା ଏଞ୍ଜାସି ମିଙ୍ଗେତାକି ଇ ହୁକୁମି  
ରାଚାମାନେସି □

୬ ସାମା ମାଣସି ଗାଡ଼ି ଆଡ଼ି ଚେଲ୍ଲାଟିଏ  
ଏଞ୍ଜାସି ଏଞ୍ଜାରାକ୍ ଆୟା ଅଡ଼େ ଆବା  
କିହ ମାହାପୁରୁ ଗାଡ଼ିକିଡେସି □

୭ ଏଦାଆଁତାକି ଆବା ତାଲି ତାଞ୍ଜିକ୍  
ପିହ୍ନେସି, ଇଞ୍ଜାଁ ତାନି ଡକ୍ରି ତଲେ  
ଆଣ୍ଡିନେସି,

\* ୯:୪୩ ୯:୪୩ ମାତି ୫:୩୦ † ୯:୪୪ ୯:୪୪ କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ □

‡ ୯:୪୬ ୯:୪୬ କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ □ \* ୯:୪୭ ୯:୪୭ ମାତି ୫:୨୯

☆ ୯:୫୦ ୯:୫୦ ମାତି ୫:୧୩; ଲୁକ ୧୪:୩୪, ୩୫ ☆ ୧୦:୪ ୧୦:୪ ମାତି ୫:୩୧



୮ ଇଞ୍ଜା ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି □

୯ ଇଞ୍ଜା ମାହାପୁରୁ ଏନାଆଁ ଆଣ୍ଡୁଝି କିହାମାନେସି, ମାଣ୍ଡସି ଏଦାଆଁ ଏଟକା କିଆପେସି □”

୧୦ ତାୟୁ ସାୟୁୟାଁ ଇଜ ଇ କାତାତି ଜାୟୁଇଁ ଅଡେ ଝେଣ୍ଡେ ଝେଚେରି □

୧୧ \*ଏମ୍ବାଟିଏ ଜାୟୁ ଏଝାରାଇଁ ଏଲେଇଚେସି, “ଆମ୍ବାଆସି ତାନି ତକ୍ତିନି ପିସାନା ଏଟକାତାଣି ବାହା ଆନେସି, ଏଝାସି ତଲିତି ତକ୍ତିନି କପାଟି ଦାରିକାମା କିନେସି □

୧୨ ଅଡେ ତକ୍ତି ତାନି ତକ୍ତାଇଁ ପିସାନା ଏଟକାତାଣାଇଁ ବାହା ଆନେ, ଆତିହଁ ଏଡ଼ି ଦାରିକାମା କିନେ □”

କକାରି ପଦାଁଣି ଜାୟୁ ବର ହାନାୟି (ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଝାସି ଏନିକଁ କକାରି ପଦାଁଣି ତାରିନେସି, ଏଦାଆଁତାକି ଲକୁ ଏଝାରାଇଁ ଜାୟୁ ତାଣା ତାତାଲି ମାଟହେରି; ସାମା ସାୟୁୟାଁ ଏଝାରାଇଁ ଦାକା ହାତେରି □

୧୪ ଜାୟୁ ଏଦାଆଁ ମେସାଁ କାରବି ଆହାନା ଏଝାରାଇଁ ଏଲେଇଚେସି, “କକାରି ପଦାଁଣି ନା ତାଣା ଝାହାଲି ହାୟୁ, ଏଝାରାଇଁ ଆଂଗାଆଦୁ; ଇତିହଁ ମାହାପୁରୁତି ରାଜି ଇଲେତି ଲକୁତାୟି □

୧୫ \*ନାନୁ ମିଙ୍ଗ ସାତା ଝେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି ଆବଅସି, ଏଝାସି ଏନିଜିକେଏ ଏମ୍ବାଆଁ ହଡାଲି ଆଡ଼ଅସି □”

୧୬ ଇଞ୍ଜା ଏଝାସି ଏଝାରାଇଁ କତାଣା ଜଙ୍ଗାମା ଏଝାରି ଲାକ କେୟୁ ଇତାନା ବର ହାତେସି □

ର ଦନ ଗାଟି ଦାଂଗଣେଏସି (ମାତି ୧୯:୧୬-୩୦; ଲୁକ ୧୮:୧୮-୩୦)

୧୭ ଜାୟୁ ଅଡେ ଝେଣ୍ଡେ ହାଜିମାଚାତି ରଅସି ଦାବଡ଼ି ଝାହାନା ଏଝାଣି ନକିତା

ମେଣ୍ଡାକୁତାନା ଏଝାଣାଇଁ ଝେଚେସି, “ଏ ନେହଁ ଗୁରୁ କାଲାକାଲାତି ଜାୟୁ ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜାୟୁ ଏଝାଣାଇଁ ଏଲେଇଚେସି, “ନାଙ୍ଗେ ନେହାଁତି ଇଞ୍ଜା ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି ପିସପେ ଇଚିହଁ ମାହାପୁରୁ ପିସପେ ଅଡେ ଆମ୍ବାଆସି ନେହାଁସି ହିଲଅସି □

୧୯ ନାନୁ ସାଡ଼ସ୍ତରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିତି ସାକି ଜଲାଆଦୁ, ଲକୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜାୟୁନଦୁ □”

୨୦ ଏଝାସି ଏଝାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡାଟିଏ ମାନୁଝି ଆହିମାଇଁ □”

୨୧ ଜାୟୁ ଏଝାଣାଇଁ ତାରେ ସିନିକିହାଁ ଜାୟୁ ନଡେସି ଇଞ୍ଜା ଏଲେଇଚେସି, “ନାନୁ ର କାମାତା ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ ପାରତାନାହାଁ ହିଲାଆ ଗାଟାରାକି ଦାନା ହାୟୁ, ଅଡେ ନା ଜେଟ ଝାୟୁ, ଇଞ୍ଜା ନାନୁ ଲାକପୁରୁ ଦନ ବେଟାଆଦି □”

୨୨ ସାମା ଇ କାତାତା ଏଝାଣି ମୁମୁ ହାପୁଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି, ଇଚିହଁ ଏଝାଣାକି ହାଡ଼େକା ଦନ ମାଚେ □

୨୩ ଏମ୍ବାଟିଏ ଜାୟୁ ସାରିଝାକି ସିନିକିହାନା ତାନି ସାୟୁୟାଁଣି ଏଲେଇଚେସି, “ଦନ ଗାଟାରି ହାଡ଼େକା କସ୍ତଲେ ମାହାପୁରୁ ରାଜିତା ହଡ଼ନେରି □”

୨୪ ଏଝାଣି କାତା ଝେଞ୍ଜାନା ସାୟୁୟାଁ କାବା ଆଡେରି, ସାମା ଜାୟୁ ଅଡେ ଝେଣ୍ଡେ ଏଝାରାଇଁ ଏଲେଇଚେସି, “ଆଡେ କକାଚେରି ମାହାପୁରୁ ରାଜିତା ହଡ଼ନାୟି ହାଡ଼େକା କସ୍ତ □

୨୫ ମାହାପୁରୁତି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଟି ଉଠୁ ହଡ଼ନାୟି ଉସାସା □”

\* ୧୦:୧୧ ୧୦:୧୧ ମାତି ୫:୩୨; ୧କର ୭:୧୦, ୧୧

\* ୧୦:୧୫ ୧୦:୧୫ ମାତି ୧୮:୩

୨୭ ଏମ୍ବାଟିଏ ଏଞ୍ଜାରି ହାରେକା କାବାଆହାନା ତାମ୍ବୁ ତାମ୍ବୁ କାତା ଆଡେରି, “ଆଡିହ ଆମ୍ବାଆସି ଗେଲପି ଆହାଲି ଆଡିନେସି ?”

୨୮ ଜୀସୁ ଏଞ୍ଜାରାଇଁ ତୀରିତଲେ ସିନିକିହାନା ଏଲେଇଚେସି, “ଇଦି ମାଣସିକି ଆଡାଆଗାଟାୟି, ସାମା ମାହାପୁରୁକି ଆଏ; ଇଡିହ ମାହାପୁରୁ ବାରେ କିହାଲି ଆଡିନେସି □”

୨୯ ପିତର ଏଞ୍ଜାଣାଇଁ ଏଲେଇଚେସି, “ମେହ୍ମୁ ମାମ୍ବୁ ବାରେ ପିସାନା ନୀ ଜେତ ଖାହାମାନମି □”

୩୦ ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଲକୁ ନା ନେହ କାବୁତାକି ଇଲୁ କି ତାୟିକି ତାଜି କି ତାଲି, ତାଞ୍ଜି, କକାରି ପଦାଣି କି ବୁମି ବାଡା ପିସାମାନେରି,

୩୧ ଅଡେ ଇ କାଲାତା କସୁ ବେଟାଆହ, ଖାଞ୍ଜା ଗୁଣ୍ଡୁତି ଇଲକା, ତାୟି, ତାଜି, ତାଲି ତାଞ୍ଜି, କକାରି ପଦାୟା ଅଡେ ବୁମି ବାଡା, ଇଞ୍ଜା ଖାନ୍ତି ଜୁଗୁତା କାଲାକାଲାତି ଜୀସୁ ବେଟାଆଅସି, ଇଲେତି ଲକୁ ଆମ୍ବାଆସି ହିଲଅସି □

୩୨ \*ସାମା ନକିତା ମାନି ହାରେକା ଲକୁ ତାମ୍ବୁ ଆନେରି, ଇଞ୍ଜା ତାମ୍ବୁ ମାନି ହାରେକା ଲକୁ ନକିନେରି □”

ଜୀସୁ ତାନି ପାଲି ତାନି ହାନ୍ତି କାତା ଝେହ୍ନାୟି

(ମାତି ୨୦:୧୭-୧୯; ଲୁକ ୧୮:୩୧-୩୪)

୩୩ ଏଞ୍ଜାରି ଜିରୁସାଲମତା ହାଜିମାଟାଟି ଜିରୁତା ମାରେରି ଇଞ୍ଜା ଜୀସୁ ଏଞ୍ଜାରି ନକି ନକିତା ହାଜିମାଚେସି, ଅଡେ ଏଞ୍ଜାରି କାବାଆହାନା ତାମ୍ବୁ ଖାହିମାନି ଲକୁ ଆଜାମାଚେରି, ଇଞ୍ଜା ଏଞ୍ଜାସି ଝେଶ୍ଟେ ବାରଜାଣାତି ଏଟକା କିହାନା ତାଙ୍ଗେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜାରାଇଁ ଝେସାଲି ମାଟୁହେସି □

୩୩ ଜୀସୁ ଏଲେଇଚେସି, “ମେହ୍ମୁ ମାର ଜିରୁସାଲମତା ହାଜିମାନାୟି; ମାଣସି ମୀରଏସି କାଜା ପୂଜେରାଈ ଅଡେ ମେରାପୁନାରି କେନ୍ଦୁତା ହେରପିଆନେସି, ଅଡେ ଏଞ୍ଜାରି ଏଞ୍ଜାଣାଇଁ ହାନ୍ତି ତଣ୍ଡ ହାହାନା ଏଟକା କୁଡାତାରି କେନ୍ଦୁତା ହେରପିନେରି,

୩୪ ଇଞ୍ଜା ଏଞ୍ଜାରି ଏଞ୍ଜାଣାଇଁ କିଜଞ୍ଜି କିନେରି, ଏଞ୍ଜାଣିଲାକ ହୁପିନେରି, ଏଞ୍ଜାଣାଇଁ ସାଟୁଣି ତଲେ ଝେନେରି, ଇଞ୍ଜା ପାୟିନେରି, ଅଡେ ତାନି ଦିନାଟିଏ ଝେଶ୍ଟେ ନିଜିନେସି □”

ଜାକୁବ ଅଡେ ଜହନ ବାତିମାଲିନାୟି (ମାତି ୨୦:୨୦-୨୮)

୩୫ ତାମ୍ବୁ ଜେବଦି ମୀରକା ଜାକୁବ ଅଡେ ଜହନ ଜୀସୁ ତାଣା ଖାହାନା ଏଲେଇଚେରି, “ଏ ଗୁରୁ ମା ଅଣପୁ ମାମ୍ବୁନୀ ତାଣାଟି ଏନାଆଁ ରୀହନମି ଏଦାଆଁ ମା ତାକି ନୀନୁ କିମୁ □”

୩୬ ଇଞ୍ଜା ଜୀସୁ ଏଞ୍ଜାରାଇଁ ଝେଚେସି, “ନାନୁ ମୀ ତାକି ଏନାଆଁ କିଇଁ ଇଞ୍ଜା ମୀରୁ ଅଣପିମାଞ୍ଜେରି ?”

୩୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ନାନୁ ଗାଝୁରମିଗାଟି ରାଜିତା କୁରିସାରେ ଏନିକି ମା ବିତ୍ରାଟି ରଅତମି ନୀ ଚିଃନି ଚଟ ଅଡେ ରଅତମି ନୀ ଚେବୁ ଚଟ କୁରିନମି ଇ ବର ମାଙ୍ଗେ ହିୟାମୁ □”

୩୮ \*ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ରୀସିମାଞ୍ଜେରି ଏଦାଆଁ ପୁଞ୍ଜାହିଲଅଡେରି □ ନାନୁ ଆମିନି ସଲାତା ଗସିମାଇଁ, ଏମ୍ବାଆଁ ମୀରୁ ଗସାଲି ଆଡିଦେରି ? ଇଞ୍ଜା ନାନୁ ଆମିନି ବାପ୍ତିସ୍ତା\* ବାପ୍ତିସ୍ତା† ଅହିମାଇଁ ଏମ୍ବାଆଁ ମୀରୁ ବାପ୍ତିସ୍ତା‡ ଆହାଲି ଆଡିଦେରି ?”

୩୯ ଏଞ୍ଜାରି ଏଲେଇଚେରି, “ଆଡିନମି □”

\* ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦    † ୧୦:୩୮ ୧୦:୩୮ ଲୁକ ୧୨:୫୦    ‡ ୧୦:୩୮ ୧୦:୩୮ ମୁଞ୍ଜନାୟି

ଜୀସୁ ଏଝାରାଇଁ ଏଲେଇଚେସି,  
“ନାନୁ ଆମିନି ସଲ୍ଲତା ଗସିମାଇଁ ଏମ୍ବାଆଁ  
ଗସାଲି ଆଡ଼ିଦେରି, ଇଞ୍ଜା ନାନୁ ଆମିନି  
ବାପ୍ତିସ୍ମାଟାଁ ବାପ୍ତିସ୍ମା\* ଆହିମାଇଁ ମୀରୁ  
ଏମ୍ବାଆଁ ବାପ୍ତିସ୍ମା† ଆଦେରି;

୪୦ ସାମା ନା ଚିଃନି ଅଡ଼େ ଚେବୁଝାକି  
କୁଗାଲି ହୀହାଲି ନା ଅଦିକାରାତି କାତା  
ଆଏ, ଆମ୍ବାଆରାକି ମାହାପୁରୁ ଚାୟୁ  
କେପାମାନେସି ଏଝାରି କୁରିନେରି □”

୪୧ ଏଚକାତି ଦସ ଜାଣା ଇଦାଆଁ  
ଝେଞ୍ଜାନା ଜାକୁବ ଅଡ଼େ ଜହନଇଁ  
କାରବି ଆହାଲି ମାଟ୍‌ହେରି □

୪୨ ଏମ୍ବାଟିଏ ଜୀସୁ ଏଝାରାଇଁ  
ତାଗେ ହାଟାନା ଏଲେଇଚେସି, “ଆମିନି  
ଗାଟାରି ଏଚକା କୃତାତି ସାଲ୍‌ଝି କିନାରି  
ଲେହେଁ ଆହାମାନେରି, ଏଝାରି ଲାକ  
ସାଲ୍‌ଝି କିନେରି, ଅଡ଼େ ଏଝାରି  
କାଜାପାଣା ଗାଟାରି ଏଝାରି ମୁହେଁ  
ସାଲ୍‌ଝି କିନେରି, ଇଦାଆଁ ମୀରୁ ପୁଞ୍ଜୁ  
□

୪୩ ଏସାମା ମୀ ବିତ୍ତା ଏଲେକିହ  
ଆଏ; ସାମା ମୀ ବିତ୍ତା ଆମ୍ବାଆସି କାଜାସି  
ଆହାଲି ମନ କିନେସି, ଏଝାସି ମୀ ସେବା  
କିପେସି,

୪୪ ଅଡ଼େ ମୀ ବିତ୍ତା ଆମ୍ବାଆସି କାଜାସି  
ଆହାଲି ମନ କିନେସି, ଏଝାସି ବାରେଡି  
ହଲେଏସି ଆପେସି □

୪୫ ଇତିହ  
ଜିକେଏ ସେବା ବେଟାଆହାଲି  
ଝାହାହିଲଅସି, ସାମା ସେବା କିହାଲି  
ଇଞ୍ଜା ହାରେକା ଲକୁଣି ପାପୁଟି ପିସ୍‌ପି  
କିହାଲିତାକି ତାନି ଜୀସୁ ହୀହାଲି  
ଝାହାମାନେସି □”

ଜୀସୁ ବାଟମୟ କାଣାଇଁ  
ନେହୁଁକିନାୟି  
(ମାତି ୨୦:୨୯-୩୪; ଲୁକ ୧୮:୩୫-  
୪୩)

୪୬ ତାୟୁ ଏଝାରି ଜିରିହତା  
ଏଗାଡେରି, ଅଡ଼େ ଏଝାସି ତାନି ସୀସୁୟାଁ  
ଇଞ୍ଜା ମାନ୍ଦା ଲକୁତଲେ ଜିରିହତି

ହାଜିମାନି ବେଲ୍‌ତା ଟିମାୟ ମୀରୁଏସି  
ବାଟମୟ ଦରୁଗାଟି ର କାଣା,  
ରୀସ୍‌ପାଲି ଜିରୁ ଦାରିତା କୁଗାମାଚେସି  
□

୪୭ ଏଝାସି ନାଜ୍‌ରିତତି ଜୀସୁ, ଇମ୍ବାଟି  
ହାଜିମାନେସି ଇଞ୍ଜା ଝେଞ୍ଜାନା ଏଝାସି  
କାଜା ଗିୟାତଲେ ଏଲେଇଚେସି, “ଏ  
ଦାସ୍ତୁଦ ମୀରୁଏଶାତି ଜୀସୁ ନାଜେ କାର୍ମା  
ମେସ୍ତାମୁ □”

୪୮ ଏମ୍ବାଟିଏ ହାରେକା ଲକୁ ଏଝାଣାଇଁ  
ପାଲେଏ ଆହାଲି ଦାକା ହୀଡେରି,  
ସାମା ଏଝାସି ଅଡ଼େ କାଜା ହାଡାତଲେ  
ଏଲେଇଚେସି, “ଏ ଦାସ୍ତୁଦ ମୀରୁଏଶାତି  
ଜୀସୁ ନାଜେ କାର୍ମା ମେସ୍ତାମୁ □”

୪୯ ଏମ୍ବାଟିଏ ଜୀସୁ ନିଚାନା  
ଏଲେଇଚେସି, “ଏଝାଣାଇଁ ହାଟାଦୁ  
□” ଏଝାରି ଏ କାଣାଇଁ ହାଟାନା  
ଏଲେଇଚେରି, “ସାସା ଆହାନା  
ନିଜାମୁ, ଏଝାସି ନିଜେ ହାଟିମାଞ୍ଜାନେସି  
□”

୫୦ ଏମ୍ବାଟିଏ ଏଝାସି ନିଜାମା ତାନି  
ହିମ୍ବୁରି କୁତାନା ଜୀସୁ ତାଣା ଝାଡେସି □

୫୧ ଜୀସୁ ଏଝାଣାଇଁ ଏଲେଇଚେସି,  
“ନାନୁ ନିଜେତାକି ଏନାଆଁ କିଇଁ ଇଞ୍ଜା  
ନାନୁ ଅଶ୍‌ପିମାଞ୍ଜି ?” ଏ କାଣା  
ଏଝାଣାଇଁ ଏଲେଇଚେସି, “ଏ ଗୁରୁ ନାନୁ  
ଏନିକି ମେସାଲି ଆଡ଼ିଇଁ □”

୫୨ ଜୀସୁ ଏଝାଣାଇଁ ଏଲେଇଚେସି,  
“ହାଲାମୁ ନୀ ନାମୁ ନିଜେ ନେହୁଁ  
କିୟାଡେ □” ଏ ଦେବୁଣିଏ ଏଝାସି  
ମେସାଲି ଆଡ଼ିଡେସି, ଇଞ୍ଜା ଏଝାରି  
ଜେତ ଜେତ ହାଚେସି □

## ୧୧

ଜୀସୁ ଜିରୁସାଲମତା ହଡନାୟି  
(ମାତି ୨୧:୧-୧୧; ଲୁକ ୧୯:୨୮-  
୪୦; ଜହ ୧୨:୧୨-୧୯)

୧ ଏଚିବେଲ୍‌ଲା ଏଝାରି ଜିରୁସାଲମ  
ତାଗେ ଆହାନା ଜାତ ହରୁ ତାଗେ  
ବେଡପାରି ଇଞ୍ଜା ବେତନିୟା ତାଗେ

§ ୧୦:୩୯ ୧୦:୩୯ ମୁଞ୍ଜନାୟି \* ୧୦:୩୯ ୧୦:୩୯ ମୁଞ୍ଜନାୟି † ୧୦:୩୯ ୧୦:୩୯ ମୁଞ୍ଜନାୟି ☆ ୧୦:୪୨  
୧୦:୪୨ ଲୁକ ୨୨:୨୫, ୨୬ ☆ ୧୦:୪୩ ୧୦:୪୩ ମାତି ୨୩:୧୧; ପାର୍କ ୯:୩୫; ଲୁକ ୨୨:୨୭

ଝାଡ଼େରି, ଏରିବେଲା ଏଞ୍ଜାସି ତାନି  
ସୀସୁୟା ବିତ୍ରାଟି ରିଆରାଇଁ ଇ କାତା  
ଝେସା ପାଣ୍ଡିତେସି,

୨ “ମୀ ନକିତା ମାନି ଏ ନାୟୁଁତା  
ହାଡୁ; ଏ ନାୟୁଁତା ହଡ଼ଞ୍ଜନିଏ ଆମିନି  
ଲାଇ ଆମ୍ବାଆରି ଏଚେଲା ହଡ଼ା  
ହିଲଅରି ଇଲେତି ର ଗାଡ଼ଦେ ତାଲୁତି  
ଦସାମାନାଣି ମେହଦେରି; ଏଦାନି  
ହୁକହାନା ତାଦୁ □

୩ ଅଡ଼େ ଆମ୍ବାଆସି ଏନାଆଁ  
କିହିମାଞ୍ଜେରି ଇଞ୍ଜୁ ମିଞ୍ଜେ  
ଝେଞ୍ଜାନେସି, ଆତିହୁ ଏଲେଇଞ୍ଜୁ,  
ଇଦାଣି ତାଣା ମା ପୁବୁକି ଲଡ଼ାମାନେ,  
ଅଡ଼େ ଝେଣ୍ଡେ ଇଦାଣି ଝେଡ଼ାକିଆନା  
ପାଣ୍ଡାନେସି □”

୪ ଏଞ୍ଜାରି ହାଜାନା ଦୁଝେରିଦାରି  
ଆଂଗେଣିତା ର ଗାଡ଼ଦେ ତାଲୁତି  
ଦସାମାନାଣି ମେସାନା ଏଦାଣି  
ହୁକହେରି,

୫ ଏମ୍ବାଟିଏ ଏମ୍ବାଆଁ ନିଚାମାଟି  
ଲକୁ ବିତ୍ରାଟି ଏଚରଜାଣା ଝେଚେରି,  
“ଗାଡ଼ଦେ ତାଲୁତି ପିସାନା ଏନାଆଁ  
କିହିମାଞ୍ଜେରି ?”

୬ ଜୀସୁ ଏନିକ ଏଝେସାମାଚେସି,  
ଏଞ୍ଜାରି ଏଲେକ ଏଞ୍ଜାରାଇଁ  
ଏଲେଇଚେରି; ଏମ୍ବାଟିଏ ଏଞ୍ଜାରି  
ଏଞ୍ଜାରାଇଁ ହେଲ ହାଚେରି □

୭ ଜୀସୁ ନକିତା ଗାଡ଼ଦେ ତାଲୁତି  
ତାଚାନା ଏଞ୍ଜାରି ଏଦାଣି ଲାଇ ତାନି  
ହିମ୍ବୁରିକା ପାସ୍ତେରି, ଅଡ଼େ ଜୀସୁ  
ଏଦାନିଲେକ କୁରିତେସି □

୮ ଅଡ଼େ ହାରେକା ଜିରୁତା ତାନି  
ହିମ୍ବୁରିକା ପାସ୍ତେରି ଅଡ଼େ ଏଚକାତାରି  
ଜାଡ଼ାତି ଗଚାୟା ଚୁଣ୍ଡା ତାଚାନା  
ପାସ୍ତେରି □

୯ ଇଞ୍ଜା ନକିତା ତାୟୁଝାକି ହାଜିମାନି  
ଲକୁ କାଜା ହାଡ଼ାତଲେ ଏଲେଇଚେରି,  
“ହସାନା ମାହାପୁରୁ ଦରୁଟି ଆମ୍ବାଆସି  
ଝାହିମାନେସି, ଏଞ୍ଜାସି ନେହାସି □

୧୦ ମା ଆକୁ ଦାଝୁଦତି ଆମିନି ରାଜି  
ଝାହିମାନେ, ଏଦି ଜହରା, ଲାଇପୁରୁତି  
ହସାନା □”

୧୧ ତାୟୁ ଜୀସୁ ଜିରୁସାଲମତା  
ଝାହାନା ମାହାପୁରୁ ଇଲୁତା  
ହାଚେସି, ଇଞ୍ଜା ସାରିଝାକି ମାନାଣି  
ବାରେ ସିନିକିହାନା ମିଡ଼ଅଲା  
ଆହାଲିଏ ବାରଜାଣା ସୀସୁୟା ତଲେ  
ବେତନିୟାତା ହାଚେସି □

ଜୀସୁ ତୟା ମାର୍ଚ୍ଚୁତି ବାକା  
ଇଟିନାୟି  
(ମାଟି ୨୧:୧୮-୧୯)

୧୨ ତାନି ଅର ଦିନା ବେତନିୟାଟି  
ଝାହିମାଚାଟି ଜୀସୁ ହାକି ଆଡ଼େସି;

୧୩ ଇଞ୍ଜା ହେକଟି ଆକା ମାନି ର  
ତୟା ମାର୍ଚ୍ଚୁତି ଆକା ମେସାନା ଏମ୍ବାଆଁ  
ପାଡ଼େୟି ବେଚାଆନି ଆସା ତଲେ  
ତାଗେ ହାଚେସି □ ସାମା ତାଗେ ଝାହାନା  
ଏଞ୍ଜାସି ଆକା ପିସ୍ପେ ଅଡ଼େ ଏନାଆଁ  
ପୁଞ୍ଜାଆଚେସି, ଇଟିହୁ ଏଦି ତୟା  
ଆୟିନି ଝେଡ଼ା ହିଲାଆଚେ □

୧୪ ଏମ୍ବାଟିଏ ଜୀସୁ ଏଦାଣି  
ଏଲେଇଚେସି, “ନୀ ପାଡ଼େୟି ଲକୁ  
ଏଚେଲା ତିନାଆପେରି □” ଏଞ୍ଜାଣି  
କାତା ତାନି ସୀସୁୟା ଝେଞ୍ଜାମାଚେରି □

ଜୀସୁ ମାହାପୁରୁ ଇଲୁତା ହାନାୟି  
(ମାଟି ୨୧:୧୨-୧୭; ଲୁକ ୧୯:୪୫-  
୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା  
ଝାଡ଼େରି, ଅଡ଼େ ଜୀସୁ ମାହାପୁରୁ  
ଇଲୁତା ହଡ଼ାନା ଏ ଚାୟୁତା ବେବାରା  
କିହିମାଟି ଲକୁଣି ପାଙ୍ଗାତା ପେରହାଲି  
ମାଟହେସି, ଇଞ୍ଜା ଟାକାୟା ବେବାରା  
ଗାଚାରି କୁଚୟା ଅଡ଼େ ପଚାୟା  
ବେବାରା କୁଚୟା ତିରିମ୍ବୁହେସି □

୧୬ ଇଞ୍ଜା ପ୍ରାତାନା ଇଲୁ ବିତ୍ରାଟି  
ଆମ୍ବାଆରାକି ଏନାଆଁ ଅହାଲି ତାଚାଲି  
ହେଲ ହାଆଚେସି,

୧୭ ତାୟୁ ଜୀସୁ ଏଞ୍ଜାରାଇଁ ଜାପୁହିହୁ  
ଏଲେଇଚେସି, “ଦାର୍ମ୍ ପତିତା ରାସ୍କି  
ଆହାମାନେ, ନା ଇଲୁ ବାରେ କୃଡ଼ାତି  
ଲକୁତାକି ପ୍ରାତାନା ଇଲୁ ଇଞ୍ଜୁ  
ଝେଞ୍ଜାନେ ? ସାମା ମୀରୁ ଏଦାଆଁ  
ଡଂଗାୟା ପାଝୁ କିହାମାଞ୍ଜେରି □”

୧୮ ଇ କାତା ୱେଞ୍ଜାନା କାଜା ପୂଜେରାଜା। ଅଡ଼େ ଫେରାପୁନାରି ଏଝାଣାଇଁ ଏନିକ୍ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହ୍ ଲକୁ ଏଝାଣି ଜାପୁନି ତାଣା କାବା ଆହିମାଚାକି ଏଝାରି ଏଝାଣାଇଁ ଆଜିମାଚେରି □

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସୀସୁୟାଁ ଗାଡ଼ାଟି ହାଚେରି □

ଝାୟିତି ତୟା ମାର୍‌ନୁଟି ଜାପିନାୟି (ମାତି ୨୧:୨୦-୨୨)

୨୦ ଅର ଦିନା ଲାଈଏ ଏ ଜିରୁଟି ହାଜିମାଚାଟି ଏଝାରି ତୟା ମାର୍‌ନୁ ଡାକଟିଏ ଝାୟିତାଣି ମେସ୍ତେରି □

୨୧ ଏମ୍‌ଗାଟିଏ ପିତର ତଲିତି କାତା ଅଣ୍‌ପାନା ଏଲେଇଚେସି, “ଏ ଗୁରୁ ମେହ୍‌ମୁ ନାନୁ ଆମିନି ତୟା ମାର୍‌ନୁଟି ବାକା ହାହାମାଚି ଏଡ଼ି ଝାୟାହାଚେୟିଏ □”

୨୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ □

୨୩ \*ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଆମ୍‌ଗାଆସି ଇ ହରୁଟି ନାନୁ ନିଙ୍ଗାନା ସାମ୍‌ଦୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଡ଼ି ଆନେ ଇଞ୍ଜା ନାମିନେସି, ଏଝାଣାକି ଏଡ଼ି ଆନେ □

୨୪ ଏଦାଆଁତାକି ନାନୁ ମିଙ୍ଗେ ୱେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାତେ ଇଞ୍ଜା ନାମାଦୁ, ଏଚେଟିଏ ଏ ବାରେ ସାତେଏ ବେଟାଆଦେରି □

୨୫ \*ଇଞ୍ଜା ମୀରୁ ଆମିନି ବେଲାତା ପ୍ରାତାନା କିହାଲି ନିଦେରି, ଇଞ୍ଜା ଆମ୍‌ଗାଆରି କପାଟି ଏନି କାତା ମାଚିହ୍, ଏଝାଣି ପାପୁ ମ୍ଲେକ୍‌ଦୁ, ଏନିକ୍ ମୀ ଲାକପୁରୁଟି ଆବା ଜିକେଏ ମୀ ପାପୁଟି ମ୍ଲେକ୍‌ହାନେସି □

୨୬ ସାମା ମୀରୁ ଏଝାଣି ପାପୁ ମ୍ଲେକ୍‌ଅଚେରି, ଆତିହ୍ ମୀ ଲାକପୁରୁଟି ଆବା ଜିକେଏ ମୀ ବାରେ ପାପୁଟି ମ୍ଲେକ୍‌ହଅସି □”\*

ଜୀସୁଟି ଅଦିକାରା

(ମାତି ୨୧:୨୩-୨୬; ଲୁକ ୨୦:୧-୮)

୨୭ ତାୟୁ ଏଝାରି ଅଡ଼େ ୱେଣ୍ଡେ ଜିରୁସାଲମତା ୱାଡ଼େରି; ଇଞ୍ଜା ଏଝାସି ପ୍ରାତାନା ଇଲୁତା ହଡ଼ିମାଚି ବେଲାତା କାଜା ପୂଜେରାଜା ଫେରାପୁନାରି ଇଞ୍ଜା ପ୍ରାଚିନାଜା ଏଝାଣି ତାଣା ୱାହାନା ୱେଚେରି,

୨୮ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା ଇ ବାରେ କିହାଲି ଆମ୍‌ଗାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ର କାତା ୱେଞ୍ଜାଇଁ, ନାଙ୍ଗେ ୱେସ୍ତାଦୁ, ଆତିହ୍ ନାନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ୱେସ୍ତାଇଁ □

୩୦ ଜହନତି ବାପ୍ତିସ୍ମାଁ ଲାକପୁରୁଟି କି ମାଣ୍‌ସିୟାଁ ତାଣାଟି ଆହାମାଚେ ? ଏଦାଆଁ ନାଙ୍ଗେ ୱେସ୍ତାଦୁ □”

୩୧ ଏଚେଟିଏ ଏଝାରି ତାମ୍‌ସୁ ତାମ୍‌ସୁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହ୍ ଏଝାସି ଏଲେଇଞ୍ଜାନେସି ମୀରୁ ଏନାଆଁତାକି ଏଝାଣାଇଁ ନାମାଆଚେରି ?

୩୨ ଅଡ଼େ ମାଣ୍‌ସି ତାଣାଟି ଇନାୟି, ଏଝାରି ଲକୁଣି ଆଜିମାଚେରି; ଇତିହ୍ ବାରେଜାଣା ଜହନ ସାତା ମାହାପୁରୁ ଅଣ୍‌ପୁଟି ବଲୁ ୱେହ୍‌ନାସି ଇଞ୍ଜା ମାନ୍‌ଝି ଆହିମାଚେରି □”

୩୩ ଏଦାଆଁତାକି ଜୀସୁଇଁ ଏଝାରି ଏଲେଇଚେରି, “ମାମ୍‌ସୁ ପୁଞ୍ଜାହିଲଅମି □” ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ଅଦିକାରା ତଲେ

\* ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨      \* ୧୧:୨୫ ୧୧:୨୫ ମାତି ୬:୧୪,୧୫      \* ୧୧:୨୬ ୧୧:୨୬ କଚେକା ସାଫ୍‌ସ୍ତେରିତା ଇ କାତା ରାସ୍‌କି ଆହାହିଲେଏ □      † ୧୧:୩୦ ୧୧:୩୦ ମୁଞ୍ଜିନାୟି

କହିମାଛ ଏଦାଆଁ ନାନୁ ଜିକେଏ ମିଙ୍ଗେ  
ଝେସୁଆଁ □”

**୧୨**

ଅଙ୍ଗୁରି ବାଡ଼ାତା ଲାଗେଏତି ବାଗା  
କାମାକିନାରି  
(ମାତି ୨୧:୩୩-୪୭; ଲୁକ ୨୦:୯-  
୧୯)

୧ ଏମ୍ବାଟିଏ ଏଝାସି ଏଝାରାଇଁ  
ପୁଣ୍ଡିକିନି କାତାତଲେ ଝେସାଲି  
ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା  
କିହାନା ବାଡ଼ା ସାରିଝାକି ବେୟ୍  
ଗୁରତେସି, ଇଞ୍ଜା ଅଙ୍ଗୁରି ପାଡ଼େୟି  
ପୀଟାଲି ର ଗାଡ଼ୁୟୁ କାର୍‌ହାନା  
ଏମ୍ବାଆଁ କାଃଆନାରାକି କାଃଆନି ଇଲୁ  
କେପିତେସି, ଇଞ୍ଜା କାମା କିନାରାକି  
ଏ ବାଡ଼ା ବାଗା ହାହାନା ହେକ ରାଜି  
ହାରେସି □

୨ ତାୟୁ କାମାକିନାରି ତାଣାଟି ଅଙ୍ଗୁରି  
ବାଡ଼ାତି ପାଡ଼େୟି ବାଗା ବେଟାଆହାଲି  
ଏଝାସି ର ହଲେଏଶାଇଁ ପାଡ଼େୟି  
କାମ୍ବିନିଝେଡ଼ା ଏଝାରିତାଣା ପାଣ୍ଡିତେସି  
□

୩ ସାମା ଏଝାରି ଏଝାଶାଇଁ ଆସାନା  
ଝେତେରି ଇଞ୍ଜା ଝାରଇ କେୟୁଟି  
ପାଣ୍ଡିତେରି □

୪ ଏଝାସି ଅଡ଼େ ଏଝାରିତାଣା ଅଡ଼େ  
ର ହଲେଏଶାଇଁ ପାଣ୍ଡିତେସି; ଏଝାରି  
ଏଝାଶାଇଁ ଜିକେଏ ତାୟୁ ଡ଼ାୟେ  
ଝେଚାନା ହାଣି କିତେରି □

୫ ଏଝାସି ଅଡ଼େ ରଅଶାଇଁ ପାଣ୍ଡିତେସି;  
ଏଝାରି ଏଝାଶାଇଁ ଜିକେଏ ପାୟିତେରି,  
ଏମ୍ବାଟିଏ ଏଝାସି ଅଡ଼େ ହାରେକା  
ଜାଣାତି ପାଣ୍ଡିତେସି; ଏଝାରି ବିତ୍ରାଟି  
ଏଚରଜାଣାତି ଝେତେରି ଇଞ୍ଜା  
ଏଚରଜାଣାତି ପାୟିତେରି □

୬ ତାନି ତାଣା ରଅସିଏ ଡ଼ୟିତେସି,  
ଏଝାସି ତାନି ଜାସୁତି ମୀରଏସି, ତାୟୁ  
ଅଣ୍ପିତେସି ‘ଏଝାରି ନା ମୀରଏଶାଇଁ  
ମାନି କିନେରି’ ଇଞ୍ଜା ଏଝାସି ଏଝାଶାଇଁ  
ପାଣ୍ଡିତେସି □

୭ ସାମା ଏ କାମାକିନାରି ତାୟୁତାୟୁ  
କାତା ଆଡ଼େରି, ‘ଇଝାସିତ ଅଦିକାରା

ଗାଟାସି, ଝାଦୁ ଇଝାଶାଇଁ ପାୟିନ;  
ଆତିହ୍ ବାଡ଼ାତି ଅଦିକାରା ମାଦି  
ଆନେ □’

୮ ଏମ୍ବାଟିଏ ଏଝାରି ଏଝାଶାଇଁ ଆସାନା  
ପାୟିତେରି ଇଞ୍ଜା ଅଙ୍ଗୁରି ବାଡ଼ାତି  
ପାଙ୍ଗାତା ମେଡ଼ହାଡ଼ୁସ୍ତେରି □”

୯ ଜୀସୁ ଏଝାରାଇଁ ଝେଚେସି,  
“ଝେସ୍ତାଦୁ, ଇଦାଆଁ ତାୟୁ ଏ ଅଙ୍ଗୁରି  
ବାଡ଼ାତି ସାସୁକାରି ଏନାଆଁ କିନେସି ?  
ଏଝାସି ଝାହାନା କାମା କିନାରାଇଁ ନାସା  
କିନେସି ଇଞ୍ଜା ଏଚକାତି କାମା କିନାରାକି  
ଏ ଅଙ୍ଗୁରି ବାଡ଼ା ହାନେସି □

୧୦ ମୀରୁ ଦାମ୍ବୁ ପଡ଼ିତା ଇ କାତା  
ପଡ଼ଝି ଆହାହିଲଅତେରି ?

ଇଲୁ କେପିନାରି ଆମିନି ଝାଲିତି ମିଣ୍ଡଏ  
ଇଞ୍ଜା ଅପାଆତେରି,  
ଏଦିଏ ଇଲୁତି ମୂଲୁ ଝାଲି ଆଡ଼େ  
□

୧୧ ମାହାପୁରୁ ତାଣାଟି ଇଦି ଆଡ଼େ,  
ଇଞ୍ଜା ଏଦି ମା କାନୁତାକି ର କାବା  
ଆନାୟି □”

୧୨ ଏଚେଟିଏ ଜୀହୁଦି ଲକୁଡି କାଜାରି  
ଏଝାଶାଇଁ ଆସାଲି ଅଣ୍ପିମାଚେରି,  
ସାମା ଏଝାରି ଲକୁଣି ଆଜିତେରି;  
ଇତିହ୍ ଏ ପୁଣ୍ଡିକିନି କାତା ଏଝାରାଇଁ  
ସିନିକିହାନା ଝେସିମାଚେସି ଇଞ୍ଜା  
ପୁଚେରି, ଇଞ୍ଜା ଏଝାରି ଏଝାଶାଇଁ  
ପିସାନା ହାଜାଡ଼ୁସ୍ତେରି □

ସିସୁ ହାନାଣି ଝେନାୟି  
(ମାତି ୨୨:୧୫-୨୨; ଲୁକ ୨୦:୨୦-  
୨୬)

୧୩ ତାୟୁ ଜୀସୁ କାତାତି ଦହ ଆସାଲି  
ତାକି ଏଝାରି ପାରୁସି ଅଡ଼େ ହେରଦ  
ଗତିତି ଏଚେକା ଲକୁଣି ଏଝାଣି ତାଣା  
ପାଣ୍ଡିତେରି □

୧୪ ଏଝାରି ଝାହାନା ଏଝାଶାଇଁ  
ଏଲେଇଚେରି, “ଏ ଗୁରୁ ମାୟୁ  
ପୁଞ୍ଜାମାନମି, ନୀନୁ ସାତା କାତା  
ଝେହନାତି ଅଡ଼େ ଆମ୍ବାଆରାଇଁ ଆଜାଆ  
ଗାଟାତି; ଇତିହ୍ ନୀନୁ ମାଣ୍ଡସିତି ମୂୟୁ  
ମେସାନା ଜଲ୍‌ଆ ଗାଟାତି ଇଞ୍ଜା ସାତା  
ତଲେ ମାହାପୁରୁତି ଜିରୁ ଜାପ୍‌ନାତି,

କାନ୍ଦିସରକି ସିସୁ ହାନାୟି ମୋରା କି ଆଏ, ମାମ୍ବୁ ହାନମି କି ଆଏ ?”

୧୫ ସାମା ଏଝାସି ଏଝାରି କାରବିତି ପୁଞ୍ଜାନା ଏଝାରାଇଁ ଏଲେଇଚେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ଝେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନିକଇଁ”

୧୬ ଏଚେଟିଏ ଏଝାରି ଏଦାଆଁ ତାଚେରି, ଏଝାସି ଏଝାରାଇଁ ଝେଚେସି, “ଇ ବମା ଅଡେ ଦରୁ ଆମ୍ବାଆରାଝାୟି ?” ଏଝାରି ଏଝାଣାଇଁ ଏଲେଇଚେରି, “କାନ୍ଦିସରଝାୟି”

୧୭ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “କାନ୍ଦିସରଝାୟି ଏନାୟି ଏଦାଆଁ କାନ୍ଦିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ” ଏଚେଟିଏ ଏଝାରି ଏଝାଣି କାତାତାକି କାବା ଆଡେରି

ସାଦୁକିୟାଁ ହାକିଟି ଝେଣ୍ଡେ ନିଜିନି କାତା ଝେନାୟି  
(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜୀସୁ ତାଣା ଝାହାନା ଝେଚେରି,

୧୯ “ଏ ଗୁରୁ ମସା ମାଜେତାକି ରାତାମାନେସି, ଇଚିହିଁ ଆମ୍ବାଆରି ତାୟି ହାନେସି ଇଞ୍ଜା ତାନି ତକ୍ତି ନୀତାମାନେ ଇଞ୍ଜା ଏଦାନି ଏନି କକାରି ପଦାୟାଁ ହିଲାଉ ଆତିହିଁ ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୁଡ଼ା ଏପାକିନେସି”

୨୦ ମେହ୍ମୁ ସାଡ଼ା ଜାଣା ତାୟିୟାଁ ମାଚେରି; କାଜାସି ର ଆୟାନି ବାହା ଆଡେସି, ଇଞ୍ଜା କକାରି ପଦାଁ ଆଆନା ହାଡେସି;

୨୧ ଏଝାଣି ଜେଚତାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ ଆଆନା ହାଡେସି; ଅଡେ ଜେଚତାସି ଏଲେକିତେସି,

୨୨ ଇଞ୍ଜା ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡେରି; ବାରେଡି ତାୟି ଏ ଇୟା ଜିକେଏ ହାଡେ

୨୩ ଝେଣ୍ଡେ ନିଜିନି ବେଲାତା ଏଚିବେଲା ଏଝାରି ନିଜିନେରି, ଏଚିବେଲା ଏଝାରି ବିତ୍ତାଟି ଆମ୍ବାଆରି ତକ୍ତି ଆନେ ? ସାଡ଼ା ଜାଣା ଜିକେଏ ଇଟାମାଚେରି

୨୪ ଜୀସୁ ଏଝାରାଇଁ ଏଲେଇଚେସି, “ମିଜେ ହାଡେକା ନାଡ଼ିକିନି ଅଣ୍ଡୁ ମାନେ ଦାମ୍ବୁ ସାସ୍ତେରି, ଇଞ୍ଜା ମାହାପୁରୁତି ବାଡ଼ୟୁତି କାତା ପୁଞ୍ଜାହିଲଅଚେରି

୨୫ ଏନାଆଁତାକି ଇଚିହିଁ ହାଡାରି ନିଜିତି ତାୟି ଲକୁ ବାହା ଆଅରି କି ବାହା ହାଅରି, ସାମା ଲାକପୁରୁତି ଦୂରୁୟାଲେହେଁ ତୟିନେରି

୨୬ ଇଞ୍ଜା ହାଡାରି ନିଜିନେରି ଏ କାତାତି ମୀରୁ ମସା ରାଡ଼ିତି ପତିତା ଝେହିମାନି ବୁଟାତି କାରୁ ପଡ଼଼ି ଆହାହିଲଅଚେରି କି ? ମାହାପୁରୁ ଏନିକ ଏଲେଇଞ୍ଜା ମାନେସି, ‘ନାନୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁଚେଏଁ’

୨୭ ଏଝାସି ହାଡାରି ମାହାପୁରୁ ଆଏ, ସାମା ଜୀସୁଗାଟାରି ମାହାପୁରୁ ମୀରୁ ହାଡେକା ନାଡ଼ିକିଞ୍ଜି ଆହାମାଞ୍ଜରି

କାଜା ହୁକୁମି  
(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲା ର ମୋରା ଜାପୁନାସି ତାଗେ ଝାହାନା ଏଝାରି ବାଦିବାଦା ଆହିମାଚାଣି ଝେଞ୍ଜାନା ଅଡେ ଜୀସୁ ସାଦୁକି ଲକୁଇଁ ସମାନା କାତା ଝେଣ୍ଡେ ଝେସିମାଚାଣି ଝେଞ୍ଜାନା ଜୀସୁଇଁ ଝେଚେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜୀସୁ ଏଲେଇଚେସି, “କାଜା ହୁକୁମି ଇଦି ‘ଏ ଇସ୍ରାୟେଲ ଝେଞ୍ଜୁ; ପ୍ରବୁ ମା ମାହାପୁରୁ ରଣିଏ ପ୍ରବୁ ମାନେସି;

୩୦ ଅତେ ନାନୁ ନୀ ବାରେ ହିୟାଁ ବାରେ ଜୀଝୁ ମନ ହୀହାନା ଅତେ ବାରେ ବାଡ଼ୟୁ ତଲେ ପ୍ରବୁ ନୀ ମାହାପୁରୁଇଁ ଜୀଝୁ ନମ୍ମୁ ।”

୩୧ ଅତେ ରଣ୍ଡି ଇଦି ନାନୁ ନୀ ପାଡ଼ିତାଣାଇଁ ନୀ ଜାହାରାଲେହେ ଜୀଝୁ ନମ୍ମୁ । ଇ ହୁକୁମିକା ପିସ୍‌ପେ ଅତେ ଆମିନି କାଜା ହୁକୁମି ହିଲେଏ ।

୩୨ ଏମ୍ବାଟିଏ ଏ ଫେରା ପୁନାସି ଜୀସୁଇଁ ଏଲେଇଚେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜା ଏଝାଣି ପିସ୍‌ପେ ଅତେ ଆମ୍ବାଆସି ହିଲଅସି, ଏଦାଆଁ ନାନୁ ନେହଁ କଁ ଝେସ୍‌ସାତି;

୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ ବାଡ଼ୟୁ ହୀହାନା ଏଝାଣାଇଁ ଜୀଝୁନନାୟି ଇଞ୍ଜା ପାଡ଼ିତାଣାଇଁ ମା ଜାହାରାଲେହେଁ ଜୀଝୁନନାୟି ବାରେ ଜନ୍ତୁତି ପୂଜା ହାନି\* କିହାଁ କାଜାୟି ।”

୩୪ ☆ଏଝାସି ବୁଦିତଲେ ଜଲ୍‌ମାଞ୍ଜାନେସି ଇଞ୍ଜାଁ ମେସାନା ଜୀସୁ ଏଝାଣାଇଁ ଏଲେଇଚେସି, “ମାହାପୁରୁତି ରାଜିତି ନାନୁ ହେକ ହିଲଅତି । ଏଚେଟିଏ ଆମ୍ବାଆସି ଜୀସୁଇଁ ଏନାଆଁ ଝେଞ୍ଜାଲି ସାସା କିଆତେସି ।”

କ୍ରୀସ୍ତ ଆମ୍ବାଆରି ମୀରଏସି

(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାତାନା ଇଲୁତା ଜାପୁହି ମାଟିବେଲ୍‌ମାତା ଏଲେଇଚେସି, “କ୍ରୀସ୍ତ ଦାଝୁଦ ମୀରଏସି, ଇଦାଆଁ ଫେରାପୁନାରି ଏନିକଁ ଏଲେଇନେରି ?

୩୬ ଦାଝୁଦ ତାନୁଏ ମାହାପୁରୁତି ସୁଦୁଜୀଝୁ ବେଟାଆହାନା ଝେସାମାଚେସି, ‘ପ୍ରବୁ ନା ପ୍ରବୁଇଁ ଏଲେଇଚେସି, ନାନୁ ଏଚେ ପାତେକା ନୀ ସାଡ଼ୁୟାଁଇଁ ନୀ କଡ଼ାଁ ତୁଇ କିହାହିଲଅଁ,

ଏଚେ ପାତେକା ନା ଚିଃନିଝାକି କୁଗାମାନାମ୍ମୁ ।’

୩୭ ଦାଝୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜିମାନେସି; ଆତିହଁ ଏଝାସି ଏନିକଁ ଦାଝୁଦ ମୀରଏସି ।” ।

ଫେରାପୁନାରି ତାଣାଟି ଜାଗ୍ରାତା କିନାୟି

(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହାଁଟି ତାନି କାତା ଝେଞ୍ଜିମାଚେରି, ଅତେ ଝେଣ୍ଡେ ଏଝାସି ତାନି ଜାପୁହି ମାତି କାତାତା ଏଲେଇଚେସି, “ଫେରାପୁନାରି ତାଣାଟି ଜାଗ୍ରାତା, ଏଝାରି ଲାମ୍ବା ହିମ୍ବୁରିକା ହୁଟାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି,

୩୯ ଜୀହୁଦି ଲକୁତି କୁଟମି ଇଲୁତାଁ କାଜା କୁଟ, ବଜିତା ନେହଁ ଚାୟୁତା କୁଗାଲି ପାରିନେରି;

୪୦ ଏଝାରି ରାଣ୍ଡେଣିସିକା ଇଲୁକା ସେସିନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଝାରି ହାରେକା ତଣ୍ଡ ବେଟାଆନେରି ।”

ରାଣ୍ଡେଣି ଇୟାନି ଦାନା

(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକଁ ଦାନା ହୀହିମାନେରି, ଏଦାଆଁ ସିନିକିହିମାଚେସି । ଏଟିବେଲ୍‌ମାତା ହାରେକା ଦନ ଗାଟାରି ଗାଡ଼ି ମେଡ଼ହେରି;

୪୨ ଅତେ ର ହାକି କାକୁଲିଗାଟି ରାଣ୍ଡେଣି ଇୟା ଝାହାନା ରୀ ଉଣା ତାମ୍ବାତି ଆଦଲିଃ ଏ ପେଡ଼ାତା ମେଡ଼ହେ ।

୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଜେଁ ସାତା ଝେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ

\* ୧୨:୩୩ ୧୨:୩୩ ହେରପିନାୟି ☆ ୧୨:୩୪ ୧୨:୩୪ ଲୁକ ୧୦:୨୫-୨୮ † ୧୨:୩୯ ୧୨:୩୯ ସିନଗର ‡ ୧୨:୪୨ ୧୨:୪୨ ରୀ ଉଣା ତାମ୍ବାତି ଆଦଲି, ରୀ ଆଟାଆଣା ର ଟାକାଟି କାଜା ଆଦଲି ସମାନା, ଏଦି ଗ୍ରିକ ତଲେ ଉଣା ଆଦଲିତି “ଲେପଟସ” କାଜା ଆଦଲିତି “କତ୍ତାନଟସ” ଇନେରି ।



ଲକ୍ଷ୍ମୀ କିହଁ ଇ ହାକି କାକୁଲିଗାଟି  
 ରାଘେଣି ଇୟା ଗାତି ମେଡ଼ହାମାନେ;  
 ୪୪ ଇଚିହଁ ବାରେଜାଣା ତାନି  
 ହାରେକା ଦନଟି ଇଚାଣି ମେଡ଼ହା  
 ମାନେରି, ସାମା ଇଦି ତାନି  
 ହିଲୀଆବେଲୀତା ତାଙ୍ଗେ ନୀତାଲି  
 ତାଙ୍ଗେ ଏନାୟି ମାଚେ, ଏ ବାରେ  
 ମେଡ଼ହାମାନେ □”

## ୧୩

ପ୍ରାତାନା ଇଲୁ ନସ୍ତୁ ଆନାଣି ଜୀସୁ  
 ଝେହ୍ନାୟି  
 (ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି  
 ହାଜିମାଗାଟି ତାନି ସୀୟୁୟା ବିତ୍ରାଟି  
 ରଅସି ଏଞ୍ଜାଣାଲ୍ ଏଲେଇଚେସି, “ଏ  
 ଗୁରୁ ମେହ୍ମୁ ଏନିଲେହେଟି ଅଜିତି  
 ଝାଲ୍‌କା ଅଡ଼େ ଏନିଲେହେଟି ଅଜିତି  
 ମେଡ଼ା ଇଲ୍‌କା □”

୨ ଏଚେଟିଏ ଜୀସୁ ଏଞ୍ଜାଣାଲ୍  
 ଏଲେଇଚେସି, “ନୀନୁ ଏନାଆଁ ଇ କାଜା  
 ମେଡ଼ା ମେସିମାଞ୍ଜି ? ର ଝାଲି ଅର ଝାଲି  
 ଲାକ ଡ଼ୟେଏ, ବାରେ ମେଣ୍‌ଜାହାନ୍  
 □”

କସ୍ତୁ ଅଡ଼େ ସାସ୍ତି କାତା ଝେହ୍ନାୟି  
 (ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାତାନା ଇଲୁ ନକିତା ମାନି  
 ଜୀତ ହରୁ ଲାକ କୁଗାଲିଏ ପିତର,  
 ଜାକୁବ, ଜହନ, ଅଡ଼େ ଆନ୍ଦିୟ ତାନି  
 ତାଣା ମେଣେଏ ଝାହାନା ଝେଚେରି, “ଇ  
 ବାରେ ଏଚେଲୀ ଆନେ,

୪ ଅଡ଼େ ଆମିନି ବେଲୀତା ଇ ବାରେ  
 ଗଟ୍‌ଝି ଆନେ ଏ ବେଲୀତି ସିନା ଏନାୟି,  
 ଏଦାଆଁ ମାଙ୍ଗେ ଝେସ୍ତାମୁ □”

୫ ଏମ୍ବାଟିଏ ଜୀସୁ ଏଞ୍ଜାଣାଲ୍  
 ଏଲେଇଚେସି, “ଜାଗ୍ରାତା, ଆମ୍ବାଆସି  
 ଏନିକଁ ମିଙ୍ଗେ ନାଡ଼ି କିୟଅସି □

୬ ହାରେକା ନା ଦରୁତଲେ ଝାହାନା,  
 ‘ନୀନୁ ଏଞ୍ଜାଚେଏଁ’ ଇଞ୍ଜଁ ହାରେକା  
 ଲକ୍ଷ୍ମୀ ନାଡ଼ି କିନେରି □

୭ ସାମା ମୀରୁ ଏଚିବେଲୀ ଦୁଜୁତି  
 କାତା ଅଡ଼େ ଗଡ଼ହାତି ହାଡ଼ା ଝେଞ୍ଜେରି,  
 ଏଚିବେଲୀ କିଲିବିଲି ଆଆଦୁ; ଏ ବାରେ  
 ଆନାୟି ମାନେ, ସାମା ଏ କାଲୀ ଜିକେଏ  
 ଜୁଗୁ ରାନାୟି ଆଏ □

୮ ଇଚିହଁ ଦେସା କପାଟି ଦେସା,  
 ରାଜି କପାଟି ରାଜି ନିଙ୍ଗିନେ,  
 ବାରେଝାକି ବୁମି ଝାଡ଼ିନେ ଅଡ଼େ  
 କାଡ଼ାରା ଆନେ; ଇ ବାରେ କକାରି  
 ପଦାୟା ଆନାଟି ଲୁଞ୍ଜିନି ବୀସା ଲେହେ  
 □”

୯ \*ସାମା ମୀରୁ ମିଙ୍ଗେ ତାକି ଜାଗ୍ରାତା  
 ଆହାମାଞ୍ଜୁ; ଲକ୍ଷ୍ମୀ ମିଙ୍ଗେ ନୀହାୟି କିନି  
 ତାଣା ଦସାନା ଅୟାନେରି, ଅଡ଼େ ମିଙ୍ଗେ  
 ଜୀହୁଦି ଲକ୍ଷ୍ମୀ କୁଟମି ଇଲ୍‌କାଣା\*  
 ଝେତାନେରି, ଇଞ୍ଜା ନା ତାକି ସାଲ୍‌ଝି  
 କିନାରି ତାଣା ରାଜାୟା ନକିତା ନିଦେରି,  
 ଏଞ୍ଜାରି ନକିତା ସାକି ଆଦେରି □

୧୦ ଇଞ୍ଜା ବାରେ କୁଡ଼ା ନକିତା  
 ନେହଁ କାରୁ ନଚେଏ ଝେସ୍‌ପି ଆନେ  
 □

୧୧ ଇଞ୍ଜା ଏଚିବେଲୀ ଲକ୍ଷ୍ମୀ ମିଙ୍ଗେ  
 ଅହାନା ହେରୁପାନେରି, ଏଚିବେଲୀ  
 ମୀରୁ ଏନାଆଁ ଜଲିଦେରି, ଏ କାତା  
 ନଚେଏ ଅଣ୍‌ପାଆଦୁ, ସାମା ଏ ବେଲୀତା  
 ମିଙ୍ଗେ ଏନାଆଁ ଜଲ୍‌ଲୀ ହୀପୁକିଆନେ  
 ଏଦାଆଁ ଝେହ୍ନୁ; ଇଚିହଁ ମୀରୁ  
 ଜଲିନାଚେରି ଆଏ ସାମା ସୁଦୁଜୀଝୁ  
 ଜଲିନାୟି □

୧୨ ତାୟି ତାୟିଲ୍ ଅଡ଼େ  
 ତାଞ୍ଜି ମୀରୁଏଣାଲ୍ ହାହାଲି ତାକି  
 ହେରୁପାନେରି; ଇଞ୍ଜା ମୀରୁକା ତାଲି  
 ତାଞ୍ଜି କପାଟି ନିଙ୍ଗାନା ଏଞ୍ଜାରାଲ୍  
 ପାୟିନେରି;

୧୩ \*ଅଡ଼େ ନାଙ୍ଗେତାକି ବାରେ ଲକ୍ଷ୍ମୀ  
 ମିଙ୍ଗେ ଅପଅରି; ସାମା ଆମ୍ବାଆସି ରାଜି  
 ପାଚେକା ସାସା ଆସାନା ଡ଼ୟିନେସି  
 ଏଞ୍ଜାସି ଗେଲ୍‌ପି ଆନେସି □

ନାସା ଆନି କାଲମି  
 (ମାତି ୨୪:୧୫-୨୮; ଲୁକ ୨୧:୨୦-  
 ୨୫)

\* ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨  
 ମାତି ୧୦:୨୨

\* ୧୩:୯ ୧୩:୯ ସିନଗରୁ ☆ ୧୩:୧୩ ୧୩:୧୩

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ଡୟିନି କାତା ହିଲେଏ, ଏମ୍ବାଆଁ ଡୟାମାନାଣି ମେହ୍‌ଦେରି (ପଡ଼ୁଞ୍ଚି ଆନାରି ତେଲହାପେରି) ଏଚିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣ୍‌ପେରି;

୧୫ \*ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଖାହାନା ଏନି ଦିଶ୍‌ସୁ ଅହାଲି ରେଟା ଖାଆପେସି କି ବିତ୍ରା ହାଲାଆପେସି;

୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ବରି ଅହାଲି ଖେଣ୍ଡେ ଖାଆପେସି □

୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜା ପାଲୁ ଉର୍‌ହିମାନୁ, ଏ ଦିନା ଆୟତା ଏଞ୍ଜି ଏଚେକା କସ୍ତ୍ର ବେଟାଆନୁ □

୧୮ ସାମା ଏଦି ଏନିକ୍‌ ପେନି ବେଲାତା ଆଏ ଏଦାଆଁତାକି ପ୍ରାତାନା କିଦୁ □

୧୯ \*ଇଚିହି ଏ କାଲାତା ଇଲେତି କସ୍ତ୍ର ଖାନ୍‌, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍‌ ଆହା ହିଲେଏ, ଇଞ୍ଜା ଏଲେକ୍‌ ଏଚେଲାଖା ଆଏ □

୨୦ ସାମା ପୁରୁ ଏ ଲାଗେଏତି କାଲାଇଁ ଉଣା କିହାମାନେସି □ ଏଲେ କିହାହିଲାଆତ୍‌ମା, ଏଦି ଏମ୍ବାଟି ଆମ୍ବାଆରି ଗେଲ୍‌ପି ଆଆତେରିମା □ ତାନି ଆଡ଼ୁଞ୍ଚିଆଡ଼ି ଲକୁଡାକି ଏ କାଲା ଉଣା କିହାମାନେସି □

୨୧ “ଏଚିବେଲା ‘ମେହ୍‌ଦୁ କ୍ରୀସ୍ତ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜି ଲକୁ ମିଙ୍ଗେ ଖେସ୍ତାନେରି, ଆଡିହିଁ ମୀରୁ ଏଦାଆଁ ନାମାଆଦୁ □

୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲୁ ମିଚି ଖେହ୍‌ନାରି ନିଙ୍ଗାନା ଇଲେତି ସିନା ଅଡ଼େ କାବାଆଡ଼ି କାମାୟାଁ ତହ୍‌ନେରି, ଆଡ଼ିତିହିଁ, ଆଡ଼ୁଞ୍ଚିଆଡ଼ି

ଲକୁଣି ଜିକେଏ ନାଡ଼ି କିନେରି □  
 ୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଇଁ □

ମାଣସି ମୀରୁଏସି ଖେଣ୍ଡେ ଖାନାୟି (ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ \*ସାମା ଏ ବେଲାତି ଏ କସ୍ତ୍ର ତାୟୁ ଖେଡ଼ା ଆନ୍‌ଦେରି ଆନ୍‌ ଅଡ଼େ ଲେଞ୍ଜୁ ଉଜେଡ଼ି ହାଏ,

୨୫ \*ହୁକାୟାଁ ହାଗୁଟି ତରଗାଲି ମୀରୁ ଅଡ଼େ ହାଗୁ ଲାକତି ବାଡ଼ୁୟୁ ବାରେ କିଲିବିଲି ଆନ୍‌ □

୨୬ \*ଏଚିବେଲା ଲକୁ ମାଣସି ମୀରୁଏଣାଇଁ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍‌ନେରି □

୨୭ ଏଚିବେଲା ଏଞ୍ଜାସି ଦୁଡୁୟାଁଣି ପାଣ୍ଡାନା ଦାର୍‌ତି ମୁଟ୍‌ପେତି ସାରିଞ୍ଜାକିଟି ତାନି ଆଡ଼ାମାନି ଲକୁଣି ରୁଣ୍ଡା କିନେସି □

ତୟା ମୀରୁଟି ଜାପିନାୟି (ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମୀରୁ ପୁଣ୍ଡି କିନି କାତାଟି ଜାପାଦୁ □ ଏଚିବେଲାତା ଏ ମୀରୁତା କଡ଼ଗି କାମାୟାଁ ଅଡ଼େ ଗଖେଡ଼ି ଗାଲୁନ୍‌, କାରା କାଲମି ଖାଟେ ଇଞ୍ଜି ପୁଞ୍ଜେରି □

୨୯ ଏଲେକିହିଁ ଏ ମୀରୁ ଜିକେଏ ଇ ବାରେ ମେସ୍ତ୍ରସାରେ ଏଞ୍ଜାସି ଦୁଖେରି ତାଗେ ମାନେସି ଇଞ୍ଜି ପୁଞ୍ଜେରି □

୩୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍‌ଙ୍ଗଅରି □

୩୧ ହାଗୁପାକା ଦାର୍‌ତି ବାରେ ମେଣ୍‌ଙ୍ଗିନେ, ସାମା ନା ବଲୁ ଏଚେଲାଖା ମେଣ୍‌ଙ୍ଗେଏ □”

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି (ମାତି ୨୪:୩୬-୪୪)

\* ୧୩:୧୫ ୧୩:୧୫ ଲୁକ ୧୭:୩୧ \* ୧୩:୧୯ ୧୩:୧୯ ଖେ ବଲୁ ୭:୧୪ \* ୧୩:୨୪ ୧୩:୨୪ ଖେ ବଲୁ ୭:୧୨ \* ୧୩:୨୫ ୧୩:୨୫ ଖେ ବଲୁ ୭:୧୩ \* ୧୩:୨୬ ୧୩:୨୬ ଖେ ବଲୁ ୧:୭ \* ୧୩:୩୨ ୧୩:୩୨ ମାତି ୨୪:୩୬

୩୨ ଯାହା ଏ ଦିନା କି କାଳାତି କାତା ଆମ୍ଭାଆରି ପୁନଅରି, ଲାକପୁରୁତି ଦୂତୁୟାଁ କି ମୀରୁଏସି ଜିକେଏ ପୁନଅସି, ଖାରୁଇ ଆବାଦେଁ ପୁନେସି □

୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇତିହଁ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଚେରି □

୩୪ ଏଦି ଇଲେକିହଁ, ର ମାଣ୍ଡସି ତାନି ଇଲୁ ପିସାନା ହେକ ରାଜିତା ହାନେସି, ଅଡେ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହୀତେସି ଇଞ୍ଜା ଦୁଝେରିତା କାଚାଲି ଜିକେଏ ହୁକୁମି ହୀତେସି □

୩୫ ଏଦାଆଁତାକି କାଚାନା ତୁୟାମ୍; ଇତିହଁ ନୀନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏଚେଲା ଖାନେସି, ମିଡ଼ଅଲ୍ଲା କି ମାଦି ଲାଆଁୟାଁ, ଝେୟାଆ ନକେଏ କି ଝେଡ଼ା ହନି ବେଲାତା ଏଞ୍ଜାସି ଖାନେସି □

୩୬ ଏଞ୍ଜାସି ଦେବୁଣିଏ ଖାଡ଼ିସାରେ ମୀରୁ ହୁଞ୍ଜାମାନାଣି ମେସ୍ତାଆପେସି □

୩୭ ନାନୁ ମିଙ୍ଗେ ଏନାଆଁ ଝେସିମାଞ୍ଜାଇ, ଏଦାଆଁ ବାରେଡ଼ି ଝେସିମାଇ, ଜାଗ୍ରାତା ମାଞ୍ଜୁ □

## ୧୪

ଜୀସୁଇଁ ଆସାଲି ପାରୁ ପାରିନାୟି

(ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସପିଆନି ପାରୁଁ ଇଞ୍ଜା ପୁଲାଏୟୁ ଆଣ୍ଡାଆତି ରୁତି ତିନି ପାରୁଁ ଆହାଲି ରୀ ଦିନା ମାଚେ □ ଏତିବେଲାତା କାଜା ପୂଜେରାଙ୍ଗା ଇଞ୍ଜା ମେରା ପୁନାରି ଏନିକଁ ଏଞ୍ଜାଣାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି □

୨ ଇତିହଁ ଏଞ୍ଜାରି ଏଲେଇଚେରି, “ପାରୁଁ ବେଲାତା ଆଏ ଏଚେତା ଲକୁ ଗଡ଼ହା କିନେରି □”

ବେତନିୟାଁତା ଜୀସୁ ତାୟଁ ତୁା ନିୟୁଁ ଖାକ୍ନାୟି

(ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାଁତା କାଜା ରଗାଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାଚେରକା ଦାରାତି ଗାୟା ନିୟୁଁ ତାଚାନା ଗାଜୁତି ଦେଚାନା ଜୀସୁ ତାୟଁ ତୁା ଖାକ୍ନାୟି ମାଚୁହେ □

୪ ସାମା ଏଚେକା ଲକୁ କାରୁବି ଆହାନା, ତାମ୍ନୁ ତାମ୍ନୁ ଝେସପି ଆଡେରି, “ନିୟୁଁ ଏନାଆଁତାକି ନସ୍ତ ଆଡେ ?

୫ ଇ ନିୟୁଁ ସାତାକଡ଼ି ଦସଗାକା କିହାଁ ଆଗାଡ଼ା ପାରପି ଆହାନା ହାକି ଗାଚାରାକି ହୀପକି ଆହାଲି ଆଡ଼ିତେମା” ଏଦାଆଁତାକି ଏଞ୍ଜାରି ଏ ଇୟାନି ଲାଗାଲି ମାଚୁହେରି □

୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ; ଏନାଆଁତାକି କସ୍ତ ହୀହିମାଞ୍ଜେରି ? ଏଦି ନାଙ୍ଗେତାକି ନେହଁ କିହାମାନେ □

୭ ଇତିହଁ ହାକି ଗାଚାରି କାଚଲେଏ ମୀ ତାଣା ମାନେରି, ଅଡେ ମିଙ୍ଗେ ଏଚେତା ମନ ଏଚେତା ଏଞ୍ଜାରି ସାୟେମି କିହାଲି ଆଡ଼ିଦେରି; ସାମା ନାନୁ କାଚଲେଏ ମୀ ତାଣା ତୟଅଁ □

୮ ଏଦି ଏନାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ ନିୟୁଁ ଖାକ୍ନାୟା ତିୟାରା କିହାମାନେ □

୯ ନାନୁ ମିଙ୍ଗେ ସାତା ଝେସିମାଞ୍ଜାଇ, ବାରେ ଦାରୁଡ଼ିତା ଆମ୍ବିୟା ଜିକେଏ ନେହଁ କାରୁ ଝେକ୍ନେରି, ଏ ଚାୟୁତା ଇ ଇୟାନି ଅଣ୍ଡାପାଲିତାକି ଏଦାନି ଇ କାମାତି କାତା ଜିକେଏ ଝେସପି ଆନେ □”

ଜୀହୁଦା ଜୀସୁ ଆସପି କିହାଲି ରାଜି ଆନାୟି

(ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଣା ବିଦ୍ରାଟି ଇସ୍ପାରିୟତ ଜାହୁଦା ଦରୁଗାଟାସି ରଥସି ଜୀସୁଇଁ କାଜା ପୂଜେରାଜା କେୟୁତା ହେରପାଲି ଏଝାରିତାଣା ହାଚେସି □

୧୧ ଏଝାରି ଏଦାଆଁ ଝେଞ୍ଜାନା ରାହାଁ ଆଚେରି, ଇଞ୍ଜା ଏଝାଣାକି ଟାକାୟାଁ ହାହାଲି ଆଞ୍ଜିତେରି, ଏମ୍ବାଟିଏ ଏଝାସି ଏଝାଣାଇଁ ଆସ୍ପି କିହାଲି ନେହଁ ପାରୁ ପାରିତେସି □

ତାନି ସୀସୁୟାଁ ତଲେ ପିସ୍ପିଆନ୍ତି ପାର୍ବୁତି ବକ୍ତି

(ମାତି ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୂଲାରୁଣ୍ଡା ଆଣ୍ଡାଆତି ରୁଟି ତିନି ପାର୍ବୁତି ମୂଲୁ ଦିନାତା ଆମିନି ନେରୁ ପିସ୍ପିଆନ୍ତି ପାର୍ବୁତି ମେଣ୍ଡା ତାଲୁତି ହେରପିଆନେ, ଏ ଦିନା ତାନି ସୀସୁୟାଁ ଏଝାଣାଇଁ ଝେଚେରି, “ମାୟୁ ହାଜାନା ଆମିନି ଟାୟୁତା ନିଜେତାକି ପିସ୍ପିଆନ୍ତି ପାର୍ବୁତି ବକ୍ତି କିନମି ଇଞ୍ଜାଁ ନୀନୁ ଅଣ୍ଡିପିମାଞ୍ଜି ?”

୧୩ ଏମ୍ବାଟିଏ ଏଝାସି ତାନି ସୀସୁୟାଁ ବିଦ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାଜୁ ଇଞ୍ଜାଁ ଏୟୁ ତ:କା ଅହିମାନି ରଥସି ମିଜେ ବେଟାଆୟାନେସି; ଏଝାଣି ଜେତ ଜେତ ହାଜୁ;

୧୪ ଏଝାସି ଆମିନି ଇଜ ହଡ଼ନେସି, ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ ଝେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଟାୟୁତା ପିସ୍ପିଆନ୍ତି ପାର୍ବୁତି ବକ୍ତି କିହାଲି ଆନେ ଏ ବାକ୍ରା ଆମିନାୟି ?’

୧୫ ଏଚେଟିଏ ଏଝାସି ମିଜେ ନେହଁକଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା ତସ୍ତାନେସି; ଏମ୍ବାଆଁ ମାଜେତାକି ରାନ୍ଦା ଝାଜାଦୁ □”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହେଚେରି, ଇଞ୍ଜାଁ ଏଝାସି ଏଝାରାଇଁ ଏନିକଁ ଝେସାମାଚେସି,

ଏଲେକଁ ମେସାନା ପିସ୍ପିଆନ୍ତି ପାର୍ବୁତି ବକ୍ତି ଝାଜିତେରି □

୧୭ ମିଡ଼ଅଲା ଆହାଲିଏ ଜୀସୁ ବାରଜାଣା ସୀସୁୟାଁ ତଲେ ଝାଡ଼େସି □

୧୮ ଏଝାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ମୀ ବିଦ୍ରାଟି ରଥଚେରି ନାଜେ ସାତୁ କେୟୁତା ହେରପାଦେରି □”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଥ ରଥରି ଏଝାଣାଇଁ ଝେଞ୍ଜାଲି ମାଟ୍‌ହେରି, “ନାନୁ ଏଝାଚେଏଁ କି ?”

୨୦ ଜୀସୁ ଏଝାରାଇଁ ଏଲେଇଚେସି, “ବାରଜାଣା ବିଦ୍ରାଟି ରଥସି, ଆମ୍ବାଆସି ନା ତଲେ ସାଡ଼ଝାତା କେୟୁ ମେଡ଼ହି ମାନେସି □

୨୧ ମାଣ୍ଡସି ମୀରୁଏଣା କାତା ଏନିକଁ ରାସ୍‌କି ଆହାମାନେ, ଏଲେକିହଁଏ ହାନ୍‌ନେସି ସାତା, ସାମା ଆମିନି ଲକୁ ତାଣାଟି ମାଣ୍ଡସି ମୀରୁଏସି ସାତୁ କେୟୁତା ହେରପିଆନେସି, ଆୟତା ଏଝାଣି ତଣ୍ଡା! ଏ ଲକୁତି ଜାର୍‌ନା ଆହାହିଲାଆତିହଁ ଏଝାଣାକି ନେହେଁ ଆଡ଼େମା □”

ପ୍ରବୁତି ବକ୍ତି

(ମାତି ୨୭:୨୭-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଚାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡିକହା ହାହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଜା □”

୨୩ ଇଞ୍ଜାଁ ଏଝାସି ଗହ୍‌ନି ସଲ୍‌ମା ଆସାନା ମାହାପୁରୁଇଁ ଜହରା କିହାଁ ଏଝାରାକି ହୀଚେସି, ଇଞ୍ଜାଁ ବାରେଜାଣା ଏଦାଆଁ ଗସ୍ତେରି □

୨୪ ଇଞ୍ଜାଁ ଜୀସୁ ଏଝାରାଇଁ ଏଲେଇଚେସି, “ଆମିନି ରାଜିମାନା ନେତେରି ହାରେକା ଲକୁତାକି ଝାଜାମାନେ, ଇଦି ଏ ନା ନେତେରି □

୨୫ ନାନୁ ମିଜେ ସାତା ଝେସିମାଞ୍ଜାଇଁ, ଆମିନି ଦିନା ମାହାପୁରୁତି ରାଜିତା ପୁଠନି କିହଁ ଅଞ୍ଜୁରି ପାଡ଼େୟିତି ରାସା ଗହ୍‌ଇଁ

ଏ ଦିନା ପାତେକା ଇଦାଆଁ ଅଡ଼େ ନାନୁ  
ଏଚେଲା ଗହଅଁ □

୨୭ ଇଞ୍ଜା ଏଝାରି ଜହରା ପାରୁ ପାଡ଼ିତି  
ତାୟୁ ଜୀତ ହରୁତା ହଡ଼ା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି  
କାତା

(ମାତି ୨୭:୩୧-୩୫; ଲୁକ ୨୨:୩୧-  
୩୪; ଜହ ୧୩:୩୬-୩୮)

୨୭ ଏଚିଚେଲା ଜୀସୁ ଏଝାରାଇଁ  
ଏଲେଇଚେସି, “ମୀରୁ ବାରେ ପିସା  
ହାଜାଦେରି, ଇଚିହଁ ରାସୁକି  
ଆହାମାନେ, ନାନୁ ମେଣ୍ଡା ଗଡ଼ୁକୁ  
ପାୟିଇଁ ଇଞ୍ଜା ମେଣ୍ଡାୟା ଆଲାବା  
ଆହାହାନୁ □

୨୮ \*ସାମା ନାନୁ ହାହାନା ଖେଣ୍ଡେ  
ନିଙ୍ଗିତି ତାୟୁ ମୀ ନକିତା ଗାଲିଲିତା  
ହାଇଁ □”

୨୯ ଏମ୍ବାଟିଏ ପିତର ଏଲେଇଚେସି,  
“ବାରେଜାଣା ପିସା ହାଜାନେରି ନାନୁ  
କଡ଼େ ନିଙ୍ଗେ ଏଚେଲା ପିସୁଅଁ □”

୩୦ ଜୀସୁ ପିତରଇଁ ଏଲେଇଚେସି,  
“ନାନୁ ନିଙ୍ଗେ ସାତା ଖେସିମାଞ୍ଜାଇଁ,  
ନୀଞ୍ଜୁ ଇ ଲାଆଁୟାଁ କୟୁ ରୀ ଦେବା  
କେଣ୍ଡା ମାନାଟିଏ, ନାନୁ ଏଝାଣାଇଁ  
ପୁଞ୍ଜାହିଲଅଁ ଇଞ୍ଜାଁ ତାନିପାଲି  
ଏଲେଇଞ୍ଜି □”

୩୧ ସାମା ପିତର ଆଟ୍‌ଝା ତଲେ  
ଏଲେଇଚେସି, “ନାଙ୍ଗେ ନୀ ତଲେ  
ହାହାଲି ଆଡ଼ି ଜିକେଏ ନାନୁ ନିଙ୍ଗେ  
ଏଚେଲା ପୁଞ୍ଜାହିଲଅଁ ଇଞ୍ଜଅଁ □” ଇଞ୍ଜା  
ବାରେଜାଣା ଜିକେଏ ଏଲେଇଚେରି □

ଜୀସୁ ଗେଡ଼ସିମନିତା ପ୍ରାତାନା  
କିନାୟି

(ମାତି ୨୭:୩୭-୪୬; ଲୁକ ୨୨:୩୯-  
୪୬)

୩୨ ତାୟୁ ଏଝାରି ଗେଡ଼ସିମନି ଇନି  
ର ଗାୟୁତା ଝାଡ଼େରି, ଇଞ୍ଜା ଜୀସୁ  
ତାନି ସୀସୁୟାଁଇଁ ଏଲେଇଚେସି, “ନାନୁ  
ପ୍ରାତାନା କିହିମାନି ପାତେକା ଇମ୍ବାଆଁ  
କୁଗାନା ମାଞ୍ଜୁ □”

୩୩ ଇଞ୍ଜା ଏଝାସି ପିତର, ଜାକୁବ  
ଅଡ଼େ ଜହନଇଁ ତାନିତଲେ ଅଡ଼େସି □  
ଏଝାସି ହାଚେକା ଦୁକୁତି କସ୍ତ ତାକି  
କିଲିବିଲି ଆଡ଼େସି □

୩୪ ଏଚେଟିଏ ଜୀସୁ ଏଝାରାଇଁ  
ଏଲେଇଚେସି, “ନା ଜୀସୁ ହାନିଲେହେଁ  
ହାଚେକା କିଲିବିଲି ହଡ଼ିମାଞ୍ଜାନେ; ମୀରୁ  
ଇମ୍ବାଆଁ ଡେଃଏଲାମା କାଚାମାଞ୍ଜୁ □”

୩୫ ଜୀସୁ ନକିତା ହାଜାନା ବୁମିତା ମୁନୁ  
କୁତିଚେସି, ଅଡ଼େ ଆହାଲି ଆଡ଼ିତିହଁ,  
ଏ ଦୁକୁ ଏଝାଣି ତାଣାଟି ଏନିକଁ ହେକ  
ଆନେ, ଏଦାଆଁତାକି ପ୍ରାତାନା କିଚେସି □

୩୬ ଇଞ୍ଜା ଜୀସୁ ଏଲେଇଚେସି,  
“ଆବା, ନାନୁ ବାରେଏ କିହାଲି ଆଡ଼ିତି;  
ଇ କସ୍ତ ବାଦା ନା ତାଣାଟି ହେକ  
କିମ୍ବୁ; ଆଡ଼ିଜିକେଏ ନା କାତା ଆଏ ନୀ  
କାଚେଏ ଆଡ଼େପ □”

୩୭ ଇଞ୍ଜା ଏଝାସି ଝାହାନା ସୀସୁୟାଁ  
ଇଦା କିତାଣି ମେସ୍ତେସି, ଇଞ୍ଜା ପିତରଇଁ  
ଏଲେଇଚେସି, “ସିମନ ନାନୁ ତୁରିତିକି  
? ଗାଡ଼େକା ଜିକେଏ କାଚାଲି  
ଆଡ଼ାଆଚେରି ?

୩୮ ଏଦାଆଁତାକି କାଚାନା ପ୍ରାତାନା  
କିମ୍ବୁ; ଏନିକଁ ମୀରୁ ପାନ୍ଦାତା  
ହେରଅଚେରି, ମନ୍ ମାନେ ସାତା,  
ଆଙ୍ଗାତା ବାଡ଼ୟୁ ହିଲେଏ □”

୩୯ ଏଝାସି ଅଡ଼େ ଖେଣ୍ଡେ ହାଜାନା  
ତଲିତିଲେହେଁ ପ୍ରାତାନା କିଚେସି □

୪୦ ଅଡ଼େ ଖେଣ୍ଡେ ଝାହାନା  
ଏଝାସି ଏଝାରାଇଁ ଇଦା କିହାମାନାଣି  
ମେସ୍ତେସି, ଇଚିହଁ ଏଝାରି କାଣକା  
ପଜୁଝି ଆହିମାରୁ, ଇଞ୍ଜା ଏଝାରି  
ଏଝାଣାଇଁ ଏଦାଆଁ ଜଲିନେରି ପୁଞ୍ଜାଲି  
ଆଡ଼ାଆଚେରି □

୪୧ ଜୀସୁ ତାନି ଦେବା ଝାହାନା  
ସୀସୁୟାଁଇଁ ଏଲେଇଚେସି, “ମୀରୁ  
ଗାଡ଼େକା ତୁରାନା ଜମାଦୁ; ହାଚେକା  
ଚେଲା ଆଡ଼େୟିଏ, ଏ ଚେଲା  
ଏଗାଝାହିମାନେ; ମେହ୍‌ଦୁ ମାଣ୍ଡସି  
ମୀରଏସି ସାତୁୟାଁ କେୟୁତା ହେରପି  
ଆହିମାନେସି □

\* ୧୪:୨୮ ୧୪:୨୮ ମାତି ୨୮:୧୭

୪୨ ନିଜାଦୁ, ମାର ହାନ, ମେହଦୁ  
ଆମ୍ବାଆସି ନାଜେ ସାତୁୟାଁ କେୟୁତା  
ହେରପାନେସି ଏଞ୍ଜାସି ଏଗାଞ୍ଜାତେସିଏ  
□”

ଜୀସୁ ସାତୁ କେୟୁତା ହେରପି  
ଆନାୟି

(ମାତି ୨୭:୪୭-୫୨; ଲୁକ ୨୨:୪୭-  
୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଖେସିମାତି  
ବେଲାତା, ବାରଜାଣା ବିତ୍ରାଟି ଜୀହୁଦା  
ଦରୁଗାଗସି ରଅସି ଇଞ୍ଜା ତାନିତଲେ  
କାଜା ପୂଜେରାଜା, ମେରା ପୁନାରି ଇଞ୍ଜା  
ଲକୁତି କାଜାରି ତାଣାଟି କାଣ୍ଡା ଟେଜା  
ଆସାନା ଖାତେରି □

୪୪ ଜୀସୁଙ୍କ ସାତୁୟାଁ କେୟୁତା  
ହେରପିନାସି ଏଞ୍ଜାରାଙ୍କ ଇ ସିନା  
ଖେସାମାରେସି, “ନାନୁ ଆମ୍ବାଆରାଙ୍କ  
ନଶ୍ଟିଙ୍କ ଏଞ୍ଜାସିଏ ଏଞ୍ଜାସି □ ଏଞ୍ଜାଣାଙ୍କ  
ଦସାନା ଜାଗ୍ରାତା ତଲେ ଅଦୁ □”

୪୫ ଇଞ୍ଜା ଏଞ୍ଜାସି ଏ ଦେବୁଣିଏ ଏଞ୍ଜାଣି  
ତାଗେ ହାଜାନା, “ଏ ଗୁରୁ” ଇଞ୍ଜାନା  
ଏଞ୍ଜାଣାଙ୍କ ନଶ୍ଟିତେସି □

୪୬ ଏମ୍ବାଟିଏ ଏଞ୍ଜାରି ଏଞ୍ଜାଣାଙ୍କ  
ଆସାନା ଦସା ଅତେରି □

୪୭ ସାମା ତାଗେ ନିଚାମାଟି ଲକୁ  
ବିତ୍ରାଟି ରଅସି କାଣ୍ଡା ହପ୍‌ହେସି ଇଞ୍ଜା  
କାଜା ପୂଜେରା ହଲେଏଣା କିୟୁ  
ଦାତେସି □

୪୮ ଜୀସୁ ଏଞ୍ଜାରାଙ୍କ ଏଲେଇରେସି,  
“ସରୁଙ୍କ ଆସାଲି ହାନିଲେହେଁ କାଣ୍ଡା  
ଅଡ଼େ ଟେଜା ଆସାନା ମୀରୁ ନାଜେ  
ଆସାଲି ଖାତେରି ?

୪୯ ନାନୁ ବାରେଦିନା ମୀ ତଲେ  
ପ୍ରାତାନା ଇଲୁତା ମାଞ୍ଜାନା ଜାପ୍‌ହି  
ମାଞ୍ଜାତେସି, ସାମା ମୀରୁ ନାଜେ  
ଆସ୍ତାଆତେରି; ସାମା ଦାମ୍‌ନୁ ପତିତି  
ରାସ୍‌କି ଆଡ଼ି ବଲୁ ଏନିକ୍ ସାତା  
ଆନେ, ଏଦାଆଁତାକି ଇ ବାରେ  
ଆହିମାନେ □”

୫୦ ଏଟିବେଲା ବାରେଜାଣା ସୀସୁୟାଁ  
ଏଞ୍ଜାଣାଙ୍କ ପିସାନା ହାଚେରି □

୫୧ ର ଦାଂଗଣା କକାସି ର  
ହିମ୍ବୁରି ପିଡ଼ଂଗାହାଁ ଜୀସୁ ଜେତ ଜେତ  
ହାଜିମାରେସି; ଏଞ୍ଜାରି ଏଞ୍ଜାଣାଙ୍କ  
ଆସାଲି ହାଜାଲିଏ,

୫୨ ଏଞ୍ଜାସି ଏ ପାଡ଼ାଡ଼ା ହିମ୍ବୁରି ପିସାନା  
ଖାରୁଇ ଆଜାଟି ହଟାତୁସ୍ତେସି □

ଜୀସୁଙ୍କ ବେରଣିମାଣ୍ଡାତା ନୀହାଁୟି  
କିନାୟି

(ମାତି ୨୭:୫୭-୬୮; ଲୁକ ୨୨:୫୪-  
୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଞ୍ଜାରି ଜୀସୁଙ୍କ କାଜା  
ପୂଜେରା ନକିତା ଅଡ଼େରି, ଇଞ୍ଜା କାଜା  
ପୂଜେରା, ଲକୁତି କାଜାରି ଅଡ଼େ ମେରା  
ପୁନାରି ବାରେ ଖାହାନା ରୁଣ୍ଡା ଆତେରି □

୫୪ ପିତର ହେକ ମାଞ୍ଜାନା ଏଞ୍ଜାଣି  
ଜେତ ଜେତ କାଜା ପୂଜେରା ଆଂଗେଣି  
ବିତ୍ରା ହାଚେସି ଇଞ୍ଜା ଜାମାନାଜା ତଲେ  
କୁଗାନା ହିରୁ କେରୁଞ୍ଜି ମାଚେସି □

୫୫ ଏମ୍ବାଟିଏ କାଜା ପୂଜେରାଜା  
ଇଞ୍ଜା ବେରଣି ମାଣ୍ଡାତି ବାରେଜାଣା  
ଜୀସୁଙ୍କ ପାୟାଲି ଏଞ୍ଜାଣି କପାଟି  
ସାକିୟାଁ ପାରିତେରି, ସାମା ଏନି ଦହ  
ବେଟାଆଆତେରି;

୫୬ ଇତିହ ହାରେକା ଏଞ୍ଜାଣି କପାଟି  
ମିତି ସାକିୟାଁ ହୀତି ଜିକେଏ ଏଞ୍ଜାରି  
ହୀତି ସାକି ଆଣ୍ଡାଆତେ □

୫୭ ତାୟୁ ଏଚରଜାଣା ହଟାନା  
ଏଞ୍ଜାଣି କପାଟି ମିତି ସାକି ହୀହାନା  
ଏଲେଇଚେରି,

୫୮ “ମାମୁ ଇଞ୍ଜାଣାଙ୍କ ଇ କାତା  
ଖେସିମାଚାଣି ଖେଞ୍ଜାମାନମି, ନାନୁ ଇ  
କେୟୁଟି କେପିତି ପ୍ରାତାନା ଇଲୁତି  
ତିକହାନା ତାନିଦିନା ବିତ୍ରା ଅଡ଼େ ମାଣ୍ଡିସି  
କେପାଆତି ପ୍ରାତାନା ଇଲୁ କେପିଙ୍କ □

୫୯ ସାମା ଏମ୍ବାଆଁ ଜିକେଏ ସାକି  
ଆଣ୍ଡାଆତେ □”

୬୦ ଏଚେଟିଏ କାଜା ପୂଜେରା ମାଦିଏ  
ନିଚାନା ଜୀସୁଙ୍କ ଖେଚେସି, “ନୀ କପାଟି  
ଇଞ୍ଜାରି ଆମିନି ସାକି ହୀହିମାନେରି,  
ଖେଣ୍ଡେ ଜଲ୍‌ଲି ଏନି କାତା ହିଲେଏ କି  
?”

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

୭୧ ସାମା ଏଝାସି ପାଲେଏ ଆହାନା ଏନ୍ତି କାତା ଜଲ୍ଲାଆତେସି, କାଜା ପୂଜେରା ଅଡ଼େ ଝେଣ୍ଡେ ଏଝାଣାକ୍ ଝେରେସି, “ନାନୁ କି ମାନିଗାଟି ମାହାପୁରୁ ମୀରଏଣାତି କ୍ରୀସୁ ?”

୭୨ ଜୀସୁ ଏଲେଇରେସି, “ନାନୁ ଏଝାତେଏ, ମୀରୁ ମାଣସି ମୀରଏଣାକ୍ ବାଡ଼ୁଲୁଗାଟି ଚିଃନିଝାକି କୁଗାମାନାଣି ମେହ୍‌ଦେରି ଇଞ୍ଜା ହାଗୁ ଦୁହାଟି ଝେଣ୍ଡେ ଝାନାଣି ମେହ୍‌ଦେରି □”

୭୩ ଏରେଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇରେସି, “ମାଜେ ଅଡ଼େ ଏନ୍ତି ସାକିୟା ଲଡ଼ା ହିଲେଏ □

୭୪ ମୀରୁ ମାହାପୁରୁ ନିନ୍ଦା ଝେରେରି; ମୀ ଅଣପୁ ଏନାୟି ?”

ଏମ୍ବାଟିଏ ବାରେଜାଣା ଏଝାସି ହାନ୍ତି ଡଣ୍ଡ ବେଟାଆପେସି ଇଞ୍ଜ ଏଲେଇରେରି □

୭୫ ଇଞ୍ଜା ଆମ୍ବା ଆମ୍ବାଆରି ଏଝାଣିଲାକ ହୁପିତେରି ଇଞ୍ଜା ଏଝାଣି କାଣକା ପଜାନା ଏଝାଣାକ୍ ଝେଚାନା ଝେରେରି, “ମାହାପୁରୁ ଅଣପୁତି ବଲୁ ଝେହ୍‌ନାତି ଆମ୍ବାଆସି ନିଜେ ଝେତାତେସି, ଝେସ୍ତାମ୍ବୁ!” ଜାମାନାଜା ଜିକେଏ ଆସାନା ସାପୁଡ଼ା ଝେଟିହ୍ ଅଡ଼େରି □

ପିତର ଜୀସୁକ୍ ପୁଞ୍ଜାହିଲଅଁ ଇନାୟି (ମାତି ୨୭:୨୯-୩୫; ଲୁକ ୨୨:୫୬-୬୨; ଜହ ୧୮:୧୫-୧୮, ୨୫-୨୭)

୭୬ ଏମ୍ବାଟିଏ ପିତର ଆଂଗେଣିତା ମାଟିବେଲ୍ଲାତା କାଜା ପୂଜେରା ହଲେଣି ଝାହାନା ପିତର ହିରୁ କେରଞ୍ଜି ମାତାଣି ମେସ୍ତେ,

୭୭ ଇଞ୍ଜା ପିତରକ୍ ସିନିକିହାନା ଏଲେଇରେ, “ନାନୁ ଜିକେଏ ନାଜ୍‌ରିତ ଜୀସୁତଲେ ମାତି □”

୭୮ ସାମା ଏଝାସି, ନାନୁ ଏଝାଣାକ୍ ପୁଞ୍ଜାହିଲଅଁ, ନାନୁ ଏନାଆଁ ଝେସିମାଞ୍ଜି ନାନୁ ପୁଞ୍ଜିହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାରେସି, ରେଚୁଏ କୟୁ କେଣ୍ଡେ □

୭୯ ଇଞ୍ଜା ଏ ହଲେଣି ଏଝାଣାକ୍ ମେସାନା ଦାରିତା ନିରାମାନି ଲକୁଣି ଅଡ଼େ ଝେଣ୍ଡେ ଝେସାଲି ମାଟ୍‌ହେ, “ଇଝାସି ଏଝାରି ବିତ୍ତାଟି ରଅସି □”

୯୦ ସାମା ଏଝାସି ଅଡ଼େ ଝେଣ୍ଡେ ପୁଞ୍ଜାହିଲଅଁ ଇରେସି, ଅଡ଼େ ଗାଡ଼େକା ଆହାଲିଏ ଦାରିତା ମାତି ଲକୁ ପିତରକ୍ ଏଲେଇରେରି, “ନାନୁ ସାତେଏ ଏଝାରି ବିତ୍ତାଟି ରଅତି, ଇଚିହ୍ ନାନୁ ର ଗାଲିଲି ଲକୁତି □”

୯୧ ସାମା ଏଝାସି ପାରମାଣା ଇଞ୍ଜା ବାକା ଇଟାନା ଏଲେଇରେସି, ମୀରୁ ଆମିନି ଲକୁତି କାତା ଝେସିମାଞ୍ଜେରି, ନାନୁ ଏଝାଣାକ୍ ପୁଞ୍ଜାହିଲଅଁ □

୯୨ ଏ ଦେବୁଣିଏ କୟୁ ରୀ ଦେବା କେଣ୍ଡେ □ ଏମ୍ବାଟିଏ କୟୁ ରୀ ଦେବା କେଣ୍ଡା ନକେଏ ନାନୁ ନାଜେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରକ୍ ଏଲେଇଞ୍ଜାମାରେସି, ଏଦି ଏଝାଣି ମନତା ଝାଡ଼େ, ଇଞ୍ଜା ଏଝାସି ଏ କାତା ଅଣ୍ଡିହ୍ ହାରେକା ଡ଼ାହାଲି ମାଟ୍‌ହେସି □

### ୧୫

ପିଲାତ ନକିତା ଜୀସୁ (ମାତି ୨୭:୧-୨, ୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାକ୍ ଝେୟାଲିଏ ବେରଣି ମାଣ୍ଡାତାରି, ଇଚିହ୍ ଲକୁତି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଜା ବେରଣି କିହାନା କାତା ଆଡ଼େରି □ ଜୀସୁକ୍ ଦସପା ଅହାନା ପିଲାତ କେୟୁତା ହେରପିତେରି □

୨ ପିଲାତ ଏଝାଣାକ୍ ଝେରେସି, “ନାନୁ କି ଜୀହୁଦି ଲକୁତି ରାଜା ?”

ଜୀସୁ ଏଝାଣାକ୍ ଏଲେଇରେସି, “ନାନୁଏ ଏଲେ ଇଞ୍ଜିମାଞ୍ଜି □”

୩ ଇଞ୍ଜା କାଜା ପୂଜେରାଜା ଜୀସୁ କପାଟି ହାରେକା କାତାୟାଁ ଝେସ୍ତେରି □

୪ ଏମ୍ବାଟିଏ ପିଲାତ ଅଡ଼େ ଝେଣ୍ଡେ ଏଝାଣାକ୍ ଝେରେସି, “ନାନୁ

ଏଦାଆଁତାକି ଝେସିମାଞ୍ଜଅତି ? ମେହମୁ  
ଇଞ୍ଜାରି ନୀ କପାଟି ହାରେକା କାତା  
ଜଲିମାନେରି □

୫ ସାମା ଜୀସୁ ଏନି ହାଡ଼ା  
ଜଲ୍ଲାଆତେସି, ଏଚେଟିଏ ପିଲାତ କାବା  
ଆଡ଼େସି □

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-  
୨୫; ଜହ ୧୮:୩୯; ୧୯:୧୬)

୬ ସାମା ପାର୍ବୁ ବେଲାତା ଲକୁ ଆମିନି  
କାୟିଦି ଗାଟାଣାଇଁ ରାସିମାଚେରି,  
ଏଞ୍ଜାଣାଇଁ ପିଲାତ ଏଞ୍ଜାରି ତାକି  
ପିସିମାଚେସି □

୭ ଆମିନି ଗଡ଼ହା ଗାଟାରି ଗଡ଼ହା  
ବେଲାତା ଲକୁଣି ପାୟାମାଚେରି,  
ଏଞ୍ଜାରିତଲେ ବାରବା ଦରୁଗାଟାସି  
କାୟିଦିତା ମାଚେସି □

୮ ଏଦାଆଁତାକି ତାନି ମେରା ଲେହେଁ  
କିହାଲି ପିଲାତଇଁ ବାଡ଼ିମାଲିତେରି □

୯ ଏମ୍ବାଟିଏ ପିଲାତ ଏଞ୍ଜାରାଇଁ  
ଏଲେଇଚେସି, “ମୀରୁ ଏଦାଆଁ  
ଅଣ୍ଡପିମାଞ୍ଜେରି ? ନାନୁ ମିଙ୍ଗେତାକି  
ଜୀହୁଦି ଲକୁତି ରାଜାଇଁ ପିସାହିୟାଇଁ  
?”

୧୦ ଇଚିହୁଁ କାଜା ପୂଜେରାଜ୍ଞା  
ଏଞ୍ଜାଣାଇଁ ତାହାରା ତଲେ  
ହେରପାମାଚେରି, ଏଦାଆଁ ଏଞ୍ଜାସି  
ପୁଚେସି □

୧୧ ସାମା ଏଞ୍ଜାସି ଏନିକ୍ ଏଞ୍ଜାରି  
ତାକି ବାରବାଇଁ ପିହୁନେସି, ଏଦାଆଁତାକି  
କାଜା ପୂଜେରାଜ୍ଞା ଲକୁଣି ଝେସ୍ତେରି □

୧୨ ସାମା ପିଲାତ ଝେଣ୍ଡେ  
ଏଞ୍ଜାରାଇଁ ଏଲେଇଚେସି, “ଆତିହୁଁ  
ଆମ୍ବାଆରାଇଁ ଜୀହୁଦି ଲକୁତି ରାଜା  
ଇଞ୍ଜୁଁ ମାଞ୍ଜେରି, ଜୀସୁଇଁ ନାନୁ ଏଦାଆଁ  
କିଇଁ ?”

୧୩ ଲକୁ ବାରେ କାଲୁଞ୍ଜି ଆହାନା  
ଏଲେଇଚେରି, “ଏଞ୍ଜାଣାଇଁ ପାସି ଏକଦୁ  
□”

୧୪ ଏମ୍ବାଟିଏ ପିଲାତ ଏଞ୍ଜାରାଇଁ  
ଝେଚେସି, “ଏଦାଆଁତାକି ଏଞ୍ଜାସି ଏନି  
ଦହ କିହାମାନେସି ?”

ସାମା ଏଞ୍ଜାରି ଗାଡ଼ି କାଲୁଞ୍ଜି ଆହାନା  
ଏଲେଇଚେରି, “ଏଞ୍ଜାଣାଇଁ ପାସି ଏକଦୁ  
□”

୧୫ ଏଚେଟିଏ ପିଲାତ ଲକୁଣି ରାହାଁ  
କିହାଲି ମନ କିହାନା ଏଞ୍ଜାରି ତାକି  
ବାରବାଇଁ ପିସ୍ତେସି, ଇଞ୍ଜା ଜୀସୁଇଁ  
ସାଟୁଣି ତଲେ ଝେପି କିହାନା ପାସି  
ମୁଣ୍ଡାତା ଏକହାଲି ହେରପିଚେସି □

କସକା ଜୀସୁଇଁ ନିନ୍ଦାକିହୁଁ  
କାକନାୟି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାଟିଏ କସକା ଜୀସୁଇଁ  
ଆଂଗେଣିଟି ମେଡ଼ା ଇଲୁ ବିତ୍ତା ଅହାନା  
ବାରେ କସକାଣି ହାଟାନା ରୁଣ୍ଡା କିଚେରି  
□

୧୭ ଏଞ୍ଜାରି ଏଞ୍ଜାଣାଇଁ ହେୟାଁ ଝାଣା  
ହିମ୍ବୁରି ହୁଟିକିଚେରି ଇଞ୍ଜା ହାପୁକା  
ଚପେରି ଆଲାନା ଏଞ୍ଜାଣି ତାୟୁଁତୁ  
ତୁରୁଞ୍ଜି କିଚେରି;

୧୮ ଅଡ଼େ “ଏ ଜୀହୁଦି ଲକୁତି  
ରାଜା ଜହରା” ଇଞ୍ଜୁଁ ଏଞ୍ଜାଣାଇଁ  
ନିନ୍ଦାକିଚେରି □

୧୯ ଇଞ୍ଜା ଏଞ୍ଜାରି ର ବାଡ଼ଗା ଆସାନା  
ଏଞ୍ଜାଣି ତାୟୁଁତୁ ଝେଚେରି ଇଞ୍ଜା  
ମେଣ୍ଡାକୁତାନା ଜହରା କିଚେରି □

୨୦ ଏଞ୍ଜାରି ଏଞ୍ଜାଣାଇଁ ଲାଜାକିହୁଁ  
କାକ୍‌ହି ତାୟୁ, ଏ ହେୟାଁ ଝାଣାଗାଟି  
ହିମ୍ବୁରି ହୁକ୍‌ହା ଅହାନା ତାନି ହିମ୍ବୁରି  
ହୁଟିକିଚେରି □ ଇଞ୍ଜା ଏଞ୍ଜାରି ଏଞ୍ଜାଣାଇଁ  
ପାସି ମୁଣ୍ଡାତା ଏକହାଲି ପାଜାତା  
ଅଡ଼େରି □

ଜୀସୁଇଁ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୬-  
୪୩; ଜହ ୧୯:୧୭-୨୭)

୨୧ ଏଚିବେଲା ଆଲେକ୍‌ଜାଣ୍ଡାର  
ଇଞ୍ଜା ରୁପତାମି ଆବା ସିମନ ଦରୁଗାଟି  
ର କୁରିଣିୟ ଲକୁ ନାୟୁଁଟି ଝାହାନା  
ଏ ଜିରୁଟି ହାଜିମାଚେସି; ଏଞ୍ଜାରି  
ଏଞ୍ଜାଣାଇଁ ଜୀସୁତି ପାସିମୁଣ୍ଡା ଡେକାଲି  
ବାଲାମାତମି କିଚେରି □



୨୨ ଇଞ୍ଜା ଏଝାରି ଏଝାଣାଇଁ ଗଲଗତା ଇଚିହିଁ “ତାୟଁ ରୁପା” ଇନି ଚାୟୁତା ତାତେରି □

୨୩ ଇଞ୍ଜା ଏଝାରି ଏଝାଣାକି ପୁଲ୍ଲା ଆଣ୍ଡିତି ଅଞ୍ଜୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଗହୁଆତେସି □

୨୪ ଏରେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁତାମ୍ବୁ ବୁଡ଼ି କିହାନା ଅଡେରି □

୨୫ ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି □

୨୬ ଇଞ୍ଜା ଏଝାଣିଲାକ ଇଲେଇଞ୍ଜିଁ ରାସ୍‌କି ଆହାମାଚେ, “ଇଝାସି ଜୀହୁଦି ଲକୁଚି ରାଜା □”

୨୭ ଇଞ୍ଜା ଏଝାଣି ଚିଃନିଝାକି ରଅଣାଇଁ ଅଡେ ଟେବୁଝାକି ରଅଣାଇଁ, ଇଲେକିହିଁ ରୀ ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି □

୨୮ ଏରେଟିଏ ଦାମ୍ବୁ ପତିତି କାତା ସାତା ଆଡେ, ଏଝାସି ପାପୁ ଗାଟାରି ତଲେ ଲେକା କିଝିଆଡେସି □\*

୨୯ ☆ଏ ଜିରୁଟି ହାଜିମାନି ଲକୁ ତାନି ତାର୍କା ଗୁଚ୍‌କିହିଁ ଏଝାଣାଇଁ ନିନ୍ଦାକିହିଁ ଏଲେଇଚେରି, “ଆବା, ମାହାପୁରୁ ଇଲୁତି ଡିକନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି,

୩୦ ପାସି ମୁଣ୍ଡାଟି ରେଟାଝାହାନା ନିଙ୍ଗେ ଗେଲପା କଡାମ୍ବୁ □”

୩୧ କାଜା ପୂଜେରାଞ୍ଜା ଜିକେଏ ଏଲେକିଁ ମୋରାପୁନାରି ତଲେ ତାମ୍ବୁ ତାମ୍ବୁ ଏଝାଣାଇଁ ନିନ୍ଦାକିହିଁ ଏଲେଇଚେରି, “ଏଝାସି ଅର ଲକୁଇଁ ଗେଲପିତେସି, ସାମା ତାଙ୍ଗେ ଗେଲପାଲି ଆଡ଼ିହିଲଅସି □

୩୨ ଇସ୍ତାୟେଲତି ରାଜା କ୍ରୀସ୍ତୁତି ଇଚିହିଁ ଦେବୁଣିଏ ପାସି ମୁଣ୍ଡାଟି ରେଟା

ଝାମ୍ବୁ, ଏନିକିଁ ମାମ୍ବୁ ଏଦାଆଁ ମେସାନା ନାମାନମି □”

ଇଞ୍ଜା ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦାକିତେରି □

ଜୀସୁ ହାନାୟି (ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ଡ଼ୟିତେ □

୩୪ ତାନି ଗଂଟା ବେଲାତା ଜୀସୁ କାଜା ହାଡାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ ଏନାଆଁତାକି ପିସ୍ତାତି ?”

୩୫ ଇ ହାଡା ଝେଞ୍ଜାନା ଦାରିତା ନିଟାମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହୁଦୁ ଏଝାସି ଏଲିୟଇଁ ହାଟି ମାନେସି □”

୩୬ ଇଞ୍ଜା ରଅସି ହଟିହିଁ ହାଜାନା ର ଡାଃଅଲି ପୁଲ୍ଲା ଅଞ୍ଜୁରି ରାସାତା ମେଡହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହୀହାନା ଏଲେଇଚେସି, “ହେଣ୍ଡୁ ଏଲିୟ ଇଝାଣାଇଁ ଗେଲପାଲି ଝାହିମାନେସି କି ଆଏ ସିନିକିନ □”

୩୭ ସାମା ଜୀସୁ କାଜା ଗିୟାତଲେ ଜଲ୍ଲାନା ହାଡେସି □

୩୮ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଟା ଆଡେ □

୩୯ ଏଝାଣି ନକିତା ନିଟାମାନି ପାସାକଡ଼ି କସକା ମୁହେଁ କାଜାସି ଏଝାଣି ଇଲେତି ହାଡାଣି ମେସାନା ଏଲେଇଚେସି, “ସାତେଏ, ଇଝାସି ମାହାପୁରୁତି ମୀରଏସି ମାଚେସି □”

୪୦ ☆ଏରେକା ଇୟାସିକା ଜିକେଏ ହେକଟି ସିନିକିହିମାତୁ; ଏଝାସିକା

\* ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ □ ☆ ୧୫:୨୯ ୧୫:୨୯ ମାର୍ଚ୍ଚ ୧୪:୫୮; ଜହ ୨:୧୯ ☆ ୧୫:୪୦ ୧୫:୪୦ ଲୁକ ୮:୨,୩

ବିଭ୍ରାତି ମଗ୍ନଦଳିନି ମରିୟମ, ଉଣା  
ଜାକୁବ ଇଞ୍ଜା ଜସିତି ଇୟା ମରିୟମ,  
ଅଡ଼େ ସାଲମି ମାରୁ;

୪୧ ଏଞ୍ଜାସି ଗାଲିଲିତା ମାତାଟି  
ଏଞ୍ଜି ଏଞ୍ଜାଣି କେଟ ହାଜାନା ଏଞ୍ଜାଣି  
ସେବା କିହିମାରୁ; ଏଞ୍ଜାସିକା ତଲେ  
ଜିରୁସାଲମତା ଖାହାମାନି ହାରେକା  
ଇୟାସିକା ସିନକିହିମାରୁ □

ଜୀସୁଇଁ ମାହଣି ମାଣ୍ଡାତା ମୁହନାୟି  
(ମାତି ୨୭:୫୭-୬୧; ଲୁକ ୨୩:୫୦-  
୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାତାଟି, ଏ ଦିନା  
ତିୟାରା ଆନି ଦିନା ଇତିହୁଁ ଜମିନି  
ଦିନାତି ନକିତି ଦିନା ମାତାକି,

୪୩ ହାରାମାତିୟାତି ଜସେପ ଦରୁଗାଟି  
କାଜା ବେରଣିମାଣ୍ଡାତି ମାନିଗାଟାସି  
ମାତେସି, ଇଞ୍ଜା ଆମିନିଗାଟାସି ତାନୁଏ  
ମାହାପୁରୁତି ରାଜି କାଟିମାତେସି, ଏଞ୍ଜାସି  
ସାସାତଲେ ପିଲାତ ତାଣା ହାଜାନା  
ଜୀସୁତି ଆଜା ରୀସ୍ତେସି □

୪୪ ସାମା ଏଞ୍ଜାସି ହାଡେସିଏ ଇ କାତା  
ପିଲାତ ଖେଞ୍ଜାନା କାବା ଆଡେସି, ଇଞ୍ଜା  
ପାସାକଡ଼ି କସକା ମୁହେଁ କାଜାଣାଇଁ  
ତାଗେ ହାଟାନା ଖେଚେସି, “ଏଞ୍ଜାସି  
ହାହାନା ହାରେକା ବେଲା ଆଡେୟିଏ  
?”

୪୫ ପାସାକଡ଼ି କସକା ମୁହେଁ କାଜାଣି  
ତାଣାଟି ଏ କାତା ପୁଞ୍ଜାନା ଆଜାଟି  
ଅହାଲି ଜସେପଇଁ ହେଲ ହୀଡେସି □

୪୬ ଏଞ୍ଜାସି ର ପାତାଡ଼ା ହିମ୍ବରି କତାନା  
ଏଞ୍ଜାଣାଇଁ ରେପୁହା ତାଗାନା ଏ ହିମ୍ବରି  
ରୁପିଡେସି ଇଞ୍ଜା ହରୁତା କାରହାମାନି  
ମାଡ଼ହା ମୁହନି ଚାୟୁତା ଏଞ୍ଜାଣାଇଁ  
ଇଟାନା ଦୁଖେରିତା ର କାଜା ଖାଲି ଉସି  
କିତେରି □

୪୭ ଏଞ୍ଜାଣାଇଁ ଆମିନି ଚାୟୁତା ଇଟକି  
ଆହାମାନେ, ଏଦାଆଁ ମଗ୍ନଦଳିନି  
ମରିୟମ ଇଞ୍ଜା ଜସି ତାମି ଇୟା  
ମରିୟମ ମେସାମାରୁ □

# ୧୭

ଜୀସୁ ଖେଣ୍ଡେ ନିଜିନାୟି

(ମାତି ୨୮:୧-୮; ଲୁକ ୨୪:୧-୧୨;  
ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗ୍ନଦଳିନି  
ମରିୟମ, ଜାକୁବ ତାମି ଇୟା ମରିୟମ,  
ଇଞ୍ଜା ସାଲମି ଗାଦାଗାଟି ନିୟୁଁ କଡିତୁ,  
ଏନିକିଁ ଏଞ୍ଜି ହାଜାନା ଜୀସୁ ଆଜାମତା  
ରୁବାଲି ଆଡିନୁ □

୨ ଏଞ୍ଜି ଖାରାତି ମୂଲୁ ଦିନା ଲାଭ  
ଖେଡ଼ା ହନି ବେଲାତା ମାହଣି ମାଣ୍ଡାତା  
ହାରୁ □

୩ ଏଞ୍ଜି ତାମ୍ବୁ ତାମ୍ବୁ ଚୁଞ୍ଚସପି ଆହିମାରୁ,  
“ଆମ୍ବାଆସି ମାଜେତାକି ମାହଣି ମାଣ୍ଡା  
ଦୁଖେରିତି ଖାଲି ଉସିକିହା ହିୟାନେସି  
?” ଏନାଆଁତାକି ଇତିହୁଁ ଏ ଖାଲି  
ହାରେକା କାଜାୟି ମାତେ □

୪ ସାମା ଏଞ୍ଜି ଏମ୍ବାଆଁ ସିନକିନି  
ବେଲାତା, ଖାଲି ଉସିକିଞ୍ଜି ଆହାମାତେ  
□

୫ ଏଞ୍ଜି ମାହଣି ମାଣ୍ଡାତା  
ହଡାନା ଦବଲା ହିମ୍ବରି ହୁଟାମାନି  
ର ଦାଂଗଣେଏଣାଇଁ ଚିଃନିଞ୍ଜାକି  
କୁଗାମାନାଣି ମେସାନା ହାରେକା  
କାବାଆତୁ □

୬ ଏମ୍ବାଟିଏ ଏଞ୍ଜାସି ଏଞ୍ଜାସିକାଣି  
ଏଲେଇତେସି, “ଆଜାଆଦୁ; ମୀରୁ ପାସି  
ମୁଣ୍ଡାତା ହାହାମାନି ନାଜରିତ ଜୀସୁଇଁ  
ପାରିମାଜେରି; ଏଞ୍ଜାସି ନିଜାମାନେସି,  
ଏଞ୍ଜାସି ଇମ୍ବାଆଁ ହିଲଅସି, ମେହଦୁ  
ଇମ୍ବାଆଁ ଏଞ୍ଜାଣାଇଁ ଇଟାମାତେରି □

୭ ସାମା ମୀରୁ ହାଜାନା ତାମି  
ସୀସୁୟା ଇଞ୍ଜା ପିତରଇଁ ଖେହଦୁ,  
ଏଞ୍ଜାସି ମୀ ନକି ନକିତା ଗାଲିଲିତା  
ହାଜିମାନେସି; ଏଞ୍ଜାସି ମିଜେ ଏନିକିଁ  
ଖେସାମାଞ୍ଜାତେସି, ଏଲେକିହୁଁ ଏ ମୀରୁ  
ଏଞ୍ଜାଣାଇଁ ଏମ୍ବାଆଁ ମେହଦେରି □”

୮ ଏମ୍ବାଟିଏ ଏଞ୍ଜି ମାହଣି ମାଣ୍ଡାଟି ହୁଡୁ,  
ଇତିହୁଁ ଏଞ୍ଜି କାବା ଆହାନା ଆଜିତାକି

☆ ୧୭:୭ ୧୭:୭ ମାତି ୨୭:୩୨; ମାର୍ଚ୍ଚ ୧୪:୨୮ \* ୧୭:୮ ୧୭:୮ ଏଞ୍ଜି ପିତର ତଲେ ମାତି ବାରେ ଲକ୍ଷତାଣା  
ଏ କାତା ଖେସୁ □ ୧୭:୨୦ ଇଦାଆଁ ତାୟୁ, ଜୀସୁ ତାନ୍ଦୁ ଜିକେଏ ଏଞ୍ଜାସିକା ତଲେ ସୁଦୁ ଅଡ଼େ କାଲକାଲକାତି  
ଗେଲକ୍ସି ଆନାଣି ଖେକହାଲି ତାକି ଖେଡ଼ା ହପୁ ଖାକିତି ଖେଡ଼ା ହାନି ଖାକି ପାଣ୍ଡିତେସି □

ତୀରଗିମାରୁ, ଇଞ୍ଜା ଆମ୍ବାଆରାଇଁ  
ଏନାଆଁ ଖେହ୍‌ଆତୁ\* □

ଜୀସୁ ମଗ୍‌ଦଲିନି ମରିୟମଇଁ ତଞ୍ଜା  
ଆନାୟି

(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୂଲୁତି ଦିନା ଲାଇସିଏ  
ଏଞ୍ଜାସି ଖେଣ୍ଡେ ନିଜାମା, ଆମିନିଗାଟାଣି  
ସାଡାଗଟା ବୁଡୁୟାଁ ପିସ୍‌ପି କିହାମାଚେସି,  
ଏ ମଗ୍‌ଦଲିନି ମରିୟମନି ତଲିଏ  
ତଞ୍ଜାଆଡେସି □

୧୦ ଏଦି ହାଜାନା ଆମିନି ଗାଟାରି  
ତାମିତଲେ ମାଚେରି, ଏଞ୍ଜାରାଇଁ  
ଖେସ୍ତେ; ଇତିହ୍‌ ଏଞ୍ଜାରି ଦୁକୁଟି ଡାହି  
ମାଚେରି □

୧୧ ଜୀସୁ ନୀତାମାନେସି, ଇଞ୍ଜା  
ଏଦାନି ତଞ୍ଜା ଆହାମାନେସି, ଇଦାଆଁ  
ଖେଞ୍ଜାନା ଏଞ୍ଜାରି ନାମାଆଡେରି □

ଜୀସୁ ରୀ ସୀସୁୟାଁଣି ତଞ୍ଜା ଆନାୟି  
(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡି ତାୟୁ  
ଏଞ୍ଜାରି ବିଡ୍ରାଟି ରୀ ସୀସୁୟାଁ ର ନାୟୁଡା  
ହାଜିମାଟାଟି ଏଞ୍ଜାସି ଅର ଖାଣା ତଲେ  
ଏଞ୍ଜାରାଇଁ ତଞ୍ଜାଆଡେସି,

୧୩ ଇଞ୍ଜା ଏଞ୍ଜାରି ହାଜାନା ଏଟକା  
ତାରାଇଁ ଖେସ୍ତେରି; ସାମା ଏଞ୍ଜାରି କାତା  
ଜିକେଏ ଏଞ୍ଜାରି ନାମାଆଡେରି □

ଜୀସୁ ଏଗାର ଜାଣା ସୀସୁୟାଁଇଁ ତଞ୍ଜା  
ଆନାୟି

(ମାତି ୨୮:୧୭-୨୦; ଲୁକ ୨୪:୩୬-  
୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା  
ସୀସୁୟାଁ ତଞ୍ଜାଲି କୁଗାମାଟାଟି ଜୀସୁ  
ଏଞ୍ଜାରାଇଁ ତଞ୍ଜାଆଡେସି ଇଞ୍ଜା ଏଞ୍ଜାରି  
ନାମିହିଲାଆତାକି ଇଞ୍ଜା ହିୟାଁତି  
ଆଟ୍‌ଖାତାକି ଏଞ୍ଜାରାଇଁ ଦାକା ହୀଡେସି,  
ଇତିହ୍‌ ଆମିନି ଗାଟାରି ଏଞ୍ଜାଣି ଖେଣ୍ଡେ  
ନିଜାଟାଣି ମେସାମାଚେରି, ଏଞ୍ଜାରି କାତା  
ଏଞ୍ଜାରି ନାମା ହିଲାଆଡେରି □

୧୫ ଇଞ୍ଜା ଜୀସୁ ଏଞ୍ଜାରାଇଁ  
ଏଲେଇଚେସି, “ମୀରୁ ବାରେ ଦାରତିତା  
ହାଜାନା ବାରେ କୁଡାତି ଲକୁଡାଣା  
ନେହ୍‌ କାବୁ ଖେହ୍‌ଦୁ □

୧୬ ଆମ୍ବାଆସି ନାମାନା ବାପ୍ତିସ୍ମା†  
ଅନେସି ଏଞ୍ଜାସି ଗେଲ୍‌ପି ଆନେସି;  
ସାମା ଆମ୍ବାଆସି ନାମଅସି ଏଞ୍ଜାସି ତଣ୍ଡ  
ବେଟାଆନେସି □

୧୭ ଇଞ୍ଜା ନାମାନାରାକି ଇ ସିନାୟାଁ  
ଆନୁ, ଏଞ୍ଜାରି ନା ଦରୁତଲେ ବୁଡୁୟାଁ  
ପିସ୍‌ପି କିନେରି, ପୁଃନି ପୁଃନି  
ହାଡାତଲେ ଜଲିନେରି,

୧୮ କେସ୍ତାତଲେ ରାସ୍‌କା ଆହ୍‌ନେରି,  
ଇଞ୍ଜା ହାନ୍ତି ଅସ ଗସ୍ତିହ୍‌ ଜିକେଏ  
ଏଞ୍ଜାରି ଏନାଆଁ ଆଅରି; ଏଞ୍ଜାରି ନମେରି  
ଦୁକା ଗାଟାରି ଲାକ କେୟୁ ଇତିତିହ୍‌  
ଏଞ୍ଜାରି ନେହ୍‌ ଆନେରି □”

ଜୀସୁ ଲାକପୁରୁ ଅଡ୍ଡିଆନାୟି  
(ଲୁକ ୨୪:୫୦-୫୩; କାମା ୧:୯-  
୧୧)

୧୯ ଇଲେକିହ୍‌ ଏଞ୍ଜାରାଇଁ ବାରେ  
କାତା ଖେସ୍ତି ତାୟୁ ଜୀସୁ ଲାକପୁରୁ  
ଅଡ୍ଡିଆହାନା ମାହାପୁରୁତି ଚିଃନିଖାକି  
କୁଗିଡେସି □

୨୦ ସାମା ଏଞ୍ଜାରି ହାଜାନା ବାରେଖାକି  
କାବୁ ଖେସ୍ତେରି, ଇଞ୍ଜା ପ୍ରବୁ ଜୀସୁ  
ଏଞ୍ଜାରିତଲେ କାମା କିହାନା ତାନି ବାରେ  
ସିନାୟାଁ ତଲେ ଏଞ୍ଜାରି ଖେକ୍‌ହାମାନାଣି  
ସାତା ଇଞ୍ଜା ତସ୍ତେସି □

† ୧୭:୧୭ ୧୭:୧୭ ମୁଞ୍ଜନାୟି \* ୧୭:୧୯ ୧୭:୧୯ କାମା ୧:୯-୧୧

# ଲୁକ ଲିଖିତ ସୁସମାଚାର ଲୁକ ରାଚାମାନି ନେହଁ କାରୁ ମୂଲୁ ହାଡ଼ା

ଲୁକ ରାଚାମାନି ନେହଁ କାରୁତା ଜୀସୁ କ୍ରୀସ୍ତ ଜୀଞ୍ଜୁତି କାତା ରାସ୍ତକି ଆହାମାନେ □ ପୁଃନି ମୋରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ରଣ୍ଡି “ନେହଁ କାରୁ” ଇନେରି □ ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ଲୁକ ଜୀସୁ ମାହାପୁରୁଝାଣି ଏନାଆଁ ଗଟ଼ି ଆହାମାନେ ଅଡ଼େ ଜୀସୁ ହାହାନା ଝେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀୟୁୟା ଏନିକଁ କାମା କିତେରି ଏ ବାରେ ରାଚାମାନେସି □ ଏ ପତିଇଁ “ପାଣ୍ଡୁ଼ି ଆହାମାନାରି କାମା” ଇଞ୍ଜା ଇନେରି □ ଇ ପତି ଏଡ଼େତା ରାସ୍ତକି ଆହାମାନେ, ଅଡ଼େ ଆମିନି ଗାୟୁତା ରାସ୍ତକି ଆହାମାନେ, ଏ କାତା ଆମ୍ବାଆସି ନେହଁ କାରୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍ତକି ଆହାମାନେ □

ଇ ପତିତା ଜୀସୁ ଇସାୟେଲତି ଗେଲପିନାସି ଅଡ଼େ ବାରେ କୃତାତି ଲକୁଣି ଗେଲପିନାସି ଇଞ୍ଜା ଲୁକ ତାନି ନେହଁ କାରୁତା ରାଚାନା ତସାମାନେସି □ ହିଲାଆ ଗାଟାରି ତାଣା ନେହଁ କାରୁ ଝେକହାଲି, ମାହାପୁରୁତି ସୁଦୁଜୀଞ୍ଜୁ ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକଁ ହାଡ଼େକା ଦେବା ଦୁକୁ କସ୍ତୁ ଗାଟାରାଇଁ ଅଡ଼େ ହିଲାଆଗାଟାରାଇଁ ସାୟେମି କିହାମାଚେସି ଲୁକ ରାଚାମାନେସି □

ଜୀସୁ ଜାର୍ନାଆଡ଼ି ବେଲାତା ଦୃତୁୟା ପାରୁ ପାଡ଼ିନାୟି ଅଡ଼େ ମୋଣ୍ଡା ଗଡ଼କା ଜୀସୁଇଁ ବେତି ହାନାୟି, ଜୀସୁ ବାର

ବାର୍ସା ଆହାମାଚାଟି ମାହାପୁରୁ ଇଲୁତା ହାନାୟି, ଇଞ୍ଜା ନେହଁ ସମିରଣି ଅଡ଼େ ଜାଜିତି ମୀରଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାରୁ ରାଚାମାନାରି ବିତ୍ରା ଲୁକ ନେହଁ କାରୁ ରାଚାନା ତସାମାନେସି □ ଅଡ଼େ ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାଡ଼େକା ରାଚାନା ତସାମାନେସି ୩:୨୧; ୬:୧୨; ୬:୧୨; ୧୧:୧-୧୨ □ ସୁଦୁଜୀଞ୍ଜୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମ୍ଲୋକ୍ନି କାତା ଇ ବାରେ କାତା ଲୁକ ହାଡ଼େଏ ନେହଁ କାରୁ ରାଚାନା ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ □

## ପତିତା ମାନାୟି

- ୧ ଲୁକ ଝେକ୍ନାୟି ଅଡ଼େ ଏନାଆଁତାକି ରାଚାମାନାଣି ଝେହ୍ନାୟି □ ୧:୧-୪
- ୨ ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଟ୍ନାୟି □ ୧:୫-୪:୧୩
- ୩ ଜୀସୁ କ୍ରୀସ୍ତ କାବାଆନି କାମାୟା ଅଡ଼େ ଜାପ୍ନାୟି □ ୪:୧୪-୨୧:୩୮
- ୪ ଜୀସୁ କ୍ରୀସ୍ତ ହାନାୟି, ମାହାଣିଣା ମୁହ୍ନାୟି ଅଡ଼େ ଝେଣ୍ଡେ ନିଜିନାୟି □ ୨୨:୧-୨୪

## ମାଟ୍ନି କାତା

- ୧ ମୂଲୁଟିଏ ଆମ୍ବାଆରି ତୀରେ ମୋସ୍ତାରି ଇଞ୍ଜା ବଲୁ ଝେକ୍ନାରି, ଏଞ୍ଜାରି ମାଜେ ହେର୍ପା ମାଞ୍ଜାନି ଲେହେଁ,
- ୨ ମା. ବିତ୍ରା ଆହାମାନି କାମା ବାରେ ହାଡ଼େକା ନେହଁ କାରୁ ରାଚାଲି ଜାଗ୍ରାତା ଆହାମାନେରି □
- ୩ ଜୀଞ୍ଜୁତି ତିୟପିଲ, ମୂଲୁଟିଏ ବାରେ କାତା ନେହଁ କାରୁ ସିନିକିହାନା ଏମ୍ବାଆଁ ଏନାୟି ମାନେ ଏଦାଆଁ ନିଜେତାକି ରାଚାଲି ନାନୁ ଜିକେଏ ନେହେଁ ଇଞ୍ଜା ଅଣ୍ଡପିତେଏଁ □

୪ ଏନିକ୍ ନାନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜି ପୁଞ୍ଜାଲି ଆଡ଼ିଦି □

ବାପ୍ତିସ୍ମା\* ହାନି ଜହନତି ଜାନୀତି କାବୁ

୫ ଜାହୁଦା ଦେସାତି ରାଜା ହେରଦ ବେଲ୍ଲାତା ଅବିୟ କୁଡ଼ାତି ଜିକରିୟ ଦରୁଗାଟି ର ପୂଜେରା ମାଚେସି; ତାନି ତକ୍ତି ହାରଣ କୁଡ଼ାତି ମାଜ୍ଜା, ଏଦାନି ଦରୁ ଏଲିସାବେତ □

୬ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ ହିଲ୍ଲାଆଗାଟାଇ ଆହାନା ମାହାପୁରୁ ନକିତା ଦାମ୍ବୁ ଗାଟାଇ ମାରୁ □

୭ ସାମା ଏଝାରାକି କକାରି ପଦାୟା ହିଲ୍ଲାଆଡୁ, ଇଚିହ୍ ନା ଏଲିସାବେତ ବାଢ଼େଣି ମାଚେ, ଅଡେ ତକ୍ତି ତକ୍ତା ରିଆରି ଜିକେଏ ଗାଡି ବୁଡ଼ହି ବୁଡ଼ହା ଆହାମାଚେରି □

୮ ର ଦିନା ଜିକରିୟ ତାନି ଗଚିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲ୍ଲାତା,

୯ ପୂଜେରା କାମାତି ମେରା ତଲେ ଆର୍ଡ଼ି ଆହାନା ଏଝାଣାକି ମାହାପୁରୁ ଇଲୁତା ହଡାନା ଦୁପ୍ପଣି ହାହାଲି ଆଡେ,

୧୦ ଇଞ୍ଜା ଦୁପ୍ପଣି ହାନି ବେଲ୍ଲାତା ବାରେ ଲକୁ ପାଜ୍ଜାତା ପ୍ରାଡାନା କିହିମାଚେରି □

୧୧ ଏଚିବେଲ୍ଲା ମାହାପୁରୁତି ର ଦୁଡୁ ଦୁପ୍ପଣି ପିଣ୍ଡା ଚିଠିନିଝାକି ନିତାନା ଏଝାଣାଇ ତଞ୍ଜାଆଡେ □

୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି □

୧୩ ସାମା ଦୁଡୁ ଏଝାଣାଇ ଏଲେଇଚେ, “ଜିକରିୟ, ଆଜାଆନି, ଇଚିହ୍ ମା ଗହାରା ଝେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଜେତାକି ର କକାଣାଇ ଜାନ କିନେ, ଇଞ୍ଜା ଏଝାଣି ଦରୁ ଜହନ ଇଞ୍ଜି ହୀଦେରି □

୧୪ ଇଚିହ୍ ଏଝାସି ମା ରାହାତି ରାହା ଆନେସି, ଇଞ୍ଜା ହାରେକା ଏଝାଣି ଜାନୀତା ରାହା କିନେରି □

୧୫ ଇଞ୍ଜା ଏଝାସି ମାହାପୁରୁ ନକିତା କାଜାସି ଆନେସି; ଏଝାସି ଅଜ୍ଜୁରି ରାସା କି କାଡୁ ଏଚେଲ୍ଲାଝା ଗହଅସି, ଇଞ୍ଜା ତାଲିନି ବାଣ୍ଡିଟିଏ ସୁଦୁଜୀଝୁତା ବେଟାଆନେସି,

୧୬ ଏଝାସି ଇସାୟେଲ ମୀରକା ବିତ୍ରାଟି ହାରେକା ଲକୁଇଁ ମାହାପୁରୁ ଝାକି ଝେଡ଼ହା ତାନେସି □

୧୭ ତାଞ୍ଜିୟା ହିୟା ମୀରକା ଝାକି ଇଞ୍ଜା କାତା ମାନଝି ଆଆଗାଟାରାଇଁ ତୀରିଗାଟି ବୁଦିତା ତାକାଲି ଝେଡ଼ହା ତାଚାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପ୍ତିସ୍ମା ହାନି ଜହନ ଏଲିୟତି ଜୀଝୁ ଅଡେ ବାଡ଼ୟୁ ତଲେ ପ୍ରବୁତି ନକିତା ତାକିନେସି □”

୧୮ ଏଚେଟିଏ ଜିକରିୟ ଦୁଡୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହ୍ ନାନୁ ବୁଡ଼ହାଚେସି, ଇଞ୍ଜା ନା ତକ୍ତିନି ବାସା ଗାଡି ଆଡେତିଏ □”

୧୯ ଦୁଡୁ ଏଝାଣାଇ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ତିୟନାଚେସି, ଇଞ୍ଜା ନିଜେ ଝେସାଲି ଅଡେ ଇ ନେହ୍ କାଡୁ ପୁଣ୍ଡି କିହାଲି ନାନୁ ପାଣ୍ଡି ଆହାମାଇ □

୨୦ ମେହ୍ମୁ ଇ ବାରେ ଆଆପାଚେକା ନାନୁ ବେବଡ଼ା ଆହାନା ତିୟଦି, ଇଚିହ୍ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି □”

୨୧ ଏମ୍ବାଟିଏ ଲକୁ ଜିକରିୟଇଁ କାଡ଼ିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡାକି କାବା ଆହିମାଚେରି □

୨୨ ସାମା ଏଝାସି ପାଜ୍ଜାତା ଝାହାନା ଏଝାରାଇଁ କାତା ଆହାଲି ଆଡାଆଚେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜି ଏଝାରି

\* ୧:୪ ୧:୫ ମୁଞ୍ଜନାୟି † ୧:୧୭ ୧:୧୭ ମୁଞ୍ଜନାୟି

ପୁରେରି, ଇଞ୍ଜା ଏଝାସି ଏଝାରାଇଁ କେନ୍ଦୁ ହୁଟିହିଁ ତସାଲି ମାଟ୍‌ହେସି ଇଞ୍ଜା ବେବଡ଼ା ଆହାନା ଡ଼ୟିତେସି □

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାମି ଇଜ ହାଚେସି □

୨୪ ଏଚରଦିନା ହାଚି ତାୟୁ ତାନି ତକ୍ତି ଏଲିସାବେତ ପୁରାମାସା ଆଚେ ଅଡେ ଏଡ଼ି ପାସା ଲେଞ୍ଜୁ ପାତେକା ଲକୁଣି ତଞ୍ଜା ଆଆତେ □

୨୫ ଏଡ଼ି ଏଲେଇଚେ, “ନୀର୍ବ ନାଙ୍ଗେ ପ୍ରବୁ କାର୍ମାମେସାନା ଲକୁ ନାଙ୍ଗେ ଲାଜା କିହିମାଞ୍ଜାତାଣି ପିସପି କିହାଲି ନାଙ୍ଗେ ଇଲେକିଁ କିହାମାଞ୍ଜାନେସି □”

ଜୀସୁ ଜାନାତି କାରୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣାଟି ଗାଲିଲିତି ନାଜରିତ ଗାଡ଼ାତି ର ଡ଼ାଆ ପଦାନି ତାଣା ପାଣ୍ଡୁଆଚେ;

୨୭ ଏ ଡ଼ାଆ ପଦାନି ଦାଝୁଦ କୃତାତି ଜସେପ ଇନାଣାକି ରାସା ମାଚେରି; ଏ ଡ଼ାଆ ପଦା ଦରୁ ମରିୟମ □

୨୮ ଦୁତୁ ପଦା ତାଣା ଝାହାନା ଏଲେଇଚେ, “ଆଲ ମାହାପୁରୁତି କାର୍ମା ମେହନାତି ନିଙ୍ଗେ ହିଡ଼ଡ଼ି ଆୟାପେ □”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି ଏଡ଼ିଲେହେଁତି କାତା ଇଞ୍ଜା ଆଜାନା ମନତା ଅଣ୍ପିତେ □

୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଙ୍ଗେ ମାହାପୁରୁ କାର୍ମା ମେସାମାଞ୍ଜାନେସି □

୩୧ ନୀନୁ ପୁରାମାସା ଆହାନା ର ମୀରଏଶାଇ ବେଟାଆଡ଼ି ଏଝାଣି ଦରୁ ଜୀସୁ ଇଞ୍ଜା ଇଟିଦେରି □

୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ ମୀରଏସି ଇଞ୍ଜା ଝେଙ୍ଗିନେସି; ପ୍ରବୁ ମାହାପୁରୁ ଏଝାଶାକି ତାମି ଆକୁ ଦାଝୁଦତି ସିଂଗାସାଣି ହାନେସି,

୩୩ ଏଝାସି ଜାକୁବ କୃତାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ □”

୩୪ ସାମା ମରିୟମ ଦୁତୁଇଁ ଏଲେଇଚେ, “ଇଦି ଏନିକିଁ ଆନେ ? ନୀନୁ ତକ୍ରାଇଁ ଜିକେଏ ପୁଞ୍ଜାହିଲଅଁ □”

୩୫ ଦୁତୁ ଏଲେଇଚେ, “ସୁଦୁଜୀଝୁ ନୀ ଲାକ ରେତାଝାନେ ଅଡେ ମାହାପୁରୁତି ବାଡ଼ୟୁ ଝାନେ, ଏଦାଆଁତାକି ନୀ ତାଣାଟି ଜାର୍ନା ଆନେସି, ଏଝାସି ମାହାପୁରୁତି ମୀରଏସି ଇଞ୍ଜାଁ ଝେଙ୍ଗିନେସି □

୩୬ ଅଡେ ମେହମୁ ନୀ କୃତାତି ଏଲିସାବେତ ଜିକେଏ ବୁଡ଼ହି ବେଲାତା ପୁରାମାସା ଆହାମାନେ □ ଆମିନି ଇୟା ବାଞ୍ଜେଣି ଇଞ୍ଜାଁ ଝେଙ୍ଗାମାନେ, ଏଡ଼ି ନୀର୍ବ ସ ଲେଞ୍ଜୁ ଆହାମାନେ;

୩୭ ଇଟିହିଁ ମାହାପୁରୁତି ବଲୁ ବାଡ଼ୟୁ ହିଲାଆଗାଟାୟି ଆଏ □”

୩୮ ଏମ୍ବାଟିଏ ମରିୟମ ଏଲେଇଚେ, “ନୀନୁତ ପ୍ରବୁତି ହଲେଣିଚେଏଁ; ନୀ କାତେଏ ନାଙ୍ଗେତାକି ଆୟାପେ □” ଏମ୍ବାଟିଏ ଦୁତୁ ଏଦାନି ତାଣାଟିଏ ହାଚେ □

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଙ୍ଗାନା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ,

୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିତେ □

୪୧ ଅଡେ ଏଲିସାବେତ ମରିୟମନି ଜହରା ଝେଣ୍ଡମ୍‌ନିଏ ତାନି ବାଣ୍ଡିତି ମୀଲା ଝାଡ଼ିତେ, ଇଞ୍ଜା ଏଲିସାବେତ ସୁଦୁଜୀଝୁଟି,

୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନୀନୁ ହାଚେକା ନେହାଁତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି □

୪୩ ଅଡେ ନା ପ୍ରବୁତି ଇୟା ନା ତାଣା ଝାନେ ଇ କାର୍ମା ନାଙ୍ଗେ ଏମ୍ବିଟି ଝାଚେ ?

☆ ୧:୨୭ ୧:୨୭ ମାତି ୧:୧୮ ☆ ୧:୩୧ ୧:୩୧ ମାତି ୧:୨୧

୪୪ ଇଚିହଁ ନୀ ଜହରା ହାଡ଼ା ନା  
କିୟଁ ୍ୁଖେଣ୍ଠନିଏ ନା ବାଣ୍ଡିତି ମୀଲ୍ଲା  
ରାହଁଟି ଖାତିତେ

୪୫ ଆମିନି ଗାଗାୟି ନୁମିତେ  
ଏଦାନାକି ନେହେଁ, ଇଚିହଁ ପ୍ରବୁ  
ତାଣାଟି ଏଦାନାକି ଏନାଆଁ ୍ୁଖେସ୍ପି  
ଆହାମାନେ ଏ ବାରେ ପୂରା ଆନେ []”

ମରିୟମତି ଜହରା ପାରୁ

୪୬ ଏତେଟିଏ ମରିୟମ ଏଲେଇଚେ,  
“ନା ଜୀଝୁ ପ୍ରବୁତି ଜହରା କିହିମାନେ;

୪୭ ଅଡ଼େ ନା ଜୀଝୁ ନାଙ୍ଗେ  
ଗେଲ୍ପାଦି ମାହାପୂରୁ ତାଣା  
ରାହଁ ଆହିମାନେ,

୪୮ ଇଚିହଁ ଏଝାସି ତାନି  
ହଲେଣିନି କାର୍ମା କାକୁଲି  
ମେସାମାନେସି []

ଏନିଇଚିହଁ ନୀଞ୍ଜୁଟିଏ ବାରେ ଲକୁ  
ନାଙ୍ଗେ ନେହାୟି ଇଞ୍ଜି  
ଜଲ୍ଲାନେରି,

୪୯ ଇଚିହଁ ଆମ୍ବାଆସି  
ବାରେକିହଁ ବାଡ଼ମୁଗାଟି  
ମାହାପୂରୁ ଏଝାସି ନା ତାକି  
କାଜା କାମା କିହାମାନେସି,

ଏଝାଣି ଦରୁ ସୁବୁ;

୫୦ ଇଞ୍ଜା ତାଙ୍ଗେ ଆଜିନାରାକି  
ପାରୁ ପାରୁ ତାକି ତାନି  
କାର୍ମାମେହନାୟି ଡ଼ୟିନେ []

୫୧ ଏଝାସି ତାନି ବାଡ଼ମୁଗାଟି କେୟୁଟି  
କାଜା କାମା କିହାମାନେସି,  
ତାହାରା ଗାଟାରାକ୍ ଏଝାରି  
ହିୟାତି ଅଣ୍ପୁତା ମାନାଣି ଗୁଟି  
କିହାମାନେସି;

୫୨ ଏଝାସି ସାଲ୍ଝି କିନାରାକ୍ ତାନି ରାଜା  
ଗାଦି ପିସ୍ପି କିହାମାନେସି,  
କାକୁଲି ଗାଟାରାକ୍ ନିକ୍‌ହାମାନେସି,

୫୩ ଏଝାସି ହାକି ଗାଟାରାକ୍ ନେହଁ  
ଆସ୍ତି ହାହାନା ପାଞ୍ଜି  
କିହାମାନେସି,  
ଇଞ୍ଜା ଦନ ଗାଟାରାକ୍ ଖାରକ୍  
କେୟୁଟି ପାଣ୍ଡାମାନେସି []

୫୪ କାଲ୍ଲକାଲ୍ଲା ତାକି ଅଣ୍ପାପାଲି ତାନି  
ହଲେଏସି ଇସ୍ତାୟେଲତି କାର୍ମା  
ଆହାମାନେସି []

୫୫ କାଲ୍ଲକାଲ୍ଲା ତାକି ଅଗ୍ରାହାମ ଅଡ଼େ  
ତାନି ବାରେ କୃଡ଼ାତାରାକ୍  
କାର୍ମାମେହନାଣି ବାଣା  
ଆହାହିଲଅସି []”

୫୬ ଅଡ଼େ ମରିୟମ ତାନି ଲେଞ୍ଜୁ  
ଏଲିସାବେତ ତଲେ ଡ଼ୟାନା ତାନି ଇଜ  
ଝାଡ଼େ []

ବାପ୍ପିସ୍ତାଁ ହୀନି ଜହନତି ଜାର୍ନା

୫୭ ତାୟୁ ଏଲିସାବେତ ପୂରାମାୟା  
ଏଜାଲିଏ ର କକାସି ଜାର୍ନା ଆଡ଼େସି,

୫୮ ଅଡ଼େ ମାହାପୂରୁ ଏଦାନି ହାଡ଼େକା  
କାର୍ମା ମେସାମାନାଣି ୍ୁଖେଞ୍ଜାନା ତାନି  
କୃଡ଼ାତାରି ଇଞ୍ଜା ଅଡ଼େ ଆଡ଼ହିତାରି  
ଏଦାନିତଲେ ହାଡ଼େକା ରାହଁ କିତେରି []

୫୯ କକାସି ଖାଡ଼େକା ଆହାଲିଏ,  
ଏଝାରି ତଲୁ ଦାଡ଼ାଲି ଖାହାନା ତାନି  
ଆବା ଦରୁଲେହେଁ ତାନି ଦରୁ ଜିକରିୟ  
ଇଟାଲି ମନ କିତେରି []

୬୦ ସାମା ତାନି ଇୟା ଏଲେଇଚେ,  
“ଆଏ! ଏଝାଣି ଦରୁ ଜହନ ଆନେ []”

୬୧ ଏଝାରି ଏଲେଇଚେରି, “ମୀ  
କୃଡ଼ାତା ଆମ୍ବାଆରାକି ଏଲେତି ଦରୁ  
ହିଲେଏ!”

୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାକ୍  
କେୟୁ ହୁଟାନା କକାଣାକ୍ ଏନି ଦରୁ  
ଇଟିନାୟି ଇଞ୍ଜି ୍ୁଖେଚେରି []

୬୩ ଜିକରିୟ ର ରାଟିନି ପାଟା  
ରୀସାନା ଏଝାଣି ଦରୁ ଜହନ  
ଇଞ୍ଜି ରାଟିତେସି, ଏଦାଆଁ ମେସାନା  
ବାରେଜାଣା କାବା ଆଡ଼େରି []

୬୪ ଅଡ଼େ ଏ ଦେବୁଣିଏ ଏଝାଣି ଗୁତି  
ଅଡ଼େ ୍ୁଖେନ୍ଦରି ପିସ୍ପି ଆଡ଼େ ଅଡ଼େ  
ଏଝାସି ଜଲିହଁ ମାହାପୂରୁତି ଜହରା  
କିତେସି []

୬୫ ଏମ୍ବାଟିଏ ତାନି ଲକୁ ବାରେ  
ଆଜାହାଚେରି, ଅଡ଼େ ଇ କାତା ଜୀହୁଦା  
ଦେସାତି ହରକା ରାକିତା ବାରେଝାକି  
ଝେଜିତେ,

‡ ୧:୫୨ ୧:୫୭ ମୁଞ୍ଜିନାୟି

୨୭ ଇଞ୍ଜା ଝେନି ବାରେ ଲକୁ ଏ କାତା ତାମି ମନତା ଇଚାନା ଏଲେଇଚେରି, “ଆତିହ୍ ଇ କକାସି ଏନିଲେହେତସି ଆନେସି ?” ଏନିଇଚିହ୍ ପ୍ରବୁ ଇଝାଣି ତଲେ ମାନେସି ଇଞ୍ଜ ପୁଚେରି □

ଜିକରିୟତି ତାୟୁ ଆନି କାତା ଝେକନାୟି

୨୮ ଅଡେ ଜିକରିୟ ସୁଦୁଜାଝୁ ତଲେ ଇ ତାୟୁ ଆନି କାତା ଏଲେଇଚେସି,

୨୮ ଇସ୍ରାୟେଲତି ମାହାପୁରୁ ଜହରା □

ଏନିଇଚିହ୍ ଏଝାସି ତାନି ଲକୁଣି କାର୍ମାମେସାନା ଗେଲ୍ପି କିହାମାନେସି;

୨୯ ଏଝାସି ତାନି ହଲେଏସି ଦାଝୁଦ କୁଡାଟି ମା ତାକି ର ଗେଲ୍ପିନାଶାଇଁ ହାହାମାଞ୍ଜାନେସି □

୩୦ ତଲି କାଲ୍ଲାଟିଏ ତାନି ନେହ୍ ମାହାପୁରୁ ଅଶ୍ପୁତି ବଲୁ ଝେହ୍ନାରି ଗୁତି ତଲେ ଏନିକ୍ ଜଲ୍ଲା ମାଚେରି,

୩୧ ଏଲେକିହ୍ ଏ ମାଙ୍ଗେ ମା ସାତୁୟାଁ ତାଶାଟି ଅଡେ ମାଙ୍ଗେ ଅପାଆଗାଟାରି ତାଶାଟି ଗେଲ୍ପି କିହାମାଞ୍ଜାନେସି,

୩୨ ଏଝାସି ଏଲେ ଇଞ୍ଜାମାନେସି, ଏଝାସି ମା ଆକୁୟାଁଣି କାର୍ମା ମେସାମାଇଁ ଅଡେ ତାନି ସୁଦୁଗାଟି ରାଜିମାନାତି ଅଶ୍ପିନେସି □

୩୩ ମା ଆବା ଅବ୍ରାହାମ ତାଶା ଏନିମି ପାରମାଶା କିହାଁ ଆଞ୍ଜାମାନାଣି ଅଶ୍ପାନା ପୁରା କିହାମାନେସି,

୩୪ ଅଡେ ମା ସାତୁୟାଁ ତାଶାଟି ଗେଲ୍ପି ଆହାନା, ଆଜାଆନା କାଲେଏ ତାଙ୍ଗେ ସେବା କିହାଲି ଆଡିନାୟି,

୩୫ ତାନି ନକିତା ମାର ନୀତାମାନି ପାତେକା ସୁଦୁ ଅଡେ ଦାମ୍ବୁ ଗାଟାତାୟି ଆହାନା ଡୟିନାୟି □

୩୬ ଏ ନା ମାରଏଶାଟି ନୀନୁ ବାରେତି କିହାଁ ବାଡ଼ୁଗାଟି ମାହାପୁରୁ

ଅଶ୍ପୁତି ବଲୁ ଝେହ୍ନାତି ଇଞ୍ଜ ଝେଜିଦି;

୩୭ ପାପୁ ମ୍ଲେପକି ଆହାନା ଏଝାରି ଗେଲ୍ପି ଆନାଣି ବେଟାଆନେରି, ଏ କାତା ପୁଶ୍ପି କିହାଲି ତାକି ତାନି ଲକୁତାଶା ହାଜି □

୩୮ ଇଞ୍ଜା ମାଙ୍ଗେ ହିଡ଼ି ଜିରୁତା ତାତାଲି ମା ମାହାପୁରୁତି ଜୀଝୁନନି କାର୍ମାତଲେ ଲାକପୁରୁତି ମାଙ୍ଗେତାକି ଝେଡ଼ା ହଡ଼ିମାନି ଲେହେଁ ଆନେ,

୩୯ ଆମ୍ବାଆରି ହାନିଲେହେଁତି ତାଶା ବାସା କିନେରି, ହିଡ଼ି ଜିରୁତା ଅହାଲି ତାକି ଏଝାସି ବାରେତି ଲାକ ଲାକପୁରୁତି ଉଜେଡ଼ି ହାନେସି □

୪୦ ଇଞ୍ଜା ଏ କକାସି ଆଜ୍ଞାତା ଜୀଝୁତା ପାତାଆହାନା ଇସ୍ରାୟେଲ ଲକୁତାଶା ଝେଙ୍ଗାଆ ପାତେକା ଲକୁ ହିଲାଆ ଚାୟୁତା ଡୟିତେସି □

୨

ଜୀସୁତି ଜାର୍ନା  
(ମାତି ୧:୧୮-୨୫)

୧ ଏଚିବେଲାତା ରମ୍ ଦେସାତି ବାରେ ଲକୁ ଦରୁ ରାଡ଼ି କିହାଲି କାୟିସର ଅଗସ୍ତସ୍ ତାଶାଟି ହୁକୁମି ଆଡେ □

୨ ସିରିୟାତି ସାଲ୍ଝି କିନାସି କୁରିଣିୟ ବେଲାତା ତଲି ମୁଲୁ ଦରୁ ରାସ୍ପକି ଆହାମାଚେ □

୩ ଏଦାଆଁତାକି ବାରେଜାଶା ଦରୁ ରାଡ଼ି କିହାଲି ନାୟୁଟିଏ ଜାହାରା ଗାଡ଼ାତା ହାଚେରି □

୪ ଜସେପ ଜିକେଏ ଦରୁ ରାଡ଼ି କିହାଲି ମରିୟମନି ତଲେ ଗାଲିଲିତି ନାଜରିତ ଗାଡ଼ାଟି ଜୀହୁଦା ରାଜିତି ବେତଲିହିମ ଇନି ଦାଝୁଦ ଗାଡ଼ାତା ହାଚେସି, ଇଚିହ୍ ଏଝାସି ଦାଝୁଦ କୁଡ଼ା ଇଞ୍ଜାହାଁ ଏ ଗଚିତାସି ମାଚେସି;

୫ ଏଝାସି ଦରୁ ରାଡ଼ି କିୟାଲି ମରିୟମନି ତଲେ ହାଚେସି, ଏଡ଼ି ଏଝାଶାକି ବାହା ଆହାଲି ରାସ୍ପି



ଆହାମାତେ ଅଡ଼େ ଏଦି ପୁରାମାସା  
ଆହାମାତେ □

୯ ଅଡ଼େ ଏ ଲକୁ ବେତଲିହିମତା  
ମାନିବେଲା, ଏଦାନାକି ଜାନକିନି  
କାରୁ ଏଗାଝାଡ଼େ,

୧୦ ଇଞ୍ଜା ଏଦି ତାନି ପାଣ୍ଡା  
ମୀରଏଣାଇଁ ଜାନକିତେ ଇଞ୍ଜା ହିମ୍ବରି  
ପୁକ୍‌ହାନା କଡ଼ିୟା ଗହନି ତଂଗତା  
ତ୍ରିପ୍‌ହେ, ଇଚିହ୍ ଏ ଲକୁତାକି  
ବାସାଟାୟୁ ହିଲାଆତେ □

ମେଣ୍ଡା ଗଡ଼କା ଅଡ଼େ ଦୁତୁୟା

୧୧ ଏ ଦାରିମାରି ନାୟକାଣା ମେଣ୍ଡା  
ଗଡ଼କା ଲାଆୟା ପାଙ୍ଗାତା ଡ଼ୟାନା  
ମେଣ୍ଡାୟା କାଡ଼ିମାତେରି □

୧୨ ପ୍ରବୁତି ର ଦୁତୁ ଏଝାରିତାଣା  
ଝାଡ଼େ ଇଞ୍ଜା ପ୍ରବୁତି ଗାଝୁରମିତି ଉଜେଡ଼ି  
ଏଝାରି ସାରିଝାକି ତଞ୍ଜାଆଡ଼େ, ଅଡ଼େ  
ଏଝାରି ହାଡ଼େକା ଆଜିତେରି □

୧୩ ଏମ୍ବାଟିଏ ଦୁତୁ ଏଝାରାଇଁ  
ଏଲେଇତେ, “ମୀରୁ ଆଜାଆଦୁ! ନାନୁ  
ମୀ ବାରେ ଲକୁତାକି ହାଡ଼େକା ରାହାତି  
କାରୁ ମିଙ୍ଗେ ଝେସିମାଞ୍ଜାଇଁ,

୧୪ ଇଚିହ୍ ନୀଞ୍ଜୁ ଦାଝୁଦ  
ଗାଡ଼ାତା ମିଙ୍ଗେ ଗେଲ୍‌ପାନାସି ଜାର୍ନା  
ଆହାମାନେସି, ଏଝାସି କ୍ରୀସ୍ ପ୍ରବୁ □

୧୫ ଅଡ଼େ ଇଦି ମିଙ୍ଗେତାକି  
ସିନାଲେହେ ଆନେ, ମୀରୁ ର କକାଣାଇଁ  
ହିମ୍ବରି ପୁକ୍‌ହାନା କଡ଼ିୟା ଗହନି ତଂଗତା  
ତୁରାମାନାଣି ମେହ୍‌ଦେରି □”

୧୬ ଦେବୁଣିଏ ଏ ଦୁତୁ ତଲେ  
ଲାକପୁରୁତି ହାଡ଼େକା ଦୁତୁୟା ଝାହାନା  
ମାହାପୁରୁଇଁ ଜହରା ପାରୁ ପାଡ଼ିତୁ,

୧୭ “ଲାକପୁରୁ ମାହାପୁରୁତି  
ଗାଝୁରମି, ଅଡ଼େ ଦାରୁତିତା ଏଝାଣି  
ରାହା ଇଞ୍ଜା ମାଣ୍ଡିୟା ବିତ୍ରା ହିଡ଼ଡ଼ି □”

୧୮ ଦୁତୁୟା ଏମ୍ବାଟି ଲାକପୁରୁ  
ହାଜାଲିଏ ମେଣ୍ଡା ଗଡ଼କା ତାମ୍ବୁ ତାମ୍ବୁ  
କାତା ଆଡ଼େରି, “ମୀର ବେତଲିହିମ  
ପାତେକା ହାଜାନା ପ୍ରବୁ ମାଙ୍ଗେ ଆମିନି

କାତା ଝେସାମାଞ୍ଜାନେସି ଏଦାଆଁ ସିନି  
କିକାନ □”

୧୯ ଏମ୍ବାଟିଏ ତବେ ହାଜାନା ପାରାନା  
ମରିୟମ ଅଡ଼େ ଜସେପ ଇଞ୍ଜା କଡ଼ିୟା  
ଗହନି ତଂଗତା ପୁଞ୍ଜି ଜାର୍ନାଆଡ଼ି  
କକାଣାଇଁ ତୁରାମାନାଣି ମେସ୍ତେରି □

୨୦ ଏଝାରି ଇ ବାରେ ମେସାନା  
ଏ କକାଣି କାତା ଏନାଆଁ ଇଣ୍ଡି  
ଆହାମାତେ ଏଦାଆଁ ଝେକ୍‌ହେରି □

୨୧ ଅଡ଼େ ଏଚେକା ଲକୁ ମେଣ୍ଡା  
ଗଡ଼କା ତାଣାଟି ଏ ବାରେ କାତା  
ଝେଚେରି, ଏଝାରି ବାରେ ଏ କାତାତାକି  
କାବା ଆଡ଼େରି □

୨୨ ସାମା ମରିୟମ ଇ ବାରେ କାତା  
ହିୟାତା ଇଗାନା ହାଡ଼େକା ଅଣ୍ଡାଲି  
ମାଡ଼ହେ □

୨୩ ଅଡ଼େ ମେଣ୍ଡା ଗଡ଼କାକି ଏନିକ୍  
ଝେସ୍‌ପି ଆହାମାତେ, ଏଲେକିହ୍ ଏ  
ଏଝାରି ଏନା ଏନାଆଁ ଝେଚେରି ଇଞ୍ଜା  
ମେସ୍ତେରି ଏ ବାରେତାକି ମାହାପୁରୁତି  
ଗାଝୁରମି ଅଡ଼େ ଜହରା କିହ୍ ଝେଣ୍ଡା  
ହାତେରି □

ଜୀସୁଇଁ ଦରୁ ଇଚିନାୟି

୨୪ ଏଝାଣାକି ଆଟାଦିନା ଆଡ଼େ  
ଅଡ଼େ ତଲୁ ଦାଞ୍ଜି ଦିନା ଝାଡ଼େ ଇଞ୍ଜା  
ଏଝାଣି ଦରୁ ଜୀସୁ ଇଞ୍ଜା ଇଚିତେରି;  
ଇ ଦରୁ ତାନି ପୁରାମାସା ଆନି ନକେଏ  
ଦୁତୁ ତାଣାଟି ଝେସ୍‌ପି ଆହାମାତେ □

ମାହାପୁରୁ ଇଲୁତା ଜୀସୁ

୨୫ ଅଡ଼େ ଏଡ଼େତା ମସାତି ମେରା  
ତଲେ ଏଝାରି ଅଡ଼ହା କଡ଼ିନି ଦିନା  
ଏଗାଝାଡ଼େ, ଏଚେଟିଏ ଜସେପ ଅଡ଼େ  
ମରିୟମ ଜୀସୁଇଁ ମାହାପୁରୁ ନକିତା  
ଜିରୁସାଲମତା ଅହ୍ ହାତେରି □

୨୬ ଏନିକ୍ ମାହାପୁରୁତି ସାସ୍ତେରିତା  
ରାସ୍‌କି ଆହାମାନେ, “ବାରେ ପାଣ୍ଡା  
ମୀରକା ପ୍ରବୁ ତାକି ସୁଦୁଗାଟାରି ଇଞ୍ଜା  
ଝେଜିନେରି □”

୨୭ ଅଡ଼େ ମେରାତା ରାସ୍‌କି ଆହାମାନି  
ଇ ମେରା ତଲେ ରୀ କୁଗୁରି ପଟାୟା  
ଆଆତ ରୀ ପାଝା ପଟାୟା

ମାହାପୁରୁ ନକିତା ପୂଜା କିହାଲି  
ଏଞ୍ଜାଣାଇ ଜିରୁସାଲମତା ଅଡେରି □

୨୫ ଏରିବେଲା ଜିରୁସାଲମତା  
ସିମିୟନ ଦରୁଗାଟି ର ମାଣ୍ଡସି  
ମାରେସି; ଏଞ୍ଜାସି ର ଦାମ୍ବୁଗାଗସି ଅଡେ  
ମାହାପୁରୁଇ ଆଜିନାସି ମାରେସି, ଅଡେ  
ଇସ୍ରାୟେଲ ଲକୁ ବାସୁଁ ବେଟାଆନାଣି  
କାଡ଼ିମାରେସି, ଇଞ୍ଜା ସୁଦୁଜୀଞ୍ଜୁ ଏଞ୍ଜାଣି  
ତାଣା ମାରେ □

୨୬ ମାହାପୁରୁ ପାଣ୍ଡାନି କ୍ରୀସୁଇଁ  
ମେହୁଆ ପାତେକା ଏଞ୍ଜାସି ହାଅସି  
ଇଞ୍ଜା ସୁଦୁଜୀଞ୍ଜୁ ତଲିଏ ଖେସାମାରେ  
□

୨୭ ସିମିୟନ ସୁଦୁଜୀଞ୍ଜୁଟି ମାହାପୁରୁ  
ଇଲୁତା ଖାଡେସି; ଅଡେ ତାଲି ତାଞ୍ଜି  
ମସାତି ମେରାଲେହେଁ କିହାଲି ଜୀସୁଇଁ  
ବିତ୍ରା ତାଡୁ,

୨୮ ଏରିବେଲା ସିମିୟନ କକାଣାଇଁ  
ପମାନା ମାହାପୁରୁଇଁ ଜହରା କିଡେସି;

୨୯ “ଏ ପୁରୁ ନୀଏଁ ନୀନୁ ଖେସିଲେହେଁ  
ନୀ ହଡେଲଏଣା ଜୀଞ୍ଜୁ ହିଡଡିତଲେ  
ଅମ୍ବୁ;

୩୦ ନା କାନୁ ନୀ ଗେଲପିନାଣାଇଁ  
ମେସାମାନେ □

୩୧ ଏନିଇଡିହୁଁ ବାରେ ଲକୁତାକି  
କେପାମାନି

୩୨ ଜୀହୁଦିଆଆତାରାକି ସାତା  
ତହୁନି ର ଉଜେଡି ଆନେସି,  
ଅଡେ ନୀ ଇସ୍ରାୟେଲ ଲକୁଡି  
ଗାଞ୍ଜୁରମି ଲେହେଁ କିହାମାଞ୍ଜି  
□”

୩୩ ଇଞ୍ଜା ତାନି ଇୟା ଅଡେ ଆବା  
ଏଞ୍ଜାଣି ତାକି ଖେସପି ଆହିମାନି ବାରେ  
କାତାତାକି କାବା ଆହିମାରେରି □

୩୪ ଏଡେଟିଏ ସିମିୟନ କକାଣାଇଁ  
ବର ହୀହାନା ତାନି ଇୟା ମରିୟମନି  
ଏଲେଇଡେସି, “ମେହୁମୁ ଇଞ୍ଜାସି  
ଇସ୍ରାୟେଲତି ହାରେକା ଲକୁଣି ନାସା  
କିହାଲି ଅଡେ ଗେଲପାଲି ଆଡ଼ଞ୍ଜି  
ଆହାମାନେସି, ଆମ୍ବାଆରି କପାଟି  
ହାରେକା ଜଲିନେରି □ ଏଞ୍ଜାସି

ମାହାପୁରୁ ତାଣାଟି ର ସିନାଲେହେଁ  
ଆନେସି □

୩୫ ଆଆତ ନୀ ଜୀଞ୍ଜୁତା ଜିକେଏ  
କାଣ୍ଡାତଲେ ଗୁକ୍‌ହିସାରେ ହଡ଼ାହାନି  
ଲେହେଁ, ଏ କସୁ ନୀ ହିୟାତା ଆୟାନେ  
□”

୩୬ ଅଡେ ହାନା ଦରୁଗାଟି ର  
ମାହାପୁରୁ ଅଣ୍‌ପୁଡି ବଲୁ ଖେହୁନାୟି  
ମାରେ; ଏଡି ଆସେର କୁଡାତି  
ପନୁଏଲ ମାଞ୍ଜା □ ଏଦାନାକି ହାରେକା  
ବାସା ଆହାମାରେ; ଏଡି ତାଆ ଆଡି  
ଜେତ ସାତା ବାସା ତକ୍ରାତଲେ ବାସା  
କିହାମାରେ, ଅଡେ ସାରିକଡି ସାରି ବାସା  
ରାଣ୍ଡେଣି ଆହାନା ନୀତାମାରେ □

୩୭ ଏଡି ମାହାପୁରୁ ଇଲୁ ପିହୁଆନା  
ବାଡିମାଲିହୁଁ ଲାଆଁ ମାଦେନା ରାନ୍ଦା  
ଡିନାଆନା ପ୍ରାଡାନା କିହିମାରେ □

୩୮ ଏ ଦେବୁଣିଏ ଏଡି ଖାହାନା  
ମାହାପୁରୁଡି ଜହରା କିହୁଁ  
ଜିରୁସାଲମତି ଗେଲପିନାଣାଇଁ କାଡ଼ି  
ମାନାରାଇଁ ଏଞ୍ଜାଣି କାତା ଖେସାଲି  
ମାଡ଼ହେ □

ନାଜରିତତା ଖେଣ୍ଡା ଖାନାୟି

୩୯ ଧତାୟୁ ଜସେପ ଅଡେ ମରିୟମ  
ମାହାପୁରୁଡି ମେରା ତଲେ ବାରେ  
କାମା ରାପୁହାନା ଗାଲିଲିଡି ତାନି ଗାଡ଼ା  
ନାଜରିତତା ଖେଣ୍ଡା ଖାଡେରି

୪୦ ଅଡେ ଜୀସୁ ଆଞ୍ଜାତା ବୁଦିତା  
ଅଡେ ବାଡ଼ୁତା ପାତା ଆଡେସି, ଅଡେ  
ମାହାପୁରୁଡି କାର୍ମା ଏଞ୍ଜାଣିଲାକ ମାରେ  
□

ଜୀସୁ ମାହାପୁରୁ ଇଲୁତା

୪୧ ତାନି ଇୟା ଆବା ବାରେ ବାସା  
ପିସପିଆନି ପାରୁତାକି ଜିରୁସାଲମତା  
ହାଜିମାରେରି □

୪୨ ଜୀସୁ ବାର ବାସା ଆହାଲିଏ  
ଏଞ୍ଜାରି ପାରୁଡି ମେରାଲେହେଁ  
ଜିରୁସାଲମତା ହାରେରି □

୪୩ ଅଡେ ପାରୁଡି ଦିନା ରାପୁହାନା  
ଏଡେତା ଏଞ୍ଜାରି ଖେଣ୍ଡା ଖାହିମାରେରି,

☆ ୨:୩୯ ୨:୩୯ ମାଡି ୨:୨୩

ଏତିବେଲାତା ଉଣା କକାସି ଜୀସୁ ଜିରୁସାଲମତା ଡ଼ୟାହାଚେସି, ସାମା ତାମି ଇୟା ଆବା ପୁଞ୍ଜାହିଲାଆତେରି;

୪୪ ସାମା ଏଞ୍ଜାରି ତାମିତଲେ ୱାହାମାତି ଲକୁତଲେ ମାନେସି ଇଞ୍ଜି ଅଣ୍ଠାପାନା ର ଦିନାତି ଜିରୁ ହାଚେରି, ଅଡ଼େ ତାମି ଲକୁ ଇଞ୍ଜା ପୁତି ଲକୁତାଣା ପାରାଲି ମାଟ୍‌ହେରି,

୪୫ ଇଞ୍ଜା ଏଞ୍ଜାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ୱେଣ୍ଡା ହାଚେରି □

୪୬ ତାନିଦିନା ତାୟୁ ଏଞ୍ଜାରି ଏଞ୍ଜାଣାଇଁ ମାହାପୁରୁ ଇଲୁତା ବେଟାଆତେରି; ଏଞ୍ଜାସି ମେରାପୁନାରି କାତା ୱେଞ୍ଜିହ୍ ଏଞ୍ଜାରାଇଁ ୱେଣ୍ଡେ କାତା ୱେଞ୍ଜିମାଚେସି,

୪୭ ଅଡ଼େ ଏଚେକା ଲକୁ ଏଞ୍ଜାଣି କାତା ୱେଞ୍ଜିମାଚେରି, ବାରେଜାଣା ଏଞ୍ଜାଣି ବୁଦିତା ଅଡ଼େ ୱେହ୍‌ନି କାତାତା କାବା ଆହିମାଚେରି □

୪୮ ଏତିବେଲା ତାମି ଇୟା ଆବା କକାଣାଇଁ ମେସାନା କାବାଆତୁ ଇଞ୍ଜା ତାମି ଇୟା ଏଞ୍ଜାଣାଇଁ ଏଲେଇଚେ, “ମୀର୍‌ଏଣା ମାଜେ ଏନାଆଁତାକି ଇଚେକା ଦୁକୁ ହିୟାତି ? ମେହ୍‌ମୁ ନାନୁ ଅଡ଼େ ମୀ ଆବା ଏଚେକା ଦୁକୁଆହ୍ ନିଜେ ପାରିମାଞ୍ଜାନମି □”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଜେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅତେରି ?”

୫୦ ସାମା ଏଞ୍ଜାସି ଆମିନି କାତା ଜଲିଚେସି, ତାମି ଇୟା ଆବା ପୁଞ୍ଜାଲି ଆଡ଼ାଆତେରି □

୫୧ ତାୟୁ ଜୀସୁ ତାମି ଇୟା ଆବା ତଲେ ୱେଣ୍ଡେ ନାଜରିତତା ୱାଡ଼େସି, ଇଞ୍ଜା ଏଞ୍ଜାରି କାତା ମାନଞ୍ଜି ଆହାନା ଡ଼ୟାଚେସି, ଅଡ଼େ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଚେ □

୫୨ ଅଡ଼େ ଜୀସୁ ଆଜ୍ଞାତା, ବୁଦିତା ଇଞ୍ଜା ମାହାପୁରୁ ଅଡ଼େ ମାଣ୍‌ସିୟା

କାର୍ମାତି ପାତା ଆଡ଼େସି □

### ୩

ବାପ୍ତିସ୍ମା\* ହାନି ଜହନ ୱେକ୍‌ନାୟି (ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ତିବିରିୟା କାୟିସରତି ସାଲଞ୍ଜି କିନି ପନ୍ଦର ବାର୍ସା ଆୟାଲିଏ, ଏତିବେଲା ପନ୍ତ୍ରୟ ପିଲାତ ଜୀହୁଦା ରାଜିତି ସାଲଞ୍ଜି କିନାସି ଅଡ଼େ ହେରଦ ଗାଲିଲି ରାଜିତି ରାଜା ମାଚେସି, ଅଡ଼େ ତାମି ତାୟି ପିଲିପ ଇଡ଼ୁରିୟା ଅଡ଼େ ଡ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାଚେସି □

୨ ହାନାନ ଅଡ଼େ କୟାପା କାଜା ପୁଜେରା ମାଚେରି, ଏତିବେଲାତା ମାହାପୁରୁତି ବଲୁ ଲକୁ ହିଲାଆ ଟାୟୁତା ଜିକରିୟ ମୀର୍‌ଏସି ଜହନ ତାଣା ୱାଡ଼େ □

୩ ଏମ୍ବାଟିଏ ବାପ୍ତିସ୍ମା† ହାନି ଜହନ ଜର୍ଦ୍ଦନ ଦାରିତି ବାରେ ନାୟକାଞ୍ଜାକି ହାଜାନା ପାପୁ ମ୍ପେପକି ଆହାଲି ମନ ୱେଟ୍‌ହାନା ବାପ୍ତିସ୍ମା‡ ଅନି କାତା ୱେକ୍‌ହାଲି ମାଟ୍‌ହେସି,

୪ ଏନିଇତିହ୍ ମାହାପୁରୁ ଅଣ୍ଠପୁତି ବଲୁ ୱେହ୍‌ନି ଜିସାୟ ପତିତା ରାୟକି ଆହାମାନେ,

“ଲକୁ ହିଲାଆ ଟାୟୁତା ରଅଣି ହାଡ଼ା ୱେଞ୍ଜିମାନେ;

ପ୍ରବୁତି ଜିରୁ ନେହ୍ କେପାଦୁ; ଅଡ଼େ ଏଞ୍ଜାଣି କାଜା ଆଂଗେଣି ତିୟି କିଦୁ □

୫ ବାରେ ଗାଡ଼ଞ୍ଜା ନେଞ୍ଜି କିଞ୍ଜିଆନୁ, ବାରେ ହର୍‌କା ମେଟାୟା ଉଣା କିଞ୍ଜିଆନୁ,

ତଂଗିତି ଜିରୁ ତିୟି କିଞ୍ଜିଆନେ, କାଡ଼ଦି ତେପା ବୁମିତି ବାରେ ସମାନା କିଞ୍ଜିଆନେ □

୬ ବାରେ ଦାର୍‌ତିତି ଲକୁ ମାହାପୁରୁତି ଗେଲ୍‌ପିନାଣି ମେହ୍‌ନେରି □”

\* ୩:୧ ମୁଞ୍ଜନାୟି † ୩:୩ ୩:୩ ମୁଞ୍ଜନାୟି ‡ ୩:୩ ୩:୩ ମୁଞ୍ଜନାୟି ☆ ୩:୭ ୩:୭ ମାତି ୧୨:୩୪; ୨୩:୩୩ § ୩:୭ ୩:୭ ମୁଞ୍ଜନାୟି

୭ \*ଏଲେକିହ, ଜହନ ତାଣାଟି ବାପ୍ତିସ୍ମ ଅହାଲି ଖାହିମାନି ଲକୁଣି ମେସାନା ଏଝାରାଇଁ ଏଲେଇରେସି, “ଆଡ଼େ ରାସ୍‌କା କୁଡ଼ାତାତେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍‌ପି ଆହାଲି ମାଙ୍ଗେ ଆମ୍ବାଆସି ସେଡ଼ନା ହିୟାତେସି ?

୮ \*ଏଦାଆଁତାକି ମନ ଝେଟହାକତିତି ନେହ କାମା ତହୁଦୁ; ଅଡ଼େ ଅବ୍ରାହାମ ମା. ଆବା ଇଞ୍ଜିହ ଅଣ୍ପାଆଦୁ, ନାନୁ ମିଙ୍ଗ ଝେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବ୍ରାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି □

୯ \*ଅଡ଼େ ନୀଏଁ ଜିକେଏ ମାରୁନୁ ତାକିତା କାଃଆଲି ଆଟାମାନେ; ଆମିନି ମାରୁନୁ ନେହ ପାଡ଼େୟି ଆୟେଏ ଏଦାନି ଚୁଣ୍ଡହାନା ହିରୁତା ମେଡ଼ପି ଆନେ □”

୧୦ ଏମ୍ବାଟିଏ ଲକୁ ଏଝାଣାଇଁ ଝେଚେରି, “ଆତିହ ମାମ୍ବୁ ଏଦାଆଁ କିନମି ?”

୧୧ ଏଝାସି ଏଲେଇରେସି, “ଆମ୍ବାଆରାକି ଜଡ଼େକା ସକାୟା ମାନୁ, ଏଝାସି ଆମ୍ବାଆରାକି ହିଲାଉ ଏଝାଣାକି ରଣ୍ଡାଆଁ ହାପେସି; ଇଞ୍ଜା ଆମ୍ବାଆରାକି କାଡ଼ି ମାନେ ଏଝାସି ଜିକେଏ ଏଲେକିପାସି □”

୧୨ \*ସିସୁ ଚୁଆହନାରି ଜିକେଏ ବାପ୍ତିସ୍ମ\* ଅହାଲି ଖାହାନା ଏଲେଇରେସି, “ଏ ଗୁରୁ ମାମ୍ବୁ ଏଦାଆଁ କିନମି ?”

୧୩ ଏଝାସି ଏଝାରାଇଁ ଏଲେଇରେସି, “ମିଙ୍ଗେତାକି ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହୁଆଦୁ □”

୧୪ ଏଚରଜାଣା ରିଜାରି କସକା ଖାହାନା ଏଲେଇରେସି, “ମାମ୍ବୁ ଏଦାଆଁ କିନମି ?”

ଏଝାସି ଏଝାରାଇଁ ଏଲେଇରେସି, “ବାଡ଼ୁୟିଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା ଅଆଦୁ, ଅଡ଼େ ମୀରୁ

ଏଚେକା ବେଟାଆଡ଼େରି ଏଚେକା ତଲେଏ ନୀତାଦୁ □”

୧୫ ଲକୁ ମସିହାଇଁ କାଡ଼ିମାଚେରି, ଇଞ୍ଜା ଜହନଏ କ୍ରୀସୁ ହାବୁଲ୍ଲା ଇଞ୍ଜ ଅଣ୍ପାମା ବାରେଜାଣା ତାମି ମନତା କାତା ଆହିମାଚାକି,

୧୬ ଜହନ ଏଝାରାଇଁ ଏଲେଇରେସି, “ନାନୁସାଁ ଏୟୁତଲେ ବାପ୍ତିସ୍ମାଁ ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୁୟି ଗାଟାସି ଏଝାସି ଖାହିମାନେସି, ଏଝାଣି ସେପୁୟାଁତି ତ:ରକା ଜିକେଏ ହୁକହାଲି ନାନୁ ପାଡ଼ାଆଆଁ; ଏଝାସି ମିଙ୍ଗେ ସୁଦୁଜୀଝୁ ଅଡ଼େ ହିରୁତଲେ ବାପ୍ତିସ୍ମାଁ ହିୟାନେସି □

୧୭ ତାନି କ୍ଲାନୁତି ତାସାଲି ଅଡ଼େ ତାନି ଆନାତି କ୍ଲୁସାହାଁ କୁଡ଼ି କିହାନା ଗାଡ଼େୟିତା ଇଟାଲି ଏଝାଣି କେୟୁତା ହେଟି ମାନେ, ଇଞ୍ଜା ଗାଟା ପଡ଼ୁଡ଼ି ଏଚେଲ୍ଲା ତୁମ୍ବାଆଗାଟି ହିରୁତା ହୁଡ଼ା ତୁହନେସି □”

୧୮ ଏଝାସି ଇଲେତି ହାରେକା କାତା ଝେସିହ ଅଡ଼େ ରାହାଁତି କାତା ଜଲିହ ଲକୁତାଣା ନେହ କାବୁ ଝେକ୍‌ହି ମାଚେସି;

୧୯ \*ସାମା ରାଜା ହେରଦ ତାମି ତାୟି ତକ୍ତି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଚାକି,

୨୦ ହେରଦ ଜହନଇଁ ଦସ୍‌ପାନା କାୟିଦିତା ଇଟାନା ହାରେକା ଲାଗେଏତି କାମା କିତେସି □

ଜୀସୁତି ବାପ୍ତିସ୍ମାଁ  
(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ମାଁ ଅତି ତାୟୁ ଜୀସୁ ଜିକେଏ ବାପ୍ତିସ୍ମାଁ ଅହାନା ପ୍ରାଡ଼ାନା କିହିମାଚାଟି ହାଗୁ ଦେପିଆଡ଼େ,

\* ୩:୮ ୩:୮ ଜହ ୮:୩୩    ☆ ୩:୯ ୩:୯ ମାତି ୭:୧୯    ☆ ୩:୧୭ ୩:୧୭ ଲୁକ ୭:୨୯    \* ୩:୧୭ ୩:୧୭ ମୁଞ୍ଜିନାୟି    † ୩:୧୭ ୩:୧୭ ମୁଞ୍ଜିନାୟି    ‡ ୩:୧୭ ୩:୧୭ ମୁଞ୍ଜିନାୟି    ☆ ୩:୧୯ ୩:୧୯ ମାତି ୧୪:୩,୪; ମାର୍କ ୭:୧୭,୧୮    S ୩:୨୦ ୩:୨୧ ମୁଞ୍ଜିନାୟି    \* ୩:୨୧ ୩:୨୧ ମୁଞ୍ଜିନାୟି    † ୩:୨୧ ୩:୨୧ ମୁଞ୍ଜିନାୟି    ☆ ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୨୨ \*ଅତେ ସୁଦୁଜୀଞ୍ଜୁ ପାର୍ଞା ପଟାଲେହେଁ ଏଞ୍ଜାଣିଲାକ ରେଟାଞ୍ଜାତେ; ଇଞ୍ଜା ହାଗୁଟି ଇ ହାଡ଼ା ଆତେ, “ନୀନୁ ନା ଜୀଞ୍ଜୁତି ମୀରଏଣାତି ନୀ ତାଣା ନା ରାହାଁ ମାନେ □”

ଜୀସୁତି ଆକୁ ଆବାୟାଁ  
(ମାତି ୧:୧-୧୭)

୨୩ ଜୀସୁ ସେବା କାମା ମାଟୁହି ବେଲାତା ଏଞ୍ଜାଣାକି କତେଦସ ବାର୍ଯା ଆହାମାତେ; ଲକ୍ଷୁତି କାତାତଲେ ଏଞ୍ଜାସି ଜସେପ ମୀରଏସି; ଜସେପ ଏଲି ମୀରଏସି,

୨୪ ଏଲି ମତାତ ମୀରଏସି, ମତାତ ଲେବି ମୀରଏସି, ଲେବି ମଲ୍କି ମୀରଏସି, ମଲ୍କି ଜନୟ ମୀରଏସି, ଜନୟ ଜସେପ ମୀରଏସି,

୨୫ ଜସେପ ମତିତିୟା ମୀରଏସି, ମତିତିୟା ଆମସ ମୀରଏସି, ଆମସ ନାହୁମ ମୀରଏସି, ନାହୁମ ହେସଲି ମୀରଏସି, ହେସଲି ନଗୟ ମୀରଏସି,

୨୬ ନଗୟ ମହତ ମୀରଏସି, ମହତ ମତିତିୟସ୍ ମୀରଏସି, ମତିତିୟସ୍ ସିମିୟି ମୀରଏସି, ସିମିୟି ଜସେକ ମୀରଏସି, ଜସେକ ଜଦା ମୀରଏସି,

୨୭ ଜଦା ଜହନ ମୀରଏସି, ଜହନ ରେସା ମୀରଏସି, ରେସା ଜିରୁବାବେଲ ମୀରଏସି, ଜିରୁବାବିଲ ସଲ୍ଟିୟେଲ ମୀରଏସି, ସଲ୍ଟିୟେଲ୍ ନେରି ମୀରଏସି,

୨୮ ନେରି ମଲ୍କି ମୀରଏସି, ମଲ୍କି ଅଦ୍ଦି ମୀରଏସି, ଅଦ୍ଦି କସାମ ମୀରଏସି, କସାମ ଏଲାଦାନ ମୀରଏସି, ଏଲାଦାନ ଏର ମୀରଏସି,

୨୯ ଏର ଜିହସୁୟ ମୀରଏସି, ଜିହସୁୟ ଏଲିୟାଜର ମୀରଏସି, ଏଲିୟାଜର ଜରିମ ମୀରଏସି, ଜରିମ ମତାତ ମୀରଏସି, ମତାତ ଲେବି ମୀରଏସି,

୩୦ ଲେବି ସିମିୟନ ମୀରଏସି, ସିମିୟନ ଜୀହୁଦା ମୀରଏସି, ଜୀହୁଦା ଜସେପ ମୀରଏସି, ଜସେପ ଜନାମ ମୀରଏସି, ଜନାମ ଏଲିୟାକିମ ମୀରଏସି,

୩୧ ଏଲିୟାକିମ ମଲାହ ମୀରଏସି, ମଲାହ ମନ୍ନା ମୀରଏସି, ମନ୍ନା ମତତା ମୀରଏସି, ମତତା ନାତନ ମୀରଏସି, ନାତନ ଦାଞ୍ଜୁଦ ମୀରଏସି,

୩୨ ଦାଞ୍ଜୁଦ ଜିସି ମୀରଏସି, ଜିସି ଅବେଦ ମୀରଏସି, ଅବେଦ ବୟାଜ ମୀରଏସି, ବୟାଜ ସେଲହ ମୀରଏସି, ସେଲହ ନହସନ ମୀରଏସି,

୩୩ ନହସନ ଅମିନାଦାବ ମୀରଏସି, ଅମିନାଦାବ ଅଦ୍ମିନି ମୀରଏସି, ଅଦ୍ମିନି ଅରନି ମୀରଏସି, ଅରନି ହେସ୍ରଣ ମୀରଏସି, ହେସ୍ରଣ ପେରସ ମୀରଏସି, ପେରସ ଜୀହୁଦା ମୀରଏସି,

୩୪ ଜୀହୁଦା ଜାକୁବ ମୀରଏସି, ଜାକୁବ ଇସାହାକ ମୀରଏସି, ଇସାହାକ ଅବ୍ରାହାମ ମୀରଏସି, ଅବ୍ରାହାମ ତେରହ ମୀରଏସି, ତେରହ ନାହର ମୀରଏସି,

୩୫ ନାହର ସରୁଗ ମୀରଏସି, ସରୁଗ ରଗୁ ମୀରଏସି, ରଗୁ ପେଲଗ ମୀରଏସି, ପେଲଗ ଏବର ମୀରଏସି, ଏବର ସେଲହ ମୀରଏସି,

୩୬ ସେଲହ କେନାନ ମୀରଏସି, କେନାନ ଅର୍ପକ୍ୟଦ ମୀରଏସି, ଅର୍ପକ୍ୟଦ ସେମ ମୀରଏସି, ସେମ ନହ୍ ମୀରଏସି, ନହ୍ ଲେମକ ମୀରଏସି,

୩୭ ଲେମକ ମତୁସେଲହ ମୀରଏସି, ମତୁସେଲହ ହନକ ମୀରଏସି, ହନକ ଜେରଦ ମୀରଏସି, ଜେରଦ ମହଲଲେଲ ମୀରଏସି, ମହଲଲେଲ କେନାନ ମୀରଏସି,

୩୮ କେନାନ ଏନସ ମୀରଏସି, ଏନସ ସେତ ମୀରଏସି, ସେତ ଆଦମ ମୀରଏସି, ଆଦମ ମାହାପୁରୁ ମୀରଏସି □

## ୪

ଜୀସୁଇଁ ତାୟିପାରି କିନାୟି

(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀଞ୍ଜୁ ବେଟାଆହାନା ଜର୍ଦ୍ଦନ କାତାତି ଖେଣ୍ଡାଞ୍ଜାତେସି ଇଞ୍ଜା ରା କଡ଼ି ଦିନା ପାତେକା ସୁଦୁଜୀଞ୍ଜୁ ତଲେ ଲକ୍ଷୁ ହିଲାଆ ଟାୟିତା ହାତେସି □

୨ ଏମ୍ବାଆଁ ଏଞ୍ଜାସି ସୟତାନ ତାଣ୍ଡାଟି ତାୟିପାରି କିଞ୍ଜିଆଡେତସି □ ଇ ରୀ କଡ଼ି ଦିନା ଏଞ୍ଜାସି ଏନାଆଁ ତିନାଆଡେତସି, ଅଡ଼େ ଏ ରୀ କଡ଼ି ଦିନା ରାହାଲିଏ ଏଞ୍ଜାସି ହାକି ଆଡେତସି □

୩ ଏମ୍ବାଟିଏ ସୟତାନ ଏଞ୍ଜାଣାକ୍ ଏଲେଇଚେସି, “ନୀନୁ ମାହାପୁରୁ ମୀରଏଣାତି ଇଚିହ୍ ଇ ଖାଲକାଣି ରୁଟି ଆହାଲି ହୁକୁମି ହୀମୁ □”

୪ ସାମା ଜୀସୁ ଏଲେଇଚେସି, “ଦୀର୍ମୁ ସାଡ଼ସ୍ତରିତା ରାସ୍ତକି ଆହାମାନେ, ମାଣସି ଖାରଇ ରୁଟି ତିଞ୍ଜାନା ନୀତଅସି □”

୫ ଅଡ଼େ ସୟତାନ କାଜା ହରୁ ଲାକ ଅହାନା ଗାଡ଼େକା ତାକି ଦୀରଡ଼ିତି ବାରେ ରାଜି ଏଞ୍ଜାଣାକ୍ ତସ୍ତେ □

୬ ଇଞ୍ଜା ସୟତାନ ଏଞ୍ଜାଣାକ୍ ଏଲେଇଚେସି, “ନୀନୁ ନିଙ୍ଗେ ଇ ବାରେ ଦନଡ଼ି ଅଦିକାରା କିୟାକ୍, ଏନାଆଁତାକି ଇଚିହ୍ ବାରେ ନାଙ୍ଗେ ହେରପି ଆହାମାଞ୍ଜାନେ, ଅଡ଼େ ନୀନୁ ଆମ୍ବାଆରାକି ମନ ଏଞ୍ଜାଣାକି ହୀକ୍ □

୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହ୍ ଇ ବାରେ ନୀଦି ଆନେ □”

୮ ଜୀସୁ ଏଲେଇଚେସି, “ରାସ୍ତକି ଆହାମାନେ, ‘ନୀନୁ ନୀ ମାହାପୁରୁକ୍ ଜହରା କିଦି, ଅଡ଼େ ଖାରଇ ଏଞ୍ଜାଣି ସେବା କିଦି □’ ”

୯ ଅଡ଼େ ସୟତାନ ଏଞ୍ଜାଣାକ୍ ଜିରୁସାଲମତା ଅହାନା ମାହାପୁରୁ ଇଲୁ ତୁଡ଼ିୟା ଲାକ ନିପହାନା ଏଲେଇଚେସି, “ନୀନୁ ମାହାପୁରୁତି ମୀରଏଣାତି ଇଚିହ୍ ଇମ୍ବାଟି ଡ଼ଇକା ଚୋମ୍ବାମ୍ବୁ;

୧୦ ଇଚିହ୍ ରାସ୍ତକି ଆହାମାନେ, ‘ନିଙ୍ଗେ ଗେଲପାଲିତାକି ମାହାପୁରୁ ତାନି ଦୂତୁୟାକ୍ ହୁକୁମି ହୀନେସି □’

୧୧ ଅଡ଼େ ରାସ୍ତକି ଆହାମାନେ, ‘ନୀ କତାୟା ଏନିକ୍ ଖାଲକାଣା ଆଡାଉ ଏଦାଆଁତାକି ଏଞ୍ଜି ନିଙ୍ଗେ କେସ୍ତାତଲେ ପେରହା ଆସ୍ତାନୁ □’ ”

୧୨ ସାମା ଜୀସୁ ଏଦାନି ଏଲେଇଚେସି, “ଦୀର୍ମୁ ସାଡ଼ସ୍ତରିତା ରାସ୍ତକି ଆହାମାନେ, ନୀନୁ ପ୍ରବୁ ନୀ ମାହାପୁରୁକ୍ ତାୟିପାରି କିଆନି □”

୧୩ ସୟତାନ ଜୀସୁକ୍ ବାରେ ତାୟିପାରି କିନାଣି ରାପହାନା ଗାଡ଼େକା ତାକି ଏଞ୍ଜାଣାକ୍ ପିସାନା ହାଚେ □

ଜୀସୁ ଗାଲିଲିତା ସେବା କାମା ମାଡ଼ନାୟି

(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ତାୟୁ ଜୀସୁ ସୁତୁଜୀଞ୍ଜୁତି ବାଡ଼ୟୁ ତଲେ ଗାଲିଲିତା ଖାଡେସି, ଅଡ଼େ ସାରିଞ୍ଜାକି ଏଞ୍ଜାଣି କାତା ଖେଙ୍ଗିତେ □

୧୫ ଅଡ଼େ ଏଞ୍ଜାସି ଏଞ୍ଜାରି ଜୀହୁଦି ଲକୁଡି କୁଟମି ଇଲକାଣା\* ଜାପୁହିହ୍ ବାରେ ଲକୁ ତାଣ୍ଡାଟି ଗାଞ୍ଜୁରମି ବେଟାଆଡେତସି □

ଜୀସୁକ୍ ନାଜରିତତା ଅପାଆଡେରି (ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡ଼େ ଏଞ୍ଜାସି ଆମିନି ନାଜରିତତା ପହିପାତି ଆହାମାଚେସି, ଏଚେତା ଏ ଚାୟୁତା ହାଚେସି ଅଡ଼େ ତାମି ମେରାଲେହେଁ ଜମିନି ଦିନାତା ଜୀହୁଦି ଲକୁଡି କୁଟମି ଇଲୁତା† ହାଚେସି ଇଞ୍ଜା ପଡ଼ଞ୍ଜି ଆହାଲି ନିଚେସି,

୧୭ ଏମ୍ବାଟିଏ ମାହାପୁରୁ ଅଣ୍ପୁତି ବଲୁ ଖେହ୍ନି ଜିସାୟତି ପତି ହୀଚେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍ତକି ଆହାମାନେ ଏ କାତା ବେଟାଆଡେସି;

୧୮ “ପ୍ରବୁତି ଜୀଞ୍ଜୁ ନା ତାଣା ମାନେ, ଏନିଇଚିହ୍ ହିଲୀଆ ଗାଟାରି ତାଣା ନେହ୍ କାରୁ ଖେକହାଲି ଏଞ୍ଜାସି ନାଙ୍ଗେ ଆବାମାଞ୍ଜାନେସି;

କାୟିଦିତା ମାନାରାକ୍ ପିସ୍ପି ଆନାଣି ଖେକହାଲି,

କାଣିକା ମେହ୍‌ଆଗାଟାରାକ୍ ମେସ୍ପି କିହାଲି,

\* ୪:୧୫ ୪:୧୫ ସିନଗଗ † ୪:୧୬ ୪:୧୬ ସିନଗଗ

ଦୁକୁ ବେଟାଆହି ଫାନାରାଇଁ  
 ଗେଲ୍‌ପାଲି,  
 ୯୯ ଇଞ୍ଜା ମାହାପୁରୁ କାର୍ମା ମେସ୍ତାନି  
 ବେଲାତି ବାର୍ଯା ଝେକହାଲି  
 ପ୍ରବୁ ନାଜେ ପାଣ୍ଡାମାଞ୍ଜାନେସି □”

୧୦ ଏମ୍ବାଟିଏ ଜୀସୁ ପତିତି ମୁଦା  
 କିହାନା ସେବା କିନାଣି କେୟୁତା  
 ହୀହାନା କୁରିତେସି □ ଅଡ଼େ ଜୀହୁଦି  
 ଲକୁଡି କୁଟମି ଇଲୁତାଃ କୁଗାମାନି  
 ବାରେ ଲକୁ ଜୀସୁ ଝାକି ସିନିକିତେରି  
 □

୧୧ ଇଞ୍ଜା ଜୀସୁ ଏଝାରାଇଁ  
 ଏଲେଇରେସି, “ନୀଞ୍ଜୁଟିଏ ଦାମ୍ବୁ ପତିତି  
 ଇ କାତା ମୀରୁ ଝେଣ୍ଡମ୍ବୁନିଏ ପୂରା ଆଡ଼େ  
 □”

୧୨ ଅଡ଼େ ବାରେଜାଣା ତାନି  
 କାତାତାକି ସାକି ହୀତେରି, ଅଡ଼େ ତାନି  
 ଗୁଡିଟି ହଡ଼ିମାନି କାର୍ମାତି ବଲୁତା କାବା  
 ଆଡ଼େରି ଇଞ୍ଜା ଏଲେଇରେରି, “ଇଝାସି  
 ଏନାଆଁ ଜସେପ ମୀର୍‌ଏସି ଆଏକି ?”

୧୩ ଏମ୍ବାଟିଏ ଏଝାସି ଏଝାରାଇଁ  
 ଏଲେଇରେସି, “ମୀରୁ ସାତେଏ ନାଜେ  
 ଏଲେ ଇଞ୍ଜାଦେରି, ଏ ଅସଗୁରୁ  
 ନୀନ୍ଦୁଏ ନିଜେ ନେହୁଁ କିହାକତାମ୍ବୁ;  
 କପରନାହୁମତା ଏନା ଏନାଆଁ କିହାମାଞ୍ଜି  
 ଇଞ୍ଜୁ ମାମ୍ବୁ ଝେଞ୍ଜାମାନମି ଏଲେକ  
 ମୀ ଆକୁ ଆବାୟା ନାୟୁତା ଜିକେଏ କିମ୍ବୁ  
 □”

୧୪ \*ଅଡ଼େ ଏଝାସି ଏଲେଇରେସି,  
 “ନାନୁ ମିଜେ ସାତା ଝେସିମାଞ୍ଜାଇଁ,  
 ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ  
 ତାନୁ ପାତାଆଡ଼ି ନାୟୁତି ଲକୁ ଅପଅରି  
 □

୧୫ ସାମା ନାନୁ ମିଜେ ସାତା  
 ଝେସିମାଞ୍ଜାଇଁ, ଏଲିୟ ବେଲାତା  
 ଏନିକ  
 ତାନି ବାର୍ଯା ସ ଲେଞ୍ଜୁ  
 ପାତେକା ହାଗୁଡି ପିୟୁ ରିଆତାକି ବାରେ  
 ଦେସା କାର୍‌ଝୁ ଆହାମାରେ, ଏରିବେଲା  
 ଇସ୍ରାୟେଲତା ହାରେକା ରାଣ୍ଡେଣିସିକା  
 ମାତିହୁଁ ଜିକେଏ;

୨୬ ଏଲିୟ ଏଝାସିକା ତାଣା ପାଣ୍ଡୁଝି  
 ଆଆନା ସିଦନ ଦେସାତି ସାରିପତ  
 ନାୟୁତି ର ରାଣ୍ଡେଣିନି ତାଣା ପାଣ୍ଡୁଝି  
 ଆଡ଼େସି □

୨୭ ଅଡ଼େ ମାହାପୁରୁ ଅଣ୍ଡପୁତି ବଲୁ  
 ଝେହ୍‌ନି ଏଲିସାୟ ମାତାଟି ଇସ୍ରାୟେଲ  
 ବିତ୍ରା ହାରେକା କାଜା ରଗ ଗାଟାରି  
 ମାତେରି; ଆଡ଼ିଜିକେଏ ଏଝାରି ବିତ୍ରାଟି  
 ରଅସି ଜିକେଏ ନେହୁଁ ଆଆଡେସି,  
 ସାମା ସିରିୟା ଦେସାତି ନାମାନ ନେହୁଁ  
 କିଞ୍ଜିଆଡେସି □”

୨୮ ଜୀହୁଦି ଲକୁଡି କୁଟମି ଇଲୁତାଃ  
 ଇ ବାରେ କାତା ଝେଞ୍ଜାନା ବାରେଜାଣା  
 କାର୍‌ବି ଆଡେରି,

୨୯ ଅଡ଼େ ଏଝାରି ନିଜ୍ଞାନା ଏଝାଣାଇଁ  
 ଗାଡ଼ାଟି ପାଜ୍ଞାତା ପେରହେରି ଇଞ୍ଜା  
 ଏଝାରି ଏମିନି ଗାଡ଼ା ହରୁଲେକ  
 ଦସାମାରେରି ଏ ହରୁ ଲାକଟି ଡ଼ଇକା  
 ମେଡ଼ହାଲି ଏଝାଣାଇଁ ଅଡେରି;

୩୦ ସାମା ଏଝାସି ଏଝାରି ମାଦିଟି  
 ହଡ଼ାହାଡେସି □

ଜୀସୁ ବୃତୁ ଆଲ୍‌ଗା ମାତାଣାଇଁ  
 ନେହୁଁ କିନାୟି  
 (ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଟି  
 ଗାଲିଲିତି ର ଗାଡ଼ାତା ଝାଡେସି, ଇଞ୍ଜା  
 ଜମିନି ଦିନା ଲକୁଣି ଜାପୁହି ମାରେସି,

୩୨ \*ଅଡ଼େ ଏଝାରି ଏଝାଣି ଜାପୁନି  
 ତାଣା କାବା ଆଡେରି, ଏନାଆଁତାକି  
 ଇଡିହୁଁ ଏଝାଣି ଜଲିନାୟି ଅଦିକାରା  
 ଗାଟାୟି ଲେହେଁ ମାରେ □

୩୩ ର ଦିନା ଜୀହୁଦି ଲକୁଡି କୁଟମି  
 ଇଲୁତା\* ର ପଲୁଆ ବୃତୁ ଆଲ୍‌ଗାମାଟି  
 ଲକୁ ମାରେସି; ଏଝାସି କିର୍ଡିହୁଁ  
 ଏଲେଇରେସି,

୩୪ “ଏ ନାଜରିତତି ଜୀସୁ ନୀ ତଲେ  
 ମାଜେ ଏନାୟି ମାନେ ? ନୀନ୍ଦୁ  
 ମାଜେ ନାସା କିହାଲି ଝାହାମାଞ୍ଜି କି ?  
 ନୀନ୍ଦୁ ଆମ୍ବାଆଡି ନାନୁ ପୁଞ୍ଜାମାଇଁ; ନୀନ୍ଦୁ  
 ମାହାପୁରୁତି ସୁଦୁ ମାଣ୍ଡସିତି □”

‡ ୪:୨୦ ୪:୨୦ ସିନଗର    ☆ ୪:୨୪ ୪:୨୪ ଜହ ୪:୪୪    § ୪:୨୮ ୪:୨୮ ସିନଗର    ☆ ୪:୩୨ ୪:୩୨  
 ମାତି ୭:୨୮,୨୯    \* ୪:୩୩ ୪:୩୩ ସିନଗର

୩୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହରାହାଲାମ୍ବୁ □” ଏମ୍ବାଟିଏ ଏ ବୁଡୁ ଏଝାଣାଲ୍ ମାଦିଏ ତ୍ରକ୍‌ହାନା ଏଝାଣାଲ୍ ଏନାଆଁ କିଆନା ହରାହାଚେ □

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଣ୍ଡି ଆଚେରି, “ଇଦି ଏନିଲେହେତି କାତା ? ଏଝାସି ବୁଡୁୟାଲ୍ ଅଦିକାରା ଅଡେ ବାଡୁୟୁଟି ହୁକୁମି ହାହିମାନେସି ଇଞ୍ଜା ଏଝି ହରା ହାଜିମାନ୍ବୁ □”

୩୭ ଏମ୍ବାଟିଏ ଏଝାଣି ହାଡାତି କାବୁ ଦେସାତି ସାରିଝାକି ଝେଙ୍ଗାହାଚେ □

ଜୀସୁ ହାଚେରକା ଲକୁଇଁ ନେହୁଁକିନାୟି

(ମାତି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟିଁ ହରାନା ସିମନ ଇଜ ହାଚେସି □ ସିମନ ପୟା ଗାତି ନଚେରି ଆହାମାଚେ, ଅଡେ ଏଝାରି ଇ କାତା ଜୀସୁଇଁ ଏଲେଇଚେରି □

୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନଚେରିତି ଦାକା ହାଚେସି, ଇଞ୍ଜା ଏଦାନାକି ନଚେରି ପିସ୍ତେ, ଏଦି ଏ ଦେବୁଣିଏ ନିଜାନା ଏଝାରି ସେବା କିଚେ □

୪୦ ଝେଡା କୁଡୁହି ମାଗାଟି ଆମ୍ବାଆରି ତାଣା ଏନିଲେହେତି ରଚ ମାଚେ, ଏଲେତି ରଚ ଲକୁଣି ଜୀସୁ ତାଣା ତାଚେରି, ଇଞ୍ଜା ତାମି ତାର୍କାଣା କେୟୁ ଇଚାନା ବାରେତି ନେହୁଁକିଚେସି □

୪୧ ଅଡେ ବୁଡୁୟା ଜିକେଏ କିରୁଡିହୁଁ ହାଚେରକା ଲକୁ ତାଣାଟି ଏଲେଇଞ୍ଜି ହରାହାବୁ, “ନୀନ୍ବୁ ମାହାପୁରୁ ମୀର୍‌ଏଣାତି □”

ଅଡେ ଜୀସୁ ଏ ବାରେତି କାତା ଆହାଲି ହୀଆନା ଦାକା ହାଚେସି, ଇଚିହୁଁ ଏଝାସି କ୍ରୀସ୍ତ ଇଦାଆଁ ଏଝି ପୁଞ୍ଜାମାବୁ □

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍‌ନାୟି

(ମାର୍କ ୧:୩୫-୩୯)

୪୨ ଲାଲି ଝେୟାଲିଏ ଏଝାସି ହରାନା ଲକୁ ହିଲିଆ ଚାୟୁତା ହାଚେସି; ଅଡେ ଲକୁ ଏଝାଣାଲ୍ ପାରି ପାରିହୁଁ ଏଝାଣି ତାଣା ଝାଚେରି, ଅଡେ ଏଝାସି ଏନିକ୍ ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଲ୍ ମାଞ୍ଜାଲି ବାତିମାଲିଚେରି □

୪୩ ସାମା ଏଝାସି ଏଝାରାଲ୍ ଏଲେଇଚେସି, “ଏଟ୍‌କା ଗାଡାତା ଜିକେଏ ନୀନ୍ବୁ ମାହାପୁରୁ ରାକ୍ତିଚ ନେହୁଁ କାବୁ ଝେକ୍‌ନାୟି ମାନେ, ଇଚିହୁଁ ଏଦାଆଁତାକି ନୀନ୍ବୁ ପାଣୁଝି ଆହାମାଲ୍ □”

୪୪ ଇଞ୍ଜା ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲୁକାଣାଃ ହାଜାନା ନେହୁଁ କାବୁ ଝେକ୍‌ହେସି □

**୫**

ଜୀସୁ ମୀଣକା ଆହନାରାଲ୍ ହାଚିନାୟି

(ମାତି ୪:୧୮-୨୨; ମାର୍କ ୧:୧୭-୨୦)

୧ \* ଚିନା ଜୀସୁ ଗେନେସର ବାନ୍ଦା ଗାଟୁତା ନିଚାମାଚାଟି ହାଚେରକା ଲକୁ ମାହାପୁରୁତି କାତା ଝେଞ୍ଜାଲି ଏଝାଣି ସାରିସୁଟୁ ରୁଣ୍ଡା ଆଚେରି □

୨ ଇଞ୍ଜା ଏଝାସି ବାନ୍ଦା ଗାଟୁତା ରୀ ତଂଗାୟାଁ ମାନାଣି ମେସ୍ତେସି; ଏମ୍ବାଟି ମୀଣକା ଆହନାରି ଏମ୍ବାଟି ରେଚାନା ତାମି ଜାଲାୟାଁ ନଚୁହି ମାଚେରି □

୩ ଏ ତଂଗ ବିତ୍ରାଟି ଏମିନାୟି ସିମନଝାୟି ମାଚେ, ଏ ତଂଗତା କୁଗାନା ଗାଟୁଟିଏ ହିଚେ ହେକ ହାଜାଲି ବାତିମାଲିଚେସି; ଇଞ୍ଜା ଏଝାସି କୁଗାନା ଲକୁଣି ଜାପ୍‌ହେସି □

୪ ଏଝାସି ତାନି କାତା ରାପ୍‌ହାଲିଏ ସିମନଇଁ ଏଲେଇଚେସି, “ମୀଣକା ଆସାଲି କୁଡୁନି ଏୟୁଝାକି ହାଜାନା ମୀ ଜାଲାୟାଁ ମେଡୁବୁ □”

† ୪:୩୮ ୪:୩୮ ସିନଗର    ‡ ୪:୪୪ ୪:୪୪ ସିନଗର    \* ୫:୧ ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧  
 ☆ ୫:୫ ୫:୫ କହ ୨୧:୩



୫ ଏମ୍ବାଟିଏ ସିମନ ଏଲେଇରେସି,  
 “ଏ ଗୁରୁ ମାମ୍ବୁ ଲାଆଁ ଖେୟେ  
 କସ୍ତ କତିଝା ର ମାନୁ ଜିକେଏ  
 ବେଟାଆଆତମି; ସାମା ନୀ କାତା  
 ଆସାନା ଜାଲା ମେଡ଼ଇଁ”

୬ ଇଞ୍ଜା ଏଝାରି ଜାଲା ମେଡ଼ହାଲିଏ  
 ଏମ୍ବାଆଁ ଜାଲା ନେଞ୍ଜେ ମୀଣକା ହୁଟୁ,  
 ଇଞ୍ଜା ଏଝାରି ଜାଲା ତାମ୍ବାଲି ମାଟ୍‌ହେ

୭ ଏମ୍ବାଟିଏ ଏଝାରି ଆମିନି  
 ତଡ଼ଗୁାଟାରି ଅର ତଂଗତା ମାଚେରି,  
 ଏଝାରି ଏନିକ୍‌ ଝାହାନା ସାୟେମି  
 କିନେରି, ଏଦାଆଁତାକି ଏଝାରି ଏଝାରାଇଁ  
 କେୟୁ ଜୀଞ୍ଜିତେରି, ଏମ୍ବାଟିଏ ଏଝାରି  
 ଝାହାନା ରୀ ତଂଗାଁଣା ମୀଣକା ନେଞ୍ଜି  
 କିୟାଲିଏ ଏ ତଂଗାଁୟାଁ ମୁଞ୍ଜିମାଟୁ

୮ ସାମା ସିମନ ପିତର ଏଦାଆଁ  
 ମେସାନା ଜୀସୁ କତାଣା ରିହାନା  
 ଏଲେଇରେସି, “ଏ ପ୍ରବୁ ନା ତାଣାଟି  
 ହାଜାତୁହମ୍ବୁ ଏନାଆଁତାକି ଇଚିହଁ ନାନୁ  
 ପାପୁଗାଟି ମାଣସିତେଏଁ”

୯ ଇଚିହଁ ଏଝାରି ହାରେକା ମୀଣକା  
 ଆସାମାତାକି ତାନୁ ଅଡ଼େ ତାନିତଲେ  
 ମାଚାରି କାବା ଆହାହାଚେରି;

୧୦ ଜେବଦିତି ରୀ ମୀରକା ଜାକୁବ  
 ଅଡ଼େ ଜହନ, ଆମ୍ବାଆରି ସିମନ  
 ଆଟ୍‌ହିତାରି ମାଚେରି, ଏଝାରି ଜିକେଏ  
 କାବା ଆହାହାଚେରି ଅଡ଼େ ଜୀସୁ  
 ସିମନଇଁ ଏଲେଇରେସି, “ଆଜାଆନି  
 ନୀଞ୍ଜୁଟିଏ ନୀନୁ ଲକୁଣି ଆହୁଦି”

୧୧ ଏଚେଟିଏ ଏଝାରି ତଂଗାଁୟାଁ  
 ଗାଟୁତା ତାଚାନା ଏମ୍ବାଆଁ ବାରେ ପିସାନା  
 ଜୀସୁ ଜେଚ ହାଚେରି

କାଜା ରଗ ଗାଟାଣାଇଁ  
 ନେହଁ କିନାୟି  
 (ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଚାଟି ମେହ୍‌ଦୁ  
 ଏମ୍ବାଆଁ ଗୁଡ଼ା ଆଙ୍ଗା କାଜା ରଗ ଗାଟାସି  
 ମାଚେସି; ଏଝାସି ଜୀସୁଇଁ ମେସାନା  
 ମୁନୁ କୁତାନା ଏଝାଣାଇଁ ଏଲେଇରେସି,  
 “ଏ ପ୍ରବୁ ନୀନୁ ମନ କିଚିହଁ ନାଙ୍ଗେ  
 ନେହଁ କିହାଲି ଆଡ଼ାଦି”

୧୩ ଏଚେଟିଏ ଏଝାସି କେୟୁ ଦାସାହାଁ  
 ତୀଗାନା ଏଲେଇରେସି, “ନାନୁ ମନ  
 କିହିମାଇଁ ନୀନୁ ନେହଁ ଆମ୍ବୁ  
 ଏ ଦେବୁଣିଏ କାଜା ରଗଟି ଏଝାସି  
 ନେହଁ ଆଡ଼େସି

୧୪ ଜୀସୁ ଏଝାଣାଇଁ ହୁକୁମି  
 ହୀହାନା ଏଲେଇରେସି, “ଆମ୍ବାଆରାଇଁ  
 ଖେହ୍‌ଆନି, ସାମା ହାଜାନା  
 ପୂଜେରାଙ୍ଗାଣି ତହ୍‌ମ୍ବୁ, ଅଡ଼େ ମସାତି  
 ମେରାଲେହେଁ ନୀନୁ ନେହଁ ଆଡ଼ାଣି  
 ସାକି ହୀହାଲି ପୂଜା ହୀମ୍ବୁ”

୧୫ ସାମା ଏଝାଣି କାତା ହାରେକା  
 ଖେଙ୍ଗାହାଚେ, ଅଡ଼େ ହାରେକା ଲକୁ  
 ଖେଞ୍ଜାଲିତାକି ଅଡ଼େ ରଗଟି ନେହଁ  
 ଆହାଲିତାକି ରୁଣ୍ଡା ଆଡ଼େରି

୧୬ ସାମା ଜୀସୁ ଲକୁ ହିଲାଆ ଚାୟୁତା  
 ହାଜାନା ପ୍ରାଡ଼ାନା କିହିମାଚେସି

ଜୀସୁ ର ଟଟ ଝାୟିତାଣାଇଁ  
 ନେହଁ କିନାୟି  
 (ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପୁହି ମାଚାଟି, ଗାଲିଲି  
 ଦେସାତି ବାରେ ନାସ୍‌କାଟି, ଜୀହୁଦା  
 ଦେସା ଇଞ୍ଜା ଜିରୁସାଲମଟି ଝାହାମାନି  
 ପାରୁସିୟାଁ ଅଡ଼େ ମେରାପୁନାରି ଜୀସୁ  
 ତାଣା କୁଗାମାଚେରି, ଇଞ୍ଜା ଏଝାସି  
 ଏନିକ୍‌ ନେହଁ କିନେସି ଇଦାଆଁତାକି  
 ପ୍ରବୁତି ନେହଁ କିନି ବାଡ଼ୟୁ ଜୀସୁ ତାଣା  
 ମାଚେ

୧୮ ଏଚେରଜାଣା ଲକୁ ର ଟଟ  
 ଝାୟିତାଣାଇଁ କାଚେଲିତା ଡ଼େକା  
 ତାଚାନା ଜୀସୁ ନକିତା ବିତ୍ରା ଅହାଲି  
 ଅଣ୍‌ପିତେରି

୧୯ ସାମା ଏମ୍ବାଆଁ ହାରେକା ଲକୁ  
 ମାଚାକି ଜିରୁ ବେଟାଆଆଡ଼େରି, ଇଞ୍ଜା  
 ଏଝାରି ଇକୁ ଡ଼େପରିତା ଡ଼େକା ଅହାନା  
 ତୁଡ଼ିୟାତି ଚାୟିଲି ହୁକ୍‌ହାନା କାଚେଲି  
 ତଲେ ଜୀସୁ ନକିତା ରେପ୍‌ହେରି

୨୦ ଜୀସୁ ଏଝାରି ନାମୁ ମେସାନା ଟଟ  
 ଝାୟିତାଣାଇଁ ଏଲେଇରେସି, “ତ଼ଣେ  
 ନୀ ପାପୁ ବାରେ ମେଣ୍‌ଙ୍ଗାମାନେ”

☆ ୫:୨ ୫:୨ ଜହ ୨୧:୨

୨୧ ଏଚେଟିଏ ମେରା ଜାମ୍ବୁନାରି ଅଡେ ପାରୁସିୟାଁ କାତା ଆହ୍ ଏଲେଇଣ୍ଡି ଆଡେରି, “ଇଝାସି ମାହାପୁରୁ ନିନ୍ଦା କିହିମାନେସି, ଇଝାସି ଆମ୍ବାଆସି! ମାହାପୁରୁ ପିସପେ ଅଡେ ଆମ୍ବାଆସି ପାପୁ ମ୍ଲେକ୍‌ହାଲି ଆଡ଼ିମାନେସି □”

୨୨ ସାମା ଜୀସୁ ଏଝାରି କାତାବାର୍ତ୍ତା ଆହିମାନାଣି ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକ ଅଣ୍ଡିପିମାଞ୍ଜେରି ?”

୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଡିଜିତେ ଇନାୟି କି ନିଙ୍ଗାନା ତାକାମୁ ଇନାୟି ?’

୨୪ ଦାର୍ତତା ପାପୁ ମ୍ଲେକ୍‌ହାଲି ମାଣ୍ଡି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକ୍ ପୁଞ୍ଜାଲି ଆଡ଼ିଦେରି” ଇଦାଆଁତାକି ଚଟ ଝାୟିତାଣାଇଁ ଏଲେଇଚେସି, “ନାନ୍ତୁ ନିଜେ ଝେସିମାଞ୍ଜାଇଁ, ନିଙ୍ଗାନା ନୀ କାଟେଲି ଡେକାନା ନୀ ଇଜ ହାଲ୍‌ମାମୁ □”

୨୫ ଏଚେଟିଏ ଏଝାସି ଏ ଦେବୁଣିଏ ଏଝାରି ନକିତା ନିଙ୍ଗାନା ଆମିନି କାଟେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହିଁ ତାମି ଇଜ ହାଚେସି □

୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡେ ଆଜିତଲେ ଏଲେଇଚେରି, “ନୀଞ୍ଜୁ ମାମ୍ବୁ କାବାଆନି କାମା ମେସ୍ତମି □”

ଜୀସୁ ଲେବିଇଁ ହାଟିନାୟି (ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଙ୍ଗାତା ହାଜାନା ଲେବି\* ଦରୁଗାଟି ର ସିସ୍ତୁରାହ୍‌ନାସି ସିସ୍ତୁରାହ୍‌ନି ଚାନ୍ତୁତା କୁଗାମାନାଣି ମେସାମା ଏଝାଣାଇଁ ଏଲେଇଚେସି, “ନା ଜେଡ ଝାମ୍ବୁ □”

୨୮ ଏମ୍ବାଟିଏ ଏଝାସି ବାରେ ପିସାନା ନିଙ୍ଗାନା ଏଝାଣି ଜେଡ ହାଚେସି □

୨୯ ଅଡେ ଲେବି ତାମି ଇଜ ର କାଜା ବଜି କିଚେସି, ଇଞ୍ଜା ହାଚେକା ସିସ୍ତୁରାହ୍‌ନାରି ଅଡେ ଏଟକାଟି ଲକୁ ବାରେ ଏଝାରିତଲେ ତିଞ୍ଜାଲି କୁଗିଚେରି □

୩୦ ଏଚେଟିଏ ପାରୁସିୟାଁ ଅଡେ ଏଝାରି ଗଚିତି ମେରାପୁନାରି ତାମି ସୀସୁୟାଁଇଁ ଏଲେଇଚେରି, “ମୀରୁ ଏନାଆଁତାକି ସିସ୍ତୁରାହ୍‌ନାରି ଅଡେ ପାପୁ ଗାଟାରି ତଲେ ତିଞ୍ଜି ଉଣ୍ଡି ମାଞ୍ଜେରି ?”

୩୧ ଜୀସୁ ଏଝାରାଇଁ ଏଲେଇଚେସି, “ନେହିଁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ □

୩୨ ନାନ୍ତୁ ତାରିଗାଟାରାଇଁ ହାଟାଲି ଝାହାହିଲଅଁ, ସାମା ମନ ଝେଟ୍‌ପି କିହାଲି ପାପୁ ଗାଟାରାଇଁ ହାଟାଲି ଝାହାମାଇଁ □”

ଉପାସା କିନି କାତା ଝେନାୟି (ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଇଁ ଝେଚେରି, “ଜହନତି ସୀସୁୟାଁ ଅଡେ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡେ ପ୍ରାଡାନା କିହିମାନେରି, ସାମା ନୀ ସୀସୁୟାଁ ତିଞ୍ଜି ଉଣ୍ଡି ମାନେରି □”

୩୪ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ବୀହା ଲକୁତଲେ ହନେଏସି ମାନି ପାତେକା ବୀହା ଲକୁ ଉପାସା ମାଞ୍ଜାଲି ଆଡ଼ିନେରି ?

୩୫ ସାମା ର ଦିନା ଝାନେ; ଏଝାରି ତାଣାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେରି □”

୩୬ ଇଞ୍ଜା ଏଝାସି ର ପୁଣ୍ଡିକିନି କାତା ଜିକେଏ ଝେସ୍ତେସି, “ଆମ୍ବାଆସି ପୁଞ୍ଜଇ ହିମ୍ବୁରିତା ପୁଞ୍ଜି ପାସକି ତାଟଅସି; ତାଟିତିଝା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣ୍ଡେଏ □

୩୭ ଅଡେ ଆମ୍ବାଆସି ପୁଞ୍ଜି ଅଙ୍ଗୁରି ରାସା ପୁଞ୍ଜଇ ତ:କାତା† ଇଟଅସି;

\* ୫:୨୭ ୫:୨୭ ମାତିୟୁ † ୫:୩୦ ୫:୩୦ ଲୁକ ୧୫:୧,୨ † ୫:୩୭ ୫:୩୭ ତଲୁ ତଲେ କେପିତି ଅଙ୍ଗୁରି ରାସା ଇଟିନି ବାସ୍ତା ତୁପୁ

ଇଚିତହୁଁ ଅଛୁରି ରାସା ତ:କାତି  
ଅୟି କିହାନା ବହାହାନେ ଅଡ଼େ ତ:କା  
ଜିକେଏ ନସ୍ତୁ ଆନେ,

୩୮ ସାମା ପୁଃନି ଅଛୁରି ରାସା ପୁଃନି  
ତ:କାତା ଇଚିନାୟି ମାନେ □

୩୯ ଆମ୍ବାଆରି ପୁଃଈ ଅଛୁରି ରାସା  
ଗସ୍ତି ତାୟୁ ପୁଃନି ଅଛୁରି ରାସା  
ଗହୁଅଡ଼େରି □ ପୁଃଆୟି ନେହେଁ  
ଇଞ୍ଜେରି □”

୨

ଜମିନି ଦିନାତି ପ୍ରବୁ

(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟା  
ତଲେ ଗହଁ ଗୁଡ଼ିୟାତି ହାଜିମାଚାତି  
ସୀସୁୟା ଗହଁ ଜେକା ତାପହାନା  
କେୟୁତଲେ ରାକହା ତିଞ୍ଜିମାଚେରି □

୨ ସାମା ପାରୁସିୟା ବିତ୍ରାତି  
ଏଚରଜାଣା ଏଲେଇଚେସି, “ଜମିନି  
ଦିନାତା ଏନାଆଁ କିନାୟି ମେରା ହିଲେଏ  
ମୀରୁ ଏନାଆଁତାକି କିହମାଞ୍ଜେରି □”

୩ ଜୀସୁ ଏଞ୍ଜାରାୟି ଏଲେଇଚେସି,  
“ଦାଢୁଦ ଅଡ଼େ ତାନି ତଣେସିଙ୍ଗା ହାକିତି  
ମାଚାତି ଏନାଆଁ କିହମାଚେରି, ଏଦାଆଁ  
ମୀରୁ ଏଚେଲା ପଡ଼ୁଞ୍ଜି ଆହାହିଲଅଡ଼େରି  
?”

୪ ଏଞ୍ଜାସି ମାହାପୁରୁ ଇଲୁତା  
ହତାନା ଆମିନି ହେରୁପିଆହାମାନି ରୁଚି  
ପୂଜେରାଙ୍ଗା ପିସ୍ପେ ଆମ୍ବାଆରି ତିନି  
ମେରା ହିଲାଆତେ ଏଦାଆଁ ତିଚେସି  
ଇଞ୍ଜା ତାନି ତଣେସିଙ୍ଗାକି ଜିକେଏ  
ହୀଡ଼େସି □”

୫ ଅଡ଼େ ଏଞ୍ଜାସି ଏଞ୍ଜାରାୟି  
ଏଲେଇଚେସି, “ମାଣ୍ଡସି ମୀରୁଏସି  
ଜମିନି ଦିନାତି ପ୍ରବୁ ଆନେସି □”

ଞ୍ଜାୟିତି କେୟୁ ଗାଟାଣାୟି  
ନେହୁଁ କିନାୟି

(ମାତି ୧୨:୯-୧୪; ମାର୍କ ୩:୧-୬)

୬ ଏଞ୍ଜାସି ର ଜମିନି ଦିନାତା ଜୀହୁଦି  
ଲକୁତି କୁଟମି ଇଲୁତା\* ହାଜାନା ଜାପୁହି  
ମାଚେସି; ଏମ୍ବାଆଁ ରଅସି ମାଚେସି

ଏଞ୍ଜାଣି ଚିଃନି କେୟୁ ଞ୍ଜାୟାହାଜାମାଚେ  
□

୭ ଅଡ଼େ ଏଞ୍ଜାସି ଜମିନି ଦିନାତା  
ନେହୁଁ କିନେସିକି ଆଏ ଏଦାଆଁ  
ସିନିକିହାଲି ମେରାପୁନାରି ଅଡ଼େ  
ପାରୁସିୟା କୁଗାନା ସିନିକିହମାଚେରି,  
ଏନିକି ଏଞ୍ଜାଣାୟି ଦହ ଆସାଲି ପାରୁ  
ବେଟାଆନେରି □

୮ ସାମା ଏଞ୍ଜାସି ଏଞ୍ଜାରି ହିୟାତି  
ଅଣ୍ଡୁ ପୁଞ୍ଜାନା ଆମିନି ଲକୁତି  
କେୟୁ ଞ୍ଜାୟାହାଜାମାଚେ ଏଞ୍ଜାଣାୟି  
ଏଲେଇଚେସି, “ନିଙ୍ଗାମୁ ମାଦି ନିମୁ □”  
ଏଚେଟିଏ ଏଞ୍ଜାସି ନିଚେସି □

୯ ଏମ୍ବାଟିଏ ଜୀସୁ ଏଞ୍ଜାରାୟି  
ଏଲେଇଚେସି, “ନୀନୁ ମିଙ୍ଗେ  
ଞ୍ଜେଞ୍ଜିମାଞ୍ଜାୟି ଜମିନି ଦିନାତା  
ଏନାଆଁ କିନାୟି ମେରା ମାନେ ?  
ନେହୁଁ କିନାୟି କି ଲାଗେଏ କିନାୟି ?  
ଜୀହୁତି ଗେଲୁପିନାୟି କି ନାସା କିନାୟି  
?”

୧୦ ଅଡ଼େ ଏଞ୍ଜାସି ସାରିଞ୍ଜାକି ଲକୁଣି  
ସିନିକିହାନା ଏଞ୍ଜାଣାୟି ଏଲେଇଚେସି,  
“ନୀ କେୟୁ ଦାହୁମୁ □” ଏମ୍ବାଟିଏ  
ଦାସ୍ତେସି, ଇଞ୍ଜା ଏଞ୍ଜାଣି କେୟୁ ନେହୁଁ  
ଆହାହାଚେ □

୧୧ ଏଦାଆଁ ମେସାନା ଏଞ୍ଜାରି  
କାରୁବି ଆହାହାଚେରି ଅଡ଼େ ଜୀସୁୟି  
ଏନିକିହାଲି ଆନେ ଇଞ୍ଜା ତାମ୍ବୁ ତାମ୍ବୁ  
କାତା ଆଡ଼େରି □

ଜୀସୁ ବାରଜାଣା ସୀସୁୟାୟି  
ଆଚିନାୟି

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାତାନା  
କିହାଲି ହରୁ ଲାକ ହାଚେସି ଇଞ୍ଜା  
ଲାଆଁ ଞ୍ଜେୟେ ମାହାପୁରୁ ତାଣା ପ୍ରାତାନା  
କିଚେସି □

୧୩ ଲାକ ଞ୍ଜେୟାଲିଏ ଏଞ୍ଜାସି ତାନି  
ସୀସୁୟା ତାଗେ ହାଟାନା ଏଞ୍ଜାରି  
ବିତ୍ରାତି ବାରଜାଣାତି ଆଚିଚେସି; ଇଞ୍ଜା  
ଏଞ୍ଜାରାୟି ପାଣ୍ଡୁଞ୍ଜି ଆଡ଼ାରି ଇଞ୍ଜା ଦରୁ  
ଇଚିଚେସି,

\* ୨:୨ ୨:୨ ସିନଗଗ

୧୪ ଏଞ୍ଜାରି ଆଡେରି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହୀତେସି, ଅଡେ ତାନି ତାୟି ଆହିୟ, ଜାକୁବ ଅଡେ ଜହନ, ପିଲିପ, ବାର୍ତଲମି,

୧୫ ମାତିୟୁ ଅଡେ ତମା, ଆଲେପି ମୀରଏସି ଜାକୁବ ଅଡେ ସିମନ, ଆମିନି ଗାଟାଣାଇଁ ତାନି ଦେସାତି ଜୀଝୁ ନନାସି ଇନେରି,

୧୬ ଜାକୁବ ମୀରଏସି ଜୀହୁଦା ଅଡେ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେର୍ପିତେସି □

ଜୀସୁତି ଜାପୁନାୟି ଅଡେ ରଗଟି ନେହୁଁକିନାୟି  
(ମାତି ୪:୨୩-୨୫)

୧୭ ଅଡେ ଏଞ୍ଜାସି ଏଞ୍ଜାରିତଲେ ରେଟାଞ୍ଜାହାନା ନିମା ଗାଟି ଟାୟୁତା ନିତେସି, ଇଞ୍ଜା ତାନି ହାଡେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜା ସର ଅଡେ ସିଦନ ଦାରିଟି ହାଡେକା ଖାଡେରି □

୧୮ ଏଞ୍ଜାରି ଜୀସୁତି କାତା ଖେଞ୍ଜାଲି ଅଡେ ତାନି ରଗଟି ନେହୁଁ ଆହାଲି ଖାହାମାଚେରି, ଅଡେ ଆମିନି ଗାଟାରି ବୃତୁୟାଁ ତାଣାଟି କସ୍ତୁ ବେଟାଆହି ମାଚେରି, ଏଞ୍ଜାରି ଜିକେଏ ନେହୁଁ ଆଡେରି;

୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାଚେରି, ଇତିହୁଁ ଏଞ୍ଜାଣି ତାଣାଟି ବାଡୁୟୁ ହଟାନା ବାରେଜାଣାଟି ନେହୁଁ କିହିମାଚେ □

ଆମ୍ବାଆରି ନେହୁଁ  
(ମାତି ୫:୧-୧୨)

୨୦ ଏଟିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇଚେସି, “ହିଲୀଆଗାଟାଚେରି ମୀରୁ; ମିଙ୍ଗେ ନେହୁଁ, ଇତିହୁଁ ମାହାପୁରୁ ରାକି ମୀଦିଏ □

୨୧ ନୀଏଁ ହାକି ଗାଟାଚେରି ମୀରୁ; ମିଙ୍ଗେ ନେହୁଁ, ଇତିହୁଁ ମୀରୁ ତାୟୁ ପାଞ୍ଜିଦେରି □

ନୀଏଁ ଡୀହିମାନାଚେରି ମୀରୁ; ମିଙ୍ଗେ ନେହୁଁ, ଇତିହୁଁ ମୀରୁ ତାୟୁ କାକଦେରି □”

୨୨ \* “ଏଚେତା ଲକୁ ମିଙ୍ଗେ ଅପଅରି ଅଡେ ମାଣସି ମୀରଏଣା ତାକି ଏଚକା କିୟାନେରି, ଅଡେ ନିନ୍ଦା କିୟାନେରି ଇଞ୍ଜା ମୀ ଦରୁତି ଲାଗେଏତାୟି ଇଞ୍ଜୁଁ ଅପଅରି, ଆତିହୁଁ ମୀରୁ ନେହୁଁ □

୨୩ \* ଏ. ବେଲାତା ରାହୁଁତଲେ ଏନ୍ଦାଦୁ, ଏନିଇତିହୁଁ ଲାକପୁରୁ ମିଙ୍ଗେତାକି ହାଡେକା ଦାନା ମାନେ; ଅଡେ ଏଲେକିହୁଁଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣ୍ପୁତି ବଲୁ ଖେହନାରାଇଁ କିହିମାଚେରି □”

୨୪ “ସାମା ଆୟଡା ତଣ୍ଡ ବେଟାଆନ୍ତି ଦନ ଗାଟାଚେରି ମୀରୁ; ମୀରୁ ମୀ ଅଣ୍ପିମାଟି ସୁକୁ ବେଟା ଆହାମାଞ୍ଜେରି □

୨୫ ଆୟଡା ତଣ୍ଡ ବେଟାଆନାଚେରି ନୀଏଁ ପାଞ୍ଜାମାନାଚେରି ମୀରୁ; ଇତିହୁଁ ତାୟୁ ମୀରୁ ହାକି ଆଦେରି □

ଆୟଡା ନୀଏଁ କାକହି ମାନାଚେରି ମୀରୁ; ଇତିହୁଁ ତାୟୁ ମୀରୁ ଦୁକୁ ଆହାନା ଡୀଦେରି □”

୨୬ “ଏଟିବେଲା ବାରେ ଲକୁ ମିଙ୍ଗେ ନେହୁଁଚେରି ଇଞ୍ଜାନେରି, ଏଟିବେଲା ଆୟଡା ତଣ୍ଡ ବେଟା ଆନାଚେରି; ଏଲେକିହୁଁଏ ଏଞ୍ଜାରି ଆକୁ ଆବାୟାଁ ମିଟି ବଲୁ ଖେହନାରାଇଁ କିହିମାଚେରି □”

ସାତୁୟାଁଇଁ ଜୀଝୁନନାୟି  
(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଖେଞ୍ଜିମାଞ୍ଜେରି, ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ

ଜୀଝୁନଦୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହୁଁ କିଦୁ;

୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହୁଁ ଲେମ୍ବାନେରି ଏଞ୍ଜାରି କସମି ପ୍ରାଡାନା କିଦୁ □

୨୯ ଆମ୍ବାଆସି ମିଙ୍ଗେ ର ଗେଏଲାତା ସାପ୍ତା ଝେତାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜା ଆମ୍ବାଆସି ମୀ ହିମ୍ବିରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ □

୩୦ ଆମ୍ବାଆସି ମିଙ୍ଗେ ରୀସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଣାଇଁ ଝେଣ୍ଡେ ରୀହୁଆଦୁ □

୩୧ ଲକୁ ମିଙ୍ଗେ ଏନିକଁ ଲେମ୍ବାପେରି ଇଞ୍ଜୁଁ ଅଣ୍ଡିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହୁଁ ଲେମ୍ବାଦୁ □

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଝୁ ନୟାନେରି, ଏଞ୍ଜାରାଇଁ ଜୀଝୁ ନଡିହୁଁ ଏନି ବର ବେଟାଆଡେରି ? ଇଚିହୁଁ ପାପୁ ଗାଟାରି ଜିକେଏ ତାମ୍ବେ ଜୀଝୁ ନନାରାଇଁ ଜୀଝୁ ନନେରି □

୩୩ ଅଡେ ଆମ୍ବାଆରି ମିଙ୍ଗେତାକି ନେହୁଁ କିୟାନେରି, ମୀରୁ ଏଞ୍ଜାରି ନେହୁଁ କିଦେରି, ଆତିହୁଁ ମୀରୁ ଏନି ବର ବେଟାଆଡେରି ? ଇଚିହୁଁ ପାପୁ ଗାଟାରି ଜିକେଏ ଏଲେକିନେରି □

୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଣା ହାତିସାରେ ମୀରୁ ଏନି ବର ବେଟାଆଡେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଣା ହୀନେରି □

୩୫ ସାମା ମୀ ସାତୁୟାଣି ଜୀଝୁନଦୁ ଇଞ୍ଜା ଏଞ୍ଜାରି ନେହୁଁ କିଦୁ, ଝେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହୁଁ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା

ମାହାପୁରୁତି ମୀରକା ଆଦେରି, ଇଚିହୁଁ ଏଞ୍ଜାସି ଜୀଝୁ ନଆଗାଟାରାଇଁ ଅଡେ ପାପୁ ଗାଟାରାଇଁ ଜିକେଏ ଜୀଝୁ ନନାସି □

୩୬ ମୀ ଲାକପୁରୁତି ଆବା ଏନିକଁ କାର୍ମା ମେହୁନାସି ମୀରୁ ଜିକେଏ ଏଲେକିହୁଁ ଏ କାର୍ମା ମେହୁନାତେରି ଆଦୁ □

ଏଟକା ତାରାଇଁ ନୀହାୟି କିଆଦୁ (ମାତି ୭:୧-୫)

୩୭ “ଅଡେ ନୀହାୟି କିଆଦୁ, ଆତିହୁଁ ମୀରୁ ମାହାପୁରୁ ତାଣା ନୀହାୟି କିଞ୍ଜି ଆଅତେରି; ଦହ ଦହଆଦୁ, ଆତିହୁଁ ମୀରୁ ମାହାପୁରୁ ତାଣା ଦହ ଗାଟାତେରି ଆଅତେରି; ଦହ ମ୍ଲେକ୍ତୁ, ଆତିହୁଁ ମାହାପୁରୁ ମୀ ଦହ ଜିକେଏ ମ୍ଲେକ୍ତହାନେସି;

୩୮ ହୀଦୁ ଆତିହୁଁ ମିଙ୍ଗେ ଜିକେଏ ହୀପ୍ତକିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବ୍‌ଗାନା ଦାକ୍‌ହାନା ଡେଲି କିହାନା ମୀ ଅଟଡିତା ହିୟାନେରି; ଇଚିହୁଁ ଆମିନି ମାଣାତଲେ ଲାଡିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଟା ହିୟାନେରି □”

୩୯ ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେଇଚେସି, “ର କାଣା ଅର କାଣାଇଁ ଜିରୁ ତସାଲି ଆଡିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡୁୟୁତା ତରଗଅରି କି ?

୪୦ ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହୁଁ କଁ ଜାପାଲି ଆଡିସାରେ ତାମି ଗୁରୁ ସମାନା ଆନେରି □”

୪୧ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣ୍ଡି ହିଲଅତି ?

୪୨ ନୀନୁ ନୀ କାନୁତା ମାନି କାଜା ଲାଟାତି ଅଣ୍ଡିପାଆନା, ଏନିକଁ ନୀ ତାୟିଇଁ ଏଲେଇଞ୍ଜାଲି ଆଡିଦି, ତାୟି

\* ୭:୩୧ ୭:୩୧ ମାତି ୭:୧୨ \* ୭:୩୯ ୭:୩୯ ମାତି ୧୫:୧୪ \* ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦

ଝାମ୍ବୁ ନୀ କାନୁତା ମାନି ଲାଗା ଡେଝାଇଁ, ଆଡେ କୁଟୁ ଗାଟାଟି ତଲିଏ ନୀ କାନୁତି କାଜା ଲାଗା ଡେଝା କଡାମ୍ବୁ, ତାୟୁ ମୀ ତାୟି କାନୁତି ଲାଗା ନେହୁଁକଁ ମେସାଲି ଆଡ଼ିଦି □

ମାର୍‌ନୁ ଅଡେ ତାନି ପାଡେୟି (ମାତି ୭:୧୭-୨୦; ୧୨:୩୩-୩୫)

୪୩ “ଇଚିହୁଁ ଇଲେତି ଏନି ର ନେହୁଁ ମାର୍‌ନୁ ହିଲେଏ, ଏମିନାୟି ଲାଗେଏତି ପାଡେୟି ଆୟିନେ, ଅରଝାକି ଇଲେତି ଏନି ମାର୍‌ନୁ ହିଲେଏ ଏମିନାୟି ନେହୁଁ ପାଡେୟି ଆୟିନେ □

୪୪ \*ଇଚିହୁଁ ବାରେ ମାର୍‌କାଣି ତାନି ପାଡେୟି ତଲେ ପୁନାୟି; ହାପୁକା ମାର୍‌ନୁଟି ଲକୁ ତୟା ପାଡେୟି ଏହୁଅରି, ଇଞ୍ଜା ହାପୁକା ବୁଟାଟି ଅଛୁରି ପାଡେୟି ଏହୁଅରି □

୪୫ \*ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ କାତା ହପୁନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପୁନେସି; ଇଚିହୁଁ ହିୟା ବିତ୍ରା ମାନାଣି ଗୁଟିଟି ଜଲିନେସି □

ରୀ ଇଲୁକା କେପିନାରି (ମାତି ୭:୨୪-୨୭)

୪୬ ଅଡେ ମାର୍‌ନୁ ଏନାଆଁତାକି ନାଞ୍ଜେ ପ୍ରବୁ ପ୍ରବୁ ଇଞ୍ଜା ମାଞ୍ଜାଦେରି, ସାମା ନା କାତା ମାନଝି ଆହୁ ହିଲଅଡେରି ?

୪୭ ଆମ୍ବାଆସି ନା ତାଣା ଝାହାନା ନା କାତା ଝେଞ୍ଜାନା ବାରେ ମାନଝି ଆନେସି, ଏଝାସି ଏନିଲେହେଁତାସି, ନାନୁ ମିଞ୍ଜେ ଝେସ୍ତାଇଁ □

୪୮ ଏଝାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାତି ଗାଡ଼ୟୁ କାରୁହାନା ପୁନାଦି ଝାଲୁକାତଲେ କାତି ନିପୁନେସି; କାଜା କାତା ଝାହାନା ଏ ଇଲୁତି ଗୁପିତେ, ଝାଲୁକାତଲେ ଇଲୁ ଦସାମାଟାକି କାତା ଇଲୁତି ଦାକ୍‌ହାଲି ଆଡାଆଡେ □

୪୯ ସାମା ଆମ୍ବାଆସି ଝେଞ୍ଜାନା ମାନଝି ଆଅସି ଏଝାସି ଗାଡ଼ୟୁଟିଏ ପୁନାଦି କିଆନା ଇରୁଆ ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଝାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଡେ ଇଞ୍ଜା କୁଡ଼ପୁନାସା ଆହାହାଡେ □”



ଜୀସୁ ର ରମିୟ ହଲେଏଶାଇଁ ନେହୁଁକିନାୟି (ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଝେସାଲି ରାପୁହାଲିଏ କପରନାହୁମ ଗାଡ଼ାତା ହାଡେସି □

୨ ଏଚିବେଲାତା ରଅସି ପାସାକଡ଼ି କସୁକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଡେସି; ଏ ହଲେଏଶାଇଁ ଏଝାସି ହାଡେରକା ଜୀସୁ ନହୁଁମାଡେସି □

୩ ଏଝାସି ଜୀସୁ କାତା ଝେଞ୍ଜାନା, ଏଝାସି ଏନିକଁ ଝାହାନା ତାନି ହଲେଏଶାଇଁ ନେହୁଁ କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାଟି ଏଝାଣି ତାଣା ପାଣ୍ଡାନା ବାତିମାଲିଡେସି □

୪ ଏଝାରି ଜୀସୁ ତାଣା ଝାହାନା ହାଡେରକା ବାତିମାଲିହୁଁ ଝେସ୍ତେରି, “ଏଝାସି ନୀ ତାଣାଟି ହାଡେରକା ସାୟେମି ବେଟାଆହାଲି ପାଡ଼ା ଆନାସି;

୫ ଇଚିହୁଁ ଏଝାସି ମା ଜୀହୁଦି ଲକୁଣି ଜୀସୁ ନନେସି ଅଡେ ତାନୁଏ ମାଞ୍ଜେତାକି ଜୀହୁଦି ଲକୁତି କୁଟମି ଇଲୁ\* କିହାମାନେସି □”

୬ ଏମ୍ବାଟିଏ ଜୀସୁ ଏଝାରିତଲେ ହାଡେସି, ଏଝାସି କାଜାଣି ଇଲୁଟିଏ ହିରେ ହେକ ମାଟାଟିଏ, କସୁକା ମୁହେଁ କାଜାସି ତାନି ତଣେସିଙ୍ଗାଣି ଝେସା ପାଣ୍ଡିଡେସି, “ଏ ପ୍ରବୁ ନୀନୁ ଅଡେ କସୁ ପ୍ଲାଝଆନିଦେ; ଇଚିହୁଁ ନୀନୁ

\* ୭:୪୪ ୭:୪୪ ମାତି ୧୨:୩୩ \* ୭:୪୫ ୭:୪୫ ମାତି ୧୨:୩୫ \* ୭:୫ ୭:୫ ସିନଗର

ନା ଇଜ ପାଞ୍ଜୁଲି ଇଚିଦି ଇଲେକ  
ପାଡ଼ାଆଆତାତେଏ;

୭ ଇଦାଆତାକି ନାନୁ ନୀ ତାଣା  
ଝାହାଲି ପାଡ଼ାଆଆଁ ଇଞ୍ଜି ଅଣପିତେଏ;  
ସାମା ନାନୁ ର ପିତୁ ଝେସା ପାଣ୍ଡାମୁ ନା  
ହଲେଏସି ନେହ ଆନେସି □

୮ ଇଚିହ ନାନୁ ରଅଣି ତାଣା କାମା  
କିନି ମାଣସି ଆଡ଼ିହ ଜିକେଏ ନା  
ଅଦିକାରାତା ଅଡ଼େ କସକା ମାନେରି;  
ଅଡ଼େ ନାନୁ ରଅଣାଇଁ ହାଲାମୁ ଇଚିହ  
ହାନେସି; ରଅଣାଇଁ ଝାମୁ ଇଚିହ  
ଝାନେସି; ଇଞ୍ଜା ନା ହଲେଏଣାଇଁ  
ଇଦାଆଁ କିମୁ ଇଚିହ ଏଝାସି କିନେସି  
□”

୯ ଜୀସୁ ଇ ବାରେ କାତା ଝେଞ୍ଜାନା  
କାବା ଆଡ଼େସି, ଅଡ଼େ ଜେତ ଝାହିମାନି  
ଲକୁଝାକି ସିନିକିହାନା ଏଲେଇଚେସି,  
“ନାନୁ ମିଙ୍ଗେ ଝେସିମାଞ୍ଜାଇଁ ଇସ୍ତାୟେଲ  
ଲକୁ ବିତ୍ରା ଜିକେଏ ନାନୁ ଇଲେତି ନାମୁ  
ମେସାହିଲଅଁ □”

୧୦ ଅଡ଼େ ପାଣ୍ଡୁଝି ଆହାମାଟି ଲକୁ  
ଇଜ ଝାହାନା ହଲେଏସି ନେହ  
ଆହାମାନାଣି ମେସ୍ତେରି □

ରାଣ୍ଡେଣି ଇୟାନି ମୀରଏଣାଇଁ ଜୀସୁ  
ହୀନାୟି

୧୧ ଏମ୍ବାଟିଏ ନାଇନ ଦରୁଗାଟି  
ଗାଡ଼ାତା ହାଚେସି, ତାନି ସୀସୁୟାଁ  
ଇଞ୍ଜା ହାରେକା ଲକୁ ଏଝାଣିତଲେ  
ହାଜିମାଚେରି □

୧୨ ଏଝାସି ଗାଡ଼ାତି ଗଲିମୁଗାତା  
ଏଜାଲିଏ ଲକୁ ର ମାଡ଼ହାତି ପାଙ୍ଗାତା  
ଡ଼େକା ତାଟି ମାଚେରି, ଏଝାସି ତାନି  
ଇୟାନି ରଣ୍ଡିଏ ମୀରଏସି ମାଚେସି,  
ଇଞ୍ଜା ଏ ଇୟା ରାଣ୍ଡେଣି ମାଚେ; ଅଡ଼େ  
ଗାଡ଼ାତି ହାରେକା ଲକୁ ଏଦାନିତଲେ  
ମାଚେରି □

୧୩ ଏଦାନି ମେସାନା ଜୀସୁ ହାରେକା  
କାର୍ମା ଅଣ୍ଡପାନା ଏଦାନି ଏଲେଇଚେସି,  
“ଡ଼ୀଆନି □”

୧୪ ଅଡ଼େ ଏଝାସି ତାଗେ ହାଜାନା  
ଡ଼େକାମାଟି ଚେଚେଣିତି ତାଗିତେସି,

ଇଞ୍ଜା ଡ଼େକା ଅହିମାଟି ଲକୁ  
ନିଚାଲିଏ ଜୀସୁ ଏଲେଇଚେସି,  
“ଆଡ଼େ ଦାଂଗଣେଣାଁତି! ନାନୁ  
ଏଲେଇଞ୍ଜିମାଞ୍ଜାଇଁ ନିଙ୍ଗାମୁ □”

୧୫ ଏଚେଟିଏ ହାହାମାଟି  
ଦାଂଗଣେଏସି ନିଙ୍ଗାନା କୁଗିତେସି ଇଞ୍ଜା  
ଜଲିତେସି, ଇଞ୍ଜା ଏଝାସି ତାନି ଇୟାନି  
କେୟୁତା ହେର୍ପିତେସି □

୧୬ ଏଚେଟିଏ ବାରେଜାଣା  
ଆଜିତାକି ମାହାପୁରୁଇଁ ଜହରା କିହ  
ଏଲେଇଚେରି; “ମା ବିତ୍ରା ର ମାହାପୁରୁ  
ଅଣ୍ଡପୁତି ବଲୁ ଝେହନସି ହଚାମାନେସି,  
ଇଚିହ ମାହାପୁରୁ ତାନି ଲକୁଣି କାର୍ମା  
ମେସାମାନେସି □”

୧୭ ଇଞ୍ଜା ଜୀସୁ କିତି ଇ କାତା ବାରେ  
ଜୀହୁଦା ଦେସାତା ଅଡ଼େ ସାରିସୁଟୁ ମାନି  
ରାଜିତା ଝେଙ୍ଗାହାଚେ □

ବାପ୍ତିସ୍ତାଁ ହୀନି ଜହନତି କାରୁ  
ଝେହନାରି

(ମାଟି ୧୧:୨-୧୯)

୧୮ ତାୟୁ ବାପ୍ତିସ୍ତାଁ ହୀନି ଜହନତି  
ସୀସୁୟାଁ ଇ ବାରେ କାତା ଏଝାଣାଇଁ  
ଝେସ୍ତେରି □

୧୯ ଏଚେଟିଏ ଜହନ ତାନି ରୀ  
ସୀସୁୟାଁଇଁ ତାଗେ ହାଚାନା ପ୍ରବୁ ତାଣା  
ଏଲେଇଞ୍ଜା ପାଣ୍ଡିତେସି, “ଆମ୍ବାଆସି  
ଝାନାୟି ମାଚେ, ନାନୁଏ ଏଝାଟିକି,  
ଆଆତ ମାମୁ ଅର ରଅଣାଇଁ  
କାଃଆନମି ?”

୨୦ ଏଝାରି ଜୀସୁ ତାଣା ଝାହାନା  
ଏଲେଇଚେରି, “ବାପ୍ତିସ୍ତାଁ ହୀନି  
ଜହନ ମାଙ୍ଗେ ଏଲେଇଞ୍ଜା ପାଣ୍ଡାତେସି,  
ଆମ୍ବାଆସି ଝାନାୟି ମାଚେ ଏଝାତି  
ନାନୁଏ କି ଆଆତ ମାମୁ ଅର  
ରଅଣାଇଁ କାଃଆନମି ?”

୨୧ ଏଚିଚେଲା ଏଝାସି ହାରେକା  
ରଗା, କସ୍ତ ଅଡ଼େ ପଲୁଆ ବୁଡୁୟାଁ  
ତାଣାଟି ହାରେକା ଲକୁଣି ନେହ  
କିତେସି, ଇଞ୍ଜା ହାରେକା କାଣକା

ମେହଆଗାଟାରାଇଁ ମେହନି ବାଡ଼ୁମୁ ହାତେସି □

୨୨ ଏଝାସି ଏଝାରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି, ଏ ବାରେ ଜହନଇଁ ଝେହ୍ନୁ; କାଣ୍ଡକା ମେହଆଗାଟାରି ମେସାଲି ଆଡ଼ିମାନେରି, ସଟାୟା ତାକାଲି ଆଡ଼ିମାନେରି, କାଜା ରଟା ଗାଟାରି ନେହ ଆହିମାନେରି, ବେରାୟା ଝେଞ୍ଜାମାନେରି, ହାଡ଼ାରି ନୀଡ଼ିମାନେରି, ଅଡ଼େ ହିଲିଆ ଗାଟାରି ନେହ କାଡ଼ୁ ଝେଞ୍ଜାମାନେରି;

୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି, ତାମ୍ବଲେଏ ନେହେଁ □”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି? ଏନାଆଁ ଗାଲି ତଲେ ଖାଲିମାନି ତାଣ୍ଡିତି ?

୨୫ ଏଦାଆଁ ଆଆଡିହ ଏନାଆଁ ମେସାଲି ହାଜାମାଚେରି? ନେହ ଅକ୍ତିତ ପାଡ଼ାଡ଼ା ହିମ୍ବରି ହୁରାମାନି ର ମାଣସିଇଁ ? ମେହ୍ନୁ ଆମ୍ବାଆରି ନେହ ନେହ ହିମ୍ବରିକା ହୁରାନା ସୁକୁ ତଲେ ଡ଼ୟିନାରି ଏଝାରି ରାଜା ଗାଡ଼ାତା ଡ଼ୟିନେରି □

୨୬ ଏଦାଆଁ ଆଆଡି ଏନାଆଁ ମେସାଲି ହାଜାମାଚେରି? ଏନାଆଁ ର ମାହାପୁରୁ ଅଣ୍ଟପୁଡି ବଲୁ ଝେହ୍ନନାଣାଇଁ ? ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁ ବଲୁ ଝେହ୍ନନାରି କିହାଁ କାଜାଣାଇଁ □

୨୭ ଆମ୍ବାଆରି କାତା ରାସ୍ତି ଆହାମାନେ, ‘ହେଣୁ ନାନୁ ନା କାଡ଼ୁ ଝେହ୍ନନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଝାସି ନୀ ନକିତା ଜିରୁ ତିୟାରା କିନେସି, ଏଝାସି ଏ ମାଣସି □’

୨୮ ନାନୁ ମିଙ୍ଗେ ସାତା ଝେସିମାଞ୍ଜାଇଁ

ଇୟାନି ବାଣ୍ଡିଟି ଜାର୍ନା ଆହାମାନାରି ବିଡ଼ା ଜହନ ବାରେକିହାଁ କାଜାସି; ଆଡ଼ିଜିକେଏ ମାହାପୁରୁ ରାଜିତା ଆମ୍ବାଆସି ଉଣା ଏଝାସି ଏଝାଣି କିହାଁ କାଜାସି □”

୨୯ ବାରେଜାଣା ଇ କାତା ଝେଞ୍ଜାନା, ସିସୁ ରୁାହନାରି ଜିକେଏ ଜହନ ତାଣାଟି ବାପ୍ତିସ୍ତୁ\* ଅହାମାଚାକି ମାହାପୁରୁଇଁ ସାତା ଇଞ୍ଜି ଇଚେରି;

୩୦ ସାମା ପାରୁସିୟାଁ ଅଡ଼େ ମେରାପୁନାରି ଏଝାଣି ତାଣାଟି ବାପ୍ତିସ୍ତୁ† ପ୍ଲୁଃଆନାହାଁ ତାମ୍ବଲେ ତାକି ମାହାପୁରୁ ଅଣ୍ଟପିମାଚାଣି କୂଚେରି □

୩୧ “ଇ କାଲୀତି ଲକୁଣି ଆମ୍ବାଆରି ତଲେ ତୁକଇଁ, ଇଞ୍ଜା ଏଝାରି ଆମ୍ବାଆରି ଲେହେଁ ?

୩୨ ଏମିନି କକାରି ହାଟା ବାଜାରାତା କୁଗାନା ତାମ୍ବୁ ଏଲେଇଣ୍ଡି ଆନେରି, ‘ମାମ୍ବୁ ମିଙ୍ଗତାକି ପୀରୁଡ଼ି ଉକିତମି, ମୀରୁ ଏନାଆଚେରି; ମାମ୍ବୁ ଦୁକୁତଲେ ଡ଼ୀତମି ମୀରୁ ଡ଼ାଆଚେରି □’ ଏଝାରି ଇଲେତାରି ଇଞ୍ଜି ଜୀସୁ ଝେସ୍ତେସି □

୩୩ ଇଚିହ ବାପ୍ତିସ୍ତୁ‡ ହାନି ଜହନ ଝାହାନା ରାନ୍ଦା ତିନାଆଚେସି କି ଅକ୍ଟୁରି ରାସା ଗହଆଚେସି, ଅଡ଼େ ମୀରୁ ଏଲେଇଚେରି, ‘ଏଝାଣାଇଁ ବୃତୁ ଆଲ୍‌ଗାମାଚେ □’

୩୪ ମାଣସି ମୀରୁଏସି ଝାହାନା ରାନ୍ଦା ତିଚେସି ଉଚେସି, ଅଡ଼େ ମୀରୁ ଏଲେ ଇଞ୍ଜିମାଞ୍ଜେରି, ‘ମେହ୍ନୁ ଇଝାସି ଚିଣ୍ଡିକାଝୁ, କାଡ଼ବୁଡୁ, ସିସୁ ରୁାହନାରି ଅଡ଼େ ପାପୁ ଗାଟାରି ତଡ଼େଏସି □’

୩୫ ମାହାପୁରୁଡ଼ି ବୁଦି ତାନି ବାରେ ମୀରକା ତାଣାଟି ସାତା ଇଞ୍ଜି ତଞ୍ଜାଆନେ □”

ପାରୁସି ସିମନ ଇଜ ଜୀସୁ ହାନାୟି

୩୬ ଅଡ଼େ ପାରୁସିୟାଁ ବିଡ଼ାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ

\* ୭:୨୯ ୭:୨୯ ମାତି ୨୧:୩୨; ଲୁକ ୩:୧୨ \* ୭:୨୯ ୭:୨୯ ମୁଞ୍ଜନାୟି † ୭:୩୦ ୭:୩୦ ମୁଞ୍ଜନାୟି ‡ ୭:୩୩ ୭:୩୩ ମୁଞ୍ଜନାୟି



ପାରୁଥି ଇଜ ହଡ଼ାନା ରାନ୍ଦା ତିଞ୍ଜାଲି କୁଗିତେସି □

୩୭ \*ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାରେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାନା ଏଦି ର ଗାଜୁତା ଗାନ୍ଦାଗାଟି ନିୟୁଁ ତାଚାନା,

୩୮ ତାୟୁଝାକି ଜୀସୁ କତାୟାଁଦାରି ନିଚାନା ଡ଼ାହି ଡ଼ାହି କାଣ୍ଡୁ ବକହାନା ଏଝାଣି ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜୀସୁ ପାଃଆନାୟାଁ ଜେଜିହ୍ ଏଝାଣି ପାଃଆନାୟାଁ ନଶ୍ଚିତେ ଅଡ଼େ ଗାନ୍ଦା ନିୟୁଁ ରୁବିତେ □

୩୯ ଏଦାଆଁ ମେସାନା ଆମିନି ପାରୁସି ହାଟାମାରେସି, ଏଝାସି ମନ ମନତା ଅଣ୍‌ପିତେସି, “ଇଝାସି ମାହାପୁରୁ ଅଣ୍‌ପୁଡି ବଲୁ ଝେହ୍‌ନାସି ଆହାମାଟିହ୍‌ମା, ତାଙ୍ଗେ ତାଗିମାନି ଇୟାଟି ଏନିଲେହେତାୟି ପୁରେସିମା, ଇଚିହ୍ ଏଦି ପାପୁ ଗାଟାୟି □”

୪୦ ଜୀସୁ ଏଝାଣାଇଁ ଏଲେଇରେସି, “ଆଡ଼େ ସିମନ ନାନୁ ନିଙ୍ଗେ ର କାତା ଝେସ୍ତାନାୟିମାନେ □”

ଏଝାସି ଏଲେଇରେସି, “ହାଅ ପ୍ରବୁ ଝେସ୍ତାମୁ □”

୪୧ “ର ସାଝୁକାରି ତାଣା ରିଆରି ରୀଣାଗାଟାରି ମାରେରି; ରଅସି ପାସାଝାଞ୍ଜା ଅଡ଼େ ରଅସି ରୀ କଡ଼ି ଦସଟାକା ରୀଣା ଗାଟାସି □

୪୨ ଏଝାରି ରୀଣା ତିକହାଲି ଆଡ଼ାଆଲିଏ, ଏଝାରି ସାଝୁକାରି ରିଆରି ରୀଣାଟି ଜିକେଏ ପିସାଡୁସ୍ତେସି □ ଇଞ୍ଜାଁ ଏଝାରି ବିତ୍ରାଟି ଆମ୍ବାଆସି ଏଝାଣାଇଁ ହାରେକା ଜୀସୁ ନନେସି ?”

୪୩ ସିମନ ଏଲେଇରେସି, “ନା ଅଣ୍‌ପୁଡା ଆମ୍ବାଆରାକି ଗାତି ରୀଣା ପିସ୍‌ପିଆଡ଼େ ଏଝାସି □”

ଜୀସୁ ଏଲେଇରେସି, “ନୀନୁ ନେହ୍ ଅଣ୍‌ପାମାଞ୍ଜି □”

୪୪ ଅଡ଼େ ଏଝାସି ଏ ଇୟାନିଝାକି ସିନିକିହାନା ସିମନଇଁ ଏଲେଇରେସି, “ଇ ଇୟାନି ମେସିମାଞ୍ଜି ? ନାନୁ ମୀ ଇଜ ଝାଡ଼େଏଁ, ନା କତାୟାଁ ତାକି ଏୟୁ ହିୟାଆତି, ସାମା କାଣ୍ଡୁ ତୁଲେ ନା ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜେଜାତେ □

୪୫ ନୀନୁ ନାଙ୍ଗେ ନଶ୍ଚାଆତି ? ସାମା ନାନୁ ବିତ୍ରା ଝାଝୁନିଏ ନା ପାଃଆନାୟାଁ ନଶ୍ଚାଲି ପିସିମାଞ୍ଜେଏ □

୪୬ ନୀନୁ ନା ତାୟୁଁ ତୁା ନିୟୁଁ ରୁବାଆତି ? ସାମା ଇଦି ନା ପାଃଆନାଣାଁ ଗାନ୍ଦା ନିୟୁଁ ରୁବାତେ □

୪୭ ଇଦାଆଁତାକି ନାନୁ ନିଙ୍ଗେ ଝେସିମାଞ୍ଜାଇଁ, ଇଦାନି ହାରେକା ପାପୁ ମେଣ୍‌ଙ୍ଗାମାନେ ଏଦାଣିତାକି ଏଦି ହାରେକା ଜୀସୁନହ୍ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍‌ଙ୍ଗିନେ ଏଝାସି ଉଣା ଜୀସୁ ନନେସି □”

୪୮ ଅଡ଼େ ଜୀସୁ ଏ ଇୟାନି ଏଲେଇରେସି, “ନୀ ପାପୁ ବାରେ ମେଣ୍‌ଙ୍ଗାମାନେ □”

୪୯ ଏମ୍ବାଟିଏ ଏଝାଣିତଲେ ତିଞ୍ଜାଲି କୁଗାମାଟାରି ମନ ମନତା ଏଲେଇରେରି, “ପାପୁ ଜିକେଏ ମେଣ୍‌ଙ୍ଗି କିହିମାନେସି ଇଝାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇରେସି, “ନୀ ନାମୁ ନିଙ୍ଗେ ଗେଲ୍‌ପାମାଞ୍ଜାନେ; ହିଡ଼ଡ଼ି ତଲେ ହାଲାମୁ □”

୮

ଜୀସୁତଲେ ଡ଼ୟିନି ଇୟାସିକା  
୧ ଏତରଦିନା ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହ୍ ମାହାପୁରୁ ରାଜିତି ନେହ୍ କାଡୁ ଝେକହେସି, ଅଡ଼େ ବାରିଜାଣା ସୀସୁୟାଁ ଏଝାଣିତଲେ ମାରେରି,  
୨ ଅଡ଼େ ଏମିନିଗାଟି ଇୟାସିକା ପଲ୍‌ଆ ବୁଡୁୟାଁ ତାଣାଟି ରଗଟି ନେହ୍

\* ୭:୩୭ ୭:୩୭ ମାଟି ୨୭:୭; ମାର୍କ ୧୪:୩; ଜହ ୧୨:୩

କିମ୍ପି ଆହାମାରୁ, ଇତିହାସ ମଗ୍ଦଲିନି ମରିୟମ, ଆମ୍ବାଆରି ତାଣାଟି ସାତାଗାଟା ବୃତ୍ତୁୟା ହତାହାଜାମାରୁ,  
 ୩ ହେରଦ ଇଜତି ଗୁମ୍ମୁସ୍ତା କୁଜା ଅଡେ ତାନି ତକ୍ତି ଜହାନା, ସସାନା ଅଡେ ହାଡେରକା ଇୟାସିକା ଏଞ୍ଜାଣିତଲେ ମାଞ୍ଜାନା ତାନି ଦନ ହାହାନା ଏଞ୍ଜାରି ସେବା କିହିମାରୁ □

ବିଚା ମାଟିନି ପୁଣ୍ଡିକିନି କାତା  
 (ମାତି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡାୟାଟି ଖାହିମାଟାକି ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଡେରି ଇଞ୍ଜା ଏଞ୍ଜାସି ଏଞ୍ଜାରାଇଁ ପୁଣ୍ଡିକିନି କାତାତଲେ ଖେସ୍ତେସି □

୫ “ରଥସି ବିଚା ମାଟିନାସି ବିଚା ମାଟାଲି ହଡେସି □ ଏଞ୍ଜାସି ମାଟି ମାଟିହାଁ କଚେକା ବିଚା ଜିରୁତା ରାତେ ଏଦାଆଁ ଲକୁ ଓସାତୁସ୍ତେରି, ଅଡେ ହାଗୁ ଲାକ ଉଦ୍ଦିନି ପଟା କାଟି ପେରହା ତିରୁ □

୬ ଅଡେ କଚେକା ଖାଲୁକା ଲାକ ରାତେ, ଇଞ୍ଜା ନେୟାନା ବୁମି ଅଲୁ ହିଲାଆତାକି ଖାୟାହାଚେ □

୭ ଅଡେ କଚେକା ହାପୁକା ବୁଟାତା ରାତେ, ଇଞ୍ଜା ହାପୁକା ବୁଟା ପାତାଆହାନା ଆନା ତାକିତି ପୁକ୍‌ହାତୁସ୍ତେ □

୮ ଅଡେ କଚେକା ବିଚା ନେହାଁ ବୁମିତା ରାତେ, ଇଞ୍ଜା ପାତାଆହାନା ପାସାକଡି ପାଡେୟି ଆୟିତେ □” ଏରେଟିଏ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କାର୍ଜା ମାନୁ ଏଞ୍ଜାରି ଖେଣ୍ଡାରି □”

ପୁଣ୍ଡିକିନି କାତାତ ଅଣ୍ଡୁ  
 (ମାତି ୧୩:୧୦-୧୭; ମାର୍କ ୪:୧୦-୧୨)

୯ ତାନି ସୀସୁୟାଁ ଇ ପୁଣ୍ଡିକିନି କାତାତ ଅର୍ତ୍ତ ଏନାୟି ଇଞ୍ଜାଁ ଖେଚେରି,  
 ୧୦ ଏଞ୍ଜାସି ଏଲେଇଚେସି, “ମାହାପୁରୁ ରାଜିତି କାତା ପୁଞ୍ଜାଲି ମିଜେ ବାଡ଼ୁୟୁ

ହୀପକି ଆହାମାନେ, ସାମା ଏଟୁକା ତାରାଇଁ ପୁଣ୍ଡିକିନି କାତାତଲେ ଖେସ୍ତେସିଆନେ, ଇତିହାସ ଏଞ୍ଜାରି ମେସି ମେସିହାଁ ମେହାଅରି ଅଡେ ଖେଞ୍ଜାଖେଞ୍ଜା ତେଲହଅରି □”

ଜୀସୁ ବିଚା ମାଟିନି କାତାତ ପୁଣ୍ଡିକିନାୟି  
 (ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଡିକିନି କାତା ଅର୍ତ୍ତ ଇଦି, ବିଚା ମାହାପୁରୁ ବଲୁ,

୧୨ ଜିରୁ ଦାରିତି ପାଡେୟି ଇଲେତାରି, ଏଞ୍ଜାରି ମାହାପୁରୁ କାତା ଖେନେରି; ତାୟୁ ସୟତାନ ଖାହାନା ଏଞ୍ଜାରି ଏନିକିଁ ନାମାଆପେରିଖା ଅଡେ ଗେଲ୍‌ପି ଆଆପେରିଖା ଇଞ୍ଜାଁ ଏଞ୍ଜାରି ହିୟାତା ଖେଞ୍ଜାମାନାଣି ମାଞ୍ଜାଅନେ □

୧୩ ଖାଲୁକା ବୁମିତା ରିତି ଲକୁ ଇଲେତାରି, ଏଞ୍ଜାରି କାତା ଖେଞ୍ଜାନା ରାହାଁଟି ଆହନେରି; ଏଞ୍ଜାରିତାଣା ହୀରୁ ଜୀଆତାକି ଗାଡେକା ତାକି ନାମିନେରି, ଅଡେ ତାୟିପାରି କିନାୟି ଖାଡ଼ିସାରେ ମାହାପୁରୁଇଁ ପିସା ତୁହନେରି □

୧୪ ଅଡେ ହାପୁକା ବୁଟାତା ରିତି ଲକୁ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାରତିତି ଦୁକୁ କାକୁଲି, ଦନତି ଜୁପକା ଅଡେ ଦାରତିତି ରାହାଁ ଏଞ୍ଜାରାଇଁ ପୁକ୍‌ହାତୁସାମାନାକି ନେହାଁକିଁ କାମ୍ବାଲି ଆଡ଼ଅରି □

୧୫ ନେହାଁ ବୁମିତା ରିତି ପାଡେୟି ଇଲେତାରି, ଏମିନିଗାଟାରି ନେହାଁ ସୁଦୁଜୀସୁ ହିୟାଁଟି କାତା ଖେଞ୍ଜାନା ଆହନେରି, ଅଡେ ବାରେ ଅରହାନା କାମା କିହାନା ପାଡେୟି ଆୟିନେରି □

ମାଣା ପୁକ୍‌ହା ଦୀଞ୍ଜି  
 (ମାର୍କ ୪:୨୧-୨୫)

୧୬ \*ଦୀଞ୍ଜି ତୀସାନା ଆମ୍ବାଆରି ମାଣା ପୁକ୍‌ହାନା କି କାଟେଲି ତୁଇକା ଇଟଅରି, ସାମା ଦୀଞ୍ଜି ସଡ଼ାତା ଇତିନେରି,

\* ୮:୧୭ ୮:୧୭ ମାତି ୫:୧୫; ଲୁକ ୧୧:୩୩

ଏନିକ୍ ଇଜିପ୍ଟି ଲକୁ ଉଜେଡ଼ି  
ମେହ୍ନେରି □

୧୭ \*ଡଗ୍‌ଗାମାନାୟି ଏନାୟିଞ୍ଜା  
ହିଲେଏ, ଏନାୟି ତଞ୍ଜା ଆଏ  
ଇଲେକ୍ ଏନାୟି ଜିକେଏ ହିଲେଏ,  
ଝେସ୍‌ପି ଆହାନା ତଞ୍ଜା ଆଏ ଇଲେତି  
ଡଗ୍‌ଗାମାନାୟି ଏନାୟି ହିଲେଏ □

୧୮ ଏନିକ୍ ଝେଞ୍ଜାମାଞ୍ଜେରି  
ଏଦାଆଁତାକି ଜାଗ୍ରାତା; ଇତିହ  
ଆମ୍ବାଆରାଞ୍ଜାୟି ମାନେ ଏଞ୍ଜାଶାକି  
ହାପକିଆନେ, ଅଡ଼େ ଆମ୍ବାଆରାଞ୍ଜାୟି  
ହିଲେଏ ଏଞ୍ଜାସି ନାଡ଼ି ମାନେ ଇଞ୍ଜ  
ଅଣ୍ଡିମାନେସି, ଏଦାଆଁ ଜିକେଏ  
ଅଞ୍ଜିଆନେ □

ଜୀସୁତି ଇୟା ଅଡ଼େ ତାୟିୟାଁ

(ମାତି ୧୨:୪୬-୫୦; ମାର୍କ ୩:୩୧-  
୩୫)

୧୯ ଜୀସୁତି ଇୟା ଅଡ଼େ ତାମି ତାୟିୟାଁ  
ଏଞ୍ଜାଣି ତାଣା ଝାଡ଼େରି, ସାମା ଲକୁ  
ମାନ୍ଦା ମାଚାକି ଏଞ୍ଜାଣି ତାଣା ହାଜାଲି  
ଆଡ଼ାଆଡେରି □

୨୦ ଏମ୍ବାଟିଏ ଜୀସୁକ୍ ଝେସ୍‌ସେରି, “ମୀ  
ଇୟା ଅଡ଼େ ମୀ ତାୟିୟାଁ ନିଞ୍ଜେ  
ମେସାଲି ପାଞ୍ଜାତା ନିଚାମାନେରି □”

୨୧ ସାମା ଏଞ୍ଜାସି ବାରେତି  
ଏଲେଇରେସି, “ମାୟା ଅଡ଼େ ମା  
ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି  
କାତା ଝେନେରି ଅଡ଼େ ମାନଞ୍ଜି ଆନେରି  
□”

ଜୀସୁ କାଜା ଗାଲିତି ସାପି କିନାୟି

(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି  
ସୀସୁୟାଁ ତଂଗତା କୁଗିତେରି, ଇଞ୍ଜା  
ଜୀସୁ ଏଞ୍ଜାରାଇଁ ଏଲେଇରେସି, “ଞ୍ଜାଦୁ  
ମାର ସାମ୍‌ଦୁରି ଆତାଲା ହାନ □”  
ଏମ୍ବାଟିଏ ଏଞ୍ଜାରି ତଂଗତି ହାଚେରି □

୨୩ ସାମା ଏଞ୍ଜାରି ତଂଗତା ହାଜିମାନି  
ବେଲାତା ଜୀସୁ ତୁରିତେସି □ ଏଚିବେଲା  
ସାମ୍‌ଦୁରିତା କାଜା ଗାଲି ଆଡେ,  
ଅଡ଼େ ଏୟୁ ତଂଗତା ହଡ଼ିମାଚାକି

ଏଞ୍ଜାରି ହାଚେରକା କସ୍ତୁ ଆଡେରି ଇଞ୍ଜା  
ଆଜିତେରି □

୨୪ ଏଚେଟିଏ ସୀସୁୟାଁ ତାଗେ ଝାହାନା  
ନିକ୍‌ହାଁ ଏଲେଇରେରି, “ଏ ଗୁରୁ ଏ ଗୁରୁ  
ମାର ହାହିମାନାୟି □” ଏମ୍ବାଟିଏ ଏଞ୍ଜାସି  
ନିଞ୍ଜାମା କାଜା ଗାଲିତି ଦାକା ହାଡେସି,  
ଇଞ୍ଜା ଏ ବାରେ ସାପି ଆହାନା ସୂସି  
ଆଡେ □

୨୫ ଇଞ୍ଜା ଏଞ୍ଜାସି ଏଞ୍ଜାରାଇଁ  
ଏଲେଇରେସି, “ମୀ ନାମୁ ଆମ୍ବିୟା ?”  
ସାମା ଏଞ୍ଜାରି ଆଜି ଅଡ଼େ କାବାଆହାନା  
ତାମ୍‌ସୁ ଏଲେଇଶାସି ଆଡେରି, “ଇଞ୍ଜାସି  
ଏନିଲେହେଁତାସି ଇତିହ ଗାଲି ଅଡ଼େ  
ଞ୍ଜାଡିମାନି ଏୟୁଣି ଜିକେଏ ହୁକୁମି  
ହାହିମାନେସି □”

ବୁଡୁୟାଁ ଆଲଗା ମାଚାଶାଇଁ ଜୀସୁ  
ନେହଁ କିନାୟି

(ମାତି ୮:୨୮-୩୪; ମାର୍କ ୫:୧-୨୦)

୨୬ ତାୟୁ ଏଞ୍ଜାରି ଗାଲିଲି ନକିତି  
ଆତାଲାଞ୍ଜାକି ଗରାସିୟ ଦେସାତା  
ଏଡେରି □

୨୭ ଜୀସୁ ତଂଗତି ରେଚାନା ଗାଚୁତା  
ଞ୍ଜାହାଲିଏ, ଏ ଗାଡ଼ାତି ର ବୁଡୁ  
ଆଲଗା ମାଚାସି ଝାହାନା ଏଞ୍ଜାଶାଇଁ  
ବେଟାଆଡେସି; ଏଞ୍ଜାସି ଗାଡୁ ଦିନାଟିଏ  
ହିମ୍ବରିକା ହୁଚାଆନା ଅଡ଼େ ଇଜ  
ମାନାଆନା ମାଡ଼ହା ମୁହନି ଚାୟୁତା  
ଡ଼ୟିମାଚେସି □

୨୮ ଏଞ୍ଜାସି କିରଡ଼ିହଁ ଜୀସୁ  
କତାଣା ରିହାନା କାଜା ଗିୟାତଲେ  
ଏଲେଇରେସି, “ଏ ବାଡ଼ୟୁଗାଟି  
ମାହାପୁରୁ ମୀରଏଶାତି ଜୀସୁ ନୀ ତଲେ  
ନାଞ୍ଜେ ଏନାୟି ମାନେ ? ନାମୁ  
ବାଡ଼ିମାଲିମାଞ୍ଜାଇଁ ନାଞ୍ଜେ ଅଡ଼େ କସ୍ତୁ  
ହିୟାଆନି □”

୨୯ ଇତିହଁ ଜୀସୁ ଏ ପଲ୍‌ଆ ବୁଡୁତି  
ଏ ମାଣସି ତାଣାଟି ହଚା ହାଜାଲି  
ହୁକୁମି ହାହାଲି ହାଜିମାଚେସି □ ଏ  
ପଲ୍‌ଆ ବୁଡୁ ହାଚେରକା ପାଲି ଏଞ୍ଜାଶାଇଁ  
ଆଲଗାମାଚେ, ଇଞ୍ଜା ଲକୁ ଏଞ୍ଜାଶାଇଁ  
କେସ୍‌ଆ କତାଣା ହିକ୍‌ଶିୟାଁ ତଲେ ଦସ୍‌ପା

\* ୮:୧୭ ୮:୧୭ ମାତି ୧୦:୨୬; ଲୁକ ୧୨:୨

ଇତିମାରେରି, ସାମା ଏ ଦସପା ମାତାଣି ତାପହାନା ବୁଡୁ ତଲେ ବାୟା ଆହାନା ଲକୁ ହିଲାଆ ଚାୟୁତା ହରିମାରେସି □

୩୦ ଜୀସୁ ଏଞ୍ଜାଣାଇଁ ଏଲେଇରେସି, “ନୀ ଦରୁ ଏନାୟି ?”

“ନା ଦରୁ ମାୟା” ଇଞ୍ଜୁଁ ଇରେସି, ଏନାଆଁତାକି ଇଚିହୁଁ ହାରେକା ବୁଡୁୟାଁ ଆଲୁଗାମାରୁ □

୩୧ ଇଞ୍ଜାଁ ଜୀସୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହୀଅସି, ଇଦାଆଁତାକି ଏଞ୍ଜାଣାଇଁ ବାତିମାଲିତୁ □

୩୨ ଏମ୍ବାଆଁ ହରୁ ଦାରିତା ର ମାୟା ପାଜିୟାଁ ମେୟଁ ମାରୁ, ଇଞ୍ଜାଁ ଜୀସୁଇଁ ଏ ବୁଡୁୟାଁ ପାଜିୟାଁ ମାୟା ବିତ୍ରା ହାଜାଲି ହେଲ ରାସୁ □

୩୩ ଏଞ୍ଜାସି ହେଲ ହୀହାଲିଏ, ବୁଡୁୟାଁ ଏ ମାଣସି ତାଣାଟି ହଡ଼ା ହାଜାନା ପାଜିୟାଁ ବିତ୍ରା ହରୁ; ଏରେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାତି ସାମଦୁରିତା ମେଦା ହାହାହାରୁ □

୩୪ ଏ ପାଜିୟାଁ ମାୟା ମେଚିମାତି ଗଡ଼କା ଏଦାଆଁ ମେସାନା ହରେରି ଇଞ୍ଜାଁ ଗାଡ଼ା ଅଡ଼େ ନାୟକାଣାଁ ଏ କାତା ଖେସ୍ପେରି □

୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଡ଼ାଞ୍ଜାଡ଼େରି; ଇଞ୍ଜାଁ ଏଞ୍ଜାରି ଜୀସୁ ତାଗେ ଖାହାନା, ଆମିନି ମାଣସି ତାଣାଟି ବୁଡୁୟାଁ ହଡ଼ା ହାଜାମାରୁ, ଏଞ୍ଜାଣାଇଁ ନେହୁଁ ହିମ୍ବୁରିକା ହୁଚାନା ନେହୁଁ ମନତଲେ ଜୀସୁ କଡ଼ା ଡ଼ଇ କୁଗାମାତାଣି ମେସାନା ଆଜିତେରି □

୩୬ ଅଡ଼େ ଆମିନି ଗାଟାରି ମେସାମାରେରି ଏଞ୍ଜାରି ଏ ବୁଡୁ ଆଲୁଗା ମାତାସି ଏନିକଁ ନେହୁଁ ଆଡ଼େସି, ଏଦାଆଁ ଏଞ୍ଜାରାଇଁ ଖେସ୍ପେରି □

୩୭ ଏମ୍ବାଟିଏ ଗରାସିୟ ବାରେ ନାୟକାତି ସାରିଞ୍ଜାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି ବାତିମାଲିତେରି, ଇଚିହୁଁ ଏଞ୍ଜାରି

ହାରେକା ଆଜିମାରେରି □ ଇଞ୍ଜାଁ ଏଞ୍ଜାସି ର ଡ଼ାଗତା ହଡ଼ାନା ଖେଣ୍ଡାହାରେସି □

୩୮ ସାମା ଏମିନିଗାଟାଣି ତାଣାଟି ବୁଡୁୟାଁ ହଡ଼ା ହାଜାମାରୁ, “ନାଜେ ନୀ ତଲେ ହାଜଲି ହେଲ ହିୟାମୁ” ଇଞ୍ଜୁଁ ବାତିମାଲିତେସି;

୩୯ ସାମା ଜୀସୁ ଏଞ୍ଜାଣାଇଁ ହେଲ ହୀହାନା, “ମୀ ଇଜ ଖେଣ୍ଡା ହାଲାମୁ, ଇଞ୍ଜାଁ ମାହାପୁରୁ ନିଜେତାକି ଆମିନି କାମା କିହାମାଞ୍ଜାନେସି ଏ କାତା ଖେକମୁ □” ଏରେଟିଏ ଏଞ୍ଜାସି ହାଜାନା ଜୀସୁ ତାଜେତାକି ଆମିନି କାମା କିହାମାରେସି, ଏ ବାରେ ଗାଡ଼ାତା ଖେକହେସି □

ଜାୟିରସତି ମାଜ୍ଜା ଅଡ଼େ ଜୀସୁତି ହିମ୍ବୁରି କୁଜ୍ଜୁ ଡ଼ାଗିତି ଇୟା

(ମାତି ୯:୧୮-୨୬; ମାର୍କ ୫:୨୧-୪୩)

୪୦ ଜୀସୁ ଖେଣ୍ଡା ଖାହାଲିଏ ମାୟା ଲକୁ ଏଞ୍ଜାଣାଇଁ ରାହାଁତଲେ ବେଟାଆଡ଼େରି, ଇଚିହୁଁ ଏଞ୍ଜାରି ବାରେଜାଣା ଏଞ୍ଜାଣାଇଁ କାଡ଼ିମାରେରି □

୪୧ ଏମ୍ବାଟିଏ ଜାୟିରସ ଦରୁଗାଟାସି ଖାଡ଼େସି; ଏଞ୍ଜାସି ଜୀହୁଦି ଲକୁତି କୁଟମି ଇଲୁତି\* କାଜାସି ମାରେସି □ ଏଞ୍ଜାସି ଜୀସୁ କଡ଼ାଣା ରିହାନା ତାମି ଇଜ ହାଜାଲି ବାତିମାଲିତେସି,

୪୨ ଇଚିହୁଁ ଏଞ୍ଜାଣାକି ବାର ବାର୍ଯାତି ରଣ୍ଡିଏ ମାଜ୍ଜା ମାରେ, ଏଡ଼ି ହାନିଲେହେଁ ନମେରି ଆହାମାରେ □

ସାମା ଏଞ୍ଜାସି ହାଜିମାଟାଟି ଲକୁ ଏଞ୍ଜାଣି ମୁହେଁ ମୁହେଁ ଆହିମାରେରି □

୪୩ ଏଚିବେଲାତା ବାର ବାର୍ଯା ପାଡେକା ନେଡେରି ଖାଜ୍ଜିନି ରଗଗାଟି ର ଇୟା, ଏମିନି ଗାଟାୟି ଆମ୍ବାଆରି ତାଣାଟି ଜିକେଏ ନେହୁଁ ଆହାଲି ଆଡ଼ିହିଲାଆଡେ,

୪୪ ଏଡ଼ି ତାୟୁ ଖାକିଟି ଖାହାନା ଜୀସୁତି ହିମ୍ବୁରି କୁଜ୍ଜୁ ଡ଼ାଗିତେ, ଏ ଦେବୁଣିଏ ଏଦାନି ନେଡେରି ବନାୟି ପିସ୍ପେ □

୪୫ ଏମ୍ବାଟିଏ “ନାଜେ ଆମ୍ବାଆୟି ଡ଼ାଗାଡେ” ଇଞ୍ଜୁଁ ଜୀସୁ ଖେରେସି ?

\* ୮:୪୧ ୮:୪୧ ସିନଗର

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇରେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି □”

୪୭ ସାମା ଜୀସୁ ଏଲେଇରେସି, “ନାଙ୍ଗେ ଆମ୍ବାଆୟିମା ଡାଗାତେ, ଇତିହୁଁ ନା ଡାଣାଟି ରି ବାଡ଼ୟୁ ହଡ଼ାକି ନାନୁ ପୁରେଏ □”

୪୭ ଏମ୍ବାଟିଏ ଏ ଇୟା ଖାହାନା ଅଣ୍ପିତେ ନାନୁ ଅଡ଼େ ଡଗୁନା ମାଞ୍ଜାଲି ଆଡ଼ଅଁ ଇଞ୍ଜୁ ଅଣ୍ପିପାନା ଆଜିତାକି ତାରା ତାରା ଆହୁଁ ଜୀସୁ କଡାଣା ରିହାନା, ଏନାଆଁତାକି ଡାଗିତେ ଇଞ୍ଜା ଦେବୁଣିଏ ଏନିକ୍ ନେହୁଁ ଆଡ଼େ, ବାରେ ଲକୁ ନକିତା ଖେସ୍ତେ □

୪୮ ଏମ୍ବାଟିଏ ଜୀସୁ ଏଦାନି ଏଲେଇରେସି, “ମାଙ୍ଗା ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ, ହିଡ଼ଡ଼ିଟି ହାଲାମୁ □”

୪୯ ଜୀସୁ ଇ କାତା ଖେସିମାଟି ବେଲାତା ଜୀହୁଦି ଲକୁଡି କୁଟମି ଇଲୁଡିଂ କାଜାଣା ଇଜଟି ରଅସି ଖାହାନା ଜାୟିରସଇ ଏଲେଇରେସି, “ନୀ ମାଙ୍ଗା ହାହାହାରେୟିଏ ଗୁରୁଇଁ ଅଡ଼େ କସ୍ତ ହାଆନିଦେହେଁ □”

୫୦ ସାମା ଜୀସୁ ଏ କାତା ଖେଞ୍ଜାନା ଏଞ୍ଜାଣାଇଁ ଏଲେଇରେସି, “ଆଜାଆନି ନାମାମୁ ଏଦି ନୀଡିନେ □”

୫୧ ଅଡ଼େ ଜୀସୁ ଇଜ ଖାହାନା ପିତର, ଜହନ ଅଡ଼େ ଜାକୁବ ଇଞ୍ଜା ପଦାନି ତାମି ଆଦା ଇୟାନି ପିସ୍ପେ ଆମ୍ବାଆରାଇଁ ବିଡ଼ା ହାଜାଲି ହାଆତେସି □

୫୨ ସାମା ବାରେଜାଣା ଡାହି ଡାହିଁ ବକତା ଖେଟା କଡ଼ିମାରୁ □ ଏମ୍ବାଟିଏ ଜୀସୁ ଏଲେଇରେସି, “ଡାଆଦୁ; ଏଦି ହାହାହିଲେଏ, ସାମା ଡୁରାମାନେ □”

୫୩ ସାମା ପଦା ହାହାମାନାଣି ପୁଞ୍ଜାନା ଏଞ୍ଜି ଏଞ୍ଜାଣାଇଁ କାକ୍ତୁ □

୫୪ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇରେସି, “ଆକେ ପଦା, ନିଙ୍ଗାମୁ □”

୫୫ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାଡ଼େ ଅଡ଼େ ଏ ଦେବୁଣିଏ ନିଙ୍ଗିତେ, ଇଞ୍ଜା ଇଚାଣି ଡିଞ୍ଜାଲି ହୀଦୁ ଇରେସି □

୫୬ ଏମ୍ବାଟିଏ ତାମି ତାଲି ତାଞ୍ଜି କାବାଆଡୁ; ସାମା ଇ ପଦା ନେହୁଁ ଆଡାଣି ଆମ୍ବାଆରାଇଁ ଖେହୁଆଦୁ ଇଞ୍ଜୁ ଏଞ୍ଜାସିକାଣି ହୁକୁମି ହୀଡ଼େସି □

୯

ଜୀସୁ ବାରେଜାଣା ସାମୁୟାଁଇଁ ପାଣ୍ଡିନାୟି

(ମାଟି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରେଜାଣାଟି ହାଟାନା ରୁଣ୍ଡା କିହାନା ଏଞ୍ଜାରାଇଁ ବାରେ ବୁଡୁୟାଁ ଲାକ ଅଡ଼େ ରଗଟି ନେହୁଁ କିହାଲି ବାଡ଼ୟୁ ଅଡ଼େ ଅଦିକାରା ହୀଡ଼େସି □

୨ ଅଡ଼େ ଏଞ୍ଜାସି ଏଞ୍ଜାରାଇଁ ମାହାପୁରୁଟି ରାଜିତି କାତା ଖେକହାଲି ଅଡ଼େ ରଗ ଗାଟାରାଇଁ ନେହୁଁ କିହାଲି ପାଣ୍ଡିତେସି

୩ ଇଞ୍ଜା ଏଞ୍ଜାରାଇଁ ଏଲେଇରେସି, “ମୀରୁ ହାଜାଲିତାକି କୁତା ବାଡ଼ଗା କି ମଣା କି ରୁଟି କି ଏନି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ □

୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାଡେକା ଏମ୍ବାଆଁ ଡ଼ୟାଦୁ;

୫ ଅଡ଼େ ଏଚେକା ଲକୁ ମିଙ୍ଗେ ଆବଅରି ଏଞ୍ଜାରି କପାଟି ସାକି ହୀହାଲି ଏ ଗାଡ଼ାଟି ହଟା ଖାନାଟି ମୀ କଡାଟି ଦୁଡ଼ି ହାଣ୍ଡାଁନା ଖାଦୁ □”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହୁଁ କାରୁ ଖେକହିହୁଁ ରଗ ଗାଟାରାଇଁ ନେହୁଁ କିହିହୁଁ ନାୟୁଁ ନାୟୁଁତା ରେଚେରି □

ହେରଦ ରାଜା ବିଲୁକି ଆନାୟି (ମାଟି ୧୪:୧-୧୨; ମାର୍କ ୬:୧୪-୨୯)

† ୮:୪୯ ୮:୪୯ ସିନଗର ☆ ୯:୫ ୯:୫ କାମା ୧୩:୫୧ ☆ ୯:୫ ୯:୫ ଲୁକ ୧୦:୪-୧୧ ☆ ୯:୭ ୯:୭ ମାଟି ୧୭:୧୪; ମାର୍କ ୮:୨୮; ଲୁକ ୯:୧୯ \* ୯:୭ ୯:୭ ମୁଞ୍ଜନାୟି

୭ \*ଏମ୍ବାଟିଏ ଏ ଦେସାତି ରାଜା ହେଉଦ ଈ ବାରେ କାତା ଖେଞ୍ଜାନା କାବା ଆଡେସି, ଇଚିହୁ ବାପ୍ତିସ୍ତା\* ହାନି ଜହନ ହାଡ଼ାରି ତାଣାଟି ନିଙ୍ଗାମାନେସି ଇଞ୍ଜି ଆମ୍ବା ଆମ୍ବାଆରି ଏଲେଇଞ୍ଜିମାନେରି;

୮ ଅଡେ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଟକାତାରି ତଲିକାଲାତି ମାହାପୁରୁ ଅଣପୁତି ବଲୁ ଖେହନାରି ବିତ୍ରାଟି ରଅସି ନିଙ୍ଗାମାନେସି ଇଞ୍ଜି ଖେସିମାନେରି □

୯ ସାମା ହେଉଦ ଏଲେଇଚେସି, “ଜହନତି ତାୟୁ ମାରତ ଦାଡ଼ା ମାନାୟି, ସାମା ଆମ୍ବାଆରି କାତା ମାର ଖେଞ୍ଜିମାନାୟି ଏଝାସି ଆମ୍ବାଆସି ?” ଅଡେ ଏଝାସି ଏଝାଣାଇଁ ମେସାଲି ମନ କିହମାଚେସି □

ଜୀସୁ ପାସାମାଣା ଲକୁଣି ତାହନାୟି (ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁ ପାଣ୍ଡୁଞ୍ଜି ଆହାମାତାରି ଝାହାନା ଏନା ଏନାଆଁ କିହମାଚେରି, ଏ ବାରେ ଏଝାଣାଇଁ ଖେସ୍ତେରି □ ଅଡେ ଏଝାସି ଏଝାରିତଲେ ଏଟକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି □

୧୧ ସାମା ଲକୁ ଏଦାଆଁ ପୁଞ୍ଜାନା ଏଝାଣି ଜେଚ ଜେଚ ହାଚେରି; ଇଞ୍ଜା ଏଝାସି ଏଝାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଖେସ୍ତେସି, ଅଡେ ଏମିନିଗାଟାରି ରଚଟି ନେହୁଁ ଆନାୟି ମାଚେ, ଏଝାରାଇଁ ନେହୁଁ କଚେସି □

୧୨ ଏଚେତା ମିଡ଼ଅଲା ଆହାଲି ମାଟୁହେ; ଏଚେଟିଏ ବାରେଜାଣା ସୀସୁୟାଁ ତାନି ତାଣା ଝାହାନା ଏଲେଇଚେରି, “ଲକୁ ଏନିକ ନାସ୍କା ଅଡେ ଗାଡ଼ାତା ହାଜାନା ବାସାଗାୟୁ ଅଡେ ତିଞ୍ଜାଲି କାଦି ପାରିନେରି, ଏଦାଆଁତାକି ଏଝାରାଇଁ ହେଲ ହାମୁ ଇଚିହୁଁ ମାର ଲକୁ ହିଲାଆ ଚାୟୁତା ମାନାୟି □”

୧୩ ସାମା ଏଝାସି ଏଝାରାଇଁ ଏଲେଇଚେସି, “ମାରୁ ଏଝାରାକି ତିଞ୍ଜାଲି ହାଦୁ □”

ଏଝାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜା ରୀ ମୀଶକା ପିସ୍ପେ ଆଗାଡ଼ା ହିଲାତ; ଏନାଆଁ ମାର ହାଜାନା ଇ ବାରେତାକି କାଦି କତିନାୟି ?”

୧୪ ଇଚିହୁଁ ଏଝାରି ପାସାମାଣା ଆବାୟାଁ ମାଚେରି □

ଇଞ୍ଜା ଏଝାସି ତାନି ସୀସୁଣି ଏଲେଇଚେସି, “କଡେଦସ ଜାଣା ଲାକା କୁଗିକିଦୁ □”

୧୫ ଏଚେଟିଏ ଏଝାରି ଏଲେକିହୁଁଏ ବାରେତି କୁଗିକିଚେରି □

୧୬ ଅଡେ ଏଝାସି ପାସାଗଟା ରୁଟି ଅଡେ ରୀ ମୀଶକାଣି ଆସାନା ଲାକପୁରୁ ଝାକି ସିନିକିହାନା ବର ହୀଚେସି, ଇଞ୍ଜା ରୁଟି ଡିକହାନା ଲକୁକି ହାସ୍ପାଲି ସୀସୁୟାଁକି ହୀଚେସି □

୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡେ ହାରିତାଣି ବାର ତାଲି ରୁଟି କୁଡ଼ି କିଚେରି □

ଜୀସୁଇଁ ପିତର କ୍ରୀସ୍ତ ଇଞ୍ଜି ଖେକନାୟି

(ମାତି ୧୬:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜୀସୁ ରଅସିଏ ପ୍ରାଡ଼ାନା କିନି ବେଲାତା ସୀସୁୟାଁ ଏଝାରିତଲେ ମାଚେରି, ଅଡେ ଏଝାସି ଏଝାରାଇଁ ଖେଚେସି, “ନାନୁ ଆମ୍ବାଆଚେଏଁ ଇଞ୍ଜି ଲକୁ ଏଲେଇଞ୍ଜିମାନେରି ?”

୧୯ \*ଏଚେଟିଏ ଏଝାରି ଏଲେଇଚେରି, “ଆମ୍ବାଆରି ବାପ୍ତିସ୍ତା\* ହାନି ଜହନ, ଆମ୍ବାଆରି ଏଲିୟ, ଅଡେ ଆମ୍ବାଆରି ତଲିକାଲାତି ମାହାପୁରୁ ଅଣପୁତି ବଲୁ ଖେହନାରି ବିତ୍ରାଟି ରଅସି ନିଙ୍ଗାମାନେସି □”

୨୦ \*ଏଝାସି ଏଝାରାଇଁ ଏଲେଇଚେସି, “ନାନୁ ଆମ୍ବାଆଚେଏଁ ମାରୁ ଏନାଆଁ ଇଞ୍ଜି ମାଞ୍ଜେରି ?”

\* ୯:୧୯ ୯:୧୯ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ † ୯:୧୯ ୯:୧୯ ମୁଞ୍ଜିନାୟି \* ୯:୨୦ ୯:୨୦ ଜହ ୬:୨୮,୨୯

ପିତର ଏଲେଇରେସି, “ନୀନୁ ମାହାପୁରୁତି କ୍ରୀସୁ □”

ଜୀସୁ ତାନି ଦୁକୁ ଅଡ଼େ ହାକିତି କାତା ଖେହନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏତେଟିଏ ଏଝାସି ଏଝାରାଇଁ ଆମ୍ବାଆରାଇଁ ଖେହଆଦୁ ଇଞ୍ଜି ଜାଣେ କିହୁ ହୁକୁମି ହୀତେସି,

୨୨ “ମାଣସି ମୀରଏସି ହାରେକା ଦୁକୁ ପାଣନାୟି ମାନେ ଇଞ୍ଜା ଲକୁତି କାଜାରି, କାଜା ପୁଜେରାଜା ଇଞ୍ଜା ମେରାପୁନାରି ତାଣାଟି ଅପାଆନା ଏଝାଣାଇଁ ପାୟିନେରି, ଇଞ୍ଜା ତାନି ଦିନାଟିଏ ନିଜନେସି □”

୨୩ ☆ଏତେଟିଏ ଏଝାସି ବାରେତି ଏଲେଇରେସି, “ଆମ୍ବାଆସି ନା ଜେତ ତାକାଲି ମନ କିନେସି, ଏଝାସି ତାଜେ ଅପାଆନା ବାରେଦିନା ତାନି କୁସ ଡେକାନାହାଁ ନା ଜେତ ତାକାପେସି □

୨୪ ☆ଇଚିହୁଁ ଆମ୍ବାଆସି ଜାହାରା ଜୀଝୁ ଗେଲପାଲି ମନ କିନେସି ଏଝାସି ନାସା କିନେସି; ସାମା ଆମ୍ବାଆସି ନା ତାକି ଜାହାରା ଜୀଝୁ ନାସା କିନେସି ଏଝାସି ଗେଲପି କିହାକତିନେସି □

୨୫ ଅଡ଼େ ମାଣସି ଇ ଦାରତିତା ମାନାଣି ବାରେ ମେଡ଼ି କିହାନା ତାନି ଜୀଝୁତି ନାସା କିନେସି, ଇଚିହୁଁ ଏଝାଣାକି ଏନ୍ତି ଲାବା ?

୨୬ ଇଚିହୁଁ ଆମ୍ବାଆସି ନାଜେତାକି ଅଡ଼େ ନା କାତାତାକି ଲାଜା ଆନେସି, ମାଣସି ମୀରଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୂତୁୟାଁ ତଲେ କାଜାପାଣାଟି ଝାନେସି ଏଚିବେଲା ଏଝାସି ଜିକେଏ ଏଝାଣି ତାକି ଲାଜା ଆନେସି □

୨୭ ସାମା ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁତି ରାଜି

ମେହଆ ପାଡେକା ଇମ୍ବାଆଁ ନିଚାମାନାରି ଏଚରଜାଣା ହାଅରି □”

ଜୀସୁ ଅର ଝାଣା ଆନାୟି (ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଚାଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହୁଁ ହାଜାନା ପ୍ରାତାନା କିହାଲି ହରୁତା ହାରେସି □

୨୯ ଅଡ଼େ ଏଝାସି ପ୍ରାତାନା କିହିମାଚାଟି ତାନି ମୁମୁଡ଼ି ଝାଣା ତିରିମୁହେ ଇଞ୍ଜା ତାନି ହିମୁରି ଦବଲ୍ଲା ଆହାନା ହାରେକା ଉଜେଡ଼ି ଆଡେ □

୩୦ ମସା ଅଡ଼େ ଏଲିୟ ଏଝାଣିତଲେ କାତା ଆହିମାଚେରି;

୩୧ ଏଝାରି ଗାଝୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍ଲକି ଆହିମାଚେରି □

୩୨ ଏଚିବେଲା ପିତର ଅଡ଼େ ତାନି ତଣେସିଜାକି ଗାଡ଼ି ଇଦାକାଣକା ହଟିମାତୁ; ସାମା ଏଝାରି ଇଦାଟି ନିଜାଲିଏ ତାନି ଗାଝୁରମି ଇଞ୍ଜା ଏଝାଣିତଲେ ରିଆରି ନିଚାମାନାଣି ମେସ୍ତେରି □

୩୩ ଇଞ୍ଜା ଏଝାରି ତାଣାଟି ହାଜିମାଚାଟି ପିତର ଜୀସୁଇଁ ଏଲେଇରେସି, “ଗୁରୁ ମାମୁ ଇମ୍ବାଆଁ ମାନାୟି ନେହେଁ; ମାମୁ ଇମ୍ବାଆଁ ତାନିଗଟା ଗୁଡାୟାଁ କେପିନମି, ନିଜେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ □” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆତେସି □

୩୪ ଏଝାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁହା ଝାହାନା ଏଝାରାଇଁ ପିକହେ, ଇଞ୍ଜା ଏଝାରି ଦୁହାତା ହଡ଼ି ମାଚାଟି ଆଜିତେରି □

୩୫ ☆ଇଞ୍ଜା ଏ ଦୁହାଟି ଇ ହାଡା ଝାଡେ, “ଇଝାସି ନା ମୀରଏସି, ନାନୁ ଆଡିତାସି, ଇଝାଣି ବଲୁ ଖେଞ୍ଜୁ □”

୩୬ ଏଲେଇଞ୍ଜି ଖେସି ତାୟୁ ଜୀସୁ ରଅସିଏ ତଞ୍ଜାଆଡେସି □ ଏଝାରି ଇ

☆ ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ ☆ ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୭:୨୫ ☆ ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ☆ ୯:୩୫ ୯:୩୫ ୨ପିତ ୧:୧୭,୧୮

କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲ୍ଲତା ଆମ୍ବାଆରାଇଁ ଜିକେଏ ଝେହ୍‌ଆତେରି □

ଜୀସୁ ବୁଡୁ ଆଲ୍‌ଗାମାତି କକାଣାଇଁ ନେହ୍ କିନାୟି

(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଟି ରେଚା ଝାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଝାତେରି □

୩୮ ଅଡ଼େ ଏ ମାନ୍ଦା ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାତିମାଲିମାଞ୍ଜାଇଁ ନା ମୀରଏଣାଇଁ କାର୍ମା ଆମ୍ବୁ, ଇତିହ୍ ଏଝାସି ନା ରଣିଏ ମୀରଏସି;

୩୯ ଏଝାଣାଇଁ ର ବୁଡୁ ଆଲ୍‌ଗିମାନେ, ଇଞ୍ଜା ଏଝାସି ପେଦରାହାଁ ଦେବୁଣିଏ କିରଡ଼ି ମାନେସି, ଇଞ୍ଜା ଏଝାଣାଇଁ ଇଲେକ୍ ବୁମିତା ତ୍ରକହାନା ଗୁଡ଼ିଟି ପମ୍ବୁଲି ହପ୍‌ହି ମାନେ, ଇଞ୍ଜା ଏଝାଣାଇଁ ଗାଡ଼ି ବାଦା କିହାନା ଏଝାଣି ତାଣାଟି କାକୁଲିଟି ହଚାହାନେ □

୪୦ ନାନୁ ବୁଡୁଟି ପିସପି କିହାଲି ନୀ ସୀସୁୟାଣି ବାତିମାଲିତେସ୍, ସାମା ଏଝାରି ପିସପି କିହାଲି ଆଡ଼ାଆତେରି □”

୪୧ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଏଟ୍‌କା ଜିରୁ ଆହ୍‌ନି କୁଡ଼ା, ନାନୁ ଅଡ଼େ ଏଚେକା ମୀ ତଲେ ମାଞ୍ଜାନା ମୀ କାତା ଅରହାଇଁ ? ନୀ ମୀରଏଣାଇଁ ଇମ୍ବାଆଁ ତାମ୍ବୁ □”

୪୨ ବୁଡୁ ଆଲ୍‌ଗାମାତି କକାସି ଝାହିମାଚାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପହାତୁସ୍ତେ, ସାମା ଜୀସୁ ଏ ପଲ୍‌ଆ ବୁଡୁଟି ଦାକା ହୀତେସି ଇଞ୍ଜା କକାଣାଇଁ ନେହ୍ କିହାନା ତାମି ଆବା କେୟୁତା ହେରପିତେସି □

୪୩ ଏଚେଟିଏ ବାରେ ଲକୁ ମାହାପୁରୁଟି ବାଡ଼ୟୁ ମେସାନା ଜାଗଲ୍ଲା ଆଡ଼େରି □ ସାମା ଏଝାସି କିହାମାନି

ବାରେ କାମାତାକି ଜାଗଲ୍ଲା ଆହିମାଚାକି ଜୀସୁ ତାନି ସୀସୁୟାଁଇଁ ଏଲେଇଚେସି □

ଜୀସୁ ତାନି ହାକିତି କାତା ଅଡ଼େ ଝେଣ୍ଡେ ଝେହ୍‌ନାୟି

(ମାତି ୧୭:୨୨,୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍କା ଅତାନା ଝେଞ୍ଜୁ; ଇତିହ୍ ମାଣସି ମୀରଏସି ସାତୁୟାଁ କେୟୁତା ହେରପିଆନେସି □”

୪୫ ସାମା ଏଝାରି ଏ କାତା ତେଲ୍‌ହାଆତେରି, ଏଝାରି ତେଲ୍‌ହାଲି ଆଡ଼ାଆରେରୁ ଏଝାରି ତାଣାଟି ତ୍ରେମାମାଚେ, ଇଞ୍ଜା ଏଝାରି ଏ କାତା ଜିକେଏ ଜୀସୁଇଁ ଝେଞ୍ଜାଲି ଆଜିମାଚେରି □

ବାରେକିହାଁ କାଜାସି ଆମ୍ବାଆସି (ମାତି ୧୮:୧-୫; ମାର୍କ ୯:୩୩-୩୭)

୪୬ ଏଝାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ରା ବାଦିବାଦା ଆଡ଼େରି □

୪୭ ସାମା ଜୀସୁ ଏଝାରି ବିତ୍ରା ବାଦିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପ୍‌ହାନା ଏଝାରାଇଁ ଏଲେଇଚେସି,

୪୮ “ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଜେ ଆବାନେସି, ଅଡ଼େ ଏଝାସି ନାଜେ ପାଣ୍ଡାତାଣାଇଁ ଆବିନେସି; ଇତିହ୍ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି □”

ମୀ କପାଟି ନିଜାଆ ଗାଟାସି ମୀ ତଲେତାସି

(ମାର୍କ ୯:୩୮-୪୦)

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ବୁ ନୁୀ ଦରୁଟି ବୁଡୁୟାଁ ପେରହି ମାଚାଣି ମେସ୍ତମି ଇଞ୍ଜା ଏଝାସି ମା ତଲେ ନୀ ଜେଟ ଝାଆଲିଏ କାହିକିତମି □”

୫୦ ସାମା ଜୀସୁ ଏଝାରାଇଁ ଏଲେଇଚେସି, “କାହିକିଆଦୁ, ଇତିହ୍

\* ୯:୪୬ ୯:୪୭ ଲୁକ ୨୨:୨୪ \* ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦



ଆମ୍ବାଆସି ମୀ କପାଟି ନିଜା ହିଲଅସି  
ଏଞ୍ଜାସି ମୀ ତଲେତାସି □”

ସମିରଣି ନାସ୍କାଣାଁ ଜୀସୁଇଁ  
ଆବାଆତାୟି

୫୧ ଏରିବେଲା ଜୀସୁ ଲାକପୁରୁ ହାନି  
ବେଲା ଏଗାଞ୍ଜାହିମାତାକି ଏରିବେଲା  
ଜୀସୁ ଜିରୁସାଲମତା ହାଜାଲି ମନତ  
ତାରି କିତେସି □

୫୨ ଅଡେ ତାନି ନକେଏ କସ୍କାଣି  
ପାଣ୍ଡିତେସି, ଏଞ୍ଜାରି ହାଜାନା ର ସମିରଣ  
ନାୟୁଁତା ଜୀସୁ ଖାନ୍ଦେସି ଇଞ୍ଜାଁ ଜାଗ୍ରାତା  
କିହାନା କାଟେରି;

୫୩ ସାମା ଏଞ୍ଜାସି ଜିରୁସାଲମତା  
ହାଜାଲି ମନ କିହାମାନେସି ଇଞ୍ଜାଁ  
ପୁଞ୍ଜାନା ଏଞ୍ଜାଣାଇଁ ଆବାଆତେରି □

୫୪ ଇଦାଆଁ ମେସାନା ଜାକୁବ  
ଅଡେ ଜହନ ଇ ରୀ ସୀସୁୟାଁ  
ଏଲେଇଚେସି, “ଏ ପ୍ରବୁ ଏଲିୟ  
ଏନିକଁ ଏଲେଇଞ୍ଜାମାରେସି,  
ଏଲେକିହଁଏ ହାଗୁଲକଟି ହିରୁ  
ରିହାନା ଏଞ୍ଜାରାଇଁ ନାସା କିପେ,  
ଏଲେଇଞ୍ଜାଲି ନୀ ମନ ମାନେକି?”

୫୫ ସାମା ଏଞ୍ଜାସି ଖେଣ୍ଡେ ସିନିକିହାନା  
ଏଞ୍ଜାରାଇଁ ଲାଗାନା ଏଲେଇଚେସି,  
“ମୀରୁ ଏନିଲେହେଁତି ଜୀସୁ ଗାଟାଚେରି,  
ମୀରୁ ପୁଞ୍ଜାହିଲଅତେରି ମାଣ୍ଡସି  
ମୀରୁଏସି ମାଣ୍ଡସିୟାଁତି ଜୀସୁ  
ନାସା କିହାଲି ଖାଆନା ଗେଲପାଲି  
ଞ୍ଜାହାମାନେସି □

୫୬ ଏଚେଟିଏ ଏଞ୍ଜାରି ଅର ନାୟୁଁତା  
ହାଚେରି □”

ଜୀସୁତି ସୀସୁ ଆହାଲି ପାଡ଼ା  
ଆନାୟି

(ମାତି ୭:୧୯-୨୨)

୫୭ ଏଞ୍ଜାରି ଜିରୁତା ହାଜିମାଟାଟି  
ରଅସି ଖାହାନା ଜୀସୁଇଁ ଏଲେଇଚେସି,  
“ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ  
ତଲେ ଖାଇଁ □”

୫୮ ଜୀସୁ ଏଞ୍ଜାଣାଇଁ ଏଲେଇଚେସି,  
“ନାକାୟାକି ତୟିନି ପାସୁୟାଁ ମାନୁ,

ହାଗୁ ଲାକ ତୟିନି ପଗାୟାକି ବାସାଗାୟୁ  
ମାନେ, ସାମା ମାଣ୍ଡସି ମୀରୁଏଶାକି  
ତାୟୁଁ ନେବହାଲି ଚାୟୁ ହିଲେଏ □”

୫୯ ଇଞ୍ଜାଁ ଏଞ୍ଜାସି ଅଡେ ରଅଣାଇଁ  
ଏଲେଇଚେସି, “ନା ଜେଚ ଖାମୁ □”  
ସାମା ଏଞ୍ଜାସି ଏଲେଇଚେସି, “ପ୍ରବୁ  
ନକେଏ ହାଜାନା ନା ଆବାଇଁ ମାହଣିଶା  
ମୁସାଲି ହେଲ ହିୟାମୁ □”

୬୦ ଜୀସୁ ଏଲେଇଚେସି, “ହାଡ଼ାରାଇଁ  
ତାମି ହାଡ଼ି ଲକୁଣି ମୁସାଲି ପିହୁଦୁ, ସାମା  
ମୀରୁ ହାଜାନା ମାହାପୁରୁ ରାଜିତି କାତା  
ଖେହୁଦୁ □”

୬୧ ଅଡେ ରଅସି ଖାହାନା  
ଏଲେଇଚେସି, “ପ୍ରବୁ ନୀନୁ ଜେଚ ଖାଇଁ  
ସାମା ନକେଏ ଇଜତି ଲକୁ ତାଣାଟି  
ହେଲ ଅହାଲି ହିୟାମୁ □”

୬୨ ସାମା ଜୀସୁ ଏଞ୍ଜାଣାଇଁ  
ଏଲେଇଚେସି, “ଆମ୍ବାଆସି ନାଜେଲି  
କେୟୁତା ଆସାନା ତାୟୁଞ୍ଜାକି  
ସିନିକିନେସି ଏଞ୍ଜାସି ମାହାପୁରୁ ରାଜିତା  
ପାଡ଼ା ଆଅସି □”

## ୧୦

ଜୀସୁ ତାନିକଡ଼ି ବାରଜାଣାତି  
ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି  
ବାରଜାଣାତି ଆତାନା ତାନୁ ଆମିନି  
ଗାଡ଼ା ଅଡେ ନାସ୍କାଣାଁ ହାଜାଲି ମନ  
କିହାମାରେସି, ଏ ନାସ୍କା ଅଡେ  
ଗାଡ଼ାୟାଁଶା ରିଆରି ଲାକା କିହାଁ  
ପାଣ୍ଡିତେସି □

୨ ଇଞ୍ଜାଁ ଏଞ୍ଜାସି ଏଞ୍ଜାରାଇଁ  
ଏଲେଇଚେସି, “ପାଟି ହାଚେରକା  
ସାମା ଦାଃଆନାରି ଉଶା ଜାଣା;  
ଇଦାଆଁତାକି ଗୁଡ଼ିୟାତା କାମା  
କିନାରାଇଁ ପାଣ୍ଡାଲିତାକି ଗୁଡ଼ିୟାତି  
ସାସୁକାରିଇଁ ବାତିମାଲାନୁ □

୩ ମୀରୁ ହାଜୁ; ନୀନୁ ମିଙ୍ଗ କୁଃନିୟାଁ  
ବିତ୍ରା ମେଣ୍ଡା ତାଲୁକା ଲେହେଁ ମିଙ୍ଗେ  
ପାଣ୍ଡିମାଞ୍ଜାଇଁ □

୪ ତାବୁୟାଁ, ମଣା କି ସେପୁୟାଁ ଜିକେଏ ଅଥାଦୁ, ଅଡ଼େ ଜିରୁତା ଆମ୍ବାଆରାକ୍ ଜହରା କିଆଦୁ □

୫ ଅଡ଼େ ମୀରୁ ଆମିନି ଇଲୁତା ହଡ଼ଦେରି ନକେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜୁ □

୬ ଅଡ଼େ ଏ ଇଜ ହିଡ଼ଡ଼ିତି ମାଣ୍ଠସି ରଅସି ମାତିହଁ ମୀ ହିଡ଼ଡ଼ି ଏଞ୍ଜାଣାକି ଆପେ; ଅଡ଼େ ହିଲାଆତିହଁ ମୀ ହିଡ଼ଡ଼ି ମିଙ୍ଗେ ୱେଣ୍ଡେ ୱାନେ □

୭ \*ଇଞ୍ଜା ଏଞ୍ଜାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇରିହଁ କାମାକିନାସି ତାନି କାମାତି ବୁଡ଼ି ମେଡ଼ା ଆନାୟି ମାନେ □ ଏ ଇଜ ପିସାନା ଅର ଇଜ ହାଲାଆଦୁ □

୮ ଅଡ଼େ ଆମିନି ଗାଡ଼ାତା ହାଜେରି ଅଡ଼େ ଲକୁ ମିଙ୍ଗେ ଅପାନେରି ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ □

୯ ଏମ୍ବାଆଁ ମାନି ରଗ ଗାଟାରାକ୍ ନେହଁ କିଦୁ, ଅଡ଼େ ଏଞ୍ଜାରାକ୍ ଏଲେଇଞ୍ଜୁ 'ମାହାପୁରୁତି ରାଜି ମୀ ତାଣା ଏଦାତେୟିଏ □'

୧୦ \*ସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜା ଲକୁ ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି ପାଙ୍ଗାତା ହାଜାନା ଏଲେଇଞ୍ଜୁ,

୧୧ \*ମୀ ଗାଡ଼ାତି ଆମିନି ଦୂଡ଼ି ମା କଡ଼ାୟାଁଣା ଆଟାମାତେ, ଏଦାଆଁ ଜିକେଏ ମିଙ୍ଗେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଞ୍ଜାହିମାନେ ଇଦାଆଁ ପୁଞ୍ଜୁ □'

୧୨ \*ନାନୁ ମିଙ୍ଗେ ୱେସିମାଞ୍ଜାକ୍, ନୀହାଁୟି ଦିନାତା ଏ ଗାଡ଼ାତି ତଣ୍ଡ କିହାଁ ସଦମ ଗାଡ଼ାତି ତଣ୍ଡ ଉଣା କିଞ୍ଜିଆନେ □

ନାମାଆଗାଟି ନାସ୍କା  
(ମାତି ୧୧:୨୦-୨୪)

୧୩ ଆୟଡ଼ା ତଣ୍ଡ ପାଣ୍ଡିନି କରାଜିନୁ ଅଡ଼େ ବେଡ଼ସାୟିଦା ଇତିହଁ ମୀ

ତାଣା ଆମି ଆମିନି କାବାଆନି କାମାୟାଁ କିଞ୍ଜିଆହାମାନୁ, ଏ ବାରେ ସର ଅଡ଼େ ସିଦନତା କିଞ୍ଜି ଆହାମାତିହଁ ମା, ଏଞ୍ଜାରି ହାରେକା ଦିନା ନକେଏ ବାସ୍ତାୟାଁ ପରହାଁ ଦାର୍ଢ଼ଦୁ କୁଗାନା ମନ ୱେଟ୍‌ହେରିମା □

୧୪ ଆଡ଼ିଜିକେଏ ନୀହାଁୟି ଦିନାତା ସର ଅଡ଼େ ସିଦନତି ତଣ୍ଡ ଉଣା କିଞ୍ଜିଆନେ □

୧୫ ଏ କପରନାହୁମ ନୀନୁ ଲାକପୁରୁ ପାତେକା ପାତାଆଦି ? ହାଡ଼ାରି ମାନି ରାଜିତା ମେଡ଼ପି ଆଦି □"

୧୬ \*ଜୀସୁ ଏଲେଇତେସି "ଆମ୍ବାଆସି ମୀ କାତା ୱେନେସି, ଏଞ୍ଜାସି ନା କାତା ୱେନେସି, ଇଞ୍ଜା ଆମ୍ବାଆସି ମିଙ୍ଗେ ଅପଅସି ଏଞ୍ଜାସି ନାଙ୍ଗେ ଅପଅସି, ଅଡ଼େ ଆମ୍ବାଆସି ନାଙ୍ଗେ ଅପଅସି ଏଞ୍ଜାସି ନାଙ୍ଗେ ପାଣ୍ଡାତାଣାକ୍ ଅପଅସି □"

ତାନିକଡ଼ି ବାରଜାଣା ୱେଣ୍ଡା ୱାନାୟି

୧୭ ଏମ୍ବାଟିଏ ତାନିକଡ଼ି ବାରଜାଣା ୱେଣ୍ଡା ୱାହାନା ରାହାଁଟି ଏଲେଇତେରି, "ପ୍ରବୁ ବୁଡ଼ୁୟାଁ ଜିକେଏ ନୀ ଦରୁଟି ମା ଡ଼ଇକା ହେରପି ଆହିମାନୁ □"

୧୮ ସାମା ଜୀସୁ ଏଞ୍ଜାରାକ୍ ଏଲେଇତେସି, "ହାଗୁ ମିଶ୍ଟିଲେହେଁ ଲାକଟି ସୟତାନ ରିହିମାନାଣି ମେସ୍ତେଏଁ □

୧୯ ମେହୁଦୁ ନାନୁ ମିଙ୍ଗେ ରାସ୍କା, କାଟାକୁପିୟାଁ ମୁହେଁ ତାକାଲି ଅଡ଼େ ସାଡ଼ୁଡ଼ି ବାରେ ବାଡ଼ୁୟୁ ମୁହେଁ ଜିକେଏ ଅଦିକାରା ହାହିମାଞ୍ଜାକ୍, ଅଡ଼େ ଏନାୟି ଜିକେଏ ମିଙ୍ଗେ ନସ୍ତ କିହାଲି ଆଡେଏ □

୨୦ ସାମା ପଲ୍‌ଆ ବୁଡ଼ୁୟାଁ ବାଡ଼ୁୟୁ ମୀ ଡ଼ଇକା ମାନେ ଇଞ୍ଜୁ ରାହାଁ ଆଥାଦୁ, ସାମା ମୀ ଦରୁ ଲାକପୁରୁ ରାସ୍କା ଆହାମାନେ ଏଦାଆଁତାକି ରାହାଁ କିଦୁ □"

ଜୀସୁତି ରାହାଁ  
(ମାତି ୧୧:୨୫-୨୭; ୧୩:୧୬, ୧୭)

☆ ୧୦:୭ ୧୦:୭ ବକର ୯:୧୪; ୧ଡିମ ୫:୧୮ ☆ ୧୦:୧୦ ୧୦:୧୦ କାମା ୧୩:୫୧ ☆ ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୭:୮-୧୧; ଲୁକ ୯:୩-୫ ☆ ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫ ☆ ୧୦:୧୬ ୧୦:୧୬ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦

୨୧ ଏତିବେଲା ଜୀସୁ ସୁଦୁଜୀଝୁ ତଲେ ରାହାଁ ଆହାନା ଏଲେଇଚେସି, “ଆବା ଲାକପୁରୁ ଅଡ଼େ ଦାରତିତି ପ୍ରୁ, ନୀନୁ ବୁଦିଗାଟି ଲକୁଡାଣା ଇ ବାରେ କାତା ତକୁହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଜେ ଜହରା କିହିମାଞ୍ଜାଇ; ଏ ଆବା ଇଦିଏ ନୀ ନକିତା ନେହାୟି ଆଡେ □”

୨୨ \* “ନା ଆବାତି ବାରେ ଅଦିକାରା ନାଜେ ହେରପି ଆହାମାନେ; ଅଡ଼େ ମୀରଏସି ଆମ୍ବାଆସି, ଇଦାଆଁ ଆବା ପିସପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରଏଣା ପିସପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆରି ତାଣା ଏଞ୍ଜାଣାଇଁ ତସାଲି ମନ କିନେସି, ଏଞ୍ଜାସିଦେଁ ପୁନେସି □”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସୀସୁୟାଈ ଏଚକେଏ ଏଲେଇଚେସି, “ହାରେକା ନେହେଁ ଏ କାଣକା ଏନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି □

୨୪ ଇଚିହୁଁ ନୀନୁ ମିଜେ ଝେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣପୁତି ବଲୁ ଝେହନାରି ଅଡ଼େ ରାଜାୟା ମେସାଲି ମନ କିହାମାଚେରି, ସାମା ମେସାଲି ଆଡାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଝେଞ୍ଜାଲି ମନ କିତେରି ସାମା ଝେଞ୍ଜାଲି ଆଡାଆତେରି □”

ନେହୁଁ ସମିରଣତି ପୁଣ୍ଠିକିନି କାତା

୨୫ \*ମେହୁଦୁ ର ମସାତି ମେରା ଜାପୁନାସି ଖାହାନା ଜୀସୁଇଁ ତାୟିପାରିକିହୁଁ ଝେଚେସି, “ଏ ଗୁରୁ କାଲାକାଲାତି ଜୀଝୁ ବେଟାଆହାଲି ନୀନୁ ଏନାଆଁ କିଇଁ?”

୨୬ ଏଚେଟିଏ ଜୀସୁ ଏଲେଇଚେସି, “ମସାତି ମେରାତା ଏନାଆଁ ରାସ୍‌କି

ଆହାମାନେ, ନୀନୁ ଏନିକିଁ ପଡ଼ଞ୍ଜି ଆହିମାଞ୍ଜି?”

୨୭ ଏଞ୍ଜାସି ଏଲେଇଚେସି, “ନୀନୁ ନୀ ବାରେ ହିୟାଁ, ବାରେ ଜୀଝୁ, ବାରେ ବାଡ଼ୁୟୁ ଅଡ଼େ ବାରେ ମନ ହୀହାନା ପ୍ରୁ ନୀ ମାହାପୁରୁଇଁ ଜୀଝୁନମୁ; ଅଡ଼େ ପାଡ଼ିତି ଲକୁଣି ନୀ ଜୀଝୁ ଲେହେଁ ଜୀଝୁ ନମୁ □”

୨୮ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ନେହୁଁ କିଁ ଝେସାମାଞ୍ଜି; ଏଲେଏ କିମୁ ଆତିହୁଁ ଏ ଜୀଝୁ ମେଡ଼ିକିଦି □”

୨୯ ସାମା ଏଞ୍ଜାସି ତାଜେ ତାରିତାସି କିହାକତାଲି ମନ କିହାନା ଜୀସୁଇଁ ଝେଚେସି, “ଆତିହୁଁ ନା ପାଡ଼ିତାସି ଆମ୍ବାଆସି?”

୩୦ ଜୀସୁ ଏ କାତା ଆସାନା ଏଲେଇଚେସି, “ରଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି □ ଏଞ୍ଜାରି ଏଞ୍ଜାଣି ହିମ୍ବୁରିଦୁକି ମୀଞ୍ଜାନା ହାନ୍‌ଲେହେଁ ମାଡା ଝେଚାନା ପିସା ହାଚେରି □

୩୧ ଏତିବେଲାତା ର ପୁଜେରା ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାସି ଏଞ୍ଜାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି □

୩୨ ଏଲେକିହୁଁଏ ର ଲେବି କୁଡାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାଇଁ ମେସାନା ଅର ଜିରୁ ହୀହାନା ହାଚେସି □

୩୩ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାଣାଇଁ ମେସାନା ହାରେକା କାର୍ମା ଆଡେସି,

୩୪ ଅଡ଼େ ତାଗେ ହାଜାନା ଏଞ୍ଜାଣି ଗାହାୟାଁ ବାରେ ନିୟୁଁ ଅଡ଼େ ଅଜୁରି ରାସା ରୁବାନା ଗାହାୟାଁଣା ଦସପାନା ଏଞ୍ଜାଣାଇଁ ର ଗାଡ଼ଦେ ଲାକ କୁଟିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିତେସି □

୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନ୍ତି ହୀହାନା

ଏଲେଇରେସି, 'ଇଝାଣି ସେବା କିମ୍ପୁ, ଅଡ଼େ ଏରେକା ଗାତି କାରୁ ଆନୁ, ଝେଣ୍ଡା ଝାନାଟି ବାରେ ହିୟାଉଁ' "

୩୭ ଜୀସୁ ଏଲେଇରେସି, "ଇ ତାନି ଜାଣାତି ବିତ୍ରା ଆମ୍ବାଆସି ସରୁକାତାଣା ହେରୁହା ମାତାଣି ପାଡ଼ିତାସି ଇଞ୍ଜୁ ଅଣ୍ପିମାଞ୍ଜେରି?"

୩୮ ଏ ମେରା ଜାପୁନାସି ଏଲେଇରେସି, "ଆମ୍ବାଆସି ଏଝାଣାଉଁ କାର୍ମା ଆଡ଼େସି ଏଝାସି"

ଜୀସୁ ଏଲେଇରେସି, "ହାଲାମୁ ନୀନୁ ଜିକେଏ ଏଲେଏ କିମ୍ପୁ"

ଜୀସୁ ମାର୍ତ୍ତା ଅଡ଼େ ମରିୟମନି ଇଜ ୩୮ ଏଝାରି ହାଜିମାନି ବେଲତା ର ନାୟୁତା ହାଚେରି, ଇଞ୍ଜା ମାର୍ତ୍ତା ଦରୁଗାଟି ର ଇୟା ଜୀସୁଉଁ ତାନି ଇଜ ହାଟିଡେ  
୩୯ ଏଦାନାକି ର ତାଜି ମାଚେ ଏଦାନି ଦରୁ ମରିୟମ, ଏଡ଼ି ପ୍ରବୁତି କଡ଼ା ଡ଼କ କୁଗାନା ଏଝାଣି କାତା ଝେଞ୍ଜିମାଚେ

୪୦ ସାମା ମାର୍ତ୍ତା ରାନ୍ଦା ଝାଜାଲି ହାରେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଝାହାନା ଏଲେଇଚେ, "ଏ ପ୍ରବୁ ନା ତାଜି ଝାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣ୍ପି ହିଲଅତି କି ? ଇଦାଆଁତାକି ନାଞ୍ଜେ ସାୟେନି କିହାଲି ଏଲେଇନାମୁ"

୪୧ ସାମା ପ୍ରବୁ ଏଲେଇରେସି, "ମାର୍ତ୍ତା, ମାର୍ତ୍ତା ନୀନୁ ହାଡ଼େକା କାମାତା ଅଣ୍ପିସି କିଲିବିଲି ଆହିମାଞ୍ଜି,

୪୨ ସାମା ଝାରଇ ର କାତା ଲଡ଼ାମାନେ ମରିୟମ ଏ ନେହୁଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଢ଼ି ଆଏ"

### ୧୧

ଜୀସୁ ଜାପୁହାମାନି ପ୍ରାତାନା (ମାତି ୬:୯-୧୩; ମାତି ୭:୭-୧୧)

୯ ର ଦିନା ଜୀସୁ ର ଗାୟୁତା ପ୍ରାତାନା କିହିମାଚେସି; ଏଝାସି ପ୍ରାତାନା କିହାଲି ରାପୁହାଲିଏ, ତାନି ସୀସୁୟାଁ ବିତ୍ରାଟି

ରଅସି ଏଲେଇରେସି, "ଏ ପ୍ରବୁ, ଜହନ ଏନିକ ତାନି ସୀସୁୟାଁଉଁ ପ୍ରାତାନା କିହାଲି ଜାପୁହି ମାଚେସି, ନୀନୁ ଜିକେଏ ମାଞ୍ଜେ ଏଲେକିହୁଁ ଏ ପ୍ରାତାନା କିହାଲି ଜାପୁହାମୁ"

୧୦ ଏଚେଟିଏ ଜୀସୁ ଏଝାରାଉଁ ଏଲେଇରେସି, "ଏତିବେଲା ମୀରୁ ଏଲେଇଞ୍ଜି ପ୍ରାତାନା କିଦୁ;

ଏ ଆବା  
ନୀ ଦରୁ ନେହାୟି ଇଞ୍ଜୁ ମାନଞ୍ଜି ଆପେ;

ନୀ ରାଜି ଝାପେ  
୩ ବାରେଦିନା ମାଞ୍ଜେ ଲଡ଼ା ଆନି ରାନ୍ଦା ହିୟାମୁ

୪ ମା ଦହ ବାରେ ମେକହାମୁ, ଇତିହୁଁ ମାମୁ ଜିକେଏ ମା ଦହ କିତାରାଉଁ ମେକନମି

ମାଞ୍ଜେ ପାନ୍ଦାତା ମେଡ଼ହାଆନି "

୫ ଅଡ଼େ ଏଝାସି ଏଝାରାଉଁ ଏଲେଇରେସି, "ମୀ ତାଣା ଆମ୍ବାଆସି ଇଲେତି ତଡ଼େଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, 'ଏ ତଡ଼େ ନାଞ୍ଜେ ତାନିଗଟା ରୁଟି ହିୟାମୁ,

୬ ଇତିହୁଁ ନା ଗତାଗାଟି ତଡ଼େଏସି ନା ତାଣା ଝାହାମାନେସି, ଏଝାଣାକି ତିଞ୍ଜାଲି ହାହାଲି ନା ତାଣା ଏନାୟିଝା ହିଲେଏ"

୭ ଅଡ଼େ ବିତ୍ରାଟି ଏଲେଇନେସି, 'ନାଞ୍ଜେ କସ୍ତ ହିୟାଆନି; ଦାରା ସୁଣ୍ଡକି ଆଡ଼େୟିଏ, ଇଞ୍ଜା ନା ମୀରକା ନା ତଲେ ତୂରା ମାନେରି; ନାନୁ ନିଜାନା ହାହାଲି ଆଡ଼ଅଁ"

୮ ନାନୁ ମିଜେ ଝେସିମାଞ୍ଜାଉଁ, ଏଝାସି ତାନି ତଡ଼େଏସି ଆହାମାନାକି ଲାଜା ପିସାନା ଅଲେ ଅଲେ ରୀସ୍ତାକି ଏଝାସି ନିଜାନା ଏଝାଣି ଲଡ଼ାମାନି ପାଡେକା ଏଝାସି ଏଝାଣାକି ହାନେସି"

୯ ନାନୁ ଜିକେଏ ମିଜେ ଝେସିମାଞ୍ଜାଉଁ, ରାହଦୁ ଆତିହୁଁ ମିଜେ ହୀପକିଆନେ; ପାରାଦୁ ଆତିହୁଁ ମେଡ଼ି

କିଦେରି; ଦୁଃଖେରିତା ଝେନ୍ଦୁ ଆତିହ୍ମି  
ମିଙ୍ଗେତାକି ଦାରା ଦେପି ଆନେ □

୧୦ ଇତିହ୍ମି ଆମ୍ବାଆସି ରାହ୍ନେସି  
ଏଞ୍ଜାସି ବେଟାଆନେସି; ଆମ୍ବାଆସି  
ପାରିନେସି ଏଞ୍ଜାସି ମେଡ଼ି କିନେସି;  
ଅଡ଼େ ଆମ୍ବାଆସି ଦୁଃଖେରିତା ଝେନେସି  
ଏଞ୍ଜାଣି ତାକି ଦାରା ଦେପିଆନେ □

୧୧ “ଅଡ଼େ ମୀ ତାଣା ଇଲେତି ଆମିନି  
ଆବା ମାନେସି, ତାନି ମୀରଏସି ମୀନୁ  
ରାସ୍ତିସାରେ ଏଞ୍ଜାସି ମୀନୁତି ବାଦୁଲି  
ରାଚୁ ହାନେସି ?

୧୨ ଅଡ଼େ ଗୁଡୁ ରାସ୍ତିସାରେ ଏଞ୍ଜାଣାକି  
କାଚାକୁପି ହାନେସି ?

୧୩ ଇଦାଆଁତାକି ମୀରୁ ଲାଗେଏ  
ପଲେଏତି ଲକୁ ଆଡ଼ିଜିକେଏ  
ମୀ ମୀରକା ମାସ୍‌କାକି ନେହାଣି  
ହାହିମାଞ୍ଜେରି, ଆତିହ୍ମି ଆମିନି ଆବା  
ଲାକପୁରୁତି ହାହିମାଞ୍ଜାନେସି, ଏଞ୍ଜାସି  
ତାନି ତାଣା ରାହ୍ନି ଲକୁକି ଏତେ  
ହାରେକା ସୁଦୁଜାଞ୍ଜୁ ହାଅସି □”

ଜୀସୁ ଅଡ଼େ ପଲୁଆ ବୁଡୁ  
(ମାତି ୧୨:୨୨-୩୦; ମାର୍କ ୩:୨୦-  
୨୭)

୧୪ ଜୀସୁ ର ପାଲି ବୁଡୁ ପେରୁହି  
ମାଚେସି ଏ ବୁଡୁ ଗୁଲା □ ବୁଡୁ ଏଞ୍ଜାଣି  
ତାଣାଟି ହଡ଼ା ହାଜାଲିଏ ଏ ଗୁଲା  
ଜଲିତେସି; ଏମ୍ବାଟିଏ ଲକୁ ବାରେ କାବା  
ଆଡ଼େରି □

୧୫ \*ସାମା ଏଞ୍ଜାରି ବିତ୍ରାଟି ଆମ୍ବା  
ଆମ୍ବାଆରି ଏଲେଇଚେରି, “ଏଞ୍ଜାସି  
ପଲୁଆ ବୁଡୁୟା କାଜା ପେନୁ  
ବାଲ୍‌ଜିବୁଲ୍ ବୁଡୁ ତଲେ ବୁଡୁୟା ପିସ୍‌ପି  
କିହିମାନେସି □”

୧୬ \*ଇଞ୍ଜା ଏଟକାତାରି ଏଞ୍ଜାଣାଈ  
ତାୟିପାରି କିହାଲିତାକି ଏଞ୍ଜାଣି ତାଣାଟି  
ହାଗୁଟି ର ସିନା ରୀସ୍ତେରି □

୧୭ ସାମା ଏଞ୍ଜାସି ଏଞ୍ଜାରି ମନଡ଼ି ଅଣ୍ଡପୁ  
ପୁଞ୍ଜାନା ଏଞ୍ଜାରାଈ ଏଲେଇଚେସି,  
ଆମିନି ରାଜି ବାଗା ଆହାନା ତାନି

କପାଟି ନିଙ୍ଗିନେ ଏଡ଼ି ନାସା ଆହାହାନେ  
ଇଞ୍ଜା ଇଲୁ ଲାକ ବାରେ ରିହାହାନେ □

୧୮ ଇଞ୍ଜା ସୟତାନ ବାଗା ଆହାନା  
ଜାହାରା କପାଟି ନିଙ୍ଗିନେ, ଇତିହ୍ମି  
ତାନି ରାଜି ଏନିକ୍ ତୀରିଆହାନା  
ଡ଼ୟିନେ ? ନାନୁ ପଲୁଆ ବୁଡୁୟା  
ବାଲ୍‌ଜିବୁଲ୍ ତଲେ ବୁଡୁୟା ପିସ୍‌ପି  
କିହିମାଈ ଇଞ୍ଜିମାଞ୍ଜେରି □

୧୯ ସାମା ନାନୁ ପଲୁଆ ବୁଡୁୟା  
ବାଲ୍‌ଜିବୁଲ୍ ତଲେ ବୁଡୁୟା ପିସ୍‌ପି  
କିହିମାଈ, ଆତିହ୍ମି ମୀ ମୀରକା  
ଆମ୍ବାଆରି ବାଡ଼ୁୟୁ ତଲେ ପିସ୍‌ପି  
କିନେରି ? ଇଞ୍ଜା ଏଞ୍ଜିଏ ମିଙ୍ଗେ ନୀହାୟି  
କିୟାନୁ □

୨୦ ସାମା ନାନୁ ମାହାପୁରୁ ବାଡ଼ୁୟୁ  
ତଲେ ବୁଡୁୟା ପିସ୍‌ପି କିହିମାଈ  
ଇତିହ୍ମି ମାହାପୁରୁତି ରାଜି ମୀ ତାଣା  
ଏଗାଞ୍ଜାଡେୟିଏ □

୨୧ ବାଡ଼ୁୟୁଗାଟି ଲକୁ ଏଡ଼େପାତେକା  
ଆସ୍ତି ଆସାନା ତାନି ଗାଡ଼ାତି  
ଗେଲ୍‌ପିନେସି, ଏତିବେଲା ପାତେକା  
ତାନି ଦନ ଗେଲ୍‌ପିଆହାନା ଡ଼ୟିନେ;

୨୨ ସାମା ଏତିବେଲା ଏଞ୍ଜାଣି  
କିହାଁ ହାରେକା ବାଡ଼ୁୟୁଗାଟି ଲକୁ  
ଏଞ୍ଜାଣିତଲେ ଜୁଜୁ କିହାନା ଜୀଣା  
ଆନେସି, ଏତିବେଲା ଏଞ୍ଜାସି ଆମିନି  
ଆସ୍ତିତି ବାସ୍ତି କିହାମାଚେସି, ଏ ବାରେ  
ଏଞ୍ଜାସି ମୀଞ୍ଜା ଅନେସି, ଇଞ୍ଜା ମୀଞ୍ଜା  
ଅହାମାନି ଦନ ବାଡ଼ିକିହା ଅନେରି □

୨୩ \*ଆମ୍ବାଆସି ନା ଝାକିତି  
ଆଆଗାଟାସି ଏଞ୍ଜାସି ନା ସାତୁ; ଇଞ୍ଜା  
ଆମ୍ବାଆସି ନା ତଲେ କୃଡ଼ି କିଅସି ଏଞ୍ଜାସି  
ଆଲାରା କିନାସି □

ପଲୁଆ ବୁଡୁ ଝେଣ୍ଡା ଝାନାୟି  
(ମାତି ୧୨:୪୩-୪୫)

୨୪ “ର ପଲୁଆ ବୁଡୁ ର ମାଣ୍ଡସି  
ତାଣାଟି ହଡ଼ା ହାଜାନା ଏୟୁ ହିଲାଆ  
ଞ୍ଜାୟିତି ଟାୟୁତା ଜମାଲି ପାରିନେ, ଇଞ୍ଜା  
ମେଡ଼ି କିଆନା ଏଲେଇନେ, ‘ନାନୁ

\* ୧୧:୧୫ ୧୧:୧୫ ମାତି ୯:୩୪; ୧୦:୨୫ \* ୧୧:୧୭ ୧୧:୧୭ ମାତି ୧୨:୩୮; ୧୨:୧; ମାର୍କ ୮:୧୧  
\* ୧୧:୨୩ ୧୧:୨୩ ମାର୍କ ୯:୪୦

ଆମିନି ଇଲୁଚି ହତା ଖାହାମାରେଏ, ଏ ଇଲୁତା ଖେଣ୍ଟା ହାଇଁ □

୨୫ ଇଞ୍ଜା ଏଦି ଖେଣ୍ଟା ଖାହାନା ଏଦାଆଁ ଅଜିହ୍ନେନେହ୍ ଆହାମାନାଣି ମେହ୍ନେନେ □

୨୬ ଏଚିବେଲା ଏଦି ହାଜାନା ତାନିକିହ୍ନା ହାରେକା ପଲ୍‌ଆଗାଟି ସାଡାଗଟା ବୃତୁୟା ଆସାନା ଖାନ୍, ଅଡେ ବାରେକାଣା ଏମ୍ବାଆଁ ହଡାନା ବାସା କିନ୍ନୁ, ଇଞ୍ଜା ଏ ମାଣସିତି ତଲିତି କସ୍ତୁ କିହ୍ନା ତାୟୁତି କସ୍ତୁ ହାରେକା ଆନ୍ନେନେ □

ଆସୁଲି ରାହାଁ

୨୭ ଜୀସୁ ଇ ବାରେ କାତା ଖେସିମାଗାଟି ଲକୁ ମାନ୍ଦା ବିତ୍ରାଟି ର ଇୟା କାଜା ଗିୟାତଲେ ଏଲେଇରେ, “ଆମିନିଗାଟି ଇୟା ନିଙ୍ଗେ ଜାନ କିହାନା ପାଲୁ ଉର୍ହାତେ ଏ ଇୟା ହାରେକା ନେହେଁ □”

୨୮ ସାମା ଜୀସୁ ଏଲେଇରେସି, “ଆମ୍ବାଆରି ମାହାପୁରୁତି ବଲୁ ଖେନେରି ଅଡେ ମାନୁଖି ଆନେରି ଏଞ୍ଜାରାକିଦେହେଁ ନେହେଁ □”

ସିନା ପାରିନାୟି  
(ମାତି ୧୨:୩୮-୪୨)

୨୯ \*ଲକୁ ମାନ୍ଦା ମାନ୍ଦା ଆହାନା ଏଞ୍ଜାଣି ତାଣା ରୁଣ୍ଡା ଆହାଲିଏ ଜୀସୁ ଏଞ୍ଜାରାକି ଖେସେସି, “ଇ କାଲାତି ଲକୁ ହାରେକା ଲାଗେଏତାରି; ଇଞ୍ଜାରି ବାରେ ସିନାୟା ପାରିନେରି, ସାମା ଏଞ୍ଜାରାକି ଜୁନସତି ସିନା ପିସପେ ଏନି ସିନା ହୀପକିଆଏ □

୩୦ ଇଚିହ୍ନେ ଜୁନସ ଏନିକି ନିନିବି ଲକୁତାକି ର ସିନାଲେହେଁ, ମାଣସି ମୀରଏସି ଜିକେଏ ଏଲେକିହ୍ନେ ଏ ଇ ଜୁଗୁତି ଲକୁତାକି ଆନେସି □

୩୧ ନୀହାୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିତାନା ଏଞ୍ଜାରି କପାଟି ସାକିହୀନେ, ଇଚିହ୍ନେ ଏଦି ସଲମନତି ବୁଦିତିକାତା ଖେଞ୍ଜାଲି

ଦାରତିତି ହେକ ଦେସାଟି ଖାହାମାରେ; ମେହ୍ନୁ ସଲମନକିହ୍ନା କାଜାସି ଇମ୍ବାଆଁ ମାନେସି □

୩୨ ନୀହାୟି ଦିନାତା ନିନିବି ଗାଡାତି ଲକୁ ନିତାନା ଏଞ୍ଜାରି କପାଟି ସାକି ହୀନେରି, ଇଚିହ୍ନେ ଏଞ୍ଜାରି ଜୁନସ ଖେସ୍ତି କାତା ଖେଞ୍ଜାନା ଅଣ୍ପା କତାନା ମନ ଖେବ୍‌ହେରି; ମେହ୍ନୁ ଜୁନସକିହ୍ନା ହାରେକା କାଜାସି ଇମ୍ବାଆଁ ମାନେସି □”

ଆଙ୍ଗାତି ଉଜେଡି  
(ମାତି ୫:୧୫; ୬:୨୨, ୨୩)

୩୩ \*ଆମ୍ବାଆରି ଦୀଞ୍ଜି ତୀସାନା ତୁକୁନି ଚାୟୁତା କି ମାଣା ସିକ୍‌ହାନା ଇଟଅରି, ସାମା ଦୀଞ୍ଜି ସଡାତା ଇଚିନେରି, ଏନିକି ଇଲୁ ବିତ୍ରା ଖାନ୍ ଲକୁ ଉଜେଡି ମେହ୍ନେରି □

୩୪ ମୀ କାଣକା ଆଙ୍ଗାତି ଦୀଞ୍ଜି ଏଚେତା ମୀ କାଣକା ନେହ୍ନେ ମାନୁ ଏଚିବେଲା ପାତେକା ମୀ ଆଙ୍ଗା ବାରେ ଉଜେଡି ଆନ୍ନେ; ସାମା ଏଚେତା ମୀ କାଣକା ନେହ୍ନେ ହିଲାତ ଇଚିହ୍ନେ ଏଚେତା ମୀ ଗୁଡା ଆଙ୍ଗା ଜିକେଏ ଆନ୍ନେରି ଆନ୍ନେ □

୩୫ ଇଦାଆଁତାକି ଜାଗାତା ଏନିକି ମୀ ହିୟାତା ମାନି ଉଜେଡି ଆନ୍ନେରି ଆଏ □

୩୬ ଏନାଆଁତାକି ଇଚିହ୍ନେ ମୀ ଗୁଡା ଆଙ୍ଗା ବାରେ ଉଜେଡି ଆନ୍ନେ ଇଞ୍ଜା ଏମ୍ବାଆଁ ଏନି ଆନ୍ନେରି ତୁୟେଏ, ଆତିହ୍ନେ ଦୀଞ୍ଜି ଏନିକି ମିଙ୍ଗେ ତାହାଣା ଉଜେଡିତା ଉଜେଡି କିୟାନେ, ଏଲେକିହ୍ନେ ଏ ମୀ ଗୁଡା ଆଙ୍ଗା ଉଜେଡି ଆନ୍ନେ □”

ଜୀସୁ ପାରୁସି ଅଡେ ମେରା ଜାପ୍‌ନାରାକି ଦହ୍ ଦହ୍‌ନାୟି

(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଇ କାତା ଖେସ୍ତି ତାୟୁ ର ପାରୁସି ଏଞ୍ଜାଣାକି ତାନି ଇଜ ତିଞ୍ଜାଲି

\* ୧୧:୨୯ ୧୧:୨୯ ମାତି ୧୭:୪; ମାର୍କ ୮:୧୨ \* ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

ଏଲେଇଚେସି; ଇଞ୍ଜା ଏଞ୍ଜାସି ଇଜ ହାଜାନା ତିଞ୍ଜାଲି କୁଗିଚେସି □

୩୮ ସାମା ତିଞ୍ଜାଲି କୁଗିନି ନଚେଏ ଏଞ୍ଜାସି କେସ୍ତା କତାୟା ନରହା ହିଲଆଚେସି, ଇଦାଆଁ ମେସାନା ଏ ପାରୁସି କାବା ଆଚେସି □

୩୯ ଏଚେଟିଏ ପ୍ରବୁ ଏଞ୍ଜାଶାଈ ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡେ ସାଡ଼ଞ୍ଜାୟାଁ ପାଞ୍ଜାତା ନରହି ମାଞ୍ଜେରି, ସାମା ମୀ ବିତ୍ରା ଜୁପକା ଅଡେ ଲାଗେଏତାୟି ନେଞ୍ଜାମାନେ □

୪୦ ଆଡେ ବୁଦି ହିଲଆଗାଟାଚେରି, ଆମ୍ବାଆସି ପାଞ୍ଜାତାଣି ଗାଡ଼ିକିଚେସି, ଏଞ୍ଜାସି ବିତ୍ରାତାଣି ଜିକେଏ ଗାଡ଼ି କିହାହିଲଅସି କି ?

୪୧ ସାମା ମୀ ସାଡ଼ଞ୍ଜାୟାଁ ଅଡେ ଗିନାୟାଁଣା ମାନାଣି ହିଲଆ ଗାଟାରାକି ହାଡିହୁଁ ମିଙ୍ଗେତାକି ବାରେଏ ଅଟହାୟି ଆନେ □”

୪୨ ସାମା ଆୟତା ତଣ୍ଡ ପାଣ୍ଡିନି ପାରୁସିୟାତେରି, ଇଚିହୁଁ ମୀରୁ ହାସୁଁ, ରାୟି ଇଞ୍ଜା ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାୟିତା ଅଡେ ମାହାପୁରୁତି ଜୀଞ୍ଜୁ ନନି ତାଣା ଅଣ୍ଡପି ହିଲଅଚେରି; ସାମା ଇ ବାରେ ମାନଞ୍ଜି ଆହାନା ଏଟକାତାଣି ହେଲା ଆନାୟି ହିଲେଏ □

୪୩ “ଆୟତା ତଣ୍ଡ ପାଣ୍ଡିନି ପାରୁସିୟାତେରି, ଇଚିହୁଁ ମୀରୁ ମାହାପୁରୁ ଇଲୁତା କାଜା ଟାୟୁ ଇଞ୍ଜା ହାଟା ବାଜାରାତା ଜହରା ବେଟାଆହାଲି ନେହେଁ ଅଣ୍ଡପିଦେରି □

୪୪ ଆୟତା ମୀରୁ ତଣ୍ଡ ବେଟା ଆନାତେରି, ଇଚିହୁଁ ମୀରୁ ତଞ୍ଜା ଆଆଗାଟି ମାଡ଼ହା ମୁହନି ଟାୟୁଲେହେଁ ତାଚେରି; ଇଚିହୁଁ ପୁନାଆନା ଲକୁ ଲାକ ତାକି ମାନେରି □”

୪୫ ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଙ୍ଗେ ଲାଜା କିହିମାଞ୍ଜାଦି □”

୪୬ ଜୀସୁ ଏଲେଇଚେସି, ଆୟତା ମସାତି ମେରା ପୁନାତେରି ମୀରୁ, ମୀରୁ

ଜିକେଏ ତଣ୍ଡ ବେଟାଆନେରି, ଇଚିହୁଁ ମୀରୁ ମାଣ୍ଡସିୟାଁ ଲାକ ବଜୁଗାଟି କାସକା ଏକ୍‌ହି ମାଞ୍ଜେରି ଅଡେ ଏ ବଜୁତି ମୀରୁ ର ଞ୍ଜାଞ୍ଜୁ ତଲେ ଜିକେଏ ତୀଗଅଚେରି □

୪୭ ଆୟତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଡପୁତି ବଲୁ ଞ୍ଜେହନାରାଇଁ ପାୟାନା ଏଞ୍ଜାରି ମାଡ଼ହା ମୁହନି ଟାୟୁ ତିୟାରା କିହିମାଞ୍ଜେରି □

୪୮ ଇଚିହୁଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଞ୍ଜାରିଲେହେଁ ଆହିମାଞ୍ଜେରି; ଇଚିହୁଁ ଏଞ୍ଜାରିୟାଁ ଏଞ୍ଜାରାଇଁ ପାୟାମାଚେରି, ସାମା ମୀରୁ ଏଞ୍ଜାରି ମୁହନି ଟାୟୁତି କାତିୟାଁ ନିପୁହି ମାଞ୍ଜେରି □

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣ୍ଡପୁତି ବଲୁ ଞ୍ଜେହନାରାଇଁ ଅଡେ ପାଣ୍ଡୁଞ୍ଜି ଆହାମାନାରାଇଁ ପାଣ୍ଡିଇଁ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜା ନିନ୍ଦା କିନେରି,

୫୦ ଇ ଜୁଗୁତି ଲକୁ ଦାରତି ଗାଡ଼ି ଆଡି ନଚେଏଟିଏ ବାରେ ମାହାପୁରୁ ଅଣ୍ଡପୁତି ବଲୁ ଞ୍ଜେହନାରାଇଁ ପାୟିତାକି ତଣ୍ଡ ବେଟାଆନେରି,

୫୧ ଏନିକିଁ ହେବଲଇଁ ପାୟିତି ଦିନାଟିଏ ଜିକରିୟ ପାଚେକା ଆମ୍ବାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡେ ସୁଦୁ ବାକ୍ତା ମାଦିଏ ପାୟୁଞ୍ଜି ଆହାମାଚେ □ ହାଅ, ନାନୁ ମିଙ୍ଗେ ସାତା ଞ୍ଜେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି □

୫୨ ଆୟତା ତଣ୍ଡ ପାଣ୍ଡିନି ମେରା ପୁନାତେରି ମୀରୁ, ଇଚିହୁଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅଚେରି ସାମା ହଡ଼ାଲି ଅଣ୍ଡପି ମାନାରାଇଁ ଆଁଗିମାଞ୍ଜେରି □

୫୩ ଜୀସୁ ଏ ଇଜଟି ହାଜାଲିଏ ପାରୁସିୟାଁ ଅଡେ ମେରାପୁନାରି ହାରେକା ତାହାରା ଆହାନା □

୫୪ ଏଞ୍ଜାଣି ଜଲିନି ହାଡ଼ାତା ଦହ

ଆସାଲି ଏଝାଣାଇଁ ହାରେକା କାତା  
ଝେରେରି □

### ୧୨

କୁଟୁ ଗାଟାରି ତାଣାଟି ଜାଗ୍ରାତା  
(ମାତି ୧୦:୨୭,୨୭)

୧ \*ଏତିବେଲାତା ମାଣା ମାଣା ଲକୁ  
ରୁଣ୍ଡା ଆହାନା ଓସ୍‌ପି ଆହିମାଚେରି;  
ଏତିବେଲା ଏଝାସି ନକେଏ ତାନି  
ସୀମୁୟାଁଇଁ ଏଲେଇଚେସି, ପାରୁସିୟାଁ  
ଲାଗେଏତି କୁଟୁଗାଟି ତାଣାଟି ଜାଗ୍ରାତା  
ଆହାନା ମାଞ୍ଜୁ □

୨ \*ସାମା ଏନାୟି ତଞ୍ଜା ଆଏ,  
ଇଲେକ୍‌ ପ୍ତୁପକ୍‌ ଆହା ହିଲେଏ,  
ଅଡେ ଏନାୟି ପୁନାଆରେଟୁ ଇଲେକ୍‌  
ଡଗୁମାନାୟି ଏନାୟି ହିଲେଏ □

୩ ଇଚିହ୍‌ ମୀରୁ ଏନା ଏନାଆଁ  
ଆନ୍ଦେରିତା ଝେସାମାଞ୍ଜେରି, ଏ ବାରେ  
ଉଜେଡିତା ଝେଣ୍‌ସିଆନ୍ଦେ, ଏନା  
ଏନାଆଁ ପୁନାଆ ରେଟୁ ଇଲୁ ବିତ୍ରା  
ଡଗୁନା ଝେସାମାଞ୍ଜେରି, ଏନାଆଁ ଇଲୁ  
ତୁଡିୟାତା ଝେପକ୍‌ ଆନ୍ଦେ □

ଆମ୍ବାଆରାଇଁ ଆଜିନାୟି  
(ମାତି ୧୦:୨୮-୩୧)

୪ ଇଚିହ୍‌ ନା ତଣେସିଙ୍ଗାଚେରି  
ମୀରୁ, ନାନୁ ମିଙ୍ଗେ ଝେସିମାଞ୍ଜାଇଁ,  
“ଆମ୍ବାଆରି ଆଙ୍ଗାତି ପାୟିନେରି ସାମା  
ତାୟୁ ଏନାଆଁ କିହାଲି ଆଡ଼ଅରି,  
ଏଝାରାଇଁ ଆଜାଆଦୁ □

୫ ସାମା ଆମ୍ବାଆରାଇଁ ଆଜିଦେରି  
ଏନାଆଁ ମିଙ୍ଗେ ଝେସ୍ତାଇଁ; ପାୟିତି କେଚ  
ହିଚୁ ଗାଡ଼ୟୁତା ମେଡ଼ହାଲି ଆମ୍ବାଆରି  
ଅଦିକାରା ମାନେ, ଏଝାଣାଇଁ ଆଜାଦୁ;  
ହାଅ ନାନୁ ମିଙ୍ଗେ ସାତା ଝେସିମାଞ୍ଜାଇଁ,  
ଏଝାଣାଇଁ ଆଜାଦୁ □”

୬ ପାସାଗଟା ଜେତା ପଟାୟାଁ ରୀ କାନି  
ତାକି ପାର୍‌ପି ଆଡ଼ କି ? ଆଡ଼ିଜିକେଏ  
ଏଝାସିକା ବିତ୍ରାଟି ରଣ୍ଡାଣି ଜିକେଏ  
ମାହାପୁରୁ ବାଣା ଆଅସି □

୭ ସାମା ମୀ ତାୟୁଁ ତୁଁ ବାରେ  
ବାଣାୟାଁ ଜିକେଏ ଏଜିକିଓ ଆହାମାନୁ  
□ ଆଜା ଆଦୁ; ଏନାଆଁତାକି ଇଚିହ୍‌  
ମୀରୁ ଜେତା ପଟାୟାଁ କିହାଁ ହାରେକା  
ଦାରା ଗାଟାଚେରି □

ଲକୁ ନକିତା ଜୀସୁଇଁ ଝେକ୍‌ନାୟି  
(ମାତି ୧୦:୩୨,୩୩; ୧୨:୩୨;  
୧୦:୧୯-୨୦)

୮ “ଅଡେ, ନାନୁ ମିଙ୍ଗେ  
ଝେସିମାଞ୍ଜାଇଁ, ଆମ୍ବାଆସି ଲକୁ  
ନକିତା ନାଙ୍ଗେ ଝେକ୍‌ହାନେସି, ମାଣ୍‌ସି  
ମୀରୁଏସି ଜିକେଏ ମାହାପୁରୁତି ଦୁଡୁୟାଁ  
ନକିତା ଝେକ୍‌ନେସି □

୯ ସାମା ଆମ୍ବାଆସି ଲକୁ ନକିତା  
ନାଙ୍ଗେ ଝେକ୍‌ହଅସି, ଏଝାଣାଇଁ ଜିକେଏ  
ମାହାପୁରୁ ଦୁଡୁୟାଁ ନକିତା ଝେକ୍‌ଅସି □

୧୦ \*ଇଞ୍ଜା ଆମ୍ବାଆସି ମାଣ୍‌ସି  
ମୀରୁଏଣା କପାଟି ଜଲିନେସି, ଏଝାଣି  
ପାପୁ ମେଣ୍‌ଙ୍ଗିନେ; ସାମା ଆମ୍ବାଆସି  
ସୁଦୁଜୀଝୁ କପାଟି ନିନ୍ଦା କାତା  
ଜଲିନେସି, ଏଝାଣି ପାପୁ ମେଣ୍‌ଙ୍ଗେଏ  
□

୧୧ \*ଏତିବେଲା ଏଝାରି ମିଙ୍ଗେ  
ଜୀହୁଦି ଲକୁତି କୁଟମି ଇଲ୍‌କାଣା\*,  
ସାଲ୍‌ଓ କିନାରି ତାଣା ଇଞ୍ଜା ଅଦିକାରା  
ବେଟା ଆହାମାନାରି ତାଣା ଅହାନା  
ନିପୁହାନେରି ଏତିବେଲା ନା ଝାକିଟି  
ଆହାନା ଏନା ଏନାଆଁ ଜଲିନିମି ଇଞ୍ଜା  
ଅଣ୍‌ପାଆଦୁ;

୧୨ ଇଚିହ୍‌ ଏନାଆଁ ଜଲିନାୟି  
ମାନେ, ଏନାଣି ଏତିବେଲାତେଏ  
ସୁଦୁଜୀଝୁ ମିଙ୍ଗେ ଜାପୁହାନେ □”

ବୁଦି ହିଲାଆ ଦନ ଗାଟାସି  
୧୩ ଲକୁ ମାନ୍ଦା ବିତ୍ରାଟି ରଅସି ଜୀସୁଇଁ  
ଏଲେଇଚେସି, ଏ ଗୁରୁ ନା ତାୟିଇଁ ମା  
ଆବାତି ଦନ ବାଟି କିହାଲି ଏଲେଇଞ୍ଜା  
ହିୟାମୁ □

୧୪ ସାମା ଜୀସୁ ଏଲେଇଚେସି,  
ଏ ତାୟି ଆମ୍ବାଆସି ନାଙ୍ଗେ ମୀ

\* ୧୨:୧ ୧୨:୧ ମାତି ୧୨:୭; ମାର୍କ ୮:୧୫    \* ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭    \* ୧୨:୧୦  
୧୨:୧୦ ମାତି ୧୨:୩୨; ମାର୍କ ୩:୨୯    \* ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫  
\* ୧୨:୧୧ ୧୨:୧୧ ସିନଗର୍



ମୁହେଁ ନୀହାଁୟି କିହାଲି ମାଦି କିହାନା  
ଆଚାମାଞ୍ଜାନେସି ?

୧୫ ଇଞ୍ଜା ଏଞ୍ଜାସି ଏଞ୍ଜାରାଇଁ  
ଏଲେଇରେସି, ଜାଗ୍ରାତା, ବାରେଖାକିତି  
ଜୁପକାଟି ମିଙ୍ଗେ ଗେଲପିକିହା କତାଦୁ,  
ଇଚିହଁ ର ମାଣସିତି ଜୀଞ୍ଜୁ ତାନି ଦନତି  
ବାର୍ସୁ କିନେ □

୧୬ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି  
କାତା ଖେସେସି, “ର ସାଞ୍ଜୁକାରିକି  
ବୁମିତା ଗାଡି ତାସା କାମ୍ପିତେ □

୧୭ ଏମ୍ପାଟିଏ ଏଞ୍ଜାସି ମନ ମନତା  
ଅଣ୍ପାମା ଏଲେଇରେସି, ‘ନାନୁ ନୀଏ  
ଏନାଆଁ କିଇଁ ? ନା ଆର୍ନା କୁଡି କିହାନା  
ଇଟାଲି ଚାନ୍ନୁ ହିଲେଏ □’

୧୮ ଅଡେ ଏଲେଇରେସି; ‘ନୀଏ  
ଇଲେ କିଇଁ ମାନି ଗାଦେୟିକା ରିକହାନା  
କାଜାଆଁ କିହାନା ଏମ୍ପାଆଁ ଗହଁୟାଁ ଇଞ୍ଜା  
ଏନି ଏନି ଆର୍ନା କୁଡି କିହାନା ଇଚିଇଁ,

୧୯ ଅଡେ ନା ଜୀଞ୍ଜୁତି ଏଲେଇଇଁ,  
ଏ ଜୀଞ୍ଜୁ, ହାରେକା ବାର୍ସା ତାକି ନିଙ୍ଗେ  
ତାକି ଗାଡି ଆର୍ନା କୁଡି କିଞ୍ଜିଆହାମାନେ,  
ନୀଏଚି ଜମାନା ମନକିତି ଲେହେଁ ତିଞ୍ଜା  
ଉଣ୍ଡାନା ରାହାଁ କିମୁ □’

୨୦ ସାମା ମାହାପୁରୁ ଏଞ୍ଜାଣାଇଁ  
ଏଲେଇରେସି, ଆଡେ ବୁଦି  
ହିଲଆଗାଟାତି, ନୀଞ୍ଜୁ ଲାଆଁୟାଁ ନୀ  
ଜୀଞ୍ଜୁ ନୀ ତାଣାଟି ଅଞ୍ଜିଆନେ; ଏଚେଟିଏ  
ନୀନୁ କୁଡିକିହା ଇଟାମାନି ବାରେ ଦନ  
ଆମ୍ପାଆରାଞ୍ଜାୟି ଆନେ □”

୨୧ ଜୀସୁ ଏଲେଇରେସି, “ଆମ୍ପାଆସି  
ତାଙ୍ଗେତାକି ଦନ କୁଡି କିନେସି, ସାମା  
ମାହାପୁରୁ ତାଣା ଦନଗାଟାସି ଆଅସି,  
ଏଞ୍ଜାସି ଇଞ୍ଜାଣି ଲେହେଁତାସି □”

ଅଣ୍ପାଆଦୁ  
(ମାତି ୬:୨୫-୩୪)

୨୨ ଜୀସୁ ତାନି ସାସୁୟାଣି  
ଏଲେଇରେସି, ଇଦାଆଁତାକି ମିଙ୍ଗେ  
ଝେସିମାଞ୍ଜାଇଁ, ଏନାଆଁ ତିନାୟି,  
ଇଲେକଁ ମୀ ଜୀଞ୍ଜୁତାକି, ଏନାଆଁ  
ତୁରନାୟି ଇଲେକଁ ମୀ ଆଙ୍ଗା ତାକି  
ଜିକେଏ ମୀରୁ ଅଣ୍ପାଆଦୁ □

୨୩ ଇଚିହଁ ରାନ୍ଦା କିହାଁ ଜୀଞ୍ଜୁ  
କାଜାୟି ଅଡେ ହିମ୍ପୁରିକା କିହାଁ ଆଙ୍ଗା  
କାଜାୟି □

୨୪ ପଟାୟାଁଣି ସିନିକିଦୁ, ଏଞ୍ଜି ମାଟାଉ  
କି ଦାଉ, ଇଞ୍ଜା ଏଞ୍ଜାସିକା ଗାଦେୟିକା  
ହିଲାର, ଅଡେ ମାହାପୁରୁ ଏଞ୍ଜାସିକାକି  
ତିନି କାଦି ହାନେସି; ମୀରୁ ପଟାୟାଁ  
କିହାଁ ଏଚେକା କାଜାଡେରି □

୨୫ ଅଡେ ମୀ ବିଡାଟି ଆମ୍ପାଆଡେରି  
ଅଣ୍ପି ଅଣ୍ପିହଁ ମୀ ଜୀଞ୍ଜୁତି ଆଗାଡା  
ପାଡିକିହାଲି ଆଡିଦେରି ?

୨୬ ମୀରୁ ର ଉଣା କାମାତି କିହାଲି  
ଆଡିହିଲଅଡେରି, ଆଡିହଁ ଏଟକାତି  
କାତା ଏନାଆଁତାକି ଗାଡି ଅଣ୍ପିମାଞ୍ଜେରି  
?

୨୭ ଜାଡାଡି ପୁଞ୍ଜାଣି ସିନିକିହାଁ  
ଅଣ୍ପାଦୁ, ଏଞ୍ଜି ଏନି କାମା  
କିଡ; ଆଡିଜିକେଏ ନାନୁ ମିଙ୍ଗେ  
ଝେସିମାଞ୍ଜାଇଁ, ସଲମନକି ବାରେ  
ଅଜିତାୟି ମାଡିହଁ ଜିକେଏ ଏଞ୍ଜାଣାକି  
ଇ ପୁଞ୍ଜା ଏଚେକା ଅଜିତି ହିମ୍ପୁରିକା  
ହିଲଆଡୁ □

୨୮ ଆମିନି ଜାଡା ନୀଞ୍ଜୁ ମାନେ,  
ଞ୍ଜିଏ ଝାୟା ହାନେ ଅଡେ ହଲୁତା  
ହୁଡକିଆନେ, ମାହାପୁରୁ ଏ ଜାଡାଡି  
ଇଲେତି ଝାଣା ହାନେସି, ଏନାଆଁ ଏଞ୍ଜାସି  
ମିଙ୍ଗେ ହିମ୍ପୁରିକା ପରୁଞ୍ଜି କିୟଅସି ? ମୀ  
ନୀମୁ ଏଚେକା ଉଣା □

୨୯ ଏଦାଆଁତାକି ଏନାଆଁ ତିନାୟି  
ଏନାଆଁ ଗହନାୟି, ଏଦାଆଁ ମୀରୁ  
ପାରିହଁ ରେଆଦୁ କି ଅଣ୍ପାଆଦୁ,

୩୦ ଇଚିହଁ ଦାରୁଡିତି ଜୀଞ୍ଜୁଦିଆଆତାରି  
ଏ ବାରେ ପାରିହଁ ରେନେରି; ସାମା  
ଇ ବାରେ ମୀ ଲଡାମାନେ ଏଦାଆଁ ମୀ  
ଲାକପୁରୁଡି ଆବା ପୁଞ୍ଜାମାନେସି □

୩୧ ମୀରୁ ମାହାପୁରୁଡି ରାଜି  
ପାରାଦୁ, ଆଡିହଁ ଇ ବାରେ ମିଙ୍ଗେ  
ହୀପକିଆନେ □

ଲାକପୁରୁଡି ଦନ  
(ମାତି ୬:୧୯-୨୧)

୩୨ ଏ ଉଣା ମେଣ୍ଡାୟାଁ ମାନ୍ଦାଡେରି  
ଆଜାଆଦୁ, ଇଚିହଁ ମିଙ୍ଗେ ଏ ରାଜିତି

ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ □

୩୩ ମୀରୁ ମୀ ଦନତି ପାର୍ଚନା ହିଲାଆ ଗାଟାରାକି ହୀଦୁ; ମୀରୁ ମିଙ୍ଗେତାକି ଇଲେତି ବଟ୍‌ଝା କେପାଦୁ; ଇତିହ ଏମିୟା ସରୁ ଖାଅସି ଅଡ଼େ ଲୀମ୍ବୁତିନେଏ ଇଲେତି ଲାକପୁରୁ ଦନ କୃତି କିଦୁ,

୩୪ ଇତିହ ଆମିୟା ଦନ ଏମ୍ବେଏ ଜିକେଏ ମୀ ମନ ମାଖେମାନେ □

ଜାଗ୍ରତା ହଲେଏସି

୩୫ ☆“ମୀ ଟେଡେଲି ଦସା କତାନା ମାଞ୍ଜୁ ଅଡ଼େ ମୀ ଦୀଝିୟା ତାଞ୍ଜିହ ମାଣ୍ଡିମ୍ବୁ;

୩୬ ☆ଅଡ଼େ ପ୍ରବୁ ବୀହା ଇଜ ହାଜାନା ଖେଣ୍ଡା ଖାନାଟି ଏଝାଣାଲ୍ ଦାରା ଦେନମିଝା ଇଞ୍ଜ କାଟାମାନାରି, ମୀରୁ ଜିକେଏ ଏଝାରିଲେହେଁ କାଟାହାଁ ମାଞ୍ଜୁ □

୩୭ ପ୍ରବୁ ଖାହାନା ଆମିନି ହଲିୟାଞାଣି ଜାଗ୍ରତା ମାନାଣି ମେହନେସି, ଏଝାରି ନେହେଁ; ନାନୁ ମିଙ୍ଗେ ସାତା ଖେସିମାଞ୍ଜାଲ୍, ଏଝାସି ତାନି ଟେଡେଲି ରୁପାନା ଏଝାରାଲ୍ ତିଞ୍ଜାଲି କୁଟି କିହାଁ ତାଗେ ହାଜାନା ସେବା କିନେସି □

୩୮ ଅଡ଼େ ଏଝାସି ମାଦି ଲାଆଁୟାଁ କି ଖେୟା ନେକେରିତା ଜିକେଏ ଖାହାନା ଏଝାରାଲ୍ ଏଲେକ କାଟାମାନାଣି ମେହନେସି ଏ ହଲିୟାଞା ନେହେଁ □

୩୯ ☆ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଖାନ୍ନେସି, ଇଦାଆଁ ଇଲୁଗାଟାସି ପୁତିହ ଏଝାସି ତାନି କୃତୁ ତୃଡ଼ହାଲି ହୀଆଡେସିମା □

୪୦ ମୀରୁ ଜିକେଏ ଜାଗ୍ରତା ଆହାନା ମାଞ୍ଜୁ, ଇତିହ ମୀରୁ ଆମିନି ବେଲାତା ଅଣ୍ପା ହିଲଅଡେରି, ଏତିବେଲାତା ମାଣ୍ଡିସି ମୀରୁଏସି ଖାନ୍ନେସି □”

ଟିକାଣା ହିଲାଆଗାଟି ହଲେଏସି (ମାତି ୨୪:୪୫-୫୧)

୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀନୁ ପୁଣ୍ଡିକିନି କାତା ମାଙ୍ଗେ କି ବାରେତାକି ଖେସିମାଞ୍ଜି ?”

୪୨ ପ୍ରବୁ ଏଲେଇଚେସି, “ସାଝୁକାରି ତାନି ଇଲୁତି ଲକୁତାକି ତାନି ରାହା କାରୁତା ରାହା ହୀହାଲି ତାନି ଗୁମ୍ବୁସା ପାଣା ହେରପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହଲେଏସି ଆମ୍ବାଆସି ?”

୪୩ ପ୍ରବୁ ଖାହାନା ତାନି ଆମିନି ହଲେଏଣାଲ୍ ଏଲେ କିହିମାନାଣି ମେହନେସି ଏଝାସି ନେହେଁ □

୪୪ ନାନୁ ମିଙ୍ଗେ ସାତା ଖେସିମାଞ୍ଜାଲ୍, ଏଝାସି ଏଝାଣାଲ୍ ତାନି ବାରେ ଦନତି ମୁହେଁ ଗୁମ୍ବୁସା କିହା ଇତିନେସି □

୪୫ ସାମା ଏ ହଲେଏସି ନା ସାଝୁକାରି ଖାନାୟି ମାନେୟିଏ ଇଞ୍ଜ ମନତା ଅଣ୍ପାନା ହଲିୟାଞା ହଲେଣିସିକାଣି ଖେଚାଲି ଇଞ୍ଜା ତିଞ୍ଜି ଉଣ୍ଡିହ କାଡୁ ହଚାଲି ମାଟ୍‌ନେସି,

୪୬ ଆତିହ ଏମିନି ଦିନା ହଲେଏସି କାଟାହିଲଅସି ଇଞ୍ଜା ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନ୍ନେସି, ଇଞ୍ଜା ଏଝାସି ଏଝାଣାଲ୍ ରୀ ବାଗା କିହାନା ନାମୁ ହିଲାଆଗାଟାରି ତଲେ ଏଝାଣାଲ୍ କାଲ୍‌ନେସି □

୪୭ ଅଡ଼େ ଆମିନି ହଲେଏସି ତାନି ସାଝୁକାରିତି ମନ ଅଣ୍ପାନା ଜାଗ୍ରତା ଆଅସି କି ଏଝାଣି ମନତଲେ କାମା କିଅସି, ଏଝାସି ଗାତି ମାଡ଼ା ବେଟା ଆନ୍ନେସି;

୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡିନି କାମା କିନେସି, ଏଝାସି ଉଣା ମାଡ଼ା ବେଟା ଆନ୍ନେସି □ ଆମ୍ବାଆରାକି ଗାତି ହୀପୁକି ଆହାମାନେ, ଏଝାଣି ତାଣାଟି ହାରେକା ରୀହନାୟି ମାନେ; ଇଞ୍ଜା ଲକୁ ଆମ୍ବାଆରାକି ଗାତି ହୀହାମାନେରି ଏଝାଣି ତାଣାଟି ହାରେକା ଆଗାଡ଼ା ରୀହନେରି □

☆ ୧୨:୩୫ ୧୨:୩୫ ମାତି ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ୧୨:୩୯ ମାତି ୨୪:୪୩,୪୪

ଜୀସୁ ଲକ୍ଷ୍ମଣ ବାଗା କିଞ୍ଚିକିନାୟି  
(ମାତି ୧୦:୩୪-୩୬)

୪୯ “ନାନୁ ଇ ଦାର୍ତ୍ତିତା ହିରୁ ପ୍ରହାଲି ଖାହାମାଲ୍, ଇଦି ନୀର୍ବ୍ ଗୁଦୁ ଗୁଦୁ ଆହିମାନେ ଆତିହ୍ ନାଲେ ଏନି ଅଣ୍ପୁ ?

୫୦ \*ସାମା ନାନୁ ର ବାପ୍ତିସ୍ତା ପାଣ୍ଡନାୟି ମାନେ, ଅଡ଼େ ଏଦି ରାଆ ପାତେକା ନାଲେ ଏଚେକା କସ୍ତ ହଡ଼ି ମାଞ୍ଜାନେ □

୫୧ ନାନୁ ଦାର୍ତ୍ତିତା ହିଡ଼ି ହୀହାଲି ଖାହାମାଲ୍ ଇଞ୍ଜି ମୀରୁ ଅଣ୍ପିମାଞ୍ଜେରି ? ନାନୁ ମିଙ୍ଗେ ଖେସିମାଞ୍ଜାଲ୍, ଆଏ, ବାଗା କିହାଲି ଖାହାମାଲ୍ □

୫୨ ଇତିହ୍ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଚକା ଆନେରି □

୫୩ ମୀରୁଏଣା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଚକା ଆନୁ □”

କାଲାତି ପୁନାୟି  
(ମାତି ୧୨:୨,୩)

୫୪ ଇଞ୍ଜା ଏଞ୍ଜାସି ଲକ୍ଷ୍ମଣି ଜିକେଏ ଏଲେଇଚେସି, “ଖେଡ଼ା କୁଡ଼ିନିଞ୍ଜାକି ହାଗୁ ନିଙ୍ଗି ମାନାଣି ମେସିସାରେ ଦେବୁଣିଏ ଏଲେଇଞ୍ଜେରି ପିୟୁ ଖାନ୍ଦେ, ଅଡ଼େ ଏଲେକିହ୍ ଏ ଆନ୍ଦେ;

୫୫ ଅଡ଼େ ଚିଃନି ଖାକିଟି ଗାଲି ଖେନାଣି ମେସିସାରେ ମୀରୁ ଏଲେଇଞ୍ଜେରି, ଗାତି କାରା ଆନ୍ଦେ, ଅଡ଼େ ଏଲେଏ ଆନ୍ଦେ □

୫୬ ଆଡ଼େ କୁଚୁ ଗାଗାତେରି, ମୀରୁ ଦାର୍ତ୍ତି ଅଡ଼େ ହାଗୁତି ସିନାୟି ପୁଞ୍ଜିମାଞ୍ଜେରି, ସାମା ଇ କାଲାତି ସିନାୟି ଏନିଲେହେତାଇ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି  
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜି ମୀରୁ ଏନାଆଁତାକି ମୀ ବିତ୍ରା ନୀହାୟି କିହିହିଲଅତେରି ?

୫୮ ଇତିହ୍ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍‌ଖିଆନ୍ତି ଉପେୟି ଅଣ୍ପାମୁ, ଏଲାଆଆତିହ୍ ଏଞ୍ଜାସି ନିଙ୍ଗେ ଅଡ଼େ ଖେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍‌କା କେୟୁତା ହେରପାନେସି, ଅଡ଼େ କସ୍‌କା ନିଙ୍ଗେ କାୟିଦି ଇଲୁତା ଇଚାନେରି □

୫୯ ନାନୁ ମିଙ୍ଗେ ଖେସିମାଞ୍ଜାଲ୍, “ମୀରୁ ର କାନ୍ତି ଜିକେଏ ପିହ୍‌ଆନାହା ହାଡ଼ିହ୍ ଦେଁ ଏମ୍ପାଟି ହଡ଼ା ଖାହାଲି ଆଡ଼ିଦେରି □”

### ୧୩

ମନ ଖେଟ୍‌ଆତିହ୍ ନାସା ଆନାୟି  
୧ ଏଚିବେଲାତା ଏଚେକା ଲକ୍ଷ୍ମଣ ଖାହାନା, ପିଲାତ ଏମିନି ଗାଲିଲି ଲକ୍ଷ୍ମଣି ନେତେରି ଏଞ୍ଜାରି ପୂଜା ତଲେ ଆଟ୍‌ହାମାଚେସି, ଏ କାତା ଜୀସୁଲ୍ ଖେସ୍ତେରି □

୨ ଏମ୍ପାଟିଏ ଜୀସୁ ଏଞ୍ଜାରାଲ୍ ଏଲେଇଚେସି, “ଏ ଗାଲିଲିତାରି ତଣ୍ଡ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହାଁ ହାନ୍ଦେକା ପାପୁ ଗାଗାରି ଇଞ୍ଜି ମୀରୁ ଅଣ୍ପିମାଞ୍ଜେରି ?

୩ ନାନୁ ମିଙ୍ଗେ ଖେସିମାଞ୍ଜାଲ୍, ଏଲେକ୍ ଆଏ, ସାମା ମୀରୁ ମନ ଖେଟ୍‌ଆତିହ୍ ବାରେ ଜାଣାତେରି ଏଞ୍ଜାରିଲେହେଁ ହାନ୍ଦେରି □

୪ ସିଲହତା ଆମିନି ଅଟ୍‌ର ଜାଣାତି ଲାକ ପାତାଆଡ଼ି କଟା ଇଲୁ ରିହାନା ହାଡ଼େରି, ଏଞ୍ଜାରି ବାରେଜାଣା ଜିରୁସାଲମତି ଲକ୍ଷ୍ମଣି କିହାଁ ହାନ୍ଦେକା ପାପୁ ଗାଗାରି ଇଞ୍ଜି ମୀରୁ ଅଣ୍ପିମାଞ୍ଜେରି ?

୫ ନାନୁ ମିଙ୍ଗେ ଖେସିମାଞ୍ଜାଲ୍, ଏଲେକ୍ ଆଏ, ମୀରୁ ମନ

\* ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

ଝେଟୁଆତିହାସ ବାରେଜାଣା ତେରି ଏଲେକିହାସ ଏ ନାସା ଆଦେରି □”

ପାଡ଼େୟି ଆୟାଆଗାଟି ତୟା ମାରନ୍ତୁ

୨ ଜୀସୁ ଇ ପୁଣ୍ଡିକିନି କାତା ଝେସ୍ତେସି, ରଅଣି ଅଜୁରି ବାଡ଼ାତା ର ତୟା ମାରନ୍ତୁ ଉହି ଆହାମାଚେ □ ଏଝାସି ଝାହାନା ପାଡ଼େୟି ପାରିତେସି ସାମା ମେଡ଼ିକିଆତେସି □

୩ ଇଞ୍ଜା ଏଝାସି କାମା କିନାଣାଈ ଏଲେଇଚେସି, “ମେହ୍ମୁ ନାନୁ ତାନି ବାର୍ସା ଆଡେୟିଏ ଇ ତୟା ମାରନ୍ତୁତା ଝାହାନା ପାଡ଼େୟି ପାରିମାଈ, ସାମା ମେଡ଼ିକିହି ହିଲଅଁ; ଏଦାଣି ଚୁଣହା ତୁହ୍ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?”

୪ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍ଟମ୍ବେ, ନାନୁ ଇଦାଣି ସାରିସୁଟୁ କାରହାନା ଗାତା ହାଈ,

୫ ଅଡ଼େ ତାୟୁ ପାଡ଼େୟି ଆୟିତିହାସ ନେହେଁ ଆୟାଆତିହାସ ଏଦାଣି ଚୁଣହା ତୁହ୍ମୁ □”

ଜୀସୁ ଜମିନି ଦିନା ର ଚୁଡୁଝା ଇୟାନି ନେହେଁ କିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁଡି କୁଟମି ଇଲୁଡା\* ଜାପୁହି ମାଚେସି □

୧୧ ଏମ୍ବାଆଁ ର ଇୟା ମାଚେ, ଏଦି ଅଟର ବାର୍ସା ପାତେକା ପଲୁଆ ବୁଡୁ ତଲେ କସ୍ତୁ ଆହିମାଚେ, ଏଦି ଚୁଡୁଝା ଆହାନା ସଲକେ ଆହେଁ ତାକାଲି ଆଡ଼ିହିଲାଆତେ □

୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନାନୁ ନୀ ଆଡ଼ାଆ କସ୍ତୁଟି ନେହେଁ ଆଡ଼ି □”

୧୩ ଅଡ଼େ ଏଝାସି ଏଦାନିଲେକ କେୟୁ ଇଚିତେସି, ଏମ୍ବାଟିଏ ଏଦି ଏ ଦେବୁଣିଏ ସଲକେ ଆହାନା ମାହାପୁରୁତି ଜହରା କିତେ □

୧୪ ସାମା ଜୀସୁ ଜମିନି ଦିନାତା ନେହେଁ କିହିମାଚାକି ଜୀହୁଦି ଲକୁଡି କୁଟମି ଇଲୁଡି କାଜାସି କାରବି ଆହାନା ଲକୁଣି ଏଲେଇଚେସି, “କାମା କିହାଲି ସ ଦିନା ମିଙ୍ଗେ ମାନେ; ଏଦାଣିତାକି ସ ଦିନା ନେହେଁ ଆହାଲି ଝାଦୁ, ଜମିନି ଦିନାତା ଝାଆଦୁ □”

୧୫ ସାମା ପ୍ରବୁ ଏଝାଣାଈ ଏଲେଇଚେସି, “ଆଡ଼େ କୁଟୁ ଗାଟାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେଡି ହାଃଅଲାଟି ଅହାନା ଏୟୁ ଉଟ୍ଟିହି ହିଲଅତେରି କି ?

୧୬ ଅଟର ବାର୍ସା ପାତେକା ସୟତାନ ତାଣାଟି ଦସପି ଆହାମାନି ଅରୁହାମ କୃଡ଼ାତି ଇ ଇୟାନି ଜମିନି ଦିନାତା ନେହେଁ କିନାୟି ହିଲାଆତେ କି ?”

୧୭ ଏଝାସି ଇ ବାରେ କାତା ଝେସାଲିଏ, ତାନି ସାତୁୟାଁ ବାରେ ଲାଜା ବେଟାଆଡେରି, ସାମା ଜୀସୁ କିହାମାନି କାମା ମେସାନା ଲକୁ ରାହାଁ ଆଡେରି □

ହାସୁ ପାଡ଼େୟି

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜୀସୁ ଏଲେଇଚେସି, “ମାହାପୁରୁ ରାଜି ଏନିଲେହେଁତାୟି ? ଆମ୍ବାରିତଲେ ଏଦାନି ତୁକଇଁ ?

୧୯ ଏଦି ଇଲେଡି ର ହାସୁ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏଦି ପାଡ଼ାଆହାନା ର ମାରନ୍ତୁ ଆଡ଼େ, ଅଡ଼େ ହାଗୁ ଲାକ ଉମ୍ବିନି ପଟାୟାଁ ଝାହାନା ଏ କମାତା ବାସା କିତୁ □”

ପୁଲାଏୟୁ

(ମାତି ୧୩:୩୩)

୨୦ ଜୀସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକଇଁ ?

୨୧ ଏଦି ପୁଲା ଏୟୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲହା

\* ୧୩:୧୦ ୧୩:୧୦ ସିନଗଗ † ୧୩:୧୪ ୧୩:୧୪ ସିନଗଗ

ଇଚିତେ, ତାୟ ବାରେ ଗୁଣ୍ଡା ପୁଲା ଆଡେ □”

ଜାକ୍‌ଣି ଦୁଝେରି  
(ମାତି ୭:୧୩,୧୪,୨୧-୨୩)

୨୨ ତାୟ ଜାସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ଜାପୁହିହୁଁ ଜିରୁସାଲମ ଝାକି ହାଜିମାଚେସି □

୨୩ ରଅସି ଏଝାଣାଇଁ ଝେଚେସି, “ପ୍ରବୁ ଗେଲୁପି ଆନାରି ଝାରଇ ଇଚରା ଜାଣାକି ?”

ଜାସୁ ଏଝାରାଇଁ ଏଲେଇଚେସି,

୨୪ “ଜାସୁ ତୁସାନା ଜାକ୍‌ଣି ଦୁଝେରିଚି ହାଜୁ; ଇଚିହୁଁ ନାନୁ ମିଜେ ଝେସିମାଞ୍ଜାଇଁ, ହାରେକା ହଡ଼ାଲି ଅଣ୍ପିନେରି, ସାମା ହଡ଼ାଲି ଆଡ଼ଅରି □

୨୫ ଇଲୁଗାଟାସି ନିଜ୍ଜାନା ଦାରା ସୁଣ୍ଡିଚି ତାୟ ଏଚେତା ମାରୁ ପାଜ୍ଜାତା ନିଚାନା ଦାରା ତୀ ତୀ ଝେଚିହୁଁ ‘ଏ ପ୍ରବୁ ମାଜେତାକି ଦାରା ଦେତାମୁ’ ଇଞ୍ଜୁ ହାଚିଦେରି, ଏଚେତା ଏଝାସି ମିଜେ ଏଲେଇଞ୍ଜାନେସି, ‘ମାରୁ ଏମ୍ପିତାଚେରି ନାନୁ ପୁଞ୍ଜାମାଞ୍ଜଅଁ □’

୨୬ ଏଚିବେଲା ମାରୁ ଏଲେଇଞ୍ଜେରି, ‘ଏ ପ୍ରବୁ ମାମୁ ନୁୀ ତଲେ ତିଚା ଉଟାତମି, ଅଡ଼େ ନାନୁ ମା ଆଂଗେଣିକାଣା ଜାପୁହିମାଞ୍ଜାତି □’

୨୭ ଅଡ଼େ ଏଝାସି ମିଜେ ଏଲେଇଞ୍ଜାନେସି, ‘ମାରୁ ଆମିନି ଚାୟୁଚି ଲକୁଚେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାଚେରି ନା ତାଣାଚି ହେକ ଆଦୁ □’

୨୮ ☆ଏଚିବେଲା ମାରୁ ଅଗ୍ରାହାମ, ଇସାହାକ, ଜାକୁବ ଇଞ୍ଜା ବାରେ ମାହାପୁରୁ ଅଣ୍ପୁଚି ବଲୁ ଝେହନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଜେ ପାଜ୍ଜାତା କୁତା ମାଞ୍ଜାନାଣି ଅଣ୍ପାପାନା ପାଲକା ଟୀଚି କିହୁଁ ତୀଦେରି □

୨୯ ଅଡ଼େ ହାରେକା ଲକୁ ଝେଡ଼ା ହପୁ ଝାକିଚି ଅଡ଼େ ଝେଡ଼ା କୁଡ଼ନି ଝାକିଚି,

ଚିଝନି ଝାକିଚି ଚେତ୍ରି ଝାକିଚି ଝାହାନା ମାହାପୁରୁଚି ରାଜିଚି ବଜିତା କୁଗିନେରି □

୩୦ ☆ଅଡ଼େ ମେହଦୁ ତାୟ ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାୟ ଆନେରି □”

ଜାସୁ ଜିରୁସାଲମତି ଜାସୁନନାୟି  
(ମାତି ୨୩:୩୭-୩୯)

୩୧ ଏଚିବେଲାଚେଏ ଏଚରଜାଣା ପାରୁସିୟାଁ ଝାହାନା ଜାସୁଇଁ ଝେସ୍ତେରି, “ନାନୁ ଇ ଚାୟୁ ପିସାନା ହାଜାତୁହମୁ ଏନାଆଁତାକି ଇଚିହୁଁ ହେରଦ ନିଜେ ପାୟାଲି ଅଣ୍ପିମାନେସି □”

୩୨ ଜାସୁ ଏଝାରାଇଁ ଏଲେଇଚେସି, “ମାରୁ ହାଜାନା ଏ ନାକାଇଁ ଝେହଦୁ, ‘ମେହମୁ ନାନୁ ନୀଞ୍ଜୁ ଅଡ଼େ ଝିଏ ବୁଡୁୟାଁ ପିସପି କିହିମାଇଁ ଅଡ଼େ ନେହୁଁ କିହିମାଇଁ ଇଞ୍ଜା ତାନି ଦିନାଚିଏ ନା କାମା ରାପଇଁ □’

୩୩ ଏନିଜିକେଏ ନୀଞ୍ଜୁ ଝିଏ ଅଡ଼େ ମାଏଁ ନାଜେ ତାକିହୁଁ ହାଜାଲି ଆନେ, ଇଚିହୁଁ ମାହାପୁରୁ ଅଣ୍ପୁଚି ବଲୁ ଝେହନାସି ଜିରୁସାଲମ ପିସପେ ପାଜ୍ଜାତା ହାନାୟି ନେହେଁ ଆଏ □”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍ପୁଚି ବଲୁ ଝେହନାରାଇଁ ପାୟିନାଚି ଅଡ଼େ ନୀ ତାଣା ପାଣ୍ଡୁଝି ଆହାମାନାରାଇଁ ଝାଲକାତଲେ ଝେନାଚି, ତାଲି କୟୁ ଏନିକଁ ତାନି ହୀପାୟାଣି ତାନି ମାରାୟାଁ ଡ଼ଇ ଜଜିନେ, ଏଲେକଁ ଏଚର ଦେବା ନୀ ପଡ଼ି ପଡ଼ାଚି ପ୍ରିକ୍‌ହାନା ଇଚିଇଁ ଇଞ୍ଜୁ ଅଣ୍ପିମାଚେଏଁ ସାମା ମାରୁ ଏଲେକିହାଲି ହିୟାଆଚେରି □

୩୫ ମେହଦୁ ମୀ ଇଲୁ ମୀ କେୟୁତା ହୀପକି ଆହମାଞ୍ଜାନେ; ଅଡ଼େ ନାନୁ ମିଜେ ଏଲେଇଞ୍ଜାମାଞ୍ଜାଇଁ ମାହାପୁରୁ ଦରୁଚି ଆମ୍ବାଆସି ଝାହିମାନେସି ଏଝାସି ନେହାସି ଇଞ୍ଜୁ ଏମିନି ନେରୁ ଇ କାତା

☆ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ☆ ୧୩:୨୮ ୧୩:୨୮ ମାତି ୮:୧୧,୧୨ ☆ ୧୩:୩୦ ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧

ଏଲେଇଞ୍ଜେରି ଏ ଦିନା ଝାଆ ପାତେକା ମୀରୁ ଅଡ଼େ ନାଙ୍ଗେ ମେସୁଅତେରି □”

### ୧୪

ଜୀସୁ ରଗ ଗାଟାଣାଇଁ ନେହୁଁ କିନାୟି

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିଭ୍ରାଟି ର କାଜାଣି ଇଜ ହଡ଼ାଲିଏ ଏଞ୍ଜାରି ଏଞ୍ଜାଣାଇଁ ଦହ ଦସାଲି ପରୁହି ମାତେରି □

୨ ଅଡ଼େ ମେହୁଦୁ ଏଞ୍ଜାଣି ନକିତା କେସ୍ନା କଡାୟାଁ ପଂଗିତାସି ରଅସି ମାତେସି □

୩ ଏମ୍ବାଟିଏ ଜୀସୁ ମସାତି ମେରାପୁନାରି ଅଡ଼େ ପାରୁସିୟାଁଇଁ ଏଲେଇଚେସି, “ଜମିନି ଦିନାତା ରଅଣାଇଁ ନେହୁଁ କିନି ମେରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଆଡ଼ତରି □ ଇଞ୍ଜା ଜୀସୁ ଏଞ୍ଜାଣାଇଁ ତୀଗାହାଁ ନେହୁଁ କିହାନା ମୀ ଇଜ ହାଲାମୁ ଇଞ୍ଜା ହେଲ ହୀତେସି □

୫ \*ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ବିଭ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିତିହୁଁ ଏ ଦେବୁଣିଏ ଡ଼େଞ୍ଜା କଡ଼ଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଝେଞ୍ଜାନା ଏନାଆଁ ଜଲାଲି ଆଡ଼ାଆତେରି □

ସେବା କିନାୟି ଅଡ଼େ ତାମଙ୍ଗେ ଉଣା କିହା କଡ଼ିନାୟି

୭ ବଜିତା ହାଟୁକି ଆହାମାଚାରି ନେହୁଁ ନେହୁଁ ଚାମୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍ଠିକିନି କାତା ଝେସେସି,

୮ “ଏଚିବେଲା ରଅସି ମିଙ୍ଗେ ବୀହା ବଜିତା ହାଟାନ୍ଦେସି, ଏମ୍ବାଆଁ ନେହୁଁ ଚାମୁତା କୁଗାଆଦୁ, ଇଚିହୁଁ ଏମ୍ବାଆଁ ମୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି,

୯ ଏଚେତା ନିଙ୍ଗେ ଅଡ଼େ ଏଞ୍ଜାଣାଇଁ ହାଟା ମାନାସି, ଏଞ୍ଜାସି ଝାହାନା ଇଞ୍ଜାଣାକି ଇ ଚାମୁ ପିସାହାମୁ ଇଞ୍ଜାନେସି, ଏଚେତା ନୀନୁ ଲାଜାତଲେ ଉଣା ଚାମୁତା କୁଗିଦି □

୧୦ ସାମା ଏଚିବେଲା ନୀନୁ ହାଟୁକି ଆହାମାନି ତାଣା ହାଜାନା ଡ଼ଇତି ଚାମୁତା କୁଗାମୁ, ଏଚେଟିଏ ନିଙ୍ଗେ ହାଟି କିହାମାଞ୍ଜାନାସି, ଏ ତଚେ ନୀନୁ ଇ ନେହୁଁ ଚାମୁତା କୁଗାମୁ ଇଞ୍ଜା ହାଟାସାରେ ଏଚିବେଲା କୁଡ଼ା ଆହାମାନି ଲକୁ ନକିତା ଗାଡ଼ି ମାନି ବେଟାଆଦି □

୧୧ \*ଇଚିହୁଁ ଆମ୍ବାଆସି ନୀନୁ କାଜାତେଏଁ ଇଞ୍ଜାଁ ଇଞ୍ଜା କଡ଼ିନାଣାଇଁ ଉଣା କିଞ୍ଜିଆନେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡ଼ିନେସି ଏଞ୍ଜାଣାଇଁ କାଜାସି କିଞ୍ଜିଆନେ □”

୧୨ ଇଞ୍ଜା ଜୀସୁ ତାଙ୍ଗେ ହାଟି କିହା ମାଚାଣାଇଁ ଜିକେଏ ଏଲେଇଚେସି, “ନୀନୁ ବଜି ହୀନାଟି ନୀ ତଚେସିଙ୍ଗାଣି, ତାୟିୟାଁ, ସାମୟିୟାଁ କି ନୀ ନାମୁଁତା ମାନି ଦନ ଗାଟାରାଇଁ ହାଟାଆନି, ଇଚିହୁଁ ଏଞ୍ଜାରି ଜିକେଏ ନିଙ୍ଗେ ହାଟାଲି ଆଡ଼ାନେରି ଅଡ଼େ ନୀନୁ ଝେଣ୍ଡେ ବେଟାଆଦି □

୧୩ ସାମା ବଜି କିତିସାରେ ହିଲାଆ ଗାଟାରି, କଲାୟାଁ, ସପାୟାଁ, କାଣାୟାଁଣି ହାଟାମୁ; ଆତିହୁଁ ନୀନୁ ନେହାଁତି ଆଦି,

୧୪ ଆତିହୁଁ ନିଙ୍ଗେତାକି ନେହେଁ, ଇଚିହୁଁ ନିଙ୍ଗେ ଝେଣ୍ଡେ ହୀହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜା ତୀରିଗାଟାରି ଝେଣ୍ଡେ ନିଙ୍ଗିନାଟି ମାହାପୁରୁ ନିଙ୍ଗେ ଝେଣ୍ଡେ ହିୟାନେସି □”

କାଜା ବଜିତି ପୁଣ୍ଠିକିନାୟି (ମାତି ୨୨:୧-୧୦)

୧୫ ଇ କାତା ଝେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଚାରି ବିଭ୍ରାଟି ରଅସି ଜୀସୁଇଁ ଏଲେଇଚେସି, “ଆମିନିଗାଟାସି ମାହାପୁରୁ ରାଜିତା ବଜି ତିନାସି ଏଞ୍ଜାସି ନେହାଁସି □”

୧୬ ସାମା ଜୀସୁ ଏଝାଣାଇଁ ଏଲେଇରେସି, “ରଥସି ର କାଜା ବକି ଲକୁକି ହାଇଁ ଇଞ୍ଜି ଅଣ୍ଠପାନା ହାରେକା ଲକୁଇଁ ହାଟିତେସି;

୧୭ ଅଡେ ତିନି କାରୁ ଆୟାଲିଏ, ଏଝାସି ହାଟାମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇରେସି, ‘ବାରେ ଆଡେୟିଏ ନୀଏଟି ମୀରୁ ତିଞ୍ଜାଲି ଝାଦୁ ।’

୧୮ ସାମା ବାରେଜାଣା ଏଝାଣାଇଁ ରଣ୍ଡିଏ କାତା ଏଲେଇରେରି, ରଥସି ଝେସ୍ତେସି, ‘ନାନୁ ଇଚାଣି ବୁମି କତାମାଇଁ ଏଦାଆଁ ସିନକିହାଲି ହାନାୟିମାନେ; ଏଦାଆଁତାକି ନାଞ୍ଜେ କାର୍ମା ଅଣ୍ଠପାମୁ ନାନୁ ଝାହାଲି ଆଡ଼ଅଁ ।’

୧୯ ଅଡେ ରଥସି ଏଲେଇରେସି, ‘ନାନୁ ପାସା ହେରୁ କଡ଼ିୟାଁ କତାମାଇଁ, ନାନୁ ଏଝାସିକାଣି ମାଡ଼ନାୟି ମାନେ ଏଦାଣିତାକି ନାଞ୍ଜେ କାର୍ମା ଅଣ୍ଠପାମୁ ନାନୁ ଝାହାଲି ଆଡ଼ଅଁ ।’

୨୦ ଅଡେ ରଥସି ଏଲେଇରେସି, ‘ନାନୁ ନୀଞ୍ଜୁ ବୀହା ଆହାମାଇଁ ଏଦାଆଁତାକି ନାନୁ ଝାହାଲି ଆଡ଼ଅଁ ।’

୨୧ ଇଞ୍ଜା ଏ ହଲେଏସି ଝାହାନା ବାରେ ତାନି ସାଝୁକାରିଇଁ ଝେସ୍ତେସି । ଏରେଟିଏ ଏ କାତା ଝେଞ୍ଜାନା ଏଝାସି କାରୁବି ଆହାନା ତାନି ହଲେଏଣାଇଁ ଏଲେଇରେସି, ନୀନୁ ତବେ ଗାଡ଼ାତି ସାହଡ଼ାୟାଁ ଅଡେ ତାଣ୍ଡେଣାଁ ହାଜାନା ହିଲାଆଗାଗାଗାଇଁ, କଲାୟାଇଁ, ସଚାୟାଇଁ ଇଞ୍ଜା କାଣାୟାଇଁ ଇମ୍ବାଆଁ ହାଟାତାମୁ ।

୨୨ ତାୟୁ ଏ ହଲେଏସି ଏଲେଇରେସି, ‘ଏ ପୁବୁ ନୀ କାତାତଲେ ବାରେ କିତମି ସାମା ଇଲୁ ନେଞ୍ଜା ହିଲେଏ ।’

୨୩ ଏମ୍ବାଟିଏ ସାଝୁକାରି ହଲେଏଣାଇଁ ଟାଣ୍ଡିତେସି, ‘କାଜା ଆଗେଣି ଅଡେ ମାରୁନୁ ଡ଼ଇ ହାଜାନା ନା ଇଲୁ ଏନିକି ନେଞ୍ଜେନେ ଏଦାଆଁତାକି ଲକୁଣି ଝାହାଲି ଏଲେଇନାମୁ ।’

୨୪ ନାନୁ ଝେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଥସି ଜିକେଏ ନା ବକି ଝାଣ୍ଡାଲି ବେଟାଆଥସି ।”

ଏନିଲେହେଁତାସି ଜୀସୁତି ସୀସୁ ଆନେସି

(ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଝାସି ତାୟୁଝାକି ସିନକିହାନା ଏଝାରାଇଁ ଏଲେଇରେସି,

୨୬ \*“ଆମ୍ବାଆସି ନା ତାଣା ଝାହାନା ତାନି ତାଲି, ତାଞ୍ଜି, ତକ୍ତି, ମୀରୁକା, ମାସକା, ତାୟି ତାଞ୍ଜିସ୍ତାଣି ଅଡେ ତାନି ଜୀସୁତି ଜିକେଏ ଅପିନେସି ଏଝାସି ନା ସୀସୁ ଆୟାଲି ଆଡ଼ଅସି ।

୨୭ \*ଆମ୍ବାଆସି ତାନି କ୍ରସ ଡେକାନା ନା ଜେଚ ଜେଚ ଝାଅସି, ଏଝାସି ନା ସୀସୁ ଆୟାଲି ଆଡ଼ଅସି ।

୨୮ ମୀ ବିତ୍ରାଟି ଆମ୍ବାଆସି ପାତିକିହୁଁ କଟା ଇଲୁ ଦସାଲି ଅଣ୍ଠପିନେସି, ଦହନି କାମା ରାପ୍ତହାଲି ଟାକାୟାଁ ଏନୁ କି ଏଡ଼ ଇଞ୍ଜିହୁଁ ଏମ୍ବାତି ଲେକା କିଅସିକି ?

୨୯ ଏଡେତା ଏଝାସି ପୁନାଦି ନିପ୍ତହାନା ରାପ୍ତହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହ୍ନେରି, ବାରେଜାଣା ଏଝାଣାଇଁ କାକନେରି,

୩୦ ଲକୁ ଏଝାଣାଇଁ ଲାଜାକିହୁଁ ଏଲେଇନେରି, ଇଝାସି ଇଲୁ ଦସାଲି ମାଟ୍ତହେସି ରାପ୍ତହାଲି ଆଡ଼ାଆଡେସି ।

୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସକା ଏଝାଣି କଡେ ମାଣା କସକା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜି ଅଣ୍ଠଅସିକି ?

୩୨ ଆଡ଼ାଆଲେହେଁ ଇଚିହୁଁ ଏ ରାଜା ହେକ ମାନାଟିଏ ଏଝାସି ରାଜିମାନା ଆୟାଲି କସକାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି ।

୩୩ ଏଲେକିହୁଁଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହୁଆଡ଼ିହୁଁ ଏଝାସି ନା ସୀସୁ ଆୟାଲି ଆଡ଼ଅସି ।”

ମୂଆ ହାରୁ

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୂଆସାରେ ଏନାଆଁ ଏନିକ୍ ଅଡ଼େ ଏନାଆଁତଲେ ହାରୁ ଲେହେଁ ମୂପି କିନାୟି ?

୩୫ ଏଦି ବୁମିତା କି ଗାତା କରୁତା କୁତୁସାଲି ଜିକେଏ ଜଡ଼େ ଆଏ ଲକୁ ଏଦାନି ପାଙ୍ଗାତା କୁତା ତୁହନେରି ଆମ୍ବାଆରି ଖେଞ୍ଜାଲି କାକା ମାତିହୁଁ, ଖେଞ୍ଜୁ

**୧୫**

ଜାକ୍ତିତି ମେଣ୍ଡା

(ମାତି ୧୮:୧୨-୧୪)

୧ \*ର ଦିନା ସିସ୍ତୁ ରାହନାରି ଅଡ଼େ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାରେରି

୨ ଏଚେଟିଏ ପାରୁସିୟାଁ ଅଡ଼େ ମେରାପୁନାରି ଜାସୁଇଁ ଗୁରୁମୁରୁ ଆହୁଁ ଏଲେଇଚେରି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଝାରିତଲେ ତିଞ୍ଜି ଉଣ୍ଡି ମାନେସି

୩ ଏମ୍ବାଟିଏ ଜାସୁ ଏଝାରାଇଁ ଇ ପୁଣ୍ଡିକିନି କାତା ଖେସ୍ତେସି

୪ “ମୀ ବିତ୍ରାଟି ଆମ୍ବାଆଡେରି ଇଲେତି ଲକୁ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାତିହୁଁ, ଏଝାସିକା ବିତ୍ରାଟି ରଣ୍ଡି ଜାକ୍ତିତିହୁଁ ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଙ୍ଗାମାନି ମେଣ୍ଡା ବେଟାଆନ୍ତି ପାତେକା ପାରଅସି କି ?

୫ ଇଞ୍ଜା ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି,

୬ ଇଞ୍ଜା ତାନି ତଡ଼େସିଙ୍ଗାଣି ଅଡ଼େ ନାହୁଁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାଙ୍ଗାମାତି ନା ମେଣ୍ଡା ବେଟାଆଡେଏଁ

୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଏ ମନ ଖେଟହାଲି ଲଡ଼ା

ଆଆଗାଟି ରଅସି ଉଣା ପାସାକଡ଼ି ତୀରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟହା କଡ଼ିତିହୁଁ, ଏଝାଣି କସମି ଲାକପୁରୁ ହାଟେକା ରାହାଁ ଆନେ

ଜାକ୍ତିତି ଟାକା

୮ “ଅଡ଼େ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାତିହୁଁ ରଣ୍ଡାଆଁ ଜାକ୍ତିତିହୁଁ ଏଦି ଏନାଆଁ କିନେ, ଦୀର୍ଘ ଡ଼ସାନା ଇଲୁ ହେପାନା ଏ ଜାକ୍ତିତି ଟାକା ବେଟାଆନ୍ତି ପାତେକା ଜାଡ଼ନୁ ତଲେ ପାରେଏକି ?

୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ୁ ଲକୁଣି ଇଞ୍ଜା ନାସକାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାକ୍ତିତିମାତି ଟାକା ବେଟାଆଡେଏଁ

୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ ଖେଟନେସି, ଇଲେତି ପାପୁ ଗାଟାରାକି ମାହାପୁରୁତି ଦୁତୁୟାଁ ନକିତା ରାହାଁ ଆନେ

ଜାକ୍ତିତି ମୀରଏସି

୧୧ ଜାସୁ ଅଡ଼େ ଏଲେଇଚେସି, ରଅଣାକି ରିଆରି ମୀରକା ମାଚେରି

୧୨ ଏଝାରି ବିତ୍ରାଟି ଉଣା ମୀରଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଟା ହିୟାମୁ ଏଚେଟିଏ ତାନି ଆବା ତାନି ଦନ ବାଟି କିହାନା ରୀ ମୀରକାକି ହୀତେସି

୧୩ ଏମ୍ବାଟିଏ ଏଚରଦିନା ହାଜାଲିଏ ଇଚି ମୀରଏସି ଇଲୁ ବାଟା ହାହାମାଟାଣି ପାରାହାଁ ଟାକାୟାଁ ଆସାହାଁ ହେକରାକ୍ତି ହାଜାତୁସ୍ତେସି, ଇଞ୍ଜା ଲେନିପନିଏ ତାୟୁ ଏସ୍ତକି ଅଣ୍ଡପାଆନା ଲାଗେଏତି କାମାତା ତାନି ଦନ ରାପୁହେସି

୧୪ ସାମା ବାରେ ଦନ ରାପୁହି ଜେଚ ଏ ଦେସାତା କାରୁଖୁ କାଡ଼ାରା ଆହାଲିଏ ଏଝାସି କାକୁଲି ଆଡେସି

\* ୧୫:୧ ୧୫:୧ ଲୁକ ୫:୨୯, ୩୦



୧୫ ଏଚେଟିଏ ଏଞ୍ଜାସି ହାଜାନା ଏ ଦେସାତି ର ସାଧୁକାରି ତାଣା ଗତି ଡିୟିତେସି, ଏଞ୍ଜାସି ଏଞ୍ଜାଣାକି ପାଜିୟାଁ ମେଗାଲି ଗୁଡିୟାତା ପାଣ୍ଡିତେସି;

୧୬ ଇଞ୍ଜା ପାଜିୟାଁ ଆମିନି କାଜ୍ଞା ସାଲିୟାଁ ତିଞ୍ଜି ମାତୁ, ଏଞ୍ଜାଆଁ ତିଞ୍ଜାଲି ମନ କିତେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜାଲି ହାହି ହିଲାଆତେରି □

୧୭ ର ଦିନା ତାରପୁ ଆହାନା ଅଣ୍ପିତେସି, ମା ଆବା ତାଣାତି ଗତି ବୁତି ତିନି ରାନ୍ଦେଏ ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଲ୍ □

୧୮ ନାନୁ ନିଜ୍ଞାନା ମା ଆବା ତାଣା ହାଲ୍ ଇଞ୍ଜା ଏଞ୍ଜାଣାଲ୍ ଖେହ୍ଲ୍, “ଲାକପୁରୁତି ଆବା କପାଟି ଅଡେ ନୀ ନକିତା ନାନୁ ପାପୁ କିତେସି;

୧୯ ନୀ ମୀରଏଣାତେସି ଇଞ୍ଜା ନାନୁ ଅଡେ ପାଡା ଆଅଁ; ନାଜେ ର ହଲେଏଣା ଲେହେଁ ଇଟାମୁ □” ଏମ୍ବାଟିଏ ଏଞ୍ଜାସି ନିଜ୍ଞାନା ତାମି ଆବା ଖାକି ହାରେସି □

୨୦ ସାମା ଆବା ତାନି ମୀରଏଣା ଖାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହଁ ହାଜାନା ପମାହାଁ ନଣ୍ଡିତେସି □

୨୧ ଏମ୍ବାଟିଏ ମୀରଏ ଗାଟାସି ଏଲେଇରେସି, “ଲାକପୁରୁ ଆବା କପାଟି ଅଡେ ନୀ ନକିତା ନାନୁ ପାପୁ କିତେସି, ନୀ ମୀରଏଣାତେସି ଆୟାଲି ପାଡା ଆଅଁ □”

୨୨ ସାମା ଆବା ତାନି ହଲିୟାଜ୍ଞାଣି ଏଲେଇରେସି, “ଅଜିତି ହିମ୍ବୁରି ତବେ ତାଚାନା ଇଞ୍ଜାଣାକି ହୁଟି କିପୁ, ଇଞ୍ଜାଣି କେମୁତା ମୁଦି ଅଡେ କଡାୟାଣା ସେପୁୟାଁ ତୁରୁଡି କିପୁ,

୨୩ ଇଞ୍ଜାହାଁ ଆଜ୍ଞା ଆଡି କଡି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଡାନା ରାହାଁ କିନ,

୨୪ ଇତିହଁ ନା ମୀରଏସି ହାହା ହାଜାମାରେସି, ଖେଣ୍ଡେ ନୀତାମାନେସି; ଜାଜ୍ଞା ହାଜାମାରେସି ଅଡେ ମେଡା

ଆୟାତେସି □” ଏମ୍ବାଟିଏ ଏଞ୍ଜାରି ରାହାଁ କିହିମାରେରି □

୨୫ ଏଚିବେଲାତା କାଜା ମୀରଏସି ଗୁଡିୟାତା ମାରେସି, ଏଞ୍ଜାସି କାମା କିହାଁ ଇଲୁ ତାଗେ ଖାୟାଲିଏ, ତାମି ଇଜ ବାଜାଗାଜା ଅଡେ ରାହାଁ କିହିମାନି ହାଲି ଖେଞ୍ଜାନା,

୨୬ ର ହଲେଏଣାଲ୍ ହାଟାନା ଖେରେସି, “ମାଜ ଏନାଆଁ କିହିମାନେରି □”

୨୭ ଏଞ୍ଜାସି ଏଞ୍ଜାଣାଲ୍ ଏଲେଇରେସି, “ନୀ ଉଣା ତାୟି ଖେଣ୍ଡା ଖାହାମାନେସି, ଅଡେ ଏଞ୍ଜାସି ନେହଁ ଆଜ୍ଞା ତଲେ ଖେଣ୍ଡା ଖାତାଣି ମେସାନା ମୀ ଆବା ଆଜ୍ଞା ଆଡି କଡି ପାୟାମାନେସି □”

୨୮ ଏମ୍ବାଟିଏ କାଜା ତାୟି କାର୍ବି ଆହାନା ଇଜ ହାଲାଆତେସି; ସାମା ତାମି ଆବା ପାଜାତା ଖାହାନା ଏଞ୍ଜାଣାଲ୍ କାହିବା କପା ଆଆନି ଇଜ ଖାମୁ ଇଞ୍ଜା ବାଡିମାଲିତେସି □

୨୯ ଇଞ୍ଜା ଏଞ୍ଜାସି ତାମି ଆବାଲ୍ ଏଲେଇରେସି, “ମେହ୍ମୁ ନାନୁ ଇଚର ବାର୍ଯା ଆଡେ ନୀ ହଲେଏଣା ଲେହେଁ କାମା କିହିମାଲ୍, ଏଚେଲା ଜିକେଏ ନୀ ହୁକୁମି ଉରାହିଲଅଁ, ଆଡିଜିକେଏ ନା ତଣେସିଜା ତଲେ ବଜି କିହାଲି ନୀନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅତି;

୩୦ ସାମା ଇ ନୀ ମୀରଏସି ଇଲୁତି ବାରେ ଦନ ଅହାନା ସାନେଣିୟାତଲେ ମାଞ୍ଜାନା ବାରେ ରାପୁହେସି, ଏଚେତା ଇଞ୍ଜାସି ଖେଣ୍ଡାଖାଡେସି, ଏଚେତା ଏଞ୍ଜାଣାକି ଆଜ୍ଞା ଆଡି କଡି ପାୟାମାଞ୍ଜି □”

୩୧ ଏଚେଟିଏ ତାଞ୍ଜି ଗାଟାସି ଏଲେଇରେସି, “ମୀରଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଦି ଏ ବାରେତ ନୀଦି;

୩୨ ସାମା ଇ ନୀ ତାୟି ହାହା ହାଜାମାରେସି, ଖେଣ୍ଡେ ନୀତାମାନେସି, ଜାଜ୍ଞା ହାଜାମାରେସି, ମେଡା ଆୟାତେସି, ଏନାଆଁତାକି ରାହାଁ କିନାୟି ମାଚେ □”

# ୧୭

ଲାଗେଏତି ଗୁମୁସ୍ତା

୧ ଜୀସୁ ତାନି ସୀସୁୟାଁଇଁ ଏଲେଇଚେସି, “ର ଦନଗାଟାସି ମାଚେସି; ଏଝାଣାକି ର ଗୁମୁସ୍ତା ମାଚେସି, ଏଝାସି ତାନି ଦନତି ଆଲାବା କିହାମାନାଣି ପୁଞ୍ଜାନା,

୨ ଏଝାସି ଏଝାଣାଇଁ ହାଟାନା ଏଲେଇଚେସି, ‘ନାନୁ ନୀ କାତା ଝେଚେସି ନାନୁ ନୀ ଗୁମୁସ୍ତା କାମା ଏନ୍ କିହିମାଞ୍ଜି ଲେକା ତସ୍ତାମୁ, ଇଚିହିଁ ନାନୁ ଅଡେ ଗୁମୁସ୍ତା ଆହା ମାଞ୍ଜାଲି ଆଡ଼ଅତି □’

୩ ଏମ୍ବାଟିଏ ଏ ଗୁମୁସ୍ତା ଅଣପା କଡିଚେସି, ‘ନା ସାଝୁକାରି ନା ଗୁମୁସ୍ତା କାମା ପିସପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇଚିଆ କାରହାଲି ନାଞ୍ଜେ ବପୁ ହିଲେଏ, ଅଡେ ରାସପା ତିଞ୍ଜାଲି ଲାଜା ହଡ଼ି ମାଞ୍ଜାନେ □

୪ ନୀଏଁ ପୁଚେସି, ନାଞ୍ଜେ ଗୁମୁସ୍ତା ପାଣାଟି ପିସପି କିୟାତି ତାୟୁ ଲକୁ ନାଞ୍ଜେ ତାନି ଇଲକାଣା ଆବାନିଲେହେ କିଇଁ □’

୫ ଇଞ୍ଜା ଏଝାସି ତାନି ସାଝୁକାରି ତାଣାଟି ରୀଣା ଅହାମାଚାରାଇଁ ହାଟାନାହାଁ ତଲିତାଣାଇଁ ଝେଚେସି, ‘ନା ସାଝୁକାରି ତାଣା ନୀ ରୀଣା ଏଚେକା ମାନେ ?’

୬ ଏଝାସି ଏଲେଇଚେସି, ‘ପାସାକଡ଼ି ତାବା ନିୟୁଁ’ ଗୁମୁସ୍ତା ଏଝାଣାଇଁ ଏଲେଇଚେସି, ‘ନାନୁ ତବେ ଇମ୍ବାଆଁ କୁଗାନା ରୀ କଡ଼ି ଦସ ଇଞ୍ଜୁଁ ରାଟାମୁ □’

୭ ତାୟୁ ଅଡେ ରଅଣାଇଁ ଝେଚେସି, ‘ନାନୁ ଏଚେକା ରୀଣା ଅହାମାଞ୍ଜି ?’ ଏଝାସି ଏଲେଇଚେସି, ‘ର ମାଣା ବାସ୍ତା ଗହଁୟାଁ’ ଗୁମୁସ୍ତା ଏଝାଣାଇଁ ଏଲେଇଚେସି, ‘ନାନୁ ତବେ ଇମ୍ବାଆଁ କୁଗାନା ଆଟା ଝାଞ୍ଜା ଇଞ୍ଜୁଁ ରାଟାମୁ □’

୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଝୁକାରି ଏଝାଣାଇଁ

ନାନୁ ନେହିଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହିଁ ଉଜେଡ଼ିତି ମୀରକା କିହାଁ ଇ ଦାରତିତାରି ତାନି କାମାତା ହାଡ଼େକା ବୁଦିଗାଟାରି □”

୯ ନାନୁ ଜିକେଏ ମିଜେ ଝେସିମାଞ୍ଜାଇଁ, “ମୀରୁ ଦାରତିତି ଲାଗେଏତି ଦନ ତଲେ ତଡ଼େ ଦହୁ, ଏଦି ରାଡ଼ିସାରେ ମିଜେ କାଲାକାଲାତି ବାସା ଟାୟୁତା ମିଜେ ଆବାନେରି □

୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆଅସି □

୧୧ ଲାଗେଏତି ଦନତା ନାମୁ ଗାଟାଟେରି ଆହାହିଲଅଚେରି, ଆତିହିଁ ଆମ୍ବାଆସି ମିଜେ ନାମାହାଁ ସାତା ଦନ ମୀ କେୟୁତା ହେଚପାନେସି ?

୧୨ ମୀରୁ ଏଚକାତାଣା ଦନତି ନାମୁତଲେ ଲେମ୍ବା ହିଲାଆସାରେ ମିଜେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ ✨ “ର ହଲେଏସି ରୀ ସାଝୁକାରି ତାଣା ହଲେଏସି ଆହାଲି ଆଡ଼ଅସି; ଇଚିହିଁ ରଅଣାଇଁ ଜୀଝୁ ନଚେସି ରଅଣାଇଁ ଜୀଝୁ ନଚେସି, ଆଆତୁଁ ରଅଣାଇଁ ମାନଡ଼ି ଆନେସି ରଅଣାଇଁ ଅପଅସି □ ମୀରୁ ମାହାପୁରୁ ଅଡେ ଦନତି ହଲିୟାଜା ଆହାଲି ଆଡ଼ଅଚେରି □”

ଜୀସୁ ଝେସ୍ତି କାତାୟାଁ  
(ମାତି ୧୧:୧୨,୧୩; ୫:୩୧,୩୨;  
ମାର୍କ ୧୦:୧୧,୧୨)

୧୪ ଇ ବାରେ କାତା ଝେଞ୍ଜାନା ଦନ ଜୁପକା ପାରୁସିୟାଁ ଜୀସୁଇଁ କାକ୍‌ହେରି □

୧୫ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ଆମ୍ବାଆରି ମାଣସି ନକିତା ତୀରିଗାଟାରି ଇଞ୍ଜୁଁ ତସା କଡ଼ିମାନେରି, ମୀରୁ ଏଲେତି ଲକୁ,

✨ ୧୭:୧୩ ୧୭:୧୩ ମାତି ୭:୨୪

ସାମା ମାହାପୁରୁ ମୀ ହିୟାଁତି ପୁନାସି  
ଇତିହ ଏନାୟି ମାଣସି ଅଣ୍ପୁତା  
କାଜାୟି ଲେହେଁ ତଞ୍ଜା ଆନେ, ଏଡ଼ି  
ମାହାପୁରୁ ନକିତା ଅପାଆଗାୟି ।”

୧୭\* “ମସାତି ମେରା ଅଡ଼େ ମାହାପୁରୁ  
ଅଣ୍ପୁତି ବଲୁ ଖେହନାରି ରାଡ଼ିତି ପତି  
ଜହନ ପାତେକା ସାଲୁଞ୍ଜି ଆହିମାରୁ;  
ଏଚିବେଲାଟିଏ ମାହାପୁରୁ ରାଜିତି  
ନେହ କାରୁ ଖେକହି ମାନେରି ଇଞ୍ଜା  
ବାରେଜାଣା ତାମି ବାଡ଼ୁୟୁ ତଲେ  
ମାହାପୁରୁ ରାଜିତା ହଡ଼ିମାନେରି ।

୧୭\* ହାଗୁପାକା ଅଡ଼େ ଦାରୁତି ବାରେ  
ମେଣ୍ଡଜିନେ ସାମା ମେରାତି ଇଚାୟି  
ସିନା ଜିକେଏ ମେଣ୍ଡଜେଏ ।”

୧୮\* “ଆମ୍ବାଆସି ତାନି ତକ୍ତିନି ପିସାନା  
ଏଟକାତାଣି ବୀହା ଆନେସି, ଏଞ୍ଜାସି  
ଦାରି କିନେସି; ଇଞ୍ଜା ଆମ୍ବାଆସି  
ପିସି ତକ୍ତିନି ବୀହା ଆନେସି, ଏଞ୍ଜାସି  
ଦାରେଲା ଆନେସି ।”

ଦନ ଗାଗାସି ଅଡ଼େ ଲାଜର

୧୯ “ର ଦନ ଗାଗାସି ମାଚେସି, ଏଞ୍ଜାସି  
ହାରେକା ଅଜିତି ହିମ୍ବରିଦୁକି ହୁଗାନା  
ନେହ ରାନ୍ଦା ତିଞ୍ଜିହ ହାରେକା  
ରାହାଁତଲେ ଡ଼ୟିମାଚେସି ।

୨୦ ସାମା ଏଞ୍ଜାଣି ଦୁଖେରି ଦାରିତା  
ଲାଜର ଦରୁଗାଟି ରୀସପା ତିନାସି  
ଡ଼ୟାମାଚେସି,

୨୧ ଗୁଡ଼ା ଆଜ୍ଞା ଗାହାୟା  
ଆହାମାଚେସି; ଏ ଦନ ଗାଗାଣି ଜୁଟା  
ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି  
ଆସା କିହିମାଚେସି; ଇଞ୍ଜା ନେସକା ଖାହି  
ତାନି ଗାହାୟା ନାକିମାରୁ ।

୨୨ ର ଦିନା କାର୍ମାଗାଟି ଲାଜର  
ହାହାହାଚେସି ଇଞ୍ଜା ଲାକପୁରୁତି  
ଦୃତୁୟା ତଲେ ଅବ୍ରାହାମ ମାତିତାଣା  
ଅଞ୍ଜିଆଡ଼େସି; ତାୟୁ ଏ ଦନ ଗାଗାସି  
ଜିକେଏ ହାହାହାଚେସି ଇଞ୍ଜା ମାହୁଣି  
ମାଣ୍ଡାତା ମୁସପି ଆଡ଼େସି,

୨୩ ଅଡ଼େ ଏଞ୍ଜାସି ହାଡ଼ାରି ମାନି  
ରାଜିତି କସ୍ତତଲେ କିଲିବିଲି ଆହୁ

ଲାକ ସିନିକିହାଲିଏ ହେକଟି ଅବ୍ରାହାମ  
ଅଡ଼େ ତାନିତଲେ ଲାଜରଇଁ ମେସ୍ତେସି  
।

୨୪ ଏଚେଟିଏ ଏଞ୍ଜାସି ହାଡ଼ିଚେସି,  
‘ଏ ଆବା ଅବ୍ରାହାମ, ନାଜେ କାର୍ମା  
ଅଣ୍ପାମା ଲାଜରଇଁ ନା ତାଣା ପାଣ୍ଡାମୁ,  
ଏଞ୍ଜାସି ତାନି ଖାଞ୍ଜୁତା ଏୟୁ ବନ୍ଦା ତାଚାନା  
ନା ଖେନ୍ଦରିତି ହିଡ଼ଡ଼ି କିୟାପେସି,  
ଇତିହ ନାନୁ ଇ ହିରୁତା କିଲିବିଲି  
ଆହିମାଇଁ ।’

୨୫ ସାମା ଅବ୍ରାହାମ ଏଲେଇଚେସି,  
‘ମୀରଏଣା ନାନୁ ନୀତାମାଟି ବେଲାତା  
ନୀ ନେହାଣି ବେଟାଆଡ଼ି, ଇଞ୍ଜା  
ଲାଜର ଏଲେକିହ ଏ ପଲୁଆ ଗାଗାଣି  
ବେଟାଆଡ଼େସି, ଇଦାଆଁ ଅଣ୍ପାମାମୁ;  
ସାମା ନୀଏଁ ଏଞ୍ଜାସି ଇମ୍ବାଆଁ ସୁକୁ  
ବେଟାଆହି ମାନେସି, ଅଡ଼େ ନାନୁ  
କିଲିବିଲି ଆହିମାଞ୍ଜି ।

୨୬ ଅଡ଼େ ର କାତା ମୀ ମାଦି ମା ମାଦି  
ର କାଜା ଗାଡ଼ୁୟୁ ମାନେ, ଆମ୍ବାଆରି ଇ  
ଟାୟୁଟି ମୀ ତାଣା ହାଜାଲି ମନ କିନେରି,  
ଏଞ୍ଜାରି ହାଜାଲି ଆଡ଼ଅରି ଆଆଡ଼ ଏ  
ଟାୟୁଟି ଇ ଟାୟୁତା ଗାଣ୍ଡାଚାନା ଖାୟାଲି  
ଆଡ଼ଅରି ।’

୨୭ ଏମ୍ବାଟିଏ ଦନ ଗାଗାସି  
ଏଲେଇଚେସି, ‘ଏ ଆବା, ଆତିହ  
ନାନୁ ନିଜେ ବାଡ଼ିମାଲିମାଞ୍ଜାଇଁ,  
ଲାଜରଇଁ ମା ଆବା ଇଜ ପାଣ୍ଡାମୁ,

୨୮ ଇତିହ ନା ପାସାଜାଣା ତାୟିୟା  
ମାନେରି; ଏଞ୍ଜାରି ଜିକେଏ ଏନିକ ଇ  
କସ୍ତଗାଟି ଟାୟୁତା ଖାଅରି, ଏଦାଆଁତାକି  
ଏଞ୍ଜାସି ଏଞ୍ଜାରିତାଣା ସାକି ହାନେସି ।’

୨୯ ସାମା ଅବ୍ରାହାମ ଏଲେଇଚେସି,  
‘ଏଞ୍ଜାରିତାଣା ମସା ଅଡ଼େ ମାହାପୁରୁ  
ଅଣ୍ପୁତି ବଲୁ ଖେହନାରି ପତିୟା ମାନୁ,  
ଏଞ୍ଜାରି ଏ କାତାତି ଖେଣ୍ଡାମାରି ।’

୩୦ ଏମ୍ବାଟିଏ ଦନ ଗାଗାସି  
ଏଲେଇଚେସି, ‘ଏ ଆବା ଅବ୍ରାହାମ,  
ଏଚେକେଏ ସାରି ଆଏ, ସାମା ହାଡ଼ାରି  
ବିତ୍ତାଟି ରଅସି ଏଞ୍ଜାରିତାଣା ହାନେସି  
ଆତିହ ଏଞ୍ଜାରି ମନ ଖେଟ୍ଟନେରି ।’

\* ୧୭:୧୭ ୧୭:୧୭ ମାତି ୧୧:୧୨,୧୩ \* ୧୭:୧୭ ୧୭:୧୭ ମାତି ୫:୧୮ \* ୧୭:୧୮ ୧୭:୧୮ ମାତି ୫:୩୨; ୧କର ୭:୧୦,୧୧

୩୧ ସାମା ଅବାହାମ ଏଲେଇରେସି, ଏଞ୍ଜାରି ମସା ଅଡେ ମାହାପୁରୁ ଅଶପୁତି ବଲୁ ଖେହ୍ନାରି କାତା ଖେନଅରି, ଆତିହ୍ ହାଡ଼ାରି ବିତ୍ରାଟି ଖେଣ୍ଡେ ନିଜିତ୍ ଜିକେଏ ଏଞ୍ଜାଣି କାତା ନାମଅରି ।”

**୧୭**

ପାପୁ

(ମାତି ୧୮:୭,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସାସୁୟାଁଇଁ ଏଲେଇରେସି, “ଏନିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟ୍ଟି ଆଏ, ସାମା ତାୟିପାରି କିଞ୍ଚି କିନାସି ଆୟଡ଼ା ଏଞ୍ଜାସି ଗାତି ତଣ୍ଡ ବେଟାଆନେସି;

୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଞ୍ଜାଲି ଦସାନା ସାମଦୁରିତା ମେଡ଼ହିହ୍ ଏଞ୍ଜାଣାକି ନେହେଁ ଆଡେମା ।

୩ \*ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହ୍ ଏଞ୍ଜାଣାଇଁ ଲାଗାମୁ; ଏଞ୍ଜାସି ନାନୁ ପାପୁ କିତେଏଁ ଇଞ୍ଜିଁ ମନ ଖେହ୍ନିହ୍, ଏଞ୍ଜାଣି ପାପୁ ମେକ୍‌ହା ତୁହ୍‌ମୁ ।

୪ ଅଡେ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା ପାଲି ନୀ ତାଣା ଖେଣ୍ଡା ଖାହାନା ନାନୁ ମନ ଖେହ୍ନିହ୍‌ମାଇଁ ଇଞ୍ଜିଁ ଇଞ୍ଜାନେସି ଆତିହ୍ ଏଞ୍ଜାଣି ପାପୁ ମେକ୍‌ହା ତୁହ୍‌ମୁ ।”

ନାମୁ

\* ଏଚେଟିଏ ପାଶୁଞ୍ଚି ଆହାମାନାରି ପ୍ରବୁଇଁ ଏଲେଇରେରି, “ମା. ନାମୁତି ପାତି କିୟାମୁ ।”

୨ ପ୍ରବୁ ଏଲେଇରେସି, “ର. ହାସୁଁ ପାଡେୟି ଏଚେକା ମୀ ନାମୁ ମାତିହ୍ ମା, ଇ ତୁତୁକଲି ମାରନ୍ତୁତି ହୀରୁତଲେ ମେଗାହାଜାନା ସାମଦୁରିତା

ଉହି ଆମୁ ଇଚିହ୍ ଏଡି ମୀ କାତା ମାନଞ୍ଚି ଆନେ ।”

ର. ହଲେଏସି କିନି କାମା

୩ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ତହୁନା କି କଡ଼ିୟାଁ ମେତାନା ଖାଡ଼ିସାରେ ଏଞ୍ଜାସି ଏଞ୍ଜାଣାଇଁ ଜୁରୁୟାଁ ଗହ୍‌ମୁଦେଁ ଇନେସି ?

୮ ନାଜେ ତିଞ୍ଜାଲି ହିୟାମୁ, ନାନୁ ତିଞ୍ଜାଲି ଆଡ଼ାଆ ପାତେକା ଚେତେଲି ହିମ୍ବରି ରୁପାନା ନା ସେବା କିୟାମୁ ଇଞ୍ଜା ତାୟୁ ନାନୁ ତିନାମୁ ଇଞ୍ଜିଁ ଏଞ୍ଜାଣାଇଁ ଏଲେଇନଅସି ?

୯ ର. ହଲେଏସି ସାଞ୍ଜୁକାରି କାତା ମାନଞ୍ଚି ଆହାନା କାମା କିନାକି ଏଞ୍ଜାଣାଇଁ ଜହରା କିନେସିକି ?

୧୦ ଏଲେକିହ୍ ଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ‘ମାମୁ ପାଡ଼ା ଆଆ ହଲିୟାଙ୍ଗାତମି; ଏନାୟି ମାମୁ କିନାୟି ମାଚେ ଏଡାଆଁ କିହାମାନମି’ ଇଞ୍ଜେରି ।”

ଜୀସୁ ଦସଜାଣା କାଜା ରଗ ଗାଟାରାଇଁ ନେହ୍ କିନାୟି

୧୧ ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡେ ସମିରଣି ଦେସା ମାଦିଟି ହାଜିମାଚେସି ।

୧୨ ଏମ୍ବାଟିଏ ଏଞ୍ଜାସି ର. ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଞ୍ଜାଣାଇଁ ବେଟାଆଡେରି;

୧୩ ଏଞ୍ଜାରି ହେକ ନିତାନା କାଜା ଗିୟାତଲେ ଏଲେଇଚେରି, “ଏ. ଜୀସୁ ଗୁରୁ ମାଜେ କାର୍ମା ମେସ୍ତାମୁ ।”

୧୪ ଜୀସୁ ଏଞ୍ଜାରାଇଁ ମେସାନା ଏଲେଇରେସି, “ମୀରୁ ହାଜାନା ପୁଜେରାଙ୍ଗା ତାଣା ତଞ୍ଜା ଆକାବୁ ।” ଅଡେ ଏଞ୍ଜାରି ହାଜି ହାଜିହ୍ ନେହ୍ ଆଡେରି ।

୧୫ ସାମା ଏଞ୍ଜାରି ବିତ୍ରାଟି ରଅସି ତାନୁ ନେହ୍ ଆଡ଼ାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହ୍ କିହ୍ ଖେଣ୍ଡା ଖାହାନା,

\* ୧୭:୩ ୧୭:୩ ମାତି ୧୮:୧୫

୧୭ ଜୀସୁତି କତାୟାଁ ତୁଇ ମୁନୁ କୁତାନା ଜହରା କିତେସି; ଏଞ୍ଜାସି ସମିରଣି ଲକୁ ମାଚେସି □

୧୭ ଏଚେଟିଏ ଜୀସୁ ଏଲେଇଚେସି, “ଦସକାଣା ନେହୁ ଆଆଚେରିକି ? ଅଡ଼େ ନ ଜାଣା ଏମ୍ବିୟା ମାନେରି ?

୧୮ ମାହାପୁରୁଇଁ ଜହରା କିହାଲି ଇ ଜୀହୁଦିଆଆତି ଲକୁ ପିସ୍‌ପେ ଆମ୍ବାଆସି ଖେଣ୍ଟା ଖାଆଚେସି ?”

୧୯ ଇଞ୍ଜା ଜୀସୁ ଏଞ୍ଜାଣାଇଁ ଏଲେଇଚେସି, “ନିଜ୍ଞାନା ହାଲାମୁ ନୀ ନାମୁ ନିଜ୍ଞେ ନେହୁ କିହାମାଞ୍ଜାନେ □”

ମାହାପୁରୁ ରାଜି ଖାନାୟି  
(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏଚେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାହାପୁରୁତି ରାଜି ତଞ୍ଜା ଆହୁଁ ଖାଏ;

୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜୁ ଲକୁ ଖେସ୍‌ଅରି; ଇଚିହୁଁ ମାହାପୁରୁତି ରାଜି ମୀ ବିଡ୍ରେଏ ମାନେ □”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଖାନ୍ଦେ, ଏଚିବେଲା ମାଣସି ମୀର୍‌ଏଣାତି ର ଦିନା ମେସାଲି ମନ କିତିହୁଁ ଜିକେଏ ମେହୁଅଚେରି □

୨୩ ଏଚିବେଲା ଲକୁ ମିଜ୍ଞେ ଖେସ୍‌ନେରି, ଏଞ୍ଜାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଞ୍ଜାରି କାତା ଆହୁଆଦୁ କି ଏଞ୍ଜାରିତଲେ ତାକାଆଦୁ □

୨୪ ଏନିଇଚିହୁଁ ହାଗୁ ମୁହନାତି ର କନଟି ଅର କନଖାକି ଉଜେଡ଼ି ଆନ୍ଦେ, ଏଲେକିହୁଁଏ ମାଣସି ମୀର୍‌ଏଣା ଦିନାତା ଆନ୍ଦେ □

୨୫ ସାମା ଏଞ୍ଜାସି ଗାତି କସ୍‌ ପାଣ୍ଡନାୟି ମାନେ, ଇଞ୍ଜା ଇ କାଲାତି ଲକୁ ଏଞ୍ଜାଣାଇଁ ଅପଅରି □

୨୬ ଅଡ଼େ ନହ ବେଲାତା ଏନିକି ଆହାମାଚେ, ମାଣସି ମୀର୍‌ଏସି ଖାନ୍ଦି ଦିନାତା ଜିକେଏ ଏଲେକିହୁଁଏ ଆନ୍ଦେ;

୨୭ ନହ ଜାଜାତା ହଡ଼ୁନି ଦିନା ପାଚେକା ଲକୁ ତିଞ୍ଜି ଉଣ୍ଡିହୁଁ ବାହା କିୟାଲି ବାହା ହିୟାଲି ହେରାମାଚେରି, ଏଚିବେଲା କାଜା ପିୟୁ ଖାଡ଼େ ଇଞ୍ଜା ବାରେତି କୁପହାତୁସ୍ତେ □

୨୮ ଲଟ ବେଲାତା ଜିକେଏ ଏଲେଏ ଆଡ଼େ, ଲକୁ ତିଞ୍ଜି ଉଣ୍ଡି ମାଚେରି, କତି ମାଚେରି, ପାରତି ମାଚେରି, ମୀର୍‌କା ଉହି ମାଚେରି ଅଡ଼େ ଇଲକା କିହାଲି ହେରାମାଚେରି,

୨୯ ସାମା ଲଟ ସଦମ ଗାଡ଼ାତି ହଚା ହାଲୁଖିନିଏ, ଲାକପୁରୁଟି ହିଚୁ ଅଡ଼େ ଗାନ୍ଦାଗୁଣ୍ଡା ଖାହାନା ବାରେତି ନାସା କିତେ □

୩୦ ମାଣସି ମୀର୍‌ଏସି ଖାନ୍ଦି ଦିନାତା ଜିକେଏ ଏଲେଆହୁଁଏ ଆନ୍ଦେ □”

୩୧ \* “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିଡ଼ାମାନି ତାନି ଆସ୍ତି ଅହାଲି ରେଚା ଖାଆପେସି; ଏଲେକିହୁଁଏ ଆମ୍ବାଆସି ନେଃଏଲାତା ମାନାସି ଇଜ ଖେଣ୍ଟା ଖାଆପେସି □

୩୨ ଲଟ ତକ୍ତିନି କାତା ଅଣ୍ଡପାଦୁ □

୩୩ \*ଆମ୍ବାଆସି ତାନି ଜୀସୁତି ନୀର୍‌ହାଲି ମନ କିନାସି, ଏଞ୍ଜାସି ନାସା ଆନ୍ଦେସି, ଅଡ଼େ ଆମ୍ବାଆସି ତାନି ଜୀସୁତି ଆସା କିଆଗାଟାସି ଏଞ୍ଜାସି ନାତିନେସି □

୩୪ ନାନୁ ମିଜ୍ଞେ ଖେସିମାଞ୍ଜାଇଁ, ଏ ଲାଆଁୟାଁ ରିଆରି କାଟେଲିତା ତୁରା ଡ଼ୟିନେରି, ରଅସି ଅଞ୍ଜିଆନ୍ଦେସି ଅଡ଼େ ରଅସି ଏମ୍ବାଆଁ ଡ଼ୟିନେସି □

୩୫ ରୀ ଇୟାସିକା ରଣ୍ଡିଏ ତାଣା ନୂୟୁମାନୁ, ରଣ୍ଡି ଅଞ୍ଜିଆନ୍ଦେ ରଣ୍ଡି ଏମ୍ବାଆଁ ଡ଼ୟିନେ □

୩୬ ରିଆରି ନେଃଏଲାତା ମାନେରି, ରଅସି ଅଞ୍ଜିଆନ୍ଦେସି, ରଅସି ଏମ୍ବାଆଁ ଡ଼ୟିନେସି □”

୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜୀସୁ

☆ ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ☆ ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୫; ଜହ ୧୨:୨୫

ଏଲେଇଚେସି, “ମାତୃହା ଏମ୍ବିୟାମାନେ ଏମ୍ବାଆଁ ରାମ୍‌ଶାୟାଁ ରୁଣ୍ଡା ଆନୁ □”

ଦାର୍ତ୍ତିତା ଖାହାନା ନାମୁତି ମେହ୍‌ନେସି ?”

## ୧୮

ରାଣ୍ଡେଣି ଇୟାନି ନାହାଁୟି

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ ସୀସୁୟାଁଇଁ ପୁଣ୍ଡିକିନି କାତାତଲେ ଖେସ୍‌ସେସି

୨ “ର ଗାଡ଼ାତା ର ନାହାଁୟି କିନାସି ମାଚେସି, ଏଝାସି ମାହାପୁରୁଇଁ ଆଜି ହିଲାଆଚେସି କି ମାଣ୍‌ସିୟାଁଇଁ ଜିକେଏ ଅଣ୍‌ପି ହିଲାଆଚେସି □

୩ ଏ ଗାଡ଼ାତା ର ରାଣ୍ଡେଣି ମାଚେ, ଏଡ଼ି ନାହାଁୟି କିନାଣି ତାଣା ଅଲେ ଅଲେ ହାଜିହୁଁ ନୀନୁ ନେହୁଁ ନାହାଁୟି କିହୁଁ ନା କପାଟି ନିଜାମାଞ୍ଜାନାଣା ତାଣାଟି ଗେଲ୍‌ପାମୁ ଇଞ୍ଜୁଁ ବାତିମାଲିମାଚେ □

୪ ଅଡ଼େ ଏଝାସି ଏଦାନି କାତା ଖେଞ୍ଜି ହିଲାଆଚେସି; ତାୟୁ ଏଝାସି ମନୁ ମନୁତା ଅଣ୍‌ପିଚେସି, ନାନୁ ମାହାପୁରୁଇଁ ଆଜିହିଲଅଁ କି ମାଣ୍‌ସିଇଁ ଅଣ୍‌ପି ହିଲଅଁ,

୫ ଆଡ଼ିଜିକେଏ ଇ ରାଣ୍ଡେଣି ନାଜେ କସୁ ହାହିମାଞ୍ଜାନାକି ନାନୁ ତାନି କପାଟି ନିଜାମାନି ନାହାଁୟି ତିକହାତୁହଇଁ, ଆଆତୁଁ ଏଡ଼ି ନାଜେ ବାରେବେଲା ଗିଜିଗିଜା କିହେମାଞ୍ଜାନେ □”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏତି ନାହାଁୟି କିନାଣି କାତା ଅଣ୍‌ପାଦୁ □

୭ ଆଡ଼ିହୁଁ ମାହାପୁରୁ ଆଡ଼ିତି ଲକୁ ଲାଆଁ ମାଦେନା ଏଝାଣାଇଁ ହାଡ଼ିହୁଁ ଡ଼ୟିନେରି, ଏଝାସି କି ଏଝାରି ନାହାଁୟି କିଅସି ? ଆଡ଼ିଜିକେଏ ଏଝାସି ଏଝାରି ସାତୁୟାଁକି ହାରେକା ଅର୍‌ହିନାସି ଆନେସି କି ?

୮ ନାନୁ ମିଜେ ଖେସିମାଞ୍ଜାଇଁ, ଏଝାସି ତବେ ଏଝାରି ତାକି କିଞ୍ଜି ଆହାମାନି ପଲୁଆ କାମାତି ନାହାଁୟି କିନେସି, ଆଡ଼ିଜିକେଏ ମାଣ୍‌ସି ମୀରୁଏସି

ପାରୁସି ଅଡ଼େ ସିସୁ ରାହ୍‌ନାଣି ପୁଣ୍ଡିକିନି କାତା

୯ ତାମ୍‌ଜେ ତୀରିଗାଟାତମି ଇଞ୍ଜୁଁ ଅଣ୍‌ପାନା ଏଟକା ତାରାଇଁ ହାଣି କିନି ଲକୁଣି ଜୀସୁ ଇ ପୁଣ୍ଡିକିନି କାତା ଖେସ୍‌ସେସି,

୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡ଼େ ରଅସି ସିସୁ ରାହ୍‌ନାସି □

୧୧ ପାରୁସି ନିତାନା ଇଲେକିହୁଁ ପ୍ରାତାନା କିଚେସି, “ଏ ମାହାପୁରୁ ନାନୁ ନିଜେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମ୍‌ ହିଲାଆ ଗାଟାଚେଏଁ ଆଏ, ସରୁ, ଦାରି ଗାଟାଚେଏଁ ଆଏ କି ଇ ସିସୁ ରାହ୍‌ନାଣି ଲେହେଁ ଜିକେଏ ଆଏ;

୧୨ ନାନୁ ଖାରା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ □”

୧୩ ସାମା ସିସୁ ରାହ୍‌ନାସି ହେକ ନିତାନା ତାନି କାନୁ ଲାକପୁରୁ ଖାକି ଜିକେଏ ପେରୁହାଁ ସିନିକିହାଲି ସାସା କିଆଚେସି, ସାମା ତାନି ବକତା ଖେଟା କତାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଟାଚେଏଁ ନାଜେ କାର୍‌ମା ମେସ୍‌ମାମୁ □”

୧୪ \* “ନାନୁ ମିଜେ ଖେସିମାଞ୍ଜାଇଁ, ଏଝାସି ଆଏ ସାମା ସିସୁ ରାହ୍‌ନାସି ତୀରିଗାଟାସି ଆହାନା ତାନି ଇଜ ହାଚେସି; ଏନିଇତିହୁଁ ଆମ୍ବାଆସି ନାନୁ କାଜାଚେଏଁ ଇଞ୍ଜା କଡ଼ିନେସି, ଏଝାଣାଇଁ ଉଣା କିଞ୍ଜିଆନେ, ସାମା ଆମ୍ବାଆସି ନାନୁ ଉଣାଚେଏଁ ଇନେସି, ଏଝାଣାଇଁ କାଜାସି କିଞ୍ଜିଆନେ □”

ଜୀସୁ ଉଣା ପଡ଼ି ପଦାୟାଣି ବର

ହୀନାୟି

(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଝାସି ଏନିକ୍ କକାରି ପଦାଁଣି ତାଗିନେସି, ଏଦାଆଁତାକି ଲକୁ ଏଝାରାଇଁ ଜୀସୁ ତାଣା ତାଗାଲି ମାଟ୍‌ହେରି; ସାମା ସାସୁୟାଁ ଏଦାଆଁ ମେସାନା ଏଝାରାଇଁ ଦାକା ହୀତେରି □

୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇରେସି, “କକାରି ପଦାଁଣି ନା ତାଗେ ଝାହାଲି ହୀସୁ, ଏଝାରାଇଁ କାହିକିଆଦୁ; ଏନିକ୍‌ଟିହିଁ ମାହାପୁରୁତି ରାଜି ଇଲେତାରାଝାୟି □

୧୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହୁଅସି ଏଝାସି ଏନିକ୍ ଜିକେଏ ଏମ୍ବାଆଁ ହଡାଲି ଆଡଅସି □”

ର ଦନ ଗାଟାସି

(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଝେରେସି, “ଏ ନେହିଁ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଏନାଆଁ କିଇଁ ?”

୧୯ ଜୀସୁ ଏଝାଣାଇଁ ଏଲେଇରେସି, “ନାଙ୍ଗେ ନେହାଁତି ଇଞ୍ଜିଁ ଏନାଆଁତାକି ଏଲେଇଞ୍ଜିମାଞ୍ଜି ? ଇତିହିଁ ମାହାପୁରୁ ରଅସିଏ ନେହାଁସି ମାନେସି ଏଝାଣି ପିସପେ ଆମ୍ବାଆସି ନେହାଁସି ହିଲଅସି □

୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଟିସାକି ହୀଆନି, ତାଲି ତାଞ୍ଜି କାତା ମାନି କିମ୍ପୁ □’ ”

୨୧ ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଝେଡାଟିଏ କିହିମାଇଁ □”

୨୨ ଜୀସୁ ଇ କାତା ଝେଞ୍ଜାନା ଏଝାଣାଇଁ ଏଲେଇରେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାରତାନାହାଁ ହିଲଆ ଗାଟାରାକି ଦାନା ହୀମ୍ପୁ,

ଇଞ୍ଜା ତାୟୁ ନୀନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେତ ଜେତ ଝାମ୍ପୁ □”

୨୩ ସାମା ଏଝାସି ଇ ବାରେ କାତା ଝେଞ୍ଜାନା ହାରେକା ଦୁକୁ ଆଡେସି, ଇତିହିଁ ଏଝାସି ବାଟକୁ ଗାଟାସି ମାଚେସି □

୨୪ ଏଚେଟିଏ ଜୀସୁ ଏଝାଣାଇଁ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଝାରି ହାରେକା କସ୍ତଲେ ମାହାପୁରୁତି ରାଜିତା ହଡୁନେରି □

୨୫ ଇତିହିଁ ମାହାପୁରୁତି ରାଜିତା ଦନଗାଟାସି ହଡୁନି କିହାଁ ଉଟୁ ସୂଜା କାଣିଟି ହଡାହାନାୟି ଉସାସା □”

୨୬ ଏ କାତା ଝେଞ୍ଜିମାଟାରି ଏଲେଇରେରି, “ଆତିହିଁ ଆମ୍ବାଆସି ଗେଲ୍‌ପି ଆହାଲି ଆଡିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକୁ କିୟାଲି ଆଡାଆଗାଟାଣି ମାହାପୁରୁ କିହାଲି ଆଡିନେସି □”

୨୮ ଏଚେତା ପିତର ଜୀସୁଇଁ ଝେରେସି, “ମେହ୍‌ମୁ ମାମ୍ପୁ ବାରେ ପିସାନା ନୀ ଜେତ ଝାହିମାନମି □”

୨୯ ଜୀସୁ ଏଝାରାଇଁ ଝେସ୍‌ସେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍‌ନି, ତାୟି, ତାଲି ତାଞ୍ଜି, ଅଡେ ମୀରକା ମାସ୍କାଣି ପିସାମାନେରି,

୩୦ ଏଝାରି ଇ ଜୁଗୁତା ହାରେକା ଆଗାଡା ବେଟାଆହାନା, ଝାନ୍ତି ଜୁଗୁତା କାଲାକାଲାତି ଜୀଝୁ ବେଟା ଆନେରି □”

ଜୀସୁ ତାନି ଦେବା ତାନି ହାକିତି ଝେହ୍‌ନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସାସୁୟାଁଇଁ ହାଟାନା ଝେସ୍‌ସେସି, “ମେହ୍‌ମୁ ମାର୍ ଜିରୁସାଲମତା ହାଜିମାନାୟି, ଏମ୍ବାଆଁ ମାଣ୍‌ସି ମୀରଏଣି ତାକି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଏନା ଏନାଆଁ

ରାତାମାନେରି, ଏ ବାରେ ମାଣ୍ଠି  
ମୀରୁଏଣା ତାଣା ସାତା ଆନ୍ଦେ;

୩୨ ଇଚିହୁ ଏଞ୍ଜାଣାଇଁ ଏଟ୍‌କା  
କୃତାତାରି କେୟୁତା ହେରପିନେସି,  
ଇଞ୍ଜା ଏଞ୍ଜାରି ଏଞ୍ଜାଣାଇଁ କାକନେରି,  
ଏଞ୍ଜାଣାଇଁ ହୀଣି କିହାନା ହୁପିନେରି,

୩୩ ଏଞ୍ଜାଣାଇଁ ସାଟ୍‌ଣି ତ:ରିତଲେ  
ଝେଚାନା ପାୟିନେରି, ଇଞ୍ଜା ତାନି  
ଦିନାଟିଏ ନିଜ୍‌ନେସି □

୩୪ ସାମା ସାୟୁୟାଁ ଇ ବାରେ  
କାତା ପୁଞ୍ଜାଲି ଆଡାଆତେରି; ଇ  
କାତା ଏଞ୍ଜାରିତାଣା ତ୍‌ଗୁାନା ମାଚେ,  
ଏନାଆଁ ଝେସପି ଆହିମାଚେ ଏ ବାରେ  
ପୁଞ୍ଜିହିଲଆତେରି □

ରୀସପାତିନି କାଣାଇଁ ଜୀସୁ  
ନେହୁଁ କିନାୟି

(ମାତି ୨୦:୨୪-୩୪; ମାର୍କ ୧୦:୪୭-  
୫୨)

୩୫ ଜୀସୁ ଜିରିହ ଗାଡାତା  
ଏଜିମାଚାଟି ର କାଣା ଜିରୁତା କୁଗାନା  
ରୀସପିମାଚେସି □

୩୬ ଏଞ୍ଜାସି ଲକୁତି ହାଜିମାନି ହାଡା  
ଝେଞ୍ଜାନା, “ଇଦି ଏନାୟି ଆହିମାନେ  
ଇଞ୍ଜୁଁ ଝେଚେସି □”

୩୭ “ନାଜରିତତି ଜୀସୁ ଇମ୍‌ପାଟି  
ହାଜିମାନେସି” ଇଞ୍ଜୁଁ ଝେସ୍ତେରି □

୩୮ ଏଚେଟିଏ କାଣା କାଜା ଗିୟାତଲେ  
ଏଲେଇଞ୍ଜି ଇଚେସି, “ଏ ଜୀସୁ ଦାଝୁଦ  
ମୀରୁଏଣାତି ନାଞ୍ଜେ କାର୍ମା ମେସ୍ତାମୁ □”

୩୯ ସାମା ନକିତା ହାଜିମାଚାରି  
ଏଞ୍ଜାଣାଇଁ ପାଲେଏ ମାଞ୍ଜାଲି ଦାକା  
ହୀତେରି, ସାମା ଏଞ୍ଜାସି ଅଡେ କାଜା  
ଗିୟାତଲେ ଏଲେଇଚେସି, “ଏ ଜୀସୁ  
ଦାଝୁଦ ମୀରୁଏଣାତି ନାଞ୍ଜେ କାର୍ମା  
ମେସ୍ତାମୁ □”

୪୦ ଏଚେଟିଏ ଜୀସୁ ଏମ୍‌ଆଁ ନିଚାନା  
କାଣାଇଁ ତାନି ଦାରିତା ତାଚାଲି  
ଚାଣ୍ଡିତେସି; ଏଚେତା କାଣା ତାଗେ  
ଝାଡେସି ଇଞ୍ଜା ଜୀସୁ ଏଞ୍ଜାଣାଇଁ  
ଝେଚେସି,

୪୧ “ନାନୁ ନିଞ୍ଜେତାକି ଏନାଆଁ କିଇଁ  
ଇଞ୍ଜୁଁ ମନ କିହିମାଞ୍ଜି ?”

କାଣା ଏଲେଇଚେସି, “ଏ ପ୍ରବୁ ନାନୁ  
ଏନିକିଁ ମେସାଲି ଆଡ଼ିଇଁ □”

୪୨ ଜୀସୁ ଝେସ୍ତେସି, “ନାନୁ ମେହ୍‌ମୁ,  
ନୀ ନାମୁ ନିଞ୍ଜେ ନେହୁଁ କିୟାତେ □”

୪୩ ଏ ଦେବୁଣିଏ ଏଞ୍ଜାସି ମେସାଲି  
ଆଡ଼ିତେସି ଇଞ୍ଜା ମାହାପୁରୁତି ଜହରା  
କିହୁଁ କିହୁଁ ଜୀସୁ ଜେଚ ହାଚେସି,  
ଅଡେ ଲକୁ ଏଦାଆଁ ମେସାନା  
ମାହାପୁରୁଇଁ ଜହରା କିଚେରି □

### ୧୯

ଜୀସୁ ଅଡେ ଜକିୟ

୧ ଜୀସୁ ଜିରିହତା ହଡାନା ଗାଡା  
ମାଦିଟି ହାଜିମାଚେସି □

୨ ଏମ୍‌ଆଁ ଜକିୟ ଦରୁଗାଟାସି ରଅସି  
ମାଚେସି, ଏଞ୍ଜାସି ସିସୁ ରୁାହ୍‌ନାରି ବିତ୍ରାଟି  
କାଜାସି ଅଡେ ଏଞ୍ଜାଣାକି ହାଚେକା ଦନ  
ମାଚେ □

୩ ଜୀସୁ ଏନିଲେହେଁତାସି ଇଞ୍ଜୁଁ  
ଏଞ୍ଜାଣାଇଁ ମେସାଲି ହାଚେକା ମନ  
ମାଚେ, ସାମା ହାଚେକା ଲକୁ  
ମାଚାକି ମେସାଲି ଆଡ଼ିହିଲଆତେସି,  
ଏନାଆଁତାକି ଇଚିହୁଁ ଏଞ୍ଜାସି କୁଜା  
ମାଚେସି □

୪ ଏମ୍‌ପାଟିଏ ଏଞ୍ଜାସି ନକିତା ହଟି ହଟି  
ହାଜାନା ଜୀସୁ ହାନି ଜିରୁତା ଏଞ୍ଜାଣାଇଁ  
ମେସାଲି ର ତୟା ମାରୁନୁତା ହଡେସି,  
ଇଚିହୁଁ ଜୀସୁ ଏ ଜିରୁଟି ହାନାୟି ମାଚେ  
□

୫ ଜୀସୁ ଏମ୍‌ଆଁ ଏଜାନା ଲାକ  
ସିନିକିହାନା ହାଡିତେସି, “ଆଡେ ଜକିୟ  
ତବେ ରେଚାଞ୍ଜାମୁ ଇଚିହୁଁ ନୀଞ୍ଜୁ ନାନୁ  
ମୀ ଇଜ ଗତା ଝାନାୟି ମାନେ □”

୬ ଏଞ୍ଜାସି ତବେ ରେଚାଞ୍ଜାହାନା  
ଏଞ୍ଜାଣାଇଁ ରାହୁଁଟି ତାମି ଇଜ ହାଡିତେସି  
□

୭ ଇଦାଆଁ ମେସାନା ବାରେ ଲକୁ  
ମୁରୁ ମୁରୁ ଆହୁଁ କାତା ଆଡେରି,  
“ଇଞ୍ଜାସି ର ପାପୁ ଗାଟାରି ଇଜ ଗତା  
ହାଜିମାନେସି □”

୮ ସାମା ଜକିୟ ନିଚାନା ପ୍ରବୁଇଁ  
ଏଲେଇଚେସି, “ଏ ପ୍ରବୁ ନାନୁ ନା ଦନତି  
ର ବାଗା ହିଲଆ ଗାଟାଚାକି ହୀଇଁ,



ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ  
ତାଟାମାଟିହିଁ ସାରି ବାଗା ଆଗାଡ଼ା  
ଝେଟ୍‌ଇଁ □”

୯ ଏମ୍ବାଟିଏ ଜାସୁ ଏଲେଇଚେସି,  
“ନୀଞ୍ଜୁ ଈ ଇଜତି ଲକ୍ଷୁତାକି  
ଗେଲ୍‌ପିନାୟି ଖାହାମାନେ, ଇଚିହିଁ  
ଇଝାସି ଜିକେଏ ଅଗ୍ରାହାମତି କୁଡ଼ାତାସି  
□

୧୦ ଈଚିହିଁ ଏନାୟି ଜାଜ୍ଞା  
ହାଜାମାନେ ଏଦାଆଁ ପାରାନା  
ଗେଲ୍‌ପାଲି ମାଣ୍‌ସି ମୀରୁଏସି  
ଖାହାମାନେସି □”

ବାଂଗାରା ଟାକା  
(ମାତି ୨୫:୧୪-୩୦)

୧୧ ଲକ୍ଷୁ ଈ କାତା ଝେଞ୍ଜି ମାଟାଟି  
ଏଝାସି ଅଡ଼େ ର ପୁଣ୍ଡିକିନି କାତା  
ଝେସ୍ତେସି, ଇଚିହିଁ ଏଝାସି ଜିରୁସାଲମ  
ତାଗେ ଆହାମାଚେସି, ଇଚିହିଁ  
ମାହାପୁରୁ ରାଜି ତବେ ତଞ୍ଜାଆନେ  
ଇଞ୍ଜୁ ଅଣପିମାଚେରି □

୧୨ ଏଝାସି ଏଲେଇଚେସି, “ର କାଜା  
କୁଡ଼ାତାସି ରାଜା ପାଣା ବେଟାଆହାଁ  
ଝେଣ୍ଡା ଖାଇଁଝା ଇଞ୍ଜୁ ର ହେକ ରାଜି  
ହାଚେସି □

୧୩ ଏଝାସି ତାନି ଦସଜାଣା  
ହଲିୟାଜାଣି ହାଟାନା ଏଝାରାକି  
ଦସଗଟା ଝେଣ୍ଡି ଟାକା ଲାକା ହାହାନା  
ଏଲେଇଚେସି, ‘ନାନୁ ଝେଣ୍ଡା ଝାନି  
ପାଚେକା ମୀରୁ ଈ ଟାକା ତଲେ  
ବେବାରା କିମ୍ପୁ □’

୧୪ ସାମା ତାନି ଦେସାତାରି ଏଝାଣାଇଁ  
ଅପିହିଲିଆଚେରି, ‘ଇଝାସି ମାଙ୍ଗେତାକି  
ରାଜା ଆୟାଆପେସି’ ଇଞ୍ଜୁ ତାନି  
ଜେଟଏ କସକାଣି କାରୁ ଝେସା  
ପାଣ୍ଡିଚେରି □”

୧୫ ତାମୁ ଏଝାସି ରାଜା ପାଣା  
ବେଟାଆହାନା ତାନି ରାଜିତା  
ଝେଣ୍ଡାଝାଡ଼େସି, ଇଞ୍ଜା ତାନୁ ଟାକାୟାଁ  
ହାହାମାଟି ହଲିୟାଜା ବେବାରା କିହାଁ  
ଏଚେକା ଲାବା କିହାମାନେରି ଏଦାଆଁ  
ପୁଞ୍ଜାଲି ଏଝାରାଇଁ ହାଟିକିଚେସି, ଇଞ୍ଜା  
ଝେଚେସି □

୧୬ ତଲିତାସି ଖାହାନା ଏଲେଇଚେସି,  
“ବାବୁ ନାନୁ ହାହାମାଞ୍ଜାତି ର ଟାକା  
ତଲେ ବେବାରା କିହାନା ଦସଟାକା  
ଲାବା କିହାମାଇଁ □”

୧୭ ଏଝାସି ଏଝାଣାଇଁ ଏଲେଇଚେସି,  
“ନେହିଁ ଟିକାଣାଗାଟି ନାମୁଡି  
ହଲେଏଣାଟି, ନାନୁ ଉଣା କାମାତାକି  
ନେହିଁ କାମା କିହାମାନାକି ନାନୁ  
ଦସଗଟା ଗାଡ଼ାୟାଁ ସାଲଝି କିନି  
ଅଦିକାରା କିମ୍ପୁ □”

୧୮ ଅଡ଼େ ରଅସି ଖାହାନା  
ଏଲେଇଚେସି, “ବାବୁ ନାନୁ  
ହାହାମାଞ୍ଜାତି ଟାକା ତଲେ ପାସାଗଟା  
ଲାବା କିହାମାଇଁ □”

୧୯ ଏଝାସି ଏଝାଣାଇଁ ଜିକେଏ  
ଏଲେଇଚେସି, “ନାନୁ ଜିକେଏ  
ପାସାଗଟା ଗାଡ଼ାୟାଁ ମୁହେଁ ଅଦିକାରା  
ଆମୁ □”

୨୦ ଅଡ଼େ ରଅସି ଖାହାନା  
ଏଲେଇଚେସି, “ପ୍ରବୁ ମେହ୍‌ମୁ ଇଦି  
ନାନୁ ହାହାମାଞ୍ଜାତି ଟାକା; ଇଦାଆଁ ନାନୁ  
ଡ଼ାଃଆଲିତା ରୁପାନା ଇଟାମାଚେସି □

୨୧ ଇଚିହିଁ ନାନୁ ନିଙ୍ଗେ ଆଜାଚେସି,  
ନାନୁ ର ଗିରିଗିରା ଗାଟାଟି, ଇଟା  
ହିଲିଆଗାଟାଣି ପାରିନାଟି, ମାଟା  
ହିଲିଆତାଣା ଦାଃଆନାଟି □”

୨୨ ଏଝାସି ଏଝାଣାଇଁ ଏଲେଇଚେସି,  
ଆଡ଼େ ପଲ୍‌ଆଗାଟି ହଲେଏଣାଟି,  
ନୀ ଗୁଡିତି ହାଡ଼ାତଲେ ନୀ ନୀହାଁୟି  
କିୟାଇଁ, ନାନୁ ଗିରିଗିରା ଗାଟାଚେସି,  
ଇଟାହିଲିଆ ତାଣା ପାରିନାଚେସି  
ମାଟାଆତି ତାଣା ଦାଃଆନାଚେସି  
ଇଦାଆଁ ପୁଞ୍ଜାମାଟି ?

୨୩ ଆତିହିଁ ଏନାଆଁତାକି ନା ଟାକାଟି  
ରାଣା ଅନାରାକି ହାଆତି, ନାନୁ ଖାହାନା  
ଅତିତଲେ ବେଟାଆଡ଼େସିମା □

୨୪ ଲୁଞ୍ଜା ଦାରିତା ନିଗାମାଚାରାଇଁ  
ଝେସ୍ତେସି, “ଇଝାଣି ତାଣାଟି ଏ ଟାକା  
ମୀଞ୍ଜା ଅହାନା ଆମ୍ବାଆରିକି ଦସଟାକା  
ମାନୁ ଏଝାଣାକି ହୀବୁ □”

୨୫ ଏଚେଟିଏ ଏଝାରି ଝେସ୍ତେରି,  
“ପ୍ରବୁ ଏଝାଣାକି ଦସଟାକା ମାନୁ □”

୨୭ \*ନାନୁ ମିଙ୍ଗେ ୱେସିମାଞ୍ଜାଇଁ,  
 “ଆମିନିଗାଟାଣାକି ମାନେ, ଏଞ୍ଜାଣାକି  
 ଗାତି ହୀପକିଆନେ □ ସାମା  
 ଆମ୍ବାଆରାଞ୍ଜାୟି ହିଲେଏ ଏଞ୍ଜାଣି ତାଣା  
 ଏନାୟି ମାନେ ଏଦାଆଁ ଜିକେଏ ଏଞ୍ଜାଣି  
 ତାଣାଟି ଅଞ୍ଜିଆନେ □

୨୭ \*ସାମା ନାଙ୍ଗେ ତାମି ରାଜା  
 ଆହାଲି କୁହାମାଞ୍ଜାନି ସାତୁୟାଁଇଁ ଇମ୍ବାଆଁ  
 ତାକା ହାଜାନା ଏଞ୍ଜାରାଇଁ ନା ନକିତା  
 ତୁଣିହାତୁହୁଦୁ □”

ଜୀସୁ ଜିରୁସାଲମତା ରାହାଁଟି  
 ହାନାୟି

(ମାତି ୨୧:୧-୧୧; ମାର୍କ ୧୧:୧-୧୧;  
 ଜହ ୧୨:୧୨-୧୯)

୨୮ ଇ ବାରେ କାତା ୱେସ୍ତି ତାୟୁ ଜୀସୁ  
 ଜିରୁସାଲମ ଖାକି ହାଚେସି □

୨୯ ଏଞ୍ଜାସି ଜୀତ ହରୁ ଦାରିତା ମାନି  
 ବେତନିୟାଁ ଅଡେ ବେଡପାରି ନାସକାଣାଁ  
 ଏଜାନା ତାନି ସୀସୁୟାଁ ବିତ୍ରାଟି ରିଆରାଇଁ  
 ଇ କାତା ୱେସା ପାଣ୍ଡିତେସି □

୩୦ “ମୀରୁ ହାଜାନା ମୀ ନକିତି  
 ନାୟୁଁତା ହଡୁଦୁ ଇଞ୍ଜାଁ ଲକୁ ଏଚେଲା  
 ହଡ଼ା ହିଲଅରି; ଇଲେତି ର ଗାଡ଼ଦେ  
 ତାଲୁତି ଦସାମାନାଣି ମେହଦେରି;  
 ଏଦାଆଁ ଦାଞ୍ଜାଁ ହୁକହାଁ ନା ତାଣା  
 ତାଟିହୁଁ ଖାଦୁ □

୩୧ ଆମ୍ବାଆସି ଏନାଆଁତାକି  
 ହୁକହିମାଞ୍ଜେରି ଇଞ୍ଜାଁ ୱେଞ୍ଜାତିହୁଁ  
 ଇଦାନି ମା ପ୍ରବୁକି ଲଡ଼ାମାନେ ଇଞ୍ଜାଁ  
 ୱେହୁଦୁ □”

୩୨ ଏମ୍ବାଟି ଜୀସୁ ପାଣ୍ଡାମାଚାରି ଏଞ୍ଜାସି  
 ଏନିକିଁ ୱେସାମାଚେସି, ଏଲେହେଁ  
 ମେସ୍ତେରି □

୩୩ ଇଞ୍ଜାଁ ଏଞ୍ଜାରି ଗାଡ଼ଦେ  
 ତାଲୁତି ଦାଞ୍ଜାଁ ହୁକହିମାଚାଟି  
 ଗାଡ଼ଦେ ସାଞ୍ଜକାରିୟାଁ “ଏନାଆଁତାକି  
 ହୁକହିମାଞ୍ଜେରି ଇଞ୍ଜାଁ ୱେଚେରି ?”

୩୪ ଏଞ୍ଜାରି ଏଲେଇଚେରି, “ଇଦାନି  
 ମା ପ୍ରବୁକି ଲଡ଼ାମାନେ □”

୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା  
 ତାଚାନା ଏଦାନିଲେକ ହିମ୍ବୁରିକା  
 ପାସାନା ଜୀସୁଇଁ ଲାକ କୁରିକିଚେରି □

୩୬ ଅଡେ ଏଞ୍ଜାସି ନକିତା ହାଜିମାଚାଟି  
 ଲକୁ ଜିରୁତା ତାମି ହିମ୍ବୁରିକା ପାସ୍ତେରି □

୩୭ ଇଞ୍ଜାଁ ଏଞ୍ଜାସି ଜିରୁସାଲମ ତାଗେ  
 ମାନି ଜୀତ ହରୁଟି ଖାନ୍ତି ବେଲାତା  
 ଏଞ୍ଜାସି ଇଞ୍ଜାଁ ତାମି ସୀସୁୟାଁ ଜୀସୁ  
 କିତି ବାଡ଼ୟୁତି କାମାତାକି ମାହାପୁରୁଇଁ  
 ଜହରା କିହିହୁଁ ରାହାଁଟି ପାତୁ  
 ପାଡ଼ିଚେରି □

୩୮ “ପ୍ରବୁତି ଦରୁଟି ଆମିନି ରାଜା  
 ଖାହିମାନେସି ଏଞ୍ଜାଣାକି ନେହେଁ □  
 ଲାକପୁରୁ ହିଡ଼ଡ଼ି ଅଡେ ଲାକପୁରୁତି  
 ମାହାପୁରୁଇଁ ଗାଞ୍ଜୁରମି ଆପେ □”

୩୯ ଏଚେଟିଏ ଲକୁ ମାନ୍ଦାଟି  
 ଏଚରଜାଣା ପାରୁସିୟାଁ ଜୀସୁଇଁ  
 ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ  
 ଲାଗାମୁ □”

୪୦ ନାନୁ ମିଙ୍ଗେ ୱେସିମାଞ୍ଜାଇଁ,  
 “ଇଞ୍ଜାରି ପାଲେଏ ଆଡ଼ିସାରେ, ଖାଲକା  
 ହାଲେହେଁ କାଜା ଗିୟାଁତଲେ ଜଲିତୁମା  
 □”

ଜୀସୁ ଜିରୁସାଲମ ତାକି ତୀନାୟି

୪୧ ଅଡେ ଏଚେତା ଗାଡ଼ା ତାଗେ  
 ଖାଡ଼େସି, ଏଟିବେଲା ଗାଡ଼ାଟି ମେସାନା  
 ତୀହିହୁଁ ଏଲେଇଚେସି,

୪୨ “ନୀନୁ, ହାଅ, ନୀନୁ ନୀଞ୍ଜୁ ହିଡ଼ଡ଼ି  
 ଜିରୁ ପୁଟିହୁଁ ଅଜିତେମା! ସାମା ଏଡ଼ି  
 ନୀ ତାଣାଟି ତରୁମାନେ □

୪୩ ଏଟିବେଲା ମାହାପୁରୁ ନିଙ୍ଗେ  
 ଗେଲପାଲି ଅଣପାମାଞ୍ଜାଚେସି ଏଦାଆଁ  
 ପୁନାଆତାକି ଏଟିବେଲାତା ନୀ ସାତୁୟାଁ  
 ନୀ ସାରିସୁରୁ କାଜା କଡ଼ା ଦସାନା  
 ମୁଚାନେରି,

୪୪ ଇଞ୍ଜାଁ ନିଙ୍ଗେ ଅଡେ ନୀ ତାଣା ମାନି  
 ନୀ ମୀରକାଣି କୁଡ଼ପୁନାସା କିୟାନେରି,  
 ଅଡେ ର ଖାଲିତି ଅର ଖାଲି ଲାକ  
 ତୀରି ଆହାଲି ହିୟଅରି, ଇଲେତି ଦିନା  
 ଖାହିମାନେ □”

\* ୧୯:୨୭ ୧୯:୨୭ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ \* ୧୯:୨୭ ୧୯:୨୭ ମାତି ୨୫:୧୪-୩୦

ମାହାପୁରୁ ଇଲୁତା ଜୀସୁ ହତ୍ତନାୟି  
(ମାତି ୨୧:୧୨-୧୭; ମାର୍କ ୧୧:୧୫-  
୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା  
ହତ୍ତନାୟି ବେବାରା କିନାରାଇଁ ଏମ୍ବାଟି  
ହାସା ପେରହାତୁସ୍ତେସି,

୪୬ ଦାମ୍ବୁପତିତା ରାସ୍ତକି ଆହାମାନେ,  
“ନା ଇଲୁ ପ୍ରାତାନା ଇଲୁ ଆନେ,  
ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ  
ମ୍ଲିପହାତୁସ୍ତେସି □”

୪୭ ଅଡେ ଜୀସୁ ଦିନାତାକି ଦିନା  
ପ୍ରାତାନା ଇଲୁତା ଜାପୁହି ମାରେସି, ସାମା  
କାଜା ପୂଜେରାଜା ଅଡେ ମେରାପୁନାରି  
ଲକ୍ଷ୍ମି କାଜାରି ତଲେ ଜୀସୁଇଁ ପାୟାଲି  
ଅଣ୍ଡିମାରେରି,

୪୮ ସାମା ଲକୁ ରାହାଁଟି ଏଞ୍ଜାଣି  
ଜାପୁନାଣି ଖେଞ୍ଜିମାଟାକି ଏଞ୍ଜାରି  
ଏନ୍ତିକିହାଲି ଆନେ ପାରୁ ବେଟାଆହି  
ହିଲାଆଡେରି □

### ୨୦

#### ଜୀସୁଟି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା  
ଲକୁଣି ଜାପୁହି ମାରେସି, ଅଡେ ନେହିଁ  
କାରୁ ଖେକ୍‌ହି ମାରେସି, ଏଟିବେଲା  
କାଜା ପୂଜେରାଜା ଅଡେ ମେରାପୁନାରି  
ପ୍ରାଟିନାଜା ତଲେ ଖାହାନା ଖେରେରି,

୨ “ନାନୁ ଆମିନି ଅଦିକାରା ତଲେ  
ଇ ବାରେ କିହିମାଞ୍ଜି, ଏଲେକିହାଲି  
ଆମ୍ବାଆସି ଅଦିକାରା ହାହାମାଞ୍ଜାନେସି,  
ମାଜେ ଖେସ୍ତାମ୍ବୁ □”

୩ ସାମା ଜୀସୁ ଏଞ୍ଜାରାଇଁ  
ଏଲେଇରେସି, “ନାନୁ ଜିକେଏ ର କାତା  
ଖେଞ୍ଜାଇଁ, ନାଜେ ଖେସ୍ତାଦୁ

୪ ଜହନଇଁ ବାପ୍ତିସ୍ମ\* ହୀମୁ ଇଞ୍ଜିଁ  
ଆମ୍ବାଆସି ଟାଣ୍ଡିତେସି, ଲାକପୁରୁଟି କି  
ମାଣସି ତାଣ୍ଡାଟି ?”

୫ ଏରେଟିଏ ଏଞ୍ଜାରି ତାମ୍ବୁ ତାମ୍ବୁ  
ଜଲୁକି ଆଡେରି, “ଲାକପୁରୁଟି ଇନାୟି,  
ଆଡିହିଁ ଏଞ୍ଜାସି ଏଲେଇଞ୍ଜାନେସି

ଏନାଆଁତାକି ଏଞ୍ଜାଣାଇଁ ନାମାଆଡେରି  
?”

୬ ସାମା ମାଣସି ତାଣ୍ଡାଟି ଇନାୟି,  
ଇଞ୍ଜା ଲକୁ ମାଜେ ଖାଲୁକାତଲେ  
ପାୟାନେରି, ଇଡିହିଁ ଜହନଇଁ  
ମାହାପୁରୁ ଅଣ୍ଡପୁଟି ବଲୁ ଖେହନାରି  
ତାଣ୍ଡାଟି ରଅସି ଇଞ୍ଜିଁ ହାରେକା  
ନାମାମାନେରି □”

୭ ଏଞ୍ଜାରି ଏଲେଇରେସି, “ମାମ୍ବୁ  
ପୁଞ୍ଜାହିଲଅମି ଏଡି ଏମ୍ବିଟି ଆହାମାନେ  
□”

୮ ଜୀସୁ ଏଞ୍ଜାରାଇଁ ଏଲେଇରେସି,  
“ଆଡିହିଁ ନାନୁ ଆମିନି ଅଦିକାରା  
ତଲେ କିହିମାଞ୍ଜି ନାନୁ ଜିକେଏ ଖେସ୍ତା  
□”

ଅଞ୍ଜୁରି ବାଡାତା ବାଗା କାମାକିନାରି  
ପୁଣ୍ଡିକିନି କାତା

(ମାତି ୨୧:୩୩-୪୭; ମାର୍କ ୧୨:୧-  
୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା  
ଖେସ୍ତେସି, “ରଅସି ର ଅଞ୍ଜୁରି ବାଡା  
କିହାନା କାମା କିନାରାକି ବାଗା ହାହାନା  
ହାରେକା ଦିନାତାକି ଅର ଦେସାତା  
ହାରେସି □

୧୦ ଅଞ୍ଜୁରି ପାଡେଡି କାମ୍ବିନି ବେଲା  
ଏଞ୍ଜାସି ତାନି ବାଗା ବେଟାଆହାଲି  
ର ହଲେଏଶାଇଁ ପାଣ୍ଡିତେସି, ସାମା  
ଅଞ୍ଜୁରି ବାଡାତା କାମାକିନାରି ଏଞ୍ଜାଣାଇଁ  
ମାଡା ଖେଟାନା ଖାରଇ କେୟୁଟି  
ପେରହାତୁସ୍ତେସି □

୧୧ ଏଞ୍ଜାସି ଅଡେ ର ହଲେଏଶାଇଁ  
ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ  
ଖେଟାନା ନିନ୍ଦା କିହାଁ ଖାରଇ କେୟୁଟି  
ପେରହା ପାଣ୍ଡିତେରି;

୧୨ ତାୟୁ ଅଡେ ରଅଶାଇଁ  
ପାଣ୍ଡିତେସି, ସାମା ଏଞ୍ଜାଣାଇଁ ଜିକେଏ  
ରାଶାରାକା କିହାନା ବାଡାଟି ପାଜାତା  
ମେଡହାତୁସ୍ତେସି □

୧୩ ଏମ୍ବାଟିଏ ଅଞ୍ଜୁରି ବାଡାଟି  
ସାଞ୍ଜୁକାରି ନୀଏଟି ଏନାଆଁ କିଇଁ ଇଞ୍ଜିଁ  
ଅଣ୍ଡପାନା, ନା ଜୀସୁଟି ମୀରଏଶାଇଁ

\* ୧୯:୪୭ ୧୯:୪୭ ଲୁକ ୨୧:୩୭ \* ୨୦:୪ ୨୦:୪ ମୁଞ୍ଜିନାୟି

ପାଣ୍ଠିଙ୍କ ଆତିହାସ ଏଝାଣାଙ୍କ ମାନି କିନେରି □

୧୪ ସାମା କାମାକିନାରି ଏଝାଣାଙ୍କ ମେସାନା ତାମ୍ନୁ ତାମ୍ନୁ ଏଲେଇଶ୍ୱି ଆଡେରି ‘ଇଝାସି ଅଦିକାରା ଗାଟାସି, ଇଝାଣାଙ୍କ ପାୟାତୁହନ, ଆତିହାସ ଇ ଅଜ୍ଜୁରି ବାଡ଼ା ମାଙ୍ଗେ ଆୟାନେ □’

୧୫ ଅଡ଼େ ଏଝାଣାଙ୍କ ଅଜ୍ଜୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି □”

“ଆତିହାସ ଅଜ୍ଜୁରି ବାଡ଼ାତି ସାଝୁକାରି ଏଝାରାଙ୍କ ଏନାଆଁ କିନେସି ?

୧୬ ଏଝାସି ଝାହାନା ଇ କାମା କିନାରାଙ୍କ ପାୟାତୁହନେସି, ଅଡ଼େ ଏଟକାତାରାକି ଏ ଅଜ୍ଜୁରି ବାଡ଼ା ହାନେସି □”

ଲକୁ ଇ କାତା ଝେଞ୍ଜାନା ଏଲେଇତେରି, “ଏଲେକିହାସ ଆଝୁଏ ଆଆପେ □”

୧୭ ସାମା ଜୀସୁ ଏଝାରାଙ୍କ ଝେସ୍ତେସି, “ଆତିହାସ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୂତେରି,

ଏଦି ଇଲୁ କନତି ମୂଲୁ ଝାଲି ଆଡେ □

୧୮ ଆମ୍ବାଆସି ଏ ଝାଲି ଲାକ ତରରିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଝାଲି ଆମ୍ବାଆରି ମୁହେଁ ତରରିନେ ଏଝାଣାଙ୍କ ଗୁଣ୍ଡୁଗୁଣ୍ଡା କିନେ □”

ସିସୁ ହାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡ଼େ କାଜା ପୂଜେରାଙ୍ଗା ଦେବୁଣିଏ ଜୀସୁଙ୍କ ଆସାଲି ଅଣ୍ଡାପିତେରି, ସାମା ଲକୁ ମାନ୍ଦାତି ଆଜିତେରି, ଇତିହାସ ଏଝାସି ଏ ପୁଣ୍ଡିକିନି କାତା ଏଝାରାଙ୍କ ସିନିକିହାନା ଝେସାମାଚେସି ଇଞ୍ଜା ଏଝାରି ପୁଚେରି □

୨୦ ଏମ୍ବାଟିଏ ଏଝାରି ଜୀସୁଙ୍କ ପାଣା ଅଡ଼େ ବାଡ଼ମୁଗାଟି ସାଲୁଝି କିନାରି

କେୟୁତା ଏଝାଣାଙ୍କ ହେରପାଲି ପାରୁ ପାରିତେରି, ଇଞ୍ଜା ଏଚରଜାଣା ତାମ୍ନୁ ତାମ୍ନେ ଦାମ୍ନୁଗାଟାରି ଇଞ୍ଜା ତସା କଡ଼ିନି ନାଡ଼ିକିନାରି ଜୀସୁଙ୍କ ତାନି ଝେହନି କାତାତା ଦହ ଦସାଲି ଏଝାଣି ତାଣା ପାଣ୍ଠିତେରି □

୨୧ ଏଝାରି ଜୀସୁଙ୍କ ଝେଚେରି, “ଗୁରୁ, ମାମ୍ନୁ ପୁଞ୍ଜାମାନମି, ନୀନୁ ଏନାଆଁ ଝେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଙ୍କ ପାରଡ଼ା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି □

୨୨ ଆତିହାସ କାୟିସରକି ସିସୁ ହାନାୟି ମେରା ମାନେକି ଆଏ □”

୨୩ ସାମା ଜୀସୁ ଏଝାରି ନାଡ଼ିକିନି ଅଣ୍ଡାପୁଡ଼ି ପୁଞ୍ଜାନା ଏଝାରାଙ୍କ ଝେସ୍ତେସି, “ନାଙ୍ଗେ ର ଝେଣ୍ଡି ଟାକା ହିୟାଦୁ □”

୨୪ ଏ ଝେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଝେସ୍ତେରି, “କାୟିସରଝାୟି □”

୨୫ ଏଚେଟିଏ ଜୀସୁ ଏଝାରାଙ୍କ ଝେସ୍ତେସି, “ଆତିହାସ କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ □”

୨୬ ଏଚେଟିଏ ଏଝାରି ଲକୁ ନକିତା ଏଝାଣାଙ୍କ ଏଦି ଦହ ଦସାଲି ଆଡ଼ାଆତେରି, ଇଞ୍ଜା ଏଝାରି ଜୀସୁ ଝେସ୍ତି କାତାତାକି ଆତାଜାକା ଆହାନା ପାଲେଏ ମାଚେରି □

ହାଡ଼ାରି ଝେଣ୍ଡେ ନିଜ୍ଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଝେଣ୍ଡେ ନିଜ୍ଜିନାଣି ନାମିହିଲାଆଗାଟି ଏଚରଜାଣା ସାଦୁକିୟା ଜୀସୁତାଣା ଝାହାନା ଝେଚେରି,

୨୮ “ଏ ଗୁରୁ ମସା ମାଙ୍ଗେତାକି ରାଟାମାନେସି, ରଅସି ବାହା ଆହାଁ କକାରି ପଦାଁ ଆଆନା ହାଡ଼ିହାସ, ଏଝାଣି

ତାହି ତାନି ତକ୍ତିନି ଇଟାନା ଏଞ୍ଜାଣି କୃତା  
ଏପିକିୟାଲି ଆନେ □

୨୯ ସାତା ଜାଣା ତାହିୟାଁ ମାଚେରି;  
କାଜାସି ବାହା ଆହାନା କକାରି ପଦାଁ  
ଆଆନା ହାଡେସି;

୩୦ ତାୟୁ ଏଞ୍ଜାଣି ଜେଚତାସି  
ଇଚିତେସି, ଅଡେ ଏଞ୍ଜାଣି ଜେଚତାସି  
ଇଚିତେସି;

୩୧ ଏଲେକିହୁଏ ସାତା ଜାଣା  
ଜିକେଏ କକାରି ପଦାଁ ଆଆନା ହାଡେରି  
□

୩୨ ତାୟୁ ଏ ଇୟା ଜିକେଏ ହାଡେ □

୩୩ ଆତିହୁଏ ଖେଣ୍ଡେ ନିଜିନି ଦିନା  
ଏଞ୍ଜାରି ବିତ୍ରାଟି ଏ ଇୟା ଆମ୍ବାଆରି ତକ୍ତି  
ଆନେ ? ଇଚିହୁଏ ସାତା ଜାଣା ଜିକେଏ  
ଏଦାନି ଇଟାମାଚେରି □”

୩୪ ଜାସୁ ଏଞ୍ଜାରାକ୍ ଏଲେଇଚେସି,  
“ଇ ଦାରତିତି ଲକୁ ବାହା କିନେରି  
ଅଡେ ଆନେରି,

୩୫ ସାମା ଝାନି ଜୁଗୁତାକି ଇଞ୍ଜା  
ହାକିଟି ନିଜାଲିତାକି ପାଡା ଆନାରି  
ବାହା ଆଅରି କି ବାହା ହାଅରି;

୩୬ ଇଚିହୁଏ ଏଞ୍ଜାରି ଦୁତୁୟାଲେହେଁ  
ଆହାନା ଏଚେଲାଝା ହାଅରି,  
ଇଞ୍ଜା ହାକିଟି ନିଜାମାନାକି ଏଞ୍ଜାରି  
ମାହାପୁରୁତି ମାରକା ଆନେରି □

୩୭ ସାମା ହାଡାରି ସାତେଏ ନିଜିନେରି  
ଇଞ୍ଜା ମସାଇ ଜିକେଏ ଖେହିମାନି  
ବୃଟାଟି କାରୁତଲେ ନେହୁକ  
ତସାମାଚେସି, ଇଚିହୁଏ ଏଞ୍ଜାସି ପ୍ରବୁକ୍  
ଅବ୍ରାହାମତି ମାହାପୁରୁ, ଇସାହାକତି  
ମାହାପୁରୁ ଅଡେ ଜାକୁବତି ମାହାପୁରୁ  
ଇଞ୍ଜାମାଚେସି □

୩୮ ଏଞ୍ଜାସି ହାଡାରି ମାହାପୁରୁ  
ଆଏ ସାମା ଜାସୁଗାଟାରି ମାହାପୁରୁ;  
ଇଚିହୁଏ ମାହାପୁରୁ ନକିତା ବାରେଜାଣା  
ନୀତାମାନେରି □”

୩୯ ଏମ୍ବାଟିଏ ମେରାପୁନାରି ବିତ୍ରାଟି  
ଏଚରଜାଣା ଏଲେଇଚେରି, “ହାଅ,  
ଗୁରୁ ନାନୁ ଅଜେ ଖେସ୍ତାତି □”

୪୦ ଇଚିହୁଏ ଏଞ୍ଜାଣାକ୍ ଅଡେ ଏନାଆଁ  
ଖେଞ୍ଜାଲି ଏଞ୍ଜାରାକି ସାସା ହିଲାଆଡେ □

କ୍ରୀସ୍ତୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-  
୩୭)

୪୧ ଏମ୍ବାଟିଏ ଜାସୁ ଏଞ୍ଜାରାକ୍  
ଖେଚେସି, କ୍ରୀସ୍ତୁ ଦାସୁଦ ମୀରଏସି, ଲକୁ  
ଏନିକ୍ ଏଲେଇନେରି ?

୪୨ ଇଚିହୁଏ ଦାସୁଦ ତାନୁଏ ପାରୁ  
ପତିତା ଏଲେଇଞ୍ଜି ମାନେସି,  
ପ୍ରବୁ ନା ପ୍ରବୁକ୍ ଖେସ୍ତେସି,

୪୩ ନାନୁ ନୀ ସାତୁୟାଣି ନୀ  
କତାୟାଁ ତଇ ଇଟାଆ  
ପାଡେକା,

ନାନୁ ନା ଚିଃନିଝାକି କୁଗାମାନାମୁ  
□

୪୪ ଦାସୁଦ ତାନୁଏ ଏଞ୍ଜାଣାକ୍ ପ୍ରବୁ  
ଇଞ୍ଜା ମାନେସି; ଆତିହୁଏ କ୍ରୀସ୍ତୁ  
ଏନିକ୍ ଏଞ୍ଜାଣି ମୀରଏସି ?

ମେରାପୁନାରି ତାଣାଟି ଜାଗ୍ରାତା

(ମାତି ୨୩:୧-୩୬; ମାର୍କ ୧୨:୩୮-  
୪୦)

୪୫ ତାୟୁ ବାରେ ଲକୁ ନକିତା  
ସୀସୁୟାକ୍ ଖେସ୍ତେସି,

୪୬ “ମେରା ଜାପୁନାରି ତାଣାଟି  
ଜାଗ୍ରାତା! ଇଚିହୁଏ, ଏଞ୍ଜାରି  
ଲାମ୍ବା ଲାମ୍ବା ହିମ୍ବରିକା ହୁଟାନା  
ତିରୁଝିହୁଏ ରେଜାଲି, ଅଡେ ହାଟା  
ବାଜାରାତା ଜହରା ବେଟାଆହାଲି,  
ପ୍ରାଡାନା ଇଲକାଣା ନେହୁ ନେହୁ  
କୁଚୁୟାଁ ଅଡେ ବକିତା ନେହୁ ଟାୟୁ  
ବେଟାଆହାଲି ଅଣ୍ଡିନେରି;

୪୭ ଏଞ୍ଜାରି ରାଣ୍ଡେଣିସିକା ଇଲୁ  
ସେକିନେରି ଅଡେ ଉଜେ ଉଜେଏ  
ଲାମ୍ବା ଲାମ୍ବା ପ୍ରାଡାନା କିନେରି; ଏଞ୍ଜାରି  
ହାଡେରକା ତଣ୍ଡ ବେଟାଆନେରି □”

## ୨୧

ରାଣ୍ଡେଣିନି ଦାନା

(ମାତି ୧୨:୪୧-୪୪)

୧ ଏଚିବେଲା ଦନଗାଟାରି ଦାନା  
ପେଡାତା ତାମି ଦାନା ମେଡୁହି ମାଟାଣି  
ଜାସୁ ସିନିକିହିମାଚେସି,

୨ ଅଡେ ର କାର୍ମାଗାଟି ରାଣ୍ଡେଣି  
ଝାହାନା ଏମ୍ବାଆଁ ରୀ ଉଣା ତାମ୍ବାତି

ଆଦଲି ମେଡ଼ହାଣି ମେସାନା  
ଏଲେଇଚେସି,

୩ “ନାନୁ ମିଙ୍ଗ ସାତା ଝେସିମାଞ୍ଜାଇଁ  
ଇ କାର୍ମାଗାଟି ରାଡ଼େଣି ଗାଡ଼ି ଦାନା  
ହୀହାମାନେ,

୪ ଇଚିହ୍ଁ ଦନ ଗାଗାରି ତାମି  
ଗାଡ଼ି ଦନଟି ଇଚାଣି ତାଗାନା ବେନୁ  
ହୀହାମାନେରି, ସାମା କାର୍ମାଗାଟି  
ରାଡ଼େଣି ତାନି ହିଲାଆବେଲାତା ତାଙ୍ଗେ  
ନୀତାଲିତାକି ଏନାୟି ମାଚେ ଏ ବାରେ  
ହୀହାମାନେ ।”

ମାହାପୁରୁ ଇଲୁ ନସ୍ତ ଆନି କାତା  
(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ  
ଇଲୁ ଅଜି ଅଜିତି ଖାଲୁକା ଅଡ଼େ ଦାନା  
ହୀନାଣି ତଲେ ଅଜିକ୍ ଅଜାମାନେ  
ଇଞ୍ଜ୍ ଇଞ୍ଜାଲିଏ ଜୀସୁ ଏଲେଇଚେସି,

୬ “ମୀରୁ ନୀର୍ବ ଏନା ଏନାଆଁ  
ମେସିମାଞ୍ଜେରି, ଦିନା ଖାଚେନ,  
ଏଚିବେଲା ର ଖାଲି ଅର ଖାଲି ଲାକ  
ଡ଼ୟେଏ, ଇ ବାରେ ମେଣିଙ୍ଗାହାନେ ।”

କସ୍ତ ଅଡ଼େ ନିନ୍ଦା ଖାନ୍ତି କାତା  
(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଇଁ  
ଝେଚେରି, “ଏ ଗୁରୁ ଆଡ଼ିହ୍ଁ ଇ ବାରେ  
ଏଚେଲା ଆନେ ? ଇଞ୍ଜା ଇ ବାରେ  
ଆମିନି ବେଲାତା ଆନେ, ଏ ବେଲାତି  
ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା  
ମୀରୁ ଏନିକ୍ ଆନ୍ଦା ଆଅଡେରି;  
ଇଚିହ୍ଁ ହାଚେକା ନା ଦରୁଟି ଖାହାନା  
ନାନୁ ଏଞ୍ଜାଚେର୍ବ୍ ଅଡ଼େ ଏ ଦିନା  
ଏଦାଚେୟିଏ ଇଞ୍ଜ୍ ଇଞ୍ଜାନେରି;  
ଏଞ୍ଜାରି ଜେତ ହାଲାଆଦୁ ।”

୯ ଇଞ୍ଜା ମୀରୁ ଏଚେତା ଜୁଜୁ  
ଇଞ୍ଜା ମେଲି ଆହିମାନାଣି ଝେଚିସାରେ  
ଆଜାଆଦୁ; ଏନିଇଚିହ୍ଁ ଇ ବାରେ  
ନଚେଏ ଆୟାଲି ଆନେ, ଆଡ଼ିଜିକେଏ  
ଏଚିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାଚାଇଁ ଏଲେଇଚେସି,  
“ଦେସା କପାଟି ଦେସା, ରାଜି କପାଟି  
ରାଜି ମେଲି ନିଜିନେ,

୧୧ ଇଞ୍ଜା ଇମ୍ବାଆଁ ଏମ୍ବାଆଁ ବୁମି  
ଝୀଡ଼ିନେ, ହାଚେକା ଚାୟୁତା ମରୁଡ଼ି  
ଇଞ୍ଜା କାରୁଝୁ ଖାଚେନ, ଅଡ଼େ ହାଗୁ  
ପାକାତା ଆଜିହ୍ଚେପତି ସିନାୟି ତଞ୍ଜା  
ଆନୁ ।”

୧୨ ସାମା ଇ ବାରେ ଆଆ ନଚେଏ  
ଲକୁ ମିଙ୍ଗେ ଆସାନା ନା ଦରୁ ତାକି  
ନିନ୍ଦା କିହାନା ଜୀହୁଦି ଲକୁଡ଼ି କୁଚମି  
ଇଲୁକାଣା\*, କାୟିଦି ଇଲୁକାଣା,  
ରାଜା ଇଞ୍ଜା ନୀହାୟି କିନାରି ତାଣା  
ହେରପାନେରି;

୧୩ ଇଦି ମିଙ୍ଗେତାକି ସାକି ଆନେ ।

୧୪ ଇଞ୍ଜା ଏନାଆଁ ଜଲିଇଁ ଏନାଆଁ  
ଝେହ୍ଁ ଇଞ୍ଜ୍ ତଲିଏ ମନତା  
ଅଣିପାଆଦୁ;

୧୫ ଏନାଆଁତାକି ଇଚିହ୍ଁ ମୀ ସାତୁୟି  
ମିଙ୍ଗେ ଝେଣ୍ଡେ ଜଲାଲି କି ଝେସାଲି  
ଆଡ଼ାଆପେରିଝା ଇଞ୍ଜ୍ ନାନୁ ମିଙ୍ଗେ  
ଏଚିବେଲାତା ନେହ୍ଁ ବୁଦି ଅଡ଼େ ସୁଞ୍ଜା  
ହିୟାଇଁ ।”

୧୬ ସାମା ମୀ ତାଲି ତାଞ୍ଜି ତାୟିୟି  
ସାମାୟିୟି ଇଞ୍ଜା ମୀ ତଡ଼େସିଙ୍ଗା  
ଜିକେଏ ମିଙ୍ଗେ ହେରପାନେରି, ଅଡ଼େ  
ମୀ ବିତ୍ରାଟି ଆମ୍ବା ଆମ୍ବାଆରାଇଁ  
ଇଚହାନା ପାୟିନେରି,

୧୭ ଇଞ୍ଜା ନା ଦରୁ ତାକି ବାରେ  
ଲକୁତାଣା ଲାଜା ବେଟାଆଦେରି ଅଡ଼େ  
ଅପଅରି ।”

୧୮ ସାମା ମୀ ତାୟିୟି ତୁ ର ବାଣା  
ଜିକେଏ ନସ୍ତ ଆଏ;

୧୯ ଅରୁହିନି ତାଣାଟି ମୀରୁ ମୀ ଜୀଝୁତି  
ଗେଲପିକିହା କଡ଼ିଦେରି ।”

ଜିରୁସାଲମ ନାସା ଆନି କାତା  
(ମାତି ୨୪:୧୫-୨୧; ମାର୍କ ୧୩:୧୪-  
୧୯)

୨୦ “ସାମା ମୀରୁ ଏଚିବେଲା ସାତୁୟି  
ଜିରୁସାଲମ ଗାଡ଼ାତା ମୁଗାମାନାଣି

\* ୨୧:୧୨ ୨୧:୧୨ ସିନଗର    ☆ ୨୧:୧୪ ୨୧:୧୪ ଲୁକ ୧୨:୧୧, ୧୨

ମେହଦେରି, ଏଚିବେଲା ଏଦି ନାସା  
ଆନି କାଲା ଏଦାତେ ଇଞ୍ଜି ପୁଞ୍ଜୁ □

୨୯ ଏଚିବେଲା ଏମିନିଗାଟାରି ଜୀହୁଦା  
ଦେସାତା ମାନେରି, ଏଞ୍ଜାରି ହରକାଣା  
ହଣ୍ଡାରି; ଇଞ୍ଜା ଏମିନିଗାଟାରି  
ଗାଡ଼ା ବିତ୍ରା ମାନେରି, ଏଞ୍ଜାରି  
ହରା ହାଲୁବେରି; ଏମିନିଗାଟାରି  
ନାସକାଣା ମାନେରି, ଏଞ୍ଜାରି ଗାଡ଼ାତା  
ହଡ଼ଆପେରି;

୨୯ ଏନିଇଚିହ୍ମି ମାହାପୁରୁ ପତିତା  
ରାସକି ଆହାମାନି ବାରେ କାତାଲେହେ  
ଆୟାଲିତାକି ଏଦି ତଣ୍ଡୁ ହାନି କାଲା □

୩୦ ଆୟତା ଏଚିବେଲା ପୂରାମାସା  
ଆହାମାନୁ କି ପାଲୁ ଉଚ୍ଚିମାନୁ ଏଞ୍ଜି  
ଉଣେଏ କସ୍ତ ପାଣ୍ଡୁକି! ଏନିଇଚିହ୍ମି  
ଏଚିବେଲା ଇ ଦାର୍ତତିତା କାଜା ତଣ୍ଡୁ  
ଅଡ଼େ ଇ ଲକୁତାକି ମାହାପୁରୁତି କପା  
ଆନେ,

୩୧ ଏଚରଜାଣା କାଣ୍ଡାତଲେ ଟୁଣ୍ଡି  
ଆନେରି, ଇଞ୍ଜା ଏଚର ଜାଣାଲ  
ଦସ୍ପି କିହା ଏଚକା କୁଡ଼ାତି ଲକୁତାଣା  
ଅନେରି, ଇଞ୍ଜା ଏଚକା ଜାଡ଼ିତି ଲକୁତି  
କାଲା ଏଆ ପାତେକା ଏଞ୍ଜାରି କତାୟା  
ଡ଼ଇ ଜିରୁସାଲମ ଗାଡ଼ା ଓସ୍ପିଆହ୍ମି  
ଡ଼ୟିନେ □”

ମାଣ୍ଡି ମାର୍‌ଏସି ଖେଣ୍ଡା ଖାନାୟି

(ମାତି ୨୪:୨୯-୩୧; ମାର୍କ ୧୩:୨୪-  
୨୭)

୩୧ \*ଏମ୍ପାଟିଏ ଖେଡ଼ା ଲେଞ୍ଜୁ ଅଡ଼େ  
ହୁକାୟା ବିତ୍ରାଟି ଏନି ଏନି ସିନାୟା  
ତଞ୍ଜାଆନେ, ସାମଦୁରି ଗାଜନାଣି  
ଇଞ୍ଜା ଏୟୁ ନିଜନାଣି ମେସାନା  
ଦାର୍ତତିତା ବାରେ ଦେସାତି ଲକୁ  
ଆଡ଼ାଜାକା ଆନେରି,

୩୨ ଇଞ୍ଜା ଦାର୍ତତିତା ଏନା ଏନାୟି  
ଗଟ୍ଝି ଆହିମାନେ ଇଞ୍ଜି କାଟାନା ଲକୁ  
ଆଜିତାକି ଜୀହୁ ପିସ୍ତିଲେହେ ଆନେରି,  
ଏନିଇଚିହ୍ମି ହାଗୁ ପାକାତି ବାଡ଼ୟୁ  
ବାରେ ଖୀଡ଼ିନେ □

୩୨ \*ଏଚିବେଲା ମାଣ୍ଡି ମାର୍‌ଏସି  
କାଜା ବାଡ଼ୟୁ ଅଡ଼େ ଗାଞ୍ଜୁରମି  
ତଲେ ହାଗୁ ଲାକତି ଦୁହାଟି ଖାନାଣି  
ମେହଦେରି □

୩୨ ସାମା ଇ ବାରେ ଗଟ୍ଝି ଆୟାଲି  
ମାଡ଼ିହାରେ ମାରୁ ଲାକ ସିନିକିଦୁ  
ଏନିଇଚିହ୍ମି ମିଙ୍ଗେ ଗେଲ୍‌ପିନି କାତା  
ଏଜିମାଞ୍ଜାନେ □”

ତୟା ମାରୁନୁଟି ଜାପିନାୟି

(ମାତି ୨୪:୩୨-୩୫; ମାର୍କ ୧୩:୨୮-  
୩୧)

୩୩ ଅଡ଼େ ଜୀସୁ ଏଞ୍ଜାରାଇଁ ର  
ପୁଣ୍ଡିକିନି କାତା ଖେସେସି, “ତୟା  
ମାରୁନୁ ଅଡ଼େ ବାରେ ମାରୁକାଣି  
ସିନିକିଦୁ;

୩୪ ଏଚିବେଲା ଏଞ୍ଜି ଗଖେଡ଼ି ଗାଲୁନୁ,  
ଏ ଗଖେଡ଼ି ଗାଲୁନାଣି ମେସାନା କାଚା  
ଖେଡ଼ା ଖାଡ଼େ ଇଞ୍ଜି ମାରୁ ପୁଞ୍ଜେରି;

୩୫ ଏଲେକିହ୍ମିଏ ମାରୁ ଇ  
ବାରେ ମେସାନା ମାହାପୁରୁତି ରାଜି  
ଏଜିମାଞ୍ଜାନେ ଇଞ୍ଜି ପୁଞ୍ଜେରି □”

୩୬ “ନାନୁ ମିଙ୍ଗ ସାତା ଖେସିମାଞ୍ଜାଇଁ,  
ଇ ବାରେ ଆଆପାତେକା ଇ କାଲାତି  
ଲକୁ ଏନିକିକେଏ ମେଣ୍ଡାଅରି □

୩୭ ହାଗୁପାକା ଦାର୍ତତି ବାରେ  
ମେଣ୍ଡାଜିନେ, ସାମା ନା ବଲୁ ଏଚେଲାଖା  
ମେଣ୍ଡାଜିନେ □”

କାଡ଼ିହ୍ମି ମାନାୟି

(ମାତି ୨୪:୩୬-୪୪; ମାର୍କ ୧୩:୩୨-  
୩୬)

୩୮ “ଏଦାଆଁତାକି ମାରୁ ଜାଗ୍ରାତା  
ଆହାନା ମାଞ୍ଜୁ, ଆଆଡ଼ିହ୍ମି ତିନାଣି  
ଉନାଣି ଅଡ଼େ ବାଡ଼କିନି ଅଣ୍ଡୁ ମା  
ହିୟାତା ନେଞ୍ଜିନେ ଅଡ଼େ ଏ ଦିନା  
ଦେବୁଣିଏ ପାନ୍ଦାଲେହେ ମା ମୁହେ  
ଖାନେ;

୩୯ ଏନିଇଚିହ୍ମି ଏଦି ପାନ୍ଦା ଲେହେ  
ଦାର୍ତତିତା ବାରେ ଜାଡ଼ିତି ଲକୁ ମୁହେ  
ଖାନେ □

୪୦ ସାମା ମାରୁ ଏନିକି ଇ ବାରେ  
ଖାହିମାନି ତଣ୍ଡୁଟି ଗେଲ୍‌ପି ଆହାଲି

ଅଡ଼େ ମାଣ୍ଡି ମୀରୁଏଣି ନକିତା ନିଗାଲି  
ଆଡ଼ିଦେରି, ଏଦାଆଁତାକି ବାରେବେଲା  
କାଡ଼ାନା ପ୍ରାଡ଼ାନା କିହେମାଞ୍ଜୁ □”

୩୭ ✧ଜୀସୁ ଏଚିବେଲା ପ୍ରାଡ଼ାନା  
ଇଲୁତା ଜାପୁହି ମାଚେସି, ଇଞ୍ଜା  
ଲାଆଁୟା ଗାଡ଼ାଟି ହଡ଼ା ହାଜାନା ଜୀତ  
ଇନି ହରୁତା ମାଣ୍ଡିତେସି □

୩୮ ଅଡ଼େ ବାରେ ଲକୁ ପ୍ରାଡ଼ାନା  
ଇଲୁତା ଜୀସୁ କାତା ଖେଞ୍ଜାଲି ଲାଢ଼  
ଲାଇସିଏ ରୁଣ୍ଡା ଆହିମାଚେରି □

## ୨୨

ଜୀସୁଇଁ ପାୟାଲି ପାରୁ ପାରିନାୟି  
(ମାତି ୨୪:୧-୫; ମାର୍କ ୧୪:୧,୨;  
ଜହ ୧୧:୪୫-୫୩)

୧ ପିସ୍‌ପିଆନ୍ତି ପାରୁଁ ଦରୁଗାଟି  
ପୁଲାଏୟୁ ଆଣ୍ଡାଆତି ରୁଟି ତିନି ପାରୁଁ  
ତାଗେ ଆହିମାଚେ □

୨ ଇଞ୍ଜା କାଜା ପୂଜେରା ଅଡ଼େ  
ମେରାପୁନାରି, ଜୀସୁଇଁ ଏନିକ  
ପାୟାଲି ଆଡ଼ିନେରି, ଏଦାଆଁତାକି ପାରୁ  
ପାରିମାଚେରି, ସାମା ଏଞ୍ଜାରି ଲକୁଣି  
ଆଜିମାଚେରି □

ଜୀହୁଦା ଜୀସୁଇଁ ଆସ୍‌ପି କିହାଲି  
ରାଜି ଆନାୟି  
(ମାତି ୨୨:୧୨-୨୬; ମାର୍କ  
୧୪:୧୦,୧୧)

୩ ଏଚିବେଲା ବାରଜାଣା ସୀସୁୟା  
ବିତ୍ରାମାନି ଇସ୍‌ସାରିୟତ ଦରୁଗାଟି  
ଜୀହୁଦା ହିୟାତା ସୟତାନ ହଟେ;

୪ ଅଡ଼େ ଜୀହୁଦା ହାଜାନା ଏନିକ  
କାଜା ପୂଜେରାଜି ଅଡ଼େ ମାହାପୁରୁ  
ଇଲୁ କାପୁଗାଟି କାଜାରି କେୟୁତା  
ଆସ୍‌ପି କିନେସି, ଏଦାଆଁତାକି  
ଏଞ୍ଜାରିତଲେ କାତାବାର୍ତ୍ତା ଆଡେସି □

୫ ଏମ୍‌ପାଟିଏ ଏଞ୍ଜାରି ରାହାଁ ଆହାନା  
ଏଞ୍ଜାଣାକି ଟାକାୟା ହୀହାଲି ଆଞ୍ଜିତେରି  
□

୬ ଅଡ଼େ ଜୀହୁଦା ରାଜି ଆହାନା  
ଲକୁ ହିଲାଆବେଲାତା ଜୀସୁଇଁ ଏଞ୍ଜାରି  
କେୟୁତା ହେରପାଲି ପାରୁ ପାରିତେସି □

ପିସ୍‌ପିଆନ୍ତି ପାରୁଁତି ବଜି ତିୟାରା  
କିନାୟି

(ମାତି ୨୨:୧୭-୨୫; ମାର୍କ ୧୪:୧୨-  
୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲାଏୟୁ  
ଆଣ୍ଡାଆତି ରୁଟି ତିନି ପିସ୍‌ପିଆନ୍ତି  
ପାରୁଁତାକି ମେଣ୍ଡା ତାଲକାଣି ପୂଜା କିନି  
ଦିନା ଏଡେ;

୮ ଏଚେଟିଏ ଜୀସୁ ପିତର ଅଡ଼େ  
ଜହନଇଁ ଇ କାତା ଖେସା ପାଣ୍ଡିତେସି,  
“ମୀରୁ ହାଜାନା ମାଙ୍ଗେତାକି ପିସ୍‌ପିଆନ୍ତି  
ପାରୁଁତାକି ରାହା ଖାଜାଦୁ ମାରୁ ତିନଖା  
□”

୯ ଏମ୍‌ପାଟିଏ ଏଞ୍ଜାରି ଜୀସୁଇଁ  
ଖେଚେରି, “ମାୟୁ ଆମ୍‌ପିୟା ହାଜାନା  
ରାହା ଖାଜିହାଲାପାରି ଇଞ୍ଜାଁ ନୀନୁ  
ଅଣ୍ଡିପାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି,  
“ମୀରୁ ଗାଡ଼ା ହଟିସାରେ ତ:କାତା ଏୟୁ  
ଅହିମାନାଣାଇଁ ମେହଦେରି; ଏଞ୍ଜାଣି  
କ୍ରେଟ କ୍ରେଟ ହାଜାନା ଏଞ୍ଜାସି ଆମିନି  
ଇଜ ହଡ଼ନେସି ଏ ଇଲୁ ଗାଟାଣାଇଁ  
ଖେହଦୁ,

୧୧ ଗୁରୁ ନିଜା ଇଲେଇଞ୍ଜାଁ ଖେସା  
ପାଣ୍ଡାମାଞ୍ଜାନେସି, ନାନୁ ନା ସୀସୁୟା  
ତଲେ ପିସ୍‌ପିଆନ୍ତି ପାରୁଁତି ବଜି ଏମିନି  
ଇଲୁତା ତିଇଁ ଏ ବାକ୍ତା ଆମିନାୟି ତସ୍‌ସାମୁ  
?

୧୨ ଏମ୍‌ପାଟିଏ ଏଞ୍ଜାସି ନେହଁ ତିୟାରା  
ଆହାମାନି ଲାକନି ପାରୁତି ର କାଜା  
ବାକ୍ତା ତସ୍‌ସାନେସି; ଏମ୍‌ପାଆଁ ମାଙ୍ଗେତାକି  
ରାହା ଖାଜାଦୁ □”

୧୩ ଏଞ୍ଜାରି ହାଜାନା ଜୀସୁ ଏଞ୍ଜାରାଇଁ  
ଏନିକ ଖେସାମାଚେସି, ଏଲେକ  
ମେସାନା ପିସ୍‌ପିଆନ୍ତି ପାରୁଁତି ରାହା  
ଖାଜିତେରି □

ପ୍ରବୁତି ବଜି

(ମାତି ୨୨:୨୬-୩୦; ମାର୍କ ୧୪:୨୬-  
୨୭; ୧କର ୧୧:୨୩-୨୫)

୧୪ ପିସ୍‌ପିଆନ୍ତି ପାରୁଁତି ବେଲା  
ଆୟାଲିଏ, ଜୀସୁ ଅଡ଼େ ତାନି ପାଣ୍ଡି



ଆଡ଼ି ସୀସୁୟା ତଲେ ତିଞ୍ଜାଲି କୁଗିତେରି  
□

୧୫ ଅଡ଼େ ଏଞ୍ଜାସି ଏଞ୍ଜାରାଇଁ  
ଏଲେଇରେସି, “ନାନୁ ଦୁକୁ କସ୍ତ ପୁଞ୍ଜିଆ  
ନଡ଼େଏ ମୀ ତଲେ ଇ ପିସ୍ପିଆନ୍ତି  
ପାର୍ବୁତି ବଜ୍ଜି ତିଞ୍ଜାଲି ହାରେକା  
ଅଣ୍ପାମାରେଏ □

୧୬ ଏନ୍ତିଇତିହିଁ ନାନୁ ମିଙ୍ଗେ  
ଝେସିମାଞ୍ଜାଇଁ, ମାହାପୁରୁ ରାଜିତା ଇ  
କାତା ବାରେ ପୁରା ଆଆପାତେକା ନାନୁ  
ଅଡ଼େ ଏରେଲାଞ୍ଜା ଏଦାଆଁ ତିନଅଁ □”

୧୭ ଇଞ୍ଜା ଏଞ୍ଜାସି ର ସଲ୍ଲା  
ଆସାନା ମାହାପୁରୁଇଁ ଜହରା କିହାନା  
ଏଲେଇରେସି, “ମୀରୁ ଇଦାଆଁ ଅହାନା  
ମୀ ବିତ୍ରା ବାଟିକିଦୁ □

୧୮ ଇତିହିଁ ନାନୁ ମିଙ୍ଗେ  
ଝେସିମାଞ୍ଜାଇଁ, ମାହାପୁରୁ ରାଜି ଝାଆ  
ପାତେକା ନାନୁ ନାଞ୍ଜୁଟିଏ ଅଜୁରି ରାସା  
ଏରେଲାଞ୍ଜା ଗହଅଁ □”

୧୯ ଅଡ଼େ ଏଞ୍ଜାସି ରୁଟି ଅହାନା  
ମାହାପୁରୁଇଁ ଜହରା କିହାଁ ଡିକହାନା  
ହାହାଁ ଏଲେଇରେସି, “ମିଙ୍ଗେତାକି  
ହାପକି ଆହାମାନି ନା ଆଙ୍ଗା ଇଦି;  
ନାଙ୍ଗେ ଅଣ୍ପାଲି ଇଦାଆଁ କିଦୁ □”

୨୦ ଏଲେକିହିଁ ଏ ତିତି ତାୟୁ ଏଞ୍ଜାସି  
ଗହନି ସଲ୍ଲା ଆସାନା ଏଲେଇରେସି,  
“ଇ ସଲ୍ଲାତା ମିଙ୍ଗେତାକି ଝାକ୍‌ହିମାନି ନା  
ନେତେରିତି ପୁଞ୍ଜି ରାଜିମାନା □”

୨୧ “ସାମା ମେହ୍‌ଦୁ ଆମ୍ବାଆସି ନାଙ୍ଗେ  
ସାତୁ କେୟୁତା ହେରପିମାଞ୍ଜାନେସି,  
ଏଞ୍ଜାସି ନା ତଲେ ବଜ୍ଜିତା କୁଗାମାନେସି  
□

୨୨ ଏନ୍ତିଇତିହିଁ ମାହାପୁରୁ ତୀରି  
କିହାମାଟି ଲେହେଁ ମାଣ୍ଡସି ମୀରଏସି  
ହାନେସି, ସାମା ଏଞ୍ଜାଣାଇଁ ସାତୁ ତାଣା  
ହେରପିନାସି ଆୟତା ଏଞ୍ଜାସି ଉଣେଏ  
ଡ଼ଣ୍ଡ ବେଟା ଆନେସି □”

୨୩ ଏମ୍ବାଟିଏ ଏଞ୍ଜାରି ମା ବିତ୍ରାଟି  
ଆମ୍ବାଆସି ଇଲେତି କାମା କିନେସି  
ଇଞ୍ଜା ତାମ୍ବୁତାମ୍ବୁ ଜଲ୍ଲକ ଆଡ଼େରି □

ଆମ୍ବାଆସି କାଜାସି ଇଞ୍ଜା  
ବାଦିବାଦା

୨୪ ଇଞ୍ଜା ଏଞ୍ଜାରି ବିତ୍ରାଟି ଆମ୍ବାଆସି  
କାଜାସି ଆନେସି ଇଞ୍ଜା ସୀସୁୟା ବିତ୍ରା  
ଆସପି ଆଡ଼େରି □

୨୫ ଏମ୍ବାଟିଏ ଜୀସୁ ଏଞ୍ଜାରାଇଁ  
ଏଲେଇରେସି, “ଏଟକା କୃତାତି  
ରାଜାୟାଁ ଏଞ୍ଜାରି ମୁହେଁ ସାଲ୍‌ଝି କିନେରି,  
ଅଡ଼େ ଆମିନି ଗାଟାରି ଏଞ୍ଜାରାଇଁ ସାଲ୍‌ଝି  
କିନେରି, ଏଞ୍ଜାରି ଲକୃତାଣା ନେହାଁରି  
ଇଞ୍ଜା ଝେଙ୍ଗାଲି ଅଣ୍ପିନେରି □

୨୬ ସାମା ମୀ ବିତ୍ରା ଏଲେଆଆଦୁ  
ଇତିହିଁ ମୀ ବିତ୍ରା ଆମ୍ବାଆସି କାଜାସି  
ଏଞ୍ଜାସି ଉଣା ଆଡ଼େସି, ଇଞ୍ଜା ଆମ୍ବାଆସି  
ସାଲ୍‌ଝି କିନାସି ଏଞ୍ଜାସି ସେବା କିନାସି  
ଆଡ଼େସି □

୨୭ ଆମ୍ବାଆସି କାଜାସି ? ତିଞ୍ଜାଲି  
କୁଗିନାସି କାଜାସି କି ସେବା କିନାସି  
କାଜାସି ? ତିଞ୍ଜାଲି କୁଗିନାସି କାଜାସି  
ଆଏକି ? ସାମା ନାନୁ ମୀ ବିତ୍ରା ସେବା  
କିନାତେଏଲେହେଁ ଆହାମାଇଁ □”

୨୮ “ସାମା ମୀରୁ ନା ବାରେ କସ୍ତତା  
ନା ତଲେ ମାଞ୍ଜାମାଞ୍ଜେରି;

୨୯ ଇଞ୍ଜା ନା ଆବା ଏନ୍ତିକି ନାଙ୍ଗେ  
ସାଲ୍‌ଝି କିହାଲି ପାଣା ହାହାମାଞ୍ଜାନେସି,  
ନାନୁ ଜିକେଏ ଏଲେକିହିଁ ଏ ମିଙ୍ଗେ  
ହିୟାଇଁ,

୩୦ ଏନ୍ତିକି ମୀରୁ ନା ରାଜିତା  
ନା ତଲେ କୁଗାନା ତିଞ୍ଜେରି, ଇଞ୍ଜା  
ସିଂଗାସାଣିତା କୁଗାନା ଇସ୍ତାୟେଲତି  
ବାଡ଼ କୃତାତି ସାଲ୍‌ଝି କିଦେରି □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜା  
ଝେହ୍‌ନି କାତା

(ମାତି ୨୭:୩୧-୩୫; ମାର୍କ ୧୪:୨୭-  
୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହ୍‌ମୁ  
ସୟତାନ ଗହଁ ହାଣିକିନିଲେହେଁ  
ସୟତାନ ମାହାପୁରୁ ତାଣାଟି ହେଲ  
ବେଟାଆହାମାନେ;

☆ ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭ ☆ ୨୨:୨୭ ୨୨:୨୭ ମାତି ୨୩:୧୧; ମାର୍କ  
୯:୩୫ ☆ ୨୨:୨୭ ୨୨:୨୭ ମାତି ୨୦:୨୫-୨୭; ମାର୍କ ୧୦:୪୨-୪୪ ☆ ୨୨:୨୭ ୨୨:୨୭ ଜହ ୧୩:୧୨-୧୫  
☆ ୨୨:୩୦ ୨୨:୩୦ ମାତି ୧୯:୨୮

୩୨ ସାମା ନୀ ନାମ୍ନୁ ଏନିକ୍ମେ  
ମେଣ୍ଡେଏ, ଇଦାଆଁତାକି ନାନ୍ନୁ ନୀ  
ତାକି ପ୍ରାତାନା କିତେଏ; ଇଞ୍ଜା ନୀନ୍ନୁ  
ନେହ୍ ଆହାନା ୱେଣ୍ଡାସାରେ ନୀ  
ତାୟିୟାଣି ତୀରପୁକିମ୍ମୁ □”

୩୩ ସାମା ପିତର ଏଲେଇରେସି, “ଏ  
ପ୍ରବୁ ନାନ୍ନୁ ନୀ ତଲେ କାୟିଦିତା ହାଜାଲି  
ଅଡ଼େ ହାହାଲି ଜିକେଏ ଆଣ୍ଡାଲ୍ଲ୍ □”

୩୪ ସାମା ଜୀସୁ ଏଲେଇରେସି, “ଏ  
ପିତର ନାନ୍ନୁ ଏଲେଇଞ୍ଜିମାଞ୍ଜାଲ୍, ନୀଞ୍ଜୁ  
କୟ୍ କେଣିଆ ନକେଏ ନୀନ୍ନୁ ନାକ୍ସେ  
ତାନିପାଲି ପୁଞ୍ଜାହିଲଅଁ ଇଞ୍ଜ୍ ୱେହ୍ଦି  
□”

ଟାକାୟା ମଣା ଅଡ଼େ କାଣ୍ଡା

୩୫ \*ଜୀସୁ ଏଞ୍ଜାରାଲ୍ ଏଲେଇରେସି,  
“ଏଚିବେଲା ନାନ୍ନୁ ମିଙ୍ଗେ ତାବୁୟା ମଣା  
ଇଞ୍ଜା ସେପୁୟା ଅଆନା ହାନ୍ତୁ ଇଞ୍ଜ୍  
ପାଣ୍ଡା ମାଞ୍ଜାତେଏ ଏ ବେଲା ମିଙ୍ଗେ  
ଏନାୟି ଉଣା ଆୟାତେକି ?” ଏଞ୍ଜାରି  
ଏଲେଇରେରି, “ଏନାୟି ଆଏ □”

୩୬ ଏମ୍ବାଟିଏ ଜୀସୁ ଏଲେଇରେସି,  
“ସାମା ନୀଏଁ ଆମ୍ବାଆରାକି ତାବୁୟା ମାନ୍ନୁ  
ଏଞ୍ଜାସି ଏଞ୍ଜାଆଁ ଅପେସି, ଏଲେକିହ୍ ଏ  
ମଣା ଜିକେଏ ଅପେସି, ଅଡ଼େ  
ଆମ୍ବାଆରାକି କାଣ୍ଡା ହିଲେଏ ଏଞ୍ଜାସି  
ତାନି ହିମ୍ବରି ପାରଗାନା କତାପେସି □

୩୭ ଇଚିହ୍ ନାନ୍ନୁ ମିଙ୍ଗ  
ଝେସିମାଞ୍ଜାଲ୍, ମାହାପୁରୁ ପତିତା  
ରାସ୍କି ଆହାମାନାୟି ସାତେଏ  
ନାଙ୍ଗେତାକି ଆନାୟି ମାନେ, ଏଞ୍ଜାସି  
ପାପୁ ଗାଗାରି ତଲେ ଲେକା ଆନେସି,  
ଏଲେଆହ୍ ଏ ଏ ବାରେ ନାଙ୍ଗେ  
ଏଜାତାଟିମାନେ □”

୩୮ ଏମ୍ବାଟିଏ ଏଞ୍ଜାରି ଏଲେଇରେରି,  
“ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନ୍ନୁ □”  
ଇଞ୍ଜା ଏଞ୍ଜାସି ଏଲେଇରେସି, “ହାଅ,  
ଏଞ୍ଜିଏ ସାରି ଆନ୍ନୁ ଇରେସି □”

ଜୀସୁ ଜୀତ ହରୁତା ପ୍ରାତାନା କିନାୟି  
(ମାତି ୨୨:୩୭-୪୬; ମାର୍କ ୧୪:୩୨-  
୪୨)

୩୯ ଏଞ୍ଜାସି ଗାଡାଟି ହଡ଼ା ହାଜାନା  
ତାନ୍ନୁ ହାଲ୍ଡିତିଲେହେଁ ଜୀତ ହରୁତା  
ହାରେସି, ଅଡ଼େ ସୀସୁୟା ଜିକେଏ  
ଏଞ୍ଜାଣି କ୍ରେତ ହାରେରି □

୪୦ ଏମ୍ବାଆଁ ଏଜାନା ଏଞ୍ଜାସି  
ତାନି ସୀସୁୟାଲ୍ ୱେସେସି, “ମୀରୁ  
ଏନିକ୍ମେ ପାନ୍ଦାତା ହେରୁଞ୍ଜି ଆଅଡ଼େରି,  
ଇଦାଆଁତାକି ପ୍ରାତାନା କିଦୁ □”

୪୧ ଅଡ଼େ ଏଞ୍ଜାସି ଏଞ୍ଜାରି ତାଣାଟି  
ହିରେ ହେକ ହାଜାନା ମେଣ୍ଡାକୁତାନା  
ପ୍ରାତାନା କିହ୍ ୱେସେସି,

୪୨ “ଏ ଆବା ନୀନ୍ନୁ ମନ କିତିହ୍ ଇ  
ଦୁକୁ କସ୍ ନା ତାଣାଟି ଗୁଟି କିମ୍ମୁ; ସାମା  
ନୀ ମନ କଡ଼େ ଆଏ ନୀ କାତେଏ ଆପେ  
□”

୪୩ ଅଡ଼େ ଲାକପୁରୁତି ର ଦୁତୁ  
ତଞ୍ଜାଆହାନା ଏଞ୍ଜାଣାକି ବାଡ଼ୟ୍ ହୀତେ  
□

୪୪ ଏଚେଟିଏ ଏଞ୍ଜାସି ହାରେକା  
ଦୁକୁତଲେ ଅଡ଼େ ଗାଡିକିହ୍ ପ୍ରାତାନା  
କିତେସି, ଇଞ୍ଜା ଏଞ୍ଜାଣି ଗାମ୍ବା  
ନେତେରିଲେହେଁ ବୁମିତା ତରଗିମାତେ  
□

୪୫ ଅଡ଼େ ଏଞ୍ଜାସି ପ୍ରାତାନାଟି ନିଙ୍ଗା  
ଞ୍ଜାହାନା ତାନି ସୀସୁୟାଣି ଦୁକୁତଲେ  
ଇଦା କିତାଣି ମେସେସି;

୪୬ ଇଞ୍ଜା ଏଞ୍ଜାସି ଏଞ୍ଜାରାଲ୍  
ଏଲେଇରେସି, “ଏନାଆଁତାକି  
ତୁରାମାଞ୍ଜେରି ? ପାନ୍ଦାତା ଏନିକ୍ମେ  
ହେରୁଞ୍ଜିଅଡ଼େରି ଏଦାଆଁତାକି ନିଙ୍ଗାନା  
ପ୍ରାତାନା କିଦୁ □”

ଜୀସୁଲ୍ ଦହ୍ନି କାତା

(ମାତି ୨୨:୪୭-୫୬; ମାର୍କ ୧୪:୪୩-  
୫୦; ଜହ ୧୮:୩-୧୧)

୪୭ ଏଞ୍ଜାସି ଜଲିମାଚାଟି ର ମାନ୍ଦା  
ଲକୁ ଏମ୍ବାଆଁ ଏଗା ଞ୍ଜାତେରି, ଅଡ଼େ  
ବାରଜାଣା ସୀସୁୟା ବିତ୍ରାଟି ଜୀହୁଦା  
ଦରୁଗାଗାସି ଏଞ୍ଜାରି ନକିତା ଞ୍ଜାହାନା  
ଜୀସୁଲ୍ ନଶ୍ଟାଲି ତାନି ତାଣା ହାରେସି □

୪୮ ସାମା ଜୀସୁ ଏଞ୍ଜାଣାଲ୍  
ଏଲେଇରେସି, “ଏ ଜୀହୁଦା ନଶ୍ଟାନା

\* ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪

ମାଣସି ମୀରୁଏଣାଇଁ ସାତୁୟାଁ କେୟୁତା ହେଉପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଚାରି ଇଦି ଏନାୟି ଇଞ୍ଜି ପୁଞ୍ଜାନା ଜୀସୁଇଁ ଏଲେଇଚେସି, “ଏ ପ୍ରବୁ ମାମ୍ବୁ ଇଞ୍ଜାରାଇଁ କାଣ୍ଡାତଲେ ପାୟିନମି କି ?”

୫୦ ଅଡେ ଏଞ୍ଜାରି ରଅସି କାଜା ପୂଜେରା ହଲେଏଣାଇଁ ଇରହାନା ତାନି ଚଃନି କିୟ୍ ତୁାଚାତୁସ୍ତେସି □

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡେ” ଇଞ୍ଜାନା ଏଞ୍ଜାଣି କିୟ୍ ତୁୀଗାନା ନେହ୍ କିଡେସି □

୫୨ ଅଡେ ଜୀସୁ ତାଙ୍ଗେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁଡି କାପୁଗାଟାରି ଅଡେ ଲକ୍ଷୁଡି କାଜାରାଇଁ ଏଲେଇଚେସି, “ମୀରୁ ସରୁଇଁ ଆହ୍ନିଲେହେଁ ଇଟା କାଣ୍ଡା ଅଡେ ଚେଙ୍ଗାୟାଁ ଆସାନା ଖାହାମାଞ୍ଜେରି ?

୫୩ \*ନାନୁ କାଲେଏ ମୀ ତଲେ ମାହାପୁରୁ ଇଲୁଡା ମାଚେସି, ଏରିବେଲା ମୀରୁ ନାଙ୍ଗେ ଆସ୍ତାଆଚେରି; ସାମା ଇ ଦିନା ମୀଦିଏ ଅଡେ ଆନ୍ଦେରିଡି ବାଡୁୟୁ ରାଜିକିନି ଦିନା □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜି ଇନାୟି

(ମାତି ୨୬:୫୭, ୫୮, ୬୯-୭୫; ମାର୍କ ୧୪:୫୩, ୫୪, ୬୬-୭୨; ଜହ ୧୮:୧୨-୧୮, ୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାଚେରି; ସାମା ପିତର ହେକ ମାଞ୍ଜାନା ଜେତ ଜେତ ହାଚେସି □

୫୫ ଅଡେ ଏଞ୍ଜାରି ଆଂଗେଣିତା ହିତୁ ତାସାନା ହିତୁ ସାରିସୁରୁ କୁରିଚେରି, ଇଞ୍ଜା ପିତର ଜିକେଏ ଏଞ୍ଜାରିତଲେ କୁରିଚେସି □

୫୬ ଏମ୍ବାଟିଏ ର ହଲେଣି ପିତର ହିତୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇଚେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଚାସି □”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଞ୍ଜାଣାଇଁ ପୁଣ୍ଠମ୍ବୁ ପୁଞ୍ଜାହିଲଅଁ □”

୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିତ୍ତାରି ରଅତି □” ସାମା ପିତର ଏଲେଇଚେସି, “ଆଏ ତାୟି ନାନୁ କଡେ ଆଏ □”

୫୯ ଅଡେ ର ଗଂଟା ହାଜାଲିଏ ଅର ରଅସି ଏଲେଇଚେସି, “ସାଚେଏ ଇଞ୍ଜାସି ଏଞ୍ଜାରିତଲେ ମାଚାସି, ଏନିଈଡିହ୍ ଇଞ୍ଜାସି ଗାଲିଲି ଦେସାତାସି □”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏଦାଆଁ ପୁଞ୍ଜାହିଲଅଁ □”

ଏ ଦେବୁଣିଏ କୟୁ କେଶତେ;

୬୧ ଏମ୍ବାଟିଏ ପ୍ରବୁ ମ୍ବୁପେରହାନା ପିତରଇଁ ସିନିକିଡେସି; ଏମ୍ବାଟିଏ ନୀଞ୍ଜୁ କୟୁ କେଶଆ ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସ୍ତି ଇ କାତା ତାନି ମନତା ଖାଚେ,

୬୨ ଇଞ୍ଜା ଏଞ୍ଜାସି ପାଙ୍ଗାତା ହାଜାନା ଗାଡି ଦୁକୁ ଆହାନା ଡୀଚେସି □

ଜୀସୁଇଁ ନିନ୍ଦାକିହ୍ କାକ୍ନାୟି ଅଡେ ଖେନାୟି

(ମାତି ୨୬:୬୭, ୬୮; ମାର୍କ ୧୪:୬୫)

୬୩ ଅଡେ ଆମିନିଗାଟାରି ଜୀସୁଇଁ ଆସା ଇଟାମାଚେରି, ଏଞ୍ଜାରି ଏଞ୍ଜାଣାଇଁ ଖେଚି ଖେଚିହ୍ କାକ୍ହେରି,

୬୪ ଅଡେ ଏଞ୍ଜାଣି ମ୍ବୁପୁତା ହିମ୍ବୁରି ପ୍ବୁକ୍ହାନା ଖେଚେରି, “ନାନୁଆଁ ମାହାପୁରୁ ଅଣ୍ପୁଡି ବଲୁ ଖେହ୍ନାତି! ଖେସ୍ତାମ୍ବୁ ନିଙ୍ଗେ ଆମ୍ବାଆସି ଖେତାଚେସି ?”

୬୫ ଅଡେ ଏଞ୍ଜାରି ହାଚେକା କାତା ଏଞ୍ଜାଣି କପାଟି ଜଲାନା ଏଞ୍ଜାଣି ନିନ୍ଦାକିଚେରି □

ବେରଣିମାଣ୍ଡା ନକିତା ଜୀସୁ (ମାତି ୨୬:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

\* ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

୬୬ ଲାଜ ହେୟାଲିଏ ଲକୁଡି କାଜାରି, କାଜା ପୂଜେରାଈଆ ଅଡ଼େ ମେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜୀମୁଇଁ ଅହାନା ଖେଚେରି,

୬୭ “ନାନୁ କ୍ରୀସ୍ତତିକି ମାଢ଼େ ଖେସ୍ତାମ୍ବୁ □” ସାମା ଏଝାସି ଏଝାରାଇଁ ଏଲେଇଚେସି, “ନାନୁ ମିଢ଼େ ଖେସ୍ତାସାରେ ମୀରୁ ନାମଅତେରି;

୬୮ ଅଡ଼େ ନାନୁ ଖେଞ୍ଜାତିହିଁ ମୀରୁ ଖେସାଲି ଆଡ଼ଅତେରି □

୬୯ ସାମା ନୀର୍ବଟିଏ ମାଣସି ମୀର୍ଏସି ବାଡ଼୍‌ମୁଗାଟି ମାହାପୁରୁ ଚିଃନି ଟଟତା କୁଚିନେସି □”

୭୦ ଏମ୍ବୁଟିଏ ବାରେଜାଣା ଖେଚେରି, “ଆତିହିଁ ନାନୁ ମାହାପୁରୁ ମୀର୍ଏଶାତିକି ?”

ଏଝାସି ଏଝାରାଇଁ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଝାତେଏଁ □”

୭୧ ଏଚେଟିଏ ଏଝାରି ଏଲେଇଚେରି, “ମାଢ଼େ ଅଡ଼େ ଏନି ସାକି ଲଡ଼ା, ମୀର୍ତ୍ତ ଇ କାତା ତାନି ଗୁଡିଟିଏ ଖେଚାୟି □”

## ୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଞ୍ଜାନା ଜୀମୁଇଁ ପିଲାତ ନକିତା ଅଡ଼େରି □

୨ ଇଞ୍ଜା ଏଝାରି ଜୀସୁ କପାଟି ଦହ ଦସାନା ଏଲେଇଚେରି, “ମାମ୍ବୁ ପୁଚମି ଇଝାସି ମା କୁଡ଼ାତି ଲକୁଣି ପଲ୍‌ଆ ଜୀପୁହିମାନେସି, ଇଚିହିଁ ଇଝାସି କାୟିସରକି ସିସୁ ହୁଆଦୁ ଇଞ୍ଜା, ତାନୁ ନାନୁଏ କ୍ରୀସ୍ତ ଅଡ଼େ ରାଜାତେଏଁ ଇଞ୍ଜା ଖେସା କଡ଼ିମାନେସି □”

୩ ଏଚେଟିଏ ପିଲାତ ଜୀସୁଇଁ ଖେଚେସି, “ନାନୁ କି ଜୀହୁଦି ଲକୁଡି ରାଜାତି ?”

ଜୀସୁ ଖେସ୍ତେସି, “ନାନୁତ ଖେସିମାଞ୍ଜି □”

୪ ଏଚେଟିଏ ପିଲାତ କାଜା ପୂଜେରା ଅଡ଼େ ବାରେ ଲକୁଣି ଏଲେଇଚେସି, “ନାନୁ ଇଝାଣି ତାଣା ଏନି ଦହ ପୁଃଆତେଏଁ □”

୫ ସାମା ଏଝାରି ଗାଡ଼ିକିହିଁ ଜଲିତେରି, “ଇଝାସି ଗାଲିଲିଟିଏ ମୀର୍ହାନା ଇମ୍ବା ପାଡେକା ବାରେ ଜୀହୁଦା ଦେସାତି ଲକୁଣି ଜୀପୁହାନା ଲାଗେଏ କିହିମାନେସି □”

ହେରଦ ନକିତା ଜୀସୁ

୬ ସାମା ପିଲାତ ଇ କାତା ଖେଞ୍ଜାନା ଖେଚେସି, “ଇଝାସି ଗାଲିଲିତାସିକି ?”

୭ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଈଚିହିଁ ଏଚିବେଲା ହେରଦ ଜିରୁସାଲମତା ମାଚେସି □

୮ ହେରଦ ଜୀମୁଇଁ ମେସାନା ହାରେକା ରାହାଁ ଆଡେସି, ଏନିଈଚିହିଁ ଏଝାସି ଏଝାଣି କାତା ଖେଞ୍ଜା ମାଚାକି ଏଝାଣାଇଁ ହାରେକା ଦିନାଟିଏ ମେସାଲି ମନ କିହିମାଚେସି, ଇଞ୍ଜା ଏଝାଣି ତାଣାଟି ଏନି କାବାଆନି କାମାକିନାଣି ମେହଇଁ ଇଞ୍ଜା ଆସା କିହିମାଚେସି □

୯ ହେରଦ ଜୀମୁଇଁ ଏନି ଏନି କାତାୟାଁ ଖେଚେସି, ସାମା ଜୀସୁ ଏଝାଣାଇଁ ଏନି କାତାଞ୍ଜା ଖେଣ୍ଡେ ଖେହୁଆତେସି □

୧୦ ସାମା କାଜା ପୂଜେରାଈଆ ଅଡ଼େ ମେରାପୁନାରି ନିତାନା ଏଝାଣି କପାଟି ଆଜିହୁପେତି କାତାୟାଁ ଜଲିମାଚେରି □

୧୧ ଏଚେଟିଏ ହେରଦ ତାନି କସକା ତଲେ ଏଝାଣାଇଁ କାକହିଁ କାକହିହିଁ ନିନ୍ଦାକିତେରି ଏଚେଟିଏ ର ପାଟୁ ହିମ୍ବୁରି ଏଝାଣାଇଁ ହୁଚି କିହାନା ପିଲାତ ତାଣା ଖେଣ୍ଡେ ପାଣ୍ଡିତେରି □

୧୨ ଏ ଦିନାଟିଏ ପିଲାତ ଅଡ଼େ ହେରଦ ତଣେ ଆଡେରି; ଏଝାରି ନକେଏ ସାଡୁୟାଲେହେଁ ମେସପି ଆଞ୍ଜିତେରି □

ଜୀସୁକି ହାନି ତଣ୍ଡ

(ମାତି ୨୭:୧୫-୨୭; ମାର୍କ ୧୫:୨-୫; ଜହ ୧୮:୩୯; ୧୯:୧୬)

୧୩ ଏମ୍ବାଟିଏ ପିଲାତ କାଜା ପୂଜେରା ଜୀହୁଦି ଲକ୍ଷ୍ମି କାଜାରି ଅଡ଼େ ବାରେ ଲକ୍ଷ୍ମି ହାଟି କିହାନା ଏଝାରାଇଁ ଏଲେଇରେସି,

୧୪ “ଇଝାସି ଲକ୍ଷ୍ମି ପଲ୍ଲଆ ଜାପୁହିମାନେସି ଇଞ୍ଜି ମୀରୁ ନା ତାଣା ତାତେରି; ସାମା ନାନୁ ଏଝାଣାଇଁ ମୀ ନକିତା ତାୟିପାରି କିତେଏଁ ଇଞ୍ଜି ମୀରୁ ଝେସାମାଞ୍ଜାତି ଏନି ଦହ ଏଝାଣି ତାଣା ପୁଃଆତେଏଁ, ଇଞ୍ଜି ହେରଦ ଜିକେଏ ପୁଃଆତେସି,

୧୫ ଏନିଇଚିହଁ ହେରଦ ଅଡ଼େ ଝେଶ୍ଟେ ନା ତାଣା ପାଣ୍ଡାତେସି; ଇଞ୍ଜି ମେହଦୁ ଇଝାସି ହାନି ତଣ୍ଡ ପାଣ୍ଡି ଏନି ଦହଝା କିହାହିଲଅସି;

୧୬ ଏଦାଆଁତାକି ନାନୁ ଇଝାଣାଇଁ ସାଟ୍ଟି ତଲେ ଝେତାନା ପିହଇଁ”

୧୭ ପିସ୍ପିଆନି ପାର୍ଟୁ ବେଲା କାୟିଦି ମାନାରି ବିତ୍ତାଟି ରଅଣାଇଁ ଏଝାରାକି ପିସାଲି ମେରା ମାତେ

୧୮ ସାମା ଏଝାରି ରହେଏ ଗାଡିକିହଁ ଏଲେଇରେରି, “ଇଝାଣାଇଁ ପାୟାଦୁ ବାରବାଇଁ ମାଜେ ପିସାହିୟାମୁ”

୧୯ ଇ ବାରବାଇଁ ଗାଡାତି ଗଡ଼ହା ତାକି ଇଞ୍ଜି ରଅଣାଇଁ ପାୟାମାତାକି କାୟିଦି ଇଟାମାରେରି

୨୦ ସାମା ପିଲାତ ଜୀସୁଇଁ ପିସାଲି ଅଣ୍ପାନା ଲକ୍ଷ୍ମି ମାନ୍ଦାତି ଅଡ଼େ ପୁଣ୍ଡି କିହାଲି ଝେସ୍ପେସି

୨୧ ସାମା ଏଝାରି କାଜା ହାଡାତଲେ ଏଲେଇରେରି, “ଏଝାଣାଇଁ ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜି ଇରେରି”

୨୨ ଇଞ୍ଜି ଏଝାସି ଅଡ଼େ ତାନି ପାଲି ଝେସ୍ପେସି, “ଏନାଆଁତାକି, ଏଝାସି ଏନି ଦହ କିହାମାନେସି? ନାନୁ ଏଝାଣି ତାଣା ଏନି ହାନିହଟେଗତି ଦହ ପୁଃଆତେଏଁ; ଏଦାଆଁତାକି ନାନୁ ଏଝାଣାଇଁ ସାସି ହାହାନା ପିହଇଁ”

୨୩ ସାମା ଏଝାରି କାଜା ଗିୟାତଲେ ଏଝାଣାଇଁ ପାସି ମୁଣ୍ଡାତା ଏକହାଲି

ଝେସ୍ପେରି, ତାୟୁ ଏଝାରି ଝେସ୍ପାୟିଏ ଆଡେ

୨୪ ଇଞ୍ଜି ଏଝାରି ଝେସ୍ପିଲେହେଏଁ କିୟାଲି ପିଲାତ ହୁକୁମି ହୀତେସି;

୨୫ ସାମା ଆମିନିଗାଟାସି ଗଡ଼ହା ଅଡ଼େ ଲକ୍ଷ୍ମି ପାୟାଲିଏ କାୟିଦିତା ଇଟାମାତାଣାଇଁ ରୀସା ମାରେରି ପିସ୍ପେସି, ଅଡ଼େ ଜୀସୁଇଁ ଏଝାସି ଏଝାରି ଅଣ୍ପିତି ଲେହେଁ କିୟାଲି ଏଝାରିତାଣା ହେରପିତେସି

ଜୀସୁଇଁ ପାସି ଏକନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଝାରି ଜୀସୁଇଁ ଅହିମାଟାଟି ସିମନ ଦରୁଗାଟି କୁରିଣି ଦେସାତି ର ନାୟୁଟି ଝାହିମାରେସି, ଏଝାରି ଏଝାଣାଇଁ ପାସିମୁଣ୍ଡା ତେକି କିହାନା ଜୀସୁ ଜେତ ଜେତ ଅଡ଼େରି

୨୭ ମାନ୍ଦା ଲକ୍ଷ୍ମି ଜୀସୁ ଜେତ ହାଜିମାରେରି ଅଡ଼େ ତାନି ତାକି ବକତା ଝେଟା କଡିହଁ ଡାହି ଡାହି ଏଚରଜାଣା ଇୟାସିକା ଜିକେଏ ଏଝାଣି ଜେତ ହାଜିମାଟୁ

୨୮ ସାମା ଜୀସୁ ଏଝାସିକା ଝାକି ସିନିକିହାନା ଏଲେଇରେସି, “ଆଲ, ଜିରୁସାଲମତି ମାୟକାତେରି ନା ତାକି ଡାଆଦୁ ସାମା ମୀ ତାକି ଅଡ଼େ ମୀ କକାରି ପଦାଁ ତାକି ଡାଦୁ;

୨୯ ହେଶ୍ଟୁ ଇଲେଟି ଦିନା ଝାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏଚେଲା ପୁରାମାସା ଆହାହିଲାତ ଅଡ଼େ ପାଲୁ ଉଟହା ହିଲାତ ଲକ୍ଷ୍ମି ଏଝାସିକାଣି ମିଜେଏ ନେହେଁ ଇଞ୍ଜାନେରି

୩୦ ଏତିବେଲା ଲକ୍ଷ୍ମି ହରକାଣି ଏଲେଇନେରି ମା ଲାକ ତରଗାଦୁ ଅଡ଼େ ଉଣା ହରକାଣି ଏଲେଇନେରି ମାଜେ ପୁକ୍ହାନା ତୁକୁହାଦୁ

୩୧ ଏନିଇଚିହଁ ଲକ୍ଷ୍ମି ହିଇଲି ମାର୍ନୁତି ଏଲେକିତିହଁ, ଏଦି ଝାୟିସାରେ ଏଦାଆଁ କିହାଁ ଆଗାଡା କିଅରିକି?”

୩୨ ଦହଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଞ୍ଜିଆଡେରି □

୩୩ ଏମ୍ବାଟିଏ ଏଞ୍ଜାରି ତାୟ୍ ରୁପା ଇନି ଗାୟ୍ତା ଏଜାନା ଏମ୍ବାଆଁ ଜୀସୁଇଁ ପାସି ମୁଣ୍ଡାତା ଏକହାନା ଏ ରୀ ଦହଗାଟାରି ବିତ୍ରାଟି ରଅଣାଇଁ ଏଞ୍ଜାଣି ଚିଃନିଞ୍ଜାକି ଅଡେ ରଅଣାଇଁ ଏଞ୍ଜାଣି ଚେରୁଞ୍ଜାକି ପାସି ଏକହେରି □

୩୪ ଏଚିବେଲା ଜୀସୁ ଏଲେଇଚେସି, “ଏ ଆବା ଏଞ୍ଜାରି ଦହ ଆହୁଆନି, ଇଚିହୁଁ ଏଞ୍ଜାରି ଏନାଆଁ କିହିମାନେରି ଏଦାଆଁ ପୁଞ୍ଜାହିଲଅରି □”

ଅଡେ ଏଞ୍ଜାରି ଏଞ୍ଜାଣି ହିମ୍ବୁରି ବାଟିକହାଲି ପାଦି କିଚେରି □

୩୫ ଇଞ୍ଜାଁ ଲକୁ ବାରେ ନିଚାନା ସିନିକିହିମାଚେରି, ଏଞ୍ଜାରି ବିତ୍ରାଟି କାଜାରି ଜିକେଏ ନିନ୍ଦାକିହୁଁ ଏଲେଇଚେସି, “ଏଞ୍ଜାସି ଏଟକା ଲକୁଣି ଗେଲପିଚେସି; ଏଞ୍ଜାସି ମାହାପୁରୁ ଆଚିତି କ୍ରୀସୁ ଇଚିହୁଁ ତାନୁଏ ତାଙ୍ଗେ ଗେଲପିକିହା କଡାପେସି □”

୩୬ କସକା ଜିକେଏ ଏଞ୍ଜାଣି ତାଗେ ହାଜାନା ପୁଲାଏୟୁ ଗସାଲି ହୀହାଁ ଏଞ୍ଜାଣାଇଁ କାକହିହୁଁ ଏଲେଇଚେସି,

୩୭ “ନୀନୁ ଜୀହୁଦି ଲକୁତି ରାଜାତି ଇଚିହୁଁ ନୀନୁଏ ନିଙ୍ଗେ ପିସପି କିହାକଡାମୁ □”

୩୮ ଇଞ୍ଜାଁ ଏଞ୍ଜାଣି ପାସିମୁଣ୍ଡା ଲାକ ଇଲେଇଞ୍ଜୁଁ ରାସକି ଆହାମାଚେ, “ଇଞ୍ଜାସି ଜୀହୁଦି ଲକୁତି ରାଜା □”

୩୯ ଅଡେ ପାସି ମୁଣ୍ଡାତା ପାସି ଏକହାମାଟି ଦହଗାଟାରି ବିତ୍ରାଟି ଜିକେଏ ରଅସି ଏଞ୍ଜାଣାଇଁ ନିନ୍ଦାକିହୁଁ ଏଲେଇଚେସି, “ନୀନୁ କ୍ରୀସୁତି ଆଏକି ? ନିଙ୍ଗେ ଅଡେ ମାଙ୍ଗେ ପିସପି କିୟାମୁ □”

୪୦ ସାମା ଅଡେ ରଅସି ଏଞ୍ଜାଣାଇଁ ଦାକା ହୀହାନା ଏଲେଇଚେସି, “ନୀନୁ ଏଞ୍ଜାଣିଲେହେଁ ଡଣ୍ଡ ବେଟାଆହୁଁ ଜିକେଏ ନିଙ୍ଗେ ମାହାପୁରୁଇଁ ଆଜି ହିଲେଏ ?

୪୧ ଅଡେ ମାରସା ନୀହାଁୟି ତଲେ ଡଣ୍ଡ ବେଟାଆହି ମାନାୟି, ଇଚିହୁଁ ମା କିତି କାମାଟି ପାଡେୟି ବେଟାଆହି ମାନାୟି; ସାମା ଇଞ୍ଜାସି ଏନି ଦହ କିହାହିଲଅସି □”

୪୨ ଇଞ୍ଜାଁ ଏଞ୍ଜାସି ଜୀସୁଇଁ ଏଲେଇଚେସି, “ଏ ଜୀସୁ ନୀନୁ ନୀ ରାଜିତା ହାଚିସାରେ ନାଙ୍ଗେ ଅଣ୍ପାମୁ □”

୪୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ନିଙ୍ଗ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ ପାରଦେସାତା\* ନା ତଲେ ମାଞ୍ଜି □”

ଜୀସୁତି ହାକି

(ମାଟି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏଚିବେଲା ସମାନା ବାରଗଂଟା ଆହାମାଚେ, ଅଡେ ଝେଡା ଉଜେଡି ହୀଆତାକି ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାମାଚେ,

୪୫ ଇଞ୍ଜାଁ ମାହାପୁରୁ ଇଲୁତା ଲେତାମାନି ହିମ୍ବୁରି ରୀ ବାଟା ଆହୁଁ ଗେଞ୍ଜା ହାଚେ □

୪୬ ଅଡେ ଜୀସୁ କାଜା ଗିୟାତଲେ ହାଚିହୁଁ ଏଲେଇଚେସି, “ଏ ଆବା ନୀ କେୟୁତା ନା ଜୀସୁତି ହେରପିମାଞ୍ଜାଇଁ □” ଏଲେଇଞ୍ଜି ଜଲାନା ତାନି ଜୀସୁ ହାଚେ □

୪୭ ଏଦାଆଁ ମେସାନା ପାସାକଡୁଁ କସକା ମୁହେଁ କାଜାସି ମାହାପୁରୁଇଁ ଜହରା କିହୁଁ ଏଲେଇଚେସି, “ଇଞ୍ଜାସି ସାତେଏ ତାରିଗାଟାସି ମାଚେସି □”

୪୮ ଇଞ୍ଜାଁ ଏଞ୍ଜାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକୁ ଇ ବାରେ ମେସାନା ବକତା ଝେଟା କଡିହୁଁ ଝେଣ୍ଡା ହାଚେରି □

୪୯ ସାମା ଜୀସୁଇଁ ପୁଞ୍ଜାମାଟି ବାରେ ଲକୁ ଇଞ୍ଜାଁ ଗାଲିଲିଟି ରହେଁଏ ଆଣ୍ଡାନା ତାନି ଜେଟ ଜେଟ ଝାହାମାଟି ଇୟସିକା ହେକ ନିଚାନା ଏ ବାରେ ସିନିକିହିମାଚୁ □

\* ୨୩:୪୩ 23:43 ପାରଦେସା/ହାଟାରି ଡୟିନି ଗାୟ୍

ଜୀସୁଙ୍କ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜା ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକ୍ଷୁତି କାଜା କୁଲମିତି ରଅସି ମାଚେସି; ଏଝାସି ନେହାସି ଇଞ୍ଜା ତାରିଗାଟାସି ମାଚେସି □

୫୧ ଜୀହୁଦାତି ହାରାମାତିୟା ଇନି ନାମୁଁତି ଜସେପ ଇନାସି ର ମାଣସି ମାଚେସି □ ଏଝାସି ଦାମ୍ବୁଗାଟାସି ଇଞ୍ଜା ମାନିଗାଟାସି ମାଚେସି ଅଡ଼େ ମାହାପୁରୁତି ରାଜି ଖାନାଣି କାଟିମାଚେସି □ କାଜା ବେରଣିତି ମାଣସି ମାଚିହଁ ଜିକେଏ, ଏଝାସି ଏଝାରି କାତା ଅଡ଼େ କାମାତା ଆଣ୍ଡିହିଲାଆଚେସି □

୫୨ ଏଝାସି ପଲାତ ତାଣା ହାଜାନା ଜୀସୁ ମାଡ଼ହାତି ରୀସ୍ତେସି,

୫୩ ଇଞ୍ଜା ମାଡ଼ହାତି ରେପହାନା ନେହଁ ପାଡ଼ାଡ଼ା ହିମ୍ବୁରି ରୁପାନା ଏମ୍ବାଆଁ ହରୁତା କାରହାମାତି ଏଚେଲା ଆମ୍ବାଆରି ମୁସାହିଲାଆ ମାଡ଼ହା ମୁହନି ଚାୟୁତା ଏଝାଣାଙ୍କ ମୁସ୍ତେରି □

୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଖାହିମାଚେ □

୫୫ ଅଡ଼େ ଗାଲିଲିତି ଖାହାମାନି ଇୟାସିକା ଜେତ ଜେତ ହାଜାନା ମାହଣି ମାଣ୍ଡା ଅଡ଼େ ତାନି ମାଡ଼ହା ଏନିକଁ ମୁସାମାଚାଣି ମେସୁ

୫୬ ଇଞ୍ଜା ଏଝି ଖେଣ୍ଡା ହାଜାନା ଗାନ୍ଦା ନିମୁଁ ଇଞ୍ଜା ଗାନ୍ଦାଗାତି ଆସ୍ତି ତିୟାରା କିତୁ □ ଇଞ୍ଜା ଜମିନି ଦିନାତା ତାନି ମେରାଲେହେଁ ଜମିତୁ □

### ୨୪

ଜୀସୁ ହାହାନା ଖେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡ଼େ ଜମିନି ଦିନାତି ମେରା ତଲେ ଜମିତୁ, ସାମା ଖାରାତି ତଲିତି ଦିନାତା ଜୁଲୁପୁଲୁ ଖେୟାଲିଏ ଏଝି ତାମ୍ବୁ

କିହାମାତି ଗାନ୍ଦାନିମୁଁ ଆସାନା ମାହଣି ମାଣ୍ଡାତା ହାତୁ □

୨ ଇଞ୍ଜା ମାହଣି ମାଣ୍ଡାତା ପୁକିହାମାତି ଖାଲି ଗୁତା ଆହାମାନାଣି ମେସୁ □

୩ ସାମା ଏଝି ବିତ୍ତା ହାଜାନା ପ୍ରବୁ ଜୀସୁତି ମାଡ଼ହା ଏମ୍ବାଆଁ ମେହ୍‌ଆତୁ □

୪ ଏଝି ଏଦାଆଁତାକି ବିଲୁକି ଆହିମାତି ଦେବୁଣିଏ ମୁହନି ହିମ୍ବୁରି ହୁଚାମାତି ରିଆରି ଏଝାସିକା ନକିତା ନିତାମାନେରି □

୫ ଏମ୍ବାଟିଏ ଏଝି ଆତାଜାକା ଆହାନା ବୁମିତା ତାକାଁ ଲେସୁ ଇଞ୍ଜା ଏଝାରି ଏଝାସିକାଣି ଏଲେଇଚେରି, “ମୀରୁ ଏନାଆଁତାକି ହାଡ଼ାରି ବିତ୍ତାଟି ନୀତାମାନାରାଙ୍କ ପାରିମାଖେରି ?

୬ ଏଝାସି ଇମ୍ବାଆଁ ହଲଅସି, ଏଝାସି ନିଜାମାନେସି, ଏଝାସି ଗାଲିଲିତା ମାଚାଟି ଖେସାମାଞ୍ଜାତାଣି ଅଣ୍ପାଦୁ □

୭ ମାଣସି ମୀରଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଟି ଖେଣ୍ଡେ ନିଜିନେସି □”

୮ ଏମ୍ବାଟିଏ ଏଝି ଏଝାଣି ଖେସ୍ତି କାତା ଅଣ୍ପପିତୁ,

୯ ଇଞ୍ଜା ଏଝି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସୀସୁୟାଁ ଅଡ଼େ ଏବକା ତାରାଙ୍କ ଇ ବାରେ କାତା ଖେସୁ □

୧୦ ଏଝି ମଗ୍‌ଦଲିନି ମରିୟମ, ଜହାନା, ଜାକୁବ ତାନି ଇୟା ମରିୟମ ଅଡ଼େ ଏଝାସିକାତଲେ ମାଚି ଏବକାତି ଇୟାସିକା; ଇଝି ପାଣ୍ଡୁଝି ଆହାମାନାରାଙ୍କ ଇ ବାରେ କାତା ଖେସୁ □

୧୧ ସାମା ଇ ବାରେ କାତା ଏଝାରି ନକିତା ମନତା ଗାଡ଼କିତି ର ପୁସପନି ଲେହେଁ ଆଡେ, ଅଡ଼େ ଏଝାରି ଏଝାସିକାଣି ନାମାଆଚେରି □

୧୨ ସାମା ପିତର ନିଜାମାନା ମାଡ଼ହା ମୁହନି ଚାୟୁତା ହଟି ହଟିହଁ ହାଚେସି, ଇଞ୍ଜା କାପାନା ସିନିକିତେସି ଏମ୍ବାଆଁ

\* ୨୪:୨ ୨୪:୨ ମାତି ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

ପାତାଡ଼ା ହିମ୍ବରକା ମେସ୍ତେସି, ଇଞ୍ଜାଁ ଇଦି ଏନ୍ଦି ଆଡେ ଇଞ୍ଜାଁ କାବାଆହାନା ତାନି ଇଜ ହାଚେସି □

ଇମାୟୁତା ହାନାୟି  
(ମାତି ୧୭:୧୨, ୧୩)

୧୩ ଏ ନେଟୁ ଏଞ୍ଜାରି ବିତ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାତି ଇମାୟୁ ଇନି ନାୟୁତା ହାଜିମାଚେରି □

୧୪ ଅଡେ ହାଜି ହାଜିହଁ ଇ ବାରେ କାତା ଜଲ୍ଲକି ଆହିମାଚେରି □

୧୫ ଏଲେକଁ ଖେସ୍ପି ଆହଁ ତାମ୍ବୁ ତାମ୍ବୁ ଜଲ୍ଲକି ଆହିମାଚାଟି ଜୀସୁ ତାନ୍ବୁଏ ଏଞ୍ଜାରିତାଣା ଖାହାନା ଏଞ୍ଜାରିତଲେ ହାଚେସି;

୧୬ ସାମା ଏଞ୍ଜାରି ଏଞ୍ଜାଣାଇଁ ମେସ୍ତି ଜିକେଏ ପୁଞ୍ଜାଲି ଆଡ଼ାଆଚେରି □

୧୭ ଜୀସୁ ଏଞ୍ଜାରାଇଁ ଖେଚେସି, “ମୀରୁ ହାଜି ହାଜିହଁ ଏନା ଏନାଆଁ ଜଲ୍ଲକି ଆହିମାଞ୍ଜେରି ?” ଏମ୍ବାଟିଏ ଏଞ୍ଜାରି ମୂମ୍ବୁ ଖାଡ଼ି କିହାନା ନିଚେରି □

୧୮ ଅଡେ ଏଞ୍ଜାରି ବିତ୍ରାଟି କ୍ଲେୟାପା ଇନାସି ରଅସି ଏଞ୍ଜାଣାଇଁ ଖେସ୍ତେସି, “ଇ ଖାରା ବିତ୍ରା ଜିରୁସାଲମତା ଏନା ଏନାୟି ଆଡେ ଏମ୍ବାଆଁ ମାନାରି ବିତ୍ରାଟି ନୀନୁ ରଅତିଏ ପୁଞ୍ଜାହିଲଅତିକି ?”

୧୯ ଏଞ୍ଜାସି ଏଞ୍ଜାରାଇଁ ଖେଚେସି, “ଏନା ଏନାୟି ଆଡେ ?”

ଏଞ୍ଜାରି ଏଞ୍ଜାଣାଇଁ ଖେସ୍ତେରି, “ନାଜରିତ ଜୀସୁଟି କାତା; ମାହାପୁରୁ ନକିତା ଅଡେ ବାରେ ଲକ୍ଷୁ ନକିତା ଏ ଜୀସୁ କାମାତା ଅଡେ କାତାତା ର ବାଡ଼ୟୁଗାଟି ମାହାପୁରୁ ଅଣ୍ଟପୁଟି ବଲ୍ଲୁ ଖେହନାସି ମାଚେସି,

୨୦ ଅଡେ ମା କାଜା ପୂଜେରାଈା ଅଡେ ସାଲ୍ଲଖି କିନାରି ଏଞ୍ଜାଣାଇଁ ହାକି ଡଣ୍ଡ ହାହାଲି ହେର୍ପାନା ଏଞ୍ଜାଣାଇଁ ପାସି ମୁଣ୍ଡାତା ଏକ୍ହାନା ପାୟିତି କାତା □

୨୧ ସାମା ଏଞ୍ଜାସି ଇସ୍ତାୟେଲ ଲକ୍ଷୁଣି ପିସ୍ପି କିନାସି ଇଞ୍ଜାଁ ମାମ୍ବୁ ଆସା

କିହାମାଚମି; ସାମା ଇ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ □

୨୨ ଅଡେ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଞ୍ଜେ ଆତାଜାକା କିହାମାଞ୍ଜାନୁ; ଏଞ୍ଜି ଲାଇସିଏ ମାଡ଼ହା ମୁହ୍ନି ଟାୟୁତା ହାଜାମାରୁ,

୨୩ ଏମ୍ବାଆଁ ଏଞ୍ଜି ଏଞ୍ଜାଣି ମାଡ଼ହା ମେହ୍‌ଆନା ଖାହାନା ଖେସ୍ତାଡ଼ୁ, ଇଞ୍ଜାଁ ଦୂଡୁୟାଁ ତଞ୍ଜାଆହାନା ଖେସ୍ତାଚେରି, ଏଞ୍ଜାସି ନୀତାମାନେସି □

୨୪ ଅଡେ ମା ବିତ୍ରାଟି ଏଚରଜାଣା ମାଡ଼ହା ମୁହ୍ନି ଟାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଞ୍ଜାଣାଇଁ ମେହ୍‌ଆଚେରି □”

୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡେ ବୁଦି ହିଲାଆଗାଟାଚେରି, ଅଡେ ମାହାପୁରୁ ଅଣ୍ଟପୁଟି ବଲ୍ଲୁ ଖେହନାରି ବାରେ କାତାଟି ନାମାଲି ଆଡ଼ାଆଲେହେଁତି ହିୟାଁ ଗାଟାଚେରି,

୨୬ କ୍ରୀସୁ ଇ ବାରେ କସୁ ବେଟାଆହାନା ତାନି ଗାଞ୍ଜୁରମିତା ହଡ଼ନାୟି ହିଲାଆଚେ କି ?”

୨୭ ମସା ଇଞ୍ଜାଁ ବାରେଜାଣା ମାହାପୁରୁ ଅଣ୍ଟପୁଟି ବଲ୍ଲୁ ଖେହନାରି ତାଣାଟି ମାଡ଼ହାନା ଦାମ୍ବୁ ସାସ୍ତେରିତା ତାନି ତାକି ରାସ୍‌କି ଆହାମାନି ବାରେ କାତା ଏଞ୍ଜାସି ଏଞ୍ଜାରାଇଁ ପୁଣ୍ଡମ୍ବି କିଚେସି □

୨୮ ଏଞ୍ଜାରି ହାଜିମାଟି ନାୟୁଁ ତାଗେ ଏଜାଲିଏ ଜୀସୁ ଅଡେ ନକିତା ହାନି ଅଣ୍ଟପୁ ଡସ୍ତେସି □

୨୯ ସାମା ଏଞ୍ଜାରି ଏଞ୍ଜାଣାଇଁ ଆଟିହଁ ଏଲେଇଚେରି, “ମା ତଲେ ଡୟାହାଲାମ୍ବୁ ଏନ୍‌ଇଚିହଁ ଆନ୍ଦେରି ଆହିମାନେ, ଖେଡ଼ାହାଚେୟିଏ □” ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲ୍ଲୁ ବିତ୍ରା ହାଚେସି □

୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିତି ତାୟୁ ଏଞ୍ଜାସି ରୁଟି ଆସାଁ ମାହାପୁରୁଇଁ ଜହରା କିଚେସି, ଇଞ୍ଜାଁ ଡିକ୍‌ହାନା ଏଞ୍ଜାରାକି ହାଚେସି □



୩୧ ଏମ୍ବାଟିଏ ଏଝାରି କାଶକା ଦେପିଆତୁ ଇଞ୍ଜା ଏଝାରି ଏଝାଣାଇଁ ପୁରେରି; ଅଡ଼େ ଏ ଦେବୁଣିଏ ଏଝାସି ଏଝାରି କାଶକାତା ତଞ୍ଜା ଆଆଡେସି □

୩୨ ଏରେଟିଏ ଏଝାରି ତାମ୍ବୁ ତାମ୍ବୁ ଏଲେଇରେରି, “ଏଟିବେଲା ଏଝାସି ମାଲେ ଜିରୁତା କାତାବାର୍ତ୍ତା ଆହିମାରେସି ଅଡ଼େ ମାଲେ ଦାମ୍ବୁ ସାଡ଼େସି ତେଲ୍‌ହି କିହିମାଞ୍ଜାଡେସି, ଏଟିବେଲା ମା ହିୟାଁ କାଡ଼ି ମାଞ୍ଜାଆଡେ କି ?”

୩୩ ଅଡ଼େ ଏଝାରି ଦେବୁଣିଏ ନିଜ୍ଜାନା ଜିରୁସାଲମତା ଝେଣ୍ଡା ହାଜାନା କୃଡ଼ା ଆହାମାଟି ଏଗାର ଜାଣା ସାସୁୟାଁ ଅଡ଼େ ଏଝାରି ଆଡ଼ିତାରାଇଁ ମେସ୍ତେରି;

୩୪ ଏଝାରି ଏଲେଇଞ୍ଜିମାରେରି, “ପ୍ରବୁ ସାଡେଏ ନିଜ୍ଜାମାନେସି ଅଡ଼େ ସିମନଇ ତଞ୍ଜାଆଡେସି □”

୩୫ ଅଡ଼େ ଏଝାରି ଜିକେଏ ଜିରୁତି ବାରେ କାତା ଅଡ଼େ ରୁଟି ଡ଼ିକହାଟିଏ ଏଝାରି ପୁଞ୍ଜାଲି ଆଡ଼ିତମି ଇଞ୍ଜିଏଝାରି ଝେସ୍ତେରି □

ଜୀସୁ ତାନି ସାସୁୟାଁଇଁ ତଞ୍ଜା ଆନାୟି (ମାଟି ୨୮:୧୭-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୭-୮)

୩୬ ସାମା ଏଝାରି ଇ ବାରେ କାତା ଜଲ୍‌କି ଆହିମାଟାଟି ଜୀସୁ ଏଝାରି ମାଦି ନିତାନା ଏଲେଇରେସି, “ମିଲେ ହିଡ଼ଡ଼ି ଆୟାପେ □”

୩୭ ଏମ୍ବାଟିଏ ଏଝାରି ବୁଡୁ ମେସ୍ତମି ଇଞ୍ଜିଏ ଅଣ୍‌ପାନା ଆତାଜାକା ଆଡେରି □

୩୮ ଏରେଟିଏ ଏଝାସି ଏଝାରାଇଁ ଏଲେଇରେସି, “ମୀ ହିୟାଁତା ଏନାଆଁତାକି ଆଜିମାଞ୍ଜେରି, ଇଞ୍ଜା ମୀ ହିୟାଁ ଏନାଆଁତାକି ଆନାମାନା ଆହିମାନେ ?

୩୯ ନାନୁଏ ଏଝାଡେଏଁ ନା କେସ୍ତା କତାୟାଁ ମେହ୍‌ଦୁ, ନାଲେ ତୀଗାଦୁ ମୀରୁ ନାଲେ ଉଜ୍ଜା ପେଶକା ମାନାଣି ମେସ୍ତିଲେହେଁ ବୁଡୁକି ହିଲାଡ □”

୪୦ ଅଡ଼େ ଏଝାସି ଏଲେଇଞ୍ଜାନା ଏଝାରାଇଁ ତାନି କେସ୍ତା କତାୟାଁ ତସ୍ତେସି □

୪୧ ଏଲେଜିକେଏ ଏଝାରି ରାହାଁତାକି ନାମାଲି ଆଡ଼ାଆନା ଆନାମାନା ଆହାଁ କାବା ଆହିମାଟାକି ଜୀସୁ ଏଲେଇରେସି, “ମିଲେ ଇମ୍ବାଆଁ ଏନି ରାନ୍ଦା ମାନେକି ?”

୪୨ ଏମ୍ବାଟିଏ ଏଝାରି ଏଝାଣାକି ର ଝାସ୍ତ୍ର ମୀନୁ ହୀଡେରି,

୪୩ ଅଡ଼େ ଏଝାସି ଏଦାଆଁ ଆସାନା ଏଝାରି ନକିତା ତିରେସି □

୪୪ ଇଞ୍ଜା ଏଝାସି ଏଝାରାଇଁ ଏଲେଇରେସି, “ମସାଟି ମେରା ପତିତା ଇଞ୍ଜା ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ପତିତା ଅଡ଼େ ପାରୁ ପତିତା ନାଲେତାକି ଏନାୟି ରାସ୍‌କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଟାଟି ଇ ବାରେ ଝେସାମାଞ୍ଜାଡେଏଁ □”

୪୫ ଏରେଟିଏ ଏଝାରି ଏନିକିଏଁ ଦାମ୍ବୁ ସାଡ଼େସି ତେଲ୍‌ହାଲି ଆଡ଼ିନେରି, ଏଦାଆଁତାକି ଏଝାରି ହିୟାଁତି ଦାବା ଦେଡେସି;

୪୬ ଅଡ଼େ ଏଝାସି ଏଝାରାଇଁ ଏଲେଇରେସି, “ଏଲେଆହ୍ ରାସ୍‌କି ଆହାମାନେ, କ୍ରୀସ୍ତ ଦୁକୁ କସ୍ତ ବେଟା ଆନେସି ଅଡ଼େ ତାନି ଦିନାଟିଏ ହାଡ଼ାରି ତାଣାଟି ଝେଣ୍ଡେ ନିଜ୍ଜନେସି,

୪୭ ଇଞ୍ଜା ଜିରୁସାଲମଟିଏ ମାଟହାନା ବାରେ କୃଡ଼ା ତାଣା ଏଝାଣି ଦରୁଟି ପାପୁ ମ୍ବେସ୍‌କି ଆୟାଲି ମନ ଝେଟ୍‌ନି କାତା ଝେକନାୟି ମାନେ □

୪୮ ମୀରୁ ଇ ବାରେତାକି ସାକି ଆଦେରି □

୪୯ ଅଡ଼େ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼ୁୟୁ ପୁଞ୍ଜାଆ ପାଡେକା ମୀରୁ ଇ ଗାଡ଼ାଡେଏଁ ମାଞ୍ଜୁ □”

ଜୀସୁ ଲାକପୁରୁ ଅଢ଼ିଆନାୟି (ମାର୍କ ୧୬:୧୯,୨୦; କାମା ୧:୯-୧୧)

☆ ୨୪:୪୯ ୨୪:୪୯ କାମା ୧:୪

୫୦ ☆ଏମାରିଏ ଜୀସୁ ଏଝାରାଇଁ  
 ବେତନିୟା ପାତେକା ଅଡେସି ଇଞ୍ଜା  
 ତାନି କେସ୍ତା ପେରହାନା ଏଝାରାଇଁ ବର  
 ହୀତେସି □

୫୧ ଇଞ୍ଜା ଏଝାରାଇଁ ବର ହୀହି  
 ହୀହି ଏଝାସି ଏଝାରି ତାଣାଟି ଏଟ୍‌କା  
 ଆହାନା ଲାକପୁରୁ ଅଝିଆଡେସି □

୫୨ ଏରେଟିଏ ଏଝାରି ଏଝାରାଇଁ  
 ଜହରା କିହାନା ହାରେକା ରାହାତଲେ  
 ଜିରୁସାଲମତା ଝେଣ୍ଡା ହାରେରି,

୫୩ ଇଞ୍ଜା ଏ ଦିନାଟିଏ କାରେଏ  
 ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ  
 ଜହରା କିହେମାରେରି □

# ଯୋହନ ଲିଖିତ ସୁସମାଚାର ଜହନ ରାଢ଼ାମାନି ନେହୁଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଝୁ ଅଡ଼େ ଇ ଦାରତିତା ମାତି କାତା ଜହନ ରାଢ଼ାମାନି ନେହୁଁ କାରୁ; ପୁଃନି ମେରାତି ସାରିଗଟା ନେହୁଁ କାରୁ ପତିୟାଁ ବିତ୍ରାତି ଇଦି ଆହିମାନେ ର ପତି □ ଏ ବାରେ ପତିୟାଁଇଁ ନେହୁଁ କାରୁ ଇନେରି □ ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଢ଼ାମାଚେରି □ ପାଣ୍ଡୁଅଡ଼ି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ଯା ତାୟୁ ଜହନ ରାଢ଼ାମାନି ନେହୁଁ କାରୁ ରାଢ଼ାମାଚେସି □ ଇ ପତିତା ଜହନ ରାଡ଼ିତି କାତା ଝେସା ହିଲାଆଡ଼ି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ □ ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍ତକି ଆହାମାନେ ଇଞ୍ଜହୁଁ ଇନେରି □

ଜୀସୁଇଁ କ୍ରୀସ୍ତ ଜୀଝୁତି ମାହାପୁରୁ ମୀରଏସି ଇଞ୍ଜହୁଁ ଲକୁ ଏନିକ ନାମିନେରି, ଏଦାଆଁତାକି ଜହନ ଇ ପତି ରାଢ଼ାମାଚେସି ୨୦:୩୧ □ ଇଦାଆଁ ନାମାହାଁ ଏଝାଣି ଦରୁତଲେ ମାର ଜୀଝୁ ବେଟାଆନାୟି □ ଇ ପତି ଜୀହୁଦି ଅଡ଼େ ଜୀହୁଦିଆଆଡ଼ି ଲକୁତାକି ରାସ୍ତକି ଆହାମାଚେ □ ଜହନ ରାଢ଼ାମାନି ନେହୁଁ କାରୁ ଏ ତାନିଗଟା ନେହୁଁ କାରୁ କିହାଁ ରଲେ ମାନେ □ ଜହନ ଜୀସୁ କିତି କାବାଆନି କାମାୟାଁ ହାଡ଼େକା ରାଢ଼ାମାନେସି ସାମା ପୁଣ୍ଡିକିନି ପୁସ୍ପପନିକା ହାଡ଼େକା ରାଡ଼ାହିଲଅସି □ ଏଟକା ପତିୟାଁଣା ଜୀସୁ ବାପ୍ତିସ୍ତ ଅନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି

ଆଡ଼ାଣି ରାସ୍ତକି ଆହାମାନେ ଏଦାଆଁ ଇ ପତିତା ରାସ୍ତକି ଆହା ହିଲେଏ □

### ପତିତା ମାନାୟି;

- ୧ ତଲିତି ହାଡ଼ା □ ୧:୧-୧୮
- ୨ ବାପ୍ତିସ୍ତ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟାଁ □ ୧:୧୯-୫୧
- ୩ ଜୀସୁ ସେବା କାମା ମାଟନାୟି □ ୨:୧-୧୨:୫୦
- ୪ ଜିରୁସାଲମ ଅଡ଼େ ଦାରିମାରି ଜୀସୁତି କାମା □ ୧୩:୧-୧୯:୪୨
- ୫ ଜୀସୁ ହାକିଟି ଝେଣ୍ଡେ ନିଜିନାୟି ଅଡ଼େ ସୀସୁୟାଁଇଁ ତଞ୍ଜା ଆନାୟି □ ୨୦:୧-୩୧
- ୬ ଗାଲିଲିତା ଝେଣ୍ଡେ ତଞ୍ଜା ଆନାୟି □ ୨୧:୧-୨୫

ଜୀଝୁତି ବଲୁ  
୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି □

୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ □

୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାତି ରଣ୍ଡି ଜିକେଏ ଏ ବଲୁ ପିସପେ ରାଡ଼ି ଆହା ହିଲେଏ □

୪ ଏ ବଲୁତା ଜୀଝୁ ମାଚେ ଅଡ଼େ ଏ ଜୀଝୁ ମାଣ୍ଡିୟାଁତି ଉଜେଡ଼ି □

୫ ଏ ଉଜେଡ଼ି ଆନ୍ଦେରିତା ଡ଼ାଞ୍ଜିହୁଁ ଝାହିମାନେ, ଇଞ୍ଜା ଆନ୍ଦେରି ଏଦାଆଁ ଏରେଲା ଜିକେଏ ଅପାହିଲେଏ □

୬ \*ମାହାପୁରୁ ତାଣାଟି ତାନି କାରୁ ଝେହନାଣାଇଁ ପାଣ୍ଡାତେସି; ଏଝାଣି ଦରୁ ଜହନ □

୭ ଏଝାସି ଉଜେଡ଼ିତି କାତା ଲକୁଇଁ ଝେସାଲି ଝାଡ଼େସି, ଅଡ଼େ ଏନିକିହୁଁ ବାରେଜାଣା ଏଝାଣି ତାଣାଟି ନାମିନେରି, ଏଦାଆଁତାକି ଏଝାସି ସାକି ହୀହାଲି ଝାଡ଼େସି □

୮ ଏଝାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଝାସି ଏ ଉଜେଡ଼ିତି କାତା ଝେସାଲି ଝାଡ଼େସି □

\* ୧:୨ ୧:୨ ମାତି ୩:୧; ମାର୍କ ୧:୪; ଲୁକ ୩:୧,୨

୯ ଏମିନି ସାତା ଉଜେଡ଼ି ବାରେ ଲକ୍ଷ୍ମି ଉଜେଡ଼ି ହାନେ, ଏଝାସି ଦାର୍ତ୍ତିତା ଝାଡେସି □

୧୦ ଏଝାସି ଦାର୍ତ୍ତିତା ମାଚେସି ଅଡେ ଏଝାଣି ତାଣାଟି ଦାର୍ତ୍ତି ବାରେ ରାଡ଼ି ଆଡେ, ଆଡ଼ିଜିକେଏ ଇ ଦାର୍ତ୍ତି ଏଝାଣାଇଁ ପୁଞ୍ଜାଲି ଆଡାଆଡେ □

୧୧ ଏଝାସି ତାନି ରାଜିତା ଝାଡେସି, ଆଡ଼ିଜିକେଏ ତାନି ଜାହାରା ଲକ୍ଷ୍ମି ଏଝାଣାଇଁ ଆବାଆଡେରି □

୧୨ ଆମ୍ବାଆରି ଏଝାଣାଇଁ ଆବିଡେରି ଇଞ୍ଜା ଏଝାଣି ତାଣା ନାମିଡେରି; ଏଝାସି ଏଝାରାଇଁ ମାହାପୁରୁତି ମୀରକା ମାସକା ଆହାଲି ଅଦିକାରା ହୀଡେସି □

୧୩ ମାଣ୍ଡସିତି ତାଞ୍ଜିୟାଁ ତାଣାଟି ଜାର୍ନା ଆଡାକି ଏଝାରି ମାହାପୁରୁତି ମୀରକା ଆହାହିଲଅରି, ମାହାପୁରୁ ତାନୁଏ ଏଝାରି ତାଞ୍ଜି ଆଡେସି □

୧୪ ଅଡେ, ଏ ବଲ୍ଲୁ ମାଣ୍ଡସି ଝାଣା ଆଡେ, ମାହାପୁରୁତି କାର୍ନା ଇଞ୍ଜା ସାତା ତଲେ ମା ତାଣା ବାସା କିଡେସି, ଅଡେ ଆଡା ତାଣାଟି ଝାହାମାନି ରଣ୍ଡିଏ ମୀରଏଣାତି ଗାଝୁରମି ଲେହେଁ ମୀର ଏଝାଣି ଗାଝୁରମି ମେସ୍ତାୟି □

୧୫ ଜହନ ଏଝାଣି କାତାତି ସାକି ହୀହାନା କାଜା ଗିୟାଁତଲେ ଏଲେଇଚେସି, “ଆମ୍ବାଆସି ନା ତାମ୍ବୁ ଝାହାମାନେସି, ଏଝାସି ନା କିହାଁ କାଜାସି, ଏନାଆଁତାକି ଇଚିହଁ ଏଝାସି ନାନୁ ଜାର୍ନାଆଡ଼ି ନକେଏ ମାଚେସି, ଇଞ୍ଜା ଏଝାଣି କାତା ନାନୁ ତଲିଏ ଏଲେଇଞ୍ଜି ଝେସାମାଞ୍ଜାଡେସି, ଏଝାସିଏ ଇଝାସି □”

୧୬ ଏନାଆଁତାକି ତାନୁ ପୁରା କିନି ତାଣାଟି ମୀର ବାରେ ଜାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହନାଣି ବେଟାଆହାମାନାୟି □

୧୭ ମାହାପୁରୁ ମସା ତାଣାଟି ମେରା ହିୟାଡେସି, ସାମା ଜୀସୁ କ୍ରୀସ୍ତ ତାଣାଟି କାର୍ନାମେହନାୟି ଅଡେ ସାତା ଝାଡେ □

୧୮ ଆମ୍ବାଆସି ଏଚେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ

ମୀରଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି □

ବାପ୍ତିସ୍ତ\* ହାନି ଜହନତି କାରୁ (ମାଡ଼ି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜା ଜହନଇଁ ଝେଞ୍ଜାଲି ଜୀହୁଦିୟାଁ ଏଚିବେଲା ଜିରୁସାଲମତି କାଜା ପୂଜେରାଞ୍ଜା ଇଞ୍ଜା ଲେବିୟଞ୍ଜାଣି ଜହନ ତାଣା ପାଣ୍ଡିଡେରି, ଏଝାସି ଇ କାତା ଝେସ୍ତେସି □

୨୦ ଜହନ ସାତା କାତା ଝେସ୍ତେସି, ଆଏ ଇଞ୍ଜା ଇନାଆଡେସି, ତୀରପୁତଲେ ଝେସ୍ତେସି, “ନାନୁ ମସିହା ଆଏ □”

୨୧ ଏଝାରି ଏଝାଣାଇଁ ଝେଚେରି, ଆଡିହଁ “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟଡେସି ଆଏ □”

ଏଝାରି ଝେଚେରି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲ୍ଲୁ ଝେହନାତି କି ?” ଏଝାସି ଏଲେଇଚେସି, “ନାନୁ ଆଏ □”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ମାଞ୍ଜେ ଝେସ୍ତାମ୍ବୁ, ମାମ୍ବୁ ମାଞ୍ଜେ ପାଣ୍ଡା ମାଞ୍ଜାନାରାଇଁ ଏନି କାତା ଝେହନମି □ ନାନୁ ଆମ୍ବାଆଡେସି ଇଞ୍ଜା ଝେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି ବଲ୍ଲୁ ଝେହନି ଜିସାୟ ଏନିକ ଜଲ୍ଲାମାଚେସି,

‘ନାନୁ ଲକ୍ଷ୍ମି ହିଲାଆ ଟାମୁତା କାଜା ଗିୟାଁତଲେ କାଲ୍ଲୁ ଆହିମାନି ରଅଣି ହାଡାଲେହେଁ ତାଡେସି, ପ୍ରବୁତି ଜିରୁ ସଲ୍ଲକେ କିଦୁ □’ ”

୨୪ ଅଡେ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡୁଞ୍ଜି ଆହାମାଚେରି,

୨୫ ଏଝାରି ଜହନଇଁ ଝେଚେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲ୍ଲୁ ଝେହନାତି ଆଏ,

\* ୧:୧୮ ୧:୧୯ ମୁଞ୍ଜିନାୟି † ୧:୨୫ ୧:୨୫ ମୁଞ୍ଜିନାୟି

ଆତିହ୍ମ ନାନୁ ଏନାଆଁତାକି ବାପ୍ତିସ୍ମାଠ ହାହିମାଞ୍ଜି ?”

୨୬ ଜହନ ଏଝାରାଇଁ ଏଲେଇରେସି, “ନାନୁ ଏୟୁତା ବାପ୍ତିସ୍ମାଠ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅତେରି, ଏଝାସି ମୀ ବିତ୍ରା ମାନେସି □

୨୭ ଏଝାସି ନା ଡାୟୁ ଝାହିମାନେସି, ନାନୁ ଏଝାଣି ସେପୁୟାଁତି ତ:ରକା ଜିକେଏ ହୁକହାଲି ଜଡ଼େ ଆଏ □”

୨୮ ଏମିନି ଜର୍ଦନ କାତାତି ଝେଡ଼ା ହପୁଞ୍ଜାକିତି ବେତନିୟାତା ଜହନ ବାପ୍ତିସ୍ମାଠ ହାହିମାରେସି, ଏ ଟାୟୁତା ଇ ବାରେ ଆହାମାରେ □

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଝାକି ଝାହିମାନାଣି ମେସାନା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଇ ଦାରତିତି ପାପୁ ବାରେ ଡେକା ଅନେସି □

୩୦ ଇଝାସିଏ ଏଝାସି, ଆମ୍ବାଆରି କାତା ନାନୁ ଝେସାମାଞ୍ଜାତେସି, ‘ର ମାଣ୍ଡସି ନା ଡାୟୁ ଝାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜା ଏଝାସି ନାନୁ ଜାର୍ନାଆତି ନକେଏ ମାରେସି □’

୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲଆତେସି, ସାମା ଏଝାସି ଏନିକିହ୍ମ ଇସାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମାଠ ହାହାଲି ଝାହାମାଇଁ □”

୩୨ ଅଡ଼େ ଜହନ ସାକି ହାହାନା ଝେସେସି, “ନାନୁ ସୁଦୁଜୀଝୁ ପାରଝା ପଟାଲେହେଁ ଲାକପୁରୁତି ରେଚା ଝାହିମାନାଣି ମେସେସି, ଇଞ୍ଜା ଏଦି ଏଝାଣିଲାକ କୁରିତେ □

୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲଆତେସି, ସାମା ଆମ୍ବାଆସି ନାଜେ ଏୟୁତା ବାପ୍ତିସ୍ମାଠ ହାହାଲି ପାଣ୍ଡାମାଞ୍ଜାନେସି, ଏଝାସି ନାଜେ

ଝେସାତେସି, ‘ଆମିନିଗାଟାଣି ଲାକ ସୁଦୁଜୀଝୁ ରେଚା ଝାହାଣି ଅଡ଼େ କୁରିନାଣି ମେହଦି, ଆମ୍ବାଆସି ସୁଦୁଜୀଝୁ ତଲେ ବାପ୍ତିସ୍ମାଠ ହାନେସି, ଏଝାସି ଏ ମାଣ୍ଡସି □’ ”

୩୪ ଜହନ ଏଲେଇରେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗ ଝେସିମାଞ୍ଜାଇଁ, ଏଝାସି ମାହାପୁରୁ ମୀରଏସି □”

ଜୀସୁତି ମୂଲୁ ସୀସୁ

୩୫ ତାନି ଅର ନେରୁ ଜହନ ତାନି ରୀ ସୀସୁୟାଁ ତଲେ ନିଟାମାରେସି;

୩୬ ଏଝାସି ଜୀସୁଇଁ ଏ ଜିରୁଟି ହାଜିମାନାଣି ମେସାନା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ □”

୩୭ ଏ ରୀ ସୀସୁୟାଁ ଏଝାଣି ହାଡ଼ା ଝେଞ୍ଜାନା ଜୀସୁ ଜେଚ ଜେଚ ହାଚେରି □

୩୮ ଜୀସୁ ଝେଣ୍ଡେ ତିରଝାନା ଏଝାରାଇଁ ତାନି ଜେଚ ଜେଚ ହାଜିମାନାଣି ମେସାନା ଝେରେସି, “ମୀରୁ ଏନାଆଁ ପାରିମାଞ୍ଜେରି ?” ଏଝାରି ଝେରେରି, “ରାବିସି ନାନୁ ଆମ୍ବିୟା ଡ଼ୟିମାଞ୍ଜି ?”

୩୯ ଜୀସୁ ଏଝାରାଇଁ ଏଲେଇରେସି, ଝାଦୁ, ମେହଦେରି □ ଏମ୍ବାଟିଏ ଏଝାରି ହାଜାନା ତାନି ଡ଼ୟିନି ଟାୟୁ ମେସେରି, ଇଞ୍ଜା, ଏ ଦିନା ଏଝାଣିତଲେ ଡ଼ୟିତେରି; ଏନାଆଁତାକି ଇଚିହ୍ମ ଏରିବେଲା ଲାକତି ଦସ ଗଟା ଆହାମାରେ □

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାରେରି, ଏଝାରି ବିତ୍ରା ରଅସି ସିମନ ପିତରତି ତାୟି ଆନ୍ଦ୍ରିୟ ମାରେସି □

୪୧ ଏଝାସି ତଲିଏ ତାନି ତାୟି ସିମନଇଁ ମେସାନା ଏଲେଇରେସି, “ମାମୁ ମସିହାଲି\* ମେସୁମି □”

୪୨ ଆନ୍ଦ୍ରିୟ ସିମନଇଁ ଜୀସୁ ଡାଣା ତାତେସି □ ଜୀସୁ ଏଝାଣାଇଁ ଆଚେ

‡ ୧:୨୭ ୧:୨୭ ମୁଞ୍ଜନାୟି § ୧:୨୮ ୧:୨୮ ମୁଞ୍ଜନାୟି \* ୧:୩୧ ୧:୩୧ ମୁଞ୍ଜନାୟି † ୧:୩୩ ୧:୩୩ ମୁଞ୍ଜନାୟି ‡ ୧:୩୩ ୧:୩୩ ମୁଞ୍ଜନାୟି § ୧:୩୮ ୧:୩୮ ଗୁରୁ \* ୧:୪୧ ୧:୪୧ ମସିହାତି ଇଚିହ୍ମ କ୍ରୀସ୍ତ † ୧:୪୨ ୧:୪୨ କେପା ଇଚିହ୍ମ ପିତର

ସିନିକିହାନା ଏଲେଇରେସି, “ନୀନୁ ଜହନ ମୀରୁଏଣା ସିମନତି □ ନୀନୁ କେପା† ଦରୁଟି ଝେଜିଦି □”

ଜୀସୁ ପିଲିପ ଅଡ଼େ ନିତନିୟେଲଇଁ ହାଡ଼ିନାୟି

୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍ପିତେସି, ଏଝାସି ପିଲିପଇଁ ମେସାନା ଏଲେଇରେସି, “ନା. ଜେଚ ଝାମ୍ବୁ!”

୪୪ ପିଲିପ ବେଡ଼ସାୟିଦା ଗାଡ଼ାତାସି ମାରେସି, ଏଦି ଆନ୍ଦ୍ରିୟ ଇଞ୍ଜା ପିତରତି ଗାଡ଼ା ମାରେ □

୪୫ ପିଲିପ ନିତନିୟେଲଇଁ ମେସାନା ଏଝାଣାଇଁ ଏଲେଇରେସି, “ଆମ୍ବାଆରି କାତା ମସାତି ମେରାତା ରାଡ଼ାମାନେରି, ଅଡ଼େ, ମାହାପୁରୁ ଅଣ୍ପୁତି ବଲୁ ଝେହ୍ନାରି ଜିକେଏ ରାଡ଼ାମାନେରି, ମାମ୍ବୁ ଏଝାଣାଇଁ ବେଟାଆହାମାନମି □ ଏଝାସି ଜସେପ ମୀରୁଏସି ନାଜ୍ଜରିତତି ଜୀସୁ □”

୪୬ ନିତନିୟେଲ ଏଝାଣାଇଁ ଝେରେସି, “ନାଜ୍ଜରିତତା କି ଏନି ନେହ୍ନି କାମା ଆହିମାନେ ?”

ପିଲିପ ଏଲେଇରେସି, “ଝାହାନା ସିନିକିମ୍ବୁ □”

୪୭ ଜୀସୁ ନିତନିୟେଲଇଁ ତାନି ତାଣା ଝାହିମାନାଣି ମେସାନା ଜୀସୁ ଏଝାଣା କାତା ଝେସ୍ତେସି, “ମେହ୍ଦୁ ଇଝାସି ସାତା ତଲେ ଇସ୍ରାୟେଲତି ଲକ୍ସୁ; ଇଝାଣା ତାଣା ଏନାୟି ନାଡ଼ିକିନି ବୁଦି ହିଲେଏ □”

୪୮ ନିତନିୟେଲ ଜୀସୁଇଁ ଝେରେସି, “ନୀନୁ ନାଜେ ଏନିକିହ୍ନି ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜେ ହାଡ଼ାତି ନକେଏ ନୀନୁ ତୟା ମାରୁନୁ ଡ଼ଇ ମାଟି, ଏଡ଼େତା ନୀନୁ ନିଜା ମେସାମାଞ୍ଜାତେଏଁ □”

୪୯ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମୀରୁଏଣାତି! ନୀନୁଏ ଇସ୍ରାୟେଲ ରାଜାତି □”

୫୦ ଜୀସୁ ଏଲେଇରେସି, “ନୀନୁ ନିଜେ ତୟା ମାରୁନୁ ଡ଼ଇ ମେସ୍ତାତେଏଁ

ଇଞ୍ଜିଁ ଝେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହ୍ନା ହାରେକା କାଜା କାମାୟାଁ ମେହ୍ଦି □

୫୧ ଜୀସୁ ନିତନିୟେଲଇଁ ଏଲେଇରେସି, “ନୀନୁ ନିଜେ ସାତା ଝେସିମାଞ୍ଜାଇଁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜା ମାଣ୍ଡସି ମୀରୁଏଣା ତାଣା ମାହାପୁରୁତି ଦୂତୁୟାଁ ଲାକ ହାଜିମାନାଣି ଅଡ଼େ ଡ଼ଇ ଝାହିମାନାଣି ମେହ୍ଦି □”

୨

କାନା ଗାଡ଼ାତି ବୀହା ବଜିତା ଜୀସୁ

୧ ତାନି ଦିନା ଜେଚ ଗାଲିଲିତି କାନା ଗାଡ଼ାତା ର ବୀହା ମାରେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାରେ;

୨ ଜୀସୁ ଜିକେଏ ତାନି ସୀସୁୟାଁ ତଲେ ବୀହାତା ହାଜାଲି ହାଟ୍ଟକି ଆହାମାରେସି □

୩ ଏଟିବେଲା ଅଙ୍ଗୁରି ରାସା ରାହାହାରୁ, ଜୀସୁଇଁ ତାନି ଇୟା ଏଲେଇରେ, “ଏଝାରି ଅଙ୍ଗୁରି ରାସା ରାହାହାରେ □”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଝେସିମାଞ୍ଜାଦି ? ନା. କାଲ୍ଲା ନୀଏଁ ପାତେକା ଝାହିଲେଏ □”

୫ ଜୀସୁ ତାନି ଇୟା କାମା କିନାରାଇଁ ଏଲେଇରେ, “ଏଝାସି ମିଜେ ଏନାଆଁ ଝେସ୍ତାନେସି ଏଲେକିହ୍ନିଏ କିଦୁ □”

୬ ଅଡ଼େ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମେରାତାକି ସ. ଗଟା କାଜା ଝାଲ୍ଲକାତି ଏୟୁ ଗୁନାୟାଁ ମାରୁ □

୭ ଜୀସୁ ହଲିୟାଜାଣାଣି ଏଲେଇରେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ □” ଏଝାରି ଏମ୍ବାଆଁ ନେଞ୍ଜିକିତେରି □

୮ ଜୀସୁ ଏଝାରାଇଁ ଏଲେଇରେସି, “ଇମ୍ବାଟି ଇତରା ଅହାନା ବଜିତି ଗୁମୁସ୍ତାକି ହୀଦୁ □” ଏମ୍ବାଟିଏ ଏଝାରି ଅଡ଼େରି □

୯ ବଜିତି ଗୁମୁସ୍ତା ଅଙ୍କୁରି ରାସା  
 ଆହାମାନି ଏ ଏୟୁତି ଖାଣ୍ଡାହାଁ ଏଞ୍ଜି ଏମ୍ବିତି  
 ତାପିଆତୁ, ପୁଞ୍ଜା ହିଲାଆତେସି □ ସାମା  
 ଏ ହଲିୟାଙ୍ଗା ଏୟୁ ଖାକ୍‌ହା ମାଚାରି  
 ପୁଞ୍ଜାମାଚେରି ଏଦାଆଁତାକି ହନେଏଣାକ୍  
 ହାଟାହାଁ ଏଲେଇଚେସି □

୧୦ ବାରେଜାଣା ତଲିଏ ନେହ୍  
 ଅଙ୍କୁରି ରାସା ହାନେରି ଅଡେ ଏମ୍ବାଆଁ  
 ଖାହାଡ଼ୟିନି ଲକୁ ହଡ଼ିସାରେ ତାୟୁ  
 ଲାଗେଏତି ଅଙ୍କୁରି ରାସା ହାନେରି;  
 ସାମା ମୀରୁ ବାରେ ନେହ୍ ଅଙ୍କୁରି  
 ରାସା ନୀର୍ବ ପାତେକା ଇଟାମାଞ୍ଜେରି □

୧୧ ଜୀସୁ ଇଲେକ୍ ଗାଲିଲିତି କାନା  
 ଗାଡ଼ାତା କାବାଆନି କାମା ମାଟ୍‌ହାନା  
 ତାନି ଗାଞ୍ଜୁରମି ତସ୍ତେସି, ଅଡେ ସୀସୁୟାଁ  
 ଏଞ୍ଜାଣି ତାଣା ନାମିତେରି □

୧୨ ଏଦାଆଁ ତାୟୁ ଜୀସୁ ତାମି  
 ଇୟା, ତାୟିୟାଁ ଅଡେ ସୀସୁୟାଁ ତଲେ  
 କପରନାହୁମତା ହାଚେରି; ଇଞ୍ଜା  
 ଏମ୍ବାଆଁ ହାରେକା ଦିନା ଡୟାଆତେରି  
 □

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-  
 ୧୭; ଲୁକ ୧୯:୪୫-୪୬)

୧୩ ଏଚିବେଲାତା ଜୀହୁଦିଙ୍ଗା  
 ପିସ୍‌ପିଆନି ପାର୍ବୁ ତାଗେ ଆହାମାଚେ,  
 ଅଡେ ଜୀସୁ ଜିରୁସାଲମତା ହାଚେସି □

୧୪ ଏମ୍ବାଆଁ ଜୀସୁ ମେସ୍ତେସି,  
 ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ  
 ମେଣ୍ଡାୟାଁ ଅଡେ ପଟାୟାଁ ବେବାରା  
 କିନାରି ଅଡେ ତାବୁୟାଁ ବେବାରା କିନାରି  
 କୁଗାମାଚେରି;

୧୫ ଏମ୍ବାଟିଏ ଜୀସୁ ତ:ରିତି ସାଟ୍‌ଣି  
 କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ  
 ଇଲୁଟି ପାଙ୍ଗାତା ପେର୍‌ହା ପାଣ୍ଡାନା  
 ଟାକାୟାଁ ବେବାରା ଗାଟାରି କୁର୍‌ୟାଁ  
 ତିରିମ୍ବୁପହାନା ଟାକାୟାଁ ବାରେ  
 ଡାଞ୍ଜିତେସି □

୧୬ ପଟାୟାଁ ବେବାରା ଗାଟାରାକ୍  
 ଏଲେଇଚେସି, “ଇ ବାରେତି ଇମ୍ବାଟି

ଅହାଡ଼ହୁଦୁ, ନା ଆବା ଇଲୁତି ବେବାରା  
 ଇଲୁ କିଆଦୁ □”

୧୭ ଇଦାଆଁ ମେସାନା ସାସ୍ତେରିତା  
 ରାସ୍‌କି ଆହାମାନି ର କାତା ସୀସୁୟାଁ  
 ମନତା ଖାଚେ, “ନୀ ଇଲୁତାକି ନା ରାହାଁ  
 ନାଞ୍ଜେ ହାରେକା ନାସା କିୟାନେ □”

୧୮ ଜୀହୁଦିୟାଁ ଜୀସୁକ୍ ଖେଚେରି,  
 “ନୀନୁ ଇ ବାରେ କାମା କିହାଲିତାକି  
 ଅଦିକାରା ବେଟାଆହାମାଞ୍ଜି, ଏମ୍ବାଟି  
 ସିନା ମାଞ୍ଜେ ଏନାଆଁ ତସିମାଞ୍ଜାଦି ?”

୧୯ ଜୀସୁ ଏଲେଇଚେସି, “ଇ  
 ଦେଞ୍ଜୁଡ଼ିତି ନାସା କିଦୁ, ଅଡେ ତାନି  
 ଦିନାଟିଏ ନୀନୁ ଏଦାଆଁ ଖେଣ୍ଡେ କେପିକ୍  
 □”

୨୦ ଏଚେଟିଏ ଜୀହୁଦି ଲକୁ  
 ଏଲେଇଚେରି, “ଏନାଆଁ ତାନିଦିନା  
 ବିତ୍ରା ନୀନୁ ଇଦାଆଁ କେପାଲି ଆଡ଼ିଦି  
 ? ଇ ଦେଞ୍ଜୁଡ଼ି କିହାଲିତାକି ରୀ କଡ଼ି ସ  
 ବାର୍ସା ଆହାମାନେ □”

୨୧ ସାମା ଜୀସୁ ଜାହାରା ଆଙ୍ଗା  
 ଲେହେଁତି ଦେଞ୍ଜୁଡ଼ିତି ତସାନା ଇଦାଆଁ  
 ଖେସାମାଚେସି □

୨୨ ଇଦାଆଁତାକି ଜୀସୁ ହାହାନା  
 ନିଙ୍ଗାଲିଏ ତାନି ସୀସୁୟାଁ ଜୀସୁ ଇ କାତା  
 ଖେସାମାଚେସି ଇଞ୍ଜି ଅଣପିତେରି;  
 ଅଡେ ଦାମ୍‌ ସାସ୍ତେରି ଅଡେ ଜୀସୁ  
 ଖେସାମାଚି କାତାତି ନାମିତେରି □

ଜୀସୁ ଲକୁଡ଼ି ଗୁଣ୍ଡୁ ପୁନାସି

୨୩ ପିସ୍‌ପିଆନି ପାର୍ବୁ ଆହିମାଚି  
 ବେଲାତା ଜିରୁସାଲମତା ଜୀସୁ ମାଚାଟି  
 ହାରେକା ତାନି କାବାଆନି କାମା  
 ମେସାନା ତାନି ଦରୁତା ହାରେକା ଜାଣା  
 ନାମିତେରି □

୨୪ ସାମା ଜୀସୁ ଏ ଲକୁଣି ନାମାଆନା  
 ଏଞ୍ଜାରି ତାଣାଟି ଏଟ୍‌କା ଡୟିତେସି,  
 ଏନାଆଁତାକି ଇଚିହ୍ ଏଞ୍ଜାରାକ୍  
 ନେହ୍ କ୍ ପୁଞ୍ଜାମାଚେସି □

୨୫ ଅଡେ ଆମ୍ବାଆସି ମାଣସି କାତା  
 ସାକି ହାନେସି, ଇଦି ଏଞ୍ଜାଣାକି ଲଡ଼ା  
 ହିଲାଆତେ, ଇଚିହ୍ ମାଣସି ବିତ୍ରା

ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି  
ଆଡ଼ିମାଚେସି □

**୩**

ଜୀସୁ ଅଡ଼େ ନିକଦିମ

୧ ପାରୁସିୟାଁ ଗଚିଚି ନିକଦିମ ଇଞ୍ଜୁ  
ର ମାଣସି ମାଚେସି, ଏଞ୍ଜାସି ଜୀହୁଦି  
ଲକୁଣି ସାଲୁଞ୍ଜି କିନାସି ମାଚେସି □

୨ ଏଞ୍ଜାସି ଲାଆଁ ବେଲତା ଜୀସୁ ତାଣା  
ଝାହାନା ଏଲେଇଚେସି, “ଏ ରାବି,\*  
ମାମ୍ନୁ ପୁଞ୍ଜାମାନମି ନୀନୁ ମାହାପୁରୁ  
ପାଣ୍ଡାମାଞ୍ଜାନି ଗୁରୁ □ ନୀନୁ ଆମିନି  
ବାରେ କାବାଆନି କାମା କିହିମାଞ୍ଜି,  
ମାହାପୁରୁ ସାଢ଼େମି ହିଲିଆସାରେ  
ଏଦାଆଁ ଆମ୍ବାଆରି କିହାଲି ଆଡ଼ଅରି  
□”

୩ ଜୀସୁ ଏଞ୍ଜାଣାଇଁ ଏଲେଇଚେସି,  
ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ,  
ଅଡ଼େ ଝେଣ୍ଡେ ଜାର୍ନା ଆଆସାରେ  
ଆମ୍ବାଆସି ମାହାପୁରୁ ରାଜି ମେସାଲି  
ଆଡ଼ଅସି □

୪ ନିକଦିମ ଏଞ୍ଜାଣାଇଁ ଝେଚେସି,  
“ବୁଡ଼ହା ଆଡ଼ିସାରେ ମାଣସି ଅଡ଼େ  
ଝେଣ୍ଡେ ଏନିକ୍ ଜାର୍ନା ଆହାଲି  
ଆଡ଼ିନେସି ? ତାଲିନି ବାଣ୍ଡିତା ହଡ଼ାନା  
ଏଞ୍ଜାସି ଝେଣ୍ଡେ ଜାର୍ନା ଆହାଲି ଆଡ଼ିନେସି  
?”

୫ ଜୀସୁ ଏଲେଇଚେସି; “ସାତା  
ସାତା ନାନୁ ନିଙ୍ଗ ଝେସିମାଞ୍ଜାଇଁ” ଏମୁ  
ଅଡ଼େ ସୁଦୁଜୀଞ୍ଜୁଚି ଜାର୍ନା ଆଆସାରେ  
ଆମ୍ବାଆସି ମାହାପୁରୁ ରାଜିତା ହଡ଼ାଲି  
ଆଡ଼ଅସି □

୬ ଆଙ୍ଗାଟି ଏନାୟି ଜାର୍ନା, ଏଦି ଆଙ୍ଗା;  
ଅଡ଼େ ସୁଦୁଜୀଞ୍ଜୁଚି ଏନାୟି ଜାର୍ନା ଆଢେନ,  
ଏଦି ସୁଦୁଜୀଞ୍ଜୁ □

୭ ନିଙ୍ଗେ ଝେଣ୍ଡେ ଜାର୍ନା ଆନାୟି  
ଲଡ଼ାମାନେ ଇଞ୍ଜୁ ନାନୁ ନିଙ୍ଗ  
ଝେସ୍ତାଚେସି, ଏଦାଆଁତାକି କାବା  
ଆଆନି □

୮ ଗାଲି ଆମ୍ବିୟାଞ୍ଜାକି ମନ କିନେ,  
ଏତାଲା ଞ୍ଜାକି ହାନେ, ଅଡ଼େ ନୀନୁ

ଞ୍ଜାରୁଇ ଏଦାନି ହାଡ଼ା ଝେଞ୍ଜାଲି ଆଡ଼ିଦି,  
ସାମା ଏଦି ଏମିନି ତାଣାଟି ଞ୍ଜାନେ  
ଅଡ଼େ, ଏମ୍ବିୟା ହାନେ, ଏଦାଆଁ  
ପୁନଅତି; ସୁଦୁଜୀଞ୍ଜୁଚି ଜାର୍ନା ଆହାମାନି  
ବାରେଜାଣା ଏଲେକିହିଁଏ □

୯ ନିକଦିମ ଏଞ୍ଜାଣାଇଁ ଏଲେଇଚେସି,  
“ଏଦି ଏନିକ୍ ଆହାଲି ଆଡ଼ିନେ ?”

୧୦ ଜୀସୁ ଏଞ୍ଜାଣାଇଁ ଏଲେଇଚେସି;  
“ନୀନୁ ଇସ୍ରାୟେଲତି ଗୁରୁ ଆହାନା  
ଜିକେଏ, ଇ ବାରେ ତେଲୁହି ହିଲଅତି  
କି ?

୧୧ ନାନୁ ନିଙ୍ଗ ସାତା ଝେସିମାଞ୍ଜାଇଁ,  
ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା  
ଝେସିମାଞ୍ଜାଇଁ, ଏନାଆଁ ମେସାମାଇଁ,  
ଅଡ଼େ ନୀନୁ ନା କାତା ନାମିହିଲଅତି □

୧୨ ନାନୁ ଦାରୁତି କାତାଟି ଝେସ୍ତାସାରେ  
ନୀନୁ ନାମଅତି, ଆତିହିଁ ଲାକପୁରୁତି  
ହାଡ଼ା ଝେସ୍ତାସାରେ ଏନିକ୍ ନାମିଦି ?

୧୩ ଆମିନି ମାଣସି ମୀରୁଏସି  
ଲାକପୁରୁଟି ରେଚା ଞ୍ଜାଡେସି, ଏଞ୍ଜାଣି  
ପିସ୍ତେ ଅଡ଼େ ଆମ୍ବାଆସି ଲାକପୁରୁ  
ହାଜାହିଲଅସି □”

୧୪ ଅଡ଼େ, ମସା ଏନିକ୍ ଲକୁ  
ହିଲିଆ ଟାୟୁତା ପିତାଡ଼ା ରାଚୁତି ଲାକ  
ପେରହା ମାଚେସି, ମାଣସି ମୀରୁଏସି  
ଜିକେଏ ଏଲେକିହିଁଏ ଲାକ ପେରଞ୍ଜି  
ଆଢେନସି □

୧୫ ଏନିକ୍ଚିହିଁ ଆମ୍ବାଆସି ତାନି  
ତାଣା ନାମିନେସି, ଏଞ୍ଜାସି କାଲାକାଲାତି  
ଜୀଞ୍ଜୁ ବେଟା ଆଢେନସି □

୧୬ ଇଚିହିଁ ମାହାପୁରୁ ଦାରୁତିତି  
ଏଚେକା ଜୀଞ୍ଜୁ ନଡେସି, ଏଞ୍ଜାସି ତାନି  
ରଣ୍ଡିଏ ମୀରୁଏଣାଇଁ ଦାନା ହାଚେସି,  
ଏନିକ୍ଚିହିଁ ଏଞ୍ଜାଣି ତାଣା ନାମିନାସି  
ନାସା ଆଆନା କାଲାକାଲାତି ଜୀଞ୍ଜୁ  
ବେଟା ଆଢେନସି □

୧୭ ଇଚିହିଁ ଦାରୁତିତା ନୀହାୟି  
କିହାଲିତାକି ମାହାପୁରୁ ତାନି  
ମୀରୁଏଣାଇଁ ଦାରୁତିତା ପାଣ୍ଡାଆନା,  
ଦାରୁତି ଏନିକ୍ ତାନିତାଣାଟି

\* ୩:୨ ୩:୨ ଗୁରୁ



ଗେଲ୍‌ପିଆଡେନ, ଏଦାଆଁତାକି ତାନି  
ମୀରୁଏଣାଲ୍ ପାଣ୍ଡାତେସି □

୧୮ ଆମ୍ବାଆସି ତାନି ତାଣା ନାମିନେସି,  
ଏଝାସି ନୀହାଁୟି କିଞ୍ଚି ଆଅସି ଆମ୍ବାଆସି  
ନାମଅସି, ଏଝାସି ନୀହାଁୟି କିଞ୍ଚି  
ଆଡେସିଏ, ଏନାଆଁତାକି ଇଚିହ  
ମାହାପୁରୁତି ରଣ୍ଡିଏ ମୀରୁଏଣା ଦରୁତି  
ନାମାହିଲଅସି □

୧୯ ଅଡେ ଏ ନୀହାଁୟି ଇଦି, ଇ  
ଦାର୍‌ତିତା ଉଜେଡି ତଞ୍ଜା ଆହାମାନେ,  
ଅଡେ ଲକୁ ଉଜେଡି ପିସାନା ଆଦେରିତି  
ଜୀଝୁ ନଡେରି, ଏଦାଆଁତାକି ଏଝାରି  
ବାରେ କାମା ଲାଗେଏତାୟି □

୨୦ ଇଚିହ ଆମ୍ବାଆରି ଲାଗେଏତି  
କାମାକିନାରି, ଉଜେଡିତି ଅପଅରି,  
ଅଡେ ଏଡେତା ତାନି ପାପୁ କାମା  
ତଞ୍ଜାଆନେ, ଏଦାଆଁତାକି ଉଜେଡିତା  
ଝାଅରି □

୨୧ ସାମା ଆମ୍ବାଆରି ସାତା କାମା  
କିନେରି, ଏଝାରି ଉଜେଡିତା ଝାନେରି,  
ଏନିକ ତାନି କାମା ବାରେ ମାହାପୁରୁ  
ତାଣାଟି ତାରି ଆଡାୟି ଇଞ୍ଜ  
ତଞ୍ଜାଆନେ □

ଜୀସୁ ଅଡେ ଜହନ

୨୨ ଇଦାଆଁ ତାୟୁ ଜୀସୁ ଅଡେ ତାନି  
ସୀସୁୟାଁ ଜୀହୁଦା ରାଜିତା ହାଚେରି,  
ଅଡେ ଏଝାସି ଏ ଟାୟୁତା ଡୟାନା  
ବାପ୍ତିସ୍ତାଁ ହୀହାଲି ମାଟ୍‌ହେସି □

୨୩ ଜହନ ଜିକେଏ ସାଲମ୍‌ତି ତାଗେ  
ଏନନ୍‌ତା ବାପ୍ତିସ୍ତାଁ ହୀହିମାଚେସି,  
ଇଚିହ ଏମ୍ବାଆଁ ଗାତି ଏୟୁ  
ମାରୁ, ଅଡେ ଲକୁ ଝାହାନା ବାପ୍ତିସ୍ତା  
ଅହିମାଚେରି □

୨୪ ଏଚିବେଲା ପାତେକା ଜହନ  
କାୟିଦିତା ହାଜାହିଲଆତେସି □

୨୫ ଏମ୍ବାଟିଏ ଜହନତି ଏଚରଜାଣା  
ସୀସୁୟାଁ ର ଜୀହୁଦି ତଲେ ମୋରାତାକି  
ନରୁନି କାତାତାକି ବାଦିବାଦା ଆଡେରି □

୨୬ ଏଝାରି ଜହନଇଁ ଏଲେଇଚେରି,  
“ଗୁରୁ ଆମ୍ବାଆସି ଜର୍ଦନ କାତାତି  
ଅରଝାକି ନୀ ତଲେ ମାଚେସି,

ଆମ୍ବାଆରି କାତା ନୀନୁ ସାକି  
ହୀହାମାଞ୍ଜାତି, ମେହ୍‌ନୁ ଏଝାସି ବାପ୍ତିସ୍ତାଁ  
ହୀହିମାନେସି ଅଡେ ବାରେଜାଣା ଏଝାଣି  
ତାଣା ହାଜିମାନେରି □”

୨୭ ଜହନ ଏଲେଇଚେସି,  
“ଲାକପୁରୁତି ମାହାପୁରୁ ହୀଆସାରେ  
ମାଣ୍‌ସି ଏନାଆଁ ମେଡାଆହାଲି ଆଡଅସି  
□

୨୮ ନୀନୁ କ୍ରୀସ୍ତୁତେଏଁ ଆଏ, ସାମା  
ଏଝାଣି ନକିତା ପାଣ୍ଡୁଡି ଆହାମାଲ୍, ଇ  
କାତା ନୀନୁ ମିଙ୍ଗେ ଝେସାମାଞ୍ଜାତେଏଁ  
ଇଞ୍ଜ ମୀରୁ ନା ସାକି □

୨୯ ମାଙ୍ଗାନି ଅନାସି, ଏଝାସି  
ହନେଏସି, ସାମା ହନେଏଣି ଏମିନି ତଡୁ  
ନିଚାନା ତାନି ହାଡା ଝେନେସି, ଏଝାସି  
ହନେଏଣି ହାଡା ଝେଞ୍ଜାନା ହାରେକା  
ରାହାଁ ଆନେସି □ ଏଲେକିହ ଏ ନା  
ରାହାଁ ଜିକେଏ ପୁରା ଆଡେ □

୩୦ ସାତେଏ ଏଝାସି କାଜାସି ଆନାୟି  
ମାନେ, ଅଡେ ନାଙ୍ଗେ ଡଣା ଆନାୟି  
ମାନେ □”

ଲାକପୁରୁତି ଝାନାସି

୩୧ ଆମ୍ବାଆସି ଲାକପୁରୁତି ଝାନେସି,  
ଏଝାସି ବାରେକିହାଁ କାଜାସି, ଆମ୍ବାଆସି  
ଦାର୍‌ତିତି ଜାର୍‌ନା ଆନେସି, ଏଝାସି  
ଦାର୍‌ତିତି କାତା ଝେହ୍‌ନେସି;  
ଆମ୍ବାଆସି ଲାକପୁରୁତି ଝାନେସି ଏଝାସି  
ବାରେଜାଣା କିହାଁ କାଜାସି □

୩୨ ଏଝାସି ଏନାଆଁ ମେସାମାନେସି  
ଅଡେ ଏନାଆଁ ଝେଞ୍ଜାମାନେସି, ଏଦାଆଁ  
ଏଝାସି ସାକି ହୀହିମାନେସି, ସାମା  
ଆମ୍ବାଆସି ତାନି ହାଡାତି ଅପଅସି □

୩୩ ଇଞ୍ଜା ଆମ୍ବାଆସି ତାନି କାତାତି  
ଅପିନେସି, ଏଝାସି ମାହାପୁରୁ ସାତା  
ଇଞ୍ଜ ଏ କାତାତି ଆବା ମାନେସି □

୩୪ ସାମା ମାହାପୁରୁ ଆମ୍ବାଆରାଲ୍  
ପାଣ୍ଡାମାଞ୍ଜାନେସି, ଏଝାସି ମାହାପୁରୁ  
ବଲୁ ଝେହ୍‌ନେସି, ଏଝାଣାକି ମାହାପୁରୁ  
ସୁଦୁଜୀଝୁ ହୀନେସି □

† ୩:୨୨ ୩:୨୨ ମୁଞ୍ଜନାୟି ‡ ୩:୨୩ ୩:୨୩ ମୁଞ୍ଜନାୟି § ୩:୨୬ ୩:୨୬ ମୁଞ୍ଜନାୟି ☆ ୩:୨୮ ୩:୨୮  
ଜହ ୧:୨୦

୩୫ ଆବା ମୀରୁଏଣାଇଁ ଜୀଝୁ ନନେସି, ଅଡ଼େ ବାରେ ତାନି କେୟୁତା ହେରପା ମାନେସି □

୩୬ ଆମ୍ବାଆସି ମୀରୁଏଣାଇଁ ନାମିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ସାମା ଆମ୍ବାଆସି ମୀରୁଏଣାଇଁ ଅପଅସି, ଏଝାସି ଜୀଝୁ ଜିକେଏ ମେହଅସି, ସାମା ଏଝାସି ମାହାପୁରୁତି ଡଣ୍ଡତା ଡୟିନେସି □

**୪**

ଜୀସୁ ଅଡ଼େ ସମିରଣ ଇୟା

୧ ପାରୁସିୟାଁ ଝେରେରି, ଜୀସୁ ଜହନ କିହାଁ ଗାତି ସାସୁୟାଁ କିହିମାନେସି ଅଡ଼େ ବାପ୍ତିସ୍ମ\* ହାହିମାନେସି □

୨ ଜୀସୁ ତାନୁ ବାପ୍ତିସ୍ମ† ହାହିହିଲାଆତେସି, ସାମା ତାନି ସାସୁୟାଁ ବାପ୍ତିସ୍ମ‡ ହାହିମାରେରି, ଇ କାତା ପାରୁସିୟାଁ ଝେଞ୍ଜାମାନେରି ଇଞ୍ଜି ପ୍ରବୁ ଏଚେତା ପୁଚେସି,

୩ ଏଚେତା ଜୀହୁଦା ଦେସା ପିସାନା ଅଡ଼େ ଝେଣ୍ଡେ ଗାଲିଲିତା ହାରେରି □

୪ ସାମା ତାଙ୍ଗେ ସମିରଣ ଜିରୁଟି ହାଜାଲି ଲାରିତେ □

୫ ଅଡ଼େ ଏଝାସି ହାଜାନା ଜାକୁବ ତାନି ମୀରୁଏସି ଜସେପକି ଏମିନି ବୁମି ହାହାମାରେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାରେସି □

୬ ଏ ଚାୟୁତା ଜାକୁବତି କୁହି ମାଚେ, ଇଞ୍ଜା ଜୀସୁ ଝାହାହାଜାମାଚାକି ଏ କୁହି ତାଗେ କୁଗିତେସି □ ଏଚେତା ମାଦେନା ଆହାମାଚେ □

୭ ଅଡ଼େ ର ସମିରଣ ଇୟା ଏୟୁ ଅହାଲି ଝାଚେ □ ଜୀସୁ ଏଦାନି ଏଲେଇଚେସି “ନାଙ୍ଗେ ଏୟୁ ଗସାଲି ହିୟାମୁ □”

୮ ତାନି ସାସୁୟାଁ କାଦି କଡାଲି ଗାଡ଼ାତା ହାଜାମାରେରି □

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇଚେ, “ନୀନୁ ର ଜୀହୁଦି ଲକୁ

ଆହାଁ, ନୀନୁ ସମିରଣ ଆୟାଚେଏଁ, ଏନିକିଁ ନା କେୟୁଟି ଏୟୁ ଗସାଲି ରାସି ମାଞ୍ଜାଦି ?” ଏନିକିଚିହଁ ଜୀହୁଦିୟାଁ ତଲେ ସମିରଣ ଲକୁତି ଲେମ୍ବିନାୟି ହିଲେଏ □

୧୦ ଜୀସୁ ଏଦାନି ଏଲେଇଚେସି, “ମାହାପୁରୁତି ଦାନା ଅଡ଼େ ନାଙ୍ଗେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଙ୍ଗେ ଏଲେଇଞ୍ଜିମାଞ୍ଜାନେସି, ଏଝାସି ଆମ୍ବାଆସି, ଇଦାର୍ଥୀ ନୀନୁ ପୁଚିହଁ ମା, ନୀନୁ ଏଝାଣାଇଁ ରାସ୍ତିମା, ଅଡ଼େ ଏଝାସି ନିଙ୍ଗେ ଜୀଝୁତି ଏୟୁ ହିୟାଚେସିମା □”

୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଣା ଏୟୁ କଡାଲି ତାକି ନକି ହିଲେଏ, ଅଡ଼େ ଇ କୁହି କୁଡ଼ହାମାନେ; ଆତିହଁ ନୀନୁ ଏମ୍ବିଟି ଏ ଜୀଝୁଗାଟି ଏୟୁ ବେଟାଆହାମାଞ୍ଜି ?

୧୨ ମା ଆକୁୟାଁତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାଚେସି, ଅଡ଼େ, ତାନି ମୀରୁକା ଅଡ଼େ ତାମି କଡ଼ି ଗରି ଇମ୍ବାଟି ଏୟୁ ଗସିମାରୁ, ଏଝାଣି କିହାଁ ନୀନୁ କି କାଜାତି ?”

୧୩ ଜୀସୁ ଏଲେଇଚେସି, “ଆମ୍ବାଆସି ଇ ଏୟୁ ଗହନେସି, ଅଡ଼େ ଝେଣ୍ଡେ ଏସକି ଆନେସି;

୧୪ ସାମା ନୀନୁ ଏମିନି ଏୟୁ ହିୟାଇଁ, ଏଝାଆଁ ଆମ୍ବାଆସି ଗହନେସି, ଏଝାସି ଏଚେଲାଝା ଏସକି ଆଅସି, ଇଚିହଁ ନୀନୁ ଏମିନି ଏୟୁ ହାଇଁ, ଏଦି କାଲାକାଲାତି ଜୀଝୁତି ଡସା ଲେହେଁ ଏଝାଣି ତାଣାଟି ଡେଲାବୟା ହାନୁ □”

୧୫ ଆୟାଟି ଏଲେଇଚେ, “ଗୁରୁ, ନାଙ୍ଗେ ଏନିକିଁ ଏସକି ଆୟେଏ, ଅଡ଼େ ଏୟୁତାକି ଇଚେକା ହେକ ଇ କୁହିତା ଝାୟାଲି ଆଏ, ଏଦାର୍ଥୀତାକି ଏ ଏୟୁ ନାଙ୍ଗେ ହିୟାମୁ □”

୧୬ ଜୀସୁ ଏଦାନି ଏଲେଇଚେସି, “ହାଲାମୁ, ନୀ ଡକ୍ତାଇଁ ହାଚାତାମୁ □”

୧୭ ଏ ଆୟାଟି ଏଲେଇଚେ, “ନା ଡକ୍ତା ହିଲଅସି □” ଜୀସୁ ଏଦାନି

\* ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

ଏଲେଇଚେସି “ନୀ ତକ୍ରା ହିଲଅସି  
ଇଞ୍ଜି ସାତା ଖେସାମାଞ୍ଜି □

୧୮ ନିଙ୍ଗେ ପାସାଜାଣା ତକ୍ରାୟା  
ମାଚେରି, ଅଡ଼େ ନୀର୍ବ ନୀ ତଲେ  
ଆମ୍ବାଆସି ମାନେସି ଏଞ୍ଜାସି ନୀ ତକ୍ରା  
ଆଏ ଇଦାଆଁ ସାତା ଖେସାମାଞ୍ଜି □”

୧୯ ଆୟାଟି ଏଲେଇଚେ, “ଗୁରୁ,  
ନାନୁ ପୁଞ୍ଜିମାଲ୍ ନାନୁ ର. ମାହାପୁରୁ  
ଅଣ୍ପୁତି ବଲୁ ଖେହନାତି, ଇଦାଆଁ ନାନୁ  
ପୁଞ୍ଜିମାଲ୍ □

୨୦ ମା. ଆକୁ ଆବାୟାଁ ଇ ହରୁ  
ଲକ ପ୍ରାତାନା କିହିମାଚେରି; ଅଡ଼େ ମୀ  
ଜୀହୁଦି ଲକୁ ଏଲେଇନେରି, ପ୍ରାତାନା  
କିନି ଚାୟୁ ଆହିମାନେ ଜିରୁସାଲମ □”

୨୧ ଜୀସୁ ଏଦାନି ଏଲେଇଚେସି,  
“ଇୟା ନା ହାଡାତି ନାମାମୁ, ଏମିନି  
ବେଲାତା ମୀରୁ ଇ ହରୁତା କି  
ଜିରୁସାଲମତା ଆବା ତାଣା ପ୍ରାତାନା  
କିଅଚେରି ଇଲେତି କାଲମି ଖାନେ □

୨୨ ଆମ୍ବାଆରାଇଁ ମୀରୁ ପୁଞ୍ଜାହିଲଅଚେରି,  
ଏଞ୍ଜାଣାଇଁ ପ୍ରାତାନା କିହିମାଞ୍ଜେରି;  
ଆମ୍ବାଆରାଇଁ ମୀରୁ ପୁଞ୍ଜାମାନାୟି,  
ଏଞ୍ଜାଣାଇଁ ପ୍ରାତାନା କିହିମାନାୟି,  
ଇତିହଁ ଗେଲ୍ପିନାୟି ଜୀହୁଦି ଲକୁ  
ତାଣାଟି ଖାନେ □

୨୩ ସାମା ଏମିନି କାଲମିତା ସାତା  
ତଲେ ପ୍ରାତାନା କିନି ଲକୁ ଜୀହୁତଲେ  
ଅଡ଼େ ସାତା ତଲେ ଆବାଇଁ ପ୍ରାତାନା  
କିନେରି, ଇଲେତି କାଲମି ଖାହିମାନେ;  
ଅଡ଼େ, ନୀର୍ବ ଜିକେଏ ମାନେ; ଇତିହଁ  
ଆବା ଇଲେତି ପ୍ରାତାନା କିନାରାଇଁ  
ପାରିମାନେସି □

୨୪ ମାହାପୁରୁ ସୁଦୁଜୀହୁ ଗାଟାସି,  
ଅଡ଼େ ଆମ୍ବାଆରି ତାନି ପ୍ରାତାନା  
କିନେରି, ଏଞ୍ଜାରି ଜୀହୁ ଇଞ୍ଜା ସାତା  
ତଲେ ତାନି ପ୍ରାତାନା କିନାୟିମାନେ □”

୨୫ ଏ ଆୟାଟି ଜୀସୁଇଁ ଏଲେଇଚେ,  
“ନାନୁ ପୁଞ୍ଜାମାଲ୍, ମସିହା,  
ଆମ୍ବାଆରାଇଁ କ୍ରୀସୁ ଇନେରି, ଏଞ୍ଜାସି  
ଖାନେସି; ଏଚେତା ଏଞ୍ଜାସି ଖାନେସି  
ମାଙ୍ଗେ ବାରେ କାତା ପୁଣ୍ଡାମି କିୟାନେସି  
□”

୨୬ ଜୀସୁ ଏଦାନି ଏଲେଇଚେସି,  
“ନୀର୍ବ ନୀ ତଲେ ହାଡା ଆହିମାନାଚେର୍ବ  
ନାନୁ, ନାନୁ ଏଞ୍ଜାଚେର୍ବ □”

୨୭ ଏଚିବେଲାତା ତାନି ସୀସୁୟାଁ  
ଞ୍ଜାହାନା ତାନୁ ର. ଆୟାଟି ତଲେ  
ହାଡା ଆହିମାନାଣି ମେସାନା କାବା  
ଆଚେରି, ଆଡ଼ିଜିକେଏ ନୀନୁ ଏନାଆଁ  
ମନ କିହିମାଞ୍ଜି, ଆଆଚଁ ଏନାଆଁତାକି  
ଏଦାନିତଲେ ହାଡା ଆହିମାଞ୍ଜି ଇଞ୍ଜି ?  
ଆମ୍ବାଆରି ଖେନାଆଚେରି □

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି  
ଏୟୁ ତ:କା ପିସାନା ଗାଡାତା ହାଜାନା  
ଲକୁଣି ଖେସେ, “ଖାଦୁ, ରଅଣାଇଁ  
ମେହ୍ଦେରି,

୨୯ ନାନୁ ଏନା ଏନାଆଁ ନା  
ଜୀହୁତା କିହାମାଇଁ, ଏଞ୍ଜାସି ନାଙ୍ଗେ  
ବାରେ ଖେସ୍ତାଚେସି; ଏଞ୍ଜାସି ମସିହା  
ଆହାଡ଼ୟିନେସି ?”

୩୦ ଏମ୍ବାଟିଏ ଏମ୍ବାଟି ଲକୁ ଗାଡାଟି  
ହଚାନା ଜୀସୁ ତାଣା ହାଚେରି □

୩୧ ଏଚିବେଲାତା ସୀସୁୟାଁ  
ବାଡିମାଲିହଁ ଏଲେଇଚେରି, “ଏ  
ଗୁରୁ, ତିନାମୁ □”

୩୨ ସାମା ଜୀସୁ ଏଞ୍ଜାରାଇଁ  
ଏଲେଇଚେସି, “ତିଞ୍ଜାଲି ତାକି ଏମିନି  
କାଦି ନା ତାଣା ମାନେ, ମୀରୁ ଏ କାଦିତି  
କାତା ପୁଞ୍ଜାହିଲଅଚେରି □”

୩୩ ସୀସୁୟାଁ ତାମୁ ତାମୁ ହାଡାକାତା  
ଆଚେରି, “ଆମ୍ବାଆୟି ତାଙ୍ଗେତାକି  
କାଦି ତାତା ହାହାମାନେ ହାବୁଲ୍ଲା ?”

୩୪ ଜୀସୁ ଏଞ୍ଜାରାଇଁ ଏଲେଇଚେସି,  
“ନାଙ୍ଗେ ପାଣ୍ଡାମାଞ୍ଜାନାଣା ଅଣ୍ପୁ ଅଡ଼େ  
ତାନି କାମା ରାପ୍ନାୟି ଏଦିଏ ନା କାଦି  
□

୩୫ ଆନା ଦାଚାଲି ଅଡ଼େ ସାରି  
ଲେଞ୍ଜୁ ମାନେ, ଇ କାତା ମୀରୁ  
ଞ୍ଜେସିହିଲଅଚେରି ସାମା ନାନୁ ମିଙ୍ଗେ  
ଞ୍ଜେସିମାଞ୍ଜାଇଁ, ଗୁଡିୟାକା ବାରେ  
ସିନିକିଦୁ ଏ ବାରେ ଦାଚାଲି ତାକି  
କାମ୍ବାହାଚେୟିଏ □

୩୬ ନୀର୍ବ ଜିକେଏ ଦାଃଆନାରାକି  
କୁଲି ହାପ୍ତିକି ଆହିମାନେ ଅଡ଼େ

କାଳାକାଳାତି ଜୀଝୁତାକି ପାଡ଼େୟି କୃତି  
କିହିମାନେରି, ଏନିକିହିଁ ଦାଃଆନାସି  
ଅଡ଼େ କୃତିକିନାସି ରହେଁଏ ରାହାଁ  
କିନେରି □

୩୭ ଏନାଆଁତାକି ଇଚିହିଁ ରଅସି  
ମାଟିନେସି ଅଡ଼େ ଅର ରଅସି  
ଦାଃଆନେସି ଇ କାତା ସାତା □

୩୮ ମାରୁ ଏନାଆଁତାକି କାମା  
କିହାହିଲଅତେରି, ଏଦାଆଁ ଦାଡ଼ାଲି  
ତାକି ନାନୁ ପାଣ୍ଡାତେଏଁ; ଏଟକାତାରି  
କାମା କିହାମାନେରି, ଅଡ଼େ  
ମାରୁ ଏଞ୍ଜାରି କାମାତି ଲାଡ଼ା  
ବେଟାଆହିମାଞ୍ଜେରି □”

୩୯ “ନାନୁ ଏନା ଏନାଆଁ କିହାମାଲ୍,  
ଏ କାତା ଏଞ୍ଜାସି ନାଙ୍ଗେ ବାରେ  
ଝେସ୍ତାତେସି” ଇଞ୍ଜିଁ ଏମିନି ଆୟାଟି  
ସାକି ହାହାମାରେ, ଏଦାନି କାତାତାକି ଏ  
ଗାଡ଼ାତି ସମିରଣ ଲକୁ ବିଡ଼ାଟି ହାରେକା  
ଜୀସୁଇଁ ନାମିତେରି □

୪୦ ଅଡ଼େ ସମିରଣ ଲକୁ ଜୀସୁ  
ତାଣା ଝାହାନା ତାମିତଲେ ଡ଼ୟାଲି  
ତାକି ତାଙ୍ଗେ ବାତିମାଲିତେରି ଜୀସୁ  
ଏଞ୍ଜାରିତଲେ ଅଡ଼େ ରୀ ଦିନା ଡ଼ୟିତେସି  
□

୪୧ ଜୀସୁତି ବଲୁ ଝେଞ୍ଜାନା ହାରେକା  
ଲକୁ ନାମିତେରି □

୪୨ ଏଞ୍ଜାରି ଏ ଆୟାଟିଇଁ  
ଏଲେଇଚେରି, “ଞ୍ଜାରିଇ ନୀନୁ  
ଏଲେଇଞ୍ଜାତାକି ମାମ୍ନୁ ନାମାହିଲଅମି,  
ସାମା ମାମ୍ନୁ ଝେଞ୍ଜାମାନମି, ଅଡ଼େ,  
ଇଞ୍ଜାସି ସାତେଏ ଦାରତିତି  
ଗେଲ୍ପିନାସି, ଇଦାଆଁ ମାମ୍ନୁ  
ପୁଞ୍ଜାମାନମି □”

ଜୀସୁ ସାଲ୍ଝି କିନାଣି ମୀରଏଶାଲ୍  
ନେହିଁକିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି  
ହଡ଼ାନା ଗାଲିଲିତା ହାଚେସି □

୪୪ \*ଇଚିହିଁ ଜୀସୁ ତାଙ୍ଗେତାକି  
ସାକି ହାହିଁ ଏଲେଇଚେସି,  
“ମାହାପୁରୁ ଅଣ୍ପୁତି ବଲୁ ଝେହନାରି

ଜାହାରା ଦେସାତା ମାନି ବେଟାଆଅରି  
□”

୪୫ \*ଅଡ଼େ ଏଞ୍ଜାସି ଗାଲିଲିତା  
ଏଜାଲିଏ ଏ ଗାଲିଲିତାରି ଏଞ୍ଜାଶାଲ୍  
ଆବିତେରି, ଇଚିହିଁ ପିସ୍ପିଆନି  
ପାରୁ ବେଲାତା ଜୀସୁ ଜିରୁସାଲମତା  
ଏନା ଏନାଆଁ କିହାମାଚେସି ବାରେ  
ମେସାମାଚେରି ଏଞ୍ଜାରି ଜିକେଏ ପାରୁତା  
ହାଜାମାଚେରି □

୪୬ \*ଏମ୍ବାଟିଏ ଜୀସୁ ଗାଲିଲିତି କାନା  
ଗାଡ଼ାତା ଝେଶ୍ଟେ ହାଚେସି, ଏମ୍ବିୟା ଜୀସୁ  
ଏମ୍ବୁଣି ଅଙ୍ଗୁରି ରାସା କିହାମାଚେସି,  
ଏମ୍ବାଆଁ ପାସାକଡ଼ି କସ୍କା ମୁହେଁ କାଜାସି  
ରଅସି ମାଚେସି, ତାନି ମୀରଏସି  
କପରନାହୁମତା ଆଡ଼ିହିଲିଆତେସି □

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା  
ଞ୍ଜାହାମାନେସି ଇଞ୍ଜିଁ ଝେଞ୍ଜାନା, ତାନି  
ତାଣା ହାଜାନା ଏଞ୍ଜାସି ଝାହାନା ଏନିକିଁ  
ତାନି ମୀରଏଶାଲ୍ ନେହିଁ କିନେସି  
ଏଦାଆଁତାକି ବାତିମାଲିତେସି, ଇଚିହିଁ  
ଏଞ୍ଜାସି ହାନିହଗେ ଆହାମାଚେସି

୪୮ ଜୀସୁ ଏଞ୍ଜାଶାଲ୍ ଏଲେଇଚେସି,  
“ସିନା ଅଡ଼େ କାବାଆନି କାମାୟାଁ  
ମେହ୍ଆତିହିଁ ମୀରୁ ଏନିଜିକେଏ  
ନାମଅତେରି □”

୪୯ ଏ ସାଲ୍ଝି କିନାସି ଏଲେଇଚେସି,  
“ଏ ପ୍ରବୁ, ନା ମୀରଏସି ହାନି ନକେଏ ନା  
ତଲେ ଞ୍ଜାମ୍ନୁ □”

୫୦ ଜୀସୁ ଏଞ୍ଜାଶାଲ୍ ଏଲେଇଚେସି,  
“ହାଲାମୁ, ନା ମୀରଏସି ନୀତିନେସି  
□” ଏ ମାଣ୍ଠସିଇଁ ଜୀସୁ ଏମିନି ହାଡ଼ା  
ଝେସ୍ତେସି, ଏଞ୍ଜାସି ଏଦାଆଁ ନାମାନା  
ହାଚେସି □

୫୧ ଅଡ଼େ, ଏଞ୍ଜାସି ହାଲ୍ଝିନିଏ ତାନି  
ହଲିୟାଙ୍ଗା ଜିରୁତେଏ ନୀ ମୀରଏସି  
ନୀତିତେସି ଇଞ୍ଜିଁ ଝେସ୍ତେରି □

୫୨ ଏଚିବେଲାତା କକାସି  
ନେହିଁଆଡ଼େସି, ଏଦାଆଁ ଏଞ୍ଜାସି  
ଝେଚେସି □ ଏମ୍ବାଟିଏ ଏଞ୍ଜାରି  
ଏଲେଇଚେରି, “ରେଃଏନି ସାଡ଼ା ଗଂଟା  
ବେଲାତା ନଚେରି ପିସ୍ତେ □”

\* ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪  
ଜହ ୨:୧-୧୧

\* ୪:୪୫ ୪:୪୫ ଜହ ୨:୨୩ \* ୪:୪୭ ୪:୪୭

୫୩ ଏମ୍ବାଟି ତାମି ଆବା ପୁରେସି ଜୀସୁ ଆମିନି ବେଲ୍ଲାତା “ନୀ ମୀରୁଏସି ନୀଡିତେସି” ଇଞ୍ଜିଁ ୱେସାମାରେସି, ଏଟିବେଲ୍ଲାତେଏ ଏଡି ଗଟଞ୍ଜି ଆଡେ  
 □ ଏମ୍ବାଟିଏ, ଏଞ୍ଜାସି ଅଡେ ତାମି ଇଜଡି ବାରେ ଇଲ୍ଲୁ କୁଟମି ଜୀସୁ ତାଣା ନାମିତେରି □

୫୪ ଜୀହୁଦାଟିଏ ଗାଲିଲିତା ୱେଣ୍ଡା ୱାହ୍ନା, ଜୀସୁ ରୀ ପାଲି ତାକି ଇ କାବାଆନି କାମା କିତେସି □

**୫**

ଜୀସୁ କଡେ ଅଟର ବାର୍ସା ତାଣାଈଁ ନେହଁ କିନାୟି

୧ ଇଦାଣି ତାୟୁ ଜୀହୁଦି ଲକୁଡି ର ପାର୍ବୁ ଆଡେ, ଅଡେ ଜୀସୁ ଜିରୁସାଲମତା ହାଚେସି □

୨ ଜିରୁସାଲମତି ମେଣ୍ଡାୟାଁ ଦୁଞ୍ଜେରି ତାଗେ ର ବାନ୍ଦା ମାନେ; ଏଡି ହାଡାତଲେ ବେଡସାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ □

୩ ଏମ୍ବାଆଁ କାଣାୟାଁ, ସଗାୟାଁ ଅଡେ ଆଙ୍ଗା ୱାୟିଡି ରଗ ଗାଗାରି ହାଡେକା ଜାଣା ନେହଁ ଆୟାଲି କାବାହାଁ ମାଣ୍ଡିତେରି;

୪ ଇତିହଁ ଏଟିବେଲ୍ଲାତା ପ୍ରବୁଡି ର ଦୁଡୁ ବାନ୍ଦାତା ରେଗାନା ଏୟୁ ୱାଡ଼ହସାରେ, ଅଡେ ଏୟୁ ୱାଡିଡି ତାୟୁ ଆମ୍ବାଆସି ତଲିଏ ହଡନେସି, ଏଞ୍ଜାଣାକି ଏଡି ରଗ ଆହାମାଟି ଜିକେଏ ନେହଁ ଆହିମାଚେସି\* □

୫ କଡେ ଅଟର ବାର୍ସା ପାତେକା ରଗ ଗାଗାସି ରଅସି ଏମ୍ବାଆଁ ମାଚେସି □

୬ ଜୀସୁ ଏଞ୍ଜାଣାଈଁ ତୟାମାନାଣି ମେସାନା ଗାଡୁ ଦିନାତି ରଗ ଗାଗାସି ଇଞ୍ଜିଁ ପୁଞ୍ଜାହାଁ ଏଞ୍ଜାଣାଈଁ ୱେଚେସି, “ନୀନୁ ଏନାଆଁ ନେହଁ ଆହାଲି ମଡ କିହିମାଞ୍ଜି ?”

୭ ରଗ ଗାଗାସି ଏଞ୍ଜାଣାଈଁ ଏଲେଇଚେସି, “ବାବୁ, ଏୟୁ ୱାଡିନାଟି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି

ହିଲଅସି; ଅଡେ, ନାନୁ ହାନିବେଲ୍ଲାତା ଅଡେ ରଅସି ନା ନଡେଏ ହଡାହାନେସି □”

୮ ଜୀସୁ ଏଞ୍ଜାଣାଈଁ ଏଲେଇଚେସି, “ନିଙ୍ଗାମୁ, ନୀ ପାସ୍ପନି ଡେକାହାଁ ତାକାମୁ □”

୯ ଏ ଦେବୁଣିଏ ଏଞ୍ଜାସି ନେହଁ ଆଡେସି ଅଡେ ତାମି ପାସ୍ପନି ଡେକାନା ତାକାଲି ମାଟୁହେସି □

ଏ ଦିନା ଜମିନି ଦିନା ମାଚେ □

୧୦ ଇଦାଆଁତାକି, ଜୀହୁଦିୟାଁ ନେହଁ ଆହାମାନି ମାଣ୍ଡିଈଁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍ପନି ଡେକା ଅହାଲି ନିଙ୍ଗେତାକି ମେରା ଆଏ □”

୧୧ ସାମା, ଏଞ୍ଜାସି ଏଞ୍ଜାରାଈଁ ଏଲେଇଚେସି, “ଆମ୍ବାଆସି ନାଙ୍ଗେ ନେହଁ କିୟାଚେସି, ଏଞ୍ଜାସି ନାଙ୍ଗେ ଏଲେଇଞ୍ଜାଚେସି, ନୀ ପାସ୍ପନି ଡେକାନା ତାକାମୁ □”

୧୨ ଏଞ୍ଜାରି ଏଞ୍ଜାଣାଈଁ ୱେଚେରି, “ନୀ ପାସ୍ପନି ଡେକାନା ତାକାମୁ ଇଞ୍ଜିଁ ଏଲେଇଞ୍ଜାତାସି, ଏଞ୍ଜାସି ଆମ୍ବାଆସି ?”

୧୩ ସାମା ଏଞ୍ଜାସି ଆମ୍ବାଆସି, ଏ ନେହଁ ଆଡାସି ପୁଞ୍ଜା ହିଲ୍ଲାଆଚେସି, ଇତିହଁ ଏମ୍ବାଆଁ ଲକୁ ମାନ୍ଦା ମାଚାକି ଜୀସୁ ମେହଆରେଟୁ ହାଜାମାଚେସି □

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲ୍ଲୁତା ଏଞ୍ଜାଣାଈଁ ମେସାନା ଏଲେଇଚେସି, “ମେହ୍ମୁ, ନୀନୁ ନେହଁ ଆହାମାଞ୍ଜି, ଅଡେ ପାପୁ କିଆନି, ଏଡିକଁ ନିଙ୍ଗେତାକି ଗାଡି କସ୍ ୱାଏ □”

୧୫ ଏ ମାଣ୍ଡି ୱେଣ୍ଡା ହାଜାନା, ଆମ୍ବାଆସି ତାଙ୍ଗେ ନେହଁ କିହିମାଚେସି, ଏଞ୍ଜାସି ଜୀସୁ ଇଞ୍ଜିଁ ଜୀହୁଦିଙ୍ଗାଣି ୱେସେସି □

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାଚାକି ଜୀହୁଦିଙ୍ଗା ଏଞ୍ଜାଣାଈଁ ନିନ୍ଦା କିହାଲି ମାଟୁହେରି □

୧୭ ସାମା ଜୀସୁ ଏଞ୍ଜାରାଈଁ ଏଲେଇଚେସି, “ନା ଆବା ନୀଏଁ

\* ୫:୪ ୫:୪ ଇ କାତା ପୁଞ୍ଜା ପଡିତା ହିଲେଏ □

ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାଇଁ □”

୧୮ ଇ ହାଡ଼ା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡ଼େ ଗାଡ଼ି ଅଣ୍ପିତେରି, ଏଞ୍ଜାସି ଜମିନି ଦିନାତି ମେରାତି ଉରିତେସି ଖାରଇ ଏଦି ଆଏ, ସାମା ମାହାପୁରୁଇଁ ନା ଆବା ଇଞ୍ଜି ସେସାନା ତାଙ୍ଗେ ମାହାପୁରୁ ତଲେ ସମାନା କିହିମାତେସି □

ମୀରୁଏଣି ଅଦିକାରା

୧୯ ଜୀସୁ ଏଞ୍ଜାରାଇଁ ଏଲେଇତେସି, “ସାତା ସାତା ନାନୁ ମିଙ୍ଗେ ସେସିମାଞ୍ଜାଇଁ, ମୀରୁଏସି ଆବାଇଁ ଏନାଆଁ କିହିମାନାଣି ମେହନେସି, ଏଦାଆଁ ପିସ୍ତେ ଏଞ୍ଜାସି ତାନୁଏ ଏନାଆଁ କିହାଲି ଆଡ଼ଅସି □ ଇଚିହୁଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହୁଁଏ କିନେସି □

୨୦ ଇଚିହୁଁ ଆବା ମୀରୁଏଶାଇଁ ଜୀସୁ ନଡ଼େସି, ଅଡ଼େ ଏଞ୍ଜାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଶାଇଁ ତହୁନେସି, ଅଡ଼େ ମୀରୁ ଏନିକଁ କାବା ଆଡ଼େରି, ଏଦାଆଁତାକି ଏଞ୍ଜାସି ଏଞ୍ଜାଣି ତାଣାଟି ଇଦାନି କିହାଁ ଆଡ଼େ କାଜା କାଜା କାମା ତହୁନେସି □

୨୧ ଆବା ଏନିକଁ ହାଡ଼ି ଲକୁଣି ନିକ୍‌ହାନା ଜୀସୁ ହୀନେସି, ଏଲେକିହୁଁଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଞ୍ଜାରାଇଁ ଜୀସୁ ହୀନେସି □

୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକଁ ଆବାଇଁ ମାନ୍ତି କିହିମାନେରି, ଏଲେକିହୁଁଏ ମୀରୁଏଶାଇଁ ଜିକେଏ ମାନ୍ତି କିନେରି, ଏଦାଆଁତାକି ମୀରୁଏଶାକି ବାରେ ନୀହାଁୟି କିହାଲି ଅଦିକାରା ହୀହାମାନେସି □

୨୩ ଆମ୍ବାଆସି ମୀରୁଏଶାଇଁ ମାନ୍ତି କିଅସି, ଏଞ୍ଜାସି ତାଙ୍ଗେ ପାଣ୍ଡାତି ଆବାଇଁ ଜିକେଏ ମାନ୍ତି କିଅସି □”

୨୪ “ନାନୁ ମିଙ୍ଗେ ସାତା ସେସିମାଞ୍ଜାଇଁ, ଆମ୍ବାଆସି ନା ବଲୁ ସେଞ୍ଜାନା ନାଙ୍ଗେ ପାଣ୍ଡାତାଶାଇଁ ନାମିନାସି, ଏଞ୍ଜାସି କାଲାକାଲାତି ଜୀସୁ ବେଟା ଆହାମାନେସି, ଅଡ଼େ, ଏଞ୍ଜାସି ନୀହାଁୟି କିଞ୍ଜିଆଆନା ହାକିତି ଜୀଶାଆହାନା ରାଆଗାଟି ଜୀସୁତା ହଡ଼ାମାନେସି □

୨୫ ନାନୁ ମିଙ୍ଗେ ସାତା ସେସିମାଞ୍ଜାଇଁ, ର ଦିନା ଖାନେ ନୀଏଁ ଜିକେଏ ଏଦାତେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରୁଏଣି ହାଡ଼ାତି ସେନେରି ଅଡ଼େ ଆମ୍ବାଆରି ସେନାରି ଏଞ୍ଜାରି ନୀତିନେରି □

୨୬ ଇଚିହୁଁ ଆବା ଏନିକଁ ତାନୁଏ ଜୀସୁ ଗାଟାସି, ଏଲେକିହୁଁଏ ଏଞ୍ଜାସି ମୀରୁଏଶାଇଁ ଜିକେଏ ଜୀସୁ ଗାଟାସି ଆହାଲି ହୀହାମାନେସି □

୨୭ ଅଡ଼େ, ଏଞ୍ଜାସି ମାଣ୍ଡସି ମୀରୁଏସି ଆହାମାନାକି ଏଞ୍ଜାସି ଏଞ୍ଜାଶାକି ନୀହାଁୟି କିନି ଅଦିକାରା ହୀତେସି □

୨୮ ଇଦାଆଁତାକି କାବା ଆଆଦୁ, ଇଚିହୁଁ ଏଚିବେଲା ହାଡ଼ି ଲକୁ ମାହଣି ମାଣ୍ଡାଟି ତାନି ଗିୟାଁ ସେନେରି ଅଡ଼େ ଆମ୍ବାଆରି ସାତା କାମା କିହାମାନେରି,

୨୯ ଏଞ୍ଜାରି ଜୀସୁତା ସେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତ କାମା କିହାମାନେରି, ଏଞ୍ଜାରି ନୀହାଁୟିତି ତଣ୍ଡୁ ତାକି ସେଣ୍ଡେ ନିଙ୍ଗା ଖାନେରି, ଇଲେତି ଦିନା ଖାହିମାନେ □”

ଜୀସୁ ଖାକିଟି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡ଼ଅ; ନାନୁ ଏନିକଁ ସେଇଁ, ଏଲେକିହୁଁଏ ନୀହାଁୟି କିଇଁ, ଅଡ଼େ ନା ନୀହାଁୟି ଚିକାଣାତାୟି, ଇଚିହୁଁ ନାନୁ ନା ମନତଲେ କିହାଲି ଅଣ୍ପାଆନା, ନାଙ୍ଗେ ପାଣ୍ଡାତାଶା ମନ ଲେହେଁ କିହାଲି ଅଣ୍ପିମାଇଁ □”

୩୧ “ନାନୁ ନାଙ୍ଗେତାକି ସାକି ହୀଇଁ, ଆଡ଼ିଜିକେଏ ନା ସାକି ସାତା ଆଏ □

୩୨ ନା କାତାତି ଆମ୍ବାଆସି ସାକି ହାନେସି, ଏଝାସି ଅର ରଅସି; ଅଡେ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଈଁ ।

୩୩ \*ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡେ ଏଝାସି ସାତା ତାକି ସାକି ହାହାମାନେସି ।

୩୪ ସାମା ନାଞ୍ଜେ ମାଣ୍ଡସି ତାଣାଟି ସାକି ଲଡ଼ା ଆଏ, ସାମା ମୀରୁ ଏନିକ୍ ଗେଲ୍‌ପି ଆଦେରି, ଏଦାଆଁତାକି ଈ ବାରେ ଝେସିମାଞ୍ଜାଇଁ ।

୩୫ ଜହନ ଡ଼ାଞ୍ଜିତି ମିଣ୍ଡସିମାନି ଦୀଝଁ ମାରେସି, ଇଞ୍ଜା ମୀରୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହଁ ଆହଁ ମାଞ୍ଜାଲି ମନ କିହାମାଚେରି ।

୩୬ ସାମା ଜହନତି ସାକି କିହଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇଚିହଁ ଆଡ଼ା ନାଞ୍ଜେ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏମିନି କାମା କିହିମାଈଁ, ଆଡ଼ା ନାଞ୍ଜେ ପାଣ୍ଡାମାଞ୍ଜାନେସି ଇଞ୍ଜି ଏ ବାରେ ନା ଝାକିଟି ସାକି ହାହିମାନେସି ।

୩୭ ଅଡେ ଏମିନି ଆଡ଼ା ନାଞ୍ଜେ ପାଣ୍ଡାଚେସି, ଏଝାସି ନା ତାକି ସାକି ହାହାମାନେସି । ମୀରୁ ଏଚେଲା ଏଝାଣି ହାଡ଼ା ଝେଞ୍ଜା ହିଲଅଚେରି କି ତାନି ମୁମ୍ ଫେସା ହିଲଅଚେରି ।

୩୮ ଅଡେ ଏଝାଣି ବଲୁ ମୀ ହିୟାତା ଇଚାହିଲଅଚେରି, ଇଚିହଁ ଏଝାସି ଆମ୍ବାଆରାଇଁ ପାଣ୍ଡାଚେସି ମୀରୁ ଏଝାଣାଇଁ ନାମିହିଲଅଚେରି ।

୩୯ ମୀରୁ ଦାମ୍ବୁ ପତିତି କାତା ପାରିମାଞ୍ଜେରି, ଇଚିହଁ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନମି ଇଞ୍ଜି ଅଣପିମାଞ୍ଜେରି ଅଡେ ଏ ଦାମ୍ବୁ ପତି ନା ଝାକିଟି ସାକି ହାହିମାନେ ।

୪୦ ସାମା ମୀରୁ ଜୀଝୁ ବେଟାଆହାଲି ତାକି ନା ତାଣା ଝାହାଲି ମନ କିହିହିଲଅଚେରି ।

୪୧ “ନାନୁ ମାଣ୍ଡସିୟାଁ ତାଣାଟି

ଗାଝୁରମି ପାରିହିଲଅଁ ।

୪୨ ସାମା ନାନୁ ମିଜେ ପୁଞ୍ଜାମାଞ୍ଜାଇଁ, ମୀ ହିୟାତା ମାହାପୁରୁତି ଜୀଝୁନନାୟି ହିଲେଏ ।

୪୩ ନାନୁ ନା ଆଡ଼ା ଦରୁଟି ଝାହାମାଈଁ, ଅଡେ ମୀରୁ ନାଞ୍ଜେ ଅପିମାଞ୍ଜଅଚେରି; ଅର ରଅସି ତାନି ଦରୁଟି ଝାଡ଼ିହଁ, ମୀରୁ ଏଝାଣାଇଁ ଅପିଦେରି ।

୪୪ ମୀରୁ ଏନିକ୍ ନାମିମାଞ୍ଜେରି ? ମୀରୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡେ ଏମିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିହିଲଅଚେରି

୪୫ ନାନୁ ଆଡ଼ା ନକିତା ମୀ କପାଟି ଦହ ଦସ୍ତାଇଁ, ଏଲେଇଞ୍ଜି ଅଣପାଆଦୁ; ଆମିନି ମସା ତାଣା ମୀରୁ ବାସୁଁ ଇଚାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି ।

୪୬ ଇଚିହଁ ମୀରୁ ମସାଇଁ ନାମା ମାଚିହଁ, ନାଞ୍ଜେ ଜିକେଏ ନାମାଚେରିମା, ଇଚିହଁ ଏଝାସି ନା କାଚେଏ ରାଚାମାନେସି ।

୪୭ ସାମା ମୀରୁ ଏଝାଣି ରାଚାମାନି କାତା ନାମା ହିଲଅଚେରି, ଆତିହଁ ନା କାତା ଏନିକ୍ ନାମିଦେରି ?”



ଜୀସୁ ପାସାମାଣା ଲକୁଣି ତୀହନାୟି (ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁରି, ଇଚିହଁ ତିବିରିୟା ସାମ୍ବୁରି ଆତାଲାଝାକି ହାଚେସି ।

୨ ଅଡେ ଏଝାସି ରଚା ଗାଚାରାଇଁ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକୁ ଏଝାଣି ଜେଚ ଜେଚ ହାଚେରି ।

୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁଗିଚେସି ।

୪ ଏତିବେଳା ଜୀହୁଦି ଲକୁଡି ପିସ୍‌ପିଆନ୍‌ନି ପାର୍ଶୁ ତାଗେ ଆହାମାଚେ  
□

୫ ହାରେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଇଁ ଏଲେଇଚେସି, “ଇଝାରାକି ତିଞ୍ଜାଲି ମାର ଆମ୍ବିଟି ରାନ୍ଦା କଡିନାୟି ?”

୬ ସାମା ଏଝାସି ପିଲିପଇଁ ତାୟିପାରି କିୟାଲି ଏଲେଇଚେସି, ଇଚିହୁଁ ଏଝାସି ଏଦାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାଚେସି □

୭ ପିଲିପ ଏଝାଣାଇଁ ଏଲେଇଚେସି, “ବାରେ ଲକୁତାକି ଇଚା ଇଚାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଝେଣ୍ଡି ଚାକାୟାଁତି\* ରୁଟି ଜିକେଏ ହାଲାର □”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟ ଦରୁଗାଟାସି ଜୀସୁଇଁ ଏଲେଇଚେସି,

୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍ଡକା ରିଣ୍ଡି ମାନୁ, ସାମା ଇଚେକା ଲକୁତାକି ଏଝି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକୁଣି କୁପକି କିଦୁ □” ଏ ଚାୟୁତା ହାରେକା ଗାକି ଜାଡ଼ା ମାଚେ □ ଏମ୍ବାଆଁ ପାସାମାଣା ଆବାୟାଁ କୁଗିତେରି □

୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଇଁ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହୀତେରି, ମୀଣ୍ଡକା ଜିକେଏ ଏଲେକିହୁଁଏ ବାଟିକିତେରି, ଏଚେକା ମନ କିତେରି ଏଝାରାକି ଏଚେକା ହୀତେରି □

୧୨ ଅଡ଼େ ଏଝାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଇଁ ଏଲେଇଚେସି, “ଏଚେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକିଁ ଇଚାୟି ଜିକେଏ ନସ୍ତା ଏଏ □”

୧୩ ଏଚେଟିଏ ଲକୁ ତିଟି ତାୟୁ ପାସାଗଟା ରୁଟି ବିତ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିତେରି □

୧୪ ଜୀସୁତି ଇ କାବାଆନ୍‌ନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍‌ପୁଡି ବଲୁ ଝେକ୍‌ନାସି ଦାର୍‌ତିତା ଖାନାୟି ମାଚେ, ଏଝାସି ସାତେଏ ଇଝାସି □”

୧୫ ଏଦାଆଁତାକି ଏଝାରି ଖାହାନା ରାଜା କିୟାଲି ବାଲ୍‌ମିଟି ଆସା ଅୟାନେରି ଇଞ୍ଜୁଁ ପୁଞ୍ଜାନା ଜୀସୁ ଏଚକା ଆହାନା ରଅସିଏ ଦାରିତା ମାଟି ହରୁ ଲାକ ହଚାହାଚେସି □

ଜୀସୁ ଏୟୁ ଲାକ ତାକିନାୟି  
(ମାଟି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲା ଆହାଲିଏ ତାନି ସୀସୁୟାଁ ସାମଦୁରି ଗାଟୁତା ହାଚେରି □

୧୭ ଅଡ଼େ ସାମଦୁରି ଆତାଲା ମାନି କପରନାହୁମ ଖାକି ହାଜାଲି ତଂଗତା ହଡ଼େରି □ ଆନ୍ଦେରି ଆହାହାଚେ, ଅଡ଼େ, ଜୀସୁ ଏତିବେଳା ପାତେକା ଏଝାରିତାଣା ଖାହା ହିଲାଆତେସି □

୧୮ ଇଞ୍ଜା କାଜା ଗାଲି ଝେଡିମାଚାକି ସାମଦୁରିତା ଆଜିହପେତି ଏୟୁ ଉଣ୍ଡାୟାଁ ନିଞ୍ଜିମାଚୁ □

୧୯ ଏତିବେଳା ଏଝାରି ସ କିଲମିଟର ହେକ ହାଜାଲିଏ ଜୀସୁ ସାମଦୁରିତା ତାକିହୁଁ ତଂଗ ଖାକି ଖାହିମାନାଣି ମେସାନା ଆଜିତେରି □

୨୦ ସାମା ଜୀସୁ ଏଝାରାଇଁ ଏଲେଇଚେସି, “ଆଜାଆଦୁ ଇଝାତେଏଁ ନାନୁ □”

୨୧ ଏମ୍ବାଟିଏ ଏଝାରି ଏଝାଣାଇଁ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମଦୁରି ଗାଟୁତା ହାଜିମାଚେରି, ଦେବୁଣିଏ ଏ ଚାୟୁତା ତଂଗ ଏଡେ □

ଜୀସୁଇଁ ଲକୁ ପାରିନାୟି

୨୨ ଏ ଚାୟୁତା ର ତଂଗ ପିସ୍‌ପେ ଏଚକାତି ତଂଗୟାଁ ହିଲାଆଡୁ, ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆତେସି, ସାମା ଖାରଇ ସୀସୁୟାଁ ହାଜାମାଚେରି, ଇଦାଆଁ

\* ୬:୨ ଝେଣ୍ଡି ଚାକା ର ରୁପାଟାକା ର ଦିନାତି କୂଲି ମାଟି ୨୦:୨



ଆମିନି ଲକୁ ତାନି ଅର ନେରୁ  
ସାମ୍ବୁରି ଆତାଲା ନିଚାମାଚେରି ଏଞ୍ଜାରି  
ମେସାମାଚେରି □

୨୩ ଆମିନି ତାଣା ଜୀସୁ ଜହରା  
କିହାନା ଲକୁଣି ରୁଚି ତିଞ୍ଜାଲି  
ହାହାମାଚେସି, ତିବିରିୟାଟି ଅଡ଼େ  
ଏଚରଗଟା ତଂଗାୟା ଏ ଚାୟୁତା ଖାତୁ  
□

୨୪ ଇଞ୍ଜା ଜୀସୁ ତାନି ସୀସୁୟା ଏମ୍ବାଆଁ  
ହିଲାଆଚେରି, ଇଦାଆଁ ମେସାନା ବାରେ  
ଲକୁ ଇ ତଂଗତା ହଚାନା ଜୀସୁଇଁ ପାରି  
ପାରିହୁଁ କପରନାହୁମତା ଖାଡ଼େରି □

ଜୀସୁ ଜୀଞ୍ଜୁତି ରାନ୍ଦା

୨୫ ଏଞ୍ଜାରି ସାମ୍ବୁରି ଆତାଲା ଜୀସୁଇଁ  
ବେଟାଆହାନା ଖେଚେରି, ଏ “ଗୁରୁ,  
ନାନୁ ଏଚିବେଲା ଇମ୍ବାଆଁ ଖାଡ଼ି ?”

୨୬ ଜୀସୁ ଏଞ୍ଜାରାଇଁ ଏଲେଇଚେସି,  
“ନାନୁ ମିଙ୍ଗେ ସାତା ଖେସିମାଞ୍ଜାଇଁ,  
ନା କାବାଆନି କାମା ମେସ୍ତାକି ନାଙ୍ଗେ  
ପାରିମାଞ୍ଜାଦେରି ଏଦି ଆଏ, ସାମା  
ରୁଚି ତିଞ୍ଜା ପାଞ୍ଜିତାକି ମୀରୁ ନାଙ୍ଗେ  
ପାରିମାଞ୍ଜାଦେରି □

୨୭ ସୀରୁନି ରାନ୍ଦା ତାକି କାମା  
କିଆନା, କାଲାକାଲାତି ଜୀଞ୍ଜୁତାକି  
ଡ଼ୟିନି ରାନ୍ଦା ତାକି କାମା କିଦୁ, ଏ ରାନ୍ଦା  
ମାଣସି ମୀରୁଏସି ମିଙ୍ଗେ ହିୟାନେସି,  
ଇଚିହୁଁ ତାନି ଆବା ମାହାପୁରୁ  
ଏଞ୍ଜାଣାକି ଅଦିକାରା ହାହାମାନେସି □”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ  
ଖେଚେରି, “ମାହାପୁରୁଚି ବାରେ କାମା  
କିହାଲିତାକି ମାଙ୍ଗେ ଏନାଆଁ କିହାଲି  
ଆନେ ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି,  
“ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି,  
ଏଞ୍ଜାଣି ତାଣା ନାମିନାୟି ମାହାପୁରୁଚି  
କାମା □”

୩୦ ଏଚେଟିଏ ଏଞ୍ଜାରି ଏଞ୍ଜାଣାଇଁ  
ଖେଚେରି, “ଆତିହୁଁ ନାନୁ  
ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ  
ମେସାନା ମାମ୍ବୁ ନିଙ୍ଗେ ନାମାନମି ?

୩୧ ମା ଆକୁ ଆବାୟା ଲକୁ ଡ଼ୟାଆ  
ଚାୟୁତା ‘ମାନା’† ତିଞ୍ଜା ମାଚେରି,  
ଦାମ୍ବୁପତିତା ରାସ୍ତକି ଆହାମାନେ,  
ତିଞ୍ଜାଲି ଏଞ୍ଜାସି ଏଞ୍ଜାରାକି ଲାକପୁରୁଚି  
ରାନ୍ଦା ହାଚେସି □”

୩୨ ଏଚେଟିଏ ଜୀସୁ ଏଞ୍ଜାରାଇଁ  
ଏଲେଇଚେସି, “ସାତା ସାତା ନାନୁ  
ମିଙ୍ଗେ ଖେସିମାଞ୍ଜାଇଁ, ମସା ମିଙ୍ଗେ  
ଲାକପୁରୁଚି ରାନ୍ଦା ହାହାମାଞ୍ଜଅସି,  
ସାମା ନା ଆବା ମିଙ୍ଗେ ଲାକପୁରୁଚି ସାତା  
ରାନ୍ଦା ହିୟାନେସି;

୩୩ ଇଚିହୁଁ ଆମିନି ରାନ୍ଦା  
ଲାକପୁରୁଚି ଖାହାନା ଦାରତିତି ଲକୁଣି  
ଜୀଞ୍ଜୁ ହାନେ, ଏଦି ମାହାପୁରୁ ହିୟାତି  
ରାନ୍ଦା □”

୩୪ ଏଞ୍ଜାରି ଜୀସୁଇଁ ଏଲେଇଚେରି,  
“ପୁରୁ, ମାଙ୍ଗେ ବାରେଦିନା ଏ ରାନ୍ଦା  
ହିୟାମୁ □”

୩୫ ଏମ୍ବାଟିଏ ଜୀସୁ ଏଞ୍ଜାରାଇଁ  
ଏଲେଇଚେସି, “ନାନୁଏ ଜୀଞ୍ଜୁତି  
ରାନ୍ଦାଚେଏ; ଆମ୍ବାଆସି ନା ତାଣା  
ଖାନ୍ଦେସି, ଏଞ୍ଜାସି ଏଚେଲା ହାକି ଆଅସି,  
ଅଡ଼େ ନା ତାଣା ନାମିନାସି, ଏଚେଲା  
ଏସ୍ତକି ଆଅସି □

୩୬ ସାମା ନାନୁ ମିଙ୍ଗେ ଖେସିମାଞ୍ଜାଇଁ,  
ମୀରୁ ନାଙ୍ଗେ ମେସ୍ତାତି ଜିକେଏ  
ନାମିମାଞ୍ଜଅଚେରି □

୩୭ ଆବା ନାଙ୍ଗେ ଆମ୍ବାଆରାଇଁ  
ହିୟାନେସି, ଏଞ୍ଜାରି ବାରେଜାଣା ନା  
ତାଣା ଖାନ୍ଦେରି; ଅଡ଼େ ନା ତାଣା  
ଖାନ୍ଦାଣାଇଁ, ନାନୁ ଏଚେଲାଖା ପାଙ୍ଗାତା  
ପିହୁଅଁ □

୩୮ ଇଚିହୁଁ ନାନୁ ଅଣ୍ଡପିନି ଲେହେଁ  
କିହାଲି ଖାହାହିଲଅଁ, ସାମା ନାଙ୍ଗେ  
ପାଣ୍ଡାତାଣା ଅଣ୍ଡପୁ ତଲେ କିହାଲି  
ଲାକପୁରୁଚି ଖାହାମାଇଁ □

୩୯ ଅଡ଼େ ନାଙ୍ଗେ ପାଣ୍ଡାମାଞ୍ଜାନାସି  
ଆମିନି ଗାଟାରାଇଁ ନାଙ୍ଗେ ହିୟାନେସି,  
ଏଞ୍ଜାରି ବିତ୍ରାଟି ଆମ୍ବାଆରାଇଁ ଜିକେଏ  
ଏନିକଁ ନାନୁ ଜାକ୍ଅଁ, ସାମା ରାନି

† ୬:୩୧ ୬:୩୧ ମାନା ଇଚିସାରେ ଇସ୍ତାୟେଲ ଲକୁକି ମାହାପୁରୁ ହାହାମାଟି କାଦିତି ଦରୁ

ଦିନାତା ଏଞ୍ଜରାଙ୍କ ହାତାରି ତାଣାଟି ନିକ୍ଲ, ଇଦି ଏଞ୍ଜାଣି ଅଣ୍ପୁ □

୪୦ ଇଚିହ୍ ଆମ୍ବାଆସି ମୀରୁଏଣାଙ୍କ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକ୍ କାଲାକାଲାତି ଜୀଝୁ ବେଟା ଆନେସି, ଇଦି ନା ଆବାତି ଅଣ୍ପୁ, ଅଡେ ନାନୁ ଏଞ୍ଜାଣାଙ୍କ ରାନ୍ଦି ଦିନାତା ହାତାରି ତାଣାଟି ନିକ୍ଲ □

୪୧ ନାନୁ ଲାକପୁରୁଟି ରେଟା ଖାହାମାନି ରାନ୍ଦାତେଏଁ ଇଞ୍ଜ୍ ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆଡେତରି □

୪୨ “ଇଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡେ ମାର ଇଞ୍ଜାଣି ଇୟା ଆବାତି ପୁଞ୍ଜାହିଲ୍ଲାଆୟି କି ? ଆଡିହ୍ ନାନୁ ଲାକପୁରୁଟି ରେଟା ଖାହାମାଙ୍କ ଇଞ୍ଜ୍ ଏଞ୍ଜାସି ନୀଏଁ ଏନିକ୍ ଖେସିମାନେସି ?”

୪୩ ଜୀସୁ ଏଞ୍ଜରାଙ୍କ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ □”

୪୪ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଙ୍କ ରେଜା କତିନେସି, ଏଞ୍ଜାସିଦେଁ ନା ତାଣା ଖାହାଲି ଆଡିନେସି, ଅଡେ ନାନୁ ରାନ୍ଦି ଦିନାତା ଏଞ୍ଜାଣାଙ୍କ ହାତାରି ତାଣାଟି ନିକ୍ଲ □

୪୫ ମାହାପୁରୁ ଅଣ୍ପୁତି ବଲ୍ଲୁ ଖେହ୍ନାରି ଦାମ୍ବୁପତିତା ରାସ୍ତକି ଆହାମାନେ, “ବୀରେଜାଣା ମାହାପୁରୁ ତାଣାଟି ଜାପିନେରି □ ଆମ୍ବାଆସି ଆବାତି କାତା ଖେଞ୍ଜାନା ଜାପାମାନେସି, ଏଞ୍ଜାସି ନା ତାଣା ଖାନେସି □

୪୬ ଆମ୍ବାଆସି ଆବାଙ୍କ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାର୍ଲ ଏଞ୍ଜାସି ମେସାମାନେସି □

୪୭ ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ଆମ୍ବାଆସି ନାମିନେସି, ଏଞ୍ଜାସି କାଲାକାଲାତି ଜୀଝୁ ବେଟା ଆହାମାନେସି □

୪୮ ନାନୁ ଜୀଝୁତି ରାନ୍ଦାତେଏଁ □

୪୯ ମୀ ଆକୁ ଆବାୟାଁ ଲକୁ ତୟାଆ ଚାୟୁତା ମାନା ତିଞ୍ଜାନା, ହାଡେତରି □

୫୦ ଆମ୍ବାଆରି ଏନିକ୍ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନ୍ଦି ରାନ୍ଦା ଇଦି □

୫୧ ନାନୁ ଲାକପୁରୁଟି ଖାହାମାନି ଏ ଜୀଝୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନୀଡିନେସି; ହାଅ, ନାନୁ ଏମିନି ରାନ୍ଦା ହୀଇ, ଏଞ୍ଜି ନା ଉଙ୍ଗା, ନାନୁ ଏଞ୍ଜାଆଁ ଦାର୍ତତି ଜୀଝୁତାକି ହୀଇ □

୫୨ ଇ ହାଡା ଖେଞ୍ଜାନା ଜୀହୁଦିୟାଁ କାର୍ବି ଆହାନା ଏଲେଇଣ୍ଡି ଆଡେତରି, “ଇଞ୍ଜାସି ଏନିକ୍ ମାଙ୍ଗେ ତାନି ଉଙ୍ଗା ତିଞ୍ଜାଲି ହିୟାଲି ଆଡାନେସି ?”

୫୩ ଜୀସୁ ଏଞ୍ଜରାଙ୍କ ଏଲେଇଚେସି, “ନାନୁ ସାତା ଖେସିମାଞ୍ଜାଙ୍କ, ମାଣ୍ଡସି ମୀରୁଏଣା ଉଙ୍ଗା ତିନାଆସାରେ ଅଡେ ତାନି ନେତେରି ଗହ୍‌ଆସାରେ, ମୀ ତାଣା ଜୀଝୁ ହିଲେଏ □

୫୪ ଆମ୍ବାଆସି ନା ଉଙ୍ଗା ତିନେସି ଅଡେ ନା ନେତେରି ଗହ୍‌ନେସି, କାଲାକାଲାତି ଜୀଝୁ ବେଟା ଆନେସି, ଅଡେ ନାନୁ ଏଞ୍ଜାଣାଙ୍କ ରାନ୍ଦି ଦିନାତା ହାତାରି ତାଣାଟି ନିକ୍ଲ □

୫୫ ଇଚିହ୍ ନା ଉଙ୍ଗା ସାତା ରାନ୍ଦା ଅଡେ ନା ନେତେରି ସାତା ଗହ୍‌ନାୟି □

୫୬ ଆମ୍ବାଆସି ନା ଉଙ୍ଗା ତିନେସି ଅଡେ ନା ନେତେରି ଗହ୍‌ନେସି, ଏଞ୍ଜାସି ନା ତାଣା ତୁୟିନେସି ଅଡେ ନାନୁ ଏଞ୍ଜାଣି ତାଣା ତୁୟିଇ □

୫୭ ଜୀଝୁତି ଆବା ନାଙ୍ଗେ ଏନିକ୍ ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି ନୀତାମାଙ୍କ, ଏଲେକିହ୍ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଞ୍ଜାସି ଜିକେଏ ନା ତାଣାଟି ନୀଡିନେସି □

୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକ୍ ତିଞ୍ଜାନା ହାଡେତରି, ଇଦି ଏଲେତାୟି ଆଏ, ଆମ୍ବାଆସି ଇ

ରାନ୍ଦା ତିନାସି ଏଝାସି କାଲାକାଲା ତାକି ଜୀଝୁତଲେ ଡ଼ୟିନେସି □

୫୯ ଜୀସୁ କପରନାହୁମତି ର ଜୀହୁଦି ଲକ୍ଷୁତି କୁଟମି ଇଲୁଡ଼ାଃ ମାହାପୁରୁ ବଲୁ ଝେସିମାଗାଟି ଇ ବାରେ କାତା ଝେସେସି □

କାଲାକାଲା ଜୀଝୁତି ବଲୁ

୬୦ ଜୀସୁତି ସୀସୁୟାଁ ବିତ୍ରାଟି ହାରେକା ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡ଼ିନେସି ?”

୬୧ ଏଝାରି ଇ କାତାତାକି ଝେସପି ଆହିମାନେରି ଇଞ୍ଜି ଜୀସୁ ପୁଞ୍ଜାନା ସୀସୁୟାଁଙ୍କ ଏଲେଇଚେସି, “ଇ କାତା ମିଙ୍ଗେ ଅପାଆଗାଟାୟି ଆହିମାନେ କି ?

୬୨ ଆତିହୁଁ ମାଣସି ମୀରଏସି ତଲିଏ ମାତି ଗାୟୁତା, ଝେଣ୍ଡେ ହାନାଣି ମେସିହୁଁ, ଏନାଆଁ ଇଞ୍ଜେରି ?

୬୩ ମାହାପୁରୁତି ଜୀଝୁ ନୀତାଲି ହାନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଝେସ୍ତାତି ବଲୁ ବାରେ, ସୁଦୁଜୀଝୁ ଅଡେ ନୀତିନି ବଲୁ □

୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇତିହୁଁ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଝାଣାଙ୍କ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି □

୬୫ ଅଡେ ଏଝାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଙ୍କ, ଆବା ହେଲ ହାଆତିହୁଁ ଆମ୍ବାଆସି ନା ତାଣା ଖାୟାଲି ଆଡ଼ଅସି □”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାରେକା ଜାଣା ଅପାଆନାହାଁ ହାଜାତୁସେରି, ଇଞ୍ଜା, ଏଝାଣିତଲେ ଅଡେ ହାଲାଆତେରି □

୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଝେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

୬୮ ସିମନ ପିତର ଏଝାଣାଙ୍କ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀଝୁତି ବଲୁ ନୀ ତାଣା ମାନେ □

୬୯ ନାନୁ, ମାହାପୁରୁ ତାଣାଟି ଝାହାମାନି ଏ ସୁଦୁ ମାଣସିତି ଇଦାଆଁ ମାମ୍ବୁନାମା ମାନମି ଅଡେ ପୁଞ୍ଜାମାନମି □”

୭୦ ଜୀସୁ ଏଝାରାଙ୍କ ଏଲେଇଚେସି, “ନାନୁ ଏନାଆଁ ମୀ ବାରଜାଣାଚେରି ମିଙ୍ଗେ ଆଚାମାଞ୍ଜଅଁ କି ? ଅଡେ ମୀ ବିତ୍ରାଟି ରଅସି ସୟତାନ □”

୭୧ ଏଝାସି ଇସ୍ତାରିୟତ ସିମନ ମୀରଏସି ଜୀହୁଦାଙ୍କ ସିନିକିହାନା ଏଲେଇଚେସି, ଇତିହୁଁ ଏଝାସି ବାରଜାଣା ସୀସୁୟାଁ ବିତ୍ରାଟି ରଅସି, ଅଡେ ଏଝାସି ଜୀସୁଙ୍କ ସାତୁ କେୟୁତା ହେରପାଲି ହାଜିମାଚେସି □



ଜୀସୁ ଅଡେ ତାନି ତାୟିୟାଁ

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାଚେସି, ଇତିହୁଁ ଜୀହୁଦିୟାଁ ଏଝାଣାଙ୍କ ପାୟାଲି ଅଣପି ମାଚାକି ଏଝାସି ଜୀହୁଦା ରାଜିତା ରେଜାଲି ମନ କିହି ହିଲାଆତେସି □

୨ ସାମା ଜୀହୁଦି ଲକ୍ଷୁତି “ଗତାୟାଁ ଗୁଡ଼ାତା ବାସାଆନି” ପାର୍ବୁ ତାଗେ ଝାହିମାଚାକି □

୩ ଜୀସୁତି ତାୟିୟାଁ ଏଝାଣାଙ୍କ ଏଲେଇଚେରି, “ନାନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହନେରି ଇଦାଆଁତାକି ନାନୁ ଇମ୍ବାଟି ହଡ଼ା ହାଜାନା ଜୀହୁଦା ରାଜିତା ହାଲାମୁ □

୪ ଇତିହୁଁ ଲକ୍ଷୁତାଣା ଝେଙ୍ଗାଲି ମନ କିନାସି ତାନି କାମା ତୁଗୁହାଁ କିଅସି □ ନାନୁ ଇ ବାରେ କାମା କିହିମାଞ୍ଜ, ଆତିହୁଁ ନାନୁ ଦାର୍ତ୍ତି ନକିତା ତସାକତାମୁ □”

୫ ଇତିହାସ ତାମି ତାୟିୟା ଜିକେଏ ତାଜେ ନାମି ହିଲାଆତେରି □

୬ ଏମ୍ବାଟିଏ ଜୀସୁ ଏଞ୍ଜରାଜ୍ ଏଲେଇଚେସି, “ନୀର୍ବ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ □”

୭ ଦାରୁଡିତାରି ମିଜେ ଅପାନେରି ସାମା ନାଜେ ଅପଅରି ଏନାଆଁତାକି ଇତିହାସ ତାମି କାମା ବାରେ ଲାଗେଏତାୟି ଇଞ୍ଜ ନାନୁ ସାକି ହୀହାନା ତସିମାଜ୍ □

୮ ମୀରୁ ଇ ପାର୍ବୁତା ହାଜୁ, ନାନୁ ନୀର୍ବ ଇ ପାର୍ବୁତା ହାଜିହିଲଅଁ, ଇତିହାସ ନା ଦିନା ଖାହାହିଲେଏ □

୯ ଏଞ୍ଜସି ଏଞ୍ଜରାଜ୍ ଇ ବାରେ କାତା ଖେସାନା ଗାଲିଲିତା ଡୟିତେସି □

ଗରାୟା ଗୂଡାତା ବାସାଆନ୍ତି ପାର୍ବୁତା ଜୀସୁ

୧୦ ଜୀସୁତି ତାୟିୟା ଏ ପାର୍ବୁତା ହାତି ତାୟୁ, ଜୀସୁ ଜିକେଏ ହାଚେସି ସାମା ଲକୁ ମେହୁଆରେଟୁ ମେଣେଏ ହାଚେସି □

୧୧ ପାର୍ବୁ ବେଲାତା ଜୀହୁଦି ଲକୁ ଏଞ୍ଜାଣାଜ୍ ପାରି ପାରିହାସ, “ଏଞ୍ଜସି ଏମ୍ବିୟା ମାନେସି ଇଞ୍ଜ ଖେଚେରି?”

୧୨ ବାରେ ଲକୁ ଏଞ୍ଜାଣି ତାକି କିଲିବିଲି ଆହିମାଚେରି, ଏଚରଜାଣା “ଏଞ୍ଜସି ନେହା ମାଣସି” ଇଚେରି; ଅଡେ ଏଚରଜାଣା “ଆଏ, ଏଞ୍ଜସି ଲକୁଣି ନାଡ଼ି କିହିମାନେସି” ଇଞ୍ଜ ଇଚେରି □

୧୩ ସାମା ଜୀହୁଦିୟା ଆଜିତାକି ଆମ୍ବାଆରି ତାନି କାତା ପାଜାଞ୍ଜେଜେ ଖେସି ହିଲାଆତେରି □

୧୪ ସାମା ପାର୍ବୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି □

୧୫ ଏମ୍ବାଟିଏ ଜୀହୁଦିୟା କାବାଆହାନା ଏଲେଇଚେରି, “ଇଞ୍ଜସି ପାଟା ଜାପାଆନାହାଁ ଏନିକ୍ ଇଚେକା ବୁଦି ପୁଚେସି?”

୧୬ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଜେ ପାଣ୍ଡାତାଣାଞ୍ଜାୟି □

୧୭ ଆମ୍ବାଆସି ତାନି ଅଣ୍ଡୁ ତଲେ କିହାଲି ଅଣ୍ଡପିନେସି, ଆଡ଼ିସାରେ ଇ ଜାପୁନାୟି ମାହାପୁରୁ ତାଣାଟି ଖାହାମାନେ, କି, ନା ତାଣାଟି ଖେସିମାଜ୍, ଏଦାଣି ଏଞ୍ଜସି ପୁନେସି □

୧୮ ଆମ୍ବାଆସି ନାଦିଏ ଇନେସି, ଏଞ୍ଜସି ତାନି ଗାଞ୍ଜୁରମି ପାରିନେସି, ସାମା ଆମ୍ବାଆସି ତାଜେ ପାଣ୍ଡାମାଞ୍ଜାନାଣା ଗାଞ୍ଜୁରମି ପାରିନେସି, ଏଞ୍ଜସି ସାତା, ଅଡେ ଏଞ୍ଜାଣି ତାଣା ଏନାୟି ଲାଗେଏ କିନାୟି ହିଲେଏ □

୧୯ ମସା ମିଜେ ମେରା ହୀହାମାଞ୍ଜଅସି କି ? ଆଡ଼ିଜିକେଏ ମୀ ବିତ୍ତାଟି ଆମ୍ବାଆତେରି ମେରାଡ଼ି ମାନୁଞ୍ଜି ଆହି ହିଲଅତେରି, ମୀରୁ ଏନାଆଁତାକି ନାଜେ ପାୟାଲି ଅଣ୍ଡପିମାଞ୍ଜାଦେରି ?”

୨୦ ଲକୁ ବାରେ ଏଲେଇଚେରି, “ନିଜେ ବୁଡୁ ଆଲଗାମାଞ୍ଜାନେ, ନିଜେ ଆମ୍ବାଆସି ପାୟାଲି ଅଣ୍ଡପି ମାଞ୍ଜାନେସି ?”

୨୧ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ର କାବାଆନ୍ତି କାମା କିତେଏଁ, ଅଡେ ମୀରୁ ବାରେ କାବା ଆଡେରି □

୨୨ ଇଦାଆଁତାକି ମସା ମିଜେ ତଲୁ ଦାପି କିନି ମେରା ହୀହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆବାୟା ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ?

୨୩ \*ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଡ଼ି ମେରା ଉରିହିଲଅତେରି, ଆଡ଼ିହାସ ନାନୁ ଜମିନି ଦିନାତା ର ମାଣସିତି ଗୂଡା ଆଜା ନେହା କିୟାଲିଏ ମୀରୁ ନାଜେ ଏନାଆଁତାକି କପା ଆହିମାଞ୍ଜାଦେରି ?

୨୪ ଖାରୁଇ ଲାକ ଲାକ କାତା ମେସାନା ନୀହାୟି କିଆପୁ ସାତା ତଲେ ନୀହାୟି କିପୁ □”

ଇଝାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଝେସ୍ପି ଆଚେରି, “ଆମ୍ବାଆରାଇଁ ଇଝାରି ପାୟାଲି ଅଣ୍ପିମାନେରି ଇଝାସି ଏଝାସି ଆଏକି ?

୨୬ ଅଡେ ମେହ୍ନୁ, ଏଝାସି ଲକୁ ପୁଣ୍ଢେ କାତା ଝେସିମାନେସି, ଇଞ୍ଜାଁ ଏଝାଣାଇଁ ସାଲଝି କିନାରି ଏନାଆଁ କିହିଲିଅରି □ ଏଝାସି କ୍ରୀସ୍ତ ଇଞ୍ଜାଁ ଏଝାରି ଏନାଆଁ ସାତା ତଲେ ପୁଚେରି କି ?

୨୭ ଆଡିହିଁ ଏଝାସି, ଆମ୍ବିଟି ଝାହାମାନେସି, ଇଦାଆଁ ମାର ପୁଞ୍ଜାମାନାୟି, ସାମା କ୍ରୀସ୍ତ ଏଚିବେଲା ଝାନ୍ନେସି, ଏଚିବେଲାତା ଆମ୍ବାଆସି ପୁନଅସି, ଇଚିହିଁ ଏଝାସି ଆମ୍ବିଟି ଝାହାମାନେସି □”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି ଝେସିହିଁ କାଜା ଗିୟାଁତଲେ ଏଲେଇଚେସି, “ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡେ ନାନୁ ଏମ୍ବିଟି ଝାହାମାଇଁ ଏନାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍ପୁ ତଲେ ଝାହାହିଲଅଁ, ସାମା ନାଜେ ପାଣ୍ଡାତାସି ଏଝାସି ସାତା, ମୀରୁ ଏଝାଣାଇଁ ପୁଞ୍ଜାହିଲଅଚେରି □

୨୯ ନାନୁ ଏଝାଣାଇଁ ପୁଞ୍ଜାମାଇଁ, ଇଚିହିଁ ନାନୁ ଏଝାଣି ତାଣ୍ଡାଟି ଝାହାମାଇଁ, ଅଡେ ଏଝାସି ନାଜେ ପାଣ୍ଡାତେସି □”

୩୦ ଏମ୍ବାଟିଏ ଜୀସୁଇଁ ଆସାଲି ତାକି ଅଣ୍ପିଚେରି; ସାମା ଆମ୍ବାଆରି କେୟୁ ଏଝାଣି ମୁହେଁ ଏଆତେ, ଇଚିହିଁ ଏଝାଣାଇଁ ଆହ୍ନି କାରୁ ଏଚେତା ଏଜାହିଲାଆତେ □

୩୧ ସାମା ଲକୁ ବିତ୍ରାଟି ହାରେକା ଏଝାଣି ତାଣ୍ଡା ନାମାନା ଏଲେଇଚେରି, “ଇଝାସି ଏନ୍ଦି ଏନ୍ଦି କାବାଆନ୍ଦି କାମା ବାରେ କିହିମାନେସି, କ୍ରୀସ୍ତ ଝାହାନା ଇଝାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଇଁ ଦସାଲି କସ୍କାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାମି ବିତ୍ରା ଝେସ୍ପି ଆହିମାଚାଣି ପାରୁସିୟାଁ ଝେଚେରି ଅଡେ ପାରୁସିୟାଁ ଅଡେ କାଜା ପୂଜେରାଜା ଜୀସୁଇଁ ଦସାଲି ଜାମାନାଜାଣି ପାଣ୍ଡିଚେରି □

୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡେକା ତାକି ତୟାହାଁ ନାଜେ ପାଣ୍ଡାତାଣା ତାଣ୍ଡା ହାଇଁ □

୩୪ ମୀରୁ ନାଜେ ପାରାଦେରି, ସାମା ବେଟାଆୟଅଚେରି; ଅଡେ, ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଝାହାଲି ଆଡଅଚେରି □”

୩୫ ଜୀହୁଦିୟାଁ ତାମ୍ବୁ ତାମ୍ବୁ ଝେସ୍ପି ଆଚେରି, “ଇଝାସି ଆମ୍ବିୟା ହାଜିମାନେସି, ମାର ଏଝାଣାଇଁ ବେଟାଆହାଲି ଆଡାଆୟି ଏନାଆଁ ଇଝାସି ଇତାଲା ଆତାଲା ଜାଜାହାଜାମାନି ଗ୍ରିକ୍ ଲକୁଇଁ ଜାପୁହାଲି ହାଜିମାନେସି କି ?”

୩୬ “ମୀରୁ ନାଜେ ପାରାଦେରି, ସାମା ବେଟାଆୟଅଚେରି, ଅଡେ ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଝାହାଲି ଆଡଅଚେରି, ଇଞ୍ଜାଁ ଏଝାସି ଝେସ୍ତାତି ଇ କାତା ଏନାୟି ଇଞ୍ଜାଁ ଝେସ୍ପି ଆଚେରି ?”

ଜୀଝୁହାନି ଜାର୍ଣା ଏୟୁ

୩୭ ରାନ୍ଦି ଦିନା, ଇଚିସାରେ ପାର୍ବୁତି କାଜା ଦିନା, ଜୀସୁ ନିତାନା କାଜା ଗିୟାଁତଲେ ଏଲେଇଚେସି, ଆମ୍ବାଆସି ଏସ୍କି ଆଡିହିଁ, ଏଝାସି ନା ତାଗେ ଝାହାନା ଗସ୍ପେସି □

୩୮ ଅଡେ ଆମ୍ବାଆସି ନା ତାଣ୍ଡା ନାମିନେସି, “ଦାମ୍ବୁଁ ପତିତା ରାସ୍କି ଆହାମାନି ଲେହେ, ଏଝାଣି ହିୟାଁଟି ଜୀଝୁତି ଜାର୍ଣା ଏୟୁ ହନ୍ଦୁ\* □”

୩୯ ଜୀସୁ ସୁଦୁଜୀଝୁତି କାତା ଝେସିମାନେସି, ଆମିନି ଗାଗାରି ଜୀସୁ ତାଣ୍ଡା ନାମି ମାଚେରି, ଏଝାରି

\* ୭:୩୮ ୭:୩୮ ଇ କାତା ପୁଞ୍ଜଇ ପତିତା ହିଲେଏ

ସୁଦୁଜୀଝୁ ବେଟାଆନାୟି ମାତେ, ଜୀସୁ ଗାଝୁରମି ବେଟାଆହା ହିଲାଆତାକି ଏଝାରାକି ଏଚେତା ସୁଦୁଜୀଝୁ ହୀଠକି ଆହାହିଲାଆତେ □

ଲକୁ ବିତ୍ରା ବାଗା ଆନାୟି

୪୦ ଏଚେତା, ଲକୁ ଏ କାତା ଝେଚେରି, ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଇଝାସି ସାତେଏ ମାହାପୁରୁ ଅଣ୍ଠପୁତି ବଲୁ ଝେହନାସି □”

୪୧ ଏଚକାତାରି ଏଲେଇଚେରି, “ଏଝାସି ମସିହା!” † ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା! ‡ ଏନାଆଁ ଗାଲିଲିଟି ଝାନ୍ଦେସି କି ?

୪୨ ଦାମ୍ବୁ ସାଝେସିରିତା ରାସ୍ତକି ଆହାମାନେ, କ୍ରୀସ୍ତ ଦାଝୁଦ ରାଜା କୃତାଟି ଇଝା ଦାଝୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହିମ ନାୟୁଟି ଝାନ୍ଦେସି □”

୪୩ ଇଦାଆଁତାକି ଲକୁ ତାମି ବିତ୍ରାଟି ଏଝାଣି ତାକି ବାଗା ଆଚେତରି;

୪୪ ଅଚେ, ତାମି ବିତ୍ରାଟି ଆମ୍ବା ଆମ୍ବାଆରି ଏଝାଣାଇଁ ଆସାଲି ଅଣ୍ଠପି ମାଚେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଟାଲି ଆଡାଆତେରି □

ସାଲଝି କିନି ଜୀହୁଦୟାଁ ନାମାଆ ଗାଗାୟି

୪୫ ଏଚେଟିଏ ଜାମାନାଜା କାଜା ପୂଜେରା ଅଚେ ପାରୁସିୟା ତାଣା ଝେଣ୍ଡା ହାଚେରି, ଅଚେ ଏଝାରି ଏଝାରାଇଁ ଝେଚେରି, “ଏଝାଣାଇଁ ଏନାଆଁତାକି ଆସା ତାଆତେରି?”

୪୬ ଜାମାନାଜା ଏଝାରାଇଁ ଏଲେଇଚେରି, “ଇ ମାଣ୍ଡସି ଏନିକ୍ ହାଡା ଝେହନାସି, ଏଲେକିହିଁ ଏମିନି ମାଣ୍ଡସି ଏଚେଲା ଝେସାହିଲଅସି □”

୪୭ ପାରୁସିୟାଁ ଏଝାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଚେତରି ?

୪୮ ପାରୁସିୟାଁ ବିତ୍ରାଟି କି ସାଲଝି କିନାରି ବିତ୍ରାଟି ଆମ୍ବାଆରି ଏଝାଣି ତାଣା ନାମାମାନେରି କି ?

୪୯ ସାମା ଇ ଏମିନି ଲକୁ ମସାତି ମେରା ପୁଝାହିଲଅରି, ଏଦାଆଁତାକି ଇଝାରି ବାକା ଗାଟି ଲକୁ □”

୫୦ \*ଏମିନି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଝାହାମାଚେସି ଇଝାଁ ଏଝାସି ଏଝାରି ବିତ୍ରାଟି ପାରୁସି ମାଚେସି, ଏଝାସି ଏଝାରାଇଁ ଝେଚେସି,

୫୧ “ରଅଣି ତାଣାଟି ନକେଏ ଝେନାଆନା ଇଝାଁ ତାନି ମାଣ୍ଡକି ପୁନାଆନା ମା ମସାତି ମେରା ଏନାଆଁ ଏଝାଣାଇଁ ଦହ କିନେ ?”

୫୨ ଏଝାରି ଏଝାଣାଇଁ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲିଟି ଲକୁ କି ? ଗାଲିଲିଟି ଏନି ମାହାପୁରୁ ଅଣ୍ଠପୁତି ବଲୁ ଝେହନାରି ଏଚେଲା ଝାହାଲି ଆଡ଼ଅରି, ଇଦାଆଁ ସାଝେସିରିତା ସିନିକିମ୍ବୁ □”

୫୩ ଅଚେ ଏଝାରି ବାରେଜାଣା ଜାହାରା ଇଜ ହାଚେରି □

୮

ଦାରେଣି ଆୟାତି

୧ ସାମା ଜୀସୁ ଜୀତ ହରୁତା ହାଚେସି □

୨ ଅର ଦିନା ଲାଲ୍ ଏଝାସି ମାହାପୁରୁ ଇଲୁତା ଝେଣ୍ଡା ଝାଚେସି, ଅଚେ, ବାରେ ଲକୁ ଏଝାଣି ତାଣା ଝାହାଲିଏ, ଏଝାସି କୁଗାନା ଜାପୁହାଲି ମାଟୁହେସି □

୩ ମେରା ଜାପୁନାରି ଅଚେ ପାରୁସିୟାଁ ଦାରି କାମାତା ଆସପି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପୁହାନା ଜୀସୁଇଁ ଏଲେଇଚେରି □

୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସପି ଆଚେ □

୫ ଇଲେତି ଇୟାସିକାଣି ଝାଲ୍‌କା କୁତାନା ଝେଚାଲିତାକି ମସା ମା ମେରାତା ହୁକୁମି ହାହାମାଞ୍ଜାନେସି; ଆଡ଼ିହିଁ ନୀନୁ ଏନାଆଁ ଝେସିମାଞ୍ଜାଦି ?”

୬ ଏଝାରି ଜୀସୁଇଁ ଏନିକ୍ ପାନ୍ଦାତା ମେଚହାଲି ଆଡ଼ିନେରି, ଇଦାଆଁତାକି

ଏଞ୍ଜରୀ ଏଞ୍ଜାଣାଇଁ ତାୟିପାରି କିହାଲି  
ଝେରେରି, ସାମା ଜୀସୁ ମୁନୁକାପାନା  
ଝାଞ୍ଜୁ ତଲେ ବୁମିତା ରାତାଲି ମାଟ୍‌ହେସି  
□

୭ ଏଞ୍ଜାରି ଏମ୍‌ଆଁ ନିଚାନା ଝେଣ୍ଡେ  
ଝେଞ୍ଜାଲିଏ, ଜୀସୁ ତାୟି ପେର୍‌ହାନା  
ଏଞ୍ଜରୀଇଁ ଏଲେଇରେସି, “ମୀ ବିତ୍ରାଟି  
ଆମ୍‌ଆସି ଏରେଲା ଏନ୍‌ ପାପୁ  
କିହାହିଲଅସି, ଏଞ୍ଜସି ମୂଲୁଏ ଖାଲି  
କୁତାପେସି □”

୮ ଅଡେ ଝେଣ୍ଡେ ଜୀସୁ ମୁନୁକାପାନା  
ବୁମିତା ରାତାଲି ମାଟ୍‌ହେସି □

୯ ଜୀସୁତି ହାଡ଼ା ଝେଞ୍ଜାନା ଏଞ୍ଜାରି  
କାଜାରିଟିଏ ମାଟ୍‌ହାଁ ରଅଣି କେଟ  
ରଅସି ହାଜାଲି ମାଟ୍‌ହେରି, ଏମ୍‌ଆଁ  
ଝାରଇ ଜୀସୁ ଅଡେ ମାଦି ମାନି ଏ ଇୟା  
ଡ଼ୟିତେ □

୧୦ ଜୀସୁ ତାୟି ପେର୍‌ହାନା ଏଦାନି  
ଏଲେଇରେସି, “ଏ ଇୟା ଏଞ୍ଜାରି  
ଏମ୍‌ୟା ? ଆମ୍‌ଆରି ନିଙ୍ଗେ ଡଣ୍ଡ  
ହାହାଲି ହିଲଅରି କି ?”

୧୧ ଏନ୍‌ ଏଲେଇରେ, “ଆଏ, ପ୍ରବୁ,  
ଆମ୍‌ଆରି ହିଲଅରି □”

ଏମ୍‌ଆଟିଏ ଜୀସୁ ଏଦାନି ଏଲେଇରେସି;  
“ନାନୁ ଜିକେଏ ନିଙ୍ଗେ ଡଣ୍ଡ ହିୟଅଁ;  
ହାଲାମୁ, ସାମା ଅଡେ ପାପୁ କିଆନି\*  
□”

ଜୀସୁ ଦାର୍‌ଡିତି ଉଜେଡି

୧୨ \*ଜୀସୁ ଝେଣ୍ଡେ ପାରୁସିୟାଁଇଁ  
ଏଲେଇରେସି, “ନାନୁ ଦାର୍‌ଡିତି  
ଉଜେଡି, ଆମ୍‌ଆସି ନା କେଟ ଝାନ୍‌ନେସି,  
ଏଞ୍ଜସି ଜୀଝୁତି ଉଜେଡି ବେଟା ଆନ୍‌ନେସି  
ଅଡେ ଏରେଲା ଜିକେଏ ଆନ୍‌ନେରିତା  
ତାକଅସି □”

୧୩ \*ପାରୁସିୟାଁ ଏଞ୍ଜାଣାଇଁ  
ଏଲେଇରେରି, “ନୀଏଁ ନୀନୁ ନିଙ୍ଗେତାକି  
ସାକି ହାହିମାଞ୍ଜି, ନୀନୁ ଏନାଆଁ ଏଲେ  
ଇଞ୍ଜିମାଞ୍ଜି ଏନ୍‌ ସାତା ପାର୍‌ମାଣା  
ହିଲାଆଗାଟାୟି □”

୧୪ ଜୀସୁ ଏଞ୍ଜରୀଇଁ ଏଲେଇରେସି,  
“ଆଏ ନାନୁ ନା. ତାକି ସାକି  
ହାଡ଼ି ଜିକେଏ, ନାନୁ ଏନାଆଁ  
ଝେସିମାଞ୍ଜାଇଁ ଏନ୍‌ ସାତା, ଇଡିହଁ  
ନାନୁ ଆମ୍‌ଡି ଝାହାମାଲ୍ ଅଡେ ଏମ୍‌ୟା  
ହାଜିମାଲ୍ ଏଦାଆଁ ପୁଞ୍ଜାମାଲ୍, ମୀରୁ  
ପୁଞ୍ଜାହିଲଅଡେରି ଏମ୍‌ଆଟି ଝାଲ୍ ଅଡେ  
ଏମ୍‌ୟା ହାଲ୍ □

୧୫ ମୀରୁ ଝାରଇ ମାଣ୍‌ସିୟାଁ ଲେହେଁ  
ବିଚାରା କିହିମାଞ୍ଜେରି, ନାନୁ ଆମ୍‌ଆରି  
ବିଚାରା କିଅଁ □

୧୬ ସାମା ନାନୁ ବିଚାରା କିଲ୍,  
ଆଡ଼ିଜିକେଏ ନା. ବିଚାରା ସାତା;  
ଇଡିହଁ ନାନୁ ରଅଡେଏଁ ଆଏ ସାମା  
ଏମିନି ଆବା ନାଙ୍ଗେ ପାଣ୍ଡାମାଞ୍ଜାନାସି  
ନା ତଲେ ମାନେସି □

୧୭ ମୀ ମସାଡି ମେରାତା ରାସ୍‌କି  
ଆହାମାନେ, ରିଆରି ସାକି ହାଡ଼ା  
ରଲେଏ ଆଡ଼ିସାରେ, ଏଞ୍ଜାରି ଏନାଆଁ  
ଇନେରି ଏନ୍‌ ସାତା □

୧୮ ନାନୁ ନାଙ୍ଗେତାକି ସାକି  
ହାହିମାଲ୍, ଅଡେ, ନାଙ୍ଗେ ପାଣ୍ଡାମାଞ୍ଜାନି  
ଆବା ଜିକେଏ ନା. ଝାକିଟି ସାକି  
ହାହିମାନେସି □”

୧୯ ଏଞ୍ଜାଣାଇଁ ଏଞ୍ଜାରି ଝେରେରି,  
“ନୀ ଆବା ଏମ୍‌ୟା ?” ଜୀସୁ  
ଏଲେଇରେସି, “ନାଙ୍ଗେ କି ନା ଆବାଇଁ  
ମୀରୁ ପୁଞ୍ଜାହିଲଅଡେରି; ନାଙ୍ଗେ  
ପୁଞ୍ଜାଡିହଁ ମା, ନା. ଆବାଇଁ ଜିକେଏ  
ପୁରେରିମା □”

୨୦ ମାହାପୁରୁ ଇଲୁଡି ଦାନା ଇଡିନି  
ବାକ୍ରାତା ଜୀସୁ ଏ. ବାରେ କାତା  
ଜାପୁହିମାରେସି, ସାମା ଆମ୍‌ଆରି  
ଜିକେଏ ଏଞ୍ଜାଣାଇଁ ଆହୁଆଡେରି  
ଏନାଆଁତାକି ଇଡିହଁ ତାନି ବେଲା  
ଝାହା ହିଲାଆଡେ □

ନାନୁ ହାନି ତାଣା ମୀରୁ ହାଜାଲି  
ଆଡ଼ଅଡେରି

୨୧ ଜୀସୁ ଅଡେ ଝେଣ୍ଡେ ଏଞ୍ଜରୀଇଁ  
ଏଲେଇରେସି, “ନାନୁ ହାଜିମାଲ୍, ମୀରୁ

\* ୮:୧୧ ୮:୧୧ ଇ ବାରେ କାତା ବାରେ ପଡିଣାଁ ହିଲେଏ \* ୮:୧୨ ୮:୧୨ ମାଡି ୫:୧୪; ଜହ ୯:୫  
\* ୮:୧୩ ୮:୧୩ ଜହ ୫:୩୧

ନାଙ୍ଗେ ପାରାଦେରି, ଅଡ଼େ ମୀରୁ ମୀ ପାପୁଡା ହାଦେରି □ ନାନୁ ଏନ୍ଦିୟା ହାଜିମାଲ୍, ଏମ୍ବାଆଁ ମୀରୁ ହାଜାଲି ଆଡ଼ଅଡେରି □”

୨୨ ଇଞ୍ଜା ଜୀହୁଦିୟା ଏଲେଇଚେରି, “ଇଝାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏନ୍ଦିୟା ହାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅଡେରି ?”

୨୩ ଜୀସୁ ଏଝାରାଲ୍ ଏଲେଇଚେସି, “ମୀରୁ ଇ ଡ଼ଇପୁରୁଟି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଝାହାମାଲ୍ □ ମୀରୁ ଇ ଦାର୍ଡିଟି, ନାନୁ ଇ ଦାର୍ଡିଟି ଆଏ □

୨୪ ଏଦାଆଁତାକି ନାନୁ ଝେସିମାଞ୍ଜାଲ୍, ମୀରୁ ମୀ ପାପୁ ତଲେ ହାଦେରି □ ନାନୁ ଏଝାଡେସ୍ ଇଞ୍ଜି ଝେସ୍ତାସାରେ ମୀରୁ ନାମାଆସାରେ, ମୀ ପାପୁଡା ହାଦେରି □”

୨୫ ଏମ୍ବାଟିଏ ଏଝାରି ଏଝାଶାଲ୍ ଝେଚେରି, “ନାନୁ ଆମ୍ବାଆତି ?”

ଜୀସୁ ଏଝାରାଲ୍ ଏଲେଇଚେସି, “ଇ ହାଡା ନାନୁ ମୂଲୁଟିଏ ଝେସାମାଞ୍ଜାଲ୍ □

୨୬ ମିଙ୍ଗେତାକି କାତା ଜଲ୍ଲାଲି ଅଡ଼େ ବିଚାରା କିହାଲି ନା ତାଶା ହାରେକା କାତା ମାନେ; ସାମା ନାଙ୍ଗେ ପାଶ୍ଟାମାଞ୍ଜାନାସି, ଏଝାସି ସାତା, ଅଡ଼େ ନାନୁ ଏନାଆଁ ଝେଞ୍ଜାମାଲ୍; ଏ ବାରେ ଦାର୍ଡିଟି ଝେସିମାଲ୍ □”

୨୭ ଏଝାସି ମାହାପୁରୁ ଆବା କାତା ଝେସିମାଚେସି, ଏଝାରି ତେଲ୍‌ହାଲି ଆଡ଼ାଆଡେରି □

୨୮ ଏଦାଆଁତାକି ଜୀସୁ ଏଲେଇଚେସି; “ଏଚେତା ମୀରୁ ମାଣସି ମୀର୍‌ଏଶାଲ୍ ଗାଝୁରମି ହାଦେରି, ଏଚେତା ନାନୁ ଏ ମାଣସିଡେସ୍ ଅଡ଼େ ନାନୁ ଜାହାରାଝାଣି ଏନାଆଁ କିଆନା, ଆବା ନାଙ୍ଗେ ଏନିକ୍ ଜାପୁହା ମାଞ୍ଜାନେସି, ଏଲେକ୍ ଇ ବାରେ କାହା ଝେସିମାଞ୍ଜାଲ୍ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି □

୨୯ ଆମ୍ବାଆସି ନାଙ୍ଗେ ପାଶ୍ଟାମାଞ୍ଜାନାସି ଏଝାସି ନା ତଲେ ମାନେସି,

ଏଝାସି ନାଙ୍ଗେ ରଅଡେସ୍ କିହ୍ ପିସାମାଞ୍ଜଅସି, ଇଚିହ୍ ନାନୁ ତାନି ରାହାଁ ଆନି କାମା କିଲ୍ □”

୩୦ ଜୀସୁ ଇ ବାରେ ହାଡା ଝେଞ୍ଜାନା ହାରେକା ଜାଶା ତାନି ତାଶା ନାମିଚେରି □

ପିସ୍‌ପିଆଡ଼ି ଲକୁ ଅଡ଼େ କଡ଼ିତି ହଲ୍ଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଶା ନାମିତି ଜୀହୁଦିଙ୍ଗାଣି ଏଲେଇଚେସି, “ନା ବଲୁଡା ତାରିଆହାଁ ଡ଼ୟିଦେରି, ଆତିହ୍ ମୀରୁ ସାଡେଏ ନା ସୀସୁୟାଡେରି □

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାନେ □”

୩୩ ଏଝାରି ଏଝାଶାଲ୍ ଏଲେଇଚେରି, “ମାମ୍ବୁ ଅବ୍ରାହାମତି କୃଡାତମି, ଅଡ଼େ ଏଚେଲା ଆମ୍ବାଆରି ହଲ୍ଲିୟା ଆହାହିଲଅମି, ଆତିହ୍ ମୀରୁ ମୁକ୍‌ଲଝି ଆଦେରି ଇଞ୍ଜି ଏନିକ୍ ଝେସିମାଞ୍ଜାଦି ?”

୩୪ ଜୀସୁ ଏଝାରାଲ୍ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମିନିଗାଟାସି ପାପୁ କିନେସି, ଏଝାସି ପାପୁଡ଼ି ହଲେଏସି □

୩୫ ହଲେଏସି କାଲେଏ ତାକି ଇଲୁ କୁଟମିତା ଡ଼ୟଅସି, ମୀର୍‌ଏସି ଇଲୁ କୁଟମିତା କାଲେଏ ତାକି ଡ଼ୟିନେସି □

୩୬ ମୀର୍‌ଏସି ମିଙ୍ଗେ ମୁକ୍‌ଲଝି କିୟାନେସି, ମୀରୁ ସାଡେଏ ମୁକ୍‌ଲଝି ଆଦେରି □

୩୭ ମୀରୁ ଅବ୍ରାହାମତି କୃଡାତାଡେରି ନାନୁ ପୁଞ୍ଜାମାଲ୍; ସାମା ନା ବଲୁ ମୀ ହିୟାତି ଟାୟୁଡା ହିଲାଆକି ମୀରୁ ନାଙ୍ଗେ ପାୟାଲି ଅଣ୍‌ପିମାଞ୍ଜେରି □

୩୮ ନା ଆବା ତାଶା ନାନୁ ଏନାଆଁ ମେସାମାଲ୍, ଏ ବାରେ ନାନୁ ଝେସିମାଞ୍ଜାଲ୍ □ ଏଦାଆଁତାକି ମୀରୁ ଜିକେଏ ମୀ ଆବା ତାଶାଟି ଏନାଆଁ ଝେଞ୍ଜାମାଞ୍ଜେରି ଏ ବାରେ କିଦୁ □”

☆ ୮:୩୩ ୮:୩୩ ମାଡି ୩:୯; ଲୁକ ୩:୮



୩୯ ଏଝାରି ଏଝାଣାଇଁ ଏଲେଇଚେରି, “ଅବ୍ରାହାମ ମା ଆବା □” ଜୀସୁ ଏଝାରାଇଁ ଏଲେଇଚେସି, “ମୀରୁ ଅବ୍ରାହାମତି ମୀରକା ମାସକାଚେରି, ଆତିହୁଁ ଅବ୍ରାହାମ କିହାମାତି କାମା କିସୁ;

୪୦ ମାହାପୁରୁ ତାଣାଟି ଝେଞ୍ଜାମାନି ସାତାତି ନିଜେ ଝେସିମାଞ୍ଜାଇଁ, ନାନୁ ଇଲେତି ଲକୁ, ମୀରୁ ନାଜେ ପାୟାଲି ତାକି ଅଣ୍ଠିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି □

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି □”

ଏଝାରି ଜୀସୁଇଁ ଏଲେଇଚେରି; “ମାମ୍ନୁ ଦାରିକାମାଟି ଜାର୍ନା ଆହାହିଲଅସି; ମା ରଣ୍ଡିଏ ଆବା, ଏଝାସି ମାହାପୁରୁ □”

୪୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ସାତେଏ ମୀ ଆବା ଆତିହୁଁ ମା, ମୀରୁ ନାଜେ ଜୀସୁ ନୟାଚେରିମା, ଇତିହୁଁ ନାନୁ ମାହାପୁରୁ ତାଣାଟି ଝାହାମାଇଁ; ନାନୁ ନା ତାଣାଟି ଝାହାହିଲଅଁ, ସାମା ଏଝାସି ନାଜେ ପାଣ୍ଡାତେସି □

୪୩ ନାନୁ ଏନାଆଁ ଝେସିମାଞ୍ଜାଇଁ, ମୀରୁ ଏନାଆଁତାକି ନା ହାଡାତି ତେଲହାଲି ଆତିହିଲଅଚେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆତିହିଲଅଚେରି □

୪୪ ମୀରୁ ମୀ ଆବା ସୟତାନତି ମୀରକା ମାସକାଚେରି, ଅଡେ ମୀରୁ ମୀ ଆବାତି କାମା କିହାଲି ମୀ ଅଣ୍ଠୁ □ ଏଝାସି ମୂଲୁଟିଏ ଲକୁଣି ପାୟିନାସି, ଅଡେ ଏଝାସି ସାତାତା ତୟଅସି, ଇତିହୁଁ ଏଝାଣି ତାଣା ସାତା ହିଲେଏ □ ଏଚିବେଲା ଏଝାସି ମିତି ଜଲିନେସି, ଏଡେତା ତାନିତାଣାଟି ଜଲିନେସି; ଇତିହୁଁ ଏଝାସି ମିତି ଗାଟାସି ଇଞ୍ଜା ମିଚିତ ତାଞ୍ଜି □

୪୫ ସାମା ନାନୁ ସାତା ଜଲିମାନାକି, ମୀରୁ ନାଜେ ନାନିମାଞ୍ଜଅଚେରି □

୪୬ ନାନୁ ପାପୁ ଗାଟାତେଏଁ ଇଞ୍ଜୁଁ ମୀ ବିତାଟି ଆମ୍ବାଆଚେରି ପାରମାଣା

କିହାଲି ଆତିଦେରି ? ନାନୁ ସାତା ଝେସାସାରେ, ନାଜେ ମୀରୁ ଏନାଆଁତାକି ନାନିମାଞ୍ଜଅଚେରି ?

୪୭ ଆମ୍ବାଆସି ମାହାପୁରୁ ତାଣାଟି ଝାହାମାନେସି, ଏଝାସି ମାହାପୁରୁତି ବଲୁ ଝେନେସି; ମୀରୁ ମାହାପୁରୁ ତାଣାଟି ଝାହାହିଲଅଚେରି, ଏନାଆଁତାକି ଇ ବଲୁ ଝେଞ୍ଜିହିଲଅଚେରି □”

ଜୀସୁ ଅଡେ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନୀନୁ ସମିରଣତି ଇଞ୍ଜା ନିଜେ ବୁତୁ ଆଲଗାମାଞ୍ଜାନେ, ଏନାଆଁ ମାମ୍ନୁ ସାତା ଝେସି ହିଲଅସି କି ?”

୪୯ ଜୀସୁ ଏଝାରାଇଁ ଏଲେଇଚେସି; “ନାଜେ ବୁତୁ ଆଲଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଜେ ଲାଜା କିହିମାଞ୍ଜାଦେରି □

୫୦ ନାନୁ ନା ଗାଝୁରମି କିହାଲି ଅଣ୍ଠି ହିଲଅଁ; ରଅସି ଅଣ୍ଠିମାନେସି ଏଝାସି ନା ଝାକିଟି ବିଚାରା କିନେସି □

୫୧ ନାନୁ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁତି ମାନଡ଼ି ଆନେସି, ଏଝାସି ଏଚେଲା ହାଅସି □”

୫୨ ଜୀହୁଦିୟାଁ ଏଝାଣାଇଁ ଏଲେଇଚେରି, “ନୀଏଁ ମାମ୍ନୁ ପୁଚମି, ନିଜେ ବୁତୁ ଆଲଗାମାଞ୍ଜାନେ, ଅବ୍ରାହାମ ଅଡେ ମାହାପୁରୁ ଅଣ୍ଠପୁତି ବଲୁ ଝେହନାରି ବାରେଜାଣା ହାଡେରି, ଅଡେ ନୀନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନଡ଼ି ଆନେସି, ଏଝାସି ଏଚେଲା ଜିକେଏ ହାଅସି □

୫୩ ମା ଆକୁ ଅବ୍ରାହାମ ହାଡେସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜୁଁ ଅଣ୍ଠିମାଞ୍ଜି ? ମାହାପୁରୁ ଅଣ୍ଠପୁତି ବଲୁ ଝେହନାରି ଜିକେଏ ହାଡେରି; ନୀନୁ ଆମ୍ବାଆତି ଇଞ୍ଜୁଁ ଝେସିମାଞ୍ଜି ?”

୫୪ ଜୀସୁ ଏଲେଇଚେସି, “ନାନୁ ନା ଗାଝୁରମି କିହିମାଇଁ, ଆତିହୁଁ ନା ଗାଝୁରମି ଏନାୟି ଆଏ; ଆମ୍ବାଆସି ନାଜେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜୁଁ ଏଲେ ଇଞ୍ଜିମାଞ୍ଜେରି;

୫୫ ମୀରୁ ଏଞ୍ଜାଣାଇଁ ଏଚେଲା ପୁଞ୍ଜାହିଲଅଚେରି, ସାମା ନାନୁ ଏଞ୍ଜାଣାଇଁ ପୁଞ୍ଜାମାଇଁ □ ଏଞ୍ଜାଣାଇଁ ପୁଞ୍ଜାହିଲଅଁ ଇଞ୍ଜିଁ ନାନୁ ଖେସ୍ତୁହଁ, ମୀ ଲେହେଁ ନାନୁ ଜିକେଏ ମିତି ଗାଟାଚେର୍ଏ ଆଇଁ, ସାମା ନାନୁ ଏଞ୍ଜାଣାଇଁ ପୁଞ୍ଜାମାଇଁ ଅଡେ ତାନି ବଲୁଡି ମାନଞ୍ଜି ଆଇଁ □

୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିତେସି, ଅଡେ ଏଦାଆଁ ମେସାନା ଏଞ୍ଜାସି ରାହାଁ ଆଚେସି □”

୫୭ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନିଙ୍ଗେ ରୀ କଡ଼ି ଦସ ବାର୍ଯା ଆହାମାଞ୍ଜେଏ, ନାନୁ ଏନାଆଁ ଅବ୍ରାହାମଇଁ ମେସାମାଞ୍ଜି ?”

୫୮ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଅବ୍ରାହାମତି ଜାର୍ନୀ ନକେଏ ନାନୁ ମାଇଁ □”

୫୯ ଏଞ୍ଜାରି ଏଞ୍ଜାଣାଇଁ ଖେଚାଲିତାକି ଖାଲୁକା ପେରହା କଡିଚେରି, ସାମା ଜୀସୁ ମାହାପୁରୁ ଇଲୁଡି ମେହୁଆରେନୁ ହଚାହାଚେସି □

୯

ଜୀସୁ ଜାର୍ନୀଟିଏ କାଣାଇଁ ନେହଁ କିନାୟି

୧ ଜୀସୁ ହାଜିମାଚାଟି ର ଜାର୍ନୀଟିଏ କାଣାଇଁ ବେଟାଆଚେସି □

୨ ତାନି ସାସୁୟାଁ ଖେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଞ୍ଜାସି କାଣା ଆହାନା ଜାର୍ନୀ ଆଚେସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇଚେସି, “ଇଞ୍ଜାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁଡି କାମା ଏନିକଁ ଇଞ୍ଜାଣି ତାଣାଟି ତସ୍ପିଆନେ, ଏଦାଆଁତାକି ଇଦି ଆହାମାନେ □

୪ ଦିନା ମାଞ୍ଜା ମାଞ୍ଜାନା, ନାଙ୍ଗେ ପାଣ୍ଡାମାଞ୍ଜାନାଣା କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେଡି ଲାଆଁ ଖାହିମାନେ □

୫ ନାନୁ ଏଚେପାଚେକା ଦାରଡିତା ମାଇଁ, ଏଚେପାଚେକା ନାନୁ ଦାରଡିଡି ଉଜେଡିଚେର୍ଏ □”

୬ ଇ କାତା ଏଲେଇଞ୍ଜାନା, ଜୀସୁ ଇରୁଆତା ହୁପାନା ହୁପକା ତଲେ କାଦ କିତେସି; ଅଡେ ତାନି ରୀ କାଣକାଣାଁ ରୁବିଚେସି ଅଡେ ଏଞ୍ଜାଣାଇଁ ଏଲେଇଚେସି,

୭ ହାଲାମ୍ବୁ “ସିଲହ\* ବାନ୍ଦାତା ମୁମ୍ବୁ ନରହା ଖାମ୍ବୁ □” ଏମ୍ବାଟିଏ ଏଞ୍ଜାସି ହାଜାନା ନରହା କଡାନା ଖେଣ୍ଡା ଖାହିମାଚାଟି ମେସାଲି ଆଡ଼ିଚେସି □

୮ ତାନି ପାଡ଼ିତାରି, ଅଡେ ଏମିନିଗାଚାରି ଏଞ୍ଜାଣାଇଁ ନକେଏ ରୀସ୍ପି ମାଚାଣି ମେସାମାଚେରି, ଏଞ୍ଜାରି ଖେଚେରି, “ଇଞ୍ଜାସି ଏନାଆଁ କୁଗାନା ରୀସ୍ପି ମାଚେସି ଏଞ୍ଜାସି ଆଏକି ?”

୯ ଏଚରଜାଣା ଏଲେଇଚେରି, “ଇଞ୍ଜାସିଏ ଏଞ୍ଜାସି;” ଅଡେ ଏଚରଜାଣା ଏଲେଇଚେରି, “ଆଏ, ଏଞ୍ଜାଣିଲେହେଁ ତସି □” ଏଞ୍ଜାସି ଏଲେଇଚେସି, “ନାନୁଏ ଏଞ୍ଜାଚେର୍ଏ □”

୧୦ ଲକୁ ଏଞ୍ଜାଣାଇଁ ଖେଚେରି, “ଆଡିହଁ, ନାନୁ ନୀଏଁ ଏନିକଁ ମେସାଲି ଆଡ଼ିମାଞ୍ଜି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାଇଁ ଜୀସୁ ଇନେରି, ଏଞ୍ଜାସି ଇରୁଆଡି କାଦ କିହାନା ନା କାଣକାଣାଁ ରୁବାଚେସି ଅଡେ ସିଲହତା ହାଜାହାଁ ମୁମ୍ବୁ ନରହା କଡାମ୍ବୁ ଏଲେଇଞ୍ଜାଚେସି; ଏଚେଟିଏ ନାନୁ ହାଜାନା ମୁମ୍ବୁ ନରହାଲିଏ ମେସାଲି ଆଡ଼ିଚେର୍ଏ □”

୧୨ “ଏଞ୍ଜାସି ଆମ୍ବିୟା ?” ଇଞ୍ଜିଁ ଏଞ୍ଜାଣାଇଁ ଖେଚେରି, ଏଞ୍ଜାସି ଏଲେଇଚେସି, “ନାନୁ, ପୁଞ୍ଜାହିଲଅଁ □”

\* ୯:୫ ୯:୫ ମାତି ୫:୧୪; ଜହ ୮:୧୨ \* ୯:୭ ୯:୭ ସିଲହ ଇତିସାରେ ପାଣ୍ଡା ଆହାମାନାୟି

ପାରୁଥିଲୁଁ ଈ କାମାତି ତାହିପାରି  
କିନାହିଁ

୧୩ ଆମ୍ବାଆସି ନକେଏ କାଣା  
ମାରେସି, ଏଞ୍ଜାଣାକ୍ ପାରୁଥିଲୁଁ ତାଣା  
ତାତେରି □

୧୪ ଜାସୁ ଏମିନି ଦିନା କାଦ କିହାନା  
ତାନି କାଣକା ନେହୁଁ କିହାମାରେସି, ଏ  
ଦିନା ଜମିନି ଦିନା ମାରେ □

୧୫ ପାରୁଥିଲୁଁ ଏଞ୍ଜାଣାକ୍ ଖେରେରି,  
ଏନିକ୍ ଏଞ୍ଜାସି ମେସାଲି ଆଡ଼ିତେସି ?  
ଏଞ୍ଜାସି ଏଲେଇରେସି, “ନା କାଣକାଣା  
ଏଞ୍ଜାସି ଇଚାଣି କାଦ ରୁବାତେସି, ନାନୁ  
ହାଜାନା ମୂମୁ ନୁରହାନା ଖାଡ଼େଏଁ ଅଡ଼େ  
ମେସାଲି ଆଡ଼ିମାକ୍ □”

୧୬ ପାରୁଥିଲୁଁ ତାମି ବିତ୍ରାଟି  
ଏଚରଜାଣା ଏଲେଇରେରି, “ଏଞ୍ଜାସି  
ମାହାପୁରୁ ତାଣାଟି ଖାହାହିଲଅସି,  
ଇଚିହୁଁ ଏଞ୍ଜାସି ଜମିନି ଦିନାତି ମାନୁଞ୍ଜି  
ଆହିହିଲଅସି □” ଅଡ଼େ ଏଚରଜାଣା  
ଏଲେଇରେରି, “ପାପୁ ଲକୁ ଆହାନା  
ଇଲେତି କାବାଆନି କାମା ଏନିକ୍  
କିହାଲି ଆଡ଼ିନେସି ?” ଇଲେଆହୁଁ  
ଏଞ୍ଜାରି ତାମି ବିତ୍ରା ବାଟା ଆଡେ ?

୧୭ ପାରୁଥିଲୁଁ ଅଡ଼େ ଖେଣ୍ଡେ ଏ  
କାଣାକ୍ ଖେରେରି, “ଏଞ୍ଜାସି ନୀ କାଣକା  
ନେହୁଁ କିୟାତେସି, ଏଞ୍ଜାଣି କାତା  
ନାନୁ ଏନାଆଁ ଇଞ୍ଜିମାଞ୍ଜି ?” ଏଞ୍ଜାସି  
ଏଲେଇରେସି “ଏଞ୍ଜାସି ର ମାହାପୁରୁ  
ଅଣ୍ଡପୁତି ବଲୁ ଖେହୁନାସି □”

୧୮ ଏଞ୍ଜାସି ଜାର୍ନାଟିଏ କାଣା ମାରେସି  
ଅଡ଼େ ନୀଏଁ, ଈ ହାଡ଼ା ତାମି ଇୟା  
ଆବାତି ଖେନାଆ ପାତେକା, ଜାହୁଦିୟା  
ନାମାଆତେରି □

୧୯ ଏଞ୍ଜାରି ତାମି ଇୟା ଆବାତି  
ଖେରେରି, “ମୀ ଆମିନି ମୀରୁଏସି କାଣା  
ଆହାନା ଜାର୍ନା ଆହାମାରେସି ଇଞ୍ଜି  
ଏଲେଇଶ୍ମିତେରି ଇଞ୍ଜାସି ଏନାଆଁ ଏ  
ମୀ ମୀରୁଏସି ? ଆଡ଼ିହୁଁ ଏଞ୍ଜାସି ନୀଏଁ  
ଏନିକ୍ ମେସାଲି ଆଡ଼ିମାନେସି ?”

୨୦ ଏମ୍ବାଟିଏ ତାମି ଇୟା ଆବା  
ଏଲେଇରୁ, “ହାଅ, ଏଞ୍ଜାସି ମା

ମୀରୁଏସି, ଏଞ୍ଜାସି କାଣା ଆହାନା  
ଜାର୍ନା ଆହାମାରେସି ଏଦାଆଁ ମାମୁ  
ପୁଞ୍ଜାମାନମି;

୨୧ ସାମା ଏଞ୍ଜାସି ନୀଏଁ ଏନିକ୍  
ମେସାଲି ଆଡ଼ିମାନେସି, ଏଦାଆଁ  
ମାମୁ ପୁଞ୍ଜାହିଲଅମି, ଅଡ଼େ ଆମ୍ବାଆସି  
ଏଞ୍ଜାଣାକ୍ ମେସପି କିହାମାନେସି,  
ମାମୁ ଏଦାଆଁ ଜିକେଏ ପୁଞ୍ଜାହିଲଅମି;  
ଏଞ୍ଜାଣାକ୍ ଖେଞ୍ଜୁ, ଏଞ୍ଜାସି କାଜାସି  
ଆଡେସିଏ, ଏଞ୍ଜାସି ତାନି କାତା ତାନୁଏ  
ଖେସାଲି ଆଡ଼ିନେସି □”

୨୨ ଏଞ୍ଜାଣି ତାମି ଇୟା ଆବା ଜାହୁଦି  
ଲକୁତି କାଜାରାକ୍ ଆଜିମାଚାକି ଈ  
ବାରେ କାତା ଖେସୁ ଏନାଆଁତାକି  
ଇଚିହୁଁ ଆମ୍ବାଆସି ଜାସୁକ୍ କ୍ରୀସୁ  
ଇଞ୍ଜି ଇନେସି, ଏଞ୍ଜାଣାକ୍ ଜାହୁଦି  
ଲକୁତି କୁଟମି ଇଲୁଟିଂ ପେରୁଞ୍ଜି ଆନେ  
ଇଞ୍ଜି ଜାହୁଦି ଲକୁ ଏ ନକେଏ କାତା  
ଆହାମାରେରି □

୨୩ ଏଦାଆଁତାକି ତାମି ଇୟା  
ଆବା ଏଲେଇରୁ, “ଏଞ୍ଜାସି କାଜାସି  
ଆଡେସିଏ, ଏଞ୍ଜାଣାକ୍ ଖେଞ୍ଜୁ □”

୨୪ ପାରୁଥିଲୁଁ ଏ ଜାର୍ନାଟିଏ କାଣାକ୍  
ଅଡ଼େ ଖେଣ୍ଡେ ହାଟାନା ଏଲେଇରେରି,  
“ମାହାପୁରୁକ୍ ଗାଞ୍ଜୁରମି କିହାନା  
ଏଲେଇନାମୁ, ଆମ୍ବାଆସି ନିଜେ  
ନେହୁଁ କିହାମାଞ୍ଜାନେସି, ଏଞ୍ଜାସି  
ର ପାପୁ ଗାଟାସି ଈ କାତା ମାମୁ  
ପୁଞ୍ଜାମାନମି □”

୨୫ ଏଞ୍ଜାସି ଏଲେଇରେସି, “ଏଞ୍ଜାସି  
ପାପୁ ଗାଟାସି କି ଆଏ, ନାନୁ  
ପୁଞ୍ଜାହିଲଅ; ନାନୁ ର କାତା ପୁଞ୍ଜାମାକ୍;  
ନାନୁ କାଣା ମାରେଏଁ, ନୀଏଁ ମେସାଲି  
ଆଡ଼ିମାକ୍ □”

୨୬ ଏଞ୍ଜାରି ଏଞ୍ଜାଣାକ୍ ଏଲେଇରେରି,  
“ଏଞ୍ଜାସି ନିଜେ ଏନାଆଁ କିୟାତେସି ?  
ଏନିକ୍ ଏଞ୍ଜାସି ନୀ କାଣକା ଦେପି  
କିୟାତେସି ?”

୨୭ ଏଞ୍ଜାସି ଏଲେଇରେସି, “ନକେଏ  
ଖେସା ରାହାମାଞ୍ଜାକ୍, ଅଡ଼େ ମୀରୁ  
ଖେନାଆତେରି; ଅଡ଼େ ଖେଣ୍ଡେ

† ୯:୨୨ ୯:୨୨ ସିନଗର

ଏନ୍ଦାଆଁତାକି ଖେଞ୍ଜାଲି ଅଣ୍ଠପିମାଞ୍ଜେରି ? ମୀରୁ ଜିକେଏ ଏନ୍ଦାଆଁ ତାନି ସୀସୁ ଆହାଲି ଅଣ୍ଠପିମାଞ୍ଜେରି □

୨୮ ଏଞ୍ଜାରି ଏଞ୍ଜାଣାଲ୍ ଏଲେଇଚେସି, “ନୀନୁ ତାନି ସୀସୁତି, ସୀମା ମାମ୍ବୁ ମୁସାତି ସୀସୁୟାଁତମି □

୨୯ ମାମ୍ବୁ ପୁଞ୍ଜାମାନମି, ମାହାପୁରୁ ମସାଲ୍ କାତା ଆହାମାଚେସି, ସୀମା ଇ ମାଣସି ଆମ୍ବିଟି ଖାହାମାନେସି, ଏନ୍ଦାଆଁ ମାମ୍ବୁ ପୁଞ୍ଜାହିଲଅମି □

୩୦ ଏଞ୍ଜାସି ଏଞ୍ଜାରାଲ୍ ଏଲେଇଚେସି, “ଇଦି ରଣ୍ଡି କାବାଆନି କାତା ଏଞ୍ଜାସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅତେରି, ସୀମା ଏଞ୍ଜାସି ନାଞ୍ଜେ କାଣକା ଦେପି କିୟାତେସି □

୩୧ ମାମ୍ବୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକୁତି ହାଡ଼ା ଖେନଅସି, ଆମିନି ଗାଗାରି ମାହାପୁରୁଲ୍ ମାନି କିନେରି ଅଡ଼େ ତାନି ଅଣ୍ଠପୁ ତଲେ କାମା କିନେରି, ଏଞ୍ଜାରି ହାଡ଼ାଟି ଏଞ୍ଜାସି ଖେନେସି □

୩୨ ତଲି କାଲାଟିଏ ଆମ୍ବାଆସି ଜାର୍ନା କାଣାଲ୍ ମେସ୍ପିକିତି କାତା ଏଚେଲା ଖେଣ୍ଡି ଆହାହିଲାଆତେ □

୩୩ ଇଞ୍ଜାସି ମାହାପୁରୁ ତାଣାଟି ଖାହା ହିଲାଆତ, ଏନ୍ଦାଆଁ କିହାଲି ଆଡ଼ାଆତେସିମା □

୩୪ ଏଞ୍ଜାରି ଏଞ୍ଜାଣାଲ୍ ଏଲେଇଚେରି, “ପାପୁ ତଲେ ନୀନୁ ଜାର୍ନା ଆହାନା ପାପୁ ତଲେ ପାତାଆଡ଼ି, ନୀନୁ ମାଞ୍ଜେ ଜାପୁହି ମାଞ୍ଜାଦି ?” ଏନ୍ଦାଆଁତାକି ଏଞ୍ଜାରି ଏଞ୍ଜାଣାଲ୍ ଜୀହୁଦି ଲକୁତି କୁଚମି ଇଲୁଚିଃ ଯେରହାତୁସ୍ତେରି □

ସୁଦୁଗାଟି ମାଣ୍ଡକି ମେହ୍‌ଆ ଗାଟାୟି

୩୫ ଏଞ୍ଜାରି ଏଞ୍ଜାଣାଲ୍ ଯେରହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଞ୍ଜାଣାଲ୍ ମେସାନା ଏଲେଇଚେସି, “ନୀନୁ ଏନ୍ଦାଆଁ ମାଣ୍ଡସି ମୀରୁଏଣି ତାଣା ନାମିମାଞ୍ଜି ?”

୩୬ ଏଞ୍ଜାସି ଏଞ୍ଜାଣାଲ୍ ଏଲେଇଚେସି, “ପ୍ରବୁ, ଖେସ୍ତାମ୍ବୁ ଏଞ୍ଜାସି ଆମ୍ବାଆସି, ଆତିହ୍ ନାନୁ ଏଞ୍ଜାଣାଲ୍ ନାମିଲ୍ □

୩୭ ଜୀସୁ ଏଞ୍ଜାଣାଲ୍ ଏଲେଇଚେସି, “ନୀନୁ ଏଞ୍ଜାଣାଲ୍ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜାସିଏ □

୩୮ ଏମ୍ବାଟିଏ ଏଞ୍ଜାସି ଏଲେଇଚେସି, “ନୀନୁ ନାମିମାଲ୍, ପ୍ରବୁ!” ଇଞ୍ଜା ଜୀସୁ ନକିତା ମେଣ୍ଡାକୁତାନା ଜହରା କିତେସି □

୩୯ ଜୀସୁ ଏଲେଇଚେସି, “ମେହ୍‌ଆଗାଟି ଲକୁ ଏନିକ୍ ମେହ୍‌ନେରି ଇଞ୍ଜା ମେହ୍‌ନି ଲକୁ ଏନିକ୍ କାଣା ଆନେରି, ଇ ବିଚାରା କିହାଲି ନାନୁ ଦାର୍ତ୍ତିତା ଖାହାମାଲ୍ □

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାଲ୍ ଏଲେଇଚେରି, “ମାମ୍ବୁ ଜିକେଏ ଏନ୍ଦାଆଁ କାଣାୟାଁତମି ?”

୪୧ ଜୀସୁ ଏଞ୍ଜାରାଲ୍ ଏଲେଇଚେସି, “କାଣାୟାଁ ଆହାମାଟିହ୍ ମୀରୁ ଦହ୍ ହିଲାଆଗାଗାତେରି ଆଡେରିମା, ସୀମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାଡ଼େକା ପାପୁତା ମାଞ୍ଜେରି □”

### ୧୦

ମେଣ୍ଡାୟାଁ ଅଡ଼େ ଗଡ଼ୁ

୧ ଜୀସୁ ଏଲେଇଚେସି, “ନୀନୁ ମିଞ୍ଜେ ସୀତା ଖେସିମାଞ୍ଜାଲ୍, ଆମ୍ବାଆସି ଦାରା ଖାକିଟି ମେଣ୍ଡାୟାଁ ମାନ୍ଦାତା ହଡ଼ଅସି, ସୀମା ଅର ଖାକିଟି ଡେଞ୍ଜାନା ହଡ଼ନେସି, ଏଞ୍ଜାସି ସରୁ ଇଞ୍ଜା ତଂଗେଏସି;

୨ ସୀମା ଆମ୍ବାଆସି ଦାରା ଖାକିଟି ହଡ଼ନେସି, ଏଞ୍ଜାସି ମେଣ୍ଡା ଗଡ଼ୁ □

୩ ଦାରାତା କାଃଆନାସି ଏଞ୍ଜାଣାକି ଦାରା ଦେତା ହାନେସି, ଅଡ଼େ, ଏଞ୍ଜାସି ତାନି ମେଣ୍ଡାୟାଁଆଁ ଦରୁ ଆସାନା ହାଡ଼ିନେସି, ଏଞ୍ଜା ତାନି ହାଡ଼ିନାଣି ଖେନୁ ଅଡ଼େ ଏଞ୍ଜାସି ଏ ମାନ୍ଦାତି ପାଙ୍ଗାତା ଜିରୁ ନକି କିହାନା ଅନେସି □

‡ ୯:୩୪ ୯:୩୪ ସିନଗର

୪ ଫେଣ୍ଟାୟାଣି ପାଞ୍ଚାତା ଅନାଟି  
ଫେଣ୍ଟାୟା ଗଡ଼ ନୁକି ନକିତା ତାକିନେସି,  
ଅଡ଼େ ଫେଣ୍ଟାୟା ତାନି ଜେତ ଜେତ  
ତାକିନୁ, ଇଚିହୁ ଏଞ୍ଜି ଏଞ୍ଜାଣି ଗିୟା  
ତେଲହାଉ ।

୫ ସାମା ଏଞ୍ଜି ପୁନାଆତି ଲକୁ ଜେତ  
ଏଚେଲା ଜିକେଏ ତାକାଉ, ସାମା  
ଏଞ୍ଜାଣି ଦାରି ଦାରିଚି ହଟାତୁହନୁ,  
ଇଚିହୁ ଏଞ୍ଜି ପୁନାଆତାରି ଗିୟା  
ତେଲହିନୁ ।

୬ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି  
କାତା ଖେସାନା ଏଲେଇଚେସି, ସାମା  
ଏଞ୍ଜାସି ଏନା ଏନାଆଁ ଖେସିମାଚେସି,  
ଏ ବାରେ ଏନାୟି ଇଞ୍ଜି ଏଞ୍ଜାରି  
ପୁନାଆତେରି ।

ଜୀସୁ ନେହୁଁ ଫେଣ୍ଟାୟା ଗଡ଼ୁ

୭ ଜୀସୁ ଅଡ଼େ ଖେଣ୍ଡେ ଏଲେଇଚେସି,  
“ସାତା ସାତା ନାନୁ ମିଙ୍ଗେ  
ଖେସିମାଞ୍ଜାଇଁ, ନାନୁ ଫେଣ୍ଟାୟା  
ଦୁଖେରିଚେସି ।

୮ ଏଚରଜାଣା ନା ନକେଏ  
ଞ୍ଜାହାମାନେରି, ଏଞ୍ଜାରି ବାରେ ସରକା  
ଅଡ଼େ ତଂଗାୟା, ସାମା ଫେଣ୍ଟାୟା ଏଞ୍ଜାରି  
କାତା ଖେନାଆତୁ ।

୯ ନାନୁ ଆହିମାଇଁ ଦାରା । ଆମ୍ବାଆସି  
ନା ତାଣାଟି ହଡ଼ନେସି, ଏଞ୍ଜାସି ଗେଲପି  
ଆନେସି ଇଞ୍ଜା ବିତ୍ତା ଞ୍ଜାହାନା ଅଡ଼େ  
ପାଞ୍ଚାତା ହାଜାନା ହାରା ବେଟାଆନେସି ।

୧୦ ସରୁ ଞ୍ଜାରଇ ସରୁ କିହାଲି,  
ପାୟାଲି ଅଡ଼େ ନାସା କିହାଲି ଞ୍ଜାନେସି;  
ଏଞ୍ଜାରି ଏନିକିଁ ଜୀସୁ ବେଟାଆନେରି  
ଅଡ଼େ ହାଚେକା ବେଟାଆନେରି  
ଏଦାଆଁତାକି ନାନୁ ଞ୍ଜାହାମାଇଁ ।

୧୧ “ନାନୁ ନେହୁଁ ଫେଣ୍ଟାୟା  
ଗଡ଼ୁଚେସି; ନେହୁଁ ଫେଣ୍ଟାୟା ଗଡ଼ୁ  
ଫେଣ୍ଟାୟା ତାକି ତାନି ଜୀସୁ ହାନେସି ।

୧୨ ଆମ୍ବାଆସି ଫେଣ୍ଟାୟା ଗଡ଼ୁ ଆଏ,  
ଗତି ଦାଂଗଣେଏସି, ଜାହାରା ଫେଣ୍ଟାୟା  
ହିଲାଉ ଏଞ୍ଜାସି କ୍ଷୁଠନି ଞ୍ଜାନାଣି ଫେସାନା

ଫେଣ୍ଟାୟା ପିସା ହଣନେସି ଅଡ଼େ କ୍ଷୁଠନି  
ଞ୍ଜାହାନା ଏ ବାରେଚି ସିନାସାତ୍ରା କିନେ,  
୧୩ ଇଚିହୁ ଏଞ୍ଜାସି ଗତି  
ଦାଂଗଣେଏସି, ଇଞ୍ଜା ଫେଣ୍ଟାୟାକି ଅଣ୍ଡୁ  
ହିଲେଏ,

୧୪ ନାନୁ ନେହୁଁ ଫେଣ୍ଟାୟା ଗଡ଼ୁ ।  
ଆବା ଏନିକିଁ ନାଙ୍ଗେ ପୁଞ୍ଜାମାଞ୍ଜାନେସି  
ଅଡ଼େ ନାନୁ ଆବାଇଁ ପୁଞ୍ଜାମାଇଁ,

୧୫ ଏନିକିଁ ଆବା ନାଙ୍ଗେ  
ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାଇଁ  
ପୁଞ୍ଜାମାଇଁ, ଏଲେକିହୁଏ ନାନୁ ନା  
ଫେଣ୍ଟାୟାଇଁ ପୁଇଁ, ଅଡ଼େ ନା ଫେଣ୍ଟାୟା  
ଜିକେଏ ନାଙ୍ଗେ ପୁଞ୍ଜାନୁ, ଅଡ଼େ  
ଫେଣ୍ଟାୟା ତାକି ନାନୁ ନା ଜୀସୁ ହାଇଁ ।

୧୬ ଏମିନି ଫେଣ୍ଟାୟା ଇ ମାନ୍ଦାତାଇ  
ଆଏ, ନା ଇଲେଚି ଫେଣ୍ଟାୟା ମାନୁ,  
ଏଞ୍ଜାଆଁ ଜିକେଏ ନାଙ୍ଗେ ତାନାୟି ଆନେ,  
ଅଡ଼େ ଏଞ୍ଜି ନା ହାତା ତେଲହିନୁ;  
ଏମ୍ବାଟିଏ ରଣ୍ଡିଏ ମାନ୍ଦା ଅଡ଼େ ରଣ୍ଡିଏ ଗଡ଼ୁ  
ଆନେସି ।

୧୭ “ନାନୁ ନା ଜୀସୁ ହାନାକି ଆବା  
ନାଙ୍ଗେ ଜୀସୁ ନୟାନେସି, ଅଡ଼େ ନାନୁ  
ନା ଜୀସୁ ଖେଣ୍ଡେ ଅହାକତାଲି ନାନୁ  
ଏଦାଆଁ ହାଇଁ ।

୧୮ ନା ଜୀସୁ ଏଚକାତାରି ଆମ୍ବାଆରି  
ଅହାଲି ଆଡ଼ଅରି, ଏଦାଆଁ ନାନୁ  
ନା ଅଣ୍ଡୁ ତଲେ ହାଇଁ, ନା ଜୀସୁ  
ହାହାଲିତାକି ଅଡ଼େ ଏଦାଆଁ ଖେଣ୍ଡେ  
ଅହାକତାଲି ତାକି ନା ଅଦିକାରା ମାନେ  
। ଇଦାଆଁ କିହାଲି ଆବା ମାହାପୁର  
ନାଙ୍ଗେ ହୁକୁମି ହାହାମାଞ୍ଜାନେସି ।

୧୯ ଜୀସୁଚି ଇ ବାରେ କାତାତାକି  
ଜୀହୁଦି ଲକୁତାଣା ଗଡ଼ହା ହଡ଼େ ।

୨୦ ଏଞ୍ଜାରି ବିତ୍ତାଟି ଏଚରଜାଣା  
ଏଲେଇଚେରି, “ଏଞ୍ଜାଣାଇଁ ବୃତୁ  
ଆଲ୍‌ଗାମାନେ, ଏଞ୍ଜାସି ବାୟା  
ଆହାମାନେସି, ଏନାଆଁତାକି ଏଞ୍ଜାଣି  
କାତା ଖେଞ୍ଜିମାଞ୍ଜେରି ?”

୨୧ ଏଚକାତାରି ଏଲେଇଚେରି, “ଇ  
ବାରେ କାତା ବୃତୁ ଆଲ୍‌ଗାମାନାରି କାତା

୪ ୧୦:୧୪ ୧୦:୧୪ ମାଟି ୧୧:୨୭; ଲୁକ ୧୦:୨୨

ଆଏ; ବୃହୁ ଏନାଆଁ କାଣାତି କାଣ୍‌କା  
ମେଫପି କହାଲି ଆଡ଼ିନେ □”

ଜୀସୁଇଁ ଅପାଆଗାଟାୟି

୨୨ ଏଚିବେଲା ଜିରୁସାଲମତା  
ମାହାପୁରୁ ଇଲୁତି ମାହାପୁରୁ ଦରୁଚି  
ହେରୁପିନି ପାର୍ଶୁ ଆଡେ; ଏଡ଼ି  
ପେନିବେଲା ମାରେ,

୨୩ ଜୀସୁ ମାହାପୁରୁ ଇଲୁତି ସଲମନ  
ପିଣ୍ଡାତା ରେଜିମାରେସି □

୨୪ ଏମ୍ବାଟିଏ ଜୀହୁଦି ଲକୁ ସାରିଝାକି  
ମୁରାନା ଖେଞ୍ଜାଲି ମାଟ୍‌ହେରି,  
“ଏଚରଦିନା ପାତେକା ମା ମନତା  
ଆନାମାନା କିୟାଦି ? ନୀନୁ କ୍ରୀସ୍ତତି  
ଇଚିହୁଁ ମାଜେ ନେହୁଁକଁ ଖେସ୍ତାମୁ  
□”

୨୫ ଜୀସୁ ଏଝାରାଇଁ ଏଲେଇରେସି,  
“ନୀନୁ ମିଜେ ଖେସାମାଞ୍ଜାଇଁ, ସାମା  
ମୀରୁ ନାମିହିଲଅତେରି; ନା ଆବା  
ଦରୁଚି ନୀନୁ ଏମିନି ବାରେ କାମା  
କିହିମାଇଁ, ଏ ବାରେ ନା ଝାକିଟି ସାକି  
ହାହିମାନେ;

୨୬ ଆଡ଼ିଜିକେଏ ମୀରୁ ନାମିହିଲଅତେରି,  
ଇଚିହୁଁ ମୀରୁ ନା ମେଣ୍ଡାୟାତେରି ଆଏ  
□

୨୭ ନା ମେଣ୍ଡାୟା ନା ହାଡ଼ା ଖେନୁ  
ଅଡ଼େ ନୀନୁ ଏଝାଆଁ ପୁଇଁ, ଅଡ଼େ ଏଝି  
ନା କେଚ କେଚ ତାକିନୁ,

୨୮ ଅଡ଼େ ନୀନୁ ଏଝାସିକାକି  
କାଲାକାଲାତି ଜୀସୁ ହୀଇଁ, ଅଡ଼େ  
ଏଝି ଏରେଲା ଜିକେଏ ନାସା ଆଡ଼,  
ଆମ୍ବାଆସି ନା କେୟୁଚି ଏଝାଆଁ ମୀଞ୍ଜା  
ଅୟଅସି □

୨୯ ନା ଆବା ନାଜେ ଏନାଆଁ  
ହୀହାମାଞ୍ଜାନେସି, ଏଡ଼ି ବାରେକିହାଁ  
ଦାରାଗାଟାୟି,\* ଇଞ୍ଜା ଆବା ତାଣାଟି  
ଆମ୍ବାଆସି ମୀଞ୍ଜାଲି ଆଡ଼ଅସି □

୩୦ ଆବା ଅଡ଼େ ନୀନୁ ରଅତମିଏ □”

୩୧ ଜୀହୁଦି ଲକୁ ଏଝାଣାଇଁ ଖେଚାଲି  
ଅଡ଼େ ଖେଣ୍ଡେ ଝାଲୁକା ତାଚିହୁଁ  
ଝାଡ଼େଚି □

୩୨ ଜୀସୁ ଏଝାରାଇଁ ଏଲେଇରେସି,  
“ନୀନୁ ଆବା ତାଣାଟି ହାରେକା ନେହୁଁ  
କାମାୟାଁ ମିଜେ ତସାମାଞ୍ଜାଇଁ; ଏ ବାରେ  
କାମାୟାଁ ବିତ୍ରାଟି ଏମିନି କାମାତାକି  
ନାଜେ ଝାଲୁକା ଖେଚି ମାଞ୍ଜାଦେରି ?”

୩୩ ଜୀହୁଦିୟାଁ ଏଝାଣାଇଁ  
ଏଲେଇରେଚି, “ନେହୁଁ କାମାତାକି  
ନିଜେ ଝାଲୁକା ଖେଚିମାଞ୍ଜାଅମି, ସାମା  
ମାହାପୁରୁ ନିୟା କିହିମାନାକି, ନୀନୁ  
ମାଣସି ଆହାନା ମାହାପୁରୁତେଏଁ  
ଇଞ୍ଜିମାନାକି □”

୩୪ ଜୀସୁ ଏଝାରାଇଁ ଏଲେଇରେସି,  
“ମୀ ମସା ମେରାତା ରାସ୍‌କି  
ଆହାହିଲେଏ, ନୀନୁ ଏଲେଇଞ୍ଜାତେଏଁ  
‘ମୀରୁ ମାହାପୁରୁୟାଁତେଚି □’

୩୫ ଆମ୍ବାଆରି ତାଣା ମାହାପୁରୁତି  
ବଲୁ ତଞ୍ଜାଆଡେ, ଏଝାରି ମାହାପୁରୁୟାଁ  
ଇଚିହୁଁ ଦାମ୍‌ସୁ ସାଡ଼େସି ଉଜେଏ  
କିହାଲି ଆଡ଼ଅସି,

୩୬ ଆବା ମାହାପୁରୁ ନାଜେ ସୁନୁ  
କିହାନା ଦାରୁଚିତା ପାଣ୍ଡାମାଞ୍ଜାନେସି  
□ ଇଞ୍ଜା ନୀନୁ ନାଜେ ମାହାପୁରୁ  
ମୀରୁଏଣାତେଏଁ ଇଞ୍ଜିମାନାକି ମାହାପୁରୁ  
ନିୟା କିହିମାଞ୍ଜା ଇଞ୍ଜୁଁ ଏନିକଁ  
ଏଲେଇଞ୍ଜି ମାଞ୍ଜାଦେରି ?

୩୭ ନୀନୁ ନା ଆବାତି ବାରେ କାମା  
କିହା ହିଲାଆତିହୁଁ ନାଜେ ନାମାଆଦୁ;

୩୮ ସାମା ନୀନୁ କିହିମାଇଁ, ଆତିହୁଁ  
ମୀରୁ ନାଜେ ନାମି ମାଞ୍ଜାଅତେରି,  
ଆଡ଼ିଜିକେଏ ଆବା ନା ତାଣା ମାନେସି  
ଅଡ଼େ ନୀନୁ ଆବା ତାଣା ମାଇଁ,  
ଇଦାଆଁ ମୀରୁ ଏନିକଁ ପୁଞ୍ଜେରି ଅଡ଼େ  
ତେଲହିଦେରି, ଇଦାଆଁତାକି ବାରେ  
କାମାତି ନାମାଦୁ □”

୩୯ ଏମ୍ବାଟିଏ ଏଝାରି ଜୀସୁଇଁ ଆସାଲି  
ଅଣ୍ଡପିତେରି, ସାମା ଏଝାସି ଏଝାରି

\* ୧୦:୨୯ ୧୦:୨୯ ଆବା ନାଜେ ଏନାଆଁ ହୀହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଟାୟି, ଇଦାଣି ଅର୍ଚ୍ଚ  
ଆମିନି ଆବା ନାଜେ ଇ ଲକୁଇଁ ହୀହାମାଞ୍ଜାନେସି, ଏଝାସି ଏଝାରି କିହାଁ କାଜାସି □ ☆ ୧୦:୪୦ ୧୦:୪୦ ଜହ  
୧:୨୮ † ୧୦:୪୦ ୧୦:୪୦ ମୁଞ୍ଜନାୟି

କେମୁତା ହେବି ଆଥାନା ଏମ୍ବାଟି ହଟାହାଚେସି □

୪୦ \*ଏମ୍ବାଟି ଏଝାସି ଅଡ଼େ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାମୁତା ବାପ୍ପୁଟା ହାହିମାଚେସି, ଏ ଟାମୁତା ଖାହାନା ଡ଼ୟିତେସି □

୪୧ ଅଡ଼େ ହାଚେକା ଲକୁ ଏଝାଣି ତାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆଚେସି, ସାମା ଇ ମାଣ୍ଡି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା □”

୪୨ ଏମ୍ବାଆଁ ହାଚେକା ଲକୁ ଏଝାଣି ତାଣା ନାମିଚେରି □

## ୧୧

ଲାଜର ହାନାୟି

୧ \*ବେତନିୟାଁତି ଲାଜର ଦରୁଗାଟାସି ରଅସି ନଚେରି ଆହାମାଚେସି; ତାନି ତାଜିସ୍ତା ମରିୟମ ଅଡ଼େ ମାର୍ତା ଏ ନାୟୁତା ଡ଼ୟିମାରୁ □

୨ \*ଏମିନି ଇୟା ପ୍ରବୁଇଁ ନିୟୁଁ ଖାକ୍‌ହାନା ତାନି ତାୟୁଁ ରାଣାୟାଁ ତଲେ ଏଝାଣି ପାଃଆନାୟାଁ ଜେଜା ମାଚେ, ଇଦି ଏ ମରିୟମ; ତାନି ତାୟି ଲାଜର ନଚେରି ଆହାମାଚେସି □

୩ ଏଦାଆଁତାକି ଏ ତାଜିସ୍ତା ଜୀସୁ ତାଣା କାବୁ ପାଣ୍ଡିତୁ, “ପ୍ରବୁ, ନୀନୁ ଆମ୍ବାଆରାଇଁ ଜୀସୁ ନହୁଁ ମାଞ୍ଜି ଏଝାସି ନଚେରି ଆହାମାନେସି □”

୪ ସାମା ଜୀସୁ ଇ କାତା ଖେଞ୍ଜାନା ଏଲେଇଚେସି, “ଇ ନଚେରି ହାହାଲି ତାକି ଆଏ, ସାମା ମାହାପୁରୁତି ଗାଝୁରମି ତାକି, ଏନିକିଁ ଏମ୍ବାଟି ମାହାପୁରୁତି ମୀରୁଏସି ଗାଝୁରମି ବେଟା ଆନେସି □”

୫ ଜୀସୁ ମାର୍ତା, ତାନି ତାଜି ମରିୟମଇଁ ଅଡ଼େ ଲାଜରଇଁ ଜୀସୁ ନହୁଁ ମାଚେସି □

୬ ଏଚେତା ଏଝାସି ନଚେରି ଆହାମାନେସି ଇଞ୍ଜିଁ ଖେଚେସି, ଏଚେତା ଏଝାସି ଏମିନିତାଣା ମାଚେସି, ଏ ଟାମୁତା ରୀ ଦିନା ଡ଼ୟିତେସି □

୭ ଏଚେଟିଏ ଏଝାସି ସୀସୁୟାଁଇଁ ଏଲେଇଚେସି, “ଜୀସୁ ମାର ଖେଣ୍ଡେ ଜୀହୁଦା ରାଜିତା ହାନ □”

୮ ସୀସୁୟାଁ ଏଝାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିଜେ ଖାଲକାତଲେ ଖେଚାଲି ଅଣ୍ଡି ମାଞ୍ଜାଚେରି, ଅଡ଼େ ଖେଣ୍ଡେ ନୀନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହୁଁ ଏଝାସି ଦାରତିତି ଉଜେଡ଼ି;

୧୦ ସାମା ଲାଆଁୟାଁ ତାକିସାରେ ଏଝାସି ପୁଟିକିନେସି, ଇଚିହୁଁ ଏଝାଣି ହିୟାଁତା ଉଜେଡ଼ି ହିଲେଏ □”

୧୧ ଇ ବାରେ କାତା ଖେସ୍ତି ତାୟୁ ଏଝାରାଇଁ ଅଡ଼େ ଏଲେଇଚେସି, “ମା ତଚେ ଲାଜର ଇଦା କିହାମାନେସି, ସାମା ଏଝାଣାଇଁ ଇଦାଟି ନିକ୍‌ହାଲି ନୀନୁ ହାଜିମାଇଁ □”

୧୨ ଏମ୍ବାଟିଏ ସୀସୁୟାଁ ଏଝାଣାଇଁ ଏଲେଇଚେରି, “ପ୍ରବୁ ଏଝାସି ତୁରାନା ଇଦା କିହାମାଚିହୁଁ ନେହୁଁ ଆନେସି □”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଝାଣି ଇଦା କିହାମାନି କାତା ଖେସ୍ତାଚେସି ଇଞ୍ଜିଁ ଅଣ୍ଡିମାଚେରି □

୧୪ ଏଚିବେଲା ଜୀସୁ ତୀରେତଲେ ଏଲେଇଚେସି, “ଲାଜର ହାହାମାନେସି;

୧୫ ଅଡ଼େ ନୀନୁ ଏମ୍ବାଆଁ ହିଲିଆଚେଏ, ଏଦାଆଁତାକି ମୀ ତାକି ରାହାଁ କିହିମାଇଁ, ଏନିକିଁ ମୀରୁ ନାମିଦେରି; ସାମା ଜୀସୁ ମାର ଏଝାଣି ତାଣା ହାନ □”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜିଁ ଇନେରି, ଏଝାସି ତାନି ତଚେ ସୀସୁୟାଁଇଁ ଏଲେଇଚେସି, “ଜୀସୁ, ମାର ଜିକେଏ ହାଜାନା ଏଝାଣିତଲେ ହାନ □”

ଜୀସୁଏ ଖେଣ୍ଡେ ନିଜିନାସି ଅଡ଼େ ଜୀସୁ

୧୭ ଜୀସୁ ବେତନିୟାତା ଏଜାନା  
ଖେଚେସି, ଏଝାସି ସାରି ଦିନା ଆଡେସି  
ମାହୁଣି ମାଣ୍ଡାତା ଇଟାମାନେରି □

୧୮ ବେତନିୟା ଜିରୁସାଲମଟି ରୀ  
କିଲମିଟର ହେକ ମାଚେ,

୧୯ ଅଡେ ଜୀହୁଦିୟା ବିତ୍ରାଟି ହାରେକା  
ମାର୍ତୀ ଇଞ୍ଜା ମରିୟମଇଁ ତାମି ତାୟିତି  
ଦୁକୁ ତୁକହାଲି ଏମ୍ବାଆଁ ଖାହାମାଚେରି □

୨୦ ଜୀସୁ ଖାହିମାନେସି ଇଞ୍ଜ  
ଏଚେତା ମାର୍ତୀ ଖେଚେ, ଏଚେତା ମାର୍ତୀ  
ଏଝାଣାଇଁ ବେଟାଆୟାଲି ହାଚେ, ସାମା  
ମରିୟମ ଇଜ କୁଗାନା ଡୟିଚେ □

୨୧ ମାର୍ତୀ ଜୀସୁଇଁ ଏଲେଇଚେ, “ପ୍ରବୁ  
ନୀନୁ ଇମ୍ବାଆଁ ମାଚିହଁମା, ନା ତାୟି  
ହାଆଚେସିମା,

୨୨ ସାମା ନୀନୁ ମାହାପୁରୁଇଁ ଏନାଆଁ  
ରୀହୁଦି, ମାହାପୁରୁ ନିଜେ ଏଦାଆଁ  
ହିୟାନେସି, ଏଦାଆଁ ନୀଏଁ ଜିକେଏ  
ପୁଞ୍ଜାମାଇଁ □”

୨୩ ଜୀସୁ ଏଦାନି ଏଲେଇଚେସି, “ନୀ  
ତାୟି ଅଡେ ଖେଣ୍ଡେ ନିଜିନେସି □”

୨୪ “ମାର୍ତୀ ଜୀସୁଇଁ ଏଲେଇଚେ,  
ଏଝାସି ତାୟି ଖେଣ୍ଡେ ନିଜିନି ଦିନାତା  
ନିଜିନେସି, ଇଦାଆଁ ନୀନୁ ପୁଞ୍ଜାମାଇଁ □”

୨୫ ଜୀସୁ ଏଦାନି ଏଲେଇଚେସି,  
“ନୀନୁ ଖେଣ୍ଡେ ନିଜିନାଚେଏଁ ଅଡେ  
ଜୀଝୁଚେଏଁ; ଆମ୍ବାଆସି ନାଜେ  
ନାମାନେସି, ଏଝାସି ହାଡ଼ି ଜିକେଏ  
ନୀଡିନେସି,

୨୬ ଆମ୍ବାଆସି ନୀଡିନେସି ଅଡେ  
ନାମାନେସି, ଏଝାସି ଏଚେଲା ଜିକେଏ  
ହାଅସି; ଇ କାତା ନାମିମାଞ୍ଜି ?”

୨୭ ମାର୍ତୀ ଏଲେଇଚେ, “ଏ ପ୍ରବୁ  
ଆମ୍ବାଆସି ଦାରଡିତା ଖାନାୟି ମାଚେ,  
ନୀନୁ ଏ ଜୀସୁ ମାହାପୁରୁ ମାର୍ଏଣାତି,  
ଇ କାତା ନାମିମାଇଁ □”

ଜୀସୁ ଡୀତେସି

୨୮ ଇ କାତା ଖେସାନା ମାର୍ତୀ ହାଜାନା  
ତାମି ତାଜି ମରିୟମଇଁ ଏଚକା ହାଟାନା  
ଏଲେଇଚେ, “ଗୁରୁ ଖାଡେସିଏ ନିଜେ  
ପାରିମାଞ୍ଜାନେସି □”

୨୯ ମରିୟମ ଇ କାତା ଖେଞ୍ଜାନା  
ଦାପେ ନିଜାନା ଏଝାଣି ତାଣା ହାଚେ □

୩୦ ଏଚିବେଲା ଜୀସୁ ନାୟି  
ବିତ୍ରା ଖାହାହିଲାଆଚେସି, ସାମା  
ମାର୍ତୀ ଏଝାଣାଇଁ ଏମିନି ଚାୟୁତା  
ବେଟାଆହାମାଚେ, ଏଚେପାଚେକା ଏ  
ଚାୟୁଚେଏ ମାଚେସି □

୩୧ ଏମିନି ଜୀହୁଦିୟା ଏଦାନିତଲେ  
ଏ ଇଲୁତା ଦୁକୁ ତୁକହିମାଚେରି,  
ଏଝାରି ମରିୟମ ଦାପେ ନିଜାନା  
ପାଜାତା ହାଚାଣି ମେସାନା, ଏଦି ମାହୁଣି  
ମାଣ୍ଡାତା ଡୀହାଲି ହାଜିମାନେ, ଇ କାତା  
ଅଣ୍ପାନା ଏଦାନି ଜେତ ଜେତ ହାଚେରି  
□

୩୨ ଏମ୍ବାଟିଏ ଜୀସୁ ଏମିନି ଚାୟୁତା  
ମାଚେସି, ମରିୟମ ଏ ଚାୟୁତା ହାଜାନା  
ଏଝାଣାଇଁ ମେସାନା ଏଝାଣି କତାୟା  
ଡଇ ରିହାନା ଏଲେଇଚେ, “ପ୍ରବୁ  
ନୀନୁ ଇମ୍ବାଆଁ ମାଚିହଁମା ନା ତାୟି  
ହାଆଚେସିମା □”

୩୩ ଜୀସୁ ମରିୟମ ଅଡେ ତାନିତଲେ  
ଖାହାମାନି ଜୀହୁଦି ଲକୁ ଡୀହିମାନାଣି  
ମେସାନା ଜୀଝୁତା ହାରେକା ଦୁକୁ  
ଆହାନା ଖେଚେସି,

୩୪ “ଏଝାଣାଇଁ ଆମ୍ବିୟା ଇଟାମାଞ୍ଜେରି  
?” ଏଝାରି ଏଲେଇଚେରି, “ପ୍ରବୁ,  
ଖାହାନା ସିନିକିମୁ ?”

୩୫ ଜୀସୁ ଡୀତେସି □

୩୬ ଏଚେଟିଏ ଜୀହୁଦି ଲକୁ  
ଏଲେଇଣ୍ଡମ୍ବି ଆଡେଚି, “ଏଝାସି  
ଏଝାଣାଇଁ ଏଚେକା ଜୀଝୁ ନହଁମାଚେସି  
□”

୩୭ ସାମା ଏଝାରି ବିତ୍ରାଟି ଏଚରଜାଣା  
ଏଲେଇଚେରି, “ଇ ମାଣ୍ଡିଏ ଏ  
କାଣାଇଁ ମେସୁପି କିହାମାଚେସି,  
ଏଝାସି ଇଝାଣାଇଁ ହାକିଟି ଗେଲପାଲି  
ଆଡିଚେସିମା ?”

ହାଡ଼ି ଲାଜରଇଁ ଜୀଝୁ ହୀନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା  
ମାହୁଣି ମାଣ୍ଡା ତାଗେ ଖାଡେସି; ଏଦି ର  
ପାଝୁ ମାଚେ, ଇଞ୍ଜା ପାଝୁ ଦୁଖେରିତା ର  
କାଜା ଖାଲି ମାଚେ □



୩୯ ଜୀସୁ ଏଲେଇରେସି, “ଇ ୱାଲି ଗୁଚି କିଦୁ □” ହାଡାଣି ତାଜି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜାସି ଗାନ୍ଦା ଆହାହାରେସିଏ, ଇଚିହ୍ଁ ହାହାନା ସାରି ଦିନା ଆଡେସିଏ □”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡିହ୍ଁ ମାହାପୁରୁତି ଗାଞ୍ଜୁରମି ମେହ୍ଦି, ଇ କାତା ନାନୁ ନିଙ୍ଗେ ୱେସାମାଞ୍ଜାଆଡେସି?”

୪୧ ଅଡେ ଏଞ୍ଜାରି ୱାଲି ଗୁଚି କିତେରି □ ଅଡେ ଜୀସୁ ଲାକଞ୍ଜାକି ସିନିକିହାନା ଏଲେଇରେସି, “ଆଡା ନା ପ୍ରାଡାନା ୱେଟି ଇଞ୍ଜିଁ ନାନୁ ନିଙ୍ଗେ ଜହରା କିହିମାଞ୍ଜାଈ □

୪୨ ନୀନୁ କାଲେଏ ନା ପ୍ରାଡାନା ୱେଞ୍ଜାମାଞ୍ଜି, ଇ କାତା ନାନୁ ପୁଞ୍ଜାମାଈ; ସାମା ଏମିନି ଲକୁ ସାରିସୁରୁ ନିଚାମାନେରି, ନୀନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜିଁ ଏଞ୍ଜାରି ଏନିକ୍ଁ ନାମିନେରି, ଏଦାଆଁତାକି ଏଞ୍ଜାରି ତାକି ନାନୁ ଏଲେଇରେସି □”

୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇରେସି, “ଲାଜର ପାଙ୍ଗାତା ହଡା ୱାମୁ □”

୪୪ ଦେବୁଣିଏ ଲାଜର ପାଙ୍ଗାତା ହଡାଞ୍ଜାଡେସି; ତାନି କେସ୍ତା କଡାଣା ମାହ୍ଣି ମାଣ୍ଡାତି ହିମ୍ବରିକା ତଲେ ରୁପି ଆହାମାରୁ, ଇଞ୍ଜା ତାନି ମୁମ୍ବୁତା ଇଚାୟି ପାସକି ପିଡ଼ଗିଞ୍ଜି ଆହାମାରେ □ ଜୀସୁ ଏଞ୍ଜାରାଈ ଏଲେଇରେସି, “ହିମ୍ବରିକା ହୁକଦୁ ଏଞ୍ଜାସି ତାକାପେସି □”

ଜୀସୁଈ ପାୟାଲି ପାରୁ ପାରିନାୟି  
(ମାତି ୨୬:୧-୫; ମାର୍କ ୧୪:୧,୨;  
ଲୁକ ୨୨:୧,୨)

୪୫ ହାରେକା ଜୀହୁଦି ଲକୁ, ଇଚିହ୍ଁ ଆମ୍ବାଆରି ମରିୟମ ତାଣା ୱାହାମାରେରି ଅଡେ ଜୀସୁତି କାମା ମେସାମାରେରି, ଏଞ୍ଜାରି ଏଞ୍ଜାଣାଈ ନାମିତେରି □

୪୬ ଅଡେ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ପାରୁସିୟା ତାଣା ହାଜାନା

ଜୀସୁ ଏନା ଏନାଆଁ କିହାମାରେସି ଏ ବାରେ ଏଞ୍ଜାରାଈ ୱେସ୍ତେରି □

୪୭ ଇ କାତା ୱେଞ୍ଜାନା ପାରୁସିୟା ଅଡେ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇରେରି, “ମାର ଏନି କିନାୟି ଇ ମାଣସି ହାରେକା କାବାଆନି କାମାୟା କିହିମାନେସି □

୪୮ ମାର ଏଞ୍ଜାଣାଈ ଏଲେକିହ୍ଁ ପିସ୍ତୁହ୍ଁ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡେ ରମିୟ ଲକୁ ୱାହାନା ଇ ଟାୟୁ କୁଡା ବାରେଡି ନାସା କିନେରି □”

୪୯ ସାମା ଏଞ୍ଜାରି ବିତ୍ରାଟି ର କାଜା ପୂଜେରା, ଇଚିହ୍ଁ କୟାପା ଏ ବାର୍ସାତି କାଜା ପୂଜେରା ଏଞ୍ଜାରାଈ ଏଲେଇରେସି, “ମୀରୁ ଏନାଆଁ ପୁଞ୍ଜାହିଲଅଡେରି ?

୫୦ ବାରେ କୁଡାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ, ଇଦାଆଁ ମୀରୁ ଅଣ୍ପି ହିଲଅଡେରି □”

୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲାଆଡେସି, ସାମା ଏଞ୍ଜାସି ଏ ବାର୍ସାତି କାଜା ପୂଜେରା ମାତାକି ଇ ତାୟୁ ଆନି କାତା ତାନି ଗୁଡିଟି ହଡାମାରେ, ଜୀସୁ ଏ କୁଡାତି ଲକୁ ତାକି,

୫୨ ଅଡେ ୱାଉଇ ଏ କୁଡା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରୁକାଣି ଜିକେଏ କୁଡି କିହାନା ରଣ୍ଡିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ୱେକ୍ହେସି □

୫୩ ଇଞ୍ଜା ଏ ଦିନାଟିଏ ଏଞ୍ଜାଣାଈ ପାୟାଲି ତାକି ପାରୁ ପାରିତେରି □

୫୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ରା ପାଙ୍ଗାଞ୍ଜେରେଆଡେସି, ସାମା ଏଞ୍ଜାସି ଏ ଟାୟୁଟି ହଡା ହାଜାନା ଲକୁ ହିଲାଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡାତା ହାରେସି, ଅଡେ ସୀସୁୟା ତଲେ ଏମ୍ବାଆଁ ଡୟିଡେସି □

୫୫ ଏଚିବେଲା ଜୀହୁଦି ଲକୁତି ପିସ୍ପିଆନି ପାରୁ ତାଗେ ମାରେ, ଅଡେ

ନାସ୍କାଟି ହାଡ଼େକା ଲକୁ ଜାହାରାଇଁ  
ଅଟ୍ଟା କତାଳି ପିସ୍ପିଆନ୍ତି ପାର୍ବୁ  
ନଟ୍ଟେଏ ଜିରୁସାଲମତା ହାଚେରି □

୫୭ ଏମ୍ବାଟିଏ ଏଞ୍ଜାରି ଜୀସୁଇଁ  
ପାରି ପାରିହୁଁ ମାହାପୁରୁ  
ଇଲୁତା ନିଗାମାଟାଟି ତାମ୍ବୁ ତାମ୍ବୁ  
ଏଲେଇଣ୍ଡି ଆଡେତରି, “ମୀରୁ ଏନାଆଁ  
ଅଣ୍ଡିମାଞ୍ଜେରି ? ଏଞ୍ଜାସି କି ପାର୍ବୁତା  
ଞ୍ଜାଅସି ?”

୫୯ କାଜା ପୂଜେରାଜା ଅଡେ  
ପାରୁସିୟାଁ ଏଞ୍ଜାଣାଇଁ ଆସାଲି ତାକି,  
ଏଞ୍ଜାସି ଏମ୍ବିୟା ମାନେସି, ଇ କାତା  
ଆମ୍ବାଆସି ପୁଞ୍ଜାମାନେସି, ଏ କାତା  
ଝେସାଲି ତାକି ହୁକୁମି ହାହାମାଚେରି  
□

## ୧୨

ଜୀସୁଇଁ ନିହୁଁ ରୁବିନାୟି  
(ମାତି ୨୬:୨-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀସୁ ପିସ୍ପିଆନ୍ତି  
ପାର୍ବୁତି ସ ଦିନା ନଟ୍ଟେଏ ବେତନିୟାତା  
ଞ୍ଜାଡେତସି; ଏମିନି ଲାଜରଇଁ ହାଡାରି  
ତାଣାଟି ନିକହା ମାଚେସି, ଏଞ୍ଜାସି ଏ  
ଚାୟୁତା ମାଚେସି □

୨ ଏନାଆଁତାକି ଏଞ୍ଜାରି ଏଞ୍ଜାଣାକି ଏ  
ଚାୟୁତା ଲାଆଁୟାଁ ର ବଜି କିଚେରି;  
ମାର୍ତା ବାଟି କିହିମାଚେ, ଅଡେ  
ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି  
କୁଗାମାଚେରି, ଲାଜର ଏଞ୍ଜାରି ବିତ୍ରାଟି  
ରଅସି ମାଚେସି □

୩ ଏବିଚେଲା ମରିୟମ ଆଦା ଗାଜୁ  
ଗାନ୍ଦା ନିହୁଁ ତାଚାନା ଜୀସୁ କତାଣା  
ରୁବାନା ତାନି ତାୟୁଁ ବାଣାୟାଁ ତଲେ  
ତାନି କର୍ତ୍ତାଣି ଜେଡେ, ଅଡେ ବାରେ  
ଇଲୁତା ନିହୁଁ ଗାନ୍ଦା ଆଡେ □

୪ ସାମା ତାନି ସୀସୁୟାଁ ବିତ୍ରାଟି  
ଇସ୍ପାରିୟତ ଜୀହୁଦା ଆମିନି ସୀସୁ  
ଜୀସୁଇଁ ସାତୁୟାଁ କେୟୁତା ହେରପାଲି  
ହାଜିମାଚେସି, ଏଞ୍ଜାସି ଏଲେଇଚେସି,

୫ “ଇ ନିହୁଁ ତାନି ଞ୍ଜାଞ୍ଜା ଚାକାୟାଁ  
ତାକି ପାରପି ଆହାନା ଏନାଆଁତାକି  
କାକୁଲି ଗାଟାରିକି ହୀପୁକି ଆଆଡେ ?”

୬ ଏଞ୍ଜାସି କାକୁଲି ଗାଟାରିକି  
ଅଣ୍ଡିମାଚେସି ଇଞ୍ଜୁଁ ଏଲେଇଚେସି,  
ଏଡି ଆଏ, ସାମା ଏଞ୍ଜାସି ର ସରୁ  
ଅଡେ ଏଞ୍ଜାଣି ତାଣା ଚାକାୟାଁ ମଣା  
ମାତାକି, ଏମ୍ବାଆଁ ଏନା ଏନାଆଁ ଇଟକି  
ଆହିମାଚେ, ଏନାଆଁ ସରୁ କିହିମାଚେସି  
□

୭ ସାମା ଜୀସୁ ଏଲେଇଚେସି,  
“ଇଦାଆଁ ପିହୁଦୁ, ଏନିକଁ ନା ମାଡୁହା  
ମୁହନି ଦିନାତାକି ଏଡି ଏନାଆଁ ଇଟାଲି  
ଆଡିନେ □

୮ କାକୁଲି ଗାଟାରି ବାରେଦିନା  
ମୀ ତାଣା ମାନେରି, ସାମା ନାନ୍ଦୁ  
ବାରେବେଲା ମୀ ତଲେ ମାନଅଁ □”

ଲାଜର କପାଟି ପାରୁ ପାରିନାୟି

୯ ଏଚେଟିଏ ହାଡ଼େକା ଜୀହୁଦି ଲକୁ  
ଏଞ୍ଜାସି ଏମ୍ବାଆଁ ମାନେସି ଇଞ୍ଜୁଁ ପୁଞ୍ଜାନା  
ଞ୍ଜାରଇ ଜୀସୁ ତାକି ଆଏ, ସାମା  
ଏମିନି ଲାଜରଇଁ ଏଞ୍ଜାସି ହାକିଟି ନିକହା  
ମାଚେସି, ଏଞ୍ଜାଣାଇଁ ମେସାଲି ଞ୍ଜାଡେତରି  
□

୧୦ ସାମା ଲାଜରଇଁ ଜିକେଏ ପାୟାଲି  
କାଜା ପୂଜେରାଜା ପାରୁ ପାରିଚେତରି,

୧୧ ଇଚିହୁଁ ଏଞ୍ଜାଣି ତାକି ଜୀହୁଦିୟାଁ  
ବିତ୍ରାଟି ହାଡ଼େକା ହାଜାନା ଜୀସୁ ତାଣା  
ନାମି ମାଚେରି □

ଜୀସୁ ଜିରୁସାଲମତା ରାହାଁଟି  
ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧;  
ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଞ୍ଜାହାମାନି  
ହାଡ଼େକା ଲକୁ ଜୀସୁ ଜିରୁସାଲମତା  
ଞ୍ଜାହାମାନେସି ଇଞ୍ଜୁଁ ଞ୍ଜେଚେରି

୧୩ ଇଞ୍ଜା କାଜୁରି ମାଟାୟାଁ ଆସାନା  
ଜୀସୁଇଁ ବେଟାଆହାଲି ଞ୍ଜାଡେତରି ଅଡେ  
କାଜା ଗିୟାଁତଲେ ଏଲେଇଚେରି,  
“ହସାନା □ ପ୍ରବୁତି ଦରୁତଲେ ଆମ୍ବାଆସି

☆ ୧୨:୩ ୧୨:୩ ଲୁକ ୭:୩୭,୩୮

ଝାହିମାନେସି, ଏଝାସି ନେହେଁ;  
ଇସ୍ରାୟେଲତି ରାଜାଇ ମାହାପୁରୁ ବର  
ହାପାସି □”

୧୪ ଜୀସୁ ର ଗାଡ଼ଦେ ତାଲୁ ଲାକ  
କୁଗାନା ଝାହିମାନେସି, ଏନିକ ରାସ୍‌କି  
ଆହାମାନେ,

୧୫ “ଆକେ ସିୟନତି ମାସ୍କା,  
ଆଜାଆଦୁ

ମେହଦୁ ମୀ ରାଜା ଝାହିମାନେସି,

ଏଝାସି ଗାଡ଼ଦେ ତାଲୁ ଲାକ  
କୁଗାନା ଝାହିମାନେସି □”

୧୬ ଏତିବେଲା ସୀସୁୟାଁ ଏଦାନି  
କାତା ପୁଞ୍ଜାଲି ଆଡ଼ାଆତେରି, ସାମା  
ଜୀସୁ ଗାଝୁରମିତି ଝେଣ୍ଡେ ନିଙ୍ଗାଲିଏ  
ଏଝାରି ଅଣ୍ଡପୁତା ଝାଡେ, ଇ ବାରେ  
କାତା ସାସ୍ତେରିତା ରାସ୍‌କି ଆହାମାନେ,  
ଇତିହ ଏଲେକିହ ଏ ଏଝାରି କାମା  
କିହାମାନେରି □

୧୭ ଜୀସୁ ହାଡ଼ି ଲାଜରଇଁ ମାହ୍‌ଣି  
ମାଣ୍ଡାଟି ହାଟାନା ନିକହାମାଟି ବେଲାତା  
ଏମିନିଗାଟାରି ଏଝାଣିତଲେ ମାନେରି,  
ଏଝାରି ଇ ବାରେ କାତା ସାରିଝାକି  
ଝେକହା ମାନେରି □

୧୮ ଇଦାଆଁତାକି ଲକୁ ବାରେ  
ଏଝାଣାଇଁ ବେଟାଆହାଲି ହାଜାମାନେରି,  
ଅଡେ ଏଝାସି ଇ କାବାଆନି କାମା  
କିହାମାନେସି ଇଞ୍ଜା ଝେଞ୍ଜାମାନେରି  
□

୧୯ ଇଦାଆଁ ମେସାନା ପାରୁସିୟାଁ ତାନି  
ବିତ୍ରା କାତା ଆଡେରି, “ମେସିମାଞ୍ଜେରି  
ମାର ଏନାଆଁ କିହାଲି ଆଡ଼ିହିଲାଆୟି;  
ଦାରୁଡିତି ବାରେ ଲକୁ ଏଝାଣି କ୍ଳେଟ  
ହାଜିମାନେରି □”

ଏଚେକା ଗ୍ରିକ୍ ଲକୁ ଜୀସୁଇଁ  
ପାରିନାୟି

୨୦ ପାରୁଁ ବେଲାତା ପ୍ରାତାନା କିହାଲି  
ଜିରୁସାଲମତା ଝାହାମାନି ଲକୁ ବିତ୍ରା  
ଏଚେକା ଗ୍ରିକ୍ ଲକୁ ମାନେରି □

୨୧ ଏଝାରି ଗାଲିଲିତି ବେଡ଼ସାୟିଦାଡ଼ି  
ପିଲିପ ତାଣା ଝାହାନା ବାତିମାଲିହ

ଏଲେଇଚେରି, “ବାବୁ, ମାମ୍‌ଜୀସୁଇଁ  
ମେସାଲି ଅଣ୍ଡିମାନମି □”

୨୨ ପିଲିପ ହାଜାନା ଆନ୍ଦ୍ରିୟଇଁ କାରୁ  
ହୀତେସି ଅଡେ ରିଆରି ହାଜାନା ଜୀସୁଇଁ  
ଝେସ୍ତେରି □

୨୩ ଜୀସୁ ଏଝାରାଇଁ ଏଲେଇଚେସି,  
“ମାଣସି ମୀରଏସି ଗାଝୁରମି ଆନି  
ବେଲା ଝାହାମାନେ □

୨୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ  
ଗହଁ ପାଡେୟି ବୁନିତା ରିହାନା ହାନି  
ପାତେକା ଏଡି ରଣ୍ଡିଏ ପାଡେୟି ଆହାନା  
ଡ଼ୟିନେ, ସାମା ଏଡି ହାଡ଼ିସାରେ ଏମ୍ବାତି  
ହାରେକା ପାଡେୟିକା ଆନୁ □

୨୫ ଆମ୍ବାଆସି ଜାହାରା ଜୀଝୁତି  
ଜୀଝୁ ନଚେସି, ଏଝାସି ଏଦାଆଁ ହାରୁଝି  
କିନେସି, ଆମ୍ବାଆସି ଜାହାରା ଜୀଝୁତି  
ଇ ଦାରୁଡିତା ଅପଅସି, ଏଝାସି ଏଦାଆଁ  
କାଲାକାଲା ତାକି ଗେଲ୍‌ପିନେସି □

୨୬ ଆମ୍ବାଆସି ନା ସେବା କାମାକିନାସି  
ଆନେସି, ଆତିହ ଏଝାସି ନା କ୍ଳେଟ  
ଝାଡେସି; ଅଡେ ନାନୁ ଆମ୍ବିୟା ଡ଼ୟିଇଁ,  
ନା ସେବା କାମାକିନାସି ଜିକେଏ ଏମ୍ବାଆଁ  
ଡ଼ୟିନେସି; ଆମ୍ବାଆସି ନା ସେବା  
କିନେସି, ଆତିହ ଆବା ଏଝାଣାଇଁ  
ମାନି କିନେସି □

ଜୀସୁ ତାନି ହାକିତି କାତା  
ଏଲେଇନାୟି

୨୭ ନୀର୍ବ ନା ଜୀଝୁ କିଲିବିଲି  
ଆହିମାନେ, ଇଞ୍ଜା ନାନୁ ଏନାଆଁ  
ଇଞ୍ଜାଇଁ ? ଆବା ଇ ଲାଗେଏ ତାଣାଟି  
ଗେଲ୍‌ପାମ୍, ସାମା ଏଦାଆଁତାକି ନାନୁ ଇ  
ଚାୟୁତା ଝାହାମାଇଁ □

୨୮ ଆବା ନୀ ଦରୁ ଗାଝୁରମି ଆଡେ  
□”

ଏତିବେଲାତା ହାଗୁ ଲାକଟି ଇ  
ହାଡ଼ା ଆଡେ ନାନୁ ଏଝାଣାଇଁ ଗାଝୁରମି  
କିହାମାଇଁ ଅଡେ ଗାଝୁରମି କିଇଁ □

୨୯ ଇଞ୍ଜା ଏମ୍ବାଆଁ ଦାରି ନିଚାମାଟି  
ଲକୁ ବାରେ ଇ ହାଡ଼ା ଝେଞ୍ଜାନା  
ଏଲେଇଚେରି, “ଇଦି ହାଗୁ  
ଗୁଣ୍ଡିମାନେ □” ଅଡେ ଏଚକାତାରି

\* ୧୨:୨୫ ୧୨:୨୫ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

ଏଲେଇଚେରି, “ଲୀକପୁରୁତି ଦୃତୁ  
ଏଞ୍ଜାଣିତଲେ କାତା ଆହିମାନେ □”

୩୦ ଜୀସୁ ଏଲେଇଚେସି, “ଇ ହାଡ଼ା  
ନାଙ୍ଗେତାକି ଆହା ହିଲେଏ, ସାମା ଇ  
ହାଡ଼ା ମିଙ୍ଗେତାକି ଆହାମାନେ □

୩୧ ନୀର୍ବ ଇ ଦାର୍ତତି ବିଚାରା କିନି  
ଦିନା; ନୀର୍ବ ଇ ଦାର୍ତତି ସାଲୁଞ୍ଜି କିନାଈ  
ଡ଼ଇ ମେଡ଼ପିଆନୁ □

୩୨ ନାନୁ ଏଚିବେଲ୍ଲା ଦାର୍ତତି  
ଲୀକପୁରୁ ଅଞ୍ଜିଆଇଁ, ଏଚିବେଲ୍ଲା  
ବାରେତି ନା ତାଣା ରେଜା ଅଇଁ □”

୩୩ ଏଞ୍ଜାସି ଏନିକ୍ ହାହାଲି  
ହାଜିମାନେସି, ଏଞ୍ଜାସି ଇ କାତାତା  
ଏଲେଇଚେସି □

୩୪ ଲକୁ ଏଞ୍ଜାଶାଇଁ ଏଲେଇଚେରି,  
“ମସିହା କାଲେଏ ଡ଼ୟିନେସି ଇଞ୍ଜି  
ମାମ୍ବୁ ମସାତି ମେରାତା ଖେଞ୍ଜାମାନମି,  
ଆଡ଼ିହୁଁ ମାଣସି ମୀରଏସି ଲୀକ  
ପେରୁଞ୍ଜି ଆନେସି ଇଞ୍ଜି ନାନୁ ଏନିକ୍  
ଏଲେ ଇଞ୍ଜିମାଞ୍ଜି ? ଏ ମାଣସି ମୀରଏସି  
ଆମ୍ବାଆସି ?”

୩୫ ଜୀସୁ ଏଞ୍ଜାରାଇଁ ଏଲେଇଚେସି,  
“ଅଡ଼େ ଗାଡ଼େକା ତାକି ଉଜେଡ଼ି ମୀ  
ତାଣା ମାନେ □ ଆନ୍ଦେରି ମିଙ୍ଗେ  
ଏନିକ୍ ଗୁସ୍ତେଏ, ଏଦାଆଁତାକି ମୀ  
ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ;  
ଆମ୍ବାଆସି ଆନ୍ଦେରିତା ତାକିନେସି,  
ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି  
ଆଡ଼ଅସି □

୩୬ ମୀରୁ ଏନିକ୍ ଉଜେଡ଼ିତି  
ମୀରକା ମାସ୍ତକା ଆଦେରି, ଏଦାଆଁତାକି  
ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା  
ଉଜେଡ଼ିତା ନାମାଦୁ □” ଜୀସୁ ଇ ବାରେ  
କାତା ଖେସାନା ହାଚେସି ଇଞ୍ଜା ଏଞ୍ଜାରି  
ତାଣାଟି ଡ଼ଗୁନା ଡ଼ୟିଚେସି □

ଲକୁ ନାମାଆ ଗାଟାୟି

୩୭ ଏଞ୍ଜାରି ନକ୍ତିତା ଏଚେକା  
କାବାଆନି କାମାୟା କିହାମାଚେସି,  
ଆଡ଼ିଜିକେଏ ଏଞ୍ଜାରି ଏଞ୍ଜାଣି ତାଣା ନାମା  
ହିଲ୍ଲାଆଚେରି,

୩୮ ଏନିକ୍ ମାହାପୁରୁ ଅଣ୍ଡପୁତି ବଲୁ  
ଖେହୁନି ଜିସାୟ ତାଣାଟି ରାଟାମାନି  
କାତା ପୁରା ଆନେ,

“ପ୍ରୁ ମା ହାଡ଼ା ଖେଞ୍ଜାନା ଆମ୍ବାଆସି  
ନାମା ମାନେସି ?  
ଆମ୍ବାଆରି ତାଣା ପ୍ରୁ ତାନି  
ବାଡ଼ୟୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି  
ଆଡ଼ିହିଲ୍ଲାଆଚେରି, ଇଞ୍ଜା ଜିସାୟ  
ଏଲେଇଞ୍ଜାମାଚେସି,

୪୦ ସାଚେଏ ମାହାପୁରୁ ଏଞ୍ଜାରି କାଣ୍ଡକା  
କାଣା କିହାମାନେସି □

ଏଦାଆଁତାକି ଏଞ୍ଜାରି ହିୟାତା  
ଏନାଆଁ ମେସାଲି ଆଡ଼ଅରି,  
ଇଞ୍ଜା ହିୟାତା ଏନାଆଁ  
ଚେଲ୍ହାଲି ଆଡ଼ଅରି

ମାହାପୁରୁ ଏଲେଇଞ୍ଜି ମାନେସି,

“ନେହୁଁ ଆହାଲିତାକି ଏଞ୍ଜାରି ନା  
ତାଣା ଖେଶ୍ଟା ଖାହିହିଲଅରି □”

୪୧ ଜିସାୟ ଜୀସୁ କ୍ରୀସ୍ତତି ଗାଞ୍ଜୁରମି  
ମେସ୍ତେସି ଏଦାଆଁତାକି ଏଞ୍ଜାସି ଏଞ୍ଜାଣି  
କାତା ଖେସ୍ତେସି □

୪୨ ଆଡ଼ିଜିକେଏ ଜୀହୁଦି ଲକୁତି  
କାଜାରି ହାରେକା ଏଞ୍ଜାଣି ତାଣା  
ନାମିଚେରି, ସାମା ଏଚେତା ଜୀହୁଦି  
କୁଲମିଟି ପେରୁହାନେରି ଇଞ୍ଜି  
ପାରୁସିୟା ଆଜିତାକି ବାରେଜାଣା ଏ  
କାତାବାର୍ତା ଆହି ହିଲ୍ଲାଆଚେରି,

୪୩ ଇଚିହୁଁ ଏଞ୍ଜାରି ମାହାପୁରୁ  
ତାଣାଟି ଗାଞ୍ଜୁରମି କିହାଁ ମାଣ୍ଡସିୟା  
ତାଣାଟି ଗାଞ୍ଜୁରମି ଜୀସୁ ନହିମାଚେରି  
□

ମାଣ୍ଡସିୟା ତାଣାଟି ଜୀସୁତି କାତା  
ବିଚାରା କିନାୟି

୪୪ ଜୀସୁ କାଜା ଗିୟାତଲେ  
ଏଲେଇଚେସି, “ଆମ୍ବାଆସି ନା ତାଣା  
ନାମିନେସି, ଏଞ୍ଜାସି ନା ତାଣା ନାମଅସି,  
ସାମା ନାଙ୍ଗେ ପାଣ୍ଡାତାଣାଇଁ ନାମିନେସି;

୪୫ ଆମ୍ବାଆସି ନାଙ୍ଗେ ମେସ୍ତାନେସି,  
ଏଞ୍ଜାସି ନାଙ୍ଗେ ପାଣ୍ଡାତାଣାଇଁ  
ମେହୁନେସି □

୪୬ ଆମ୍ବାଆସି ନା ତାଣା ନାମିନେସି,  
ଏଞ୍ଜାସି ଏନିକ୍ ଆନ୍ଦେରିତା ବାସା

କିଅସି, ଏଦାଆଁତାକି ନାନୁ ଦାରତିତା  
ଉଜେଡ଼ି ଆହାନା ଖାହାମାଇଁ □

୪୭ ଆମ୍ବାଆସି ନା ବଲୁ ଖେଞ୍ଜାନା  
ମାନୁଞ୍ଜି ଆଅସି, ଆଡ଼ିହୁଁ ନାନୁ ଏଞ୍ଜାଣି  
ବିଚାରା କିଅଁ; ଇଚିହୁଁ ନାନୁ ଦାରତିତା  
ବିଚାରା କିହାଲି ଖାଆନା ଦାରତିତି  
ଗେଲୁପାଲି ଖାହାମାଇଁ □

୪୮ ଆମ୍ବାଆସି ନାଜେ ଅପଅସି ଅଡେ  
ନା ବଲୁତି ଆବଅସି, ନାନୁ ଏମିନି ବଲୁ  
ଜଲ୍ଲାମାଇଁ, ନା ଗୁତିତି ବଲୁ ତାୟୁତି  
ଦିନାତା ଏଞ୍ଜାଣି ବିଚାରା କିନେ;

୪୯ ଇଚିହୁଁ ନାନୁ ନା ତାଶାତି  
ଜଲ୍ଲା ହିଲଅଁ, ସାମା ନାନୁ ଏନାଆଁ  
ଜଲ୍ଲିଇଁ ଅଡେ ଏନାଆଁ ଖେକଇଁ, ଏନାଆଁ  
ନାଜେ ପାଶ୍ଟାମାଞ୍ଜାନି ଆବା ହୁକୁମି  
ହାହାମାଞ୍ଜାନେସି

୫୦ ଇଞ୍ଜା ନାନୁ ପୁଞ୍ଜାମାଇଁ ତାନି  
ହୁକୁମି କାଲ୍ଲାକାଲ୍ଲାତି ଜୀଞ୍ଜୁ ହାନେ  
□ ନା ଆବା ନାଜେ ଏନାଆଁ ଜଲ୍ଲାଲି  
ହୁକୁମି ହାହାମାଞ୍ଜାନେସି, ଖାରଇ  
ଏଲେକିହୁଁ ଏ ଖେହୁଇଁ □”

### ୧୩

ଜୀସୁ ସୀସୁୟାଁ କତାୟାଁ ନରନାୟି

୧ ପିସପିଆନି ପାରୁଁ ନକେଏ ଜୀସୁ  
ଇ ଦାରତିତି ଆବା ତାଶା ହାନି କାରୁ  
ଆହାଲିଏ, ଦାରତିତା ମାନି ତାନି ଲକୁଣି  
ଏଞ୍ଜାସି ଜୀଞ୍ଜୁ ନହୁଁମାରେସି, ଏଞ୍ଜାରାଇଁ  
ହାଡ଼େକା ଜୀଞ୍ଜୁ ନନାଣି ତସାମାରେସି □

୨ ଜୀସୁ ତାନି ସୀସୁୟାଁ ତଲେ ଲାଆଁୟାଁ  
ତିନି ବେଲାତା ସୟତାନ ସିମନ  
ମୀର୍ଏସି ଇସ୍ତାରିୟତ ଜୀହୁଦା ହିୟାତା  
ଜୀସୁଇଁ ସାତୁ କେୟୁତା ହେରପାଲି  
ଅଣ୍ଡପି କିହାମାଚେ □

୩ ଏଚିବେଲା ଆବା ତାନି କେୟୁତା  
ବାରେ ହେରପା ମାନେସି ଅଡେ ଏଞ୍ଜାସି  
ମାହାପୁରୁ ତାଶାତି ଖାହାମାନେସି, ଅଡେ  
ମାହାପୁରୁ ତାଶା ହାଜିମାନେସି,

୪ ଇଦାଆଁ ପୁଞ୍ଜାନା ରାନ୍ଦା ତିନି  
ତାଶାତି ନିଜାନା, ତାନି ହିମ୍ବରି

ଇଚିତେସି ଇଞ୍ଜା ର ତୁଞ୍ଜାଲା ତାନି  
ଚେତେଲିତା ରୁପା କଡିତେସି □

୫ ତାୟୁ ଏଞ୍ଜାସି ମୁତାତା ଏୟୁ  
କଡିତେସି, ଅଡେ ସୀସୁୟାଁତି କତାୟାଁ  
ନରହାନା ତାନି ଚେତେଲିତା ମାନି  
ତୁଞ୍ଜାଲା ତଲେ କେଜାଲି ମାଟ୍‌ହେସି □

୬ ଏଚିବେଲା ଜୀସୁ ସିମନ ପିତର  
ଦାରିତା ଖାଡେସି; ଏଞ୍ଜାସି ଏଞ୍ଜାଣାଇଁ  
ଏଲେଇଚେସି, “ପୁରୁ ନାନୁ ନା କତାୟାଁ  
ନରହ ମାଞ୍ଜାଦି ?”

୭ ଜୀସୁ ଏଞ୍ଜାଣାଇଁ ଏଲେଇଚେସି,  
“ନାନୁ ଏନାଆଁ କିହିମାଇଁ ନାନୁ ନୀଏଁ  
ଏଦାଆଁ ପୁଞ୍ଜାଲି ଆଡ଼ଅତି, ତାୟୁ ପୁଞ୍ଜି  
□”

୮ ପିତର ଏଲେଇଚେସି, “ଆଏ, ନା  
କତାୟାଁ ଏଚେଲାଖା ନରହଅତି □”  
ସାମା ଜୀସୁ ଏଲେଇଚେସି, “ନାନୁ ନୀ  
କତାୟାଁ ନରହଆତିହୁଁ ନାନୁ ଅଡେ  
ନା ସୀସୁ ଆୟାଲି ଆଡ଼ଅତି □”

୯ ସିମନ ପିତର ଏଲେଇଚେସି,  
“ପୁରୁ, ଆତିହୁଁ କତାୟାଁ ଏନାଆଁକି, ନା  
କେସ୍ତା ଅଡେ ତାୟୁଁ ଜିକେଏ ନରହାମୁ  
□”

୧୦ ଜୀସୁ ଏଞ୍ଜାଣାଇଁ ଏଲେଇଚେସି,  
“ଆମ୍ବାଆସି ଏୟୁ ମାହାମାନେସି, ଏଞ୍ଜାଣି  
କତାୟାଁ ନରନି କିହାଁ ଏନାୟି ଲଡ଼ା  
ହିଲେଏ, ମୀରୁ ଅଡ଼ଞ୍ଜି ଆହାମାଞ୍ଜେରି;  
ସାମା ବାରେଜାଶା ଆଏ □”

୧୧ ଇଚିହୁଁ ଆମ୍ବାଆସି ଏଞ୍ଜାଣାଇଁ  
ସାତୁୟାଁ କେୟୁତା ହେରପିନେସି ଜୀସୁ  
ତଲିଏ ଏଞ୍ଜାଣାଇଁ ପୁଞ୍ଜାମାଚେସି;  
ଏଦାଆଁତାକି ଏଞ୍ଜାସି ଏଲେଇଚେସି,  
“ମୀରୁ ବାରେଜାଶା ଅଡ଼ଞ୍ଜି  
ଆହାହିଲଅଡେରି □”

୧୨ ତାୟୁ ଜୀସୁ ଏଞ୍ଜାରି କତାୟାଁ  
ନରହାନା ତାନି ହିମ୍ବରି ପରହାନା  
ଖେଣ୍ଡେ ତିଞ୍ଜାଲି କୁଚିତେସି ଇଞ୍ଜା  
ଖେଚେସି, “ନାନୁ ମିଜେ ତାକି ଏନାଆଁ  
କିହାମାଇଁ ମୀରୁ ପୁଞ୍ଜାଲି ଆଡ଼ିତେରି କି  
?”

୧୩ ମୀରୁ ନାଙ୍ଗେ ଗୁରୁ ଇଞ୍ଜି ହାଟିମାଞ୍ଜାଦେରି, ଏଦି ସାତା; ଇଚିହ ନାନୁ ଏଞ୍ଜାତେଏଁ ।

୧୪ ମୀ ଗୁରୁ ଅଡେ ପ୍ରବୁତେଏଁ ନାନୁ, ନାନୁ ମୀ କତାୟା ନରହାମାଞ୍ଜାଲ୍ ଆତିହ ମୀରୁ ଜିକେଏ ରଅତେରି ରଅଣି କତାୟା ନରନାୟି ମାନେ ।

୧୫ ଇଚିହ ନାନୁ ମିଙ୍ଗେତାକି ଏନିକ କିହାମାଲ୍ ମୀରୁ ଜିକେଏ ଏଲେକିହ କିମ୍ପୁ, ଇଦାଆଁତାକି ଇଦାଆଁ ତସାମାଞ୍ଜାଲ୍ ।

୧୬ ସାତା ସାତା ନାନୁ ମିଙ୍ଗେ ହେସିମାଞ୍ଜାଲ୍, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡେ ପାଣ୍ଡୁଝି ଆଡାସି ତାନି ପାଣ୍ଡିତାଣା କିହାଁ କାଜାସି ଆଏ ।

୧୭ ମୀରୁ ଇ ବାରେ ପୁଞ୍ଜାନା ଏଲେକ କିଦେରି ଇଚିହ ମୀରୁ ନେହାଁତେରି ।

୧୮ “ନାନୁ ମୀ କାତା ହେସିହିଲଅଁ; ଏନିଲେହେତି ଲକୁଣି ନାନୁ ଆବାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ପୁ ପତିତି ଇ ବଲୁ ଏନିକ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା କାଦି ତିନେସି ଏଞ୍ଜାସି ନା କପାଟି ନିଙ୍ଗିତେସି ।’

୧୯ ଏଦି ଗଟଝି ଆନାଟି ନାନୁ ଏଞ୍ଜାତେଏଁ ଇଞ୍ଜି ମୀରୁ ନାମିଦେରି, ଏଦାଆଁତାକି ଗଟଝି ଆନି ନକେଏ ନାନୁ ମିଙ୍ଗେ ହେସିମାଞ୍ଜାଲ୍ ।

୨୦ ସାତା ସାତା ନାନୁ ମିଙ୍ଗେ ହେସିମାଞ୍ଜାଲ୍, ଆମ୍ବାଆସି ନା ତାଣାଟି ପାଣ୍ଡୁଝି ଆଡାଣାଲ୍ ଆବିନେସି, ଏଞ୍ଜାସି ନାଙ୍ଗେ ଆବାନେସି, ଅଡେ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡାତାଣାଲ୍ ଆବିନେସି ।

ସାତୁୟାଁ କେୟୁତା ହେରପିନି କାତା ହେହନାୟି

(ମାତି ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀସୁ ଇ ବାରେ କାତା ହେସି ତାୟୁ ଜୀସୁତା ହାରେକା ଦୁକୁ ଆହାନା ବାରେତି ନକିତା ହେକହେସି, “ନାନୁ ମିଙ୍ଗେ ସାତା ହେସିମାଞ୍ଜାଲ୍ ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେରପାନେସି ।”

୨୨ ଏଞ୍ଜାସି ଆମ୍ବାଆରି କାତା ଏଲେକଚେସି, ପୁନାଆନା କାବାଆହାନା ସୀସୁୟାଁ ତାମ୍ପୁତାମ୍ପୁ ସିନିକିଝି ଆଡେରି ।

୨୩ ଏଞ୍ଜାରି ବିତ୍ରାଟି ଏମିନି ସୀସୁଲ୍ ଜୀସୁ ହାରେକା ଜୀସୁ ନହ ମାଚେସି, ଏଞ୍ଜାସି ଜୀସୁତି ଚିଃନିଝାକି କୁଗାନା ତିଞ୍ଜିମାଚେସି ।

୨୪ ସିମନ ପିତର ଏଞ୍ଜାଣାଲ୍ କେୟୁ ତସାନା ଏଲେକଚେସି, “ଏଞ୍ଜାସି ଆମ୍ବାଆରି କାତା ଏଲେକଞ୍ଜି ମାନେସି, ଏଦାଆଁ ହେଞ୍ଜୁ ।”

୨୫ ଏ ସୀସୁ ଅଡେ ତାଗେ ଆହାନା ଜୀସୁଲ୍ ହେଚେସି, “ଏଞ୍ଜାସି ଆମ୍ବାଆସି ପ୍ରବୁ ।”

୨୬ ଜୀସୁ ଏଲେକଚେସି, “ଇ ରୁଟି ଗିନାତା କୁତି କିହାନା ହୀଲ୍ ଏଞ୍ଜାସି ।” ଏଲେକଞ୍ଜାନା ଜୀସୁ ରୁଟି ଗିନାତା କୁତି କିହାନା ସିମନ ମୀରଏସି ଇସ୍ପାରିୟତ ଜୀହୁଦାକି ହୀତେସି ।

୨୭ ରୁଟି ରାସାଲିଏ ସୟତାନା ଏଞ୍ଜାଣି ହିୟାଁତା ହଚେ । ଏଚେଟିଏ ଜୀସୁ ଏଲେକଚେସି, “ଏନାଆଁ କିନାୟିମାନେ ତବେ କିମ୍ପୁ ।”

୨୮ ଜୀସୁ ଏଞ୍ଜାଣାଲ୍ ଇ କାତା ଏନାଆଁତାକି ଏଲେକଚେସି ଏଟକାତାରି ଆମ୍ବାଆରି ପୁଞ୍ଜାଲି ଆଡାଆତେରି ।

୨୯ ଜୀହୁଦା କେୟୁତା ଟାକାୟାଁ ମଣା ମାତାକି, ପାର୍ବୁତାକି ଏନା ଏନାଆଁ ଲଡାମାନେ, ଏଦାଆଁ କତାଲି ଆଆତ କାକୁଲି ଗାଟାରାକି ହୀହାଲିତାକି ଜୀସୁ ଏଞ୍ଜାଣାଲ୍ ଏଲେକଚେସି ଇଞ୍ଜି ଆମ୍ବା ଆମ୍ବାଆରି ଅଣପିତେରି ।

\* ୧୩:୧୭ ୧୩:୧୭ ମାତି ୧୦:୨୪; ଲୁକ ୭:୪୦; ଜହ ୧୫:୨୦ \* ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୩୦ ରୁଚି ତିଜ୍ଞାନା ଜାହୁଦା ଏ ଦେବୁଣିଏ ପାଙ୍ଗାତା ହାଚେସି, ଏଡେତା ଲାଆଁୟା ଆହାମାଚେ □

**ପୁଃନି ମେରା**

୩୧ ଜାହୁଦା ପାଙ୍ଗାତା ହାଜାଲିଏ ଜୀସୁ ଏଲେଇଚେସି, “ନୀଏଁ ମାଣସି ମୀରଏସି ଗାଝୁରମି ଆନି ବେଲା ଖାହାମାନେ; ଅଡେ ତାନିତାଣାଟି ମାହାପୁରୁ ଗାଝୁରମି ଆନେସି □

୩୨ ମାହାପୁରୁ ମାଣସି ମୀରଏଶା ତାଣାଟି ଗାଝୁରମି ଆଡିହୁଁ, ମାହାପୁରୁ ତାନୁଏ ଗାଝୁରମିଟି ମାଣସି ମୀରଏଶାଲ୍ ଗାଝୁରମି କିନେସି □ ତବେ ଏଝାଣାଲ୍ ଗାଝୁରମି କିହାଲି ହାଜିମାନେସି □

୩୩ \*କକାଚେରି ନାନୁ ଅଡେ ଗାଡି ଦିନା ଡୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି ଆଡଅଡେରି, ଇ କାତା ଜାହୁଦି ଲକୁତି କାଜାରାଲ୍ ଏଲେଇଞ୍ଜା ମାଚେଏଁ ଏଲେକିହୁଁ ମିଙ୍ଗେ ଜିକେଏ ଝେସିମାଞ୍ଜାଲ୍ □

୩୪ \*ମୀରୁ ରଅଚେରି ରଅଶାଲ୍ ଜୀଝୁନଦୁ, ଇ ପୁଃନି ମେରା ମିଙ୍ଗେ ହାହିମାଞ୍ଜାଲ୍; ନାନୁ ଏନିକଁ ମିଙ୍ଗେ ଜୀଝୁନହାଁମାଞ୍ଜାଲ୍, ମୀରୁ ଜିକେଏ ଏଲେକିହୁଁଏ ରଅଚେରି ରଅଶାଲ୍ ଜୀଝୁନଦୁ □

୩୫ ମୀ ତାଣା ରଅସି ରଅଶାଲ୍ ଜୀଝୁନନାୟି ମାନେ, ଆଡିହୁଁ ମୀରୁ ନା ସୀସୁୟାଚେରି, ଇ କାତା ବାରେଜାଣା ପୁଞ୍ଜେରି □”

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାଲ୍ ଝେଚେସି, “ପ୍ରବୁ ନୀନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇଚେସି, “ନାନୁ ଆମ୍ବିୟା ହାଜିମାଲ୍, ନୀନୁ ନୀଏଁ ନା ଜେତ ଜେତ ହାଜାଲି ଆଡଅଡି, ସାମା ଚାୟୁ ହାଜି □”

୩୭ ପିତର ଏଝାଣାଲ୍ ଏଲେଇଚେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି ଆଡଅଁ ? ନାନୁ ନୀ ତାକି ନା ଜୀଝୁ ଜିକେଏ ହାଲ୍ □”

୩୮ ଜୀସୁ ଏଲେଇଚେସି, “ଏନାଆଁ ନୀନୁ ନା ତାକି ନୀ ଜୀଝୁ ହାଦି ? ନାନୁ ନିଙ୍ଗେ ସାତା ଝେସିମାଞ୍ଜାଲ୍, କୟୁ କେଶିଆ ନକେଏ ନୀନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି □”

**୧୪**

ଜୀସୁ ଜିରୁ, ସାତା ଅଡେ ଜୀଝୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡେ ନା ତାଣା ଜିକେଏ ନାମାଦୁ □

୨ ନା ଆବାଡି ଇଜ ହାରେକା ବାସାଟାୟୁ ମାନେ; ବାସାଟାୟୁ ହିଲାଆଡିହୁଁମା ନାନୁ ମିଙ୍ଗେ ଝେସ୍ତାଆଚେଏଁମା, ନାନୁ ମିଙ୍ଗେତାକି ଚାୟୁ ତିୟାରା କିହାଲି ହାଜିମାଲ୍;

୩ ଅଡେ ନାନୁ ହାଜାନା ମିଙ୍ଗେତାକି ଚାୟୁ କେପିଡି ତାୟୁ, ଝେଣ୍ଡେ ଝାଲ୍, ଅଡେ ନାନୁ ଆମ୍ବିୟା ମାଲ୍, ମୀରୁ ଜିକେଏ ଏନିକଁ ଏ ଚାୟୁତା ଡୟଦେରି, ଏଦାଆଁତାକି ମିଙ୍ଗେ ଏ ଚାୟୁତା ଅହୁଁ ହାଜାଲ୍ □

୪ ନାନୁ ଆମ୍ବିୟା ହାଜିମାଲ୍ ଏ ଜିରୁ ପୁଞ୍ଜାମାଞ୍ଜେରି □”

୫ ତମା ଏଲେଇଚେସି, “ପ୍ରବୁ, ନୀନୁ ଆମ୍ବିୟା ହାଜିମାଞ୍ଜି, ମାମ୍ବୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁଚି ଏନିକଁ ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡେ ଜୀଝୁଚେଏଁ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡଅସି □

୭ ମୀରୁ ନାଙ୍ଗେ ପୁଞ୍ଜାତିହଁମା, ନା ଆବାଇଁ ଜିକେଏ ପୁଚେରିମା; ନୀଏଁ ଜିକେଏ ଏଞ୍ଜାଣାଇଁ ପୁଞ୍ଜିମାଞ୍ଜେରି ଅଡ଼େ ଏଞ୍ଜାଣାଇଁ ମେସାମାଞ୍ଜେରି □

୮ ପିଲିପ ଏଞ୍ଜାଣାଇଁ ଏଲେଇଚେସି, “ପ୍ରୁ, ମାଙ୍ଗେ ଆବାଇଁ ତସ୍ତାମୁ, ଏଚେକେଏ ମାଙ୍ଗେତାକି ସାରି □”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ଡୟାମାଇଁ, ମୀରୁ ଏନାଆଁ ନାଙ୍ଗେ ପୁଞ୍ଜାଆଚେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଙ୍ଗେ ଆବାଇଁ ତସ୍ତାମୁ ଇଞ୍ଜି ଏନିକଁ ଏଲେ ଇଞ୍ଜିମାଞ୍ଜି ?

୧୦ ନାନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅଚେରି ? ନାନୁ ମିଙ୍ଗେ ଏମିନି କାତା ଝେସିମାଞ୍ଜାଇଁ, ଏ ବାରେ ନା ତାଣାଟି ଝେସିମାଞ୍ଜାଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି □

୧୧ ନାନୁ ଆବା ତାଣା ମାଇଁ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତଁ କାମାତି ମେସାନା ନାମାଦୁ □

୧୨ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହାଁ ହାରେକା କାଜା କାମା କିନେସି, ଇଚିହଁ ନାନୁ ଆବା ତାଣା ହାଜିମାଇଁ □

୧୩ ଆବା ଏନିକଁ ମୀରୁଏଣା ତାଣା ଗାଞ୍ଜୁରମି ଆନେସି, ଏଦାଆଁତାକି ମୀରୁ ନା ଦରୁଟି ଏନାଆଁ ରାହ୍‌ଦେରି, ଏ ବାରେ ନାନୁ ହିୟାଇଁ □

୧୪ ମୀରୁ ନା ଦରୁଟି ଏନାଆଁ ନାଙ୍ଗେ ରାସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଇଁ □”

୧୫ “ମୀରୁ ନାଙ୍ଗେ ଜୀଞ୍ଜୁନହଁ ମାଞ୍ଜାଦେରି, ଆତିହଁ ନା ହୁକୁମି ମାନଞ୍ଜି ଆଦୁ □

୧୬ ଅଡ଼େ ନାନୁ ନା ଆବାଇଁ ବାତିମାଲିଇଁ, ଅଡ଼େ ମୀ ତଲେ କାଲେଏ ଡୟାଲି ତାକି ଏଞ୍ଜାସି ମିଙ୍ଗେ ଅଡ଼େ ର ସାୟେମି କିନାଣାଇଁ,

୧୭ ଇଚିହଁ ଏ ସାତା ଜୀଞ୍ଜୁତି ହିୟାନେସି □ ଦାରୁତି ଏଦାଣି ଆବାଲି ଆଡ଼େଏ, ଇଚିହଁ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହଁ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାତା ଡୟିନେ □”

୧୮ “ନାନୁ ମିଙ୍ଗେ କାର୍ମା କିହା ହାଜଅଁ, ନାନୁ ମୀ ତାଣା ଝେଣ୍ଡା ଝାଇଁ □

୧୯ ଗାଡ଼େକା ଜେତ ଦାରୁତି ଅଡ଼େ ନାଙ୍ଗେ ମେସାଲି ଆଡ଼େଏ; ସାମା ମୀରୁ ନାଙ୍ଗେ ମେସାଦେରି, ଇଚିହଁ ନାନୁ ନୀତାମାଇଁ, ଅଡ଼େ ମୀରୁ ଜିକେଏ ନୀତାନା ଡୟିଦେରି □

୨୦ ନାନୁ ନା ଆବା ତାଣା ଅଡ଼େ ମୀରୁ ନା ତାଣା ଅଡ଼େ ନାନୁ ମୀ ତାଣା ଡୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି □”

୨୧ “ଆମ୍ବାଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଞ୍ଜାସି ନାଙ୍ଗେ ଜୀଞ୍ଜୁ ନୟାନେସି, ଅଡ଼େ ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣାଇଁ ଜୀଞ୍ଜୁ ନକଁ ଅଡ଼େ ଏଞ୍ଜାଣି ତାଣା ତସାକଡ଼ିଇଁ □”

୨୨ ଜୀହୁଦା\* ଏଞ୍ଜାଣାଇଁ ଏଲେଇଚେସି, “ଏ ପ୍ରୁ, ଏନାଆଁ ଆଡ଼େ, ନୀନୁ ଦାରୁତିତା ନିଙ୍ଗେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି ଆତିହଁ ଏଞ୍ଜାସି ନା ବଲୁତି ମାନଞ୍ଜି ଆନେସି, ଅଡ଼େ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣି ତାଣା ଝାହାନା ଏଞ୍ଜାଣିତଲେ ବାସା କିଇଁ □

ସୁଦୁଜୀଞ୍ଜୁତି ହୀହାଲି ଆଞ୍ଜିନାୟି

\* ୧୪:୨୨ ୧୪:୨୨ ଇସ୍ପାରିୟତ ଜୀହୁଦା ଆଏ



୨୪ ଆତ୍ମାଆସି ନାଜେ ଜୀଝୁ ନୟଅସି, ଏଝାସି ନା ବଲୁତି ମାନଝି ଆଅସି, ଅଡ଼େ ମୀରୁ ଏମିନି ବଲୁ ଝେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଜେ ପାଣ୍ଡାମାଞ୍ଜାନି ଆବା ମାହାପୁରୁଝାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଜେ ଈ କାତା ଝେସ୍ତାତେଏଁ ।

୨୬ ସାମା ଏ ସାୟେମି କିନାୟି, ଇଚିହଁ ଏମିନି ସୁଦୁଜୀଝୁ ଆବା ନା ଦରୁଚି ହିୟାନେସି, ଏଦି ମିଜେ ବାରେ ଜାପୁହାନେ, ଅଡ଼େ ନାନୁ ମିଜେ ଏନା ଏନାଆଁ ଝେସାମାଞ୍ଜାଇଁ, ଏ ବାରେ ମିଜେ ଅଣ୍ଡି କିୟାନେ ।”

୨୭ “ନାନୁ ମିଜେ ହିଡ଼ଡ଼ି ହାହାନା ହାଜିମାଇଁ, ନା ହିଡ଼ଡ଼ି ମିଜେ ଦାନା କିହିମାଞ୍ଜାଇଁ; ଦାରୁଚି ଏନିକଁ ଦାନା କିନେ ନାନୁ ମିଜେ ଏଲେକଁ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡ଼େ ଆଜି ଗାଟାୟି ଆଆପେ ।

୨୮ ନାନୁ ହାଜିମାଇଁ ଅଡ଼େ ମୀ ତାଣା ଝେଣ୍ଡା ଝାଇଁ, ଈ ନା କାତା ଝେଞ୍ଜାମାଞ୍ଜେରି । ମୀରୁ ନାଜେ ଜୀଝୁ ନୟାତିହଁ ମା, ନାନୁ ନା ଆବା ତାଣା ହାଜିମାଇଁ ଇଞ୍ଜଁ ରାହାଁ କିତେରିମା, ଇଚିହଁ ଆବା ନା କିହାଁ କାଜାସି ।

୨୯ ଏନାୟି ବାରେ ଗଟଝି ଆନାୟି ମାନେ, ଏ ନଟକଏ ନାନୁ ମିଜେ ଝେସ୍ତାତେଏଁ । ଏ ବାରେ ଗଟଝି ଆଡ଼ିସାରେ ମୀରୁ ନାଜେ ନାମାଦେରି ।

୩୦ ନାନୁ ମୀ ତଲେ ହାରେକା କାତା ଆୟଅଁ, ଇଚିହଁ ଦାରୁଚିଟି ସାଲଝି କିନାୟି ଝାହିମାନେ; ଅଡ଼େ ନା ତାଣା ତାନିଝାୟି ଏନାୟି ହିଲେଏ;

୩୧ ସାମା ଆବା ନାଜେ ଏନିକଁ ହୁକୁମି ହାହାମାଞ୍ଜାନେସି, ଏଲେକିହଁ ନାନୁ କାମା କିଇଁ । ଆତିହଁ ନାନୁ ଆବାଇଁ ଜୀଝୁ ନହଁ ମାଇଁ ଇଞ୍ଜଁ ଦାରୁଚି ପୁନେ ।”

“ଝାଦୁ ମାର, ଇମ୍ବାଟି ହାନ ।”

## ୧୫

ଜୀସୁ ସାତା ଅଜୁରିମାଡ଼ା

୧ “ନାନୁ ସାତା ଅଜୁରିମାଡ଼ା, ଅଡ଼େ ନା ଆବା କାମାକିନାସି ।

୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାନି ଏଝାସି ଚୁଣ୍ଡାହାଦୁହନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାଡ଼ି ପାଡ଼େୟି ଆୟାଲି ତାକି ଜାଡ଼ନ୍ତୁ କିନେସି ।

୩ ନାନୁ ମିଜେ ଏମିନି ବଲୁ ଝେସାମାଞ୍ଜାଇଁ, ଏଦାଆଁତାକି ଜାଡ଼ନ୍ତୁ ଆହାମାଞ୍ଜେରି ।

୪ ନା ତାଣା ତୁୟାଦୁ ଆତିହଁ ନାନୁ ମୀ ତାଣା ତୁୟିଇଁ । କମା ଏନିକଁ ଅଜୁରିମାଡ଼ାତା ତୁୟାଆସାରେ ତାନିତାଣାଟି ପାଡ଼େୟି ଆୟାଲି ଆଡ଼େଏ, ଏଲେକିହଁ ଏ ମୀରୁ ଜିକେଏ ନା ତାଣା ତୁୟାଆସାରେ ପାଡ଼େୟି ଆୟାଲି ଆଡ଼ଅଡ଼େରି ।”

୫ “ନାନୁ ଅଜୁରିମାଡ଼ା ମୀରୁ କମାୟାଁ, ଆତ୍ମାଆସି ନା ତାଣା ତୁୟିନେସି ଅଡ଼େ ନାନୁ ଆତ୍ମାଆରି ତାଣା ତୁୟିଇଁ, ଏଝାସି ହାରେକା ପାଡ଼େୟି ଆୟିନେସି; ଇଚିହଁ ନା ପିସ୍ତପେ ମୀରୁ ଏନାଆଁ କିହାଲି ଆଡ଼ଅଡ଼େରି ।

୬ ଆତ୍ମାଆସି ନା ତାଣା ତୁୟଅସି, ଆତିହଁ ଏଝାସି କମା ଲେହେଁ ପାଞ୍ଜାତା ମେଡ଼ପି ଆନେସି ଅଡ଼େ ଝାୟା ହାନେସି, ଇଞ୍ଜା ଲକୁ ଏଝାଆଁ କୃଡ଼ି କିହାନା ହିରୁତା ମେଡ଼ନେରି ଅଡ଼େ ଏଝି ବାରେ ଝେହାହାନ୍ତୁ ।

୭ ମୀରୁ ନା ତାଣା ତୁୟିଦେରି, ଅଡ଼େ ନା ବଲୁ ମୀ ତାଣା ତୁୟିନେ, ଆତିହଁ ମୀରୁ ଏନାଆଁ ମନ୍ତ କିଦେରି, ଏଦାଆଁ ରୀହ୍ଦୁ, ଆତିହଁ ଏଦି ମିଜେତାକି କିଝିଆନେ ।

୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାଝୁରମି ଆନେସି, ଅଡ଼େ ମୀରୁ ନା ସାତା ସୀସୁ ଆଦେରି ।

୯ ଏନିକଁ ଆବା ନାଜେ ଜୀଝୁ ନହାଁମାଞ୍ଜାନେସି, ନାନୁ ଜିକେଏ ଏଲେକିହଁ ଏ ମିଜେ ଜୀଝୁନହାଁମାଞ୍ଜାଇଁ; ନା ଜୀଝୁ ନଝୁତା

ତୀରିଆହାନା ତୁୟାଦୁ □

୧୦ ନାନୁ ଏନିକିମ୍ ନା ଆବାତି ହୁକୁମି ମାନୁଓ ଆହାନା ତାନି ଜୀଓ ନୁତା ତୀରିଆହାନା ତୁୟିମାଈ, ଏଲେକିହି ଏ ମୀରୁ ଜିକେଏ ନା କାତା ମାନୁଓ ଆଦେରି, ଆତିହିମ୍ ନା ଜୀଓ ନୁତା ତୀରିଆହାନା ତୁୟିଦେରି □”

୧୧ “ଏନିକିମ୍ ନା ରାହାଁ ମୀ ତାଣା ତୁୟିନେ, ଅଡେ ମୀ ରାହାଁ ଏନିକିମ୍ ପୂରାଆନେ, ଏଦାଆଁତାକି ଇ ବାରେ ମିଙ୍ଗେ ଖେସ୍ତାଦେଏଁ □

୧୨ ନାନୁ ଏନିକିମ୍ ମିଙ୍ଗେ ଜୀଓନହାଁମାଞ୍ଜାଇଁ, ମୀରୁ ଜିକେଏ ଏଲେକିହିଏ ରଅଡେରି ରଅଣାଇଁ ଜୀଓନଦୁ, ଇଦି ନା ହୁକୁମି □

୧୩ ଜାହାରା ତଡେସିଙ୍ଗା ତାକି ଜୀଓହାନି କିହାଁ ଅଡେ କାଜା ଜୀଓନନାୟି ହିଲେଏ □

୧୪ ନାନୁ ମିଙ୍ଗେ ଆମିନି ହୁକୁମି ହୀହାମାଞ୍ଜାଇଁ, ଏଦାଆଁ ମୀରୁ ମାନୁଓ ଆଦେରି ଆତିହିମ୍ ମୀରୁ ନା ତଡେସିଙ୍ଗା □

୧୫ ନାନୁ ମିଙ୍ଗେ ଅଡେ ହଲେଏସି ଇଞ୍ଜିମାଞ୍ଜାଅଁ, ଇଚିହିମ୍ ସାଓୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଙ୍ଗେ ତଡେ ଇଞ୍ଜିମାଞ୍ଜାଇଁ, ଇଚିହିମ୍ ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜାମାଇଁ, ଏ ବାରେ ମିଙ୍ଗେ ଖେସାମାଞ୍ଜାଇଁ □

୧୬ ମୀରୁ ନାଙ୍ଗେ ଆବା ମାଞ୍ଜଅଡେରି, ସାମା ନାନୁ ମିଙ୍ଗେ ଆବାମାଞ୍ଜାଇଁ, ଅଡେ ମୀରୁ ଏନିକିମ୍ ପାଡେୟି ଆୟାଲି ଆଡିଦେରି ଅଡେ ମୀ ପାଡେୟି ତୀରିଆହାନା ତୁୟିନେ, ଏଦାଆଁତାକି ମିଙ୍ଗେ ଆବାମାଞ୍ଜାଇଁ □ ଏଚେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହଦେରି ଏଞ୍ଜାସି ମିଙ୍ଗେ ହିୟାନେସି □

୧୭ ମୀରୁ ଏନିକିମ୍ ରଅଡେରି ରଅଣାଇଁ ଜୀଓ ନୁଦେରି, ଏଦାଆଁତାକି ନାନୁ ଇ ବାରେ ହୁକୁମି ହୀହିମାଞ୍ଜାଇଁ □”

ଦାର୍ତତି ଅପାଆଗାଗାୟି

୧୮ “ଦାର୍ତତି ମିଙ୍ଗେ ଅପେଏ, ଆତିହିମ୍ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ □

୧୯ ମୀରୁ ଦାର୍ତତିତାଡେରି ଆହାମାଟିହିମା, ଦାର୍ତତି ମିଙ୍ଗେ ନା ଲକୁ ଇଞ୍ଜିମାଞ୍ଜା ନା ଜୀଓ ନୟାଡେମା; ମୀରୁ ଦାର୍ତତିଟି ଖାହା ହିଲଅଡେରି, ସାମା ନାନୁ ମିଙ୍ଗେ ଦାର୍ତତିଟି ଆବାମାଞ୍ଜାଇଁ, ଏଦାଆଁତାକି ଦାର୍ତତି ମିଙ୍ଗେ ଅପେଏ □

୨୦ ହଲେଏସି ସାଓୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଇଁ, ଏଦାଆଁ ଅଣପାଦୁ □ ଏଞ୍ଜାରି ନାଙ୍ଗେ ସାସି ହୀହାମାଞ୍ଜାନେରି, ଆତିହିମ୍ ମିଙ୍ଗେ ଜିକେଏ ସାସି ହିୟାନେରି; ଅଡେ ଏଞ୍ଜାରି ନା ବଲୁଡି ମାନୁଓ ଆହାମାନେରି, ଆତିହିମ୍ ମୀ ବଲୁ ଜିକେଏ ମାନୁଓ ଆନେରି □

୨୧ ସାମା ଏଞ୍ଜାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲଆକି, ନା ଦରୁ ତାକି ମିଙ୍ଗେ ଇ ବାରେ ଆନେ □

୨୨ ନାନୁ ଖାହାନା ଏଞ୍ଜାରାଇଁ ଖେହଆତିହିମ୍, ଏଞ୍ଜାରି ପାପୁ ଗାଟାରି ଆଆଡେରିମା; ସାମା ନୀଏଁ ଇ ପାପୁ ତାକି ଏନି ମିଚି କାତା ଖେସାଲି ଆଡଅରି

୨୩ ଆମାଆସି ନାଙ୍ଗେ ଅପଅସି, ଏଞ୍ଜାସି ନା ଆବାଇଁ ଜିକେଏ ଅପଅସି □

୨୪ ନାନୁ ଏଞ୍ଜାରିତାଣା ଏନି କାବାଆନି କାମା କିହାହିଲଆଡାତ, ଏଞ୍ଜାରି ପାପୁ ଗାଟାରି ଇଞ୍ଜିଏନିକିଓ ଆଆଡେରିମା □ ସାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଙ୍ଗେ ଅଡେ ନା ଆବାଇଁ ଅପାହିଲଅରି □

୨୫ ସାମା ଏଞ୍ଜାରି ନାଙ୍ଗେ ଉଲେଏ ଅପାମାଞ୍ଜଅରି, ମସା ମେରାତା ରାସ୍‌କି ଆହାମାନାୟି ଏନିକିମ୍ ପୂରା ଆନେ ଇଦାଆଁତାକି ଇ ବାରେ ଆହିମାନେ □”

୨୬ “ଆବା ତାଣାଟି ନାନୁ ମୀ ତାଣା

☆ ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫ ☆ ୧୫:୨୦ ୧୫:୨୦ ମାତି ୧୦:୨୪; ଲୁକ ୭:୪୦; ଜହ ୧୩:୧୭

ଏମିନି ସାୟେମି କିନାଣି ପାଣ୍ଡାଙ୍କ, ଆବା ତାଣ୍ଡାଟି ଖାନ୍ତି ଏ ସାତା ଜୀଝୁ ଖାଡ଼ିହଁ ନା କାତା ସାକି ହିୟାନେ;

୨୭ ମୀରୁ ଜିକେଏ ନା କାତାତାକି ସାକି ହୀଦେରି, ଇଚିହଁ ମୂଲୁଟିଏ ମୀରୁ ବାରେ ନା ତଲେ ମାତେରି □

୧୭

୧ “ମୀ ନାମୁତି ଏନିକଁ ପିହଁଅତେରି, ଇଦାଆଁତାକି ଇ ବାରେ କାତା ଖେସାମାଞ୍ଜାଙ୍କ □

୨ ଏଞ୍ଜାରି ମିଙ୍ଗେ କୁଲମତି ହପ୍‌ହାନେରି, ଇଲେତି ଦିନା ଖାହିମାନେ, ଏଚେତା ଆମ୍ବାଆସି ମିଙ୍ଗେ ପାୟାନେସି, ଏଞ୍ଜାସି ମାହାପୁରୁ ତାକି ଜହରାତି ପୂଜା କିହିମାଙ୍କ ଇଞ୍ଜଁ ଅଣ୍‌ପିନେସି □

୩ ଲକୁ ଇ ବାରେ କିୟାନେରି, ଇଚିହଁ ଏଞ୍ଜାରି ଆବା ଆଆତଁ ନାଙ୍ଗେ ପୁଞ୍ଜାମାଞ୍ଜାଅରି □

୪ ଇ ବାରେ ଗଟଞ୍ଜି ଆଡ଼ିସାରେ, ନାନୁ ମିଙ୍ଗେ ଖେସାମାଞ୍ଜାତେଏଁ ଇ କାତା ମୀରୁ ଏନିକଁ ଅଣ୍‌ପିଦେରି, ଇଦାଆଁତାକି ଇ ବାରେ କାତା ମିଙ୍ଗେ ଖେସାମାଞ୍ଜାଙ୍କ □ ନାନୁ ମୀ ତଲେ ମାଚାକି ମୂଲୁଟିଏ ଇ ବାରେ କାତା ମିଙ୍ଗେ ଖେସାମାଞ୍ଜାଅଁ □”

ସୁଦୁଜୀଝୁତି କାମା

୫ “ସାମା ନାନୁ ନାଏଁ ନା ପାଣ୍ଡାତାଣା ତାଣ୍ଡା ହାଜିମାଙ୍କ, ଅଡ଼େ ମୀରୁ ଆନ୍ଦିୟା ହାଜିମାଞ୍ଜା ଇଞ୍ଜଁ ମୀ ବିତ୍ରାଟି ଆମ୍ବାଆତେରି ନାଙ୍ଗେ ଖେଞ୍ଜି ମାଞ୍ଜାଅତେରି □

୬ ସାମା ନାନୁ ଇ ବାରେ କାତା ଖେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ □

୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ନାନୁ ହାନାୟି ମିଙ୍ଗେତାକି ନେହେଁ, ଇଚିହଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣ୍ଡା ଖାଏ, ସାମା ନାନୁ ହାତିସାରେ ଏଦାଣି ମୀ ତାଣ୍ଡା ପାଣ୍ଡାଙ୍କ □

୮ ଏଦି ଖାହାନା ପାପୁ, ଦାମ୍ବୁ ଅଡ଼େ ମାହାପୁରୁତି ବିଚାରାତି କାତା ଇ ଦାର୍‌ତିତି ଲକୁଣି ଖେହ୍‌ନେ;

୯ ପାପୁତି କାତା, ଇଚିହଁ ଏଞ୍ଜାରି ନା ତାଣ୍ଡା ନାମା ହିଲଅରି;

୧୦ ଦାମ୍ବୁତି କାତା, ଇଚିହଁ ନାନୁ ଆବା ତାଣ୍ଡା ହାଜିମାଙ୍କ ମୀରୁ ଅଡ଼େ ନାଙ୍ଗେ ମେସୁଅତେରି;

୧୧ ବିଚାରାତି କାତା, ଇଚିହଁ ଇ ଦାର୍‌ତି ସାଲୁଞ୍ଜି କିନାରି ବିଚାରା କିଞ୍ଜି ଆହାମାନେରି □”

୧୨ “ମିଙ୍ଗେ ନାନୁ ଅଡ଼େ ହାରେକା କାତା ଖେସ୍ତାନାୟିମାନେ, ସାମା ନାଏଁ ମୀରୁ ଏ ବାରେ ଅରହାଲି ଆଡ଼ଅତେରି

୧୩ ସାମା ସାତାତି ଜୀଝୁ ଖାଡ଼ିସାରେ, ଏଦି ବାରେ ସାତାତି ତେଲହାଲି ବାଡ଼ୁଲୁ ହିୟାନେ, ଏଦି ମିଙ୍ଗେ ଜିରୁ ତସାନା ତାନିତାଣ୍ଡାଟି ଏନାଆଁ ଖେହ୍‌ଏ, ମାହାପୁରୁ ତାଣ୍ଡାଟି ଏନା ଏନାଆଁ ଖେଞ୍ଜାମାନେ ଖାରେଇ ଏଚେକେଏଁ ଖେହ୍‌ନେ, ଅଡ଼େ ଏନାୟି ଆହାଲି ହାଜିମାନେ ଏଦାଆଁ ଏଦି ଖେସ୍ତାନେ □

୧୪ ଏଞ୍ଜାସି ନାଙ୍ଗେ ଗାଝୁରମି କିୟାନେସି, ଇଚିହଁ ନା ତାଣ୍ଡାଟି ବାରେ କାତା ପୁଞ୍ଜାନା ଏଦି ଏଦାଆଁ ମୀ ତାଣ୍ଡା ଖେସ୍ତାନେ □

୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଞ୍ଜାସି ନା କାତା ଅହାନା ମିଙ୍ଗେ ଖେସ୍ତାନେସି □”

ଦୁକୁ ଅଡ଼େ ରାହାଁ

୧୬ “ଗାଡ଼େକା ଜେଟ ମୀରୁ ଅଡ଼େ ନାଙ୍ଗେ ମେସୁଅତେରି, ସାମା ଏଚରଦିନା ଜେଟ ମେସ୍ତାଦେରି □”

୧୭ ଏଚେଟିଏ ତାନି ସାୟୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଟ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଟି ତାଲୁ ନାଙ୍ଗେ ମେସ୍ତାଦେରି, ନାନୁ ଆବା ତାଣ୍ଡା ହାଜିମାଙ୍କ, ଏଞ୍ଜାସି ଏମିନି କାତା ମାଙ୍ଗେ ଖେସ୍ତାତେସି, ଇଦି ଏନାୟି ?”

୧୮ ଏଞ୍ଜେଲ୍ ଏଲେଇରେରି, “ଗାଡ଼େକା ଇଞ୍ଜି ଏନାଆଁ ଏଲେଇଞ୍ଜି ମାନେସି ? ଏଞ୍ଜେସି ଏନାଆଁ ଏଲେଇଞ୍ଜି ମାନେସି ମାମ୍ବୁ ଚେତଲହାଲି ଆଡ଼ିହିଲଅମି □”

୧୯ ସାମୁୟାଁ ତାଙ୍ଗ ଖେଞ୍ଜାଲି ଅଣ୍ଡିମାନେରି ଇଞ୍ଜି ପୁଞ୍ଜାନା ଜୀସୁ ଏଞ୍ଜାରାଇଁ ଏଲେଇରେସି, “ଗାଡ଼େକା ଜେଟ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଟି ତାୟୁ ନାଙ୍ଗେ ମେସ୍ତାଦେରି, ନାନୁ ଇ ଏମିନି କାତା ମିଙ୍ଗେ ଖେସ୍ତାତେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଦୁକୁଆହୁଁ ତୀଦେରି, ସାମା ଦାରତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ତିରି ମୀଶନେ □

୨୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଟାଆନେ; ସାମା ଏଦି କକାଣାଇଁ ଜାନ କିତି ତାୟୁ ଦାରତିତା ର ମାଣସି ଜାନା ଆହାମାନେସି, ଇ ରାହାଁତାକି କସ୍ତୁତି ଅଣ୍ଡପେଏଦେଁ □

୨୨ ଏଲେକିହୁଁ ଏ ମୀରୁ ନୀଏଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡ଼େ ଖେଶ୍ଟେ ମିଙ୍ଗେ ତଞ୍ଜା ଆୟାଇଁ, ଅଡ଼େ ମୀ ହିୟାଁ ରାହାଁ ଆନେ ଅଡ଼େ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି □”

୨୩ “ଏ ଦିନା ମୀରୁ ନାଙ୍ଗେ ଏନାଆଁ ଖେଞ୍ଜଅତେରି □ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହୁଦେରି, ଏଞ୍ଜେସି ନା ଦରୁତଲେ ମିଙ୍ଗେ ହିୟାନେସି □

୨୪ ନୀଏଁ ପାତେକା ନା ଦରୁତଲେ ଏନାଆଁ ରାସା ହିଲଅତେରି; ରାହୁଦୁ, ଏନିକିଁ ମୀ ରାହାଁ ଗାଡ଼ି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି □”

ଦାରତିତା ଜୀଶା ଆନାୟି

୨୫ “ନାନୁ ମିଙ୍ଗେ ପୁଣ୍ଡିକିନି କାତାତଲେ ଇ ବାରେ ଖେସାମାଞ୍ଜାଇଁ;

ଦିନା ଖାହିମାନେ, ଏତିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଙ୍ଗେ ଖେସ୍ତୁଆଁ, ଆବାତି କାତା ତୀରେତଲେ ଖେସ୍ତାଇଁ □

୨୬ ଏ ଦିନା ମୀରୁ ନା ଦରୁତଲେ ରାହୁଦେରି; ଅଡ଼େ ନାନୁ ମୀ ଖାକିଟି ଆବାଇଁ ବାଡ଼ିମାଲିଇଁ, ଇ କାତା ନାନୁ ମିଙ୍ଗେ ଖେସିମାଞ୍ଜୁଆଁ;

୨୭ ଇଚିହୁଁ ଆବା ତାନୁଏ ମିଙ୍ଗେ ଜୀଞ୍ଜୁ ନହାଁମାଞ୍ଜାନେସି, ମୀରୁ ନାଙ୍ଗେ ଜୀଞ୍ଜୁନହୁଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଖାହାମାଲି, ଏଦାଆଁ ମୀରୁ ନାମାମାଞ୍ଜେରି □

୨୮ ନାନୁ ଆବା ତାଣାଟି ଦାରତିତା ଖାହାମାଲି; ଦାରତି ପିସାନା ଖେଶ୍ଟେ ଆବା ତାଣା ହାଜିମାଲି □”

୨୯ ଇ ହାଡ଼ା ଖେଞ୍ଜାନା ସାମୁୟାଁ ଏଞ୍ଜାଣାଇଁ ଏଲେଇରେରି, “ନୀଏଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ଖେସିମାଞ୍ଜି □

୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ମିଙ୍ଗେ ଖେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀଏଁ ମାମ୍ବୁପୁଚମି; ମାହାପୁରୁ ତାଣାଟି ଖାହାମାଞ୍ଜି ଇଞ୍ଜି ମାମ୍ବୁ ଇ କାତା ନାମି ମାନମି □”

୩୧ ଜୀସୁ ଏଞ୍ଜାରାଇଁ ଏଲେଇରେସି, “ମୀରୁ ଏନାଆଁ ନୀଏଁ ନାମିମାଞ୍ଜେରି ?

୩୨ ମେହୁଦୁ ଦିନା ଖାହିମାନେ, ଏ ବେଲା ଖାତେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଙ୍ଗେ ରଅତେଏଁ କିୟାଦେରି; ଆଡ଼ିଜିକେଏ ନାନୁ ରଅତେଏଁ ଆଏ, ଇଚିହୁଁ ଆବା ନା ତଲେ ମାନେସି □

୩୩ ମୀରୁ ଏନିକିଁ ନା ତାଣାଟି ହିଡ଼ଡ଼ି ବେଟାଆଦେରି, ଏଦାଆଁତାକି ନାନୁ ମିଙ୍ଗେ ଇ ବାରେ କାତା ଖେସାମାଞ୍ଜାଇଁ □ ଦାରତିତା ମିଙ୍ଗେତାକି ହାରେକା ସାସ୍ତୁ ମାନେ, ସାମା ସାସା ଆହୁଦୁ; ଇଚିହୁଁ ନାନୁ ଦାରତିତି ଜୀଶା ଆହାମାଲି □”

ଜୀସୁ ତାନି ସୀସୁୟାଁକି ପ୍ରାତାନା କିନାୟି

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ଖାକି ସିନକିହାନା ଏଲେଇରେସି, “ଆବା, ବେଲା ଆଡେତୟିଏ; ନୀ ମୀରଏଣାଈଁ ଗାଝୁରମି କିମ୍ପୁ, ଏନିକ୍ ମୀରଏସି ନିଜେ ଗାଝୁରମି କିୟାନେସି □

୨ ନୀନୁ ଏଞ୍ଜାଣାଈଁ ବାରେ ମାଣ୍ଠସି କୃତାତି ମୁହେଁ ଅଦିକାରା ହାହାମାଞ୍ଜି □ ଅଡେ ଆମ୍ବାଆରାଈଁ ଏଞ୍ଜାଣି କେୟୁତା କାଲାକାଲାତି ଜୀଝୁ ହାହାଲିତାକି ହେରପାମାଞ୍ଜି ଏଞ୍ଜାଣାକି ବାଡ଼ୁୟୁ ହାହାମାଞ୍ଜି □

୩ ଅଡେ ରଣ୍ଡିଏ ସାତା ମାହାପୁରୁତି ନୀନୁ, ନିଜେ ଅଡେ ନୀ ତାଣାଟି ପାଣ୍ଡୁଞ୍ଜିଆହାମାନି ଜୀସୁ କ୍ରୀସୁଈଁ ପୁନାୟି ଆହିମାନେ କାଲାକାଲାତି ଜୀଝୁ □

୪ ନୀନୁ ନାଜେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନୀନୁ ରାପୁହାନା ଦାରତିତା ନିଜେ ଗାଝୁରମି କିହାମାଞ୍ଜାଈଁ □

୫ ଏ ଆବା ଦାରତି ଗାଡ଼ି ଆଆ ନବେଏ ନୀ ତଲେ ନା ଏମିନି ଗାଝୁରମି ମାଡେ, ଏମ୍ବାଟି ନୀନୁ ନାଜେ ନୀ ତଲେ ଗାଝୁରମି କିୟାମୁ □”

୬ “ନୀନୁ ନାଜେ ଦାରତି ବିତ୍ରାଟି ଏମିନି ଲକୁଣି ନାଜେ ହାହାମାଞ୍ଜାଦି, ନୀନୁ ନୀ ଦରୁ ଏଞ୍ଜାରି ନକିତା ତସାମାଈଁ; ଏଞ୍ଜାରି ନୀ ଲକୁ ମାଡେରି ଅଡେ ନୀନୁ ଏଞ୍ଜାରାଈଁ ନାଜେ ହାହାମାଞ୍ଜାତି, ଏଞ୍ଜାରି ନୀ ବଲୁତି ମାନଞ୍ଜି ଆହାମାନେରି □

୭ ନୀନୁ ନାଜେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାଟି ଖାହାମାନେ, ଇଦାଆଁ ନୀଏଁ ଏଞ୍ଜାରି ପୁଞ୍ଜାମାନେରି □

୮ ଇତିହଁ ନୀନୁ ନାଜେ ହାହାମାଞ୍ଜାନି ବଲୁ ନୀନୁ ଏଞ୍ଜାରାକି ହାହାମାଈଁ, ଅଡେ ଏଞ୍ଜାରି ଆବା ମାନେରି ଇଞ୍ଜା ନୀନୁ ନୀ ତାଣାଟି

ଖାହାମାଈଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡେ ନୀନୁ ନାଜେ ପାଣ୍ଡାମାଞ୍ଜାଦି ଇଞ୍ଜାଁ ଏଞ୍ଜାରି ନାମାମାନେରି □”

୯ “ନୀନୁ ଏଞ୍ଜାରି ତାକି ପ୍ରାତାନା କିହିମାଈଁ; ଦାରତି ତାକି ପ୍ରାତାନା କିହିହିଲଆଁ, ସାମା ନୀନୁ ନାଜେ ଏମିନି ଗାଟାରାଈଁ ହାହାମାଞ୍ଜାଦି, ଏଞ୍ଜାରି ତାକି ପ୍ରାତାନା କିହିମାଈଁ, ଇତିହଁ ଏଞ୍ଜାରି ନୀ ଲକୁ;

୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡେ ଏନା ଏନାୟି ନୀଦି ମାନେ, ଏ ବାରେ ନାଦି ଅଡେ ଏଞ୍ଜାରି ତାଣାଟି ନୀନୁ ଗାଝୁରମି ଆହିମାଈଁ □

୧୧ ନୀନୁ ଅଡେ ଇ ଦାରତିତା ଡୟିହିଲଆଁ, ସାମା ଇଞ୍ଜାରି ଦାରତିତା ଡୟିମାନେରି, ଇଞ୍ଜା ନୀନୁ ନୀ ତାଣା ଖାହିମାଈଁ; ସୁଦୁଗାଟି ଆବା ଆମିନି ଗାଟାରାଈଁ ନୀ ଦରୁତି ବାଡ଼ୁୟୁ ତଲେ ନାଜେ ହେରପା ମାଞ୍ଜାଦି ଏଞ୍ଜାରାଈଁ ଗେଲ୍‌ପାମୁ,\* ନୀନୁ ଅଡେ ନୀନୁ ଏନିକ୍ ରଣ୍ଡିଏ ଆହାମାନାୟି ଏଲେକିହଁଏ ଏଞ୍ଜାରାଈଁ ଜିକେଏ ରଣ୍ଡିଏ କିହାଲି ସାୟେମି କିମ୍ପୁ □

୧୨ ☆ଏଞ୍ଜାରିତଲେ ମାଟିବେଲାତା ନୀନୁ ଏଞ୍ଜାରାଈଁ ନୀ ଦରୁତଲେ ଗେଲ୍‌ପାମାଈଁ, ଆମିନି ଦରୁ ନୀନୁ ନାଜେ ହାହାମାଞ୍ଜାଦି, ଅଡେ ନୀନୁ ଏଞ୍ଜାରାଈଁ ଜାଗ୍ରାତା ତଲେ ଗେଲ୍‌ପାମାଈଁ,† ଦାମ୍ବୁ ପତି ଏନିକ୍ ପୁରା ଆନେ, ଏଦାଆଁତାକି ଏଞ୍ଜାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି □

୧୩ ସାମା ନୀଏଁ ନୀନୁ ନୀ ତାଣା ଖାହିମାଈଁ, ଅଡେ ଦାରତିତା ମାଞ୍ଜା ମାଞ୍ଜାନା ନା ରାହାଁତା ଏଞ୍ଜାରି ହିୟାଁ ଏନିକ୍ ରାହାଁ ଆନେ, ଏଦାଆଁତାକି ନୀନୁ ଇ ବାରେ କାତା ଖେସିମାଞ୍ଜାଈଁ □

୧୪ ନୀନୁ ଏଞ୍ଜାରାକି ନୀ ବଲୁ ହାହାମାଈଁ, ଏଦାଆଁତାକି ଦାରତି

\* ୧୭:୧୧ ୧୭:୧୧ ଇ କାତା ପୁଞ୍ଜା ପତିତା ହିଲେଏ □ ☆ ୧୭:୧୨ ୧୭:୧୨ ଜହ ୧୩:୧୮ † ୧୭:୧୨ ୧୭:୧୨ ଇ କାତା ପୁଞ୍ଜା ପତିତା ହିଲେଏ □

ଏଞ୍ଜେଲ୍ ଅପିହିଲେଏ, ନାନୁ ଏନିକ୍ ଦାର୍ତ୍ତିତୀ ଖାହାହିଲଅଁ ଏଞ୍ଜେରି ଜିକେଏ ଇ ଦାର୍ତ୍ତିତାରି ଆଏ ।

୧୫ ନାନୁ ଏଞ୍ଜେରାଇଁ ଇ ଦାର୍ତ୍ତିତୀ ଅହଁ ହାଲାନୁ ଇଞ୍ଜଁ ବାତିମାଲି ମାଞ୍ଜଅଁ, ସାମା ଏଞ୍ଜେରାଇଁ ଲାଗେଏତି ପାନ୍ଦାଟି ଗେଲପାମୁ ଇଞ୍ଜଁ ବାତିମାଲିମାଞ୍ଜାଇଁ ।

୧୬ ନାନୁ ଏନିକ୍ ଦାର୍ତ୍ତିତୀ ଖାହାହିଲଅଁ, ଏଞ୍ଜେରି ଏଲେକ୍ ଦାର୍ତ୍ତିତୀ ଖାହାହିଲଅରି ।

୧୭ ସାତା ତଲେ ଏଞ୍ଜେରାଇଁ ସୁଦୁ କିମୁ, ଇତିହଁ ନା ବଲୁଏ ସାତା ।

୧୮ ନାନୁ ଏନିକ୍ ନାଞ୍ଜେ ଦାର୍ତ୍ତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜେରାଇଁ ଦାର୍ତ୍ତିତା ପାଣ୍ଡାମାଇଁ ।

୧୯ ଅଡେ ଏଞ୍ଜେରି ଜିକେଏ ଏନିକ୍ ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜେରି ତାକି ନାଞ୍ଜେ ସୁଦୁ କିହିମାଇଁ ।

୨୦ “ନାନୁ ଖାରଇ ଏଞ୍ଜେରି ତାକି ପ୍ରାତାନା କିହିହିଲଅଁ, ଏଞ୍ଜେରି ବଲୁ ଖେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜେରି ତାକି ଜିକେଏ ପ୍ରାତାନା କିହିମାଇଁ ।

୨୧ ଏନିକ୍ ଏଞ୍ଜେରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକ୍ ନା ତାଣା ମାଞ୍ଜି ଅଡେ ନାନୁ ନା ତାଣା ମାଇଁ, ଏଞ୍ଜେରି ଜିକେଏ ଏଲେକିହଁ ଏ ମା ତାଣା ତୁୟାପେରି, ଏନିକ୍ ନାନୁ ନାଞ୍ଜେ ପାଣ୍ଡାତି ଇଞ୍ଜଁ ଦାର୍ତ୍ତି ନାମିନେ ।

୨୨ ଅଡେ ନାନୁ ନାଞ୍ଜେ ଏନିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜେରାକି ହାହାମାଇଁ, ମାର୍ ଏନିକ୍ ରଣ୍ଡିଏ ଏଞ୍ଜେରି ଏଲେକ୍ ରଣ୍ଡିଏ ଆନେରି;

୨୩ ନାନୁ ଏନିକ୍ ନା ତାଣା ନାନୁ ଏଲେକିହଁ ଏଞ୍ଜେରିତାଣା ତୁୟିଇଁ । ଏନିକ୍ ଏଞ୍ଜେରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାର୍ତ୍ତି ପୁନେ କି ନାନୁ ନାଞ୍ଜେ ପାଣ୍ଡାମାଞ୍ଜାଦି, ନାଞ୍ଜେ ଏନିକ୍

ଜୀଞ୍ଜୁ ନହଁ ମାଞ୍ଜାଦି ଏଞ୍ଜେରାଇଁ ଜିକେଏ ଏଲେକିହଁ ଏ ଜୀଞ୍ଜୁ ନହଁ ମାଞ୍ଜି ।

୨୪ “ଏ ଆବା! ନାନୁ ଏଞ୍ଜେରାଇଁ ନା କେୟୁତା ହାହାମାଞ୍ଜାଦି । ନାନୁ ଆମ୍ବିୟା ତୁୟିଇଁ, ଏଞ୍ଜେରି ଜିକେଏ ଏନିକ୍ ଏମ୍ବାଆଁ ତୁୟିନେରି ଅଡେ ଦାର୍ତ୍ତି ଗାଡ଼ି ଆଆଁ ନକେଏ ନାନୁ ନାଞ୍ଜେ ଜୀଞ୍ଜୁ ନହଁ ମାଞ୍ଜାନାକି ନାଞ୍ଜେ ଏନିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକ୍ ଏଞ୍ଜେରି ମେସାଲି ଆଡ଼ିନେରି ଇଦି ନା ଅଣ୍ଡିପୁ ।

୨୫ ଏ ଦାମ୍ବୁଗାଟି ଆବା, ଦାର୍ତ୍ତି ନିଞ୍ଜେ ପୁଞ୍ଜାମାଞ୍ଜେଏ, ସାମା ନାନୁ ନିଞ୍ଜେ ପୁଞ୍ଜାମାଞ୍ଜାଇଁ; ଅଡେ ନାନୁ ନାଞ୍ଜେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜେରି ପୁଞ୍ଜାମାଞ୍ଜାନେରି;

୨୬ ନାନୁ ନାଞ୍ଜେ ଏନିନି ଜୀଞ୍ଜୁ ନହଁ ଜୀଞ୍ଜୁ ନହଁ ମାଞ୍ଜାଦି, ଏଦି ଏନିକ୍ ଏଞ୍ଜେରିତାଣା ତୁୟିନେ ଅଡେ ନାନୁ ଏଞ୍ଜେରିତାଣା ତୁୟିଇଁ, ଏଦାଆଁତାକି ନାନୁ ଏଞ୍ଜେରାଇଁ ଖେସାମାଇଁ ଅଡେ ଖେହ୍ଇଇଁ ।

# ୧୮

ଜୀସୁ ସାତୁୟାଁ କେୟୁତା ହେରପି ଆନାୟି

(ମାତି ୨୭:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପୁହି ତାୟୁ ତାନି ସୀସୁୟାଁ ତଲେ କିଦ୍ରୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜେରି ତାନି ସୀସୁୟାଁ ତଲେ ଏମ୍ବାଆଁ ହଚେରି ।

୨ ଏନିନି ଜୀହୁଦା ଏଞ୍ଜେରାଇଁ ସାତୁୟାଁ କେୟୁତା ହେରପିତେସି, ଏଞ୍ଜେରି ଜିକେଏ ଏ ଗାୟୁତି ପୁଞ୍ଜାମାଚେସି, ଇତିହଁ ଜୀସୁ ହାଚେରକା ପାଲି ସୀସୁୟାଁ ତଲେ ଏ ଗାୟୁତା ହାଜାମାଚେସି ।

୩ ଏଦାଆଁତାକି ଜୀହୁଦା ଜାମାନାଜା ଇଞ୍ଜା କାଜା ପୂଜେରା ଅଡେ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଜା

ଲକ୍ଷ୍ମୀ ଦୀର୍ଘ, ହିରୁ ବନ୍ଦାୟାଁ ଅଡ଼େ ଟେଙ୍ଗା  
ବାଲ୍ଲୀୟାଁ ଆସାନା ଏମ୍ବାଆଁ ଖାଡ଼େରି □

୪ ଏମ୍ବାଟିଏ ଜୀସୁ ତାଙ୍ଗେତାକି ଏନା  
ଏନାଆଁ ଆହାଲି ହାଜିମାନେ ଏ ବାରେ  
ପୁଞ୍ଜାନା, ନକିତା ହାଜାନା ଏଞ୍ଜାରାଲ୍  
ଝେରେସି, “ମୀରୁ ଆମ୍ବାଆରାଲ୍  
ପାରିମାଞ୍ଜେରି ?”

୫ ଏଞ୍ଜାରି ଏଲେଇରେରି,  
“ନାଜ୍ଜରିତତି ଜୀସୁ □”

ଜୀସୁ ଏଞ୍ଜାରାଲ୍ ଏଲେଇରେସି,  
“ନାନୁ ଏଞ୍ଜାଡେଏଁ ?”

ଏମିନି ଜୀହୁଦା ଏଞ୍ଜାଣାଲ୍ ସାତୁୟାଁ  
କେମୁତା ହେର୍ପିଡେସି, ଏଞ୍ଜାସି  
ଜିକେଏ ଏଞ୍ଜାରିତଲେ ଏମ୍ବାଆଁ  
ନିଚାମାରେସି □

୬ ଜୀସୁ ଏଟିବେଲା ଏଞ୍ଜାରାଲ୍  
ଏଲେଇରେସି, “ନାନୁ ଏଞ୍ଜାଡେଏଁ”  
ଏଟିବେଲା ଏଞ୍ଜାରି ତାମୁଞ୍ଜାକି ଗୁଚା  
ଆହାନା ବୁମିତା ତରଗା ହାରେରି □

୭ ଜୀସୁ ଝେଣ୍ଡେ ଝେରେସି, “ମୀରୁ  
ଆମ୍ବାଆରାଲ୍ ପାରିମାଞ୍ଜେରି ?” ଏଞ୍ଜାରି  
ଏଲେଇରେରି, “ନାଜ୍ଜରିତତି ଜୀସୁଲ୍  
□”

୮ ଜୀସୁ ଏଲେଇରେସି, “ନାନୁ  
ଝେସାମାଞ୍ଜାଲ୍, ନାନୁ ଏଞ୍ଜାଡେଏଁ □  
ମୀରୁ ନାଙ୍ଗେ ପାରିମାଞ୍ଜାଦେରି ଇଚିହ୍  
ଇଞ୍ଜାରାଲ୍ ପିହ୍ଦୁ □

୯ ଆମ୍ବାଆରାଲ୍ ନାଙ୍ଗେ ହୀହାମାଞ୍ଜାଦି,  
ଏଞ୍ଜାରି ବିତ୍ରାଟି ରଅଣାଲ୍ ଜିକେଏ  
ଜାକ୍‌ହା ହିଲଅଁ □” ଏନିକ୍ ଦାମ୍  
ପତିତି କାତା ସାତା ଆନେ ଏଦାଆଁତାକି  
ଏଲେ ଇରେସି □

୧୦ ସିମନ ପିତର ତାନି ତାଣା  
କାଣ୍ଡା ମାଚାକି ଏଞ୍ଜାସି କାଜା ପୂଜେରା  
ହଲେଏଣା ଟିଝନି କିୟ୍ ଦାଡ଼େସି,  
ଏଞ୍ଜାଣି ଦରୁ ମାଲକସ୍ □

୧୧ ଏଟେଟିଏ ଜୀସୁ ପିତରଲ୍  
ଏଲେଇରେସି, “କାଣ୍ଡା, କାଣ୍ଡା ଇଟିନି  
ଚାମୁତା ଇଚାମ୍; ନୀନୁ ଏନାଆଁ  
ଅଣ୍ପିମାଞ୍ଜି, ଆବା ମାହାପୂର ନାଙ୍ଗେ

ହୀହାମାଞ୍ଜାନି ଦୁକୁତି ସଲ୍ଲୀତା ଗସାଲି  
ଆଡ଼ଅଁ କି ?”

ହାନାନ ନକିତା ଜୀସୁ  
୧୨ ଏମ୍ବାଟିଏ ରମିୟ କସ୍‌କା, ଇଞ୍ଜା  
ରିଜାରି କସ୍‌କା ମୁହେଁ କାଜାସି, ଅଡ଼େ  
ଜୀହୁଦି ଲକ୍ଷ୍ମୀ କସ୍‌କା ଜୀସୁଲ୍ ଆସାନା  
ଦସ୍‌ପିଡେରି □

୧୩ ଏଞ୍ଜାଣାଲ୍ ଦସ୍‌ପାନା ମୂଲୁଏ  
ହାନାନ ତାଣା ଅଡ଼େରି, ଇଚିହ୍ ଏଞ୍ଜାସି  
ଏ ବାର୍ସାତି କାଜା ପୂଜେରା କୟାପାତି  
ପଡ଼ଲେଏସି ମାରେସି □

୧୪ ଏ କୟାପା ବାରେ ଲକ୍ଷ୍ମୀ ତାକି  
ରଅସି ହାନାୟି ମିଙ୍ଗେ ତାକି ନେହେଁ  
ଇଞ୍ଜା ଜୀହୁଦି ଲକ୍ଷ୍ମୀ ଝେସାମାରେସି □

ପିତର ଜୀସୁଲ୍ ପୁଞ୍ଜାହିଲଅଁ ଇନାୟି  
(ମାତି ୨୭:୨୯-୩୦; ମାର୍କ ୧୪:୨୭-  
୨୮; ଲୁକ ୨୨:୫୫-୫୯)

୧୫ ସିମନ ପିତର ଅଡ଼େ ର ସୀସୁ  
ଜୀସୁତି ଜେଟ ଜେଟ ହାଜିମାରେରି □  
ଏ ସୀସୁ କାଜା ପୂଜେରା ତଲେ ପୁଣ୍ଡି  
ଆହାମାରେରି ଅଡ଼େ ଜୀସୁତଲେ କାଜା  
ପୂଜେରା ଆଂଗେଣିତା ହାରେସି;

୧୬ ସାମା ପିତର ପାଞ୍ଜାତି ଦୁଝେରି  
ଦାରିତା ନିଚାନା ଡୁୟିଡେସି □ ସାମା  
ଏମିନି ସୀସୁ କାଜା ପୂଜେରା ତଲେ  
ପୁଣ୍ଡି ଆହାମାରେରି, ଏଞ୍ଜାସି ପାଞ୍ଜାତା  
ହାଜାନା ଦୁଝେରିତା କାଃଆନାଣାଲ୍  
ଏଲେଇଞ୍ଜାନା ପିତରଲ୍ ବିତ୍ରା ଅଡ଼େସି  
□

୧୭ ଏମ୍ବାଟିଏ ଦୁଝେରିତା କାଃଆନାଣି  
ହଲେଣି ପିତରଲ୍ ଏଲେଇରେ, “ନୀନୁ  
ଜିକେଏ ଏନାଆଁ ଇ ଲକ୍ଷ୍ମୀ ସୀସୁୟାଁ  
ବିତ୍ରାଟି ରଅତି ଆଏକି ?”

ପିତର ଏଲେଇରେସି, “ନାନୁ  
ଏଞ୍ଜାଡେଏଁ ଆଏ □”

୧୮ ଏଟିବେଲାତା ପେନି ଆହିମାଚାକି  
ହଲିୟାଙ୍ଗା ଅଡ଼େ କାଃଆନାରି ହିରୁ  
ତାସାନା ସାରିଞ୍ଜାକି ନିଚାନା କେର୍ଞ୍ଜି  
ମାରେରି; ପିତର ଜିକେଏ ଏଞ୍ଜାରିତଲେ  
ନିଚାନା ହିରୁ କେର୍ଞ୍ଜି ମାରେସି □

\* ୧୮:୧୧ ୧୮:୧୧ ମାତି ୨୭:୩୯; ମାର୍କ ୧୪:୩୭; ଲୁକ ୨୨:୪୨ \* ୧୮:୧୪ ୧୮:୧୪ ଜହ ୧୧:୪୯,୫୦

କାଜା ପୂଜେରା ଜୀସୁଇଁ ଝେନାୟି  
(ମାତି ୨୬:୫୯-୬୬; ମାର୍କ ୧୪:୫୫-  
୬୪; ଲୁକ ୨୨:୬୬-୭୧)

୯୯ କାଜା ପୂଜେରା ଜୀସୁଇଁ ତାନି  
ଜାପୁନାଣି ଇଞ୍ଜା ସୀସୁୟାତି କାତା  
ଝେରେସି □

୧୦ ଜୀସୁ ଏଲେଇରେସି, “ନାନୁ  
ବାରେ ଦାର୍ତତି ନକିତା ତସାନା  
ଜାପୁହାମାଇଁ, ଆମ୍ବିୟା ବାରେ ଜୀହୁଦି  
ଲକୁ କୃଡ଼ା ଆନେରି, ମାହାପୁରୁ  
ଇଲୁତା ଅଡ଼େ ଜୀହୁଦି ଲକୁତି କୁଟମି  
ଇଲକାଣା\*, ଲକୁ କୃଡ଼ା ଆହାମାନି  
ବେଲାତା ନାନୁ ଜାପୁହାମାଇଁ, ଡକୁହାନା  
ଏନାଆଁ କିହାହିଲଅଁ □

୧୧ ନାଜେ ଏନାଆଁତାକି ଝେଞ୍ଜିମାଞ୍ଜାଦି  
? ନାନୁ ଏଝାରାଇଁ ଏନାଆଁ  
ଏଲେଇଞ୍ଜାମାଇଁ, ଆମ୍ବାଆରି  
ଝେଞ୍ଜାମାନେରି ଏଝାରାଇଁ ଝେନାମ୍ବୁ;  
ନାନୁ ଏନା ଏନାଆଁ ଏଲେଇଞ୍ଜାମାଇଁ,  
ଏଝାରି ବାରେ ପୁଞ୍ଜାମାନେରି □”

୧୨ ଜୀସୁ ଏଲେ ଇଞ୍ଜିମାନାଣି  
ଝେଞ୍ଜାନା ଦାରିତା ନିତାମାତି  
ମାହାପୁରୁ ଇଲୁ ଜାମାନାଜା ବିତ୍ରାତି  
ରଅସି ଏଝାଣାଇଁ ସାପୁଡ଼ା ଝେଟାନା  
ଏଲେଇରେସି, “ନିଜେ ଇରେକା ସାସା  
କାଜା ପୂଜେରାଇଁ ଏଲେ ଇଞ୍ଜିମାଞ୍ଜି ?”

୧୩ ଜୀସୁ ଏଝାଣାଇଁ ଏଲେଇରେସି,  
“ନାନୁ ଲାଗେଏ ଜଲ୍ଲାମାତିହୁଁ, ଏ  
ଲାଗେଏତି ପାରମାଣା ହିୟାଦୁ; ନେହୁଁ  
ଜଲ୍ଲାମାଇଁ ଇଚିହୁଁ ଏନାଆଁତାକି  
ନାଜେ ଝେଟିମାଞ୍ଜାଦି ?”

୧୪ ଏମ୍ବାଟିଏ ହାନାନ ଜୀସୁଇଁ  
ଏଲେକିହୁଁ ଏ ଦସପି ଆହାମାନାଣାଇଁ  
କାଜା ପୂଜେରା କୟାପା ତାଣା  
ପାଣ୍ଡିତେସି □

ପିତର ଜୀସୁଇଁ ଅଡ଼େ ଝେଣ୍ଡେ  
ପୁଞ୍ଜାହିଲଅଁ ଇନାୟି

(ମାତି ୨୬:୬୧-୭୫; ମାର୍କ ୧୪:୬୯-  
୭୧; ଲୁକ ୨୨:୫୮-୬୨)

୧୫ ସିମନ ପିତର ହିରୁ ତାଗେ ନିତାନା  
ହିରୁ କେରଞ୍ଜି ମାରେସି, ଏମ୍ବାଟିଏ ଏଝାରି

ଏଝାଣାଇଁ ଝେରେରି, “ନାନୁ ଜିକେଏ  
ଏଝାଣି ସୀସୁୟାଁ ବିତ୍ରାତି ରଅତି ଆଏକି  
?”

ପିତର ଏଲେଇରେସି, “ନାନୁ ଆଏ  
□”

୧୬ ପିତର, ଏମିନି କାଜା ପୂଜେରା  
ହଲିୟାଜା ବିତ୍ରାତି ରଅଣି କିୟୁଁ  
ଦାଡ଼ା ମାରେସି, ଏଝାଣି କୁଟମିତାସି  
ଏଲେଇରେସି, “ନାନୁ ନିଜେ  
ବାଡ଼ାତା ଏଝାଣିତଲେ ମାଚାଣି  
ମେସାମାଞ୍ଜାଆତେଏଁ କି ?”

୧୭ ପିତର ଅଡ଼େ ଝେଣ୍ଡେ  
ଏଲେଇରେସି, “ଆଏ ପୁଞ୍ଜାହିଲଅଁ □”  
ଏଚିବେଲାତା କୟୁ କେଣ୍ଡେତେ □

ପିଲାତ ତାଣା ଜୀସୁ  
(ମାତି ୨୭:୧,୨,୧୧-୧୪; ମାର୍କ  
୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଲ୍ ଏଝାରି  
ଜୀସୁଇଁ କୟାପା ଇଲୁତି ଅହାନା ରମିୟ  
ରାଜି ସାଲ୍ଡି କିନାଣି ମେଡ଼ା ଇଲୁତା  
ଏତେରି, ଜୀହୁଦି ଲକୁ ମେଡ଼ା ଇଲୁ  
ବିତ୍ରା ହାଲାଆତେରି, ଇଚିହୁଁ ଏଦାଆଁ  
ତଲେ ପିସପିଆଡ଼ି ପାରୁତି ବଜି ତାକି  
ତାମଜେ ଲାଗେଏ କିହାକତାଲି ଅଣ୍ଡପି  
ହିଲାଆତେରି □

୨୯ ଏଦାଆଁତାକି ସାଲ୍ଡି କିନି  
ପିଲାତ ଏଝାରିତାଣା ପାଜାତା ଝାହାନା  
ଝେରେସି, “ଇ ମାଣ୍ଡସି କପାତି ମୀ  
ଏନିଲେହେଟି ଦାଝା ମାନେ ?”

୩୦ ଏଝାରି ଏଝାଣାଇଁ ଏଲେଇରେରି,  
“ଇ ମାଣ୍ଡସି ଲାଗେଏତି କାମା କିହା  
ହିଲାଆଡ଼ିହୁଁ ମା, ମାମ୍ବୁ ଏଝାଣାଇଁ ନୀ  
ତାଣା ତାଆତମିମା □”

୩୧ ପିଲାତ ଏଝାରାଇଁ ଏଲେଇରେସି,  
“ଆଡ଼ିହୁଁ ଇଝାଣାଇଁ ଅହାନା ମୀ  
ମେରା ତଲେ ନୀହାୟି କିଦୁ □”  
ଜୀହୁଦିୟାଁ ଏଝାଣାଇଁ ଏଲେଇରେରି,  
“ଆମ୍ବାଆରାଇଁ ହାନ୍ତି ଡଣ୍ଡ ହାହାଲି ମା  
ଅଦିକାରା ହିଲେଏ □”

୩୨ \*ଜୀସୁ ଏନିକଁ ହାହାଲି  
ହାଜିମାନେସି, ଏ କାତା ଜୀସୁ ଏନାଆଁ

\* ୧୮:୨୦ ୧୮:୨୦ ସିନଗର୍ ☆ ୧୮:୩୨ ୧୮:୩୨ ଜହ ୩:୧୪; ୧୨:୩୨



ଏଲେଇଞ୍ଜାମାରେସି, ଏଦି ଏନିକି  
ପୂରା ଆନେ, ଏଦାଆଁତାକି ଏଞ୍ଜାରି  
ଏଲେଇଚେରି □

୩୩ ପିଲାତ ଖେଣ୍ଡେ ମୋଡ଼ା ଇଲୁ ବିଭ୍ରା  
ହାଜାନା ଜୀସୁଇଁ ଖେଚେସି, “ଏନାଆଁ  
ନୀନୁ ଜୀହୁଦି ଲକୁତି ରାଜାତ ?”

୩୪ ଜୀସୁ ଏଲେଇଚେସି, “ଇ କାତା  
ନୀ ମନଟି ଖେଞ୍ଜିମାଞ୍ଜାଦି କି ଏଚ୍ଚକାତାରି  
ନା କାତାତି ନିଜେ ଏନାଆଁ ଏଲେଇଞ୍ଜା  
ମାଞ୍ଜାନେରି ?”

୩୫ ପିଲାତ ଏଲେଇଚେସି, “ନୀନୁ  
ଏନାଆଁ ଅଣ୍ଠପାମାଞ୍ଜି, ନୀନୁ ର  
ଜୀହୁଦିଚେର୍ସ ? ନୀ କୁଡ଼ାତି ଲକୁ  
ଇଞ୍ଜା କାଜା ପୂଜେରାଜା ନିଜେ ତାଚାନା  
ନା କେୟୁତା ହେର୍ପା ମାଞ୍ଜାନେରି □  
ଖେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇଚେସି, ନା ରାଜି  
ଇ ଦାର୍ତତିତାୟି ଆଏ; ନା ରାଜି  
ଦାର୍ତତିତାୟି ଆଡ଼ିହୁଁମା, ନୀନୁ ଜୀହୁଦି  
ଲକୁତାଣା ହେର୍ପି ଆଆରେଟୁ ନାଜେ  
ସେବା କିୟାନାରି ନା ତାକି ଜୁଜୁ  
କିଚେରିମା, ସାମା ନା ରାଜି ସାତେଏ ଇ  
ଦାର୍ତତିତାୟି ଆଏ □

୩୭ ପିଲାତ ଏଞ୍ଜାଣାଇଁ ଖେଚେସି,  
“ଆଡ଼ିହୁଁ ନୀନୁ ଜୀହୁଦି ଲକୁତି  
ରାଜାତ ?”

ଜୀସୁ ଏଲେଇଚେସି, “ନୀନୁ ଏଲେ  
ଇଞ୍ଜିମାଞ୍ଜି ନୀନୁ ର ରାଜାଚେର୍ସ □ ନୀନୁ  
ସାତା ଖାକିଟି ସାକି ହାହାଲି ଜାନା  
ଆହାମାଇଁ ଅଡ଼େ ଦାର୍ତତିତା ଖାହାମାଇଁ  
□ ଆମ୍ବାଆସି ସାତାତି ମୀର୍ଏସି ଏଞ୍ଜାସି  
ନା କାତା ଖେନେସି □”

ଜୀସୁଇଁ ହାନି ତଣ୍ଡ ହାନାୟି  
(ମାତି ୨୭:୧୫-୩୧; ମାର୍କ ୧୫:୬-  
୨୦; ଲୁକ ୨୩:୧୩-୨୫)

୩୮ ପିଲାତ ଖେଚେସି, “ସାତା ଏନାୟି  
?”

ପିଲାତ ପାଜାତା ହାଜାନା ଜୀହୁଦି  
ଲକୁଣି ଏଲେଇଚେସି, “ନୀନୁ ଇଞ୍ଜାଣି  
ତାଣା ଏନି ଦହ ବେଗାଆହି ହିଲଅଁ □

୩୯ ସାମା ନୀନୁ ପିସପିଆନି ପାରୁ  
ବେଲାତା ମିଜେତାକି କାୟିଦିତା  
ମାନାରାଇଁ ରଅଣାଇଁ ପିସାଲି ତାକି ମୀ  
ମୋରା ମାନେ, ଏଦାଆଁତାକି ଜୀହୁଦି  
ଲକୁତି ରାଜାଇଁ ମାଜେତାକି ପିସା  
ହିୟାପେସି ଇଞ୍ଜିଁ ମୀ ମନ ମାନେକି  
?”

୪୦ ଏମ୍ବାଟିଏ ଏଞ୍ଜାରି କାଲୁଞ୍ଜି ଆହୁଁ  
ଏଲେଇଚେରି, “ଇଞ୍ଜାଣାଇଁ ଆଏ, ସାମା  
ବାରବାଇଁ †ପିସାହିୟାମୁ □”

### ୧୯

୧ ତାୟୁ ପିଲାତ ଜୀସୁଇଁ ଅହାନା  
ସାଟୁଣି ମାଡ଼ା କିଞ୍ଜି କିଚେସି □

୨ ଅଡ଼େ ରିଜାରି କସ୍କା ହାପୁକା  
ଚପେରି ଆଲାନା ଜୀସୁ ତାୟୁଁ ତୁ  
ଇଚିଚେରି, ଅଡ଼େ ଏଞ୍ଜାଣାଇଁ ହେୟା  
ଞ୍ଜାଣା ହିମ୍ବୁରି ହୁଚିକିଚେରି;

୩ ଏଞ୍ଜାରି ଏଞ୍ଜାଣି ତାଣା ଖାହାନା  
ଏଲେଇଚେରି, “ଏ ଜୀହୁଦିୟା ରାଜା  
ଜହରା;” ଇଞ୍ଜା ଏଞ୍ଜାରି ଏଞ୍ଜାଣାଇଁ  
ସାପୁଡ଼ା ଖେଚେରି □

୪ ପିଲାତ ଖେଣ୍ଡେ ପାଜାତା ହାଜାନା  
ଏଲେଇଚେସି, “ନୀନୁ ଏଞ୍ଜାଣି ତାଣା  
ଏନି ଦହ ବେଗାଆହି ହିଲଅଁ, ଇଦାଆଁ  
ଏନିକିଁ ମୀରୁ ପୁଞ୍ଜେରି, ଇଦାଆଁତାକି  
ନୀନୁ ଏଞ୍ଜାଣାଇଁ ମୀ ତାଣା ତାଡ଼ିମାଇଁ □”

୫ ଏମ୍ବାଟିଏ ଜୀସୁ ଏ ହାପୁକା ଚପେରି  
ଅଡ଼େ ହେୟା ଞ୍ଜାଣା ହିମ୍ବୁରି ପରହାନା  
ପାଜାତା ଖାଚେସି, ପିଲାତ ଏଞ୍ଜାରାଇଁ  
ଏଲେଇଚେସି, “ମେହୁଦୁ ଇଞ୍ଜାସି ଏ  
ମାଣସି □”

୬ ଏମ୍ବାଟିଏ କାଜା ପୂଜେରାଜା ଅଡ଼େ  
ମାହାପୁରୁ ଇଲୁ କାଃଆନି ଜାମାନାଜା  
ଏଞ୍ଜାଣାଇଁ ମୋସାନା କାଲୁଞ୍ଜି ଆହୁଁ  
ଏଲେଇଚେରି, “ଏଞ୍ଜାଣାଇଁ ପାସି ଏକ୍ଦୁ  
ପାସି ଏକ୍ଦୁ □” ପିଲାତ ଏଞ୍ଜାରାଇଁ  
ଏଲେଇଚେସି, “ମୀରୁ ଏଞ୍ଜାଣାଇଁ  
ଅହାନା ପାସି ଏକ୍ଦୁ, ଇଚିହୁଁ ନୀନୁ  
ଏଞ୍ଜାଣି ତାଣା ଏନି ଦହ ବେଗାଆହି  
ହିଲଅଁ □”

† ୧୮:୪୦ ୧୮:୪୦ ଇ ବାରବା ର ତଂଶେଏସି ମାଚେସି

୭ ଜୀହୁଦି ଲକୁ ଏଝାଣାଇଁ ଏଲେଇଚେରି, “ଇଚିହଁ ମାଙ୍ଗେ ରଣ୍ଡିଏ ମୋରା ମାନେ, ଏ ମୋରାଲେହେଁଏ ଏଝାସି ହାନ୍ତି ତଣ୍ଡ ବେଟାଆନାୟି ମାନେ, ଇଚିହଁ ଏଝାସି ତାଙ୍ଗେ ମାହାପୁରୁତି ମାର୍ଏସି ଇଞ୍ଜି ୱେସାମାନେସି □”

୮ ଏମ୍ବାଟିଏ ପିଲାତ ଈ କାତା ୱେଞ୍ଜାନା ଗାତି ଆଜିତେସି □

୯ ୱେଣ୍ଡେ ମୋଡ଼ା ଇଲୁତା ହାଜାନା, ଜୀସୁଇଁ ୱେଚେସି, “ନାନୁ ଆମ୍ବିଟି ୱାହାମାଞ୍ଜି ?” ସାମା ଜୀସୁ ସାପି ଆହାନା ଡ଼ୟିତେସି □

୧୦ ପିଲାତ ଏଲେଇଚେସି, “ନାଙ୍ଗେ ଜଲିମାଞ୍ଜଅତି ? ନିଙ୍ଗ ଗେଲ୍ପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଈ କାତା ନାନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣ୍ଡାଟି ନିଙ୍ଗେ ଅଦିକାରା ହାଆତିହଁ, ନା ଲାକ ନୀ ଏନ୍ତି ଅଦିକାରା ହିଲଆତେମା; ଇଞ୍ଜା ଆମ୍ବାଆସି ନାଙ୍ଗେ ନୀ କେୟୁତା ହେରପା ମାଞ୍ଜାନେସି ଏଝାଣି ପାପୁ ହାରେକା □”

୧୨ ଈ କାତା ୱେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣପିତେସି, ସାମା ଜୀହୁଦି ଲକୁ କାଲୁଝି ଆହଁ ଏଲେଇଚେରି, “ନାନୁ ଇଝାଣାଇଁ ପିହୁଦି ଆତିହଁ ନାନୁ କାୟିସରତି ତଣ୍ଡେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି □”

୧୩ ପିଲାତ ଈ କାତା ୱେଞ୍ଜାନା ଜୀସୁଇଁ ପାଙ୍ଗାତା ୱାଲକାତି ବେରଣିମାଣ୍ଡାତା ତାତେରି □ ଏମିନାଣି ଏବ୍ରି ହାଡ଼ାତଲେ “ଗବ୍ବତା” ଇଞ୍ଜି ଇନେରି, ଏ ଟାୟୁଟି ବିଚାରା କିନି ଟାୟୁତା କୁଗିତେସି □

୧୪ ଏ ଦିନା ପିସପିଆନ୍ତି ପାରୁତି ତଲିତି ଦିନା ମାଚେ, ଏଚିବେଲ୍ଲା ଲାକ୍ ସ ଗଂଟା ଆହାମାଚେ □ ଇଞ୍ଜା ଏଝାସି ଜୀହୁଦି ଲକୁଣି ଏଲେଇଚେସି, “ଇଝାସି ମେହଦୁ ମୀ ରାଜା □”

୧୫ ଏମ୍ବାଟିଏ ଏଝାରି ଏଲେଇଚେରି, “ଏଝାଣାଇଁ ପାୟାଦୁ, ପାୟାଦୁ, ପାସି ଏକଦୁ □” ପିଲାତ ଏଝାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୂଜେରାଙ୍ଗା ଏଲେଇଚେରି, “କାୟିସର ପିସପେ ମା ରାଜା ଆମ୍ବାଆସି ହିଲଅସି □”

୧୬ ଡାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଝାରି କେୟୁତା ହେରପିତେସି, ଇଞ୍ଜା ଡାୟୁ ଏଝାରି ଜୀସୁଇଁ ଅହଁ ହାଚେରି □

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଏଚେଟିଏ ଏଝାରି ଜୀସୁଇଁ ଅଡ଼େରି; ଅଡ଼େ ଜୀସୁ ଜାହାରା ପାସିମୁଣ୍ଡା ଡ଼େକାନା “ଡାୟୁଁ ରୁପା” ଇନି ଟାୟୁତା, ଇଚିହଁ ଏମିନାଣି ଏବ୍ରି ହାଡ଼ାତଲେ “ଗଲ୍ଗତା” ଇଞ୍ଜି ଇନେରି ଏମ୍ବାଆଁ ହାଚେସି □

୧୮ ଏମ୍ବାଆଁ ଏଝାରି ଜୀସୁଇଁ ପାସି ମୁଣ୍ଡାତା ଏକହେରି, ଏଝାଣିତଲେ ଅଡ଼େ ରିଆରାଇଁ ପାସି ମୁଣ୍ଡାତା ଏକହେରି, ରିକଝାକି ରିଆରି ଅଡ଼େ ମାଦିଏ ଜୀସୁ □

୧୯ ଅଡ଼େ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍କି ଆହାମାଚେ, “ନାଜରିତତି ଜୀସୁ ଜୀହୁଦିୟାଁ ରାଜା □”

୨୦ ଜୀହୁଦିୟାଁ ବିତ୍ରାଟି ହାରେକା ଏ ଆକୁତି ପଡ଼ଝି ଆଡ଼େରି, ଇଚିହଁ ଜୀସୁଇଁ ଏମିନିତାଣା ପାସି ଏପ୍କି ଆହାମାଚେ, ଏଦି ଗାଡ଼ା ଡାଗେ ମାଚେ; ଇଞ୍ଜା ଏ ଆକୁ ଏବ୍ରି, ଲାଟିନ୍ ଅଡ଼େ ଗିକ୍ ହାଡ଼ାତଲେ ରାସ୍କି ଆହାମାଚେ □

୨୧ ଜୀହୁଦି ଲକୁତି କାଜା ପୂଜେରାଙ୍ଗା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜି ରାଚାଆନା, ନାନୁ ଜୀହୁଦି ଲକୁତି ରାଜା ଇଞ୍ଜିମାଚେସି ଇଞ୍ଜି ରାଚାମୁ □”

୨୨ ସାମା ପିଲାତ ଏଲେଇରେସି,  
“ନାନୁ ଏନାଆଁ ରାଡ଼ାମାଇଁ  
ଏଲେକିହିଁ ଏ ଡୟିନେ □”

୨୩ ରିଜାରି କସକା ଜୀସୁଇଁ ପାସିତା  
ଏକହି ଜେଟ ଏଞ୍ଜାଣି ହିମ୍ବରିକା ଅହାନା  
ସାରି ବାଗା କିତେରି, ର ର କହୁଏଣାକି  
ରଣ୍ଡାଲାକା, ଅଡ଼େ ଏଞ୍ଜାଣି ଲାମ୍ବା ସକା  
ଜିକେଏ ଅଡେରି □ ଏ ଲାମ୍ବା ସକା  
ତାତାନା ହେରୁକି ଚିଏ ପାଠଆନା କତାୟାଁ  
ପାଡେକା କିଞ୍ଜି ଆହାମାଟେ □

୨୪ ଏଦାଆଁତାକି ଏଞ୍ଜାରି ଏଲେଇରେରି,  
“ଇଦାଆଁ ଗେହଆପ, ସାମା ଇଦି  
ଆମ୍ବାଆରାଞ୍ଜାୟି ଆନେ, ଏଦାଆଁତାକି  
ପାଦି କିନ □” ଏନିକଁ ଦାମ୍ବୁ ପତିତି  
କାତା ପୂରା ଆନେ,

“ଏଞ୍ଜାରି ତାମି ବିଡ୍ରା ନା ହିମ୍ବରିକା ବାଗା  
କିତେରି,

ଅଡ଼େ ନା ଲାମ୍ବା ସକାତାକି  
ପାଦି କିତେରି □” ରିଜାରି  
କସକା ସମାନା ଏଲେକିହିଁ ଏ  
କିତେରି □

୨୫ ସାମା ଜୀସୁତି ପାସିମୁଣ୍ଡା ଡାଗେ  
ତାମି ଇୟା, ତାମି ଇୟାନି ତାଜି,  
କ୍ଳପାତି ତକ୍ତି ମରିୟମ ଅଡ଼େ ମଗ୍ଦଲିନି  
ମରିୟମ ନିତାମାଟୁ □

୨୬ ଜୀସୁ ତାମି ଇୟା ଅଡ଼େ  
ଏମିନି ସୀସୁଇଁ ଜୀସୁ ନହୁଁମାରେସି,  
ଏଞ୍ଜାସି ଡାଗେ ନିତାମାନାଣି ମେସାନା  
ଏଲେଇରେସି, “ଏ ଇୟା ମେହମୁ ନୀ  
ମୀରଏସି □”

୨୭ ତାୟୁ ଜୀସୁ ଏ ସୀସୁଇଁ  
ଏଲେଇରେସି, “ଇଦି ମୀ ଇୟା □”  
ଏ ଦିନାଟିଏ ଏ ସୀସୁ ଜୀସୁତି ଇୟାନି  
ତାମି ଇଜ ଅଡେସି □

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-  
୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍ବୁ ପତିତି ବଲୁ  
ଏନିକଁ ପୂରା ଆନେ, ଏଦାଆଁତାକି  
ବାରେ ରାହାମାନେ ଇଞ୍ଜୁଁ ପୁଞ୍ଜାନା

ଏଲେଇରେସି, “ନାଜେ ଏସ୍‌କି  
ହଡ଼ିମାଞ୍ଜାନେ □”

୨୯ ଏମ୍ବାଆଁ ପୁଲ୍ୟାଏୟୁ ନେଞ୍ଜାମାନି  
ର ତ:କା ମାଟେ; ଏଞ୍ଜାରି ଏମ୍ବାଆଁ  
ର ଡ୍ରାଠଆଲି ମୁସାନା ବାଲାତି ମୁନୁତା  
ରୁପାନା ଜୀସୁତି ଗୂତିତା ହୀତେରି □

୩୦ ଏଚେଟିଏ ଜୀସୁ ଏ ପୁଲ୍ୟାଏୟୁ  
ଗସାନା ଏଲେଇରେସି, “ରାହାହାଟେ”  
ଏଲେଇଞ୍ଜାନା ତାୟୁଁ ଲେସାନା  
ହାଡେସି □

ଜୀସୁ ପାଡ଼କା ଟଟତା ବାଲା ତଲେ  
ଡହନାୟି

୩୧ ପାସି ଏପକି ଆହାମାନାରି କତାୟାଁ  
ଡିକହାନା ଏଞ୍ଜାରି ହାଡ଼ି ମାଡ଼ହାଡ଼ି  
ପାସି ମୁଣ୍ଡାଟି ରେପହା ତାତାଲି  
ଜୀହୁଦି ଲକୁଇଁ କାଜାରି ପିଲାତଇଁ  
ବାଡ଼ିମାଲିତେରି, ଇଚିହିଁ ଏ ଦିନା ସୁକ୍ତି  
ତାନି ଅର ଦିନା ସୁଦୁ ଜମିନି ଦିନାତା  
ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି  
ଏଞ୍ଜାରି ମନୁ କିହିଲିଆତେରି □

୩୨ ଇଞ୍ଜାଁ ରିଜାରି କସକା ଖାହାନା  
ଜୀସୁତଲେ ପାସି ମୁଣ୍ଡାତା ଏକହାମାତି  
ରିଆରି କତାୟାଁ ଡିକହେରି □

୩୩ ସାମା ଏଞ୍ଜାରି ଜୀସୁ ତାଣା  
ଖାହାନା ଏଞ୍ଜାସି ହାହାମାନାଣି ମେସେରି,  
ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ  
ଡିକଆତେରି □

୩୪ ଆଡ଼ିଜିକେଏ କସକା ବିଡ୍ରାଟି  
ରଅସି ଜୀସୁତି ପାଡ଼କା ଟଟତା ବାଲା  
ତଲେ ଗୁକହେସି ଇଞ୍ଜାଁ ଦେବୁଣିଏ  
ଏମ୍ବାଟି ଏୟୁ ଅଡ଼େ ନେତେରି ହଡେ □

୩୫ ଆମ୍ବାଆସି ମେସାମାନେସି, ଏଞ୍ଜାସି  
ସାକି ହାହାମାନେସି, ଏନିକଁ ମୀରୁ  
ଜିକେଏ ନାମିଦେରି; ଇଞ୍ଜାଁ ଏଞ୍ଜାଣି ସାକି  
ସାତା, ଏଞ୍ଜାସି ସାତା ଖେସାମାନେସି ଇ  
କାତା ଏଞ୍ଜାସି ପୁଞ୍ଜାମାନେସି □

୩୬ ଇଚିହିଁ ଦାମ୍ବୁ ପତିତି କାତା ପୂରା  
ଆହାଲିତାକି ଇ ବାରେ ଆଡେ, “ଏଞ୍ଜାଣି  
ର ତୁମୁ ଜିକେଏ ଡିକଅରି □”

୩୭ ଏଦାମ୍ବୁ ପତିତି ଅର କାତା ଇଦି,  
“ଏଞ୍ଜାରି ଆମ୍ବାଆରାଇଁ ବାଲା ତଲେ

☆ ୧୯:୩୭ ୧୯:୩୭ ଖେ ବଲୁ ୧:୭

ଗୁକ୍ତହା ମାଚାରି ଜିକେଏ ଏଞ୍ଜାଣାଇଁ  
ସିନିକିନେରି □

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-  
୪୭; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାତିୟାତି  
ଜସେପ ଇନାସି ପିଲାତ ତାଣା ହାଜାନା  
ଜୀସୁତି ଆଜ୍ଞା ଅହାଲି ବାତିମାଲିତେସି  
□ ଇ ଜସେପ ଜୀସୁତି ର ସୀସୁ ମାଚେସି,  
ସାମା ଜୀହୁଦି ଲକୁତି କାଜାରି ଆଜିତାକି  
ଡଗ୍ନାନା ମାଚେସି, ପିଲାତ ଏଞ୍ଜାଣାଇଁ  
ହେଲ ହାହାଲିଏ ଏଞ୍ଜାସି ଜୀସୁତି ଆଜ୍ଞା  
ମୁସାଲି ଅଡେସି □

୩୯ \*ଏଞ୍ଜାଣିତଲେ ନିକଦିମ  
ମାଚେସି □ ଇ ନିକଦିମ ର  
ଦିନା ଲାଆୟାଁ ଜୀସୁତଲେ କାତା  
ଆହାଲି ଖାହାମାଚେସି, ଏ ନିକଦିମ  
କଡେଦସ କେଜି ଗାନ୍ଦା ନିୟୁଁ ତାତିହ  
ଞ୍ଜାହାମାଚେସି □

୪୦ ଏଞ୍ଜାରି ଜୀସୁତି ଆଜ୍ଞା ଅହାନା  
ଜୀହୁଦି ଲକୁତି ମୁହନି ମୋରା ତଲେ  
ଏଦାଆଁ ଗାନ୍ଦା ନିୟୁଁତଲେ ପାଡାଡା  
ହିମ୍ବୁରି ରୁପିତେରି □

୪୧ ଜୀସୁ ଏମିନି ଗାୟୁତା ପାସି ମୁଣ୍ଡାତା  
ଏପକି ଆହାମାଚେସି ଏ ଦାରିତା ର  
ବାଡା ମାଚେ, ଏ ବିତ୍ରା ର ପୁଃନି  
ମାହଣି ମାଣ୍ଡା ମାଚେ, ଏମ୍ବାଆଁ ନକେଏ  
ଆମ୍ବାଆରାଇଁ ଇଟ୍ଞି ଆହାହିଲିଆଡେ □

୪୨ ଏ ଦିନା ଜୀହୁଦି ଲକୁତି ଜମିନି  
ଦାନାତି ନକିତି ଦିନା ମାଚାକି, ଗାତି  
ହେକ ହାଲାଆନା ଏଞ୍ଜାରି ଜୀସୁତି ଆଜ୍ଞା  
ଅହାନା ମାହଣି ମାଣ୍ଡାତା ଇଟିତେରି □

### ୨୦

ଞ୍ଜାରିଇ ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮;  
ଲୁକ ୨୪:୧-୧୨)

୧ ଞ୍ଜାରିତି ମୁଲୁ ଦିନା ଲାଇ ଲାଇ  
ଆନ୍ଦେରି ମାଞ୍ଜା ମାଞ୍ଜାନା ମଗ୍ଦଲିନି  
ମରିୟମ ମାହଣି ମାଣ୍ଡା ଦାରିତା ଞ୍ଜାହାନା

ଏମ୍ବାତି ଞ୍ଜାଲି ଗୁଚା ଆହାମାନାଣି ମେସ୍ତେ  
□

୨ ଇଞ୍ଜା ଏଦି ହଟି ହଟି ହାଜାନା  
ସିମନ ପିତର ଆମ୍ବାଆରାଇଁ ଜୀସୁ  
ଜୀସୁ ନହୁଁ ମାଚେସି, ଏ ସୀସୁୟାଁଇଁ  
ଏଲେଇଚେ, “ଆମ୍ବାଆରି ପ୍ରବୁଇଁ  
ମାହଣି ମାଣ୍ଡାଟି ଅହାମାନେରି, ଇଞ୍ଜା  
ଆମ୍ବିୟା ଇଟାମାନେରି ଏଦାଆଁ ମାମ୍ବୁ  
ପୁଞ୍ଜାହିଲଅମି □”

୩ ଇ କାତା ଞ୍ଜେଞ୍ଜାନା ପିତର ଅଡେ  
ଅର ସୀସୁ ମାହଣି ମାଣ୍ଡା ଞ୍ଜାକ ହଚେରି  
□

୪ ଏଞ୍ଜାରି ରିଆରି ରହେଁଏ ହଚେରି,  
ଅର ସୀସୁ ପିତରଇଁ ତାୟୁ ପିସାନା  
ତଲିଏ ମାହଣି ମାଣ୍ଡା ଏଡେସି □

୫ ଏଞ୍ଜାସି ବଜାହାଁ ଏମିନି ପାଡାଡା  
ହିମ୍ବୁରି ଆଜ୍ଞାତା ରୁପା ମାଚେରି ଏମ୍ବାଆଁ  
ରିହାମାଚାଣି ମେସ୍ତେସି, ସାମା ବିତ୍ରା  
ହାଲାଆଡେସି □

୬ ତାୟୁ ସିମନ ପିତର ଜିକେଏ  
ଞ୍ଜାଡେସି ଇଞ୍ଜା ମାହଣି ମାଣ୍ଡା ବିତ୍ରା  
ହଡାନା ସିନିକିତେସି ଏମ୍ବାଆଁ ପାଡାଡା  
ହିମ୍ବୁରିକା ମାମ୍ବୁ,

୭ ଇଞ୍ଜା ତାନି ତାୟୁଁତୁ ଦସାମାତି  
ଏ ପାଡାଡା ହିମ୍ବୁରିକା ତଲେ ହିଲାଆଡେ  
ଏଦି ଏଟକା ମାଚେ □

୮ ଏଟିବେଲା ଏମିନି ସୀସୁ ତଲିଏ  
ମାହଣି ମାଣ୍ଡା ତାଗେ ଞ୍ଜାହାମାଚେସି,  
ଏଞ୍ଜାସି ଜିକେଏ ବିତ୍ରା ହଡାନା ମେସ୍ତେସି  
ଅଡେ ନାମିତେସି;

୯ ଇଟିହୁଁ ହାଡାରି ବିତ୍ରାଟି ଏଞ୍ଜାଣାକି  
ନିଜାଲି ଆନେ, ଦାମ୍ବୁ ପତିତି ଇ ବଲୁ  
ଏଚେ ପାଡେକା ତେଲହା ହିଲାଆଡେରି  
□

୧୦ ତାୟୁ ସୀସୁୟାଁ ଞ୍ଜେଣ୍ଡେ ଇଜ  
ହାଚେରି □

ଜୀସୁ ମଗ୍ଦଲିନି ମରିୟମଇଁ ତଞ୍ଜା  
ଆନାୟି

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ଡାହି ଡାହି  
ପାଜାତା ନିଚା ଡାହିତେ; ଇଞ୍ଜା ଡାହି

\* ୧୯:୩୯ ୧୯:୩୯ ଜହ ୩:୧,୨

ଡ଼ାହି ବଜାହାଁ ମାହଣି ମାଣ୍ଡା ବିତ୍ରା  
ସିନିକିଡେ,

୧୭ ଜାସୁତି ଆଜ୍ଞା ଏମିନି ଚାୟୁତା  
ଇଚକି ଆହାମାଚେ, ଏମ୍ବାଆଁ ତାୟୁ  
ଝାକି ରଅସି ଅଡେ କତାୟାଁ ଝାକି ରଅସି  
ଦବଲା ହିମ୍ବରିକା ପରହାନା ରିଆରି  
ଦୂତୁୟାଁ କୁଗାମାନାଣି ମେସ୍ତେ □

୧୮ ଏଝାରି ଏଦାନି ଏଲେଇଚେରି,  
“ଏ ଇୟା ଏନାଆଁତାକି ଡ଼ାହିମାଞ୍ଜି  
?” ଏଡି ଏଝାରାଇଁ ଏଲେଇଚେ,  
“ଆମ୍ବାଆରି ନା ପ୍ରବୁଇଁ ଅହାମାନେରି,  
ଅଡେ ଏଝାଣାଇଁ ଆମ୍ବିୟା ଇଚାମାନେରି  
ପୁଞ୍ଜାହିଲଅଁ □”

୧୯ ଏଡି ଏଲେଇଞ୍ଜାନା ତାୟୁଝାକି  
ସିନିକିହାନା ଜାୟୁଇଁ ମେସ୍ତେ, ସାମା  
ଏଝାସି ଜାୟୁ ପୁଞ୍ଜାଲି ଆଡ଼ାଆଡେ □

୨୦ ଜାୟୁ ଏଦାନି ଏଲେଇଚେସି,  
“ଏ ଇୟା ଏନାଆଁତାକି ଡ଼ାହିମାଞ୍ଜି ?  
ଆମ୍ବାଆରାଇଁ ପାରିମାଞ୍ଜି ?”

ଏଡି ଏଝାଣାଇଁ ବାଡ଼ା ଗାଟାସି ଇଞ୍ଜି  
ଅଣ୍ପାପାନା ଏଲେଇଚେ, “ବାବୁ ନାନୁ  
ଏଝାଣାଇଁ ଅହାମାଞ୍ଜି ଇଚିହଁ ଆମ୍ବିୟା  
ଇଚାମାଞ୍ଜି, ନାଜେ ଝେସ୍ତାମୁ ନାନୁ ଅଇଁ  
□”

୨୧ ଜାୟୁ ଏଦାନି ଏଲେଇଚେସି,  
“ମରିୟମା!” ମରିୟମ ଏଝାଣି  
ଝାକି ସିନିକିହାନା ଏବ୍ରି ହାଡ଼ାତଲେ  
ଏଲେଇଚେ, “ରାବ୍ବୁନି” ଇଚିହଁ ଏ  
ଗୂରୁ □

୨୨ ଜାୟୁ ଏଦାନି ଏଲେଇଚେସି,  
“ନାଜେ ଆସା ଇଚାଲି ଅଣ୍ପାଆନି,  
ଇଚିହଁ ନାନୁ ନୀର୍ବ ପାଡେକା ଆବା  
ତାଣା ହାଜାହିଲଅଁ; ସାମା ନା ତାୟୁୟା  
ତାଣା ହାଜାନା କାବୁ ହୀମ୍ବ, ନାନୁ ନା  
ଆବା ମୀ ଆବା ନା ମାହାପୂରୁ ମୀ  
ମାହାପୂରୁ ତାଣା ହାଜିମାଇଁ □”

୨୩ ମଗ୍ବଲିନି ମରିୟମ ହାଜାନା  
ସୀୟୁୟାଁ କାବୁ ହୀଡେ, ନାନୁ ପ୍ରବୁଇଁ  
ମେସାମାଇଁ ଏଝାସି ନାଜେ ଇ ବାରେ  
କାତା ଝେସାମାଞ୍ଜାନେସି □

ଜାୟୁ ସୀୟୁୟାଁ ତଞ୍ଜା ଆନାୟି  
(ମାତି ୨୮:୧୬-୨୦; ମାର୍କ ୧୬:୧୪-  
୧୮; ଲୁକ ୨୪:୩୬-୪୯)

୨୪ ଏ ଦିନା ଇଚିହଁ ଝାଡ଼ାତି  
ତଲିତି ଦିନା ମିଡ଼ଅଲା ବେଲା ଏଚେତା  
ସୀୟୁୟାଁ ଏମିନି ଇଲୁତା ଜାହୁଦି ଲକୁତି  
ଆଜିତାକି ଦାରାୟାଁ ସୁଣ୍ଡାମାଚେରି,  
ଏଚିବେଲା ଜାୟୁ ଝାହାନା ମାଦିଏ  
ନିଚାନା ଏଲେଇଚେସି, “ମିଜେ ହିଡ଼ଡ଼ି  
ଆୟାପେ □”

୨୫ ଏଝାସି ଏଲେଇଞ୍ଜାନା ତାନି  
କେସ୍ତା, ପାଡ଼କା ଡ଼ଇକା ତସ୍ତେସି,  
ଏମ୍ବାଟିଏ ସୀୟୁୟାଁ ପ୍ରବୁଇଁ ମେସାନା  
ରାହାଁ ଆଡେରି □

୨୬ ଜାୟୁ ଝେଣ୍ଡେ ଏଲେଇଚେସି,  
“ମିଜେ ହିଡ଼ଡ଼ି ଆୟାପେ ଆବା  
ଏନିକଁ ନାଜେ ପାଣ୍ଡାମାଞ୍ଜାନେସି,  
ନାନୁ ଜିକେଏ ମିଜେ ଏଲେକିହଁ ଏ  
ପାଣ୍ଡାମାଞ୍ଜାଇଁ □”

୨୭ ଏଲେଇଞ୍ଜାନା ଏଝାରି ଲାକ  
ନେଞ୍ଜାନା ଏଲେଇଚେସି, “ସୁଦୁଜୀସୁଇଁ  
ଆବାକତାଦୁ,

୨୮ \*ମୀରୁ ମାଣ୍ଡସିୟାଁ ପାପୁ  
ମ୍ଲେକ୍‌ହିସାରେ, ମାହାପୂରୁ ଜିକେଏ  
ଏଝାରି ପାପୁ ମ୍ଲେକ୍‌ନେସି; ଇଞ୍ଜା  
ଆମ୍ବାଆରି ପାପୁ ମ୍ଲେକ୍‌ଅଡେରି,  
ଇଚିହଁ ଏଝାଣି ପାପୁ ମେଣ୍ଡେସ୍ୟ □”

ଜାୟୁ ଅଡେ ତମା

୨୯ ସାମା ଜାୟୁ ଏଚିବେଲା  
ଝାହାମାଚେସି, ଏଚିବେଲାତା ବାରଜାଣା  
ବିତ୍ରା ତମା ଆମ୍ବାଆରାଇଁ ଦିଦୁମ  
ଇନେରି, ଏଝାସି ଏଝାରିତଲେ  
ହିଲାଆଡେସି □

୩୦ ଏଚକାତି ସୀୟୁୟାଁ ଏଲେଇଚେରି,  
“ମାମୁ ଜାୟୁଇଁ ମେସ୍ତମି □” ଇଞ୍ଜା  
ଏଝାସି ଏଝାରାଇଁ ଏଲେଇଚେସି,  
“ଏଝାଣି କେୟୁତି କୁଟିୟାଁ ସିନା  
ମେହ୍‌ଆତିହଁ ଅଡେ ଏ ବାରେ ତାଣା  
ନା ଝାଞ୍ଜୁ ଉହ୍‌ଆନା ଇଞ୍ଜା ଏଝାଣି  
ପାଡ଼କା ଡ଼ଇକା ତୀଗାଆନା ନାନୁ  
ଏଚେଲା ଜିକେଏ ନାମଅଁ □”

\* ୨୦:୨୩ ୨୦:୨୩ ମାତି ୧୬:୧୯; ୧୮:୧୮

୨୭ ଆଚାଦିନା ଜେତ ତାନି ସୀସୁୟା  
ଏ ଇଲୁତେଏ ମାଚେରି, ଅଡ଼େ ତମା  
ଜିକେଏ ଏଞ୍ଜାରିତଲେ ମାଚେସି,  
ଦାରାୟା ସୁଶୁକି ଆହାମାରୁ, ସାମା  
ଜୀସୁ ଖାହାନା ଏଞ୍ଜାରି ମାଦି ନିଚାନା  
ଏଲେଇଚେସି, “ମିଙ୍ଗେ ହିଡ଼ଡ଼ି  
ଆୟାପେ □”

୨୮ ତାୟୁ ଏଞ୍ଜାସି ତମାଙ୍କ  
ଏଲେଇଚେସି, “ଇମ୍ପାଆଁ ନୀ ଖାଞ୍ଜୁ  
ଉସାନା ସିନିକିମ୍ପୁ, କେୟୁ ଦାସାନା ନା  
ପାଡ଼କା ଡ଼ଇକା ଡୀଗାମ୍ପୁ; ଆନାମାନା  
ଆଆନା ନାମାମ୍ପୁ □”

୨୯ ତମା ଜୀସୁଙ୍କ ଏଲେଇଚେସି, “ନା  
ପ୍ରବୁ ନା ମାହାପୁରୁ □”

୩୦ ଜୀସୁ ଏଞ୍ଜାଣାଙ୍କ ଏଲେଇଚେସି,  
“ନୀନୁ ନାଙ୍ଗେ ମେସାନା ନାମିମାଞ୍ଜାଦି,  
ଆମ୍ପାଆରି ମେହ୍‌ଆନା ନାମିନେରି  
ଏଞ୍ଜାରି ନେହେଁ □”

ଇ ପତି ଏନାଆଁତାକି ରାସ୍‌କି  
ଆହାମାନେ

୩୧ ଜୀସୁ ସୀସୁୟାଁ ନକିତା ହାଚେରକା  
କାବାଆନି କାମାୟାଁ କିହାମାଚେସି, ଏଞ୍ଜି  
ବାରେ ଇ ପତିତା ରାସ୍‌କି ଆହାହିଲାଉ;  
୩୨ ସାମା ମୀରୁ ଏନିକିଁ ନାମିଦେରି,  
ଜୀସୁ ମାହାପୁରୁ ମୀରୁଏସି ମସିହା,\*  
ଇ କାତା ନାମାହାଁ ଏନିକିଁ ମୀରୁ  
ଏଞ୍ଜାଣି ଦରୁଟି ଜୀସୁ ବେଟାଆଦେରି,  
ଏଦାଆଁତାକି ଇ ବାରେ ରାସ୍‌କି  
ଆହାମାନେ □

## ୨୧

ସାଡ଼ା ଜାଣା ସୀସୁୟାଙ୍କ ଜୀସୁ ତଞ୍ଜା  
ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା  
ସାମ୍ପଦୁରି ଗାଟୁତା ସୀସୁୟାଙ୍କ ଖେଣ୍ଡେ  
ତଞ୍ଜାଆଡେସି;

୨ ଏମ୍ପାଆଁ ସିମନ ପିତର ତମା  
ଆମ୍ପାଆରାଙ୍କ ଦିଦୁମ ଇନେରି,  
ଗାଲିଲିତି କାନା ଗାଡ଼ାତି ନିତନିୟେଲ,  
ଜେବଦିତି ମୀରକା ଅଡ଼େ ତାନି ସୀସୁୟା  
ବିଡ଼ାଟି ରିଆରି କୁଡ଼ା ଆହାମାଚେରି □

୩ \*ସିମନ ପିତର ଏଞ୍ଜାରାଙ୍କ  
ଏଲେଇଚେସି, “ନୀନୁ ମୀଶକା ଆସାଲି  
ହାଜିମାଙ୍କ □” ଏଞ୍ଜାରି ଏଞ୍ଜାଣାଙ୍କ  
ଏଲେଇଚେରି, “ମାମ୍ପୁ ଜିକେଏ ନୀ  
ତଲେ ଖାନମି □” ଏଞ୍ଜାରି ହାଜାନା  
ଡ଼ଂଗତା ହଚେରି, ଏ ଲାଆଁୟାଁ ଏଞ୍ଜାରି  
ଏନାଆଁ ଜିକେଏ ବେଟାଆଆଡେରି □

୪ ସାମା ଜୁଲୁପୁଲୁ ଆହାଲିଏ ଜୀସୁ  
ଗାଟୁତା ନିଚେସି; ଆଡ଼ିଜିକେଏ ଏଞ୍ଜାସି  
ଜୀସୁ ଇଞ୍ଜିଁ ସୀସୁୟାଁ ପୁନାଆଡେରି □

୫ ଜୀସୁ ଏଞ୍ଜାରାଙ୍କ ଏଲେଇଚେସି, “ଏ  
କକାଚେରି ମୀ ତାଣା ଏନାଆଁ ମୀଶକା  
ମୀନୁ କି ?” ଏଞ୍ଜାରି “ଆଏ” ଇଚେରି □

୬ \*ଏଞ୍ଜାସି ଏଞ୍ଜାରାଙ୍କ ଏଲେଇଚେସି,  
“ଡ଼ଂଗତି ଚିଃନିଞ୍ଜାକି ଜାଲା ମେଡ଼ଦୁ,  
ଆତିହ୍‌ ମୀରୁ ବେଟାଆଦେରି □”  
ଏମ୍ପାଟିଏ ଏଞ୍ଜାରି ଜାଲା ମେଡ଼ହେରି,  
ଏମ୍ପାଆଁ ଇଚେକା ମୀଶକା ଖାଟୁ ଏଞ୍ଜାରି  
ଏଦାଆଁ ରେଜାଲି ଆଡ଼ାଆଡେରି □

୭ ଏମ୍ପାଟିଏ ଜୀସୁ ଏମିନି ସୀସୁଙ୍କ  
ଜୀସୁ ନହ୍‌ମାଚେସି, ଏ ପିତରଙ୍କ  
ଏଲେଇଚେରି, “ଇଞ୍ଜାସିତ ପ୍ରବୁ □”  
ସିମନ ପିତର ଇ କାତା ଖେଞ୍ଜାନା  
ତୁମ୍ପଣ୍ଡା ମାଚାକି ତାନି ସକା ତୁରହାନା  
ସାମ୍ପଦୁରିତା ଡେଞ୍ଜିଚେସି;

୮ ସାମା ଏଚକାତି ସୀସୁୟାଁ  
ନେଞ୍ଜାମାନି ମୀଶକା ଜାଲାତି ରେଜି  
ରେଜି ଡ଼ଂଗତି ଗାଟୁତା ତାଚେରି,  
ଇଚିହ୍‌ ଏଞ୍ଜାରି ଗାଟୁଟିଏ ହାଚେରକା  
ହେକ ହାଜା ହିଲାଆଡେରି □

୯ ଏଞ୍ଜାରି ସାମ୍ପଦୁରି ଗାଟୁତା  
ରେଚାନା, ଏମ୍ପାଆଁ ରୀଙ୍ଗାୟାଁତି ହିଚୁ  
ଇଞ୍ଜାଁ ହିଚୁ ଲାକ ମୀଶକା ଅଡ଼େ ରୁଟି  
ଇଗାମାନାଣି ମେସ୍‌ପେରି □

୧୦ ଜୀସୁ ଏଞ୍ଜାରାଙ୍କ ଏଲେଇଚେସି,  
“ମୀରୁ ନୀଏଁ ଏମିନି ମୀଶକା  
ଆସାମାଞ୍ଜେରି ଏମ୍ପାଟି ଇଚରା ତାତିହ୍‌  
ଞ୍ଜାଦୁ □”

୧୧ ସିମନ ପିତର ହାଜାନା ସାଡ଼ାକଡ଼ି  
ଡେରଗଟା ମୀଶକା ମାଟି ଜାଲାତି  
ଗାଟୁତା ରେଜା ତାଚେସି; ଇଚେକା

\* ୨୦:୩୧ ୨୦:୩୧ ଜୀସୁ ☆ ୨୧:୩ ୨୧:୩ ଲୁକ ୫:୫ ☆ ୨୧:୬ ୨୧:୬ ଲୁକ ୫:୬

ମୀଶାକା ତାକି ଜିକେଏ ଜାଲା ତାମ୍ବାଆତେ □

୧୭ ଜୀସୁ ଏଞ୍ଜରାକ୍ ଏଲେଇରେସି, “ଝାନ୍ତୁ ତିଞ୍ଜୁ □” ସୀସୁୟାଁ ବିତ୍ରାଟି ଆମ୍ବାଆରି ଏଞ୍ଜାଣାକ୍ ନୀନୁ ଆମ୍ବାଆତି ଇଞ୍ଜୁଁ ଖେଞ୍ଜାଲି ସାସା କିଆତେରି, ଇତିହୁଁ ଏଞ୍ଜାସି ପ୍ରବୁ ଇ କାତା ଏଞ୍ଜାରି ପୁଞ୍ଜାମାରେରି □

୧୮ ଜୀସୁ ଖାହାନା ରୁଟି ଅହାନା ହୀତେସି, ଇଞ୍ଜା ମୀଶାକା ଜିକେଏ ଏଲେକିହୁଁଏ ହୀତେସି □

୧୯ ଜୀସୁ ହାକିଟି ନିଜିତି ତାମ୍ବୁ ଇଦି ତାନି ପାଲି ତାକି ସୀସୁୟାଁକ୍ ତଞ୍ଜାଆତେସି □

ଜୀସୁ ଅଡେ ପିତର

୧୫ ଏଞ୍ଜାରି ତିଞ୍ଜାଲି ଆଡିତି କେଚ ଜୀସୁ ସିମନ ପିତରକ୍ ଖେରେସି, “ଏ ଜହନତି ମୀରଏଶା ସିମନ ଏନାଆଁ ନୀନୁ ନାକେ ଇଞ୍ଜାରି କିହା ହାରେକା ଜୀଞ୍ଜୁ ନହୁଁମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରବୁ ନୀନୁ ନିକେ ଜୀଞ୍ଜୁନହୁଁ ମାଞ୍ଜାକ୍ ନୀନୁ ଏଦାଆଁ ପୁଞ୍ଜାମାଞ୍ଜି □” ଜୀସୁ ଏଞ୍ଜାଣାକ୍ ଏଲେଇରେସି, “ନା ମେଣ୍ଡା ତାଲକାଣି ତାହମ୍ବୁ □”

୧୬ ଜୀସୁ ଖେଶ୍ଟେ ରୀ ପାଲି ତାକି ଖେରେସି, “ଏ ଜହନତି ମୀରଏଶା ସିମନ ଏନାଆଁ ନୀନୁ ନାକେ ଜୀଞ୍ଜୁ ନହୁଁମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରବୁ ନୀନୁ ନିକେ ଜୀଞ୍ଜୁନହୁଁ ମାଞ୍ଜାକ୍ ନୀନୁ ଏଦାଆଁ ପୁଞ୍ଜାମାଞ୍ଜି □” ଏଞ୍ଜାସି ଏଞ୍ଜାଣାକ୍ ଏଲେଇରେସି, “ନା ମେଣ୍ଡାୟାଁଣି ପହିକମ୍ବୁ □”

୧୭ ଜୀସୁ ଅଡେ ତାନି ପାଲି ତାକି ଖେରେସି, “ଏ ଜହନତି ମୀରଏଶା ସିମନ ଏନାଆଁ ନୀନୁ ନାକେ ଜୀଞ୍ଜୁ ନହୁଁମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଞ୍ଜାସି ଦୁକୁ ଆହାନା ଏଲେଇରେସି, “ଏ ପ୍ରବୁ ନୀନୁ ବାରେ

ପୁଞ୍ଜାମାଞ୍ଜି; ନୀନୁ ନିକେ ଜୀଞ୍ଜୁନହୁଁ ମାଞ୍ଜାକ୍, ଏଦାଆଁ ନୀନୁ ପୁଞ୍ଜାମାଞ୍ଜି □” ଜୀସୁ ଏଞ୍ଜାଣାକ୍ ଏଲେଇରେସି, “ନା ମେଣ୍ଡାୟାଁଣି ଜାଡନ୍ତୁ ଅମ୍ବୁ □”

୧୮ ନୀନୁ ନିକେ ସାତା ଖେସିମାଞ୍ଜାକ୍, ନୀନୁ ଦାଂଗଣା ମାନି ବେଲାତା ନୀ ଚେତେଲି ରୁପା କତାନା ଆମ୍ବିୟାଞ୍ଜାକି ନୀ ମନ ଏନିକା ରେଜିମାଟି, ସାମା ବୁଡହା ଆତିହୁଁ ନୀନୁ ନୀ କେସ୍ତା ଦାହୁଦି ଇଞ୍ଜା ଅର ରଅସି ନୀ ଚେତେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା ଅୟାନେସି □

୧୯ ପିତର ଏନିଲେହେଟି ହାକି ତଲେ ମାହାପୁରୁକ୍ ଗାଞ୍ଜୁରମି କିନେସି, ଏଦାଆଁ ପୁଣ୍ଢି କିହାଲି ଏଲେଇଞ୍ଜାମାରେସି □ ଏଲେଇଟି ତାମ୍ବୁ ଏଞ୍ଜାସି ଏଞ୍ଜାଣାକ୍ ଏଲେଇରେସି, “ନା କେଚ ଖାମ୍ବୁ □”

ଜୀସୁ ତାନି ଜୀଞ୍ଜୁଟି ସୀସୁ

୨୦ ଜୀସୁ ଏମିନି ସୀସୁକ୍ ଜୀଞ୍ଜୁ ନହୁଁମାରେସି, ଅଡେ ଲାଆଁୟାଁ ବକି ବେଲାତା ତାନି ବକତା ଲାବାନା ପ୍ରବୁ ନିକେ ଆମ୍ବାଆସି ସାତୁୟାଁ କେମୁତା ହେରପାନେସି ଇଞ୍ଜୁଁ ଖେଞ୍ଜାମାରେସି, ଏ ସୀସୁ କେଚ ଖାହିମାନାଣି ପିତର ଖେଶ୍ଟେ ତିରଞ୍ଜାନା ମେସ୍ତେସି □

୨୧ ପିତର ଏଞ୍ଜାଣାକ୍ ମେସାନା ଜୀସୁକ୍ ଖେରେସି, “ପ୍ରବୁ ଇଞ୍ଜାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଞ୍ଜାଣାକ୍ ଏଲେଇରେସି, “ନା ଖାନ୍ତି ଦିନା ପାତେକା ଡୟାପେସି ଇଞ୍ଜୁଁ ନୀନୁ ମନ କିକ୍, ଆତିହୁଁ ଏମ୍ବାଆଁ ନୀଦି ଏନାୟି ମାନେ ? ନୀନୁ ନା କେଚ ଖାମ୍ବୁ □”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟିୟାଁ ବିତ୍ରା ଖେଞ୍ଜାହାରେ, ସାମା ଏଞ୍ଜାସି ହାଅସି ଇଞ୍ଜୁଁ ଜୀସୁ ଏଞ୍ଜାଣାକ୍ ଏଲେଇଞ୍ଜା ହିଲାଆତେସି, ସାମା ନା ଖାନ୍ତି ଦିନା ପାତେକା ଏଞ୍ଜାସି ଡୟାପେସି ଇଞ୍ଜୁଁ ନୀନୁ ମନ କିକ୍,

ଆତିହୁଁ ଏମ୍ବାଆଁ ମୀ ଏନାୟି ମାନେ  
 ଇଞ୍ଜୁଁ ଖେସାମାଚେସି □

୨୪ ଆମ୍ବାଆସି ଇ ବାରେ ସାକି  
 ହୀହିମାନେସି, ଅଡ଼େ ଇ ବାରେ  
 ରାଚାମାନେସି, ଏଞ୍ଜାସି ଏ ସାସୁ; ଅଡ଼େ  
 ଏଞ୍ଜାଣି ସାକି ସାତା ଇଦାଆଁ ମାମ୍ବୁ  
 ପୁଞ୍ଜାମାନମି □

ରାନ୍ତି ହାଡ଼ା

୨୫ ଜୀସୁ ହାରେ ହାରେକା କାମାୟା  
 କିହାମାଚେସି; ଏ ବାରେ ରଣ୍ଡା ରଣ୍ଡାଆଁ  
 କିହୁଁ ରାଚିତିହୁଁ ମା, ଇଚେକା  
 ପତିୟା ରାସ୍‌କି ଆତୁମା, ଇଚିହୁଁ ନା  
 ଅଣ୍‌ପୁଡ଼ା ବାରେ ଦାରତିତା ଜିକେଏ ଏ  
 ବାରେ ଇଚାଲି ଚାମ୍ବୁ ଆଆଡେମା □



# ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଲ୍ୟ ହାତୀ

ପାଣ୍ଡୁ ଆହ୍ୱାନ କାମାତି ପତି କୁଲମିକା ମାଟ୍ଟି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଝେସାମାତି ଲେହେ, ଏନିକ୍ ଜିରୁସାଲମତିଏ ଜାହୁଦା, ସମିରଣ, ଅଡ଼େ ସାରିଖାକି ଏଡେ, ଏ କାତାତି ପୁସ୍ତପନି ୧:୮ ଇ ପତି ଲୁକ ରାଡ଼ାମାରେସି, ଆମ୍ବାଆସି ଲୁକ ରାଡ଼ାମାନି ନେହ୍ କାରୁ ରାଡ଼ାମାରେସି □ ଏଝାସି ତାଙ୍କାଦର ମାରେସି ଇଞ୍ଜା ବାରେ କାତା ଜାଡ଼ନୁ ତଲେ ରାଡ଼ାମାରେସି □ ଏଝାସି ତାନି ଲୁକ ନେହ୍ କାରୁ ପାଣ୍ଡୁ ଆହ୍ୱାନାନାରି କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଝେସାମାନେସି, ଏଝାସି ଗ୍ରିକ୍ ଲକୁ ମାରେସି, ସାମା ଗ୍ରିକ୍ ଅଡ଼େ ଜାହୁଦି ଲକୁଣି ଆଟ୍ଟି କ୍ରୀସ୍ତାନା ଲକୁକି ଜିକେଏ ଇ ପତି ରାସ୍ତକି ଆହ୍ୱାନାରେ ୧:୧ □

କ୍ରୀସ୍ତ ଜାର୍ନାଆଡ଼ି ତାୟ ୬୦-୬୪ ବାର୍ଯା ବିତ୍ତା ପାଣ୍ଡୁଆଡ଼ି ପତି ରାସ୍ତକି ଆହ୍ୱାନାଣ୍ଡିନେ, ଏନାଆଁତାକି ଇଟିହ୍ ପାଞ୍ଜୁଲ କାୟିଦିଟି ପିସ୍ପିଆଡ଼ି ନକେଏ ପତି ରାଡ଼ାଲି ରାହ୍ୱାନାରେ □ ଲୁକ ଜିକେଏ ପାଣ୍ଡୁଆଡ଼ି ପାଞ୍ଜୁଲ ତଲେ ରେଜିମାରେସି ଅଡ଼େ ଆନ୍ତିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାନାରି କାମା ପତି ରାଡ଼ାମାରେସି □ ପାଣ୍ଡୁ ଆହ୍ୱାନ କାମା ପତି “ଲୁକ ରାଡ଼ାମାନି ନେହ୍ କାରୁ” ରାଡ଼ିତି ଜେଚ ଜେଚ ଜୀସୁ ଲାକପୁରୁ ହାଜାଲିଏ ରାଡ଼ାଲି ମାଟ୍ଟିହା ମାରେସି □ ଲୁକ ତାନି ନେହ୍ କାରୁ ଏନାଆଁତାକି ରାଡ଼ାମାରେସି, ଏଲେକିହ୍ ଏ ଇ ପାଣ୍ଡୁ ଆହ୍ୱାନାନାରି କାମା ପତି

ରାଡ଼ାମାରେସି □ ଏଝାସି ତିୟପିଲ ଅଡ଼େ ଗାତି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଡ଼ି ଆହ୍ୱାନାରେ, ଏମ୍ବାଆଁ ତୀରି ଆହ୍ୱାଲି ଅଣ୍ଡିମାରେସି, ଏନାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାଡ଼ାମାନେସି □

ପାଣ୍ଡୁ ଆହ୍ୱାନାନାରି କାମା ପତି ମୂଲ୍ୟ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନାତିନାୟି ଏନିଆହ୍ ତଞ୍ଜା ଆନାୟି ଏନାଆଁ ମାକ୍ଳେ ଝେସ୍ତାନେ □ ସୁଦୁଜୀଞ୍ଜୁତି ବାଡ଼ୟୁ ତଲେ ଏନିକିହ୍ ଏଟ୍ଟକା ଲକୁତାଣା ନେହ୍ କାରୁ ଏପ୍ନାୟି ପାଣ୍ଡୁ ଆହ୍ୱାନ କାତା ଝେସ୍ତାନେ □

## ପତିତା ମାନାୟି

- ୧ ମୂଲ୍ୟ ସୀସୁୟା ଲାକ ସୁଦୁଜୀଞ୍ଜୁ ଖାନାୟି ଅଡ଼େ କୁଲମି ପାତାଆନାୟି □ ୧:୧-୮:୧
- ୨ କୁଲମି ସାସ୍ତି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି □ ୮:୨-୧୨:୨୩
- ୩ ପାଞ୍ଜୁଲ ମୂଲ୍ୟ ତାନି ସେବା କାମାତାକି ହାନାୟି □ ୧୨:୨୪-୧୪:୨୮
- ୪ ଜିରୁସାଲମତା କୁଚମି କୁଗିନାୟି □ ୧୫:୧-୩୫
- ୫ ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି □ ୧୫:୩୬-୧୮:୨୨
- ୬ ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି □ ୧୮:୨୩-୨୦:୩୮
- ୭ ପାଞ୍ଜୁଲ ଜିରୁସାଲମତା ଦସ୍ପି ଆନାୟି □ ୨୧-୨୬
- ୮ ରମ୍ପତା ପାଞ୍ଜୁଲଇଁ ପାଣ୍ଡିନାୟି □ ୨୭-୨୮

ସୁଦୁଜୀଞ୍ଜୁ ତାକି ଆଞ୍ଜିନାୟି

୧ \*ଏ ଜୀଞ୍ଜୁତି ତିୟପିଲ, ନା ମୂଲ୍ୟୁତି ପତିତା ଇ ବାରେ କାତା ରାଡ଼ାମାଲ୍, ଜୀସୁ ଏମିନି କାମା ମାଟ୍ଟିହେସି ଅଡ଼େ ଜାପୁହେସି,

☆ ୧:୧ ୧:୧ ଲୁକ ୧:୧-୪

୨ ଏ ଦିନା ପାତେକା ଏଞ୍ଜାସି ପାଣ୍ଡୁଞ୍ଜି ଆଡ଼ାରାଇଁ ଆଡ଼ାମାରେସି, ସୁଦୁଜୀଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଞ୍ଜି ଆହାମାରେସି □

୩ ଏରେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟୁ ହାରେକା ଦିନା ଏଞ୍ଜାସି ଜୀଞ୍ଜୁତଲେ ମାରେସି ଇଦାଆଁ ପାଣ୍ଡୁଞ୍ଜି ଆହାମାନାରି ତାଣା ପାରମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହାନା ମାହାପୁରୁ ରାଜିତି କାତା ଜାପୁହେସି □

୪ \*ର ଦିନା ଏଞ୍ଜାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହାମାଟି ବେଲାତା ଜୀସୁ ଏଞ୍ଜାରାକି ଇ ହୁକୁମି ହୀତେସି; “ମୀରୁ ଜିରୁସାଲମ ପିସାଁ ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆଡ଼ାଟି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡୁନି ପାତେକା କାଡ଼ାନା ଡ଼ୟାଦୁ;

\* ଇଚିହଁ ଜହନ ଏୟୁତା ବାପ୍ତିସ୍ମ\* ହୀତେସି ସାତା, ସାମା ମୀରୁ ଏଚରଦିନା ଜେଟ ସୁଦୁଜୀଞ୍ଜୁ ତଲେ ବାପ୍ତିସ୍ମ† ବେଟାଆଡ଼େରି □”

ଜୀସୁ ଲାକପୁରୁ ହାନାୟି  
(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୬ ର ଦିନା ପାଣ୍ଡୁଞ୍ଜି ଆଡ଼ାରି ରୁଣ୍ଡା ଆହାମାଟି ବେଲା ଜୀସୁଇଁ ଖେଚେରି, “ପୁରୁ, ନୀନୁ ଏନାଆଁ ନୀଏଁ ଇସ୍ତାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରପିଦି ?”

୭ ଜୀସୁ ଏଞ୍ଜାରାଇଁ ଏଲେଇରେସି, “ଆମିନି ଦିନା ଅଡ଼େ କାଲା ନା ଆଡ଼ା ତାନି ଅଦିକାରାତା ଇଟାମାନେସି, ଏ ବାରେ ମିଙ୍ଗେ ପୁଞ୍ଜାଲି ଲଡ଼ା ଆଏ □

୮ \*ସାମା ସୁଦୁଜୀଞ୍ଜୁ ମୀ ତାଣା ଖାଡ଼ିସାରେ, ମୀରୁ ବାଡ଼ୁୟୁ ବେଟାଆଡ଼େରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା

ଅଡ଼େ ବୁମି ମୁଟପେ ତାକି ନା ସାକି ଆଡ଼େରି □”

୯ \*ଏଞ୍ଜାସି ଇ ବାରେ କାତା ଖେସି ତାୟୁ ଏଞ୍ଜାରି ମେସପନିଏ ଜୀସୁ ଲାକପୁରୁ ହାରେସି, ଅଡ଼େ ଇଚାୟି ଦୁୟା ଏଞ୍ଜାଣାଇଁ ଏଞ୍ଜାରି ତାଣାଟି ଅହଁ ହାରେ, ଏଞ୍ଜାରି ଅଡ଼େ ଏଞ୍ଜାଣାଇଁ ମେହୁଆତେରି □

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମ୍ବୁ କିହାନା ସିନିକିହି ମାନେରି; ଏଚିବେଲା ଦବଲା ହିମ୍ବୁରିକା ହୁଟାମାନି ରିଆରି ଦେବୁଣିଏ ଏଞ୍ଜାରି ନକିତା ନିତେରି,

୧୧ ଇଞ୍ଜା ଏଞ୍ଜାରି ଏଲେଇରେରି “ଏ ଗାଲିଲିତି ଲକୁତେରି, ଏନାଆଁତାକି ହାଗୁଞ୍ଜାକି ମୁମ୍ବୁ କିହାନା ନିଟାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଞ୍ଜିଆତେସି, ଏଞ୍ଜାଣାଇଁ ଏନିକି ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହଁଏ ଖେଣ୍ଡେ ଖାନାଣି ମେହୁଦେରି □”

ଜୀହୁଦା ଟାୟୁତା ମାତିୟୁଇଁ ଆଡ଼ିନାୟି

୧୨ ଏମ୍ବାଟିଏ ତାୟୁ ଏଞ୍ଜାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଞ୍ଜାଡ଼େରି, ଏ ଜୀତ ହରୁଟିଏ ଜିରୁସାଲମ ର କିଲମିଟର ହେକ ମାଚେ □

୧୩ \*ଇଞ୍ଜା ଏଞ୍ଜାରି ପିତର, ଜହନ, ଜାକୁବ, ଆନ୍ଦ୍ରିୟ, ପିଲିପ, ତମା, ବାର୍ତଲମି, ମାତିୟୁ, ଆଲେପି ମୀରୁଏସି ଜାକୁବ, ଦେସାତି ଜୀଞ୍ଜୁ ନନ୍ଦି ସିମନ ଅଡ଼େ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି □

୧୪ ଏଞ୍ଜାରି ବାରେଜାଣା ଇୟସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡ଼େ ତାମି ତାୟିୟାଁ ତଲେ ରଣ୍ଡିଏ

\* ୧:୪ ୧:୪ ଲୁକ ୨୪:୪୯    \* ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩    \* ୧:୫ ୧:୫ ମୁଞ୍ଜନାୟି    † ୧:୫ ୧:୫ ମୁଞ୍ଜନାୟି    \* ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮  
\* ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧    \* ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୭:୧୪-୧୭

ଅଣ୍ଠପୁ ତଳେ ପ୍ରାଚୀନା କିହିଁ ରୁଣ୍ଡା  
ଆହାମାରେରି □

୧୫ ଏଚରଦିନା ତାୟୁ ନାମିତାରି କୃତ୍ତା  
ଆହାମାରେରି, ଏମ୍ପାଆଁ ସ କଡ଼ି ଜାଣା  
ଲକୁ କୃତ୍ତା ଆହାମାରେରି, ପିତର  
ତାୟିୟା ବିତ୍ରାଟି ନିଚାନା ଏଲେଇରେସି,

୧୬ “ଜୀଝୁତି ତାୟିୟା ଅଡ଼େ ତାଙ୍ଗିସ୍ତା,  
ଆମିନି ଇସ୍ତାରିୟତ ଜୀହୁଦା ଜୀସୁଇଁ  
ସାତୁୟା କେୟୁତା ଆସ୍ପି କିହାଲିତାକି  
ଜିରୁ ତସାମାରେସି, ଏଞ୍ଜାଣି ତାକି  
ସୁଦୁଜୀଝୁ ନକେଏ ଦାଝୁଦ ଗୁଡ଼ିଟି  
ଏନାଆଁ ଝେସାମାରେସି, ଏ ଦାମ୍ବୁ  
ସାସ୍ତେରି ପୁରା ଆନାୟି ମାରେ;

୧୭ ଇଚିହିଁ ଏଞ୍ଜାସି ମା ବିତ୍ରାଟି ରଅସି  
ଇଞ୍ଜୁଁ ଏଜିକିଝି ଆହିମାରେସି, ଅଡ଼େ  
ଇ ସେବା କାମାତା ପାଣା ବେଟାଆହା  
ମାରେସି □”

୧୮ \*ଇ ଇସ୍ତାରିୟତ ଜୀହୁଦା  
ଲାଗେଏ କାମା କିତି ତାବୁୟା ତଳେ  
ରଚାଣି ବୁମି କଡ଼ି ଆହାମାରେ, ଅଡ଼େ  
ଏଞ୍ଜାସି ହାଡ଼ି ତାଣା ତାୟୁଁ ତୁଇ କିହିଁ  
ତରଗାଲିଏ ତାନି ବାଣ୍ଡି ତାୟାହାଚେ  
ଇଞ୍ଜା ଝାହିୟା ହଚାହାଚୁ □

୧୯ ଅଡ଼େ, ଇଦାଆଁ ଜିରୁସାଲମ  
ଗାଡ଼ାତା ବାସା କିହିମାନି ଲକୁ ବାରେ  
ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଳେ  
“ହକଲଦାମା” ଇଚିହିଁ “ନେତେରି  
ବୁମି” ଇଞ୍ଜୁଁ ଝେଙ୍ଗିତେ □

୨୦ ଅଡ଼େ ପାରୁ ପତିତା ରାସ୍ତକି  
ଆହାମାନେ,

“ଏଞ୍ଜାଣି ବାସାଗାୟୁ ଝାରିଆୟି ଆପେ;  
ଏମ୍ପାଆଁ ଆମ୍ପାଆରି ବାସା  
କିଆପେରି □”

ଅଡ଼େ ଜିକେଏ ରାସ୍ତକି ଆହାମାନେ;

“ଏଞ୍ଜାଣି କାମାତି ପାଣା ଅର ରଅସି  
ବେଟା ଆପେସି □”

୨୧ \* “ଏଦାଆଁତାକି, ପ୍ରବୁ ଜୀସୁ  
ଝେଣ୍ଡେ ନିଜିତି କାତା ସାକି ଆହାଲି ଅର  
ରଅସି ମା ତଳେ ଆଣ୍ଡାନାୟି ମାନେ □

୨୨ ଜୀସୁ ଜହନ ତାଣାଟି ବାପ୍ତିସ୍ମା ଅତି  
ବେଲାଟିଏ ଲାକପୁରୁ ହାନି ପାତେକା  
ପ୍ରବୁ ଜୀସୁ ମା ତଳେ ନୀତାମାତି  
ବେଲାତା, ଆମିନି ଲକୁ ମା ଗତିତା  
ମାରେରି, ଏଞ୍ଜାରି ତାଣାଟି ରଅସି ଝେଣ୍ଡେ  
ନିଜିନି ସାକି ଆନାୟି ମାନେ □”

୨୩ ଏଚେଟିଏ ଏଞ୍ଜାରି ରିଆରାଇଁ  
ଇଚିହିଁ ଜସେପଇଁ, ଆମ୍ପାଆରାଇଁ  
ବର୍ସବା ଇନେରି ଅଡ଼େ ଆମ୍ପାଆରି ହାଟା  
ଦରୁ ଜୁସ୍ତ ଏଞ୍ଜାଣାଇଁ ଇଞ୍ଜା ମତିୟଇଁ  
ବାଟି କିହାନା,

୨୪ ଇ ପ୍ରାଚୀନା କିତେରି, “ପ୍ରବୁ  
ନୀନୁ ବାରେତି ହିୟାତି ଅଣ୍ଠପୁ ପୁନାତି,  
ଜୀହୁଦା ଏମିନି ଚାୟୁତା ତୟିନାୟି  
ମାନେ ଏଞ୍ଜାସି ହାଜାଲିଏ, ଏଞ୍ଜାଣି  
ଚାୟୁତା ଇ ରିଆରି ବିତ୍ରାଟି ନୀ ତାଣାଟି  
ଆଡ଼ିତାସି ଆମ୍ପାଆସି,

୨୫ ଏ ପାଣ୍ଡୁଝି ଆହାମାନାରି ସେବା  
କାମା କିହାଲି ଆମ୍ପାଆରାଇଁ ଜୀହୁଦା  
ପାଣାତା ବାଟି କିହାମାଞ୍ଜି ତସ୍ତାମୁ □”

୨୬ ଅଡ଼େ ଏଞ୍ଜାରି ଏ ରିଆରି ତାକି  
ପାଦି କିହାଲିଏ ମତିୟ ଦରୁତଳେ  
ଆଡେ; ଅଡ଼େ ଏଞ୍ଜାସି ଏଗାର ଜାଣା  
ପାଣ୍ଡୁଝି ଆହାମାନାରି ଗତିତା ଆଣ୍ଡିତେସି  
□

### ୨

ସୁଦୁଜୀଝୁ ରେଟା ଝାନାୟି

୧ ପେଡ଼ିକସ୍ତ\* ଦିନାତା କ୍ରୀସ୍ତଇଁ  
ନାମିତି ବାରେଜାଣା ର ଚାୟୁତା ରୁଣ୍ଡା  
ଆହାମାରେରି □

୨ ଏ ଦେବୁଣିଏ କାଜା ଗାଲି ଝାହିମାନି  
ଲେହେଁ ର ହାଡ଼ା ଲାକପୁରୁଟି ଝାହାଁ,  
ଆମିନି ଇଲୁତା ଏଞ୍ଜାରି କୁଗାମାରେରି,  
ଏ ଇଲୁତି ବାରେଝାକି ଝେଙ୍ଗିତେ □

୩ ଇଞ୍ଜା ହିରୁ ଗୁଦ୍‌ଝା ଲେହେଁ  
ତଞ୍ଜାଆହାନା ଏଞ୍ଜାରି ନକିତା ରଣ୍ଡି  
ରଣ୍ଡି ଆହିଁ ଏ ବାରେଜାଣାଟି ଲାକ  
ରେଟାଝାଡ଼େ □

୪ ଏମ୍ପାଟିଏ ଏଞ୍ଜାରି ବାରେଜାଣା  
ସୁଦୁଜୀଝୁ ବେଟାଆହାନା ଏ ଜୀଝୁ

\* ୧:୧୮ ୧:୧୮ ମାତି ୨୭:୩-୮    \* ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯;  
ଲୁକ ୨୪:୫୧    † ୧:୨୨ ୧:୨୨ ମୁଞ୍ଜିନାୟି    \* ୨:୧ ୨:୧ ପିସ୍ପିଆନି ପାର୍ବୁତି ରୀ କଡ଼ି ଦସ ଦିନା

ଏନିକ୍ ଜଳାଲି ବାଡ଼ୁୟ ହୀତେ,  
ଏଲେକ୍ ଏଝାରି ଏଟ୍‌କା ଏଟ୍‌କା  
ହାଡ଼ାତଲେ ଜଳାଲି ମାଟ୍‌ହେରି □

\* ଏଟିବେଲାତା ପେଡ୍‌କିସ୍ତ ପାର୍ବୁତାକି  
ହାଗୁ ଡ଼ଇତି ଏଟ୍‌କା ଏଟ୍‌କା ଦେସାଟି  
ଝାହାମାଟି ଜାହୁଦି ଲକୁ ଜିରୁସାଲମତା  
ଡ଼ୟା ମାଚେରି;

୨ ଅଡ଼େ, ଏ ହାଡ଼ା ଖେଞ୍ଜାଲିଏ,  
ହାରେକା ଲକୁ କୃଡ଼ା ଆହାନା  
ବାରେଜାଣା ଜାହା ଜାହାରା ହାଡ଼ାତଲେ  
ଏଝାରି ଜଲିମାନାଣି ଖେଞ୍ଜାନା କାବା  
ଆହାହାଚେରି □

୩ ଇଞ୍ଜା ଏଝାରି ଆତାଜାକା ଅଡ଼େ  
କାବାଆହାନା ଏଲେଇଚେରି, “ମେହୁଦୁ  
ଇ ଆମିନି ଲକୁ ହାଡ଼ା ଜଲିମାନେରି,  
ଏଝାରି ବାରେ ଗାଲିଲିତାରି ଆଏକି ?

୮ ଆତିହ୍, ମାର ଏନିକ୍  
ବାରେଜାଣା ଜାହା ଜାହାରା ଜାର୍ନା  
ଚାୟୁତି ହାଡ଼ାତଲେ ଜଲିମାନାଣି  
ଖେଞ୍ଜିମାନାୟି ?

୯ ପାତୟ, ମାଦିୟ, ଏଲାମିୟ,  
ଅଡ଼େ ମେସପଟାମିୟା, ଜାହୁଦା ଦେସା,  
କାପାଦକିୟା; ପନ୍ତ ଅଡ଼େ ଆସିୟା,

୧୦ ପୁଗୟା, ପଂପୁଲିୟା, ମିସର  
ଇଞ୍ଜା କୁରିଣି ଦାରିତା ଡ଼ଇନି ଲିବିୟା  
ନାସ୍କାଣା ବାସା କିନାରି, ଇଞ୍ଜା ରମ୍‌ଟି  
ଝାହାମାନି ଜାହୁଦି,

୧୧ ଅଡ଼େ ଏଟ୍‌କା କୃଡ଼ାତି ଲକୁ  
ଜାହୁଦି ଦାମ୍‌ଟି ନାମାହାଁ ଡ଼ୟାମାନାରି;  
ଅଡ଼େ କ୍ରିତି ଇଞ୍ଜା ଆରବିୟ ଦେସାତି  
ଲକୁତାୟି ମାର, ମାର ଜାହା ଜାହାରା  
ହାଡ଼ାତଲେ ମାହାପୁରୁତି କାଜା  
କାଜା କାମାତି କାତା ଜଲିମାନାଣି  
ଖେଞ୍ଜିମାନାୟି □”

୧୨ ଅଡ଼େ ବାରେଜାଣା ଆତାଜାକା  
ଅଡ଼େ କାବାଆହାନା ତାମ୍‌ ତାମ୍‌  
ହାଡ଼ାକାତା ଆଡ଼େରି, “ଇଦାଣି ଅର୍ତ୍ତ  
ଏନାୟି ?”

୧୩ ସାମା ଏଟ୍‌କାତାରି ଲାଜାକିହ୍  
ଏଲେଇଚେରି, “ଇଝାରି ପୁଝନି  
ଡ଼ାକ୍‌ହି ଅଙ୍ଗୁରି ରାସା ଗସାନା ହଡ଼ା  
ହାଜାମାନେରି □”

ପିତର କାରୁ ଖେକ୍‌ନାୟି

୧୪ ସାମା ପିତର ଏଗାର ଜାଣା  
ସୀସୁୟା ତଲେ ନିଚାନା କାଜା  
ଗିୟାତଲେ ଏଲେଇଚେସି, “ଜାହୁଦି  
ତାୟିୟା ଅଡ଼େ ଜିରୁସାଲମତା ବାସା  
କିହିମାନାତେରି, ମୀରୁ ନା କାତାତି  
ଖେଞ୍ଜାଦୁ ଅଡ଼େ ଇଦାଆଁ ପୁଞ୍ଜୁ □

୧୫ ଇତିହ୍ ମୀରୁ ଏନିକ୍  
ଅଣ୍‌ପିମାଞ୍ଜେରି, ଇଝାରି ଏଲେକିହ୍  
ଅଙ୍ଗୁରି ରାସା ଗସାହାଁ ହଡ଼ା ହିଲଅରି;  
ଇଦି ଆଡ଼େ ଲାଈତି ନ ଗଂଟା  
ଆହାମାନେ □

୧୬ ସାମା ମାହାପୁରୁ ଅଣ୍‌ପୁତି ବଲୁ  
ଖେହ୍‌ନି ଆମିନି ଜୟେଲ ତାଣାତି  
ରାସ୍କି ଆହାମାନେ ଇଦି ଆହିମାନେ  
ଏଦି;

୧୭ ‘ମାହାପୁରୁ ଖେସିମାନେସି ରାନ୍‌  
ଦିନାତା ଇ ବାରେ ଗଟ୍‌ଝି  
ଆନେ,  
ନାନୁ ବାରେ ଲକୁତାକି ନା ଜୀଝୁ  
ପାଣ୍ଡାକ୍,

ଏଚେଟିଏ ମୀ ମୀରକା ମାସ୍କା  
ମାହାପୁରୁ ଅଣ୍‌ପୁତି ବଲୁ  
ଖେହ୍‌ନେରି,  
ମୀ ଦାଂଗଣାୟା କାବା ଆନାଣି  
ମେହ୍‌ନେରି,  
ଅଡ଼େ ମୀ ବୁଡ଼ହାୟା ହାପାନା  
ହେଣ୍‌ନେରି □

୧୮ ହାଅ, ଏ କାଲାତା ନା ହଲିୟାକା  
ଇଞ୍ଜା ହଲେଣିସିକା ଲାକ,  
ନାନୁ ନା ଜୀଝୁତି ଏଝାରି ଲାକ  
ଝାକ୍‌କ୍,  
ଏଚେଟିଏ ଏଝାରି ମାହାପୁରୁ  
ଅଣ୍‌ପୁତି ବଲୁ ଖେହ୍‌ନେରି □

୧୯ ନାନୁ ହାଗୁ ଲାକ କାବାଆନ୍‌ କାମା;  
ଅଡ଼େ ଡ଼ଇ ଦାର୍‌ତିତା କାବାଆନ୍‌  
ସିନାୟା,

ଏନ୍‌ଆଁ ନେତେରି, ହିରୁ ଇଞ୍ଜା ହାରେକା  
ବୟ୍‌ ତହ୍‌ଇକ୍;

୨୦ ପ୍ରୁତି କାଜା ଗାଝୁରମି ଦିନା  
ଝାନ୍‌ ନକେଏ,  
ଖେଡ଼ା ଆନ୍‌ଦେରି ଆନେ,  
ଅଡ଼େ ଲେଞ୍ଜୁ ନେତେରିଲେହ୍‌ ଆନେ □

୨୧ ଅଡ଼େ ଇଲେକିହି ଆନେ,  
ଆମ୍ବାଆସି ପ୍ରବୁ ଦରୁ ଆସାନା  
ପ୍ରାତାନା କିନେସି, ଏଞ୍ଜସି  
ଗେଲ୍‌ପି ଆନେସି □”

୨୨ “ଇସ୍ରାୟେଲ ଲକୁତେରି, ଇ  
ବାରେ କାତା ଖେଞ୍ଜୁ! ନାଜରିତ ଜୀସୁ  
ହାଡ଼େକା ବାଡ଼ୁୟୁତି କାମା, କାବାଆନି  
କାମା ଇଞ୍ଜା ସିନାୟା ତଲେ ମୀ ନକିତା  
ମାହାପୁରୁତି ପାଣ୍ଡ଼ି ଆତାସି ଇଞ୍ଜ  
ପାରମାଣା ଆହାମାନେସି, ଏଞ୍ଜାଣି  
ତାଣାଟି ମାହାପୁରୁ ମୀ ତାଣା ଇ ବାରେ  
କାମା କିହାମାନେସି, ଇଦାଆଁ ମୀରୁ  
ପୁଞ୍ଜାମାଞ୍ଜେରି □

୨୩ \*ଏ ଜୀସୁ ମାହାପୁରୁ କିହାମାନି  
ଅଣ୍‌ପୁ ଅଡ଼େ ତଲିତି କାତାତଲେ  
ହେରପି ଆହାଲିଏ, ମୀରୁ ଏଞ୍ଜାଣାଇଁ  
ପାପୁ ଗାଟାରି କେୟୁଟି ପାସି ମୁଣ୍ଡାତା  
ଏକହାନା ପାୟାମାତେରି □

୨୪ \*ସାମା ମାହାପୁରୁ ଏଞ୍ଜାଣାଇଁ  
ହାକିତି ବାଡ଼ୁୟୁତି ଗେଲ୍‌ପାନା ନୀବୁହା  
ମାତେସି, ଇତିହି ଏଞ୍ଜସି ହାକିତା  
ଦସ୍‌ପି ଆହା ଡ଼ୟିନେସି ଏଡ଼ି ଆହାଲି  
ଆଡ଼େଏ □”

୨୫ ଦାସୁଦ ଏ କାତାତି  
ଖେସାମାନେସି,  
“ନାନୁ ବାରେବେଲ୍ଲା ନା ନକିତା ପ୍ରବୁଇଁ  
ମେସିମାତେଏଁ;

ଇତିହି ନାନୁ ଏନିକି କିଲିବିଲି  
ଆଆଁ, ଏଦାଆଁତାକି ଏଞ୍ଜସି ନା  
ଟିଃନି ଟଟତା ମାନେସି □

୨୬ ଏଦାଆଁତାକି ନା ହିୟା ରାହାଁ  
ଅଡ଼େ ନା ଖେନ୍‌ରି ରାହାଁ ଆଡ଼େ,  
ଅଡ଼େ ନା ଆଜ୍ଞା ଜିକେଏ ବାସୁ  
ତଲେ ବାସା କିନେ,

୨୭ ଇତିହି ନାନୁ ନା ଜୀସୁତି  
ହାକିପୁରୁତା ପିହିଅତି;  
ଅଡ଼େ ନୀ ନାମୁ ଅଡ଼େ ସୁଦୁ  
ଗାଟାଣାଇଁ ମାହଣି ମାଣ୍ଡାତା  
ସୀରହାଲି ହୀଅତି □

୨୮ ନାନୁ ନାଜେ ଜୀସୁତି ଜିରୁ  
ତସାମାଞ୍ଜାଦି,

ଅଡ଼େ ନାନୁ ନାଜେ ନୀ ନକିତା  
ରାହାଁତା ନେଞ୍ଜିକିୟାଦି □”

୨୯ “ଇସ୍ରାୟେଲତି ତାୟିୟା ଅଡ଼େ  
ତାଜିସ୍ତାତେରି, ମା ଆକୁ ଦାସୁଦତି କାତା  
ନାନୁ ମିଜେ କାଜା ହାଡ଼ାତଲେ ଖେସାଲି  
ଆଡ଼ାଇଁ, ଇତିହି ଏଞ୍ଜସି ହାଡ଼େସି  
ଇଞ୍ଜା ମୁସ୍‌ପି ଆଡ଼େସି, ଇଞ୍ଜା ଏଞ୍ଜାଣି  
ମାହଣି ମାଣ୍ଡା ନୀଏଁ ପାତେକା ଇମ୍‌ଆଁ  
ମା ବିତ୍ତା ମାନେ □

୩୦ ରାଜା ଦାସୁଦ ର ମାହାପୁରୁ  
ଅଣ୍‌ପୁତି ବଲୁ ଖେହନାସି ଲେହେଁ, ତାନି  
ନେତେରି ତଲେ ଜାନ ଆଡ଼ାଣାଇଁ  
ମାହାପୁରୁ ତାନି ସିଂଗାସାଣିତା  
କୁଟିକିହାଲି ତାନି ତାଣା ଆଞ୍ଜାମାତେସି  
ଇଞ୍ଜ ପୁଞ୍ଜାମାତେସି □

୩୧ ଦାସୁଦ ଇଦାଆଁ ପୁଞ୍ଜାମାତାକି,  
କ୍ରୀସୁତି ଖେଣ୍ଡେ ନିଜିନି କାତା  
ଖେସାମାତେସି □”

“ଇତିହି ଏଞ୍ଜସି ହାଡ଼ାରି ତାଣା  
ଡ଼ୟାଆତେସି;  
ଇଞ୍ଜା ଏଞ୍ଜାଣି ଆଜ୍ଞା ମାହଣି  
ମାଣ୍ଡାତା ସୀରଆତେ □”

୩୨ ମାହାପୁରୁ ଇ ଜୀସୁଇଁ ଅଡ଼େ ଖେଣ୍ଡେ  
ହାକିତି ନିକହାମାନେସି ଇଦାଣି ତାକି  
ମାମୁ ବାରେ ସାକି □

୩୩ ଏଦାଆଁତାକି ଆଡ଼ା ମାହାପୁରୁ ଜୀସୁଇଁ  
କାଜାସି କିହାନା ତାନି ଟିଃନିଞ୍ଜାକି  
କୁଟିକିହାନା ତାନିତଲେ ସାଲ୍‌ଞ୍ଜି କିହାଲି  
ହୀତେସି, ଇଞ୍ଜା ଏଞ୍ଜସି ମାଜେ  
ଆଞ୍ଜାମାଟି ସୁଦୁଜୀସୁ ହିୟାତେସି,  
ଇଦି ମୀରୁ ବାରେ ଆନିନିଗାଟାଣି  
ମେସିମାଞ୍ଜେରି ଇଞ୍ଜା ଖେଞ୍ଜିମାଞ୍ଜେରି □

୩୪ ଇତିହି ଦାସୁଦ ଲାକପୁରୁ  
ହାଜାହିଲାଆତେସି; ଏଞ୍ଜସି ତାନୁଏ  
ଖେସାମାତେସି,

“ପ୍ରବୁ ନା ପ୍ରବୁଇଁ ଏଲେଇତେସି;

୩୫ ନାନୁ ନୀ ସାଡ଼ୁୟାଣି ନୀ କତାୟା ଡ଼ଇ  
ଇଟାଆଁ ପାତେକା,  
ନାନୁ ନା ଟିଃନିଞ୍ଜାକି କୁଗାମାନାମୁ  
□”

\* ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ \* ୨:୨୪ ୨:୨୪ ମାତି ୨୮:୫,୬;  
ମାର୍କ ୧୬:୬; ଲୁକ ୨୪:୫

୩୭ “ଇଦାଆଁତାକି ବାରେ  
 ଇସ୍ତାୟେଲତି ଲକୁ ସାତେଏ  
 ପୁନାପେରି, ଇଚିହ ଆମିନି ଜୀସୁଇଁ  
 କୁସତା ପାୟିତେରି, ସାତେଏ ଏଝାଣାଇଁ  
 ମାହାପୁରୁ, ପ୍ରବୁ ଅଡ଼େ ମସିହା ପାଣା  
 ହୀତେସି □”

୩୮ ଇ କାତା ଝେଞ୍ଜାନା ଲକୁତି ହିୟାଁ  
 ତୀହାହାରେ, ଇଞ୍ଜା ଏଝାରି ପିତର  
 ଅଡ଼େ ଏମ୍ବାଆଁ ମାଚି ପାଣ୍ଡୁଝି ଆଡାରାଇଁ  
 ଏଲେଇରେରି, “ତାୟିୟାଁ ମାମ୍ବୁଏନାଆଁ  
 କିନମି ?”

୩୮ ପିତର ଏଝାରାଇଁ ଏଲେଇରେସି,  
 “ମୀରୁ ମୀ ହିୟାଁ ଝେଡ଼ହା କତାବୁ,  
 ଅଡ଼େ ଜାହାରା ପାପୁତି ମ୍ଲେକହାଲି  
 ବାରେଜାଣା ଜୀସୁ କ୍ରୀସ୍ତ ଦରୁତଲେ  
 ବାପ୍ରିସ୍ତା ଅଦୁ; ଆତିହ ଦେ ମୀରୁ  
 ସୁଦୁଜୀଝୁତି ଦାନା ବେଟାଆଡ଼େରି □

୩୯ ଇଚିହ ମାହାପୁରୁ ଆଞ୍ଜାମାନାୟି  
 ମିଙ୍ଗେତାକି, ଇଞ୍ଜା ମୀ ମୀରକା ମାସ୍କା  
 ତାକି, ଅଡ଼େ ହେକତି ଏଚେକା ଲକୁ ମା  
 ପ୍ରବୁ ମାହାପୁରୁ ତାନି ତାଣା ହାଡ଼ିନେସି,  
 ଏ ବାରେ ଲକୁତାକି ଆନେ □”

୪୦ ଅଡ଼େ ପିତର ଏଝାରାଇଁ ହାଡ଼େକା  
 କାତାତଲେ ବାଡ଼ିମାଲିହ ଅଡ଼େ  
 ଏଝାରାଇଁ ଜାପୁନି ହାଡ଼ା ଝେସିହ  
 ସାକି ହୀତେସି, “ଇ କୁଟୁଗାଟି କୁଡ଼ାତି  
 ଲକୁଟିଏ ମୀରୁ ଗେଲୁପି ଆଦୁ □”

୪୧ ହାରେକା ଲକୁ ଏଝାଣି ହାଡ଼ା  
 ନାମିତେରି ଇଞ୍ଜା ବାପ୍ରିସ୍ତା ଅଡ଼େରି,  
 ଅଡ଼େ ଏ ଦିନା ବାରେ ତାନି ମାଣା ଲକୁ  
 କୁଲମି ତଲେ ଆଣ୍ଡିତେରି □

୪୨ ଏ ଦିନାଟିଏ ଏଝାରି ପାଣ୍ଡୁଝି  
 ଆଡାରି ଜାପୁନି ତାଣା, ଏଝାରିତଲେ  
 ଆଣ୍ଡାନା ରୁଟି ଡ଼ିକହାଲି, ପ୍ରାଡାନା  
 କିହାଲି ଆଣ୍ଡୁଝି ଆହାଁ ଡ଼ୟିତେରି □

ନାମୁଗାଗାରି ମାଣ୍ଡକି

୪୩ ପାଣ୍ଡୁଝି ଆଡାରି ତାଣାଟି ହାଡ଼େ  
 ହାଡ଼େକା କାବାଆନି କାମା ଇଞ୍ଜା  
 ସିନାୟାଁ ତଞ୍ଜାଆହାଲି ମାଟ୍‌ହେ; ଅଡ଼େ,  
 ଲକୁ ବାରେ ଆଜାଲି ମାଟ୍‌ହେରି □

୪୪ \*ସାମା ବାରେ ନାମିତାରି, ଏଝାରି  
 ବାରେଜାଣା ରଣ୍ଡିଏ ତାଣା ଡ଼ୟାନା  
 ବାରେ ଦନତି ବାରେତାୟି ଇଞ୍ଜା  
 ଅଣ୍ଡପିତେରି,

୪୫ ଅଡ଼େ ଏଝାରି ଜାହାରା ଦନତି  
 ଆସ୍ତି ମାଚାଣି ପାରୁଚାନା, ଆମ୍ବାଆରାକି  
 ଏନାୟି ଲଡ଼ାମାନେ, ଏଲେକିହ  
 ବାରେତାକି ବାଡ଼ିକିହାଁ ହୀହାଲି  
 ମାଟ୍‌ହେରି □

୪୬ ଅଡ଼େ, ଏଝାରି ରଣ୍ଡିଏ ହିୟାଁ  
 ଆହାଁ ବାରେଦିନା ପ୍ରାଡାନା ଇଲୁତା ରୁଣ୍ଡା  
 ଆହାନା ଡ଼ୟିମାରେରି, ଇଞ୍ଜା ଇଲୁତାକି  
 ଇଲୁ ରୁଟି ଡ଼ିକହ ରାହାଁ ଅଡ଼େ ହିଡ଼ଡ଼ି  
 ହିୟାଁ ତଲେ ତିଞ୍ଜି ଉଣ୍ଡିହ

୪୭ ମାହାପୁରୁତି ଜହରା କିହିମାରେରି  
 ଇଞ୍ଜା ବାରେ ଲକୁତି ଜୀଝୁ ନନାରି  
 ଆହିମାରେରି □ ଅଡ଼େ ପ୍ରବୁ ତାଣା  
 ଗେଲୁପି ଆହିମାନି ଲକୁଣି ବାରେଦିନା  
 କୁଲମି ତଲେ କାଲହାଲି ମାଟ୍‌ହେରି □

୩

ପିତର ସଟାଲଁ ନେହଁ କିନାୟି  
 ୧ ପିତର ଅଡ଼େ ଜହନ ର ଦିନା  
 ପ୍ରାଡାନା କିନି କାଟୁତା ଇଚିହ ତାନି  
 ଗଂଟା ବେଲାତା ପ୍ରାଡାନା ଇଲୁତା  
 ହାଜିମାରେରି □

୨ ଏଚିବେଲାତା ଜାର୍ନାଟିଏ  
 ସଟା ରଅସି ଡ଼େକି କିଝି ଆହାଁ  
 “ଅଜିତି” ଦରୁଗାଟି ଦୁଝେରିତା ଇଟ୍‌ଝି  
 ଆହିମାରେସି; ଇଞ୍ଜା ଏଝାସି ପ୍ରାଡାନା  
 ଇଲୁତା ଝାନ୍ତି ଲକୁଣି ରାସିମାରେସି □

୩ ଅଡ଼େ ଏଝାସି ପିତର ଇଞ୍ଜା ଜହନଲଁ  
 ପ୍ରାଡାନା ଇଲୁ ବିଡ଼ା ହାଜିମାନାଣି  
 ମେସାନା ଏଝାରାଇଁ ରାସାଲି ମାଟ୍‌ହେସି  
 □

୪ ପିତର ଅଡ଼େ ଜହନ ଏଝାଣାଇଁ  
 ଆଚେ ସିନିକିତେରି, ଇଞ୍ଜା ପିତର  
 ଏଲେଇରେସି “ମା ଝାକି ସିନିକିୟାମୁ  
 □”

୫ ଏମ୍ବାଟିଏ ଏଝାସି ଏଝାରି ତାଣାଟି  
 ଇଚାଣି ବେଟାଆହାଲି ଏଝାରି ଝାକି  
 ସିନିକିତେସି □

† ୨:୩୮ ୨:୩୮ ମୁଞ୍ଜନାୟି ‡ ୨:୪୧ ୨:୪୧ ମୁଞ୍ଜନାୟି \* ୨:୪୪ ୨:୪୪ କାମା ୪:୩୭-୩୫

୬ ସାମା ପିତର ଏଲେଇରେସି, “ନା ତାଣା ବାଂଚାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାକରିତ ଜୀସୁ କ୍ରୀସୁ ଦରୁତଲେ ହୁକୁମି ହାହିମାଞ୍ଜାଇଁ ନିଜୀନା ତାକାମୁ!”

୭ ଅଡ଼େ, ଏଞ୍ଜାସି ଏଞ୍ଜାଣି ଚିଃନି କେୟୁ ଆସାନା ଏଞ୍ଜାଣାଇଁ ନିକହେସି, ଏରେଟିଏ ଏ ଦେବୁଣିଏ ଏଞ୍ଜାଣି କତାୟିତି ହାନ୍ତୁଲିକା ବାଡ଼ୁୟୁ ଆତୁ;

୮ ଏଞ୍ଜାସି ଡେଞ୍ଜି ଡେଞ୍ଜି ତାନି କତାତଲେ ନିତେସି, ଅଡ଼େ ତାକାଲି ମାଟ୍‌ହେସି □ ଏରେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁତା ତାକହ୍ ଅଡ଼େ ଡେଞ୍ଜିହ୍ ଇଞ୍ଜା ମାହାପୁରୁଇଁ ଗାଞ୍ଜୁରମି କିହ୍ ହାଚେସି □

୯ ଏମ୍ବାଆଁ ମାନି ଲକୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଞ୍ଜୁରମି କିହିମାନାଣି ମେସ୍ପେରି;

୧୦ ଅଡ଼େ ଆମିନିଗାଟାସି ପ୍ରାତାନା ଇଲୁତି ଅଜିତି ଦୁଞ୍ଜେରିତା କୁଗାନା ରାସିମାରେସି, ଏଞ୍ଜାସିଏ ଇଞ୍ଜାସି ଇଞ୍ଜି ପୁରେରି, ଏଞ୍ଜାଣାକି ଏନାଆଁ କିଞ୍ଜି ଆହାମାଚେ ଏଦାଆଁ ମେସାନା ଆତାଜାକା ଆହାନା କାବା ଅଡ଼େରି □

ପ୍ରାତାନା ଇଲୁତା ପିତର ଝେକ୍‌ନାୟି

୧୧ ଏଞ୍ଜାସି ପିତର ଇଞ୍ଜା ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକୁ ଆତାଜାକା ଆହାନା ଏଞ୍ଜାରି ତାଗେ ହଟାଡେରି □

୧୨ ପିତର ଏଞ୍ଜାରାଇଁ ମେସାନା ଏଲେଇରେସି, “ଇସ୍ରାୟେଲ ଲକୁଡେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମ୍ବୁ ମା ବାଡ଼ୁୟୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୁୟୁ ହାହାମାନମି, ଏଦାଆଁ ଅଣ୍ଡାମା ମାଞ୍ଜେ ରଣ୍ଡିଏ ଅଣ୍ଡାପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅବ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟାଁତି ମାହାପୁରୁ, ତାନି ହଲେଏସି ଜୀସୁଇଁ ମାହାପୁରୁତି ଗାଞ୍ଜୁରମି ହାହାମାନେସି □ ସାମା ଜୀସୁଇଁ ମୀରୁଏ ସାଲୁଞ୍ଜି କିନାରି କେୟୁତା ହେରୁପିତେରି, ଏରିବେଲା ପିଲାତ ଜୀସୁଇଁ ପିସାଲି ଅଣ୍ଡାପା ମାଟିହ୍ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକିତା ଅପାଆଡେରି □

୧୪ ଏଞ୍ଜାସି ସୁବୁ ଅଡ଼େ ଦାମ୍‌ଗାଟାସି ମାଚେସି, ସାମା ମୀରୁ ଏଞ୍ଜାଣାଇଁ ଅପାଆଡେରି, ଅଡ଼େ ଏଞ୍ଜାଣି ଚାୟୁତା ର ଲକୁଣି ପାୟିନାଣାଇଁ ପିସାଲି ପିଲାତଇଁ ବାଡ଼ିମାଲିଡେରି,

୧୫ ଆମ୍ବାଆସି ଜୀଞ୍ଜୁତି ଜିରୁ ତହୁନାସି ଏଞ୍ଜାଣାଇଁ ମୀରୁ ପାୟିଡେରି; ଏଞ୍ଜାଣାଇଁ ମାହାପୁରୁ ହାଡାରି ତାଣାଟି ନିକହାମାନେସି, ମାମ୍ବୁ ଛଦାଣି ସାକି □

୧୬ ଏଞ୍ଜାଣି ଦରୁତି ବାଡ଼ୁୟୁ ଇ ସଟାଇଁ ନେହ୍ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜି ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ □ ଜୀସୁଇଁ ନାମିତାକି ଏଞ୍ଜାସି ନେହ୍ ଆହାମାନେସି ଇଦାଆଁ ମୀରୁ ମେସାମାଞ୍ଜେରି □”

୧୭ “ଅଡ଼େ ନୀର୍ବ ଇସ୍ରାୟେଲତି ତାୟିୟାଁ ଅଡ଼େ ତାଜିସ୍ତାଡେରି, ମୀ କାଜାରି ଏନିକ୍, ମୀରୁ ଜିକେଏ ଏଲେକ୍ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜି ନାନୁ ପୁଞ୍ଜିମାଇଁ □

୧୮ ତଲି କାଲାଟିଏ ମାହାପୁରୁ ଅଣ୍ଡାପୁତି ବଲୁ ଝେହୁନାରି ତାଣାଟି ମାହାପୁରୁ ଝେସାମାଚେସି ମସିହାତି ଦୁକୁ ପାଣିନାୟି ମାନେ; ଏ ବାରେ ଏଞ୍ଜାସି ଇଲେକ୍ ପୁରା କିହାମାନେସି □

୧୯ ଇତିହ୍, ଏନିକ୍ ମୀ ପାପୁ ମେଣ୍ଡାଜିନେ, ଏଦାଆଁତାକି ମନ ଝେହୁହାନା ମାହାପୁରୁ ତାଣା ଝେଣ୍ଡା ଝାଦୁ,

\* ୩:୧୪ ୩:୧୪ ମାଟି ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

୨୦ ପ୍ରବୁ ତାଣାଟି ମୀରୁ ଜାଣୁତି ବାଡ଼ୁରୁ ବେଟାଆଦେରି, ମାହାପୁରୁ ମିଙ୍ଗେତାକି ତଲିଏ ଆଡ଼ାମାନି ମସିହା ଜୀସୁଇଁ ପାଣ୍ଡାନେସି □

୨୧ ବାରେ କାତାତି ଖେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣପୁତି ବଲୁ ଖେହନାରି ତାଣାଟି ଖେକହା ମାରେସି, ଏ କାଲା ଖାଆ ପାତେକା ଏଝାଣାକି ସାତେଏ ଲାକପୁରୁ ହାଜାଲି ଆରେନ □

୨୨ ମସା ଖେସାମାରେସି, 'ପ୍ରବୁ ମାହାପୁରୁ ମୀ ତାୟିୟା ବିତ୍ରାଟି ମିଙ୍ଗେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଖେହନାଣାଇଁ ନିକନେସି; ଏନା ଏନାଆଁ ମିଙ୍ଗେ ଖେସ୍ତାନେସି, ଏ ବାରେ ମୀରୁ ଏଝାଣି କାତା ଖେଖେରି □

୨୩ ଆମିନିଗାଟାସି ମାହାପୁରୁ ଅଣପୁତି ବଲୁ ଖେହନାରି କାତା ନାମଅରି ଏଝାରି ମାହାପୁରୁତି ଲକୁ ତାଣାଟି ଏଟକା କିଞ୍ଜିଆରେନି ଅଡ଼େ ନାସା କିଞ୍ଜିଆରେନି □

୨୪ ସାମୁୟେଲ ଇଞ୍ଜା ତାନି ତାୟୁତି ଏଚରଜାଣା ମାହାପୁରୁ ଅଣପୁତି ବଲୁ ଖେହନାରି ଖେସାମାନେରି, ଏଝାରି ବାରେ ଇ କାଲାତା ଆହିମାନି କାତା ଖେସାମାନେରି □

୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣପୁତି ବଲୁ ଖେହନାରି ତାଣାଟି ମିଙ୍ଗେତାକି ନେହେଁ, ମାହାପୁରୁ ମୀ ଆକୁ ଆବାୟା ତଲେ କିତି ରାଜିମାନା ମୀରୁ କିହିମାଖେରି □ ଏନିକି ଏଝାସି ଅବ୍ରାହାମଇଁ ଏଲେଇଚେସି, 'ନାନୁ ମୀ କୁଡ଼ାଟି ବାରେ ଦାରତିତି ଲକୁକି ବର ହାଇଁ □'

୨୬ ମାହାପୁରୁ ତଲିଏ ତାନି ହଲେଏଣାଇଁ ମିଙ୍ଗେତାକି ବାଟି କିହାନା ପାଣ୍ଡାତେସି, ଏନିକି ଏଝାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଖେହନା ବର ହିୟାନେସି □"

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୂଜେରାଙ୍ଗା, ମାହାପୁରୁ ଇଲୁତି କାଜାରି ଇଞ୍ଜା ସାଦୁକିୟା ଏଝାରି ନକିତା ଖାଡ଼େରି □

୨ ଏଝାରି କପା ଆହିମାଚେରି, ଇଚିହ ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି ମାଚେରି, ଇଞ୍ଜା ଜୀସୁତି କାତା ଆସାନା ହାଡ଼ାରି ବିତ୍ରାଟି ଖେଣ୍ଡେ ନିଙ୍ଗିତି କାତା ଖେକହି ମାଚେରି □

୩ ଏଚିବେଲା ମିଡ଼ଅଲା ଆହିମାଚେ, ଏଦାଆଁତାକି ଏଝାରି ସୀସୁୟାଣି ଦସପାନା ଅର ନେରୁ ପାତେକା କାୟିଦି ଇଲୁତା ଇଚିତେରି □

୪ ସାମା ଏଚେକା ଲକୁ ବଲୁ ଖେଚାରି ନାମିଚେରି, ଇଞ୍ଜା ଖାରଇ ଆବାୟା ପାସାମାଣା ଆଡ଼େରି □

୫ ତାନି ଅର ଦିନା ଜୀହୁଦିଙ୍ଗାଟି କାଜାରି, ଇଞ୍ଜା ପ୍ରାଚିନାଙ୍ଗା, ଜାପୁନାରି ଅଡ଼େ ମେରାପୁନାରି ଜିରୁସାଲମତା କୁଡ଼ା ଆଡ଼େରି □

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକଜାଣ୍ଡାରତି କାଜା ପୂଜେରାଙ୍ଗା କୁଡ଼ାତି ବାରେ ଲକୁ କୁଡ଼ା ଆଡ଼େରି □

୭ ଏଝାରି ପାଣ୍ଡୁଞ୍ଜି ଆଡ଼ାରାଇଁ ମାଦିଏ ନିପୁହାନା ଖେଚେରି, "ଏନିକିହ କିଚେରି? ଏନି ବାଡ଼ୁରୁ ଇଞ୍ଜା ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଖେରି?"

୮ ଏମ୍ବାଟିଏ ପିତର ସୁଦୁଜୀସୁତା ନେଞ୍ଜାନା ଏଝାରାଇଁ ଏଲେଇଚେସି, "ଲକୁତି କାଜାଚେରି ଇଞ୍ଜା ପ୍ରାଚିନାଙ୍ଗାଚେରି,

୯ ନୀଞ୍ଜୁ ମାମୁ ସଟାକି କିହାମାନି ନେହ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଝାସି ଏନିକିହ ନେହ ଆଡ଼େସି ଇଞ୍ଜ ପୁଞ୍ଜାଲି ଅଣପିମାଖେରି,

୧୦ ଆତିହ ମୀରୁ ବାରେଜାଣା ତେରି ପୁନିକାତା, ଇସ୍ରାୟେଲତି ବାରେ ଲକୁ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସୁଇଁ ମୀରୁ କୁସତା



ପାୟିତେରି, ଆମ୍ବାଆରାଇଁ ମାହାପୁରୁ  
ହାକିଟି ନିକହାମାନେସି ଏ ଜୀସୁ ଦରୁଟି  
ଇ ମାଣସି ନେହୁ ଆହାନା ମୀ ନକିତା  
ନିଚାମାନେସି □”

୧୧ ଜୀସୁ ରଅସିଏ, ଦାମ୍ବୁ ସାଢ଼ସ୍ତରି  
ଝେସିମାଞ୍ଜାନେ,

“ଇଲୁ କେପିନାତେରି ମୀରୁ, ମୀ  
ତାଣାଟି ଆମିନି ଖାଲି  
ଲାରୋଏତାୟି ଆହାମାଚେ,  
ସାମା ଆମିନାୟି କନତି କାଜା  
ଖାଲି ଆଡେ, ଏଝାସି ଏ ଖାଲି  
□”

୧୨ ଏଝାଣି ପିସ୍ତେ ଅଡେ ଆମ୍ବାଆରି  
ତାଣା ଗେଲ୍‌ପିନାୟି ହିଲେଏ; ଇଚିହୁ  
ଆମ୍ବାଆରି ତାଣାଟି ମାର ଗେଲ୍‌ପି  
ଆନାୟି ଆନେ, ହାଗୁ ଡ଼ଇ ମାଣସିୟା  
ବିତ୍ରା ଏନି ଦରୁ ହାପକି ଆହା ହିଲେଏ  
□

୧୩ ଏଝାରି ପିତର ଅଡେ ଜହନତି  
ସାସା ମେସାନା ଇଞ୍ଜା ଏଝାରି ଏନାଆଁ  
ପୁନାଆତାରି ଅଡେ ବୁଦି ହିଲାଆ  
ଲକୁ, ଇଦାଆଁ ପୁଞ୍ଜାନା ଆତାଜାକା  
ଆହାହାଚେରି, ଇଞ୍ଜା ଏଝାରି ଜୀସୁତଲେ  
ମାଚେରି ଇଞ୍ଜା ପୁଚେରି,

୧୪ ସାମା ଏ ନେହୁ ଆହାମାଚାସି  
ଜହନ ଇଞ୍ଜା ପିତର ତଲେ ନିଚାମାଚାଣି  
ମେସାନା ଏଝାରି କପାଟି ଏନାଆଁ  
ଜଲାଲି ଆଡାଆତେରି □

୧୫ ତାୟୁ ଏଝାରାଇଁ ବେରଣି ମାଣ୍ଡାଟି  
ହଚା ହାଜାଲି ହୁକୁମି ହାହାନା ଏଝାରି  
ତାମ୍ବୁ ତାମ୍ବୁସୁ ଝେସିପି ଆଚେରି

୧୬ “ଇ ଲକୁଣି ଏନାଆଁ କିନାୟି  
?” ଏଝାରି ଏଲେଇଚେରି, “ଇଚିହୁ  
ଇଝାରି ତାଣାଟି କାବାଆନି କାମା  
କିଝିଆହାମାନେ, ଇଦି ଜିରୁସାଲମତି  
ବାରେଜାଣା ନକିତା ତଞ୍ଜା ଆହାମାନେ,  
ଇଞ୍ଜା ମାର ଏଦାଆଁ ଆଏ ଇଞ୍ଜାଲି  
ଆଡାଆୟି;

୧୭ ସାମା ଇ କାତା ଲକୁତାଣା  
ଏନିକି ଗାଡ଼ି ଝେଜେଏ, ଏଦାଆଁତାକି  
ଏଝାରାଇଁ ଜୀସୁ ଦରୁ ଏଚେଲା  
ଆମ୍ବାଆରି ନକିତା ଆସାଲି ଏଝାରାଇଁ  
କାହିକିନାୟି ମାନେ □”

୧୮ ତାୟୁ ଏଝାରି ଜହନ ଅଡେ  
ପିତରାଇଁ ହାଚାନା ଜୀସୁତି ଦରୁ  
ଝେହୁଆଦୁ କି ଜାପୁଆଦୁ ଇଞ୍ଜା ହୁକୁମି  
ହୀଚେରି □

୧୯ ସାମା ପିତର ଅଡେ ଜହନ  
ଏଝାରାଇଁ ଏଲେଇଚେରି, “ମାହାପୁରୁ  
କାତା ଝେନିକିହାଁ ମୀ କାତା ଝେନାୟି  
ମାହାପୁରୁ ନକିତା ନେହେଁ କି ଆଏ,  
ଏଦାଆଁ ମୀରୁ ଅଣ୍ପା କତାଦୁ □

୨୦ ଇଚିହୁ ମାମ୍ବୁ ଏନାଆଁ  
ମେସାମାନମି ଇଞ୍ଜା ଝେଞ୍ଜାମାନମି, ଏ  
ବାରେ ଝେହୁଆନା ଡ଼ୟାଲି ଆଡ଼ଅମି  
□”

୨୧ ସାମା ଏ ବେରଣି ମାଣ୍ଡାତାରି  
ଏଝାରାଇଁ ଅଡେ ହାରେକା ଆଜି କିହାନା  
ପିସ୍ତେରି, ଏଝାରାଇଁ ତଣ୍ଡ ହାହାଲି ଆଏ  
ଇଞ୍ଜା ଏଝାରି ପୁଚେରି, ଏନାଆଁତାକି  
ଇଚିହୁ ଏ କାମାତାକି ଲକୁ ବାରେ  
ମାହାପୁରୁଇଁ ଜହରା କିଚେରି □

୨୨ ଇଚିହୁ ଆମିନିଗାଚାଣି ତାଣା  
କାବାଆନି ନେହୁ କାମା କିଝି  
ଆହାମାଚେ, ଏଝାସି ରୀ କଡ଼ି ବାର୍ସାଟିଏ  
ଲାକ ମାଚେସି □

ପାଣ୍ଡୁଝି ଆହାମାନାରି ବାଡ଼ୟୁ ତାକି  
ପ୍ରାଡାନା

୨୩ ପିତର ଅଡେ ଜହନ ପିସ୍ତିଆଡ଼ି  
ଦେବୁଣିଏ ତାମି ତଣ୍ଡେସିଜା ତାଣା  
ହାଚେରି ଇଞ୍ଜା କାଜା ପୁଜେରାଜା ଅଡେ  
ପ୍ରାଟିନାଜା ଏନାଆଁ ଝେସାମାଚେରି, ଏ  
ବାରେ ଏଝାରାଇଁ ଝେସ୍ତେରି □

୨୪ ଏଝାରି ଏଦାଆଁ ଝେଞ୍ଜାନା  
ରଣ୍ଡିଏ ହିୟା ତଲେ ମାହାପୁରୁ ନକିତା  
କାଜା ହାଡ଼ାତଲେ ପ୍ରାଡାନା କିହୁ  
ଏଲେଇଚେରି, “ପ୍ରବୁ ନୀନୁ ହାଗୁ,  
ଦାର୍‌ତି, ସାମ୍‌ଦୁରି ଇଞ୍ଜା ଏ ବାରେ ତାଣା  
ମାନାଣି ବାରେ ଗାଡ଼ି କିହାମାଞ୍ଜି □

୨୫ ସୁଦୁଜୀଝୁ ତଲେ ନୀନୁ ମା ଆକୁ  
ଦାଝୁଦ ନୀ ହଲେଏଣା ଗୁଡିଟି, ଇ କାତା  
ଝେସାମାଚି;

‘ଜୀହୁଦିଆଆତାରି ଏନାଆଁତାକି କାର୍‌ବି  
ଆଚେରି;

ଇଞ୍ଜାଁ ଲକ୍ଷ୍ମୀ ଏନାଆଁତାକି  
ଉଜେଏତାଣି ଅଶ୍ୱପିତେରି ?

୨୭ ପ୍ରବୁ ଅଡ଼େ ତାନି ବର  
ବେଟାଆହାମାନି ମସିହା  
କପାଟି,  
ଦାରତିତି ରାଜାୟାଁ ନିଜ୍ଜିତେରି,  
ଇଞ୍ଜାଁ ସାଲୁଞ୍ଜି କିନାରି କୁଡ଼ା  
ଆଡେରି □ ”

୨୮ ଇଚିହଁ ନୀ ସୁଦୁଗାଟି ହଲେଏସି  
ଜୀସୁଇଁ ବର ହାତି, ସାତେଏ ଏଞ୍ଜାଣି  
କପାଟି ହେରଦ ଅଡ଼େ ପନ୍ତ୍ତିୟ ପିଲାତ  
ଇ ରିଆରି ଜୀହୁଦିଆଆଡାରି ଅଡ଼େ  
ଇସ୍ରାୟେଲ ଲକ୍ଷ୍ମୀତଲେ ଇ ଗାଡ଼ାତା  
ପାରୁ ପାରିତେରି,

୨୯ ମୀ ଅଶ୍ୱପୁ ତଲେ ଏନାୟି ବାରେ  
ଗଟ୍ଟି ଆନେ ଇଞ୍ଜାଁ ତଲିଟିଏ କିଞ୍ଜି  
ଆହାମାରେ, ଏଦାଆଁ କିହାଲି କୁଡ଼ା  
ଆଡେରି □

୩୦ ଅଡ଼େ ନୀଏଁ, ଏ ପ୍ରବୁ, ଏଞ୍ଜାରି ମାଙ୍ଗେ  
ଆଜି କିହିମାଞ୍ଜାନାଣି ସିନକିୟାମୁ; ଅଡ଼େ  
ନୀ ହଲିୟାଙ୍ଗାଣି ହାରେକା ସାସାତଲେ  
ନୀ ବଲୁ ଝେସାଲି ବାଡ଼ୁୟୁ ହାମୁ,

୩୧ ଇଞ୍ଜାଁ ଏଦାଆଁ ତଲେ ନୀ ସୁଦୁ  
ହଲେଏସି ଜୀସୁତି ଦରୁତଲେ ନେହଁ  
କିହାଲି ଅଡ଼େ ସିନାୟାଁ ଇଞ୍ଜାଁ କାବାଆନି  
କାମାୟାଁ କିହାଲିତାକି ନୀ କେୟୁ ଦାସା  
ଡ଼ୟାମୁ □

୩୨ ଏଞ୍ଜାରି ପ୍ରାଡାନା ରାପୁହି ତାୟୁ,  
ଆମିନି ଗାୟୁତା ରୁଣ୍ଡା ଆହାମାରେରି,  
ଏଦି ଝୀତିତେ □ ଇଞ୍ଜାଁ ବାରେଜାଣା  
ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୁୟୁ  
ତଲେ ମାହାପୁରୁତି ବଲୁ ଝେକହାଲି  
ମାଟ୍ଟହେରି □

ନାମୁଗାଟାରି ଦନତି ସମାନା ବାଟା  
ବେଟାଆଡେରି

୩୩ \*ନାମୁଗାଟି ଲକ୍ଷ୍ମୀ ରଣ୍ଡିଏ ହିୟାଁ  
ରଣ୍ଡିଏ ମନତଲେ ମାରେରି; ଏଞ୍ଜାରି  
ବିଦ୍ରାଟି ଆମ୍ବାଆରି ଜିକେଏ ତାମି ଦନତି  
ମାଦି ଇଞ୍ଜାଁ ଅଶ୍ୱପି ହିଲାଆଡେରି,  
ସାମା ଏଞ୍ଜାରିଞ୍ଜାୟି ବାରେ ସମାନା  
ଇଞ୍ଜାଁ ଅଶ୍ୱପିମାରେରି □

୩୩ ପାଣ୍ଡୁଞ୍ଜି ଆହାମାନାରି ଗାତି ବାଡ଼ୁୟୁ  
ତଲେ ପ୍ରବୁ ଜୀସୁତି ଝେଣ୍ଡେ ନିଜ୍ଜିତି  
କାତା ଝେସାଲି ମାଟ୍ଟହେରି, ଇଞ୍ଜାଁ  
ବାରେତି ଲାକ ମାହାପୁରୁତି ହାରେକା  
କାର୍ମା ମାରେ □

୩୪ ଇଚିହଁ ଏଞ୍ଜାରି ବିଦ୍ରା  
ଆମ୍ବାଆରାକି ଏନାୟି ଉଣା ଆହି  
ହିଲାଆଡେ, ଇଚିହଁ ଏଚେକା ଲକ୍ଷ୍ମୀତି  
ବୁମି ଇଞ୍ଜାଁ ଇଲକା ମାଟ୍ଟ ପାରୁତି  
ମାରେରି

୩୫ ଅଡ଼େ ପାଣ୍ଡୁଞ୍ଜି ଆଡାରି କଡ଼ାଁ  
ଡ଼ଇକା ଏ ତାବୁୟାଁ ହାହିମାରେରି,  
ଅଡ଼େ ବାରେ ଲକ୍ଷ୍ମୀତାକି ତାମି  
ଲଡ଼ାମାନି ଲେହେଁ ଏ ତାବୁୟାଁ ବାଟିକିଞ୍ଜି  
ଆହିମାରେ □

୩୬ କୁପ୍ର ଇନି ଗାୟୁତା ଜାର୍ନା  
ଆହାମାଟି ଲେବି କୁଡ଼ାତି ଜସେପ,  
ଆମିନାଣାଇଁ ପାଣ୍ଡୁଞ୍ଜି ଆଡାରି ବର୍ନବା  
ଇଞ୍ଜାଁ ମାରେରି, ଇ ଦରୁ ଅର୍ଥ “ବାସୁଁ  
ହାନାସି,”

୩୭ ଏଞ୍ଜାଣିଞ୍ଜାୟି ଇଚାୟି ବୁମି ମାରେ,  
ଏଞ୍ଜାସି ଏଦାଆଁ ପାରୁଚାନା ଏମ୍ବାତି  
ଟାକାୟାଁ ତାଚାନା ପାଣ୍ଡୁଞ୍ଜି ଆଡାରି  
କଡାୟାଁ ଡ଼ଇ ଇଚିତେସି □

**୫**

ହନନିୟ ଅଡ଼େ ସପିରା

୧ ହନନିୟ ଦରୁଗାଟାସି ରଅସି  
ମାରେସି, ଏଞ୍ଜାସି ତାନି ତକ୍ତି ସପିରା  
ତଲେ ଇଚାଣି ବୁମି ପାରୁତେସି □

୨ ହନନିୟ ତାନି ତକ୍ତି ତଲେ ଏ  
ଟାକାୟାଁ ବିଦ୍ରାଟି କଚେକା ଡ଼କୁହା  
ଇଚାନା କଚେକା ତାଚାନା ପାଣ୍ଡୁଞ୍ଜି  
ଆଡାରାକି ହାଡେସି □

୩ ପିତର ଏଞ୍ଜାଣାଇଁ ଏଲେଇଚେସି,  
“ହନନିୟ, ସୁଦୁଜୀଞ୍ଜୁ ନକିତା ମିତି  
ଜଲାଇଁ ଇଞ୍ଜାଁ ବୁମି ପାରୁଚାନା କଚେକା  
ଡ଼କୁହା ଇଚାଲି ସୟତାନ ଏନାଆଁତାକି  
ମୀ ହିୟାଁତି ଲକ୍ଷ୍ମୀହାମାନେ ?

୪ ପାରୁନି ନକେଏ ଏଦି ନୀ  
ଅଦିକାରାତା ହିଲାଆଡେ କି ? ପାରୁତି

\* ୪:୩୨ ୪:୩୨ କାମା ୨:୪୪,୪୫

ତାୟୁ ଜିକେଏ ଏମାତି ଟାକାୟାଁ ଜିକେଏ ନୀଞ୍ଜି ଆହାହିଲାଆତୁ କି ? ଆତିହଁ ନୀନୁ ଏନିକଁ ନୀ ହିୟାଁତା ଇ ଅଣ୍ଡୁ ପୁ ଅଣ୍ଡପିତି ? ଏଦାଆଁ ନୀନୁ ମାଣସି ନକିତା ମିତି ଜଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିତି ଜଲାମାଞ୍ଜି ।”

୫ ହନନିୟ ଇ ହାଡ଼ା ଖେଣ୍ଡମୁନିଏ ଡ଼ଇ ତରଗାନା ହାହାହାଚେସି; ଏମାଆଁ ଏଚେକା ଲକୁ ଇ କାତା ଖେଚେରି, ଏଞ୍ଜାରି ବାରେ ହାଡ଼େକା ଆଜିତେରି ।

୬ ଅଡ଼େ, ଦାଂଗଣାୟାଁ ବିତ୍ରା ଖାହାନା ହିମ୍ବୁରି ପୁକହେରି ଇଞ୍ଜା ପାଞ୍ଜାତା ଅହାନା ମାହଣି ମାଣ୍ଡାତା ମୁସ୍ତେରି ।

୭ ତାନି ଗଂଟା ତାୟୁ ତାନି ଡ଼କ୍ତି ଖାଡ଼େ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆଡେ ।

୮ ପିତର ଏଦାନି ଖେଚେସି, “ନୀନୁ ଅଡ଼େ ନୀ ଡ଼କ୍ତି ଇଚେକା ଟାକାୟାଁତାକି କି ମୀ ବୁମି ପାରତେରି ?” ଏଦି ଏଲେଇଚେ, “ହାଏ ଏଚେକା ଡାକିଏ ।”

୯ ପିତର ଏଦାନି ଏଲେଇଚେସି, “ପ୍ରବୁତି ଜୀଞ୍ଜୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡ଼େରି ? ମେହମୁ ଆମିନି ଗାଟାରି ନୀ ଡ଼କ୍ତିଲ୍ଲ ମୁସାନା ଖାହିମାନେରି, ଏଞ୍ଜାରି ଦୁଖେରିତା ଖାଡ଼େରିଏ, ଇଞ୍ଜା ଏଞ୍ଜାରି ନିଞ୍ଜେ ପାଞ୍ଜାତା ଡ଼େକା ଅୟାନେରି ।”

୧୦ ଏ କାତା ଖେଣ୍ଡମୁନିଏ ଏଦି ପିତର କଡ଼ାଁ ଡ଼ଇ ତରଗାନା ହାହାହାଚେ, ଇଞ୍ଜା ଦାଂଗଣାୟାଁ ବିତ୍ରା ଖାହାନା ହାହାମାନାଣି ମେସ୍ତେରି ଇଞ୍ଜା ପାଞ୍ଜାତା ଡ଼େକା ଅହାନା ତାନି ଡ଼କ୍ତି ଟଟତା ମୁସ୍ତେରି ।

୧୧ ଏମାଟିଏ ବାରେ କୁଲମି ଇଞ୍ଜା ଏଚେକା ଲକୁ ଇ ବାରେ କାତା ଖେଚେରି, ଏଞ୍ଜାରି ବାରେ ହାଡ଼େକା ଆଜିତେରି ।

କାବାଆନି ସିନାୟାଁ

୧୨ ପାଣ୍ଡୁଞ୍ଜି ଆଡ଼ାରି ତାଣାଟି ହାଡ଼େକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟ୍‌ହେ, ଇଞ୍ଜା ବାରେ

ନାମିତାରି ରଣ୍ଡିଏ ଅଣ୍ଡୁ ଡ଼ଲେ ସଲମନତି ପିଣ୍ଡାତା କୁଡ଼ା ଆହିମାଚେରି, ୧୩ ସାମା ଏଡ଼କାତି ଲକୁ ଆମାଆରି ଏଞ୍ଜାରିତଲେ କୁଡ଼ାଲି ସାସା କିହିହିଲାଆଚେରି; ଆଡ଼ିଜିକେଏ ଲକୁ ଏଞ୍ଜାରି ଗାଞ୍ଜୁରିମି କିହିମାଚେରି,

୧୪ ଇଞ୍ଜା, ହାଡ଼େ ହାଡ଼େକା ଇୟସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୁଡ଼ାଲି ଆଣ୍ଡିତେରି,

୧୫ ପାଣ୍ଡୁଞ୍ଜି ଆଡ଼ାରି କାମା ଦିନାତାକି ଦିନା ପାତାଆଡ଼େ, ଇଲାଆହଁ, କି ପିତର ଖାନ୍ତି ବେଲାତା ଏନିକଁ ତାନି ସାୟଁ ରଗ ଗାଟାରି ଲାକ ଆଡ଼ିନେ, ଏଦାଆଁତାକି ରଗ ଗାଟାରିଲ୍ଲ ଆଂଗେଣିତା ଡ଼େକା ତାତାନା କାଚେଲି ଇଞ୍ଜା ପାମ୍‌ପନିତା ଇଚିମାଚେରି ।

୧୬ ଜିରୁସାଲମତି ସାରିସୁରୁ ଗାଡ଼ାୟାଁତି ହାଡ଼େକା ଲକୁ ରଗ ଗାଟାରିଲ୍ଲ ଅଡ଼େ ବୁଡ଼ୁୟାଁ ଆଲ୍ଲଗିତାରିଲ୍ଲ ଡାରିହଁ ଖାଡ଼େରି, ଅଡ଼େ ଏଞ୍ଜାରି ବାରେଜାଣା ନେହଁ ଆଡ଼େରି ।

ପାଣ୍ଡୁଞ୍ଜି ଆଡ଼ାରିଲ୍ଲ ସାସି

୧୭ ଏଚେଟିଏ କାଜା ପୂଜେରାଞ୍ଜା ଅଡ଼େ ଏଞ୍ଜାଣି ବାରେ ତଡ଼ୁ ଲକୁ, ନାୟୁତି ସାଦୁକିୟାଁ ଗତିତାରି ପାଣ୍ଡୁଞ୍ଜି ଆଡ଼ାରିଲ୍ଲ ତାହାରା ଆହାନା ଏଞ୍ଜାରି କପାଟି ନିଞ୍ଜିତେରି ।

୧୮ ଏଞ୍ଜାରି ପାଣ୍ଡୁଞ୍ଜି ଆହାମାନାରାଲ୍ଲ ଆସାନା କାୟିଦି ଇଲୁତା ଇଚିତେରି ।

୧୯ ସାମା ଲାଆଁୟାଁ ବେଲାତା ପ୍ରବୁତି ର ଦୁଡ଼ୁ କାୟିଦି ଇଲୁତି ଦାରାୟାଁ ବାରେ ଦେବାଡ଼ୁସ୍ତେ, ଇଞ୍ଜା ଏଞ୍ଜାରିଲ୍ଲ ପାଞ୍ଜାତା ତାତାନା ଏଲେଇଚେ,

୨୦ “ହାକୁ, ଇଞ୍ଜା ମାହାପୁରୁ ଇଲୁତା ନିତାନା ଲକୁଣି ଇ ଜୀଞ୍ଜୁତି ବାରେ କାତା ଖେହ୍‌ଦୁ ।”

୨୧ ଇ କାତା ଖେଞ୍ଜାନା ଏଞ୍ଜାରି ଲାକଅଲି ମାହାପୁରୁ ଇଲୁତା ହଡ଼ାନା ଜାପହାଲି ମାଟ୍‌ହେରି ।

ଏମାଟିଏ କାଜା ପୂଜେରାଞ୍ଜା ଅଡ଼େ ତାନି ଡ଼଼େସିକା ଖାହାନା କୁଟମିତି

କାଜାରାଇଁ ଅଡ଼େ ଇସ୍ତାୟେଲ ଲକୁଡି ପ୍ରାଚିନାଙ୍ଗାଣି ହାଟାନା କୃଡ଼ି କିତେରି; ଇଞ୍ଜା ପାଣ୍ଡୁଞ୍ଜି ଆଡ଼ାରାଇଁ ତାରାଲି କାୟିଦି ଇଲୁତା ଲକୁଣି ପାଣ୍ଡୁତେରି □

୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଞ୍ଜି ଆଡ଼ାରାଇଁ ବେଟାଆଆନା ଖେଣ୍ଡା ଖାହାନା ବେରଣି ମାଣ୍ଡାତାରାଇଁ ଖେସ୍ତେରି,

୨୩ “ମାମ୍ନୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ଦାରା ଆଟ୍ଟା ତଲେ ସୁଣ୍ଡୁଞ୍ଜିଆହାମାତେ; ଇଞ୍ଜା ଦୁଖେରିକାଣା କାଟାମାତି କସକା ନିଟାମାତେରି, ସାମା ଦାରା ଦେତାଲିଏ ବିଡ଼ା ଆମ୍ବାଆରାଇଁ ଜିକେଏ ବେଟାଆଆତମି □”

୨୪ ଇ ହାଡ଼ା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମାହାପୁରୁ ଇଲୁଡି କସକା ମୁହେଁ କାଜାସି ପାଣ୍ଡୁଞ୍ଜି ଆଡ଼ାରାକି ଏନାଆଁ ଆଡେ ଅଣ୍ଡପାନା ଏଞ୍ଜାରି କାତାତା ଆଡାଜାକା ଆହାହାତେରି □

୨୫ ଏତିବେଲା ରଅସି ଖାହାନା ଏଞ୍ଜାରାଇଁ ଏଲେଇଚେସି, “ମେହ୍ନୁ ମୀରୁ ଆମିନି ଗାଟାରାଇଁ କାୟିଦି ଇଲୁତା ଇଟାମାତେରି, ଏଞ୍ଜାରି ମାହାପୁରୁ ଇଲୁତା ଜାପୁହିମାନେରି □”

୨୬ ଏଚେଟିଏ କସକା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁଞ୍ଜି ଆଡ଼ାରାଇଁ ଖେଣ୍ଡେ ହାଟା ତାଡେରି, ସାମା ବାଡ଼ୁମୁ ତଲେ ଆଏ, ଇଚିହୁଁ ଲକୁ ଖାଲ୍‌କାତଲେ ଖେତାନେରି ଜିକେଏ ଇଞ୍ଜୁ ଆଜିମାତେରି □

୨୭ ଏଞ୍ଜାରି ଏଞ୍ଜାରାଇଁ ତାରାନା କୁଲମି ପାଙ୍ଗାତା ନିପୁହେରି, ଏମାଟିଏ କାଜା ପୂଜେରା ଏଞ୍ଜାରାଇଁ ଖେଚେସି □

୨୮ \* “ଇ ମାଣ୍ଡସି ଦରୁତଲେ ଆମ୍ବାଆରାଇଁ ଜିକେଏ ଖେହୁଆଦୁ ଇଞ୍ଜୁ ମାମ୍ନୁ ଜାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି! ଜିରୁସାଲମତି ସାରିଞ୍ଜାକି ମୀରୁ ଏ କାତା ଜାପୁହି

ମାଞ୍ଜେରି ଇଞ୍ଜା ଏଞ୍ଜାଣାଇଁ ନେତେରିଡି ଦହ ମା ମୁହେଁ ଏକହାଲି ଅଣ୍ଡପିମାଞ୍ଜେରି □”

୨୯ ସାମା ପିତର ଇଞ୍ଜା ଏଟ୍‌କାତି ପାଣ୍ଡୁଞ୍ଜି ଆହାମାନାରି ଏଲେଇଚେରି, “ମାଣ୍ଡସିୟାତି ହୁକୁମି ମାନ୍ କିନି କିହାଁ ମାହାପୁରୁତି ହୁକୁମି ମାନ୍ କିନାୟିମାନେ □

୩୦ ଆମିନି ଜାମୁଇଁ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାତି ମାହାପୁରୁ ଏଞ୍ଜାଣାଇଁ ଖେଣ୍ଡେ ନିକହାମାନେସି □

୩୧ ଇଞ୍ଜା ଏଞ୍ଜାସି ଏନିକିଁ ଇସ୍ତାୟେଲତି ମନ୍ ଖେଟ୍‌ପି କିହାଁ ପାପୁ ମେଣ୍ଡାକି କିନେସି, ଏଦାଆଁତାକି ମାହାପୁରୁ ତାନି ଚିଃନି କେନ୍ଦୁତଲେ ଏଞ୍ଜାଣାଇଁ କାଜାପାଣା ଇଞ୍ଜା ଗେଲ୍‌ପିନାଣା ଲେହେଁ କାଜାସି କିହାମାନେସି □

୩୨ ଅଡ଼େ, ମାମ୍ନୁ ଇ ବାରେଡି ସାକି, ଇଞ୍ଜା ଆମିନି ସୁଦୁଜାଞ୍ଜୁଇଁ ମାହାପୁରୁ ତାନି ହୁକୁମି ମାନ୍‌ଞ୍ଜି ଆନାରାକି ହାହାମାଞ୍ଜାନେସି, ଏଡ଼ି ଜିକେଏ ସାକି □”

୩୩ ଇ କାତା ଖେଞ୍ଜାନା କୁଟମିତି କାଜାରି ହାଟେକା କାର୍‌ବି ଆହାହାତେରି, ଇଞ୍ଜା ଏଞ୍ଜାରାଇଁ ପାୟାଲି ତାକି କାତା ଆଡେରି □

୩୪ ସାମା ଗମଲିୟେଲ ଦରୁଗାଟି ର ମାନ୍‌ଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଞ୍ଜାସି ବେରଣିମାଣ୍ଡାତା ନିଟାନା ପାଣ୍ଡୁଞ୍ଜି ଆହାମାନାରାଇଁ ଗାଡ଼େକା ତାକି ପାଙ୍ଗାତା ପାଣ୍ଡୁଲି ହୁକୁମି ହାତେସି □

୩୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି “ଏ ଇସ୍ତାୟେଲ ଲକୁତେରି, ଇଞ୍ଜାରି ତାକି ମୀରୁ ଏନାଆଁ କିହାଲି ଅଣ୍ଡପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ □

୩୬ ଇଚିହୁଁ ଇଦାଆଁ ନକେଏ ଡିଞ୍ଜୁଦା ଇନାସି ହଟାନା ତାନୁ ର କାଜା ମାଣ୍ଡସି କିହା କଡିତେସି, ଇଞ୍ଜା ସାରି ଖାଞ୍ଜା

\* ୫:୨୮ ୫:୨୮ ମାତି ୨୭:୨୫

ଲକୁ ଏଞ୍ଜାଣିତଲେ ଆଣ୍ଡିତେରି; ଏଞ୍ଜାସି ପାୟୁଞ୍ଜି ଆଡେସି, ଇଞ୍ଜା ଏଚେକା ଲକୁ ଏଞ୍ଜାଣି ତାଣା ବାସ୍ତୁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାଁ ଏନ୍ଦି କାମାତା ହାଆତେରି □

୩୭ ଏ ଲକୁତି ଜେତ ଲକୁଣି ଏଜିକିନି ବେଲମତା ଗାଲିଲିତି ଜୀହୁଦା ଇନାସି ହଚାନା ଲକୁଣି ତାନି ଝାକି ରେଜା ଅହାନା ତାନି ସାୟୁୟାଁ କିତେସି; ଏଞ୍ଜାସି ଜିକେଏ ପାୟୁଞ୍ଜି ଆଡେସି, ଇଞ୍ଜା ଏଚେକା ଲକୁ ଏଞ୍ଜାଣି ଜେତ ଆଣ୍ଡାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି □

୩୮ ଇଞ୍ଜା ନୀର୍ବ ନାନୁ ମିଜେ ଝେସିମାଞ୍ଜାଇ, ମୀରୁ ଇ ଲକୁଣି ଏନାଆଁ କିଆନା ଏଞ୍ଜାରାଇଁ ପିସାତୁହୁଦୁ, ଇଚିହୁଁ ଇ କାତା କି କାମା ମାଣ୍ଡସି ତାଣାଟି ଆହାମାନେ, ଇଚିହୁଁ ଏନ୍ଦି ଉଜେଏ ଆନେ;

୩୯ ସାମା ଏନ୍ଦି ମାହାପୁରୁ ତାଣାଟି ଆହାମାନେ, ଇଚିହୁଁ ମୀରୁ ଏଞ୍ଜାରାଇଁ ଜୀଣା ଆନ୍ଦି ସାସା ହିଲେଏ, ଇଚିହୁଁ ମୀରୁ ମାହାପୁରୁ କପାଟି ଜୁଜୁ କିହିମାଞ୍ଜେରି ଇଞ୍ଜାଁ ତଞ୍ଜା ଆବେରି □” ଏ ବାରେ କୁଟମି ଗମଲିୟେଲ କାତାଟି ଝେଚେରି □

୪୦ ଇଞ୍ଜା ପାଣ୍ଡୁଞ୍ଜି ଆଡାରାଇଁ ବିତ୍ରା ହାଟାନା ସାଟୁଣି ମାଡା ଝେଚାନା ଜୀସୁ ଦରୁତି କାତା ଝେହୁଆଦୁ ଇଞ୍ଜାଁ ହୁକୁମି ହାହାନା ପିସ୍ତେରି □

୪୧ ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଟାଆହାଲି ଜଟେ ଇଞ୍ଜାଁ ଅଣ୍ଡାପାମାଚେରି, ଏନାଆଁତାକି ଏଞ୍ଜାରି ରାହାଁ କିହୁଁ କୁଟମି ବିତ୍ରାଟି ହଚାଞ୍ଜାଡେରି;

୪୨ ଅଡେ, ଏଞ୍ଜାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜାଁ ଇଲୁତାକି ଇଲୁ ଜାପୁହାଲି ଇଞ୍ଜାଁ ଜୀସୁଏ ମସିହା, ଇ ନେହୁଁ କାରୁ ଝେକହାଲି ଉଣା ଆଆତେରି □

ସାଡା ଜାଣାତି କାମା ହେରପିନାୟି

୧ ଏମ୍ବାଟିଏ ସାୟୁୟାଁ ହାଚେ ହାଚେକା ଜାଣା ଆହାଲି ମାଟୁହେରି, ଗ୍ରିକ ଜଲିନି ଜୀହୁଦି ଲକୁ ଏବ୍ରି ଜଲିନି ନାମିତି ଲକୁଣି ଲାଜା କିହାଲି ମାଟୁହେରି, ଏନାଆଁତାକି ଇଚିହୁଁ ଦିନାତାକି ଦିନା କାଦିକଣ୍ଡା ବାଟିକିନି ବେଲମତା ରାଢେଣ୍ଡାସିକାକି ହାହି ହିଲାଆତେରି □

୨ ଏମ୍ବାଟିଏ ବାରଜାଣା ସାୟୁୟାଁ ବାରେ ନାମିତି ଲକୁଇଁ ର ତାଣା କୃଡି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହୁଁ ନେହେଁ ଆଏ □

୩ ଇଦାଆଁତାକି ଏ ତାୟିୟାଁ ଅଡେ ତାଜିସ୍ତା, ମୀ ବିତ୍ରାଟି ନେହାଁରି ଇଞ୍ଜାଁ ଝେଜିତି ସୁଦୁଜୀଞ୍ଜୁ ତଲେ ନେଞ୍ଜାମାନି ବୁଦିଗାଟି ସାଡା ଜାଣାଇଁ ଆଡାଦୁ, ଏଞ୍ଜାରାକି ଇ ବାଟିକିନି କାମା ହେରପାଦୁ □

୪ ଆତିହୁଁ ମାୟୁପ୍ରାତାନାତା ଇଞ୍ଜାଁ ବଲୁ ଝେହୁନି ସୋବା କାମାତା ରଣ୍ଡିଏ ଅଣ୍ଡପୁ ତଲେ ଡୟିନମି □”

୫ ଇ କାତା ବାରେ ଲକୁତି କାନୁତା ନେହୁଁ ତଞ୍ଜାଆଡେ, ଇଞ୍ଜାଁ ଏଞ୍ଜାରି ନାମୁ ଅଡେ ସୁଦୁଜୀଞ୍ଜୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜାଁ ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡେ ଆଡ୍ରିୟକିୟାତି ତଲି ଜୀହୁଦି ଦାର୍ମୁତା ଆଣ୍ଡାମାଟି ନିକଲାୟଇଁ ଆଡିତେରି,

୬ ଏଞ୍ଜାରି ଏଞ୍ଜାରାଇଁ ପାଣ୍ଡୁଞ୍ଜି ଆଡାରି ତାଣା ତାତେରି, ଇଞ୍ଜାଁ ଏଞ୍ଜାରି ଲାକ କେସ୍ତା ଇଟାନା ପ୍ରାତାନା କିତେରି □

୭ ଏଚେଟିଏ ମାହାପୁରୁତି ବଲୁ ହାଚେକା ଝେଜିତେ, ଇଞ୍ଜାଁ ଜିରୁସାଲମତା ସାୟୁୟାଁ ହାଚେକା ପାତାଆହାଲି ମାଟୁହେରି; ଅଡେ ପୂଜେରାଜା ବିତ୍ରାଟି ହାଚେକା ଜାଣା କ୍ରୀସ୍ତଇଁ ନାମାଲି ମାଟୁହେରି □

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜାଁ ବାଡୁୟୁ ବେଟାଆହାନା ଲକୁ ବିତ୍ରା କାଜା



କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟ୍‌ହେସି □

୯ ସାମା ଲିବର୍ତନ, କୁରିଣି ଅଡ଼େ ଆଲେକଜାଣ୍ଡିୟା ଗାଡ଼ାୟାଣା ବାସା କିହାମାନି ଦରୁତା ଝେଙ୍ଗାମାନି ଜୀହୁଦି ଲକୁଡି ପ୍ରାଡାନା ଇଲୁଡି ଏତେକା ଲକୁ ଅଡ଼େ କିଲିକିୟା ଇଞ୍ଜା ଆସିୟା ଦେସାତି ଏଟ୍‌କା ଜୀହୁଦିଙ୍ଗା ନିଙ୍ଗାନା ସ୍ତ୍ରୀପାନ ତଲେ ବାଦିବାଦା ଆଡେତରି □

୧୦ ସାମା ଏଝାସି ଆମିନି ସୁଦୁଜୀଝୁ ଅଡ଼େ ବୁଦିତଲେ ଜଲିମାଚେସି, ଏଝାରି ଏ କାତାତି ଝେଣ୍ଡେ ଜଲଲି ସାସା କିହିହିଲାଆଡେତରି □

୧୧ ଏଚେଟିଏ ଏଝାରି ଏଚରଜାଣାତି ମାଡ଼ଝି କିହାନା ଏଲେଇଞ୍ଜି ଝେସାଲି ଜାପୁହେରି, “ମାମ୍ ଇଝାଣି ତାଣାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲିମାଚାଣି ଝେଞ୍ଜାମାନମି □”

୧୨ ଅଡ଼େ, ଏଝାରି ବାରେ ଲକୁଣି, ଇଞ୍ଜା ପ୍ରାଟିନାଙ୍ଗାଣି ଅଡ଼େ ମେରା ପୁନାରାଇ କାରବି କିହାନା ଏଝାଣାଇ ବାଡ଼ୟୁ ତଲେ ଆସାନା ବେରଣିମାଣ୍ଡାତା ତାଡେରି,

୧୩ ଇଞ୍ଜା ମିତି ସାକି ହାନାରାଇଁ ନିପୁହାନା; ଏଝାରାଇଁ ଏଲେଇଚେରି, “ଇଝାସି ଇ ସୁଦୁ ପ୍ରାଡାନା ଇଲୁ ଇଞ୍ଜା ମସା ମେରାତି କପାଟି ଜଲଲି ଓଣା ଆହିହିଲଅସି,

୧୪ ଇଚିହିଁ ନାକ୍‌ରିତ ଜୀସୁ ମାହାପୁରୁ ଇଲୁଡି ମ୍ଲେକ୍‌ନେସି, ଇଞ୍ଜା ମସା ମାଙ୍ଗେ ଆମିନି ମେରା ହୀହାମାଞ୍ଜାନେସି, ଏ ବାରେ ତିରିମ୍ଲୁପନେସି ଇଞ୍ଜାଁ ଝେସିମାଚାଣି ମାମ୍ ଝେଞ୍ଜାମାନମି □”

୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିଡେରି, ଏଝାଣି ମ୍‌ମ୍‌ଦୁଡୁଡି ମ୍‌ମ୍‌ ଲେହେଁ ଉଜେଡ଼ି ତଞ୍ଜାଆଡେତ □

୧୬ ଏଚେଟିଏ କାଜା ପୁଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି ?”

୧୭ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଡେରି ଝେଞ୍ଜୁ! ମା ଆବା ଅବାହାମ ହାରଣତା ବାସାଆନି ନକେଏ ଏଚିବେଲା ଏଝାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଝାଣାଇଁ ତଞ୍ଜାଆଡେସି,

୧୮ ଅଡ଼େ ଏଲେଇଚେସି ‘ନୀନୁ ମୀ ଇଲୁ କୁଟମି ଇଞ୍ଜାଁ ମୀ ଦେସାଟି ହଡ଼ା ଝାମ୍, ଇଞ୍ଜାଁ ନୀନୁ ଏମିନି ଦେସା ତସ୍ତାଇଁ ଏ ଦେସାତା ହାଲାମ୍ □’

୧୯ ଏଚେଟିଏ ତାନି କଲ୍‌ଦିୟାଁ ଦେସାଟି ହଡ଼ାଝାହାନା ହାରଣତା ବାସା କିଡେସି, ଇଞ୍ଜାଁ ଅବାହାମତି ଆବା ହାଡ଼ି ତାୟୁ ଏମ୍‌ାଟିଏ ମୀରୁ ନୀର୍ବ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ ତାଚିହିଁ ଝାଡେସି,

୨୦ ଅଡ଼େ, ମାହାପୁରୁ ଅବାହାମକି ଏମ୍‌ାଆଁ ଏନି ଅଦିକାରା ହୀଆଡେସି, ଅଡ଼େ ର ପାଝୁଲି ଝିହୁନି ବୁମିଗାରି ଜିକେଏ ହୀଆଡେସି, ଇଞ୍ଜାଁ ଏଚିବେଲା ଏଝାଣାକି ପଡ଼ି ପଦା ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜାଁ ତାନି ଝାହିମାନି କୃତାତାରିକି ଏଦାଆଁ ଅଦିକାରା କିହାଲିତାକି ହୀଇଁ ଇଞ୍ଜାଁ ଆଞ୍ଜିଡେସି □

୨୧ ଇଞ୍ଜାଁ ମାହାପୁରୁ ଇଲେଇଞ୍ଜାଁଁ ଝେସ୍ତେସି, ‘ତାନି କୃତାତାରି ଏଟ୍‌କା ଦେସାତା ବାସା କିନେରି ଇଞ୍ଜାଁ ଏ ଚାୟୁଡି ଲକୁ ଏଝାରାଇଁ ସାରି ଝାଞ୍ଜା ବାସା ପାଡେକା ହଲିୟାଙ୍ଗା କିହାଁ ଏଝାରାଇଁ ଝେଟି କାମା କିଝି କିହାନା ସାସ୍ତ୍ରୀ ହୀନେରି □’

୨୨ ଅଡ଼େ ମାହାପୁରୁ ଏଲେଇଚେସି, ନୀନୁ ଏଝାରାଇଁ ହଲିୟା କାମା କିଝିକିନାରାଇଁ ବିଚାରା କିଇଁ; ଅଡ଼େ ତାୟୁ ମୀ କୃତାତାରି ଏ ଦେସାଟି ହଡ଼ା ଝାନେରି ଅଡ଼େ ଇ ଚାୟୁତା ନାଙ୍ଗେ ପ୍ରାଡାନା କିୟାନେରି □



୮ ଅଡ଼େ ମାହାପୁରୁ ଅବ୍ରାହାମକି ତଲୁ ଦାଃନି ରାଜିମାନା ସିନାତି ହୀତେସି, ଇଞ୍ଜା ଏଲେକିହି ଏ ଅବ୍ରାହାମ ଇସାହାକଇଁ ଜାନ କିହାନା ଆଟାଦିନା ଆହାଲିଏ ଏଞ୍ଜାଣି ତଲୁ ଦାଡ଼େସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଝେଜିତି ଆକୁ ଆବାୟାଣି ଜାନ କିହାନା ତଲୁ ଦାପିକିତେସି □

୯ “ଜାକୁବ ମାରଏସି ଜସେପଇଁ ତାମି ତାୟିୟା ତାହାରା ଆହାନା ମିସର ଦେସାତା ଅଢ଼ିଆୟାଲି ଏଞ୍ଜାଣାଇଁ ପାରତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି,

୧୦ ଅଡ଼େ ବାରେ କସ୍ତୁଟି ଜସେପଇଁ ଗେଲପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହୀତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାମି ଇଲୁତି ସାଲୁଢ଼ି କିହାଲି ଅଦିକାରା ହୀତେସି □

୧୧ ତାୟୁ ମିସର ଇଞ୍ଜା କିଶାନ ଦେସାତା କାରୁଧୁ କାଡ଼ାରା ଆଡ଼େ, ଲକୁ ହାରେକା କସ୍ତୁ ଆଡ଼େରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆଡ଼େରି,

୧୨ ସାମା ମିସର ଦେସାତା ଆର୍ନା ମାନେ ଇଞ୍ଜା ଝେଞ୍ଜାନା, ଜାକୁବ ତାମି ମାରକା ଇଚିହିଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି □

୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାମି ତାୟିୟା ତାଣା ପୁଣ୍ଡି କିହା କଡ଼ିତେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜା ପୁରେସି □

୧୪ ଏମ୍ବାଟିଏ ଜସେପ ତାମି ଆବା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାମି କୁଟମିତି ହାଗାଲି ପାଣ୍ଡିତେସି,

୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡ଼େ ତାମି ମାରକା ଏମ୍ବାଆଁ ହାଡ଼େରି □

୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଢ଼ିଆଡ଼େ, ଇଞ୍ଜା ଅବ୍ରାହାମ ଏମ୍ବାଆଁ ହମର ମାରକା ତାଣାଟି ଆମିନି ମାହଣି

ମାଣ୍ଡା ଟାକାୟାଁ ହୀହାଁ କଡ଼ାମାଚେସି, ଏମ୍ବାଆଁ ମୁସପି ଆଡ଼େରି □”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାରେକା ଗାଡ଼ି ପାତା ଆଡ଼େରି □

୧୮ ତାୟୁ ମିସର ଦେସାତା ଅଡ଼େ ରାଜା ଆଡ଼େସି, ଏଞ୍ଜାସି ଜସେପଇଁ ପୁଞ୍ଜା ହିଲାଆଚେସି □

୧୯ ଏଞ୍ଜାସି ମା ଆକୁ ଆବାଣି ଝେପିକିତେସି ଅଡ଼େ ସାସ୍ତି ହୀତେସି, ତାମି କକାରି ହାପାରିଖା ଇଞ୍ଜା ଇଲୁତି ପାଙ୍ଗାତା କୁଡ଼ୁସାଲି ହୁକୁମି ହୀତେସି □

୨୦ ଏଚିବେଲାତା ମସା ଜାର୍ନା ଆଡ଼େସି, ଏଞ୍ଜାସି ମାହାପୁରୁ ନକିତା ହାରେକା ଅକିତାସି ଇଞ୍ଜା ତାମି ଲେଞ୍ଜୁ ପାଡ଼େକା ତାମି ଆବା ଇଜ ପହିକିଢ଼ି ଆଡ଼େସି □

୨୧ ତାୟୁ ଏଚିବେଲା ଏଞ୍ଜାସି ପାଙ୍ଗାତା ମେଡ଼ପି ଆଡ଼େସି, ଏଚିବେଲା ପାର ରାଜା ମାଙ୍ଗା ଏଞ୍ଜାଣାଇଁ ଅହାନା ତାମି ମାରଏଶା ଲେହେଁ ପହିକିଡ଼େ □

୨୨ ଅଡ଼େ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡ଼େ କାମାତା ଝେଜିତେସି □”

୨୩ “ମସାକି ରୀ କଡ଼ି ବାସା ଆୟାଲିଏ ତାମି ତାୟିୟା ଇଚିହିଁ ଇସାୟେଲ ଲକୁତି ମାସକା ମାରକାଣି ଏନିକିହିଁ ଲେମ୍ବୁଢ଼ି ଆହିମାନେ ଇଞ୍ଜା ପୁଞ୍ଜାଲି ଅଣ୍ଡପିତେସି □

୨୪ ଏଞ୍ଜାସି ରଥଶାଇଁ ମିସରତାସି ଗଡ଼ହା କିହିମାତାଣି ମେସେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡ଼େ ବାଦୁଲି ଅହାନା ଏଞ୍ଜାଣାଇଁ ପାୟିତେସି □

୨୫ ଏଞ୍ଜାଣି କେୟୁଟି ମାହାପୁରୁ ତାମି ତାୟିୟାଣି ଗେଲପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜା ଅଣ୍ଡପିମାଚେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆଡ଼େରି □

୨୭ ତାନି ଅର ଦିନା ଇସ୍ରାୟେଲ ଲକ୍ଷ୍ମି  
 ରିଆରି ମାଡ଼ା ଆହିମାଚାଣି ମେସେସି,  
 ଇଞ୍ଜା ଏଝାରାଇଁ ଆଶୁଝି କିହାଲି  
 ମାଦି ଆହାଁ ଏଲେଇରେସି, 'ଆଡ଼େ,  
 ମୀରୁତ ଇସ୍ରାୟେଲ ତାୟିୟାଁତେରି;  
 ଏନାଆଁତାକି ଇଲେଆହୁଁ ଗଡ଼ହା  
 ଆହିମାଞ୍ଜେରି ?'

୨୮ ସାମା ଆମିନିଗାଗାସି ପାଡ଼ିତାଣାଇଁ  
 ଲାଗେଏ କିହିମାରେସି, ଏଝାସି ମସାଇଁ  
 ମେତାନା ଏଲେଇରେସି, 'ଆମ୍ବାଆସି  
 ନିଙ୍ଗେ ମା ଲାକ ସାଲଝି କିହାଲି ଅଡ଼େ  
 ନୀହାଁୟି କିହାଲି ହିୟାତେସି ?'

୨୯ 'ରେଃଏନି ଏନିକ୍ ମିସର  
 ତାଣାଇଁ ପାୟାମାଟି, ଏଲେକିହୁଁ କି  
 ନୀନୁ ନାଙ୍ଗେ ପାୟାଲି ଅଶପିମାଞ୍ଜାଦି ?'

୩୦ ଇ କାତା ଖେଞ୍ଜାନା ମସା ମିଦିୟନ  
 ଦେସାତା ହାଜାନା ବାସା କିତେସି; ଇଞ୍ଜା  
 ଏମ୍ବାଆଁ ରୀ ମୀରକା ଜାର୍ନା ଆଡ଼େରି □"

୩୧ ତାୟୁ ରୀ କଡ଼ି ବାର୍ଯା ଆୟାଲିଏ,  
 ସିନୟ ହରୁ ତାଗେତି ଜାଡ଼ାତା ର ଦୂତୁ  
 ର ବୃଗାତା ହିରୁ ଡ଼ାଞ୍ଜାନା ତଞ୍ଜାଆଡ଼େସି  
 □

୩୨ ମସା ଏଦାଆଁ ମେସାନା ଆଡ଼ାଜାକା  
 ଆଡ଼େସି, ଇଞ୍ଜା ନେହୁଁକ୍  
 ସିନିକିହାଲି ତାଗେ ହାଜିମାଟି ବେଲତା  
 ପ୍ରବୁତି ଇ ହାଡ଼ା ଖେରେସି,

୩୩ "ନାନୁ ମୀ ଆକୁ ଆବାୟାଁ  
 ମାହାପୁରୁ, ଅବ୍ରାହାମତି, ଇସାହାକ  
 ଅଡ଼େ ଜାକୁବତି ମାହାପୁରୁ" ଏରେଟିଏ  
 ମସା ଆଜିତାକି ନେହୁଁକ୍  
 ସିନିକିହାଲି ସାସା କିଆଡ଼େସି □

୩୪ ପ୍ରବୁ ଏଝାଣାଇଁ ଏଲେଇରେସି,  
 "ନୀ କଡ଼ାତି ସେପୁୟାଁ ହୁକୁମି, ଇତିହୁଁ  
 ନୀନୁ ଆମିନି ଟାୟୁତା ନିଚାମାଞ୍ଜି ଏଦି  
 ସୁଦୁଗାଟି ଟାୟୁ □

୩୫ ମିସରତା ନା ଆମିନି ଲକ୍ଷ୍ମି  
 ମାନେରି, ନାନୁ ଏଝାରି କସୁ  
 ମେସାମାଇଁ, ଅଡ଼େ ଏଝାରି ଡ଼ାହିମାନାଣି  
 ଖେଞ୍ଜାମାଇଁ, ଇଞ୍ଜା ଏଝାରାଇଁ  
 ଗେଲପାଲି ରେଚା ଖାହାମାଇଁ; ଇଞ୍ଜା  
 ନୀଏଁ ଖାମୁ ନାନୁ ନିଙ୍ଗେ ମିସର ଦେସାତା  
 ପାଣ୍ଡାଇଁ □"

୩୬ "ମସାଇଁ ଇସ୍ରାୟେଲତି ଲକ୍ଷ୍ମି  
 ଅପାଆଡ଼େରି □ ଏଝାରି ଏଝାଣାଇଁ  
 ଏଲେଇରେରି, 'ମାଙ୍ଗେ ସାଲଝି  
 କିହାଲି ଅଡ଼େ ନୀହାଁୟି କିହାଲି ଆମ୍ବିତି  
 ଅଦିକାରା ବେଗାଆଡ଼ି ? ଏଝାଣାଇଁ  
 ମାହାପୁରୁ ଲକ୍ଷ୍ମି ସାଲଝି କିହାଲି  
 ଅଡ଼େ ମୁକ୍ଲଝି କିହାଲି ଦୂତୁତି  
 ସାୟେମି ତଲେ ହିରୁ ଡ଼ାଞ୍ଜିମାନି ବୃଗାତା  
 ତଞ୍ଜାଆହାନା ପାଣ୍ଡାଡ଼େସି □

୩୭ ଏଝାସି ଲକ୍ଷ୍ମି ମିସର ଦେସାଟି,  
 ସୁପ ସାମ୍ବୁରି, ଇଞ୍ଜା ରୀ କଡ଼ି ବାର୍ଯା  
 ପାଡ଼େକା ବାଗାତା ହାରେକା କାବାଆନି  
 କାମା ଅଡ଼େ ସିନାୟାଁ ତସାହାଁ ଏଝାରାଇଁ  
 ହପୁହା ତାଡ଼େସି □

୩୮ ଏ ମସା ତାନୁଏ ଇସ୍ରାୟେଲ  
 ମୀରକାଣି ଏଲେଇରେସି, ମାହାପୁରୁ  
 ମୀ ତାୟିୟାଁ ବିତ୍ରାଟି ମିଙ୍ଗେତାକି ନା  
 ଲେହେକି ର ମାହାପୁରୁ ଅଶପୁତି ବଲ୍ଲୁ  
 ଖେହନାଣାଇଁ ହିୟାନେସି □'

୩୯ ଏ ମସା ବାଃଲି ବାଗାତା କୁଡ଼ା  
 ଆହାମାନି ଇସ୍ରାୟେଲ ଲକ୍ଷ୍ମିତଲେ  
 ମାଡ଼େସି □ ସିନୟ ହରୁତା ତାନିତଲେ  
 କାତା ଆହିମାଟି ଦୂତୁ ଇଞ୍ଜା ମା ଆକୁ  
 ଆବାୟାଁ ବିତ୍ରା ମାଦିତାସି ମାଡ଼େସି;  
 ଏଝାସି ମିଙ୍ଗେ ହାହାଲିତାକି ମାହାପୁରୁ  
 ତାଣାଟି ଜାଝୁତି ବଲ୍ଲୁ ବେଗାଆଡ଼େସି □"

୪୦ "ସାମା ମା ଆକୁ ଆବାୟାଁ  
 ଏଝାଣି କାତା ଆହୁଆନା ଏଝାଣାଇଁ  
 ଅପାଆଡ଼େରି, ଅଡ଼େ ମିସର ଦେସାତା  
 ଖେଣ୍ଡା ହାଜାଲି ମନ କିତେରି,

୪୧ ଏଦାଆଁତାକି ଏଝାରି ହାରଣାଇଁ  
 ଏଲେଇରେରି □ 'ମା ନକି ନକିତା  
 ହାଜାଲି ମାଙ୍ଗେତାକି ପେଣକାଣି  
 କେପାମୁ, ଇତିହୁଁ ମାଙ୍ଗେ ମିସର  
 ଦେସାଟି ହପୁହା ତାଡ଼ାତି ମସାକି ଏନାଆଁ  
 ଆଡ଼େ ମାମୁ ପୁଞ୍ଜାହିଲଅମି □'

୪୨ ଅଡ଼େ, ଏତିବେଲତା ଏଝାରି ର  
 କଡ଼ି ତାଲୁତି ବମା କେପାନା ଏ ବମା  
 ତାକି ପୂଜା ହୀହାନା ତାମି କେୟୁତି  
 କେପିତି ଆସ୍ତି ତାକି ରାହାଁ କିତେରି □

୪୩ ସାମା ମାହାପୁରୁ ଏଝାରି ତାଣାଟି  
 ଏବକା ଆହାନା ଏଝାରାଇଁ ହାଗୁଲକତି



ହୁକାୟାଣି ସେବା କିୟାଲି ପିସ୍ତେସି,  
ଏନିକ୍ ମାହାପୁରୁ ଅଣ୍ଟପୁତି ବଲୁ  
ଝେହନାରି ପତିତା ରାସ୍ତକି ଆହାମାନେ;

୧ ଇସ୍ରାୟେଲ କୃତାତେରି,  
ବାଟାତା ରୀ କଡ଼ି ବାସୀ ପାତେକା  
ମୀରୁ ନାକ୍ଷେତାକି କଡ଼ି ଗରି  
ପୂଜା କିହାହିଲାଆତେରି □

୫୩ ମୀରୁ ପୂଜା କିହାଲି ଆମିନି ବମାୟା  
କେପାମାତେରି,  
୧ ମଲକ ପେନୁତି ତୁମୁ ଅଡ଼େ  
ରମପାନ ପେନୁତି ହୁକାତି  
ମୀରୁ ଆସାନା ସେବା କିତେରି,  
ଏଦାଆଁତାକି ନାନୁ ମିକ୍ଷେ  
ବାବିଲନ ଆତାଲା ବାସା  
ଆୟାଲି ପାଣ୍ଡାକ୍ □”

୫୪ “ନାନୁ ଏନିକ୍ ମେସାମାଞ୍ଜି,  
ଏଲେକିହ ଏ ସାକି ହାନି ତୁମୁ ଇଲୁ  
କେପାମୁ ଇଞ୍ଜ ମସାକି ଆମ୍ବାଆସି  
ଝେସାମାତେସି, ଏଞ୍ଜାଣି ହୁକ୍ମି ତଲେ  
ମା ଆକୁୟା ବାଟାତା ସାକି ହାନି ତୁମୁ  
ଇଲେ କେପାମାତେରି □

୫୫ ତାୟୁ ମା ଆକୁ ଆବାୟା ଏଦାଆଁ  
ତାମି ଆବାୟା ତାଣାଟି ବେଟାଆତେରି  
ଇଞ୍ଜା ଜିହସୁୟ ତଲେ ତାକିମାଟିବେଲା  
ଏଞ୍ଜାରି ଏଦାଆଁ ଡେକା ଅଡ଼େରି,  
ଏମ୍ବାଟିଏ ମାହାପୁରୁ ଏଞ୍ଜାରି ନକିତା  
ମାଟି ବାରେ କୃତାତି ଲକୁଣି ପେରହା  
ତୁସାଲିଏ, ଇସ୍ରାୟେଲ ଲକୁ ଇଞ୍ଜାରି  
ଦେସା ଜୀଶାଆହାନା ଇ କୃତାଆନି ତୁମୁ  
ଇଲୁ ଏମ୍ବାଆଁ ତାଚାନା ଇଟିତେରି, ଇଞ୍ଜା  
ଏଡ଼ି ଦାଞ୍ଜୁଦ ରାଜା ପାତେକା ଏମ୍ବାଆଁ  
ଡ଼ୟିତେ □

୫୬ ଦାଞ୍ଜୁଦ ମାହାପୁରୁ ନକିତା କାର୍ମା  
ବେଟାଆହାନା, ଜାକୁବତି ମାହାପୁରୁକି  
ର ବାସାଟାୟୁ କିହାଲି ପ୍ରାତାନା କିତେସି  
□

୫୭ ସାମା ସଲମନ ମାହାପୁରୁକି ଏ  
ଇଲୁ କେପିତେସି □”

୫୮ “ସାମା ବାଡ଼ୁୟୁ ଗାଟି ମାହାପୁରୁ  
ମାଣ୍ଡସି କେୟୁତଲେ କେପିତି  
ଇଲୁତା ବାସା କିଅସି; ଏନିକ୍

ମାହାପୁରୁ ଅଣ୍ଟପୁତି ବଲୁ ଝେହନାରି  
ଝେସାମାନେରି □”

୫୯ ପ୍ରବୁ ଏଲେଇଞ୍ଜା ମାନେସି,  
“ଲାକପୁରୁ ନା ସିଂଗାସାଣି,  
ଦାର୍ତି ନା କତା ଇଟିନି ଟାୟୁ,  
ମୀରୁ ନା ତାକି ଏନିଲେହେତି ଇଲୁ  
କେପିଦେରି ?

ଇଞ୍ଜା ନା ଜମିନି ଟାୟୁ  
ଏମ୍ବିୟାମାନେ ?

୬୦ ନା କେୟୁ ଇ ବାରେ ଗାଡ଼ି  
କିହାହିଲେଏ କି ?”

୬୧ ସ୍ତ୍ରୀପାନ ଏଲେଇତେସି, “ମୀରୁ  
ଏତେକା ମୁଣ୍ଡି ଗାଟାତେରି, ଇଞ୍ଜା ଅଡ଼ହା  
କତାଆତି ହିୟା ଗାଟାତେରି ଅଡ଼େ  
ମାହାପୁରୁତି ବଲୁ ତାକି କାର୍ମା ଝେନାଆ  
ଗାଟାତେରି, ମୀରୁ କାଲେଏ ସୁଦୁଜାଞ୍ଜୁତି  
କସ୍ତ ହାହିମାଞ୍ଜେରି; ମୀ ଆକୁ ଆବାୟା  
ଏନିକ୍ ମୀରୁ ଜିକେଏ ଏଲେତାତେରି  
□

୬୨ ମାହାପୁରୁ ଅଣ୍ଟପୁତି ବଲୁ  
ଝେହନାରାଇଁ ଆମ୍ବାଆରାଇଁ ଜିକେଏ ମୀ  
ଆକୁ ଆବାୟା ନିନ୍ଦା କିହାହିଲାଆତେରି  
? ଆମିନି ଗାଟାରି ଏ ଦାମ୍ବୁଗାଟାସି  
ଞ୍ଜାନ୍ତି କାତା ନକେଏ ଝେସାମାତେରି,  
ଏଞ୍ଜାରାଇଁ ଏଞ୍ଜାରି ପାୟିତେରି; ନୀଏ  
ମୀରୁ ଏଞ୍ଜାଣାଇଁ ସାତୁୟା କେୟୁତା  
ହେରପାନା ପାୟିତେରି □

୬୩ ମୀରୁ ମାହାପୁରୁତି ମେରା  
ବେଟାଆହା ମାତେରି, ଏ ମେରା  
ଦୂତୁୟା ତାଣାଟି ହାପକି ଆହାମାତେ,  
ଆଡ଼ିଜିକେଏ ମୀରୁ ଏଦାଆଁ  
ନାମାଆତେରି □”

ଞ୍ଜାଲକାତଲେ ସ୍ତ୍ରୀପାନଇଁ ପାୟିନାୟି  
୬୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି  
ଲକୁଇଁ ଇ ବାରେ କାତା ଝେସେସି,  
ଏମ୍ବାଆଁ ମାଟି ପାରୁସି ଇଞ୍ଜା ବାରେ କୃତା  
ଆହାମାଟାରି କାରବି ଆହାଁ ପାଲକା  
ଟାଟି କିହାଲି ମାଡ଼ହେରି □

୬୫ ସାମା ସ୍ତ୍ରୀପାନ ସୁଦୁଜାଞ୍ଜୁ ତଲେ  
ନେଞ୍ଜାନା ଲାକପୁରୁ ଞ୍ଜାକି ସିନିକିତେସି,  
ଇଞ୍ଜା ମାହାପୁରୁତି ଗାଞ୍ଜୁରମି ଅଡ଼େ  
ଜୀସୁଇଁ ମାହାପୁରୁତି ଟିଝନିଞ୍ଜାକି

ନିଚାମାନାଣି ମେସାନା ଏଲେଇଚେସି  
□

୫୭ “ମେହ୍‌ଦୁ ନାନୁ ଲାକପୁରୁ  
ଦେପିଆହାମାନାଣି ଅଡ଼େ ମାଣସି  
ମୀରୁଏସି ମାହାପୁରୁତି ଚିଃନିଝାକି  
ନିଚାମାନାଣି ମେସିମାଈ □”

୫୮ ଏ କାତା ଝେନାଆପ ଇଞ୍ଜି  
କାଲୁଝି ଆହ୍‌ ବେରଣି ମାଣ୍ଡାତାରି  
କୀର୍କା ମୁଚାକଡିତେରି □ ତାମ୍ବୁ  
ବାରେଜାଣା ରୁଣ୍ଡା ଆହାନା ଏଝାଣାଇ  
ମୁଚିତେରି □

୫୯ ଅଡ଼େ ଏଝାରି ଏଝାଣାଇ ଗାଡ଼ାଟିଏ  
ପାଙ୍ଗାତା ରେଜା ଅହାନା ଏଝାଣାଇ  
ଝାଲୁକାତଲେ ଝେଚାଲି ମାଟ୍‌ହେରି;  
ଅଡ଼େ ସାକିୟା ବିତ୍ତାଟି ସାଝୁଲ କତାୟା  
ଡ଼ଇ ହିମ୍‌ରକା କାଟିମାଚେସି □

୬୦ ଏଚିବେଲା ଏଝାରି ସ୍ତ୍ରୀପାନଇଁ  
ଝାଲୁକା ଝେଟି ମାଚେରି, ଏଚିବେଲା  
ଏଝାସି ମାହାପୁରୁ ତାଣା ପ୍ରାତାନ  
କିହାନା ଏଲେଇଚେସି, “ପ୍ରୁ ଜୀସ୍‌,  
ନା ଜୀସ୍ତୁତି ଅହାକତାମ୍‌ □”

୬୧ ଇଞ୍ଜା ଏଝାସି ମେଣ୍ଡାକୁତାନା କାଜା  
ଗିୟାତଲେ ଏଲେଇଚେସି, “ପ୍ରୁ! ଇ  
ପାପୁ ଇଝାରି ତାଣା ଲେକା କିଆନି”  
ଏଲେଇଞ୍ଜାହାଁ ହାଡେସି □

୮

ସାଝୁଲ କ୍ରୀସ୍ତାନା କୁଲମିତି ସାସ୍ତି  
ହୀନାୟି

୧ ସ୍ତ୍ରୀପାନଇଁ ପାୟିତାୟି ନେହେଁ  
ଆଡେ ଇଞ୍ଜି ସାଝୁଲ ଅଣ୍‌ପିମାଚେସି  
□ ଏ ଦିନାଟିଏ ଜିରୁସାଲମତା ମାନି  
କୁଲମିକାକି ହାରେକା ନିନ୍ଦା ସାସ୍ତି  
ଝାଡେ; ଏମ୍‌ାଟିଏ ପାଣ୍ଡୁଝି ଆହାମାନାରି  
ପିସ୍‌ପେ ବାରେ ନାମିତାରି, ଜୀହୁଦା  
ଦେସା ଇଞ୍ଜା ସମିରଣ ନାସ୍‌କା ସାରିସ୍ତୁ  
ଇତାଲା ଆତାଲା ଆଡେରି □

୨ ଆଡ଼ିଜିକେଏ ଏଚେକା ନାମୁଗାଟି  
ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜା ହାରେକା  
ଦୁକୁତଲେ ଡ଼ାଚେରି □

୩ \*ସାମା ସାଝୁଲ କୁଲମିତା ହାଜିହ୍‌  
ଇଲୁତାକି ଇଲୁ ହଡ଼ିହ୍‌ ନାମିତି  
ଆୟାସିକା, ଆବାଣି ରେଜା ତାଚାନା  
କାୟିଦି ଇଲୁତା ହେରପିହ୍‌ କୁଲମିତି  
ନାସା କିହାଲି ମାଟ୍‌ହେସି □

ସମିରଣତା ନେହ୍‌ କାବୁ  
ଝେକ୍‌ନାୟି

୪ ଏମ୍‌ାଟିଏ ଆମିନି ଗାଟାରି ଇତାଲା  
ଆତାଲା ଆହାମାଚେରି, ଏଝାରି  
ସାରିସ୍ତୁ ରେଜି ରେଜି ନେହ୍‌ କାବୁ  
ଝେକ୍‌ହେସି □

୫ ଇଞ୍ଜା ପିଲିପ ସମିରଣତି କାଜା  
ଗାଡ଼ାତା ହାଜାନା ଲକୁ ନକ୍‌ତା ମସିହାତି  
କାତା ଝେକ୍‌ହେସି □

୬ ଅଡ଼େ, ଲକୁ ବାରେ ପିଲିପ  
ହାଡ଼ା ଝେଚେରି ଇଞ୍ଜା ଏଝାସି କିହାମାନି  
କାବାଆନି କାମା ମେସାନା ରଣ୍ଡିଏ ହିୟା  
ତଲେ ଏଝାଣି କାତାତି ଝେଞ୍ଜିମାଚେରି □

୭ ଇଚିହ୍‌ ଆଲଗାମାଟି ପଲୁଆ  
ବୁଡୁ ହାରେକା ଲକୁ ତାଣାଟି କାଜା  
ଗିୟାତଲେ କିରଡ଼ିହ୍‌ ହଟାହାଟୁ, ଇଞ୍ଜା  
ଚଟ ଝାୟିତାରି ଅଡ଼େ ସଗାୟା ହାରେକା  
ଜାଣା ନେହ୍‌ ଆଡେରି □

୮ ଏଦାଆଁତାକି ଏ ଗାଡ଼ାତା ହାରେକା  
କାଜା ରାହାଁ ଆଡେ □

୯ ସାମା ସିମନ ଦରୁଗାଟାସି ରଅସି ଇ  
ନକେଏ ଏ ଗାଡ଼ାତା ଗାରଡ଼ି କିହ୍‌ ନାନୁ  
କାଜାତେଏଁ ଇଞ୍ଜି ଝେସ୍‌ା କଡ଼ିହ୍‌  
ସମିରଣତି ଲକୁଣି କାବା କିହିମାଚେସି □

୧୦ ମାହାପୁରୁତି ଆମିନି ବାଡ଼ୁଡୁତି  
କାଜାୟି ଇଞ୍ଜି ଇଣ୍‌ମ୍‌ ଆନେ,  
ଉଣାଟିଏ କାଜାରି ପାଚେକା  
ବାରେଜାଣା ଇଝାସିଏ ଏଝାସି ଇଞ୍ଜି  
ଏଝାଣାଇ ମାନି କିହିମାଚେରି □

୧୧ ଏଝାରି ଏଝାଣାଇ ମାନି  
କିହିମାନାୟି ଆଡେ, ହାରେକା ଦିନାଟିଏ  
ତାନି ଗାରଡ଼ି କାମା ତଲେ ଏଝାରାଇଁ  
କାବା କିହିମାଚେସି □

୧୨ ସାମା ପିଲିପ ମାହାପୁରୁତି ରାଜି  
ଇଞ୍ଜା ଜୀସ୍‌ କ୍ରୀସ୍‌ ଦରୁତି ନେହ୍‌  
କାବୁ ଝେକ୍‌ହାଲିଏ ଏଝାରି ଏଚିବେଲା

\* ୮:୩ ୮:୩ କାମା ୨୨:୪,୫; ୨୭:୯-୧୧ \* ୮:୧୨ ୮:୧୨ ମୁଞ୍ଜିନାୟି

ଏଞ୍ଜାଣି କାତାତା ନାମିତେରି, ଇଞ୍ଜା ଆୟାସିକା ଅଡ଼େ ଆବାୟାଁ ବାପ୍ତିସ୍ତା\* ଅହାଲି ମାଟ୍‌ହେରି □

୧୩ ଅଡ଼େ ସିମନ ତାନୁଏ ନାମିତେସି ଇଞ୍ଜା ବାପ୍ତିସ୍ତାଂ ଅଡ଼େସି, ଇଞ୍ଜା ପିଲିପ ତଲେ ଡ଼ୟିତେସି, ଅଡ଼େ ହାରେକା ସିନାୟାଁ ଇଞ୍ଜା ହାରେକା ବାଡ଼ୟୁତି କାବାଆନ୍ତି କାମାୟାଁ ମେସାନା କାବା ଆହାହାଚେସି □

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜା ଜିରୁସାଲମତା ମାନି ପାଣ୍ଡୁ଼ି ଆଡ଼ାରି ଖେଚେରି, ଏମ୍ବାଟିଏ ଏଞ୍ଜାରି ପିତର ଅଡ଼େ ଜହନଇଁ ଏଞ୍ଜାରିତାଣା ପାଣ୍ଡୁଚେରି □

୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନ୍ତିକ୍‌ ସୁଦୁଜୀସୁ ବେଟାଆନେରି, ଏଡ଼ାଆଁତାକି ଏଞ୍ଜାରି ତାକି ପ୍ରାତାନା କିତେରି □

୧୬ ଇତିହ୍‌ ନୀଏଁ ପାତେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀସୁ ରେଟା ହିଲାଆତେ, ଇତିହ୍‌ ଏଞ୍ଜାରି ଖାରିଇ ପ୍ରୁ ଜୀସୁ ଦରୁତଲେ ବାପ୍ତିସ୍ତାଂ ଅହାମାଚେରି □

୧୭ ପିତର ଅଡ଼େ ଜହନ ଏଞ୍ଜାରି ଲାକ କେୟୁ ଇତିତେରି ଇଞ୍ଜା ଏଞ୍ଜାରି ସୁଦୁଜୀସୁ ବେଟାଆଚେରି □

୧୮ ପାଣ୍ଡୁ଼ି ଆଡ଼ାରି କେୟୁ ଇତିସାରେ ସୁଦୁଜୀସୁ ଖାହିମାନାଣି ମେସାନା, ସିମନ ଏଞ୍ଜାରାକି ଟାକାୟାଁ ହୀହାନା ଏଲେଇଚେସି,

୧୯ “ନାଙ୍ଗେ ଜିକେଏ ଇ ବାଡ଼ୟୁ ହିୟାଦୁ, ଏନ୍ତିକ୍‌ ନାନୁ ଆମିନି ଗାଟାଣା ଲାକ କେୟୁ ଇତିଇଁ ଏଞ୍ଜାସି ସୁଦୁଜୀସୁ ବେଟାଆନେସି □”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସ୍ତୁ ଆପୁ, ଇତିହ୍‌ ନାନୁ ଟାକାୟାଁ ହୀହାନା ମାହାପୁରୁତି ଦାନା କଡ଼ାଲି ଅଣ୍ଡପିତି □

୨୧ ଇ କାମାତା ନୀଦି ଏନ୍ତି ବାଗା କି ଅଦିକାରା ହିଲେଏ, ଇତିହ୍‌ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ □

୨୨ ଇଦାଆଁତାକି ନୀ ଲାଗେଏତି ଅଣ୍ଡପୁଟି ମନ ଖେଟ୍‌ହାଁ ପ୍ରୁ ତାଣା ପ୍ରାତାନା କିମ୍ପୁ, ଏନ୍ତିଆଡ଼ିହ୍‌ ନୀ ହିୟାଁତା ମାନି ଲାଗେଏତି ଅଣ୍ଡପୁ ମ୍ପେକ୍‌ନେସି;

୨୩ ଇତିହ୍‌ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ତାହାରା ଆନାୟି ମାନେ, ନାନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି □”

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଡପାନା ନା ତାକି ପ୍ରୁ ତାଣା ପ୍ରାତାନା କିଦୁ, ମୀରୁ ଏନାଆଁ ଜଲିତେରି ଏ ବାରେ ଏନ୍ତିକ୍‌ ନାଙ୍ଗେତାକି ଏଲେଆହ୍‌ ଆଏ □”

୨୫ ଇଲେକିହ୍‌ ପିତର ଅଡ଼େ ଜହନ ସାକି ହୀହ୍‌ ପ୍ରୁଟି ବଲୁ ଖେସିହ୍‌, ହାରେକା ସମିରଣ ନାସ୍‌କାଣାଁ ନେହ୍‌ କାକୁ ଖେସି ଖେସିହ୍‌ ଜିରୁସାଲମତା ଖେଣ୍ଡା ହାଚେରି □

ପିଲିପ ଅଡ଼େ ଇତିୟପିୟାତି କାମାକିନାସି

୨୬ ତାୟୁ ପ୍ରୁଟି ର ଦୁଦୁ ପିଲିପଇଁ ଏଲେଇଚେସି, “ନିଙ୍ଗାମ୍ପୁ ଇଞ୍ଜା ଟିଃନି ଖାକିତି ଆମିନି ଜିରୁ ଜିରୁସାଲମଟିଏ ଗଜା ଖାକି ମାନେ ଏ ଜିରୁତା ହାଲାମ୍ପୁ □” ଏ ଜିରୁଟି ଅଡ଼େ ଲକୁ ତାକିହିଲଅରି§ □

୨୭ ଏମ୍ବାଟିଏ ଏଞ୍ଜାସି ନିଙ୍ଗାନା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ଡ଼ଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନ୍ତ ଗୁମ୍ପୁସ୍ତା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା ଖାହାମାଚେସି;

† ୮:୧୩ ୮:୧୩ ମୁଞ୍ଜନାୟି ‡ ୮:୧୭ ୮:୧୭ ମୁଞ୍ଜନାୟି § ୮:୨୭ ୮:୨୭ ଲକୁ ହିଲାଆ ଟାୟୁ

୨୮ ଏଞ୍ଜାସି ମାହାପୁରୁ ଅଣପୁତି  
ବଲୁ ଖେହ୍ନି ଜିସାୟତି ପତି କାଜା  
ରିୟାତଲେ ପଡ଼଼ି ଆହୁଁ ରାତାତା  
କୁଗାନା ଖେଣ୍ଡା ହାଜିମାରେସି □

୨୯ ଏଚିବେଲା ସୁଦୁଜୀଝୁ ପିଲିପଇଁ  
ଏଲେଇଚେ, “ନକିତା ହାଜାନା ରାତାତା  
ହାଜିମାନାଣି ତାଣା ହାଲାମୁ;”

୩୦ ଏଚେଟିଏ ପିଲିପ ହଟି ହଟି  
ହାଜାନା ଜିସାୟତି ପତି କାଜା  
ରିୟାତଲେ ମାହାପୁରୁ ଅଣପୁତି ବଲୁ  
ପଡ଼଼ି ଆହିମାନାଣି ଖେଞ୍ଜାନା ଖେଚେସି,  
“ନାନୁ ଆମିନିଗାଟାଣି ପଡ଼଼ି ଆହିମାଞ୍ଜି  
ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି  
ନାଜେ ଖେସ୍ତାଆସାରେ ନାନୁ ଏନିକ  
ପୁଇଁ ?” ଇଞ୍ଜା ଏଞ୍ଜାସି ପିଲିପଇଁ  
ରାତାତା ହଚାନା ତାନିତଲେ କୁଗାଲି  
ଏଲେଇଚେସି □

୩୨ ଏଞ୍ଜାସି ଦାମ୍ବୁଁ ପତିତା ପଡ଼଼ି  
ଆହିମାଟି କାତା ଇଦି;  
“ଏଞ୍ଜାସି ପାୟିଞ୍ଜିଆନି ମେଣ୍ଡା ତାଲୁ  
ଲେହେଁ ଅଞ୍ଜିଆଡେସି,  
ଇଞ୍ଜା ମେଣ୍ଡା ତାଲୁ ବାଣାୟାଁ  
ଦାଃନି ବେଲାତା ମେଣ୍ଡା ତାଲୁ  
ଏନିକ ଡ଼ାଆନା ପାଲେଏ  
ଡ଼ୟିନେ,  
ଏଲେକିହୁଁଏ ଏଞ୍ଜାସି ତାନି ଗୁଡ଼ି  
ଏକ୍‌ଆଡେସି □

୩୩ ଏଞ୍ଜାଣାଇଁ ଉଣା କିହାଁ ନାହାଁୟି  
କିଆଡେରି,  
ଏଞ୍ଜାଣି କୁଡ଼ାତି କାତା ଆମ୍ବାଆସି  
ଖେସାଲି ଆଡ଼ଅସି,  
ଇଚିହୁଁ ତାନି ଜୀଝୁ ଦାରତିତା  
ରାଡେ □”

୩୪ ଏ ପେଜୁ ପିଲିପଇଁ ଏଲେଇଚେସି,  
“ନାଜେ ଖେସ୍ତାମୁ, ମାହାପୁରୁ ଅଣପୁତି  
ବଲୁ ଖେହ୍ନାସି ଆମ୍ବାଆରି କାତା  
ଖେସିମାନେସି ? ତାନି କାତା କି ଅର  
ରଅଣି କାତା ?”

୩୫ ଏମ୍ବାଟିଏ ପିଲିପ ଗୁଡ଼ି ଦେଚାନା  
ଦାମ୍ବୁଁ ସାଢ଼େସିରିଟିଏ ମାଟ୍‌ହାନା ଏଞ୍ଜାଣି  
ତାଣା ଜୀସୁତି ନେହୁଁ କାବୁ ଖେସ୍ତେସି  
□

୩୬ ଏଞ୍ଜାରି ଜିରୁତା ହାଜିମାଚାଟି  
ଏୟୁ ମାନି ର ଟାୟୁତା ଏଗାହାଚେରି;  
ଏଚେଟିଏ ପେଜୁ ଏଲେଇଚେସି,

୩୭ “ଇମ୍ବାଆଁଏୟୁ ମାନୁ, ଏନାଆଁ ନାନୁ  
ବାପ୍ତିସ୍ତା\* ଅହାଲି ଆଡ଼ିଇଁ ?”

୩୮ ଇଞ୍ଜା ଏଞ୍ଜାସି ରାତା ନିପୁହାଲି  
ହୁକୁମି ହୀଡେସି, ଇଞ୍ଜା ପିଲିପ ଅଡେ  
ପେଜୁ ଏୟୁଣାଁ ଚେଡେରି, ଇଞ୍ଜା ପିଲିପ  
ଏଞ୍ଜାଣାଇଁ ବାପ୍ତିସ୍ତା‡ ହୀଡେସି □

୩୯ ଏଞ୍ଜାରି ଏୟୁଡ଼ି ହଚା ଖାଡ଼ି ତାୟୁ,  
ପ୍ରବୁତି ସୁଦୁଜୀଝୁ ପିଲିପଇଁ ଅହୁଁ  
ହାଚେ, ଇଞ୍ଜା ପେଜୁ ଅଡେ ଏଞ୍ଜାଣାଇଁ  
ମେହୁଆଡେସି; ଆଡ଼ିଜିକେଏ ରାହାଁ  
କିହୁଁ ତାନି ଜିରୁତା ହାଚେସି □

୪୦ ସାମା ପିଲିପ ଅସଦଦ ଗାଡ଼ାତା  
ତଞ୍ଜାଆଡେସି; ଇଞ୍ଜା ଏଞ୍ଜାସି ଗାଡ଼ାତାକି  
ଗାଡ଼ାତା ହାଜାହାଁ ନେହୁଁ କାବୁ  
ଖେସ୍ତେସି ଇଞ୍ଜା କାୟିସରିୟାତା  
ଏଗାହାଚେସି □



ସାଝୁଲ ମନ ଖେଚନାୟି  
(କାମା ୨୨:୬-୧୬; ୨୬:୧୨-୧୮)

୧ ସାମା ସାଝୁଲ ନୀର୍ବ ପାଡେକା  
ପ୍ରବୁତି ସୀସୁୟାଁ କପାଟି ଆଜି ତସାନା  
ଅଡେ ଜୀଝୁ ନାସାକିନି କାତାୟାଁ  
ଜଲିହୁଁ କାଜା ପୂଜେରାଜା ତାଣା  
ହାଚେସି □

୨ ଅଡେ ପ୍ରବୁ ଜିରୁଟି ତାକିମାନି  
ଆମିନି ଇୟସିକା ଆବାୟାଁଣି  
ମେସ୍ତ୍ରୁହୁଁ, ବାରେଜାଣାତି ଦସ୍‌ପାନା  
ଜିରୁସାଲମତା ତାଚାଲି ଆଡ଼ିମାନେସି,  
ଏଦାଆଁତାକି ଏଞ୍ଜାସି କାଜା ପୂଜେରାଜା  
ତାଣା ହାଜାନା ଦମେସକତା ମାନି  
ଜୀହୁଦି ଲକୁଡ଼ି କୁଟମି ଇଲକାଣା\*  
□

\* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନାନୁ ବାରେ ହିୟାଁ ତଲେ ନାମିସାରେ  
ଅହାଲି ଆଡ଼ିଦି” ଏମ୍ବାଟିଏ ଏଞ୍ଜାସି ଏଲେଇଚେସି, “ଜୀସୁ ଜୀସୁ ମାହାପୁରୁଟି ମୀର୍ବଏସି ଇଦାଆଁ ନାନୁ ନାମିମାଲ୍  
□” ‡ ୮:୩୮ ୮:୩୮ ମୁଞ୍ଜିନାୟି \* ୯:୨ ୯:୨ ସିନଗର

ହିୟାଲି ଏଞ୍ଜାରି ତାଣାଟି ଆକୁ ରାସ୍ତେସି  
□

୩ ସାଞ୍ଜୁଲ ଦମେସକ ତାଗେ  
ଝାହିମାଟାଟି ଦେବୁଣିଏ ର ଉଜେଡ଼ି  
ହାଗୁଲକଟି ତାନି ସାରିଝାକି ମୁଣ୍ଡେ □

୪ ଏମ୍ପାଟିଏ ଏଞ୍ଜାସି ବୁମିତା ତରଗା  
ହାରେସି ଇଞ୍ଜା ତାଙ୍ଗେତାକି ଇ ହାଡ଼ା  
ଝେରେସି, “ଏ ସାଞ୍ଜୁଲ, ଏ ସାଞ୍ଜୁଲ!  
ନାନୁ ଏନାଆଁତାକି ନାଙ୍ଗେ ନିନ୍ଦା  
କିହିମାଞ୍ଜାଦି ?”

୫ ଏଞ୍ଜାସି ଏଲେଇରେସି, “ପ୍ରବୁ, ନାନୁ  
ଆମ୍ପାଆତି ?” ଏଞ୍ଜାସି ଏଲେଇରେସି,  
“ନାନୁ ଆମ୍ପାଆରାଇଁ ନିନ୍ଦା କିହିମାଞ୍ଜି ଏ  
ଜୀସୁତେଏଁ ନାନୁ □

୬ ସାମା ନିଙ୍ଗାମୁ ଇଞ୍ଜା ଗାଡ଼ାତା  
ହାଲାମୁ, ଏନାଆଁ କିହାଲି ଆନେ,  
ଏମ୍ପାଆଁ ନିଙ୍ଗେ ଝେସ୍ପି ଆୟାନେ □”

୭ ଏଞ୍ଜାଣିତଲେ ଆମିନି ଲକୁ  
ହାଜିମାରେରି, ଏଞ୍ଜାରି ଏ ହାଡ଼ା  
ଝେଞ୍ଜାନା ଆମ୍ପାଆରାଇଁ ମେହ୍‌ଆତେରି,  
ଇଞ୍ଜା ଆତାଜାକା ଆହାହାରେରି □

୮ ଅଡ଼େ ସାଞ୍ଜୁଲ ବୁମିଟି ନିଙ୍ଗାନା  
ତାନି କାଣ୍ଡକା ଦେତେସି, ସାମା ଏଞ୍ଜାସି  
ଏନାଆଁ ମେସାଲି ଆଡ଼ାଆତେସି □  
ଇଞ୍ଜା ଏଞ୍ଜାରି ତାନି କେୟୁ ଆସାନା  
ଦମେସକତା ଅଡ଼େରି □

୯ ଅଡ଼େ ତାନିଦିନା ପାତେକା ଏଞ୍ଜାସି  
ଏନାଆଁ ମେସାଲି ଆଡ଼ାଆତେସି,  
ଅଡ଼େ ଏନାଆଁ ତିନାଆତେସି ଏନାଆଁ  
ଗହ୍‌ଆତେସି □

୧୦ ଦମେସକତା ହନନିୟ  
ଦରୁଗାଟାସି ର ସାସୁ ମାରେସି; ପ୍ରବୁ  
ଏଞ୍ଜାଣାଇଁ ତଞ୍ଜାଆହାଁ ଏଲେଇରେସି,  
“ଏ ହନନିୟ!” ଏଞ୍ଜାସି ଏଲେଇରେସି,  
“ଏ ପ୍ରବୁ ନାଙ୍ଗେ ଝେସ୍ପାମୁ □”

୧୧ ଏରେଟିଏ ପ୍ରବୁ ଏଞ୍ଜାଣାଇଁ  
ଏଲେଇରେସି, “ତିୟାରା ଆହାନା  
'ସଲକ' ଦରୁଗାଟି ଜିରୁ ଆସାଁ ଜୀହୁଦା  
ଇଲୁତା ତାର୍ସ ଗାଡ଼ାତି ସାଞ୍ଜୁଲ ଇନାଣାଇଁ  
ପାରାମୁ; ଇତିହ୍ ଏଞ୍ଜାସି ପ୍ରାଡାନା  
କିହିମାନେସି;

୧୨ ଅଡ଼େ, ଏଞ୍ଜାସି ସେୟାଁଣା ହାପାନା  
ମେସାମାନେସି, ହନନିୟ ଇନାସି ର  
ମାଣ୍ଡସି ଝାହାନା ତାନି ଲାକ କେୟୁ  
ଇଟିମାନେସି, ଏନିକ୍ ଏଞ୍ଜାସି ମେସାଲି  
ଆଡ଼ିମାନେସି □”

୧୩ ହନନିୟ ଏଲେଇରେସି, “ପ୍ରବୁ,  
ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି  
ଏରେକା ନିନ୍ଦା କିହିମାନେସି ଇଞ୍ଜା  
ନାନୁ ହାରେକା ଲକୁ ତାଣାଟି ଇ ଲକୁତି  
କାତା ଝେଞ୍ଜାମାଇଁ □

୧୪ ଅଡ଼େ ଇ ଟାୟୁତା ନୀ  
ଦରୁଟି ପ୍ରାଡାନା କିହିମାନାରାଇଁ  
ବାରେଜାଣାତି ଦସା ଅୟାଲି ଏଞ୍ଜାସି  
କାଜା ପୂଜେରାଙ୍ଗା ତାଣାଟି ଅଦିକାରା  
ଆକୁ ବେଟାଆହାମାନେସି □”

୧୫ ସାମା ପ୍ରବୁ ଏଞ୍ଜାଣାଇଁ  
ଏଲେଇରେସି, “ହାଲାମୁ; ଇତିହ୍  
ଏଞ୍ଜାସି ଏଟକା କୁଡ଼ାତି ରାଜାୟାଁ ଅଡ଼େ  
ଇସ୍ତାୟେଲ ଲକୁତି ମାସ୍କା ମୀରକା  
ନକିତା ନା ଦରୁ ଝେକ୍‌ହାଲି ନାନୁ  
ଏଞ୍ଜାଣାଇଁ ନା ସେବା କିନାସି କିହାନା  
ଆଡ଼ାମାଇଁ;

୧୬ ଅଡ଼େ ନା ଦରୁ ତାକି ଏଞ୍ଜାସି  
ଏରେକା ଦୁକୁ ବେଟାଆନେସି, ଏଡ଼ାଆଁ  
ନାନୁ ଏଞ୍ଜାଣାଇଁ ଝେହ୍‌ଇଁ □”

୧୭ ଏରେଟିଏ ହନନିୟ ହାଜାନା, ଏ  
ଇଲୁତା ହଡ଼େସି, ଇଞ୍ଜା ତାନି ଲାକ  
କେୟୁ ଇଟାନା ଏଲେଇରେସି, “ତାୟି  
ସାଞ୍ଜୁଲ, ଇମ୍ପାଆଁ ଝାନି ଜିରୁତା ଆମିନି  
ପ୍ରବୁ ଜୀସୁ ନିଙ୍ଗେ ତଞ୍ଜା ଆୟାତେସି,  
ଏଞ୍ଜାସି ନାଙ୍ଗେ ପାଣ୍ଡାମାଞ୍ଜାନେସି,  
ନାନୁ ଏନିକ୍ ଝେଣ୍ଡେ ମେହ୍‌ମୁ ଇଞ୍ଜା  
ସୁଦୁଜୀସୁ ବେଟାଆମୁ □”

୧୮ ଏ ଦେବୁଣିଏ ଏଞ୍ଜାଣି କାଣ୍ଡକାଟି  
ମୀନୁ ହିପି ଲେହେଁତାୟି ତୁଲିତେ, ଇଞ୍ଜା  
ଏଞ୍ଜାସି ଝେଣ୍ଡେ ମେସାଲି ଆଡ଼ିତେସି,  
ଅଡ଼େ ନିଙ୍ଗାନା ବାପ୍ତିସ୍ମାଁ ଅଡ଼େସି,

୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା  
ବାଡ଼ୁୟୁ ବେଟାଆତେସି, ଏରେଟିଏ  
ସାଞ୍ଜୁଲ ଏତରଦିନା ସାସୁୟାଁ ତଲେ  
ଦମେସକତା ତୁୟିତେସି □

ଦମେସକତା ସାଞ୍ଜୁଲ ଝେକନାୟି □  
 ୨୦ ଅଡ଼େ, ଜୀସୁ ମାହାପୁରୁତି ମୀରଏସି ଇଞ୍ଜି ଆଫୁଞ୍ଜା ତଲେ ଜୀହୁଦି ଲକ୍ଷୁତି କୁଟମି ଇଲ୍‌କାଣାଃ ଝେସାଲି ମାଟ୍‌ହେସି □

୨୧ ଅଡ଼େ, ଆମିନି ଗାଟାରି ତାନି ହାଡ଼ା ଝେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକ୍ଷୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାରାଇଁ ଦସ୍‌ପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଝାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଝେକନାୟି ହାରେକା ବାଡ଼ୁୟୁ ଗାଟାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ଝେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷୁଣି ଝେଶ୍ତେ ଝେସାଲି ଆଡ଼ାଆଚେରି □

୨୩ ☆ଏଚରଦିନା ହାଟି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି;

୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟାଁ ତୁ ହାଚେ, ଅଡ଼େ ଏଞ୍ଜାରି ଏନିକିଁ ସାଞ୍ଜୁଲଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଝେରିକାଣା କାଟିହଁ ଡ଼ୟିଚେରି □

୨୫ ସାମା ସାଞ୍ଜୁଲତି ସାସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ତାଲିତା ରସାହାଁ କଟା କାତିଟି ଡ଼ଇ ରେପ୍‌ହେରି □

ଜିରୁସାଲମତା ସାଞ୍ଜୁଲ

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସାସୁୟାଁ ତଲେ ଆଣ୍ଡାଲି ଅଣ୍ଡିମାଚେସି; ସାମା ଏଞ୍ଜାସି ର ସାସୁ ଇଞ୍ଜି ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି □

୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆଡ଼ାରି ତାଣା ତାଚେସି, ଇଞ୍ଜା ଜିରୁତା ଏଞ୍ଜାସି ଏନିକିଁ ପ୍ରବୁଇଁ

ମେସ୍ତେସି ଇଞ୍ଜାଁ ପ୍ରବୁ ଏନାଆଁ ତାଜେ ହାଡ଼ା ଆଚେସି, ଦମେସକତା ଜୀସୁ ଦରୁତି ସାସାତଲେ ସାଞ୍ଜୁଲ ଏନିକିଁ ଝେସାମାଚେସି, ଇ ବାରେ କାତା ଏଞ୍ଜାରି ନକିତା ଝେସ୍ତେସି □

୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ଡ଼ୟିଚେସି ଅଡ଼େ ଜିରୁସାଲମତି ବାରେଞ୍ଜାକି ହାଜାନା ସାସାତଲେ ପ୍ରବୁତି ଦରୁ ଝେକହେସି □

୨୯ ଇଞ୍ଜାଁ ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକ୍ଷୁତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି □

୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଣାଇଁ ତାର୍ଯତା ପାଣ୍ଡିଚେରି □

୩୧ ଇଲେଆହଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାର୍ସୁ ଆହାନା ପ୍ରବୁଇଁ ଆଜାନା ହିଡ଼ଡ଼ି ଜୀହୁତଲେ ମାଚେରି, ଇଞ୍ଜାଁ ସୁଦୁଜୀହୁତି ସାଫ୍‌ୟେମି ତଲେ ପାଡ଼ାଆହାଲି ମାଟ୍‌ହେରି □

ଲୁଦ ଅଡ଼େ ଜାପତା ପିତର

୩୨ ଏଚେଟିଏ ପିତର ବାରେ ରାଜିତା ରେଜି ରେଜିହଁ ଲୁଦତା ଡ଼ୟିନି ମାହାପୁରୁ ଲକ୍ଷୁଣି ଆଣ୍ଡାଲି ହାଚେସି □

୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଟାଆଚେସି, ଏଞ୍ଜାସି ଆଡ଼ା ବାର୍ଯା ପାଚେକା ଟଟ ଝାୟିତି ରଗ୍‌ ଆହାନା କାଚେଲିଟି ନିଙ୍ଗାଲି ଆଡ଼ିହିଲାଆଚେସି □

୩୪ ପିତର ଏଞ୍ଜାଣାଇଁ ଏଲେଇଚେସି, “ଏନିୟ, ଜୀସୁ କ୍ରୀସ୍ତ ନିଙ୍ଗେ ନେହଁ କିହାମାଞ୍ଜାନେସି; ନିଙ୍ଗାମୁ ନୀ ପାସ୍‌ପନି ମୁଦା କିମୁ” ଏଚେଟିଏ ଏଞ୍ଜାସି ଏ ଦେବୁଣିଏ ନିଙ୍ଗିଚେସି □

୩୫ ଏଚେଟିଏ ଲୁଦ ଇଞ୍ଜାଁ ସାରଣତା ବାସା କିହାମାନି ଲକ୍ଷୁ ଏଞ୍ଜାଣାଇଁ

‡ ୯:୨୦ ୯:୨୦ ସିନଗର ☆ ୯:୨୩ ୯:୨୩ ୨କର ୧୧:୩୨,୩୩

ମେସାନା, ପ୍ରବୁ ତାଣା ହିୟାଁ ଝେଟ୍‌ହେରି  
□

୪୩ ଅଡ଼େ, ପିତର ହାରେକା ଦିନା  
ପାତେକା ଜାପତି ସିମନ ଦରୁଗାଟି  
ତଲ୍ଲକା କାମାକିନାଣି ଇଜ ଡ଼ୟିତେସି □

ଦର୍କା ଝେଣ୍ଣେ ନୀଡ଼ିନାୟି

୧୦

୩୬ ଜାପତା ଟାବିତା ଦରୁଗାଟି  
ମାହାପୁରୁଇଁ ନାମିତି ର ଇୟା ମାଚେ,  
ଗ୍ରିକ୍ ତଲେ ଦର୍କା ଇଚିସାରେ ତାନି ଦରୁ  
“ର କୁହୁଁ □” ଏଡ଼ି ବାରେବେଲା ନେହ  
କାମା କିହୁଁ, ହିଲାଆ ଗାଟାରାକି  
ସାୟେମି କିହିମାଚେ □

ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ  
ଦରୁଗାଟାସି ର ଲକୁ ମାଚେସି, ଏଝାସି  
ଇତାଲିକ ଦରୁଗାଟି ରମିୟ ରିଜାରି  
କସ୍‌କାଟି ପାସାକଡ଼ି କସ୍‌କା ମୁହେଁ  
କାଜାସି ମାଚେସି □

୩୭ ଏଚିବେଲାତା ଏଡ଼ି ନଚେରି  
ଆହାନା ହାହାହାଚେ, ଲକୁ ଏଦାନି ଏୟୁ  
ମୀଡ଼ହାନା ଲାକନି ପାରୁତି ର ବାକ୍ରାତା  
ଡ୍ରିପୁହୁ □

୨ ଏଝାସି ର ଦାମ୍ବୁ ଲକୁ ମାଚେସି;  
ତାନି ଇଲୁ କୁଟମି ତଲେ ମାହାପୁରୁଇଁ  
ଆଜିମାଚେସି, ଏଝାସି କାକୁଲି ଲକୁତାକି  
ଦାନା ହାହିମାଚେସି, ଅଡ଼େ ମାହାପୁରୁ  
ତାଣା କାଲେଏ ପ୍ରାଡାନା କିହିମାଚେସି □

୩୮ ଇଞ୍ଜାଁ ଲୁଦ ଜାପ ତାଗେ  
ମାଚାକି ସୀସୁୟାଁ ପିତର ଜାପତା  
ମାନେସି ଇଞ୍ଜାଁ ଝେଞ୍ଜାନା, ରୀ ଲକୁଣି  
ଏଝାଣି ତାଣା ପାଣ୍ଡାନା ଇ କାତା  
ବାତିମାଲିତେରି, “ମା ତାଣା ଝାହାଲି  
ଝେଡ଼ା କିଆନି □”

୩ ର ଦିନା ମିଡ଼ଅଲା ତାନି ଗଂଟା  
ବେଲାତା ଏଝାସି ସେୟାଁଣା ହାପାନାତା  
ତୀରପୁତଲେ ମେସ୍‌ସେସି, ର ମାହାପୁରୁତି  
ଦୂତୁ ଝାହାନା ଏଝାଣାଈଁ ଏଲେଇଚେସି,  
“କର୍ନଲିୟ □”

୩୯ ପିତର ନିଙ୍ଗାନା ଏଝାରିତଲେ  
ହାଚେସି, ଏମ୍‌ଆଁ ଏଝାସି ଝାହାଲିଏ  
ଏଝାଣାଈଁ ଲାକନି ପାରୁତି ବାକ୍ରାତା  
ଅଡ଼େରି, ଅଡ଼େ ରାଣ୍ଡେଣିସିକା ସାରିସୁଟୁ  
ମୁଚାନା ଡ଼ାହି ଡ଼ାହିଁ ଦର୍କା ନୀତାମାଟି  
ବେଲାତା କେପାମାଟି ହିମ୍‌ବିକା ବାରେ  
ଏଝାଣାଈଁ ତସ୍‌ସୁ □

୪ ଏଝାସି ଆଜିତଲେ ଦୂତୁ ଝାକି  
ସିନିକିତେସି ଅଡ଼େ ଝେଚେସି, “ଇଦି  
ଏନାୟି ପ୍ରବୁ ?” ଦୂତୁ ଏଝାଣାଈଁ  
ଏଲେଇଚେସି, “ନୀ ପ୍ରାଡାନା ଅଡ଼େ  
ଦାନା ହାନାୟି ଲାକ ମାହାପୁରୁ ନକିତା  
ଏଜାମାନେ □

୪୦ ସାମା ପିତର ବାରେଜାଣାଟି  
ପାଙ୍ଗାତା ପାଣ୍ଡାନା ମେଣ୍ଡାକୁତାନା  
ପ୍ରାଡାନା କିତେସି; ଇଞ୍ଜାଁ ମାଡ଼ହା ଝାକି  
ଡିରଝାନା ଏଲେଇଚେସି, “ଟାବିତା,  
ନିଙ୍ଗାମୁ” ଏଚେଟିଏ ଏଡ଼ି କାଣିକା  
ଦେତାନା ପିତରଈଁ ମେସ୍‌ସେ ଇଞ୍ଜାଁ  
ନିଙ୍ଗାନା କୁଗିତେ □

୫ ନୀଏଁ ନୀନୁ ଜାପତା ଲକୁଣି  
ପାଣ୍ଡାନା ସିମନ ପିତର ଦରୁଗାଟି ଲକୁଈଁ  
ହାଟାତାମୁ, ଏଝାଣି ହାଟା ଦରୁ ପିତର  
ଇନେରି;

୪୧ ଇଞ୍ଜାଁ ପିତର କେୟୁ ଦାସାନା  
ଦର୍କାଈଁ ନିକ୍‌ହେସି, ଇଞ୍ଜାଁ ମାହାପୁରୁ  
ଲକୁ ଅଡ଼େ ରାଣ୍ଡେଣିସିକାଣି ହାଟାନା  
ଏଦାନି ନୀତାମାନାଣି ତସ୍‌ସେସି □

୬ ଏଝାସି ସିମନ ଦରୁଗାଟି ର  
ତଲ୍ଲକା କାମାକିନାଣି ଇଜ ଗତାଗାଟାସି  
ଆହାମାନେସି, ଏଝାଣି ଇଲୁ ସାମ୍‌ଦୁରି  
ଗାଟୁତା □”

୪୨ ଇ କାତା ଜାପତି ସାରିସୁଟୁ  
ଝେଙ୍ଗାହାଚେ ଅଡ଼େ ହାରେକା ଲକୁ  
ପ୍ରବୁଈଁ ନାମିତେରି □

୭ ତାନିତଲେ କାତା ଆହିମାଟି ଦୂତୁ  
ହାଜାଲିଏ, ଏଝାସି ତାନି ଇଜ କାମା  
କିନି ରୀ ହଲିୟାଙ୍ଗାଣି ଇଞ୍ଜାଁ ତାଙ୍ଗେ  
ସେବାକିନି ରିଜାରି କସ୍‌କା ବିତ୍ରାଟି ର  
ଦାମ୍‌ବୁତି କହୁଏଁଣାଈଁ ହାଟିତେସି,

୮ ଅଡ଼େ ଏଞ୍ଜାସି ଏଞ୍ଜାରାଙ୍କୁ ଏମ୍ବାଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି □

ପିତର ସେୟାଣା ହାପାନା ହେଣନାୟି

୯ ଅର ଦିନା ଏଞ୍ଜାରି ହାଜି ହାଜିହୁଁ ଏ ଗାଡ଼ାତି ତାଗେ ଆଡେରି, ଏଟିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇଲୁ ଲାକ ହାଚେସି,

୧୦ ଏଞ୍ଜାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଞ୍ଜାରି ରାନ୍ଦା ଖାଜିମାଟି ବେଲାତା, ଏଞ୍ଜାସି ସେୟାଣା ହାପାନା ମେସେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକିଁ ର ହିମ୍ବିରିତି ସାରି କନତା ଆସପି ଆହାନା ଦାରତି ଲାକ ରେଟା ଖାହିମାନେ;

୧୨ ଏମ୍ବାଆଁ ଦାରତିତି ବାରେ କୃତାତି ସାରିଗଟା କତା ଗାଟି ଜନ୍ତ ଜୀଝେଡ଼ିକା, ରାସକା ତ୍ତୁରିୟାଁ ଅଡ଼େ ହାଗୁତି ପଗାୟାଁ ମାନୁ □

୧୩ ଇଞ୍ଜା ଏଞ୍ଜାଣାକି ଇ ହାଡ଼ା ଆଡେ, “ପିତର; ନିଙ୍ଗାମୁ, ପାୟାନା ତିନାମୁ □”

୧୪ ସାମା ପିତର ଏଲେଇଚେସି, “ଆଏ ପ୍ରବୁ, ନାନୁ ଏଚେଲାଖା ଏନି ଲାଗେଏ ପଚେଲଏତି ଦିଶସୁ ତିଞ୍ଜାହିଲଅଁ □”

୧୫ ଅଡ଼େ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି □”

୧୬ ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବିରି ଲାକପୁରୁ ଅଞ୍ଜିଆଡେ □

୧୭ ପିତର ଏନାଆଁ ସେୟାଣା ହାପାନା ହେଣ୍ଡାମାଚେସି, ଏଦି ଏନାୟି, ଇଞ୍ଜା ଅଣ୍ଡିପିହୁଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁଞ୍ଜି ଆହାମାନାରି ସିମନ ଇଲୁ ପାରିହୁଁ ଦୁଝେରିତା ନିକା ଖାଡ଼େରି,

୧୮ ଇଞ୍ଜା ଏଞ୍ଜାରି ଝେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଟାଣି ଅଣ୍ଡିମାଟି ବେଲାତା ଜୀଞ୍ଜୁ ଏଞ୍ଜାଣାଙ୍କୁ ଏଲେଇଚେ, “ମେହ୍ନୁ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି □

୨୦ ଏଦାଆଁତାକି ତିୟାରା ଆମୁ ଅଡ଼େ ଡ଼ଇ ହାଲାମୁ, ଅଡ଼େ ଆନାମାନା ଆଆନା ଏଞ୍ଜାରିତଲେ ହାଲାମୁ, ଏନାଆଁତାକି ଇତିହୁଁ ନାନୁ ଏଞ୍ଜାରାଙ୍କୁ ପାଣ୍ଡାମାଞ୍ଜାଙ୍କୁ □”

୨୧ ଏଚେଟିଏ ପିତର ଏ ଲକୁତାଣା ରେଟାଖାହାନା ଏଲେଇଚେସି, “ମୀରୁ ଆମ୍ବାଆରାଙ୍କୁ ପାରିମାଞ୍ଜେରି, ନାନୁ ଏଞ୍ଜାଚେଏଁ □ ମୀରୁ ଏନାଆଁତାକି ଖାହାମାଞ୍ଜେରି ?”

୨୨ ଏଞ୍ଜାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଞ୍ଜାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଙ୍କୁ ଆଜିନାସି, ଅଡ଼େ ବାରେ ଜୀହୁଦି କୃତାତା ଝେଙ୍ଗିତାସି, ଏଞ୍ଜାସି ନିଙ୍ଗେ ତାନି ଇଜ ହାଟାନା ନୀ ଜାପନାଣି ଝେଞ୍ଜାଲିତାକି ମାହାପୁରୁତି ଦୂତୁ ତାଣାଟି ହୁକୁମି ବେଟା ଆହାମାନେସି □”

୨୩ ପିତର ବିତ୍ତା ହାଟା ଅହାନା ଏଞ୍ଜାରାଙ୍କୁ ସେବା କିତେସି □ ଅର ନେରୁ ନିଙ୍ଗାନା ତିୟାରା ଆହାନା ଏଞ୍ଜାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଜାରିତଲେ ହାଚେରି □

୨୪ ଅର ନେରୁ ଏଞ୍ଜାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜା ଅଡ଼େ ଜାଟୁତି ତଡ଼େସିଙ୍ଗାଣି ହାଟାହାଁ କୃଡ଼ି କିହାନା ଏଞ୍ଜାରାଙ୍କୁ କାଡ଼ିମାଚେରି □

୨୫ ପିତର ବିତ୍ତା ହାଜାଲିଏ କର୍ନଲିୟ ଏଞ୍ଜାଣି କଡ଼ାଁ ଡ଼ଇ ମୁନୁ କୁତାନା ଜହରା କିତେସି □

୨୬ ସାମା ପିତର ତାଙ୍ଗେ ନିକ୍ହାନା ଏଲେଇଚେସି, “ନିଙ୍ଗାମୁ, ନାନୁ ଜିକେଏ ର ମାଣ୍ଡସିଚେଏଁ □”

୨୭ ଏଚେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତ୍ତା



ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା  
ଆହାମାନାଣି ମେସ୍ତେସି □

୨୮ ଅଡ଼େ ଏଞ୍ଜାସି ଏଞ୍ଜାରାଇଁ  
ଏଲେଇରେସି, “ଏଟ୍‌କା କୃତାତି ଏନ୍  
ଲକୁତଲେ ଆଣ୍ଡିନାୟି କି ଏ. ଲକୁ  
ତାଗେ ହାନାୟି ଜୀହୁଦି ଲକୁତାକି  
ଏନ୍‌କିହୁଁ ମେରା ହିଲେଏ, ଏଦାଆଁ  
ମୀରୁ ନେହୁଁକ୍ ପୁଞ୍ଜାମାଞ୍ଜେରି  
ଆଡ଼ିଜିକେଏ ଆମିନି ଲକୁଇଁ ସୁଦୁ  
ହିଲାଆ ଗାଗାରି କି ଲାଗେଏତାରି  
ଇଞ୍ଜିହୁଁ ଇନାଆନି ଇଞ୍ଜି ମାହାପୁରୁ  
ନାଙ୍ଗେ ତସାମାଞ୍ଜାନେସି □

୨୯ ଏଦାଆଁତାକି ହାଟ୍‌ନିଏ ନାନୁ  
ଏନାଆଁ ଅଣ୍‌ପାଆନା ଝାଡେଏଁ □  
ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ,  
ଏନାଆଁ କିହାଲି ମୀରୁ ନାଙ୍ଗେ  
ହାଟାତେରି ?”

୩୦ କର୍ନଲିୟି ଏଲେଇରେସି,  
“ତାନିଦିନା ନକେଏ ଇ ବେଲାତା  
ମିଡ଼ଅଲା ତାନି ଗଂଟା ବେଲା ନାନୁ ନା  
ଇଜ ପ୍ରାତାନା କିହିମାରେଏଁ; ମେହୁମୁ  
ଏମ୍ବାଆଁ ଉଜେଡ଼ିଗାଟି ଦବଲା ହିମ୍ବୁରିକା  
ତୁରହାମାନି ର. ଲକୁ ନା. ନକିତା  
ନିଡେସି,

୩୧ ଅଡ଼େ ଏଞ୍ଜାସି ଏଲେଇଞ୍ଜାଡେସି,  
‘କର୍ନଲିୟି! ମାହାପୁରୁ ନୀ ପ୍ରାତାନା  
ଝେଞ୍ଜାମାନେସି; ଇଞ୍ଜା ହିଲାଆ  
ଗାଗାରାକି ନୀ ଦାନା ହାନାୟି ବାରେ  
ମାହାପୁରୁ ନକିତା ନେହୁଁ ତଞ୍ଜା  
ଆହାମାନେ □

୩୨ ଇଦାଆଁତାକି ସିମନ ଦରୁଗାଟି  
ପିତରଇଁ ହାଟା ତାଗାଲି ଜାପତା ଲକୁଇଁ  
ପାଣ୍ଡାମୁ, ଏଞ୍ଜାସି ସାମ୍‌ଦୁରି ଗାଟୁତା  
ଡ଼ୟିନି ତଲକା କାମା କିନି ସିମନ ଇଜ  
ଗତାଗାଟାସି ଆହାମାନେସି □’

୩୩ ଏଦାଆଁତାକି ଝେଡ଼ାକିଆନା  
ନାନୁ ନୀ ତାଣା ଲକୁ ପାଣ୍ଡାଡେଏଁ,  
ଅଡ଼େ ନାନୁ ଝାହାମାଞ୍ଜି ନେହୁଁ  
କିହାମାଞ୍ଜି, ଇଡିହୁଁ ପ୍ରୁ ନିଙ୍ଗେ  
ଏନାଆଁ ହୁକୁମି ହାହାମାଞ୍ଜାନେସି,  
ଏଦାଆଁ ଝେଞ୍ଜାଲିତାକି ମାମ୍‌ସୁ ବାରେ

ମାହାପୁରୁ ନକିତା କୃତା ଆହାମାନମି  
□”

ପିତର ଜାପ୍‌ନାୟି

୩୪ ଏଚେଟିଏ ପିତର ଗୂତି ଏକ୍‌ହାନା  
ଏଲେଇରେସି, “ମାହାପୁରୁ ସାଡେଏ  
ବାରେ ଲକୁଣି ପାରଡା ବାଟି କିଅସି,

୩୫ ଆମିନି ଲକୁ ଏଞ୍ଜାଣାଇଁ ଆଜିନେରି  
ଅଡ଼େ ଏଞ୍ଜାସି ଅପିନି ଲେହେଁ ନେହୁଁ  
କାମା କିନେରି ଏଞ୍ଜାରି ଆମିନି କୃତାତାରି  
ଇଡିହୁଁ ଜିକେଏ, ଏଞ୍ଜାସି ଆବିନେସି □

୩୬ ଏଞ୍ଜାସି ଜୀସୁ କ୍ରୀସ୍ତ ତାଣାଟି  
ହିଡ଼ଡ଼ିତି ନେହୁଁ କାରୁ ଝେସାନା  
ଇସ୍ତାୟେଲ ମୀରକା ନକିତା ଇ ବଲୁ  
ପାଣ୍ଡିଡେସି; ଏ. ଜୀସୁ କ୍ରୀସ୍ତ ବାରେଡି  
ପ୍ରୁ □

୩୭ ମୀରୁ ପୁଞ୍ଜାମାଞ୍ଜେରି ଜହନ  
ବାପ୍ତିସ୍ମ\* କାତା ଝେକ୍‌ହି ତାଣାଟିଏ ଏ  
ନେହୁଁ କାରୁ ଗାଲିଲିଟିଏ ମାଟ୍‌ହାନା  
ବାରେ ଜୀହୁଦା ରାଜିତି ଲକୁତାଣା  
ଝେଙ୍ଗାମାନେ,

୩୮ ଇଡିହୁଁ ନାଜ୍‌ରିତ ଜୀସୁତି କାତା  
ପୁଞ୍ଜାମାଞ୍ଜେରି, ଏନ୍‌କିଁ ମାହାପୁରୁ  
ଏଞ୍ଜାଣାକି ସୁଦୁଜୀସୁ ଇଞ୍ଜା ବାଡ଼ୁ  
ହୀହାନା ବର ହାଡେସି, ଇଞ୍ଜା ନେହୁଁ  
କାମା କିହୁଁ ସୟତାନ ପାନ୍ଦାତା  
ଦସ୍‌ପି ଆହାମାନି ଲକୁଣି ନେହୁଁ  
କିହୁଁ ବାରେଝାକି ରେରେସି, ଇଡିହୁଁ  
ମାହାପୁରୁ ଏଞ୍ଜାଣିତଲେ ମାଡେସି □

୩୯ ଏଞ୍ଜାସି ଜୀହୁଦି ଲକୁଡି ଦେସାତା  
ଅଡ଼େ ଜିରୁସାଲମତା ଏନା ଏନାଆଁ  
କିଡେସି, ମାମ୍‌ସୁ ଏ. ବାରେଡି ସାକି;  
ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା  
ଏକ୍‌ହାନା ପାୟିଡେରି □

୪୦ ସାମା ମାହାପୁରୁ ଏଞ୍ଜାଣାଇଁ ତାନି  
ଦିନାତା ନିକ୍‌ହେସି ଅଡ଼େ ତଞ୍ଜାଆଞ୍ଜି  
କିଡେସି;

୪୧ ବାରେଜାଣା ତାକି ଆଏ, ଝାରୁଇ  
ମାହାପୁରୁ ଆଡ଼ିତି ସାକି, ଇଡିହୁଁ ମା.  
ନକିତା ତଞ୍ଜାଆଡେସି □ ମାହାପୁରୁ  
ଏଞ୍ଜାଣାଇଁ ହାକିଟି ନିକ୍‌ହି ଜେତ ମାମ୍‌ସୁ  
ଏଞ୍ଜାଣିତଲେ ଡିଡମି ଉଟମି □

\* ୧୦:୩୭ ୧୦:୩୭ ମୁଞ୍ଜିନାୟି

୪୨ ଅତେ ଲକ୍ଷ୍ମୀ ନକିତା ଇ ନେହଁ  
କାରୁ ଝେକ୍‌ହାଲି, ଇଞ୍ଜା ହାତାରି  
ଅତେ ଜୀଝୁତା ନୀତାମାନାରି ନୀହାଁୟି  
କିନାସି ଆହାଲି ମାହାପୁରୁ ଏଝାଣାଈ  
ଆଚାମାନେସି ଇଞ୍ଜା ସାକି ହୀହାଲି  
ଏଝାସି ମାଜେ ହୁକୁମି ହିୟାତେସି □

୪୩ ଆମ୍ବାଆସି ଏଝାଣି ତାଣା  
ନାମିନେସି, ଏଝାସି ଏଝାଣି ଦରୁତଲେ  
ପାପୁ ମେଘପକି ଆନେସି, ଇଦାଆଁ ବାରେ  
ମାହାପୁରୁ ଅଣ୍‌ପୁତି ବଲୁ ଝେହନାରି  
ଏଝାଣି କାତାତି ସାକି ହୀହାମାନେରି □”

ଜୀହୁଦିଆଆତି ଲକ୍ଷ୍ମୀ ସୁଦୁଜୀଝୁ  
ବେଟାଆନାୟି

୪୪ ପିତର ଈ ବାରେ କାତା ଝେସିମାତି  
ବେଲାତା ଆମିନି ଗାଟାରି ତାନି ବଲୁ  
ଝେଞ୍ଜିମାରେରି, ଏ ବାରେଜାଣାତି ମୁହେ  
ସୁଦୁଜୀଝୁ ରେଟାଝାତେ □

୪୫ ଜୀହୁଦିଆଆତି ଲକ୍ଷ୍ମୀତାଣା ଜିକେଏ  
ସୁଦୁଜୀଝୁ ରେଟା ଝାତାଣି ମେସାନା  
ପିତର ତଲେ ଜାପତି ଝାହାମାତି ତଲୁ  
ଦାପି ଆତି ନାମିତି ଜୀହୁଦିୟାଁ, ଏଝାରି  
ବାରେଜାଣା କାବା ଆତେରି □

୪୬ ଇଚିହଁ ଏଝାରି ଏଟକା ଏଟକା  
ହାତାତଲେ କାତା ଆହିମାଚାଣି ଇଞ୍ଜା  
ମାହାପୁରୁତି ଜହରା କିହିମାନାଣି  
ଝେରେରି □ ଏଚିବେଲା ପିତର  
ଏଲେଇଚେସି □

୪୭ “ଇଝାରି ଆମିନି ଲକ୍ଷ୍ମୀ ମା ଲେହେଁ  
ସୁଦୁଜୀଝୁ ବେଟାଆହାମାନେରି, ଇଝାରି  
ଏୟୁତଲେ ବାପ୍ତିସ୍ତାଁ ବେଟାଆହାଲି  
ଆମ୍ବାଆସି କାହି କିୟାଲି ଆଡ଼ିମାନେସି  
?”

୪୮ ଇଞ୍ଜା, ଏଝାସି ଏଝାଚାଈ  
ଜୀସୁ କ୍ରୀସୁ ଦରୁତଲେ ବାପ୍ତିସ୍ତାଁ  
ହୀହାଲି ହୁକୁମି ହୀତେସି, ତାୟୁ  
ଏଝାରି ଏଚରଦିନା ତୟାଲି ଏଝାଣାଈ  
ବାତିମାଲିତେରି □

# ୧୧

ପିତର କାମାତି କାତା ଜିରୁସାଲମ  
କୁଲମିତା ଝେହନାୟି

୧ ଜୀହୁଦିଆଆତାରି ଜିକେଏ  
ମାହାପୁରୁତି ବଲୁ ନାମିତେରି, ଇ କାତା  
ପାଣ୍ଡୁଝି ଆତାରି ଇଞ୍ଜା ଜୀହୁଦା ରାଜିତା  
ମାନି ତାୟିୟାଁ ଝେରେରି □

୨ ପିତର ଏଚିବେଲା ଜିରୁସାଲମତା  
ଝାତେସି, ଏଚିବେଲା ତଲୁ ଦାପି ଆତି  
ସୀସୁୟାଁ ପିତର ତଲେ ବାଦିବାଦା  
ଆତେରି,

୩ “ନୀନୁ ଜୀହୁଦିଆଆତି ଲକ୍ଷ୍ମୀ  
ଇଲକାଣା ହାଜାନା ଏଝାରିତଲେ  
ତିଞ୍ଜାମାଞ୍ଜି □”

୪ ସାମା ପିତର ଈ ବାରେ  
କାତାତି ମୂଲୁଟିଏ ଝେସାଲି ମାଟ୍‌ହାନା  
ଏଲେଇଚେସି □

୫ “ନୀନୁ ଜାପ ଗାତାତା ପ୍ରାତାନା  
କିହିମାଚେସଁ, ଇଞ୍ଜା ସେୟାଁଣା  
ହାପାନାତା ମେସ୍‌ସେସଁ, ଏନିକିଁ ର  
କାଜା ହିମ୍‌ରିତି ସାରି କନତା ଆସାହାଁ  
ଲାକପୁରୁତି ତ୍‌ଇ ରେଟା ଝାହିମାଚେ,  
ଅତେ ଏଦି ନା ପାତେକା ଝାତେ;

୬ ନୀନୁ ଏମ୍ବାଆଁ ସିନିକିହାନା ଅଣ୍‌ପାଲି  
ମାଟ୍‌ହେସଁ, ଏମ୍ବାଆଁ ଦାର୍‌ତିତି ସାରିଗଟା  
କତାୟାଁ ତଲେ ତାକିନି ନାସ୍‌କାତି ଜନ୍ତ  
ଇଞ୍ଜା ଜାତାତି ଜନ୍ତ ତ୍‌ଗିୟାଁ ରାସ୍‌କା  
ଅତେ ହାଗୁତି ପଟାୟାଁ ମେସ୍‌ସେସଁ,

୭ ଅତେ ନାଜେ ଝେସାମାଞ୍ଜାନି ଈ  
ହାତା ଜିକେଏ ଝେଚେସଁ, ‘ପିତର;  
ନିଜାମୁ, ପାୟାନା ତିନାମୁ!’

୮ ସାମା ନୀନୁ ଏଲେଇଚେସଁ,  
‘ଆଏ ପ୍ରୁ! ତୀଗାଆଗାଟି ଲାଗେଏ  
ପଲେଏତି କାଦି ନୀନୁ ଏଚେଲାଝା ନା  
ଗୁତିତା ଅହାହିଲଅଁ □’

୯ ସାମା ଅଚ ଦେବା ଲାକପୁରୁତି ଈ  
ହାତା ଝେସ୍‌ସାତେ, ‘ମାହାପୁରୁ ଏନାଆଁ  
ସୁଦୁ କିହାମାନେସି, ଏଦାଆଁ ନୀନୁ  
ଲାଗେଏତାୟି ଇନାଆନି □’

୧୦ ଇଲାଆହଁ ତାନି ପାଲି ଆତେ,  
ଅତେ ତାୟୁ ଏ ବାରେ ଝେଶ୍‌ଶେ ଲାକପୁରୁ  
ଅଝିଆତେ □

୧୧ ଅତେ ମେହ୍‌ଦୁ, ଦେବୁଣିଏ ତାନି  
ଜାଣା ଲକ୍ଷ୍ମୀ ମାମ୍‌ଆମିନି ଇଲୁତା ମାଚମି

† ୧୦:୪୨ ୧୦:୪୨ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି

ଏମ୍ବାଆଁ ଖାହାନା ନିତେରି, ଏଞ୍ଜାରି  
କାୟିସରିୟାଟିଏ ନା. ତାଣା ପାଣ୍ଡୁଞ୍ଜି  
ଆହାମାଚେରି □

୧୭ ଇଞ୍ଜା ଆନାମାନା ଆଆନା  
ଏଞ୍ଜାରିତଲେ ହାଜାଲି ଜୀଞ୍ଜୁ ନାଜେ  
ଞ୍ଜେସ୍ତାତେ, ଅଡ଼େ ଇ ସି ଜାଣା  
ତାୟିୟା ଜିକେଏ ନା. ତଲେ ଜାପଟି  
କାୟିସରିୟାତା ଖାଡ଼େରି, ଇଞ୍ଜା ମାମ୍ବୁ  
ଏ କର୍ନଲିୟ ଇଜ ହାଟମି □

୧୩ ଏଞ୍ଜାସି ଏନିକ ର. ଦୂତୁଇଁ  
ସେୟାଣା ହାପାନାତା ମେସାମାଚେସି,  
ଏଦାଆଁ ମାଜେ ଞ୍ଜେସ୍ତାତେସି, ଏ ଦୂତୁ  
ଏନିକ ଏଞ୍ଜାଣି ଇଜ ନିଚାନା ଞ୍ଜେସ୍ତେ,  
ଜାପତା ଲକୁଣି ପାଣ୍ଡାନା ପିତର ଇନି  
ସିମନଇଁ ହାଟାତାମ୍ବୁ;

୧୪ ଏଞ୍ଜାସି ମିଜେ ଞ୍ଜେସ୍ତାନି  
କାତାତଲେ 'ମୀରୁ ଅଡ଼େ ମୀ ବାରେ  
କୁଟମି ଗେଲପି ଆଦେରି □'

୧୫ ତାୟୁ ନାନୁ ଜଲଲି ମାଟ୍‌ହାଲିଏ  
ସୁଦୁଜୀଞ୍ଜୁ ମା. ଲାକ ଏନିକ  
ରେଚାଞ୍ଜାଡ଼େ, ଏଲେକ ଏଞ୍ଜାରି ଲାକ  
ଜିକେଏ ରେଚାଞ୍ଜାଡ଼େ □

୧୬ ଏଚିବେଲା ପ୍ରୁ ଞ୍ଜେସ୍ତି ଇ ହାଡ଼ା  
ନା ଅଣ୍ଡୁପୁତା ଞ୍ଜାଡ଼େ; 'ଜହନ ଏୟୁତଲେ  
ବାପ୍ତିସ୍ତା\* ହାତେସି ସାତା, ସାମା ମୀରୁ  
ସୁଦୁଜୀଞ୍ଜୁ ତଲେ ବାପ୍ତିସ୍ତା ଆଦେରି □'

୧୭ ଇଚିହ ମାର ପ୍ରୁ ଜୀସୁ କ୍ରୀସ୍ତ  
ତାଣା ନାମିତି ବେଲାତା ମାହାପୁରୁ  
ଏନିକ ମାଜେ ଆମିନି ଦାନା  
ହାହାମାଞ୍ଜାତେସି, ଏଲେକିହ ଏ  
ଏଞ୍ଜାରାକି ଜିକେଏ ସମାନା ଦାନା  
ହାତେସି; ନାନୁ ଆମ୍ବାଆତେଏ  
ମାହାପୁରୁଇଁ କାହି କିହାଲି ଆଡ଼ିଇଁ □"

୧୮ ଏଞ୍ଜାରି ଇ ବାରେ କାତା  
ଞ୍ଜେଞ୍ଜାଲିଏ ଏଞ୍ଜାରି ପାଲେଏ ଆଡ଼େରି,  
ଇଞ୍ଜା ମାହାପୁରୁଇଁ ଜହରା କିହ  
ଏଲେଇଚେରି, "ଆଡ଼ିହ ମାହାପୁରୁ  
ଜୀହୁଦିଆଆଡ଼ି ଲକୁକି ଜିକେଏ ହିୟା  
ଞ୍ଜେଟ୍‌ହାଲି ଅଡ଼େ ନୀତାଲି ପାରୁ  
ହାହାମାନେସି □"

ଆନ୍ତିୟକିୟା କୁଲମି

୧୯ ଏଚେଟିଏ ସ୍ତିପାନ ହାଡ଼ି ତାୟୁ,  
ଏଚେକା ନାମ୍ବୁଗାଟାରି କସ୍ତୁ ନିୟା  
ଆଡାକି ଆଲାରା ଆହାମାଚାରି ବିତ୍ରାଟି,  
ପୟିନିକିୟା, କୁପ୍ର ଅଡ଼େ ଆନ୍ତିୟକିୟା  
ପାତେକା ରେଜାନା ଖାଉଇ ଜୀହୁଦି  
ଲକୁ ପିସ୍‌ପେ ଅଡ଼େ ଆମ୍ବାଆରି ତାଣା  
ନେହ କାବୁ ଞ୍ଜେସିହିଲାଆଡ଼େରି □

୨୦ ସାମା ଏଞ୍ଜାରି ବିତ୍ରାଟି ଏଚରଜାଣା  
କୁପ୍ର ଅଡ଼େ କୁରିଣିୟ ଲକୁ ଆନ୍ତିୟକିୟା  
ଖାହାନା ଗ୍ରିକ ଲକୁତାଣା ଜିକେଏ କାତା  
ଞ୍ଜେସିହ ପ୍ରୁ ଜୀସୁତି ନେହ କାବୁ  
ଞ୍ଜେକ୍‌ହେରି □

୨୧ ଅଡ଼େ, ଏଞ୍ଜାରିତଲେ ପ୍ରୁଡ଼ି  
ବାଡ଼ୁୟ ମାଚେ, ଅଡ଼େ ହାରେ ହାରେକା  
ଲକୁ ନାମାହାଁ ପ୍ରୁ ଖାକି ଞ୍ଜେଣ୍ଡାଞ୍ଜାଡ଼େରି  
□

୨୨ ଏଞ୍ଜାରି ହାଡ଼ା ଜିରୁସାଲମତି  
କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି  
ଆନ୍ତିୟକିୟା ପାତେକା ବର୍ନବାଇଁ  
ପାଣ୍ଡାଚେରି □

୨୩ ଏଞ୍ଜାସି ଏମ୍ବାଆଁ ଏଜାନା  
ମାହାପୁରୁତି କାର୍ମାମେସାନା ରାହାଁ  
ଆଡ଼େସି, ଇଞ୍ଜା ଏଞ୍ଜାରି ଏନିକ  
ହିୟାତା ରଣ୍ଡିଏ ରାହାଁତଲେ ପ୍ରୁ ତାଣା  
ମାନାପେରି ଇଞ୍ଜା ଏଞ୍ଜାରାକି ବାସ୍ତୁ  
ହାତେସି □

୨୪ ବର୍ନବା ର ନେହ ଲକୁ, ନାମୁତା  
ଇଞ୍ଜା ସୁଦୁଜୀଞ୍ଜୁ ବେଟାଆହାମାନାସି  
ମାଚେସି, ଇଞ୍ଜା ଇଲେଡି ବଲୁ ଞ୍ଜେକ୍‌ନି  
ତାଣା ହାରେକା ଲକୁ ପ୍ରୁ ତାଣା  
ଆଣ୍ଡିଚେରି □

୨୫ ତାୟୁ ବର୍ନବା ସାଞ୍ଜୁଲଇଁ ପାରାଲି  
ତାର୍ସ ଗାଡ଼ାତା ହାଚେସି,

୨୬ ଇଞ୍ଜା, ଏଞ୍ଜାସି ଏଞ୍ଜାଣାଇଁ  
ବେଟାଆହାନା ଆନ୍ତିୟକିୟାତା ତାଟିହ  
ଞ୍ଜାଡ଼େସି, ଏଞ୍ଜାରି ର. ବାର୍ସା ପାତେକା  
କୁଲମି ତଲେ ମାଞ୍ଜାନା ହାରେକା ଲକୁଣି  
ଜାପ୍‌ହେରି, ଅଡ଼େ ଆନ୍ତିୟକିୟାତି

\* ୧୧:୧୭ ୧୧:୧୭ କାମା ୧:୫ \* ୧୧:୧୭ ୧୧:୧୭ ମୁଞ୍ଜନାୟି † ୧୧:୧୭ ୧୧:୧୭ ମୁଞ୍ଜନାୟି \* ୧୧:୧୯  
୧୧:୧୯ କାମା ୮:୧-୪

ସୀସୁୟା ତଲିଏ କ୍ରୀସ୍ତାନା ଇଞ୍ଜି  
 ୱେଜିଠେରି □

୨୭ ଏରିବେଲାତା ଏଚରଜାଣା  
 ମାହାପୁରୁ ଅଣ୍ଟପୁଡି ବଲୁ ୱେହ୍ନାରି  
 ଜିରୁସାଲମଟି ଆନ୍ତିୟକିୟାତା ୱାଡେରି  
 □

୨୮ ☆ଏଞ୍ଜାରି ବିତ୍ରାଟି ଆଗାବ ଦରୁଗାଟି  
 ର ଲକୁ ନିଜ୍ଜାନା ବାରେ ଦାର୍ତତା କାଜା  
 କାଡାରା ଆନେ ଇଞ୍ଜି ଜୀଝୁଡି ବାଡୁୟୁ  
 ତଲେ ୱେସ୍ତେସି; ଏଡି କ୍ଲାଝୁଦିୟା  
 ସାଲୁଝି କିନାଣି ବେଲାତା ଆଡେ □

୨୯ ଏମ୍ବାଟିଏ ସୀସୁୟା ତାମ୍ବୁ ତାମି  
 ଆଡିନି ଲେହେଁ ଜୀହୁଦା ରାଜିତା ମାନି  
 ନାମିତି ତାୟିୟାକି ସାୟେମି କିୟାଲି  
 ତାରି କିତେରି,

୩୦ ଅଡେ, ଏଞ୍ଜାରି ଜିକେଏ ଟାକାୟା  
 କୃଡି କିହାନା ଏ କୁଲମିତି ପ୍ରାତିନାଜା  
 କେୟୁତା ହୀହାଲି ବର୍ନବା ଅଡେ,  
 ସାଝୁଲ କେୟୁତା ଟାକାୟା ପାଣ୍ଡିତେରି  
 □

## ୧୨

ହାରେକା ସାସ୍ତି ପାଣ୍ଡନାୟି

୧ ଏରିବେଲାତା ରାଜା ହେରଦ  
 କୁଲମିତି ଏଚର ଜାଣାକ୍ ସାସ୍ତି ହୀହାଲି  
 ମାଟ୍‌ହେସି □

୨ ଏଞ୍ଜାସି ଜହନତି ତାୟି ଜାକୁବକ୍  
 କାଣ୍ଡାତଲେ ପାୟି କିତେସି □

୩ ଅଡେ, ଜୀହୁଦି ଲକୁ ଏଞ୍ଜାଣି  
 ତାକି ରାହାଁ ଆହାମାନାଣି ମେସାନା  
 ଏଞ୍ଜାସି ପିତରକ୍ ଜିକେଏ ଆସ୍ତେସି,  
 ଏରିବେଲାତା ପୁଲା ଆଣ୍ଡାଆତି ରୁଟି ତିନି  
 ପାର୍ବୁ ମାଚେ □

୪ ଏଚେଟିଏ ଏଞ୍ଜାସି ପିତରକ୍  
 ଦସ୍‌ପାନା କାୟିଦି ଇଲୁତା ଇଟିତେସି,  
 ଇଞ୍ଜା ପିସ୍‌ପିଆନ୍ତି ପାର୍ବୁ ରାଡି ତାୟୁ  
 ଏଞ୍ଜାଣାକ୍ ବାରେ ଲକୁ ନକିତା ତାଚାଲି  
 ଅଣ୍ଟପାନା ଏଞ୍ଜାଣାକ୍ କାଡାଲି ସାରି  
 ଜାଣା ଲାକା ସାରି ଗଟି କସ୍‌କା କେୟୁତା  
 ହେର୍‌ପିତେସି □

୫ ପିତରକ୍ କାୟିଦିତା ସୁଣ୍ଡିତେରି,  
 ସାମା ଏଞ୍ଜାଣି ତାକି କୁଲମି ରଣ୍ଡିଏ  
 ହିୟାଁ ତଲେ ମାହାପୁରୁ ତାଣା ପ୍ରାଡାନା  
 କିହିମାଚେରି □

ପିତର କାୟିଦି ଇଲୁଟି ଗେଲ୍‌ପି  
 ଆନାୟି

୬ ତାୟୁ ହେରଦ ଆମିନି ଦିନା  
 ପିତରକ୍ ହପ୍‌ହାଲି ଅଣ୍ଟପାମାଚେସି, ଏ  
 ନେରୁ ଲାଆଁୟାଁ ପିତର ରୀ ହିକ୍‌ଣିୟା  
 ତଲେ ଦସ୍‌ପି ଆହାନା ରୀ କସ୍‌କା  
 ମାଦି ତୁରାମାଚେସି, ଅଡେ କାଃଆନାରି  
 କାୟିଦି ଇଲୁ ଦୁଝେରିତା କାଡାମାଚେରି  
 □

୭ ଅଡେ ମେହ୍‌ଦୁ, ଦେବୁଣିଏ ପ୍ରବୁଡି  
 ର ଦୂତୁ ଏମ୍ବାଆଁ ତଞ୍ଜାଆଡେ, ଇଞ୍ଜା  
 ଇଲୁ ବିତ୍ରା ଉଜେଡି ଆହାହାଚେ, ଅଡେ  
 ପିତରକ୍ ବମିତା ତୀଗାହାଁ ନିକ୍‌ହାନା  
 ଏଲେଇଚେ, “ତବେ ନିଜ୍ଜାମ୍ବୁ”  
 ଏମ୍ବାଟିଏ ଏଞ୍ଜାଣି କେସ୍‌ସାଡି ହିକ୍‌ଣିୟା  
 ହୁଜାହାଚୁ □

୮ ଏଚେଟିଏ ଦୂତୁ ଏଞ୍ଜାଣାକ୍  
 ଏଲେଇଚେ, “ଚେଡେଲି ରୂପା କଡାମ୍ବୁ  
 ଇଞ୍ଜା ସେପୁୟା ତୁରମ୍ବୁ” ଇଞ୍ଜା ପିତର  
 ଏଲେକିତେସି, ଅଡେ ଦୂତୁ ଏଲେଇଚେ,  
 “ନୀ ହିମ୍ବୁରି ପରହାନା ନା ଜେଚ ଜେଚ  
 ୱାମ୍ବୁ □”

୯ ପିତର ହଚାନା ଏଞ୍ଜାଣି ଜେଚ ଜେଚ  
 ହାଚେସି; ସାମା ଦୂତୁ ତାଣାଟି ଏନାଆଁ  
 କିଝିଆଡେ, ଏଡି ସାତେଏ ଏଦାଆଁ  
 ପୁନାଆନା ଏଞ୍ଜାସି ହାପାନା ହେଣ୍ଡିମାକ୍  
 ଇଞ୍ଜି ଅଣ୍ଟପିମାଚେସି □

୧୦ ଏରିବେଲାତା ଏଞ୍ଜାରି ନକିଡି  
 ଅଡେ ଏଦାଣି ତାୟୁ କାଡାମାଚାରାକ୍  
 ଗାଣ୍ଡତାନା ଆମିନି ଲହ ଦୁଝେରି  
 ହୀହାନା ଗାଡାତା ହଡାଲି ଆନେ,  
 ଏଦାଆଁ ତାଗେ ୱାହାଲିଏ, ଏଚେତା  
 ଏ ଦୁଝେରି ତାନୁ ତାନୁଏ ଏଞ୍ଜାରାକି  
 ଦେପି ଆହାହାଚେ, ଅଡେ ଏଞ୍ଜାରି ହଚା  
 ହାଜାନା ର ଆଂଗେଣି ମୁଟ୍‌ହାମାନି  
 ପାତେକା ହାଚେରି, ଇଞ୍ଜା ଦେବୁଣିଏ  
 ଏ ଦୂତୁ ଏଞ୍ଜାଣାକ୍ ପିସା ହାଚେ □

୧୧ ଏଚେଟିଏ ପିତର ସେତନା ଆହାନା ଏଲେଇଚେସି, “ପ୍ରବୁ ତାନି ଦୃତୁଇଁ ପାଣ୍ଡାନା ହେରଦ କେୟୁଟି ଅଡ଼େ ବାରେ ଜୀହୁଦି ଲକୁ ଅଣ୍ଡିପିମାଟି ତାଣ୍ଡାଟି ପିସ୍ପି କିହ୍ନା ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏଁ □”

୧୨ ଏଝାସି ଇ କାତା ଅଣ୍ଡିପିହ୍ନା ମାର୍କ ଦରୁଗାଟି ଜହନ ତାମି ଇୟା ମରିୟମନି ଇଜ ହାଚେସି; ଏମ୍ପାଆଁ ହାରେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି □

୧୩ ପିତର ପାଙ୍ଗାଟି ଦୁଝେରିତା ଝେଚାଲିଏ, ରଦା ଦରୁଗାଟି ର ହଲେଣି ଆମ୍ପାଆଚେରି ଇଞ୍ଜି ଝେଞ୍ଜାଲି ହାଚେ □

୧୪ ଏଦି ପିତରତି ହାଡ଼ା ଝେଞ୍ଜାନା ରାହ୍ନାତାକି ଦାରା ଦେଝଆନା ବିତ୍ରା ଦାବ୍ଡି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜି ଝେସ୍ତେ □

୧୫ ଏଝାରି ଏଦାନି ଏଲେଇଚେରି, “ନୀନୁ ବାୟା ଆଡ଼ିକି ଇଞ୍ଜି ଇଚେରି,” ସାମା ଏଦି ଏଦାଆଁ ସାତା ଇଞ୍ଜି ଗାଡ଼ିକିହ୍ନା ଝେସ୍ତେ, ଇଞ୍ଜା ଏଝାରି ଏଲେଇଚେରି, “ଏଦି ଏଝାଣି ଦୃତୁ □”

୧୬ ସାମା ପିତର ଦାରାତା ଅଲେ ଅଲେ ଝେଚିମାଚାକି, ଏଝାରି ଦାରା ଦେଚାନା ଏଝାଣାଇଁ ମେସାନା କାବା ଆଚେରି □

୧୭ ସାମା ଏଝାସି ଏଝାରାଇଁ ପାଲେଏ ମାଞ୍ଜାଲି କେୟୁ ଜୀଞ୍ଜିଚେସି, ଇଞ୍ଜା ପ୍ରବୁ ଏଝାଣାଇଁ ଏନିକି କାୟିଦି ଇଲୁଟି ହପ୍ତହା ତାଚେସି ଏଝାରାଇଁ ଝେସ୍ତେସି, ଅଡ଼େ ଏଝାସି ଏଲେଇଚେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଁଇଁ ଝେହ୍ନୁ,” ଇଞ୍ଜା ଏଝାସି ତାକିହ୍ନା ଅର ଗାୟୁତା ହାଜାତୁସ୍ତେସି □

୧୮ ଲାଇଁ ଝେୟାଲିଏ ପିତର ଆମ୍ପିୟା ହାଚେସି ଇଞ୍ଜି କାପୁ କାଝାନି କସ୍‌କା କାବାଆହାନା ହାରେକା ବିଲ୍‌କି ଆଚେରି ?

୧୯ ଅଡ଼େ, ହେରଦ ଏଝାଣାଇଁ ପାରି କିହାନା ପ୍ଲାଝାଲିଏ, କାପୁ କାଝନାରାଇଁ ଝେଚି ତାୟୁ, ଏଝାରାଇଁ ପାୟାଲି ହୁକୁମି ହାଚେସି □ ଏଦାଆଁ ତାୟୁ ହେରଦ

ଜୀହୁଦା ରାଜିଟି କାୟିସରିୟାତା ହାଜାନା ଏମ୍ପାଆଁ ତୟିଚେସି □

ହେରଦ ହାନାୟି  
୨୦ ଏଚିବେଲ୍ଲା ହେରଦ ସର ଅଡ଼େ ସିଦନତି ଲକୁତାକି ଆଜିହ୍‌ପେତି କପା ଆହାମାଚେସି, ଅଡ଼େ ଏଝାରି ରଣ୍ଡିଏ କାତା ଆହାନା ଏଝାଣି ତାଣ୍ଡା ଝାଚେରି, ଇଞ୍ଜା ରାଜା ଇଲୁଟି ଲାସ୍‌ସ୍‌ସ୍ ଇନି ସାଲ୍‌ଝି କିନାଣାଇଁ ତାମି ଝାକି କିହାନା, ରାଜାଇଁ ହିଡ଼ତି ତାକି ବାତିମାଲିଚେରି, ଇଚିହ୍ନା ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆନା ହାଜିମାଚେ □

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଚିନି ହିମ୍ପରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି;

୨୨ ଏଚେଟିଏ ଲକୁ କାଲ୍‌ଝି ଆହ୍ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ □”

୨୩ ଏ ଦେବୁଣିଏ ପ୍ରବୁତି ର ଦୃତୁ ହେରଦଇଁ ତୀଗିଚେ, ଇଚିହ୍ନା ଏଝାସି ମାହାପୁରୁଇଁ ଜହରା କିଆଚେସି, ଇଞ୍ଜା ଏଝାଣାଇଁ ପିଡ଼ୟୁଲି ତିଞ୍ଜାଲିଏ ଏଝାସି ହାଚେସି □

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଝେଞ୍ଜିଚେ □

୨୫ ତାୟୁ ବର୍ନବା ଅଡ଼େ ସାଝୁଲ ତାମି ସେବା କାମା ରାପ୍‌ହାନା ଜହନ ଇନି ମାର୍କଇଁ ତଡ଼ କିହାନା ଜିରୁସାଲମତି ଝେଣ୍ଡା ହାଚେରି □

## ୧୩

ବର୍ନବା ଅଡ଼େ ସାଝୁଲଇଁ ଆଚାନା ପାଣ୍ଡିନାୟି

୧ ଏଚିବେଲ୍ଲା ଆନ୍ତ୍ରିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାଟି ଲୁକିୟ, ହେରଦ ରାଜା ତାୟିଲେହ୍ ପାତାଆଡ଼ି ମନହେମ ଅଡ଼େ ସାଝୁଲ, ଆନ୍ତ୍ରିୟକିୟାତା ମାଟି କୁଲମିତା ମାହାପୁରୁ ଅଣ୍ଡିପୁତି ବଲୁ ଝେହ୍‌ନାରି ଅଡ଼େ ଜାପ୍‌ନାରି ମାଚେରି □

୨ ଏଞ୍ଜାରି ପ୍ରବୃତ୍ତି ସେବା ଅଡ଼େ ଉପାସା କିହିମାଚାଟି, ସୁଦୁଜୀଞ୍ଜୁ ଏଞ୍ଜାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡ଼େ ସାଞ୍ଜୁଲାଇଁ ହାଟାମାଇଁ, ଏ କାମାତାକି ଏଞ୍ଜାରାଇଁ ଏଟକା କିଦୁ □”

୩ ଏଚେଟିଏ ଏଞ୍ଜାରି ଉପାସା ଅଡ଼େ ପ୍ରାତାନା କିତି ତାୟୁ ଏଞ୍ଜାରି ତାର୍କାଣା କେସ୍ତା ଇଚାନା ଏଞ୍ଜାରାଇଁ ହେର୍ପାନା ପାଣ୍ଡିତେରି □

**କୁପ୍ରତା କାମା**

୪ ଇଲେଆହିଁ ବର୍ନବା ଅଡ଼େ ସାଞ୍ଜୁଲ ସୁଦୁଜୀଞ୍ଜୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜା ର ସାମ୍ପଦୁରି ଜାଜାତା ହଟାନା କୁପ୍ରତା ହାଚେରି □

୫ ଏଞ୍ଜାରି ସାଲମି ଗାଡାତା ଏଗାହାଜାଲିଏ ଜୀହୁଦି ଲକୁତି ବାରେ ଜୀହୁଦି ଲକୁତି କୁଟମି ଇଲୁକାଣା\* ମାହାପୁରୁତି ବଲୁ ଝେକ୍‌ହାଲି ମାଟ୍‌ହେରି; ଅଡ଼େ, ଜହନ ମାର୍କ ଜିକେଏ ସାୟେମି କିୟାଲି ଏଞ୍ଜାରିତଲେ ମାଚେସି □

୬ ଇଞ୍ଜା ଏଞ୍ଜାରି ଏ ଦେସା ମାଦିଟି ରେଜିହିଁ ପାପସ୍ ଗାଡାତା ହାଚେରି; ଏମ୍ପାଆଁ ଏଞ୍ଜାରି ବାଟ୍-ଜୀସୁ, ଦରୁଗାଟି ର ଜୀହୁଦି ଗାରଡ଼ି ଗାଟାଣାଇଁ ବେଟାଆଡ଼େରି, ଏଞ୍ଜାସି ମିଟି ମାହାପୁରୁ ବଲୁ ଝେହ୍‌ନାସି □

୭ ଏ ଦେସା ସାଲୁଝି କିନି ସେଗର୍‌ୟ ପାଞ୍ଜୁଲ ତଲେ ମାଚେସି, ଏ ସାଲୁଝି କିନାସି ର ବୁଦିଗାଟାସି, ଏଞ୍ଜାସି ସାଞ୍ଜୁଲ ଅଡ଼େ ବର୍ନବାଇଁ ହାଟି କିହାନା ମାହାପୁରୁତି କାତା ଝେଞ୍ଜାଲି ଅଣ୍‌ପିମାଚେସି □

୮ ସାମା ଏ ଗାରଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲୁଝି କିନାଣାଇଁ ନାମୁଟି ପିସ୍‌ପିକିନି ଅଣ୍‌ପୁ ତଲେ ଏଞ୍ଜାରାଇଁ ବାଦା ହାଚେସି □

୯ ସାମା ସାଞ୍ଜୁଲ ଆମ୍ପାଆରାଇଁ ପାଞ୍ଜୁଲ ଜିକେଏ ଇନେରି, ସୁଦୁଜୀଞ୍ଜୁଟି ନେଞ୍ଜାନା; ଏଲିମାଇଁ ସିନିକିତେସି,

୧୦ ଅଡ଼େ ଏଲେଇଚେସି, “ଆଡ଼େ ସୟତାନ ମୀର୍‌ଏଣାତି, ବାରେଲେହେଟି ନାଡ଼ିକିନି ଲାଗେଏତି ଅଣ୍‌ପୁତା ନେଞ୍ଜାମାନାତି, ଅଡ଼େ ବାରେ ନେହିଁ କାମାତି ସାଡୁ, ନୀନୁ ପ୍ରବୃତ୍ତି ସଲକେ ଜିରୁତି ଲାଗେଏ କିହାଲି ପିହ୍‌ଅତି କି ?

୧୧ ଅଡ଼େ ନୀର୍‌ ମେହ୍‌ମୁ ପ୍ରବୃତ୍ତି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡ଼େକା ତାକି ଝେଡାତି ଉଜେଡ଼ି ମେହ୍‌ଅତି □” ଏ ଦେବୁଣିଏ ଏଲିମା କାଣ୍‌କାତା ଦୁୟା ପଜିତି ଲେହେଁ ଆଡ଼େ ଇଞ୍ଜା ତାନି କେୟୁ ଆର୍‌ଆଁ ଜିରୁ ତସାଲି ରଅଣାଇଁ ପାରିତେସି □

୧୨ ଇଦାଆଁ ମେସାନା ସାଲୁଝି କିନାସି ପ୍ରବୃତ୍ତି ଜାପ୍‌ନାଣି ଝେଞ୍ଜାନା କାବାଆହାନା ନାମିତେସି □

**ପିସିଦିୟାତି ଆନ୍ତିୟକିୟାତା କାମା**

୧୩ ତାୟୁ ପାଞ୍ଜୁଲ ଅଡ଼େ ତାନି ତଟେସିକା ପାପସ୍‌ଟିଏ ସାମ୍ପଦୁରି ଜିରୁଟି ହାଜାନା ପଂପୁଲିୟା ଗାଡାତି ପଗର୍‌ତା ଝାଡ଼େରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଝେଣ୍ଡାହାଚେସି □

୧୪ ଏଞ୍ଜାରି ପଗର୍‌ଟି ହାଜାନା ପିସିଦିୟାତି ଆନ୍ତିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜୀହୁଦି ଲକୁତି କୁଟମି ଇଲୁତାଁ ହାଜାନା କୁଟିତେରି □

୧୫ ଅଡ଼େ, ମସା ରାଟିତି ମେରା ଇଞ୍ଜା ମାହାପୁରୁ ଅଣ୍‌ପୁଟି ବଲୁ ଝେହ୍‌ନାରି ପତି ପଡ଼ି ଆଡ଼ି ତାୟୁ, ପ୍ରାତାନା ଇଲୁତି କାଜାରି ଏଞ୍ଜାରିତାଣା ଏଲେଇଞ୍ଜି ଝେସା ପାଣ୍ଡିତେରି; “ତାୟିୟାଁ, ଲକୁତାକି ବାର୍‌ସୁ ହାନି କାତା ମାଟିହିଁ ଝେହ୍‌ଦୁ □”

୧୬ ଏଚେଟିଏ ପାଞ୍ଜୁଲ ନିଚାନା ଲକୁଣି କେୟୁ ତସିହିଁ ଏଲେଇଚେସି; “ଇସ୍ରାୟେଲ ଲକୁତେରି ଇଞ୍ଜା ଜୀହୁଦିଆଆତି ଲକୁତେରି ଅଡ଼େ

\* ୧୩:୫ ୧୩:୫ ସିନଗଗ † ୧୩:୧୪ ୧୩:୧୪ ସିନଗଗ

ମାହାପୁରୁଷ ଆଜିନାତେରି ନା କାତା  
ଝେଞ୍ଜୁ ।”

୧୭ ଈ ଇସ୍ରାୟେଲ କୃତାତି ମାହାପୁରୁ  
ମା ଆକୁ ଆବାୟାଣି ଆଡ଼ିତେସି, ଅଡ଼େ  
ଏଞ୍ଜାରି ମିସର ଦେସାତା ବାସା କିହାମାନି  
ବେଲାତା, ଏଞ୍ଜାରାଇଁ ପାତି କିତେସି,  
ଇଞ୍ଜା ବାଡ଼ୟୁ ଗାଟି କେୟୁତଲେ  
ଏଞ୍ଜାରାଇଁ ହପୁହା ତାତେସି,

୧୮ ତାୟୁ ରୀ କଡ଼ି ବାସା ପାତେକା  
ବାଃଲି ବାଗାତା ଏଞ୍ଜାସି ଏଞ୍ଜାରି  
ଲେମ୍ବିନାଣି ଅରୁହିତେସି ।

୧୯ ଏଞ୍ଜାସି କିଶାନ ଦେସାତି  
ସାତାଗଟା କୃତାତି ଲକୁଣି ନାସା କିହାନା  
ତାନି ଆଚାମାନି ଲକୁକି ଏ ଦେସାତି  
ଅଦିକାରା ହାତେସି ।

୨୦ ସାରି ଖାଞ୍ଜା ରୀ କଡ଼ି ଦସ  
ବାସା ବିତ୍ରା ଈ ବାରେ ଆଡ଼େ ।  
ଏଚେଟିଏ ମାହାପୁରୁ ଅଣ୍ଟପୁତି ବଲୁ  
ଝେହ୍ନି ସାମୁୟେଲ ପାତେକା ବିଚାରା  
କିନାରାଇଁ ଆଡ଼ିତେସି ।

୨୧ ଏମ୍ବାଟିଏ ଏଞ୍ଜାରି ର ରାଜାଇଁ  
ହିୟାମୁ ଇଞ୍ଜା ରୀସାଲିଏ ମାହାପୁରୁ ରୀ  
କଡ଼ି ବାସା ପାତେକା ବିନ୍ୟାମିନ୍ କୃତାତି  
କିସ୍ ମୀରଏସି ସାଞ୍ଜୁଲାଇଁ ରାଜା ଆହାଲି  
ହାତେସି ।

୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା  
ପାଣା ପିସପି କିହାନା, ଏଞ୍ଜାରି ରାଜା  
ଆହାଲିତାକି ଦାଞ୍ଜୁଦଇଁ ଆଡ଼ିତେସି,  
ମାହାପୁରୁ ଜିକେଏ ଏଞ୍ଜାଣି କାତା ସାକି  
ହାହାନା ଏଲେଇଚେସି; “ନାନୁ ଜିସି  
ମୀରଏସି ଦାଞ୍ଜୁଦଇଁ ବେଗାଆହାମାଇଁ,  
ଏଞ୍ଜାସି ନା ହିୟାତି ଅଣ୍ଟପୁ ଲେହେଁତାସି,  
ଏଞ୍ଜାସି ବାରେ କାତାତା ନା କାତା ମାନଞ୍ଜି  
ଆନେସି ।”

୨୩ ଏଞ୍ଜାଣି କୃତାତି ମାହାପୁରୁ  
ଆଞ୍ଜାମାଟି ଲେହେଁ ଇସ୍ରାୟେଲ  
ଲକୁତାକି ର ଗେଲ୍ପିନାଣାଇଁ ଇଚିହ  
ଜୀସୁଇଁ ଜାନ କିହାମାନେସି ।

୨୪ \*ଜୀସୁ ତାନି କାମା ମାଟ୍ବନି  
ନକେଏ, ଜହନ ଇସ୍ରାୟେଲତି ବାରେ  
ଲକୁ ନକିତା ପାପୁଟି ଝେଣ୍ଡିନି କାତା  
ଅଡ଼େ ବାପ୍ରିସ୍ଟ୍ ଅନି କାତା ଝେକ୍ହା  
ମାତେସି ।

୨୫ \*ଅଡ଼େ ଜହନ ତାନି କାମା  
ରାପ୍ତ୍ସିମାଟି ବେଲାତା ଲକୁଣି  
ଏଲେଇଚେସି, “ନାଜେ ମୀରୁ  
ଆମ୍ବାଆସି ଇଞ୍ଜା ଅଣ୍ଟପିମାଞ୍ଜାବେରି  
ନାନୁ ଏଞ୍ଜାତେସି ଆଏ, ସାମା ମେହ୍ଦୁ  
ନା ତାୟୁ ରଅସି ଖାହିମାନେସି, ଏଞ୍ଜାଣି  
କତାତି ସେପୁୟା ହୁକ୍ହାଲି ନାନୁ ଜଟେ  
ଆଅଁ ।”

୨୬ ଏ ତାୟି ତାଜିସ୍ବା, ଅବ୍ରାହାମ  
କୃତାତି ମୀରକା ମାସ୍କାତେରି, ଅଡ଼େ  
ମୀ ତାଣାଟି ମାହାପୁରୁଆଁ ଆଜିମାନି  
ଜୀହୁଦିଆଆତି ଲକୁତେରି; ମା  
ତାଣା ଈ ଗେଲ୍ପିଆନି ବଲୁ ପାଣ୍ଡୁଞ୍ଜି  
ଆହାମାଞ୍ଜାନେ ।

୨୭ ସାମା ଏଞ୍ଜାସି ଗେଲ୍ପିନାସି,  
ଜିରୁସାଲମତା ମାନାରି ଅଡ଼େ  
ତାମି ବାରେ କାଜାରି ଏଦାଆଁ  
ପୁଞ୍ଜାହିଲାଆତେରି, ଅଡ଼େ ବାରେ  
ଜମିନି ଦିନା ପଡ଼ଞ୍ଜି ଆହିମାନି ମାହାପୁରୁ  
ଅଣ୍ଟପୁତି ବଲୁ ଝେହ୍ନାରି କାତା  
ପୁଞ୍ଜିହିଲାଆତେରି, ଆଡ଼ିଜିକେଏ  
ଜୀସୁଇଁ ଦହ୍ କିହାନା ମାହାପୁରୁ ବଲୁ  
ଝେହ୍ନାରି କାତା ପୁରା କିତେରି ।

୨୮ \*ଅଡ଼େ ଏଞ୍ଜାଣାକି ହାନି ଡ଼ଣ୍ଡୁତି  
ଏନି ଦହ୍ ପୁଞ୍ଜାଆତି ଜିକେଏ ଏଞ୍ଜାଣାଇଁ  
ପାୟାଲି ପିଲାତଇଁ ବାଡ଼ିମାଲିତେରି ।

୨୯ \*ଏଞ୍ଜାଣି ତାକି ଦାର୍ମୁ ସାସ୍ପେରିତା  
ବାରେ କାତା ରାସ୍କି ଆହାମାନେ,  
ଏଲେଆହ୍ ବାରେ ଗଟଞ୍ଜି ଆଡ଼ି ଜେଟ  
ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି ରେପହା  
ତାଚାନା, ମାଡ଼ହା ଇଚିନି ଚାୟୁତା  
ଇଚିତେରି ।

୩୦ ସାମା ମାହାପୁରୁ ଏଞ୍ଜାଣାଇଁ  
ହାଡ଼ାରି ତାଣାଟି ନିକ୍ହେସି,

\* ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ † ୧୩:୨୪ ୧୩:୨୪ ମୁଞ୍ଜିନାୟି \* ୧୩:୨୫ ୧୩:୨୫ ଜହ  
୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୨୭ \* ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କ  
୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ \* ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କ ୧୫:୪୨-୪୭;  
ଲୁକ ୨୩:୫୦-୫୨; ଜହ ୧୯:୩୮-୪୨

୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାତେରି, ଏଝାରି ହାରେକା ଦିନା ପାତେକା ଏଝାଣାଇଁ ମେସ୍ତେରି; ଏଝାରି ଇସ୍ରାୟେଲ ଲକୁତାଣା ନୀର୍ଏ ଏଝାରି ସାକି □

୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମୁ ମିଙ୍ଗେ ଇ ନେହ କାବୁ ଖେସିମାଞ୍ଜାନମି;

୩୩ ଜୀସୁଇଁ ମାହାପୁରୁ ନିକହାନା ଏଝାରି ମୀରକାତାୟି ମାର, ମାଙ୍ଗେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକ ରୀ ଲମ୍ବର ପାତୁ ପତିତା ରାସ୍ତକି ଆହାମାନ,

“ନୀନୁ ନା ମୀରଏଣାତି;

ନୀଞ୍ଜୁଟିଏ ନାନୁ ନୀ ଆବାତେଏଁ □”

୩୪ ଏଝାସି ହାଡାରି ତାଣାଟି ଖେଣ୍ଡେ ନିକହାମାନେସି, ଏଝାସି ସୀରନି ତାଣା ହାଲଅସି ଇଞ୍ଜ ମାହାପୁରୁ ଖେସାମାନେସି;

“ନାନୁ ଦାଝୁଦ ନକିତା ଆଞ୍ଜାମାନି ସୁଦୁ, ଇଞ୍ଜା ତୀରି ଆନି ବର ମିଙ୍ଗେ ସାତେଏ ହିୟାଇଁ □”

୩୫ ଇଞ୍ଜା ଏଝାସି ଅଡ଼େ ର ପତିତା ଏଲେଇଞ୍ଜା ମାନେସି,

“ନୀନୁ ନୀ ତୀରି ଗାଟାଣାଇଁ ସୀରହାଲି ହାଅତି □”

୩୬ ଦାଝୁଦ ତାନୁ ରାଜି କିହିମାଟି ବେଲତା ଲକୁ ବିତ୍ରା ମାହାପୁରୁ ଅଣ୍ଟୁ ତଲେ ସେବା କାମା କିତି ତାମୁ ହାଡେସି, ଇଞ୍ଜା ତାନି ଆକୁ ଆବାୟାଁ ଚଟତା ମୁସ୍ତି ଆହାନା ସୀରହେସି □

୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଝାସି ସୀରହା ହିଲଅସି □

୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମ୍ଲେକନି କାତା ଖେସ୍ତି ଆହାମାନେ;

୩୯ ଅଡ଼େ ମସାତି ଆମିନି ମେରାତି ବାରେ ତାଣାଟି ମୀରୁ ପିସ୍ତି ଆହାଁ

ଦାମ୍ବୁଗାଟାତେରି ଆହାଲି ଆଡାଆତେରି, ଇଞ୍ଜା ନାମିମାନି ବାରେ ଲକୁ ଏଝାଣି ତାଣାଟି ଏ ବାରେ ତାଣାଟି ପିସ୍ତି ଆହାନା ଦାମ୍ବୁଗାଟାରି ଆନେରି □

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଟୁତି ବଲୁ ଖେହନାରି ସାସ୍ତେରିତା ଏନାୟି ଖେସ୍ତି ଆହାମାନେ, ଏଦି ଏନିକ ମିଙ୍ଗେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହ ମୀ ବେଲତା ମାମୁର କାମା କିହିମାନମି,

ଅଡ଼େ ଏ କାମାଟି ଆମ୍ବାଆସି ମୀ ନକିତା ଖେସ୍ତାନେସି,

ଏଦାଆଁ ମୀରୁ ଏନିଜିକେଏ ନାମଅତେରି □”

୪୨ ପାଝୁଲ ଅଡ଼େ ବର୍ନବା ଜୀହୁଦି ଲକୁତି କୁଟମି ଇଲୁଟି ହଡାହାନି ବେଲତା ଖାନ୍ତି ଜମିନି ଦିନାତା ମାଙ୍ଗେ ଇ ବାରେ କାତା ଅଡ଼େ ଖେସ୍ତାଦୁ ଇଞ୍ଜ ଲକୁ ଏଝାରାଇଁ ବାତିମାଲିତେରି □

୪୩ ବେରଣି ରାଡି ତାମୁ ଏଚେକା ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି ଏଚକା କୃତାତି ଲକୁ ବିତ୍ରାଟି ହାରେକା ପାଝୁଲ ଅଡ଼େ ବର୍ନବା ଜେତ ହାଚେରି; ପାଣ୍ଡୁଝି ଆଡାରି ଏଝାରିତଲେ କାତାବାଡା ଆହୁଁ ମାହାପୁରୁ କାର୍ମାତା ତୀରପୁ ଆହୁଁ ମାଞ୍ଜାଲି ଏଝାରାଇଁ ଖେସ୍ତେରି □

୪୪ ଇଞ୍ଜା ଅର ଜମିନି ଦିନାତା ଗାଡାତି ବାରେ ଲକୁ ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆଡେରି □

୪୫ ସାମା ଜୀହୁଦିୟାଁ ଲକୁ ମାନ୍ଦାତି ମେସାନା ତାହାରା ଆଡେରି, ଇଞ୍ଜା ପାଝୁଲ କାତା କପାଟି ନିନ୍ଦାକିହୁଁ ବାଦିବାଦା ଆଡେରି □

୪୬ ଏଚେଟିଏ ପାଝୁଲ ଅଡ଼େ ବର୍ନବା ସାସା ଆସାନା ଖେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ ଖେସ୍ତାନାୟି ମାଚେ, ମୀରୁ ଏଦାଆଁ ଅପାଆନା



ମୀରୁ ମୀରୁଏ କାଲେଏତି ଜୀଝୁ  
ବେଟାଆହାଲି ପାଡ଼ା ଆଅମି ଇଞ୍ଜ  
ଅଣ୍ଠି ମାନାକି ମେହ୍‌ଦୁ ମାମ୍ବୁ ମିଙ୍ଗେ  
ପସାନା ଜୀହୁଦିଆଆତି ଲକୁତାଣା  
ହାଜିମାନମି □

୪୭ ଇତିହ ପ୍ରବୁ ମାଙ୍ଗେ ଇ ହୁକୁମି  
ହୀହାମାଞ୍ଜାନେସି;

'ନାନୁ ମିଙ୍ଗେ ଜୀହୁଦିଆଆତି ଲକୁତାକି  
ଉଜେଡ଼ି ଲେହେଁ କିହାମାଞ୍ଜାଇଁ,  
ଏନିକ ନାନୁ ଦାରତିତି ହାନ୍ଦି  
ମୁଟ୍‌ପେ ଗେଲ୍‌ପିନାଣି ତାଦି  
□”

୪୮ ଜୀହୁଦିଆଆତାରି ଇ ହାଡ଼ା  
ଝେଞ୍ଜାନା ରାହାଁ ଆଡେତରି; ଅଡେଡ଼  
ମାହାପୁରୁତି ବଲୁତି ଗାଝୁରମି କିହାଲି  
ମାଟ୍‌ହେରି, ଅଡେ ଏତେକା ଲକୁ  
କାଲାକାଲାତି ଜୀଝୁତାକି ଆଟ୍‌ଝି  
ଆହାମାରେରି, ଏଝାରି ନାମିତେରି □

୪୯ ଇଞ୍ଜା ପ୍ରବୁତି ବଲୁ ଏ ରାଜିତା  
ବାରେଝାକି ଏଜାହାତେ □

୫୦ ସାମା ଜୀହୁଦି ଲକୁ ଗାଡ଼ାତି  
ଆବାୟାଣି ଅଡେ ମାହାପୁରୁଇଁ ମାନି  
କିହିମାନି ପାଙ୍ଗାଝେଙ୍ଗିତି ଆୟାସିକାଣି  
ରୁଣ୍ଡି କିହାନା ପାଝୁଲ ଅଡେ ବର୍ନବାଇଁ  
ସାସ୍ତି ହୀହାନା ତାମି ରାଜିତି  
ପେରହାଡୁସ୍ତେରି □

୫୧ ଏରେଟିଏ ପାଣ୍ଡୁଝି ଆଡାରି  
ଜାହାରା କତାୟାତି ଦୂଡ଼ି ଏଝାରି କପାଟି  
ହାଣ୍ଡାହାଁନା ଇକନିୟତା ହାରେରି □

୫୨ ଅଡେ ଆନ୍ତିୟକିୟାତି ସୀସୁୟାଁ  
ସୁଦୁଜୀଝୁ ବେଟାଆହାନା ରାହାଁତଲେ  
ଡ଼ୟିତେରି □

### ୧୪

ଇକନିୟତା ସେବା କାମା

୯ ଇକନିୟତା ଜିକେଏ ଏଲେଆହୁଁଏ  
ଆଡେ; ପାଝୁଲ ଅଡେ ବର୍ନବା ଜୀହୁଦି  
ଲକୁତି ଜୀହୁଦି ଲକୁତି କୁଟମି ଇଲୁତା\*  
ହାଜାନା ଇଲେକ ଝେସ୍ତେରି, ଇଞ୍ଜା  
ଜୀହୁଦି ଅଡେ ଜୀହୁଦିଆଆତି ଲକୁ  
ବିଡ଼ାଟି ହାରେକା ନାମିତେରି □

୨ ସାମା ଆମିନି ଜୀହୁଦିଙ୍ଗା  
ନାମାଆତେରି, ଜୀହୁଦିଆଆତି ଲକୁତି  
ମନତି କିଲିବିଲି କିହାନା, ଏଝାରାଇଁ  
ନାମିତି ତାୟିୟାଁ କପାଟି ଲାଗେଏତି  
ଅଣ୍ଠୁ ଅଣ୍ଠି କିତେରି □

୩ ପାଝୁଲ ଅଡେ ବର୍ନବା ହାରେକା  
ଦିନା ପାଡେକା ଏ ଟାୟୁତା ଡ଼ୟନା ପ୍ରବୁ  
ତାଣା ବାସ୍ତି ଇଟାନା ସାସାତଲେ ପ୍ରବୁତି  
କାତା ଝେସ୍ତେରି; ଇଞ୍ଜା ଏଝାରି ତାଣାଟି  
ହାରେକା ସିନାୟାଁ ଅଡେ କାବାଆନି  
କାମାୟାଁ କିହାନା ତାନି କାମାତି ବଲୁ  
ସାତା ଇଞ୍ଜା ସାକି ହୀତେରି □

୪ ସାମା ଗାଡ଼ାତି ଲକୁ ରୀ ବାଗା  
ଆଡେତରି ର ବାଗା ଜୀହୁଦି ଲକୁ ଝାକି  
ଅଡେ ର ବାଗା ପାଣ୍ଡୁଝି ଆହାମାନାରି  
ଝାକି ଆଡେତରି □

୫ ଏଟିବେଲା ଜୀହୁଦିଆଆତି ଲକୁ  
ଅଡେ ଜୀହୁଦି ଲକୁ ତାମି କାଜାରି  
ତଲେ ଆଣ୍ଡାନା, ପାଣ୍ଡୁଝି ଆହାମାନାରାଇଁ  
ଲାଗେଏ କିୟାଲି ଅଡେ ଝାଲ୍‌କାତଲେ  
ଇରହାଲି ଅଣ୍ଠିତେରି,

୬ ଏଟିବେଲା ପାଝୁଲ ଅଡେ ବର୍ନବା  
ଏଦାଆଁ ପୁଞ୍ଜାନା ଲୁକାୟନିୟା ଦେସାତି  
ଲୁସ୍ତା ଅଡେ ଦବ ଗାଡ଼ା ଅଡେ  
ସାରିଝାକିତି ନାସ୍‌କାଣାଁ ହରେରି,

୭ ଅଡେ ଏଝାରି ଏମ୍‌ଆଁ ନେହ  
କାବୁ ଝେକହାଲି ମାଟ୍‌ହେରି □

ଲୁସ୍ତା ଅଡେ ଦବ ତା ସେବା କାମା  
୮ ଲୁସ୍ତାତା ର ଲକୁ ମାଟେସି, ଏଝାସି  
ସଗା ମାଟେସି, ଏଝାସି ଜାନ୍‌ଟିଏ ସଗା,  
ଏଝାସି ଏରେଲାଝା ତାକା ହିଲାଆଡେସି  
□

୯ ଏଝାସି ପାଝୁଲ ଝେହ୍‌ନି କାତା  
ଝେଞ୍ଜମାଟେସି, ଏଝାସି ହିୟାତା ନାମା  
ମାନେସି ଇଞ୍ଜା ଏଝାସି ନେହ ଆହାଲି  
ଆଡ଼ିମାନେସି ଇଞ୍ଜା ପୁଞ୍ଜାନା ଆଟେ  
ସିନିକିତେସି,

୧୦ ଏଝାଣାଇଁ କାଜା ଗିୟାତଲେ  
ଏଲେଇତେସି, “ନୀ କତାତି ବାଡ଼ୟୁ

\* ୧୩:୫୧ ୧୩:୫୧ ମାତି ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧ \* ୧୪:୧ ୧୪:୧ ସିନଗର

ହୀହାନା ସଲକେ ନିମ୍ନୁ” ଏଚେଟିଏ  
ଏଞ୍ଜାସି ଡେଞ୍ଜିହିଁ ତାକାଲି ମାଟ୍‌ହେସି □

୧୧ ପାଞ୍ଜୁଲ ଏନାଆଁ କିହାମାନେସି,  
ଲକୁ ବାରେ ଏଦାଆଁ ମେସାନା  
ଲୁକାୟନିୟା କାଜା ହାଡାତଲେ  
ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟାଁ  
ମା.ତାଣା ରେଚା ଖାହାମାନୁ □”

୧୨ ଏଞ୍ଜାରି ବର୍ନବାଇଁ ବୁହସପତି  
ଇଞ୍ଜୁଁ ଇଚେରି, ଅଡେ ପାଞ୍ଜୁଲ ଗାଡି  
କାତା ଖେହନାସି ମାତାକି ଏଞ୍ଜାଣାଇଁ ବୁଦ  
ଇଞ୍ଜୁଁ ଇଚେରି □

୧୩ ଗାଡା ତାଗେ ମାନି ବୁହସପତି  
ଦେଞ୍ଜୁଡିତି ପୂଜେରାଜା ଏଚେକା ଡୁକୁ  
କଡିୟାଁ ଇଞ୍ଜା ପୂଜା ପେତାୟାଁ ଗାଡା  
ଦୁଞ୍ଜେରିତା ତାଚାହାଁ ଏଞ୍ଜାସି ବାରେ  
ଲକୁତଲେ ଆଣ୍ଡାନା ପାଣ୍ଡୁଞ୍ଜି ଆଡାରି  
ନକିତା ପୂଜା ହୀହାଲି ଅଣ୍ଡିମାଚେସି □

୧୪ “ସାମା ପାଣ୍ଡୁଞ୍ଜିଆହାମାନି ବର୍ନବା  
ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା  
ତାମି ହିମ୍ବୁରିକା ଗେସାନା ଲକୁ ମାଦିଟି  
ହଟି ହଟି ହାଜାନା କାଜା ଗିୟାଁତଲେ  
ଏଲେଇଚେରି,

୧୫ ଏ ମାନିଗାଟି ଲକୁଡେରି,  
ଏନାଆଁତାକି ଇ ବାରେ କିହିମାଞ୍ଜେରି,  
ମାମ୍ବୁ ଜିକେଏ ମୀ ଲେହେଁତି  
ମାଣ୍ଡସିୟାଁତମି, ମୀ ତାଣା ଇ ନେହଁ  
କାରୁ ଖେସିମାଞ୍ଜାନମି, ଏନିକଁ  
ମୀରୁ ଇ ବାରେ ଉଜେଏତି ପେଣକା  
ବମାୟାଁଟି ହେକ ଆହାନା ଜୀଞ୍ଜୁଗାଟି  
ମାହାପୁରୁ ତାଣା ଖେଣ୍ଡା ଖାଦେରି,  
ଏଞ୍ଜାସି ହାଗୁପାକା ଦାରୁତି, ସାମ୍‌ଦୁରି  
ଅଡେ ଏମ୍ବାଆଁ ମାନି ବାରେତି ରାଡି  
କିହାମାନେସି;

୧୬ ମାହାପୁରୁ ତଲିଏ ବାରେ ଲକୁଣି  
ତାମି ମନତଲେ ଡୟାଲି ପିସାମାଚେସି  
□

୧୭ ସାମା ଏଞ୍ଜାସି ବାରେ ନେହଁ  
କାମାଟି ଏଞ୍ଜାସି କାଲେଏ ତାନି  
ଗୁଣ୍ଡୁତି ତସାମାନେସି; ଏଞ୍ଜାସି ହାଗୁଟି  
ପିୟୁ ଅଡେ ସମାନା ବେଲାତା ଆର୍ନା  
ହିୟାନାସି, କାଦି ଅଡେ ମୀ ହିୟାଁତା  
ରାହାଁ ହିୟାନାସି □”

୧୮ ଇ ବାରେ କାତା ଖେସାନା ପାଣ୍ଡୁଞ୍ଜି  
ଆହାମାନାରି ଲକୁ ମାନ୍ଦାତି ହାଚେରକା  
କସ୍ତତଲେ ତାମ୍‌ଜେ ତାକି ପୂଜା କିହାଲି  
କାହି କିହାଲି ଆଡିଚେରି □

୧୯ ସାମା ପିସିଦିୟାତି ଆନ୍ତ୍ରିୟକିୟା  
ଅଡେ ଇକନିୟତି ଏଚେକା ଜୀହୁଦି  
ଏମ୍ବାଆଁ ଖାଡେରି, ଏଞ୍ଜାରି ଲକୁ  
ମାନ୍ଦାତି ତାମି ଖାକି କିହାନା ପାଞ୍ଜୁଲଇଁ  
ଖାଲକାତଲେ ଇଚ୍‌ହାନା ଏଞ୍ଜାସି  
ହାହାହାଚେସି ଇଞ୍ଜୁଁ ଅଣ୍ଡପାନା ଗାଡାତି  
ପାଞ୍ଜାତା ରେଜା ଅଡେରି □

୨୦ ସାମା ନାମିତି ସୀସୁୟାଁ ସାରି  
ଖାକିଟି ନିଚାମାଚାକି ଏଞ୍ଜାସି ନିଜାନା  
ଗାଡା ବିତ୍ତା ହାଚେସି, ଅର ନେଚୁ ବର୍ନବା  
ତଲେ ଦବଁତା ହାଚେସି □

ସିରିୟାତି ଆନ୍ତ୍ରିୟକିୟାତା  
ଖେଣ୍ଡାଖାନାୟି

୨୧ ପାଞ୍ଜୁଲ ଅଡେ ବର୍ନବା  
ଦବଁତା ନେହଁ କାରୁ ଖେସାହାଁ  
ହାଚେରକା ସୀସୁୟାଁ କିତି ତାୟୁ ଏଞ୍ଜାରି  
ଲୁସ୍ତା, ଇକନିୟ ଅଡେ ପିସିଦିୟାତି  
ଆନ୍ତ୍ରିୟକିୟାତା ଖେଣ୍ଡାହାଚେରି □

୨୨ ଅଡେ, ଏ ଗାୟୁଡି ନାମିତି ସୀସୁୟାଁ  
ମନତି ସୁସି କିହାନା ନାମୁତା ଗାଡିକିହଁ  
ଆଡ଼ଞ୍ଜା ତଲେ ଡୟାଲି ବାର୍ସୁ ହୀହାନା  
ଏଲେଇଚେରି, “ମାହାପୁରୁ ରାଜିତା  
ହଡାଲି ତାକି ହାଚେରକା କସ୍ତ ପାଣ୍ଡନାୟି  
ମାନେ □”

୨୩ ଅଡେ, ବାରେ କୁଲମିତା ଏଞ୍ଜାରି  
ପ୍ରାଚିନାଜାଣି ଆଚାନା ଉପାସା ତଲେ  
ପ୍ରାଚାନା କିଚେରି, ଅଡେ ଆମିନି ପ୍ରବୁ  
ତାଣା ନାମା ମାଚେରି, ଏଞ୍ଜାଣି କେୟୁତା  
ଏଞ୍ଜାରାଇଁ ହେର୍ପିଚେରି □

୨୪ ତାୟୁ ଏଞ୍ଜାରି ପିସିଦିୟା ନାମ୍‌କାଟି  
ପଂପୁଲିୟାତା ଖାଡେରି,

୨୫ ଅଡେ ପଗଁତା ନେହଁ କାରୁ  
ଖେସାନା ଆତାଲିୟାତା ହାଚେରି □

୨୬ ଏମ୍ବାଟି ଏଞ୍ଜାରି ଜାଜାତା ହଚାନା  
ଆନ୍ତ୍ରିୟକିୟାତା ହାଚେରି; ଏଞ୍ଜାରି  
ଆମିନି କାମା କିହାମାଚେରି, ଏଦାଆଁ  
କିହାଲି ମାହାପୁରୁଟି କାର୍ମାତା ହେର୍ପି  
ଆହାନା ଏମ୍ବାଟି ହାଚେରି □

୨୭ ଏଚିବେଲା ଏଞ୍ଜାରି ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକୁଣି କୃତି କିତେରି; ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଝେରି ଦେବାମାଟାଣି ବାରେ ଏଞ୍ଜାରାଇଁ ଝେସ୍ତେରି □

୨୮ ଅଡ଼େ ଏଞ୍ଜାରି ନାମିତି ସୀସୁୟାଁ ତଲେ ହାଢ଼େରକା ଦିନା ଡ଼ୟିତେରି □

## ୧୫

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାକ୍ତିଟି ଆନ୍ତ୍ରିୟକିୟାତା ଖାହାନା ନାମିତି ତାୟିୟାଁଣି ଇ କାତା ଝେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲପିଆୟାଲି ଆଡ଼ଅଡ଼େରି □”

୨ ଏମ୍ବାଟିଏ ପାଞ୍ଜୁଲ ବର୍ନବା ତଲେ ହାଢ଼େରକା ଆସପି ଆହାନା ବାଦିବାଦା ଆୟାଲିଏ ପାଞ୍ଜୁଲ, ବର୍ନବା ଅଡ଼େ ଆନ୍ତ୍ରିୟକିୟାତି ଏଚରଜାଣା ତାୟିୟାଁ ଇ କାତା ଆସାନା ଜିରୁସାଲମତା ମାନି ପାଣ୍ଡୁଝି ଆଡ଼ାରି ଇଞ୍ଜା କୁଲମିତି ପ୍ରାଚିନାଙ୍ଗା ତାଣା ହାଲୁବେରି ଇଞ୍ଜାଁ ତାୟିୟାଁ ତାରି କିତେରି □

୩ ଏଚେଟିଏ କୁଲମି ଏଞ୍ଜାରାଇଁ ପାଣ୍ଡାଲି ଜିରୁ ତସ୍ତି ଜେଟ, ଏଞ୍ଜାରି ପୟିନିକିୟା ଅଡ଼େ ସମିରଣ ଝାକି ହାଜି ହାଜିହଁ ଜୀହୁଦିଆଆତି ଲକୁ ହିୟାଁ ଝେଟହାମାଟି କାତା ଝେସିହଁ ବାରେ ତାୟିୟାଁଇଁ ହାଢ଼େରକା ରାହାଁ କିତେରି □

୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଣ୍ଡୁଝି ଆଡ଼ାରି ଅଡ଼େ ପ୍ରାଚିନାଙ୍ଗା ଏଞ୍ଜାରାଇଁ ଆବିତେରି, ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଟେସି, ଏ ବାରେ କାତା ଏଞ୍ଜାରାଇଁ ଝେସ୍ତେରି □

୫ ସାମା ପାରୁସିୟାଁ ଗଚିଟି ଏଚେକା ନାମୁଗାଟାରି ନିଚାନା ଏଲେଇଚେରେ, “ନାମାମାନି ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡ଼େ ମସାତି ମେରା ମାନଝି ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ □”

୬ ତାୟୁ ଇ କାତା, କାତା ଆହାଲିତାକି ପାଣ୍ଡୁଝି ଆଡ଼ାରି ଅଡ଼େ ପ୍ରାଚିନାଙ୍ଗା ରୁଣ୍ଡା ଆଡ଼େରି □

୭ \*ହାଢ଼େରକା ଜଲ୍ଲକି ଆଡ଼ି ତାୟୁ ପିତର ନିଙ୍ଗାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅଡ଼େ ତାଙ୍ଗସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଚିଟି ଜୀହୁଦିଆଆତାରି ନେହଁ କାରୁ ଝେଞ୍ଜାନା ନାମାପେରିଝା ଇଞ୍ଜାଁ ହାଢ଼େରକା ଦିନା ନଚେଏ ମାହାପୁରୁ ନାଙ୍ଗେ ଆଡ଼ାମାଞ୍ଜାତେସି □

୮ \*ବାରେ ଲକୁଟି ହିୟାଁ ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜୀଞ୍ଜୁ ହୀହାମାଞ୍ଜାନେସି, ଜୀହୁଦିଆଆତି ଲକୁକି ଜିକେଏ ଏଲେକିହଁ ହୀହାନା ଏଞ୍ଜାରି ତାକି ସାକି ହୀହାମାନେସି □

୯ ଅଡ଼େ ଏଞ୍ଜାସି, ମା ବିତ୍ତା ଅଡ଼େ ଏଞ୍ଜାରି ବିତ୍ତା ଏନି ପାରଡ଼ା ବାଟି କିହାମାଞ୍ଜାଅସି; ଇଞ୍ଜାଁ ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ କିହାମାନେସି □

୧୦ ଇଦାଆଁତାକି ଆମିନି ଜୁଝେଡ଼ି ମା ଆକୁ ଆବାୟାଁ ଅଡ଼େ ମାର ଡ଼େକାଲି ଆଡ଼ାଆତାୟି, ଏ ଜୁଝେଡ଼ି ସୀସୁୟାଁ ବମିତା ଏକ୍ସହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି ?

୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହଁ ନାମାହାଁ ଗେଲପି ଆହାମାନେରି ମାରୁ ଜିକେଏ ଏଲେକିହଁଏ ନାମାହାଁ ପ୍ରବୁ ଜୀସୁତି କାର୍ମାମେହନାଣି ତଲେ ଗେଲପି ଆହାମାନାୟି □”

୧୨ ଏଚେଟିଏ ଏମ୍ବାଆଁ ରୁଣ୍ଡା ଆହାମାଟାରି ବାରେ ଲକୁ ପାଲେଏ ଆଡ଼େରି, ଇଞ୍ଜାଁ ପାଞ୍ଜୁଲ ଅଡ଼େ ବର୍ନବା

ତାଣାଟି ଜୀହୁଦିଆଆତି ଲକୁତାଣା  
 ମାହାପୁରୁ ତାଣାଟି ଆହିମାନି ସିନାୟା  
 ଅଡ଼େ କାବାଆନ୍ତି କାମାୟା କିହା  
 ମାରେସି ଏଞ୍ଜାଆଁ ଏଞ୍ଜାରି ତାଣାଟି  
 ଖେଞ୍ଜାଲି ମାଟୁହେରି □

୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ  
 ନିଜ୍ଜାନା ଏଲେଇଚେସି; “ତାୟିୟା  
 ଅଡ଼େ ତାଜିୟା, ନା କାତା ଖେଞ୍ଜୁ,

୧୪ ମାହାପୁରୁ ତଲିଏ ତାନି ଦରୁ  
 ତାକି ଜୀହୁଦିଆଆତି ଲକୁ ବିଦ୍ରାଟି  
 ତାନି ଲକୁ କିୟାଲି ଏଞ୍ଜାରାଇଁ  
 କାର୍ମାମେସାନା ଆଚାମାନେସି ଇଞ୍ଜୁ  
 ସିମନ ଖେସାମାଞ୍ଜାନେସି □

୧୫ ଅଡ଼େ, ମାହାପୁରୁ ଅଣପୁତି ବଲୁ  
 ଖେହୁନାରି କାତାତଲେ ଆଣ୍ଡିମାନେ,  
 ଏନିକ୍ ଦାମ୍ବୁ ସାସ୍ତେରିତା ରାସ୍ତକି  
 ଆହାମାନେ □”

୧୬ ପ୍ରବୁ ଏଲେଇଞ୍ଜି ମାନେସି,  
 “ତାୟୁ ନାନୁ ଖେଣ୍ଡା ଖାହାନା,  
 ଦାଞ୍ଜୁଦ ବାସାଟାୟୁ ଖେଣ୍ଡେ  
 ଗେଲପିଇଁ,  
 ଇଞ୍ଜା ଏମାତି ବିତହାମାନି କାତିୟା  
 ବାରେ ଖେଣ୍ଡେ କେପାନା  
 ଆଟୁଞ୍ଜା କିଇଁ,

୧୭ ଏନିକ୍ ତୟାମାଟି କୃତାତି  
 ଲକୁ ଅଡ଼େ ଏଚେକା  
 ଜୀହୁଦିଆଆତାରି ନା ଦରୁଟି  
 ଖେଞ୍ଜାମାନେରି,  
 ଏଞ୍ଜାରି ବାରେ ପ୍ରବୁଇଁ ପାରିନେରି,  
 ବାରେ ଗାଡ଼ିକିତି ପ୍ରବୁ ଏଲେ  
 ଇଞ୍ଜିମାନେସି □

୧୮ ପ୍ରବୁ ଇ କାତା ଏଲେଇଞ୍ଜା ମାନେସି,  
 ଆମ୍ବାଆସି ତଲି କାଲାଟିଏ ଇ  
 କାତା ତସାମାନେସି □”

୧୯ ଜାକୁବ ଅଡ଼େ ଜିକେଏ  
 ଏଲେଇଚେସି, “ନା ଅଣପୁ ଇଦି,  
 ଜୀହୁଦିଆଆତି ଲକୁ ବିଦ୍ରାଟି ଆମ୍ବାଆରି  
 ମାହାପୁରୁ ଖାକି ଖେଣ୍ଡା ଖାନ୍ନେରି,  
 ଏଞ୍ଜାରାକି ମାର ବଜୁ ହାଆପ;

୨୦ ସାମା ଏଞ୍ଜାରାକି ଇଲେକ୍ ଆକୁ  
 ରାଚାନା ଖେହୁନ, ପେଣକା ବମାୟା  
 ତାକି ପୂଜା କିହାମାନି ଲାଗେଏତାଣି

ତିନାଆଦୁ; ଦାରିକାମାଟି ଏଟକା ଆଦୁ;  
 ହେରକି ଦାଆନା ପାୟିତି ଜନ୍ତତି ଉଞ୍ଜା  
 ଅଡ଼େ ନେତେରି ତିନାଆଦୁ □

୨୧ ଏନାଆଁତାକି ଇଚିହୁଁ ତଲି  
 କାଲାଟିଏ ବାରେ ଗାଡ଼ାଣା ମସା  
 ମୋରାତି କାତା ଖେକ୍ନାରି ମାନେରି,  
 ଇଞ୍ଜା ବାରେ ଜମିନି ଦିନାତା ଜୀହୁଦି  
 ଲକୁତି କୁଟମି ଇଲକାଣା\* ଏଞ୍ଜାଣି  
 ମୋରାତି କାତା ପଡ଼ୁଞ୍ଜି ଆହିମାନେ □”

ଜୀହୁଦିଆଆତି ନାମିତି ଲକୁତାକି  
 ଆକୁ

୨୨ ଏଚିବେଲା ପାଣ୍ଡୁଞ୍ଜି ଆହାମାନାରି  
 ଅଡ଼େ ପ୍ରାତିନାଞ୍ଜା ବାରେ କୁଲମି ତଲେ  
 ତାମି ବିଦ୍ରାଟି ଲକୁଇଁ, ଇଚିହୁଁ ତାୟିୟା  
 ବିଦ୍ରାଟି ମାନ୍ନିଗାଟି ବର୍ସବା, ଦରୁଗାଟି  
 ଜୀହୁଦା ଇଞ୍ଜା ସିଲାଇଁ ଆଚାନା ପାଞ୍ଜୁଲ  
 ଅଡ଼େ ବର୍ନବା ତଲେ, ଆନ୍ତ୍ରିୟକିୟାତା  
 ପାଣ୍ଡାଲି ତାରି କିତେରି □

୨୩ ନାମିତାରି ତାଣାଟି ରାସ୍ତକି  
 ଆହାମାନି ଆକୁ ଏ ରିଆରି କେୟୁତା  
 ପାଣ୍ଡିତେରି □

“ମାମ୍ବୁ ପାଣ୍ଡୁଞ୍ଜି ଆଡାତମି ଅଡ଼େ  
 ପ୍ରାତିନାଞ୍ଜା, ମା ତାୟିୟାତମି ମା  
 ବାରେ ଜୀହୁଦିଆଆତି ତାୟିୟା ଆମିନି  
 ଗାଟାରି ଆନ୍ତ୍ରିୟକିୟା, ସିରିୟା ଅଡ଼େ  
 କିଲିକିୟାତା ମାନେରି ଏଞ୍ଜାରାକି ଜହରା  
 □

୨୪ ମାମ୍ବୁ ଖେଞ୍ଜାମାନମି, ମାମ୍ବୁ ଆମିନି  
 ଲକୁଇଁ ଏନି ହୁକୁମି ହାହାହିଲଅମି,  
 ମା ତାଣାଟି ଏଲେତି ଏଚେକା ଲକୁ  
 ମା ତାଣା ଖାହାନା ତାମି କାତାତଲେ  
 ମା ମନତି ଏଟକା କିହାନା କିଲିବିଲି  
 କିହାମାଞ୍ଜାନେରି;

୨୫ ଅଡ଼େ ମାମ୍ବୁ ବାରେଜାଣା  
 ରୁଣ୍ଡା ଆହାନା ରଣ୍ଡିଏ ହିୟା ତଲେ  
 ଏଚେଜାଣାତି ଆଚାନା ମା ତାଣା  
 ପାଣ୍ଡାଲି ତାରି କିହାମାନମି, ଏଞ୍ଜାରି ମା  
 ଜୀହୁତି ତଣେ ବର୍ନବା ଅଡ଼େ ପାଞ୍ଜୁଲ  
 ତଲେ ହାନେରି □

\* ୧୫:୨୧ ୧୫:୨୧ ସିନଗଗ

୨୭ ଏଞ୍ଜାରି ଇଲେତି ମାଣ୍ଡସିୟାଁ ମା ପ୍ରବୁ ଜୀସୁ କ୍ରୀସ୍ତ ଦରୁ ତାକି ଜୀଞ୍ଜୁ ତୃସାନା କାମା କିହାମାନେରି □

୨୭ ଏଦାଆଁତାକି ମାମ୍ବୁ ଜୀହୁଦା ଅଡ଼େ ସିଲାଇଁ ମୀ ତାଣା ପାଣ୍ଡିମାଞ୍ଜାନମି □ ମାମ୍ବୁ ଏନାଆଁ ରାଡ଼ାମାନମି, ଏଞ୍ଜାରି ମିଙ୍ଗେ ଖେସ୍ତାନେରି □

୨୮ ଏଚରଗଟା ଲଡ଼ାମାନି ମେରା ପିସ୍ପେ ମୀ ଲାକ ଅଡ଼େ ଏନି ବଜୁ ହେରପାଲି ମାମ୍ବୁ ସୁଦୁଜୀଞ୍ଜୁଟି ହୁକୁମି ବେଟାଆହାମାନମି □

୨୯ ଏ ମେରାୟାଁ ଆହିମାନୁ, ପେଶକା ବମାୟାକି ହେରପିଆହାମାନି ରାନ୍ଦା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟୁଞ୍ଜି ଆହାମାନି ଜନ୍ତତି ଉଜ୍ଜା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହୁଁ ମିଙ୍ଗେ ନେହେଁ ଆନେ □ ନେହୁଁ କୁଁ ମାଞ୍ଜୁ □”

୩୦ ଏଚେଟିଏ କାବୁ ଅନାରାଇଁ ପାଣ୍ଡାଲିଏ ଆନ୍ତ୍ରିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହାଚେରି □

୩୧ ଏ ଲକୁ ବାରେ ଏଦାଆଁ ପଡ଼ୁଞ୍ଜି ଆହାନା ବାସୁଁ ବେଟାଆହାନା ରାହାଁ ଆଡ଼େରି □

୩୨ ଜୀହୁଦା ଅଡ଼େ ସିଲା ତାମ୍ବୁ ଜିକେଏ ମାହାପୁରୁ ଅଣପୁତି ବଲୁ ଖେହନାରି ମାଚାକି ହାଚେରକା କାତାତଲେ ତାୟିୟାଁଇଁ ବାସୁଁ ହାହାନା ସୁସ୍ତି କିତେରି □

୩୩ ଅଡ଼େ, ଏଞ୍ଜାରି ଏମ୍ବାଆଁ ଏଚରଦିନା ମାଟି ତାୟୁ ଏଞ୍ଜାରାଇଁ ପାଣ୍ଡାମାଟି ଲକୁତାଣା ଖେଣ୍ଡାହାଜାଲି ତାୟିୟାଁ ତାଣାଟି ହେଲ ବେଟାଆହାନା ହିଡ଼ଡ଼ି ଜୀଞ୍ଜୁତଲେ ଖେଣ୍ଡା ହାଚେରି □

୩୪ ସାମା ସିଲା ଏମ୍ବାଆଁ ଡ଼ୟାଲି ତୀରି କିହାମାଚେସି† □

୩୫ ପାଞ୍ଜୁଲ ଅଡ଼େ ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏଟକାତି ଏଚେକା ଲକୁତାଣା ଜିକେଏ ପ୍ରବୁତି

ନେହୁଁ ବଲୁ ଜାପୁହାନା ଖେକହାଲି ମାଟୁହେରି □

ପାଞ୍ଜୁଲ ଅଡ଼େ ବର୍ନବା ଏଟକା ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାଇଁ ଏଲେଇଚେସି, “ଞ୍ଜାମ୍ବୁ, ମାର ପ୍ରବୁତି ବଲୁ ଖେକହାମାନି ବାରେ ଗାଡ଼ାୟାଁଣା ଖେଣ୍ଡା ହାଜାନା, ତାୟିୟାଁ ନୀଏଁ ଏନିଆହୁଁ ମାନେରି ଇଞ୍ଜୁ ବେଟିହାନ □”

୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣ୍ଡିପିମାଚେସି □

୩୮ ସାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଟି ଖେଣ୍ଡାହାଚାସି ଅଡ଼େ କାମା ରାନ୍ତି ପାଚେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଞ୍ଜୁଲ କୃତେସି □

୩୯ ଏମ୍ବାଟିଏ ଏଞ୍ଜାରି ହାଚେରକା ବାଦିବାଦା ଆୟାଲିଏ ତାମ୍ବୁ ଏଟକା ଆଡ଼େରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହୁଁ ଜାକାତା ହଚାନା କୁପ୍ରତା ହାଚେରି,

୪୦ ସାମା ପାଞ୍ଜୁଲ ସିଲାଇଁ ଆଚାନା ତାୟିୟାଁ ତାଣାଟି ପ୍ରବୁତି କାର୍ମାତଲେ ହେରପି ଆହାନା ହାଚେରି,

୪୧ ଅଡ଼େ ଏଞ୍ଜାସି ସିରିୟା ଅଡ଼େ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଟୁଞ୍ଜା କିତେସି □

## ୧୭

ପାଞ୍ଜୁଲ ଅଡ଼େ ସିଲା ତଲେ ତିମତି ହାନାୟି

୧ ତାୟୁ ପାଞ୍ଜୁଲ ଦବୁଁ ଅଡ଼େ ଲୁସ୍ତାତା ହାଚେସି, ଏମ୍ବାଆଁ ତିମତି ଦରୁଗାଚାସି ର ସାସୁ ମାଚେସି, ଏଞ୍ଜାସି ର ନାମିତି ଜୀହୁଦି କ୍ରୀସ୍ତାନା ଇୟାନି ମୀରଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ

† ୧୫:୩୪ ୧୫:୩୪ ଇ କାତା ପୁଞ୍ଜଇ ପତିତା ହିଲେଏ □

☆ ୧୫:୩୮ ୧୫:୩୮ କାମା ୧୩:୧୩

୨ ଲୁସ୍ତା ଅଡ଼େ ଇକନିୟତା ମାନି  
ବାରେ ନାମିତି ତାୟିୟା ଏଞ୍ଜାଣାକ୍  
ନେହାସି ଇଞ୍ଜ ଏଲେଇଚେରି □

୩ ପାଞ୍ଜୁଲ ତାନିତଲେ ତିମତିକ୍  
ଅହାଲି ଅଣ୍ପିତେସି, ଅଡ଼େ ଏ  
ନାସ୍କାଣା ମାନି ଜାହୁଦି ଲକୁତାକି  
ଏଞ୍ଜାଣି ତଲୁ ଦାପିକତେସି; ଇଚିହ  
ତାନି ଆବା ଗିକ୍ ଲକୁ ଇଞ୍ଜ ବାରେ  
ପୁଞ୍ଜାମାଚେରି □

୪ ଇଞ୍ଜା ଏଞ୍ଜାରି ଗାଡ଼ାୟିତି ହାଜି  
ହାଜିହ ଜିରୁସାଲମତି ପାଣ୍ଡୁ ଆଡ଼ାରି  
ଅଡ଼େ ପ୍ରାଚିନାଙ୍ଗା ତାଣାଟି କିଞ୍ଜି  
ଆହାମାନି ମେରା ମାନିଞ୍ଜି ଆହାଲି  
ଏଞ୍ଜାରିତାଣା ହେରୁପି ମାଚେସି □

୫ ଏଲେକିହ କୁଲମିକା ବାରେ  
ନାମୁତା ଆବୁଞ୍ଜା ଆହାନା ଦିନାତାକି ଦିନା  
ପାଡ଼ା ଆଡୁ □

ତ୍ରୟାତା ପାଞ୍ଜୁଲ ହାପାନା  
ହେଣାନାୟି

୬ ଏଞ୍ଜାରି ଆସିୟାତା ମାହାପୁରୁ କାତା  
ଝେସାଲି ସୁଦୁଜାଞ୍ଜୁ କାହି କିୟାଲିଏ,  
ଏଞ୍ଜାରି ପୁଗିୟା ଅଡ଼େ ଗାଲାତିୟ  
ରାଜି ମାଦିଚି ରେଜିହ ହାଚେରି □

୭ ଅଡ଼େ, ଏଞ୍ଜାରି ମୁସିଆ ରାଜି  
ତାଗେ ଏଗାହାଜାନା ବେତନିୟାତା  
ହାଜାଲିତାକି ଅଣ୍ପିତେରି, ସାମା  
ଜାମୁତି ଜାଞ୍ଜୁ ଏଞ୍ଜାରାକ୍ ହାଜାଲି ହେଲ  
ହାଆତେ □

୮ ଏଞ୍ଜାରି ମୁସିଆ ମାଦିଚି ହାଜାନା  
ତ୍ରୟାତା ଝାଡ଼େରି □

୯ ଅଡ଼େ ଲାଆଁ ବେଲାତା  
ପାଞ୍ଜୁଲ ର ସେୟାଣା ହାପାନା  
ହେଚେସି, ମାକିଦନିୟାତି ର ଲକୁ  
ନିଚାନା ଏଞ୍ଜାଣାକ୍ ବାଡ଼ିମାଲିହ  
ଏଲେଇଚେସି, “ମାଙ୍ଗେ ସାୟେମି  
କିୟାଲି ମାକିଦନିୟାତା ଗାଣ୍ଡା ଝାମୁ  
□”

୧୦ ଏଞ୍ଜାସି ସେୟାଣା ହାପାନାତା  
ମେସାଲିଏ ମାମ୍ମୁ ଦେବୁଣିଏ  
ମାକିଦନିୟାତା ହାଜାଲି ତିୟାରା  
ଆଡ଼ମି, ଇଚିହ ଏଞ୍ଜାରିତାଣା ନେହ  
□

କାବୁ ଝେସାଲି ତାକି ମାହାପୁରୁ ମାଙ୍ଗେ  
ହାଡ଼ାମାଞ୍ଜାନେସି ଇଞ୍ଜ ମାମ୍ମୁ ପୁଚମି □

ଲୁଦିୟା ମନ ଝେବନାୟି

୧୧ ଏଚେଟିଏ ମାମ୍ମୁ ତ୍ରୟାତି ଜାଜାତା  
ହଚାନା ତିୟିତି ଜିରୁଚି ହାଜାନା  
ସାମତ୍ରାକିତା ଅଡ଼େ ଅର ନେଚୁ  
ନୟାପଲିତା ଏଗାହାଚମି □

୧୨ ଏମ୍ପାଟିଏ ପିଲିପିତା ହାଚମି, ଇଦି  
ମାକିଦନିୟା ଜିଲାତି ର କାଜା ଗାଡ଼ା,  
ଇଞ୍ଜା ରମ୍ ଦେସାତାରି ତୁୟିନି ଚାୟୁ  
ମାଚେ; ଏ ଗାଡ଼ାତା ମାମ୍ମୁ ଏଚରଦିନା  
ମାଚମି □

୧୩ ଜମିନି ଦିନାତା ମାମ୍ମୁ ଗାଡ଼ାତି  
ହଚାନା କାତା ତାଗେ ହାଚମି, ଏମ୍ପାଆଁ  
ପ୍ରାଡ଼ାନା କିନି ଚାୟୁ ମାନେ ଇଞ୍ଜ  
ଅଣ୍ପାମାଚମି, ଅଡ଼େ ମାମ୍ମୁ କୁଗାନା  
ରୁଣ୍ଡା ଆହାମାତି ଇୟାସିକା ତଲେ କାତା  
ଆଡ଼ମି □

୧୪ ଅଡ଼େ, ତ୍ରୟାତିରା ଗାଡ଼ାତି  
ହେୟାଁ ଝାଣା ହିମ୍ପୁରିକା ପାରୁନି  
ଲୁଦିୟା ଦରୁଗାଟି ର ଇୟା ମା କାତା  
ଝେଞ୍ଜିମାଚେ, ଏଦି ମାହାପୁରୁ ସେବା  
କିନାୟି, ଏଦି ଏନିକ ପାଞ୍ଜୁଲତି  
କାତାତି ମନ ହାନେ ଏଦାଆଁତାକି ପ୍ରବୁ  
ଏଦାନି ହିୟା ଦେଚାମାଚେସି □

୧୫ ଅଡ଼େ ଏଦି ଇଞ୍ଜା ତାନି  
କୁଚମି ବାପ୍ତିସ୍ମ\* ଅଡ଼ି ତାୟୁ ମାଙ୍ଗେ  
ବାଡ଼ିମାଲିହ ଏଲେଇଞ୍ଜାଚେ, “ମୀରୁ  
ନାଙ୍ଗେ ପ୍ରବୁ ତାଣା ନାମୁଗାଚାୟି ଇଞ୍ଜ  
ଅଣ୍ପିମାଚିହ, ନା ଇଜ ଝାହାନା ବାସା  
ଆଦୁ,” ଇଞ୍ଜ ବାଲାମାଚମି କିହାଁ ହାଡ଼ା  
ଅୟାଚେ □

ପିଲିପିତି କାୟିଦି ଇଲୁତା ପାଞ୍ଜୁଲ  
ଅଡ଼େ ସିଲା

୧୬ ର ଦିନା ମାମ୍ମୁ ପ୍ରାଡ଼ାନା ଚାୟୁତା  
ହାନିବେଲାତା ର ହଲେଣି ପଦାକ୍  
ବେଚାଆଡ଼ମି ଏଦି ପଲୁଆ ପେନୁ  
ଆଲଗାନା ତାୟୁ ଆନି କାତାୟା  
ଝେସାଲି ଆଡ଼ିମାଚେ □ ତାୟୁ ଆନି

\* ୧୭:୧୫ ୧୭:୧୫ ମୁଞ୍ଜିନାୟି

କାତାୟାଁ ଝେସାନା ତାନି ସାଞ୍ଜୁକାରିକି ହାରେକା ତାରୁୟାଁ କୁଡ଼ି କିହିମାତେ □

୧୭ ଏଦି ପାଞ୍ଜୁଲ ଅଡ଼େ ମା ଦେବ ଦେବ ଝାହାନା କିରଡ଼ିହ ଏଲେଇଞ୍ଜାଲି ମାଟ୍‌ହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାଜା, ଏଝାରି ମିଙ୍ଗେ ଗେଲପିଆନ୍ତି ଜିରୁତି ଝେକହି ମାଞ୍ଜାନେରି □”

୧୮ ଏଦି ହାରେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଝେଣ୍ଡେ ସିନିକିହାନା ଏ ବୁଡୁଇଁ ଏଲେଇଚେସି, “ଏଦାନି ତାଣାଟି ହଟା ହାଜାଲି ନାନୁ ନିଙ୍ଗେ ଜୀସୁ କ୍ରୀସୁ ଦରୁତଲେ ହୁକୁମି ହାହିମାଞ୍ଜାଇ,” ଏ ଦେବୁଣିଏ ଏଦି ହଟାହାଚେ □

୧୯ ସାମା ଏଦାନି ସାଞ୍ଜୁକାରିୟାଁ ତାନି ଲାବା ପାଣ୍ଡନି ଆସା ହାଚେ, ଇଞ୍ଜ ପୁଞ୍ଜାନା ପାଞ୍ଜୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲଞ୍ଜି କିନାରି ତାଣା ରେଜା ଅଡ଼େରି □

୨୦ ଅଡ଼େ, ଏଝାରି ରମିୟ ସାଲଞ୍ଜି କିନାରି ତାଣା ତାତାନା ଏଲେଇଚେରି, “ଇଝାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି □

୨୧ ମାର ରମିୟ ଲକୁତି ମେରା ପାଣାପାଟୁ ଆବାଲି କି ମାନଞ୍ଜି ଆହାଲି ମେରା ହିଲେଏ, ଏଦାଆଁ ଇଝାରି ଝେସିମାନେରି □”

୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଙ୍ଗିତେରି □ ଅଡ଼େ ନୀହାଁୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବିରକା ହୁକହାନା ଏଝାରାଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି □

୨୩ ଏଝାରି ଏଝାରାଇଁ ହାରେକା ଝେତି ତାୟୁ କାୟିଦି ଇଲୁତା ଇଚିତେରି, ଇଞ୍ଜା ଏଝାରାଇଁ ଜାଗ୍ରାତା କିହିଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହୀତେରି □

୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଝାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା

ମେଡ଼ହାନା ଏଝାରି କତାଣା ବଜୁଗାଟି ମାରୁନୁ କୁଡୁଲିକା ଦସା ପିସ୍ତେସି □

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଟିମାଚେରି, ଇଞ୍ଜା ଏଝାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାଚେରି □

୨୬ ଏଚିବେଲାତା ଦେବୁଣିଏ ବୁମି ଝୀତିତେ, ଇଞ୍ଜା କାୟିଦି ଇଲୁତି ପୁନାଦି ଜିକେଏ ଝୀତାଲିଏ ବାରେ ଦୁଝେରିକା ଦେପି ଆହାହାଚୁ, ଇଞ୍ଜା ବାରେଜାଣାଟି ଦସାମାଟି ହିକ୍‌ଣିୟାଁ ହୁଜାହାଚୁ □

୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଙ୍ଗାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆତେରି ଇଞ୍ଜ ଅଣ୍‌ପାନା, କାଣ୍ଡା ହପ୍‌ହାନା ଗ୍ଲୁକ୍‌ହା କଡ଼ିମାଚେସି □

୨୮ ସାମା ପାଞ୍ଜୁଲ କାଜା ଗିୟାତଲେ ହାଟାନା ଏଲେଇଚେସି, “ନୀନୁ ନିଙ୍ଗେ ନାସା କିହା କତାଆନି, ଏନାଆଁତାକି ଇଚିହିଁ ମାମ୍ବୁ ବାରେଡ଼ମି ଇମ୍ବାଆଁ ମାନମି □”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇଚେସି, ତବେ ବିତ୍ରା ହାଚେସି ଇଞ୍ଜା ତୀରୁଗି ତୀରୁଗିହିଁ ପାଞ୍ଜୁଲ ଅଡ଼େ ସିଲା କତାୟାଁ ଡ଼ଇ ରୀତେସି □

୩୦ ଅଡ଼େ ଏଝାରାଇଁ ପାଙ୍ଗାତା ତାତାନା ଏଲେଇଚେସି, “ବାବୁୟାଁ ଗେଲପିଆୟାଲି ନାନୁ ଏନାଆଁ କିଇଁ?”

୩୧ ଏଝାରି ଏଲେଇଚେରି, “ପ୍ରୁ ଜୀସୁ ତାଣା ନାମାଦୁ, ଆତିହିଁ ନୀନୁ ଅଡ଼େ ନୀ ଇଲୁ କୁଟମି ବାରେ ଗେଲପି ଆଦେରି □”

୩୨ ତାୟୁ ଏଝାରି ଏଝାଣାଇଁ ଅଡ଼େ ଏଝାଣି ଇଜ ମାଟି ବାରେ ଲକୁଣି ମାହାପୁରୁତି ବଲୁ ଝେସ୍ତେରି □

୩୩ ଅଡ଼େ, ଏ କାୟିଦି ଇଲୁ କାଃଆନାସି ଏଝାରାଇଁ ଏ ଲାଆଁୟାଁ ବେଲାତା ଅହାନା ଏଝାରି ଗାହାଁୟାଁ ନରହେସି, ଇଞ୍ଜା ଏଝାସି ଅଡ଼େ ଏଝାଣି

ଇଲୁ କୁଟମି ବାରେ ଏ ଦେବୁଣିଏ  
ବାପ୍ତିସ୍ନା† ଅଡେରି □

୩୪ ଏଚେଟିଏ ଏଞ୍ଜାସି ଏଞ୍ଜାରାଇଁ  
ତାମି ଇଜ ଅହାନା ତିଞ୍ଜାଲି ରାନ୍ଦା  
ବାଟିକିହାଁ ହାତେସି, ଅଡେ ବାରେ  
କୁଟମି ମାହାପୁରୁ ତାଣା ନାମାନା  
ହାରେକା ରାହାଁ ଆଡେରି □

୩୫ ଲାଇ ଝେୟାଲିଏ ରମିୟ ଲକୁତି  
କାଜାରି ରିଜାରି କସ୍‌କାଣି ଇଲେଇଞ୍ଜି  
ଝେସା ପାଣ୍ଡିତେରି, “ଏ ଲକୁଣି  
ପିସାତୁହୁଦୁ □”

୩୬ ଏଚେଟିଏ କାୟିଦି ଇଲୁ  
କାଃଆନାସି ପାଞ୍ଜୁଲାଇଁ ଇ କାତା  
ଝେସେସି, “ନୀହାଁୟି କିନାରି ନିଜେ  
ଅଡେ ସିଲାଇଁ ପିସାଲି କାରୁ ପାଣ୍ଡା  
ମାଞ୍ଜାନେରି, ଇଞ୍ଜା ନୀଏଁ ହଡ଼ାଞ୍ଜାହାନା  
ହିଡ଼ଡ଼ି ତଲେ ହାଜୁ □”

୩୭ ସାମା ପାଞ୍ଜୁଲ କସ୍‌କାଣି  
ଏଲେଇଚେସି, “ମାମ୍ବୁରମିୟ ଦେସାତି  
ଲକୁତମି, ମାଜେ ନୀହାଁୟି କିଆନା  
ଝେତାତି ତାମ୍ବୁ କାୟିଦି ଇଲୁତା  
ସୁଣ୍ଡାତେରି, ଅଡେ ନୀଏଁ ଡକୁହାନା  
ପିସିମାଞ୍ଜାନେରି, ଏଡ଼ି ମିଣ୍ଡଏ, ସାମା  
ଏଞ୍ଜାରି ତାମ୍ବୁସୁ ଞ୍ଜାହାନା ମାଜେ ପାଜାତା  
ଅୟାପେରି □”

୩୮ ଏଚେଟିଏ କସ୍‌କା ହାଜାନା  
ନୀହାଁୟି କିନାରାଇଁ ବାରେ କାତା  
ଝେସେରି, ଇଞ୍ଜା ଇଞ୍ଜାରି ରମିୟ ଲକୁ  
ଇଞ୍ଜି ପୁଞ୍ଜାନା ଆଜିତେରି,

୩୯ ଏମ୍ବାଟିଏ ଏଞ୍ଜାରି ଞ୍ଜାହାନା  
ମାମ୍ବୁ ପୁନାଆନା ଏଲେକିତମି ଇଞ୍ଜି  
ବାତିମାଲିହୁଁ ଏଞ୍ଜାରାଇଁ ପାଜାତା  
ହପୁହା ତାଚାନା, ଗାଡ଼ା ପିସାନା ହାଜାଲି  
ବାତିମାଲିତେରି □

୪୦ ଏଚେଟିଏ ପାଞ୍ଜୁଲ ଅଡେ ସିଲା  
କାୟିଦି ଇଲୁଟି ହଡ଼ାନା ଲୁଦିୟା ଇଜ  
ହାଚେରି, ଅଡେ ତାୟିୟାଁ ତଲେ ଆଣ୍ଡାନା  
ଏଞ୍ଜାରାଇଁ ବାସୁଁ ହୀହାନା ହାଜାତୁସେରି  
□

## ୧୭

ତେସଲନିକିତା କାମା

୧ ତାମ୍ବୁ ଏଞ୍ଜାରି ଆଂପିପଲି ଅଡେ  
ଆପଲନିୟା ହୀହାନା ତେସଲନିକିତା  
ଞ୍ଜାଡେରି; ଏମ୍ବାଆଁ ଜୀହୁଦି ଲକୁତି ର  
ଜୀହୁଦି ଲକୁତି କୁଟମି ଇଲୁ\* ମାଚେ □

୨ ଅଡେ, ପାଞ୍ଜୁଲ ତାନି ମେରା  
ଲେହେଁ ଜୀହୁଦି ଲକୁତି କୁଟମି ଇଲୁତା†  
ହାଚେସି, ଇଞ୍ଜା ତାନିଗଟା ଜମିନି ଦିନା  
ପାତେକା ଦାମ୍ବୁ ପଡ଼ିତି କାତା ଆସାନା  
ଲକୁତଲେ ଜଲ୍‌କି ଆଡେସି,

୩ ଦାମ୍ବୁ ସାସେରି ତେଲ୍‌ହି କିହାନା ଏ  
କାତା ଇଦି ଇଞ୍ଜି ଇଚେସି, ମସିହା  
ସାସୁ ପାଣ୍ଡନାୟି ଅଡେ ହାକିତି ନିଜିନାୟି  
ଲଡ଼ାମାନେ □ ପାଞ୍ଜୁଲ ଏଲେଇଚେସି,  
“ଆମିନି ଜୀସୁତି କାତା ଝେସିମାଞ୍ଜାଇଁ,  
ଏଞ୍ଜାସି ଏ ମସିହା □”

୪ ଏମ୍ବାଟିଏ ଏଞ୍ଜାରି ବିତ୍ରାତି  
ଏଚରଜାଣା ନାମାହାଁ ପାଞ୍ଜୁଲ ଅଡେ  
ସିଲା କାତାତା ଆଣ୍ଡିତେରି; ଅଡେ,  
ଜୀହୁଦି ଦାମ୍ବୁ ନାମାମାନି ଗ୍ରିକ୍  
ଲକୁ ବିତ୍ରାତି ହାରେକା ଲକୁ ଅଡେ  
ମାନିଗାଟି ହାରେକା ଇୟାସିକା ବିତ୍ରାତି  
ଏଞ୍ଜାରିତଲେ ମାହାପୁରୁ ସେବାତା  
ଆଣ୍ଡିତୁ □

୫ ସାମା ଜୀହୁଦିୟାଁ ତାହାରା ଆହାନା  
ଏଚେକା ଲାଗେଏତାରାଇଁ ପାହେରିତା  
କୁଡ଼ି କିତେରି, ଇଞ୍ଜା ଲକୁଣି ମାନ୍ଦା  
କିହାନା ଗାଡ଼ାତା ଗଡ଼ହା ହପୁହେରି,  
ଇଞ୍ଜା ପାଞ୍ଜୁଲ ଅଡେ ସିଲାଇଁ ସାଲ୍‌ଝି  
କିନାରି ନକିତା ହପୁହାତାଗାଲି ଏଞ୍ଜାରି  
ହାଜାନା ଜାସନ ଇଲୁଟି ମୁଗାନା  
ପାରିତେରି □

୬ ସାମା ଏଞ୍ଜାରାଇଁ ବେଟାଆଆଲିଏ  
ଏଞ୍ଜାରି ଜାସନ ଅଡେ ଏଚେକା  
ତାୟିୟାଁ ଗାଡ଼ାତି ସାଲ୍‌ଝି କିନାରି  
ନକିତା ରେଜା ତାଚାନା କାଜା  
ଗିୟାତଲେ କାଲ୍‌ଝି ଆହୁଁ  
ଏଲେଇଚେରି, “ଆମିନି ଲକୁ ଦାବୁତିତି  
ଇତାଲା ଆତାଲା କିହିମାନେରି, ଏଞ୍ଜାରି  
ଇମ୍ବାଆଁ ଜିକେଏ ଞ୍ଜାହାମାନେରି;

† ୧୭:୩୩ ୧୭:୩୩ ମୁଞ୍ଜନାୟି \* ୧୭:୧ ୧୭:୧ ସିନଗର୍ † ୧୭:୭ ୧୭:୭ ସିନଗର୍



୭ ଜାସନ ଏଞ୍ଜରାଉଁ ଆବାମାନେସି, ଜୀସୁ ଦରୁଗାଟି ଅଡେ ର ରାଜା ମାନେସି ଇଞ୍ଜିଁ ୱେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନଞ୍ଜି କିହିହିଲଅରି □

୮ ଈ କାତା ଆସାନା ଲକୁ ଅଡେ ସାଲୁଞ୍ଜି କିନାରି ବିତ୍ରା ହାରେକା କାର୍ବି ଆଡେତରି ଅଡେ ଗଡ଼ହା ଆଡେ □

୯ ତାୟୁ ସାଲୁଞ୍ଜି କିନାରି ଜାସନ ଅଡେ ଏଟକା ଲକୁଣି ତାରୁୟା ରାସାନା ଜାମଲି ତଲେ ଏଞ୍ଜରାଉଁ ପିସ୍ତେରି □

ବେରିୟାତା କାମା

୧୦ ଅଡେ, ତାୟିୟାଁ ୱେଡ଼ାକିଆନା ପାଞ୍ଜୁଲ ଅଡେ ସିଲାଉଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁଡି ଜୀହୁଦି ଲକୁଡି କୁଟମି ଇଲୁତାଃ ହାରେରି □

୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଟାରି ମାରେରି, ଇଞ୍ଜାରି ହାରେକା ରାହାଁତଲେ ମାହାପୁରୁ କାତା ୱେରେରି, ଅଡେ ପାଞ୍ଜୁଲ ୱେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଞ୍ଜି ଆହିମାରେରି □

୧୨ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକୁ ନାମିତେରି ଅଡେ ଗ୍ରିକ୍ ଲକୁଡି କାଜାରି ବିତ୍ରାଟି ହାରେକା ଇୟାସିକା ଅଡେ ଆବାୟାଁ ଜିକେଏ ନାମିତେରି □

୧୩ ସାମା ଏଟିବେଲା ତେସଲନିକିତି ଜୀହୁଦିକ୍ଷା ପୁରେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁଡି ବଲୁ ୱେସ୍ତି ଆହିମାନେ, ଏଟିବେଲା ଏଞ୍ଜାରି ଏମ୍ବାଆଁ ଜିକେଏ ୱାହାନା ଲକୁ ମାନ୍ଦାତି ନିକ୍ସାନା ଗଡ଼ହା କିଞ୍ଜିକିତେରି □

୧୪ ଏରେଟିଏ ତାୟିୟାଁ ୱେଡ଼ାକିଆନା ପାଞ୍ଜୁଲଉଁ ସାମ୍ବୁରି ୱାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡେ ତିମତି ବେରିୟାତା ଡ଼ୟିତେରି □

୧୫ ସାମା ଆମ୍ବାଆରି ପାଞ୍ଜୁଲଉଁ ଇଟିହାଟାରି ଏଞ୍ଜାରି ଆତିନି ପାଡେକା ହାରେରି, ଇଞ୍ଜାଁ ସିଲା ଅଡେ ତିମତି ତବେ ନା ତାଣା ୱାଡେରି ଇଞ୍ଜିଁ ପାଞ୍ଜୁଲ ତାଣାଟି ହୁକୁମି ବେଗାଆହାନା ଏଞ୍ଜାରି ବେରିୟାତା ୱେଣ୍ଡେ ୱାଡେରି □

ଆତିନିତା ପାଞ୍ଜୁଲତି ସେବା କାମା

୧୬ ଆତିନିତା ପାଞ୍ଜୁଲ, ସିଲା ଅଡେ ତିମତିଉଁ କାଟିମାରେସି, ଏଞ୍ଜାସି ଏ ଗାଡ଼ାତା ହାରେକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀଞ୍ଜୁ ହାରେକା ୱୀଡିତେ □

୧୭ ଏଦାଆଁତାକି ଏଞ୍ଜାସି ଜୀହୁଦି ଲକୁଡି କୁଟମି ଇଲୁତାଃ ଜୀହୁଦି ଲକୁଡଲେ ମାହାପୁରୁଉଁ ନାମାମାନି ଜୀହୁଦିଆଆତି ଲକୁଡଲେ ଈ କାତା ବାରେଦିନା ୱେକ୍ସହେସି □ ଗାଡ଼ାତି ଜିରୁ ଗାଡ଼ାତା ହାଜି ୱାହିମାନି ଲକୁଡଲେ ଏ କାତାତି ୱେସ୍ତେସି □

୧୮ ଏଟରଜାଣା ଏପିକୁରିୟା ଇଞ୍ଜାଁ ସ୍ତ୍ରୟିକ୍ ଜାପ୍ତନି ଗୁରକା ତଲେ ଏଞ୍ଜାରି ରୁଜୁବାଡି ଆଡେ □ ଏଞ୍ଜାରି ବିତ୍ରାଟି ଏଟରଜାଣା ଏଲେଇରେରି, “ଇ ବୁଦି ହିଲାଆ ହାଡ଼ାକାଣ୍ଡୁ ଏନାଆଁ ୱେସାଲି ଅଣ୍ଡପିମାନେସି ?” ଅଡେ ଏଟରଜାଣା ଏଲେଇରେରି, “ଏଞ୍ଜାସି ପୁନାଆତି ପେଣ୍ଡକାତି କାତା ୱେହ୍ନିଲେହେଁ ୱେସିମାନେସି;” ଇତିହଁ ଏଞ୍ଜାସି ଜୀସୁ ଅଡେ ତାନି ୱେଣ୍ଡେ ନିଜିତି କାତାତି ନେହଁ କାବୁ ୱେକ୍ସହି ମାରେସି □

୧୯ ଏଦାଆଁତାକି ଏଞ୍ଜାରି ପାଞ୍ଜୁଲଉଁ ଆରିୟପାଗ ଗାଡ଼ାତି ବେରଣି ନକିତା ତାଡେରି, “ନୀନୁ ଆମିନି ପୁଃନି କାତା ଜାପ୍ତହିମାଞ୍ଜି ଏଡି ଏନାୟି ଇଞ୍ଜିଁ ମାମ୍ବୁ ପୁଞ୍ଜାଲି ଆଡିନମି କି ?

୨୦ ଇତିହଁ ନୀନୁ ଏଚେକା କାବାଆନି କାତା ମାଜେ ୱେଣ୍ଡି କିହିମାଞ୍ଜାଦି; ଈ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡପିମାନମି □”

୨୧ ଆଦିନି ଗାଡ଼ାତି ଲକୁ ଅଡ଼େ ଏମ୍ବାଆଁ ବାସାଆହାମାନି ଏଟ୍‌କା ଦେସାତି ଲକୁ ପୁଃନି କାତା ଖେସାଲି ଇଞ୍ଜା ଖେଞ୍ଜାଲି ରାହାଁ ଆହିମାଚେରି □ ଏମ୍ବାଆଁ ଏଞ୍ଜାରି ଦିନା ରାପୁହି ମାଚେରି □

୨୨ ଏଚେଟିଏ ପାଞ୍ଜୁଲ ଆରିୟପାଗତି ବେରଣି ମାଦିଏ ନିଚାନା ଏଲେଇଚେସି, “ଏ ଆଦିନିତି ଲକୁ, ମୀରୁ ବାରେ ଗାତି ଦାର୍ମୁଗାଟାଚେରି, ଇଞ୍ଜା ହାରେକା ପେଣ୍‌କାଣି ସେବା କିନାଚେରି, ଏଦାଆଁ ନାନୁ ମେସିମାଈଁ □

୨୩ ଇଚିହଁ ନାନୁ ମୀ ଗାଡ଼ାତି ହାଜିମାଚେଏଁ, ଅଡ଼େ ମୀରୁ ପୂଜା କିନି ଟାୟୁତା ସିନିକିଚେଏଁ, ନାନୁ ପୂଜା ପିଣ୍ଡାତା ମେସ୍ତେଏଁ ଏମ୍ବାଆଁ ରାସ୍‌କି ଆହାମାନେ, ‘ପୁନାଆତି ମାହାପୁରୁ □’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହଁ ଜିକେଏ, ଏଦେଏ ନାନୁ ମିଞ୍ଜେ ଖେସିମାଞ୍ଜାଈଁ □

୨୪ \*ଆମିନି ମାହାପୁରୁ ଦାର୍‌ତି ଅଡ଼େ ଏମ୍ବାଆଁ ମାନି ବାରେ ରାତି କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାର୍‌ତିତି ପ୍ରବୁ ଆହାମାନାକି ମାଣ୍‌ସି କେୟୁଟି କେପିତି ଦେଞ୍ଜୁଡ଼ିତା ବାସା କିଅସି □

୨୫ ଇଚିହଁ ଏଞ୍ଜାଣାକି ଏନାୟି ଲଡ଼ା ମାନାୟି ହିଲାଆକି ମାଣ୍‌ସି କେୟୁଟି ସେବା ଆଅସି, ଇଚିହଁ ଏଞ୍ଜାସି ତାନୁଏ ବାରେତାକି ଜୀଞ୍ଜୁ, ନେଞ୍ଜାଲି ଇଞ୍ଜା ବାରେ ଲଡ଼ାମାନାଣି ଇନେସି □

୨୬ ର ମାଣ୍‌ସି ତାଣାଟି ଏଞ୍ଜାସି ବାରେ ଲକୁ ବାକାଈଁ ରାତି କିହାମାନେସି; ଇଞ୍ଜା ଏଞ୍ଜାଣି ହୁକୁମି ତଲେ ଏଞ୍ଜାରି ଦାର୍‌ତିତି ବାରେଞ୍ଜାକି ବାସା କିହାମାନେରି □ ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମୁଲୁଟିଏ ଏଦାଆଁ ତୀରି କିହାମାନେସି □

୨୭ ମାହାପୁରୁତି ଅଣ୍‌ପୁ ମାଚେ, ବାରେଜାଣା ଏନିକିହଁ ଏଞ୍ଜାଣାଈଁ

ପାରାନା ବେଟାଆନେରି □ ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି □”

୨୮ ଏନିଇଚିହଁ ରଅସି ଖେସାମାନେସି,

“ଏଞ୍ଜାଣି ତାଣା ମାର ନୀତିନାୟି, ତାକିନାୟି ଅଡ଼େ ତୁୟିନାୟି □ ଇଞ୍ଜା ମୀ ବିତ୍ତାତି ଜିକେଏ ଏଚରଜାଣା ଖେସାମାନେରି,

ମାର ଜିକେଏ ଏଞ୍ଜାଣି ମୀରୁକା ମାସ୍‌କା □”

୨୯ “ଇଚିହଁ ମାର ମାହାପୁରୁତି ମୀରୁକା ମାସ୍‌କା ଆଡ଼ାକି ଇ ମାହାପୁରୁ ଲେହେଁ ମାଣ୍‌ସି ବୁଦି ଅଡ଼େ ଅଣ୍‌ପୁ ତଲେ କେପିତି ବାଂଗାରା, ଖେଣ୍ଡି କି ଖାଲୁକାତି ବମା ଲେହେଁ ଅଣ୍‌ପିନାୟି ଆଏଁ □

୩୦ ଲକୁ ମାହାପୁରୁଈଁ ପୁଞ୍ଜା ହିଲାଆ ବେଲାତା ଏଞ୍ଜାସି ଦହ ଆସା ହିଲାଆଚେସି, ସାମା ନୀଏଁ ଏଞ୍ଜାସି ବାରେଜାଣାଟି ବାରେଞ୍ଜାକି ତାମି ପାପୁ ଜିରୁଟି ଖେଣ୍ଡା ଖାହାଲି ଖେସିମାନେସି □

୩୧ ଇଚିହଁ ଆମିନି ଦିନା ତାନୁ ଆଡ଼ିତି ମାଣ୍‌ସି ତାଣାଟି ଦାର୍ମୁତଲେ ଦାର୍‌ତିତି ନୀହାୟି କିନେସି, ଇଲେତି ର ଦିନା ତୀରି କିହାମାନେସି, ଇଞ୍ଜା ଇ ବାରେ ସାତା ଇଞ୍ଜା ତସାଲି ଏଞ୍ଜାସି ଏଞ୍ଜାଣାଈଁ ହାଡ଼ାରି ତାଣାଟି ନିକିହାମାନେସି □”

୩୨ ପାଞ୍ଜୁଲ ତାଣାଟି ହାଡ଼ାରି ଖେଣ୍ଡେ ନିଞ୍ଜିନି କାତା ଖେଞ୍ଜାନା ଏଚରଜାଣା ଲାଜା କିଚେରି, ଅଡ଼େ ଏଚରଜାଣା ଏଲେଇଚେରି, “ମାଞ୍ଜେ ଅଡ଼େ ଖେଣ୍ଡେ ଖେସ୍ତାମୁ, ନୀ ତାଣାଟି ଇ କାତା ଖେନମି □”

୩୩ ଏଚେଟିଏ ପାଞ୍ଜୁଲ ବେରଣିଚି ହଡ଼ାହାଚେସି □

୩୪ ଆରିୟପାଗି ଦିୟନୁସିୟ ଗଚିତି ଦାମାରି ଇନି ର ଇୟା ଇଞ୍ଜା ଅଡ଼େ ଏଚେକା ଲକୁ ନାମିଚେରି ଇଞ୍ଜା ଏଞ୍ଜାଣିତଲେ ଆଣ୍ଡିଚେରି □

# ୧୮

କରନ୍ତିତା ପାଞ୍ଚୁଲତି କାମା

୧ ଏମ୍ବାଟିଏ ପାଞ୍ଚୁଲ ଆତିନି ଗାଡ଼ା ପିସାନା କରନ୍ତିତା ହାଚେସି □

୨ ଇଞ୍ଜା ଏଞ୍ଜାସି ଆକ୍‌ଞ୍ଜିଲା ଦରୁଗାଟି ର ଜୀହୁଦି ଲକୁଇଁ ବେଟାଆଡେସି, ପତ୍ର ଏଞ୍ଜାଣି ଜାର୍ନା ଟାୟୁ; ଏଚରଦିନା ନକେଏ ଏଞ୍ଜାସି ତାନି ତକ୍ତି ପ୍ରିସିଲା ତଲେ ଇଟାଲିଟି ଖାହାମାଚେସି, ଇଚିହୁଁ କ୍ଲାଞ୍ଜୁଦିୟା ବାରେ ଜୀହୁଦି ଲକୁଇଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଚୁଲ ଏଞ୍ଜାସିକାଣି ବେଟି ହାଚେସି,

୩ ଅଡେ ଏଞ୍ଜାରି ଏଞ୍ଜାଣିଲେହେଁ ତୁମୁ ବେବାରା କିନାରି ମାଚାକି ଏଞ୍ଜାରିତଲେ ଡୟିଡେସି, ଅଡେ ଏଞ୍ଜାରି କାମା କିହାଲି ମାଚୁହେରି, ଏନାଆଁତାକି ଇଚିହୁଁ ବେବାରାତା ଏଞ୍ଜାରି ତୁମୁ କିନାରି ମାଚେରି □

୪ ଅଡେ ବାରେ ଜମିନି ଦିନାତା ଏଞ୍ଜାସି ଜୀହୁଦି ଲକୁତି କୁଟମି ଇଲୁତା\* ଜଲୁକି ଆହୁଁ ଜାପୁହେସି, ଜୀହୁଦି ଅଡେ ଗ୍ରିକ୍ ଲକୁଣି ନାମି କିଞ୍ଜିକିହାଲି ଅଣ୍ଡପିମାଚେସି □

୫ ଏଚିବେଲା ସିଲା ଅଡେ ତିମତି ମାକିଦନିୟାଟି ଖାଡେରି, ଏଚିବେଲା ପାଞ୍ଚୁଲ ନେହୁଁ ବଲୁ ଖେକ୍‌କି କାମା ଜମାଆନା କିହିମାଚେସି, ଅଡେ ଜୀସୁଇଁ ମସିହା ଇଞ୍ଜୁଁ ଜୀହୁଦି ଲକୁତାଣା ସାକି ହାହିମାଚେସି □

୬ ସାମା ଏଞ୍ଜାରି ଅପାଆନା ନିନ୍ଦା କିହାଲିଏ ଏଞ୍ଜାସି ତାନି ହିମ୍ବିରି ହାଣ୍ଡାଁନା ଏଲେଇଚେସି, “ମାରୁ ନାସା ଆତିହୁଁ ଏଡାଆଁତାକି ମାରୁ ଦାୟି ଆଡେରି □ ଏଡାଆଁତାକି ନାନୁ ଦାୟି ଆଏ, ନୀର୍ବ ନାନୁ ଜୀହୁଦିଆଆତି ଲକୁତାଣା ହାଜିମାଇଁ □”

୭ ଏମ୍ବାଟିଏ ଏଞ୍ଜାସି ଏ ଟାୟୁଟି ହଡା ହାଜାନା ତିତସ ଜୁସୁ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ ହାଚେସି, ଏଞ୍ଜାଣି ଇଲୁ

ଜୀହୁଦି ଲକୁତି କୁଟମି ଇଲୁଁ ତାଗେ ମାଚେ □

୮ ସାମା ଜୀହୁଦି ଲକୁତି କୁଟମି ଇଲୁତି‡ କାଜାସି କ୍ରିସପ ବାରେ ଇଲୁ କୁଟମି ତଲେ ପ୍ରୁ ତାଣା ନାମିଚେରି, ଅଡେ କରନ୍ତି ଗାଡାତି ଲକୁ ବିତ୍ରାଟି ହାରେକା ପାଞ୍ଚୁଲତି କାତା ଖେଞ୍ଜାନା ନାମିଚେରି ଅଡେ ବାପ୍ରିସୁଁ ଅଡେରି □

୯ ଅଡେ ପ୍ରୁ ଲାଆଁୟାଁ ବେଲାତା ସେୟାଣା ହାପାନାତା ପାଞ୍ଚୁଲଇଁ ଏଲେଇଚେସି, “ଆଜାଆନି, ସାପି ତୟାଆନା ଜଲମୁ,

୧୦ ଇଚିହୁଁ ନାନୁ ନୀ ତଲେ ମାଇଁ, ଆମିନି ଲକୁ ଜିକେଏ ନୀ କପାଟି ନିଙ୍ଗାନା ନିଙ୍ଗେ ନାସା କିହାଲି ଆଡଅସି, ଇଚିହୁଁ ଇ ଗାଡାତା ହାରେକା ନା ଲକୁ ମାନେରି □”

୧୧ ଇଞ୍ଜା ପାଞ୍ଚୁଲ ଏଞ୍ଜାରିତାଣା ମାହାପୁରୁତି କାତା ଜାପୁହିହୁଁ ର ବାସା ସ ଲେଞ୍ଜୁ ଡୟିଡେସି □

୧୨ ସାମା ଗାଲିୟୁ ଆକାୟାତି ରମିୟୁ ସାଲଞ୍ଜି କିନାସି ମାଚିବେଲାତା, ଜୀହୁଦି ଲକୁ ପାଞ୍ଚୁଲ କପାଟି ନିଙ୍ଗାନା ଏଞ୍ଜାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇଚେରି,

୧୩ “ଇଞ୍ଜାସି ମସାତି ମେରା କପାଟି ଅର ରଲେକ୍ ମାହାପୁରୁତି ସେବା କିହାଲି ଲକୁଣି ଜାପୁହିମାନେସି □”

୧୪ ସାମା ପାଞ୍ଚୁଲ ଗୁତି ଏକ୍‌ହାନା ଜଲୁଲି ମାଚୁହି ମାଚାଟି, ଗାଲିୟୁନ ଜୀହୁଦି ଲକୁଣି ଏଲେଇଚେସି, “ଆଡେ ଜୀହୁଦି ଲକୁଚେରି ଏନିଲେହେଁତି ଦହୁ କି ଲାଗେଏତି କାମା ଆତିହୁଁମା ସୁସ୍ତି ତଲେ ମୀ କାତା ଖେନାୟି ନାଙ୍ଗେତାକି ନେହେଁ ଆଡେମା,

୧୫ ସାମା ଇଦି ଖାରଇ ବଲୁ ଅଡେ ଦରୁ ଅଡେ ମୀ ମେରାତି କାତା ମାରୁଏ ଇଦାଆଁ ସୁସ୍ତି କିଦୁ □ ଇଲେତି କାତାତି ନାନୁ ନୀହାଁୟି କିଅଁ □”

\* ୧୮:୪ ୧୮:୪ ସିନଗର † ୧୮:୭ ୧୮:୭ ସିନଗର ‡ ୧୮:୮ ୧୮:୮ ସିନଗର § ୧୮:୮ ୧୮:୮ ମୁଞ୍ଜନାୟି

୧୭ ଏଲେଇଜ୍ଞାନା ଏଞ୍ଜାସି ଏଞ୍ଜାରାଉଁ ନୀହାଁୟି କିନି ତାଶାଟି ପେରହା ତୁସ୍ତେସି  
□

୧୭ ଏଚେଟିଏ ବାରେଜାଶା ସସ୍ତାନ ଜନି ଜୀହୁଦି ଲକ୍ଷୁତି କୁଟମି ଇଲୁତି\* କାଜାଶାଉ ଆସାନା ନୀହାଁୟି ପାଜାମାତା ଖେତେରି; ସାମା ଗାଲିୟନ ଏ ବାରେ କାତାତା ମନ ହାଆତେସି □

ପାଞ୍ଜୁଲ ଆକ୍ତିୟକିୟାତା ଖେଣ୍ଡାଖାନାୟି

୧୮ ପାଞ୍ଜୁଲ କରନ୍ତିତା ନାନିତି ତାୟି ତାଜିସ୍ତା ତଲେ ହାରେକା ଦିନା ତୟାନା ତାୟିୟା ତାଶାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାଚେସି, ପ୍ରିସ୍ତିଲା ଅଡେ ଆକ୍ଝିଲା ତାନିତଲେ ହାଚେରି, ତାନି ଆଞ୍ଜିତାୟି ମାତାକି ଏଞ୍ଜାସି କେକ୍ଝେୟାତା ତାନି ତାୟି ହିଶହେସି □

୧୯ ତାୟୁ ଏଞ୍ଜାରି ଏପିସିୟତା ଖାଡେରି, ଅଡେ ଏଞ୍ଜାସି ଏ ଗାୟୁତା ଆକ୍ଝିଲା ଅଡେ ପ୍ରିସ୍ତିଲାଉଁ ହେଲ ହାହାନା ପାଞ୍ଜୁଲ ରଅସିଏ ଜୀହୁଦି ଲକ୍ଷୁତି କୁଟମି ଇଲୁତାଁ ହତାନା ଜୀହୁଦିୟାଁ ତଲେ ହାଡାକାତା ଆଡେରି □

୨୦ ଇଞ୍ଜା ଏଞ୍ଜାରି ଏଞ୍ଜାଶାଉଁ ହାରେକା ଦିନା ତୟାଲି ବାତିମାଲିତିହଁଞ୍ଜା ଏଞ୍ଜାସି ତୟାଲି କୂତେସି □

୨୧ ସାମା ଏଞ୍ଜାରି ତାଶାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହଁ ଅଡେ ର ଦେବା ମୀ ତାଶା ଖେଣ୍ଡା ଖାଉଁ,” ଇଞ୍ଜା ଏଞ୍ଜାସି ଏପିସିୟଟି ହାଚେସି □

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡେ କୁଲମିତି ଜହରା କିହାନା ଏମ୍ବାଟିଏ ଆକ୍ତିୟକିୟାତା ହାଚେସି □

୨୩ ଏମ୍ବାଆଁ ଏଚରଦିନା ତୟିତି ତାୟୁ, ଏଞ୍ଜାସି ଅଡେ ଖେଣ୍ଡେ ହାଜାନା ଗାଲାତିୟ ଇଞ୍ଜା ପୁଗୟା ନାସକା ହାହାନା ହାଚେସି, ଅଡେ ଜିରୁତା

ସୀସୁୟାଣି ତାନି ନାମୁତା ଆଟ୍ଝା ତଲେ ତୟାଲି ରାହାଁ ହାତେସି □

ଏପିସିୟ ଅଡେ କରନ୍ତିତା ଆପଲ ୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡେସି, ଏଞ୍ଜାସି ଆଲେକକାଣ୍ଡିୟାତା ଜାନାଁ ଆହାମାଚେସି, ଏଞ୍ଜାସି ନେହଁକଁ ଖେସାଲି ଆଡିନାସି ଅଡେ ଦାମ୍ବୁ ପତିତି କାତା ଗାତି ପୁନାସି ମାଚେସି □

୨୫ ଇଞ୍ଜାସି ପ୍ରବୁ ଜିରୁତି କାତା ନେହଁକଁ ଜାପାମାଚେସି, ଇଞ୍ଜା ଜୀହୁତଲେ ବାଡ଼ୟୁ ବେଟାଆହାନା ଜୀସୁତି କାତା ନେହଁକଁ ଜାପୁହି ମାଚେସି, ଏଞ୍ଜାସି ଖାରଇ ଜହନତି ବାପ୍ରିସ୍ତାଁ କାତା ପୁଞ୍ଜାମାଚେସି □

୨୬ ଏଞ୍ଜାସି ସାସାତଲେ ଜୀହୁଦି ଲକ୍ଷୁତି କୁଟମି ଇଲୁତାଁ ଜଲାଲି ମାଟ୍ଝେସି, ସାମା ଆକ୍ଝିଲା ଅଡେ ପ୍ରିସ୍ତିଲା ଏଞ୍ଜାଣି କାତା ଖେଞ୍ଜାନା ଏଞ୍ଜାଶାଉଁ ତାନି ଇଜ ଅହାନା ଏମ୍ବାଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିତୁ □

୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାନିତି ତାୟିୟା ଏଞ୍ଜାଶାଉଁ ସାୟେମି କିତେରି, ଇଞ୍ଜା ଏଞ୍ଜାଶାଉଁ ରାହାଁତଲେ ଆବାଲି ଆକାୟାତା ମାନି ସୀସୁୟାକି ର ଆକୁ ରାଡିତେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାରେକା ସାୟେମି କିତେସି □

୨୮ ଇଚିହଁ ଜୀସୁଏ ମସିହା ଇଞ୍ଜାଁ ଦାମ୍ବୁ ପତିତି ନେହଁକଁ ତସାହାଁ ଏଞ୍ଜାସି ବାରେଜାଶା ନକିତା ତାନିତଲେ ଆସପି ଆହିମାନି ଜୀହୁଦି ଲକ୍ଷୁଣି ହାରଖି କିତେସି □

### ୧୯

ଏପିସିୟତା ପାଞ୍ଜୁଲ ୧ ଆପଲ କରନ୍ତିତା ମାଟିବେଲାତା ପାଞ୍ଜୁଲ ଖେଡା ହପୁଞ୍ଜାକିତି ରାଜି

\* ୧୮:୧୭ ୧୮:୧୭ ସିନଗର † ୧୮:୧୯ ୧୮:୧୯ ସିନଗର ‡ ୧୮:୨୫ ୧୮:୨୫ ମୁଞ୍ଜିନାୟି § ୧୮:୨୭ ୧୮:୨୭ ସିନଗର

ରେଜାନା ଏପିସିୟ ଗାଡ଼ାତା ଏଗାଞ୍ଜାତେସି □ ଏମ୍ବାଆଁ ଏଚରଜାଣା ସୀସୁୟାଁଣି ବେଟାଆତେସି,

୨ ଏଞ୍ଜାସି ଏଞ୍ଜାରାଇଁ ଖେଚେସି, “ମୀରୁ ନାମିତି ରେଟୁଏ ସୁଦୁଜୀଞ୍ଜୁ ବେଟାଆହା ମାଚେରି କି ?” ଏଞ୍ଜାରି ଏଲେଇଚେରି, “ଆଏ ସୁଦୁଜୀଞ୍ଜୁ ମାନେ ଇଞ୍ଜି ମାମ୍ବୁ ଖେଞ୍ଜା ଜିକେଏ ହିଲଅମି □”

୩ ପାଞ୍ଜୁଲ ଏଞ୍ଜାରାଇଁ ଖେଚେସି, “ଆତିହ୍ ଫୀରୁ ଏନ୍‌ଲେହେଁତି ବାପ୍ରିସ୍ତା\* ବେଟାଆହା ମାଚେରି □” ଏଞ୍ଜାରି ଏଲେଇଚେରି, “ମାମ୍ବୁ ଜହନତି ବାପ୍ରିସ୍ତା† ଅହାମାଚମି □”

୪ \*ଏମ୍ବାଟିଏ ପାଞ୍ଜୁଲ ଏଲେଇଚେସି, “ଜହନତି ବାପ୍ରିସ୍ତା‡ ହିୟା ଖେଚପି କିଞ୍ଜକିନି ବାପ୍ରିସ୍ତା;§ ଜହନ ଇସ୍ତାୟେଲ ଲକୁଣି ବାପ୍ରିସ୍ତା\* ହାହାନା ଏଲେଇଚେସି, ନା ଜେଚ ଆମ୍ବାଆସି ଖାହିମାନେସି, ଏଞ୍ଜାଣାଇଁ ଇଚିହ୍ ଜୀସୁଇଁ ନାମାଦୁ ଇଞ୍ଜି ଖେସିମାଚେସି □”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରବୁ ଜୀସୁ ଦରୁତଲେ ବାପ୍ରିସ୍ତା‡ ଅଚେରି □

୬ ଅଡେ ପାଞ୍ଜୁଲ ଏଞ୍ଜାରି ଲାକ କେସ୍ତା ଇଚାଲିଏ ସୁଦୁଜୀଞ୍ଜୁ ଏଞ୍ଜାରି ଲାକ ରେଚାଞ୍ଜାତେ, ଇଞ୍ଜା ଏଞ୍ଜାରି ଏଚକା ଏଚକା ହାଡାତଲେ କାତା ଜଲାନା ମାହାପୁରୁତି ତାୟୁ ଆନି କାତା ଜିକେଏ ଖେକହେରି □

୭ ଏଞ୍ଜାରି ବାରେ ବାଚଜାଣା ଆବାୟାଁ ମାଚେରି □

୮ ତାୟୁ ପାଞ୍ଜୁଲ ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁଡା‡ ହାଜାନା ତାନି ଲେଞ୍ଜୁ ପାଚେକା ସାସାତଲେ ମାହାପୁରୁ ରାଜିତି କାତା ଖେକହିହ୍ ଲକୁତି ମନତି ନାମି କିହାଲି ଅଣ୍ଡପିଚେସି □

୯ ସାମା ଏଚିବେଲା ଏଚେକା ଲକୁ ଆଟ୍‌ଞ୍ଜା ହିୟାଁ ଅଡେ ମୁଣ୍ଡି ଆହାନା ଲକୁ

ନକିତା ପ୍ରବୁ ଜିରୁ କପାଟି ନିଜ୍ଜାନା ନିୟା କାତା ଖେସ୍ତେରି, ଏଚିବେଲା ପାଞ୍ଜୁଲ ଏଞ୍ଜାରାଇଁ ପିସାନା ସୀସୁୟାଁଇଁ ଏଚକା କିଚେସି, ଇଞ୍ଜା ତୁରାନନ୍ ଇନି ଜାପ୍‌ନି ଇଲୁଡା ବାରେଦିନା ଜାପ୍‌ହି ମାଚେସି □

୧୦ ଇଲେଆହ୍ ରୀ ବାସା ପାଚେକା ଆଡେ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆତି ଲକୁ ବାରେଜାଣା ପ୍ରବୁତି କାତା ଖେଚେରି □

ସ୍ତେବା ମୀରକା ୧୧ ଅଡେ, ମାହାପୁରୁ ପାଞ୍ଜୁଲ ତାଣାଟି ହାରେକା ବାଡ଼ୁୟୁତି କାମାୟାଁ କିହିମାଚେସି □

୧୨ ଇଲାଆହ୍ ପାଞ୍ଜୁଲ ଲେସିମାନି ପାଞ୍ଜାତା ତୁରନି ସକା କି ତୁଞ୍ଜାଲା ରଗ ଗାଟାରି ତାଣା ତାତିସାରେ ଏଞ୍ଜାରି ତାଣାଟି ରଗ ପିସିମାଚେ ଅଡେ ବୁଡୁୟାଁ ହଡା ହାଜିମାଚୁ □

୧୩ ସାମା ରେଜି ରେଜିହ୍ ବୁଡୁୟାଁ ପେରନି ଜୀହୁଦିୟାଁ ବିତ୍ରାଟି ଏଚରଜାଣା ପଲ୍‌ଆ ବୁଡୁୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେରହାଲି ଅଣ୍ଡପାନା ଏଲେଇଚେରି, “ପାଞ୍ଜୁଲ ଆମିନି ଜୀସୁଇଁ ଖେକହି ମାନେସି ନାନୁ ଏଞ୍ଜାଣି ଦରୁଟି ନିଜେ ହୁକୁମି ହାହିମାଞ୍ଜାଇଁ □”

୧୪ ସ୍ତେବା ଦରୁଗାଟି ର ଜୀହୁଦି କାଜା ପୁଜେରାତି ସାଡା ଜାଣା ମୀରକା ଏଲେ କିହିମାଚେରି □

୧୫ ସାମା ପଲ୍‌ଆ ବୁଡୁୟାଁ ଏଞ୍ଜାରାଇଁ ଏଲେଇଚୁ, “ନାନୁ ଜୀସୁଇଁ ପୁଞ୍ଜାମାଇଁ ଅଡେ ପାଞ୍ଜୁଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆତେରି ?”

୧୬ ଏଚେଟିଏ ଏ ପଲ୍‌ଆ ବୁଡୁ ଆଲ୍‌ଗା ମାଚାସି ଏଞ୍ଜାରି ଲାକ ଡେଞ୍ଜାନା ଏଞ୍ଜାରାଇଁ ଇଚହାଲିଏ ଏଞ୍ଜାରି ନାଗଡ଼ା ଉଗଡ଼ା ରାଣାରକା ଆହାନା ଏ ଇଲୁତି ହଚେରି □

\* ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ✱ ୧୯:୪ ୧୯:୪ ମାତି ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି \* ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗଗ

୧୭ ଈ କାତା ଏପିସିୟତା ମାନି ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପୁରେରି, ଇଞ୍ଜା ବାରେଜାଣା ଆଜିତେରି, ଅଡ଼େ ଏମ୍ବାଆଁ ପ୍ରବୁ ଜୀହୁତି ଦରୁ ହାରେକା ଗାଝୁରମି କିତେରି □

୧୮ ଅଡ଼େ ନାମୁଗାଟାରି ବିତ୍ରାଟି ହାରେକା ଖାହାନା ତାମ୍ନୁ କିହାମାନି ପଲ୍ଲଆ କାମାତି ଖେସ୍ତେରି □

୧୯ ଅଡ଼େ ଗାରୁଡ଼ି କାମା କିହିମାଟି ହାରେକା ଜାଣା ତାମ୍ନୁ ତାମି ପତିୟାଁ ତାଟିହୁଁ ରୁଣ୍ଡା କିହାନା ବାରେଜାଣା ନକିତା ହୁତିତେରି; ଏଝାରି ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଟାକାୟାତି ପତିୟାଁ ମାରୁ □

୨୦ ଇଲେଆହୁଁ ପ୍ରବୁତି ବଲୁ ବାଡ଼ୁୟୁ ତଲେ ପାତାଆଡ଼େ ସାରିସ୍ତୁଁ ଖେଜିତେ □

ଏପିସିୟ ଗାଡ଼ାତା ଗଡ଼ହା

୨୧ ଈ ବାରେ କାତା ରାଡ଼ି ତାୟୁ ପାଝୁଲ ମାକିଦନିୟା ଅଡ଼େ ଆକାୟା ମାଦିଟି ଜିରୁସାଲମତା ହାଜାଲି ମନତା ତାରି କିତେସି □ ଏଝାସି ଏଲେଇରେସି, “ଏମ୍ବାଆଁ ହାଟି ତାୟୁ ନାନୁ ରମ୍ତା ଜିକେଏ ହାନାୟିମାନେ □”

୨୨ ଅଡ଼େ ଆମ୍ବାଆରି ଏଝାଣି ସେବା କିହିମାରେରି, ଏଝାରି ବିତ୍ରାଟି ତିମତି ଅଡ଼େ ଏରାସ୍ତ ଈ ରିଆରାକ୍ ମାକିଦନିୟାତା ପାଶ୍ଚାନା ଏଝାସି ଏଚରଦିନା ପାତେକା ଆସିୟାତା ଡ଼ୟିତେସି □

୨୩ ଏଚିବେଲୀତା ପ୍ରବୁ ତସାମାନି ଜିରୁତି କାତା ଅହାନା ଏପିସିୟତା ହାରେକା ଗଡ଼ହା ଆଡ଼େ □

୨୪ ଦିମିତ୍ରିୟ ଦରୁଗାଟି ର ଖେଣ୍ଡି କାମାକିନାସି ଆର୍ଡେମି ପେନୁତି ର ଖେଣ୍ଡିତି ଦେଝୁଡ଼ି କିହିମାରେସି, ଇଞ୍ଜା ଏଝାଣି ଈ ବେବାରା କାମା କିନାରାକି ହାରେକା ଲାବା ଆହିମାରେ □

୨୫ ଏମ୍ବାଟିଏ ଏଝାସି ଇଞ୍ଜା ଏଝାରିଲେହେଁ କାମା କିନାରାକ୍ ହାଟାନା ଏଲେଇରେସି, “ବାବୁୟାଁ ଈ କାମାଟି

ମାର ଦନ ବେଟାଆହି ମାନାୟି ଇଞ୍ଜାଁ ମୀରୁ ବାରେ ପୁଞ୍ଜାମାଞ୍ଜେରି;

୨୬ ଅଡ଼େ, କେସ୍ତାତଲେ କେପିତି ପେଣ୍ଡକା ମାହାପୁରୁ ଆଏ ଇଞ୍ଜାଁ ଖେସାନା ପାଝୁଲ ଖାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼ଝି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡ଼େ ଖେଞ୍ଜାମାଞ୍ଜେରି □

୨୭ ଇମ୍ବାଆଁ ଖାରଇ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆର୍ଡେମିକ୍ ବାରେ ଆସିୟା ଅଡ଼େ ଦାରତିତି ଲକୁ ପୂଜା କିହିମାନେରି, ଏଦାନି ଦେଝୁଡ଼ିତି ଜିକେଏ ଲକୁ ମାନି କିଅରି, ଇଞ୍ଜା ଆର୍ଡେମି ପେନୁତି ଦରୁ କାଜା ଦରୁ ଇଞ୍ଜାଁ ଖେଜେଏ □”

୨୮ ଈ କାତା ଖେଞ୍ଜାନା ବାରେଜାଣା କାରୁବି ଆହାନା କାଜା ଗିୟାତଲେ ଏଲେଇରେରି, “ଏପିସିୟ ଲକୁତି ଆର୍ଡେମିଏ କାଜା ପେନୁ □”

୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡ଼େ, ଇଞ୍ଜାଁ ଲକୁ ବାରେ କାଲଝି ଆହାନା ପାଝୁଲ ତଲେ ହାଜିମାଟି ମାକିଦନିୟାତି ଗାୟ ଅଡ଼େ ଆରିସ୍ତାକ୍ ଇକ୍ ଦସାନା କାହିନି ବାଟାତା ହରେରି □

୩୦ ଏମ୍ବାଟିଏ ପାଝୁଲ ଲକୁ ମାନ୍ଦା ବିତ୍ରା ହାଜାଲି ଅଣ୍ଡିପିତେସି, ସାମା ସୀୟୁୟାଁ ଏଝାଣାକ୍ ହାଜାଲି ହୀଆତେରି □

୩୧ ଅଡ଼େ ଆସିୟାତି ସାଲଝି କିନାରି ବିତ୍ରାଟି ଜିକେଏ ଏଝାରି ତଡ଼ୁ ଗାଟାରି ମାଟାକି କାହିନି ବାଟା ମାଦି ହାଲାଆପେସି ଇଞ୍ଜାଁ ଲକୁଣି ଖେସା ପାଶ୍ଚାନା ଏଝାଣାକ୍ ବାତିମାଲିତେରି □

୩୨ ଏଚିବେଲୀ ହାରେକା ଗଡ଼ହା ଆହିମାରେ, ଇଞ୍ଜାଁ ଲକୁ ମାନ୍ଦା ମାନ୍ଦା ଆହୁଁ ଏଚରଜାଣା ଈ କାତା ଅଡ଼େ ଏଚରଜାଣା ଏ କାତା ଇଞ୍ଜାଁ କାଲଝି ଆହିମାରେରି, ଅଡ଼େ ଏଝାରି ଏନାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆତେରି □

୩୩ ଲକୁ ବିଦ୍ରାଟି ଏଚରଜାଣା  
 ଏଲେଇଚେରି, ଆଲେକ୍‌ଜାଣ୍ଡର  
 ଇଦାଆଁତାକି ଦାୟି, ଇଚିହ୍ଁ ଜୀହୁଦି  
 ଲକୁ ଏଝାଣାଈଁ ନକିତା ନିପହା  
 ମାଚେରି, ଆଲେକ୍‌ଜାଣ୍ଡର କେୟୁ  
 ପେରହାନା ଲକୁଣି ପାଲେଏ ଆହାଲି  
 କେୟୁ ଜୀଞ୍ଜିତେସି, ଅଡ଼େ ନାମୁଗାଟାରି  
 ଝାକିଟି ଝେସାଲି ଅଣ୍ପିତେସି □

୩୪ ସାମା ଏଝାସି ର ଜୀହୁଦି ଇଞ୍ଜିଁ  
 ଏଚିବେଲା ଏଝାରି ପୁଚେରି; ଏଚିବେଲା  
 ବାରେଜାଣା କାଜା ଗିୟାତଲେ ରା  
 ଗଂଟା ପାତେକା କାଲଝି ଆହାନା  
 ଏଲେଇଚେରି, “ଆର୍ଚେମିଏ ଏପିସିୟ  
 ଲକୁତି କାଜା ପେନୁ □”

୩୫ ତାୟୁ ଗାଡ଼ାତି କାଜାସି ଲକୁଣି  
 ସୂସ୍ତି କିହାଲି ଝେସେସି, “ଏ ଏପିସିୟତା  
 ମାନି ତାୟିୟାତେରି ବାରେଜାଣା  
 ପୁଞ୍ଜାମାନେରି ଏପିସିୟ ଗାଡ଼ାତି କାଜା  
 ପେନୁ ଆର୍ଚେମିତି ଦେଝୁଡ଼ି ଇଞ୍ଜାଁ  
 ହାଗୁଲାକଟି ରେଚା ଝାହାମାନି ସୁଦୁତି  
 ବମା ଗେଲ୍‌ପିକିଝି ଆହାମାନେ □

୩୬ ଅମ୍ବାଆସି ଇଦାଆଁ ଆଏ ଇଞ୍ଜାଲି  
 ଆଡ଼ଅସି, ଏଦାଆଁତାକି ମୀରୁ ବାରେ  
 ସୂସ୍ତି ଆଦୁ, ଏନି ବୁଦି ହିଲାଆ କାମା  
 କିଆଦୁ □

୩୭ ଇଚିହ୍ଁ ଇ ଆମିନି ଲକୁଈଁ ମୀରୁ  
 ଦସା ତାଚାମାଞ୍ଜେରି, ଇଝାରି ଦେଝୁଡ଼ିତି  
 ସରୁ କିହାହିଲଅରି, ଇଞ୍ଜାଁ ମା ପେଣକା  
 କପାଟି ଏନି ନିନ୍ଦା କାତା ଜଳା ହିଲଅରି  
 □

୩୮ ଏଦାଆଁତାକି ଦିମିତ୍ରିୟ ଅଡ଼େ  
 ଏଝାଣିତଲେ କାମାକିନାରି ଆମ୍ବାଆରି  
 କପାଟି ଏନି କାତା ମାଟିହ୍ଁ,  
 ନାହାଁୟି କିହାଲି ନାହାଁୟି ଇଲୁ  
 ଦେପିଆହାମାନେ, ଇଞ୍ଜାଁ ନାହାଁୟି  
 କିନାରି ମାନେରି, ଏଝାରି ନକିତା ତାୟୁ  
 ତାମି ଦାଝା କିପେରି □

୩୯ ଇଦାଣିକିହାଁ ଆଗାଡ଼ା  
 ଅଣ୍ପିମାଟିହ୍ଁ, ଲକୁ ତାଣାଟି ମେରା  
 କିଝି ଆହାମାନି ନାହାଁୟି କିନି ତାଣା  
 ଏଦାଆଁ ଡିକ୍‌ନାୟି ଆନେ □

୪୦ ଇଚିହ୍ଁ ସାତେଏ ନୀଞ୍ଜୁତି ଗଡ଼ହା

ତାକି ମା କପାଟି ଦାଝା ଆନାୟି ମାନେ;  
 ଏନିଈଚିହ୍ଁ ଏ ଗଡ଼ହା ଏନାଆଁତାକି  
 ହଡ଼େ ଏଦାଆଁ ମୀରୁ ଏନି କାତାତଲେ  
 ତସାଲି ଆଡ଼ାଆୟି □”

୪୧ ଇ ବାରେ କାତା ଝେସାନା ଲକୁଣି  
 ସୂସ୍ତି କିହାନା ନାହାଁୟି ତୁକ୍‌ହେସି □

୨୦

ମାକିଦନିୟା ଅଡ଼େ ଆକାୟାତା  
 ହାନାୟି

୧ ଏ ଗଡ଼ହା ତୁଞ୍ଜିତି ତାୟୁ ପାଝୁଲ  
 ସୀସୁୟାଣି କୃଡ଼ି କିହାନା ଏଝାରାଈଁ  
 ବାର୍ସୁତି କାତା ଝେସେସି, ଏଝାରି ତାଣାଟି  
 ହେଲ ଅହାନା ମାକିଦନିୟାତା ହାଚେସି  
 □

୨ ଏଝାସି ବାରେ ନାମ୍‌କାଟି ହାଜିହ୍ଁ,  
 ହାଚେକା ସୀସୁୟାଣି ବାର୍ସୁ ହାହାନା ଗ୍ରସ  
 ଦେସାତା ହାଚେସି □

୩ ଏମ୍ବାଟିଏ ଏଝାସି ଏମ୍ବାଆଁ ତୀନି  
 ଲେଞ୍ଜୁ ତୁୟିତେସି, ଏଝାସି ସିରିୟାତା  
 ହାଜାଲି ତିୟାରା ଆହିମାଟି ବେଲାତା,  
 ଜୀହୁଦି ଲକୁ ଏଝାଣାଈଁ ପାୟାଲି ତୀରି  
 କିହାମାନେରି ଇଞ୍ଜିଁ କାରୁ ପୁଞ୍ଜାନା  
 ମାକିଦନିୟା ଝାକିଟି ଝେଣ୍ଡେ ହାଜାଲି  
 ତୀରି କିତେସି □

୪ ଅଡ଼େ ବେରିୟା ତାସି ପୁରତି  
 ମୀରୁଏସି ସପାତର, ଅଡ଼େ ତେସଲନିକି  
 ଗାଡ଼ାତି ଆରିସ୍ତାର୍କ, ସେକ୍‌ନ୍ଦ, ଦବ୍‌ତି  
 ଗାୟ, ତିମତି ଅଡ଼େ ଆସିୟାତି  
 ଲକୁ ବିଦ୍ରାଟି ତୁକିକ ଅଡ଼େ ତ୍ରପିମ  
 ଏଝାଣିତଲେ ହାଚେରି □

୫ ଏଝାରି ବାରେଜାଣା ନକେଏ  
 ହାଜାନା ତ୍ରୟାତା ମାଞ୍ଜେ କାଡ଼ିମାଞ୍ଜାତେରି  
 □

୬ ଅଡ଼େ ପୁଲା ଗୁଣ୍ଡା ଆଣ୍ଡାଆତି ରୁଟି  
 ତିନି ପାର୍ବୁ ତାୟୁ ମାମ୍‌ସୁପିଲିପିଟି ଏୟୁ  
 ଜାଜାଟି ହାଚମି, ଇଞ୍ଜାଁ ପାସା ଦିନା  
 ତାୟୁ ତ୍ରୟାତା ଏଝାରାଈଁ ବେଟାଆହାନା;  
 ଏମ୍ବାଆଁ ର ଝାଞ୍ଜା ତୁୟିତମି □

ତ୍ରୟାତା ପାଝୁଲ ତାୟୁ ପାଲି  
 ହାନାୟି

୭ ଖାରାତି ମୂଲୁ ଦିନାତି ମିଡ଼ଅଲ୍ଲ  
ରାନ୍ଦା ତିଞ୍ଜାଲି ରୁଣ୍ଡା ଆହାମାତମି,  
ପାଞ୍ଜୁଲ ଅର ନେରୁ ହାନାୟି ମାତାକି  
ଏଞ୍ଜାସି ଲକୁଣି ମାଦି ନେକେରି ପାତେକା  
ନେହଁ କାତା ଖେସିମାତେସି □

୮ ମାମ୍ମୁ କୂଡ଼ା ଆହାମାନି ଲାକନି  
ପାରୁତି ଇଲୁତା ଏମ୍ମାଆଁ ହାରେକା  
ଦୀଞ୍ଜିୟାଁ ତୀଞ୍ଜିମାରୁ □

୯ ଅଡ଼େ ଇଞ୍ଜୁତୁକ ଇନି ର  
ଦାଂଗଣେଏସି କିଡ଼କି ଲାକ  
କୁଗାମାତେସି, ଏଞ୍ଜାଣାକି ହାରେକା  
ଇଦା ଖାହିମାତେ; ଇଞ୍ଜାଁ ପାଞ୍ଜୁଲ କାତା  
ହାରେକା ଲାମ୍ବା କିହଁ ଖେସିମାତାକି  
ଇଞ୍ଜୁତୁକ ତାନି ପାରୁ ଗାଟି ଇଲୁ  
ଲାକଟି ତୁଇ ରୀତେସି, ଏରିବେଲା  
ଏଞ୍ଜାରି ଇଞ୍ଜୁତୁକଇଁ ନିକହେରି, ଏଞ୍ଜାସି  
ହାହାମାତେସି □

୧୦ ସାମା ପାଞ୍ଜୁଲ ତୁଇ ରେଚାଖାହାନା  
ଏଞ୍ଜାଣି ମୁହେଁ ମାରହାନା ଏଞ୍ଜାଣାଇଁ  
ପମାନା ଏଲେଇଚେସି, “ଆଜାଆଦୁ  
ଇତିହଁ ଇଞ୍ଜାଣି ତାଣା ଜୀଞ୍ଜୁ ମାନେ □”

୧୧ ତାୟୁ ଲାକ ହାଜାନା ରୁଟି  
ବାଟିକିହଁ ତିଚେରି, ଇଞ୍ଜାଁ ଲାକ ଖେୟିନି  
ପାତେକା ହାଡ଼ାକାତା ଆହାନା ପାଞ୍ଜୁଲ  
ହାଚେସି □

୧୨ ଅଡ଼େ ଲକୁ ଏ ଦାଂଗଣା କକାଣାଇଁ  
ଜୀଞ୍ଜୁତଲେ ଇଜ ଅହଁ ହାଚେରି ଇଞ୍ଜାଁ  
ଏଞ୍ଜାରି ହାରେକା ବାସୁଁ ବେଚାଆଡ଼େରି □

ତୁୟାଟିଏ ମିଲିତତା ହାନାୟି

୧୩ ସାମା ମାମ୍ମୁ ନଟ୍ଟକଏ ଜାଜାତା  
ହଚାନା ଆସସତା ହାଚମି, ଏମ୍ମାଟିଏ  
ମାମ୍ମୁ ପାଞ୍ଜୁଲଇଁ ଅହାଲି ଅଣ୍ଡପାମାତମି,  
ଇତିହଁ ଏଞ୍ଜାସି ତାନୁଏ ତାକିହଁ  
ହାଜାଲି ତୀରି କିହାମାତେସି □

୧୪ ଏରିବେଲା ଏଞ୍ଜାସି ଆସସତା  
ମାଙ୍ଗେ ବେଚା ଆୟାଲିଏ, ମାମ୍ମୁ  
ଜାଜାତା ଏଞ୍ଜାଣାଇଁ ମିତିଲିନିତା  
ତାଟିହଁ ଖାଡ଼ମି,

୧୫ ଅଡ଼େ ଏମ୍ମାଟି ହାଜାନା ଏ ଅର  
ନେରୁ କିଅସତା ଏଗାହାଚମି, ଅଡ଼େ ର  
ଦିନାତି ଜେଚ ସାମସତା ଏଜାହାଁ, ତାନି  
ଅର ନେରୁ ମିଲିତତା ଏଗାହାଚମି □

୧୬ ଇଚିହଁ ପାଞ୍ଜୁଲ ଆସିୟା  
ରାଜିତା ହାରେକା ଦିନା ତୁୟାଆନା,  
ଇଦାଆଁତାକି ଏଞ୍ଜାସି ଏପିସିୟ  
ପିସାନା ହାଜାଲି ତୀରି କିହାମାତେସି,  
ଆଡ଼ିସାରେ ପେଡ଼ିକସ୍ତୁ ଦିନା  
ଜିରୁସାଲମତା ଏଗାହାଜାଲି ଦାଗା  
ଆହିମାତେସି □

ଏପିସିୟ କୁଲମିତି କାଜାରାଇଁ  
ପାଞ୍ଜୁଲ ଖେହନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ  
କୁଲମିତି କାଜା ଲକୁଣି କାରୁ ପାଣ୍ଡାନା  
ହାଟିକିତେସି □

୧୮ ଏଞ୍ଜାରି ତାମି ତାଣା ଖାୟାଲିଏ,  
ଏଞ୍ଜାସି ଏଞ୍ଜାରାଇଁ ଏଲେଇଚେସି,  
“ଆସିୟାତା ନାନୁ ଏଦାତି ଦିନାଟିଏ  
ମୀ ତଲେ ଏନିକିହଁ ମାଚେସଁ ମୀରୁ  
ପୁଞ୍ଜାମାଞ୍ଜେରି,

୧୯ ପ୍ରୁତି ହଲେଏଣା ଆହାନା  
ଜାହାରାଇଁ ଉଣା କିହାଁ ଅଡ଼େ କାଣ୍ଡୁ  
ବକହାଁ ନାଙ୍ଗେ ସାସ୍ତି ଖାଡ଼ାଟି ନାନୁ  
ପ୍ରୁତି ସେବା କିଚେସଁ, ଏନାଆଁତାକି  
ଇତିହଁ ଏଚରଜାଣା ଜୀହୁଦି ଲକୁତି  
ପାରୁ ପାରିମାତାକି □

୨୦ ମୀରୁ ପୁଞ୍ଜାମାଞ୍ଜେରି, ନାନୁ  
ପାଙ୍ଗାଞ୍ଜେଙ୍ଗେ ଲକୁତାଣା ଖେହନାଟି  
ଅଡ଼େ ମିଙ୍ଗେତାକି ଇଲୁତା ଖେସ୍ତାନି  
ବେଲାତା ମୀ ନେହେଁ ଆନିଲେହେଁତି  
ଏନାଆଁ ଜିକେଏ ତୁକୁହା ହିଲାଆଚେସଁ,

୨୧ ଜୀହୁଦି ଅଡ଼େ ଜୀହୁଦିଆଆତି  
ଲକୁ ନକିତା ଜାଗ୍ରାତା କିହଁ ସାକି  
ହୀହାନା ଖେସାମାଚେସଁ, ଏଞ୍ଜାରି ପାପୁଟି  
ଏବକା ଆହାନା ମାହାପୁରୁ ଖାକି ମନ୍  
ଖେଚହା କତାନା ମା ପ୍ରୁ ଜୀସୁଇଁ  
ନାମିନେରି □

୨୨ ନୀସଁ ମେହଦୁ, ନାନୁ ସୁଦୁଜୀଞ୍ଜୁଇଁ  
ମାନଞ୍ଜି ଆହାନା ଜିରୁସାଲମତା  
ହାଜିମାଇଁ, ଏମ୍ମାଆଁ ନାଙ୍ଗେତାକି ଏନାଆଁ  
ଆନେ ନାନୁ ପୁଞ୍ଜାହିଲଅଁ;

୨୩ ସୁଦୁଜୀଞ୍ଜୁ ନାଙ୍ଗେ ଜାଗ୍ରାତା କିହାଁ  
ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା  
କାୟିଦି ଆହାନା କସ୍ତୁ ବେଚାଆଇଁ □



୨୪ ସାମା ନାନୁ ଏନିକ୍ ନା  
 ତାରିଆହାମାନି ଚାୟୁ ପାତେକା ହଟାଲି  
 ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି  
 ନେହଁ କାବୁତା ସାକି ହାହାଲିତାକି  
 ଜୀସୁ ତାଣାଟିଏ ଏମିନି ସେବା କାମା  
 ବେଟାଆହାମାଇଁ, ଏଦାଆଁ ଏନିକ୍  
 ରାପୁହାଲି ଆଡ଼ିଇଁ, ଏଦାଆଁତାକି ନା  
 ଜୀଝୁତି କାଜାୟି ଇଞ୍ଜି ଅଣ୍ଡି ହିଲଅଁ  
 []”

୨୫ “ଅଡ଼େ ନୀର୍ବ ନାନୁ ପୁଞ୍ଜିମାଇଁ  
 ମୀରୁ ଅଡ଼େ ନାଙ୍ଗେ ଖେଣ୍ଡେ  
 ମେସୁଅତେରି [] ନାନୁ ମୀ ବାରେ ତାଣା  
 ମାହାପୁରୁ ରାଜିତି କାତା ରେଜିହଁ  
 ଖେସାମାଞ୍ଜାଇଁ []

୨୬ ଏଦାଆଁତାକି ନାନୁ ନୀଞ୍ଜୁତି ଇ  
 ପାରୁତାକି ଆଟ୍ଝା ତଲେ ଖେସିମାଇଁ,  
 ମୀ ବିତ୍ରାଟି ଆମ୍ବାଆସି ନାସା ଆତିହଁ  
 ଏମ୍ବାତି ଦାୟି ନାନୁ ଆଏ

୨୭ ଇତିହଁ ମାହାପୁରୁ ଅଣ୍ଡିମାନାଣି  
 ବାରେ ମିଙ୍ଗେ ଖେସାଲି ନାନୁ ପିସା  
 ହିଲଅଁ []

୨୮ ମୀରୁ ମିଙ୍ଗେ ଜାହାରା କାତା  
 ଅଡ଼େ ଆମିନି କୁଲମିତି ମାହାପୁରୁ ତାନି  
 ନେତେରି ତଲେ କତାମାନେସି, ତାନି  
 ଏ କୁଲମିତି ପହି ପାତିକିହାଲିତାକି  
 ସୁଦୁଜୀଝୁ ବାରେ ମାନ୍ଦା ବିତ୍ରାଟି ଗୁମୁସ୍ତା  
 କିହାଁ ମିଙ୍ଗେ ଆଟାମାଞ୍ଜାନେସି, ଏଞ୍ଜାରାଇଁ  
 ଜାଗ୍ରାତା କିଦୁ []

୨୯ ନାନୁ ହାଟି ତାୟୁ ଆଜିହ୍ରେପତି  
 ଗଦ କ୍ଳାଝନଁ ଖାନୁ, ଅଡ଼େ ମେଣ୍ଡାୟି  
 ମାନ୍ଦାତି ରାଣାରାକା କିଆନା ପିହ୍ଡ,

୩୦ ଦିନା ଖାନେ, ଏତିବେଲା ମୀ  
 ଗରିତି ଏଚେକା ସୀସୁୟାଁ ନିଙ୍ଗାନା ନାମୁ  
 ଗାଟାରାଇଁ ମିଟି କାତା ଖେସାନା ଏଟ୍ଟକା  
 ଜିରୁତା ଅନେରି,

୩୧ ଏତିବେଲା ଜାଗ୍ରାତା ତୟାଦୁ, ନାନୁ  
 ଲାଆଁ ମାଦେନା କାଣ୍ଡୁ ଖାକ୍‌ହିହଁ  
 ତାନି ବାର୍ଯ୍ୟା ପାତେକା ବାରେତେରି  
 ମିଙ୍ଗେ ଜାପୁହା ମାଞ୍ଜାଇଁ, ଇ କାତା  
 ଅଣ୍ଡପୁତା ଇଟାଦୁ []”

୩୨ ନୀର୍ବ ନାନୁ ମିଙ୍ଗେ ମାହାପୁରୁ  
 ଇଞ୍ଜା ତାନି କାର୍ମାମେହ୍ନି ବଲୁ ନକିତା

ହେରପିମାଞ୍ଜାଇଁ, ଇ କାର୍ମାଟି କାତା  
 ମିଙ୍ଗେ ବାଡ଼ୟୁ ତଲେ ପାତିକିହାଲିତାକି  
 ଅଡ଼େ ସୁଦୁ ଆହାମାନି ବାରେ ଲକୁ ବିତ୍ରା  
 ଅଦିକାରା ହାହାଲି ଆଡାନେସି []

୩୩ ନାନୁ ଆମ୍ବାଆରି ବାଂଗାରା, ଖେଣ୍ଡି  
 କି ହିମ୍ବୁରିକା ଜୁପକା ଆହାହିଲାଆତେର୍ବ  
 []

୩୪ ମୀରୁ ପୁଞ୍ଜାମାଞ୍ଜେରି ଇ ନା  
 ରୀ କେସ୍ତାତଲେ କାମା କିହାନା  
 ନାଙ୍ଗେ ଅଡ଼େ ନା ତଡ଼ୁଲକୁତି ବାରେ  
 ଲଡ଼ାମାନାଣି ବେଟାଆହାମାଇଁ []

୩୫ ଇଲେକିହଁ କସୁ କିହାନା  
 ଆଡ଼ାଆ ଗାଟାରି ସାୟେମି କିନାୟି,  
 “ଇତିହଁ ରୀହ୍ନି କିହାଁ ହୀନାୟି  
 ହାରେକା ନେହାୟି” ପ୍ରବୁ ଜୀସୁ ତାନୁଏ  
 ଇ କାତା ଖେସାମାଞ୍ଜାନେସି, ଇ କାତା  
 ମୀରୁ ଅଣ୍ଡିନାୟି ମାନେ, ଇ ବାରେ  
 କାତାତଲେ ମିଙ୍ଗେ ପୁଣ୍ଡି କିହିମାଞ୍ଜାଇଁ  
 []

୩୬ ଇ ବାରେ କାତା ଖେସାଲି  
 ରାପୁହି ତାୟୁ ପାଞ୍ଜୁଲ ମେଣ୍ଡାକୁତାନା  
 ବାରେଜାଣା ତଲେ ପ୍ରାଡାନା କିତେସି  
 []

୩୭ ଅଡ଼େ, ଏଞ୍ଜାରି ବାରେଜାଣା ତୀହି  
 ତୀହି ପାଞ୍ଜୁଲଇ ପମାହାଁ ନଣ୍ଡିତେରି []

୩୮ ଏଞ୍ଜାରି ଅଡ଼େ ତାନି ମୁମ୍ବୁଖେଣ୍ଡେ  
 ମେସାଲି ଆଡ଼ଅରି, ଏଞ୍ଜାସି ଖେସାମାଟି  
 କାତାତାକି ହାରେକା ଦୁକୁ କିତେରି,  
 ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା  
 ପାତେକା ଇଟି ହାଚେରି []

## ୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ  
 ବେଟାଆହାନା ମାମ୍ବୁ ଏୟୁ ଜାଜାତା  
 ହଟାହାଁ ସଲକେ ଜିରୁଟି କସ୍ତା ଖାଡ଼ମି,  
 ତାନି ଅର ନେଚୁ ରଦାତା, ଇଞ୍ଜା  
 ଏମ୍ବାଟିଏ ପାତାରାତା ଖାଡ଼ମି []

୨ ଏମ୍ବାଟିଏ ପୟିନିକୟା ହାନି ଏୟୁ  
 ଜାଜା ବେଟାଆହାନା ଏମ୍ବାଆଁ ହଟାହାଁ  
 ହାଟମି []

୩ ତାୟୁ କୁପ୍ର ତଞ୍ଜା ଆହାଲିଏ ତାନି  
 ଚେଟ୍ଟିଖାକି ପିସାନା ମାମ୍ବୁ ସିରିୟାତା

ହାଜାନା ସରତା ଏଗାତମି, ମାମ୍ନୁ ଚାୟରତା ଜାଜାଟି ରେତମି, ଇତିହ ଏମ୍ନାଆଁ ଜାଜାତି ଆସ୍ତି ରେପନାୟି ମାତେ

୪ ଏମ୍ନାଆଁ ନାମିତି ସାସୁୟାଁଣି ପାରାନା ଏଞ୍ଜାରାଇଁ ବେଟାଆହାନା ଏମ୍ନାଆଁ ସାଡ଼ା ଦିନା ଡ଼ୟିତମି; ଇଞ୍ଜା ପାଞ୍ଜୁଲ ଏନିକ ଜିରୁସାଲମତା ହାଲଅସି ଏଡ଼ାଆଁତାକି ଏଞ୍ଜାରି ସୁଦୁଜୀଞ୍ଜୁ ତଲେ ବାତିମାଲିତେରି

୫ ମାମ୍ନୁ ସାଡ଼ା ଦିନା ଡ଼ୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାତମି, ଅଡ଼େ ମାଜେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟାଁ ତଲେ ଗାଡ଼ାତି ପାଜ୍ଜାତା ମାନି ସାମ୍ନୁରି ଗାଟୁ ପାତେକା ଇତି ଝାଡ଼େରି, ଏମ୍ନାଆଁ ମେଣ୍ଡାକୁତାନା ମାମ୍ନୁ ବାରେତମି ପ୍ରାତାନା କିତମି,

୬ ତାୟୁ ମାମ୍ନୁ ବାରେଜାଣାତି ହେଲ ହାହାନା; ଜାଜାତା ହତମି, ଇଞ୍ଜା ଏଞ୍ଜାରି ତାମି ଇଜ ଝେଣ୍ଡା ହାତେରି

୭ ମାମ୍ନୁ ସର ଗାଡ଼ାତି ପତଲମାୟିତା ଏଗାହାତମି, ଇଞ୍ଜା ଏମ୍ନାଆଁ ତାୟିୟାଁଣି ଜହରା କିହାନା ଏମ୍ନାଆଁ ର ଦିନା ଏଞ୍ଜାରିତଲେ ଡ଼ୟିତମି

୮ ଅଡ଼େ ଅର ନେରୁ ହାଜାନା କାୟିସରିୟାତା ଏଗାହାତମି, ଏମ୍ନାଆଁ ମାମ୍ନୁ ନେହ ବଲୁ ଝେକ୍ନି ପିଲପ ଇଜ ହାଜାନା ଡ଼ୟିତମି, ଜିରୁସାଲମତା ସେବା କାମା କିହାଲି ଆଟାମାନି ସାଡ଼ା ଜାଣା ବିତ୍ରାତି ଏଞ୍ଜାସି ରଅସି ମାତେସି

୯ ଏଞ୍ଜାଣାକି ସାରି ଜାଣା ଡ଼ାଆ ମାସ୍କା ମାରୁ, ଏଞ୍ଜି ବାରେ ମାହାପୁରୁ ଅଣ୍ପୁତି ବଲୁ ଝେହ୍ନାଇ ମାରୁ

୧୦ ଏମ୍ନାଆଁ ହାରେକା ଦିନା ଡ଼ୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣ୍ପୁତି ବଲୁ ଝେହ୍ନାସି ଜୀହୁଦା ଦେସାଟି ଝାଡ଼େସି

୧୧ ଏଞ୍ଜାସି ମା ତାଣା ଝାହାନା ପାଞ୍ଜୁଲତି ଜାତି ତ:ରି ଅହାନା ତାନି କେସ୍ନା କଡ଼ାଣା ଦସା କଡ଼ାନା

ଏଲେଇତେସି, “ସୁଦୁଜୀଞ୍ଜୁ ଏଲେଇଞ୍ଜି ଝେସିମାଞ୍ଜାନେ, ଇଦାଆଁ ଦସା କଡ଼ିନି ଜାତି ତ:ରି ଗାଟାଣାଇଁ ଜିରୁସାଲମତି ଜୀହୁଦି ଲକୁ ଇଲେକ ଦସାନା ଜୀହୁଦିଆଆତି ଲକୁତି କେୟୁତା ହେଡ଼ପିନେରି

୧୨ ଇ ବାରେ କାତା ଝେଞ୍ଜାନା ଜିରୁସାଲମତା ହାଲାଆନି ଇଞ୍ଜା ମାମ୍ନୁ ଅଡ଼େ ଏମ୍ନାତି ଲକୁ ବାତିମାଲିତମି

୧୩ ସାମା ପାଞ୍ଜୁଲ ଏଲେଇତେସି, “ମୀରୁ ଡ଼ାହି ଡ଼ାହ ଏନାଆଁତାକି ନା ହିୟାତି କାଡ଼ି କିହିମାଞ୍ଜେରି, ଏନିକଡ଼ିହ ନାନୁ ପ୍ରୁ ଜୀସୁ ତାକି ଜିରୁସାଲମତା ଦସ୍ପି ଆହାଲି ଆଏ ସାମା ହାହାଲି ଜିକେଏ ଅଣ୍ପିମାଇଁ, ଇଞ୍ଜା ଇତେସି

୧୪ ଏଞ୍ଜାସି ମା କାତା ମାନଞ୍ଜି ଆଆତାକି ମାମ୍ନୁ ବାରେ ପାଲେଏ ଆଡ଼ମି, ଇଞ୍ଜା “ପ୍ରୁତି କାତେଏ ଆପେ” ଇଞ୍ଜା ଇତମି

୧୫ ଏମ୍ନାଆଁ ଏତରଦିନା ମାତି ତାୟୁ ମାମ୍ନୁ ମା ଆସ୍ତି ଆସାନା ଜିରୁସାଲମତା ହାତମି

୧୬ ଅଡ଼େ କୁପ୍ରତି ମନାସନ ଦରୁଗାଟି ର ନାମ୍ନୁଗାଟାସି ଅଡ଼େ କାୟିସରିୟାତି ଏତରଜାଣା ସାସୁୟାଁ ମା ତଲେ ହାତେରି; ମନାସନ ଇଜ ମାମ୍ନୁ ଡ଼ୟିନାୟି ମାତେ

ଜାକୁବ ତଲେ ପାଞ୍ଜୁଲ ବେଟାଆନାୟି

୧୭ ମାମ୍ନୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଜେ ରାହାଁଟି ହାଟା ଅୟାତେରି

୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାତେସି; ଅଡ଼େ ବାରେ ପ୍ରାତିନାଜ୍ଜା ଏମ୍ନାଆଁ କୁଡ଼ା ଆଡ଼େରି

୧୯ ପାଞ୍ଜୁଲ ଏଞ୍ଜାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଝେସ୍ତେସି

୨୦ ଏଞ୍ଜାରି ଏଦାଆଁ ଝେଞ୍ଜାନା ମାହାପୁରୁତି ଜହରା କିତେରି, ଅଡ଼େ ଏଞ୍ଜାଣାଇ ଏଲେଇଚେରି, “ଏ ତାୟି, ପାଞ୍ଜୁଲ ନୀର୍ବ ମେସିମାଞ୍ଜି ଜୀହୁଦିୟା ବିତ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମେରାତି ମାନଞ୍ଜି ଆହିମାନେରି □

୨୧ ଏଞ୍ଜାରି କାରୁ ବେଟାଆହା ମାନେରି, ନୀନୁ ଏଟକା କୃତାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡ଼େ ଜୀହୁଦି ଲକୁତି ପାଣାପାଟୁ ମାନଞ୍ଜି ଆଆଦୁ ଇଞ୍ଜି ଜାପୁହିମାଞ୍ଜି □

୨୨ ନୀନୁ ଇମ୍ମାଆଁ ଝାହାମାନି କାରୁ ସାତେଏ ଏଞ୍ଜାରି ଝେନେରି, ଆତିହୁଁ ଏନ୍ଦି କିନାୟି ?

୨୩ ଏଦାଆଁତାକି ମାମୁ ନିଜେ ଏନାଆଁ ଝେସିମାଞ୍ଜାନମି ଏଦାଆଁ କିମୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା କିହାମାନେରି;

୨୪ ଏଞ୍ଜାରିତଲେ ହାଲାମୁ ଇଞ୍ଜା ଏଞ୍ଜାରିତଲେ ଆଣ୍ଡାନା ନିଜେ ଅଟହା କତାମୁ, ଇଞ୍ଜା ଏଞ୍ଜାରି ତାର୍କା ହିଣ୍ଡି କାରୁଁ ହାମୁ, ଆତିହୁଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଝେସାମାନି କାତା ଏନ୍ଦି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜି ପୁଞ୍ଜାମାନେରି □

୨୫ \*ସାମା ଆମିନି ଏଟକା କୃତାତାରି ନାମାମାନେରି, ଏଞ୍ଜାରି ପେଶକା ବମାୟାକି ପୂଜା ହାହାମାନି ବଗୁ, ନେତେରି ଇଞ୍ଜା ହେରକି ତିଣ୍ଡାନା ପାୟିତି ଜନ୍ତତି ଉଞ୍ଜା ତିନାଆଦୁ, ଇଞ୍ଜା ଦାରିକାମାଟି ଏଟକା ଆଦୁ, ଇଞ୍ଜି ମାମୁ ତାରିକିହାଁ ଏଞ୍ଜାରାକି ର ଆକୁ ରାଚାମାନମି □”

୨୬ ଏମ୍ମାଟିଏ ପାଞ୍ଜୁଲ ଅର ଦିନା ଏଞ୍ଜାରିତଲେ ହାଜାନା ଅଟହା କତିନି ମେରା ମାନଞ୍ଜି ଆଡେସି, ଇଞ୍ଜା ମାହାପୁରୁ ଇଲୁତା ହାଜାନା ତାମି ଅଟହା

କତିନି ଦିନାୟାଁ ଏଚେଲା ରାନ୍ଦେ ଅଡ଼େ ବାରେଜାଣା ତାକି ଏନ୍ଦି ଏନ୍ଦି ପୂଜା କିନାୟିମାନେ ଏ ବାରେ ଝେସେସି □

ମାହାପୁରୁ ଇଲୁତା ପାଞ୍ଜୁଲ ଦସ୍ପି ଆନାୟି

୨୭ ଏ ସାତା ଦିନା ପୂରା ଆହିମାଚାଟି ଆସିୟା ଦେସାଟି ଏଚେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଜୁଲଇଁ ମେସାନା ଏଞ୍ଜାରି ଏମ୍ମାଆଁ କୃତା ଆହାମାନି ମାନ୍ଦା ଲକୁଣି ମାଡ଼ଞ୍ଜି କିତେରି, ଅଡ଼େ ଏଞ୍ଜାଣାଇଁ ଆସାନା କାଲଞ୍ଜି ଆହୁଁ ଏଲେଇଚେରି □

୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକୁତି କପାଟି ଅଡ଼େ ମସା ହୀତି ମେରା ଇଞ୍ଜା ଇ ମାହାପୁରୁ ଇଲୁ କପାଟି ଜାପୁହିମାନେସି □ ଇଞ୍ଜା ନୀର୍ବ ଏଚରଜାଣା ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଟାୟୁତି ପଲୁଆ କିହିମାନେସି □”

୨୯ \*ଇତିହୁଁ ଏଞ୍ଜାରି ଗାଡାତା ଏପିସିୟତି ତ୍ରପିମଇଁ ପାଞ୍ଜୁଲ ତଲେ ମେସାମାଚେରି, ଅଡ଼େ ଏଞ୍ଜାଣାଇଁ ମାହାପୁରୁ ଇଲୁତା ତାଚାମାନେସି ଇଞ୍ଜି ଅଣ୍ଡିମାଚେରି □

୩୦ ଏମ୍ମାଟିଏ ବାରେ ଗାଡା କିଲିବିଲି ଆଡେ, ଇଞ୍ଜା ଲକୁ ମାନ୍ଦା ମାନ୍ଦା ଆହୁଁ ହଟାନା ପାଞ୍ଜୁଲଇଁ ଆସାନା ମାହାପୁରୁ ଇଲୁଟି ରେଜା ତାଚେରି; ଇଞ୍ଜା ଏ ଦେବୁଣିଏ ମାହାପୁରୁ ଇଲୁଟି ଦାରାୟାଁ ସୁଣ୍ଡିଚେରି □

୩୧ ଅଡ଼େ ଏଞ୍ଜାରି ପାଞ୍ଜୁଲଇଁ ପାୟାଲି ଅଣ୍ଡିପିଚେରି, ଇଞ୍ଜା ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜି ରିଜାରି କସକାଟି କାଜାଣି ତାଣା କାରୁ ହୀତେରି □

୩୨ ଏମ୍ମାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜା ପାସାକଡ଼ି କସକା ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାଚେସି, ଲକୁ ରିଜାରି କସକା

ଅଡ଼େ କସକା ମୁହେଁ କାଜାରାଇଁ  
ମେସାନା ଏଞ୍ଜାରି ପାଞ୍ଜୁଲଇଁ ଝେଟାଲି  
ପିସ୍ତେରି □

୩୩ ଏମ୍ବାଟିଏ କସକା ମୁହେଁ କାଜାସି  
ପାଞ୍ଜୁଲ ତାଗେ ହାଜାନା ଏଞ୍ଜାଣାଇଁ  
ଆସାନା ରା ହିକ୍‌ଣିୟାଁ ତଲେ ଦସାଲି  
ହୁକୁମି ହୀତେସି, ଅଡ଼େ “ଇଞ୍ଜାସି  
ଆମ୍ବାଆସି ? ଏନାଆଁ କିହାମାନେସି  
ଇଞ୍ଜୁଁ ଝେଟେସି ?”

୩୪ ଏରେଟିଏ ଲକୁ ବାରେ ଆମ୍ବାଆରି  
ଇ କାତା ଆମ୍ବାଆରି ଏ କାତା ଇଞ୍ଜୁଁ  
କାଲୁଝି ଆଡେରି, ଇଞ୍ଜାଁ ଏନାଆଁ  
ଆହାମାନେ ଇଞ୍ଜୁଁ ତୀରପୁତି କାତା  
ପୁନାଆନା ପାଞ୍ଜୁଲଇଁ କଟା ଇଲୁତା  
ଅହାଲି କସକାଣି ହୁକୁମି ହୀତେସି □

୩୫ ଏରିବେଲା ଏଞ୍ଜାସି ପାଞ୍ଜୁଜି ପିଣ୍ଡାଣା  
ଏଗାହାଜାଲିଏ, ଲକୁତି ମାନ୍ଦା କାରବିଟି  
କାଲୁଝି ଆୟାଲିଏ କସକା ପାଞ୍ଜୁଲଇଁ  
ଇଲୁ ବିତ୍ତା ତେକା ଅଡେରି □

୩୬ ଇତିହୁଁ ମାନ୍ଦା ମାନ୍ଦା ଲକୁ ଜେତ  
ଞ୍ଜାହିହୁଁ “ଏଞ୍ଜାଣାଇଁ ପାୟାଦୁ” ଇଞ୍ଜୁଁ  
କାଲୁଝି ଆହିମାରେରି □

ପାଞ୍ଜୁଲ ତାନୁଏ ତାଙ୍ଗେତାକି  
ଝେହ୍‌ନାୟି

୩୭ ଏଞ୍ଜାରି ପାଞ୍ଜୁଲଇଁ କଟା ଇଲୁ  
ବିତ୍ତା ଅହିମାଟାଟି ଏଞ୍ଜାସି କସକା ମୁହେଁ  
କାଜାଣାଇଁ ଏଲେଇରେସି, “ନାନୁ  
ନିଙ୍ଗେ ର କାତା ଝେସାଲି ଆଡ଼ାଇଁ କି  
?” ଏମ୍ବାଟିଏ କାଜାସି ଏଲେଇରେସି  
“ନାନୁ ଗିକ୍ ହାଡ଼ା ପୁଞ୍ଜି କି ?

୩୮ ଆତିହୁଁ ଇଦାଆଁ ନକେଏ ଏମିନି  
ମିସରତି ଲକୁ ଗଡ଼ହା ହପ୍‌ହାନା ସାରି  
ମାଣା କାଗଂରାଣି ଲକୁ ହିଲ୍‌ଆ ଚାୟୁତା  
ଅହାମାଟାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ବାଟିଏ ପାଞ୍ଜୁଲ ଏଲେଇରେସି  
“ନାନୁତ ର ଜୀହୁଦି କିଲିକିୟା ଦେସାତି  
ତାର୍ଯ୍ୟ ଇଞ୍ଜୁହୁଁ ଝେଜିତି ଗାଡ଼ାତା ଜାର୍ନା  
ଆଡ଼ାତେସି; ଇ ଲକୁଣି କାତା ଝେସାଲି  
ନାଙ୍ଗେ ହେଲ ହିୟାମ୍ବୁ □”

୪୦ ଏ କାଜାସି ହେଲ ହିୟାଲିଏ,  
ପାଞ୍ଜୁଲ ପାଞ୍ଜୁଜିକାଣା ନିଚାନା ଲକୁଣି  
କେୟୁତଲେ ସାପି କିତେସି; ଇଞ୍ଜାଁ  
ବାରେଜାଣା ସାପି ଆହାଲିଏ ଏଞ୍ଜାସି ଏବୁ  
ହାଡ଼ାତଲେ ଏଞ୍ଜାରାଇଁ ଏଲେଇରେସି □

### ୨୨

୧ “ଏ ତାୟିୟାଁ ଅଡ଼େ ତାଞ୍ଜିୟାଁତେରି,  
ନାନୁ ନୀସିଁ ମୀ ନକିତା ନା ଝାକିଟି କାତା  
ଝେସିମାଞ୍ଜାଇଁ, ଝେଞ୍ଜାଦୁ!”

୨ ପାଞ୍ଜୁଲ ଏଞ୍ଜାରି ନକିତା ଏବୁ  
ହାଡ଼ାତଲେ ଜଲିମାନାଣି ଝେଞ୍ଜାନା;  
ଏଞ୍ଜାରି ହାଡ଼ା ଆଆନା ପାଲେଏ  
ଆଡେରି, ଅଡ଼େ ପାଞ୍ଜୁଲ ଜଲ୍‌ଲି  
ମାଟ୍‌ହେସି □

୩ \*ଏମ୍ବାଟିଏ ଏଞ୍ଜାସି ଏଲେଇରେସି,  
“ନାନୁ ର ଜୀହୁଦି ଲକୁତେସି,  
କିଲିକିୟାତି ତାର୍ଯ୍ୟତା ନା ଜାର୍ନା,  
ସାମା ନାନୁ ଇ ଜିରୁସାଲମ ଗାଡ଼ାତା  
ପହିପାତି ଆହାମାଇଁ, ଗମଲିୟେଲ  
ତାଣା କୁଗାନା ଜାପାମାଇଁ, ମା ଆକୁ  
ଆବାୟାତି ମେରାତି ନେହୁଁକ  
ଜାପାମାଇଁ; ମୀରୁ ଏନିକିଁ ମାହାପୁରୁତି  
ସେବା କିହିମାଞ୍ଜେରି ନାନୁ ଜିକେଏ  
ଏଲେକିହୁଁ ମାନୁଝି ଆନାତେସି  
ମାଚେସି;

୪ \*ନାନୁ ଇ ଜିରୁତା ତାକିମାନି  
ଇୟାସିକା ଆବାୟାଣି ହାନ୍ତି ପାତେକା  
ସାସି କିହିମାଚେସି, ଅଡ଼େ ଦସପାନା  
କାୟିଦି ଇଲ୍‌କାଣା ହେର୍‌ପିମାଚେସି □

୫ ନା ଇ କାତା ସାତା, କାଜା  
ପୁଜେରାଙ୍ଗା ଅଡ଼େ କାଜା ବେରଣି  
ମାଣ୍ଡାତାରି ନା ସାକି; ନାନୁ ଏଞ୍ଜାରି  
ତାଣାଟି ତାୟିୟାଁକି ଆକୁ ରୀସାନା  
ଲକୁଣି ହିକ୍‌ଣିୟାଁ ତଲେ ଦସପାନା  
ଜିରୁସାଲମତା ତାଚାଲି ତାକି ନାନୁ  
ଦମେସକତା ମାନି ଜୀହୁଦି ଲକୁତାଣା  
ହାଜାମାଚେସି □”

ପାଞ୍ଜୁଲ ତାନି ମନ୍ ଝେଟ୍‌ହାଣି  
ଝେହ୍‌ନାୟି  
(କାମା ୯:୧-୧୯; ୨୭:୧୨-୧୮)

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା. ସାରିଝାକି ହାଗୁଲାକଟି ର. ତାର୍ହାଣା ଉଜେଡ଼ି ତୀଞ୍ଜିତେ □

୭ ଏମ୍ବାଟିଏ ନାନୁ ବୁମିତା ତରଗିତେଏ, ଇଞ୍ଜା ନାଙ୍ଗେ ତାକି ଖେସିମାଟି ଇ ହାଡ଼ା ଖେରେଏ, ‘ସାଝୁଲ, ସାଝୁଲ ଏନାଆଁତାକି ନାଙ୍ଗେ ସାସ୍ତି ହାହିମାଞ୍ଜାଦି ?’

୮ ନାନୁ ଏଲେଇଚେଏ, ‘ପ୍ରବୁ ନାନୁ ଆମ୍ବାଆତି ?’ ଏମ୍ବାଟିଏ ଏଝାସି ନାଙ୍ଗେ ଏଲେଇଞ୍ଜାତେସି, ‘ନାନୁ ଆମ୍ବାଆରାଈ ସାସ୍ତି ହାହିମାଞ୍ଜି ନାଜରିତତି ଜୀସୁତେଏ ନାନୁ □’

୯ ନା. ତଲେ ମାଟି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଙ୍ଗେ ଖେସ୍ତାତି ହାଡ଼ା ଖେନାଆତେରି □

୧୦ ଏଚେଟିଏ ନାନୁ ଏଲେଇଚେଏ, ‘ପ୍ରବୁ ନାନୁ ଏନାଆଁ କିଇଁ ?’ ଏଚେଟିଏ ପ୍ରବୁ ନାଙ୍ଗେ ଖେସ୍ତାତେସି, ‘ନିଙ୍ଗାନା ଦମେସକତା ହାଲାମ୍ବୁ, ଅଡ଼େ ନିଙ୍ଗେ ଏନାଆଁ କିହାଲି ଆନେ ଏନାଆଁ ଏମ୍ବାଆଁ ଖେସ୍ତାଇଁ □’

୧୧ ଏ ଉଜେଡ଼ି ମିଣ୍ଡିସି ମାଚାକି ନାନୁ କାଣା ଆହାହାଚେଏ, ଇଞ୍ଜା ନା. ତଲେ ଖାହିମାଚାରି ନାଙ୍ଗେ କେମ୍ବୁ ଆସାନା ଦମେସକତା ଅୟାତେରି □”

୧୨ “ଏ ଗାଡ଼ାତା ହନନିୟ ଇଞ୍ଜିହୁଁ ର. ଦାମ୍ବୁଗାଗାସି ମାଚେସି, ଏଝାସି ମା. ମେରାତି ମାନଝି ଆନାସି, ଇଞ୍ଜା ଦମେସକତି ଜୀହୁଦି ଲକୁତାଣା ମାନିଗାଗାସି ଅଡ଼େ ଖେଜିତାସି ମାଚେସି □

୧୩ ଏଝାସି ନା. ତାଣା ଖାହାନା ଦାରିତା ନିଚାନା ନାଙ୍ଗେ ଏଲେଇଞ୍ଜାତେସି, ‘ଏ ସାଝୁଲ ତାୟି ମେହମ୍ବୁ’ ଏ ଦେବୁଣିଏ ନା. କାଣକା ଦେପିଆଡୁ ଇଞ୍ଜା ନାନୁ ଏଝାଣାଇଁ ମେସାଲି ଆଡ଼ିତେଏଁ □

୧୪ ଏଝାସି ଏଲେଇଞ୍ଜାତେସି, ‘ମା. ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ. ତାରି ଗାଚାଣାଇଁ

ମେସାଲି, ଅଡ଼େ ତାନି ଗୁଡ଼ିଟି ହଡ଼ିମାନି ହାଡ଼ା ଖେଞ୍ଜାଲି ଆଚାମାଞ୍ଜାତେସି □

୧୫ ଇଚିହୁଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଦି □

୧୬ ଅଡ଼େ ନୀଏଁ ଏନାଆଁତାକି ଖେଡ଼ା କିହିମାଞ୍ଜି, ନିଙ୍ଗାମ୍ବୁ ବାପ୍ତିସ୍ତା\* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରଝି କିହାକତାମ୍ବୁ □”

ପାଝୁଲ ଜୀହୁଦିଆଆତି ଲକୁତାଣା ପାଣ୍ଡୁଝି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେଏଁ,

୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏଁ, ଏଝାସି ନାଙ୍ଗେ ଏଲେଇଞ୍ଜାତେସି, ‘ତବେ ଜିରୁସାଲମ ପିହମ୍ବୁ, ଇଚିହୁଁ ଇମ୍ବାତି ଲକୁ ନା. ସାକି ହାନାଟି ନୀ କାତା ଆହୁଅରି □’

୧୯ ଏମ୍ବାଟିଏ ନାନୁ ଏଲେଇଚେଏଁ ‘ପ୍ରବୁ ନାନୁ ଜୀହୁଦି ଲକୁତି କୁଟମି ଇଲୁକାଣା† ହାଜାନା ନିଙ୍ଗେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଚାଣି ଏଝାରି ନେହୁଁକଁ ପୁଞ୍ଜାମାନେରି;

୨୦ \*ଅଡ଼େ ଏଚିବେଲା ନୀ ସାକି ପ୍ରିପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏଁ; ଇଞ୍ଜା ବେଲେଏ ହାପେସି ଇଞ୍ଜି ଅଣ୍ଡିମାଚେଏଁ, ଅଡ଼େ ପାୟିମାଚାରି ହିମ୍ବୁରିକା କାଟିମାଚେଏଁ □

୨୧ ସାମା ପ୍ରବୁ ନାଙ୍ଗେ ଏଲେଇଞ୍ଜାତେସି, ‘ହାଲାମ୍ବୁ ଇଚିହୁଁ ନାନୁ ନିଙ୍ଗେ ହେକ ଦେସାତି ଜୀହୁଦିଆଆତି ଲକୁତାଣା ପାଣ୍ଡାଇଁ □”

୨୨ ପାଝୁଲ ଏଲେଇଞ୍ଜି ଖେହୁନି ପାତେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଝାରି କାଜା ଗିୟାତଲେ

\* ୨୨:୧୭ ୨୨:୧୭ ମୁଞ୍ଜିନାୟି † ୨୨:୧୯ ୨୨:୧୯ ସିନଗରୁ ☆ ୨୨:୨୦ ୨୨:୨୦ କାମା ୭:୫୮

କାଳକ୍ଷି ଆହାନା ଏଲେଇଚେରି,  
 “ଏଞ୍ଜାଣାଇଁ ପାଙ୍ଗାତା ତାଚାହାଁ ପାୟାନା  
 ଦାରତିଟି ମେକ୍‌ହା ତୁହ୍‌ଦୁ, ଏଞ୍ଜାସି  
 ନୀତାଲି ପାଡ଼ାଆଅସି □”

୨୩ ଅଡ଼େ ଏଚିରେଲା ଏଞ୍ଜାରି କିଲଡ଼ି  
 କିହ୍ ତାନି ହିମ୍‌ବିକା କୁଡ଼ିହ୍  
 ଲାକାଞ୍ଜାକି ଦୁଡ଼ି ଡ଼ାଞ୍ଜିଚେରି,

୨୪ ଏଚିରେଲା ପାସାକଡ଼ି କସ୍‌କା  
 ମୁହେଁ କାଜାସି ପାଞ୍ଜୁଲଇଁ କଟା ଇଲୁ  
 ବିଡ଼ା ଅହାଲି ହୁକୁମି ହୀତେସି, ଅଡ଼େ  
 ଜୀହୁଦି ଲକୁ ଏନାଆଁତାକି ଏଞ୍ଜାଣି  
 କପାଟି ଗଡ଼ହା କିହିମାନେରି, ଏଦାଆଁ  
 ପୁଞ୍ଜାଲି ପାଞ୍ଜୁଲଇଁ ସାଟ୍‌ଣି ତଲେ  
 ଝେଚାନା ଝେଞ୍ଜୁ ଇଞ୍ଜୁ ହୁକୁମି ହୀତେସି  
 □

୨୫ ସାମା ଏଞ୍ଜାରି ଏଞ୍ଜାଣାଇଁ ସାଟ୍‌ଣି  
 ତଲେ ଝେଚାଲି ତ:ରିତଲେ ଦସାଲିଏ,  
 ପାଞ୍ଜୁଲ ଦାରିତା ମାଟି ପାସାକଡ଼ି କସ୍‌କା  
 ମୁହେଁ କାଜାଣାଇଁ ଏଲେଇଚେସି,  
 “ଏମିନି ଦହ୍‌ତା ନୀହାଁୟି କିଞ୍ଜି  
 ଆହାହିଲାଆ ର. ରମ୍ ଦେସା ତାଣାଇଁ  
 ସାଟ୍‌ଣି ତଲେ ଝେଚାଲି ଏନ୍ତି ମେରା  
 ମାନେ କି ?”

୨୬ ଇଦାଆଁ ଝେଞ୍ଜାନା କହ୍‌ସି  
 ପାସାକଡ଼ି କସ୍‌କା ମୁହେଁ କାଜାଣା ତାଣା  
 ହାଜାନା ଏଲେଇଚେସି, “ନୀନୁ ଏନାଆଁ  
 କିହାଲି ହାଜିମାଞ୍ଜି, ଇଚିହ୍ ଇଞ୍ଜାସି  
 ରମିୟ ଲକୁ □”

୨୭ ଏମ୍‌ବାଟିଏ ପାସାକଡ଼ି କସ୍‌କା  
 ମୁହେଁ କାଜାସି ଞ୍ଜାହାନା ପାଞ୍ଜୁଲଇଁ  
 ଝେଚେସି, “ନୀନୁ ନାଙ୍ଗେ ଝେସ୍‌ସାମୁ  
 ନୀନୁ ରମ୍ ଦେସାତାତି କି ?” ପାଞ୍ଜୁଲ  
 ଏଲେଇଚେସି “ହାଅ □”

୨୮ ଏମ୍‌ବାଟିଏ ପାସାକଡ଼ି କସ୍‌କା  
 ମୁହେଁ କାଜାସି ଏଲେଇଚେସି, “ନୀନୁ  
 ହାରେକା ଟାକାୟାଁ ହୀହାନା ରମ୍  
 ଦେସାତାତେସି ଆହାମାଇଁ □” ସାମା  
 ପାଞ୍ଜୁଲ ଏଲେଇଚେସି, “ନୀନୁତ  
 ଜାନାଟିଏ □”

୨୯ ଏମ୍‌ବାଟିଏ ଆମ୍‌ଆରି ପାଞ୍ଜୁଲଇଁ  
 ଝେଞ୍ଜାଲି ତିୟାରା ଆହାମାଚେରି,

ଦେବୁଣିଏ ଗୁଚା ଆହାହାଚେରି,  
 ଇଚିହ୍ ପାଞ୍ଜୁଲ ରମ୍ ଦେସାତାସି  
 ଇଞ୍ଜୁ ପୁଞ୍ଜାନା ର. ମାଣା କସ୍‌କା ମୁହେଁ  
 କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ  
 ଦସ୍‌ପି କିହାମାଚାକି ତାନୁଏ ଆଜିତେସି  
 □

କାଜା ବେରଣିମାଣ୍ଡା ନକିତା ପାଞ୍ଜୁଲ  
 ୩୦ ଜୀହୁଦି ଲକୁ ପାଞ୍ଜୁଲ କପାଟି  
 ଏନ୍ତି ଦାଞ୍ଜା କିହାମାନେରି, ଏଦାଆଁ  
 ସାତା ତଲେ ପୁଞ୍ଜାଲିତାକି ର. ମାଣା  
 କସ୍‌କା ମୁହେଁ କାଜାସି ତାନି ଅର  
 ନେରୁ ପାଞ୍ଜୁଲତି ହିକ୍‌ଣିୟାଁ ହୁକ୍‌ହାନା  
 କାଜା ବେରଣିମାଣ୍ଡାତି ବାରେଜାଣାତି  
 କୁଡ଼ିକିହାଲି ପୂଜେରାଙ୍ଗାଣି ହୁକୁମି  
 ହୀତେସି □ ତାୟୁ ପାଞ୍ଜୁଲଇଁ ଏଞ୍ଜାରି  
 ନକିତା ନିପହେସି □

### ୨୩

୧ ପାଞ୍ଜୁଲ ଜୀହୁଦି ଲକୁଡ଼ି କାଜା  
 ବେରଣିମାଣ୍ଡାତା କୁଗାମାନି ଲକୁଣି  
 ଆଚେ ସିନିକିହାନା ଏଲେଇଚେସି,  
 “ଏ. ଇସାୟେଲ ତାୟିୟାଁତେରି ନୀନୁ  
 ନୀଞ୍ଜୁପାତେକା ମାହାପୁରୁ ନକିତା  
 ନେହ୍ ଅଣ୍‌ପୁ ତଲେ ନୀତାମାଇଁ,  
 ଏଦାଆଁତାକି ନା. ହିୟାଁ ହାରେକା  
 ଅତିତାୟି □”

୨ ଇ କାତା ଝେଞ୍ଜାନା କାଜା ପୂଜେରା  
 ହାନାନ ପାଞ୍ଜୁଲ ଦାରିତା ନିଚାମାନି  
 ଲକୁଇଁ ତାନି ଗୁଡ଼ିତା ଝେଦୁ ଇଞ୍ଜୁ  
 ହୁକୁମି ହୀତେସି □

୩ \*ପାଞ୍ଜୁଲ ଏଞ୍ଜାଣାଇଁ ଏଲେଇଚେସି,  
 “ଏ. ହୁନୁ ଉସ୍‌ପିତି ଦବ୍‌ଲା କାତି  
 ମାହାପୁରୁ ନିଙ୍ଗେ ଝେଚାନେସି, ନୀନୁ  
 ମସାତି ମେରା ଲେହେଁ ନାଙ୍ଗେ ନୀହାଁୟି  
 କିହାଲି କୁଗାମାଟି ଜିକେଏ, ନୀନୁ  
 ନାଙ୍ଗେ ଝେଚାଲି ହୁକୁମି ହୀହାନା ନୀନୁଏ  
 ମସାତି ମେରା ଉରିମାଞ୍ଜି □”

୪ ଏଚେଟିଏ ଦାରିତା ନିଚାମାଟି  
 ଲକୁ ପାଞ୍ଜୁଲଇଁ ଏଲେଇଚେରି, “ନୀନୁ  
 ମାହାପୁରୁଡ଼ି କାଜା ପୂଜେରାଈଁ ଲାଜା  
 କିହିମାଞ୍ଜି □”

\* ୨୩:୩ ୨୩:୩ ମାଡ଼ି ୨୩:୨୭,୨୮

୫ ପାଞ୍ଚୁଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଞ୍ଜାଣାକ୍ ନାନୁ କାଜା ପୂଜେରା ଇଞ୍ଜୁ ପୁଞ୍ଜା ହିଲାଆତେଏଁ; ଇଚିହୁଁ ଦାମ୍ବୁପତିତା ରାସ୍କି ଆହାମାନେ, ‘ମୀରୁ ମୀ ସାଲକ୍ସି କିନାରାଇଁ ବାକା ଇଟାଆଦୁ □”

୬ ଯାମା ପାଞ୍ଚୁଲ ର ବାଗା ସାଦୁକିୟାଁ ଅଡ଼େ ର ବାଗା ପାରୁସିୟାଁ ମାନେରି ଇଞ୍ଜୁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ର ପାରୁସିଚେଏଁ ଇଞ୍ଜା ପାରୁସି ମୀରୁଏଣାତେଏଁ; ଇଞ୍ଜା ହାଡାରି ଖେଣ୍ଡେ ନିଜିନେରି ଇଞ୍ଜୁ ଆସା କିହିମାନାକି ମୀରୁ ନାଙ୍ଗେ ନାହାଁୟି କିହିମାଞ୍ଜାଦେରି □”

୭ ଏଞ୍ଜାସି ଇ କାତା ଏଲେଇଶ୍ଟମିଏ ପାରୁସି ଅଡ଼େ ସାଦୁକି ଲକୁ ବିତ୍ରା ଗଡ଼ହା ହଡ଼େ, ଇଞ୍ଜା କାଜା ବେରଣି ମାଣ୍ଡାତାରି ଗତି ଗତି ଆହାଁ ରୀ ବାଗା ଆଡେରି □

୮ ଇଚିହୁଁ ସାଦୁକିୟାଁ ଖେଣ୍ଡେ ନିଜିନାୟି ହିଲେଏ, ଦୂତୁୟାଁ ଅଡ଼େ ଜାଞ୍ଜୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେତି ନାମିନେରି □

୯ ଏମ୍ବାଟିଏ କାଜା ଗଡ଼ହା ଆଡେ, ଅଡ଼େ ପାରୁସିୟାଁ ବିତ୍ରାଟି ଏଚରଜାଣା ମେରାପୁନାରି ନିଜ୍ଞାନା ଏଲେଇଚେରି; “ମାମ୍ବୁ ଇଞ୍ଜାଣି ତାଣାଟି ଏନି ଦହ ବେଟାଆଆଡମି, ସାତେଏ ଏଞ୍ଜାଣି ତାଣାଟି ର ଜାଞ୍ଜୁ ଆଆତ ଲାକପୁରୁତି ଦୂତୁ କାତା ଖେସାମାନେ □”

୧୦ ଇଲେଆହୁଁ କାଜା ଗଡ଼ହା ଆହାଲିଏ, ପାଞ୍ଚୁଲକ୍ ଏଞ୍ଜାରି କାଣ୍ଡାମୁକା କିନେରି ଇଞ୍ଜୁ ଆଜିତାକି ର ମାଣା କସ୍କା ମୁହେଁ କାଜାସି ପାଞ୍ଚୁଲକ୍ ଏଞ୍ଜାରି ତାଣାଟି ଗେଲ୍ପାନା ବାଲ୍ମିଟି କଟା ଇଲୁ ବିତ୍ରା ଅହାଲି କସ୍କାଣି ହୁକୁମି ହୀତେସି □

୧୧ ଏ ନେରୁ ଲାଆଁୟାଁ ପ୍ରବୁ ପାଞ୍ଚୁଲକ୍ ଏଲେଇଚେସି, “ଆଜାଆନି, ସାସା

ଆହମ୍ବୁ ଇଚିହୁଁ ନାନୁ ଜିରୁସାଲମତା ଏନିକ୍ ନା ସାକି ହୀତି, ରମ୍ ଗାଡାତା ଜିକେଏ ଏଲେକିହୁଁ ନା ସାକି ହୀନାୟି ମାନେ □”

ପାଞ୍ଚୁଲକ୍ ପାୟାଲି ଅଶ୍ପିନାୟି

୧୨ ଅର ଦିନା ଲାକ୍, ଜୀହୁଦିୟାଁ ଜାତୁ ଆହାନା ପାଞ୍ଚୁଲକ୍ ପାୟାଆ ପାତେକା ଏନି ରାନ୍ଦା କି ଏୟୁ ତୀଗାଆପ ଇଞ୍ଜୁ ତାମ୍ବୁ ତାମ୍ବୁସୁ ପାର୍ମାଣା କିହାମାଚେରି □

୧୩ ଏଲେଇଞ୍ଜୁ ଅଶ୍ପି ମାଚାରି ରା କଡ଼ି ଜାଣାଟିଏ ଆଗାଡା ମାଚେରି □

୧୪ ଏଞ୍ଜାରି କାଜା ପୂଜେରାଙ୍ଗା ଅଡ଼େ ପ୍ରାଟିନାଙ୍ଗା ତାଣା ଖାହାଁ ଏଲେଇଚେରି, “ମାମ୍ବୁ ପାଞ୍ଚୁଲକ୍ ପାୟାଲି ଆଡାଆ ପାତେକା ଏନାଆଁ ତିନଅମି କି ତୀଗଅମି ଇଞ୍ଜୁ ମାମ୍ବୁ ମାଙ୍ଗେତାକି ପାର୍ମାଣା କିହାମାନମି □

୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସ୍କା ମୁହେଁ କାଜାଣାଇଁ ନାଡ଼ି କିହୁଁ ଏଲେଇଞ୍ଜୁ, ମାମ୍ବୁ ପାଞ୍ଚୁଲ ଏନାଆଁ କିହାମାନାଣି ନେହୁଁକ୍ ଖେନମି ଇଞ୍ଜିହୁଁ ମୀ ତାଣା ହାଟିକଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି ଜାଗ୍ରାତା ଆହା ଡ଼ୟିନମି □”

୧୬ ସାମା ପାଞ୍ଚୁଲ ତାମି ବାଣ୍ଡା କସ୍କା ଜଲ୍ଲକି ଆହିମାଟି କାତା ଡ଼ଗୁନା ଖେଚେସି; ଇଞ୍ଜା କଟା ଇଲୁ ବିତ୍ରା ଖାହାନା ପାଞ୍ଚୁଲକ୍ ଇ ବାରେ କାତା ଖେସେସି □

୧୭ ଏଚେଟିଏ ପାଞ୍ଚୁଲ ର ରମିୟ କହୁଏଁଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସ୍କା ମୁହେଁ କାଜାଣି ତାଣା ଅମ୍ବୁ, ଇଚିହୁଁ ଇଞ୍ଜାସି ର କାତା ଏଞ୍ଜାଣାଇଁ ଖେହନାୟି ମାନେ □”

୧୮ ଏଚେଟିଏ ଏଞ୍ଜାସି ର ମାଣା କସ୍କା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଚୁଲ ନାଙ୍ଗେ ହାଟାନା ମୀ

୬ ୨୩:୬ ୨୩:୬ କାମା ୨୬:୫; ପିଲିପି ୩:୫      ୭ ୨୩:୮ ୨୩:୮ ମାଡ଼ି ୨୨:୨୩; ମାର୍କ ୧୨:୧୮; ଲୁକ ୨୦:୨୭

ତାଣା ଇ ଦାଂଗ୍‌ଶେଣାଈଁ ତାଚାଲି  
ବାତିମାଲ୍ଲାତେସି, ନିଙ୍ଗେ ୱେସାଲି  
ଇଞ୍ଜାଣାକି ର କାତା ମାନେ □”

୧୯ ର ମାଣା କସ୍‌କା ମୁହେଁ କାଜାସି  
ଏଞ୍ଜାଣି କେୟୁ ଆସାନା ଲକୁ ହିଲ୍ଲାଆ  
ତାଣା ଅହାନା ୱେରେସି, “ନାଙ୍ଗେ ନାନୁ  
ଏନାଆଁ ୱେସ୍ତାନାୟିମାନେ ୱେସ୍ତାମୁ □”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ  
ଏନାଆଁ କିହାମାନେସି ଏନାଆଁ  
ନେହଁ କଁ ପୁଞ୍ଜାଲି ଏଞ୍ଜାଣାଈଁ ଓଏ  
କାଜା ବେରଣିମାଣ୍ଡାତା ମା ତାଣା  
ତାମୁ ଇଞ୍ଜଁ ଜାହୁଦି ଲକୁତି କାଜାରି  
ନାଡ଼ିକିହାନା ନିଙ୍ଗେ ବାତିମାଲ୍ଲାନେରି,

୨୧ ସାମା ନାନୁ ଏଞ୍ଜାରି କାତା ମାନୁଞ୍ଜି  
ଆଆନି, ଇଚିହଁ ଏଞ୍ଜାଣାଈଁ ପାୟାଲି  
ଆଡାଆ ପାତେକା ରାନ୍ଦା ତିଚିହଁ କି  
ଡାରିଚିହଁ ମାଙ୍ଗେ ବାକା ଆଟାପେ  
ଇଞ୍ଜଁ ମାନି କିହାନା ରା କଡ଼ିଚିଏ  
ଆଗାଡ଼ା ଲକୁ ଡଗୁଆଁ କାଟାମାନେରି,  
ନୀଏଁ ଏଞ୍ଜାରି ନୀ ତାଣାଟି ହେଲ  
ବେଟାଆହାଲି କାଟିମାନେରି □”

୨୨ ଏଚେଚିଏ ର ମାଣା କସ୍‌କା  
ମୁହେଁ କାଜାସି ଏଲେଇଚେସି, “ନାନୁ  
ନାଙ୍ଗେ ୱେସ୍ତାତି କାତା ଆମ୍ବାଆରାଈଁ  
ଞ୍ଜେହୁଆନି” ଇଞ୍ଜଁ ୱେସାନା ଏ  
ଦାଂଗ୍‌ଶେଣାଈଁ ପାଣ୍ଡିଚେସି □

ପେଲିକସ୍ ତାଣା ପାଞ୍ଜୁଲଈଁ  
ପାଣ୍ଡିନାୟି

୨୩ ର ମାଣା କସ୍‌କା ମୁହେଁ କାଜାସି  
ତାନି ଡ଼ଇ କାମା କିନି ପାସାକଡ଼ି କସ୍‌କା  
ମୁହେଁ କାଜାରାଈଁ ରିଆରାଈଁ ହାଟାନା  
ଏଲେଇଚେସି, “ନୀଞ୍ଜୁ ଲାଆଁୟାଁ  
ନ ଗଂଟା ବେଲ୍ଲାତା କାୟିସରିୟାତା  
ହାଜାଲିତାକି ତାନିକଡ଼ି ଦସ ଜାଣା  
ଗଡ଼ାତା ହାନାରି ଅଡ଼େ ରୀ ୱାଞ୍ଜା ବାଲ୍ଲା  
ଗାଟାରି ତଲେ ରୀ ୱାଞ୍ଜା କସ୍‌କାଣି  
ତିୟାରା କିଡୁ □

୨୪ ଅଡ଼େ ଏଞ୍ଜାରି ଏନିକଁ ପାଞ୍ଜୁଲଈଁ  
ଗଡ଼ା ଲାକ କୁରିକିହାନା ସାଲୁଞ୍ଜି କିନି  
ପେଲିକସ୍ ତାଣା ଜାଗ୍ରାତା ତଲେ  
ଅନେରି, ଏନାଆଁତାକି ବାରେ କିହାଲି  
ହୁକୁମି ହୀଚେସି □”

୨୫ ର ମାଣା କସ୍‌କା ମୁହେଁ କାଜାସି  
ଇଲେଇଞ୍ଜଁ ର ଆକୁ ରାଡ଼ିଚେସି;

୨୬ “ଏ ମାନିଗାଟି ଦେସା ସାଲୁଞ୍ଜି  
କିନି ପେଲିକସ୍ କ୍ଲାଞ୍ଜୁଦିୟା ଲୁସିୟାତି  
ଜହରା □

୨୭ ଜାହୁଦିୟାଁ ଇ ଲକୁଈଁ ଆସାନା  
ପାୟାଲି ଅଣ୍ଡପିମାଟି ବେଲ୍ଲାତା, ଏଞ୍ଜାସି  
ର ରମିୟ ଲକୁ ଇଞ୍ଜଁ ପୁଞ୍ଜାନା, ନାନୁ  
କସ୍‌କା ତଲେ ହାଜାନା ଏଞ୍ଜାଣାଈଁ ପିସ୍‌ପି  
କିଚେଏଁ □

୨୮ ଏଞ୍ଜାସି ଏଞ୍ଜାରି କପାଟି ଏନି  
ଦହ କିହାମାନେସି ପୁଞ୍ଜାଲି ନାନୁ  
ଏଞ୍ଜାଣାଈଁ ତାମି କାଜା ବେରଣିମାଣ୍ଡାତା  
ଅହାମାଚେଏଁ □

୨୯ ସାମା ଏଞ୍ଜାସି ହାନ୍ତି ଡଶୁ କି  
କାୟିଦି ଡଶୁ ବେଟାଆନି ଲେହେଁତି  
ଏନି ଦହ କିହାହିଲଅସି ଇଞ୍ଜଁ ନାନୁ  
ପୁଚେଏଁ, ତାନି କପାଟି ୱାରୁଇ ତାମି  
ମେରାତି କାତାତାକି ଏଞ୍ଜାଣାଈଁ ଦହ  
ଦସାମାନେରି □

୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଈଁ  
ପାୟାଲି ଅଣ୍ଡପିମାନେରି ଇଞ୍ଜଁ ନାଙ୍ଗେ  
କାକୁ ହିୟାଲିଏ ନାନୁ ଇଞ୍ଜାଣାଈଁ  
ଞ୍ଜେଡାକିଆନା ନୀ ତାଣା ପାଣ୍ଡାଚେଏଁ;  
ଏଞ୍ଜାଣାଈଁ ଦହ ଦସାମାନାରାଈଁ ଜିକେଏ  
ନୀ ନକିତା ଏଞ୍ଜାଣି କପାଟି ସାକି ହୀହାଲି  
ଞ୍ଜେସା ପାଣ୍ଡାଚେଏଁ □”

୩୧ ଏମ୍ବାଟିଏ କସ୍‌କା ହୁକୁମି  
ବେଟାଆହାନା ପାଞ୍ଜୁଲଈଁ ଅହାନା  
ଲାଆଁୟାଁ ବେଲ୍ଲାତା ଏଞ୍ଜାଣାଈଁ  
ଆନ୍ତିପାଡ଼ିତା ତାଚେରି □

୩୨ ଅର ଦିନା ଗଡ଼ାୟାଁ ଗାଟାରାଈଁ  
ଏଞ୍ଜାଣିତଲେ ହାଜାଲି ପିସାନା, କସ୍‌କା  
କଟା ଇଲୁତା ୱେଣ୍ଡା ୱାଡ଼େରି □

୩୩ ଗଡ଼ାୟାଁ ଗାଟାରି କାୟିସରିୟାତା  
ଞ୍ଜାହାନା, ସାଲୁଞ୍ଜି କିନି ପେଲିକସ୍‌କି  
ଆକୁ ହୀହାନା ପାଞ୍ଜୁଲଈଁ ଏଞ୍ଜାଣି ତାଣା  
ହେରପିଚେରି □

୩୪ ଏଞ୍ଜାସି ଏ ଆକୁ ପଡ଼଼ଞ୍ଜି ଆଡ଼ି  
ଡାୟୁ ନାନୁ ଏମିନି ରାଡ଼ିତାତି ଇଞ୍ଜଁ  
ଞ୍ଜେଚେସି; ଅଡ଼େ ଏଞ୍ଜାସି କିଲିକିୟାତି  
ଲକୁ ଇଞ୍ଜଁ ପୁଚେସି,



୩୫ ଇଞ୍ଜା ଏଞ୍ଜାସି ଏଲେଇରେସି,  
 “ନିଙ୍ଗେ ଦହ ଦସାମାଞ୍ଜାନାରି ଇମ୍ବାଆଁ  
 ଖାଡ଼ିସାରେ ନାନୁ ନୀ କାତା ଖେଞ୍ଜାଇଁ”  
 ଅଡ଼େ ଏଞ୍ଜାସି ପାଞ୍ଜୁଲଇଁ ହେରଦତି ଇଜ  
 ଇଟାଲି ହୁକୁମି ହୀତେସି □

### ୨୪

ଜୀହୁଦି ଲକୁ ପାଞ୍ଜୁଲ କପାଟି ଦାଞ୍ଜା  
 କିନାୟି

୧ ପାସା ଦିନା ତାୟୁ କାଜା ପୂଜେରା  
 ହାନାନ, ଏତେକା ପ୍ରାଟିନାଙ୍ଗା ଅଡ଼େ  
 ତରତୁଲ ଦରୁଗାଟି ଅକିଲା ତଲେ  
 କାୟିସରିୟାତା ଖାଡ଼େରି, ଅଡ଼େ ଏଞ୍ଜାରି  
 ପାଞ୍ଜୁଲ କପାଟି ସାଲୁଞ୍ଜି କିନି ପେଲିକସ୍  
 ତାଣା ଦାଞ୍ଜା କିତେରି □

୨ ପାଞ୍ଜୁଲଇଁ ଏମ୍ବାଆଁ ତାଟାଲିଏ,  
 ତରତୁଲ ଏଞ୍ଜାଣି କପାଟି ଏଲେଇରେସି,  
 “ଏ ମାନିଗାଟି ପେଲିକସ୍ ନୀ ତାଣାଟି  
 ମାମ୍ବୁ ହାରେକା ଦିନାଟିଏ ହିଡ଼ଡ଼ି  
 ବେଟାଆହି ମାନମି, ଇଞ୍ଜା ନାନୁ ମା  
 ଦେସାତାକି କିହାମାନି କାମା ବାରେ  
 ଇ କୃତା ତାରାକି ହାରେକା ନେହେଁ  
 ଆହାମାନେ □

୩ ଇଦାଆଁ ମାମ୍ବୁ ବାରେଜାଣା ତଲେ  
 ବାରେ ତାଣା ହାରେକା ମାନିତଲେ  
 ପେଲିକସ୍ ଇ ମାନୁଞ୍ଜି ଆହିମାନମି □

୪ ସାମା ନାନୁ ନିଙ୍ଗେ ଏନିକ୍  
 ହାରେକା ବିତିବିତା କିୟଅଁ,  
 ଇଦାଆଁତାକି ନାନୁ ନାଙ୍ଗେ  
 କାର୍ମାମେସାନା ମା ଏତରଗଟା କାତା  
 ଖେଞ୍ଜାଲିତାକି ନିଙ୍ଗେ ବାତିମାଲିମାଞ୍ଜାଇଁ  
 □

୫ ଇତିହଁ ଇ ମାଣ୍ଡସି ଆଜିହପେତି  
 ଗଡ଼ହା ଗାଟାସି, ଏଞ୍ଜାସି ଦାରତିତି  
 ବାରେଞ୍ଜାକି ମାନି ଜୀହୁଦିୟାଁ ତାଣା  
 ଗଡ଼ହା ହପ୍ନାସି, ଅଡ଼େ ନାଜରିତ  
 ଗତିତି ର କାଜାସି ଇଞ୍ଜାଁ ମାମ୍ବୁ  
 ପୁଞ୍ଜାମାନମି;

୬ ଅଡ଼େ ଜିକେଏ ମାହାପୁରୁ ଇଲୁତି  
 ଲାଗେଏ କିହାଲି ଅଣ୍ଡପାମାଟେସି,  
 ଏତିବେଲା ମାମ୍ବୁ ଇଞ୍ଜାଣାଇଁ ଆସୁମି,

ଅଡ଼େ ମା ମୋରାତି ଲେହେଁ ଇଞ୍ଜାଣାଇଁ  
 ନୀହାୟି କିୟାଲି ଅଣ୍ଡପାମାଟମି □

୭ ସାମା ର ମାଣା କସ୍‌କା ମୁହେଁ  
 କାଜାସି ଲୁସିୟା ଖାହାନା ଏଞ୍ଜାଣାଇଁ  
 ମା ତାଣାଟି ବାଡ଼ୟୁ ତଲେ ମୀଞ୍ଜା  
 ଅୟାତେସି,

୮ ଅଡ଼େ ଇଞ୍ଜାଣାଇଁ ଦହ  
 ଦସିମାନାରାଇଁ ନୀ ତାଣା ଖାହାଲି ହୁକୁମି  
 ହୀତେସି, ଇ ବାରେ କାତାତାକି ନାନୁ  
 ଇଞ୍ଜାଣାଇଁ ଖେତିହଁ ମାମ୍ବୁ ଏଞ୍ଜାଣି  
 କପାଟି ଦାଞ୍ଜା କିହାମାନାଣି ପୁଞ୍ଜାଲି  
 ଆଡ଼ିଦି □”

୯ କୃତା ଆହାମାଟି ଜୀହୁଦିୟାଁ ଜିକେଏ  
 ଦାଞ୍ଜା କିହାମାନାରି ତଲେ ଆଣ୍ଡାନା ଇ  
 ବାରେ କାତା ସାତା ଇଞ୍ଜାଁ ଇତେରି □

ତାନି ଖାକିଟି ପାଞ୍ଜୁଲ ପେଲିକସ୍  
 ନକିତା ଖେହ୍‌ନାୟି

୧୦ ଏତେଟିଏ ସାଲୁଞ୍ଜି କିନାସି  
 ଖାଞ୍ଜୁ ହୁଟାନା ପାଞ୍ଜୁଲଇଁ ଜଲ୍ଲାଲି  
 ହେଲ ହୀତେସି, ଇଞ୍ଜା ପାଞ୍ଜୁଲ  
 ଏଲେଇରେସି, “ନାନୁ ହାରେକା ବାର୍ଯ୍ୟା  
 ଆଡ଼େ ଇ କୃତାତାରାଇଁ ନୀହାୟି କିନାତି  
 ଆହାମାଞ୍ଜି ଇଞ୍ଜାଁ ପୁଞ୍ଜାନା, ନାନୁ  
 ସାସାତଲେ ନା ଖାକିଟି ଖେସିମାଞ୍ଜାଇଁ  
 □

୧୧ ବାର ଦିନାଟିଏ ଆଗାଡ଼ା ଆଏ,  
 ନାନୁ ମାହାପୁରୁତି ସେବା କିହାଲି  
 ଜିରୁସାଲମତା ହାଜାମାଟେଏଁ, ଇଦାଆଁ  
 ନାନୁ ଖେଞ୍ଜାନା ପୁଞ୍ଜାଲି ଆଡ଼ିଦି □

୧୨ ଅଡ଼େ ଇଞ୍ଜାରି ମାହାପୁରୁ  
 ଇଲୁତାକି ଜୀହୁଦି ଲକୁତି କୁଟମି  
 ଇଲୁତା\* କି ଗାଡ଼ାତି ଆମିନି  
 ଚାୟୁତା ଆମ୍ବାଆରି ତଲେ ବାଡ଼ିବାଡ଼ା  
 କିତାଣି କି ଗଡ଼ହା ହପ୍ନାଣି ଇଞ୍ଜା  
 ଜୀହୁଦିୟାଁଣି ମାଡ଼ଞ୍ଜି କିହିମାଟାଣି  
 ଇଞ୍ଜାରି ମେସାମାଞ୍ଜଅରି,

୧୩ ଇଞ୍ଜା ନୀଏଁ ନା କପାଟି ତାଟାମାନି  
 ଦହ ତାକି, ଏଞ୍ଜାରି ନୀ ନକିତା ଏନି  
 ପାରମାଣା ତସାଲି ଆଡ଼ଅରି □

୧୪ ସାମା ନାନୁ ନିଙ୍ଗେ ଇଦାଆଁ  
 ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି

\* ୨୪:୧୨ ୨୪:୧୨ ସିନଗଗ

ମିତି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା ଅଡେ ମାହାପୁରୁ ଅଣପୁତି ବଲୁ ଖେହନାରି ପତିତା ଏନାୟି ରାସକି ଆହାମାନେ ଏ ବାରେ ନାମିମାଇଁ;

୧୫ ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣିଏ ଆସା ମାନେ ଦାମ୍ବୁଗାଟାରି ଅଡେ ଦାମ୍ବୁ ହିଲାଆ ଗାଟାରି ବାରେ ଲକୁ ହାଡାରି ତାଣାଟି ଖେଣ୍ଡେ ନିଙ୍ଗିନେରି ଇଞ୍ଜି ନୀ ନକିତା ଖେସିମାଞ୍ଜାଇଁ □

୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡେ ଲକୁ ନକିତା ବାରେଦିନା ନେହୁଁ ଅଣପୁ ତଲେ ଡୟାଲି ଅଣପିମାଇଁ □”

୧୭ “ହାରେକା ବାସା ଜେଟ ନାନୁ ମା ଲକୁତାଣା ଦାନା ତାଗାଲି ଅଡେ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାଚେଏଁ □

୧୮ ଏତିବେଲାତା ନାନୁ ମାହାପୁରୁ ଇଲୁତା ଅଟହା କଡିନି ମେରା ରାପୁହିମାଟି ବେଲାତା ଇଞ୍ଜାରି ନାଙ୍ଗେ ମାହାପୁରୁ ଇଲୁତା ମେସ୍ତାତେରି; ଏତିବେଲା ନା ତଲେ ମାୟା ଲକୁ ହିଲାଆତେରି କି ଏମ୍ବାଆଁ ଏନି ଗଡହା ହିଲାଆତେ,

୧୯ ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଟିହୁଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିତିହୁଁ ନେହେଁ ଆଡେମା □

୨୦ ନାନୁ କାଜା ବେରଣିମାଣ୍ଡା ନକିତା ନିଚାମାଟି ବେଲାତା ଏନି ଦହୁ ମେସାମାଟିହୁଁ ଇମ୍ବାଆଁ ମାନି ଇ ଲକୁ ନାଙ୍ଗେ ଖେସ୍ତାପେରି,

୨୧ \*ନାନୁ ରଣିଏ କାତା ଖେସାମାଚେଏଁ ଏଞ୍ଜାରି ନକିତା ନିଚାମାଟି ବେଲାତା ନାନୁ ଆଟ୍ଟାତଲେ ଏଲେଇଞ୍ଜା ମାଚେଏଁ, ‘ହାଡାରି ଖେଣ୍ଡେ ନିଙ୍ଗିନେରି ଇଞ୍ଜି ନାନୁ ନାମାମାନାକି

ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଇଁ’ □ ”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସକା ମୁହେଁ କାଜାସି ଲୁସିୟା ଖାଡିଦେହେଁ ନାନୁ ମୀ ନୀହାଁୟି ଡିକହାଇଁ,” ଇଞ୍ଜିଁ ଖେସା ପାଣ୍ଡିତେସି □

୨୩ ଏଞ୍ଜାସି ପାସାକଡି କସକା ମୁହେଁ କାଜାଣାଇଁ ଏଲେଇଚେସି, ତାନି ଲକୁ ଅଡେ ତଣେସିଙ୍ଗା ତାନି ସେବା କିହାଲି କାହି କିଆନି, ଅଡେ ତାନି କାୟିଦିତା ମାନାସି ଇଞ୍ଜିଁ ଗେଲ୍ପାନା ଏଞ୍ଜାଣାଇଁ ହିଡଡି ତଲେ ଲେମ୍ପାଲି ଏଲେଇଚେସି □

ପେଲିକସ୍ ଅଡେ ଦୁସିଲା ନକିତା ପାଞ୍ଜୁଲ

୨୪ ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ଡକ୍ତି ତଲେ ଖାଡେସି, ଏଞ୍ଜାସି ପାଞ୍ଜୁଲଇଁ ହାଟି କିହାନା ଜ୍ରୀସ୍ତ ଜୀସୁ ତାଣା ନାମିନି କାତା ଏଞ୍ଜାଣି ତାଣାଟି ଖେଚେସି □

୨୫ ସାମା ପାଞ୍ଜୁଲ ଦାମ୍ବୁତି କାତା, ତୀରପୁ ହିୟାଁ ଅଡେ ଖାହିମାନି ନୀହାଁୟି ଦିନାଟି କାତା ଖେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନୀନୁ ହାଲାମୁ ବେଲା ସିନିକିହାନା ଅଡେ ର ଦିନା ହାଟି କିୟାଇଁ □”

୨୬ ପାଞ୍ଜୁଲ ନାଙ୍ଗେ ଟାକାୟାଁ ହିୟାନେସି ଇଞ୍ଜିଁ ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଟି କିହାନା ଏଞ୍ଜାଣିତଲେ କାତା ଆଡିତେସି □

୨୭ ଏଲେକିହୁଁ ରୀ ବାସା ଆଡି ତାୟୁ ପକୟ ପେସ୍ତସ୍, ପେଲିକସ୍ ଚାୟୁତା ସାଲୁଞ୍ଜି କିନାସି ଆଡେସି, ଅଡେ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜିଁ ଇଞ୍ଜାପେରିଞ୍ଜା ଇଞ୍ଜିଁ ଅଣପାନା ପାଞ୍ଜୁଲଇଁ କାୟିଦିତା ଇଟାନା ହାଚେସି □

\* ୨୪:୨୧ ୨୪:୨୧ କାମା ୨୩:୨

# ୨୫

ସାଲୁଞ୍ଚି କିନାଣି ତାଣା ପାଞ୍ଚୁଲ  
ଗହାରା କିନାୟି

୧ ଏମ୍ବାଟିଏ ପେସ୍ତସ୍ ଇ ରାଜିତା  
ଝାହାନା ତାନିଦିନା ଆୟାଲିଏ  
କାୟିସରିୟାଟି ଜିରୁସାଲମତା ହାଚେସି,

୨ ଅଡ଼େ ଏମ୍ବାଆଁ କାଜା ପୂଜେରାଙ୍ଗା  
ଇଞ୍ଜା ଜୀହୁଦି ଲକ୍ଷୁତି କାଜାରି ପାଞ୍ଚୁଲ  
କପାଟି ପେସ୍ତସ୍ ତାଣା ଖେଣ୍ଡେ ଦାଝା  
କିତେରି,

୩ ଅଡ଼େ ଏଝାସି ଏନିକି ପାଞ୍ଚୁଲଇଁ  
ଜିରୁସାଲମତା ହାଟା ପାଣ୍ଡାନେସି,  
ଏଦାଆଁତାକି ଗହାରା କିହାନା ଏଝାଣି  
କପାଟି କାର୍ମାଆନି ଲେହେଁ ପେସ୍ତସ୍ଇଁ  
ବାଡ଼ିମାଲିତେରି; ଇଞ୍ଜା ଏଝାରି ଜିରୁତା  
ଡ଼ଗୁଆଁ ପାୟାଲି ଅଣପିମାଚେରି

୪ ପେସ୍ତସ୍ ଏଲେଇଚେସି, “ପାଞ୍ଚୁଲ  
କାୟିସରିୟାତା କାୟିଦିତା ମାନେସି,  
ଇଞ୍ଜା ନାନୁ ଜିକେଏ ତବେ ଏମ୍ବାଆଁ  
ଖେଣ୍ଡା ହାଜିମାଇଁ,

୫ ଏଝାସି ଏନି ଦହ କିହାମାନେସି,  
ଆତିହୁଁ ମୀ କାଜାରି ନା ତଲେ  
କାୟିସରତା ହାଲାପେରି ଅଡ଼େ ଏଝାଣି  
କପାଟି ତାନି ଦାଝା କିପାରି

୬ ପେସ୍ତସ୍ ଏମ୍ବାଆଁ ଆଟା କି ଦସ ଦିନା  
ଏଝାରିତଲେ ଡ଼ୟାହାଁ କାୟିସରିୟାତା  
ଖେଣ୍ଡେ ହାଚେସି, ଏ ଅର ନେରୁ ନୀହାଁୟି  
କିନି ଟାୟୁତା କୁଗାନା ପାଞ୍ଚୁଲଇଁ ତାଚାଲି  
ହୁକୁମି ହୀତେସି

୭ ପାଞ୍ଚୁଲ ଝାହାଲିଏ ଜିରୁସାଲମଟି  
ଝାହାମାନି ଜୀହୁଦିୟାଁ ତାନି ସାରିସୁଟୁ  
ନିଚାନା ଏଝାଣି କପାଟି ହାରେକା  
ଦହ ଦସାଲି ମାଟ୍‌ହେରି, ସାମା  
ଏଝାରି ଏ ବାରେଡି ପାର୍‌ମାଣା କିହାଲି  
ଆଡ଼ାଆତେରି

୮ ଏଚେଟିଏ ପାଞ୍ଚୁଲ ତାନି  
ଝାକିଟି ଝେସାକତାନା ଏଲେଇଚେସି,  
“ଜୀହୁଦିୟାଁ ମେରା କପାଟି ଆଆଡ଼  
ମାହାପୁରୁ ଇଲୁ କପାଟି କି କାୟିସର  
କପାଟି ଜିକେଏ ନାନୁ ଏନି ଦହ  
କିହାହିଲଅଁ”

୯ ସାମା ପେସ୍ତସ୍, ଜୀହୁଦି ଲକ୍ଷୁ  
ନକିତା ନେହାଁସି ଆୟାଲି ପାଞ୍ଚୁଲଇଁ  
ଖେଚେସି, “ନାନୁ ଜିରୁସାଲମତା  
ହାଜାନା ଏମ୍ବାଆଁ ନା ନକିତା ଇ  
ବାରେଡାକି ନୀହାଁୟି ଆୟାଲି ମନ  
କିହିମାଞ୍ଜି କି?”

୧୦ ସାମା ପାଞ୍ଚୁଲ ଏଲେଇଚେସି,  
“ନାନୁ କାୟିସର ନକିତା ନୀହାଁୟି କିନି  
ଟାୟୁତା ନିଚାମାଇଁ, ଏମ୍ବାଆଁ ନା ନୀହାଁୟି  
ଆନାୟି ମାନେ, ନାନୁ ଜୀହୁଦିୟାଁ କପାଟି  
ଏନି ଲାଗେଏ କାମା କିହାହିଲଅଁ,  
ଏଦାଆଁ ନାନୁ ଜିକେଏ ନେହୁଁକି  
ପୁଞ୍ଜାମାଞ୍ଜି

୧୧ ମେରା ମାନି କିଆନା ଲାଗେଏଡି  
କାମା କିହାମାଟିହୁଁ, ନାନୁ ହାହାଲି  
ଆଜିହିଲଅଁ; ସାମା ଇଝାରି ନା କପାଟି  
ଆମିନି ବାରେ ଦାଝା କିହିମାନେରି,  
ଏ ବାରେ ବିଡ଼ାଟି ଆମିନି ର ପଦୁ  
ଜିକେଏ ସାତା ଆଆଡିହୁଁ, ଆମ୍ବାଆସି  
ଏଝାରି କେୟୁତା ନାଙ୍ଗେ ହେର୍ପାଲି  
ଆଡ଼ଅସି, ନାନୁ କାୟିସର ନକିତା  
ନୀହାଁୟି କିଞ୍ଚିଆୟାଲି ଗହାରା କିହିମାଇଁ

୧୨ ଏମ୍ବାଟିଏ ପେସ୍ତସ୍ ତାନି ନୀହାଁୟିଡି  
କାଜାରି ତଲେ ଜଲୁକି ଆହାନା  
ଏଲେଇଚେସି, “ନାନୁ କାୟିସର ନକିତା  
ନୀହାଁୟି କିଞ୍ଚିଆୟାଲି ରାସିମାଞ୍ଜି,  
ଆତିହୁଁ ନାନୁ କାୟିସର ତାଣେଏ ହାଜି

ଆଗ୍ରିପା ଅଡ଼େ ବନିକି ନକିତା  
ପାଞ୍ଚୁଲ

୧୩ ଏଚରଦିନା ତାୟୁ ରାଜା ଆଗ୍ରିପା  
ଅଡ଼େ ବନିକି କାୟିସରିୟାତା ଝାହାନା  
ପେସ୍ତସ୍ଇଁ ଆଣ୍ଡାଲି ହାଚେରି

୧୪ ଏଝାରି ଏମ୍ବାଆଁ ଏଚରଦିନା ଡ଼ୟିଡି  
ତାୟୁ, ପେସ୍ତସ୍ ରାଜା ନକିତା ପାଞ୍ଚୁଲ  
କାତା ଖେସେସି, “ପେଲିକସ୍ କାୟିଦିତା  
ଇଟାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମତା  
ହାଜାମାଚେଏଁ ଏଚିବେଲାତା ଜୀହୁଦି  
ଲକ୍ଷୁତି କାଜା ପୂଜେରାଙ୍ଗା ଅଡ଼େ  
ପ୍ରାଚିନାଙ୍ଗା ଏଝାଣି କପାଟି ଝେସାନା

ଏଞ୍ଜେଲ୍ ତଣ୍ଡ ହୀହାଲି ନାଙ୍ଗେ  
ବାତିମାଲି ମାଞ୍ଜାତେରି □

୧୭ ସାମା ନାନୁ ଏଞ୍ଜରାଙ୍ଗ  
ଏଲେଇଚେସି, ଦହ୍‌ଗାଟାସି ତାନି ଦହ୍  
ଦସାମାନାରା ନକିତା ନିଆ ପାତେକା  
ଇଞ୍ଜା ତାଙ୍ଗେ ତାନି ଝାକିଟି ଜଲ୍ଲାଲି  
ହୀଆ ପାତେକା ଏଞ୍ଜେଲ୍ ତଣ୍ଡ ହୀହାଲି  
ମା ରମ୍ ଲକ୍ଷୁତି ମୋରା ହିଲେଏ □

୧୮ ଏଞ୍ଜରି ନା ତଲେ ଇମ୍ପାଆଁ  
ଝାୟାଲିଏ, ନାନୁ ଝେଡାକିଆନା ତାନି  
ଅର ନେଚୁ ନାହାଁୟି କିନି ତାଣା କୁଗାନା,  
ଏଞ୍ଜେଲ୍ ତାଚାଲି ହୁକୁମି ହୀତେସି □

୧୯ ଏଞ୍ଜେଲ୍ ଦହ୍ ଦସାମାନାରି  
ଝାହାନା ନିତେରି, ସାମା ଏଞ୍ଜରି  
ଏନିଲେହେତି ଦାଞ୍ଜା କିନେରି ଇଞ୍ଜି  
ନାନୁ ଅଣ୍ପିମାଚେସି, ଏଞ୍ଜରି ଏନି ଦହ୍  
ଏଞ୍ଜେଲି କପାଟି ଝେସ୍ତାଆତେରି □

୨୦ ଏଞ୍ଜରି ଝାରଇ ତାନି ଦାମ୍‌ଚି  
କାତା ଇଞ୍ଜା ଜୀସୁ ଦରୁଗାଟି ଏମିନି  
ହାଡାଣାଙ୍ଗ ପାଞ୍ଜୁଲ ନୀତାମାନେସି  
ଇଞ୍ଜି ଝେସିମାନେସି, ତାନି କାତାତାକି  
ଆସ୍‌ପି ଆଡେରି □

୨୧ ଇ ବାରେ କାତା ନେହ୍‌କ  
ପୁଞ୍ଜାଲିତାକି ଏନାଆଁ କିହାଲି ଆଚେନ,  
ଏନାଆଁ ତାରି କିହାଲି ଆଡାଆନା ଇ  
ଦାଞ୍ଜା ତାକି ନାହାଁୟି ଆହାଲିତାକି  
ପାଞ୍ଜୁଲ ଜିରୁସାଲମତା ହାନେସି କି ଆଏ  
ଏଦାଆଁ ନାନୁ ଝେଚେସି □

୨୨ ସାମା ପାଞ୍ଜୁଲ ସାଲଞ୍ଜି କିନି  
କାୟିସର ନକିତା ନାହାଁୟି କିଞ୍ଜିଆୟାଲି  
ନାନୁ ହାଙ୍ଗ ଇଞ୍ଜି ଝେସିମାଚାକି, ନାନୁ  
ଏଞ୍ଜେଲ୍ କାୟିସର ତାଣା ପାଣ୍ଡିନି  
ପାତେକା କାୟିଦିତା ଇଚାଲି ହୁକୁମି  
ହୀତେସି □

୨୩ ଆଗ୍ରିପା ପେସ୍‌ସଙ୍ଗ୍ ଏଲେଇଚେସି,  
“ନାନୁ ଜିକେଏ ଇଞ୍ଜେଲି କାତା ଝେଞ୍ଜାଲି  
ମନ କିହିମାଙ୍ଗ □ ହାଅ ଝିଏ ନାନୁ  
ଏଞ୍ଜେଲି କାତା ଝେଞ୍ଜି” ଇଞ୍ଜି ପେସ୍‌ସ  
ଏଲେଇଚେସି □

୨୪ ତାନି ଅର ଦିନା ଆଗ୍ରିପା  
ଇଞ୍ଜା ବନକି କାଜାପାଣା ଅଡେ  
ଗାଞ୍ଜୁରମିଗାଟି କସକା ଇଞ୍ଜା ଗାଡାତି

କାଜାରି ତଲେ ହାଜାନା ନାହାଁୟି  
କିନି ଗାଞ୍ଜୁତା ଝାଡେସି, ଏମ୍ପାଟିଏ  
ପେସ୍‌ସ ହୁକୁମି ତଲେ ପାଞ୍ଜୁଲ ଏମ୍ପାଆଁ  
ତାପିଆଡେସି □

୨୫ ଏମ୍ପାଟିଏ ପେସ୍‌ସ ଏଲେଇଚେସି,  
“ଏ ରାଜା ଆଗ୍ରିପା ଅଡେ ଇମ୍ପାଆଁ ମାନି  
ମାନିଗାଟି କାଜାତେରି, ମୀରୁ ବାରେ  
ଇଞ୍ଜେଲ୍ ମେସିମାଞ୍ଜେରି; ଇଞ୍ଜେଲି  
କପାଟି ଜିରୁସାଲମ ଇଞ୍ଜା ଇମ୍ପାଆଁ  
ମାନି ଜୀହୁଦି ଲକୁ ନା ତାଣା ଦାଞ୍ଜା  
କିହାମାନେରି, ଇଞ୍ଜେଲି ନୀତାମାନାୟି  
ଲଡା ହିଲେଏ ଇଞ୍ଜି ବାରେଜାଣା  
କାଲଞ୍ଜି ଆଡେରି □

୨୬ ସାମା ଇଞ୍ଜେଲି ହାନିଲେହେତି ଏନି  
ଦହ୍ କିହାମାନାଣି ନାନୁ ମେସାହିଲଅଁ  
ଇଞ୍ଜା ଏଞ୍ଜେଲି ତାନୁଏ କାୟିସର ତାଣା  
ନାହାଁୟି କିଞ୍ଜିଆୟାଲି ବାତିମାଲିତାକି  
ନାନୁ ଏଞ୍ଜେଲ୍ ଏମ୍ପାଆଁ ପାଣ୍ଡାଲି ତାକି  
ତାରି କିତେସି □

୨୭ ସାମା ରାଜା କାୟିସର ତାଣା  
ଏଞ୍ଜେଲି ତାକି ରାଚାଲି ନାଙ୍ଗେ ଏନି କାତା  
ହିଲେଏ, ଏଦାଆଁତାକି ନାନୁ ଏଞ୍ଜେଲ୍,  
ବାରେକିହାଁ ରାଜା ଆଗ୍ରିପା ନୀ ତାଣା  
ଏଞ୍ଜେଲ୍ ତାଚାମାଙ୍ଗ, ଏନିକ ଏଞ୍ଜେଲି  
କାତା ଝେଞ୍ଜାନା, ପୁଚିତାୟୁ ନାନୁ  
ଏଞ୍ଜେଲି ଇଚାଣି ରାଚାଲି ଆଡ଼ିଙ୍ଗ □

୨୮ ଇଚିହ୍ ର କାୟିଦି ଗାଟାଣାଙ୍ଗ  
ପାଣ୍ଡିନି ବେଲାତା ତାନି କପାଟି  
କିହାମାନି ଦାଞ୍ଜା ନେହ୍‌କ ତହ୍‌ଆନା  
ପାଣ୍ଡାଲି ନେହେଁ ଆଏ ଇଞ୍ଜି ନାନୁ  
ଅଣ୍ପିମାଙ୍ଗ □”

## ୨୨

ରାଜା ଆଗ୍ରିପା ନକିତା ପାଞ୍ଜୁଲ  
ତାଙ୍ଗେତାକି ଝେହ୍‌ନାୟି

୧ ଆଗ୍ରିପା ପାଞ୍ଜୁଲ୍ ଏଲେଇଚେସି,  
“ନିଙ୍ଗେ ନୀ ଝାକିଟି କାତା ଜଲ୍ଲାଲି  
ହେଲ ହୀପକିଆଡେ” ଏମ୍ପାଟିଏ  
ପାଞ୍ଜୁଲ କେୟୁ ଦାସାନା ତାନି ଝାକିଟି  
ଏଲେଇଚେସି □

୨ “ରାଜା ଆଗ୍ରିପା, ଜୀହୁଦିୟା ନା  
କପାଟି ଏନି ଦହ୍ ଦସାମାଞ୍ଜାନେରି,  
ଏଦାଆଁ ନୀଞ୍ଜୁ ନୀ ନକିତା ଝେସାଲି ନାନୁ

ହେଲ ବେଟାଆହାମାନାକି ନାନୁ ନାଈ କପଲ ଗାଟାତେଏଁ ଇଞ୍ଜି ଅଣ୍ଠପା କତିମାଇଁ,

୩ ଏନାଆଁତାକି ଇତିହ, ନାନୁ ଜୀହୁଦିୟାଁ ପାଣାପାଟୁ ଅଡ଼େ କାତା ନେହଁକଁ ପୁଞ୍ଜାମାଞ୍ଜି; ଏଦାଆଁତାକି ନା.କାତା ସାସାତଲେ ଖେଞ୍ଜାଲି ନିଈ ବାତିମାଲିମାଞ୍ଜାଇଁ ।”

୪ “ନା. ଦାଂଗଣା ଖେଡ଼ାଟିଏ ନୀଏଁ ପାତେକା ନାନୁ ତଲି ମା. କୃତାତାରି ତଲେ ଅଡ଼େ ଜିରୁସାଲମତା ଏନିଆହଁ ନୀତା ମାଚେଏଁ ଏଦାଆଁ ଜୀହୁଦିୟାଁ ବାରେ ନେହଁକଁ ପୁଞ୍ଜାମାନେରି;

୫ \*ନାନୁ ମା. ମାହାପୁରୁତି ମେରା ହାରେକା ନେହଁକଁ ମାନଞ୍ଜି ଆହିମାନି ପାରୁସିୟାଁ ଗତିତା ମାଚେଏଁ, ଏଞ୍ଜାରି ନାଈ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ କିତିହଁ ସାକି ହାହାଲି ଆଡ଼ିନେରି ।

୬ ମାହାପୁରୁ ମା. ଆକୁ ଆବାୟାଣି ଏମିନି କାତା ଆଞ୍ଜାମାଚେସି, ଏ. କାତା ହାହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନୀହାୟି କିଞ୍ଜିଆୟାଲି ନିଟାମାଇଁ

୭ ମା. ଲକୁତି ବାର କୃତାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ. ରଣିଏ କାତା ବେଟାଆହାଲି ତାକି ଆସା କିନେରି, ଏ. ରାଜା, ନା. ଏ. ବାସୁଁ ତାକି ଜୀହୁଦିୟାଁ ନାଈ ଦହ କିହମାଞ୍ଜାନେରି ।

୮ ମାହାପୁରୁ ହାଡ଼ାରାଇଁ ନିକନେସି, ଇଦାଆଁ ନାମାଲି ଆଡ଼ାଆ ଗାଟାୟି ଇଞ୍ଜି ମୀରୁ ଏନାଆଁତାକି ଅଣ୍ଠପାଞ୍ଜେରି ?”

୯ \*ନାକରିତ ଜୀସୁ ଦରୁ କପାଟି ନାଈ ହାରେକା କାମା କିନାୟିମାନେ ଇଞ୍ଜି ନାନୁ ଅଣ୍ଠପାଚେଏଁ ।

୧୦ ଜିରୁସାଲମତା ନାନୁ ଏଲେଜିକେଏ କିଚେଏଁ । କାଜା ପୂଜେରାଈ ତାଣାଟି ଅଦିକାରା ଆକୁ ବେଟାଆହାନା,

ମାହାପୁରୁ ଲକୁ ତାଣାଟି ହାରେକା ଜାଣାଇଁ କାୟିଦିତା ସୁଣ୍ଠିକିହାମାଚେଏଁ ଇଞ୍ଜି ଏଞ୍ଜାରିାଇଁ ପାୟିନାଟି ନାନୁ ଜିକେଏ ଆଣ୍ଠିମାଚେଏଁ ।

୧୧ ହାରେକା ଦେବା ଜୀହୁଦି ଲକୁତି କୁଟମି ଇଲୁକାଣା\* ନାନୁ ଏଞ୍ଜାରିାଇଁ ଲାଜାକିହଁ ତଣ୍ଡୁ ହାହିମାଚେଏଁ ଇଞ୍ଜି ଏଞ୍ଜାରି ନାମୁତି ଏଟକା କିହାଲି ଅଣ୍ଠପାମାଚେଏଁ, ନାନୁ ଏଞ୍ଜାରି କପାଟି ହାରେକା କାରବି ଆହାମାଚେଏଁ, ଏଞ୍ଜାରିାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେଏଁ ।”

ପାଞ୍ଜୁଲ ତାନି ମନ ଖେଟ୍ଟି କାତା ଖେହ୍ନାୟି

(କାମା ୯:୧-୧୯; ୨୨:୭-୧୭)

୧୨ ଇଦାଆଁତାକି କାଜା ପୂଜେରାଈ ତାଣାଟି ଅଦିକାରା ଆକୁ ଅଡ଼େ ହୁକୁମି ବେଟାଆହାନା ନାନୁ ଦମେସକ ହାଜାମାଚେଏଁ ।

୧୩ ଏ. ରାଜା ଆଗ୍ରିପା, ର. ଦିନା ମାଦେନା ବେଲା ଜିରୁତା ହାଗୁଲାକଟି ଖେଡ଼ାକିହାଁ ହାରେକା ଉଜେଡ଼ି ମେସ୍ତେଏଁ, ଏ. ଉଜେଡ଼ି ନାଈ ଅଡ଼େ ନା. ତଲେ ହାଜିମାଚାରି ସାରିଞ୍ଜାକି ତଞ୍ଜାଆଡ଼େ ।

୧୪ ମାମ୍ବୁ ବାରେଜାଣା ବୁମିତା ତରଗାଲିଏ, ଏବି ହାଡ଼ାତଲେ ନାଈତାକି ଇ ହାଡ଼ା ଖେଚେଏଁ, “ଆଡ଼େ ସାଞ୍ଜୁଲ ଆଡ଼େ ସାଞ୍ଜୁଲ ଏନାଆଁତାକି ନାଈ ସାସ୍ତି ହାହିମାଞ୍ଜାଦି ? ଏନିକଁ ତକୁ କଡ଼ି ହେରୁ ତନୁଣି ହୁଡୁ ବାଡ଼ଗାତା ଦୟିନେ ଏଲେକିହଁ ନାନୁ ତାୟୁଞ୍ଜାକି ଦୟାହାଁ ଜାହାରା କଡ଼ାତା ଗାଣ୍ଠି ମାଞ୍ଜି ।”

୧୫ ଏମ୍ବାଟିଏ ନାନୁ ଖେଚେଏଁ, “ପ୍ରବୁ ନାନୁ ଆମ୍ବାଆତି ?” ଏଚେଟିଏ ପ୍ରବୁ ଏଲେଇଞ୍ଜାଚେସି “ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ. ଜୀସୁଚେଏଁ ।

୧୬ ସାମା ନିଙ୍ଗାମୁ କଡ଼ାତା ବାଡ଼ୁୟୁ ହାହାନା ନିମୁ, ଇତିହଁ ନାନୁ ନିଈ

\* ୨୭:୫ ୨୭:୫ କାମା ୨୩:୭; ପିଲିପି ୩:୫      \* ୨୭:୯ ୨୭:୯ କାମା ୮:୩; ୨୨:୪,୫      \* ୨୭:୧୧ ୨୭:୧୧ ସିନଗଗ

ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନୀଞ୍ଜୁ ନୀନୁ ଏନାଆଁ ମେସାମାଞ୍ଜି ତାୟୁ ନୀନୁ ନିଞ୍ଜେ ଏନାଆଁ ତସ୍ତାଇଁ ଏ କାତା ଏଟ୍‌କା ତାରାଇଁ ସାକି ହାଦି □

୧୭ ଜୀହୁଦି ଅଡ଼େ ଜୀହୁଦିଆଆତି ଲକୁତାଣା ନୀନୁ ନିଞ୍ଜେ ପାଣ୍ଡାଇଁ, ଏଞ୍ଜାରି ତାଣ୍ଡାଟି ନୀନୁ ନିଞ୍ଜେ ଗେଲପାଇଁ □

୧୮ ନିଞ୍ଜେ ଏଞ୍ଜାରି କାଣ୍ଡକା ଦେତାଲି ଆନେ, ଅଡ଼େ ଏଞ୍ଜାରାଇଁ ଆନେରିଟି ଉଜେଡ଼ିତା ଅଡ଼େ ସୟତାନ ପାନ୍ଦାଟି ମାହାପୁରୁ ତାଣ୍ଡା ଝେଟ୍‌ହା ତାନାୟି ଆନେ, ଏନିକ୍ ନା ତାଣ୍ଡା ନାମିନି ତାଣ୍ଡାଟି ସୁଦୁ କିଞ୍ଜି ଆହାନା ଏଞ୍ଜାରି ପାପୁ ମେଣ୍ଡିଞ୍ଜିନେ ଅଡ଼େ ମାହାପୁରୁ ଆଡ଼ିତି ଲକୁ ବିତ୍ତା ଏଞ୍ଜାରି ଟାୟୁ ବେଟାଆନେରି □”

ପାଞ୍ଜୁଲ ତାନି କାମାତି ଝେହ୍‌ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନୀନୁ ଉରାଆଡେଏଁ,

୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁତାଣା ତାୟୁ ଜୀହୁଦା ରାଜିତି ବାରେ ନାସ୍କାଣା, ଅଡ଼େ ଜୀହୁଦିଆଆତି ଲକୁତାଣା ଜିକେଏ ଝେକ୍‌ହେଏଁ, ଏନିକ୍ ଏଞ୍ଜାରି ମନ ଝେଟ୍‌ହାନା ମାହାପୁରୁ ତାଣ୍ଡା ଝାନ୍‌ନେରି, ଇଞ୍ଜା ଏଞ୍ଜାରି ମନ ଝେଟ୍‌ହା କତାମାନେରି, ଏଦାଆଁ କାମାତା ତହ୍‌ନେରି □

୨୧ ଏଦାଆଁତାକି ନୀନୁ ମାହାପୁରୁ ଇଲୁତା ମାଟାଟି ଜୀହୁଦିୟାଁ ନାଞ୍ଜେ ଆସାନା ପାୟାଲି ଅଣ୍ଡି ମାଞ୍ଜାଡେରି □

୨୨ ସାମା ନୀଞ୍ଜୁପାଡେକା ମାହାପୁରୁ ନାଞ୍ଜେ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନୀନୁ ଉଣା କାଜାରି ବାରେଡି ନକିତା ସାକି ହାହାଲି ନିଟାମାଇଁ □ ମାହାପୁରୁ ଅଣ୍ଡିପୁତି ବଲୁ ଝେହ୍‌ନାରି ଅଡ଼େ ମସା ଏନାଆଁ ଆନେ ଇଞ୍ଜା ଝେସାମାନେସି ନୀନୁ ଏ କାତା ଝେସିମାଇଁ,

୨୩ \*ଇଟିହ୍ ମସିହା ସାଡେଏ ଦୁକୁ ବେଟାଆହାନା ହାଡାରି ବିତ୍ତାଟି ତଲିଏ ନିଞ୍ଜାନା ଜୀହୁଦି ଲକୁ ଇଞ୍ଜା ଜୀହୁଦିଆଆତି ଲକୁ ନକିତା ଗେଲପିନି ଉଜେଡ଼ି ତହ୍‌ନେସି □”

୨୪ ପାଞ୍ଜୁଲ ଇଲେକିହ୍ ତାନି ଝାକିଟି ଜଲିମାଟାଟି ପେସ୍‌ସ୍ କାଜା ଗିୟାତଲେ ଏଲେଇଡେସି, “ପାଞ୍ଜୁଲ ନୀନୁ ବାୟା ଆଡ଼ି; ଗାଡି ଜାପିତାକି ନୀନୁ ବାୟା ଆହାମାଞ୍ଜି □”

୨୫ ସାମା ପାଞ୍ଜୁଲ ଏଲେଇଡେସି, “ଏ ମାନ୍‌ଗାଟି ପେସ୍‌ସ୍ ନୀନୁ ବାୟା ଆହାହିଲଅଁ; ସାମା ନୀନୁ ଏନାଆଁ ଜଲିମାଇଁ ଏଦି ସାତା, ତାରି ବୁଦିତଲେ ଝେସିମାଇଁ □

୨୬ ରାଜା ଆଗ୍ରିପା ନୀନୁ ଇ ବାରେ ପୁଞ୍ଜାମାନାକି, ନୀନୁ ନୀ ନକିତା ସାସାତଲେ କାତା ଜଲିମାଇଁ, ନୀନୁ ସାଡେଏ ନାମିମାଇଁ, ଇ ବାରେ ନୀନୁ ପୁନାଆରେଟୁ ଆହା ହିଲେଏ; ଅଡ଼େ ଇ ବାରେ କାତା ତ୍‌ଗୁନା ମେଣେଏ ଆହାହିଲେଏ □

୨୭ ଏ ରାଜା ଆଗ୍ରିପା, ନୀନୁ ମାହାପୁରୁ ଅଣ୍ଡିପୁତି ବଲୁ ଝେହ୍‌ନାରି କାତା ନାମିମାଞ୍ଜି କି ? ହାଅ ନୀନୁ ନାମିମାଞ୍ଜି ଇଞ୍ଜା ନୀନୁ ପୁଞ୍ଜାମାଇଁ □”

୨୮ ଆଗ୍ରିପା ପାଞ୍ଜୁଲଇଁ ଏଲେଇଡେସି, “ନୀନୁ ନାଞ୍ଜେ ଗାଡ଼େକେଏ କ୍ରୀସ୍ତାନା କିଇଁ ଇଞ୍ଜା ଅଣ୍ଡିମାଞ୍ଜାଦି ?”

୨୯ ପାଞ୍ଜୁଲ ଏଲେଇଡେସି, “ଗାଡ଼େକା ତାକି ଆପେ କି ଗାଡିତାକି ଆପେ ମାହାପୁରୁ ତାଣ୍ଡା ଇଡେକେଏ ନା ପ୍ରାତାନା, ନୀନୁ, ଅଡ଼େ ଏତରଜାଣା ନୀଞ୍ଜୁ ନା କାତା ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍‌ଣିୟାଁ ତଲେ ଦସ୍‌ପି ଆପେରି ଇଞ୍ଜା ନୀନୁ ଝେସିମାଞ୍ଜଅଁ □”

୩୦ ଏଡେଟିଏ ରାଜା, ସାଲ୍‌ଝି କିନସି ଅଡ଼େ ବନକି ଇଞ୍ଜା ଏଟ୍‌କାତାରି ବାରେ ହାଜାଲି ନିଞ୍ଜାଡେରି,

୩୧ ଏଞ୍ଜାରି ହାନିବେଲ୍‌ତା ତାମ୍‌ସୁ ତାମ୍‌ସୁ ଜଲ୍‌କି ଆଡ଼େରି, “ଇ ମାଣ୍‌ସି

\* ୨୭:୨୩ ୨୭:୨୩ ୧କର ୧୫:୨୦

ଇଲେତି ଏନ୍ କାମା କିହାହିଲଅସି  
ଏନାଆଁତାକି ଏଞ୍ଜାସି ଦସ୍ପି ଆନେସି  
କି ପାୟୁଞ୍ଜି ଆନେସି □”

୩୨ ଅଡ଼େ ଆଗ୍ରିପା ପେସ୍ତସ୍‌ଇ  
ଏଲେଇରେସି, “ଇ ମାଣ୍ଡସି  
କାୟିସର ତାଣା ନୀହାୟି କିଞ୍ଜିଆୟାଲି  
ବାତିମାଲୀଆତିହମା ମାମ୍ନୁ ଏଞ୍ଜାଣାଇ  
ପିସାଲି ଆଡ଼ିତମିମା □”

### ୨୭

ପାଞ୍ଜୁଲ ସାମ୍ବୁରିଟି ରମ୍ଭା ହାନାୟି  
୧ ମାମ୍ନୁ ଇଟାଲି ଦେସାତା ଏୟୁ ଜାଜା  
ତଲେ ହାଜାଲି ତୀରି କିଞ୍ଜିଆଡ଼ି ତାୟୁ  
ପାଞ୍ଜୁଲ ଅଡ଼େ ଏଚରଜାଣା କାୟିଦିତା  
ମାଚାରାଇ, ରାଜାତି କସ୍‌କା ଜୁଲିୟସ୍  
ଦରୁଗାଟି ପାସାକଡ଼ି କସ୍‌କା ମୁହେଁ  
କାଜାଣି କେୟୁତା ହେର୍ପିତେରି □

୨ ଏମ୍ବାଟିଏ ମାମ୍ନୁ ଆସିୟା ଦେସାତି  
ଏଟକା ଏଟକା ଟାୟୁତା ହାନି ଏୟୁ  
ଜାଜା ନିନି ଟାୟୁତି ଆଦ୍ରାମୁତିୟ ଜାଜାତା  
ହଡ଼ମି; ଇଞ୍ଜା ମାକିଦନିୟା ଦେସାତି  
ତେସଲନିକି ଗାଡ଼ାତି ଆରିସ୍‌ପାର୍କ ମା  
ତଲେ ମାରେସି □

୩ ତାନି ଅର ନେରୁ ମାମ୍ନୁ ସିଦନତା  
ଏଗାତମି, ଅଡ଼େ ଜୁଲିୟସ୍ ପାଞ୍ଜୁଲଇ  
କାର୍ମା ଆହାନା ତାନି ତଣେସିଙ୍ଗା  
ତାଣା ହାଜାନା ଲଡ଼ାମାନାଣି ସେବା  
ବେଟାଆହାଲି ହେଲ ହୀତେସି □

୪ ଏମ୍ବାଟି ଜାଜାତା ହଡ଼ାମାଚାଟି ମା  
ଞ୍ଜାକି ଗାଲି ଝେଟାଲିଏ ମାମ୍ନୁ ଛୁପ୍ର ଦାରି  
ଦାରିଟି ହାଚମି,

୫ କିଲିକିୟା ଅଡ଼େ ପଂପୁଲିୟା ନକିତା  
ମାନି ସାମ୍ବୁରି ଗାଣ୍ଟାନା ଲୁକିୟାତି  
ମୂରାତା ଖାଡ଼ମି □

୬ ଏମ୍ବାଆଁ ପାସାକଡ଼ି କସ୍‌କା  
ମୁହେଁ କାଜାସି, ଇଟାଲିତା ହାଜିମାନି  
ର ଆଲେକ୍‌ଜାଣ୍ଡ୍ରିୟା ଏୟୁ ଜାଜା  
ବେଟାଆହାନା ମାଲେ କୁଗି କିୟାତେସି  
□

୭ ତାୟୁ ହାରେକା ଦିନାତାକି ଦୀରେ  
ଦୀରେ ହାଜାନା କସ୍‌ତଲେ କ୍ରିଦ  
ଗାଡ଼ା ତାଗେ ହାଚମି □ ନକିତି ଗାଲି

ମାଲେ ନକିତା ହାଜାଲି ହିୟାଆଲିଏ  
ସାଲ୍‌ମନିତି ଅରଞ୍ଜାକି କ୍ରିତି ଦାରି ଦାରିଟି  
ହାଚମି □

୮ ଅଡ଼େ କସ୍‌ତଲେ ଗାଟୁ ଗାଟୁଟି  
ହାଜାନା “ଅଜିତି ବାନ୍ଦା” ଇନି ଟାୟୁତା  
ହାଚମି, ଏଦି ଲାସାୟା ଗାଡ଼ାତି ତାଗେ  
ମାଚେ □

୯ ଇଲାଆହୁଁ ହାରେକା ଦିନା  
ଆହାହାଚେ, ଇଞ୍ଜା ସାମ୍ବୁରିଟି ହାନାୟି  
କସ୍‌ ଆହାହାଚେ, ଇଚିହୁଁ ଏଟିବେଲା  
ଉପାସା ପାର୍ବୁ ରାହାମାଚେ, ଏଦାଆଁତାକି  
ପାଞ୍ଜୁଲ ଜାଗ୍ରାତା କିହାନା ଏଲେଇରେସି  
□

୧୦ “ବାବୁୟାତେରି ଇ ସାମ୍ବୁରିଟି  
ହାନାଟି ଜାଜାତି ଆସ୍ତି ଅଡ଼େ ଏୟୁ ଜାଜା  
ନସ୍ତୁ ଆନେ ଏଦି ଆସ୍, ସାମା ଜାଜାତା  
ହାଜିମାନାରି ଜୀଞ୍ଜୁ ଜିକେଏ ନସ୍ତୁ ଆନେ  
ନାନୁ ପୁଞ୍ଜିମାଇଁ □”

୧୧ ସାମା ପାସାକଡ଼ି କସ୍‌କା ମୁହେଁ  
କାଜାସି, ପାଞ୍ଜୁଲତି କାତା କିହାଁ ଜାଜାତି  
ସାଲ୍‌ଞ୍ଜି କିନାଣାଇଁ ଇଞ୍ଜା ସାଞ୍ଜୁକାରି  
କାତାତି ହାରେକା ନାମିତେସି □

୧୨ ଇ ବାନ୍ଦାତା ପେନିଝେଡ଼ା ଡ଼ୟାଲି  
ନେହେଁ ହିଲାଆତେ, ଇଦାଆଁତାକି  
ଜାଜାତା ହାଜିମାଚାରି ହାରେକା  
ସାମ୍ବୁରିଟି ହାଜାନା ପିନିକ୍‌ସତା  
ପେନିବେଲା ରାପୁହାଲି ଅଣ୍ଡିପିମାଚେରି,  
ଏ ପିନିକ୍‌ସ୍ କ୍ରିତିତି ର ଜାଜାୟାଁ ନିନି  
କାଜା ଟାୟୁ ମାଚେ, ଏଦି ଝେଡ଼ା  
କୁଡ଼ନି ଟିଝନିଞ୍ଜାକି ଅଡ଼େ, ଝେଡ଼ା କୁଡ଼ନି  
ଚେଟ୍ରିଞ୍ଜାକି ମୁମ୍ କିହାମାଚେ □

ସାମ୍ବୁରିତା ଗାଲି ପିୟୁ

୧୩ ଏଟିବେଲା ଟିଝନି ଞ୍ଜାକିତି ଗାଲି  
ଦୀରେ ଦୀରେ ଞ୍ଜାଚେ, ହାଜିମାଚାରି  
ନୀଏଟି ମା ଅଣ୍ଡିପିମାଚି ଲେହେଁ ଆଡ଼େ  
ଇଞ୍ଜୁଁ ଅଣ୍ଡିପିତେରି, ଜାଜା ନିପୁହାମାଚି  
କାଜା ଲହତି ରେଜାନା କ୍ରିତିତି ଗାଟୁ  
ଗାଟୁଟି ହାଜାଲି ମାଟ୍‌ହେରି,

୧୪ ସାମା ଗାଡ଼େକା ହାଜାଲିଏ  
ଇୟୁରକ୍‌ଞ୍ଜିଲ୍ ଇନି ଆଜିହପେତି କାଜା  
ଗାଲି ଝେଡ଼ା ହନି ଚେଟ୍ରି ଞ୍ଜାକିଟି ହଡ଼ାନା  
ଜାଜା ମାଚିଞ୍ଜାକି ଞ୍ଜାଚେ □

୧୫ ଗାଳି ଜାଜାତି ଝେଟାଲିଏ, ଜାଜାତି ଗାଳିଖାକି ଅୟାଲି ଆତାଆନା ଜାଜାତି ଗାଳି ତଲେ ଅଢ଼ିଆୟାଲି ପିସ୍ତମି □

୧୬ ମାମ୍ବୁ କ୍ଳାସ୍ତୁଦାତି ସାମ୍ବୁଦୁରି ମାଦି ମାନି ଉଣା ବୁମିତି ଜମିନି ଟାମ୍ବୁ ବେଟାଆତମି □ ଏମ୍ବାଟି ହାରେକା କସ୍ତୁଟି ଏୟୁ ଜାଜାତି ଉଣା ଡଂଗ ତଲେ ଗେଲ୍ପି ଆତମି □

୧୭ ଜାଜା ସାଲ୍‌ଝି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ତ:ରକା ତଲେ ଜାଜା ସାରିସୁରୁ ଦସ୍ତେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଠଲି ତିବାତା ଗୁପିନେ ଇଞ୍ଜା ଆଜିତାକି ଜାଜା ସାଲ୍‌ଝି କିନାରି ଜାଜାତା ଗଞ୍ଜାମାଟି ହିମ୍ବିକା ହୁକ୍‌ହାନା ଜାଜାତି ଗାଳି ତଲେ ସାମ୍ବୁଦୁରି ବିତ୍ରା ତୟାଲି ପିସ୍ତେରି □

୧୮ କାଜା ଗାଳି ପିୟୁ ତାକି ହାରେକା କସ୍ତୁ ଆହାଲିଏ ତାନି ଅର ନେରୁ ଜାଜାତି ସାଲ୍‌ଝି କିନାରି ଜାଜାତା ମାଟି ଆସ୍ତିତି ସାମ୍ବୁଦୁରିତା ମେଡ଼ହାଲି ମାଟ୍‌ହେରି,

୧୯ ଅଡ଼େ ତାନିଦିନା ନେରୁ ଏଞ୍ଜାରି ତାନି ଜାଜାତି କରେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି □

୨୦ ହାରେକା ଦିନା ପାତେକା ଝେଡ଼ା କି ହୁକାୟାଁ ମେସାଲି ଆତାଆତମି, ଅଡ଼େ ହାରେକା ଗାଳି ପିୟୁ ପିହ୍‌ଆଲିଏ ମାମ୍ବୁ ଇମ୍ବାଟି ଗେଲ୍‌ପିଆନି ଆସା ପିସାତୁସ୍ତମି □

୨୧ ବାରେଜାଣା ହାରେକା ଦିନା ପାତେକା ରାନ୍ଦା ତିନାଆନା ତୟିତି ତାୟୁ, ପାଞ୍ଜୁଲ ଏଞ୍ଜାରି ବିତ୍ରା ନିଚାନା ଏଲେଇରେସି, “ବାବୁୟାଁ ନା କାତା ଆସାନା କ୍ରିତିଟି ସାମ୍ବୁଦୁରି ଜାଜା ହୁକ୍‌ହା ହିଲାଆତିହ୍ ମାଦି ଏନାୟିଞ୍ଜା ନସ୍ତୁ ଆଆତେମା □

୨୨ ସାମା ନୀର୍ବ ନାନୁ ମିଙ୍ଗେ ଝେସିମାଞ୍ଜାଇଁ, ସାସା ଆହ୍‌ଦୁ, ଇଚିହ୍ ମୀ ବିତ୍ରା ଆମ୍ବାଆରି ଜୀଞ୍ଜୁ ଜିକେଏ ନାସା ଆଏ; ଝାଉଲ ଜାଜାଦେ ନସ୍ତୁ ଆନେ □

୨୩ ଇଚିହ୍ ନାନୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଞ୍ଜାଣି

ର ଲାକପୁରୁତି ଦୁତୁ ନା ତାଗେ ଝାହାନା ଏଲେଇଞ୍ଜାତେ,

୨୪ ଏ ପାଞ୍ଜୁଲ ‘ଆଜାଆନି; ନୀନୁ ସାଲ୍‌ଝି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜୀଞ୍ଜୁ ଏଞ୍ଜାସି ଗେଲ୍‌ପିନେସି □’

୨୫ ଏଦାଆଁତାକି ଏ ବାବୁୟାଁତେରି ସାସା ଆହ୍‌ଦୁ ଇଚିହ୍ ନାନୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକ୍ ଝେସ୍‌ପି ଆହାମାନେ, ଏଲେଆହ୍ ଏ ଆନେ □

୨୬ ସାମା ମାଙ୍ଗେ ର ସାମ୍ବୁଦୁରି ମାଦିଏ ମାନି ଦେସାତା ଏଗାହାନାୟି ମାନେ □”

୨୭ ଇଲେକିହ୍ ମାମ୍ବୁ ଆଦିଆ ସାମ୍ବୁଦୁରି ଇତାଲା ଆତାଲା ଆହ୍ ରୀ ଝାଠା ଆୟାଲିଏ, ମାଦି ଲାଆଁୟାଁ ଜାଜା ସାଲ୍‌ଝି କିନାରି ର ବୁମି ଦାରିତା ଏଜିମାନାୟି ଇଞ୍ଜା ଅଣ୍‌ପିମାଚେରି □

୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପନ୍ଦର ହାତା ଏୟୁ କୃଡ଼ହା ମାରୁ, ଇଞ୍ଜା ଅଡ଼େ ନକିତା ହାଜାନା ଝେଣ୍ଡେ ଲାଟାଲିଏ ଏଗାର ହାତା ଏୟୁ କୃଡ଼ହା ମାରୁ □

୨୯ ମାରୁ ହାଜାନା ଜାଜା ଝାଲ୍‌କା ବୁମିତା ଗୁପିକିନାୟି ଇଞ୍ଜା ଅଣ୍‌ପାନା ଆଜିତାକି ଏଞ୍ଜାରି ଜାଜାତି ତାୟୁଝାକି ସାରିଗଟା ବଜୁ ଗାଟି ଲହ୍ ମୁଣ୍ଡାୟାଁ ରେପ୍‌ହାନା ଏଚେଲା ଝେୟିନେ ଇଞ୍ଜା ପ୍ରାତାନା କିହିମାଚେରି □

୩୦ ଇଞ୍ଜା ଜାଜାତି ସାଲ୍‌ଝି କିନାରି ଜାଜାତି ରେଚାନା ହଟାତୁସାଲି ଅଣ୍‌ପାନା ନାଡ଼ିକିହାଁ ଜାଜାତି ନକିଝାକି ଲହ୍ ମୁଣ୍ଡାୟାଁ ରେପ୍‌ନି ଲେହେଁ ଉଣା ଡଂଗତି ସାମ୍ବୁଦୁରିତା ରେପ୍‌ହେରି □

୩୧ ସାମା ପାଞ୍ଜୁଲ ପାସାକଡ଼ି କସ୍‌କା ମୁହେଁ କାଜାଣାଇଁ ଇଞ୍ଜା କସ୍‌କାଣି ଏଲେଇରେସି, “ଜାଜା ସାଲ୍‌ଝି କିନାରି ଜାଜାତା ମାନାଆତିହ୍ ମୀରୁ ଗେଲ୍‌ପିଆନି ଆସା ହିଲେଏ □”

୩୨ ଏମ୍ବାଟିଏ ଜାମାନାଙ୍ଗା ଉଣା ଡଂଗତି ତ:ରକା ଦାଟାନା ସାମ୍ବୁଦୁରିତା



ପିସ୍ତେରି □

୩୩ ଲାଈ ଜୁଲୁପୁଲୁ ଝେୟି ମାତାଟି ପାଞ୍ଚୁଲ ଏଞ୍ଜାରାଇ ଏନି ରାନ୍ନା ମାଟିହୁଁ ତିଞ୍ଜାଲି ବାର୍ଣ୍ଣ ହୀହାନା ଏଲେଇରେସି, “ନୀଞ୍ଜୁଟିଏ ରୀ ଖାରା ଆଡେ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି □

୩୪ ବାତିମାଲିମାଞ୍ଜାଇଁ, ନୀଏଁ ଇତାଣି ତିଞ୍ଜୁ, ମୀ ଜୀଞ୍ଜୁ ଗେଲପାଲିତାକି ତିନାୟିମାନେ, ଆଜାଆଦୁ, ମୀ ତାର୍କାତି ର ବାଣା ଜିକେଏ ନାସା ଆଏ □”

୩୫ ପାଞ୍ଚୁଲ ଈ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡିକହାନା ତିଞ୍ଜାଲି ମାଟ୍‌ହେସି □

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାର୍ଣ୍ଣ ବେଟାଆହାନା ବାରେଜାଣା କାଦି ତିଚେରି □

୩୭ ମାମ୍ବୁ ଜ୍ଞାଜ୍ଞାତା ରୀ ଖାଞ୍ଜା ତାନିକଡ଼ି ସଡ଼ ଜାଣାତମି ମାଚମି □

୩୮ ଏଞ୍ଜାରି ପାଞ୍ଜେ ତିଟି ତାୟୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜୁଁ ଜାଜାତି ବାରେ ଗହଁୟାଁ ସାମ୍‌ଦୁରିତା ମେଡ୍‌ହେରି □

ଜାଜା ତାନାୟି

୩୯ ଅର ନେରୁ ଲାଈ ଝେୟାଲିଏ ଏଞ୍ଜାରି ଏମିନି ଦେସାତି ଟାୟୁତା ଖାଡେରି ପୁଞ୍ଜାଲି ଆଡାଆଡେରି, ସାମା ଏଞ୍ଜାରି ଗାଟୁ ଦାରି ର ବାଠଲି ଟାୟୁ ମେସାନା ଏନିକ୍‌ ଜିକେଏ ଏମ୍ବାଆଁ ଜାଜାତି ନିପହାଲି ଅଣ୍‌ପିତେରି □

୪୦ ଏଦାଆଁତାକି ଏଞ୍ଜାରି ଲହ୍ ମୁଣ୍ଡାୟିତି ତ:ରକା ଦାଚାନା ସାମ୍‌ଦୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଟଞ୍ଜା ବାଡ଼ଗାୟିତି ତ:ରକା ବାରେ ହୁକହାନା ଜାଜା ନକିତା ଗାଲିଞ୍ଜାକି ହିମ୍‌ରକା ଗଞ୍ଜାନା ଗାଟୁଞ୍ଜାକି ହାଜାଲି ଅଣ୍‌ପିତେରି □

୪୧ ସାମା ଏଞ୍ଜାରି ରୀ ସାମ୍‌ଦୁରିକା କାଲ୍‌ଞ୍ଜି ଆହିମାନି ଟାୟୁତା ଏଜାଲିଏ ଜାଜା ସାମ୍‌ଦୁରି ଗାଟୁତି ର ବାଠଲି ଡିବାତା ଗୁପିତେ, ଜାଜାତି ନକି

ଞ୍ଜାକିତାୟି ଜାଣ୍ଡାନା ଡୟାହାତେ, ସାମା ଡାୟୁତାୟି ସାମ୍‌ଦୁରିତି ଏୟୁ ଉଣ୍ଡାୟାଁ ଗୁପାଲିଏ ତୀହାଲି ମାଟ୍‌ହେ □

୪୨ କାୟିଦି ଗାଟାରି ସାମ୍‌ଦୁରି ଗାଟୁତି ପରହଁ ପରହଁ ହଣ୍‌ନେରି ଇଞ୍ଜୁଁ ଅଣ୍‌ପାନା କସ୍କା ଏଞ୍ଜାରାଇଁ ପାୟାଲି ଅଣ୍‌ପିତେରି □

୪୩ ସାମା ପାସାକଡ଼ି କସ୍କା ମୁହେଁ କାଜାସି ପାଞ୍ଚୁଲଇଁ ଗେଲପାଲି ମନ କିହାନା, ଏଞ୍ଜାରି ଅଣ୍‌ପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମ୍‌ଦୁରିତା ଡେଞ୍ଜାନା ତଲିଏ ଗାଟୁତା ହାଲାପେସି;

୪୪ ଡୟାମାନାରି ଜାଜାତି ମାର୍କା ପାଟାୟାଁ ଇଞ୍ଜା ଏନି ଏନି ଡାତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହଁ ବାରେଜାଣା ନେହଁ ଆହଁ ଗାଟୁତା ଏତେରି □

# ୨୮

ମେଲିତି ଦେସାତା ପାଞ୍ଚୁଲ

୧ ମାମ୍ବୁ ଏମ୍ବାଟି ଗେଲପିଆଡ଼ି ତାୟୁ ସାମ୍‌ଦୁରି ମାଦି ମାନି ଟାୟୁ ମେଲିତି ଇଞ୍ଜିହଁ ପୁଚମି □

୨ ଏମ୍ବାଆଁ ବାସାଆହାମାନି ପାଞ୍ଜାତି ଲକୁ ମାଞ୍ଜେ ତଃଣେସିଞ୍ଜା ଲେହେଁ କାର୍ମା ଆୟାଡେରି, ଇତିହଁ ପିୟୁ ଇଞ୍ଜା ପେନି ଆହିମାଟାକି ଏଞ୍ଜାରି ମାଞ୍ଜେ ହିଚୁ ତାସାନା କେରଞ୍ଜାଲି ହିୟାଡେରି □

୩ ସାମା ପାଞ୍ଚୁଲ ର ପେଣ୍ଡା ଝେସ୍କା ହିଚୁତା କୁମ୍ବାଲିଏ, ଉସମି ତାକି ର ରାଚୁ ହଚାନା ପାଞ୍ଚୁଲ କେୟୁତା କାତାହାଁ ଆଟା ଡୟିତେ □

୪ ଏମ୍ବାଆଁ ବାସା ଆହାମାଟି ପାଞ୍ଜାତି ଲକୁ ପାଞ୍ଚୁଲ କେୟୁତା ଏ ରାଚୁ ଲେଜା ମାନାଣି ମେସାନା ତାମ୍ବୁତାମ୍ବୁ ଝେସ୍‌ପି ଆଡେରି, “ଇ ମାଣ୍‌ସି ସାତେଏ ଲକୁଣି ପାୟିନାସି, ସାମ୍‌ଦୁରିତି ଗେଲହାଲିଏ ଜିକେଏ ଦାମ୍‌ ନୀତାଲି ହୀହି ହିଲେଏ □”

୫ ସାମା ପାଞ୍ଚୁଲ ଏ ରାତୁତି ହିରୁତା ହାଣ୍ଡାଁନା ମେଡ଼ହା ତୁସ୍ତେସି, ଇଞ୍ଜା ଏଞ୍ଜାଣାକି ଏନି ନସ୍ତୁ ଆଆତେ □

୬ ଏଞ୍ଜାଣି ଆଜ୍ଞା ପଜ୍ଞା ହାନେ ଆଆତ ଦେବୁଣିଏ ହାନେସି ଇଞ୍ଜା କାଟିମାଚେରି; ସାମା ହାରେକା ବେଲା ଆଡ଼ି ତାୟୁ ଏଞ୍ଜାଣାକି ଏନି ନସ୍ତୁ ଆଆତାଣି ମେସାନା ଏଞ୍ଜାରି ତାନି ହିୟା ଖେଟ୍‌ହାନା ଏଲେଇଚେରି, “ଇଞ୍ଜାସି ର ମାହାପୁରୁ □”

୭ ଏ ଟାୟୁ ତାଗେ ପୁଲ୍ଲିୟ ଦରୁଗାଟି ଏ ଟାୟୁତି କାଜାଣି ଇଲୁ ଅଡ଼େ ବୁମି ମାଚେ; ଏଞ୍ଜାସି ମାଜେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହାଁଟି ସେବା କିୟାତେସି □

୮ ଏତିବେଲାତା ପୁଲ୍ଲିୟ ତାନି ଆବା ନମେରି ଇଞ୍ଜା ନେତେରି ବାଣ୍ଡି ତାକି ପାସ୍‌ପନିତା ତୁରାମାଚେସି, ଇଞ୍ଜା ପାଞ୍ଚୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଟାନା ନେହଁ କିତେସି □

୯ ଇଦି ଆଡ଼ି ତାୟୁ ଏମ୍‌ଆଁ ମାନି ରଗ ଗାଗାରି ବାରେ ପାଞ୍ଚୁଲ ତାଣା ଖାହାନା ନେହଁ ଆଡ଼େରି;

୧୦ ଏଞ୍ଜାରି ମାଜେ ଜିକେଏ ହାରେକା ମାନି ତଲେ ଜୀଞ୍ଜୁ ନୟାତେରି, ଅଡ଼େ ମାୟୁ ହାଜିମାଚାଟି ମା ଲଡ଼ାମାନାଣି ହାହାନା ପାଣ୍ଡାତେରି □

ମେଲିତିଟିଏ ରମ୍‌ତା ପାଞ୍ଚୁଲ ହାନାୟି

୧୧ ତାନି ଲେଞ୍ଜୁ ଜେତ ମାୟୁର ଆଲେକ୍‌ଜାଣ୍ଡିୟାତି ଏୟୁ ଜାଜାତା ହଟାନା ହାଚମି, ଏୟୁ ଜାଜା ପେନିବେଲା ହାଲ୍‌ଖେ ଏ ଟାୟୁତା ତୁୟାମାଚେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାଚେରି □

୧୨ ସୁରାକୁସା ଗାଡ଼ାତା ଏଜାନା ଏମ୍‌ଆଁ ମାୟୁ ତାନିଦିନା ମାଚମି □

୧୩ ଅଡ଼େ ଏମ୍‌ଗାଟି ଏୟୁ ଜାଜା ତଲେ ହାଜାନା ରେଗିୟା ଗାଡ଼ାତା ଏତମି, ତାନି ଅର ଦିନା ଚିଃନି ଖାକିଟି ଗାଲି

ଝେଚାଲିଏ ଅଡ଼େ ରୀ ଦିନା ତାୟୁ ପୁତେଅଲି ଗାଡ଼ାତା ଏତମି;

୧୪ ଏମ୍‌ଆଁ ମାୟୁ ଏଚେକା କ୍ରୀସ୍‌ନା ତାୟିୟାଁ ଅଡ଼େ ତାଜିମ୍‌ସାଣି ବେଟାଆଡ଼ମି, ଏଞ୍ଜାରିତଲେ ର ଖାରା ତୁୟାଲି ମାଜେ ବାତିମାଲାତେରି; ଇଲାଆହଁ ମାୟୁ ରୁମ୍‌ତା ଏଗାତମି □

୧୫ ରମ୍‌ତା ମାନି ତାୟିୟାଁ ଅଡ଼େ ତାଜିମ୍‌ସା ମା କାବୁ ପୁଞ୍ଜାନା ଏମ୍‌ଗାଟିଏ ଅପିୟତି ହାଟା ଇଞ୍ଜା ତାନିଗଟା ବାଡ଼ା ଇଲ୍‌କା ପାତେକା ମାଜେ ମେସାଲି ଖାଡ଼େରି, ଇଞ୍ଜା ପାଞ୍ଚୁଲ ଏଞ୍ଜାରାଜ୍ ମେସାନା ମାହାପୁରୁଇଁ ଜହରା କିହାନା ବାସ୍‌ବୁ ବେଟାଆଡ଼େସି □

ରମ୍‌ ଗାଡ଼ାତା ପାଞ୍ଚୁଲ

୧୬ ମାୟୁ ରମ୍‌ ଏଜାଲିଏ, ପାଞ୍ଚୁଲଇଁ କାଃଆନି କସ୍‌କା ତଲେ ତାନି ମନତଲେ ବାସା ଆୟାଲି ହେଲ ହାପ୍‌କିଆଡ଼େ □

୧୭ ତାନିଦିନା ତାୟୁ ପାଞ୍ଚୁଲ ଜୀହୁଦିୟାଁତି କାଜାରାଇଁ ହାଟାନା କୁଡ଼ି କିତେସି, ଅଡ଼େ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଚୁଲ ଏଞ୍ଜାରାଜ୍ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଁତି ପାଣାପାଟୁ କପାଟି ଏମ୍‌ଆଁ କିହା ହିଲାଆଡ଼ି ଜିକେଏ ଜିରୁସାଲମତା ଦସ୍‌ପି ଆହାନା ରମ୍‌ ଦେସାଡ଼ି ଲକୁତାଣା ହେରପି ଆହାମାଇଁ □

୧୮ ଏଞ୍ଜାରି ନାଜେ ନୀହାଁୟି କିହାନା ନା ତାଣାଟି ହାନି ତଣ୍ଡ ପାଣ୍ଡି ଏନି ଦହ ବେଟାଆଆଲିଏ ନାଜେ ପିସାଲି ଅଣ୍‌ପାମାଚେରି;

୧୯ \*ସାମା ଜୀହୁଦିଜ୍ଞା ଏଦାଣି କପାଟି ଖେସାଲିଏ ନାନୁ କାୟିସର ନକିତା ନୀହାଁୟି କିୟାବୁ ଇଞ୍ଜା ବାତିମାଲିତେସି; ଏଲେଆଡ଼ି ଜିକେଏ ନାଜେ ମା ଲକୁ କପାଟି ଏନି କାତା ଖେସାଲି ହିଲାଆତେ, ଏଡ଼ି ଆଏ □

୨୦ ଏଦାଆଁତାକି ନାନୁ ମିଜେ ନା ତଲେ ବେଟାଆହାନା ଜଲ୍‌କି ଆହାଲି

ବାତିମାଲାତେଏଁ, ଏନାଆଁତାକି ଇଚିହଁ  
ଆମ୍ବାଆରି ଲାକ ଇସାୟେଲ ଲକୁ ବାସୁ  
କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ  
ଇ ହିକ୍‌ଶିୟାଁ ତଲେ ଦସ୍‌ପି ଆହାମାଈ  
□”

୨୧ ଏଞ୍ଜାରି ଏଲେଇଚେରି, “ମାମ୍ବୁ  
ଜୀହୁଦା ଦେସାଟି ନୀ କପାଟି ଏନି ଆକୁ  
ବେଟାଆହା ହିଲଅନି, ଅଡ଼େ ନୀ କାବୁ  
ଆସାନା କି ନୀ କପାଟି ଦହ୍ ଦସାନା  
ଝେସାଲି ମା ତାୟିୟାଁ ବିତ୍ରାଟି ଆମ୍ବାଆରି  
ଇମ୍ବାଆଁ ଝାହାହିଲଅରି □

୨୨ ସାମା ନୀ ଅଣ୍‌ପୁ ଏନାୟି ଏଦାଆଁ  
ମାମ୍ବୁ ନୀ ତାଣାଟି ଝେଞ୍ଜାଲି ମନ  
କିହିମାନମି, ଇଚିହଁ ବାରେଝାକିତି  
ଲକୁ ଇ ଗଟି କପାଟି କାତା  
ଝେସିମାନେରି ଇଞ୍ଜୁଁ ମାମ୍ବୁ ପୁଞ୍ଜିମାନମି  
□”

୨୩ ଏଚେଟିଏ ଏଞ୍ଜାରି ର ଦିନା  
ତାରି କିହାନା ହାରେକା ଲକୁ ପାଞ୍ଜୁଲ  
ମାଟି ଇଲୁତା ଝାଟେରି, ଅଡ଼େ ଏଞ୍ଜାସି  
ଲାଈଚିଏ ଲାଆଁ ପାତେକା ଏଞ୍ଜାରି  
ନକିତା ମାହାପୁରୁତି ରାଜିତି କାତାତାକି  
ସାକି ହୀତେସି, ଅଡ଼େ ମସାତି ମେରା  
ଇଞ୍ଜାଁ ମାହାପୁରୁ ଅଣ୍‌ପୁତି ବଲୁ  
ଝେହ୍‌ନାରି କାତା ଆସାନା ଏଞ୍ଜାସି  
ଜୀସୁଇଁ ନାମି କିଝି କିୟାଲି ଅଣ୍‌ପିତେସି  
□

୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି  
ଝେସ୍ତି କାତାତି ନାମିତେରି ଇଞ୍ଜାଁ ଆମ୍ବା  
ଆମ୍ବାଆରି ନାମାଆତେରି □

୨୫ ଏ କାତାତାକି ଏଞ୍ଜାରି ତାନି  
ବିତ୍ରା ରଣ୍ଡିଏ କାତା ଆଆଲିଏ ହେଲ  
ଅଡ଼େରି; ଏଞ୍ଜାରି ହାନି ନକେଏ ପାଞ୍ଜୁଲ  
ର କାତା ଝେସ୍ତିସି, “ସୁଦୁଜୀଞ୍ଜୁ ମୀ ଆକୁ  
ଆବାୟାଣି ମାହାପୁରୁ ଅଣ୍‌ପୁତି ବଲୁ  
ଝେହ୍‌ନି ଜିସାୟ ତାଣାଟି ଝେସାମାଚେସି  
□”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ  
ଲକୁତାଣା ହାଜାନା ଝେହ୍‌ମୁ,  
ମୀରୁ ଝେଞ୍ଜିଝେଞ୍ଜି ଝେଞ୍ଜେରି, ସାମା  
ଏନାଆଁ ତେଲହଅ ତେରି,

ଇଞ୍ଜାଁ ମୀରୁ ମେସି ମେସି  
ମେହ୍‌ଦେରି, ସାମା ଏନାଆଁ  
ପୁଞ୍ଜାଲି ଆଡ଼ଅତେରି,  
୨୭ ଇଚିହଁ ଇ ଲକୁ ହିୟାଁତା ଉଣା  
ବୁଦିଗାଟାରି,

ଏଞ୍ଜାରି ଜାହା ଜାହାରା କାର୍କା  
କାଣ୍‌କା ମୁତା କତାମାନେରି,  
ଏଲେଆହାଁ ହିଲଆତିହଁ ମା,  
ଏଞ୍ଜାରି କାଣ୍‌କା ଦେତାନା ମେସାଲି  
ଆଡ଼ିତେରିମା,

ଅଡ଼େ କାର୍କା ତଲେ ଝେଞ୍ଜାଲି  
ଆଡ଼ିତେରିମା □

ଏଞ୍ଜାରି ହିୟାଁତା ତେଲହାଲି  
ଆଡ଼ିନି ବାଡ଼ୁୟୁ ଡ଼ୟିତେମା;

ଏଞ୍ଜାରି ମାହାପୁରୁ ଝାକି ଝେଣ୍ଡା  
ଝାଟେରିମା,

ଅଡ଼େ ନାନୁ ଏଞ୍ଜାରାଇଁ ନେହଁ  
କିତେଏଁମା □”

୨୮ ତାୟୁ ପାଞ୍ଜୁଲ ଏଲେଇଚେସି,  
“ଏଦାଆଁତାକି ମାହାପୁରୁତି ଇ  
ଗେଲ୍‌ପିନାଣି ଏଟକା କୁଡ଼ାଟି ଲକୁତାଣା  
ପାଣ୍ଡୁଝି ଆହାମାନେ, ଇଦାଆଁ ମୀରୁ  
ପୁଞ୍ଜୁ; ଏଞ୍ଜାରି ଜିକେଏ ଝେନେରି □”

୨୯ ପାଞ୍ଜୁଲ ଇ ବାରେ କାତା  
ଝେସାଲିଏ, ଜୀହୁଦିୟାଁ ତାମ୍ବୁତାନି ବିତ୍ରା  
ବାଦିବାଦା ଆହଁ ହାଚେରି\* □

୩୦ ପାଞ୍ଜୁଲ ରୀ ବାର୍ସା ପାତେକା  
ତାନି ବାଡ଼ା ଇଲୁତା ଡ଼ୟିତେସି,  
ଅଡ଼େ ଏଚେକା ଲକୁ ଏଞ୍ଜାଣି ତାଣା  
ଝାହିମାଚେରି, ବାରେତି ଇଜ ହାଟା  
ଅହିମାଚେସି □

୩୧ ଇଞ୍ଜାଁ ସାସାତଲେ ନୀରାସା  
ଆଆନା ମାହାପୁରୁ ରାଜିତି କାତା  
ଝେସିମାଚେସି, ଇଞ୍ଜାଁ ପ୍ରୁ ଜୀସୁ କ୍ରୀସ୍ତିତି  
କାତା ଜାପ୍‌ହି ମାଚେସି □

\* ୨୮:୨୯ ୨୮:୨୯ ଇ କାତା ପୁଞ୍ଜୁଲ ପତିତା ହିଲେଏ □

**ରମିୟ ମଣ୍ଡଳୀ ନିମନ୍ତେ  
ପାଉଲଙ୍କ ଲିଖିତ ପତ୍ର  
ରମିୟ କୁଲମିକି  
ପାଞ୍ଚଲ ରାଫାମାନି  
ଆକୁ  
ମୂଲୁ ହାଡ଼ା**

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଯା ବିତ୍ତା ପାଣ୍ଡୁଆଡ଼ି ପାଞ୍ଚଲ ରାଫାମାରେସି ଇଞ୍ଜିଁ ଇନେରି □ ପାଞ୍ଚଲ ରମ୍ତା ହାନି ନକେଏ ଜୀହୁଦି ଅଡେ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପ୍ତହାଲି ଇ ଆକୁ ରାଫାମାରେସି □ ବାରେ କୃତାତି ଲକୁ ଏନିକିଁ ଜୀସୁ କ୍ରୀସ୍ତଇଁ ନାମିନେରି ଇଞ୍ଜାଁ ମାନି କିନେରି ୧୨:୨୬ ଏଦାଆଁତାକି ପାଞ୍ଚଲ କରନ୍ତି ଗାଡ଼ାତା ମାଗାଟି ରମ୍ତା ମାନି କ୍ରୀସ୍ତାନା ଲକୁଣି ଜାପ୍ତହାଲି ଇ ଆକୁ ରାଫାମାରେସି □

ବାରେ ଟାୟୁତି ବାରେ ବେଲାତି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏନାଆଁତାକି ଇଚିହଁ ମାର ଏନିକିଁ ଜୀସୁ କ୍ରୀସ୍ତ ତାଣ୍ଡାଟି ଗେଲ୍ପି ଆହାଲି ଆଡ଼ିନାୟି, ପାଞ୍ଚଲ ଅକିକିହଁ ରଗାଣି ପିହ୍‌ଆନାହାଁ ତେଲ୍‌ହି କିହାମାନେସି □ ପାଞ୍ଚଲ ପ୍ୟାଃଇ ମେରାତି ଜୀସୁ କ୍ରୀସ୍ତତି ନେହଁ ବଲୁ ତଲେ ଆଡ଼ହାମାନେସି □ ଇ ପତିତି ୧-୧୬ ପଦୁତି ହାଡ଼େକା ବୁଦିଗାଟାରି ନେହଁ କିଁ ଅଣ୍ପାଦା ଝେସାମାନେରି, ଇ ବଲୁ ମାଦିତାୟି □ ଇମ୍ପାଆଁ ଝେସ୍‌ପି ଆହାମାନେ, “ନାନୁ ନେହଁ ବଲୁ ଝେକ୍‌ହାଲି ଲାଜା ଆଅଁ ଏନାଆଁତାକି ଇଚିହଁ ଆମିନି ଗାଟାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୟୁ □ ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ □”

ମୂଲୁ ବାଗା ୧-୧୨ ହାଡ଼େକା ମାହାପୁରୁତି କାତା ଅଡେ ଅର ବାଗା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ □

**ପତିତା ମାନାୟି**

- ୧ ପାଞ୍ଚଲ ତାନି କାତା ପୁଣ୍ଡି କିହାନା, ଆମ୍ବାଆରାକି ଆକୁ ରାଡ଼ିମାରେସି ଏଦାଆଁ ଝେସାନା ଆକୁ ରାଡ଼ିନାୟି □ ୧:୧-୧୫
- ୨ ମାଣ୍ଡସି କୃତାତି ରାଜି ଅଡେ ଜୀସୁ କ୍ରୀସ୍ତ ତାଣ୍ଡାଟି ଗେଲ୍ପି ଆନାୟି □ ୧:୧୬-୧୧:୩୬
- ୩ କ୍ରୀସ୍ତାନା ଲକୁ ଏନିକିଁ ନୀଡିନାୟି ଏ କାତା ହାଡ଼େକା ଜାପ୍ତହାମାନେସି □ ୧୨:୧-୧୫:୧୩
- ୪ ରମ୍ତା ମାନି କୁଲମିକାଣି ଜହରା କିହାନା ରାପ୍ତନାୟି □ ୧୬

ପାଞ୍ଚଲତି ଜହରା ଝେହ୍‌ନି କାତା

୧ କ୍ରୀସ୍ତ ଜୀସୁତି ହଲେଏସି ଅଡେ ମାହାପୁରୁ ହୀହାମାନି ନେହଁ ବଲୁ ଝେକ୍‌ହାଲି ପାଣ୍ଡୁ ଆହାଁ ଆଚାନା ହାଡ଼କି ଆହାମାନି ସୀସୁ ପାଞ୍ଚଲତି ଆକୁ □

୨ ଦାମ୍ବୁ ସାପ୍ତେରିତା ରାସ୍‌କି ଆହାମାନି ଲେହେଁ ଇ ନେହଁ କାବୁତି କାତା ତଲି କାଲ୍‌ଗିଏ ମାହାପୁରୁ ଅଣ୍ପୁତି ବଲୁ ଝେହ୍‌ନାରି ତାଣ୍ଡାଟି ଆଞ୍ଜାମାରେସି □

୩ ଇଦି ମାହାପୁରୁ ମୀରଏଣାତି କାତା, ମା. ପ୍ରବୁ ଜୀସୁ କ୍ରୀସ୍ତ ମାଣ୍ଡସି ଆହାଁ ଏଞ୍ଜାସି ଦାଞ୍ଜୁଦ କୃତାତା ଜାର୍ନା ଆଡେସି □

୪ ସାମା ତାନି ଲାକପୁରୁତି ସୁଦୁଜୀହୁ ତାକି, କାଜା ହାକିଟି ନିଜ୍ଜାନା ଏଞ୍ଜାସି ବାଡ଼ୟୁ ତଲେ ଜୀସୁ ମାହାପୁରୁତି ମୀରଏସି ମସିହା\* ଇଞ୍ଜିଁ ଝେକ୍‌ଡେସି,

\* କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଟାନା, ବାରେ କୃତାତି ଲକୁତାଣା ନେହଁ ବଲୁ ଝେକ୍‌ହାଲି ପାରୁ ହୀହାମାଞ୍ଜାନେସି, ଏନିକିହଁ ଏଞ୍ଜାରି

\* ୧:୪ ୧:୫ କ୍ରୀସ୍ତ

କ୍ରୀସ୍ତ ଜୀସୁ ତାଣା ନାମାନା ତାଙ୍ଗେ  
ମାନଞ୍ଜି ଆହାନା ଡ଼ୟିନେରି □

୨ ରମ୍ ଗାଡ଼ାତା ବାସାଆହାମାନି  
ଲକ୍ଷ୍ମତେରି, ମୀରୁ ଜିକେଏ ଜୀସୁ କ୍ରୀସ୍ତତି  
ଲକ୍ଷ୍ମ ଆହାଲି ହାଟ୍‌କି ଆହାମାଞ୍ଜେରି □

୩ ରମ୍‌ତି ଆମିନି ଲକ୍ଷ୍ମଣି ମାହାପୁରୁ  
ଜୀସୁ ନହାମାନେସି ଇଞ୍ଜା ତାନି ଲକ୍ଷ୍ମ  
ଆହାଲିତାକି ହାଟାମାନେସି, ଏ ବାରେ  
ଲକ୍ଷ୍ମତାକି ନାନୁ ଇ ଆକୁ ରାଡ଼ିମାଲ୍, ମା  
ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ  
ତାଣାଟି ମିଙ୍ଗେ କାର୍ମାମେହ୍‌ନାୟି ଅଡ଼େ  
ହିଡ଼ଡ଼ି ଆୟାପେ □

ଜହରା କିନି ପ୍ରାଡ଼ାନା

୮ ମୂଲୁଏ, ମୀ ନାମୁତି ନେହ୍  
ହାଡ଼ା ବାରେ ଦାର୍‌ଡ଼ିତା ଝେଙ୍ଗିମାନେ,  
ଏଦାଆଁତାକି ନାନୁ ମୀ ବାରେଜାଣା ତାକି  
ଜୀସୁ କ୍ରୀସ୍ତ ତାଣାଟି ନା ମାହାପୁରୁଲ୍  
ଜହରା କିହିମାଲ୍ □

୯ ନା ବାରେ ହିୟାଁ ଜୀସୁତଲେ ନାନୁ  
ଆମିନି ମାହାପୁରୁତି ସେବା କିହିମାଲ୍  
ଇଞ୍ଜା ଆମିନି ମାହାପୁରୁତି ମୀରୁଏଣାତି  
ନେହ୍ କାବୁ ଝେକ୍‌ହିମାଲ୍, ଏ  
ମାହାପୁରୁ ନା ସାକି □

୧୦ ପ୍ରାଡ଼ାନା କିନାଟି ନାନୁ କାଲେଏ  
ମିଙ୍ଗେ ଅଣ୍‌ପାଲ୍ ଇଞ୍ଜା ମୀ ତାଣା  
ଝାହାଲି ନାଙ୍ଗେ ପାରୁ ହିୟାନି ମାହାପୁରୁ  
ତାଣା ବାଡ଼ିମାଲ୍‌ମାଲ୍ □

୧୧ ଇତିହ୍ ନାନୁ ମିଙ୍ଗେ ଆଣ୍ଡାଲି  
ହାଡ଼େକା ମନ କିହିମାଲ୍, ଇଞ୍ଜା ମିଙ୍ଗେ  
ର ଜୀସୁତି ବର ହିୟାଲ୍, ଏନିକ୍ ମୀରୁ  
ତାରିଆହାନା ମାଞ୍ଜେରି □

୧୨ ଇଦାଆଁ ତଲେ ମାର ରଅତଞ୍ଜି  
ରଅଣା ନାମୁତି ଆଟ୍‌ଝା କିହାଲି  
ଆଡ଼ିନାୟି □

୧୩ ଏ ତାୟିୟାଁ ଅଡ଼େ ତାଙ୍ଗିସ୍ମାତେରି,  
ମୀ ତାଣା ଝାହାଲି ତାକି ନାନୁ ହାଡ଼େକା  
ଦେବା ଅଣ୍‌ପାମାଲ୍, ସାମା ହାଡ଼େକା  
ବାଦା ବେଟାଆଡ଼ାକି, ନୀଏଁ ପାତେକା  
ଝାହାଲି ଆଡ଼ାଆତେଏଁ □ ଏଟ୍‌କା କୁଡ଼ାତି  
ଲକ୍ଷ୍ମତାଣା ଜିକେଏ ବଲୁ ଝେକ୍‌ହାନା

ଏନିକିହ୍ ପାଡ଼େୟି ବେଟାଆହାମାଲ୍,  
ମୀ ତାଣା ଜିକେଏ ଏଲେକିହାଲି ନା  
ଅଣ୍‌ପୁ □\*

୧୪ ଏନାଆଁତାକି ଇତିହ୍  
ବୁଦିଗାଟାରିଠି ଅଡ଼େ ପାଙ୍ଗାତାରିଃ  
ଜାପିତାରି ଅଡ଼େ ଜାପାଆତି ଲକ୍ଷ୍ମ ବାରେ  
ଗତିତି ଲକ୍ଷ୍ମତାକି ନା ଦାୟିପତି ମାନେ  
□

୧୫ ଏଦାଆଁତାକି ରମ୍ ଗାଡ଼ା ତାତେରି  
ମୀରୁ, ମୀ ତାଣା ଜିକେଏ ନେହ୍ ବଲୁ  
ଝେକ୍‌ହାଲି ନା ଅଣ୍‌ପୁ □

ନେହ୍ କାବୁତି ବାଡ଼ୟୁ

୧୬ ଇତିହ୍ ନାନୁ ନେହ୍ କାବୁ  
ଝେକ୍‌ହାଲି ଲାଜା ଆଆଁ, ଏଦି ନାମିମାନି  
ବାରେ ଲକ୍ଷ୍ମତାକି ଗେଲ୍‌ପି ଆହାଲିତାକି  
ମାହାପୁରୁତି ବାଡ଼ୟୁ, ମୂଲୁଏ ଜୀହୁଦି  
ଅଡ଼େ ତାୟୁ ଜୀହୁଦିଆଆତି ନାମିତି  
ଲକ୍ଷ୍ମତାକି □\*

୧୭ ମାଣ୍‌ସି ଏନିକିହ୍ ମାହାପୁରୁ  
ନକିତା ଦାର୍‌ମୁଗାଟାସି ଇଞ୍ଜା  
ତଞ୍ଜାଆନେସି, ଏ ଡ଼ପେୟି ଏମ୍‌ଆଁ  
ତସ୍‌ପି ଆହାମାନେ □ ମୂଲୁଟିଏ ରାନି  
ପାତେକା ଗେଲ୍‌ପିଆନାଣି ବେଟାଆନି  
ଡ଼ପେୟି ନାମୁ □ ଦାର୍‌ମୁ ସାଡ଼େସ୍‌ରିତା  
ରାସ୍‌କି ଆହାମାନେ, “ଦାର୍‌ମୁଗାଟାସି  
ନାମୁତଲେ ନୀତିନେସି □”\*

ପାପୁ ତାକି ମାହାପୁରୁତି କାର୍‌ବି

୧୮ ଆମିନି ଲକ୍ଷ୍ମ ବାରେ ଲାଗେଏ  
କାମାଟି ସାତାଲ୍ ଆକ୍‌ମାନେରି, ଏଝାରି  
କପାଟି ଲାକପୁରୁତି ମାହାପୁରୁତି କାର୍‌ବି  
ତଞ୍ଜା ଆହାମାନେ □

୧୯ ଏନାଆଁତାକି ଇତିହ୍  
ମାହାପୁରୁତି କାତା ଏନାଆଁ ପୁନାୟି  
ମାତେ, ଏଦାଆଁ ଏଝାରି ପୁଞ୍ଜାମାନେରି,  
ମାହାପୁରୁ ଏଝାରି ନକିତା ଏଦାଆଁ  
ଝେସାମାନେସି □

୨୦ ମାହାପୁରୁ ଦାର୍‌ଡ଼ି ଗାଡ଼ିକିତି  
ତାଣାଟିଏ, ତାନି ତଞ୍ଜା ଆଆଗାଟି  
ଗୁଣ୍‌ୟାଁ, ତାନି ରାଆଗାଟି ବାଡ଼ୟୁ

☆ ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ୍  
୧:୧୭ ମାର୍କ ୮:୩୮ ☆ ୧:୧୭ ୧:୧୭ ଏବ୍ରୁ ୨:୪

‡ ୧:୧୪ ୧:୧୪ ବୁଦି ହିଲଆ ଗାଟାରି, ☆ ୧:୧୭

ଅଡ଼େ ଲାକପୁରୁତି ଗୁଣ୍ଡ, ନେହଁକଁ  
ତଞ୍ଜା ଆହିମାନୁ; ତାନି ଗାଡ଼ିକିତାଆଁ  
ବାରେ ଏଞ୍ଜାଆଁ ମେସାଲି ଆଡ଼ିନାୟି  
□ ଏଦାଆଁତାକି ଏଞ୍ଜାରି ପୁଞ୍ଜାହିଲଅମି  
ଇଞ୍ଜଁ ଇଞ୍ଜାଲି ଆଡ଼ଅରି □

୨୧ \*ଏଞ୍ଜାରି ମାହାପୁରୁଇଁ ପୁଞ୍ଜା  
ଜିକେଏ ଏଞ୍ଜାଣାଇଁ ଗାଞ୍ଜୁରମି କିଆତେରି  
କି ଏଞ୍ଜାଣାଇଁ ଜହରା କିଆତେରି □  
ସାମା ଏଞ୍ଜାରି ଅଣ୍ପୁ ବାରେ ଉଜେଏତି  
ଅଣ୍ପୁ ଅଡ଼େ ଏଞ୍ଜାରି ତେଲୁହାଆଗାଟି  
ମନ ଆନ୍ଦେରି ଆହାମାନେ □\*

୨୨ ଏଞ୍ଜାରି ଜାହାରାଇଁ ବୁଦିଗାଟାତମି  
ଇଞ୍ଜଁ ଇନେରି, ସାମା ସାତା ତଲେ  
ଏଞ୍ଜାରି ବୁଦି ହିଲାଆ ଗାଟାରି;

୨୩ ଅଡ଼େ ନାସା ଆଆଗାଟି  
ମାହାପୁରୁତି ଗାଞ୍ଜୁରମିତି ନାସା ଆନି  
ମାଣ୍ଠି, ସାରିଗଟା କତାୟାଁ ଗାଟି ଜନ୍ତୁ,  
ପଟାୟାଁ ଅଡ଼େ ରାସ୍ତକା କୃତାତି ବମାୟାଁ  
କିହାନା ଏଞ୍ଜାଆତି ପୂଜା କିହିମାନେରି  
□\*

୨୪ ଏଦାଆଁତାକି ମାହାପୁରୁ ଏଞ୍ଜାରି  
ହିୟାଁତି ଲାଗେଏତି ଜୁପକାତାକି  
ଏଞ୍ଜାରାଇଁ ଲାଗେଏତି ତାଣା  
ହେରପିତେସି, ଏନିକିହଁ ଏଞ୍ଜାରି  
ଆଙ୍ଗା ରଅସି ରଅଣି ତଲେ ଲାଜାଗାଟି  
କାମା କିହିମାନେରି □

୨୫ ଏଞ୍ଜାରି ମାହାପୁରୁ କାତାତି ସାତା  
ପିସାନା ମିରିତି ବାସୁଁ କିହିମାନେରି □  
ଗାଡ଼ିକିତି ମାହାପୁରୁଇଁ ପୂଜା କିଆନା,  
ଗାଡ଼ିଆଡ଼ି ଦିଶସୁ ପୂଜା କିହିମାନେରି;  
ଏ ଗାଡ଼ି କିତାଣାଇଁ କାଲାକାଲାତାକି  
ଜହରା □ ଆମେନ □

୨୬ ଏଞ୍ଜାରି ଏଲେକିତାକି ମାହାପୁରୁ  
ଏଞ୍ଜାରାଇଁ ଲାଜାଗାଟି ପାପୁ କାମାତା  
ହେରପିତେସି, ଇରିହଁ ଏଞ୍ଜାରି  
ଡକ୍ରିସିକା ଡକ୍ରିୟାଁ ତଲେ କୃଡାଲି  
ପିସାନା ଏଞ୍ଜି ତାମ୍ନୁ ତାମ୍ନୁ କିଆଗାଟି  
ଲାଜା କାମାୟାଁ କିଡୁ

୨୭ ଏଲେକିହଁଏ ଆବାୟାଁ ଜିକେଏ  
ଜାହାରା ଡକ୍ରି ତଲେ କୃଡାଆନା ଜାହା

ଜାହାରା ବିଡ଼ା ଲାଗେଏତି କାମା  
କିତେରି □ ଆବା ଆବାୟାଁ ତଲେ ଲାଜା  
ଆନି କାମା କିତେରି, ଏଦାଆଁତାକି  
ଏଞ୍ଜାରି ଲାଗେଏ କାମାତି ତଣ୍ଡ ବେଟା  
ଆହିମାନେରି □

୨୮ ଅଡ଼େ ଏନିକଁ ଏଞ୍ଜାରି  
ମାହାପୁରୁତି ବୁଦିତି କୂହାଲିଏ,  
ଏଲେକିହଁଏ ମାହାପୁରୁ କିଆଗାଟି  
କାମା କିହାଲି ଏଞ୍ଜାରାଇଁ ଲାଗେଏତି  
ଅଣ୍ପୁତା ହେରପିତେସି □

୨୯ ଏଞ୍ଜାରି ଦାମ୍ନୁ ହିଲାଆଗାଟାୟି,  
ଲାଗେଏ ପଲେଏ, ଜୁପକା ଅଡ଼େ  
ଇରସା, ଲକୁଇଁ ପାୟିନାୟି, ଗଡ଼ହା  
କିନାୟି, ନାଡ଼ିକିନାୟି ଅଡ଼େ ଲାଗେଏତି  
କାମା ନେଞ୍ଜାମାନେ;

୩୦ ଏଞ୍ଜାରି ଉଡୁପାତି, ନିନ୍ଦା  
କିନାରି, ମାହାପୁରୁଇଁ ଅପାଆଗାଟାୟି,  
ଲାଗେଏତି କାମା କିନାୟି, ଏଞ୍ଜାରି  
ଲାଗେଏ କାମା କିହାଲି ପାରୁ  
ପାରିନେରି; ଏଞ୍ଜାରି ତାଲି ତାଞ୍ଜିଇଁ ମାନି  
କିଆଗାଟାରି,

୩୧ ଏଞ୍ଜାରି ବୁଦି ହିଲାଆ ଗାଟାରି,  
ଜାହାରା ହାତିକାତା ଆହଅରି □ ଇଞ୍ଜା  
ଏଟକାତାରାକି ଇଗାଣି କାମା ହିଲେଏ □

୩୨ ଏଞ୍ଜାରି ପୁଞ୍ଜାମାନେରି,  
ମାହାପୁରୁତି ମେରା ଲେହେଁ ଇଲେତି  
ଲକୁ ହାନି ତଣ୍ଡ ପାଣ୍ଡନାୟି ମାନେ,  
ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି  
ଏଲେକିହଁଏ ଲାଗେଏତି କାମା  
କିହିମାନେରି, ଅଡ଼େ ଏଲେତି କାମା  
କିହିମାନି ଲକୁତଲେ ରାହାଁତଲେ  
ଆଣ୍ଡିନେରି □

୨

ମାହାପୁରୁତି ନାହାଁୟି

୧ \*ଏ ତାୟି ଅଡ଼େ ତାଜି, ମୀମ୍ନୁ  
ଏଦାଆଁ ଏଟକା ଲକୁଣି ନାହାଁୟି  
କିହିମାଞ୍ଜେରି ? ମୀରୁ ଆମ୍ବାଆତେରି  
ଆଡ଼ିଜିକେଏ, ଇଲେ କିନାୟି ମିଜେ  
ତାକି ନେହେଁ ଆଏ, ଏଟକା ଲକୁଣି ଦହ

\* ୧:୨୧ ୧:୨୧ ଏପିସି ୪:୧୭,୧୮    \* ୧:୨୧ ୧:୨୧ ଏପିସି ୪:୧୭,୧୮    \* ୧:୨୩ ୧:୨୩ ୱେ ମେରା ୪:୧୭-୧୮    \* ୨:୧ ୨:୧ ମାତି ୭:୧; ଲୁକ ୭:୩୭    \* ୨:୧ ୨:୧ ମାତି ୭:୧; ଲୁକ ୭:୩୭

ଦସାନା ମୀମ୍ବୁ ଏଲେତି କାମା କିହାନା  
ଏମ୍ବାଟି ମୀରୁଏ ଦହ କିହିମାଞ୍ଜେରି □\*

୨ ଆମିନି ଗାଟାରି ଇଲେତି କାମା  
କିନେରି, ମାହାପୁରୁ ଏଲେତି ଲକୁଣି  
ସାତା ତଲେ ନୀହାୟି କିନେସି, ଇଦାଆଁ  
ମାମ୍ବୁ ପୁଞ୍ଜାମାନମି □

୩ ଏ ତାୟି ଅଡେ ତାଞ୍ଜି, ଆମିନି  
ଗାଟାରି ଲାଗେଏତି କାମା କିନେରି,  
ଏଞ୍ଜାରାଞ୍ଜ ନୀହାୟି କିହାନା, ମୀମ୍ବୁ  
ଏଲେତି କାମା କିହିମାଞ୍ଜେରି, ମୀରୁ  
ମାହାପୁରୁତି ନୀହାୟିତି ଜାଣା ଆନାୟି  
ଇଞ୍ଜି ଅଣ୍ଡିମାଞ୍ଜେରି କି ?

୪ ଆଆତ, ମାହାପୁରୁତି ହାରେକା  
କାର୍ମାମେହନାୟି ମୀ ହିୟାଁ ବାଦଲି  
କିନି ଖାକି ଅହାଲି ଅଣ୍ଡିନେ,  
ଇଦାଆଁ ପୁନାଆନା ମୀରୁ କି  
ତାନି କାର୍ମାମେହନାଣି, ସାସା,  
ଅରୁହାନା ତୁୟିନି ଲେହେତି ଦନଞ୍ଜ  
ଅପିହିଲଅତେରି କି ?

୫ ସାମା ମୀରୁ ମୀ ଆଡ଼ଞ୍ଜା  
ଅଡେ ବାଦଲଞ୍ଜି ଆଆଗାଟି ହିୟାଁ  
ଲେହେ, ଆମିନି ଦିନା ମାହାପୁରୁତି  
ନୀହାୟି ତଞ୍ଜାଆନେ, ଏ କାର୍ବିତି  
ଦିନାତାକି ଜାହାରାତାକି କାର୍ବି କୁଡ଼ି  
କିହିମାଞ୍ଜେରି;

୬ ଏଞ୍ଜାସି ବାରେ ଲକୁତାକି ତାମି  
କିହାମାନି କାମାତି ପାଡେୟି ହାନେସି;\*

୭ ଆମିନି ଗାଟାରି ସାସାତଲେ  
ନେହ କାମା କିହାନା ଗାଞ୍ଜୁରମି,  
ମାନି ଇଞ୍ଜା ହାଆଗାଟାଣି ପାରିନେରି,  
ଏଞ୍ଜାରାକି କାଲ୍ମାକାଲ୍ମାତି ଜୀଞ୍ଜୁ ହାନେସି,

୮ ଆମ୍ବାଆରି ଖାରୁଇ ତାମଞ୍ଜେ  
ଅଣ୍ଡିନେରି, ଇଞ୍ଜା ସାତାତି ମାନଞ୍ଜି  
ଆଅରି, ସାମା ଲାଗେଏତାଣି ମାନଞ୍ଜି  
ଆନେରି; ଏଞ୍ଜାରାକି କାର୍ବି ଅଡେ କପା  
ଞ୍ଜାନେ,

୯ ଆମ୍ବାଆରି ଲାଗେଏତି କାମା  
କିହିମାନେରି ଏଞ୍ଜାରାକି କାକୁଲି ଅଡେ  
କସୁତି ଦିନା ଖାହିମାନେ, ମୂଲୁଏ ଜୀହୁଦି  
ଲକୁତାକି ଇଞ୍ଜା ତାୟୁ ଜୀହୁଦିଆଆତି  
ଲକୁତାକି ଆନେ □

୧୦ ସାମା ମୂଲୁଏ ଜୀହୁଦି ଲକୁକି  
ଅଡେ ଜିକେଏ ଜୀହୁଦିଆଆତି  
ଲକୁତାକି, ନେହ କାମା କିହାମାନି  
ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜା  
ହିଡ଼ି ହିୟାନେସି □

୧୧ ଇତିହ ମାହାପୁରୁ ତାଣା ପାରଡ଼ା  
ବାତି କିନାୟି ହିଲେଏ □\*

୧୨ ଜୀହୁଦିଆଆତି ଲକୁକି ମସାତି  
ମେରା ହିଲାଆନା ପାପୁ କିହାମାନେରି;  
ଏଞ୍ଜାରି ଜିକେଏ ମସାତି ମେରା  
ହିଲାଆନା ନାସା ଆନେରି, ଅଡେ  
ଏଚେକା ଜୀହୁଦି ଲକୁକି ମସାତି  
ମେରା ପୁଞ୍ଜାମାନାକି; ଏଞ୍ଜାରି ପାପୁ  
କିହାମାନେରି ଅଡେ ଏ ମେରା ତଲେ  
ନୀହାୟି କିଞ୍ଜିଆନେରି □

୧୩ ଇତିହ ମେରାତି ଖେଞ୍ଜାନା ଲକୁ  
ମାହାପୁରୁ ନକିତା ଦାମ୍ବୁଗାଟାରି ଆଅରି,  
ସାମା ମେରାତି ମାନଞ୍ଜି ଆଡ଼ିସାରେ  
ଦାମ୍ବୁଗାଟାରି ଆନେରି □

୧୪ ଜୀହୁଦିଆଆତି ଲକୁକି ମେରା  
ହିଲାଆତିହ ଜିକେଏ ଏତିବେଲା  
ଏଞ୍ଜାରି ମେରାତା ମାନି ଲେହେ କାମା  
କିନେରି, ଏତିବେଲା ଏଞ୍ଜାରି ମେରା  
ବେଟା ଆଆତିହ ଜିକେଏ ତାମଞ୍ଜେ  
ମେରା ଲେହେ ଆନେ;

୧୫ ଏଞ୍ଜାରି କିହିମାନି କାମାତି ଇଦି  
ନେହ ତଲେ ତଞ୍ଜା ଆହିମାନେ,  
ମେରାତି ମାନି ଏଞ୍ଜାରି ହିୟାତା ରାସ୍‌କି  
ଆହାମାନେ □ ଇ କାତାତି ସାତା ଏଞ୍ଜାରି  
ଅଣ୍ଡୁତା ଜିକେଏ ପାରମାଣା ସାତା  
ତଲେ ଅଣ୍ଡିନାଟି ଅଣ୍ଡିନି ଅଣ୍ଡୁ  
ଏଞ୍ଜାରି କାତାତା ରାକି ଆହିମାନେ, ସାତା  
ଅଣ୍ଡୁ ଅଣ୍ଡିନାଟି ଅଣ୍ଡୁ ଏଞ୍ଜାରାଞ୍ଜ  
ନେହାରି କିନେ, ଲାଗେଏତି ଅଣ୍ଡୁ  
ଅଣ୍ଡିନାଟି ଦହ କିହିମାନେ □

୧୬ ଏମିନି ଦିନା ମାହାପୁରୁ କ୍ରୀସୁ  
ଜୀସୁ ତାଣାଟି ମାଣ୍ଡିତି ଡୁଗାମାନି କାତା  
ବାରେ ନୀହାୟି କିନେସି, ଏ ଦିନା ନାନୁ  
ଞ୍ଜେକିହିମାନି ନେହ କାରୁ ଲେହେ ଇ  
ବାରେ ଆନେ □

\* ୨:୨ ୨:୨ ପାଠ ୨୨:୧୨ \* ୨:୧୧ ୨:୧୧ ଖେ ମେରା ୧୦:୧୭

ଜୀହ୍ୱଦି ଲକ୍ଷ୍ମ ଅଡ଼େ ଫେରା

୧୭ ମୀରୁ ଜାହାରାଇଁ ଜୀହ୍ୱଦିତମି ଇଞ୍ଜା କଡ଼ିମାଞ୍ଜେରି; ଫେରାତି ବାର୍ସୁ ଇଟାମାଞ୍ଜେରି ଅଡ଼େ ମାହାପୁରୁ ତାଣା ବଡ଼ପଣ କିହିମାଞ୍ଜେରି;

୧୮ ଅଡ଼େ ମସାତି ଫେରାତି ଜାପାନା ଏଞ୍ଜାଣି ଅଣ୍ଟପୁ ପୁଞ୍ଜିମାଞ୍ଜେରି, ଇଞ୍ଜା ନେହାଣି ଲାଗେଏତାଣି ବାତି କିହିମାଞ୍ଜେରି,

୧୯ ସାତେଏ ମୀରୁ ନେହୁଁ କିହିଁ ପୁଞ୍ଜାମାଞ୍ଜେରି, ମୀରୁ କାଣାୟାଣି ଜରୁ ତହୁନାତେରି, ଆନ୍ଦେରିତା ମାନି ଲକ୍ଷ୍ମତାକି ଉଜେଡ଼ି ଲେହେଁ,

୨୦ ବୁଦି ହିଲିଆ ଲକ୍ଷ୍ମଣି ଝେହୁନାତେରି, ପୁନାଆତି ଲକ୍ଷ୍ମଣି ଜାପନାତେରି □ ମୀ ନାମ୍, ଫେରାତି ମୀରୁ ସାତା ଅଡ଼େ ବୁଦି ଫେଡ଼ା ଆହାମାଞ୍ଜେରି □

୨୧ ମୀରୁ ଏଟକାତି ଲକ୍ଷ୍ମଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି ? ସରୁ କିଆଦୁ ଇଞ୍ଜୁଁ ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆଦୁ ଇଞ୍ଜୁଁ ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣକା ବମାୟା ପୁଜା ଅପାଆନା ଦେଝୁଡ଼ିକାତି ଦିଶ୍ସୁ ମାଣ୍ଡି ହିଲଅତେରି କି ?

୨୩ ମୀରୁ ମାହାପୁରୁତି ଫେରା ବେଟା ଆହାମାନମି ଇଞ୍ଜୁଁ ବଡ଼ପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡି କିହିମାଞ୍ଜେରି କି ?

୨୪ ସାସ୍ତେରିତା ରାସ୍ତି ଆହାମାନେ, "ମିଙ୍ଗେ ତାକି ଜୀହ୍ୱଦିଆଆତି ଲକ୍ଷ୍ମତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ □"☆

୨୫ ମୀରୁ ଫେରାତି ମାନି କିହିମାତିସାରେ, ମୀ ତଲୁ ଦାପିଆନାୟି ଲାବା ମାନେ □ ସାମା ଫେରାତି ମାନି କିଆସାରେ, ମୀ ତଲୁ ଦାପି ଆଡ଼ାୟି

ତଲୁ ଦାପିଆଆତି ଲକ୍ଷ୍ମତଲେ ସମାନା □

୨୬ ର ଜୀହ୍ୱଦିଆଆତି ଲକ୍ଷ୍ମ ଫେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡ଼ାସି ଲେହେଁ ଇନଅସି କି ?

୨୭ ଏଦାଆଁତାକି ଆଙ୍ଗା ତଲେ ତଲୁ ଦାପିଆଆତି, ଆମିନି ଜୀହ୍ୱଦିଆଆତାରି ମସାତି ଫେରା ମାନି କିନେରି, ଆତିହୁଁ ମସା ରାଡ଼ିତି ଫେରା ଅଡ଼େ ତଲୁ ଦାପି ଆଡ଼ିଜିକେଏ ଫେରା ମାନି କିହିହିଲଅତେରି, ଏଞ୍ଜାରି ମିଙ୍ଗେ ବିଚାରା କିୟାନେରି □

୨୮ ଝାରଇ ଆଙ୍ଗା ତଲେ ତଲୁ ଦାପି ଆହାନା ପାଙ୍ଗାତା ଜୀହ୍ୱଦି ଇଞ୍ଜିହୁଁ ତସାକଡ଼ିମାନି ଲକ୍ଷ୍ମ ଜୀହ୍ୱଦି ଆଏ □

୨୯ ଆମ୍ବାଆସି ହିୟା ବିତ୍ରା ଜୀହ୍ୱଦି, ଏଞ୍ଜାସି ସାତା ତଲେ ଜୀହ୍ୱଦି, ଅଞ୍ଜିରି ତଲେ ଆଏ, ଜୀଝୁ ଅଡ଼େ ହିୟା ତଲେ ଆମ୍ବାଆସି ତଲୁ ଦାପି ଆଡ଼ାସି, ଏଦି ସାତା ତଲୁ ଦାପି ଆନାୟି □ ଏଲେତି ଲକ୍ଷ୍ମ ମାଣସି ତାଣାଟି ମାନି ବେଟାଆଅସି, ସାମା ମାହାପୁରୁ ତାଣାଟି ମାନି ବେଟା ଆନେସି □

**୩**

୧ ଆତିହୁଁ ଜୀହ୍ୱଦିଆଆତି ଲକ୍ଷ୍ମ କିହାଁ ଜୀହ୍ୱଦି ଲକ୍ଷ୍ମକି ଏନାୟି ଗାତି ଲାବା ମାନେ ? ତଲୁ ଦାଃନାୟି ଏନି ଲଡ଼ାମାନେ ?

୨ ହାରେକାତି, ମୁଲୁଏ ମାହାପୁରୁ ତାନି ନେହୁଁ କାରୁ ଝେକହାଲି ଦାୟିପତି ଜୀହ୍ୱଦି ଲକ୍ଷ୍ମକି ହେରପିତେସି □

୩ ଆତିହୁଁ ଏନାୟି ? ଜୀହ୍ୱଦିଙ୍ଗା ତାଣାଟି ଏଚରଜାଣା ନାମାଆସାରେ, ଏଞ୍ଜାରି ମାନି କିଆଗାଟାୟି ଏନାଆଁ ମାହାପୁରୁ ନାମୁଡ଼ି ଉଜେଏ କିନେ ?

୪ ଏଲେଆହୁଁ ଆଆପେ, ଲକ୍ଷ୍ମ ବାରେଜାଣା ମିତିତାରି ଆତିହୁଁ ଜିକେଏ ମାହାପୁରୁ ସାତା □ ସାସ୍ତେରିତା ରାସ୍ତି ଆହାମାନେ;



“ନୀ ବଲୁ ତଲେ ନୀନୁ ଦାମ୍ବୁ ଗାଗାତି  
ଇଞ୍ଜି ଝେଞ୍ଜିଦି,  
ନୀହାଁୟି ଆନି ବେଲ୍ଲାତା ନୀନୁ  
ଜୀଣା ଆଦି □” \*

\* ମା ଲାଗେଏତି କାମା ମାହାପୁରୁତି  
ନେହୁଁ କାମାତି ପାର୍ମାଣା କିନେ,  
ଆତିହୁଁ ମାର ଏନାଆଁ ଇନାୟି ?  
ଆମିନି ମାହାପୁରୁ ଲାଗେଏତି କାମାତାକି  
ତଣ୍ଡ ହାନେସି, ଏଞ୍ଜାସି କି ଦାମ୍ବୁ  
ହିଲ୍ଲାଆଗାଟାସି ? ନାନୁ ମାଣ୍ଡସିଲେହେ  
ଝେସିମାଇଁ □

୨ ଏଲେଆହୁଁ ଆଏ □ ମାହାପୁରୁ  
ଦାମ୍ବୁଗାଟାସି ଆଆତିହୁଁ, ଏଞ୍ଜାସି  
ଏନିକିହୁଁ ଦାମ୍ବୁତିତି ନୀହାଁୟି କିନେସି  
?

୩ ସାମା ନା ମିତି ତଲେ ମାହାପୁରୁତି  
ସାତାତାୟି ତାନି ଗାଝୁରମି ତାକି  
ହାରେକା ଗାତି ଆଡେ, ଆତିହୁଁ ନାନୁ  
ପାପୁ ଗାଟାତେଏଁ ଇଞ୍ଜି ଏନାଆଁତାକି  
ନୀହାଁୟି କିଞ୍ଜି ଆଇଁ ?

୪ ମାର ଏନାଆଁତାକି ଏଲେଇନାଆୟି,  
“ଞ୍ଜାଦୁ ମାର ଲାଗେଏତି କାମା କିନ,  
ଆତିହୁଁ ମାଞ୍ଜେତାକି ନେହେଁ ଆନେ  
?” ନାନୁ ଇଲେତି କାତା ଝେସିମାନାକି  
ଦାଞ୍ଜା କିହାନା ଏଚେକା ଲକୁ ନାଞ୍ଜେ  
ନିନ୍ଦା କିହିମାଞ୍ଜାନେରି, ଏଞ୍ଜାରି  
ଇଦାଆଁତାକି ଆମିନି ତଣ୍ଡ ପାଣ୍ଡନାୟି  
ମାନେ, ସାତାତଲେ ବେଟାଆନେରି □

ଦାମ୍ବୁଗାଟାସି ଆମ୍ବାଆସି ହିଲଅସି

୫ ଆତିହୁଁ ଜୀହୁଦି ଲକୁ  
ଜୀହୁଦିଆଆତି ଲକୁ କିହାଁ ହାରେକା  
ନେହାଁରି ମାନେରି ? ଏଚେଲ୍ଲାଞ୍ଜା ଆଏ,  
ନାନୁ ନଚେଏ ଝେସାମାଞ୍ଜାଇଁ ଜୀହୁଦି  
ଅଡେ ଜୀହୁଦିଆଆତି ଲକୁ ପାପୁତି  
ବାଡ଼ୁୟିତା ମାନେରି,

୬ ଦାମ୍ବୁ ସାସ୍ତେରିତା ରାସ୍ତକି  
ଆହାମାନେ;  
“ଦାମ୍ବୁଗାଟାସି ଆମ୍ବାଆସି ହିଲଅସି,  
ରଅସି ଜିକେଏ ହିଲଅସି, \*

୧୧ ରଅସି ଜିକେଏ ବୁଦିଗାଟାସି  
ହିଲଅସି;  
କି ମାହାପୁରୁଇଁ ପାରିନାସି  
ହିଲଅସି □

୧୨ ଏଞ୍ଜାରି ବାରେଜାଣା ମାହାପୁରୁ  
ତାଣାଟିଏ ହେକ ହାଜାମାନେରି;  
ଏଞ୍ଜାରି ବାରେଜାଣା ଲାଗେଏ  
ଜିରୁତା ହାଜାମାନେରି;  
ଆମ୍ବାଆସି ଜିକେଏ ରଅସି  
ସାତାପାଣାତି କାମାକିନାସି  
ହିଲଅସି □

୧୩ ଏଞ୍ଜାରି ହାଡ଼ା ଦେପିଆଡ଼ି ମାଡ଼ହା  
ମୁହୁନି ଚାୟୁ,  
ଏଞ୍ଜାରି ଗୁଡିତି ମିତି କାତା  
ହଡ଼ିମାନେ,  
ଲୁଡ଼ା ତଇ ଅଟୁ କାଟାମାନି ରାଟୁତି  
ବୀସାମାନେ □\*

୧୪ ଏଞ୍ଜାରି ଗୁଡିତି କାତା କାମ୍ବେଲି  
ଗାଗାୟି ଇଞ୍ଜା ବାକା ତଲେ  
ନେଞ୍ଜାମାନେ □ \*

୧୫ ଏଞ୍ଜାରି ଇରହାଲି ଅଡେ ପାୟାଲି  
ଦେବୁଣିଏ ହନେରି □\*

୧୬ ଏଞ୍ଜାରି ଆମ୍ବିୟାଞ୍ଜାକି ହାନେରି,  
ଏମ୍ବାଆଁ ନାସା ଇଞ୍ଜା ସାସ୍ତ  
ବେଟାଆନେରି □

୧୭ ଏଞ୍ଜାରି ହିଡ଼ିତି ଜିରୁ ପୁଞ୍ଜାହିଲଅରି,  
୧୮ ମାହାପୁରୁଇଁ ଆଜିନାୟି ଏଞ୍ଜାରି  
ନକିତା ହିଲେଏ □”\*

୧୯ ମାର ପୁଞ୍ଜାମାନାୟି, ମେରା ମାନି  
କିହିମାନେରି, ଏମ୍ବାତି ବାରେ ହୁକୁମିଇଁ  
ଏଞ୍ଜାରି ମାନି କିନାୟିମାନେ □ ମାହାପୁରୁ  
ଏଚିବେଲା ବାରେ ଦାମ୍ବୁତିତି ବିଚାରା  
କିନେସି, ମେରାତି ମାନି କିଆଗାତି  
ଲକୁ ଜାହାରାଇଁ ଦହ ହିଲ୍ଲାଆ ଗାଟାତମି  
ଇଞ୍ଜି ଇଞ୍ଜାଲି ଆଡ଼ଅରି □

୨୦ \*ସାମା ମେରା ତଲେ କିନି କାମା  
ମାନି କିହାଁ ଆମ୍ବାଆସି ଜିକେଏ ମାହାପୁରୁ  
ନକିତା ଦାମ୍ବୁଗାଟାସି ଆହାଲି ଆଡ଼ଅସି  
□ ଇତିହୁଁ ମେରାଟି ମାଣ୍ଡସି ଝାବ୍ଲ  
ପାପୁତି ପୁଞ୍ଜାଲି ଆଡ଼ିମାନେସି □\*

\* ୩:୪ ୩:୪ ପାରୁ ୫୧:୧୫    \* ୩:୧୦ ୩:୧୦ ପାରୁ ୧୪:୧-୩; ୫୩:୧-୩    \* ୩:୧୩ ୩:୧୩ ପାରୁ ୫:୯;  
୧୪୦:୩    \* ୩:୧୪ ୩:୧୪ ପାରୁ ୧୦:୭    \* ୩:୧୫ ୩:୧୫ ଜିସା ୫୯:୭,୮    \* ୩:୧୮ ୩:୧୮ ପାରୁ ୩୭:୧  
\* ୩:୨୦ ୩:୨୦ ଗାଲା ୨:୧୭    \* ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭

ନାମୁତଲେ ଦାମ୍ବୁଗାଟି ଲକୁ ଆନାୟି  
 ୨୧ ମାହାପୁରୁ ମାଣ୍ଠସିଇଁ ତାନିତଲେ  
 ନେହୁଁକିଁ ଆଣ୍ଠାଲି ତାକି ମେରା  
 ପିସ୍‌ପେ ଏନାଆଁ କିହାମାନେସି, ଏଦି  
 ନୀର୍ବି ତଞ୍ଜା ଆହିମାନେ □ ଏ କାତା  
 ମସାତି ମେରା ଇଞ୍ଜା ମାହାପୁରୁ  
 ଅଣ୍ଠପୁତି ବଲୁ ଖେହୁନାରି ଜିକେଏ ସାକି  
 ହାହାମାନେରି □

୨୨ \*ଝାରଇ ଜୀସୁ କ୍ରୀସୁ ତାଣା  
 ନାମିତାକି ଲକୁ ମାହାପୁରୁ ନକିତା  
 ଦାମ୍ବୁଗାଟାରି ଆନେରି □ ମାହାପୁରୁ  
 ଆମ୍ବାଆରାଇଁ ପାରଡ଼ା ବାଟି କିଆନା  
 କ୍ରୀସୁଇଁ ନାମିତି ବାରେ ଜାଣାକି ର ପାରୁ  
 ହାନେସି □\*

୨୩ ବାରେଜାଣା ପାପୁ କିହାମାନେରି  
 ଅଡ଼େ ମାହାପୁରୁତି ଗାଝୁରମିତି ହେକ  
 ଆହାମାନେରି □

୨୪ ସାମା, ଏଝାରି ଉଜେଏ  
 ମାହାପୁରୁତି କାର୍ମାମେହୁନି ଦାନା ତଲେ  
 କ୍ରୀସୁ ଜୀସୁ ତାଣା ଆମିନି ଗେଲୁପି  
 ଆନାୟି ମାନେ, ଏଦାଆଁ ତଲେ  
 ଦାମ୍ବୁଗାଟାରି ଆନେରି □

୨୫ ମାହାପୁରୁ ଜୀସୁଇଁ ଦାନା  
 ହୀତେସି, ଏନିକିଁ ଏଝାଣି ହାକି,  
 ଏଝାଣି ତାଣା ନାମାମାନି ଲକୁତାକି  
 ପାପୁ ମେଣ୍ଠଜିନି ଉପେୟି ଆନେ □  
 ମାହାପୁରୁ ଅରହାନା ଲକୁ କିହାମାନି  
 ତଲିତି ପାପୁତି ତସାହିଲଅସି □

୨୬ ସାମା ନୀର୍ବି ଏଝାସି ଜାହାରା ଦାମ୍ବୁ  
 ଗାଟାଣି ତସାଲି ତାକି ପାପୁ ମେକ୍‌କିନି  
 ମେରା କିହାମାନେସି □ ଇଦାଆଁ ତଲେ  
 ମାହାପୁରୁ ତସାମାନେସି, ଏଝାସି ତାନୁଏ  
 ଦାମ୍ବୁଗାଟାସି ଇଞ୍ଜା ଆମ୍ବାଆସି ଜୀସୁ  
 ତାଣା ନାମିନେସି, ଏଝାସି ବାରେଜାଣାତି  
 ଦାମ୍ବୁ ଗାଟାରିଲେହେଁ ଆବିନେସି □

୨୭ ଆତିହୁଁ ଆମିନି କାତାତା ମାର  
 ବତପଣ ଆନାୟି ଆଏ, ଏଲେତି  
 କାତା ଏନାୟି ହିଲେଏ □ ବତପଣ  
 ଆହାଲିତାକି ମା ତାଣା ଏନାୟି ମାନେ ?  
 ମାର ବାରେ ହୁକୁମି ମାନଡ଼ି ଆହିମାନାୟି

ଇଞ୍ଜିହୁଁ କି ? ଆଏ, ଝାରଇ ନାମୁଏ  
 ମା ବତପଣ ଆନେ □

୨୮ ମାର ନେହୁଁକିଁ ତେଲହାଲି  
 ଆଡ଼ିନାୟି ରଅସି ଝାରଇ ତାନି  
 ନାମୁତଲେ ମାହାପୁରୁ ନକିତା  
 ଦାମ୍ବୁଗାଟାସି ଇଞ୍ଜୁଁ ଖେଞ୍ଜିନେସି,  
 ମେରାତି ମାନି କିତିସାରେ ଆଏ □

୨୯ ମାହାପୁରୁ ଝାରଇ ଜୀହୁଦି ଲକୁତି  
 ମାହାପୁରୁକି ? ଏଝାସି ଜୀହୁଦିଆଆତି  
 ଲକୁତି ମାହାପୁରୁ ଆଏକି ? ସାତେଏ  
 ଏଝାସି ବାରେ ଲକୁତି ମାହାପୁରୁ □

୩୦ ଏନାଆଁତାକି ଇତିହୁଁ, ମାହାପୁରୁ  
 ରଅସିଏ, ଅଡ଼େ ଏଝାସି ଜୀହୁଦି ଇଞ୍ଜା  
 ଜୀହୁଦିଆଆତି ଲକୁତି ନାମୁ ତାକି  
 ଏଝାସି ଏଝାରାଇଁ ଦାମ୍ବୁ ଗାଟାରିଲେହେଁ  
 ଆବିନେସି □\*

୩୧ ଆତିହୁଁ, ମାର କି ନାମୁତଲେ  
 ମସାତି ମେରା ମେକ୍‌କିହି ମାନାୟି ? ଏଦି  
 ଏତେଲା ଜିକେଏ ଆଆପେ, ସାମା ମାର  
 ନାମୁତଲେ ମସାତି ମେରାଇଁ ଜାଣେ  
 ତାରି କିହିମାନାୟି □

**୪**

ଅବ୍ରାହାମତି ମାଣକି

୧ ଆତିହୁଁ ଆଜ୍ଞା ତଲେ ମା ଆକୁ  
 ଅବ୍ରାହାମ ଏନାଆଁ ବେଟାଆହାମାନେସି  
 ଇଞ୍ଜିହୁଁ ମାର ଏଲେଇନାୟି ?

୨ ଅବ୍ରାହାମ ତାନି ଜାହାରା କାମାତି  
 ମାହାପୁରୁ ତାଣା ଦାମ୍ବୁଗାଟାସି ଆହା  
 ମାତିହୁଁ ମା, ଏଝାଣାକି ବତପଣ କିନି  
 କାତା ମାଟେ □ ସାମା ମାହାପୁରୁ ଝାକିତି  
 ଏଦି ଆହାହିଲାଆଡେ □

୩ \*ଦାମ୍ବୁ ସାସ୍ତେରି ଲେହେଁ,  
 “ଅବ୍ରାହାମ ମାହାପୁରୁଇଁ ନାମିତେସି,  
 ଅଡ଼େ ଏ ନାମୁତାକି ମାହାପୁରୁ ଏଝାଣାଇଁ  
 ଦାମ୍ବୁ ଗାଟାଣି ଲେହେଁ ଅପିତେସି □”

୪ ଆମ୍ବାଆସି କାମା କିନେସି,  
 ଏଝାଣାକି ତାନି କୁଲି ମେଡ଼ାଆନେ, ଏଦି  
 ଦାନା ହାନାୟି ଆହାଲି ଆଡେଏ, ଏଦି

\* ୩:୨୨ ୩:୨୨ ଗାଲା ୨:୧୭    \* ୩:୨୨ ୩:୨୨ ଗାଲା ୨:୧୭    \* ୩:୩୦ ୩:୩୦ ଖେ ମେରା ୭:୪; ଗାଲା ୩:୨୦    \* ୪:୩ ୪:୩ ମୁଲୁ ୧୫:୭; ଗାଲା ୩:୭

କାମାତି ପାଢ଼େୟି ଇଞ୍ଜିଁ ଇଣ୍ଡି ଆନେ  
□

୫ ସାମା ଆମ୍ବାଆସି ତାନି କାମାତା  
ଆସା କିଆନା, ଦାମ୍ବୁ ହିଲାଆଗାଟାଣାଇଁ  
ଏମିନି ମାହାପୁରୁ ଦାମ୍ବୁଗାଟାସି  
ଇଞ୍ଜିଁ ଆବିନେସି, ଏଞ୍ଜାଣି ତାଣା  
ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ  
ଦାମ୍ବୁଗାଟାସି ଇଞ୍ଜିଁ ଝେଙ୍ଗିନେ □

୬ ଆମିନି ଲକୁଇଁ କାମା ଲଡ଼ାତି  
ସିନି କିଆନା ମାହାପୁରୁ ଏଞ୍ଜାଣାଇଁ  
ଦାମ୍ବୁଗାଟାସି ଇଞ୍ଜିଁ ଆବିନେସି,  
ଏଞ୍ଜାଣାଇଁ ନେହାସି ଇଞ୍ଜିଁ ଦାଞ୍ଜୁଦ  
ଏଲେଇଞ୍ଜା ମାନେସି;

୭ \*“ଆମ୍ବାଆରି ଦହ ମେଣ୍ଡିଙ୍ଗି  
କିଞ୍ଜିଆହାମାନେ,  
ଆମ୍ବାଆରି ପାପୁ ମେଣ୍ଡିଙ୍ଗି  
କିଞ୍ଜିଆହାମାନେ, ଏଞ୍ଜାରାକି  
ନେହେଁ □

୮ ପ୍ରବୁ ଆମ୍ବାଆରି ପାପୁ ଆହଅସି,  
ଏଞ୍ଜାଣାକି ନେହେଁ □”

୯ ଇମ୍ବାଆଁ ଦାଞ୍ଜୁଦ ଆମ୍ବାଆରାଇଁ  
ନେହେଁ ଇଞ୍ଜିଁ ଝେସାମାନେସି, ଏଞ୍ଜାରି  
କି ୱାରୁଇ ତଲୁ ଦାପି ଆଡ଼ି ଲକୁ  
ମାଚେରି ? କି, ତଲୁ ଦାପିଆଆତି  
ଲକୁ ଜିକେଏ ନେହାରି ଆହାଲି  
ଆଡ଼ିନେରି □ ମାର ଏଲେ ଇଞ୍ଜିମାନାୟି,  
“ଅବ୍ରାହାମ ନାମୁତଲେ ଦାମ୍ବୁଗାଟାସି  
ଇଞ୍ଜିଁ ଝେଙ୍ଗିତେସି □”

୧୦ ଆତିହଁ ଏଦି ଏଚେଲା  
ଆହାମାଚେ ? ଅବ୍ରାହାମ ତଲୁ ଦାପି  
ଆଡ଼ି ଡାୟୁ କି, ତାନି ନକେଏ ? ତଲୁ  
ଦାପି ଆଆନକେଏ, ଡାୟୁ ଆଏ □

୧୧ ତଲୁ ଦାପି ଆଡ଼ି ନକେଏ  
ଅବ୍ରାହାମ ନାମୁ ତାକି ମାହାପୁରୁ  
ଏଞ୍ଜାଣାଇଁ ଦାମ୍ବୁ ଗାଟାଣା ଲେହେଁ ଆବା  
ମାଚେସି □ ଇଦାଆଁ ପୁଣ୍ଡି କିହାଲିତାକି  
ର ସିନାଲେହେଁ ଅବ୍ରାହାମ ଇ ତଲୁ  
ଦାପିଆନି ମେରା ବେଟାଆହା ମାଚେସି,  
ଇତିହଁ, ଆମିନି ଗାଟାରି ତଲୁ ଦାପି

ଆଆନା ଜିକେଏ ମାହାପୁରୁ ତାଣାତି  
ଦାମ୍ବୁଗାଟାସି ଇଞ୍ଜିହଁ ଆବିତାସି, ସୁଦୁ  
ମାଣକିଟି ଅବ୍ରାହାମ ଏଞ୍ଜାରି ତାଞ୍ଜି □\*

୧୨ ଆବା ଅବ୍ରାହାମ ତଲୁ ଦାପି ଆଡ଼ି  
ନକେଏଟିଏ ଆମିନି ନାମୁତି କାତା  
ତସାମାଚେସି, ତଲୁ ଦାପିଆଆତି ଲକୁ  
ଜାହାରା ଜାଞ୍ଜୁତା ଏଲେତି ନାମୁ ତସାଲି  
ଆଡ଼ିସାରେ, ଅବ୍ରାହାମ ଏଞ୍ଜାରାକି  
ଜିକେଏ ତାଞ୍ଜି ଆନେସି □

ମାହାପୁରୁତି ଆଞ୍ଜାମାନାଣି  
ନାମୁତଲେ ବେଟାଆନାୟି

୧୩ \*ଅବ୍ରାହାମ ମେରାତି ମାନି  
କିହାମାନାକି ଆଏ □ ୱାରୁଇ ତାନି ନାମୁ  
ତାକି ମାହାପୁରୁ ତାଣାତି ଦାମ୍ବୁଗାଟାସି  
ଇଞ୍ଜିଁ ଝେଙ୍ଗାମାଚେସି ଇଞ୍ଜା  
ଏଦାଆଁତାକି ତାନି ମାରକା ମାସକା  
ଦାରୁତିତି ଅଦିକାରା ବେଟାଆନେରି  
ଇଞ୍ଜିଁ ମାହାପୁରୁ ଆଞ୍ଜାମାଚେସି □\*

୧୪ \*ଆମ୍ବାଆରି ମେରାତି ମାନି  
କିନାରି, ୱାରୁଇ ଏଞ୍ଜାରି ମାହାପୁରୁତି  
ଦାନା ବେଟାଆନେରି ଇତିସାରେ,  
ମାଣସିତି ନାମୁ ଉଜେଏ, ମାହାପୁରୁ  
ଆଞ୍ଜାମାନାୟି ଜିକେଏ ଉଜେଏତାୟି  
ଆନେ □\*

୧୫ ଇତିହଁ ମସାତି ମେରା ଉରିନି  
ତାଣାତି ମାହାପୁରୁତି କାରୁବି ଗାଟାସି  
ଆନେସି, ସାମା ଆମ୍ବିୟା ମେରା  
ହିଲେଏ, ଏମ୍ବାଆଁ ମେରା ଉରିନି କାତା  
ହିଲେଏ □

୧୬ \*ଏଦାଆଁତାକି ମାହାପୁରୁତି  
ଆଞ୍ଜାମାନାୟି ନାମୁ ଅଡ଼େ କାମାତି  
ଲାକ ଇଟକି ଆହାମାନେ □ ଆମିନି  
ଗାଟାରି ମେରାତି ମାନି କିନେରି,  
ଞ୍ଜାରୁଇ ଏଞ୍ଜାରାକିଦେହେଁ ମାହାପୁରୁତି  
ଆଞ୍ଜାମାନାୟି ଆଏ □ ଅବ୍ରାହାମ ଲେହେଁ  
ନାମିମାନି ବାରେ ଲକୁତାକି ଜିକେଏ  
ଆନେ, ଏଦାଆଁତାକି ଇତିହଁ ଅବ୍ରାହାମ  
ଏଞ୍ଜାରି ସୁଦୁ ମାଣକିତି ତାଞ୍ଜି;\*

☆ ୪:୭ ୪:୭ ପାଠ ୩୨:୧,୨ ☆ ୪:୧୧ ୪:୧୧ ମୂଳ ୧୭:୧୦ ☆ ୪:୧୩ ୪:୧୩ ଗାଲା ୩:୨୯ ☆ ୪:୧୩  
୪:୧୩ ମୂଳ ୧୭:୪-୬; ୨୨:୧୭,୧୮; ଗାଲା ୩:୨୯ ☆ ୪:୧୪ ୪:୧୪ ଗାଲା ୩:୧୮ ☆ ୪:୧୪ ୪:୧୪ ଗାଲା  
୩:୧୮ ☆ ୪:୧୭ ୪:୧୭ ଗାଲା ୩:୭ ☆ ୪:୧୭ ୪:୧୭ ଗାଲା ୩:୭

୧୭ ଆମିନି ମାହାପୁରୁଙ୍କ ଅବ୍ରାହାମ ନାମିମାତେସି, ଆମ୍ବାଆସି ହାଡ଼ାରାଙ୍କୁ ଖେଣ୍ଡେ ଜୀସୁ କିନେସି, ଅଡ଼େ ହିଲ୍ଲାଆଗାଟି ଦିଶସୁତି ମାନି ଲେହେଁ ହାଟିନେସି, ଏ ମାହାପୁରୁ ନକିତା ଏଞ୍ଜୀସି ମା. ତାଞ୍ଜି ଆହାମାନେସି, ଇ କାତା ଦାମ୍ବୁ ସାପ୍ତେରିତା ରାସ୍‌କି ଆହାମାନେ, “ନିଙ୍ଗେ ହାରେକା କୁଡ଼ାତି ଲକ୍ଷୁତି ତାଞ୍ଜି କିହାମାଞ୍ଜାନମି □”\*

୧୮ ଆସା କିନାୟି ଏନାୟି ହିଲ୍ଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜା ଆସା ଇଚିତେସି, ଏଦାଆଁତାକି “ହାରେକା କୁଡ଼ାତି ତାଞ୍ଜି” ଆଡେସି □ ଦାମ୍ବୁ ସାପ୍ତେରିତା ରାସ୍‌କି ଆହାମାନେ, “ନୀ କୁଡ଼ା ହୁକାୟା ଲେହେଁ ଏପାଆନେରି □”\*

୧୯ ଏଞ୍ଜାଣାକି ଏଚିବେଲ୍ଲା ପାସାକଡ଼ି ବାସା ଆହାମାତାକି ଏଞ୍ଜୀସି ତାନି ଆଙ୍ଗାତି ହାଡ଼ାୟି ଇଞ୍ଜା ସାରା ଅଡ଼େ କକାରି ପଦା ଆନି ଗାରା ଜିକେଏ ହାଡ଼ାୟି ଇଞ୍ଜା ଅଶ୍‌ପିତି ଜିକେଏ ନାମୁତା ଉଣା ଆଆଡେସି □ \*

୨୦ ଏଞ୍ଜୀସି ତାନି ନାମୁ ପିହ୍‌ଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି □ ଏଞ୍ଜୀସି ନାମୁତା ବାଡ଼ୁୟି ଆଡେସି ଇଞ୍ଜା ମାହାପୁରୁଙ୍କୁ ଜହରା କିତେସି □

୨୧ ମାହାପୁରୁ ଏନାଆଁ ଆଞ୍ଜାମାତେସି, ଏଞ୍ଜୀସି ଏଦାଆଁ ମାନି କିନେସି ଇଞ୍ଜା ଏଞ୍ଜାଣାକି ଜାଣ୍ଡେ ନାମୁ ମାତେ □

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ବୁଗାଟାସି ଆହାମାତେସି □”\*

୨୩ “ଅବ୍ରାହାମ ଦାମ୍ବୁଗାଟାସି ଇଞ୍ଜା ଖେଙ୍ଗାମାଟି” କାତା ଖାଉଇ ଏଞ୍ଜାଣି ତାକିଏଦେଁ ରାସ୍‌କି ଆହାହିଲେଏ □

୨୪ ସାମା ଇ କାତା ମାଙ୍ଗେତାକି ଜିକେଏ ରାସ୍‌କି ଆହାମାନେ; ଇଚିହ୍‌ ଆମ୍ବାଆସି ମା. ପ୍ରବୁ ଜୀସୁଙ୍କୁ ହାଡ଼ାରି ତାଣାଟି ନିକ୍‌ହାମାନେସି, ଏଞ୍ଜାଣି

ତାଣା ମାର ନାମିମାନାୟି, ମାଙ୍ଗେତାକି ଜିକେଏ ଏଡ଼ି ଆନେ □

୨୫ ଏ ପ୍ରବୁ ଜୀସୁ ମା. ପାପୁତି ବାଦୁଲି ହାହାଲି ହେରପିଆହା ମାତେସି ଇଞ୍ଜା ମାହାପୁରୁ ନକିତା ମାଙ୍ଗେ ଦାମ୍ବୁ ଗାଟାତାୟି କିହାଲି ଖେଣ୍ଡେ ନିଙ୍ଗିତେସି □\*

### ୫

ମାହାପୁରୁ ନକିତା ନେହ୍‌ ତଞ୍ଜା ଆନାୟି

୧ ନୀଏଁ ନାମୁତଲେ ମାର ମାହାପୁରୁ ନକିତା ଦାମ୍ବୁ ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସୁ ତାଣାଟି ମାହାପୁରୁ ତଲେ ମାର ହିଡ଼ଡ଼ି ତଲେ ମାନାୟି;

୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁଟି ଗାଞ୍ଜୁରମିତି ବାସୁତା ବଡ଼ପଣ କିହିମାନାୟି □

୩ ଖାଉଇ ଏଡ଼ି ଆଏ, ବାରେ ଦୁକୁ କସୁତା ଜିକେଏ ମାର ରାହାଁ କିହିମାନାୟି, ଇଚିହ୍‌ କସୁଟି ସାସା ଖାନ୍ନେ,

୪ ସାସାଟି ବାଡ଼ୁୟି ମାଣ୍ଡକି ଖାନ୍ନେ ଇଞ୍ଜା ବାଡ଼ୁୟି ମାଣ୍ଡକିଟି ବାସୁ ଖାନ୍ନେ □

୫ ବାସୁ ମାଙ୍ଗେ ହାଣି ଆହାଲି ହିୟେଏ, ଏନାଆଁତାକି ଇଚିହ୍‌ ମାହାପୁରୁ ମାଙ୍ଗେ ସୁଦୁଜୀସୁ ହାହାନା ମା. ହିୟାତା ତାନି ଜୀସୁ ନନାଣି ହାହାମାଞ୍ଜାନେସି □

୬ ଏଚିବେଲ୍ଲାତା ମାର ଏଡ଼ି ଉପେୟି ହିଲ୍ଲାଆଗାଟାୟି ମାଟାୟି, ଏଚିବେଲ୍ଲା ମାହାପୁରୁ ତାରି କିହାମାଟି ବେଲ୍ଲାତା କ୍ରୀସୁ ପାପୁ ଲକ୍ଷୁତାକି ହାତେସି □

୭ ଦାମ୍ବୁଟି ଲକ୍ଷୁତାକି ଆମ୍ବାଆସି ଜିକେଏ ହାଅସି, ନେହ୍‌ ଲକ୍ଷୁତାକି ଆମ୍ବାଆସି ଜୀସୁ ହାହାଲି ଅଶ୍‌ପିନେସି □

\* ୪:୧୭ ୪:୧୭ ମୂଲ୍ ୧୭:୫    \* ୪:୧୮ ୪:୧୮ ମୂଲ୍ ୧୫:୫    \* ୪:୧୯ ୪:୧୯ ମୂଲ୍ ୧୭:୧୭    \* ୪:୨୨ ୪:୨୨ ମୂଲ୍ ୧୫:୭    \* ୪:୨୫ ୪:୨୫ ଜିସା ୫୩:୪,୫

୮ ସାମା ମାର ପାପୁଗାଟି ଲକ୍ଷ୍ମୀ ମାଗାଟି ଜିକେଏ କ୍ରୀସ୍ତ ମା ତାକି ତାନି ଜୀଝୁ ହାତେସି, ଇଦାଆଁ ତଲେ ମାହାପୁରୁ ମାଜେ ଏଚେକା ଜୀଝୁନହୁଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି ।

୯ ଏଦାଆଁତାକି ଈ କାତା ସାତା, ମାର ନୀଏଁ ଏଞ୍ଜାଣି ନେତେରି ତଲେ ଦାର୍ମୁ ଗାଗାତଞ୍ଜି ଆହାମାନାକି ଏଞ୍ଜାଣି ତାଣାଟି ମାହାପୁରୁ କପାଟି ଗେଲ୍ପି ଆହାଲି ଆଡ଼ିନାୟି ।

୧୦ ମାର ମାହାପୁରୁତି ସାତୁୟାଁ ମାଗାୟି, ସାମା ମାର ତାନି ମାରଏଣା ହାକିଟି ତାନିତଲେ ଆଣ୍ଡିତାୟି, ନୀଏଁ ମାର ମାହାପୁରୁ ତଲେ ଆଣ୍ଡାନା କ୍ରୀସ୍ତତି ଜୀଝୁତଲେ ଗେଲ୍ପି ଆନାୟି ।

୧୧ ଖାରଇ ଏଚେକା ଆଏ, ସାମା ପ୍ରୁ ଜୀସୁ କ୍ରୀସ୍ତ ତାକି ମାର ନୀଏଁ ମାହାପୁରୁ ତଲେ ଆଣ୍ଡାନାୟି; ଏଞ୍ଜାଣି ତାଣାଟି ମାର ମାହାପୁରୁ ତାଣା ବତପଣ ଜିକେଏ ଆହ୍ମାନାୟି ।

**ଆଦମ ଅଡ଼େ କ୍ରୀସ୍ତ**

୧୨ ରଅଣି ତାଣାଟି ପାପୁ ଦାରୁତିତା ଖାଡ଼େ ଅଡ଼େ ପାପୁ ତଲେ ହାକି ଖାଡ଼େ, ବାରେଜାଣା ପାପୁ କିତାକି ହାକି ବାରେ ମାଣ୍ଡସିତାକି ଖାଡ଼େ, ଇଞ୍ଜା ବାରେଜାଣା ପାପୁ କିତେରି ।\*

୧୩ ମେରା ହାପକି ଆଡ଼ି ନକେଏ ଦାରୁତିତା ପାପୁ ମାଚେ; ସାମା ମେରା ହିଲ୍ଲଆଟି ପାପୁତି ଏଜିକିଞ୍ଜି ଆହି ହିଲ୍ଲଆତେ ।

୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲ୍ଲାଆତେ ଜିକେଏ ବାରେଜାଣା ହାକିଟି ତଲ ମାଚେରି; ଆମିନିଗାଗାସି ଖାନାୟି ମାଚେ, ଆଦମ ଏଞ୍ଜାଣି ର ଖାଣା ।

୧୫ ସାମା ଦହ ଏନିକି, ମାହାପୁରୁତି କାର୍ମା ଜିକେଏ ଏଲେକି, ଏଦି ଆଏ, ଇତିହୁଁ ରଅଣି ଦହ ତାକି ହାଡ଼େକା ଲକ୍ଷ୍ମୀ ହାକି ଆଡ଼େ, ଆତିହୁଁ

ମାହାପୁରୁତି କାର୍ମା ଅଡ଼େ ର ମାଣ୍ଡସି ଇତିହୁଁ ଜୀସୁ କ୍ରୀସ୍ତ ହାତି କାର୍ମାଟି ଦାନା ହାଡ଼େକା ଲକ୍ଷ୍ମୀତାକି ହାଡ଼େକା ଗାଡ଼ି ଆଡ଼େ ।

୧୬ ର ମାଣ୍ଡସି ପାପୁ କିତାକି ଏନିକି ପାଡ଼େୟି ଆଡ଼େ, ଇ ଦାନାଟି ପାଡ଼େୟି ଏଲେକି ଆଏ, ଇତିହୁଁ ରଅଣି ତାକି ଏମିନି ନୀହାୟି, ଏମ୍ବାତି ପାଡ଼େୟି ତଣ୍ଡ ଆଡ଼େ, ସାମା ହାରେକା ଲକ୍ଷ୍ମୀତି ଦହ ତାକି ଏମିନି କାର୍ମାଟି ଦାନା, ଏମ୍ବାତି ପାଡ଼େୟି ଦହ ହିଲ୍ଲାଆଗାଗାୟି ଆଡ଼େ ।

୧୭ ର ମାଣ୍ଡସିତି ପାପୁ ତାକି, ହାକି ସାଲ୍ଲଞ୍ଜି କିତେ; ସାମା ଅର ରଅସି ଇତିହୁଁ ଜୀସୁ କ୍ରୀସ୍ତ ଏନାଆଁ କିହାମାନେସି, ଏଦି ଏଚେକା କାଜାୟି । ଆମିନି ବାରେଜାଣା ମାହାପୁରୁତି ହାଡ଼େକା କାର୍ମାମେହ୍ନାୟି ଉଜେଏ ମେଡ଼ା ଆନାଣି ତଲେ ମାହାପୁରୁତି ନକିତା ଦାର୍ମୁଗାଗାରି ଇଞ୍ଜା ଖେଜିନେରି, ଏଞ୍ଜାରି କ୍ରୀସ୍ତ ତଲେ ଜୀଣାଆହାନା ନୀଡିନେରି ।

୧୮ ରଅଣି ପାପୁ ଏନିକିହୁଁ ବାରେ ମାଣ୍ଡସି କୃତାକି ତଣ୍ଡ ବେଟା ଆଞ୍ଜିକିତେ, ଏଲେକିହୁଁଏ ରଅଣି ଦାର୍ମୁତି କାମା ବାରେ ମାଣ୍ଡସି କୃତା ତାକି ଗେଲ୍ପି ଆନାଣି ଇଞ୍ଜା ରାଆଗାଟି ଜୀଝୁ ତାତାହାତେ ।

୧୯ ରଅସି ମାନି କିଆତାକି ଏନିକିହୁଁ ହାଡ଼େକା ଲକ୍ଷ୍ମୀ ପାପୁ ଗାଗାରି ଆଡ଼େରି, ଏଲେକିହୁଁଏ ରଅଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାର୍ମୁଗାଗାରି ଆନେରି ।

୨୦ ଇଦାଆଁ ପିସ୍ତପେ ମେରା ଜିକେଏ ଖାଡ଼େ, ଏନିକି ଦହ ହାଡ଼େକା ଗାଡ଼ିଆଡ଼େ; ସାମା ଆମ୍ବିୟା ପାପୁ ପାତାଆଡ଼େ, ଏମ୍ବାଆଁ ମାହାପୁରୁତି କାର୍ମାମେହ୍ନାୟି ଜିକେଏ ହାଡ଼େକା ପାତାଆଡ଼େ ।

୨୧ ଏନିକିହୁଁ ପାପୁ ହାକି ତଲେ ସାଲ୍ଲଞ୍ଜି କିତେ, ଏଲେକିହୁଁଏ ମାହାପୁରୁତି କାର୍ମାମେହ୍ନାୟି ଜୀସୁ

\* ୫:୧୨ ୫:୧୨ ମୂଲ୍ୟ ୩:୨

କ୍ରୀସ୍ତ ତାଣ୍ଡାଟି ମାଜେ ଦାମ୍ଭୁ ଗାଟାତାୟି  
କିହାଁ ରାଆଗାଟି ଜୀଝୁ ହିୟାତେ □



ପାପୁଟି ହାକି କ୍ରୀସ୍ତ ତାଣ୍ଡାଟି ଜୀଝୁ

୧ ଆତିହୁଁ ମାର ଏନାଆଁ ଇନାୟି ?  
ମାହାପୁରୁତି କାର୍ମାମେହନାୟି  
ଏନିକିହୁଁ ହାରେକା ଆନେ,  
ଏଦାଆଁତାକି କି ପାପୁତେଏ  
ମାଜେମାନାୟି ?

୨ ଏଦି ଏତେଲା ଜିକେଏ ଆଆପେ  
□ ପାପୁ ତାକି ମାର ହାହାମାନାୟି,  
ଏନିକିହୁଁ ଏଦାଆଁ ଅଡେ ମାର  
ନୀତିନାୟି ?

୩ ମାର ଏତେକା ଲକୁତାୟି କ୍ରୀସ୍ତ  
ଜୀସୁ ତାଣ୍ଡା ବାପ୍ତିସ୍ତ\* ଅହାମାନାୟି,  
ବାରେ ଜାଣାତାୟି ତାନି ହାକିତା  
ବାପ୍ତିସ୍ତ† ଅହାମାନାୟି, ଇଦାଆଁ କି ମୀରୁ  
ପୁଞ୍ଜାହଲଅତେରି ?

୪ ☆ଏଦାଆଁତାକି ମାର ବାପ୍ତିସ୍ତ‡  
ଅହାନା ହାକିତା ତାନିତଲେ ମୁସପି  
ଆହାମାନାୟି, କ୍ରୀସ୍ତ ଏନିକିହୁଁ ଆଡାତି  
ଗାଝୁରମି ତଲେ ହାଡାରି ତାଣ୍ଡାଟି  
ଖେଣ୍ଡେ ନିଜିତେସି, ମାର ଜିକେଏ  
ଏଲେକିହୁଁଏ ପୁଝନି ଜୀଝୁତି ମାଣ୍ଡକି  
ତଲେ ନୀତିନ □\*

୫ ଏନାଆଁତାକି ଇତିହୁଁ ମାର ଏଝାଣି  
ହାକିତା ଆଣ୍ଡାନା ଏଝାଣିତଲେ ରଣ୍ଡିଏ  
ଆହାମାନାୟି, ଆତିହୁଁ ସାତେଏ  
ଏଝାସି ଖେଣ୍ଡେ ନିଜିତି ଲେହେଁ ମାର  
ଜିକେଏ ନିଜାନା ଏଝାଣିତଲେ ରଣ୍ଡିଏ  
ଆନାୟି □

୬ ମାର ପୁଞ୍ଜାମାନାୟି, ପାପୁତି  
ହଲିୟାଜା ଆଆପ, ଇଦାଆଁତାକି  
ପାପୁତି ଆଜା ନାସା କିହାଲିତାକି ମା  
ପୁଝଇ ମାଣ୍ଡକି ତାନିତଲେ ପାସି ମୁଣ୍ଡାତା  
ହାହାମାନେ □

୭ ଏନାଆଁତାକି ଇତିହୁଁ ମାଣ୍ଡସି  
ହାଡିସାରେ, ପାପୁତି ବାଡ଼ୁୟୁଟି ଗେଲ୍‌ପି  
ଆନେସି □

୮ ସାମା ମାର କ୍ରୀସ୍ତ ତଲେ ହାଡାକି,  
ତାନିତଲେ ମାର ଜିକେଏ ନୀତିନାୟି  
ଇଞ୍ଜୁଁ ନାମାମାନାୟି □

୯ ମାର ପୁଞ୍ଜାମାନାୟି, କ୍ରୀସ୍ତ ହାକିତି  
ନିଜାମାନାକି, ଏଝାସି ଅଡେ ଖେଣ୍ଡେ  
ହାଅସିଦେଁ, ଏଝାଣାଜ୍ ଅଡେ ହାକି  
ସାଲ୍‌ଝି କିହାଲି ଆତେଏ □

୧୦ ଏଝାସି ଆମିନି ହାକିତା ହାଡେସି,  
ଏଦାଆଁ ତଲେ ପାପୁତି ବାଡ଼ୁୟୁଟି ରଣ୍ଡିଏ  
ଦେବେଏ ଜୀଣା ଆଡେସି □ ଅଡେ ନୀର୍ଏ  
ଆମିନି ଜୀଝୁତଲେ ନୀତାମାନେସି, ଏଦି  
ମାହାପୁରୁ ତଲେ ଆଣ୍ଡିତି ଜୀଝୁ □

୧୧ ଏଲେକିହୁଁଏ ମୀରୁ ଜିକେଏ  
ପାପୁତା ହାହାମାଜେରି ଇଞ୍ଜୁଁ ଅଣ୍ଡପାଦୁ  
□ ସାମା କ୍ରୀସ୍ତ ଜୀସୁ ତାଣ୍ଡାଟି ଆଣ୍ଡାନା  
ମାହାପୁରୁ ତାକି ଜୀଝୁ ଗାଟାତମି ଇଞ୍ଜୁ □

୧୨ ମୀ ହାନି ଆଜାତା ପାପୁ ସାଲ୍‌ଝି  
କିୟାଆପେ; ମୀରୁ ଅଡେ ଆଜାତି  
ଲାଗେଏତି ଅଣ୍ଡପୁ ତଲେ ତାକାଆଦୁ □

୧୩ ମୀ ଆଜା ଉଡେଲିତି ଲାଗେଏ  
କାମାତି ଜୁତି ଲେହେଁ ପାପୁ କାମାତା  
ହେରପାଆଦୁ, ସାମା ହାଡାରି ତାଣ୍ଡାଟି  
ନୀତାମାନି ଲେହେଁ ଜାହା ଜାହାରାଜ୍  
ମାହାପୁରୁ ନକିତା ହେରପା କତାଦୁ,  
ଇଞ୍ଜା ଜାହା ଜାହାରା ଆଜା ଉଡେଲିତି  
ଦାମ୍ଭୁତି ଜୁତି ଲେହେଁ ମାହାପୁରୁ ନକିତା  
ହେରପାଦୁ □

୧୪ ପାପୁ ମିଜେ ସାଲ୍‌ଝି କିୟାଆପେ,  
ମୀରୁ ଅଡେ ମସାତି ମେରା ଡ଼ଇ  
ହିଲଅତେରି, ସାମା ମାହାପୁରୁତି  
କାର୍ମାତି ଡ଼ଇ ମାଜେରି □

ଦାମ୍ଭୁତି ହଲିୟାଜା

୧୫ ଆତିହୁଁ ଏନାଆଁ ? ମାର  
ମସାତି ମେରା ଡ଼ଇ ହିଲାଆୟି,  
ସାମା ମାହାପୁରୁତି କାର୍ମାମେହନି ଡ଼ଇ  
ମାନାୟି, ଇଦାଆଁତାକି କି ପାପୁ କିନାୟି  
? ଏଲେଆହୁଁ ଏତେଲା ଜିକେଏ  
ଆଆପେ □

୧୬ ମୀରୁ ସାତେଏ ପୁଞ୍ଜାମାଜେରି,  
ମୀରୁ ରଅଣି ହଲିୟାଜା ଆହାନା ଏଝାଣି

\* ୭:୩ ୭:୩ମୁଞ୍ଜନାୟି † ୭:୩ ୭:୩ମୁଞ୍ଜନାୟି ☆ ୭:୪ ୭:୪ କଲସି ୨:୧୨ ‡ ୭:୪ ୭:୪ମୁଞ୍ଜନାୟି  
\* ୭:୪ ୭:୪ କଲସି ୨:୧୨

କାତା ମାନୁଷି ଆଡ଼ିସାରେ, ଆତିହ୍ମ  
ମୀରୁ ଏଞ୍ଜାଣି ହଲିୟାଙ୍ଗାତେରି, ପାପୁତି  
ହଲିୟାଙ୍ଗା ଆଡ଼ିସାରେ, ପାପୁ ମାଣକିତି  
ହାକି ଖାନ୍ନେ; ଦାମ୍ଭୁତି କେତ ହାତିସାରେ,  
ଜୀଝୁ ବେଟାଆଦେରି □

୧୭ ସାମା ମାହାପୁରୁଇଁ ଜହରା  
କିହିମାଇଁ, ମୀରୁ ର ଦିନା ପାପୁତି  
ହଲିୟାଙ୍ଗାତେରି ମାଚେରି, ମୀରୁ  
ନୀର୍ବ ନେହ୍ମ ବଲୁତି ଜାପୁନି ତାଣା  
ହେରପିଆହା ମାଞ୍ଜେରି, ଅଡ଼େ ହିୟା  
ତଲେ ଏମ୍ବାତି ମାନି କିହିମାଞ୍ଜେରି □

୧୮ ପାପୁତି ପିସ୍ପି ଆହାନା ଦାମ୍ଭୁତି  
ହଲିୟାଙ୍ଗା ଆହାମାଞ୍ଜେରି □

୧୯ ମୀ ଆଙ୍ଗାତି ବାଡ଼ୁୟୁ ହିଲାଆକି  
ମାଣସିତି ହାଡ଼ାତଲେ ଖେସିମାଞ୍ଜାଇଁ;  
ମୀରୁ ଏନିକିହ୍ମ ଲାଗେଏତି  
କାମାତାକି ଜାହାରା ଆଙ୍ଗା ଉଡ଼େଲିତି  
ପଲେଏତି ଇଞ୍ଜା ଦାମ୍ଭୁ ହିଲାଆତାଣା  
ହଲିୟାଙ୍ଗା ଲେହେଁ ହେରପାମାଚେରି,  
ଏଲେକିହ୍ମ ଏ ନୀର୍ବ ଜାହାରା ଆଙ୍ଗା  
ଉଡ଼େଲିତି ସୁଦୁଜୀଝୁ ତାକି ଦାମ୍ଭୁତି  
ନକିତା ହଲିୟାଙ୍ଗା ଲେହେଁ ହେରପାଦୁ  
□

୨୦ ମୀରୁ ପାପୁତି ହଲିୟାଙ୍ଗା ମାଚାତି,  
ଦାମ୍ଭୁତାକି ମେଲା ପିସ୍ପି ଆହାମାଚେରି  
□

୨୧ ଆତିହ୍ମ ନୀର୍ବ ମିଙ୍ଗେ ଆମିନି  
କାମା କିହାଲିତାକି ଲାଜା ହଡ଼ିମାଞ୍ଜାନେ,  
ଏଚିବେଲା ବାରେ କିହିମାଚେରି, ଏଦି  
ଏମ୍ବାତି ଏନାଆଁ ଲାବା ବେଟାଆଡ଼େରି ?  
ଏ ବାରେ କାମାତି ପାଡ଼େୟି ହାକି □

୨୨ ସାମା ନୀର୍ବ ମୀରୁ ପାପୁତି  
ପିସ୍ପି ଆହାନା ମାହାପୁରୁତି ହଲିୟାଙ୍ଗା  
ଆହାମାଞ୍ଜେରି □ ଇଦାଆଁତି ଲାବା  
ଆହିମାନେ, ମାହାପୁରୁ ତାଣା ସୁଦୁଜୀଝୁ  
ତଲେ ହେରପି ଆନାୟି ଇଞ୍ଜା ରାଆଗାତି  
ଜୀଝୁ ବେଟାଆନାୟି □

୨୩ ଏନାଆଁତାକି ଇତିହ୍ମ ପାପୁତି  
କୂଲି ହାକି, ସାମା ମାହାପୁରୁତି  
କାର୍ମାମେହ୍ନି ଦାନା ମା ପ୍ରବୁ ଜୀସୁ କ୍ରୀସ୍ତ  
ତଲେ ଆଣ୍ଡିନି ତାଣା ରାଆଗାତି ଜୀଝୁ  
ମାନେ □



ବୀହା ଆନି କାତା

୧ ତାୟି ତାଙ୍ଗିସ୍ମାତେରି, ନୀର୍ବ ଏନାଆଁ  
ଖେସାଲି ଅଣ୍ଡିମାଇଁ, ଏଦାଆଁ ମୀରୁ  
ତେଲ୍‌ହିଦେରି, ଏନାଆଁତାକି ଇତିହ୍ମ  
ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି  
□ ମାଣସି ଖାରଇ ତାନି ନୀତାମାନି  
ପାତେକା ମେରାତି ତୁଇ ତୁୟିନେସି □

୨ ତକ୍ରା ନୀତାମାନି ପାତେକା ତାନି  
ତକ୍ରା ଏଞ୍ଜାଣିତଲେ ବୀହା ମେରା ତଲେ  
ଦସ୍ପି ଆହାନା ତୁୟିନେ □ ସାମା ତକ୍ରା  
ହାଡ଼ିସାରେ, ଏଞ୍ଜାଣି ତକ୍ରା ଇ ମେରାତି  
ପିସ୍ପି ଆନେ □

୩ ତକ୍ରା ନୀତା ମାନାଟିଏ, ତକ୍ରା ଅର  
ରଅଣାକି ବୀହା ଆଡ଼ିସାରେ, ଏଦାନି  
ଦାରେଣି ଇଞ୍ଜା ଇନେରି; ସାମା ତକ୍ରା  
ହାଡ଼ି ତାୟି ମେରାତି ପିସ୍ପି ଆନେ,  
ଅଡ଼େ ଏଦି ଅର ରଅଣାକି ବୀହା  
ଆଡ଼ିସାରେ, ଏଦି ଦାରେଣି ଆଏ □

୪ ଇଦାଆଁତାକି ତାୟି ତାଙ୍ଗିସ୍ମାତେରି,  
କ୍ରୀସ୍ତ ଆଙ୍ଗା ତଲେ ମୀରୁ ଜିକେଏ  
ମେରାତାକି ହାହାମାଞ୍ଜେରି, ଏନିକିହ୍ମ  
ମୀରୁ ଏଟ୍‌କାତାରି ତଲେ ଆଣ୍ଡିଦେରି,  
ଇତିହ୍ମ ମା ମାହାପୁରୁ ତାକି ପାଡ଼େୟି  
ଆୟାଲି ଆମ୍ବାଆସି ହାଡ଼ାରି ତାଣାତି  
ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ □

୫ ଏଚରଦିନା ପାତେକା ମାରୁ ଆଙ୍ଗାତି  
ମାଣକି ତଲେ ମାଚାୟି, ଏଚରଦିନା  
ପାତେକା ମସା ମେରାତି ପାପୁତି ଜୁପକା  
ମା ଆଙ୍ଗା ବିତ୍ରା ଜୀଝୁତି ହାଡ଼ି କିହାଲି  
କାମା କିହିମାଚେ □

୬ ସାମା ଏନାଆଁତଲେ ଦସ୍ପି  
ଆହାମାଚାୟି, ଏମ୍ବାତି ହାହାନା  
ନୀର୍ବ ମାରୁ ମେରାତି ଅଦିକାରାତି  
ମୁକ୍‌ଲଡ଼ି ଆହାମାନାୟି; ମାରୁ ଅଡ଼େ  
ତଲିତିଲେହେଁ ରାସ୍‌କି ଆହାମାନି  
ମେରାତି ସେବା କିହି ହିଲାଆୟି,  
ସୁଦୁଜୀଝୁ ତସାମାଞ୍ଜାନି ପୁଃନି ଜିରୁତା  
ନୀର୍ବ ତାକି ମାନାୟି □

ମେରା ଅଡ଼େ ପାପୁ

୭ ଆତିହ୍ମ ଏନାଆଁ ଇନାୟି, ମେରା  
ପାପୁ ଗାଗାୟି ? ଏଦି ଏଚେଲାଞ୍ଜା ଆଏ

□ ସାମା ପାପୁ ଏନାୟି, ଏଦାଆଁ ମେରା ନାଈଁ ଖେସା ମାଞ୍ଜାନେ, “ଏଟକା ଲକ୍ଷ୍ମି ଦିଶ୍ଵ ଦୃପକା ଆଥାଦୁ,” ଈ ହୁକୁମି ମେରା ଖେସା ମାଞ୍ଜାଆତିହିଁମା, ଦୃପକା ଏନାୟି, ନାନୁ ପୁନାଆତେଏଁମା □<sup>☆</sup>

୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା.ତାଣା ବାରେଲେହେଁତି ଦୃପକା କିନାଣି ହିୟାତେ, ମେରା ପିସ୍ଵପେ ପାପୁ ହାତାୟି □

୯ ର.ଦିନା ନାନୁ ମେରା ପୁନାଆନା ନୀତିମାଚେଏଁ, ସାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜା ନାନୁ ହାଚେଏଁ;

୧୦ ଆମିନି ମେରା ଜୀଝୁ ହାହାଲିତାକି ଚିକାଣା ତାୟି ମାଚେ, ଏଦି ନା.ଜୀଝୁତା ହାକି ଖାଚେ □

୧୧ ଇତିହିଁ ପାପୁ ପାରୁ ବେଟାଆହାନା ହୁକୁମିଟି ନାଈଁ ନାଡ଼ି କିୟାତେ ଇଞ୍ଜା ଏମ୍ପାଟି ନାଈଁ ପାୟାତେ □<sup>☆</sup>

୧୨ ମେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାମ୍ପୁଗାଟାୟି ଇଞ୍ଜା ନେହାୟି □

୧୩ ଆତିହିଁ, ଏନାୟି ନେହାୟି, ଏଦି କି ନାଈଁ ହାଡ଼ି କିୟାନେ ? ଏଦି ଏଚେଲାଖା ଆଆପେ, ପାପୁଏ ଏଦାଆଁ କିତେ, ନେହିଁ ମେରାତି ଲେମ୍ପାନା ପାପୁ ନାଈଁ ହାଡ଼ି କିୟାତେ, ଏଦାଆଁ ତଲେ ପାପୁତି ସାତା ଖାଣା ତଞ୍ଜାଆଚେ, ଏଦାଆଁତାକି ମେରା ତଲେ ପାପୁ ହାଚେରକା ଆଜିହପେତାୟି ପୁଣ୍ଡିଆଚେ □

ମାଣ୍ଠି ଆଜ୍ଞାତା ମାନି ଗଡ଼ହା

୧୪ ମସାତି ମେରା ସୁଦୁଜୀଝୁ ଗାଟାୟି, ଇଦାଆଁ ମାରୁ ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଞ୍ଜିଆତି ହଲେଏଣାତେଏଁ □

୧୫ ନାନୁ ଏନାଆଁ କିହିମାଈଁ, ଏଦାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା.

ଅଣ୍ଠୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଈଁ □<sup>☆</sup>

୧୬ ସାମା ଏନାଆଁ ନାନୁ ଅଣ୍ଠପଅଁ, ଏଦାଆଁ କିତିସାରେ, ଆତିହିଁ ମସାତି ମେରା ନେହାୟି ଏଦାଆଁ ନାନୁ ଜଲିମାଈଁ □

୧୭ ଏଦାଆଁତାକି ଏ.କାମା ସାତେଏ ନାନୁ କିଆନା ନା.ବିତ୍ରାମାନି ପାପୁଏ ଏଦାଆଁ କିହିମାନେ □

୧୮ ନାନୁ ପୁଞ୍ଜାମାଈଁ, ନା.ବିତ୍ରା ଇତିହିଁ ମାଣ୍ଠି ମାଣ୍ଠିକିତା ନେହାୟି ଏନାୟି ଜିକେଏ ହିଲେଏ, ଇତିହିଁ ନେହିଁ କାମା କିହାଲି ନାଈଁ ଅଣ୍ଠୁ ମାଚିହିଁ ଜିକେଏ ଏଦାଆଁ କିହାଲି ଆଡ଼ଅଁ □

୧୯ ଇତିହିଁ ଏମିନି ନେହିଁ କାମା କିହାଲି ନାନୁ ମନ କିଈଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଈଁ □

୨୦ ନାନୁ ଏନାଆଁ ଅଣ୍ଠପି ହିଲଅଁ, ଏଦାଆଁ କିହିମାଈଁ, ଆତିହିଁ ଏଦାଆଁ ନାନୁ ଅଡ଼େ କିଅଁ, ସାମା ନା.ତାଣା ବାସା କିହାମାନି ପାପୁ ଏଦାଆଁ କିନେ □

୨୧ ଏଦାଆଁତାକି ନାନୁ ନେହିଁ କାମା କିହାଲି ମନ କିହିମାଈଁ, ଏତିବେଲା ନା.ତାଣା ଖାଚେଲାଗେଏତାୟି ତଞ୍ଜା ଆହିମାନେ, ଇଦାଆଁ ମେରାତା ମେସିମାଈଁ □

୨୨ ଇତିହିଁ ହିୟାତା ଅଣ୍ଠପିନି ମାଣ୍ଠିଲେହେଁ, ମାହାପୁରୁତି ମେରା ମାନି କିହାଲି ନାଈଁ ରାହାଁ,

୨୩ ସାମା ନାନୁ ନା.ଆଜ୍ଞାତା ଅର ରଲେତି ମେରା ତଞ୍ଜା ଆହିମାନେ, ଏଦି ନା.ମନତି ମେରା କପାଟି ଜୁଜୁ କିହିମାନେ, ଅଡ଼େ ନା.ଆଜ୍ଞାତା ଏମିନି ପାପୁତି ମେରା ମାନେ, ନାଈଁ ଏମ୍ପାଆଁ ଦସ୍ଵପାନା □

୨୪ ଆୟତା, କାର୍ମା କପଲ ହିଲାଆଗାଟି ମାଣ୍ଠିତେଏଁ ନାନୁ, ଈ ହାଡ଼ିକିନି ଆଜ୍ଞାଟି ନାଈଁ ଆମ୍ପାଆସି ଗେଲ୍ପାପାନେସି ?

☆ ୭:୭ ୭:୭ ହାନାୟି ୨୦:୧୭; ଖେ ମେରା ୫:୨୧ ☆ ୭:୧୧ ୭:୧୧ ମୂଲ୍ ୩:୧୩ ☆ ୭:୧୫ ୭:୧୫ ଗାଲ୍ ୫:୧୭ ☆ ୭:୧୫ ୭:୧୫ ମୂଲ୍ ୫:୧୭



୨୫ ମା. ସୁଦ୍ଧା ଜୀବୁ କ୍ରୀସ୍ତ ତାଣ୍ଡାଟି  
 ଗେଲ୍‌ପି ଆହାମାନାକି ମାହାପୁରୁଛୁ  
 ଜହରା ଆପେ □ ଏନାଆଁତାକି ଇଚିହୁ  
 ନାନୁଏ ନା. ମନତଲେ ମାହାପୁରୁତି  
 ଦେରାତି ହଲେଏଣାତେଏ, ସାମା  
 ଆଜ୍ଞା ତଲେ ପାପୁ ଦେରାତି ହଲିୟା  
 ଆହାମାନେ □

୮

ସୁଦୁଗାଟି ଜୀବୁ  
 ୧ ଆମିନି ଗାଟାରି କ୍ରୀସ୍ତ ଜୀସୁତଲେ  
 ଆଣ୍ଡାନା ନୀତିମାନେରି, ଏଞ୍ଜରାକି ନୀଏ  
 ଏନ୍ତି ତଣ୍ଡ ହିଲେଏ □

୨ ଇଚିହୁ ଜୀବୁ ହିୟାନି ଜୀବୁତି  
 ଦେରା କ୍ରୀସ୍ତ ଜୀସୁ ତାଣ୍ଡା ଆଣ୍ଡାନା ମିଙ୍ଗେ  
 ପାପୁ ଅଡେ ହାଞ୍ଜିକିନି ଦେରାଟି ମୁକଲଞ୍ଜି  
 କିହାମାଞ୍ଜାନେ □

୩ ମାଣ୍ଡସିତି ଆଜ୍ଞାତା ବାଡୁମୁ  
 ହିଲଆକି ମସା ହାହାମାନି ଦେରା  
 ଏନାଆଁ କିହାଲି ଆଡାଆତେ, ମାହାପୁରୁ  
 ଏଦାଆଁ ତାନି ମାରଏଣାଲ୍ ପାପୁଗାଟି  
 ମାଣ୍ଡସିଲେହେଁ ପାପୁଲ୍ ନାସା କିହାଲି  
 ପାଣ୍ଡାନା ଆଜ୍ଞାତି ପାପୁତି ତଣ୍ଡ ହାହାଲି  
 କିତେସି □

୪ ଏଦାଆଁତାକି ମାର ମାଣ୍ଡସିତି  
 ମାଣ୍ଡକିତା ମାନାଆନା ସୁଦୁଜୀବୁତି  
 ମାଣ୍ଡକିତା ମାଞ୍ଜାନା ଇଞ୍ଜା ଇଦାଆଁ  
 ତଲେ ମାର ଦେରାତି ପାଣ୍ଡାପାରୁ ମାନି  
 କିହିମାନାୟି □

୫ ଆମିନି ଗାଟାରି ଆଜ୍ଞାତି ମାଣ୍ଡକି  
 ତଲେ ନୀତିନାରି ଏଞ୍ଜାରି ଆଜ୍ଞାତି  
 ମାଣ୍ଡକିତି କାତାତା ମନ ହାନେରି,  
 ସାମା ଆମିନି ଗାଟାରି ସୁଦୁଜୀବୁତି  
 ମାଣ୍ଡକି ତଲେ ନୀତିନେରି, ଏଞ୍ଜାରି ହିୟା  
 ସୁଦୁଜୀବୁତି କାତାତା ମନ ହାନେରି □

୬ ଇଚିହୁ ଆଜ୍ଞାତି ମାଣ୍ଡକିତି ମନ  
 ହାଞ୍ଜିକିନେ; ସାମା ସୁଦୁଜୀବୁତି ମାଣ୍ଡକିତି  
 ମନ ଜୀବୁ ଇଞ୍ଜା ହିଡ଼ଡ଼ି ହିୟାନେ □

୭ ଇଚିହୁ ଆଜ୍ଞାତି ମନତଲେ  
 ନୀତିନାସି ମାହାପୁରୁ କପାଟି ସାଡୁ  
 ଆନେସି; ଇଚିହୁ ଏଞ୍ଜାସି ମାହାପୁରୁ

ଦେରାତି ମାନି କିଅସି; ଇଞ୍ଜା ଏଞ୍ଜାସି  
 ମାନଞ୍ଜି ଆହାଲି ଆଡ଼ଅସି □

୮ ଆମିନି ଗାଟାରି ଆଜ୍ଞାତି ମାଣ୍ଡକି  
 ତଲେ କାମା କିନେରି, ଏଞ୍ଜାରି  
 ମାହାପୁରୁଛୁ ରାହାଁ କିହାଲି ଆଡ଼ଅରି  
 □

୯ ମାହାପୁରୁତି ସୁଦୁଜୀବୁ ସାତା  
 ତଲେ ମୀ ତାଣ୍ଡା ମାଟିସାରେ, ମୀରୁ  
 ଅଡେ ଆଜ୍ଞାତି ମାଣ୍ଡକି ଲେହେଁ  
 ନୀତଅତେରି, ସାମା ସୁଦୁଜୀବୁତି ହୁକୁମି  
 ମାନି କିହିମାଞ୍ଜେରି □ କ୍ରୀସ୍ତତି ଜୀବୁ  
 ଆମ୍ବାଆରି ତାଣ୍ଡା ହିଲେଏ, ଏଞ୍ଜାସି  
 ଏତେଲା ଜିକେଏ ଏଞ୍ଜାଣି ଲକୁ ଆହାଲି  
 ଆଡ଼ଅସି □

୧୦ ସାମା କ୍ରୀସ୍ତ ମୀ ତାଣ୍ଡା ମାଟିସାରେ,  
 ମୀ ଆଜ୍ଞା ପାପୁ ତାକି ନାସା ଆହାଲି  
 ହାଜିମାଟିହୁ ଜିକେଏ, ସୁଦୁଜୀବୁ  
 ମିଙ୍ଗେ ଜୀବୁ ହୀୟାନେ, ଏନାଆଁତାକି  
 ଇଚିହୁ ମାହାପୁରୁ ନକିତା ମୀରୁ  
 ଦାର୍ମଗାଟାତେରି ଆହାମାଞ୍ଜେରି □

୧୧ ଆମ୍ବାଆସି ହାଡ଼ାରି ତାଣ୍ଡାଟି  
 ଜୀସୁଲ୍ ନିକହେସି, ଏଞ୍ଜାଣି ଜୀବୁ  
 ମୀ ତାଣ୍ଡା ମାଟିସାରେ, ଆତିହୁ  
 ଆମ୍ବାଆସି ହାଡ଼ାରି ତାଣ୍ଡାଟି କ୍ରୀସ୍ତ  
 ଜୀସୁଲ୍ ନିକହେସି, ଏଞ୍ଜାସି ମୀ ତାଣ୍ଡା  
 ମାନି ତାନି ଜୀବୁତଲେ ମୀ ହାଡ଼ି  
 ଆଜ୍ଞାତି ଜିକେଏ ନୀଟନେସି □

୧୨ ଏଦାଆଁତାକି, ତାୟି ତାଜ୍ଞିସ୍ତାତେରି,  
 ମାର ରୀଣାଗାଟାତାୟି, ସାମା ଆଜ୍ଞାତି  
 ମାଣ୍ଡକି ତଲେ ନୀତାଲି ଆଏ □

୧୩ ଇଚିହୁ ଆଜ୍ଞାତି ମାଣ୍ଡକି ତଲେ  
 ମୀରୁ ନୀତିଦେରି, ଆତିହୁ ସାତେଏ  
 ହାଡ଼େରି, ସାମା ସୁଦୁଜୀବୁତି ସାଢ଼େମି  
 ତଲେ ଆଜ୍ଞାତି କାମା ବାରେ ନାସା  
 କିଦେରି, ଆତିହୁ ନୀତିଦେରି □

୧୪ ଆମିନି ଗାଟାରି ମାହାପୁରୁତି  
 ସୁଦୁଜୀବୁ ତଲେ ତାକିନେରି, ଏଞ୍ଜାରି  
 ମାହାପୁରୁତି ମୀରକା □

୧୫ ଇଚିହୁ ମୀରୁ ଖେଣ୍ଡେ  
 ଆଜାଲି ହଲିୟାଜ୍ଞାତି ଜୀବୁ ବେଟାଆହା  
 ହିଲଅତେରି, ସାମା ମୀରଏଣାଟି ଜୀବୁ

☆ ୮:୧୧ ୮:୧୧ ଦକର ୩:୧୭ ☆ ୮:୧୫ ୮:୧୫ ଗାଲା ୪:୫-୭ ☆ ୮:୧୫ ୮:୧୫ ମାର୍କ ୧୪:୩୭; ଗାଲା ୪:୭

ବେଟାଆହାମାଜେରି; ଏମାଟି ମାର  
“ଆବା ତାଞ୍ଜ” ଇଞ୍ଜ ହାଟିମାନାୟି □

୧୭ ମାର ମାହାପୁରୁତି ମୀରକା  
ମାସ୍କା ଇଞ୍ଜ ଏ ଜୀଝୁଏ ମା  
ଜୀଝୁତଲେ ଆଣ୍ଡାନା ସାକି ହୀହିମାନେ  
□

୧୭ ଏନାଆଁତାକି ଇତିହ ମାର  
ମାହାପୁରୁତି ମୀରକା ମାସ୍କାତାୟି,  
ତାନି ଲକ୍ଷୁତାକି ଲଡ଼ାମାନି ବରତି  
ବାଗା ପାଣ୍ଡନାୟି, ଇଞ୍ଜା କ୍ରୀସ୍ତ ତଲେ  
ଗାଝୁରମି ବେଟାଆହାଲି ମାର ଜିକେଏ  
ଏଝାଣିତଲେ ଦୁକୁ କସ୍ତ ପାଣ୍ଡନାୟି  
ମାନେ, ଆତିହ ମାହାପୁରୁତି ବରତି  
ବାଗା ଅଡେ କ୍ରୀସ୍ତ ତଲେ ବାଗାତା  
ଆଣ୍ଡାଲି ଆଡ଼ିନାୟି □

ଝାହିମାନି ଗାଝୁରମି

୧୮ ଅଣ୍ଡପାଦୁ, ଆମିନି ଗାଝୁରମିତା  
ଝାହିମାନି ଦିନାତା ମାର ଏଗାହାନାୟି,  
ଏଦାଆଁ କିହାଁ ନୀଏଁତି ଦୁକୁ କାକୁଲି  
ଇଚାୟି ଜିକେଏ ଆଏ, ଏତିବେଲାତା  
ମାହାପୁରୁ ତାନି ମୀରକା ମାସ୍କାଣି  
ତହ୍ନେସି □

୧୯ ମାହାପୁରୁ ତାନି ମୀରକା  
ମାସ୍କାଣି ତଞ୍ଜାଆନାଣି ମେସାଲି ବାରେ  
ଗାଡ଼ି ଆଡାୟି କାପୁ କାଟାମାନେ □

୨୦ ଏନାଆଁତାକି ଇତିହ  
ଗାଡ଼ିଆଡାୟି ମାହାପୁରୁ ତାଣାଟି ବାକା  
ବେଟାଆହାନା ତାନି ଏଗାହାନି ଗାୟୁ  
ବାଣା ଆହାମାନେ □ ଆଡ଼ିଜିକେଏ ତାନି  
ଆସା ମାନେ,

୨୧ ଅଡେ ଏଦି ବାର୍ସୁ ବେଟାଆଡେ,  
ଇଞ୍ଜା ଗାଡ଼ି ଆଡାୟି ତାନୁଏ ଜିକେଏ  
ମାହାପୁରୁତି ମୀରକା ଗାଝୁରମି ତାକି  
ପିସ୍ପି ଆହାଲିତାକି ନାସା ଆନି  
ହଲିୟାଟି ପିସ୍ପି ଆନେ

୨୨ ସାମା ନୀଏଁ ପାତେକା ବାରେ  
ଦାରତି ଜାନ କିନି ବୀସା ତଲେ କସ୍ତ  
ପାଣ୍ଡନି ଲେହେଁ କସ୍ତ ତାକି ଡ଼ାହିମାନେ  
□

୨୩ \*ସାମା ମାର ମୂଲୁତି  
ପାଡ଼େୟି ଲେହେଁ ସୁଦୁଜୀଝୁତି

ବେଟାଆହାମାନାୟି, ଆତିହ ଜିକେଏ  
ମାର ମାହାପୁରୁତି ମୀରକା ଇତିହ  
ଜାହା ଜାହାରା ଆଙ୍ଗାଟି ବାରେଜାଣା  
ଗେଲ୍ପି ଆୟାଲିତାକି କାପୁ କାଟାନା  
ମା ହିୟାତା ଡ଼ାହି ମାନାୟି □

୨୪ ଏନାଆଁତାକି ଇତିହ ବାର୍ସୁତି  
ମାର ଗେଲ୍ପି ଆହାମାନାୟି; ସାମା  
ଏନାୟି ତଞ୍ଜା ଆନାୟି, ଏଦାଆଁତାକି  
ବାର୍ସୁ ଇତିନାୟି ଏଦି ସାତାତି ବାର୍ସୁ  
ଆଏ, ଇତିହ ଏନାଆଁ ମେସିମାନାୟି  
ଏଦାଆଁତାକି ଏନାଆଁତାକି ବାର୍ସୁ  
ଇତିନାୟି ?

୨୫ ସାମା ମାର ଏନାଆଁ ମେସି  
ହିଲାଆୟି ଏଦାଆଁତାକି ବାର୍ସୁ ଇତିନାୟି,  
ଆତିହ ମାଜେ ସାସାତଲେ କାପୁ  
କାଃଆନାୟି ମାନେ □

୨୬ ମାର ବାଡ଼ୟୁ ହିଲାଆଗାଟାତାୟି,  
ସାମା ସୁଦୁଜୀଝୁ ମାଙ୍ଗ ସାୟେମି  
କିୟାନେ; ଏନିକିହ ପ୍ରାଟାନା  
କିନାୟି, ଏଦାଆଁ ମାର ପୁଞ୍ଜାହିଲାଆୟି,  
ଏଦାଆଁତାକି ସୁଦୁଜୀଝୁ ଜଲିନି  
ହାଡ଼ାତଲେ ମା ତାକି ମାହାପୁରୁଇଁ  
ଗହାରା କିନେ;

୨୭ ଆମ୍ବାଆସି ମା ହିୟା ବିଡ଼ା ମାନାଣି  
ପୁନେସି, ଏଝାସି ସୁଦୁଜୀଝୁତି ଅଣ୍ଡପୁ  
ଏନାୟି ଏଦାଆଁ ପୁନେସି, ଇତିହ  
ଏଝାସି ମାହାପୁରୁତି ଅଣ୍ଡପୁ ତଲେ  
ମାହାପୁରୁ ଲକ୍ଷୁତାକି ଗହାରା କିନେସି  
□

୨୮ ମାର ପୁଞ୍ଜାମାନାୟି, ଆମିନି  
ଗାଟାରି ମାହାପୁରୁଇଁ ଜୀଝୁ ନନେରି  
ଇଞ୍ଜା ମାହାପୁରୁତି ଲଡ଼ା ତାକି ବାଟି  
କିଝି ଆହାମାନେରି, ଏଝାରାକି ବାରେ  
ନେହାୟି ଆନେ □

୨୯ ଆମ୍ବାଆରାଇଁ ମାହାପୁରୁ  
ହାଟାମାନେସି, ଏଝାରାକି ତାନି  
ମୀରଏଣା ଝାଣା ଲେହେଁ ଆହାଲି  
ତଲିଟିଏ ତୀରି କିହାମାନେସି, ଆତିହ  
ମାହାପୁରୁତି ମୀରଏସି, ଏନିକିହ  
ଏଝାସି ହାରେକା ତାୟି ତାଙ୍ଗିସ୍ତା କିହାଁ  
ମୂଲୁ ଜାର୍ନା ଆଡାସି ଆନେସି □

\* ୮:୨୩ ୮:୨୩ ୨କର ୫:୨-୪

୩୦ ଆମ୍ବାଆରାଇଁ ନକେଏ  
 ଆଚାମାରେସି, ଏଝାରାଇଁ ଏଝାସି  
 ହାଡ଼ିତେସି, ଏଝାରି ମାହାପୁରୁ ନକିତା  
 ଦାମ୍ବୁଗାଗାରି ଇଞ୍ଜି ତଞ୍ଜି କିତେସି,  
 ଅଡ଼େ ଆମିନି ଗାଗାରାଇଁ ଦାମ୍ବୁଗାଗାରି  
 ଇଞ୍ଜି ତଞ୍ଜି କିତେସି ଏଝାରାଇଁ ଜିକେଏ  
 ଏଝାସି ଗାଝୁରମି କିତେସି □

ମାହାପୁରୁତି ଜୀଝୁନନାୟି

୩୧ ଆତିହୁଁ ଈ ବାରେତି ମେସାନା  
 ମାର ଏନାଆଁ ଇନାୟି ? ମାହାପୁରୁ  
 ମା ଝାକି ମାଟିସାରେ, ଆମ୍ବାଆସି ମା  
 କପାତଲେ ନିଙ୍ଗନେସି ?

୩୨ ଆମ୍ବାଆସି ତାନି ମୀରୁଏଣାଇଁ  
 ଜିକେଏ ଗେଲପାଆତେସି, ସାମା ମା  
 ବାରେତାକି ଏଝାଣାଇଁ ହେର୍ପିତେସି,  
 ଏଝାସି ଏନିକିଁ ଏଝାଣିତଲେ ମାଙ୍ଗେ  
 ଜିକେଏ ବାରେ କାର୍ମାତି ଦାନା  
 ହିୟଅସିକି ?

୩୩ ମାହାପୁରୁ ହାଟାମାନି ଲକୁ  
 କପାତଲେ ଆମ୍ବାଆସି ଦହୁ ଦସାଲି  
 ଆଡ଼ିନେସି ? ଏଝାରି ଦହୁ ହିଲାଆ  
 ଗାଗାରି ଇଞ୍ଜି ମାହାପୁରୁ ତାନୁଏ  
 ଝେକହା ମାନେସି □

୩୪ ଆମ୍ବାଆସି ତଣ୍ଡ ହାନେସି ? କ୍ରୀସ୍ତ  
 ଜୀସ୍ତ ହାଡ଼ାରି ତାଣ୍ଡାଟି ଝେଣ୍ଡେ ନିଙ୍ଗାନା  
 ମାହାପୁରୁତି ଚିଝନି ଚଟତା ମାଞ୍ଜାନା  
 ମାଙ୍ଗେତାକି ଗହାରା କିହିମାନେସି □

୩୫ ଆତିହୁଁ ଆମ୍ବାଆସି ମାଙ୍ଗେ  
 କ୍ରୀସ୍ତ ଜୀଝୁ ନନି ତାଣ୍ଡାଟି ଏଟକା  
 କିୟାନେସି ? ଦୁକୁ, କସ୍ତ, କାକୁଲି  
 କି କାଡ଼ାରା, ହାକି, ଏସ୍କି, ସନି କି  
 କାଣ୍ଡା, ଏନାୟି ଜିକେଏ ଏଦାଆଁ କିହାଲି  
 ଆଡ଼େଏ □

୩୬ ସାଢ଼ସ୍ତରିତା ରାସ୍କି ଆହାମାନେ;  
 “ମିଙ୍ଗେ ତାକି ମାମ୍ବୁରାରେଦିନା ହାକିତି  
 ନକିତା,  
 ହାହାଲି ହାଜିମାନି ମେଣ୍ଡା ଲେହେଁ  
 ମାମ୍ବୁରୁଞ୍ଜା ଆହିମାନମି □”

୩୭ ଆଡ଼ିଜିକେଏ ଆମ୍ବାଆସି ମାଙ୍ଗେ  
 ଜୀଝୁ ନୟାତେସି, ଏଝାଣି ସାଢ଼ୟେମି  
 ତଲେ ମାର ଈ ବାରେତି ଲାକ ଜୀଣା  
 ଆହାମାନାୟି □

୩୮ ନାନୁ ସାତେଏ ନେହୁଁକିଁ  
 ପୁଞ୍ଜାମାଇଁ ତାନି ଜୀଝୁ ନନି ତାଣ୍ଡାଟି ମାର  
 ଏଚେଲା ଜିକେଏ ଏଟକା ଆଆୟି, ହାକି  
 କି ଜୀଝୁ, ଲାକପୁରୁତି ଦୁତୁୟାଁ କି ସାଲୁଞ୍ଜି  
 କିହିମାନାଇଁ କି ବାଡ଼ୁୟୁ ଗାଟାଇଁ, ନୀଏଁ  
 କି ଝାନି ଦିନା କି ଏନି ବାଡ଼ୁୟୁ,

୩୯ ଲାକପୁରୁତି କାତା କି ତୁଇପୁରୁତି  
 କାତା ଏନାୟି ଜିକେଏ; ବାରେ  
 ଗାଡ଼ିଆଡ଼ି ଦିଶ୍ସୁ ପ୍ରବୁ କ୍ରୀସ୍ତ ଜୀସ୍ତ  
 ତାଣ୍ଡାଟି ତଞ୍ଜାଆହାମାନି ମାହାପୁରୁତି  
 ଜୀଝୁ ନନି ତାଣ୍ଡାଟି ମାଙ୍ଗେ ଏଟକା  
 କିୟାନେ □



ମାହାପୁରୁ ଅଡ଼େ ତାନି ଲକୁ

୧ ନାନୁ କ୍ରୀସ୍ତତି ଲକୁ ଆହାମାନାକି  
 ସାତା ଝେସିମାଇଁ, ମିତି ଝେସିହିଲଅଁ □  
 ସ୍ତୁଜୀଝୁତି ସେଦନା ହାନାଣି ତଲେ ନା  
 ଅଣ୍ପୁ ଇଦାଣିତି ସାକି □

୨ ନାନୁ ଏଚେକା ଦୁକୁ ଅଡ଼େ  
 କସ୍ତତଲେ ନା ହିୟାତା ଏଚେକା  
 ବକୁ ଆହାମାନେ, ଇଦାଆଁ ନାଡ଼ିକିହାଁ  
 ଝେସିହିଲଅଁ □

୩ ନା ଜାହାରା କୁଡ଼ାତି ତାୟିୟାକି  
 ନାନୁ କ୍ରୀସ୍ତ ତାଣ୍ଡାଟି ଏଟକା ଆହାନା  
 ମାହାପୁରୁ ତାଣ୍ଡାଟି ବାକା ବେଟାଆହାଲି  
 ନା ଅଣ୍ପୁ, ଇତିହୁଁ ଏଝାରି  
 ମାହାପୁରୁତି ଲକୁ □

୪ ଏନାଆଁତାକି ଇତିହୁଁ ଏଝାରି  
 ଇସାୟେଲ ଲକୁ; ତାନି ମୀରୁକା  
 ଲେହେଁ ଆବାନା ଏଝାରି ନକିତା  
 ତାନି ଗାଝୁରମି ତସାମାତେସି;  
 ଏଝାରିତଲେ ରାଜିମାନା ଆହାନା  
 ଏଝାରାକି ମେରା ହାହାମାତେସି,  
 ଏଝାରି ସାତା ତଲେ ସେବା କିନାରି;  
 ଏଝାରି ମାହାପୁରୁ ତାଣ୍ଡାଟି ଆଞ୍ଜାମାନାଣି  
 ବେଟାଆହାମାନେରି;

୫ ଏଝାରି ବାରେଜାଣା ଝେଙ୍ଗାମାନି  
 ଆକୁ ଆବାୟାତି ମୀରୁକା ଇଞ୍ଜା ମାଣ୍ଡି  
 ଝାଣାଟି କ୍ରୀସ୍ତ ଏଝାରି ତାଣ୍ଡାଟି ଜାନା  
 ଆହାମାତେସି; ବାରେ ଅଦିକାରାଗାଟି

ମାହାପୁରୁକି କାଳାକାଳାତାକି ଜହରା  
ଆପେ □ ଆଢ଼େନ □

୭ ମାହାପୁରୁତି ବଲୁ ଉଜେଏ  
ଆହାମାନେ ଇଞ୍ଜି ନାନୁ ଝେସିହିଲଅଁ,  
ଇତିହଁ ଇସ୍ରାୟେଲ କୃତାତି ବାରେ  
ଲକୁ ମାହାପୁରୁତି ଲକୁ ଆଏ,

୮ ଅବ୍ରାହାମ କୃତାତି ବାରେ ଲକୁ  
ମାହାପୁରୁ ମୀରକା ମାସ୍କା ଏଡି ଆଏ;  
ମାହାପୁରୁ ଅବ୍ରାହାମଇଁ ଝେସାମାଚେସି,  
“ଇସାହାକ ତାଣାଟି ନୀ କୃତା  
ଝେଜିନେରି □”

୯ ଇଦାଣି କାତା ଇଦି, ମାଣସି  
ମୀରକା ମାସ୍କା ମାହାପୁରୁ ମୀରକା  
ମାସ୍କା ଆହାଲି ଆଡ଼ଅରି, ମାହାପୁରୁତି  
ଆଞ୍ଜାମାନି ଲେହେଁ ଜାର୍ନା ଆହାମାନି  
ମୀରକା ମାସ୍କା ମାହାପୁରୁ ନକିତା  
ସାତା ମୀରକା ମାସ୍କା ଲେହେଁ ଆନେରି  
□

୧୦ ମାହାପୁରୁ ଇଦାଆଁ ଆଞ୍ଜାମାଚେସି,  
“ଇ କାଲମିତା ମାମୁ ଝେଣ୍ଡେ ଝାନମି,  
ଏଚିବେଲାତା ସାରା ର ମୀରଏଣାଇଁ  
ଜାର୍ନା କିହାମାଣସିନେ □”

୧୧ ଅଡ଼େ ଝାରଇ ଏଚେକା ଆଏ,  
ରିବିକାନି ତାଣା ଜିକେଏ ଜାଣ୍ଡା  
ମୀରକା ର ତାଞ୍ଜି ଇସାହାକ ତାଣାଟି  
ଜାର୍ନା ଆହାମାଚେରି,

୧୨ ଏଞ୍ଜାରି ଜାର୍ନା ଆନି ନଚେଏ,  
ଅଡ଼େ ଏଞ୍ଜାରି ନେହାଣି ଲାଗେଏତାଣି  
କିନି ନଚେଏ, ଇଞ୍ଜାରି ବିତ୍ରାଟି  
ରଅସି ମାହାପୁରୁ ଲଡ଼ା ତାକି ବାଚି  
କିଞ୍ଜିଆଚେସି,

୧୩ ରିବିକାଇଁ ମାହାପୁରୁ ଏଲେଇଞ୍ଜାମାଚେସି,  
“କାଜା ତାୟି ଉଣା ତାୟିତି ସେବା  
କିନେସି □” ମାହାପୁରୁ ଏଦାଆଁ  
ଝେସାମାଚେସି ଏଞ୍ଜାରି କାମା କିତି  
ତାଣାଟି ଆଏ, ଝାରଇ ମାହାପୁରୁ  
ଆଡ଼ିତାକି ଏଞ୍ଜାରି ହାଟୁକି ଆଡ଼େରି □

୧୪ ସାପ୍ତେରିତା ରାସ୍କି ଆହାମାନେ,  
“ନାନୁ ଜାକୁବଇଁ ଜୀଞ୍ଜୁ ନଡ଼େଏଁ, ସାମା  
ଏସାଞ୍ଜୁଇଁ ଅପାଆଚେଏଁ □”

୧୫ ଆତିହଁ ଏଦାଆଁ ଇନାୟି,  
ମାହାପୁରୁ ଲାଗେଏତି କାମାକିନାସି କି

? ଏଡି ଏଚେଲା ଜିକେଏ ଆଆପେ □  
୧୫ ଏଦାଆଁତାକି ମସାଇଁ  
ଏଲେଇଚେସି, “ଆମ୍ବାଆରାଇଁ ନା କାର୍ନା  
ଆନାୟି ମାନେ ଏଞ୍ଜାଣାଇଁ କାର୍ନା ଆକ୍,  
ଆମ୍ବାଆରାଇଁ ସାୟେମି କିନାୟିମାନେ  
ଏଞ୍ଜାଣାଇଁ ନାନୁ ସାୟେମି କିଇଁ □”

୧୬ ଏଦାଆଁତାକି ଆମ୍ବାଆସି ମନ  
କିନେସି, ଆଆତ ଆମ୍ବାଆସି  
ପାରିନାସି କି କିନାସି, ଏଞ୍ଜାଣି ତାଣାଟି  
ଏନାୟି ଆହାଲି ଆଡ଼େଏ, ସାମା  
କାର୍ନାମେହନି ମାହାପୁରୁ ତାଣାଟି ଆନେ  
□

୧୭ ଦାର୍ମ୍ବ ସାପ୍ତେରିତା ରାସ୍କି  
ଆହାମାନି ଲେହେଁ, ମାହାପୁରୁ ମିସରତି  
ରାଜା ପାରଇଁ ଏଲେଇଚେସି, “ନୀ  
ତାଣାଟି ନା ବାଡ଼ୁୟୁ ତସାଲି ଇଞ୍ଜା ବାରେ  
ଦାରତିତା ନା ଗାଞ୍ଜୁରମି ତସାଲି ତାକି  
ନାନୁ ନିଜେ ରାଜା କିହାମାଞ୍ଜାଇଁ □”

୧୮ ଏଦାଆଁତାକି ମାହାପୁରୁତି ଅଣ୍ଡୁ  
ଲେହେଁ ଆମ୍ବାଆରାଇଁ କାର୍ନା ମେହନେସି  
ଇଞ୍ଜା ଆମ୍ବାଆରାଇଁ ଆଟ୍ଝା ହିୟା  
କିନେସି □

ମାହାପୁରୁତି କାର୍ବି ଇଞ୍ଜା  
କାର୍ନାମେହନାୟି

୧୯ ଏମ୍ବାଟିଏ ନାନୁ ନାଜେ  
ଏଲେଇଞ୍ଜାଦି, “ମାହାପୁରୁ ଏଦାଆଁତାକି  
ଦହ ଆହନେସି ? ଆମ୍ବାଆସି  
ମାହାପୁରୁତି କପାତଲେ ଏଦାଆଁ କିହାଲି  
ଆଡ଼ିମାନେସି ?”

୨୦ ସାମା ଏ ସୟି, ନାନୁ ଆମ୍ବାଆତି,  
ମାହାପୁରୁଇଁ ଝେଣ୍ଡେ ଝେସାଲି ନିଜେ  
ସାସା ମାନେକି, ଗାଡ଼ି ଆଡ଼ି ଆସୁ  
ଗାଡ଼ି କିତାଣାଇଁ “ନାଜେ ଏଦାଆଁତାକି  
ଇଲେକ ଗାଡ଼ି କିୟତି ଇଞ୍ଜି  
ଏଲେଇଞ୍ଜାଲି ଆଡ଼ିନେ କି ?”

୨୧ ର ଇରୁଆ ଡେପଲାଟି ଜାହାରା  
ଇରା ତଲେ ତ:କା କେପାଲି  
କୁମ୍ବେ ଏଣାକି ବାରେ ଅଦିକାରା ମାନେ,  
ରଣ୍ଡାଆଁ ବାରେ କାମାତି ଦିନାତା  
ଲେମ୍ବାଲି ଅଡ଼େ ରଣ୍ଡାଆଁ ଉଜେଏ  
ଦିନାତା ଲେମ୍ବାଲି ତାକି □

୨୨ ମାହାପୁରୁ ଜିକେଏ ଏଲେକ୍ କିହାମାନେସି, ତାନି କାରୁବି ତସାଲି ଇଞ୍ଜା ବାଡ଼ୁୟୁତି ପୁଣ୍ଡା କିହାଲି ଅଣ୍ଡପିମାରେସି, ସାମା ଆମିନି ଗାଟାରି ଏଞ୍ଜାଣି କପାତଲେ ନାସା ଆନାୟି ମାରେ, ଏଞ୍ଜାରି ତାକି ମାହାପୁରୁ ହାରେକା କାର୍ମା ଆହାନା ଅରହା ମାନେସି □

୨୩ ଅଡ଼େ ଗାଝୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାରୁ ଇଚିହୁ, ମା ତାଣା ତାନି ଗାଝୁରମିତି ଦନ ତସାଲି କିହାମାନେସି, ଆତିହୁ ନାନୁ ଏନାଆଁ ଇଞ୍ଜୁ ?

୨୪ ଏଦାଆଁତାକି ଏଞ୍ଜାସି ଝାଋଇ ଜୀହୁଦି ଲକୁ ତାଣାଟି ମାଙ୍ଗେ ହାଟା ମାଞ୍ଜଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଙ୍ଗେ ହାଟାମାଞ୍ଜାନେସି,

୨୫ ଈ କାତାତି ହସେୟ ପତିତା ମାହାପୁରୁ ଝେସାମାନେସି;

“ଆମ୍ବାଆରି ମା ଲକୁ ହିଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡିତମି;

ଆମିନି କୁଡାତାରାଇଁ ଜୀଝୁ ନହାଁ ହିଲାଆତମି ଏଞ୍ଜାରାଇଁ ମା ‘ଜୀଝୁତି ଲକୁ’ ଇଚମି,

୨୬ ଆମିନି ଟାୟୁତା ଏଞ୍ଜାରାଇଁ ଝେସାମାଚମି, ‘ମାରୁ ମା ଲକୁ ଆଏ’

ଏମ୍ବାଆଁ ଏଞ୍ଜାରି ଜୀଝୁଗାଟି ମାହାପୁରୁତି ମାରକା ଇଞ୍ଜୁ ଝେଙ୍ଗିନେରି □”

୨୭ ଇଞ୍ଜା ଇସ୍ରାୟେଲ ଲକୁତି କାତା ଜିସାୟ କାଜା ଗିୟାତଲେ ଝେସାମାନେସି, “ଇସ୍ରାୟେଲତି ଲକୁ ସାମ୍ବୁରିତି ଏଜିକିହାଲି ଆଡାଆଗାଟି ବାଝଲି ଲେହେଁ ଆତିହୁ ଜିକେଏ, ଏଞ୍ଜାରି ବିତ୍ରାଟି ଏଚର ଜାଣାଦେଁ ଗେଲପି ଆନେରି;

୨୮ ଏନାଆଁତାକି ଇଚିହୁ ପ୍ରବୁ ତବେ ଦାରତିତା ବାରେ ନୀହାୟି ବିଚାରା କିନେସି □”

୨୯ ଏନିକିହୁ ଜିସାୟ ତଲିଏ ଅଡ଼େ ଝେସାମାରେସି, “ବାରେ ବାଡ଼ୁୟୁ ଗାଟି ପ୍ରବୁ ଏତେକା ମା କୁଡାତି ଲକୁଣି ଗେଲପାଆତିମାଁ, ସଦମ ଅଡ଼େ ଗମରାତି ଲକୁଲେହେଁ ମାଙ୍ଗେ ଜିକେଏ ଆୟାତେମା □”

ପାଝୁଲ ଇସ୍ରାୟେଲ ତାକି ପ୍ରାତାନା

୩୦ ଏଦାଆଁତାକି ଜୀହୁଦିଆଆତି ଲକୁତି କାତାତା ଇଲେ ଇଞ୍ଜାଲି ଆଡିନାୟି, ଏଞ୍ଜାରି ଦାମ୍ବୁଗାଟାରି ଆହାଲି ଅଣ୍ଡପି ହିଲାଆତେରି, ସାମା ଏଞ୍ଜାରି ନାମୁ ତାକି ଦାମ୍ବୁଗାଟାରି ଆଡେରି □

୩୧ ସାମା ଇସ୍ରାୟେଲ ଲକୁ ଦାମ୍ବୁଗାଟାରି ଆହାଲି ଅଣ୍ଡପାନା ମେରା ତଲେ ଦାମ୍ବୁଗାଟାରି ଆହାଲି ଆଡାଆତେରି □

୩୨ ଏନାଆଁତାକି ଇଚିହୁ ଏଞ୍ଜାରି ନାମୁତଲେ ଏଦାଆଁ ପାରାଆନା, କାମା ତଲେ ପାରିମାରେରି □ ଏଦାଆଁତାକି ଏଞ୍ଜାରି ଆଜ୍ଜିମାନି ଝାଲିତା ପୁଟି କିହାନା ତରଗିତେରି □

୩୩ ସାପ୍ତେରିତା ରାସ୍ତକି ଆହାମାନେ; “ସିନିକିପୁ, ମାମ୍ବୁ ସିୟନତା ର ପୁଟିକିନି କଟା ଝାଲି ଇଞ୍ଜା ଆଜ୍ଜିନି ପାକା ଝାଲି କେପାମାନମି,

ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି □”

**୧୦**

୧ ଏ ଡାୟି ତାଜ୍ଜିସ୍ତାତେରି, ମା ଲକୁ ଏନିକିହୁ ଗେଲପି ଆନେରି, ଏଡି ନା ହିୟାତି ଅଣ୍ଡପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣିଏ ଅଣ୍ଡପୁ ତଲେ ନା ପ୍ରାତାନା □

୨ ଇଚିହୁ ମାହାପୁରୁ ସେବା କିହାଲି ଏଞ୍ଜାରାକି ହାରେକା ମନ ଅଡ଼େ ରାହାଁ ମାନେ, ଇଦାଆଁ ନାନୁ ଏଞ୍ଜାରି ଝାକିଟି ଝେସିମାଇଁ, ସାମା ଏ ମନ ଅଡ଼େ ରାହାଁ ବୁଦିଗାଗାୟି ଆଏ □

୩ ମାହାପୁରୁ ହୀତି ଦାମ୍ବୁତି ଜିରୁ ପୁନାଆନା ଜାହାରା ତୀରି କିହାମାନି

ଦାମ୍ଭୂତି ଜିରୁଟି ତାକାନା ମାହାପୁରୁ ହାତି  
 ଦାମ୍ଭୂତି ଜିରୁ ଆସିହିଲଅରି □

୪ କ୍ରୀସ୍ତୁ ମେରାତି ରାମ୍ଭନାସି, ୱାବୁଇ  
 ଏଞ୍ଜାଣି ତାଣା ନାମିସାରେ ମାଣସି  
 ମାହାପୁରୁ ନକିତା ଦାମ୍ଭୂଗାଟାସି ଆନେସି  
 □

ବାରେ ଜାଣାକି ଗେଲୁପି ଆନାୟି

୫ ମସା ରାତାମାନେସି, “ଆମିନି  
 ମାଣସି ମେରା ମାନ୍ତି କିହାନା  
 ଦାମ୍ଭୂଗାଟାସି ଆନେସି, ଏଞ୍ଜାସି ଏମ୍ବାଟି  
 ନୀତିନେସି □”

୬ ସାମା ନାମ୍ଭୁତଲେ ଦାମ୍ଭୂ ଗାଟାତାୟି  
 ଆନାୟି ଇଞ୍ଜି ସାସ୍ତେରିତା ରାସ୍ତକି  
 ଆହାମାନେ, “କ୍ରୀସ୍ତୁଇଁ ରେପ୍‌ହା ତାଗାଲି  
 ତାକି ଆମ୍ବାଆସି ଲାକପୁରୁ ହାଜାଲି  
 ଆଡିନେସି ?” ମୀରୁ ଇ କାତା  
 ଏଲେଇନାଆପୁ □

୭ ଇଞ୍ଜା “କ୍ରୀସ୍ତୁଇଁ ହାଡାରି ତାଣାଟି  
 ନିକହା ତାଗାଲି, ଆମ୍ବାଆସି ତାଡେପୁରୁ  
 ହାନେସି ? ଇ କାତା ଜିକେଏ ମୀରୁ  
 ଏଲେଇନାଆପୁ □”

୮ ଏନାଆଁତାକି ଇତିହୁଁ ସାସ୍ତେରିତା  
 ରାସ୍ତକି ଆହାମାନି ଲେହେଁ,  
 “ମାହାପୁରୁତି ବଲୁ ମୀ ତାଣା ମାନେ,  
 ଅଡେ ମୀ ଗୁତି ଇଞ୍ଜା ହିୟାତା ମାନେ,  
 ଆମିନି ନାମ୍ଭୁତି ବଲୁ ମାମ୍ଭୁ ୱେକ୍‌ହି  
 ମାନମି, ଏ ବଲୁ □”

୯ ମୀରୁ ଜୀସୁଇଁ ଗୁତି ତଲେ  
 ପ୍ରବୁ ଇଞ୍ଜି ଜଲିଦେରି, ଇଞ୍ଜା  
 ମାହାପୁରୁ ଏଞ୍ଜାଣାଇଁ ହାଡାରି ତାଣାଟି  
 ନିକହାମାନେସି ଇଞ୍ଜି ହିୟାଁ ତଲେ  
 ନାମିସାରେ, ଆତିହୁଁ ମୀରୁ ଗେଲୁପି  
 ଆନେସି;

୧୦ ଇତିହୁଁ ଦାମ୍ଭୂଗାଟି ଲକୁ ଆହାଲି  
 ମାଣସି ହିୟାଁ ତଲେ ନାମିନେସି, ଇଞ୍ଜା  
 ଗେଲୁପି ଆହାଲି ଗୁତି ତଲେ ଜଲିନେସି  
 □

୧୧ ଦାମ୍ଭୂ ସାସ୍ତେରିତା ରାସ୍ତକି  
 ଆହାମାନେ, “ଆମ୍ବାଆସି ଜିକେଏ  
 ତାନି ତାଣା ନାମିନେସି, ଏଞ୍ଜାସି ଲାଜା  
 ବେଟାଆଅସି □”

୧୨ ଜୀହୁଦି ଇଞ୍ଜା ଜୀହୁଦିଆଆତାରି  
 ବିତ୍ରା ପାରଡା ବାଟି କିନାୟି ହିଲେଏ;  
 ବାରେଜାଣା ତାକି ରଣ୍ଡିଏ ପ୍ରବୁ, ଏତେକା  
 ଲକୁ ଏଞ୍ଜାଣି ତାଣା ପ୍ରାତାନା କିନେରି,  
 ବାରେ ଜାଣାକି ଏ କାର୍ମାମେହନାୟି  
 ଆନେ □

୧୩ “ଆମ୍ବାଆସି ପ୍ରବୁତି ଦରୁ ଆସାନା  
 ପ୍ରାତାନା କିନେସି, ଏଞ୍ଜାସି ଗେଲୁପି  
 ଆନେସି □”

୧୪ ସାମା ଆମ୍ବାଆରାଇଁ ନାମା  
 ହିଲଅରି ଏନିକିହୁଁ ଏଞ୍ଜାରି ଏଞ୍ଜାଣି  
 ତାଣା ପ୍ରାତାନା କିନେରି ? ଇଞ୍ଜା  
 ଏଞ୍ଜାଣି ନେହୁଁ ବଲୁ ୱେନାଆନା  
 ଏଞ୍ଜାରି ଏନିକିହୁଁ ନାମିନେରି ?  
 ୱେକ୍‌ନାରି ୱେକ୍‌ଆସାରେ ଏ ବଲୁ  
 ଏଞ୍ଜାରି ଏନିକିହୁଁ ୱେନେରି ?

୧୫ ଅଡେ ବଲୁ ୱେକ୍‌ହାଲି ତାକି  
 ପାଣ୍ଡୁଞ୍ଜି ଆଆସାରେ ରଅସି ଏନିକିହୁଁ  
 ବଲୁ ୱେକ୍‌ନେସି ? ଇ କାତା  
 ସାସ୍ତେରିତା ରାସ୍ତକି ଆହାମାନେ,  
 “ଆମିନି ଗାଟାରି ନେହୁଁ ବଲୁତି କାବୁ  
 ତାନେରି ଏଞ୍ଜାରି କତାୟାଁ ଏତେକା  
 ଅକିତାଇଁ □”

୧୬ ସାମା ବାରେଜାଣା ଏ ନେହୁଁ  
 ବଲୁ ଆବା ହିଲଅରି, ଏଦାଆଁତାକି  
 ଜିସାୟ ଏଲେଇଞ୍ଜି ମାନେସି, “ପ୍ରବୁ  
 ମା ହାଡା ୱେଞ୍ଜାନା ଆମ୍ବାଆସି ନାମା  
 ମାନେସି ?”

୧୭ ଏନିକିହୁଁ ନାମୁ ୱେନି ତାଣାଟି  
 ୱାନେ, ଅଡେ ୱେନାୟି କ୍ରୀସ୍ତୁତି ନେହୁଁ  
 ବଲୁଟି □

୧୮ ସାମା ନାମୁ ଏଲେଇଇଁ, ଏଞ୍ଜାରି  
 ଏନାଆଁ ଏ ବଲୁ ୱେଞ୍ଜାହିଲଅରି କି ?  
 ୱେଞ୍ଜାମାନେରି, ଏନାଆଁତାକି ଇତିହୁଁ  
 ସାସ୍ତେରିତା ରାସ୍ତକି ଆହାମାନେ;

“ଏଞ୍ଜାରି ହାଡା ବାରେ ଦାର୍ଡିତା  
 ୱେଞ୍ଜାମାନେ,  
 ଏଞ୍ଜାରି କାତା ବାରେ  
 ଦାର୍ଡି ମୁଟପୁଲି ପାତେକା  
 ୱେଞ୍ଜାମାନେ □”

୧୯ ଅଡେ ର ଦେବା ନାମୁ ୱେଞ୍ଜାଲି  
 ଅଣ୍ଡିମାଇଁ, ଇସାୟେଲ ଲକୁ ଏଦାଆଁ  
 ତେଲହାଲି ଆଡାଆତେରି କି ?

ହାରେକା ବାର୍ଷା ନକେଏ ମସା ଇ କାତା  
ଝେସାମାନେସି,

“ମା. ଲକୁଣି କାରବି କିହାଲିତାକି ର.  
ଉଣା କୁଡ଼ାତି ଲେମ୍ବିନମି,  
ଏଲେକିହ ଏ ବୁଦି ହିଲିଆଗାଟି  
କୁଡ଼ା ତଲେ ଏଝାରାଇଁ କାରବି  
କିଝି କିନମି □”

୨୦ ଅଡ଼େ ଜିସାୟ ସାସାତଲେ  
ଝେସାମାନେସି,

“ଆମିନି ଗାଟାରି ମାଞ୍ଜେ ପାରିମାଞ୍ଜାଆତେବିକାର୍ମାମେସାନା ଆଟାମାତେସି, ଏଝାରି  
ଏ ଲକୁ ମାଞ୍ଜେ ବେଟାଆୟାତେରି; ବିତ୍ତାଟି ଏଚର ଜାଣାଦେଁ ମାନେରି □  
ଆମିନି ଗାଟାରି ମା. କାତା  
ଝେଞ୍ଜିମାଞ୍ଜାଆତେରି, ଏଝାରି  
ନକିତା ମାମୁଡ଼ଞ୍ଜାଆତମି □”

୨୧ ସାମା ଏଝାସି ଇସ୍ତାୟେଲ ଲକୁଡ଼ି  
କାତା ଝେସାମାନେସି, “ର ମାନି କିଆନା  
ନା କପାଟି ନିଜିନି କୁଡ଼ାତି ନାନୁ ଝେଡ଼ା  
ତୁସ୍ତେ କେୟୁ ଦାସା ମାଇଁ □”

### ୧୧

ଇସ୍ତାୟେଲ ଲକୁଣି ମାହାପୁରୁତି  
କାର୍ମା

୧ \*ଅଡ଼େ ନାନୁ ଝେଞ୍ଜାଲି ଆଡ଼ିଇଁ,  
ଆଡ଼ିହୁଁ ମାହାପୁରୁ ତାନି ଲକୁଣି  
ପିସାମାନେସି କି ? ଏଲେଆହୁଁ  
ଏଚେଲ୍ଲା ଜିକେଏ ଆଆପେ,  
ଏନାଆଁତାକି ଇତିହୁଁ ନାନୁ ଜିକେଏ  
ଅବ୍ରାହାମତି କୁଡ଼ାତା ଜାର୍ନାଆଡ଼ି  
ବିନ୍ୟାମିନ୍ ଗଟିତି ଇସ୍ତାୟେଲ  
ଲକୁଡେଏଁ □

୨ ମାହାପୁରୁ ତଲିଟିଏ ବାଟି କିହାଁ  
ହାଟାମାନି ତାନି ଲକୁଣି ଏଚେଲ୍ଲା  
ଜିକେଏ ପିସାହିଲଅସି, ମୀରୁ ଦାର୍ମୁ  
ସାସ୍ତେରିତା ପଡ଼ଝି ଆହାହିଲଅତେରି ?  
ଏନିକିହୁଁ ଏଲିୟୁ ମାହାପୁରୁ ନକିତା  
ଇସ୍ତାୟେଲ ଲକୁ କପାତଲେ କାତା  
ଜଲ୍ଲାମାଚେସି,

୩ “ପୁରୁ ଏଝାରି ମାହାପୁରୁ ଅଣ୍ଟପୁଡ଼ି  
ବଲୁ ଝେହ୍ନାରାଇଁ ଏନିକିହୁଁ  
ପାୟାମାନେରି ଇଞ୍ଜା ପୂଜା ପିଣ୍ଡାଣି  
ଡ଼ିକ୍‌ହାନା ନାସଝି କିହାମାନେରି, ଝାରଇ

ନାନୁ ରଅତେଏଁ ଗେଲ୍‌ପି ଆହାମାଇଁ;  
ଏଝାରି ନା. ଜୀଝୁ ଜିକେଏ ଅହାଲି  
ଅଣ୍ଟପିମାଞ୍ଜାନେରି □”

୪ ଏଲିୟୁଇଁ ମାହାପୁରୁ ଝେଣ୍ଡେ  
ଏନାଆଁ ଏଲେଇଚେସି, “ନାଡ଼ିକିନି ବାଲ୍  
ପେନୁ, ପୁଡ଼ଲ୍ଲା ନକିତା ମେଣ୍ଡା କୁଡ଼ା  
ହିଲଅରି ଇଲେତି ସାତା ମାଣା ଲକୁଣି  
ମାଞ୍ଜେତାକି ଇଟାମାନମି □”

୫ ଏଲେକିହୁଁ ଏ ନାଏଁ ଜିକେଏ  
ଏନାଆଁତାକି ଇତିହୁଁ, ଏଡ଼ି କାମାଲତ୍ତା  
ତାକି ଆହାଲି ଆଡେଏ; ଇଞ୍ଜା  
ତାନି କାର୍ମାମେହ୍ନାୟି ସାତା ତଲେ  
କାର୍ମାମେହ୍ନାୟି ଆଏ □

୬ ଆଡ଼ିହୁଁ ଏନାଆଁ ଆଡେ  
? ଇସ୍ତାୟେଲତି ଲକୁ  
ଏନାଆଁ ପାରିମାଚେରି, ଏଦାଆଁ  
ବେଟାଆଆତେରି; ଝାରଇ ମାହାପୁରୁ  
ଆଟାମାନି ଏଚରଜାଣା ଲକୁ ଏଦାଆଁ  
ବେଟାଆଡେରି, ଏବକାତାରି ଆମ୍ବାଆରି  
ଜିକେଏ ମାହାପୁରୁ ହାଟାମାନାଣି ମନ୍  
ହୀଆତେରି □

୭ ସାସ୍ତେରିତା ରାସ୍‌କି ଆହାମାନେ,  
“ମାହାପୁରୁ ନୀଞ୍ଜୁପାତେକା ଏଝାରାକି  
ଆଟ୍‌ଝା ଜୀଝୁ ହୀହାମାନେସି, ଅଡ଼େ  
ଇଲେତି କାଣ୍‌କା ହୀହାମାନେସି,  
ଏନିକି ଏଝାରି ମେସାଲି ଆଡ଼ି  
ହିଲଅରି, ଅଡ଼େ ଇଲେତି କାର୍କା  
ହୀହାମାନେସି ଏଝାରି ଝେଞ୍ଜାଲି  
ଆଡ଼ିହିଲଅରି □”

୮ ଏଝାରି କାତା ଦାଝୁଦ  
ରାଟାମାନେସି,  
“ଏଝାରି ପାରୁଡ଼ି ରାନ୍ଦା ତିନା ଉନାଟି  
ପାନ୍ଦାତା ରିପାରି,  
ଏଝାରି ତରଗାନା ତଣ୍ଡ  
ବେଟାଆଡେରି □

୯ ଏଝାରି ଏନିକି ମେସାଲି ଆଡ଼ଅରି,  
ଏଦାଆଁତାକି ଏଝାରି କାଣାୟି  
ଆଡେରି,

୧୦ ଏଝାରି ଏନିକି ମେସାଲି ଆଡ଼ଅରି,  
ଏଦାଆଁତାକି ଏଝାରି କାଣାୟି  
ଆଡେରି,

\* ୧୧:୧ ୧୧:୧ ପିଲିପି ୩:୫

କାଲେଏ ଦୁକୁ କସ୍ତ ବେଟାଆହାନା  
ଏଞ୍ଜାରି ଟେଡେଲି ଚୁଡୁଞ୍ଜା  
ଆପେ □”

୧୧ ନାନୁ ଏଲେ ଇଞ୍ଜିମାଈ, ଏଞ୍ଜାରି  
ନାସଞ୍ଜି ଆହାଲି ପୁଟି କିହା ମାନେରି କି ?  
ଆଏ ଏଚେଲା ଜିକେଏ ଆଆପେ, ସାମା  
ଏଞ୍ଜାରି ପାପୁ କିତାକି, ଏଞ୍ଜାରାଇଁ କାରବି  
କିହାଲିତାକି ଜୀହୁଦିଆଆତାରି ନକିତା  
ଗେଲ୍ପିଆନ୍ତି ଅଦିକାରା ମେଡାଆଡେ □

୧୨ ଜୀହୁଦି ଲକୁଡି ପାପୁ ଦାରତିତି  
ବାରେ ଲକୁଡାକି ହାଡେକା ବାଡକୁ  
ଲେହେଁ ଆହାମାନେ, ଜୀହୁଦି ଲକୁ  
ରିତାକି ଜୀହୁଦିଆଆତି ଲକୁଡାକି ବର  
ହାଡେଏ ଗାତି ଲାବା କିହାମାନେରି,  
ଇଞ୍ଜା ବାରେ ଜୀହୁଦି କୁଡା ଗେଲ୍ପି  
ଆଡିହୁଁମା ଏମ୍ପାଟି ଏଚେକା ଗାତି ବର  
ବେଟାଆଅରି □

ଜୀହୁଦିଆଆତାରି ଗେଲ୍ପି ଆନାୟି  
୧୩ ଜୀହୁଦିଆଆତି ଲକୁଣି ନାନୁ  
ଏଲେ ଇଞ୍ଜିମାଈ, ନାନୁ ଜୀହୁଦିଆଆତି  
ଲକୁଡାକି ପାଣ୍ଡୁଞ୍ଜି ଆହାମାନାକି ନା  
ସେବା କାମାତି ପାଣା ତାକି ନାନୁ  
ବତପଣ ଆହିମାଈ □

୧୪ ଏନିକିହୁଁ ଆପେ ଜାହାରା  
କୃଡାତି ଲକୁଣି ରାହାଁ କିଞ୍ଜିକିହାନା  
ଏଞ୍ଜାରି ତାଣାତି ଏଚର ଜାଣାଇଁ  
ଗେଲ୍ପାଲି ଆଡିଈ □

୧୫ ଏନାଆଁତାକି ଇଡିହୁଁ ଏଞ୍ଜାରି  
ପିସ୍ପିଆଡାକି ଦାରତି ତଡେ ଆଡେ □  
ଆଡିହୁଁ, ମାହାପୁରୁ ବାରେ ଜୀହୁଦି  
କୃଡାତି ଆବିସାରେ, ଏଦାଆଁତି ପାଡେୟି  
ଏନାଆଁ ଆନେ ? ଏଡି ହାଡି ମାଣ୍ଡି  
ଜୀଞ୍ଜୁ ବେଟାଆଡି ଲେହେଁ □

୧୬ ରଚାଣି ରୁଟି ମାହାପୁରୁ ଦରୁତଲେ  
ହେରପି ଆହାମାଡିହୁଁ, ବାରେ ରୁଟି  
ଜିକେଏ ହେରପି ଆହାମାନେ ଇଞ୍ଜି  
ଇନାୟି; ର ମାର୍ଜୁନୁଡି ହୀରୁ ହେରପି  
ଆହାମାଡିହୁଁ, ଏଦାଣି କମା କାୟି  
ଜିକେଏ ହେରପି ଆହାମାନୁ ଇଞ୍ଜି  
ଅଣ୍ପିନାୟି □

୧୭ ସାମା ଏଚେକା କମାୟାଁ ରାଡପି  
ଆଡୁ ଅଡେ ମୀରୁ ଜାଡାତି ଜୀତ

ମାର୍ଜୁନୁଡି କମାୟାଁ ଆଡିଜିକେଏ ଏ ବିଡା  
ଦୁସ୍ପିଆଡେରି, ଅଡେ ଏଞ୍ଜାରିତଲେ  
ଜୀତ ମାର୍ଜୁନୁଡି ତାକିତି ରାସାତା  
ଆଣ୍ଡିତେରି □

୧୮ ଆଡିହୁଁ ଏ କମାୟାଁ କପାତଲେ  
ବତପଣ ଆଆଦୁ; ସାମା ମୀରୁ ବତପଣ  
କିଦେରି, ମୀରୁ ମାର୍ଜୁନୁଡି ତାକିତି  
ଆସା ହିଲଅଡେରି, ସାମା ତାକି ମିଜେ  
ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା  
ଡୟାଦୁ □

୧୯ ଆଡିହୁଁ ମୀରୁ ଏଲେଇଞ୍ଜାଲି  
ଆଡିଦେରି, “ନାଜେ ଟାୟୁ ହୀହାନା  
ଦୁରସାଲି ତାକି ଏ କମାଣି ରାଡପି  
ଆହାମାରୁ □”

୨୦ ଏଡି ସାତା, ଏଞ୍ଜାରି ନାମାଆଲିଏ  
ରାଡପି ଆଡେରି, ମୀରୁ ଖାରଇ  
ନାମାଲିଏ ଏ ଟାୟୁ ଅଦିକାରା  
କିହାମାଞ୍ଜେରି, ସାମା ବତପଣ ଆଆନା  
ଆଜାଦୁ;

୨୧ ମାର୍ଜୁନୁଡା ଗାଲ୍‌ହାମାନି କମାୟାଁ  
ଲେହେଁ ଜୀହୁଦି ଲକୁଣି ମାହାପୁରୁ  
ଡଣ୍ଡ ହୀଆନା ପିସାହିଲଅସି ଇଡିସାରେ,  
ଏଞ୍ଜାସି ମିଜେ ଜିକେଏ ପିସ୍ପଅସି □

୨୨ ଇମ୍ପାଆଁ ସିନିକିନି କାତା, ମାହାପୁରୁ  
ଏନିକିହୁଁ କାର୍ମା ମେହନାସି ଇଞ୍ଜା  
କାରବି ଆନାସି; ଆମ୍ପାଆରି ପାପୁଡା  
ତରଗା ମାନେରି, ଏଞ୍ଜାରାଇଁ ଏଞ୍ଜାସି  
କାରବି ଆନେସି; ସାମା ଏଚରଦିନା  
ପାଡେକା ତାନି କାର୍ମାମେହନି  
ତାଣା ଡୟିଦେରି, ଏଚରଦିନା  
ମିଜେତାକି କାର୍ମା ମେସ୍ତାନେସି, ତାନି  
କାର୍ମାମେହନାଣି ଜାକ୍‌ହସାରେ; ମୀରୁ  
ଜିକେଏ ରାଡପି ଆଡେରି □

୨୩ ଜୀହୁଦି ଲକୁ ଏଞ୍ଜାରି ନାମୁଡି  
ପିହୁଅରି, ଆଡିହୁଁ ଏଞ୍ଜାରି ତଲିମାତି  
ଟାୟୁଡା ଖେଣ୍ଡେ ତୀରି ଆନେରି □  
ମାହାପୁରୁ ଇଦାଆଁ କିହାଲି ଆଡିମାନେସି  
□

୨୪ ଜୀହୁଦିଆଆତି ଲକୁ ଜାଡାତି  
ଜୀତ ମାର୍ଜୁନୁଡି ଗମାୟାଁ ଲେହେଁ  
□ ଏଞ୍ଜି ରାଡପି ଆହାନା ଏମ୍ପାତାଇ  
ଆଆତି ଜିକେଏ ବାଡାତା ପାଡିକିହାମାନି  
ଜୀତ ମାର୍ଜୁନୁ ତଲେ ଦୁସ୍ପି ଆହାମାନୁ



□ ଜୀହୁଦି କୃତାତି ଲକୁ ବାଡ଼ାତା  
 ପାତିକିହାମାନି ଜୀତ ମାରୁନୁ ଲେହେଁ  
 □ ଈ ମାରୁନୁତି ରାଡ଼ପି ଆହାମାନି  
 ଗମାଣି ଖେଣ୍ଡେ ମାରୁନୁ ତଲେ ଦୁର୍‌ସାଲି  
 ମାହାପୁରୁ ଆଡ଼ିନେସି □

ବାରେ ଜାଣାକି ମାହାପୁରୁତି  
 କାର୍ମାମେହନାୟି

୨୫ ଏ ତାୟି ତାଜିମ୍ମାତେରି,  
 ମୀରୁ ଏନିକିହିଁ ମିଜ୍ଞେତାକି ମୀରୁଏ  
 ବୁଦିଗାଟାତମି ଇଞ୍ଜି ଅଣ୍‌ପଅତେରି,  
 ଇଦାଆଁତାକି ମୀରୁ ଈ ଡ଼ଗୁମାନି  
 କାତାତି ପୁନାଆନା ମାଣ୍‌ମେରି  
 ଇଞ୍ଜି ନା ମନ ହିଲେଏ, ଇତିହିଁ  
 ଜୀହୁଦିଆଆତି ଲକୁ ବାରେ ହଡ଼ଆ  
 ପାତେକା ଇସ୍ତାୟେଲତି ଏତେକା ଲକୁ  
 ନାମାଆନା ଡ଼ୟିନେରି;

୨୬ ଇଲେଆହିଁ ବାରେ ଇସ୍ତାୟେଲ  
 ଲକୁ ଗେଲ୍‌ପି ଆନେରି, ଏନିକିହିଁ  
 ରାସ୍‌କି ଆହାମାନେ,  
 “ଗେଲ୍‌ପି କିନାସି ସିୟନଟି ଖାନେସି,  
 ଜାକୁବ କୃତାତା ମାନି ବାରେ  
 ଲାଗେଏତାଣି ହେକ କିନେସି □

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ  
 ହେକ କିଇଁ,  
 ଏତିବେଲା ଏଞ୍ଜାରିତଲେ ଈ  
 ରାଜିମାନା କିନମି □”

୨୮ ନେହିଁ କାବୁତି ଆହିଆ ଜୀହୁଦି  
 ଲକୁ ମିଜ୍ଞେତାକି ମାହାପୁରୁକି ସାଡ଼ୁୟାଁ  
 ଆହାମାନେରି, ସାମା ମାହାପୁରୁ  
 ଆଚାମାନି ଆକୁ ଆବାୟାଁ ତାକି ଏଞ୍ଜାରି  
 ମାହାପୁରୁକି ଜୀଞ୍ଜୁ ନନାରି ଆହାମାନେରି  
 □

୨୯ ଇତିହିଁ ମାହାପୁରୁ ଆଚାମାନାୟି  
 ଅଡ଼େ ତାନି କାର୍ମାତି ଦାନା ଏତେଲାଖା  
 ଉଜେଏ ଆଏ □

୩୦ ଜୀହୁଦିଆଆତି ଲକୁତେରି ତଲି ମୀରୁ  
 ମାହାପୁରୁଇଁ ମାନି କିହାହିଲଆତେରି;  
 ସାମା ନୀଏଁ ଜୀହୁଦି ଲକୁ ମାନି  
 କିଆତାକି ମାହାପୁରୁତି କାର୍ମାମେହନାଣି  
 ବେଟାଆଡ଼େରି,

୩୧ ଏଲେଆହିଁଏ ଏଞ୍ଜାରି ଜିକେଏ  
 ନୀଏଁ ମାନି କିହାହିଲଅରି,  
 ଏନିକିହିଁ ମିଜ୍ଞେତାକି ତଞ୍ଜାଆହାମାନି  
 କାର୍ମାମେହନାଣି ତଲେ ଏଞ୍ଜାରି ଜିକେଏ  
 ନୀଏଁ କାର୍ମାମେହନାଣି ବେଟାଆନେରି □

୩୨ ଏନିଇତିହିଁ ମାହାପୁରୁ ବାରେ  
 ଜାଣାଇଁ କାର୍ମା ମେସାଲି ତାକି ମାହାପୁରୁ  
 ବାରେଜାଣାତି ମାନି କିଆରେଡ଼ୁ  
 ହେଡ଼ପା ମାନେସି □

ମାହାପୁରୁକି ଗାଞ୍ଜୁରମି  
 ୩୩ ଅହତା! ମାହାପୁରୁତି ବୁଦି ଇଞ୍ଜା  
 ପୁନି ବାଡ଼ୁୟୁ ଏତେକା କାଜାୟି! ତାନି  
 ଅଣ୍‌ପୁତି ଆମ୍ବାଆସି ତେଲ୍‌ହି କିୟାନେସି  
 ? ଇଞ୍ଜା ତାନି ଜିରୁତି ଆମ୍ବାଆସି ପୁଞ୍ଜାଲି  
 ଆଡ଼ିମାନେସି ?

୩୪ ସାସ୍ତ୍ରିତା ରାସ୍‌କି ଆହାମାନେ;  
 “ଆମ୍ବାଆସି ମାହାପୁରୁତି ଅଣ୍‌ପୁତା  
 ମାନାଣି ତେଲ୍‌ହିନେସି ?  
 ଆମ୍ବାଆସି ଏଞ୍ଜାଣାଇଁ ଖେସାଲି  
 ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏତେଲା  
 ଏନାଆଁ ହୀହାମାନେସି,  
 ଏଦାଆଁତାକି ଏଞ୍ଜାଣାକି ଏଞ୍ଜାସି  
 ଖେଣ୍ଡେ ହୀନାୟି ମାନେ ?”

୩୬ \*ବାରେ ଗାଡ଼ି ଆଡ଼ାୟି ତାନିତାଣାଟି,  
 ତାନି କେୟୁତଲେ, ଅଡ଼େ ତାଜ୍ଞେତାକି  
 ଆହାମାନେ; କାଲ୍‌କାଲ୍‌ ତାକି  
 ଏଞ୍ଜାଣାକି ଗାଞ୍ଜୁରମି ଆଡ଼େ, ଆଡ଼େମନ୍  
 □

**୧୨**

କ୍ରୀସ୍ତ ତାଣା ପୁଃନି ଜୀଞ୍ଜୁ  
 ୧ ଇଦାଆଁତାକି ତାୟି ତାଜିମ୍ମାତେରି,  
 ମାଜ୍ଞେତାକି ମାହାପୁରୁତି ହାରେକା  
 କାର୍ମାମେହନାଣି ତାକି ମିଜ୍ଞେ ନାନୁ  
 ବାଡ଼ିମାଲିମାଞ୍ଜାଇଁ, ମୀରୁ ମୀ ଆଜ୍ଞାତି  
 ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ  
 ଅପିନି ଲେହେଁତି ପୂଜା ହୀଦୁ, ଇଦିଏ  
 ମାହାପୁରୁତି ସାତା ସେବା □

୨ ମୀରୁ ଈ ଜୁଗୁତି ମାଣ୍‌କିତା  
 ମାନାଆଦୁ, ସାମା ଏନିକିହିଁ

\* ୧୧:୩୬ ୧୧:୩୭ ୧କର ୮:୬

ମାହାପୁରୁତି ଅଶ୍ୱପୁ ଏନାୟି, ଇଚିହଁ  
ନେହାୟି, ଅପିନାୟି ଇଞ୍ଜା ଚିକ୍ଷାତାୟି  
ଏନାୟି, ଇଦାଆଁ ତାୟିପାରି କିହାନା  
ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ  
ହିୟାଁତି ପୁଞ୍ଜନି କିହାନା ବାଦଲି କିଦୁ □

୩ ମାହାପୁରୁ ନାଙ୍ଗେ କାର୍ମାମେହନାଣି  
ହୀହାମାଞ୍ଜାନାକି ବାରେଜାଣା ତେରି  
ମିଙ୍ଗେ ନାନୁ ଝେସିମାଞ୍ଜାଇଁ,  
ଆମ୍ବାଆତେରି ଜିକେଏ ମୀ ତାକି ମୀରୁ  
ଏନିକଁ ଅଶ୍ୱପିନାୟି ମାନେ ଏଦାଆଁ  
କିହାଁ କାଜାତମି ଇଞ୍ଜାଁ ଅଶ୍ୱପାଆଦୁ;  
ସାମା ମାହାପୁରୁ ଆମ୍ବାଆରାକି ଏତେକା  
ନାମୁ ହୀହାମାନେସି, ଏଲେକିହଁଏ  
ବାରେଜାଣା ପୁଞ୍ଜାକଡ଼ିନି ଲେହେଁ ମୀ  
ତାକି ମୀରୁ ଅଶ୍ୱପା କତାଦୁ □

୪ \*ଇଚିହଁ ଏନିକଁ ମା ଆଙ୍ଗାତା  
ହାରେକା ଆଙ୍ଗା ଉଡେଲିକା ମାନୁ,  
ସାମା ବାରେ ଆଙ୍ଗା ଉଡେଲିକାତି କାମା  
ରଲେଏତାୟି ଆଏ □

୫ ଏଲେଆହଁଏ, ମାର ହାରେକା  
ଜାଣାତାୟି, ସାମା ବାରେଜାଣା କ୍ରୀସ୍ତ  
ତଲେ ଆଣ୍ଡାମାନାକି, ମାର ରଣ୍ଡିଏ  
ଆଙ୍ଗା ଇଞ୍ଜା ଆଙ୍ଗାତି ଆଙ୍ଗା ଉଡେଲିକା  
ଲେହେଁ ମାର ରଅସି ରଅଣା ତଲେ  
ଆଣ୍ଡାମାନାୟି □

୬ \*ଏଦାଆଁତାକି ମାଙ୍ଗେ ମାହାପୁରୁ  
ହୀହାମାଞ୍ଜାନି କାର୍ମାତଲେ ହାରେକା  
ଦାନା ବେଟା ଆହାମାନାୟି, ମାର  
ମାହାପୁରୁତି ବଲୁ ଝେକ୍‌ହାଲି ତାକି  
ବାଡ଼ୁୟୁ ବେଟା ଆହାମାନାୟି, ମାର  
ଆର୍‌ଝା ନାମୁତଲେ ଏ କାମା  
କିନାୟିମାନେ;

୭ ଏଦାଆଁ ସେବା କାମା କିହାଲି  
ବାଡ଼ୁୟୁ ବେଟାଆହାମାନାୟି, ଆତିହଁ  
ମାର ସେବା କାମା କିନାୟିମାନେ;  
ଜାପୁହାଲି ବାଡ଼ୁୟୁ ବେଟାଆହାମାନାୟି,  
ଆତିହଁ ଜାପୁନାୟି ମାନେ;

୮ ବାର୍ସୁତି କାତା ଝେସାଲି ବାଡ଼ୁୟୁ  
ବେଟାଆହାମାତିହଁ, ବାର୍ସୁତି କାତା  
ଝେସପାସି; ଦାନା କିହାଲି ବାଡ଼ୁୟୁ

ବେଟାଆହାମାନି ମାଣ୍ଡସି ରାହାଁତଲେ  
ଦାନା ହୀପେସି □ ଏଟ୍‌କା ଲକୁତି  
କାମାତି ସିନିକିହାଲି ଅଦିକାରା  
ବେଟାଆହାମାତିହଁ ଝାହୁତଲେ କାମା  
କିନାୟିମାନେ; ଆମ୍ବାଆସି କାର୍ମା  
ମେହନାସି, ରାହାଁ ମନତଲେ ସାୟେମି  
କିପାସି □

୯ ଜୀଞ୍ଜୁନନାୟି କୁରୁ ହିଲାଆଗାଟାୟି  
ଆପେ; ଏନାୟି ଲାଗେଏତାୟି ଏଦାଆଁ  
ଅପାଆଦୁ; ଏନାୟି ନେହାୟି ଏଦାଆଁ  
ଆହଦୁ;

୧୦ କ୍ରୀସ୍ତ ନାମୁତି ତାୟି ତାଙ୍ଗି ଲେହେଁ  
ରଅତେରି ରଅଣାଇଁ ଜୀଞ୍ଜୁ ନଦୁ; ଇଞ୍ଜା  
ରଅତେରି ରଅଣାଇଁ ମାନି କିହାଲି ରାହାଁ  
ଆଦୁ;

୧୧ ରାହାଁତା ଉଣା ଆଆଦୁ;  
ସୁଦୁଜୀଞ୍ଜୁତା ପାରସାଡ଼ା ଆହାଁ ଡ଼ୟାଦୁ;  
ହିୟାଁ ଜୀଞ୍ଜୁ ହୀହାନା ପ୍ରୁଇଁ ସେବା କିଦୁ  
□

୧୨ ବାର୍ସୁ ଇଟାନା ରାହାଁ କିଦୁ; ଦୁକୁ  
କସ୍ତ ବେଲାତା ସାସା ଆହଦୁ; ଜମାଆନା  
ପ୍ରାଡ଼ାନା କିଦୁ;

୧୩ ମାହାପୁରୁ ଲକୁକି ଲଡ଼ାମାନାଣି  
ସାୟେମି କିଦୁ; ଇଜ ଝାନି ଗତାୟାଁଣି  
ସେବା କିଦୁ □

୧୪ \*ଆମ୍ବାଆରି ମିଙ୍ଗେ ସାସ୍ତି  
ହିୟାନେରି, ଏଞ୍ଜାରି ନେହେଁତାକି  
ମାହାପୁରୁ ତାଣା ପ୍ରାଡ଼ାନା କିଦୁ;  
ଏଞ୍ଜାରାକି ବର ହୀଦୁ; ବାକା ଇଟାଆଦୁ  
□

୧୫ ଆମିନି ଗାଟାରି ରାହାଁ କିନେରି  
ଏଞ୍ଜାରିତଲେ ରାହାଁ କିଦୁ; ଆମ୍ବାଆରି  
ଡ଼ୀନେରି ଏଞ୍ଜାରିତଲେ ଡ଼ୀଦୁ □

୧୬ ବାରେଜାଣା ରଣ୍ଡିଏ ଅଶ୍ୱପୁ  
ଅଶ୍ୱପାଦୁ, ଝାରୁଇ କାଜାରି ତଲେ ତଣେ  
ଦହୁଆନା ଇଟାରି ତଲେ ଜିକେଏ ଆଣ୍ଡୁଝି  
ଆହାନା ମାଞ୍ଜୁ □ ମୀରୁ ମୀ ବୁଦିତଲେ  
ବୁଦିଗାଟାତମି ଇଞ୍ଜା କତାଆଦୁ □

୧୭ ଆମ୍ବାଆସି ମିଙ୍ଗେ ଲାଗେଏ  
କିୟାତିହଁ, ଏଞ୍ଜାଣାଇଁ ଲାଗେଏ

\* ୧୨:୪ ୧୨:୪ ଏକର ୧୨:୧୨ \* ୧୨:୭ ୧୨:୭ ଏକର ୧୨:୪-୧୧ \* ୧୨:୧୪ ୧୨:୧୪ ମାତି ୫:୪୪;  
ଲୁକ ୭:୨୮

କିଆଦୁ; ବାରେ ଲକ୍ଷ୍ମ ନକିତା ଏନାୟି ନେହାୟି, ଏଦାଆଁ କିଦୁ □

୧୮ ଆଡ଼ିତିହୁଁ ବାରେଜାଣା ତଲେ ହିଡ଼ଡ଼ି ତଲେ ନୀତାବାଡ଼କାଲି ତାକି ଏନି କିନାୟିମାନେ ଏଲେକିଦୁ □

୧୯ ଏ ଜୀଝୁତି ତଡ଼େସିଜ୍ଞା, ମୀରୁ ଆମ୍ବାଆରି କପାତି ବାଦୁଲି ଅଆଦୁ □ ମାହାପୁରୁତି କପାତି ଲକ୍ଷ୍ମ ଆହାଲି ପିସାଡୁହୁଦୁ □ ଏନାଆଁତାକି ଇଚିହୁଁ ସାଢ଼ସ୍ତରିତା ରାସ୍‌କି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡ଼େୟି ହୀଇଁ □”

୨୦ ଅଡ଼େ ଜିକେଏ, “ମୀ ସାଡୁ ହାକି ଆହାମାଟିସାରେ, ଏଞ୍ଜାଣାକି ତିଞ୍ଜାଲି ହୀଦୁ; ଏଞ୍ଜାସି ଏସ୍‌କି ଆହାମାଟିସାରେ ଗସାଲି ହୀଦୁ; ଇଲେ କିତିସାରେ ଏଞ୍ଜାଣିଲାକି ଡ଼ାଞ୍ଜିମାନି ହିରୁତି ରୀଜ୍ଞାୟି ଏକହି ମାଞ୍ଜେରି □”

୨୧ ଲାଗେଏତି କ୍ରାମା ତଲେ ଜୀଣା ଆଆନା, ନେହୁଁ କାମା ତଲେ ଲାଗେଏତି କାମାତି ଜୀଣା ଆଦୁ □

### ୧୩

ସାଲୁଞ୍ଜି କିନାରାଇଁ ମାନି କିନାୟି

୧ ବାରେଜାଣା ସାଲୁଞ୍ଜି କିନାରାଇଁ ମାନି କିନାୟିମାନେ, ଏନାଆଁତାକି ଇଚିହୁଁ ମାହାପୁରୁତି ହେଲ ଆଆତିହୁଁ ଆମ୍ବାଆସି ଜିକେଏ ସାଲୁଞ୍ଜି କିନି ପାଣା ବେଟାଆଅସି, ପାଣାତା ମାନି, ସାଲୁଞ୍ଜି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଡ଼ି ଆହାମାନେରି □

୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଞ୍ଜି କିନାରି କପାତଲେ ନିଜ୍ଞିନେସି, ଏଞ୍ଜାସି ମାହାପୁରୁ ମେରାତି କପାତଲେ ନିଜ୍ଞିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍ବୁତାମଞ୍ଜେ ଡ଼ଣୁ ବେଟାଆହାଲି ତାକି କିନେରି □

୩ ଇଚିହୁଁ ସାଲୁଞ୍ଜି କିନାରି ନେହୁଁ କାମାତାକି ଆଜିଗାଟାରି ଆଏ, ସାମା

ଲାଗେଏତି କାମାତାକି ଆଜିଗାଟାରି ଆନେରି □ ସାଲୁଞ୍ଜି କିନାରାଇଁ ଆଜାଆନା ତୁୟାଲି ମନ ମାନେକି ? ଆତିହୁଁ ନେହୁଁ କାମା କିଦୁ, ଆତିହୁଁ ଏଞ୍ଜାରି ତାଣାଟି ନେହୁଁ ବେଟାଆନେରି,

୪ ମୀ ନେହୁଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି □ ସାମା ମୀରୁ ଲାଗେଏତି କାମା କିଦେରି, ଆତିହୁଁ ସାଲୁଞ୍ଜି କିନାଣାଇଁ ଆଜାଦୁ, ଏନାଆଁତାକି ଇଚିହୁଁ ଏଞ୍ଜାସି ଉଜେଏ କାଣ୍ଡା ଆହୁଅସି, ଏନିଇଚିହୁଁ ଏଞ୍ଜାସି ମାହାପୁରୁତି ସେବା କିନାସି, ଇଚିହୁଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ଡ଼ଣୁ ହୀନାସି □

୫ ଏନିଇଚିହୁଁ, ଝାଉଇ କାରୁବିତି ଆଜିତାକି ଆଏ, ସାମା ମା ହିୟାତା ମାନି ଅଣ୍ଡୁ ପୁଞ୍ଜାହାଁ ସାଲୁଞ୍ଜି କିନାରି କାତା ମାନି କିନାୟିମାନେ □

୬ \*ଇଦାଆଁତାକି ମୀରୁ ସିସୁ ଜିକେଏ ହୀହିମାଞ୍ଜେରି, ଏନାଆଁତାକି ଇଚିହୁଁ ମାହାପୁରୁତି ସେବା କିନାରି ଲେହେଁ ଆହାନା ସାଲୁଞ୍ଜି କିନି କାମା ଜିକେଏ କିନେରି □

୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ; ଆମ୍ବାଆରାକି ସିସୁ ହୀନାୟି ମାନେ ଏଞ୍ଜାଣାକି ସିସୁ ହୀଦୁ; ଆମ୍ବାଆରାକି ଆସଲି ହୀନାୟି ମାନେ ଏଞ୍ଜାଣାକି ଆସଲି ହୀଦୁ; ଆମ୍ବାଆରାଇଁ ଆଜିନାୟି ମାନେ ଏଞ୍ଜାଣାଇଁ ଆଜାଦୁ; ଆମ୍ବାଆରାଇଁ ମାନି କିନାୟିମାନେ ଏଞ୍ଜାଣାଇଁ ମାନି କିଦୁ □

ରଅସି ରଅଣାଇଁ ଜୀଝୁନନାୟି

୮ ରଅଡେରି ରଅଣାଇଁ ଜୀଝୁ ନଞ୍ଜିଆନି ପିସ୍‌ପେ ଅଡ଼େ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା ଆଆଦୁ; ଏନାଆଁତାକି ଇଚିହୁଁ ଆମ୍ବାଆସି ଏଟକାତାଣାଇଁ ଜୀଝୁ ନନେସି, ଏଞ୍ଜାସି ମସାତି ମେରା ମାନୁଞ୍ଜି ଆହିମାନେସି □

\* ୧୩:୬ ୧୩:୭ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫

୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଟକା ଲକୁତି ଦିଶ୍‌ସୁତି ଜୁପକା ଆଆଦୁ,” ଈ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲକୁଇଁ ମୀ ଜୀଝୁତି ଜୀଝୁ ନହାଁ କତିନି ଲେହେଁ ଜୀଝୁନଦୁ”

୧୦ ଜୀଝୁନନାୟି ପାଡ଼ିତି ଲକୁଣି ଲାଗେଏ କିଏ; ଏନିଇଚିହଁ ଜୀଝୁନନାୟି ମସାତି ମେରା ପୁରା କିନେ

୧୧ ଇଚିହଁ ଇଦାଟି ତେଃଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଈ ବାରେ କିଦୁ; ଇଚିହଁ ମାର ନାମିତି ଦିନାଟିଏ ଗେଲ୍‌ପି ଆନାୟି ତଲିତି କିହାଁ ହାରେକା ତାଗେ ଖାଡ଼େୟିଏ

୧୨ ଆନେରି ହାଜିମାନେ, ଲାଇ ଖେୟିମାନେ ଏଦାଆଁତାକି ଖାଦୁ ମାର ଆନେରିତି କାମା ବାରେ ପିସାନା ଉଜେଡ଼ିତା ଜୁଜୁ କିହାଲି ଟିକାଣାତି ସାଜୁ ତୁରନ

୧୩ କାଡୁ ଗସାହାଁ ମନକିତି ରାହାଁ, କାଡୁ ଗସାହାଁ ହଡ଼ିନାୟି, ମାନି ହିଲାଆଗାଟାୟି, ଲାଗେଏତି ମାଣ୍‌କି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ଼ିତି କାମାତା ମାନି ଲକୁ ଲେହେଁ ନେହଁ ମାଣ୍‌କି ତଲେ ମାନ

୧୪ ପ୍ରବୁ ଜୀସୁ କ୍ରୀସ୍‌ଟ୍ ମୀରୁ ହିମ୍‌ବିଲେହେଁ ପର୍‌ଦୁ, ପାପୁ ଇଞ୍ଜା ଆଜାତି ଲାଗେଏତି ଅଣ୍‌ପୁ ତଲେ ରାହାଁ କିହାଲିତାକି ହିୟାତା ଅଣ୍‌ପାଆଦୁ

## ୧୪

ଏଟକା ଲକୁଣି ଦହ ଦହଆଦୁ

୧ \*ନାମୁତା ଆଟ୍‌ଝା ହିଲାଆଗାଟାରାଇଁ ଆବାଦୁ, ସାମା ତାନି କାତାତି ଅଣ୍‌ପୁ ତାକି ତାନିତଲେ ବାଦ୍‌ହାରା କିଆଦୁ

୨ ବାରେ ତିଞ୍ଜାଲି ତାକି ରଅଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା

ମାନେସି ଏଝାସି ଖାରଇ ଜାୟୁ କୁଟା ତିନାପେସି

୩ ଆମ୍ବାଆସି ବାରେ ତିନେସି, ଏଝାସି ତିନାଆଗାଟାଣାଇଁ ହାଣି କିଆପେସି; ଇଞ୍ଜା ତିନାଆଗାଟାସି ତିନାଣାଇଁ ନୀହାୟି କିଆପେସି, ଏନିଇଚିହଁ ମାହାପୁରୁ ଏଝାଣାଇଁ ଆବା ମାନେସି

୪ ନୀନୁ ଆମ୍ବାଆତି ଅର ରଅଣି ହଲେଏଣାଇଁ ନୀହାୟି କିହିମାଞ୍ଜି ? ଏଝାସି ତାନି ସାଝୁକାରି ତାଣା ତୀରି ଆନେସି କି ତୀରି ଆଅସି; ଏଝାଣାଇଁ ତୀରିକିହାଁ ଇଟାଲି ପ୍ରବୁ କେୟୁତା ବାଡ଼ୟୁ ମାନେ

୫ ରଅସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ଼େ ରଅସି ବାରେ ଦିନାତି ରଲେଏତାଇଁ ଇଞ୍ଜା ଅଣ୍‌ପିନେସି, ବାରେଜାଣା ତାନି ମନତା ତୀରି କିହାନା ମାନୁଝି ଆପେରି

୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜା ଅଣ୍‌ପିମାନେସି, ମାହାପୁରୁତି ଗାଝୁରମି ତାକି ଏଲେଇଞ୍ଜି ଅଣ୍‌ପାପେସି ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଝାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଇଁ ଜହରା କିନେସି

୭ ଆମ୍ବାଆସି ତାଜେତାକି ନୀତଅସି, କି ଆମ୍ବାଆସି ତାଜେତାକି ହାଅସି

୮ ମାର ନୀତାମାନାୟି ଇଚିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରବୁ ତାକି ହାନାୟି ଏଦାଆଁତାକି ନୀତିନାୟି କି ହାନାୟି ମାର ପ୍ରବୁତି ଲକୁ

୯ ଏଦାଆଁତାକି ଇଚିହଁ କ୍ରୀସ୍‌ଟ୍ ହାହାନା ଖେଣ୍ଡେ ନିଙ୍ଗାମାନି ତାଣାତି ନୀତାମାନାରି ଇଞ୍ଜା ହାଡ଼ାରି ବାରେଜାଣାତି ପ୍ରବୁ ଆହାମାନେସି

୧୦ \*ନୀନୁ ଏଦାଆଁତାକି ମୀ ତାୟିଇଁ ବେରଣି କିହିମାଞ୍ଜି ? ଏଦାଆଁତାକି ମୀ ତାୟିଇଁ ହାଣି କିହିମାଞ୍ଜି ? ମାର

ବାରେଜାଣା ବେରଣି ଆହାଲି ମାହାପୁରୁ  
ନକିତା ନିନାୟି □

୧୧ ଏନାଆଁତାକି ଇଚିହ୍ଁ ସାଫ୍ତେରିତା  
ରାସ୍ତକି ଆହାମାନେ;

“ପ୍ରବୁ ଏଲେଇଞ୍ଜି ମାନେସି, ଇଚିହ୍ଁ  
ନାନୁ ଜାଝୁଗାଟି ମାହାପୁରୁ,  
ବାରେଜାଣା ନା ନକିତା ମେଣ୍ଡା  
କୁତନେରି,  
ବାରେଜାଣା ନାଙ୍ଗେ ମାହାପୁରୁ  
ଇଞ୍ଜି ଲଜିନେରି □”

୧୨ ମାର ବାରେଜାଣା ମାହାପୁରୁ ନକିତା  
ମାର କିଚି କାମାତି ଲେକା ହୀନାୟି □

ତାୟିଇଁ ପାପୁ କିଞ୍ଜି କିଆଦୁ

୧୩ ଏନାଆଁତାକି ରଅତେରି ରଅଣାଇଁ  
ବେରଣି କିଆଦୁ; ଇଲେକିହ୍ଁ ଏନାଆଁ  
ଜିକେଏ କିଆଦୁ, ଏନିକ୍ଁ ମୀ ତାୟି  
ପୁଟି କିହାନା ପାପୁତି ପାନ୍ଦାତା ରିଅସି □

୧୪ ପ୍ରବୁ ଜାସୁ ତାଣାଟି ପୁଞ୍ଜାନା  
ସାତା ତଲେ ଝେସିମାଞ୍ଜାଇଁ, ଏନି କାଦି  
ତାନୁଏ ଲାଗେଏତାୟି ଆଏ □ ସାମା  
ଆମ୍ବାଆସି ଏନି କାଦିତି ଲାଗେଏତାୟି  
ଇଞ୍ଜି ଅଣ୍ଡିନେସି, ଏଞ୍ଜାଣାକି ଏଦି  
ଲାଗେଏତାୟି ଆନେ □

୧୫ ମାରୁ ଏନି କାଦି ତିନି ତାଣାଟି  
ର ତାୟି ଅଣ୍ଡିପୁତା କସ୍ତ ହାହିମାଞ୍ଜେରି,  
ଆତିହ୍ଁ ଏଞ୍ଜାଣାଇଁ ମାରୁ ଜାଝୁନଝୁତା  
ତାକି ହିଲଅତେରି, ଆମିନି ତାୟି ତାକି  
କ୍ରୀସ୍ତ ହାଡେସି, ଏ କାଦି ତାକି ଏଞ୍ଜାଣାଇଁ  
ଲାଗେଏ କିଆଦୁ □

୧୬ ମାରୁ ଏନାଆଁ ନେହାୟି ଇଞ୍ଜି  
ଅଣ୍ଡିମାଞ୍ଜେରି, ଏନାଆଁତାକି ମାରୁ  
ଲାଗେଏତାତେରି ଆଆଦୁ;

୧୭ ମାହାପୁରୁତି ରାଜି ତିନାୟି ଉନାୟି  
ଆଏ □ ସାମା ଏଦି ଦାମ୍ବୁ, ହିଡ଼ଡ଼ି ଇଞ୍ଜା  
ସୁଦୁଜାଝୁ ହୀତି ରାହାଁଗାଟାୟି □

୧୮ ଆମ୍ବାଆସି ଇଲେକିହ୍ଁ କ୍ରୀସ୍ତତି  
ସେବା କନେସି; ଏଞ୍ଜାସି ମାହାପୁରୁ  
ନକିତା ନେହାଁସି ଇଞ୍ଜା ମାଣ୍ଡିୟା  
ନକିତି ତାୟିପାରିତା ଜାଣା ଆଡାସି  
ତଞ୍ଜାଆନେସି □

୧୯ ଏନାଆଁତାକି ଝାଦୁ, ଏନା  
ଏନାୟି ହିଡ଼ଡ଼ି ଗାଟାୟି, ଅଡେ ଏନା

ଏନାଆଁତଲେ ରଅସି ରଅଣାକି ବାସ୍ତୁ  
ହୀନେସି, ଏ ବାରେତି ମାର ଅଣ୍ଡିନ

୨୦ ଏ ଉଜେଏତି କାଦି ତାକି  
ମାହାପୁରୁତି କାମାଇଁ ନାସଞ୍ଜି କିଆଦୁ,  
ବାରେଏ ସୁଦୁ କିଞ୍ଜିଆହାମାନେ, ସାମା  
ଏନି କାଦି ତିନି ତାଣାଟି ମାରୁ ଏଟକା  
ଲକୁଣି କସ୍ତ ହାହିମାଞ୍ଜେରି, ଆତିହ୍ଁ  
ଏ କାଦି ତିନାଆଦୁ □

୨୧ ମାରୁ ଉଞ୍ଜା ତିନାୟି, ଅଞ୍ଜୁରି  
ରାସା ଗହ୍ନି ତାଣାଟି ମୀ ତାୟିକି  
କସ୍ତ ଆହିମାଟିସାରେ ତିନି ଉନି ତାଣାଟି  
ହେକ ଆନାୟି ନେହେଁ □

୨୨ ମୀ ଏମିନି ନାମୁ ମାନେ, ଏନାଆଁ  
ମାରୁ ମୀ ହିୟାଁତା ମାହାପୁରୁଇଁ ନକିତା  
ଇଗାପୁ, ଆମ୍ବାଆସି ଏନାଆଁ ନେହାୟି  
ଇଞ୍ଜି ଅଣ୍ଡିନେସି, ଏଞ୍ଜାସି ଏମ୍ବାଆଁ  
ତାଙ୍ଗେ ଦହଗାଟାସି କିଅସି, ଆତିହ୍ଁ  
ଏଞ୍ଜାସି ନେହାଁସି □

୨୩ ସାମା ଆମ୍ବାଆସି ଆନାମାନା  
ଆହାନା ରାନ୍ଦା ତିନେସି, ଏଞ୍ଜାସି  
ମାହାପୁରୁ ନକିତା ଦହଗାଟାସି ଆନେସି,  
ଇଚିହ୍ଁ ଏଞ୍ଜାସି ନାମୁତଲେ ତିଞ୍ଜା  
ହିଲଅସି; ଅଡେ ଏନାୟି ନାମୁତଲେ  
ଆଏ, ଏଦି ପାପୁ □

### ୧୫

ଏଟକା ଲକୁଣି ରାହାଁ କିଦୁ

୧ ମାର ନାମୁତା ଆଟ୍ଝା ଗାଟାତାୟି,  
ବାଡ଼ୁୟି ହିଲାଆଗାଟି ଲକୁଣି ମାର  
ସାସା ହୀନାୟି ମାନେ, ଆମ୍ବାଆସି  
ଜିକେଏ ଜାହାରାଇଁ ରାହାଁ କିହାଲି  
ଅଣ୍ଡିପାଆପେସି □

୨ ସାମା ଏଟକା ଲକୁଣି ନେହେଁତାକି  
ଇଞ୍ଜା ଏଞ୍ଜାରି ନାମୁତି ଆଟ୍ଝା  
କିହାଲିତାକି ଏଞ୍ଜାରାଇଁ ରାହାଁତଲେ  
ଇଚିନାୟି ମା କାମା □

୩ କ୍ରୀସ୍ତ ଜିକେଏ ତାନି ସୁକୁ ତାକି  
ଏନାଆଁ କିହି ହିଲାଆତେସି; ସାମା  
ସାଫ୍ତେରିତା ରାସ୍ତକି ଆହାମାନି ଲେହେଁ,  
“ମିଙ୍ଗେ ନିନ୍ଦା କିନ୍ଦାତାରା ନିନ୍ଦା ନା  
ମୁହେଁ ଝାଡେ □”

୪ ସାଢ଼େସ୍‌ରିତି ଜାପୁନାଇ ବାରେ ମା  
 ନେହେଁତାକି ଲଜ୍ଜା ଆନୁ □ ବାର୍ସୁ ତଲେ  
 ତାରିଆହାଁ ତୁୟାଲି ତାକି ସାଢ଼େସ୍‌ରି  
 ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ  
 □

୫ ଆବୁଝା ଅଡ଼େ ଦୁକୁ ତୁକହାନି  
 ମାହାପୁରୁ ମିଙ୍ଗେ କ୍ରୀସ୍ତ ଜୀସୁତି ମାଣକି  
 ତଲେ ବାରେତେରି ମିଙ୍ଗେ ରଣ୍ଡିଏ ମନ  
 ଆହାଲି ହିୟାପେସି,

୬ ବାରେଜାଣା ଆଣ୍ଡି ଆହାନା  
 ରଣ୍ଡିଏ ହିୟାଁ ରଣ୍ଡିଏ ଗୁତି ତଲେ ପ୍ରବୁ  
 ଜୀସୁ କ୍ରୀସ୍ତ ଆବା ମାହାପୁରୁତି ଜହରା  
 କିତେରି □

ଜୀହୁଦି ଇଞ୍ଜା ଜୀହୁଦିଆଆତି  
 ଲକୁତାକି ନେହଁ କାରୁ

୭ ମାହାପୁରୁତି ଗାଝୁରମି ତାକି କ୍ରୀସ୍ତ  
 ଏନିକିହଁ ମିଙ୍ଗେ ଆବା ମାଞ୍ଜାନେସି,  
 ମୀରୁ ଜିକେଏ ଏଲେକିହଁ ରଅତେରି  
 ରଅଣାଇଁ ଆବାଦୁ □

୮ ଇତିହଁ ନାନୁ ଏଲେ ଇଞ୍ଜିମାଇଁ,  
 କ୍ରୀସ୍ତ ମାହାପୁରୁତି ସାତା ତାକି ତଲୁ  
 ଦାପି ଆଡ଼ି ଲକୁତି ସେବା କିନାସି  
 କିଝିଆହା ମାଚେସି, ଏନିକିହଁ ଏଝାସି  
 ଆକୁ ଆବାୟାକି ଆଞ୍ଜାନା ହାହାମାନାଣି  
 ତାରି କିନେସି,

୯ ଅଡ଼େ ମାହାପୁରୁତି କାର୍ମାମେହନାଣି  
 ତାକି ଜୀହୁଦିଆଆତି ଲକୁ ଜିକେଏ  
 ଏଝାଣି ଗାଝୁରମି କିନେରି; ଇ କାତା  
 ସାଢ଼େସ୍‌ରିତା ରାସ୍କି ଆହାମାନେ;

“ଇଦାଆଁତାକି ଜୀହୁଦିଆଆତି  
 ଲକୁତାଣା ନୀ ଜହରା କିଇଁ,  
 ବାରେଦିନା ନୀ ପାରୁ ପାଡ଼ିଇଁ □”

୧୦ ଅଡ଼େ ଜିକେଏ ଏଲେଇଞ୍ଜି ମାନେସି,  
 “ଜୀହୁଦିଆଆତି ଲକୁ ମାହାପୁରୁତି  
 ଲକୁତଲେ ରାହାଁ କିଦୁ □”

୧୧ ଅଡ଼େ ଜିକେଏ,  
 “ଜୀହୁଦିଆଆତି ଲକୁ ବାରେ ପ୍ରବୁଇଁ  
 ଜହରା କିଦୁ,  
 ଅଡ଼େ ବାରେ ଲକୁ ଏଝାଣି ପାରୁ  
 ପାଚାପେରି □”

୧୨ ଅଡ଼େ ଖେଣ୍ଡେ ଜିସାୟ  
 ଖେସାମାନେସି,

“ଜିସି କୁଡ଼ାଟି ରଅସି ତଞ୍ଜାଆନେସି,  
 ଏଝାସି ଜୀହୁଦିଆଆତି ଲକୁଣି  
 ସାଲଝି କିନେସି,  
 ଇଞ୍ଜା ଜୀହୁଦିଆଆତାରି ଏଝାଣି  
 ତାଣା ବାର୍ସୁ ଇତିନେରି □”

୧୩ ବାରେ ବାର୍ସୁଗାଟି, ମାହାପୁରୁ ମୀ  
 ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି  
 ହିୟାପେସି □ ଏନିକିହଁ ସୁଦୁଜୀଝୁତି  
 ବାଡ଼ୟୁ ତଲେ ମୀ ବାର୍ସୁ ପାତାଆନେ □

ଜୀହୁଦିଆଆତି ଲକୁତାଣା ପାଝୁଲତି  
 ସେବା

୧୪ ତାୟି ତାଜିସ୍ତାତେରି, ମୀରୁ ବାରେ  
 ନେହଁ ଗୁଣ୍ଡୁ, ଏନିକିହଁ ବାରେ  
 ବୁଦିତଲେ ଇଞ୍ଜା ରଅତେରି ରଅଣାଇଁ  
 ଜାପୁହାଲି ତାକି ଆଡ଼ିଦେରି ନା ନାମୁ  
 ମାନେ □

୧୫ ଆଡ଼ିଜିକେଏ ମାହାପୁରୁ  
 ହାହାମାଞ୍ଜାନି କାର୍ମାତି ବାଡ଼ୟୁଟି ନାନୁ  
 ମିଙ୍ଗେ ଅଣ୍ଡି କିହାଲି ହାରେକା  
 ସାସାତଲେ ମୀ ତାଣା ଇ ଆକୁ  
 ରାଡ଼ିମାଞ୍ଜାଇଁ □

୧୬ ଏନାଆଁତାକି ଇତିହଁ  
 କ୍ରୀସ୍ତ ଜୀସୁତି ହଲେଏଣା ଲେହେଁ  
 ଜୀହୁଦିଆଆତି ଲକୁତାକି କାମା  
 କିହାଲି ମାହାପୁରୁ ନାଙ୍ଗେ ପାରୁ  
 ହାହାମାଞ୍ଜାନେସି □ ମାହାପୁରୁତି  
 ନେହଁ କାରୁ ଝେକହାଲି ତାକି ନାନୁ  
 ର ପୂଜେରାତି କାମା କିହିମାଇଁ □  
 ଜୀହୁଦିଆଆତି ଲକୁ ସୁଦୁଜୀଝୁ ତଲେ  
 ହେରପିଆଡ଼ି ଲେହେଁ ମାହାପୁରୁ ତାଣା  
 ଆବିନାରି ଆପେରି, ଇଦି ନା ଅଣ୍ଡିପୁ □

୧୭ କ୍ରୀସ୍ତ ଜୀସୁତଲେ ଆଣ୍ଡାନା  
 ମାହାପୁରୁ ତାକି ଇ ସେବା କାମା  
 କିହାମାନାକି ନାନୁ ବଡ଼ପଣ ଆହିମାଇଁ  
 □

୧୮ ଇତିହଁ ଜୀହୁଦିଆଆତାରାଇଁ  
 ମାହାପୁରୁ ତାଣା ତାଚାଲି କ୍ରୀସ୍ତ ନା  
 ତାଣାଟି ବଲୁତା ଅଡ଼େ କାମାତା  
 ଇତିହଁ ହାରେକା ସିନାୟାଁ କାବାଆନି  
 କାମାୟାଁ ତଲେ, ସୁଦୁଜୀଝୁତି ବାଡ଼ୟୁଟି  
 ଏନା ଏନାଆଁ କିହାହିଲଅସି, ଇଲେତି  
 ଏନି କାମା କିହାଲି ସାସା କିହିହିଲଅଁ □

୧୯ ସିନା ଅଡ଼େ କାବାଆନ୍ତି କାମାତି  
 ବାଡ଼ୁୟୁତି ଅଡ଼େ ମାହାପୁରୁ ସୁଦୁଜୀଝୁତି  
 ବାଡ଼ୁୟୁତି ନା ତାଣାଟି କିହାମାନେସି  
 □ ଏନିକି ନାନୁ ଜିରୁସାଲମ ଟଟ  
 ସାରିଝାକି ଇଞ୍ଜା ଇଲୁରିକମ ପାତେକା  
 କ୍ରୀସୁତି ନେହିଁ କାରୁ ଝେକହାମାଲ୍ □

୨୦ ଆମ୍ବିୟା ଲକୁ କ୍ରୀସୁତି କାତା  
 ଝେଞ୍ଜାହିଲଅରି, ଏମ୍ବାଆଁ ଏଝାଣି ବଲୁ  
 ଝେକହାଲି ନା ଅଣ୍ପୁ, ଏନାଆଁତାକି  
 ଇତିହିଁ ଏଟକାତି ଲକୁ କିହାମାନି  
 ପୁନାଦି ଲାକ ଇଲୁ କିହାଲି ନାନୁ ଅଣ୍ପି  
 ହିଲଅଁ □

୨୧ ସାପ୍ତେରିତା ଏନିକିହିଁ ରାସକି  
 ଆହାମାନେ;  
 “ଆମିନି ଗାଟାରି ଏଝାଣି ବଲୁ  
 ବେଗାଆହା ହିଲଅରି,  
 ଏଝାରି ମେହନେରି; ଆମ୍ବାଆରି  
 ଝେଞ୍ଜାହିଲଅରି, ଏଝାରି  
 ତେଲହିନେରି □”

ରମ୍ପତା ହାଜାଲି ପାଝୁଲତି ଅଣ୍ପୁ

୨୨ \*ହାରେକା ଦେବା ମୀ ତାଣା  
 ଝାହାଲି ତାକି ନା ଅଣ୍ପୁ ଉଜେଏତାୟି  
 ଆଡ଼େ □

୨୩ ସାମା ଇ ରାଜିତା ନା ସେବା କାମା  
 ରାହାମାନେ ଅଡ଼େ ନା ଆସା, ମିଙ୍ଗେ  
 ମେସାଲି ତାକି ନା ହାରେକା ବାର୍ସାତି  
 ଅଣ୍ପୁ ନୀର୍ବ ପୁରା ଆନେ □

୨୪ ନାନୁ ସ୍ତେନ୍ ଦେସା ହାନିବେଲତା  
 ମୀ ତାଣା ଝାଲ୍; ଇତିହିଁ ଜିରୁତା ମୀ  
 ତଲେ ତଲିଏ ଆଣ୍ଡାନା କାତା ଆହାଁ  
 ଏଚରଦିନା ତ୍ରିୟିତି ତାୟୁ ଏ ଗାୟୁତା  
 ହାଜାଲି ଜିରୁତା ଇତିଝାୟାଦେରି ଇଞ୍ଜା  
 ଆସା କିହିମାଲ୍ □

୨୫ \*ନୀର୍ବ ମାହାପୁରୁ ଲକୁତି ସେବା  
 କିହାଲି ନାନୁ ଜିରୁସାଲମତା ହାଜିମାଲ୍  
 □

୨୬ ଜିରୁସାଲମତା ମାହାପୁରୁ ଲକୁ,  
 ଆମ୍ବାଆରି ହିଲଆ ଗାଟାରି ମାନେରି,  
 ଏଝାରି ତାକି ମାକିଦନିୟା ଅଡ଼େ  
 ଆକାୟାତି କୁଲମିକା ଆଣ୍ଡାଲି ତାବୁୟାଁ  
 କୃଡ଼ିକିହାଲି ତୀରି କିହାମାନେରି □

୨୭ \*ହାଅ ଏଝାରି ଏଦାଆଁ ନେହିଁ  
 ଅଣ୍ପା ମାନେରି ସାତା, ଆତିହିଁ  
 ଏଝାରି ଏଝାରିତାଣା ରୀଣା ଜିକେଏ  
 ଆହାମାନେରି; ଜୀହୁଦିଆଆତାରି  
 ଏଝାରି ଦାମ୍ପୁତି ଜୀଝୁତା ଆଣ୍ଡାମାନେରି  
 ଇତିହିଁ, ଏଝାରି ଦାରତିତି କାମାତା  
 ଜିକେଏ ସେବା କିହାଲି ରୀଣା  
 ଆହାମାନେରି □

୨୮ ଜିରୁସାଲମତା ଏ ତାବୁୟାଁ ଲକୁକି  
 ହୀହାନା ନା କାମା ରାପୁହି ତାୟୁ, ନାନୁ  
 ସ୍ତେନ୍ ଦେସାତା ହାନାଟି ଏ ଜିରୁତିଏ  
 ମିଙ୍ଗେ ବେତି ଝାଲ୍ □

୨୯ ନାନୁ ପୁଞ୍ଜାମାଲ୍, କ୍ରୀସୁ ତାଣାଟି  
 ହାରେପୁରେ ବିର ବେଗାଆହାନା ନାନୁ  
 ମୀ ତାଣା ଝାଲ୍ □

୩୦ ଜୀଝୁତି ତାୟି ତାଜି, ନାନୁ ମା  
 ପ୍ରୁ ଜୀସୁ କ୍ରୀସୁ ଦରୁତଲେ ଇଞ୍ଜା  
 ସୁଦୁଜୀଝୁ ହାହାମାଞ୍ଜାନି ଜୀଝୁ ନନାଣି  
 ତାକି ମିଙ୍ଗେ ବାତିମାଲିମାଞ୍ଜାଲ୍, ନାଙ୍ଗେ  
 ତାକି ମାହାପୁରୁ ତାଣା ରଣ୍ଡିଏ ଅଣ୍ପୁ  
 ତଲେ ପ୍ରାତାନା କିଦୁ □

୩୧ ନାନୁ ଜୀହୁଦା ଦେସାତି ନାମାଆତି  
 ଲକୁ ତାଣାଟି ଏନିକିହିଁ ଗେଲପି  
 ଆଲ୍ ଇଞ୍ଜା ଜିରୁସାଲମତା ନା ଏମିନି  
 ସେବା କାମା, ଏଦିଏମ୍ବାଆଁ ମାହାପୁରୁ  
 ଲକୁ ଅପିନେରି, ଏଦାଆଁତାକି ପ୍ରାତାନା  
 କିହେମାଞ୍ଜୁ □

୩୨ ମାହାପୁରୁ ଅଣ୍ପୁ ତଲେ, ନାନୁ ମୀ  
 ତାଣା ହାରେକା ରାହାତଲେ ଝାଲ୍ ଇଞ୍ଜା  
 ମୀ ତଲେ ଏଚରଦିନା ପାତେକା ତ୍ରିୟାନା  
 ନା ହିୟାତା ରାହାଁ ବେଗାଆଲ୍ □

୩୩ ବାରେ ହିଡ଼ଡ଼ି ହିୟାନି ମାହାପୁରୁ  
 ମୀ ତଲେ ମାଣ୍ଡେସି □ ଆମେନ୍ □

**୧୭**

ପାଝୁଲତି ଜହରା

୧ କେଙ୍ଗେୟା କୁଲମିତା ସେବା କାମା  
 କିହିମାନି ମା ତାଜି ପୟିବିଲ୍ ମୀ ତାଣା  
 ପାଣ୍ଡିମାଞ୍ଜାଲ୍,

୨ ପ୍ରୁତି ଦରୁତଲେ ଏଦାନି ଆବାଦୁ,  
 ମାହାପୁରୁ ଲକୁ ଲେହେଁ ଲେମ୍ବାଦୁ □

ତାନି ଲଡ଼ାମାନି ଲେହେଁ ସାୟେମି କିଦୁ  
□ ଏଦି ନାଲୋତାକି ଅଡ଼େ ହାରେକା  
ଲକୁତି ସାୟେମିତି ତଡ଼ୁ

୩ \*କ୍ରୀସ୍ତ ଜୀସ୍ତୁତି ସେବା କାମାତା ନା  
ତଲେ କାମା କିହିମାନି ପ୍ରିୟିଲା ଇଞ୍ଜା  
ଆକ୍ଫିଲାଇଁ ନା ଜହରା ଖେହ୍ଦୁ □

୪ ଏ ଲକୁ ନା ତାକି ତାନି ଜୀସ୍ତୁତା  
କସ୍ତୁ ଆହାମାନେ □ ଖାରଇ ନାନୁ ଆଏ,  
ବାରେ ଜୀହୁଦିଆଆତି କୁଲମି ତାନି  
ତାଣା ଜହରା □

୫ ଏ ଲକୁତି ଇଜ ରୁଣ୍ଡା ଆହିମାନି  
କୁଲମିତି ଲକୁଣି ଜିକେଏ ନା ଜହରା  
ଖେସିମାଇଁ □ ନା ଜୀସ୍ତୁତି ତଡ଼ୁ  
ଏପାୟିନେତଇଁ ନା ଜହରା ଖେହ୍ଦୁ □  
ଆସିୟା ଦେସାତି ଏଝାସି ରଅସି ମୂଲୁଏ  
କ୍ରୀସ୍ତଇଁ ନାମିତାସି □

୬ ମୀ ନେହେଁତାକି ଜମାଆନା କାମା  
କିହିମାନି ମରିୟମଇଁ ନା ଜହରା □

୭ ଆନ୍ଦନିକ ଇଞ୍ଜା ଜୁନିୟାଇଁ ନା  
ଜହରା □ ଇ ରିଆରି ଜୀହୁଦିୟାଁ ନା  
ତଲେ କାୟିଦି ଇଲୁତା ମାଚେରି □ ନା  
ନକେଏ କ୍ରୀସ୍ତଇଁ ନାମା ମାଚେରି ଇଞ୍ଜା  
ପାଣ୍ଡୁଫିଆତି ସୀସୁ ତାଣାଟି ଏଝାରି ପୁଣ୍ଡି  
ଆଡାରି □

୮ ପ୍ରବୁ ତାଣା ନା ଜୀସ୍ତୁତି ତଡ଼ୁ  
ଆସିୟାତଇଁ ଜହରା □

୯ କ୍ରୀସ୍ତତି ସେବା କାମାତା ନାଲୋ  
ସାୟେମି କିହିମାଞ୍ଜାନି ଉର୍ବାନ ଇଞ୍ଜା  
ଜୀସ୍ତୁତି ତଡ଼ୁ ସ୍ତାକିୟଇଁ ଜିକେଏ ନା  
ଜହରା □

୧୦ କ୍ରୀସ୍ତତି ମାନି ତଲେ କାମା କିନି  
ଆପେଲା ଇଞ୍ଜା ଆରିସ୍ତୁଲୁ କୁଟମିତି  
ବାରେ ଜାଣାଇଁ ନା ଜହରା ଖେହ୍ଦୁ □

୧୧ ନା କୁଡ଼ାତି ହେରଦିୟନ ଇଞ୍ଜା  
ନାକର୍ସ କୁଟମିତି କ୍ରୀସ୍ତତି ତାୟିୟାଣି  
ଜିକେଏ ନା ଜହରା □

୧୨ ପ୍ରବୁତି ସେବା କାମାତା ମାନି  
ତ୍ରିପେନା ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ  
ତାକି ହାରେକା କାମା କିହିମାନି ଜୀସ୍ତୁତି  
ପସର୍ସଇଁ ନା ଜହରା □

୧୩ \*ପ୍ରବୁ ଆଡ଼ାମାନି ରୁପସ ଇଞ୍ଜା ନା  
ତାଲି ଲେହେଁତି ତାନି ଇୟାନି ଜିକେଏ  
ନା ଜହରା □

୧୪ ଅସୁକ୍ତିତ, ପ୍ଲୋଗନ, ହର୍ମସ,  
ପାତୁବା, ହର୍ମସ ଇଞ୍ଜା ଏଝାରିତଲେ  
ମାନି ବାରେ କ୍ରୀସ୍ତଇଁ ନାମିମାନି ତାୟି  
ତାଲିଇଁ ଜହରା ଖେହ୍ଦୁ □

୧୫ ପିଲଲଗ ଇଞ୍ଜା ଜୁଲିୟା, ନିରୁସ୍  
ଇଞ୍ଜା ତାନି ତାଲି ଅଡ଼େ ଅଲୁମା ଅଡ଼େ  
ଏଝାରିତଲେ ମାନି ବାରେ ମାହାପୁରୁ  
ଲକୁଣି ନା ଜହରା ଖେହ୍ଦୁ □

୧୬ ସୁଦୁ ହିୟାଁ ତଲେ ନଣ୍ଡୁଫି ଆହାନା  
ଜହରା ଖେହ୍ଦୁ □ କ୍ରୀସ୍ତତି ବାରେ  
କୁଲମିକା ମିଲୋ ଜହରା କିହିମାଞ୍ଜାନୁ □

ପାଞ୍ଜୁଲତି ରାନି ବେଲାତି ବଲୁ

୧୭ ତାୟି ତାଲିସ୍ତାଚେରି, ମୀରୁ  
ଆମିନି କାତା ଜାପାମାଞ୍ଜେରି, ଏ  
କାତାତି ପିସାନା ଗତି ଗତି କିନାସି  
ଅଡ଼େ ଲାଗେଏ କିୟାନେସି ଏଝାରାଇଁ  
ପୁଞ୍ଜା ତୟାଦୁ, ଏଝାରି ତାଣାଟି ଏଟକା  
ଆୟାଲି ନାନୁ ବାତିମାଲିମାଞ୍ଜାଇଁ □

୧୮ ଇତିହ ଇଲେତି ଲକୁ ମା  
ପ୍ରବୁ କ୍ରୀସ୍ତତି ହଲିୟାଜା ଆଏ, ସାମା  
ତାନି ବାଣ୍ଡିତି ହଲିୟାଜା ଆହାମାନେରି,  
ଅଡ଼େ ସୁଞ୍ଜାଲା ହାଡାତଲେ ଲକୁ ମନତି  
ନାଡ଼ି କିନେରି □

୧୯ ନେହ୍ ବଲୁ ତାକି ମୀ ତୀରୁପୁ  
କାମା ବାରେ ଲକୁ ଖେଞ୍ଜାମାନେରି,  
ଇଦାଆଁତାକି ନାନୁ ହାରେକା ରାହାଁ □  
ନାନୁ ଅଣ୍ଡିପିମାଇଁ, ମୀରୁ ସାତା କାତାତା  
ବୁଦି ଗାଟାଚେରି ଆବୁ ଇଞ୍ଜା ଉଜେଏତି  
କାତାତା ଆଣ୍ଡାଆବୁ □

୨୦ ଆତିହ୍ ହିଡ଼ଡ଼ି ହିୟାନି  
ମାହାପୁରୁ ତବେ ସୟତାନଇଁ ମୀ କର୍ଡା  
ଡ଼ଇ କିନେସି □ ମା ପ୍ରବୁ ଜୀସ୍ତୁତି  
କାର୍ମାମେହ୍ନାୟି ମୀ ତଲେ ମାଣ୍ଡେ  
□

୨୧ \*ନା ତଲେ କାମା କିହିମାନି ତିମତି  
ଇଞ୍ଜା ମା ଜୀହୁଦି ତାୟିୟାଁ ଲୁକିୟ,

\* ୧୭:୩ ୧୭:୩ କାମା ୧୮:୨ \* ୧୭:୧୩ ୧୭:୧୩ ମାର୍କ ୧୫:୨୧ \* ୧୭:୨୧ ୧୭:୨୧ କାମା ୧୭:୧



ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା  
କିହିମାଞ୍ଜାନେରି □

୨୭ ଇ ଆକୁ ରାଟାମାନି ତତ୍ତ୍ୱିୟ,  
ପ୍ରବୁତି ଦରୁତଲେ ମିଙ୍ଗେ ଜହରା  
କିହିମାଞ୍ଜାଇ □

୨୩ ନାଙ୍ଗେ ଅଡ଼େ କୁଲମିତି  
ସେବା କିନି ଗାୟସ ମିଙ୍ଗେ ଜହରା  
କିହିମାଞ୍ଜାନେସି, ଅଡ଼େ ଇ ଗାଡ଼ାତି  
ଗୁମ୍ବୁସା ଏରାସ୍ତ ଇଞ୍ଜା ତାୟି କୁଞ୍ଜାର୍ତ  
ଜିକେଏ ମିଙ୍ଗେ ଜହରା କିହିମାଞ୍ଜାନେରି  
□

୨୪ ପ୍ରବୁ ଜାସୁତି କାର୍ମାମେହ୍ନାୟି ମୀ  
ବାରେ ଜାଣାକି ଆପେ □

ପ୍ରାତାନା ଇଞ୍ଜା ଜହରା ତଲେ ଆକୁ  
ରାପୁନାୟି

୨୫ ୱାଦୁ, ମାର ମାହାପୁରୁତି ଗାଞ୍ଜୁରମି  
କିନି □ ନାନୁ ୱେକ୍‌ହାମାନି ଜାସୁ କ୍ରୀସ୍ତତି  
ନେହ୍ନି ବଲୁ ଇଞ୍ଜା ତଲି କାଲ୍ଲାଟିଏ  
ଡ଼ଗୁମାନି ସାତା ଲେହେଁ ମୀ ନାମୁ  
ତୀରିକିହ୍ନାଁ ଇଟାଲି ମାହାପୁରୁ ଆଡ଼ିନେସି  
□

୨୬ ଏ ଡ଼ଗୁମାନି ସାତା ମାହାପୁରୁ  
ଅଣ୍ଟପୁତି ବଲୁ ୱେହ୍ନାରି ସାସ୍ତେରିତା  
ରାସ୍‌କି ଆହାମାନେ ଅଡ଼େ ଏଡ଼ି ନୀଏଁ  
କାଲ୍ଲାକାଲ୍ଲାତି ପ୍ରବୁ ମାହାପୁରୁ ତାଣାଟି  
ବାରେ କୁଡ଼ା ବିତ୍ତା ୱେପ୍‌କି ଆହିମାନେ  
□ ଇଦାଆଁ ତଲେ ବାରେଜାଣା ନାମାନା  
ମାହାପୁରୁଇଁ ମାନି କିହାଲି ଆଡ଼ିନେରି □

୨୭ ବାରେ କାତା ପୁନି ମାହାପୁରୁ ପ୍ରବୁ  
ଜାସୁ ତାଣା କାଲ୍ଲାକାଲ୍ଲା ତାକି ଗାଞ୍ଜୁରମି  
ବେଟାଆପେସି □ ଆମେନ୍ □

**କରକ୍ତି ମଣ୍ଡଳୀ ନିମନ୍ତେ  
ପାଉଁଳକ ଲିଖିତ ପ୍ରଥମ  
ପତ୍ର  
କରକ୍ତି କୁଲମିତାକି  
ପାଞ୍ଚୁଲ ରାଢ଼ାମାନି ର.  
ଲମ୍ବର ଆକୁ  
ମୂଲୁ ହାଡ଼ା**

କରକ୍ତି କୁଲମିତି ର. ଲମ୍ବର ଆକୁ ପାଣ୍ଡୁଓଆହାମାନି ପାଞ୍ଚୁଲ ତାଣାଟି ଜୀସୁ କ୍ରୀସ୍ତତି ଜାର୍ନାତି ୫୫ ବାର୍ଯା କେତ ରାସ୍ତକି ଆହାମାରେ ୧:୧ □ ପାଞ୍ଚୁଲ ତାଣାଟି ରାସ୍ତକି ଆହାମାନି ଜଡ଼େକା ଆକା ବିଡ଼ାଟି ଇଦି ଆହିମାନେ ର ଲମ୍ବର ଆକୁ □ ଏଞ୍ଜାସି ଏପିସିୟତା ମାଟିବେଲାତା ଇ ଆକୁ ରାଡ଼ା ମାଣ୍ଡିବେସି ୧୭:୫-୯ □ ମାକିଦନିୟାଟି କରକ୍ତିତା ହାଜାଲି ମନ କିନି ନଡ଼େଏ ଇ ଆକୁ ରାଡ଼ାମାରେସି □

ପାଞ୍ଚୁଲ ଇ ଆକୁତା କୁଲମି ଗତି ଗତି ଆନାୟି ଲାଗେଏତି କାମାତି ଜୁପ୍ତକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଖେଞ୍ଜାନା ଖେଣ୍ଡେ ଖେସାଲି ମନ ହାହିମାନେସି □ କରକ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାୟି ଖେଞ୍ଜାମାରେ □ ଇଞ୍ଜା ଗାଡ଼ାତା ମାଟି କୁଲମି ହାରେକା କାଞ୍ଜାଲା ଆହିମାରେରି □ ଏଦାଆଁ ଅଣ୍ଡପାନା ଏଞ୍ଜାରାକି ତିନା ଉନାଣି, ବୀହା ଆନାଣି ଅଡ଼େ କିନାଣି, ହାକି ଅଡ଼େ ଖେଣ୍ଡେ ନିଜ୍ଜାନାଣି, ସାତା ଜୀଞ୍ଜୁନନାୟି ଏନାୟି ଇ ବାରେ କାତା ଆକୁତା ରାଡ଼ାନା ତସାମାନେସି ୧୩ □

**ପତିତା ମାନାୟି**

୧ ଜହରା କିହାନା ପୁଣ୍ଡିକିନାୟି □ ୧:୧-୯

୨ କୁଲମିକା ଗତି ଆନି କାତା ଜାପ୍ତନାୟି □ ୧:୧୦-୪:୨୧

୩ ଲାଗେଏତି ପାପୁ କାମା ଅଡ଼େ ଦାଞ୍ଜାକିନି କାତା □ ୫:୧-୭:୨୦

୪ ବୀହା, ପେଣକା ବମାୟାତି ବଗ୍ଗୁ, ଜାଟୁ ଆହାନା ପ୍ରାଡ଼ାନା, ସୁଦୁଜୀଞ୍ଜୁତି ଦାନା, ଇଞ୍ଜା ଖେଣ୍ଡେ ନିଜ୍ଜାନି କାତା □ ୭:୧-୧୫:୫୮

୫ ଲେସ୍ପିନି କାତା, ଜାହାରା ଅଣ୍ଡପୁ ଇଞ୍ଜା ରାପ୍ତନାୟି □ ୧୭

୧ ନାନୁ ପାଞ୍ଚୁଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଡ଼ାନା ପାଣ୍ଡୁଓ ଆହାମାନାତେଏଁ, ଅଡ଼େ ମା ତାୟି ସସ୍ପିନା ତଲେ,

୨ \*କରକ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଟିମାନେରି; ଆମିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାଡ଼ାନା କିହିମାନେରି, ଏଞ୍ଜାରିତଲେ କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟ୍ଟକି ଆହାମାନି ମାହାପୁରୁ ଲକୁତେରି ମୀରୁ □

୩ ମିଜ୍ଜେତାକି ମା ଆଡ଼ା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଆପେ □

କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଜ୍ଜେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହ୍ନାୟି, ଏଦାଆଁତାକି ନାନୁ କାଲେଏ ମିଜ୍ଜେତାକି ମାହାପୁରୁଇ ଜହରା କିହିମାଲ୍,

୫ ଏଦାଆଁତାକି ଇତିହ~ ଏଞ୍ଜାଣି ତାଣା ବାରେ କାତାତା, ହାରେକା କିହାଁ ବାରେଲେହେଁତି ଜାପ୍ତନି ତାଣା ଅଡ଼େ ବାରେଲେହେଁତି ବୁଦିତା ମୀରୁ ଗାଡ଼ି ବାଡ଼କା ମାଖେରି;

୬ ଇଲେଆହ୍~ କ୍ରୀସ୍ତତି ସାକି ମୀ ତାଣା ତୀରି ଆହାମାନେ □

୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଡ଼ାନା ଏନି କାର୍ମାଟି ଦାନାତା ଉଣା ଆହାହିଲଅତେରି;

\* ୧:୨ ୧:୨ କାମା ୧୮:୧

୮ ମା. ପ୍ରଭୁ ଜୀସୁ କ୍ରୀସ୍ତତି ଦିନାତା ଏନିକ୍ ମୀରୁ ଦହ ହିଲାଆଗାଟାତେରି ଆଦେରି, ଇଦାଆଁତାକି ଏଞ୍ଜାସି ମିଙ୍ଗେ ରାନ୍ତି ଦିନା ପାତେକା ତୀରିକିହା ଇଟାନେସି □

୯ ମାହାପୁରୁ ନାମୁଗାଟାସି, ଆମ୍ବାଆରି ତାଣାଟି ମୀରୁ ତାନି ମୀରୁଏସି ଜୀସୁ କ୍ରୀସ୍ତ, ମା. ପ୍ରଭୁ ତାଣା ଆଣ୍ଡିନାଣାକି ହାଟୁକି ଆହାମାଞ୍ଜେରି □

ନାନିତି କୁଲମି ବିତ୍ରା ଗତି ଆନାୟି

୧୦ ଏ ତାୟିୟାଁ ଅଡେ ତାଙ୍ଗିସ୍ତାତେରି, ମା. ପ୍ରଭୁ ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଇ, ଏନିକ୍ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡେ ମୀ ବିତ୍ରା ଗତି ଆଅତେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଡପୁ ତଲେ କାଲ୍ଡି ଆଦୁ □

୧୧ ଇଚିହ୍, ଏ ନା ତାୟିୟାଁ ଅଡେ ତାଙ୍ଗିସ୍ତାତେରି, କୁୟିତି କୁଟମିଟି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡହା ମାନେ □

୧୨ \*ନାନୁ ଝେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଜୁଲ ଝାକି ତାତେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏଁ, ନାନୁ କେପା ଝାକି ତାତେଏଁ ଅଡେ ଏଚରଜାଣା ନାନୁ କ୍ରୀସ୍ତ ଝାକି ତାତେଏଁ ଇଞ୍ଜା ମାନେରି □

୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଞ୍ଜୁଲ କି ପାସି ମୁଣ୍ଡାତା ହାହାମାନେସି ? ଆଆତ ମୀରୁ କି ପାଞ୍ଜୁଲ ଦରୁତଲେ ବାପ୍ତିସ୍ତ\* ଆହାମାଞ୍ଜେରି ?

୧୪ \*ଇଦାଆଁତାକି କ୍ରିସ୍ତ ଅଡେ ଗାୟ ପିସ୍ତପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ତାଁ ହୀହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ,

୧୫ ଏଡେତା ମୀରୁ ନୀ ଦରୁତଲେ ବାପ୍ତିସ୍ତାଁ ହୀହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି □

୧୬ \*ଅଡେ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ତାଁ ହୀହାମାଇଁ; ଇଞ୍ଜାରି ପିସ୍ତପେ ନାନୁ ଅଡେ ଆମ୍ବାଆରାଇଁ ବାପ୍ତିସ୍ତାଁ ହୀହାମାଇଁ ଇଞ୍ଜା ନା ଅଣ୍ଡପୁତା ହିଲେଏ □

୧୭ ଇଚିହ୍ କ୍ରୀସ୍ତ ନାଙ୍ଗେ ବାପ୍ତିସ୍ତାଁ ହୀହାଲିତାକି ପାଣ୍ଡାମାଞ୍ଜଅସି, ସାମା ନେହ୍ କାଟୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଡେତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ □

କ୍ରୀସ୍ତ ମାହାପୁରୁତି ବାଡ଼ୟୁ ଅଡେ ବୁଦି

୧୮ ଇଚିହ୍ ନାସା ଆହିମାନି ଲକୁତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୟୁ □

୧୯ ଇଦାଆଁତାକି ରାସ୍ତିକି ଆହାମାନେ, "ନାନୁ ବୁଦିଗାଟାରି ବୁଦି ନାସଡି କିଇଁ, ଅଡେ ବୁଦିଗାଟାରି ବୁଦି ଅପଅଁ □"

୨୦ ବୁଦିଗାଟାରି ଆମ୍ବିୟା ? ମେରା ଜାପୁନାରି ଆମ୍ବିୟା ? ଇ ଜୁଗୁତି କାତା କାଟଞ୍ଜିକିହାଁ ଝେହ୍ନାରି ଆମ୍ବିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜା ଝେସାହିଲଅସି ?

୨୧ ଇଚିହ୍ ମାହାପୁରୁତି ବୁଦି ତଞ୍ଜାଆହାମାଟି ଜିକେଏ ଦାର୍ତତି ଜାହରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଝେକହାମାନି କାତା ଉଜେଏତାୟି, ଆଡିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣ୍ଡପିତେସି □

\* ୧:୧୨ ୧:୧୨ କାମା ୧୮:୨୪ \* ୧:୧୩ ୧:୧୩ ମୁଞ୍ଜିନାୟି ☆ ୧:୧୪ ୧:୧୪ କାମା ୧୮:୮; କାମା ୧୯:୨୯; ରମି ୧୭:୨୩ † ୧:୧୪ ୧:୧୪ ମୁଞ୍ଜିନାୟି ‡ ୧:୧୫ ୧:୧୫ ମୁଞ୍ଜିନାୟି ☆ ୧:୧୬ ୧:୧୬ ୧କର ୧୭:୧୫ S ୧:୧୬ ୧:୧୬ ମୁଞ୍ଜିନାୟି \* ୧:୧୭ ୧:୧୭ ମୁଞ୍ଜିନାୟି † ୧:୧୭ ୧:୧୭ ମୁଞ୍ଜିନାୟି

୨୨ ଇତିହାସ ଜାହୁଦିଜ୍ଞା ସିନା ପାରିନେରି, ସାମା ଗ୍ରିକ୍ ଲକ୍ଷୁ ବୁଦିତି ପାରିନେରି □

୨୩ ସାମା ମାମ୍ନୁ ପାସି ମୁଣ୍ଡାତା ହାଡ଼ି କ୍ରୀସ୍ତତି କାତା ଝେକ୍‌ହି ମାନମି, ଏଝାସି ଜାହୁଦି ଲକ୍ଷୁତାକି ସାତୁ ଲେହେଁତାସି ଅଡ଼େ ଜାହୁଦିଆଆତି ଲକ୍ଷୁତାକି ବୁଦି ହିଲାଆଲେହେଁ □

୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାଟ୍‌କି ଆଡାରି, ଏଝାରାକି କ୍ରୀସ୍ତ ମାହାପୁରୁତି ବାଡ଼୍‌ମୁ ଅଡ଼େ ମାହାପୁରୁତି ବୁଦି ଲେହେଁ □

୨୫ ଇତିହାସ ମାହାପୁରୁତି ବୁଦି ହିଲାଆଗାଟାୟି ମାଣସିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣସିୟାତି ବାଡ଼୍‌ମୁ କିହାଁ ହାରେକା ବାଡ଼୍‌ମୁ ଗାଟାୟି □

୨୬ ଏ ତାୟିୟାଁ ଅଡ଼େ ତାଜିସ୍ତା ମିଜେ ହାଟାମାନି କାତା ଅଣ୍‌ପାଦୁ, ଦାର୍‌ତିତି ଲକ୍ଷୁତି ଅଣ୍‌ପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼୍‌ମୁ ଗାଟାରି, କି କାଜା କୃତା ଗାଟାରି ହାଟ୍‌କି ଆହାହିଲଅରି;

୨୭ ଏଦାଆଁତାକି ମାହାପୁରୁ ବୁଦି ଗାଟାରାକ୍‌ ଲାଜା କିହାଲିତାକି ଦାର୍‌ତିତି ବୁଦି ହିଲାଆଗାଟାଣି ଆଡ଼ିତେସି, ଅଡ଼େ ବାଡ଼୍‌ମୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍‌ତିତି ବାଡ଼୍‌ମୁ ହିଲାଆଗାଟାରାକ୍‌ ଆଡ଼ିତେସି □

୨୮ ଅଡ଼େ ଏନାୟି ଦାର୍‌ତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାର୍‌ତିତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଆଗାଟାଣି ଆଡ଼ିତେସି □

୨୯ ଅଡ଼େ ଏନାୟି ଦାର୍‌ତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍‌ତିତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡ଼ିତେସି □

୩୦ ସାମା ଏଝାଣି ତାକି ମୀରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଝାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇତିହାସ ଦାର୍‌ଗାଟାସି, ସୁଦୁଗାଟାସି ଅଡ଼େ ଗେଲ୍‌ପିନି ଲେହେଁ ଆହାମାନେସି □

୩୧ ଇଦାଆଁତାକି, ଦାର୍‌ପତିତା ରାସ୍‌କି ଆହାମାନେ, “ଆମ୍ବାଆସି ବଡ଼ପଣ ଆନେସି, ଏଝାସି ମାହାପୁରୁ ତାଣା ବଡ଼ପଣ ଆପାସି □”

## ୨

ପାସି ମୁଣ୍ଡାତା କ୍ରୀସ୍ତ ହାଡ଼ି କାବୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏଡ଼େତା ନାନୁ ମୀ ତାଣା ହାଜାମାଚେଏଁ, ଏତିବେଲା ମାହାପୁରୁତି ଡ଼ଗୁମାନି ସାତା କାତାତି ଗାଡ଼ି ବୁଦି ଗାଟାରିଲେହେଁ ମୀ ତାଣା ଝେକ୍‌ହାମାଚେଏଁ ଏଲେକ୍‌ ଆଏ □

୨ ଇତିହାସ ଜୀସୁ କ୍ରୀସ୍ତ, ଇତିହାସ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସ୍‌ପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣ୍‌ପାଆତେଏଁ □

୩ \*ଅଡ଼େ, ନାନୁ ବାଡ଼୍‌ମୁ ହିଲାଆନା, ଆଜି ଅଡ଼େ ତୀରଗି ତୀରଗିହାଁ ମୀ ତାଣା ମାଚେଏଁ;

୪ ଇଦାଆଁତାକି ନା ଜାପନାୟି ଅଡ଼େ ଝେକ୍‌ନାୟି ମାଣସି ବୁଦିତି ନେହାଁ ହାଡାଲେହେଁ ଆଆନା ମାହାପୁରୁତି ସୁଦୁଜୀଝୁତି ବାଡ଼୍‌ମୁ ତସ୍‌ପି ଆହାମାନେ □

୫ ମୀ ନାମୁ ଏନିକ୍‌ ମାଣସିୟାତି ବୁଦିତା ତାରି ଆଆନା ମାହାପୁରୁତି ବାଡ଼୍‌ମୁତା ତାରି ଆନେ □

ମାହାପୁରୁତି ବୁଦି

୬ ଆଡ଼ିଜିକେଏ ମାମ୍ନୁ ସୁଦୁଜୀଝୁତା ପାତାଆନି ବୁଦିଗାଟି ଲକ୍ଷୁତାଣା ବୁଦିତିକାତା ଝେହନମି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲ୍‌ଝି

କିନାରି ବାଡ଼ୁଛୁତି ହାରଣ୍ଡି କିନାରି ବୁଦି  
ଆଏ □

୭ ସାମା ନାନୁ ଡଗୁମାନି ଲେହେଁତି  
ମାହାପୁରୁତି ବୁଦିତିକାତା ଖେସିମାଲ୍; ଏ  
ଡଗୁମାନି ମାହାପୁରୁ ବୁଦି ମା ଗାଝୁରମି  
ତାକି ଦାରତିତି ଗାଡ଼ି ଆଆ ନକେଏ  
ଆଚାନା ଇଟକି ଆହାମାତେ □

୮ ଇ ଜୁଗୁତି ସାଲ୍ଡି କିନାରି ଜିକେଏ  
ଆମ୍ବାଆରି ଏଦାଆଁ ପୁଞ୍ଜାହିଲଅରି,  
ଏନାଆଁତାକି ଇତିହ୍ ଏଝାରି ଏଦାଆଁ  
ପୁଞ୍ଜାମାତିହ୍ ମା ଗାଝୁରମିଗାଟି ପ୍ରବୁଲ୍  
କୁସତା ପାୟାଆତେରିମା □

୯ ସାମା ଏନିକିହ୍ ଦାମ୍ବୁପତିତା  
ରାସ୍ତିକି ଆହାମାନେ,  
“କାନୁ ଏମିନାଣି ମେସା ହିଲେଏ,  
କିୟ୍ ଏମିନାଣି ଖେଞ୍ଜା  
ହିଲେଏ,  
ଅଡ଼େ ମାଣସିୟା ହିୟାତା  
ଏମିନାଣି ଅଣ୍ପା ହିଲଅରି,  
ଏ ବାରେତି ମାହାପୁରୁ ତାଙ୍ଗେ  
ଜୀଝୁ ନନାରାକି କିହାମାନେସି  
□”

୧୦ ସାମା ମାହାପୁରୁ ମାଙ୍ଗେତାକି  
ସୁଦୁଜୀଝୁ ତଲେ ବାରେ ତସାମାଞ୍ଜାନେସି;  
ଏନିକି ଏ ସୁଦୁଜୀଝୁ ବାରେ କାତା,  
ହାଅ, ମାହାପୁରୁତି ଡଗୁମାନି କାତା  
ଜିକେଏ ପାରିନେସି □

୧୧ ମାଣସିତି କାତା ବାରେ ମାଣସି ତାଣା  
ମାନି ଜୀଝୁ ପିସପେ ଅଡ଼େ ଆମ୍ବାଆସି  
ପୁନେସି ? ଏଲେକିହ୍ ଏ ମାହାପୁରୁ  
କାତା ବାରେ ମାହାପୁରୁ ଜୀଝୁ ପିସପେ  
ଆମ୍ବାଆସି ପୁନଅସି □

୧୨ ଏନିକି ମାହାପୁରୁ ତାଣାଟି  
ମାଙ୍ଗେ କାର୍ମାମେହନି ତାଣାଟି ହୀପକି  
ଆହାମାନି କାତା ବାରେ ମାର ପୁଞ୍ଜାଲି  
ଆଡ଼ିନାୟି, ଏଦାଆଁତାକି ମାର ଦାରତିତି  
ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ  
ବେଟା ଆହାମାନାୟି □

୧୩ ଏ ବାରେ କାତା ଜିକେଏ ମାର  
ମାଣସିତି ବୁଦିତି ଜାପାମାନି ବଲୁ ତଲେ  
ଖେସିହିଲାଆୟି, ସାମା ସୁଦୁଜୀଝୁତି

କାତା ବାରେ ସୁଦୁଜୀଝୁତି କାତାତଲେ  
ତେଲ୍ହି କିହାନା ସୁଦୁଜୀଝୁ ତଲେ  
ଜାପାମାନି ବଲୁ ତଲେ ଖେସିମାନାୟି □

୧୪ ସାମା ଦାରତିତି ମାଣସି  
ମାହାପୁରୁତି ସୁଦୁଜୀଝୁତି କାତା ବାରେ  
ଅପଅସି, ଏନାଆଁତାକି ଇତିହ୍ ଏ  
ବାରେ ତାନି ନକିତା ଉଜେଏତାୟି,  
ଅଡ଼େ ଏଝାସି ଏ ବାରେତି ତେଲ୍ହିଲି  
ଆଡ଼ଅସି, ଇତିହ୍ ଏ ବାରେ ସୁଦୁଜୀଝୁ  
ତଲେ ନୀହାୟି କିଝିଆନେ □

୧୫ ସାମା ଆମ୍ବାଆରାକି ସୁଦୁଜୀଝୁ  
ମାନେ, ଏଝାସି ବାରେ କାତା  
ନେହ୍ କ ଅଣ୍ପିନେସି, ଆଡ଼ିଜିକେଏ  
ଆମ୍ବାଆସି ଏଝାଣାଇଁ ଅଣ୍ପଅସି □

୧୬ ଏନାଆଁତାକି ଇତିହ୍,  
“ଆମ୍ବାଆସି ମାହାପୁରୁତି ଅଣ୍ପୁ  
ପୁଞ୍ଜାମାନେସି,  
ଇଞ୍ଜା ଏଝାସି ଏଝାଣାଇଁ ଜାପୁହାଲି  
ଆଡ଼ିନେସି ?”

ସାମା ମାମ୍ବୁ କ୍ରୀସ୍ତୁତି ମନ ବେଟା  
ଆହାମାନମି □

### ୩

କୁଲମିତା ଗଡ଼ହା

୧ ଏ ନା ତାୟିୟା ଅଡ଼େ ତାଙ୍ଗିସ୍ତାତେରି  
ନାନୁ ସୁଦୁଜୀଝୁ ବେଟାଆହାମାନି  
ଲକୁଣି ଖେହ୍ନିଲେହେଁ ମିଙ୍ଗେ ଖେସାଲି  
ଆଡ଼ାଆତେଏଁ, ସାମା ଆଙ୍ଗା ତଲେ  
ମାନି ଲକୁ ଅଡ଼େ କ୍ରୀସ୍ତ ତାଣା ନାମୁତି  
କକାରି ପଦାଣି ଖେହ୍ନିଲେହେଁ ମିଙ୍ଗେ  
ଖେସ୍ତାତେଏଁ □

୨ ନାନୁ ମିଙ୍ଗେ ପାଲୁ ଉଟହାନା  
ଆଟ୍ଝା ରାନ୍ଦା ହିୟାଆତେଏଁ,  
ଏନାଆଁତାକି ଇତିହ୍ ଏଲେତି ରାନ୍ଦା  
ତିଞ୍ଜାଲି ଆଡ଼ିହିଲାଆତେରି, ଅଡ଼େ ନୀଏଁ  
ଜିକେଏ ଆଡ଼ଅତେରି,

୩ ନୀଏଁ ପାତେକା ମୀରୁ ଦାରତିତି  
ନାମାଆତି ଲକୁ ମାଣକି ତଲେ  
ମାଞ୍ଜେରି, ଏନାଆଁତାକି ଇତିହ୍  
ମୀ ବିତ୍ରା ତାହାରା ଅଡ଼େ ଗଡ଼ହା  
କିନାୟିମାନେ, ଏଦାଆଁତାକି ମୀରୁ

☆ ୩:୨ ୩:୨ ଏଡ଼ି ୫:୧୨, ୧୩

ଦାରୁଡିତି ନାମାଆତି ଲକୁଡେରି ଆଏକି  
ଇଞ୍ଜା ମାଣ୍ଡି ନୀତିନି ଲେହେଁ ନୀତି  
ହିଲଅଡେରି ?

୪ \*ଏଡେଡା ରଅସି ଏଲେଇନେସି,  
“ନାନୁ ପାଞ୍ଜୁଲ ତାଣା ତାଡେଏଁ” ଅଡେ  
ରଅସି ଏଲେଇନେସି “ନାନୁ ଆପଲ  
ତାଣା ତାଡେଏଁ” ଏଡେଟିଏ ମୀରୁ  
ଦାରୁଡିତି ନାମାଆତି ଲକୁଡେରି ଆଏକି  
?

୫ ଆପଲ ଆମ୍ବାଆସି ? ପାଞ୍ଜୁଲ  
ଆମ୍ବାଆସି ? ଏଞ୍ଜାରି ଝାଞ୍ଜ ଯେବା  
କିନାରି, ଆମ୍ବାଆରି ତାଣାଟି ବାରେତାକି  
ପ୍ରବୁ ଏନିକି ହାହାମାନେସି ଏଲେକି  
ମୀରୁ ନାମାମାଞ୍ଜେରି □

୬ \*ନାନୁ ଉହାମାଈ, ଆପଲ ଏମୁ  
ହାହାମାନେସି, ସାମା ମାହାପୁରୁ ପାତି  
କିହାମାନେସି □

୭ ଇଡିହୁ ଆମ୍ବାଆସି ଉହିନେସି  
ଇଞ୍ଜା ଆମ୍ବାଆସି ଏମୁ ହାନେସି ଏଞ୍ଜାସି  
ଏନସି ଆଏ, ସାମା ଆମ୍ବାଆସି ପାତି କିନି  
ମାହାପୁରୁ ଏଞ୍ଜାସି କାଜାସି □

୮ ଆମ୍ବାଆସି ଉହିନେସି ଅଡେ  
ଆମ୍ବାଆସି ଏମୁ ହାନେସି ଏଞ୍ଜାରି ରିଆରି  
ରଲେଏତାରି, ସାମା ବାରେଜାଣା  
ତାମି କସ୍ତି ଲେକାତଲେ କୁଲି  
ବେଟାଆନେରି □

୯ ଇଡିହୁ ମାମ୍ବୁ ମାହାପୁରୁ  
ତଲେ ଆଣ୍ଡାନା କାମା କିନାତମି,  
ମୀରୁ ମାହାପୁରୁତି ତାସା ବୁମି ଅଡେ  
ମାହାପୁରୁତି ଇଲୁ □

୧୦ ନାଜେ ହାପକି ଆହାମାଞ୍ଜାନି  
ମାହାପୁରୁତି କାର୍ମାତଲେ ନାନୁ ର  
ବୁଦିଗାଟି ଇଲୁ ଦହନି ଲକୁ ଲେହେଁ  
ପୁନାଦି କିହାମାଈ, ଅର ରଅସି ଏଦାଣି  
ଲାକ ଇଲୁ ଦସି ମାନେସି, ସାମା  
ବାରେଜାଣା ତାନି ଲାକ ଏନିକି ଦସି  
ମାନେରି ଏଦାଆଁତାକି ଜାଗ୍ରାତା ଆପେରି  
□

୧୧ ଇଡିହୁ ଆମିନି ପୁନାଦି  
କିଞ୍ଜିଆହାମାନେ, ଏଦାଣି ପିସପେ

ଏବକାତି ପୁନାଦି ଆମ୍ବାଆସି କିହାଲି  
ଆଡଅସି, ଏ ପୁନାଦି ଜାସୁ କ୍ରାସୁ □

୧୨ ସାମା ଆମ୍ବାଆସି ଏ ପୁନାଦି ଲାକ  
ବାଂଗାରା, ଝେଣ୍ଡି, ଗାତି ଦାରାଗାଟି  
ଝାଲକା, ମାରକା, ଜାଡା, ଅଡେ ଝିକା  
ତଲେ କିନେସି,

୧୩ ଆଡିହୁ ଆମ୍ବାଆରି କାମା  
ଏନିଲେହେଁତାୟି ଏଦି ତଞ୍ଜାଆନେ,  
ଇଡିହୁ ଏ ନେରୁ ଏଦି ତହୁନେ, ଏ  
ନେରୁ ହିରୁତଲେ ତଞ୍ଜାଆନେ, ଇଞ୍ଜା  
ବାରେଜାଣାତି କାମା ଏନିଲେହେଁତାୟି  
ଏ ହିରୁ ତାୟିପାରି କିନେ □

୧୪ ଆମ୍ବାଆସି ଏନିକି ଇଲୁ ଦସା  
ମାନେସି ଏଞ୍ଜାଣି କାମା ଏଲେକି  
ଡୟିଡିହୁ ଏଞ୍ଜାସି ଏ ଦାନା ବେଟା  
ଆନେସି □

୧୫ ଇଞ୍ଜା ଆମ୍ବାଆରି କାମା  
ଝେହାହାନେ, ଏଞ୍ଜାଣିଝାୟି ନାସଞ୍ଜି  
ଆନେ, ଆଡିକିକେଏ ଏଞ୍ଜାସି ଗେଲପି  
ଆନେସି, ସାମା ଏଦି ହିରୁ ବିତ୍ରାଟି ହଡା  
ହାଟି ସମାନା ଆନେ □

୧୬ \*ମୀରୁ ପୁଞ୍ଜାହିଲଅଡେରି କି  
ମୀରୁ ମାହାପୁରୁତି ଇଲୁଡେରି, ଅଡେ  
ମାହାପୁରୁତି ସୁଦୁଜାଞ୍ଜୁ ମୀ ହିୟାତା  
ବାସା କିନେ □

୧୭ ଆମ୍ବାଆସି ମାହାପୁରୁ ଲକୁଈଁ ନାସା  
କିନେସି, ମାହାପୁରୁ ଏଞ୍ଜାଣାଈଁ ନାସା  
କିନେସି, ଇଡିହୁ ମାହାପୁରୁତି ଇଲୁ  
ଅବହାୟି ଇଞ୍ଜା ମୀରୁଏ ଏଞ୍ଜାଣି ଇଲୁ □

୧୮ ଆମ୍ବାଆସି ତାନୁଏ ତାଜେ  
ନାଡିକିହା କତାଆପେସି, ଆମିନି ଲକୁ  
ଇ ଦାରୁଡିତା ବୁଦି ଗାଟାଡେଏଁ ଇଞ୍ଜା  
ଅଣ୍ଡିନେସି, ଆଡିହୁ ଏଞ୍ଜାସି ଏନିକି  
ବୁଦିଗାଟାସି ଆନେସି ଏଦାଆଁତାକି  
ଦାରୁଡିତି ଲକୁତାଣା ବୁଦି ହିଲାଆଗାଟି  
ଲକୁ ଲେହେଁ ଆପେସି □

୧୯ ଇଡିହୁ ଇ ଦାରୁଡିତି ବୁଦି  
ମାହାପୁରୁ ନକିତା ବୁଦି ହିଲାଆଗାଟାୟି,  
ଏଦାଆଁତାକି ରାସ୍ତକି ଆହାମାନେ,

“ମାହାପୁରୁ ବୁଦି ଗାଟାରାଇଁ ତାମି ସୁତ୍ରମି ତଲେ ପାନ୍ଦାତା ଆହନେସି;”

୨୦ ଅଡ଼େ ରାସ୍‌କି ଆହାମାନେ “ବୁଦିଗାଟାରି ଅଣ୍‌ପୁ ବାରେ ଉଜେଏତାୟି ଇଞ୍ଜି ପ୍ରବୁ ପୁଞ୍ଜାମାନେସି □”

୨୧ ମାଣ୍‌ସି ତାଣା ଆମ୍ବାଆସି ବତପଣ ଆଆପେସି, ଇଚିହ୍‌ ବାରେ ମାଦିଏ □

୨୨ ପାଞ୍ଜୁଲ, ଇଞ୍ଜୁ କି ଆପଲ, ଇଞ୍ଜୁ କେପା\*, ଇଞ୍ଜୁ ଅଡ଼େ ଦାରତି ଇଞ୍ଜୁ କି ଜୀଞ୍ଜୁ ଇଞ୍ଜୁ, କି ହାନାୟି ଆପେ, ନୀର୍‌ ଡାୟି ଆପେ, କି ଡାୟୁତାୟି ଆପେ, ଏ ବାରେଏ ମାଦି □

୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି □

### ୪

ଜୀସୁ ତାଣାଟି ପାଣ୍ଡୁଝି ଆହାମାନାରି

୧ ଲକୁ ମାଜେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତି ତରୁମାନି ଇଲୁତି ଗୁମ୍‌ସା ଇଞ୍ଜି ଅଣ୍‌ପାପେରି □

୨ ଇଲେଆହ୍‌ ଗୁମ୍‌ସା ବେଟାଆହାମାନି ମାଣ୍‌ସି ଜାହାରା ପ୍ରବୁ ତାଣା ମାନିଗାଟାସି ତଞ୍ଜା ଆପାସି □

୩ ସାମା ମୀ ତାଣାଟି ଆପେ କି ଆମିନି ନୀହାୟି କିନି ତାଣା ନୀହାୟି କିଞ୍ଜି ଆନାୟି ନା ତାକି ଏଦି କାଜା କାତା ଆଏ, ଇଲେକ୍‌ ନାନୁ ଜାହାରାଇଁ ନୀହାୟି କିହା କଡ଼ଅଁ □

୪ ଇଚିହ୍‌ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍‌ଆଁ ଦହ୍‌ ହିଲାଆ ଗାଟାତେଏଁ ଇଞ୍ଜି ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନୀହାୟି କିୟାନେସି, ଏଞ୍ଜାସି ପ୍ରବୁ □

୫ ଏଦାଆଁତାକି, ତୀରିକିତି ଦିନା ଖାଆ ନକେଏ ଇଚିହ୍‌ ପ୍ରବୁ ଖାଆ ନକେଏ ମୀରୁ ଆମ୍ବାଆରାଇଁ ନୀହାୟି କିଆଦୁ, ଏଞ୍ଜାସି ଆନ୍ଦେରିତା ତରୁମାନି ବାରେ ଉଜେଡ଼ିତା ତହ୍‌ନେସି, ଅଡ଼େ ହିୟାଁତି ଅଣ୍‌ପୁ ବାରେ ଏଞ୍ଜାସି ଖେହ୍‌ନେସି,

ଏଚିବେଲା ବାରେଜାଣା ମାହାପୁରୁ ତାଣାଟି ଗାଞ୍ଜୁରମି ବେଟାଆଡ଼େରି □

୬ ଏ ଡାୟିୟାଁ ଅଡ଼େ ତାଜିସ୍‌ତାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଜେ ଅଡ଼େ ଆପଲଇଁ ତସାଁ ଖେସିମାଞ୍ଜାଇଁ, “ଇଚିହ୍‌ ଏନାୟି ରାସ୍‌କି ଆହାମାନେ ଏ କାତାଟି ଗାଣ୍‌ଆଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକ୍‌ ମୀ ବିତ୍ରାଟି ଆମ୍ବାଆସି ରଅଣି ଖାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ □

୭ ମିଜେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅଡ଼େରି, ଇଲେକ୍‌ ମାଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆଚିହ୍‌ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲଡ଼ାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସ୍‌ପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହ୍‌ ନେହ୍‌ ଆଡେମା, ଏନିକ୍‌ ମାମ୍‌ ଜିକେଏ ମୀ ତଲେ ସାଲଞ୍ଜି କିହାଲି ଆଡ଼ିତମିମା □

୯ ଏନାଆଁତାକି ଇଚିହ୍‌ ନା ଅଣ୍‌ପୁତା ମୀର ପାଣ୍ଡୁଝି ଆହାମାନାତାୟି, ମୀର ମାହାପୁରୁତି ତଣ୍ଡତା ହେର୍‌ପି ଆହାମାନି ଡାୟୁତି ଲକୁ ସମାନା ତସାମାଞ୍ଜାନେସି, ଇଚିହ୍‌ ମାମ୍‌ ଦାରତିତା, ମାହାପୁରୁତି ଦୃତୁୟାଁ ଇଞ୍ଜା ମାଣ୍‌ସିୟାଁ ନକିତା ଲାଜାକିଞ୍ଜି ଆନାତମି ଲେହେଁ ଆହାମାନମି □

୧୦ ମାମ୍‌କ୍ରୀସ୍ତ ତାକି ବୁଦି ହିଲାଆ ଗାଟାତମି, ସାମା ମୀରୁ କ୍ରୀସ୍ତତି ତାକି ବୁଦି ଗାଟାତେରି; ମାମ୍‌ ବାଡ଼ନ୍ତୁ ହିଲାଆ ଗାଟାତମି, ସାମା ମୀରୁ ବାଡ଼ନ୍ତୁ ଗାଟାତେରି; ମୀରୁ ଗାଞ୍ଜୁରମି

\* ୩:୨୨ ୩:୨୨ ପିତର

ବେଟା ଆନାତେରି, ସାମା ମାମ୍ବୁ ବେଟା  
ଆଆଗାଟାତମି □

୧୧ ନୀର୍ବ୍ୟ ପାତେକା ମାମ୍ବୁ ହାକି,  
ଅଡ଼େ ଏସ୍‌କି ଗାଟାତମି, ଗେଞ୍ଜିତି ହିମ୍ବୁରି  
ହୁରାମାନମି, ଅଡ଼େ ମାଡ଼ା ବେଟାଆହି  
ମାନମି, ଇଞ୍ଜା ବାସାଟାୟୁ ହିଲାଆନା  
ରେଜିମାନମି □

୧୨ \*ମା କେୟୁତି ଖାହୁତି କାମା  
କିହିମାନମି, ଆମ୍ବାଆସି ବାକା  
ଇଟାସାରେ, ମାମ୍ବୁ ଏଞ୍ଜାରେଇଁ ବର  
ହାହିମାନମି, ସାସ୍ତି ହିୟାତିହଁ ଜିକେଏ  
ଅରୁହିମାନମି □

୧୩ ମାଙ୍ଗେ ଲାଜା କିୟାତିହଁ  
ଜିକେଏ ମାମ୍ବୁ ଆଣୁଞ୍ଜିଆନି କାତା  
ଝେସିମାନମି; ନୀର୍ବ୍ୟ ପାତେକା ମାମ୍ବୁ  
ଦାରୁତିତି ତୁକ୍‌ଜାଣୁ ଅଡ଼େ କିସିସି  
ରୁତିତି ଲେହେଁ ଆହାମାନମି □

୧୪ ନାନୁ ମିଙ୍ଗେ ଲାଜା ହାହାଲି  
ଇ ବାରେ କାତା ରାଡ଼ିମାଞ୍ଜାଅଁ, ସାମା  
ନା ଜୀଞ୍ଜୁତି ମୀରକା ଇଞ୍ଜି ଅଣ୍‌ପାନା  
ମିଙ୍ଗେ ସେଡ଼ନା ହାହାଲିତାକି ଇ ବାରେ  
କାତା ରାଡ଼ିମାଞ୍ଜାଇଁ □

୧୫ ଇତିହଁ କ୍ରୀସ୍ତୁତି କାତା ମିଙ୍ଗେ  
ଜାପ୍‌ନାରି ଦସ ମାଣା ଲକୁ ଡ଼ୟିନେରି,  
ଆଡ଼ିଜିକେଏ ହାରେକା ତାଞ୍ଜିୟାଁ  
ହିଲଅରି; ଇତିହଁ କ୍ରୀସ୍ତୁ ଜୀସୁ ତାଣା  
ନାନୁ ମିଙ୍ଗେ ନେହଁ କାରୁତଲେ ମୀ  
ତାଞ୍ଜି ଲେହେଁ ଆହାମାଇଁ □

୧୬ \*ଏଦାଆଁତାକି ନାନୁ ମିଙ୍ଗେ  
ବାଡ଼ିମାଲିମାଞ୍ଜାଇଁ ନାନୁ କିହିମାନି  
ଲେହେଁ କିଦୁ □

୧୭ ଏଦାଆଁତାକି ନାନୁ ତିମତିଇଁ ମୀ  
ତାଣା ପାଣ୍ଡିମାଞ୍ଜାଇଁ, ଏଞ୍ଜାସି ମାହାପୁରୁ  
ତାଣା ନା ଜୀଞ୍ଜୁତି ନାମୁତି ମୀରଏସି;  
ଏନିକଁ ନାନୁ ବାରେଞ୍ଜାକି ବାରେ  
କୁଲମିକାଣା ଜାପୁହି ମାଇଁ, ଏଲେକଁ  
ଏଞ୍ଜାସି ମିଙ୍ଗେ ନା କ୍ରୀସ୍ତୁତି ଲେମ୍ବିନାଣି  
ଅଣ୍‌ପି କିୟାନେସି □

୧୮ ନାନୁ ମୀ ତାଣା ଖାହି ହିଲଅଁ  
ଇଞ୍ଜି ଅଣ୍‌ପାନା ଏଚରଜାଣା ବଡ଼ପଣ

ଆହିମାଞ୍ଜେରି □

୧୯ ସାମା ମାହାପୁରୁ ମନ କିତିହଁ,  
ନାନୁ ମୀ ତାଣା ତବେ ଖାଇଁ; ଅଡ଼େ  
ଆମ୍ବାଆରି ବଡ଼ପଣ ଆହିମାନେରି,  
ଏଞ୍ଜାରି କାତାତଲେ ଆଏ, ସାମା  
ବାଡ଼ୟୁତି ସିନିକିଇଁ □

୨୦ ଇତିହଁ ମାହାପୁରୁତି ରାଜି  
ଞ୍ଜାରଇ ଜଲିନି କାତାତଲେ ଆଏ, ସାମା  
ବାଡ଼ୟୁ ତଲେ ତଞ୍ଜାଆନେନି □

୨୧ ମୀ ଅଣ୍‌ପୁ ଏନାୟି? ନାନୁ ବାଡ଼ଗା  
ଆସାଁ ମୀ ତାଣା ଖାଇଁ କି ଜୀଞ୍ଜୁ ନନାଣି  
ଆସାନା ଇଞ୍ଜା ସୁଦୁ ସୁଞ୍ଜାଲା ଗାତି ଜୀଞ୍ଜୁ  
ଆସାଁ ଖାଇଁ ?

**୫**

କୁଲମି ବିଦ୍ରାମାନି ଲାଗେଏତାୟି

୧ ସାତେଏ ଝେଙ୍ଗାମାନେ କି ମୀ ବିଦ୍ରା  
ଦାରିକାମା ମାନେ, ଅଡ଼େ ମୀ ତାଣା  
ଇଲେତି ଦାରିକାମା ମାନେ, ଅଡ଼େ  
ଇଲେତାୟି ଜୀହୁଦିଆଆତାରି ତାଣା  
ଜିକେଏ ଆଏ, ଇଲେକଁ ରଅସି ତାମି  
ଆବା ତକ୍‌ଜିନି ଇଟାମାନେସି □

୨ ଅଡ଼େ, ଆମ୍ବାଆସି ଇଲେତି  
କାମା କିହାମାନେସି, ଏଞ୍ଜାସି ଏନିକଁ  
ମୀ ତାଣାଟି ହେକ କିଞ୍ଜିଆନେସି,  
ଏଦାଆଁତାକି ଦୁକୁଆହଁ ଡ଼ୀଆନା  
ବଡ଼ପଣ ଆହିମାଞ୍ଜେରି ?

୩ ସାମା ନାନୁ ଆଙ୍ଗା ତଲେ ହିଲାଆତି  
ଜିକେଏ ଏମ୍ବାଆଁ ମାନିଲେହେଁ ମାଇଁ,  
ଆମ୍ବାଆସି ଇଲେତି କାମା କିହାମାନେସି,  
ନାନୁ ମାନି ଲେହେଁ ପ୍ରବୁ ଜୀସୁ  
ଦରୁତଲେ ଏଞ୍ଜାଣି ବିଚାରା କିହା  
ରାହାମାଇଁ,

୪ ଇତିହଁ ମୀରୁ ଅଡ଼େ ନା ପ୍ରବୁ  
ଜୀସୁ ବାଡ଼ୟୁ ତଲେ କୁଡ଼ା ଆନାଟି ନା  
ଜୀଞ୍ଜୁ ଜିକେଏ ଏମ୍ବାଆଁ ଡ଼ୟିନେ ଇଞ୍ଜି  
ପୁଞ୍ଜାମାଇଁ,

୫ ଇଞ୍ଜା ଇଲେତି ଲକୁଇଁ ଆଙ୍ଗା  
ତଲେ ନାସା ଆହାଲି ସୟତାନ କେୟୁତା  
ହେରୁପିନାୟି ମାନେ, ଏନିକଁ ପ୍ରବୁ



ଜୀସୁତି ଦିନାତା ଏଞ୍ଜାଣି ଜୀସୁ ଗେଲ୍‌ପି ଆହାଲି ଆଡ଼ିନେ □

୭ \*ମୀରୁ ଇଲେଆହ୍ ବଡ଼ପଣ ଆନାୟି ନେହେଁ ଆଏ □ ମୀରୁ ପୁଞ୍ଜାହିଲଅତେରି, “ଇଚରା ପୁଲାଏୟୁ ବିଡିତା ମାନି ଗୁଣ୍ଡାତି ପୁଲା କିନେ □”

୮ ମୀରୁ ପୁଲା ତିନାଆ ଲକୁତେରି, ଏଦାଆଁତାକି ଏନିକ୍ ମୀରୁ ପୁଞ୍ଜନି ତ:କା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜଇ ପୁଲା ଏୟୁତି ହପ୍‌ହା ତୁହ୍‌ଦୁ; ଏଦାଆଁତାକି ଇଚିହ୍ ମା ପିସ୍‌ପିଆନି ପାର୍ବୁତି ମେଣ୍ଡା ତାଲୁ, ଇଚିହ୍ କ୍ରୀସ୍, ଜିକେଏ ପୂଜା କିଞ୍ଜିଆହାମାନେସି □

୯ ଏଦାଆଁତାକି ଖାଦୁ, ମାର ପାପୁ ଅଡ଼େ ଲାଗେଏତି ପୁଞ୍ଜଇ କାମାତି ରୁଟି ପଞ୍ଜିକିନି ଗୁଣ୍ଡା ତଲେ ପାର୍ବୁ କିଆନା ତୀରି ଅଡ଼େ ସାତା ତଲେ ପୁଲାଏୟୁ ହିଲାଆ ରୁଟିତି ପାର୍ବୁ କିନ □

୧୦ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜି ନାନୁ ନା ଆକୁତା ରାଡ଼ାମାଚେଏ;

୧୧ ଇ ଦାର୍‌ତିତି ଦାରିକାମା କି ଦନ ଜୁପକା, ଏଚକାତାରି ଦିଶ୍‌ସୁ ସରୁ ଆନାରି, ପେଣ୍ଡାକା ବମାୟା ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡଅସି, ଏଡ଼ି ଆଏ, ଏଲେଆଡ଼ିହ୍ ଦାର୍‌ତିତି ହଡ଼ା ହାନାୟିମାନେ;

୧୨ ଇଚିହ୍ ନା ରାଡ଼ିନି ଅଣ୍ଡପୁ ଇଦି ମାଚେ, ଇଚିହ୍ ଆମିନି ଲକୁତି ତାୟି ଇଞ୍ଜି ଝେଙ୍ଗାନା, ଦାରିକାମା, ଦନ ଜୁପକା, ପେଣ୍ଡାକା ବମାୟା ପୂଜା, ନିନ୍ଦା ଗାଗାରି, କାଡ଼ୁ ରୁଡ଼ୁ, ଏଚକାତାରି ଦିଶ୍‌ସୁତି ସରୁ ଆନେରି, ଆଡ଼ିହ୍ ଏଲେତାରି ତଲେ କୁଡ଼ାଆଦୁ, ଅଡ଼େ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ □

୧୩ ପାଙ୍ଗାତି ଲକୁତି ନୀହାୟି କିହାଲି ନାନୁ ଆମ୍ବାଆଚେଏ ? ସାମା କୁଲମି ବିତ୍ରା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କିଅତେରି କି ?

୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି □ ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ମୀ ତାଣ୍ଡାଟି ଲାଗେଏତି ଲକୁଣି ଏଚକା କିଦୁ □”



କ୍ରୀସ୍ତାନା ତାୟିୟାଣି ଦାଞ୍ଜାକିନି ମେରା

୧୪ ମୀ ବିତ୍ରାଟି ଆମ୍ବାଆରି କପାଟି କାତା ମାତିସାରେ ଏଞ୍ଜାସି ନୀହାୟି କିହାଲି ମାହାପୁରୁ ଲକୁତାଣା ହାଲାଆନା ଦାମ୍ବୁ ହିଲାଆଗାଟି ନୀହାୟି କିନାଣି ତାଣ୍ଡା ଅହାଲି ଏନିକ୍ ସାସା ମାନେ ?

୧୫ ମାହାପୁରୁ ଲକୁ ଇ ଦାର୍‌ତିତି ନୀହାୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାର୍‌ତି ମୀ ତାଣ୍ଡା ନୀହାୟି କିଞ୍ଜିଆନେ, ଆଡ଼ିହ୍ ଇ ଇଚି ଇଚି କାତାଟି ନୀହାୟି କିୟାଲି ଆଡ଼ଅତେରି କି ?

୧୬ ମାର ଲାକପୁରୁତି ଦୂତୁୟାଈ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆଡ଼ିହ୍ ଦାର୍‌ତିତି ଜାମ୍‌ଲିତି ଜିକେଏ ନୀହାୟି କିନାୟି ମାଙ୍ଗେତାକି ଉସାସା ଆୟେଏ କି ?

୧୭ ମୀ ଜୀସୁତି କାତା ଏନାୟି, ସାମା ନୀହାୟି କିୟାଲି ଏନି ଦାର୍‌ତିତି କାତା ମାତିହ୍, ଏଦାଆଁ ନୀହାୟି କିୟାଲି କୁଲମିତି ପୁନାଆ ଗାଗାରାଈ ନୀହାୟି କିୟାଲି ହାଡ଼ିଦେରି କି ?

୧୮ ନାନୁ ମିଙ୍ଗେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଈ □ କ୍ରୀସ୍ତଈ ନାମାମାନି ତାୟିୟା ବିତ୍ରା ଆହିମାନି ଗଡ଼ହାତି ତୁକ୍‌ହାଲି, ଇଲେତି ର ବୁଦିଗାଗାସି ଜିକେଏ କୁଲମିତା ଆମ୍ବାଆସି ହିଲଅସି କି ?

୧୯ ସାମା ନାମୁଗାଟି ତାୟି ଅର ତାୟି କପାଟି ନୀହାୟି ଇଲୁତା ଦାଞ୍ଜା କିନେସି, ଏଡ଼ି ଜିକେଏ ନାମାଆଗାଗାରି ତାଣ୍ଡା □

୨୦ ସାମା ମୀ ମୀ ବିତ୍ରାଟି କାତାତାକି କର୍ତ୍ତା ଦାଞ୍ଜା କିହିମାଞ୍ଜେରି, ଏମ୍ବାଆଁ

ସାତେଏ ଦହ ଗାଟାତେରି, ଏନାଆଁତାକି  
ଲାଗେଏତାଣି ଅରୁହି ହିଲଅତେରି  
? ଏନାଆଁତାକି ନାସଞ୍ଜି ଆନାଣି  
ଅପିହିଲଅତେରି ?

୮ ସାମା ମୀରୁ ମୀରୁଏ ଲାଗେଏ ଅଡ଼େ  
ନାସା କିହିମାଞ୍ଜେରି, ଅଡ଼େ ଏଦାଆଁ  
ତାୟିୟାଣି କିହିମାଞ୍ଜେରି □

୯ ଅଡ଼େ ଦାମ୍ବୁ ହିଲଆ ଗାଟାରି  
ମାହାପୁରୁ ରାଜିତି ଅଦିକାରା ଆଅରି,  
ଇଦାଆଁ କି ମୀରୁ ପୁଞ୍ଜାହିଲଅତେରି  
? ନାଡ଼ିକିଞ୍ଜି ଆଆଦୁ, ଦାରିକାମା,  
କି ପେଣକା ବମାୟା ପୂଜା କିନାରି,  
ଲାଗେଏତି କାମାକିନାରି, ଆବା  
ଆବାୟା ଦହ କିଞ୍ଜିଆନାରି,

୧୦ ସରୁ କିନାରି, ଦନ ଜୁପକା, କାଡ଼ୁ  
ବୁଡ଼ୁ, ଲକୁଣି ନିନ୍ଦା କିନାରି, ଏଟକାତାରି  
ଦିଣ୍ଡୁ ମୀଞ୍ଜନାରି, ଇଞ୍ଜାରି ମାହାପୁରୁ  
ରାଜିତା ଅଦିକାରା କିହାଲି ଆଡ଼ଅରି □

୧୧ ଅଡ଼େ, ମୀ ବିତ୍ରା ଆମ୍ବା ଆମ୍ବାଆରି  
ଇଲେକ ମାଚେରି; ସାମା ପ୍ରବୁ ଜୀସୁ  
କ୍ରୀସ୍ତ ଦରୁତଲେ ଇଞ୍ଜା ମାହାପୁରୁତି  
ସୁଦୁଜୀଞ୍ଜୁ ତଲେ ମୀରୁ ନରୁଞ୍ଜି  
ଆହାମାଞ୍ଜେରି, ଇଞ୍ଜା ସୁଦୁଗାଟାତେରି  
ଆହାନା ତୀରିଗାଟାତେରି ଇଞ୍ଜା  
ଝେଙ୍ଗା ମାଞ୍ଜେରି □

ମାହାପୁରୁତି ଗାଞ୍ଜୁରମି ତାକି  
ଆଙ୍ଗାତି ଲେମ୍ବିନାୟି

୧୨ \*ଆମ୍ବାଆସି ଏଲେଇନେସି  
“ନାଙ୍ଗେ ବାରେ କାମା କିହାଲି  
ଅଦିକାରା ହୀପକି ଆହାମାଞ୍ଜାନେ,”  
ସାତା କାତା, ସାମା ବାରେ କାମା  
ନିଙ୍ଗେତାକି ନେହାୟି ଆଏ, ନାଙ୍ଗେ  
ବାରେ କାମା କିହାଲି ହେଲ ମାନେ  
ସାମା ନାଙ୍ଗେ ଲକହାଲି ଆମ୍ବାଆରାକି  
ଏଚେଲା ପାରୁ ହୀଅଁ □

୧୩ ଏଚରଜାଣା ଏଲେଇନେରି  
“ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି  
ରାନ୍ଦା ତାକି □” ସାମା ମାହାପୁରୁ ଇ  
ରିଣ୍ଡାଆଁତି ଜିକେଏ ମ୍ଲେକ୍ନେସି □ ଆଙ୍ଗା  
ଦାରି କାମାତାକି ଆଏ, ସାମା ପ୍ରବୁତି  
ସେବାତାକି, ଅଡ଼େ ପ୍ରବୁ ଆଙ୍ଗା ତାକି □

୧୪ ମାହାପୁରୁ ପ୍ରବୁ ଜୀସୁଇଁ ହାକିତି  
ନିକ୍ହେସି, ଇଞ୍ଜା ତାନି ବାଡ଼ୁୟୁ ତଲେ  
ମାଙ୍ଗେ ଜିକେଏ ନିକ୍ହାନେସି □

୧୫ ମୀ ଆଙ୍ଗା କ୍ରୀସ୍ତତି ଆଙ୍ଗା  
ଲେହେଁ, ଇଦାଆଁ ପୁଞ୍ଜାହିଲଅତେରି କି  
? ଆତିହିଁ ନାନୁ କ୍ରୀସ୍ତତି ର ଆଙ୍ଗା  
ଅହାନା ଦାରେଣି ଆଙ୍ଗା କିଇଁ ? ଏଦି  
ଏଚେଲା ଜିକେଏ ଆଆପେ □

୧୬ ଅଡ଼େ ଆମ୍ବାଆସି ଦାରେଣି  
ତଲେ ଆଣ୍ଡିନେସି ଏଞ୍ଜାସି ଏଦାନିତଲେ  
ରଣ୍ଡିଏ ଆଙ୍ଗା ଆନେସି, ଇଦାଆଁ ମୀରୁ  
ପୁଞ୍ଜାହିଲଅତେରି ? ଏଦାଆଁତାକି  
ଦାମ୍ବୁପତିତା ରାସ୍କି ଆହାମାନେ “ଏ  
ଡକ୍ତି ଡକ୍ତା ରଣ୍ଡିଏ ଆଙ୍ଗା ଆନୁ □”

୧୭ ସାମା ଆମ୍ବାଆସି ପ୍ରବୁ ତଲେ  
ଆଣ୍ଡିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ  
ଜୀଞ୍ଜୁ ଆନେସି □

୧୮ ଦାରିକାମାଟି ହେକ ଆଦୁ, ମାଣ୍ଡସି  
ଏନି ପାପୁ କିନେସି, ଏଦି ଆଙ୍ଗାତି  
ଲାଗେଏ କିନେସି, ସାମା ଆମ୍ବାଆସି  
ଦାରିକାମା କିନେସି, ଏଞ୍ଜାସି ତାନି ଆଙ୍ଗା  
କପାଟି ପାପୁ କିହିମାନେସି □

୧୯ \*ମୀ ଆଙ୍ଗା ମାହାପୁରୁ ତାଣାଟି  
ବେଟାଆହାମାନି ମୀ ହିୟାଁ ବିତ୍ରା  
ସୁଦୁଜୀଞ୍ଜୁ ବାସାଆନି ଦେଞ୍ଜୁଡ଼ି, ଇଦାଆଁ  
ମୀରୁ ପୁଞ୍ଜାହିଲଅତେରି କି ? ଅଡ଼େ  
ମୀରୁ ମୀରୁଏ ମିଆତେରି ଆଏ; ସାମା  
ମାହାପୁରୁତି ଲକୁତେରି □

୨୦ ଇତିହିଁ ମୀରୁ ଗାତି ଦାରାତଲେ  
କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ  
ଆଙ୍ଗା ତଲେ ମାହାପୁରୁତି ଗାଞ୍ଜୁରମି  
କିଦୁ □



ବୀହା ଆନି ମେରା

୧ ମୀରୁ ମୀ ଆକୁତା ଆମିନି କାତା  
ରାଟା ମାଞ୍ଜେରି, ଏ ବାରେତାକି ନାନୁ  
ଝେସ୍ତାନାୟି ଇଦି, “ଇୟାନି ତୀଗାଆ  
ଗାଟାୟି ଆବାକି ନେହେଁ;”

୨ ସାମା ଦାରି କାମାତି ଆଜିତାକି  
ବାରେ ଆବାୟାକି ଜାହାରା ଡକ୍ତି

ମାଣମ୍ବେ, ଅଡ଼େ ଇୟାସିକାକି ଜାହାରା  
ତକ୍ରା ମାଣମ୍ବେସି □

୩ ତକ୍ରା, ତକ୍ତ୍ରନାକି ଏନାୟି ଲତ୍ରା  
ଏଦାଆଁ ହାପାସି, ଇଞ୍ଜା ଏଲେକିହ୍ ଏ  
ତକ୍ତ୍ର ତକ୍ରାକି ତାନି ଲତ୍ରାମାନାଣି ହାପେ,  
ଅଡ଼େ ତାମ୍ବେ ଏନାୟି ଲତ୍ରାମାନାଣି  
ପୂରା କିନାୟିମାନେ □

୪ ତକ୍ତ୍ର ତାନି ଆଙ୍ଗାତି ମୁହେଁ ଅଦିକାରା  
ହିଲେଏ, ସାମା ତକ୍ରାକି ମାନେ □  
ଏଲେକିହ୍ ଏ ତକ୍ରାକି ତାନି ଆଙ୍ଗାତି  
ମୁହେଁ ଅଦିକାରା ହିଲେଏ, ସାମା  
ତକ୍ତ୍ରନାକି ମାନେ □

୫ ତାମ୍ବୁ ତାନି ତାଣାଟି ଏଟ୍ଟକା ଆହାନା  
ଡ଼ୟାଆପୁ; ସାମା ପ୍ରାତାନା କିହାଲି  
ଏଚରଦିନା ପାତେକା ରିଆତେରି  
ରଣ୍ଡିଏ ମନ ଆହାନା ଏଟ୍ଟକା ଡ଼ୟାଲି  
ଆଡ଼ିଦେରି; ଅଡ଼େ ମୀ ଆଙ୍ଗାତି  
ଜୁପକାତାକି ଡ଼ୟାଲି ଆଡ଼ାଆକି  
ସୟତାନ ଏନିକ୍ ମିଙ୍ଗେ ତାୟିପାରି  
କିୟେଏ, ଏଦାଆଁତାକି ୱେଣ୍ଡେ  
ଆଣ୍ଡିଆନୁ □

୬ ସାମା ନାନୁ ହୁକୁମି ହାନି  
ଲେହେଁ ୱେହ୍ ଆନାହାଁ ଜାପୁନି ଲେହେଁ  
ଝେସିମାଲ୍ □

୭ ଆତିହ୍ ଜିକେଏ ଏନିକ୍ ବାରେ  
ଲକୁ ନାଲେହେଁକ୍ ଆନେରି, ଇଦି ନା  
ଅଣ୍ପୁ □ ସାମା ଆମ୍ବାଆରି ଇଲେତି  
ଦାନା, ଅଡ଼େ ଆମ୍ବାଆରି ଏଲେତି ଦାନା  
ମାହାପୂରୁ ତାଣାଟି ବେଟାଆହାମାନେରି  
□

୮ ସାମା ନାନୁ ବାହା ଆଆତି ଲକୁଲ୍  
ଇଞ୍ଜା ରାଣ୍ଡେଣିସିକାଣି ୱେସିମାଲ୍, ଏଞ୍ଜି  
ନାଲେହେଁକ୍ ଡ଼ୟିତିହ୍ ଏଞ୍ଜାସିକାକି  
ନେହେଁ □

୯ ସାମା ଏଞ୍ଜି ଆଙ୍ଗାତି ଲକହାଲି  
ଆଡ଼ିହିଲାର ଇତିହ୍ ଏଞ୍ଜି ବାହା ଆପୁ;  
ଇତିହ୍ ଆଙ୍ଗା ଲାଗେଏତି କାମାତା  
ଝେନିକହାଁ, ବାହା ଆନାୟି ନେହେଁ □

୧୦ \*ସାମା ବାହା ଆଡ଼ି ଲକୁଲ୍ ନାନୁ  
ହୁକୁମି ହାହିମାଲ୍, ନାନୁ ଆଏ ସାମା ପ୍ରବୁ  
ହୁକୁମି ହାହିମାନେସି, ତକ୍ତ୍ର ତାନି ତକ୍ରା  
ତାଣାଟି ଏଟ୍ଟକା ଆଆପେ □

୧୧ ସାମା ଏଦି ରଣ୍ଡିଏ ଏଟ୍ଟକା ଆନେ,  
ଆତିହ୍ ଏଦି ବାହା ଆଆପେ, ଇଞ୍ଜା  
ତାନି ତକ୍ରାତଲେ ଅଡ଼େ ଆଣ୍ଡାପେ; ଅଡ଼େ  
ତକ୍ରା ତାନି ତକ୍ତ୍ରନି ହେଲ ହାଆପେସି □

୧୨ ଏଟ୍ଟକା ତାରାଲ୍ ନାନୁ ୱେସିମାଲ୍,  
ମା ବିତ୍ରା ଆମ୍ବାଆରି ତକ୍ତ୍ର କ୍ରାସୁଲ୍  
ନାମାହିଲାଆତି ଜିକେଏ ତକ୍ରାତଲେ  
ଡ଼ୟାଲି ମନ କିତିସାରେ, ଆତିହ୍ ଏ  
ତାୟି ଏ ତାଙ୍ଗିନି ହେଲ ହାଆପେସି □

୧୩ ଏଲେକିହ୍ ଆମିନି ତକ୍ତ୍ର  
ମାହାପୂରୁଲ୍ ନାମାଆତି ତକ୍ରାକି ବାହା  
ଆହାମାନେ, ଇଞ୍ଜା ଏଦି ଏଞ୍ଜାଣିତଲେ  
ଡ଼ୟାଲି ମନ କିନେ, ଏଦି ତାନି ତକ୍ରାଲ୍  
ପିହ୍ ଆପେ □

୧୪ ଇତିହ୍ ନାମାଆତି ତକ୍ରା ନାମିତି  
ତକ୍ତ୍ର ତାକି ମାହାପୂରୁ ତାଣାଟି ସୁବୁ  
ଆହାମାନେସି, ଅଡ଼େ ନାମାଆତି ତକ୍ତ୍ର  
ନାମିତି ତକ୍ରା ତାକି ମାହାପୂରୁ ତାଣାଟି  
ସୁବୁ ଆହାମାନେ; ଆଆତିହ୍ ମୀ  
ମୀରକା ମାସକା ଲାଗେଏ ଆଡେରିମା,  
ସାମା ନୀଏ ଏଞ୍ଜାରି ସୁବୁଗାଗାରି □

୧୫ ସାମା ନାମାଆ ଗାଟାସି କି ନାମାଆ  
ଗାଟାୟି ଏଟ୍ଟକା ଆହାଲି ମନ କିତିହ୍  
ତାନି ମନଲେହେଁ ଏଟ୍ଟକା ଆପାରି;  
ଇଲେତି ତାଣା ତାୟି କି ତାଙ୍ଗି ଦସ୍ପି  
ଆହାହିଲାଡ; ମାହାପୂରୁ ମିଙ୍ଗେ ହିଡ଼ି  
ତଲେ ମାଞ୍ଜାଲି ଆଟାମାଞ୍ଜାନେସି □

୧୬ ନାନୁ ନାମିତି ତକ୍ତ୍ର ଆହାନା  
ନୀ ତକ୍ରାକି ଗେଲପିନାତି ଆଡ଼ି,  
ଇଦାଆଁ ପୁଞ୍ଜାହିଲଅତିକି ? ଇଞ୍ଜା  
ନାନୁ ନାମିତି ତକ୍ରା ଆହାନା ନୀ  
ତକ୍ତ୍ରନାକି ଗେଲପିନାତି ଆଡ଼ି, ଇଦାଆଁ  
ପୁଞ୍ଜାହିଲଅତିକି ?

ମାହାପୂରୁ ଆଟାମାନି ମାଣକି  
ଲେହେଁ ନୀଡିନାୟି

୧୭ ଇତିହ୍ ପ୍ରବୁ ଆମ୍ବାଆରାକି  
ଏନିକ୍ ଦାନା ହାହାମାନେସି,  
ମାହାପୂରୁ ଆମ୍ବାଆରାଲ୍ ଏନିକ୍  
ହାଟାମାନେସି, ଏଞ୍ଜାସି ଏଲେକ୍  
ତାକାପେସି, ନାନୁ ବାରେ କୁଲମିତି  
ଏଲେକିହ୍ ଏ ହୁକୁମି ହାହିମାଲ୍ □

\* ୭:୧୦ ୭:୧୦ ମାତି ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮

୧୮ ଆତ୍ମାଆସି ତଲୁ ଦାପିଆହୁଁ ହାଟୁକି ଆହାମାନେସି ? ଏଞ୍ଜିସି ତଲୁ ଦାପି ଆଡ଼ି ସିନାତି ତଲୁଆପେସି; ଆତ୍ମାଆସି ତଲୁ ଦାପି ଆଆନା ହାଟୁକି ଆହାମାନେସି ? ଏଞ୍ଜିସି ତଲୁ ଦାପି ଆଆପେସି □

୧୯ ତଲୁ ଦାପି ଆନାୟି କି ଆଆଗାଟାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନୁଞ୍ଜି ଆନାୟି କାଜା କାତା □

୨୦ ବାରେ ଜାଣାଇଁ ଏନିକି ମାହାପୁରୁ ହାଟାମାନେସି ଏଲେକି ମାଣ୍ଡେସି □

୨୧ ମାରୁ ହଲିୟାଜା ଆହାମାଗାଟି ହାଟୁକି ଆହାମାଜେରି ? ଅଣ୍ଡପାଆଦୁ; ସାମା ଗେଲ୍ପିଆୟାଲି ଆଡ଼ିଦେରି ଆତିହୁଁ ଗେଲ୍ପି ଆୟାଲି ପାରୁ ପାରାଦୁ □

୨୨ ଆତ୍ମାଆସି ହଲେଏସି ଆହୁଁ ପ୍ରବୁ ତାଣା ହାଟୁକି ଆହାମାନେସି, ଏଞ୍ଜିସି ପ୍ରବୁତି ଗେଲ୍ପି ଆଡ଼ାସି; ଏଲେକିହୁଁ ଏ ଆତ୍ମାଆସି ଗେଲ୍ପିଆହୁଁ ହାଟୁକି ଆହାମାନେସି ଏଞ୍ଜିସି କ୍ରୀସ୍ତୁତି ହଲେଏସି □

୨୩ ମାରୁ ହାଟେରକା ଦାରାତଲେ କଡ଼ଞ୍ଜି ଆହାମାଜେରି; ମାଣ୍ଡସିୟାତି ହଲିୟାଜାତେରି ଆଆଦୁ □

୨୪ ତାୟିୟା ଅଡ଼େ ତାଲିସ୍ମାତେରି, ମାହାପୁରୁ ମିଜେ ହାଟାତାଟି ମାରୁ ଏନିକି ମାତେରି ଏଲେଆହୁଁ ଏ ମାହାପୁରୁ ତଲେ ତୟିନାୟି ମାନେ □

ବୀହା ଆଆତି ଲକୁ ଇଞ୍ଜା ରାଣ୍ଡେଣିସିକା କାତା

୨୫ ତାଆସିକା କାତା, ନାନୁ ପ୍ରବୁ ତାଣାଟି ଏନି ହୁକୁମି ବେଟା ଆହାହିଲଅ; ସାମା ପ୍ରବୁତି କାର୍ମାଟି ନାମୁଗାଟାସି ଆହାନା ନା ଅଣ୍ଡପୁତା ଖେସିମାଞ୍ଜାଇଁ □

୨୬ ନାନୁ ଅଣ୍ଡପିମାଇଁ, ମାଣ୍ଡସି ଏନିକି ମାନେସି, ନାଏଁତି କସ୍ତ ବାଦା ତାକି ଏଲେକିହୁଁ ଏ ମାନାୟି ନେହେଁ □

୨୭ ନାନୁ ତକ୍ତି ତଲେ ଦସ୍ପି ଆହାମାଞ୍ଜି ? ଆତିହୁଁ ପିସ୍ପି ଆହାଲି ଅଣ୍ଡପାଆନି, ଇଞ୍ଜା ନାନୁ ତକ୍ତି ତାଣାଟି

ପିସ୍ପି ଆହାମାଞ୍ଜି ? ଆତିହୁଁ ତକ୍ତିନି ଇଟାଲି ଅଣ୍ଡପାଆନି □

୨୮ ସାମା ନାନୁ ବୀହା ଆହାମାଞ୍ଜି, ଆଡ଼ିଜିକେଏ ପାପୁ କିହାହିଲଅତି; ଅଡ଼େ ତାଆପଦା ବୀହା ଆହାମାନେ, ଆଡ଼ିଜିକେଏ ଏଡ଼ି ପାପୁ କିହାହିଲେଏ, ଆଡ଼ିଜିକେଏ ଇଲେତି ଲକୁ ଆଜ୍ଞାତା ହାଟେରକା କସ୍ତ ବେଟାଆନୁ, ଅଡ଼େ ମାରୁ ଏମ୍ବାଟି ଏନିକି ଗେଲ୍ପି ଆଡ଼େରି ଇଦି ନା ଅଣ୍ଡପୁ □

୨୯ ସାମା ଏ ତାୟିୟା ଅଡ଼େ ତାଲିସ୍ମାତେରି ନା ଅଣ୍ଡପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆତ୍ମାଆରାକି ତକ୍ତି ମାନେ, ଏଞ୍ଜିସି ତକ୍ତି ହିଲାଆଲେହେଁ ମାଣ୍ଡେସି □

୩୦ ଅଡ଼େ ଆତ୍ମାଆରି ତାହି ମାନେରି, ଏଞ୍ଜିରି ତାହି ହିଲାଆ ଲକୁ ଲେହେଁ ଆଡ଼େରି; ଅଡ଼େ ଆତ୍ମାଆରି ରାହୁଁ କିହିମାନେରି, ଏଞ୍ଜିରି ରାହୁଁ କିହି ହିଲାଆ ଲକୁ ଲେହେଁ ଆଡ଼େରି; ଇଞ୍ଜା ଆତ୍ମାଆରି କଡ଼ିନେରି ଏଞ୍ଜିରି ଅଦିକାରା ବେଟାଆଆତି ଲେହେଁ ଆଡ଼େରି;

୩୧ ଅଡ଼େ ଆତ୍ମାଆରି ଦାର୍ତତି ଦିଶ୍ପୁ ଲେମ୍ବିମାନେରି ଏଞ୍ଜିରି ଲେମ୍ବାଆଗାଟି ଲକୁ ଲେହେଁ ଆଡ଼େରି; ଏନାଆଁତାକି ଇତିହୁଁ ଇ ଦାର୍ତତି ଖାଣା ତିରିମ୍ବୁହି ମାନେ □

୩୨ ସାମା ମାରୁ ଏନିକି ଅଣ୍ଡପଅତେରି ଏଡ଼ି ନା ଅଣ୍ଡପୁ, ଆତ୍ମାଆସି ବୀହା ଆଆତାସି ଏଞ୍ଜିସି ଏନିକି ପ୍ରବୁଇଁ ରାହୁଁ କିଞ୍ଜିକିହାଲି ଖାରଇ ପ୍ରବୁତି କାମା ଅଣ୍ଡପିନେସି;

୩୩ ସାମା ଆତ୍ମାଆସି ବୀହା ଆହାମାନେସି ଏଞ୍ଜିସି ଏନିକି ତାନି ତକ୍ତିନି ରାହୁଁ ଗାଟାସି ଆନେସି, ଏଦାଆଁତାକି ଦାର୍ତତି କାତା ଅଣ୍ଡପିନେସି ଇଞ୍ଜା ତାନି ମନ ବାଟା ଆନେ □

୩୪ ବୀହା ଆଆତି ଇୟସିକା ଅଡ଼େ ତାଆସିକା ଆଜ୍ଞା ଇଞ୍ଜା ଜୀସ୍ତୁତା ସୁବୁ ଆହାଲି ପ୍ରବୁତି କାତା ଆସାନା ଅଣ୍ଡପିନୁ; ସାମା ଆତ୍ମାଆୟି ବୀହା ଆହାମାନେ ଏଡ଼ି ଏନିକି ଜାହାରା ତକ୍ତାଇଁ ରାହୁଁ କିୟାଲି

ଆଡ଼ିନେ, ଏଦାଆଁତାକି ଦାର୍ତ୍ତିତି କାତା ଅଣ୍ଠିନେ □

୩୫ ଇ କାତା ନାନୁ ମୀ ନେହେଁତାକି ଝେସିମାଞ୍ଜାଇଁ, ମିଙ୍ଗେ କସ୍ତ୍ର ହାନି ମେରା ତଲେ ଦସ୍ପି ଆହାଲି ଝେସିମାଞ୍ଜଅଁ, ସାମା ମୀରୁ ଏନିକଁ ମାନି କିହଁ ରଣ୍ଡିଏ ମନତଲେ ପ୍ରୁ ତାଣା ତ୍ତୟିଦେରି, ଏଦାଆଁତାକି ଝେସିମାଞ୍ଜାଇଁ □

୩୬ ସାମା, ଆମ୍ବାଆସି ତାଙ୍ଗେତାକି ରାସ୍ପଆଡ଼ି ମାଙ୍ଗାନି ତାଆବେଲ୍ଲା ରାଡେୟିଏ ଇଞ୍ଜଁ ଅଣ୍ଠିନେସି, ଅଡେ ଏଝାସି ମୁର୍ସାନା ମାଞ୍ଜାଲି ଆଡାଆସାରେ ଅଡେ ତାଙ୍ଗେ ଲଡାଆନେ ଆତିହଁ ତାନି ମନତା ଏନାୟି ମାନେ ଏଲେଆହଁ ବାହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି ଏଝି ବାହା ଆପୁ □

୩୭ ସାମା ଆମ୍ବାଆସି ହିୟାତା ତୀରି ମାନେସି, ଅଡେ ବାହା ଆହାଲି ମନ କିଅସି ଇଞ୍ଜାଁ ଆମ୍ବାଆସି ତାନି ମନତି ଲକହାଲି ଆଡିନେସି ଅଡେ ଏଝାସି ତାନି ମନତା ଏନାଆଁ କିହାଲି ଅଣ୍ଠିପାନେସି ଆତିହଁ ଏଝାସି ତାଙ୍ଗେ ରାସାମାନି ତାଆ ପଦାଇଁ ବାହା ଆଆଡଁ ନେହେଁ □

୩୮ ଏଦାଆଁତାକି ଆମ୍ବାଆସି ତାଙ୍ଗେ ରାସାମାନି ତାଆ ମାଙ୍ଗାନି ବାହା କିନେସି ଏଝାସି ନେହଁ କିନେସି, ଅଡେ ଆମ୍ବାଆସି ବାହା ଆଅସି ଏଝାସି ଏଦାଆଁ କିହଁ ହାରେକା ନେହଁ କିନେସି □

୩୯ ବାହା ଆଡି ତକ୍ତି ତାନି ତକ୍ତା ଜୀଝୁ ମାନି ପାତେକା ଦସ୍ପି ଆହା ତ୍ତୟିନେ; ସାମା ତକ୍ତା ହାଡିସାରେ ଏ ତକ୍ତି କ୍ରୀସ୍ତ ତାଣା ନାମାମାନି ଆମ୍ବାଆରାଇଁ ମନ ଏଝାଣାକି ବାହା ଆୟାଲି ଆଡିନେ □

୪୦ ସାମା ନା ଅଣ୍ଠପୁତା, ଏଦି ଏନିକଁ ମାନେ ଏଲେକିହଁ ଏ ତ୍ତୟିତିହଁ ହାରେକା ରାହାତଲେ ତ୍ତୟିନେ, ଇଦି ମାହାପୁରୁ ଜୀଝୁତି ହେଲ ଇଞ୍ଜଁ ନାନୁ ଅଣ୍ଠିମାଇଁ □

**୮**

ପେଣକା ବମାୟାକି ଡାକାମାନି

ରାନ୍ଦାତି କାତା

୧ ପେଣକା ବମାୟାକି ଡାକାମାନି ବଗୁଡି କାତା ନାନୁ ଝେହ୍ନାୟି ଇଦି, “ବାରେତାକି ବୁଦି ମାନେ” ଇଞ୍ଜଁ ମୀରୁ ଝେସିମାଞ୍ଜେରି, ଏଦାଆଁ ମାମ୍ବୁ ପୁଞ୍ଜାମାନମି □ ବୁଦି ତାହାରା କିଞ୍ଜିକିୟାନେ, ସାମା ଜୀଝୁନନାୟି କାଲ୍ଡି କିୟାନେ □

୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଇଁ ଇଞ୍ଜଁ ଅଣ୍ଠିନେସି, ଆତିହଁ ଏଝାଣାକି ଏନିକଁ ପୁନାୟିମାନେ, ଏଝାସି ନୀଏଁ ପାତେକା ଏଲେକଁ ପୁଞ୍ଜାହିଲଅସି □

୩ ସାମା ଆମ୍ବାଆସି ମାହାପୁରୁଇଁ ଜୀଝୁ ନନେସି, ଏଝାଣାଇଁ ମାହାପୁରୁ ପୁଞ୍ଜାମାନେସି □

୪ ଏଦାଆଁତାକି ପେଣକା ବମାୟାକି ଡାକାମାନି ବଗୁଡି ତିନି କାତା ମାରୁ ପୁଞ୍ଜାମାନାୟି, ଦାର୍ତ୍ତିତା ପେଣକା ଇଞ୍ଜିହଁ ଏନାଇଁ ହିଲାଇ, ଅଡେ ରଣ୍ଡିଏ ମାହାପୁରୁ ପିସ୍ପେ ଅଡେ ରଅସି ହିଲଅସି □

୫ ଇତିହଁ ଲାକପୁରୁ ଆପେ କି ଦାର୍ତ୍ତିତା ଆପେ, ଆମ୍ବାଆରାଇଁ ମାହାପୁରୁ ଇନେରି, ପେଣକା ମାତିହଁ ଜିକେଏ ସାତେଏ ହାରେକା “ପେଣକା” ଅଡେ ହାରେକା “ପ୍ରୁୟାଁ” ମାନୁ,

୬ ଆଡିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇତିହଁ ଏ ଆଡା ତାଣାଟି ବାରେ ଗାଡ଼ି ଆହାମାନେ, ଇଞ୍ଜାଁ ମାରୁ ଏଝାଣି ତାକି ନୀଡାମାନାୟି; ଇଞ୍ଜାଁ ରଣ୍ଡିଏ ପ୍ରୁ ଇତିହଁ ଜୀସୁ କ୍ରୀସ୍ତ, ଏଝାଣି ତାଣାଟି ବାରେ ଗାଡ଼ି ଆହାମାନେ, ଅଡେ ମାରୁ ଏଝାଣି ତାଣାଟି ନୀଡାମାନାୟି □

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକୁ ନୀଏଁ ପାତେକା ପେଣକା ମାନୁ ଇଞ୍ଜଁ ଅଣ୍ଠପାନା ପେଣକା ବମାୟାକି ଡାକାମାନି ବଗୁ ତିନେରି, ଇଞ୍ଜାଁ ଏଝାରି ଅଣ୍ଠପୁତି ବାଡ଼ୁୟୁ ଉଣା ମାନାକି ଦହଗାଟାରି ଆନେରି □

୮ ସାମା ତାନି ରାନ୍ଧା ମାଙ୍ଗେ ମାହାପୁରୁ ନକିତା ନେହଁ କି ଲାଗେଏ କିଲେଏ; ତିନାଆତିହଁ ମା ଏନାୟି ନସ୍ତୁ ଆଏ ଅଡ଼େ ତିତ ସାରେ ମାଙ୍ଗେ ଏନ୍ତି ଲାଡ଼ା ଆଏ ॥

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁୟୁ ହିଲାଆ ଗାଟାରକି କସ୍ତୁ ବାଡ଼ା ହାନାୟି ଆନେ ॥

୧୦ ବୁଦି ଗାଟାତେରି ମୀରୁ, ମିଙ୍ଗେ ଆମ୍ବାଆସି ପେନୁତି ଦେଖୁଡ଼ି ବଜିତା କୁଗାମାନାଣି ମେସ୍ତାତିହଁ, ଏଝାସି ନାମୁତା ଉଣା ମାତିହଁ, ତାନି ଅଶ୍ପୁତି ବାଡ଼ୁୟୁ ଉଣା ମାନାକି ପେଶକା ବମାୟିକି ଡ଼ାକାମାନି ବଗୁ ତିଞ୍ଜାଲି ସାସା ଆଅସି କି ?

୧୧ ଇଞ୍ଜା ଆମିନି ବାଡ଼ୁୟୁ ହିଲାଆ ନାମିତି ତାୟି କି ତାଙ୍ଗି ତାକି କ୍ରୀସ୍ତ ହାଡ଼େସି, ଏଝାସି ନୀ ଏ “ବୁଦି” ତଲେ ନାସା ଆହିମାନେସି ॥

୧୨ ଇଲେକିହଁ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହଁ ଇଞ୍ଜା ଏଝାରି ବାଡ଼ୁୟୁ ହିଲାଆ ଅଶ୍ପୁତି କସ୍ତୁ ହାହାନା ମୀ କ୍ରୀସ୍ତତି କପାଟି ପାପୁ କିହିମାଙ୍ଗେରି ॥

୧୩ ଇଦାଆଁତାକି ତିନି କାଦି ନା ତାୟିକି କସ୍ତୁ ହନେ, ଆତିହଁ ନା ତାୟି ଏନ୍ତିକଁ ନା ତାଣାଟି କସ୍ତୁ ଆଅସି, ଏଦାଆଁତାକି ନାନୁ ଏତେଲା ଉଞ୍ଜା ତିନଅଁ ॥

୯

ପାଶୁଝି ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଶୁଝି ଆଡ଼ାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସ୍ତୁଇଁ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ?

୨ ନାନୁ ଏଟକାତାରି ତାଣା ପାଶୁଝି ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଶୁଝି ଆହାମାନାତେଏଁ,

ଇତିହଁ ପ୍ରବୁ ତାଣା ମୀରୁ ନା ପାଶୁଝିଆହାମାନି ପାଣାତା ଝେଟାମାନି ବୁରୁ ମୁଦ୍ରା ଲେହେଁ ଆହାମାଙ୍ଗେରି ॥

୩ ନାଙ୍ଗେ ନୀହାୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି ॥

୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ?

୫ ଅର ପାଶୁଝି ଆହାମାନାରି ପ୍ରବୁତି ତାୟିୟାଁ ଅଡ଼େ କେପା\* ଲେହେଁ କ୍ରୀସ୍ତାନା ତାଙ୍ଗିନି ବାହା ଆହାଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ?

୬ ଅଡ଼େ ଜୀଝୁତା ନୀତାଲିତାକି କାମାତି ପିସାଲି ନାଙ୍ଗେ ଅଡ଼େ ବର୍ନବାତି ଅଦିକାରା ହିଲେଏ କି ?

୭ ର ଛୁଡ଼ୁ କିନାସି ଛୁଡ଼ୁତା ମାନି ବେଲା ତାନ୍ତୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଙ୍ଗୁରି ବାଡ଼ା କିହଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ ତୁାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଶ୍ସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାସ୍ତେରି ଜିକେଏ ଇ ବାରେ କାତା ଝେସିମାଙ୍ଗେଏ କି ?

୯ ଇତିହଁ ମସାତି ମେରାତା ଇଲେଇଞ୍ଜୁ ରାସ୍ତକି ଆହାମାନେ, “ନପଁ ମାନି କଡ଼ିତି ଗୁତିତା କଡ଼ା ଦହଆନୁ,” ମାହାପୁରୁ ଝାରଇ ଏ କଡ଼ିତି ଅଶ୍ପିମାନେସି କି ?

୧୦ ଏଝାସି ଇଦାଆଁ ମାଙ୍ଗେତାକି ଝେସା ମାଞ୍ଜଅସି ? ହାଅ, ମାଙ୍ଗେତାକି ଇଦି ରାସ୍ତକି ଆହାମାନେ, ଏନାଆଁତାକି ଇତିହଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପଁ ନାସି ଗାତି ବାଗା ବେଟାଆହାଲି କଡ଼ା ଦହନେସି ॥

୧୧ ମାମ୍ବୁ ମିଙ୍ଗେତାକି ନେହଁ ଜୀଝୁତି ବିଚା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରତିତି ତାସା ଦାଡ଼ିହଁ ଏଦି ଏନ୍ତି କାଜା କାତା ଆଏକି ?

୧୨ ଏଟକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାତିହଁ,

\* ୯:୫ ୯:୫ ପିତର ☆ ୯:୯ ୯:୯ ଚିମି ୫:୧୮

ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମ୍ବୁଏ ଅଦିକାରା ଲେମ୍ବା ହିଲଅମି □ ସାମା ଏନିକ୍ ନାମ୍ବୁକ୍ରୀସ୍ତତି ନେହ୍ କାରୁ ଝେଙ୍ଗି କିନି କାମାତା ଏନି ବାଦା ଝାଆପେ ଇଞ୍ଜି ବାରେ ଅରହିମାନମି

୧୩ ଆମ୍ବାଆରି ଦେଝୁଡ଼ିତା ପୂଜା କିନାରି ଏଝାରି ଦେଝୁଡ଼ିତି ରାନ୍ଦା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇଚିତି ବଗୁତି ବାଗା ବେଟାଆନେରି, ଇଞ୍ଜି ମୀରୁ ପୁଞ୍ଜାହିଲଅତେରି କି ?

୧୪ ଏଲେକିହ୍ ଏ ଆମ୍ବାଆରି ନେହ୍ କାରୁତି ଝେକ୍‌ହି ମାନେରି, ଏଝାରି ନେହ୍ କାରୁ ଝେକ୍‌ନି ତାଣାଟିଏ ନୀଡ଼ିନେରି, ଇ କାତା ପ୍ରୁ ହୁକୁମି ହାହାମାନେସି □

୧୫ ସାମା ନାନୁ ଇ ବାରେ ଏନାଆଁଝା ଲେମ୍ବାହିଲଅଁ, ଅଡ଼େ ନାଜେତାକି ଏଲେ କିଝିଆପେ, ଏଦାଆଁତାକି ରାଡ଼ିମାଞ୍ଜଅଁ; ଇଚିହ୍ ଆମ୍ବାଆରି ନା ନେହ୍ ବତପଣତି ଉଜେଏ କିନି କିହାଁ ନାନୁ ହାହାହାନାୟି ନେହ୍ □

୧୬ ଇଚିହ୍ ନାନୁ ନେହ୍ କାରୁ ଝେକ୍‌ଇଁ, ଏମ୍ବାଆଁ ନା ବତପଣ ଆନାୟି ହିଲେଏ, ଏନାଆଁତାକି ଇଚିହ୍ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହ୍ କାରୁ ଝେକ୍‌ଆତେଏଁ ଇଚିହ୍ ନାନୁ ଏଚେକା ତଣ୍ଡ ବେଟାଆନାତେଏଁ □

୧୭ ଇଚିହ୍ ନାନୁ ଜାହାରା ମନତଲେ ଇ କାମା କିଇଁ, ଆଡ଼ିହ୍ ନାଜେତାକି ଦାନା ମାନେ; ସାମା ନାନୁ ନା ମନତଲେ କାମା କିଆଡ଼ିହ୍ ଜିକେଏ ମାହାପୁରୁ ନାଜେ ସେବାକିନି କାମାତି ବଜୁ ହେର୍ପା ମାଞ୍ଜାନେସି □

୧୮ ଆଡ଼ିହ୍ ନା ଦାନା ଏନାୟି ? ଏଦି ଇଦି ନାନୁ ନା ନେହ୍ କାରୁତା ମାନି ଅଦିକାରା ଲେମ୍ବାଆନା ନେହ୍ କାରୁ ଝେସି ଝେସି ଏ ନେହ୍ କାରୁତି ଉଜେଏ

ଝେକ୍‌ଇଁ □

୧୯ ନାନୁ ଆମ୍ବାଆରି ହିଲେଏଣା ଆଆଡ଼ି ଜିକେଏ, ଏନିକ୍ ନାନୁ ହାରେକା ଗାଡ଼ି ଲକୁଣି ବେଟାଆହାଲି ଆଡ଼ିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହିଲେଏସି କିତେଏଁ □

୨୦ ଏନିକ୍ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକ୍ ମସାତି ମେରାତା ଦସ୍‌ପି ଆହାମାନାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ନାନୁ ମେରାତା ଦସ୍‌ପି ଆଆଡ଼ି ଜିକେଏ ମେରାତା ଦସ୍‌ପି ଆଡ଼ି ଲକୁଲେହେଁ ଆଡ଼େଏଁ □

୨୧ ଏନିକ୍ ନାନୁ ମସାତି ମେରା ପୁନାଆଡ଼ି ଏଚକା କୁଡ଼ାତି ଲକୁଣି ବେଟାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁତି ମେରାତା ହିଲାଆ ଲକୁ ଆଆନା କ୍ରୀସ୍ତତି ମେରା ମାନୁଝି ଆଡ଼ିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆଡ଼େଏଁ □

୨୨ ଏନିକ୍ ନାନୁ ବାଡ଼ୁୟି ହିଲାଆଗାଟାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ବାଡ଼ୁୟି ହିଲାଆ ଗାଟାରି ନକିତା ବାଡ଼ୁୟି ହିଲାଆଲେହେଁ ଆଡ଼େଏଁ; ଏନିଇଚିହ୍ ଜିକେଏ ନାନୁ ଏଚର ଜାଣାଇଁ ଗେଲ୍‌ପାଲି ଆଡ଼ିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଝାରିଲେହେଁ ଆଡ଼େଏଁ □

୨୩ ନାନୁ ଏନିକ୍ ନେହ୍ କାରୁତି ବରତା ଆଣ୍ଡାଲି ଆଡ଼ିଇଁ, ଏଦାଆଁତାକି ନାନୁ ନେହ୍ କାରୁତାକି ବାରେ କିଇଁ □

୨୪ ଆମ୍ବାଆରି କାହିନି ତାଣା ହଣ୍‌ନେରି ଏଝାରି ବାରେଜାଣା ହଣ୍‌ନେରି ସାତା, ସାମା ରଅସିଏ ଜୀଣା ଆହାଁ ଦାନା ବେଟା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ?

୧୯:୧୪ ୧୯:୧୪ ମାତି ୧୦:୧୦; ଲୁକ ୧୦:୭

ମୀରୁ ଏନିକ୍ ଦାନା ବେଟାଆଦେରି  
ଏଦାଆଁତାକି ଏଲେକ୍ ହଣ୍ଡୁ □

୨୫ ଆମ୍ବାଆସି ବାଦ୍‌ହାରା ତଲେ  
କାହିନି ତାଣା ଆଣ୍ଡିନେସି ଏଞ୍ଜାସି ବାରେ  
ନେହ୍‌କ୍ ଜାପିନେସି; ଏଞ୍ଜାରି  
ଗାଡ଼େକେଏ ନାସକ୍ ଆନି ଚପେରି  
ବେଟାଆହାଲି କାହିମାନେରି; ସାମା  
ମାର ଏଚେଲାଞ୍ଜା ନାସା ଆଆଗାଟି  
ଚପେରି ବେଟାଆହାଲି ଏଲେ କିନ □

୨୬ ଏଦାଆଁତାକି ନାନୁ ହଟିମାଜ୍,  
ସାମା ଗୁରି ହିଲାଆ ତାଣା ଆଏ,  
ନାନୁ ମୁଟିତଲେ କୁଡକି ଆନି ଜୁଜୁ  
କିହିମାଜ୍, ସାମା ଖାରୁଇ ଗାଲିତି ଖେନି  
ଲକୁଲେହେଁ ଆଏ □

୨୭ ଏଟକା ଲକୁତାଣା ନେହ୍‌  
କାରୁ ଖେସିହ୍‌ ନାନୁ ଏନିକ୍  
ଅପାଆ ଗାଟାତେଏଁ ଆଆଁ ଏଦାଆଁତାକି  
ନା ଆଙ୍ଗାତି କସ୍ ବାଦା ହାହାନା  
ଲକ୍‌ହିମାଜ୍ □

## ୧୦

ପେଶକା ବମାୟାଁ ସେବାଟି ଜାଗ୍ରାତା  
କିନାୟି

୧ ଇଚିହ୍‌ ଏ ତାୟିୟାଁ ଅଡ଼େ  
ତାଜିସ୍ତାତେରି ମା ଆକୁ ଆବାୟାଁ ବାରେ  
ଦୂନ୍ଦା ଡ଼ଇକା ମାଚେରି □

୨ ଅଡ଼େ ବାରେଜାଣା ସାମ୍‌ଦୁରି  
ବିତ୍ରାଟି ହାଚେରି, ଇଞ୍ଜାଁ ବାରେଜାଣା  
ଦୂନ୍ଦା ଅଡ଼େ ସାମ୍‌ଦୁରିତା ମସା ତାଣାଟି  
ବାପ୍ତିସ୍ତା\* ଅଡ଼େରି □

୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ  
ଜୀଞ୍ଜୁତି ରାନ୍ଦା ତିଚେରି □

୪ ଅଡ଼େ ବାରେଜାଣା ରଣ୍ଡିଏ  
ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି,  
ଇଚିହ୍‌ ଏଞ୍ଜାରିତଲେ ହାଜିମାଟି  
ମାହାପୁରୁ ହାତି ଜୀଞ୍ଜୁତି ପାକା ଖାଲିତି  
ଏୟୁ ଗସ୍ତେରି ଏ ପାକା ଖାଲି କ୍ରାସ୍,

୫ ଆଡ଼ିଜିକେଏ ଏଞ୍ଜାରି ବିତ୍ରାଟି  
ହାଚେରକା ଲକୁତାଣା ମାହାପୁରୁତି ରାହାଁ  
ହିଲାଆତେ, ଇଞ୍ଜାଁ ଏଞ୍ଜାରି ଲକୁ ହିଲାଆ  
ଚାୟୁତା ହାହାହାଚେରି, ଇ ବାରେ କାତା

ମୀରୁ ପୁନାଆନା ମାଞ୍ଜୁ ଇଞ୍ଜାଁ ନା ମନ  
ହିଲେଏ □

୬ ଏଞ୍ଜାରି ଏନିକ୍ ଲାଗେଏ  
ପଲେଏତାଣି ତାକି ଜୁପକା  
ଆହାମାଚେରି, ଏଲେକ୍ ମାର  
ଏଲେତି ଜୁପକା ଆଆୟି, ଏଦାଣିତାକି  
ଇ ବାରେ କାତା ମାଙ୍ଗେତାକି  
ପୁଣ୍ଡିକିନାୟି ଆହାମାନେ □

୭ ଏନିକ୍ ଏଞ୍ଜାରି ବିତ୍ରାଟି  
ଏଚରଜାଣା ପେଶକା ପୂଜା କିନାରି  
ଆଡ଼େରି, ଏଲେକ୍ ମୀରୁ ପେଶକା  
ପୂଜା କିନାଚେରି ଆଆଦୁ; ଏନିକ୍  
ରାସ୍‌କି ଆହାମାନେ, “ଲକୁ ତିଞ୍ଜା  
ଉଣ୍ଡାଲି କୁଗିତେରି, ଅଡ଼େ ଏନ୍‌ହ୍‌  
ରାହାଁ କିହାଲି ନିଜାତେରି □”

୮ ଏନିକ୍ ଏଞ୍ଜାରିତାଣା ଏଚରଜାଣା  
ଦାରିକାମା କିହାନା ରଣ୍ଡିଏ ନେଚୁ କଡ଼େ  
ତାନି ମାଣା ଲକୁ ହାଡ଼େରି, ଏଲେକ୍  
ମାର ଦାରିକାମା କିଆପ □

୯ ଏନିକ୍ ଏଞ୍ଜାରି ବିତ୍ରାଟି  
ଏଚରଜାଣା ପ୍ରବୁଇଁ ତାୟିପାରି କିହାଁ  
ରାଚୁ ତଲେ ହାଡ଼େରି, ଏଲେକ୍ ମାର  
ପ୍ରବୁଇଁ ତାୟିପାରି କିଆପ □

୧୦ ଏନିକ୍ ଏଞ୍ଜାରି ବିତ୍ରାଟି  
ଏଚରଜାଣା ବାଟା କିହାଲିଏ ନାସାକିନି  
ଦୂହୁ କେୟୁଟି ହାଡ଼େରି, ଏଲେକ୍  
ମୀରୁ ବାଟା କିଆଦୁ □

୧୧ ଇ ବାରେ ପୁଣ୍ଡିକିନିଲେହେଁ  
ଏଞ୍ଜାରାକି ଆଡ଼େ, ଅଡ଼େ ଆମ୍ବାଆରି  
ବେଲାତା ଜୁଗୁରାନ୍ତି ଦିନା ଏଜିମାଞ୍ଜାନେ,  
ଏଲେକିହ୍‌ ମାର ମା ସେଡନା ତାକି ଏ  
ବାରେ ରାସ୍‌କି ଆହାମାନେ □

୧୨ ଏଦାଆଁତାକି ଆମ୍ବାଆସି ନାନୁ  
ତୀରି ଗାଟାତେଏଁ ଇଞ୍ଜିହ୍‌ ଅଣ୍ଡିପି  
ମାନାସି, ଏଞ୍ଜାସି ଏନିକ୍ ଚରଗଅସି,  
ଏଦାଆଁତାକି ଏଞ୍ଜାସି ଜାଗ୍ରାତା ଆପାସି □

୧୩ ମାଣସିତାକି ଏନିଲେହେଁତି  
ତାୟିପାରି କିନାୟି କସ୍‌ଗାଗାୟି ଆଏ,  
ଏଦାଆଁ ପିସ୍‌ପେ ମିଙ୍ଗେତାକି ଏଟକାତି  
ତାୟିପାରି କିନାୟି ଆହା ହିଲେଏ,  
ସାମା ମାହାପୁରୁ ଟିକାଣାତାସି, ଏଞ୍ଜାସି

\* ୧୦:୨ ୧୦:୨ମୁଞ୍ଜିନାୟି



ମିଙ୍ଗେ ଏନ୍ଦି ଆଡ଼ାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନ୍ଦିକ ଅରହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଚନିଏ ଏଞ୍ଜାସି ଗେଲ୍‌ପିନି ଜିରୁ ଜିକେଏ କେପିନେସି □

୧୪ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଙ୍ଗିସ୍ତାତେରି ପେଣ୍‌କା ବମାୟାଁ ପୂଜା କିନି ତାଣାଟି ଏଟ୍‌କା ଆଦୁ □

୧୫ ନାନ୍ଦୁ ବୁଦିଗାଟି ଲକ୍ଷୁଣି ଝେହ୍‌ନିଲେହେଁ ଝେସିମାଞ୍ଜାଲ୍, ନାନ୍ଦୁ ଏନାଆଁ ଝେସିମାଲ୍ ଏଦାଆଁ ମୀରୁ ମୀରୁଏ ଅଣପାଦୁ □

୧୬ ଆମିନି ପ୍ରବୁତି ବଜ୍ଜି ସଲ୍ଲା ତାକି ଜହରା କିନାୟି, ଏନ୍ଦି କ୍ରୀସ୍ତୁତି ନେତେରିତା ଆଣ୍ଡିହଲେଏ ? ଆମିନି ରୁଟି ମୀରୁ ତିକ୍‌ହି ମାନାୟି ଏନ୍ଦି କି କ୍ରୀସ୍ତୁତି ଆଙ୍ଗାତା ଆଣ୍ଡିହଲେଏ ?

୧୭ ଇତିହ ରୁଟି ରଣ୍ଡିଏ ଆତାକି ମୀରୁ ହାଡ଼େକା ଆଡ଼ିଜିକେଏ ରଣ୍ଡିଏ ଆଙ୍ଗା ଲେହେଁ, ଏଦାଆଁତାକି ମୀରୁ ବାରେଜାଣା ରଣ୍ଡିଏ ରୁଟିତି ବାଗା □

୧୮ ଆଙ୍ଗାତି ଜାର୍ନା ତଲେ ଆମ୍ବାଆରି ଇସ୍ତାୟେଲ ଲକ୍ଷୁ, ଏଞ୍ଜାରାଲ୍ ସିନିକିଦୁ ଆମ୍ବାଆରି ପୂଜା କିତି ଉଙ୍ଗା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହଲଅରି ?

୧୯ ଆତିହ ପେଣ୍‌କା ବମାୟାଁ ବଗୁ ଇଞ୍ଜିହ ଏନାୟି ମାନେ, ଅଡ଼େ ପେଣ୍‌କା ବମାୟାଁ ଇଞ୍ଜି ଏନାଲ ମାନ୍ଦୁ, ଏଦାଆଁ କି ନାନ୍ଦୁ ଝେସିମାଞ୍ଜାଲ୍ ?

୨୦ ଆଏ, ସାମା ନାନ୍ଦୁ ଝେସିମାଞ୍ଜାଲ୍, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡୁୟାଁକି କିନେରି, ଅଡ଼େ ମୀରୁ ବୁଡୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣ୍ଡପୁଟି ଆଏ □

୨୧ ମୀରୁ ପ୍ରବୁ ବଜ୍ଜିତା ରାସା ଗହନିତାଣା ଅଡ଼େ ବୁଡୁୟାଁ ଗହନିତାଣା ଗସାଲି ଆଡ଼ଅତେରି; ମୀରୁ ପ୍ରବୁତି ବଜ୍ଜି ଅଡ଼େ ବୁଡୁ ବଜ୍ଜିତା ଆଣ୍ଡାଲି ଆଡ଼ଅତେରି □

୨୨ ମୀରୁ ଏନାଆଁ ପ୍ରବୁଲ୍ କାର୍‌ବି କିନାୟି ? ମୀରୁ କି ଏଞ୍ଜାଣି କିହାଁ ଗାତି ବାଡ଼ୁୟୁ ଗାଟାତାୟି ?

୨୩ ବାରେ କିହାଲି ମୀରୁ ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାଡ଼ାଗାଟାୟି ଆଏ □

୨୪ ଆମ୍ବାଆସି ଜାହାରାତାକି ଅଣ୍ଡପାଆପେସି, ସାମା ବାରେଜାଣା ତାକି ନେହାଁଣି ଅଣ୍ଡପାପେସି □

୨୫ ମନତି ନେହଁ କ ଇଗାଲି ହାଟା ବାଜାରାତା ପାର୍‌ପି ଆହିମାନି ଉଙ୍ଗା, ଆମ୍ବାଆରାଲ୍ ଝେନାଆନା ଅଡ଼େ ଇଗାଣି ଅଣ୍ଡପାଆନା ତିଞ୍ଜୁ □

୨୬ ଦାମ୍‌ପତିତା ରାସ୍‌କି ଆହାମାନେ; “ଇତିହ ଦାରତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଞ୍ଜାୟି □”

୨୭ ନାମାଆତାରି ମିଙ୍ଗେ ତିଞ୍ଜାଲି ହାଟାତିହ, ଇଞ୍ଜା ମୀରୁ ହାଜାଲି ମନ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହାପ୍‌କିଆନେ, ମୀ ଅଣ୍ଡପୁ ତାକି ଇଗାଣି ଝେନାଆନା ତିଞ୍ଜୁ □

୨୮ ସାମା ଆମ୍ବାଆସି ମିଙ୍ଗେ ଏଲେଇଞ୍ଜାନେସି, ଇଦି ପେଣ୍‌କା ବମାୟାଁକି ତାକି କିଞ୍ଜିଆହାମାନେ, ଆତିହ ଏଞ୍ଜାଣି ତାକି ଇଞ୍ଜା ମୀ ଅଣ୍ଡପୁ ତାକି ତିନାଆଦୁ;

୨୯ ମୀ ଅଣ୍ଡପୁ ତାକି ଇଞ୍ଜି ଝେସିମାଞ୍ଜାଆଁ, ସାମା ଏଞ୍ଜାଣି ଅଣ୍ଡପୁ ତାକି □ ଏନାଆଁତାକି ନା ମନତଲେ ମାନାୟି ଏଟ୍‌କା ଲକ୍ଷୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନ୍ଦୁ ମାହାପୁରୁଲ୍ ଜହରା କିହାନା ଆମିନି ରାନ୍ଦା ତିଞ୍ଜିମାଲ୍, ଏ ରାନ୍ଦା ତାକି ନାଙ୍ଗେ ଏନାଆଁତାକି ରଅସି ଲାଜାକିହଁ ଜଲାନେସି ?”

୩୧ ଏଦାଆଁତାକି ମୀରୁ ତିଞ୍ଜୁ ଉଣ୍ଡୁ କି ଏନାଆଁ କିଦୁ, ଏଦାଆଁ ମାହାପୁରୁତି ଗାଞ୍ଜୁରମି ତାକି କିଦୁ □

୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକ୍ଷୁ

ଆପାରି, ଆମ୍ବାଆରାକି କସ୍ତ୍ର ହୀନାତେରି  
ଆଆବୁ □

୩୩ ଏନିକ୍ ନାନୁ ଜିକେଏ  
ଜାହାରାତାକି ଅଶ୍ଵପାଆନା ହାରେକା  
ଲକ୍ଷୁତି ଗେଲ୍ପି ଆୟାଲିତାକି ଏଞ୍ଜାରି  
ନେହାଣି ଅଶ୍ଵପିମାକ୍, ଅଡ଼େ ବାରେ  
କାତାତା ବାରେ ଜାଣାକ୍ ରାହା କିୟାଲି  
ଅଶ୍ଵପିମାକ୍ □

## ୧୧

୧ \*ନାନୁ ଏନିକ୍ କ୍ରୀସ୍ତ କିତିଲେହେ  
କାମା କିହିମାକ୍, ମୀରୁ ଜିକେଏ ନାନୁ  
କିହିମାନି ଲେହେ କିପୁ □

ପ୍ରାତାନା କିନାଟି ତାୟ୍ ସ୍ତ୍ରିକ୍ନାୟି

୨ ନାନୁ ମିଙ୍ଗେ ଗାଞ୍ଜୁରମି କିହିମାଞ୍ଜାକ୍  
ଏନାଆଁତାକି ଇତିହ୍ ମୀରୁ ନାଙ୍ଗେ  
ବାରେବେଲା ଅଶ୍ଵପିମାଞ୍ଜାବେରି ଅଡ଼େ  
ନାନୁ ଆମିନି ମେରା ହାହାମାଞ୍ଜାକ୍,  
ଏଦାଆଁ ବାରେ ମାନୁଞ୍ଜି ଆହିମାଞ୍ଜେରି □

୩ ସାମା କ୍ରୀସ୍ତ ବାରେ ଆବାୟା  
ତାୟ୍ ଲେହେ ଅଡ଼େ ଆବା ଇୟାନି  
ତାୟ୍ ଲେହେ ଇଞ୍ଜା ମାହାପୁରୁ  
କ୍ରୀସ୍ତତି ତାୟ୍ ଲେହେ, ଇଦାଆଁ ମୀରୁ  
ପୁଞ୍ଜୁ ଇଞ୍ଜା ନା ଅଶ୍ଵପୁ □

୪ ଆମିନି ଆବା ତାନି ତାୟ୍  
ସ୍ତ୍ରିକ୍ନାୟି ପ୍ରାତାନା କିନେସି, ତାୟ୍  
ଆନି କାତା ଝେହ୍ନେସି, ଏଞ୍ଜାସି ତାନି  
ତାୟ୍ ତୁ ହାଣି ପାଶ୍ଵି କିନେସି □

୫ ସାମା ଆମିନି ଆୟାଟି ତାନି  
ତାୟ୍ ସ୍ତ୍ରିଗାଆନା ପ୍ରାତାନା କିନେ ଅଡ଼େ  
ମାହାପୁରୁ ଅଶ୍ଵପୁତି ବଲ୍ଲୁ ଝେକ୍ନେ ଏଦି  
ତାନି ତାୟ୍ ତୁ ଲାଜା ପାଶ୍ଵି କିନେ  
ଇତିହ୍ ତାନି ତାୟ୍ ହିଶ୍ପି ଆଡ଼ି  
ଇୟା ସମାନା □

୬ ଇତିହ୍ ତାୟ୍ ସ୍ତ୍ରିଗାଆଗାଟି  
ଆୟାଟି ତାନି ତାୟ୍ ବାଶାୟା ରାଡ଼ହା  
କତାପେ; ଇତିହ୍ ଇୟାନାକି ତାୟ୍  
ରାଡ଼ନାୟି କି ହିଶ୍ନାୟି ଲାଜାଟି କାତା  
ଆଡ଼ିହ୍ ଏଦି ତାୟ୍ ସ୍ତ୍ରିଗାପେ □

୭ ଆବା ମାହାପୁରୁତି ଝାଣା ଇଞ୍ଜା  
ଗାଞ୍ଜୁରମି ଲେହେ ଆଡ଼ାକି ତାନି  
ତାୟ୍ ତୁ ସ୍ତ୍ରିକ୍ନାୟି ଲଡ଼ା ହିଲେଏ,  
ସାମା ଇୟା ଆବାଟି ଗାଞ୍ଜୁରମି ଲେହେ  
□

୮ ଇତିହ୍ ଆବା ଇୟାନି ତାଣାଟି  
ଗାଡ଼ି ଆହାହିଲଅସି ସାମା ଇୟା ଆବା  
ତାଣାଟି ଗାଡ଼ି ଆହାମାନେ □

୯ ଅଡ଼େ ଇୟା କି ଆବା ଗାଡ଼ି  
ଆହାହିଲଅସି ସାମା ଆବାକି ଇୟା ଗାଡ଼ି  
ଆହାମାନେ □

୧୦ ଏଦାଆଁତାକି ଦୁତୁୟା ତାକି ତକ୍ତି  
ତାନି ତକ୍ତି ଅଦିକାରାଡ଼ି ସିନାଲେହେ  
ତାୟ୍ ତୁ ସ୍ତ୍ରିକ୍ନାୟି କତାପେ □

୧୧ ଆଡ଼ିଜିକେଏ ପ୍ରବୁ ତାଣା ଆବା  
ତାଣାଟି ଆୟାଟି କାଜାୟି ଆଏ, ସାମା  
ଇୟା ତାଣାଟି ଆବା କାଜାସି ଆଏ,

୧୨ ଇତିହ୍ ଆୟାଟି ଏନିକ୍  
ଆବା ତାଣାଟି ଗାଡ଼ି ଆହାମାନେ  
□ ଏଲେକିହ୍ ଏ ଆବା ଜିକେଏ  
ଇୟା ତାଣାଟି ଗାଡ଼ି ଆହାମାନେସି,  
ସାମା ବାରେ ମାହାପୁରୁ ତାଣାଟି ଗାଡ଼ି  
ଆହାମାନେ □

୧୩ ମୀରୁ ମୀରୁଏ ବିଚାରା କିହାଁ  
କତାପୁ, ତାୟ୍ ସ୍ତ୍ରିଗାଆନା ମାହାପୁରୁ  
ନକିତା ପ୍ରାତାନା କିନାୟି ଇୟାନାକି  
ନେହେ କି ?

୧୪ ମାଶ୍ଵକି ମାଙ୍ଗେ ଝେସିମାଞ୍ଜାନେ  
ଆବା ଲାମ୍ବା ତାୟ୍ ବୁଶାଁ ପିହ୍ନାୟି  
ତାଙ୍ଗେତାକି ଲାଜାଟି କାତା □

୧୫ ସାମା ଆୟାଟି ଲାମ୍ବା ତାୟ୍  
ବାଶାୟା ପିସ୍ତ୍ର ସାରେ ତାଙ୍ଗେତାକି  
ଗାଞ୍ଜୁରମି ସମାନା, ଇତିହ୍ ତାୟ୍  
ସ୍ତ୍ରିକ୍ନାୟି ଆୟାଲି ଇୟାନାକି ଲାମ୍ବା  
ତାୟ୍ ବାଶାୟା ହୀପ୍କି ଆହାମାନେ  
□

୧୬ ସାମା ଆମ୍ବାଆସି ଏ କାତାତାକି  
ବାଦିବାଦା କିହାଲି ଅଶ୍ଵପିତିହ୍ ଏଞ୍ଜାସି  
ପୁନାପେସି, ମାଙ୍ଗେ ଇଲେତି ମେରା  
ହିଲେଏ, ଇଞ୍ଜା ମାହାପୁରୁ କୁଲମିତା  
ଜିକେଏ ହିଲେଏ □

\* ୧୧:୧ ୧୧:୧ ୧କର ୪:୧୭; ପିଲିପି ୩:୧୭

ପ୍ରବୃତ୍ତି ବକ୍ତି

୧୭ ସାମା ମୀ ଆଶୁଞ୍ଜି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡ଼ାଆନା ଇ ହୁକୁମି ହୀହାମାଞ୍ଜାଲ୍ ।

୧୮ ଏନାଆଁତାକି ଇଚିହ୍ ନାନୁ ତଲିଏ ଝେଞ୍ଜିମାଲ୍, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏଚେକା ସାତା ଇଞ୍ଜି ନାନୁ ନାମିମାଲ୍ ।

୧୯ ଏନିକ୍ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜୀଣା ଆଡ଼ାରି ଏ ତଞ୍ଜାଆନେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି ପିଟଞ୍ଜି ଆଏ ।

୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୃତ୍ତି ବକ୍ତି ଆଏ,”

୨୧ ଏନାଆଁତାକି ଇଚିହ୍ ବକ୍ତି ତିନାଟି, ରଅସି ଅଡ଼େ ରଅଣାଲ୍ କାଆନା ତାମି ରାନ୍ଦା ତିନେରି, ଏଦାଆଁତାକି ରଅସି ହାକିଟି ମାନାଟି ଅଡ଼େ ରଅସି ହଚାହାଁ ତୁୟିମାନେସି ।

୨୨ ଏନାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲକା ହିଲାର ? ମୀରୁ ଏନାଆଁ ମାହାପୁରୁ କୁଲମିତି ମାନଞ୍ଜି ଆହି ହିଲଅତେରି, ଅଡ଼େ ଆମ୍ବାଆରାକି ହିଲାର ଏଞ୍ଜାରାଲ୍ ଲାଜା କିହିମାଞ୍ଜେରି, ନାନୁ ମିଙ୍ଗେ ଏନାଆଁ ଝେସ୍ତାଲ୍ ? ମିଙ୍ଗେ ଏନିକ୍ ଗାଞ୍ଜୁରମି କିୟାଲ୍ ? ଇଦାଆଁତାକି ମିଙ୍ଗେ ଗାଞ୍ଜୁରମି କିହିମାଞ୍ଜାଅଁ ।

୨୩ ଇଚିହ୍ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଲ୍, ଏଦି ଇଦି ପ୍ରବୁ ଜୀମୁ ସାତୁୟାଁ କେୟୁତା ହେର୍ପିଆଡ଼ି ଲାଆଁୟାଁ ରୁଟି ଅହାନା, ମାହାପୁରୁଲ୍ ଜହରା କିହାନା, ଏଦାଆଁ ତିକ୍‌ହାନା ଏଲେଇଚେସି,

୨୪ ଇଦି ମିଙ୍ଗେତାକି ନା ଆଙ୍ଗା; ନାଙ୍ଗେ ଅଣ୍ପାଲିତାକି ଇଦାଆଁ କିଦୁ ।

୨୫ ଏଲେକିହ୍ ଏ ତିଟି ତାୟୁ ଗହ୍‌ନି

ସଲ୍ଲା ଅହାନା ଏଲେଇଚେସି, ଇ ସଲ୍ଲା ନା ନେତେରିତା ତାରିକିତି ପୁଃନି ରାଜିମାନା; ମୀରୁ ଇ ସଲ୍ଲାଟି ଏତର ଦେବା ଗହ୍‌ଦେରି ଏତର ଦେବା ନାଙ୍ଗେ ଅଣ୍ପାଲିତାକି କିଦୁ ।

୨୬ ଇଚିହ୍ ଏତର ଦେବା ମୀରୁ ଇ ରୁଟି ତିଞ୍ଜେରି ଅଡ଼େ ଇ ସଲ୍ଲାଟି ଗହ୍‌ଦେରି, ଏତର ଦେବା ମୀରୁ ପ୍ରବୃତ୍ତି ଝାନ୍ତି ଦିନା ପାତେକା ତାନି ହାକିତି କାବୁ ଝେକ୍‌ଦେରି ।

୨୭ ଇଚିହ୍ ଆମ୍ବାଆସି ଜଗେ ଆଆନା ପ୍ରବୁ ବକ୍ତିଟି ରୁଟି ତିନେସି ଅଡ଼େ ଇ ସଲ୍ଲାଟି ଗହ୍‌ନେସି, ଏଞ୍ଜାସି ପ୍ରବୃତ୍ତି ଆଙ୍ଗା ଅଡ଼େ ନେତେରିତି ଦାୟି ଆନେସି ।

୨୮ ଏଦାଆଁତାକି ମାଣ୍ଡସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡ଼େ ଇ ଗହ୍‌ନି ସଲ୍ଲାଟି ଗସ୍‌ପେସି ।

୨୯ ଇଚିହ୍ ଆମ୍ବାଆସି ପ୍ରବୃତ୍ତି ଆଙ୍ଗାଟି ଏନାୟି ଇଞ୍ଜି ଅଣ୍ପାଆନା ତିନେସି ଅଡ଼େ ଗହ୍‌ନେସି ଏଞ୍ଜାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡ଼େ ଗହ୍‌ନେସି ।

୩୦ ଏଦାଆଁତାକି ମୀ ବିତ୍ରାଟି ହାଚେରକା ଲକୁ ବାଡ଼ୟୁ ହିଲାଆଗାଟାଚେରି ଇଞ୍ଜା ହାଚେରକା ଲକୁ ନଫେରି ଗାଟାରି ଅଡ଼େ ହାଚେରକା ଜାଣା ହାହା ହାଜାମାନେରି ।

୩୧ ସାମା ମାର ତଲିଏ ଜାହା ଜାହାରାଲ୍ ତାୟିପାରି କିଚିହ୍ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା ।

୩୨ ଅଡ଼େ ଦାର୍‌ତି ତଲେ ଏନିକ୍ ମାର ତଣ୍ଡ ପୁଃଆୟି, ଏଦାଆଁତାକି ପ୍ରବୃତ୍ତି ତାଣା ବିଚାରା କିଞ୍ଜି ଆହାଁ ସାସି ବେଟାଆହି ମାନାୟି ।

୩୩ ଏଦାଆଁତାକି ନା ତାୟିୟା, ମୀରୁ ପ୍ରବୃତ୍ତି ବକ୍ତି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଲ୍ କାଦୁ ।

୩୪ ମୀରୁ ରୁଣ୍ଡା ଆନାୟି ଏନିକ୍ ମାହାପୁରୁଟି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି

ଆହାମାନେସି ଏଞ୍ଜସି ତାନି ଇଜ  
ତିନାପେସି, ଅଡେ ଆଗାଡା ଝେସ୍ତାନି  
କାତା ନାନୁ ଖାଡ଼ିସାରେ ତେଲ୍‌ହି କିୟାଉଁ  
□

## ୧୨

ସୁଦୁଜୀଝୁତି ଦାନା

୧ ତାୟିୟାଁ ଅଡେ ତାଜିସ୍ତାତେରି  
ସୁଦୁଜୀଝୁ ଦାନାତି କାତା ମୀରୁ  
ନେହଁକଁ ପୁଞ୍ଜୁ ଇଞ୍ଜଁ ନାନୁ  
ଅଣ୍ପିମାଉଁ □

୨ ମୀରୁ ପୁଞ୍ଜାମାଞ୍ଜେରି, ଏରିବେଲା  
ମୀରୁ ଜୀହୁଦିଆଆତାତେରି ମାଚେରି,  
ଏଡେତା ଏନିକଁ ସାଲ୍‌ଝି  
ଆହିମାଚେରି, ଏଲେକିହଁଏ ନାଡ଼ିକିଝି  
ଆହାନା ଜୀଝୁ ହିଲ୍‌ଆଗାଟି ପେଶକା  
ବମାୟିତି ଜେତ ହାଜିମାଚେରି □

୩ ଏଦାଆଁତାକି ନାନୁ ମିଜ  
ଝେସିମାଞ୍ଜାଉଁ, ମାହାପୁରୁତି ସୁଦୁଜୀଝୁ  
ତଲେ ସାଲ୍‌ଝି ଆହାନା ଆମ୍ବାଆସି  
ଜିକେଏ ଜୀସୁଉଁ ବାକା ଇଟାଲି  
ଆଡ଼ଅସି, ଅଡେ ଆମ୍ବାଆସି ସୁଦୁଜୀଝୁ  
ପୁଞ୍ଜାଆତାସି ଜୀସୁଉଁ ପ୍ରୁ ଇଞ୍ଜଁ  
ଝେସାଲି ଆଡ଼ଅସି □

୪ \*ସୁଦୁଜୀଝୁ ହାନି ଦାନା ଏଟକା  
ଏଟକାତାୟି ସାମା ଏ ରଣ୍ଡିଏ ସୁଦୁଜୀଝୁ  
□

୫ ସେବା ଏଟକା ଏଟକାତାୟି ସାମା  
ପ୍ରୁ ରଅସିଏ □

୬ କାମା କିନି ବାଡ଼ୁୟୁ ଏଟକା  
ଏଟକାତାୟି ସାମା ମାହାପୁରୁ ରଅସିଏ,  
ଏଞ୍ଜସି ବାରେ ତାଣା ବାରେ କାମା  
କିନେସି □

୭ ସାମା ବାରେ ଜାଣାତାତି  
ସୁଦୁଜୀଝୁତି ଗୁଣ୍ଡୁ ତହୁନି ଦାନା ବାରେ  
ଲକ୍ଷୁତି ନେହେଁତାକି ହୀପକିଆନେ □

୮ ରଅଣାକି ସୁଦୁଜୀଝୁ ତଲେ ବୁଦିତି  
କାରୁ ଝେସାଲି ହୀନେ, ଅଡେ ରଅଣାକି  
ଏ ସୁଦୁଜୀଝୁ ତଲେ ବୁଦିତିକାତା  
ଜାପୁହାଲି ହୀନେ,

୯ ଅଡେ ରଅଣାକି ଏ ସୁଦୁଜୀଝୁ ତଲେ  
ନାମାଲି, ଅଡେ ରଅଣାକି ଏ ରଣ୍ଡିଏ  
ଜୀଝୁତି ଦାନା ତଲେ ରଗାଟି ନେହଁ  
କିୟାଲି ବାଡ଼ୁୟୁ ହୀନେ,

୧୦ ରଅଣାକି କାବାଆନି ବାଡ଼ୁୟୁତି  
କାମାୟାଁ କିୟାଲି, ଅଡେ ରଅଣାକି  
ମାହାପୁରୁ ଅଣ୍ପିପୁତି କାତା ଝେକହାଲି,  
ଅଡେ ରଅଣାକି ଏଟକା ଏଟକାତି  
ଜୀଝୁୟାଁ ପୁଞ୍ଜାଲି ଆଡ଼ିନି ବାଡ଼ୁୟୁ,  
ଅଡେ ରଅଣାକି ପୁନାଆତି ପୁଞ୍ଜନି  
ହାଡା ଜଲ୍‌ଲି, ଅଡେ ଏଟକାତାରାକି  
ପୁନାଆତି ହାଡାତି ଅର୍ତ ପୁଶ୍‌ମିକିନି  
ବାଡ଼ୁୟୁତି ଦାନା ହୀପକିଆନେ □

୧୧ ସାମା ଏ ରଣ୍ଡିଏ ଜୀଝୁ ତାନି  
ମନ କିତିଲେହେଁ ବାରେଜାଣାତି ଏଟକା  
ଏଟକାତି ଦାନା ହୀହାନା ଇ ବାରେ  
କାମା କିହିମାନେ □

ରଣ୍ଡିଏ ଆଜ୍ଞାତି ଆଜ୍ଞା ଉଡେଲି

୧୨ \*ଇତିହଁ ଏନିକଁ ଆଜ୍ଞା  
ରଣ୍ଡିଏ, ଅଡେ ଆଜ୍ଞାତି ଏଟକା ଏଟକା  
ବାଗାୟାଁ ମାନୁ, ସାମା ଆଜ୍ଞାତି ବାଗାୟାଁ  
ହାଟେରକା ଆଡ଼ିଜିକେଏ ରଣ୍ଡିଏ ଆଜ୍ଞା  
ଆନେ, ଏଲେକିହଁଏ କ୍ରୀସ୍ତ □

୧୩ ଇତିହଁ ମାର ଜୀହୁଦି କି  
ଜୀହୁଦିଆଆତି ଜିକେଏ, ହଲେଏସି  
ଆଡେସି ହଲେଏସି ଆଆପେସି,  
ବାରେତାୟି ରଣ୍ଡିଏ ଜୀଝୁତଲେ ରଣ୍ଡିଏ  
ଆଜ୍ଞା ଆହାଲି ବାପ୍ତିସ୍ତ\* ଆହାମାନାୟି;  
ଅଡେ ବାରେତାୟି ରଣ୍ଡିଏ ଜୀଝୁତଲେ  
ଗସି ମାନାୟି □

୧୪ ଏଦାଆଁତାକି ଆଜ୍ଞା ରଣ୍ଡିଏ ବାଗା  
ଆଏ, ସାମା ଆଜ୍ଞାତି ଏଟକା ଏଟକା  
ବାଗାୟାଁ ଆଣ୍ଡାନା ର ଆଜ୍ଞା ଆହାମାନେ  
□

୧୫ କତା ଏଲେଇନେ ନାନୁ  
କେୟୁଡେଏଁ ଆଏ, ଏଦି ଆଜ୍ଞାତି ବାଗା  
ଆଏ, ଏଦାଆଁତାକି ଏଦି ଆଜ୍ଞାତି ବାଗା  
ଆଏ ଏଲେକଁ ଆଏ □

୧୬ ଅଡେ କିୟାଁ ଏଲେଇନେ ନାନୁ  
କାନୁ ଆଏ, ଏଦି ଆଜ୍ଞାତି ବାଗା ଆଏ,

\* ୧୨:୪ ୧୨:୪ ରମି ୧୨:୭-୮

\* ୧୨:୧୨ ୧୨:୧୨ ରମି ୧୨:୪,୫

\* ୧୨:୧୩ ୧୨:୧୩ ପୁଞ୍ଜନାୟି

ଏଦାଆଁତାକି ଏଦି ଆଜ୍ଞାତି ବାଗା ଆଏ  
ଏଲେକ ଆଏ □

୧୭ ବାରେ ଆଜ୍ଞା କାଣକା ଆନୁ,  
ଆତିହ ଏନିକ ଝେନାୟି ? ବାରେ  
ଆଜ୍ଞା କୀକା ଆନୁ ଆତିହ ଆସ୍ତି  
ମୂଞ୍ଜନାୟି ?

୧୮ ସାମା ମାହାପୁରୁ ଆଜ୍ଞା ଉଡେଲିଇଁ  
ରଣ୍ଡା ରଣ୍ଡାଆଁ କିହ ତାନି ମନତଲେ  
ଆଜ୍ଞାତା ଆର୍ହାମାନେସି □

୧୯ ଅଡେ ଏ ବାରେ ଆଜ୍ଞାତି ରଣ୍ଡିଏ  
ବାଗା ଆତିହ ମା ଆତିହ ଆଜ୍ଞା  
ଆସ୍ତିୟା ?

୨୦ ସାମା ସାତେଏ ଆଜ୍ଞାତି ବାଗାୟା  
ହାରେକା, ସାମା ଆଜ୍ଞା ରଣ୍ଡିଏ □

୨୧ ନୀ ତାଣା ନାଜେ ଲଡ଼ା ହିଲେଏ  
ଇଞ୍ଜ କାନୁ କେୟୁତି ଏଲେଇଞ୍ଜାଲି  
ଆଡେଏ, ଇଞ୍ଜା ନୀ ତାଣା ନା ଲଡ଼ା  
ହିଲେଏ ଇଞ୍ଜ ତାୟୁ କଡାତି  
ଏଲେଇଞ୍ଜାଲି ଆଡେଏ □

୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା  
ଉଡେଲି ବାଡ଼ୟୁ ହିଲାଆଗାଟାଇ ଇଞ୍ଜ  
ପୁରିହ ଜିକେଏ ଏଞ୍ଜି ବାରେ ଲଡ଼ାତା  
ମାନୁ;

୨୩ ଅଡେ ଆଜ୍ଞାତି ଆମିନି ଆଜ୍ଞା  
ଉଡେଲି ଲଡ଼ାହିଲାଆ ଗାଟାଇ ଇଞ୍ଜ  
ଅସ୍ତିନାୟି, ଏ ବାରେ ଆଜ୍ଞାତି ଆଜ୍ଞା  
ଉଡେଲିକାଇ ମାର ହାରେକା ଜାଡ଼ନୁ  
କିନାୟି; ଅଡେ ମା ଲଡ଼ାହିଲାଆ  
ଆଜ୍ଞା ଉଡେଲି ହାରେକା ନେହ  
ତଞ୍ଜକିୟାନୁ,

୨୪ ସାମା ମା ଅଜିତି ଆଜ୍ଞା ଉଡେଲି  
ନେହ କ ତଞ୍ଜା ଆନାୟି ଲଡ଼ା ଆଏ,

୨୫ ସାମା ଏନିକ ଆଜ୍ଞାତି ବିତ୍ତା  
ଗଡ଼ହା ଆଏ, ଇଞ୍ଜା ଆଜ୍ଞାତି ବାଗାୟା  
ସମାନା ତଲେ ବାରେଜାଣାତି ନେହାଣି  
ଅସ୍ତିପିନୁ □ ଏଦାଆଁତାକି ଲଡ଼ାହିଲାଆ  
ଆଜ୍ଞାତି ହାରେକା ଅଜି କିହାନା  
ମାହାପୁରୁ ଜାରୁ କିହାମାନେସି □

୨୬ ଏଦାଆଁତାକି ର ଆଜ୍ଞା କସ୍ତ  
ବେଟାଆଡ଼ିସାରେ ବାରେ ଆଜ୍ଞା  
ତାନିତଲେ ଦୁକୁ କିନୁ, ସାମା ର ଆଜ୍ଞା

ଗାଞ୍ଜୁରମି ବେଟାଆଡ଼ିସାରେ ବାରେ  
ଆଜ୍ଞା ତାନିତଲେ ରାହାଁ କିନୁ □

୨୭ ଏଲେକିହ ଏ ମାରୁ କ୍ରାସ୍ତି  
ଆଜ୍ଞାତି ବାଗାୟାତେରି, ଅଡେ ର ର  
ଲକୁ ର ର ଆଜ୍ଞାତି ବାଗାୟା ଲେହେ  
□

୨୮ ଅଡେ ମାହାପୁରୁ କୁଲମିତା  
ତଲିଏ ପାଣ୍ଡି ଆଡ଼ାରାଇ, ଇଞ୍ଜା ତାୟୁ  
ମାହାପୁରୁ ଅସ୍ତିପୁତି ବଲୁ ଝେହନାରାଇ,  
ତାୟୁ ଜାପନାରାଇ, ଏଲେକିହ  
ହାରେକା ଲକୁଣି ନିପହାମାନେସି;  
ଅଡେ କାବାଆନି କାମା କିନାରାଇ,  
ତାୟୁ ରଗଟି ନେହ କିନାରାଇ,  
ଇଞ୍ଜା ଲକୁଇଁ ସାୟେମି କିନାୟି,  
ସାଲଞ୍ଜି କିନାରି ବାଡ଼ୟୁ ଅଡେ  
ଏଟକାତି ପୁନାଆତି ହାଡ଼ା ଜଲିନି ଦାନା  
ହାହାମାନେସି □

୨୯ ବାରେଜାଣା କି ପାଣ୍ଡି  
ଆହାମାନାରି ? ବାରେଜାଣା କି  
ମାହାପୁରୁ ଅସ୍ତିପୁତି ବଲୁ ଝେହନାରି  
? ବାରେଜାଣା କି ଜାପନାରି ?  
ବାରେଜାଣା କି କାବାଆନି କାମାକିନାରି  
?

୩୦ ବାରେଜାଣା କି ନେହ କିନି  
ବାଡ଼ୟୁତି ଦାନା ବେଟା ଆହାମାନାରି  
? ବାରେ ଜାଣାକି ଏଟକା ହାଡ଼ାତଲେ  
ଜଲିନେରି ? ବାରେଜାଣା କି ଏଟକା  
ହାଡ଼ାତି ଅର୍ତ ଝେହନେରି ?

୩୧ ସାମା ବାରେତେରି ନେହ ଦାନା  
ବେଟାଆହାଲି ଅସ୍ତିପାଦୁ, ସାମା ଏ  
ବାରେକିହାଁ ଅଡେ ହାରେକା ଆଗାଡ଼ା  
ମାନି ର ନେହ ଜିରୁ ତସିମାଞ୍ଜାଇ □

### ୧୩

ଜୀଞ୍ଜୁନନାୟି

୧ ଇତିହ ନାନୁ ମାଣ୍ଡିୟାଁ ଅଡେ  
ଦୂତୁୟାଁ ହାଡ଼ାତଲେ ଜଲିଇଁ, ସାମା ନା  
ଜୀଞ୍ଜୁନନାୟି ହିଲେଏ, ଆତିହ ନାନୁ  
ଟିଣି ଟିଣି ଆନି ଜିଣ୍ଡା ଅଡେ ଗାପୁଡ଼ି  
ଝେନି ହାଡ଼ାଲେହେଁ ତାତେଏଁ □

୨ ଇଚିହଁ ନାନୁ ମାହାପୁରୁ  
ଅଶ୍ଵପୁତି ବଲୁ ଝେହ୍ନି ବାଡ଼ୁମୁ ମାନେ,  
ଅଡ଼େ ବାରେ ଡ଼ଗୁମାନାଣି ଇଞ୍ଜା  
ବୁଦିତିକାତା ପୁନାତେଏଁ, ଅଡ଼େ ହରୁଇଁ  
ଏଟକା ଗୁତି କିହାଲି ନାଙ୍ଗେ ହାରେକା  
ନାମୁ ମାତି ଜିକେଏ, ସାମା ନା ତାଣା  
ଜୀଞ୍ଜନନାୟି ହିଲେଏ, ଆତିହଁ ନାନୁ  
ଏନାତେଏଁ ଆଏ ।

୩ ଇଚିହଁ ନାନୁ ହିଲାଆଗାତି  
ଲକୁତାକି ତିଞ୍ଜାଲି ବାରେ ଦନ ହାଇଁ,  
ଅଡ଼େ ନାନୁ ନା ଆଙ୍ଗାତି ଝେହାଲି ତାକି  
ହେରପିଇଁ, ସାମା ନା ତାଣା ଜୀଞ୍ଜନନାୟି  
ହିଲେଏ ଇଚିହଁ ନାଦି ଏନି ଲାବା ଆଏ  
।

୪ ଜୀଞ୍ଜନନାୟି ଅରୁହିନାୟି,  
ଜୀଞ୍ଜନନାୟି ନେହାଣି ଅଶ୍ଵପିନାୟି,  
ତାହାରା କିଆଗାଟାୟି, ବଡ଼ପଣ  
ଆଆଗାଟାୟି, ଆଙ୍କାରା କିଆଗାଟାୟି  
।

୫ ଲାଗେଏ କିହଁ ଲେମ୍ବେଏ,  
ଜାହାରା ତାକି ଅଶ୍ଵପେଏ, ବିରିବିରା  
ଆଏ, ଲାଗେଏ କିହାଲି ଅଶ୍ଵପୁତା  
ଇଗେଏ ।

୬ ଲାଗେଏତି କାମାତାକି ରାହାଁ  
ଆଆଗାଟାୟି, ସାମା ସାତାତା ରାହାଁ  
କିନାୟି;

୭ ଜୀଞ୍ଜୁ ନନିତାଣା ବାରେ  
ଅରୁହିନାୟି, ବାରେ ତାଣା ନାମିନାୟି,  
ବାରେ ତାଣା ବାର୍ସୁ ହାନାୟି, ବାରେ  
କାତାତା ସାସା ଆହ୍ନାୟି ।

୮ ଜୀଞ୍ଜନନାୟି ଏଚେଲା ରାଏ; ସାମା  
ମାହାପୁରୁ ଅଶ୍ଵପୁତି ବଲୁ ଝେକହା  
ମାନାୟି, ଦିନା ଖାଡ଼ିସାରେ ମିତି ଜିକେଏ  
ଆନେ; ଏଟକା ଏଟକା ଜଲିନି ହାଡ଼ା  
ମାତି ଜିକେଏ ଏଦି ର ଦିନା ସାପି  
ଆନେ; ବୁଦିତିକାତା ମାତି ଜିକେଏ ଏଦି  
ମେଣ୍ଠାହାନେ ।

୯ ଇଚିହଁ ମାର ରଚାଣିଏ ପୁନାୟି  
ଅଡ଼େ ମାହାପୁରୁ ଅଶ୍ଵପୁତି ବଲୁ  
ଇଚେକେଏ ଝେକହାଲି ଆଡ଼ିନାୟି ।

୧୦ ସାମା ପୁରା ଆନାୟି ଖାଡ଼ିହଁ  
ଉଜେଏତାୟି ମେଣ୍ଠାହାନେ ।

୧୧ ନାନୁ ଉଣା ମାତିବେଲା ଉଣା  
କକାରି ଲେହେଁ ଜଲି ମାଚେଏଁ, ଉଣା  
କକାରି ଲେହେଁ ଅଶ୍ଵପିମାଚେଏଁ, ଉଣା  
କକାରି ଲେହେଁ ପୁଞ୍ଜିମାଚେଏଁ; ନାନୁ  
ପାତାଆଡ଼ି ମାଣସି ଆୟାଲିଏ ନାନୁ ଉଣା  
କକାରି କାତା ପିସାତୁସ୍ତେଏଁ ।

୧୨ ଇଚିହଁ ନୀଏଁ ମାର ଡ଼ଗୁମାନି  
କାତା ଲେହେଁତି ଦାପେଣିତା  
ମେସିମାନାୟି, ସାମା ଏଚିବେଲା ମୁମୁ  
ମୁମୁତୁ ମେସପି ଆନାୟି; ନୀଏଁ ନାନୁ  
ଏନିକଁ ପୁଞ୍ଜାମାଇଁ, ସାମା ଏଚିବେଲା  
ନାଙ୍ଗେ ଏନିକଁ ପୁଞ୍ଜାମାଞ୍ଜାନେସି, ନାନୁ  
ଜିକେଏ ଏଲେକଁ ତାୟୁ ପୁଇଁ ।

୧୩ ଏଦାଆଁତାକି ନାମିନାୟି, ଆସା  
କିନାୟି, ଜୀଞ୍ଜନନାୟି, ଇ ତାନିଗଟା  
କାଲେଏତାଇ, ସାମା ଇ ବିଡ଼ାତି  
ଜୀଞ୍ଜନନାୟି ବାରେକିହାଁ କାଜାୟି ।

## ୧୪

ମାହାପୁରୁ ଜୀଞ୍ଜୁତି କାତା ପୁନାୟି

୧ ଜୀଞ୍ଜୁ ନନାଣି ପାରାଦୁ, ଅଡ଼େ  
ସୁଦୁଜୀଞ୍ଜୁତି ଦାନା ବେଟାଆହାଲି  
ବାରେତି କିହାଁ ଏନିକଁ ମାହାପୁରୁ  
ଅଶ୍ଵପୁତି ବଲୁ ଝେକହାଲି ଆଡ଼ିଦେରି,  
ଇଦାଆଁତାକି ହାରେକା ଅଶ୍ଵପାଦୁ ।

୨ ଇଚିହଁ ଆମ୍ବାଆସି ଏଟକା  
ଏଟକାତି ହାଡ଼ାତଲେ ଜଲିନେସି,  
ଏଞ୍ଜାସି ମାଣସିୟାଁଇଁ ଜଲଅସି, ସାମା  
ମାହାପୁରୁଇଁ ଜଲିନେସି, ଆମ୍ବାଆସି  
ଏଦାଆଁ ତେଲୁହସି, ସାମା ଏଞ୍ଜାସି  
ସୁଦୁଜୀଞ୍ଜୁ ବାଡ଼ୁମୁତି ଡ଼ଗୁମାନାଣି  
ଝେହ୍ନେସି ।

୩ ସାମା ଆମ୍ବାଆସି ମାହାପୁରୁ  
ଅଶ୍ଵପୁତି ବଲୁ ଝେହ୍ନେସି, ଏଞ୍ଜାସି  
ଲକୁଇଁ ସାୟେମି କିହାନା, ସାସା ଅଡ଼େ  
ବାର୍ସୁତି କାତା ଝେହ୍ନେସି ।

୪ ଆମ୍ବାଆସି ଏଟକାତି ହାଡ଼ାତଲେ  
ଜଲିନେସି ଏଞ୍ଜାସି ଜାହାରା ନାମୁତା  
ପାଡ଼ିକିହାଁ କଡ଼ିନେସି, ସାମା ଆମ୍ବାଆସି  
ମାହାପୁରୁ ଅଶ୍ଵପୁତି ବଲୁ ଝେକ୍ନେସି  
ଏଞ୍ଜାସି କୁଲମିଇଁ ନାମୁତା ପାଡ଼ିକିନେସି  
।

୫ ମୀରୁ ବାରେତେରି ଏଟକା ହାଡ଼ାତଲେ ଜଲ୍ଲାନୁ ଇଞ୍ଜି ନା ଅଣ୍ପୁ, ସାମା ମୀରୁ ମାହାପୁରୁ ଅଣ୍ପୁଟି ବଲୁ ଝେହ୍ନୁ ଇଦି ହାରେକା ନା ଅଣ୍ପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲ୍ଲିନେସି ଏଝାସି କୁଲମିତି ପାତିକିହାଲି ଏ କାତାତି ଅର୍ତ୍ତ ଝେହ୍ନୁଅସି ଇଚିହ୍ନୁ ଏଦାଣିକିହ୍ନା ଆମ୍ବାଆସି ମାହାପୁରୁ ଅଣ୍ପୁଟି ବଲୁ ଝେକ୍ନେସି ଏଝାସି କାଜାସି □

୬ ଏଦାଆଁତାକି ତାୟିୟାତେରି ନାନୁ ମୀ ତାଣା ଝାହାନା ମାହାପୁରୁଟି ଝେକ୍ନି ବଲୁ, ବୁଦିତକାତା, ମାହାପୁରୁ ଅଣ୍ପୁଟି କାତା ଝେକ୍ନାଣି କି ଜାପୁନି କାତା ଝେହ୍ନୁଆନା, ଏଟକା ଏଟକାତି ହାଡ଼ାତଲେ ଜଲ୍ଲିଇଁ, ଆତିହ୍ନୁ ଏମ୍ବାଆଁ ନାନୁ ମୀ ଏନି ଲାବା କିତେର୍ଏ □

୭ ପୀରୁଡ଼ି ଅଡ଼େ ସେରଞ୍ଜି ଲେହେଁତି ଜୀଝୁ ହିଲାଆଗାଟି ବାଜାୟା ଉକିତିହ୍ନୁ ଜିକେଏ ଏମ୍ବାଆଁ ତାନି ତିସା ହଏ ଇଚିହ୍ନୁ ପୀରୁଡ଼ି ଏନିକ୍ନୁ ତାହିମାନେ ସେରଞ୍ଜି ଏନିକ୍ନୁ ତାହିମାନେ ଏଦାନି ତିସା ଏନିକ୍ନୁ ପୁନେରି ?

୮ ଇଞ୍ଜା ତୀଡ଼ି ଉକିନାସି ନେହ୍ନୁକ୍ନୁ ଉକଅସି ଆତିହ୍ନୁ ଆମ୍ବାଆସି ଜୁଜୁ ତାକି ତିୟାରା ଆନେସି □

୯ ଏଲେକିହ୍ନୁଏ ମୀରୁ ଜିକେଏ ଏଟକା ହାଡ଼ାତଲେ ନେହ୍ନୁ ତୀରିତଲେ ଜଲ୍ଲଅତେରି, ମୀରୁ ଏନାଆଁ ଜଲ୍ଲିତେରି ଏନିକ୍ନୁ ପୁନେରି, ଇଚିହ୍ନୁ ମୀରୁ ଜଲ୍ଲିନାୟି ଗାଲିତି ଜଲ୍ଲିନିଲେହେଁ ଆନେ □

୧୦ ଦାରୁଡ଼ିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲାଆଗାଟାଜ ଆଏ □

୧୧ ସାମା ନାନୁ ଏ ଜଲ୍ଲିନି ହାଡ଼ା ତେଲ୍ଲହ୍ନୁ ଆତିହ୍ନୁ ଆମ୍ବାଆସି ଜଲ୍ଲିନେସି ନାନୁ ଏଝାଣାକି ପୁନାଆତାତେର୍ଏ ଲେହେଁ ଆଇଁ, ଅଡ଼େ ଏଝାସି ନା ତାଣାଟି ପୁନାଆତାସି ଲେହେଁ ଆନେସି □

୧୨ ଏଲେକିହ୍ନୁଏ ମୀରୁ ଜିକେଏ

ଜୀଝୁତି ଦାନା ବେଟାଆହାଲି ଅଣ୍ପି ପୀନାକି କୁଲମିତି ପାତିକିହାଲି ଗାତି ବେଟାଆହାଲି ଅଣ୍ପପାଦୁ □

୧୩ ଆମ୍ବାଆସି ଏଟକାତି ହାଡ଼ାତଲେ ଜଲ୍ଲିନେସି, ଏଝାସି ଏନିକ୍ନୁ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାତାନା କିପେସି □

୧୪ ଇଚିହ୍ନୁ ନାନୁ ଏଟକା ହାଡ଼ାତଲେ ପ୍ରାତାନା କିଇଁ, ଇଚିହ୍ନୁ ନା ଜୀଝୁ ପ୍ରାତାନା କିନେ, ସାମା ନା ଅଣ୍ପୁ ଏମ୍ବାତି ଏନି ଲାବା ହିଲେଏ □

୧୫ ଆତିହ୍ନୁ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାତାନା କିଇଁ; ଇଞ୍ଜା ବୁଦିତଲେ ଜିକେଏ ପ୍ରାତାନା କିଇଁ; ସୁଦୁଜୀଝୁ ତଲେ ଜହରା ପାରୁ ପାଚିଇଁ, ଅଡ଼େ ବୁଦିତଲେ ଜିକେଏ ଜହରା ପାରୁ ପାଚିଇଁ □

୧୬ ନୀନୁ ଝାରୁଇ ସୁଦୁଜୀଝୁ ତଲେ ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକ୍ନୁ ନୀ ପ୍ରାତାନାତା ତାୟୁ ଆମେନ ଇନେସି □

୧୭ ଇଚିହ୍ନୁ ନୀନୁ ନେହ୍ନୁକ୍ନୁ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଟକାତାସି ପାତାଆଅସି □

୧୮ ନାନୁ ମୀ ବାରେକିହ୍ନା ହାରେକା ଗାତି ଏଟକାତି ହାଡ଼ାତଲେ ଜଲ୍ଲିଇଁ ଇଞ୍ଜି ନାନୁ ମାହାପୁରୁଇଁ ଜହରା କିହିମାଇଁ;

୧୯ ଆଡ଼ିଜିକେଏ ନାନୁ ଏନିକ୍ନୁ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ ମାଣା ଏଟକାତି କାତାୟା ଜଲ୍ଲିନି କିହ୍ନା ବୁଦିତଲେ ପାସାଗଟା କାତା ଝେହ୍ନୁନାୟି ନେହେଁ □

୨୦ ଏ ତାୟିୟାତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣ୍ପୁତା ପାତାଆଡ଼ି ଲକୁଲେହେଁ ଆଦୁ □

୨୧ ମସା ମେରାତା ରାସ୍କି ଆହାମାନେ,

“ପ୍ରବୁ ଏଲେ ଇଞ୍ଜିମାନେସି,  
ଏଚ୍‌କା ଦେସାତି ଜଲିମାନି  
ହାଡ଼ାତଲେ, ଏଚ୍‌କା ଲକୁତି  
ଗୁତି ତଲେ

ନାନୁ ଇ ଲକୁଣି ଜଲିଇଁ,  
ଆଡ଼ିଜିକେଏ ଏଞ୍ଜାରି ନା କାତା  
ଝେନଅରି □”

୨୨ ଏଦାଆଁତାକି ଏଚ୍‌କା ହାଡ଼ାତଲେ  
ଜଲିନାୟି ନାମୁ ଗାଟାରାକି ର  
ସିନାଲେହେଁ ଆଏ, ସାମା ନାମାଆ  
ଗାଟାରାକି ସିନା ସମାନା; ଅଡ଼େ  
ଅରଞ୍ଜାକି ମାହାପୁରୁ ଅଣ୍ଟପୁତି ବଲୁ  
ଝେକ୍‌ନାୟି ନାମାଆ ଗାଟାରାକି  
ସିନାଲେହେଁ ଆଏ, ସାମା ନାମାନାରାକି  
ସିନା ସମାନା □

୨୩ ଅଡ଼େ ଜିକେଏ ବାରେ କୁଲମିତି  
ଲକୁ ରୁଣ୍ଡା ଆତିହୁଁ, ଇଞ୍ଜା ବାରେଜାଣା  
ଏଚ୍‌କା ଏଚ୍‌କା ହାଡ଼ାତଲେ ଜଲିନେରି,  
ଅଡ଼େ ପୁନାଆତାରି କି ନାମାଆତାରି  
ଏମ୍‌ଆଁ ଝାନ୍‌ନେରି, ଆତିହୁଁ ମିଙ୍ଗେ  
ବାୟା ଆତାରି ଇଞ୍ଜୁଁ ଇନଅରି କି ?

୨୪ ସାମା ବାରେଜାଣା ମାହାପୁରୁ  
ଅଣ୍ଟପୁତି ବଲୁ ଝେକ୍‌ନେରି, ରଅସି  
ପୁନାଆତାସି କି ନାମାଆତାସି ଝାନ୍‌ନେସି,  
ଆତିହୁଁ ଏଞ୍ଜାସି ନାନୁ ପାପୁ ଗାଟାତେଏଁ  
ଇଞ୍ଜୁଁ ପୁଞ୍ଜା କଡ଼ିନେସି ଅଡ଼େ ଏଞ୍ଜାସି  
ବାରେ ଲକୁତାଣା ଦହଗାଟାସି ଇଞ୍ଜୁଁ  
ବିଚାରା ଆନ୍‌ନେସି □

୨୫ ଅଡ଼େ ତାନି ହିୟାତା ତରୁମାନି  
ପାପୁତି ଅଣ୍ଟପୁ ବାରେ ତଞ୍ଜାଆନ୍‌ନେ;  
ଇଞ୍ଜା ଏଞ୍ଜାସି ମୁନୁ କୁତାହାଁ ମାହାପୁରୁଇଁ  
ଜହରା କିନେସି, ଇଞ୍ଜା “ସାତେଏ  
ମାହାପୁରୁ ମୀ ତାଣା ମାନେସି ଇଞ୍ଜୁଁ  
ଇନେସି □”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ  
ତାଜିସ୍ତାତେରି, ଏନାଆଁ କିନାୟିମାନେ  
? ମୀରୁ ରୁଣ୍ଡା ଆନାଟି ଆମ୍ବାଆରି ର  
ପାରୁ, ଆମ୍ବାଆରି ର କାତା ଜାପୁନାୟି,  
ଆମ୍ବାଆରି ମାହାପୁରୁ ତସାମାନି ବଲୁ  
ଝେକ୍‌ନାୟି, ଆମ୍ବାଆରି ଏଚ୍‌କା ଏଚ୍‌କାତି  
ହାଡ଼ା ଜଲିନାୟି, ଆମ୍ବାଆରି ହାଡ଼ାତି

ଅର୍ତ ପୁଣ୍ଟିକିନାୟି, ଇଲେକ  
ବାରେତାକି ଏନାୟି ଆଆତ ଏନାୟି  
ମାନେ, ଇ ବାରେ କୁଲମିତି ପାଡ଼ିକିହାଲି  
କିଞ୍ଜିଆପେ □

୨୭ ଆମ୍ବାଆରି ଏଚ୍‌କା ହାଡ଼ାତଲେ  
ଜଲିନେରି ଇତିହୁଁ ରିଆରି ଆଆତ  
ତାନିଜାଣା ପାଲି କିହୁଁ ଜଲ୍ଲାପେରି  
ଅଡ଼େ ରଅସି ତାନି ଅର୍ତ ଝେସପାସି □

୨୮ ସାମା ଆମ୍ବାଆସି ଅର୍ତ ତେଲ୍‌ହି  
କିନାସି ହିଲଅସି ଇତିହୁଁ ଏଞ୍ଜାସି  
କୁଲମିତା ପାଲେଏ ମାଣ୍‌ମେସି, ଇଞ୍ଜା  
ତାନୁ ତାନି ହିୟାତା ମାହାପୁରୁଇଁ  
ଝେସପାସି □

୨୯ ଅଡ଼େ ରିଆରି କି ତାନି ଜାଣା  
ମାହାପୁରୁ ଅଣ୍ଟପୁତି ବଲୁ ଝେସପେରି,  
ଅଡ଼େ ଏଚ୍‌କାତାରି ଝେସିମାନାଣି  
ନେହୁଁ କୁଁ ଝେଣ୍‌ମ୍‌ମାରି □

୩୦ ସାମା ଏମ୍‌ଆଁ କୁଗାମାନାରି ବିତ୍ତା  
ଆମ୍ବାଆରାକି ମାହାପୁରୁତି ଏନି ବଲୁ  
ଝାଡ଼ିସାରେ ନକେଏ ଝେସିମାନାସି  
ପାଲେଏ ମାଣ୍‌ମେସି □

୩୧ ଇତିହୁଁ ଏନିକ ବାରେଜାଣା  
ଜାପିନେରି, ଇଞ୍ଜା ବାରେଜାଣା ସେଡ଼ନା  
ଆନ୍‌ନେରି, ଏଦାଆଁତାକି ରଅ ରଅତେରି  
ମାହାପୁରୁ ଅଣ୍ଟପୁତି ବଲୁ ଝେସାଲି  
ଆଡ଼ିଦେରି □

୩୨ ସାମା ମାହାପୁରୁତି ବଲୁ ଝେହ୍‌ନି  
ବାଡ଼ୟୁ ଝେହ୍‌ନାଣି ତାଣାଟି ଲପ୍‌କି  
ଆନାୟି ମାନେ □

୩୩ ଏନାଆଁତାକି ଇତିହୁଁ ମାହାପୁରୁ  
ଗଡ଼ହା କିନି ମାହାପୁରୁ ଆଏ, ସାମା  
ହିଡ଼ଡ଼ିତି ମାହାପୁରୁ □ ଏନିକ  
ମାହାପୁରୁ ସୁଦୁ ଲକୁତି କୁଲମିତା ଆନ୍‌ନେ  
□

୩୪ ଏଲେକ ଇୟାସିକା କୁଲମିତା  
ପାଲେଏ ମାଣ୍‌ମୁଁ ଇତିହୁଁ କାତା  
ଜଲ୍ଲାଲି ଏଞ୍ଜି ହେଲ ବେଟା  
ଆହାହିଲାଡ, ମସା ମେରାତା ରାସ୍‌କି  
ଆହାମାନି ଲେହେଁ ଏଞ୍ଜି ମାନି ତଲେ  
ମାନାପୁ □

୩୫ ସାମା ଇୟାସିକା ଏନାଆଁ ପୁଞ୍ଜାଲି  
ଅଣ୍ଟପିତିହୁଁ, ତାନି ଇଜ ତାନି



ତଦ୍‌କ୍ରାୟାଣି ଷ୍ଠେଶ୍‌ମ୍ବୁ ଇତିହଂ କୁଲମିତା  
କାତା ଜଲିନାୟି ଇୟାନାକି ଲାଜାତି  
କାତା □

୩୬ ମାହାପୁରୁତି ବଲୁ ମୀ ତାଶାଟି  
ହଚାମାନେ କି ? ଇଞ୍ଜା ଖାଋଇ  
ମିଙ୍ଗେତାକି ଖାହାମାନେ କି ?

୩୭ ଆମ୍ବାଆସି ନାନୁ ମାହାପୁରୁ  
ଅଶ୍‌ପୁତି ବଲୁ ଷ୍ଠେହନାତେଏଁ, ଇଞ୍ଜା  
ନେହଂ ଜୀଝୁତି ଦାନା ବେଟାଆହାମାଈ  
ଇଞ୍ଜା ଅଶ୍‌ପିନେସି, ଆତିହଂ ନାନୁ  
ମିଙ୍ଗ ଏନା ଏନାଆଁ ରାଟିମାଞ୍ଜାଇଁ, ଏଦି  
ବାରେ ମାହାପୁରୁତି ହୁକୁମି ଏଦାଆଁ  
ଏଝାସି ପୁନାପେସି □

୩୮ ସାମା ଆମ୍ବାଆସି ତେଲହଅସି  
ଆତିହଂ ଏଝାସି ଏନାଆଁ ତେଲହାଆନା  
ମାନାପେସି □

୩୯ ଏଦାଆଁତାକି ତାୟିୟାଁ, ମାହାପୁରୁ  
ଅଶ୍‌ପୁତି ବଲୁ ଷ୍ଠେକହାଲି ଅଶ୍‌ପେମାଞ୍ଜୁ;  
ଇଞ୍ଜା ଏଟକାତି ହାଡା ଜଲଲି  
କାହିକିଆଡୁ □

୪୦ ସାମା ବାରେ କାମା ନେହଂ ତଲେ  
ସୁସ୍ତି ତଲେ କିନାୟିମାନେ □

### ୧୫

କ୍ରୀସ୍ତ ହାକିଟି ନିଙ୍ଗିନାୟି

୧ ନା ତାୟିୟାଁ ଅଡେ ତାଙ୍ଗିସ୍ତାତେରି,  
ନାନୁ ମୀ ତାଶା ଆମିନି ନେହଂ  
କାରୁ ଷ୍ଠେକହାମାଚେଏଁ, ଆମିନି କାରୁ  
ମୀରୁ ତୀରିତଲେ ଆସାମାଚେରି ଆମିନି  
ତାଶା ତୀରିତଲେ ମାଞ୍ଜାମାଞ୍ଜେରି, ନାନୁ  
ଏନିକଂ ମୀ ତାଶା ଷ୍ଠେକହାମାଚେଏଁ,  
ଏଦାଆଁ ମିଙ୍ଗେ ଅଶ୍‌ପି କିହମାଞ୍ଜାଇଁ □

୨ ମିଙ୍ଗେ ଷ୍ଠେକହା ମାଞ୍ଜାନି ନେହଂ  
କାରୁ ମୀରୁ ଜାଣ୍ଡେ ଆସା ମାତିହଂ,  
ଇ ନେହଂ ବଲୁ ତାକି ମୀରୁ ଗେଲ୍‌ପି  
ଆହାମାଞ୍ଜେରି, ଆଆତ ମୀରୁ  
ଉଜେଏ ନାନୁ ଗାଟାତେରି ଆହାମାଚେରି  
□

୩ ଇତିହଂ ନାନୁ ଆମିନି ଜାପ୍‌ନାଣି  
ବେଟା ଆହାମାଚେଏଁ, ଏ ବିତ୍ରାତି ଇ

କାଜା କାତା ମିଙ୍ଗେ ହୀହାମାଞ୍ଜାତେଏଁ,  
ଇତିହଂ କ୍ରୀସ୍ତ ଦାମ୍‌ ପତିତା ରାସ୍‌କି  
ଆହାମାନି ଲେହେଁ ମା ପାପୁ ତାକି  
ହାଡେସି □

୪ \*ମୁସ୍‌ପି ଆଡେସି, ଇଞ୍ଜା ଦାମ୍‌  
ପତିତା ରାସ୍‌କି ଆହାମାନି ଲେହେଁ;  
ତାନିଦିନା ତାୟୁ ହାକିଟି ଷ୍ଠେଶ୍‌  
ନିଙ୍ଗିତେସି □

\*ଏଝାସି କେପା\* ଅଡେ ବାରଜାଣା  
ସୀସୁୟାଣି ତଞ୍ଜାଆଡେସି □

୬ ତାୟୁ ରଣ୍ଡିଏ ଦେବା ପାସା ଖାଞ୍ଜାଟିଏ  
ଆଗାଡା ତାନି କେଟ ହାନି ତାୟିୟାଁ  
ତଞ୍ଜାଆଡେସି; ଏଝାରି ବିତ୍ରାଟି ହାରେକା  
ଲକୁ ନୀଞ୍ଜୁପାତେକା ନୀତାମାନେରି,  
ସାମା ଏଚେକା ଲକୁ ହାହାମାନେରି □

୭ ଏଚେଟିଏ ଏଝାସି ଜାକୁବଇଁ  
ଇଞ୍ଜା ତାୟୁ ବାରେ ପାଶ୍‌ଝି ଆଡାରାଇଁ  
ତଞ୍ଜାଆଡେସି □

୮ \*ବାରେତି ତାୟୁ ଲେଞ୍ଜୁ  
ପୁରାଆଆନା ଜାର୍‌ନାଆଡି ଲେହେଁ  
ତାତେଏଁ ନାଙ୍ଗେ ଜିକେଏ ତଞ୍ଜା  
ଆୟାତେସି □

୯ \*ଇତିହଂ ମାହାପୁରୁତି  
କୁଲମିତି ଲକୁଇଁ ସାସ୍ତି ହୀହିମାତାକି  
ପାଶ୍‌ଝି ଆହାମାନାରି ତାଶା  
ବାରେକିହାଁ ନାନୁ ଉଶାତେଏଁ, ଇଞ୍ଜା  
ପାଶ୍‌ଝିଆହାମାନି ଦରୁ ବେଟାଆହାଲି  
ପାଡା ଆଆଗାଟାତେଏଁ □

୧୦ ସାମା ନାନୁ ଏନି ଆହାମାଇଁ,  
ଏଦି ମାହାପୁରୁ କାର୍‌ମାମେହ୍‌ନି ତାଶାଟି  
ଆହାମାନେ, ଇଞ୍ଜା ନା ତାକି ତାନି  
କାର୍‌ମାମେହ୍‌ନାୟି ଉଜେଏ ଆହା  
ହିଲେଏ, ସାମା ନାନୁ ଏ ବାରେଜାଣା  
କିହାଁ ହାରେକା କାମା କିହାମାଇଁ,  
ଆଡିଜିକେଏ ନାନୁ ଆଏ, ସାମା  
ମାହାପୁରୁତି କାର୍‌ମାମେହ୍‌ନାୟି ଏଦାଆଁ  
କିହାମାନେ □

୧୧ ଏଦାଆଁତାକି ନାନୁ ଆପେ କି  
ଏଝାରି ଆଡେରି ଏଲେକିହଂ ମାମ୍‌

\* ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ \* ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୭, ୧୭; ମାର୍କ  
୧୭:୧୪; ଲୁକ ୨୪:୩୭; ଜହ ୨୦:୧୯ \* ୧୫:୫ ୧୫:୫ ପିତର \* ୧୫:୮ ୧୫:୮ କାମା ୯:୩-୭ \* ୧୫:୯  
୧୫:୯ କାମା ୮:୩

ଝେସିମାନମି ଅଡ଼େ ମାରୁ ଜିକେଏ  
ଏଲେକିହିଁ ନାମାମାଞ୍ଜେରି □

ମାରୁ ହାକିଟି ନିଜ୍ଜିନାୟି

୧୭ କ୍ରୀସ୍ତ ହାକିଟି ନିଜ୍ଜାମାନେସି  
ଇଞ୍ଜିଁ ଈ କାରୁ ଝେସପି ଆହିମାନେ,  
ଆତିହିଁ ହାଡ଼ାରି ଝେଣ୍ଡେ ନିଜ୍ଜିନାୟି  
ହିଲେଏ ଇଞ୍ଜିଁ ଏନିକିଁ ମୀ ବିତ୍ରାଟି  
ଏଚେଜାଣା ଏଲେ ଇଞ୍ଜିମାନେରି ?

୧୩ ହାଡ଼ାରି ଝେଣ୍ଡେ ନିଜ୍ଜିନାୟି  
ହିଲେଏ, ଇତିହିଁ କ୍ରୀସ୍ତ ଜିକେଏ  
ଝେଣ୍ଡେ ନିଜ୍ଜା ହିଲଅସି □

୧୪ ଇଞ୍ଜାଁ କ୍ରୀସ୍ତ ହାକିଟି ଝେଣ୍ଡେ ନିଜ୍ଜା  
ହିଲଅସି, ମାମ୍ବୁ ଝେକ୍‌ହିମାନାୟି ବାରେ  
ଉଜେଏତାୟି, ଅଡ଼େ ମୀ ନାମୁ ଜିକେଏ  
ଉଜେଏତାୟି □

୧୫ ଅଡ଼େ ମାମ୍ବୁ ମାହାପୁରୁତି  
ମିଟି ଝେହ୍‌ନିଲେହେଁ ତଞ୍ଜାଆଡ଼େନ,  
ଏନାଆଁତାକି ଇତିହିଁ ମାମ୍ବୁ ମାହାପୁରୁ  
କପାଟି ଈ କାତା ସାକି ହୀତମିମା କି  
କ୍ରୀସ୍ତଇଁ ନିକ୍‌ହାମାନେସି, ସାମା ହାଡ଼ାରି  
ନିଜ୍ଜାଅରି, ଆତିହିଁ ଏଞ୍ଜାସି କ୍ରୀସ୍ତଇଁ  
ଜିକେଏ ନିକ୍‌ହା ହିଲଅସି □

୧୬ ଏଲେଆହିଁ ହାଡ଼ାରି  
ନିଜ୍ଜାହିଲଅରି, ଆତିହିଁ କ୍ରୀସ୍ତ ଜିକେଏ  
ନିଜ୍ଜା ହିଲଅସି □

୧୭ ଇଞ୍ଜାଁ କ୍ରୀସ୍ତ ନିଜ୍ଜା ହିଲଅସି  
ଇତିହିଁ ମୀ ନାମୁ ଜିକେଏ  
ଉଜେଏତାୟି ଆଡ଼େ, ଇଞ୍ଜାଁ ମୀରୁ  
ନୀଏଁ ପାତେକା ମୀ ପାପୁ ତଲେ  
ମାଞ୍ଜାମାଞ୍ଜେରି □

୧୮ ଆତିହିଁ ଆମ୍ବାଆରି କ୍ରୀସ୍ତ ତାଣା  
ନାମାମାଞ୍ଜାନା ହାହାମାନେରି, ଏଞ୍ଜାରି  
ଜିକେଏ ନାସା ଆହାମାନେରି □

୧୯ ମାରୁ ଖାରଇ ଈ ଜୀଞ୍ଜୁତାକି  
କ୍ରୀସ୍ତଇଁ ଆସା କିହିମାନାୟି, ଆତିହିଁ  
ମାରୁ ବାରେ ମାଣସିୟାଁ କିହାଁ କାର୍ମା  
ହିଲାଆଗାଗାତାୟି □

୨୦ ସାମା ସାତାତଲେ କ୍ରୀସ୍ତ ହାଡ଼ି  
ଲକୁତି ମୁଲୁତି ପାଡ଼େୟି ଲେହେଁ  
ହାଡ଼ାରି ବିତ୍ରାଟି ଝେଣ୍ଡେ ନିଜ୍ଜାମାନେସି  
□

୨୧ ଇତିହିଁ ମାଣସି ତାଣାଟି ହାନାୟି  
ଞ୍ଜାହାମାନାକି ଅଡ଼େ ମାଣସି ତାଣାଟିଏ  
ହାଡ଼ାରି ବିତ୍ରାଟି ଝେଣ୍ଡେ ନିଜ୍ଜିନାୟି  
ଜିକେଏ ଞ୍ଜାହାମାନେ □

୨୨ ଇତିହିଁ ଆଦମ ତାଣାଟି ବାରେ  
ମାଣସିକି ହାକି ଞ୍ଜାଡେ, ଏଲେକିହିଁଏ  
କ୍ରୀସ୍ତ ତାଣାଟି ବାରେଜାଣା ଜୀଞ୍ଜୁ  
ବେଟାଆଡ଼େନରି □

୨୩ ସାମା ବାରେଜାଣା ତାମି ପାଲି  
ଏତିସାରେ ତଲିତି ପାଡ଼େୟି କ୍ରୀସ୍ତ,  
ତାୟୁ କ୍ରୀସ୍ତତି ଖିନିଦିନାଟି କାଡ଼ାମାନାରି  
ଝେଣ୍ଡେ ନିଜ୍ଜିନେରି □

୨୪ ଏଚେଟିଏ ଜୁଗୁ ରାନ୍ତି ଦିନା ଖାଡ଼େନ,  
ଏଚିବେଲାତା କ୍ରୀସ୍ତ ବାରେ କାଜାପାଣା,  
ବାରେ ଅଦିକାରା, ବାଡ଼ୟୁ ମ୍ବେକ୍‌ହି  
ତାୟୁ ଆବା ମାହାପୁରୁକି ସାଲୁଞ୍ଜି କିନି  
ପାଣା ହେରପିନେସି □

୨୫ ମାହାପୁରୁ ବାରେ ସାଡ଼ୁୟାଁଇଁ  
ହାରୁଞ୍ଜି କିହାଁ କ୍ରୀସ୍ତତି କତାୟାଁ ଡ଼ଇ  
ଇଗାଆ ପାତେକା ଏଞ୍ଜାସି ସାଲୁଞ୍ଜି  
କିନାୟିମାନେ □

୨୬ ତାୟୁତି ସାଡ଼ୁ ସମାନା ହାକିଟି  
ଜିକେଏ ମ୍ବେକ୍‌ନାୟି ମାନେ;

୨୭ ଏନାଆଁତାକି ଇତିହିଁ  
ଦାମ୍‌ପତିତା ରାସ୍‌କି ଆହାମାନେ,  
“ମାହାପୁରୁ ବାରେତି ତାନି କର୍ତ୍ତା  
ଡ଼ଇ ଲକ୍‌ନେସି,” ଇଞ୍ଜାଁ ଏଚେତା  
ଏଞ୍ଜାସି ଏଲେଇନେସି, “ବାରେ  
ଲକ୍‌ହାମାନେସି,” ଏଦି ସାତା କ୍ରୀସ୍ତ  
ବାରେ ତାନ୍ତୁ ଲକ୍‌ହେସି, ଏ ବାରେ ତାଣା  
ତାନ୍ତୁ ଆଣ୍ଡା ହାଲଅସି □

୨୮ ଅଡ଼େ ବାରେତି କ୍ରୀସ୍ତ କତାୟାଁ  
ଡ଼ଇ ଲକ୍‌ହି ଜେଟ, ଆମ୍ବାଆସି ବାରେତି  
ତାନି ତାଣା ଲକ୍‌ହେସି, ମୀରୁଏସି  
ଜିକେଏ ତାନି ଆବା ମାହାପୁରୁ ଡ଼ଇ  
ଡ଼ୟିନେସି; ଅଡ଼େ ମାହାପୁରୁ ବାରେତି  
ଲାକ ସାଲୁଞ୍ଜି କିନେସି □

୨୯ ହାଡ଼ାରି ନିଜ୍ଜାଆସାରେ,  
ଆମ୍ବାଆରି ହାଡ଼ାରି ତାକି ବାପ୍‌ସ୍ତା†  
ଅଡ଼େନରି, ଏଞ୍ଜାରି ଏନାଆଁ କିନେରି  
? ଆତିହିଁ ହାଡ଼ାରି ନିଜ୍ଜାଆସାରେ,

† ୧୫:୨୯ ୧୫:୨୯ ମୁଞ୍ଜିନାୟି

ଏଞ୍ଜରୀ ତାକି ଏନାଆଁତାକି ବାପ୍ତିସ୍ମ ଆନେନରି □

୩୦ ଅଡେ ମାର ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନି ତାଣା ହାନାୟି ?

୩୧ ତାୟିୟାଁ ଅଡେ ତାଜିସ୍ମାତେରି, ମା ପ୍ରବୁ କ୍ରୀସ୍ତ ତାଣା ମିଙ୍ଗେତାକି ନାନୁ ଆମିନି ବତପଣ ଆହିମାଙ୍ଗ, ଏମ୍ବାତି ମାନି କିହାଁ ଏଲେ ଇଞ୍ଜିମାଙ୍ଗ, ନାନୁ ବାରେବେନା ହାନିଲେହେତି କସ୍ତ ବେଟାଆହିମାଙ୍ଗ □

୩୨ ଇଚିହଁ ମାଣ୍ଡସିଙ୍ଗ ଅଣପିନି ଲେହେଁ ଏପିସିୟ ଗାଡ଼ାତା ନାନୁ ୱାର୍‌ଇ "ଜାଡ଼ା ଜନ୍ତୟାଁ" ତଲେ ଜୁଜୁ କିହାମାଙ୍ଗ, ଆତିହଁ ଏମ୍ବାଆଁ ନାଙ୍ଗେ "ଏନି ଲାବ୍ରା ?" ସାମା ହାଡ଼ାରି ନିଙ୍ଗଅରି, "ଆତିହଁ ୱାଦୁ ମାର ତିନ ଉନ ଇଚିହଁ ୱିଏ ମାର ହାନାୟି □"

୩୩ ମାରୁ ନାଡ଼ି ଆଆଦୁ, "ଇଚିହଁ ପଲ୍ଲଆ ଗାଟାରି ତଡୁ ନେହଁ ଲକ୍ଷୁତି ଗୁଣ୍ଡୁ ନସ୍ତ କିନେ □"

୩୪ ମାରୁ ନେହଁ କଁ ଜାଗ୍ରାତା ଆଦୁ, ପାପୁ କିଆଦୁ, ଇଚିହଁ ଆମ୍ବା ଆମ୍ବାଆରାକି ମାହାପୁରୁଙ୍ଗ ପୁନି ବୁଦି ହିଲେଏ; ନାନୁ ମା ଲାଜା ତାକି ଇ କାତା ୱେସିମାଞ୍ଜାଙ୍ଗ □

ହାକିଚି ୱେଣ୍ଡେ ନିଙ୍ଗିନି ଆଜ୍ଞା

୩୫ ସାମା ଆମ୍ବାଆରି ଏଲେଇନେରି, "ହାଡ଼ାରି ଏନିକଁ ନିଙ୍ଗିନେରି ? ଏନିଲେହେତି ଆଜ୍ଞା ତଲେ ଏଞ୍ଜରୀ ୱାନେନରି ?"

୩୬ ବୁଦି ହିଲାଆ ଗାଟାତେରି, ମାରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ୱେଣ୍ଡେ ଜୀଞ୍ଜୁଆହାଁ ଗଜା ଆଏ □

୩୭ ଅଡେ ଏମିନି ଆଜ୍ଞା ଆନେ ଏଦାଆଁ ମାରୁ ମାଟିହିଲଅତେରି, ସାମା ଗହଁୟାଁ ଆପୁ କି ଏନି ଆନାଁ ଆପେ, ଏଡ଼ି ପାଡ଼େୟି ଲେହେଁ □

୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଞ୍ଜରାକି ଆଜ୍ଞା ହାନେସି, ଅଡେ ବାରେ ପାଡ଼େୟି ତାକି ତାନି ଆଜ୍ଞା ହାନେସି □

୩୯ ବାରେ ଆଜ୍ଞା ରଣ୍ଡିଏ ରଲେଏତି ଆଜ୍ଞା ଆଏ, ସାମା ମାଣ୍ଡସିୟାଁକି ରଲେତି ଆଜ୍ଞା, ଜନ୍ତୟାଁକି ରଲେତି ଆଜ୍ଞା, ଅଡେ ପଟାୟାଁକି ଅର ରଲେତି ଆଜ୍ଞା, ଅଡେ ମାଣ୍ଡକା ତାକି ଅର ରଲେତି ଆଜ୍ଞା □

୪୦ ଲାକପୁରୁକି ଆଜ୍ଞା ମାନେ, ଅଡେ ଦାର୍‌ତିକି ଆଜ୍ଞା ଜିକେଏ ମାନେ, ଲାକପୁରୁତି ଆଜ୍ଞା ରଲେତି ଅଜୁ, ଅଡେ ଦାର୍‌ତିତି ଆଜ୍ଞାତି ଅଜୁ ଅର ରଲେତାୟି □

୪୧ ୱେଡ଼ାତି ଉଜେଡ଼ି ରଲେତାୟି, ଅଡେ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡେ ହୁକାୟାଁତି ଉଜେଡ଼ି ରଲେତାୟି, ଇଞ୍ଜା ର ହୁକା ଚିଏ ଅର ହୁକାତି ଉଜେଡ଼ି ଅର ରଲେତାୟି □

୪୨ ହାଡ଼ାରି ନିଙ୍ଗିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍‌କି ଆନେ, ସାମା ନାସା ଆଆଗାଟାୟି ଲେହେଁ ନିଙ୍ଗିନେ;

୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍‌କି ଆନେ ଏଡ଼ି ଗାଞ୍ଜୁରମି ତଲେ ନିଙ୍ଗିନେ; ବାଡ଼ୁୟି ହିଲାଆଗାଟାୟି ଲେହେଁ ମାଟ୍‌କି ଆନେ, ବାଡ଼ୁୟି ଗାଟାୟି ଆହାଁ ନିଙ୍ଗିନେ □

୪୪ ଇରୁଆତି ଆଜ୍ଞା ତଲେ ମୁସ୍‌ପିଆନେ ଜୀଞ୍ଜୁତି ଆଜ୍ଞା ତଲେ ନିଙ୍ଗିନେ; ସାମା ଇରୁଆତି ଆଜ୍ଞା ମାନେ ଇଚିହଁ ଜୀଞ୍ଜୁତି ଆଜ୍ଞା ଜିକେଏ ମାନେ □

୪୫ ଦାମ୍‌ପତିତା ରାସ୍‌କି ଆହାମାନେ, ତଲିତି ମାଣ୍ଡସି ଆଦମ ଜୀଞ୍ଜୁତି ମାଣ୍ଡସି କିହଁ ଗାଡ଼ି ଆଡେସି; ସାମା ତାୟୁତି ଆଦମ ପୁଣ୍ଡା ହାନି ଜୀଞ୍ଜୁ ଆଡେସି □

୪୬ ସାମା ଜୀଞ୍ଜୁ ଗାଟାସି ନକେଏ ଆଏ, ଆଜ୍ଞା ତଲେତାସି ନକେଏ, ଅଡେ ତାୟୁ ଜୀଞ୍ଜୁ ଗାଟାସି ଆଡେସି □

୪୭ ନକେଏତି ମାଣ୍ଡସି ଆଦମ ଦାର୍‌ତିତି ମାନି ଇରୁଆ ତଲେ ଗାଡ଼ି ଆହାମାରେସି, ଅଡେ ତାୟୁତି ମାଣ୍ଡସି ଲାକପୁରୁଚି ୱାହାମାରେସି □

୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଞ୍ଜରୀ ଇରୁଆତି

ଗାଡ଼ି ଆଡ଼ି ଏ ମାଣସିଲେହେଁ, ଇଞ୍ଜା ଆମ୍ବାଆରି ଲାକପୁରୁତାରି ଏଞ୍ଜାରି ଲାକପୁରୁଟି ଖାହାମାନି ଏ ମାଣସି ଲେହେଁତାରି □

୪୯ ଅଡ଼େ ମାର ଇରଆତି ଗାଡ଼ି ଆହାମାନି ଏ ମାଣସିତି ଖାଣା ଆସାମାନାୟି, ଏଲେକିହଁ ଏ ଏ ଲାକପୁରୁତି ମାଣସିତି ଖାଣା ଜିକେଏ ଆହନାୟି □

୫୦ ତାୟିୟାଁ ଅଡ଼େ ତାଜିସ୍ମାତେରି ନାନୁ ଖେସିମାଞ୍ଜାଇଁ, ନେତେରି ଅଡ଼େ ଉଜ୍ଜା ମାହାପୁରୁତି ରାଜିତି ଅଦିକାରା କିହାଲି ଆଡ଼େଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡ଼େଏ □

୫୧ \*ମେହଦୁ ନାନୁ ମିଙ୍ଗେ ର ଡଗୁମାନି କାତା ଖେସିମାଞ୍ଜାଇଁ, ମାର ବାରେ ଜାଣାତାୟି ହାଆୟି, ସାମା ମାର ବାଦଲଞ୍ଜି ଆନାୟି,

୫୨ ଦେବୁଣିଏ, କାନୁ ମିତି କିନିଲେହେଁ, ତାୟୁତି ତାଡ଼ି ମହୁରି କାଜା ହାଡ଼ା ଖେଟିସାରେ ମାର ବାରେତାୟି ଅର ଖାଣା ଆନାୟି; ଇତିହଁ କମୁ ତାନେ ଅଡ଼େ ହାଡ଼ାରି ନାସା ଆଆନା ନିଜିନେରି, ଅଡ଼େ ମାର ବାଦଲଞ୍ଜି ଆନାୟି □

୫୩ ଇତିହଁ ଇ ମେଣ୍ଡଜିନି ଆଙ୍ଗାତି ମେଣ୍ଡଙ୍ଗାଆଗାଟି ହିମ୍ବୁରି ପରନାୟି ମାନେ, ଅଡ଼େ ଇ ହାନି ଆଙ୍ଗାତି ହାଆଗାଟି ହିମ୍ବୁରି ପରନାୟି ମାନେ □

୫୪ ସାମା ଇ ମେଣ୍ଡଜିନି ଆଙ୍ଗାତି ମେଣ୍ଡଙ୍ଗାଆଗାଟି ହିମ୍ବୁରି ଅଡ଼େ ହାନି ଆଙ୍ଗାତି ହାଆଗାଟି ହିମ୍ବୁରି ହୁତିତି ଜେଟ, ଇ ରାଟାମାନି ବଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ □”

୫୫ “ଏ ହାକି ନୀ ଜୀଣା ଆନାୟି ଆମ୍ବିୟା ?

ଏ ହାକି ନୀ ନାସାକିନି ବାଡ଼ୁୟୁ ଆମ୍ବିୟା ?”

୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁୟୁ ମସାତି ମୋରା;

୫୭ ସାମା ଏମିନି ମାହାପୁରୁ ମା ପ୍ରବୁ ଜୀସୁ କ୍ରୀସ୍ତତି ତାକି ମାଙ୍ଗେ ଜୀଣି କିୟାନେସି ଏଞ୍ଜାଣାକି ଜହରା ଆପେ □

୫୮ ଏଦାଆଁତାକି ଏ ନା ଜୀସୁତି ତାୟିୟାଁ ଅଡ଼େ ତାଜିସ୍ମାତେରି, ପ୍ରବୁତି ସେବାତା ମୀ କସ୍ତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତୀରିଆହାଁ ବାଡ଼ୁୟୁ ତଲେ ସେବାତା ହାରେ ହାରେକା ଜାଡ଼ୁୟୁ ଆଦୁ □

## ୧୭

ମାହାପୁରୁତି ଲକୁତାକି ଦାନା

୧ \*ମାହାପୁରୁ ଲକୁ ତାକି ତାବୁୟାଁ କୁଡ଼ିକିନି କାତା ନାନୁ ଏନିକଁ ଗାଲାତିୟା କ୍ରୀସ୍ତାନା କୁଲମିତା ଖେସାମାଚେଏଁ, ମୀରୁ ଜିକେଏ ଏଲେକଁ କିଦୁ □

୨ ମୀରୁ ବେଟାଆହିମାନି ଲେହେଁ ବାରେ ଖାରାତି ମୂଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ରା ଏଚେକା ତାବୁୟାଁ କୁଡ଼ିକିହାଁ ଇଟାଦୁ, ଆତିହଁ ନାନୁ ଖାଡ଼ିସାରେ ମିଙ୍ଗେ ଅଡ଼େ ତାବୁୟାଁ ରୀସାଲି ଲଡ଼ା ଆଏ □

୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଇଁ ଜଟେ ଇଞ୍ଜାଁ ଆଟାମାଞ୍ଜେରି ନାନୁ ଏଞ୍ଜାରାକି ଆକୁ ରାଟାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ;

୪ ସାମା ନାଙ୍ଗେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାଡ଼ପେରି □

କାମାତାକି ପାଖୁଲତି ଅଣ୍ଡୁ

୫ \*ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାଇଁ, ଏନାଆଁତାକି ଇତିହଁ ନାଙ୍ଗେ ମାକିଦନିୟାଟି ହାନାୟି ମାନେ □

୬ ଆଆତଁ ନାନୁ ଖାଡ଼ିସାରେ ଏଚେଦିନା ମୀ ତାଣା ଡ଼ୟିଇଁ, ଇତିହଁ ପେନିବେଲା ହାଲ୍‌ଖେ ମାଞ୍ଜାଲି

ଅଶ୍ୱପିମାଈ, ଏଚ୍ଚେତା ନାନୁ ଆମିନି  
ଚାୟୁତା ହାଈ, ଏମ୍ବାଆଁ ହାନାଟି ମୀରୁ  
ନାଈଈ ଇଟିଝାୟାଦେରି □

୭ ଇଚିହଁ ନୀର୍ବଁ ନାନୁ ହାନାଟି ମୀ  
ତାଣା ଗାଚ୍ଚେକା ତାକି ତଞ୍ଜାଆହାଲି  
ଅଶ୍ୱପି ହିଲଅଁ, ଇଚିହଁ ପ୍ରବୁ ନାଈଈ  
ହେଲ ହିୟାତିହଁ, ନାନୁ ମୀ ତଲେ  
ଏଚ୍ଚେଦିନା ମାଞ୍ଜାଲି ଆସା କିହିମାଈ □

୮ \*ସାମା ନାନୁ ପେଟ୍ଟିକସ୍ତ ଦିନା  
ପାଚେକା ଏପିସିୟ ଗାଡ଼ାତା ଡ଼ୟିଈ;

୯ ଇଚିହଁ ପ୍ରବୁତି କାମା କିହାଲି  
ଅସାରା ଦାରା ଦେପିଆହାମାନେ,  
ଆଆତଁ ଜିକେଏ ନାଈଈ  
ଅପାଆଗାଚାରି ହାଚ୍ଚେକା ମାନେରି □

୧୦ \*ତିମତି ମୀ ତାଣା ଖାଡ଼ିସାରେ  
ଏଞ୍ଜାସି ଏନିକଁ ଆଜାଆନା ମୀ  
ତାଣା ଡ଼ୟିନେସି, ଏଦାଆଁତାକି ମୀରୁ  
ଅଶ୍ୱପାଦୁ, ଇଚିହଁ ନାନୁ ଏନିକଁ  
ଏଞ୍ଜାସି ଜିକେଏ ଏଲେକିହଁ ଏ ପ୍ରବୁତି  
କାମାକିନାସି □

୧୧ ଏଦାଆଁତାକି ଆମ୍ବାଆଚେରି  
ଏଞ୍ଜାଣାଈ ହୀଣି କିଆଦୁ, ସାମା  
ଏଞ୍ଜାସି ଏନିକଁ ନା ତାଣା ଖାହାଲି  
ଆଡ଼ିମାନେସି, ଏଦାଆଁତାକି ଏଞ୍ଜାଣାଈ  
ହିଚ୍ଚି ଜୀଞ୍ଜୁତଲେ ଜିରୁ ତସା ପାଣ୍ଡାଦୁ;  
ଏନାଆଁତାକି ଇଚିହଁ ଏଞ୍ଜାସି ତାୟିୟା  
ତଲେ ଖାଚ୍ଚେକା ଇଞ୍ଜଁ ନାନୁ କାଚିମାଈ  
□

୧୨ ସାମା ତାୟି ଆପଲ ତାକି  
ଝେସିମାଞ୍ଜାଈ, ନାନୁ ଏଚ୍ଚକାତି ତାୟିୟା  
ତଲେ ମୀ ତାଣା ହାଜାଲି ଏଚେକା  
ବାତିମାଲିଚେର୍ବଁ, ସାମା ନୀର୍ବଁ ଖାହାଲି  
ମନ କିଆଚେସି, ସାମା ପାରୁ  
ସିନିକିହାନା ଏଞ୍ଜାସି ଖାଚ୍ଚେକା □

ଆକୃତି ରାନ୍ଦି କାତା

୧୩ ମୀରୁ ଜାଗ୍ରାତା ଆହଁ ନାମୁତା  
ତୀରିତଲେ ମାଞ୍ଜୁ, ଅଚ୍ଚେ ସାସା  
ଗାଚାଚେରି ଆହାନା ବାଡ଼ୟୁ ଆହ୍ୱଦୁ □

୧୪ ମୀ ବାରେ କାମା ଜୀଞ୍ଜୁ ନନାଣି  
ତଲେ ଆପେ □

୧୫ \*ଏ ତାୟିୟା ଅଚ୍ଚେ ତାଞ୍ଜିସ୍ତାଚେରି  
ସ୍ତ୍ରୀପାନ ଇଲୁ କୁଚ୍ଚେ ଆକାୟାତି  
ମୂଲୁଏ ନାମିତାରି; ଅଚ୍ଚେ ମାହାପୁରୁ  
ଲକୁଣି ସେବା କିନି କାମାତାକି  
ହେଚ୍ଚେକା କତାମାନେରି ଏଦାଆଁ ମୀରୁ  
ପୁଞ୍ଜାମାଞ୍ଜେରି □

୧୬ ମୀରୁ ଏଲେତି ଲକୁତି ଅଚ୍ଚେ  
ତାମିତଲେ ଆଣ୍ଡାନା ଖାହୁତଲେ କାମା  
କିହିମାନାରାଈ ମାନି କିଦୁ, ଏଦାଆଁତାକି  
ନାନୁ ମିଜା ବାତିମାଲିମାଞ୍ଜାଈ □

୧୭ ସ୍ତ୍ରୀପାନ, ପର୍ଦ୍ଦନାତ, ଅଚ୍ଚେ  
ଆକାୟିକ ଖାତାକି ନାନୁ ହାଚ୍ଚେକା ରାହଁ  
ଆହିମାଈ, ଇଚିହଁ ମୀରୁ ହିଲାଆତାକି  
ନାଈଈ ଏନାୟି ଲଡ଼ା ମାଚେ, ଏଞ୍ଜାରି  
ଏଦାଆଁ ହାହାମାଞ୍ଜାନେରି □

୧୮ ଇଚିହଁ ଏଞ୍ଜାରି ମୀ ଜୀଞ୍ଜୁତି  
ଅଚ୍ଚେ ନା ଜୀଞ୍ଜୁତି ରାହଁ କିହଁ  
ମାଞ୍ଜାନେରି; ଏଲେତି ଲକୁଈ ଜଚ୍ଚେ  
ଇଞ୍ଜଁ ପୁଞ୍ଜାନା ମାନି କିଦୁ □

୧୯ \*ଆସିୟା ଦେସାତା ମାନି  
କୁଲମିକା ମିଜେ ଜହରା କିହିମାଞ୍ଜାନେରି,  
ଆକ୍ଷିଲା ଅଚ୍ଚେ ପ୍ରିସ୍ତିଲା ତାମି ଇଜ  
ରୁଣ୍ଡା ଆନି କୁଲମି ତଲେ ପ୍ରବୁ  
ତାଣା ମିଜେ ହାଚ୍ଚେକା ଜହରା  
କିହିମାଞ୍ଜାନେରି □

୨୦ ଇମ୍ବାଆଁ ମାନି ବାରେ ତାୟିୟା  
ଅଚ୍ଚେ ତାଞ୍ଜିସ୍ତା ମିଜେ ଜହରା  
କିହିମାଞ୍ଜାନେରି □ ମୀରୁ ରଅଚେରି  
ରଅଣାଈ ତାୟି ତାୟିୟା ଲେହେଁ  
କ୍ରୀସ୍ତିତି ଜୀଞ୍ଜୁନହଁ ସୁଦୁ ତଲେ ନଶୁଞ୍ଜି  
ଆହାନା ଜହରା କିହିମାଞ୍ଜାନେରି □

୨୧ ନାନୁ ପାଞ୍ଜୁଲଚେର୍ବଁ ନା କେୟୁଟି  
ରାଚାହଁ ରାହଁ ତଲେ ଜହରା  
କିହିମାଞ୍ଜାଈ □

୨୨ ଆମ୍ବାଆସି ମାହାପୁରୁଈ ଜୀଞ୍ଜୁ  
ନଅସି ଏଞ୍ଜାସି ବାକା ବେଟାଆପେସି,  
ମାରାନାତା ମା ପ୍ରବୁ ତବେ ଖାମୁ □

୨୩ ପ୍ରବୁ ଜୀଞ୍ଜୁତି କାର୍ମାମେହନାୟି  
ମିଜେତାକି ଆୟାପେ;

☆ ୧୭:୮ ୧୭:୮ କାମା ୧୯:୮-୧୦ ☆ ୧୭:୧୦ ୧୭:୧୦ ୧କର ୪:୧୭ ☆ ୧୭:୧୫ ୧୭:୧୫ ୧କର ୧:୧୭  
☆ ୧୭:୧୯ ୧୭:୧୯ କାମା ୧୮:୨

୨୪ କ୍ରୀଷ୍ଣ କୃଷ୍ଣ ତାହାଟି ନା .  
କୃଷ୍ଣନନ୍ଦି ମୀ ବାରେଜାଣା ତାକି  
ଆୟାପେ □ ଆମେନ୍ □

**କରକ୍ତି ମଣ୍ଡଳୀ ନିମନ୍ତେ  
ପାଠଲକ୍ଷ ଲିଖିତ ବ୍ରୀତିୟ  
ପତ୍ର  
କରକ୍ତି କୁଲମିତାକି  
ପାଞ୍ଚୁଲ ରାଢ଼ାମାନି ରୀ  
ଲମ୍ବର ଆକୁ  
ମୂଲ୍ୟ ହାଡ଼ା**

କରକ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଓଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସ୍ତ ଜାର୍ନାତି ୫୫-୫୬ ବାର୍ଷା ତାମ୍ବୁ ରାସ୍ତକି ଆହାମାରେ ୧:୧ □ ମା ତାଣ୍ଡା ମାନି କରକ୍ତି କୁଲମିକି ରାଢ଼ାମାନି ଆକୁ ବିଭ୍ରାଟି ଇଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ □ ମେରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହାହାନା ରାଢ଼ାମାରେସି ୨:୩-୪ ପଦୁତା ଏଞ୍ଜାସି ଖେସିମାନେସି □

ପାଞ୍ଚୁଲ ମାକିଦନିୟାତା ମାନି ବେଲ୍ଲାତା କରକ୍ତିତି ରୀ ଲମ୍ବର ଆକୁ ରାଢ଼ାମାନେସି ୨:୧୩ □ କରକ୍ତିତା ମାନି କୁଲମିତି କାତା ତିତସ୍ୟ ତାଣ୍ଡାଟି ନେହ କାବୁ ବେଟାଆହାନା ରାହ୍ଣା ଆହିମାନେସି □ ଇ ଆକୁତା ପୁଃନି ମେରା ଅଣ୍ଡପୁଟି ଦାନା ହାନି କାତା ଜାପିନାୟି □ ଇ ଆକୁତା ଜିରୁସାଲମତା ମାନି କ୍ରୀସ୍ତୁଲ୍ ନାମାମାନି ଲକୁଲ୍ ସାୟେମି କିହାଲି ଟାକାୟାଁ କୃଡ଼ିକିହାଲି ଖେସିମାନେସି ୮-୯ □ ଅଡ଼େ ଜିକେଏ କୁଲମି ପାଞ୍ଚାଟି କଚେକା ମିଟି ପାଣ୍ଡୁଓ ଆହାମାନାରି ଜାହାରାଲ୍ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଲ୍ ନିନ୍ଦା କାତା ଖେସିମାନେରି □ ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି □ ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ର କ୍ରୀସ୍ତତି

ଅଦିକାରା ତଲେ ପାଣ୍ଡୁଓ ଆଡ଼ାସି ଇଞ୍ଜାଁ ଜାଣ୍ଡେତଲେ ଖେସିମାନେସି □

**ପତିତା ମାନାୟି**

- ୧ ପାଞ୍ଚୁଲ ଜହରା କିହାନା ଆକୁ ରାଡ଼ିନାୟି □ ୧:୧-୭
- ୨ ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଇଞ୍ଜାଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଖେଣ୍ଡେ ଖେହ୍ନାୟି □ ୧:୮-୭:୧୬
- ୩ ଜିରୁସାଲମତି ନାମୁଗାଟି ତାୟିୟାକି ଦାନା କୃଡ଼ିକିହାଲି ଖେହ୍ନାୟି □ ୮:୧-୯:୧୫
- ୪ ପାଞ୍ଚୁଲ ତାନି ପାଣ୍ଡୁଓଆହାମାନି ପାଣ୍ଡାଟି ଜାଣ୍ଡେ ଖେହ୍ନାୟି □ ୧୦:୧-୧୩:୧୦
- ୫ ଆକୁତି ରାପ୍ନିନି କାତା □ ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍ଡପୁ ତଲେ କ୍ରୀସ୍ତ ଜୀସୁ ତାଣ୍ଡାଟି ପାଣ୍ଡୁଓ ଆହାମାନାତେଏଁ ଇଞ୍ଜାଁ ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡ଼େ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଡ଼ିମାନମି □

୨ ମା ଆଡ଼ା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ମିଙ୍ଗେତାକି ଆୟାପେ □

ପାଞ୍ଚୁଲ ମାହାପୁରୁଲ୍ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସ୍ତତି ଆଡ଼ା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆଡ଼ା ଅଡ଼େ ଦୁକୁ ଡ଼କୁନି ମାହାପୁରୁ □

୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍ନି ତାଣ୍ଡା ମାର ଦୁକୁ ତୁପ୍କି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହ୍ ବାରେ ଲେହେଁତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ନହାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଙ୍ଗେ ଦୁକୁ ତୁକ୍ନାଣି ହାହାମାଞ୍ଜାନେସି

୫ ଇତିହ୍ କ୍ରୀସ୍ତତି ତାକି ମାର ଏନିକିଁ ହାଡ଼େକା ଦୁକୁ କସ୍ତ ହାଡ଼େକା

ବେଟାଆନାୟି, ଏଲେକିହ ଏ କ୍ରୀସ୍ତ ତାଣ୍ଡାଟି ମାହାପୁରୁତି ଦୁକୁ ତୁକନାୟି ହାରେକା □

୨ ସାମା ମାମ୍ବୁ ଦୁକୁ କସ୍ତ ବେଟାଆଡ଼ିସାରେ ଏଡ଼ି ମା ତାକି ଦୁକୁ ତୁକନାୟି, ଅଡ଼େ ଗେଲ୍ପି ଆହାଲିତାକି; ଇଞ୍ଜା ମାମ୍ବୁଦୁକୁ ତୁପକି ଆତିହ ଏଡ଼ି ମା ଦୁକୁ ତୁକହାଲି ତାକି; ମାମ୍ବୁ ଏନିଲେହେତି ଦୁକୁ କସ୍ତ ବେଟାଆନମି ମୀରୁ ଏନିକିହ ସାସା ଅଡ଼େ କସ୍ତତଲେ ଦୁକୁ ବେଟାଆହି ମାଞ୍ଜେରି ମାମ୍ବୁ ଜିକେଏ ଏଲେକିହ ଏ ଦୁକୁ ତୁକନି କାମା କିହିମାନମି □

୩ ଅଡ଼େ ମା ତାଣ୍ଡା ମା ବାସ୍ତୁ ହାରେକା ମାନେ □ ମୀରୁ ମା ଦୁକୁ କସ୍ତ ପାଣ୍ଡନିତାଣ୍ଡା ଏନିକି ଆଣ୍ଡାମାଞ୍ଜେରି, ଏଲେକିହ ଏ ମାମ୍ବୁ ଦୁକୁ ତୁକନି ତାଣ୍ଡା ଆଣ୍ଡାଦେରି, ଇଞ୍ଜା ମାମ୍ବୁ ପୁଞ୍ଜାମାନମି □

୮ \*ଇତିହ ଏ ତାୟିୟା ଅଡ଼େ ତାଜିସ୍ତାତେରି, ଆସିୟା ରାଜିତା ମାଞ୍ଜେତାକି ଆହାମାନି ସାସ୍ତି ମୀରୁ ପୁନାଆନା ମାଞ୍ଜୁ ଇଞ୍ଜିହ ମାମ୍ବୁ ଅଣ୍ଡପି ହିଲଅମି; ମାମ୍ବୁ ମା ବାଡ଼ୟୁଟି ବେଟାଆହାମାନି ସାସ୍ତି ସହଡ଼ି ଆହାଲି ଆଡାଆରେଟୁ ଆହାମାଚମି, ଇଞ୍ଜା ମାମ୍ବୁ ନୀତାମାଞ୍ଜାଲି ଜିକେଏ ଆସା ପିସାମାଚମି;

୯ ହାଅ, ମାଞ୍ଜେ ପାୟାଲି ହୁକୁମି ହୀପକି ଆହାମାନେ ଇଞ୍ଜା ଅଣ୍ଡପିମାଚମି, ଏନିକି ମାମ୍ବୁ ମା ମୁହେ ବାସ୍ତୁ କିହାକତାଆନା ଏମିନି ମାହାପୁରୁ ହାକିଟି ନିକ୍ନେସି ଏଞ୍ଜାଣି ତାଣ୍ଡା ବାସ୍ତୁ କିନମି;

୧୦ ଏଞ୍ଜାସି ଆଜିହପେତି ହାକିଟି ମାଞ୍ଜେ ଗେଲ୍ପାତେସି ଅଡ଼େ ଗେଲ୍ପାନେସି, ଅଡ଼େ ତାୟୁ ଜିକେଏ ଗେଲ୍ପାନେସି ଇଞ୍ଜା ତାନିତାଣ୍ଡା ମା ଆସା ମାନେ;

୧୧ ମୀରୁ ଜିକେଏ ମା ତାକି ପ୍ରାତାନା କିହା ମାଞ୍ଜେ ସାଝେମି କିହାମାଞ୍ଜାଦେରି,

ଏନିକି ମାଞ୍ଜେ ଏମିନି କାର୍ମୀତି ଦାନା ହୀପକି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁତିଟି ମା ତାକି ହାରେକା ଜହରା କିଞ୍ଜିଆହିମାନେ □

ପାଞ୍ଜୁଲ ତାନି ଅଣ୍ଡପୁ ବାଦଲି କିନାୟି

୧୨ ବାରେକିହା ଦାରତିତା ମା ତାକି ମାମ୍ବୁ ମାଣ୍ଡସିତି ରୁଦିତଲେ ତାକାଆନା ମାହାପୁରୁତି କାର୍ମୀଟି ତାନି ସୁରୁ ଅଡ଼େ ନାମୁତଲେ ତାକିମାଚମି ଇଞ୍ଜା ମା ଅଣ୍ଡପୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା □

୧୩ ଖାରଇ ମୀରୁ ଏନାଆଁ ପଡ଼ଞ୍ଜି ଆହାନା ତେଲ୍‌ହିଦେରି, ଏ ବାରେ ପିସ୍‌ପେ ମାମ୍ବୁ ମିଞ୍ଜେ ଅଡ଼େ ଏନାଆଁ ରାଡ଼ିମାଞ୍ଜଅମି,

୧୪ ଅଡ଼େ ମା ପ୍ରୁ ଜୀସୁ କ୍ରୀସ୍ତତି ଦିନାତା ମାମ୍ବୁ ମା ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମୀରୁ ନୀଏଁ ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜା ନା ଆସା □

୧୫ ଇ କାତା ନେହକି ପୁଞ୍ଜାମାନାକି ମୁଲ୍‌ଏ ମା ତାଣ୍ଡା ଖାହାଲି ତାକି ନାଞ୍ଜେ ଅଣ୍ଡପୁ ମାଚେ, ଆତିହ ମୀରୁ ରା ଦେବା ରାହାଁ ବେଟାଆଡ଼େରିମା

୧୬ \*ମା ତାଣ୍ଡାଟି ମାକିଦନିୟାତା ହାଜାନା ଅଡ଼େ ଖେଣ୍ଡେ ମାକିଦନିୟାଟି ମା ତାଣ୍ଡା ଖାହାନା ମା ସାଝେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁଟି ତଲିଏ ମା ତାଣ୍ଡା ହାଜାଲି ମନ କିହାମାଚେଏଁ □

୧୭ ଆତିହ ଇଲେତି ଅଣ୍ଡପୁ ଅଣ୍ଡପିନାୟି ନାନୁ ଏନାଆଁ ଆନାମାନା ଆହାନା କିହାମାଚେଏଁ ? ଇଞ୍ଜା ନାନୁ ଏନାଆଁ ତୀରିକିହା ଡ଼ୟିଇଁ, ଏଡ଼ି ଏନାଆଁ ଏଦାଆଁ ଦାରତିତି ଅଣ୍ଡପୁ ତଲେ କିହିମାଇଁ, ଇଞ୍ଜା ନା କାତା “ହାଅ କି

\* ୧:୮ ୧:୮ ୧କର ୧୫:୩୨ \* ୧:୧୭ ୧:୧୭ କାମା ୧୯:୨୧



ଆଏ” ଇ ରୀ କାତା ରଣ୍ଡିଏ ଦେବା ହପ୍ପଇଁ କି ?

୧୮ ମାହାପୁରୁ ଚିକାଣାତାସି, ଏଦାଆଁତାକି ନା କାତା ମିଙ୍ଗେତାକି “ହାଅ କି ଆଏ” ଇନି ରୀ କାତା ଆଏ □

୧୯ \*ଇଚିହଁ କ୍ରୀସୁ ଜୀସୁ ମାହାପୁରୁ ମୀରଏସି, ଆମ୍ବାଆସି ମା ତାଣାଟି ଇଚିହଁ ସିଲା, ତିମତି ଅଡ଼େ ନାନୁ ମୀ ତାଣା ଝେକହା ମାତମି, ଏଝାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇଚିହଁ ଏଝାଣି ତାଣା ହାଅ ଆହାମାନେ □

୨୦ ଏନାଆଁତାକି ଇଚିହଁ ମାହାପୁରୁତି ବାରେ ଆଞ୍ଜାମାନାୟି ଏଝାଣି ତାଣା “ହାଅ” ମାନେ; ଇଦାଆଁତାକି ଜୀସୁ କ୍ରୀସୁ ତାଣାଟି ମାହାପୁରୁଇଁ ଗାଝୁରମି କିହାଲି ମାର “ଆଡ଼େନି,” ଏଲେଆହଁ ଆପେ” ଇନାୟି □

୨୧ ତାନୁଏ ମାଙ୍ଗେ ଅଡ଼େ ମିଙ୍ଗେ କ୍ରୀସୁ ତାଣା ତୀରି କିହାମାଞ୍ଜାନେସି, ଇଞ୍ଜା ମାଙ୍ଗେ ବର ହାହାମାଞ୍ଜାନେସି, ଏଝାସି ମାହାପୁରୁ;

୨୨ ଏଝାସି ତାନି ରୁରୁ ମୁଦ୍ରା ମାଙ୍ଗେ ଝେଚା ମାଞ୍ଜାନେସି, ଇଞ୍ଜା ଏଝାସି ମା ହିୟା ବିତ୍ରା ସୁଦୁଜୀଝୁ ସିନାଲେହେଁ ହାହାମାଞ୍ଜାନେସି □

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀଝୁତି ମାନି କିହିମାଇଁ, ନାନୁ ମିଙ୍ଗେ କାର୍ମା ଆହାନା କରକ୍ତିତା ଝେଣ୍ଡେ ହାଜାହିଲଅଁ □

୨୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକଁ ଆଏ, ସାମା ମୀ ରାହାଁତାକି ମୀ ସାଢ଼େମି କିନାତମି ଆହାମାନମି, ଏଦାଆଁତାକି ନାମୁତା ତୀରିଆହାନା ମାଞ୍ଜୁ □

### ୨

୧ ନାନୁ ମୀ ତାଣା ହାନାୟି ମିଙ୍ଗେତାକି ଅଡ଼େ ଝେଣ୍ଡେ କସୁ ଆୟେଏ, ଇଦାଆଁ ମନତା ତୀରି କିତେଏଁ □

୨ ନାନୁ ମିଙ୍ଗେ ଦୁକୁ ହିୟାଇଁ, ଆତିହଁ ନାନୁ ଆମ୍ବାଆରାଇଁ ଦୁକୁ ହାଇଁ, ଏଝାଣି ପିସପେ ନାଙ୍ଗେ ଆମ୍ବାଆସି ରାହାଁ ହିୟାନେସି ?

୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ, ଏଝାରିତାଣା ନାନୁ ଝାହାନା ଏନିକଁ ଦୁକୁ ବେଟାଆଅଁ, ଏଦାଆଁତାକି ନାନୁ ଇ କାତା ରାଚାମାଚେଏଁ, ଏନାଆଁତାକି ଇଚିହଁ ନା ରାହାଁତା ମୀ ରାହାଁ ଆଡ଼େ, ଏଡ଼ି ମୀ ବାରେତାକି ନା ଅଣ୍ଡପୁ □

୪ ଇଚିହଁ ହାରେକା କସୁ ଅଡ଼େ ହିୟା କାତାତାକି ହାରେକା ଦୁକୁତଲେ କାଣ୍ଡୁ ଟୁକହିହଁ ମିଙ୍ଗେ ରାଚାମାଞ୍ଜାଚେଏଁ; ଏନିକଁ ମୀରୁ ଦୁକୁ ଆଦେରି, ଏଲେକଁ ଆଏ, ସାମା ମିଙ୍ଗେତାକି ନା ଜୀଝୁନନାୟି ହାରେକା ମାନେ, ଇ କାତା ମୀରୁ ଏନିକଁ ପୁଞ୍ଜେରି □

### ମାଣ୍ଡସିତି ଦହ ମ୍ଲେକନାୟି

୫ ସାମା ଆମ୍ବାଆସି ଦୁକୁ ହାହାମାନେସି, ଏଝାସି ନାଙ୍ଗେ ଦୁକୁ ହାହାମାଞ୍ଜଅସି, ସାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାତିକିହଁ ଝେହଅଁ □

୬ ମୀ ବିତ୍ରାଟି ହାରେକା ଲକୁ ତାଣାଟି ଏଝାସି ଏନି ତଣ୍ଡ ବେଟା ଆହାମାନେସି ଏଝାଣାକି ଏଚେକେଏ ସାରି □

୭ ଏଦାଣିତାକି ଏଲେତି ଲକୁ ଏଚେତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନାଏଁ ଏଝାଣାଇଁ ପାପୁ ମ୍ଲେକହାନା ବାସୁ ହାଦୁ □

୮ ଇଚିହଁ ଏଝାଣାଇଁ ଜୀଝୁ ନନାଣି ତହ୍ନୁ ଇଞ୍ଜା ବାତିମାଲିମାଞ୍ଜାଇଁ □

୯ ଇଚିହଁ ମୀରୁ ବାରେ କାତାଟି ମାନଝି ଆହିମାଞ୍ଜେରି, ଇଞ୍ଜା ମିଙ୍ଗେତାକି ଏମ୍ବାତି ପାରମାଣା ଏନିକଁ ନାନୁ ବେଟାଆଇଁ, ଇ ବାରେତାକି ରାଚାମାଚେଏଁ □

\* ୧:୧୯ ୧:୧୯ କାମା ୧୮:୫

୧୦ ଇଞ୍ଜା ମୀରୁ ଆମ୍ବାଆରି ଦହ ପିହଦେରି, ନାନୁ ଜିକେଏ ଏଞ୍ଜାଣି ଦହ ପିହଇଁ; ଇଚିହଁ ନାନୁ ଏନାଆଁ ଦହ ପିସାମାଇଁ, ଇଞ୍ଜା ଏମିନି ଦହ ପିସାମାଇଁ, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଇଁ ।

୧୧ ଏନିକଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇଚିହଁ ମାର ବାରେ ତାନି ଅଣ୍ପୁତି ପୁଞ୍ଜାମାନାୟି ।

ତ୍ରୟାତା ପାଞ୍ଜୁଲ ମନତା କସ୍ତ ପାଣ୍ଡନାୟି

୧୨ \*ଅଡ଼େ କ୍ରୀସ୍ତତି ନେହଁ କାରୁ ଝେକହାଲି ତାକି ନାନୁ ତ୍ରୟାତା ଖାତି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାତି ଜିକେଏ,

୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହଆଲିଏ ନା ଜୀଞ୍ଜୁ ହିଡ଼ତି ଆଆତାକି ଏଞ୍ଜାରି ତାଣ୍ଡାଟି ହେଲ ବେଟାଆହାନା ମାକିଦନିୟାତା ହାଚେଏଁ ।

କ୍ରୀସ୍ତ ତାଣ୍ଡାଟି ଜୀଣା ଆନାୟି

୧୪ ସାମା ମାହାପୁରୁଇଁ ଜହରା ଆପେ, ଏଞ୍ଜାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣ୍ଡା ଜୀଣାଆଡ଼ି ଲେହେଁ ହାଜାମାନେସି, ଇଞ୍ଜା ବାରେ ଚାୟୁତା ତାନି ବୁଦି ଲେହେଁତି ଗାନ୍ଦା ମା ତାଣ୍ଡାଟି ଝେକହିମାନେସି ।

୧୫ ଇଚିହଁ ଗେଲ୍ପି ଆହିମାନି ଲକୁତାଣା ଇଞ୍ଜା ନସା ଆହିମାନି ଲକୁତାଣା ମାର ମାହାପୁରୁ ନକିତା କ୍ରୀସ୍ତତି ହାରେକା ନେହଁ ଗାନ୍ଦା ଲେହେଁ ଆହାମାନାୟି ।

୧୬ ରକଞ୍ଜାକି ଲକୁତାକି ହାକି ହାନାୟି ଅଡ଼େ ରକଞ୍ଜାକି ଲକୁତାକି ଜୀଞ୍ଜୁହାନି ଲେହେଁତି ନେହଁ ଗାନ୍ଦା ଲେହେଁ । ସାମା ଇ ବାରେ କାମା କିହାଲି ଆମ୍ବାଆସି ଆଡ଼ିନେସି ?

୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାରୁ ଝେକହି ମାନେରି, ମାମ୍ବୁ ଏଞ୍ଜାରିଲେହେଁ କିହିଲଅମି,

ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣ୍ଡା ମାଞ୍ଜାନା କାତା ଜଲିମାନମି ।

### ୩

ପୁଞ୍ଜନି ମେରାତି ହଲିୟା

୧ ମାର କି ଜାହାରାଇଁ ବଡ଼ପଣ କିହାଲି ମାଟ୍‌ହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣ୍ଡା ଆଆତି ମୀ ତାଣ୍ଡାଟି ମା ତସ୍ପି ଆନାୟି ଲଡ଼ାମାନେ ?

୨ ମୀରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡ଼େ ପଡ଼ଞ୍ଜି ଆହାମାନି ମା ଆକୁ ଲେହେଁ;

୩ ଅଡ଼େ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହିଲେଏ, ସାମା ଜୀଞ୍ଜୁତି ମାହାପୁରୁତି ସୁଦୁଜୀଞ୍ଜୁ ତଲେ ରାସ୍‌କି ଆହାମାନେ, ଖାଲି ପାଟାତା ଆଏ, ସାମା ଡ଼ୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣ୍ଡାଟି, ମାହାପୁରୁ ନକିତା ବାସ୍‌ ଇଚାନା ମାଦି ଇଲେତି ଆଟ୍‌ଞ୍ଜା ନାମୁ ମାନେ ।

୫ ମାର ମା ତାଣ୍ଡାଟି ଏନାଆଁ କିହାଲି ଆଡ଼ାଆୟି, ଏଲେକଁ ଆଏ, ସାମା ମାହାପୁରୁ ତାଣ୍ଡାଟି ଆଡ଼ିନି ବାଡ଼ୟୁ ମାନେ;

୬ ଏଞ୍ଜାସି ମାଙ୍ଗେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହଁ ଜୀଞ୍ଜୁତି ଇଚିହଁ ପୁଞ୍ଜନି ମେରାତି ସେବା କାମା କିହାଲି ବାଡ଼ୟୁ ହୀହାମାଞ୍ଜାନେସି; ଇଚିହଁ ରାସ୍‌କି ଆହାମାନି ରାଜିମାନା ହାଞ୍ଜିକିନେ ସାମା ନେହଁ ଜୀଞ୍ଜୁ ନୀଡ଼ିକିନାୟି ।

୭ ଅଡ଼େ ତସ୍‌ତି ଖାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଞ୍ଜୁରମି ତଞ୍ଜାଆହାମାଚେ, ଇଚିହଁ ଇସ୍ତାୟେଲ ଲକୁ ମସା ମୁମ୍ବୁତି ନାସା

ଆନ୍ତି ଉଜେଡ଼ି ତାକି ଏଞ୍ଜାଣି ମୁମ୍ବୁ  
ମେସାଲି ଆଡ଼ାଆତେରି,

୮ ଆତିହୁଁ ନେହୁଁ ଜାଞ୍ଜୁତି ସେବା  
କାମା ଏତେକା ଗାଡ଼ି ଗାଞ୍ଜୁରମି ଆଏକି  
?

୯ ଡଣ୍ଡ ଆଞ୍ଜିକିନି ସେବା କାମା  
ଗାଞ୍ଜୁରମି ଗାଟାୟି, ଆଡ଼ି ଦାମ୍ବୁତି  
ସେବା କାମା ଏଦାଆଁ କିହାଁ ଆଗାଡ଼ା  
ଗାଞ୍ଜୁରମି ଗାଟାୟି ଆଡେନି □

୧୦ ଇତିହୁଁ ଆମିନି ଗାଟାୟି  
ଗାଞ୍ଜୁରମି ଗାଟାୟି ମାଟେ, ଏଦି ଏଦାନି  
କିହାଁ ଆଗାଡ଼ା ଗାଞ୍ଜୁରମି ଆନ୍ତି କିହାଁ  
ଗାଞ୍ଜୁରମି ହିଲାଆଗାଟାୟି ଆଡେନି □

୧୧ ଗାଡ଼େକା ତାକି ନାସା ଆନାୟି  
ଗାଞ୍ଜୁରମି ବେଟାଆହୁଁ, କାଲକାଲ  
ତାକି ମାନାୟି ଏତେକା ଆଗାଡ଼ା  
ଗାଞ୍ଜୁରମି ତଞ୍ଜାଆଡେନି □

୧୨ ଇତିହୁଁ ମାଙ୍ଗେ ଏଲେତି ବାମ୍ବୁ  
ମାନାକି ହାରେକା ସାସା ଆହାମାନମି □

୧୩ ଅଡେ ଇସାୟେଲ ଲକ୍ଷୁ  
ଏନିକିଁ ଗାଡ଼େକା ତାକି ନାସାଆନ୍ତି  
ଗାଞ୍ଜୁରମିତି ସିନିକିଅରି, ଏଦାଆଁତାକି  
ମସା ଏନିକିଁ ତାନି ମୁମ୍ବୁତି ହିମ୍ବୁରି  
ପୁକ୍ତହା କଡ଼ିମାଟେସି, ମାମ୍ବୁ ଏଲେକିଁ  
କିହୁହିଲଅମି □

୧୪ ସାମା ଏଞ୍ଜାରି ବୁଦିତି କାଶକା  
ପଜୁଞ୍ଜି ଆହାମାନୁ, ଇତିହୁଁ  
ନୀଞ୍ଜୁପାତେକା ପୁଞ୍ଜଇ ରାକ୍ତିମାନା ପତି  
ପଡ଼ୁଞ୍ଜି ଆନାଟି ଏ ହିମ୍ବୁରି ପିଡ଼ଗିନାୟି  
ନୀଏଁ ପାତେକା ଡୟାମାନେ, ଇଞ୍ଜାଁ କ୍ରୀସ୍ତ  
ତାଣାଟି ଏ ହିମ୍ବୁରି ଗୁଟା ଆହାମାନେ,  
ଏଦି ତଞ୍ଜା ଆହିହଲେଏ □

୧୫ ସାମା ନୀଏଁ ପାତେକା ମସାତି  
ମେରା ପଡ଼ୁଞ୍ଜି ଆନାଟି ଏଞ୍ଜାରି ହିୟାଁ  
ହିମ୍ବୁରି ପୁପକି ଆହାଁ ଡୟିନେ □

୧୬ “ସାମା ଆମ୍ବାଆସି ଆଡ଼ପସି ପ୍ରବୁ  
ଞ୍ଜାକି ଝେଶ୍ଟାଞ୍ଜାଡ଼ିହୁଁ ଏଞ୍ଜାଣି ପୁପକି  
ଆହାମାନି ହିମ୍ବୁରି ଗୁଟାଆଡେନି □”

୧୭ “ପ୍ରବୁ” ଏ ଜୀଞ୍ଜୁ, ଇଞ୍ଜାଁ ଏମ୍ବିୟା  
“ପ୍ରବୁତି ଜୀଞ୍ଜୁ” ମାନେ ଏମ୍ବାଆଁ ବାରେ  
ମେଲା ଆନାୟି ମାନେ □

୧୮ ସାମା ମାର ବାରେତାୟି ମୁମ୍ବୁ

ପୁକ୍ତଆନା ଦାପେଣିତା ମେହୁନି ଲେହେଁ  
ପ୍ରବୁତି ଗାଞ୍ଜୁରମି ମେସି ମେସିହୁଁ  
ଗାଞ୍ଜୁରମିତି ହାରେକା ଗାଞ୍ଜୁରମି ଆହାମାନ  
ତାନି ଏ ଞ୍ଜାଣା ତଲେ ବାଦଲି  
ଆହିମାନାୟି; ଇଞ୍ଜାଁ ପ୍ରବୁ ଆମ୍ବାଆସିକି  
ଜୀଞ୍ଜୁ ଏଞ୍ଜାଣି ତାଣାଟି ଇ ବାରେ  
ଆହିମାନେ □

୪

ଇରଥା ଡ:କା ବିଡ଼ା ନେହୁଁ  
ଜୀଞ୍ଜୁତି ଦନ

୧ ମାର ମାହାପୁରୁତି କାର୍ମା  
ବେଟାଆହାମାନା ଇ ସେବାକିନି ପାଣା  
ବେଟାଆହାମାନାକି ସାସା ହିଲାଆ  
ଲକ୍ଷୁଲେହେଁ ଆହାହିଲାଆୟି,

୨ ସାମା ମାମ୍ବୁ ଲାଜା ଗାଟି  
ତଞ୍ଜା ଆଆଗାଟି ଲାଗେଏତି କାମା  
ପିସାମାନମି; ଇଞ୍ଜାଁ ମାମ୍ବୁ ନାଡ଼ି  
କିଅମି ଅଡେ ମାହାପୁରୁ କାତାଡ଼ି ମିତି  
କାଲହାନା ଝେସିହିଲଅମି, ମାହାପୁରୁ  
କାନୁତା ନେହୁଁ କାରୁତି ସାତା  
କିହୁଁ ଝେକ୍ତହାନା ବାରେଜାଣାଟି  
ନେହୁଁ ଅଣ୍ଡପୁ ତାକି ନେହାଁତମି ତଞ୍ଜା  
ଆହିମାନମି □

୩ ଏନାଆଁତାକି ଇତିହୁଁ ମାର  
ଝେକ୍ତହାମାନି ନେହୁଁ କାରୁ ଡଗୁ  
ମାଟିହୁଁ, ଏଦି ଝାରଇ ଜାଙ୍ଗା  
ମାନାରାକି ଡଗୁମାନେ □

୪ ମାହାପୁରୁ ଞ୍ଜାଣା ଲେହେଁତି କ୍ରୀସ୍ତ  
ତାନି ଗାଞ୍ଜୁରମିଗାଟି ନେହୁଁ କାରୁତି  
ଉଜେଡ଼ି ଏନିକିଁ ଇଲେତି ଲକ୍ଷୁକି ତଞ୍ଜା  
ଆଏ, ଏଦାଆଁତାକି ନାମାଆଗାଟାରି  
ବୁଦି ଦାରତିତି ପଲ୍ଲଆ ପେନୁ କାଣାୟାଁ  
କିହାମାନେ □

୫ ମାମ୍ବୁ ମାଙ୍ଗେତାକି ଝେସାକଡ଼ିହିଲଅମି,  
ସାମା କ୍ରୀସ୍ତଇଁ ପ୍ରବୁ ଇଞ୍ଜାଁ ଅଡେ  
ଜୀସ୍ତ କ୍ରୀସ୍ତ ତାକି ଜାହାରାଇଁ ମୀ  
ହଲିୟାକାତମି ଇଞ୍ଜାଁ ଝେକ୍ତହି ମାନମି,

୬ ଏନାଆଁତାକି ଇତିହୁଁ ଆମିନି  
ମାହାପୁରୁ ଏଲେଇଞ୍ଜାମାଟେସି,  
“ଆନ୍ଦେରିତି ଉଜେଡ଼ି ତଞ୍ଜା ଆପେ,”  
ଏଞ୍ଜାସି କ୍ରୀସ୍ତତି ମୁମ୍ବୁତା ତଞ୍ଜା ଆହିମାନି

ମାହାପୁରୁତି ଗାଝୁରମିଗାତି ବୁଦିତି  
ଉଜେଡ଼ି ତସାଲି ତାକି ମା ହିୟାତି  
ଉଜେଡ଼ି କିହାମାନେସି □

୭ ସାମା ମାର ଝାରଇ ଇରୁଆ  
ତ:କାତା ଇ ଲାକପୁରୁତି ଦନ  
ବେଟାଆହାମାନାୟି □ ଇମ୍ପାଆଁ ପୁଣ୍ଡି  
ଆହିମାନେ ଇଲେତି ଲାକପୁରୁତି  
ବାଡ଼ୟୁ ମାଡ଼ି ଆଏ ସାମା ମାହାପୁରୁଝାୟି  
□

୮ ମାମ୍ବୁ ବାରେଲେହେତି ତୁକୁ କସ୍ତ  
ବେଟାଆହାମାନମି, ସାମା ମାମ୍ବୁ ପୁଣ୍ଡି  
ଆହି ହିଲଅମି □ ଏତେ ଏତେଲା  
ଆଡାଜାକା ଆଡ଼ି ଜିକେଏ ନୀରାସା  
ଆହାହିଲଅମି □

୯ ମାମ୍ବୁ ସାସ୍ତି ବେଟା ଆହିମାନମି  
ସାମା ମାହାପୁରୁ ମାଜେ ଏତେଲା  
ପିସାମାଞ୍ଜଅସି □ ଏତେ ଏତେକା  
ମାଡ଼ା ବେଟାଆହି ମାନମି ସାମା ନାସା  
ଆହାହିଲଅମି □

୧୦ ଜୀସୁତି ଜୀଝୁ ଏନିକି ମା ତାଣା  
ତଞ୍ଜାଆନେ, ଏଦାଆଁତାକି ମାର ବାରେ  
ବେଲା ମା ଆଜାତା ଜୀସୁତି ହାକି ଡେକା  
ମାନାୟି □

୧୧ ଇତିହି ଜୀସୁତି ଜୀଝୁ ଏନିକି  
ମା ହାନି ଆଜାତା ତଞ୍ଜାଆନେ,  
ଏଦାଆଁତାକି ମାର ନୀତାମାତି ଜିକେଏ  
ବାରେବେଲା ଜୀସୁତି କସମି ହାକିତା  
ହେରପି ଆହିମାନାୟି □

୧୨ ଇଲାଆହି ମା ତାଣା ହାକି,  
ଅଡେ ମୀ ତାଣା ଜୀଝୁ କାମା କିହିମାନେ  
□

୧୩ ରାସ୍ତି ଆହାମାନେ, “ନାନୁ  
ନାମିତାକି ଜଲିଡେଏଁ □” ମାର ଏ  
ନାମୁତି ଜୀଝୁ ବେଟାଆହାମାନାୟି,  
ଇଞ୍ଜା ମାର ନାମାମାନାୟି ଏଦାଆଁତାକି  
ଝେକହି ଜିକେଏ ମାନାୟି □

୧୪ ମାମ୍ବୁ ପୁଞ୍ଜାମାନମି, ମାହାପୁରୁ ପ୍ରବୁ  
ଜୀସୁଇଁ ହାକିଟି ଝେଣ୍ଡେ ନିକହାମାନେସି  
□ ଏ ମାହାପୁରୁ, ଜୀସୁତଲେ ମାଜେ  
ଜିକେଏ ନିକହାମାନେସି ଅଡେ ମୀ ତଲେ  
ମାଜେ ତାନି ତାଗେ ଅୟାନେସି □

୧୫ ମୀ ନେହେତାକି ଇ  
ବାରେ ଆହିମାନେ □ ମାହାପୁରୁତି

କାର୍ମାମେହନାୟି ଅଡେ ହାରେ ଗାତି  
ପାଡାଆହାନା ଲକୁଣି ତୀଗିତେ, ଅଡେ  
ହାରେକା ଲକୁ ରାହାଁ ଅଣ୍ଡୁ ତଲେ  
ମାହାପୁରୁଇଁ ଗାଝୁରମି କିନେରି □

ନାମୁତି ଜୀଝୁ

୧୬ ଏଦାଆଁତାକି ମାମ୍ବୁ ଝାହା ହିଲଅମି,  
ସାମା ମା ଦାରୁତିତି ଆଜା ମେଣ୍ଡାଜିତି  
ଜିକେଏ ମା ହିୟା ବିତ୍ରାତି ଜୀଝୁ ପୁଞ୍ଜାୟି  
ଆହିମାନେ □

୧୭ ଇତିହି ଇ ଗାଡେକାତି  
କସ୍ତ ହାରେକା ଗାତି ମାଜେ ତାକି  
କାଲାକାଲା ରାଆଗାଟି ଗାଝୁରମି  
ତାନେ;

୧୮ ମାର ତଞ୍ଜା ଆହିମାନାଣି  
ଗୁରି କିଆନା ତଞ୍ଜା ଆଆଗାଟାଣି  
ଗୁରି କିହିମାନାୟି; ଇତିହି ତଞ୍ଜା  
ଆହିମାନାୟି ଗାଡେକା ତାକି, ସାମା  
ତଞ୍ଜା ଆଆଗାଟାୟି କାଲାକାଲାତାୟି  
□

୫

୧ ମାର ପୁଞ୍ଜାମାନାୟି, ଆମିନି  
ଦାରୁତିତି ତୁମ୍ବୁ ଲେହେତି ଇଲୁତା  
ନୀଏଁ ମାର ବାସା କିହାମାନାୟି, ଏଦି  
ନସ୍ତ ଆଡ଼ିସାରେ ମାହାପୁରୁ ମାଜେ  
ଲାକପୁରୁ ର କାଲାକାଲାତି ଇଲୁ ମେଡ଼ି  
କିୟାନେସି □ ଏଦି ମାଣସି କେୟୁତି  
କେପିତାୟି ଆଏ, ମାହାପୁରୁ ତାନୁଏ  
ଏଦାନି ଗାଡ଼ିକିତାସି □

୨ ଇ ଦାରୁତିତି ଇଲୁତା ମାଞ୍ଜାନା ମାର  
ଲାକପୁରୁ ଇଲୁତି ହିମ୍ବରି ହୁତାଲି ମନ  
କିହାନା ଡାହି ମାନାୟି □

୩ ସାମା ଲାକପୁରୁତି ବାସା  
ଟାୟୁତା ହଡ଼ିସାରେ ମାର ଆଜା  
ହିଲାଆଗାଟାତାୟି ଆଆନା ନାଗ୍ଡା  
ତଞ୍ଜା ଆଆୟି □

୪ ଇତିହି ମାର ଇ ଦାରୁତିତି  
ତୁମ୍ବୁତା ବାସା ଆହାନା ବଜୁଗାଟି ହିୟା  
ତଲେ ଡାହି ମାନାୟି; ଇତିହି ମାର  
ଦାରୁତିତି ଆଜା ପିସାଲି ଅଣ୍ଡିମାନାୟି  
ଏଦି ଆଏ, ସାମା ଜୀଝୁ ଏନିକି  
ଦାରୁତିତି ନାସାକିନେ, ଇଦାଆଁତାକି ଇ

ହାନ୍ତି ଆଜ୍ଞାତି ମୁହେଁ ଲାକପୁରୁତି ହିମ୍ବିରି  
ହୁଚାଲି ମାର ନନ୍ କିହିମାନାୟି □

୫ ମାହାପୁରୁ ମାଙ୍ଗେ ଇ ବାଦଲଞ୍ଜି  
ଆନାଣି ତାକି ତିୟାରା କିହାଁ ମାଞ୍ଜାନେସି  
□ ଅଡେ ଇଦାଣି ତୀରପୁକିନାଣି  
ଲେହେଁ ତାନି ସୁଦୁଜୀଞ୍ଜୁ ଏଞ୍ଜାସି ମାଙ୍ଗେ  
ହୀହାମାଞ୍ଜାନେସି □

୬ ଏଦାଆଁତାକି ମାମ୍ମୁ ବାରେବେଲା  
ସାସା ଆସାମାନମି □ ମାମ୍ମୁ ପୁଞ୍ଜାମାନମି,  
ଏଚରଦିନା ପାତେକା ଇ ଆଜ୍ଞାତା ବାସା  
କିହାମାନମି, ଏଚରଦିନା ପାତେକା  
ପ୍ରବୁତି ଇଲୁଚି ହେକ ମାଞ୍ଜାନା ନୀତା  
ବାଡକିମାନମି,

୭ ଏନାଆଁତାକି ଇଚିହଁ ମାର  
ତଞ୍ଜାଆହିମାନି ଦିଶ୍ସୁ ଲାକ ଆଏ ସାମା  
ନାମ୍ମୁ ଲାକ ନୀତା ବାଡକି ମାନାୟି □

୮ ଏନାଆଁକି ଇଚିହଁ ମାମ୍ମୁ ସାସା  
ଗାଟାତମି, ଇଞ୍ଜା ଇ ଆଜ୍ଞା ପିସାନା ପ୍ରବୁ  
ତଲେ ବାସା କିହାଲି ମାମ୍ମୁ ହାଡେକା  
ରାହାଁ □

୯ ଏଦାଆଁତାକି ଇମ୍ମାଆଁ ଜାହାରା  
ଇଲୁତା ମାଚିହଁ କି ହେକ ରାଜ୍ଜି  
ମାଚିହଁ ଜିକେଏ, ମାହାପୁରୁଇଁ ରାହାଁ  
କିନାୟି ଏ ମା ରଣ୍ଡିଏ ଅଣ୍ଡପୁ □

୧୦ ଇଚିହଁ ନେହେଁ ଆପେ କି  
ଲାଗେଏ ଆପେ, ବାରେଜାଣା ଜାହାରା  
ଆଜ୍ଞା ତୁଲେ କିତି କାମ୍ପାତି ଲେକାତଲେ  
ପାଡ଼େୟି ବେଟାଆହାଲି ତାକି କ୍ରୀସ୍ତତି  
ନୀହାୟି କିନି ଚାମ୍ମୁ ନକିତା ବାରେତାୟି  
ମାଙ୍ଗେ ନିକା ହାଜାଲି ଆନେ □

କ୍ରୀସ୍ତ ତାଣାଟି ମାହାପୁରୁତି  
ତଟେସିଜ୍ଞା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି  
ମାମ୍ମୁ ମାଣ୍ଡସିୟାଁଇଁ ମାଡ଼ଞ୍ଜିକିହି ମାନମି,  
ସାମା ମାମ୍ମୁ ମାହାପୁରୁ ନକିତା ତଞ୍ଜା  
ଆହାମାନମି ଇଞ୍ଜା ମୀ ଅଣ୍ଡପୁତା  
ଜିକେଏ ତଞ୍ଜା ଆହାମାନମି, ଇ କାତା  
ନାନ୍ନୁ ଆସା କିହିମାଈଁ □

୧୨ ମାମ୍ମୁ ମୀ ତାଣା ଅଡେ ବତପଣ  
ତସାଲି କିହିହିଲଅମି, ସାମା ଲକୁତି  
ନେହଁ ଅଣ୍ଡପୁ ତାକି ବତପଣ  
ତହୁଆନା ଖାରଇ ଏଞ୍ଜାରି ଆଜ୍ଞାତି

ରାହାଁତାକି ବତପଣ ତହୁନାରାଈଁ  
ମୀରୁ ଖେଣ୍ଡେ ଖେସାଲି ଆଡ଼ିଦେରି,  
ଏଦାଆଁତାକି ମୀରୁ ମା ତାକି  
ବତପଣ ତସାଲି ଆଡ଼ିଦେରି ଇଞ୍ଜା  
ଖେସିମାଞ୍ଜାନମି □

୧୩ ମାମ୍ମୁ କି ବୁଦି ହିଲାଆ ଗାଟାତମି  
? ଏଦି ମାହାପୁରୁ ତାକି ଆହାମାନେ  
ମାମ୍ମୁ କି ବୁଦିଗାଟାତମି ଆହାମାନମି  
? ମା ନେହେଁ ମାଚିସାରେ, ମୀ ତାକି  
ଏଲେଆହଁ ମାନମି □

୧୪ ଇଚିହଁ କ୍ରୀସ୍ତତି ଜୀଞ୍ଜୁ  
ନନ୍ତି ତାଣାଟି ସାଲୁଞ୍ଜି ଆହିମାନାୟି,  
ଏଦାଆଁତାକି ମାର ଇ କାତା  
ଅଣ୍ଡପିମାନାୟି, ରଅସି ବାରେଜାଣା  
ତାକି ହାହାମାନାକି ବାରେଜାଣା ଏ  
ହାକିତା ଆଣ୍ଡାମାନେରି □

୧୫ ଏଞ୍ଜାସି ବାରେଜାଣା ତାକି  
ହାହାମାନାକି ଆମିନି ଗାଟାରି  
ନୀତାମାନେରି, ଏଞ୍ଜାରି ଅଡେ  
ଜାହାରାତାକି ନୀତାଆନା ଏଞ୍ଜାଣି ତାକି  
ନୀତିନେରି, ଏନାଆଁତାକି ଇଚିହଁ  
ଏଞ୍ଜାରି ତାକି ଏଞ୍ଜାସି ହାହାନା ଖେଣ୍ଡେ  
ନୀତାମାନେସି □

୧୬ ଇଦାଆଁତାକି ମାମ୍ମୁ ଆମ୍ମାଆରାଈଁ  
ମାଣ୍ଡସି ଅଣ୍ଡପୁ ତଲେ ବିଚାରା  
କିହିଲଅମି □ ଦିନା ମାଚେ ଏଚିବେଲା  
ମାମ୍ମୁ କ୍ରୀସ୍ତଇଁ ଜିକେଏ ମାଣ୍ଡସି ଅଣ୍ଡପୁ  
ତଲେ ଅଣ୍ଡପିମାଚମି, ସାମା ନୀର୍ବ ମାମ୍ମୁ  
ଅଡେ ଏଲେ କିହିହିଲଅମି □

୧୭ ଇଦାଆଁତାକି ଆମ୍ମାଆସି କ୍ରୀସ୍ତ  
ତାଣା ମାନେସି ଆତିହଁ ଏଞ୍ଜାସି ପୁଞ୍ଜନି  
ଗାଡ଼ି ଆହାମାନେସି □ ପୁଞ୍ଜଆୟି ବାରେ  
ମେଣ୍ଡଜ୍ଞାମାନେ, ମେହ୍ଦୁ ପୁଞ୍ଜନାୟି  
ବାରେ ଆହାମାନେ □

୧୮ ଇ ବାରେ ମାହାପୁରୁ ତାଣାଟି  
ଆହାମାନେ, ଏଞ୍ଜାସି କ୍ରୀସ୍ତ ତାଣାଟି  
ମାଙ୍ଗେ ତାନିତଲେ ଅଡେ ଆଟ୍‌ହା  
ମାଞ୍ଜାନେସି ଇଞ୍ଜା ତାନିତଲେ ସେବାକିନି  
ପାଣା ଆଟ୍‌ହାଲି ଏଞ୍ଜାସି ମାଙ୍ଗେ  
ଦାୟିପତି ହୀହାମାଞ୍ଜାନେସି □

୧୯ ଏ ଆଣ୍ଡିନି ବଲୁ ଇଦି, ମାହାପୁରୁ  
କ୍ରୀସ୍ତ ତାଣା ଦାର୍ତତି ତାନିତଲେ  
ଆଟ୍‌ହାମାଚେସି; ଏଞ୍ଜାସି ଦାର୍ତତି

ଲକ୍ଷ୍ମୀ ଦହ ଆହୁଆନା ଏ ଆଶ୍ୱିନି ବଲୁତି  
ମା ତାଣା ହେରପା ମାଞ୍ଜାନେସି □

୨୦ ଏଦାଆଁତାକି ମାହାପୁରୁ ମା  
ଝାକିଟି ହାଟିମାଞ୍ଜାନାକି ମାର କ୍ରୀସ୍ତତି  
ଝାକିଟି ରାଜାତି କାରୁ ଝେହନାତାୟି  
ଆହାମାନାୟି; କ୍ରୀସ୍ତ ତଲେ ମାର  
ବାଡ଼ିମାଲି ମାଞ୍ଜାନମି, ମାହାପୁରୁ ତଲେ  
ଅଡ଼େ ଆଶ୍ୱାଦୁ □

୨୧ ଇତିହଂ କ୍ରୀସ୍ତକି ଇଚାୟି ପାପୁ  
ହିଲାଆତି ଜିକେଏ, ମାହାପୁରୁ ତାଙ୍ଗେ  
ମା ତାକି ପାପୁ ଗାଟାଣିଲେହେଁ କିତେସି,  
ମାର ଏନିକଂ ତାନିତଲେ ଆଶ୍ୱାନା  
ମାହାପୁରୁତି ଦାର୍ମତା ଆଶ୍ୱାଲି ଆଡ଼ିନାୟି  
□



୧ ମାହାପୁରୁ ତଲେ ଆଶ୍ୱକ୍ତି ଆହାନା  
କାମା କିହିମାନାକି ମାମ୍ମୁ ମିଙ୍ଗେ  
ବାଡ଼ିମାଲି ମାଞ୍ଜାନମି, ମୀ ଜୀଝୁତା  
ମାହାପୁରୁତି କାର୍ମାମେହନାଣି ଉଜେଏ  
କିଆଦୁ □

୨ ମାହାପୁରୁ ଏଲେଇଞ୍ଜି ମାନେସି,  
“ମିଙ୍ଗେତାକି କାର୍ମା ମେସ୍ତାନି ଦିନା  
ଝାହାଲିଏ ନାନୁ ମୀ ଗହାରା  
ଝେଚେଏ,  
ଗେଲ୍ପିନି ଦିନା ନାନୁ ମୀ ସାୟେମି  
ଆୟାତେଏ”

ମେହଦୁ, ଇଦି ଆହିମାନେ ମାହାପୁରୁତି  
କାର୍ମାମେହନାଣି ବେଟାଆନ୍ତି ବେଲା □  
ନୀଞ୍ଜୁ ଆହିମାନେ ଗେଲ୍ପିଆନ୍ତି ଦିନା □

୩ ଏନିକଂ ମା ସେବା କାମା ନିନ୍ଦା  
ଆଏ, ଏଦାଆଁତାକି ମାମ୍ମୁ ଆମ୍ବାଆରି  
କାମାତା ବାଦା ହୀଆପ ଇଞ୍ଜି  
ଅଶ୍ୱପିମାନମି □

୪ ଏଦାଆଁତାକି ମାମ୍ମୁ ବାରେବେଲା  
ମାହାପୁରୁତି ସେବା କିନାରା ଲେହେଁ  
ତସାକତିମାନମି, ସାମା ଆଟ୍ଠା ତଲେ  
ବାରେଲେହେଁତି ବାଦାତା, ହିଲାଆ  
ବେଲାତା କସ୍ତ ଅରହିମାନମି,

୫ ମାମ୍ମୁ ମାତା ବେଟାଆହାନା,  
କାୟିଦିତା, ଲକ୍ଷ୍ମୀ ନକିତା ନିନ୍ଦା

ବେଟାଆହାନା, ଇଞ୍ଜି ଝାହୁ କାମାତା,  
ଇଦା କିଆନା, ରାନ୍ଦା ତିନାଆନା ମାତମି,  
୬ ସୁଦୁତି, ବୁଦିତି, ଅରହିନି ତାଣାଟି,  
କାର୍ମାମେହନି ତାଣାଟି, ସୁଦୁଜୀଝୁତା,  
କୁଚୁ ହିଲାଆନା ଜୀଝୁନନାୟି,

୭ ଅଡ଼େ ସାତା ନେହଂ ବଲୁତା,  
ମାହାପୁରୁତି ବାଡ଼ିମୁ ତଲେ, ଚିଝନି ଚେତ୍ତି  
କେୟୁତି ଦାର୍ମୁତି ସାଜୁ ତଲେ,

୮ ଗାଝୁରମି ଅଡ଼େ ଅପାଆ ତାଣା,  
ମାମ୍ମୁ ମାନି ବେଟାଆହି ମାନମି ଇଞ୍ଜି  
ଲାଜା ବେଟାଆହି ମାନମି; ଇଞ୍ଜି  
ନାଡ଼ିକିଞ୍ଜି ଆହିମାନମି, ଆଡ଼ିଜିକେଏ  
ସାତା ଗାଟାତମି □

୯ ପୁଶ୍ୱମି ଆଆତି ଲକ୍ଷ୍ମୀ ଲେହେଁ,  
ଆଡ଼ି ଜିକେଏ ନେହଂ ପୁଶ୍ୱମିଆଡ଼ି  
ଲକ୍ଷ୍ମୀ, ହାଡ଼ାରି ଲେହେଁ ଆଡ଼ି ଜିକେଏ  
ମେହଦୁ ମାମ୍ମୁ ନୀତାମାନମି, ମାମ୍ମୁ  
ଡ଼ଣ୍ଡ ବେଟାଆହାମାନମି ସାମା ହାହା  
ହିଲଅମି,

୧୦ ମାମ୍ମୁ ଦୁକୁତଲେ ମାତିହଂ  
ଜିକେଏ ବାରେବେଲା ରାହାଁ ତଲେ  
ମାନମି, ମାମ୍ମୁ କାକୁଲି ଗାଟାତମି  
ଲେହେଁ, ସାମା ହାରେକା ଲକ୍ଷ୍ମୀତାକି  
ବାଡ଼କା ମାନମି, ମାଙ୍ଗେ ଏନାୟି  
ହିଲାଆଲେହେଁ ସାମା ମାମ୍ମୁ ସାତାତଲେ  
ବାରେତି ଅଦିକାରା ଗାଟାତମି; ଇ  
ବାରେତାଣା ମାମ୍ମୁ ମାହାପୁରୁତି ସେବା  
କିନାତମି ଲେହେଁ ଜାହାରାଇଁ ଜଟେ  
ଗାଟାତମି ଇଞ୍ଜି ତସାକତି ମାନମି □

୧୧ କରକ୍ତିତା ମାନି ଜୀଝୁତି  
ତାୟିୟାଁ ଅଡ଼େ ତାଙ୍ଗିସ୍ତାତେରି, କୁଚୁ  
ହିଲାଆଲେହେଁ ମିଙ୍ଗେ ବାରେ ଝେସା  
ମାଞ୍ଜାନମି □ ମୀ ତାଣା ମା ହିୟା  
ଦେତାମାନମି □

୧୨ ମିଙ୍ଗେତାକି ମା ଜୀଝୁନନାୟି ଉଣା  
ଆହା ହିଲେଏ ସାମା ମା ତାକି ମୀ  
ଜୀଝୁନନାୟି ଉଣା ଆହାମାନେ □

୧୩ ମିଙ୍ଗେ ନା ମୀରକା ମାସକା  
ଇଞ୍ଜି ଅଶ୍ୱପାନା ଇ ବାରେ  
ଝେସିମାଞ୍ଜାଇଁ, ମାମ୍ମୁ ଜୀଝୁନହଂ  
ମାଞ୍ଜାନାକି ମୀ ହିୟା ଦେପି ଆପେ □

☆ ୨:୫ ୨:୫ କାମା ୧୭:୨୩

ଲାଗେଏ ତାଣ୍ଡାଟି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଲେ  
 ରଲେଏତାତେରି ଆଡ଼ି ଲେହେଁ କାମା  
 କିଆଦୁ, ଦାମ୍ବୁ କାମାତା ଲାଗେଏତି  
 କାମା ଏନିକି ଆଣ୍ଡିନେ ? ଅଡ଼େ  
 ଆନ୍ଦେରି ତଲେ ଉଜେଡ଼ି ଏନିକି  
 ଆଣ୍ଡିନେ ?

୧୫ କ୍ରୀସ୍ତ ଇଞ୍ଜା ବିଲିୟାର୍ ଏନିକି  
 ଜାଟୁ ଆନ୍ଦେରି ? ନାମିତାରି ଇଞ୍ଜା  
 ନାମାଆତାରି ଆମିନି କାତାତା ରଣ୍ଡିଏ  
 ଆନ୍ଦେରି ?

୧୬ \*ମାହାପୁରୁତି ଇଲୁତା, ଏନିକି  
 ପେଣକାତି ପୂଜା ଆନେ ? ସାମା ମାର  
 ନୀତାମାନି ମାହାପୁରୁତି ଇଲୁତାୟି,  
 ଇତିହି ମାହାପୁରୁ ତାନୁଏ ଏଲେଇଞ୍ଜା  
 ମାନେସି,

“ନା ଲକୁତଲେ ନାନୁ ବାସା କିଇଁ,  
 ଅଡ଼େ ଏଞ୍ଜାରିତଲେ ମାଇଁ,  
 ନାନୁ ଏଞ୍ଜାରି ମାହାପୁରୁ ଆଇଁ,  
 ଅଡ଼େ ଏଞ୍ଜାରି ନା ଲକୁ ଆନ୍ଦେରି  
 □”

୧୭ ଏଦାଆଁତାକି ପ୍ରବୁ ଏଲେଇଞ୍ଜା  
 ମାନେସି,

“ମୀରୁ ଏଞ୍ଜାରି ତାଣ୍ଡାଟି ହଟା ଖାଦୁ,  
 ଏଞ୍ଜାରି ତାଣ୍ଡାଟି ଏଟକା ଆଦୁ,  
 ଏନି ଲାଗେଏତି ଦିଶ୍‌ସୁ ତୀଗାଆଦୁ,  
 ଆତିହି ନାନୁ ମିଜେ ଆବାଇଁ,

୧୮ ନାନୁ ମୀ ଆବା ଆଇଁ,  
 ଅଡ଼େ ମୀରୁ ନା ମୀରକା  
 ମାସ୍କାତେରି ଆନ୍ଦେରି,  
 ବାରେକିହାଁ ବାଡ଼ୁଗାଟି ପ୍ରବୁ  
 ଇଦାଆଁ ଖେସିମାଞ୍ଜାନେସି □”

୭

୧ ଇତିହି, ଏ ତାୟିୟାଁ ଅଡ଼େ  
 ତାଜିସ୍ତାତେରି, ଇ ବାରେ ଆଞ୍ଜାମାଚାଣି  
 ନେଡ଼ା ଆହାମାନାକି ଖାଦୁ, ମାର ମା  
 ଆଜ୍ଞା ଅଡ଼େ ଜୀଞ୍ଜୁତି ଲାଗେଏ ତାଣ୍ଡାଟି  
 ଆଟହା କଡିନ, ଇଞ୍ଜା ମାହାପୁରୁଇଁ  
 ଆଜାନା ସୁବୁ ମାଣ୍ଡକିତା ନେହିଁ ଆନ  
 □

ପାଞ୍ଜୁଲତି ରାହାଁ

୨ ମୀ ହିୟାଁତା ମାଜେ ଟାୟୁ  
 ହିୟାଦୁ, ମାମ୍ବୁ ଆମ୍ବାଆରାଇଁ ଲାଗେଏ  
 କିହାହିଲଅମି, ଆମ୍ବାଆରାଇଁ ନାସା  
 କିହାହିଲଅମି କି ଆମ୍ବାଆରାଇଁ ବୁଡ଼ି  
 କିହାହିଲଅମି □

୩ ନାନୁ ମିଜେ ଦହ ଦସାଲି ଇଦାଆଁ  
 ଖେସିମାଞ୍ଜାଆଁ; ଇତିହି ନାନୁ ତଲିଏ  
 ଖେସାମାଞ୍ଜାଇଁ, ମୀରୁ ମା ହିୟାଁତା  
 ଏଚେକା ଟାୟୁ ବେଟାଆହାମାନାକି  
 ମାର ହାଡ଼ିହି ରଣ୍ଡିଏ ତାଣ୍ଡା ହାନ,  
 ନୀଡ଼ିତିହି ରଣ୍ଡିଏ ତାଣ୍ଡା ନୀଡିନ □

୪ ମୀ ତାଣ୍ଡା ନାଜେ ହାରେକା ନାମୁ  
 ମାନେ, ମିଜେତାକି ନାଜେ ହାରେକା  
 ବଡ଼ପଣ ହଡ଼ି ମାଞ୍ଜାନେ; ନାନୁ ଦୁକୁ  
 ତୁକହା ମାଇଁ, ମା ବାରେ କସ୍ତା ନାନୁ  
 ସାସା ଆହାମାଇଁ, ଅଡ଼େ ନା ହିୟାଁତା  
 ରାହାଁ ହଡ଼ିମାଞ୍ଜାନେ □

୫ \*ମାକିଦନିୟାତା ଏଜାଲିଏ ଜିକେଏ  
 ପାଜ୍ଞାତା ଗଡ଼ହା ବିତ୍ରା ଆଜି, ଇଲେତି  
 କସ୍ତ ବେଟାଆହାଲିଏ ମା ଆଜ୍ଞା ଜିକେଏ  
 ଜମାଲି ପ୍ଲୁଃଆତେ □

୬ ସାମା ହେଲା ଗାଟାରାଇଁ ସାସା ହାନି  
 ତିତସଇଁ ମାହାପୁରୁ ପାଣ୍ଡାନା ମାଜେ  
 ସାସା ହିୟାତେସି □

୭ ଖାଟକ ତାନି ଖାଟାକି ରାହାଁ ଆଏ,  
 ସାମା ଏଞ୍ଜାସି ମୀ ତାଣ୍ଡା ହାଜାନା ଏମିନି  
 ସାସା ବେଟାଆହାମାନେସି □ ଏମ୍ବାଟି  
 ମାଜେ ସାସା ହିୟାତେସି, ଏଚେକା  
 ନାଜେ ମେସାଲି ମୀରୁ ଅଣ୍ଡିମାଞ୍ଜେରି,  
 ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ  
 ନା ତାଣ୍ଡା ବାସ୍ତୁ ଇଟାଲି ଏଚେକା ତିୟାରା  
 ଆହାମାଞ୍ଜେରି, ଏଦାଆଁତାକି ନାନୁ ନୀଏଁ  
 ହାରେକା ରାହାଁ ଆହିମାଇଁ □

୮ ନାନୁ ନା ତଲିତି ଆକୁତା ମିଜେ  
 ଦୁକୁ ହାହାମାଞ୍ଜାତିହି ଜିକେଏ  
 ଏଦାଆଁତାକି ଦୁକୁ ଆଏ; ଏ ଆକୁ  
 ଗାଡ଼େକା ତାକି ମିଜେ ଦୁକୁ ହାହା  
 ମାଞ୍ଜାନାଣି ମେସାନା ନାନୁ ଦୁକୁ  
 ଆଡ଼ିଜିକେଏ

୯ ନୀର୍ଘ୍ନ ରାହାଁ ଆହିମାଜ୍, ମୀରୁ ନୀର୍ଘ୍ନ ଦୁକୁ ଆଡେରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ଖେଟ୍ପି କିତାକି ରାହାଁ ଆହାମାଜ୍; ଇଚିହ୍ ମା ତାଣାଟି ମାଦି ଏନାୟିଝା ବୁଡ଼ି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି □

୧୦ ମାହାପୁରୁ ତାଣାଟି ଖାନ୍ତି ଦୁକୁ ଗେଲ୍‌ପାଲିତାକି ମନ ଖେଟ୍ପି କିଞ୍ଜିକିନେ, ଏଦାଆଁତାକି ଅଣ୍ଠପିନାୟି ଲଡ଼ା ହିଲେଏ; ସାମା ଇ ଦାର୍ତତି ଦୁକୁ ହାଞ୍ଜିକିନେ □

୧୧ ମେହଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡେରି, ଏଦି ମୀ ତାଣା ଏରେକା ରାହାଁଗାଟାୟି, ହାଅ, ମୀ ଦହ ହିଲଆଗାଟାଣି ତସାମାନେ, ହାଅ ଏରେକା ଅଣ୍ଠପୁ, ଏରେକା ଆଜି, ଏରେକା ମନ, ଏରେକା ସେବା, ଲାଗେଏତାଣି ତଣ୍ଡ ହାହାଲି ଏରେକା ଅଣ୍ଠପୁ, ଏ ବାରେ ତାଣାଟି ମୀରୁ ଅଟ୍‌ହାତେରି ଇଞ୍ଜି ତଞ୍ଜା ଆହିମାଞ୍ଜେରି □

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଚିତେଏ, ଆଡିହ୍ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅରହା ମାନେସି, ଏଞ୍ଜାଣାକି ରାଚିତେଏ, ଏଦି ଆଏ, ସାମା ମାଙ୍ଗେ ତାକି ମୀ ରାହାଁ ଏନିକ୍ ମାହାପୁରୁ ନକିତା ମୀ ତାଣା ସାତେଏ ଇଞ୍ଜି ତଞ୍ଜାଆନ୍ଦେ, ଏଦାଆଁତାକି ରାଚିତେଏ □ ଇଚିହ୍, ମାମ୍ବୁସାସା ବେଟାଆହାମାନମି □

୧୩ ଅଡେ ମା ବାସୁତା ମାମ୍ବୁତିତସ ରାହାଁତାକି ହାଡେରକା ରାହାଁ ଆଡମି, ଇଚିହ୍ ଏଞ୍ଜାଣି ଜୀଝୁ ମୀ ବାରେ ଜାଣା ତାଣାଟି ରାହାଁ କିହାମାଞ୍ଜେରି □

୧୪ ଆଡିହ୍ ଏନି କାତା ତିତସ ତାଣା ମୀ ତାକି ନାନୁ ବଡପଣ କିହାମାଜ୍, ଆତ ଲାଜା ଆହାହିଲଅଁ, ସାମା ଏନିକ୍ ମୀର ବାରେ କାତାତା ମିଙ୍ଗେ ସାତା ଖେସାମାଞ୍ଜାତମି, ଏଲେକିହ୍ ତିତସ ନକିତା ମା ବଡପଣ ଆନାୟି ଜିକେଏ ସାତା ଇଞ୍ଜି

ପୁଣ୍ଡିଆହାମାନେ □

୧୫ ଇଞ୍ଜା ମୀରୁ ଏନିକ୍ ଆଜି ଅଡେ ତୀରଚିହ୍ ଏଞ୍ଜାଣାଜ୍ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନଞ୍ଜି ଆଡେରି, ଏ ବାରେ ଅଣ୍ଠପାନା ମିଙ୍ଗେତାକି ତାନି ହିୟାତା ଜୀଝୁନନାୟି ହାଡେରକା ପାତା ଆଡେ □

୧୬ ନାନୁ ବାରେ ତାଣାଟି ମିଙ୍ଗେ ହାଡେରକା ନାମାଲି ଆଡାଜ୍ ଏଦାଆଁତାକି ନାଙ୍ଗେ ହାଡେରକା ରାହାଁ ହଚିମାଞ୍ଜାନେ □

୮

କ୍ରୀସ୍ତାନା ଲକୁ ଦାନା ହୀନାୟି

୧ ଏ ମା ତାୟିୟା ଅଡେ ତାଜିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ଖେସିମାଞ୍ଜାନମି;

୨ ଏଞ୍ଜାରି ବେଟାଆହାମାନି ହାଡେରକା କସ୍ତତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାଡେରକା ହାକି କାକୁଲି ଗାଟାରି ଇଚିହ୍ ଜିକେଏ; ଜାହାରା ଅଣ୍ଠପୁ ତଲେ ତାନି ଦାନା ହୀନି ତାଣା ଏଞ୍ଜାରି ରାହାଁ ହାଡେରକା ମାତେ □

୩ ଏଦାଆଁତାକି ଇଚିହ୍ ନାନୁ ସାକି ହାହିମାଜ୍, ଏଞ୍ଜାରି ଆଡିନି ପାତେକା, ସାମା ଏଞ୍ଜାରି ଆଡିନି ବାଡ଼ୁୟି କିହାଁ ଜିକେଏ ହାଡେରକା ଗାଡି ଦାନା ହାହାମାନେରି □

୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ଠପୁ ତଲେ ବାଡିମାଲିହ୍ ମାଙ୍ଗେ ହେଲ ରୀସ୍ତାତେରି;

୫ ଏଞ୍ଜାରି ଖାର୍‌ଇ ମା ଆସା କିହାମାନିଲେହେଁ କିହାହିଲଆତେରି, ସାମା ମାହାପୁରୁ ମନତଲେ ସାଲଞ୍ଜି ଆହାନା ତଲିଏ ଜାହା ଜାହାରାଜ୍ ପ୍ରବୁ ତାଣା ଇଞ୍ଜା ମା ତାଣା ହେର୍‌ପାତେରି □

୬ ତିତସ ମୀ ତାଣା ଏ କାର୍ମାମେହନି କାମା ଏନିକ୍ ମାଟ୍‌ହା ମାତେସି,



ଏଲେକିହୁଁଏ ଏଦାଆଁ ରାପୁହାଲି  
ଏଞ୍ଜାଣାକ୍ ସାସା ହୀତମି □

୭ ମୀରୁ ବାରେ ତାଣାଟି  
ନକିତା ଆହାମାଞ୍ଜେରି, ଇଚିହୁଁ  
ନାମୁ, କହୁଗାଟାରି, ବୁଦି ଇଞ୍ଜା  
ବାରେଲେହେତି ରାହାଁ, ମିଙ୍ଗେତାକି  
ମା ଜୀଞ୍ଜନନାୟି, ଏଲେକିହୁଁ ବାରେ  
କାତା ଏନିକିଁ ମୀ ତାଣା ହାରେକା  
ତଞ୍ଜା ଆହିମାନେ, ଏଲେକିହୁଁଏ ଇ  
କାର୍ମାମେହୁନି କାମା ଜିକେଏ ମୀ ତାଣା  
ହାରେକା ତଞ୍ଜାଆଡ଼େ □

୮ ନାନୁ ହୁକୁମି ହାନି ଲେହେଁ  
ଝେସିମାଞ୍ଜାଅଁ, ସାମା ଅର ଲକୁତି ରାହାଁ  
ଆହାଲି ତସାନା ମୀ ଜୀଞ୍ଜନନାୟି  
ସାତା କି ଆଏ ତାୟିପାରି କିହାଲି  
ଝେସିମାଞ୍ଜାକ୍ □

୯ ଇଚିହୁଁ ମା ପ୍ରବୁ ଜୀସୁ କ୍ରୀସ୍ତତି  
କାର୍ମାମେହୁନାଣି ମୀରୁ ପୁଞ୍ଜାମାଞ୍ଜେରି,  
ମୀରୁ ଏନିକିଁ ଏଞ୍ଜାଣି ହିଲାଆଗାଟି  
ତାଣାଟି ଦନ ଗାଟାତେରି ଆଡ଼େରି,  
ଏଦାଆଁତାକି ଏଞ୍ଜାସି ଦନଗାଟାସି  
ଆଡ଼ିଜିକେଏ ମୀ ତାକି ହିଲାଆଗାଟାସି  
ଆଡ଼େସି □

୧୦ ଏଦାଆଁତାକି ନା ଅଣ୍ପୁ ଇଦି,  
ଏ ବାରେ ମିଙ୍ଗେତାକି ନେହେଁ,  
ଏନିକିହୁଁ ଡାଣ୍ଡୁସିଏ ମୀରୁ ମୂଲୁଏ  
କାମା ମାଟୁହେରି, ଏଦି ଆଏ, ସାମା  
ଏ କାମା କିୟାଲି ନକେଏ ଜିକେଏ  
ଅଣ୍ପାମାରେରି □

୧୧ ନୀଏ ଏ କାମା ଜିକେଏ ରାପୁଦୁ,  
ମୀରୁ ଏ କାମା କିହାଲି ଏନିକିଁ  
ଅଣ୍ପାମାରେରି, ଏଲେକିହୁଁ ରାହାଁତି  
ଅଣ୍ପୁ ତଲେ ଏ କାମା ରାନେ □

୧୨ ଇଚିହୁଁ ହୀହାଲିତାକି ରାହାଁ  
ମାଟିହୁଁ ମାଣସି ତାନି ଆଡ଼ିନିଲେହେଁ  
ଏନାଆଁ ହୀନେସି, ମାହାପୁରୁ ନକିତା  
ନେହାୟି ଆନେ □

୧୩ ଇଚିହୁଁ ଏଟକାତାରି ଏନିକିଁ  
ସୁକୁ ବେଟାଆନେରି, ଇଞ୍ଜା ମୀରୁ କସ୍ତ  
ବେଟାଆଦୁ, ଏଦାଆଁତାକି ନାନୁ ଇଦାଆଁ  
ଝେସିମାଞ୍ଜାଅଁ;

୧୪ ସାମା ସମାନା ଆହାଲିତାକି ନୀଏ  
ମୀ ବାଡକୁ ତଲେ ଏଞ୍ଜାରି ଲଡ଼ା ମାନାଣି  
କିଞ୍ଜି ଆହିମାନେ, ଏନିକିହୁଁ ଏଞ୍ଜାରି  
ବାଡକୁ ତଲେ ମୀ ହିଲାଆଗାଟାଣି ପୁରା  
କିଞ୍ଜିଆନେ, ଇଞ୍ଜା ଇଲେଆହୁଁ ସମାନା  
ତଞ୍ଜାଆନେ,

୧୫ ଦାର୍ମପତିତା ଏନିକିହୁଁ ରାସ୍ତକି  
ଆହାମାନେ, “ଆମ୍ବାଆସି ହାରେକା କୃତି  
କିତେସି, ଏଞ୍ଜାଣିଞ୍ଜାୟି ହାରାଆତେ,  
ଇଞ୍ଜା ଆମ୍ବାଆସି ଉଣା କୃତି କିତେସି,  
ଏଞ୍ଜାଣାକି ଉଣା ଆଆତେ □”

ତିତସ ଅଡ଼େ ତାନି ଆଟୁହିତାରି

୧୬ ମାହାପୁରୁକି ଜହରା ଆପେ,  
ଏଞ୍ଜାସି ମିଙ୍ଗେତାକି ତିତସ ହିୟାତା  
ରାହାଁ କିହାଲି ସମାନା ଅଣ୍ପିନି ମନ  
ହୀତେସି □

୧୭ ଇଚିହୁଁ ଏଞ୍ଜାସି ଖାରଇ ମା  
ବାତିମାଲିତାଣି ଅପିତେସି, ଏଦି ଆଏ,  
ସାମା ଏଞ୍ଜାସି ତାନୁଏ ହାରେକା ରାହାଁ  
ଆହାଁ ମୀ ତାଣା ଖାହାଲି ଏଞ୍ଜାସି ମନ  
କିହିମାନେସି □

୧୮ ଏଞ୍ଜାଣିତଲେ ମାମୁ ଅର ତାୟିକ୍  
ପାଣ୍ଡିମାଞ୍ଜାନମି; ଏଞ୍ଜାସି ନେହୁଁ  
କାରୁ ଝେକ୍ନି କାମାତାକି ତାନି  
ଗାଞ୍ଜୁରମି ବାରେ କ୍ରୀସ୍ତାନା କୁଲମିତା  
ଝେଙ୍ଗାମାନେ,

୧୯ ଖାରଇ ଏଦି ଆଏ, ସାମା ଏଞ୍ଜାସି  
ଜିକେଏ ମା ସେବା ତଲେ ଆହିମାନି  
ଇ କାର୍ମାମେହୁନି କାମା ତଲେ ପ୍ରବୁତି  
ଗାଞ୍ଜୁରମି ଇଞ୍ଜା ରାହାଁ ଅଣ୍ପୁ ତାକି ମା  
ତଲେ ତାକିନାସି ଆହାଲିତାକି କୁଲମିକା  
ତଲେ ଆଡ଼ି ଆହାମାନେସି □

୨୦ ମା ତଲେ କିହିମାନି ଇ ସେବା  
କାମା ଲେହେଁ ହାରେକା ଦାନାତି  
କାତାତା ଆମ୍ବାଆସି ଏନିକିହୁଁ ମାଙ୍ଗେ  
ଦହ ଦସ୍ତାଆପେସି, ଏଦାଆଁତାକି  
ଜାଗ୍ରାତା ଆହିମାନମି;

୨୧ ଇଚିହୁଁ ଖାରଇ ପ୍ରବୁ କାନୁତାକି  
ଆଏ, ସାମା ଲକୁ କାନୁତାକି ଜିକେଏ  
ଏନାୟି ନେହାୟି, ଏଦାଆଁ ବାରେ  
କିହାଲି ଅଣ୍ପିମାନମି □

୨୨ ଅଡ଼େ, ମାମ୍ବୁ ମା ଅର ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜିଁ ନେହଁକଁ ପୁଞ୍ଜାମାନମି, ଇଞ୍ଜାଁ ମୀ ତାଣା ଆଟ୍ଠା ନାମୁ କିହାଁ ମାନାକି ଏଞ୍ଜାସି ନୀଏଁ ହାରେକା ରାହାଁ ଆହାମାନେସି □

୨୩ ତିତସ କାତା ଆମ୍ବାଆସି ଝେଞ୍ଜାତିହଁ, ଏଞ୍ଜାସି ନା ଆଟ୍ଠାହିତାସି ଇଞ୍ଜାଁ ମୀ ତାକି ନା ତଲେ କାମାକିନାସି; ଇଞ୍ଜାଁ ମା ତାୟିୟାଁ କାତା ଝେଞ୍ଜାତିହଁ, ଏଞ୍ଜାରି କୁଲମିକା ତାଣାଟି ପାଣ୍ଡୁଞ୍ଜି ଆହାମାନାରି, ଅଡ଼େ କ୍ରୀସ୍ତତି ଗାଞ୍ଜୁରମି ଝେଞ୍ଜା କିହି ମାନାରି □

୨୪ ଇତିହଁ ମୀ ଜୀଞ୍ଜୁନନାୟି ଇଞ୍ଜାଁ ମୀ କାତାତା ମା ବତପଣତି ପାରମାଣା କୁଲମିକା ନକିତା ଏଞ୍ଜାରାକି ତହୁଦୁ □

୯

ହାକିଗାଟି କ୍ରୀସ୍ତାନା ଲକୁଣି ସାୟେମି

୧ ଜୀହୁଦାତା ମାନି ମାହାପୁରୁ ଲକୁଇଁ ସାୟେମି କିନି କାତା ଅଡ଼େ ମିଙ୍ଗେ ରାଚାଲି ଲଡ଼ା ଆଏ;

୨ ନାମୁ ପୁଞ୍ଜାମାଇଁ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜାଁ ମାକିଦନିୟାତି ଲକୁ ତାଣା ମୀ ତାକି ନାମୁ ବତପଣ ଆହୁମାଇଁ □ ନାମୁ ଝେସାମାଚେଏଁ, “ଆକାୟାତି ତାୟିୟାଁ ସାୟେମି କିହାଲି ହାଟି ବାର୍ଯାଟିଏ ତିୟାରା ଆହାମାନେରି □” ମୀରୁ ଏଲେକଁ ସାୟେମି କିନାୟି ଏଞ୍ଜାରି ବିତ୍ରାଟି ହାରେକା ଲକୁଣି ଜାଗ୍ରାତା କିହାମାନେ □

୩ ଆଡ଼ିଜିକେଏ ନାମୁ ତାୟିୟାଁଇଁ ପାଣ୍ଡିମାଞ୍ଜାଇଁ, ମୀ ତାକି ବତପଣ ତହୁନାୟି ଏନିକଁ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆମୁ,

୪ ଏଚେତା ଆପେ ନା ତଲେ ଆମିନି ଲକୁ ପାଚେ ମାକିଦନିୟାଟି ଝାହାଁ ମୀ ଦାନା କୁଡ଼ି କିହା ହିଲାଆ ଗାଟାଣି

ମେସ୍ତ୍ରହଁ ମୀରୁ ପାଣ୍ଡିନି ଲାଜା ପିସାନା ମାମ୍ବୁ ଇ ଆଟ୍ଠା ନାମୁତି କାତାତାକି ଲାଜା ବେଟାଆନମି

୫ ମୀରୁ ତଲିଏ ଆଞ୍ଜାମାଟି ଦାନା ଏନିକଁ ଗୁରୁମୁରୁ ଆହଁ ହୀନାୟି ଆଆନା ଜାହାରା ଅଣପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୁଡ଼ିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାମୁ ଏ ତାୟିୟାଁଣି ବାତିମାଲାଇଁ ଅଣପାମାଚେଏଁ □

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାଡ଼ି ବିଚା ମାଟିନେସି, ଏଞ୍ଜାସି ଗାଡ଼ି ତାସା ବେଟାଆନେସି □

୭ ବାରେଜାଣା ଜାହାରା ହିୟାଁ ଏନିକଁ ଅଣପା ମାନେ, ଏଲେକଁ କିପେରି, ମୁସ୍ତି କି ବାଲାମାତମି ତଲେ ଆଏ; ଏଦାଆଁତାକି ଇତିହଁ ମାହାପୁରୁ ଜାହାରା ଅଣପୁ ତଲେ ଦାନାହୀନି ଲକୁଣି ଜୀଞ୍ଜୁ ନନେସି □

୮ ଅଡ଼େ, ବାରେ ଦିଶ୍ଟୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକଁ ବାରେ ନେହଁ କାମାତାକି ହାରେକା ଇଞ୍ଜାଁ ହାରେକା ଦାନା କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁଟି କାର୍ମା ହାରେପୁରେ ହାହାଲି ଆଡ଼ାନେସି □

୯ ଦାମ୍ବୁପତିତା ରାସ୍ତି ଆହାମାନେ, “ଏଞ୍ଜାସି କେୟୁ ଦେଚାନା ଦାନା ହାହାମାନେସି, ଏଞ୍ଜାସି ହିଲାଆ ଗାଟାଣିକି ହାରେପୁରେ ହାହାମାନେସି; ଏଞ୍ଜାଣି ଦାମ୍ବୁ ଏଚେଲାଞ୍ଜା ରାଏ □”

୧୦ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାନ୍ଦା ହୀନେସି, ଏଞ୍ଜାସି ମାଟାଲିତାକି ମିଙ୍ଗେ ବିଚା ହିୟାନେସି ଇଞ୍ଜାଁ ଏଦାଆଁ ପାଡ଼ିକିନେସି, ଅଡ଼େ ମୀ ଦାମ୍ବୁତି ପାଡ଼େୟି ଗାଡ଼ି କିନେସି □

୧୧ ଏଲେକଁ ମୀରୁ ବାରେ ଦିଶ୍ଟୁତା ବାଡ଼କାନା ଜାହାରା ଅଣପୁ ତଲେ ଦାନା

କିହାଲି ଆଡ଼ିଦେରି, ଇଞ୍ଜା ଏଦି ମା  
ତାଣାଟି ମାହାପୁରୁଇଁ ଜହରା କିନାୟି  
ଆନେ □

୧୭ ଇଚିହଁ ଇ ଦାନା ହାନି ସେବା  
କାମା ମାହାପୁରୁ ଲକୁତି ଲତାମାନାଣି  
ପୁରା କିହିମାନେ, ଏଦି ଆଏ, ସାମା  
ଏଦାଆଁ ତଲେ ଜିକେଏ ମାହାପୁରୁତି  
କାମାତା ହାରେକା ଲକୁ ରାହାଁତଲେ  
ଜହରା କିହିମାନେରି □

୧୩ ଇଚିହଁ ଇ ସେବା କାମାତି  
ପାରମାଣା ତାକି ଲକୁ ମିଙ୍ଗେ  
ଆବିମାଞ୍ଜାନି କ୍ରାସ୍ତତି ନେହଁ କାରୁତି  
ନାମ୍, ଇଞ୍ଜା ମାହାପୁରୁତି ଲକୁ ଅଡ଼େ  
ବାରେତାକି ମୀ ଆଣ୍ଡିନାୟି ତୀରପୁ ତାକି  
ମାହାପୁରୁତି ଗାଞ୍ଜରମି କିହିମାନେରି □

୧୪ ମିଙ୍ଗେ ମାହାପୁରୁତି ହାରେପୁରେ  
କାର୍ମାମେହନାଣି ତାକି ଏଞ୍ଜାରି ଜିକେଏ  
ହାରେକା ରାହାଁତଲେ ପ୍ରାତାନାତା ମିଙ୍ଗେ  
ଅଣ୍ଡିମାଞ୍ଜାନେରି □

୧୫ ମାହାପୁରୁତି ହାରେପୁରେ ଦାନା ତାକି  
ତାଙ୍ଗେ ଜହରା ଆପେ □

## ୧୦

ପାଞ୍ଜୁଲ ତାନି ସେବା କାମାତାକି  
ଝେଣ୍ଡେଝେହନାୟି

୧ ନାନୁ ପାଞ୍ଜୁଲତେଏଁ ମୀ ନକିତା  
ସାପି ଆହା ମାନାତେଏଁ ସାମା ହେକ  
ମାନାଟି ବାଡ଼ୁୟୁ ତହନାତେଏଁ, ନାନୁଏ  
କ୍ରାସ୍ତତି ସୁଦୁଗାଟି ଅଣ୍ଡପୁ ତଲେ ମିଙ୍ଗେ  
ବାତିମାଲିହଁ ରାସିମାଞ୍ଜାଇଁ,

୨ ହାଅ ନାନୁ ପ୍ରାତାନା କିହିମାଇଁ, ମାର  
ମାଣ୍ଡସିତି ଅଣ୍ଡପୁ ତଲେ ତାକିମାନାୟି  
ଇଞ୍ଜା ଅଣ୍ଡପିମାନାରି କପାଟି ବାଡ଼ୁୟୁ  
ତସାଲି ଅଣ୍ଡପାମାଇଁ, ଇଞ୍ଜା ନାନୁ  
ଝାଡ଼ିସାରେ ଏଲେତି ବାଡ଼ୁୟୁ ତସାଲି  
ଆଏ;

୩ ମାର ଇ ଦାରତିତା ଆଙ୍ଗା ତଲେ  
ନୀତାମାନାୟି ସାତା, ସାମା ମାର  
ଦାରତିତି ଅଣ୍ଡପୁ ତଲେ ଜୁଜୁ କିହି  
ହିଲଆୟି,

୪ ଇଚିହଁ ମା ଜୁଜୁତି ସାଜୁ ଆଙ୍ଗାତି  
ଜୁତି ତଲେ ଆଏ, ସାମା କାଜା କଟା

ଇଲୁ ମ୍ଲୋକହାଲି ମାହାପୁରୁ ନକିତା ଏ  
ବାରେ ବାଡ଼ୁୟୁ ଆନେ;

୫ ମାମ୍ମୁ ମିତି ଅଣ୍ଡପୁ କାତା ବାରେ  
ଅଡ଼େ ମାହାପୁରୁତି ବୁଦି କପାଟି ନିଙ୍ଗିନି  
ବତପଣ ତହୁନି କାଜା କାତାତି ବାରେ  
ମ୍ଲୋକନମି; ଅଡ଼େ ବାରେଲେହେଁତି  
ଅଣ୍ଡପିନାଣି ଆସାନା କ୍ରାସ୍ତତି ମାନ୍ତି  
ଆୟାଲି ଦସ୍ପି କିହିମାନମି □

୬ ଏତିବେଲା ମୀରୁ ବାରେ ଝାକିଟି  
ମାନଝି ଆଦେରି, ଏତିବେଲା ମାମ୍ମୁ  
ମାନଝି ଆଆଗାଟାଣି ବାରେ ତଣ୍ଡ ହାନମି  
□

୭ ମୀରୁ ସାରିସୁଟୁ ପାଙ୍ଗାତା  
ତଞ୍ଜା ଆହିମାନାଣି ମେସିମାଞ୍ଜେରି  
□ ଆମ୍ବାଆସି ଜାହାରାଇଁ କ୍ରାସ୍ତତି  
ଲକୁତେଏଁ ଇଞ୍ଜା ନାମିନେସି,  
ଆତିହଁ ଏଞ୍ଜାସି ଏନିକଁ କ୍ରାସ୍ତତି  
ଲକୁ, ମାମ୍ମୁ ଜିକେଏ ଏଲେକଁ କ୍ରାସ୍ତତି  
ଲକୁ, ଇଦାଆଁ ତାନୁଏ ଅଣ୍ଡପାପେସି □

୮ ଇଚିହଁ ମା ଅଦିକାରା ତାକି ନାନୁ  
ଅଲପ ଗାଡ଼ି ବତପଣ ତସ୍ତି ଜିକେଏ  
ଲାଜା ଆଆଁ; ମିଙ୍ଗେ ନାସଝି କିହାଲି  
ପୁରୁ ମାଙ୍ଗେ ଅଦିକାରା ହାଆନା ମିଙ୍ଗେ  
ତିୟାରା କିହାଲି ହାହାମାଞ୍ଜାନେସି □

୯ ନା ରାଡ଼ିତି ଆକୁୟାଁ ତଲେ ନାନୁ  
ମିଙ୍ଗେ ଆଜିକିହି ମାଞ୍ଜାନେସି ଇଞ୍ଜା  
ଅଣ୍ଡପାଆଦୁ □

୧୦ “ଏତରଜାଣା ଏଲେଇନେରି,  
ପାଞ୍ଜୁଲ ତାନି ଆକୁ ରାଡ଼ିନାଟି ଅଦିକାରା  
ଅଡ଼େ କାଜା ବାଡ଼ୁୟୁ ଗାଟାଇ, ସାମା  
ମା ତଲେ ଆଙ୍ଗାତା ମାନାଟି ଏଞ୍ଜାସି  
ବାଡ଼ୁୟୁ ହିଲଆଗାଟାସି ଅଡ଼େ ତାନି  
କାତା ବାରେ ଉଜେଏତାୟି □”

୧୧ ମାମ୍ମୁ ହେକ ମାଞ୍ଜାନା ଆକୁତା  
ରାଡ଼ିନି କାତା ଏନିଲେହେଁତାୟି, ମୀ  
ତଲେ ମାଞ୍ଜାନା କିନି କାମା ଜିକେଏ  
ଏଲେତାୟିଏ ଇଞ୍ଜା ଲକୁ ଅଣ୍ଡପାପେରି  
□

୧୨ ଇଚିହଁ ଆମ୍ବାଆରି ଜାହାରାଇଁ  
ବତପଣ ତସା କଡ଼ିନେରି, ଏଞ୍ଜାରି ତଲେ  
ମାଙ୍ଗେ ଲେକା କିହାଲି ଜିକେଏ ମା  
ସାସା ହିଲେଏ; ସାମା ଏଞ୍ଜାରି ତାମ୍ମୁତାମି  
ତାଣାଟି ଜାହାରାଇଁ ଲେକା କିହାନା ବୁଦି

ହିଲାଆଗାଗାରି ତଞ୍ଜା ଆନେରି □  
 ୧୩ ସାମା ମାମ୍ମୁ ହାନ୍ଦି ଗାଣତା ହାଜାନା  
 ବତପଣ ତହୁଅମି; ମୀରୁ ଜିକେଏ  
 ମାହାପୁରୁ ମାଙ୍ଗେ ହେରପା ମାଞ୍ଜାନି  
 କାମାତି ହାନ୍ଦି ବିତ୍ତା ତାତେରି, ଏ ଲେକା  
 ତଲେ ବତପଣ କିଦେରି □

୧୪ ଇତିହୁଁ ମୀରୁ ମା ହାନ୍ଦି ବିତ୍ତା  
 ହିଲାଆତି ଲେହେଁ ମାମ୍ମୁ ହାନ୍ଦି ଗାଣତା  
 ମାନମି, ଏଦି ଆଏ; ଏନିଇତିହୁଁ  
 କ୍ରୀସ୍ତତି ନେହୁଁ କାରୁ ଝେକହୁଁ  
 ମାମ୍ମୁ ମୀ ତାଣା ଜିକେଏ ତଲିଏ  
 ଝାହାମାଚମି;

୧୫ ମାହାପୁରୁ କିହାମାନି ମା କାମାତି  
 ପାଙ୍ଗାତା ଏଟକା ଲକୁତି କାମାତା  
 ବତପଣ କିହୁହିଲଅମି, ସାମା ମାମ୍ମୁ  
 ଆସା କିହିମାନମି ମୀରୁ ନାମୁତା ପାତା  
 ଆନାଣିତଲେ ମୀ ତାଣାଟି ମା କାମା  
 ଅଡେ ହାରେକା ପାତା ଆନେ □

୧୬ ମାମ୍ମୁ ଅର ରଅଣି ହାନ୍ଦି ବିତ୍ତା  
 ଏଝାସି ତଲିଏ କିହାମାନି କାମାତାକି  
 ବତପଣ ତହୁଆନା, ମାମ୍ମୁ ମୀ ତାଣାଟି  
 ଅର ଦେସାତା ହାଜାନା ନେହୁଁ କାରୁ  
 ଝେକହାଲି ଆଡିନମି ଇଞ୍ଜୁଁ ଆସା  
 କିହିମାନମି □

୧୭ ସାମା ଦାମ୍ମୁପତିତା ରାସ୍ତକି  
 ଆହାମାନେ, “ବତପଣ ତହୁନାସି ପ୍ରୁ  
 କିତି କାମାତାକି ବତପଣ ତସ୍ପେସି □”

୧୮ ଜାହାରାଲ୍ ନେହୁଁତେଏଁ ଇଞ୍ଜୁଁ  
 ଅଣ୍ପିନାସି ଏଝାସି ତାୟିପାରିତା ଜୀଣା  
 ଆଡାସି ଆଏ, ସାମା ପ୍ରୁ ଆମ୍ମାଆରାଲ୍  
 ସାତା ନେହୁଁସି ଇଞ୍ଜୁଁ ଇନେସି ଏଝାସି  
 ତାୟିପାରିତା ଜୀଣା ଆଡାସି □

**୧୧**

ପାଞ୍ଜୁଲ ଅଡେ ମିତି ଜାପ୍ନାରି

୧ ନାନୁ ବୁଦି ହିଲାଆ ଗାଟାତେଏଁ  
 ଲେହେଁ ଇଚେକା ଝେସାଲି ନାଙ୍ଗେ  
 ହେଲ ହିୟାତିହୁଁ ନେହେଁ ଇଞ୍ଜୁଁ  
 ଅଣ୍ପିମାଲ୍, ମୀରୁ ନାଙ୍ଗେ ହେଲ  
 ହିୟାଦେରି □

୨ ମାହାପୁରୁ ତାକି ହାରେକା  
 ରାହୁଁତା ନାନୁ ମିଙ୍ଗେତାକି ହାରେକା  
 ରାହୁଁ, ଇତିହୁଁ ନାନୁ ମିଙ୍ଗେ ସୁଦୁ

ଡାଆ ମାଙ୍ଗାଲେହେଁ ର ଡକ୍ରା ତାଣା  
 ଇତିହୁଁ କ୍ରୀସ୍ତୁଲ୍ ବାହା ଆୟାଲି କାତା  
 ହୀହାମାଲ୍ □

୩ ସାମା ରାରୁ ତାନି ସୁତ୍ରମି ତଲେ  
 ହବାଲ୍ ନାଡି କିତେ, ଏଲେକିହୁଁ  
 ଏଚେତା ଆପେ ମୀ ମନ କ୍ରୀସ୍ତ ତାଣା  
 ମାନି ତୀରପୁତାୟି ଇଞ୍ଜା ସୁଦୁତା  
 ମାନାୟି ନାସା ଆନେ, ଇଦାଆଁ ନାଙ୍ଗେ  
 ଆଜି ହଟିମାଞ୍ଜାନେ □

୪ ଇତିହୁଁ ଆମିନି ଜୀସୁଲ୍ ମାମ୍ମୁ  
 ଝେକଆତମି, ଇଲେକିହୁଁ ଏଟକା  
 ଜୀସୁଲ୍ ଆମ୍ମାଆସି ଆପେ ଝାହୁଁ  
 ଝେକନେସି, କି ଆମିନି ସୁଦୁଜୀଝୁ ମୀରୁ  
 ବେଟାଆଆତେରି, ଇଲେକି ଏଟକାତି  
 ର ସୁଦୁଜୀଝୁ ବେଟାଆଡେରି, କି ଆମିନି  
 ନେହୁଁ ବଲୁ ମୀରୁ ଆବାଆତେରି,  
 ଇଲେକି ଏଟକାତି ର ନେହୁଁ ବଲୁ  
 ବେଟାଆଡେରି, ଏଲେଆଡିହୁଁ ମୀରୁ  
 ଗାତି ଅରୁହିନାତେରି □

୫ ଇତିହୁଁ ଏ କାଜାପାଣା ଗାତି  
 “ପାଣ୍ଡୁ ଆଡାରି” ତାଣାଟି ନାନୁ  
 ଏନିକିହୁଁ ଜିକେଏ ଡଶା ତାତେଏଁ ଆଏ  
 ଇଞ୍ଜୁଁ ଅଣ୍ପିମାଲ୍ □

୬ ସାମା ନାନୁ କାତା ଜଲ୍ଲାଲି  
 ପୁନାଆତି ଜିକେଏ ବୁଦିତା  
 ଡଶାତେଏଁ ଆଏ; ସାତାତଲେ ମାମ୍ମୁ  
 ବାରେଲେହେଁତି ବାରେ କାତାତା  
 ମିଙ୍ଗେତାକି ଇଦାଆଁ ଝେସ୍ତାତମି □

୭ ମୀରୁ ଏନିକି କାଜାତେରି  
 ଆଡେରି, ଏଦାଆଁତାକି ନାନୁ ଜାହାରାଲ୍  
 ଡଶା କିହାକତାନା ମୀ ତାଣା  
 ଉଜେଏନେଏ ମାହାପୁରୁତି ନେହୁଁ  
 କାରୁ ଝେକହାତେଏଁ; ଏଲେକିୟାଲିଏ  
 ନାନୁ ଏନି ପାପୁ କିତେଏଁ □

୮ ମୀ ତାଣା କାମା କିହୁଁ ମିଙ୍ଗେ  
 ସେବା କିୟାଲି ଏଟକା କୁଲମିତି ବର୍ତନ  
 ବେଟାଆହୁଁ ଏଝାରି ତାଣାଟି ମୀଞ୍ଜା  
 ଅହିମାଚେଏଁ □

୯ ମୀ ତାଣା ମାଟିବେଲା ନାଙ୍ଗେ  
 ଏନାଆଁ ହିଲାଆତି ଜିକେଏ ଆମ୍ମାଆରାକି  
 ବାଦା ହାହାହିଲଅଁ; ମାକିଦନିୟାଟି ଝାଡି  
 ତାୟିୟାଁ ନାଙ୍ଗେ ଲଡା ଆନାଣି ବାରେ

ହିୟାତେରି, ମିଙ୍ଗେ ବନ୍ଦୁ ହାଆରେଚୁ ନାନୁ ଜାଗ୍ରାତା ଆହାମାତେଏଁ, ଅଡ଼େ ଜାଗ୍ରାତା ଆହାଁ ଡ଼ୟିଇଁ □

୧୦ ନା ତାଣା ମାନି କ୍ରୀସ୍ତତି ସାତାଇଁ ସାକି ଇଟାନା ଝେସିମାଈ, ଆକାୟା ଗାଡ଼ାୟିତି ନା ଈ ବଡ଼ପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ?

୧୧ ନାନୁ ମିଙ୍ଗେ ଜୀସ୍ତୁନହୁଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଙ୍ଗେ ଜୀସ୍ତୁ ନହୁଁ ମାଞ୍ଜାଇଁ □

୧୨ ସାମା ବଡ଼ପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଆଡ଼ାରି” ପାରୁ ପାରିମାନେରି ନାନୁ ଏନିକିଁ ଏଞ୍ଜାରାକି ପାରୁ ହାଅଁ, ଇଦାଆଁତାକି ନାନୁ ଏନାଆଁ କିହମାଇଁ, ଏଦାଆଁ କିହେମାଇଁ □

୧୩ ଇଚିହୁଁ ଏଲେତି ଲକୁ ନାଡ଼ିକିନି ପାଣ୍ଡୁ ଆଡ଼ାରି, ଇଞ୍ଜା ଖାଣା ବାଦଲଞ୍ଜିକିହାଁ କାମାକିନାରି, ଏଞ୍ଜାରି କ୍ରୀସ୍ତତି ପାଣ୍ଡୁ ଆଡ଼ାରି ଖାଣା ଆହନେରି □

୧୪ ଇଚିହୁଁ ଏଡ଼ି କାବାଆନି କାତା ଆଏ, ଇଚିହୁଁ ସୟତାନ ତାନୁଏ ଉଜେଡ଼ିତି ଦୁଡ଼ୁତି ଖାଣା ଆହନେ □

୧୫ ଏରେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଗାରି ଖାଣା ଆହନେରି, ଆଡ଼ିହୁଁ ଏଡ଼ି କାଜା କାତା ଆଏ; ରାନି ଦିନାତା ଏଞ୍ଜାରି ତାନି କିତି କାମା ତଲେ ଡ଼ଣ୍ଡୁ ବେଗାଆନେରି □

ପାଣ୍ଡୁଆଡ଼ି ପାଣା ତାକି ପାଞ୍ଜୁଲ କସ୍ତୁ ବେଗାଆନାୟି

୧୬ ନାନୁ ଅଡ଼େ ଝେସିମାଞ୍ଜାଇଁ, ଆମ୍ବାଆସି ନାଙ୍ଗେ ବୁଦି ହିଲାଆଗାଗାସି ଇଞ୍ଜୁଁ ଅଣ୍ଡପାଆପେସି; ସାମା ମୀରୁ ଏଲେକିଁ ଅଣ୍ଡପିଦେରି, ଆଡ଼ିଜିକେଏ ବୁଦିହିଲାଆଗାଗାସି ଲେହେଁ ନାଙ୍ଗେ ଆବାଦୁ, ଏନିଇଚିହୁଁ ନାନୁ ଜିକେଏ ଅଲ୍ପ ବଡ଼ପଣ ତସାଲି ଆଡ଼ିଇଁ □

୧୭ ନୀଏଁ ନାନୁ ଏନାଆଁ ଝେସିମାଈଁ ପ୍ରବୁତି ଅଣ୍ଡପୁ ତଲେ ଝେସିମାଞ୍ଜାଅଁ, ସାମା ବୁଦି ହିଲାଆ ଗାଗାତେଏଁ ଲେହେଁ ହାରେକା ସାସାତଲେ ବଡ଼ପଣ ତସାନା ଝେସିମାଞ୍ଜାଇଁ □

୧୮ ହାରେକା ଲକୁ ଦାରତିତି ଲେହେଁ ବଡ଼ପଣ ଆହିମାନାକି ନାନୁ ଜିକେଏ ବଡ଼ପଣ ତହୁଇଁ □

୧୯ ଇଚିହୁଁ ମୀରୁ ହାରେକା ବୁଦି ଗାଗାତେରି ଇଞ୍ଜିହୁଁ, ରାହାଁ ତଲେ ବୁଦି ହିଲାଆଗାଗାଗାଈଁ ଅରୁହି ମାଞ୍ଜେରି □

୨୦ ଆମ୍ବାଆସି ମିଙ୍ଗେ ହଲିୟାଙ୍ଗା କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଙ୍ଗେ ପାନ୍ଦାତା ମେଡ଼ହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲାତା ସାପ୍ତା ଝେତାନେସି ଏ ବାରେ ଅରୁହି ମାଞ୍ଜେରି □

୨୧ ନାନୁ ଲାଜାତଲେ ଝେସିମାଞ୍ଜାଇଁ, ମାର ବାଡ଼ୁୟୁ ହିଲାଆ ଗାଗାତାୟି ଆହାମାନାୟି □ ଆଡ଼ି ଜିକେଏ ଏନି କାତାତା ଆମ୍ବାଆସି ସାସା ଗାଗାସି, (ନାନୁ ବୁଦି ହିଲାଆନା ଝେସିମାଈଁ) ନାନୁ ଜିକେଏ ସାସା ଗାଗାତେଏଁ □

୨୨ ଏଞ୍ଜାରି କି ଏଡ଼ି ଲକୁ ? ଇଚିହୁଁ ନାନୁ ଜିକେଏ ଏଡ଼ି ଲକୁତେଏଁ □ ଏଞ୍ଜାରି ଇସ୍ତାୟେଲ ଲକୁ ? ଇଚିହୁଁ ନାନୁ ଜିକେଏ ଇସ୍ତାୟେଲ ଲକୁତେଏଁ □ ଏଞ୍ଜାରି ଅବ୍ରାହାମତି କୃତାତାରି ? ଇଚିହୁଁ ନାନୁ ଜିକେଏ ଅବ୍ରାହାମ କୃତାତାତେଏଁ □

୨୩ ଏଞ୍ଜାରି କି କ୍ରୀସ୍ତତି ସେବା କିନାରି ? ଇଚିହୁଁ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଈଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାତେଏଁ, ନାନୁ ଏଞ୍ଜାରି କିହାଁ ଗାଡ଼ି ଖାହୁ କାମା କିହାମାଇଁ, ହାରେକା କାୟିଦି ଇଲୁତା ମାତେଏଁ, ହାରେକା ଇରନି ମାଡ଼ା ବେଗାଆହା ମାତେଏଁ, ଅଲେ ଅଲେ ହାକିତା ହେରୁଞ୍ଜା ମାତେଏଁ □

୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତାରିସି ନ ଗଟା ବେତି ବାଡ଼ଗା

ମାଡ଼ା ବେଟାଆହାମାଲ୍;

୨୫ ରମ୍ଭତି ଲକ୍ଷ୍ମ ତାଣାଟି ତାନି ପାଲି ସାଟ୍ଟଣି ତ:ରିତଲେ ନାଙ୍ଗେ ଇରହାତେରି, ର ପାଲି ନାଙ୍ଗେ ଖାଲକାତଲେ ଇରହାତେରି, ତାନି ପାଲି ଜାଜା ତୀତି ତାଣାଟି ଗେଲହା ମାଲ୍, ର ଲାଆଁ ର ମାଦେନା ସାମ୍ବୁରିତି ଏମୁତା ମୁଞ୍ଜା ମାଚେଏଁ,

୨୬ \*ନାନୁ ହାରେକା ଦେବା ଜିରୁ ତାକିନାଟି, କାତା ଆଜ୍ଞିନିତାଣା, ସରକା ତାଣାଟି, ନା କୁଡ଼ାତି ଜୀହୁଦି ଲକ୍ଷ୍ମ ତାଣାଟି, ଏଟକା କୁଡ଼ାତି ଲକ୍ଷ୍ମ ତାଣାଟି, କାଜା ନାସକାତି ଆଜିଟି, ଲକ୍ଷ୍ମ ହିଲାଆ ଜାଡ଼ାଟି, କାଜା ସାମ୍ବୁରି ଆଜିଟି, ଅଡ଼େ ନାଡ଼ିକିନି ତଃଣସିଙ୍ଗା ଆଜିଟି □

୨୭ ନାନୁ ହାରେକା କାମା କିହାନା କସ୍ତୁ ବେଟାଆହାମାଲ୍, ଏଚର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସକିଟି ମାଚେଏଁ, ଏଚର ପାଲି ଉପାସା ତଲେ, ପେନି ଇଞ୍ଜା ନାଗଡ଼ାଟି ମାଚେଏଁ □

୨୮ ଏଲେତି ବାରେ ବାଦା ପିସପେ ନାଙ୍ଗେ ଅଡ଼େ ର କାଜା ବଜୁମାନେ, ଇତିହ ବାରେଦିନା କୁଲମିକା ତାକି ନାନୁ ଅଣପିମାଲ୍ □

୨୯ ଆମ୍ବାଆସି ବାଡ଼ୁଲ୍ ହିଲାଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୁଲ୍ ହିଲାଆ ଗାଟାଚେଏଁ ଆଏକି ? ଆମ୍ବାଆସି ପାପୁ କିତିହ ନାନୁ ହିୟାତା ଦୁକୁ ଆଅଁ କି ?

୩୦ ନା ବତପଣ ତସାଲି ଲଡ଼ା ଆତିହ, ନାନୁ ନା ଆଡ଼ାଆଗାଟାଣି ତାକି ବତପଣ ତହୁଲ୍ □

୩୧ ନାନୁ ମିଟି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲ୍ଲକାଲ୍ଲା ତାକି ଜହରା □

୩୨ \*ଦମେସକତା ହାରେତା ରାଜାତି ସାଲ୍ଲୁ କିନାସି ନାଙ୍ଗେ ଆସାଲି ଏ ଗାଡ଼ାତି ତାନି କାପୁ କାଠିନି କସକାଣି ପାଣ୍ଡାନା କାପି କିହିମାଚେସି □

୩୩ ଇଞ୍ଜା ର ତାଲିତା କିଡ଼କିତି କାତି

ଲାକଟି ନାଙ୍ଗେ ରେପହାଲିଏ ନାନୁ ଏଞ୍ଜାଣି କେୟୁଟି ଗେଲପିଆଡ଼େଏଁ □

### ୧୨

ପାଞ୍ଚୁଲ ତଞ୍ଜାଆନାଣି ମେହନାୟି

୧ ବତପଣ କିନାୟି ନେହାୟି ଆଆତି ଜିକେଏ ନାଙ୍ଗେ ବତପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡ଼େ ତଞ୍ଜାଆନାଣି ମିଙ୍ଗେ ଖେସ୍ତାଲ୍ □

୨ ନାନୁ ର କ୍ରୀସ୍ତାନା ଲକ୍ଷ୍ମ ପୁଞ୍ଜାମାଲ୍, ଏଞ୍ଜାସି ସଦ ବାର୍ସା ନକେଏ ଲାକପୁରୁତି ତାନି ପୁରୁ ପାତେକା ଅଞ୍ଜିଆଡ଼େସି ଏଞ୍ଜାସି ଆଙ୍ଗା ତଲେ ମାଚେସି କି ଆଙ୍ଗା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୩ ହାଅ ନାନୁ ଏଲେତି ର ଲକ୍ଷ୍ମ ପୁଞ୍ଜାମାଲ୍, ଏଞ୍ଜାସି ପାରାଦିସତା ଅଞ୍ଜିଆଡ଼େସି ଏଞ୍ଜାସି ଆଙ୍ଗା ତଲେ ମାନେସି କି ଆଙ୍ଗା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୪ ଏଞ୍ଜାସି ଲାକପୁରୁ ଅଞ୍ଜିଆଡ଼େସି, ଅଡ଼େ ଇଲେତି ହାଡ଼ା ଖେଚେସି, ଏଦାଆଁ ମାଣସି ଜଲ୍ଲାଲି ଆଡ଼ାଆଗାଟାୟି ଅଡ଼େ ଗୁଡିତା ଅହାଲି ଆଡ଼ାଆଗାଟାୟି □

୫ ଇଲେତି ର ଲକ୍ଷ୍ମତାକି ନାନୁ ବତପଣ କିଲ୍, ସାମା ନା ତାକି ନାନୁ ନା ବାଡ଼ୁଲ୍ ହିଲାଆଗାଟାଣି ପିସପେ ଅଡ଼େ ଏନାଆଁତାକିଞ୍ଜା ବତପଣ କିଅଁ □

୬ ବତପଣ ତସାଲି ଅଣପିତିହ ଜିକେଏ, ନାନୁ ବୁଦି ହିଲାଆ ଗାଟାଚେଏଁ ଆଅଁ, ଇତିହ ନାନୁ ସାତା କାତା ଖେହଲ୍, ସାମା ଲକ୍ଷ୍ମ ନାଙ୍ଗେ ଏନିକ ମେସ୍ତାନେରି ଇଞ୍ଜା ନା ତାଣାଟି ଏନିକ କାତା ଖେନେରି, ନାଙ୍ଗେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକ ନା କାତାତା ହାରେକା ଅଣପଅସି ଇଞ୍ଜା, ଇଦାଆଁତାକି ନାନୁ ସାପି ଆହାମାଲ୍ □

୭ ନାନୁ ଏନିକ୍ ଗାତି ବତପଣ କିଅଁ, ଇଦାଆଁତାକି ନା. ଆଜ୍ଞାତା ର. ସାସ୍ତି ହୀପୁକି ଆୟାତେ, ନାଜେ ସାସ୍ତି ହୀହାଲି ସୟତାନତି ଦୃତୁଇଁ ପାଶୁଓଆଡେ, ଏନିକ୍ ନାନୁ ଗାତି ବତପଣ ଆଅଁ □

୮ ଏ କସ୍ତୁ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାତିମାଲିହଁ ରାସ୍ତେସଁ □

୯ ଅଡେ ଏଞ୍ଜାସି ନାଜେ ଏଲେଇଞ୍ଜାନେସି, “ନା କାର୍ମାମେହନାୟି ନିଜେତାକି ହାରେପୁରେ,” ଇତିହଁ ନୀ ବାଡୁୟୁ ହିଲାଆତାଣା ନା ବାଡୁୟୁ ହାରେ ଗାତିଆହଁ ତଞ୍ଜାଆନେ, ଇତିହଁ ଏନିକ୍ କ୍ରୀସ୍ତି ବାଡୁୟୁ ନା. ତାଣା ତୁୟିନେ, ଏଦାଆଁତାକି ନା. ବାଡୁୟୁ ହିଲାଆ ବେଲାତା ହାରେକା ରାହଁ ତଲେ ବତପଣ ତହୁଇଁ □

୧୦ ଏଦାଆଁତାକି କ୍ରୀସ୍ତି ତାକି ବାଡୁୟୁ ହିଲାଆଟି, ଲାଜା ପାଣନାଟି, ହାକି ବେଲାତା, ସାସ୍ତି ଖାନି ବେଲା, କସ୍ତିତା ନାନୁ ରାହଁଆଇଁ, ଇତିହଁ ଏଟିବେଲା ବାଡୁୟୁ ହିଲାଆ ଗାଟାତେସଁ ଏଟିବେଲା ବାଡୁୟୁ ଗାଟାତେସଁ □

କରିତ୍ତ ତାରାକି ପାଞ୍ଜୁଲ ଅଣ୍ପିନାୟି

୧୧ ନାନୁ ବୁଦି ହିଲାଆ ଗାଟାତେସଁ ଲେହେଁ ଆହାମାଇଁ, ମୀରୁ ନାଜେ ଏଲେକିଓ କିୟାତେରି, ମୀରୁ ନାଜେ ନେହାସି ଇଞ୍ଜାନାୟି ମାତେ; ନାନୁ ଏନାତେସଁ ଆଏ, ଆଡି ଜିକେଏ ଏ “କାଜା ପାଶୁଓ ଆହାମାନାରି” କିହଁ ଉଣାତେସଁ ଆଏ □

୧୨ ଆମ୍ବାଆସି ହାରେକା ସିନାୟା, କାବାଆନି କାମା, ଅଡେ ବାଡୁୟୁତି କାମା ପାଶୁଓ ଆହାମାନାରି ସିନାୟାଲେହେଁ, ଏ ବାରେ ସାତେଏ ମୀ ତାଣା ସାସ୍ତିତଲେ କିଓଆହାମାନେ □

୧୩ ଇତିହଁ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍ତପେ ଅର କୁଲମିତି ଲକୁ କିହଁ ମିଜେ ଅଡେ ଏନିକ୍ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆଦୁ □

୧୪ ମେହଦୁ ମୀ ତାଣା ଖାହାଲି ନୀସଁ ତଲେ ତାନି ପାଲି ତିୟାରା ଆହିମାଇଁ, ଅଡେ ନାନୁ ମିଜେ ଏନି ବଜୁ ହିୟଅଁ, ଇତିହଁ ନାନୁ ମୀ ଦନ ପାରାଆନା ମିଜେ ପାରିମାଞ୍ଜାଇଁ, ମୀରକା ମାସ୍ତକା ତାନି ଇୟା ଆବାକି କୁଡିକିତ ସାମା ଇୟା ଆବା ଦେଁ ତାନି ମୀରକା ମାସ୍ତକାକି କୁଡିକିନାୟି ମାନେ □

୧୫ ନାନୁ ମୀ ଜୀଞ୍ଜୁତାକି ହାରେକା ରାହଁତଲେ ହାଇଁ, ହାଅ ନା. ଜୀଞ୍ଜୁ ଜିକେଏ ହାଇଁ, ନାନୁ ମିଜେ ହାରେକା ଜୀଞ୍ଜୁନହଁ ମାଞ୍ଜାତିହଁ ଏନାଆଁ ମୀରୁ ନାଜେ ଉଣା ଜୀଞ୍ଜୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଜେ ବଜୁ କିୟାଆତେସଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା. ସୁତରି ମାନାକି ମିଜେ ମିତି ତଲେ ଆସ୍ତାତେସଁ □

୧୭ ନାନୁ ମୀ ତାଣା ଆମ୍ବାଆରାଇଁ ପାଶ୍ଚାମାଞ୍ଜାଇଁ, ଏଞ୍ଜାରି ବିତ୍ରାଟି ରଥଣି ତଲେ ମୀ ତାଣାଟି ଏନି ଲାବା ବେଟାଆତେସଁ କି ?

୧୮ ନାନୁ ତିତସଇଁ ହାଜାଲି ବାତିମାଲ୍ଲା ମାତେସଁ, ଇଞ୍ଜା ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଶ୍ଚାତେସଁ □ ତିତସ ମୀ ତାଣାଟି ଏନାଆଁ ଲାବା କିତେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣ୍ଡିଏ ପାଞ୍ଜୁଲିତା ତାକିହିଲଅମି ?

୧୯ ନୀସଁ ପାତେକା ମୀରୁ ଅଣ୍ପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତି ସେବା କିନାତମି ଲେହେଁ ମାମ୍ବୁ କାତା ଜଲିମାନମି, ଇଞ୍ଜା ଏ. ଜୀଞ୍ଜୁତି ତାୟିୟା ବାରେ କାତା ମୀ ନେହେଁତାକି ଖେସିମାନମି □

୨୦ ଇତିହଁ ଏଚେତା ନାନୁ ମୀ ତାଣା ଖାଡିସାରେ, ମିଜେ ଏନିକ୍ ମେସାଲି ମନ କିହିମାଇଁ ଏଲେକିହଁ ମିଜେ ମେସ୍ତାଆସାରେ, ଅଡେ ମୀରୁ

ନାଈଁ ଏନିକ୍ ମେସାଲି ମନ କିହ୍ନି ହିଲଅତେରି ଏଲେକ୍ ମେସାଦେରି, ଏଦାଆଁତାକି ନାନୁ ଆଜିମାଈ; ଇଚିହ୍ ମା ବିତ୍ରା ବାଡ଼ିବାଦା, ତାହାରା, କପା ଅଡ଼େ ଗଚି ଗଚି ଆନାୟି, ରଅସି ରଥାଣାଈ ନିନ୍ଦା କିନାୟି, ସାକ୍ତି କାତା ଜଲିନାୟି, ବତପଣ ତସ୍ପି ଆହ୍ନି ଗଡ଼ହା ଆନେ;

୨୧ ଇଞ୍ଜା ନାନୁ ଅଡ଼େ ଷ୍ଟେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଈଁ ଅଡ଼େ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡ଼େ ଦାରି କାମାତାକି ଜୁପ୍କା ଆନାଣି ତାକି ନୀଏଁ ପାତେକା ମନ ଷ୍ଟେଟ୍ଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହ୍ ଡାହାଲିଆନେ ।

## ୧୩

ଜାଗ୍ରାତା କିହ୍ନି ଜହରା ତଲେ ଆକୁତି ରାପ୍ନାୟି

୧ ନୀଏଁ ତଲେ ତାନି ପାଲି ନାନୁ ମୀ ତାଣା ଖାହିମାଈ, ଦାମ୍ପୁପତିତା ରାସ୍ପକି ଆହାମାନେ, “ଆନିନି ଦହ୍ତି କାତା ନୀହ୍ନି କିନାୟି ରିଆରି କି ତାନି ଜାଣା ସାକ୍ତିୟା ତଲେ ତାରି କିଞ୍ଜିଆନେ”

୨ ଆମ୍ବାଆରି ନକେଏ ପାପୁ କିହାମାତେରି ଏଞ୍ଜାରାଈ ଇଞ୍ଜା ବାରେତି ଏନିକ୍ ତଲି ରା ପାଲି ଷ୍ଟେପାମାଞ୍ଜାତେଏଁ, ନୀଏଁ ହେକ ମାଞ୍ଜାନା ଏଲେକିହ୍ ଏ ନକେଏ ଷ୍ଟେସିମାଞ୍ଜାଈ, ନାନୁ ଅଡ଼େ ଖାଡ଼ିହ୍ ଏଞ୍ଜାରାଈ ତଣ୍ଡ ହାଆନା ପିହ୍ଥୁଁ ।

୩ ଏନିକ୍ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାର୍ମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲଆଗାଗାସି ଆଏ, ସାମା ମୀ ତାଣା ବାଡ଼ୁୟୁ ଗାଗାସି ଆନେସି,

୪ ଏଞ୍ଜାସି ବାଡ଼ୁୟୁ ହିଲଆତାକି ପାସି ମୁଣ୍ଡାତା ଏପ୍କି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁୟୁତି ଏଞ୍ଜାସି ନୀତାମାନେସି । ମାମ୍ବୁଜିକେଏ

ଏଲେକ୍ ତାନି ତାଣା ବାଡ଼ୁୟୁ ହିଲଆ ଗାଗାତମି, ସାମା ମାହାପୁରୁତି ବାଡ଼ୁୟୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି ।

୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଈ ତାୟିପାରି କିହାକତାଦୁ ଇଞ୍ଜା ଅଣ୍ପାଦୁ, କି ଜୀସୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅତେରି ? ଏଲେଆହ୍ ଆଡିହ୍ ମୀରୁ ତାୟିପାରି କିନି ତାଣା ଜୀଣା ଆହା ହିଲଅତେରି ।

୬ ସାମା ନାନୁ ବାସ୍ତୁ ଇଟାମାଈ, ମୀରୁ ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି ।

୭ ମୀରୁ ଏନିକ୍ ଏନି ଲାଗେଏତି କାମା କିଅତେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁଏନିକ୍ ତାୟିପାରି କିଞ୍ଜି ଆହ୍ନି ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଜି ଆହ୍ନି ଜୀଣା ଆଆଡିଲେହେଁ ତଞ୍ଜା ଆଆଡି ଜିକେଏ ଏନିକ୍ ମୀରୁ ନେହ୍ କାମା କିଦେରି, ଇଦାଆଁତାକି ପ୍ରାତାନା କିହିମାନମି ।

୮ ଇଚିହ୍ ମାମ୍ବୁ ସାତା କପାତି ଏନାଆଁ କିହାଲି ଆଡ଼ିହିଲଅମି, ସାମା ସାତା ଖାକିତି ଦେହେଁ ବାରେ କିହାଲି ଆଡ଼ିନମି ।

୯ ଏଡିବେଲା ମାମ୍ବୁ ବାଡ଼ୁୟୁ ହିଲଆ ଗାଗାତମି ଆନମି ସାମା ମୀରୁ ବାଡ଼ୁୟୁ ଗାଗାତେରି ଆଡେରି, ଏଡେତା ମାଈଁ ରାହ୍ନି ହତାନେ; ମୀରୁ ଏନିକ୍ ବାରେ ଖାକିତି ନେହ୍ନିତେରି ଆଡେରି ଏଦାଆଁତାକି ଜିକେଏ ପ୍ରାତାନା କିହିମାନମି ।

୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଈ ବାରେ ରାଡ଼ିମାଞ୍ଜାଈ, ଏନିକ୍ ମୀ ତାଣା ଖାହାନା ପ୍ରବୁ ନାଈଁ ମ୍ଲେକ୍‌ହାଲି ହାଆନା, ପାଡିକିହାଲି ହାହାମାଞ୍ଜାନେସି, ଏ ଅଦିକାରା ଲେହେଁ



ମୀ କପାଟି ନିଜାନା ବାଡ଼ୁଛୁ ତସାଲି  
ମିଙ୍ଗେ ଲଡ଼ା ଆଏ □

୧୧ ତାୟିୟାଁ ଅଡ଼େ ତାଜିସ୍ମାତେରି,  
ରାହାଁ କିଦୁ, ନେହାଁତେରି ଆଦୁ,  
ରଅତେରି ରଅଣାଇଁ ବାର୍ଣ୍ଣ ହୀଝିଆଦୁ,  
ରଣ୍ଡିଏ ମନ ଆଦୁ, ହିଡ଼ଡ଼ି ତଲେ ବାସା  
ଆଦୁ, ଅଡ଼େ ହିଡ଼ଡ଼ି ଇଞ୍ଜା ଜୀଝୁ ନନି  
ମାହାପୁରୁ ମୀ ତଲେ ଡ଼ୟିନେସି □

୧୨ କ୍ରୀସ୍ତାନା ତାୟିୟାଁ ଲେହେଁ  
ସୁଦୁଜୀଝୁ ନଝୁ ତଲେ ଜୀଝୁ ନଝିଆହାନା  
ମୀରୁ ମୀରୁଏ ରଅତେରି ରଅଣାଇଁ  
ନଶ୍ତାନା ଜହରା କିଝିଆଦୁ □

୧୩ ଇମ୍ପାଆଁ ମାନି ମାହାପୁରୁ ଲକୁ  
ମିଙ୍ଗେ ଜହରା ଝେସିମାଞ୍ଜାନେରି □

୧୪ ପ୍ରବୁ ଜୀସୁ କ୍ରୀସ୍ତତି  
କାର୍ମାନେହନାୟି ମାହାପୁରୁତି  
ଜୀଝୁନନାୟି ଅଡ଼େ ସୁଦୁଜୀଝୁ ତଲେ  
ଆଣ୍ଡିନାୟି ମୀ ବାରେତାକି ଆୟାପେ □

**ଗାଳାତିୟ ମଣ୍ଡଳୀ  
ନିମନ୍ତେ ପାଉଲଙ୍କ ଲିଖିତ  
ପତ୍ର  
ଗାଳାତିୟ କୁଲମିତାକି  
ପାଞ୍ଚୁଲ ରାଚାମାନି  
ଆକୁ  
ମୂଲୁ ହାଡ଼ା**

ଗାଳାତିୟ ଆକୁ ପାଣ୍ଡୁଆହାମାନି ପାଞ୍ଚୁଲ ତାଣାଟି ରାସ୍ତକି ଆହାମାନେ ୧:୧ □ ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାମୁ ୪୮ ଟିଏ ୫୭ ବାର୍ଯା ବିତ୍ତା ଗାଳାତିୟ କୁଲମିତି ନାମିତି ତାୟିୟାକି ରାସ୍ତକି ଆହାମାତେ □ ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଚାୟୁତା ବାସା କିହା ମାଣ୍ଡିନେରି □ ପାଞ୍ଚୁଲ ଇ ଆକୁ ରାଚିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଚାରି ଜିକେଏ ପୁଞ୍ଜାହିଲଅରି □ ସାମା ଏପିସିୟ ଆଆତ କରନ୍ତି ଇ ରା ଚାୟୁତା ମାଞ୍ଜା ଡୟିନେସି ଇଞ୍ଜି ଇନେରି □

ପାଞ୍ଚୁଲ ଗାଳାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଚାୟୁ ପୁଣ୍ଡି କିହାନା ଆକୁ ରାଚିମାନେସି □ ଏଞ୍ଜାସି ମିତି ଜାପୁନାରି ତାଣାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନଡ଼ି ଆହାଲି ଅଡ଼େ ବାରେକିହାଁ ତଲୁ ଦାପିଆନି ଫେରା ଖେସିମାନେସି, କ୍ରୀସ୍ତାନା ଲକୁ ବିତ୍ତା ଏରେକା ମାଚେରି ଏମିନିଗାଚାରି ଜୀହୁଦି ଦାମୁତି ଆବିତାରି □ ଏଞ୍ଜାରି ଜିକେଏ ପାଞ୍ଚୁଲତି ପାଣ୍ଡୁଆହାମାନି ଅଦିକାରାତି ଖେଞ୍ଜିମାଚେରି □ ପାଞ୍ଚୁଲ ଏରେକା ପୁସପନିକା ତଲେ ତାନି ପାଣ୍ଡୁଆହାମାନି କାତା ଖେସାନା ଏଞ୍ଜାରାଇଁ ମୁଦା କିହାମାଚେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତଇଁ ନାମିସାରେ

ଗେଲ୍ପି ଆନାୟି ଇ କାତା ଖେସାନା ନେହଁ କାବୁତି ଗେଲ୍ପି ମାନେସି ୨:୧୭ □ ମାଣ୍ଡସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ □

**ପତିତା ମାନାୟି**

- ୧ ପାଞ୍ଚୁଲତି ଜହରା □ ୧:୧-୫
- ୨ ପାଞ୍ଚୁଲତି ତଲିତି ଜୀସୁ ଅଡ଼େ ଜାପୁନି ଅଦିକାରା କାମା କିନାୟି □ ୧:୬-୨:୨୧
- ୩ ଫେରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍ପି ଆନାୟି □ ୩:୧-୪:୩୧
- ୪ ନେହଁ କ୍ରୀସ୍ତାନା ଆହାନା ନୀତାଲି ଖେହ୍ନାୟି □ ୫:୧-୬:୧୦
- ୫ ପାଞ୍ଚୁଲ ଜହରା କିହାନା ଆକୁତି ରାପୁନାୟି □ ୬:୧୧-୧୮

**ପାଞ୍ଚୁଲତି ଜହରା**

୧ ନାନୁ, ପାଣ୍ଡୁଆଡ଼ି ସୀସୁ ପାଞ୍ଚୁଲତେଏଁ, ପାଣ୍ଡୁ ଆହାଲିତାକି ନାନୁ ମାଣ୍ଡସି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକହାମାନେସି ଏଞ୍ଜାଣି ତାଣାଟି ବେଟାଆହାମାଇଁ,

୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି □

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହନାଣି ଅଡ଼େ ହିଡ଼ଡ଼ି ଜୀସୁ ମିଜେ ହାୟାପେସି □

୪ ନୀଏତି ଇ ପାପୁତି ଦାରୁତିତା ମାଜେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ଡପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ ହେରୁପାକତିତେସି;

୫ କାଲ୍ଲକାଲ୍ଲତାକି ମାହାପୁରୁଇଁ ଗାଞ୍ଜୁରମି ଆପେ □ ଆମେନ □

**ରଣିଏ ନେହଁ କାବୁ**

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଜେ ହାଡ଼ା ମାଞ୍ଜାତେସି, ଏଞ୍ଜାଣାଇଁ

ମୀରୁ ଗାଡ଼େକେଏ ପିସାନା ଏଟକାତି ନେହଁ କାରୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ ।

୭ ସାତାତଲେ, “ଏଟକାତି ନେହଁ କାରୁ” ଆଏ, ସାମା ଏତରଜାଣା ମିଙ୍ଗେ ତୀରି ମାଞ୍ଜାଲି ହୀଆନା, କ୍ରୀସ୍ତତି ନେହଁ କାରୁତି କିଲିବିଲି କିହାଲି ଅଣ୍ପିମାନେରି ।

୮ ସାମା ଆମିନି ନେହଁ କାରୁ ମାମ୍ନୁ ମୀ ତାଣା ଝେକହା ମାରମି, ଇଞ୍ଜା ମାମ୍ନୁକି ଲାକପୁରୁତି ଦୁତୁୟା ଜିକେଏ ଏଦାଣି ପିସପେ ଏଟକାତି ନେହଁ କାରୁ ଝେକନେସି, ଆତିହଁ ଏଝାସି ବାକା ବେଟାଆପେସି ।

୯ ଏନିକଁ ମାମ୍ନୁ ତଲିଏ ଝେସାମାନମି, ନୀଏଁ ଜିକେଏ ନାନୁ ଏଲେକିହଁଏ ଅଡ଼େ ଝେଣ୍ଡେ ଝେସିମାଞ୍ଜାଇଁ, ଆମିନି ନେହଁ କାରୁଇଁ ମୀରୁ ଆସାମାଚେରି, ଏଦାଣି ପିସପେ ଆମିନି ଲକୁ ଏଟକାତି ନେହଁ କାରୁ ମୀ ତାଣା ଝେକହାନେସି ଏଝାସି ବାକା ବେଟାଆପେସି ।

୧୦ ନୀଏଁ ନାନୁ ମାଣ୍ଡସିୟା ନକିତା କି ମାହାପୁରୁ ନକିତା ନେହଁ ତଞ୍ଜାଆୟାଲି ଅଣ୍ପିମାଇଁ, ଏଦି ଏଚେଲା ଜିକେଏ ଆଏ । ଇତିହଁ ମାଣ୍ଡସିୟାଇଁ ରାହାଁ କିହାଲି ଅଣ୍ପିମାଇଁ, ନାନୁ ନୀଏଁ ପାତେକା ମାଣ୍ଡସିୟାଇଁ ରାହାଁ କିଝିକିହାଲି ଅଣ୍ପି ମାତିହଁମା ନାନୁ କ୍ରୀସ୍ତତି ହଲେଏଶାତେଏଁ ଆଆତେଏଁମା ।

ପାଞ୍ଜୁଲ ଏନିକଁ ଆଡ଼ଝି ଆନାୟି

୧୧ ତାୟି ତାଞ୍ଜିସ୍ତାତେରି ଆମିନି ନେହଁ କାରୁ ନା ତାଣାଟି ଝେସପି ଆହାମାନେ, ଏଦାଣି ମିଙ୍ଗେ ନାନୁ ଝେସିମାଞ୍ଜାଇଁ ଏଦି ମାଣ୍ଡସିୟା ତାଣାଟି ଆଏ;

୧୨ ନାନୁ ଏଦାଆଁ ମାଣ୍ଡସି ତାଣାଟି ବେଟାଆହା ହିଲଅଁ କି ଜାପାହିଲଅଁ,

ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାଟି ବେଟାଆହାମାଇଁ ।

୧୩ ନାନୁ ତଲି ଜୀହୁଦି ଦାମ୍ବୁତା ମାତିବେଲା ଏନି ମାଣ୍ଡକିତା ମାଚେଏଁ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହୀହିମାଚେଏଁ, ଅଡ଼େ ଏଦାଆଁ ମେନ୍ଦୁହାଲି ଅଣ୍ପିମାଚେଏଁ ।

୧୪ ଅଡ଼େ ମା ଆକୁ ଆବାୟାଁ ପାଶାପାଟୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍ବୁତି ହାରେକା ମାନି କିହିମାଚେଏଁ ।

୧୫ ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି,

୧୬ ଅଡ଼େ ଜୀହୁଦିଆଆତି ଲକୁତାଣା ନେହଁ କାରୁ ଝେକହାଲି ତାକି ଏଚିବେଲା ନାଙ୍ଗେ ଏଝାସି ତାନି ମୀରୁଏଶାଇଁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟକା ମାଣ୍ଡସି ତାଣା ହାଜା ହିଲାଆତେଏଁ ।

୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡଝିଆଡ଼ି ସୀସୁ ଆହାମାଚେରି, ଏଝାରାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏଁ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏଁ; ଅଡ଼େ ତାୟୁ ଦମେସକତା ଝେଣ୍ଡା ଝାଡ଼େଏଁ ।

୧୮ ତାନି ବାର୍ଯା ହାଟି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାଚେଏଁ, ଇଞ୍ଜା ଏଝାଣିତଲେ ପନ୍ଦର ଦିନା ଏମ୍ବାଆଁ ମାଚେଏଁ ।

୧୯ ସାମା ପ୍ରବୁତି ତାୟି ଜାକୁବ ପିସପେ ପାଣ୍ଡଝି ଆହାମାନାରି ବିତ୍ରା ଆମ୍ବାଆରାଇଁ ମେହଆତେଏଁ ।

୨୦ ନାନୁ ମିଙ୍ଗେ ଏନାଆଁ ରାଟିମାଞ୍ଜାଇଁ, ମାହାପୁରୁ ନକିତା ସାତା ଝେସିମାଞ୍ଜାଇଁ,

☆ ୧:୧୩ ୧:୧୩ କାମା ୮:୩; ୨୨:୪,୫; ୨୭:୯-୧୧ ☆ ୧:୧୪ ୧:୧୪ କାମା ୨୨:୩ ☆ ୧:୧୫ ୧:୧୫ କାମା ୯:୩-୭; ୨୨:୭-୧୦; ୨୭:୧୩-୧୮ ☆ ୧:୧୮ ୧:୧୮ କାମା ୯:୨୭-୩୦

ମିତି ଖେସିମାଞ୍ଜଅଁ □

୨୧ ତାହୁଁ ନାନୁ ସିରିୟା ଅଡ଼େ କିଲିକିୟାତି ହାଡ଼େକା ଟାସ୍ଲାଣା ହାଚେଏଁ □

୨୨ ଜାହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଜେ ନେହୁଁ କୁ ପୁଞ୍ଜାମାଞ୍ଜାଆତେରି □

୨୩ ଏଞ୍ଜାରି ଏଟକା ଲକୁ ତାଣାଟି ଖେଞ୍ଜାମାଚେରି, “ଆମିନି ମାଣ୍ଡସି ତଲି ମାଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ଲେକହାଲି ଅଣ୍ଡପିମାଚେସି, ଏଞ୍ଜାସି ନାଏଁ ନାମୁତି କାତା ଖେକହି ମାନେସି □”

୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଇଁ ଗାଞ୍ଜୁରମି କିହିମାଚେରି □

## ୨

ପାଞ୍ଜୁଲ ଅଡ଼େ ପାଣ୍ଡୁଞ୍ଜି ଆଡ଼ି ସୀପୁୟାଁ

୧ \*ସଦ ବାସା ତାହୁଁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଖେଣ୍ଡେ ହାଚେଏଁ, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେଏଁ □

୨ ନାନୁ ଏମାଆଁ ହାନାୟିମାନେ ଇଞ୍ଜୁଁ ମାହାପୁରୁ ତାଣାଟି ହୁକୁମି ବେଟାଆହାନା ହାଚେଏଁ; ଅଡ଼େ ନାନୁ ଏଟକା କୁଡ଼ାତି ଲକୁତାଣା ଆମିନି ନେହୁଁ କାରୁ ଖେକହିମାଇଁ, ଏଦାଆଁ ଏଞ୍ଜାରାଇଁ ଖେସ୍ତେଏଁ, ସାମା ନା ତଲିତି ଅଡ଼େ ନାଏଁତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଟେ ନାନୁ ଏଞ୍ଜାରାଇଁ ଏଟକା କିହାନା ଖେସ୍ତେଏଁ □

୩ ସାମା ନା ତଡୁଁ ତିତସ ଗ୍ରିକ୍ ଲକୁ ମାଟି ଜିକେଏ ଏଞ୍ଜାଣାଇଁ ତଲୁ ଦାପି କିହାଲି ବାଲାମାତମି କିଞ୍ଜିଆହା ହିଲାଆତେ,

୪ ଆତିହୁଁ ଜିକେଏ ଏଚରଜାଣା ଲକୁ ଏଞ୍ଜାଣାଇଁ ତଲୁ ଦାପି କିହାଲି ଅଣ୍ଡପିମାଚେରି □ ଏଞ୍ଜାରି ନାମିତି ତାୟିୟା ଇଞ୍ଜୁଁ ତସା କଡାନା ମେଣେଏ ପାରୁ ପାରିନି ଲେହେଁ

ଜାବୁତା ଆଣ୍ଡାମାଚେରି □ କ୍ରୀସ୍ତ ଜୀସୁତାଣା ଆଣ୍ଡିତାକି ମାର ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣ୍ଡପୁ ମାଚେ, ମାଜେ ଏଞ୍ଜାରି ଅଡ଼େ ଖେଣ୍ଡେ ମେରାତି ହଲିୟାଙ୍ଗା କିହାଲି ଅଣ୍ଡପିମାଚେରି □

\* ସାମା ନେହୁଁ କାରୁତି ସାତା ଏନିକୁଁ ମୀ ତାଣା ତୀରିଆହାନା ତୁୟିନେ, ଏଦାଆଁତାକି ମାମୁଗାଡ଼େକା ତାକି ଜିକେଏ ଏଞ୍ଜାରାକି ପାରୁ ହାହାହିଲାଆତମି □

୨ ଆମ୍ବାଆରି ମାନିଗାଟାରି ଇଞ୍ଜୁଁ ଖେଙ୍ଗା ମାଚେରି, ଏଞ୍ଜାରି ଏନିଲେହେଁତି ଲକୁ ମାଚେରି, ଏମାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାରୁଡ଼ା ବାଟି କିଅସି, ଏ ମାନିଗାଟାରି ନାଜେ ଏନି ପୁଞ୍ଜି ବଲୁ ଖେସାମାଞ୍ଜଅରି □

୩ ଏଟକା ଖାକି ଏଞ୍ଜାରି ପୁଞ୍ଜାଲି ଆଡ଼ିତେରି, ପିତରଇଁ ଏନିକୁଁ ଜାହୁଦି ଲକୁତାଣା ନେହୁଁ କାରୁ ଖେକନି କାମା ହେର୍ପିତେସି ଏଲେକିହୁଁ ଏ ନାଜେ ଜିକେଏ ଜାହୁଦିଆଆତି ଲକୁତାଣା ନେହୁଁ କାରୁ ଖେକନି ବଲୁ ହେର୍ପା ମାଞ୍ଜାନେସି □

୪ ଏନାଆଁତାକି ଇଚିହୁଁ ଜାହୁଦି ଲକୁତାଣା ପାଣ୍ଡୁଞ୍ଜି ଆହାମାନାରି କାମା କିହାଲି ଏନିକିହୁଁ ପିତରକି ମାହାପୁରୁ ବାଡ଼ୁୟୁ ହାହାମାନେସି, ଏଲେକିହୁଁ ଏ ଜାହୁଦିଆଆତି ଲକୁତାଣା ଏ କାମା କିହାଲି ନାଜେ ମାହାପୁରୁ ବାଡ଼ୁୟୁ ହାହାମାଞ୍ଜାନେସି □

୫ ଅଡ଼େ ଏଚିବେଲାତା ଏଞ୍ଜାରି ମାହାପୁରୁ ନାଜେ ହାହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜୁଁ ଖେଙ୍ଗାମାନେରି, ଜାକୁବ, ପିତର, ଅଡ଼େ ଜହନ ନାଜେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜୁଁ ଚିଠିନି କେୟୁ ଆସାନା ଆବାଚେରି, ଏନିକିହୁଁ ନାନୁ ଅଡ଼େ ବର୍ନବା ଜାହୁଦିଆଆତି ଲକୁତାଣା କାମା କିନମି ଅଡ଼େ ଏଞ୍ଜାରି ଜାହୁଦି ଲକୁତାଣା

କାମା କିନେରି □

୧୦ ଏଞ୍ଜାରି ଖାରଇ ଇଚେକା ବାତିମାଲା ମାଞ୍ଜାତେରି ମାମ୍ବୁ ଏଞ୍ଜାରି ଜାନ୍ତୁତା ମାନ୍ତି ହିଲାଆଗାଚାରାଇଁ ଅଣ୍ଡିନି; ଏ କାତାତା ନାନ୍ତୁ ରାହାଁ ଆହାମାଚେଏଁ □

ପାଞ୍ଜୁଲ ପିତରଇଁ ଲାଗିନାୟି

୧୧ ସାମା କେପା\*ଏଚିବେଲା ଆକ୍ତିୟକିୟାତା ଖାହାମାଚେସି, ନାନ୍ତୁ ଏଞ୍ଜାଣାଇଁ ବାରେ ଲକୁ ନକିତା ଲାଗିଚେଏଁ, ଇଚିହଁ ଏଞ୍ଜାସି ଦହ କିହିମାଚେସି □

୧୨ ଜାକୁବ ତାଣାଟି ଏଚରଜାଣା ଖାଆ ନକେଏ ପିତର ଜୀହୁଦିଆଆତି ତାୟି ତାଜିସ୍ତା ତଲେ ତିଞ୍ଜିମାଚେସି, ସାମା ଏଞ୍ଜାରି ଖାହାଲିଏ, ଏଞ୍ଜାସି ଏ ତାୟି ତାଜିସ୍ତାଇଁ ଆଜାନା ଜୀହୁଦିଆଆତି ତାୟି ତାଜିସ୍ତାଇଁ ପିସାନା ଏଚକା ଆଚେସି □

୧୩ ଇଞ୍ଜା ଏଚରଜାଣା ଜୀହୁଦି ତାୟିୟାଁ ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହଁ ପୁନାଆତାରି ଲେହେଁ ନାଡ଼ିକିଞ୍ଜି ଆଚେରି, ଏଲେଆହଁ ବର୍ନବା ଜିକେଏ ଏଞ୍ଜାରି କାତା ଆସ୍ତେସି □

୧୪ ଏଚିବେଲା ନାନ୍ତୁ ମେସ୍ତେଏଁ, ଏଞ୍ଜାରି ନେହଁ କାବୁତି ସାତା ତଲେ ତାକିହିଲଅରି, ଏଚିବେଲାତା ନାନ୍ତୁ ବାରେ ଲକୁ ନକିତା କେପାଇଁ ଏଲେଇଚେଏଁ, “ନାନ୍ତୁ ଜୀହୁଦି ଆହାନା ଜୀହୁଦି ଲକୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକୁଲେହେଁ ନୀଡ଼ିମାଞ୍ଜି, ଆତିହଁ ନାନ୍ତୁ ଏନିକିହଁ ଜୀହୁଦିଆଆତି ଲକୁଣି ଜୀହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି □”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାମ୍ବୁ ଜୀର୍ନାଟିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ ପାପୁ ଗାଚାତମି ଆଏଁ □”

୧୬ ✽ଆଡ଼ିଜିକେଏ ମେରାତି କାମା ତଲେ ମାଣ୍ଡସି ତୀରିଗାଚାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତୀରିଗାଚାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକିଁ ମେରାତି କାମା ତଲେ ତୀରିଗାଚାତମି ଆଆନା କ୍ରୀସ୍ତ ତାଣା ନାମାନା ତୀରିଗାଚାତମି ଆନମି; ଇଚିହଁ ମସାତି ମେରାତି କାମା ତଲେ ଆମିନି ମାଣ୍ଡସି ତୀରିଗାଚାସି ଆଅସି □

୧୭ ସାମା କ୍ରୀସ୍ତ ତାଣାଟି ତୀରି ଗାଚାତାୟି ଆୟାଲି ଅଣ୍ଡପାନା ମାମ୍ବୁ ଜିକେଏ ପାପୁ ଗାଚାତମି ଇଞ୍ଜିହଁ ତଞ୍ଜା ଆଡ଼ମି, କ୍ରୀସ୍ତ ପାପୁତି ସେବା କିନାସି କି ? ଏଡ଼ି ଏଚେଲାଖା ଆଆପେ □

୧୮ ଇଚିହଁ ନାନ୍ତୁ ଏନି ମେରାତି ମେକ୍ତୁହାମାଇଁ ଏ ବାରେତି ଅଡ଼େ ଖେଣ୍ଡେ ଗାଡ଼ି କିଇଁ, ଆତିହଁ ନାନ୍ତୁଏ ଜାହାରାଇଁ ଦହ ଗାଚାଚେଏଁ ଇଞ୍ଜିଁ ତସାକତିମାଇଁ □

୧୯ ମାହାପୁରୁ ତାକି ନୀତାଲି ନାନ୍ତୁ ମେରାତି ମେରାତାକି ପାସି ମୁଣ୍ଡାତା ହାହାମାଇଁ,

୨୦ ନାନ୍ତୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଇଁ; ନାନ୍ତୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନ୍ତୁ ନୀଏଁ ଏମିନି ଆଞ୍ଜା ତଲେ ନୀତାମାଇଁ, ଏଡ଼ି ନାମୁତଲେ, ଇଚିହଁ ମାହାପୁରୁତି ଏମିନି ମୀର୍ଏସି ନାଜେ ଜୀଞ୍ଜୁନହାଁନା ନା ତାକି ତାନି ଜୀଞ୍ଜୁ ହୀହାମାନେସି, ଏଞ୍ଜାଣି ତାଣା ନାମାନା ନୀତାମାଇଁ □

୨୧ ନାନ୍ତୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇଚିହଁ ମେରା ତଲେ ମାଣ୍ଡସି ମାହାପୁରୁ ନକିତା ତୀରିଗାଚାସି ଆନେସି, ଆତିହଁ କ୍ରୀସ୍ତ ହାତାୟି ଉଜେଏତାୟି □

\* ୨:୧୧ ୨:୧୧ ପିତର † ୨:୧୪ ୨:୧୪ ପିତର

✽ ୨:୧୬ ୨:୧୬ ରମି ୩:୨୦; ରମି ୩:୨୨

**୩**

ମେରା ଆଥାତ୍ ନାମୁ

୧ ଏ ବୁଦି ହିଲାଆଗାଟି ଗାଳାତିୟତି ଲକୁତେରି! ଆମ୍ବାଆସି ମିଙ୍ଗେ ମାତୁଝି କିହାମାଞ୍ଜାନେସି ? ମୀ କାଣ୍ଟକା ନକିତା ଜୀସୁ କ୍ରୀସୁ ପାସି ମୁଣ୍ଡାତା ହାଡ଼ି କାତା ନେହ୍ କି ତଞ୍ଜାଆହିମାଞ୍ଜାତେ ।

୨ ନାମୁ ମୀ ତାଣ୍ଟାଟି ଇତେକା ପୁଞ୍ଜାଲି ଅଣ୍ପିମାଙ୍ଗ; ମୀରୁ ମସା ମେରା ତଲେ କାମା କିତାକି କି ନେହ୍ କାରୁ ଖେଞ୍ଜାନା ନାମିତାକି ସୁଦୁଜୀଝୁ ବେଟାଆହାମାଚେରି ?

୩ ମୀରୁ ଏନିଲେହେଁଟି ବୁଦି ହିଲାଆଗାଟାଚେରି ? ମାହାପୁରୁତି ଜୀଝୁତଲେ ମାଟୁହାନା; ଆଙ୍ଗାଟି ବାଡ଼ୁଲୁ ତଲେ ରାପୁହାଲି ଅଣ୍ପିମାଞ୍ଜେରି ?

୪ ମୀରୁ କି ଉଜେଏ ଇତେକା କସୁ ବେଟାଆହାମାଞ୍ଜେରି ? ଏଦି ଏଦାଆଁ ଉଜେଏତାୟି ?

୫ ଇଚିହ୍ ଆମ୍ବାଆସି ମିଙ୍ଗେ ଜୀଝୁ ହାହାମାଞ୍ଜାନେସି, ଅଡ଼େ ମୀ ତାଣ୍ଟା କାବାଆନି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଖେଞ୍ଜାହାଁ କିନେସି ?

୬ \*ଅବ୍ରାହାମ କାତା ଅଣ୍ପାଦୁ, ସାଢ଼ସ୍ପରିତା ରାସ୍ତି ଆହାମାନେ, “ଏଞ୍ଜାସି ମାହାପୁରୁ ତାଣ୍ଟା ନାମିତେସି, ଇଞ୍ଜା ନାମାଲିଏ ତୀରିଗାଟାସି ଆଡ଼େସି ।”

୭ \*ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମୀରକା ମାସ୍ତକା, ଇଦାଆଁ ମୀରୁ ପୁନାୟିମାନେ ।

୮ ଅଡ଼େ ମାହାପୁରୁ ଜୀହୁଦିଆଆତାରାଙ୍ଗ ନାମୁଟି ତୀରିଗାଟାରି କିନେସି, ଏଦାଆଁ ଦାମ୍ବୁ ପତିତା ନକେଏ ମେସାନା ଅବ୍ରାହାମ ତାଣ୍ଟା ନେହ୍ କାରୁ ଖେସାନା ଏଲେଇଚେସି; “ନୀ ତାଣ୍ଟାଟି ଦାର୍ଡିତି ବାରେ କୁଲୁତି ଲକୁ ବର ବେଟାଆନେରି ।”

୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡ଼େସି, ଏଲେକିହ୍ ଏ ଆମ୍ବାଆରି ନାମିନାରି ବାରେକାଣ୍ଟା ଏଞ୍ଜାଣିଲେହେଁ ବର ବେଟାଆନେରି ।

୧୦ ଇଚିହ୍ ଏଚେକା ଲକୁ ମସାତି ମେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ବୁପତିତା ରାସ୍ତି ଆହାମାନେ, “ଆମ୍ବାଆସି ମେରା ପତିତା ରାସ୍ତି ଆହାମାନି ବାରେ କାତାଟି ମାନଝି ଆଥସି ଏଞ୍ଜାସି ମାହାପୁରୁ ତାଣ୍ଟାଟି ବାକା ବେଟା ଆନେସି ।”

୧୧ ମେରା ମାନଝି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଥସି, ନେହ୍ କି ପୁଞ୍ଜାମାନାୟି, ରାସ୍ତି ଆହାମାନେ, “ଇଚିହ୍ ତୀରିଗାଟାସି ନାମୁଟି ନୀତିନେସି ।”

୧୨ ଅଡ଼େ ନାମୁ ମେରାତି ମୂଲୁ କାତା ଆଏ; ମେରାତି ମୂଲୁ ଆହାମାନେ “ଆମ୍ବାଆସି ବାରେ ହୁକୁମି ମାନଝି ଆନେସି, ଏମାଟି ଏଞ୍ଜାସି ନୀତିନେସି ।”

୧୩ କ୍ରୀସୁ ମା ତାକି ବାକା ବେଟାଆହାନା ମେରାଟି ମାଙ୍ଗେ ଖାନି ବାକାଟି ପିସ୍ପି କିହାମାଞ୍ଜାନେସି; ଇଚିହ୍ ରାସ୍ତି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି ।”

୧୪ ମାହାପୁରୁ ଅବ୍ରାହାମଙ୍ଗ ଆମିନି ବର ହାହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକ୍ ଏଦାଆଁ ବେଟାଆହାଲି ଆଡ଼ିନେରି, ଏଦାଆଁତାକି କ୍ରୀସୁ ଇ କାମା କିହାମାନେସି, ଏଦାଆଁତାକି ମୀରୁ ଜିକେଏ ମାହାପୁରୁ ଖେସାମାନି ଲେହେଁ ନାମୁତଲେ ସୁଦୁଜୀଝୁ ବେଟାଆହାଲି ଆଡ଼ିନାୟି ।

ମେରା ଅଡ଼େ ଆଞ୍ଜିନାୟି

୧୫ ଏ ତାୟି ତାଙ୍ଗିସ୍ତା, ନାମୁ ମାଣ୍ଟିୟାଁ ଲେହେଁ ଖେସିମାଞ୍ଜାଙ୍ଗ; ରାକ୍ତିମାନା ମାଣ୍ଟି ତାଣ୍ଟାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି,

ଏଚେତା ଏଦାନି ଆମ୍ବାଆସି ଏଚକା କିହାଲି ଆଡ଼ଅସି କି ଏମ୍ବାଆଁ ଏନାଆଁ କାଲୁହାଲି ଆଡ଼ଅସି □

୧୭ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୁଲୁ ତାକି ହୀପକି ଆହାମାଚେ; ଏଝାସି ଏଲେଇଞ୍ଜା ହିଲଅସି, “କୃଡ଼ା ତାରାକି” ଏନିକି ହାଚେକା ଲକୁତାକି ସାଢ଼େସ୍ତରିତା ଝେସ୍ତ୍ରିଲେହେଁ ଆଏ, ଇଚିହଁ ଏନିକି ରଅଣି କାତା ଝେସ୍ତେସି, ନୀ “କୃଡ଼ା ତାକି” ଏଝାସି କ୍ରୀସ୍ତ ଜୀସୁ □

୧୭ ନା ଅଣ୍ପୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାଚେସି, ଅଡ଼େ ଏଦାଆଁ ତାରିକିହାଁ ଇଟାଲି ଆଞ୍ଜାମାଚେସି, ଆମିନି ମେରା ସାରି ଖାଞ୍ଜା କଡ଼େଦସ ବାସା ତାମୁ ହୀପକିଆଚେ, ଏଦି ଏ ରାଜିମାନାତି ମାଦି କିଆନା ମାହାପୁରୁତି ଆଞ୍ଜାମାନାଣି ଆକ୍ମାଲି ଆଡ଼େଏ □

୧୮ \*ମାହାପୁରୁତି ଆଞ୍ଜାମାନି ବର ମେରା ମାନିକିନି ତାଣା ବାସୁ କିନେ, ଆତିହଁ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହାହାମାନେସି □

୧୯ ଆତିହଁ ମେରା ଏନାଆଁତାକି ହୀପକିଆଚେ ? ମାଣ୍ଡସିତି ଲାଗେଏତି କାମା ତସାଲି ତାକି ହୀପକିଆଚେ, ଇଞ୍ଜା ଅବ୍ରାହାମକି ଏମିନି କୃଡ଼ାତି ମେସାନା ମାହାପୁରୁ ଆଞ୍ଜାମାଚେସି, ଏଝାସି ଖାନ୍ତି ପାତେକା ମେରା ଲଡ଼ା ମାଚେ, ର ମାଣ୍ଡସିତି ମାଦି ତଲେ ଲାକପୁରୁତି ଦୁତୁୟା ସାଢ଼େମିତି ମେରା ହୀପକି ଆହାମାଚେ □

୨୦ ସାମା ନୀଏଁ ମାଦିତି ମାଣ୍ଡସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ □

ମେରାତି କାତା

୨୧ ଇଚିହଁ ମେରା ମାହାପୁରୁ ଆଞ୍ଜାମାନାଣି କପାତି କାତା ଝେକନେ ? ଏଦି ଏଚେଲାଝା ଆଆପେ; ଇଚିହଁ ଲକୁତାକି ଜୀଝୁ ହୀହାଲି

ଆଡ଼ିନି ଇଲେତି ମେରା ହୀପକି ଆହାମାଚିହଁ ମା, ଆତିହଁ ମେରା ସାତେଏ ତାରି ଗାଟାୟି ଆଡ଼େମା □

୨୨ ସାମା ଦାର୍ମୁ ସାସ୍ତେରିତା ରାସକି ଆହାମାନେ, “ବାରେ ମାଣ୍ଡସି କୃଡ଼ା ପାପୁତି ବାଡ଼ୟୁତା ମାନେରି, ଏଦାଆଁତାକି ଏନିକି ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକୁ ବେଟାଆନେରି □”

୨୩ ସାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସ୍ପି ଆହିମାଚାୟି □

୨୪ ଇଲେତି ନାମୁ ତାକି ମାର ଦାର୍ମୁ ଗାଟାତାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାତେକା ମେରା ମାଙ୍ଗେ ଜାପୁହାନାୟି ଲେହେଁ ମାଚେ □

୨୫ ସାମା ନୀଏଁ ଏ ନାମୁ ଖାହାଲିଏ, ମାର ଅଡ଼େ ମେରାତି ବାଡ଼ୟୁତା ହିଲାଆୟି □

୨୬ ଇଚିହଁ ମୀରୁ ବାରେକାଣା ଜୀସୁ କ୍ରୀସ୍ତଇଁ ନାମିନି ତାଣାତି ମାହାପୁରୁତି ମୀରକା ମାସକା ଆହାମାଞ୍ଜେରି □

୨୭ ଇଞ୍ଜା ମୀରୁ ଏଚେକା ଲକୁ କ୍ରୀସ୍ତ ଦରୁଚି ବାପ୍ତିସ୍ତ\* ବେଟାଆହାମାଞ୍ଜେରି, ନୀଏଁ ମୀରୁ ବାରେଚେରି କ୍ରୀସ୍ତଇଁ ହିମ୍ବୁରିଲେହେଁ ପର୍ହାମାଞ୍ଜେରି □

୨୮ ଜୀହୁଦି ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ରା ଏନି ପାରଡ଼ା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି □

୨୯ \*ଅଡ଼େ ମୀରୁ କ୍ରୀସ୍ତ ଲକୁ, ଆତିହଁ ମୀରୁ ଅବ୍ରାହାମତି କୃଡ଼ାଚେରି, ଆଞ୍ଜାମାନି ଲେହେଁ ଅଦିକାରା ଗାଟାଚେରି ଆହାମାଞ୍ଜେରି □

**୪**

୧ ନାନୁ ୱେସିମାଞ୍ଜାଇଁ, ମୀରୁଏସି ଆବାତି ବାରେ ଦନତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନି ପାତେକା ହଡ଼ଲେଏସି ଲେହେଁ ଆନେସି □

୨ ସାମା ଆବାତି ତୀରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ତ୍ତୟିନେସି □

୩ ଏଲେକିହୁଏ ମାରୁ ଜିକେଏ ଏଚିବେଲା ଦାମ୍ବୁତା ପାତାଆହା ହିଲାଆତାୟି, ଏଚିବେଲା ଦାରୁତିତି ବାରେ ସାଲୁଡ଼ି କିନି ବାଡ଼ୁୟୁତା ହଲିୟା ମାଟାୟି □

୪ ସାମା ଦିନା ପୂରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଶାଇଁ ପାଣ୍ଡାତେସି; ଏଞ୍ଜାସି ଇୟାନି ବାଣ୍ଡିଟି ଜାର୍ନା ଆହାନା ଜୀହୁଦିୟାଁ ମେରା ତଲେ ନୀତିତେସି,

୫ ଏନିକିହୁଏ ଏଞ୍ଜାସି ମେରାତା ମାନି ଲକୁଣି ମୂଲୁ ହୀହାନା ପିସ୍ପି କିନେସି, ଅଡ଼େ ମାରୁ ମାହାପୁରୁତି ମୀରୁକା ମାସ୍କାତି ଅଦିକାରା ବେଟାଆନାୟି □

୬ ଇଞ୍ଜା ମୀରୁ ମୀରୁକା ମାସ୍କାତେରି, ଅଡ଼େ ମାହାପୁରୁ ମୀ ହିୟାତା ତ୍ତୟାଲି ତାକି ତାନି ମୀରୁଏଶାତି ସୁଦୁଜୀଞ୍ଜୁ ପାଣ୍ଡାତେସି, ଏ ଜୀଞ୍ଜୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜା” ହାଡ଼ିମାନେ □

୭ ଏଦାଆଁତାକି ମୀରୁ ଅଡ଼େ ହଲିୟାଙ୍ଗା ଆଏ, ସାମା ମୀରୁକା ମାସ୍କାତେରି, ମୀରୁ ତାନି ମୀରୁକା ମାସ୍କାତେରି ଆହାମାନାକି ମାହାପୁରୁ ତାନି ମୀରୁକା ମାସ୍କାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି □

ଗାଳାତିୟ ଲକୁତାକି ପାଞ୍ଜୁଲ ଅଣ୍ଡିମାନାୟି

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି

ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଙ୍ଗା ମାତେରି □

୯ ସାମା ମୀରୁ ନୀଏଁ ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହୁଁ ମୀରୁ ଏନିକିଏ ବାଡ଼ୁୟୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆଡାଆଗାଟି ଦାରୁତି ଝାକି ୱେଶ୍ଟେ ହାଜାଲି ଅଣ୍ଡିମାଞ୍ଜେରି, ମୀରୁ ଏନାଆଁତାକି ୱେଶ୍ଟେ ଏ ବାରେତି ହଲିୟାଙ୍ଗା ଆୟାଲି ଅଣ୍ଡିମାଞ୍ଜେରି □

୧୦ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାର୍ବୁ ଅଡ଼େ ବାର୍ସା ମାନଡ଼ି ଆହିମାଞ୍ଜେରି □

୧୧ ମିଙ୍ଗେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଙ୍ଗେ ହାରେକା ଆଜି ହଡ଼ିମାଞ୍ଜାନେ □

୧୨ ଏ ତାୟି ତାଜିସ୍ତାତେରି, ନାନୁ ମିଙ୍ଗ ବାତିମାଲିମାଞ୍ଜାଇଁ, ମୀରୁ ନାଲେହେଁ ଆଦୁ, ଇଚିହୁଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପଲେଏ କିହାମାଞ୍ଜଅତେରି □

୧୩ ନାନୁ ତଲିଏ ମୀ ତାଣା ନେହୁଁ କାରୁ ୱେକ୍‌ହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଚେତା ନା ଆଙ୍ଗାତି ବାଦା ମାଞ୍ଜାନା ୱେକ୍‌ହାମାଚେଏଁ;

୧୪ ଅଡ଼େ ନା ଆଙ୍ଗାତି ବାଦା ମିଙ୍ଗେତାକି କସ୍ତଗାଟାୟି ଆହିମାତିହୁଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ରୁ ଦୂତୁ ଲେହେଁ ଇଚିହୁଁ କ୍ରୀସ୍ତ ଜୀପୁଇଁ ଆବିନି ଲେହେଁ ନାଙ୍ଗେ ଆବାତେରି □

୧୫ ମୀରୁ ଏଚେକା ରାହାଁ ମାତେରି, ମୀ ଏ ରାହାଁ ଆମ୍ବିୟା ହାଚେ ? ଇଚିହୁଁ ନାନୁ ମୀ କାତା ଆଡ଼ଞ୍ଜା ତଲେ ୱେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା □

୧୬ ସାମା ନୀଏଁ ନାନୁ ମିଙ୍ଗେ ସାତା ୱେସାଲିଏ, ମୀ ସାତୁ ଆହାମାଇଁ କି ?



୧୭ ଏହାରି ମୀ ନେହେଁ ତାକି ହାରେକା ରାହାଁ ଗାଟାରି ଇଞ୍ଜି ତଞ୍ଜାଆହାଲି ଅଣ୍ପିମାନେରି, ସାମା ତାମି ସାତା ଅଣ୍ପୁ ତଲେ ଆଏ, ଏହାରି ରଣ୍ଡିଏ ଅଣ୍ପୁ ଏନିକି ମୀରୁ ନା ତାଣାଟି ଏଟକା ଆହାନା ଏହାରି ଖାକି ରାହାଁ ଆଦେରି ।

୧୮ ଇତିହୁଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହୁଁ କାମାତାକି ଅଣ୍ପିନାୟି ନେହେଁ ।

୧୯ ଏ ନା ଜୀଞ୍ଜୁତି ମୀରକା ମାସ୍କାତେରି, ଏତେ ପାତେକା କ୍ରୀସ୍ତ ଲେହେଁ ଆଅତେରି, ଏତେ ପାତେକା ନାନୁ ମୀ ତାକି ଜାନି କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହିମାଲ୍ ।

୨୦ ନାନୁ ଏନିକି ନୀର୍ବ ମୀ ତାଣା ଖାହାନା ଅର ରଲେତି ହାଡ଼ା ଖେସାଲି ଆଡ଼ିତେର୍ସମା, ଇଦି ନା ଅଣ୍ପୁ ମାତେ; ଏନାଆଁତାକି ଇତିହୁଁ ନାନୁ ମୀ ତାକି ହାରେଏ ଅଣ୍ପିମାଲ୍ ।

ହାଗାର୍ ଅଡ଼େ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଞ୍ଜେ ଖେସ୍ତାଦୁ, ମେରାତା ଏନାଆଁ ରାସ୍କି ଆହାମାନେ, ଏଦାଆଁ ମୀରୁ ଖେଞ୍ଜା ହିଲଅତେରି ?

୨୨ ଇତିହୁଁ ରାସ୍କି ଆହାମାନେ, ଅବ୍ରାହାମତି ରୀ ମୀରକା ମାତେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍ରିନି ତାଣାଟି ଜାର୍ନା ଆହାମାତେସି,

୨୩ ହଲେଣି ମୀରଏସି ଆଙ୍ଗାତି ଗୁଣ୍ଡୁତଲେ ଜାର୍ନା ଆଡ଼େସି, ସାମା ଆମିନିଗାଟାସି ତାନି ତକ୍ରିନି ମୀରଏସି ମାହାପୁରୁ ଆଞ୍ଜାମାଟି ବାଡ଼ୁରୁଟି ଜାର୍ନା ଆଡ଼େସି ।

୨୪ ଇଦାଆଁ ର ପୁଣ୍ଡି କିନି କାତାଲେହେଁ ଖେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି ମୀରକା ହଲିୟାଙ୍ଗା

ଆୟାଲି ଜାର୍ନା ଆଡ଼େରି, ଏ ହାଗାର୍ ସିନୟ ହରୁଟି ଖାହାମାନି ରାଜିମାନା ଲେହେଁ ।

୨୫ ହାଗାର୍ ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀର୍ବତି ଜିରୁସାଲମ ଗାଡ଼ା ଲେହେଁ । ହାଗାର୍ ଲେହେଁ ଜିରୁସାଲମ ଅଡ଼େ ଏଦାନି ସାଲ୍ଡି କିନାରି ନୀର୍ବ ହଲିୟାଙ୍ଗା ଆହାମାନେରି ।

୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି

୨୭ ଏନାଆଁତାକି ଇତିହୁଁ ସାସ୍ତେରିତା ରାସ୍କି ଆହାମାନେ,

“ଆଲ ବାଞ୍ଜେଣି, ଏତେଲା ପଦି ପଦା ଜାର୍ନା କିଆଗାଟି ଇୟା, ରାହାଁ କିମୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏତେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାତଲେ ରାହାଁ କିମୁ;

ଇତିହୁଁ ତକ୍ରା ତଲେ ବାସା କିହିମାନି ଇୟାନି କିହାଁ

ର ପିସ୍ତି ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।”

୨୮ “ଏ ନା ତାୟି ତାଞ୍ଜିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାସ୍କାତେରି ।

୨୯ ସାମା ଆମ୍ବାଆସି ଆଙ୍ଗାତି ଗୁଣ୍ଡୁ ତଲେ ଜାର୍ନା ଆଡ଼େସି, ଏହାସି ଏନିକି ଏତିବେଲାତା ମାହାପୁରୁତି ସୁଦୁଜୀଞ୍ଜୁଟି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏହାଣାଲ୍ ସାସ୍ତି ହୀହାମାତେସି ଏଲେକିହୁଁ ଏ ନୀର୍ବ ଜିକେଏ ଆହିମାନେ ।

୩୦ ଦାମ୍ବୁ ପତି ଏନାଆଁ ଖେସିମାନେ ? ହଲେଣି ଇୟା ଅଡ଼େ ଏଦାଣି ମୀରଏଣାଲ୍ ପିହମୁ; ଇତିହୁଁ ହଲେଣି ମୀରଏସି ତାନି ବୀହା ତକ୍ରିନି ମୀରଏଣା ତଲେ ଅଦିକାରା ଗାଟାସି ଆୟାଲି ଆଡ଼ଅସି ।”

୩୧ ଏଦାଆଁତାକି ଏ ନା ତାୟି ତାଞ୍ଜିସ୍ତାତେରି, ମୀର ହଲେଣି ମୀରକା

ମାସ୍କା ଆଏ, ସାମା ବାହା ତକ୍ରିନି  
ମୀରକା ମାସ୍କାତାୟି □

### ୫

କ୍ରୀସ୍ତ ତାଣା ଦୋଲା ଆନାୟି

୧ ମୀର ଦୋଲା ଆହାମାନାୟି, କ୍ରୀସ୍ତ  
ମାଜେ ଦୋଲା କିହାମାଜାନେସି □  
ଇଦାଆଁତାକି ମୀରୁ ଦୋଲା ଆଡିତାଣା  
ତୀରିଆହାଁ ମାଞ୍ଜୁ □ ଅଡେ ଖେଣ୍ଡେ  
ହଲିୟାଜା ଜୁଖେଡିତା ମୀରୁ ଜାହାରାଜ୍  
ହେରପାକତାଆଦୁ □

୨ ନାନୁ ପାସ୍ତୁଲ ମିଜେ ଖେସିମାଜାଇଁ,  
ମୀରୁ ମୀ ତଲୁ ଦାପିଆନାଣି ମାନି  
କିତିସାରେ, କ୍ରୀସ୍ତ ତାଣାଟି ମୀଦି ଏନି  
ଲାବା ହିଲେଏ □

୩ ନାନୁ ତଲୁ ଦାପି ଆହିମାନି ବାରେ  
ଜାଣାଇଁ ଖେଣ୍ଡେ ଖେସିମାଇଁ, ଇତିହ  
ଏଝାସି ବାରେ ମସାତି ଦୋରା ମାନଝି  
ଆନାୟି ମାନେ □

୪ ମୀରୁ ଏତେକା ଲକୁ ଦୋରାଟି  
ମାହାପୁରୁ କାନୁତା ତୀରିଗାଟାତେରି  
ଆୟାଲି ଅଣ୍ଡିମାଜେରି, ମୀରୁ କ୍ରୀସ୍ତ  
ତାଣାଟି ଏଟକା ଆହାମାଜେରି, ଇଞ୍ଜା  
ମାହାପୁରୁ କାର୍ମାମେହନି ତାଣାଟି ଗୁତା  
ଆହାମାଜେରି □

୫ ଇତିହ ମୀର ମାହାପୁରୁତି  
ଜୀଝୁତଲେ ନାମୁ ତାକି ଦାର୍ମୁଗାଟି ଲକୁ  
ଆନି ଆସାଇଁ କାଡିମାନାୟି □

୬ ଇଦାଆଁତାକି ଜୀସୁ କ୍ରୀସ୍ତ ତାଣା  
ଆଣ୍ଡାନା ନୀତାମାଟିସାରେ ତଲୁ ଦାପି  
ଆନାୟି କି ଦାପି ଆଆଗାଟାୟି ଏନାୟି  
ହିଲେଏ, ସାମା ନାମୁତା ଅଜିକିହ  
ମାଜାନା ଜୀଝୁ ନନାଣି ତଲେ କାମା  
କିନାୟି □

୭ ମୀରୁତ ନେହକ୍ ନକିତା  
ହାଜିମାତେରି; ଆମ୍ବାଆସି, ମିଜେ  
ସାତାତି ମାନଝି ଆଆଦୁ ଇଞ୍ଜ  
ଆଜ୍ଞାତେସି ?

୮ ମିଜେ ହାଟାମାଜାନି ମାହାପୁରୁ  
ତାଣାଟି ଇଦି ଆହା ହିଲେଏ □

୯ କାତାତା ମାନେ, ଇଚାୟି ପୁଲା  
ତ:କାତି ଗୁଣ୍ଡା ବାରେ ପୁଲା କିନେ □

୧୦ ମୀରୁ ଏଟକାତି ଅଣ୍ଡପୁ  
ଅଣ୍ଡପଅତେରି, ଇଦାଆଁ ନାନୁ ମିଜେ  
ତାକି ପ୍ରବୁ ତାଣା ହାରେକା ନାମିମାଇଁ;  
ସାମା ମିଜେ ଆମ୍ବାଆସି ନାଡି  
କିହାମାଜାନାସି ଏଝାସି ଆମ୍ବାଆସି  
ଆଡେସି ମାହାପୁରୁ ଏଝାଣାକି ତଣ୍ଡ  
ହୀନେସି □

୧୧ ନା ତାୟି ତାଜିସ୍ତାତେରି, ନାନୁ  
ନୀଏଁ ପାତେକା ତଲୁ ଦାଝିନି ଦୋରା  
ଖେକ୍‌ହିମାଇଁ, ଆତିହ ଏନାଆଁତାକି  
ନୀଏଁ ପାତେକା ସାସ୍ତି ବେଟାଆହିମାଇଁ ?  
ନାନୁ ସାତେଏ ଏଲେକ୍ ଖେକ୍‌ହିହ  
କୁସତା ହାଡି କ୍ରୀସ୍ତତି କାତା ଖେକ୍‌ନି  
ତାଣାଟି ନାଜେ ଏନି ବାଦା ଆଆତେମା  
□

୧୨ ନାନୁ ଅଣ୍ଡିମାଇଁ, ତଲୁ ଦାନାଣି  
ଏମିନିଗାଟାରି ମିଜେ ଏଲେକ୍  
କିଲିବିଲି କିହିମାଜାନେରି ଏଝାରି  
ପେଜୁୟାଁ ଲେହେଁ ଆଡିହ ନେହ  
ଆଡେମା □

୧୩ ଏ ତାୟି ତାଜିସ୍ତା, ମୀରୁ ଦୋଲା  
ଆହାଲିତାକି ହାଟକି ଆହାମାଜେରି;  
ସାମା ଜାଗ୍ରାତା, ଆଜ୍ଞାତି ଜୁପକା  
କାମା କିହାଲି ମୀ ଆଜ୍ଞାତି ପାରୁ  
ବେଟାଆଡିସାରେ ଏ ଦୋଲାତି  
ଲେମ୍ବାଆଦୁ, ସାମା ରଅତେରି ରଅଣାଇଁ  
ଜୀଝୁ ନଝିଆହାନା ସେବା କିଦୁ □

୧୪ ଇତିହ ବାରେ ଦୋରା ଇ ରଣ୍ଡିଏ  
ହୁକୁମିତା ତୀରି ଆନେ, “ନାନୁ ନୀ  
ଆଟ୍‌ହିତାଣାଇଁ ନୀ ଜୀଝୁତି ଜୀଝୁନନି  
ଲେହେଁ ଜୀଝୁନଦୁ □”

୧୫ ମୀରୁ ରଅତେରି ରଅଣାଇଁ ବାଦା  
ହାହାନା ନସ୍ତ କିଝି ଆହିମାଜେରି,  
ଆତିହ ଜାଗ୍ରାତା ଆଦୁ, ଏନିକ  
ମୀରୁ ରଅତେରି ରଅଣି ତାଣାଟି ନାସା  
ଆଆତେରି □

ସୁଦୁଜୀଝୁ ଅଡେ ମାଣସିତି ଗୁଣ୍ଡ

୧୬ ନା ଅଣ୍ଡପୁ ଇଦି, ମୀରୁ ସୁଦୁଜୀଝୁ  
ତଲେ ତାକାଦୁ, ଆତିହ ମୀରୁ

ଆଜ୍ଞାତି ଜୁଫକା ତଲେ କାମା କିଅତେରି  
□

୧୭ \*ମାଣସିତି ମାଣକି ସୁଦୁଜୀଝୁ  
ଅଫେଏ □ ଏଲେକିହୁଏ ସୁଦୁଜୀଝୁ  
ମାଣସିତି ମାଣକିତି ଅଫେଏ □ ଏଝି ରିଣ୍ଡି  
ସାତୁ ଲେହେଁ □ ଇତିହୁଁ ମୀରୁ ଏନାଆଁ  
କିୟାଲି ଅଣ୍ପିଦେରି ଏଦାଆଁ କିୟାଲି  
ଆଡ଼ଅତେରି □

୧୮ ସୁଦୁଜୀଝୁ ମିଙ୍ଗେ ସାଲଝି  
କିୟାନେ, ଆତିହୁଁ ମୀରୁ ଅଡ଼େ ମସାତି  
ମେରା ଡ଼ଇ ହିଲଅତେରି □

୧୯ ଆଜ୍ଞାତି ଅଣ୍ପୁ ତଲେ କିନି କାମା  
ବାରେ ନେହୁଁକ ପୁଞ୍ଜାମାଞ୍ଜେରି,  
ଏଝି ଦାରିକାମା, ଲାଗେଏ ପଲେଏ  
କାମା □

୨୦ ଅଡ଼େ ଅପାଆଗାତି କାମା,  
ପେଣ୍ଡକା ପୂଜା, ଲକୁଣି ପାୟିନାୟି,  
ଗୁଣି ଗାରଡ଼ି, ସାତୁ ଆନାୟି, ଗଡ଼ହା  
କିନାୟି, ଆଙ୍କାରା ଆନାୟି, କାରବି  
ଆନାୟି, ଜାହାରାତାକି ଅଣ୍ପିନାୟି,  
ଗତି ଆହୁଁ ବାଗା ଆନାୟି, ନାଡ଼ିକିହାଁ  
ବାଗା କିନାୟି, ତାହାରା ଆନାୟି,

୨୧ କାଡ଼ୁଗହନାରି ତଲେ ଆଣ୍ଡାନା  
ରାହାଁ କିନାୟି ଇଲେତି ବାରେ କାମା  
କିନାୟି; ନାନୁ ତଲି ମିଙ୍ଗେ ଏନିକ  
ଝେସାମାଞ୍ଜାତେଏଁ, ଏଲେକିହୁଁ  
ନକେଏ ଜାଗ୍ରାତା କିହାଁ ଝେସିମାଞ୍ଜାଲ୍,  
ଆମ୍ବାଆରି ଇଲେତି କାମା କିନେରି,  
ଏଞ୍ଜାରାକି ମାହାପୁରୁ ରାଜିତା ଅଦିକାରା  
ହିଲେଏ □

୨୨ ସାମା ସୁଦୁଜୀଝୁତି ପାଡ଼େୟି,  
ଜୀଝୁନନାୟି, ରାହାଁ ଆନାୟି, ହିଡ଼ଡ଼ି  
ଜୀଝୁତଲେ ମାନାୟି, ଅରୁହିନାୟି,  
ଲକୁଲ୍ ସାୟେମି କିନାୟି, ସାତା ଗୁଣ୍ଡ,  
ମାନ୍ନିଗାତି ଲକୁ, ନାମୁତଲେ ମାନାୟି,

୨୩ ଅଡ଼େ ଜାହାରାଲ୍ ଲକ୍ନାୟି, ଇ  
ବାରେ ନକିତା ମସାତି ଏନି ମେରା  
ହିଲେଏ □

୨୪ ଆମ୍ବାଆରି ଜୀସୁ କ୍ରୀସ୍ତ ତାଣା  
ମାନେରି, ଏଞ୍ଜାରି ତାନି ଆଜ୍ଞାତି  
ଅଣ୍ପୁ ଅଡ଼େ ଜୁଫକା ବାରେ ମାଣସି

ମାଣକିତି ପାସି ମୁଣ୍ଡାତା ଏକହାନା ହାଝି  
କିହାମାନେରି □

୨୫ ମାର ସୁଦୁଜୀଝୁ ତଲେ ଜୀଝୁ  
ବେଗାଆହାମାନାୟି, ଆତିହୁଁ  
ସୁଦୁଜୀଝୁ ତଲେ ନାତିନ □

୨୬ ମାରୁ ବଡ଼ପଣ ଆହାନା ରଅତଝି  
ରଅଣାଲ୍ ବିତିବିତା କିଆପ ଅଡ଼େ ମାରୁ  
ରଅତାୟି ରଅଣାଲ୍ ତାହାରା ଆଆପ □



ରଅସି ରଅଣି ବଜୁ ଡେକିନାୟି

୧ ଏ ତାୟି ତାଜିସ୍ତା, ଆମ୍ବାଆସି  
ଏନି ଦହୁ କିହାମାନାଣି ପୁଟିହୁଁ,  
ସୁଦୁଜୀଝୁ ବେଗାଆହାମାଞ୍ଜେରି ମୀରୁ,  
ମୀରୁ ଟିକାଣା ତଲେ ଏଲେତି ଲକୁଣି  
ଏଲେତି କାମା ପିସାଲି ଜାପୁଡୁ, ଏଡ଼େତା  
ମୀରୁ ଜିକେଏ ପାନ୍ଦାତା ହେରଝିଦେରି,  
ଏଦାଆଁତାକି ମୀରୁ ଜାଗ୍ରାତା ଆହାନା  
ମାଞ୍ଜୁ □

୨ ରଅତେରି ରଅଣି ବଜୁ ଡେକାଲି  
ସାୟେମି କିଝିଆଦୁ; ଏଲେକିତିହୁଁ  
ମୀରୁ କ୍ରୀସ୍ତତି ମେରା ମାନଝି ଆଦେରି  
□

୩ ଆମ୍ବାଆସି ଲାଗେଏ ଆହାନା  
ଜାହାରାଲ୍ ନାନୁ କାଜାତେଏଁ ଇଞ୍ଜୁ  
ଅଣ୍ପା କତିନେସି ଏଞ୍ଜାସି ତାନୁଏ  
ତାଙ୍ଗେ ନାଡ଼ି କିହାକତିମାନେସି □

୪ ସାମା ବାରେଜାଣା ଜାହାରା କିତି  
କାମାତି ତାୟିପାରି କିପାସି, ଆତିହୁଁ  
ଏଞ୍ଜାସି ଅର ଲକୁ କିତି କାମାତାକି  
ଆଏ ସାମା ତାନୁଏ କିହାମାନାଣି ତାକି  
ବଡ଼ପଣ କିଆପେସି □

୫ ଏନିଇତିହୁଁ ବାରେଜାଣା ଜାହାରା  
ବଜୁ ଜାହାରାଏ ଡେକିନାୟି ମାନେ □

୬ ସାମା ଆମ୍ବାଆସି ମାହାପୁରୁତି ବଜୁ  
ଜାପିନେସି, ଏଞ୍ଜାସି ତାଙ୍ଗେ ଜାପୁନାଣାକି  
ତାନି ତାଣା ମାନି ବାରେକିହାଁ ନେହୁଁ  
ବାଗା ହାପେସି □

୭ ମୀରୁ ମିଙ୍ଗେ ନାଡ଼ିକିହା କତାଆଦୁ;  
ଆମ୍ବାଆସି ମାହାପୁରୁଲ୍ ନାଡ଼ି କିହାଲି  
ଆଡ଼ଅସି, ଇତିହୁଁ ମାଣସି ଏନାଆଁ  
ମାତିନେସି ଏଦାଆଁ ଦାଞ୍ଜାମାନେସି □

୮ ଆମ୍ବାଆସି ଆଜ୍ଞାତି ଅଣପୁ ତାକି ମାଟିନେସି, ଏଞ୍ଜାସି ଆଜ୍ଞାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁଟି ଗାଡ଼ିଆଡ଼ି କାଲାକାଲାତି ଜୀଝୁହାନି ପାଡ଼େୟି ଦାଃଆନେସି □

୯ ମାର ନେହୁଁ କାମା କିହାଲି ଖାହାଆପ; ଇତିହୁଁ ଖାହୁ ଆଆନା କାମା କିତିହୁଁ ସମାନା ବେଲୋତା ତାସା ଦାଃନାୟି □

୧୦ ଏନିଇତିହୁଁ ମାର ପାରୁ ସିନିକିହାନା ବାରେତାକି ଇତିହୁଁ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଟାରାଇଁ ନେହୁଁ କିନାୟିମାନେ □

ଜାଗ୍ରାତା କିହାଁ ଜହରା ତଲେ ଆକୁତି ରାପ୍ନାୟି

୧୧ ମେହୁଦୁ, ନାନୁ ଏନିକୁଁ କାଜା କାଜା ଅଙ୍କରି ତଲେ ନା କେୟୁତଲେ ମୀ ତାଣା ରାଟାମାଞ୍ଜାଇଁ □

୧୨ ଆମ୍ବାଆରି ଆଜ୍ଞାତି କାମା ତଲେ ଝେଙ୍ଗାଲି ମନ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜୁଁ ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକୁଁ ନିୟା ବେଟାଆଅରି ଖାରଇ ଏଦାଣିତାକି ଏଲେକିନେରି □

୧୩ ଇତିହୁଁ ଆମ୍ବାଆରି ତଲୁ ଦାଃନି ମେରା ତଲେ ମାନେରି, ଏଞ୍ଜାରି ତାମ୍ନୁ ଜିକେଏ ମସାତି ମେରା ମାନୁଞ୍ଜି ଆଅରି, ଇଞ୍ଜା ଏଞ୍ଜାରି ଏନିକୁଁ ମୀ ଆଜ୍ଞା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଜିକିହାଲି ଅଣ୍ଡପିନେରି □

୧୪ ସାମା ନାନୁ ଖାରଇ ମା ଜୀସୁ କ୍ରୀସ୍ତତି କ୍ରସ୍ତ ତାକି ବତପଣ ଆହିମାଇଁ; ଇତିହୁଁ ଏଞ୍ଜାଣି କ୍ରସ୍ତ ତାକି ଦାରତି ନାଙ୍ଗେତାକି ହାହାମାନେ ଇଞ୍ଜା ନାନୁ ଦାରତି ତାକି ହାହାମାଇଁ □

୧୫ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା

ପୁଃନି ଗାଡ଼ି ଆନାୟି ଏଦି ବାରେ କିହାଁ ମୁଲୁତାୟି □

୧୬ ଏତେକା ଲକୁ ଇ ମେରା ତଲେ ତାକିନେରି, ଏଞ୍ଜାରି ଲକ ଅଡ଼େ ମାହାପୁରୁତି ଇସ୍ରାୟେଲ ଲକୁ ଲକ ହିଡ଼ଡ଼ି ଅଡ଼େ କାର୍ମା ଆପେ □

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତ ହିୟାଆପେସି, ଇତିହୁଁ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଜ୍ଞାତା ମାନୁ □

୧୮ ଏ ତାୟି ତାଙ୍ଗିମ୍ବା, ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଝୁତା ତୟାପେ □ ଆମେନ୍ □

**ଏପିସୀୟ ମଣ୍ଡଳୀ  
ନିକଟକୁ ପାଉଲକ ପତ୍ର  
ଏପିସିୟ କୁଲମିତାକି  
ପାଞ୍ଚୁଲ ରାଫାମାନି  
ଆକୁ  
ମୂଲୁ ହାଡ଼ା**

ଏପିସିୟ କୁଲମିତି ଆକୁ ପାଞ୍ଚୁଲ ରାଫାମାନେସି, ଜୀସୁ କ୍ରୀସୁ ଜାର୍ନାଆଡ଼ି ୭୦ ବାର୍ଷୀ ତାୟୁ କଲସିୟ କୁଲମିତାକି ରାଡ଼ିତି ବେଲା ରାସ୍‌କି ଆହାମାଚେ □ ରାଡ଼ିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ □ କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଟାରି ଏପିସିୟ ଆକୁ ପାଞ୍ଚୁଲ ରାଫାମାନେସି ଇଞ୍ଜି କନେରି □ ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍‌କି ଆହାଡ଼ୟିନେ □ ପାଞ୍ଚୁଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଡ଼ିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ □ ପାଞ୍ଚୁଲ ତୁକିକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାଚେସି ୬:୨୧-୨୨ □

ଏପିସିୟ ଏସିୟା ରାଜିତି ର କାଜା ଗାଡ଼ା ମାଚେ □ ଏପିସିୟ ଗାଡ଼ାତି ଗ୍ରିକ୍ ପେନୁ ଆଚେର୍ମି ଅଡ଼େ ଏଦାନି ଦେଖୁଡ଼ି ଝେଜିତାୟି ମାଚେ, କାମା ୯:୨୩-୩୧ □ ଏପିସିୟ କୁଲମି ନକେଏ ବାଡ଼ୁଲୁ ଗାଟାୟି ମାଚେ ତାୟୁ ରିହାଲି ମାଟ୍‌ହେ ଝେ ବଲୁ ୨:୧-୭ □

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଡ଼ିତେସି, ଅଡ଼େ ଏନିକିଁ ଜୀସୁ ତାଣାଟି ପାପୁଟି ଗେଲ୍‌ପିତେସି ଏଦାଆଁ ଝେସିମାନେସି □ ପାଞ୍ଚୁଲ କୁଲମିତି ଆଜ୍ଞା ତଲେ ତୁକ୍‌ହାନା କ୍ରୀସୁ ଏଦାନି ତାୟୁ ଅଡ଼େ କନତି ମୂଲୁ ଖାଲି,

କୁଲମି ର ଡକ୍‌ଜି ଲେହେଁ କ୍ରୀସୁଏ ଡକ୍‌ଜା □ ଆକୁତି ତାୟୁ ବାଗାତା ପାଞ୍ଚୁଲ ପଡ଼ୁଡ଼ି ଆନାରାଇଁ କ୍ରୀସୁ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାଡ଼ିମାଲି ମାନେସି □

- ପତିତା ମାନାୟି**
- ୧ ପାଞ୍ଚୁଲ ଜହରା କିହାନା ପୁଣ୍ଡି କିହା କଡ଼ିନାୟି □ ୧:୧-୨
  - ୨ କ୍ରୀସୁ ତଲେ କୁଲମିତି ତୁକ୍‌ନାୟି □ ୧:୩-୩:୨୧
  - ୩ କ୍ରୀସୁ ତାଣା ଏନିକିଁ ନୀଡ଼ିନାୟି □ ୪:୧-୬:୨୦
  - ୪ ଜହରା କିହାନା ଆକୁତି ରାପ୍‌ନାୟି □ ୬:୨୧-୨୪

୧ \*ପାଞ୍ଚୁଲ, ମାହାପୁରୁତି ଅଣ୍ଡୁ ତଲେ କ୍ରୀସୁ ଜୀସୁତି ପାଣ୍ଡୁ ଆହାମାନାଚେଏଁ, ଏପିସିୟତା ମାନି ମାହାପୁରୁ ଲକୁ ଇଞ୍ଜା କ୍ରୀସୁ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଡ଼ିମାଇଁ □

୨ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସୁ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ଡ଼ି ଜୀସୁ ମିଜେତାକି ଆୟାପେ □

ସୁଦୁଜୀଞ୍ଜୁତି ବର ପାଣ୍ଡନାୟି

୩ ମା ପ୍ରବୁ ଜୀସୁ କ୍ରୀସୁତି ମାହାପୁରୁ ଅଡ଼େ ଆବାଇଁ ଜହରା ଆପେ □ ଏଞ୍ଜାସି କ୍ରୀସୁ ତାଣା ମାଜେ ବାରେ ଜୀଞ୍ଜୁତି ବର ତଲେ ଲାକପୁରୁ ବର ହାହାମାଞ୍ଜାନେସି □

୪ ମାର ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ୍ ହିଲାଆଗାଟାୟି ଆନାୟି ଏଦାଆଁତାକି ଏଞ୍ଜାସି ଦାରତି ଗାଡ଼ି ଆଆ ନକେଏ ତାନି ତାଣା ମାଜେ ଆଚାମାଞ୍ଜାତେସି □

\* ଅଡ଼େ ଏଞ୍ଜାସି ମାଜେ କ୍ରୀସୁ ଜୀସୁ ତାଣାଟି ତାଜେତାକି ମୀରକା ମାସକା କିୟାଲି ତାନୁଏ ତଲିଏ ତୀରି କିତେସି; ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡୁ □

୬ ମାହାପୁରୁତି କାର୍ମାମେହ୍‌ନାୟି ତାକି ଇଞ୍ଜା ତାନି ମୀରଏଶାଇଁ

\* ୧:୧ ୧:୧ କାମା ୧୮:୧୯-୨୧; ୧୯:୧

ଉଦ୍ଦେଶ୍ୟ ବେଟାଆନ୍ତି ଦାନା ଲେହେଁ  
 ବେଟାଆହାମାନାକି, ମାର ମାହାପୁରୁଈ  
 ଜହରା କିହିମାନାୟି ।

୭ କ୍ରୀସ୍ତ ହାଡ଼ି ତାଣ୍ଡାଟି ମାର ଗେଲ୍‌ପି  
 ଆହାମାନାୟି, ଇତିହାସ ମା ବାରେ ପାପୁ  
 ମେଣ୍ଡାମାନେ, ମାହାପୁରୁତି କାର୍ମା  
 ଏଚେକା କାଜାୟି ।

୮ ଏଞ୍ଜିସି ଏ କାର୍ମାମେହନାଣି ବାରେ  
 ବୁଦି ଅଡ଼େ ଅଣ୍ଡୁ ମାଙ୍ଗେ ହାରେକା  
 ହାହାମାଞ୍ଜାନେସି ।

୯ ନଚେଏ ଅଣ୍ଡୁପାନି ତାନି  
 କାର୍ମାତଲେ ଏଞ୍ଜିସି ମାଙ୍ଗେ ତାନି  
 ଅଣ୍ଡୁ ତଲେ ଡ଼ଗୁମାନି ଅଣ୍ଡୁତି  
 ତସାମାଞ୍ଜାନେସି ।

୧୦ ଏନିକ କାଲ୍‌ତି ତାନି ଅଣ୍ଡୁ  
 ତଲେ ଲାକପୁରୁ କି ଦାରତିତା ମାନାଣି  
 ବାରେ ଏଞ୍ଜିସି ତାଙ୍ଗେତାକି କ୍ରୀସ୍ତ ତାଣ୍ଡା  
 ରଣ୍ଡେଏ କିନେସି ।

୧୧ ମାର ଜିକେଏ ଏଞ୍ଜାଣି ତାଣ୍ଡା  
 ଅଦିକାରା ଲେହେଁ ଆହାମାନାୟି,  
 ଇତିହାସ ଏମିନି ମାହାପୁରୁ ତାନି ମନତି  
 ଅଣ୍ଡୁ ତଲେ ବାରେ କାତା ତୀରି  
 କିନେସି, ଇଞ୍ଜା ଏଞ୍ଜିସି ତଲିତିଏ ମନତା  
 ତୀରି କିହାମାଟିଲେହେଁ ମାର ନଚେଏ  
 ଆଡ଼଼ି ଆଡାୟି ।

୧୨ ମାର ଏନିକ କ୍ରୀସ୍ତ ତାଣ୍ଡା  
 ନଚେଏ ବାର୍ସୁ କିହା ମାଚାୟି, ମାର  
 ବାରେତାୟି ମାହାପୁରୁ ଗାଞ୍ଜୁରମିତି  
 ଜହରା କିନାତାୟି ଆନ ।

୧୩ ଏଞ୍ଜାଣି ତାଣ୍ଡାଟି ମାରୁ ଜିକେଏ  
 ସାତା ବଲୁ ଇତିହାସ ମିଙ୍ଗେ ଗେଲ୍‌ପାନି  
 ନେହ କାରୁ ଝେଞ୍ଜାନା ନାମାହାଁ  
 ଆଞ୍ଜାମାନି ସୁଦୁଜୀଞ୍ଜୁ ତଲେ ବୁଟୁ ମୁଦ୍ରା  
 ଆହାମାଞ୍ଜେରି;

୧୪ ମାହାପୁରୁ ତାନି ଲକ୍ଷ୍ମତାକି ଏନାଆଁ  
 ହାହାଲି ଆଞ୍ଜାମାନେସି ଏ ବାରେ  
 ମାର ବେଟାଆନାୟି ସୁଦୁଜୀଞ୍ଜୁ ତାନି  
 ବାୟିଦା ଲେହେଁ । ମାହାପୁରୁ ତାନି  
 ଲକ୍ଷ୍ମତାକି ଗେଲ୍‌ପି ଆନାଣି ହାନେସି  
 ଇ ବାରେତାକି ମାହାପୁରୁତି ଗାଞ୍ଜୁରମି  
 କିନ ।

ପାଞ୍ଜୁଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣ୍ଡା ମୀ  
 ନାମୁ ଇଞ୍ଜା ବାରେ ମାହାପୁରୁ ଲକ୍ଷ୍ମତାକି  
 ଜୀଞ୍ଜୁନନାୟି ମାନେ,

୧୬ ଏ କାତା ଝେଞ୍ଜାନା ମିଙ୍ଗେତାକି  
 ନା ପ୍ରାତାନାତା ମାହାପୁରୁଈ ଜହରା  
 କିହିମାଈ ।

୧୭ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ,  
 ଗାଞ୍ଜୁରମିଗାଟି ଆଦା, ଏଞ୍ଜିସି ମିଙ୍ଗେ  
 ସୁଦୁଜୀଞ୍ଜୁତି ହିୟାନେସି ଏ ଜୀଞ୍ଜୁ ମିଙ୍ଗେ  
 ବୁଦି ହିୟାନେ, ଅଡ଼େ ମାହାପୁରୁଈ ମୀ  
 ତାଣ୍ଡା ତଞ୍ଜି କିୟାନେ, ଆତିହାସ ମାରୁ  
 ଏଞ୍ଜାଣାଈ ପୁଞ୍ଜେରି ।

୧୮ ଏମ୍ପାଟିଏ ମୀ ହିୟାଁତି କାଣ୍‌କା  
 ଦେପି ଆଡ଼ିସାରେ, ତାନୁ ହାଟାମାଞ୍ଜାନି  
 ବାର୍ସୁ ଏନାୟି, ମାହାପୁରୁ ଲକ୍ଷ୍ମତାଣ୍ଡା  
 ତାନି ଅଦିକାରାଟି ଗାଞ୍ଜୁରମିଗାଟି ଦନ  
 ଏନାୟି,

୧୯ ତାନି ଲକ୍ଷ୍ମତାକି ତାନି  
 ଆଞ୍ଜାମାନାୟି ହାରେକା କାଜା ବର  
 ଅଡ଼େ ନାମିମାନାତାୟି ମାର, ତାନି  
 ବାଡ଼ୁୟୁତି କାମା କିନାତାୟି, ଇଞ୍ଜା  
 ମାଙ୍ଗେତାକି ତାନି ବାଡ଼ୁୟୁ ଏଚେକା  
 କାଜାୟି ଇ ବାରେ ପୁଞ୍ଜାଲି ଆଡ଼ିଦେରି;

୨୦ ଏ ବାଡ଼ୁୟୁ କ୍ରୀସ୍ତ ତାଣ୍ଡା ତସାନା  
 ଏଞ୍ଜାଣାଈ ହାଡାରି ତାଣ୍ଡାଟି ନିକ୍‌ହାନା  
 ଲାକପୁରୁ ତାନି ଟିଝନି ଟଟତା କୁଟି  
 କିହାମାନେସି ।

୨୧ କ୍ରୀସ୍ତ ଲାକପୁରୁ ବାରେ ସାଲଞ୍ଜି  
 କିନାସି, କାଜାପାଣ୍ଡା, ବାଡ଼ୁୟୁ,  
 ମୁସ୍ତାଦାରିୟାଁ ଲାକ ସାଲଞ୍ଜି କିନାସି,  
 ଇ ଜୁଗୁତା ଅଡ଼େ ଏ ଜୁଗୁତା ଏଚେକା  
 ଦରକା ଝେଞ୍ଜା ମାନୁ, ଏ ବାରେତି ମୁହେଁ  
 ଏଞ୍ଜାଣି ପାଣା କାଜାୟି ।

୨୨ ମାହାପୁରୁ ବାରେ କ୍ରୀସ୍ତ  
 କଡାୟାଁ ଡ଼ଇ ଇତିଦେସି, ଇଞ୍ଜା  
 ଏଞ୍ଜାଣାଈ ବାରେତି କିହାଁ କାଜାସି  
 କିହାନା କ୍ରୀସ୍ତାନା କୁଲମିକା ହେର୍‌ପା  
 ମାନେସି ।

୨୩ ଏ କୁଲମିକା କ୍ରୀସ୍ତ ଆଞ୍ଜା  
 ଲେହେଁ, ଇତିହାସ ଆମ୍ପାଆସି ବାରେ

କାମାତି ବାରେ ତାଣା ପୂରା କିନେସି □

## ୨

ହାକିଟି ଜୀଝୁ ପାଣ୍ଡନାୟି

<sup>୧</sup> ମୀ ଦହ ଅଡ଼େ ପାପୁ ତାକି ତଲି  
ଜୀଝୁତା ହାହାମାଚେରି,

<sup>୨</sup> ଇଚିହୁଁ ଏମିନି ଜୀଝୁ ନୀର୍ବ  
ଜିକେଏ କାତା ମାନଡ଼ି ଆଆଗାଟି  
ମୀରକା ତାଣା ଅଦିକାରା କିହାମାନେ,  
ଏ ଦାରତିତି ମନତଲେ ମୀରୁ ଜିକେଏ  
ତଲି କାଲା ଏ ଜିରୁତା ତାକିହୁଁ ଦହ  
କିହାନା ପାପୁତାକି ହାହାମାଚେରି □

<sup>୩</sup> ଏ କାତା ମାନଡ଼ି ଆଆଗାଟି ମୀରକା  
ତଲେ ମୀର ବାରେ ଏ ବେଲାତା ମା  
ଆଜାପି ମାଣକି ତଲେ ନୀତାନା ଆଜା  
ଅଡ଼େ ମନତି କାମା କିହିମାଚାୟି, ଇଞ୍ଜା  
ଏଟକାତାରି ଲେହେଁ ମୀର ଜିକେଏ  
ମାହାପୁରୁ କପାତି ଲକୁ ମାଚାୟି □

<sup>୪</sup> ସାମା ମାହାପୁରୁ ହାରେକା କାର୍ମା  
ମେହନାସି; ଏଞ୍ଜାସି ମାଜେ ହାରେକା  
ଜୀଝୁ ନଝୁତା ଜୀଝୁ ନୟାତେସି,

<sup>୫</sup> ଏଡେତା ମୀର ପାପୁ ତାକି ହାହା  
ମାଚାୟି, ଇଞ୍ଜା ମାଜେ କ୍ରୀସୁ ଜୀସୁ  
ତଲେ ନିକହାତେସି, ଅଡ଼େ ମାହାପୁରୁତି  
କାର୍ମାଟି ମୀରୁ ଗେଲୁପି ଆହାମାଞ୍ଜେରି □

<sup>୬</sup> ଇଞ୍ଜା ତାନି ତଲେ ମାଜେ ହାକିଟି  
ନିକହାନା କ୍ରୀସୁ ଜୀସୁ ତାଣା ଲାକପୁରୁ  
କୁଗି କିହାମାଞ୍ଜାନେସି □

<sup>୭</sup> କ୍ରୀସୁ ଜୀସୁ ତାଣା ମାଜେତାକି  
ଜୀଝୁନହାନା ଖାହିମାନି ଜୁଗୁତା ତାନି  
କାର୍ମାଟି ହାରେକା ଦନ ତସାଲି  
ମାହାପୁରୁ ଇଦାଆଁ କିତେସି □

<sup>୮</sup> ଏନାଆଁତାକି ଇଚିହୁଁ ମୀରୁ  
ନାନିତାକି ମାହାପୁରୁତି କାର୍ମାଟି ଗେଲୁପି  
ଆହାମାଞ୍ଜେରି; ଏଦି ମୀ ତାଣାଟି ଆହା  
ହିଲେଏ, ଏଦି ମାହାପୁରୁତି ଦାନା,

<sup>୯</sup> ଏଦି ମୀରୁ କାମା କିତାକି ଆଏ,  
ଏଦାଆଁତାକି ଆମ୍ବାଆସି ବଡପଣ  
କିଆପେସି □

<sup>୧୦</sup> ଇଚିହୁଁ ମୀର ତାନି ତାଣାଟି ଗାଡ଼ି  
ଆହାମାନାୟି; ଆମିନି ନେହୁଁ କାମା

କିଇଁ ଇଞ୍ଜାଁ ମାହାପୁରୁ ତଲିଏ କିହାଲି  
ତାକି ଡିୟାରା କିହାମାଚେସି ଏ ବାରେ  
ମାନଡ଼ି ଆହାଲି କ୍ରୀସୁ ଜୀସୁ ତାଣାଟି  
ଗାଡ଼ି ଆହାମାନେ □

କ୍ରୀସୁ ତାଣା ରଣ୍ଡିଏ ଆନାୟି

<sup>୧୧</sup> ମୀରୁ ଏଚିବେଲା ତଲି ଆଜା  
ତଲେ ଜୀହୁଦିଆଆନା ମାଚେରି ଅଡ଼େ  
ଆଜାପି ଅଣପୁତା କେୟୁତଲେ ତଲୁ  
ଦାପି ଆଡ଼ି ଲକୁ ତାଣାଟି ତଲୁ ଦାପି  
ଆଆତାରି ଇଞ୍ଜାଁ ଝେଜିମାଚେରି □

<sup>୧୨</sup> ଏଚିବେଲା ମୀରୁ କ୍ରୀସୁ ତାଣାଟି  
ହେକ ମାଚେରି, ମୀରୁ ଏଟକା  
ଦେସାତାଚେରି ମାଚେରି, ଅଡ଼େ  
ମାହାପୁରୁତି ଆଡ଼ିତି ଇସ୍ରାୟେଲ କୁଡ଼ାତା  
ଆଣ୍ଡାହିଲାଆଚେରି, ମାହାପୁରୁ ତାନି  
ଲକୁତାକି କିହାମାନି ରାଜିମାନାତା ମୀ  
ଏନି ବାଗା ହିଲାଆତେ, ମାହାପୁରୁ ଅଡ଼େ  
ବାର୍ସୁ ହିଲାଆ ଲକୁ ଲେହେଁ ଦାରତିତା  
ବାସା କିହାମାଚେରି □

<sup>୧୩</sup> ନକେଏ ମୀରୁ ହେକ ମାଚେରି,  
ସାମା ନୀର୍ବ ମୀରୁ କ୍ରୀସୁ ଜୀସୁ  
ତାଣାଟି ତାନି ନେତେରି ତଲେ ତାଗେ  
ଆହାମାଞ୍ଜେରି □

<sup>୧୪</sup> ଏନାଆଁତାକି ଇଚିହୁଁ ଏଞ୍ଜାସି ମା  
ହିଡ଼ଡ଼ି, ଏଞ୍ଜାସି ସାତୁ ଲେହେଁ ପାଡ଼ି  
କାତିନି କାତିତି ଡିକହାନା ବାରେତି  
କାଲୁହା ମାନେସି,

<sup>୧୫</sup> \*ଜୀହୁଦି ଲକୁତି ପାଣାପାଟୁ  
ହୁକୁମିତି ମେରାତି ତାନି ଆଜାପି ହେକ  
କିହାମାନେସି, ଏନିକଁ ଏଞ୍ଜାସି ହିଡ଼ଡ଼ି  
ହୀହାନା ଜୀହୁଦି ଅଡ଼େ ଜୀହୁଦିଆଆତି  
କୁଡ଼ାତାରାଇଁ ତାନି ତାଣା ର ପୁଃନି  
ଲକୁଲେହେଁ ଗାଡ଼ି କିନେସି □

<sup>୧୬</sup> \*ଅଡ଼େ କୁସତା ହାହାନା ଜୀହୁଦି  
ଅଡ଼େ ଜୀହୁଦିଆଆତାରି ସାତୁତି ନାସା  
କିହାନା ଏଦାଣି ତଲେ ରିଆରାଇଁ ରଣ୍ଡିଏ  
ଆଜା ଲେହେଁ ଗାଡ଼ିକିହାନା ମାହାପୁରୁ  
ତଲେ ଆଣ୍ଡିକିୟାନେସି □

<sup>୧୭</sup> ଅଡ଼େ ହେକ ମାଟି ଜୀହୁଦିଆଆତି  
ଲକୁଣି ଅଡ଼େ ତାନି ତାଗେ ମାନି ଜୀହୁଦି

ଲକ୍ଷ୍ମୀ ଲାଭ କରି ତାହା ଏହାପାଇଁ ଖାହାନ୍ତି  
 ହିତୁତ୍ତି ନେହଁ କାରୁ ଖେଳୁହେସି;

୧୮ ଏନାଆଁତାକି ଇତିହଁ କ୍ରୀସ୍ତତି  
 ତାକି ବାରେ ଜୀହୁଦିୟାଁ ଅଡ଼େ  
 ଜୀହୁଦିଆଆତି ଲକ୍ଷ୍ମୀ ରଣିଏ ସୁଦୁଜୀହୁତି  
 ଲାକପୁରୁ ଆବା ତାହା ହାଜାଲି ଜିରୁ  
 ବେଟାଆହାମାନାୟି □

୧୯ ଏଦାଆଁତାକି ମୀରୁ ଏଟକା  
 ଦେସାତାତେରି ଇ ଦେସାତାତେରି ଆଏ,  
 ସୀମା ମାହାପୁରୁ ଲକ୍ଷ୍ମୀତଲେ ଆଣ୍ଡାନା  
 ଏହାରି ଦେସାତି ଲକ୍ଷ୍ମୀ, ଅଡ଼େ ମାହାପୁରୁ  
 ଇଲୁ କୁଟମିତେରି □

୨୦ ମୀରୁ ପାଣ୍ଡୁ ଆହାମାନାରି ଅଡ଼େ  
 ମାହାପୁରୁ ଅଣ୍ଡପୁତି ବଲୁ ଖେହନାରି  
 ଇଟାମାନି ପୁନାଦି ମୁହେଁ ଇଟକି  
 ଆହାମାଖେରି, କ୍ରୀସ୍ତ ଜୀସୁ ତାନୁଏ, ଏ  
 କନତି ମୂଲୁ ଖାଲି □

୨୧ ଏହାଣି ତାହା ବାରେ ଇଲୁତି  
 ବାରେ କାତିୟାଁ ଦୂର୍ଯ୍ୟାନା ପ୍ରବୁ ତାହା ର  
 ସୁଦୁ ଆହାମାନି ମାହାପୁରୁ ଇଲୁ ଲେହେଁ  
 ପାତାଆହିମାନେ □

୨୨ ଏହାଣି ତାହା ମୀରୁ ଜିକେଏ ମା  
 ତଲେ ଆଣ୍ଡାନା ସୁଦୁଜୀହୁତି ମାହାପୁରୁ  
 ବାସାଆନ୍ତି ଇଲୁ ଲେହେଁ ଦସ୍ପତି  
 ଆହାମାଖେରି □

**୩**

ଏଟକା ଲକ୍ଷ୍ମୀତାହା ପାଖୁଲତି କାମା

୧ ଇଦାଆଁତାକି ମୀ ଲେହେଁତି  
 ଜୀହୁଦିଆଆତି ଲକ୍ଷ୍ମୀତାକି କ୍ରୀସ୍ତ ଜୀସୁ  
 ତାକି ଦସ୍ପତି ଆହାମାନି ପାଖୁଲତେଏଁ □

୨ ମିଜେତାକି ନାଜେ ହାହାମାହାନି  
 ମାହାପୁରୁତି କାର୍ମାଟି ସେବାକିନି କାମାତି  
 କାତା ମୀରୁ ଖେହାମାଖେରି,

୩ ଅଡ଼େ ଡଗୁମାନି କାତା ମାହାପୁରୁ  
 ତାନୁଏ ତସାନା ପୁଣ୍ଡି କିୟାତେସି,  
 ଏନିକଁ ନାନୁ ତଲି ଏ ବାରେ କାତା  
 ଇଟାଣି ରାଟାମାଜ୍;

୪ ମୀରୁ ଏଦାଆଁ ପଡ଼ୁ ଆହାନ୍ତି  
 କ୍ରୀସ୍ତତି ଡଗୁମାନି କାତା ନାନୁ ଏଦାଆଁ

ତେଲହାମାଜ୍ ଏଦାଆଁ ମୀରୁ ତେଲହାଲି  
 ଆଡ଼ିଦେରି,

୫ ତଲି କାଲୀତା ମାଣ୍ଡସିୟାଁ ତାହା  
 ତହା ଆହାହିଲାଆତେ, ଏ ଡଗୁମାନାୟି  
 ନୀଏଁ ସୁଦୁଜୀହୁତି ତାନି ସୁଦୁତି ପାଣ୍ଡୁ  
 ଆହାମାନାରି ଅଡ଼େ ମାହାପୁରୁ ଅଣ୍ଡପୁତି  
 ବଲୁ ଖେହନାରି ତାହା ଏନିକଁ ତହା  
 ଆହାମାନେ,

୬ ଏ ଡଗୁମାନି କାତା ଇଦି ନେହଁ  
 କାରୁ ତାହାଟି ଜୀହୁଦିୟାଁ ମାହାପୁରୁତି  
 ବର ବେଟାଆନ୍ତି ଲେହେଁ, ଏଟକା  
 କୃତାତାରି ଜିକେଏ ବାରେଜାଣା ଆଣ୍ଡାନା  
 ର ଆଜା ଲେହେଁ ଆହାନ୍ତି କ୍ରୀସ୍ତ ଜୀସୁ  
 ତାହାଟି ମାହାପୁରୁ ଆହାମାନାଣି ବାରେ  
 ବେଟାଆନେରି □

୭ ମାହାପୁରୁତି କାମା କିନି ବାଡ଼ୁ  
 ତଲେ ନାଜେ ଏମିନି କାର୍ମାତି  
 ଦାନା ହାହାମାହାନେସି ଏଦାଆଁତାକି  
 ଏ ନେହଁ କାରୁତି ଖେକନାତେଏଁ  
 ଆହାମାଜ୍ □

୮ ମାହାପୁରୁ ଲକ୍ଷ୍ମୀ ବିତ୍ରାଟି ନାନୁ  
 ବାରେତି କିହା ଉଣାତେଏଁ ମାଟି ଜିକେଏ  
 ଏଟକା କୃତାତି ଲକ୍ଷ୍ମୀତାହା ଏଜିକିହାଲି  
 ଆଡ଼ାଆଗାଟି କ୍ରୀସ୍ତତି କାର୍ମାଟି ନେହଁ  
 କାରୁ ଖେକହାଲି ମାହାପୁରୁ ପାରୁ  
 ହାହାମାହାନେସି,

୯ ଅଡ଼େ ବାରେ ଗାଡ଼ିକିତି  
 ମାହାପୁରୁ ତାହା ତଲି କାଲୀଟିଏ  
 ଡଗୁମାନି କାତାତାକି ଏହାଣି ଅଣ୍ଡପୁ  
 ଏନାୟି ଏଦାଆଁ ଉଜେଡ଼ିତା ତସାଲି  
 ତାକି ମାହାପୁରୁତି କାର୍ମା ମେଡ଼ା  
 ଆହାମାହାନେ,

୧୦ ଏନିକିହଁ ନୀଏଁ କ୍ରୀସ୍ତାନା  
 କୁଲମିତି କାମାଟି ଲାକପୁରୁତି ସାଲ୍ଡି  
 କିନାରି ବାଡ଼ୁ ଗାଟି ମାହାପୁରୁତି ବୁଦି  
 ନେହଁ କଁ ପୁଞ୍ଜାଲି ଆଡ଼ିନେରି,

୧୧ ମାହାପୁରୁ ତାନି କାଲୀକାଲୀତି  
 ଅଣ୍ଡପୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ  
 ତାହାଟି ବାରେ କିହାମାନେସି □

୧୨ ଏ ପ୍ରବୁ ତାହା ନାମାମାନାକି  
 ମାର ଏହାଣି ତାହା ସାସାଟି ଆଜାଆନା



ମାହାପୁରୁ ତାଣା ହାଜାଲି ସାସା  
ବେଟାଆହାମାନାୟି □

୧୩ ଏଦାଆଁତାକି ନାନୁ ମିଙ୍ଗେ  
ବାତିମାଲିମାଞ୍ଜାଇଁ, ମିଙ୍ଗେତାକି ନାନୁ  
ବେଟାଆହିମାନି ଦୁକୁ କସ୍ତ ତାକି ସାସା  
ପିହୁଆଦୁ, ସାତେଏ ଏଡି ମୀ ଗାଝୁରମି  
ତାକି ଆହାମାନେ □

କ୍ରୀସ୍ତତି ଜୀଝୁନନାୟି

୧୪ ଏଦାଆଁତାକି ଆମିନି ଆବା  
ତାଣାଟି ଲାକପୁରୁ ଅଡେ ଦାର୍ତତି  
ବାରେ କୁଟମି, ତାନି କୃଡାତି ଦରୁ  
ବେଟାଆହାମାନେ,

୧୫ ଏ ମାହାପୁରୁ ଆବା ନକିତା  
ମେଣ୍ଡାକୁତାନା ପ୍ରାତାନା କିହିମାଇଁ □

୧୬ ଏନିକି ଏଝାସି ତାନି  
ଗାଝୁରମିଗାଟି ଦନ ତାନି ସୁଦୁଜୀଝୁ  
ତଲେ ମିଙ୍ଗେ ମୀ ଅଣ୍ପୁତା ତୀରି  
ମାଣସି ଆହାଲି ବାଡ଼ୁୟି ହିୟାନେସି,

୧୭ ମୀ ନାମୁତଲେ କ୍ରୀସ୍ତ ମୀ ହିୟାଁତା  
ବାସା କିନେସି, ଏନିକି ମୀ ଜୀଝୁ  
ନଝୁତା ପୁନାଦି ଅଡେ ଆଡ଼ଝା ତଲେ  
ତୀରିଆହାନା ଏଜିକିହାଲି ଆଡାଆଗାଟି  
କ୍ରୀସ୍ତତି ଜୀଝୁ ନଝୁ,

୧୮ ଏଦାଆଁ ପୁଞ୍ଜୁ ଇଞ୍ଜା ବାରେ  
ମାହାପୁରୁ ଲକ୍ଷ୍ମତଲେ ଏମ୍ପାତି ଅସାରା  
ଅଡେ ଲାମ୍ପା ପାଡ଼ଣି ଅଡେ ଗାଡ଼ୁୟି  
ପୁଞ୍ଜାଲି ବାଡ଼ୁୟି ବେଟାଆଦି □

୧୯ ହାଅ ମୀରୁ ଏନିକି କ୍ରୀସ୍ତତି  
ଜୀଝୁ ନନାଣି ପୁଞ୍ଜେରି ଆତିହ  
ଜିକେଏ ଏଦାଆଁ ନେହିକି ପୁଞ୍ଜାଲି  
ଆଏ, ଅଡେ ଏଲେକିହି ମାହାପୁରୁତି  
ଗୁଣ୍ଡତଲେ ପାତାଆଦୁ □

୨୦ ଆମିନି ମାହାପୁରୁ ମା ହିୟାଁତା  
କାମା କିହିମାନି ତାନି ବାଡ଼ୁୟି ତଲେ  
ମାର ରାହନାଣି ଅଡେ ଅଣ୍ପିନାଣି କିହିଁ  
ହାରେକା ଆଗାଡା ହିୟାଲି ଆଡାନେସି,

୨୧ କୁଲମିଟି ଅଡେ କ୍ରୀସ୍ତ ଜୀସୁ  
ତାଣାଟି ଏ ମାହାପୁରୁତି ଗାଝୁରମି  
କାଲାକାଲାତାକି ମାଣ୍ଡେ □ ଆମେନ  
□

୪

ରଣିଏ ଆଙ୍ଗା

୧ ପ୍ରବୁତି ସେବାତାକି ନାନୁ କାୟିଦିତା  
ମାଇଁ, ମିଙ୍ଗେ ବାତିମାଲିମାଞ୍ଜାଇଁ,  
ଏନିକି ନୀତାବାଡ଼କାଲି ତାକି  
ମାହାପୁରୁ ମିଙ୍ଗେ ହାଟାମାଞ୍ଜାନେସି,  
ଏଲେତି ମାଣକି ତଲେ ମାଞ୍ଜୁ □

୨ ଇତିହିଁ ବାରେଲେହେତି ଉଣା  
ଗାଟାତେରି, ସୁଦୁ ସୁଝାଲା, ହାରେକା  
ଅରୁହିନାତେରି ଅଡେ ଜୀଝୁନହାଁନା  
ରଅତେରି ରଅଣାଇଁ ଅରୁହିନାତେରି  
ଆଦୁ;

୩ ମୀରୁ ବାରେଜାଣା ତେରି ହିଡ଼ିତି  
ଡଃରିତଲେ ଦସପି ଆହାନା ସୁଦୁଜୀଝୁ  
ବାଡ଼ୁୟି ରଣିଏ ଲେହେଁ ଆହାଲିତାକି  
ଜାଡ଼ୁନ୍ଦୁ ଆଦୁ □

୪ ଆଙ୍ଗା ରଣିଏ, ସୁଦୁଜୀଝୁ  
ଜିକେଏ ରଣିଏ, ଏନିକି ମୀରୁ ମୀ  
ହାଟାମାନି ରଣିଏ ବାସୁଁ ତଲେ ହାଟକି  
ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣିଏ ଅଡେ  
ବାପ୍ତିସ୍ତ\* ଜିକେଏ ରଣିଏ,

୬ ବାରେ ମାଣ୍ଡସିୟାଁତି ରଣିଏ  
ମାହାପୁରୁ ଅଡେ ତାଞ୍ଜି; ଏଝାସି ବାରେତି  
ମୁହେଁ, ବାରେତି ବିତ୍ରା ଇଞ୍ଜା ବାରେତି  
ହିୟାଁତା ମାନେସି □

୭ ସାମା କ୍ରୀସ୍ତତି ଦାନା ଏଚେକା  
ବେଟାଆନାୟି ମାନେ ଏଚେକା  
ମାଙ୍ଗେ ବାରେଜାଣା ତାକି ମାହାପୁରୁତି  
କାର୍ମାମେହନାୟି ହାପକି ଆହାମାଞ୍ଜାନେ  
□

୮ ଦାମ୍ବୁ ସାସ୍ତେରିତା ରାସକି  
ଆହାମାନେ,

“ଏଝାସି ଲାକ ହାଜାନା, ହାରେକା  
ଦସପି ଆହାମାନାରାଇଁ  
ତାନିତଲେ ଅଡେସି;

ଅଡେ ମାଣ୍ଡସିୟାଁକି ଏଟକା  
ଏଟକାତି ବର ହାତେସି □”

୯ “ଏଝାସି ଲାକ ହାଚେସି” ଇତିସାରେ  
ଏନାୟି ? ଏଲେଇତିସାରେ ମୁଲୁଏ

\* ୪:୨ ୪:୨ କଲସି ୩: ୧୨, ୧୩ \* ୪:୫ ୪:୫ ମୁଞ୍ଜନାୟି

ଏଞ୍ଜେଲ ଦାଉଡ଼ିତି ଢଳ ପାତେକା ରେଚା  
ଝାହାମାରେସି □

୧୦ ଆମ୍ବାଆସି ଢୁଇପୁରୁ ଝାହାମାରେସି,  
ବାରେ ଦାଉଡ଼ିଇଁ ତାନୁ ମାଞ୍ଜାନା ବାରେ  
ପୁରା କିହାଲିତାକି ଏଞ୍ଜେଲ ଅଡ଼େ ଝେଣ୍ଡେ  
ଲାଇପୁରୁ ହାଚେସି,

୧୧ ଏଞ୍ଜେଲ ଲକୁତାକି ହାରେକା ଦାନା  
ହୀଚେସି; ଆମ୍ବାଆରାଇଁ ପାଣ୍ଡୁଞ୍ଜି ଆଡାରି  
ଆହାଲି, ଆମ୍ବାଆରାଇଁ ମାହାପୁରୁ  
ଅଣ୍ଡପୁତି ବଲୁ ଝେକନାରି ଆହାଲି,  
ଆମ୍ବାଆରାଇଁ ନେହଁ କାରୁ ଝେକନାରି  
ଆହାଲି, ଅଡ଼େ ଏଚର ଜାଣାଇଁ କୁଲମି  
ଜାଡ଼ନୁ କିନାରି ଅଡ଼େ ଜାପୁନାରି ଆହାଲି  
ଦାନା ହୀହାମାନେସି,

୧୨ ଏନିକଁ ମାହାପୁରୁ ଲକୁତି ସେବା  
କାମାତାକି ତାରି ଆହାଲି ଆଡ଼ିନେ ଇଞ୍ଜା  
କ୍ରୀସ୍ତି ଆଙ୍ଗା ପାତାଆହାଲି ଆଡ଼ିନେ

୧୩ ଏନିକଁ ମାର ବାରେଜାଣା ନାମୁତା  
ଅଡ଼େ ମାହାପୁରୁତି ମାରଏଣା କାତାତି  
ବୁଦିତା ରଣ୍ଡିଏ ଆହାଲି ଆଡ଼ିନାୟି,  
ଇଚିହଁ କ୍ରୀସ୍ତି ଲେହେଁ ଆହାନା  
ପାତାଆଡ଼ି ଲକୁ ଲେହେଁ ଆନାୟି,

୧୪ ଗାଲି ଝାନାଟି ଅଡ଼େ ଏୟୁ ଉଣ୍ଡାତା  
ଦାଞ୍ଜିମାନି କକାରି ପଦାୟି ଲେହେଁ  
ମାର ଇତାଲା ଆତାଲା ଆଆପ □  
ଏଚକା ଲକୁଣି ଜିରୁ ବାଣି କିହିମାନି  
ନାଡ଼ିକିନି ଅଣ୍ଡପୁତି ଜାପୁନି ତାଣା ମାର  
ତରଗାଆପ □

୧୫ ସାମା ସାତାତି ଆସାନା ତାୟି  
ଲେହେଁତି କ୍ରୀସ୍ତି ଏଞ୍ଜେଲି ତାକି ବାରେ  
ଜୀଞ୍ଜୁ ନଞ୍ଜୁତା ପାତାଆନି □

୧୬ ଏଞ୍ଜେଲି ତାଣାଟି ବାରେ ଆଙ୍ଗା  
ବାରେ ହାନ୍ଦୁଲିକା ସାୟେମି ତଲେ ଅଡ଼େ  
ବାରେ ଆଙ୍ଗାତି କାମା କିନି ବାଡ଼ୁରୁ  
ତଲେ ଦୂରଞ୍ଜି ଆହାନା ଜୀଞ୍ଜୁ ନଞ୍ଜୁତା  
ତାମି ନେହେଁତାକି ଜାହାରାଇଁ ପାତି  
କିହିମାନୁ □

କ୍ରୀସ୍ତି ତାଣା ପୁଃନି ଜୀଞ୍ଜୁ

୧୭ ପ୍ରୁ ଦରୁତଲେ, ନାନୁ  
ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଇଁ,  
ନାମାଆତାରି ଏନିକଁ ତାନି ମନତା

ଉଜେଏତି ଅଣ୍ଡପୁ ତଲେ ନୀଡ଼ିନେରି  
ମୀରୁ ଏଲେକଁ ନୀତାଆଦୁ,

୧୮ ଏଞ୍ଜେଲି ତାନି ତାଣା ମାନି ମୁକ୍ତି  
ତାକି ଜାହା ଜାହାରା ମନ ଆଚ୍ଞା  
ମାନାକି ଏଞ୍ଜେଲି ମାହାପୁରୁ ହୀହାମାନି  
ଜୀଞ୍ଜୁତି ବୁଦି ଆନ୍ଦେରି ଆହାମାନେ,  
ଅଡ଼େ ମାହାପୁରୁ ତାଣାଟି ଏଚକା  
ଆହାମାନେରି;

୧୯ ଏଞ୍ଜେଲି ଆଚ୍ଞା ଆହାନା ଦନ  
ଜୁପକା ଆହାନା ବାରେ ଲାଗେଏତି  
କାମା କିହାଲି ଜାହାରାଇଁ ହେରପା  
କତାମାନେରି □

୨୦ ସାମା ମୀରୁ କ୍ରୀସ୍ତିକଁ ଏଲେକିହଁ  
ଜାପାହିଲଅଡେରି □

୨୧ ମୀରୁ ତାନି କାତା ସାତାତଲେ  
ଝେଞ୍ଜାମାଞ୍ଜେରି, ଅଡ଼େ ଜୀସୁ ତାଣା  
ମାନି ସାତାତି ତାନିତଲେ ମାଞ୍ଜାନା  
ଜାପାମାଞ୍ଜେରି,

୨୨ ଇଚିହଁ, ମୀରୁ ମୀ ନକେଏତି  
ମାଣକିତା ନାଡ଼ିକିନି ରାହାଁତା ହାରେ  
ହାରେକା ଲାଗେଏ ଆହିମାଚେ □

୨୩ ମୀ ମନତା ପୁଃନି ଗୁଣ୍ଡୁ ଆହାନା □

୨୪ ଏମିନି ପୁଃନି ଗୁଣ୍ଡୁ ମାହାପୁରୁତି  
ଝାଣା ତଲେ ଦାମ୍ଫି ଅଡ଼େ ସାତାତି ସୁଦୁତା  
ଗାଡ଼ି ଆହାମାଞ୍ଜେରି, ଏଦାଆଁ ପରହାଲି  
ଜାପାମାଞ୍ଜେରି □

୨୫ ଇଦାଆଁତାକି ମିଚିତି ପିସାନା ମୀରୁ  
ବାରେଜାଣା ତେରି ନାମିତି ତାୟିୟା  
ତଲେ ସାତା କାତା ଝେସ୍ପି ଆଦୁ,  
ଇଚିହଁ ମାର ରଣ୍ଡିଏ ଆଙ୍ଗାତାୟି □

୨୬ କାରବି ଆଦୁ, ସାମା ପାପୁ କିଆଦୁ;  
ଝେଡ଼ା ହାଲାଆ ନକେଏ କାରବି ପିହ୍ଡୁ;

୨୭ ଅଡ଼େ ସୟତାନକି ଗାୟୁ ହୀଆଦୁ  
□

୨୮ ସରୁ ଅଡ଼େ ସରୁ କିଆପେସି,  
ଇଚିହଁ ହିଲାଆ ଗାଟାରାକି  
ହୀହାଲିତାକି ଏନିକିହଁ ତାନି ତାଣା  
ଏନାୟି ଢୟିନେ, ଇଦାଆଁତାକି ତାନି  
କେୟୁତଲେ ନେହଁ କାମା କିହାନା  
କସ୍ତି କିପେସି □

୨୯ ମୀ ଗୁଡ଼ିତି ଏନି ଲାଗେଏତି

କାତା ହୁଆପେ, ମୀ ଲଡ଼ାମାନି ଲେହେଁ  
ନେହଁ କାତା ହପେ ଏନିକଁ ଏଦି  
ଝେନାରାକି ନେହାୟି ଆନେ □

୩୦ ମାହାପୁରୁତି ସୁଦୁଜୀଝୁ ତଲେ  
ମିଙ୍ଗେ ଗେଲପିନି ଦିନାତାକି ବୁରୁ ମୁଦ୍ରା  
କିଝି ଆହାମାଞ୍ଜେରି ଏଦାଣି ଦୁକୁ ହାଆଦୁ  
□

୩୧ ବାରେଲେହେଁତି କୁରୁ ଅଣ୍ଠପୁ,  
କାରୁବି, କପା, ଗଡ଼ହା ଅଡ଼େ ନିନ୍ଦା,  
ଇଞ୍ଜା ବାରେଲେହେଁତି ଅପାଆଗାଗାୟି  
ମୀ ତାଣାଟି ହେକ ଆପେ □

୩୨ ଅଡ଼େ, ରଅତେରି ରଅଣାଇଁ  
କାର୍ମା ଅଣ୍ଠପାଦୁ, ହିଡ଼ତି ହିୟା,  
ଅଡ଼େ ମାହାପୁରୁ କ୍ରୀସ୍ତ ତାଣା  
ମିଙ୍ଗେ ଏନିକିହଁ ଦହ ପିସ୍ତାନେସି,  
ଏଲେକିହଁ ରଅତେରି ରଅଣି ଦହ  
ପିହଦୁ □

**୫**

ଉଜେଡ଼ିତା ନୀତିନାୟି

୧ ମୀରୁ ମାହାପୁରୁତି ଜୀଝୁତି ମୀରକା  
ମାସ୍କାତେରି ଆହାମାନାକି, ମାହାପୁରୁ  
ଲେହେଁ ଆଦୁ;

୨ କ୍ରୀସ୍ତ ଏନିକଁ ମିଙ୍ଗେ ଜୀଝୁ  
ନୟାତେସି, ଅଡ଼େ ମା ତାକି ମାହାପୁରୁ  
ତାକି ଗାନ୍ଦାଗାଟି ନେହଁ ପୂଜାଲେହେଁ  
ଜାହାରାଇଁ ହେରପାକଡିତେସି, ମୀ  
ଜୀଝୁତା ଜିକେଏ ଏଲେକିହଁ ଜୀଝୁ  
ନଝିଆହାନା ନୀତାଦୁ □

୩ ସାମା ଦାରିକାମା, ବାରେଲେହେଁତି  
ଲାଗେଏତି କାମା କି ଜୁପକା, ଇ ବାରେ  
ମୀ ତାଣା ଚାୟୁ ବେଟା ଆଆପେ; ଏଦି  
ମାହାପୁରୁ ଲକୁତାଣା ନେହାୟି ଆଏ;

୪ ଅଡ଼େ ଏନାୟି ଆଆଗାଗାୟି,  
ଅଜାଆତି କାତା, ଲାଗେଏତି କାତା,  
ଲକୁଣି ଲାଜା କିହାଁ କାକ୍ନାୟି ମୀ ବିଡ଼ା  
ତଞ୍ଜା ଆଆପେ, ସାମା ବାରେ କାତାତାକି  
ମାହାପୁରୁଇଁ ଜହରା କିଦୁ □

୫ ଇତିହଁ ମୀରୁ ସାତେଏ  
ପୁଞ୍ଜାମାଞ୍ଜେରି, ଏମିନି ଦାରି  
କାମାକିନାସି କି ଲାଗେଏତି କାମାକିନାସି  
କି ହାରେକା ଜୁପକା ଆନାସି ଏଝାସି

ପେଣକା ବମାୟାତି ପୂଜା କିନାସି,  
ଏଲେତି ଲକୁକି କ୍ରୀସ୍ତ ଅଡ଼େ  
ମାହାପୁରୁତି ରାଜିତା ଅଦିକାରା ହିଲେଏ  
□

୬ ଆମ୍ବାଆସି ମିଙ୍ଗେ ଉଜେଏତି  
କାତା ଝେସାନା ନାଡ଼ି କିୟାଆପେସି,  
ଏନାଆଁତାକି ଇତିହଁ ଇ ବାରେ  
ଲାଗେଏତି କାମାତାକି କାତା ମାନଝି  
ଆଆଗାଟି ମୀରକା ମୁହେଁ ମାହାପୁରୁତି  
କାରୁବି ଝାନ୍ନେ □

୭ ଇଦାଆଁତାକି, ମୀରୁ ଏଝାରିତଲେ  
ଏଝାରିଲେହେଁ ଆଆଦୁ;

୮ ଏନାଆଁତାକି ଇତିହଁ ମୀରୁ ତଲି  
ଆନ୍ଦେରି ଲେହେଁ ମାତେରି, ସାମା ନୀଏଁ  
ପୁରୁତି ଲକୁ ଆତାକି ଉଜେଡ଼ି ଲେହେଁ  
ଆହାମାଞ୍ଜେରି; ଉଜେଡ଼ିତି ମୀରକା  
ଲେହେଁ ତାକାଦୁ,

୯ ଇତିହଁ ବାରେଲେହେଁତି  
ନେହାୟି, ଦାର୍ମୁଗାଗାୟି ଅଡ଼େ ସାତା  
ଉଜେଡ଼ିତି ପାଡ଼େୟି ଲେହେଁ,

୧୦ ପୁରୁକି ଏନାୟି ନେହେଁ, ଏଲେତି  
କାମା କିହାଲି ଜାପାଦୁ;

୧୧ ଲକୁ ଆନ୍ଦେରିତା ଆମିନି ବାରେ  
ଲାଗେଏତି କାମା କିହିମାନେରି, ଏ  
ବାରେ କାମାତା ଆଣ୍ଡାଆଦୁ, ଇଞ୍ଜା  
ଏଝାରି ବାରେ କାମାଟି ଦହ ତହୁଦୁ □

୧୨ ଏନାଆଁତାକି ଇତିହଁ ଏଝାରି  
ଏନାଆଁ ତୁଗୁନା କିନେରି, ଏ ବାରେ  
କାତା ଝେହ୍ନାୟି ଜିକେଏ ଲାଜାଟି  
କାତା,

୧୩ ସାମା ବାରେ ଲାଗେଏତି କାମା  
ଉଜେଡ଼ି ତଲେ ତସ୍ପିଆନେ, ଏନାୟି  
ବାରେ ତଞ୍ଜାଆନେ ଏଦି ବାରେ ଉଜେଡ଼ି  
□

୧୪ ଏଦାଆଁତାକି ରାସ୍କି ଆହାମାନେ,  
“ଇଦା କିହାମାନାତେରି, ନିଙ୍ଗାଦୁ,  
ହାଡ଼ାରି ତାଣାଟି ନିଙ୍ଗାଦୁ,  
ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି  
□”

୧୫ ଇତିହଁ ବୁଦି ହିଲାଆ  
ଗାଗାରିଲେହେଁ ଆଆନା ବୁଦି ମାନାରି  
ଲେହେଁ ମୀ ନୀତିନାଣି ତାକି ଜାଗ୍ରାତା

ଆଦୁ, ବୁଦି ହିଲାଆଗାଟାତେରି ଲେହେଁ  
ଆଆନା ବୁଦି ଗାଟାତେରି ଲେହେଁ ଆଦୁ  
□

୧୭ ☆ ପାଗାତି ନେହୁଁକ  
ଲେମ୍ବାଦୁ, ଏନାଆଁତାକି ଇଚିହୁଁ କାଲା  
ଲାଗେଏତାୟି □

୧୭ ଏଦାଆଁତାକି, ବୁଦି ହିଲାଆ  
ଗାଟାରିଲେହେଁ ଆଆନା ପ୍ରବୁତି ଅଣ୍ଟପୁ  
ଏନାୟି ଏଦାଆଁ ତେଲହାଦୁ □

୧୮ ଅଡ଼େ କାଡ଼ୁ ଗସାନା ହଟାଆଦୁ,  
ଏନାଆଁତାକି ଇଚିହୁଁ ଏଞ୍ଜି ମିଙ୍ଗେ ନାସା  
କିୟାନୁ; ସାମା ପାରୁ, ସୁଦୁଜୀଞ୍ଜୁଟି  
ଜହରା କିହୁଁ ରଅତେରି ରଅଣାଇଁ  
ବାସୁଁ ହାଦୁ,

୧୯ ☆ଅଡ଼େ ମୀ ହିୟାଁ ମାହାପୁରୁ ତାକି  
ସୁଦୁଜୀଞ୍ଜୁ ତଲେ ଜହରା ପାରୁ ପାଟାଦୁ  
□

୨୦ ବାରେବେଲା ବାରେ କାତାତାକି  
ପ୍ରବୁ ଜୀସୁ କ୍ରୀସ୍ତତି ଦରୁତଲେ ଆଡ଼ା  
ମାହାପୁରୁଇଁ ଜହରା କିଦୁ □

ତକ୍ତି ଅଡ଼େ ତକ୍ରା

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି  
ରଅଣାଇଁ ମାନି କିଦୁ □

୨୨ ☆ଏ ଆୟାସିକା ମୀରୁ ଏନିକ  
କ୍ରୀସ୍ତଇଁ ମାନି କିହିମାନି ଲେହେଁ ମୀରୁ  
ମୀ ତକ୍ରାୟାଣି ମାନି କିଦୁ,

୨୩ ଇଚିହୁଁ କ୍ରୀସ୍ତ ଏନିକ  
କୁଲମିତି ତାୟିଁ ଲେହେଁ, ତକ୍ରା ଜିକେଏ  
ଏଲେକ  
ତକ୍ତିନି ତାୟିଁ ଲେହେଁତାସି,  
ଇଞ୍ଜା କ୍ରୀସ୍ତ ତାନି ଆଜ୍ଞା ଲେହେଁତି  
କୁଲମିତି ଗେଲ୍ପିନେସି □

୨୪ ହାଅ, କୁଲମି ଏନିକ  
କ୍ରୀସ୍ତଇଁ ମାନି କିନେ, ଏଲେକ  
ତକ୍ତିସିକା ଜିକେଏ ବାରେ କାତାତା ତାନି  
ତକ୍ରାୟାଣି ମାନି କିପୁ □

୨୫ ☆ଏ ତକ୍ରାୟାଁତେରି, କ୍ରୀସ୍ତ  
ଏନିକ  
କୁଲମିତି ଜୀଞ୍ଜୁ ନଡ଼େସି, ମୀରୁ  
ଜିକେଏ ଏଲେକ  
ମୀ ତକ୍ତିସିକାଣି

ଜୀଞ୍ଜୁନଦୁ; ଇଚିହୁଁ ଏଞ୍ଜାସି ଏଡ଼ାନାକି  
ତାନି ଜୀଞ୍ଜୁ ହାତେସି,

୨୬ ଏଞ୍ଜାସି କୁଲମିତି ବଲୁ ଅଡ଼େ  
ଏମୁତଲେ ନରହାନା ମାହାପୁରୁ ତାକି  
ସୁଦୁ କିହାନା ହେରପିତେସି,

୨୭ ଏନିକ  
କୁଲମି ଗାହାଁଗାରି,  
ଅଡ଼େ ଦହୁ ହିଲାଆଗାଟାୟି ଆହାନା  
ସୁଦୁ ଗାଟାୟି ଆନେ, ଅଡ଼େ  
ଏଲେକିହୁଁଏ ଗାଞ୍ଜୁରମି ତଲେ  
ମାହାପୁରୁ ତାନି ତାଣା ଅନେସି □

୨୮ ଏଲେକିହୁଁ ତକ୍ରାୟାଁ ଜିକେଏ  
ତାନି ତକ୍ତିସିକାଣି ଜାହାରା ଆଜ୍ଞା  
ଲେହେଁ ଜୀଞ୍ଜୁନନାୟି ମାନେ, ଆମ୍ବାଆସି  
ଜାହାରା ତକ୍ତିନି ଜୀଞ୍ଜୁ ନନେସି, ଏଞ୍ଜାସି  
ଜାହାରାଇଁ ଜୀଞ୍ଜୁ ନନେସି;

୨୯ ଆମ୍ବାଆସି ଜିକେଏ ଜାହାରା  
ଆଜ୍ଞାତି ନାନୁ ଅପଅଁ ଇଞ୍ଜାଁ ଇନଅସି,  
ସାମା ତାନି ଆଜ୍ଞା ତାକି ତିନେସି ଭନେସି  
ଅଡ଼େ ଜାଡ଼ୁ ଇଚିନେସି, କ୍ରୀସ୍ତ ଜିକେଏ  
କୁଲମିତାକି ଏଲେକିହୁଁ କିନେସି,

୩୦ ଏନାଆଁତାକି ଇଚିହୁଁ ମୀରୁ ତାନି  
ଆଜ୍ଞାତି ଆଜ୍ଞା ଉଡ଼େଲି ତାୟି □

୩୧ ଦାର୍ମପତିତା ରାସ୍ତକି ଆହାମାନେ,  
“ଇଦାଣି ତାକି ଆବାଟି ତାଲି ତାଞ୍ଜିଇଁ  
ପିସାନା ଜାହାରା ତକ୍ତି ତାଣା ଆଣ୍ଡିନେସି,  
ଅଡ଼େ ଏ ରିଆରି ରଣ୍ଡିଏ ଆଜ୍ଞା ଆନେରି  
□”

୩୨ ଇ ଦାର୍ମ ସାସ୍ତେରିତା ରାସ୍ତକି  
ଆହାମାନି ତାଣା ହାରେକା ତକ୍ରାମାନି  
କାତା ମାନେ, ସାମା ନାନୁ କ୍ରୀସ୍ତ ଅଡ଼େ  
କୁଲମିତି କାତା ଖେସିମାଞ୍ଜାଇଁ □

୩୩ ଏନାୟି ଆପେ, ମୀରୁ ବାରେଜାଣା  
ଜାହାରା ତକ୍ତିଇଁ ଜାହାରା ଜୀଞ୍ଜୁ ଲେହେଁ  
ଜୀଞ୍ଜୁନଦୁ, ଇଞ୍ଜା ତକ୍ତି ଜିକେଏ ଜାହାରା  
ତକ୍ରାଇଁ ମାନି କିନାୟିମାନେ □



ତାଲି ତାଞ୍ଜି ଅଡ଼େ କକାରି ପଦାଁ

୧ ☆କକାରି ପଦାୟାଁତେରି, ପ୍ରବୁତି  
ତାକି ମୀ ତାଲି ତାଞ୍ଜି କାତା ମାନୁଞ୍ଜି

☆ ୫:୧୭ ୫:୧୭ କଲସି ୪:୫ ☆ ୫:୧୯ ୫:୧୯ କଲସି ୩:୧୭,୧୭ ☆ ୫:୨୨ ୫:୨୨ କଲସି ୩:୧୮; ୧ପିତ  
୩:୧ ☆ ୫:୨୫ ୫:୨୫ କଲସି ୩:୧୯; ୧ପିତ ୩:୭ ☆ ୬:୧ ୬:୧ କଲସି ୩:୨୦

ଆଦୁ; ଇଚିହଁ ଏଡ଼ି ମିଙ୍ଗେ ତାକି ନେହାୟି ।

୨ "ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହଁ ମିଙ୍ଗେ ନେହଁ ଆନେ, ଇଞ୍ଜା ମୀରୁ ଦାରତିତା ହାରେକା ଦିନା ନୀଡ଼ିଦେରି ।"

୪ \*ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଞ୍ଜାରାଇଁ ପ୍ରବୁତି କାତା ଜାପୁଦୁ ଅଡ଼େ ସେଡ଼ନା ତଲେ ପହିକିଦୁ ।

ହଲିୟା ଅଡ଼େ ସାଞ୍ଜୁକାରି

୫ \*ଏ ହଲିୟାଙ୍ଗାତେରି, ମୀରୁ ଏନିକିହଁ କ୍ରୀସ୍ତଇଁ ମାନିଞ୍ଜି ଆହିମାଞ୍ଜେରି, ଏଲେକିହଁ ଆଜି ଅଡ଼େ ତୀରଗିହଁ ତୀରି ହିୟାଁ ତଲେ ମୀ ଦାରତିତି ସାଞ୍ଜୁକାରିୟାଁ କାତା ଆହୁଦୁ;

୬ ମାଣସିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣ୍ଟପୁ ତୀରିକିଦୁ ।

୭ ୱାରଇ ମାଣସିୟାଁତି ସେବା କିହିମାନମି ଇଞ୍ଜିଁ ଅଣ୍ଟପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଞ୍ଜାସି କତିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକ୍ଷୁକି ଏଞ୍ଜାରି ନେହଁ କାମାତାକି ଏଞ୍ଜାରି ଏଦାଆଁ ବେଟାଆନାୟି ମାନେ ଏଦାଆଁ ହୀନେସି ।

୯ \*ଏ ସାଞ୍ଜୁକାରିୟାଁତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଞ୍ଜାରାଇଁ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଙ୍ଗାତେରି; ଏଞ୍ଜାସି ବାରେଜାଣାତି ପାରଡ଼ା ବାତି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାତି ବାଡ଼ୟୁ ବେଟାଆହାନା ଏଞ୍ଜାଣି ବାଡ଼ୟୁତି ବାଡ଼ୟୁ ଗାଟାତେରି ଆଦୁ ।

୧୧ ମୀରୁ ଏନିକିହଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ ।

୧୨ ଇଚିହଁ ମା ଜୁଜୁ ଦାରତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲଞ୍ଜି କିନାରି କପାଟି ଇ ଆନ୍ଦେରିତି ପାଣାଗାଟାରି କପାଟି ଅଡ଼େ ହାଗୁ ପାକାଟି ପଲ୍ଲଆ ଜୀଞ୍ଜୁୟାଁ କପାଟି ଜୁଜୁ କିହିମାନାୟି ।

୧୩ ଏଦାଆଁତାକି ନୀଏଁ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆଡ଼ିହଁ ଲାଗେଏତି ବେଲାତା ମୀରୁ ସାତୁ ନକିତା ନିଚାଲି ଆଡ଼ିଦେରି ଇଞ୍ଜାଁ ରାନି ପାତେକା ଜୁଜୁକିହଁ ତୀରିଆହାଁ ଡ଼ୟାଲି ଆଡ଼ିଦେରି ।

୧୪ ଇଚିହଁ, ସାତାତି ଜାଟି ଗେତେଲିତା ରୁପାକତାହାଁ, ଦାମୁତି ବକ ପାଟା ଲେହେଁ ତୁରଦୁ,

୧୫ ହିଡ଼ଡ଼ି ହାନି ନେହଁ କାରୁତାକି ଅଜିକିଞ୍ଜି ଆହାମାନି ସେପୁୟାଁ କତାଣା ତୁରହାନା ତାଟା ଆହାମାଞ୍ଜୁ;

୧୬ ବାରେବେଲା ନାମୁତି ଆତୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିରୁ ବାରେ ତୁପହାଲି ଆଡ଼ିଦେରି ।

୧୭ ଅଡ଼େ, ଗେଲପିନି ଗପେରି ତାୟୁଁ ତୁା ତୁରଦୁ ଅଡ଼େ ସୁଦୁଜୀଞ୍ଜୁତି ହିୟାତି ମାହାପୁରୁତି ବଲୁତି କାଣ୍ଡା ଆହୁଦୁ;

୧୮ ବାରେଲେହେଁତି ପ୍ରାତାନା ଅଡ଼େ ବାଡ଼ିମାଲିନି ତାଣା ବାରେବେଲା ସୁଦୁଜୀଞ୍ଜୁ ସାୟେମି ତଲେ ପ୍ରାତାନା କିଦୁ, ଇଞ୍ଜାଁ ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ ।

୧୯ ଅଡ଼େ, ନାଙ୍ଗେତାକି ଜିକେଏ

ପ୍ରାତାନା କିନ୍ତୁ, ଏନିକ୍ ନେହ୍  
 କାରୁତାକି ଦୂତୁ ସମାନା ନାନୁ, ନାଜେ ଏ  
 ଡଗ୍ନାମାନାଣି ପୁଣ୍ଡି କିହାଲି ସାସାତଲେ  
 ବଲୁ ଖେସାଲି ମାହାପୁରୁ ନା ଗୁଡିତା  
 ନେହ୍ କାରୁ ହିୟାନେସି □

୨୦ ଅଡେ ନାନୁ ଏନିକ୍ ଏମ୍ପାତି ସାତା  
 କାତା ସାସାତଲେ ଖେସାଲି ଆଡ଼ିକ୍ □

ଜହରା ଖେସାହାଁ ଆକୁତି ରାପୁନାୟି

୨୧ ନା କାତା, ଇତିହ୍ ନାନୁ  
 ଏନିକ୍ ମାକ୍, ଇଦାଆଁ ମୀରୁ ଜିକେଏ  
 ଏନିକ୍ ପୁଞ୍ଜାଲି ଆଡ଼ିଦେରି, ଇଦାଣି  
 ତାକି ନା ଜୀଞ୍ଜୁତି ତାୟି ଅଡେ କ୍ରୀସ୍ତତି  
 କାମାତା ନାମୁତି ହଲେଏସି ତୁକିକ, ନା  
 ବାରେ କାତା ଏଞ୍ଜାସି ଖେସ୍ତାନେସି;

୨୨ ଏ ବାରେ କାତା ଖେସାଲି ନାନୁ  
 ଏଞ୍ଜାଣାକ୍ ମୀ ତାଣା ପାଣ୍ଡାତେଏ,  
 ଏନିକ୍ ମୀରୁ ମା ବାରେ କାତା ପୁଞ୍ଜାଲି  
 ଆଡ଼ିଦେରି ଅଡେ ମୀ ହିୟାଁ ଏଞ୍ଜାଣି  
 ତାଣାଟି ରାହାଁ ଆନେ □

୨୩ ଆବା ମାହାପୁରୁ ଅଡେ ପ୍ରୁ ଜୀସୁ  
 କ୍ରୀସ୍ତକ୍ ନାମିତି ତାୟି ତାଜ୍ଞସ୍ତାକି ହିଡ଼ଡ଼ି,  
 ଜୀଞ୍ଜୁନନାୟି ଅଡେ ନାମୁ ହିୟାପେସି □

୨୪ ଏତେକା ଲକୁ ମା ପ୍ରୁ ଜୀସୁ  
 କ୍ରୀସ୍ତକ୍ କାଲେଏ ଜୀଞ୍ଜୁ ନନେରି,  
 ମାହାପୁରୁତି କାର୍ମାମେହ୍ନାୟି ଏ  
 ବାରେତାକି ଆପେ □

**ଫିଲିପୀୟ ମଣ୍ଡଳୀ  
ନିକଟକୁ ପାଉଲଙ୍କ ପତ୍ର  
ପିଲିପି କୁଲମିତାକି  
ପାଞ୍ଚଲ ରାଠାମାନି  
ଆକୁ  
ମୂଲୁ ହାଡ଼ା**

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୭୧ ବାର୍ଷୀ ତାୟୁ ପାଞ୍ଚଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଠିମାନେସି □ ପାଞ୍ଚଲ ରମ୍ଫତି କାୟିଦିତା ମାଚାଟି ଈ ଆକୁ ରାଠା ଡ଼ୟିନେସି୧:୧୩ □ ପିଲିପି ଗାଡ଼ା ବିତ୍ତା ଆହାମାନି କୁଲମିତାକି ଈ ଆକୁ ରାୟକି ଆହାମାଚେ □ ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି □ ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ □ ଇଦି ମାକିଦନିୟାତା ଆଡ଼ି ମୂଲୁ କୁଲମି ମାଚେ □ ପାଞ୍ଚଲ ଅଡ଼େ ସିଲା ଆଣ୍ଡୁଆହାନା ଈ କୁଲମି ମାଟ୍‌ହା ମାଚେରି □ ଅଡ଼େ ଏମ୍‌ଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚ୍‌କି ଆହାମାଚେରି କାମା ୧୬ □

ପାଞ୍ଚଲ ଈ ଆକୁ ରାଠାଲି ହାରେକା କାତା ଡ଼ୟିନେ □ ଏଞ୍ଜାସି କାୟିଦିତା ମାନି କାତା ଝେଞ୍ଜାନା ଲକୁ ଦାନା କୁଡ଼ି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଠିମାନେସି ୪:୧୦-୧୯ □ ଏଞ୍ଜାସି ତାନି କାୟିଦିତା ମାନି କାତା ଝେସାନା କୁଲମିତା ତିମତି ଅଡ଼େ ଏପାପ୍ରଦିତାଈଁ ହେରୁପି ମାନେସି, ନାମିତି ତାୟିୟାଁ ଏନିକ୍‌ ଏଞ୍ଜାରାଈଁ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ □

**ପତିତା ମାନାୟି**

☆ ୧:୧ ୧:୧ କାମା ୧୭:୧୨

- ୧ ପିଲିପି କୁଲମିତି ପାଞ୍ଚଲତି ଜହରା □ ୧:୧-୨
- ୨ ପାଞ୍ଚଲତି ମାଣ୍ଡକି ଅଡ଼େ ଏଞ୍ଜାଣି ଅଣ୍ଡପୁ □ ୧:୩-୨:୩୦
- ୩ ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଝେହ୍‌ନାୟି □ ୩:୧-୪:୯
- ୪ ପାଞ୍ଚଲ ଦାନା ତାକି ପିଲିପି କୁଲମିତା ଜହରା ଝେହ୍‌ନାୟି □ ୪:୧୦-୨୩

ପାଞ୍ଚଲତି ଜହରା ଅଡ଼େ ପ୍ରାଡ଼ାନା

୧ \*ପାଞ୍ଚଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ଡ଼ୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜାଁ କୁଲମିତି ସେବା କିନାରାକି ଈ ଆକୁ ରାୟକି ଆହାମାନେ □

୨ ମା ଆଡ଼ା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ଇଞ୍ଜାଁ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ □

ପାଞ୍ଚଲତି ପ୍ରାଡ଼ାନା

୩ ନାନୁ ମିଙ୍ଗେ ଏଚର ଦେବା ଅଣ୍ଡପି ମାଞ୍ଜାଈଁ, ଏଚର ଦେବା ନା ମାହାପୁରୁଈଁ ଜହରା କିହିମାଈଁ □

୪ ନାନୁ ବାରେଦିନା ମିଙ୍ଗେତାକି ପ୍ରାଡ଼ାନା କିନାଟି ନାନୁ ହାରେକା ରାହାଁତଲେ ପ୍ରାଡ଼ାନା କିହିମାଈଁ,

\* ଏନାଆଁତାକି ଇତିହ୍‌ ମୀ ମୂଲୁ ଦିନାଟିଏ ନୀର୍‌ ପାତେକା ନେହ୍‌ କାବୁ ଝେକ୍‌ହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି,

୨ ଏଦାଆଁତାକି ନାନୁ ଈ କାତାତି ସାତା ଇଞ୍ଜାଁ ଅଣ୍ଡପିମାଈଁ, ଆମିନି ପ୍ରବୁ ମୀ ତାଣା ଈ ନେହ୍‌ କାମା ମାଟ୍‌ହାମାନେସି, କ୍ରୀସ୍ତ ଜୀସୁତି ଝେଣ୍ଡାଞ୍ଜାନି ଦିନା ରାନି ପାତେକା ଏଞ୍ଜାସି ଏଦାଆଁ କିନେସି □

୩ ଅଡ଼େ ମୀ ବାରେତାକି ନା ଇଲେତି ଅଣ୍ଡପିନାୟି ମାନେ, ମୀରୁ ବାରେ

ଏନିକ୍ ନା ତଲେ ନେହ୍ କାରୁ  
 ଝେକ୍‌ନି କାୟିଦିତା ଆଣ୍ଡିମାଞ୍ଜାଦେରି,  
 ଅଡ଼େ ଏମ୍‌ଗାତି ସାତା ପାର୍‌ମାଣା  
 ତସାଲି ନା ତଲେ ଆଣ୍ଡିମାଞ୍ଜାଦେରି,  
 ଏଦାଆଁତାକି ନାନୁ ନା ହିୟାଁତା ମିଙ୍ଗେ  
 ଆବାମାଞ୍ଜାଲ୍ ।

୮ ମୀ ବାରେଜାଣା ତାକି ହାରେକା  
 ଜୀସୁ ନନାଣି କ୍ରୀସ୍ତ ଜୀସୁ ତାଣାଟି  
 ବେଗାଆହାମାଲ୍ ଇଞ୍ଜି ଏତିବେଲ୍‌ତା  
 ନାନୁ ଝେହ୍‌ଲ୍, ଏଦି ସାତା, ଏଦାଆଁତାକି  
 ମାହାପୁରୁ ନା ସାକି ।

୯ ଅଡ଼େ, ନା ପ୍ରାତାନା କିନାୟି ଇଦି,  
 ମୀ ଜୀସୁନନାୟି, ନେହ୍ ରୁଦି ପୁନାୟି,  
 ଅଡ଼େ ବାରେ ନେହ୍ ଅଣ୍‌ପୁ ହାରେ  
 ହାରେକା ପାତା ଆପେ,

୧୦ ଏନିକ୍‌ହ୍ ମୀରୁ ଏନାୟି ନେହାୟି  
 ଏଦାଆଁ ଆଚାଲି ଆଡ଼ିଦେରି, ଆତିହ୍  
 ମୀରୁ କ୍ରୀସ୍ତ ଖାନ୍ତି ଦିନାତା ସୁଦୁ  
 ଗାଗାତେରି ଆପେରି, ଅଡ଼େ ନିନ୍ଦା  
 ଗାଗାତେରି ଆଅପେରି,

୧୧ ମାହାପୁରୁତି ଗାଝୁରମି ଇଞ୍ଜା  
 ନେହ୍ ଝେହ୍‌ନାଣି ତାକି ମୀ ଜୀସୁ  
 ଜୀସୁ କ୍ରୀସ୍ତ ହାହାମାନି ବାରେ ନେହ୍  
 ଗୁଣ୍ଡି ବେଗାଆନେ ।

କ୍ରୀସ୍ତ ତାଣା ନୀତିନାୟି

୧୨ ତାୟି ତାଙ୍ଗିସ୍ତାତେରି, ନାଙ୍ଗେତାକି  
 ଏନା ଏନାୟି ଆହାମାଞ୍ଜାନେ, ଏ ବାରେ  
 ନେହ୍ କାରୁ ପାତାଆହାଲି ତାକି  
 ଆହାମାନେ, ଇଦାଆଁ ନାନୁ ମିଙ୍ଗେ  
 ପୁଣ୍ଡି କିହାଲି ଅଣ୍‌ପିମାଲ୍;

୧୩ ଈରୁହ୍ ନାନୁ କାୟିଦିତା  
 ମାଚାୟି କ୍ରୀସ୍ତ ତାକି, ଏଦି ରାଜା ଇଲୁତା  
 କାଝୁଆନି ବାରେ କସ୍‌କା ଇଞ୍ଜା ଏଟ୍‌କାତି  
 ବାରେଜାଣା ନକିତା ତଞ୍ଜାଆଡ଼େ;

୧୪ ଅଡ଼େ ଜିକେଏ ହାରେକା  
 ତାୟି ତାଙ୍ଗିସ୍ତା ନାନୁ କାୟିଦିତା  
 ମାନାକି, ମାହାପୁରୁ ତାଣା ବାସ୍ତୁ  
 ଇଟାନା ଆଜାଆନା ମାହାପୁରୁତି କାରୁ  
 ଝେକ୍‌ହାଲି ହାରେକା ସାସା ଗାଗାରି  
 ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡ଼େ  
 ଗଡ଼ହା ତାକି କ୍ରୀସ୍ତ କାତା ଝେକ୍‌ହି  
 ମାନେରି ସାତା, ସାମା ଆମ୍ବା ଆମ୍ବାଆରି  
 ସାତା ତଲେ କିହିମାନେରି;

୧୬ ନାଙ୍ଗେ ନେହ୍ କାରୁତି  
 ସାକି ଆହାଲିତାକି ମାହାପୁରୁ  
 ଆଚାମାଞ୍ଜାତେସି, ଏଦାଆଁ ପୁଞ୍ଜାନା ସାତା  
 ଜୀସୁ ନନାଣି ତାକି ଏଦାଆଁ କିନେରି,

୧୭ ଏଟ୍‌କାତାରି ମାନି ତଲେ କ୍ରୀସ୍ତ  
 ବଲୁ ଝେହ୍‌ଆନା ଜାହାରା ଲାଡ଼ା ତାକି  
 କିହିମାନେରି । ନାନୁ କାୟିଦିତା ମାନାଟି  
 ନା ହିୟାଁତା ହାରେକା କସ୍ତ ହାହାଲି  
 ଏଞ୍ଜାରି ଏଦାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ  
 ଆପେ କି ନେହ୍ ତଲେ ଆପେ କ୍ରୀସ୍ତ  
 ସାତେଏ ଝେକ୍‌ମାନେସି, ଏଦାଆଁତାକି  
 ନାନୁ ରାହାଁ କିହିମାଲ୍, ଅଡ଼େ ଜିକେଏ  
 ରାହାଁ କିହିମାଲ୍ ।

୧୯ ଇତିହ୍ ନାନୁ ପୁଞ୍ଜାମାଲ୍, ମୀ  
 ପ୍ରାତାନା ଇଞ୍ଜା ଜୀସୁ କ୍ରୀସ୍ତ ସୁଦୁଜୀସୁତି  
 ସାୟେମି ତଲେ ନା ଗୋଲ୍‌ପିନାୟି  
 ଆନେ,

୨୦ ଏଦାଆଁତାକି ନା ରଣ୍ଡିଏ ଆସା  
 ଅଡ଼େ ବାସ୍ତୁ ମାନେ, ନାନୁ ଏନି କାତାତା  
 ଜିକେଏ ଲାଜା ଆଆଁ, ସାମା କାଲେଏ  
 ଏନିକ୍ ଆହିମାଚେଏ, ନୀଏ ଜିକେଏ  
 ଏଲେକ୍ ହାରେକା ବାଡ଼ୁୟୁ ତଲେ  
 ହାଡ଼ିହ୍ କି ଜୀସୁ ମାତିହ୍, କ୍ରୀସ୍ତଲ୍  
 ନା ଆଙ୍ଗା ତଲେ ଗାଝୁରମି କିଲ୍ ।

୨୧ ଇତିହ୍ ନା ନୀତାମାନାୟି  
 ଖାଉଇ କ୍ରୀସ୍ତ, ଏଦାଆଁତାକି ନାନୁ  
 ହାନାୟି ନାଙ୍ଗେତାକି ଲାଡ଼ା ।

୨୨ ସାମା ନାନୁ ଆଙ୍ଗା ତଲେ ନୀତା  
 ମାଞ୍ଜାନା ହାରେକା ପାଡ଼େୟି ଆୟାଲି  
 ଆଡ଼ିଲ୍, ଆତିହ୍ ନୀତାମାନାଣି କି  
 ହାନାଣି ବାଟି କିଲ୍ ନାନୁ ପୁଞ୍ଜାଲି  
 ଆଡ଼ିହିଲଅଁ ।

୨୩ ନାନୁ ରୀ ଖାକି ରେସକି ଆହିମାଲ୍;  
 ଇ ଜୀସୁତି ପିସାନା କ୍ରୀସ୍ତ ତଲେ ମାଞ୍ଜାଲି  
 ଅଣ୍‌ପିମାଲ୍, ଏଦି ହାରେକା ନେହାୟି;



୨୪ ସାମା ନାନୁ ଆଜ୍ଞା ତଲେ ମାନାୟି ମିଜ୍ଞେତାକି ହାଡ଼ରକା ଲଡ଼ାମାନେ □

୨୫ ନାନୁ ନେହୁଁକିଁ ପୁଞ୍ଜାମାଇଁ, ନାନୁ ତୟିଇଁ, ହାଅ ମୀ ନାମୁ ଅଡ଼େ ରାହାଁତି ପାତିକିହାଲି ମୀ ବାରେ ତଲେ ତୟିଇଁ,

୨୬ ଏନିକିଁ ମୀ ବିତ୍ରା ନା ଖେଣ୍ଡା ଖାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବତପଣ ଗାତିଆନେ □

୨୭ ନା ଅଣ୍ଡପୁ ଇଦି, କ୍ରୀସ୍ତତି ନେହୁଁ କାବୁତି ଜଗେତି ଲକୁ ଲେହେଁ ନୀତାବୁ, ଏନିକିଁ ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଖେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣ୍ଡିଏ ଜୀସୁ ରଣ୍ଡିଏ ଅଣ୍ଡପୁ ତଲେ ତାରିଆହାନା ନେହୁଁ କାବୁତି ନାମୁ ତାକି ଜୁଜୁ କିହିମାଞ୍ଜେରି,

୨୮ ଇଞ୍ଜା ମିଜ୍ଞେ କସ୍ତ ନିନ୍ଦା ହାହିମାଞ୍ଜାନି ସାତୁୟାଇଁ ଏତେଲାଞ୍ଜା ଆଜାଆଦୁ; ଏଦି ଏଞ୍ଜାରି ନାସା ଆନାୟି, ସାମା ମିଜ୍ଞେତାକି ଗେଲ୍ପିନାୟି ମାହାପୁରୁ ହାହାମାନି ର ସିନା;

୨୯ ଇତିହୁଁ କ୍ରୀସ୍ତ ତାଣା ଖାଉଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ;

୩୦ \*ଅଡ଼େ ନାନୁ ଏନିକିଁ ଜୁଜୁ କିହିମାଚାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସିଁ ଇଞ୍ଜା ଖେଞ୍ଜିମାଞ୍ଜେରି, ଏଲେକିହୁଁ ମୀରୁ ଜିକେଏ ଜୁଜୁ କିଦୁ □

### ୨

କ୍ରୀସ୍ତତି ମାଣ୍ଡକି ଅଡ଼େ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀସୁତା ବାସୁଁ ବେଟାଆହାମାଞ୍ଜେରି, ଅଡ଼େ ତାନି ଜୀସୁନନାୟି ମିଜ୍ଞେ ସାସା ହାହିମାଞ୍ଜାନେ □ ମୀରୁ ସୁଦୁଜୀସୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ

ରଅତେରି ରଅଣାକି ମୀ ଜୀସୁନନାୟି ଅଡ଼େ କାର୍ମାମେହନାୟି ମାନେ,

୨ ନାନୁ ମିଜ୍ଞେ ବାତିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀସୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡପୁ ଆହାନା ନାଜ୍ଞେ ରାହାଁ କିୟାଦୁ,

୩ ମୀରୁ ମିଜ୍ଞେତାକି ନେହାଁଣି ଜୁପକା ଇଞ୍ଜା ହାଡ଼ରକା ବତପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଇଁ ନା କିହାଁ କାଜାସି ଇଞ୍ଜା ଅଣ୍ଡପାଦୁ;

୪ ମୀରୁ ବାରେତେରି ଖାଉଇ ମିଜ୍ଞେତାକି ନେହୁଁ ଆନାଣି ଅଣ୍ଡପାଆନା ଏଟକା ଲକୁତି ନେହାଁଣି ଜିକେଏ ଅଣ୍ଡପାଦୁ □

୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ଡପୁ ମାତେ ମୀ ଅଣ୍ଡପୁ ଜିକେଏ ଏଲେତାୟିଏ ଆଡ଼େ;

୬ ଏଞ୍ଜାସି ମାହାପୁରୁ ଆଡ଼ିହୁଁ ଜିକେଏ, ମାହାପୁରୁ ତଲେ ସମାନା ଆହୁଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସ୍ତେସି,

୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହଲେଏସି ଲେହେଁ ଆଡ଼େସି □ ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡ଼େସି;

୮ ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା

ହୁକୁମି ମାନୁଞ୍ଜି ଆଡ଼େସି ଇଞ୍ଜା ତାନୁଏ ତାଜ୍ଞେ ଉଣା କିହା କଡ଼ିତେସି □

୯ ଏନାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି,

ଇଞ୍ଜା ବାରେ ଦରୁକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକିଁ ଲାକପୁରୁ ଅଡ଼େ ଦାରତିତା ଅଡ଼େ ଦାରତିତି ତୁଇ ମାନାଇ; ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

\* ୧:୩୦ ୧:୩୦ କାମା ୧୭:୧୯-୪୦

୧୧ ଅଡ଼େ ଆବା ମାହାପୁରୁତି ଗାଝୁରମି  
ତାକି ବାରେଜାଣା ତାମି ଗୁଡ଼ି  
ତଲେ ଜୀସୁ କ୍ରୀସୁ ପ୍ରବୁ ଇଞ୍ଜି  
ଜଲିନେରି □

ଦାରତିତା ଉଜେଡ଼ି ଲେହେଁ  
ଡ଼ୀଞ୍ଜାନ୍ତୁ

୧୨ ନା. ଜୀଝୁତି ତରେସିଜା,  
ମୀରୁ ବାରେରେଲା ନାଜେ ମାନୁଝି  
ଆହିମାଞ୍ଜାଦେରି, ଇଚିହୁଁ ନା ନକିତା  
କିନିଲେହେଁ ଆଏ, ସାମା ନୀଏଁ ନା  
ହିଲାଆ ବେଲାତା ହାରେକା ଆଜିତଲେ  
ତୀରଗିହୁଁ ମୀରୁ ଗେଲ୍ପି ଆହାଲି  
ତାଲି କାମା କିଦୁ

୧୩ ଇଚିହୁଁ ମିଜେ ତାନି କାମା  
କିହାଲିତାକି ଇଚା ଅଡ଼େ ବାଡ଼ୁନ୍ତୁ  
କିହାଲିତାକି ମାହାପୁରୁ ତାନ୍ତୁଏ ମୀ ତାଣା  
କାଲେଏ କାମା କିହିମାନେସି □

୧୪ ମୁରୁ ମୁରୁ ଅଡ଼େ ବାଦିବାଦା  
ଆଆନା ମୀ ବାରେ କାମା କିଦୁ,

୧୫ ଏଲେକିତିହୁଁ ମୀରୁ ଦହ  
ହିଲାଆଗାଟାତେରି ଅଡ଼େ ସୁଦୁ  
ଗାଟାତେରି ଆହାନା, ଇ ଲାଗେଏତାଣି  
ତଲେ ନାଡ଼ିକିନି ଲକୁ ବିତ୍ତା  
ମାହାପୁରୁତି ଦହ ହିଲାଆଗାଟି ମୀରକା  
ମାସ୍କାତେରି ଆଦେରି; ଏଝାରିତାଣା  
ମୀରୁ ଜୀଝୁତି ବଲୁ ଆସାନା ଦାରତିତି  
ଉଜେଡ଼ି ଲେହେଁ ମୀରୁ ତଞ୍ଜା  
ଆହିମାଞ୍ଜେରି;

୧୬ ଏମ୍ବାଟି ନାନ୍ତୁ ଉଜେଏ ହଟି ହିଲଅଁ  
କି ଉଜେଏ କାମା କିହିହିଲଅଁ, ଏ  
ବାରେତାକି କ୍ରୀସୁତି ଦିନାତା ବଡ଼ପଣ  
କିହାଲି ଆଡ଼ିଇ □

୧୭ ନା. ନେତେରି ମୀ ନାମୁ  
ତାକି ସେବାତା ଗସାଲି ପୂଜା ହାନି  
ନେତେରିଲେହେଁ ଡ଼ାଞ୍ଜାଲି ଆହିମାନେ,  
ଆଡ଼ିହୁଁ ନାନ୍ତୁ ରାହାଁ ଆହିମାଇ, ଅଡ଼େ  
ମୀ ତଲେ ଆଣ୍ଡାନା ରାହାଁ କିହିମାଇ,

୧୮ ଅଡ଼େ ଏଲେକିହୁଁ ମୀରୁ ରାହାଁ  
କିଦୁ ଇଞ୍ଜା ନା ତଲେ ରାହାଁ କିଦୁ □

ତିମତି ଅଡ଼େ ଏପାପୁଦିତ

୧୯ ସାମା ନାନ୍ତୁ ତିମତିଇଁ ତବେ  
ପାଣ୍ଡାଇଁ ଇଞ୍ଜି ପ୍ରବୁ ଜୀସୁ ତାଣା

ଆସା କିହାମାଇଁ, ଏନିକିଁ ମୀ କାତା  
ଝେଞ୍ଜାନା ନାନ୍ତୁ ଜିକେଏ ରାହାଁ ଆଇଁ □

୨୦ ଏଝାସି ରଅସିଏ ନା ଲେହେଁତି  
ଅଣ୍ପୁ ଗାଗସି ଇଞ୍ଜା ଏଝାସି ସାତେଏ  
ମିଜେତାକି ଅଣ୍ପି ମାଞ୍ଜାନେସି □

୨୧ ଇଚିହୁଁ ବାରେଜାଣା ଜୀସୁ  
କ୍ରୀସୁତି ସେବା କିହାଲି ଅଣ୍ପାଆନା,  
ଝାରଇ ତାମି ନେହାଁଣି ପାରାଲି  
ଅଣ୍ପିନେରି □

୨୨ ତିମତି ତାୟିପାରି କିନିତାଣା  
ଜୀଣା ଆହାମାନାସି ଏଦାଆଁ ମୀରୁ  
ପୁଞ୍ଜାମାଞ୍ଜେରି; ମୀରଏସି ଆବାଡ଼ି ସେବା  
କିନିଲେହେଁ, ଏଝାସି ନେହୁଁ କାରୁ  
ଝେକ୍‌କିନି କାମାତା ନା ତଲେ ସେବା  
କିହାମାଚେସି □

୨୩ ଇଚିହୁଁ ନାଜେତାକି ଏନାୟି  
ଆନେ, ଏଦାଆଁ ପୁତିସାରେ ଏଝାଣାଇଁ  
ମୀ ତାଣା ପାଣ୍ଡାଇଁ ଇଞ୍ଜି ଆସା  
କିହିମାଇଁ;

୨୪ ପ୍ରବୁ ତାଣା ବାର୍ସୁ କିହିମାଇଁ ନାନ୍ତୁ  
ଜିକେଏ ମୀ ତାଣା ତବେ ଝାକ୍ ଙ

୨୫ ସାମା ନାନ୍ତୁ ନା ତାୟି, ନା  
ତଲେ କାମାକିନାସି, ନା ଝାକିତି ଜୁଦୁ  
କିନାସି, ଇଞ୍ଜା ନା ଲଡ଼ାମାନାଣି ସାରେମି  
କିହାଲି ମୀ ତାଣାଟି ପାଣ୍ଡୁଝିଆହାମାନି  
ସେବାକିନି ଏପାପୁଦିତାଇଁ ମୀ ତାଣା  
ପାଣ୍ଡାଲି ଅଣ୍ପିମାଇଁ;

୨୬ ଇଚିହୁଁ ଏଝାସି ବାରେତେରି  
ମିଜେ ମେସାଲି ହାରେକା  
ଅଣ୍ପିମାନେସି, ଅଡ଼େ ଏଝାସି  
ଆଡ଼ିହିଲଅସି ଇଞ୍ଜି ଝେଚାକି ହାରେକା  
କିଲିବିଲି ଆହିମାନେସି;

୨୭ ହାଅ, ଏଝାସି ହାନିଲେହେଁ  
ଆହାମାଚେସି, ସାମା ମାହାପୁରୁ  
ଏଝାଣାଇଁ କାର୍ମା ମେସେସି,  
ଏଝାଣାଇଁଦେହେଁ ଆଏ ସାମା ଏନିକିଁ  
ନାଜେ ଦୁକୁ ଲାକି ଦୁକୁ ଝାଏ  
ଏଦାଆଁତାକି ନାଜେ ଜିକେଏ କାର୍ମା  
ଆୟାଚେସି □

୨୮ ଏଦାଆଁତାକି ମୀରୁ ଏଝାଣାଇଁ  
ଝେଣ୍ଡେ ମେସାନା ରାହାଁ ଆଦେରି ଇଞ୍ଜା  
ନା ଦୁକୁ ଏନିକିଁ ଉଣା ଆନେ,

ଏଦାଆଁତାକି ନାନୁ ଏଞ୍ଜାଣାଇଁ ପାଣ୍ଡାଲି ହାରେକା ଜାତନୁ ଆଡେର୍ବ୍ ଠ

୨୯ ଏଦାଆଁତାକି ମାରୁ ଏଞ୍ଜାଣାଇଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜା ଇଲେତି ଗୁଣ୍ଡୁଗାତି ଲକୁଣି ମାନି କିଦୁ;

୩୦ ଏଦାଆଁତାକି ଇଚିହ୍ ମାରୁ ନାଙ୍ଗେ ଏମିନି ସାୟେମି କିହାଲି ଆଡାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସ୍ତତି କାମାତା ତାନି ଜୀସ୍ତୁତି ବାଦା ହୀହାନା ହାନିଲେହେଁ ଆହାମାଚେସି ଠ

**୩**

ସାତା ତୀରିଗାଟାୟି

୧ ନା ତାୟି ଅଡେ ତାଙ୍ଗିସ୍ତାଡେରି, ବାରେତି ତାୟୁ ପ୍ରୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଟାଲି ନାଙ୍ଗେତାକି ଝାହୁ ହଟିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ ଠ

୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା;

୩ ଏଦାଆଁତାକି ଇଚିହ୍ ମାରୁ ସାତେଏ ତଲୁ ଦାପି ଆହାମାନାତାୟି, ଇଚିହ୍ ମାରୁ ସୁଦୁଜୀସ୍ତୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜା ଆଙ୍ଗାତି ଲଡ଼ା ଆନି ମେରା ବାସୁଁ କିଆନା କ୍ରୀସ୍ତ ଜୀସ୍ତୁ ତାଣା ବଡପଣ ଆନି ଠ

୪ ନାନୁ ଆଙ୍ଗାତି ପାଣାପାଟୁତା ଜିକେଏ ବାସୁଁ ଇଟାଲି ଆଡିତେର୍ବ୍ମା; ଅଡେ ଆମ୍ବାଆସି ଆଙ୍ଗାତି ମେରାତା ବାସୁଁ ଇଟାଲି ଆଡିତେର୍ବ୍ମା ଇଞ୍ଜା ଅଣ୍ଡିନେସି, ଆତିହ୍ ନାନୁ ଏଞ୍ଜାଣି ଆଗାଡା ଆଡିଇଁ;

୫ ନାନୁ ଜାର୍ନା ଆହାଁ ଆଟାଦିନା ଆହାଲିଏ ତଲୁ ଦାପି ଆଡାତେର୍ବ୍, ଇଞ୍ଜା ଇସ୍ତାୟେଲ ଲକୁତି ବିନ୍ୟାମିନ୍ କୁଡାତା ଜାର୍ନା ଆଡାତେର୍ବ୍, ମା ଆକୁ ଆବାୟାଁ ର ଏବ୍ରିୟ ଲକୁ ମାଚେରି, ମେରା

ମାନୁଞ୍ଜି ଆନି ତାଣାଟି ନାନୁ ର ପାରୁସି ଲକୁତେର୍ବ୍,

୬ ହାରେକା ରାହାଁତଲେ ନାନୁ କ୍ରୀସ୍ତାନା କୁଲମିତି ସାସ୍ତି ହୀନାତେଏ, ଇଞ୍ଜା ମସାତି ମେରାତି ଦାମ୍ବୁତା ନାନୁ ଦହ ହିଲାଆଗାଟତେର୍ବ୍ ତଞ୍ଜା ଆହିମାଚେର୍ବ୍ ଠ

୭ ସାମା ଏନାୟି ନାଙ୍ଗେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜା ଅଣ୍ଡିପାମାଇଁ ଠ

୮ ନାନୁ ନା ପ୍ରୁ ଜୀସ୍ତୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜା ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜା ପିସାଡୁସ୍ତେର୍ବ୍; ଏଞ୍ଜାଣି କସମି ବାରେ ହିଲାଆଗାଟାଣି ଅର୍ହିତେର୍ବ୍ ଅଡେ ଏ ବାରେ ତୁକ୍ ଗମ୍ଭୁଲେହେଁ ଆଡେର୍ବ୍, ଏନିକ୍ ନାନୁ କ୍ରୀସ୍ତଇଁ ମେଡାଆଇଁ, ଇଞ୍ଜା ତାନି ଲକୁ ଇଞ୍ଜା ତଞ୍ଜା ଆଇଁ ଠ

୯ ଅଡେ ମସାତି ମେରା ମାନୁଞ୍ଜି ଆହାଁ ତୀରିଗାଟାଣି ମେଡା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହୀହାମାଞ୍ଜାନି ନାମୁତି ତୀରିଗାଟାଣି ମେଡାଆଇଁ,

୧୦ ଏନିକ୍ ନାନୁ ଏଞ୍ଜାଣାଇଁ ତାନି ଝେଣ୍ଡେ ନିଙ୍ଗିତି ବାଡ଼ୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି ଆଡିଇଁ,

୧୧ ଏଦାଣିତାକି ହାଡାରି ତାଣାଟି ନାଙ୍ଗେ ନିକ୍ହାନେସି ଇଞ୍ଜା ଆସା କିହିମାଇଁ ଠ

ଗୁରି ଇଟାମାନି ଟାୟୁତା ହଣ୍ଡାୟି

୧୨ ନାନୁ ନୀର୍ବ୍ ଏ ବାରେ ବେଟାଆହାମାଇଁ ଇଞ୍ଜା ନେହାଁତେର୍ବ୍ ଆହାମାଇଁ, ଏଦି ଆଏ, ସାମା କ୍ରୀସ୍ତ ଜୀସ୍ତୁ ତାଣାଟି ଆଡ଼ି ଆହାମାନାକି ଏଦାଆଁ ଆସାଲି ହଟିମାଇଁ ଠ

୧୩ ନା ତାୟି ଅଡେ ତାଙ୍ଗିସ୍ତା ନାନୁ ନୀର୍ବ୍ ପାଡେକା ଆସାମାଇଁ ଇଞ୍ଜା ଅଣ୍ଡି ହିଲଅଁ, ସାମା ନାନୁ ର କାମା କିହିମାଇଁ, ଇଚିହ୍ ତାୟୁ ମାନି ବାରେ

କାତା ହେକ କିହାନା ନକିତା ମାନାଣି ମେସାନା ହଟିମାଇଁ,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଙ୍ଗେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଝାକି ଜୀସୁ ତୁସାନା ହଟିମାଇଁ ।

୧୫ ଏଦାଆଁତାକି ଝାଦୁ, ମାର ଏରେକା ଲକୁ ଚିକାଣା ଗାଟାତାୟି, ଇଲେତି ମନତଲେ ଅଣ୍ଠପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ଠୁ ମାଟିହ, ଆତିହ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଠି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନୁଝି ଆହାନା ଝାହାମାନାୟି, ଏଲେକିହ ଏ ନକିତା ହାଜାଅନ ।

୧୭ ଚାୟି ତାଙ୍ଗିସ୍ତା ମୀରୁ ବାରେ ଆଣୁଝି ଆହାନା ନା ଲେହେକି ତାକାଦୁ, ଇଞ୍ଜା ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହ ତାକିନେରି ଏଝାରାଇ ସିନିକଦୁ ।

୧୮ ଇତିହ ହାରେକା ଇଲେକ ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଙ୍ଗେ ଝେସାମାଞ୍ଜାଇଁ, ଇଞ୍ଜା ନୀଏଁ ଜିକେଏ ମିଙ୍ଗେ ଡୀହି ଡୀହି ଝେସିମାଞ୍ଜାଇଁ, ଏଝାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି;

୧୯ ଏଝାରି ବାରେ ନର୍କତା ନାସା ଆନାରି, ଆଙ୍ଗାତି ଅଣ୍ଠୁ ଏଝାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଝାରି ବତପଣ କିନେରି, ଇଞ୍ଜା ଦାରୁତି ତାଣି ବାରେ ଅଣ୍ଠପେ ମାନେରି ।

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଙ୍ଗେ ଗେଲ୍‌ପାନି ପ୍ରୁ ଜୀସୁ କ୍ରୀସ୍ତତି ଝେଣ୍ଡେ ଝାନାଣି କାଡ଼ିମାନି;

୨୧ ଏଝାସି ତାନି ଏମିନି କାମା କିନି ବାଡୁୟୁଟି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ବାଟି ମା ବାଡୁୟୁ ହିଲାଆଗାଟି ଆଙ୍ଗାତି ତୀରି ମୁଣ୍ଡହାନା ତାନି ଗାଝୁରମିଗାଟି ଆଙ୍ଗା ଲେହେଁ କିୟାନେସି ।

## ୪

ହୁକୁମି ହାନାୟି

୧ ଏଦାଆଁତାକି ଏ ନା ଜୀସୁତି ତାୟି ତାଙ୍ଗିସ୍ତା । ମିଙ୍ଗେତାକି ନାଙ୍ଗେ ଏରେକା ରାହାତି ଟପେରି ଲେହେଁ । ନାନୁ ଜାପୁହାତି ଲେହେଁ ପ୍ରୁ ତାଣା ତୀରିଆହାଁ ନୀତାବାଡକାଦୁ ।

୨ ପ୍ରୁ ତାଣା ରଣ୍ଡିଏ ଅଣ୍ଠୁ ତଲେ ମାଞ୍ଜାଲି ଇୟଦିୟା ଅଡେ ସୁନ୍ଦୁ ରିଣ୍ଡାସିକାଣି ବାଡିମାଲିମାଇଁ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାଡିମାଲିମାଞ୍ଜାଇଁ ଇ ରୀ ତାଙ୍ଗିସ୍ତାଣି ସାୟେମି କିମ୍ବୁ, ଏଦାଆଁତାକି ଇତିହ ଲେମେନ୍‌ସ ଅଡେ ନା ତଲେ କାମାକିନାରି ତଲେ ନେହ କାରୁ ଝେକହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରକା ଜୀସୁତି ପତିତା ରାସ୍‌କି ଆହାମାନୁ ।

୪ ପ୍ରୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ ଝେଣ୍ଡେ ଝେସିମାଞ୍ଜାଇଁ ରାହାଁ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଝାଲା ଅଣ୍ଠୁ ତଞ୍ଜା ଆପେ । ପ୍ରୁ ଝାନାୟି ତାଗେ ଝାଡେୟିଏ ।

୬ ଏଦାଆଁତାକି ଜିକେଏ ଅଣ୍ଠପାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଝେହଦୁ ।

୭ ଏତେଟିଏ ତେଲ୍‌ହାଲି ଆଡ଼ାଆଗାଟି ମାହାପୁରୁତି ହିଡ଼ଡ଼ି ମୀ ହିୟାଁ ଅଡେ ଅଣ୍ଠପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍‌ପାନା ଇଟାନେସି ।

୮ ଏ ତାୟି ତାଜିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜାଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣୁ ମାନେ ଏ ବାରେ କାତା ଅଣ୍ଡପେମାଞ୍ଜୁ ।

୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏଦାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଲେ ସାନ୍ଦେମି ଆୟାନେସି ।

ଦାନା ତାକି ଜହରା

୧୦ ବାରେଡି ତାୟୁ ନା ତାକି ମୀ ଅଣ୍ଡପୁ ତଞ୍ଜା ଆହାମାନେ, ଏଦାଆଁତାକି ପ୍ରୁ ତାଣା ରାହାଁ କିହିମାଞ୍ଜୁ; ସାତେଏ ନା ତାକି ମୀ ଅଣ୍ଡପୁ ମାଚେ, ସାମା ପାରୁ ମୋଡ଼ା ଆହି ହିଲ୍ଲାଆତେରି ।

୧୧ ନାଙ୍ଗେ ଏନାୟି ଉଣା ମାନାକି ଝେସିମାଞ୍ଜୁଅଁ, ଏନାଆଁତାକି ଇତିହୁଁ ନାନୁ ଏନିଆହୁଁ ମାଚିହୁଁ ଜିକେଏ ରାହାଁତଲେ ମାଞ୍ଜାଲି ଜାପାମାଞ୍ଜୁ ।

୧୨ ନାନୁ ହିଲ୍ଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଞ୍ଜୁ, ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲ୍ଲାଆ ବେଲାତା ନୀତାଲି ଜିକେଏ ଜାପାମାଞ୍ଜୁ ।

୧୩ ନାଙ୍ଗେ ବାଡ଼ୟୁ ହିୟାନି କ୍ରୀସୁ ତାଣାଟି ବାରେ କିହାଲି ଆଡ଼ିଞ୍ଜୁ ।

୧୪ ଆଡ଼ିଜିକେଏ ମୀରୁ ନା କସୁତା ଆଣ୍ଡାମାନାକି ନେହୁଁ କାମା କିହାମାଞ୍ଜେରି ।

୧୫ ପିଲିପିୟ ଲକୁଡେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହୁଁ କାରୁ ଝେକ୍‌ହାଲି ମାରୁହି ବେଲାତା ଏଡ଼େତା ନାନୁ ମାକିଦନିୟାଟି ହାଚାଟି ଏଡ଼ିବେଲା ମୀ ପିସ୍‌ପେ ଏମିନି କୁଲମି ନା ତଲେ

ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲ୍ଲାଆତେରି ।

୧୬ ଇତିହୁଁ ନାନୁ ତେସଲନିକିତା ମାଚିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି ।

୧୭ ନାନୁ ମୀ ତାଣାଟି ଦାନା ଅହାଲି ଅଣ୍ଡପି ହିଲ୍ଲାଅଁ, ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣ୍ଡପିମାଞ୍ଜୁ ।

୧୮ ନାନୁ ବାରେ ବେଟାଆହାମାଞ୍ଜୁ, ଇଞ୍ଜା ନାଙ୍ଗେ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପ୍ରଦିତ ତାଣାଟି ବେଟାଆହାମାଞ୍ଜୁ, ଏ ବାରେ ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଦାଗାଟି ଦୁପଣି ଲେହେଁତାୟି ।

୧୯ ଅଡ଼େ ନା ମାହାପୁରୁ କ୍ରୀସୁ ଜୀସୁ ତାଣା ତାନି ଗାଝୁରମି ଦନଟି ମୀ ଲଡ଼ାମାନାଣି ହିୟାନେସି ।

୨୦ ମା ଆବା ମାହାପୁରୁକି କାଲ୍ଲାକାଲ୍ଲାତାକି ଗାଝୁରମି ଆଡ଼େ । ଆଡ଼େନ ।

ଜହରା କିହାନା ଆକୁତି ରାପ୍‌ନାୟି

୨୧ କ୍ରୀସୁ ଜୀସୁ ଦରୁତଲେ ବାରେ ମାହାପୁରୁ ଲକୁଞ୍ଜି ଜହରା ଝେହୁଦୁ, ନା ତଲେ ଇ ଟାୟୁତା ମାନି ତାୟି ତାଜିସ୍ତା ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୨ ବାରେ ମାହାପୁରୁ ଲକୁ ଇତିହୁଁ ବାରେକିହାଁ କାୟିସର ଇଲୁତା ମାନାରି ଏଝାରି ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୩ ପ୍ରୁ ଜୀସୁ କ୍ରୀସୁଟି କାର୍ମାମେହନାୟି ମୀ ବାରେ ଜୀଝୁତା ମାଣ୍ଡେମ୍ବେ ।

**କଲସିୟ ମଣ୍ଡଳୀ ନିକଟକୁ  
ପାଉଲଙ୍କ ପତ୍ର  
କଲସିୟ କୁଲମିତାକି  
ପାଞ୍ଚୁଲ ରାଫାମାନି  
ଆକୁ  
ମୂଲୁ ହାଡ଼ା**

କଲସିୟ ଆକୁ ଆହିମାନେ ପାଞ୍ଚୁଲ ତାଣାଟି ରାଫିତି ଆକୁ ୧:୧ □ ପାଞ୍ଚୁଲ ଜୀସୁ କ୍ରୀସ୍ତ ଜାର୍ନାଆତି ୭୦ ବାର୍ଷୀ ତାୟୁ ଏଞ୍ଜାସି ରମ୍ ଗାଡ଼ାତି କାୟିଦିତା ମାଗାଟି ଇ ଆକୁ ରାଫାମାନେସି □ କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି □ ଇତିହି ପାଞ୍ଚୁଲ କାୟିଦିତା ମାଗାଟି ଇ ଆକୁ ରାଫାମାରେସି □ ଏଞ୍ଜାସି କଲସିୟ ଗାଡ଼ାତା ମାନି କୁଲମିତାକି ଇ ଆକୁ ରାଫାମାରେସି □ ପାଞ୍ଚୁଲ ଇ କୁଲମିତି ମାଟ୍‌ହା ହିଲ୍ୟାଆଡେସି ୨:୧ ସାମା ଝେସିମାନେ, ହାଡ଼େକା ଏମ୍ବାତି ଦାୟିପତି ମାନି କାତା ଏଞ୍ଜାସି ଝେସିମାନେସି □ ଏପାପ୍ରସ ଇ କୁଲମି କିହାମାରେସି ଇତିହି ଏଞ୍ଜାସି କଲସିୟତାସି ମାରେସି □

ପାଞ୍ଚୁଲ କଲସିୟ କୁଲମିତି ଏଡେକା ମିତି ଜାପୁନାରି କାତାତାକି ଅଣ୍ପିମାରେସି □ ଏଞ୍ଜାସି ଇ କାତାତାକି ହାଡ଼େକା ଗାଡ଼ିକିହି ରାଫାମାନେସି □ ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଗାରି ଜୀହୁଦିଆଆତି କ୍ରୀସ୍ତାନା ଲକୁଇଁ ପ୍ଲାଃଇ ମେରାତି ଜୀହୁଦି ପାଣାପାଟୁ, ଇତିହି ତଲୁ ଦାପିଆନି ମେରା ମାନୁଞ୍ଜି ଆହାଲି ବାଲାମାତମି କିହାଲି ଅଣ୍ପିମାରେସି □ ପାଞ୍ଚୁଲ ବାରେକିହାଁ ଲଡ଼ାହିଲ୍ୟାଆ କ୍ରୀସ୍ତାନା ଲକୁତି କାତା ରାଫିମାନେସି, ରଅସି ଆମ୍ବାଆସି ଜିକେଏ ଆପେସି କ୍ରୀସ୍ତତି ପିସ୍‌ପେ ମାହାପୁରୁ ତାଣା ନେହାସି ଆହାଲି ଆଡ଼ଅସି ୧:୧୫-୨୦ ଅଡ଼େ

ମାଣସି ବାଦିବାଦା ତଲେ ଜାପୁନି କାତା ଉଜେଏତାୟି ୨:୮ □

**ପତିତା ମାନାୟି**

- ୧ ଜହରା କିହାନା ଆକୁତି ମାଟ୍‌ନାୟି □ ୧:୧-୨
- ୨ କ୍ରୀସ୍ତତି କାଜାପାଣା ଅଡ଼େ ମିତି ଜାପୁନାରି ଝେଣ୍ଡେ ଜଲିନାୟି □ ୧:୩-୩:୪
- ୩ ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍‌ନାୟି □ ୩:୫-୪:୭
- ୪ ଆକୁତି ଏଡ଼କା କୁଲମିତା ପଡ଼ଞ୍ଜି ଆହାଲି ଇଞ୍ଜା ଜହରା ତଲେ ଆକୁତି ରାପୁନାୟି □ ୪:୭-୧୮

୧ ପାଞ୍ଚୁଲ, ମାହାପୁରୁତି ଅଣ୍ପୁ ତଲେ କ୍ରୀସ୍ତ ଜୀସୁତି ପାଣ୍ଡଞ୍ଜିଆହାମାନି ସୀସୁ ଅଡ଼େ ମା ତାୟି ତିମତି □

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିପ୍ଲାକି ଆକୁ ରାଫିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ଡ଼ି ଜୀସୁ ମିଜେତାକି ଆୟାପେ □

ଜହରା ପ୍ରାତାନା  
୩ ମାମ୍ବୁ ମିଜେ ତାକି ପ୍ରାତାନା କିହାନା ମା ପ୍ରୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାରେଲଏ ଜହରା କିହିମାନମି;

୪ ଏନାଆଁତାକି ଇତିହିଁ ମାମ୍ବୁ କ୍ରୀସ୍ତ ଜୀସୁ ତାଣା ମୀ ନାମୁ ଅଡ଼େ ମାହାପୁରୁ ଲକୁଣି ଜୀସୁନହାଁ ମାନାଣି ଝେଞ୍ଜାମାନମି □

୫ ଏତିରେଲା ନେହିଁ କାରୁତି ସାତା ବଲୁ ମୀ ତାଣା ମୂଲୁଏ ଝାଡ଼େ, ମୀରୁ ଏଦାନି ତାଣାଟି ହାପକିଆଡ଼ି ବାର୍ସୁତି କାତା ଝେଚେରି □ ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇଡ଼କି ଆହାମାନେ, ଏମ୍ବାଆଁ ମୀ ନାମୁ ଅଡ଼େ ଜୀସୁନହାୟି ତୟାମାନେ □

୬ ଏ ନେହିଁ କାରୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକିଁ ବାରେ ଦାରତିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି

ଦିନା ଏଦାଆଁ ଖେଞ୍ଜାନା ସାତା ତଲେ ମାହାପୁରୁତି କାର୍ମା ମେଡାଆଡେରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ □

୭ \*ମା. ତଲେ କାମା କିନି ଜୀଝୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହୁନି କାତା ଜାପାମାଞ୍ଜେରି; ଏଝାସି ମିଙ୍ଗେ ତାକି କ୍ରୀସ୍ତିତି ର. ମାନି ତଲେ ସେବା କାମାକିନାସି;

୮ ଏଝାସି ସୁଦୁଜୀଝୁ ତଲେ ମିଙ୍ଗେ ହାହାମାଞ୍ଜାନି ଜୀଝୁ ନଝିଆନି କାତା ମାଙ୍ଗେ ଖେସାମାଞ୍ଜାନେସି □

୯ ଈଦାଆଁତାକି ମୀ କାତା ଖେଡି ଦିନାଟିଏ ମାମ୍ବୁ କାଲେଏ ମୀ ତାକି ପ୍ରାତାନା କିହିମାନମି □ ମୀରୁ ବାରେ ସୁଦୁଜୀଝୁତି ବୁଦି ଅଡେ ତେଲୁହିନି ବାଡ଼ୁୟୁ ତଲେ ମାହାପୁରୁତି ବାରେ ଅଣ୍ପୁ ଏନିକିହୁଁ ମୀରୁ ପୁଞ୍ଜାଲି ଆଡିଦେରି, ଈଦାଆଁତାକି ମୀ ତାକି ପ୍ରାତାନା କିହିମାନମି □

୧୦ ବାରେ ଜୀଝୁତି ବୁଦିତା ପ୍ରବୁଇଁ ବାରେ ତାଣା ରାହୁଁ କିୟାଲି ତାନି ଜଡେତି ମାଣ୍ଡକି ତଲେ ତାକାଦୁ, ଇତିହୁଁ ମାହାପୁରୁତି ବୁଦିତା ପାତାଆହାନା ନେହୁଁ କାମାତି ପାଡ଼େୟି ଆୟାଦୁ □

୧୧ ଇଞ୍ଜା ବାରେ କାମାତା ସାସାତଲେ ଅରୁହାଲି ତାକି ତାନି ଗାଝୁରମି ଇଞ୍ଜା କାଜାପାଣା ତଲେ ବାରେ ବାଡ଼ୁୟୁତି ବାଡ଼ୁୟୁ ଗାଟାଡେରି ଆଦୁ,

୧୨ ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡି ରାଜିତା ଆଣ୍ଡାଲି ତାକି ଜଡେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଝାଣାଈଁ ରାହୁଁତଲେ ଜହରା କିଦୁ □

୧୩ ଏଝାସି ମାଙ୍ଗେ ଆନ୍ଦେରିତି ବାଡ଼ୁୟୁତି ପିସପି କିୟାଡେସି ଅଡେ ତାନି ଜୀଝୁତି ମୀରୁଏଣାଟି ରାଜିତା ମାଙ୍ଗେ ତାତାଡେସି □

୧୪ \*ଏ. ମୀରୁଏଣି ତାଣାଟି ମୀରୁ

ଗେଲ୍ପି ଆହାମାନାୟି ଇତିହୁଁ ମା. ପାପୁ ବାରେ ମେପ୍ପକି ଆହାମାନେ □

କ୍ରୀସ୍ତ ଅଡେ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ଝାଣା ଗାଟାସି, ଏଝାସି ନକେଏ ଜାର୍ନାଆଡି ମୀରୁଏସି, ଇଞ୍ଜା ବାରେ ଗାଡି ଆଡି କିହୁଁ କାଜାସି,

୧୬ ତଞ୍ଜା ଆନାୟି ଅଡେ ତଞ୍ଜା ଆଆଗାଟାୟି ଲାକପୁରୁ ଅଡେ ଦାରୁଡିତା ବାରେ ଏଝାଣି ତାଣାଟି ଗାଡି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲୁଝି କିନାୟି ବାରେ ଏଝାଣି ତାଣାଟି ଇଞ୍ଜା ଏଝାଣି ତାକି ଗାଡି ଆହାମାନେ;

୧୭ ବାରେ ଗାଡି ଆଡି ନକେଏ କ୍ରୀସ୍ତ ମାଡେସି, ଇଞ୍ଜା ଏଝାଣି ତାଣା ଆଣ୍ଡାମାନାକି ବାରେ ଗାଡିଆଡାଈଁ ତାମ୍ବୁ ମାନି ଟାୟୁତା ମାନୁ □

୧୮ \*କ୍ରୀସ୍ତ କୁଲମି ଲେହେଁତି ଆଙ୍ଗାତି ତାୟୁଁ ଲେହେଁତାସି, ଏ ଆଙ୍ଗାତି ଜୀଝୁ ବାଡ଼ୁୟୁ □ ବାରେ ତାଣା ନକିତା ଆହାଲି ତାକି ଏଝାସି ହାଡାରି ତାଣାଟି ନକେଏ ନିଙ୍ଗାମାନେସି □

୧୯ ଏନାଆଁତାକି ଇତିହୁଁ ମାହାପୁରୁତି ଅଣ୍ପୁ ଲେହେଁ ମୀରୁଏସି ତାନ୍ତୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି,

୨୦ \*ଅଡେ ତାନି ମୀରୁଏଣା କୁସତି ନେଡେରି\* ତଲେ ଏଝାସି ହିଡୁଡି ତୀରି କିହାନା ଏଝାଣି ତାଣାଟି ତାନିତଲେ ବାରେ ଲକୁଣି କାଲ୍ନେସି, ହାଅ ଏଝାଣି ତାଣାଟି ଦାରୁଡିତା ଅଡେ ଲାକପୁରୁ ମାନାଣି ବାରେ କାଲୁଝି କିନେସି □

୨୧ ଅଡେ ନକେଏ ର. ବେଲାତା ମନତା ଲାଗେଏଡି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡେ ହେକ ମାଡେରି ଇଞ୍ଜା ମନତା ତାନି ସାତୁ ମାଡେରି,

୨୨ ସାମା ନୀର୍ବୁଁ ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାଡେରି,

\* ୧:୭ ୧:୭ କଲସି ୪:୧୨; ପିଲମ ୧:୨୩

\* ୧:୧୪ ୧:୧୪ ଏପିସି ୧:୭

\* ୧:୧୮ ୧:୧୮ ଏପିସି

୧:୨୨, ୨୩ \* ୧:୨୦ ୧:୨୦ ଏପିସି ୨:୧୭

\* ୧:୨୦ ୧:୨୦ ନେଡେରି ଇତିହୁଁ ମୀରୁଏଣା ହାକି

ନିନ୍ଦା ଅଡ଼େ ଦହ ହିଲାଆଗାଟାତେରି କିହାଲି ତାନି ମୀରଏଣା ଆଜ୍ଞାତି ହାକି ତଲେ ମିଜା ତାନିତଲେ କାଲହା ମାଞ୍ଜାନେସି;

୨୩ ମୀରୁ ର ତୀରପୁ ଆଡ଼଼ା ପୁନାଦି ଲାକ ଡ଼ୟାଦୁ ଅଡ଼େ ନେହୁ କାବୁ ଝେନି ବେଲାତା ଏମିନି ବାସୁ ଇଟାମାତେରି ଏମ୍ବାଟି ଇତାଲା ଆତାଲା ଆଆଦୁ, ଆତିହୁ ସାତେଏ ଏମ୍ବାଟି ପାଡ଼େୟି ବେଟାଆଦେରି; ଏ ନେହୁ କାବୁ ମୀରୁତ ଝେଞ୍ଜାମାଞ୍ଜେରି; ଏଦି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହୁ କାବୁ ଝେଜାମାନେ ଅଡ଼େ ନାନୁ ପାଞ୍ଜୁଲ ଏମ୍ବାଟି ନାମୁତି ହଲେଏଣାତେଏଁ ।

କୁଲମିତା ପାଞ୍ଜୁଲତି କାମା

୨୪ ନାନୁ ମିଜେତାକି ଆମିନି ଦୁକୁ କସ୍ତ ବେଟାଆହି ମାଇଁ, ଏମ୍ବାଆଁ ନାନୁ ନୀଏଁ ରାହାଁ କିହିମାଇଁ, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି ଡ଼ୟାମାନେ ଏଦାଆଁ ନାନୁ କୁଲମିତାକି ଆଜ୍ଞା ତଲେ ଦୁକୁ କସ୍ତ ଅରହାନା ରାପହାଲି ସାୟେମି କିହିମାଇଁ ।

୨୫ ମାହାପୁରୁ ନାଜେ ସେବାକିନି କାମା ହେରପା ମାଞ୍ଜାନେସି, ଏଲେଆହୁଏ ଏ କୁଲମିତି ନାନୁ ର ସେବା କିନାତେଏଁ ଆହାମାଇଁ, ଏନିକଁ ନାନୁ ମାହାପୁରୁତି ବଲୁ ତୀରିତଲେ ଝେକଇଁ,

୨୬ ଏ ନେହୁ କାବୁ ର ଡ଼ଗୁମାନି କାତା ତଲି କାଲା ଅଡ଼େ ଆକୁ ଆବାର୍ଯ୍ୟା ତାଣାଟି ଡ଼ଗୁମାତେ, ସାମା ନୀଏଁ ତାନି ଲକୁତାଣା ତସାମାନେସି ।

୨୭ ଜୀହୁଦିଆଆତି ଲକୁତାଣା ଏ ଡ଼ଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍ପିତେସି; ଏ ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାସୁ ଲେହେଁତସି;

୨୮ ମାମ୍ବୁଏ କ୍ରୀସ୍ତଇଁ ଝେକହି ମାନମି, ଇଞ୍ଜା ବାରେଜାଣାତି ସେଡ଼ନା ଇଞ୍ଜା

ବାରେ ବୁଦିତଲେ ଜାପୁହି ମାନମି, ମାମ୍ବୁ ଏନିକଁ ମାହାପୁରୁ ନକିତା ତୀରପୁତି ଲକୁ ଲେହେଁ ତାତାଲି ଆଡ଼ିନମି;

୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁୟି ଲେମ୍ବାନା ନାନୁ ଜୀଞ୍ଜୁ ତୁସାନା କାମା କିହିମାଇଁ ।

୨

୧ ମୀ ତାକି ଲାଞ୍ଜୁଦିକିୟାତି ଲକୁ ଅଡ଼େ ନାଜେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜୀଞ୍ଜୁ ତୁସାନା କାମା କିହିମାଇଁ, ଇ ବାରେ ମୀରୁ ପୁଞ୍ଜୁ ଇଞ୍ଜୁ ନାନୁ ଅଣ୍ପିମାଇଁ;

୨ ନା ଅଣ୍ପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜା ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇତିହୁ ମାହାପୁରୁତି ଡ଼ଗୁମାନାୟି କ୍ରୀସ୍ତ, ଏଞ୍ଜାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀଞ୍ଜୁ ନଞ୍ଜି ଆନେରି ।

୩ ଜୀସ୍ତ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡ଼ଗୁମାନି ବାରେ ଦନ ଦେନେସି ।

୪ ମିଜେ ଆମ୍ବାଆସି ନାଡ଼ିକିନି ଲେହେଁତି ମିଟି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇଁ ।

୫ ଇତିହୁ ନାନୁ ଆଜ୍ଞା ତଲେ ହିଲାଆତି ଜିକେଏ ନା ଜୀଞ୍ଜୁତଲେ ମୀ ତାଣା ମାଞ୍ଜାମାଇଁ, ଇଞ୍ଜା ମୀ ନେହୁକଁ ଜାଟୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଇଁ ।

କ୍ରୀସ୍ତ ତାଣା ଜୀଞ୍ଜୁ

୬ ଇତିହୁ ମୀରୁ କ୍ରୀସ୍ତ ଜୀସୁଇଁ ପ୍ରୁ ଇଞ୍ଜୁ ଏନିକଁ ନାମାମାଞ୍ଜେରି, ଏଲେକିହୁଏ ଏଞ୍ଜାଣି ତାଣା ମାଞ୍ଜାନା ନୀତାଦୁ;

୭ ଏଞ୍ଜାଣି ତାଣା ଜାଣ୍ଡେ ଡ଼ୟାଦୁ, ମୀ ଜୀଞ୍ଜୁତି ତୀରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା



ବାଡ଼ୁଛୁ ବେଗାଆଦୁ □ ମୀ ହିୟାଁ ଜହରା  
କିନାୟି ଆପେ □

୮ ସିନିକିଦୁ, ଏଚେତା ଆମ୍ବାଆସି  
କ୍ରୀସ୍ତତି ଜାପୁନାୟି ଲାଗେଏତି ମାଣ୍ଡସିତି  
ପାଣ୍ଡାପାଟୁ ଅଡେ ଦାର୍ତତି ମୁଲୁ ଜାପୁନି  
ପାଞ୍ଜି ସିନି କିନାୟି ଅଡେ ଉଜେଏତି  
ନାଡ଼ିକିନି ତାଣ୍ଡାଟି ମିଙ୍ଗେ କାୟିଦି କିହା  
ଅୟାନେ;

୯ ଇଚିହୁଁ କ୍ରୀସ୍ତ ତାଣ୍ଡା ମାହାପୁରୁତି  
ଗୁଣୁ ମାଣ୍ଡସି ଖାଣ୍ଡା ଆହାନା ବାସା ଆନେ  
□

୧୦ ଏଞ୍ଜାସି ବାରେ ସାଲୁଝି କିନାରି  
ଇଞ୍ଜା ଅଦିକାରା ବେଗାଆଡାରି ତାୟି  
ଲେହେଁ, ଇଞ୍ଜା ଏଞ୍ଜାଣି ତାଣ୍ଡା ମାଞ୍ଜାନା  
ମୀରୁ ବାଡ଼ୁଛୁ ବେଗାଆହା ମାଞ୍ଜେରି □

୧୧ କ୍ରୀସ୍ତ ତଲେ ଆଣ୍ଡିତି ଜୀଞ୍ଜୁଏ ମୀ  
ତଲୁ ଦାପି ଆଡି ଲେହେଁତାୟି □ ଏ ତଲୁ  
ଦାପି ଆଡାୟି ମାଣ୍ଡସି କିତାୟି ଆଏ,  
ଏଡି କ୍ରୀସ୍ତ ତାଣ୍ଡାଟି ଆହାମାନେ □ ଏଡି  
ମାଣ୍ଡସିଇ ପାପୁ ଆଙ୍ଗାଟି ଗେଲ୍ପି କିନେ  
□

୧୨ \*ମୀରୁ ଏଚିବେଲା ବାପ୍ତିସ୍ତ\*  
ବେଗାଆଡେଚି ଏଚିବେଲା ମୀରୁ କ୍ରୀସ୍ତ  
ତଲେ ମୁସ୍ପିଆଡେଚି, ଇଞ୍ଜା ଆମିନି  
ମାହାପୁରୁ କ୍ରୀସ୍ତଇଁ ହାଡାରି ତାଣ୍ଡାଟି  
ନିକହେସି, ଏଞ୍ଜାଣି କାମା କିନି ବାଡ଼ୁଛୁତି  
ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ  
କ୍ରୀସ୍ତ ତଲେ ନିକହାଡେସି □

୧୩ \*ମୀରୁ ଆଙ୍ଗାତା ପାପୁ ଗାଟାଡେଚି  
ଜୀହୁଦି ଆଆମାଗାଟି ହାହାମାଚେଚି,  
ମିଙ୍ଗେ ଜିକେଏ ମାହାପୁରୁ ତାନିତଲେ  
ମିଙ୍ଗେ ଜୀଞ୍ଜୁ କିହାଁ ମାଞ୍ଜାନେସି,  
ମାହାପୁରୁ ମା ବାରେଚି ପାପୁ ମ୍ଲେକ୍‌ହା  
ମାଞ୍ଜାନେସି;

୧୪ \*ଏଞ୍ଜାସି ମେରାତା ମା କପାଟି  
ଆମିନି ଦହ ଦହନି ଆକୁ ମାଚେ,  
ଏଦାଆଁ ଏଞ୍ଜାସି ମ୍ଲେକ୍‌ହାନା ପାସି ମୁଣ୍ଡାତା  
କୁଟିୟାଁ ଝେଚାନା ମା ତାଣ୍ଡାଟି ହେକ  
କିହାମାନେସି;

୧୫ ଅଡେ ଏ ପାସିମୁଣ୍ଡା ଲାକ

କ୍ରୀସ୍ତ ବାରେଲେହେଁତି ବାଡ଼ୁଛୁ  
ଇଞ୍ଜା ସାଲୁଝି କିନାଆଁ ତାଣ୍ଡାଟି  
ଜାହାରାଇଁ ପିସ୍ପି କିହାକତାମାନେସି  
ଇଞ୍ଜା ଏଞ୍ଜାଆଁତି ଦସ୍ପାନା ତାନୁ  
ଜୀଣାଆହାନା ହାନିବେଲାତା ବାରେ  
ଲକୁ ନକିତା ଏଞ୍ଜାଆଁତି ଲାଜା  
ବେଗାଆଝି କିହାମାନେସି □

୧୬ \*ଏଦାଆଁତାକି ମୀ ତିନାୟି,  
ଉନାୟି, ପାର୍ବୁତାକି କ୍ଳୁଗି ଲେଞ୍ଜୁ ପାର୍ବୁ କି  
ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା  
କିୟାଆପେସି □

୧୭ ଏ ବାରେ ଖାହିମାନି ଦିନାତା  
ଆହାଲି ହାଜିମାନି ସାୟି ଲେହେଁ;  
ସାମା ଏମ୍ବାତି ସାତା କାତା କ୍ରୀସ୍ତ □

୧୮ ଇଞ୍ଜା ଆମ୍ବାଆସି ଜାହାରା  
ଉଣା ଆହାନା ଦୂଡୁୟାଁ ସେବାତା  
ରାହାଁ ଆହାନା ସେୟାଣା ହାପାନା  
ମେସାମାନାଆଁ ପାରାନା ଅଡେ ଦାର୍ତତି  
ଅଣ୍ଡପୁ ତଲେ ଉଜେଏ ବଡପଣି ଆହାନା  
ଆମ୍ବାଆସି ତାୟି ଲେହେଁତି କ୍ରୀସ୍ତ,  
ଏଞ୍ଜାଣାଇଁ ଆହଆନା ମାହାପୁରୁ ବରତି  
ଏଟକା କିୟାଆପେସି □

୧୯ \*ଏଞ୍ଜାଣି ତାଣ୍ଡାଟି ବାରେ ଆଙ୍ଗା  
ହାନ୍ତୁଲିକା ଅଡେ ଇଣାୟାଁତି ନେହୁଁ  
ଆହାନା ରଣ୍ଡି ରଣ୍ଡାଣି ତଲେ କାଲୁଝି  
ଆହାନା ମାହାପୁରୁ ହୀତି ପାଡ଼ଣିତା  
ପାତାଆହିମାନୁ □

କ୍ରୀସ୍ତ ତଲେ ହାନାୟି ଅଡେ  
ନୀଡିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି  
ଅଡେ ଇ ଦାର୍ତତିତା ସାଲୁଝି କିହିମାନି  
ବାଡ଼ୁଛୁଚି ଗେଲ୍ପି ଆହାମାଞ୍ଜେରି □  
ଆଡିହୁଁ ମୀରୁ ଏନାଆଁତାକି ଦାର୍ତତିତି  
ଲକୁ ଅଣ୍ଡପୁ ତଲେ ନୀଡିମାଞ୍ଜେରି ?  
ଏନାଆଁତାକି ମୀରୁ ଇଲେତି ମେରା  
ବାରେ ମାନି କିହିମାଞ୍ଜେରି,

୨୧ ଆଡିହୁଁ “ମାଣ୍ଡସି ଜାପୁହିମାନି  
ମେରା ଆହଆଦୁ, ଏଦାଆଁ ତିନାଆଦୁ,  
ଏଦାଆଁ ଡୀଗାଆଦୁ ଦାର୍ତତିତି

\* ୨:୧୨ ୨:୧୨ ରମି ୬:୪ \* ୨:୧୨ ୨:୧୨ମୁଞ୍ଜନାୟି \* ୨:୧୩ ୨:୧୩ ଏପିସି ୨:୧-୫ \* ୨:୧୪  
୨:୧୪ ଏପିସି ୨:୧୫ \* ୨:୧୨ ୨:୧୨ ରମି ୧୪:୧-୬ \* ୨:୧୯ ୨:୧୯ ଏପିସି ୪:୧୭

ଲକ୍ଷ୍ମୀ ଲେହେଁ ଇଲେତି ପାଣାପାରୁ ଏନାଆଁତାକି ମାନୁଡ଼ି ଆହିମାଞ୍ଜେରି ?”

୨୨ ଏ ବାରେ ଆସ୍ତି ଗାଡ଼େକା ତାଇ □ ଇଡ଼ି ଲେନ୍ଦିସାରେ ଉଜେଏତାଇ ଆନୁ □

୨୩ ଏଲେତି ଜାପନାୟି ଜାହାରା ଅଣ୍ଟପୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଙ୍ଗାତି ହାଡ଼େକା କସ୍ତ ହାହାନା ବୁଦିତି ଦରୁ ବେଟାଆହାମାଇଁ ସାମା ଏଦି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍ଟପୁ ରାହାଁ ଆନେ □

### ୩

୯ ମୀରୁ କ୍ରୀସ୍ତ ତଲେ ହାକିଟି ନିଙ୍ଗା ମାଞ୍ଜେରି, ଆତିହେଁ ମାହାପୁରୁତି ଚିଃନି ଚଟତା କୁଗାମାନି କ୍ରୀସ୍ତତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ □

୧୦ ଦାରୁତିତା ମାନି ବାରେ କାତାତି ଅଣ୍ଟପାଆନା, ଲାକପୁରୁ ମାନାଣି ବାରେ ଅଣ୍ଟପାଦୁ □

୧୧ ଏନାଆଁତାକି ଇଚିହେଁ ମୀରୁ ହାହାମାଞ୍ଜେରି, ଅଡ଼େ ମୀ ଜୀଝୁ ମାହାପୁରୁ ତାଣା କ୍ରୀସ୍ତ ତଲେ ଡ଼ରୁମାନେ □

୧୨ ମା ଜୀଝୁ ଲେହେଁତାସି କ୍ରୀସ୍ତ, ଏଚିବେଲା ଏଝାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଝୁରମିଟି ଏଝାଣିତଲେ ଆଣ୍ଡାନା ତଞ୍ଜା ଆଦେରି □

ପ୍ଲୁଃଇ ଜୀଝୁ ଅଡ଼େ ପୁଃନି ଜୀଝୁ

୧୩ ଏଦାଆଁତାକି ମୀ ଦାରୁତିତି ଲାଗେଏ ପଲେଏ ତାଣାଟି ଇଚିହେଁ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଡ଼ି କିହାଁ କଡ଼ାଦୁ;

୧୪ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଝାରାକି ମାହାପୁରୁତି କପା ଝାନ୍ଦେ;

୧୫ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହେଁ ନୀଡ଼ିମାଚେରି □

୧୬ ସାମା ନୀଏଁ ମୀରୁ ଜିକେଏ ଇ ବାରେ କାତା ଇଚିହେଁ, କପା, କାରୁବି, ଇରସା ଇଞ୍ଜା ମୀ ଗୁଡ଼ିଟି ନିନ୍ଦା କାତା ଅଡ଼େ ଅପାଆଗାଟି ହାଡ଼ା ଜଲ୍ଲାଆଦୁ □

୧୭ \*ମୀ ବିତ୍ରା ମିଟି କାତା ଝେସ୍ପି ଆଆଦୁ; ଏନାଆଁତାକି ଇଚିହେଁ ମୀରୁ ବାରେ ପ୍ଲୁଃଇ ଗୁଣ୍ଡୁ ମାଣ୍ଡକି ପିସାମାଞ୍ଜେରି,

୧୮ \*ଅଡ଼େ ଏଲେତି ବାରେ କାମା ପିସାନା ପୁଃନି ଗୁଣ୍ଡୁ ପର୍ହାମାଞ୍ଜେରି; ଏ ପୁଃନି ଗୁଣ୍ଡୁ ମାଙ୍ଗେ ଗାଡ଼ିକିତାଣି ଝାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି □

୧୯ ଏଚେଟିଏ ଜୀହୁଦି ଲକ୍ଷ୍ମୀ ଅଡ଼େ ଜୀହୁଦିଆଆତି ଲକ୍ଷ୍ମୀ, ତଲୁ ଦାପିଆଡ଼ାରି କି ଦାପି ଆଆଡ଼ାରି, ଏଟକା ରାଜିତାରି, ସ୍ୱାଡ଼ିୟାତାରି, ହଲେଏସି, ହଲେଏସି ଆଆଡ଼ାସି, ଇ ବାରେତି ବିତ୍ରା ଏନି ପାରଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି □

୨୦ \*ମୀରୁ ମାହାପୁରୁତି ଲକ୍ଷ୍ମୀଚେରି; ଏଝାସି ମିଙ୍ଗେ ଜୀଝୁନହୀନା ତାଙ୍ଗେତାକି ଆଡ଼ାମାଞ୍ଜାନେସି □ ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଝାଲା ମାଣ୍ଡକି ଅଡ଼େ ଅରୁହିନାଣି ପରଦୁ □

୨୧ \*ମୀ ବିତ୍ରା କସ୍ତ ଅରୁହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅଡ଼େରି ରଅଣି ଦହ ମେକ୍ସଦୁ; ପ୍ରଦୁ ଏନିକେଁ ମୀ ଦହ ମେକ୍ସହା ମାଞ୍ଜାନେସି, ମୀରୁ ଜିକେଏ ଏଲେକିହେଁଏ କିଦୁ □

୨୨ ଅଡ଼େ ଇ ବାରେ ଗୁଣ୍ଡୁତଲେ ଜୀଝୁନନାୟି ମୀ ବିତ୍ରା ମାଣ୍ଡମ୍ବେ, ଇଚିହେଁ ଜୀଝୁନନାୟି ବାରେ ଗୁଣ୍ଡୁତି ରୁଣ୍ଡି କିନେ □

\* ୩:୯ ୩:୯ ଏପିସି ୪:୨୨ \* ୩:୧୦ ୩:୧୦ ଏପିସି ୪:୨୪ \* ୩:୧୨ ୩:୧୨ ଏପିସି ୪:୨ \* ୩:୧୩ ୩:୧୩ ଏପିସି ୪:୩୨

୧୫ କ୍ରୀସ୍ତ ହିୟାତି ହିତଡ଼ି ମୀ ହିୟାତି  
ସାଲୁଡ଼ି କିପେ □ ଇଚିହଁ ଇ ହିତଡ଼ି  
ତାକି ମାହାପୁରୁ ମିଙ୍ଗେ ରହେଁଏ ରଣ୍ଡିଏ  
ଆଙ୍ଗା ଆହାଲି ହାଟାମାଞ୍ଜାନେସି ଅଡ଼େ  
ବାରେବେଲା ମୀରୁ ମାହାପୁରୁଇଁ ଜହରା  
କିଦୁ

୧୬ \*କ୍ରୀସ୍ତତି ବଲୁ ହାରେକା ମୀ  
ହିୟାତା ତୟାପେ; ବୁଦିତଲେ ମୀରୁ  
ରଅତେରି ରଅଣାଇଁ ହାରେପୁରେ  
ଜାପୁହାନା ସେଡନା ହାପକିଆଦୁ, ଇଞ୍ଜା  
ମୀ ସୁଦୁଜୀଝୁ ତଲେ ମାହାପୁରୁଇଁ  
ଜହରା କିହଁ ହିୟା ତଲେ ପାଚୁ  
ପାଟାଦୁ □

୧୭ ଅଡ଼େ ମୀରୁ କାତାତାକି କାମାତା  
ଏନାଆଁ କିଦେରି, ଇଚିହଁ ଏ ବାରେ  
ପ୍ରବୁ ଜୀସୁ ଦରୁତଲେ କିହାନା ଏଞ୍ଜାଣି  
ଦରୁତଲେ ଆବା ମାହାପୁରୁଇଁ ଜହରା  
କିଦୁ □

ପୁଃନି ଜୀଝୁତା ଆଣ୍ଡିନାୟି

୧୮ \*ଏ ତକ୍ତିସିକାତେରି, ମୀରୁ ମୀ  
ତକ୍ତାୟାଣି ମାନି କିଦୁ, ଏନାଆଁତାକି  
ଇଚିହଁ ମୀରୁ ପ୍ରବୁ ତାଣା ଆଣ୍ଡାମାନାକି  
ଏଲେ କିନାୟିମାନେ □

୧୯ \*ଏ ତକ୍ତାୟାତେରି, ମୀରୁ ମୀ  
ତକ୍ତିସିକାଣି ଜୀଝୁନଦୁ, ଏଞ୍ଜାସିକାଣି  
ହଲେଣିସିକା ଲେହେଁ ଲେମ୍ବାନା ଦୁକୁ  
ହାଆଦୁ □

୨୦ \*ଆଡ଼େ କକାରି ପଦାୟାତେରି,  
ବାରେ କାତାତା ତାଲି ତାଞ୍ଜିତି କାତା  
ମାନୁଡ଼ି ଆଦୁ, ଏନାଆଁତାକି ଇଚିହଁ  
ଇଦି ମାହାପୁରୁ ନକିତା ରାହାଁତି  
ଲେମ୍ବିନାୟି □

୨୧ \*ଏ ତାଲି ତାଞ୍ଜିତେରି, ମୀ  
କକାରି ପଦାଣି କାରବି କିଆଦୁ,  
ଏନିକଁ ଏଞ୍ଜାରି ନୀରାସା ଆଥରି □

୨୨ \*ଏ ହଲିୟାଙ୍ଗାତେରି, ମାଣସିଇଁ  
ରାହାଁ କିନିଲେହେଁ ଦାରତିତି  
ସାଝୁକାରିୟା ନକିତା ଏ କାମା କିଆଦୁ,

ସାମା ମାହାପୁରୁଇଁ ଆଜାନା ହିୟାତି  
ସୁଦୁ ମାଣ୍ଡିକି ତଲେ ବାରେ କାମାତା  
ଏଞ୍ଜାରାଇଁ ମାନୁଡ଼ି ଆଦୁ □

୨୩ ମୀରୁ ଏନି କାମା କିତି ଜିକେଏ  
ପ୍ରବୁକି କିନିଲେହେଁ ହିୟା ତଲେ କିଦୁ,  
ମାଣସିୟାଁ ତାକି କିନିଲେହେଁ କିଆଦୁ;

୨୪ ପ୍ରବୁ ତାନି ଲକ୍ଷୁତାକି ଇଟାମାନି  
ଦାନା ମିଙ୍ଗେ ହିୟାନେସି ଇଞ୍ଜା  
ପୁଞ୍ଜାମାଞ୍ଜୁ, ଏନାଆଁତାକି ଇଚିହଁ  
କ୍ରୀସ୍ତଏ ମୀ ସାତା ପ୍ରବୁ ଆମ୍ବାଆରି ସେବା  
କିହିମାଞ୍ଜେରି □

୨୫ \*ଇଚିହଁ ଆମ୍ବାଆସି ଲାଗେଏ  
କାମା କିନେସି ଏଞ୍ଜାସି ଲାଗେଏ କାମାତି  
ପାଡ଼େୟି ବେଟାଆନେସି, ଇଚିହଁ  
ମାହାପୁରୁ ଲକ୍ଷୁତି ପାରଡ଼ା ବାତି କିଆନା  
ନୀହାୟି କିନେସି □

୪

୧ \*ଏ ସାଝୁକାରିୟାତେରି ଲାକପୁରୁ  
ମୀ ସାଝୁକାରି ମାନେସି ଇଞ୍ଜା  
ପୁଞ୍ଜାନା ମୀ ହଲିୟାଙ୍ଗାଇଁ ଜୀଝୁନହାଁନା  
ନେହଁକଁ ଲେମ୍ବାଦୁ □

ଜାପୁନାୟି

୨ କାଲେଏ ପ୍ରାତାନାତା ରଣ୍ଡିଏ ଅଣ୍ଡୁ  
ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା  
କିହଁ ଏମ୍ବାଆଁ ଜାଗ୍ରାତା ମାଞ୍ଜୁ;

୩ ମାଙ୍ଗେତାକି ଜିକେଏ ପ୍ରାତାନା  
କିଦୁ, ଏନିକଁ ନେହଁ କାଚୁତି କାତା  
ଝେକ୍‌ହାଲି ମାହାପୁରୁ ମାଙ୍ଗେତାକି  
ଦାରା ଦେତାନେସି □ କ୍ରୀସ୍ତତି ଆମିନି  
ଡ଼ଗୁମାନି କାତାତାକି ନାନୁ ନୀଏଁ କାୟିଦି  
ଇଲୁତା ମାଇଁ □

୪ ନାନୁ ଝେକ୍‌ନାଟି ନେହଁକଁ  
ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଇଁ  
ଇଞ୍ଜା ନାଙ୍ଗେତାକି ପ୍ରାତାନା କିଦୁ □

୫ \*ପାଗାତି ନେହଁକଁ ଲେମ୍ବାନା  
ନାମାଆତି ଲକ୍ଷୁ ତାଣା ବୁଦିତି ମାଣ୍ଡିକି  
ତଲେ ଲେମ୍ବାଦୁ □

\* ୩:୧୬ ୩:୧୭ ଏପିସି ୫:୧୯, ୨୦ \* ୩:୧୮ ୩:୧୮ ଏପିସି ୫:୨୨; ୧ପିତ ୩:୧ \* ୩:୧୯ ୩:୧୯ ଏପିସି  
୫:୨୫; ୧ପିତ ୩:୭ \* ୩:୨୦ ୩:୨୦ ଏପିସି ୬:୧ \* ୩:୨୧ ୩:୨୧ ଏପିସି ୬:୪ \* ୩:୨୨ ୩:୨୨ ଏପିସି  
୬:୫-୮ \* ୩:୨୫ ୩:୨୫ ଏପିସି ୬:୯ \* ୪:୧ ୪:୧ ଏପିସି ୬:୯ \* ୪:୫ ୪:୫ ଏପିସି ୫:୧୭

୨୧ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ଠପିନାୟି, ଅଡ଼େ ହାରୁ ଲେହେଁ ମୀରୁ ଏନିକ୍ ବାରେଜାଣାତି ସାତା କାତା ୱେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ □

ରାନ୍ତି ଜହରା

୨୨ ✠ପ୍ରଭୁତି କାମାତା ନା ତଲେ ନାମୁତି ସେବା କାମା କିନି ଜୀଝୁତି ତାୟି ତୁକିକ, ନା ବାରେ କାତା ମିଙ୍ଗେ ୱେସ୍ତାନେସି;

୨୩ «ଏଦାଆଁତାକି ନାନୁ ଏଝାଣାଇଁ ମୀ ତାଣା ପାଣ୍ଡାତେଏଁ, ଏନିକ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେଡ଼ି ହିୟାଁ ଏଝାଣି ତାଣାଟି ରାହାଁ ବେଟାଆନେ □

୨୪ ✠ଏଝାଣିତଲେ ନାନୁ ନାମୁତା ଜୀଝୁତି ତାୟି ଅନିସିମାଇଁ ପାଣ୍ଡାତେଏଁ, ଏଝାସି ମୀ ବିତ୍ରାଟି ରଅସି, ଏଝାରି ଇମ୍ମାଆଁ ଆହିମାନି ବାରେ କାତା ମିଙ୍ଗେ ୱେସ୍ତାନେରି □

୨୫ ✠ନା ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଝାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଝାଣାଇଁ ଆବାଦୁ, ଏଝାରି ମିଙ୍ଗେ ଜହରା ୱେସି ମାଞ୍ଜାନେରି,

୨୬ ଅଡ଼େ କୁସ୍ତ ଦରୁଟି ୱେଞ୍ଜିତି ଜୀସୁ ମିଙ୍ଗେ ଜହରା ୱେସିମାଞ୍ଜାନେସି, କ୍ରୀସ୍ତ ଦାମ୍ଭୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଝାରି ନାଙ୍ଗେ ହାରେକା ସାୟେମି କିହାମାଞ୍ଜାନେରି □

୨୭ ✠ଏପାପ୍ରା ମୀ ବିତ୍ରାଟି ରଅସି, ଏଝାସି ମିଙ୍ଗେ ଜହରା କିହିମାଞ୍ଜାନେସି, ଏଝାସି କ୍ରୀସ୍ତ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକ୍ ମୀରୁ ନାମୁତା ନେହାଁତେରି

ଆହାନା ମାହାପୁରୁତି ବୁଦି ଅଡ଼େ ଅଣ୍ଠପୁତି ତୀରେ ପୁଞ୍ଜାନା ୱୀତାଆନା ମାଞ୍ଜେରି □

୨୮ ଇତିହ ଏଝାସି ମିଙ୍ଗେତାକି ଇଞ୍ଜା, ଲାଝୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହାଁ କାମା କିହାମାନେସି, ଏଝାଣି ତାକି ନାନୁ ଇ ସାକି ହାହିମାଞ୍ଜାଇଁ □

୨୯ ✠ମା ଜୀଝୁତି ତାଙ୍କାଦର ଲୁକ ଅଡ଼େ ଦିମା, ମିଙ୍ଗେ ଜହରା ୱେସିମାଞ୍ଜାନେରି □

୩୦ ଲାଝୁଦିକିୟାତା ମାନି ତାୟି ତାଙ୍ଗିସ୍ତା, ତାଙ୍ଗି ନୁମ୍ପା ଅଡ଼େ ତାମି ଇଲୁତା ମାନି କୁଲମିତି ମା ଜହରା ୱେହ୍ଦୁ □

୩୧ ଅଡ଼େ ମୀ ତାଣା ଇ ଆକୁ ପଡ଼ଝି ଆଡ଼ି ତାୟୁ ଲାଝୁଦିକିୟା କୁଲମିତା ଜିକେଏ ଏନିକ୍ ପଡ଼ଝି ଆନେରି, ଇଞ୍ଜା ଲାଝୁଦିକିୟାଟି ଆମିନି ଆକୁ ୱାନେ ଏଦାଆଁ ମୀରୁ ଜିକେଏ ପଡ଼ଝି ଆନେରି ଏଦାଆଁତାକି ଜାଗ୍ରାତା ଆଦୁ □

୩୨ ✠ଆକ୍ ପପଇଁ ୱେହ୍ଦୁ, “ନୀନୁ ଆମିନି ପ୍ରଭୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପ୍ତହାଲି ଜାଗ୍ରାତା ମାନାମୁ □”

୩୩ ନାନୁ ପାଝୁଲ, ନା କେୟୁତଲେ ଇ ଜହରା ରାଡ଼ିମାଇଁ, ନା କାୟିଦିତା ମାନାଣି ଅଣ୍ଠପାଦୁ, ମାହାପୁରୁତି କାର୍ମାମେହନାୟି ମୀ ବାରେତାକି ଆୟାପେ □

✠ ୪:୭ ୪:୭ କାମା ୨୦:୪; ୨ଡ଼ିମ ୪:୧୨ ✠ ୪:୭ ୪:୭ ଏପିସି ୭:୨୧,୨୨ ✠ ୪:୯ ୪:୯ ପିଲିମ ୧:୧୦-୧୨ ✠ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ ✠ ୪:୧୨ ୪:୧୨ କଲସି ୧:୭; ପିଲିମ ୧:୨୩ ✠ ୪:୧୪ ୪:୧୪ ୨ଡ଼ିମ ୪:୧୧; ପିଲିମ ୧:୨୪; ୨ଡ଼ିମ ୪:୧୦; ପିଲିମ ୧:୨୪ ✠ ୪:୧୭ ୪:୧୭ ପିଲିମ ୧:୨

**ଥେସଲନିକୀ ମଣ୍ଡଳୀ  
ନିକଟକୁ ପାଉଲକ ପ୍ରଥମ  
ପତ୍ର  
ତେସଲନିକି  
କୁଲମିତାକି ପାଞ୍ଚଲ  
ରାଫାମାନି ର. ଲମ୍ବର  
ଆକୁ  
ମୂକୁ ହାଡ଼ା**

ତେସଲନିକି ର. ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ରାସ୍‌କି ଆହାମାନେ ୧:୧ □ ଇଦି ଜୀସୁ ଜୀସୁ ଜାର୍ନାଆଡ଼ି ୫୧ ବାର୍ଯା ତାୟୁ ରାସ୍‌କି ଆହାମାନେ □ ତେସଲନିକି ପିଲିପ ଦେସାତି ର. କାଜା ଗାଡ଼ା ମାଚେ □ ପାଞ୍ଚଲ ଏଚେତା ଆକୁ ରାଫିମାନେସି ଏଚିବେଲା ଏଞ୍ଜାସି କରନ୍ତି ଗାଡ଼ାତି କୁଲମିତା ମାଚେସି □ ଏମିନି କୁଲମିତା ଖେଣ୍ଡେ ରୀ ଦେବାତାକି ମାହାପୁରୁ କାତା ଖେକହାଲି ହାଚେସି ଏଚିବେଲା ତେସଲନିକି କୁଲମି ଗାଡ଼ି ଆହାମାଚେ କାମା ୧୭:୧-୧୦ □ ଏମ୍ବାଆଁ ଜୀହୁଦି ଅଡେ ଗ୍ରିକ ଜଲିନି ଲକୁ ତାଣ୍ଡାଟି କୁଲମି ଆହାମାଚେ □ ତାୟୁ ଜୀହୁଦି ଲକୁ ତାହାରା ଆହାନା ପାଞ୍ଚଲ କପାଟି ନିଜାଲିଏ ତେସଲନିକି ଗାଡ଼ା ପିସାଲି ଆଡେ □

ପାଞ୍ଚଲ କରନ୍ତିତା ଏତି ତାୟୁ ତାନି ଆଡ଼ହିତାସି ତିମତି ତାଣ୍ଡାଟି ତେସଲନିକି କୁଲମିତି କାତା ବାରେ ଖେଚେସି □ ଏଞ୍ଜାରି ଜୀସୁ ନଡ଼ିଆହିମାନାଣି ଖେଞ୍ଜାନା ହାଚେକା ରାହାଁ ଆହାନା ତାନି ଇ ରାହାଁ ତସାନା ରାଫାମାନେସି □ ଜୀସୁ ଖେଣ୍ଡା ଖାନି କାତା ଏଞ୍ଜାରି ତାନି ବିତ୍ତା ଅଣ୍ଡିମାଚେରି ଅଡେ ଜୀସୁଇଁ ନାମାହାଁ ହାଡ଼ିହୁଁ ଜୀସୁ ଖେଣ୍ଡା ଖାନାଟି କାଲକାଲାତି ଜୀସୁ ବେଟା ଆନେସି, ଇ ବାରେ କାତାତି ପୁଣ୍ଡି କିହାଲି ରାଫିମାନେସି ୫:୭-୮ □

**ପତିତା ମାନାସି**

- ୧ ଜହରା ତଲେ ପୁଣ୍ଡି କିହାନା ଆକୁତି ମାଚ୍‌ନାସି □ ୧
- ୨ ତିମତି ତେସଲନିକିତି କାରୁ ଅଡେ କାମାତି କାତା ଖେହ୍‌ନାସି □ ୨:୧-୩:୧୩
- ୩ ଜୀସୁଇଁ ନାମିତି ଲକୁ ଏନିକିଁ ଜୀସୁ ଖେଣ୍ଡା ଖାନାଟି ଉଜେଡ଼ିତା ଡ଼ିନେସି □ ୪:୧-୫:୧୫
- ୪ ତାୟୁତି କାତା ଖେସାନା ଆକୁତି ରାପ୍‌ନାସି □ ୫:୧୭-୨୮

୧ ପାଞ୍ଚଲ, ସିଲା ଅଡେ ତିମତି ଆଡ଼ା ମାହାପୁରୁ ଅଡେ ପ୍ରବୁ ଜୀସୁ ଜୀସୁ ତାଣ୍ଡା ମାନି ତେସଲନିକି କୁଲମିତା ମାନି ଲକୁତାକି ଆକୁ; ମାହାପୁରୁତି କାର୍ମାମେହ୍‌ନାସି ଅଡେ ହିଡ଼ି ମିଜେତାକି ଆପେ □

ତେସଲନିକିତା ମାନାରି ନୀତିନାସି ଅଡେ ନାମିନାସି

୨ ମା ପ୍ରାତାନାତା ମୀ ଦରକା ଆସାନା ବାରେତାକି ବାରେବେଲା ମାହାପୁରୁଇଁ ଜହରା କିହିମାନମି,

୩ ମା ଆଡ଼ା ମାହାପୁରୁ ନକିତା ମାମ୍‌ ମୀ ନାମୁତି କାମା, ଜୀସୁ ନନି କାମା ଅଡେ ମା ପ୍ରବୁ ଜୀସୁ ଜୀସୁ ତାଣ୍ଡାଟି ମୀ ବାସୁଁ ତଲେ ଅର୍‌ହିନାସି ଏନିକିଁ ଆଡ଼ଞ୍ଜା □

୪ ଏ ମା ତାୟୁୟାଁ ଅଡେ ତାଜିସ୍ତାତେରି ମାମ୍‌ ପୁଞ୍ଜାମାନମି, ମାହାପୁରୁ ମିଜେ ଜୀସୁ ନହାଁ ମାଞ୍ଜାନେସି ଇଞ୍ଜା ତାନି ଲକୁ ଆହାଲି ଆଡ଼ାମାଞ୍ଜାନେସି □

୫ ଇଚିହୁଁ ମା ନେହୁଁ କାରୁ ଖେକନାଣି ତଲେ ଆଏ, ସାମା ବାଡ଼ୁ, ସୁଦୁଜୀସୁ, ସାତା ତଲେ, ମୀ ତାଣ୍ଡା ଏଜା ମାଞ୍ଜାତେ, ଇଞ୍ଜା ମୀ ତାଣ୍ଡା ମାଚାଟି ମୀ ତଲେ ମାମ୍‌ ଏନିକିଁ ଲେମ୍ବା ମାଚମି, ଏଦାଆଁ ମୀରୁ ପୁଞ୍ଜାମାଞ୍ଜେରି □

୬ ଅଡେ, ମୀରୁ ହାଚେକା ଦୁକୁତା ମାଞ୍ଜାହାଁ ଜିକେଏ ସୁଦୁଜୀସୁଟି ହୀପକି ଆହାମାନି ରାହାଁତଲେ ଏ ବଲୁ

ଅପାକତାନା ମା ଜେବ ଅଡ଼େ ପ୍ରବୁ ଜେବ  
ତାକିନାତେରି ଆହାମାତେରି,

୭ ଏନିକିହୁଁ ମୀରୁ ମାକିଦନିୟା  
ଅଡ଼େ ଆକାୟାତା ମାନି ବାରେ  
ନାମୁଗାଟାରି ତାଣା ନାମୁତା ନେହୁଁ  
ଗୁଣ୍ଡୁ ତହୁନାତେରି ଆହାମାତେରି □

୮ ଇତିହୁଁ ତେସଲନିକିତି  
ନାମୁଗାଟାରି ତାଣାଟି ପ୍ରବୁତି ନେହୁଁ  
କାବୁତି କାତା ଖାରୁଇ ମାକିଦନିୟା  
ଅଡ଼େ ଆକାୟାତା ଝେଙ୍ଗାମାନେ, ଏଦି  
ଆଏ, ସାମା ମାହାପୁରୁ ତାଣା ମୀ  
ନାମୁତି କାବୁ ଜିକେଏ ବାରେଖାକି  
ଝେଙ୍ଗାହାତେ, ଏଦାଣି ତାକି ମାଜେ  
ଅଡ଼େ ଝେସାଲି ଲଡ଼ା ହିଲେଏ □

୯ ଏନାଆଁତାକି ଇତିହୁଁ ଲକୁ ତାମ୍ବୁ  
ମା କାତା ଝେସପି ଆନେରି, ମୀ ତାଣା  
ମାମ୍ବୁ ଖାତନି ଏନାଆଁ ଆହାମାତେ, ଅଡ଼େ  
ଏନିକିହୁଁ ମୀରୁ ପେଣକା ବମାୟାଣି  
ପିସ୍ତେରି, ଇଞ୍ଜା ଜୀଝୁଗାଟି ଅଡ଼େ ସାତା  
ମାହାପୁରୁଇଁ ସେବା କିହାଲି,

୧୦ ଅଡ଼େ ଏଞ୍ଜାସି ଜାହାରା ଆମିନି  
ମୀରୁଏଣାଇଁ ହାତାରି ତାଣାଟି ଖାହିମାନି  
ମାହାପୁରୁତି କାରବିଟି ଗେଲପାଲି  
ନିକିହାମାନେସି, ମା ଏ ଗେଲପାନି  
ଜୀମୁଇଁ ଲାକପୁରୁଟି ଝେଣ୍ଡା ଖାନାଣି  
କାପୁ କାଚାନା ତୟାଲି □

### ୨

ତେସଲନିକିତା ପାଝୁଲତି କାମା

୧ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି,  
ମୀରୁ ଜାହାରାଇଁ ପୁଞ୍ଜାମାଞ୍ଜେରି, ମାମ୍ବୁ  
ମୀ ତାଣା ଖାହାମାନାୟି ଉଜେଏତାୟି  
ଆହା ହିଲେଏ;

୨ ସାମା ଏନିକିହୁଁ ମୀରୁ  
ପୁଞ୍ଜାମାଞ୍ଜେରି, ମାମ୍ବୁ ତେସଲନିକିତା  
ଖାନି ନକେଏ ପିଲିପିତା ହାରେକା  
ଦୁକୁ କସ୍ତ ଅଡ଼େ ନିୟା ବେଟାଆଡ଼ି  
ତାୟି ମୀ ତାଣା ଜୀଝୁତି ପିସାହାଁ  
ମାହାପୁରୁତି ନେହୁଁ କାବୁ ଝେକିହାଲି  
ତାକି ମା ମାହାପୁରୁ ତଲେ ସାସା ବେଟା  
ଆହାମାଚମି □

୩ ଏନାଆଁତାକି ଇତିହୁଁ ମା ଝେକିନି  
କାତା, ଲାଗେଏତାୟି କି ନାଡ଼ିକିନି  
ଲେହେଁତାୟି ଆଏ □

୪ ସାମା ମା କେୟୁତା ନେହୁଁ କାବୁ  
ଝେକିନି ବକୁ ହେରପି ଆହାଲିତାକି  
ମାର ଏନିକିହୁଁ ମାହାପୁରୁତି ଅଦିକାରା  
ଜଗେ ଆହାମାନାୟି, ଏଲେକିହୁଁଏ  
ମାର ଝେକିହିମାନାୟି, ମା ହିୟାଁତି  
ମାହାପୁରୁ ତାୟିପାରି କିନାସି, ମାଣ୍ଡିଇଁ  
ରାହାଁ କିହାଲିତାକି ଏଦାଆଁ କିଆନା  
ସାମା ମାହାପୁରୁଇଁ ରାହାଁ କିହାଲିତାକି  
ଏଦାଆଁ କିହିମାନାୟି □

୫ ମୀରୁ ନେହୁଁ କି ପୁଞ୍ଜାମାଞ୍ଜେରି,  
ମାମ୍ବୁ ଏଚେଲା ଜିକେଏ ନାଡ଼ିକିନି  
ହାଡ଼ାୟାଁ ତଲେ ଝେସାମାଞ୍ଜଅମି,  
କି ଜୁପକା ଆନିଲେହେଁତି କାତା  
ଝେସାମାଞ୍ଜଅମି, ଏ ବାରେତାକି  
ମାହାପୁରୁ ସାକି ମାନେସି □

୬ ମାମ୍ବୁ ଆମ୍ବାଆରି ତାଣାଟି ଗାଝୁରମି  
ବେଟାଆହାଲି ଅଣ୍ଡିପି ହିଲାଆତମି,  
ଆଡ଼ିଜିକେଏ ମୀ ତାଣାଟି କି ଏଟକା  
ଆମ୍ବାଆରି ତାଣାଟି ଆପେ ଆମିନି  
ମାଣ୍ଡି ତାଣାଟି ଗାଝୁରମି ବେଟାଆହାଲି  
ଅଣ୍ଡିପାହିଲଅମି □

୭ କ୍ରୀସ୍ତିତି ପାଣ୍ଡିଆଡ଼ି ସୀମୁୟାଁ  
ଲେହେଁ ମାମ୍ବୁ ମୀ ତାଣାଟି ଗାଝୁରମି  
ବେଟାଆହାଲି ଅଣ୍ଡିପିତମିମା, ସାମା  
ତାଲି ଏନିକିହୁଁ ଜାହାରା କକାରି  
ପଦାଣି ଜୀଝୁନହାଁନା ଜାଡ଼ନ୍ତୁ କିନେ ମାମ୍ବୁ  
ଜିକେଏ ମିଜେ ଏଲେକିହୁଁଏ ଜାଡ଼ନ୍ତୁ  
କିୟାତମି □

୮ ଏଲେକିହୁଁ ମିଜେତାକି ମା  
ଜୀଝୁନନାୟି ମାନାକି, ମିଜେ ଖାରୁଇ  
ମାହାପୁରୁତି ନେହୁଁ ବଲୁତା ଆଣ୍ଡି  
କିହାମାଞ୍ଜାଆତମି, ସାମା ମିଜେତାକି  
ଜାହାରାଇଁ ଦାନା କିହାଲି ଜିକେଏ ମାମ୍ବୁ  
ତିୟାରା ଆହାମାଚମି □ ମୀରୁ ଏଚେକା  
ଜୀଝୁ ନନାତେରି ମାତେରି □

୯ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି,  
ମାମ୍ବୁ କାମାଲଡ଼ା ଇଞ୍ଜା ଖାହୁ କାମା  
କିହାମାନାୟି ମୀ ଅଣ୍ଡିପୁତା ମାନେ,

\* ୨:୨ ୨:୨ କାମା ୧୭:୧୯-୨୪; କାମା ୧୭:୧-୯

ଏନିକ୍ ମାମୁ ଆମ୍ବାଆତେରି ମିଙ୍ଗେ  
ବଜୁଲେହେଁ ଆୟଅମି, ଇଦାଆଁତାକି  
ଲାଆଁ ମାଦେନା ୱାହୁ କାମା କିହାଁ  
ମାହାପୁରୁତି ନେହଁ ବଜୁ ମୀ ତାଣା  
ଝେକହା ମାତମି □

୧୦ ମାହାପୁରୁ ତାଣା ନାମିନାତେରି  
ମୀରୁ, ମିଙ୍ଗେତାକି ମାମୁ ଏନିକ୍  
ସୁଦୁ ତଲେ, ଦାମୁତଲେ, ଦହ  
ହିଲାଆଲେହେଁ ଲେମ୍ବାମାଞ୍ଜାତମି,  
ଏଦାଆଁ ମୀରୁ ଅଡେ ମାହାପୁରୁ ସାକି  
□

୧୧ ଅଡେ ମୀରୁତ ପୁଞ୍ଜାମାଞ୍ଜେରି,  
ଆବା ଏନିକ୍ ଜାହାରା ମୀରୁକା  
ମାସ୍କାଣି ଜାପୁନେସି, ଏଲେକିହଁ ଏ  
ମାମୁ ମୁମୀ ବାରେଜାଣା ତାକି ବୁଦିଜାପୁହାଁ  
ଅଡେ ରାହାଁ କିହାଁ ରଣିଏ ଅଣ୍ଟପୁ ତଲେ  
ବାଡିମାଲା ମାଞ୍ଜାତମି,

୧୨ ଏନିକ୍ ମିଙ୍ଗେ ହାଟାମାଞ୍ଜାନି  
ମାହାପୁରୁ ରାଜିତି ଜଡେଗ ମାଣ୍ଡିକି ତଲେ  
ତାକିଦେରି, ଇଞ୍ଜା ତାନି ଗାଞ୍ଜୁରମିତା  
ଆଣ୍ଡାଲି ଆଡିଦେରି ଇଞ୍ଜା ବାଡିମାଲି  
ମାଞ୍ଜାନମି □

୧୩ ଅଡେ ଇଦାଆଁତାକି ମାମୁ  
ଜିକେଏ ଜମାଆନା ମାହାପୁରୁଇଁ  
ଜହରା କିହିମାନମି, ଏଚିବେଲା ମୀରୁ  
ମାମୁ ଝେକହାମାନି ମାହାପୁରୁତି ବଜୁ  
ଆବିତେରି, ଏଚିବେଲା ଏ ବଜୁଇଁ  
ମାଣ୍ଡସିତି ବଜୁ ଲେହେଁ ଆବାଆନା  
ସାମା ମାହାପୁରୁତି ବଜୁଲେହେଁ  
ଆବାମାରେରି, ଅଡେ ସାତା ତଲେ ଏଦି  
ମାହାପୁରୁତି ବଜୁ, ଇଞ୍ଜା ନାମିତାତେରି  
ମୀରୁ, ମୀ ହିୟାଁତା ଏଦି ଜିକେଏ କାମା  
କିହିମାନେ

୧୪ \*ଇଚିହଁ ଏ ତାୟିୟାଁ ଅଡେ  
ତାଜିସ୍ତାତେରି, ମୀରୁ ଜ୍ରୀସ୍ତ ଜୀସ୍ତ  
ତାଣା ମାନି ଜୀହୁଦା ଦେସାତି  
ମାହାପୁରୁ କୁଲମିତା ଏନିଆହଁ  
ମାରେରି ଏଲେ ଆହାମାଞ୍ଜେରି, ଏଞ୍ଜାରି  
ଜୀହୁଦିକ୍ଷା ତାଣାଟି ଆମିନି ଦୁକୁ ବେଟା  
ଆହାମାରେରି, ମୀରୁ ଜିକେଏ ଜାହାରା

କୃତାତି ଲକୁ ତାଣାଟି ଏ ବାରେ ଦୁକୁ  
ବେଟାଆହି ମାଞ୍ଜେରି □

୧୫ \*ଏ ଜୀହୁଦି ଲକୁ ମା ପ୍ରବୁ  
ଜୀସ୍ତ ଅଡେ ମାହାପୁରୁ ଅଣ୍ଟପୁତି ବଜୁ  
ଝେହନାରାଇଁ ପାୟାମାରେରି, ଅଡେ  
ମାଞ୍ଜେଞ୍ଜା ସାସ୍ତି କିୟାତେରି, ଏଞ୍ଜାରି  
ମାହାପୁରୁତି ରାହାଁ ଗାଟାରି ଆଏ!  
ବାରେ ନର ନାରିତି ସାତୁୟାଁ □

୧୬ ଇଚିହଁ ଏଟକା କୃତାତାରି  
ଗେଲପି ଆହାଲିତାକି ଏଞ୍ଜାରିତାଣା  
ମାଞ୍ଜେ ନେହଁ କାବୁ ଝେକହାଲି  
ହାହିମାଞ୍ଜାତେରି, ଇଞ୍ଜା ଏଞ୍ଜାରି ପାପୁତା  
ଜାହାରାଇଁ ନେଞ୍ଜିକିହାମାନେରି; ଏଞ୍ଜାରି  
ଲାକ ମାହାପୁରୁତି କାର୍ବି ନିଙ୍ଗିତେୟିଏ  
□

ପାଞ୍ଜୁଲ ଏଞ୍ଜାରିତାଣା ଅଡେ ଝେଣ୍ଡେ  
ବେଟି ହାଜାଲି ମନ କିନାୟି

୧୭ ଏ ତାୟିୟାଁ ଅଡେ ତାଜିସ୍ତାତେରି,  
ମାମୁ ହିୟାଁତା ଆଏ, ସାମା ଆକ୍ଷାତା  
ଗାଡେକା ତାକି ମୀ ତାଣାଟି ଏଟକା  
ଆହାମାନାକି ମୀ ମୁମୁମେସାଲି ଗାଡି  
ପଣ୍ଡୁ ତଲେ ହାରେକା ଅଣ୍ଟପାମାତମି  
□

୧୮ ଏଦାଆଁତାକି ମାମୁ ମୀ ତାଣା  
ଞ୍ଜାହାଲି ଅଣ୍ଟପାମାତମି, ଏଦାଆଁ କିହାଁ  
ନାନୁ ପାଞ୍ଜୁଲ ର ଦେବା, ହାଅ, ରୀ  
ଦେବା ଞ୍ଜାୟାଲି ଅଣ୍ଟପାମାରେଏଁ, ସାମା  
ସୟତାନ ମାଞ୍ଜେ ଞ୍ଜାୟାଲି ହାୟାଆତେ  
□

୧୯ ଇଚିହଁ ମା ପ୍ରବୁ ଜୀସ୍ତ  
ଝେଣ୍ଡାଞ୍ଜାନି ଦିନା ତାନି ନକିତା ମା ବାସ୍ତୁ,  
ରାହାଁ କି ଟପେରି ଏନାୟି ? ଏଦି କି  
ମୀରୁ ଆଏ ?

୨୦ ମୀରୁ ମା ରାହାଁ ଅଡେ ମା  
ଗାଞ୍ଜୁରମି ଲେହେଁ ତାତେରି □

**୩**

୧ \*ଏଦାଆଁତାକି ମାମୁ ଅରହାଲି  
ଆଡାଆନା ଆଡିନି ଗାଡାତା ରଅତମି  
ଡୟାଲି ତାରି କିତମି\* □

\* ୨:୧୪ ୨:୧୪ କାମା ୧୭:୫    \* ୨:୧୫ ୨:୧୫ କାମା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩;  
୧୮:୧୨    \* ୩:୧ ୩:୧ କାମା ୧୭:୧୫    \* ୩:୧ ୩:୧ କାମା ୧୭:୧

୨ ଇଞ୍ଜା ମିଙ୍ଗେ ସୂସ୍ତି କିହାଲି ଅଡ଼େ ମୀ ନାମୁତା ମିଙ୍ଗେ ରାହାଁ ହୀହାଲି କ୍ରୀସ୍ତତି ନେହୁଁ କାରୁତି କାମାତା ମାହାପୁରୁ ତଲେ ଆଶ୍ୱାନା କାମା କିନି ମା ତାୟି ତିମତିଇଁ ପାଶ୍ୱାତମି □

୩ ଏନିକିଁ ଆମ୍ବାଆରି ଈ ବାରେ କସ୍ତୁ ତାକି କିଲିବିଲି ଆଅରି, ମାମ୍ବୁ ଏଦାଆଁତାକି ହେରପି ଆହାମାଚମି ଇଞ୍ଜୁଁ ମୀରୁଏ ପୁଞ୍ଜାମାଞ୍ଜେରି □

୪ ଇଚିହୁଁ ମାଙ୍ଗେ ନିନ୍ଦା କସ୍ତୁ ବେଟାଆହାଲି ଆନେ, ଇଦାଆଁ ମାମ୍ବୁ ମୁଠା ତାଶା ମାଚି ବେଲ୍ଲାତେଏ ମିଙ୍ଗେ ନକେଏ ଏଚେର ପାଲି ଖେସାମାଞ୍ଜାତମି, ଇଞ୍ଜା ସାତେଏ ଏଲେ ଆହାମାନେ, ଇଞ୍ଜୁଁ ମୀରୁ ଏଦାଆଁ ପୁଞ୍ଜାମାଞ୍ଜେରି □

୫ ଏଦାଆଁତାକି ଏଚେଟା ତାୟିପାରି କିନାସି ମିଙ୍ଗେ ତାୟିପାରି କିୟାନେସି ଅଡ଼େ ମା ଖାହୁତି କାମା ଉଜେଏତାୟି ଆହାଡ଼ୟିନେ, ଇଦାଆଁ ଅଣ୍ପାନା ନାମୁ ଜିକେଏ ଅରହାଲି ଆଡ଼ାଆନା, ମୀ ନାମ୍ବୁ ଏଚେକା ମାନେ ଇଞ୍ଜୁଁ ପୁଞ୍ଜାଲି ତିମତିଇଁ ମୀ ତାଶା ପାଶ୍ୱାତେଏଁ □

୬ ସାମା ନୀଏଁ ତିମତି ମୀ ତାଶାଚି ମା ତାଶା ଖେଶ୍ୱା ଖାହାନା ମୀ ନାମୁ ଅଡ଼େ ଜୀସୁ ନନାଣି ରାହାଁତି କାରୁ ମାଙ୍ଗେ ଖେସାମାଞ୍ଜାନେସି, ମୀରୁ ମାଙ୍ଗେ ନେହୁଁ କିଁ ଅଣ୍ପିମାଞ୍ଜାଦେରି, ଅଡ଼େ ମାମ୍ବୁ ମିଙ୍ଗେ ଏଚେକା ମେସାଲି ଅଣ୍ପି ମାନମି, ମୀରୁ ଜିକେଏ ମାଙ୍ଗେ ମେସାଲି ଏଚେକା ଅଣ୍ପି ମାଞ୍ଜାଦେରି, ଏଲେକିଁ ମାଙ୍ଗେ ନେହୁଁ କାରୁ ଖେସାମାଞ୍ଜାନେସି □

୭ ଏଦାଆଁତାକି ଏ ତାୟିୟାଁ, ମୀ ନାମୁଚି ମାମ୍ବୁମା ବାରେ ଦୁକୁ ଅଡ଼େ କସ୍ତୁତା ମୀ ତାକି ସାସା ବେଟା ଆହାମାନମି □

୮ ମାମ୍ବୁ ନୀଏଁ ନୀତାମାନମି ଆତିହୁଁ ମୀରୁ ପ୍ରବୁ ତାଶା ତୀରିଆହାଁ ମାଞ୍ଜୁ □

୯ ହାଅ, ମାମ୍ବୁ ମାହାପୁରୁ ନକିତା ମୀ ତାକି ବେଟାଆହାମାନି ରାହାଁତାକି ରାହାଁ ଆହାମାନମି, ମାମ୍ବୁ ଏନିକିଁ

ଖେଶ୍ୱେ ହୀନି ଦାନା ଲେହେଁ, ମୀ ତାକି ମାହାପୁରୁଇଁ ଏନିକିଁ ଜହରା କିହାଲି ଆଡ଼ିନମି □

୧୦ ମୀ ନାମୁତା ଏନାୟି ଲଡ଼ାମାନେ, ଏଦାଆଁ ମିଙ୍ଗେ କିହାଲି ଅଡ଼େ ମୀ ମୁମ୍ବୁ ମେସାଲି ଆଡ଼ିନମି ଏଦାଆଁତାକି ଲାଆଁ ମାଦେନା ବାରେ ହିୟାଁ ତଲେ ବାତିମାଲି ରାସି ମାନମି □

୧୧ ମା ଆବା ମାହାପୁରୁ ତାନୁଏ ଅଡ଼େ ପ୍ରବୁ ଜୀସୁ ମାଙ୍ଗେ ମୀ ତାଶା ଖାୟାଲି ତବେ ଜିରୁ ତସ୍ତାପେସି □

୧୨ ଅଡ଼େ, ମାମ୍ବୁ ମିଙ୍ଗେ ଜୀସୁନହୁଁ ମାଞ୍ଜାନି ଲେହେଁ ମୀରୁ ରଅତେରି ରଅଶାଈଁ ଜୀସୁ ନଞ୍ଜିଆହୁଁ ବାରେ ଲକୁଇଁ ଜୀସୁ ନୟାଁଲି ପ୍ରବୁ ମୀ ଜୀସୁ ନନାଣି ଦିନାତାକି ଦିନା ପାତି କିୟାପେସି □

୧୩ ଏଞ୍ଜାସି ମୀ ହିୟାଁତି ସୂସ୍ତି କିୟାପେସି ଏଚିବେଲ୍ଲା ମା ପ୍ରବୁ ଜୀସୁ ତାନି ଲକୁତଲେ ଖେଶ୍ୱା ଖାନାଚି ମୀରୁ ମା ଆବା ମାହାପୁରୁ ନକିତା ଦହ ହିଲ୍ଲାଆନା ସୁଦୁ ଗାଟାତେରି ତଞ୍ଜା ଆଦେରି □

୪

ମାହାପୁରୁ ରାହାଁ ଆନିଲେହେଁ ନୀତିନାୟି

୧ ଏ ମା ତାୟିୟାଁତେରି, ମାହାପୁରୁଇଁ ରାହାଁ କିଞ୍ଜି କିୟାଲି ଏନିକିଁ ନୀତିନାୟି ମାନେ, ଏଦାଆଁ ମୀରୁ ମା ତାଶାଚି ଏନିକିଁ ଜାପାମାଞ୍ଜେରି ଅଡ଼େ ଏଲେକିହୁଁ ଏ ନୀତାମାଞ୍ଜେରି, ସାମା ଏଦାଶିକିହାଁ ହାଚେକା ନେହୁଁ କିୟାଲି ମାମ୍ବୁ ପ୍ରବୁ ଜୀସୁ ଦରୁତଲେ ମିଙ୍ଗେ ହାଚେକା ବାତିମାଲି ମାଞ୍ଜାନମି □

୨ ଏଦାଆଁତାକି ଇଚିହୁଁ ମାମ୍ବୁ ପ୍ରବୁ ଜୀସୁ ତାଶାଚି ମିଙ୍ଗେ ଏନି ଏନି ହୁକୁମି ହାହାମାଞ୍ଜାତମି ଏଦାଆଁ ମୀରୁ ପୁଞ୍ଜାମାଞ୍ଜେରି □

୩ ମୀରୁ ସୁଦୁ ଗାଟାତେରି ଆହାଁ ମାଞ୍ଜୁ, ଇଦିଏ ମାହାପୁରୁଚି ଅଣ୍ପି ତଲେ ମାଞ୍ଜୁ,

☆ ୩:୨ ୩:୨ କାମା ୧୮:୫



ଅଡ଼େ ବାରେ ଲେହେଁତି ଦାରିକାମାତି  
ଏଟକା ଆହାନା ମାଞ୍ଜୁ □

୪ ମାହାପୁରୁଛ ପୁନାଆତି ଲକୁ  
ଲେହେଁ ଆଙ୍ଗାତି ଜୁପକାତି ଅଣ୍ପୁ  
ତଲେ ମାନାଆନା ମୀରୁ ରଅ ରଅତେରି  
ମୀ ମୀ ତକ୍ତି ତଲେ ଲକୁ କାନୁତା ସୁପୁ  
ଅଡ଼େ ମାନି ତଲେ ମାଞ୍ଜାଲି ପୁଞ୍ଜୁ □

୫ ଇଞ୍ଜା ମାହାପୁରୁଛ ପୁନାଆତି  
ଏଟକା କୃତାତି ଲକୁ ଲେହେଁ ଆଙ୍ଗାତି  
ଅଣ୍ପୁ ତଲେ ମାନାଆନା □

୬ ଏମାଟିଏ ଇ ବାରେ କାତାତା  
ଆମ୍ବାଆସି ତାନି କ୍ରୀସ୍ତାନା ତାୟିଛ  
ଦହ କିଆପେସି, କି ନାଡ଼ି କିଆପେସି,  
ଏନାଆଁତାକି ଇଚିହ ପ୍ରବୁ ଏଲେ  
କିନାଣାଇଁ ତଣ୍ଡ ହୀନେସି ଇଞ୍ଜା ମାମ୍ବୁ  
ତଲିଏ ମିଙ୍ଗେ ୱେସାନା ଜାଗ୍ରାତା କିହାଁ  
ସାକି ହୀହାମାଞ୍ଜାତମି □

୭ ଇଚିହ ମାହାପୁରୁ ମାଙ୍ଗେ  
ପଲୁଆଗାଟି କାମାତା ନୀତାଲି ଆଏ,  
ସାମା ସୁବୁ ଗାଟାତାୟି ଆୟାଲି  
ଆଚାମାଞ୍ଜାନେସି □

୮ ଏନାଆଁତାକି ଇଚିହ ଆମ୍ବାଆସି ଇ  
ଜାପୁନାଣି ଅପଅସି, ଏଞ୍ଜାସି ମାଣସିଛ  
ଆଏ, ସାମା ମିଙ୍ଗେ ମୀ ହିୟାଁତା ଆମିନି  
ମାହାପୁରୁ ସୁବୁଜାଞ୍ଜୁ ହୀହାମାଞ୍ଜାନେସି  
ଏଞ୍ଜାଣାଇଁ ଅପଅସି □

୯ ତାୟିୟାଁ ଅଡ଼େ ତାଙ୍ଗିସ୍ତାଣି ଜୀଞ୍ଜୁ  
ନନାଣି ରାଟାଲି ଲଡ଼ା ଆଏ, ଇଚିହ  
ମୀରୁ ମୀରୁଏ ଜୀଞ୍ଜୁ ନଞ୍ଜିଆୟାଲି  
ମାହାପୁରୁ ତାଣାଟି ଜାପାମାଞ୍ଜେରି □

୧୦ ଅଡ଼େ, ମୀରୁ ଏଲେକିହ ଏ  
ମାକିଦନିୟାତା ମାନି ବାରେ କ୍ରୀସ୍ତାନା  
ତାୟିୟାଁ ଅଡ଼େ ତାଙ୍ଗିସ୍ତାଣି ଜିକେଏ  
ଜୀଞ୍ଜୁ ନଞ୍ଜିମାଞ୍ଜେରି □ ସାମା  
ଆତିହ ଜିକେଏ ଏ ତାୟିୟାଁ ଅଡ଼େ  
ତାଙ୍ଗିସ୍ତାତେରି, ମୀରୁ ଏନିକ ପ୍ରବୁ  
ଆଗାଡ଼ା କିହାଲି ରାହାଁ କିଦେରି,

୧୧ ଅଡ଼େ ମିଙ୍ଗେ ହୀପକିଆହାମାନି  
ମା ହୁକୁମି ଲେହେଁ ମୀରୁ ଏନିକ  
ହିଡ଼ଡ଼ି ତଲେ ନୀତା ବାଡ଼କିଦେରି,  
ଜାହାରା କାମାତା ହିକିଦେରି ଅଡ଼େ

ଜାହାରା କେୟୁତଲେ କାମା କିହାଲି  
ପାଡ଼ାଆତାୟି ଇଞ୍ଜା ଅଣ୍ପୁପାଦୁ,  
ଇଦାଆଁତାକି ମାମ୍ବୁ ମିଙ୍ଗେ ବାତିମାଲି  
ମାଞ୍ଜାନମି,

୧୨ ଏନିକ ପାଙ୍ଗାତି ଲକୁତାକି ମୀରୁ  
ନେହ ପାଣିକି ତହ୍ନାତେରି ଆଦେରି  
ଇଞ୍ଜା ମିଙ୍ଗେ ଏନାୟି ଜିକେଏ କାଡ଼ାରା  
ଆୟେଏ □

ପ୍ରବୁତି ୱେଣ୍ଡା ୱାନାୟି

୧୩ ଏ ମା ତାୟିୟାଁ ଅଡ଼େ  
ତାଙ୍ଗିସ୍ତାତେରି, ବାସୁ ହିଲିଆ  
ଏଟକାତି ବାରେ ଲକୁ ଲେହେଁ ମୀରୁ  
ଏନିକ ଦୁକୁ ଗାଟାତେରି ଆଅତେରି,  
ଇଦାଆଁତାକି ହାଡ଼ାରି କାତାତି ମୀରୁ  
ପୁନାଆନା ମାଞ୍ଜୁ ଇଦି ମା ଅଣ୍ପୁ ଆଏ □

୧୪ ଏନାଆଁତାକି ଇଚିହ ମାର  
ନାମିନାୟି, ଜୀସୁ ହାହାନା ୱେଣ୍ଡେ  
ନିଙ୍ଗାମାନେସି, ଆତିହ ମାହାପୁରୁ  
ଜୀସୁ ତାଣାଟି ହାହାମାନି ଲକୁଣି  
ଏଲେଆହ ତାନିତଲେ ତାନେସି,  
ଇଦାଆଁ ଜିକେଏ ନାମିନାୟିମାନେ □

୧୫ ମାମ୍ବୁ ପ୍ରବୁତି ବଲୁଲେହେଁ ମିଙ୍ଗେ  
ଇଦାଆଁ ୱେସିମାଞ୍ଜାନମି, ମାର ଏତେକା  
ଲକୁ ପ୍ରବୁତି ୱେଣ୍ଡେ ୱାନି ଦିନା  
ପାତେକା ନୀତାହାଁ ତୟା ମାନାୟି, ମାମ୍ବୁ  
ଏନିକ ଜିକେଏ ହାହାମାନି ଲକୁତି  
ନକିତା ହାଲଅମି □

୧୬ ଏତେଟିଏ ପ୍ରବୁତି କାଜା ଦୂତୁତି  
ହୁକୁମି ହୀହାମାନି ହାଡ଼ା ଅଡ଼େ  
ମାହାପୁରୁତି ତୀଡ଼ି ମହୁରି ହାଡ଼ାତଲେ  
ଲାକପୁରୁତି ରେଟା ୱାନେସି, ଇଞ୍ଜାହାଁ  
କ୍ରୀସ୍ତୁ ନାମାହାଁ ହାହାମାନାରି ଏଞ୍ଜାରି  
ନକେଏ ନିଙ୍ଗିନେରି;

୧୭ ଅଡ଼େ ତାୟିୟାଁ ଏ ଦିନା ନୀତାମାନି  
ଲକୁତାୟି ବାରେ, ଏଞ୍ଜାରିତଲେ ପ୍ରବୁଛ  
ବେଟାଆହାଲି ଦୂହା ତଲେ ୱାରୁଇ  
ହାଗୁତା ଅଞ୍ଜିଆନାୟି ଏଲେକିହ ଏ  
ମାର ପ୍ରବୁ ତଲେ କାଲାକାଲା ତାକି  
ଡ଼ୟିନାୟି □

୪:୧୫ ୪:୧୫ ୧କର ୧୫:୫୧, ୫୨

୧୮ ଏଦାଆଁତାକି ଇଚିହଁ ଇ ବାରେ କାତା ଆସାନା ମୀରୁ ମୀରୁଏ ରଅତେରି ରଅଣାଈଁ ସାସା ହାଓି ଆଦୁ □

**୫**

ପ୍ରବୁ ଖାନ୍ତି ଦିନାତାକି ଜାଗ୍ରାତା ଆନାୟି

୧ ଏ ମା ତାୟିୟାଁ ଅଡେ ତାଜିସ୍ତା କାଲା ଅଡେ ତୀରି କିହାମାନି ବେଲାତି କାତା ମିଜେ ରାଚାଲି ଲଡା ଆଏ,

୨ \*ଇଚିହଁ ପ୍ରବୁ ଖାନ୍ତି ଦିନା ଲାଆଁୟାଁ ତଂଗେଏସି ଖାନ୍ତି ଲେହେଁ ଖାନ୍ତେ ଇଞ୍ଜିଁ ମୀରୁ ପୁଞ୍ଜାମାଞ୍ଜେରି □

୩ ନୀର୍ବ ବାରେଖାକି ହିଡ଼ଡ଼ି ଇଞ୍ଜା ଆଜି ହିଲେଏ ଇଞ୍ଜିଁ ଲକୁ ଖେହ୍ନି ବେଲାତା ଦେବୁଣିଏ କକାରି ପଡା ଆନ୍ତି ଇୟାନାକି ଲୁଞ୍ଜିନି ବୀସା ଲେହେଁ ଏଞ୍ଜାରାକି ନାସା ଖାନ୍ତେ, ଅଡେ ଏଞ୍ଜାରି ଏମ୍ବାଟି ଏନ୍ତିଜକେଏ ଗେଲୁପି ଆଅରି □

୪ ସାମା ଏ ତାୟିୟାଁତେରି ମୀରୁ ଆନ୍ଦେରିତା ହିଲଅତେରି, ଏ ଦିନା ମୀରୁ ପୁନାଆରେଟୁ ତଂଗେଏସି ଖାନ୍ତିଲେହେଁ ମୀରୁ କାଚାହିଲାଆ ବେଲାତା ଖାନ୍ତେସି □

୫ ମୀରୁ ବାରେଜାଣା ଉଜେଡ଼ି ଅଡେ ମାଦେନାତି ମୀରକା ଇଞ୍ଜା ମାସ୍କାତେରି, ମୀରୁ ଆନ୍ଦେରି ଅଡେ ଲାଆଁୟାଁତି ମୀରକା ମାସ୍କାତେରି ଆଏ;

୬ ଏଦାଆଁତାକି ଖାଦୁ ମାର ଏଚକାତାରି ଲେହେଁ ଇଦା କିଆପ, ମାର ଜାଗ୍ରାତା ଆହାଁ ସେଡନା ତଲେ ଡୟିନ □

୭ ଇଚିହଁ ଆମ୍ବାଆରି ଇଦା କିନେରି, ଲାଆଁୟାଁ ଇଦା କିନେରି, ଅଡେ ଆମ୍ବାଆରି କାଡୁ ହଚିନେରି ଲାଆଁୟାଁ ହଚିନେରି,

୮ \*ସାମା ମାର ମାଦେନାତି ମୀରକା ମାସ୍କା ଆହାମାନାକି ଜୀଞ୍ଜୁ ନନ୍ତି ଲେହେଁତି ନାମୁତି ବକ ପାଟା ତୁରହାଁ, ଗେଲୁପିଆନ୍ତି ବାସୁତି ଚପେରି ତାୟିଁ ତୁରହାଁ ଜାଗ୍ରାତା ତଲେ ଡୟିନ □

୯ ମାହାପୁରୁ ମାଜେ ତାନି କାର୍ବି ତାକି ଡଣ୍ଡ ହିୟାଲି ଆଏ, ସାମା ମା ପ୍ରବୁ ଜୀସୁ କ୍ରୀସୁ ତାଣାଟି ଗେଲୁପିଆୟାଲି ଆଚାମାଞ୍ଜାନେସି □

୧୦ ଏଞ୍ଜାସି ମା ତାକି ହାତେସି, ମାର ହାଡ଼ିହଁ କି ଜୀଞ୍ଜୁତଲେ ମାଚିହଁ ମାର ଏନ୍ତିକିଁ ଏଞ୍ଜାଣିତଲେ ନୀତିନାୟି □

୧୧ ଏଦାଆଁତାକି ନୀର୍ବ କିହିମାନି ଲେହେଁ, ମୀରୁ ରଅତେରି ରଅଣାଈଁ ସାସା ଅଡେ ସାୟେମି କିଓିଆଦୁ □

ଜାପୁନାୟି ଅଡେ ଜହରା କିହାଁ ଆକୁତି ରାପୁନାୟି

୧୨ ଏ ତାୟିୟାଁ ଅଡେ ତାଜିସ୍ତାତେରି, ମାମ୍ବୁ ମିଜେ ବାତିମାଲି ମାଞ୍ଜାନମି, ଆମ୍ବାଆରି ମୀ ତାଣା ଖାହୁତଲେ କାମା କିନେରି ଇଞ୍ଜା ପ୍ରବୁତି କାମାତା ମୀ ସାଲୁଓି କିନାରି ଲେହେଁ ମିଜେ ସେଡନା ହିୟାନେରି, ଏଞ୍ଜାରାଈଁ ମାନୁଓି ଆଦୁ,

୧୩ ଅଡେ ଏଞ୍ଜାରି ମୀ ତାଣା କିହିମାନି କାମାତାକି ଏଞ୍ଜାରାଈଁ ହାରେକା ଜୀଞ୍ଜୁନଦୁ □ ମୀରୁ ମୀରୁଏ ହିଡ଼ଡ଼ି ତଲେ ମାଞ୍ଜୁ □

୧୪ ଏ ମା ତାୟିୟାଁ ଅଡେ ତାଜିସ୍ତାତେରି, ମିଜେ ବାତିମାଲି ମାଞ୍ଜାନମି ନିସ୍ତା ଗାଟାରାଈଁ ଜାଗ୍ରାତା କିଦୁ, ଆଜି ଗାଟାରାଈଁ ସାସା ହାଦୁ, ବାଡ଼ୁୟି ହିଲାଆଗାଟାରାଈଁ ସାୟେମି କିଦୁ, ଅଡେ ବାରେଜାଣା ତାକି ସୁଦୁ ଗାଟାତେରି ଆଦୁ,

୧୫ ଜାଗ୍ରାତା ଆଦୁ ଲାଗେଏ କିୟାତାଣାଈଁ ଖେଣ୍ଡେ ଲାଗେଏ କିଆଦୁ, ସାମା ବାରେବେଲା ମୀରୁ ମୀରୁଏ ରଅତେରି ରଅଣାକି ଅଡେ ବାରେ ଲକୁତାକି ନେହଁ କିୟାଲି ଅଣ୍ଡପେମାଞ୍ଜୁ □

୧୬ ବାରେବେଲା ରାହାଁ ଆଦୁ □

୧୭ କାଲେଏ ପ୍ରାଚାନା କିହେ ମାଞ୍ଜୁ □

୧୮ ମୀରୁ ଏନ୍ତିଆହଁ ମାଚିହଁ ଜିକେଏ ମାହାପୁରୁଈଁ ଜହରା କିଦୁ, ଇଚିହଁ ମୀରୁ କ୍ରୀସୁ ଜୀସୁ ତାଣା

ଆଶ୍ୱାନା ଏଲେକିହି ଏ ନୀତାନା ମାଞ୍ଜୁ  
ଇଞ୍ଜି ମାହାପୁରୁତି ଅଣ୍ଠୁ □

୧୯ ମାହାପୁରୁତି ଜୀଞ୍ଜୁଇ ଆଂଗାଆଦୁ;

୨୦ ମାହାପୁରୁ ବଲ୍ଲୁ ଖେହନାଣି

ଉଜେଏ ଇଞ୍ଜି ଇନାଆଦୁ □

୨୧ ବାରେ ତାୟିପାରି କହାନା ଏନାୟି  
ନେହାୟି ଏଦାଆଁ ଆହଦୁ □

୨୨ ବାରେ ପଲ୍ଲୁଆ ତାଣାଟି ଏଟ୍‌କା  
ଆଦୁ □

୨୩ ହିଡ଼ି ହୀନି ମାହାପୁରୁ ମିଙ୍ଗେ  
ବାରେ ଖାକିଟି ସୁଦୁ ଗାଟାତେରି  
କିୟାପେସି, ମୀ ଜୀଞ୍ଜୁ, ପୁଣ୍ଡା, ଅଡ଼େ  
ମୀ ଆଙ୍ଗା ବାରେତି ମା ପ୍ରବୁ ଜୀସୁ କ୍ରୀସ୍ତ  
ଖାନି ପାତେକା ଦହ ହିଲାଆଗାଟାୟି  
ଆହା ମାଞ୍ଜାଲି ହିୟାପେସି □

୨୪ ଆମ୍ବାଆସି ମିଙ୍ଗେ ଆଟାମାଞ୍ଜାନେସି  
ଏଞ୍ଜାସି ଟିକାଣା ଗାଟାସି ଏଞ୍ଜାସି ଇ  
ବାରେ କିନେସି □

୨୫ ଏ ତାୟିୟାଁ ମାଙ୍ଗେତାକି ପ୍ରାଡାନା  
କିଦୁ □

୨୬ ବାରେ ତାୟିୟାଁଇଁ ସୁଦୁଜୀଞ୍ଜୁଟି  
ନଶ୍ୱିନି ଲେହେଁ ବାରେଜାଣାତି ଜହରା  
କିଦୁ □

୨୭ ବାରେ ତାୟିୟାଁ ନକିତା ଇ  
ଆକୁ ପଡ଼଼ି ଆହାଲିତାକି ନାନୁ  
ପ୍ରବୁତି ଦରୁତଲେ ମିଙ୍ଗେ ପାର୍‌ମାଣା  
କିହିମାଞ୍ଜାଇ □

୨୮ ମା ପ୍ରବୁ ଜୀସୁ କ୍ରୀସ୍ତ  
କାର୍‌ମାମେହନାୟି ମିଙ୍ଗେ ଆୟାପେ □

**କୁଲମିକି ପାଞ୍ଚଲ  
ରାଡ଼ାମାନି ରୀ ଲମ୍ବର  
ଆକୁ  
ତେସଲନିକି  
କୁଲମିତାକି ପାଞ୍ଚଲ  
ରାଡ଼ାମାନି ରୀ ଲମ୍ବର  
ଆକୁ  
ମୂଲୁ ହାଡ଼ା**

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତକି ଆହାମାନେ ୧:୧ □ ତେସଲନିକି ମୂଲୁ ଆକୁ ରାଡ଼ିତି ଏଚରଦିନା ତାୟୁ ଇଚିହଁ କ୍ରୀସ୍ତ ଜାର୍ନାଆଡ଼ି ୫୧ ବାର୍ସା ତାୟୁ ଇ ଆକୁ ରାସ୍ତକି ଆହାମାନେ □ ଏତିବେଲାତା ପାଞ୍ଚଲ କରନ୍ତି କୁଲମିତା ମାତେସି କାମା ୧୭:୧-୧୦ □

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହଁକଁ ପୁନାଆନା ତାମି ଅଣ୍ପୁତା କିଲିବିଲି ଆହିମାଚେରି □ ଏଝାରି ତାମ୍ କିଞ୍ଚିତି କାମା ପିସାନା ନିସ୍ତା ଆଡେରି ଇଞ୍ଜା ଅର କ୍ରୀସ୍ତାନା ଲକୁ ଏଝାରାଇଁ ସାୟେମି କିହିମାଚେରି □

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାନେସି, ଇଚିହଁ କ୍ରୀସ୍ତ ଖାଆ ନକେଏ ହାରେକା ଲାଗେଏ ପଲେଏ ଆହିମାଚେ, ଇଞ୍ଜା ଏଝାରାଇଁ ବାତିମାଲିହଁ ରାଡ଼ିମାନେସି □ ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆଟ୍‌ହିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଝାରାଇଁ ବାତିମାଲିହଁ ରାଡ଼ିମାନେସି □

**ପତିତା ମାନାୟି**

☆ ୧:୧ ୧:୧ କାମା ୧୭:୧

- ୧ ପାଞ୍ଚଲ ତାଙ୍ଗେ ଅଡେତ ତାନି ଆଟ୍‌ହିତାରାଇଁ ପୁଣ୍ଡିକିନାୟି □ ୧:୧-୨
- ୨ ତେସଲନିକି କୁଲମିତାକି ଜହରା ଅଡେତ ପ୍ରାତାନା □ ୧:୩-୧୨
- ୩ ରାନି ଦିନାତି କାତା □ ୨:୧-୧୭
- ୪ ଏଝାରି ନିସ୍ତା କପାଟି ଅଡେତ କାମା କିହାଲି ଖେହ୍ନାୟି □ ୩:୧-୧୫
- ୫ କୁଲମିତି ଜହରା କିହାନା ଆକୁତି ରାପ୍‌ନାୟି □ ୩:୧୬-୧୮

୧ \*ପାଞ୍ଚଲ, ସିଲା ଅଡେତ ତିମତି ମା ଆବା ମାହାପୁରୁ ଅଡେତ ପ୍ରବୁ ଜୀସୁ କ୍ରୀସ୍ତ ତାଣ୍ଡା ମାନି ତେସଲନିକିତି କୁଲମିକି ଆକୁ ରାଡ଼ିମାନମି □

୨ ଆବା ମାହାପୁରୁ ଅଡେତ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡେତ ହିଡ଼ିତି ଜୀଞ୍ଜୁ ମିଙ୍ଗେତାକି ଆୟାପେ □

ଜୀସୁ ଖେଣ୍ଡେ ଖାନାୟି ଅଡେତ ନାହାଁୟି କିନାୟି

୩ ଏ ମା ତାୟିୟାଁ ଅଡେତ ତାଙ୍ଗିସ୍ତାତେରି ମୀ ତାକି ମାମ୍ ବାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡେତ ରଅତେରି ରଅଣାଇଁ ଜୀଞ୍ଜୁନାୟି ଦିନମି ତାକି ଦିନମି ପାତାଆହିମାନେ □

୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ ମାହାପୁରୁ କୁଲମିକାଣା ମିଙ୍ଗେ ତାକି ବତପଣ ଆହିମାନମି □

୫ ମାହାପୁରୁତି ଆମିନି ରାକ୍ତିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଡେଗ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଁ ନାହାଁୟିତି ପାରମାଣା □

୬ ଏତିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ

ଜମିକିୟାନମି, ଇଦିଏ ମାହାପୁରୁ  
ନକିତା ନେହଁ କାତା;

୭ ଇଚିହଁ ପ୍ରବୁ ଜୀସୁ ଏଚିବେଲା  
ଜାହାରା ବାଡ଼ୁରୁ ଗାଟି ଦୁଡ଼ୁୟା ତଲେ  
ଡ଼ାଞ୍ଜି ମାନି ହିରୁ ଗୁଦ୍‌ଝା ତଲେ  
ଲକପୁରୁଚି ତଞ୍ଜାଆନେସି □

୮ ଆମ୍ବାଆରି ମାହାପୁରୁଇଁ  
ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ  
କ୍ରୀସ୍ତତି ନେହଁ କାବୁ ମାନୁଞ୍ଜି ଆଅରି,  
ଏଞ୍ଜାରାଇଁ ଏଞ୍ଜାସି ଏଚିବେଲା ତଣ୍ଡ  
ହୀନେସି □

୯ ଇଚିହଁ, ଆମିନି ଦିନା ଏଞ୍ଜାସି  
ଜାହାରା ଦାମ୍ବୁଗାଟାରି ତଲେ ଗାଞ୍ଜୁରମି  
ବେଟାଆହାଲି ଇଞ୍ଜା ନାମାମାନି  
ମାହାପୁରୁ ଲକୁ ତାଣାଟି କାବାଆନି  
ସିନାଲେହେଁ ଆହାଲି ଖାନେସି □  
ଇଚିହଁ ମୀରୁ ମାମ୍ବୁ ହୀହାମାଞ୍ଜାନି  
ସାକିତି ନାମାମାଞ୍ଜେରି □

୧୦ ଏ ଦିନା ଏଞ୍ଜାରି ତଣ୍ଡ  
ବେଟାଆନେରି, ଇଚିହଁ ପ୍ରବୁତି  
ଡାଗେଟି ଇଞ୍ଜା ତାନି ବାଡ଼ୁରୁଗାଟି  
ଗାଞ୍ଜୁରମିଟି ହେକ ହାଜାନା କାଲ୍ୟାକାଲ୍ୟା  
ତାକି ନାସା ଆନେରି □

୧୧ ଏଦାଆଁତାକି ମା ମାହାପୁରୁ  
ଏନିକିଁ ମିଙ୍ଗେ ହାଟାମାଞ୍ଜାନି ଜଟେଗ  
ଇଞ୍ଜାନେସି, ଏଦାଆଁତାକି ମାମ୍ବୁଜିକେଏ  
ବାରେବେଲା ମିଙ୍ଗେତାକି ପ୍ରାଡାନା  
କିହିମାନମି; ଏନିକିଁ ନାମୁତି ବାରେ  
କାମା ନେହଁ କିହିଲି ଆଡ଼ିଦେରି  
□

୧୨ ଏଲେଆଡ଼ିହଁ ମା ମାହାପୁରୁ  
ଇଞ୍ଜା ପ୍ରବୁ ଜୀସୁ କ୍ରୀସ୍ତତି  
କାର୍ମାମେହନାଣି ଲେହେଁ ପ୍ରବୁ ଜୀସୁତି  
ଦରୁ ମୀ ତାଣା ଗାଞ୍ଜୁରମି ଆନେ,  
ଅଡ଼େ ମୀରୁ ତାନିତାଣାଟି ଗାଞ୍ଜୁରମି  
ବେଟାଆଦେରି □

୨

ଲାଗେଏତି ମାଣ୍ଡସି

୧ \*ତାୟିୟା ଅଡ଼େ ତାଙ୍ଗିସ୍ତାତେରି,  
ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ

ମୀର ତାନିତଲେ କୃଡ଼ା ଆନାଣି ତାକି  
ମିଙ୍ଗେ ବାଡ଼ିମାଲି ମାଞ୍ଜାନମି □

୨ ପ୍ରବୁତି ଦିନା ଏଗାଞ୍ଜାଡ଼େୟିଏ  
ଇଞ୍ଜିହଁ ମୀ ଏନି ଜୀସୁ କି ବଲୁ  
କି ମା ତାଣାଟି ରାସ୍ତକି ଆହାମାନେ  
ଇଞ୍ଜି ଅଣ୍ଡପାନା ଆମିନି ଆକୁ ତଲେ  
ଗାଡ଼େକେଏ ଗୁଟା ଆଆଦୁ କି କିଲିବିଲି  
ଆଆଦୁ □

୩ ଆମ୍ବାଆସି ଏନିକିହଁ ଜିକେଏ  
ମିଙ୍ଗେ ନାଡ଼ି କିୟାଆପେସି,  
ଏନାଆଁତାକି ଇଚିହଁ ମୁଲୁଏ ଦାମ୍ବୁ  
ବିତ୍ତା ଗଡ଼ହା ଆନେ, ଅଡ଼େ ନାସାକିନି  
ଦାମ୍ବୁ ହିଲାଆ ମାଣ୍ଡସି ତଞ୍ଜା ଆନାୟି  
ମାନେ, ଆଆତଁ ପ୍ରବୁତି ଦିନା ଖାଏ □

୪ ଇଞ୍ଜାସି ଏ ଦାମ୍ବୁ ହିଲାଆଗାଟି  
ମାଣ୍ଡସି ପୂଜା ବେଟାଆହିମାନି ପେଣକା  
କି ମାହାପୁରୁ କପାଟି ନିଙ୍ଗିନେସି ଅଡ଼େ  
ବାରେତି କିହାଁ ଜାହାରାଇଁ ହାରେକା  
ଗାଞ୍ଜୁରମି କିହାକଡ଼ିନେସି, ଇଲେକିହଁ  
ମାହାପୁରୁତି ଇଲୁତା ଜିକେଏ କୁଗାନା  
ଏଞ୍ଜାସି ନାନୁ ମାହାପୁରୁଡ଼େଏଁ ଇନେସି □

୫ ମୀରୁ ଏଦାଆଁ ଅଣ୍ଡପି ହିଲଅଡ଼େରି  
କି? ନାନୁ ମୀ ତଲେ ମାଟିବେଲା ମିଙ୍ଗେ  
ଇ ବାରେ କାତା ଖେସାମାଞ୍ଜାଡ଼େଏଁ □

୬ ତାରିକିହା ମାନି ଦିନା ଏଞ୍ଜାସି  
ତଞ୍ଜାଆନେସି, ଆଡ଼ିଜିକେଏ ତାନୁ  
ଖାନାଣି ଏନାୟି ଆକ୍ତିମାନେ ଏଦାଆଁ  
ମୀରୁ ପୁଞ୍ଜାମାଞ୍ଜେରି □

୭ ଏ ପାପୁତା ଡ଼ଗୁମାନି ବାଡ଼ୁରୁ  
ନୀଏଁ ଜିକେଏ କାମା କିହିମାନେ, ସାମା  
ଏନାୟି ଆନାୟି ମାନେ ଏ ଆକ୍ତା ମାନାସି  
ଗୁଟା ଆଆପାଡ଼େକା ଖାଏ □

୮ ଏଚିବେଲା ଲାଗେଏତି ଜୀସୁଗାଟି  
ମାଣ୍ଡସି ତଞ୍ଜାଆନେସି, ଏଞ୍ଜାଣାଇଁ ପ୍ରବୁ  
ଜୀସୁ ଗୁତିଟି ହନି ଉକଅଡ଼ି ତଲେ  
ପାୟିନେସି ଇଞ୍ଜା ତାନୁ ଖେଣ୍ଡେ ଖାନାଟି  
ତଞ୍ଜାଆନି ଉଜେଡ଼ି ତଲେ ନାସା କିନେସି  
□

୯ ସୟତାନତି ବାଡ଼ୁରୁ ହୀପୁକି  
ଆହାମାନି ଲେହେଁ ବାରେଲେହେଁତି  
ମିତିତି ବାଡ଼ୁରୁ, ସିନା ଇଞ୍ଜା କାବାଆନି

କାମା, ଅତେ ନାସା ଆହିମାନି ଲକ୍ଷ୍ମୀତାଣା  
ବାରେଲେହେତି ଦାମ୍ନୁ ନାଡ଼ି କିନାଆଁ  
ତଲେ ଲାଗେଏତି ମାଣସି ଝାନ୍ନେସି,

୧୦ ଇଞ୍ଜା ନାସା ଆନାରାଇଁ  
ବାରେଲେହେତି ଲାଗେଏ ଗାଟି  
ନାଡ଼ିକିନି କାମା କିନେସି, ଏନାଆଁତାକି  
ଇତିହେଁ ଗେଲ୍ପିଆୟାଲି ସାତାତି ଜୀଝୁ  
ନଆନା ଅପାଆଗାଟାରି ନାସା ଆନ୍ନେରି  
□

୧୧ ଇଦାଆଁତାକି ଏଝାରି ଏନିକ  
ମିତିତାଣି ନାମିନେରି, ଏଦାଆଁତାକି  
ମାହାପୁରୁ ଏଝାରିତାଣା ନାଡ଼ିକିନି  
ବାଡ଼ୁୟୁ ପାଣ୍ଡାମାଞ୍ଜାନେସି □

୧୨ ଏନିକିହେଁ ଆମ୍ବାଆରି ସାତାତି  
ନାମାଆନା ଦାମ୍ନୁ ହିଲ୍ଲଆଗାଟି  
ତାଣା ରାହାଁ ଆହାମାନେରି, ଏଝାରି  
ବାରେଜାଣା ତଣ୍ଡ ବେଟାଆନ୍ନେରି □

ଗେଲ୍ପିଆୟାଲି ହାଟ୍ଟକି  
ଆହାମାଞ୍ଜେରି

୧୩ ମା ପ୍ରବୁତି ଜୀଝୁତି ତାୟିୟାଁ ଅତେ  
ତାଞ୍ଜିସ୍ମାତେରି, ମିଙ୍ଗେତାକି ବାରେଦିନା  
ମାହାପୁରୁଇଁ ଜହରା କିନାୟି ମା  
କାମା, ଏନାଆଁତାକି ଇତିହେଁ ମାହାପୁରୁ  
ଜୀଝୁତି ସୁବୁ ଇଞ୍ଜା ସାତାତି ନାମୁତଲେ  
ଗେଲ୍ପି ଆହାଲି ମିଙ୍ଗେ ମୂଲୁତି  
ପାଡ଼େୟିଲେଁ ବାଟି କିହାମାଞ୍ଜାନେସି □

୧୪ ଏଦାଆଁତାକି ଜିକେଏ ଏଝାସି,  
ମାମ୍ବୁ ଚୁଝକିହାମାନି ନେହେଁ କାବୁତଲେ  
ମା ପ୍ରବୁ ଜୀସୁ କ୍ରୀସ୍ତାତି ଗାଝୁରମି  
ବେଟାଆହାଲି ମିଙ୍ଗେ ହାଟାମାଞ୍ଜାନେସି  
□

୧୫ ଏଲେଆହେଁଏ ଏ ମା ତାୟିୟାଁ  
ଅତେ ତାଞ୍ଜିସ୍ମାତେରି ତୀରିଆହାଁ ମାଞ୍ଜୁ,  
ଅତେ ମାମ୍ବୁ ଝେସ୍ତାତି ବଲୁ କି ଆକୁ  
ତଲେ ମୀରୁ ଏନାଆଁ ଜାପାମାଞ୍ଜେରି,  
ଏଦାଆଁ ଜାଣ୍ଡେ ଆସାଁ ମାଞ୍ଜୁ □

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ  
ଅତେ ମା ଆବା ମାହାପୁରୁ ଅତେ  
ମାଙ୍ଗେ ଜୀଝୁନହାଁନା ତାନି କାମାଟି  
କାଲ୍ଲକାଲ୍ଲାତି ସାସା ଅତେ ନେହେଁ  
ବାସୁଁ ହାହାମାଞ୍ଜାନେସି □

୧୭ ଏଝାସି ତାନୁଏ ମୀ ହିୟାଁ ସୁସ୍ତି  
ହୀହାଁ ମିଙ୍ଗେ ବାରେଲେହେତି ନେହେଁ  
କାମା ଇଞ୍ଜା ବଲୁତା ତୀରିକିୟାପେସି □

### ୩

ମା ତାକି ପ୍ରାତାନା କିଦୁ

୧ ବାରେତି ତାୟୁ, ଏ ମା ତାୟିୟାଁ  
ଅତେ ତାଞ୍ଜିସ୍ମାତେରି ମାଙ୍ଗେ ତାକି  
ପ୍ରାତାନା କିଦୁ, ଏନିକ ପ୍ରବୁତି ନେହେଁ  
ବଲୁ ମୀ ତାଣା ଆଡ଼ି ଲେହେଁ ବାରେଝାକି  
ଝେଙ୍ଗା ହାଜାନା ଗାଝୁରମି ପାଣ୍ଡନେ,

୨ ଅତେ ଏନିକ ମାମ୍ବୁ ବୁଦି ହିଲ୍ଲଆ  
ଗାଟାରି ଅତେ ଦହଗାଟାରି ତାଣାଟି  
ଗେଲ୍ପି ଆନମି, ଏନାଆଁତାକି ଇତିହେଁ  
ବାରେ ତାଣା ନେହେଁ ବଲୁ ନାମା  
ହିଲ୍ଲଅରି □

୩ ସାମା ପ୍ରବୁ ଚିକାଣାତାସି, ଏଝାସି  
ମିଙ୍ଗେ ତୀରି କିହାନା ଲାଗେଏ ପଲେଏ  
ତାଣାଟି ଗେଲ୍ପାନେସି □

୪ ମାମ୍ବୁ ମିଙ୍ଗେ ଏନିକ ହୁକୁମି  
ହୀହିମାଞ୍ଜାନମି, ଏ ବାରେ ମୀରୁ  
କିହିମାଞ୍ଜେରି, ଅତେ କିଦେରି, ଇଦି  
ମୀ ତାକି ପ୍ରବୁ ତାଣା ମା ଆଟ୍ଟା ନାମୁ  
ମାନେ □

୫ ଅତେ ପ୍ରବୁ ମୀ ହିୟାଁତି ମାହାପୁରୁତି  
ଜୀଝୁ ନନାଣି ଇଞ୍ଜା କ୍ରୀସ୍ତାତି ସାସା  
ବେଟାଆହାଲି ସାଝେମି କିୟାପେସି □

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅତେ  
ତାଞ୍ଜିସ୍ମାତେରି, ମାମ୍ବୁ ପ୍ରବୁ ଜୀସୁ କ୍ରୀସ୍ତାତି  
ଦରୁତଲେ ମାମ୍ବୁ ମିଙ୍ଗେ ଇ ହୁକୁମି  
ହୀହିମାଞ୍ଜାନମି, ଆମିନି ତାୟି ମା  
ତାଣାଟି ଜାପାମାନିଲେହେଁ ମାଣକିତା  
ମାନାଆନା ନିସ୍ତା ତଲେ ନୀଡ଼ିନେସି,  
ଏଝାଣି ତାଣାଟି ଜାହା ଜାହାରାଇଁ ଏଟକା  
କିଦୁ □

୭ ଇତିହେଁ ମାମ୍ବୁ ଏନିକ  
କିହି ମାତମି ଏଲେକ ମୀରୁଝା  
କିନାୟିମାନେ, ଏଦାଆଁ ମୀରୁ ମୀରୁଏ  
ନେହେଁ କ ପୁଞ୍ଜାମାଞ୍ଜେରି, ଏନିକ  
ମାମ୍ବୁ ମୀ ତାଣା ନିସ୍ତା ତଲେ ନୀଡ଼ି  
ହିଲ୍ଲଆତମି □

୮ ମାମୁ ଉଦ୍ଦେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଙ୍ଗେ ବଜୁ ଆଆପେଝା ଇଞ୍ଜି ଲାଆଁ ମାଦେନା ଝାହୁରାଡ଼ା ଅଡ଼େ କସ୍ତତଲେ କାମା କିହି ମାଚମି;

୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଦି ଆଏ, ସାମା ଏନିକି ମୀରୁ, ମାମୁ କିହିମାଚିଲେହେଁ କିଦେରି; ଇଦାଆଁତାକି ମାମୁ ମୁନୀ ନକିତା ଜାହାରାଇଁ ନେହଁ ମାଣ୍ଡକି ତସାଲି ତାକି ଏଲେକିତମି □

୧୦ ଇଚିହଁ ମୀ ତଲେ ମାମୁ ମୁନୀଚାଟି ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଝାସି ରାନ୍ଦା ଜିକେଏ ତିନାଆପେସି □”

୧୧ ଇଚିହଁ ମୀ ତାଣା ଏଚେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜା ଏଝାରି ଏନି କାମା କିଆନା ଉଜେ ଉଜେଏ ଏଟକା ଲକୁତି କାତା ଅଣ୍ଡିମାନେରି, ଇଞ୍ଜି ମାମୁ ଚୁଝିଞ୍ଜାମାନମି □

୧୨ ଇଲେତାରାଇଁ ନେହଁ ଆହଁ ନୀତାଲି ଅଡ଼େ ତାମି ରାନ୍ଦା ତାମୁ ନେହଁ ଅଣ୍ଡିପୁ ତଲେ କାମା କିହାଲି, ମାମୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡ଼େ ହୁକୁମି ହାହିମାଞ୍ଜାନମି □

୧୩ ସାମା ଏ ମା ତାୟିୟାଁ ଅଡ଼େ ତାଜିସ୍ତାତେରି ମୀରୁ ନେହଁ କାମା କିୟାଲି ଏଚେଲାଝା ଝାହାଆଦୁ □

୧୪ ଇ ଆକୁତା ମାମୁ ରାଚାମାନାଣି ଆମ୍ବାଆସି ମାନଝି ଆଅସି, ଏଝାଣାଇଁ ଗୁରି କିଦୁ, ଅଡ଼େ ଏଝାସି ଏନିକି ଲାଜା ବେଟା ଆନେସି, ଏଦାଣିତାକି ଏଝାଣିତଲେ ଆଣ୍ଡାଆଦୁ;

୧୫ ଆଡ଼ିଜିକେଏ ଏଝାଣାଇଁ ସାତୁ ଲେହେଁ ମେହ୍‌ଆଦୁ, ସାମା ଏଝାଣାଇଁ ତାୟିଲେହେଁ ମେସାନା ସେଡନା ହୀଦୁ □

ଆକୁତି ରାମ୍‌ନି କାତା

୧୬ ହିଡ଼ଡ଼ି ଜୀଝୁହୀନି ପ୍ରବୁ ତାନୁଏ, ବାରେବେଲା ଅଡ଼େ ବାରେ ଝାକିଟି ମିଙ୍ଗେ ହିଡ଼ଡ଼ି ହିୟାପେସି □ ପ୍ରବୁ ମୀ ବାରେଜାଣା ତଲେ ମାନାପେସି □

୧୭ ନାନୁ ପାଝୁଲତେଏଁ, ନା କେୟୁତଲେ ରାଚାନା ଜୀଝୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହୀନି ଲେହେଁ ରାଚିମାଞ୍ଜାଇଁ, ନା ରାଚିନାୟି ଏଲେତାୟି □

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ବାରେତେରି ମିଙ୍ଗେ ଆୟାପେ □

# ତୀର୍ଥାଟ୍ଟକ ନିକଟକୁ ପାଉଲଙ୍କ ପ୍ରଥମ ପତ୍ର ଡିମତି ତାଣା ପାଞ୍ଚଲ ରାତ୍ରାମାନି ର ଲମ୍ବର ଆକୁ ମୁକୁ ହାତ୍ରା

ମୁକୁ ପତି ଡିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚଲ ତାଣାଟି ତାନି ସୀସୁ ଡିମତିକି ରାସ୍ତକି ଆହାମାନେ □ ଜୀସୁ କ୍ରୀସୁ ଜାର୍ନାଆଡ଼ି ୨୧-୨୪ ବାର୍ଯା ତାୟୁ ର ଲମ୍ବର ଡିମତି ରାସ୍ତକି ଆହାମାଣ୍ଡିନେ □ ଇଦି ପାଞ୍ଚଲତି ଜୀଞ୍ଜୁ ରାନି ବେଲାତା ରାସ୍ତକି ଆହାମାଣ୍ଡିନେ □ ପାଞ୍ଚଲ ଡିମତି ତଲେ ହାରେକା ଜାତୁ ମାଚେସି, ଏଞ୍ଜାସି ହାରେକା ଦେବା ଡିମତିକି ମୀରଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତମ ୧:୨, ୧:୧୮ □

ଇଦି ପାଞ୍ଚଲ ରାତ୍ରାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣସିକି ଞ୍ଝେସିମାନେ □ ଅଡେ ତାନିଗଟା ଆକୁ ଡିମତି ରୀ ଲମ୍ବର ଆକୁ, ତିତସ, ଅଡେ ପିଲିମନ □ ର ଲମ୍ବର ଡିମତିତା କୁଲମିତି ହାରେକା ପ୍ରାତାନା କିନି ମେରାଡି କାତା ୨:୧-୧୫, କୁଲମିତି କାଜା ଲକୁତି ଜଡେଗତି କାତା ୩:୧-୧୩ ଅଡେ ମିତି ଜାପୁନାରି କାତାତା ଜାଗ୍ରାତା କିନି କାତା ରାସ୍ତକି ଆହାମାନେ ୧:୩-୧୧; ୪:୧-୫; ୬:୨-୫ □ ପାଞ୍ଚଲ ଡିମତିକି ଏନିକହୁ କୁଲମିତି ନେହୁ ସାଲୁଞ୍ଜି କିନାସି ଆହାଲି ଜାପୁହି ମାଚେସି ଏ କାତା ରାସ୍ତକି ଆହାମାନେ □

ଡିମତି ର ଲମ୍ବର ଆକୁତା ହାରେକା ପାଣା ପାତୁୟା ମାନ୍, ଏଞ୍ଜି କୁଲମିତି ସାଲୁଞ୍ଜି କିନାରାଇଁ ନୀଞ୍ଜୁ ଞ୍ଝିଏତି କୁଲମିକାଣି ନେହୁ କୁଲମିତି ଜାତୁନୁ କିହାଲି ସାୟେମି କିନ୍ତୁ □

### ପତିତା ମାନାସି

☆ ୧:୨ ୧:୨ କାମା ୧୭:୧

- ୧ ପାଞ୍ଚଲ ଡିମତିକି ଜହରା କିହାଁ ମାଟୁନାୟି □ ୧:୧-୨
- ୨ ପାଞ୍ଚଲ ଡିମତିକି ମିତି ଜାପୁନାରି କାତାତା ଜାଗ୍ରାତା କିନାୟି □ ୧:୩-୧୧
- ୩ ପାଞ୍ଚଲ କ୍ରୀସୁ ତାକି ଏଚେକା ନେହୁ ତସାମାନେସି ଏଦାଆଁ ଞ୍ଝେସାନା ଆକୁତି ରାଡିନାୟି □ ୧:୧୨-୧୯
- ୪ ପାଞ୍ଚଲ ଡିମତିକି ପ୍ରାତାନାଟି ପାଣାପାତୁ ଅଡେ ସାଲୁଞ୍ଜି କିନାରି କାତା ଜାପୁହାମାନେସି □ ୨-୩
- ୫ ପାଞ୍ଚଲ ଡିମତିକି ଏଚେକା ତାୟୁତି କାତା ଞ୍ଝେସାନା ଆକୁ ରାଡିନାଣି ରାପୁନାୟି □ ୪-୬

୧ ନାନ୍ତୁ ପାଞ୍ଚଲ, ମା ଗେଲପାନି ମାହାପୁରୁ ଅଡେ ବାର୍ଯୁ ହାନି କ୍ରୀସୁ ଜୀସୁ ହୁକୁମି ତଲେ ପାଣ୍ଡୁ ଆହାମାନାଚେଏ □

୨ \*ନାମୁତା ନା ଦାମୁତି ଜୀଞ୍ଜୁତି ମୀରଏଶାଡି ଡିମତି; ଆବା ମାହାପୁରୁ ମା ପ୍ରତୁ ଜୀସୁ କ୍ରୀସୁ ତାଣାଟି ଜୀଞ୍ଜୁନନାୟି କାର୍ମାମେହନାୟି ଅଡେ ହିଡଡି ନିଞ୍ଜେତାକି ଆୟାପେ □

ମିତି ଜାପୁନାରି ତାଣାଟି ଜାଗ୍ରାତା

୩ ନାନ୍ତୁ ମାକିଦନିୟାତା ହାଜିମାଚାଟି ମିଞ୍ଜେ ଞ୍ଝେସାମାଞ୍ଜାତି ଲେହେଁ, ନୀନ୍ତୁ ଏପିସିୟ ଗାଡାତା ତୁୟାମୁ ଏମ୍ବାଆଁ ଏଚରଜାଣା ଲାଗେଏତି କାତା ଜାପୁହିମାନେରି ଏମ୍ବାଟି ଏଞ୍ଜାରାଇଁ କାହି କିମ୍ତୁ,

୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହୁଆପେରି ଇଞ୍ଜି ଏଞ୍ଜାରାଇଁ ଞ୍ଝେହୁମ୍, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଦା କିଞ୍ଜିକିନେ □

\* ସୁଦୁ ହିୟାଁ, ନେହୁ ଅଣପୁ ଅଡେ କୁଟୁ ହିଲ୍ୟାଆ ନାମୁତି ହଡିମାନି ଜୀଞ୍ଜୁ ନନାଣି ଜାଗ୍ରାତା କିହାଲିତାକି ନାନ୍ତୁ ଇ ହୁକୁମି ହାହିମାଞ୍ଜାଇଁ □



୨ ଏତରଜାଣା ଈ ବାରେ କାତାତି  
ବାଣା ଆହାନା ଉଜେଏତି କାତା ଆସାନା  
ଏଟକା ଜିରୁ ହାଜିମାନେରି;

୩ ଏଞ୍ଜାରି ମେରା ଜାପୁନାତମି  
ଇଞ୍ଜି ଅଣ୍ପିନେରି, ସାମା ଏଞ୍ଜାରି  
ଏନାଆଁ ଖେହ୍ନେରି, ଅଡ଼େ ଏନାଆଁ  
ଜାଣ୍ଡେନାଜା ଜାପୁନେରି, ଏଦାଆଁ  
ତାମ୍ବୁ ଡେଲହଅରି □

୪ ମାମ୍ବୁ ପୁଞ୍ଜାମାନମି; ମେରାତି  
ନେହ୍ନେ କଲେମ୍ବିସାରେ, ଏଦି ନେହେଁ  
□

୫ ସାମା ମେରା ଦାମ୍ବୁଗାଟି ଲକୁତାକି  
କିଞ୍ଚିଆଆନା, ଜାହାରା ମନ, ଅଡ଼େ  
ମାନଞ୍ଚି ଆଆଗାଟାରି, ଦାମ୍ବୁ ହିଲ୍ଲାଆ  
ଗାଟାରି, ଅଡ଼େ ପାପୁ ଗାଟାରି,  
ଲାଗେଏତାରି, ଦାମ୍ବୁତି ନାମାଆଗାଟାରି,  
ତାଲି ତାଞ୍ଜିଲ୍ ପାୟିନାରି, ଲକୁଣି  
ପାୟିନାରି,

୬ ଦାରି କିନାରି, ଆବା ଆବାୟା  
ଦହ କିଞ୍ଚିଆନାରି, ଲକୁଣି ପାରନାରି,  
ମିତି ସାକି ହାନାରି, ଅଡ଼େ ମିତି  
କାତାତାକି ପାରମାଣା କିନାରାକି, ଅଡ଼େ  
ଆମ୍ବାଆରି ନେହ୍ନେ ଜାପୁନାଣି, ତାକି  
ନିଜ୍ଜିନେରି, ଏଦାଆଁତାକି ମେରା ମାନଞ୍ଚି  
ଆଆଗାଟାରାକି ହାପକି ଆହାମାନେ,

୭ ଇଦି ନା ତାଣା ହେରପି  
ଆହାମାନାୟି ହାରେକା ନେହେଁ  
ମାହାପୁରୁତି ଗାଞ୍ଜୁରମିଗାଟି ନେହ୍ନେ  
କାବୁତି ଜାପୁନି ଲେହେଁ ଆନେ □

ମାହାପୁରୁତି କାର୍ମା ତାକି ଜହରା

୮ ନାଜେ କାମାତା ବାଡ଼ୁୟୁ  
ହାହାମାଞ୍ଜାନି ମା ପ୍ରବୁ କ୍ରୀସୁ ଜୀସୁଇ  
ଜହରା କିହିମାଇଁ, ଏନାଆଁତାକି  
ଇତିହ୍ନେ ନାଜେ ଏଞ୍ଜାସି ମାନ୍ଦିଗାଟାତି  
ଇଞ୍ଜି ଅଣ୍ପିପାନା ସେବା କାମା ହେରପା  
ମାଞ୍ଜାନେସି □

୯ ଆଡ଼ିଜିକେଏ ତଲି ନାନୁ ଜୀସୁଇ  
ନିନ୍ଦା କିନାତେଏଁ, ତଣ୍ଡୁ ହାନାତେଏଁ,  
ଅଡ଼େ ଲାଗେଏ କିନାତେଏଁ ମାତେଏଁ;  
ସାମା ନାନୁ ନାମା ହିଲ୍ଲାଆତାକି ବୁଦି

ହିଲ୍ଲାଆଲେହେଁ ଏଦାଆଁ କିହିମାତେଏଁ  
ଇଞ୍ଜି କାର୍ମା ବେଟାଆଡ଼େଏଁ;

୧୦ ଅଡ଼େ ମା ପ୍ରବୁତି କାର୍ମା କ୍ରୀସୁ ଜୀସୁ  
ତାଣାଟି ନାମୁ ଅଡ଼େ ଜୀସୁ ନନ୍ଦି ତାଣାଟି  
ନାଜେତାକି ହାରେକା ଆୟାତେ □

୧୧ ପାପୁ ଗାଟାରାଇଁ ଗେଲପାଲିତାକି  
କ୍ରୀସୁ ଜୀସୁ ଦାରତିତା ଖାଡ଼େସି, ଇ  
ବଲୁ ସାତା ଅଡ଼େ ବାରେଖାକି ଆବିନାୟି  
ଅଡ଼େ ନାମିନାୟି; ଏ ପାପୁ ଗାଟାରି  
ବିତ୍ରାଟି ନାନୁ ବାରେକିହାଁ କାଜା ପାପୁ  
ଗାଟାତେଏଁ

୧୨ ଆଡ଼ିଜିକେଏ ଆମିନି ଗାଟାରି  
ଞ୍ଜାହିମାନି ଦିନାତା କାଲ୍ଲାକାଲ୍ଲାତି  
ଜୀସୁ ବେଟାଆହାଲି ଜୀସୁ କ୍ରୀସୁ  
ତାଣା ନାମିନେରି, ଏଞ୍ଜାରି ନକିତା  
ତସ୍ପି ଆହାଲି ନାନୁ ର କାଜା ପାପୁ  
ଗାଟାତେଏଁ, ନା ତାଣା ଏଞ୍ଜାସି ଏନିକ  
ତାନି କାଲେଏତି ଅରୁହିନାଣି ତହ୍ନେସି  
ଏଦାଆଁତାକି ନାନୁ କାର୍ମା ବେଟା ଆଡ଼େଏଁ  
□

୧୩ ଏତେଲଖା ନସା ଆଆଗାଟାୟି  
ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ  
ଆମ୍ବାଆସି କାଲ୍ଲାକାଲ୍ଲାତି ରାଜା  
ଏଞ୍ଜାଣାକି ମାନ୍ଦି ଅଡ଼େ ଗାଞ୍ଜୁରମି  
କାଲ୍ଲାକାଲ୍ଲା ତାକି ଆପେ □ ଆମେନ

୧୪ ତିମତି, ନା ମୀରଏଣାତି,  
ନିଜେତାକି ତଲି ଖେସିମାଞ୍ଜାତି ଲେହେଁ  
ନାନୁ ନିଜେ ଇ ହୁକୁମି ହାହିମାଞ୍ଜାଇଁ,  
ଏନିକ ନାନୁ ଇ ବାରେ କାତାତଲେ  
ନେହ୍ନେ ଜୁଜୁ କିହାଲି ଆଡ଼ିଦି □

୧୫ ଦାମ୍ବୁ ଅଡ଼େ ନାମୁ ନେହ୍ନେ  
ଅଣ୍ପୁ ଆହ୍ମୁ; ଏଦାଆଁ ପିସା ମାନାକି  
ଏତରଜାଣାତି ନାମୁ ଲେହେଁତି ଜାଜା  
ତୀହା ହାଜାମାନେ,

୧୬ ଏଞ୍ଜାରି ବିତ୍ରାଟି ହୁମନାୟ, ଅଡ଼େ  
ଆଲେକଜାଣ୍ଡାର ମାନେରି, ଏଦାଆଁତାକି  
ନାନୁ ଏଞ୍ଜାରାଇଁ ସୟତାନ କେୟୁତା  
ହେରପିତେଏଁ, ଏନିକ ଇ ରିଆରି  
ପାଣା ବେଟାଆହାନା ମାହାପୁରୁଇଁ ନିନ୍ଦା  
କିଅରି □

୨

କୁଲମିତା ପାଶାପାଚୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲ୍ଲାତା, ଦେସାତି ପାଶାଗାଟାରି,

୨ ଏଦାଆଁତାକି ବାରେ ଲକୁତାକି ରାଜାୟାଁ ସାଲୁଝି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିନୁ, ମାର ଏନିକି ମାହାପୁରୁ ଆଜିତଲେ କିଲିବିଲି ଆଥାନା ତୟିନାୟି ଅଡ଼େ ଏଟକା ଲକୁ ତାଶା ନେହୁ ମାଣକି ମାଞ୍ଜାନା ସୁକୁ ଅଡ଼େ ହିଡ଼ଡ଼ି ତଲେ ନୀତାଲି ଆଡ଼ିନାୟି □

୩ ଇଲେତି ପ୍ରାତାନା ମା ଗେଲ୍ପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ □

୪ ବାରେଜାଶା ଏନିକି ଗେଲ୍ପିଆନାଶି ଅଡ଼େ ସାତାତି ବୁଦି ବେଟାଆନେରି ଇଞ୍ଜି ଏଞ୍ଜାସି ଅଣ୍ପି ମାନେସି □

୫ ଇଚିହୁ ରଣିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜା ମାଣସିୟାଁ, ମାଦିତି ମାଣସି ରଅସିଏ ମାନେସି, ଏଞ୍ଜାସି ଜାସୁ କ୍ରାସୁ, ର ମାଣସି □

୬ ଏଞ୍ଜାସି ମାଣସିଇଁ ଗେଲ୍ପାଲିତାକି ତାନୁଏ ହେରପି ଆଡେସି, ଇଦାଆଁତାକି ସମାନା ବେଲ୍ଲାତା ତଞ୍ଜାଆହାନା, ମାହାପୁରୁ ବାରେ ମାଣସିୟାଁଇଁ ଗେଲ୍ପାଲି ଅଣ୍ପି ମାନେସି ଇଦାଆଁ ସାକି ହାହାମାନେସି □

୭ ଏଦାଆଁତାକି ନାନୁ ର ନେହୁ କାରୁ ଝେକ୍ନାଡେର୍ସ, ପାଶୁଝି ଆହାମାନାଡେର୍ସ, ଇଞ୍ଜା ନାନୁ ଅଡ଼େ ସାତାତା ଏଟକା କୁଡାତି ଲକୁ ତାଶା ଜାପ୍ନାଡେର୍ସ ଆୟାଲି ମାହାପୁରୁ ନାଜେ ଆଟାମାଞ୍ଜାଡେସି, ନାନୁ ସାତା ଝେସିମାଞ୍ଜାଇଁ ନାନୁ ମିତି ଝେସିମାଞ୍ଜାଅଁ □

୮ ଏଦାଆଁତାକି ନା ଅଣ୍ପୁ ବାରେଜାଶା ଆବାୟାଁ କୁଡା ଆନାଟି, ସୁଦୁ ଅଣ୍ପୁ

ତଲେ କେସ୍ତା ପେରହାନା, କପା ଇଞ୍ଜା ତାହାରା ଆଥାନା, ପ୍ରାତାନା କିପାରି □

୯ ଏଲେକିହୁ ଏ ଇୟାସିକା ଜିକେଏ ତାୟୁ ଅଜି କିହାନା, ଅଡ଼େ ବାଂଗାରା ସାଜୁ ତୁରୁଆନା, କି ଦାରାଗାଟି ହିମ୍ବୁରିକା ତଲେ ତାୟୁ ତାମଜେ ଅଜି କିହାକତାଆନା, ମାନି ଅଡ଼େ ନେହୁ ବୁଦିତଲେ ଉଣା ଦାରାତି ହିମ୍ବୁରିକା ହୁତାନା,

୧୦ ଦାମ୍ବୁଗାଟି ଇୟାସିକା ରାହାଁ ଅଣ୍ପୁଟି ନେହୁ କାମାତି ଅଜୁତା ତାୟୁ ତାମଜେ ଅଜି କିହା କତାପୁ □

୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ପୁ ତଲେ ଜାପାପୁ □

୧୨ ନାନୁ ଇୟାସିକାଶି ଜାପ୍ତହାଲି କି ଆବାୟାଁ ମୁହେଁ ସାଲୁଝି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ □

୧୩ ଏନିଇଚିହୁ ମାହାପୁରୁ ନକେଏ ଆଦମଇଁ ଗାଡ଼ିକିଡେସି ଅଡ଼େ ତାୟୁ ହବାଇଁ

୧୪ ଅଡ଼େ ଆଦମ ନାଡ଼ିକିଝି ଆହା ହିଲାଆଡେସି, ସାମା ଇୟା ନାଡ଼ିକିଝି ଆହାନା ମାହାପୁରୁତି ମେରାଟି ଦହ ଗାଟାୟି ଆଡେ;

୧୫ ସାମା ଇୟାସିକା ତାମଜେ ଉଣା କିହାଁ କତାନା ନାମୁତଲେ ଜୀଝୁ ନଝିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନ କିହାନା ଗେଲ୍ପି ଆନୁ □

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରାସ୍ତାନା କୁଲମିତା ଜାଡ଼ନୁ କିନି ପାଶା ବେଟାଆହାଲି ଅଣ୍ପିପାତିସାରେ, ଏଞ୍ଜାସି ନେହୁ କାମା କିଇଁ ଇଞ୍ଜି ଅଣ୍ପିନେସି □

୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣିଏ ତକ୍ରିନି ତକ୍ରା, ଟିକାଶାତାସି, ନେହୁ ଅଣ୍ପୁ ଗାଟାସି, ପୁନାଆତି ଗତାୟାଶି

ସେବା କିନାସି, ଅତେ ନେହଁକଁ  
ଜାପୁନାସି ଆନାୟି ମାନେ □

୩ ଅତେ କାତୁ ଗହନାସି କି ଗଡ଼ହା  
କିନାସି ଆଆନା, ସୁଦୁ ସୁଖାଲା, କପା  
ଇଟାଆଗାଗାସି, ଅତେ ଦନ ଜୁପକା  
ଗାଗାସି ଆଆୟି ମାନେ,

୪ ଏଞ୍ଜାସି ତାନି ଇଲୁ କୁଟମିତି  
ନେହଁକଁ ସାଲୁଞ୍ଜି କିନାସି, ଅତେ  
କକାରି ପଦାଣି ତୀରପୁତଲେ ଜାତୁନୁ  
କିନାୟିମାନେ □

୫ ଆମ୍ବାଆସି ତାନି ଇଲୁ କୁଟମିତି  
ନେହଁକଁ ଜାତୁନୁ କିହାଲି ଆଡ଼ଅସି,  
ଏଞ୍ଜାସି ଏନିକଁ ମାହାପୁରୁ କୁଲମିତି  
ଜାତୁନୁ କିନେସି ?

୬ ଏଞ୍ଜାସି ପୁଞ୍ଜି ନାମିତାସି ଆଆୟି  
ମାନେ, ଇତିହଁ ଏଚେତା ପାଚେ ନାନୁ  
କାଜାତେଏଁ ଇଞ୍ଜଁ ବଡ଼ପଣ ଆହାନା,  
ସୟତାନ ତଣ୍ଡ ପାଣ୍ଡନିଲେହେଁ ତଣ୍ଡ  
ବେଟା ଆନେସି □

୭ ଅତେ ଏଞ୍ଜାସି ନାମାଆଗାଗାରି  
ତାଣାଟି ଜିକେଏ ମାନି ବେଟାଆନାୟି  
ମାନେ, ଆଆତଁ ଲାଜା ବେଟାଆହାନା  
ସୟତାନ ପାନ୍ଦାତା ହେରନେସି □

କୁଲମିତି ସାୟେମି କିନାରି

୮ ଏଲେକିହଁଏ କୁଲମିତି ସେବା  
କିନାରି ନେହଁ ଅଣ୍ଡପୁ ତଲେ ନାମୁତା  
ଡ଼ଗୁମାନାଣି ଆସାନା ତୀରିତଲେ  
ମାଞ୍ଜାନା ନାଡ଼ି କିନାସି ଆଆପେସି,

୯ କାତୁ ଗସିହଁ ଡ଼ୟିନାସି,  
ଉଜେଏତି ଦନତି ଜୁପକା ଆଆୟି  
ମାନେ

୧୦ ଏଞ୍ଜାରି ସେବା ପାଣା ପୁଞ୍ଜଆ  
ନକେଏ ଏଞ୍ଜାରି ତାୟିପାରି କିଞ୍ଜିଆପାରି,  
ଅତେ ଏଞ୍ଜାରିତାଣା ଏନି ଦହ ତଞ୍ଜା  
ଆଆତିହଁ, କୁଲମିତି ସାୟେମି କିନାରି  
ଆପେରି □

୧୧ ଏଲେକିହଁଏ ଏଞ୍ଜାରି ତକ୍ତିସିକା  
ଜିକେଏ ନେହଁ ଗୁଣୁ ଗାଟାଇ\*  
ଆହାନା ସାକ୍ତି ହିଲାଆଗାଟାଇ ଆହାନା  
ତୀରପୁ, ପାରିଲଏ ମାଞ୍ଜାନା ବାରେ କାମା  
ଟିକାଣା ତଲେ କିପୁ □

୧୨ ସେବା କିନାରି ରଣ୍ଡିଏ ତକ୍ତିଡ଼ି†  
ଡ଼କା ଆପେରି, ଅତେ ଏଞ୍ଜାରି ତାନି  
କକାରି ପଦାୟିଣି ଅତେ ତାନି ଇଲୁ  
କୁଟମିତି ନେହଁକଁ ସାଲୁଞ୍ଜି କିପେରି  
□

୧୩ ଇତିହଁ ଆମିନି ଗାଗାରି  
ନେହଁକଁ ସେବା କାମା  
କିହାମାନେରି, ଏଞ୍ଜାରି କୁଲମିତା  
ମାନିଗାଗାରି ଇଞ୍ଜଁ ଝେଜିନେରି ଅତେ  
କ୍ରୀସ୍ତ ଜୀସ୍ତ ତାଣା ନାମୁତା ହାରେକା  
ସାସା ବେଟାଆନେରି □

ଡ଼ଗୁମାନି କାଜା କାତା

୧୪ ଇ ଆକୁ ରାଡ଼ିନି ବେଲାତା,  
ନାନୁ ନୀ ତାଣା ତବେ ଝାହାଲି ଆସା  
କିହିମାଞ୍ଜି;

୧୫ ସାମା ନା ଝାନାୟି ଝେଡ଼ା  
ଆତିହଁ, ମାହାପୁରୁ ଇଲୁ କୁଟମିତା  
ଇତିହଁ ସାତାତି ମୁଣ୍ଡା ଅତେ ପୁନାଦି  
ଲେହେଁ ଜୀଞ୍ଜୁତି ମାହାପୁରୁ କୁଲମିତା,  
ଏନି ମାଣ୍ଡକିତା ମାନାୟି ମାନେ, ଏଦାଆଁ  
ନୀନୁ ଏନିକଁ ପୁଞ୍ଜାଲି ଆଡ଼ିଦି,  
ଇଦାଆଁତାକି ଇ ବାରେ କାତା ନାନୁ  
ରାଡ଼ିମାଞ୍ଜାଇ □

୧୬ ମାହାପୁରୁ ଦାମୁଡ଼ି ବାରେ କାତା  
ହାରେକା କାଜାୟି, ଇଦାଆଁ ବାରେ ଲକୁ  
ଝେଜିନେରି □ ଏଦି ଇଦି,  
କ୍ରୀସ୍ତ ମାଣ୍ଡସି ଝାଣା ଆହାନା  
ତଞ୍ଜାଆଡେସି,  
ସୁଦୁଜୀଞ୍ଜୁତା ଦାମୁଗାଗାସି ଇଞ୍ଜଁ  
ଝେଜିଡେସି,  
ଦୁଡୁୟାଁ ତଲେ ତଞ୍ଜାଆଡେସି,  
ଏବକା ଲକୁତାଣା ଝେଜିଡେସି,  
ଦାରୁଡିତା ନାମୁଗାଗାସି ଆଡେସି,  
ଇଞ୍ଜା ମାହାପୁରୁ ଗାଞ୍ଜୁରମି ତଲେ  
ଲକପୁରୁ ଅଞ୍ଜିଆଡେସି □

## ୪

ମିତି ଜାପୁନାରି

୧ ସୁଦୁଜୀଞ୍ଜୁ ତୀରିତଲେ  
ଝେସିମାଞ୍ଜାନେ, ଜୁଗୁ ରାନ୍ତି ବେଲାତା  
ଏଚେକା ଲକୁ ଲାଗେଏତି ନାଡ଼ିକିନି

\* ୩:୧୧ ୩:୧୧ ଇୟାସିକା ସେବା କିନାଇ † ୩:୧୨ ୩:୧୨ ରଣ୍ଡିଏ ବୀହା ତକ୍ତି

ଜାପୁନି ତାଣ୍ଡାଟି କୁଲମିତି ନାମୁଟି ହେକ  
ଆନ୍ଦେରି,

୨ ଏଞ୍ଜାରି ଏତରଜାଣା ନାଡ଼ିକିନାରି,  
ଏଞ୍ଜାରି ଅଣ୍ଡୁ ହାଡ଼ାୟି,

୩ ଏଞ୍ଜାରି ବୀହା କିନାୟି ଅଡ଼େ ଏନି  
ଏନି କାଦି ତିନାୟି ଇଞ୍ଜି ନେହେ ଆଏ  
ଇଞ୍ଜିମାନେରି □ ସାମା ଆମିନି କ୍ରୀସୁଇଁ  
ନାମିତି ଲକୁ ସାତାତି ପୁଞ୍ଜାମାନେରି,  
ଏଞ୍ଜାରି ମାହାପୁରୁ ଗାଡ଼ିକିତି ବାରେ କାଦି  
ତାକି ଏଞ୍ଜାଣାଇ ଜହରା କିହାନା ଏଦି  
ନେହାୟି ଇଞ୍ଜି ତିଞ୍ଜାଲି ଆଡ଼ିନେରି □

୪ ଇଚିହୁଁ ମାହାପୁରୁ ଗାଡ଼ିକିତି ଆସୁ  
ବାରେ ନେହାୟି, ଇଞ୍ଜା ମାହାପୁରୁଇଁ  
ଜହରା କିତିସାରେ ଏନାୟି ଜିକେଏ  
ତିନାଆଗାଟାୟି ଆଏ □

୫ ଏନାଆଁତାକି ଇଚିହୁଁ ମାହାପୁରୁତି  
ବଲୁ ଅଡ଼େ ପ୍ରାଡ଼ାନା ତଲେ ଏଦାଆଁ ସୁଦୁ  
କିଞ୍ଜିଆନେ □

ଜୀସୁ କ୍ରୀସୁତି ନେହୁଁ ସେବା  
କିନାସି

୬ ଇ ବାରେ କାତା ମୀରୁ ତାୟି  
ତାଜିଇଁ ଜାପୁହିସାରେ କ୍ରୀସୁ ଜୀସୁତି ର  
ନେହୁଁ ସେବା କିନାତେରି ଆନ୍ଦେରି,  
ଇଞ୍ଜା ମୀରୁ ଆମିନି ନାମୁ ଅଡ଼େ ନେହୁଁ  
କାତା ଆସାମାଞ୍ଜେରି, ଏଲେତି ବଲୁ  
ତଲେ ପାତା ଆନ୍ଦେରି;

୭ ସାମା ଉଜେଏ ଷ୍ଟେହୁନି କାତାୟି  
ଞ୍ଜେନାଆନି, ମାହାପୁରୁଇଁ ଆଜାନା  
ନୀତାମାଞ୍ଜାଲି ଜାପାମୁ,

୮ ଇଚିହୁଁ ଆଜାତି ପାତି କିନାୟି  
ଗାଡ଼େକା ତାକି ଲାବା ଆନେ, ସାମା  
ମାହାପୁରୁଇଁ ଆଜିନାୟି ଇ କାଲ୍ଲାତା  
ଅଡ଼େ ଖାହିମାନି କାଲ୍ଲାତି ଜୀଞ୍ଜୁତାକି  
ମାହାପୁରୁ ଆଞ୍ଜାମାନି ଲାବାଗାଟାୟି  
ଆନେ □

୯ ଇ କାତା ନାମିନାୟି ଅଡ଼େ ବାରେ  
ଲକୁ ଅପିନାୟି □

୧୦ ଇଦାଆଁ ତାକି ମୀରୁ ମନ ହାହାନା  
ଞ୍ଜାହୁ ତଲେ ଜୀଞ୍ଜୁ ତୁସାନା କାମା  
କିହିମାନାୟି, ଏନାଆଁତାକି ଇଚିହୁଁ  
ଆମିନି ଜୀଞ୍ଜୁଗାଟି ମାହାପୁରୁ ବାରେ  
ମାଣସିଇଁ ଇଚିହୁଁ ନାମିନାରାଇଁ

ଗେଲପିନାସି, ତାନି ତାଣା ମା ବାସୁ  
ମାନେ □

୧୧ ନୀନୁ ଇ ବାରେ କାତା ହୁକୁମି  
ହୀହାନା ଜାପୁମୁ □

୧୨ ନୀ ଦାଂଗଣା ବେଲ୍ଲାତି ଆମ୍ବାଆସି  
ହୀଣି କିୟାଆପେସି, ସାମା ନୀ କାତାତା,  
ନୀ ଲେମିନି ତାଣା, ନୀ ଜୀଞ୍ଜୁ ନନି  
ତାଣା, ନୀ ନାମୁତା, ଇଞ୍ଜା ନୀ ସୁଦୁତା,  
ନାମିନାରାକି ନୀନୁ ନେହୁଁ ତହୁନାତି  
ଆମୁ □

୧୩ ନୀନୁ ନୀ ତାଣା ଖାଆ ପାତେକା  
ନୀନୁ ଦାମୁ ପତିଇଁ ପଡ଼ଞ୍ଜି ଆହାନା,  
ମାହାପୁରୁ କାତା ଷ୍ଟେକ୍ମୁ, ଇଞ୍ଜା ଜାପୁନି  
ତାଣା ମନ ହାହାନା ମାନାମୁ □

୧୪ ମାହାପୁରୁ ବଲୁ ଷ୍ଟେକ୍ମୁ ମାଞ୍ଜାନି  
କୁଲମିତି କାଜାରି ନୀ ତାୟି ତୁ  
କେସ୍ତା ଇଗାନା ନିଞ୍ଜେ କାର୍ମାତି ଦାନା  
ହୀହାମାଞ୍ଜାନେରି, ଏଦାଆଁ ହେଲ୍ଲା  
କିଆନି □

୧୫ ନୀ ପାତା ଆହିମାନାୟି ଏନିକ  
ବାରେ ଲକୁ ନକିତା ତଞ୍ଜାଆନେ,  
ଏଦାଆଁତାକି ଇ ବାରେ କାତାତା ମନ  
ହୀହାନା ଏ ବାରେ କିହିମାନାମୁ □

୧୬ ନିଞ୍ଜ ତାକି ଅଡ଼େ ନୀ ଜାପୁନାଣି  
ତାକି ଜାଗ୍ରାତା ଆମୁ, ଇ ବାରେ କାମା  
କିହୁଁ ମାନାମୁ, ଇଚିହୁଁ ଏଦାଆଁ  
କିତିସାରେ ନୀନୁ ନୀ ଗେଲପିନାଣି  
ଅଡ଼େ ନୀ କାତା ଷ୍ଟେଞ୍ଜି ମାନାରାଇଁ  
ଜିକେଏ ଗେଲପିଦି □

## ୫

ନାମିନି ଲକୁତି ଦାୟିପତି

୧ ରୁଡ଼ହା ଲକୁଣି ଲାଗାଆନି, ସାମା  
ଏଞ୍ଜାଣାଇଁ ଆବା ଇଞ୍ଜି ଅଣ୍ଡାପାନା  
ଲେମ୍ବାମୁ; ଅଡ଼େ ଦାଂଗଣା କକାରାଇଁ  
ତାୟିଲେହେଁ ମେହମୁ,

୨ ରୁଡ଼ହୁଁ ଇୟାସିକାଣି ତାଲି ଇଞ୍ଜିହୁଁ  
ଅଡ଼େ ତାଆସିକାଣି ସୁଦୁ ମନତଲେ  
ତାଜିସ୍ତା ଇଞ୍ଜିହୁଁ ଅଣ୍ଡାପାନା ଏଲେକ  
ସିନିକମୁ □

୩ ଏନାଆଁ ହିଲ୍ଲାଆଗାଟି ରାଢ଼େଣି  
ଇୟାସିକାଣି ମାନି କିମୁ □

୪ ସାମା ଆମିନି ରାଣ୍ଡେଣି ଇୟା କି ମୀରକା ମାସ୍କାକି ତାଙ୍ଗା ମୀରକା ମାସ୍କା ମାତିହ୍, ଏଞ୍ଜି ନକେଏ ତାମି ଇଲୁ କୁଟମି ତାରାଙ୍ଗି ମାନି କିହାଲି ଲକନାୟି ମାନେ, ତାଲି ତାଞ୍ଜିଙ୍ଗି ନେହ୍ କିହାଲି ଜାପାପୁ; ଏନିଇତିହ୍ ଇଦି ମାହାପୁରୁ ନକିତା ନେହାୟି □

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡେ ଆମ୍ବାଆରି ଜାଡନୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସୁଁ ଇଟାନା ଲାଆଁ ମାଦେନା ବାତିମାଲିହ୍ କାଲେଏ ପ୍ରାତାନା କିପୁ;

୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତୁୟିନି ରାଣ୍ଡେଣିସିକା ଏଞ୍ଜି ଜୀଝୁତଲେ ମାତିହ୍ ଜିକେଏ ହାଡି ଲେହେଁତାଇ □

୭ ଏଞ୍ଜି ଏନିକ୍ ଦହ୍ ହିଲାଆଗାଟାଇ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପୁମୁ □

୮ ସାମା ଆମ୍ବାଆସି ତାନି ପାଡିତି ଲକୁ ଅଡେ ତାମି ଇଲୁ କୁଟମିତି ଲକୁଣି କେରୁଅସି, ଏଞ୍ଜାସି ନାମୁତି କାତାଙ୍ଗି ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି □

୯ ଆମିନି ରାଣ୍ଡେଣି ତାନିକଡି ବାସାଟିଏ ଉଣା ଆଏ, ଅଡେ ରଣ୍ଡିଏ ତକାଙ୍ଗି ବାହା ଆହାମାନେ, ଏଞ୍ଜାସିକା ଦରୁ ରାଟାମୁ,

୧୦ ଅଡେ ନେହ୍ କାମାତାକି ଝେଙ୍ଗାମାନେ, ଅଡେ ଏଦି ମୀରକା ମାସ୍କାଣି ପହିପାଡି କିହାନା, ପାଡିତି ଗତାୟିଣି ସେବା କିହିମାନେ, ମାହାପୁରୁ ଲକୁତି କତାୟି ନରୁହା ମାନେ, ଦୁକୁ ଗାଟାରାଙ୍ଗି ଦୁକୁ ତୁକିହିମାନେ, ଅଡେ ବାରେ ନେହ୍ କାମା କିହାଲି ରାହାଁ ଆହିମାନେ, ଆତିହ୍ ଏଦାନି ଦରୁ ରାଣ୍ଡେଣିସିକା ଆକୁତା ରାସ୍କି ଆପେ □

୧୧ ସାମା ତାଆ ରାଣ୍ଡେଣିସିକା ଦରୁ ରାଟାଆନି, ଇତିହ୍ ଏଞ୍ଜି ଆଙ୍ଗାତି

ରାହାଁତା ଜୁପକା ଆହାନା କ୍ରୀସୁ ତାଣାଟି ଏଟକା ଆହାନା ବାହା ଆୟାଲି ମନ କିନୁ;

୧୨ ଏଞ୍ଜି ତାମି ତଲିତି ଆଞ୍ଜାମାଟାଣି ମାନି କିହାହିଲାଆକି, ତଣ୍ଡ ଗାଟାଇ ଆନୁ,

୧୩ ଅଡେ ଜିକେଏ ଏଞ୍ଜି ଇଲୁତାକି ଇଲୁ ରେଜିହ୍ ନିସ୍ତା ଆହାଲି ଜାପୁନୁ, ଅଡେ ଝାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ପପନିକା, ଅଡେ ସାକ୍ତି ଜଲ୍ଲାଲି ଜାପାନା ଉଜେ ଉଜେଏତି ଲଡାହିଲାଆ କାତାୟି ବାସୁଁ ଆନୁ □

୧୪ ଇଦାଆଁତାକି ନା ଅଣ୍ଡପୁ ତାଆ ରାଣ୍ଡେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିଦା କିହାଲି ସାତୁୟାକି ଏନି ପାରୁ ହାଆପୁ;

୧୫ ଇତିହ୍ ନୀଏଁ ଜିକେଏ ଆମ୍ବା ଆମ୍ବାଆୟି କ୍ରୀସୁ ତାଣାଟି ହେକ ଆହାନା ସୟତାନତି ଜେଡ ହାଜାମାନୁ □

୧୬ ଅଡେ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାତିହ୍, ଆତିହ୍ ଏଞ୍ଜି ଏଞ୍ଜାସିକା ଜାଡନୁ ଅପୁ, ଅଡେ କୁଲମିତାକି ବକୁ କିଆପୁ, ଏନିକ୍ କୁଲମି ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡନୁ ଅନେ □

୧୭ ଆମିନି ପ୍ରାତିନାଙ୍ଗା କୁଲମିତି ନେହ୍ କି ଜାଡନୁ କିନେରି, ବାରେକିହାଁ ଆମିନି ଗାଟାରି ବଲୁ ଝେକହାଲି, ଅଡେ ଜାପୁହାଲି ଝାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ □

୧୮ \*ଦାମୁଁ ପତିତା ରାସ୍କି ଆହାମାନେ, “ନପ୍ ନି କଡି ମୁତିତା କତ୍ତା ଦହ୍ଆନି” ଅଡେ “କାମାକିନାସି ତାନି କାମାତି ପାଡେୟି ବେଟାଆନାୟି ମାନେ □”

୧୯ ରିଆରି କି ତାନି ଜାଣା ସାକିୟା ହିଲାଆନା ଆମିନି ପ୍ରାତିନା କପାଟି ଏନି କାତା ଝେସ୍ତାତିହ୍ ଆହ୍ଆନି □

\* ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

୨୦ ଆମିନି ଗାଗାରି ଦହ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକ୍ ଏଦାଆଁ ମେସାନା ଏଟକାତି ଲକୁ ଆଜିନେରି □

୨୧ ନାନୁ ମାହାପୁରୁ, ନକିତା ଅଡେ କ୍ରାସୁ ଜାସୁ ନକିତା ଅଡେ ମାହାପୁରୁ ଆଡିତି ଦୁତୁୟାଁ ନକିତା ଜାଣେ ହୁକୁମି ହାହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନୁଞ୍ଜି ଆମୁ, ଅଡେ ଆମ୍ବାଆରାଇଁ ପାର୍ଡ଼ା କିଆନା ଇ ବାରେ କାମା କିମୁ □

୨୨ ଦାଗା ଆହାନା କେୟୁ ଇଗାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟ୍‌ଆନି □ ଏଟକା ଲକୁତି ପାପୁତା ଜାହାରାଇଁ ଆଟ୍‌ଆନି □ ନାନୁ ଜାହାରାଇଁ ସୁଦୁ କିହାକଡାମୁ □

୨୩ ନୀ ବାଣ୍ଡି ଆଗଁ ହିଲାଆକି ଅଡେ ନୀ ଆଙ୍ଗାତା ଅଲେ ଅଲେ ରଗା ଆହିମାନାକି ଖାରଇ ଏୟୁ ଗହ୍‌ଆନି ଅଙ୍ଗୁରି ରାସା ଇଚରା ଲାକା ଗହ୍‌ମୁ □

୨୪ ଏଚରଜାଣାତି ପାପୁ ନୀହାଁୟି କିଆ ନଡେଏ, ତଞ୍ଜାଆନେ, ଅଡେ ଏଚରଜାଣାତି ପାପୁ ତାୟୁ ତଞ୍ଜାଆନେ □

୨୫ ଏଲେକିହଁ ଏ ସାତା କାମା ତଲିଏ ତଞ୍ଜାଆନେ, ଅଡେ ଏନା ଏନାୟି ତଞ୍ଜା ଆଏ, ଏଦି ତଗୁନା ତୟାଲି ଆଡେଏ □



୧ ଏମିନି ଲକୁ ହଲିୟାଙ୍ଗା ଜୁଞ୍ଜେଡିତା ହେରଞ୍ଜାନାନେରି, ଏଞ୍ଜାରି ତାମି ସାଞ୍ଜୁକାରିୟାଁଇଁ ନେହଁକଁ ମାନି ବେଟାଆନାରି ଇଞ୍ଜଁ ଅଣ୍‌ପାପେରି, ଏନିକ୍ ମାହାପୁରୁ ଦରୁ ଅଡେ ଜାପିନି ତାଣାଟି ନିନ୍ଦା ଆଏ □

୨ ଅଡେ ଆମିନି ଗାଗାରି ସାଞ୍ଜୁକାରିୟାଁ କ୍ରାସ୍‌ୟାନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ତାୟି ଇଞ୍ଜଁ ଅଣ୍‌ପାନା ହାଣି କିଆପେରି, ସାମା ହାରେକା ଜାଡୁନୁ ତଲେ ଏଞ୍ଜାରି ସେବା କିପାରି, ଇଚିହଁ ଆମିନି ଗାଗାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି

ଅଡେ ମା ଜାଞ୍ଜୁ ନନାରି, ଇ ବାରେ କାତା ଜାପୁହାନା ଶ୍ରେହ୍‌ମୁ □

ମିତି ଜାପୁନାୟି ଅଡେ ସାତା ଦନ

୩ ଆମ୍ବାଆସି ଅର ରଲେତି କାତା ଜାପୁହାନା ମା ପ୍ରବୁ ଜାସୁ କ୍ରାସୁତି ନେହଁ ବଲୁ ଅଡେ ମାହାପୁରୁ ଆଜିନି କାତାତି ଜାପୁନାଣି ଆହ୍‌ଅସି,

୪ ଆତିହଁ ଏଞ୍ଜାସି ଲାଗେଏତି ବଡପଣ ଗାଗାସି, ବୁଦି ହିଲାଆଗାଗାସି, ବାଦିବାଦା, ଅଡେ ଗଡୁହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡୁହା, ରଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲାଆ ଗାଗାରି ଅଡେ ସାତାତି ପିସା ମାନାରି ବିତ୍ତା କାଟଲଏ ବାଦିବାଦା ହନେ, ଇଚିହଁ ମାହାପୁରୁଇଁ ଆଜିନାୟି ଏଦି ଲାବା ବେଟାଆନି ଜିରୁ ଇଞ୍ଜଁ ଏଞ୍ଜାରି ଅଣ୍‌ପିନେରି □

୬ ମାହାପୁରୁଇଁ ଆଜାନା, ନୀତିନାୟି ନେହେଁ ଆଡିସାରେ ସାତେଏ ଏଦି ଲାବାଗାଗାୟି;

୭ ଏନାଆଁତାକି ଇଚିହଁ ମାର ଦାର୍‌ତିତା ଏନାଆଁ ତାଟା ହିଲାଆୟି, ଅଡେ ଇ ଦାର୍‌ତିଟି ଏନାଆଁ ଅହାଲି ଆଡାଆୟି;

୮ ଇଦାଆଁତାକି ବାଣ୍ଡିତି କାଦି ଆଙ୍ଗା ତାକି ହିମ୍ବରକା ମାଚିହଁ ଇଚେକେଏ ସାରି □

୯ ସାମା ଆମ୍ବାଆରି ଗାଡି ବାଡକାଲି ଅଣ୍‌ପିନେରି, ଏଞ୍ଜାରି ତାୟିପାରି କିନି ତାଣା ଅଡେ ପାନ୍ଦାତା ହେରଞ୍ଜାନା, ଅଡେ ବୁଦି ହିଲାଆଗାଟି ନାସାକିନି ଅଣ୍‌ପୁତି ପାନ୍ଦାତା ହେରନେରି, ଇ ବାରେ ମାଣ୍‌ସିଇଁ ବୁଡ଼ି ଆନିଞ୍ଜାକି ଅଡେ ନାସା ଆନିଞ୍ଜାକି ଅନେ □

୧୦ ଏନାଆଁତାକି ଇଚିହଁ ଦନତି ଜୁପକା ବାରେ ଲାଗେଏତି ମୁଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା

ଦୁକ୍ଷୁତଲେ ତାମି ହିୟାତା ଦୁକ୍ଷୁ  
କିହାମାନେରି □

ପାଞ୍ଚୁଲତି ରାପ୍ତନି କାତା

୧୧ ସାମା ଏ ତିମତି ନୀନୁ ର ମାହାପୁରୁ  
ଲକ୍ଷ୍ମି, ନୀନୁ ଇ ବାରେ ତାଣାଟି ହେକ  
ଆହାନା ଦାର୍ମ୍ବ ଗାଟାଟି, ମାହାପୁରୁଙ୍କ  
ଆଜିନାୟି, ନାମିନାୟି, ଜୀଞ୍ଜୁନନାୟି,  
ସାସା, ଅର୍ହନାୟି, ଇ ବାରେ ନେହ  
ଗୁଣ୍ଡିତା ତାକାମୁ □

୧୨ ନାମୁତି ନେହ ଜୁଜୁତା ଜୀଞ୍ଜୁ  
ତୁସାନା ଜୁଜୁ କିମ୍ପୁ, କାଳାକାଳାଟି ଜୀଞ୍ଜୁ  
ଆସାନା ଇଟାମୁ; ଏଦାଆଁତାକି ନୀନୁ  
ହାଟକି ଆହାମାଞ୍ଜି ଅଡେ ହାରେକା  
ସାକିୟା ନକିତା ନେହ ସାକି  
ହାହାମାଞ୍ଜି □

୧୩ \*ବାରେତି ଜୀଞ୍ଜୁହାନି ମାହାପୁରୁ  
ନକିତା, ଅଡେ ପକ୍ତିୟ ପିଲାତ ନକିତା  
ନେହ ସାକି ହାନି କ୍ରୀସ୍ତ ଜୀସୁ ନକିତା  
ନାନୁ ନିଜେ ହୁକୁମି ହାହିମାଞ୍ଜାଇ,

୧୪ ନୀନୁ ମା ପ୍ରବୁ ଜୀସୁ କ୍ରୀସ୍ତତି  
ଞ୍ଜାନ୍ତି ଦିନା ପାତେକା ଦାର୍ମ୍ବୁତି ମୋରା  
ମାନୁଞ୍ଜି ଆହାନା ଏନି ପାପୁ ଅଡେ ନିନ୍ଦା  
ହିଲାଆଗାଟାଟି ଆହାଁ ତୁୟାମୁ □

୧୫ ଏଞ୍ଜାସି ହାରେକା ନେହାସି,  
ରଥସିଏ ବାରେକିହାଁ କାଜା ସାଲୁଞ୍ଜି  
କିନାସି, ଏଞ୍ଜାସିଏ ରାଜା କିହାଁ ରାଜା  
ଅଡେ ପ୍ରବୁ କିହାଁ ପ୍ରବୁ,

୧୬ ଏଞ୍ଜାସିଏ ରଥସି ହାଆଗାଟାସି  
ଅଡେ ମେସାଲି ଆଡାଆଗାଟି  
ଉଜେଡିତା ମାନେସି, ଏଚେଲାଞ୍ଜା  
ଏଞ୍ଜାଣାଇ ଆମ୍ବାଆସି ମେସାହିଲଅସି  
କି ମେସାଲି ଆଡଅସି, ଏଞ୍ଜାସି  
ତୀରିକିତି ଦିନାତା ଏଦାଆଁ ତହୁନେସି;  
କାଳାକାଳାତାକି ତାନି ସାମୁ ମି ଅଡେ  
କାଜାପାଣା ତଞ୍ଜା ଆପେ □ ଆମେନ୍ □

୧୭ ଆମିନି ଗାଟାରି ଇ ଜୁଗୁତା  
ବାଡକିତାରି, ଏଞ୍ଜାରି ଏନିକ ଆଜାରା  
ଆଅରି ଅଡେ କାଟଲଏ ତୁୟାଆ ଦନ  
ଲାକ ବାର୍ସୁ ଇଟଅରି, ସାମା ଆମିନି  
ମାହାପୁରୁ ଏ ବାରେ ଲେମ୍ବାଲି ତାକି

ମାଲେ ଲଡାମାନାଣି ହିୟାନେସି,  
ଏଞ୍ଜାଣି ତାଣା ବାର୍ସୁ ଇଟିନେରି,

୧୮ ଅଡେ ଏଟକା ଲକ୍ଷ୍ମିତି ସାୟେମି  
କିହାନା ନେହ କାମା ତଲେ ବାଡକୁ  
ଗାଟାରି ଆନେରି ଅଡେ କେୟୁ  
ଦେତାନା ଅଡେ ରାହାଁଟି ଦାନା ହାହାଲି  
ଅଣ୍ପିନେରି, ଏଦାଆଁତାକି ଏଞ୍ଜାରାଇ  
ହୁକୁମି ହାମୁ;

୧୯ ଇଲେ କିତିସାରେ ଏଞ୍ଜାରି ତାମି  
ଞ୍ଜାହିମାନି ଜୀଞ୍ଜୁତାକି ନେହ ପୁନାଦି  
କିହାମାନେରି, ଏନିକ ଏଞ୍ଜାରି ସାତା  
ଜୀଞ୍ଜୁ ବେଟାଆନେରି □

୨୦ ଏ ତିମତି, ନିଲେ ଏନା ଏନାୟି  
ହୀପକି ଆହାମାଞ୍ଜାନେ, ଏଦାଆଁ ଜାଡନୁ  
କିହାଁ ଇଟାମୁ; ଉଜେଏତି କାତାୟା  
ଅଡେ ସାତା କାତାଟି ବୁଦିତାଣି ବାସ  
ଆନାରି ତାଣାଟି ହେକ ଆମୁ;

୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା  
ମାନୁଞ୍ଜି ଆଆନା ନାମୁତି ଜିରୁ ବାଣା  
ଆହାମାନେରି □ କାର୍ମାମେହନାୟି ନୀ  
ତଲେ ମାଣ୍ଡେ □

# ତୀର୍ଥାତ୍ମକ ନିକଟକୁ ପାଞ୍ଚଲକ ବ୍ରୀତ୍ୟ ପତ୍ର ତିମତି ତାଣା ପାଞ୍ଚଲ ରାଚାମାନି ରୀ ଲମ୍ବର ଆକୁ ମୁକୁ ହାଡ଼ା

୨ତମ ଆକୁ ପାଞ୍ଚଲ ତାଣାଟି ତାନି ସୀସୁ ତିମତି ତାଣା ରାଚାମାନି ଆକୁ  
 □ ତିମତି ରୀ ଲମ୍ବର ଆକୁ ପାଞ୍ଚଲତି  
 ବାରେତି କିହାଁ ତାୟୁ ରାଚିତି ଆକୁ □  
 ଇଦି ପାଞ୍ଚଲତି ଜୀସୁ ରାନ୍ତି ବେଲ୍ଲତା  
 ରାସ୍ତି ଆହାମାଣ୍ଡିନେ □ ଏତିବେଲ୍ଲତା  
 ଏଞ୍ଜାସି ରମ୍ ଗାଡ଼ାତି କାୟିଦି ଇଲ୍ଲୁତା  
 ମାରେସି ୧:୧୭ ପାଞ୍ଚଲ ତିମତି  
 ତଲେ ହାରେକା ଜାଚୁ ମାତେ, ଅଡ଼େ  
 ବାରେବେଲ୍ଲ ଏଞ୍ଜାଣାଲ୍ ମୀରୁଏଣା  
 ଲେହେଁ ରାଚିମାନେସି ପିଲିପି ୨:୨୨;  
 ୧ତମ ୧:୨; ୧:୧୮ □

ଇଦି ପାଞ୍ଚଲ ରାଚାମାନି ସାରିଗଟା  
 ଆକୁ ବିତ୍ରାତି କୁଲମିତି ପିସାନା ର  
 ମାଣସିକି ରାଚିମାନେସି □ ଅଡ଼େ  
 ଏଟକାତି ତାନିଗଟା ଆକୁ ତିମତି  
 ମୁକୁ ଆକୁ, ତିତସ, ଅଡ଼େ ପିଲିମନ  
 □ ତିମତି ରୀ ଲମ୍ବର ଆକୁ ରାଚିତି  
 ବେଲ୍ଲତା ରମ୍ ଗାଡ଼ାତା ସାଲ୍ଡି କିନାରି  
 ହାରେକା ସାସି ହାହିମାଚେରି □  
 ଇଲେତି ସାସି ଆହିମାଚାକି ପାଞ୍ଚଲ  
 କାୟିଦିତା ତୁୟାମାଚେସି □ ମୁକୁତି  
 ଆକୁ ଲେହେଁ ପାଞ୍ଚଲ ତିମତିଲ୍ ମିତି  
 ଜାପୁନାରି ତାଣାଟି ଜାଗ୍ରାତା ଆହାଲି  
 ଝେସିମାନେସି □ ୧ତମ ୧:୧୭-୧୮  
 ପାଞ୍ଚଲ ତିମତିଲ୍ ଏଲେଇଞ୍ଜି ମାନେସି  
 ତାୟୁ ହାରେକା କସ୍ତି ଦିନା ମାନେ  
 ୩:୧ □

### ପତିତା ମାନାୟି

୧ ପାଞ୍ଚଲ ତିମତିଲ୍ ଜହରା କିହାନା  
 ମାଟୁନାୟି ଅଡ଼େ ଏଞ୍ଜାଣାଲ୍ ସାସା

- ହୀନାୟି □ ୧:୧-୧୮
- ୨ ପାଞ୍ଚଲ ତିମତିଲ୍ କସ୍ତି ଅରହାଲି  
 ସାସା ହାହିମାନେସି □ ୨:୧-୧୩
- ୩ ତିମତିଲ୍ ଏଚେକା କାତା  
 ଝେହ୍ନାୟି □ ୨:୧୪-୨୭
- ୪ ରାନ୍ତି ଦିନାତା ଗଟଞ୍ଜି ଆନାଆଁ  
 ଅଡ଼େ ସାତା ଜିରୁ ବାଚି କିହାଲି  
 ଜାଗ୍ରାତା କିନାୟି □ ୩:୧-୪:୮
- ୫ ପାଞ୍ଚଲ ତିମତିଲ୍ ଏଚେକା ଅଣ୍ଡପୁତି  
 କାତା ଝେସାନା ଆକୁତି ରାପୁନାୟି  
 □ ୪:୯-୨୨

୧ ନାନୁ ପାଞ୍ଚଲ, କ୍ରୀସ୍ତ ଜୀସୁ ତାଣା  
 ମାନି ଜୀସୁତି ଆଞ୍ଜାମାନି ଲେହେଁ,  
 ମାହାପୁରୁ ଅଣ୍ଡପୁ ତଲେ କ୍ରୀସ୍ତ ଜୀସୁତି  
 ର ପାଣ୍ଡୁଞ୍ଜି ଆହାମାନାଚେସି □  
 ୨ \*ତିମତି, ନା ଜୀସୁତି ମୀରୁଏଣାତି  
 ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି  
 କାର୍ମାମେହ୍ନାୟି ଅଡ଼େ ହିଡ଼ି ଜୀସୁ  
 ନିଙ୍ଗେତାକି ଆୟାପେ □

ମାହାପୁରୁଲ୍ ଜହରା ଅଡ଼େ ବାସୁଁ  
 ହୀନାୟି

୩ ମା ତଲିତି ଆକୁ ଆବାୟାଁ ଲେହେଁ  
 ନାନୁ ସୁଦୁ ଅଣ୍ଡପୁ ତଲେ ମାହାପୁରୁଲ୍  
 ସେବା କିହିମାଲ୍, ନାନୁ ଏ ମାହାପୁରୁ  
 ତାଣା ଲାଆଁ ମାଦେନା ପ୍ରାତାନାତା ନୀ  
 ଦରୁ ରାଚାହାଁ ମାହାପୁରୁଲ୍ ଜହରା  
 କିହିମାଲ୍;

୪ ଏନିକ୍ ନା ରାହାଁ ଗାତିଆନେ,  
 ଇଦାଆଁତାକି ନୀ କାଣ୍ଡୁ ଅଣ୍ଡପାନା  
 ନିଙ୍ଗେ ମେସାଲି ତାକି ହାରେକା ମନ  
 କିହିମାଲ୍;

୫ \*ଇତିହ୍ ଆମିନି କୁଚୁ  
 ହିଲାଆଗାଟି ନାମୁ, ମୀ ବାୟି ଲୟି  
 ଅଡ଼େ ମୀ ଇୟା ଇଞ୍ଜୁନିକି ତାଣା ମାଚେ,  
 ଅଡ଼େ ନୀ ତାଣା ଜିକେଏ ମାନେ  
 ଇଞ୍ଜିହ୍ ନା ହାରେକା ନାମୁ, ନୀ  
 କୁଚୁ ହିଲାଆ ନାମୁତି କାତା ନାନୁ କାଚୁ  
 ବେଟାଆହାମାଲ୍ □

୬ ନାନୁ ନୀ ଲାକ କେୟୁ ଇଟାତି  
 ବେଲ୍ଲତା ନାନୁ ମାହାପୁରୁ ତାଣାଟି

\* ୧:୨ ୧:୨ କାମା ୧୭:୧    \* ୧:୫ ୧:୫ କାମା ୧୭:୧



ଆମିନି ବର ବେଗାଆଡ଼ି ଏଦାଆଁ ଜାତୁନୁ  
କିହାଁ ଇଗାଲି ନାନୁ ନିଜେ ଅଣ୍ଠି  
କହିମାଞ୍ଜାଇଁ □

୭ ଇତିହଂ ମାହାପୁରୁ ମାଙ୍ଗେ ଆଜିନି  
ଜୀଝୁ ହାହାମାଞ୍ଜଅସି, ସାମା ବାଡ଼ୁୟୁ,  
ଜୀଝୁ ନନାଣି, ଅଡ଼େ ନେହଂ ଅଣ୍ଠି  
କିନି ଜୀଝୁ ହାହାମାଞ୍ଜାନେସି □

୮ ଏଦାଆଁତାକି ମାର ପ୍ରବୁତି କାତାତା  
ସାକି ହାହାଲି ଅଡ଼େ ନାନୁ ପ୍ରବୁ ତାକି  
କାୟିଦି ଇଲୁତା ଦସ୍ପି ଆହାମାଙ୍ଗ, ନା  
ତାକି ଲାଜା ଆଆନି, ସାମା ମାହାପୁରୁ  
ହାହାମାଞ୍ଜାନି ବାଡ଼ୁୟୁ ତଲେ ନେହଂ  
କାରୁ ଝେକହାଲି ବେଗାଆହାମାନି  
କସ୍ପତି ଅରହାମୁ □

୯ ଏଞ୍ଜାସି ମାଙ୍ଗେ ଗେଲ୍‌ପା  
ମାଞ୍ଜାନେସି, ଅଡ଼େ ନା ନେହଂ  
ଲକୁଡେରି ଇଞ୍ଜିହଂ ହାଡ଼ାମାଞ୍ଜାନେସି;  
ଅଡ଼େ ମା କିହାମାନି କାମା ଲେହେ  
କିହାଁ ମାଞ୍ଜଅସି, ସାମା ତାନି ଅଣ୍ଠି  
ତଲେ ତାନୁ କାର୍ମା ମେସ୍ତାନି ଲେହେ  
କିହାଁ ମାଞ୍ଜାନେସି; ଏ କାର୍ମା ତଲି କାଲ୍ଲା  
ନକେଏ କ୍ରୀସ୍ତ ଜୀସ୍ତ ତାଣାଟି ମାଙ୍ଗେ  
ହାଞ୍ଜି ଆହାମାଟେ,

୧୦ ସାମା ନୀର୍ବ ମା ଗେଲ୍‌ପାନି  
କ୍ରୀସ୍ତ ଜୀସ୍ତ ଦାରଡିତା ଝାହାମାନାକି  
ମାଙ୍ଗେ ତସାମାଞ୍ଜାନେସି; ଏଞ୍ଜାସି ହାକିତି  
ମେଲ୍‌ହା ମାନେସି; ଅଡ଼େ ତାନି ନେହଂ  
କାରୁତଲେ ଜୀଝୁ ଅଡ଼େ ହାଆଗାଟାଣି  
ଉଜେଡ଼ିତା ତସାମାନେସି □

୧୧ \*ଇ ନେହଂ କାରୁ ଝେକହାନା  
ତେଲ୍‌ହିକିହାଲି ମାହାପୁରୁ ନାଙ୍ଗେ ର  
ପାଣ୍ଡୁଆଡ଼ି ସୀସୁ ଇଞ୍ଜା ଜାପ୍‌ନାସି  
ଲେହେ ହେରପା ମାଞ୍ଜାନେସି □

୧୨ ଏଦାଆଁତାକି ନାନୁ ଇ ବାରେ  
ଦୁକୁ ବେଗା ଆହିମାଙ୍ଗ; ଆଡ଼ିଜିକେଏ  
ନାନୁ ଆଜା ହିଲଅଁ, ଇତିହଂ ନାନୁ  
ଆମ୍ବାଆରି ତାଣା ନାମାମାଙ୍ଗ, ଏଞ୍ଜାଣାଙ୍ଗ  
ପୁଞ୍ଜାମାଙ୍ଗ, ଅଡ଼େ ନାନୁ ତାନି କେୟୁତା  
ଏନାଆଁ ହେରପାମାଙ୍ଗ, ବିଚାରା ଦିନା  
ଝାନି ପାତେକା ଏଦାଆଁ ଏଞ୍ଜାସି ଜାତୁନୁ

ତଲେ ଇଗାଲି ଆଡ଼ିମାନେସି, ଇଦାଆଁ  
ନାନୁ ତୀରପୁତଲେ ନାମିମାଙ୍ଗ □

୧୩ ନା ତାଣାଟି ଆମିନି ନେହଂ  
ବଲୁ ଝେଞ୍ଜାମାଞ୍ଜି, କ୍ରୀସ୍ତ ଜୀସ୍ତ ତାଣାଟି  
ନାନୁ ଇଞ୍ଜା ଜୀଝୁ ନନାଣି ଏଦାଆଁ  
ନେହଂ କଂ ଆସା ମାନାମୁ □

୧୪ ଆମିନି ନେହଂ କାତାତି  
ଦାୟିପତି ନିଜେ ହୀପ୍‌କି ଆହାମାଞ୍ଜାନେ,  
ମା ତାଣା ବାସା କିହାମାନି ସୁଦୁଜୀଝୁତି  
ବାଡ଼ୁୟୁ ତଲେ ଏ ବାରେଡି ଜାତୁନୁ କିହା  
ଇଗାମୁ □

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ  
ହର୍ମଗେନା ତଲେ ଆସିୟତି ବାରେ  
ଲକୁ ନାଙ୍ଗେ ପିସା ମାଞ୍ଜାନେରି □

୧୬ ଅନିସିପର କୁଟମିତି ପ୍ରବୁ କାର୍ମା  
ମେସ୍‌ପେସି, ଏନାଆଁତାକି ଇତିହଂ  
ଏଞ୍ଜାରି ଅଲେ ଅଲେ ଝାହାନା ନା  
ଦୁକୁ ତୁକହାଡେରି, ଇତିହଂ ନାନୁ  
କାୟିଦି ଇଲୁତା ମାତିହଂ ଜିକେଏ  
ଲାଜା ଆହାହଲଅରି,

୧୭ ରମ୍ ଗାଡ଼ାତା ଏଜାଲିଏ ଏଞ୍ଜାସି  
ନାଙ୍ଗେ ପାରାନା ନା ତାଣା ଝାଡେସି,

୧୮ ରାନ୍ଦି ଦିନାତା ଏନିକଂ ମାହାପୁରୁ  
ତାଣାଟି କାର୍ମା ବେଗାଆନେସି,  
ଏଲେକଂ ମାହାପୁରୁ ଏଞ୍ଜାଣାକି କାର୍ମା  
ଆପେସି, ଅଡ଼େ ଏଞ୍ଜାସି ଏପିସିୟ  
ଗାଡ଼ାତା ନାଙ୍ଗେ ଏନିକଂ ସେବା  
କିହାମାଞ୍ଜାନେସି, ଏଦାଆଁ ନାନୁ  
ନେହଂ କଂ ପୁଞ୍ଜାମାଞ୍ଜି □

୨

କ୍ରୀସ୍ତ ଜୀସ୍ତୁତି ନେହଂ ଜୁଜୁ କିନାସି  
୯ ଏଦାଆଁତାକି ଏ ନା ଜୀଝୁତି  
ମୀରଏଣାଟି, କ୍ରୀସ୍ତ ଜୀସ୍ତୁତଲେ  
ଆଣ୍ଡିତାକି ତାନି କାର୍ମାମେହ୍‌ନି ତାଣାଟି  
ଆମିନି ବାଡ଼ୁୟୁ ମେଡ଼ା ଆନେ ଏମ୍ବାଆଁ  
ନାନୁ ବାଡ଼ୁୟୁ ଗାଟାଟି ଆମୁ,

୧୦ ଅଡ଼େ ହାରେକା ସାକିୟାଁ ନକିତା  
ଆମିନି ବାରେ କାତା ନା ତାଣାଟି  
ନାନୁ ଝେଞ୍ଜାମାଞ୍ଜି, ଅଡ଼େ ଏମିନିଗାଟାରି  
ଏଟକା ଲକୁଣି ଜିକେଏ ଜାପ୍‌ହାଲି

\* ୧:୧୧ ୧:୧୧ ୧ତମ ୨:୭

ଆଡ଼ିନାରି, ଏଲେତି ନାମୁଗାଟି ଲକ୍ଷ୍ମ  
ନକିତା ଇ ବାରେ ହେରପାମୁ □

୩ ନାନୁ କ୍ରୀସ୍ତ ଜୀସୁତି ର ନେହ  
ଜୁଜୁ କିନାତି ଲେହେଁ ଏଞ୍ଜାଣି ତାକି କସ୍ତ  
ଅରହାମୁ □

୪ ଆମ୍ବାଆସି ଜୁଜୁକିନି କାମାତା  
ମାଞ୍ଜାନା, ଦାରତିତି ଏଟୁକା କାମାତା  
ହେରପି ଆଅସି, ଏନିକ ଏଞ୍ଜାସି ତାନି  
ମୁହେଁତି କାଜାଣାଇଁ ରାହାଁ କିନେସି □

୫ ଅଡେ ଆମ୍ବାଆସି କାହୁ ତାକି  
ବାଦହାରା ଆନେସି, ଏଞ୍ଜାସି ମେରା  
ତଲେ କାହାଆସାରେ ଜୀଣା ଆଅସି □

୬ ଆମିନି ତାସା କାମାକିନାସି ଖାହୁ  
ତଲେ କିନାସି, ଏଞ୍ଜାସି କାମାତି ମୁଲୁତି  
ବାଗା ବେଟାଆନାୟି ମାନେ □

୭ ନାନୁ ଏନାଆଁ ଖେସିମାଞ୍ଜାଇଁ,  
ଏଦାଆଁ ଅଣ୍ପାମୁ; ଇତିହ ଏପୁ ନିଜେ  
ବାରେ ପୁଞ୍ଜାଲି ବୁଦି ହିୟାନେସି □

୮ ନା ତାଣାଟି ଖେସପିଆହାମାନି  
ନେହ କାହୁ ଲେହେଁ ହାଡାରି ତାଣାଟି  
ନିଜିତାଣି ଅଡେ ଦାଞ୍ଜୁଦ କୃତାତା ଜାର୍ନା  
ଆହାମାନି ଜୀସୁ କ୍ରୀସ୍ତାଇଁ ଅଣ୍ପାମୁ □

୯ ଇ ନେହ କାହୁତାକି ନାନୁ  
ଦହଗାଟି ଲକ୍ଷ୍ମ ଲେହେଁ କାୟିଦି ଇଲୁତା  
ଦସ୍ପିଆନି ପାତେକା କସ୍ତ ବେଟା  
ଆହୁମାଇଁ; ସାମା ମାହାପୁରୁତି ବଲୁ  
ଦସ୍ପି ଆହା ହିଲେଏ □

୧୦ ଇଦାଆଁତାକି ମାହାପୁରୁ ଆଡାମାନି  
ଲକ୍ଷ୍ମ ଜିକେଏ ଏନିକ କାଲ୍ଲକାଲ୍ଲାତି  
ଗାଞ୍ଜୁରମି ତଲେ କ୍ରୀସ୍ତ ଜୀସୁ ହାହାମାନି  
ଗେଲ୍ପି ଆନାଣି ବେଟାଆନେରି,  
ଏଦାଆଁତାକି ନାନୁ ଏଞ୍ଜାରି ତାକି ଇ  
ବାରେ ସାସାତଲେ କସ୍ତ ଅରହୁମାଇଁ □

୧୧ ଇ କାତା ସାତା  
“ମାର କ୍ରୀସ୍ତ ତଲେ ହାହାମାନାୟି,  
ଅଡେ ଏଞ୍ଜାଣିତଲେ ଜିକେଏ  
ନୀତିନାୟି;

୧୨ ଅଡେ ମାର ସାସାଆସାଁ କସ୍ତ  
ଅରହୁନାୟି,

ଆତିହ ଏଞ୍ଜାଣିତଲେ ଜିକେଏ  
ସାଲ୍ଲି କିନାୟି;

ମାର ଏଞ୍ଜାଣାଇଁ ପୁଞ୍ଜାହିଲଅମି ଇନାୟି,

ଆତିହ ଏଞ୍ଜାସି ଜିକେଏ ମାଜେ  
ପୁଞ୍ଜାହିଲଅଁ ଇଞ୍ଜାନେସି;

୧୩ ଏଡେତା ମାର ନାମାଆ ଗାଟାତାୟି  
ଆନାୟି,  
ଆତିଜିକେଏ ଏଞ୍ଜାସି ବାରେବେଲା  
ଟିକାଣାତାସି,  
ଇତିହ ଏଞ୍ଜାସି ଜାହାରାଇଁ ଆଏ  
ଇଞ୍ଜାଲି ଆଡଅସି □”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାରାଇଁ ଇ  
ବାରେ କାତା ମାହାପୁରୁଇଁ ଅଣ୍ପି କିମୁ,  
ସାସ୍ପେରିତି କାତା ଉଜେଏ ବାଦିବାଦା  
ଆନି ତାଣାଟି ଜାଗ୍ରାତା କିମୁ, ଇଲେତି  
ବାଦିବାଦା ଆମ୍ବାଆରାଇଁ ନେହ କିଏ,  
ସାମା ଆମ୍ବାଆରି ଏମ୍ବାଆଁ ମନ ହାନେରି  
ଏଞ୍ଜାରି ନାସା ଆନେରି □

୧୫ ସାତା ବଲୁ ଟିକାଣା ତଲେ  
ଲେମ୍ବାନା, ଆମିନି କାମାକିନାସି  
କାମାତା ଏନିକ ଲାଜା ଆଅସି,  
ଏଞ୍ଜାଣିଲେହେଁ ମାହାପୁରୁ ନକିତା  
ଜାହାରାଇଁ ତାୟିପାରିତା ଜୀଣା  
ଆହାମାନି ଲେହେଁ ତସାଲି ଜାଡୁନୁ କିମୁ  
□

୧୬ ସାମା ଲାଗେଏତି ଉଜେଏତି  
କାତାୟି ବାସ୍ତ ଆନି ତାଣାଟି ହେକ  
ଡୟାଦୁ; ଇତିହ ଆମ୍ବାଆରି ଏଲେତି  
କାମା କିନେରି, ଏଞ୍ଜାରି ଲାଗେଏତି  
କାମାତା ହାଡେକା ପାତା ଆନେରି,

୧୭ ଅଡେ ଏଞ୍ଜାରି କାତା ସୀରୁନି ଗାହାଁ  
ଲେହେଁତାୟି; ଏଞ୍ଜାରି ବିତାଟି ହୁମନାୟ,  
ଅଡେ ପିଲିତ, ଇ ରିଆରି ମାନେରି □

୧୮ ଏଞ୍ଜାରି ହାହାନା ଖେଣ୍ଡେ  
ନିଜିତାୟିଏ ଇଞ୍ଜା ସାତାତି  
ପିସାମାନେରି, ଅଡେ ଏତରଜାଣାତି  
ତାମି ନାମୁତି ତୀରି ମୁପୁହି ମାନେରି □

୧୯ ଆତିଜିକେଏ, ମାହାପୁରୁ କେପିତି  
ପୁନାଦି ଆଟ୍ଟା ଆହାନା ଡୟାମାନେ,  
ଅଡେ ଏ ଖାଲିତା ଇ ବୁରୁ ମୁଦ୍ରା  
ଆହାମାନେ, “ପୁରୁ ତାନି ଲକ୍ଷ୍ମଣି  
ପୁଞ୍ଜାମାନେସି” ଅଡେ, “ଆମ୍ବାଆସି  
ପୁରୁତି ଦରୁ ଆହନାସି, ଏଞ୍ଜାସି ଲାଗେଏ  
ତାଣାଟି ହେକ ମାଣ୍ଡେସି □”

୨୦ ର କାଜା ଇଜ ଖାରଇ ବାଂଗାରା  
 ଖେଣ୍ଡିତି ତ:କା ମାଣ୍ଡି ମାନୁ, ଏତେକା  
 ଆଏ, ଅଡ଼େ ମାରକା ଇଞ୍ଜା ଇରଥାତି  
 ତ:କା ମାଣ୍ଡି ଜିକେଏ ମାନୁ; କଚେକା  
 ତ:କା ମାଣ୍ଡି କାଜା କାଜା କାମାତାକି  
 ମାନୁ, ଅଡ଼େ କଚେକା ଉଜେଏ ଦିନା  
 ଲେମ୍ବାଲି ତାକି ମାନୁ □

୨୧ ଇଦାଆଁତାକି ଆମ୍ବାଆସି ଏ ବାରେ  
 ତାଣ୍ଡାଟି ଜାହାରାଇଁ ଅଡ଼ହା କଡ଼ିନେସି,  
 ଏଞ୍ଜାସି ହେରସି ଆହାନା, ସାଞ୍ଜୁକାରି  
 କାମାତା ପାଡ଼ାଆନେସି, ଏଞ୍ଜାସି ବାରେ  
 ନେହଁ କାମାତାକି ଆଡ଼ା ଇଟାମାନି  
 ମାନ୍ଦିଗାଟି ତ:କା ମାଣ୍ଡି ଲେହେଁ ଆନେସି  
 □

୨୨ ସାମା ନାନୁ ଦାଂଗଣା ବେଲା  
 ଲାଗେଏଡ଼ି ଜୁପକାଟି ହେକ ଆମ୍ବୁ,  
 ଆମ୍ବାଆରି ସୁଦୁ ହିୟାଁ ତଲେ ପ୍ରବୁ ତାଣ୍ଡା  
 ପ୍ରାଡ଼ାନା କିନେରି, ଏଞ୍ଜାରିତଲେ ଦାମ୍ବୁ,  
 ନାମ୍ବୁ, ଜୀଞ୍ଜୁ ନନାଣି, ଅଡ଼େ ହିଡ଼ଡ଼ି ଜୀଞ୍ଜୁ  
 ଜେଡ଼ ହାଲାମ୍ବୁ □

୨୩ ବୁଦି ହିଲାଆ ମୁକୁଁ ଗାଟାରି  
 ବାଦିବାଦା ଗଡ଼ହା କିନେ, ଇଦାଆଁ  
 ପୁଞ୍ଜାନା ଏ ବାରେ ତାଣ୍ଡାଟି ହେକ ଆମ୍ବୁ  
 □

୨୪ ମାହାପୁରୁତି ହଲେଏସି ଗଡ଼ହା  
 କିନାୟି ନେହେଁ ଆଏ, ସାମା  
 ବାରେଜାଣାଟି ହିଡ଼ଡ଼ି ହାଡ଼ା ଜାପନାସି,  
 ଅଡ଼େ ଅରହିନାସି ଇଞ୍ଜା ମା କପାଟି  
 ନିଜ୍ଜାନି ଲକୁଣି ହିଡ଼ଡ଼ି ହାଡ଼ାତଲେ  
 ଜାପନାସି ଆନାୟି ମାନେ,

୨୫ ଅଡ଼େ ଗଡ଼ହା ଗାଟାରାଇଁ ସୁଦୁ  
 ସୁଞ୍ଜାଲା ତଲେ ଲେମ୍ବିନାସି ଆନାୟି  
 ମାନେ, ଆତିହଁ ଏଞ୍ଜାରି ସାତାତି ବୁଦି  
 ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ  
 ଖେବନି ଅଣପୁ ହାନେସି,

୨୬ ଅଡ଼େ, ଆମିନି ସୟତାନ  
 ଏଞ୍ଜାରାଇଁ ତାନି ଅଣପୁ ତଲେ କିହାଲି  
 ଦସ୍‌ପାମାନେ, ଏମ୍ବାଟି ଏଞ୍ଜାରି ସେଡ଼ନା  
 ଆହାନା ଏ ପାନ୍ଦାଟି ଗେଲ୍‌ପି ଆନେରି  
 □

**୩**

ରାନ୍ଦି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ଦି  
 ଦିନାତା ନାସା ଆନ୍ଦି ଦିନା ଖାନେ;

୨ ଇତିହଁ ଲକୁ ତାମ୍ବୁ ଜାହାରାଇଁ  
 ଅଣପା କଡ଼ିନେରି, ଦନ ଜୁପକା,  
 ଜୀଞ୍ଜୁତା ବଡ଼ପଣ, ଆଙ୍କାରା, ନିନ୍ଦା  
 କିନେରି, ତାଲି ତାଞ୍ଜି କାତା ଆହଅରି,

୩ ରାହାଁ ଆଆଗାଟାରି, ଦାମ୍ବୁ ହିଲାଆ  
 ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁଞ୍ଜି  
 ଆନାୟି ହିଲାଆ ଗାଟାରି, ଲାଗେଏ  
 କାତା ଖେସାନା ଲକୁଣି ନାଡ଼ିକିନାରି,  
 ଦେବୁଣିଏ କପା ଆନାରି, ବାଡ଼ୁଲୁ  
 ତସାନା ଆଜି କିନାରି, ନେହଁ କାତାତି  
 ଅପାଆଗାଟାରି ଆନେରି;

୪ ଅଡ଼େ ଏଞ୍ଜାରି ହୀରୁ ଦାଃଆନାରି,  
 ତାୟୁ ଏସ୍‌କି ଅଣପାଆ ଗାଟାରି,  
 ବଡ଼ପଣ ଗାଟାରି ଆନେରି, ଅଡ଼େ  
 ମାହାପୁରୁ ଜୀଞ୍ଜୁ ନନାରି ଆଆନା  
 ଦାରତିତି ରାହାଁଟି ଜୀଞ୍ଜୁ ନନାରି  
 ଆନେରି;

୫ ଏଞ୍ଜାରି ମାହାପୁରୁତି ଆଜିନି ମେରା  
 ଆହନେରି ସାମା ଏମ୍ବାତି ବାଡ଼ୁଲୁତି  
 ଆସାଲି କୁନେରି; ଇଲେତି ଲକୁ ତାଣ୍ଡାଟି  
 ହେକ ମାନାମ୍ବୁ □

୬ ଇତିହଁ ଇଞ୍ଜାରି ତାଣ୍ଡା ଇଲେତି  
 ଲକୁ ମାନେରି, ଏମିନିଗାଟାରି ଇଲ୍‌କା  
 ତାକି ଇଲ୍‌କା ହଡ଼ିହଁ ପାପୁତି ବଜୁତା  
 ଅଡ଼େ ତାମି ମନତି ଜୁପକା ଗାଟି  
 ଅଣପୁ ତଲେ ତାକିନି ବୁଦି ହିଲାଆଗାଟି  
 ଇୟାସିକାଣି ତାମି ତାଣ୍ଡା ଇଡ଼ିନେରି;

୭ ଇ ଇୟାସିକା କାଚେଏ ଜାପିମାଟି  
 ଜିକେଏ, ଏଚେଲା ସାତାତି ପୁଞ୍ଜାଲି  
 ଆଡ଼ାଉ □

୮ ଏନିକଁ ଜନିସି ଅଡ଼େ  
 ଜାମ୍ବି\_ସ ମସା କପାଟି ନିଜ୍ଜାମାଚେରି,  
 ଏଲେକିହଁ ଏଞ୍ଜାରି ଜିକେଏ ସାତାତି  
 ଆଜିନେରି, ଏଞ୍ଜାରି ତାୟୁଁ ଲାଗେଏ  
 ଆହାମାନେ ଅଡ଼େ ଏଞ୍ଜାରି ଦାମ୍ବୁତି ନାମ୍ବୁ  
 ଉଜେଏ ଆହାମାନେ □

୯ ସାମା ଏଞ୍ଜାରି ଅଡ଼େ ହାଚେକା  
 ଆଗାଡ଼ା ହାଲଅରି; ଇତିହଁ ଏ ରିଆରି  
 ଏଞ୍ଜାରି ବୁଦି ହିଲାଆଗାଟାରି ଇଞ୍ଜୁ  
 ର ଦିନା ବାରେଜାଣା ପୁନେରି, ଜନିସି  
 ଅଡ଼େ ଜାମ୍ବି\_ସ ଜୀଞ୍ଜୁତା ଏନାୟି ଗଟଞ୍ଜି

ଆହାମାତେ, ଏଞ୍ଜାରି ଜାହୁତା ଏଦିଏ  
ଆନେ □

ରାନ୍ଦିବେଲାତି କାତା

୧୦ ସାମା ନାନୁ ନା ଜାପନାଣି,  
ମାଣକି, ନା ଅଣପୁ, ନା ନାମୁ, କସୁ  
ଅରୁହିନାଣି, ଜାହୁ ନନାଣି, ଅରୁହିନାୟି,

୧୧ \*ସାସ୍ତି ବେଟା ଆଡାଣି, ଦୁକୁ କସୁ  
ବେଟା ଆଡାଣି, ଇ ବାରେ ଆସାମାଞ୍ଜି;  
ଆନ୍ତ୍ରିୟକିୟା, ଇକନିୟା, ଅଡେ ଲୁସ୍ତାତା,  
ନା ତାକି ଏଲେକିହୁଏ ନିନ୍ଦା କସୁ  
ଆହାମାତେ; ଏଦାଆଁ ନାନୁ ଅରୁହା  
ମାବେଏ, ଅଡେ ପ୍ରୁ ନାଜେ ଏ ବାରେଟି  
ଗେଲପା ମାଞ୍ଜାତେସି □

୧୨ ସାତେଏ ଆମିନି ଗାଟାରି  
କ୍ରାସୁ ଜାସୁ ତାଣାଟି ଦାମ୍ବୁ ଜାହୁ  
ନୀତାଲି ଅଣପିନେରି, ଏଞ୍ଜାରି ନିନ୍ଦା  
ବେଟାଆନେରି □

୧୩ ସାମା ଲାଗେଏତି କାମାକିନାରି  
ଅଡେ ନାଡିକିନାରି ନାଡି ଆହାନା  
ହାରେକା ଲାଗେଏତି କାମା କିନେରି  
□

୧୪ ସାମା ନାନୁ ଏନା ଏନାଆଁ  
ଜାପାମାଞ୍ଜି, ଅଡେ ଆମିନି କାତା ବାରେ  
ସାତେଏ ନାମାମାଞ୍ଜି, ଏ ବାରେ ତାଣା  
ତାରିତଲେ ମାନାମୁ, ଇଚିହୁ ନାନୁ  
ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ  
ବାରେ ଜାପାମାଞ୍ଜି;

୧୫ ଅଡେ ଆମିନି ଦାମ୍ବୁ ସାସ୍ତିରି କ୍ରାସୁ  
ଜାସୁ ତାଣା ନାମୁଟି ନିଜେ ଗେଲପିକିନି  
ବୁଦି ହିୟାଲି ଆଡାନେ, ଏଦାଆଁ ନାନୁ  
ଢଣା ଝେଡାଟିଏ ପୁଞ୍ଜାମାଞ୍ଜି □

୧୬ ବାରେ ଦାମ୍ବୁ ସାସ୍ତିରିତା  
ରାସ୍ତି ଆହାମାନି ବାରେ ବଲୁ  
ମାହାପୁରୁ ଜଲିତାୟି, ଅଡେ ଜାପନାୟି,  
ଲାଗିନାୟି, ତାରିକିନାୟି, ଅଡେ  
ଦାମ୍ବୁତା ନୀତାଲି ସାସ୍ତିରି କିନାୟି,

୧୭ ଏନିକି ମାହାପୁରୁତି ଲକୁ  
ତାରିପୁ ଆହାନା ବାରେ ନେହୁ  
କାମାତା ଜଗେ ଗାଟାରି ଆନେରି □

୪

୧ ନାନୁ ମାହାପୁରୁ ନକିତା, ଅଡେ  
ଆମିନି କ୍ରାସୁ ହାଡାରାଇଁ ଇଞ୍ଜା  
ନୀତାମାନାରାଇଁ ନାହାଁୟି କିହାଲି  
ହାଜିମାନେସି, ତାନି ଝେଣ୍ଡେ ଝାନାଣି  
ଅଡେ ରାଜିତି ମାନି କିହାନା ହୁକୁମି  
ହାହିମାଞ୍ଜାଇଁ,

୨ ମାହାପୁରୁ ବଲୁ ଝେକମୁ, ନେହୁ  
ବେଲାତା କି ଲାଗେଏତି ବେଲାତା ବଲୁ  
ଝେକହାଲି ତିୟାରା ଆହା ମାନାମୁ,  
ନାନୁ ବାରେ କସୁ ଅରୁହାନା ଜାପୁହିହୁ  
ଲାଗାମୁ, ଅଡେ ଦାକା ହାହାନା ସାସ୍ତି  
ବାସ୍ତି ହାମୁ □

୩ ଇଚିହୁ ଦିନା ଝାନେ, ଏଚିବେଲା  
ଲକୁ ନେହୁ ଜାପନାଣି ଝେଞ୍ଜାଲି  
ଅପଅରି, ସାମା ତାମି କାର୍କା ତାକି ସୁଦୁ  
ସୁଞ୍ଜାଲା ହାଡା ଝେଞ୍ଜାଲି ମନ ହାନେରି  
ଇଞ୍ଜା କାତା ଜୁପକାତାକି ଲାଗେଏତାଣି  
ଜାପନାରାଇଁ କୁଡି କିନେରି □

୪ ଅଡେ ସାତା କାତାତି  
ଝେଞ୍ଜାଲି କୁହାନା ଅଣପାନା ଝେହନି  
ପୁସ୍ପନିକାଣି ମନ ହାନେରି □

୫ ସାମା ନାନୁ ବାରେ ତାଣା ସେଡନା  
ଆମୁ, କସୁତି ଅରୁହାମୁ, ମାହାପୁରୁତି  
ନେହୁ କାବୁ ଝେକମୁ କାମା ପୁରା କିମୁ  
ଅଡେ ନୀ ସେବା କାମା ରାପମୁ □

୬ ଇଚିହୁ ନୀଏଁ ଜିକେଏ ନା ଜାହୁ  
ଗସାଲି ତାକି ଝାକୁହିମାନି ଲେହେ  
ହେରପି ଆହିମାନେ, ନା ହାନ୍ତି ଦିନା  
ଏଗାଝାତେୟିଏ □

୭ ନାନୁ ନେହୁ ଜୁଜୁତା ଜାହୁ ତୁସାନା  
ଜୁଜୁ କିହିମାଇଁ, ନାଜେତାକି କେପାମାନି  
ପାହେରି ରାଝେତାକି ହଟାମାଇଁ, ନାନୁ  
ନାମୁତି ଜାଣେ ଆସାମାଇଁ;

୮ ନାଜେତାକି ଦାମ୍ବୁଟି ଚପେରି  
ଇଚିକି ଆହାମାନେ, ଏଦାଆଁ ଏ କାଜା  
ନାହାଁୟି ଦିନାତା ନାହାଁୟି କିନି ପ୍ରୁ  
ନାଜେ ହିୟାନେସି, ଝାରଇ ନାଜେ  
ଆଏ, ତାନି ଝେଣ୍ଡା ଝାନାଣି ନେହୁ  
ମନତଲେ କାଟାମାନି ବାରେଜାଣା ତାକି  
ଜାହୁନହାନା ହାନେସି □

\* ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

ତାନି କାତା ଝେହ୍ନାୟି  
୯ ତବେ ନା ତାଣା ଝାହାଲି ଜାଗ୍ରାତା  
ଆମ୍ଭ;

୧୦ \*ଇଚିହ୍ନ ଦିମା ନାଜେ  
ପିସାହାଁ ନୀର୍ବତ୍ତି ଦାର୍ତ୍ତିତି ଜୀହୁନହାଁନା  
ତେସଲନିକିତା ହାଜାମାନେସି,  
କ୍ରେସକେନସ୍ ଗାଲାତିୟାତା ଅଡ଼େ  
ତିତସ ଦଲମତିୟାତା ହାଜାମାନେରି  
□

୧୧ \*ଅଡ଼େ ଲୁକ ରଅସିଏ ନା ତଲେ  
ମାନେସି □ ମାର୍କିଲ୍ ନୀ ତଲେ ତାଚିହ୍ନ  
ଝାମ୍ଭ, ଇଚିହ୍ନ ନା ସେବା କାମାତା  
ସାୟେମି କିୟାନେସି □

୧୨ \*ନାନୁ ତୁକିକଇଁ ଏପିସିୟତା ପାଣ୍ଡା  
ମାଇଁ □

୧୩ \*ତ୍ରୟାତା କାର୍ପ ତାଣା ଆମିନି  
ଉସମି ସକା ପିସା ଝାହାମାଇଁ, ନାନୁ  
ଝାନାଟି ସକା ଅଡ଼େ ପତିୟାଁ ବାରେକିହାଁ  
ତଲୁ ପତିୟାଁ ତାଚିହ୍ନ ଝାମ୍ଭ □

୧୪ \*ପିତାତା ବେବାରାଗାଟି  
ଆଲେକ୍‌ଜାଣ୍ଡାର ନାଜେ ହାରେକା କସ୍ତ  
ହାହାମାଞ୍ଜାନେସି; ପ୍ରଭୁ ଏଝାଣାଇଁ ତାନୁ  
କିତି କାମା ଲେହେଁ ପାଡ଼େୟି ହାନେସି;

୧୫ ନାନୁ ଜିକେଏ ଏଝାଣି ତାଣାଟି  
ଜାଗ୍ରାତା ଆହା ମାନାମ୍ଭ, ଇଚିହ୍ନ  
ଏଝାସି ମାର ଝେକ୍‌ନି କାତା କପାଟି  
ନିଜ୍ଞାନା କାହି କିହିମାଞ୍ଜାତେସି □

୧୬ ତଲି ମୁଲୁ ନାଜେ ନୀହାଁୟି  
କିୟାତାଟି ଆମ୍ଭାଆରି ନା ଝାକିଟି  
ଆଆତେରି, ସାମା ବାରେଜାଣା ନାଜେ  
ପିସାତେରି, ଏଦାଆଁ ମାହାପୁରୁ ଏଝାରି  
କପାଟି ଦହ କିଆପେସି □

୧୭ ସାମା ପ୍ରଭୁ ନା ତଲେ ମାଞ୍ଜାନା  
ନାଜେ ବାଡ଼ୟୁ କିୟାତେସି, ଅଡ଼େ ନାନୁ  
ସିହ୍‌କ୍‌ୱାଠନି ଗୁଡିଟି ଗେଲ୍‌ପିଆଡେର୍ବ,  
ଏନିକ୍ ନା ତାଣାଟି ନେହ୍ନ କାବୁ  
ବାରେ ତାଣା ଝେଜିନେ ଅଡ଼େ  
ଜୀହୁଦିଆଆତି ଲକୁ ବାରେଜାଣା  
ଏଦାଆଁ ଝେଞ୍ଜାଲି ଆଡ଼ିନେରି;

୧୮ ପ୍ରଭୁ ନାଜେ ବାରେ ଲାଗେଏ  
କାମାଟି ଗେଲ୍‌ପାନେସି, ଅଡ଼େ  
ନାଜେ ଗେଲ୍‌ପାନା ତାନି ଲାକପୁରୁ  
ରାଜିତା ଅୟାନେସି; ଏଝାଣି ଗାଝୁରମି  
କାଲ୍‌କାଲ୍‌ ତାକି ଆଡେ! ଆମେନ୍ □

ରାନିବେଲାଟି ଜହରା  
୧୯ \*ପ୍ରିସ୍‌ଲିଆ ଅଡ଼େ ଆକ୍‌ଝିଲା ଇଞ୍ଜା  
ଅନିସିପର ଇଲୁ କୁଟମିକି ନା ଜହରା  
ଝେହ୍ନୁ □

୨୦ \*ଏରାସ୍ତ କରନ୍ତି ଗାତାତା ତୟା  
ମାନେସି, ସାମା ତ୍ରପିମ ଆଡ଼ିହିଲ୍‌ଆକି  
ନାନୁ ଏଝାଣାଇଁ ମିଲିତତା ପିସା ଝାଡ଼େର୍ବ  
□

୨୧ ନାନୁ ପେନିବେଲା ଝାଆ ନକେଏ  
ଝାଡ଼ିହ୍ନ ନେହ୍ନ ଆଡ଼େମା □  
ଇୟୁବୁଲ, ପୁଦେନସ୍, ଲିନ, କ୍ଲାଝୁଦିୟା,  
ଅଡ଼େ ବାରେ କ୍ରୀସ୍ତାନା ତାୟିୟାଁ ନିଜେ  
ଜହରା ଝେସିମାଞ୍ଜାନେରି □

୨୨ ପ୍ରଭୁ ନୀ ଜୀହୁତା ମାଣ୍‌ମେସି,  
ମାହାପୁରୁଟି କାର୍ମାମେହ୍ନାୟି ମୀ  
ବାରେତାକି ଆୟାପେ □

\* ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ \* ୪:୧୧ ୪:୧୧  
କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪  
\* ୪:୧୨ ୪:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮ \* ୪:୧୩ ୪:୧୩ କାମା ୨୦:୭ \* ୪:୧୪  
୪:୧୪ ୧ତିମ ୧:୨୦; ରମି ୨:୬ \* ୪:୧୯ ୪:୧୯ କାମା ୧୮:୨; ୨ତିମ ୧:୧୭,୧୭ \* ୪:୨୦ ୪:୨୦ କାମା  
୧୯:୨୨; ରମି ୧୭:୨୩; କାମା ୨୦:୪; ୨୧:୨୯

# ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସ ତାଣ୍ଡା ପାସ୍କଲ ରାଡ଼ାମାନି ଆକୁ ମୁକୁ ହାଡ଼ା

ପାସ୍କଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର ମାଣସିତି ଝେସିମାନେ, ଏଟକାତି ତାନିଗଟା ଆହିମାନୁ, ତିମତି ମୁକୁ ଆକୁ, ତିମତି ରୀ ଲମ୍ବର ଆକୁ ଅଡ଼େ ପିଲିମନ □ ଈ ଆକୁ କ୍ରୀସ୍ତ ଜାନିଆଡ଼ି ୬୩ ଟିଏ ୬୫ ବିତ୍ରା ରାସ୍ତକି ଆହାମାନେ □

ତିତସ ଏଟକା କୃତାତାସି ଆହାନା କ୍ରୀସ୍ତାନା ଆହାମାତି ର ଦାଂଗ୍‌ଣେଏସି ମାରେସି, ଏଞ୍ଜାସି ମାହାପୁରୁ କାତା ଝେହ୍ନି ପାସ୍କଲ ତଲେତାସି □ କ୍ରିତିତା ମାନି ମାହାପୁରୁ କୁଲମି ସାଲଝି କିହାଲି ପାସ୍କଲ ଏଞ୍ଜାଣାଇଁ ଏମ୍ବାଆଁ ପିସାନା ଈ ଆକୁ ପାଣ୍ଡାନା ତାନିଗଟା ନେହ୍ନି କି ଅଣ୍ଡାପାଲି ରାଡ଼ିମାନେସି □ ର କାତା ଈଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ଡୁ ଗାଟାରି ମାଟାକି ଏନିଲେହେତି ଅଣ୍ଡୁ ଗାଟାରାଇଁ କୁଲମିତି କାଜାରି କିହାନା ଇଟିନାୟି ମାନେ □ ଅର କାତା ଈଦି ବୁଡ଼ହାୟିଲ୍, ବୁଡ଼ହସିକାଣି, ଡାଆସିକାଣି, ଦାଂଗ୍‌ଣାୟିଣି, ହଲିୟାଜାଣି ଏନିକି ଗତି ଗତି କିହାନା ଜାପୁହାଲି ଆନେ □ ତାୟୁତି କାତା ଈଦି କ୍ରୀସ୍ତାନା ଆହାମାନାରି ଏନିକି ନୀତିନାୟି ମାନେ □ ଏଞ୍ଜାରି ଜୀସୁ ନନାରି ଅଡ଼େ ସୁଦୁଗାଟାରି ଆପେରି, ଲାଗେଏତି କାତାୟି ପିସପେରି, ଗଡ଼ହା କିଝି କିହାନା କୁଲମିତି ଗତି ଗତି କିଆପେରି □

### ପତିତା ମାନାୟି

☆ ୧:୪ ୧:୪ ୨କର ୮:୨୩; ଗାଲ ୨:୩; ୨ତିମ ୪:୧୦ ବାହା ଡକ୍ରି

- ୧ କୁଲମିତା ଦାମ୍ବୁଗାଟାରାଇଁ ଆଡ଼ାଲି ଝେହ୍ନାୟି □ ୧:୧-୧୬
- ୨ ଦାମ୍ବୁ ଜୀସୁତଲେ ନୀତାଲି ଅଡ଼େ ଜାପୁହାଲି ଝେହ୍ନାୟି □ ୨:୧-୩:୧୧
- ୩ ତାୟୁତି କାତା ଅଡ଼େ ଜହରା ତଲେ ଆକୁତି ରାପୁନାୟି □ ୩:୧୨-୧୫

୧ ପାସ୍କଲ, ମାହାପୁରୁତି ହଲେଏଣାତେଏଁ ଇଞ୍ଜା ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଝି ଆହାମାନାତେଏଁ □ ମାହାପୁରୁ ଆଡ଼ାମାନି ଲକୁତି ନାମୁ ପାଡ଼ିକିହାଲି ଅଡ଼େ କାଲାକାଲାତି ଜୀସୁ ମେଡ଼ାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଝି ଆହାମାଇଁ □

୨ କାଲାକାଲାତି ଜୀସୁତି ଆସା ହାହାଲିତାକି, ଏନିନି ମାହାପୁରୁ ଆଞ୍ଜାମାରେସି, ଏଞ୍ଜାସି ଏଚେଲା ମିତି ଜଲାଆଗାଟାସି □

୩ ଏ କାଲାକାଲାତି ଜୀସୁ ସାତା ମାହାପୁରୁ, ହାରେକା କାଲା ନକେଏ ଆଞ୍ଜାନା ସମାନା ବେଲାତା ତାନି ବଲୁ ଝେକ୍‌ନି ତାଣ୍ଡାଟି ତସାମାନେସି; ଏ ବଲୁ ଝେକ୍‌ନି ବଲୁ ମା ଗେଲପାନି ମାହାପୁରୁ ହୁକୁମି ତଲେ ନା ତାଣ୍ଡା ହେରପି ଆହାମାଞ୍ଜାନେ □

୪ ନା ସମାନା ନାମିତାସି ଅଡ଼େ ନାମୁତା ନା ଜୀସୁତି ମୀରଏସି ତିତସ ତାଣ୍ଡା ଈ ଆକୁ ରାଡ଼ିମାଇଁ □

ଆଦା ମାହାପୁରୁ ଅଡ଼େ ମାଜେ ଗେଲପାନି କ୍ରୀସ୍ତ ଜୀସୁ ମିଜେ କାର୍ମା ଅଡ଼େ ହିଡ଼ଡ଼ି ହିୟାପେସି □

କ୍ରିତିତା ତିତସ କାମା କିନାୟି  
 \* ନାମୁ ଝେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡ଼େ ବାରେ ଗାଡ଼ାତା ପ୍ରାତିନାଜାଣି କାମା ହେରପାଲି ତାକି ନାମୁ କ୍ରିତିତା ନିଜେ ପିସା ଞ୍ଜାୟାତେଏଁ;

୬ \*ଆମ୍ବାଆସି ଦହ୍ ହିଲାଆଗାଟାସି, ରଣ୍ଡିଏ ଡକ୍ରିନି\* ଡକ୍ରା, ଆମ୍ବାଆରି

☆ ୧:୬ ୧:୬ ୧ତିମ ୩:୨-୭ \* ୧:୬ ୧:୬ ରଣ୍ଡିଏ

ମୀରକା ମାସ୍କା ନାମିତାରି, ଅଡ଼େ ଲାଗେଏ ପଲେଏତି କାମା କିଅରିକି ମାନଝି ଆଆଗାଟି କାମା କିଅରି ଏଞ୍ଜାରାଇଁ ଆଡ଼ାହାଁ ପ୍ରାଚିନା କିମ୍ପୁ

୭ ଇଚିହଁ କାଜାସି, ମାହାପୁରୁତି ଗୁମ୍ପସା ଆହାଁ ଦହ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାର୍ବି ଆନାସି କି କାଡ଼ୁ ଗହନାସି କି ଗଡ଼ହା କିନାସି କି ଦନ ଜୁପକା ଗାଟାସି ଆଆନା,

୮ ଏଞ୍ଜାସି ଗତାୟାଣି ଆକ୍ତା କିନାସି, ଏନାୟି ନେହାୟି ଏଦାଆଁ ଜୀଞ୍ଜୁ ନନାସି, ଜାହାରାଇଁ ଲକନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜା ମେରା ମାନଝି ଆନାସି ଆପେସି

୯ ଅଡ଼େ ଏନିକଁ ଏଞ୍ଜାସି ଲକ୍ତାକି ନେହାଁଣି ଜାପୁହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି ଝେହନାରାଇଁ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣ୍ଡେ ଆସାଁ ମାଞ୍ଜୁ

୧୦ ଇଚିହଁ ହାରେକା ନାମାଆଗାଟି ଲକ୍ତା, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀସାନା ଲକ୍ତା ବିତ୍ରାଟି ମାନେରି

୧୧ ଲାଗେଏତି କାତାଟି ଏଞ୍ଜାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇଚିହଁ ଏଞ୍ଜାରି ଦନ ଜୁପକାତାକି ଲାଗେଏତି କାତା ଜାପୁହିହଁ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି

୧୨ ଏଞ୍ଜାରି ବିତ୍ରାଟି ରଅସି ଏଞ୍ଜାରି ମାହାପୁରୁ ଅଣ୍ପୁତି ବଲୁ ଝେହନାସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଝେହନାରି, ଜନ୍ତୁ ସମାନା ଅଡ଼େ ନିସା ଇଞ୍ଜା ଚିଣ୍ଡିକାଞ୍ଜୁୟାଁ

୧୩ ଇ କାତା ସାତା ଏଦାଆଁତାକି ଏଞ୍ଜାରାଇଁ ଗାଡ଼ି ଦାକା ହାହାଁ ଲାଗାମ୍ପୁ, ଏନିକଁ ଏଞ୍ଜାରି ନାମୁତା ପାତା ଆନେରି

୧୪ ସାତାଟି ପିସାମାନି ଲକ୍ତାଟି ମେରା,

ଜୀହୁଦି ଲକ୍ତାକି କହୁୟାଁ, ମନ ହାଅରି ଏଦାଆଁତାକି ଏଞ୍ଜାରାଇଁ ଜାପୁମ୍ପୁ

୧୫ ଅଡ଼ହ ଆଡ଼ି ଲକ୍ତାକି ବାରେଏ ଅଡ଼ିନେ, ସାମା ପଲୁଆ ଗାଗରାକି, ମାହାପୁରୁଇଁ ନାମାଆ ଗାଗରାକି ଏନାୟି ଜିକେଏ ଅଡେଏ, ଇଚିହଁ ଏଞ୍ଜାରି ମନ ଅଡ଼େ ଅଣ୍ପୁ ବାରେ ପଲୁଆଗାଟାୟି

୧୬ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜା ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡ଼େ କାତା ଆହାଆଗାଟାରି ବାରେ ନେହଁ କାମାତା ପାଡ଼ାଆଅରି

୨

ନେହଁ ଦାମ୍ବୁ ଜାପୁନାୟି

୧ ମା ଦାମ୍ବୁତି କାତାୟାଁ ନେହଁକଁ ଜାପୁମ୍ପୁ

୨ ବୁଡ଼ହା ଆବାୟାଁଇଁ ତଣ୍ଡେ ଆୟାଲି, ନେହଁ ଅଣ୍ପୁ, ନେହଁ ବୁଦି, ଅଡ଼େ ନାମ୍ପୁ, ଜୀଞ୍ଜୁନନାୟି, ଇଞ୍ଜା ଅରୁହିନି ତାଣା ବାଡ଼ୁୟାଁ ଆୟାଲି;

୩ ଅଡ଼େ ବୁଡ଼ହା ଇୟାସିକାଣି ଜିକେଏ ଏଲେକିହଁଏ ସାକ୍ତି ଗାଗାଇଁ ଇଞ୍ଜା କାଡ଼ୁ ଗହନାଇଁ ଆଆନା ସୁଦୁଜୀଞ୍ଜୁ ତଲେ ନୀତାନା ନେହଁ କାତା ଜାପୁହାଲି ବାତିମାଲିହଁ ଝେହମ୍ପୁ;

୪ ଏଦାଆଁତାକି ଡ଼ାଆ ଆୟାସିକା ତାମି ତକ୍ରାୟାଁଣି, ମୀରକା ମାସ୍କାଣି ଜୀଞ୍ଜୁ ନହାଁ,

୫ ଜାହାରାଇଁ ସାପି ଆୟାଲି, ଅଡ଼ହା କତାନା, ଇଲୁତି ନେହଁକଁ ଲେମ୍ପାଲି, ନେହଁ ଗୁଣ୍ଡୁ, ଇଞ୍ଜା ଜାହାରା ତକ୍ରାୟାଁ କାତା ମାନଝି ଆୟାଲି, ଜାପୁମ୍ପୁ, ଏନିକଁ ମାହାପୁରୁତି ବଲୁ ନିଦାଆଏ

୬ ଏଲେକିହଁଏ ଦାଂଗଣାୟାଁଣି ବାରେ କାତାତା ନେହଁ ବୁଦି ଆହାଲି ରାହାଁ କିଞ୍ଜି କିମ୍ପୁ;

୭ ନୀ ବାରେ ମାଣ୍ଡକିତା ସାତା କାମାଟି ନେହଁ ଗୁଣ୍ଡୁ ତହମ୍ପୁ, ଜାପୁନି ତାଣା ଆଡ଼ଞ୍ଜା ଅଡ଼େ ମାନିଗାଟି ମାଣ୍ଡସି

ଆହାନା ନେହଁ ହାଡ଼ା ତଲେ ଖେହ୍ମୁ  
 □

୮ ଏନିକଁ ମିଙ୍ଗେ ଲାଗେଏ  
 କିହାଲି ଅଣ୍ଠିମାନି ଲକୁ ମିଙ୍ଗେ  
 ଖେଣ୍ଡେ ଖେସାଲି ଆଡ଼ାଆନା ଲାଜା  
 ବେଟାଆନେରି □

୯ ହଲିୟାଙ୍ଗା ତାମି ସାଞ୍ଜୁକାରି କାତା  
 ମାନଞ୍ଜି ଆହା ଡ଼ୟାପେରି, ଅଡ଼େ  
 ବାରେ କାମାତା ସାଞ୍ଜୁକାରିକଁ ରାହଁ  
 କିନାରି ଆପେରି, ଏଞ୍ଜାରି ଖେଣ୍ଡେ  
 ଜଲ୍ଲାଆପେରି,

୧୦ ଏନାଆଁ ସରୁ କିଆନା ନେହଁ  
 ନାମୁତଲେ ଚିକାଣା କାମା ତସ୍ପାରି,  
 ଆତିହଁ ମାଙ୍ଗେ ଗେଲ୍ପାନି  
 ମାହାପୁରୁତି ଦାମ୍ବୁ ଜାପ୍ପନାଣି ନେହାୟି  
 ଇଞ୍ଜି ଖେଙ୍ଗି କିନେରି □

୧୧ ଇଚିହଁ ବାରେ ମାଣ୍ଡସି  
 କୃଡ଼ାକଁ ଗେଲ୍ପାଲି ମାହାପୁରୁତି  
 କାର୍ମାମେହ୍ନାଣି ତସାମାନେସି,

୧୨ ଅଡ଼େ ମାର ଏନିକଁ ଲାଗେଏତି  
 ଦାମ୍ବୁ, ଦାରୁତିତି ଜୁପ୍ପକା ପିସାନା ଈ  
 ନୀର୍ବତି ଜୁଗୁତା ନେହଁ ବୁଦି, ଦାମ୍ବୁ  
 ଅଡ଼େ ମାହାପୁରୁତି ଆଜିତଲେ ନୀତିନ,

୧୩ ଅଡ଼େ ଏ ରାହଁତି ବାସ୍ତୁ ମା କାଜା  
 ମାହାପୁରୁ ଗେଲ୍ପାନି କ୍ରୀସ୍ତ ଜୀସୁତି  
 ଗାଞ୍ଜୁରମି ତଞ୍ଜାଆନାଣି କାଚିହଁ  
 ଡ଼ୟିନ, ଇଦାଆଁତାକି ମାଙ୍ଗେ ଜାପ୍ପହି  
 ମାଞ୍ଜାନେ □

୧୪ ଏ କ୍ରୀସ୍ତ ଜୀସୁ ମା ବାରେ  
 ଲାଗେଏ ପଲେଏ ତାଣାଟି ଗେଲ୍ପି  
 କିୟାଲି ଅଡ଼େ ତାଙ୍ଗେତାକି ସାତା  
 କାମାତାକି ରାହଁତି ତାନି ଲକୁ ଲେହେଁ  
 ଅଟ୍ଟହାଲି ତାନୁଏ ମା ତାକି ହେରପି  
 ଆଡ଼େସି □

୧୫ ଈ ବାରେ କାତା ଜଲିହଁ ବାରେ  
 ଅଦିକାରା ତଲେ ସାସା ହୀମ୍ବୁ, ଅଡ଼େ  
 ଦାକା ହୀମ୍ବୁ □ ଏନିକଁ ଆମ୍ବାଆରି  
 ନିଙ୍ଗେ ହୀଣି କିୟାଆପେରି □

## ୩

କ୍ରୀସ୍ତାନା ଲକୁତି କାମା ଇଞ୍ଜା ଗୁଣ୍ଡୁ

୧ ଦେସାତି ସାଲଞ୍ଜି କିନାରି ଅଦିକାରା  
 ବେଟାଆହା ମାନାରି ଡ଼ଇ ମାଞ୍ଜାନା,  
 ଏଞ୍ଜାରାକଁ ମାନି କିହାନା, ଅଡ଼େ ବାରେ  
 ନେହଁ କାମା କିହାଲି ଜାଗ୍ରାତା ଆଦୁ,

୨ ଆମ୍ବାଆରାକଁ ନିନ୍ଦା କିଆନା,  
 ଆମ୍ବାଆରି କପାଟି କାମା କିଆନା, ବାରେ  
 ଲକୁ ନକିତା ଉଣା ଆହାଲି, ସୁଦୁ  
 ସୁଞ୍ଜାଲା ତସାଲି ବାରେ ଲକୁ ନକିତା  
 ଅଣ୍ଠି କିମ୍ବୁ □

୩ ଇଚିହଁ ମାର ଜିକେଏ ନକେଏ  
 ବୁଦିହିଲାଆ ଗାଟାତାୟି, କାତା  
 ଆହୁଆ ଗାଟାତାୟି, ଲାଗେଏତି ଜିରୁଟି  
 ହାଜିମାତାୟି, ଏନି ଏନି ଜୁପ୍ପକା ଅଡ଼େ  
 ସୁକୁ ଦୁକୁତି ହଲିୟା ମାତାୟି, ତାହାରା  
 ଅଡ଼େ ତାହାରା ତଲେ ମାତାୟି ଇଞ୍ଜା  
 ଅପ୍ପଞ୍ଜି ଆଆଗାଟି ଲକୁ ଆହା ଅପ୍ପଞ୍ଜି  
 ଆହି ହିଲାଆତାୟି □

୪ ସାମା ଏତିବେଲା ମାଙ୍ଗେ  
 ଗେଲ୍ପାନି ମାହାପୁରୁତି କାର୍ମା ଅଡ଼େ  
 ମାଣ୍ଡସି ଜାଡ଼ି ତାକି ତାନି ଜୀଞ୍ଜୁନନ୍ଦାୟି  
 ତଞ୍ଜାଆଡ଼େ,

୫ ଏତିବେଲା ଏଞ୍ଜାସି ମା କିତି  
 ଦାମ୍ବୁ କାମାତାକି ଆଏ, ସାମା ତାନି  
 କାର୍ମାତଲେ ପୁଃନି ଜାର୍ନାତି ଏୟୁତଲେ  
 ନରହାନା, ତାନି ସୁଦୁଜୀଞ୍ଜୁ ତଲେ ପୁଃନି  
 ଗାଡ଼ିକିହଁ ଗେଲ୍ପାମାଞ୍ଜାନେସି,

୬ ଏ ନେହଁ ଜୀଞ୍ଜୁତି ମାଙ୍ଗେ  
 ଗେଲ୍ପାନି ଜୀସୁ କ୍ରୀସ୍ତ ତାଣାଟି  
 ହାରେପୁରେ ମା ଲାକ ହୀୟାଡେସି,

୭ ଏନିକଁ ମାର ତାନି  
 କାର୍ମାମେହ୍ନାଣି ତଲେ ଦାମ୍ବୁ ଗାଟାତାୟି  
 ଆହାନା ବାସ୍ତୁ ତଲେ କାଲାକାଲାତି  
 ଜୀଞ୍ଜୁତି ଅଦିକାରା ଆନାୟି □

୮ ଈ କାତା ସାତା ଆନେ □ ଅଡ଼େ  
 ଏନିକଁ ମାହାପୁରୁକଁ ନାମିନାରି ବାରେ  
 ନେହଁ କାମାତି ଅଣ୍ଠିପିହଁ କିନେରି,  
 ଏଦାଆଁତାକି ଈ ବାରେ ଜାଣ୍ଡେତଲେ  
 ଜାପ୍ପମ୍ବୁ ଇଞ୍ଜି ନା ଅଣ୍ଠପୁ, ଈ ବାରେ  
 ଲକୁତାକି ନେହାୟି ଇଞ୍ଜା ଅଜିତାୟି □

୯ ସାମା ଲେନିପନିଏ ବାଦିବାଦା  
 କାତା ଜଲିନି ତାଣାଟି, ଆକୁ ଆବାୟା



ଦରୁକା ତାକି, ଗଡ଼ହା ଅଡ଼େ ମୋରାତାକି  
ଗଡ଼ହାଟି ହେକ ମାନାମ୍, ଇତିହି ଏ  
ବାରେ ଲାବା ହିଲାଆ ଉଜେଏତାଇ □

୧୦ ଜିରୁ ବାଣି କିନି ଲକୁଇଁ, ର ଦେବା  
ରୀ ଦେବା ଦାକା ହୀହାଁ ଜାଗ୍ରାତା କିଦୁ,  
ଅଡ଼େ ତାୟୁ ଏଞ୍ଜାଣି ତାଣାଟି ହେକ  
ଆଦୁ;

୧୧ ଇଲେତି ଲକୁ ତାମି ଜିରୁ  
ବାଣାଆହା ମାନେରି, ଇଞ୍ଜା ପାପୁ କିହାଁ  
ଜାହାରାତି ଦହ କିନେରି, ଇଦାଆଁ ମୀରୁ  
ପୁଞ୍ଜାମାଞ୍ଜେରି □

ରାନି ବେଲାତା ଜାପନାୟି

୧୨ ☆ଏତିବେଲା ନାନୁ ମୀ ତାଣା  
ଆତମା କି ତୁକିକଇଁ ପାଣ୍ଡାଇଁ,  
ଏତିବେଲା ନିକପଲିତା ନା ତାଣା  
ଞ୍ଜାହାଲି ଜାଡ଼ନୁ ଆମ୍, ଇତିହି  
ପେନିଞ୍ଜେଡ଼ା ରାଞ୍ଜେ ଏମ୍ପାଆଁ ମାଞ୍ଜାଲି  
ଅଣ୍ପାମାଇଁ □

୧୩ ଅକିଲା ଜିନା, ଅଡ଼େ ଆପଲକି  
ଏନାୟି ଲଡ଼ାମାନେ ଏଦାଆଁ ହୀହାନା  
ଜିରୁ ତହ୍ମୁ, ଏନିକି ଏଞ୍ଜାରି ଜିରୁତା  
ଏଞ୍ଜାରାକି ଏନାୟି ଲଡ଼ା ଆଆପେ □

୧୪ ମା ଲକୁ ଜିକେଏ ଲଡ଼ାମାନି  
ତୀରପୁ କାମାତା ଲେମ୍ବୁଞ୍ଜି ଆହାଲି  
ଜାପିନାୟି ମାନେ, ଏନିକି ଏଞ୍ଜାରି  
ପାଡ଼େୟି ହିଲାଆ ଗାଟାରିଲେହେଁ  
ଆଅରି □

୧୫ ନା ତଲେ ମାନି ବାରେଜାଣା  
ନିଙ୍ଗ ଜହରା କିହିମାଞ୍ଜାନେରି □  
ନାମୁତା ଆମ୍ପାଆରି ମାଙ୍ଗେ ଜୀଞ୍ଜୁ  
ନହିମାଞ୍ଜାନେରି ଏଞ୍ଜାରାଇଁ ଜହରା କିଦୁ,  
ଅଡ଼େ ମାହାପୁରୁତି କାର୍ମାମେହନାୟି ମୀ  
ବାରେତାକି ଆପେ □

# ପିଲିମନଙ୍କ ନିକଟକୁ ପାଉଳଙ୍କ ପତ୍ର ପିଲିମନ ତାଣ୍ଡା ପାଞ୍ଚୁଲ ରାଚାମାନି ଆକୁ ମୂକୁ ହାଡ଼ା

ପିଲିମନ ଆକୁ ପାଞ୍ଚୁଲ ତାଣ୍ଡାଟି ରାସ୍ତକି ଆହାମାନେ ୧:୧ □ ପାଞ୍ଚୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ ରାଚାମାନେସି □ ଏଞ୍ଜାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାର୍ସା ତାୟୁ ଇ ଆକୁ ରାଚା ଡ଼ୟିନେସି □ ଏତିବେଲାତା କଲସିୟ କୁଲମିତାକି ରାଚା ଡ଼ୟିନେସି □ ଏଞ୍ଜାସି ଇ ଆକୁ ପିଲିମନ ଇନି ର ମାଣସିକି ରାଚିମାନେସି □ ପିଲିମନ କୁଲମିତି କାଜାସି ଅଡ଼େ ହଲିୟାଜାତି ସାଞ୍ଜୁକାରି ମାଚେସି □ ଏଞ୍ଜାରି ବିତ୍ରାଟି ଅନିସିମ ଇନି ର ହଲେଏସି ମାଚେସି ଏଞ୍ଜାସି ପିଲିମନ ତାଣ୍ଡାଟି ହଟାଡୁସା ମାଚେସି ଏଞ୍ଜାସି ପାଞ୍ଚୁଲ ତାଣ୍ଡାଟି କ୍ରୀସ୍ତାନା ଆହାମାଚେସି □ ରମିୟ ଲକ୍ଷୁତି ମେରା ତଲେ ଅନିସିମଇଁ ହାନି ତଣ୍ଡ ହାନାୟି ମାଚେ □

ଅନିସିମଇଁ କାର୍ମାମେସାନା ଏଞ୍ଜାଣାଇଁ ହଲେଏସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଖେଣ୍ଡେ ଆବାମୁ ଇଞ୍ଜି ପିଲିମନଇଁ ବାତିମାଲିହଁ ଇ ଆକୁ ରାଚିମାନେସି ୧:୧୩-୧୪ □

### ପତିତା ମାନାୟି

- ୧ ପିଲିମନଇଁ ଜହରା ଖେହନାୟି □ ୧:୧-୩
- ୨ ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି □ ୧:୪-୨୧
- ୩ ଆକୁତି ରାପ୍ତନି କାତା □ ୧:୨୨-୨୫

୧ ନାନୁ ପାଞ୍ଚୁଲ, ଜୀସ୍ତ କ୍ରୀସ୍ତ ତାକି ଦସ୍ପି ଆହାମାନାତେଏଁ, ତାୟି ତିମତି,

ମା ତଲେ କାମା କିହିମାନି ଜୀଞ୍ଜୁତି ପିଲିମନ,

୨ \*ଅଡ଼େ ତାଜି ଅପ୍ପିୟା ଇଞ୍ଜା ମା ତଲେ କୁକୁକିନି ଆକ୍ ଦପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଚାମାଇଁ; ୩ ମା ଆଚା ମାହାପୁରୁ ଅଡ଼େ ପ୍ରବୁ ଜୀସ୍ତ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ଡ଼ି ମିଜେତାକି ଆୟାପେ □

ପିଲିମନ ଜୀଞ୍ଜୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାଡାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ,

୫ ପ୍ରବୁ ଜୀସ୍ତ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକ୍ଷୁତାକି ମୀ ଜୀଞ୍ଜୁନନାୟି ଅଡ଼େ ନାମୁତି କାତା ଖେଞ୍ଜାନା

୬ ଏଲେକିହଁଏ ମୀ ନାମୁତଲେ ଆଣ୍ଡୁଞ୍ଜି ଆନାୟି, ମାଜେ ହୀପ୍ପିଆଡ଼ି ବାରେ ନେହଁ କାତାଟି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ □

୭ ଏନାଆଁତାକି ଇତିହଁଏ ନା ତାୟି, ମାହାପୁରୁ ଲକ୍ଷୁତି ହିୟାଁ ମୀ ତାଣ୍ଡା ସୁସ୍ତି ମେଡ଼ା ଆହାମାନାକି ନାନୁ ମୀ ଜୀଞ୍ଜୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହିମାଇଁ □

ଅନିସିମ ତାକି ବାତିମାଲିନାୟି

୮ ଆତିହଁଏ ଏନାୟି ନେହାୟି, ଏ କାବୁତାକି ନିଜେ ହୁକୁମି ହୀହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଜେ ହାରେ ପୁରେ ସାସା ମାନେ,

୯ ଆଡ଼ିଜିକେଏ ନାନୁ ବୁଡ଼ହା ପାଞ୍ଚୁଲ ଜୀଞ୍ଜୁ ନନାଣି ତାକି ମିଜେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସ୍ତ ତାକି ନୀଏଁ ନାନୁ ଦସ୍ପି ଆହାମାଇଁ,

୧୦ \*ନାନୁ ଇଲେକ୍ ଦସ୍ପି ଆହାମାନାଟି ନା ମୀରଏସି ଅନିସିମ ତାକି ନିଜେ ବାତିମାଲିମାଞ୍ଜାଇଁ;

୧୧ ଏଞ୍ଜାସି ନଡ଼କଏ ନିଜେ ଅଡ଼େ ନାଜେତାକି ଲଡ଼ା ହୀଆଗାଟାସି

\* ୧:୨ ୧:୨ କଲସି ୪:୧୭ \* ୧:୧୦ ୧:୧୦ କଲସି ୪:୯

ମାରେସି, ସାମା ନୀର୍ବ୍ୟ ନିଙ୍ଗେତାକି ଅଡେ  
ନାଙ୍ଗେତାକି ଜିକେଏ ଲଡ଼ା ଗାଟାସି  
ଆହାମାନେସି □

୧୨ ନାନୁ ଏଞ୍ଜାଣାଇଁ ନୀ ତାଣା ଖେଣ୍ଡେ  
ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ଲେହେଁ  
□

୧୩ ନେହଁ କାରୁତାକି ନାନୁ  
କାୟିଦିତା ମାଞ୍ଜାନା ଏଞ୍ଜାଣାଇଁ ନୀ କିନି  
ଜାଡ଼ନୁ ନାଙ୍ଗେ କିହାଲି ତାକି ତାଗେ  
ଇଟାଲି ଅଣ୍ଡିମାରେସି,

୧୪ ସାମା ନାନୁ ରାଜି ଆଆପାତେକା  
ନାନୁ ଏନାଆଁ କିହାଲି ଅଣ୍ଡିପାଆତେସି,  
ଏନିକଁ ନୀ ନେହଁ କାମା ନୀ  
ମନତଲେ କିନିଲେହେଁ ଆଆନା  
ନେହଁ ଅଣ୍ଡିପୁ ତଲେ ଆନେ □

୧୫ ଆତିହଁ ଇଦି ଆହାଲି ଆତିନେ,  
ଏନିକଁ ନାନୁ ଏଞ୍ଜାଣାଇଁ ହଲେଏଣା  
ଲେହେଁ ମେହ୍‌ଆନା ସାମା ହଲେଏଣା  
କିହାଁ କାଜାସି ଲେହେଁ, ଇତିହଁ ଜୀଞ୍ଜୁତି  
ତାୟିଲେହେଁ କାଲେଏତାକି ବେଟାଆଦି,  
ଏଦାଆଁତାକି ଏଞ୍ଜାସି ଏତରଦିନା ତାକି  
ଏଟକା ଆହାମାରେସି;

୧୬ ସାମା ଏଞ୍ଜାସି ଖାରଇ ହଲେଏସି  
ଆଏ, ନୀର୍ବ୍ୟ ଏଞ୍ଜାସି ଜୀଞ୍ଜୁତି ତାୟି,  
ଇତିହଁ ଆଙ୍ଗା ତଲେ ଅଡେ ମାହାପୁରୁ  
ତାଣା ନିଙ୍ଗେତାକି ଏରେକା ଜୀଞ୍ଜୁ ନନାସି  
ଆଅସି □

୧୭ ଏଦାଆଁତାକି, ନାନୁ ନାଙ୍ଗେ ନା  
ତଡ଼ତୁସି ଇଞ୍ଜାଁ ଅଣ୍ଡିପି ମାଞ୍ଜାସାରେ,  
ଆତିହଁ ନାଙ୍ଗେ ଆବାତି ଲେହେଁ  
ଏଞ୍ଜାଣାଇଁ ଆବାମୁ □

୧୮ ଇତିହଁ ନିଙ୍ଗେତାକି ଏନି  
ଲାଗେଏ କିହାମାଞ୍ଜାତଁ କି ନୀ ତାଣା  
ରୀଣା ଆହା ମାଞ୍ଜାତିହଁ, ଏଦାଆଁ ନା  
ଦରୁତା ରାଟାମୁ □

୧୯ ନାନୁ ପାଞ୍ଜୁଲତେସି, ନା  
କେୟୁତଲେ ଇଦାଆଁ ରାଟିମାଇଁ, ନାନୁ  
ଏଦାଆଁ ଖେଟ୍‌ହାଇଁ □ ନାନୁଏ ନା ତାଣା  
ରୀଣା ମାଞ୍ଜି, ଇ କାତା ଅଡେ ନାନୁ  
ଖେସାଲି ଅଣ୍ଡିପି ହିଲଅଁ □

୨୦ ହାଅ, ତାୟି, ପୁରୁ ତାଣା ଆଣ୍ଡିତଁ  
ନୀ ତାଣାଟି ନା ଲାବା ଆୟାନେ, କ୍ରୀସ୍ତତି  
ତାଣା ନା ଜୀଞ୍ଜୁତା ବାର୍ସୁ ହିୟାମୁ □

୨୧ ନାନୁ ନା ଖେସ୍ତାତିଲେହେଁ କିଦି  
ଇଞ୍ଜାଁ ନାମୁ ମାନାକି ନାନୁ ଇ ଆକୁ  
ରାଟିମାଇଁ; ସାତେଏ ନାନୁ ପୁଞ୍ଜାମାଇଁ,  
ନାନୁ ଏରେକା ଖେସିମାଞ୍ଜାଇଁ, ନାନୁ  
ଏଦାଣିକିହାଁ ଆଗାଡ଼ା ଜିକେଏ କିଦି □

୨୨ ଇଦାଆଁ ତଲେ ନା ଡ଼ୟିନି ଇଲୁ  
ଜିକେଏ କିହାନା ଇଟାମୁ, ଇତିହଁ ମୀ  
ପ୍ରାତାନା ତଲେ ମୀରୁ ନାଙ୍ଗେ ଖେଣ୍ଡେ  
ବେଟା ଆୟାଦେରି, ଇଦାଆଁ ନାନୁ ଆସା  
କିହିମାଇଁ □

ରାନ୍ଦିବେଲାତି ଜହରା

୨୩ \*କ୍ରୀସ୍ତ ଜୀସୁ ତାକି ନା ତଲେ  
କାୟିଦି ଇଲୁତା ମାନି ଏପାପୁ

୨୪ \*ଇଞ୍ଜା ନା ତଲେ କାମା କିହିମାନି  
ମାର୍କ, ଆରିସ୍ତାର୍କ, ଦିମା ଅଡେ ଲୁକ  
ନିଙ୍ଗେ ଜହରା କିହିମାଞ୍ଜାନେରି □

୨୫ ମା ପୁରୁ ଜୀସୁ କ୍ରୀସ୍ତତି  
କାର୍ନାମେହ୍‌ନାୟି ନେହଁ ଜୀଞ୍ଜୁ ମୀ  
ତଲେ ମାଣ୍ଡମେ □

\* ୧:୨୩ ୧:୨୩ କଲସି ୧:୭; ୪:୧୨    \* ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨; କଲସି ୪:୧୦; କଲସି ୪:୧୪; ୨ତିମ ୪:୧୦; କଲସି ୪:୧୪; ୨ତିମ ୪:୧୧

# ହିବ୍ରୁମାନଙ୍କୁ ଲିଖିତ ପତ୍ର ଏବଂ ଲକ୍ଷ୍ମଣର ରାଜିତି ଆକୁ ମୂଲ୍ୟ ହାତୀ

ଏହି ପତ୍ର ର ରାହାଁ ହାନି ପତି □ ପ୍ଲୁଷ୍ଟ ଫେରାତି ହାରେକା ମାହାପୁରୁ ଅଣ୍ଟପୁତି ବଲୁୟାଁ ପ୍ଲୁଷ୍ଟଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି □ ଇ ପତି ର ନେହଁ କାତାତି ଖେହ୍ନି ପତି □ ଇମ୍ପାଆଁ ତାନିକଡ଼ିଟିଏ ହାରେକା ପ୍ଲୁଷ୍ଟ ଫେରାତି କାତାୟାଁ ରାସ୍ତକି ଆହାମାନୁ □ ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣ୍ଟପୁତି ବଲୁ ଅଡ଼େ ଜୀହୁଦି ପୂଜେରାଜ୍ଞା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି □

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାର୍ସୁ ହାନି ପତି □ ଏହି ପତି ଖେସିମାନେ, ଜୀସୁ ଏନିକଁ ଫେରାତି ପୁରା କିତେସି, ଏନିକଁ ପୂଜେରାଜ୍ଞା ଅଡ଼େ ଖେଶ୍ଟେ ପୂଜା ହାହାଲି ଲଡ଼ା ହିଲେଏ □ ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହାତେସି □ ନୀର୍ବତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏହି ପତି ସାସା ଅଡ଼େ ବାର୍ସୁ ତସିମାନେ □ କ୍ରୀସ୍ତ ମାଜେ ମାହାପୁରୁ ତାଣା ବାର୍ସୁ କିଞ୍ଜିକିହାଲି ଆଡ଼ାମାଞ୍ଜାନେସି □ ଅଡ଼େ ଏଞ୍ଜାଣି ତାଣା ବାର୍ସୁ ଇଟାନା ତାକିନ ୧୨:୨ □

ଏହି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡୁଞ୍ଜିଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି □ ଇଦାନି ରାଜିତି କାଲମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୨୦ ବାର୍ସା ତାୟୁ ରାସ୍ତକି

ଆହାମାନେ □ ଇତିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୨୦ ବାର୍ସା ତାୟୁ ନାସା ଆଡ଼େ ସାମା ଇ ଆକୁତି ରାଡ଼ିନାସି ଇଦି ନାସା ଆଆତିଲେହେ ରାଡ଼ିମାନେସି □ ଏହି ପତି ରମା ଗାଡ଼ାତା ରାସ୍ତକି ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଟିକିଞ୍ଜି ଆହାମାତେ □

## ପତିତା ମାନାୟି

- ୧ ଜୀସୁ କ୍ରୀସ୍ତ ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଅଡ଼େ ଦୁଡୁୟାଁ କିହାଁ ଜିକେଏ କାଜାସି □ ୧:୧-୪:୧୩
- ୨ ଜିରୁସାଲମତା ସେବା କିହିମାନି ପୂଜେରାଜ୍ଞା କିହାଁ ଜିକେଏ ଜୀସୁ କାଜାସି □ ୪:୧୪-୭:୨୮
- ୩ ମାହାପୁରୁ ମସାକି ମେରା ହାହାନା ତାନି ଲକ୍ଷ୍ମଣଲେ କିହାମାତି ରାଜିମାନା କିହାଁ ଜୀସୁତି ସେବା କାମା କାଜାୟି □ ୮:୧-୧୦:୩୧
- ୪ ଜୀସୁଇଁ ବାରେ ତାଣା କାଜାସି କିହାନା ଖେସାମାନେସି □ ୧୦:୩୨-୧୩:୧୭
- ୫ ସାସା ଅଡ଼େ ବାର୍ସୁତି କାତା ଖେସାନା ଜହରା ତଲେ ଆକୁତି ରାପ୍ନାୟି □ ୧୩:୧୮-୨୫

ମୀର୍ଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଟାୟୁତା ଅଡ଼େ ଏଟକା ଏଟକାତି ମାହାପୁରୁ ଅଣ୍ଟପୁତି ବଲୁ ଖେହ୍ନାରି ତାଣାଟି ମା ଆକୁ ଆବାୟାଁଣି କାତା ଖେସାମାତେସି,

୨ ସାମା ଇ ରାନ୍ତି ବେଲ୍ଲାତା ମୀର୍ଏଣା ତାଣାଟି ମାଜେ କାତା ଖେସାମାଞ୍ଜାନେସି □ ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଞ୍ଜାଣି ତାଣାଟି ହାଗୁପାକା ଦାରୁତି ବାରେ ଗାଡ଼ିକିତେସି;

୩ ଏ ମୀର୍ଏସି ତାନି ଡ଼ାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଞ୍ଜାଣା ମାନେ, ଏଞ୍ଜାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ ଦାରୁତିତି

ସାଲୁଣି କିନେସି, ଇଞ୍ଜା ମା ପାପୁ ବାରେ  
ମେକ୍‌ହି ତାୟୁ ଲାକପୁରୁତି ବାଡ଼ୁୟୁ ଗାଟି  
ମାହାପୁରୁତି ଚିଃନି ଚଟତା କୁଗାମାନେସି  
□

ମାହାପୁରୁ ମୀରଏସି ବାରେକିହାଁ  
କାଜାସି

୪ ମୀରଏସି ଏନିକ୍ ଲାକପୁରୁତି  
ଦୂତୁୟାଁ କିହାଁ ହାରେକା କାଜା ଦରୁତି  
ଅଦିକାରା ବେଟାଆହା ମାନେସି,  
ଏଲେକିହାଁ ଏ ଏଞ୍ଜାସି ଏଞ୍ଜାସିକା କିହାଁ  
ହାରେକା କାଜାସି ଆହାମାନେସି □

୫ ଇତିହାଁ ମାହାପୁରୁ ଦୂତୁୟାଁ ବିଦ୍ରାଟି  
ଆମ୍ବାଆରାଇଁ ଏଚେଲା ଏଲେଇଞ୍ଜା  
ହିଲଅସି,

“ନାନୁ ନା ମୀରଏଶାତି,  
ନୀଞ୍ଜୁଟିଏ ନାନୁ ନୀ ତାଞ୍ଜିତେଏଁ”

ଅଡ଼େ ଜିକେଏ ମାହାପୁରୁ ଏଲେଇଚେସି,

“ନାନୁ ମୀ ଆବାତେଏଁ ଆହାମାଇଁ,

ଅଡ଼େ ନାନୁ ନା ମୀରଏଶାତି ଆଦି  
□”

୬ ଅଡ଼େ ମାହାପୁରୁ ତାନି ପାଣ୍ଡା  
ମୀରଏଶାଇଁ ଅଡ଼େ ଝେଣ୍ଡେ ଦାରୁତିତା  
ପାଣ୍ଡାତେସି, ଏ ବେଲାତି ସିନିକିହାନା  
ଏଲେଇନେସି, “ମାହାପୁରୁତି ବାରେ  
ଦୂତୁୟାଁ ଏଞ୍ଜାଶାଇଁ ଜହରା କିପେରି □”

୭ ର ଝାକିଟି ମାହାପୁରୁ ଦୂତୁୟାଁ କାତା  
ଏଲେଇଞ୍ଜା ମାନେସି,

“ମାହାପୁରୁ ତାନି ଦୂତୁୟାଁ ଗାଲି  
ଲେହେତି ଜୀଞ୍ଜୁ ହୀନେସି,

ଅଡ଼େ ତାନି ସେବା କିନାରାଇଁ ହିରୁ  
ଗୁଦ୍‌ଞ୍ଜା ଲେହେଁ କିନେସି □”

୮ ଅରଞ୍ଜାକି ମାହାପୁରୁ ତାନି ମୀରଏଶା  
ତାକି ଏଲେଇଞ୍ଜା ମାନେସି,

“ଏ ମାହାପୁରୁ ନୀ ସିଂଗାସାଣି  
କାଲାକାଲା ତାକି ତୁୟିନେ,

ଅଡ଼େ ନାନୁ ସାଲୁଣି କିନାୟି  
ନୀହାୟି ତଲେ ଆନେ □

୯ ନାନୁ ଦାମ୍ବୁ ଗାଟାଶାଇଁ ଜୀଞ୍ଜୁ  
ନହାଁ ମାଞ୍ଜି

ଅଡ଼େ ଦାମ୍ବୁ ହିଲାଆଗାଟାରାଇଁ  
ଅପାହିଲଅତି,

ଏଦାଆଁତାକି ମାହାପୁରୁ ନୀ  
ମାହାପୁରୁ ନିଙ୍ଗେ ଆଡ଼ାନେସି,  
ମୀ ତଡ଼େସିଙ୍ଗା କିହାଁ ନିଙ୍ଗେ  
ହାରେକା ରାହାଁତି ନିହାଁ  
ଞ୍ଜାକ୍‌ହାନା ନିଙ୍ଗେ ଆଡ଼ାନେସି  
□”

୧୦ ଏଞ୍ଜାସି ଅଡ଼େ ଝେସିମାନେସି,  
“ଏ ପ୍ରୁ, ନାନୁ ମୂଲୁଏ ଦାରୁତିତି ପୁନାଦି  
ଗାଡ଼ିକିତି,  
ଅଡ଼େ ହାଗୁପାକା ବାରେ ନୀ  
କେୟୁତଲେ କେପିତି □”

୧୧ “ଏ ବାରେ ର ଦିନା ମେଶଙ୍ଗାହାନେ,  
ସାମା ନାନୁ କାରେଲଏ ତୁୟିଦି;  
ଅଡ଼େ ଏ ବାରେ ପୁଃଈ ହିମ୍ବୁରିକା  
ଲେହେଁ ଗେଞ୍ଜା ହାନୁ

୧୨ ଅଡ଼େ, ନାନୁ ହିମ୍ବୁରି ଲେହେଁ, ହାଅ,  
ହିମ୍ବୁରି ଲେହେଁ ମୁଦାକିଦି  
ଅଡ଼େ ଏଞ୍ଜି ବାରେ ହିମ୍ବୁରିକା  
ଲେହେଁ ବାଦଲି ଆନୁ;

ସାମା ନାନୁ ବାରେବେଲା ଏଞ୍ଜାଟିଏ,  
ଅଡ଼େ ନୀ ଜୀଞ୍ଜୁ ଏଚେଲାଞ୍ଜା ରାଏ  
□”

୧୩ ମାହାପୁରୁ ତାନି ଦୂତୁୟାଁଲ୍  
ଏଚେଲାଞ୍ଜା ଏଲେଇଞ୍ଜା ହିଲଅସି,  
“ନାନୁ ନୀ ସାତୁୟାଁଣି ନୀ କଡ଼ାୟାଁ ତୁଇ  
ଇଟାଆ ପାତେକା  
ନାନୁ ନା ଚିଃନି ଚଟତା  
କୁଗାମାନାମୁ □”

୧୪ ଆତିହାଁ ଲାକପୁରୁତି ଦୂତୁୟାଁ  
ଆମ୍ବାଆରି ? ଏଞ୍ଜାରି ଆହିମାନେରି  
ମାହାପୁରୁତି ସେବା କିନାରି ମାଣ୍ଡସିୟାଁଲ୍  
ସାୟେମି କିହାନା ଗେଲ୍‌ପାଲିତାକି  
ମାହାପୁରୁ ତାଶାଟି ପାଣ୍ଡୁଆଡ଼ି ଜୀଞ୍ଜୁୟାଁ  
□

୨

ଗେଲ୍‌ପିନାୟି  
୧ ଏଦାଆଁତାକି, ମାର ଝେଞ୍ଜାମାନି  
କାତାତି ହାରେକା ଝେଞ୍ଜାଲି ମନ  
ହୀନାୟି ମାନେ, ଆଆତ ମାଡ଼  
ଏଚେତା ଜିରୁ ବାଣ୍ଡି ଆଆୟି □  
୨ ଇତିହାଁ ନକେଏ ଲାକପୁରୁତି  
ଦୂତୁୟାଁ ତାଶାଟି ଏଲେଇଞ୍ଜା ମାନେସି,

ଏହି ସାତା ଇଞ୍ଜି ତୀରିଆହୁଁ ମାନେ, ଅଡ଼େ ଆମ୍ବାଆରି କାତା ଆହୁଆନା ମାନଞ୍ଜି ଆହୁହିଲଅରି, ଏଞ୍ଜାରି ତାମ୍ବୁ ବେଟାଆନି ତଣ୍ଡ ବେଟାଆହାମାନେରି □

୩ ଆତିହୁଁ ଇଲେତି ଗେଲ୍‌ପିନାଣିଇଁ ହେଲା କିତିହୁଁ ମାର ଏନିକଁ ଗେଲ୍‌ହିନାୟି ? ଏହି ନକେଏ ପ୍ରବୁ ତାଣାଟି ଖେସ୍‌ପି ଆହୁଁ ଖେଞ୍ଜାମାନି ଲକୁ ତାଣାଟି ମା ତାଣା ଖେସ୍‌ପିଆହାମାନାୟି ସାତା ଆହାମାନେ;

୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାରେକା ସିନାୟିଁ ଅଡ଼େ କାବାଆନି କାମାୟିଁ ଇଞ୍ଜା, ବାଡ଼ୟୁଗାଟି କାମାୟିଁ ଅଡ଼େ ସୁଦୁଜୀଞ୍ଜୁତି ଏଟକା ଏଟକାତି ଦାନା ହାହାନା ସାକି ହାହାମାନେସି □

ଜୀସୁ ମାଣସି ଖାଣା ଆଡ଼େସି

୫ ମାହାପୁରୁ ଆମିନି ପୁଃନି ଦାରତିତି ଗାଡ଼ି କିନେସି, ଅଡ଼େ ଆମିନି ଦାରତିତି କାତା ମାମ୍ବୁ ଖେସିମାଞ୍ଜାନମି, ଏଦାନି ଅଦିକାରା କହାଲି ଏଞ୍ଜାସି ଲାକପୁରୁତି ଦୂତୁୟିଁ କେୟୁତା ହେର୍‌ପା ହିଲଅସି □

୬ ସାମା ରଅସି ର ଟାୟୁତା ସାକି ହାହାମାନେସି;

“ଏ ମାହାପୁରୁ, ମାଣସି ଆମ୍ବାଆସି, ନୀନୁ ଏଞ୍ଜାଣାଇଁ ଅଣ୍ଡିମାଞ୍ଜି ?

ମାଣସି ମୀରଏସି ଆମ୍ବାଆସି ନୀନୁ ଏଞ୍ଜାଣି ଜାଡ଼ନୁ ଅହିମାଞ୍ଜି ?

୭ ନୀନୁ ଏଞ୍ଜାଣାଇଁ ଲାକପୁରୁତି ଦୂତୁୟିଁ କିହୁଁ ରଗାଣି ଉଣା କିହାମାଞ୍ଜି;

ନୀନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଟପେରି ତୁରଞ୍ଜି କିହାମାଞ୍ଜି,

୮ ନୀନୁ ବାରେ ଏଞ୍ଜାଣି କତାୟିଁ ତୁଇ ଇଟାମାଞ୍ଜି □”

ସାତେଏ ମାହାପୁରୁ “ବାରେତି” ଇତିହୁଁ ଏନାଆଁଖା ପିହୁଆନା ବାରେତି ତାନି କଡ଼ା ତୁଇ ଇଟାମାନେସି; ଆଡ଼ିଜିକେଏ ମାର ନୀଏଁ ପାତେକା ବାରେ ତାନି ତୁଇ ଆହାମାନାଣି ମେସି ହିଲାଆୟି ସାତା □

୯ ମାର ମେସିମାନାୟି ଲାକପୁରୁତି ଦୂତୁୟିଁ କିହୁଁ “ଇଟାନି ଉଣା” କିଞ୍ଜିଆହୁ ମାରେସି, ଏଞ୍ଜାଣାଇଁ ଇତିହୁଁ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ ମାନିତି ଟପେରି ତୁରହା ମାନାଣି ମେସିମାନାୟି, ଏନିକଁ ମାହାପୁରୁତି କାର୍ମାଟି ବାରେ ମାଣସିୟିଁ ତାକି ଏଞ୍ଜାସି ହାକିତି ଖାଣ୍ଡା ମାନେସି □

୧୦ ଇତିହୁଁ ଆମ୍ବାଆରି ତାକି ଇଞ୍ଜା ଆମିନି ଗାଟାଣା ତାଣାଟି ବାରେ ଗାଡ଼ି ଆହାମାନେ, ହାରେକା ମୀରକାଣି ଜୀସୁତି ଗାଞ୍ଜୁରମି ପାଣ୍ଡି କିହାଲି, ଜୀସୁ ଦୁକୁ କସ୍ତ ବେଟାଆହାନା ଏଞ୍ଜାରାଇଁ ଗେଲ୍‌ପିନି ଜିରୁତା ଅନେସି □

୧୧ ଆମ୍ବାଆସି ପାପୁଟି ସୁଦୁ କିନେସି ଅଡ଼େ ଆମ୍ବାଆରି ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମୀରକା; ଏଦାଆଁତାକି ଏଞ୍ଜାରାଇଁ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା ଆଅସି,

୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,

“ନାନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା ଖେକଇଁ, ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ □”

୧୩ ଅଡ଼େ ଖେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣା ନା ନାମୁ ତୀରି କିଇଁ □” ଅଡ଼େ ସିନିକିଦୁ “ମାହାପୁରୁ ନାଠେ ହାହାମାଞ୍ଜାନି ମୀରକା ମାସ୍‌କା ନା ତଲେ ମାନେରି □”

୧୪ ଏନାଆଁତାକି ଇତିହୁଁ ମୀରକା ଉଞ୍ଜା ଅଡ଼େ ନେତେରିତି ଆଞ୍ଜାତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହୁଁ ଏ ମାଣସି ଖାଣା ଆଡ଼େସି, ଏନିକଁ ତାନି ହାକିତି ସୟତାନଇଁ ନାସା କିନେସି; ଇତିହୁଁ ହାକି ସୟତାନତି ଅଦିକାରାତା ମାରେ □

୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଟ୍‌ଲେଏତାକି ହଲିୟାଞ୍ଜା ଆହାନା ଦସ୍‌ପି ଆହାମାଟେରି, ଏଞ୍ଜାସି ଏଞ୍ଜାରାଇଁ ଗେଲ୍‌ପିନେସି □

୧୬ ଇତିହାସ ଏଞ୍ଜେଲ୍ ସାତେଏ ଲାକପୁରୁତି ଦୃଢ଼ତାଣି ସାତେମି କିଆନା ଅବ୍ରାହାମତି ମୀରକାଣି ସାତେମି କିହାମାନେସି □

୧୭ ଏଦାଆଁତାକି ଏଞ୍ଜେଲ୍ ବାରେ ଖାକିଟି ତାମି ତାୟିୟାଁ ଲେହେଁ ଆନାୟି ମାତେ, ଏନିକି ଏଞ୍ଜେଲ୍ ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହନି ଅଡ଼େ ନାମୁତି କାଜା ପୂଜେରା ଆନେସି □

୧୮ ଇତିହାସ ଏଞ୍ଜେଲ୍ ତାନୁ ତାୟିପାରି କିଞ୍ଚି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଚି ଆହିମାନି ଲକୁଣି ସାତେମି ଆହାଲି ଆଡ଼ିମାନେସି □

### ୩

ଜୀସୁ ମସା କିହାଁ କାଜାସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଜିସ୍ତା ମୀରୁ ଆମିନି ମାହାପୁରୁତି ହାଟୁକି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଞ୍ଚିଆହାମାନି କାଜା ପୂଜେରା ଜୀସୁତି କାତା ଅଣ୍ଡପାଦୁ;

୨ ମସା ଏନିକି ମାହାପୁରୁ ଲକୁତା ମାନିତଲେ କାମା କିହାମାତେସି, ଜୀସୁ ଜିକେଏ ଏଲେକିହ ଏତାଜେ ଆଚାମାନି ମାହାପୁରୁ ନକିତା ମାନିଗାଟାସି ଆଡ଼େସି □

୩ ଇଲୁ କିହାଁ ଇଲୁ କେପିତାସି ଏନିକି ମାନି ବେଟା ଆନେସି, ଏଲେକିହ ଏ ମସା କିହାଁ ଜୀସୁ ହାରେକା ଗାଞ୍ଜୁରମିତି ଜଡ଼େ ଆହାମାନେସି □

୪ ଇତିହାସ ବାରେ ଇଲକା ଆମ୍ବାଆରି ଆଆତ ଆମ୍ବାଆରି ତାଣାଟି କେପ୍ଞି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି □

୫ ମସା ମାହାପୁରୁ ଲକୁତା ହଲେଏସି ଲେହେଁ ନାମୁତଲେ ସେବା କାମା କିହାମାତେସି, ଇଞ୍ଜା ଏମିନି କାତା

ମାହାପୁରୁ ତାୟୁ ଖେସାଲି ମନ କିହାମାତେସି ଏ କାତେଏ ଇଦି □

୬ ସାମା ଜୀସୁ କ୍ରୀସ୍ତ ତାନି ଆବା ଇଲୁତି ମୁହେଁ ମୀରୁଏଣା ଲେହେଁ ମାନିଗାଟାସି; ଇଞ୍ଜା ମୀରୁ ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜା ମା ବାସୁତି ତାୟୁ ପାତେକା ଜାଣ୍ଡେ ଆସା ତାୟିନ, ଆତିହାସ ମୀରୁ ଜିକେଏ ଏଞ୍ଜେଲ୍ ଇଲୁ ଲେହେଁ ଆନାୟି □

ମାହାପୁରୁ ଲକୁତାକି ଜମିନାୟି

୭ ଏଦାଆଁତାକି ସୁଦୁଜୀଞ୍ଜୁ ଖେସିମାନିଲେହେଁ,

“ନୀଞ୍ଜୁ ମୀରୁ ଏଞ୍ଜେଲ୍ ହାଡ଼ା ଖେଞ୍ଜେରି, ଆତିହାସ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍ଞା କିଆଦୁ, ଲକୁ ହିଲାଆ ବାଗାତା ଏ ଦିନା ଏଞ୍ଜେରି ମାହାପୁରୁଇଁ ତାୟିପାରି କିହାନା

ଏଞ୍ଜେଲ୍ କପାଟି ନିଜାମାତେରି,

୮ ଏ ବାଗାତା ମୀ ଆକୁ ଆବାୟାଁ ନାଜେ ତାୟିପାରି କିହାଁ ନାଜେ ମେସ୍ତାତେରି,

ଅଡ଼େ ରୀ କଡ଼ି ବାସା ପାତେକା ମା କାମା ସିନିକତେରି □

୯ ଇଦାଆଁତାକି ନାନୁ ଇ କୁଡ଼ାଟି ଲକୁଇଁ କାରୁବି ଆହାନା ଏଲେକିତେସି,

‘ଏଞ୍ଜେରି ବାରେବେଲା ହିୟାଁତା ମାନି ହିଲାଆ ଗାଟାରି, ଏଞ୍ଜେରି ନା ଜିରୁ ପୁଞ୍ଜାହିଲଅରି □’

୧୦ ଇଦାଆଁତାକି ନାନୁ ନା କପାଟି ପାରମାଣା କିତେସି,

ନାନୁ ଆମିନି ଦେସାତା ଏଞ୍ଜେରାଞ୍ଜ ଜମାଲି ହାତେସିମା ଏ ଦେସାତା ଏଞ୍ଜେରି ଏଚେଲାଞ୍ଜା ହଡ଼ାଲି ଆଡ଼ଅରି □”

୧୧ ଏ ତାୟି ତାଜିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକି ମୀରୁ ଜୀଞ୍ଜୁଗାଟି ମାହାପୁରୁ ତାଣାଟି ହେକ ଆଅଡ଼େରି □

୪

୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଚି ଆହାନା ମୀ ବିତ୍ରାଟି ଆମ୍ବାଆରି ହିୟା ଆଡ଼ଞ୍ଚା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଲ୍ ବାସୁତି କାତା ଜଲାନା ସାୟେମି କିଦୁ;

୧୪ ଇଚିହ୍ ନକେଏ ମା ଆମିନି ନାମୁ ମାଚେ, ଏଦାଆଁ ତାୟୁ ପାତେକା ଜାଣ୍ଡେ ଆସା ତୟିନାୟି ଆତିହ୍ କ୍ରୀସୁ ତାଣା ଆଣ୍ଡାନା ତୟିନାୟି □

୧୫ ଦାମ୍ବୁ ସାସ୍ତେରିତା ରାସ୍ତକି ଆହାମାନେ,

“ନୀଞ୍ଜୁ ମାହାପୁରୁତି ହାଡ଼ା ଖେଚିସାରେ, ଏନିକ୍ କାରୁବି କିଞ୍ଚିକିନି ଚାୟୁତା ଆହାମାଚେ, ଏଲେକିହ୍ ମୀ ଆକୁ ଆବାୟାଲ୍ ଲେହେଁ ହିୟାତି ଆଡ଼ଞ୍ଚା କିଆଦୁ □”

୧୬ ଆତିହ୍ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଚାଣାଲ୍ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଖାହାମାଚେରି, ଏଞ୍ଚାରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାସା ପାତେକା ଏଞ୍ଚାସି କାରୁବି ଆହାମାଚେସି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକୁ ତୟିଆ ବାଟାତା ରିହାମାଚେ, ଏଞ୍ଚାରି ଆଏକି ?

୧୮ ମାହାପୁରୁ ଏଚିବେଲା ପାରମାଣା କିହାନା ଏଲେଇଞ୍ଚାମାଚେସି, ଏଞ୍ଚାରି ଏଚେଲାଞ୍ଚା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଞ୍ଚାସି ଆମ୍ବାଆରି କାତା ଏଲେଇଞ୍ଚାମାଚେସି ? ଆମ୍ବାଆରି କାତା ମାନଞ୍ଚି ଆହା ହିଲାଆତେରି, ଏଞ୍ଚାରି ତାକି ଏ କାତା ଏଲେଇଞ୍ଚାମାଚେସି □

୧୯ ଇଲେକିହ୍ ନାନୁ ମେସିମାଲ୍, ଏଞ୍ଚାରି ନାମାଆତାକି ଏ ଆଞ୍ଚାମାନି କିଣାନ ଦେସାତା ହଡ଼ାଲି ଆଡ଼ାଆତେରି □

୧ ଏଦାଆଁତାକି ଖାଦୁ ମାର ଜାଗ୍ରାତା ଆନ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଚାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଡ଼କା ଆନିଲେହେଁ ତଞ୍ଚା ଆହିମାନେରି □

୨ ଇଚିହ୍ ଏଞ୍ଚାରି ନକିତା ଏନିକ୍, ମା ନକିତା ଜିକେଏ ଏଲେକିହ୍ ଏ ନେହ୍ କାରୁ ଖେପୁକି ଆହାମାଚେ, ସାମା ଖେନାରି ନାମୁଟି ଖେଞ୍ଚାମାନି କାତା ଆହୁଆଲିଏ, ଏଡ଼ି ଏଞ୍ଚାରି ତାକି ଲାବା ଆଆତେ □

୩ ଅଡ଼େ ମା ବିତ୍ରାଟି ଆମ୍ବାଆରି ନାମିନେରି, ଖାରୁଇ ଏଞ୍ଚାରି ମାହାପୁରୁ ଆଞ୍ଚାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକ୍ ଏଞ୍ଚାସି ଖେସାମାନେସି,

“ଏଦାଆଁତାକି ନାନୁ ନା କପା ତାକି ପାରମାଣା କିତେଏଁ, ଏଞ୍ଚାରି ମା ଜମିନି ଖାରାତା ହଡ଼ଅରି □”

ଦାରୁତି ଗାଡ଼ିକିତ ବେଲାଟିଏ ବାରେ କାମା ରାହାମାଚେ □

୪ ଇଚିହ୍ ଜମିନି ଦିନାଟି କାତା ଏଞ୍ଚାସି ର ଚାୟୁତା ଇଲେକିହ୍ ଖେସାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାପୁହାନା ଜମିତେସି;”

୫ ଅଡ଼େ ଇ ବାରେ କାତା ମାହାପୁରୁ ଖେଣ୍ଡେ ଏଲେଇଞ୍ଚା ମାନେସି, “ଏଞ୍ଚାରି ମା ଜମିନି ତାଣା ହଡ଼ାଲି ଆଡ଼ଅରି □”

୬ ଆମିନି ଗାଟାରି ମୂଲୁଏ ନେହ୍ କାରୁ ଖେଞ୍ଚାମାଚେରି, ଏଞ୍ଚାରି ମାହାପୁରୁ କାତା ମାନଞ୍ଚି ଆଆତାକି ଏ ଜମିନି\* ତାଣା ହାଜାଲି ଆଡ଼ାଆତେରି, ନୀଏଁ ଏ ଜମିନାଣି† ଏଡ଼କାତାରି ବେଟାଆହାମାନେରି □

୭ ଅଡ଼େ ର ଦିନା, ଇଚିହ୍ “ନୀଞ୍ଜୁ ଦିନା” ଆଚାନା, ଇଚେକା କାଲା ତାୟୁ ଦାଞ୍ଜୁଦତି ସାସ୍ତେରିତା ଏଲେଇଞ୍ଚି ମାନେସି, ଏନିକ୍ ନକେଏ ଖେସ୍ପି ଆହାମାନେ,

\* ୪:୭ ୪:୭ ଆଞ୍ଚାମାନି ଦେସା କିଣାନ † ୪:୭ ୪:୭ ଆଞ୍ଚାମାନି ଦେସା କିଣାନ



“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଖେଞ୍ଜେରି,  
ଜାହାରା ହିୟା ଆର୍ଞ୍ଜା କିଆଦୁ □”

୮ ଇଚିହୁଁ ଜିହସୁୟ ଏଞ୍ଜାରାକି  
ଜମାଲି ହାଡ଼ିହୁଁମା, ଆଡ଼ିହୁଁ  
ମାହାପୁରୁ ଅର ଜମିନି ଦିନାତି କାତା  
ଜଲ୍ଲାଆତେସିମା □

୯ ଏଲେକିହୁଁ ଇ କାତା ସାତା  
ମାହାପୁରୁ ତାନି ବାରେ କାମାଟି ଜମିତି  
ଲେହେଁ ତାନି ଲକୁତାକି ଜମିନି ଦିନା  
ତାରି କିଞ୍ଜିଆହାମାନେ □

୧୦ ଇଦାଆଁତାକି ମାହାପୁରୁ ତାନି  
କାମାଟି ଏନିକିଁ ଜମିତେସି, ଆମ୍ବାଆସି  
ମାହାପୁରୁତି ଜମିନି ଦେସାତା ହଡ଼ା  
ମାନେସି, ଏଲେକିହୁଁଏ ଏଞ୍ଜାସି  
ଜିକେଏ ତାନି କାମାଟି ଜମିନାଣି  
ମେଡ଼ିକିହା ମାନେସି □

୧୧ ଇଦାଆଁତାକି ମା ବିତାଟି ଆମ୍ବାଆସି  
ଏନିକିଁ ନାମାଆତାକି ଏ ଲକୁତି  
ଲେହେଁ ଏ ଜମିନି ତାଣା ହଡ଼ାନା  
ଡ଼ୟଅସି, ଇଦାଆଁତାକି ଆଡ଼ିନି  
ପାତେକା ଜାଡ଼ନୁ ଆନ □

୧୨ ଇଚିହୁଁ ମାହାପୁରୁତି ବଲୁ  
ଜୀଞ୍ଜୁଗାଟାୟି ଅଡ଼େ କାମା କିନାୟି ଇଞ୍ଜା  
ରିକଞ୍ଜାକି ଦାରାଗାଟି ଖାହୁନି କାଣ୍ଡା କିହାଁ  
ହାରେକା ଖାସ୍ତାୟି, ଅଡ଼େ ହିୟାଁ ଅଡ଼େ  
ଜୀଞ୍ଜୁ ଇଞ୍ଜା ହାନ୍ତୁଲି ଅଡ଼େ ତୁମକାତି  
ନିଜେଡ଼ି ପାତେକା ହଡ଼ାଲି ଆଡ଼ିନେ □  
ଏ ବଲୁ ମାଣସିତି ଡ଼ଗୁମାନି ଅଣ୍ଡପୁତି  
ବାରେ ନୀହାୟି କିନାୟି □

୧୩ ମାହାପୁରୁ ନକିତା ଏନାୟିଞ୍ଜା  
ତଞ୍ଜା ଆଆଗାଟାୟି ଆଏ, ସାମା ଗାଡ଼ି  
କିହାମାନି ମାହାପୁରୁ ନକିତା ମାଙ୍ଗେ  
ଲେକା ହାନାୟି ମାନେ, ଏଞ୍ଜାଣି  
ନକିତା ବାରେ ଦେପି ଆଡ଼ାୟି ଅଡ଼େ  
ବୁକିଆତାୟି □

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁ  
ହାଜାମାନେସି, ଆମ୍ବାଆସି ମାହାପୁରୁ  
ମୀରୁଏସି ଜୀସୁ ଏଞ୍ଜାସି ମା କାଜା  
ପୂଜେରା ଆହାମାନାକି, ଖାଦୁ ମୀରୁ ମା  
ନାମୁତି ଜାଣ୍ଡେତଲେ ଆହନ □

୧୫ ଆମ୍ବାଆସି ମା ଦହ ପୁଞ୍ଜାଲି  
ଆଡ଼ିନେସି, ଏଲେତି କାଜା ପୂଜେରା  
ଏଞ୍ଜାସି ଆଏ □ ସାମା ମା  
କାଜା ପୂଜେରା, ମା ଲେହେଁ  
ବାରେଞ୍ଜାକି ତାୟିପାରି ଆହାମାଚେସି,  
ଆତଜିକେଏ ଏଞ୍ଜାସି ପାପୁ  
କିହାହିଲାଆତେସି

୧୬ ଏଦାଆଁତାକି ଖାଦୁ, କାର୍ମା ମେଡ଼ା  
ଆହାଲିତାକି ଅଡ଼େ, ଏ ବେଲାତେଏ  
ସାୟେମି କିନାଣି କାର୍ମାମେହନାଣି  
ବେଟାଆହାଲି ତାକି ମୀରୁ ସାୟାତଲେ  
କାର୍ମାମେହନି ସିଂଗାସାଣି ନକିତା ହାନ  
□

### ୫

୧୭ ଇଚିହୁଁ ବାରେ କାଜା ପୂଜେରାଙ୍ଗା  
ଜାହାରା ଲକୁ ତାଣାଟି ଆର୍ଞ୍ଜି ଆନେରି,  
ଏଞ୍ଜାସି ଏଞ୍ଜାରି ଞ୍ଜାକିଟି ପାପୁ ମେକିହାଲି  
ପୂଜା ଅଡ଼େ ଦାନା ହେର୍ପାନା  
ମାହାପୁରୁତି ସେବା କିନେସି □

୧୮ ଏଞ୍ଜାସି ବୁଦି ହିଲାଆ ଗାଟାରି  
ଅଡ଼େ ନାଡ଼ିକିଞ୍ଜି ଆହିମାନି ଲକୁଣି  
ଅରହିନାଣି ତସାଲି ଆଡ଼ିନାସି, ଇଚିହୁଁ  
ଏଞ୍ଜାସି ତାନୁଏ ଜିକେଏ ବାଡ଼ୟୁ  
ହିଲାଆଗାଟାସି;

୧୯ ଅଡ଼େ ଖାରଇ ଏଟକା ଲକୁତି ପାପୁ  
ତାକି ଏଞ୍ଜାସି ପୂଜା କିହାଲି ଆନେ ଏଡ଼ି  
ଆଏ ସାମା ତାନି ପାପୁ ତାକି ଜିକେଏ  
ତାନୁ ପୂଜା କିହାଲି ଆନେ □

୨୦ ଅଡ଼େ ଆମ୍ବାଆରି ଇ କାଜା  
ପୂଜେରା ପାଣାଟି ତାମ୍ବୁଏ ଅହାକତାଲି  
ଆଡ଼ଅରି, ସାମା ହାରଣ ଏନିକିଁ  
ଆର୍ଞ୍ଜି ଆହାମାଚେସି, ଏଲେକିହୁଁଏ  
ମାହାପୁରୁ ତାଣାଟି ଏଞ୍ଜାସି ଆର୍ଞ୍ଜି  
ଆନାୟି ମାନେ □

୨୧ ଏଲେକିହୁଁଏ କ୍ରୀସୁ ଜିକେଏ  
କାଜା ପୂଜେରା ପାଣାଟି ଗାଞ୍ଜୁରିମି  
ତାନୁଏ ପାରା ହିଲାଆତେସି, ସାମା  
ମାହାପୁରୁ ଏଞ୍ଜାଣାକି ଏ ଗାଞ୍ଜୁରିମି  
ପାଣା ହାହାମାଚେସି, ଇଚିହୁଁ ଏଞ୍ଜାସି  
ଏଞ୍ଜାଣାଇ ଏଲେଇଞ୍ଜାମାଚେସି,  
“ନୀନୁ ନା ମୀରୁଏଣାଡ଼ି;

ନୀଞ୍ଜୁ ନାନୁ ନୀ ତାଞ୍ଜି ଆହାମାଈଁ  
□”

୭ ଏଲେକିହିଁଏ ଅଡ଼େ ର ତାଣା  
ଜିକେଏ ଏଲେଇଞ୍ଜି ମାନେସି,  
“ନୀନୁ ମଲ୍ଲକିସେଦକ ଲେହେଁ  
କାଲେଏତି ପୂଜେରା ଆଡ଼ି □”

୭ \*ଆମ୍ବାଆସି ଏଞ୍ଜାଣାଇଁ ହାକିତି  
ନୀଟହାଲି ଆଡ଼ିମାନେସି, ଏଞ୍ଜାସି ତାନି  
ଆଙ୍ଗା ତଲେ ନୀତା ମାଚାଟି, ମାହାପୁରୁ  
ନକିତା ହାରେକା ଡାହି ଡାହି  
ଅଡ଼େ କାଣ୍ଡୁତୁଲେ ପ୍ରାତାନା ଅଡ଼େ  
ବାଡ଼ିମାଲିହିଁ ହେଟପା ମାଚେସି, ଇଞ୍ଜା  
ତାନୁଏ ଜାହାରାଇଁ ଉଣା କିହାକତିନାସି  
ଅଡ଼େ ତାରିତାସି ମାଚାକି ମାହାପୁରୁ  
ଏଞ୍ଜାଣି ରାସ୍ତାଣି ଖେଚେସି,

୮ ଏଞ୍ଜାସି ମାହାପୁରୁ ମୀରଏସି  
ଆଡ଼ିଜିକେଏ ଦୁକୁତି ଅରହାନା ମାନଞ୍ଜି  
ଆହାଲି ଜାପିତେସି □

୯ ଇଲେଆହିଁ ତାରିଆହାନା ତାନି  
ହୁକୁମି ମାନଞ୍ଜି ଆନାରାକି କାଲେଏ  
ଗେଲ୍ପିନାସି ଆନେସି;

୧୦ ଏଦାଆଁତାକି ଏଞ୍ଜାସି ମାହାପୁରୁ  
ତାଣାଟି ମଲ୍ଲକିସେଦକତି ମେରାଲେହେଁ  
କାଜା ପୂଜେରା ଇଞ୍ଜା ଅଦିକାରା ବେଟା  
ଆଡ଼େସି □

ନାମୁ ଉଣାଆନି କାତା

୧୧ ଜୀସୁ କ୍ରୀସ୍ତୁତି କାତା ମାଙ୍ଗେ  
ହାରେକା ଖେହନାୟି ମାନେ, ସାମା  
ମିଙ୍ଗେ ତେଲ୍ଲୁହିଁ କିୟାଲି ହାରେକା  
କସ୍ତ, ଇଚିହିଁ ମୀ ଜୀଞ୍ଜୁତା ଖେନାୟି  
ହାରେକା ଉଣା ବାଡ଼ୁୟୁ ମାନେ □

୧୨ ଇଚିହିଁ ଇଚର ଦିନା ବିତ୍ରା  
ମୀରୁ ଜାପୁନାତେରି ଆନାୟି ମାଚେ,  
ଆଡ଼ିଜିକେଏ ମାହାପୁରୁତି ବଲ୍ଲୁ ଏଟକା  
ଲକୁ ଜାପୁହାଲି ତାକି ମିଙ୍ଗେ ଲଡ଼ା  
ଆହିମାଞ୍ଜାନେ; ଖାଜିତି ରାନ୍ଦା ଲଡ଼ା  
କିଆନା ପାଲୁ ମିଙ୍ଗେତାକି ଲଡ଼ା  
ଆହିମାଞ୍ଜାନେ □

୧୩ ଆମ୍ବାଆସି ପାଲୁ ଗହନାସି ଏଞ୍ଜାସି  
ନେହାଣି ଲାଗେଏତି କାତା ପୁଞ୍ଜାଲି

ଆଡ଼ଅସି, ଇଚିହିଁ ଏଞ୍ଜାସି ଉଣା  
କକାସି □

୧୪ ସାମା ପାତାଆଡ଼ି ଲକୁ, ଇଚିହିଁ  
ଆମ୍ବାଆରି ବୁଦିତଲେ ନେହାଣି  
ଲାଗେଏତାଣି ଆଡ଼ାଲି ଆଡ଼ିନେରି,  
ଏଞ୍ଜାରାକି ଖାଜିତି ରାନ୍ଦା ଲଡ଼ାମାନେ  
□



୧ ଏଦାଆଁତାକି ଖାଦୁ ମାର କ୍ରୀସ୍ତୁତି  
ମୁଲୁଏ ଜାପିତି କାତା ପିସାନା,  
ତାରିତଲେ ପାତାଆହାନା, ହାହାମାନି  
କାମାଟି ମନ ଖେଟହାନା, ମାହାପୁରୁ  
ତାଣା ନାମିନ,

୨ ବାପ୍ତିସ୍ତୁତି\* କାତା ଜାପୁନାୟି,  
ତାୟିଁତୁା କେୟୁ ଇଚିନାଣି, ହାତାରି  
ଖେଣ୍ଡେ ନିଙ୍ଗିନାୟି, କାଲେଏତି ଡଣ୍ଡୁତି  
ପୁନାଦି ଖେଣ୍ଡେ କିନାୟିମାନେ □

୩ ନୀଏଁ ମାର ନକିତା ହାନାୟିମାନେ,  
ହାଅ, ମାହାପୁରୁତି ହେଲ ଆଡ଼ିସାରେ  
ମାର ଇଦାଆଁ କିନ □

୪ ଆମିନି ଗାଗାରି ନାମୁତି ଉଣା  
କିହାମାନେରି, ଏଞ୍ଜାରି ଅଣ୍ଡାପାନା  
ଖେଣ୍ଡା ଖାହାଲି ଆଡ଼ିନେରିକି ?  
ଏଞ୍ଜାରି ମାହାପୁରୁ ଉଜେଡ଼ିତା ବାସା  
କିହିମାଚେରି, ଲାକପୁରୁ ଦାନାତି  
ଖାଣ୍ଡାନା, ସୁଦୁଜୀଞ୍ଜୁତା ଆଣ୍ଡାମାଚେରି,

\* ମାହାପୁରୁତି ନେହିଁ ବଲ୍ଲୁ ଇଞ୍ଜା  
ଖାହିମାନି ଜୁଗୁତି ବାଡ଼ୁୟୁତି ଡାକ୍ନାଣି  
ଏଞ୍ଜାରି ଖାଣ୍ଡା ମାନେରି,

୬ ଏଞ୍ଜାରି ସାତାଡ଼ି ପିସାନା ଲାଗେଏ  
ଆନେରି, ଆଡ଼ିହିଁ ମନତି ବାଦ୍ଲି  
କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାଇଁ  
ପୁଞ୍ଜି କିଞ୍ଜିକିହାଲି ଆଡ଼ାଆୟି,  
ଏଦାଆଁତାକି ଏଞ୍ଜାରି ତାମି ନାସ୍ତା  
ଆହାଲିତାକି ମାହାପୁରୁ ମୀରଏଣାଇଁ  
ପାସି ମୁଣ୍ଡାତା ଏକ୍ହାନା ଲକୁ ନକିତା  
ଏଞ୍ଜାଣାଇଁ ଲାଜା କିହିମାନେରି □

୭ ଇଚିହିଁ ଆମିନି ବୁମି ପିୟୁ ରିନି  
ଏୟୁ ଗହନେ ଇଞ୍ଜା ଆମିନି ତାସା

\* ୫:୭ ୫:୭ ମାତି ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୭      \* ୭:୭ ୭:୭ ମୁଞ୍ଜିନାୟି

କିନାରାକି ଲଡ଼ା ଆନି ଆନା କାମ୍ବି କିନେ,  
ଏ ବୃମିତି ମାହାପୁରୁ ବର ହାନେସି □

୮ ସାମା ଏମ୍ବାଆଁ ହାପୁକା ଅଡ଼େ  
ଜାଡ଼ା ନେୟନେ, ଆତିହ୍ ଏଦି  
ଏନି ଲାବା ଆଏ, ଏଦି ମାହାପୁରୁତି  
ବାକା ବେଟାଆନେ, ଅଡ଼େ ତାୟୁ ହିରୁଡ଼ା  
ଡ଼ାଞ୍ଜାହାନେ □

୯ ସାମା ଏ ଜୀଞ୍ଜୁତି ତାୟିୟାଁ, ମାମ୍ବୁ  
ଇଲେକ୍ କାତା ଖେସ୍ତି ଜିକେଏ ମୀ  
ତାଣା ମା ହାରେକା ନାମ୍ବୁ ମାନେ;  
ମୀରୁ ଗେଲପିଆହାଲି ମାହାପୁରୁତି ବର  
ବେଟାଆହାମାଞ୍ଜେରି □

୧୦ ଇତିହ୍ ମାହାପୁରୁ ମୀ କାମା,  
ଅଡ଼େ ମାହାପୁରୁ ଲକୁଣି ସେବା  
କିହିମାନାଣି ଅଡ଼େ ନୀଏଁ ଜିକେଏ  
କିହିମାନାଣି ଅଡ଼େ ତାନି ଦରୁ ତାକି  
ମୀରୁ ଆମିନି ଜୀଞ୍ଜୁନହ୍ ମାଞ୍ଜେରି,  
ଏଦାଆଁ ମାହାପୁରୁ ବାଣମ୍ବି ଆନେସି  
ଇଲେତି ଦାମ୍ବୁ ହିଲଆଗାଟାସି ଏଞ୍ଜାସି  
ଆଏ □

୧୧ ସାମା ମାଦି ରଣ୍ଡିଏ ଅଣ୍ଡପୁ,  
ମୀରୁ ତାୟୁ ପାତେକା ମାଞ୍ଜେତାକି  
ମୀ ଜୀଞ୍ଜୁନନାୟି କାଲେଏ ଡ଼ୟାପେ  
ଆତିହ୍ ମୀ ବାରେ ଆସା ପୂରା ଆନେ  
□

୧୨ ଏନିକ୍ ମୀରୁ ନିସ୍ତା ଆଆନା  
ଆମ୍ବାଆରି ନାମ୍ବୁ ଅଡ଼େ ସାସାତଲେ  
ଆଞ୍ଜାମାନାଣି ଅଦିକାରା କିହିମାନେରି  
ଏଞ୍ଜାରିଲେହେଁ ଆଦୁ □

ମାହାପୁରୁତି ଆଞ୍ଜିନାୟି ସାତା ଆନେ

୧୩ ଇତିହ୍ ମାହାପୁରୁ ଏରିବେଲା  
ଅବ୍ରାହାମଇଁ ଆଞ୍ଜାମାଚେସି, ଏରିବେଲା  
ଏଞ୍ଜାସି ତାନି ଆଞ୍ଜାମାନାଣି ମାନୁଞ୍ଜି  
ଆହାଲି ପାର୍ମାଣା କିହାମାଚେସି,  
ଏଞ୍ଜାଣି କିହାଁ ଆମ୍ବାଆସି କାଜାସି  
ହିଲଆକି ଏଞ୍ଜାସି ତାନି ଦରୁତଲେ  
ପାର୍ମାଣା କିହାଁ ଏଲେଇଞ୍ଜାମାଚେସି,

୧୪ ଏଞ୍ଜାସି ଏଲେଇଚେସି, “ନାନ୍ଦୁ  
ନିଙ୍ଗେ ସାତେଏ ବର ହିୟାଇଁ ଅଡ଼େ ନୀ  
କୃତାତି ହାରେକା ପାତିକିଇଁ □”

୧୫ ଅଡ଼େ ଇଲାଆହ୍ ହାରେକା  
ଅବ୍ରାହାନା ଅବ୍ରାହାମ ଆଞ୍ଜାମାନାଣି

କାତାମାଚାକି ଏଦାଆଁ ଚେଡ଼ା  
ଆହାମାଚେସି □

୧୬ ମାଣ୍ଡିୟାଁ ଏଞ୍ଜାରି କିହାଁ କାଜା  
ଦରୁତଲେ ପାର୍ମାଣା କିନେରି, ଅଡ଼େ  
କାତା ତାରି କିହାଲି ଏଞ୍ଜାରି ବାରେ  
ଗଡ଼ହା ପାର୍ମାଣା ତଲେ ତାରି ଆନେ  
□

୧୭ ମାହାପୁରୁ ଆମ୍ବାଆରାଇଁ ଇ  
ବାରେ ହାଇଁ ଇଞ୍ଜା ଆଞ୍ଜାମାଚେସି,  
ଏ ଆଞ୍ଜାମାନାଣି ମାନୁଞ୍ଜି ଆହାଲି  
ତାନି ଆଞ୍ଜାମାନାଣି ତାକି ପାର୍ମାଣା  
କିହାମାଚେସି □

୧୮ ଏନିକ୍ ଆମିନି ରୀ ବାଦଲି  
ଆଆଗାଟି କାତାତି ମାହାପୁରୁ ମିତି  
ଖେସାଲି ଆଡ଼ଅସି, ଏଦାଣି ତଲେ  
ନକିତି ବାସ୍ତୁତି ଆସାଲି ତାକି ବାସା  
ଚାୟୁତା ମାର ହଟି ମାନାୟି, ଇଞ୍ଜା ମାର  
ବାଡ଼ୟୁତି ରାହାଁ ବେଟାଆନାୟି □

୧୯ ଏୟୁ ଜାଜା ଦହ୍ନି ଲହ  
ମୁଣ୍ଡାଲେହେଁ, ଏ ବାସ୍ତୁ ମା ଜୀଞ୍ଜୁତି  
ଗେଲପି କିନାୟି ଅଡ଼େ ଆକ୍ତିନାୟି, ଏଦି  
ମାହାପୁରୁ ଇଲୁତି ଏଟକା କିନି ହିମ୍ବୁରି  
ଲେଟାମାନି ଚାୟୁତା ହଡ଼ାନା ଆଟ୍ଞା  
ଅଡ଼େ ତାରି ଆହାମାନେ,

୨୦ ଅଡ଼େ, ଜୀସ୍ତୁ ଏ ଚାୟୁତା  
ମଲ୍ଲକିସେଦକ ଲେହେଁ କାଲାକାଲାତି  
କାଜା ପୂଜେରା ଆହାନା ମା ନକିତା  
ତାକିନି ଲେହେଁ ହଡ଼ାମାନେସି □

## ୭

ମଲ୍ଲକିସେଦକତି ପୂଜେରା ପାଣା

୧ ଇ ମଲ୍ଲକିସେଦକ ସାଲେମ  
ଦେସାତି ରାଜା ଅଡ଼େ ବାରେକିହାଁ  
କାଜା ମାହାପୁରୁତି ପୂଜେରା ମାଚେସି  
□ ଅବ୍ରାହାମ ଅଡ଼େ ତାନି ତଡ଼ତୁାରି,  
ସାରି ଜାଣା ରାଜାୟାଁ ତଲେ ଜୁଜୁତା  
ଜୀଣା ଆହାଁ ଖେଣ୍ଡେ ଖାହିମାତି  
ବେଲାତା ମଲ୍ଲକିସେଦକ ଅବ୍ରାହାମଇଁ  
ବେଟାଆହାନା ବର ହାଚେସି;

୨ ଅବ୍ରାହାମ ଜିକେଏ ଏଞ୍ଜାଣାକି  
ଜୁଜୁତା ଜୀଣାଆହାମାତି ଆସ୍ତିତି ଦସ  
ବାଗାତି ର ବାଗା ହାହାମାଚେସି □

ମଲ୍ଲକିସେଦକ, ଇଚିହ୍ନ “ଦାର୍ମ୍ଭିତି ରାଜା” ଅଡ଼େ ସାଲେମତି ରାଜା, ଇଚିହ୍ନ “ହିତ୍ତିତି ରାଜା □”

୩ ଏଞ୍ଜାଣି ତାଲି ତାଞ୍ଜି ଆକୁ ଆବାର୍ଯ୍ୟା ଦରକା କି ଏଞ୍ଜାଣି ଜାର୍ନା ଦିନା କି ଜୀଞ୍ଜୁତି ରାତି ଦିନା ଆମ୍ବିୟାଞ୍ଜା ରାସ୍ତକି ଆହାହିଲେଏ; ଏଞ୍ଜାସି ମାହାପୁରୁ ମୀରୁଏସି ଲେହେଁ କାଲା କାଲାକି ପୂଜେରା ଆହାମାଚେସି □

୪ ଅଣ୍ପାରି କିଦୁ, ମଲ୍ଲକିସେଦକ ଏଚେକା କାଜାସି ମାଚେସି, ଆକୁ ଅବ୍ରାହାମ ଜୁକୁତା ଜୀଣାଆହାନା ତାରାମାଟି ଆସ୍ତିଟି ହାଚ୍ଚେରକା ନେହ୍ନ ଆସ୍ତିଟି ଦସ ବାଗାଟି ର ବାଗା ଏଞ୍ଜାଣାକି ହାହାମାଚେସି □

୫ ଲେବି କୃତାତି ମୀରକା ବିତ୍ରାଟି ଆମିନି ଗାଗାରି ପୂଜେରା ପାଶା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସ୍ରାୟେଲ ଲକୁ ତାଣାଟି ଇଚିହ୍ନ ତାମି ତାୟିୟା ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଙ୍ଗାଟି ଜାର୍ନା ଆଡ଼ିଜିକେଏ ତାମି ଲକୁ ତାଣାଟି ଦସ ବାଗାଟି ର ବାଗା ଅନେରି;

୬ ମଲ୍ଲକିସେଦକ ଲେବି କୃତାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ ତାଣାଟି ଦସ ବାଗାଟି ର ବାଗା ଅଡ଼େସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବର ହାଚେସି □

୭ ବର ହାନାସି ବର ବେଟାଆନାଣି କିହ୍ନା କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି □

୮ ଇଲେକିହ୍ନ ହାନି ମାଣସିୟା ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏଚିବେଲ୍ଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାଚେସି ଏଞ୍ଜାଣି କାତା ସାକି ହୀପ୍ପକି ଆହିମାନେ, ଏଞ୍ଜାସି ହାହା ହିଲଅସି □

୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାଟି ର ବାଗା ଅହିମାନି ଲେବି ତାନୁ ଜିକେଏ ଅବ୍ରାହାମ ତାଣାଟି ଦସ ବାଗାଟି ର ବାଗା ହାହାମାନେସି □

୧୦ ଏନାଆଁତାକି ଇଚିହ୍ନ ଅବ୍ରାହାମଲ୍ ମଲ୍ଲକିସେଦକ ଆଣ୍ଡିତାଟି ଲେବି ଏଚିବେଲ୍ଲାତା ଜାର୍ନା ଆହା ହିଲ୍ଲାଆଚେସି ସାମା ଲେବି ଏଞ୍ଜାଣି ଆଙ୍ଗା ବିତ୍ରା ମାଚେସି □

୧୧ ଇ ଲେବିୟ ଲକୁତି ପୂଜେରା ପାଶା ତଲେ ଇସ୍ରାୟେଲ କୃତାତି ଲକୁ ତାକି ମସାତି ମେରା ହୀପ୍ପକି ଆହାମାଚେ □ ଅଡ଼େ ଲେବି ଲକୁତି କାମା ନେହ୍ନ କିହାଲି ଆଡ଼ିତିହ୍ନାମା, ହାରଣତି ଅଦିକାରାଗାଟି ଇ ଲେବି ପୂଜେରାଙ୍ଗା ପିସାନା ମଲ୍ଲକିସେଦକ ଅଦିକାରା ଲେହେଁ ଅର କୃତାତି ପୂଜେରା ଲଡ଼ା ହିଲ୍ଲାଆଚେ □

୧୨ ଇଚିହ୍ନ ପୂଜେରା ପାଶା ବାଦ୍ଲି ଆନେ, ଆତିହ୍ନ ମସା ମେରା ଜିକେଏ ବାଦ୍ଲି ଆନାୟି ମାନେ □

୧୩ ଇଚିହ୍ନ ଆମ୍ବାଆରି ତାକି ଇ ବାରେ ଷେସ୍ପି ଆହାମାନେ, ଏଞ୍ଜାସି ଅର କୃତାତି ଲକୁ ମାଚେସି, ଆମିନି କୃତାତାରି ଆମ୍ବାଆସି ଏଚେଲ୍ଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅସି □

୧୪ ଇଚିହ୍ନ ଇଦି ସାତା ମା ପ୍ରୁ ଜୀହୁଦା କୃତାଟି ଜାର୍ନା ଆହାମାନେସି ଇଞ୍ଜା ମସା ଇ କୃତାତି ପୂଜେରା ପାଶା ତାକି ଏନାଆଁ ଷେସାହିଲଅସି □

ମଲ୍ଲକିସେଦକ ଲେହେଁ ଅଡ଼େ ର ପୂଜେରା

୧୫ ଅଡ଼େ ଇଦି ଇମ୍ବାଟି ଜିକେଏ ନେହ୍ନ କ ପୁନାୟି, ମଲ୍ଲକିସେଦକ ଲେହେଁ ଅଡ଼େ ର ପୂଜେରା ହଚାମାନେସି □

୧୬ ଏଞ୍ଜାସି ଆଙ୍ଗା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଞ୍ଜୁତି ବାଡ଼ୁଟି ପୂଜେରା ପାଶା ମେଡ଼ିକିଞ୍ଜି ଆହାମାନେସି □

୧୭ ଇଚିହ୍ନ ଦାର୍ମ୍ଭପତିତା ଏଞ୍ଜାଣି ତାକି ଇଲେକ୍ ଦାର୍ମ୍ଭ ସାସ୍ପେରିତା ସାକି ହୀପ୍ପକି ଆହାମାନେ; “ନୀନୁ ମଲ୍ଲକିସେଦକ ଲେହେଁ କାଲାକାଲାତି ପୂଜେରା ଆଡ଼ି □”

୧୮ ଇମ୍ପାଆଁ ତଲିତି ହୁକୁମି ବାଡ଼ୁମୁ ହିଲ୍ଲାଆଗାଟାୟି, ଉଜେଏତାୟି ଲାକା ଏଡ଼ି ମେଣ୍ଟା ହାଜାମାନେ □

୧୯ ଏନାଆଁତାକି ଇଚିହଁ ମସାତି ମେରା ଏନାଆଁଖା ତୀରି କିହାଲି ଆଡ଼ାଆତେ □ ଅରଞ୍ଜାକି ବାରେକିହାଁ ହାଡ଼େକା ନେହଁ ବାସୁଁ ହଡ଼ାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି □

୨୦ ମା. ତାକି ମାହାପୁରୁତି ପାରମାଣା ହାଡ଼େକା ମାନେ □ ହାରଣ କୃତାତି ପୂଜେରା ପାଣାତା ଆଡ଼ୁଞ୍ଜି ଆଡ଼ାଟି ଇଲେତି ଏନି ପାରମାଣା ହାପକି ଆହାହିଲ୍ଲାଆତେ □

୨୧ ସାମା କ୍ରୀସ୍ତ ପୂଜେରା ଆନି ବେଲ୍ଲାତା ମାହାପୁରୁ ପାରମାଣା କିହାନା ଏଞ୍ଜାଣାକ୍ ଏଲେଇଞ୍ଜାମାଚେସି, “ପ୍ରବୁ ର ପାରମାଣା କିହାମାନେସି, ଏଞ୍ଜାସି ତାନି ଅଣ୍ଟପୁତି ବାଦ୍ଲି କିଅସି,

ନୀନୁ କାଲ୍ଲାକାଲ୍ଲାତି ପୂଜେରା ଆଡ଼ି □”

୨୨ ପ୍ରବୁ ଇଲେକଁ ପାରମାଣା କିହାମାନାକି ଜୀସୁ ଅଡ଼େ ର ହାଡ଼େକା ନେହଁ ରାଜିମାନା କିନାସି ଆହାମାନେସି □

୨୩ ପ୍ଲାଞ୍ଜ ତାଣା ଜିକେଏ ଏଟକା ପୂଜେରାକ୍ପା ହାନାରି ଆହାମାନାକି ଏଞ୍ଜାରି ହାଡ଼ି ତାୟୁ ଏଟକାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଞ୍ଜାରି ହାଡ଼େକା □

୨୪ ସାମା ଜୀସୁ କାଲ୍ଲାକାଲ୍ଲା ନୀତାମାନାକି, ଏଚେଲ୍ଲାଞ୍ଜା ବାଦ୍ଲି ଆଆ ପୂଜେରା ପାଣା ବେଟାଆହାମାନେସି □

୨୫ ଏଦାଆଁତାକି ଏଞ୍ଜାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାଡ଼େପୁରେ ନୀଏଁ ଅଡ଼େ କାଡ଼େଏ ଗେଲ୍ପାଲି ଆଡ଼ିମାନେସି, ଏନାଆଁତାକି ଇଚିହଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଡ଼େଏ ନୀତାମାନେସି □

୨୬ ଏନାଆଁତାକି ଇଚିହଁ ଇଲେତି କାଜା ପୂଜେରା ମା. ତାକି ନେହାଁସି, ଆମ୍ବାଆସି ସୁଦୁଗାଟାସି, ଦହ ହିଲ୍ଲାଆଗାଟାସି, ଲାଗେଏତି ସିନା ହିଲ୍ଲାଆଗାଟାସି ପାପୁ ଗାଟାରି ତାଣାଟି ଏଟକା ଆହାମାନାସି, ଲାକପୁରୁ ଅଞ୍ଜିଆଡ଼େସି □

୨୭ ଏ କାଜା ପୂଜେରା ଲେହେଁ ବାରେଦିନା ନଡ଼େଏ ତାନି ପାପୁ ତାକି ଅଡ଼େ ତାୟୁ ଲକୁତାକି ବାରେଦିନା ପୂଜା ହାହାଲି ଲଡ଼ା ହିଲେଏ, ଇଚିହଁ ତାଙ୍ଗେ ପୂଜା ହାତାକି ଏଞ୍ଜାସି ରଣ୍ଡିଏ ପାଲି ଇଦାଆଁ କିହାମାନେସି □

୨୮ ଏନାଆଁତାକି ଇଚିହଁ ମସାତି ମେରା ବାଡ଼ୁମୁ ହିଲ୍ଲାଆଗାଟି ମାଣ୍ଡସିକ୍ କାଜା ପୂଜେରା ପାଣାତା ଆଡ଼ିନେ, ସାମା ଆମିନି ପାରମାଣାଟି ବଲ୍ଲୁ ମସାତି ମେରା ଜେଟ ଆହାମାଚେ, ଏଡ଼ି କାଲ୍ଲାକାଲ୍ଲା ତାକି ତୀରିଗାଟି ମୀର୍ଏଣାକ୍ ଆଡ଼ିମାନେ □

୮

ଜୀସୁ ମା. କାଜା ପୂଜେରା

୧ ମାମ୍ବୁ ଏନାଆଁ ଝେସିମାଞ୍ଜାନମି ଏମ୍ବାତି କାଜା କାତା ଇଦି, ମାଙ୍ଗେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଠିନି ଟଟତା କୁଗାମାନେସି □

୨ ଏଞ୍ଜାସି ବାରେତି କିହାଁ ସୁଦୁ ଟାୟୁତା ଇଞ୍ଜା ଆମିନି ସାତା ତୁମ୍ବୁ ଇଲ୍ଲୁ ମାଣ୍ଡସି କେୟୁଟି କେପି ଆଆନା ପ୍ରବୁ ତାଣାଟି ତୀରି ଆହାମାନେ ଏମ୍ବାତି ସେବା କାମା କିନେସି □

୩ ଇଚିହଁ ବାରେ କାଜା ପୂଜେରାକ୍ପା ଦାନା ଅଡ଼େ ଜଡ଼ିତି ଡାକାହାଁ ପୂଜା କିହାଲି ଆଡ଼ୁଞ୍ଜି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେର୍ପାଲି ତାକି ଲଡ଼ାମାନେ □

୪ ଜୀସୁ କ୍ରୀସ୍ତ ଦାର୍ଡିତା ମାଚିହଁ ମା, ପୂଜେରା ଜିକେଏ ଆୟାଲି

ଆଡ଼ାଆଡ଼େସିମା, ଏନାଆଁତାକି ଇତିହାସ  
ଜୀହୁଦି ଲକ୍ଷ୍ମଣ ଫେରା ଲେହେଁ ଦାନା  
ହେଉପିନେରି ଇଲେତି ପୂଜେରାଜା  
ଏମ୍ବାଆଁ ମାନେରି;

୫ ପୂଜେରାଜା ଆମ୍ବାଆରି ସେବା  
କିନେରି, ଏଦି ଲାକପୁରୁତି କାତା  
ପୁଣ୍ଡିକିନିଲେହେଁତି ସାୟ୍ ସମାନା,  
ମସା ଏତିବେଲା ପୂଜା କିହାଲିତାକି  
ର. ତୁମ୍ବୁ କେପିନି ବେଲାତା ଏଞ୍ଜାଣାକ୍  
ମାହାପୁରୁ ଏଲେଇଞ୍ଜାମାନେସି,  
“ଜାଗ୍ରାତା, ହରୁତା ନିକ୍ଷେ ଆମିନି ହୁକୁମି  
ତସ୍ପି ଆହାମାଞ୍ଜାତେ, ଏଲେକିହ ଏ  
ବାରେ କେପାମୁ”

୬ ସାମା ନୀର୍ବ୍ବ ଜୀମୁକି ଆମିନି  
ପୂଜେରା କାମା ହୀପୁକି ଆହାମାନେ,  
ଏଦି ଏଟକାତି ପୂଜେରାଜା କାମା କିହାଁ  
କାଜାୟି □ ଏଲେକିହ ଏ ମାହାପୁରୁ  
ଅଡ଼େ ମାଣସିୟାଁ ମାଦି ଏଞ୍ଜାସି ଆମିନି  
ରାଜିମାନା କିହାମାନେସି ଏଦି କାଜାୟି,  
ଇତିହା ଇ ଫେରାତା ହାରେକା କାଜା  
କାତା ହାହାଲି ଆଞ୍ଜାମାନାୟି ମାନେ □

୭ ଇତିହା ତଲିତି ରାଜିମାନା ଏନି  
ଦହ ହିଲାଆତିହାଁମା, ତାୟ୍ ଅଡ଼େ  
ଅର ରାଜିମାନା ଲଡ଼ା ଆଆଡେମା □

୮ ସାମା ମାହାପୁରୁ ତାନି ଲକ୍ଷ୍ମଣ ଦହ  
ଦସାନା ଏଞ୍ଜାରାକ୍ ଏଲେଇଞ୍ଜା ମାନେସି,  
“ପ୍ରବୁ ଏଲେଇଞ୍ଜା ମାନେସି, ମେହ୍ବୁ ର.  
ଦିନା ଖାହିମାନେ,  
ଏତିବେଲା ନାନୁ ଇସ୍ତାୟେଲ କୃତା  
ଅଡ଼େ ଜୀହୁଦା କୃତା ତଲେ ର.  
ପୁଃନି ରାଜିମାନା ତୀରି କିକ୍;

୯ ଆମିନି କାଲାତା ନାନୁ ଏଞ୍ଜାରି  
ଆକୁୟାଣି କେମ୍ବା ଆସାନା  
ମିସର ଦେସାଟି ହପ୍ସହା  
ତାଚାମାଚେର୍ବ୍ବ,  
ଏ ବେଲାତା ଏଞ୍ଜାରିତଲେ  
ନାନୁ ଆମିନି ରାଜିମାନା  
କିହାମାଚେର୍ବ୍ବ, ଇ ରାଜିମାନା  
ଏଲେକିହ ଏଆ;

ଇଞ୍ଜା ଏଞ୍ଜାରି ନା ରାଜିମାନାତା ତୀରି  
ଆହ୍ ମାନାଆଡେତି,

ଇଞ୍ଜା ନାନୁ ଏଞ୍ଜାରାକ୍ ମନ  
ହୀଆଡେର୍ବ୍ବ, ପ୍ରବୁ ଇ କାତା  
ଏଲେ ଇଞ୍ଜାମାନେସି □

୧୦ ପ୍ରବୁ ଏଲେଇଞ୍ଜା ମାନେସି,  
ତାୟ୍ ନାନୁ ଇସ୍ତାୟେଲ କୃତା  
ତଲେ ଇ ରାଜିମାନା କିକ୍, ଏଦି  
ଇଦି,

ନାନୁ ଏଞ୍ଜାରି ମନତା ନା ଫେରା ହୀକ୍,  
ଏଞ୍ଜାରି ହିୟାତା ଏ ବାରେ ରାଡିକ୍,  
ଅଡ଼େ ଏଞ୍ଜାରି ମାହାପୁରୁ ନାନୁ ଆକ୍,  
ଅଡ଼େ ଏଞ୍ଜାରି ନା ଲକ୍ଷ୍ମ ଆନେରି □

୧୧ ମାହାପୁରୁକ୍ ପୁଞ୍ଜୁ ଇଞ୍ଜ ଏଞ୍ଜାରି  
ବିତ୍ରାଟି ରଅସିଞ୍ଜା ତାମି କୃତାତି  
ଗାଡ଼ାତାରାକ୍ ଖେହ୍ ଅସି,  
ଇଞ୍ଜା ତାମି ତାୟିୟାକ୍ କି  
ପାଡ଼ିତାରାକ୍ ଜାପୁଅରି,  
ଏନାଆଁତାକି ଇତିହା ଉଶାଟିଏ  
କାଜାରି ପାଡେକା ଏଞ୍ଜାରି  
ବାରେଜାଣା ନାକ୍  
ପୁଞ୍ଜାମାନେରି □

୧୨ ନାନୁ କାର୍ମାମେସାନା ଏଞ୍ଜାରି ବାରେ  
ପାପୁ ମେକ୍ କକ୍,  
ଅଡ଼େ ଏଞ୍ଜାରି ଲାଗେଏ କିନାଣି  
ଏଚେଲାଞ୍ଜା ଅଣପର୍ବ୍ବ □”

୧୩ ମାହାପୁରୁ ର. ପୁଃନି ରାଜିମାନା  
କିତାକି ତଲିତି ରାଜିମାନାକ୍ ପୁଃନି  
ରାଜିମାନା କିହାମାନେସି; ଇଞ୍ଜା ଅଡ଼େ  
ଆମିନି ପୁଃନି ଲଡ଼ା ହୀଆଗାଟାୟି  
ଆହାମାନେ, ଏଦି ଗାଡ଼େକେଏ  
ମେଣ୍ଜାନେ □

୯

ଦାରତି ଅଡ଼େ ଲାକପୁରୁତି ପ୍ରାତାନା  
୧ ସାଡେଏ ଏ ତଲିତି ରାଜିମାନା  
ଜିକେଏ ପ୍ରାତାନା କିନି ଫେରା ଅଡ଼େ ର.  
ଦାରତିତି ସୁଦୁ ଗାୟ୍ କିଞ୍ଜି ଆହାମାଚେ □

୨ ଏଦି ର. ତୁମ୍ବୁ ତଲେ କେପିତି  
ଇଲୁ ଆହାମାଚେ, ଏମ୍ବାତି ତଲିତି ବାକ୍  
ଇଞ୍ଜ ଇନେରି ଏମ୍ବାଆଁ ର. ଦୀର୍ଘ  
ସଡ଼ା, ର. ପିଣ୍ଡା ଅଡ଼େ ମାହାପୁରୁକି  
ହେରପାମାନି ରୁତି ମାଚେ, ଏଦାନି ସୁଦୁ  
ଗାୟ୍ ଇନେରି □

୩ ଏମ୍ଭାଆଁ ଲେଟାମାଟି ରା ଗାଡ଼ିନି ହିମ୍ବରକା ଡାୟୁଖାକି ଆମିନି ତୁମ୍ଭ ମାଟେ, ଏଦାଆଁ ହାରେକା ସୁଦୁ ବାକ୍ତା ଇଞ୍ଜି ଇନେରି;

୪ ଏମ୍ଭାଆଁ ବାଂଗାରା ତଲେ ଖାରି କିହାମାଟି ଦୁପ୍ପଣି ହୁଡ଼ିନି ର ପିଣ୍ଡା ଅଡ଼େ ବାଂଗାରା ତଲେ ଖାରି କିହାମାଟି ରାଜିମାନା ପେଡ଼ା ମାଟେ □ ଏ ରାଜିମାନା ପେଡ଼ାତା ମାନା ଇଟ୍ଟକି ଆହାମାଟି ର ବାଂଗାରା ମୁତା ଅଡ଼େ ହାରଣାଖାୟି ଆକୁ ଗାଲୁହାମାଟି ବାଡ଼ଗା ଇଞ୍ଜା ରାଜିମାନା ରାସ୍ତକି ଆହାମାଟି ରା ଖାଲି ପାଟାୟାଁ ମାରୁ,

୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିତାମାନି ଲେହେଁ ଗାଞ୍ଜୁରମିଗାଟି ଜଡ଼େକା କିରୁବ ଦୁତୁୟାଁତି ବମା ମାରୁ, ଏଞ୍ଜି ପାପୁ ମେଣ୍ଡାକି କିନି ଟାୟୁତି ପୁକ୍‌ହାମାରୁ; ଏଞ୍ଜି ପାପୁ ମେକ୍‌କିନି ଟାୟୁ ଲାକ ମାରାୟାଁ ପୁକ୍‌ହାମାରୁ, ଏ ବାରେତି କାତା ନୀର୍ବ ନେହଁ କଁ ଖେସାଲି ଲଡ଼ା ହିଲେଏ □

୬ ଏମ୍ଭାଆଁ ଇଲେତି ମେରା ମାନେ; ପୂଜେରାଜା ଦିନାତାକି ଦିନା ତୁମ୍ଭତି ତଲିତି ବାକ୍ତା ବିତ୍ରା ତାନି ସେବା କାମା କିନେରି,

୭ ସାମା ଡାୟୁତି ବିତ୍ରା ବାକ୍ତାତା ଖାରଇ କାଜା ପୂଜେରା ବାର୍ଯା ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଞ୍ଜାସି ନେତେରି ଅହାନା ହାରେକା ସୁଦୁ ଟାୟୁତା ହଡ଼ନେସି □

୮ ଇଦାଆଁତାକି ସୁଦୁଜାଞ୍ଜୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ ତୁମ୍ଭ ମାନି ପାତେକା ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ □

୯ ଇ ତଲିତି ବାକ୍ତା ନୀର୍ବ କାଲା ତାକି ପୁଣ୍ଡି କିଞ୍ଜିକିନି ସିନା, ଅଡ଼େ ଏଲେକିହଁଏ ଦାନା ଅଡ଼େ ପୂଜା ଇ ବାରେ ହୀପକିଆନେ, ସାମା ଇ ବାରେ ସେବା କିନାରାଇଁ ନେହଁ ଅଣ୍ଡପୁତି ଦାନା ହୀହାଲି ଆଡ଼େଏ;

୧୦ ଇତିହଁଏ ବାରେ ଖାରଇ ତିନାଣି ଉନାଣି ଅଡ଼େ ଅଟ୍‌ହାଲି ଆଜା ତାକି କିନି କାମାୟାଁ ସାମା ମାହାପୁରୁତି ପୁଃନି ମେରା ଆନି ପାତେକା ଇଦି ବାରେ ଲଡ଼ାଗାଟାୟି ଆହାମାଟେ □

୧୧ ସାମା କ୍ରୀସ୍ତ ନୀର୍ବ ନେହଁ କାମାତି କାଜା ପୂଜେରା ସମାନା ଆହାନା ଖାହାମାନେସି, ଇଞ୍ଜା ଏମିନି ତୁମ୍ଭ ଇଲୁତା ଏଞ୍ଜାସି ତାନି ସେବା କାମା କିହାମାନେସି, ଇ ଇଲୁ ଦାର୍ତତା ମାନି ତୁମ୍ଭ ଇଲୁ କିହାଁ ହାରେକା କାଜାୟି ଅଡ଼େ ନେହାୟି, ଏଦି ମାଣ୍ଡସି କେନ୍ଦୁତଲେ କେପାଆତି ତୁମ୍ଭ ଇଲୁ, ଏଦି ତଞ୍ଜାଆହାମାନି ଦାର୍ତତି ବିତ୍ରା ହିଲାଆତେ □

୧୨ କ୍ରୀସ୍ତ ଗରି କି ବାତା କଡ଼ି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଟାୟୁତା ହଡ଼ାନା କାଲାକାଲାତାକି ଗେଲ୍‌ପି ଆନାଣି କିହାମାନେସି □

୧୩ ଆମ୍ଭାଆରି ପାଣାପାରୁ ମାନଞ୍ଜି ଆଆନା ପାପୁ କିନେରି, ଏଞ୍ଜାରି ପଲ୍ଲଆ ଗାଟାରି ଲାକ ଗରି ଅଡ଼େ ବାତା କଡ଼ିତି ନେତେରି ଡାଞ୍ଜାନା ହୁଡ଼ିତି ଦାର୍‌ମ୍ଭ ତୁଲେ ଏଞ୍ଜାରି ଆଜାତି ବାରେ ପାପୁ ସୁଦୁ କିହିମାଟେରି,

୧୪ ଇଦି ସାତା ଆହାମାନେ, ଇତିହଁ କ୍ରୀସ୍ତତି ନେତେରି ସାତା ଆଏ, କି କାଲେଏତି ଜାଞ୍ଜୁତି ସାୟେମି ତଲେ ଏଞ୍ଜାସି ଜାହାରାଇଁ ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେରପିତେସି, ତାନି ନେତେରି ଏତେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଜି କିନି କାମାଟି ମା ଜାଞ୍ଜୁତି ଅଣ୍ଡପୁତି ସୁଦୁ କିନେ □

୧୫ ଇଦାଆଁତାକି କ୍ରୀସ୍ତଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକଁ ମୂଲୁ ରାଜିମାନାତି ପାପୁ ମେକ୍‌ହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲାକାଲାତି ଅଦିକାରା ଆହାଲି ଆଞ୍ଜାମାନି ଗେଲ୍‌ପି ଆନାଣି

ବେଟାଆନେରି □

୧୭ ଇତିହାସ ରାଜିମାନା କିଞ୍ଚି ଆହାମାତି ରାଜିମାନା ଆହାମାନି ମାଣସିତି ହାନି ପାରମାଣା ଲଡ଼ାମାନେ □

୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୁୟୁ ଆନେ, ଇତିହାସ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଝାଏ □

୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ □

୧୯ ତଲିଏ ମସା ମେରାତି ହୁକୁମି ଲକୁତାଣା ଝେକହେସି, ତାୟୁ ଏଝାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଟହାନା ଏସବ ଜାଡ଼ାତି ଆକା ଅଡ଼େ ନେତେରି ଝାଣାଗାଟି ମେଣ୍ଡା ବାଣାୟା ତଲେ ମେରା ପତି ଅଡ଼େ ବାରେ ଲକୁ ଲାକ ଡ଼ାଞ୍ଜିତେସି □

୨୦ ଏଝାସି ଏଲେଇଚେସି, “ଏମିନି ରାଜିମାନା ମାନଞ୍ଚି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ □”

୨୧ ଅଡ଼େ ଜିକେଏ ଏଲେକିହାସ ଏଝାସି ତୁମୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍‌ସୁ ଲାକ ଜିକେଏ ନେତେରି ଡ଼ାଞ୍ଜିତେସି □

୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟହି କିଞ୍ଚିଆନେ, ଅଡ଼େ ନେତେରି ଝାକ୍‌ଆନା ପାପୁ ମେଣ୍ଡେଏ □

କ୍ରୀସ୍ତତି ହାକିଟି ପାପୁ ମେଣ୍ଡେନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍‌ସୁ ପୁଣ୍ଡିକିନିଲେହେଁ ପୂଜା ତଲେ ଅଟଞ୍ଚି ଆନାୟି ମାଚେ; ସାମା ଲାକପୁରୁ କେପିତି ବାରେ ଦିଶ୍‌ସୁ ଇ କାଜା ପୂଜା ତଲେ ଅଟନାୟି ମାନେ □

୨୪ ଏନାୟି ମାଣସିୟା କେନ୍ଦୁଟି କେପାଆତାୟି ଇଲେଟି ସୁଦୁ ଟାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଝାସି ଲାକପୁରୁ ହାଜାମାନେସି,

ଏମ୍ବାଆଁ ଏଝାସି ମା ଝାକିଟି ନୀଏଁ ମାହାପୁରୁ ନକିତା ମାନେସି □

୨୫ ଜୀହୁଦିୟା କାଜା ପୂଜେରାଞ୍ଜା ଏନିକା ବାର୍ଯା ତାକି ବାର୍ଯା ଏଟକା ଲକୁ ତାକି ପୂଜା ହାନି ନେତେରି ଅହାନା ସୁଦୁ ଟାୟୁତା ହଡ଼ନେରି, ଏଲେକିହାସ ଏ କ୍ରୀସ୍ତ ଅଲେ ଅଲେ ତାଙ୍ଗେ ପୂଜା କିହାଲି ଏଦି ଏମ୍ବାଆଁ ହାଜାହିଲଅସି □

୨୬ ଆତିହାସ ଦାର୍‌ତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଙ୍ଗେ ହାହାଲି ଆଡେମା; ସାମା ନୀଏଁ ଏଝାସି ଜୁଗୁ ରାନି ବେଲାତା ତାନୁଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି □

୨୭ ବାରେ ଲକୁତାକି ଏନିକା ରଣ୍ଡିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାୟି ମାନେ □

୨୮ ଏଲେକିହାସ ଏ କ୍ରୀସ୍ତ ଜିକେଏ ହାରେକା ଲକୁଟି ପାପୁ ଡ଼େକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିତେସି, ଅଡ଼େ ଝେଣ୍ଡେ ପାପୁ ତାକି ଆଏ, ସାମା ଆମିନି ଗାଟାରି ଏଝାଣାଈଁ କାଟାମାନେରି, ଏଝାରାଈଁ ଗେଲପାଲିତାକି ତଞ୍ଜାଆନେସି □

## ୧୦

୧ ଇତିହାସ ମସାତି ମେରା ଝାହିମାନି ଦିନାତି ନେହାସାୟି ଲେହେଁ ଆହାନା ଏ ବାରେଟି ଝାଣା ଆଆତାକି ପୂଜେରାଞ୍ଜା ବାର୍ଯା ତାକି ବାର୍ଯା ଏ ରଣ୍ଡିଏ ରଲେଟି ପୂଜା କିହିମାନାକି ପ୍ରାଡ଼ାନା କିନାରାଈଁ ଏଚେଲାଝା ତୀରି କିହାଲି ଆଡ଼ଅରି □

୨ ଏଲେକିହାସ ମାହାପୁରୁଟି ସେବା କିନାରି ସାତେଏ ପାପୁଟି ନରଞ୍ଚି ଆଡ଼ିହାସା, ଆଡ଼ିହାସ ଏଝାରି ଅଡ଼େ ଜାହାରାଈଁ ପାପୁ ଗାଟାତମି ଇଞ୍ଜା ଅଣ୍ଡାଆତେରିମା, ଅଡ଼େ ବାରେ ପୂଜା କିନାୟି ତୁଙ୍ଗିତେମା □

୩ ସାମା ଏଲେକା ଆଆନା ବାର୍ଯା ତାକି ବାର୍ଯା ପୂଜା କିହିମାନାକି ମାଣସିଈଁ ତାନି ପାପୁଟି ଅଣ୍ଡା କିଞ୍ଚିଆହିମାନେ □



୪ ଇଚିହ୍ନ ବାଚା କଡ଼ିତି ନେତେରି  
ଆପେ କି ଗରିତି ନେତେରି ଆପେ  
ଏଡ଼ି ଏଚେଲାଖା ମା ପାପୁ ମ୍ଲେକ୍‌ହାଲି  
ଆଡ଼େଏ □

୫ କ୍ରୀସ୍ତ ଦାର୍ତ୍ତିତା ଖାହାନା  
ଏଲେଇଞ୍ଜାମାରେସି,  
“ନୀନୁ ପୂଜା ଅଡ଼େ ଦାନା ହୀନାଣି ରାହାଁ  
ଆଆଡ଼ି,  
ସାମା ନୀନୁ ନାଜେତାକି ର ଆଜ୍ଞା  
କେପିତି;

୬ ପାପୁତି ମ୍ଲେକ୍‌ହାଲି ନୀନୁ ହିରୁତା  
ହୁଡ଼ିନି ପୂଜା ଅଡ଼େ ଜନ୍ତ  
ଡାକିନାଣି ରାହାଁ ଆଆଡ଼ି □

୭ ଏଚିବେଲା ନୀନୁ ଏଲେଇଚେଏ,  
ମାହାପୁରୁ, ନୀନୁ ଇମ୍‌ଆଁ ମାଲ୍,  
ନୀ ଅଣ୍‌ପୁତି କାମା କିହାଲି,  
ଏନିକିହ୍ନ ସାସ୍ତେରିତା ନା କାତା  
ରାସ୍‌କି ଆହାମାନେ □”

୮ ଏଞ୍ଜାସି ତଲିଏ ଝେସ୍ତେସି, “ନୀନୁ  
ମାଣ୍‌ସିତି ପାପୁ ମ୍ଲେକ୍‌ହାଲି ପୂଜା  
କିନାଣି, ଦାନା ଇଞ୍ଜା ଜନ୍ତତି ହିରୁତା  
ହୁଡ଼ିନାଣି ଅପିହିଲଅତି; ଏ ବାରେ  
ନିଜେ ରାହାଁ କିୟାଲି ଆଡ଼େଏ □”  
ଇ ବାରେ ପୂଜା ମୋରାଲେହେଁ କିଞ୍ଜି  
ଆହାମାଚି ଜିକେଏ,

୯ ଅଡ଼େ ଜିକେଏ ଏଞ୍ଜାସି ଏଲେଇଚେସି,  
“ମାହାପୁରୁ ମୋହ୍‌ମୁ, ନୀନୁ ନୀ  
ମନଲେହେଁ କାମା କିହାଲି ଖାହାମାଲ୍”  
ଏଦାଆଁତାକି ମାହାପୁରୁ ଇ ବାରେ ପୂଜା  
ଅପାଆନା, ଏଦାଣି ପିସାନା କ୍ରୀସ୍ତତି  
ପୂଜା ଅପିତେସି □

୧୦ ଜୀସ୍ତ କ୍ରୀସ୍ତ ରଣ୍ଡିଏ ଦେବା  
କାଲାକାଲାତାକି ତାନି ଆଜ୍ଞାତି  
ହେର୍‌ପାନା ମାହାପୁରୁତି ମନତଲେ  
କାମା କିହାଲିଏ, ତାନି ଏ ପୂଜାଚି, ମାର  
ବାରେ ଜାଣାତାୟି ପାପୁଚି ଗେଲ୍‌ପି  
ଆହାନା ସୁଦୁ ଗାଟାତାୟି ଆହାମାନାୟି  
□

୧୧ ଅଡ଼େ ଜିକେଏ ବାରେ ଜୀହୁଦି  
ପୂଜେରାଜ୍ଞା ବାରେଦିନା ସେବା କାମା  
କିହାଲି ଅଲେ ଅଲେ ରଲେଏତି ପୂଜା  
ହୀହାଲି ନିନେରି; ଇ ବାରେ ଏଚେଲା  
ପାପୁ ମ୍ଲେକ୍‌ହାଲି ଆଡ଼େଏ □

୧୨ ସାମା କ୍ରୀସ୍ତ ପାପୁ ତାକି  
ରଣ୍ଡିଏ ଦେବା ତାଜେ ପୂଜା ଅହାଲି  
ହେର୍‌ପାକତିତି ତାୟୁ କାଲେଏତାକି  
ମାହାପୁରୁ ଚିଃନି ଚଟତା କୁଗିତେସି;

୧୩ ମାହାପୁରୁ ତାନି ସାତୁୟାଲ୍ ଏଞ୍ଜାଣି  
କତାୟା ଡ଼ଇ ଇଟାଆ ପାତେକା ଏଞ୍ଜାସି  
ଏମ୍‌ଆଁ କାଚିମାନେସି □

୧୪ ଇଚିହ୍ନ ଖାରଇ ରଣ୍ଡିଏ ପୂଜା  
ହୀତି ତାଣାଚି ଏଞ୍ଜାସି ପାପୁଚି ସୁଦୁ  
ଆହାମାନି ଲକୁଇଁ କାଲେଏ ତାକି ତୀରି  
କିହାମାନେସି □

୧୫ ସୁଦୁଜୀସ୍ତ ଜିକେଏ ମାଜେ ସାକି  
ହୀହାନା ଝେସିମାଞ୍ଜାନେ □

୧୬ ଇଚିହ୍ନ ପ୍ରବୁ ଇ କାତା ଏଲେଇଞ୍ଜି  
ମାନେସି,

“ଏ ଖାନି ଦିନା ନୀନୁ ଏଞ୍ଜାରିତଲେ  
ଆମିନି ପୁଃନି ରାଜିମାନା କିଇଁ,  
ଏଡ଼ି ଇଦି, ନୀନୁ ଏଞ୍ଜାରି ହିୟାତା ମସାତି  
ମୋରା ହୀଇଁ,  
ଇଞ୍ଜା ଏଞ୍ଜାରି ମନତା ଏ ବାରେ  
ରାଚିଇଁ □”

୧୭ ଅଡ଼େ ଏଞ୍ଜାସି ଏଲେଇଞ୍ଜି ମାନେସି,  
“ନୀନୁ ଏଞ୍ଜାରି ପାପୁ ଅଡ଼େ ଲାଗେଏତି  
କାମାୟା ଏଚେଲାଖା ଝେଣ୍ଡେ ଅଣ୍‌ପଅଁ  
□”

୧୮ ଇଦାଆଁତାକି ବାରେ ପାପୁ ଦହ  
ମୋଣ୍‌ଜିସାରେ ଅଡ଼େ ଏଚେଲାଖା ପୂଜା  
ହୀହାଲି ଲଡ଼ା ଆଏ □

ମାହାପୁରୁ ତାଗେ ହାନାୟି  
୧୯ ଏଦାଆଁତାକି ଏ ତାୟିୟା ଅଡ଼େ  
ତାଜିସ୍ତା, ଜୀସ୍ତ ହାହାମାନାକି ମାର ସୁଦୁ  
ଚାୟୁତା ହଡ଼ାଲି କାଜା ଅଦିକାରା ବେତା  
ଆହାମାନାୟି,

୨୦ ଏଞ୍ଜାସି ଲେତାମାନି ତାନି ଆଜ୍ଞା  
ଲେହେଁତି ଚାଚିନି ହିମ୍‌ରି ତଲେ  
ମାଜେତାକି ର ପୁଃନି ଇଞ୍ଜା ନୀତିନି  
ଜିରୁ ଦେଚାମାନେସି □

୨୧ ମାହାପୁରୁ ଇଲୁ ନୀଏଁ ମା କାଜା  
ପୂଜେରା ତାଣା ମାନେ,

୨୨ ଏଦାଆଁତାକି ଖାଦୁ, ମାର ସୁଦୁ  
ହିୟା ଅଡ଼େ ଆଚ୍‌ଞ୍ଜା ନାମୁଚି ମାହାପୁରୁ  
ନକିତା ହାନ; ଇଚିହ୍ନ ମାର ନୀଏଁ ପାପୁ

ଅଣ୍ଟପୁଟି ଅଟ୍ଟି ଆହାମାନାୟି ଅଡ଼େ ମା  
ଆଜ୍ଞା କ୍ରୀସ୍ତତି ନେତେରି ତଲେ ନରଞ୍ଜି  
ଆହାମାନେ □

୨୩ ମାର ଝେକହାମାନି ଆସା ବାସ୍ତୁତି  
ବାଡ଼ୟୁ ତଲେ ଆହନ, ଏନାଆଁତାକି  
ଇଚିହ୍ମି ମାହାପୁରୁ ଆଜ୍ଞାମାନେସି,  
ଏଞ୍ଜାସି ଚିକାଣାତାସି;

୨୪ ଅଡ଼େ ଜୀଝୁ ନଞ୍ଜି ଆହାଲି ଇଞ୍ଜା  
ନେହ୍ମି କାମା କିଞ୍ଜି କିହାଲିତାକି  
ରଅତାୟି ରଅଣାଈଁ ସାଝେମି କିହାଲି  
ମନ ହାନ,

୨୫ ଅଡ଼େ ଆମ୍ବା ଆମ୍ବାଆରି ମାହାପୁରୁ  
କୁଲମି ପ୍ରାତାନାତା ରୁଣ୍ଡା ଆହାଲି  
ହେଲା ଆନେରି, ମାର ଏଲେକ୍ମି  
କିଆପ; ସାମା ରଅତାୟି ରଅଣାଈଁ ବାସ୍ତୁ  
ହାଞ୍ଜିଆନ, ଏନାଆଁତାକି ଇଚିହ୍ମି ପ୍ରୁ  
ଞ୍ଜାନ୍ତି ଦିନା ତାଗେ ଞ୍ଜାହିମାନେ ଇଞ୍ଜ  
ମେସିମାନାୟି □

୨୬ ମା ନକିତା ସାତା ତଞ୍ଜା ଆଡ଼ି କେଚ  
ମାର ପୁଞ୍ଜି ପୁଞ୍ଜିହ୍ମି ପାପୁ କିହିମାନାୟି,  
ଆଡ଼ିହ୍ମି ଏନ୍ତି ପୂଜା ପାପୁଟି ଗେଲ୍ପାଲି  
ଆଡେଏ,

୨୭ ଆଡ଼ିହ୍ମି ମାର ଞ୍ଜାହିମାନି  
କାଜା ନାହାୟି ନକିତା ମାହାପୁରୁଈଁ  
ଅପାଆଗାଟି ଲକୁ ତାକି ମାନି ହିରୁତା  
ନାସା ଆନାଣି ଆଜାନା ଡ଼ୟିନି ପିସ୍ପେ  
ମାଡ଼ି ଅଡ଼େ ଏଟକା ଏନ୍ତି ତଣ୍ଡୁ ହିଲେଏ  
□

୨୮ ଆମ୍ବାଆସି ମସା ମେରାତି ମାନଞ୍ଜି  
ଆଆସାରେ, ଏଞ୍ଜାସି କାର୍ମା ମେସ୍ପି  
ଆଆନା ରିଆରି କି ତାନି ଜାଣା ସାକି  
ତଲେ ଦହଗାଗାସି ଇଞ୍ଜା ପୁଞ୍ଜାନା,  
ଏଞ୍ଜାଣାଈଁ କାର୍ମା ମେହ୍ମିଆନା ହାନ୍ତି ତଣ୍ଡୁ  
ହାଞ୍ଜିଆନେ □

୨୯ ଇଞ୍ଜା ଅଣ୍ଟପାଦୁ ଆମ୍ବାଆସି  
ମାହାପୁରୁ ମାରଏଣାଈଁ କଡ଼ା ଡ଼ଇ  
ଞ୍ଜିସାମାନେସି, ପୁଞ୍ଜି ରାଜିମାନାତି  
ଆମିନି ନେତେରି ତଲେ ଏଞ୍ଜାସି ସୁଦୁ  
ଆହାମାନେସି, ଏଞ୍ଜାଣାଈଁ ଡ଼ଣା ଇଞ୍ଜ  
ଅଣ୍ଟପାମାନେସି ଅଡ଼େ କାର୍ମା ହାନି  
ଜୀଝୁତି ଅପାହିଲଅସି, ଏଞ୍ଜାସି ଏଚେକା  
ହାଡ଼େଏ ତଣ୍ଡୁ ବେଗାଆଅସି □

୩୦ ଇଚିହ୍ମି ମାର ପୁଞ୍ଜାମାନାୟି,  
“ବାଦୁଲି ଅନାୟି ନା. ଅଦିକାରା,  
ନାନୁ ତାମି କାମାତି ପାଡ଼େୟି ହାଈଁ”  
ଆମ୍ବାଆସି ଇ କାତା ଏଲେଇଞ୍ଜା  
ମାନେସି, ଏଞ୍ଜାଣାଈଁ ନାନୁ ପୁଞ୍ଜାମାଈଁ,  
ଅଡ଼େ ଜିକେଏ “ପ୍ରୁ ତାନି ଲକୁଈଁ  
ନାହାୟି କିନେସି □”

୩୧ ନୀତାମାନି ମାହାପୁରୁ କେୟୁତା  
ହେଞ୍ଜିନାୟି ଏଡ଼ି ହାଡ଼େକା  
ଆଜିହ୍ମିପେତାୟି □

୩୨ ସାମା ଉଜେଡ଼ି ମେସ୍ପି ତାୟୁ  
ଏଚିବେଲାତା ମୀରୁ ହାଡ଼େକା  
ଦୁକୁ କସ୍ତ ବେଗାଆହାନା ହାଡ଼ି  
ଆହାହିଲଅତେରି, ମୀରୁ ଏ ତଲି  
କାଲାତି ଅଣ୍ଟପାଦୁ; ସାମା ମୀରୁ  
ଏଚେଲାଞ୍ଜା ହାଡ଼ି ଆହା ହାଲଅତେରି  
□

୩୩ ରକଞ୍ଜାକି ଅପାଆ ଗାଟାତେରି  
ଅଡ଼େ କସ୍ତା ଲାଜା କିଞ୍ଜିଆହିମାତେରି,  
ଅରଞ୍ଜାକି ଏଲେକିହ୍ମିଏ ମାହାପୁରୁ  
ଲେମ୍ବିମାନି ଲକୁତଲେ ଆଣ୍ଡିମାତେରି □

୩୪ ଇଚିହ୍ମି ମୀରୁ କାୟିଦି  
ଗାଟାରି ତଲେ ଆଣ୍ଡାନା ଦୁକୁ ବେଟା  
ଆହାମାତେରି, ଅଡ଼େ ମିଙ୍ଗେ ମୀ  
ହାଡ଼େକା ନେହ୍ମି କାଲେଏଡ଼ି ବାଡ଼କୁ  
ମାନେ, ଇଦାଆଁ ପୁଞ୍ଜାନା ରାହାତଲେ  
ମୀ ଦନ ମାଣ୍ଡାତା ଅନାଣି ମୀରୁ  
ଅରହିମାତେରି □

୩୫ ଇଦାଆଁତାକି ମୀରୁ, ମୀ ସାସା  
ପିହ୍ମିଆଦୁ ଇଚିହ୍ମି ଏମ୍ବାଟି ହାଡ଼େକା  
ଦାନା ମାନେ □

୩୬ ମାହାପୁରୁତି ଅଣ୍ଟପୁ ପୁରା କିହାନା  
ଏଞ୍ଜାସି ଆଜ୍ଞାମାନାଣି ବେଗାଆହାଲି  
ଆଡ଼ିଦେରି, ଏଦାଆଁତାକି ମୀରୁ ସାସା  
ଆସାନା ଡ଼ୟାଦୁ □

୩୭ ଇଚିହ୍ମି ଦାମ୍ବୁପତିତା ରାସ୍କି  
ଆହାମାନେ,

“ଇଚିହ୍ମି ହାଡ଼େକା ଡ଼ଣା ବେଲା  
ମାନେ,  
ଆମ୍ବାଆସି ଞ୍ଜାନାୟି ମାନେ, ଏଞ୍ଜାସି  
ଞ୍ଜାନେସି;  
ଅଡ଼େ ଏଞ୍ଜାସି ଞ୍ଜେଡ଼ା କିଅସି □

୩୮ ନା ଦାର୍ମ୍ଭିକି ମାଣ୍ଡସି ନାମୁତଲେ  
 ନୀତିନସି,  
 ସାମା ଆମ୍ବାଆସି ନା ତାଣାଟି ଗୁଚା  
 ଆନେସି,  
 ଆତିହୁଁ ଏଝାଣି ତାଣା ନା ଜୀଝୁ  
 ରାହାଁ ଆଏ ।।”

୩୯ ସାମା ଆମ୍ବାଆରି ନାସା ଆହାଲି  
 ଝେଣ୍ଡେ ଗୁଚା ଆନେରି, ମାମ୍ବୁ ଏଝାରି  
 ଗଚିତି ଲକୁ ଆଏ, ସାମା ଆମ୍ବାଆରି  
 ଜୀଝୁଟି ଗେଲପି ଆହାଲି ନାମିନେରି,  
 ମାମ୍ବୁ ଏଝାରି ଗଚିତି ଲକୁତମି ।।

## ୧୧

ନାମୁ

୧ ନାମୁ ଇତିହୁଁ ଆସା କିହିମାନାଣି  
 ବାରେ ସାତେଏ ବେଟାଆନାୟି, ଇଞ୍ଜା  
 ତଞ୍ଜାଆଆଗାଟାୟି ସାତେଏ ମାନେ  
 ଇଞ୍ଜା ପୁନାୟିଏ ନାମୁ ।।

୨ ତଲିତି ମା ଆକୁୟାଁ ମାହାପୁରୁଇଁ  
 ନାମାଲିଏ ମାହାପୁରୁ ତାଣା ଝେଜିତେରି  
 ।।

୩ \*ମାର ନାମୁଟି ପୁନାୟି, ବାରେ  
 ଦାର୍ତ୍ତି ମାହାପୁରୁଟି ବଲୁ ତଲେ  
 ଗାଡ଼ି ଆଡେ, ଅଡେ ଏନାୟିଝା ତଞ୍ଜା  
 ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି  
 ଆହା ହିଲେଏ ।।

୪ ନାମୁଟି ହେବଲ ମାହାପୁରୁ  
 ନକିତା କୟିନ କିହାଁ ନେହୁଁ  
 ପୂଜା ହେରପିତେସି ଇଞ୍ଜା ଏଦାଣି  
 ତଲେ ଏଝାସି ଦାର୍ମ୍ଭାଗାସି ଆଡେସି;  
 ମାହାପୁରୁ ତାନ୍ତୁଏ ତାନି ଦାନାତାକି  
 ସାକି ହୀତେସି, ଅଡେ ଏଝାସି ହାଡ଼ି  
 ଜିକେଏ ନୀଞ୍ଜୁପାତେକା ନାମୁଟି କାତା  
 ଆହିମାନେସି ।।

୫ ନାମୁଟି ହନକ ହାଆନା  
 ମାହାପୁରୁ ତାଣା ଆଞ୍ଜିଆଡେସି ଇଞ୍ଜା  
 ମେଣ୍ଡିକିତେସି; ଅଡେ ଏଝାସି ତଞ୍ଜା  
 ଆଆଡେସି, ଇତିହୁଁ ମାହାପୁରୁ  
 ଏଝାଣାଇଁ ଅହାନା ମେଣ୍ଡିକିତେସି,  
 ଏଝାସି ମାହାପୁରୁଟି ରାହାଁ ଗାଟାସି,

ମେଣ୍ଡିକିନି ନକେଏ ଏଝାସି ଏ କାତା  
 ଝେଞ୍ଜାମାତେସି;

୬ ଅଡେ ନାମୁ ହିଲାଆନା ଆମ୍ବାଆସି  
 ମାହାପୁରୁଇଁ ରାହାଁ କିହାଲି ଆଡ଼ଅସି,  
 ଇତିହୁଁ ମାହାପୁରୁ ସାତେଏ ମାନେସି  
 ଇଞ୍ଜା, ଅଡେ ଏଝାସି ତାଜେ  
 ପାରିନାରାଇଁ ତାମି କିତି କାମାଡ଼ି  
 ପାଡେୟି ହୀନେସି, ଇଦାଆଁ ଏଝାଣି  
 ତାଣା ଝାନ୍ତି ଲକୁ ନାମିନାୟିମାନେ ।।

୭ ନାମୁଟି ନହୁ ଏ ବେଲା ପାତେକା  
 ତଞ୍ଜା ଆଆଗାଟି କାତାତାକି ହୁକୁମି  
 ବେଟାଆହାନା ଆଜିତଲେ ତାନି କୁଟମି  
 ଗେଲପାଲିତାକି ର ଜାଜା କେପିତେସି,  
 ଇଞ୍ଜା ଏ ନାମୁତଲେ ଏଝାସି ଦାର୍ତ୍ତିତି  
 ଦହୁ କିହାନା ନାମୁତଲେ ମାହାପୁରୁ  
 ନକିତା ଦାର୍ମ୍ଭାଗାଟାସି ଆଡେସି ।।

୮ ନାମୁଟି ଅବ୍ରାହାମ ମାହାପୁରୁ  
 ତାଣାଟି ହାଟୁକି ଆହାଲିଏ, ଆମିନି  
 ଦେସା ଏଝାସି ବେଟାଆହାଲି  
 ହାଜିମାତେସି, କାତା ମାନଞ୍ଜି ଆହାନା  
 ଏମ୍ବାଆଁ ହାଜାଲି ହଡେସି, ଏଝାସି  
 ଏମ୍ବିୟା ହାଜିମାନେସି, ଏଦାଆଁ ଏଝାସି  
 ପୁନାଆନା ଜିକେଏ ହଡାହାତେସି ।।

୯ ନାମୁଟି ଏଝାସି ଏଟକା  
 ଦେସାତାରିଲେହେଁ ଆଞ୍ଜାମାନି ଦେସାତା  
 ବାସା କିତେସି, ଏଝାସି ତୁମୁତା ବାସା  
 କିତେସି ଅଡେ ଏଝାଣିଲେହେଁ ମାହାପୁରୁ  
 ଆଞ୍ଜାଲିଏ ଇସାହାକ ଅଡେ ଜାକୁବ  
 ଜିକେଏ ତୁମୁ ଇଲୁତା ବାସା କିତେରି  
 ।।

୧୦ ଇତିହୁଁ ଆମିନି ଗାଡ଼ା କାଲେଏ  
 ତାକି ପୁନାଦି ଲେହେଁ ଅଡେ ମାହାପୁରୁ  
 ତାନ୍ତୁଏ କେପାମାନେସି, ଅବ୍ରାହାମ ଏ  
 ଗାଡ଼ା ବେଟାଆହାଲି କାଟାମାତେସି ।।

୧୧ ନାମୁତଲେ ସାରା ବାଞ୍ଜେଣି ଆହାଁ  
 ତାନ୍ତୁଏ ଜିକେଏ ଆଞ୍ଜାମାନାଣାଇଁ ଦୂତି  
 ବୁଡ଼ହୁଁ ଆହାମାଟି ଜିକେଏ ପୂରାମାସା  
 ଆହାଲି ବାଡ଼ୟୁ ବେଟାଆଡେ;

୧୨ ଅବ୍ରାହାମ ଦୂତି ବୁଡ଼ହା ଆହାମାଟି  
 ଜିକେଏ ଏଝାଣି ତାଣାଟି ହାଗୁଡ଼ି ହୁକାୟାଁ  
 ଅଡେ ସାମ୍ବୁରିତି ବାଞ୍ଜଲି ଲେହେଁ

ଏଜିକିହାଲି ଆଡ଼ାଆଗାଟି ର ହାରେକା କୃତ୍ତା ଜାର୍ନା ଆଡ଼ତେରି □

୧୩ ଏ ବାରେଜାଣା ମାହାପୁରୁଇଁ ନାମାହାଁ ହାଡ଼େରି; ଏଞ୍ଜାରି ମାହାପୁରୁ ଆଞ୍ଜାମାଚାଣି ପୁଞ୍ଜାଆଡ଼ି ଜିକେଏ ହେକଟି ଏ ବାରେ ମେସାନା ରାହାଁ ଆଡ଼େରି ଇଞ୍ଜା ଦାରତିତା ମାମ୍ବୁ ବାଦେସା ଅଡ଼େ ବାସା କିହାମାନମି ଇଞ୍ଜା ଜଲିତେରି □

୧୪ ଇଚିହୁ ଆମିନି ଗାଟାରି ଇଲେତି କାତା ଜଲିନେରି, ଏଞ୍ଜାରି ତାମି ଅଡ଼େ ର ଦେସା ପାରିମାନେରି ଇଞ୍ଜା ଖେସିମାନେରି □

୧୫ ଏଞ୍ଜାରି ଆମିନି ଦେସା ପିସା ଖାହାମାଚେରି, ଏ ଦେସାତି ଅଡ଼େ ଅଣ୍ପି ହିଲାଆଚେରି □ ଏଞ୍ଜାରି ଅଣ୍ପିତିହୁ ମା ଏ ଦେସାତା ଖେଣ୍ଡେ ହାଜାଲି ଆଡ଼ିତେରିମା □

୧୬ ସାମା ଏଞ୍ଜାରି ର ହାରେକା ନେହାଁଣି ଇଚିହୁ ଲାକପୁରୁ ଦେସାତି ଅଣ୍ପିମାଚେରି; ଏଦାଆଁତାକି ମାହାପୁରୁଇଁ ଏଞ୍ଜାରି ମା ମାହାପୁରୁ ଇଞ୍ଜା ଖେଜି କିହାଲି ଲାଜା ଆହା ହିଲାଆଚେରି, ଇଚିହୁ ଏଞ୍ଜାସି ଏଞ୍ଜାରି ତାକି ର ଗାଡ଼ା ତୀରି କିହାମାନେସି □

୧୭ ନାମୁତଲେ ଅବ୍ରାହାମ ତାୟିପାରି କିଞ୍ଜିଆହାଁ ଇସାହାକଇଁ ପୂଜା କିହାଲି ହେରପିତେସି, ଆମିନି ମାଣସି ଆଞ୍ଜାମାଚାଣି ମେଡ଼ା ଆହାମାଚେସି, ଆମ୍ବାଆରାଇଁ ଏଲେଇଞ୍ଜାମାଚେସି,

୧୮ “ଇସାହାକ ତାଣାଟି ନୀ କୃତ୍ତା ଖେଜିନେରି, ଏ ମାଣସି ତାନି ରଣ୍ଡିଏ ମୀରଏଣାଇଁ ଡାକିନି ପୂଜା ହୀହାଲି ହାଜିମାଚେସି □”

୧୯ ଇସାହାକଇଁ ମାହାପୁରୁ ହାଡ଼ାରି ତାଣାଟି ଜିକେଏ ନିକହାଲି ଆଡ଼ିନେସି ଇଞ୍ଜା ଅଣ୍ପାମାଚେସି, ଇଞ୍ଜା ଅବ୍ରାହାମ ସାତେଏ ଇସାହାକଇଁ ହାକିଟି ଖେଣ୍ଡେ ବେଗାଆଡ଼େସି □

୨୦ ନାମୁତଲେ ଇସାହାକ ଖାହିନି ଦିନାତା ନେହୁ ଆପେ ଇଞ୍ଜା ଅଣ୍ପାମା ଜାକୁବ ଅଡ଼େ ଏସାଞ୍ଜୁଇଁ ବର ହୀତେସି □

୨୧ ନାମୁତଲେ ଜାକୁବ ହାନ୍ତି ବେଲାତା ଜସେପତି ରୀ ମୀରକାଣି ବର ହୀତେସି, ଇଞ୍ଜା ତାନି କୃତ୍ତା ବାଡ଼ଗାତା ଚୋଣ୍ଡାମା ମାହାପୁରୁଇଁ ଜହରା କିତେସି □

୨୨ ଜସେପ ହାନ୍ତି ବେଲାତା ନାମୁତଲେ ଇସ୍ରାୟେଲ ଲକୁ ମିସର ଦେସାଟି ହରାହାନି କାତା ଖେସ୍ତେସି □ ଇଞ୍ଜା ତାନି ପେଡ଼କା ତୁମକା ତାକି ହୁକୁମି ହୀତେସି □

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନାଆଡ଼ି ଦିନାଟିଏ ଏଞ୍ଜାଣାଇଁ ର ଅଜିତି କକାସି ଇଞ୍ଜା ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଞ୍ଜାଣାଇଁ ଡ଼କୁହାନା ଇଟାମାଚୁ □

୨୪ ମସା ନାମୁତଲେ ପାତାଆଡ଼ି ତାୟୁ ପାର ରାଜା ମାଙ୍ଗାଟି ମୀରଏସି ଇଞ୍ଜା ଖେଜାଲି କୃତେସି □

୨୫ ଗାଡ଼େକା ତାକି ପାପୁ ତଲେ ରାହାଁ ବେଗାଆନାଣି କିହାଁ ମାହାପୁରୁ ଲକୁତଲେ ଦୁକୁ କସ୍ତ ଅରହିନାୟି ନେହାୟି ଇଞ୍ଜା ଅପିତେସି □

୨୬ ବାରେ ମିସର ଦେସାତି ଦନ କିହାଁ କ୍ରୀସ୍ତୁଟି ନିନ୍ଦା ବେଗାଆନାୟି ବାରେକିହାଁ କାଜା ଦନ ଇଞ୍ଜା ଅଣ୍ପିତେସି, ଇଚିହୁ ଏଞ୍ଜାସି ଖାନ୍ତି ଦିନାଣା ବେଗାଆନ୍ତି ଦନତି ସିନକିତେସି □

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାଚେସି, ଇଞ୍ଜା ଆମ୍ବାଆସି ମେହୁଆଗାଟି ମାହାପୁରୁଇଁ ମେସିଲେହେଁ ଅରହାନା ଡ଼ୟିତେସି □

୨୮ ନାମୁତଲେ ଏଞ୍ଜାସି ପିସପିଆନ୍ତି ପାରୁତି ଅଡ଼େ ନେତେରି ଡ଼ାଞ୍ଜିନି ମେରା ମାନଞ୍ଜି ଆଡ଼େସି, ଏନିକ ପାଣ୍ଡା ମୀରକାଣି ପାୟିନାୟି ଇସ୍ରାୟେଲ ମୀରକାଣି ତୀରୋଏ □

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମ୍ବୁରି ଗାଣ୍ଡତେରି, ସାମା ମିସର ଦେସାତାରି ଏଲେକ ଗାଣ୍ଡତାଲି

ଅଶ୍ୱପାନା ସାମ୍ବୁରିତା ମୁଞ୍ଜାନା ହାତେରି  
□

୩୦ ଇସ୍ରାୟେଲ ଲକ୍ଷ୍ମ ନାମୁତଲେ  
ସାତା ଦିନା ପାତେକା ଜିରିହ ଗାଡ଼ାତି  
କଟା ସାରିସୁରୁ ରେଚିତାୟୁ ବିଡ଼ହାହାତେ  
□

୩୧ ନାମୁତଲେ ରାହାବ ଦାରେଣି  
ଦେସା ସିନିକିହାଲି ମେଶେଏ  
ଝାହାମାଚାରାଇଁ ଟାୟୁ ହୀତାକି  
ମାହାପୁରୁଇଁ ମାନୁଷ୍ଟି ଆଆଗାଟାରି ତଲେ  
ନାସା ଆଆନା ହିଡ଼ଡ଼ି ବେଟାଆଡେତ □

୩୨ ଅଡେ ଆଗାଡା ଏନାଆଁ ଝେସ୍ତାଇଁ,  
ଗିଦିୟନ, ବାରକ, ସାମୁସନ୍, ଜିପ୍ତହ,  
ଦାସୁଦ, ସାମୁୟେଲ ଅଡେ ମାହାପୁରୁ  
ଅଶ୍ୱପୁତି ବଲୁ ଝେହନାରି କାତା ମିଙ୍ଗେ  
ଝେସାଲି ବେଲା ହାଲେଏ □

୩୩ ନାମୁତଲେ ଏଝାରି ହାରେକା  
ରାଜିୟାଣି ଜୁଜୁ କିହାନା ଜୀଣା ଆଡେରି,  
ଦାମ୍ବକାମା କିତେରି, ମାହାପୁରୁ  
ଆଞ୍ଜାମାନାଣି ବେଟାଆଡେରି, ସିଃହ  
କ୍ଷାଠନିୟା ଗୁତି ମୁଦା କିତେରି □

୩୪ ଏଝାରି ଆଜିହପେତି ଡ଼ାଞ୍ଜିନି  
ହିରୁ ତୁପହେରି, ଟୁଣିନି ତାଣାଟି  
ପିସ୍ପିଆଡେରି, ଏଝାରି ବାଡ଼ୟୁ  
ହିଲାଆ ବେଲାତା ବାଡ଼ୟୁ  
ବେଟାଆଡେରି, ଜୁଜୁତା ଜୀଣା  
ଆଡେରି, ଅଡେ ମାହାପୁରୁଇଁ  
ନାମାଆତାରି ଜୁଜୁକିନି କସ୍କାଣି  
ଜୀଣାଆହାନା ପେରହାତୁସ୍ତେରି □

୩୫ ନାମୁଟି ଆୟାସିକା ତାମି ଲକ୍ଷ୍ମ  
ବିଡ଼ାଟି ହାଡ଼ାରାଇଁ ନିପକି ଆହାନା  
ଝେଶ୍ଟେ ବେଟାଆଡୁ; ଏଚରଜାଣା  
ଝେଶ୍ଟେ ନିଜିନାଣି ମୋଡ଼ା ଆହାଲିତାକି  
ଗେଲ୍ପି ଆହାଲି ମନ କିଆନା  
ଆଜିହପେତି କସ୍ତ ବେଟାଆଡେରି □

୩୬ ଏଚର ଜାଣାଇଁ ନିନ୍ଦା କିହାନା  
କାକ୍ହେରି, ଏଚର ଜାଣାଇଁ ସାଟ୍‌ଣି  
ଡ଼:ରି ତଲେ ଝେତେରି, ଏଚର ଜାଣାଇଁ  
ହିକ୍‌ଣିୟା ତଲେ ଦସାନା କାୟିଦି ଇଲୁଟି  
ତାୟିପାରି କିଝି ଆଡେରି □

୩୭ ଆମ୍ବାଆରି ଝାଲକାତଲେ ପାୟୁଝି  
ଆଡେରି, ଆମ୍ବାଆରି କରତ ତଲେ ରୀ  
ଗାଣ୍ଡା କିହିଁ ରାଡ଼ପିଆଡେରି, ଇଞ୍ଜା

କାଣ୍ଡାତଲେ ପାୟୁଝି ଆଡେରି, ଆମ୍ବା  
ଆମ୍ବାଆରି ମେଶ୍ଟା ଅଡେ ଗରି ତଲକା,  
ହୁଚାନା ରାନ୍ଦାକୁଚା ବେଟାଆଆନା କସ୍ତ,  
ଲାଗି ବେଟାଆହିଁ ଇତାଲା ଆତାଲା  
ରେତେରି □

୩୮ ଏଝାରି ଦେସାଟି ଲକ୍ଷ୍ମ ହିଲାଆ  
ତାଣା, ହରକାଣା, ପାସୁୟାଣା ଅଡେ  
ଗାଣ୍ଡାଣା ବାସା କିତେରି; ଦାରତିତା  
ଏଝାରାକି ନୀତାଲି ଜଗେ ହିଲାଆତେ □

୩୯ ଏଝାରି ନାମୁତଲେ ଇ ବାରେ  
ନେହିଁ ଝେଜାମାଟି ଜିକେଏ  
ଆଞ୍ଜାମାଚାଣି ବେଟାଆଆଡେରି,  
୪୦ ଇତିହିଁ ମାହାପୁରୁ ମାଙ୍ଗେତାକି  
ହାରେକା ନେହାଣି କିହିଁ ଇଟାମାନେସି,  
ଏନିକିଁ ଏଝାରି ମା ତଲେ ଏନିକିଁ  
ତୀରି ଆନେରି ଇଞ୍ଜାଁ ମାହାପୁରୁତି  
ଅଶ୍ୱପୁ ମାତେ □

## ୧୨

### ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା  
ହାଗୁଲେହେଁ ସାକି ହୀହାମାନାରି ମା  
ସାରିସୁରୁ ମାନାକି, ଝାଦୁ ମାର ବାରେତି  
ବଲୁ ଅଡେ ଆକ୍ଷାମାଞ୍ଜାନି ପାପୁ ପିସାନା  
ନାମୁତା ନକିନାସି ଅଡେ ତୀରିକିନି  
ଜୀସୁଇଁ ସିନିକିହାନା ସାସାତଲେ ମା  
ନକିତା ତୀରିଆହାମାନି ଟାୟୁତା ହଶ୍‌ନ  
□

୨ ମା ନାମୁ ତାକି ନକିନାସି ଅଡେ  
ନାମୁତା ବାସୁକିନି ଜୀସୁଇଁ ମାର  
ସିନିକିନ □ ଏଝାସି ନକିତା ମାନି  
ରାହିଁ ବେଟାଆହାଲି ପାସି ମୁଣ୍ଡାତା  
ଲାଜା ବେଟାଆହାନା ହାନି ପାତେକା  
ଅରହିତେସି ଇଞ୍ଜାଁ ଏଝାସି ନୀର୍ବ  
ମାହାପୁରୁତି ସିଂଗାସାଣି ଟିଠନି ଟଟତା  
କୁଗାମାନେସି □

୩ ମାରୁ ଏନିକିଁ ମୀ ମନତା ଝାହୁ  
ଝାହୁଅଡେରି; ଇଦାଆଁତାକି ପାପୁ  
ଗାଟାରି ତାଣାଟି ତାନି କପାଟି ଏଚେକା  
କସ୍ତ ଅରହିତେସି, ଏଝାଣି କାତା ମାରୁ  
ଅଶ୍ୱପାଦୁ □

୪ ମାରୁ ପାପୁ କପାଟି ଜୁଜୁ କିହାନା ନୀର୍ଘ ପାତେକା ମୀ ନେତେରି ହୀନି ପାତେକା ଆଜ୍ଞା ହିଲଅତେରି □

୫ ମାହାପୁରୁ ମିଜେ ମୀରକାତେରି ଲେହେଁ ଝେସାମାଞ୍ଜାନି, ସାସାହାନି କାତା ବାଣାଆତେରି କି ?

“ଏ ନା ମୀରଏଣାତି, ପ୍ରବୁ ସାଲୁଝି କିୟାନାଣି ଉଜେଏତାୟି ଇଞ୍ଜି ଇନାଆନି, ଆଆତଏ ଏଞ୍ଜାଣି ତାଣାଟି ଦାକା ବେଟାଆଡ଼ିସାରେ ସାସା ପିହୁଆନି;

୬ ଏନାଆଁତାକି ଇଚିହୁଁ ପ୍ରବୁ ଆମ୍ବାଆରାଇଁ ଜୀଝୁ ନରେସି, ଏଞ୍ଜାଣାଇଁ ଜାଗ୍ରାତା କିହୁଁ ଜାପୁନେସି ଅଡେ ଆମିନି ମୀରଏଣାଇଁ ଆବିନେସି, ଏଞ୍ଜାଣାଇଁ ସାସି ହୀନେସି □”

୭ ନେହୁଁତେରି ଆହାଲି କସ୍ତ୍ର ଅରୁହି ମାଞ୍ଜେରି, ମାହାପୁରୁ ମିଜେ ମୀରକା ଲେହେଁ ଲେସିମାଞ୍ଜାନେସି, ଇଚିହୁଁ ଆବା ଆମ୍ବାଆରାଇଁ ତଣ୍ଡ ହୀଅସି ଇଲେତି ମୀରଏସି ଆମ୍ବାଆସି ମାନେସି ?

୮ ସାମା ଆମିନି ତଣ୍ଡତା ବାରେ ଆଣ୍ଡିନେରି, ଇଞ୍ଜା ମୀରୁ ଏମ୍ବାଆଁ ଆଣ୍ଡାଆତାତେରି, ଆତିହୁଁ ମୀରୁ ମୀରକା ଆଆନା ଦାରେଣି ମୀରକା ଆଡେରି □

୯ ଅଡେ ଜିକେଏ, ମା ଦାରତିତି ତାଞ୍ଜିୟାଁ ମାଜେ ସାସି ହୀୟାତି ଜିକେଏ ଏଞ୍ଜାରାଇଁ ମାର ମାନି କିତାୟି, ଆତିହୁଁ ମା ଲାକପୁରୁତି ଆବାଇଁ ଏତେ ହାରେକା ମାନୁଝି ଆହାନା ଜୀଝୁ ବେଟା ଆଆୟି ?

୧୦ ମା ଦାରତିତି ତାଞ୍ଜିୟାଁ ତାମି ଅଣ୍ଡପୁତା ନେହୁଁ ଆନିଲେହେଁ ମାଜେ ଗାଡ଼େକା ଦିନାତାକି ସାସି ହିୟାତେରି; ସାମା ମାର ଏନିକିଁ ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହୁଁ ତାକି ମାଜେ ତଣ୍ଡ ହିୟାନେସି □

୧୧ ମାର ସାସି ବେଟାଆନାୟି ରାହୁଁଗାଟାୟି ଆଆନା ଦୁକୁ ଗାଟାୟି

ଆନେ, ଆଡ଼ିଜିକେଏ ଆମିନି ଗାଟାରି ଏମ୍ବାଟି ଜାପାମାନେରି, ତାୟୁ ଏଞ୍ଜାରାକି ହିଡ଼ଡ଼ିତି ପାଡ଼େୟି ଲେହେଁ ଦାମୁତି ପାଡ଼େୟି ବେଟାଆନେରି □

ଝେହନାୟି ଇଞ୍ଜା ଜାଗ୍ରାତା କିନାୟି ୧୨ ଇଦାଆଁତାକି ମୀରୁ ବାଡ଼ୟୁ ହିଲାଆ କେସା ପେଦୁଁ ଅଡେ ବାଡ଼ୟୁ ହିଲାଆ ମେଣ୍ଡାୟାଁ ବାଡ଼ୟୁ କିଦୁ □

୧୩ ସଲକେ ଜିରୁତା ତାକାଦୁ; ଆତିହୁଁ, ମୀ ସଟା ଆଡ଼ି କତା ଆଡ଼ାଆଗାଟାୟି ଆଆନା ନେହୁଁ ଆନେ □

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣ୍ଡପାଦୁ, ଅଡେ ସୁଦୁଗାଟାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନିକିଦୁ □

୧୫ ଏଡେତା ଆମ୍ବାଆସି ମାହାପୁରୁତି କାର୍ମାମେହନି ତାଣାଟି ନସ୍ତ୍ର ଆନେସି ଇଞ୍ଜା ଏନି କାମ୍ବେଲି ତାକି ନେୟାନା ପାତା ଆହୁଁ ମିଜେ ନସ୍ତ୍ର କିୟାନେ ଅଡେ ଏମ୍ବାଟି ହାରେକା ପଲୁଆ ଗାଟାରି ଆନେରି;

୧୬ ଏସାଝୁ ଲେହେଁ ଆମ୍ବାଆସି ଦାରିଗାଟାସି କି ଦାମୁଁ ହିଲାଆଗାଟାଣି ଲେହେଁ ଆଆପେସି; ଏଞ୍ଜାସି ର ଅଲିତି ରାନ୍ଦା ତାକି ତାନି କାଜା ମୀରଏଣି ପାଣା ପାରଟା ମାତେସି □

୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଞ୍ଜାସି ଆବା ତାଣାଟି ବର ବେଟାଆହାଲି ଅଣ୍ଡପିତିହୁଁ ଜିକେଏ ବେଟାଆହାଲି ଆଡ଼ାଆତେସି, ଅଡେ ମନୁ ଝେଟହାଲି ତାକି କାଣ୍ଡୁ ବୁକହିହୁଁ ପାରାଲି ଅଣ୍ଡପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆତେସି □

୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହୁରୁତା ତାଞ୍ଜିମାଟି ହିରୁ, କିଟିକିଟି ଆନେରି, ରୁଞ୍ଜାଗାଲି,

୧୯ ତାଡ଼ି ଉକିନି ହାଡ଼ା ଇଞ୍ଜା କାତା ଝେହନି ହାଡ଼ା ତାଗେ ଝାଆତେ, ଝେନାରି ଏ ହାଡ଼ା ଝେଞ୍ଜାନା ଏନିକିଁ

ଏଞ୍ଜରାକି ଅଡ଼େ ଏନ୍ତି କାତା ଝେସ୍‌ପି ଆଏ, ଇଦାଆଁ ବାତିମାଲ୍ଲା ମାଚେରି;

୨୦ “ଇଚିହ୍‌ ଏନ୍ତି ଜନ୍ତୁ ଜିକେଏ ଏ ହରୁତି ତାଗିନେ, ଆତିହ୍‌ ଏଦାନି ଖାଲ୍‌କାତଲେ ଇରହାନା ପାୟିଞ୍ଜିଆନେ □” ଇ ଆମିନି ହୁକୁମି ହାପକି ଆହାମାଚେ, ଏଦାଆଁ ଏଞ୍ଜାରି ଅରହାଲି ଆଡ଼ାଆଚେରି;

୨୧ ଏଦି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରଗିମାଲ୍ □”

୨୨ ସାମା ମୀରୁ ସିୟନ ହରୁ ଅଡ଼େ ନୀତାମାନି ମାହାପୁରୁତି ଗାଡ଼ା, ଇଚିହ୍‌ ଲାକପୁରୁତି ଜିରୁସାଲମତା, ହାଚେରକା ଦୁତୁୟାଁ ଖାହାମାଚେରି ଏମ୍ବାଆଁ ଖାହାମାଞ୍ଜେରି □

୨୩ ଅଡ଼େ ଏ ପାଣ୍ଡା ମୀରକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍‌କି ଆହାମାନେ ଅଡ଼େ ବାରେତି ନୀହାଁୟି କିନି ମାହାପୁରୁ ନକିତା ତୀରିକିଞ୍ଜି ଆହାମାନି ଦାମୁତି ଜୀଞ୍ଜୁୟାଁ □

୨୪ ପୁଃନି ରାଜିମାନା ମାଦିତି ଜୀସୁ, ଇଞ୍ଜା ଆମିନି ତାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାଚେରକା ନେହ୍‌, ଏ ନେତେରି ତାଗେ ଖାହାମାଞ୍ଜେରି □

୨୫ ହେଶୁ, ଆମ୍ବାଆସି କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇଚିହ୍‌ ଆମ୍ବାଆସି ଦାର୍‌ତିତା ହୁକୁମି ହାଚେସି, ଏଞ୍ଜାଣାଲ୍ ତାକି ଗେଲ୍‌ପି ଆଆଚେରି, ଆତିହ୍‌ ଆମ୍ବାଆସି ଲାକପୁରୁଟି ହୁକୁମି ହାହିମାଞ୍ଜାନେସି, ଏଞ୍ଜାଣି ତାଣାଟି ଏଟ୍‌କା ହାଚିସାରେ ମାର ଗେଲ୍‌ପିଆଆୟି, ଇଦି ଏଚେକା ସାତା ଆଏ ?

୨୬ ଏଚିଚେଲା ଏଞ୍ଜାଣି ହାଡ଼ା ଦାର୍‌ତିଲ୍ ଖୀଟ୍‌ହେ, ସାମା ନୀଏଁ ଏଞ୍ଜାସି ପାରମାଣା କିହାଁ ଝେସାମାଞ୍ଜାନେସି, “ନାନୁ ଅଡ଼େ ଝେଶ୍‌ ଖୀରଇ ଦାର୍‌ତିଲ୍ ଖୀଟ୍‌ଲ୍, ଏଦି ଆଏ ସାମା ହାଗୁ ପାକାଲ୍

ଜିକେଏ ଖୀଟ୍‌ଲ୍ □”

୨୭ ଅଡ଼େ ଝେଶ୍‌ ଇଞ୍ଜ୍‌ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟ୍‌ଞ୍ଜା ଗାଗାୟି ତୁୟାଲି ତାକି ଖୀଡିନାୟି, ଇଚିହ୍‌ ଗାଡ଼ି ଆହାମାନାୟି ବାରେ ତିରି ମୀଣ୍‌ନେ □

୨୮ ଇଦାଆଁତାକି ଖୀଦୁ ଖୀତାଆଗାଟି ରାଜିତି ବେଗାଆହାନା ମାର ଏ କାର୍‌ମାଟି ପିହ୍‌ଆପ ଇଞ୍ଜା ରାହାଁତଲେ ଆଜି ଅଡ଼େ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନ □

୨୯ ଏଦାଆଁତାକି ଇଚିହ୍‌ ମା ମାହାପୁରୁ ନାସାକିନି ହିରୁ ଲେହେଁତାସି □

### ୧୩

ମାହାପୁରୁଲ୍ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡ଼େ ତାଜିସ୍ତା ରଅଚେରି ରଅଣାଲ୍ ଜୀଞ୍ଜୁ ନଦୁ □

୨ ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇଚିହ୍‌ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୁତୁୟାଁଣି ସେବା କିହାମାନେରି □

୩ କାୟିଦିତା ମାନାରାଲ୍ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଣ୍‌ପାଦୁ ଇଞ୍ଜା ଆଜ୍‌ଜା ତଲେ ମାନାକି ଦୁକୁ କସ୍ତ ବେଗାଆହିମାନାରି ତଲେ ସମାନା ଦୁକୁ କସ୍ତ ବେଗାଆହାଲି ଅଣ୍‌ପାଦୁ □

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡ଼େ ତକ୍ତା ମାନି ତଲେ ତୁୟାପୁ, ଏଦାଆଁତାକି ଇଚିହ୍‌ ମାହାପୁରୁ ଲାଗେଏତି କାମା ଅଡ଼େ ଦାରିକାମା କିନାରାଲ୍ ନୀହାଁୟି କିନେସି □

୫ ତାକିନି ତାକୁତା ଦନ ଜୁପକା ଆଆଦୁ, ମିଜେ ଏନାୟି ମାନେ, ଏମ୍ବାଆଁ ରାହାଁତଲେ ମାଞ୍ଜୁ, ଇଚିହ୍‌ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଜେ ଏଚେଲାଞ୍ଜା ପିସ୍‌ଥ, ନାନୁ ନିଜେ ଏଚେଲାଞ୍ଜା ବାଣାଆୟଥ୍ □”

୬ ଇଦାଆଁତାକି ମାର ସାସାତଲେ  
ଏଲେଇଞ୍ଜାଲି ଆଡ଼ିନାୟି,  
“ପ୍ରବୁ ନା ସାୟେମି ଆନାସି,  
ନାନୁ ଇଚାଣି ଆଜଅଁ,  
ମାଣ୍ଠସି ନାଜେ ଏନାଆଁ କିହାଲି  
ଆଡ଼ାନେସି ?”

୭ ଆମିନି ଗାଗାରି ମିଜେ ମାହାପୁରୁତି  
ବଲୁ ଖେସାମାଞ୍ଜାତେରି, ମୀରୁ ଏଲେତି  
କାଜାରାଇଁ ମାନି କିଦୁ; ଏଞ୍ଜାରି ଏନିକ  
ନୀତାମାଚେରି ଇଞ୍ଜା ହାଡେରି, ଏଦାଆଁ  
ଅଣ୍ଠପାନା ଏଞ୍ଜାରି ନାମିତି ଲେହେଁ ମୀରୁ  
ଜିକେଏ ନାମାଦୁ □

୮ ଜୀସୁ କ୍ରୀସୁ ରେ୪ଏନି, ନୀଞ୍ଜୁ ଅଡେ  
କାଲେଏ ତାକି ସମାନା ତୁୟିନେସି □

୯ ଏଟକା ଅଡେ ଅର ରଲେତି ଜାପୁନି  
ତାଣା କିଲିବିଲି ଆଆଦୁ, ଇଚିହଁ ତିନି  
ରାନ୍ଦାତା ଆଏ, ସାମା ମାହାପୁରୁ କାର୍ମାଟି  
ହିୟାଁ ତାରି ଆନାୟି ନେହେଁ; ଆମିନି  
ଗାଗାରି ତିନି ରାନ୍ଦାତି ମେରା ମାନୁଞ୍ଜି  
ଆନେରି, ଏଞ୍ଜାରାକି ଏନି ଲାବା ଆଏ □

୧୦ ମା ଇଲେତି ର ପୂଜାପିଣ୍ଡା ମାନେ,  
ଆମିନି ପୂଜା ପିଣ୍ଡାତି ଦିଶ୍ଵୁଇଁ ତୁମୁ  
ଇଲୁତା ସେବାକିନି ପୂଜେରାଙ୍ଗା ତିଞ୍ଜାଲି  
ଅଦିକାରା ହିଲେଏ □

୧୧ ଇଚିହଁ ଜୀହୁଦିୟାଁତି କାଜା  
ପୂଜେରା ପାପୁ ତାକି ହେରପାମାନି  
ଜନ୍ତୁତି ନେତେରି ସୁଦୁ ଗାୟୁତା ଅନେସି;  
ସାମା ଏ ଜନ୍ତୁତି ଆଙ୍ଗା ବାରେ ସାମ୍ଘା  
ପାଙ୍ଗାତା ତାଚାହାଁ ହୁଡ଼ଞ୍ଜିଆନେ □

୧୨ ଇଦାଆଁତାକି ଜୀସୁ ଜିକେଏ ତାନି  
ନେତେରି ତଲେ ଏନିକ  
ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା  
ହାଡେସି □

୧୩ ଇଦାଆଁତାକି ଖାଦୁ, ମାର ଜିକେଏ  
ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା  
ପାଙ୍ଗାତା ଏଞ୍ଜାଣି ତାଣା ହାନ □

୧୪ ଏନାଆଁତାକି ଇଚିହଁ ଇମ୍ଫାଆଁ  
ବାରେ ଦିନାତାକି ମାଜେ ତୁୟିନି ଗାଡ଼ା  
ହିଲେଏ, ସାମା ମାର ତାୟୁ ଖାହିମାନି  
ଗାଡ଼ାତି ବେଟାଆହାଲି ପାରିମାନାୟି □

୧୫ ଇଦାଆଁତାକି ଖାଦୁ, ମାର ଜୀସୁ  
ତାଣାଟି ମାହାପୁରୁଇଁ ଜହରାତି ପୂଜା

କିନ, ଇଚିହଁ ତାନି ଦରୁ ଜଲିମାନି  
ଗୁତିତି ବାରେଦିନା ହେରପିନ □

୧୬ ଏଟକା ତାରାଇଁ ସାୟେମି କିହାଲି  
ବାଣା ଆଆଦୁ, ଇଚିହଁ ଇଲେତି ପୂଜା  
କାମାତା ମାହାପୁରୁ ରାହାଁ ଆନେସି □

୧୭ ମୀ କାଜାରାଇଁ ମାନୁଞ୍ଜି ଆହାନା  
ଏଞ୍ଜାରାଇଁ ମାନି କିଦୁ, ଇଚିହଁ ଆମିନି  
ଗାଗାରି ମାହାପୁରୁକି ଲେକା ହୀନାୟି  
ମାନେ, ଏଞ୍ଜାରିଲେହେଁ ଏଞ୍ଜାରି ମୀ  
ଜୀଞ୍ଜୁତି କାଡ଼ିମାନେରି, ଏନିକ  
ଏଞ୍ଜାରି ଏଦାଆଁ ଦୁକୁତଲେ କିଆନା ରାହାଁତଲେ  
କିହାଲି ଆଡ଼ିନେରି; ଦୁକୁତଲେ  
କିତିସାରେ ମିଜେ ଏନି ଲାବା ହିଲେଏ  
□

୧୮ ମାଜେତାକି ପ୍ରାଡ଼ାନା କିଦୁ,  
ଇଚିହଁ ମା ନାମୁ ମାନେ, ମା  
ଅଣ୍ଠୁ ନେହାୟି ଆପେ, ଅଡେ ବାରେ  
କାମାତା ନେହଁ ମାଣ୍ଠକି ଆହାଲି ମାମୁ  
ଅଣ୍ଠପିମାନମି □

୧୯ ଅଡେ ନାନୁ ମୀ ତାଣା ଏନିକ  
ତବେ ଖାୟାଲି ଆଡ଼ିଇଁ, ଏଦାଆଁତାକି  
ମାହାପୁରୁ ତାଣା ପ୍ରାଡ଼ାନା କିହାଲି ନାନୁ  
ମିଜେ ହାରେକା ବାଡ଼ିମାଲିମାଞ୍ଜାଇଁ □

ରାନ୍ତି ପ୍ରାଡ଼ାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ  
କାଲାକାଲା ତୁୟିନି ରାଜିମାନାତି  
ନେତେରି ତାକି, କାଜା ମେଣ୍ଡା ଗଡ଼ୁ  
ଇଚିହଁ ମା ପ୍ରବୁ ଜୀସୁଇଁ ହାଡ଼ାରି  
ତାଣାଟି ନୀଟହା ମାନେସି;

୨୧ ଏଞ୍ଜାଣି ନକିତା ଏନାୟି ନେହାୟି,  
ଏଦାଆଁ ଏଞ୍ଜାସି ମା ହିୟାଁତା ଜୀସୁ କ୍ରୀସୁ  
ତାଣାଟି ରାପହାନା ତାନି ମନଲେହେଁ  
କିହାଲି ମିଜେ ବାରେ ନେହଁ କାମା  
କିୟାପେସି □ ଏଞ୍ଜାଣାକି କାଲାକାଲାତି  
ଗାଞ୍ଜୁରମି ଆପେ □ ଆନେନ □

ଆକୁତି ରାନ୍ତି କାତା

୨୨ ଏ ତାୟି ତାଜିସ୍ତା, ନାନୁ ମିଜେ  
ବାଡ଼ିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି  
କାତା ସାସା ଇଚାନା ମନ ହୀଦୁ, ଇଞ୍ଜା  
ନାନୁ ରାହାଁ କିହାଲି ଇ ଡ଼ଣା ଆକୁ  
ମିଜେ ରାଡ଼ାମାଇଁ □



୨୩ ମା ତାୟି ତିମତି କାୟିଦିତି ତବେ  
ପିସ୍ପି ଆହାମାନେସି ଇଞ୍ଜି ପୁଞ୍ଜେରି,  
ଏଞ୍ଜାସି ତବେ ଞ୍ଜାଡ଼ିସାରେ ଏଞ୍ଜାଣିତଲେ  
ନାନୁ ମୀ ତାଣା ବେଚିଞ୍ଜାହାଲି ଞ୍ଜାଈଁ ।

୨୪ ମୀ ବାରେ କାଜାରାଇଁ ଅଡ଼େ  
ମାହାପୁରୁ ଲକୁଇଁ ଜହରା ଖେହ୍ଦୁ  
। ଏମିନି ତାୟିୟାଁ ଇଟାଲି ଦେସାଟି  
ଞ୍ଜାହାମାନେରି, ଏଞ୍ଜାରି ମିଙ୍ଗେ ଜହରା  
ଖେସିମାଞ୍ଜାନେରି ।

୨୫ ମାହାପୁରୁତି କାର୍ମାମେହ୍ନାୟି  
ବାରେତେରି ମିଙ୍ଗେତାକି ଆୟାପେ ।

# ଯାକୁବଙ୍କ ପତ୍ର ଜାକୁବ ରାଚାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଚାମାଚେସି □ ଏଞ୍ଜାସି ଜୀସୁ କ୍ରୀସ୍ତ ତାୟି ଆହାମାଣସିନେସି, ଏମ୍ବାଆସିକି କୁଲମିତି ସାଲଞ୍ଜି କିନାସି ଅଡ଼େ ଜିରୁସାଲମତା ବେରଣି କିନାସି ମାଚେସି କାମା ୧୫:୧୩ □ ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି □ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ବାର୍ସା ତାୟି ଇ ଜାକୁବ ପତି ରାସ୍ତକି ଆହାମାଚେ ଇଞ୍ଜି ବୁଦିଗାଟାରି ଏଲେ ଇଞ୍ଜିମାନେରି □ ଜାକୁବ ଜିରୁସାଲମତି କୁଲମି ସାଲଞ୍ଜି କିନାସି ମାଚିବେଲାତା ଇ ପତିଇଁ ରାଚାମାଚେସି □

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୂଲୁ ଲକୁ” କାତା ରାଚାମାନେସି ୧:୧ □ ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୂଲୁ ଲକୁ” ଇଚିସାରେ ଜୀହୁଦି କ୍ରୀସ୍ତାନା ଲକୁ □ ଏନାଆଁତାକି ଇଚିହ୍ନି ଇ ପତି ପଡ଼ଞ୍ଜିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତକି ଆହାମାନେ □ ଜାକୁବ ନାମୁ ଅଡ଼େ କାମାତି କାତା ଝେସାମାନେସି □ କାମାତା ସାତା ନାମୁ ତଞ୍ଜାଆନେ ୨:୧୭ □ ଏଞ୍ଜାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡ଼େ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

### ପତିତା ମାନାୟି

- ୧ ଜାକୁବ ତାନି ପତି ପଡ଼ଞ୍ଜି ଆନାରାଇଁ ଜହରା କିନାୟି □ ୧:୧
- ୨ କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି □ ୧:୨-୨୭

- ୩ କାମା ତଲେ ନାମୁତି ତହ୍ନାୟି ମାନେ □ ୨:୧-୨୭
- ୪ ଜଲିନି ବଲୁୟାଁତି ବାଡ଼ୟୁ □ ୩:୧-୧୨
- ୫ ମାହାପୁରୁତି ବୁଦି ଦାରଡ଼ିତି ବୁଦି କିହାଁ ହାରେକା ପାରଡ଼ା ମାନେ □ ୩:୧୩-୪:୧୦
- ୬ ବଡ଼ପଣ ଆନି କାତା □ ୪:୧୧-୫:୨
- ୭ ଜାକୁବ ରାନି ବେଲାତା ନେହେଁତାକି ଜାପିନି କାତା ରାଚିନାୟି □ ୫:୭-୨୦

୧ \*ନାନୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାରଡ଼ିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା □

ନାମୁତି ତାୟିପାରି କିନାୟି

୨ ଏ ନା ତାୟିୟାଁ ଅଡ଼େ ତାଞ୍ଜିସ୍ତା, ମୀରୁ ଏଚିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏଚିବେଲା ଏଦି ହାରେକା ରାହାଁତି କାତା ଇଞ୍ଜି ଅଣ୍ଡିପାଦୁ;

୩ ତାୟିପାରି କିନାଣି ଜୀଣା ଆନି ନାମୁ ଏଦି ଅରହାଲି ହୀୟାନେ, ଇଦାଆଁ ପୁଞ୍ଜାମାଞ୍ଜେରି □

୪ ଅଡ଼େ, ମୀରୁ ଏନିକ୍ ଏନି ଗୁଣ୍ଡତା ଉଣା ଆଆନା ନେହ୍ନି ତୀରି ଅଡ଼େ ସୁଦୁ ଗାଟାଚେରି ଆଦୁ, ଏଦାଆଁତାକି ଅରୁହିନାୟି ହାରେପୁରେ କାମା କିନେ □

୫ ସାମା ମୀ ବିତ୍ରା ଆମ୍ବାଆରାକି ବୁଦି ଉଣା ମାଚିସାରି, ଆମିନି ମାହାପୁରୁ ଦହ ଆହ୍‌ଆନା ବାରେତାକି ହାରେପୁରେ କେୟୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାଡ଼ାନା କିପାସି, ଏମ୍ବାଟିଏ ଏଞ୍ଜାଣାକି ହୀପ୍‌କିଆଡ଼େନ □

୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାଡ଼ାନା କିପାସି, ଇଚିହ୍ନି ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମ୍‌ଦୁରିତି ତୀରି ଆଆଗାଟି ଏୟୁ ଉଣ୍ଡା ଲେହେଁତାସି □

\* ୧:୧ ୧:୧ ମାଚି ୧୩:୫୫; ମାର୍କ ୬:୩; କାମା ୧୫:୧୩; ଗାଲା ୧:୧୯

୭ ଏଲେତି ଲକୁ ପ୍ରବୁ ତାଣାଟି ଏନାଆଁ  
 ବେଟାଆଇଁ ଇଞ୍ଜି ଆସା କିଆପେସି;  
 ୮ ଏଞ୍ଜାସି ରୀ ମନ ଗାଟାସି, ଇଞ୍ଜା  
 ତାନି ବାରେ କାମାତା ତୀରି ଆଆଗାଟାସି  
 □

ବାଡକୁ ଗାଟାସି ଅଡେ ବାଡକୁ  
 ହିଲାଆଗାଟାସି

୯ ବାଡକୁ ହିଲାଆଗାଟି ତାୟି ତାନି  
 କାଜାପାଣା ତାକି ରାହାଁ କିପାସି,

୧୦ ବାଡକୁ ଗାଟାସି ତାନି ଉଣା  
 ଆହିମାନାଣି ତାକି ବଡପଣ କିପେସି,  
 ଏନାଆଁତାକି ଇଚିହଁ ବାଡକୁ ଗାଟାସି  
 ଜାଡାତି ପୁରୁବଣା ଲେହେଁ ତୁଲା  
 ହାନେସି □

୧୧ ଏନିକଁ ଝେଡ଼ା ଲାଈ ହଡ଼ାସାରେ  
 ଜାଡ଼ା ଏନିକଁ ଝାୟାହାନେ ଅଡେ  
 ଏଦାନି ପୂଜା ତୁଲିନୁ ଇଞ୍ଜା ତାନି ଅଜୁତି  
 ଝାଣା ମେଶଜାହାନେ, ଏଲେକିହଁ ଏ  
 ବାଡକୁ ଗାଟାସି ଜିକେଏ ତାନି ବାରେ  
 କାମାତା ଝାଡ଼ିନେସି □

ତାୟିପାରି ଅଡେ ଜୁପକା ତହୁନାୟି

୧୨ ଆମିନି ଗାଟାସି ତାୟିପାରି  
 କିନାଣି ଅରୁହନେସି ଏଞ୍ଜାଣାକି ନେହେଁ,  
 ଇଚିହଁ ମାହାପୁରୁ ତାନୁ ଜୀଝୁ ନନି  
 ଲକୁଣି ଆମିନି ଜୀଝୁଗାଟି ଟପେରି  
 ହାହାଲି ଆଞ୍ଜାମାନେସି, ତାୟିପାରି  
 କିତାଣି ଜୀଣାଆଡ଼ି ଜେଟ ଏ ଲକୁ ଏ  
 ଆଞ୍ଜାମାନି ଟପେରି ବେଟା ଆନେସି □

୧୩ ଆମ୍ବାଆସି ତାୟିପାରି କିଝି  
 ଆଡ଼ିସାରେ, “ନା ଇ ତାୟିପାରି  
 କିଝି ଆନାୟି ମାହାପୁରୁ ତାଣାଟି  
 ଆହିମାନେ” ଇଞ୍ଜିହଁ ଇନାଆପେସି,  
 ଇଚିହଁ ମାହାପୁରୁ ଲାଗେଏତି ପାନ୍ଦାଟି  
 ତାୟିପାରି କିଝି ଆଅସି, ଅଡେ ଏଞ୍ଜାସି  
 ତାନୁଏ ଆମ୍ବାଆରଇଁ ତାୟିପାରି କିଅସି  
 □

୧୪ ସାମା ମାଣ୍ଡସି ତାନି ଲାଗେଏତି  
 କାମା ତଲେ ଜୁପକା ଅଡେ ନାଡ଼ିକିଝି  
 ଆହାନା ତାୟିପାରି କିଝିଆନେସି;

୧୫ ଅଡେ ତାୟି ଲାଗେଏତି କାମା  
 ପୁରାମାସା ଆହାନା ପାପୁତି ଜାନ

କିନେ, ଇଞ୍ଜା ପାପୁ ଗାଡ଼ି ପାତାଆହାନା  
 ହାକିତି ଜାନ କିନେ □

୧୬ ଏ ନା ଜୀଝୁତି ତାୟିୟାଁ ଅଡେ  
 ତାଜିସ୍ତା ମୀରୁ ନାଡ଼ି ଆଆଦୁ □

୧୭ ବାରେ ନେହଁ ଦାନା ଅଡେ  
 ବାରେ ତୀରିତି ବର ଲାକଟି; ଇଚିହଁ  
 ଉଜେଡ଼ି ଗାଡ଼ିକିତି ଆବା ତାଣାଟି ଝାନ୍ନେ,  
 ଆମ୍ବାଆରି ତାଣା ଏନି ବାଦଲି ଆନାୟି  
 କି ଇଚାୟିଝା ସାୟି କିହାନା ଆନ୍ଦେରି  
 ଆନାୟି ହିଲେଏ □

୧୮ ମୀରୁ ଏନିକଁ ତାନି ଗାଡ଼ି ଆଡ଼ି  
 ତାଣାଟି ରଲେଏତି ର ମୁଜୁତି ପାଡେୟି  
 ଲେହେଁ ଆନାୟି, ଏଦାଆଁତାକି ଏଞ୍ଜାସି  
 ତାନି ଅଣ୍ଡୁ ତଲେ ସାତା ବଲୁ ତଲେ  
 ମାଙ୍ଗେ ଗାଡ଼ି କିୟାଡେସି □

ଝେନାୟି ଅଡେ କାମା କିନାୟି

୧୯ ଏ ନା ଜୀଝୁତି ତାୟିୟାଁ ଅଡେ  
 ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି,  
 ମୀରୁ ବାରେଡେରି ଝେଞ୍ଜାଲି ଜାଗ୍ରାତା  
 ଆଦୁ, ଇଞ୍ଜା ଝେସାଲି ଦାଗା ଆଆଦୁ  
 ଅଡେ ଦେବୁଣିଏ କପା ଆଆଦୁ,  
 ୨୦ ଇଚିହଁ ମାଣ୍ଡସିତି କପା  
 ମାହାପୁରୁତି ନକିତା ଦାମ୍ବୁ କିହାଲି  
 ଆଡେଏ □

୨୧ ଏଦାଆଁତାକି, ମୀରୁ ବାରେ  
 ପଲୁଆ ଗାଟାଣି ଅଡେ ବାରେ  
 ଲାଗେଏତାଣି ପିସାତୁହଦୁ, ଆମିନି  
 ମାହାପୁରୁ ହିୟାତି ବଲୁ, ମୀ ଜୀଝୁତି  
 ଗେଲ୍‌ପାଲିତାକି ଆଡ଼ିନେ, ଏଦାଆଁ  
 ସୁଦୁଗାଟି ଅଣ୍ଡୁ ତଲେ ଆହଦୁ □

୨୨ ସାମା ମୀରୁ ଏଞ୍ଜାଣି ବଲୁ  
 ଝେନାଡେରି ଆହାଁ ଜାହାରଇଁ ନାଡ଼ି  
 କିହାକତାଆନା, ବଲୁତି କାମା  
 କିନାଡେରି ଆଦୁ □

୨୩ ଇଚିହଁ ଆମିନିଗାଟାସି ବଲୁତି  
 କାମା କିନି ଲକୁ ଆଆନା ଝାନ୍ନେ  
 ଝେନି ଲକୁ ଆନେସି, ଆତିହଁ ଏଞ୍ଜାସି  
 ଦାପେଣିତା ତାନୁଏ ତାନି ମୁମୁ ସିନିକିହା  
 କଡ଼ିମାନି ମାଣ୍ଡସି ଲେହେଁତାସି,

୨୪ ଏଡେତା ଏଞ୍ଜାସି ତାଙ୍ଗେ ସିନିକିତି  
 ଜେଟ ହାଜାନା, ଏଞ୍ଜାସି ଏମ୍ବାଟି ହଡ଼ା

ହାତି ତାୟୁ ଏନିଲେହେଁତି ମାଣ୍ଠସି  
ଦେବୁଣିଏ ବାଣାଆନେସି □

୨୫ ସାମା ଆମ୍ବାଆସି ତୀରପୁ ଇଚିହୁ  
ଗେଲପାଲି ଆଡିନି ନେହୁ ମେରାତି  
ସିନିକିହାନା ମେରାତି କାମା କିନେସି,  
ଅଡେ ଆଜିତାକି ଝେନି ଲକୁ ଆଆନା  
କାମାକିନାସି ଆନେସି, ଏଞ୍ଜାସି ତାନି  
କାମାତା ନେହୁସି □

୨୬ ଇଚିହୁ ଆମ୍ବାଆସି ଜାହାରାଈ  
ତୀରି ଗାଟାତେର୍ଷ ଇଞ୍ଜୁ ଅଣପା  
କଡିନେସି, ଇଞ୍ଜା ତାନି ଝେନ୍ଦରିତି  
ଲକ୍‌ଆନା ତାନୁ ତାନି ହିୟାତି ନାଡି  
କିନେସି, ଇଚିହୁ ତାନି ଦାମ୍ବୁକାମା  
କିନାୟି ଉଜେଏତାୟି □

୨୭ ତାଲି ତାଞ୍ଜି ହିଲାଆ କକାରି  
ପଦାଣି ଅଡେ ରାଣ୍ଠେଣି ଇୟାସିକାଣି  
ତାନି ଦୁକୁ କାକୁଲି ବେଲତା ସାୟେମି  
କିନାୟି ଅଡେ ଦାରତିତା ମାନି ବାରେ  
ଲାଗେଏତି କାମାଟି ଗେଲପା କଡିନାୟି,  
ଇଦି ମା ମାହାପୁରୁ ଅଡେ ଆବା ନକିତା  
ନେହାୟି ଅଡେ ସୁଦୁ ଦାମ୍ବୁତି କାମା □

୨

ପାରଡ଼ା ବାଟି କିନାୟି

୧ ଏ ନା ତାୟିୟା ଅଡେ ତାଜିସ୍ତା,  
ମା ଗାଞ୍ଜୁରମିଗାଟି ପ୍ରବୁ ଜୀସୁ କ୍ରୀସ୍ତ  
ତାଣା ନାମା ମାନାତେରି ମାଣ୍ଠସିୟାତି  
ମୁମ୍ବୁମେସାନା ଲେମ୍ବାଆଦୁ □

୨ ଇଚିହୁ ରଅସି ବାଂଗାରା ମୁଦି  
ଅଡେ ଦାରାଗାଟି ନେହୁ ଅଜିତି ହିମ୍ବୁରି  
ହୁଚାନା କୁଟମି କୁଡ଼ା ଆହାମାନି ତାଣା  
ଞ୍ଜାନେସି, ଅଡେ ର ହିଲାଆଗାଟାସି  
ଗେଞ୍ଜାମାନି ମାହୁତି ହିମ୍ବୁରି ହୁଚାନା  
ଞ୍ଜାନେସି,

୩ ଅଡେ, ମୀରୁ ଦାରାଗାଟି  
ଅଜିତି ହିମ୍ବୁରି ହୁଚିତି ଲକୁଇଁ ମାନି  
କହାଁ ଏଲେଇଞ୍ଜେରି, “ଇମ୍ବାଆଁ  
ନେହୁ ଗାୟୁତା କୁଗାମ୍ବୁ,” ଅଡେ  
ହିଲାଆଗାଟାଣାଇଁ ଏଲେଇଞ୍ଜେରି  
“ଏମ୍ବାଆଁ ନିଚାମାନାମ୍ବୁ, ଆଆଡ଼ୁ ନା  
କତାୟା ଡ଼ଇକା କୁଗାମ୍ବୁ,”

୪ ଆଆଡ଼ୁ ମୀରୁ ମୀ ବିଡ଼ା କାଜା  
ଲକୁ ଉଣା ଲକୁ ପାରଡ଼ା ବାଟି କିଞ୍ଚି  
ଆହାଁ ଏଟକା ଏଟକା କହାଁ ଲାଗେଏତି  
ନୀହାୟି କିହିମାଞ୍ଜେରି □

୫ ଏ ନା ଜୀଞ୍ଜୁତି ତାୟିୟା ଅଡେ  
ତାଜିସ୍ତା, ଝେଞ୍ଜୁ, ମାହାପୁରୁ ଇ  
ଦାରତିତା ବାଡ଼କୁ ହିଲାଆଗାଟାରାଈ  
ତାନି ନାମୁତା ଦନ ଗାଟାରି ଆହାଲି,  
ଅଡେ ତାନି ଜୀଞ୍ଜୁନହୁ ମାନାରାଈ  
ଆମିନି ରାଜି ହାହାଲି ଆଞ୍ଜାମାନେସି,  
ଏମ୍ବାତି ଅଦିକାରା କିହାଲି ଆଡ଼ା  
ହିଲଅସି ?

୬ ସାମା ମୀରୁ କାକୁଲି ଗାଟାରାଈ  
ଅପିହିଲଅତେରି □ ବାଡ଼କୁ ଗାଟାରି ମୀ  
ମୁହେଁ ରାଜି କିୟଅରି କି ? ଅଡେ ମିଞ୍ଜେ  
ନୀହାୟି ପାଞ୍ଜାତା ରେଜା ଅୟଅରି କି ?

୭ ଆମିନି କାଜା ଦରୁତଲେ ଝେଞ୍ଜା  
ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି  
ନିନ୍ଦା କିଅରି □

୮ ମୀରୁ ମୀ ପାଡ଼ିତି ଲକୁଣି ମୀ  
ଜୀଞ୍ଜୁତି ଜୀଞ୍ଜୁ ନନି ଲେହେଁ ଜୀଞ୍ଜୁନଦୁ,  
ସାୟେରିତା ରାୟକି ଆହାମାନି ମାହାପୁରୁ  
ରାଜିତି ମେରା ସାତେଏ ମାନୁଞ୍ଚି  
ଆଦେରି, ଆତିହୁ ମୀରୁ ନେହୁ  
କିହିମାଞ୍ଜେରି,

୯ ସାମା ଲକୁ ମୁମ୍ବୁତି ମେସାନା  
ଲେମ୍ବିମାଞ୍ଜେରି, ଆତିହୁ ମୀରୁ  
ପାପୁ କିହିମାଞ୍ଜେରି, ଅଡେ ଏ ମେରା  
ତଲେ ଦହ ଗାଟାତେରି ଇଞ୍ଜୁ ତଞ୍ଜା  
ଆହିମାଞ୍ଜେରି □

୧୦ ଆମ୍ବାଆସି ବାରେ ମସାତି  
ମେରା ମାନୁଞ୍ଚି ଆହାଁ ରଣ୍ଠିଏ ମେରାତି  
ଊରିନେସି, ଇଚିହୁ ଏଞ୍ଜାସି ବାରେ  
ମେରାତି ଦହ ତଲେ ତଣ୍ଡ ବେଟା  
ଆନେସି □

୧୧ ଆମିନି ମାହାପୁରୁ ଦାରିକାମା  
କିଆଦୁ ଇଞ୍ଜୁ ଝେସା ମାଟାସି, ଏଞ୍ଜାସି  
ଲକୁଣି ପାୟାଆଦୁ ଇଞ୍ଜୁ ଜିକେଏ  
ଝେସାମାନେସି, ମୀରୁ ଦାରିକାମା  
କିଆନା ଲକୁଣି ପାୟିଦେରି ଇଚିହୁ  
ମେରାତି ଊରିନାତେରି ଆଦେରି □

୧୨ ଗେଲପିଆଡ଼ି ମସାତି ମେରାତି

ମୀରୁ ନୀହାୟି କିଞ୍ଚିଆବେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜା କାମା କିଦୁ □

୧୩ ଇଚିହ୍ ଆମ୍ବାଆସି କାର୍ମା ମେହ୍‌ଅସି ମାହାପୁରୁ ଏଞ୍ଜାଣାଇଁ କାର୍ମା ମେହ୍‌ଆନା ନୀହାୟି କିନେସି, ସାମା କାର୍ମା ମେହ୍‌ନାସି ନୀହାୟିତା ଜୀଣା ଆନେସି □

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଞ୍ଜିସ୍ତା, ଆମ୍ବାଆସି ନାଞ୍ଜେ ନାମୁ ମାନେ ଇଞ୍ଜା ଇନେସି, ସାମା ଏଞ୍ଜାଣି କାମା ହିଲେଏ, ଆତ୍ ଏଦି ଏନି ଲାବା ? ଇଲେତି ନାମୁ ଆମ୍ବାଆରାଇଁ ଗେଲ୍‌ପାଲି ଆଡ଼ିନେ କି ?

୧୫ ଏଚିବେଲ୍ଲା ର ତାୟି କି ତାଞ୍ଜିନାକି ହୁଚାଲି ହିମ୍ବୁରି କି ତିଞ୍ଜାଲି ରାନ୍ଦା ହିଲ୍ଲାଆତିହ୍

୧୬ ଇଞ୍ଜା ମୀ ବିତ୍ରାଟି ଆମ୍ବାଆତେରି ତାନି ଆଞ୍ଜାତି ଲତ୍ତାମାନାଣି ହୀଆନା, “ମାହାପୁରୁ ନିଞ୍ଜେ ବର ହିୟାପେସି, ବାଣ୍ଡି ପାଞ୍ଜାହାଁ ହିଡ଼ଡ଼ିଟି ନେହ୍ କି ହାଲ୍ଲାମୁ” ଇଞ୍ଜା ଇଚିହ୍ ଏଦି ଏନି ଲାବା ?

୧୭ ଏଲେକିହ୍ ଏ, କାମା ହିଲ୍ଲାଆସାରେ ନାମୁ ହାଡ଼ାୟି □

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲ୍ଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ □

୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଦି ନେହ୍ କାତା, ବୁଡୁୟାଁ ଜିକେଏ ନାମାହାଁ ଆଜିତାକି ତୀରଗିମାନୁ □

୨୦ ସାମା ଏ ବୁଦି ହିଲ୍ଲାଆଗାଟାତେରି, କାମା ହିଲ୍ଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲ୍ଲାଅତେରି ?

୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରୁଏଣା ଇସାହାକଇଁ ପୂଜା କିହିମାଟାଟି କାମା ତଲେ ଦାମ୍ବୁଗାଟାସି ଇଞ୍ଜା ଝେଙ୍ଗା ହିଲ୍ଲାଆତେସି ?

୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆତେ, ଅଡ଼େ କାମା ତଲେ ନାମୁ ପୁରାଆଡ଼େ;

୨୩ ଏଚେଟିଏ ସାସ୍ତେରିତି ଇ ବଲ୍ଲୁ ସାତା ଆଡ଼େ, ଅବ୍ରାହାମ ମାହାପୁରୁ ତାଣା ନାମିତେସି, ଅଡ଼େ ତାଞ୍ଜେତାକି ଏଦି ଦାମ୍ବୁଗାଟାସି ଇଞ୍ଜା ଝେଙ୍ଗାତେସି, ଇଞ୍ଜା ଏଞ୍ଜାସି ମାହାପୁରୁତି ତଡ଼େଏସି ଇଞ୍ଜା ଝେଙ୍ଗାତେସି □

୨୪ ଇଚିହ୍ ମାଣ୍ଡସି ଝାବ୍‌ଇ ନାମୁତି ଆଏ, ସାମା ତାନି କାମାଟି ଦାମ୍ବୁଗାଟାସି ଆନେସି ଇଞ୍ଜା ମୀରୁ ପୁଞ୍ଜିମାଞ୍ଜେରି □

୨୫ ଏଲେକିହ୍ ଏ ଦାରେଣି ରାହାବ୍ ଦାମ୍ବୁଗାଟାୟି ଇଞ୍ଜା ଝେଙ୍ଗାମାଟେ, ଏଦି ପାରୁ ପାରାଲି ମେଣେଏ ଝାହାମାଟାରାଇଁ ତାନି ଇଜ ଅହାନା ଇଚିତେ ଇଞ୍ଜା ଏଟ୍‌କା ଜିରୁଟି ପାଣ୍ଡାଲି ସାୟେମି କିହାମାଟେ □

୨୬ ଇଚିହ୍ ଜୀଞ୍ଜୁ ହିଲ୍ଲାଆସାରେ ଆଞ୍ଜା ହାଡ଼ି ମାଡ଼ହା, ଏଲେକିହ୍ ଏ କାମା ହିଲ୍ଲାଆସାରେ ନାମୁ ଜିକେଏ ହାଡ଼ାୟି □

## ୩

ଝେନ୍ଦରିତି ଲକ୍‌ନାୟି

୧ ଏ ନା ତାୟିୟାଁ ଅଡ଼େ ତାଞ୍ଜିସ୍ତା, ମୀରୁ ହାରେକା ଜାପୁନାତେରି ଆଆଦୁ; ଜାପୁନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ ପୁଞ୍ଜାମାଞ୍ଜୁ □

୨ ଇଚିହ୍ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲ୍ଲୁତା ପିଟଞ୍ଜି ଆଅସି, ଆତିହ୍ ଏଞ୍ଜାସି ନେହ୍ ମାଣ୍ଡସି, ଅଡ଼େ ଏଞ୍ଜାସି ତାନି ବାରେ ଆଞ୍ଜାତି ତାନୁଏ ଲକ୍‌ହାଲି ଆଡ଼ିମାନେସି □

୩ ମାର ଗଡ଼ାୟାଁଣି ଲକ୍‌ହାଲି ତାକି ତାନି ଗୁଡିତା ବାକେରି କାଚିକିହିମାନାୟି, ଅଡ଼େ ଏଦାନିତଲେ ମାର ତାନି ବାରେ ଆଞ୍ଜାତି ଝେଟ୍‌ହି ମାନାୟି □

୪ ଏମୁ ଜାଜାତି କାତା ଜିକେଏ  
 ଅଣ୍ପାଦୁ, ଏଦି ଏତେକା କାଜାୟି ଅଡ଼େ  
 କାଜା ଗାଲି ତଲେ ତାକିତ୍ ଜିକେଏ,  
 ଜାଜାତି ତାୟାଧାକି ମାନି ର ଉଣା ମାରା  
 ତଲେ ତାକିନେ, ଏ ମାରା ଆହନାସି  
 ଆମ୍ବିୟାଧାକି ମନ କିନେସି ଏନିକା  
 ହାନେ □

୫ ଏଲେକିହ୍ ଏ ଝେନ୍ଦରି ଜିକେଏ  
 ଆଜାତି ର ଉଣା ବାଗା ଆତିହ୍  
 ଜିକେଏ, ଏଦି କାଜା ବତପଣତି କାତା  
 ଜଲ୍ଲାଲି ଆଡ଼ିନେ □ ମେହ୍ଦୁ ର ଉଣା  
 ହିରୁ ପୁୟା ତଲେ ଏତେ କାଜା ଜାଡ଼ା  
 ଝେହାହାନେ □

୬ ଝେନ୍ଦରି ଜିକେଏ ହିରୁ  
 ଲେହେତାୟି; ଏଦି ମା ଆଜା ବିତ୍ତା  
 ବାରେ ଲାଗେଏ ପଲେଏ ତାଣାଟି  
 ସାଲ୍ଲୁଡ଼ି ଆହିମାନେ, ଏଦି ବାରେ  
 ଆଜାତି ଲାଗେଏ କିନେ, ଅଡ଼େ ତାନୁ  
 ନକଟି ହଡ଼ିମାନି ହିରୁତଲେ ଡ଼ାଞ୍ଜାନା  
 ଗାଡ଼ି ଆହାମାନି ଦାର୍ତତି ହୁଡ଼ିନେ □

୭ ଇଞ୍ଜା ବାରେ ଲେହେତି ଜନ୍ତ  
 ଜିଝେଡ଼ି, ପଟା କାଟି, ବାଣ୍ଡିତଲେ  
 ତାକିନାଇ, ଅଡ଼େ ଏମୁତି ଜନ୍ତ,  
 ମାଣସି ଏ ବାରେ ଜନ୍ତୟାଣି ଲକ୍ହାଲି  
 ଆଡ଼ିମାନେସି □

୮ ସାମା ଝେନ୍ଦରିତି ଆମ୍ବାଆସି  
 ଲକ୍ହାନା ସାପି କିହାଲି ଆଡ଼ଅସି, ଏଦି  
 ପଲ୍ଲୁଆ ଗାଟାୟି ଇଞ୍ଜା ଲଜାଆ ଗାଟାୟି,  
 ଅଡ଼େ ଏଦିଏମ୍ବାଆଁ ହାନିମାନି ବାସା  
 ମାନେ □

୯ ଝେନ୍ଦରି ତଲେ ପୁବୁ ଆବାଇଁ  
 ଜହରା କିହିମାନାୟି, ଇଞ୍ଜା ଏ ଝେନ୍ଦରି  
 ତଲେ ମାହାପୁରୁ ଲେହେଁ ଗାଡ଼ି ଆଡ଼ି  
 ମାଣସିଇଁ ବାକା ଇଟି ମାନାୟି;

୧୦ ଏ ରଣ୍ଡିଏ ଗୁଡ଼ିତି ଜହରା କିନାୟି  
 ଅଡ଼େ ବାକା ହାନି କାତା ହଡ଼ିମାନେ  
 ଏ ନା ତାୟିୟାଁ ଅଡ଼େ ତାଜିସ୍ତା  
 ଏଲେଆନାୟି ନେହେଁ ଆଏ □

୧୧ ର ଜାରଣାଟି ଡ଼ାକ୍ନି ଅଡ଼େ  
 କାମ୍ବେଲି ଏମୁ ହନୁ କି ?

୧୨ ଏ ନା ତାୟିୟାଁ ଅଡ଼େ ତାଜିସ୍ତା,  
 ତୟା ମାରନ୍ତୁତା ଜାତ ପାଡ଼େୟି ଅଡ଼େ  
 ଅଞ୍ଜୁରିମାଡ଼ାତା ତୟା ପାଡ଼େୟି ଆୟାଲି

ଆଡ଼ିନେ କି ? ଏଲେକିହ୍ ଏ ହାରୁ  
 ଜାରଣା ଡ଼ାକ୍ନି ଏମୁହାହାଲି ଆଡ଼େଏ □

ମାହାପୁରୁ ତାଣାଟି ଝାନି ବୁଦି  
 ୧୩ ମୀ ବିତ୍ତା ବୁଦିଗାଟାସି ଅଡ଼େ  
 ତେଲ୍‌ହିନାସି ଆମ୍ବାଆସି ମାନେସି ?  
 ଏଞ୍ଜାସି ବୁଦିଗାଟାସି ଲେହେଁ ଉଣା  
 ଆହାନା ଇଞ୍ଜା ସୁବୁଗାଟାସି ଆହାନା  
 ତାନି ନେହ୍ ମାଣ୍ଡକି ତଲେ କାମା  
 ତୟାପେସି □

୧୪ ସାମା ମୀ ହିୟାତା ଗାତି ତାହାରା,  
 କପା ଅଡ଼େ ଝାରଇ ଜାହାରାତାକି  
 ଅଣ୍ପିନାୟି ମାନେ, ଆତିହ୍ ସାତାତି  
 କପାଟି ବତପଣ ଆଆଦୁ ଅଡ଼େ ମିତି  
 ଜଲ୍ଲାଆଦୁ □

୧୫ ଇଲେତି ବୁଦି ମାହାପୁରୁ ତାଣାଟି  
 ଝାଏ, ଏଦି ଇ ଦାର୍ତତିତାୟି, ମାଣସିତି  
 ଅଣ୍ପୁ ଗାଟାୟି ଅଡ଼େ ଲାଗେଏ  
 ପଲେଏତି ବୁଡ଼ୁୟାଁ ଝାୟି □

୧୬ ଇତିହ୍ ଆମିନି ତାଣା ତାହାରା  
 ଅଡ଼େ ଜାହାରାତାକି ଅଣ୍ପିନାୟି ମାନେ,  
 ଏ ଚାୟୁତା ବାରେଲେହେତି ଲାଗେଏତି  
 କାମା ମାନେ □

୧୭ ସାମା ଲାକଟି ଝାନି ବୁଦି, ତଲିଏ  
 ସୁବୁଗାଟାୟି, ତାୟୁ ହିଡ଼ଡ଼ି ଜୀଝୁଗାଟାୟି  
 ଅଡ଼େ ସୁବୁ ସୁଝାଲା, ମାନୁଡ଼ି ଆନାୟି,  
 କାର୍ମାମେହନାୟି ଅଡ଼େ ନେହ୍  
 ପାଡ଼େୟିକା ତଲେ ନେଞ୍ଜାମାନାୟି,  
 ଆନାମାନା ଆଆଗାଟାୟି ଅଡ଼େ କୁରୁ  
 ହିଲାଆଗାଟାୟି □

୧୮ ଅଡ଼େ ହିଡ଼ଡ଼ି ହାନି ଲକୁ ତାଣାଟି  
 ହିଡ଼ଡ଼ିତି ବିଚା ମାଟ୍‌ଝିଆନେ, ଦାର୍ମୁଗାଟି  
 ପାଡ଼େୟି ଦାଦି ଆନେ □

**୪**

ଦାର୍ତତି ତଲେ ତଣେ ଦହନାୟି  
 ୧ ମୀ ତାଣା ମାତାଗଡ଼ି ଅଡ଼େ ଗଡ଼ହା  
 ଆମ୍ବିତି ଝାହିମାନେ ? ଏଞ୍ଜି ମୀ ତାଣା  
 ମାନି ସୁକୁତି ଅଣ୍ପୁଟି ଝାହିମାନୁ ଏଞ୍ଜି  
 ବାରେ ବେଲା ଗଡ଼ହା କିଞ୍ଜିକିହିମାନୁ □

୨ ମୀରୁ ଏନାଆଁ ବେଟାଆହାଲି  
 ଅଣ୍ପା ମାଞ୍ଜେରି, ଏଦାଆଁ ବେଟା  
 ଆଆସାରେ ଲକୁଣି ପାୟାଲି ଅଣ୍ପା

ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାଡାଗଡ଼ି କିହିମାଞ୍ଜେରି, ଏନାଆଁତାକି ଇଚିହଁ ମୀରୁ ମାହାପୁରୁଇଁ ରାସି ହିଲଅତେରି;

୩ ମୀରୁ ରାସିମାଞ୍ଜେରି ସାମା ବେଟାଆହଁ ହିଲଅତେରି, ଏନାଆଁତାକି ଇଚିହଁ ମୀରୁ ମୀ ଆଙ୍ଗାତି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି □

୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି ? ଦାରୁତିତି ତଢେଣି ଆନାସି ଏଝାସି ମାହାପୁରୁତି ସାଡୁ, ଇଚିହଁ ଆମ୍ବାଆସି ଇ ଦାରୁତିତି ତଢେଣି ଆହାଲି ଅଣ୍ପିନେସି; ଏଝାସି ମାହାପୁରୁତି ସାଡୁ □

୫ ମୀରୁ ଏନାଆଁ ଦାମ୍ବୁ ପତିତା ରାସ୍‌କି ଆହାମାନି ବଲୁ ଉଜେଏ ଇଞ୍ଜି ଅଣ୍ପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ତାଣା ବାସା ଆହାଲି ହାହାମାଞ୍ଜାନେସି, ଏଝାସି ମାଞ୍ଜେ ବାରେ ଝାକିଟି ସାଲୁଝି କିହାଲି ଅଣ୍ପିମାନେସି □”

୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସ୍‌କି ଆହାମାନେ, “ମାହାପୁରୁ ଆଙ୍ଗାରା ଆନାରି କପାଟି ନିଞ୍ଜିନେସି, ସାମା ଜାହାରାଇଁ ଉଣା କିହା କଡାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୁରୁ ଗାଟାୟି □”

୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କଡାଦୁ; ଅଡ଼େ ସୟତାନଇଁ ଆବାଆଦୁ, ଆତିହଁ ଏଡ଼ି ମୀ ତାଣାଟି ହେକ ହାନେ □

୮ ମାହାପୁରୁ ତାଗେ ଝାଦୁ ଆତିହଁ ଏଝାସି ମୀ ତାଗେ ଝାନେସି, ଏ ପାପୁ ଗାଟାତେରି, ମୀ କେସ୍‌ଣାଣି ନେହଁ କି ନରୁଦୁ, ଅଡ଼େ ରୀ ଅଣ୍ପୁ ଗାଟାତେରି, ମୀ ହିୟାତି ଅଟ୍‌ହା କଡାଦୁ □

୯ ହିୟା କାଡ଼ି କିହାଁ ଦୁକୁତଲେ ଡାଦୁ; ମୀ କାକନାୟି ଡାକିତା ଅଡ଼େ ମୀ ରାହାଁ

ଦୁକୁତା ତୀରି ମିପେ □

୧୦ ପ୍ରବୁତି ନକିତା ମୀରୁ ମିଙ୍ଗେ ଉଣା କିହାକଡାଦୁ, ଏତେଟିଏ ଏଝାସି ମିଙ୍ଗେ କାଜା ଲକୁ କିୟାନେସି □

ଏଟ୍‌କା ଲକୁଣି ନୀହାଁୟି କିଆଦୁ

୧୧ ଏ ତାୟି ତାଙ୍ଗିସ୍‌ମା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍‌ଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍‌ନେସି କି ନୀହାଁୟି କିନେସି, ଏଝାସି ମସା ମେରା କପାଟି ଜଲ୍‌ମାନେସି, ଇଞ୍ଜା ଏମ୍ବାତି ନୀହାଁୟି କିହିମାନେସି □ ସାମା ମୀରୁ ମସା ମେରାତି ନୀହାଁୟି କିଦେରି, ଇଚିହଁ ମୀରୁ ମସା ମେରାତି ମାନୁଝି ଆନାତେରି ଆଆନା ଏମ୍ବାତି ନୀହାଁୟି କିନାତେରି □

୧୨ ମାହାପୁରୁ ରଅସିଏ ମେରା ହାନାସି ଅଡ଼େ ନୀହାଁୟି କିନାସି, ଏଝାସି ଗେଲ୍‌ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଟ୍‌ହିତାଣାଇଁ ନୀହାଁୟି କିହିମାଞ୍ଜି ?

ବଡ଼ପଣ କିଆଦୁ

୧୩ ନୀଏଁ ମେହ୍‌ଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମ୍‌ସୁଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାସା ପାତେକା ଡ଼ୟାନା ବେବାରା କିହାଁ ଗାଡ଼ି ଲାବା କିନମି;”

୧୪ ସାମା ଝିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଝୁ ଏନିକିଁ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍‌ଜାମାହାନି ଉକ୍‌ଅଡ଼ି, ମୀରୁ ଏଲେତାତେରି □

୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ପୁ ଆଡ଼ିସାରେ ମାରୁ ଜୀଝୁତଲେ ନୀଡା ମାଞ୍ଜାନା ଇଦାଆଁ କିନ ଆଆତ୍‌ ଏଦାଆଁ କିନ □”

୧୬ ସାମା ମୀରୁ ନୀଏଁ ମୀ ବଡ଼ପଣ ତସାକଡ଼ିମାଞ୍ଜେରି; ଇଲେତି ବଡ଼ପଣ ଲାଗେଏତାୟି □

୧୭ ଏନାଆଁତାକି ଇଚିହଁ, ଆମ୍ବାଆସି ନେହଁ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି □

**୫**

ବାଡ଼କୁ ଗାଟାରାଇଁ ଜାଗ୍ରତା କିନାହିଁ  
 ୧ ଏ ବାଡ଼କୁ ଗାଟାତେରି ନା କାତା  
 ଖେଞ୍ଜୁ, କସ୍ତୁତି ଦିନା ଖାହିମାନେ  
 ଏଦାଆଁତାକି ଦୁକୁଆହୁଁ ଡାଦୁ ଇଞ୍ଜା  
 କାନିକାର୍ମା ଆଦୁ □

୨ \*ମୀ ବାରେ ଦନ ସୀରହା  
 ହାରେୟିଏ, ଅଡ଼େ ମୀ ହିମ୍ବରିକାଇଁ ଲୀମ୍ବୁ  
 ତିରେୟିଏ,

୩ ଅଡ଼େ ମୀ ବାଂଗାରା ଇଞ୍ଜା ଖେଣ୍ଡି  
 କିରଞ୍ଜୁ ଆଡ଼େୟିଏ; ଏତେଟିଏ ଏ  
 କିରଞ୍ଜୁ ମୀ କପାଟି ସାକି ହାହାନା  
 ହିରୁ ଲେହେଁ ମୀ ଆଙ୍ଗା ଜିକେଏ  
 ନାସା କିୟାନେ, ଈ ରାନି ବେଲାତା  
 ମିଙ୍ଗେତାକି ଦନ କୃଡ଼ି କିହାମାଞ୍ଜେରି □

୪ ହେଣ୍ଡୁ, ମୀ ଗୁଡ଼ିୟାତି ତାସା  
 ଦାଃଆନାରାକି ନାଡ଼ିକିହାନା ଆମିନି  
 କୁଲି ହାହା ହିଲଅତେରି, ଏଡ଼ି ଗାଡ଼ି  
 କାଲୁଝି ଆହିମାନେ, ଅଡ଼େ ତାସାତି  
 ଦାଃଆନାରି ଡାନାୟି ବାରେ ବାଡ଼ୁଡ଼ି  
 ପ୍ରବୁତି କିୟୁଁ ତୁ ଏଗା ହାରେୟିଏ □

୫ ମୀରୁ ଦାରୁତିତି ସୁକୁ ଅଡ଼େ ରାହାଁତା  
 ନୀତାମାଞ୍ଜେରି, ମୀରୁ ହାକିତି ଦିନାତାକି  
 ଜାହାରାଇଁ ଆଙ୍ଗା କିହାମାଞ୍ଜେରି □

୬ ମୀରୁ ଦହ ହିଲଆଗାଟାରାଇଁ ଦହ  
 କିହାନା ପାୟିମାଞ୍ଜେରି; ଏଝାସି ମିଙ୍ଗେ  
 ଖେଣ୍ଡେ ଏଦାଆଁ କିୟଅସି □

ସାସାତଲେ ପ୍ରାତାନା କିନାହିଁ

୭ ଏଦାଆଁତାକି ଏ ତାୟି ତାଞ୍ଜିସ୍ତା,  
 ପ୍ରବୁତି ଖାନି ଦିନା ପାତେକା ସାସାତଲେ  
 କାଟାନା ମାଞ୍ଜୁ, ର ତାସା କିନାସି  
 ଏନିକିଁ ତାନି ବୁମିତି ପାଡ଼େୟି  
 ବେଟାଆହାଲି ତାକି ମୁଲୁତି ପିୟୁ ଅଡ଼େ  
 ତାୟୁତି ପିୟୁ ରିନି ଦିନା ପାତେକା  
 ସାସାତଲେ କାପୁ କାଟାନା ଡୟିନେସି  
 □

୮ ମୀରୁ ଜିକେଏ ଏଲେକିଁ  
 ସାସାତଲେ ମାଞ୍ଜାନା ମୀ ହିୟାଁତି ସୂସି  
 କିଦୁ, ଇରିହୁଁ ପ୍ରବୁତି ଖାନି ଦିନା ତାଗେ  
 ଖାଡ଼େୟିଏ □

୯ ଏ ତାୟି ତାଞ୍ଜିସ୍ତା, ମୀରୁ ଏନିକିଁ  
 ନୀହାଁୟି କିଝି ଆଅତେରି, ଏଦାଆଁତାକି  
 ରଅତେରି ରଅଣା କପାଟି ଏନି କାତା  
 ଜଲ୍ଲାଆଦୁ, ସିନିକଦୁ, ନୀହାଁୟି କିନାସି  
 ଦୁଝେରିତା ନିଟାମାନେସି □

୧୦ ଏ ତାୟି ତାଞ୍ଜିସ୍ତା, ଆମିନି  
 ମାହାପୁରୁ ଅଣ୍ପୁତି ବଲୁ ଖେହନାରି  
 ପ୍ରବୁ ଦରୁଟି କାତା ଖେସାମାତେରି,  
 ଏଝାରାଇଁ ମୀରୁ ଅଣ୍ପାଦୁ, ଦୁକୁ କସ୍ତୁ  
 ବେଟାଆନାଟି ସାସା ଅଡ଼େ ଅରହାଲି  
 ଜିରୁ ତସାମାଞ୍ଜାନେରି □

୧୧ ମେହଦୁ ଆମ୍ବାଆରି କସ୍ତୁ ଅରହା  
 ମାତେରି, ମାମ୍ବୁ ଏଝାରାଇଁ ନେହାଁରି  
 ଇଞ୍ଜା ଇନମି, ମୀରୁ ଆୟୁବତି  
 ଅରହିନାଣି ଖେଞ୍ଜାମାଞ୍ଜେରି, ଅଡ଼େ ପ୍ରବୁ  
 ତାୟୁତି କାମା ମେସାନା ପୁଞ୍ଜାମାଞ୍ଜେରି,  
 ଏଝାସି କାର୍ମା ମେହନାସି ଅଡ଼େ ଜୀଝୁ  
 ନନାସି □

୧୨ ଏ ନା ତାୟି ତାଞ୍ଜିସ୍ତାତେରି,  
 ମୀରୁ ପାରମାଣା କିଝୁଏ କିଆଦୁ,  
 ଲାକପୁରୁତି ଦରୁତଲେ ପାରମାଣା କି  
 ଦାରୁତିତି ଦରୁତି ପାରମାଣା କି ଏଟକାତି  
 ଏନି ଦରୁ ଆସାନା ପାରମାଣା କିଆଦୁ,  
 ସାମା ମୀଦି ହାଅ ଇନି କାତା ହାଅ ଆପେ  
 ଇଞ୍ଜା ଆଏ ଇନି କାତା ଆଏ ଆପେ,  
 ଏନିକିଁ ମୀରୁ ନୀହାଁୟି ଦିନାତା ତଣ୍ଡ  
 ଗାଟାତେରି ଆଅତେରି □

୧୩ ମୀ ବିତ୍ରାଟି ଆମ୍ବାଆସି ଦୁକୁ  
 କିହିମାନେସି ? ଆତିହୁଁ ଏଝାସି  
 ପ୍ରାତାନା କିପାସି, ଆମ୍ବାଆସି ରାହାଁଟି  
 ମାନେସି ? ଇତିହୁଁ ଏଝାସି ଜହରା  
 ପାରୁ ପାଟାପେସି □

୧୪ \*ଆମ୍ବାଆସି ମୀ ବିତ୍ରାଟି ଆଡାଆ  
 ଗାଟାସି ମାଟିହୁଁ ଏଝାସି କୁଲମିତି  
 ପ୍ରାତିନାଙ୍ଗାଣି ହାଟାପେସି; ଇଞ୍ଜା ଏଝାରି  
 ପ୍ରବୁତି ଦରୁତଲେ ନିୟୁଁ ଝାକ୍‌ହାନା  
 ଏଝାଣି ତାକି ପ୍ରାତାନା କିପାରି □

୧୫ ଏ ନାମୁଗାଟି ପ୍ରାତାନା ରଗ  
 ଗାଟାଣାଇଁ ନେହୁଁ କିନେ, ଇଞ୍ଜା ପ୍ରବୁ  
 ଏଝାଣାଇଁ ନିକନେସି, ଇଞ୍ଜା ଏଝାସି ପାପୁ



କିହାମାତିହିଁ, ଆତିହିଁ ଏଞ୍ଜାଣି ପାପୁ  
 ମେଣ୍ଟି କିଞ୍ଚିଆନେ □

୧୭ ଏଦାଆଁତାକି ମୀରୁ ରଅତେରି  
 ରଅଣା ନକିତା ମୀ ପାପୁ ଝେକ୍‌କୁ,  
 ଅଡ଼େ ନେହିଁ ଆହାଲିତାକି ରଅତେରି  
 ରଅଣି ତାକି ପ୍ରାତାନା କିଦୁ, ଆତିହିଁ  
 ମୀରୁ ନେହିଁ ଆଦେରି, ଏଦାଆଁତାକି  
 ଇତିହିଁ ଦାମ୍‌ ଗାଟାଣି ପ୍ରାତାନା  
 ହାରେକା କାଜା କାମା କିହାଲି ଆଡ଼ିନେ  
 □

୧୮ ଏଲିୟ ଜିକେଏ ମା ଲେହେଁତି  
 ଦୁକୁ ସୁକୁ ଗାଟି ମାଣ୍‌ସି; ଏଞ୍ଜାସି ପିୟୁ  
 ଆଆପେ ଇଞ୍ଜି ରଣ୍‌ସିଏ ମନତଲେ  
 ପ୍ରାତାନା କିତେସି, ଅଡ଼େ ତାନି ବାସା  
 ସ ଲେଞ୍ଜୁ ପାତେକା ଏ ବୁମିତା ପିୟୁ  
 ଆଆତେ □

୧୮ ଇଞ୍ଜା ଏଞ୍ଜାସି ଅଡ଼େ ଝେଣ୍‌ଣେ  
 ପ୍ରାତାନା କିହାଲିଏ ହାଗୁଟି ପିୟୁ ରାତେ,  
 ଅଡ଼େ ବୁମିତା ଆନା କାମ୍‌ତେ □

୧୯ ଏ ନା ତାୟିୟା ଅଡ଼େ ତାଜିସ୍‌, ମୀ  
 ବିତ୍ରାଟି ଆମ୍‌ଆସି ସାତା ଜିରୁତି ବାଣା  
 ଆତିହିଁ ଅଡ଼େ ଆମ୍‌ଆସି ଏଞ୍ଜାଣାଇଁ  
 ଝେଣ୍‌ଣେ ଝେଟ୍‌ହା ତାନେସି,

୨୦ \*ଆତିହିଁ ଆମ୍‌ଆସି ପାପୁ  
 ଗାଟାଣାଇଁ ତାନି ପଲ୍‌ଆ ଜିରୁଟି ଝେଟ୍‌ହା  
 ତାନେସି, ଏଞ୍ଜାସି ଏଞ୍ଜାଣି ଜୀଞ୍ଜୁତି ହାକିଟି  
 ଗେଲ୍‌ପିନେସି, ଇଞ୍ଜା ହାରେକା ପାପୁତି  
 ମ୍‌ୟକି କିନେସି, ଇଦାଆଁ ମୀରୁ ପୁଞ୍ଜୁ □

# ପିତରଙ୍କ ପ୍ରଥମ ପତ୍ର ପିତର ରାଚାମାନି ର ଲମ୍ବର ଆକୁ ମୂଲୁ ହାଡ଼ା

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଚାମାନିରେ ପିତର ଏଞ୍ଜିସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଚିମାନିରେ ଏ କାତା ଖେସାନା ତାନି ଆକୁ ରାଚାଲି ମାଟ୍‌ହେସି ଏଞ୍ଜିସି ଆମ୍ବାଆରାକି ପୁଣ୍ଡି ମେସ୍‌ପି ଆଆତି ଲକୁ ଇଞ୍ଜି ଇଚେସି ଏ ବାରେ କ୍ରୀସ୍ତୁ ନାମିତି ଲକୁଣି ଆକୁତା ଖେକ୍‌ହେସି ୧:୧; ୧:୧୭; ୨:୧୧ ଏଞ୍ଜିସି ତାନି ଆକୁତି ପଡ଼଼ି ଆନାରାକି ଏଲେକିହିଁ ଖେସେସି ଏନାଆଁତାକି ଇଚିହିଁ ଏଞ୍ଜିସି ହାଡ଼େକା ଦେବା ଇତାଲା ଆତାଲା ଦେସାଣା ହର୍ପି ଆହାମାନେରି ଇଚିହିଁ ଇ ଆକୁ ଏଚର ବାଗା ପାଞ୍ଜୁଲ ଏପିସିୟ କୁଲମିକି ରାଚାମାନି ଆକୁ ଲେହେଁତାୟି, ହାଡ଼େକା ଲକୁ ନାମିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୬୫ ବାର୍ସା ତାୟୁ ରାସ୍‌କି ଆହାମାନେରି ପିତର ଇ ଆକୁତି ରମିତି ରାଚିତେସି, ଆମିନିଗାଟାଣି ଏଞ୍ଜିସି ବାବିଲନ ଇଚେସି ୫:୧୩

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହ୍‌ନାୟି ଇଞ୍ଜି ପିତର ଖେସାନା ଇ ଆକୁତି ରାଚିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୨:୯ ଅଡ଼େ କଲସିୟ ୩:୧୮-୪:୭ ହାଡ଼େକା ରଲେଏତି କାତା ରାସ୍‌କି ଆହାମାନେ ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାନା ତୁୟିନାୟି ଅଡ଼େ କାଜା ଲକୁତି ମାନୁଞ୍ଜି ଆହାନା ତୁୟାଲି ଜାପୁଞ୍ଜି ଆହାମାନେ ଏଚିବେଲାତା ସାସ୍ତି ଖାନେ ତାରିଆହାନା ମାଞ୍ଜାଲି ଏଞ୍ଜିସି କ୍ରୀସ୍ତୁ ନାମିତି

ଲକୁଣି ସାସା ହାହିମାନେସି ଏନାଆଁତାକି ଇଚିହିଁ କୁଗୁ ରାଚି ଦିନା ତାଗେ ଖାଡ଼େୟିଏ ୪:୧

### ପତିତା ମାନାୟି

- ୧ ପିତର ତାଙ୍ଗେ ଖେକ୍‌ହା କଡ଼ିନାୟି ଅଡ଼େ ତାନି ଆକୁତି ପଡ଼଼ି ଆନାରାକି ଖେହ୍‌ନାୟି ୧:୧-୨
- ୨ ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାମି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଞ୍ଜିସି ମାହାପୁରୁକି ଜହରା କିନାୟି ୧:୩-୨:୧୦
- ୩ କ୍ରୀସ୍ତୁ ନାମିତି ଲକୁ ଏନିକିହିଁ ଇ ଦାରୁତିତା ନାତିନାୟି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ରା ଇଞ୍ଜା ସାଞ୍ଜୁକାରି ଅଡ଼େ ହଲେଏସି ନେହିଁ କି ତୁୟିନେରି ଏ କାତା ଏଞ୍ଜିସି ଜାପୁନାୟି ୨:୧୧-୪:୧୧
- ୪ ପିତର ଏଞ୍ଜିରାକି ସାସ୍ତି ଖାଡ଼ିସାରେ ତାରିଆହାନା ତୁୟାଲି ସାସା ହାନାୟି ୪:୧୨-୫:୧୧
- ୫ ପିତର ତାନି ଆକୁ ରାପୁନାୟି ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସାସୁ, ପନ୍ଥ, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟା ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକୁତାକି ଆକୁ ରାଚିମାକି, ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁ ନେତେରି ଡାଞ୍ଜିଞ୍ଜି କିହାକତାଲି ଆଡ଼ି ଆହାମାନେରି ମିଙ୍ଗେତାକି ମାହାପୁରୁତି କାର୍ମାମେହ୍‌ନାୟି ଇଞ୍ଜା ହିଡ଼ି ଆପେ

ଜୀସୁତି ବାର୍ସୁ  
୩ ମା ପୁରୁ ଜୀସୁ କ୍ରୀସ୍ତୁ ଆବା ଅଡ଼େ ମାହାପୁରୁକି ଜହରା; ଇଚିହିଁ ଏଞ୍ଜିସି ତାନି କାର୍ମାଟି ଜୀସୁ କ୍ରୀସ୍ତୁକି ହାକିଟି ନିକହାନା ମାଙ୍ଗେ ପୁଞ୍ଜି ଜୀସୁ

ହୀହାମାଞ୍ଜାନେସି, ଏଦି ମାଞ୍ଜୋତାକି ନୀତିନି ବାସୁଁ ହୀହାମାଞ୍ଜାନେ,

୪ ଏଦାଆଁତାକି ମାହାପୁରୁ ତାନି ଲକ୍ଷ୍ମତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଟାମାନାୟି, ଏଞ୍ଜାସି ଲାକପୁରୁ ମିଞ୍ଜୋତାକି ଏଦାଆଁ ଜାତୁନୁ ତଲେ ଇଟାମାନେସି, ଏଦାଆଁ ଏଦି ନସ୍ତ ଆଏ କି ଖାଡ଼େଏ ।

୫ ଆମିନି ଗେଲ୍‌ପିନାୟି ରାନ୍ତି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁୟାତା ନାମୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି ।

୬ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀଏଁ ଗାଡ଼େକା ତାକି ହାଡ଼େକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଞ୍ଜୋତାକି ଲଡ଼ାଆନେ,

୭ ଏନିକ୍ ଗାଡ଼େକା ନସ୍ତ ଆନ୍ତି ବାଂଗାରା ହିରୁତା ହୁଡ଼ିନି କିହାଁ ହାଡ଼େକା ଦାରା ମୀ ତାୟିପାରି କିଞ୍ଜିଆଡ଼ି ନାମୁ, ଏଦି ଜୀସୁ କ୍ରୀସ୍ତ ତଞ୍ଜାଆନ୍ତି ବେଲାତା ମାନ୍ତି ତଲେ ଜହରାତି, ଗାଞ୍ଜୁରମି ଅଡ଼େ ମାନ୍ତି ବେଟାଆନାୟି ।

୮ ନୀଏଁ ମୀରୁ ଏଞ୍ଜାଣାଲ୍ ମେସା ହିଲାଆଡି ଜିକେଏ ଜୀଞ୍ଜୁନହ୍ ମାଞ୍ଜେରି, ଇଞ୍ଜା ନୀଏଁ ମେହ୍‌ଆତ୍ ଜିକେଏ ତାନି ତାଣା ନାମାହାଁ ଖେସାଲି ଆଡ଼ାଆରେରୁ ଗାଞ୍ଜୁରମିତି ରାହାଁତା ।

୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀଞ୍ଜୁତି ଗେଲ୍‌ପିନାୟି ବେଟାଆହାମାଞ୍ଜେରି ।

୧୦ ଇ ଗେଲ୍‌ପିନି କାତା ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ମନ ହୀହାନା ପାରିହ୍ ସିନିକିତେରି, ଆମ୍ବାଆରି ଏମିନି କାର୍ମାମେହ୍‌ନାୟି ମିଞ୍ଜୋ ଆନାୟି ମାତେ, ଏ ତାୟୁତି କାତା ଖେସାହାଁ ତସାମାତେରି,

୧୧ କ୍ରୀସ୍ତ ଡୁକୁ ବେଟାଆନାଣି ଇଞ୍ଜା ଅଡ଼େ ତାୟୁତି ଗାଞ୍ଜୁରମି ବେଟାଆନାଣି ନଡ଼େଏ ପାରମାଣା ହୀନାସି ଇଞ୍ଜା

ଏଞ୍ଜାରିତାଣା ମାନ୍ତି କ୍ରୀସ୍ତ ଡୁକୁ ଏ ବାରେ ଏଡ଼ିବେଲା ଖାନ୍ତେ ଅଡ଼େ ଏନିକ୍ ଖାନ୍ତେ ଏଞ୍ଜାରି ପୁଞ୍ଜାଲି ନଡ଼େଏ ଅଣ୍ଡପାମାତେରି ।

୧୨ ଏଞ୍ଜାରି ଏ ବାରେ କାତା ତାନି ତାକି ସେବା କିଆନା ମୀ ଲାଡ଼ା ତାକି ସେବା କିହିମାତେରି, ଇଦି ଏଞ୍ଜାରିତାଣା ତଞ୍ଜା ଆହାମାତେ, ଇଞ୍ଜା ଏ ବାରେ କାତା ଲାକପୁରୁଟି ପାଣ୍ଡୁଆହାମାନି ସୁଦୁଜୀଞ୍ଜୁତି ବାଡ଼ୁୟା ତଲେ ମୀ ନକିତା ନେହ୍ କାବୁ ଖେହ୍‌ନାରି ତାଣାଟି ନୀଏଁ ମିଞ୍ଜୋ ଖେସ୍‌ପି ଆହିମାଞ୍ଜାନେ; ଏ ବାରେ କାତା ଦୁଡୁୟା ଜିକେଏ ପୁଞ୍ଜାଲି ଅଣ୍ଡପି ମାନେରି ।

ସୁଦୁଜୀଞ୍ଜୁ ତଲେ ମାଞ୍ଜାଲି ହାଟ୍‌କି ଆନାୟି

୧୩ ନେହ୍ କାମା କିହାଲି ତିୟାରା ଆଦୁ । କାପୁ କାଟାନା ଜୀସୁ କ୍ରୀସ୍ତ ତଞ୍ଜା ଆନ୍ତି ବେଲାତା ଆମିନି ବର ମିଞ୍ଜୋ ହୀପୁକି ଆୟାନେ, ଏଦାଆଁତାକି ତୀରେତଲେ ବାସୁଁ ଇଟାଦୁ ।

୧୪ ମାହାପୁରୁଲ୍ ମାନ୍ତି କିଦୁ, ମୀରୁ ତଲି ପୁଞ୍ଜାହିଲାଆଡି ବେଲାତା ଆମିନି ଲାଗେଏ ପଲେଏଡି ଜୁପକା ତଲେ ମାତେରି ନୀଏଁ ଏଲେଆଆଦୁ ।

୧୫ ସାମା ମିଞ୍ଜୋ ହାଟାମାଞ୍ଜାନି ମାହାପୁରୁ ଏନିକ୍ ସୁଦୁଗାଗସି ମୀରୁ ଜିକେଏ ଏଲେକ୍ ମୀ ବାରେ ମାଣକିତା ସୁଦୁ ଗାଟାତେରି ଆଦୁ ।

୧୬ ଦାମ୍‌ପତିତା ରାସ୍‌କି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏଦାଆଁତାକି ଇତିହ୍ ନାଦୁ ସୁଦୁ ଗାଟାତେର୍ଷ୍ ।”

୧୭ ଅଡ଼େ ଆମ୍ବାଆରି ମୁମ୍ ମେହ୍‌ଆନା ବାରେ ଲକ୍ଷ୍ମତି ଏଞ୍ଜାରି କାମା କିହାମାନିଲେହେଁ ନୀହାଁୟି କିନେସି, ଏଞ୍ଜାଣି ତାଣା ପ୍ରାତାନା କିନାଟି ଆଡ଼ା ଇଞ୍ଜା ହାଡ଼ିତିହ୍, ମୀରୁ ଇ ଦାର୍‌ତିତା ବାସାଆହାମାନି ପାତେକା ମାନ୍ତି ତଲେ ଏଞ୍ଜାଣାଲ୍ ଆଜାନା ମାଞ୍ଜୁ;

୧୮ ଇତିହ୍ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟା ତାଣାଟି ବେଟାଆହାମାନି

ଉଦ୍ଦେଶ୍ୟ ଯାହାକି ତଳେ ନୀତିନି  
ତାଣାଟି ମୀରୁ ଖେଣ୍ଡି କି ବାଂଚାରା  
ଲେହେଁତି ନାସା ଆନି ଆସ୍ତି ତଳେ  
ପିସ୍ପି ଆହାହଲଅତେରି,

୧୯ ସାମା ଏନି ସିନା ଅଡ଼େ ଦହ  
ହିଲଆଗାଟି ମେଣ୍ଡା ତାଲୁ ଲେହେଁତି  
କ୍ରୀସ୍ତି ଗାତି ଦାରାଗାଟି ନେତେରି  
ତଳେ ପିସ୍ପି ଆହାମାଞ୍ଜେରି □

୨୦ ଦାର୍ତ୍ତି ଗାଡ଼ିଆଡ଼ି ନକେଏ  
ମାହାପୁରୁ ଏଝାଣାଲ୍ ଆଡ଼ିତେସି ଇଞ୍ଜା  
ଇ ରାନି ଜୁଗୁତା ଏଝାସି ମିଙ୍ଗେତାକି  
ତଞ୍ଜା ଆହାମାଞ୍ଜାନେସି;

୨୧ ଆମିନି ମାହାପୁରୁ ଏଝାଣାଲ୍  
ହାକିଟି ନିକହାନା ଗାଝୁରମି  
ହାହାମାନେସି, ଏଝାଣି ତାଣାଟି  
ମୀରୁ ଏ ମାହାପୁରୁଲ୍ ନାମିମାଞ୍ଜେରି,  
ଇଦାଆଁତାକି ମୀ ବାରେ ନାମୁ ଅଡ଼େ  
ବାର୍ସୁ ମାହାପୁରୁ ତାଣା ଆର୍ଝା  
ଆହାମାନେ □

୨୨ ନୀର୍ବ ମୀରୁ ସାତାଟି ମାନୁଞ୍ଜି  
ଆହାନା କୁରୁ ହିଲଆ ତାୟିଲ୍ ଜୀଝୁ  
ନହାଲି ତାକି ମୀ ହିୟାଁତି ଅଡ଼ହା  
କତାମାନାକି ମୀ ବାରେ ହିୟାଁ ତଳେ  
ମୀରୁ ରଣ୍ଡିଏ ମନତଳେ ରଅତେରି  
ରଅଣାଲ୍ ଜୀଝୁନଦୁ □

୨୩ ଇତିହ ମୀରୁ ନାସା ଆନି  
ପାଡ଼େୟିଟି ଆଏ, ସାମା ଏଚେଲା  
ନାସା ଆଆଗାଟି ପାଡ଼େୟିଟି, ଇତିହ  
ମାହାପୁରୁଟି ଜୀଝୁ ଅଡ଼େ ବାରେବେଲା  
ଡ଼ୟିନି ବଲୁ ତଳେ ଖେଣ୍ଡେ ଜାର୍ନା  
ଆହାମାଞ୍ଜେରି □

୨୪ ଦାର୍ମ୍ ସାସ୍ତେରିତା ରାସ୍ତକି  
ଆହାମାନେ,

“ଇତିହ ଦାର୍ତ୍ତିତି ବାରେ ଲକୁ  
ଗାକ ଜାଡ଼ା ଲେହେଁତାରି,  
ଏଝାରି ଅଲୁ ବାରେ ଜାଡ଼ାଟି ପୂଞ୍ଜା  
ଲେହେଁତାୟି □

ଗାକ ଜାଡ଼ା ଖାୟାହାନେ ଇଞ୍ଜା ପୂଞ୍ଜା  
ବାରେ ତୁଲାହାନୁ □

୨୫ ସାମା ମାହାପୁରୁଟି ବଲୁ  
କାଲାକାଲାତାକି ଡ଼ୟିନେ □” ଇଦି ଏ

ନେହ କାବୁଡ଼ି ବଲୁ, ଆମିନି ଗାଚାୟି  
ମୀ ତାଣା ଖେପକି ଆହାମାଚେ □

୨

ଜୀଝୁଟି ଖାଲି ଅଡ଼େ ସୁଦୁଗାଟି କୂଡ଼ା  
୧ ଇତିହ ପ୍ରୁ କାର୍ମା ମେହନାସି  
ଇଞ୍ଜା ମୀରୁ ନୀର୍ବ ପୁଞ୍ଜାମାନାକି, ଇଞ୍ଜା  
ବାରେ ଲାଗେଏ ପଲେଏତାଣି, ନାଡ଼ି  
କିନାଣି, କୁରୁ, ଲକୁଣି ତାହାରା ଇଞ୍ଜା  
ଲକୁଣି ନିନ୍ଦା କାତା ଜଲିନାଣି ପହୁଦୁ,

୨ ପୁଞ୍ଜି ଜାର୍ନାଆଡ଼ି କୁଗି କକାରି  
ପଦାଲେହେଁ ଏନାଆଁ ଆଣ୍ଡାଆଡ଼ି ପାଲୁ  
ଗସାଲି ଅଣ୍ଡାପିଦେରି, ଆଡ଼ିହ ମୀରୁ  
ପାତାଆହାନା ଗେଲ୍ପି ଆଡ଼େରି □

୩ ଦାର୍ମ୍ପପତିତା ରାସ୍ତକି ଆହାମାନେ,  
“ମାହାପୁରୁ ଏଚେକା କାର୍ମା ମେହନାସି,  
ଏଦାଆଁ ମୀରୁ ପୁଞ୍ଜାମାଞ୍ଜେରି □”

୪ ଜୀଝୁଗାଟି ଖାଲି ଲେହେଁତି  
ପ୍ରୁ, ଏଝାଣାଲ୍ ମାଣ୍ଡାସିୟାଁ ତାଣାଟି  
ଅପାଆତେରି ସାତା, ସାମା ମାହାପୁରୁ  
ତାଣା ଆର୍ଝି ଆହାନା ଗାଡ଼ି  
ଦାରାଗାଟାସି ଆଡ଼େସି □

୫ ତାନି ତାଣା ଖାହାନା ମୀରୁ  
ଜିକେଏ ଜୀସୁ କ୍ରୀସ୍ତି ତାଣାଟି ମାହାପୁରୁ  
ନକିତା ନେହ ଜୀଝୁଟି ପୂଜା  
ହାହାଲିତାକି ସୁଦୁଗାଟି ପୂଜେରାଞ୍ଜା  
ଲେହେଁ ଆହାଲିତାକି ଜୀଝୁଟି ଖାଲି  
ଲେହେଁ ଆହାନା ର ପ୍ରାଡ଼ାନା ଲକୁ  
ଲେହେଁ ଆଦୁ □

୬ ଇତିହ ଦାର୍ମ୍ ପତିତା ରାସ୍ତକି  
ଆହାମାନେ;

“ନାନୁ ସିୟନତା ର ଆର୍ଝି ଆହାମାନି  
ଅଡ଼େ ଦାରାଗାଟି କନଡ଼ି ମୂଲୁ  
ଖାଲି କିହାମାଲ୍  
ଇଞ୍ଜା ଆମ୍ବାଆସି ଏଝାଣି ତାଣା  
ନାମିନେସି ଏଝାସି ଏଚେଲାଝା  
ଲାଜା ବେଗାଆସି □”

୭ ମୀରୁ ପ୍ରୁଲ୍ ନାମିମାଞ୍ଜେରି, ମୀରୁ ଏ  
ଦାରାଗାଟି ତାଣା ଆଣ୍ଡାମାଞ୍ଜେରି, ସାମା  
ଆମ୍ବାଆରି ନାମଅରି,  
“ଇଲୁ କେପିନାରି ଆମିନି ଖାଲିତି  
ଅପାଆତେରି,

ଏହି ଏଞ୍ଜରାକି ଇଚ୍ଛୁ କନତି ମୂଲୁ  
 ଖାଲି ଆଡେ □”

୮ ଅଡେ ଦାମ୍ଭପତିତା ରାସ୍ତକି  
 ଆହାମାନେ,

“ଏ ଖାଲିତା ହାରେକା ଲକୁ ପୁଟି  
 କିନେରି,

ଏ ପାକା ଖାଲି ଏଞ୍ଜରାକି ଡକ  
 ତରୁଟି କିନାୟି ଆନେ;”

ମାହାପୁରୁ ବଲୁ ଆହୁଆତାକି ଏଞ୍ଜାରି  
 ଏମ୍ବାଆଁ ବାଦା ବେଟାଆନେରି ଇଞ୍ଜା  
 ଏଦାଆଁତାକି ଏଞ୍ଜାରି ମାହାପୁରୁ ତାଣାଟି  
 ଆଚ୍ଚି ଆହାମାଚେରି □

୯ ସାମା ଆମ୍ବାଆସି ମିଙ୍ଗେ  
 ଆନ୍ଦେରିଟି ତାନି କାବାଆନି ଉଜେଡିତା  
 ହାଟାମାଞ୍ଜାନେସି, ମୀରୁ ଏନିକ  
 ଏଞ୍ଜାଣି ଗୁଣୁ ପାଟିଦେରି, ଏଦାଆଁତାକି  
 ମୀରୁ ମାହାପୁରୁ ଆଟାମାଞ୍ଜାନି  
 କୁଡାତେରି, ରାଜାତି ସେବାକିନି  
 ପୂଜେରାଙ୍ଗା, ମାହାପୁରୁ ସେବାତାକି  
 ଏଟକା ଆହାମାନି ସୁଦୁ କୁଡାତେରି,  
 ଇଞ୍ଜା ମାହାପୁରୁତି ଲକୁତେରି  
 ଆହାମାଞ୍ଜେରି □

୧୦ “ତଲି ମୀରୁ ମାହାପୁରୁତି ଲକୁ  
 ଆହା ହିଲାଆତେରି, ସାମା ନୀର୍ବ ମୀରୁ  
 ମାହାପୁରୁତି ଲକୁ ଆହାମାଞ୍ଜେରି, ତଲି  
 ମୀରୁ ମାହାପୁରୁତି କାର୍ମା ବେଟାଆହା  
 ହିଲାଆତେରି, ସାମା ନୀର୍ବ ତାନି  
 କାର୍ମାଆନାଣି ବେଟାଆହାମାଞ୍ଜେରି □”

ମାହାପୁରୁତି ହଲିୟାଙ୍ଗା

୧୧ ଏ ଜୀଞ୍ଜୁତି ତାୟି ତାଙ୍ଗିସ୍ତା,  
 ନାନୁ ମିଙ୍ଗେ ଇ ଦାରତିତା ଏଟକା  
 ଦେସାତାତେରି ଇଞ୍ଜା ହେକ ଦେସାଟି  
 ଖାହାମାନାତେରି ଇଞ୍ଜୁ ଅଣ୍ଡପାନା  
 ବାତିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି  
 ଦୁପକାଟି ହେକ ଆଦୁ, ଏଞ୍ଜି ମୀ ଜୀଞ୍ଜୁ  
 କପାଟି ଜୁଜୁ କିହେମାନୁ □

୧୨ ମୀରୁ ଜୀଞ୍ଜୁଦିଆଆତି ଲକୁତାଣା  
 ମୀ ମାଣ୍ଡକି ଦହ ହିଲାଆଗାଟାୟି ଆପେ,  
 ଏନିକ ଏଞ୍ଜାରି ନୀର୍ବ ମିଙ୍ଗେ ପାପୁ ଦହ  
 ଗାଟାତେରି ଇଞ୍ଜୁ ନିନ୍ଦା କିୟାନେରି,  
 ତାୟି ଜୀଞ୍ଜୁ ଖାନ୍ତି ଦିନାତା ମୀ ନେହ

କାମା ମେସାନା ମାହାପୁରୁକି ଜହରା  
 କିନେରି □

୧୩ ପୁରୁ ତାକି ବାତିମାଲିମାଞ୍ଜାଇଁ, ମୀ  
 ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ □

୧୪ ବାରେଡି କିହାଁ କାଜା ରାଜା  
 ଆପେସି, ଲାଗେଏ ପଲେଏତାରାଇଁ  
 ତଣ୍ଡ ହାହାଲି ଅଡେ ନେହ  
 କାମା କିନାରାଇଁ ରାହାଁ କିହାଲିତାକି  
 ତାନିତାଣାଟି ପାଣ୍ଡୁଞ୍ଜିଆହାମାନି ସାଲୁଞ୍ଜି  
 କିନାସି ଆପେସି, ଏଞ୍ଜରାକି ମାନି କିଦୁ  
 □

୧୫ ଇତିହ ମୀରୁ ନେହ କାମା  
 କିହାଁ ରୁଦି ହିଲାଆ ଉଜେଏତି କାତା  
 ଖେହନାରାଇଁ ସାପି କିଦୁ, ଏହି  
 ମାହାପୁରୁତି ଅଣ୍ଡପୁ □

୧୬ ମୀରୁ ମେଲା ମାନାତେରି  
 ଆଡିଜିକେଏ ଏ ମେଲା ଆହାମାନି  
 ତାଣାଟି ଲାଗେଏ ପଲେଏ ଲେମ୍ବାଆଦୁ,  
 ସାମା ମାହାପୁରୁତି ହଲିୟା ଆହାମା  
 ନେହ କାମା କିଦୁ □

୧୭ ବାରେ ଲକୁକି ଆବାଦୁ, ଜୀଞ୍ଜୁମାନା  
 ତାୟି ତାଙ୍ଗିକି ଜୀଞ୍ଜୁନଦୁ, ମାହାପୁରୁକି  
 ଆଜାଦୁ, ରାଜାକି ମାନି କିଦୁ □

ଜୀଞ୍ଜୁ କସ୍ତୁଟି ଜାପିନାୟି

୧୮ ହଲିୟାଙ୍ଗାତେରି ମୀରୁ  
 ଆଜିତଲେ ମୀ ସାଞ୍ଜୁକାରିୟାକି ମାନୁଞ୍ଜି  
 ଆଦୁ, ଖାରକ ନେହାଁରାଇଁ ଅଡେ କାର୍ମା  
 ମେହନାରାଇଁ ଆଏ, ସାମା ଲାଗେଏତି  
 ସାଞ୍ଜୁକାରିୟାକି ଜିକେଏ ଏଲେକ  
 ମାନୁଞ୍ଜିଆଦୁ □

୧୯ ଇତିହ ଆମ୍ବାଆସି ମାହାପୁରୁକି  
 ନାମିତାକି ଲାଗେଏତାଣି ତାକି ଦୁକୁ କସ୍ତୁ  
 ବେଟାଆହାମାନା ଅରୁହନେସି, ଆତିହ  
 ଏହି ରାହାଁତି କାତା □

୨୦ ମୀରୁ ମୀ ଦହ ତାକି ତଣ୍ଡ  
 ବେଟାଆଦେରି, ଏମ୍ବାଆଁ ଏନି ଲାବା  
 ? ସାମା ନେହ କାମାତାକି କସ୍ତୁ  
 ଅରୁହତିହ, ମାହାପୁରୁ ମିଙ୍ଗେ ବଡ  
 ହିୟାନେସି □

୨୧ ମାହାପୁରୁ ତାଣା ବାରେତାକି  
 ହାଟକିଆହା ମାଞ୍ଜେରି, ଇତିହ

ମୀରୁ ଏନିକ୍ କ୍ରୀସ୍ତୀ ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସ୍ତ ଅରହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି;

୨୭ ଏଞ୍ଜାସି ଏନି ପାପୁ ଦହ୍ କିହାହିଲାଆତେସି କି ଏଞ୍ଜାଣି ଗୁଡିତି ମିତି କାତା ଏଚେଲାଞ୍ଜା ହଚାହିଲାଆତେ

୨୮ ଏଞ୍ଜାସି ନିନ୍ଦା ବେଟାଆହି ମାଚାଟି ଖେଣ୍ଡେ ନିନ୍ଦା କିଆତେସି; ଦୁକୁ କସ୍ତ ବେଟାଆହି ମାଚାଟି ଖେଣ୍ଡେ କସ୍ତ ହିୟାଲ୍ ଇଞ୍ଜି ଆଜି ତସାନା ଖେହ୍‌ଆତେସି, ସାମା ସାତା ନୀହାୟି କିନି ମାହାପୁରୁ ତାଣା ତାନି ବାରେତି ହେରପିତେସି

୨୯ ମାର ଏନିକ୍ ପାପୁ ତାକି ହାହାନା, ଦାର୍ମତାକି ଜୀଞ୍ଜୁତଲେ ନୀଡିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁଟି ମୀରୁ ନେହ୍ ଆହାମାଞ୍ଜେରି

୩୦ ଇଚିହ୍ ମୀରୁ ଜିରୁ ବାଣାଆହାମାନି ମେଣ୍ଡାୟା ଲେହେଁ ଆହାମାଚେରି, ସାମା ନୀର୍ବ ମୀରୁ ଜୀଞ୍ଜୁତି ଗଡୁ କୁଲମିତି କାଜାଣା ଜେଟ ଜେଟ ତାକାଲି ମୀରୁ ଖେଣ୍ଡା ଖାହାମାଞ୍ଜେରି

### ୩

ଡକ୍ରି ତକ୍ରାତି କାତା

୧ ଏଲେକିହ୍ ଏ ଏ ଡକ୍ରିସିକାତେରି, ମୀରୁ ମୀ ଡକ୍ରାୟାଲ୍ ମାନଞ୍ଜିଆଦୁ, ଏନିକିହ୍ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହ୍ ମାଣ୍ଡକି ମେସାନା, ମୀରୁ ଖେହ୍‌ଆନା ଜିକେଏ ମାହାପୁରୁ ତାଣା ନାମାଲି ଆଡିନେରି

୨ ଏନିକ୍ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁଡି ମାନଞ୍ଜି ଆଆତି ଜିକେଏ ମୀ ମାହାପୁରୁଟି ଆଜି ଅଡେ

ମାଣ୍ଡକି ମେସାନା କାତା ଖେନାଆନା ଜାହାରା ଡକ୍ରିନି ସୁଦୁଗାଟି ମାଣ୍ଡକି ମେସାନା ନାମିନେରି

୩ ଡକ୍ରାୟା ବାଣାୟା ହାଚେକା ଅଜିକିହ୍ କିଣ୍ଡା କତାନା, ବାଂଗାରା ତୁରହାନା, ଅଜିତି ହିମ୍ବରିକା ହୁଡିନାୟି, ଖାରଇ ଇ ବାରେ ତଲେ ମୀ ଆଙ୍ଗାତି ଅଜି କିହାକତାଆଦୁ,

୪ ମୀ ହିୟାତା ଏମିନି ହିଡଡି ଜୀଞ୍ଜୁତି ଗୁଣ୍ଡୁ ମାହାପୁରୁ ନକିତା ହାଚେକା ଦାରାଗାଚାୟି, ଏନିଏ ମୀ ନାସା ଆଆଗାଟି ଅଦୁ ଆପେ

୫ ଏନାଆଁତାକି ଇଚିହ୍ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁ ଇଚାନା ତାମି ଡକ୍ରାୟାଲ୍ ମାନିକିହା ଜାହାରାଲ୍ ଅଜିକିହା କଡିମାରୁ

୬ ଏଲେକିହ୍ ଏ ସାରା ଜିକେଏ ଅରାହାମଇ ମାନଞ୍ଜି ଆହା ଏଞ୍ଜାଣାଲ୍ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନୀର୍ବ ଏନାଆଁ ଆଜାଆନା ନେହ୍ କାମା କିତିହ୍ ଏଦାଣି ମାସକାତେରି ଆଡେରି

୭ ଡକ୍ରାୟାତେରି, ଏଲେକିହ୍ ଏ ମୀ ଡକ୍ରିସିକାଣି ମୀ କିହାଁ ବାଡୁୟୁତା ଉଣାଗାଚାଲ ଇଞ୍ଜି ପୁଞ୍ଜାନା ଏଞ୍ଜାସିକାଲ୍ ମାନି କିଦୁ, ଇଞ୍ଜା ଏଞ୍ଜାସିକା ତଲେ ଆଣ୍ଡାନା ରୁଦିତଲେ ଡୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଞ୍ଜୁତି କାର୍ମାତି ଦାନା ବେଟାଆନୁ, ଏନିକ୍ ମୀ ପ୍ରାଡାନା କିନିତାଣା ବାଦା ଖାଏ

ନେହ୍ କାମାତାକି କସ୍ତ ପାଣ୍ଡନାୟି

୮ ତାୟୁଡି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡୁ ତଲେ ବାରେଡି ସୁକୁ ଦୁକୁତା ଆଣ୍ଡୁ ଆନାୟି, ତାୟି ତାଜିଲ୍ ଜୀଞ୍ଜୁନନାୟି, ନେହ୍ ହିୟାଁ ଅଡେ ଜାହାରାଲ୍ ଉଣା କିହାକତାଦୁ

\* ୩:୧ ୩:୧ ଏପିସି ୫:୨୨; କଲସି ୩:୧୮ \* ୩:୩ ୩:୩ ୧ତିମ ୨:୯ \* ୩:୭ ୩:୭ ଏପିସି ୫:୨୫; କଲସି ୩:୧୯

୯ ଲକ୍ଷ୍ମୀ ମିଳେ ଲାଗେଏ କିୟାତିହ  
 ଜିକେଏ ଏଞ୍ଜା ରାଜ୍ଞେ ଲାଗେଏ  
 କିଆଦୁ, ନିନ୍ଦା କିୟାତିହ ଶ୍ରେଣ୍ଣେ  
 ନିନ୍ଦା କିଆଦୁ, ସାମା ଏଞ୍ଜା ରାଜ୍ଞେ  
 ବର ହାଦୁ, ଏନାଆଁତାକି ଇତିହ  
 ଏଲେକିହାଲି ମାହାପୁରୁ ମିଳେ ଆଚାନା  
 ହାଟାମାଞ୍ଜାନେସି □

୧୦ ଦାମ୍ଭୁ ସାସ୍ତେରିତା ରାସ୍ତକି  
 ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକୁ ତଲେ  
 ଡୟାଲି ଇଞ୍ଜା ରାହାଁତି ଦିନାୟା  
 ମେସାଲି ଅଣ୍ଡପିନେସି,  
 ଏଞ୍ଜାସି ଲାଗେଏ ପଲେଏ କାତାୟା  
 ତାନି ଶ୍ରେନ୍ଦରିତି ଜଲ୍ଲାଆପେସି,  
 ଅଡେ ମିତି କାତାୟା ତାନି ଗୁତିତି  
 ଏତେଲାଞ୍ଜା ହଆପୁ □

୧୧ ଏଞ୍ଜାସି ଲାଗେଏ ପଲେଏ ତାଣାଟି  
 ହେକ ଆହାନା ନେହଁ କାମା  
 କିପେସି,  
 ଇଞ୍ଜା ତାନି ବାରେ ହିୟା ତଲେ  
 ହିଡଡି ଜୀଞ୍ଜୁ ପାରାନା ଏ ଜିରୁତି  
 ତାକାପେସି □

୧୨ ଏନାଆଁତାକି ଇତିହଁ ଦାମ୍ଭୁ  
 ଗାଟାରାକି ପ୍ରବୁତି କାନୁ ମାନେ,  
 ଇଞ୍ଜା ଏଞ୍ଜାରି ପ୍ରାତାନାତି କାର୍କା  
 ଅତାହାଁ ଶ୍ରେନେସି,  
 ସାମା ପାପୁ ଗାଟାରି କପାଟି ପ୍ରବୁ  
 ନିଜ୍ଜିନେସି □”

୧୩ ମୀରୁ ନେହଁ କାମାତାକି  
 ରାହାଁ ଗାଟାତେରି ଆଦେରି, ଆତିହଁ  
 ଆମ୍ବାଆସି ମିଳେ ଲାଗେଏ କିୟାଲି  
 ଆଡାନେସି ?

୧୪ \*ସାମା ନେହଁ କାମା କିହାନା  
 କସ୍ତ ବେଟାଆଡି ଜିକେଏ, ଏଡି ମୀ  
 ତାକି ନେହେଁ, ଆମ୍ବାଆସି ମିଳେ ଆଜି  
 କିୟାତିହଁ ଆଜିତାକି ଆଡାଜାକା  
 ଆଆଦୁ;

୧୫ ସାମା କ୍ରୀସ୍ତଙ୍କ ପ୍ରବୁ ଇଞ୍ଜା  
 ମୀ ହିୟାତା ସୁଦୁ ତଲେ ମାନି କିଦୁ,  
 ଆମ୍ବାଆସି ଏତେଲାଞ୍ଜା ମୀ ତାଣା ମାନି  
 ବାସ୍ତୁତି କାତା ପୁଞ୍ଜାଲି ଶ୍ରେଞ୍ଜାତିହଁ ,

ଏଞ୍ଜାଣାଲ୍ ଶ୍ରେଣ୍ଣେ ଶ୍ରେସାଲି ମୀ ଅଣ୍ଡପୁ  
 ତଲେ ତିୟାରା ଆହାମାଞ୍ଜୁ,

୧୬ ସାମା ଶ୍ରେହ୍ନାଟି ସୁଦୁ ଅଡେ  
 ମାନିଗାଟି ଅଣ୍ଡପୁ ତଲେ ଆଜାଆନା  
 ନେହଁ ବୁଦିଟି ଶ୍ରେହ୍ନୁ, ମୀରୁ କ୍ରୀସ୍ତ  
 ତାଣା ଆଣ୍ଡାନା ନେହଁ ମାଣକି ମାନାକି  
 ମିଳେ ନିନ୍ଦା କିହାନା ଦହ୍ ଦହ୍ନାରି  
 ଏମ୍ବେଏ ଲାଜା ପାଣ୍ଡପେରି ଇଞ୍ଜା ମୀରୁ  
 ତୀରିତି ଅଣ୍ଡପୁ ତଲେ ମାଞ୍ଜୁ □

୧୭ ଏନାଆଁତାକି ଇତିହଁ ଲାଗେଏ  
 ପଲେଏ କାମାତାକି ଦୁକୁ ବେଟାଆନି  
 କିହାଁ ମାହାପୁରୁ ଇଟା ଆତିହଁ,  
 ନେହଁ କାମାତାକି ଦୁକୁ ବେଟାଆନାୟି  
 ନେହେଁ □

୧୮ କ୍ରୀସ୍ତ ମିଳେ ମାହାପୁରୁ ତାଣା  
 ତାଟାଲି ତାକି ଏଞ୍ଜାସି ଦାମ୍ଭୁଗାଟାସି  
 ଆହାନା ଦାମ୍ଭୁ ହିଲାଆ ଗାଟାରି ତାକି  
 ପାପୁ ତାକି ରଣ୍ଡିଏ ଦେବା ହାଡେସି,  
 ଏଞ୍ଜାସି ଆଜ୍ଞା ତଲେ ହାଡେସି ସାତା,  
 ସାମା ଜୀଞ୍ଜୁତଲେ ନୀତିଡେସି,

୧୯ ଏମ୍ବାଟିଏ ଏଞ୍ଜାସି ସୁଦୁଜୀଞ୍ଜୁ  
 ତଲେ ମାଞ୍ଜାନା ଦସ୍ପି ଆହାମାଟି  
 ଜୀଞ୍ଜୁୟାଁ ତାଣା ହାଜାନା ମାହାପୁରୁ ବଲ୍ଲୁ  
 ଶ୍ରେକହେସି;

୨୦ ତଲି କାଲାତା ନହ୍ ଜାଜା  
 କେପିତି ବେଲା, ମାହାପୁରୁ ସାସାତଲେ  
 କାଟିମାଟେସି, ଆଡିଜିକେଏ ଏଞ୍ଜାଣାଲ୍  
 ମାନଞ୍ଜି ଆଆତେରି, ଏ ଜାଜାତା  
 ହାଡେରକା ଲକ୍ଷ୍ମୀ ଆଏ, ଆଟା ଜାଣା  
 ହଡାନା ଏମୁଟି ଗେଲ୍ପି ଆଡେରି;

୨୧ ଏ ଏୟୁ ଇ କାଲାତି ବାପ୍ତିସ୍ତ\*  
 ଇତିହଁ ଏଡି ମା ଆଜ୍ଞାତି ମାଟି  
 ନରନାୟି ଆଏ, ସାମା ମାହାପୁରୁ ତାଣା  
 ନେହଁ ଅଣ୍ଡପୁ ବେଟାଆହାଲି ପ୍ରାତାନା  
 କିନାୟି, ଇଞ୍ଜା ଜୀସୁ କ୍ରୀସ୍ତ ହାକିଟି  
 ନିଜ୍ଜିତାକି ଗେଲ୍ପି ଆନାୟି □

୨୨ ଏ ଜୀସୁ କ୍ରୀସ୍ତ ଲାକପୁରୁ  
 ହାଜାନା ମାହାପୁରୁତି ଚିଃନି ଚଟତା  
 କୁଗାମାନେସି, ଏମ୍ବାଆଁ ଦୂଡୁୟାଁ, ପାଣା  
 ବେଟାଆଡାରି ଅଡେ ବାଡୁୟୁ ଗାଟାରି,  
 ଏଞ୍ଜାଣାଲ୍ ମାନଞ୍ଜି ଆହାନା ତାନି ଡଲ

\* ୩:୧୪ ୩:୧୪ ମାଟି ୫:୧୦ \* ୩:୨୧ ୩:୨୧ ମୁଞ୍ଜିନାୟି

ମାନେରି □

୪

ମାହାପୁରୁ ତାକି ନୀତିନାୟି

୯ କ୍ରୀସ୍ତତି ଆଜ୍ଞା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହ ଏ ଏଝାଣି ଲେହେତି ଅଣ୍ଡପୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇଚିହ ଆମ୍ବାଆସି କ୍ରୀସ୍ତତି ତାକି ଆଜ୍ଞାତା ଦୁକୁ କସ୍ତ ବେଟା ଆହାମାନେସି, ଏଝାସି ପାପୁଟି ହେକ ଆହାମାନେସି,

୧୦ ଏନିକ ମୀରୁ ଦାରତିତା ନୀତାମାନି ପାତେକା ପାପୁଗାଟି ମାଣ୍ଡସିତି ଲାଗେଏ ଜୁପକାତି ଅଣ୍ଡପୁ ତଲେ ନୀତାଆନା ମାହାପୁରୁତି ଅଣ୍ଡପୁ ଲେହେଁ ନୀତାଦୁ □

୧୧ ହାରେକା ଦିନା ମୀରୁ ନାମାଆଗାଟାରି ଇଟା ତଲେ କାମା କିହାଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡୁ ବୁଡୁ ଆନାୟି, କାଡୁ ଗସାନା ରାହାଁ କିନାୟି, କାଡୁ ଗସାନା ହଡିନାୟି, ଇଞ୍ଜା ଅପାଆଗାଟି ପେଣ୍ଡକା ବମାୟାଣି ପୂଜା କିହିମାରେରି,

୧୨ ମୀରୁ ନୀର୍ବ ଏଝାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅତେରି, ଏଦାଆଁତାକି ଏଝାରି ଆତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି □

୧୩ ସାମା ଆମିନି ମାହାପୁରୁ ନୀତାମାନାରାଇଁ ଅଡେ ହାତାରାଇଁ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଝାରି ତାମି ବାରେ କିତି କାମାତି ଲେକା ହୀନାୟି ମାନେ □

୧୪ ଏଦାଆଁତାକି ହାଡାରି ତାଣା ଜିକେଏ ମାହାପୁରୁତି ନେହଁ କାରୁ ଝେସ୍ପିଆଡେ, ଏନିକ ଏଝାରି ମାଣ୍ଡସିୟାଁ ଲେହେଁ ଆଜ୍ଞା ତଲେ ନୀହାୟି କିଝି ଆତିହଁ ଜିକେଏ ମାହାପୁରୁ ଲେହେଁ ଜୀଝୁତଲେ ନୀତିନେରି □

ମାହାପୁରୁତି ଦାନା ଅଡେ ନେହଁ ଗୁମୁସ୍ତା

୧୫ ଏ ବାରେତି ରାନି ଦିନା ତାଗେ ଝାଡେୟିଏ, ଏଦାଆଁତାକି ମୀରୁ ନେହଁ ବୁଦି ଗାଟାତେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ □

୧୬ ବାରେତି କିହାଁ ମୀରୁ ରଅତେରି ରଅଣାଇଁ ହାରେକା ଜୀଝୁନଦୁ, ଏନାଆଁତାକି ଇଚିହ ଏଲେତି ଜୀଝୁନନାୟି ହାରେକା ପାପୁତି ପ୍ଲିକନେ □

୧୭ ଗୁରୁମୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ □

୧୮ ବାରେଜାଣା ତେରି ଏନିକ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହ ଏ ମୀରୁ ମାହାପୁରୁ ମୋରାତି ନେହଁ ଗୁମୁସ୍ତାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଝିଆଦୁ □

୧୯ ଆମ୍ବାଆସି ଝେକ୍ନେସି ମାହାପୁରୁତି ନେହଁ କାରୁ ଝେକ୍ନାସି ଲେହେଁ ଝେକ୍ନେସି; ଇଞ୍ଜା ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହାମାନି ଲେହେଁ ସେବା କିପାସି □ ଏନିକ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଝୁରମି ବେଟା ଆନେସି; ଇଞ୍ଜା କାଲାକାଲାତି ଗାଝୁରମି ଅଡେ କାଜାପାଣା ଏଝାଣିଝାୟି □ ଆଡେନ □

କ୍ରୀସ୍ତାନା ଲକ୍ଷ୍ମି ଦୁକୁ କସ୍ତ

୨୦ ଏ ନା ଜୀଝୁତି ତଣେସିଙ୍ଗାତେରି, ନୀର୍ବ ମିଙ୍ଗେ ହିଚୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଝାହାମାନେ, ଏଦି ମାଙ୍ଗେ ଝାନାୟି ହିଲାଆତେ ଇଞ୍ଜ ଅଣ୍ଡପାଆଦୁ □

୨୧ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏତେକା ଆଣ୍ଡାମାଞ୍ଜେରି ଏତେକେଏ ରାହାଁ ଆଦୁ, ଏନିକ ଏଝାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଡେରି □



୧୪ ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହ୍ ମୀରୁ ନେହ୍‌ତେରି, ଇତିହ୍ ଗାଝୁରମିଗାଟି ଜୀଝୁ, ଇତିହ୍ ମାହାପୁରୁତି ଜୀଝୁ ମୀ ତାଣା ତୟାମାନେ □

୧୫ ଏଦାଆଁତାକି ମୀ ବିତ୍ରାଟି ଲକୁଣି ପାୟିନାରି, ସରୁ କିନାରି, ଦହ୍ କାମା କିହାନା, ଲକୁଇଁ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି □

୧୬ ସାମା ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟା ଆନେସି, ଆତିହ୍ ଏଝାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି □

୧୭ ଇତିହ୍ ମାହାପୁରୁ ଇଲୁଟିଏ ନୀହ୍‌ୟି କିଝି ଆହ୍‌ ବିଚାରା କିନି ଦିନା ଝାନେ; ଇତିହ୍ ମାହାପୁରୁ ନକେଏ ମାଜେ ନୀହ୍‌ୟି କିୟାତିହ୍, ଆତିହ୍ ତାମି ନେହ୍ କାରୁ ମାନଝି ଆହାହିଲଅରି ଏଝାରି ତାୟୁତି ତଣ୍ଡ ଏଚେକା ଆଜିହ୍‌ପେତାୟି ଆଏ □

୧୮ ସାଝୁରିତା ରାସ୍‌କି ଆହାମାନେ, “ଦାର୍ମୁଗାଗାସି କସ୍ତତଲେ ଗେଲ୍‌ପି ଆନେସି,

ଆତିହ୍ ଦାର୍ମୁ ହିଲାଆ ଗାଗାରି ଅଡ଼େ ପାପୁଗାଟି ଲକୁ ଏନିକ୍ ମୁମ୍‌ତୁହ୍‌ନେରି ?”

୧୯ ଇତିହ୍ ଆମ୍ବାଆରି ମାହାପୁରୁତି ଅଣ୍‌ପୁ ଲେହ୍ ଦୁକୁ କସ୍ତ ବେଟାଆନେରି, ଏଝାରି ନେହ୍ କାମା କିହାନା ଏଝାଣି ତାଣା ହାଝେପୁରେ ବାର୍ଣ୍ଣୁ କିପାରି, ଆତିହ୍ ଏଝାରାଇଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହ୍ କିନେସି □

**୫**

ମାହାପୁରୁତି ମେଣ୍ଡାୟି

୧ ଇତିହ୍ ନାନୁ ମୀ ତଲେତି ର. କୁଲମିତି ପ୍ରାତିନାତେଏଁ, ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ତାଣାତି

ସାକି ଇଞ୍ଜା ଝାହିମାନି ଗାଝୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାତିନାଜାଣି ବାତିମାଲିମାଇଁ,

୨ \*ମୀ ତାଣା ମାନି ମେଣ୍ଡାୟି ଜାତନ୍ତୁ କିଦୁ ମାହାପୁରୁ ମିଜେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁଡାଗୁଡା କିନାକି ଆଏ, ସାମା ରାହ୍‌ ଅଣ୍‌ପୁ ତଲେ ମାହାପୁରୁ ଅଣ୍‌ପୁତି ଲେହ୍ ଜାତନ୍ତୁ କିଦୁ, ଝାରଇ ତାବୁୟି ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍‌ପୁ ତଲେ କାମା କିଦୁ □

୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହାପ୍‌କି ଆହାମାଞ୍ଜାନେ, ଏଝାରି ମୁହେଁ ସାଲଝି କିନାତେରି ଆଆନା ଏ ମାନ୍ଦାତି ମାନି ଗାଗାତେରି ଆହାନା କିଦୁ □

୪ ଏଚେଟିଏ “କାଜା ଗଡ଼ୁ” ତଞ୍ଜାଆନି ଦିନାତା ମୀରୁ ଗାଝୁରମିତି ଏଚେଲା ଝାଡ଼ାଆଗାଟି ଗପେରି ବେଟାଆଦେରି □ ତାନି ଉଜେଡ଼ି ଏଚେଲା ଝାଡ଼େଏ □

୫ ଏ ଦାଂଗ୍‌ଣାୟିତେରି, ଏଲେକିହ୍ ଏ ମୀରୁ ଜିକେଏ ମୀ ପ୍ରାତିନାଜାଣି ମାନଝି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍‌ପୁତି ହିମ୍‌ପୁରି ଲେହ୍ ପରଦୁ, ଦାର୍ମୁ ସାଝୁରିତା ରାସ୍‌କି ଆହାମାନେ, “ଇତିହ୍ ମାହାପୁରୁ ତାହାରା ଗାଗାରି କପାଟି ନିଜାମା ସୁଦୁ ଗାଗାରାଇଁ କାର୍ମା ମେହ୍‌ନେସି □”

୬ \*ମାହାପୁରୁତି ବାଡ଼ୟୁଗାଟି କେୟୁ ଡ଼ଇ ମୀରୁ ମିଜେ ଡ଼ଣା କିହାକତାଦୁ, ଏନିକିହ୍ ଏଝାସି ତାୟୁ ସମାନା ଦିନାତା ମିଜେ କାଜାତେରି କିୟାନେସି;

୭ ମୀ ଅଣ୍‌ପୁତି ବଜୁ ବାରେ ମାହାପୁରୁ ତାଣା ହେରପାଦୁ ଇତିହ୍ ଏଝାସି ମିଜେତାକି ଅଣ୍‌ପିନେସି □

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏଦାଆଁତାକି ଇତିହ୍ ଆମ୍ବାଆରାଇଁ ଗୁହ୍‌ଇଁ ଇଞ୍ଜୁ ମୀ ସାତୁ ସୟତାନ

\* ୫:୨ ୫:୨ ଜହ ୨୧:୧୫-୧୭    \* ୫:୨ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪

ତୁକିମାନି ସିହ୍ନୁଠାନ୍ତି ଲେହେଁ ପାରିହ୍  
 ଚେଜିମାନେ □

୯ ମୀରୁ ନାମୁତା ତୀରି ମାଞ୍ଜାନା  
 ସୟତାନଇଁ ପେର୍ବୁ, ଏନାଆଁତାକି  
 ଇତିହ୍ ଇ ଦାରତିତା ମାନି ମୀ  
 ନାମିତି ତାୟିୟାକି ଇଲେତି ଦୁକୁ କସ୍ତ  
 ଆହିମାନେ □

୧୦ କ୍ରୀସ୍ତ ତଲେ ଆଣ୍ଡାନା ତାନି  
 କାଲ୍ଲକାଲ୍ଲାତି ଗାଝୁରମିତା ଆଣ୍ଡାଲି  
 କାର୍ମାନେହ୍ନି ମାହାପୁରୁ ମିଜେ  
 ହାଟାମାଞ୍ଜାନେସି, ମୀ ଗାଡ଼େକାତି ଦୁକୁ  
 କସ୍ତ ବେଟାଆତି ତାୟୁ ଏଝାସି ତାନୁଏ  
 ମିଜେ ତୀରି ଆଟ୍ଝା, ବାଡ଼ୟୁ, ଅଡ଼େ  
 ଏଚେଲ୍ଲା ଗୁତା ଆଆଗାଟି ବାସୁ ମିଜେ  
 ହିୟାନେସି □

୧୧ ବାରେ ବାଡ଼ୟୁ ଜୁଗୁ ଜୁଗୁତାକି  
 ଏଝାଣିଝାୟି □ ଆମେନ୍ □

ରାନିଚେଲ୍ଲାତି ଜହରା

୧୨ ସିଲ୍ଲାଇଁ ନାମୁତି ତାୟିଲେହେଁ  
 ନାନୁ ଜୀଝୁନହ୍ନାନା ତାନିତାଣାତି ନାନୁ ଇ  
 ଉଣା ଆକୁ ରାଟାମାଇଁ □ ମାହାପୁରୁତି  
 ସାତା କାର୍ମାତି ସାକି ହାହାନା ମିଜେ  
 ରାହ୍ନା କିୟାନାୟି ନା କାମା □ ଏ କାର୍ମା  
 ମେହ୍ନିତାଣା ଆଟ୍ଝାତଲେ ମାଞ୍ଜୁ □

୧୩ ମାହାପୁରୁ ତାକି ଆଟ୍ଝି  
 ଆହାମାନି ବାବିଲ୍ଲନତା ମାନି କୁଲ୍ଲମି  
 ଅଡ଼େ ନା ଦାର୍ମୁତି ମୀରୁଏସି ମାର୍କ  
 ଜିକେଏ ମିଜେ ଜହରା କିହିମାଞ୍ଜାନେରି  
 □

୧୪ କ୍ରୀସ୍ତାନା ଲକୁ ଲେହେଁ  
 ଜୀଝୁନହ୍ନାନା ଜହରା କିଦୁ □ କ୍ରୀସ୍ତ ତାଣା  
 ମାନି ଲକୁକି ହିଡ଼ି ଆପେ □

✧ ୫:୧୨ ୫:୧୨ କାମା ୧୫:୨୨,୪୦

✧ ୫:୧୩ ୫:୧୩ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲ୍ଲସି ୪:୧୦; ପିଲ୍ଲମ ୧:୨୪

# ପିତର ଲିଖିତ ଦ୍ଵୀତିୟ ପତ୍ର

## ପିତର ରାଫାମାନି ରୀ ଲମ୍ବର ଆକୁ ମୁକୁ ହାଡ଼ା

ପିତର ରୀ ଲମ୍ବର ଆକୁତି ପାଣ୍ଡୁଖିଆଡ଼ି ପିତର ରାଫାମାତେସି, ସାମା ହାଡ଼େକା ବୁଦିଗାଟାରି ନୀର୍ବ ଓଏ ଇଦି ସାତା ଇଞ୍ଜି ନାମିହିଲଅରି ଲଦାଆଁ ପିତର ତାଣାଟି ଆମ୍ବାଆସି ଆପେ ରାଫାମାଣ୍ଡିନେସି ଲାଫାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାଡ଼ିତା ନୀତାମାତାଣି ଅଡ଼େ ମୁମ୍ବୁ ବାଦଲି ଆହାମାତାଣି ତାନ୍ଦୁଏ ମେସାମାତେସି ୧:୧୭-୧୮ ଲ ଆକୁତି ପିତର ରାଫାମାଟିସାରେ ଏଞ୍ଜାସି ରମ୍ଭା ମାଞ୍ଜାନା ତାନ୍ଦୁ ହାଡ଼ି ନଡ଼େଏ ଜୀସୁ କ୍ରୀସ୍ତ ଜାର୍ନାଆଡ଼ି ୬୫-୬୯ ବାର୍ସା ତାନ୍ଦୁ ରାଫାମାତେସି ପିତର ରୀ ଲମ୍ବର ଆକୁତି ତାନ୍ଦୁ ପିତର ରାଡ଼ିତି କାଲମି ଖେସାନା ଏଲେଇରେସି ଇଦି ରୀ ପାଲିତି ଆକୁ ୩:୧ ଏଞ୍ଜାସି ଇ ଆକୁତା ବାରେ କ୍ରୀସ୍ତାନା ଲକୁତି ଦରୁ ଖେକହେସି

କ୍ରୀସ୍ତଇଁ ନାମିତି ଲକୁ ନେହଁକଁ ନୀତାବାଡ଼କାଲି ସାସା ହୀହାଲି ଅଡ଼େ ମିତିତାଣି ଜାପ୍ନାରି ତାଣାଟି ଜାଗ୍ରାତା କିହାଲି ଇ ଆକୁ ପିତର ରାଫାମାନେସି ୨ ପାର୍ବୁ ପିତର ଏଞ୍ଜାରାଇଁ ଜୀସୁ ତବେ ଖାହାହିଲଅସି ଇଞ୍ଜିମାନି ଲକୁ କାତା ଆହୁଆଦୁ ଇଞ୍ଜି ସାସା ହୀତେସି ଏଞ୍ଜାସି ତସାନା ଖେସେସି ମାହାପୁରୁ ନିସ୍ତା ଆହୁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲ୍ପି ଆହାଲି ଅଣ୍ଡପିମାନେସି ୨ପିତ ୩:୮-୯ ଏଦାଆଁତାକି ନେହଁ ମାଣକିତି ଜୀସୁତଲେ ନୀଡ଼ିନାୟି ମାନେ ୩:୧୪

### ପତିତା ମାନାୟି

୧ ପିତର ତାଙ୍ଗେ ଖେକହା କଡ଼ିନାୟି ଅଡ଼େ ତାନି ଆକୁତି ପଡ଼ୁଓ ଆନାରାଇଁ ଖେହନାୟି ୧:୧-୨

୨ ଏଞ୍ଜାସି ଏଞ୍ଜାରାଇଁ ନେହଁକଁ ନୀତାବାଡ଼କାଲି ଅଣ୍ଡପି କିହିମାନେସି ଏନାଆଁତାକି ଇତିହଁ ମାହାପୁରୁ ମାଙ୍ଗେ ବାଡ଼ୁୟୁ ହୀହାମାଞ୍ଜାନେସି ୧:୩-୨୧

୩ ଏଞ୍ଜାସି ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଖେସାମାନେସି ଅଡ଼େ ଜୁଗୁ ରାନ୍ତି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି ଖେସାମାନେସି ୨:୧-୨୨

୪ କ୍ରୀସ୍ତଇଁ ନାମିତି ଲକୁଣି ଜୀସୁ ଖେଣ୍ଡେ ଖାନ୍ତି ଦିନା ପାତେକା ନେହଁ ଜୀସୁତଲେ ତିୟାରା ଆହା ମାଞ୍ଜାଲି ସାସା ହୀହାନା, ପିତର ତାନି ଆକୁ ରାପ୍ନାୟି ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁଖି ଆହାମାନାସି, ମା ମାହାପୁରୁ ଅଡ଼େ ଗେଲ୍ପାନି ଜୀସୁ କ୍ରୀସ୍ତି ଦାର୍ମୁତାକି ଆମିନି ଗାଟାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଡ଼ିମାଇଁ

୨ ମାହାପୁରୁ ଅଡ଼େ ମା ପୁବୁ ଜୀସୁତି ବୁଦିତଲେ ମିଙ୍ଗେତାକି କାର୍ମାମେହନାୟି ଅଡ଼େ ହିଡ଼ଡ଼ି ଜୀସୁ ହାଡ଼େକା ଗାଡ଼ି ଆୟାପେ

ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡ଼େ ନେହଁ ଗୁଣ୍ଡତଲେ ମାଙ୍ଗେ ହାଫାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁଡ଼ି ବାଡ଼ୁୟୁଟି ମାଙ୍ଗେ ଜୀସୁ ଅଡ଼େ ଦାର୍ମୁତି ଜିରୁ ତାକି ବାରେ ଲଡ଼ାମାନାଣି ହୀହାମାଞ୍ଜାନେସି

୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାଡ଼ି ଦାରା ଅଡ଼େ ହାଡ଼େକା ଲଡ଼ାଗାଟି

ଆଜ୍ଞାମାନି ଦାନା ହୀହାମାଜ୍ଞାନେସି, ଏନିକ ଏ ବାରେ ତଲେ ମୀରୁ ଲାଗେଏତି ଅଣ୍ଠପୁତା ଆହିମାନି ଆମିନି ନାସା ଆନି ଦାରତିତା ମାଞ୍ଜେରି, ଏମ୍ବାଟି ଗେଲ୍‌ପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡାବୁ ।

୫ ଇଦାଆଁତାକି ମୀରୁ ହାରେକା ଜାଡ଼ନୁତି ନାମୁତଲେ ନେହ୍ ଗୁଣ୍ଡୁ, ଅଡ଼େ ସାତା ଗୁଣ୍ଡୁତଲେ ବୁଦି,

୬ ବୁଦିତଲେ ଆଜ୍ଞାତି ଲକ୍‌ନାୟି, ଆଜ୍ଞାତି ଲକ୍‌ନାଣି ତଲେ ସାସା, ସାସାତଲେ ଦାମ୍‌ତି କାମା କିନାୟି,

୭ ଦାମ୍‌ତି କାମାକିନାଣି ତଲେ ତାୟିୟାଁଇଁ ଜୀଝୁନନାୟି, ତାୟିୟାଁଇଁ ଜୀଝୁ ନନାଣି ତଲେ ବାରେ ଲକ୍‌କୁଇଁ ଜୀଝୁ ନନାଣି ଆଡ଼ଦୁ ।

୮ ଇ ନେହ୍ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତତି ବୁଦି ମିଙ୍ଗେ ପାରସାଡ଼ା ଅଡ଼େ ବାରେ ମେଡ଼ି କିହାମାଜ୍ଞାନେ ।

୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଝାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁଟି ନରଝି ଆଡ଼ାଣି ଏଝାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଜିସ୍ତା, ମାହାପୁରୁ ମିଙ୍ଗେ ଆଡ଼ାନା ହାଟାମାଜ୍ଞାନାଣି ଅଡ଼େ ମନତି ଅଣ୍ଠପୁ ତୀରି କିହାଲି ହାରେକା ଜାଡ଼ନୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏତେଲା ଜିକେଏ ମୀ ନାମୁତା ଉଣା ଆଅତେରି ।

୧୧ ଇଞ୍ଜାଁ ଇଲେକିହ୍ ଏ ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତତି କାଲାକାଲାତି ରାଜିତା ରାହାଁତଲେ ହାଜାଲି ମିଙ୍ଗେ ହୀପ୍‌କି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହ୍ କ ତୀରି ଆହାମାଞ୍ଜେରି, ଆଡ଼ିଜିକେଏ ନାନୁ

ଇ ବାରେ କାତା କାଲେଏ ମିଙ୍ଗେ ଅଣ୍ଠପି କିଝିକିହାଲି ଜାଗ୍ରାତା ଡ଼ୟିଇଁ ।

୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜାଁ ଅଣ୍ଠପିମାଇଁ ।

୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକ୍ ଝେସାମାଜ୍ଞାନେସି, ଏଲେକିହ୍ ନାଙ୍ଗେ ଦାପେ ଇ ନା ଆଜ୍ଞା ଲେହେଁତି ତୁମ୍ବୁ ପିସାଲି ଆନେ,

୧୫ ଅଡ଼େ ନା ହାଡ଼ି ତାୟୁ ଜିକେଏ ମୀରୁ ଏନିକ୍ ଇ ବାରେ କାତା କାଲେଏ ଅଣ୍ଠପୁତା ଇଚିଦେରି, ଇଦାଆଁତାକି ନାନୁ ଅଣ୍ଠପିମାଇଁ ।

କ୍ରୀସ୍ତତି ଗାଝୁରମି ମେସ୍ତାରି ସାକି

୧୬ ଇଚିହ୍ ମାମ୍ବୁଏତିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡ଼ନ୍ତୁ ଅଡ଼େ ଝାହିମାନି କାତା ମିଙ୍ଗେ ପୁଣ୍ଡି କିୟାତମି, ଏଚିବେଲା ଏନି ସୁତମି ତଲେ କେପିତି ପୁସ୍‌ପନିକା ଆସା ହିଲାଆତମି, ସାମା ତାନି ଗାଝୁରମିତି କାଣକା ତଲେ ମେସ୍ତା ସାକିୟାଁ ଆହାମାତମି ।

୧୭ ଏଚିବେଲା କାଜା ଗାଝୁରମିତି ଏଝାଣାକି ଇ ହାଡ଼ା ଝାଡ଼େ, ଏଚିବେଲା ମାମ୍ବୁଏମ୍ବାଆଁ ମାତମି, “ଇଝାସି ନା ଜୀଝୁତି ମୀରୁଏସି ଇଝାଣି ତାଣେଏ ନା ହାରେକା ରାହାଁ ମାନେ ।” ଏଚିବେଲା ଏଝାସି ଆବା ମାହାପୁରୁ ତାଣାଟି ସାମ୍‌ମି ଅଡ଼େ ଗାଝୁରମି ବେଟାଆଡ଼େସି;

୧୮ ମାମ୍ବୁତାନିତଲେ ଏ ସୁଦୁ ହରୁ ଲାକ ମାଚିବେଲାତା ମାମ୍ବୁଏ ହାଗୁ ଲାକଟି ଝେଜିତି ଇ ହାଡ଼ା ଝେଜାମାନମି ।

୧୯ ଏମ୍ବାଆଁ ମାହାପୁରୁ ଅଣ୍ଠପୁତି ବଲୁ ଝେକ୍‌ନାରି ଝେକ୍‌ହାମାଚି ମାହାପୁରୁ ଅଣ୍ଠପୁତି ବଲୁ ମାଙ୍ଗେତାକି ହାରେକା ଆଡ଼ଝା ଆଡ଼େ; ମୀରୁ ଏଦାଆଁ ଆନ୍ଦେରିତା ଡ଼ୀଞ୍ଜାମାନି ଦୀଝିଁ ଲେହେଁ ଅଣ୍ଠପାନା ଲାଆଁ ଝେୟାଆ ପାତେକା

ମୀ ହିୟାଁତା ୱେୟାଜାରା ହୁକା ହଆ ପାତେକା ଏଦାଣି ମନ ହାତିହଁ ନେହେଁ ଆନେ ।

୨୦ ମୀରୁ ବାରେତି କିହଁ ତଲିଏ ଇଦାଆଁ ପୁଞ୍ଜୁ, ଦାର୍ମ୍ବ ପତିତା ରାୟକି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲୁହାଲି ଆଡ଼ାଆୟି ।

୨୧ ଇତିହଁ ଆମିନି ମାହାପୁରୁ ଅଣ୍ଟପୁତି ବଲୁ ୱେହନାରି ୱାରଇ ତାମ୍ନୁ ମାଣସି ଅଣ୍ଟପୁତି ଆମ୍ବାଆସି ଜିକେଏ ୱେକହା ହିଲଅରି, ସାମା ମାହାପୁରୁ ପାଣ୍ଡିତି ମାଣସିୟା ସୁଦୁଜାସ୍ତୁତି ସାଲୁଝି ଆହାନା ଏଞ୍ଜାରି ଅଣ୍ଟପୁତି ବଲୁ ୱେସାମାତେରି ।

୨

ମିତି ଜାପ୍ନାରି

୧ ସାମା ଲକୁ ତାଣାଟି ମିତି ମାହାପୁରୁ ବଲୁ ୱେହନାରି ହଡ଼ତରି; ଏଲେକିହଁଏ ମୀ ବିତ୍ରାଟି ମିତି ଜାପ୍ନାରି ହନେରି; ଏଞ୍ଜାରି ନାସା ଆନିଲେହେଁତି ନାଡ଼ିକିନି ଅଣ୍ଟପୁ, ତୁଗ୍ନା ୱେକହାନା ଏଞ୍ଜାରାଇ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଇ ଦେବୁଣିଏ ନାସା କିୟାନେରି ।

୨ ଅଡ଼େ ହାରେକା ଲକୁ ଏଞ୍ଜାରି ଲାଗେଏ କାମାତି ଜେତ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ ।

୩ ଏଞ୍ଜାରି ଦନ ଜୁପକାତାକି ମିତି ଜାପ୍ନାହାନା ମୀ ତାଣାଟି ତାବୁୟା ଲାଡ଼ା ବେଟାଆହାଲି ଅଣ୍ଟପିନେରି, ଏଞ୍ଜାରି ତଣ୍ଡ ତଲି କାଲାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଞ୍ଜାରାଇ ବିଚାରା କିହାମାନେସି, ଏଞ୍ଜାରି ନାସା ଆନାୟି ୱାଡ଼େୟିଏ ।

୪ ଇତିହଁ ମାହାପୁରୁ ପାପୁ କିତି ଦୁତୁୟାଇଁ ପିହଆନା ହିରୁ ଗାଡ଼ୁୟୁତା ମେଡ଼ହା ମାନେସି, ଏମ୍ବାଆଁ ଏଞ୍ଜାସିକା ନୀହାୟି ଆନି ଦିନା ପାତେକା ଆନ୍ଦେରି ଗାଡ଼ୁୟୁତା ଇଟାମାନେସି ।

୫ ମାହାପୁରୁ ପୁଞ୍ଜଇ ଦାର୍ତତି ଜିକେଏ ପିସାହିଲଅସି, ସାମା ଦାର୍ମ୍ବ କାତା ୱେହନି ନହ ଇଞ୍ଜା ତାନିତଲେ ସାତା ଜାଣାଇଁ ଗେଲ୍ପାନା ପାପୁତି ଦାର୍ତତି ଏୟୁତଲେ ବୀଡ଼ଝି କିତେସି;

୬ ଏଞ୍ଜାସି ସଦମ ଅଡ଼େ ଗମରା ଗାଡ଼ାତି ଦାରମ୍ବ ମୁଁପହାନା ନାସା କିହାଲି ତଣ୍ଡତି ହୁକୁମି ହାତେସି ଅଡ଼େ ଏଞ୍ଜାରାଇଁ ତାୟୁ କାଲାତି ଦାର୍ମ୍ବ ହିଲାଆଗାଟାରି ପୁଣ୍ଡିକିନିଲେହେଁ କିତେସି ।

୭ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାର୍ମ୍ବଗାଟି ଲଟଇଁ ମାହାପୁରୁ ଗେଲ୍ପିତେସି,

୮ ଏ ଦାର୍ମ୍ବଗାଟାସି ଏଞ୍ଜାରିତଲେ ବାସା କିହଁ ଏଞ୍ଜାରି ଲାଗେଏତି କାମା ମେସା ଅଡ଼େ ୱେଞ୍ଜାନା ଦିନମି ତାକି ଦିନମି ଦାର୍ମ୍ବଗାଟାସି ଆହାନା ହାରେକା ଦୁକୁ ବେଟାଆହିମାତେସି ।

୯ ଇଲେକିହଁଏ ପ୍ରବୁ ଦାର୍ମ୍ବଗାଟାରାଇଁ ତାୟିପାରି କିନି ତାଣାଟି ଗେଲ୍ପାଲି ଇତିହଁ ଦାର୍ମ୍ବ ହିଲାଆଗାଟାରାଇଁ, ଆମ୍ବାଆରି ଆଙ୍ଗାତି ଲାଗେଏତି କାମାତା ସାଲୁଝି ଆହାନା ପ୍ରବୁଇଁ ମାନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡ ତାକି ଇଟାଲି ପୁଞ୍ଜାମାନେସି ।

୧୦ ଇତିହଁ ଆମ୍ବାଆରି ମାହାପୁରୁତି ଅଦିକାରାତି ହାଣି କିହାନା ଜାହାରା ଆଙ୍ଗାତି ଜୁପକାତା ତୁୟିମାନେରି, ଏଞ୍ଜାରି ଏ କାଜା ନୀହାୟି ଦିନା ପାତେକା ଏନିକଁ ତଣ୍ଡ ହାହାନା ଇଟାଲି ଆନେ । ଏ ମିତି ଜାପ୍ନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାସ୍ତୁରମି ଗାଟାରାଇଁ ମାନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି ।

୧୧ ଆଡ଼ିଜିକେଏ ହାରେକା ବାଡ଼ୁୟୁ ଅଡ଼େ କାଜାପାଣା ବେଟାଆହାମାନି ଦୁତୁୟା ପ୍ରବୁ ନକିତା ଏଞ୍ଜାରି କପାଟି ନିଙ୍ଗାନା ନିନ୍ଦାକିହଁ ବିଚାରା କିଅରି ।

୧୨ ସାମା ଇଞ୍ଜାରି ବୁଦି ହିଲାଆ ଜନ୍ତୁ ଲେହେଁତାରି, ଏଞ୍ଜାରିଲେହେଁ ଇ ମିତି ଜାପ୍ନାରି ଜିକେଏ, ଏନାଆଁ ଏଞ୍ଜାରି

ପୁଞ୍ଜାଳି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାରି ଜାଡ଼ାତି ଜଡ଼ ଲେହେଁ ନାସା ଆନେରି,

୧୩ ଏଞ୍ଜାରି ଲାଗେଏତି କାମା କିହାମାତିସାରେ ଲାଗେଏ କମାତି ପାଡ଼େୟି ବେଟାଆନେରି □ ଏନାୟି ଏଞ୍ଜାରି ଆଜ୍ଞା ତାକି ନେହେଁ ହନେ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି □ ଏଞ୍ଜାରି ଜାହାରା ନାଡ଼ି କିଞ୍ଚିଆନି କାମାତା ରାହାଁ କିହେଁ ମୀ ତଲେ ତିଞ୍ଜାଳି କୃଡ଼ା ଆନେରି □

୧୪ ଏଞ୍ଜାରି କାଣକା ଦାରି କାମାତା ନେଞ୍ଜା ତୁୟିନୁ, ପାପୁ ପିସାଲି ମନ କିଅରି, ଏଞ୍ଜାରି ତିକିତାକାଗାଟି ହାରେକା ଲକୁଇଁ ଜୁପକାତା ତହୁନେରି, ଏଞ୍ଜାରି ହିୟାଁ ଦନତି ଜୁପକାତା ତୁୟିନେ, ଏଞ୍ଜାରି ବାରେ ବାକା ବେଟାଆନାରି □

୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଞ୍ଜୁ ନନି ବିୟରା ମୀରଏସି ବିଲିୟମତି ଜେତ ଜେତ ହାରେସି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାରେସି □

୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲ୍ଲାଲି ଆଆଗାଟି ଗାଡ଼ଦେ ମାଣସି ହାଡ଼ାତଲେ ଜଲ୍ଲାହାଁ ମାହାପୁରୁ ଅଣପୁତି ବଲୁ ଖେହୁନି ତାଣାଟିଏ ସାପି କିଡେ □

୧୭ ଇ ମିତି ଜାପନାରି ଏୟୁ ଖାୟିତି ଜାରଣା ଲେହେଁତାରି ଅଡ଼େ କାଜା ଗାଲିତା ଉମ୍ବିନି ହାଗୁ ଲେହେଁତାରି, ମାହାପୁରୁ ଏଞ୍ଜାରାକି ହାରେଏ ଆନେରିଗାଟି ଚାୟୁ ଇଟାମାନେସି □

୧୮ ଇତିହେଁ ଏଞ୍ଜାରି ଉଜେଏତି ବଡ଼ପଣଟି ତାହାରା କାତାୟାଁ ଖେହୁନେରି ଇଞ୍ଜା ନାଡ଼ିକିନି ମାଣକିଗାଟି ଲକୁ ତାଣାଟି ଗେଲ୍ପି ଆହାମାନି ଲକୁଣି, ତାନି ଆଜ୍ଞାତି ଜୁପକାଟି କାମା କିହାନା ପାନ୍ଦାତା ମେଡ଼ନେରି;

୧୯ ଏଞ୍ଜାରି ଏଞ୍ଜାରାକି ଫୋଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜା ଆଞ୍ଜିନେରି, ସାମା ଏଞ୍ଜାରି ତାମ୍ବୁ ନାସା କିଞ୍ଚିକିନି କାମାତି ହଲିୟାଜ୍ଞା ଆନେରି;

ଏନାଆଁତାକି ଇତିହେଁ ଆମ୍ବାଆସି ଆମ୍ବାଆରି ତାଣା ହାରେଞ୍ଚି ଆନେସି ଏଞ୍ଜାସି ଏମ୍ବାତି ହଲେଏସି ଆନେସି □

୨୦ ଇତିହେଁ ଏଞ୍ଜାରି ପ୍ରବୁ ଅଡ଼େ ଗେଲ୍ପିନି ଜୀସୁ କ୍ରୀସ୍ତତି ବୁଦିତଲେ ଦାରତିତି ଲାଗେଏତି ତାଣାଟି ଗେଲ୍ପି ଆହାନା ଖେଣ୍ଡେ ଏମ୍ବାତି ପାନ୍ଦାତା ଦସ୍ପି ଆହାନା ହାରେଞ୍ଚି ଆନେରି, ଆତିହେଁ ଏଞ୍ଜାରାକି ତଲିତି ତଣ୍ଡ କିହାଁ ତାୟୁତି ତଣ୍ଡ ହାରେକା କସ୍ତାଗାୟି ଆନେ □

୨୧ ଇତିହେଁ ଦାମ୍ବୁତି ଜିରୁ ପୁଞ୍ଜାନା ଏଞ୍ଜାରାକି ହେରୁପି ଆହାମାନି ସୁଦୁ ହୁକୁମି ପିହନି କିହାଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆତିହେଁ ନେହେଁ ଆଡେମା □

୨୨ “ନେଃତଡ଼ି ତାନୁ କାକ୍ଞାନା ଖେଣ୍ଡେ ତିଞ୍ଜାଲି ଇଞ୍ଜା ନରୁଞ୍ଚି ଆହାମାନି ପାଜି ଅଡ଼େ ଖେଣ୍ଡେ ଲାଦିତା ତେରମାଲି ହାନେ” ଏଞ୍ଜାରାକି ଏ ଖେକ୍‌ହାମାନି ସାତା କାତା ଏଞ୍ଜାରାକି ଆହାମାନେ □

## ୩

ପ୍ରବୁ ଖେଣ୍ଡେ ଖାନି ଦିନା

୧ ଏ ଜୀଞ୍ଜୁତି ତାୟି ତାଜିସ୍ତା, ନାନୁ ନୀର୍ବ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାକି, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣପି କିହାନା ମୀ ସୁଦୁ ମନତି ପାଡ଼ିକିହାଲି ଅଣପିମାକି □

୨ ମୀରୁ ଏନିକେଁ ସୁଦୁଗାଟି ମାହାପୁରୁ ଅଣପୁତି ବଲୁ ଖେହୁନାରି ତାଣାଟି ତଲି କାଲାତା ଖେସାମାନି ବାରେ ବଲୁ ଇଞ୍ଜା ପାଣ୍ଡୁଞ୍ଚି ଆହାମାନାରି ତାଣାଟି ଖେସ୍ପିଆହାମାନି ପ୍ରବୁ ଇଞ୍ଜା ଗେଲ୍ପିପାନାଣା ହୁକୁମି ଅଣପୁତା ଇଟାପୁ □

୩ \*ତଲିଏ ମୀରୁ ଇ କାତା ପୁଞ୍ଜୁ, ଇ ରାନି ବେଲାତା ଏଚରଜାଣା ତାନି ଲାଗେଏ ପଚେଲଏ କାମା ତଲେ ତାକିନେରି; ଏଞ୍ଜାରି ମିଙ୍ଗେ ଲାଜା କିୟାନେରି □

୪ ଏ ଲାଜା କିୟାନାରି ଖାହାନା ଏଞ୍ଜାରି ମିଙ୍ଗେ ଲାଜାକିହ ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଲ୍ ଇଞ୍ଜି ଖେସାମାଞ୍ଜାତେସି ଆତିହ୍ ଏଞ୍ଜାସି ଏଚେଲା ଖାନ୍ତେସି ? ଇତିହ୍ ମା ଆକୁ ଆବାୟା ହାତି ଦିନାଟିଏ ନୀଏଁ ପାତେକା ବାରେ ଦାର୍ତତି ଗାଡ଼ି ଆଡ଼ି ଦିନାଟିଏ ଏନିକ୍ ମାଚେ, ଏଲେକିହ୍ ଏ ନୀଏଁ ଜିକେଏ ଡ଼ୟାମାନେ □”

୫ ଏଞ୍ଜାରି ପୁଞ୍ଜା ପୁଞ୍ଜାନା ବାଣ୍ଟି ଆନେରି, ତଲି କାଲାତା ମାହାପୁରୁ ହୁକୁମି ହୀତେସି ଅଡ଼େ ହାଗୁପାକା ଅଡ଼େ ଦାର୍ତତି ଗାଡ଼ି ଆଡ଼େ ଅଡ଼େ ଦାର୍ତତି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡ଼େ □

୬ ଅଡ଼େ, ଏଞ୍ଜାଣି ତାଣାଟି ଏ ତଲି କାଲାତି ଦାର୍ତତି ଏୟୁତଲେ ନାସା ଆଡ଼େ;

୭ ସାମା ନୀଏଁତି ହାଗୁପାକା ଅଡ଼େ ଦାର୍ତତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀହାୟି ଅଡ଼େ ନାସାତି ଦିନା ପାତେକା କୁଡ଼ି ଆହାନା ହିରୁତା ହୁଡାଲି ଇଟ୍ଟକି ଆହାମାନେ □

୮ ସାମା ଏ ଜୀଞ୍ଜୁତି ତାୟି ତାଙ୍ଗିସ୍ତା, ମାହାପୁରୁ ନକିତା ର ଦିନା ର ମାଣା ବାର୍ସା ସମାନା ଅଡ଼େ ର ମାଣା ବାର୍ସା ର ଦିନା ସମାନା; ଇ କାତାତି ଏଚେଲା ବାଣା ଆଆଦୁ □

୯ ହାରେକା ଲକୁ ପ୍ରବୁ ଖେଣ୍ଡେ ଖାନ୍ତି ଦିନା ମାନେୟିଏ ଇଞ୍ଜି ଅଣ୍ଟିନେରି, ସାମା ପ୍ରବୁ ତାନୁ ଏଲେଇଞ୍ଜା ମାନାଣି ଏଚେଲାଞ୍ଜା ଖେଡ଼ା କିଅସି; ଏନିକ୍ ଆମ୍ବାଆରି ନାସା ଆଅରି, ସାମା ବାରେଜାଣା ମନ୍ ଖେଟ୍ଟହା କଡ଼ିନେରି; ଇଦାଆଁ ଅଣ୍ଟିପାନା ଏଞ୍ଜାସି ମୀ ତାକି କାର୍ମା ମେସି ମାଞ୍ଜାନେସି □

୧୦ \*ମାହାପୁରୁ ଖାନ୍ତି ଦିନା ର ସରୁ ଖାନ୍ତି ଲେହେଁ ଖାନ୍ତେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡିଙ୍ଗାହାନେ, ଅଡ଼େ ଦାର୍ତତି ମାନି ବାରେ ଦିଣ୍ଡୁ ଗାଡ଼ି ଖେସାନା ରୁୟାହାନୁ, ଇଞ୍ଜା ଦାର୍ତତି

ଅଡ଼େ ଏମ୍ବାଆଁ ମାନି ଆସ୍ତି ବାରେ ହିରୁତା ଡ଼ୀଞ୍ଜାହାନେ □

୧୧ ଇ ବାରେ ଇଲେଆହ୍ ମେଣ୍ଡିଙ୍ଗାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ୀଞ୍ଜାହାଁ ମେଣ୍ଡିଙ୍ଗାହାନେ ଅଡ଼େ ଦାର୍ତତି ବାରେ ଦିଣ୍ଡୁ ହାରେକା ଖେସାନା ରୁୟାହାନେ,

୧୨ ପ୍ରବୁ ଖାନ୍ତି ଦିନା କାପୁ କାଡ଼ାଡ଼ୟିନି ଲକୁ, ଏଦି ଏନିକ୍ ତବେ ଖାନ୍ତେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲକା ମାନି ଖେଡ଼ା ଲେଞ୍ଜୁ ହୁକାୟା ଖେସାହାନାକି ଖିରଲାହାନୁ □

୧୩ \*ମୀର ମାହାପୁରୁ ଆଞ୍ଜାମାନି ଲେହେଁ ର ପୁଞ୍ଜି ହାଗୁପାକା ଅଡ଼େ ପୁଞ୍ଜି ଦାର୍ତତି କାଡ଼ାମାନାୟି, ଆମିନି ଗାଟାୟି ଦାର୍ମୁତଲେ ବାସାଆନ୍ତି ଟାୟୁ ଆନେ □

୧୪ ଇଦାଆଁତାକି ଏ ଜୀଞ୍ଜୁତି ତାୟି ତାଙ୍ଗିସ୍ତା, ମୀରୁ ଇ ବାରେ କାଡ଼ିମାନାକି ମାହାପୁରୁ ନକିତା ଏନିକ୍ ପାପୁ ହିଲାଆଗାଟାତେରି ଅଡ଼େ ଦହ ହିଲାଆଗାଟାତେରି ଆହାଁ ହିଡ଼ତି ତଲେ ମାନାତେରି ଆହ୍ ତଞ୍ଜା ଆଡ଼େରି, ଏଦାଆଁତାକି ଜାଡ଼ନୁ ତଲେ ମାଞ୍ଜୁ;

୧୫ ଅଡ଼େ, ମା ପ୍ରବୁତି ହାରେକା ଅରୁହିନାୟି ଗେଲ୍ପାନାୟି ଇଞ୍ଜି ଅଣ୍ଟିପାଦୁ, ମା ଜୀଞ୍ଜୁତି ତାୟି ପାଞ୍ଜୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଙ୍ଗେତାକି ଏଲେକ୍ ରାଡ଼ା ମାଞ୍ଜାନେସି □

୧୬ ଏଞ୍ଜାସି ତାନି ରାଡ଼ାମାନି ବାରେ ଆକୁତା ଇ ବାରେ କାତା ରାଡ଼ାନା ଏଲେକ୍ ଖେସାମାନେସି; ଏ ବାରେ ଆକୁତା ଏଚେକା କାତା ମାନେ, ଏମିନିଗାଗାଣି ତେଲ୍ହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣ୍ଟିପୁଗାଟି ଲକୁ, ତାମ୍ବୁନାସା ଆୟାଲି ଏଟ୍ଟକାତି ସାସ୍ତେରିତା ଏନିକ୍ ରାୟକି ଆହାମାନେ, ଏ ବାରେ ତାଣା ଜିକେଏ ଏଲେକ୍ ଉଜେଏତି କାତା ଖେହ୍ନେରି □

\* ୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଖେ ବଲୁ ୧୭:୧୫ \* ୩:୧୩ ୩:୧୩ ଖେ ବଲୁ ୨୧:୧

୧୭ ସାମା ଜୀବୁତି ତାୟି  
 ତାଜିସ୍ମାତେରି, ମୀରୁ ଛଦାଆଁ ବାରେ  
 ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି  
 ଜାଗ୍ରାତା, ଏନିକି କିଲିବିଲି କିନି  
 ଲକୁ ତାଣାଟି ନାଡ଼ି କିଞ୍ଜି ଆଆନା ମୀରୁ  
 ଆଟ୍‌ଞ୍ଜା ନାମୁତା ଉଣା ଆଅତେରି □

୧୮ ସାମା ମା ପ୍ରବୁ ଅଡ଼େ ଗେଲପାନି  
 ଜୀସୁ କ୍ରୀସ୍ତତି କାର୍ମା ଅଡ଼େ ବୁଦିତା  
 ପାତାଆଦୁ □ ଏଞ୍ଜାଣାକି ନୀର୍ଦ୍ଦ ଅଡ଼େ  
 କାଲ୍ଲାକାଲ୍ଲାତାକି ଗାଞ୍ଜୁରମି ଆପେ □  
 ଆପେନ୍ □



# ଯୋହନଙ୍କ ପ୍ରଥମ ପତ୍ର ଜହନ ରାଫାମାନି ର ଲମ୍ବର ଆକୁ ମୂଲୁ ହାଡ଼ା

ଜହନ ରାଫିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାମ୍ଭୁ ପାଣ୍ଡୁଆହାମାନି ଜହନ ରାଫାମାନେସି □ ଜହନ ଜାହାରାଇଁ ଇ ଆକୁତି ରାଫାମାଇଁ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀସୁ କ୍ରୀସ୍ତତି ନୀତାମାଚାଣି ଅଡ଼େ ହାହାନା ଖେଣ୍ଡେ ନିଜିତାଣି କାନୁ ତଲେ ମେସାମାନମି ଇଞ୍ଜିଁ ସାକି ହାହିମାନେସି ୧:୧-୩ □ ଜହନତି ର ଲମ୍ବର ପତି ଅଡ଼େ ଜହନ ରାଫିତି ନେହଁ କାବୁତି କାତା ରଣ୍ଡିଏ ସମାନା ଲେହେଁ ଆହିମାନେ □ ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଫିତି ନେହଁ କାବୁ ଅଡ଼େ ଜହନ ର ଲମ୍ବର ଆକୁ, ଜହନ ରୀ ଲମ୍ବର ଆକୁ, ତାନି ଲମ୍ବର ଆକୁ ରାଫାମାଚେସି ଇଞ୍ଜିଁ ନାମିମାନେରି □

ବୁଦିଗାଟାତମି ଇଞ୍ଜାକଡ଼ିମାନି ର ଗତିତି ଲକୁ ତାଣ୍ଡାଟି କୁଲମି କସ୍ତ ବେଟାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଫିମାଚେସି □ ଏଞ୍ଜାରି ନାମୁ ଜୀସୁ ସାଚେଏ ମାହାପୁରୁ ମାଚେସି ସାମା ଦାର୍ଡିତା ମାଚିବେଲାତା ଏଞ୍ଜାସି ଉଞ୍ଜା ଅଡ଼େ ନେତେରିତି ମାଣ୍ଡସି ହିଲଆଚେସି □ ଜହନ ଜୀସୁ କ୍ରୀସ୍ତଇଁ କାନୁ ତଲେ ମେସାମାନି ସାକି ଅଡ଼େ ତାନି କେମ୍ଭୁ ଏଞ୍ଜାଣାଇଁ ତୀଗାମାନାକି ଏଞ୍ଜାସି ଇଦାଆଁ ରାଫାମାନେସି, ୧:୧-୩ □ ଜହନ ଇ ଆକୁତି ରାଫିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧୯୩ ୧:୪ ଅଡ଼େ ନାମୁ ଗାଟାରାଇଁ ପାପୁ ପିସାଲି ତାକି ୧୯୩

୨:୧ ଅଡ଼େ ମିତି ଜାପୁନାରି ତାଣ୍ଡାଟି ନାମୁ ଗାଟାରାଇଁ ଗେଲ୍ପାଲି ୧୯୩ ୨:୨୭ ନାମୁ ଗାଟାରାଇଁ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ □

## ପତିତା ମାନାୟି

- ୧ ଆକୁତି ପୁଣ୍ଡିକିନାୟି ଅଡ଼େ ରାଫିମାନି କାତା ଖେହନାୟି □ ୧:୧-୪
- ୨ ମାହାପୁରୁ ଏନିକଁ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି ଖେସାମାନେସି □ ୧:୫-୩:୧୦
- ୩ ରଅସି ରଅଣାଇଁ ଜୀସୁ ନନାଣି ଖେଣ୍ଡେ ଅଣ୍ଡିପି କିନାୟି □ ୩:୧୧-୫:୧୨
- ୪ ଆକୁତି ରାପୁନାୟି □ ୫:୧୩-୨୧

## ଜୀସୁତି ବଲୁ

୧ \*ମୂଲୁଏ ଆମ୍ବାଆସି ମାଚେସି, ମାମ୍ଭୁ ଏଞ୍ଜାଣି ବଲୁ ଖେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକଁ ସିନିକହା ମାନମି ଅଡ଼େ ମା କେସ୍ତାତଲେ ତୀଗାମାନମି, ଏ ଜୀସୁଲେହେତି ବଲୁତି କାତା ଖେସିମାଞ୍ଜାନମି □

୨ \*ଏ ଜୀସୁ ତଞ୍ଜାଆଡ଼େ, ଇଞ୍ଜା ମାମ୍ଭୁ ମେସ୍ତମି ଅଡ଼େ ସାକି ହାହିମାଞ୍ଜାନମି; ଆମିନି କାଲାକାଲାତି ସୁଦୁଜୀସୁ ଆବା ତଲେ ମାଚେ, ଅଡ଼େ ମା ତାଣ୍ଡା ତଞ୍ଜାଆଡ଼େସି ଏଞ୍ଜାଣି କାତା ମିଜେ ଖେସିମାଞ୍ଜାନମି □

୩ ମାମ୍ଭୁ ଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଜେ ଜିକେଏ ଖେସିମାଞ୍ଜାନମି, ଏନିକଁ ମୀରୁ ଜିକେଏ ମା ତଲେ ଆଣ୍ଡାଲି ଆଡ଼ାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତଲେ ମାନେ □

୪ ମା ରାହାଁ ଏନିକଁ ହାରେ ପୁରେ ଆନେ ଇଦାଣିତାକି ଇ ବାରେ ମାମ୍ଭୁ ରାଫିମାଞ୍ଜାନମି □

ମାହାପୁରୁ ଉଜେଡ଼ି

\* ୧:୧ ୧:୧ ଜହ ୧:୧ \* ୧:୨ ୧:୨ ଜହ ୧:୧୪

୫ ମାମୁ ଏଝାଣି ତାଣାଟି ଆମିନି କାବୁ  
ଝେଞ୍ଜାମାନମି, ଅଡ଼େ ଝେସିମାଞ୍ଜାନମି,  
ଏ କାବୁ ଇଦି, ମାହାପୁରୁ ଉଜେଡ଼ି, ତାନି  
ତାଣା ଆନ୍ଦେରି ହିଲୁଝୁଏ ହିଲେଏ □

୬ ମାମୁ ଆନ୍ଦେରିତା ମାଞ୍ଜାନା  
ମାହାପୁରୁ ତଲେ ଆଣୁଝିଆହା ମାନାୟି  
ଇଞ୍ଜୁ ଝେସୁହୁ, ମାର ମିତି  
ଝେହୁନାତାୟି, ଅଡ଼େ ମାର ସାତା ତଲେ  
ତାକିହିଲାଆୟି □

୭ ସାମା ଏଝାସି ଏନିକି ଉଜେଡ଼ିତା  
ବାସା ଆହାମାନେସି, ମାର ଜିକେଏ  
ଏଲେକିହୁଏ ଉଜେଡ଼ିତା ତାକିନାୟି,  
ଆତିହୁ ମାର ରଅସି ରଅଣି ତଲେ  
ଆଣୁଝିଆନାୟି ମାନେ, ଅଡ଼େ ତାନି  
ମୀରଏଣା ଜୀସୁ ନେତେରି ମା ବାରେ  
ପାପୁତି ନରହାନେ □

୮ ମା ତାଣା ପାପୁ ହିଲେଏ ଇଞ୍ଜୁ  
ଝେହୁନାୟି, ଆତିହୁ ମାର ମାଞ୍ଜେଏ  
ନାଡ଼ି କିହାକତିମାନାୟି, ଅଡ଼େ ମା ତାଣା  
ସାତା ହିଲେଏ □

୯ ସାମା ମାମୁ ପାପୁ କିହାମାନମି  
ଇଞ୍ଜୁ ମାହାପୁରୁ ନକିତା ଝେହୁନାୟି,  
ଆତିହୁ ଏଝାସି ମା ପାପୁ ବାରେ  
ମ୍ଲେକହାଲି ଅଡ଼େ ବାରେ ଲାଗେଏ  
ପଲେଏ ତାଣାଟି ଅଟହାଲି ନାମୁ ଅଡ଼େ  
ତାରିଗାଟାସି □

୧୦ ମାର ପାପୁ କିହା ହିଲାଆୟି  
ଇଞ୍ଜୁ ଇନାୟି, ଆତିହୁ ମାର  
ମାହାପୁରୁଇ ମିତି ଗାଟାସି କିହିମାନାୟି,  
ଅଡ଼େ ତାନି ବଲୁ ମା ତାଣା ହିଲେଏ □

### ୨

#### କ୍ରୀସ୍ତ ଗେଲ୍‌ପାନାସି

୧ ଏ ନା ମୀରକା ମାସକାତେରି ମୀରୁ  
ଏନିକି ପାପୁ କିଅତେରି, ଇଦାଆଁତାକି  
ଇ ବାରେ ମୀ ତାଣା ରାଡ଼ିମାଞ୍ଜାଇଁ  
□ ସାମା ଆମ୍ବାଆସି ପାପୁ କିନେସି,  
ଆତିହୁ ମା ଝାକି ଆହାନା ଆବା ତାଣା  
ବାଡ଼ିମାଲିନାସି ରଅସି ମାନେସି, ଏଝାସି  
ଦାମ୍ବୁଗାଟି ଜୀସୁ କ୍ରୀସ୍ତ □

୨ କ୍ରୀସ୍ତ ମା ପାପୁ ତାକି, ଝାରଇ ମା  
ପାପୁ ତାକି ଆଏ, ସାମା ଦାରଡ଼ିତି ବାରେ  
ଲକ୍ଷୁତି ପାପୁ ତାକି ଡାକିତି ପୂଜାଲେହେଁ  
ଆଡ଼େସି □

୩ ମାର ମାହାପୁରୁତି ହୁକୁମି ମାନଝି  
ଆନାୟି, ଆତିହୁ ଏମ୍ବାଟି ପୁଞ୍ଜାଲି  
ଆଡ଼ିନାୟି, ଏଝାଣାଇଁ ସାତାତଲେ  
ପୁଞ୍ଜାମାନାୟି □

୪ ତାନି ହୁକୁମି ମାନଝି ଆଆନା  
ଆମ୍ବାଆସି ନାନୁ ଏଝାଣାଇଁ ପୁଞ୍ଜାମାଇଁ  
ଇଞ୍ଜୁ ଜଲିନେସି, ଏଝାସି ମିତି ଗାଟାସି  
ଏଝାଣି ତାଣା ସାତା ହିଲେଏ □

୫ ସାମା ଆମ୍ବାଆସି ତାନି ହୁକୁମି  
ମାନଝି ଆନେସି, ଏଝାଣି ତାଣା  
ମାହାପୁରୁତି ସାତା ଜୀଝୁନନାୟି ପୁରା  
ଆହାମାନେ, ଏମ୍ବାଟିଏ ମାର ପୁଞ୍ଜାଲି  
ଆଡ଼ିନାୟି ମାର ମାହାପୁରୁ ତାଣା  
ମାନାୟି □

୬ ଆମ୍ବାଆସି ନାନୁ ମାହାପୁରୁ ତଲେ  
ଡ଼ୟିଇଁ ଇଞ୍ଜୁ ଇନେସି, ଏଝାସି ଜୀସୁ  
କ୍ରୀସ୍ତ ନୀତା ମାଟିଲେହେଁ ନୀଡ଼ିନାୟି  
ମାନେ □

#### ପୁଠନି ହୁକୁମି

୭ ଏ ନା ଜୀଝୁତି ତଣେସିଜାତେରି  
ନାନୁ ମୀ ତାଣା ଏନି ପୁଠନି ହୁକୁମି  
ରାଡ଼ିମାଞ୍ଜାଆଁ, ସାମା ତଲିଟିଏ ଆମିନି  
ପୁଠଇଁ ହୁକୁମି ବେଟା ଆହାମାଞ୍ଜେରି,  
ଏଦାଆଁ ରାଡ଼ିମାଞ୍ଜାଇଁ; ମୀରୁ ଆମିନି  
ବଲୁ ଝେଞ୍ଜାମାଞ୍ଜେରି, ଏଦିଏ ପୁଠଇଁ  
ହୁକୁମି □

୮ ଅଡ଼େ ନାନୁ ନୀଏଁ ମିଜେ ପୁଠନି  
ହୁକୁମି ଲେହେଁ ରାଡ଼ିମାଞ୍ଜାଇଁ, ଇତିହୁ  
ଏନି କ୍ରୀସ୍ତ ତାଣା ଅଡ଼େ ମୀ ତାଣା  
ଜିକେଏ ସାତା ଇଞ୍ଜୁ ତଞ୍ଜାଆନେ,  
ଇତିହୁ ଆନ୍ଦେରି ଗୁଟା ଆହିମାନେ  
ଅଡ଼େ ସାତା ଉଜେଡ଼ି ତଞ୍ଜାଆଡ଼େୟିଏ □

୯ ଆମ୍ବାଆସି ତାନି ତାୟି ତାଜିଇଁ  
ଅପାଆନା ନାନୁ ଉଜେଡ଼ିତା ମାଇଁ  
ଇଞ୍ଜୁ ଇନେସି ଏଝାସି ନୀଏଁ ପାତେକା  
ଆନ୍ଦେରିତା ମାଞ୍ଜାମାନେସି □

୧୦ ଆମ୍ବାଆସି ତାନି ତାୟି ତାଜିଇଁ  
ଜୀଝୁ ନନେସି ଏଝାସି ଉଜେଡ଼ିତା  
ମାଞ୍ଜାମାନେସି, ଇଞ୍ଜା ଏଝାଣି ତାଣା ପୁଟି  
କିନାୟି ଏନାୟି ହିଲେଏ □

୧୧ ସାମା ଆମ୍ବାଆସି ତାନି ତାୟିଇଁ  
ଅପିହିଲଅସି ଏଝାସି ଆମେରିତା  
ମାନେସି, ଅଡେ ଆମେରିତା ତାକି  
ତାକିହିଁ ଆମ୍ବିୟାଝାକି ହାଜିମାନେସି,  
ଏଦାଆଁ ପୁନଅସି, ଇଚିହିଁ ଆମେରି  
ତାନି କାଣକାଣି କାଣା କିହାମାନେ □

୧୨ ଜୀଝୁତି କକାରି ପଦାଁତେରି ନାନୁ  
ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି  
ଇଚିହିଁ କ୍ରୀସ୍ତ ଦରୁତଲେ ମୀ ପାପୁ  
ବାରେ ମେଣ୍ଡାଙ୍ଗାମାନେ □

୧୩ ତାଞ୍ଜିତେରି ନାନୁ ମିଙ୍ଗେ  
ରାଡ଼ିମାଞ୍ଜାଇଁ, ଏନାଆଁତାକି ଇଚିହିଁ  
ଆମ୍ବାଆସି ମୂଲୁଚିଏ ମାନେସି, ଏଝାଣାଇଁ  
ମୀରୁ ପୁଞ୍ଜାମାଞ୍ଜେରି, ଏ ଡାଆ  
ଦାଂଗଣାୟାତେରି ନାନୁ ମିଙ୍ଗେ  
ରାଡ଼ିମାଞ୍ଜାଇଁ, ଇଚିହିଁ ମୀରୁ ବାରେ  
ଲାଗେଏ ପଲେଏ ତାଣାଟି ଜୀଣା  
ଆହାମାଞ୍ଜେରି □

୧୪ କକାରି ପଦାଁତେରି ନାନୁ  
ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି  
ଇଚିହିଁ ମୀରୁ ଆବା ମାହାପୁରୁଇଁ  
ପୁଞ୍ଜାମାଞ୍ଜେରି, ଏ ଆବାୟାତେରି ନାନୁ  
ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି  
ଇଚିହିଁ ଆମ୍ବାଆସି ମୂଲୁଚିଏ ମାନେସି  
ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ  
ଡାଆ ଦାଂଗଣାୟାତେରି ନାନୁ ମିଙ୍ଗେ  
ରାଡ଼ିମାଞ୍ଜାଇଁ ଏନାଆଁତାକି ଇଚିହିଁ  
ମୀରୁ ବାଡ଼ୁରୁ ଗାଟାତେରି, ଅଡେ  
ମାହାପୁରୁତି ବଲୁ ମୀ ତାଣା ମାନେ  
ଅଡେ ମୀରୁ ଲାଗେଏ ପଲେଏତାଣି  
ଜୀଣା ଆହାମାଞ୍ଜେରି □

ଦାରତିତି ଜୀଝୁ ନଆଦୁ

୧୫ ଦାରତିତି ଅଡେ ଏମ୍ବାଆଁ ମାନାଣି  
ବାରେତି ଜୀଝୁ ନଆଦୁ, ଆମ୍ବାଆସି  
ଦାରତିତି ଜୀଝୁ ନନେସି, ଏଝାଣି ତାଣା  
ମାହାପୁରୁ ଆବାତି ଜୀଝୁନନାୟି ହିଲେଏ  
□

୧୬ ଇଚିହିଁ ଆଙ୍ଗାତି ଜୁପକା,  
କାନୁତି ଜୁପକା, ଅଡେ ଦନତି ବଡପଣ,  
ଦାରତିତା ମାନାୟି ଇ ବାରେ ମାହାପୁରୁ  
ଆବା ତାଣାଟି ଝାହାହିଲେଏ ସାମା  
ଦାରତିତି ଗାଡ଼ି ଆହାମାନେ □

୧୭ ଦାରତି ଅଡେ ଏମ୍ବାଆଁ ମାନି  
ଜୁପକା କାଲେଏ ତାକି ମାଏ, ସାମା  
ଆମ୍ବାଆସି ମାହାପୁରୁତି ଇଚାତି ମାନୁଝି  
ଆନେସି ଏଝାସି କାଲେଏ ତାକି ତୀରି  
ଆନେସି □

କ୍ରୀସ୍ତତି ସାଡୁ

୧୮ ଜୀଝୁତି କକାରି ପଦାଁତେରି  
ରାନି କାଲା ଏଗାଝାତେୟିଏ, ନାଡ଼ିକିନି  
କ୍ରୀସ୍ତ ଝାନେସି ଇଞ୍ଜି ମୀରୁ ଏନିକି  
ଝେଞ୍ଜାମାତେରି, ଏଲେକିହିଁ ଏ ନୀଏଁ  
ଜିକେଏ ହାରେକା ନାଡ଼ିକିନି କ୍ରୀସ୍ତୟା  
ନିଙ୍ଗିତେରିଏ; ଇଦାଆଁତାକି ମାର  
ପୁଞ୍ଜାମାନାୟି ଜୁଗୁ ରାନି କାଲା  
ଏଦାତେୟିଏ □

୧୯ ଏଝାରି ମା ବିତ୍ରାତି ହଡେରି,  
ସାମା ମା ଗଚିତି ଲକୁ ହିଲାଆତେରି;  
ଏଝାରି ମା ଗଚିତି ଲକୁ ଆଡ଼ିହିଁ ମା,  
ଏଝାରି ମା ତଲେ ଡୟିତେରିମା; ସାମା  
ବାରେ ମା ଗଚିତି ଲକୁ ଆଏ, ଇଦି  
ଏନିକି ତଞ୍ଜାଆନେ, ଇଦାଆଁତାକି  
ଏଝାରି ହବାହାତେରି □

୨୦ ସାମା ମୀରୁ ଏ ସୁଦୁ ଗାଟାଣା  
ତାଣାଟି ବର ବେଟାଆହାମାନାକି ମୀରୁ  
ବାରେତେରି ବୁଦି ବେଟାଆହାମାଞ୍ଜେରି  
□

୨୧ ମୀରୁ ସାତାତି ପୁଞ୍ଜାହିଲାଆକି  
ନାନୁ ମିଙ୍ଗେ ରାଡ଼ିମାଞ୍ଜାଇଁ ଏଦି ଆଏ,  
ସାମା ମୀରୁ ସାତାତି ପୁଞ୍ଜାମାନାକି  
ଅଡେ ସାତାତି ଏଚେଲାଝା ମିଚି ହଏ  
ଇଞ୍ଜି ମୀରୁ ପୁଞ୍ଜାମାନାକି ନାନୁ ମିଙ୍ଗେ  
ରାଡ଼ିମାଞ୍ଜାଇଁ □

୨୨ ଜୀସୁଇଁ କ୍ରୀସ୍ତ ଆଏ ଇଞ୍ଜି  
ଆମ୍ବାଆସି ଝେହନେସି, ଏଝାଣି  
ତାଣାଟିଏ ମିଚି ଝେହନାସି ଆମ୍ବାଆସି  
? ଅଡେ ଆମ୍ବାଆସି ଆବା ଅଡେ  
ମୀରୁଏଣାଇଁ ଇ ରିଆରାଇଁ ଜିକେଏ  
ଅପଅସି ଏଝାସିଏ ନାଡ଼ିକିନି କ୍ରୀସ୍ତ □

୨୩ ଆମ୍ବାଆସି ମୀରୁଏଣାଇଁ ଅପଅସି  
 ଏଞ୍ଜାସି ଆବାଇଁ ବେଟାଆହାହିଲଅସି,  
 ଆମ୍ବାଆସି ମୀରୁଏଣାଇଁ ଆବିନେସି,  
 ଏଞ୍ଜାସି ଆବାଇଁ ଜିକେଏ ବେଟାଆହାମାନେସି  
 □

୨୪ ମୀରୁ ତଲିଟିଏ ଏନାଆଁ  
 ଖେଞ୍ଜାମାଞ୍ଜେରି, ଏଦି ମୀ ତାଣା  
 ଡୟାପେ, ମୀରୁ ତଲିଟିଏ ଏନାଆଁ  
 ଖେଞ୍ଜାମାଞ୍ଜେରି, ଏଦି ମୀ ତାଣା  
 ଡୟିଡିହୁଁ, ଆଡିହୁଁ ମୀରୁ ଜିକେଏ  
 କାଲେଏ ଆବା ଅଡେ ମୀରୁଏସି ଜୀସୁ  
 ତାଣା ଡୟିଦେରି □

୨୫ ଅଡେ କ୍ରୀସୁ ମାଞ୍ଜେ ଏନାଆଁ  
 ଆଞ୍ଜାମାଞ୍ଜାନେସି ଏଦି କାଲକାଲାତି  
 ଜୀସୁ □

୨୬ ଆମ୍ବାଆରି ମିଞ୍ଜେ ନାଡ଼ି କିୟାଲି  
 ଅଣ୍ପାନେରି, ଏଞ୍ଜାରି ତାଣାଟି ଜାଗ୍ରାତା  
 ଆହାଲି ନାନୁ ମୀ ତାଣା ଇ ବାରେ  
 ରାଡ଼ିମାଞ୍ଜାଇଁ □

୨୭ ସାମା ମୀରୁ ଏଞ୍ଜାଣି  
 ତାଣାଟି ଆମିନି ସୁଦୁଜୀସୁତି ବର  
 ବେଟାଆହାମାଞ୍ଜେରି, ଏଦି ମୀ ତାଣା  
 ଡୟାମାନେ, ଇଞ୍ଜା ଆମ୍ବାଆସି ମିଞ୍ଜେ  
 ଜାପୁହାନେସି, ଏଦି ମିଞ୍ଜେତାକି ଲଡ଼ା  
 ହିଲେଏ, ସାମା ଏଞ୍ଜାଣି ତାଣାଟି ଆମିନି  
 ବର ବେଟାଆହାମାଞ୍ଜେରି ଏଦି ମିଞ୍ଜେ  
 ଆମିନି କାତା ଜାପୁହାନେ, ଏଦି ସାତା,  
 ମିଟି ଆଏ; ଇଦାଆଁତାକି ଏ ଜାପୁନାଣି  
 ତଲେ ଏଞ୍ଜାଣି ତାଣା ଡୟାଦୁ □

୨୮ ନା ଜୀସୁତି ମୀରୁକା  
 ମାସ୍କାଡେରି, କ୍ରୀସୁ ତଲେ ଆଣ୍ଡାନା  
 ଡୟାଦୁ, ଏନିକ୍ ଏଞ୍ଜାସି ଏଟିବେଲ୍ଲା  
 ତଞ୍ଜାଆନେସି, ଏଟିବେଲ୍ଲା ତାନୁ ଖାନାଟି  
 ତାନି ନକିତା ମୀରୁ ଲାଜା ଆଆନା ସାସା  
 ମେଡ଼ାଆନାୟି □

୨୯ କ୍ରୀସୁ ଦାମ୍ବୁଗାଟାସି, ଇଦାଆଁ  
 ପୁନାୟିମାନେ, ଆଡିହୁଁ ଆମ୍ବାଆସି  
 ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି  
 ତାଣାଟି ଜାର୍ନା ଆହାମାନେସି, ଇଦାଆଁ  
 ଜିକେଏ ପୁଞ୍ଜୁ □

# ୩

ମାହାପୁରୁତି ମୀରୁକା ମାସ୍କା

୧ \*ମେହ୍ଦୁ ଆବା ମାଞ୍ଜେ ଏନିକ୍  
 ଜୀସୁ ନନାଣି ହାହାମାଞ୍ଜାନେସି, ମୀରୁ  
 ମାହାପୁରୁତି ମୀରୁକା ମାସ୍କା ଇଞ୍ଜୁ  
 ଖେଞ୍ଜିନାୟି, ଅଡେ ମୀରୁ ଏଲେକିହୁଁ ଏ  
 ଆହାମାନାୟି □ ଇଦାଆଁତାକି ଦାରୁତି  
 ମାଞ୍ଜେ ପୁଞ୍ଜିମାଞ୍ଜେଏ, ଇଡିହୁଁ ଏଦି  
 ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆଡେ □

୨ ଏ ନା ଜୀସୁତି ତଡ଼େସିଞ୍ଜା,  
 ନୀଏଁ ମୀରୁ ମାହାପୁରୁତି ମୀରୁକା  
 ମାସ୍କାତାୟି, ଅଡେ ତାୟୁ ଏଦି ଆନାୟି,  
 ଏଦି ନୀଏଁ ପାଡେକା ତଞ୍ଜା ଆହା  
 ହିଲେଏ, ମୀରୁ ପୁଞ୍ଜାମାନାୟି, କ୍ରୀସୁ  
 ଏଟିବେଲ୍ଲା ତଞ୍ଜାଆନେସି, ଏଟିବେଲ୍ଲା  
 ମୀରୁ ଜିକେଏ ଏଲେକିହୁଁ ଏ ଆନାୟି,  
 ଇଡିହୁଁ ଏଞ୍ଜାସି ଏନିଲେହେକି ମୀରୁ  
 ଏଲେକିହୁଁ ଏ ଏଞ୍ଜାଣାଇଁ ମେହ୍ନାୟି □

୩ ଅଡେ ଆମ୍ବାଆସି ଜିକେଏ କ୍ରୀସୁ  
 ଜୀସୁ ତାଣା ଇ ବାସୁଁ ଇଟାମାନାସି,  
 ଏଞ୍ଜାସି ଏନିକ୍ ସୁଦୁଗାଟାସି, ଏଞ୍ଜାସି  
 ଏଲେକିହୁଁ ଏ ତାଞ୍ଜେ ଅଡ଼ହା  
 କଡିନେସି □

୪ ଆମ୍ବାଆସି ପାପୁ କିନେସି,  
 ଏଞ୍ଜାସି ମାହାପୁରୁତି ହୁକୁମି ଡରିନାସି,  
 ଏନିଇଡିହୁଁ ହୁକୁମି ଡରିନାୟିଏ ପାପୁ  
 □

୫ \*ମୀରୁ ପୁଞ୍ଜାମାନାୟି, କ୍ରୀସୁ ପାପୁ  
 ଡେକା ଅହାଲି ଖାଡେସି, ଇଞ୍ଜା ଏଞ୍ଜାଣି  
 ତାଣା ପାପୁ ହିଲେଏ □

୬ ଆମ୍ବାଆସି କ୍ରୀସୁ ତାଣା ଡୟିନେସି,  
 ଏଞ୍ଜାସି ପାପୁ କିଅସି; ସାମା  
 ଆମ୍ବାଆସି ପାପୁ କିନେସି, ଏଞ୍ଜାସି  
 କ୍ରୀସୁଇଁ ମେସାହିଲଅସି କି ଏଞ୍ଜାଣାଇଁ  
 ପୁଞ୍ଜାହିଲଅସି □

୭ ନା ଜୀସୁତି କକାରି ପଦାଁତେରି  
 ଆମ୍ବାଆରି ମିଞ୍ଜେ ନାଡ଼ି କିୟାଆପେରି;  
 ଆମ୍ବାଆସି ଦାମ୍ବୁକାମା କିନେସି, କ୍ରୀସୁ  
 ଏନିକ୍ ଦାମ୍ବୁଗାଟାସି, ଏଞ୍ଜାସି ଜିକେଏ  
 ଏଲେକ୍ ଦାମ୍ବୁଗାଟାସି ଆନେସି;

\* ୩:୧ ୩:୧ ଜହ ୧:୧୨      \* ୩:୫ ୩:୫ ଜହ ୧:୨୯

୮ ଆତ୍ମାଆସି ପାପୁ କିନେସି, ଏଝାସି ସୟତାନଟି ଜାର୍ନା ଆତାସି, ଇଚିହିଁ ସୟତାନ ତଲଟିଏ ପାପୁ କିହିଁ ଝାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମାରଏସି ଝାତେସି ।

୯ ଆତ୍ମାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ପାପୁ ଅଡେ ଝେଣ୍ଡେ କିଅସି, ଇଚିହିଁ ମାହାପୁରୁଟି ରୁଣ୍ଡୁ ଏଝାଣି ତାଣା ମାନେ, ଅଡେ ଏଝାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡଅସି ।

୧୦ ଆତ୍ମାଆରି ମାହାପୁରୁଟି ମାରକା ମାସକା ଅଡେ ଆତ୍ମାଆରି ସୟତାନଟି ମାରକା ମାସକା, ଏଡି ତଞ୍ଜାଆନେ; ଆତ୍ମାଆସି ଦାର୍ମୁକାମା କିଅସି, ଇଞ୍ଜା ତାୟି ତାଜିଇଁ ଜୀଝୁ ନଅସି, ଏଝାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

ରଅସି ରଅଣାଇଁ ଜୀଝୁନନାୟି

୧୧ \*ଇଚିହିଁ ରଅସି ରଅଣାଇଁ ଜୀଝୁନନାୟି ମାନେ ଇ ହାଡ଼ା ମୁଲୁଟିଏ ଝେଞ୍ଜା ମାଞ୍ଜେରି;

୧୨ ପାପୁଟି ମାରଏସି କୟିନ, ଏଝାଣିଲେହେଁ ଆଆଦୁ, ଏଝାସି ତାନି ତାୟି ହେବଲଇଁ ପାୟିତେସି; କୟିନ ଏଝାଣାଇଁ ଏନାଆଁତାକି ପାୟିତେସି ? ଇଚିହିଁ ତାନି କାମା ପାପୁ ଗାଟାୟି, ଅଡେ ହେବଲଟି କାମା ଦାର୍ମୁଗାଟାୟି ମାତେ ।

୧୩ ନା ତାୟି ତାଜିସ୍ମାତେରି ଦାରତିତି ଲକୁ ମିଙ୍ଗେ ଅପାଆତ ଜିକେଏ ମାରୁ କାବା ଆଆଦୁ ।

୧୪ \*ମାରୁ ପୁଞ୍ଜାମାନାୟି, ମାରୁ ହାକିତି ଜୀଣାଆହାନା ଜୀଝୁ ବେଟାଆହାମାନାୟି, ଇଚିହିଁ ମାରୁ ତାୟି ତାଜିସ୍ମାଣି ଜୀଝୁନହିଁ ମାନାୟି, ଆତ୍ମାଆସି ଜୀଝୁ ନଅସି, ଏଝାସି ହାହାଲି ମାନେସି ।

୧୫ ଆତ୍ମାଆସି ଜାହାରା କ୍ରୀସ୍ତାନା ତାୟି ତାଜିଇଁ ଅପଅସି, ଏଝାସି ଲକୁଣି

ପାୟିନାସି; ଅଡେ ଲକୁଣି ପାୟିନାରି ତାଣା କାଲାକାଲାଟି ଜୀଝୁ ଡୟେଏ, ଇଦାଆଁ ମାରୁ ପୁଞ୍ଜାମାଞ୍ଜେରି ।

୧୬ ଜୀସୁ କ୍ରୀସ୍ତ ମା. ତାକି ଜୀଝୁ ହୀତାକି ମାରୁ ଜୀଝୁନନାୟି ଏନାୟି ଇଞ୍ଜା ପୁଞ୍ଜାମାନାୟି; ଅଡେ ତାୟି ତାଜି ତାକି ମା. ଜୀଝୁ ଜିକେଏ ହୀନାୟି ମାନେ ।

୧୭ ସାମା ଆତ୍ମାଆସି ଦାରତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଝାଣାଇଁ କାର୍ମା ମେହଅସି ଇଚିସାରେ, ତାନି ହିୟାତା ମାହାପୁରୁଟି ଜୀଝୁନନାୟି ମାନେ ଇଞ୍ଜା ଏନିକ ଏଲେଇନାୟି ?

୧୮ ନା ମାରକା ମାସକା ଝାଦୁ, ମାରୁ ଜଲ୍ଲା ଜକଡ଼ି ତଲେ ଜୀଝୁ ନଆନା କାମା ଅଡେ ସାତା ତଲେ ଜୀଝୁ ନନାଣି ତହନାୟି ମାନେ ।

୧୯ ଏଲେ କିତିସାରେ ମାରୁ ସାତାଟି ମାରକା ମାସକାତାୟି ଇଦାଆଁ ପୁଞ୍ଜାମାନାୟି, ଅଡେ ଏନି କାତା ମା. ହିୟା ମାଙ୍ଗେ ଦହ କିୟାନେ, ଏ କାତାତା ଏଝାଣି ନକିତା ମା. ହିୟା ସୁସ୍ତି କିୟାଲି ଆଡିନାୟି;

୨୦ ଏମିନି କାମାତା ମା. ହିୟା ମାଙ୍ଗେ ଦହ ଦସ୍ତାନେ, ଏମ୍ବାଟି ଏଝାଣି ନକିତା ଏ କାତାତାକି ମା. ହିୟାଟି ସୁସ୍ତି କିହାଲି ଆଡିନାୟି; ଇଚିହିଁ ମାହାପୁରୁ ମା. ହିୟାଟିଏ କାଜାସି, ଏଝାସି ବାରେ ପୁନେସି ।

୨୧ ନା ଜୀଝୁଟି ତଣେସିଙ୍ଗା ମା. ହିୟା ମାଙ୍ଗେ ଦହ ଦସ୍ତାଆତିହିଁ, ଆତିହିଁ ମାରୁ ମାହାପୁରୁ ନକିତା ସାସାତଲେ ନିଚାଲି ଆଡିନାୟି ।

୨୨ ଅଡେ ମାରୁ ଏନାଆଁ ରୀହନାୟି, ଏ ବାରେ ଏଝାଣି ତାଣାଟି ବେଟାଆହି ମାନାୟି, ଇଚିହିଁ ମାରୁ ତାନି ହୁକୁମି ମାନୁଝି ଆହିମାନାୟି, ଅଡେ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି ।

୨୩ \*ତାନି ହୁକୁମି ହାହାମାନିଲେହେଁ, ମାର ତାନି ମାରଏସି ଜୀସୁ କ୍ରୀସୁ ଦରୁତଲେ ନାମିନାୟି ଅଡେ ତାନି ହାତି ହୁକୁମି ତଲେ ରଅତାୟି ରଅଶାଲ୍ ଜୀଝୁନନାୟି □

୨୪ ଆମ୍ବାଆସି ମାହାପୁରୁତି ହୁକୁମି ମାନଝି ଆନେସି, ଏଝାସି ମାହାପୁରୁ ତଲେ ଡୟିନେସି, ଅଡେ ମାହାପୁରୁ ଏଝାଣି ତାଶା ଡୟିନେସି; ଇଞ୍ଜା ମାହାପୁରୁ ମା ତାଶା ଡୟିନେସି, ଇଦାଆଁ ମାର ତାନି ହାହାମାଞ୍ଜାନି ଜୀଝୁତଲେ ପୁଞ୍ଜାମାନାୟି □

**୪**

ସାତା ମାହାପୁରୁତି ଜୀଝୁ ଅଡେ ମିତି ଜୀଝୁ

୧ ନା ଜୀଝୁତି ତାୟି ତାଜିସ୍ତା, ବାରେ ଜୀଝୁୟାଲ୍ ନାମାଆଦୁ, ସାମା ଏଝାରି ବେଟାଆହାମାନି ଜୀଝୁୟା ମାହାପୁରୁ ତାଶାଟି ଝାହାମାନୁ କି ଆଏ ଇଦାଆଁ ନେହଁକଁ ତାୟିପାରି କିଦୁ, ଏନାଆଁତାକି ଇତିହଁ ଦାର୍ତିତା ହାରେକା ମିତି ମାହାପୁରୁ ବଲ୍ଲୁ ୱେହନାରି ହରାମାନେରି □

୨ ଇଲେ କିତିହଁ ମାରୁ ମାହାପୁରୁତି ଜୀଝୁତି ପୁଞ୍ଜାଲି ଆଡିଦେରି, କ୍ରୀସୁ ଜୀସୁ ମାଣସି ଆଜା ଝାଶା ତଲେ ଝାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଦି ମାହାପୁରୁ ତାଶାଟି ଝାହାମାନେ □

୩ ଅଡେ ଆମିନି ଜୀଝୁ ଜୀସୁଲ୍ ନାନୁ ପୁଞ୍ଜାହିଲଅଁ ଇଞ୍ଜଁ ଜଲିନେ, ଏଦି ମାହାପୁରୁ ତାଶାଟି ଝାହାହିଲେଏ; ସାମା ଏଦି ନାଡିକିନି କ୍ରୀସୁତି ଜୀଝୁ, ଆମିନି ଜୀଝୁତି ଝାନି କାତା ମାରୁ ୱେଞ୍ଜାମାଞ୍ଜେରି, ଇଞ୍ଜା ଏଦି ନୀର୍ବ ଜିକେଏ ଦାର୍ତିତା ଝାଡେୟିଏ □

୪ ଜୀଝୁତି କକାରି ପଦାଁତେରି, ମାରୁ ମାହାପୁରୁ ତାଶାଟି ଜାର୍ନା ଆଡାତେରି, ଅଡେ ମାରୁ ନାଡିକିନି ବଲ୍ଲୁ ୱେହନାରାଲ୍ ଜୀଶା ଆହାମାଞ୍ଜେରି, ଇତିହଁ ମା ତାଶା ଆମ୍ବାଆସି ମାନେସି,

ଏଝାସି, ଦାର୍ତିତା ଆମ୍ବାଆସି ମାନେସି ଏଝାଣି କିହଁ କାଜାସି □

\* ନାଡିକିନାରି ଦାର୍ତିତି ଝାହାମାନେରି, ଇଦାଆଁତାକି ଏଝାରି ଦାର୍ତିତି କାତା ୱେହନେରି, ଅଡେ ଦାର୍ତିତାରି ଏଝାରି କାତା ୱେନେରି □

୬ ସାମା ମାର ମାହାପୁରୁ ତାଶାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଲ୍ ପୁନେସି, ଏଝାସି ମା କାତା ୱେନେସି; ଆମ୍ବାଆସି ମାହାପୁରୁ ତାଶାଟି ଜାର୍ନା ଆହାହିଲଅସି, ଏଝାସି ମା କାତା ୱେନଅସି, ଏମ୍ବାଟି ସାତାତି ଜୀଝୁ ଅଡେ ନାଡିକିନି ଜୀଝୁ ପୁଞ୍ଜାଲି ଆଡିନାୟି □

ଜୀଝୁ ନଝିଆନାୟି

୭ ନା ଜୀଝୁତି ତଢେସିଜା, ରଅତେରି ରଅଶାଲ୍ ଜୀଝୁନଦୁ, ଇତିହଁ ଜୀଝୁନନାୟି ମାହାପୁରୁ ତାଶାଟି ଝାଡେ, ଆମ୍ବାଆସି ଜୀଝୁ ନନେସି, ଏଝାସି ମାହାପୁରୁ ତାଶାଟି ଜାର୍ନା ଆହାମାନେସି, ଇଞ୍ଜା ଏଝାସି ମାହାପୁରୁଲ୍ ପୁଞ୍ଜାମାନେସି □

୮ ଆମ୍ବାଆସି ଜୀଝୁ ନଅସି, ଏଝାସି ମାହାପୁରୁଲ୍ ପୁନଅସି, ଏନାଆଁତାକି ଇତିହଁ ମାହାପୁରୁ ଜୀଝୁ ନନାସି □

୯ ଇମ୍ବାଆଁ ମାହାପୁରୁତି ଜୀଝୁନନାୟି ତଞ୍ଜା ଆହାମାନେ, ଏଝାସି ତାନି ରଣ୍ଡିଏ ମାରଏଶାଲ୍ ଦାର୍ତିତା ପାଶ୍ଟାତେସି, ଏନିକଁ ମାର ଏଝାଣି ତାଶାଟି କାଲାକାଲାତି ଜୀଝୁ ବେଟାଆନାୟି □

୧୦ ମାର, ମାହାପୁରୁଲ୍ ଜୀଝୁ ନଡାୟି, ଏଦି ଆଏ, ସାମା ଏଝାସି ମାଜେ ଜୀଝୁ ନୟାତେସି, ଇଞ୍ଜା ତାନି ମାରଏଶାଲ୍ ମା ପାପୁ ତାକି ପୂଜା ଆହାଲି ପାଶ୍ଟାତେସି; ଏଦି ଏମ୍ବାଟିଏ ଜୀଝୁନନାୟି ତଞ୍ଜା ଆହି ମାନେ □

୧୧ ନା ଜୀଝୁତି ତଢେସିଜା, ମାହାପୁରୁ ମାଜେ ଏନିକଁ ଜୀଝୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଶାଲ୍ ଜୀଝୁ ନଝିଆନାୟି ମାନେ □

୧୨ ଆମ୍ବାଆସି ଏତେଲାଝା ମାହାପୁରୁଲ୍ ମେସାହିଲଅସି;

ସାମା ମାର ରଥତାୟି ରଥଶାଳ୍  
 ଜୀଘ୍ନନଞ୍ଜିଆନ, ଆତିହ୍ମା ମାହାପୁରୁ  
 ମା ତାଶା ମାନେସି, ଅଡ଼େ ତାନି  
 ଜୀଘ୍ନନନାୟି ମା ତାଶା ମାନେ □

୧୩ ମାର ମାହାପୁରୁ ତାଶା  
 ମାନାୟି ଅଡ଼େ ଏଞ୍ଜାସି ମା ତାଶା  
 ମାନେସି, ଇଦାଆଁ ମାର ପୁଞ୍ଜାମାନାୟି,  
 ଇତିହ୍ମା ଏଞ୍ଜାସି ମାଞ୍ଜେ ତାନି ଜୀଘ୍ନ  
 ହାହାମାଞ୍ଜାନେସି □

୧୪ ମାହାପୁରୁ ଆବା ତାନି ମୀରଏଶାଳ୍  
 ଦାରତିତି ଲକୁଣି ଗେଲପିନାସି  
 ଆହାଲିତାକି ପାଶ୍ଚାତେସି, ଇଦାଆଁ  
 ମାର ମେସାମାନାୟି ଅଡ଼େ ସାକି ହାହି  
 ମାନାୟି □

୧୫ ଆମ୍ବାଆସି ଜୀଘ୍ନୁଲ୍ ମାହାପୁରୁତି  
 ମୀରଏସି ଇଞ୍ଜୁ ଶ୍ରେକ୍ନେସି,  
 ମାହାପୁରୁ ଏଞ୍ଜାଶି ତାଶା ମାନେସି, ଅଡ଼େ  
 ଏଞ୍ଜାସି ମାହାପୁରୁ ତାଶା ମାନେସି □

୧୬ ଅଡ଼େ ମାଞ୍ଜେତାକି ମାହାପୁରୁତି  
 ଆମିନି ଜୀଘ୍ନନନାୟି ମାନେ, ଏଦାଆଁ  
 ମାର ପୁଞ୍ଜାମାନାୟି ଅଡ଼େ ନାମାମାନାୟି  
 □ ମାହାପୁରୁ ଜୀଘ୍ନ ନନାସି; ଆମ୍ବାଆସି  
 ଜୀଘ୍ନ ନହ୍ ମାନେସି ଏଞ୍ଜାସି ମାହାପୁରୁ  
 ତାଶା ମାନେସି ଅଡ଼େ ମାହାପୁରୁ ଏଞ୍ଜାଶି  
 ତାଶା ଡ଼ୟିନେସି □

୧୭ ଦାମ୍ବୁତି ଜୀଘ୍ନତା ନୀତାମାନାକି  
 ମାହାପୁରୁତି ଜୀଘ୍ନନନାୟି ମା ତାଶା  
 ତୀରି ଆହାମାନେ, ମାର ନୀହାୟି  
 ଦିନାତା ସାସା ବେଟାଆନାୟି, ଇତିହ୍ମା  
 କ୍ରୀସ୍ ଏନିକ୍ ମାନେସି, ମାର ଜିକେଏ  
 ଇ ଦାରତିତା ଏଲେକିହ୍ମା ଏ ମାନାୟି □

୧୮ ଜୀଘ୍ନ ନନି ତାଶା ଆଜି ଡ଼ୟେଏ,  
 ସାମା ସାତା ଜୀଘ୍ନନନାୟି ଆଜିତି  
 ହେକ କିନେ, ଇତିହ୍ମା ଆଜି ଡ଼ଶ୍ଚ  
 ବେଟାଆନାଶି ତଲେ ଆଶ୍ଚାମାନେ, ଇଞ୍ଜା  
 ଆମ୍ବାଆସି ଆଜିନେସି ଏଞ୍ଜାସି ଜୀଘ୍ନ ନନି  
 ତାଶା ତୀରିତାସି ଆଏ □

୧୯ ମାହାପୁରୁ ତଲିଏ ମାଞ୍ଜେ ଜୀଘ୍ନ  
 ନୟାତାକି ମାର ଜୀଘ୍ନ ନହିମାନାୟି □

୨୦ ଆମ୍ବାଆସି ନାନୁ ମାହାପୁରୁଲ୍  
 ଜୀଘ୍ନ ନହ୍ ମାଲ୍ ଇଞ୍ଜାନା, ଏଞ୍ଜାସି

ତାନି ନାମିତି ତାୟି ତାଳିଲ୍  
 ଅପଅସି, ଆତିହ୍ମା ଏଞ୍ଜାସି ମିତି  
 ଶ୍ରେହ୍ନାସି, ଇତିହ୍ମା ଆମିନି ତାୟିଲ୍  
 ମେସାମାନେସି, ଏଞ୍ଜାଶାଳ୍ ଜୀଘ୍ନ  
 ନଅସି, ଇତିହ୍ମା ଆମିନି ମାହାପୁରୁଲ୍  
 ମେସାହିଲଅସି, ଏଞ୍ଜାଶାଳ୍ ଜୀଘ୍ନ ନହାଲି  
 ଆଡ଼ଅସି □

୨୧ ଆମ୍ବାଆସି ମାହାପୁରୁଲ୍ ଜୀଘ୍ନ  
 ନନେସି, ଏଞ୍ଜାସି ତାନି ତାୟିଲ୍ ଜିକେଏ  
 ଜୀଘ୍ନ ନପେସି, ଇ ହୁକୁମି ମାମ୍ବୁକ୍ରୀସ୍  
 ତାଶାତି ବେଟା ଆହାମାନମି □



ଦାରତିତା ଜୀଶା ଆନାୟି

୧ ଆମ୍ବାଆସି ଜୀଘ୍ନୁଲ୍ କ୍ରୀସ୍ ଇଞ୍ଜୁ  
 ନାମିନେସି, ଏଞ୍ଜାସି ମାହାପୁରୁ ତାଶାତି  
 ଜାର୍ନା ଆହାମାନେସି; ଆମ୍ବାଆସି  
 ଜାର୍ନାକିତି ଆବାଲ୍ ଜୀଘ୍ନ ନନେସି,  
 ଏଞ୍ଜାସି ତାନିତାଶାତି ଜାର୍ନା ଆହାମାନି  
 ଲକୁଣି ଜିକେଏ ଜୀଘ୍ନ ନନେସି □

୨ ମାର ଏତିବେଲା ମାହାପୁରୁଲ୍  
 ଜୀଘ୍ନନନାୟି ଅଡ଼େ ତାନି ହୁକୁମି ମାନଞ୍ଜି  
 ଆନାୟି, ଏତିବେଲା ଏଦାଆଁ ତଲେ  
 ମାର ମାହାପୁରୁତି ମୀରକା ମାସ୍କାଲ୍  
 ଜୀଘ୍ନ ନହିମାନାୟି ଇଞ୍ଜୁ ପୁଞ୍ଜାଲି  
 ଆଡ଼ିନାୟି □

୩ \*ମାହାପୁରୁଲ୍ ଜୀଘ୍ନନନାୟି ମା  
 ତାଶା ମାନେ, ଇତିହ୍ମା ମାର ଏଞ୍ଜାଶି  
 ହୁକୁମି ମାନଞ୍ଜି ଆନ, ଏଞ୍ଜାଶି ହୁକୁମି  
 ମାନଞ୍ଜି ଆନାୟି ହାରେକା କସ୍ ଆଏ

୪ ଆମ୍ବାଆସି ମାହାପୁରୁ ତାଶାତି  
 ଜାର୍ନା ଆହାମାନେସି, ଏଞ୍ଜାସି ଦାରତିତି  
 ଜୀଶାଆନେସି, ଅଡ଼େ ଏନାଆଁ ଦାରତିତି  
 ଜୀଶା ଆହାମାନେସି, ଏଦି ମା ନାମୁ □

\* ଜୀଘ୍ନ ମାହାପୁରୁ ମୀରଏସି, ଇଦାଆଁ  
 ଆମ୍ବାଆସି ନାମିନେସି, ଏଞ୍ଜାଶି ପସ୍ପେ  
 ଆମ୍ବାଆସି ଦାରତିତି ଜୀଶା ଆନେସି ?

ଜୀଘ୍ନ କ୍ରୀସ୍ ତାକି ସାକି

୬ ଜୀଘ୍ନ କ୍ରୀସ୍ ଏୟୁ ଅଡ଼େ ନେତେରିତି  
 ଖାହାମାତେସି, ଖାରଇ ଏୟୁତଲେ ଆଏ,

ସାମା ଏମ୍ ଅଡେ ନେତେରି ଇ ରୀ କୃତା  
ତଲେ ଖାହାମାତେସି; ଅଡେ ସୁଦୁଜୀଝୁ  
ଜିକେଏ ଏମ୍‌ତାତି ସାକି ହାହିମାନେ,  
ଇତିହ୍ ଜୀଝୁଏ ସାତା □

୯ ଇ ତାନି ଜାଣା ସାକି ମାନୁ □

୮ ସୁଦୁଜୀଝୁ, ଏମ୍ ଅଡେ ନେତେରି  
ଏଝି ରଣିଏ ସାକି ହାହିମାନୁ □

୯ ମାରୁ ଲକୁ ହାତି ସାକି ନାମିନାୟି,  
ଆତିହ୍ ମାହାପୁରୁ ହାତି ସାକି  
ଏଦାଣିକିହ୍ ହାରେକା କାଜାୟି, ଅଡେ  
ମାହାପୁରୁତି ସାକି ଇଦି, ଏଝାସି ତାନି  
ମାରୁଏଣା ଖାକିଟି ସାକି ହାହାମାନେସି  
□

୧୦ ଆମ୍ବାଆସି ମାହାପୁରୁ ମାରୁଏଣା  
ତାଣା ନାମିନେସି, ଏଝାସି ତାନି ହିୟାତା  
ଇ ସାକି ବେଟାଆହାମାନେସି; ଅଡେ  
ଆମ୍ବାଆସି ମାହାପୁରୁତି ସାକି ନାମଅସି,  
ଏଝାସି ମାହାପୁରୁଇଁ ମିତି ଗାଟାସି  
କିହାମାନେସି, ଇତିହ୍ ମାହାପୁରୁ  
ତାନି ମାରୁଏଣା ଖାକିଟି ଆମିନି  
ସାକି ହାହାମାନେସି, ଏମ୍‌ଆଁ ଏଝାସି  
ନାମାହିଲଅସି □

୧୧ ଏ ସାକି ଇଦି, ମାହାପୁରୁ ମାଜେ  
ରାଆଗାଟି ଜୀଝୁ ହାହାମାଜାନେସି,  
ଅଡେ, ଏ ଜୀଝୁ ତାନି ମାରୁଏଣା ତାଣା  
ମାନେ □

୧୨ ଆମ୍ବାଆସି ମାହାପୁରୁ  
ମାରୁଏଣାଇଁ ବେଟାଆହାମାନେସି,  
ଏଝାସି ଜୀଝୁ ବେଟାଆହାମାନେସି;  
ଆମ୍ବାଆସି ମାହାପୁରୁ ମାରୁଏଣାଇଁ  
ବେଟାଆହାହିଲଅସି, ଏଝାସି ଜୀଝୁ  
ଜିକେଏ ବେଟାଆହାହିଲଅସି □

ରାଆଗାଟି ଜୀଝୁ

୧୩ ମାରୁ ମାହାପୁରୁ ମାରୁଏଣା  
ଦରୁ ନାମାମାଜେରି, ମାରୁ ଏନିକ୍  
ପୁଞ୍ଜାମାଜେରି, ରାଆଗାଟି ଜୀଝୁ ବେଟା  
ଆହାମାଜେରି, ଇଦାଆଁତାକି ନାନୁ  
ମିଜେ ଇ ବାରେ ରାଟାମାଜାଇଁ □

୧୪ ଇଞ୍ଜା ମାରୁ ମାହାପୁରୁ ଅଣପୁତି  
ଲେହେଁ ପ୍ରାତାନା କିନାୟି, ଆତିହ୍  
ଏଝାସି ମା ପ୍ରାତାନା ଖେଞ୍ଜାନେସି,

ଇଞ୍ଜା ମାହାପୁରୁ ତାଣା ମା ବାସୁ ମାନେ  
□

୧୫ ଅଡେ ମାରୁ ଏଝାଣି ତାଣା ଏନାଆଁ  
ପ୍ରାତାନା କିନାୟି, ଏଦାଆଁ ଏଝାସି  
ଖେଞ୍ଜାନେସି ଇଞ୍ଜା ମାରୁ ପୁଞ୍ଜାମାନାୟି,  
ଆତିହ୍ ଏଝାଣି ତାଣା ମାରୁ ଏନାଆଁ  
ପ୍ରାତାନା କିହିମାନାୟି, ଏ ବାରେ  
ବେଟାଆହାମାନାୟି, ଇଦାଆଁ ଜିକେଏ  
ପୁଞ୍ଜାମାନାୟି □

୧୬ ମା ନାମିତି ତାୟି କି ତାଜିଇଁ  
ପାପୁ କିହିମାନାଣି ମେହଦେରି  
ଇତିସାରେ, ଅଡେ ଏ ପାପୁ ହାଝି  
କିନାୟି ଆଏ, ଏ ତାୟି ତାଜି ତାକି  
ମାହାପୁରୁ ତାଣା ପ୍ରାତାନା କିଦୁ, ଅଡେ  
ମାହାପୁରୁ ଏନିକ୍ ହାନିହଗେତି ପାପୁ  
କିହାହିଲାଆ ଲକୁଣି ଜୀଝୁ ହାନେସି,  
ଏଲେକିହ୍ ଏ ଏଝାରାକି ଜିକେଏ ଜୀଝୁ  
ହାନେସି, ହାନିହଗେତି ପାପୁ ମାନେ  
ଇଞ୍ଜା ଏଝାରି ତାକି ପ୍ରାତାନା କିହାଲି  
ଖେସିହିଲଅଁ □

୧୭ ବାରେ ଲାଗେଏତି କାମା ପାପୁ,  
ସାମା ବାରେ ପାପୁ ହାଝି କିଏ □

୧୮ ଆମ୍ବାଆସି ମାହାପୁରୁ ତାଣାଟି  
ଜାର୍ନା ଆହାମାନାସି, ଏଝାସି ପାପୁ  
କିଅସି, ଏନାଆଁତାକି ଇତିହ୍ ଏଝାସି  
ମାହାପୁରୁ ତାଣାଟି ଜାର୍ନା ଆହାଁ  
ଜାହାରାଇଁ ଗେଲ୍‌ପା କଡିନେସି, ଅଡେ  
ପାପୁତି ଜୀଝୁ ଏଝାଣାଇଁ ତାଗେଏ,  
ଇଦାଆଁ ମାରୁ ପୁଞ୍ଜାମାନାୟି □

୧୯ ମାରୁ ମାହାପୁରୁ ତାଣାଟି ଜାର୍ନା  
ଆହାମାନାତାୟି ଇଞ୍ଜା ବାରେ ଦାରୁତିଇଁ  
ସୟତାନ ଲକହାମାନେ, ଇଦାଆଁ ମାରୁ  
ପୁଞ୍ଜାମାନାୟି □

୨୦ ମାରୁ ପୁଞ୍ଜାମାନାୟି, ମାହାପୁରୁ  
ମାରୁଏସି ଖାହାମାନେସି, ଇଞ୍ଜା  
ଏଝାସି ମାଜେ ସାତାତାଣାଇଁ ପୁଞ୍ଜାଲି  
ବୁଦି ହାହାମାଜାନେସି; ଅଡେ ମାରୁ  
ଏ ସାତାଗାଟାଣି ତାଣା, ଇତିହ୍  
ତାନି ମାରୁଏସି ଜୀଝୁ କ୍ରୀସୁ ତାଣା  
ନୀତାମାନାୟି, ଏଝାସି ସାତା ମାହାପୁରୁ  
ଅଡେ ରାଆଗାଟି ଜୀଝୁ ଗାଟାସି □



୨୧ ନା ଜୀବୁତି ମୀରକା ମାସକାତେରି  
ପେଶକା ବମାୟା ତାଣାତି ମୀରୁ ହେକ  
ଆହାନା ମାଞ୍ଜୁ □

# ଯୋହନଙ୍କ ଦ୍ଵାରିତ୍ଵ ପତ୍ର ଜହନ ରାତ୍ନାମାନି ରୀ ଲମ୍ବର ଆକୁ ମୁକୁ ହାତୀ

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାୟ ପାଣ୍ଡୁଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ □ ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଖେହୁଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି □ ଜହନ ରୀ ଲମ୍ବର ଆକୁତି ଜହନ ରାଡ଼ିତି ନେହୁଁ କାରୁତଲେ ସମାନା ମାନେ □ ଇ ପତିତା ଜୀସୁ ଏନିକିଁ ରଅସି ରଅଣାଇଁ ଜୀସୁ ନନ୍ଦି କାତା ଖେସାମାରେସି, ଜୀସୁତି ହୁକୁମିତି ହାରେକା ମାନି କିହିମାନେସି □ ଏଲେକିହୁଁଏ ଜୀସୁତି ହୁକୁମି ମାନୁଞ୍ଜି ଆନାୟି ଆହିମାନେ ଏଞ୍ଜାଣାଇଁ ଜୀସୁନନାୟି ଜହ ୧:୫-୬; ଜହ ୧୫:୯-୧୦ □

ଏଚିବେଲାତା ଏଞ୍ଜାସି ଏପିସିୟ ଗାଡ଼ାତା ମାରେସି ଏମ୍ପାଆଁ ଏଞ୍ଜାସି ଜହନ ରାଡ଼ିତି ନେହୁଁ କାରୁ ଅଡ଼େ ଜହନ ମୁକୁ ଆକୁ, ଜହନତି ରୀ ଲମ୍ବର, ଅଡ଼େ ଜହନ ତାନି ଲମ୍ବର ଆକୁ ରାତ୍ନାମାନେସି ଇଞ୍ଜିଁ ଲକୁ ନାମିମାନେରି □ ଜହନ ଇ ଆକୁତା ଆତ୍ନାମାନି ଇୟା ଅଡ଼େ ତାନି ମୀରକା ମାସ୍ତକା ଇଞ୍ଜିଁ କୁଲମିତି ରାଡ଼ିମାନେସି □ ଜହନ ଇ ଆକୁ ରାଡ଼ିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାୟି ଅଡ଼େ ମିତି କାତା ଖେହୁନାରି ତାଣ୍ଡାଟି ଜାଗ୍ରାତା କିହାଲି ରାତ୍ନାମାନେସି □

## ପତିତା ମାନାୟି

୧ ଜହନ ଆକୁ ପତ୍ରଞ୍ଜି ଆନାରାଇଁ ଜହରା କିନାୟି □ ୧:୧-୩

୨ କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି

ଅଣ୍ଡପି କିନାୟି □ ୧:୪-୭

୩ ମିତି ଜାପ୍ନାରି ତାଣ୍ଡାଟି ଜାଗ୍ରାତା କିନାୟି □ ୧:୭-୧୧

୪ କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପ୍ନାୟି □ ୧:୧୨-୧୩

୧ ନାନୁ, କୁଲମିତି ପ୍ରାଚିନାତେଏଁ, ମାହାପୁରୁ ଆତ୍ନାମାନି ଇୟା ଅଡ଼େ ତାନି ମୀରକା ମାସ୍ତକା ଇ ଆକୁ ରାଡ଼ିମାଇଁ, ନାନୁ ଏଞ୍ଜାରାଇଁ ସାତା ଜୀସୁ ନହୁଁମାଇଁ, ଅଡ଼େ ଖାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହୁଁ ମାଞ୍ଜାନେରି □

୨ ଆମିନି ସାତା ମା ହିୟାତା ତୟାମାନେ ଅଡ଼େ କାଲ୍ଲକାଲ୍ଲତାକି ମା ତାଣ୍ଡା ତୟିନେ □

୩ ଆବା ମାହାପୁରୁ ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି, ହିଡ଼ଡ଼ି ଜୀସୁ ହୀହାନା, ସାତା ଅଡ଼େ ଜୀସୁ ନଞ୍ଜିଆହାନା ତୟିଦେରି □

ସାତା ଅଡ଼େ ଜୀସୁନନାୟି

୪ ନୀ ମୀରକା ମାସ୍ତକା ବିତ୍ରାତି ଏଚରଜାଣା ଆବା ତାଣ୍ଡାଟି ମାଜେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ □

୫ ଏ ଜୀସୁତି ଇୟା ନାନୁ ନୀଏଁ ନିଜେ ର ପୁଃନି ହୁକୁମି ରାଡ଼ିମାଞ୍ଜାଇଁ ଏଦି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାତ୍ନାମାନି ବାଡ଼ିମାଲ୍ଲିମାଞ୍ଜାଇଁ, ମାର ରଅତାୟି ରଅଣାଇଁ ଜୀସୁନନାୟି ମାନେ □

୬ ମାର ତାନି ହୁକୁମି ମାନୁଞ୍ଜି ଆହାନା ମାଜେ ମାନାୟି, ଇଦିଏ ଜୀସୁ ନନ୍ଦି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହୁଁଏ ମାଞ୍ଜୁ, ଇଦି ଏ ହୁକୁମି □

୭ ନାନୁ ଖେସିମାଇଁ, ଇଡ଼ିହୁଁ ଆମିନି ଗାଟାରି ଜୀସୁ କ୍ରୀସ୍ତ ମାଣ୍ଡସି ଖାଣା

☆ ୧:୫ ୧:୫ ଜହ ୧୩:୩୪; ୧୫:୧୨, ୧୭

ତଳେ ଖାହାହିଲଅସି ଇଞ୍ଜିଁ ଇନେରି,  
 ଇଲେତି ହାରେକା ନାଡ଼ିକିନାରି  
 ଦାରତିତା ହରା ଖାହାମାନେରି, ଇଲେତି  
 ଲକୁ ନାଡ଼ିକିନାରି ଅଡ଼େ ନାଡ଼ିକିନି କ୍ରୀସୁ  
 □

୮ ସାମା ମୀ ତାକି ମାମୁ କିହାମାନି  
 କାମାତି ପାଡ଼େୟି ବାରେ ଜାକ୍‌ଆନା  
 ଏନିକିଁ ଏମାତି ହାରେ ପୁରେ ବର  
 ବେଟାଆଦେରି ଏଦାଆଁତାକି ଜାଗ୍ରାତା  
 ଆଦୁ □

୯ ଆମ୍ବାଆସି କ୍ରୀସୁ ଜାପୁହା ମାନାଣି  
 କିହାଁ ଆଗାଡ଼ା ଗାଣ୍ଡନେସି, ଏଝାସି  
 ମାହାପୁରୁଇଁ ବେଟାଆହାହିଲଅସି;  
 ଆମ୍ବାଆସି କ୍ରୀସୁ ଜାପୁହା ମାନାଣି  
 ତଳେ ଡ଼ୟିନେସି, ଏଝାସି ଆବା  
 ଅଡ଼େ ମୀରଏସି ଇ ରିଆରାଇଁ ଜିକେଏ  
 ବେଟାଆହାମାନେସି □

୧୦ ଆମ୍ବାଆସି ଇଲେକିଁ ଜାପୁନାଣି  
 ଆସାନା ମୀ ତାଣା ଖାଅସି, ଏଝାଣାଇଁ  
 ମୀ ଇଜ ହାଟାଆଦୁ, ଇଞ୍ଜା ନେହଁ ମାଞ୍ଜି  
 କି ଜିକେଏ ଇନାଆଦୁ;

୧୧ ଏନାଆଁତାକି ଇତିହଁ ଆମ୍ବାଆସି  
 ଏଝାଣାଇଁ ନେହଁ ମାଞ୍ଜି କି ଇନେସି,  
 ଏଝାସି ତାନି ଲାଗେଏତି କାମାତା  
 ଆଣ୍ଡିନାସି ଆନେସି □

ଆକୁତି ରାନ୍ତି କାତା

୧୨ ନାନୁ ମିଙ୍ଗେ ହାରେକା କାତା  
 ରାଡ଼ିନାୟି ମାନେ, ସାମା ଆକୁତା ଇଞ୍ଜା  
 ସୀରା ତଳେ ରାଡ଼ାଲି ଅଣ୍ଡି ହିଲଅଁ; ମୀ  
 ତାଣା ଖାହାନା ମୁମୁମେସପି ଆହାନା  
 ଗୁତି ତଳେ ଜଲକି ଆୟାଲି ଆସା  
 କିହିମାଇଁ, ଏନିକିଁ ମା ରାହାଁ ହାରେକା  
 ଆନେ □

୧୩ ମାହାପୁରୁ ଆଡ଼ାମାନି ନୀ ତାଜିନି  
 ମୀରକା ମାସକା ମିଙ୍ଗେ ଜହରା  
 କିହିମାଞ୍ଜାନେରି □ ଆନେନ □

# ଯୋହନଙ୍କ ତୃତୀୟ ପତ୍ର ଜହନ ରାତାମାନି ତାନି ଲମ୍ବର ଆକୁ ମୂକୁ ହାଡ଼ା

ଜହନତି ତାନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆତି ୫୦ ଟିଏ ୧୦୦ ବାର୍ଯା ତାୟୁ ପାଣ୍ଡୁଆହାମାନି ଜହନ ତାଣାଟି ରାୟକି ଆହାମାନେ □ ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଝେହୁଆନା କୁଲମିତି ପ୍ରାତିନାତେଏଁ ଇଞ୍ଜିଁ ଝେସିମାନେସି ୧:୧; ୨ଜହ ୧:୧ □ ଇମ୍ବାଆଁ ପୁଞ୍ଜାଲି ଆହିମାନେ ଏଞ୍ଜାସି ଏପିସିୟ ଗାଡ଼ାତା ମାଟିବେଲାତା ଜହନ ରାଡ଼ିତି ନେହଁ କାବୁତଲେ ତାନିଗଟା ଆକୁ ଜିକେଏ ରାତାମାନେସି ଇ ନାମୁ, ଇତିହଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତାନି ଲମ୍ବର ଜହନ □ ଜହନ ଗାୟସ ଦରୁ ଇନି ର ନାମୁଗାଟି ତାୟକି ଇ ଆକୁ ରାତାମାନେସି □

ଏଞ୍ଜାସି ଗାୟସଇଁ ର ତଣେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଁଇଁ ଜୀସୁ ନହାଲି ହୁକୁମି ହାହିମାନେସି □

## ପତିତା ମାନାୟି

୧ ଜହନ ଜାହାରାଇଁ ଝେସାକତିନାୟି □ ୧:୧

୨ ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜୀସୁ ନହାଲି ଝେହୁନାୟି □ ୧:୨-୮

୩ ତାୟଟ୍ଟେପିସ୍ ଅଡ଼େ ତିମିଟ୍ଟିଅସ୍ କାତା ଝେହୁନାୟି □ ୧:୯-୧୨

୪ ଆକୁତି ରାପ୍ତନାୟି □ ୧:୧୩-୧୪

୧ \*ନାନୁ, କୁଲମିତି ପ୍ରାତିନା ଜହନତେଏଁ, ନାନୁ ସାତା ତଲେ ଜୀସୁ ନହଁମାନି ନା ଜୀସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଡ଼ିମାଇଁ □

୨ ଏ ନା ଜୀସୁତି ତଣେ ନାନୁ ଜୀସୁତା ଏନିକଁ ନେହଁ ଆହଁମାଞ୍ଜି ଏଲେକିହଁ ନାନୁ ବାରେ ଝାକିଟି ନୀ ନେହେଁ ଆପେ ଅଡ଼େ ନୀ ଆଞ୍ଜା ଜିକେଏ ନେହଁ ମାଣ୍ଡେ ଇଞ୍ଜିଁ ନାନୁ ପ୍ରାତାନା କିହିମାଇଁ □

୩ ନାନୁ ବାରେଦିନା ସାତା ତଲେ ତୟିମାଞ୍ଜି, ଏଲେକିହଁ ଏ ଏତରଜାଣା ନାମିତି ତାୟିୟାଁ ଝାହାନା, ନାନୁ ତାରିତଲେ ସାତାତା ନୀତାମାନାଣି ସାକ୍ତି ହିୟାଲିଏ ନାନୁ ହାଡ଼େରକା ରାହା ଆଡ଼େଏଁ □

୪ ନା ମୀରକା ମାୟକା ସାତା ଅଡ଼େ ସାତା ତଲେ ନୀତାମାନାଣି ଝେଞ୍ଜାନା, ଏବେକା ରାହାଁ ଆହିମାଇଁ, ଏଦାଣିକିହାଁ ଆଗାଡ଼ା ନାଞ୍ଜେ ଅଡ଼େ ଏନି ରାହାଁ ହିଲେଏ □

ଗାୟସ କିତି କାମାତାକି ଜହରା

୫ ଏ ନା ଜୀସୁତି ତଣେ ନାନୁ କ୍ରୀସ୍ତାନା ତାୟିୟାଁ ତାକି ଅଡ଼େ ଏଟକା ଦେସାତି କ୍ରୀସ୍ତାନା ତାୟିୟାଁ ତାକି ନାମୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି □

୬ ଏଞ୍ଜାରି ଇମ୍ବାଆଁ ମା କୁଲମିତା ନୀ ଜୀସୁ ନତି କାତା ଝେସିମାନେରି; ନାନୁ ଏଞ୍ଜାରିଇଁ ମାହାପୁରୁତି ରାହାଁ ଆନିଲେହେଁ ତାନି ଜିରୁ ତାକି ଲତାମାନାଣି ହାହାନା ସାୟେମି କିମୁ □

୭ ଏନାଆଁତାକି ଇତିହଁ ଏଞ୍ଜାରି ନାମାଆଗାଟାରି ତାଣାଟି ଏନାଆଁ ରାହୁଆନା କ୍ରୀସ୍ତତି ସେବା କାମାତାକି ହଡ଼ାମାନେରି □

୮ ଏଦାଆଁତାକି ମାର ଏନିକଁ ଏଞ୍ଜାରିଇଁ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା □

ଦିୟତ୍ରପା ଅଡ଼େ ଦିମିଟ୍ଟିୟ

୯ ନାନୁ କୁଲମିତାକି ର ଇତାଣି ଆକୁ ରାଡ଼ିତେଏଁ, ସାମା ଦିୟତ୍ରପା କୁଲମିତି

\* ୧:୧ ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

କାଜାସି ଆହାଲି ଅଶ୍ଵାନା, ନା କାତା  
 ଖେଞ୍ଜାହିଲଅସି □

୧୦ ନାନୁ ଖାଡ଼ିସାରେ ଏଞ୍ଜାସି କିହାମାନି  
 ବାରେ ଲାଗେଏତି କାମା ଖେହ୍ଲୁଇଁ,  
 ଏଞ୍ଜାସି ଏନ୍ନିକିମା କପାତି ଲାଗେଏତି  
 କାତା ଖେସାନା ମାଙ୍ଗେ ନିନ୍ଦାକିହ୍ଲୁ  
 ମିତି କାତା ଖେସିମାନେସି, ଖାରଇ  
 ଏଚେକେଏ ଆଏ, ସାମା କ୍ରାସ୍ତାନା  
 ତାୟିୟା ଖାଡ଼ିହ୍ଲୁ ଅପିହିଲଅସି କି  
 ଆମ୍ବାଆରାଇଁ ଅପାଲି ହାହି ହିଲଅସି,  
 ଅଡ଼େ ଆମ୍ବାଆରି ଆବିନାରି ଏଞ୍ଜାରାଇଁ  
 କୁଲମିତି ହପ୍ହାଲି ଅଶ୍ଵପିମାନେସି □

୧୧ ଏ ନା ଜୀଞ୍ଜୁତି ତଣେତି, ନାନୁ  
 ଲାଗେଏ ପଲେଏତାଣି ଆହ୍‌ଆନା,  
 ସାମା ନେହ୍ଲୁ କାମାତି ଆହ୍‌ମୁ,  
 ଆମ୍ବାଆସି ନେହ୍ଲୁ କାମା କିନେସି  
 ଏଞ୍ଜାସି ମାହାପୁରୁ ତାଣାତି ଜାର୍ନା  
 ଆହାମାନେସି; ଆମ୍ବାଆସି ଲାଗେଏ  
 ପଲେଏ କାମା କିନେସି ଏଞ୍ଜାସି  
 ମାହାପୁରୁଇଁ ପୁଞ୍ଜାହିଲଅସି □

୧୨ ବାରେଜାଣା ଦିମିତ୍ରିୟଇଁ ନେହ୍ଲୁସି  
 ଇନେରି, ଏଞ୍ଜାସି କିହାମାନି ସାତା  
 ନେହ୍ଲୁ କାମା ଜିକେଏ ଏଦାଆଁ  
 ତସିମାନେ, ମାମ୍ବୁଜିକେଏ ଏଦାଆଁ ସାକି  
 ହାହିମାନମି, ଇଞ୍ଜା ମାମ୍ବୁଞ୍ଜେହ୍ନି କାତା  
 ସାତା ଇଞ୍ଜୁଁ ନାନୁ ପୁଞ୍ଜାମାଞ୍ଜି □

ଜହରା ତଲେ ଆକୁ ରାପ୍‌ନାୟି

୧୩ ନାନୁ ନିଙ୍ଗେ ହାରେକା କାତା  
 ଖେସ୍ତାନାୟିମାନେ ସାମା ଏଦାଆଁ  
 ଆକୁତା ସୀରା କାଡ଼ିତଲେ ରାଡ଼ାଲି  
 ଅଶ୍ଵପି ହିଲଅଁ □

୧୪ ମାର ମୁମ୍ବୁ ମେସ୍‌ପି ଆହ୍‌ନା  
 ଜଲୁକି ଆୟାଲି ଆଡ଼ିନାୟି ଇଞ୍ଜୁଁ ଆସା  
 କିହିମାଇଁ □

୧୫ ମିଙ୍ଗେତାକି ହିଡ଼ଡ଼ି ଆୟାପେ,  
 ତଣେସିଙ୍ଗା ମିଙ୍ଗେତାକି ଜହରା  
 ପାଣ୍ଡିମାଞ୍ଜାନେରି, ବାରେଜାଣାତି ଦରୁ  
 ଆସାନା ଜହରା ଖେହ୍‌ମୁ □

# କ୍ଷିତ୍ରଦାକ ପତ୍ର ଜାହୁଦା ରାଢ଼ାମାନି ଆକୁ ମୂକୁ ହାଡ଼ା

ରାଢ଼ାମାନି ଜାହୁଦା ଦରୁତଲେ ଇ ପତିଇଁ ଜାହୁଦା ଆକୁ ଇନେରି □ ଜାହୁଦା ଜାହାରାଇଁ ଜାକୁବ ତାୟି ଇଞ୍ଜିଁ ଖେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ □ ଇ ଆକୁ ଆମିନି କୁଲମିତାକି ରାସୁକି ଆହାମାରେ ଇଞ୍ଜିଁ ମାର ନେହଁକଁ ପୁଞ୍ଜାହିଲାଆୟି ଅଡ଼େ ଇମ୍ବାଆଁ ହାରେକା ପୁଞ୍ଜଇ ମେରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାରେରି □ ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା "ହାଡ଼ାମାନି ଲକୁ, ଜାହୁନହାଁମାନି ଲକୁ, ଅଡ଼େ ଜାସୁ କ୍ରାସୁକି ତାରି କିହାମାନି ଲକୁତି" କାତା ଖେସାମାନେସି ୧ □ ଇ ଆକୁ ଜାସୁ କ୍ରାସୁ ଜାର୍ନାଆଡ଼ି ୬୦ ବାର୍ଯା ତାୟି ରାସୁକି ଆହାମାରେ □

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଢ଼ାମାନେସି ଜାହୁଦା ୪ □ ଏଞ୍ଜାସି ପୁଞ୍ଜଇ ମେରାତା ଗଟ଼ି ଆତି କାତା ଆଡ଼ହାମାନେସି ଅଡ଼େ ତାନି ରୁକୁବାଡ଼ିତି ଆଡ଼ଞ୍ଜା କିହାମାନେସି □ ଇ ଆକୁତା ପିତରତି ରୀ ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହୁଦା ୪; ୨ପିତ ୨:୧ ଅଡ଼େ ଜିକେଏ ଦୂତୁୟାଁ, ସଦମ ଅଡ଼େ ଗମରାତି କାତା ରାଢ଼ାମାନେସି □

**ପତିତା ମାନାୟି**

- ୧ ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି □ ୧-୨
- ୨ ଏଞ୍ଜାସି ମିତି ଜାପୁନାରି କାତା ଖେହନାୟି □ ୩-୪
- ୩ ପୁଞ୍ଜଇ ମେରାତି କାତା ଅଡ଼େ ଲକୁତି କାତା ଖେହନାୟି □ ୫-୧୬

- ୪ ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଖେହନାୟି □ ୧୭-୨୩
- ୫ ମାହାପୁରୁଇଁ ଜହରା କିହାନା ଆକୁ ରାପୁନାୟି □ ୨୪-୨୫

୧ ନାନୁ ଜାହୁଦାତେଏଁ, କ୍ରାସୁ ଜାସୁତି ହଲେଏସି ଅଡ଼େ ଜାକୁବତି ତାୟି, ଆବା ମାହାପୁରୁ ଆଡ଼ା ମାନାତେରି ଅଡ଼େ ତାନି ଜାହୁ ନନାତେରି ଇଞ୍ଜାଁ ଜାସୁ କ୍ରାସୁ ତାକି ଆଡ଼଼ି ଆହାମାନାତେରି ମିଜେତାକି ଇ ଆକୁ ରାଡ଼ିମାଞ୍ଜାଇଁ □

୨ ମିଜେତାକି ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜାହୁ ଇଞ୍ଜାଁ ଜାହୁନନାୟି ହାରେପୁରେ ଆୟାପେ □

**ମିତି ଜାପୁନାରି**

୩ ଏ ନା ଜାହୁତି ତଣେସିଜା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେ ତାକି ରାଡ଼ାଲି ଅଣ୍ଡପିମାରେଏଁ □ ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଝାକିଟି ଜୁଜୁ କିହାଲି ମିଜେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜିଁ ଅଣ୍ଡପିତେଏଁ □

୪ ଏନାଆଁତାକି ଇତିହଁ ଏତରଜାଣା ମାହାପୁରୁଇଁ ମାନଞ୍ଜି ଆଆଗାଟାରି ମେଣେଏ ମୀ ବିତ୍ରା ଝାହାମାନେରି, ଏଞ୍ଜାରି ମାହାପୁରୁ କାର୍ମାମେହନି କାତା ତିରିମ୍ବୁପୁହାନା ତାମ୍ବୁ ତାମ୍ବୁ ଅଣ୍ଡପିତି ଲେହେଁ ଲାଗେଏ ପଲେଏତି କାମା କିହିମାନେରି, ଅଡ଼େ ଜାସୁ କ୍ରାସୁ ରଅସିଏ କାଜାସି ଅଡ଼େ ପ୍ରବୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡିତି କାତା ତଲି କାଲାଟିଏ ଦାମ୍ବୁପତିତା ରାସୁକି ଆହାମାନେ □

୫ ପ୍ରବୁ ତଲିଏ ଏତରଜାଣା ତାନି ଲକୁଣି ମିସର ଦେସାଟି ପିସପି କିତେସି, ସାମା ଏଞ୍ଜାରି ବିତ୍ରାଟି ନାମାଆଗାଟାରାଇଁ ନାସା କିତେସି, ଇତିହଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡ଼େ ଖେଣ୍ଡେ ଅଣ୍ଡପି କିଞ୍ଜି କିୟାଲି ଅଣ୍ଡପିମାଇଁ □

୨ ଅଡ଼େ ଏମିନି ଦୂତୁୟାଁ ମାହାପୁରୁ ହାହାମାଟି ପାଣା ପିସାନା ତାମି ବାସାଆନ୍ତି ଚାନ୍ନୁ ପିସୁ, ମାହାପୁରୁ ଏ ଦୂତୁୟାଁଙ୍କ ନାହାଁୟି କିନି ଦିନା ପାଡେକା ଆନ୍ଦେରି ଚାନ୍ନୁତା କାଳାକାଳା ତାକି ହିକ୍‌ଶିୟାଁ ତଲେ ଦସା ଇଟାମାନେସି □

୩ ଏଲେକିହୁଁଏ ସଦମ ଅଡ଼େ ଗମରା ଅଡ଼େ ତାନି ସାରିସୁରୁ ମାଟି ଗାଡ଼ାୟାଁତାରି, ଦାରିକାମା ଅଡ଼େ ତାମି ବିଡ଼ା ଲାଗେଏ ଅଡ଼େ ଅପାଆଗାଟି ଲାଜା ଆନ୍ତି କାମା କିଡେରି, ଏଦାଆଁତାକି କାଳାକାଳା ତାକି ଡ଼ାଞ୍ଜିମାନି ହିଚୁତା ସାସ୍ତି ବେଟାଆଡ଼େରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜୁଁ ମାରୁ ଅଣ୍‌ପାଦୁ □

୪ ଏଲେକିହୁଁଏ ହାପାନା ହେଣ୍‌ନାରି ଜିକେଏ, ଅପାଆଗାଟି କାମା ତଲେ ତାମି ଆଙ୍ଗାତି ଲାଗେଏ କିହିମାନେରି, ଅଡ଼େ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୂତୁୟାଁଙ୍କ ନିନ୍ଦା କିହିମାନେରି □

୫ ସାମା ବାରେକିହାଁ କାଜା ଦୂତୁ ମିକାୟେଲ ମସାତି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାରୁଇ ଏଚେକା ଏଲେଇଚେ, “ପ୍ରବୁ ନିଙ୍ଗେ ଦାକା ହିୟାପେସି □”

୬ ସାମା ଇ ଲକୁ ତାମ୍ନୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜନ୍ତୁ ଲେହେଁ ତାମ୍ନୁ ତାମି ଆଙ୍ଗାତି ଅଣ୍‌ପୁ ତଲେ ପୁଞ୍ଜାମାନି ତାଣାଟି ନାସା ଆନ୍ଦେରି □

୭ ଆୟତା, ଏଞ୍ଜାରି ତଣ୍ଡ ବେଟାଆନାରି, ଇଚିହୁଁ ଏଞ୍ଜାରି କୟିନ ଜିରୁତା ହାଜାମାନେରି, ତାବୁୟାଁ ଜୁପକାତାକି ଏଞ୍ଜାରି ବିଲିୟମ ଦହୁ କିଡିଲେହେଁ ଦହୁ କିହାମାନେରି, ଏଞ୍ଜାରି କରହ ଲେହେଁ ହୁଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନ୍ଦେରି

୮ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବଜିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଞ୍ଜାରି ଖାରୁଇ ଜାହାରା ତାକି ଅଣ୍‌ପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁନ୍ଦା ଲେହେଁତାରି, ଏଞ୍ଜାରି ତାକି ମେଗାନା ପେନିଚେଲା ପାଡ଼େୟି ଆୟାଆଗାଟି ଖାୟିତି ମାରୁନ୍ନୁ ଲେହେଁତାରି □

୯ ଏଞ୍ଜାରି ସାମ୍‌ଦୁରି ଖୀତିସାରି ହନ୍ତି ମାଟିଗାଟି ପମ୍‌ଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନ୍ଦେ, ଏଞ୍ଜାରି ତାମି ଚାନ୍ନୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରାକି ମାହାପୁରୁ କାଚେଲଏତାକି ଆନ୍ଦେରିଗାଟି ଚାନ୍ନୁ ତିୟାରା କିହାଁ ଇଟାମାନେସି □

୧୦ ଆଦମ ଟିଏ ସାଡ଼ା ଲମ୍ବର ମାଣ୍‌ସି ହନକ, ଜିକେଏ ତାନ୍ନୁ ଆନ୍ତି କାତା ଏଞ୍ଜାରି ତାକି ଖେକ୍‌ହା ମାଚେସି, “ମେହ୍‌ମୁ ପ୍ରବୁ ତାନି ମାଣା ମାଣା ସୁଦୁଗାଟି ଦୂତୁୟାଁ ତଲେ ଖାନ୍ଦେସି □”

୧୧ ମେହ୍‌ମୁ ପ୍ରବୁ ନାହାଁୟି କିୟାଲି ଖାନ୍ଦେସି, ଏଞ୍ଜାସି ଦାମ୍‌ନୁ ହିଲାଆଗାଟାରାଈଁ ତାମି ପଲ୍‌ଆ କାମାତାକି ଅଡ଼େ ଏଞ୍ଜାରି ମାହାପୁରୁଈଁ ମାନଞ୍ଜି ଆଆନା ଏଞ୍ଜାଣି କପାଟି ଖେସ୍ତି ଅପାଆଗାଟି କାତାତାକି ଏଞ୍ଜାରାଈଁ ଦହୁଗାଟାରି କିହାନା ତଣ୍ଡ ହାନେସି □

୧୨ ଇ ଲକୁ ବାରେଚେଲା ତାମ୍ନୁ ତାମ୍ନୁ ଏଚେକା ବେଟାଆଡ଼ି ଜିକେଏ ରାହାଁ ଆଅରି □ ଏଞ୍ଜାରି ଖାରୁଇ ତାମି ଲାଗେଏ ପଲେଏତି ଅଣ୍‌ପୁ ତଲେ ସାଲଞ୍ଜି ଆନ୍ଦେରି; ଏଞ୍ଜାରି ବଡ଼ପଣ ତସାନା କାଜା କାତା ଖେହ୍‌ନେରି, ଅଡ଼େ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅଜିତି କାତା ଖେହ୍‌ନେରି □

ଜାଗ୍ରାତା ଅଡ଼େ ଜାପ୍‌ନି କାତା

୧୭ ସାମା ଏ ନା ଜୀଝୁତି ତଢେସିଙ୍ଗା  
ମା ପ୍ରବୁ ଜୀସୁ କ୍ରୀସ୍ତତି ପାଣ୍ଡୁ  
ଆହାମାନାରି ତଲଟିଏ ଏମିନି ବାରେ  
କାତା ଖେସାମାନାଣି ବାରେ ଅଣ୍ପାଦୁ □

୧୮ ଏଝାରି ଏନିକି ମିଙ୍ଗେ  
ଖେସାମାଞ୍ଜାତେରି ରାନି ବେଲା  
ମାହାପୁରୁଇଁ ମାନୁଝି ଆହାନା ତାନି  
ଅଣ୍ପୁ ତଲେ ମାଞ୍ଜାନା ନିନ୍ଦା କାତା  
ଖେହନାରି ହନେରି ଇଞ୍ଜା ଲାଜା କିହାନା  
ଏଲେଇଞ୍ଜାନେରି □

୧୯ ଏଝାରି ଗଡ଼ହା କିଝି କିହାଁ ଜାଟୁ  
ଡିକନେରି, ଅଡ଼େ ଆଙ୍ଗାତି ଅଣ୍ପୁତି  
ସାଲୁଝି ଆହାନା, ମାହାପୁରୁତି ନେହ  
ଜୀଝୁ ବେଟାଆଆତାରି □

୨୦ ସାମା ଏ ତଢେସିଙ୍ଗା ମୀରୁ ମୀ  
ତୀରିଗାଟି ନାମୁଗାଟି ଦାମୁତି ଇଲୁ  
ପାଡିକିହାଁ କତାଦୁ, ଅଡ଼େ ସୁଦୁଜୀଝୁ  
ତଲେ ପ୍ରାତାନା କିଦୁ □

୨୧ ମା ପ୍ରବୁ ଜୀସୁ କ୍ରୀସ୍ତତି କାର୍ମାଟି  
କାଲାକାଲାତି ଜୀଝୁ ହିୟାନେସି,  
ମୀରୁ ଏଦାଆଁ ବେଟାଆହାଲି କାଚାନା  
ମାହାପୁରୁ ଜୀଝୁନହଁ ମାଞ୍ଜାନି ତାଣା  
ମାଞ୍ଜେମାଞ୍ଜୁ □

୨୨ ଆନାମାନା ଆନି ଲକୁଣି  
କାର୍ମାମେସାନା ନାମୁତା ପାଡିକିଦୁ □

୨୩ ଏଟକା ତାରାଇଁ ହିରୁଟି ଡେଝିତି  
ଲେହେଁ ଗେଲପାଦୁ, ଆଙ୍ଗାତି ପାପୁ  
କାମାତା ମାହାମାନି ହିମ୍ବରିକା ଅପାଆଦୁ,  
ଏଚର ଲକୁଣି କାର୍ମା ମେସ୍ତମି ଜିକେଏ  
ଏଝାରାଇଁ ଆଜିନାୟି ମାନେ □

ଜହରାତି ପାରୁ

୨୪ ଆମ୍ବାଆସି ମିଙ୍ଗେ ପୁଟିକିନି  
ତାଣାଟି ଗେଲପାଲି ଆଡାନେସି,  
ଅଡ଼େ ତାନି ଗାଝୁରମିତି ହାଚରକା  
ରାହାତଲେ ନକିତା ତାଚାଲି, ମାଙ୍ଗେ  
ଦହ ହିଲାଆଗାଟି ଲକୁ ଲେହେଁ କିହାଲି  
ଆଡାନେସି □

୨୫ ଏ ମା ପ୍ରବୁ ଜୀସୁ କ୍ରୀସ୍ତ ତାକି  
ମା ଗେଲପାନି ମାହାପୁରୁ ରଅସିଏ,  
ଗାଝୁରମି, କାଜାପାଣା, ବାଡ଼ୁ ଅଡ଼େ  
ସାଲୁଝି କିନାୟି କାଲେଏତାୟି, ନୀର୍ବ,

ଅଡ଼େ ଦୁଗୁ ଦୁଗୁତାକି ଏଝାଣିଝାୟି □  
ଆମେନ୍ □



# ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହ୍ନାଁ ଝେକ୍‌ହି ବଲୁ ମୂଲୁ ହାଡ଼ା

ଝେକ୍‌ହି ବଲୁ ପୁଃନି ମେରାତି ରାଡ଼ି ପତି [] ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆଡ଼ି ୯୫ ବାର୍ଯା ତାମୁ ରାସ୍‌କି ଆହାମାଚେ ୧:୧ [] ଏଝାସି ଜହନତି ନେହ୍ କାରୁତଲେ ତାନିଗଟା ଆକୁ ପତିୟାଁ ରାଡ଼ାମାଚେସି ଏଝି ୧ଜହ, ୨ଜହ ଅଡ଼େ ୩ଜହ [] ଜହନ ଆମିନି ଗାଟାଣାଇଁ ଜୀସୁ ହାଡ଼େକା ଜୀଝୁ ନହ୍ ମାଚେସି [] ଜହନ ଏୟ ମାଦିମାନି ବୁମିତି ପାଡ଼ମସ୍ ଗାୟତା ମାନି ବେଲାତା ଇ ଝେକ୍‌ହି ବଲୁ ରାଡ଼ାମାଚେସି, ଇତିହ୍ ଜୀସୁ କ୍ରୀସୁତି ନେହ୍ କାରୁତାକି ଏଝାଣାଇଁ ଏମ୍‌ଆଁ ଅଝିଆହାମାଚେ ଜହ ୧୩:୨୩ []

ଜୀସୁ ଝେଶ୍ଟା ଝାନ୍ତି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲୁ ରାଡ଼ିଚେସି ୧:୩; ୨୨:୭ [] ଏଝାସି ବାରେ ନାମିତି ଲକୁ ଅଡ଼େ ବାରେକିହ୍ନାଁ ସାଡ଼ାଗଟା କୁଲମିତାକି ରାଡ଼ିମାନେସି ୨-୩ [] ଜହନ ତାନି ରାଡ଼ିନି ତାଣା ମାହାପୁରୁ ଅଣ୍‌ପୁତି ବଲୁ୧:୩ ଅଡ଼େ ତାନି ମେସାମାନି ହାଡ଼େକା ସିନାୟାଁତି କାତା ରାଡ଼ିମାନେସି [] ଇ ପତିତି ଏଚେକା ତାଣା ପୁଃଇ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି [] ସାଡ଼ାଗଟା ତାଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଇ ମାହାପୁରୁ ମିସରତି ଲକୁଣି ଡଣ୍ଡ ହାହାଲିତାକି କସ୍‌ୟାଁ ପାଣ୍ଡାନେସି ହାନାୟି ୭-୯ []

ଝେକ୍‌ହି ବଲୁ ରାନି ବେଲାତି କାତା ଝେସିମାନେ, ଜୀସୁ ତାମୁ

ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାର୍ସୁ ଇତିନେରି ଏଝାରି ବାରେବେଲା ଏଝାଣିତଲେ ତୁୟିନେରି [] ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହ୍ ଜୀସୁ ତବେ ଝେଶ୍ଟା ଝାହିମାନେସି []

## ପତିତା ମାନାୟି

- ୧ ଜହନ ତାଜେ ପୁଣ୍‌ମିକିନାୟି ଅଡ଼େ ତାମୁତି କାତା ମେହ୍‌ନାୟି [] ୧:୧-୨୦
- ୨ ସାଡ଼ାଗଟା କୁଲମିକାକି ଜୀସୁ କ୍ରୀସୁ ତାଣାଟି ଜହନତି କାରୁ [] ୨:୧-୩:୨୨
- ୩ ସାଡ଼ାଗଟା ବୁରୁ ମୁଦ୍ରା ଅଡ଼େ ସାଡ଼ାଗଟା ତୀଡ଼ି [] ୪:୧-୧୧:୧୯
- ୪ ମାରକା ଅଡ଼େ ସାଡ଼ାଗଟା ତାର୍ଜାଗାଟି ରାତୁ ତଲେ ଜୁଜୁ [] ୧୨:୧-୧୪:୨୦
- ୫ ସାଡ଼ାଗଟା କପାଗାଟି ଗିନାୟାଁ [] ୧୫:୧-୧୬:୧୮
- ୬ ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି [] ୧୭:୧-୨୦:୧୫
- ୭ ପୁଃନି ଲାକପୁରୁ ଅଡ଼େ ପୁଃନି ଦାରଡ଼ି [] ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକ୍ ତାନି ହଲିୟାଙ୍ଗାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରପିଚେସି, ଅଡ଼େ ଏଝାସି ତାନି ଦୂତୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସ୍‌ସେସି []

୨ ଏ ଜହନ ମାହାପୁରୁତି ବଲୁ ଅଡ଼େ ଜୀସୁ କ୍ରୀସୁତି ସାକି କାତା ଇତିହ୍ ଏଝାସି ଏନାଆଁ ମେସ୍‌ସେସି ଏ ବାରେ କାତାତି ସାକି ହାହିମାନେସି []

୩ ଆମ୍‌ଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲୁ ଝେଞ୍ଜାନା, ଇ ପତିତା ରାସ୍‌କି ଆହାମାନାଣି ବାରେ ମାନଝି ଆନାରି ନେହ୍‌ଆଁରି, ଏନାଆଁତାକି ଇତିହ୍ ଇ ବାରେ ଗଟଝି ଆନି କାଲମି ତାଗେ ଝାଡ଼େୟିଏ []

ସାଡ଼ାଗଟା କୁଲମିକି ଜହରା କିନାୟି

୪ \*ନାନୁ ଜହନତେଏଁ, ଆସିୟାତା  
 ମାନି ସାଡ଼ାଗଟା କୁଲମିକାଣି ଜହରା  
 ୱେସାନା ରାଡ଼ିମାଞ୍ଜାକ୍, ମାହାପୁରୁତି  
 କାର୍ମାମେହନାୟି ଅଡ଼େ ହିଡ଼ଡ଼ି ଜୀଝୁ  
 ମିଜ୍ଞେ ଆୟାପେ, ନୀଏଁ ଆମ୍ବାଆସି  
 ମାନେସି ତଲି ମାଚାସି ଅଡ଼େ ଜିକେଏ  
 ତାୟୁ ଦିନା ୱାନ୍‌ନେସି, ଅଡ଼େ ତାନି  
 ରାଜିତି ସିଂଗାସାଣି ନକିତା ନିଚାମାନି  
 ସାଡ଼ାଗଟା ଜୀଝୁୟାଁ ତାଣାଟି,

୫ ଜୀସୁ କ୍ରୀସୁ ନାମୁତି ସାତା ସାକି  
 ହାନାସି, ହାଡ଼ାରି ବିଡ଼ାଟି ତଲିଏ  
 ଜାର୍ନା ଆଡ଼ାସି, ଅଡ଼େ ଦାରତିତି  
 ରାଜାୟାଣି ସାଲୁଝି କିନାସି □ ଏଝାସି  
 ମାଜ୍ଞେ ଜୀଝୁ ନହାଁମାଞ୍ଜାନେସି, ଅଡ଼େ  
 ତାନି ନେତେରିଟି ମାଜ୍ଞେ ପାପୁଟି  
 ଗେଲ୍‌ପାତେସି □

୬ \*ଅଡ଼େ ମାଜ୍ଞେ ର ରାଜାତି  
 କୁଲୁଲେହେଁ କିହାନା ଆଡ଼ା  
 ମାହାପୁରୁ ନକିତା ପୂଜେରା ଲେହେଁ  
 ଆଡ଼ାମାଞ୍ଜାନେସି, ତାନି ଗାଝୁରମି  
 କାଜାପାଣା କାଲ୍‌କାଲ୍‌ ତାକି ଆଡ଼ପ  
 □ ଆମେନ୍ □

୭ \*ମେହଦୁ ଏଝାସି ଦୁନ୍ଦା ତଲେ  
 ୱାହିମାନେସି, ଏତେଟିଏ ବାରେ କାଣକା  
 ଏଝାଣାକ୍ ମେହନୁ, ଅଡ଼େ ଏଝାଣାକ୍  
 ଗୁକ୍‌ହା ମାଚାରି ଜିକେଏ ମେହନେରି,  
 ଦାରତିତାରି ବାରେ କୁଡ଼ା ଏଝାସି  
 ୱାହିମାନାକି ତାନେରି ଏଦି ସାତା ଆନେ  
 □ ଆମେନ୍ □

୮ ବାରେ ବାଡ଼ୟୁ ଗାଟି ପ୍ରୁ ମାହାପୁରୁ  
 ୱେସିମାନେସି, ନାନୁ ମାଟ୍‌ନାତେଏଁ  
 ଅଡ଼େ ରାପୁନାତେଏଁ, ଆମ୍ବାଆସି ନୀଏଁ  
 ମାନେସି ତଲିଏ ମାଚେସି ଅଡ଼େ ତାୟୁ  
 ଦିନା ୱାନ୍‌ସି ନାନୁ ଏଝାତେଏଁ □

କ୍ରୀସୁକ୍ ମେହନାୟି

୯ ନାନୁ ଜହନତେଏଁ, ମୀ ତାୟିତେଏଁ,  
 ଜୀସୁତି ସୀସୁ ଆହାଁ ତାନି ରାଜି  
 ଲକୁତାକି ୱାହିମାନି କସୁ ଅରହାଲି  
 ନାନୁ ମୀ ତଲେତି ର ମାଣ୍‌ସିତେଏଁ

□ ଜୀସୁ ତସାମାନି ସାତା ଇଞ୍ଜା  
 ମାହାପୁରୁତି ବଲ୍ଲୁ ୱେସିମାଚାକି ନାଜ୍ଞେ  
 ପାଡ଼ମସ୍ ସାମ୍‌ଦୁରି ମାଦି ମାନି ଟାୟୁତା  
 ପାଣ୍ଡାମାଞ୍ଜାତେରି □

୧୦ ପ୍ରୁଡ଼ି ଦିନାତା ସୁଦୁଜୀଝୁ ନା  
 ଲାକ ରେଚାଝାଡ଼େ, ଅଡ଼େ ନାନୁ ତାୟୁ  
 ୱାକିଟି ତୀଡ଼ି ମହୁରି ଲେହେଁତି କାଜା  
 ଗିୟାତଲେ ଏଲେ ଇଞ୍ଜିମାଟି ର ହାଡ଼ା  
 ୱେଚେଏଁ □

୧୧ ନାନୁ ମେସିମାନାଣି ରାଡ଼ାମୁ ଅଡ଼େ  
 ଇ ପତିତି ଇ ସାଡ଼ାଗଟା କ୍ରୀସ୍ତାନା  
 କୁଲମି ଇତିହ ଏପିସି, ସ୍ପର୍ନା, ପର୍ଗମ,  
 ତୁୟାତିରା, ସାଦ, ପିଲାଦେଲ୍‌ପିୟା  
 ଅଡ଼େ ଲାଝୁଦିକିୟାତି କୁଲମିତା ପାଣ୍ଡାମୁ  
 □

୧୨ ଆମ୍ବାଆସି ନା ତଲେ କାତା  
 ଆହିମାନେସି, ଇଦାଆଁ ମେସାଲି ୱେଣ୍ଡେ  
 ସିନିକିତେଏଁ, ଇଞ୍ଜା ସାଡ଼ାଗଟା ବାଂଗାରା  
 ଦୀଝୁୟାଁ,

୧୩ ଇଞ୍ଜା ଏ ଦୀଝୁୟାଁ ମାଦିଏ ମାଣ୍‌ସି  
 ମୀରଏଣା ଲେହେଁ ର ମାଣ୍‌ସି; ଏଝାଣି  
 ପାଞ୍ଚଆନାୟାଁ ପାତେକା ହିମ୍‌ରି ପୁକ୍‌ହା  
 ମାଚେ ଅଡ଼େ ବକତା ବାଂଗାରା ପାଟାଟି  
 ତ:ରି ରୁପାମାଚେ;

୧୪ ଏଝାଣି ତାୟୁ ବାଣାୟାଁ ଅପୁହି  
 ଲୁଲୁ ଅଡ଼େ ପେଣ୍ଡି ମାରୁ ଲେହେଁ  
 ଦବ୍‌ଲା, ଅଡ଼େ ଏଝାଣି କାଣକା ହିତୁ  
 ଲେହେଁ ତୀଞ୍ଜି ମାରୁ □

୧୫ ତାନି ପାଞ୍ଚଆନାୟାଁ ହଲୁତା ହୁତିତି  
 ପିତାଡ଼ା ମୁସିମାନି ଲେହେଁ ମିଣ୍‌ସି ମାରୁ,  
 ଅଡ଼େ ତାନି ଗିୟାଁ ଲଦ ଲଦ ଇଞ୍ଜି  
 ରିହିମାନି ଏୟୁତି ହାଡ଼ା ଲେହେଁତାୟି □

୧୬ ତାନି ଚିଃନି କେୟୁତା ସାଡ଼ାଗଟା  
 ହୁକାୟାଁ ମାରୁ, ତାନି ଗୁତିତି ରିକଝାକି  
 ଦାରାଗାଟି କାଣ୍ଡା ହଡ଼େ, ତାନି ମୁମ୍  
 ମାଦେନା ବେଲା ତୀଞ୍ଜିମାନି କାରା  
 ଲେହେଁ ଉଜେଡ଼ି ଗାଟାୟି □

୧୭ \*ନାନୁ ଏଝାଣାକ୍ ମେସପନିଏ  
 ହାଡ଼ିଲେହେଁ ତାନି କତାୟାଁ ତୁଇ  
 ରିତେଏଁ, ଏମ୍ବାଟିଏ ଏଝାସି ନା

\* ୧:୪ ୧:୪ ୱେ ବଲ୍ଲୁ ୪:୫    \* ୧:୭ ୧:୭ ୱେ ବଲ୍ଲୁ ୫:୧୦    \* ୧:୭ ୧:୭ ମାତି ୨୪:୩୦; ମାର୍କ ୧୩:୨୭;  
 ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାତି ୨୪:୩୦    \* ୧:୧୭ ୧:୧୭ ୱେ ବଲ୍ଲୁ ୨:୮; ୨୨:୧୩

ଲୀକ ତାନି ଚିଃନି କେୟୁ ଇଗାନା  
ଇଲେ ଇଞ୍ଜାତେସି, ଆଜାଆନି ନାନୁ  
ମାଟ୍‌ନାତେର୍‌ ଅଡ଼େ ରାପ୍‌ନାତେର୍‌

୧୮ ଆଜାଆଦୁ ନାନୁ ନୀତା ମାନାତେର୍‌  
ହାଡାତେର୍‌, ନାନୁ କାଲା କାଲେଏତାକି  
ନୀତାମାଇ, ହାନାୟି ଅଡ଼େ ହାଡାରି  
ରାଜିତି କୁଟିକାଡ଼ି ନା କେୟୁତା ମାନେ

୧୯ ଇଚିହ୍‌ ନାନୁ ଏନାଆ  
ମେସାମାଞ୍ଜି, ଅଡ଼େ ଏନାୟି ନୀର୍‌  
ଆହିମାନେ ଇଞ୍ଜା ଇଦାଣି ଜେଟ ଏନାୟି  
ଆର୍‌ନେ ଇ ବାରେ ରାଡା ଇଟାମୁ

୨୦ ନା ଚିଃନି କେୟୁତା ମେସାମାନି  
ସାଡାଗଟା ହୁକାୟା ଅଡ଼େ ସାଡାଗଟା  
ବାଂଗାରା ଦୀର୍‌ ସଡାୟାତି ଡଗୁମାନି  
କାତା ଇଦି, ସାଡାଗଟା ହୁକାୟା  
ସାଡାଗଟା କୁଲମିତି ଦୁଡୁୟା, ଅଡ଼େ  
ସାଡାଗଟା ବାଂଗାରା ଦୀର୍‌ ସଡାୟା  
ସାଡାଗଟା କୁଲମିକା

୨

ଏପିସି କୁଲମିତାକି କାଡୁ

୧ “ଏପିସି କୁଲମିତି ଦୁଡୁ ତାଣା  
ରାଡାମୁ, ଆମ୍ବାଆସି ଚିଃନି କେୟୁତା  
ସାଡାଗଟା ହୁକାୟା ଆସାମାନେସି ଅଡ଼େ  
ସାଡାଗଟା ବାଂଗାରା ଦୀର୍‌ ସଡାୟା ମାଦି  
ରେଜିମାନେସି,

୨ ଏଞ୍ଜାସି ଏଲେଇଞ୍ଜି ମାନେସି, ନାନୁ  
କିହାମାନି କାମା ନାନୁ ପୁଞ୍ଜାମାଇ,  
ନାନୁ ଏନିକ୍‌ ଝାହୁତଲେ କାମା  
କିହମାଞ୍ଜି, ଅଡ଼େ ଏରେକା ଅର୍‌ହିମାଞ୍ଜି  
ଏଦାଆ ପୁଞ୍ଜାମାଇ, ନାନୁ ଲାଗେଏ  
ପଲେଏ କାମା କିନାରାଇ ଅପିହିଲଅତି,  
ଅଡ଼େ ପାଣ୍ଡୁ ଆଆନା ମାମୁ ପାଣ୍ଡୁ  
ଆହାମାନମି ଇଞ୍ଜା ଝେସା କତିନେରି,  
ନାନୁ ତାୟିପାରି କିହା ଏଞ୍ଜାରି ମିତି କାତା  
ଝେହନାରି ଇଞ୍ଜା ପୁଞ୍ଜାମାଞ୍ଜି

୩ ନା ଦରୁ ତାକି ଦୁକୁ କସ୍ତ ଅର୍‌ହିମାଞ୍ଜି  
ଇଞ୍ଜା ଝାହାହିଲଅତି ଇଦାଆ ଜିକେଏ  
ନାନୁ ପୁଞ୍ଜାମାଇ

୪ ଆତିହ୍‌ ଜିକେଏ ନୀ କପାଟି ନା  
ଇ କାତା ମାନେ, ତଲି ଜୀଞ୍ଜୁନହ୍‌

ମାଞ୍ଜାତିଲେହେଁ ନୀର୍‌ ଜୀଞ୍ଜୁନହ୍‌  
ମାଞ୍ଜଅତି

୫ ଅଡ଼େ ନାନୁ ଏନିକ୍‌ ଡଇ  
ତରଗା ମାଞ୍ଜି ଏଦାଆ ଅଣପାନା ନୀ  
ପାପୁ ପିସାହା ମନ ଝେଟ୍‌ମୁ ଅଡ଼େ  
ତଲିତିଲେହେଁ ସାତା କାମା କିମୁ,  
ଆଆତ୍‌ ଏରେତା ନାନୁ ହିୟା  
ଝେଟ୍‌ଅତି, ନାନୁ ନୀ ତାଣା ତବେ  
ଝାହାନା ନୀ ଦୀର୍‌ ନୀ ତାଣାଟି ଏଟ୍‌କା  
ଗୁଟିକିୟାଇ

୬ ଆଡିଜିକେଏ ନୀ ତାଣା ରୁ  
ନେହ୍‌ ଗୁଣୁ ମାନେ ନାନୁ ଏନିକ୍‌  
ନିକଲାୟତାରି ବାରେ କାମା ଅପିହିଲଅ  
ଏଲେକ୍‌ ନାନୁଝା ଅପିହିଲଅତି

୭ “କୁଲମିକାଣି ସୁଦୁଜୀଞ୍ଜୁ ଏନାଆ  
ଝେସିମାନେ ଆମ୍ବାଆରି କୀକା ମାନୁ  
ଏଦାଆ ଝେଣମ୍ବାସି ଆମ୍ବାଆସି ଜୀଣା  
ଆନେସି, ଏଞ୍ଜାଣାଇ ନାନୁ ମାହାପୁରୁ  
ରାଜିତା ମାନି ଜୀଞ୍ଜୁଗାଟି ମାର୍‌ନୁଡି  
ପାଡ଼େୟି ତିଞ୍ଜାଲି ହୀଇ

ସ୍ପର୍‌ନା କୁଲମିତାକି କାଡୁ

୮ “ସ୍ପର୍‌ନା କୁଲମିତି ଦୁଡୁ ତାଣା  
ରାଡାମୁ, ଆମ୍ବାଆସି ତଲିତାସି ଅଡ଼େ  
ତାୟୁତାସି, ଆମ୍ବାଆସି ହାହାମାରେସି  
ଅଡ଼େ ଝେଣ୍ଡେ ନୀଡିତେସି, ଏଞ୍ଜାସି  
ଏଲେଇଞ୍ଜି ମାନେସି

୯ ନାନୁ ନୀ ବାରେ କସ୍ତ ଅଡ଼େ ହାକି  
କାକୁଲି ପୁଞ୍ଜାମାଇ, ସାମା ନାନୁ ବାଡକୁ  
ଗାଟାଟି ଅଡ଼େ ଆମ୍ବାଆରି ଜୀହୁଦି ଲକୁ  
ଆଆନା ମାମୁ ଜୀହୁଦି ଲକୁତମି ଇଞ୍ଜା  
ଇନେରି, ଏଞ୍ଜାରି ସୟତାନ ଗତିତାରି  
ଏଞ୍ଜାରି ନିନ୍ଦା ଜିକେଏ ନାନୁ ପୁଞ୍ଜାମାଇ

୧୦ ମୀରୁ ଏମିନି ଦୁକୁ ବେଟାଆହାଲି  
ହାଜି ମାଞ୍ଜେରି, ଏ ବାରେ ଆଜାଆଦୁ;  
ମେହ୍‌ଦୁ ମିଜେ ତାୟିପାରି କିହାଲି  
ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଇ  
କାୟିଦିତା ଇଚିନେ, ଅଡ଼େ ମୀରୁ ଦସ  
ଦିନା କସ୍ତ ବେଟାଆଦେରି ମୀରୁ ହାନି  
ପାଡେକା ନାମୁତଲେ ମାଞ୍ଜୁ, ଆତିହ୍‌

ନାନୁ ମିଙ୍ଗେ ଜୀଝୁତି ଚପେରି ହିୟାକ୍  
□”

୧୧ \* “କୁଲମିତି ସୁଦୁଜୀଝୁ ଏନାଆଁ  
ଝେସିମାନେ, ଝେଞ୍ଜାଲି କୀର୍କା  
ମାତିସାରେ ଝେଶମ୍ବାସି, ଆମ୍ବାଆସି  
ଜୀଣା ଆନେସି ଏଝାଣାକ୍ ଅର ଦେବାତି  
ହାକି ତଲେ ନସ୍ତୁ କିହାଲି ଆଡେଏ □”

ପର୍ଗମ କୁଲମିତାକି କାବୁ

୧୨ “ପର୍ଗମ କୁଲମିତି ଦୁତୁ ତାଣା  
ରାତାମ୍ବା, ଆମିନି ଗାଟାଣି ତାଣା  
ରିକଝାକି ଦାରା ଗାଟି କାଣ୍ଡା ମାନେ  
ଏଝାସି ଏଲେଇଞ୍ଜି ମାନେସି □

୧୩ ଆମିନି ତାଣା ସୟତାନତି  
ସିଂଗାସାଣି, ଏମ୍ବାଆଁ ନାନୁ ବାସା  
କିହିମାଞ୍ଜି, ଈଦାଆଁ ନାନୁ ପୁଞ୍ଜାମାକ୍,  
ଆତିହ୍ ଜିକେଏ ନାନୁ ନା ଦରୁତି  
ଆଟ୍‌ଝା ତଲେ ଆସାମାଞ୍ଜି, ଅଡେ  
ନା ସାକି ଆକ୍ରିପା ଏଟିବେଲା ମୀ  
ତାଣା ସୟତାନତି ବାସା ଚାୟୁତା  
ପାୟୁଝି ଆହାମାଚେସି, ମୀରୁ ନା ତାଣା  
ନାମାମାନାକି ଏଟିବେଲାତା ଜିକେଏ  
ନାଙ୍ଗେ ପୁଞ୍ଜାହିଲଅଁ ଇଞ୍ଜାଆତି □

୧୪ ଆଡିଜିକେଏ ନୀ କପାଟି ର କାତା  
ମାନେ, ଇତିହ୍ ଆମିନି ବିଲିୟମ  
ପେଶକା ବମାୟାକି ଡାକାମାନି ବଗୁ  
ତିନି ତାଣାଟି ପାପୁ ଅଡେ ଦାରିକାମା  
କିଝିକିନି ପାନ୍ଦା ମେଡହାଲି ଇସ୍ରାୟେଲ  
ମୀରକା ବାଲାକକ୍ ଜାପୁହା ମାଚେସି,  
ଏଲେତି କାମା କିନି ଲକୁ ମୀ ବିତ୍ରାଟି  
ଏଚରଜାଣା ତାକିନାରି ମାନେରି □

୧୫ ଏଲେକିହ୍ ଏ ନିକଲାୟ  
ଜାପୁନାଣି ଆସାମାନି ଲକୁ ମୀ ବିତ୍ରା  
ମାନେରି □

୧୬ ଏନାଆଁତାକି ମୀ ପାପୁ ପିସାନା  
ହିୟା ଝେଟ୍‌ଦୁ ଆଆତ୍ ନାନୁ ମୀ  
ତାଣା ତବେ ଝାହାନା ନା ଗୁତିଟି ହନି  
କାଣ୍ଡାତଲେ ଏଝାରି କପାଟି ଜୁଜୁ କିକ୍  
□”

୧୭ \* “କୁଲମିକାଣି ସୁଦୁଜୀଝୁ ଏନାଆଁ  
ଝେସିମାନେ ଆମ୍ବାଆରି କୀର୍କା ମାନୁ

ଏଦାଆଁ ଝେଶମ୍ବାସି □ ଆମ୍ବାଆସି ଜୀଣା  
ଆନେସି ଏଝାଣାକି ଡଗୁମାନି ମାନା  
ତିଞ୍ଜାଲି ହୀକ୍ ଅଡେ ଏଝାରି ବିତ୍ରାଟି  
ବାରେଜାଣାତି ପୁଝନି ଦରୁ ରାସ୍‌କି  
ଆହାମାନି ର ଦବଲା ଝାଲି ହୀକ୍,  
ଏ ପୁଝନି ଦରୁ ଏନାୟି ଝାଲି ଆନାଣା  
ପିସପେ ଆମ୍ବାଆସି ପୁନଅସି □”

ତୁୟାତିରା କୁଲମିତାକି କାବୁ

୧୮ “ତୁୟାତିରା କୁଲମିତି ଦୁତୁ ତାଣା  
ଇଲେଇଞ୍ଜି ରାତାମ୍ବା, ମାହାପୁରୁତି  
ଆମିନି ମୀରଏଣା କାଣ୍ଡକା ଡାଞ୍ଜିମାନି  
ହିରୁ ଲେହେଁ ଇଞ୍ଜା ପାଝଆନା କତାୟା  
ମୁସିମାନି ପିତାଡା ଲେହେଁ ଏଝାସି  
ଏଦାଆଁ ଏଲେଇଞ୍ଜି ମାନେସି □

୧୯ ନାନୁ ନୀ କାମା, ଜୀଝୁ ନନାଣି,  
ନାମ୍ବାତଲେ ସେବା କିନାଣି, ଅରୁହିନାଣି  
ପୁଞ୍ଜାମାକ୍, ଅଡେ ନୀ ତଲିତି କାମା  
କିହାଁ ନୀଏଁ ହାଚେରକା ଗାତି କାମା  
କିହିମାଞ୍ଜି, ଈଦାଆଁ ଜିକେଏ ପୁଞ୍ଜାମାକ୍  
□

୨୦ ଆଡିଜିକେଏ ନୀ କପାଟି ର ଇତି  
କାତା ମାନେ, ଜିଜେବଲ୍ଲୁ ଦରୁଗାଟି  
ଆମିନି ଇୟା ଜାହାରାକ୍ ମାହାପୁରୁ  
ଅଣ୍‌ପୁତି ବଲ୍ଲୁ ଝେକ୍‌ନାଚେଏଁ ଇଞ୍ଜି  
ଝେସାକତାନା, ନା ସେବା କିନାରାକ୍  
ଦାରିକାମା ଅଡେ ପେଶକା ବମାୟାକି  
ଡାକାମାନି ବଗୁ ତିଞ୍ଜାଲି ଜାପୁହାନା  
ଲାଗେଏ କିଝି କିହାମାନେ, ମୀରୁ ଏଦାଣି  
ଅରୁହି ମାଞ୍ଜେରି □

୨୧ ନାନୁ ଏଦାନାକି ତାନି ପାପୁ କାମା  
ପିସାନା ମନ୍ ଝେଟ୍‌ହାଲି ହୀତି ଜିକେଏ,  
ତାନି ଦାରିକାମା ପିସାଲି ମନ୍ କିଆଡେ  
□

୨୨ ଈଦାଆଁତାକି ନାନୁ ଏଦାନି  
ମାଡୁ ହୁଞ୍ଜିକିକ୍, ଅଡେ ଆମିନି  
ଗାଟାରି ଏଦାନିତଲେ ଦାରିକାମା  
କିନେରି, ଏଝାରି ତାନି ପାପୁ କାମାଟି  
ହିୟା ଝେଟ୍‌ଆତ୍ ନାନୁ ଏଝାରାକ୍  
ଆଜିହପେତି ସାସ୍ତି ହୀକ୍ □

୨୩ ଅଡ଼େ ନାନୁ ତାନି ମୀରକା ମାସ୍କାଇଁ ହାକି ତଲେ ନାସାକିଇଁ, ଏଚେଟିଏ ନାନୁ ବାରେ ଲକ୍ଷୁତି ହିୟାଁ ଅଡ଼େ ମନତି ଅଣ୍ଡପୁ ପୁନାତେଏଁ, ଅଡ଼େ ବାରେଜାଣାକି ତାନି କାମାତି ପାଡ଼େୟି ହାନାତେଏଁ ଇଞ୍ଜି ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତା ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜା ଏଟକାତାରି ଏନାଆଁ ସୟତାନତି ଡଗୁମାନି କାତା ଇଞ୍ଜି ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଜାରି ଲାକ ଏନ୍ତି ପୁଞ୍ଜି ବନ୍ଧୁ ହାଅଁ ।”

୨୫ ଇଚିହଁ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି ଦିନା ପାତେକା ତାରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜାଣା ଆନେସି, ଅଡ଼େ ତାୟୁ ପାତେକା ନା କାମା କିନେସି, ନାନୁ ଏନ୍ତିକିହଁ ନା ଆବା ତାଣାଟି ଅଦିକାରା ବେଟାଆହାମାଇଁ, ଏଲେକିହଁ ଏ ଏଞ୍ଜାଣାକି ଏ ଦେସାତି ଅଦିକାରା ହାଇଁ ।”

୨୭ ଏଞ୍ଜାସି ବାରେ କୁଡ଼ାତି ଲକୁଣି ଲହ୍ ବାଡ଼ଗା ତଲେ ସାଲୁଞ୍ଜି କିନେସି ଅଡ଼େ ଇରଥା ତ:କାୟାଁ ଲେହେଁ କୁଟୁକୁଟା କିନେସି ।”

୨୮ ଅଡ଼େ ନାନୁ ଏଞ୍ଜାରାକି ଝେୟାଜାରା ହୁକା ଜିକେଏ ହାଇଁ ।”

୨୯ “କୁଲମିକାଣି ସୁଦୁଜୀଞ୍ଜୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍ଡମାସି ।”

### ୩

ସାଦର୍ କୁଲମିକି କାତୁ

୧ “ସାଦର୍ କୁଲମିତି ଦୂତୁ ତାଣା ରାଡ଼ାମୁ, ଆମ୍ବାଆସି ମାହାପୁରୁତି ସାଡ଼ାଗଟା ଜୀଞ୍ଜୁୟାଁ ଅଡ଼େ ସାଡ଼ାଗଟା ହୁକାୟାଁ ଆସାମାନେସି ଏଞ୍ଜାସି ଏଲେଇଞ୍ଜି ମାନେସି, ନାନୁ ମୀ କାମା

ବାରେ ପୁଞ୍ଜାମାଇଁ ମୀରୁ ଦରୁ ତାକି ଜୀଞ୍ଜୁ ଗାଟାତେରି, ସାମା ସାତା ତଲେ ହାଡ଼ାତେରି ।”

୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ଡଗୁନି ନକେଏ ଏଞ୍ଜାଆଁ ବାଡ଼ୟୁ କିଦୁ, ଇଚିହଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ୍ ହିଲାଆଗାଟାୟି ତଞ୍ଜା ଆହା ହିଲେଏ ।”

୩ \*ଏଦାଆଁତାକି ମୀରୁ ଏନ୍ତିକି ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି ଏଦାଣି ଅଣପାନା ମାନଞ୍ଜି ଆଦୁ ଇଞ୍ଜା ପାପୁଟି ହିୟାଁ ଝେଟଦୁ; ମୀରୁ ଜାଗ୍ରାତା ଆଆତିହଁ ନାନୁ ସରୁଲେହେଁ ମୀ ତାଣା ଝାଇଁ, ଏଦାଣି ଏନ୍ତିକିକେଏ ମୀରୁ ପୁଞ୍ଜାଲି ଆଡ଼ଅତେରି ।”

୪ ସାମା ସାଦର୍ତା ମୀ ବିତ୍ତା ଏଚରଜାଣା ମାନେରି, ଏଞ୍ଜାରି ତାନି ହିମ୍ବୁରିକା ମାହଁ କିହାଁ ହିଲଅରି, ଏଞ୍ଜାରି ଅପୁନି ହିମ୍ବୁରିକା ହୁଟାନା ନା ତଲେ ତାକିନେରି, ଏନାଆଁତାକି ଇଚିହଁ ଏଞ୍ଜାରି ପାଡ଼ା ଆଡ଼ାରି ।”

୫ \*ଆମ୍ବାଆରି ଜାଣା ଆନେରି ଏଞ୍ଜାରି ଏଲେତି ଅପୁନି ହିମ୍ବୁରିକା ହୁଟିନେରି, ଅଡ଼େ ନାନୁ ଏଞ୍ଜାରି ଦରୁ ଜୀଞ୍ଜୁଗାଟି ପତିଟି ଏଚେଲାଞ୍ଜା ମ୍ବେକଥାଁ, ଇଞ୍ଜା ନାନୁ ନା ଆବା ଅଡ଼େ ତାନି ଦୂତୁୟାଁ ନକିତା ନା ତଲେତାରି ଇଞ୍ଜିହଁ ଏଞ୍ଜାରି ଦରୁ ଝେକଇଁ ।”

୬ “କୁଲମିକାଣି ସୁଦୁଜୀଞ୍ଜୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣ୍ଡମାସି ।”

ପିଲାଦେଲପିୟା କୁଲମିତାକି କାତୁ

୭ “ପିଲାଦେଲପିୟା କୁଲମିତି ଦୂତୁ ତାଣା ରାଡ଼ାମୁ, ଆମ୍ବାଆସି ସୁଦୁଗାଟାସି ଅଡ଼େ ସାଡ଼ାତାସି ଆମିନିଗାଟାଣି କେୟୁତା ଦାଞ୍ଜୁଦତି କୁଟିକାଡ଼ି ମାନେ, ଏଞ୍ଜାସି ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆମ୍ବାଆସି ଦେତାଲି ଆଡ଼ଅସି,

\* ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲ ୧୨:୧୫ \* ୩:୫ ୩:୫ ଝେ ବଲ୍ଲ ୨୦:୧୨; ମାତି ୧୦:୩୨; ଲୁକ ୧୨:୮

୮ ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଈ, ସିନିକିଦୁ ନାନୁ ମୀ ନକିତା ର ଦାରା ଦେଚାମାଈ, ଏଦାଆଁ ଆମ୍ବାଆସି ସୁଶ୍ଟାଲି ଆଡ଼ଅସି, ଇଚିହଁ ମୀ ବାଡ଼ୟୁ ଉଣା ମାଚି ଜିକେଏ ନା ଜାପୁନାଣି ମୀରୁ ମାନଝି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜି ଇଞ୍ଜାହିଲଅତେରି □

୯ ମେହ୍ନୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିଚି ତଲେ ଜୀହୁଦି ଲକୁତମି ଇଞ୍ଜି ଇଞ୍ଜିମାନେରି ଇଲେତି ସୟତାନ ଗଚିତି ଲକୁଣି ନାନୁ ମୀ କତାଣା ଜହରା କିଝି କିୟାଈ, ଇଞ୍ଜା ନାନୁ ମିଙ୍ଗେ ଜୀଝୁନହଁ ମାଞ୍ଜାଇ ଇଞ୍ଜି ଏଝାରି ପୁଞ୍ଜାଲି ଆଡ଼ିନେରି □

୧୦ ନା ହୁକୁମି ତଲେ ସାସା ଆସାନା ମାଞ୍ଜେରି, ଇଦାଆଁତାକି ଦାରତିତି ଲକୁଣି ତାୟିପାରି କିହାଲି ବାରେ ଦାରତିତା ଆମିନି ତାୟିପାରି କିନି ଦିନା ଝାନ୍ନେ, ଏମ୍ବାଚି ନାନୁ ଜିକେଏ ମିଙ୍ଗେ ଗେଲପାଇଁ □

୧୧ ନାନୁ ତବେ ଝାହିମାଈ ମୀ ଜୀଣାଆଡ଼ି ଟପେରି ଏନିକି ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ଡ଼ୟାବୁ □

୧୨ \*ଆମ୍ବାଆସି ଜୀଣା ଆନେସି ନାନୁ ଏଝାଣାଇଁ ନା ମାହାପୁରୁ ଇଲୁତି ମୁଶ୍ଟାଲେହେଁ କିଈ, ଏଝାସି ଏମ୍ବାଚି ପାଙ୍ଗାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁତି ଝାହାମାନି ପୁଞ୍ଜି ଜିରୁସାଲମ ମା ମାହାପୁରୁତି ଗାଡ଼ାତି ଦରୁ ଇଞ୍ଜା ନା ପୁଞ୍ଜି ଦରୁ ତାନି ଲାକ ରାଚିଈ □

୧୩ “କୁଲମିକାଣି ସୁବୁଜୀଝୁ ଏନାଆଁ ଝେସିମାନେ, ଆମ୍ବାଆରି କୀକା ମାନୁ ଏଦାଆଁ ଝେଣମ୍ବାସି □”

ଲାଝୁଦିକିୟା କୁଲମିକି କାବୁ

୧୪ “ଲାଝୁଦିକିୟା କୁଲମିତି ଦୁତୁ ତାଣା ରାଟାମୁ, ଆମ୍ବାଆସି ସାତା

ଇଞ୍ଜା ନାମୁଗାଟାସି ଅଡ଼େ ସାତା ସାକି ହୀନେସି, ଅଡ଼େ ଆମ୍ବାଆସି ମାହାପୁରୁ ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଝାସି ଏଲେଇଞ୍ଜି ମାନେସି □

୧୫ ନାନୁ ମୀ କାମା ପୁଞ୍ଜାମାଈ, ମୀରୁ ହିଡ଼ଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ଡ଼ି କି ଉସମି ଆହାମାଚି ନେହଁ ଆଡ଼େମା □

୧୬ ସାମା ମୀରୁ ହିଡ଼ଡ଼ି କି ଉସମି ଆଆନା କାଝିନି ଆହାମାନାକି ନାନୁ ମିଙ୍ଗେ ନା ଗୁତିଚି ହୁପାଲି ହାଜିମାଈ □

୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ □’ ସାମା ନାନୁ କାର୍ମା କାକୁଲି ଗାଟାତି ଅଡ଼େ ସାୟେମି ହିଲାଆଗାଟାତି, ହାକି ଗାଟାତି, କାଣା ଅଡ଼େ ନାଗୁଡ଼ା ଗାଟାତି, ଇଦାଆଁ ପୁଞ୍ଜାହିଲଅତି;

୧୮ ଇଦାଆଁତାକି ନାନୁ ମିଙ୍ଗେ ଇ କାତା ଝେସିମାଞ୍ଜାଇଁ ନାନୁ ବାଡ଼କୁ ଗାଟାତି ଆହାଲିତାକି ହିରୁତା ହୁଡ଼ିତି ବାଂଗାରା ଅଡ଼େ ନୀ ନାଗୁଡ଼ାତି ଲାଜା ଏନିକିହଁ ତଞ୍ଜା ଆଏ ଇଦାଆଁତାକି ହୁଚାଲି ଦବଲା ହିମ୍ବରି ଇଞ୍ଜା କାଣକା ମେସାଲି ତାକି କାଣକାଣା ରୁବାକତିନାଣି ନା ତାଣାଚି କତାମୁ □

୧୯ \*ନାନୁ ଏଚେକା ଲକୁଣି ଜୀଝୁ ନଈ ଏଝାଚାଇଁ ଦାକା ଅଡ଼େ ଡ଼ଣ୍ଡ ହୀଈ ଏଦାଣିତାକି ରାହାଁ ଆହାଁ ମନ ଝେଟହା କତାମୁ □

୨୦ ମେହ୍ନୁ ନାନୁ ଦୁଝେରି ତାକିତା ନିଚାନା ଦାରା ଝେଚିମାଈ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼ି ନାନୁ ବିତ୍ରା ହଡ଼ାନା ତାନି ତାଣା ହାଈ ଅଡ଼େ ନାନୁ ଏଝାଣିତଲେ ରାନ୍ଦା ତିଈ ଅଡ଼େ ଏଝାସି ନା ତଲେ ରାନ୍ଦା ତିନେସି □

୨୧ ନାନୁ ଏନିକିହଁ ଜୀଣାଆହାନା ନା ଆଡ଼ା ତଲେ ସିଂଗାସାଣିତା କୁଗାମାଈ ଏଲେକିହଁଏ ଆମ୍ବାଆସି ଜୀଣା

ଆନେସି ନାନୁ ଏଝାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ ୩”

୨୨ “ସୁଦୁଜୀଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କୀକା ମାନୁ ଏଦାଆଁ ଝେଣମ୍ବାସି ୩”

**୪**

ଲାକପୁରୁ ପ୍ରାତାନା

୧ ଏରେଟିଏ ନାନୁ ମେସ୍ତେଏଁ, ମେହ୍ଦୁ ଲାକପୁରୁଟି ର ଦାରା ଦେପିଆହାମାନେ; ଅଡେ ତାଡି ମହ୍ରି ହାଡାଲେହେଁ ନା ତଲେ ନକେଏ ଜଲିମାଚାଣି ଝେଞ୍ଜା ମାଚେଏଁ, ଏଦି ଏଲେଇଞ୍ଜାତେ “ଇମ୍ବାଆଁ ନିଙ୍ଗା ଝାମ୍ବୁ, ଏନାୟି ଇଦାଆଁ ତାୟୁ ଗଟଝି ଆନେ ଏ ବାରେ ନିଙ୍ଗେ ନାନୁ ତସ୍ତାଇଁ ୩”

୨ ଏ ଦେବୁଣିଏ ସୁଦୁଜୀଝୁ ନାଙ୍ଗେ ଆଲଗାତେ, ମେହ୍ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଥସି କୁଗାମାନେସି ୩

୩ କୁଗାମାନାଣି ଝାଣା ହୀରା ଅଡେ ମାଣିକ୍ୟ ଇନି ଦାରାଗାଟି ଝାଲି ଲେହେଁ, ଅଡେ ସିଂଗାସାଣିତି ମରକତ ଇନି ଦାରା ଗାଟି ଝାଲକା ଲେହେଁ ସାରିସୁରୁ ର ଦାରଣକି ଗୁରତାମାଚେ ୩

୪ ଅଡେ ସିଂଗାସାଣି ସାରିସୁରୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟାଁ ଲାକ କଡେ ସାରି ଜାଣା ପ୍ରାତିନାଙ୍ଗା କୁଗାମାନେରି, ଏଝାରି ଦବଲା ହିମ୍ବୁରିକା ହୁଚାମାନେରି ଇଞ୍ଜା ଏଝାରି ତାୟୁଁ ତୁ ବାଂଗାରା ଟପେରି ୩

୫ ସିଂଗାସାଣିଟି ବିଲିବାଲା ମୁହ୍ନାୟି ଅଡେ ହାଗୁ ଗୁଣିନି ହାଡା ହଡେ, ଅଡେ ସିଂଗାସାଣି ନକିତା ହିରୁଗାଟି ସାଡାଗଟା ଦୀଝିୟାଁ ଡାଞ୍ଜିମାରୁ, ଇ ସାଡାଗଟା ହିରୁ ବନ୍ଦାୟାଁ ମାହାପୁରୁଟି ସୁଦୁଜୀଝୁୟାଁ

୬ ସିଂଗାସାଣି ନକିତା ଦାପେଣିଲେହେଁ ର ନେହଁ ସାମଦୁରି ତଞ୍ଜାଆହିମାଚେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତୁ ଜୀଝେଡିକା, ଏଝାସିକା ନକିତା ଅଡେ ତାୟୁତା କାଣକା ମାରୁ ୩

୭ ନକିତି ଜନ୍ତୁ ସିହଁ କାଝିଆନି ଲେହେଁ, ଅଡେ ରା ଲମ୍ବର ଜନ୍ତୁ ବାଚା କଡି ଲେହେଁ, ତାନି ଲମ୍ବର ଜନ୍ତୁଟି ମୁମ୍ବୁ ମାଣସିତି ମୁମ୍ବୁ ଲେହେଁ, ଅଡେ ସାରି ଲମ୍ବର ଜନ୍ତୁ ଲାକ ଡାମ୍ବିମାନି ଲେଡୁ ଲେହେଁ ତଞ୍ଜାଆହିମାଚେ ୩

୮ ବାରେ ଜନ୍ତୁୟାଁକି ସ ଗଟା ମାରାୟାଁ ଏ ମାରାୟାଁ ବିତ୍ତା ଅଡେ ପାଙ୍ଗାତା କାଣକା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ ୩

“ସୁଦୁ, ସୁଦୁ, ସୁଦୁ, ବାରେ ବାଡ଼ୟୁଗାଟି ମାହାପୁରୁ,

ଆମ୍ବାଆସି ତଲିଏ ମାଚେସି ନୀଏଁ ମାନେସି ଅଡେ କାଚ୍ଲେଏ ମାନେସି, ଏ ପୁରୁ ୩”

୯ ଜନ୍ତୁୟାଁ ଏଟିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣସିଇଁ ଗାଝୁରମି ସାମ୍ବୁମି ଅଡେ ଜହରା କିନେରି ୩

୧୦ ଏଟିବେଲା କଡେ ସାରି ଜାଣା ପ୍ରାତିନାଙ୍ଗା ସିଂଗାସାଣିତା କୁଗାମାନି ମାଣସିଇଁ ମେଣ୍ଡାକୁତାନା କାଚ୍ଲେଏ ନୀତାମାନି ମାଣସିଇଁ ଜହରା କିଡେରି, ଇଞ୍ଜା ସିଂଗାସାଣି ନକିତା ତାନି ଟପେରିକା ଇଟାନା ଏଲେଇଡେରି ୩

୧୧ ମା ପୁରୁ ଅଡେ ମାହାପୁରୁ ୩  
ନାନୁ ଗାଝୁରମି ସାମ୍ବୁମି ଅଡେ ବାଡ଼ୟୁ ବେଟାଆହାଲି ଜଡେ ଗାଟାଟି ୩

ଏନାଆଁତାକି ଇତିହଁ ନାନୁ ବାରେ ଗାଡ଼ିକିହା ମାଞ୍ଜି ୩  
ଅଡେ ନୀ ଅଣ୍ପୁ ତଲେ ବାରେ ଗାଡ଼ି ଆହାମାନୁ, ଅଡେ ଜୀଝୁତଲେ ନୀତାମାନୁ ୩

**୫**

ରୁପିନି ପତି ଅଡେ ମେଣ୍ଡା ତାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଝିନି କେୟୁତା ର ପୁଝଇ ପତି ମେସ୍ତେଏଁ, ଏଦି ରିକଝାକି ରାସ୍କି ଆହାମାଚେ ଇଞ୍ଜା ସାଡାଗଟା ମୁଦ୍ରା ଝେପି ଆହାମାଚେ ୩

\* ୪:୫ ୪:୫ ଝେ ବଲ୍ଲୁ ୮:୫; ୧୧:୧୯; ୧୭:୧୮; ଝେ ବଲ୍ଲୁ ୧:୪

୨ ଅଡ଼େ ନାନୁ ବାଡ଼ୟୁ ଗାତି ର ଲାକପୁରୁତି ଦୂତୁଇଁ ମେସ୍ତେସ୍, ଏଞ୍ଜାସି କାଜା ଗିୟାଁତଲେ ଏଲେଇରେସି, ଆମ୍ବାଆସି ଇ ମୁଦ୍ରା ହୁକହାନା ପତିତି ଦେଚାଲି ପାଡ଼ାଆନେସି □

୩ ସାମା ପତିତି ଦେଚାଲି, ଏମ୍ବାଆଁ ଏନାୟି ରାସ୍ତକି ଆହାମାନେ, ସିନିକିହାଲି ଲାକପୁରୁ, ଦାରତିତା ଅଡ଼େ ତାଡ଼େପୁରୁତା ଆମ୍ବାଆସି ସାସା କିଆତେସି □

୪ ଏ ପତିତି ଦେଚାଲି କି ଏଦାଆଁ ସିନିକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡ଼ାତେସ୍ □

୫ ଏମ୍ବାଟିଏ ପ୍ରାଚିନାଙ୍ଗା ବିତ୍ରାଟି ରଅସି ନାଙ୍ଗେ ସାସା ହାହାନା ଏଲେଇଞ୍ଜାତେସି, “ଡ଼ାଆନି, ସିନିକିମୁ ଜୀହୁଦା ଗତିତି ଦାଞ୍ଜୁଦ କୃତାତି ସିଃହୁଁ ଜୀଣା ଆହାମାନେସି; ଏଞ୍ଜାସି ଇ ପତିତି ସାଡ଼ାଗଟା ମୁଦ୍ରା ଦେଚାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି □”

୬ ଏବେଟିଏ ନାନୁ ସିନିକିତେସ୍ ସିଂଗାସାଣି, ଅଡ଼େ ପ୍ରାଚିନାଙ୍ଗା ମାଦିଏ ସାରିଗଟା ଜନ୍ତୁ ତଲେ ର ମେଣ୍ଡା ତାଲୁ ନିଚାମାନାଣି ମେସ୍ତେସ୍, ଏ ମେଣ୍ଡା ତାଲୁ ପାୟୁଝି ଆଡ଼ି ଲେହେଁ ତଞ୍ଜାଆହିମାଚେ, ଏଦାନାକି ସାଡ଼ାଗଟା କମ୍ବକା ଅଡ଼େ ସାଡ଼ାଗଟା କାଣିକା ମାରୁ, ଏ କାଣିକା ଦାରତିତି ବାରେଞ୍ଜାକି ପାଣ୍ଡୁଝି ଆହାମାତି ମାହାପୁରୁତି ସାଡ଼ାଗଟା ସୁଦୁଜୀସ୍ତୁୟାଁ □

୭ ମେଣ୍ଡା ତାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଞ୍ଜାଣି ଚିଃନି କେୟୁଟି ଏ ରୁପିତି ପତି ଅଡ଼େସି □

୮ ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାଚିନାଙ୍ଗା ଏ ମେଣ୍ଡା ତାଲୁ ନକିତା ମୁନୁ କୁତାହାଁ ଜହରା କିତେରି, ଏ ବାରେଜାଣା ତାକି ର ର ସେର୍ଜା ଅଡ଼େ ମାହାପୁରୁ ଲକୁ ପ୍ରାଚାନାତି ଦୁପା ଦୁପାଣି ନେଞ୍ଜାମାନି ର ବାଂଗାରା ଗିନା ମାଚେ □

୯ ଏଞ୍ଜାରି ର ପୁଃନି ପାତୁ ପାଡ଼ିମାଚେରି;

“ନାନୁ ଏ ରୁପିତି ପତି ଅହାଲି ଅଡ଼େ ଏମ୍ବାତି ମୁଦ୍ରା ଦେଚାଲି ପାଡ଼ା ଆନାତି,

ନାନୁ ପାୟିଝିଆହାମାତି, ନୀ ନେତେରିଟି ବାରେ ଗତି, ବାରେ ହାଡ଼ା, ଦେସା,

ଅଡ଼େ ବାରେ କୃତାତି ଲକୁଇଁ ମାହାପୁରୁ ତାକି କତାମାଞ୍ଜି,

୧୦ \*ନାନୁ ଏଞ୍ଜାରାଇଁ ରାଜାୟାଁ କୃତା ଅଡ଼େ ମାହାପୁରୁ ସେବା କିୟାଲି ପୂଜେରାଙ୍ଗା କିହାମାଞ୍ଜି □

ଏଞ୍ଜାରି ଦାରତିତି ସାଲୁଝି କିନେରି □”

୧୧ ଏମ୍ବାଟିଏ ନାନୁ ସିନିକିତେସ୍, ସିଂଗାସାଣି, ଜନ୍ତୁୟାଁ ଅଡ଼େ ପ୍ରାଚିନାଙ୍ଗା ସାରିସ୍ତୁ ହାରେକା ଦୂତୁୟାଁତି ହାଡ଼ା ଝେଚେସ୍, ଏଞ୍ଜି ମାଣା ମାଣା ଅଡ଼େ ଲାକେ ଲାକେ ଜାଣା ନିଚାମାରୁ □

୧୨ ଏଞ୍ଜି କାଜା ଗିୟାଁତଲେ ପାଡ଼ିମାଚୁ;

“ପାୟୁଝି ଆହାମାନି ମେଣ୍ଡା ତାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁମି, ଗାଞ୍ଜୁରମି, ଜହରା ବେଟାଆହାଲି ପାଡ଼ାଆନେସି □”

୧୩ ଅଡ଼େ ନାନୁ ଲାକପୁରୁ, ଦାରତି, ତାଡ଼େପୁରୁ ଅଡ଼େ ସାମ୍ବୁରୁତା ମାନି ବାରେ ଜୀସ୍ତୁ ଗାଟାଇ ଇଞ୍ଜା ଦାରତିତା ମାନି ବାରେ ଜୀସ୍ତୁ ଗାଟାଇ ପାରୁ ପାଡ଼ିମାନାଣି ଝେଚେସ୍ □ ଏଞ୍ଜି ପାଡ଼ିମାଚୁ;

“ସିଂଗାସାଣିତା କୁଗାମାନି ମାଣସିଇଁ ଇଞ୍ଜା ତାନି ମେଣ୍ଡା ତାଲୁଇଁ ଜହରା କିଦୁ;

ତାନି ସାମ୍ବୁମି, ଗାଞ୍ଜୁରମି ଅଡ଼େ ବାଡ଼ୟୁ କାଲ୍ଲକାଲ୍ଲତାୟି □”

୧୪ ଏବେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇରୁ, “ଆମ୍ବେନ” ଅଡ଼େ ପ୍ରାଚିନାଙ୍ଗା ମୁନୁ କୁତାହାଁ ଜହରା କିତେରି □

\* ୫:୧୦ ୫:୧୦ ଝେ ବଲ୍ଲ ୧:୬





ସାତା ଗଟା ସୀଲିୟାଁ

୧ ଅଡ଼େ ନାନୁ ମେଣ୍ଡା ତାଲୁଇଁ ସାତାଗଟା ମୁଦ୍ରା ବିତ୍ରାଟି ର ଲମ୍ବର ମୁଦ୍ରା ଦେତାଣି ମେସ୍ତେସ୍, ଅଡ଼େ ସାରିଗଟା ଜନ୍ତ ବିତ୍ରାଟି ର ଜନ୍ତ ହାଗୁ ଗୁଣ୍ଡିନି ହାଡ଼ାତଲେ ହାଟିମାଚାଣି ଝେଚେସ୍ “ଝାମ୍ବୁ!”

୨ ଏମ୍ବାଟିଏ ନାନୁ ସିନିକିତେସ୍ ଅଡ଼େ ର ଦବଲା ଗଡ଼ା ଇଞ୍ଜା ତାନି ଲାକ ହଟାମାଚାଣି କେୟୁତା ର ଆମ୍ବୁଆସାମାଚେସି, ଅଡ଼େ ଏଝାଣାକି ର ଟପେରି ହାପକିଆଡେ, ଅଡ଼େ ଏଝାସି ଜୀଣା ଆହାଁ ଜୀଣା ଆୟାଲି ହଟାହାଚେସି □

୩ ମେଣ୍ଡା ତାଲୁ ଏଟିବେଲା ରୀ ଲମ୍ବର ମୁଦ୍ରା ଦେତେସି, ଏଟିବେଲା ଅଡ଼େ ରୀ ଲମ୍ବର ଜନ୍ତ ଏଲେଇଚାଣି ଝେଚେସ୍ “ଝାମ୍ବୁ!”

୪ ଏମ୍ବାଟିଏ ଅଡ଼େ ର ଗଡ଼ା ହଟା ଝାଡେ, ଏଦି ନେତେରି ଝାଣାଗାଚାୟି; ଲକୁ ଏନିକି ତାମ୍ବୁ ତାମ୍ବୁ ପାୟୁଝି ଆଚେନରି, ଏଦାଆଁତାକି ଦାର୍ତ୍ତିଟି ହିଡ଼ଡି ହେକ କିହାଲି ତାନି ଲାକ ହଟାମାନାଣାକି ବାଡ଼ୟୁ ହାପକିଆଡେ ଅଡ଼େ ଏଝାଣାକି କାଜା କାଣ୍ଡା ହାପକିଆଡେ □

୫ ମେଣ୍ଡା ତାଲୁ ଏଟିବେଲା ତାନି ଲମ୍ବର ମୁଦ୍ରା ଦେତେସି, ଏଟିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେଚେସ୍, “ଝାହାଁ ସିନିକିମ୍ବୁ” ଏମ୍ବାଟିଏ ନାନୁ ସିନିକିତେସ୍, ମେହ୍ଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଟାମାନାଣି କେୟୁତା ର କେଜି ତୁକନାୟି ମାଚେ □

୬ ଅଡ଼େ ନାନୁ, ସାରିଗଟା ଜନ୍ତୁଟି ଗୁଡିଟି ହଡ଼ି ଲେହେଟି ର ହାଡ଼ା ଝେଚେସ୍; “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଝିଆ ଜନାୟାଁ ମେଡ଼ା ଆନୁ ସାମା ମୀରୁ ଜୀତ ମାରୁନୁଡି ନିୟୁଁ ଅଡ଼େ ଅଜୁରି ରାସା ନସ୍ତ କିଆଦୁ □”

୭ ମେଣ୍ଡା ତାଲୁ ଏଟିବେଲା ସାରି ଲମ୍ବର ମୁଦ୍ରା ଦେତେସି, ଇଞ୍ଜା ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଚାଣି ଝେଚେସ୍, “ଝାମ୍ବୁ!”

୮ ଏମ୍ବାଟିଏ ନାନୁ ସିନିକିତେସ୍ ଦାରମ୍ବୁଝାଣାଗାଟି ଗଡ଼ା, ତାନି ଲାକ ହଟାମାଚାଣି ଦରୁ ହାକି, ଏଝାଣି ଜେଟ ଜେଟ ଦାର୍ତ୍ତି ହାଜିମାଚେ, ଏଝାରାକି ଦାର୍ତ୍ତିଟି ସାରି ବାଗା ବିତ୍ରା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାଟି ଜନ୍ତ ଜୀଝେଡ଼ିକା ତଲେ ପାୟାଲି ବାଡ଼ୟୁ ହାପକିଆଡେ □

୯ ମେଣ୍ଡା ତାଲୁ ଏଟିବେଲା ପାସା ଲମ୍ବର ମୁଦ୍ରା ଦେତେସି, ଏଟିବେଲା ଆମିନି ଲକୁ ମାହାପୁରୁଡି ବଲ୍ଲୁ ତାକି ଅଡ଼େ ଏଝାରାକି ହାପକି ଆହାମାନି ସାକି ତାକି ହାହାମାଚେରି, ଏଝାରି ଜୀଝୁୟାଁ ନାନୁ ପୂଜାପିଣ୍ଡା ଡ଼ଇ ମେସ୍ତେସ୍ □

୧୦ ଏଝାରି କାଜା ଗିୟାତଲେ ହାଟିହୁଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପ୍ରବୁ, ନୀନୁ ଏଚରଦିନା ପାଚେକା ଦାର୍ତ୍ତିଟି ଲକୁଇଁ ନୀହାଁୟି କିଆନା ମାଜେ ପାୟାଲି ତାକି ଏଝାରାକି ଡ଼ଣ୍ଡୁ ହାଆନା ପିହ୍ଦି ?”

୧୧ ଏଚେଟିଏ ଏ ବାରେଜାଣା ତାକି ଦବଲା ହିମ୍ବରିକା ହାପକିଆଡେ, ଇଞ୍ଜା ଏଝାରି ତଲେଡି ତାୟିୟାଁ ସେବା କିନାରି ଏଚରଜାଣା ପାୟୁଝି ଆନି କାତା ପାୟୁଝି ଆଆପାଚେକା ଏଝାରାକି ଅଡ଼େ ଏଚରଦିନା ଜମାଲି ଝେସ୍ପିଆଡେ □

୧୨ ମେଣ୍ଡା ତାଲୁ ସ ଲମ୍ବର ମୁଦ୍ରା ଦେଟିମାଚାଟି ନାନୁ ମେସ୍ତେସ୍; ଦେବୁଣିଏ ଆଜିହ୍ଡପେଡି ବୁମି ଝାଡିତେ □ ଝେଡ଼ା କାଡ଼ିନି ଝାଣା ହିମ୍ବରି ଲେହେଁ ଆଡେ, ଅଡ଼େ ଲେଞ୍ଜୁ ନେତେରି ଝାଣା ଆଡେ □

୧୩ କାଜା ଗାଲି ଏନିକି ମାରୁନୁଇଁ ଝୀବ୍‌ହିସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟାଁ ଦାର୍ତ୍ତିତା ତରଗା ହାଚୁ □

\* ୬:୧୨ ୬:୧୨ ଝେ ବଲ୍ଲୁ ୧୧:୧୩; ୧୭:୧୮; ମାଡି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫

୧୪ ହାରୁପାକା ତଲୁ ପତି ରୁପଞ୍ଜି ଆଡ଼ି  
ଲେହେଁ ରୁପଞ୍ଜିଆହାଁ ମେଣଞ୍ଜାହାଚେ □  
ଅଡ଼େ ହରକା ଇଞ୍ଜା ସାମଦୁରି ବିତ୍ରାମାନି  
ଇଚି ଇଚି ଦେସାୟାଁ ତାମି ଚାୟୁଚି ଗୁଚା  
ଆହାହାରୁ □

୧୫ ଅଡ଼େ ଦାରତିତି ରାଜାୟାଁ, ସାଲଞ୍ଜି  
କିନାରି, ଜୁଜୁକିନି କାଜାରି, ଦନ  
ଗାଗାରି, ବାଡ଼ୁୟାଁ ଗାଗାରି, ହଲିୟାଞ୍ଜା  
ଅଡ଼େ ହଲିୟାଞ୍ଜା ଆଆତାରି ଏଞ୍ଜାରି  
ବାରେଜାଣା ପାଞ୍ଜୁତା ଇଞ୍ଜାଁ ହରକାତି  
କାଜା ଖାଲକା ପାରଡ଼ା ଡ଼ଇ ହାଜାନା  
ଡ଼ଗୁଚେରି □

୧୬ \*ଅଡ଼େ ଏଞ୍ଜାରି ହରକା ଇଞ୍ଜାଁ  
ଖାଲକାଣି ହାଡ଼ିହଁ ଏଲେଇଚେରି,  
“ମା ମୁହେଁ ତରଗାନା ସିଂଗାସାଣିତା  
କୁଗାମାନାଣି ତାଣାଟି ଅଡ଼େ ମେଣ୍ଡା ତାଲୁ  
କପାଟି ମାଞ୍ଜେ ଡ଼କୁହାମୁ □

୧୭ ଇଚିହଁ ଏଞ୍ଜାରାକି ଆଜିହ଼ପେତି  
କପାଟି ଦିନା ଏଦାତେୟିଏ, ଇଞ୍ଜାଁ  
ଏମ୍ବାଆଁ ଆମ୍ବାଆସି ନିଚାଲି ଆଡ଼ିନେସି  
?”

୨

ଇସ୍ତାୟେଲତି ୧୪୪,୦୦୦ ଲକୁ

୧ ଏଚେଟିଏ ନାନୁ ଦାରତିତି  
ସାରି କନତା ସାରିଗଟା ଦୂଡ଼ୁୟାଁଇଁ  
ନିଚାମାନାଣି ମେସ୍ତେଏଁ, ଅଡ଼େ ଦାରତିତି  
ସାରିଞ୍ଜାକିତି ଗାଲି ଆଞ୍ଜାମାନେରି,  
ଏଚେଟିଏ ଦାରତି ସାମଦୁରି ଅଡ଼େ  
ଆମିନି ମାରନ୍ନୁ ମୁହେଁ ଗାଲି ଖାଆପେଞ୍ଜା  
ଇଞ୍ଜାଁ ଗାଲିତି ଆଞ୍ଜାମାନେରି □

୨ ଅଡ଼େ ନାନୁ ର ଦୂଡ଼ୁଇଁ ଝେଡ଼ା  
ହପୁଞ୍ଜାକିତି ହଡ଼ାଞ୍ଜାତାଣି ମେସ୍ତେଏଁ,  
ଏଦାନି କେୟୁତା ଜାଞ୍ଜୁତି ମାହାପୁରୁତି  
ବୁରୁ ମୁଦ୍ରା ମାଚେ, ଏ ଦୂଡ଼ୁ ଦାରତି ଅଡ଼େ  
ସାମଦୁରି ନସ୍ତ କିହାଲିତାକି ସାରିଗଟା  
ଦୂଡ଼ୁକି ଅଦିକାରା ହାହାମାଚେ, ଏଦି  
କାଜା ଗିୟାତଲେ ହାଟାନା ଏଲେଇଚେ,

୩ “ମାମୁ ମାହାପୁରୁତି ସେବା କିନାରି  
ମୁଞ୍ଜୁତା ବୁରୁ ମୁଦ୍ରା ନାବଗାଆ ପାଚେକା  
ମୀରୁ ଦାରତି, ସାମଦୁରି, କି ମାରକାଣି  
ନସ୍ତ କିଆଦୁ □”

୪ ଏଚେଟିଏ ମୁଞ୍ଜୁତା ବୁରୁ ମୁଦ୍ରା  
ନାବଗା କଡ଼ିତାରି ୧୪୪,୦୦୦ ଲକୁ  
ମାଚେରି ଇଞ୍ଜାଁ ନାନୁ ଝେଚେଏଁ ଏଞ୍ଜାରି  
ଇସ୍ତାୟେଲତି ବାର କୂଡ଼ାତି ଲକୁ  
ମାଚେରି □

\* ଜାହୁଦା କୂଡ଼ାତି ବାର ମାଣା ଲକୁଇଁ  
ବୁରୁ ମୁଦ୍ରା କିହାମାନେସି, ରୁବେନ୍  
କୂଡ଼ାତି ବାର ମାଣା, ଗାଦ୍ କୂଡ଼ାତି ବାର  
ମାଣା,

୨ ଆସେର୍ କୂଡ଼ାତି ବାର ମାଣା,  
ନପ୍ରାଲି କୂଡ଼ାତି ବାର ମାଣା, ମନସି  
କୂଡ଼ାତି ବାର ମାଣା,

୩ ସିମିୟନ କୂଡ଼ାତି ବାର ମାଣା,  
ଲେବି କୂଡ଼ାତି ବାର ମାଣା, ଇସାକାର  
କୂଡ଼ାତି ବାର ମାଣା,

୪ ସୁରୁଲୁନ୍ କୂଡ଼ାତି ବାର ମାଣା,  
ଜସେପ କୂଡ଼ାତି ବାର ମାଣା, ବିନ୍ୟାମିନ୍  
କୂଡ଼ାତି ବାର ମାଣା ଲକୁଇଁ ବୁରୁ ମୁଦ୍ରା  
କିହାମାନେସି □

ଗାତି ମାନ୍ଦା ଲକୁ

୯ ଏଚେଟିଏ ନାନୁ ସିନିକିତେଏଁ  
ମେହ୍ଦୁ ବାରେ ଜାଡ଼ି, ବାରେ  
କୂଡ଼ା, ବାରେ ଦେସା, ବାରେ ହାଡ଼ା,  
ଏଜିକିହାଲି ଆଡ଼ାଆଗାଟି ର ମାନ୍ଦା  
ଲକୁ ଅଜିତି ଦବଲା ହିମ୍ବରିକା ହୁଚାନା  
କାଜୁରି ମାଟାୟାଁ କେୟୁତା ଆସାନା  
ସିଂଗାସାଣି ଅଡ଼େ ମେଣ୍ଡା ତାଲୁ ନକିତା  
ନିଚାମାନେରି □

୧୦ ଏଞ୍ଜାରି କାଜା ଗିୟାତଲେ  
ଏଲେଇଚେରି, “ଖାରୁଇ ସିଂଗାସାଣିତା  
କୁଗାମାନି ମାହାପୁରୁ ଅଡ଼େ ମେଣ୍ଡା ତାଲୁ  
ମାଞ୍ଜେ ଗେଲ୍ପାନାସି □”

୧୧ ସିଂଗାସାଣି, ପ୍ରାଚିନାଞ୍ଜା ଅଡ଼େ  
ବାରେ ସାରିଗଟା ଜନ୍ତ ସାରିସୁରୁ  
ଲାକପୁରୁତି ଦୂଡ଼ୁୟାଁ ନିଚାମାନେରି,  
ଅଡ଼େ ସିଂଗାସାଣି ନକିତା ମୁନ୍ନୁ କୁତାନା  
ମାହାପୁରୁଇଁ ଜହରା କିହାନା,

୧୨ ଏଲେଇଚେରି, “ଆମେନ୍  
ନେହାୟି, ଗାଞ୍ଜୁରମି, ବୁଦି, ଜହରା,  
ସାମ୍ପାମି, ଅଦିକାରା ଅଡ଼େ ବାଡ଼ୁୟାଁ,

କାଳାକାଳା ତାକି ମା ମାହାପୁରୁଖାୟି!  
ଆମେନ □”

୧୩ ଅଡ଼େ ପ୍ରାତିନାଜ୍ଞା ବିଦ୍ରାଠି ରଅସି  
ନାଜେ ଝେଞ୍ଜାତେସି, “ଦବଲା ହିମ୍ବରକା  
ହୁଟାମାନି ଇ ଲକୁ ଆମ୍ବାଆରି ? ଅଡ଼େ  
ଏଞ୍ଜାରି ଏମ୍ବିଟି ଖାହାମାନେରି ?”

୧୪ \*ନାନୁ ଏଞ୍ଜାଣାଇ ଏଲେଇଚେଏ,  
“ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି”  
ଏମ୍ବାଟିଏ ଏଞ୍ଜାସି ଏଲେଇଞ୍ଜାତେସି,  
“ଇଞ୍ଜାରି ଆଜିହପେତି ସାସ୍ତି ଅରହାନା  
ହଟା ଖାହାମାନେରି, ଇଞ୍ଜା ମେଣ୍ଡା  
ଡାଲୁତି ନେତେରି ତଲେ ଏଞ୍ଜାରି ତାନି  
ହିମ୍ବରକା ରାଟାନା ଦବଲା କିହାମାନେରି  
□

୧୫ ଏଦାଆଁତାକି ଏଞ୍ଜାରି ମାହାପୁରୁ  
ଇଲୁତି ସିଂଗାସାଣି ନକିତା ନିଚାନା ଲାଆଁ  
ମାଦେନା ଏଞ୍ଜାଣି ଜହରା କିନେରି, ଇଞ୍ଜା  
ସିଂଗାସାଣିତା କୁଗାମାନସି ଏଞ୍ଜାରାକି  
ବାସାଟାମୁ ହାନେସି □

୧୬ ଏଞ୍ଜାରାକି ଏଚେଲାଞ୍ଜା ହାକି କି  
ଏସକି ଆଏ; ଇଞ୍ଜା କାରା କି ଏନି  
ଝେହନାୟି ତୀଗାଲି ଆଡେଏ □

୧୭ ଇତିହ ସିଂଗାସାଣି ମାଦିତି  
ମେଣ୍ଡା ତାଲୁ ଏଞ୍ଜାରି ମେଣ୍ଡା ଗଡ଼ୁ  
ଆନେସି □ ଅଡ଼େ ଜୀଞ୍ଜୁହାନି ଏମୁ  
ହଟିମାନି ତାଣା ଏଞ୍ଜାରାଇ ତାକିକିହା  
ଅନେସି, ଅଡ଼େ ମାହାପୁରୁ ଏଞ୍ଜାରି  
କାନୁତି ବାରେ କାଣ୍ଡୁ କେଜାତୁହନେସି  
□”

୮

ସାଡ଼ା ଲମ୍ବର ସୀଲି

୧ ମେଣ୍ଡା ତାଲୁ ଏଚିବେଲା ସାଡ଼ା  
ଲମ୍ବର ମୁଦ୍ରା ଦେତି ଦେବୁଣିଏ ଲାକପୁରୁ  
ଆଦା ଗଂଟା ପାତେକା ସାପିଆଡେ □

୨ ଏମ୍ବାଟିଏ ନାନୁ ମାହାପୁରୁ ନକିତା  
ନିଚାମାନି ସାଡ଼ା ଜାଣା ଦୁଡୁୟାଁଇଁ  
ମେସ୍ତେଏଁ, ଏଞ୍ଜାରାକି ସାଡ଼ାଗଟା ତୀତ୍ରି  
ମହୁରି ହାପକି ଆଡୁ □

୩ ଏମ୍ବାଟିଏ ଅଡ଼େ ର ଦୁଡୁ ଖାହାଁ  
ପିଣ୍ଡା ନକିତା ନିତେସି, ଏଞ୍ଜାଣି କେୟୁତା  
ବାଂଗାରା ଦୁପ୍ପଣି ସାଡ଼ଞ୍ଜା ମାଚେ, ଅଡ଼େ

ସିଂଗାସାଣି ନକିତି ବାଂଗାରା ପୂଜାପିଣ୍ଡା  
ଲାକ ବାରେ ମାହାପୁରୁ ଲକୁତି ପ୍ରାଡାନା  
ତଲେ ହେରପାଲି ତାକି ହାରେକା  
ଦୁପ୍ପଣି ହାପକିଆଡେ □

୪ ଏମ୍ବାଟିଏ ଲାକପୁରୁ ଦୁଡୁ କେୟୁତି  
ଦୁପ୍ପଣି ବୟଁ ମାହାପୁରୁ ଲକୁତି  
ପ୍ରାଡାନା ତଲେ ଆଣ୍ଡାନା ମାହାପୁରୁ  
ନକିତା ଏଗାତେ □

୫ ତାମୁ ଏ ଦୁଡୁ ଦୁପ୍ପଣି ସାଡ଼ଞ୍ଜାତା  
ପୂଜା ପିଣ୍ଡାତି ହିଚୁତଲେ ନେଞ୍ଜିକିହାନା  
ଦାରତି ଲାକ ଡାଞ୍ଜିତେସି, ଏମ୍ବାଟି ହାଗୁ  
ଗୁଣ୍ଡାତେ ବିଜା ରିନିହାଡ଼ା ଝେଞ୍ଜାତେ  
ଇଞ୍ଜା ବୁନି ଖୀଡିତେ □

ତୀତ୍ରି ଉକିନାୟି

୬ ଏଚିବେଲା ସାଡ଼ା ଜାଣା ତୀତ୍ରି  
ଆସାମାନି ଦୁଡୁୟାଁ ସାଡ଼ା ଜାଣା ତୀତ୍ରି  
ଉକାଲି ତିୟାରା ଆଡେରି □

୭ ର ଲମ୍ବର ଦୁଡୁ ତାନି ତୀତ୍ରି  
ଉକିତେସି ଏଚେଟିଏ ନେତେରି ତଲେ  
ଆଜିୟାଁ ଅଡ଼େ ହିଚୁ ଆଣ୍ଡିଆହାଁ ଦାରତି  
ଲାକ ରିଚୁ, ଇଞ୍ଜା ବାରେ ମାରୁନୁ ମାଡ଼ା,  
ହିଇଲି ଜାଡ଼ା ତଲେ ଦାରତିତି ତାନି  
ବାଗାଟି ର ବାଗା ବାରେ ଝେହା ହାଚେ  
□

୮ ଏଚେଟିଏ ରୀ ଲମ୍ବର ଦୁଡୁ ତାନି  
ତୀତ୍ରି ଉକିନି ଦେବୁଣିଏ ତୀଞ୍ଜିମାନି ର  
କାଜା ହରୁ ଲେହେଁତାୟି ସାମଦୁରି ଲାକ  
ରୀତେ ଇଞ୍ଜା ସାମଦୁରିତି ଏମୁ ତାନି  
ବାଗାଟି ର ବାଗା ନେତେରି ଆହାହାଚୁ  
□

୯ ସାମଦୁରିତା ମାନି ତାନି ବାଗାଟି  
ର ବାଗା ଜୀଞ୍ଜୁ ଗାଟାଇ ହାହାହାଚୁ,  
ଅଡ଼େ ସାମଦୁରିତା ମାନି ଜାଜାୟାଁ ତାନି  
ବାଗାଟି ର ବାଗା ଜାଜାୟାଁ ବିଡ଼ହାହାଚୁ  
□

୧୦ ତାନି ଲମ୍ବର ଦୁଡୁ ତୀତ୍ରି  
ଉକିତେସି, ଇଞ୍ଜା ଦେବୁଣିଏ ହିଚୁ  
ବନ୍ଦାଲେହେଁ ତୀଞ୍ଜିମାନି ର କାଜା ହୁକା  
ହାଗୁଟି ତାନି ବାଗା କାଡ଼ା ଅଡ଼େ ଉସାଣାଁ  
ରୀତେ □

\* ୭:୧୪ ୭:୧୪ ମାତି ୨୪:୨୧; ମାର୍କ ୧୩:୧୯

୧୧ ଏ ହୁକାତି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆତୁ, ଇଞ୍ଜା ହାରେକା ଲକୁ ଏୟୁ ଗସାନା ହାଚେତରି, ଇଚିହ୍ ଏଝି କାମ୍ବେଲି କିଝି ଆହାମାତୁ □

୧୨ ସାରି ଲମ୍ବର ଦୂତୁ ତୀତ୍ରି ଉକିତେସି ଇଞ୍ଜା ଝେଡ଼ା, ଲେଞ୍ଜୁ, ହୁକାୟାତି ବାରେ ତାନି ବାଗାଟି ର ବାଗା ନସ୍ତୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡ଼ି ଉଣା ଆଡେ, ଇଞ୍ଜା ଲାଆୟା ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡେ □

୧୩ ତାୟୁ ନାନୁ ମେସ୍ତେଏ, ହାଗୁତି ମାଦି ଉନ୍ଦିମାନି ର, ଲେଡ଼ କାଜା ହାଡ଼ାତଲେ ଏଲେଇଞ୍ଜିମାଟାଣି ଝେଚେଏ, “ଆହା! ଦାରତିତା ବାସା ଆହାମାନି ଲକୁ ଆଜିହପେତି ତଣ୍ଡ ବେଟାଆନାରି, ଇଚିହ୍ ଅଡେ ତାନି ଜାଣା ଦୂତୁୟା ତୀତ୍ରି ଉକାଲି ହାଜିମାନେରି □”

୯

୧ ଏଚେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁତି ଦାରତିତା ରିତାଣି ମେସ୍ତେଏ, ଏଝାଣାକି ତାଡେପୁରୁତି କୁଟିକାଡ଼ି ହାପକି ଆହାମାତେ □

୨ ଏଝାସି ଏ ତାଡେପୁରୁ ଗାଡ଼ୟୁ ଦେଗାଲିଏ ଏମ୍ବାଟି କାଜା ହଲୁତା ହନିଲେହେ ବୟ୍ ହଟାଝାଡେ, ଇଞ୍ଜା ଏ ହିରୁ ଗାଡ଼ୟୁତି ବୟ୍ ତାକି ଝେଡ଼ା ଇଞ୍ଜା ହାଗୁ ଆନ୍ଦେରି ଆଡେ □

୩ ଏ ବୟ୍ଟି ଗପ୍‌ଏରିକା ହଟାନା ଦାରତିତା ଝାଡୁ, ଏଝାସିକାକି ଦାରତିତି କାଚାକୁପିତା ମାନି ବାସାତି ବାଡ଼ୟୁ ହାପକିଆଡେ □

୪ ଏଝି ଦାରତିତି ମାରକା ଗଚା ଜାଡ଼ାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁରୁ ମୁଦ୍ରା ହିଲାଆଡେ ଏଝାରାଇଁ କସ୍ତ ହାହାଲି ଏଲେଇଣ୍ଡି ଆଡେ □

୫ ଏଝାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତ ହାହାଲି ଗପ୍‌ଏରିକାକି

ଅଦିକାରା ହାପକିଆଡେ, କାଚାକୁପି କାଚିତେ ଇଚିସାରେ ଏନିକ ବାସା ଆନ୍ଦେ ଏ କସ୍ତ ଏଲେତାୟି □

୬ ଏଚିବେଲା ଲକୁ ହାହାଲି ଅଣ୍ଡପିନେରି ସାମା ହାଅରି, ଏଝାରି ହାହାଲି ଅଣ୍ଡପିନେରି, ସାମା ହାକି ଏଝାରି ତାଣାଟି ହଟାଡୁହ୍‌ନେ □

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟା ଲେହେ ତଞ୍ଜାଆହିମାତୁ, ଏଝାସିକା ତାକାଣା ବାଂଗାରା ଚପେରି ଲେହେ ପିଡ଼ଗି ଆହାମାତେ, ଏଝାସିକା ମୁମ୍ବୁ ମୁାଣ୍ଡିସି ମୁମ୍ବୁ ଲେହେ ମାତେ □

୮ ଇୟାସିକା ତାୟୁ ବାଣାୟା ଲେହେ ଏଝାସିକା ବାଣାୟା, ସିହ୍ କୁଞ୍ଜନିତି ପାଲକା ଲେହେତି ତାମି ପାଲକା ମାତୁ □

୯ ତାମି ବକତା ଲହ ପାଟା ଲେହେତି ପାଟା, ତାମି ମାରାୟା ଝାଡ଼ିମାନି ହାଡ଼ା ଜୁଜୁ ତାକି ଗଡ଼ାୟା ରାତାୟାଣି ରେଜା ଅହିମାନି ଲେହେତି ହାଡ଼ା □

୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୂଜା ଲେହେ ଏଝାସିକାକି ଲେଂଗୁଣି ଅଡେ ବାସା ସୂଜା ମାତେ, ପାସା ଲେଞ୍ଜୁ ତାକି ମାଣ୍ଡସିୟାୟା ସାସ୍ତି ହିୟାଲି ଏଝାସିକା ଲେଂଗୁଣିକାଣା ବାଡ଼ୟୁ ବେଟାଆହାମାତୁ □

୧୧ ଏଝାସିକା ମୁହେ ର ରାଜା ସାଲଝି କିହିମାନେସି, ଏଝାସି ତାଡେପୁରୁ ଗାଡ଼ୟୁତି ଦୂତୁ, ଏଦାନି ଦରୁ ଏବ୍ରି ହାଡ଼ାତଲେ ଆବାଦନ୍ ଅଡେ ଗ୍ରିକ୍ ହାଡ଼ାତଲେ ଅପଲିୟନ୍ ଇଚିସାରେ “ନାସା କିନାଇ □”

୧୨ ତଲିତି ଆଜିହପେତି ତଣ୍ଡ ଉଣା ଆଡେ ଅଡେ ଜଡେକା ଆଜିହପେତି ତଣ୍ଡୟା ଝାହିମାନୁ □

୧୩ ସ ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମ୍‌କା ବିଡ୍ରାତି ର ହାଡ଼ା ଝେଚେଏ □

୧୪ ଏଝାସି ତୀତ୍ରି ଆସାମାନି ସ ଲମ୍ବର ଦୂତୁଇଁ ଏଲେଇଚେସି, “ପରାଡ଼ କାଜା

କାତାତା ଦସ୍‌ପି ଆହାମାନି ସାରି ଜାଣା  
ଦୂତୁୟାଁଇଁ ପିସ୍‌ପି କିମ୍ପୁ □

୧୫ ଏମ୍ପାଟିଏ ମାଣ୍ଡସିୟାଁଇଁ ତାନି  
ବାଗାଟି ର ବାଗା ଲକ୍‌କୁଇଁ ପାୟାଲି ତାକି  
ତିୟାରା ଆହାମାନି ଆମିନି ସାରି ଜାଣା  
ଦୂତୁୟାଁଇଁ ଏ ଦିନା, ଲେଞ୍ଜୁ, ଅଡେ  
ବାର୍ଯା କିଝି ଆହାମାତେ ଏଝାରାଇଁ ପିସ୍‌ପି  
କିଝିଆତେ □

୧୬ ଗଡ଼ାୟାଁ ଲାକ କୁଗାନା ଜୁଜୁ  
କିନାରି ରା କଟି ମାଚେରି ନାନୁ  
ଝେଚେର୍‌ଏଁ □

୧୭ ଅଡେ ନାନୁ ଗଡ଼ା ଇଞ୍ଜା ଏମ୍ପାଆଁ  
ହଚାମାନାରାଇଁ ମେସ୍‌ସେର୍‌ଏଁ, ଏଝାରି ବକ  
ପାଟା ହିରୁ ଅଡେ ନାଲି, ହୀଢେରି  
ଝାଣା; ଗଡ଼ାୟାଁତି ତାର୍‌କା ସିହ୍‌କ୍‌ଟାଠନି  
ତାର୍‌କା ଲେହେଁ, ଇଞ୍ଜା ଏଝାସିକା ଗୁତିଟି  
ହିରୁ, ବୟ୍‌, ଅଡେ ଗାନ୍ଦାଗୁଣ୍ଡା  
ହଚିମାତେ □

୧୮ ଏଝାସିକା ଗୁତିଟି ହିରୁ, ବୟ୍‌,  
ଅଡେ ଗାନ୍ଦାଗୁଣ୍ଡା ଲେହେଁ ଇ ତାନିଗଟା  
ଡଣ୍ଡାୟାଁ ହିରୁ, ଇ ଡଣ୍ଡାୟାଁଟି ମାଣ୍ଡସିୟାଁ  
ତାନି ବାଗାଟି ର ବାଗା ପାୟାଝି ଆଡେରି  
□

୧୯ ଏନାଆଁତାକି ଇଚିହ୍‌ ଗଡ଼ାୟାଁତି  
ବାଡ଼ୁୟାଁ ତାନି ଗୁତି ଅଡେ ଲେଂଗୁଣିତା  
ମାଚେ, ଇଚିହ୍‌ ଏଝାସିକା ଲେଂଗୁଣିକା  
ତାୟ୍‌ ଗାଟି ରାତୁ ଲେହେଁ ମାତାକି  
ତାନି ଲେଂଗୁଣିକା ତଲେ ଲକ୍‌କୁଣି ନସ୍ତ  
କିହିମାତୁ □

୨୦ ଆମିନି ଲକ୍‌କୁ ଇ କସ୍‌ତଲେ  
ପାୟାଝି ଆହା ହିଲାଆତେରି, ଏଝାରି  
ତାନି କେୟୁତଲେ କିତି କାମାତାକି ମନ  
ଝେଚ୍‌ପି କିଆତେରି, ଇଚିହ୍‌ ଦୂତୁୟାଁଣି  
ପୂଜା, ଅଡେ ମେସାଲି, ଝେଞ୍ଜାଲି,  
ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି,  
ପିତାଡ଼ା, ଝାଲ୍‌କା ଅଡେ ମାରୁକା ତଲେ  
କେପିତି ପେଣ୍‌କା ବମାୟାଁଣି ପୂଜା  
କିହାଲି ପିହିଆତେରି □

୨୧ ଅଡେ ଏଝାରି ଲକ୍‌କୁଣି ପାୟାନ୍ଦାୟି,  
ଗୁଣି ଗାରଡ଼ି, ଦାରିକାମା, ଅଡେ ସରୁ  
କାମା କିନିତାଣାଟି ମନ ଝେଚ୍‌ଆତେରି  
□

# ୧୦

ଲାକପୁରୁତି ଦୂତୁ ଅଡେ ରୂପିତି  
ଢ଼ଣା ପତି

୧ ଏଚେଟିଏ ନାନୁ ର ବାଡ଼ୁୟାଁଗାଟି  
ଦୂତୁଇଁ ଲାକପୁରୁତି ରେଚା ଝାହିମାଚାଣି  
ମେସ୍‌ସେର୍‌ଏଁ, ଏଝାଣି ସାରିସୁଟୁ ଦୂହା  
ଇଞ୍ଜା ତାନି ତାୟ୍‌ ଲାକ ଦାରଣକି  
ଅଡେ ତାନି ମୂମ୍ପୁ ଝେଡ଼ା ଲେହେଁ  
ଅଡେ ତାନି କଡ଼ାୟାଁ ହିରୁ ମୁଣ୍ଡାଲେହେଁ  
ଡଞ୍ଜାଆହିମାତୁ;

୨ ତାନି କେୟୁତା ଦେପି ଆହାମାନି ର  
ଢ଼ଣା ତଲୁ ପତି, ଏଝାସି ତାନି ଟିଠନି  
କଡ଼ା ସାମ୍‌ଦୁରିତା ଅଡେ ଚେଟ୍‌ଟି କଡ଼ା  
ଦାରତିତା ଇଟାମାଚେସି;

୩ ସିହ୍‌କ୍‌ଟାଠନି ଗାନ୍‌ ନିଲେହେଁ  
କାଜା ହାଡ଼ାତଲେ ହାଟିତେସି, ଏଝାସି  
ହାଟାଲିଏ ଏଲେକିହ୍‌ ଏ ସାଡ଼ାଗଟା  
ହାଗୁ ଗୁଣ୍ଡନାଇ ତାନି ହାଡ଼ା ଝେଞ୍ଜି କିତୁ  
□

୪ ଏ ସାଡ଼ାଗଟା ହାଗୁ ଗୁଣ୍ଡନାଇ  
ଝେସାଲିଏ ନାନୁ ରାଚିଇଁ ଇଞ୍ଜି  
ତିୟାରା ଆଡେର୍‌ଏଁ, ଏଚେଟିଏ ନା ତାକି  
ହାଗୁଟି ଇ ହାଡ଼ା ଝେଚେର୍‌ଏଁ, “ଏ  
ସାଡ଼ାଗଟା ହାଗୁ ଗୁଣ୍ଡନିତାଣାଟି ଏନାଆଁ  
ଝେଞ୍ଜାମାଞ୍ଜି ଏନାଆଁ ରାଚାଆନା ଡ଼କୁହା  
ଇଟାମୁ □”

୫ ଏଚେଟିଏ ଆମିନି ଦୂତୁଇଁ ସାମ୍‌ଦୁରି  
ଅଡେ ଦାରତି ଲାକ ନିଚାମାଚାଣି ନାନୁ  
ମେସାମାଚେର୍‌ଏଁ, ଏଝାସି ତାନି ଟିଠନି  
କେୟୁ ଲାକପୁରୁ ଝାକି ଦାସାନା

୬ ଆମ୍ପାଆସି ଲାକପୁରୁ, ଦାରତି,  
ସାମ୍‌ଦୁରି, ଅଡେ ଏମ୍ପାଆଁ ମାନାଣି  
ବାରେ ଗାଡ଼ି କିହାମାନେସି, ଏ କାଲେଏ  
ତାକି ନୀତାମାନାଣି ଦରୁଟି ପାର୍‌ମାଣା  
କିହାନା ଏଲେଇଚେସି, “ଅଡେ ଝେଡ଼ା  
ଆଏଦେଁ”

୭ ଏଚିଚେଲାତା ସାଡ଼ା ଲମ୍ବର  
ଦୂତୁ ତୀଡ଼ି ଢ଼କିନେସି, ମାହାପୁରୁ  
ଅଣ୍‌ପୁତି ବଲ୍ଲୁ ଝେକ୍‌ନାରି ଅଡେ  
ତାନି ସେବା କିନାରାଇଁ ନେହ୍‌ କାତୁ  
ଝେସାମାଚେସି, ଏଚିଚେଲା ମାହାପୁରୁ  
ତାନି ଡ଼ଗୁାମାନି ଅଣ୍‌ପୁ ପୁରା କିନେସି □

୮ ଇଞ୍ଜା ନାନୁ ଲାକପୁରୁତି ଆମିନି ହାଡ଼ା ଝେଞ୍ଜା ମାଚେଏଁ, ଅଡ଼େ ଝେଣ୍ଣେ ନା ତାକି ଏଲେଇଞ୍ଜି ଝେଞ୍ଜିତେ, “ହାଲାମ୍, ସାମ୍‌ଦୁରି ଅଡ଼େ ଦାରତି ଲାକ ନିଚାମାନି ଦୁତୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମ୍”

୯ ଏଚେଟିଏ ନାନୁ ଏ ଦୁତୁ ଡାଗେ ହାଜାହାଁ ଏ ଉଣା ତଲୁ ପତିତି ରୀସ୍ତେଏଁ, ଏଝାସି ନାଞ୍ଜେ ଏଲେଇଞ୍ଜାତେସି, “ଇଦାଆଁ ଅହାଁ ତିନାମ୍; ଇଦି ନୀ ବାଣ୍ଡିତି କାମ୍‌ମେଲି କିୟାନେ ସାମା ନୀ ଗୁତି ତାକି କିରୟାଁ ଲେହେଁ ଆନେ □”

୧୦ ଏଚେଟିଏ ନାନୁ ଦୁତୁ କେୟୁତି ଏ ଉଣା ତଲୁ ପତି ଅହାଁ ତିଚେଏଁ, ଏଦି ନା ଗୁତି ତାକି କିରୟାଁ ଲେହେଁ ଆଡେ, ସାମା ଏଦାଆଁ ତିତି ତାୟୁ ନା ବାଣ୍ଡି କାମ୍‌ମେଲି ଆହାହାଚେ □

୧୧ ଏଚେଟିଏ ନାଞ୍ଜେ ଏଲେଇଞ୍ଜି ଝେସ୍ତାତେସି ହାଚେରକା ଗରି, କୁଡ଼ା, ହାଡ଼ା ଗାଟାରି ଅଡ଼େ ରାଜାୟାଁ କପାତି ତାୟୁ ଏନାୟି ଗଟଝି ଆନେ ଏଦାଆଁ ନାନୁ ଅଡ଼େ ଝେଣ୍ଣେ ଝେହ୍‌ନାୟି ମାନେ □

## ୧୧

ରିଆରି ସାକି ହାନାରି

୧ ଏଚେଟିଏ ନାଞ୍ଜେ ଲାଡ଼ିନି ଲେହେଁତି ର ବାଡ଼ଗା ହାପକିଆଡେ, ରଅସି ନାଞ୍ଜେ ଏଲେଇଞ୍ଜାତେସି, “ହାଲାମ୍, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଚାମ୍ ଅଡ଼େ ଆମ୍‌ଆରି ଏମ୍‌ଆଁ ପ୍ରାଡାନା କିନେରି ଏଝାରାଇଁ ଏଜିକିମ୍ □

୨ \*ସାମା ଦେଝୁଡ଼ି ପାଞ୍ଜାତି ଆଂଗେଣିତି ପିହ୍‌ମ୍ ଏଦାଆଁ ଲାଚାଆନି, ଇତିହଁ ଏଦି ଜୀହୁଦିଆଆତାରାକି ହାପକି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାଚେକା ମାହାପୁରୁ ସୁଦୁ ଗାଡ଼ାତି କଡାତଲେ ଝିସାନା ଦୁଡ଼ି କିନେରି □

୩ ଅଡ଼େ ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧,୨୭୦ ଦିନା ପାଚେକା ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନେରି □”

୪ ଏଝାରି ଦାରତିତି ପ୍ରବୁତି ନକିତା ନିଚାମାନି ରୀ ଜୀତ ମାରକା ଅଡ଼େ ରୀ ଦୀଝଁ ସଡ଼ାୟାଁ ଲେହେଁତାରି □

୫ ଆମ୍‌ଆସି ଏଝାରାଇଁ ନସ୍ତ କିହାଲି ଅଣ୍‌ପିନେସି, ଆତିହଁ ଏଝାରି ଗୁତିତି ହିରୁ ହଚାହାଁ ଏଝାରି ସାଡ଼ୁୟାଁଇଁ ନାସାକିନେ, ଆମ୍‌ଆସି ଏଝାରାଇଁ ନସ୍ତ କିହାଲି ଅଣ୍‌ପିତିହଁ, ଏଝାସି ନାସା ଆନେସି □

୬ ଏଝାରି ମାହାପୁରୁ ବଲ୍ଲୁ ଝେକ୍‌ନାତି ଏନିକଁ ପିୟୁ ଆଏ ଏଦାଆଁତାକି ହାଗୁତି ସୁଣ୍ଡାଲି ଅଦିକାରା ହାପକି ଆହାମାନେ, ଏଚର ଦେବା ଏଝାରି ମନ ଆନେ ଏଚର ଦେବା ଏଝାରି ଏୟୁଣି ନେତେରି ମ୍‌ପହାଲି ଅଡ଼େ ଦାରତିତି ଏନି ଇତି ଏଲେତି ମରଡ଼ି ତଲେ ତଣ୍ଡ ହୀହାଲି ଏଝାରାକି ଅଦିକାରା ମାନେ □

୭ \*ଏଝାରି ସାକି ହୀହାଲି ରାଡ଼ି ତାୟୁ ତାଡ଼େପୁରୁ ଗାଡ଼ୁୟୁତି ର ଜନ୍ତ ହଚାଝାହାନା, ଏଝାରିତଲେ ଜୁଜୁ କିନେ □

୮ ଏମ୍‌ଆତି ଏମିନି କାଜା ଗାଡ଼ା ସୁଦୁଜୀଝୁ ତଲେ ସଦମ ଅଡ଼େ ମିସର ଇଞ୍ଜି ଇନେରି, ଏମିନିତାଣା ତାମି ପ୍ରବୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି ଆଂଗେଣିତା ଏଝାରି ମାଡ଼ହାୟାଁ ଡ଼ୟିନ୍ତୁ □

୯ ଅଡ଼େ ବାରେ ଦେସା ଗରି, ହାଡ଼ା, ଇଞ୍ଜା କୁଲୁତି ଲକୁ ତାନିଦିନା ଆଦା ପାଚେକା ଏଝାରି ମାଡ଼ହାୟାଁଇଁ ମେହ୍‌ନେରି ଅଡ଼େ ଏ ମାଡ଼ହାୟାଁଇଁ ମୁସାଲି ହେଲ ହୀଅରି □

୧୦ ଏଚେଟିଏ ଦାରତିତା ବାସା ଆହାମାନାରି ଏଝାରି ହାଡ଼ି କାବୁ ଝେଞ୍ଜାନା ତିଞ୍ଜି ଉଣ୍ଡିହଁ ରାହାଁ କିନେରି, ଅଡ଼େ ରଅସି ରଅଣାକି ରାହାଁତଲେ ବେରୁ ହାପକି ଆନେରି, ଇତିହଁ ଇ

ରୀ ମାହାପୁରୁ ଅଣପୁତ୍ର ବଲ୍ଲ ଝେହନାରି  
ଦାରତିତି ଲକ୍ଷ୍ମଣି କସ୍ତ୍ର ହୀହିମାଚେରି □

୧୧ ତାନିଦିନା ଆଦା ତାୟୁ ମାହାପୁରୁ  
ତାଣାଟି ଜୀଝୁତି ଗାଲି ଝାହ୍ନାଁ ଏଝାରି  
ଆଙ୍ଗାତା ହଚେ, ଏଚେଟିଏ ଏଝାରି  
କତାଣି ବାଡ଼ୟୁ କିହାନା ନିଚେରି, ଅଡ଼େ  
ଆମ୍ବାଆରି ଈ କାମାତି ମେସ୍ତେରି ଏଝାରି  
ଆଜାହାଚେରି □

୧୨ ଏଚେଟିଏ ଏଝାରି ଲାକପୁରୁଟି  
ର. କାଜା ହାଡ଼ାତଲେ ଏ ରିଆରାକି  
ଏଲେ ଇଞ୍ଜିମାଚାଣି ଝେଚେରି, “ଇମ୍ବାଆଁ  
ଝାଦୁ” ଏଚେଟିଏ ଏଝାରି ତାମି ସାତୁୟାଁ  
ଏଝାରାଈଁ ମେସ୍ତପନିଏ ଦୂୟା ତଲେ  
ଲାକପୁରୁ ହାଚେରି □

୧୩ ☆ଏ ଦେବୁଣିଏ ବୁମି ହାରେକା  
ଝୀଡ଼ିତେ ଅଡ଼େ ଗାଡ଼ାତି ଦସ ବାଗାଟି  
ର. ବାଗା ନାସା ଆଡ଼େ, ଅଡ଼େ ୭,୦୦୦  
ଲକ୍ଷ୍ମ ହାଡ଼େରି, ଇଞ୍ଜାଁ ଏଚେକା ଲକ୍ଷ୍ମ  
ନୀତାମାଚେରି ଆଜିତାକି ଲାକପୁରୁଟି  
ମାହାପୁରୁଈଁ ଗାଝୁରମି କିଚେରି □

୧୪ ରୀ ଲମ୍ବର ଆଜିହପେତି ତଣ୍ଡ  
ରାଡ଼େ, ସାମା ତାନି ଲମ୍ବର ଆଜିହପେତି  
ତଣ୍ଡ ତବେ ଝାହିମାନେ □

ସାତା ଲମ୍ବର ତୀତ୍ରି ମହୁରି

୧୫ ତାୟୁ ସାତା ଲମ୍ବର ଦୂତୁ ତୀତ୍ରି  
ଉକିଚେସି ଇଞ୍ଜାଁ ଲାକପୁରୁ କାଜା  
ହାଡ଼ାତଲେ ଈ ହାଡ଼ା ଝେଈଚେ,  
“ମା ପ୍ରବୁ ଅଡ଼େ ଏଝାଣି ମସିହା  
ଦାରତିତି ସାଲୁଝି କିନି ଅଦିକାରା ନୀଏଁ  
ତାନି କେୟୁତା ଅହାମାନେସି, ଏଝାସି  
କାଲେଏ ତାକି ରାଜି କିନେସି □”

୧୬ ଏଚେଟିଏ ମାହାପୁରୁ ନକିତା ଜାହା  
ଜାହାରା ସିଂଗାସାଣିତା କୁଗାମାନି କଡ଼େ  
ସାରି ଜାଣା ପ୍ରାତିନାଙ୍ଗା ମୁନୁ କୁତାହାଁ  
ମାହାପୁରୁଈଁ ଜହରା କିହାଁ,

୧୭ ଏଲେଇଚେରି,  
“ପ୍ରବୁ, ବାରେକିହାଁ ବାଡ଼ୟୁଗାଟି  
ମାହାପୁରୁ, ନୀନୁ ନୀଏଁ ଅଡ଼େ  
ତଲିତାତି,

ମାମ୍ବୁ ନିଙ୍ଗେ ଜହରା କିହିମାଞ୍ଜାନମି;

ଏନାଆଁତାକି ଇଚିହଁ ନୀନୁ ନୀ  
କାଜା ବାଡ଼ୟୁ ତଲେ ସାଲୁଝି  
କିୟାଲି ଅଦିକାରା ନୀଞ୍ଜୁଟିଏ  
ଅହାମାଞ୍ଜି □

୧୮ ଜୀହୁଦିଆଆତାରି କାର୍ବି  
ଆହାମାଚେରି,  
ସାମା ନୀଏଁ ନୀ କପା ଆନି ଦିନା  
ଝାଡ଼େ,  
ଇଞ୍ଜାଁ ହାଡ଼ାରି ନୀଏଁ ନୀହାଁୟି  
କିଝିଆନେରି,

ଇଞ୍ଜାଁ ନୀ ହଲିୟାଙ୍ଗା ମାହାପୁରୁ ଅଣପୁତ୍ର  
ବଲ୍ଲ ଝେହନାରି,

ମାହାପୁରୁ ଲକ୍ଷ୍ମ, ଅଡ଼େ ନୀ ଦରୁତି  
ଆଜିନି କାଜାରି ଇଚାରି ବାରେ  
ଲକ୍ଷ୍ମ ଦାନା ବେଟାଆନେରି,

ଅଡ଼େ ଆମ୍ବାଆରି ଦାରତିତି ନାସା  
କିନେରି ଏଝାରି ଜିକେଏ ନାସା  
ଆନେରି □”

୧୯ ☆ଏଚେଟିଏ ଲାକପୁରୁ ମାନି  
ମାହାପୁରୁ ଇଲୁତି ଦାରା ଦେପିଆଡ଼େ,  
ଅଡ଼େ ତାନି ଇଲୁତା ମାନି ରାଜିମାନାତି  
ପେଡ଼ା ତଞ୍ଜାଆଡ଼େ, ଅଡ଼େ ବିଲିବାଲା  
ମିହୁନାୟି, ହାରେକା ଗିୟାଁ, ହାଗୁ ଗୁଣ୍ଡି  
ହାଡ଼ା, ଇଞ୍ଜାଁ ବୁମି ଝୀଡ଼ିତେ ଅଡ଼େ  
ହାରେକା ଆଜିୟାଁ ରିତୁ □

### ୧୨

ଆୟାଟି ଅଡ଼େ ରାତୁ

୧ ତାୟୁ କାବାଆନି ଲେହେଁତି ସିନା  
ହାଗୁତା ତଞ୍ଜାଆଡ଼େ, ର ଆୟାଟି ଲେଞ୍ଜୁ  
ଲାକ ନିତାମାଚେ ଅଡ଼େ ଝେଡ଼ାତି  
ଉଜେଡ଼ି ପରହାମାଚେ □ ଏଦାଣି  
ତାୟୁଁ ତୁ ବାରଗଟା ହୁକାୟାଁଗାଟି  
ଚପେରି ମାଚେ □

୨ ଏଦି ପୁରା ମାସା ଆହାନା  
ଜାନ କିନି ବେଲାତା ଲୁଞ୍ଜିନି ବାସା  
ତାକି କସ୍ତ୍ର ବେଟାଆହିମାଚେ □

୩ ଏଚିବେଲା ହାଗୁ ଲାକ କାବାଆନି  
ର. ସିନା ତଞ୍ଜାଆଡ଼େ, ଏମ୍ବାଆଁ ପାଟୁ  
ଝାଣାଗାଟି କାଜା ରାତୁ ଏ ରାତୁକି  
ସାଡ଼ାଗଟା ତାକା, ଇଞ୍ଜାଁ ଦସଗଟା

☆ ୧୧:୧୩ ୧୧:୧୩ ଝେ ବଲ୍ଲ ୬:୧୨; ୧୭:୧୮

☆ ୧୧:୧୯ ୧୧:୧୯ ଝେ ବଲ୍ଲ ୮:୫; ୧୭:୧୮; ଝେ ବଲ୍ଲ ୧୭:୨୧

କମ୍ପା, ଅଡ଼େ ତାର୍କା ଲାକ ସାଡ଼ାଗଟା  
ଚଢ଼େରିକା ମାରୁ □

୪ ତାନି ଲେଂଗୁଣି ତଲେ ହାଗୁତି  
ତାନି ବାଗା ହୁକାୟାଣି ଦାର୍ତି ଲାକ  
ମେଡ଼ହେ, ଇଞ୍ଜା ଏ ରାରୁ, ଜାନ କିନି  
ଦେବୁଣିଏ ଇୟାନି ତାଲୁତି ଗୁସାଲି  
ଏଦାନି ନକିତା ନିତେ □

୫ ଆମ୍ବାଆସି ବାରେ କୃତାତି ଲକୁଣି  
ଲହ ବାଡ଼ଗା ତଲେ ସାଲୁଡ଼ି କିନେସି  
ଇଲେତି ର କକାଣି ତାଲୁଇଁ ଏ ଇୟା  
ଜାନ କିତେ, ଅଡ଼େ କକାଣି ତାଲୁଇଁ  
ମାହାପୁରୁ ଇଞ୍ଜା ତାନି ସିଂଗାସାଣି ନକିତା  
ପେରହା ଅଢ଼ିଆଡ଼େ □

୬ ଅଡ଼େ ଏ ଇୟା ଲକୁ ହିଲାଆ  
ବାଗାତା ହଟେ, ଏମ୍ବାଆଁ ୧,୨୬୦ ଦିନା  
ପାତେକା ପହିକିଢ଼ି ଆୟାଲି ମାହାପୁରୁ  
ତାଣାଟି ଏମ୍ବାଆଁ ଏଦାନାକି ର ଚାୟୁ  
କେପି ଆହାମାଚେ □

୭ ଏମ୍ବାଟିଏ ଲାକପୁରୁ ଜୁଜୁ ଆଡ଼େ,  
ମିକାୟେଲ ଅଡ଼େ ତାନି ଦୂତୁୟାଁ ଏ  
ରାରୁ ତଲେ ଜୁଜୁ କିତୁ, ଏଚେଟିଏ ଏ  
ରାରୁ ଅଡ଼େ ତାନି ଦୂତୁୟାଁ ଜିକେଏ ଜୁଜୁ  
କିତେରି □

୮ ସାମା ରାରୁ ଇଞ୍ଜା ତାନି ଦୂତୁୟାଁ  
ଜୀଣା ଆହାଲି ଆଡ଼ାଆଡ଼ୁ, ଇଞ୍ଜା  
ଲାକପୁରୁ ଏଢ଼ି ଚାୟୁ ବେଟାଆଆଡ଼ୁ □

୯ ଏଚିବେଲା ଦାର୍ତିତି ନାଡ଼ିକିନି  
ପଲୁଆ ପେନୁ ଇଞ୍ଜା ସୟତାନ ଦରୁଟି  
ଝେଙ୍କିତି କାଜା ରାରୁ ଏ ପ୍ଲାଝଇ ନାଗା,  
ଏଡ଼ି ତାନି ଦୂତୁୟାଁ ତଲେ ଦାର୍ତିତା  
ମେଡ଼ପି ଆଡ଼େ □

୧୦ ଏଚେଟିଏ ଲାକପୁରୁଟି ଏଲେଇଞ୍ଜି  
ର କାଜା ହାଡ଼ା ଝେଚେଏଁ, ନୀଏଁ  
ମାହାପୁରୁ ତାଣାଟି ଗେଲ୍ପିନାୟି  
ଏଗାଝାଡ଼େ, ତାନି ରାଜି ଅଡ଼େ ବାଡ଼ୟୁ  
ଇଞ୍ଜା କ୍ରୀସ୍ତତି ଅଦିକାରା ଝାହାମାନେ,  
ଇଚିହଁ ଆମିନି ସାଡ଼ୁ ମା ତାୟି ତାଜିସ୍ତା  
କପାଟି ନିଜ୍ଞାନା ଲାଆଁ ମାଦେନା  
ମାହାପୁରୁ ନକିତା ଦାଝା କିହିମାଚେ,  
ଏଡ଼ି ଲାକପୁରୁଟି ଦାର୍ତିତା ମେଡ଼ପି

ଆହାମାନେ □

୧୧ ଏଝାରି ମେଣ୍ଡା ତାଲୁତି ନେତେରି  
ତଲେ ଅଡ଼େ ଝେଙ୍କହାମାନି ସାଡ଼ା  
କାତାତଲେ ଜୀଣା ଆହାମାନେରି ଇଞ୍ଜା  
ଏଝାରି ହାହାଲିତାକି ଜିକେଏ ତାନି  
ଜୀଝୁଇଁ ଜୀଝୁ ନହାଁ ହିଲାଆଡ଼େରି □

୧୨ ଏଦାଆଁତାକି ଏ ଲାକପୁରୁ  
ଅଡ଼େ ଏମ୍ବାଆଁ ବାସା ଆହାମାନାଡ଼େରି  
ରାହାଁ ଆଦୁ, ସାମା ଦାର୍ତି ଅଡ଼େ  
ସାମ୍ବୁରି ମାରୁ ଡ଼ଣ୍ଡ ବେଟା ଆନାଡ଼େରି  
ଏନାଆଁତାକି ଇଚିହଁ ତାନି ବେଲା  
ହାରେକା ଡ଼ଣା ମାନେ ଇଞ୍ଜି  
ପୁଞ୍ଜାନା ପଲୁଆ ପେନୁ ସୟତାନ  
ହାରେକା କପାତଲେ ମୀ ତାଣା ଚେଟା  
ଝାହାମାନେ □

୧୩ ରାରୁ ଜାହାରାଇଁ ଦାର୍ତିତା  
ମେଡ଼ପି ଆହାମାନାଣି ମେସାନା ଏ  
କକାଣି ତାଲୁଇଁ ଜାନ କିତି ଇୟାନି  
ଜେଟ ଜେଟ ପେରହା ଅଡ଼େ □

୧୪ ଏଚେଟିଏ ଏ ଇୟା ରାରୁ ଗୁଡ଼ିତି  
ଏନିକଁ ଗେଲ୍ପିଆହାଁ ତାନି ବାସା  
ସ ଲେଞ୍ଜୁ ପାତେକା ପହିକିଢ଼ି ଆନେ,  
ଏଦାଆଁତାକି ଲକୁ ହିଲାଆ ବାଗାତି ତାନି  
ଚାୟୁତା ଡ଼ମ୍ବାହାଜାଲି ଲେଡ଼ଡ଼ି ରୀ  
ମାରାୟାଁ ହାପକି ଆଡ଼ୁ □

୧୫ ଏଚେଟିଏ ଏ ଇୟାନି ଅଢ଼ି କିୟାଲି  
ରାରୁ ତାନି ଗୁଡ଼ିତି ର କାଜା କାଡ଼ା ଏୟୁ  
ହପ୍ପହେ □

୧୬ ସାମା ଏ ଇୟାନି ସାୟେମି କିହାଲି  
ଦାର୍ତି ତାନି ଗୁଡ଼ିତି ଦେଚାନା ରାରୁ  
ଗୁଡ଼ିତି ହଡ଼ି କାଡ଼ା ଏୟୁଣି ଗୁସ୍ତେ □

୧୭ ଏଚେଟିଏ ରାରୁ ଏ ଇୟାନି  
ହାରେକା କପା ଆହାଁ ତାନି କୃତାତାରି  
ଏଚେକା ଲକୁ ମାହାପୁରୁଟି ହୁକୁମି  
ମାନୁଢ଼ି ଆହାଁ ଜୀସୁତି କାତା  
ଝେସିମାନେରି, ଏଝାରିତଲେ ଜୁଜୁ  
କିହାଲି ହାଚେ □

୧୮ ଇଞ୍ଜା ରାରୁ ସାମ୍ବୁରି ଗାରୁତି  
ବାଝଲିତା ନିତେ □

### ୧୩



ରୀ ଜନ୍ମୟାଁ

୧ ☆ଏତେଟିଏ ନାନୁ ସାମ୍ବଦୁରି ମାଦିତି ହଟାଞ୍ଜାହିମାନି ର ଜନ୍ମ ମେସ୍ତେସ୍, ଏଞ୍ଜାଣାକି ଦସଗଟା କମ୍‌କା ଅଡ଼େ ସାଡାଗଟା ତାର୍‌କା, ତାନି କମ୍‌କାଣା ଦସଗଟା ଟପେରିକା ଇଞ୍ଜା ତାର୍‌କା ଲାକ ମାହାପୁରୁ ନିନ୍ଦାକିନି ର ର ଦରକା ମାରୁ □

୨ ଏ ଜନ୍ମ ତୀରିରେଞ୍ଜାଣା କ୍ଷାଠନି ଲେହେଁ ତଞ୍ଜାଆହିମାଟେ, ତାନି କତାୟାଁ ଅଃଅଡ଼ି କତାୟାଁ ଲେହେଁ ଇଞ୍ଜା ଗୁତି ସିହ୍‌କ୍ଷାଠନି ଗୁତି ଲେହେଁ ଏ କାଜା ରାରୁ ଜନ୍ମକି ତାନି ବାଡ଼ୁୟୁ, ସିଂଗାସାଣି, ଅଡ଼େ ବାରେ ଅଦିକାରା ହୀତେ □

୩ ଏ ଜନ୍ମତି ତାୟୁ ତୁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାଟେ, ସାମା ଏ ଗାହାଁ ନେହ୍ ଆଡେ, ଅଡ଼େ ଦାରତିତା ମାନାରି ବାରେ କାବା ଆହାଁ ତାନି ଜେଟ ହାଚେରି □

୪ ଅଡ଼େ କାଜା ରାରୁ ଜନ୍ମକି ତାନି ଅଦିକାରା ହୀତାକି ଏଞ୍ଜାରି ରାରୁଞ୍ଜ ଜହରା କିତେରି, ଏଞ୍ଜାରି ଏ ଜନ୍ମଞ୍ଜ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ମ ଲେହେଁ ଆନେସି ଅଡ଼େ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି □”

୫ ଏଦାନାକି ଆଙ୍କାରା ଅଡ଼େ ମାହାପୁରୁ ନିନ୍ଦାତି କାତା ଝେସାଲି ଗୁତି ହୀଞ୍ଜିଆଡେ, ଅଡ଼େ ରୀ କଡ଼ି ରୀ ଲେଞ୍ଜୁ ପାତେକା ସାଲଞ୍ଜି କିୟାଲି ଅଦିକାରା ହୀପୁକିଆଡେ □

୬ ଏମ୍ବାଟିଏ ଏଦି ତାନି ଗୁତି ଏକ୍‌ହାନା ମାହାପୁରୁ ନିନ୍ଦା କାତା ଜଲ୍ଲାନା, ମାହାପୁରୁ ଦରୁ, ମାହାପୁରୁ ବାସାଆନି ଗାୟୁ, ଅଡ଼େ ଲାକପୁରୁ ବାସା ଆହାମାନାରାଞ୍ଜ, ବାରେତି ନିନ୍ଦା କିତେ □

୭ ବାରେ ମାହାପୁରୁ ଲକୁଞ୍ଜ ଜୁଜୁ କିହାଁ ଜୀଣା ଆହାଲି ଅଦିକାରା ହୀଞ୍ଜିଆହାମାଟେ, ଅଡ଼େ ବାରେ ଗଟି, କୁଡା, ହାଡା, ଦେସା, ଲାକ ଅଦିକାରା ହୀଞ୍ଜିଆହାମାଟେ □

୮ ଆମ୍ବାଆରି ଦରୁ ଦାରତିତି ଗାଡ଼ି ଆଆ ନକେଏ ପୂଜା ମେଣ୍ଡା ତାଲୁତି ଜୀଞ୍ଜୁଗାଟି ପତିତା ରାୟକି ଆହାହିଲେଏ, ଦାରତିତା ବାସା କିହାମାନି ଏ ବାରେ ଲକୁ ଏ ଜନ୍ମଞ୍ଜ ଜହରା କିନେରି □

୯ “ଆମ୍ବାଆରାକି କୀର୍‌କା ମାନୁ ଏଞ୍ଜାସି ଝେଣ୍‌ମାସି!

୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହ୍ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହ୍ ଏଞ୍ଜାସି ଏଲେଆହ୍ ଏ କାଣ୍ଡାତଲେ ପାୟୁଞ୍ଜି ଆନେସି, ଏଟିବେଲାତା ମାହାପୁରୁ ଲକୁତାକି ନାମ୍ ଅଡ଼େ ଅରହିନାୟି ଲଡ଼ାମାନେ □”

୧୧ ଏତେଟିଏ ନାନୁ ର ଜନ୍ମଞ୍ଜ ବୁମି ବିତ୍ରାଟି ହଟାଞ୍ଜାତାଣି ମେସ୍ତେସ୍, ମେଣ୍ଡା ତାଲୁ ଲେହେଁ ଜଡ଼େକା କମ୍‌କା, ଅଡ଼େ ଏଦି ରାରୁ ଲେହେଁ କାତା ଆହିମାଟେ □

୧୨ ଏ ଜନ୍ମ ନକେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ମକି ହାନିଲେହେଁଟି ଗାହାଁ ମାଡ଼ାମାଟେ, ଏଦାନି ଜହରା କିହାଲି ଦାରତି ଅଡ଼େ ଏମ୍ବାଆଁ ବାସା ଆହାମାନାରାଞ୍ଜ ବାଲାମାଡ଼ମି କିନେ □

୧୩ ଏ ଜନ୍ମ କାବାଆନି କାମାୟାଁ କିନେ, ଏଦି ବାରେ ଲକୁ ନକିତା ହାଗୁତି ଦାରତିତା ହିରୁ ରିଞ୍ଜିକିନେ □

୧୪ ଇଞ୍ଜା ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାଟେ, ଏମ୍ବାଟି ଦାରତିତା ବାସାଆହାମାନି ଲକୁଣି ନାଡ଼ିକିହାଁ, ଆମିନି ଜନ୍ମ କାଣ୍ଡାତଲେ ଗାହାଁ ଆହାମାଟି ଜିକେଏ ନୀଡିତେ, ଏଦାନି ର ବମା କିହାଲି ଏଞ୍ଜାରାଞ୍ଜ ଏଲେଇନେ □

୧୫ ଏ ଜନ୍ମତି ବମା ଏନିକ୍ ଜଲ୍ଲାଲି ଆଡିନେ ଅଡ଼େ ଏତେକା ଲକୁ ଜନ୍ମତି ବମାତି ଜହରା କିଅରି, ଏଞ୍ଜାରି ଏନିକ୍ ପାୟୁଞ୍ଜି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମତି ବମାକି ଜୀଞ୍ଜୁ

☆ ୧୩:୧ ୧୩:୧ ଝେ ବଲ୍ଲୁ ୧୭:୩,୭-୧୨

ହୀହାଲି ଅଦିକାରା ହୀପ୍‌କିଆଡେ □

୧୭ ଅଡେ ଏ ଜନ୍ତୁ ଉଣା, କାଜାରି, ବାଡକୁ ଗାଟାରାଇଁ, ହାକି ଗାଟାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାମି ଚିଝନି କେୟୁତା ଆଆତ ମୁଞ୍ଚୁତା ର ସିନା ଇଟା କଡାଲି ବାଲାମାତମି କିନେ □

୧୭ ଅଡେ ଏ ସିନା ଇଚିହଁ ଜନ୍ତୁତି ଦରୁ ଆଆତ ତାନି ଦରୁତି ଲମ୍ବର ଇଟା କଡାଆତି ଲକୁଣି ଏନାଆଁ କଡାଲି କି ପାରଟାଲି ହୀଏ □

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଝାସି ଏ ଜନ୍ତୁତି ଲମ୍ବର ଏଜିକିପାସି, ଏନାଆଁତାକି ଇଚିହଁ ଏଦି ର ମାଣସିତି ଲମ୍ବର ଅଡେ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ □

### ୧୪

ମେଣ୍ଡା ତାଲୁ ଅଡେ ତାନି ଲକୁ

୧ ☆ଏରେଟିଏ ନାନୁ ସିନିକିହଁ ମେସ୍ତେର୍ସ, ଅଡେ ମେଣ୍ଡା ତାଲୁ ସିୟନ ହରୁତା ନିଚାମାନେ, ଅଡେ ଆମ୍ବାଆରି ମୁଞ୍ଚୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାସକି ଆହାମାରେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଚାମାଚାଣି ମେସ୍ତେର୍ସ □

୨ ଅଡେ ଲାକପୁରୁଟି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣିଲେହେତି ର କାଜା ହାଡ଼ା ଝେରେର୍ସ, ଆମିନି ହାଡ଼ା ନାନୁ ଝେରେର୍ସ ଏଦି ସେରକି ଡ଼ିଡ଼ିହିମାନାରି ହାଡ଼ାଲେହେଁ ଝେଙ୍ଗିମାରେ □

୩ ସିଂଗାସାଣି ସାରିଗଟା ଜନ୍ତୁ ଅଡେ ପ୍ରାଟିନାଙ୍ଗା ନକିତା ର ପୁଝନି ପାତୁ ପାଡ଼ିମାରେରି, ଅଡେ ଦାରତିଟି କଡ଼ଝି ଆହାମାନି ସାଡ଼ାକଡ଼ି ସାରି ମାଣା ଲକୁ ପିସ୍‌ପେ ଆମ୍ବାଆରି ଏ ପାତୁ ପାଟାଲି ଆଡ଼ାଆତେରି □ ବାରେ ମାଣ୍‌ସି କୁଡ଼ା ବିଡ଼ାଟି ଝାରଇ ଏଝାରିଦେଁ ଗେଲ୍‌ପି ଆହାମାରେରି □

୪ ଏଝାରି ଇୟସିକା ତଲେ କାଲ୍‌ହାନା ତାମ୍ବୁଜାହାରାଇଁ ଦହ କିହଁ କଡ଼ା ହିଲାଆତେରି, ଇଚିହଁ ଏଝାରି ଅଡ଼ହାରି, ମେଣ୍ଡା ତାଲୁ ଆମ୍ବିୟାଝାକି ହାନେ ଏଝାରି ତାନି ଜେଟ ହାନେରି, ଏଝାରି ମାହାପୁରୁ ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣ୍‌ସିୟା ବିଡ଼ାଟି ଗେଲ୍‌ପି ଆହାମା ମେଣ୍ଡା ତାଲୁ ନକିତା ହେରପିଆହାମାନେରି □

୫ ଏଝାରି ଗୁଡ଼ିତା ଏନି ମିଟି ଜଲିନାୟି ହିଲେଏ, ଏଝାରି ଦହ ହିଲାଆ ଗାଟାରି □

ତାନି ଜାଣା ଦୁତୁ

୬ ଏରେଟିଏ ନାନୁ ହାଗୁଡ଼ି ମାଦି ଉମ୍ବିମାନି ର ଦୁତୁଇଁ ମେସ୍ତେର୍ସ, ଏଝାସି ଦାରତିତା ବାସାଆହାମାନି ବାରେ ଗତି, କୁଡ଼ା, ହାଡ଼ା ଅଡେ ଦେସାତି ଲକୁତାଣା ଝେକ୍‌ହାଲି କାଲାକାଲା ତାକି ଡ଼ୟିନି ନେହଁ କାବୁ ଝେକ୍‌ହି ମାନେସି □

୭ ଏଝାସି କାଜା ଗିୟାତଲେ ଏଲେଇରେସି, “ମାହାପୁରୁଇଁ ଆଜାଦୁ ଅଡେ ଏଝାଣାଇଁ ଗାଝୁରମି ହୀଦୁ, ଇଚିହଁ ମାଣ୍‌ସିତି ନୀହାୟି କିନି ଦିନା ଏଗାଝାଡେ, ଅଡେ ଆମ୍ବାଆସି ହାଗୁ, ଦାରତି, ସାମ୍‌ଦୁରି ଇଞ୍ଜା ଜାରଣା ଏୟୁତି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ □”

୮ ☆ତାନି ତାୟୁ ଅଡେ ର ଦୁତୁ ଇଚିହଁ ରା ଲମ୍ବର ଦୁତୁ ଝାହାନା ଏଲେଇରେସି, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଡ଼ହାନା ହଡ଼ିକିହାମାରେ, ଏଦି ରିହା ହାଜାମାନେ □”

୯ ଏଦାଣି ତାୟୁ ଅଡେ ର ଦୁତୁ ଇଚିହଁ ତାନି ଲମ୍ବର ଦୁତୁ ଝାହାନା କାଜା ଗିୟାତଲେ ଏଲେଇରେସି, “ଆମ୍ବାଆସି ଏ ଜନ୍ତୁ ଅଡେ ତାନି କିହାମାନି ବମାତି ଜହରା କିନେସି ଅଡେ ମୁଞ୍ଚୁତା କି କେୟୁତା ତାନି ସିନା ଇଟା କଡ଼ିନେସି,

୧୦ ଏଞ୍ଜାସି ମାହାପୁରୁତି କପାଗାଟି ସଲ୍ଲାତା ଖାକ୍‌ହାମାନି ହାରେକା କାରବିତି କାଡ଼ୁ ଗହନେସି, ଆମ୍ବାଆରି ଇ କାମା କିନେରି ଏଞ୍ଜାରି ବାରେ ମେଣ୍ଡା ଡାଲୁ ଅଡେ ସୁଦୁ ଲାକପୁରୁତି ଦୁଡୁୟା ନକିତା ହିରୁ ଅଡେ ଗାନ୍ଦାଗାଟି ଗୁଣ୍ଡା ତଲେ କସ୍ତ ବେଟା ଆନେସି □

୧୧ ଇଲେତି ଲକ୍ଷ୍ମଣି କସ୍ତ ହାନି ହିରୁ ବୟା କାଲ୍ଲାକାଲ୍ଲା ତାକି ହଚେମାନେ, ଆମିନି ଗାଟାରି ଜନ୍ତ ଅଡେ ବମାତି ଜହରା କିନେରି ଅଡେ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଞ୍ଜାରି ଲାଆଁ ମାଦେନା ଜମାଲି ବେଟାଆଅରି □

୧୨ ଇମ୍ବାଆଁ ମାହାପୁରୁ ଲକ୍ଷ୍ମ ଇତିହାଁ ମାହାପୁରୁତି ହୁକୁମି ମାନୁଞ୍ଜିଆନେରି, ଇଞ୍ଜା ଜୀସୁଇଁ ନାମିନେରି, ଏଞ୍ଜାରାକି ଅରୁହିନାୟି ଲଡ଼ାମାନେ □

୧୩ ଇଞ୍ଜା ଲାକପୁରୁତି ଇ ହାଡ଼ା ଖେଚେସି, ଇ କାତା ରାଟାମ୍ବୁ, “ନୀସି ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନ୍ଦେରି, ଏଞ୍ଜାରି ନେହେଁ □” ଅଡେ ନାନୁ ଖେଚେସି ସୁଦୁଜୀଞ୍ଜୁ ଖେସିମାଞ୍ଜାନେ, “ଏଞ୍ଜାରି ତାମି କାମାତି ଖାହୁଟି ଜମିନେରି, ଇତିହାଁ ଏଞ୍ଜାରି କାମାତି ପାଡ଼େୟି ଏଞ୍ଜାରିତଲେ ଡ଼ୟିନେ □”

ତାସା ଦାନାୟି

୧୪ ଅଡେ ନାନୁ ମେସ୍ତେସି, ଇଚାୟି ଦବଲ୍ଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣ୍ଡସି ମୀରୁଏସି ଲେହେଁତାସି; ତାନି ତାୟାଁ ତୁ ବାଂଗାରା ଚପେରି, ଇଞ୍ଜା କେୟୁତା ର ଖାହୁନି କଡ଼ାତଖେଲି □

୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୁଡୁ ଖାହାନା ହାଗୁତା କୁଗାମାନାଣାଲ୍ଲ କାଜା ଗିୟାଁତଲେ ଏଲେଇଚେସି, “ନୀ କଡ଼ାତଖେଲି ଆସାନା ତାସା ଦାମ୍ବୁ □ ଦାରୁତିତି ତାସା ଦାଞ୍ଜି କାଚୁ ଏଗାଞ୍ଜାଡେୟିଏ □”

୧୬ ଇଦାଆଁ ଖେଞ୍ଜାନା ହାଗୁତା କୁଗାମାନି ମାଣ୍ଡସି ତାନି କଡ଼ାତଖେଲି ଅଗିଡେସି ଇଞ୍ଜା ଦାରୁତିତି ତାସା ବାରେ କୁଡ଼ିକିଞ୍ଜିଆଡେ □

୧୭ ଏଦାଆଁ ତାୟାଁ ଲାକପୁରୁତି ମାହାପୁରୁ ଇଲୁଟି ଅଡେ ର ଦୁଡୁ ହଡ଼ାଞ୍ଜାଡେସି, ଏ ଦୁଡୁ କେୟୁତା ଜିକେଏ ଖାହୁନି କଡ଼ାତଖେଲି ମାଚେ □

୧୮ ଅଡେ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁଡୁ କଡ଼ାତଖେଲି ଆସାମାନି ଅର ଦୁଡୁଇଁ କାଜା ଗିୟାଁତଲେ ଏଲେଇଚେସି, “କଡ଼ାତଖେଲି ଅଗାନା ଦାରୁତିତି ଅଲୁରି ବାଡ଼ାଟି ଅଲୁରିକା ବାରେ ଡ଼ଡ଼ହା ତୁହମ୍ବୁ; ଏଞ୍ଜି ବାରେ କାମ୍ବାମାନୁ □”

୧୯ ଏମ୍ବାଟିଏ ଦୁଡୁ ଦାରୁତିତା ତାନି କଡ଼ାତଖେଲି ଅଗାନା ଅଲୁରିମାଡ଼ାୟାଁଟି ଅଲୁରି ଡ଼ଡ଼ହେ ଇଞ୍ଜା ଏଞ୍ଜାସି ମାହାପୁରୁ କାରବିତି ଅଲୁରି ପୀଡ଼ିକିନି ଦନିତା ମେଡ଼ହେସି □

୨୦ \*ଗାଡ଼ାତି ପାଞ୍ଜାତା ମାନି ଏ ଦନିତା ଅଲୁରି ପୀଡ଼ିକିଞ୍ଜିଆଡେ ଇଞ୍ଜା ଏମ୍ବାଟି ଗଡ଼ାୟାଁ ବାକେରି ପାଡେକା ନିଞ୍ଜାନା ତାନି ଖାଞ୍ଜା କିଲମିଚର ହେକ ପାଡେକା ଇଞ୍ଜା ରୀ ମିଚର ଲାକ ପାଡେକା ନେଡେରି ଖାଞ୍ଜିଡେ □

୧୫

ସାଡ଼ାଗଟା ରଗ କିନି ସାଡ଼ାଗଟା ଦୁଡୁୟା

୧ ଏମ୍ବାଟିଏ ନାନୁ ହାଗୁତା ଅଡେ ର କାବାଆନି ଲେହେଁତି ସିନା ମେସ୍ତେସି, ସାଡ଼ାଗଟା ଦୁଡୁୟା ସାଡ଼ାଗଟା ରଗୟାଁ ତାମି କେୟୁତା ଆସାନା ତଞ୍ଜାଆଡୁ, ଏ ରଗୟାଁ ମାହାପୁରୁତି କପା ତହୁନାୟି ରାନାୟି ମାଚେ □

୨ ଅଡେ ନାନୁ ମେସ୍ତେସି, ହିରୁ କାଲ୍ଲହି ଦାପେଣି ଲେହେଁତି ସାମ୍ବୁରି, ଆମ୍ବାଆରି ଜନ୍ତ, ଏଦାନି ବମା ଇଞ୍ଜା ଏଦାନି ଦରୁତି ଲମ୍ବରଟି ଜାଣା ଆଡ଼ାରି,

\* ୧୪:୨୦ ୧୪:୨୦ ଖେ ବଲ୍ଲୁ ୧୯:୧୫

ଏଞ୍ଜାରି ମାହାପୁରୁ ହାହାମାନି ସେରୁଙ୍ଗି  
ଆସାନା ଗାଜୁ ଲେହେଁତି ସାମ୍ବୁରି  
ଗିରୁତା ନିତାମାରେରି □

୩ ଏଞ୍ଜାରି ମାହାପୁରୁ ହାତି ରାମଗଂଗା  
ଝେଟିହେଁ ମାହାପୁରୁତି ସେବାକିନି  
ମସାତି ପାରୁ ଇଞ୍ଜା ମେଣ୍ଡା ତାଲୁତି ପାରୁ  
ପାଡ଼ିହେଁ ଏଲେ ଇଞ୍ଜା ମାନେରି,  
“ବାରେତି କିହାଁ ବାଡ଼ୟୁ ଗାଟି ପ୍ରବୁ  
ମାହାପୁରୁତି,

ନୀ କାମା ଏରେକା କାଜାୟି ଅଡ଼େ  
କାବା ଆନାୟି,

ବାରେ ଲକୁତି ରାଜାତି,

ନୀ କାମାତି ଜିରୁ ବାରେ ନୀହାଁୟି  
ଗାଟାୟି ଇଞ୍ଜା ସାତାତାୟି □

୪ ପ୍ରବୁ! ନିଙ୍ଗେ ଆମ୍ବାଆସି ଆଜାଆ  
ଗାଟାସି ମାନେସି ?

ଆମ୍ବାଆସି ନୀ ଗାଞ୍ଜୁରମି  
ଝେଙ୍କଆଗାଟାସି ମାନେସି ?

ଇତିହେଁ ନୀନୁ ରଅତିଏ ସୁବୁ  
ଗାଟାତି;

ବାରେ କୃତାତି ଲକୁ ଖାହାନା ନୀ ପୂଜା  
କିନେରି,

ଏନାଆଁତାକି ଇତିହେଁ ନୀ  
ଦାମ୍ବୁଗାଟି ନୀହାଁୟିତି କାମାୟା  
ବାରେଜାଣା ମେସାମାନେରି  
□”

୫ ଏମ୍ବାଟିଏ ନାନୁ ମେସେସ୍, ଲାକପୁରୁତି ସାକି ହାନି ତୁମୁ ଦେଞ୍ଜୁଡ଼ିତି  
ଦାରା ଦେପିଆଡ଼େ

୬ ସାଡ଼ାଗଟା କସୁୟା ଆସାମାନି  
ସାଡ଼ାଗଟା ଦୁତୁୟା ଲାକପୁରୁତି  
ଦେଞ୍ଜୁଡ଼ିତି ହଟାଞ୍ଜାଡ଼େରି; ଏଞ୍ଜାରି ଅପୁହି  
ମୁହନି ହିମ୍ବରିକା ହୁଟାମାରେରି ଇଞ୍ଜା  
ଏଞ୍ଜାସିକା ବକ ସାରିସୁରୁ ବଂଗାରା ପାଟା  
ଦସାମାରେରି □

୭ ସାରିଗଟା ଜନ୍ତୁୟା ବିତ୍ରାଟି ର ଜନ୍ତୁ  
କାଲେଏତାକି ନୀତାମାନି ମାହାପୁରୁ  
କପାତଲେ ନେଞ୍ଜାମାନି ସାଡ଼ାଗଟା  
ବଂଗାରା ଗିନାୟା ଏ ସାଡ଼ାଗଟା  
ଦୁତୁୟାକି ହାତେସି □

୮ ମାହାପୁରୁତି ଗାଞ୍ଜୁରମି ଅଡ଼େ ତାନି  
ବାଡ଼ୟୁଟି ହଟିମାନି ବୟୁଁ ଦେଞ୍ଜୁଡ଼ିତା

ନେଞ୍ଜାହାରେ; ସାଡ଼ାଗଟା ଦୁତୁୟା  
ତାତାମାନି ସାଡ଼ାଗଟା ରଗୟା ରାଆ  
ପାତେକା ଏ ଦେଞ୍ଜୁଡ଼ି ବିତ୍ରା ଆମ୍ବାଆସି  
ହଡ଼ାଲି ଆଡ଼ାଆତେସି □

## ୧୭

ମାହାପୁରୁ କପାତି ସାଡ଼ାଗଟା  
ଗିନାୟା

୧ ଏରେଟିଏ ନାନୁ ଝେରେସ୍,  
ଦେଞ୍ଜୁଡ଼ିତି ରଅସି କାଜା ଗିୟାତଲେ ଏ  
ସାଡ଼ାଗଟା ଦୁତୁୟାକି ଝେସିମାରେସି,  
“ହାଜୁ, ସାଡ଼ାଗଟା ଗିନାୟାଣା  
ନେଞ୍ଜାମାନି ମାହାପୁରୁତି କପାତି ଦାରୁତି  
ଲାକ ଖାକ୍‌ହେସି □”

୨ ଏରେଟିଏ ମୁଲୁତି ଦୁତୁ ହାଜାନା  
ତାନି ଗିନାତା ଏନାୟି ମାରେ, ଦାରୁତି  
ଲାକ ଖାକ୍‌ହେସି; ଏ ଦେବୁଣିଏ  
ଆମ୍ବାଆରି ତାଣା ଜନ୍ତୁତି ସିନା ମାରେ,  
ଇଞ୍ଜା ତାନି ବମାତି ପୂଜା କିହାମାରେରି,  
ଏଞ୍ଜାରି ଆଜାତା ହାରେକା କସୁଗାଟି  
ବୀସା ପଟ୍‌କାୟା ହଟୁ □

୩ ଏରେଟିଏ ରୀ ଲମ୍ବର ଦୁତୁ  
ତାନି ଗିନାତାଣି ସାମ୍ବୁରି ଲାକ  
ଖାକ୍‌ହେ; ଇଞ୍ଜା ସାମ୍ବୁରିତି ଏୟୁ  
ହାଡ଼ି ଲକୁତି ନେତେରିଲେହେଁ ଆତୁ,  
ଇଞ୍ଜା ସାମ୍ବୁରିତା ମାଟି ବାରେ ଜନ୍ତୁୟା  
ହାହାହାଟୁ □

୪ ତାନି ଲମ୍ବର ଦୁତୁ ତାନି ଗିନାତା  
ଏନାୟି ମାରେ, କାତା ଇଞ୍ଜା ଉସା ଏୟୁ  
ଲାକ ଖାକ୍‌ହେସି; ଇଞ୍ଜା ଏ ଏୟୁ ବାରେ  
ନେତେରି ମିଣ୍ଡା ହାଟୁ □

୫ ଏତିବେଲାତା ନାନୁ ଝେରେସ୍,  
ଏୟୁ ଲାକ ଅଦିକାରା ବେଟାଆହାମାନି  
ଦୁତୁ ଏଲେଇଞ୍ଜିମାରେସି, “ନୀନୁ ସୁବୁ  
ଗାଟାତି, ନୀସ୍ ମାନାତି ଅଡ଼େ ତଲିଏ  
ମାଟାତି; ନୀନୁ ତୀରପୁତଲେ ନୀହାଁୟି  
କିହାମାଞ୍ଜି □

୬ ଏଞ୍ଜାରି ମାହାପୁରୁ ଲକୁଇଁ ଇଞ୍ଜା  
ମାହାପୁରୁ ଅଣ୍‌ପୁତି ବଲ୍ଲ ଝେହ୍‌ନାରି  
ଆମିନି ନେତେରି ବକ୍‌ହାମାରେରି,  
ଏଦାଆଁ ମୀରୁ ଏଞ୍ଜାରାଇଁ ଉଟ୍‌ହାମାଞ୍ଜି

□ ଏଞ୍ଜାରି ଏନାଆଁ ବେଟାଆନାଣି  
ବେଟାଆହାମାନେରି □”

୭ ଏତେଟିଏ ପୂଜା ପିଣ୍ଡାଟି ର ହାଡ଼ା  
ଝେଟେଏଁ, ବାରେଡି କିହାଁ ବାଡ଼ୁୟୁଗାଟି  
ମାହାପୁରୁ ପ୍ରବୁ! ନୀ ନୀହାଁୟି ବାରେ  
ସାତା ଅଡ଼େ ଟିକାଣାତାୟି □

୮ ସାରି ଲମ୍ବର ଦୂତୁ ତାନି ଗିନାତା  
ମାଚାଣି ଝେଡ଼ା ଲାକ ଝାକ୍‌ହେସି,  
ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା  
ଲକୁଣି ହୁଡିତେ □

୯ ଏଟିବେଲା ଲକୁ କଣ୍ଟା ହାଟି  
କାରାତା ଝେହାହାରେରି, ଅଡ଼େ ଈ ସାସ୍ତି  
ଲାକ ଅଦିକାରା ମାନି ମାହାପୁରୁ ଦରୁଡି  
ନିନ୍ଦାକିତେରି □ ସାମା ହିୟାଁ ବାଦଲି  
କିହାଁ ଏଞ୍ଜାଣି ଗାଞ୍ଜୁରମି କିଆତେରି □

୧୦ ପାସା ଲମ୍ବର ଦୂତୁ ତାନି ଗିନାତା  
ମାଚାଣି ଜନ୍ତୁଟି ସିଂଗାସାଣି ଲାକ  
ଝାକ୍‌ହେସି, ଜନ୍ତୁଟି ରାଜିତା ଆନ୍ଦେରି  
ଆହାହାରେ, ଇଞ୍ଜା ଲକୁ କସ୍ତତଲେ  
ତାନି ଝେନ୍ଦରିକା କାଟା କଡିତେରି □

୧୧ ଅଡ଼େ ଏଞ୍ଜାରି ଆଙ୍ଗାଟି ରାଣାରାକା  
ତାକି ଇଞ୍ଜା ପଟ୍‌କାୟାଁ ବୀସା ତାକି  
ଲାକପୁରୁଟି ମାହାପୁରୁଇଁ ବାକା  
ଇଟିତେରି □ ସାମା ତାନି ଲାଗେଏତି  
କାମାଟି ମନ ଝେଟ୍‌ଆତେରି □

୧୨ ସ ଲମ୍ବର ଦୂତୁ ତାନି ଗିନାତା  
ମାଚାଣି ପରାଡ଼ କାଜା କାତା ଲାକ  
ଝାକ୍‌ହେସି, ଏ କାତାଟି ଏୟୁ ଝାୟାହାରୁ,  
ଝେଡ଼ା ହପୁ ଝାକିଟି ଝାହିମାନି  
ରାଜାୟାଁକି ଜିରୁ ପାରଲିଆଡ଼େ □

୧୩ ଏତେଟିଏ ନାନୁ ମେସ୍ତେଏଁ,  
ପାନାୟାଁଲେହେଁ ତଞ୍ଜାଆହିମାନି  
ତାନିଗଟା ଲାଗେଏତି ଜାଞ୍ଜୁୟାଁ □ ଏଞ୍ଜି  
ରାତୁ ଗୁଡିଟି, ଜନ୍ତୁ ଗୁଡିଟି, ମିଟି ବଲ୍ଲ  
ଝେହ୍‌ନାରି ଗୁଡିଟି ହଟାଞ୍ଜାହିମାରୁ □

୧୪ ଏ ଲାଗେଏତି ଜାଞ୍ଜୁଗାଟି ବୃତୁୟାଁ  
କାବାଆନି କାମା କିହାଲି ଆଡିନୁ, ଏଞ୍ଜି  
ବାଡ଼ୁୟୁ ଗାଟି ମାହାପୁରୁଟି ଦିନାତା  
ଜୁଜୁ କିହାଲିତାକି ଦାର୍‌ଡିଟି ରାଜାୟାଁଣି  
କୃଡିକିହାଲି ହାଡ଼ାହାରୁ □

୧୫ \*ଝେଞ୍ଜୁ! ନାନୁ ସରୁଲେହେଁ  
ଞ୍ଜାଇଁ, ଆମ୍ବାଆସି ଜାଗ୍ରାତା ଆହାଁ ସରୁ  
ତାଣାଟି ଜାହାରା ହିମ୍ବରିକା ଡ଼କୁହାଲି  
ଆଡିମାନେସି, ଏଞ୍ଜାସି ନେହେଁ □ ଏଞ୍ଜାସି  
ନାଗଡ଼ା ଆହାଁ ରେଅସି, ଅଡ଼େ ଏଞ୍ଜାସି  
ଲାଜା ବେଟାଆସି □”

୧୬ ପଲ୍ଲଆ ଜୀଞ୍ଜୁୟାଁ ଏ ବେଲାତା  
ଦାର୍‌ଡିଟି ରାଜାୟାଁଣି ଆମିନି ଗାୟୁତା  
କୃଡିକିତୁ ଏବି ହାଡ଼ାତଲେ ଏଦାନି ଦରୁ  
ଆମାଗାତେନ □

୧୭ ସାତା ଲମ୍ବର ଦୂତୁ ତାନି ଗିନାତା  
ମାଚାଣି ଗାଲି ଲାକ ଝାକ୍‌ହେସି,  
ଏତେଟିଏ ଦେଞ୍ଜୁଡିଟି ସିଂଗାସାଣିଟି ର  
କାଜା ହାଡ଼ା ଝେଙ୍ଗିତେ, “ଇଦାଆଁ  
କିଞ୍ଜିଆଡେ!”

୧୮ \*ଦେବୁଣିଏ ବିଲିବାଲା ଆହୁଁ  
ମୁସ୍ତେ ଇଞ୍ଜା ହାଗୁ ଗୁଣି ହାଡ଼ା ଆଡେ,  
ଇଞ୍ଜା ହାରେକା ବୁମି ଝାଡିତେ, ଇଟିହୁଁ  
ଦାର୍‌ଡିତା ମାଣ୍‌ସିୟାଁ ଗାଡିଆଡି  
ଦିନାଟିଏ ଏତେଲାଞ୍ଜା ଇଲେଟି ବୁମି  
ଝାଡ଼ାହିଲାଆଡେ, ଇଦି ବାରେକିହାଁ  
ଆଜିହଡପତି ବୁମି ଝାଡିନାୟି ମାଚେ  
□

୧୯ ଏମ୍ବାଟିଏ ଏ କାଜା ଗାଡ଼ା ତାନି  
ବାଗା ତଲେ ବାଗା ଆଡେ ଅଡ଼େ  
ଦାର୍‌ଡିଟି ବାରେ ଗାଡ଼ାୟାଁ ବିଡ଼ହାହାରୁ,  
ଅଡ଼େ କାଜା ଗାଡ଼ା ବାଦିଲନତି  
ମାହାପୁରୁ ବାଣା ଆହା ହିଲାଆଡେସି,  
ଏଞ୍ଜାସି ତାନି ଗହ୍‌ନି ସଲାଟି ତାନି  
ହାରେକା କପାଗାଟି କାଡ଼ୁ ଏଦାଣି  
ଝଟ୍‌ହେସି □

୨୦ \*ସାମଦୁରି ମାଦି ମାନି ଦେସାୟାଁ  
ମେଣ୍‌ଙ୍ଗାହାରୁ ଇଞ୍ଜା ହରକା ବାରେ  
ଡ଼ଗୁା ହାରୁ □

୨୧ \*ରୀ କଡି ଦସ କେଜି ବଜୁଗାଟି  
ଆଜିୟାଁ ହାଗୁ ଲାକଟି ମାଣ୍‌ସିୟାଁ ଲାକ  
ରିତୁ, ଲକୁ ଈ ମରଡ଼ି ତାକି ମାହାପୁରୁଇଁ  
ନିନ୍ଦାକିତେରି □



\* ୧୭:୧୫ ୧୭:୧୫ ମାଟି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲ ୩:୩      \* ୧୭:୧୮ ୧୭:୧୮ ଝେ ବଲ୍ଲ  
୮:୫; ୧୧:୧୩,୧୯      \* ୧୭:୨୦ ୧୭:୨୦ ଝେ ବଲ୍ଲ ୭:୧୪      \* ୧୭:୨୧ ୧୭:୨୧ ଝେ ବଲ୍ଲ ୧୧:୧୯

ଝେକ୍‌ହି ଦାଢ଼େଣି

୧ ଏମ୍ବାଟିଏ ସାତାଗଟା ଗିନାୟାଁ ଆସାମାନି ଦୁତୁ ବିଦ୍ରାଟି ରଥସି ନା ଡାଗେ ଖାହାନା ଏଲେଇଞ୍ଜାତେସି, “ଇମ୍ବାଆଁ ଖାମୁ ହାରେକା କାତା ଦାରି ଗାଡ଼ି ଆହାମାନି ଦାଢ଼େଣି ଲେହେଁତି କାଜା ଗାଡ଼ା ଏନି ସାସ୍ତି ବେଟାଆନ୍ଦେ ଏଦାଆଁ ତସ୍ତାଇଁ ।”

୨ ଦାରୁତିତି ରାଜାୟାଁ ଏ ଦାଢ଼େଣି ତଲେ ଦାରିକାମା କିହାମାନେରି, ଇଞ୍ଜା ଦାରୁତିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗସାହାଁ ହଟାମାନେରି ।”

୩ \*ଏଟିବେଲାତା ସୁଦୁଜାଝୁ ନା ଡାଣା ଖାଡେ ଇଞ୍ଜା ଏ ଦୁତୁ ନାଜେ ବାଃଲି ବୁମିତା ଅୟାତେସି । ଏମ୍ବାଆଁ ନାନୁ ମେସ୍ତେସ୍, ର ପାରୁ ଖାଣାଗାଟି ଜନ୍ତୁ ଲାକ ର ଇୟା କୁଗାମାରେ । ଏ ଜନ୍ତୁଟି ଆଜ୍ଞାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାରୁ, ଅଡେ ଏଦାନାକି ସାତାଗଟା ତାର୍‌କା ଇଞ୍ଜା ଦସଗଟା କମକା ମାରୁ ।

୪ ଏ ଇୟା ହେୟାଁ ଲେହେଁତି ଖାଣା ଅଡେ ପାରୁ ଖାଣାଗାଟି ହିମ୍ବୁରି ହୁଟାମାରେ, ଇଞ୍ଜା ଏଦି ବାଂଗାରା ଅଡେ ଗାଡି ଦାରାଗାଟି ମଣି, ମୁକ୍ତା ତଲେ ସାଜୁ ଆହାମାରେ, ତାନି ନାଡ଼ିକିନି ପାଡେୟିକା ଲେହେଁ ଅପାଆଗାଟି ଦିଶ୍‌ସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାରେ ।

୫ ଏଦାନି ମୁଞ୍ଜୁତା ଡଗୁମାନି ର ଦରୁ ରାସ୍‌କି ଆହାମାରେ, “କାଜା ଗାଡ଼ା ବାବିଲନ ଦାରୁତିତି ବାରେ ଦାରି ଇଞ୍ଜା ଅପାଆଗାଟି କାମାତି ତାଲି ।”

୬ ନାନୁ ଅଡେ ମେସ୍ତେସ୍, ଏ ଆୟାଟି ମାହାପୁରୁ ଲକୁ ଇଞ୍ଜା ଜୀସୁ ଡାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକୁତି ନେତେରି ଗସାନା ହଟାମାରେ । ନାନୁ ଏଦାନି ମେସାନା ହାରେକା କାବା ଆଡେଏଁ ।

୭ ଅଡେ ଦୁତୁ ନାଜେ ଏଲେଇଞ୍ଜାତେସି, “ଏନାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡେ ସାତା ଗଟା ତାର୍‌କା ଇଞ୍ଜା ଦସଗଟା କମକା ଗାଟି ଏଦାଣି ଡେକାମାନି ଜନ୍ତୁଟି ଡଗୁମାନି କାତା ନାନୁ ନିଜେ ଝେସିମାଞ୍ଜାଇଁ, ଝେନାମୁ ।”

୮ \*ଜନ୍ତୁ ର ଦିନା ନୀଡାମାରେ; ନୀଏଁ ଅଡେ ନୀଡାହିଲେଏ, ସାମା ତବେ ତାଡେପୁରୁଟି ନିଜା ଖାନ୍ଦେ ଇଞ୍ଜା ଅର ଦେବା ନାସା ଆନ୍ଦେ । ଦାରୁତି ଗାଡ଼ି ଆଡି ନଡେଏ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି ଆହାହିଲେଏ, ଦାରୁତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନ୍ଦେରି । ଏଦି ର ଦିନା ନୀଡାମାରେ, ନୀଏଁ ଅଡେ ହିଲେଏ, ସାମା ଅଡେ ର ଦେବା ତଞ୍ଜାଆନ୍ଦେ ।”

୯ “ଇ ବାରେ କାତା ତେଲହାଲି ତାକି ବୁଦି ଲଡାମାନେ । ଜନ୍ତୁଟି ସାତାଗଟା ତାର୍‌କା ସାତେଏ ସାତାଗଟା ହରୁକା, ଆମିନି ଲାକ ଆୟାଟି କୁଗାମାନେ । ଏଝାରି ଜିକେଏ ସାତା ଡାଣା ରାଜାୟାଁ ଲେହେଁ ।

୧୦ ଏଝାରି ବିଦ୍ରାଟି ପାସାଜାଣା ମେଣ୍‌ଜା ହାଜାମାନେରି, ନୀଏଁ ରଥସି ମାନେସି, ଅଡେ ରଥସି ନୀଏଁ ପାତେକା ଖାହାହିଲଅସି, ଏଝାସି ଖାଡିସାରେ ଗାଡେକା ତାକିଏ ସାଲୁଝି କିନେସି ।

୧୧ ଅଡେ ଆମିନି ଜନ୍ତୁ ର ଦିନା ନୀଡାମାରେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟାଁ ବିଦ୍ରାଟି ରଥସି ଇଞ୍ଜା ଏଝାସି ଜିକେଏ ତବେ ନାସା ଆନ୍ଦେସି ।”

୧୨ “ମୀରୁ ମେସାମାନି ଦସଗଟା କମକା, ଦସ ଜାଣା ରାଜାୟାଁ ଲେହେଁ, ଏଝାରି ନୀଏଁ ପାତେକା ସାଲୁଝି କିହାହିଲଅରି । ସାମା ଜନ୍ତୁ ତଲେ ସାଲୁଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହାପକିଆନ୍ଦେ ।

୧୩ ଏଝାରି ରଣିଏ ଅଣ୍‌ପୁ ତଲେ ମାଞ୍ଜାନା ତାମି ବାଡ଼ୁୟୁ ଅଡେ ଅଦିକାରା

\* ୧୭:୩ ୧୭:୩ ଝେ ବଲ୍ଲୁ ୧୩:୧ ☆ ୧୭:୮ ୧୭:୮ ଝେ ବଲ୍ଲୁ ୧୧:୭

ଏ ଜନ୍ମକି ହାନେରି □

୧୪ ଏଞ୍ଜାରି ମେଣ୍ଡା ତାଲୁ ତଲେ ଜୁହୁ କିନେରି, ଅଡ଼େ ମେଣ୍ଡା ତାଲୁ ଏଞ୍ଜାରାଇ ଜୀଣା ଆନେ, ଇଚିହ~ ଏଞ୍ଜାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଞ୍ଜାଣିତଲେ ମାନେରି ଏ ହାଟାମାନାରି, ଆଟାମାନାରି ଅଡ଼େ ନାମୁଗାଟାରି ଜିକେଏ ଜୀଣା ଆନେରି □”

୧୫ ଦୁହୁ ନାଙ୍ଗେ ଅଡ଼େ ଏଲେଇଞ୍ଜାତେସି, “ନାନୁ ଆମିନି ଏୟୁଣି ମେସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟକା ଏଟକାତି ଦେସା, କୁଡ଼ା, ଗତି ଇଞ୍ଜା ହାଡ଼ାଗାଟି କୁଲମି □

୧୬ ନାନୁ ମେସାମାନି ଦସଗଟା କମକା ଇଞ୍ଜା ଏ ଜନ୍ମ, ଦାରେଣିନି ଅପାଉ; ଏଞ୍ଜି ଏଦାନି ତାଣାଟି ବାରେ ପିସ୍ପିକିହା ଅହାନା ନାଗୁଡ଼ା କିହାନା ପିହୁନୁ □ ଏଞ୍ଜି ଏଦାନି ଉଙ୍ଗା ତିଞ୍ଜାନା ହିରୁତା ହୁଡାନା ନାସା କିନୁ □

୧୭ ଏନାଆଁତାକି ଇଚିହ~, ମାହାପୁରୁ ତାନୁ ଅଣ୍ଠାପାନାଣି କିହାଲିତାକି ଏଞ୍ଜାଆଁତାକି ଇ ଅଣ୍ଠାପୁ ହାହାମାନେସି □ ଏଞ୍ଜି ରଣ୍ଡିଏ ମନ ଆହାନା କାମା କିନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲୁଞ୍ଜି କିନି ବଲ୍ଲୁ ଏ ଜନ୍ମ କେୟୁତା ପିସାହାନେସି □”

୧୮ “ଇଞ୍ଜା ଆମିନି ଆୟାଟି ମେସି, ଏଦି ଆହିମାନେ, ଦାର୍ତତିତ ରାଜାୟାଣି ସାଲୁଞ୍ଜି କିହିମାନି ଏ କାଜା ଗାଡ଼ା □”

### ୧୮

ବାବିଲନ ନାସା ଆନାୟି

୧ ଏଚେଟିଏ ନାନୁ ଅଡ଼େ ର ଦୁହୁଇଁ ଲାକପୁରୁତି ରେଟା ଖାହିମାଟାଣି ମେସ୍ପେର୍ସ; ଏଞ୍ଜାସି କାଜା ଅଦିକାରା ଗାଟାସି, ତାନି ଗାଞ୍ଜୁରମି ତାକି ଦାର୍ତତି ବାରେ ଉଜେଡ଼ି ଆହାହାଚେ □

୨ ଏଞ୍ଜାସି କାଜା ହାଡ଼ାତଲେ କାଲୁଞ୍ଜି ଆହ~ ଏଲେଇଚେସି, “କାଜା ଗାଡ଼ା

ବାବିଲନ ମେଣ୍ଡାଞ୍ଜିତେ! ଏଦି ବାରେ ମେଣ୍ଡାଞ୍ଜିତେ! ଏଦି ବୁହୁୟାଁ ବାସାଟାୟୁ ଅଡ଼େ ପଲୁଆ ଜାଞ୍ଜୁୟାଁ ଅଡ଼େ ପଲୁଆ କାମାୟାଁ, ଇଞ୍ଜା ଅପାଆଗାଟି ପଟାୟାଁତି ବାସାଟାୟୁ ଆହାମାନେ □

୩ ଇଚିହ~ ବାରେ ଜାଡ଼ିତାରି ତାନି ଦାରି କାମାଲେହେଟି କାଡ଼ୁ ଗସାମାନେରି, ଦାର୍ତତିତ ରାଜାୟାଁ ତାନିତଲେ ଦାରିକାମା କିହାମାନେରି, ଅଡ଼େ ଦାର୍ତତିତ ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି □”

୪ ଏଚେଟିଏ ନାନୁ ଲାକପୁରୁତି ଅଡ଼େ ର ହାଡ଼ା ଏଲେ ଇଞ୍ଜିମାନାଣି ଝେଚେର୍ସ, “ଏ ମା ଲକୁତେରି! ଏଦାଆଁତାକି ଏଦାନି ତାଣାଟି ହଡ଼ା ଖାଦୁ!

ମୀରୁ ଏନିକ~ ଏଦାନି ପାପୁତା ଆଣ୍ଡୁଅତେରି;

ଇଞ୍ଜା ତାନି ଡଣ୍ଡୁତି ବାଟା ବେଟାଆଅତେରି;

୫ ଏନାଆଁତାକି ଇଚିହ~ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ,

ଅଡ଼େ ଏଦି କିହାମାନି ଲାଗେଏତି କାମା ମାହାପୁରୁ ମନତା ଅଣ୍ଠାପାନେସି □

୬ ଏଦି ମିଙ୍ଗେ ଏନି କିହାମାଞ୍ଜାନେ ଏଲେକ~ ମୀରୁ ଏଦାନାକି କିନୁ;

ତାନି କିହାମାନାଣି କିହାଁ ରୀ ଗୁଣ୍ଡୁ ଝେଟ୍ଟୁ,

ଏଦି ଆମିନି ସଲ୍ଲାତା କାଡ଼ୁ ଆଟୁହାମାନେ,

ଏମ୍ବାଆଁ ରୀ ଗୁଣ୍ଡୁ କାଡ଼ୁ ତାନି ସଲ୍ଲାତା ଆଟୁଦୁ □

୭ ଏଦି ଏଚେକା ତାନି ଗାଞ୍ଜୁରମି କିହାମାନେ ଅଡ଼େ ବଡପଣ ତଲେ ମାଞ୍ଜାମାନେ, ଏଲେକ~ ଏଦାନାକି ଦୁକୁ କସ୍ତ ହାଦୁ;

ଏନାଆଁତାକି ଇଚିହ~ ଏଦି ଜାହାରାଇଁ ମନତା ଝେସା କଡ଼ିମାନେ, ‘ନାନୁ ରାଣି ଆହାଁ କୁଗାମାଇଁ,

ନାନୁ ରାଣ୍ଡେଣିତେଏଁ ଆଏ,  
ନାଙ୍ଗେ ଏତେଲାଞ୍ଜା ଦୁକୁ କିହାଲି  
ଆଏ ।’

୮ ଈଦାଣିତାକି ର. ଦିନା ବିତ୍ରା ତଣ୍ଡ  
ପାଣ୍ଡନେ,

ଇଚିହଁ ହାକି, ଡାକି, ଅଡ଼େ  
କାରୁଧୁ ଆନେ,

ଅଡ଼େ ଏଦି ହିତୁତା ଝେହାହାନେ,

ଇଚିହଁ ଏଦାନି ନାହାଁୟି କିନାସି  
ପ୍ରୁ ମାହାପୁରୁ ବାରେ ବାଡ଼ୁୟୁ  
ଗାଟାସି ।”

୯ ଦାରତିତି ବାରେ ରାଜାୟା  
ତାନିତଲେ ଦାରିକାମା କିହାନା ରାହାଁତି  
ନୀତାମାନେରି, ଏଞ୍ଜାରି ଏଦାନି ହୁତିମାନି  
ହିରୁ ବୟଁ ମେହନେରି, ଇଞ୍ଜା ଏଦାନି  
ତାକି ଦୁକୁ ଆହାଁ ଡାନେରି;

୧୦ ଏଞ୍ଜାରି ଏଦାନି କାକୁଲିତି  
ଆଜିତାକି ହେକ ନିତାନା ଏଲେଇନେରି,  
“ଆୟତା, ଆୟତା, କାଜା ଗାଡ଼ା,  
ବାଡ଼ୁୟୁ ଗାଟି ଗାଡ଼ା ବାବିଲନ ନୀନୁ  
ବାକା ପଣ୍ଡନାତି, ଇଚିହଁ ରଣ୍ଡିଏ ଗଂଟା  
ବିତ୍ରା ନୀ ତଣ୍ଡ ଝାଡ଼େ ।”

୧୧ ଅଡ଼େ ଦାରତିତି ବେବାରା ଗାଟାରି  
ଏଦାନି ତାକି ଦୁକୁ ଆହାଁ ଡାନେରି,  
ଏନାଆଁତାକି ଇଚିହଁ ଆମ୍ବାଆରି ଏଞ୍ଜାରି  
ପାରନି ଦିଶ୍‌ସୁ କଡ଼ଅରି,

୧୨ ଇଚିହଁ ବଂଗାରା, ଝେଣ୍ଡି, ଦାରା  
ଗାଟି ମଣି ଅଡ଼େ ମୁଲ୍ଲାୟା, ସିଲ୍ଲୁ  
ହିମ୍ବୁରିକା, ହେୟା ଝାଣାଗାଟି ହିମ୍ବୁରିକା,  
ପାରୁ ହିମ୍ବୁରିକା, ଏଟକା ଏଟକାତି  
ଅଜିତି ହିମ୍ବୁରିକା, ଚନ୍ଦନ ଇଞ୍ଜା ଏଦାନି  
ଲେହେତି ଗାନ୍ଦା ଗାଟି ମାରକା, ହାତି  
ପାଲକା, ଦାରା ଗାଟି ଝେସକା, ପିତାଡ଼ା,  
ଲହ, ଅଜିତି ଡ଼ସୁପା ଝାଲକାତଲେ  
କେପିତି ବାରେ ଆସ୍ତି ।

୧୩ ଡାକନି ସାଲି, ଗାନ୍ଦାଗାଟି ଆସ୍ତି,  
ଦୁପଣି, ଗାନ୍ଦାଗାଟି ରୁବିନି ନିୟୁଁ,  
ଗାନ୍ଦାଗାଟି ଦୁପଣି, କାଡ଼ୁ ନିୟୁଁ, ଗୁଣ୍ଡା,  
ଗହଁ, କଡ଼ିୟା, ମେଣ୍ଡାୟା, ଗଡ଼ାୟା,  
ରାତାୟା, କଡ଼ାମାନି ହଲିୟାଙ୍ଗା, ଅଡ଼େ  
ମାଣସିୟାତି ଜୀଝୁ ।

୧୪ “ନୀ ଜୀଝୁତି ଜୁପକା ଗାଟି  
ଅଣ୍ଡପୁତି ପାଡ଼େୟିକା ନୀ ତାଣାଟି

ମେଣ୍ଡାଙ୍ଗା ହାରୁ, ଅଡ଼େ ବାରେ  
ଡାକନାୟି, ରାହାଁତି ବାରେ ନୀ ତାଣାଟି  
ଏଟକା କିଝି ଆହାଁ ନାସା ଆହାମାନେ,  
ଅଡ଼େ ଏତେଲାଞ୍ଜା ଏ. ବାରେ ମେଡ଼ା  
ଆୟେଏ ।”

୧୫ ଇ ବାରେ ଦିଶ୍‌ସୁତି ବେବାରା  
କିନାରି ଏ. କାଜା ଗାଡ଼ା ତଲେ ବାଡ଼ୁକୁ  
ଗାଟାରି ଆହାମାଟେରି, ଏଞ୍ଜାରି ଏଦାନି  
କସ୍ତୁତି ଆଜିତାକି ହେକ ନିତାନା  
ଦୁକୁତଲେ ଡାହଁ ଏଲେଇନେରି ।

୧୬ “ଆୟତା! କାଜା ଗାଡ଼ାତି!  
ନିଙ୍ଗେତାକି ଏତେକା ଆଜିହପେତି କସ୍ତୁ  
ଝାଡ଼େ, ନୀନୁ ଅଜିତି ହିମ୍ବୁରିକା, ହେୟା  
ଝାଣାଗାଟି ହିମ୍ବୁରିକା, ପାରୁ ହିମ୍ବୁରିକା  
ହୁଟାମାଟି, ଅଡ଼େ ବଂଗାରା, ଦାରାଗାଟି  
ମଣି ଇଞ୍ଜା ମୁଲ୍ଲାୟା ତଲେ ମିଣସି ମାତି  
ସାଜୁୟା ତୁରହାମାଟି ।

୧୭ ଇଚିହଁ ରଣ୍ଡିଏ ଗଂଟା ବିତ୍ରା ଏ.  
ବାରେ ଦନ ମେଣ୍ଡାଙ୍ଗାହାଟେ ।

ଏୟୁ ଜାଜାୟା ସାଲ୍ଲୁ କିନାରି ଏମ୍ବାଆଁ  
କୁଗାମାନାରି ତଂଗାୟା ସାଲ୍ଲୁ କିନାରି  
ଇଞ୍ଜା ସାମ୍ବୁରିତା ଇତାଲା ଆତାଲା  
ରେଜିହଁ ବେବାରା କିନାରି ହେକ  
ନିତାନା,

୧୮ ଏ. ଗାଡ଼ାତି ହୁତିମାନି ହିରୁ  
ବୟଁ ମେସାନା କାଜା ଗିୟାତଲେ  
ଏଲେଇନେରି, ଇ କାଜା ଗାଡ଼ା ଲେହେଁ  
ଆମିନି ଗାଡ଼ାମାନେ ।

୧୯ ଏଞ୍ଜାରି ତାମି ତାର୍ଜା ଲାକ ଦୁଡ଼ି  
ଡ଼ାଞ୍ଜା କଡ଼ାନା ଦୁକୁତଲେ ଡାହଁ ଡାହଁ  
ଏଲେଇଟେରି, ଆୟତା ଏ. କାଜା  
ଗାଡ଼ାତି, ନିଙ୍ଗେ ଏତେକା ଆଜିହପେତି  
ଡ଼ଣ୍ଡି ଆଡ଼େ, ନୀ ବାଡ଼ୁକୁ ତଲେ  
ସାମ୍ବୁରିତି ଜାଜାଣା ରେଜିହଁ ବାଡ଼କା  
ମାଟେରି, ନୀଏଁ ରଣ୍ଡିଏ ଗଂଟା ବିତ୍ରା ଏ.  
ବାରେ ମେଣ୍ଡାଙ୍ଗାହାଟେ ।”

୨୦ ଲାକପୁରୁ, ମାହାପୁରୁ ଲକୁ,  
ପାଣ୍ଡୁଝି ଆହାମାନାଟେରି, ମାହାପୁରୁ  
ଅଣ୍ଡପୁତି ବଲ୍ଲୁ ଝେହନାଟେରି, ମୀରୁ  
ଏଦାନି ନାସା ଆନାଣି ତାକି ରାହାଁ  
ଆଦୁ, ଏନାଆଁତାକି ଇଚିହଁ ମାହାପୁରୁ  
ମିଙ୍ଗେ କିହା ମାଞ୍ଜାନାଣି ତାକି ବାଦୁଲି  
ଅହାମାନେସି ।



୨୧ ଏଚେଟିଏ ଡାୟୁ ର କାଜା ଦୂଡୁ, ର ଜେଡାଝାଲି ଲେହେଁତି ର ଝାଲି ସାମଦୁରି ଲାକ ମେଡ଼ହାନା ଏଲେଇଚେସି, “ଇଲେକ କାଜା ଗାଡ଼ା ବାବିଲନ ମେଡ଼ପି ଆନେ, ଅଡ଼େ ଏଡ଼ି ଏଚେଲାଝା ତଞ୍ଜା ଆଏ □

୨୨ ସେରଜିୟା ଅଡ଼େ ପାଟିନାରି ହାଡ଼ା, ପାରୁଡ଼ି ଉକିନାରି, ତୀତ୍ରି ଉକିନାରି ହାଡ଼ା ଏଚେଲାଝା ଏଦାନି ତାଣା ଝେଙ୍ଗେଏ, ନେହ ନେହ ସାନ୍ତୁ ଇଞ୍ଜା ଏଚକାତି ଆସି କେପିନାରି ନୀ ତାଣା ତଞ୍ଜା ଆଅରି, ଅଡ଼େ ଜେଡାଝାଲକା ତଲେ ନୁୟ ନାୟି ଏଚେଲାଝା ହାଡ଼ା ଝେଙ୍ଗେଏ □

୨୩ ଦୀଝିୟାତି ଉଜେଡ଼ି ନୀ ତାଣା ଏଚେଲାଝା ଡ଼ାଞ୍ଜେଏ, ବୀହା ଆନି ମାସକା ଅଡ଼େ ବୀହା ଆନି କକାରି ହାଡ଼ା ନୀ ତାଣା ଏଚେଲାଝା ଝେଙ୍ଗେଏ, ଏନାଆଁତାକି ଇଚିହ ନୀ ତାଣା ବେବାରା କିନାରି ଦାରତିତା କାଜାରି ମାଚେରି, ଅଡ଼େ ନୀ ମାୟାମନ୍ତରତା ବାରେ କୂଡ଼ାତି ଲକୁ ମୁଞ୍ଜା ହାଜାମାଚେରି □”

୨୪ ଗାଡ଼ାତା ମାହାପୁରୁ ଅଶପୁତି ବଲ୍ଲୁ ଝେହନାରି, ମାହାପୁରୁ ଲକୁ, ଇଞ୍ଜା ଦାରତିତା ପାୟଝିଆହାମାନି ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ □

### ୧୯

୧ ଏଚେଟିଏ ଲାକପୁରୁ ର କାଜା ମାନ୍ଦା ଲକୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏ, “ହାଲେଲୁୟା! ଗେଲ୍ପିନି, ଗାଝୁରମି ଅଡ଼େ କାଜାପାଣା ମା ମାହାପୁରୁଝାୟି □

୨ ଇଚିହ ଏଝାଣି ନୀହାୟି ସାତା ଅଡ଼େ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାରତିତି ଲକୁଣି ପଲ୍ଲଆ କିହାମାଚେ, ମାହାପୁରୁ ଏଦାନି ତଣ୍ଡ ହାହାନା ତାନି ହଲିୟାଜାଣି ପାୟିତି ନେଚେରିତି ବାଦୁଲି ଅଡ଼େସି □”

୩ ଅଡ଼େ ଏଝାରି ରା ପାଲି ଏଲେଇଚେରି “ହାଲେଲୁୟା! ଏ ଗାଡ଼ା

ଝେହିମାନି ବୟ କାଲାକାଲାତାକି ହଡ଼େମାନେ □”

୪ ଏଚେଟିଏ କଡ଼େ ସାରି ଜାଣା ପ୍ରାଚିନାଜା ଅଡ଼େ ସାରିଗଟା ଜନ୍ତୁୟା ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ୍ ହାଲେଲୁୟା □”

ମେଣ୍ଡା ଡାଲୁତି ବୀହା ବଜି

୫ ଏଚିବେଲା ସିଂଗାସାଣିଚି ର ହାଡ଼ା ହଡ଼ାନା ଝେଙ୍ଗେଚେ, “ଏ ମାହାପୁରୁତି ହଲିୟାଜାଚେରି, ଏଝାଣାଇଁ ଆଜିନି କାଜାରି ଇଚାରି ବାରେଜାଣା ତେରି ମୀରୁ ମାହାପୁରୁଇଁ ଜହରା କିଦୁ □”

୬ ଅଡ଼େ ନାନୁ କାଜା ମାନ୍ଦା ଲକୁ ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି ହାଡ଼ା, ଅଡ଼େ ହାଗୁ ଗୁଣ୍ଡିହିମାନି କାଜା ହାଡ଼ାଲେହେ ଏଲେଇଞ୍ଜି ଝେସିମାନାଣି ଝେଚେଏ, “ହାଲେଲୁୟା! ଇଚିହ ପ୍ରବୁ ମା ବାଡ଼ୁୟାଗାଟି ମାହାପୁରୁ ରାଜା ଆହାନା ପାଣା ବେଗା ଆହାମାନେସି □

୭ ଝାଦୁ ମାର ରାହାଁ ଆନ, ଇଞ୍ଜା ଏଝାଣି ଗାଝୁରମି ତାକି ଏଝାଣାଇଁ ଜହରା କିନ, ଏନାଆଁତାକି ଇଚିହ ମେଣ୍ଡା ଡାଲୁତି ବୀହା ଆନି ଦିନା ଏଦାଚେୟିଏ, ଇଞ୍ଜା ଏଝାସି ବୀହା ଆନି ମାଜା ତିୟାରି ଆହାମାନେ □

୮ ଏଦାନାକି ମିହୁନି ଅଡ଼େ ଅପ୍ପିନି ହିମ୍ପରି ହୁଚାଲି ହାପକି ଆଡୁ;” ଏ ଦବଲା ହିମ୍ପରି ଇଚିହ ମାହାପୁରୁ ଲକୁତି ଦାମ୍ବୁ କାମାୟାଁ □

୯ ଏଚିବେଲା ଦୂଡୁ ନାଜେ ଏଲେଇଞ୍ଜାଚେସି, “ରାଡ଼ାମ୍, ଆମିନି ଗାଟାରି ମେଣ୍ଡା ଡାଲୁତି ବୀହା ବଜିତା ହାଟକି ଆହାମାନେରି, ଏଝାରାକି ନେହେଁ □” ଅଡ଼େ ଏଝାସି ନାଜେ ଏଲେଇଞ୍ଜାଚେସି, “ଇ ବାରେ ମାହାପୁରୁତି ସାତା ବଲ୍ଲ □”

୧୦ ଏଚେଟିଏ ନାନୁ ଏଝାଣାଇଁ ଜହରା କିହାଲି ତାନି କତାୟାଁ ତୁଇ ରିଚେଏ, ଏଚେଟିଏ ଏଝାସି ନାଜେ

ଏଲେଇଜାତେସି, “ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡ଼େ ମୀ ସାକି ଇଞ୍ଜା ମୀ ତାୟିୟା ତଲେ ର ହୁଲେଏଣା ଲେହେ; ନାନୁ ମାହାପୁରୁଇଁ ଜହରା କିମ୍ପୁ,” ଜୀସୁତି ସାକି ଏଦି ସାତା, ମାହାପୁରୁ ବଲ୍ଲୁ ଝେହନାରି ଜୀଝୁ □

ଦବଲ୍ଲା ଗଡ଼ା ମୁହେଁ କୁଗାମାନାସି

୧୧ ଏରେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେସ୍, ଏମ୍ପାଆଁ ର ଦବଲ୍ଲା ଖାଣାଗାଟି ଗଡ଼ା ମାଚେ, ଏମ୍ପାଆଁ ହଟାମାନାଣି ଦରୁ ନାମିତାୟି ଅଡ଼େ ସାତାତାୟି; ଏଝାସି ନେହୁଁକି ନୀହାୟି କିନେସି, ଅଡ଼େ ଜୁଜୁ କିନେସି □

୧୨ ଏଝାଣି କାଣ୍ଟକା ହିରୁ ଗୁଦ୍‌ଝା ଲେହେଁତାଇ, ତାନି ତାୟିଁତୁ ହାଡ଼େକା ଚପେରିକା, ଅଡ଼େ ଏଝାଣି ର ଦରୁ ରାସ୍‌କି ଆହାମାନେ, ଏ ଦରୁ ଏଝାଣି ପିସ୍‌ପେ ଆମ୍ପାଆରି ପୁନଅରି □

୧୩ ଏଝାସି ନେତେରିତା ଉଡ଼ହା ମାନି ର ହିମ୍ପରି ହୁଟାମାନେସି, ଇଞ୍ଜା ଏଝାଣି ଦରୁ “ମାହାପୁରୁତି ବଲ୍ଲୁ □”

୧୪ ଲାକପୁରୁତି ଜୁଜୁ କିନାରି ଅପ୍‌ନି ଦବଲ୍ଲା ହିମ୍ପରିକା ହୁଟାନା ଦବଲ୍ଲା ଖାଣା ଗଡ଼ାୟାଁ ଲାକ କୁଗାନା ତାନି ଜେତ ହାଚେ □

୧୫ ଏଝାଣି ଗୁଡ଼ିଟି ଝାସ୍ତି କାଣ୍ଟା ହନେ, ଏ କାଣ୍ଟାତଲେ ବାରେ ଦେସାତି ଲକୁଇଁ ଟୁଣନେସି; ଏଝାସି ଏଝାରାଇଁ ଲହ ବାଡ଼ଗା ତଲେ ସାଲ୍‌ଝି କିନେସି, ଅଡ଼େ ଏଝାସି ତାନୁଏ ବାରେ ବାଡ଼ମୁଗାଟି ମାହାପୁରୁ କାଜା କପା ଲେହେଁତି ଅଜୁରି ପାଡ଼େୟିକା ପୀତିନି ଗାଡ଼ମୁତା ମାନି ପାଡ଼େୟିକା ଝିହନେସି □

୧୬ ଏଝାଣି ହିମ୍ପରିତା ଅଡ଼େ ଏଝାଣି କୁଦ୍‌ଗୁତା ଇ ଦରୁ ରାସ୍‌କି ଆହାମାନେ, “ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ □”

୧୭ ଏରେଟିଏ ନାନୁ ର ଦୂଡୁଇଁ ଝେଡ଼ା ଲାକ ନିରାମାନାଣି ମେସ୍ତେସ୍; ଏଝାସି ହାଗୁତି ମାଦି ଉମ୍ପିମାନି ବାରେ

ପଟାୟାଣି କାଜା ହାଡ଼ାତଲେ ହାଟାନା ଏଲେଇରେସି, “ଝାଦୁ ମାହାପୁରୁତି କାଜା ବଜିତା କୁଡ଼ା ଆଦୁ □

୧୮ ଏନିକିଁ ମୀରୁ ରାଜାୟାଁ, ଜୁଜୁ ତାକି କାଜାରି, ବାଡ଼ମୁ ଗାଟାରି, ଗଡ଼ାୟାଁ ଅଡ଼େ ଗଡ଼ା ଲାକ କୁଗାମାନାରି, କଡ଼ାମାନି ହଲ୍ଲିୟାଙ୍ଗା, ହଲ୍ଲିୟାଙ୍ଗା ଆଆଟାରି, କାଜାରି ଅଡ଼େ ଇଚାରି ବାରେତି ଉଙ୍ଗା ତିଞ୍ଜେରି □”

୧୯ ତାୟୁ ନାନୁ ଜନ୍ତୁତି ଅଡ଼େ ଦାରତିତି ରାଜାୟାଣି ଅଡ଼େ ଏଝାରି ଜୁଜୁ କିନାରାଇଁ, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜା ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସ୍ତେସ୍ □

୨୦ ଏ ଜୁଜୁତା ଜନ୍ତୁ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି ଜ୍ରୀସ୍‌ଇଁ ଆସାନା ଦସ୍‌ପିଆଡ଼େ □ ଆମିନି ଲକୁତାଣା ଏ ଜନ୍ତୁତି ସିନା ମାଚେ ଇଞ୍ଜା ଆମ୍ପାଆରି ଏଦାନି ବମାତି ପୂଜା କିହିମାଚେରି, ଜନ୍ତୁ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହିମାଚେ □ ଜନ୍ତୁ ଇଞ୍ଜା ନାଡ଼ିକିନି ଜ୍ରୀସ୍‌ଇଁ ଡ଼ାଞ୍ଜିମାନି ହିରୁତା ଜୀଝୁତଲେ ମେଡ଼ପିଆଡ଼େ □

୨୧ ଅଡ଼େ ଏରେକା ଡ଼ୟିତି ଲକୁ ଗଡ଼ା ଲାକ କୁଗାମାନାଣି ଗୁଡ଼ିଟି ହଟିମାନି କାଣ୍ଟାତଲେ ପାୟିଝିଆଡ଼େରି; ଏରେଟିଏ ବାରେ ପଟାୟାଁ ଏଝାରି ଉଙ୍ଗା ତିଞ୍ଜାନା ବାଣ୍ଡି ପାଞ୍ଜିତୁ □

### ୨୦

ର ମାଣା ବାର୍ସାତି ରାଜି କିନାୟି

୧ ଏରେଟିଏ ନାନୁ ର ଦୂଡୁଇଁ ଲାକପୁରୁତି ରେଚା ଝାହିମାଚାଣି ମେସ୍ତେସ୍, ଏଝାଣି କେୟୁତା ତାଡ଼େପୁରୁ ଗାଡ଼ମୁତି କୁଟିକାଡ଼ି ଅଡ଼େ ର କାଜା ହିକ୍‌ଣି ମାରୁ □

୨ ଏଝାସି କାଜା ରାଚୁତି, ଏ ପ୍ଲାଝଇ ନାଗା, ଇତିହୁଁ ଦିୟାବଲ୍ ଅଡ଼େ

ସୟତାନତି ଆସାନା ର ମାଣା ବାର୍ଯା ପାତେକା ଦସପା ଇଚିତେସି □

୩ ଅଡେ ଏଦାନି ତାଡେପୁରୁ ଗାଡ଼ୟତା ମେଡ଼ହାନା ଗାଡ଼ୟତି ଦୁଖେରି ସୁଣ୍ଠାନା ଏଦାନି ଲାକ ହାକିତି ମୁଦ୍ରା ଝେତେସି, ଇଞ୍ଜା ଏନିକ ଏଦି ର ମାଣା ବାର୍ଯା ରାଆ ପାତେକା ଦେସାତି ଲକୁଣି ନାଡ଼ି କିହାଲି ଆଡେଏ; ଅଡେ ଡାୟୁ ଗାଡ଼େକା ତାକି ପିସପି କିଞ୍ଜି ଆନେ □

୪ ଏଚେଟିଏ ନାନୁ ଏଚରଗଟା ସିଂଗାସାଣିୟା ମେସ୍ତେଏ, ଏ ବାରେ ଲାକ ଏଚରଜାଣା କୁରିତେରି, ଏଞ୍ଜାରାକି ନାହାୟି କିହାଲି ଅଦିକାରା ହାପକିଆଡେ, ଅଡେ ଜୀସୁତି କାତା ଇଞ୍ଜା ମାହାପୁରୁତି ବଲ୍ଲୁ ତାକି ଆମ୍ବାଆରି ତାର୍କା ଦାପି ଆହାମାତୁ, ଇଞ୍ଜା ଆମ୍ବାଆରି ଏ ଜନ୍ତୁ ଅଡେ ତାନି ବମାତି ଜହରା କିହାଁ ହିଲାଆତେରି ଅଡେ ତାନି ସିନାତି ମୁଞ୍ଜୁତା କି କେୟୁତା ବେଟାଆହା ହିଲାଆତେରି, ଏଞ୍ଜାରି ଜୀଞ୍ଜୁୟା ମେସ୍ତେଏ; ଏଞ୍ଜାରି ଝେଣ୍ଠେ ନୀତାନା କ୍ରୀସ୍ତ ତଲେ ର ମାଣା ବାର୍ଯା ପାତେକା ସାଲ୍ଲଞ୍ଜି କିତେରି □

୫ ଅଡେ ଏଚେକା ହାଡ଼ି ଲକୁ ଏ ର ମାଣା ବାର୍ଯା ରାଆ ପାତେକା ନୀତାଆତେରି, ଇଦିଏ ତଲିତି ହାକିତି ନିଞ୍ଜିନାୟି □

୬ ଆମ୍ବାଆରି ମୂଲୁ ଝେଣ୍ଠେ ନିଞ୍ଜିନି ତାଣା ଆଣ୍ଡିନେରି ଏଞ୍ଜାରି ନେହେଁ, ଅଡେ ଏଞ୍ଜାରି ସୁଦୁଗାଟାରି; ଅଡେ ଏଞ୍ଜାରି ମୁହେଁ ଡାୟୁତି ହାକିତି ଏନି ଅଦିକାରା ହିଲେଏ, ସାମା ଏଞ୍ଜାରି ମାହାପୁରୁ ଅଡେ କ୍ରୀସ୍ତ ପୂଜେରାଜ୍ଞା ଆହାନା ଏଞ୍ଜାଣିତଲେ ର ମାଣା ବାର୍ଯା ପାତେକା ସାଲ୍ଲଞ୍ଜି କିନେରି □

ସୟତାନତି ହାରଞ୍ଜି ଆନାୟି

୭ ଏ ର ମାଣା ବାର୍ଯା ରାଡ଼ିସାରେ ସୟତାନ ଦସପି ଆହାମାତି ଇଲୁଚି ପିସପି ଆନେ □

୮ ଏଚେଟିଏ ସୟତାନ ଦାର୍ଡିତି ସାରିସୁଚୁ ମାନି ଦେସାତାରାଇଁ ଇଚିହ ସାମଦୁରିତି ବାଃଲି ସମାନା ହାରେକା ଗର୍ ଅଡେ ମେଗର୍ ଏଞ୍ଜାରାଇଁ ନାଡ଼ିକିହାନା ଜୁଜୁ ତାକି କୃଡ଼ିକିହାଲି ହଟାହାନେ □

୯ ଏଞ୍ଜାରି ଦାର୍ଡିତି ସାରିସୁଚୁ ହାଜାନା ମାହାପୁରୁ ଲକୁ ବାସାଆନି ତାଣା ଅଡେ ମାହାପୁରୁ ଜୀଞ୍ଜୁ ନହାମାନି କାଜା ଗାଡ଼ାତା ମୁଚିତେରି, ଏଚିବେଲା ଲାକପୁରୁଚି ହିଚୁ ରିହାନା ଏଞ୍ଜାରାଇଁ ନାସା କିତେ □

୧୦ ଆମିନି ସୟତାନ ଏଞ୍ଜାରାଇଁ ନାଡ଼ି କିହାମାଚେ, ଏଦାନି ହିଚୁ ଅଡେ ଗାନ୍ଦାଗୁଣ୍ଡା ତଲେ ଡାଞ୍ଜିମାନି ଗାଡ଼ୟତା ମେଡ଼ପିଆଡେ, ଏମ୍ବାଆଁ ଏ ଜନ୍ତୁ ଇଞ୍ଜା ମାହାପୁରୁ ବଲ୍ଲୁ ମିତି ଝେହ୍ନାସି ଜିକେଏ ମାନେସି; ଅଡେ ଏଞ୍ଜାରି ଏମ୍ବାଆଁ ଲାଆଁ ମାଦେନା କାଲାକାଲା ତାକି ଡଣ୍ଡ ବେଟାଆନେରି □

ରାନି କାଲାତି ନାହାୟି

୧୧ ଏଚେଟିଏ ନାନୁ ର କାଜା ଦବଲା ସିଂଗାସାଣି ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍ତେଏ; ଏଞ୍ଜାଣି ନକିଚି ଦାର୍ଡି ଅଡେ ହାଗୁପାକା ହଟାଡ଼ସୁ ଏଞ୍ଜାସିକାକି ଅଡେ ଚାୟୁ ମେଡ଼ା ଆଆଡେ □

୧୨ ଅଡେ ନାନୁ ଇଚାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିତା ନିଚାମାନାଣି ମେସ୍ତେଏ, ଅଡେ ପଡିୟା ବାରେ ଦେପିଆଡୁ; ଡାୟୁ ଜୀଞ୍ଜୁତି ପତି ଇଞ୍ଜୁ ଅଡେ ର ପତି ଦେପିଆଡେ; ଏ ପତିଣାଁ ରାସକି ଆହାମାନି ଲେହେଁ ହାଡ଼ାରି ତାମି କିଚି କାମା ଲେହେଁ ନାହାୟି କିଞ୍ଜି ଆଡେରି □

୧୩ ସାମଦୁରି ତାନିତାଣାଟି ହାଡ଼ାରାଇଁ ହେରପିତେ, ଇଞ୍ଜା ହାକି ଅଡେ ତାଡ଼େପୁରୁ ତାନି ତାଣା ହାଡ଼ାରାଇଁ ହେରପିତୁ; ଇଞ୍ଜା ଏଞ୍ଜାରି ବାରେ ତାମି କିଚି କାମା ତଲେ ନାହାୟି କିଞ୍ଜି ଆଡେରି □

\* ୨୦:୧୪ ୨୦:୧୪ ହାଡ଼ାରି ମାନି ଦେସାତି

୧୪ ଏଚେଟିଏ ହାକି ଅଡ଼େ ତାଡ଼େପୁରୁତି\* ହିରୁତଲେ ଡ଼ାଞ୍ଜିମାନି ଗାଡ଼ମୁତା ମେଡ଼ପିଆଡ଼େ, ଈ ତାୟୁତି ହାକି ଇଚିହିଁ ହିରୁ ଗାଡ଼ମୁତା ।

୧୫ ଆମ୍ବାଆରି ଦରୁ ଜାଞ୍ଜୁତି ପତିତା ରାସକି ଆହା ହିଲାଆଡ଼େ ଏଞ୍ଜାରାଇଁ ଡ଼ାଞ୍ଜିମାନି ହିରୁ ଗାଡ଼ମୁତା ମେଡ଼ପିଆଡ଼େ ।

## ୨୧

ପୁଃନି ହାଗୁପାକା ଅଡ଼େ ପୁଃନି ଦାରତି

୧ \*ଏମ୍ବାଟିଏ ନାନୁ ର ପୁଃନି ହାଗୁପାକା ଅଡ଼େ ପୁଃନି ଦାରତି ମେସ୍ତେର୍ସ, ଇଚିହିଁ ତଲିତି ହାଗୁପାକା ଅଡ଼େ ତଲିତି ଦାରତି ମେଶ୍ଟା ହାଜାମାତେ, ଇଞ୍ଜା ସାମ୍ବୁରି ଅଡ଼େ ହିଲାଆଡ଼େ ।

୨ \*ଅଡ଼େ ନାନୁ ସୁଦୁ ଗାଡ଼ା ଇଚିହିଁ ପୁଃନି ଜିରୁସାଲମତା ତାନି ବୀହା ଆନି ତକ୍ରାଇଁ ବେଟାଆୟାଲି ତିୟାରା ଆହାମାନି ଡ଼ାଆ ମାକ୍ମାଲେହେଁ ଲାକପୁରୁତି ମାହାପୁରୁ ତାଶାଟି ରେଟାଞ୍ଜାହି ମାଗାଣି ମେସ୍ତେର୍ସ ।

୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଗାଣି ଝେଚେର୍ସ, “ମେହ୍ଦୁ ମାଣସିୟାଁ ତାଶା ମାହାପୁରୁତି ବାସାଟାୟୁ ମାନେ, ଏଞ୍ଜାସି ଏଞ୍ଜାରିତଲେ ବାସା ଆନେସି, ଇଞ୍ଜା ଏଞ୍ଜାରି ଏଞ୍ଜାଣି ଲକୁ ଆନେରି,

୪ ଅଡ଼େ ମାହାପୁରୁ ତାନୁଏ ଏଞ୍ଜାରିତଲେ ଡ଼ୟିନେସି, ଇଞ୍ଜା ଏଞ୍ଜାରି କାନୁତି ବାରେ କାଶ୍ଚୁ ଡ଼େଜାଡ଼ୁହନେସି; ଏମ୍ବାଆଁ ହାକି ଅଡ଼େ ଝାଏ; ଦୁକୁ, ଡ଼ାକି, ଇଞ୍ଜା ବୀସା ଅଡ଼େ ଡ଼ୟେଏ; ଇଚିହିଁ ପୁଃଆୟି ବାରେ ମେଶ୍ଟା ହାଜାମାନେ ।”

୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍ଦୁ ନାନୁ ବାରେ ପୁଃନି କିହିମାଇଁ!” ଅଡ଼େ ଏଞ୍ଜାସି ଏଲେଇଞ୍ଜାଚେସି, “ରାଡ଼ାମ୍ବା,

ଏନାଆଁତାକି ଇଚିହିଁ ଈ ବାରେ କାତା ସାତାତାୟି ଅଡ଼େ ନାମୁଗାଗାୟି ।”

୬ ଏଞ୍ଜାସି ନାକ୍ମେ ଅଡ଼େ ଏଲେଇଞ୍ଜାଚେସି, “ବାରେ ରାଡ଼େୟିଏ, ନାନୁ ଆଲ୍ଲପା ଅଡ଼େ ଅମେଗା, ମାଟ୍ଟନାଚେର୍ସ ଅଡ଼େ ରାପ୍ପନାଚେର୍ସ, ଆମ୍ବାଆସି ଏସ୍କି ଗାଗାସି ଏଞ୍ଜାଶାକି ଜାଞ୍ଜୁହାନି ଜାରଶାଟି ତାବୁୟାଁ ହୀଆନା ଏୟୁ ଗସାଲି ହୀଇଁ ।

୭ ଆମ୍ବାଆସି ଜାଣା ଆନେସି, ଏଞ୍ଜାସି ଈ ବାରେତି ଅଦିକାରା ଆନେସି; ନାନୁ ଏଞ୍ଜାଣି ମାହାପୁରୁ ଆଇଁ, ଇଞ୍ଜା ଏଞ୍ଜାସି ନା ମାମ୍ବଏସି ଆନେସି ।

୮ ସାମା ଆମ୍ବାଆରି ଆଜିନାରି, ନାମୁ ହିଲାଆ ଗାଗାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାରଡ଼ି କିନାରି, ପେଶକା ବମାୟାଁ ପୂଜା କିନାରି, ଏଞ୍ଜାରି ଅଡ଼େ ବାରେ ମିଟି କାତା ଝେହ୍ନାରି, ହିରୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ମୁତା ଗାୟୁ ବେଟାଆନେରି, ଏଡ଼ି ତାୟୁତି ହାକି ।”

### ପୁଃନି ଜିରୁସାଲମ

୯ ଏଚେଟିଏ ସାଡ଼ାଗଟା ଦୁଡ଼ୁୟାଁ ତାୟୁତି ସାଡ଼ାଗଟା ଡ଼ଶ୍ଚୟାଁଇଁ ଆସାମାନି ସାଡ଼ାଗଟା ଗିନାୟାଁଶା ସାଡ଼ାଗଟା ଦୁଡ଼ୁୟାଁ ବିତ୍ରାଟି ର ଦୁଡ଼ୁ ନା ତାଶା ଞ୍ଜାହାନା ଏଲେଇଞ୍ଜାଚେସି, “ଇମ୍ବାଆଁ ଞ୍ଜାମ୍ବା ବୀହା ଆହିମାନି ଡ଼ାଆମାକ୍ମା ଇଚିହିଁ ମେଶ୍ଟା ତାଲୁତି ତକ୍ତିନି ନିଞ୍ଜା ତସ୍ତାଇଁ ।”

୧୦ ଏଚେଟିଏ ଏ ଦୁଡ଼ୁ ନାକ୍ମେ ସୁଦୁଜାଞ୍ଜୁ ବାଡ଼ମୁତି ର କାଜାୟି ଅଡ଼େ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାଚେସି, ଏଡ଼ି ଲାକପୁରୁତି ଇଚିହିଁ ମାହାପୁରୁ ତାଶାଟି ରେଟା ଞ୍ଜାହିମାତେ,

୧୧ ଅଡ଼େ ଏଡ଼ି ମାହାପୁରୁତି ଗାଞ୍ଜୁରମି ତଲେ ମୁସିମାତେ, ଏଡ଼ାନି ଉଜେଡ଼ି

ହାରେକା ଦାରାଗାଟି ମଣି ଅଡ଼େ  
ଝେଡ଼ାତି ଅପ୍ନି ଦାପେଣିଲେହେଁ □

୧୨ ଏମାନି ସାରିସୁରୁ ର. କାଜାୟି  
ଅଡ଼େ ପାତାଆଡ଼ି କଟା ମାନେ, ଏମ୍ବାଆଁ  
ବାରଗଟା ଦୁଝେରିକା, ଏ ଦୁଝେରିକାଣା  
ବାରଜାଣା ଦୂତୁୟାଁ ଇଞ୍ଜା ଦୁଝେରିକା  
ଲାକ ଇସାୟେଲ ମାରକାତି ବାର  
କୃତାତି ଦରକା ରାସକି ଆହାମାନେ □

୧୩ ଝେଡ଼ା ହପୁଝାକି ତାନିଗଟା  
ଦୁଝେରିକା, ଚିଝନିଝାକି ତାନିଗଟା  
ଦୁଝେରିକା, ଟେବିଝାକି ତାନିଗଟା  
ଦୁଝେରିକା, ଅଡ଼େ ଝେଡ଼ା କୃତୁନି ଝାକି  
ତାନିଗଟା ଦୁଝେରିକା □

୧୪ ଏ ଗାଡ଼ାତି କଟା ବାରଗଟା  
ପୁନାଦିକା ଇଟକି ଆହାମାନୁ, ଏ ଝାଲକା  
ଲାକ ମେଣ୍ଡା ତାଲୁ ତାଣାଟି ବାରଜାଣା  
ପାଣ୍ଡୁଝି ଆହାମାନାରି ବାରଗଟା ଦରକା  
ରାସକି ଆହାମାନୁ

୧୫ ନା. ତଲେ କାତା ଆହିମାତି  
ଦୂତୁତି କେମୁତା ଗାଡ଼ାତି, ଇଞ୍ଜା ଏମ୍ବାତି  
ଦୁଝେରିକା ଅଡ଼େ ସାରିସୁରୁତି କଟା  
ଲାଡାଲି ର. ବାଂଗାରା ବାଡ଼ଗା ମାତେ □

୧୬ ଏ ଗାଡ଼ାତି ସାରି କନ, ତାନି ଲାମ୍ବା  
ଅଡ଼େ ଅସାରା ରଣିଏ ସମାନା; ଏଝାସି  
ଏ ଗାଡ଼ାତି ଏ ବାଡ଼ଗା ତଲେ ଲାଡାଲିଏ  
ବାର ମାଣା ବାଡ଼ଗା ଆଡେ; ଏମ୍ବାତି  
ଲାମ୍ବା ଅସାରା ଅଡ଼େ ପାଡ଼ଣି ଜିକେଏ  
ସମାନା ଆଡେ □

୧୭ ଅଡ଼େ ତାୟୁ ଏଦି ଗାଡ଼ାତି  
ସାରିସୁରୁ କଟା ଲାଡାଲିଏ ଏଦି ମାଣସିତି  
ଲେକାତଲେ ସାଡାକଡ଼ି ସାରି ହାଡା  
ଆଡେ, ଦୂତୁ ଏ ଲେକାତଲେ ଲାଡ଼ି  
ମାତେସି □

୧୮ ଏ ସାରିସୁରୁତି କଟା ଝେଡ଼ାତି  
ଅପ୍ନି ଦାପେଣି ଲେହେଁତି ମଣି ତଲେ  
କେପି ଆହାମାନେ, ଅଡ଼େ ଗାଡ଼ା ଅପ୍ନି  
ଦାପେଣି ଲେହେଁତି ସୁଦୁ ବାଂଗାରା  
ତଲେ କେପି ଆହାମାନେ □

୧୯ ଗାଡ଼ାତି ସାରିସୁରୁ କଟାତି ପୁନାଦି  
ଏଟକା ଏଟକାତି ହାରେ ଦାରାଗାଟି ମଣି  
ଝାଲକାତଲେ ଅଜିକିଝି ଆହାମାନେ,  
ତଲିତି ପୁନାଦି ଜାସପର, ରୀ ଲମ୍ବର

ପୁନାଦି ନିଲକାଡ଼ମଣି, ତାନି ଲମ୍ବର  
ପୁନାଦି ବଦୁଜ୍ୟମଣି, ସାରି ଲମ୍ବର  
ପୁନାଦି ମରକତମଣି,

୨୦ ପାସା ଲମ୍ବର ପୁନାଦି ପଲକମଣି,  
ସ ଲମ୍ବର ପୁନାଦି ମାଣିକ୍ୟ ମଣି, ସାତା  
ଲମ୍ବର ପୁନାଦି ପୁସପରାଗମଣି, ଆଟା  
ଲମ୍ବର ପୁନାଦି ପିରଜମଣି, ନ ଲମ୍ବର  
ପୁନାଦି ଗମେସଦକ ମଣି, ଦସ ଲମ୍ବର  
ପୁନାଦି ଇସୁନିୟମଣି, ଏଗାର ଲମ୍ବର  
ପୁନାଦି ଦାରଣକି ଝାଣାଗାଟି ମଣି, ବାର  
ଲମ୍ବର ପୁନାଦି ନେହଁ ଗାନ୍ଧାଗାଟି ମଣି  
ମାତେ □

୨୧ ବାର ଗଟା ଦୁଝେରିକାଣାଁ  
ବାରଗଟା ମୁଲ୍ଲାଇଁ, ର. ଦୁଝେରିତି  
ର. ମୁଲ୍ଲା ତଲେ କେପି ଆହାମାନୁ;  
ଅଡ଼େ ଗାଡ଼ାତି ଆଂଗେଣିକା ନେହଁ  
ଦାପେଣି ଲେହେଁତି ସୁଦୁ ବାଂଗାରା  
ତଲେ ଆହାମାନୁ □

୨୨ ନାନୁ ଏ ଗାଡ଼ାତା ଏନି ଦେଝୁଡ଼ି  
ଜିକେଏ ମେହଆଡେଏଁ, ଇଚିହଁ ପ୍ରୁ  
ବାରେ ବାଡ଼ମୁ ଗାଟି ମାହାପୁରୁ ଅଡ଼େ  
ମେଣ୍ଡା ତାଲୁଏ ଏମ୍ବାତି ଦେଝୁଡ଼ି ସମାନା  
□

୨୩ ଉଜେଡ଼ି ତାକି ଏମ୍ବାଆଁ ଝେଡ଼ା  
କି ଲେଞ୍ଜୁତି ଲଡ଼ା ଆଏ, ଇଚିହଁ  
ମାହାପୁରୁତି ଗାଝୁରମିଏ ଏମ୍ବାଆଁ  
ଉଜେଡ଼ି କିନେ, ଅଡ଼େ ମେଣ୍ଡା ତାଲୁ  
ଏମ୍ବାତି ଦୀଝଁ ସମାନା □

୨୪ ଏମ୍ବାତି ଉଜେଡ଼ି ତଲେ ବାରେ  
ଦାରତିତି ଲକୁ ତାକିନେରି, ଅଡ଼େ  
ଦାରତିତି ରାଜାୟାଁ ତାନି ହାରେକା ଦନ  
ଏ ଗାଡ଼ା ବିଡ଼ା ତାନେରି □

୨୫ ଏମ୍ବାତି ଦୁଝେରିକା ମାଦେନା  
ବେଲା ଦେପି ଆହାଁ ଡ଼ୟିନୁ; ଏଝି  
ଏଚେଲା ଜିକେଏ ସୁଣ୍ଡକି ଆଡ଼,  
ଇଚିହଁ ଏ ଚାୟୁତା ଲାଆୟାଁ ଇନାୟି  
ହିଲେଏ □

୨୬ ବାରେ କୃତାତି ଲକୁ ତାନି  
ଗାଝୁରମି ଅଡ଼େ ହାରେକା ଦନ ଏ  
ଗାଡ଼ାତା ତାନେରି □

୨୭ ଏନି ପଲ୍ଲଆ ଗାଟାରି କି  
ଅପାଆଗାଟି କାମାକିନାରି, ମିତି

ଜଲିନାରି ଆମ୍ବାଆରି ଏମ୍ବାଆଁ ହଡ଼ାଲି  
ଆଡ଼ଅରି; ସାମା ଆମ୍ବାଆରି ଦରୁ  
ମେଣ୍ଡା ତାଲୁତି ଜାଝୁତି ପତିତା ରାସ୍‌କି  
ଆହାମାନେ, ଏଝାରି ହଡ଼ାଲି ଆଡ଼ିନେରି  
□

**୨୨**

୧ ତାୟୁ ଦୂତୁ ନାଙ୍ଗେ ଜାଝୁହାନି  
ଏୟୁତି ର. କାଡ଼ା ତସ୍ତାତେସି, ଏଦି  
ଅପ୍‌ନି ଦାପେଣିଲେହେଁ ଉଜେଡ଼ି,  
ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି  
ସିଂଗାସାଣିଟି ହଡ଼ାନା ଗାଡ଼ାତି ଜିରୁ  
ମାଦିଟି ହାଜିମାନେ □

୨ ଏ କାଡ଼ାତି ରିକଝାକି ବାର ଦେବା  
ପାଡ଼େୟି ଆୟିନି ଜାଝୁତି ମାରୁନୁ  
ମାନେ, ଏମ୍ବାଆଁ ଲେଞ୍ଜୁ ତାକି ଲେଞ୍ଜୁ  
ପାଡ଼େୟି ଆୟିନେ, ଇଞ୍ଜା ଏ ମାରୁନୁତି  
ଆକା ବାରେ କୂଡ଼ାତାରାଇଁ ରଗଟି  
ନେହଁ କିନାଇ □

୩ ଏମ୍ବାଆଁ ଏଦି ବାକା ଡ଼ୟେଏ,  
ମାହାପୁରୁ ଅଡ଼େ ମେଣ୍ଡା ତାଲୁତି  
ସିଂଗାସାଣି ଗାଡ଼ା ମାଦିଏ ଡ଼ୟିନେ,  
ଇଞ୍ଜା ଏଝାଣି ହଲିୟାଙ୍ଗା ଏଝାଣି ସେବା  
କିନେରି □

୪ ଏଝାରି ତାନି ମୂମ୍‌ମୁ ମେହ୍‌ନେରି,  
ଇଞ୍ଜା ତାନି ଦରୁ ଏଝାରି ମୁଞ୍ଜୁତା  
ରାଡ଼ିନେସି □

୫ ଏମ୍ବାଆଁ ଲାଆଁୟାଁ ଆଏ, ଏଝାରାକି  
ଦୀଝି କି ଝେଡ଼ାତି ଉଜେଡ଼ି ଲଡ଼ା ଆଏ,  
ଇତିହଁ ପ୍ରବୁ ମାହାପୁରୁ ଏଝାରି ମୁହେଁ  
ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି  
କାଲ୍ଲାକାଲ୍ଲା ତାକି ରାଡ଼ି କିନେରି □

**ଜୀସୁ ଝେଣ୍ଡା ଝାନାୟି**

୬ ଏଚେଟିଏ ଦୂତୁ ନାଙ୍ଗେ  
ଏଲେଇଚେସି, “ଇ ବଲ୍ଲୁ ସାତା ଇଞ୍ଜା  
ନାମୁଗାଟାୟି; ଏନାୟି ଗାଡ଼େକେଏ  
ଗଟଝି ଆନେ, ଏ ବାରେ ତାନି  
ସେବା କିନାରାଇଁ ତସାଲି ତାକି, ପ୍ରବୁ,  
ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି  
ଜାଝୁୟାଁତି ମାହାପୁରୁ, ତାନି ଦୂତୁଇଁ  
ପାଣ୍ଡାମାଞ୍ଜାନେସି □”

୭ “ମେହ୍‌ମୁ ନାନୁ ତବେ ଝାହିମାଇଁ;  
ଆମ୍ବାଆସି ଇ ପତିତି ବଲ୍ଲୁତି ମାନଝି  
ଆନେସି ଏଝାସି ନେହେଁ □”

୮ ନାନୁ ଜହନତେଏଁ, ଇ ବାରେ ଝେଟି  
ଅଡ଼େ ମେସି ତାୟୁ ଆମିନି ଦୂତୁ ନାଙ୍ଗେ  
ଏ ବାରେ ତସ୍ତାତେସି, ନାନୁ ଏଦାନି  
ଜହରା କିହାଲି ତାନି ପାଃଆନା କଡ଼ାଣା  
ରିତେଏଁ □

୯ ସାମା ଏଝାସି ନାଙ୍ଗେ  
ଏଲେଇଞ୍ଜାତେସି, “ଜାଗ୍ରାତା  
ଏଲେକିଆନି, ନାନୁ ଜିକେଏ ନୀ ତଲେ  
ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନି ନୀ  
ତାୟିୟା ତଲେ, ଅଡ଼େ ଇ ପତିତା  
ରାସ୍‌କି ଆହାମାନି ବଲ୍ଲୁତି ବାରେ ମାନଝି  
ଆନାରି ତଲେ ର. ହଲେଏଣା ଲେହେଁ;  
ମାହାପୁରୁଇଁ ଜହରା କିମୁ □”

୧୦ ଅଡ଼େ ଏଦି ନାଙ୍ଗେ  
ଏଲେଇଞ୍ଜାତେସି, “ନାନୁ ଇ ପତିତି  
ତାୟୁ ଗଟଝି ଆନି ବଲ୍ଲୁତି ସାଲି  
କିଆନି, ଏନାଆଁତାକି ଇତିହଁ କାଲ୍‌ମି  
ଏଦାତେୟିଏ □

୧୧ ଆମ୍ବାଆସି ଦାମ୍‌ମୁ ହିଲ୍ଲାଆଗାଟାସି,  
ଏଝାସି ଅଡ଼େ ଦାମ୍‌ମୁ ହିଲ୍ଲାଆ କାମା  
କିପାସି, ଆମ୍ବାଆସି ଲାଗେଏ କାମା  
କିନେସି, ଏଝାସି ଅଡ଼େ ଲାଗେଏ  
କାମା କିପାସି, ଆମ୍ବାଆସି ଦାମ୍‌ମୁଗାଟାସି,  
ଏଝାସି ଅଡ଼େ ଦାମ୍‌ମୁଗାଟାସି ଆପେସି,  
ଆମ୍ବାଆସି ସୁଦୁଗାଟାସି, ଏଝାସି ଅଡ଼େ  
ସୁଦୁ ଆପେସି □”

୧୨ “ମେହ୍‌ମୁ, ନାନୁ ତବେ ଝାହିମାଇଁ,  
ବାରେଜାଣା ତାକି ତାନି କାମାତି  
ଲେକାତଲେ ପାଡ଼େୟି ହାହାଲି ନା  
ଦାନା ନା ତାଣା ମାନେ □

୧୩ ନାନୁ ଆଲ୍‌ପା ଅଡ଼େ  
ଅମେଗାତେଏଁ, ନକିତାତେଏଁ ଇଞ୍ଜା  
ତାୟୁତାତେଏଁ, ମୂଲୁତାତେଏଁ ଅଡ଼େ  
ରାପ୍‌ନାତେଏଁ □”

୧୪ ଜାଝୁତି ମାରୁନୁତି ଅଦିକାରା  
ଆୟାଲି ଅଡ଼େ ଦୁଝେରିଟି ଗାଡ଼ାତା  
ହଡ଼ାଲି ତାକି ଆମ୍ବାଆରି ତାନି ହିମ୍‌ରିକା  
ରାଟାମାନେରି ଏଝାରି ନେହେଁ □

\* ୨୨:୧୩ ୨୨:୧୩ ଝେ ବଲ୍ଲୁ ୧:୮; ଝେ ବଲ୍ଲୁ ୧:୧୭; ୨:୮

୧୫ ସାମା ରେଜିମାନି ନେସକା  
ଲେହେଁତାରି, ଗୁଣି ଗାରୁଡ଼ି କିନାରି,  
ଦାରିକାମା କିନାରି, ଲକୁଣି ପାୟନାରି,  
ପେଣ୍‌କା ବମାୟାଣି ପୂଜା କିନାରି,  
ମିଚିକାତାତି ଜୀଝୁ ନନାରି, ମିଚି କାମାତି  
କିହାଲି ରାହାଁ ଆନାରି ବାରେ ପାଙ୍ଗାତା  
ଡ଼ୟନେରି □

୧୬ “ନାନୁ ଜୀସୁତେଏଁ, ମାହାପୁରୁ  
କୁଲମିକା ତାକି ମିଙ୍ଗେ ଈ କାତା  
ଝେସାଲି ନା ଦୁତୁଇଁ ପାଣ୍ଡାମାଞ୍ଜାଇଁ,  
ନାନୁଏ ଦାଝୁଦତି ମୂଲୁ ଅଡ଼େ  
କୁଡ଼ାତାତେଏଁ; ଏ ଉଜେଡ଼ିତି  
ଝେୟାଜାରା ହୁକାତେଏଁ □”

୧୭ ସୁଦୁଜୀଝୁ ଅଡ଼େ ବୀହା ଆନି ଡାଆ  
ମାଙ୍ଗା ଏଲେଇନୁ, “ଝାମ୍ବୁ!”

ଆମ୍ବାଆସି ଝେନେସି ଏଝାସି  
ଏଲେଇଶମ୍ବାସି, “ଝାମ୍ବୁ!”

ଏସ୍‌କି ଗାଟାସି, ଝାପାସି, ଆମ୍ବାଆସି ମନ  
କିନେସି; ଏଝାସି ଜୀଝୁହୀନି  
ଏୟୁ ଉଜେଏ ଗସ୍‌ପେସି □

ରାନି କାତା

୧୮ ଆମ୍ବାଆରି ଈ ପତିତା ମାନି  
ଡାୟୁ ଗଟଝି ଆନି କାତାତି ଝେନେରି,  
ନାନୁ ଏଝାରାଇଁ ଜାଗ୍ରାତା କିହୁଁ  
ଝେସିମାଇଁ, ଆମ୍ବାଆସି ଈ ପତିତା  
ଏନାଆଁ ଆର୍‌ନେସି, ଆତିହୁଁ ମାହାପୁରୁ  
ଈ ପତିତା ରାସ୍‌କି ଆହାମାନି ତଣ୍ଡୟା  
ଏଝାଣାକି ହୀନେସି;

୧୯ ଅଡ଼େ ଆମ୍ବାଆସି ଈ ପତିତି ବଲ୍ଲୁତି  
ମ୍ଲେକ୍‌ନେସି, ଆତିହୁଁ ମାହାପୁରୁ ଈ  
ପତିତା ରାସ୍‌କି ଆହାମାନି ଜୀଝୁତି  
ମାରୁନୁ, ଅଡ଼େ ସୁଦୁ ଗାଡ଼ାତି ତାନି ବାଗା  
ମ୍ଲେକ୍‌ନେସି □

୨୦ ଆମ୍ବାଆସି ଈ ବାରେତାକି ସାକି  
ହୀହିମାନେସି, ଏଝାସି ଏଲେଇଞ୍ଜି  
ମାନେସି, ସାତା, “ନାନୁ ତବେ  
ଝାହିମାଇଁ!” ଆମ୍ବେନ □ ପ୍ରବୁ ଜୀସୁ  
ଝାମ୍ବୁ □

୨୧ ପ୍ରବୁ ଜୀସୁତି କାର୍ମାମେହ୍‌ନାୟି  
ବାରେତାୟି ମାଙ୍ଗେ ଆୟାପେ □  
ଆମ୍ବେନ □